

111, 4,

ARNOLDI VINNII,
JURISCONSULTI CLARISSIMI,
IN QUATUOR LIBROS
INSTITUTIONUM
IMPERIALIUM
COMMENTARIUS
ACADEMICUS ET
FORENSIS.

*Editio Postrema, Authoris Notis, antea seorsim
impressis, Aucta, Titulorum Concordantiis & Para-
graphorum Summulis Adornata, à mendis purgata,
adeoque Emendatissima.*

*CUM GRATIA ET PRIVILEGIO SAC. CÆSAR.
MAJESTATIS, ET ELECTORALI
SAXONICO.*

—————
NORIMBERGÆ,

Sumptibus Johannis Hoffmanni, Bibliopolæ Norimbergensis,
Litteris Johannis Philippi Miltenbergeri.
M. DC. LXXVI.

C. Gussow.

TENOR PRIVILEGII CÆS.

LEOPOLDUS, Divinâ Clementiâ
Electus Romanorum Imperator, semper Augustus,
Germaniæ, Hungariæ, Bohemiæ, Dalmatiæ, Groa-
tiæ, Sclavoniæ, Rex, Archidux Austriæ, Dux Bur-
gundiæ, Styriæ, Carinthiæ, Carniolæ & Wirtembergæ, Comes
Tyrolis, &c. Agnoscimus & notum facimus tenore præsen-
tium universis; Quod cum nobis, noster Sacrique Imperii fide-
lis dilectus *Johann Hoffmann, Bibliopola Norimbergensis*, humil-
lime exponendum curarit, quem in modum is celeberrimi in
Lugdunensi Batavorum Academia J. C. *Arnoldi Vinnii* com-
mentaria super Institutionibus sumptibus suis prælo sub forma
Quarti subjicienda & excudenda in se suscepit: Vereatur au-
tem, cum ejusdem operis ea sit præstantia ac Institutionum ma-
teria ita enucleatè elaborata, ut legum studiosis maximos exin-
dè haurire possint fructus, ne alii etiam Bibliopolæ aut Typo-
graphi turpis lucri causa eandem suam editionem magno suo
dispendio imitentur, ac idcirco nobis demississimè supplicavit,
quatenus se contra ejusmodi subdolas fraudes privilegio nostro
Cæsareo, præmunire clementer dignaremur, Nos attenta ea-
rum precum æquitate, iisce benignè annuendum duxerimus,
omnibus proindè ac singulis Bibliopolis, Typographis & Bib-
liopegis ceterisque, quibuscunque rem seu negotiationem lib-
rariam exercentibus, seriò atque districtè, idque sub poena *Sex
Marcarum auri puri*, mandantes ac præcipientes, ne eorum
quisquam, præter prædictum *Johannem Hoffmann* antefata
Vinnii Commentaria per Sexennium proximum, à prima novæ
hujus editionis die computandum intra Sacri Romani Imperii

Regnorumque & Dominiorum nostrorum hæreditariorum fines in simili vel alio typo seu forma reducere, vel alii recudendum dare, invehere, clam vel palam venundare aut distrahere quocunque modo præsumat, quatenus comminatum sex marcarum auri poenam ex semisse Cæsareæ nostræ Imperiali, & pro reliquo, parti læsæ irremissibiliter pendendum incurrere & omnibus exemplaribus, quocunque loco repertis (quorum sibi vel propria autoritate vel Magistratus loci auxilio vindicandorum dicto impetranti ejusque hæredibus vigore præsentium jus fasque sit) privari noluerit, dummodò tamen præfata Vinnii Commentaria, dicti Romani Imperii Constitutionibus contrarii nihil contineant, tenoremque Nostri privilegii Cæs. pro publica notitia in fronte expressum exhibeant, quatuorque ad minimum exemplaria ad Cancellariam nostram Imp. Aulicam Impetrantis sumtibus quam primum transmittantur. Mandamus ergò universis nostris & Sac. Imp. Regnorumque & Provinciarum nostrarum hæreditariarum Magistratibus Ecclesiasticis & Sæcularibus cujuscunque ordinis, conditionis & gradus fuerint, ne quenquam huic Nostro Cæsareo Privilegio ullatenus impune contravenire patiantur, quin potius ejusdem transgressores supra dictis poenis aliisque modis idoneis coërceri curent, quatenus & ipsi eandem multam evitare voluerint.

Harum Testimonio Litterarum manu nostrâ subscriptarum & Sigilli nostri Cæsarei appensione munitarum, quæ dabantur in Civitate nostra Viennæ, die decima quarta mensis Martii. Anno Domini millesimo sexcentesimo, septuagesimo quinto, Regnorum Nostrorum Romani decimo septimo, Hungarici vigesimo, Bohemici verò decimo nono.

LEOPOLDUS mp.

V. Leopoldus Gvillielmus,
Comes in Kinigsegg, mp.

Ad Mandatum Sac. Cæs. Majestat. proprium

Christoph. Beuer, mp.



Lectori Benevolo, Salutem!

Clarissimi Juris Consulti, Dn. Arnoldi Vinnii, Commentarium Academicum & forensem, in Quatuor Libros Institutionum Imperialium, luculentum & singularem, sæpius luci publicæ donatum fuisse, neminem forsan latebit. Verùm & in editione quarta Amstelodami 1665. in majus Lectoris commodum, textui addita sunt argumenta si-
ve summulæ. Quod quidem & observavit Editio Lugdunensis 1666. & addidit Auctoris notas, prout extant in Institutionibûs ejusdem editis in duodecimo, attamen nonnulla in commentario, ab ipso Auctore posita sparsim omisit. Nos huic defectui remedium adhibere operam navantes, cumque iisdem, si non pluribus verbis & contentis, haud unica vel altera vice, in commentario obtineatur, quod antea in notis erat, crambem bis coctam apponere declinantes, superflua hæc in notis refecimus, neglecta illa restituimus, Titulorum concordantias præposuimus, & à mendis anteceden-

tium Editionum diligentius purgavimus ; ita
ut nos spes pulcherrima foveat, hunc laborem
impressionis præcedentes, si non superaturum,
tamen multis gratum & acceptum futurum.
Vale Optime & Fave , Lector Amice ! atque
hisce Viri Laudatissimi curis & lucubratio-
nibus pro tuo desiderio utens fruensque. Deo
Clementer annuente, plura indies non minus
præclara atque utilia scripta, ex Officina no-
stra, expecta & visita.

T. O.

Dat. Norimb. Mens.
Mart. 1676.

*Johannes Hoffmann, Bibliopola
Noribergensis.*

INDEX

I N D E X TITULORUM.

LIBER PRIMUS.

- Tit. 1.* **D**E *Justitia & jure.*
2. De *jure naturali, Gentium, & Civili.*
3. De *jure personarum continuatio.*
4. De *Ingeniis.*
5. De *Libertinis.*
6. Qui & ex quibus causis manu-
 mittere non possunt.
7. De *Leg. Fusia Caninia tollenda.*
8. De his, qui sui vel alieni juris sunt.
9. De *patria potestate.*
10. De *Nuptiis.*
11. De *adoptionibus.*
12. Quibus modis *jus Patria potesta-*
tis solvitur.
13. De *Tutelis.*
14. Qui *testamento tutores dari pos-*
sunt.
15. De *legitima agnatorum tutela.*
16. De *Capitis deminutione.*
17. De *legitima patronorum Tutela.*
18. De *legitima parentum Tutela.*
19. De *fiduciaria Tutela.*
20. De *Attiliano Tutore, & eo, qui ex*
Leg. Julia & Titia dabatur.
21. De *Authoritate tutorum.*
22. Quibus modis *Tutela finiatur.*
23. De *Curatoribus.*
24. De *Satisfactione Tutorum vel Cu-*
ratorum.
25. De *excusationibus Tutorum vel*
Curatorum.
26. De *Suspectis Tutoribus vel Cura-*
toribus.

LIBER SECUNDUS.

- Tit. 1.* **D**E *rerum divisione, & acqui-*
rendo rerum Dominio.
2. De *rebus corporalibus & incorpo-*
ralibus.
3. De *servitutibus Rusticorum & ur-*
banorum pradiorum.
4. De *Usufructu.*
5. De *Usu & habitatione.*
6. De *Usucapionibus & longi tempo-*
ris prescriptionibus.
7. De *Donationibus.*
8. Quibus *alienare licet vel non li-*
cet.
9. Per quas personas cuique *acquiri-*
tur.
10. De *Testamenti ordinandis.*
11. De *militari Testamento.*
12. Quibus non est *permissum facere*
testamentum.
13. De *exheredatione liberorum.*
14. De *heredibus instituendis.*
15. De *Vulgari substitutione.*
16. De *Pupillari substitutione.*
17. Quibus modis *testamenta infir-*
mentur.
18. De *inofficioso Testamento.*
19. De *heredum qualitate & diffe-*
rentia.
20. De *Legatis.*
21. De *Ademptione Legatorum, &*
translatione.
22. De *Lege Falcidia.*
23. De *fideicommissariis, hereditati-*
bus.

Index Titulorum.

24. De singulis rebus per fideicommissum relictis.
25. De Codicillis.

LIBER TERTIUS.

- Tit. 1.** **D**E hereditatibus, qua ab intestate deferuntur.
2. De legitima agnatorum successionem.
 3. De Senatus Consulto Tertulliano.
 4. De Senatus Consulto Orficiano.
 5. De successione cognatorum.
 6. De gradibus cognationum.
 7. De servili cognatione.
 8. De successione libertorum.
 9. De Assignmente libertorum.
 10. De bonorum possessionibus.
 11. De acquisitionibus per adrogationem.
 12. De eo, cui libertatis causa bona addicuntur.
 13. De successione sublati, qua fiebant per bonorum venditiones & ex Senatus Consulto Claudiano.
 14. De obligationibus.
 15. Quibus modis re contrahitur obligatio.
 16. De verborum obligationibus.
 17. De duobus reis stipulandi & promittendi.
 18. De stipulatione servorum.
 19. De Divisione stipulationum.
 20. De inutilibus stipulationibus.
 21. De fidejussoribus.
 22. De literarum obligationibus.
 23. De obligationibus ex consensu.

24. De Emptione & venditione.
25. De locatione & conductione.
26. De Societate.
27. De Mandato.
28. De obligationibus, qua ex quasi contractu nascuntur.
29. Per quas personas obligatio acquiritur.
30. Quibus modis tollitur obligatio.

LIBER QUARTUS.

- Tit. 1.** **D**E obligationibus, qua ex delicto nascuntur.
2. De Vi bonorum raptorum.
 3. De Lege Aquilia.
 4. De injuriis.
 5. De obligationibus, qua quasi ex delicto nascuntur.
 6. De Actionibus.
 7. Quod cum eo, qui in aliena potestate est, negotium gestum esse dicitur.
 8. De Noxalibus actionibus.
 9. Si quadrupes pauperiem fecisse dicatur.
 10. De iis, per quos agere possumus.
 11. De Satisfactionibus.
 12. De perpetuis & temporalibus actionibus, & qua ad heredes & in heredes transeunt.
 13. De Exceptionibus.
 14. De Replicationibus.
 15. De interdictis.
 16. De pana temere litigantium.
 17. De officio Judicis.
 18. De publicis judiciis.



ARNOLDI VINNII, J. C.

IN LIBRUM PRIMUM

INSTITUTIONUM IMPERIALIUM

COMMENTARIUS

Academicus & Forensis.

CUM NOTIS AD TEXTUM.

P R O Æ M I U M.

^{De}
Confirmatione Institutionum.

IN NOMINE DOMINI NOSTRI
JESU-CHRISTI.

IMPERATOR, CÆSAR FLAVIUS JUSTI-
NIANUS, ALEMATICUS, GOTTHICUS,
FRANCICUS, GERMANICUS, ANTICUS,
ALANICUS, VANDALICUS, AFRICA-
NIUS, PIUS, FELIX, INCLYTUS, VICTOR
AC TRIUMPHATOR, SEMPER AUGU-
STUS, cupidæ legum juventuti S.

men esse cœpit ex SC, Hotomannus ex Cic. *Tacit.*
Sueton. Dion. Appian.

CÆSAR.] Cognomen familiæ in gente Julia, quod
post C. Julium factum est hæreditarium Imperato-
rum. Procedente tempore eodem nomine appellati
& qui vivo Imperatore designati augustæ majestatis
hæredes. l. 7. *C. de malef. & mathem.* Spartian. in *Æ-*
lio Vero. ubi & hunc ipsum primum Cæsarem ea ra-
tione appellatum testatur. Hodie Reges Romanorum
vocaluntur.

FLAVIUS.] A Vespasiano Imperatore hoc nomen
manavit, quem è Flavia gente nova & ignobili flu-
xisse Suetonius auctor est.

JUSTINIANUS.] Nomen hoc Imperatoris nostri pro-
prium fuit; idque etiam habuit ante adoptionem:
ex quo apparet, non esse productum à nomine Justi-
ni avunculi & patris adoptivi, ut quidam putant.

ALEMATICUS, GOTTHICUS, &c.] Agnomina à de-
victis, aut bello laceratis gentibus ducta. Seneca l. de
Clement. scribit, assentantem populum ambitiosæ
maje-

IMPERATOR.] Hoc nomine etsi appellan-
tur omnes exercitus ductores *οἱ στρατη-*
γοὶ ἢ τὸν πόλεμον ἡγούμενοι, propriè ta-
men id tribui solebat iis, qui re benè ge-
sta hoc honoris titulo acclamatione mi-
litum vel decreto Senatus decorati essent. Post occu-
patam Rempublicam perpetuum Principis præno-

majestati tribuisse, quidquid potuit congerere titulorum.

FRANCICUS.] Theodibettum Francorum regem, gravissimè tulisse refert Agathias, quod Justinianus, velut devicta gente Francorum, Francici titulum sibi sumpsisset. Postea etiam Gepidicum & Longobardicum se dixit, quod eas quoque gentes irritavit. Cujac. & Grot. ex Agathia.

PRINX] Primum hoc cognomen obtinuit Antonius Hadriani successor. Capitolin. in Antonin. inde ad alios descendit. Justinian. Nov. 78. cap. 5. Ἀντωνῖν ὁ τῆς δυνάστεως ἐπώνυμος, ἐξ ἑπεί καὶ εἰς ἡμᾶς τὰ το ἀποσημασίας ταύτης καθήκει.

FELIX] Usurpavit hoc cognomen Commodus, ut historice testatur, quem plerique successores imitati appellationem hanc Justiniano tradiderunt.

TRIUMPHATOR] Triumphasse legitur de Persis & Vandalis. Varro lib. 7. de ling. scribit triumphare sic appellatum esse, quod cum Imperatore milites redeuntes clamitant per urbem in Capitolium eunti, Io triumphæ, io.

AUGUSTUS] Nomen hoc primum Octavio à Senatu tributum: ductum ab eo, quod loca, in quibus augurato quid consecratur, augusta nominantur. Suet. in August. c. 7. Alii ab augendo imperio dictum putant: unde illud hodieque, in allen Zeiten Mehrer des Reichs Wesemb.

Ut Plato legislationis tres vult esse partes, Proœmium, Legem, & Sanctionē; ita hujus Constitutionis eadem deprehenduntur membra. I. Proœmium, quo suum legislationis studium commendat, usque ad §. 3. II. Legislatio, usque ad §. pen. III. Sanctio. Wesemb. hic.

De usu Armorum & Legum.



Imperatoriam majestatem non solum armis decoratam, sed etiam legibus oportet esse armatam: ut utrumque, tempus & bellorum, & pacis, recte possit gubernari: & Princeps Romanus non solum in hostilibus præliis victor existat, sed etiam per legitimos tramites calumniantium iniquitates expellat: & fiat tam juris religiosissimus, quam victis hostibus triumphator (magnificus)

ARMIS decoratam] Imperator utrumque Reipubl. tempus sine armorum ac legum præsidio recte administrare non potest: in quam sententiam præ-

clara quædam hic adpersa ab Hotom. & Grot. ex Arist. Plat. Liban.

Legibus armatam] Munitam & instructam. M. Tullius l. 1. de off. scribit, Lacedæmoniorum imperium multo plus Lycurgi legibus & disciplinæ debere, quam aut Pausaniæ aut Lylandri rebus gestis. Parvi enim, inquit, sunt foris arma, nisi sit consilium domi, &c. Est autem hic ἡρασμὸς καὶ τὸ εὐσεχὲς πύρον tribuit armis decorari; legibus armari. Theoph. verbum pro verbo reddidit, ὁπλοῖς καὶ νομίμοις νόμοις ἐπὶ λείεσθαι.

Victor existat] Sensus est apertus Imperatorem non ex armis tantum, sed etiam ex legibus gloriosam sibi victoriam comparare.

Legitimos tramites] Et ratione, quam leges præscribunt, Theophilus convertit, νομίμοις ἐπιβολαῖς legitimis inventis. Imperator non tantum hostibus debellandis, verum etiam calumniatoribus coercendis victoris nomen adipiscitur.

Calumniantium] Pars pro toto; improbitas, quæ in judiciis versatur, de quo propriè verbum calumniandi intelligitur, pro omni, quæ in pacata civitate admittitur. Cicero 2. de Repub. ut Carneadi respondeatis, qui sapè optimas causas ingenti calumnia ludificari solet.

Juris religiosissimus] Juris ad summam religionem observantissimus. Dion. Halicarn. lib. 5. Κεραῖος ἢ βασιλεὺς ὁ δικαιοτάτος καὶ νομιμώτατος.

Magnificus] Absit hæc vox à veteribus libris, testib. Cujac. & Hotom. nec Theophil. agnoscit.

De bellis & legibus Justiniani.

1. Quorum utramque viam cum summis virgiliis, summaque providentia, annuente Deo, perfecimus. Et bellicos quidem sudores nostros Barbaricæ gentes sub iuga nostra redactæ cognoscunt: & tam Africa, quam aliæ innumera provinciæ post tanta temporum spatia, nostris victoriis à cælesti Numine præstitis, iterum ditioni Romanæ nostroque additæ Imperio, protestantur. Omnes vero populi legibus tam à nobis promulgatis, quam compositis reguntur.

1. Vtramque viam] Justinianus & gloriam sibi peperit victis hostibus, & juris æquabilitatem inter cives suos retinuit.

Barbaricæ gentes] Significat Persas in Syria, Vandalos in Africa & Italia, Gothos in Italia & Sicilia.

Redactæ] Vet. deductæ, & ita Cujac. & Hotom.

Innumera] Vet. numerosa, id est, multæ, sic enim locuti

locti sunt Cassiod. Oros. Eutrop. & alii scriptores
ἀνέχοντο. Theophilus tamen ἀναβιβντοι.

Post tanta temporum spatia] Post annos 95. quibus
Vandali Africam tenuerunt. l. i. Cod. de offic. præf.
Afric. adstipulatur Procop.

Ditioni Romana] Postquam sedes imperii Constantinopolim, (quæ antea Byzantium, postea etiam nova Roma,) translata fuit, Imperium Romanum à Constantino & Gallieno in duas partes divisum, orientalem & occidentalem, & utrique parti suæ provinciae attributæ.

Promulgatis] Promulgatas suas, compositas alienas intelligit, id est, ex veteri jure in unum collectas & dispositas.

De Compositione Codicis & Pandectarum.

2. Et cum sacratissimas constitutiones antea confusas, in luculentam ereximus consonantiam, tunc nostram extendimus curam ad immensa veteris prudentiæ volumina, & opus desperatum, quasi per medium profundum euntes, coelesti favore jam adimplevimus.

2. In luculentam ereximus consonantiam] Intelligit Codicem priorem, quem altero imperii sui anno componi jussit 528. & anno insequenti edidit. In hunc Principum constitutiones vage per tres Codices, Gregorianum, Hermogenianum, Theodosianum, dispersas collegit. const. de nov. Cod. fac. & de Inst. Cod. confirm. Sed cum non habemus, Post idem Codex iterum emendatus est, & multis locis recognitus, additis 50. decisionibus, quo hodie utimur.

Ad immensa veterum volumina] Quarto Imperii anno Lampadio & Oreste Coss. 530. Pandectas componi jussit, ediditque & confirmavit anno Imperii sexto, ipso 111. Coss. eodemque anno compositæ Institutiones, & promulgatæ, uno mense ante Pandectas; ut Pandectæ compositione priores sint Institutionibus, confirmatione posteriores. Codicem repetitæ prælectionis promulgavit anno proximo, ipso IV. & Paulino Coss. 534. Hæc perspicua sunt ex constitutionibus ad juris compositionem pertinentibus. Novellar. liber diem non habet.

Immensa volumina] Innumera veterum scripta, quæ in bis mille libros & aliquot centena millia versuum excreverant. l. omnem. de cont. Dig.

Per medium profundum] Per medias difficultates. Liv. 31. Provideo animo in vastiorem me altitudinem, ac velut profundum inveni.

De tempore, Auctoritatibus, sine & utilitate compositionis Institutionum.

3. Cumque hoc Deo propitio, peractum est

Triboniano Viro magnifico, Magistro, & Ex-
questore sacri palatii nostri, & Exconsule,
nec non Theophilo & Dorotheo, Viris illustri-
bus, & antecessoribus (quorum omnium soler-
tiam, & legum scientiam, & circa nostras jus-
siones fidem, jam ex multis rerum argumentis
accepimus) convocatis, mandavimus speciali-
ter, ut ipsi nostra auctoritate, nostrisque sua-
sionibus Institutiones componerent: ut liceat
vobis prima legum cunabula non ab antiquis
fabulis discere, sed ab Imperiali splendore ap-
petere: & tam aures, quam animi vestri nihil
inutile, nihilque perperam positum, sed quod
in ipsis rerum obtineat argumentis, accipiant.
Et quod priore tempore vix post quadrienni-
um prioribus contingebat, ut tunc constitutio-
nes Imperatorias legerent: hoc vos à primor-
dio ingrediamini, digni tanto honore, tanta-
que reperti felicitate, ut & initium vobis, &
finis legum eruditionis à voce Principali pro-
cedat.

3. Magistro] Scilicet officiorum, penes quem cura est totius pene aulae & palatii. Gallis Prevost de l'Hostel. Cujac. in l. 3. C. de præpos. sac. cubic. lib. 12.

Ex-questore] Quæstor ætate Justiniani is erat, quem nostra ætas Cancellarium vocat, ut pass. in Cod. hoc est, ad quem cura legum & juris pertinet, custos legum & famæ publicæ appellatur in Nov. Valentiniani de homic. cas. fact. & à Cassiod. aliquot locis. Ex-questores & Exconsules à Justiniano dicuntur, qui à Latinis, Quæstorii & Consulares.

Antecessoribus] Juris Interpretibus, ac Doctoribus, ἐξηγηταῖς ut pass. in præf. Pand. τὸ νόμον διδασκαλῶν, l. 6. §. 12. D. de excusent. Qui forum sequebantur, Togati; qui scholas, Antecessores, & Professores dicebantur.

Prima legum cunabula] Prima legum fundamenta, στοιχεῖα seu elementa primum legum audientiam appellat in l. un. C. de nud. jur. Quirit. tollend.

Antiquis fabulis] Jus antiquum & obsoletum intelligit, quo referti erant veterum Jurisconsult. libri.

Rerum obtineat argumentum] Huc pertinet illud Aristippi apud Laërtium, qui percontanti cuidam, quæ potissimum adolescentibus essent discenda, respondit, quæ viris usui futura sunt.

Post quadriennium] Theophil. τὸ ἵσπερ ἔχονον. Sed aut erravit ipse, aut corrupti sunt Codices, ut patet ex præfat. ad antecess. Fabrot. in not. ad Theoph.

Digni tanto honore tantæque reperti felicitate] Digni reperti

reperi tanto honore tantaque felicitate. Theoph. τοσαύτης ἀξιώσαντες τιμῆς, καὶ τοσαύτης δόξης αὐνοῦντες δὲ τιμῆς, dignati & affecti.

Divisio Institutionum.

4. Igitur post libros quinquaginta Digestorum, seu Pandectarum, in quibus omne Jus antiquum collectum est, quod per eundem virum excelsum Tribonianum, nec non ceteros viros illustres & facundissimos confecimus; in quatuor libros easdem Institutiones partiri iussimus, ut sint totius legitimæ scientiæ elementa.

4. Pandectarum] Pandectæ τὸ πᾶν δέχεται, quod omnis generis leges complectantur. Harmerop. lib. 1. tit. 1. §. 6.

Collectum est] Libri veteres teste Hotom. collectum est. Et ita Theoph. ἐν οἷς ἡ θροίσαι πᾶσα ἡ τ' ἀρχαίων νομοθεσία.

Ceteros] Præter Tribonianum, Theophilum, Dorotheum tredecim aliis usus est Justinianus, quos enumerat & nominat præfat. Digest.

In quatuor libros] Apud Theophil. abundant verba, τ' εἰρημένων Διζέτων. Fabrot.

Quid in Institutionibus continetur.

5. In quibus breviter expositum est, & quod antea obtinebat, & quod postea desuetudine inumbratum, Imperiali remedio illuminatum est.

5. Desuetudine] Theoph. ἀσυνεσία, quasi dicas infuetudine. Significat autem jura antiqua & antiquata, qualia multa in argumentis usucapionum, exheredationis liberorum, legatorum, successionum ab intestato, bonorum possessionum, satisfactionum, &c.

Illuminatum est] Theoph. ἐφωτίσθη. Intelligit autem & desuetorum quorundam in usum revocationem, & aliorum vel interpolationem vel abolitionem.

Ex quibus libris compositæ sunt Institutiones, atque earum recognitio, & confirmatio.

6. Quas ex omnibus antiquorum Institutionibus, & præcipue ex Commentariis Caji no-

stri, tam Institutionum, quam rerum quotidianarum, aliisque multis Commentariis compositas, cum tres viri prudentes prædicti nobis obtulerunt, & legimus, & recognovimus, & plenissimum nostrarum constitutionum robur eis accommodavimus.

6. Præcipue ex commentariis Caji] Hoc ita esse vel ex reliquis scriptorum Caji, quæ in Pandectis supersunt, cuius animadvertere licet, sæpius enim hujus unius, quam cæterorum omnium verba in his libris proferuntur.

Nostri] Benevolentia significatio, ac sic plerumque prædecessores, qui nostræ fuerunt professionis, appellavimus. Scævola noster apud Paulum & Triphoninum sæpe: apud Pomponium Caji noster. l. pen. D. de stip. serv. Floruit sub Hadriano & Marco. l. 7. D. de reb. dub. l. pen. D. ad SC. Tertyll.

Recognovimus] Id est, corrigendi causa diligenter & attentè legimus; Cic. pro Balb. Nos Cn. Pompeii judicium de consilii sententia pronunciatum recognoscimus.

Constitutionum robur eis accommodavimus.] His verbis indicatur Institutionum confirmatio. Unde hæc præfatio Theoph. ἀγταῖς βεβαιῶσαι τὰ ἰνστιτῶται.

Adhortatio ad studium juris.

7. Summa itaque ope, & alacri studio has leges nostras accipite: & vosmetipsos sic eruditos ostendite, ut spes vos pulcherrima foveat, toto legitimo opere perfectò, posse etiam nostram Rempublicam in partibus ejus vobis credendis gubernari. D. CP. XI. Kalend. Decemb. D. JUSTINIANO PP. A. III. COS.

7. Summa ope & alacri studio] Epilogus exhortatorius, ut in suavoriis usitatum, à spe & expectatione præmiorum. Cic. 1. de orat. Pergite, ut facitis, adolescentes, atque in id studium, in quo estis, incumbite; ut & vobis honori, & amicis utilitati, & Reipub. emolumento esse possitis.

D. CP. XI. CAL. DECEMB.] Id est. Data Constantinopoli XI. Kalendas Decembris, Domino Justiniano perpetuo Augusto tertium Consule. In quibusdam libris, P. P. quasi Patre Patria, quod ejus temporis consuetudo repudiat. Hotom.

TITULUS PRIMUS.

De Justitia & Jure.

Concord. Lib. i. Tit. i. Dig.

1. Partitio & series totius operis.
2. Iustitia vulgaris distributio explicata.
3. Etiam universalem iustitiam discipline civili proposui-
tam.
4. Vtrum iustitia in universalem & particularem distri-
butio necessaria? sepeptice.
5. Varia juris significata, & qua in significatione hoc
verbum hic accipiat.
6. Summa eorum, quae hoc titulo traduntur.



Uo hæc in omni jure constituto
insunt: jus ipsum seu lex, quæ
jubeat & constituit; tum res,
quæ eo jure jubetur constitui-
turque: ac proinde universi
juris tractatio duabus partibus
continetur, quarum una est de
jure constituyente, sive de legibus quæ naturalibus
qua civilibus; altera de jure constituto, sive de eo,
quod legibus sancitum cautumque est. Et quia pri-
ma naturæ questio est de jure constituyente, de eo
primo loco Veteres tractaverunt: quod non modo
in his Institutionum libris, sed etiam in Pandectis
animadvertere licet. Nam prima questio propo-
nitur, atque absolvitur quatuor titulis in vestibulo
sive ingressu Pandectarum; reliquo opere agitur de
jure constituto. Idem & in Institutionibus nostris
observatum est: siquidem duo priores tituli hujus
libri primam questionem continent: reliqua parte
operis altera questio, quæ multo latius patet, tra-
ctatur, atque *ὁ δὲ ἀγνοεῖν* absolvitur, initio fa-
cto à discretionem materiæ sive subjecti hujus scienti-
æ; quæ divisio in hac questionem omnium prima
est & generalissima. Inscrubitur hic titulus *de iusti-
tia & jure*. Aristoteli & plerisque moralis philoso-
phiæ professoribus iustitia duplex est, universalis, &
particularis. Ad universalem pertinet tritum illud
Poëtæ gnomologi;

Ἐν τῇ δικαιοσύνῃ συνήδδω πῶς ἀρετὴ ἐστ.

Comprehendit scil. in se hæc iustitia etiam alia-
rum virtutum omnium officia, peculiari tamen cum
respectu, quatenus nimirum illa necessaria sunt, aut
conducunt ad perfectionem & conservationem civi-

lis societatis, ut ne quid admittatur contra rationem
aut honestatem, quod non admitti vel publice, vel
privatim intersit. Hæc eadem iustitia & legalis di-
citur, propterea quod non minus late patet, quam
ipse leges, quæ etiam sunt regula, & norma hujus
iustitiæ unde à Cicerone lib. i. de leg. definitur, ob-
temperatio scriptis legibus & institutis populorum: ab Ari-
stotele lib. 5. Eth. i. obedientia erga omnes leges. In sum-
ma hæc iustitia à virtute in genere non differt essen-
tia, sed hætenus tantum, quod quando consideratur
ut habitus animi, dicatur Virtus simpliciter, quan-
do ut civilis societatis conservatrix, Justitia, aucto-
re Michaeli Ephesio ad d. loc. *Arist.* Vitium huic lega-
li iustitiæ oppositum dicitur *ἀνομία*. Particu-
laris iustitiæ duas species constituunt, quarum, al-
teram *ἀνεμενὴν* Aristoteles vocat, id est, *distrib-*
utivam; alteram *συναισθητικήν*, id est, *commuta-*
tivam. Distributiva respicit *ἀξίαν*, quod quisque
meretur, quod cuique convenit, sive id præmiun-
sit, sive pœna; sive honor, sive onus. Commutati-
va sum cuiusque propriè sumptum spectat & alio,
nomine melius *διόρθωτική* à Philosopho appella-
tur: nam ut possessor rei meræ eam mihi reddat, non
est *ἐκ συναισθητικῆς*, & tamen ad eandem hanc
iustitiam pertinet. Illud quoque perpetuum non est,
quod plerique tradiderunt, à iustitia commutativa
respicit proportionem simplicem, quam arithmeti-
cā vocant; à distributiva comparatam, quam ap-
pellant geometricā; quæ mathematicis & revera
sola proportio est; neque enim per se iustitia com-
mutativa à distributiva differt tali proportionum
usu: sed objecto & materia, circa quæ versatur. Nam
& contractus societatis expletur proportionem com-
parata; & si unus tantum aptus invenitur ad mun-
us publicum obéundum, non alia, quam simplici
commensione attributio fit: & contra, si quis de suo
legare velit, distributivā iustitiā uti solet, & merita
considerare. l. 9. ff. pro soc. Sed & in delictis coercen-
dis pœnarumque irrogatione modo arithmetica, mo-
do geometrica proportio servatur; quod tamen ro-
tum est iustitiæ distributivæ. D. Gror. 1. de jur. bell.
& pac. c. 1. n. 8. Vitium particulari iustitiæ opposi-
tum

cum *πλεονεξία* dicitur, cuius verbi vim Latini per
 3 vocem *injurie* ferè exprimunt. Disciplina civilis non
 dirigit internas animi functiones, & potissimè versatur
 circa iustitiam particularem, in ejus juris obedi-
 entiam animos formans, cuius executio in judiciis ur-
 getur. Negari tamen non potest, quin interim quo-
 que spectet iustitiam universalem, quæ omnium vir-
 tutum officia complectitur. Docet enim justè vi-
 vendum esse secundum omnes leges: ipsaque ad eò
 juris præcepta omnem speciem virtutis & honesta-
 tis continent, certè quatenus eo spectant, ut justè vi-
 vatur, & civium inter se honesta sit societas, quod hic
 quaerimus. Et vero si legibus & legum latoribus pro-
 posita est universa virtus, ut sanè est, cum beatitudo
 civilis sit universarum legum summa, teste Platone
 5. *de leg.* etiam legum scientiæ & consultis eadem
 proposita erit: neque enim minus latè patet officium
 Jurisconsulti in legibus interpretandis, quàm legis-
 latoris in faciendis: toroque falluntur iudicio, qui
 officium Jurisconsulti cancellis forensium causarum
 circumscribunt. Utrique illa; *hominem mortuum in*
urbe ne sepelito, ne vè urito: rogum ascia ne polito. Mu-
lieres genas ne radunto, ne vè lessum funeris ergo habento,
 & similia lege duodecim tab. cauta, nullo modo ad
 iustitiam particularem referri possunt. Quod si quid
 in hujusmodo questione valere debet auctoritas
 Principis, ipse Justinianus Nov. 69. in pr. diserte ait,
iustitiam illam, quæ singulis virtutibus assistit, easque ad
debitum finem perducit, etiam finem esse legum pru-
 4 dentiae. Temperare mihi non possum, quin illud
 hic subjungam, esse, qui vulgatam illam iustitiæ dis-
 tinctionem negant esse necessariam, & simplicius
 esse contendunt; si unum tantum iustitiæ genus esse
 dicamus. Quod si verum est, sublata erit hæc dispu-
 tatio. Hi ita differunt: Ut singularum virtutum om-
 nium, ira & iustitiæ unum genus esse, *διορθωτικὴν*
πάσης ἀνισότητος, ἢ ἀδικίας; sicut ex contrario,
 nec duo iustitiæ genera sunt, sed unum tantum,
 siue *πᾶν* dicas, siue *ὑπόνομον*: utrumque
 enim omnem comprehendere injustitiam etiam
 ipsum Aristotelem docere: neque *ὑπόνομιαν* &
πλεονεξία genera esse opposita, sed hanc illius spe-
 ciem. Hoc idem & Aristotelem fateri. Adhæc, non
 simpliciter verum esse, quod reliqua injustitiæ ge-
 nera non tantum pugnent cum iustitia, verum etiam
 cum alia virtute: *πλεονεξίαν* autem cum sola
 iustitia, quo maximè argumento ad distinctionem
 suam probandam utitur Aristoteles. Possè quidem
 in una actione cum alio vitio injustitiam concurre-
 re: ceterum nullas actiones injustas, quatenus injus-
 tæ sunt, cum alia virtute directò pugnare, sed cum
 iustitia duntaxat: sicut nec ex contrario alia vitia
 cum iustitia, sed cum oppositis sibi virtutibus. Ut

ecce; qui adulterium committit, eum & injustum
 esse, quod alienum violat thorum, & intemperan-
 tem propter expletionem libidinis. Jam vero vio-
 lare thorum alienum, quod est injustitiæ, non pu-
 gnare cum temperantia (Quid enim si quis quæstus
 sui causa id fecerit?) nec explere libidinem cum ju-
 stitia, non magis, quam si quis libidinis explendæ
 causa cum scorto congressus sit. Denique ex hoc etiam
 exemplo patere, posse & *πλεονεξίαν* eodem modo
 cum alia virtute committi: nam adulterum &
πλεονέκτεον esse siue injurium, & intemperantem.
 Innumera vero afferri posse, quæ cum sint *ἀνόμα*,
 & in speciem *πλεονεξίας* non cadant, cum nulla ta-
 men alia virtute pugnent, quam cum iustitia. Nam
 si quis è decem, quos habebat, sex servos testamento
 manumiserit; aut si minor viginti annis servum ma-
 numiserit, non dicta apud Consilium causa, utrum-
 que injustè facere: illum contra legem Fufiam Ca-
 niniam, hunc contra legem Æliam Sentiam: neu-
 trum tamen injurium esse, neutrum ignave aut in-
 temperanter facere. Si vir uxori quippiam dona-
 verit, si fundum dotalem cum consensu uxoris alien-
 averit, aut obligaverit, si fœmina intercesserit, si
 filiofam. pecunia mutuo data sit, si frater sororem
 adoptivam uxorem duxerit, hæc actiones omnes,
 & similes injustas esse, & legibus aut Senatusconsultis
 improbari: nec tamen qui ista faciunt, injurios
 dici posse, aut intemperantes, vel ignavos. Cæte-
 rum nihil in præsentia definio. Juris vocabulum
 5 *πλυσθημῶν* est: propria significatio una, minus pro-
 priæ plures. Propriè jus dicitur nature aut populi,
 ejusve, qui vicem populi sustinet, iustum. Arguit id
 etymon ipsius vocabuli, quod à jubendo dictum esse
 vel ex eo liquet, quod veteres, auctore Festo, jura
 dixerunt *jussa*. In hac autem significatione passim
 usurpatur; veluti cum dicimus, jure quid fieri, ju-
 ris rationem non pati, contra jus esse: sic dicitur jus
 naturale, civile, prætorium. Cæteræ significatio-
 nes minus propriæ, ut primò cum jus accipitur pro
 eo, quod jure continetur & cuique tribuitur: idque
 vel generatim & indefinitè, ut in hisce formulis, aut
 id genus alijs, cum dicimus jus suum cuique tribue-
 re; nemini mortalium jus suum detrahi oportere:
 eodemque modo haud dubiè accipi debet, cum dici-
 mus jura sanguinis, agnationis, naturalia & adoptio-
 nis jura, nempe pro beneficiis sanguini, agnationi, natu-
 ræ, adoptioni jure tributis: vel specialiter pro
 facultate & potestate jure tributa, quod fit quoties
 verbis faciendi jus adjungitur, ut in definitionibus
 itineris, actus, viæ, ususfructus, actionis: in quibus
 omnibus metonymia est continentis pro contento.
 Secundò cum jus accipitur pro juris arte per eandem
 figuram converso modo, ut in l. 1. in pr. hoc tit. Ter-
 tio

tio cum accipitur pro loco, in quo jus redditur, ut cum dicimus *in jus vocare*, in iura confesso pro iudicariis haberi: in quo idem ferè tropus est, *μετωνυμία* adjuncti pro subiecto. *l. pen. eod.* Quod si nunc quaeratur, qua in significatione jus hoc loco accipi debeat, propriam, an figuratam? constanter respondimus in propria. Arguit hoc ipsa materia, quæ & in hoc, & in sequent. titulo tractatur. Arguunt definitiones & divisiones, quæ utroque titulo & in *π* eod. traduntur: ut mirum sit inveniri, qui serio contendunt, jus hic pro juris arte accipiendum. Summa eorum, quæ hoc titulo tractantur, hæc est. Primum traditur definitio iustitiæ & jurisprudentiæ, quaque ratione ac via tironibus hæc disciplina proponenda sit indicatur. Hinc jam ea pars, quæ est de jure constituyente, inchoatur, tradunturque juris præcepta, juris civilis divisio, & subdivisio privati. Singula nunc videamus.

TEXTUS.

Definitio Iustitiæ.

Iustitia est constans & perpetua voluntas jus suum cuique tribuendi.

NOTÆ.

Auctor hujus definitionis est Ulpian. *l. 10. D. hoc tit.*

Voluntas] Metonym. pro habitu voluntatis sive *ἔξαι, αἰφ' ἧς βεβλόμεθα τὰ δίκαια.* ut Paraphrast. ad *γ. Nicom. τ. 1.*

Jus suum cuique] Objectum Iustitiæ est jus cujusque suum; finis ut id quisque obtineat, i. e. ut cuique quod ei debetur, tribuatur. Delictis etiam debetur pœna. Athanas. in syn. 8. ser. *δοτιδόναι ἐκάσῳ τὸ ἴδιον.* Plato 1. *de Rep.* hunc finem exprimit his verbis; *τὰ ὀφειλόμενα ἐκάσῳ δοτιδόναι.*

Tribuendi] Alias tribuens, Theophil. *νέμωσα.* Cic. 5. *de fin.* *Affectio animi suum cuique tribuens, quæ iustitia dicitur*, & ita etiam alibi, *lib. 1. de off. & 2. ad Heren.*

COMMENTARIUS.

Voluntas] Scimus voluntatem esse potentiam naturalem, iustitiam autem virtutem esse & habitum animi *θεωραγεμένην* ac proinde qualitatem adventitiam. Falsum igitur, dicat aliquis, genus. Si respondemus genus esse metonymicum, effectumque pro causa positum, voluntatem scilicet pro habitu, qui eam efficit, jam contra omnem philosophiam, omnemque rationem videbimur qualitatem acquisitionem causam statuere qualitatis & potentiae natu-

ralis. Verum observandum est non simpliciter pro genere voluntatem poni, sed *ἐπιτέρας* voluntatem constantem, & perpetuam. Ut velimus à natura est, ut constanter, ab habitu. Potentia naturalis, quatenus promovet habitum, ejus ex parte causa est. quatenus autem ipsa politur ac perficitur ab habitu, effectum.

Constans & perpetua] *ἀμεγὰ καὶ διωκεῖς* quæ verba iustitiæ habitum ibi demum esse indicant, ubi perpetuo, & constanter quis agit, atque ut Aristoteles loquitur, *βεβαίως καὶ ἀμετακινήτως ἔχων.* 2. *Eth. 4.* Ne quis autem putet vitiosum esse, quod iustitia definiatur per ejusmodi habitum, cujus homo non sit capax: res definiri solet non ad conditionem subiecti, sed qualis est essentia sua; sicut ab Aristotele felicitas, à Platone respublica, à Xenophonte Princeps, à Cicerone & Quintiliano orator deferibitur. Eodem modo & iustitia hic definitur, non ut inest huic vel illi subiecto, sed prout inesse debet iustitiam proficenti: in abstracto, inquam, non in concreto.

Jus suum cuique tribuendi] *ἐκάσῳ τὸ ἴδιον δοτινέμωσα δίκαιον.* Quod Dialectici docent, habitus definiri assumpto ad genus objecto & fine, id etiam in hac definitione observatum. Objectum iustitiæ est jus cujusque suum: finis, ut id quisque obtineat, hoc est, ut cuique, quod ei debetur, tribuatur. Delictis etiam debetur pœna. Atque hunc finem simpliciter Plato expressit his verbis: *τὰ ὀφειλόμενα ἐκάσῳ δοτιδόναι.* 1. *de repub.* Auctor propositæ definitionis est Ulpian. *l. iustitia. 10. hoc eod. tit.* plenior & planior hæc est: Iustitia est habitus animi, per quem ita affecti sumus, ut suum cuique quantum in nobis est, tribuere velimus.

TEXTUS.

Definitio Jurisprudentiæ.

I. Jurisprudentia est divinarum, atque humanarum rerum notitia, iusti atque injusti scientia.

NOTÆ.

1. *Jurisprudentia*] Quæ & scientia & ars juris, & intelligentia & civilis sapientia. His enim nominibus promiscuè uti solent, qui populariter loquuntur.

Divinarum atque humanarum rerum] Subjectum: modus autem considerandi, quatenus de jure earum quaeritur; quem modum indicant verba sequentia, *iusti atque injusti.* M. VV.

Sententia] Jurisprudentia est habitus intellectus: Iustitia, ut virtus moralis, est habitus voluntatis. Hæc etiam definitio Ulpiani est. *d. l. 10. §. 2. D. hoc tit.*

COM-

COMMENTARIUS.

[*Prudentiam*] Disciplina nostra nunc scientia, nunc ars juris, nunc intelligentia, nunc civilis sapientia, hic Prudentia appellatur: hisce enim nominibus promiscuè utuntur non Jurisconsulti tantum, sed etiam ceteri Auctores, qui populariter loquuntur. At enim cum hæc disciplina sit habitus practicus (est enim sine controversia pars philosophiæ practicæ) si strictè loqui volumus, & ad certas habitus intellectualis species singula illa nomina cum Aristot. 9. *Eth.* 3. accommodare, solum nomen prudentiæ huic disciplinæ tum conveniet.

[*Divinarum atque humanarum rerum notitia*] Hæc item descriptio Ulpianum auctorem habet, *l. justitia.* 10. §. 2. *hoc tit.* Genus in hac descriptione est notitia aut scientia: idem enim hæc duo significant. Differentia petitur à subiecto ejusq; considerandi modo: unde & finis sponte sua intelligitur. Subiectum jurisprudentiæ sunt res divinæ & humanæ: modus considerandi, quatenus de jure earum quæritur; scilicet ut norimus, an in iis, aut ad eas, & quatenus jus aliquod habeamus. Nam in hunc finem res dividuntur in eas, quæ divini, quæque humani juris sunt; quæ in commerciis atque extra commercia: queritur in rebus humanis, quæ publicæ, quæ privæ; & in his earum acquisitio, conservatio, alienatio, & id genus alia, quorum omnium tractatio, ad Jurisconsultum pertinet. Hunc vero considerandi modum sequentia definitionis verba indicant, *justi atque injusti scientia*: nempe hætenus res divinas & humanas esse objectum hujus scientiæ, quatenus ea, cum de jure harum rerum quæritur, quid justum aut injustum sit, doceat. Quod si cui hæc explicatio subtilior videtur, ecce aliam magis popularem. Certum est disciplinam civilem non tantum in privati, sed etiam in publici juris cognitione versari: publici autem juris cum pars sit divinum, *l. 1. §. 2. hoc tit.* merito ea rerum divinarum atq; humanarum, hoc est, divini & humani juris notitia dicitur; *justi atque injusti*, id est, ejus, quod fas & jura sinunt, aut non sinunt; scientia. Sanè veteres juris Interpretes etiam sacris caeremoniisque Deorum præfuisse testis est historia. A Celso hæc disciplina ab officio eam proficientis elegantissimè & brevissimè describitur, *ars æqui & boni. d. l. 1. in pr.* siquidem officium Jurisconsulti & prudentia illius tota in eo consistit, ut quid in re quaque æquum, quid iniquum sit, videre, rum discernere, & de eo respondere possit consilium sibi expetentibus.

TEXTUS.

De juris Methodo.

2. His igitur generaliter cognitis, & inci-

pientibus nobis exponere jura populi Romani, ita videntur posse tradi commodissimè, si primo levi ac simplici via, post deinde diligentissima atque exactissima interpretatione singula tradantur; alioqui si statim ab initio rudem adhuc & infirmum animum studiosi multitudine ac varietate rerum oneraverimus, duorum alterum, aut desertorem studiorum efficiemus, aut cum magno labore, sæpè etiam cum diffidentia (quæ plerumque juvenes avertit) serius ad id perducemus, ad quod, leviori via ductus, sine magno labore & sine ulla diffidentia, maturius perducere potuisset.

NOTÆ.

2. Generaliter] Cursum, obiter, summam, & περὶ ὅλης.

[*Levi ac simplici via*] Τυπιδώς, crassa ac pingui Minerva. Præclare Aristot. Δεῖ δὲ, inquit, ὑποπύσαι πρῶτον, καὶ ὅτερον ἀναλεῖσθαι. Primi lineamenta prima ducenda sunt & opus informandum, post utendum veris coloribus. Nec minus scitè Quintil. 1. *Inst. orat.* 2. Ut vascula, inquit, oris angusti superfusam humoris copiam respuunt, sensim autem influentibus complentur, sic animi puerorum.

[*Diligentissima atque exactissima.*] Hoc ad summam scientiæ est necessarium, ut prius illud incipientibus magis conveniat.

[*Duorum alterum*] Δυσὶν ἡμέτερον. Quintilian. *Proem. lib. 8.* Incipientibus brevius & simplicius tradi convenit: aut enim difficultate institutionis tam numerosa atque perplexa deterreri solent; aut eo tempore, quo pacipue alenda ingenia, ac indulgentia quadam enutrienda sunt, asperiorum tractatu rerum atteruntur.

[*Cum diffidentia*] Cic. in orat. Vereor, ne tardem studia multorum, qui desperatione debilitati experiri id nolunt, quod assequi se posse diffidant.

COMMENTARIUS.

Quod pictores facere solent, qui prius lineamenta prima ducunt & opus informant, post veris coloribus utuntur, id etiam in quavis arte docenda faciendum est. Primo enim τυπιδώς crassè & simpliciter, postea ἀναλεῖσθαι, diligentius & subtilius unumquodque tradendum. Illud incipientibus magis convenit; hoc ad summam scientiæ est necessarium.

[*Duorum alterum*] Duplicem hujus rei rationem affert. Prima est, ne difficultate initio proposita deterreantur animi adolescentum, voluntatemque discendi una cum spe perdiscendi abiciant. Altera, ut matu-

maturlus ad cognitionem hujus scientiæ ab hoc aditu patefacto perveniant, ad quam aut serius, aut nunquam pervenirent (certe non sine magno labore aut diffidentia) si eo tempore, quo præcipue alenda ingenia, ac indulgentia quadam enutrienda sunt, asperiorum tractatu rerum atterantur, ut disputat Fabius in *proem. lib. 8. inst. orat.* Commentariorum quod ad incipientes attinet, eadem ratio. Cæterum qui jam aliquandiu hoc simplici cibo pasti sunt, iis nihil prohibet eundem paulo doctius conditum iterum apponere, novoque & piperato jure deficientem excitare appetentiam. Mihi animus est uno promiscuo apparatu & frugaliter incipientes, & opipare provectos, nitide omnes excipere.

TEXTUS.

Juris præcepta.

3. *Juris præcepta sunt: Honestè vivere, alterum non ledere, suum cuique tribuere.*

NOTÆ.

3. *Juris præcepta*] Non regulæ artis juris, ut Hopper. & Cont. sed dictata juris naturæ *αἱ νομῆς καὶ φυσικαὶ ἐννοιαί*, insitæ & quasi consignatæ in animis nostris notiones, ex l. 10. §. 1. D. eod.

Honestè vivere] Hoc præcepto vetantur omnia, quæ pugnant cum bonis moribus & publica honestate, etiamsi non expressè prohibita. *Est aliquid*, inquit Cic. pro Balbo, quod non oporteat, etiamsi licet. fac. l. 144. de reg. jur.

Alterum non ledere, suum cuique tribuere] Horum alterum ad personam alterius referri videtur, alterum ad res externas. Cic. 1. de offic. *Iustitiæ primum munus est, ut ne cui quis noceat: deinde ut communibus utatur pro communibus, privatis, ut suis.* Sen. 3. de benef. c. 14. *Æquissima vox est, & jura gentium præseferens; Redde, quod debes.*

COMMENTARIUS.

Non assentior Hoppero lib. 1. de art. jur. nec Contio ad hunc §. qui præcepta hoc loco & apud Ulp. l. 10. §. 1. eod. pro regulis hujus artis posita putant: siquidem præcepta artium principia sunt cognoscendi, ut definitiones & divisiones: atque ita non tres regulæ, sed una tantum proponeretur præceptorum juris distributio. Rectius præcepta hic accipiemus generalia quædam dictata ac præscripta juris illius communis, quod semper æquum & bonum est, sive notiones quasdam à natura insitas & quasi consignatas in animis nostris *αἱ νομῆς καὶ φυσικαὶ ἐννοιαί*. Et primo quidem, quo vitæ honestas præcipitur, intelligi oportet vetari facta omnia, quæ lædunt pietatem verecundiam, existimationem nostram, & gene-

raliter quæcunque pugnant cum legibus, bonis moribus, & in publica honestate: in tantum, ut etiam ab iis nonnunquam abstinendum sit propter honestatem, quæ legibus civilibus permissa aut non expressè prohibita sunt, juxta criterium illud, *non omne quod licet, honestum est.* De quo multa præclare Pet. Faber ad l. non omne 144. de reg. jur. Nimirum est aliquid, quod non oporteat, etiamsi licet, ut bene Cicero pro Balbo: neque verè simplex hæc admonitio est, ut quibusdam videtur, sed verum atque efficax juris naturalis præceptum: licet hic aliquando claudicat & conniveat lex civilis; errantque adeo, qui cum hoc præcepto committunt lupanaria, quæ passim tolerari constat. *Imorfas* est legis civilis, cujus latorem officii sui admoneant, ne vel boni causa mala fieri permittat. Hoc enim prætextu hujusmodi convenientia excusari solet, quod propter redundantem in humana natura perversitatem, quædam etiam non decora ac salutaria, adeoque decreta Spiritus damnata toleranda sint, ne majoris mali præbeatur occasio. Verba ferè sunt & ratio Imp. Leonis, qui usum usurarum, quas pater sustulerat hoc obtentu non dubitat restituere. Nov. Leon. 83. Duo reliqua præcepta duo distincta munera evidenter continent. Sic enim crasse ea accipio, ut secundum (*alterum non ledere*) ad personam alterius referatur, ne alicujus vitam, incolumitatem, libertatem, existimationem lædamus aut violemus: tertium (*suum cuique tribuere*) ad res externas; ut ab alieno manus abstineamus, hoc est, res alterius non attrectemus aut minuamus, ut patiamur unumquemque rebus suis uti, ut reddamus quod alienum apud nos est. Cui explicationi consentaneum est, quod scribit M. Tullius lib. 1. offic. *Iustitiæ primum munus esse, ut ne cui quis noceat: deinde ut communibus utatur pro communibus; privatis, ut suis.* Plus iusto religiosi sunt, qui nec plura esse juris præcepta contendunt, nec pauciora. Nam & uno ex his tribus generaliter universum iustitiæ munus comprehendipotest, ut in definitione iustitiæ tertio præcepto duo priora comprehensa sunt: possunt & quædam iustitiæ munera aliis præceptis aut verbis specialius aut evidentius exprimi; ut Deum colere, parentes revereri, pacta servare, &c. Nemo melius hæc explicavit, quam Claud. Cantiuncula in doctissima sua paraphrasi.

TEXTUS.

De jure publico & privato.

4. *Hujus studii duæ sunt positiones, publicum, & privatum. Publicum jus est, quod ad statum rei Romanæ spectat. Privatum est, quod ad singulorum utilitatem pertinet. Dicendum est igitur de jure privato, quod tripertitum*

est: collectum enim est ex naturalibus preceptis, aut gentium, aut civilibus.

NOTÆ.

4: *Due positiones*] Id est, duo themata, partes, species, *duo edn.* Ex Ulp. l. 1. §. 2. eod. alii tres fecere species, sacrum, publicum, privatum. Aufon. in Idyll. 15. sed Ulp. d. loc. sub publico etiam sacrum comprehendit. Bud.

Quod ad statum rei Romane] Quod utilitate publicum est, non quod sola auctoritate: est enim hæc divisio à fine sumpta, non à causa efficiente.

Ad singulorum utilitatem] Quod privatim ad eujusque civis rem pertinet familiarem. Quanquam & hoc per consequentiam publicæ & illud privati utile.

Collectum ex naturalibus preceptis, etc.] Jus quo privati in civitate utuntur, tribus quasi ex fontibus in Remp. defluxit, natura, gentium institutis, & inventis ejusque civitatis.

COMMENTARIUS.

1. Quot modis dicatur jus publicum.
2. Antonius Orator notatus.
3. Aristotelica juris civilis distributio explicata.
4. Justinianus immerito reprehensus à Rod. Agricola.
5. Ulpianus cum Gajo, &c. conciliatus.
6. Appellatione juris positivi quale jus significetur.
7. Optima juris privati divisio.

H *Jus studii dua positiones*] Studium figurate pro jure, cui studetur: nam studium nullum publicum est, sed cujuslibet proprium & privatum. Positiones, id est, *seuata*, partes, species, *duo edn.* Est autem hæc divisio sumpta ab objecto, ac fine principali, & fortasse rectius tres species ponerentur, ut à Cicerone 1. de legib. & Aufonio in Idyll. Divinum, publicum, & privatum: aut si *dixotopia* magis aridet, dividi commodè potest in divinum & humanum; humanum deinde subdividi in publicum & privatum. Enimverò Ulpianum hujus divisionis auctorem, sub publico etiam divinum comprehendisse certum est: ait enim *jus publicum in sacris, sacerdotibus & magistratibus consistere*. l. 1. §. 2. hoc tit. Ceterum juris illius sacri, ut ethnici & impii, tractationem in π omiserunt compositores Christiani. Quæ autem de hoc jure extant in Codice Christianorum Imp. constitutiones, eatenus recipiendæ sunt, quatenus verbo Dei non repugnant.

Publicum jus est] Juris publici nomen non uno modo accipitur. Id ne quem turbet, sciendum est, jus publicum sæpè dici non à materia & fine ut hoc loco: sed à forma aut causa efficiente, non quod utilitate

publicum est, sed auctoritate. Ita accipitur in l. 8. de tutel. l. ex sententia 29. de test. tut. multisque aliis in locis. Item apud Terent. in Phorm. *Anne id quidem adipiscar ego, quod jus publicum est*, in l. quod 15. §. 1. ad L. Falc. dicitur retentio Falcidiae jure publico competere. in l. damni 18. §. 1. de damni inf. usucapio jure publico contingere, hoc est, eo jure, quod publicè sive publica auctoritate constitutum est. Eodem sensu & testamenti factio jurispublici esse dicitur. l. 3. qui testam. fac. nimirum quia à lege est, seu publica legis auctoritate concessa. l. 1. pr. vers. secundo ad leg. Falc. l. verbis legis 120. de verb. sign. Atque hæc omnia ad differentiam ejus juris, quod cuique privatim acquiritur ex conventionibus: quippe quæ parentum cum legibus auctoritatem non habent; quod Papinianus sic expressit l. ult. de suis & legit. Privatorum cautiones legum auctoritate non consentur. Et quod passim legimus jus publicum privatorum pactis mutati aut infringi non posse l. jus publicum 38. de pact. l. Neratius 20. de relig. l. 15. §. 2. ad leg. Falc. l. neq. pignus 27. §. 1. de reg. jur. nihil aliud significat quam ex eo jure aut forma ejus juris; quod quacunq; de re publicè constitutum est; privatorum pactionibus nihil posse immutari. d. l. neq. 27. de reg. jur. Interdum & jus publicum accipitur pro jure, quod civium omnium ejusdem civitatis commune est. Nam quod Papinian. in l. inter. §. 1. §. pen. de fidejuss. & Zeno in l. ult. C. de rest. in integ. commune appellant, id eodem sensu publicum appellat Ulpian. l. nihil consensui 116. §. 1. de reg. jur. itemque Imp. l. 2. C. ne ux. pro mar. ad distinctionem, ut videtur, juris singularis sive privilegii, quod certarum duntaxat personarum proprium est: hoc autem loco ab objecto & fine id solum jus publicum dicitur, quod ad utilitatem publicam, hoc est totius populi universum & conjunctum pertinet; non item ad singulos, nisi secundario & per consequentiam. Nam quod publice utile est, id non potest non utile esse privatim; quemadmodum ex privatorum utilitate publicam quoque per consequentias æstimamus, veluti cum dicimus, *publicè expedire suprema hominum judicia exitum habere: interesse reipub. ne quis re sua male utatur*, aliaque id genus.

Rei Romane] id est, reipub. Romana. Virgilius 6. Æneid. Hic rem Romanam magno turbante tumultu sistet eques. de Marcello loquitur. Ennius; *Moribus antiquis res stat Romana virisque*. Si vocem Romanæ detrahas, definitio erit generalis: sed hic adjecta ad differentiam aliarum civitatum, quæ cum Romana collatæ privatorum loco erant, l. 15. & seq. de verb. sign. vel potius, quia Justiniano tantum propositum est jus Romanæ civitatis tractare, uti & Ulpiano unde hæc sumpta sunt. Juris publici sunt, quæ pertinent ad religionis cultusque divini curam, ad pacis bellicque ordina-

ordinationem, ad fines & magnitudinem imperii, ad jus legum ferendarum, privilegiorum irrogandorum, tributorum imperatorum, monetarum cudendarum, ad exercenda judicia, delicta coercenda, magistratusque creandos, per quos hæc expediantur.

Quod ad singulorum] Jus privatum in hac divisione est, quod singulorum civium causa recta & principaliter comparatum est. Itaque & testamenti factio, & retentio Falcidiæ, & usucapio, &c. hoc sensu sunt juris privati.

Dicendum est de jure privato] Juris publici tractatio difficilior atque sublimior Justiniano visa est, quam ut tironibus proponi debeat; ideoque nec nos 2 plura de eo dicemus. Cæterum ut illud obiter moneam, quod locus postulare videtur, apparet ex hac juris divisione, itemque ex definitione jurisprudentiæ, Antonium apud Ciceronem *lib. 1. de orat.* non jurisconsultum; sed leguleium describere, qui legum & consuetudinis ejus, quæ privati in civitate utuntur, & ad respondendum & ad agendum & ad cavendum peritus sit. Præstantissimam scilicet hujus artis partem, juris publici scientiam, consulto præterit homo jurisconsultorum gloriæ subinvidens, & inique de hac scientia judicans.

Tripartitum est] Divisio è causis efficientibus, id est, auctoribus juris, naturæ, naturali ratione, & civitate. Quamquam hic non tam dividitur jus civile, quam principia ejus & origo inditatur atque discernitur, ut verba, collectum est, ostendunt, & notat D. VVesemb. Cæterum non est adeo absurdum, ut multi existimant, jus civile tanquam genus constituere, cujus species sint, naturale, gentium, & civile inspecie: dummodo jus civile, quatenus in ea distributione, ut genus consideratur, accipitur pro eo jure, quo quæque civitas in universum utitur: civile autem in specie, pro eo, quod legislator, à se constituit & positivum passim appellatur. Eodem namque sensu philosophus 3 *z. Eth. 7.* dividit jus *πολιτικὸν ἢ φυσικὸν ἢ νομικὸν*. Jus enim naturæ sive gentium communis omnium populorum fons est, unde hauriunt singuli, quod ad suæ civitatis mores accommodent: quamvis id non uno omnes modo faciant; atque huc pertinet quod Gajus scribit in *l. omnes populi 9. hoc tit.* Omnes populos partim communi omnium jure uti, partim proprio: 4 Arist. *d. loc.* appellat *νομικὸν* & speciem facit *τὸ πολιτικὸν*. Notat Justinianum Rod. Agricola *lib. 2. de invent. dial.* quod duntaxat jus privatum ex triplici illo jure collectum dicat, quasi hoc ipso negaret, jus publicum ex iisdem præceptis collectum esse. Sed hoc minimè sequitur, Nam satis Justiniano visum est causam & originem indicare ejus juris, de quo dicturus erat, nimirum privati; insuper habito, quo ex iisdem præceptis etiam originem traheret jus publicum. Sed nec rectè dixeris naturam, sive jus na-

turale, ut id in specie accipiunt Justinian. & Ulpian. pro jure cum brutis communi, causam esse juris publici; quod & Baro rectè observavit. Nec tamen, assentiendum Mynsingero, qui cum Alciato *1. parrerg. 31.* contendit jus publicum tantum esse ex præceptis civilibus. Nam præterquam quod manifestum est, religionem erga Deum *l. 2. hoc tit.* & imperia magistratuum, per ea, quæ Aristot. *1. polit. 2.* esse ex jure gentium, constat ipsos Romanos sacra, ceremoniasque suas, atque omnia ferè, quæ ad magistratus, aliaque jura publica pertinent, à plerisque Italiæ populis ac præsertim Hetruriæ accepisse. De communi notitia de Deo locus est omni exceptione major apud Paulum ad *Rom. c. 1.* sunt & apud Cic. *1. Tuscul. & 2. de nat. Deor.*

Ex naturalibus præceptis aut gentium, aut civilibus] 5 De numero generum juris dissenisse veteres videri possunt: nam Ulpianus in *l. 1. §. 2. hoc tit.* quem hic sequitur Justinianus, tria genera ponit, naturale, gentium & civile. Cajus in *l. omnes populi, cod.* duo tantum, commune & proprium; neque Philosophi plura genera agnoscunt, quam naturale & positivum. Sed tantum in tractandi modo, non in re dissenso est: revera enim duo tantum sunt summa juris genera, naturale & civile seu positivum: sed in hac bimembri divisione primum genus duas priores species tripartitiæ illius complectitur, in quas etiam, deinde subdividi potest. Ulpianus enim brevitate causa species unius generis cum altero genere unica divisione complexus; quod ei familiare esse apparet ex *l. 4. hoc tit. l. 5. de pact.* Nomina quoque generis docendi causa, cum propria deficerent, speciebus indidit, jus naturale vocans, quod similitudine quadam homini cum cæteris animantibus commune est; gentium, quod humani generis proprium. Observandum autem est, non omnes, qui jus dividunt in naturale & positivum, hæc species eodem sensu opponere. Nam sunt, qui appellatione juris naturalis intelligunt quidem tum jus, quod hominibus cum brutis commune est, tum etiam jus gentium, quod primævum vulgo appellant; sed jus gentium secundarium, speciem faciunt juris positivi, sicut & civilis, idque rationi magis consentaneum putant Wesemb. par. hoc tit. num. 15. Greg. Lopez. animad. c. 3. D. Grot. *1. manduct. ad jurispr. Bat. c. 2.* item *lib. 1. de jur. bell. & pac. cap. 1. n. 9. & seqq.* Alii verò appellatione juris naturalis positivo oppositi complectuntur jus omne, quod non est à potestate civili, nec tantum jus gentium primævum, sed etiam secundarium: quod & veteres interdum faciunt, ut videre est in *l. 1. de acq. rer. dom. §. singulorum infra de rer. div.* sed sæpius tamen & hi jus naturale ex adverso juri gentium secundario opponunt, ut in *§. 2. tit. proxime sequentis inf. de libertin. in pr. l. 4. hoc tit.* In divi-

sione proposita etiam primario opponitur: quæ tamē oppositio vix ullum usum habet, ut demonstrabitur tit. seq. Optima divisio erit, si dicamus jus quoddam esse commune omnium gentium; aliud esse proprium cujusque civitatis. Quod commune

est omnium gentium, partim nobis commune esse cum bestiis, partim proprium generis humani. Proprium generis humani partim homini innatum, partim communi hominum consensu introductum.

TITULUS SECUNDUS.

De Jure Naturali, Gentium, & Civili.

Summa eorum, quæ hic explicantur.



Hoc titulo species juris privati, in quas supra §. ult. præ. tit. divisum est, Imperator singulatim persequitur & explicat. Quo peracto juris civilis Romanorum, quod solum suscepit, tractationem aggreditur: ac primum illud dividit ex adjuncto in scriptum & non scriptum: scriptum deinde subdividit in suas species, quas ordine item explicat. Postea jus civile à naturali distinguit ratione, diversi effectus. Ad extremum viam sternit ad rectam perceptionem juris constituti, proposita discretionem materiæ, circa quam jus omne, quo utimur, versatur.

TEXTUS.

De Jure naturali.

Jus naturale est, quod natura omnia animalia docuit. Nam jus istud non humani generis proprium est: sed omnium animalium, quæ in cælo, quæ in terra, quæ in mari nascuntur. Hinc descendit maris atque fœminæ conjunctio, quam nos matrimonium appellamus. Hinc liberorum procreatio, hinc educatio. Videmus enim cætera quoque animalia istius juris peritiam censerī.

NOTÆ.

Omnia animalia docuit.] l. 1. §. 3. D. de just. & jur. Dicuntur vero hæc κατὰ φύσιν, eo quod quæ hujus juris sunt, etiam bruta faciant, solo quidem impetu naturæ, cæterum cum similitudine sensus ac desiderii humani. Cic. in Læl. unde tales brutorum actus Aristot. 9. de hist. anim. c. 7. appellat μιμήματα τῆ ἀνθρώπου ζωῆς. Propriè autem juris capax non est nisi natura urens præceptis generalibus. Grot. 1. de jur. bell. 1. Νόμος ἢ δικαίωμα πρὸς ἀνθρώπους μόνον χρῆσθαι πεφύκαμεν. Plutarch. Cat. maj. In bestiis tantum apparet juris aliqua imago. Salmass. de usur. c. 9.

Maris atq; fœminæ conjunctio.] Lactant. l. 6. c. 23. Cum excitasset Deus duorum sexuum rationem, attribuit ipsis, ut se invicem appeterent; & conjunctiōne gauderent, eaque ratione propagari & multiplicari genera possent.

Educatio.] Cic. 1. de off. Quemadmodum communis est animantium conjunctiōnis appetitus, ita cura quoque eorum, quæ procreata sunt. Nam, ut idem lib. 3. de fin. hæc inter se congruere non possent, ut procreari quidem natura vellet, diligi autem procreata non curaret. Huc vel maximè pertinet studium tuendi sui adversus vim illatam. Cic. 1. de off.

Peritiam censerī.] Id est, haberi pro peritis hujus juris, eorum numero adscribi. Theoph. ἐν τοῖς πρώτοις ἔστιν ἡ νόμον ἀναχρησάμενα, id est, his quæ hanc legem observant, adscripta, quidam malunt, perita.

COMMENTARIUS.

1. Animalia bruta propriè juris capacia non esse & n. 4.
2. Parentes alere quo jure liberi teneantur.
3. Defensionem adversus vim illatam esse juris naturæ, & quatenus ea permissa remissivè.

Animalia bruta tam certum est esse juris expertia, quàm certum est esse ἀλογος sive expertia rationis. Nam inter quos jus est, inter eos & ratio, & æquum, & bonum, & justitia, & lex, & societas sit necesse est. Arist. 5. Eth. 10. In equis, in leonibus justitiam non dicimus, inquit, Cicero lib. 1. de offic. Plutarchus in Catone Majore ait, νόμος καὶ δικαίωμα πρὸς ἀνθρώπους μόνον χρῆσθαι πεφύκαμεν. & alias etiam beatitudo caderet in bruta. Bene igitur D. Grot. 1. de jur. bell. & pac. c. 1. num. 11. Propriè juris capax non est nisi natura præceptis utens generalibus. Neque quisquam philosophorum, quod sciam, aut jurisconsultorum jus aliquod in bruta cadere tradidit, præter unum Ulpianum, ex cujus Institutionibus hæc descripsit Tribonianus, ut apparet ex l. 1. §. 3. de just. & jur. Quomodo ergo Ulpianum cum cæteris conciliamus? Simplicissima eorum

sententia est, qui per quādam auxesin & figurate hæc à Jurisconsulto dici scribunt, propterea quod quæ hujus juris esse dicuntur, ea etiam bruta faciunt, idque cum similitudine quadam sensus ac desiderii humani. Unde Aristoteles lib. 9. de hist. animal. cap. 7. tales brutorum actus appellat μιμήματα τῶν ἀνθρώπων ζωῆς, vitæ humanæ imitamenta. Cicero 2. de finib. virtutum simulacra. Nam ut in brutis apparent simulacra quædam rationis, ita etiam juris, ut idem Cicero testatur, & pluribus ostendit Plutarchus in libello, πότερ εἰ ζωὴν προνομιώτερον. Platonis quoque doctrina est, naturam rem unamquamque, perfectissimam facere voluisse; ac proinde in plantis sensus, in brutis rationis, in hominibus divinæ mentis vestigia expressisse. Neque aliud sensisse videri debet Plutarchus in libello cui titulus est, τὰ ἀλογα λόγων χρηῖσθαι. Quod alioqui non caret contradictione. Eadem effectus est aliorum responsio, qui ajunt jus naturale formaliter, id est, quoad rationem, non nisi in hominem cadere: materialiter autem, hoc est, quoad appetitum & instinctum naturæ, etiam in bruta: nempe ut hoc explicant Covarr. in c. peccatum de reg. jur. in 6. part. 2. rel. §. 1. n. 4. & Ant. Fab. jurisp. Papin. tit. 2. pr. 1. jus naturale dici, quod circa ea versatur, quæ bruta solo instinctu & impetu naturæ faciunt; homines vero etiam cum ratione. Nam cum homo hæc facit, rationem in consilium adhibet, quam veluti ducem. Iu cemque sequitur, cum bestiarum in iisdem agendis sola vi naturæ, & cæco impetu, sine judicio ac ratione ducantur: ad quem etiam modum disputat doctissimus Salmaf. lib. de usur. c. 9. eoque pertinet, quod scribit Seneca lib. 2. de ira, animalibus pro ratione impetum, hominibus pro impetu rationem esse.

Mariæ & Fæminæ conjunctio] Huc pertinet, quod in Lælio scribit Tullius: Hoc apparet, inquit, in bestiiis, volucris, agrestibus, natantibus, cicuribus, feris, primum ut se ipsa diligant, (id enim pariter cum omni animante nascitur) deinde ut requirant atque appetant, ad quas se applicent, ejusdem generis animantes: idque faciant cum desiderio & cum quadam similitudine amoris humani.

Procreatio educatio] Quemadmodum communis est animantium conjunctio appetitus ita cura quoque eorum, quæ procreata sunt, ait idem Tullius 1. de offic. Justinianus in l. un. §. taceat §. C. de rei ux. act. Ipse, inquit, naturalis stimulus, id est, σπέρμα, parentes ad liberorum suorum educationem hortatur. Et alibi, filium vel filiam alere patri necesse est propter ipsam naturam l. ult. §. ipsum C. de bon. qua lib. Et vero hæc inter se congruere non possunt, ut procreari quidem natura vellet, diligere autem procreata non curaret, ut scribit Cic. 3. de finib.

2 Referunt huc quidam & alituram parentum; sed

malè. Debentur quidem & parentibus alimenta, quod etiam proditum est vulgari proverbio ἀντιπαλαργεῖν sed parentum alimonia non ex eo jure est, de quo hic agitur, quod natura cætera quoque animalia docuit, inter quæ genitum gignentis alimenta non præbet: verum ex alia naturæ lege, quæ humani generis propria est, & in proposita partitione jus gentium dicitur; nimirum ut causa gignens erga genitum afficiatur, ex communi naturæ instinctu est: ut genitum erga gignentem, à naturali ratione, quæ pietatem & gratitudinem commendat. fac. l. 2. de just. & jur. l. nam & §. 1. de inoff. test. l. 7. §. 1. unde liberi. Ita cape locum Ciceronis in orat. de resp. arusp. ubi ait, parentibus nos primum naturam conciliare, quos non alere nefarium sit. Et Valerii, qui lib. 5. c. 4. scribit, primam naturæ legem esse, diligere parentes. Quod autem de ciconia narratur, id ut singulare, negligendum est. De questione quatenus parentes liberos, aut hi vicissim illos alere teneantur, & porro an frater fratrem, quæ hinc aliena, consultantur Schneid. hic n. 10. & seqq. D. Tulden. & Perez, ad tit. C. de alend. liber. Christin. vol. 3. decis. 143. add. D. Grot. 2. de jur. Bell. & Pac. c. 7. n. 4. & seqq. Pet. Fab. Sem. 1. Nullius autem rei studium altius insitum est à natura omnibus animalibus, quam studium tuendi sui adversus vim illatam. Hoc enim omni generi animantium à natura ante omnia tributum esse scribit M. Tullius 1. de Offic. ut se, vitam, corpusque tueatur, declinetque ea, quæ nocitura esse videantur. Unde liquet fragmentum auctoris l. 3. de just. & jur. temere à Triboniano subjectum esse l. 2. eod. confusaque exempla juris naturalis & gentium, contra quam propositum erat: quanquam quidam in defensione duo extrema spectanda ajunt, tuitionem & propulsationem injuriæ, quarum illam ad jus naturæ, hanc ad jus gentium referunt. Credo ego Florentinum jus omne finibus humani generis circumscripsisse. Quatenus & quibus conditionibus vim personis vel rebus nostris illatam propulsare permittum sit, ex recepta DD. sententia tradit Schneid. hic n. 12. & seqq. Gail. 2. obs. 110. num. 13. & seqq. D. Tulden. ad tit. C. ad leg. Corn. de sicar. num. 3. Summa huc redit, ut ne vim propulsando ulcisci magis, quam tueri nos studeamus; deinde ut ne excedamus moderationem inculpatæ tutelæ, Tunc autem non excessisse intelligimur, cum aliter periculum evitare non potuimus, l. scientiam 45. §. pen. ad leg. Aquil. 1. C. unde vi, & ibi Don. Add. D. Grot. lib. 2. de jur. bell. cap. 1. ubi n. 3. recte docet jus defensionis per se ac primario nasci ex eo, quod natura quemque sibi commendat, non ex injustitia aut peccato alterius, unde periculum est: & ideo si corpus vi imperetur cum præsentem periculo vitæ non aliter evitabili, licitum esse inferentem periculum interficere, etiam si ille peccato ca-

reat, puta infania aut insomniis agitur, ut evenisse quibusdam legimus: neque enim eo tolli jus seuendi, cum sufficiat, quod ego non teneor id, quod ille intentat, pati, non magis quam si bestia aliena periculum intentaret. Sed hæc & similia fortassis alibi latius. Illud repeto, quod superius dixi, si quando brutis animantibus justitia tribuitur, id fieri improprie ex quadam in ipsis umbra rationis atque vestigio; ac propterea plerosque disputationem juris naturalis finibus humani generis circumscribere. *vid. Pet. Fab. 2. sem. 1. Salmas. de usur. cap. 9. Ioan. Selden. l. 1. de jur. nat. & gent., juxt. discipl. Ebraeor. cap. 4. & 5.* ubi etiam Ebraeos Laudat, qui & ipsi non ex jure aliquo (quod totum versari volunt circa licitum atque illicitum) sed è propensione atque inclinatione tantum ajunt animantium cæterorum actus evenire. Sanè discrimen, quod Ulpianus facit inter jus quod animantibus cæteris cum homine commune est, quod ætiori significato appellat naturale, & illud, quod hominum proprium est, quod sæpè jus gentium nuncupatur, vix ullum usum habet: quoniam utrum actus ipse, de quo jus naturæ constituit, sit nobis communis cum aliis animantibus, ut prolis educatio, an nobis proprius, ut cultus Dei, ad juris ipsam naturam nihil refert. §. pen. inf. eod.

TEXTUS.

Distinctio juris gentium, & civilis, à definitione & etymologia.

1. Jus autem civile à jure gentium distinguitur, quod omnes populi, qui legibus & moribus reguntur, partim suo proprio, partim communi omnium hominum jure utuntur: Nam quod quisque populus sibi jus constituit, id ipsius proprium civitatis est; vocaturque jus civile, quasi jus proprium ipsius civitatis. Quod vero naturalis ratio inter omnes homines constituit, id apud omnes gentes peræque custoditur; vocaturque jus gentium, quasi quo jure omnes gentes utantur. Et populus itaque Romanus partim suo proprio, partim communi omnium hominum jure utitur. Quæ singula qualia sint, suis locis proponemus.

NOTÆ.

1. Quisque populus] Ex l. 9. de just. & jur. populus scil. alieno imperio non subjectus, alias juris condendi potestatem non habet, nisi quatenus ille, cui paret, concessit, l. αἰσῆς. D. de leg. Rhod.

Vocaturque jus civile] Nempe in specie, quod à se

civitas constituit: qualia multa in duodecim tabulis. Nam jus civile sumptum pro universo jure civitatis etiam jus naturale & gentium complectitur, quo sensu Aristot. 5. *Ethic.* 7. dividit jus πολιτικὸν in φυσικὸν & νομικόν.

Naturalis ratio] Jus gentium non ex institutis populorum æstimandum est, sed ex eo, quod justum esse ipsa naturalis dicitur ratio, id est, insita animis hominum notitia honesti & turpis, justii & injusti. V. G. Incesta, adulteria, furta naturæ turpia & illicita sunt; etiam si gentes repertæ, in quibus hæc permissa aut non punita, Gell. 11. *noct. Artic.* 18. *Alex. ab Alex.* 1. *Gen. dier* 24. *Plato* 1. *de legib.* *Cic.* 1. *de legib.*

Apud omnes populos] Aut certè moratior: nam quid naturale sit, spectandum in his, qui bene secundum naturam se habent, non in depravatis, teste Arist. 1. *polit.* 5. Videtur autem hic tantum definiri species juris gentium excellentior, quæ vulgo jus gentium primævum.

COMMENTARIUS.

1. *Populum alterius imperio subjectum leges condere non posse: & quatenus statuta.*
2. *Distinctio juris civilis in merum & mixtum explicata & illustrata exemplis.*
3. *Jus gentium quod hic definitur, & ipsum revera naturale esse.*
4. *Vulgaris distinctio juris gentium in primævum & secundarium defensa & explicata.*

Quod quisque populus] Suis scilicet legibus & moribus vivens: nam si quæ civitas alterius imperio subjecta est; ea non plus juris habet in jure constituendo, quam ille cujus imperio subjecta est, concessit, l. αἰσῆς de leg. Rhod. Hinc est, quod municipia meliore hac in re conditione erant, quam colonie: quia municipiis concessum erat, ut suis legibus & moribus uti possent. Colonie autem jura institutaque omnia populi Rom non sui arbitrii habebant, Gell. *lic.* 16. c. 13. Cæterum statutorum condendorum quemlibet magistratum in suo territorio jus habere tradunt DD. in l. omnes populi hoc tit. unde hic locus descriptus est: quæ tamen statuta non aliter valeant, quam si non derogent juri communi: & ut valeant, sciendum tamen est, non valere jure legis; sed salvum semper manere jus superioris, ut pro auctoritate sua ea abrogare possit, l. 3. §. *Dirius* 5. de sepulc. viol. Usu quoque servari tradit Schneid. in §. *constat.* inf. eod. ut statutorum confirmatio à superiore petatur; quod & juri consentaneum cum Hieronym. de Cavallos censet D. Christin. *volum.* 2. *decis.* 55. *num.* 5. quamvis id necessarium non esse plerique tradiderint. Apud nos sanè magistratus inferiores jus statuta condendi non habent, nisi quatenus id à Principe, aut qui vicem ejus gerit,

getis, impetrarunt: alioqui necessaria est superioris approbatio. *D. Merul. lib. 1. tit. 4. cap. 5. D. Gros. 1. manud. cap. 2. De statutis, præter alios, videri possunt D. Nic. Burgund. ad consuet. Fland. tractat. 1. Christin. vol. 2. dec. 2. 3. 4. 5. 54. 56. 57. & 59.*

Vocaturque jus civile.] In specie nimirum: nam jus civile sumptum pro eo jure, quo in universum civitas utitur, etiam jus naturale & gentium, quatenus receptum est, comprehendit: eoque sensu obligationes, quæ ex contractibus juris gentium descendunt, dicuntur civiles; licet à legislatore civili nihil habeant, præter approbationem, §. *inf. de oblig.* Hoc igitur jus dicitur civile à causa efficiente, quæ est voluntas alicujus civitatis, aut ejus, qui jus legis ferendæ in ea habet, non communis gentium aut naturalis ratio. Ab Aristotele legitimum dicitur; vulgo positivum.

2 Potest vero hoc jus amplioris doctrinæ gratia sic distingui, ut aliud dicatur merum & simpliciter civile quo pertinent leges omnes, quæ ideo tantum justæ sunt & obligant, quia à civili potestate sancitæ; cuiusmodi sunt jura adoptionum, usucapionum, donationum inter conjuges, senatusconsulta Macedonianum, Velleianum, Trebellianum, leges Ælia Sentia Junia Norbana, Fufia Caninia, Voconia, Furia, Falcidia, & in multis capitibus lex duodecim tabularum: aliud $\pi\epsilon\mu$, quod mixtum rectè dixeris, cum scilicet juri communi lex civilis aliquid addit aut detrahât, aut quod illo jure indeterminatum est, determinat: quo sensu matrimonia, patria potestas, tutelæ, testamenta, successiones, actiones & id genus alia juris civilis esse dicuntur; nempe quia certa & propria quadam forma à jure civile donata sunt, atque ita de determinata, ut certus eorum usus sit, atque inter cives tantum, exclusis ab eorum communione extraneis & peregrinis. Atque de hoc jure civili mixto accipiendum est, quod scribit Ulpian. *l. 6. de just. & jur. cum additur aliquid aut detrahatur juri communi, jus civile effici*: alioqui omnia ferè, quæ constituta sunt, juris merè civilis & positivi dicenda forent. Illud in universum verum est, juris civilis nomen non mereri, quod directo pugnat cum ratione juris naturæ, *d. l. 6. in pr.*

Naturalis ratio] Ait Imperator jus gentium esse, quod naturalis ratio inter omnes homines constituit Unde sequitur, jus hoc non ex legibus aut institutis populi æstimandum esse; sed ex eo quod justum esse dicitur ipsa ratio naturalis, id est insita animis hominum notitia de honesto & turpi, justo & injusto. Quam ob causam & ipsum quoque jus naturæ passim appellatur, & æquum & bonum, & naturalis æquitas, & natura. Id quod notandum est adversus eos, qui negant quicquam naturæ justum esse, sed tantum legem & consuetudinem: contra quos disputat Cic. *1. de legib. & Aristot. 5. Eth. 7. add. Platon. 1. de legib. Laërt. in*

Pyrrh. & Aristip. Exempli gratia; dicta naturalis ratio, delicta, puta furtum, adulteria, naturæ turpia esse & puniendâ *l. probrum 42 de verb. sign. l. 1. §. 3. de furt.* Reperti tamen sunt, apud quos hæc flagitia permixta atque impunita fuerunt, *vid. Gell. lib. 11. c. 18. Anob. adu. gent. l. 8. Alex. ab Alex. lib. 1. c. 24. Alber. Gentil. 5. de nupt. c. 7.* Jure gentium incestum committit, teste Paulo in *l. ult. de rit. nupt.* qui ex gradu ascendentiū aut descendentiū uxorem ducit: quod etiam saniores omnes philosophi agnoscunt: nihilominus, ut Ovidius lib. 10. Metam.

Gentes tamen esse feruntur

In quibus & nato genitrix & nata parenti jungitur.

Harum, inquam, gentium barbari mores & prævum judicium efficere non possunt, ut id quod natura justum aut injustum, turpe & honestum est, tale esse definat, quomodo & Socrates disputat apud Xenophontem lib. 4. memorab.

Omnes Gentes] Aut certè moratiores, Nam naturale rectè dicitur, interprete Michaelē Ephesio ad Nicomachia, quod apud plerosq; non corruptos aut prævos, sed naturæ convenienter se habentes, obtinet. Et Aristot. *1. polit. 5.* quid naturale sit, spectandum ait in his, quæ bene secundum naturam se habent, non in depravatis, belle Salmaf. *de usur pag. 243. & seq.* Videtur autem imperator hic tantum definire voluisse speciem juris gentium excellentiorem, nempe jus gentium primævum ut id Dd. appellant; neq; enim hæc definitio æq; accommodari potest. Juri gentium secundario, quod in §. *seq. vers. nam usu.* ita describitur, ut respectu juris primævi quodammodo positivum dici possit: quanquam cum etiam secundarium naturali ratione $\xi\tau\tau\alpha\sigma\tau\epsilon\sigma\omega\varsigma$ nitatur, neq; id apertè constitutum, aut functione aliqua introductum sit, sed tacita tantum, communi tamen consensione gentium receptum, naturale quodammodo est & à positivo secerni potest. Atque hoc etiam puto sentire Aristotelem *d. lib. 1. c. 4.* ubi ait esse quoddam jus gentium $\kappa\alpha\theta'\delta\mu\omicron\lambda\omicron\gamma\iota\alpha\upsilon$.

Ut autem paucis explicem, qua ratione Doctorum illa juris gentium distinctio in primævum & secundarium nitatur, quod hic locus quodammodo flagitat. Nota est ea distinctio ex duplici consideratione rationis seu potius intellectus judicantis. Ut enim ratio, sicut physici docent, vel simplex est & pura, quæ sine discursu judicat, & Græcis $\nu\acute{\omicron}\varsigma$ sive $\nu\omicron\eta\sigma\iota\varsigma$ dicitur: vel composita & comparata, quæ per discursum munus suum exequitur, ex collatione diversarum rerum aliquid colligens, Græcis $\lambda\omicron\gamma\iota\sigma\mu\omicron\varsigma$ & $\lambda\omicron\gamma\iota\sigma\mu\omicron\varsigma$: ita & duplex est jus Gentium; unum quod à simplici illa ratione fluit seu intellectu $\nu\omicron\eta\pi\kappa\omega$, cujus juris sunt cultus Dei, reverentia parentum, neminem lædere, suum cuique tribuere, ab alieno manus abstinere, aliaque ejusmodi principia practica, quibus

utero

ultra sine argumentatione aut demonstratione assentimur, & iusta esse sine agitatione mentis intelligimus: alterum quod à composita seu intellectu *Ἀπονηπικῶν*; quod discursum & ratiocinationem habet, atque ex causa demum aliqua aut hypothesi & comparatione alterius rei iustum esse intelligitur: cujus generis sunt ea omnia, quæ ad vitæ communis commoda conjungendasque inter se respublicas & gentes à viris sapientibus excogitata in usum omnium gentium aut plerarumque pervenerunt. Exempla habemus in §. seq. *vers. nam usu.* & elegans in l. 1. ff. de *contr. empt.* Quod jus à simplici illo intellectu est, primævum DD. appellantur; quod à composito, secundarium; primum immutabile, secundum mutabile.

T E X T U S.

Ab appellatione & effectibus.

2. Sed jus quidem civile ex unaquaque civitate appellatur, veluti Atheniensium. Nam si quis velit Solonis vel Draconis leges appellare jus civile Atheniensium, non erraverit. Sic enim *§* jus, quo Romanus populus utitur, jus civile Romanorum appellamus, vel jus Quiritum, quo Quirites utuntur. Romani enim a Romulo, Quirites à Quirino appellantur. Sed quoties non addimus nomen, cujus sit civitatis, nostrum jus significamus: sicuti quum poetam dicimus, nec addimus nomen, subauditur apud Græcos egregius Homerus, apud nos Virgilius. Jus autem gentium omni humano generi commune est. Nam usu exigente, *§* humanis necessitatibus, gentes humanæ jura quædam sibi constituerunt. Bella etenim orta sunt, *§* captivitates secutæ, *§* servitutes, quæ sunt naturali juri contrariæ. Jure enim naturali omnes homines ab initio liberi nascebantur. Et ex hoc jure gentium omnes pene contractus introducti sunt, ut emptio *§* venditio, locatio *§* conductio, societas, depositum, mutuum, *§* alii innumerabiles.

N O T Æ.

Usu exigente] Hujus igitur ex parte causa est usus & indigentia. Aristot. 1. polit. Unde Dio Chrysost. orat. 76. hoc jus appellat *ἔμφα βίης καὶ χρόνυ*, inventum usus & temporis. Exemplo potest esse inventio nummi, cui causam præbuit difficultas permutatio-
num, l. 1. D. de cont. empt.

Necessitatibus humanis] Hic locus confirmat rectam juris gentium distinctionem in primævum & secundarium. illud enim de quo §. 1. non est excogitatum aut inventum usu exigente, sed nobiscum natum: qualia sunt, Deum colere, parentes revereri, neminem lædere, &c.

Naturali juri Contraria] Ex hypothesi tamen & hæc naturalem rationem habent, puta si vim nobis illatam armis repellamus.

Omnes pene contractus] Tò pene additum est *ἡ ἀλλοτρίαν φιλοσοφίαν*. Sunt enim quidam jure civili introducti, l. 5. D. de just. & jur. veluti stipulatio, obligatio literarum, donatio propter nuptias.

C O M M E N T A R I U S.

1. Jus Romanum quasi gentium quoddam jus apud omnes coli.
2. Confirmatio distinctionis juris gentium in primævum & secundarium.
3. Etiam inter ea, quæ juris secundarii, distinctione opus videri.
4. Bella & Belli effecta quo aspectu juri naturali contraria.

Ex unaquaque civitate] Jus civile non retinet unum idemque nomen; sed à nomine ejus civitatis appellatur, quæ id constituit: ut in hoc quoque discrepet à jure gentium.

Solonis vel Draconis] Prior Dræco leges Atheniensibus dedit, in quibus Aristot. 2. Pol. 10. scribit nihil memorabile præter pœnarum acerbiteriam fuisse. Pœna namque capitis fraudes propè omnes multabat. Unde Demadus illud laudatur; *ὅτι δὲ αἰματόν, ὃ καὶ μέλαν* *§* τῶν νόμων ὁ Δρακὼν ἐρεῖψεν. Draconis leges non atramento, sed sanguine scriptas fuisse. Plutarch. in Solone. Solon deinde magna earum parte abrogata alias descripsit, quibus Athenienses felicissime sunt usi. vid. Aul. Gell. lib. 11. c. 18.

A Quirino Quirites] Plerique tradunt pacem factam inter Sabinos & Romanos placuisse, ut Romani etiam Quirites à Curibus, Tatii Sabinorum regis patria, vocarentur. Varr. 4. de ling. Dionys. Halicarn. lib. 2. Plutarch. in Romul. In aliis est, Romani enim à Quirino Quirites appellantur, Horom. Cujac. Wesenb. Cur Romulus dictus sit Quirinus, triplicem causam affert Ovid. 2. Fastor.

Nostrum jus] Καὶ ἐξ ὧν. De Romani juris excellentia differit M. Tullius in persona Crassi lib. 1. de orat. Hodie jus civile Romanorum quasi gentium quoddam jus commune apud totam ferè Europam observatur, utique in quibus causis propriæ leges aut consuetudines deficiunt.

Sed & ad hujus normam dirigitur interpretatio qua-

numquamque constitutionum ac consuetudinum, quæ illi manifestè non repugnant: ac tamen repugnent, tamen in ambigua facti specie ejusdem æquitate mitigantur, & ita coercentur, ut commune hoc jus quam minimum lædant, de quo doctè & acutè D. Diod. Taldem. incomm. hic cap. 3. plenè D. And. Gail. 2. observ. 33.

2. *Ufu exigente*] Hic locus confirmat receptam juris gentium distinctionem in primum & secundarium: quanquam vitio non caret, quod Tribonianus non apertius distinctionem proponit. Primum enim non ab hominibus excogitatum aut introductum est; sed nobis ingenitum: quemadmodum & notitiæ illæ simplices, unde illud promanat, mentibus nostris divinitus infusæ & in cordibus nostris insculptæ sunt, etiam Apostolo teste cap. 2. ad Roman. Secundarium autem (quod Grotio 1. de Jur. Bell. cap. 2. num. 4. est voluntarium) ab hominibus inventum est & mentis quadam agitatione, comparatis inter se aliis atque aliis rebus, excogitatum ad communem vitæ usum retinendamque gentium inter se societatem: ut hujus juris ex parte causa sit usus & indigentia, teste Aristot. 1. polit. Quamobrem rectè Dio. Chrysostomus orat. 76. hoc jus ait esse *ὁρμημα βίης καὶ χρέους*, inventum temporis & usus: & hinc Dioni Prusæensi *ἀναγκαστὰ νόμοις* appellatur, multumque ad probationem hujus juris utimur auctoritate illustrium Historicorum. Hoc igitur jus non tam rationis luce exortum, quam ratiocinationis ductu collectum est, & usu exigente accommodatum non tam naturæ integræ bonitati, quam corruptæ necessitatibus: conjungitque respub. & gentes inter se, quarum tacito quasi fœdere & conspiratione censetur.

Gentes humane] Non quod legis faciendæ causa gentes omnes in unum convenerint: sed quia illud jus propter communem utilitatem tacito consensu gentium approbatum & ab omnibus receptum est.

3. *Bella orta sunt*] Etiam inter ea, quæ sunt juris gentium secundarii, aliqua distinctio facienda videtur. Nam initio simulatque societates humanæ constitutæ sunt, simul necesse fuit dominia distinguere, jura commerciorum introducere: Bella autem postea orta sunt, utpotè quæ malitia hominum & habendi libido introduxit, & consequenter etiam bellorum jura. Scite Portius §. præc. n. 3. bella, inquit, sunt ex jure gentium non dispositivi, sed occasionaliter, distinctis dominis.

Juri naturali contrariæ] Bella, & hinc secutæ captivitates, si per se spectentur, à ratione naturali prorsus aliena sunt: neque enim quod utilitas omnium gentium exigit, societatem humanam bella tuentur, sed oppugnant atque evertunt. Ex hypothesi tamen & hæc rationem naturalem habent. Etenim

si vim & injuriam nobis aut sociis nostris illatam, vi & armis defendamus, aut etiam vindicemus, captos hostes etiam in servitutem nostram redigamus, ut metu talis pœnæ improbi ab injuria in posterum abstineant, nemo, opinor, est, qui negabit hoc summa cum ratione fieri; de quo iterum & latius tit. seq.

Omnis penè contractus] Tò penè additum *ἡ διαίτη* φιλοσφῶν & est temperamentum, Jurisconsultis familiare, qui passim hujusmodi particularum adjectione sibi cavere solent, quando quid generaliter enunciant aut definiunt; propterea quod in jure generalis definitio plerumque periculosa est; l. omnis definitio. de reg. jur. quod & Justinianus hic facit, respiciens haud dubiè ad l. 5. de just. & jur. ubi Hermogenianus scribit, quosdam contractus à jure civili introductos esse; quinam autem isti sint, non definit. Vulgo quidem putant esse hos quatuor, stipulationem, obligationem literarum, contractum emphyteuticum: & sponsaliciam largitatem: sed quam rectè, suis locis videbimus. Illud interim hic asfirmare ausim, nullam obligationem dici posse simpliciter & absolutè esse juris civilis? sed κατὰ τὴν διαίτην, quatenus non nisi sub certo modo & forma ex consensu obligatio jure civili producitur.

Emptio & venditio &c.] Hæc certa auctoritate juris auctorum probantur: quamvis in quæstionibus, ubi rei veritas exquiritur (qualis hæc est, an aliquid sit juris gentium nec ne) non tam auctores, quam rationum momenta in disputando quærenda sunt, ut scribit Cicero 1. de natur. Deor. & posita hæc sunt extra potestatem legislatoris.

TEXTUS.

Divisio Juris in scriptum, & non scriptum; & subdivisio Juris scripti.

3. *Constat autem jus nostrum, quo utimur, aut sine scripto: ut apud Græcos τὸ νόμον οἱ μὲν εἰσέγραφοι, οἱ δὲ ἀγέγραφοι. Scriptum autem jus est, Lex, plebiscitum, senatusconsultum, principum placita, magistratuum edicta, responsa prudentum.*

NOTÆ.

3. *Quo utimur*] Abest à l. 6. §. 1. D. de just. & jur. unde hæc sumpta, nec Cujac. Horom. Wesemb. agnoscunt.

Scripto aut sine scripto] Distributio juris civilis à forma & modo constituendi ex d. l. 6. §. 1. alterum enim expressè sancitur & scripto promulgatur, alterum tacito consensu utentium introducitur, l. 32. pr. de D. legib.

Apud Græcos] Plat. lib. 7. de legib. & apud Laërt. Aristot. r. Rhetor. qui & 3. Ethic. meminit legum. *τὸ πρῶτον γὰρ νόμος, & τὸ δεύτερον νόμος.*

Scriptum] Subdivisio juris in sex species. Papi- nianus l. 7. D. de just. & jur. quinque tantum enu- merat: sed ille arctius jus civile accipit, eique præ- torium, ut speciem diversam, opponit. Mox ta- men Marcianus jus honorarium vivam appellat vo- cem juris civilis, l. 8. D. eod.

COMMENTARIUS.

1. *Scripturam non pertinere ad legis essentiam.*
2. *A quo tempore lex obligare incipit.*

Jus scriptum divisione proposita non oppo- nitur omni juri non scripto: nam & jus naturale agentium est ἀνεγκλήτων, sed tantum ei juri, quod moribus & longâ consuetudine introdu- ctum est: eodem enim sensu jus dividitur in legem & consuetudinem, legis voce latius accepta pro quavis parte juris scripti. Desumptus hic locus est ex l. 6. §. 1. & l. seq. de just. & jure.

Scripto aut sine scripto] Distributio juris civilis ex accidenti & causa instrumentali. Nam forma- lis differentia legis sive ejus juris, quod opponi- tur juri non scripto aut consuetudini, non est scri- ptura: sed expressa voluntas & sanctio civilis potestatis: sicut è contrario consuetudo aut jus non scriptum formam & essentiam suam habet à tacita voluntate & consensu utentis populi, §. sine scripto inf. eod. l. de quibus 32. de legib. Hujus rei evidentissimum argumentum est, quod nec cons-uetudo in scripturâ redacta lex sit, nec lex non scripta consuetudo. Lacedæmonii scriptis legi- bus usi non sunt, legibus tamen usi sunt, atque una τὴν πολιτικὴν ῥητὴν hæc erat, μή τις ἄλλος νόμος ἐν γράφοις, scriptis legibus non uti. Plutarch. in Lærg. Atque ut è Romana republica exemplum petamus; nunquid lex erat, cum rogante Magi- stratu, velitis, jubeat Quirites etc. populus in ta- bellis respondisset, uti rogas? Quod autem rei jam in esse suo constitutæ ex accidenti superve- nit, id de illius rei essentia non est. At enim, in- quies, sine quo lex non obligat, id utique est es- sentiale: sine scriptura autem non obligat, cum sine ea in notitiam populi pervenire non possit. arg. l. leges sacratissima. C. de legib. Ut de propo- sitione nihil in præsentia dicam, falsam esse assumptionem evincit, tum exemplum pro- latum, tum leges, quas diximus Lacedæmo- niorum. Ratio quoque assumptionis falsa est. Quid enim? an non voce præconis quoque lex promulgari potest? Et proinde, certum est in

l. humanum C. de legib. faciliorem tantum promul- gandi rationem proponi. Cur igitur legem ap- pellamus jus scriptum? Quia nimirum post- quam lata esset, scribi solebat & scripto promul- gari, aut in tabulis incisa publicè proponi, quo & cognosceretur facilius & minore negotio pro- baretur. Moris quoque erat apud Romanos, ut qui legem ferre vellet, eam trimundino promul- garet, id est, de sua lege ad populum diceret, eamque scriptam publicè propositam haberet, quo potestas fieret populo cognoscendi otiosè, & ut inde liceret librariis describere, si qui vel- lent legem apud se habere, ut liquet ex 2. Agra- ria. Planè si non alio modo promulgandi civitas utatur, quam per scripturam, potest dici scriptu- ram ad vim legis necessariam esse: neque enim ante lex vi sua constat, civesque ad observatio- nem vel poenam obligat, quam populo innotescere potuerit, quod sine promulgatione sive publicatione aliqua fieri non potest, l. 7. cum 2. seqq. C. de legib. Perz ad Cod. de legib. n. 18. An igitur lex statim, ut publicata est, obligat? Maxi- mè: eoque jure utimur, extra quam si certum tempus nominatim lege comprehensum sit, ex quo vim capiat, ut sit interdictum, Nov. 57. in fin. Nov. 116. Cap. 1. Extat sanè constitutio quædam ἐν τῷ νόμῳ, quæ indulget spatium duorum men- sum à die publicationis, observandum in omni- bus novis legibus, Nov. 66. cap. 1. Verùm ea con-stitutio rectè sic à plerisque accepta est, ut profuit hoc spatium ad allegationem ignorantiae, atque ut hæc interim præsumatur, non quia lex promulgata citius obstringat eum, in cujus notitiam ante pervenit. Quod si quis post lapsum istius temporis ignorantiam alleget, esse quidem ad- huc audiendum, sed hac conditione, ut causam ignorantiae, quam allegat, probet, per l. ult. de decret. ab ord. fac. Gudelin. §. de jur. nov. c. 2. add. Christin. vol. 2. decif. 52. num. 2. & seqq.

Scriptum autem jus] Subdivisio juris scripti, quæ quidem ad juris præsentis auctoritatem non mul- tum pertinet: omnia enim, quæ in libris nostris continentur, auctoritate Justiniani nituntur, l. 1. & 2. C. de vet. jur. encl. Sed quoniam hæc confir- mavit Justinianus, quia in veteri jure erant, idèò & hic & in τῷ extare voluit testimonia ex jure priorum temporum, ut juris constituti historia intelligeretur.

TEXTUS.

De lege & plebiscito.

4. *Lex est, quod populus Romanus senato- rio magistratu interrogante (velut consule) consi-*

constituebat. Plebiscitum est, quod plebs plebeio magistratu (veluti tribuno) constituebat. Plebs autem à populo eo differt, quo species à genere; nam appellatione populi universi cives significantur, connumeratis etiam patriciis & senatoribus. Plebis autem appellatione sine patriciis & senatoribus ceteri cives significantur. Sed & plebiscita lege Hortensia lata non minus valere, quam leges cæperunt.

NOTÆ.

4. Lex est] Legis nomen hic strictissime accipitur, aliàs jus omne scriptum significat, opponiturque consuetudini, ut passim in libris nostris, & apud Cic. 1. de legib. sæpè etiam non minus latè extenditur, quam vocabulum juris, ut & νόμος apud Græcos.

Interrogante] Mallem rogante, ut quidam. Rogabat magistratus populum his verbis, *velitis, jubeatis Quirites*, &c. Populus respondebat in tabella vel A. id est, *Antiquo*, vel V. R. id est, *uti rogas*.

Veluti consule] Item dictatore & prætore, non etiam censore. Addit Hotomanus & interregem; sed perperam. Nam interregibus comitia habere ferendis legibus non licuit, ut patet ex 3. in *Nullum*. vid. Nic. Gruch. 1. de comit. Rom. 3.

Plebiscitum] Ἀπὸ τῆς sciscere, ἢ ἡσφίξεσθαι, quod est decernere & constituere, non ἀπὸ τῆς scire. Fabrot.

Veluti tribuno] Alium magistratum plebeium rogationem ad plebem tulisse nemo prodidit.

Quo species à genere] Rectius dixisset, quo pars à toto. Populus enim est *συνολόντι*, quod ex partibus suis plebe & patriciis constat. Interdum tamen populum pro plebe dixerunt. Gloss. gr. lat. *ἄνθρωπος*, populus, vulgus.

Legem Hortensia] Primum lege Horatia secessione in Aventinum; deinde lege Hortensia, secessione in Janiculum. Cujacius ex Liv. & Plin. add. Gell. 15. cap. 27.

COMMENTARIUS.

1. Legis varia significata.

2. Non omnibus magistratibus senatoriis legibus ferendis comitia habendi jus fuisse.

3. Patricios genere semper, non ordine à plebeis distinctos.

Sequitur singularum juris scripti partium explicatio; cui nos lumen aliquod ex antiquitatis memoria afferemus, cujus ignoratio crassos errores peperit.

Lex est] Legem à legenda dictam, scribit Cicero lib. 1. de legib. quoniam in lege inest vis delectus:

jubet enim, quæ honesta sunt, prohibetque contraria. Unde vocabulum legis non minus latè patet, quàm juris: tam enim dicimus, lege naturæ quid concessum aut vetitum esse, quàm jure, ut apud Ciceronem passim: frequentissime autem legem appellamus, quæ scripto sancit, quod vult; eaque popularis est hujus vocis significatio, teste eodem Cicerone d. lib. 1. de legib. Neque tamen omnis scripta sanctio arcto significatu lex est, sed ea tantum, qua universus populus obstringitur: nec alia de causa plebiscita initio leges dicta non sunt, quam quod partem tantum civium obligabant. At post legem Hortensiam plebiscita non minus propriè leges appellata, quam quæ populus centuriatim jussisset.

Senatorio magistratu] Lex ferebatur comitiis centuriatis à magistratibus, penes quos erant majora reipublicæ auspicia, puta à consule, dictatore, vel prætore, non autem ab omnibus magistratibus senatoriis aut curulibus; non à censore, interrege, aut ædilibus curulibus. Interreges quidem magistratibus creandis centuriata comitia habere poterant: sed legibus ferendis habere iis non licuit, ut apparet ex 3. in *Nullum*, nimirum quia in interregno nihil prius cum populo agi licebat, quàm subrogati essent ordinarii magistratus. Sed neque censores, centuriatis comitiis legem tulisse usquam legimus: cumque leges cenforias apud auctores reperiimus, pro censorum subscriptionibus, ut Cicero pro *Cluentio* appellat, aut locationibus censoribus factis, ut 7. in *Verrem*, accipi debent. Populi tamen vocandi jus habuisse ex iis, quæ de lustricondendi ratione Livius commemorat, ostendi potest. Postremo nec ædiles curules ulla comitia habuisse usquam invenias, qui nec alias jus agendi cum populo habuerunt, præterquam in multæ certatione; de quo vide Nic. Gruch. lib. 2. de comitiis Rom. c. 3.

Interrogante] Rogabat magistratus his verbis; *Velitis, jubeatis Quirites*, &c. populus respondebat in tabella vel per literam A, id est, *antiquo*: vel per V. R, id est, *uti rogas*, quod ex antiquorum plerisque locis intelligitur, vid. Agell. lib. 10. cap. 20.

Veluti Tribuno] Tribuni & ædiles plebei proprii plebis magistratus erant: sed ædiles rogationes ad plebem tulisse nemo prodidit. Plebiscita comitiis tributis, leges centuriatis aut curiatis ferebantur: qua de re antiquitatis studiosi consulant Car. Sigonium, & Nic. Gruchium, qui ex professo de comitiis Romanorum, & quæ res, quibus comitiis tractari solitæ, scripserunt; quædam

dam & nos notavimus sub §. 1. *inf. de testam. ord.*

Quo species à genere] Rectius dixisset, quo pars à toto. Est quidem & genus quoddam totum, sed universale, & species pars generi subiecta: sed tale totum non est populus; sed *συνολόν π.*, quod ex partibus suis, plebe & patriciis constituitur.

Sine patriciis & senatoribus] Hæc ad rationem priorum temporum proponi videntur, quibus honores & dignitates omnes soli patricii sibi vindicabant. Nam ex quo etiam plebi aditus ad magistratus populi & in senatum esse cœpit, senatores plebeiis opponi desierunt. Sanè patricii gente sive genere à plebeiis semper distincti fuerunt. Dico genere: nam quod ad ordinem pro censu cuiusque distinctionem attinet, certum est multos è patriciis familiis, puta qui equestrem aut senatorium censum non habebant, in ordine plebejo, & contra plurimos ex plebeiis gentibus in ordine equestri aut senatorio fuisse. Quin olim etiam antequam ex censu maximo senatores esse cœperunt, quod postremis temporibus factum esse scribit Plinius in *proem. l. 14.* ipsi senatores, qui minimi census erant, inter pedites numerabantur, & suffragium si ferre vellent, in quinta classe suffragium dicere debebant, vid. *Gruch. lib. de comit. Rom. cap. 4.*

Lege Hortensia.] Tribunitiis rogationibus initio pars tantum civium, non omnes adstringebantur. Primi L. Valerius & M. Horatius consules, cum velut in controverso jure esset, tenerentur patres plebiscitis, legem centuriatis comitiis tulerunt, ut quod tributum plebs iussisset populum teneret. Id factum anno ab urbe condita 304. secessione secunda in Aventinum. *Liv. lib. 3.* Idem postea confirmatum lege Hortensia lata à Q. Hortensio dictatore secessione tertia in Janiculum, anno ab V. C. 367. Et iterum à Dictatore Q. Publilio, anno ab V. C. 413. vid. *Lin. lib. 8. Flor. in epit. 11. Gell. lib. 15. c. 27.*

Non minus valere quam leges] Ita factum est, ait Pomponius l. 2. §. deinde 8. de orig. jur. ut inter legem & plebiscitum species interesset constituendi: potestas autem eadem esset. In summa ut plebiscita etiam leges revera & essent & appellarentur.

TEXTUS.

De Senatusconsulto.

5. *Senatusconsultum est, quod senatus jubet atque constituit. Nam cum auctus esset populus Romanus in eum modum, ut difficile esset in unum eum convocari legis faciendæ causa; æquum visum est, senatum vice populi consuli.*

NOTÆ.

5. *Auctus esset populus*] Ita & in l. 2. §. deinde 9.

de orig. jur. An autem hæc causa fuerit, an potius ambitio & astutia Cæsarum, melius ex Tacit. 1. *an-*
nal. & Sveton. in Tiber. discas. Quibus modis senatusconsultum fieret, vide Varronem apud Gellium lib. 14. c. 7. In notis S. C. D. *Senatusconsultum* de-
crevit Grot.

COMMENTARIUS.

1. *Quando & unde senatus juris condendi auctoritatem accepit.*

Constat, jus legis ferendæ stante adhuc republ. solius populi, non Senatus fuisse: cui quidem, ut consilio publico, permisissum erat de iis rebus, quæ ad constituendam rempub. pertinebant, cognoscere atque decernere; sed ita, ut quæ majoris momenti viderentur, non aliter rata essent, quam si ea aut populus aut plebs confirmasset. *Polyb. lib. 6. Dionys. Halic. lib. 4. & 7.* nec ullo senatusconsulto aut jus novum introductum aut vetus sublatum legimus: ac ne Julio quidem & Augusto imperantibus ulla hujusmodi senatusconsultorum mentio, sed legum tantum aut plebiscitorum. Ac proinde verissimum est, quod Bodinus lib. 1. de republ. c. 10. scribit, senatui Romano ab exactis urbe regibus usque, ad Tiberii Cæsaris dominatum leges jubere non licuisse, sed decreta tantum annua, quæ tamen nec populum nec plebem tenerent; & manifestè fallitur D. Connan. lib. 2. c. de senat. senatui Romano tribuens perpetuam legis condendæ potestatem. Nam *Dionys. Halic. d. lib. 4.* expressè scribit, senatusconsultata nullam vim legis habuisse, nisi plebs ea probaret; & quæ populus probaverat, annua tantum fuisse, nisi rogatione ad populum vel ad plebem vim legis adipiscerentur. Quid igitur est, quod Jurisconsultus scribit in l. non ambigitur. 9. de leg. non ambigi senatum jus facere posse? Non potuit integra adhuc republ. sed tum demum posse cœpit, cum comitia è campo ad patres translata sunt; quod à Tiberio primum factum esse testatur Tacit. lib. 1. *annal.* Quippe Cæsar dictator, auctore Svetonio, jus comitiorum non in totum populo ademerat, sed cum eo partitus erat. Atque idem jus bellis civilibus diu intermissum reduxerat Augustus: sic enim accipio, quod idem Svetonius c. 40. in Aug. scribit; *Augustum jus pristinum comitiorum reduxisse*: eumque Svetonii sensum ex Dione adstruit Just. Lipsius; ego etiam ex verbis Taciti, quæ mox subjicit: *Nam ad eam diem, inquit, etsi potissima arbitrio Principis, quædam tamen studiis tribuum fiebant.* Ex eo igitur tempore legibus & plebiscitis quiescentibus senatus jus facere cœpit: quanquam non tam propria auctoritate, quam conniventia quadam & indulgentia Principum; quod vel unus Tacitus nos docere potest, & arguunt orationes Principum in senatu haberi soli-

et, in quas senatusconsultum fiebant. Tandem translato in Orientem imperio, mutataque penitus reipub. forma, hæc potestas senatus exolevit; atque à Leone Philosopho etiam nominatim senatui adempta est. Nov. Leon. 78.

Nam cum antus] *Ἀντίοχος*: at ἡ ἀνάστων τις αἰών. Nam ex Livio lib. 1. Dionys. Halicarn. lib. 2. & 6. discimus, senatusconsultorum primordia vetustissima esse: legemque jam inde ab urbe condita fuisse, quæ omnia in senatus potestate ponebat, præter magistratuum creationem, legum lationem, & belli inferendi deponendique arbitrium. Sed fortassis hoc dicere Justinianus voluit, quod & Pompon. in l. 2. §. deinde 9. de orig. jur. aucto populo in eum modum, ut difficulter jam omnes convenire possent, necessitatem eò rem deduxisse, ut æquum visum fuerit etiam de iis rebus senatum consuli, de quibus antea ad populum ferri solebat. Sed & hoc ipsum falsum esse ex iis, quæ paulo ante diximus, manifestè liquet, potestatemque populi ad senatum translata a Cæsare, qui ut Tranquillus in Tiberio scribit, senatus potentiam augendo sua servabant.

T E X T U S.

De Constitutione.

6. Sed & quod Principi placuit, legis habet vigorem: quum lege regia, quæ de ejus imperio lata est, populus ei & in eum omne imperium suum & potestatem concedat. Quodcunque ergo Imperator per epistolam constituit, vel cognoscens decrevit, vel edicto præcepit, legem esse constat. Hæc sunt, quæ constitutiones appellantur. Planè ex his quædam sunt personales, quæ nec ad exemplum trahuntur: quoniam non hoc Princeps vult: nam quod alicui ob meritum indulget, vel si quam pœnam irrogavit, vel si cui sine exemplo subvenit, personam non transgreditur. Aliæ autem cum generales sint, omnes procul dubio tenent.

NOTÆ.

6. Lege Regia] Ex l. 1. D. De constit. princ. Lex Imperii dicitur l. 3. C. de testam. De lege regia cognosce ex indice leg. Rom. Horomanni.

Per Epistolam] Epistola est rescriptum Principis, quo de jure consulentibus respondet. Ut passim in Cod.

Decrevit] Decretum Principis dicitur, cum ipse de causa cognoscit, & partibus auditis pronuntiat,

ut in l. 3. D. de his quæ intest. del. ἀπόφασις βασιλική in Gloss. Basilic.

Edicto præcepit] Edictum est, cum Princeps motu proprio: ἐξ δικέως φύσεως κινήσας aliquid constituit ad honestatem & utilitatem subditorum. Theophil. & l. 3. C. de legib. & ferè ad præfectos prætorio hujusmodi constitutiones diriguntur, ut in l. 6. C. de secund. nupt. & similib.

Personales] Hæc sunt quæ privilegia Latinis dicuntur, eo quod veteres *privæ* dixerunt, quæ nos *singula* dicimus. Gell. 10. c. 20. Fest. in voce *privos*, & ibi Jos. Scal. in annot. alias jus singulare. l. 16. D. de legib. Hujusmodi sunt privilegia militum, doctorum, studiosorum, &c.

Pœnam irrogavit] Nempe graviorem ordinariæ, propter exemplum. Obiter hic nota, privilegia non solum pro aliquo, sed etiam in aliquem ferre posse; ut in Milonem à Pompejo, à Clodio in Ciceronem lata sunt.

Personam non transgreditur] Non producit hoc jus ad consequentias, l. 14. D. de legib. non transit ad successores, l. 68. l. 196. de reg. jur.

COMMENTARIUS.

1. Lege regia jus omne populi privativè in Principem translatum.
2. Genera constitutionum exposita.
3. Quid & quotuplices sint, cum quam vim habeant constitutiones personales & privilegia, & n. 5.
4. Privilegiorum rariorem usum esse in statu democratico, quam in monarchico.
6. De rescriptis contra jus elicitis & de precibus sub obreptitiis, nec non de moratoria prescriptione.

Lege regia] Hæc eadem habet Ulp. l. 1. de constit. princ. Latam autem fuisse legem, idque sub Augusto, eamque secutum in eandem sententiam senatusconsultum, qua lege populi omnis potestas Principibus concessa, ipsique legibus soluti sunt, probatur testimonio Dionis, qui lib. 53. de principibus loquens, ἀλλωτιμ, inquit, τοῖς νόμοις, ὡς αὐτὰ τὰ λατῖνα ῥήματα λέγει, ut ipsa verba latina sonant. Quod non nisi de verbis alicujus legis accipi potest. Eadem est, quæ lex imperii dicitur, l. ex imperfecto, 3. C. de testam.

Ei & in eum] Hæc verba in eum Theoph. Horom. Wesemb. interpretantur in se, quod nimis argutum. Probabile est, populum his verbis in formula legis usum ad ostendendam enixam suam voluntatem omne imperium suum παντελῶς transferendi. Fabrot.

Omne imperium & potestatem] Ergo populus non retinuit veterem potestatem, eamque cum Principe

communicavit duntaxat, sicut illi sentiunt, qui populum non privativè, sed cumulativè potestatem suam in Principem contulisse contendunt: qui error in notissima Politices principia impingit, & manifestior est, quam ut refutari debeat. Non equidem nego jura majestatis ita dividi posse, ut non omnia in unum, quem Principem constituit populus, transferantur, sed quædam apud optimates aut populum remaneant, atque ita temperatum ac mixtum fiat imperium: sed eadem jura majestatis & transferri & retineri nullo modo possunt. Nihil ad rem facit, quod Principes ab invisibilibus populo nominibus, Regis aut Domini abstinerint, cum alio sub nomine regiam potestatem exercent, auctore Dionis d. lib. 53. quod non satis examinavit D. Gudelinus lib. 5. de jur. noviss. c. 2. multo autem minus jus illud imaginarium populi in suffragiis ferendis, aut illa in jure condendo precaria senatus auctoritas. Manebant enim tunc temporis adhuc, ut inquit Tacitus, vestigia morientis libertatis. Et verissimè de populo Romano Juvenalis Satyr. 10.

Qui dabat olim

Imperium, fasces, legiones, omnia, nunc se
Continet, atque duas tantum res anxius optat,
Panem & Circenses.

2. Quodcumque ergo Imperator] Constitutiones Principum non sunt unius generis. Distinctio à causa, finali, hoc est, à scopo & intentione Principis sumenda. Etenim vel hoc apertè & directè Princeps agit, ut legem condar & jus præscribat, quod fit non tantum, cum generaliter & motu proprio quid constituit ad usum subditorum, quæ species constitutionis edictum dicitur & lex edictalis, l. 6. C. de sec. nupt. cum simil. sed etiam cum responder magistratibus de jure dubio consulentibus; quanquam Theophilus hoc genus constitutionis epistole speciem facit; vel non agit id principaliter, ut jus aliquod in commune constituat, sed ut in specie litem aliquam inter partes componat; & tamen propter excellentiam & dignitatem personæ constituentis, id quod constituit, legis vigorem habet, l. 1. §. 1. de const. Princ. l. ult. C. de legib. cum à iudicibus res judicatæ aliis non noceant, tit. C. res int. al. act. vel jud. al. non noc. ac ne sententiæ quidem latæ in consistorio Principis, aut ab ipso quidem Principe, sed ad relationem & consultationem iudicis l. 2. l. 3. C. de legib. Vid. tamen Christin. vol. 2. decis. 63. n. 3. & seqq. & vol. 3. decis. 111. n. 8. & 9. Posterioris hujus generis dæ sunt species, epistola & decretum. Epistola propriè dicitur, cum privatis de jure suo consulentibus Princeps rescribit. Decretum *ὑποφάσις βασιλέως*, cum ipse de causa cognoscit & partibus auditis sententiam pronuntiat; quem veterum Principum morem fuisse testantur historiæ AA. scriptores, ele-

gans exemplum habemus in l. 3. de his quæ in test. del.

Quædam sunt personales] Cum dixisset non ea tantum, quæ Princeps dicto præcepit, sed etiam quæ per epistolam constituit, aut cognoscens decrevit, vim etiam in aliis causis & personis habere, id nunc ex Ulpiano in d. l. 1. §. 2. de const. Princ. sic temperat, nisi aliam esse voluntatem & sententiam Principis appareat: esse enim constitutiones quasdam personales; quibus jus singulare in certæ alicujus personæ gratiam constituitur: Hæ sunt quæ privilegia Latinis dicuntur, eo quod veteres *privæ dixerunt quæ nos singula dicimus* autore Gellio lib. 10. c. 20. & Festo in voce privos, ubi Jos. Scal. in annot. Offendit me, inquit quod apud Ciceronem pro hac voce *privatum* substituerint, ut in ea Pro dom. Vetant leges sacratæ, vetant 12. Tab. leges privis hominibus irrogari. At hodie legunt *privatis*: Item 3. de leg. Tantum majores in posterum providisse: in privatos homines leges ferri noluerunt. Cum Cicero scripserit, in privos homines. Subjicit enim: id enim est privilegium. Postea interpretatur: ferri de singulis nisi centuriatis comitiis noluerunt. Ait autem Justinianus, hujusmodi constitutiones personales sive privilegia aut jura singularia in exemplum non trahi, nec personam egredi: quoniam non ea mens sit Principis, qui solius puta Titii aut Sempromii causa aliquid constituit, ut id, quod ita constituit, in universum pro jure observetur, aut ad alios transferatur. Apparet vero ex ipsis verbis non agi hoc loco de privilegiis causæ aut rei, sed personæ, quibus sola personæ conditio locum facit: qualia sunt privilegia militum, doctorum, studiosorum, &c. Item immunitas certæ personæ tributis l. 1. §. 1. de jur. immunit. jus tacitæ hypothecæ, quod in exigenda dote mulieri indultum est in bonis mariti, & nominatim à Justiniano cum hoc privilegio, ut aliis creditoribus hypothecariis etiam tempore prioribus præferatur, l. assiduis C. qui pot. in pig. Tale item beneficium est, quod parenti, patrono, marito, donatori &c. concessum, ut in id tantum, quod facere possunt, condemnentur, l. sunt qui. 16. & seqq. de re. jud. l. 12. & seqq. sol. matr. Hæc & similia, personarum privilegia deficiente persona, cui data sunt, statim simul deficient, aut extinguuntur, neque ad successores transeunt, dd. l. 1. in omnibus 68. l. privilegia. 196. de reg. jur. nisi id quoque nominatim privilegio cautum sit, l. 4. de jur. immunit. At quæ privilegia magis causæ, quam personæ præstantur, ea hæredibus quoque & cæteris successoribus tribuuntur, d. l. in omnibus, & d. l. privilegia de reg. jur. Cujus generis beneficia sunt immunitates generaliter locis aut civitatibus aut familiis datæ, l. 4. §. 3. de censib. induciæ temporis, quæ judicatis indulgentur, l. tempus 29. de re. jud. jus ante omne creditum deducendi impensas funeris, l. pen. junct. filius. 31. §. ult. de re l. & sumpt. fun. &c. de quo adui

adui D. Pet. Fab. ad d. l. in omnibus, & d. l. privilegia, de reg. jur. Christin. vol. 5. decis. 47. 30. & seqq. Usus privilegiorum, ut hoc obiter addam frequentior est, ubi singuli regunt, quam ubi universi, propterea quod in statu populari major esse debet æqualitatis observatio. Quam ob causam etiam lege 12. tabb. cautum fuit ne privilegia irrogarentur. teste Cic. pro dom. sua quod Decemviros à Græcis accepisse ex oratione Demosthenis contra Aristocratem liquere potest. Cæterum hoc juris erat ordinarii: nam extra ordinem jure supremæ potestatis privilegia etiam à populo, aliquando ferebantur sed non nisi centuriatis comitiis Cic. 3. de legib. Quale illud apud Romanos fuit, ut quis ante magistratum capere posset, quam per leges licebat. Sic Athenienses cum injurari nullius testimonium admitteretur, soli Xenocrati remiserunt jusjurandum. Diog. Laërt. in Xenocr.

Ob meritum indulgit] Tres personalium constitutionum species hoc loco proponuntur; si quid princeps alicui ob meritum indulgit, puta immunitatem ab oneribus publicis; si quam pœnani irrogavit, puta graviolem ordinariam propter exemplum; si cui sine exemplo subvenit; puta gratiam delicti fecit. Ubi obiter notandum privilegia non solum pro aliquo, verum etiam in aliquem ferri posse, ut in Milonem à Pompejo; in Ciceronem à Clodio lata sunt, Cic. pro dom. sua. Illud hic prætereundum non est, non ut quisque privilegium à Principe impetravit, ita & continuo id valere. Nam primo rescripta Principum contra jus vel utilitatem publicam elicità à iudicibus improbari etiam ipsorum imperatorum constitutionibus jubentur, extra quam si prosint petenti & alium non lædant, vel crimen supplicanti indulgeant, l. 3. & 7. C. de prec. imp. off. l. ult. C. si cont. jus vel util. pub. aut licet cum læsione alterius; moratoria duntaxat præscriptio debitori permittatur, ut est in l. 2. C. de præc. Imp. offer id est, exceptio dilatoria, exceptio non qua perimatur actio, sed petitio & exactio in tempus certum differatur, spatium ad solvendum debitori dato Brieff von respect. Quo tamen casu placet non aliter rescriptum valere, quam si fidejussio idonea super debiti solutione præbeatur, l. 4. C. d. tit. quod & cautum Caroli V. edicto 19. Maji 1544. art. 32. Secundo si Principi obrepum sit, celata scilicet veritate; vel subreptum expresso mendacio, rescripti fructu privari jubetur, qui id impetravit, l. 2. C. de legib. l. pen. C. si cont. jus vel util. pub. Utrumque ex voluntate & mente Principis sumptum est, qui non creditur aliquid velle contra utilitatem publicam concedere; aut aliter, quam si preces veritate nitantur, l. 7. C. de div. reser. l. pen. & ult. C. si cont. jus & l. Grænev. tract. de ll. abro. Gail. 1. obs. 14. Tuld. & Perez. post. DD. comm. ad d. tit. C. si cont. jus vel util. pub. Ant. Fab. C. suo ibid. de fin. 1. Christi-

stin. vol. 2. decis. 74. & 76. exemplum in l. 1. ff. de natal. reser. Hinc est, quod à Curiis rescripta ejusmodi aut reiici aut admitti, sive ut nunc loquuntur, interinari solent.

TEXTUS.

De Jure honorario.

7. Prætorum quoque edicta non modicam obtinent juris auctoritatem. Hoc etiam jus honorarium solemus appellare: quod qui honores gerunt, id est, magistratus, auctoritatem huic juri dederunt. Proponebant & ædiles curules edictum de quibusdam causis; quod & ipsum juris honorarii portio est:

NOTÆ.

7. Prætorum edicta] Jus prætorium introductum est adjuvandi vel supplendi & corrigendi juris civilis gratia, l. 7. §. 1. D. de just. & jur. exempla in pr. & §. 1. infr. de bon. poss. §. 3. Infr. de exh. lib. §. 9. infr. de her. que ab intest. §. 3. infr. de leg. agn. succ.

Non modicam auctoritatem] Minorem tamen, quam species superiores. Nam edicta prætorum non valebant auctoritate populi aut Principis, sed tantum ob honorem magistratus, qui non tam conditor est juris novi, quam custos & interpret conditi, d. l. 7. §. 1. & l. seq. D. de just. & jur. l. 2. §. 12. de orig. jur. l. 12. §. 1. D. de bon. poss. l. 1. in fin. D. ex quib. caus. maj.

Ædiles curules] Ad distinctionem ædiliū plebis. Curabant ædes fartas rectas esse, aquasundas, integros aquæductus, vias expeditas. Cic. 5. in Verr. add. Liu. lib. 6. in fin. & 7. in pr. Varr. 4. de ling.

Juris Honorarii Portio] Jus honorarium genus est, cujus species prætorium & ædilitium.

COMMENTARIUS.

1. Unde prætori & qualis condendi juris potestas
2. Ædiles Curules qui & unde dicti.
3. Jus ædilitium quo sensu dicatur subprætorio contineri.

I nter species juris civilis numeratur hoc loco & jus prætorium: quod tamen non raro ut species diversa, juri civili opponitur. Sed non est novum in jure nostro, ut idem nomen nunc latius, nunc angustius accipiat; & quod per se positum nomen generis est, contrahatur ad certam speciem oppositam speciei ejusdem generis, Itaque cum jus civile à prætorio distinguitur, per jus civile intelligitur, quod ex legibus, plebiscitis, senatusconsultis, decretis Principum; auctoritate prudentum venit; per prætorium, quod illius juris adjuvandi, supplendi, corrigendi causa magistratus introduxerunt. Papi- nan. l. 7. de just. & jur. Unde autem prætori juris condendi potestas? Neque enim prætor aliud, quam

magi-

magistratus fuit, juri dicundo non condendo, quod majestatis est; præpositus, custos juris civilis, non arbitri, neque ulla lege talem potestatem prætori datum uspiam legimus. Sic existimo; Prætores ab initio jure magistratus edicta tantum proposuisse, de quibus rebus, & quomodo jus dicturi essent, l. 2. §. eodem tempore 10. de orig. jur. Progressu autem temporis, non obnitate populo, hoc simul usurpasse ut edicendo etiam jus constituerunt: ut tamen edicta eorum minorem longè vim, quam leges haberent, nec abrogare jus constitutum aut receptum possent, l. cum sponsus 12. §. 4. de publ. in rem act. l. 12. §. 1. de bon. poss. sed tantum adjuvare, supplere, corrigere, l. 7. §. 1. de just. & jur. hoc est, rigorem juris civilis mitigare, & de iis, quæ legibus nec sancita nominatim nec vetita essent, ex bono & æquo aliquid statuere, etiam præter rationem juris civilis. Nam certè plus hic licuisse prætori, quam vel jurisconsultis vel iudicibus privatis, argumento sunt tot exceptiones & actiones, tot honorum possessiones præter manifestam rationem juris civilis à prætore inductæ, in quibus ante jus à prætoribus constitutum nihil sibi sumere quisquam privatus potuit: atque hinc est, quod edictum prætoris nonnunquam lex appellatur, uti ab Ulpiano l. 1. §. 2. unde cog. & Cic. 3. Verrin.

[Qui honores gerunt] Jus honorarium ad honorem prætorum nominatum est, ait Papin. in d. l. 7. §. 1. quod, qui honores gerunt, id est, magistratus, auctoritatem huic juri dederunt, ut hic Justinian. proposuerunt quidem & alii magistratus censores, consules tribuni, edicta, ut ex Cic. Gell. & aliis notum est: nec dubium, quin secundum ea jus dictum fuerit: attamen quia soli prætores juris dicundi causa creati sunt, totaque ferè jurisdictio penes prætores erat, hinc factum arbitror, ut jus omne quod à jurisditione venerat, non minus prætorium, quam honorarium appellaretur, atque appellatione prætorii etiam aliæ partes juris honorarii continerentur.

2 [Ædiles curules] Curules, ad distinctionem ædilitium plebis: nam ædilitatem curulem patricium magistratum fuisse constat ex Liv. init. lib. 7. dec. 1. Ædiles autem dicti à potissima parte procurationis eorum, quod ædes sacras & privatas fartas tectas esse curarent. Auctores Festus & Varro lib. 4. de ling. Lat. nam & alia ad munus eorum pertinebant, quæ recenset Cic. lib. 5. in Verr. & Gruch. lib. 1. de comit. Rom. De verberbio vocis Curules non magnoperè laborandum: sive enim à curia, sive à curru, quo vehébantur, sive à sella curuli, in qua sedebant, eam deducas, parū refert.

[De quibusdam causis] De rebus maximeque mancipiis & jumentis venalibus, idem de animalibus feris continendis, qua vulgo iter fit, edictum satis celebre & explicatum, lib. 21. tit. 1.

3 [Jus honorarii portio] Jus ædilitium appellatione

juris honorarii propriè continetur, ut species appellatione generis. Sed & prætorii appellatio jus ædilitium continet, l. 5. in pr. de verb. oblig. non quidem verbi significatione, (neque enim ædiles prætores erant) sed sententia scribentis. Et hoc est, quod Pomponius scribit in d. l. 5. prætorias stipulationes sic exaudiri oportere ut in his etiam contineantur ædilitiæ; nam & hæc, inquit, à jurisditione veniunt. innuens id, quod de prætoriiis, tanquam principali earum specie, dictum est, etiam dictum intelligi de reliquis, quarum interponendarum eadem sit causa & origo, jurisdictio nimirum magistratus.

TEXTUS.

De Responsis Prudentum.

8. Responsa prudentum sunt sententiæ & opiniones eorum, quibus permixtum erat, de jure respondere: nam antiquitus constitutum erat, ut essent, qui jura publicè interpretarentur, quibus à Cesare jus respondendi datum est, qui Jurisconsulti appellabantur: quorum omnium sententiæ & opiniones eam auctoritatem tenebant, ut iudici recedere à responsis eorum non liceret, ut est constitutum.

NOTÆ.

8. De jure respondere] Cujac. Hotom. Wef. ex libris veteribus, jura condere. Theoph. νομοθετεῖν sed ut rectè idem, ἡ πρὸς τὴν ἀποκρίσιν, per consultationem & responsum.

[Antiquitus constitutum] Malo institutum. nulla enim lege id constitutum, sed more majorum institutum fuit: dictaque hæc pars in specie jus civile, l. 2. §. 5. D. de orig. jur.

[A Cesare] Primus D. Augustus constituit ut ex auctoritate Principis responderetur, d. l. 2. circa fin.

[Quorum omnium] Aut utique plurium, l. un. C. Theod. d. Respons. prudent.

COMMENTARIUS.

Origo auctoritatis prudentum à capite accersita.

Postrema juris scripti pars sunt responsa prudentum. Cujus juris originem operæ est à capite accersere. Latis legibus 12. tabb. quæ perbreves erant & obscuræ, cœpit (ut naturaliter evenire solet) ut interpretatio desideraret prudentum auctoritatem, necessariaque esset disputatio fori. Hæc disputatio atque hoc jus, quod sine scripto venit, compositum à prudentibus, communi nomine appellabatur jus civile, hoc est, nomine generis ad speciem contracto. Hæc Pompon. l. 2. §. his legibus 5. de orig. jur. Unde primo intelligimus, interpretationem juris duntaxat prudentibus permixtam fuisse, non juris pro-

proprie condendi potestatem: ac neque hanc earum interpretationem statim pro jure acceptam: sed ubi ea in foro agitata & recepta esset: quo respectu jus istud sine scripto introductum Pomponius ait: quod tamen pars est juris scripti, quatenus est ex interpretatione illius juris & legum sententia, arg. l. 9 §. 1. de verb. sign. ad quod declarandum habemus accommodatissimum exemplum, *infr. tit. de leg. patr. tit.* atque hoc sensu recte opponitur consuetudini. Item jus illud sive receptas interpretum sententias compositas, hoc est, descriptas, atque in certum volumen collectas fuisse, neque ab iis iudicem in iudicando potuisse recedere; utpote quæ partem constituerent juris civilis, eoque nomine in specie etiam appellarentur. Atque ut obiter sciamus, ante tempora Augusti, quicumque studiorum suorum fiduciam habebat, de jure consulentibus publice respondere poterat. Divus autem Augustus, quo major esset juris auctoritas, primus constituit, ut ex sua auctoritate responderetur. Post quod tempus peti pro beneficio & à Principe jus respondendi dari cœpit, ut in d. l. 2. circa fin. idem Pompon. scribit; quam ob causam nonnulli existimant ex eo demum tempore responsa auctoritatemque Jurisconsultorum inter partes juris scripti numerari cœpisse. Nunc verba hujus §. inspicimus.

Permissum erat de jure respondere] Hoc ad tempora liberæ reipub. referri non posse ex jam dictis liquido apparet: sed ad posteriora referendum, postquam nimirum D. Augustus hoc jus à Principe peti voluit. Fallitur Theophilus, dum putat hoc jus à populo aut senatu concessum fuisse.

De jure respondere] Veteres codices, (auctore D. Pacio) habent *jura condere*, id est, νομοθετεῖν, non male: nam & consulti quodammodo jus condebant; nempe, ut recte Theophilus, ἡ πρῶτη καὶ δεύτερη, per consultationem & responsum quo sensu etiam juris conditores nonnunquam appellantur, l. nulla 23. C. de proc. l. si furiosi 25. C. de nupt. Cæterum, ut dixi, quod ita respondentes interpretando condebant, non ex propria eorum auctoritate statim valuit aut vim legis habuit; sed tum demum habere cœpit, cum usu forensi receptum esset: errantque adeo toto iudicio, qui tantam Jurisconsultis auctoritatem tributam fuisse existimant, ut novum etiam jus condere potuerint per l. ult. C. de legib. ubi tamen nihil eis conceditur, quod antea non habuerint; sed tantum relinquatur pristina legum interpretandarum facultas, add. D. Gudelin. §. de jur. nov. 2.

Constitutum erat] Malo institutum, ut nonnulli codices habent: nulla enim constitutione tale quid sancitum fuit.

Jurisconsulti] Item jurisperiti, & prudentes, & au-

ctores juris, modestiæ quoque causa juris studiosi appellari amabant: fortassis ad exemplum Pythagoræ, qui se non σοφόν, sed φιλόσοφον dici voluit. Itaque hæc appellatio communis est tam præceptorum, quam discipulorum & auditorum juris, l. 1. de off. assess. l. 9 §. 4. de pen. l. 4. de extr. cogn. quibus in locis constat juris studiosos pro juris professoribus & assessoribus comitibusve iudicium accipi. add. Cujac. 7. observ. 25. Ruv. 2. consuet. 10.

Quorum omnium] aut utique plurimorum: nam singulorum sententiis eam vim tribuere perquam absurdum; & videtur Justinianus, ut verba postrema hujus §. arguunt, respicere ad constitutionem Theodosii, quæ extat in l. un. Cod. Theod. de resp. prud.

TEXTUS.

De jure non scripto.

9. *Sine scripto jus venit, quod usus approbavit; nam diuturni mores consensu utentium comprobati legem imitantur.*

NOTÆ.

9. *Diuturni*] Propria hæc sunt epitheta consuetudinis, ut dicatur, diuturna, longa, inveterata: quanto autem tempore introducatur, jure nostro definitum non est.

Legem imitantur] Id est, legis vim & effectum, habent, l. 32. & seq. D. de legib. Quin etiam plus valere & in rebus majoris momenti versari leges, quæ moribus comprobatæ sunt, quam quæ scripto constant, testatur Aristot. 3. Polit. cap. ult.

COMMENTARIUS.

1. *Juris non scripti seu longa consuetudine introducti quanta, & unde auctoritas, num. 2. & 5.*
3. *Ad jus consuetudine introducendum opus esse probabili superioris scientia.*
4. *Quantum tempus, quot actus & quales ad inducendam consuetudinem necessariis.*
6. *Applicatio superioris divisionis ad jus civile Batavorum.*
7. *An plures species juris, quam quæ memoratæ, & de æquitate, & communi opinione.*

Sine scripto] De quibus causis scriptis legibus non utimur, id custodiri oportet, quod moribus & consuetudine inductum est, l. de quib. 32. de legib. Imo magnæ auctoritatis hoc jus habetur, quod in tantum probatum est, ut non fuerit necesse scripto id comprehendere, l. imo magna 36. eod. *Usus est*. inquit alicubi Livius, gravissimus juris censor & explorator, ut non possit non æquum esse & utile, quod is probavit, sæpius factò periculo. Cui simile est, quod Aristot. 3. Polit. ult. scribit, plus valere & in rebus majoris

majoris momenti versari leges, quæ moribus comprobate sunt, quam quæ scripto constant. Dicitur autem hoc jus non scriptum, non quod scribi non possit, sed quod scribi necesse non sit, d. l. 36. Utique tamen, utile est scripto id comprehendere ad lites & sumptus probationum minuendos; & videmus multarum regionum consuetudines non modo scriptas, sed etiam commentariis illustratas circumferri. Neque tamen idcirco consuetudo fit jus scriptum, quod legem appellamus: quia non ex scriptura, sed ex usu æstimatur; & facilius tantum probationis causa scripta intelligitur.

[*Consensus utentium*] Nimirum tacito. Nam quem admodum expresse sanctio legem facit, ita tacita populi voluntas consuetudinem; unde quoad vim & effectum inter hæc duo nihil interest. Quid enim refert, ait Julianus in d. l. de quibus suffragio populus voluntatem suam declaret, an rebus ipsis & factis? Populum autem etiam hic intelligere debemus nullius imperio subiectum: nam quæ civitates alterius imperio parent, non magis tacito consensu consuetudinem introducere possunt, quam expresse legem. Hinc quia ejusdem est legem tollere, cujus est condere, rectè rescriptum est in l. 2. C. quæ sit long. conf. legi à Principe latæ contraria consuetudine derogari non posse. Quamobrem etiam existimandum est Julianum in d. l. quibus, respexisse ad anteriora tempora, quibus populo adhuc jus suffragii erat, aut ad ea jura, quæ nondum sublato jure suffragii moribus introducta sunt: quale est pupillaris substitutio, l. 2. de vul. & pup. subst. item querela inofficiosi testamenti l. 8. in pr. de bon. poss. cont. tab. donationis inter virum & uxorem improbat, l. 1. de don. int. vir. & ux. & si quæ sunt generis ejusdem. Fortassis etiam jura municipiorum consideravit, quæ suis legibus & moribus utebantur etiam sub Imperatoribus, ut notavi sup. §. 1. Evincit hoc ipsa Jurisconsulti disputatio, qui argumentatur à jure suffragii ad jus introducendi consuetudinem. Proinde in statu populari jus consuetudinis introducendæ, quæ instar legis sit, solus populus habere potest; in monarchico aut optimatum non item: sed in ea introducenda probabilis Principis aut superioris scientia & patientia requireretur, ut rectè D. Wesemb. par. de legib. n. 9. & D. Gudel. lib. 5. de jur. noviss. c. 2. per d. l. de quib. & d. l. 2. C. quæ sit long. conf. etsi quod non requiratur scientia superioris communior opinio est, quam post Schneid. hic n. 2. probat D. Tulden. ad. d. tir. C. n. 1. & in judicando secuta est suprema Curia Mechlin. teste D. Cristin. vol. 2. decis. 55. n. 5. & 6. neque D. And. Gail. 2. obser. 31. aut Myns. 9. obs. 41. & seq. hoc inter requisita consuetudinis numerant. Planè quatenus civitates statuta condere possunt, nec consuetudines statutis similes introducere prohibentur, aut ante statuta tacite abrogare.

[*Diuturni mores*] Propria hæc epitheta sunt consuetudinis, ut dicatur diuturna, longa, inveterata. Nam cum sensim tacito consensu populi inducatur, necesse est is consensus ex factis & tractu temporis arguatur. Et quia hoc respectu consuetudo facti est, probari quoque debet, atque ad eam probandam multum confert, si ea judicio contradictorio aliquando firmata sit, l. cum de consuetudine 34. de legib. Quantum autem tempus & quot actus ad introducendam consuetudinem requirantur, inter interpretes non satis convenit, D. Connanus 1. comm. 10. & Hotom. hic, tantum tempus requirunt, quantum superstitum hominum nec ætas nec memoria comprehendit per, l. 1. §. ult. junct. l. 2. §. idem Labeo 7. de aq. plur. arc. Vulgo, testibus D. Gail. 2. obs. 41. Myns. 6. obs. 41. Schneid. hic n. 5. Wesemb. par. de legib. num. 9. arbitrantur consuetudinem induci decennio aut tanto tempore, quanto jus aliquod præscribi potest. Verum, ut rectè D. Ant. Fab. 1. jurispr. 2. pr. 11. notat, in eo hi omnes errant, quod consuetudinem, cum præscriptione juris confundunt. Præscriptio enim nullum jus acquirit nisi præscribenti, & in eos duntaxat, contra quos præscriptum est, & in tantum, in quantum præscribens possedit vel quasi. Consuetudo vero acquirit jus in universum omnibus & contra omnes in suo casu: quia cum sit lex quædam tacita, legem imitatur, l. ult. C. quæ sit long. conf. Quam ob causam cum D. Cujac. 20. obs. 1. & Menoch. confil. 543. num. 26. potius judicis arbitrio hoc definiendum censeo, qui pro negotii qualitate, modo longius modo brevius tempus statuere possit, & quantumcumque tempus sufficere, modo aditus actuum frequentia, & uniformitas, ut Ant. Fab. ad l. nam Imperator. 38. de legib. Et quoniam in consuetudine introducenda non hujus aut illius hominis vel etiam ordinis morem inspicere debemus, sed totius populi usum, eumque colligere ex iis, quæ non semel aut bis, sed frequenter circa eandem rem & controversiam observata sunt, l. 1. C. quæ sit long. conf. & observata tenaciter, hoc est, perpetuo similiter, l. ult. C. eod. non putare ad inducendam consuetudinem duos actus sufficere, quantumvis judiciales & notorios, quæ communis est opinio probata item à Gail. & Myns. dd. loc. sed hoc etiam arbitrio judicis relinquendum, ut cætera, quæ certo jure definita non sunt, arg. l. 1. §. ult. de jur. delib. l. 9. C. de bon. auct. jud. poss. Cujac. Menoch. Fab. ubi sup. eleganter D. Diod. Tulden. in comm. ad hunc tit. cap. 4. Illud majoris partis consensu & rectè receptum est, cum de consuetudine probanda quæritur, necesse non esse probare, eam aliquando firmatam fuisse judicio contradictorio. Nam cum ea populi consensu inducatur, quid refert, quod non etiam intervenerit res judicata? Quid si tam certum jus fuerit, ut de eo nunquam apud

apud judicem dubitatum sit, an non majoris auctoritatis id videri debet, quam quod in judicio contradictorio approbatum? *l. imo magna 36 de legib.* Consilii igitur est, non necessitatis, quod scribit Ulpianus in *l. 34. d. tit. cum de consuetudine* quaeritur, primum explorandum esse, an etiam contradictorio aliquando judicio confirmata sit. Consilium dat, ut id fiat, quia illa exploratio utilis est probaturo consuetudinem, scilicet ut paratas habeat easdem illas probationes, quibus consuetudo tum probata est. Et secundum hanc opinionem in Camera judicatum testatur *Gail. 2. obs. 31. num. 8. add. Myns. 6. obs. 41. num. 15. Schneid. hic num. 6. Christ. vol. 4. decis. 187. num. 7. & seqq.* ubi plures citat, qui hanc sententiam defendunt, & communem asserunt. Itaque quoque judicatum refert *Radelant Traject. decis. 3. num. 4.*

5 *Legem imitantur*] Id est, vim & effectum legis habent. Itaque non hic solus consuetudinis effectus est, quod jus novum de quo nihil ante cavebatur inducat; sed etiam quod latam antea legem abroget, *§. pen. inf. eod.* Est & alius item consuetudinis effectus, in jure scripto nimirum interpretando. Nam si de interpretatione dubie alicujus legis quaeratur, monemur in primis inspiciendum esse, quo jure civitas retro in hujusmodi casibus usa sit: optimam enim legum interpretem esse consuetudinem, *l. si de interpretatione 37. & l. seq. de legib.* minimeque mutanda, quae interpretationem certam semper habuerunt, *l. minime 23. eod.*

6 Nos item in his regionibus aut scriptis legibus utimur, aut non scriptis. Leges scriptae aut generales sunt, quae ad omnes pertinent, & ubique locorum in hac provincia vim habent, aut speciales, quae sunt propriae alicujus loci, aut privilegia certis corporibus, collegiis civitatibus, aut regionibus, itemque certae alicui personae aut pluribus unius generis, ut viduis, pupillis, pauperibus, &c. concessa. Generales leges soli faciunt Ordines, aut Praefecti, quibus ea potestas, sub nomine Comitum aut summorum magistratuum legitime delata est. Sed & sine hac delatione, Praefecto Provinciae una cum Praefide aliisque Curiae Provincialis Senatoribus jus est de quibusdam causis leges ferre, nempe de iis, quae ad usum fori, morem judiciorum, ad lites tractandas atque expediendas, ad frustrationes & captiones scribarum, advocatorum, procuratorum, viatorum &c. corrigendas pertinent, quippe quibus in hac parte cura reipub. jam ab initio mandata fuit, *Mernl. lib. 1. tit. 4. c. 3. add. Christin. vol. 2. decis. 51. num. 8. & decis. 65. num. 3. & 4. nisi haec Curiae decreta speciales potius leges dicendae cum D. Grot. 1. manud. 2.* Speciales leges non tantum Ordines condunt, aut Praefecti, quos diximus, privilegiis fe-

rendis, aut condendis statutis particularibus: verum etiam praetores & Baillivi de sententia magistratuum urbanorum legitime congregatorum in sua quisque civitate leges locales quas *Heuren* appellamus condere possunt: item Baillivi cum potissimis agros colentium, (*Melgeboren Mannen*) praetores pagani cum Scabinis in agris & pagis de rebus ad jurisdictionem suam pertinentibus; quatenus nimirum jus condendorum statutorum ab iis, quae summæ rei praesunt, acceperunt. Leges non scriptae sive mores aut inveteratae Consuetudines & ipsae partim generales, qualis est communio bonorum inter conjuges; partim speciales, quale est jus retractus, quod in Rhinlandia, Delflandia, Kennemerlandia, & agro Voornano observatur, *D. Mernl. d. lib. tit. 4. c. 1. & seqq. Grot. d. loc.* Quod si de re, de qua quaeritur, nihil legibus aut moribus nostris definitum est, jus commune, hoc est, Romanorum, sequendum est, auctore *D. Grot. d. loc. add. Christin. vol. 1. decis. 343. Gndelin. lib. 1. de jur. Nov. c. 13. & lib. 3. cap. 13.*

Et haec tenus quidem explicatae sunt partes juris civilis à Justiniano propositae. Sed an non plures poni debuerint, dubitari potest. Video enim, à nonnullis inter partes juris non scripti praeter consuetudinem, quae sola à Justiniano posita est, numerari etiam res judicatas sive praedictas, & aequitatem. Sed utrumque perpetam. Nam etsi rerum, praesertim saepius judicarum, non vilis est auctoritas: vim tamen legis minime habent, nec jus inducunt, quod inter alios, simili aut ejusdem generis controversia, mora, sequi necesse sit, *tit. C. res int. al. act. aut jud. al. non not.* eoque pertinet, quod Imp. in *l. nemo C. de sent. & interl.* rescribit, & vulgo dici solet; *Non exemplis, sed legibus judicandum esse.* *Christin. vol. 2. decis. 51. num. 5. & seq.* Sed nec aequitas proprie dicta hujus juris pars est. Est quidem ἀρετή, quia scripta non est: sed non eo sensu ita appellari potest, quo jus illud constituit speciem juris civilis. Quod ut planius intelligatur, observandum est; nomen aequitatis dupliciter accipi; vel in genere pro aequo, quod cum omni jure conjunctum est; vel in specie pro eo, quod est à jure civili diversum: Generalis appellatio etiam juri civili convenit: nam omnibus legibus & juri civili aequitas aliqua inesse creditur, nomenque juris non meretur, quod ab omni aequitate destitutum est. Atque hoc sensu Cicero in *Topic.* jus civile definit *aequitatem constitutam iis, qui sunt ejusdem civitatis.* In specie autem & proprie accepta aequitas juri opponitur, non scripto, ut male nonnulli, sed stricto. Haec Graecis *Πείκελον* dicitur, nostris etiam aequum & bonum, humanitas, benignitas: & ab Aristotele *5. Eth. 10.* definitur

ἐπὶ τῷ νόμῳ ὁ νόμος δικαίος, juris legitimi correctio. Cujus usus elucet cum in verbis legis ex sententia extendendis & ad casus similes producendis, ubi lex minus scripsit, plus voluit; tum in verbis restringendis, ubi ex sententia constat plus scripsisse legislatorem, minus voluisse: maximè verò in benigna legum interpretatione, earumque ad singulas facti species accommodatione; tali tamen, quæ ab expressa & manifesta legislatoris voluntate non recedat. Huc pertinet l. 10. & seqq. de leg. item l. 17. & multa seqq. eod. Atque hinc etiam peti potest conciliatio l. placuit. C. de judic. cum l. 1. de leg. & l. proferat. §. 1. qui & à quib. man. Guelin. §. de jur. Nov. c. 2. Christin. vol. 2. decis. 62. n. 3. & seqq. Non est ergo æquitas hæc species juris civilis, sed quid à jure civili diversum, consistens magis in arbitrio boni viri & judicis: unde & nonnunquam boni viri arbitraz & religio judicis appellatur. Quamobrem rectè Aristoteles d. loc. æquum & bonum comparat regulæ Lesbicæ, quippe cum indefinitarum rerum & norma indefinita esse debeat, æquo & bono ita utendum esset, ut fabri cæmentarii & structores utuntur norma Lesbica, quæ cum plumbea sit & flexibilis, eam struaturæ, cum usus est, accommodant, nec semper ad normam exigunt structuram: quod Guil. Budæus initio annot. prior. opulentiùs explicat. Ea quæ de auctoritate communium opinionum hic disputari solent, in medio relinquo. Unum dico, etsi non vile esse debet, quod plures sentiunt, & id judicium integrius haberi, quod plurium sententiis comprobatur: Clement. 1. vers. quod etiam de sent. excom. l. 1. in pr. de off. quest. non tamen usque adeo valere debere, ut in manifesto errore jus faciat, arg. l. 2. C. quæ sit long. conf. vid. Menoch. 2. præsumpt. 71. n. 24. & ibi citatos D. Diod. Tulden. hic c. 7. latè Osborn. Hill. notat. in Donn. lib. 26. cap. 2.

T E X T U S.

Ratio superioris divisionis.

10. Et non ineleganter in duas species jus civile distributum esse videtur. Nam origo ejus ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, ut Lacedæmonii quidem ea, quæ pro legibus observabant, memoriæ mandarent: Athenienses verò ea, quæ in legibus scripta comprehendissent, custodirent.

N O T Æ.

10. Non ineleganter] Nec admodum tamen eleganter, ut apparet ex iis, quæ Hotom. & Bachou,

Lacedæmonii] Lacedæmonii scriptis legibus non sunt, atque una τῶν καλεσμένων ἐν ἑσὶν hæc erat, μὴ χεῖρ' ὄν νόμοις ἐγγεγραφοῖς, scriptis legibus non uti. Plutarch. in Licurg.

COMMENTARIUS.

1. Error Triboniani notatus.

Exactis regibus cœpit populus Rom. incerto magis jure & consuetudine uti, quam lege lata: donec placeret publica auctoritate decem constitui viros, per quos peterentur leges à Græcis civitatibus. Itaque legati Athenas missi, qui ineluctas Solonis leges describerent, & aliarum civitatum Græcarum instituta, mores, juraque cognoscerent, Pomp. l. 2. §. exactis 2. de orig. jur. Liv. lib. 3. Hæc leges in 12. tabulis postea descriptæ leges decemvirales & 12. tabb. sunt appellatæ; fons omnis publici privatiq. juris, auctore cod. Livio. Ex quibus perspicuum est, jus scriptum sive leges Romanorum originem suam habere partim ex legibus, partim ex moribus Græcarum civitatum, & insigniter errare Tribonianum, qui jus scriptum Romanorum ab Atheniensibus, non scriptum à Lacedæmoniiis arcessit. Nam primum, malè confert leges non scriptas Lacedæmoniorum cum jure non scripto Romanorum. Neque enim Lacedæmoniorum leges fuere jus aliquod moribus introductum, quo sensu jus non scriptum hic accipi constat, & scripto, hoc est, legibus latis opponi: sed leges propriè dictæ & expressim sancitæ; quamvis eas non scribi, sed in memoria conservari voluerit legislator eorum Lycurgus. Secundo nec mores Lacedæmoniorum dici possunt originem dedisse juri non scripto Romanorum, non magis quam mores Atheniensium aut aliarum Græciæ civitatum, unde legati Roma missi leges petierunt. Nam non minus mores, quam leges horum populorum, descripti in illis, quas dixi, duodecim tabulis, lege decemvirali perlata, partem juris scripti Romanorum constituerunt.

T E X T U S.

Divisio juris in immutabile & mutabile.

11. Sed naturalia quidem jura, quæ apud omnes gentes per æquæ observantur, divina quadam providentia constituta, semper firma atque immutabilia permanent. Ea verò, quæ ipsa sibi quæque civitas constituit, sæpe mutari solent, vel tacito consensu populi, vel alia postea lege lata.

N O T Æ.

NOTÆ.

11. *Divina providentia*] Quorum Deus inventor, disceptator, lator, ut loquitur Cic. Intelligit ergo jus gentium primævum, quod nobis ingenitum; non secundarium, quod usu exigente inventum.

Immutabilia] Jus naturale semper & ubique justum est, & fuit: unde nec quod hoc jure prohibetur, juberi potest, nec quod jubetur, vetari. *Grot. 1. manduct. 2.* addi tamen ei aliquid potest, aut detrahi, *l. 6. D. de just. & jur.*

Tacito consensu] Non tamen novum jus longo usu introduci potest, sed id etiam, quod ante lege aliqua constitutum erat, contrario usu abrogari, *l. 32. D. de legib.*

Alia postea lege lata] Nam posteriores leges semper potiores sunt prioribus, *l. ult. D. constit. Princ. Harm. lib. 1. tit. 1.* Varro *lib. 8. de lingua*; *An non sæpe veteres leges abrogatae novis cedunt?*

COMMENTARIUS.

1. *Jus naturale seu jus gentium primævum immutabile esse, non item jus gentium secundarium, nisi proportionaliter.*
2. *Immutabilitatem illam præcipue apparere in notionibus divinitus animis hominum impressis, quod exemplis declaratur.*
3. *Leges civiles etiam consuetudine contraria abrogari posse.*
4. *Expediatne leges aliquando mutari.*

Exposito jure tum naturali, tum civili, observatur utriusque differentia in causis efficientibus, non incommode hoc loco subicitur aliqua quedam differentia, quæ in effectu cernitur.

Quasi divina providentia constituta] Hoc est, quæ ab incorrupta ratione, à simplici illa notitia mentibus nostris divinitus impressa promanant. Jus quod nobiscum natum est, non ab hominibus excogitatum; cujus Deus est inventor, disceptator, lator, ut loquitur *M. Tullius lib. 3. de repub.* Apud *Xenophontem lib. 4. memorab.* hujusmodi jura *Θεῶν νόμοι* dicuntur. De jure igitur gentium primario, id est, eo, quod simpliciter naturale est, hæc accipienda sunt, non de secundario, quod usu exigente inventum. Nam diligenter distinguenda naturalia præcepta ab his, quæ pro certo statu duntaxat naturalia sunt; jura multis populis seorsim communia ab his, quæ societatis humanæ vinculum continent. Sic vetera gentium jura circa bella & res bello captas, circa incrementa fluminum, &c. multum mutata hodie videmus. Sed & multa, quæ jus naturæ non jubet, sed permittit tantum, communi consensu prohiberi possunt, uti factum circa omnia ferè *ἀδέρσαστα*, de quo suo loco differemus uberius. Sanè etiam jus gentium secun-

darium *ἀναλόγως* immutabile dici potest; utique multo difficilius tollitur, quam jus civile.

Immutabilia] Jus naturale semper & ubique justum est & fuit: nec aliud hic, aliud Romæ, aliud Athenis, aliud nunc est, aliud posthac erit, Nam ut recta ratio insita à natura & diffusa in omnes constans est & sempiterna, ita & quod ea præscribit, semper atque ex se justum est atque immortale. Quamobrem nec quod hoc jure prohibetur, juberi potest, nec quod jubetur, vetari, ut rectè *Grot. 1. manduct. 2.* & convenienter ei, quod scribit *Jurifconsult. in l. 6. de just. & jur.* jus civile in totum à jure naturæ recedere non debere. Nec est contrarium, quod *Jurifconsult.* addit, jus civile non per omnia juri naturali, servire, sed plerumque ei addere aliquid aut detrahere. Nam illa additio aut detractio nihil aliud est, quam generalium juris naturæ præceptorum ad usum moresque civium & formam reip. specialis cum delectu accommodatio. Quod quamvis variis in locis diversimodè fiat, atque etiam in applicando naturæ jura inflecti quodammodo videantur; immutabile tamen peritiner τὸ ἀντιδικαίον, quod per se atque ex sui natura justum est, vimque suam perpetuo retinent in obligandis conscientiis anticipatæ in animis nostris communes illæ, quas diximus, notionem, in quibus hæc constantia atque immutabilitas præcipue elucet. *Covarr. de matr. p. 1. c. 6. §. 9. n. 7. belle Michael. Ephes. ad 5. Ethic. Albert. Bolong. c. 16. de lege, juris & equit. §. 16.* Exemplis res fiet illustrior. Lex naturæ ita præscribit; Deum colito; Liberi potestati patris subjecti sunt; Pacta conventa servato. Hæc sunt æternæ legis perpetua decreta, & quæ nullo jure civili abrogari possunt. Tantum in modo applicandi, de quo lex naturæ nihil definit, varietas aliqua apparet, propter varietatem constitutionum civilium: ut scilicet hoc vel illo ritu externo adhibito, Deus colatur: ut patribus in liberos vel eadem, quæ dominis in servos, potestas sit, & quodcunque per filium acquiritur, id acquiratur patri, vel ut jus tantum pater habeat filium modicè & sine acerbitate castigandi, & contumacem expellendi domo: ut pacta etiam nuda efficaciter obligent, aut eam vim tantum habeant vestita, ut vulgo loquuntur. Ait *Justinianus*, nihil tam convenientem esse æquitati naturali, quam voluntatem domini rem suam in alium transferre volentis ratam haberi, *§. per traditionem 40. inf. de rer. div. At lex civilis occurrens temerariæ hominum liberalitati, cujus eos mox poenitere posset, modum huic rei in donatione præscripsit, eamque donationem, quæ quingentos solidos excederet, non aliter ratam esse voluit, quam si actis sit insinuata, §. 2. inf. de donat.* Hoc, inquam, facto non mutatur jus naturale, sed adjuvatur, dum propter utilitatem civium (quo legislatores omnes spectant, tamen non idem

semper constituent (aliquid ei adjicitur, aut si mavis, detrahatur, respectu scilicet præcepti generalis. Atque hoc est, quod DD. nostri ajunt, jus naturale modificari, declarari, & provisionibus adjuvari posse: sic enim loqui amant *lo. Fab. Aug. & alii ad hunc §.* Sexcenta ejusdem generis exempla afferri possent (occurrunt enim in omnibus ferè partibus juris civilis) sed quæ pauca è multis retulisse, puto rei declarandæ sufficere. Illud etiam sciendum est, esse quosdam quasi gradus principiorum practicorum & præceptorum naturæ, ac nonnunquam usu venire, ut inter se hæc concurrant & invicem obtent. verbis causa; Lex naturalis est; *Non occides.* Et altera ejusdem generis, sed momentosior, quæ sui defendendi causa permittit aggressorem occidere. In hoc concursu lex inferior superiori cedat necesse est *Wesemb. par. de just. & jur. n. 15.*

3 *Tacito consensu*] Quamobrem non tantum jus novum longo usu inroducui potest, sed etiam id, quod ante lege aliqua constitutum erat, contrario usu abrogari. Atque hoc omnino consequens est rationi Juliani, qui in *l. de quibus 32. de legib.* nihil interesse scribit, suffragio populus voluntatem suam declarat, an rebus ipsis & factis. Ex eodem loco etiam hoc colligitur, quod supra diximus, cessante jure suffragii non tantum cessare jus populi in lege palam ferenda; verum etiam in consuetudine, contra jus à superiore constitutum introducenda; quoniam ejus solius est legem tollere, cujus est condere. Ita cape *l. 2. C. quæ sit long. cons.* aut de consuetudine alicujus municipii, *fac. l. 3. §. Dinus 5. ff. de sepulch. viol.*

4 *Alia lege lata*] Expediatne leges mutare aut quando expediat, politicæ disquisitionis est: cujus tamen quæstionis decisionem suggerit Ulp. in *l. 2. de const. princ.* In rebus, inquit, novis constituendis evidens esse utilitas debet, ut recedatur ab eo jure, quod diu æquum visum est. Eaque consentiens est politicorum omnium sententia. *Plato lib. 7. de legib. Aristot. 2. pol. 6. in fine Bodin. 4. de rep. 3. Lips. 4. pol. 9. Connam. 1. comm. 9.*

TEXTUS.

De Objectis Juris.

12. Omne autem jus, quo utimur, vel ad personas pertinet, vel ad res, vel ad actiones. Et prius de personis videamus: nam parum est jus nosse, si personæ, quarum causa constitutum est, ignorentur.

13. *Vel ad personas, &c.*] Distributio ex objectis ad finem juris obtinendum accommodata. ex *l. 1. D. de stat. hom.* Omne jus redditur personis de rebus per actiones & judicia, *M. VV.*

COMMENTARIUS.

Hoc §. transitus fit à jure constituyente ad jus constitutum, & methodica quædam via, pro materiæ diversitate, circa quam illud versatur, ad hujus cognitionem sternitur, præeunte Cajo in *l. 1. de stat. hom.*

Vel ad personas, &c.] Distributio ex objectis, ut apparet, ad finem juris obtinendum accommodata. Finis juris, quod jam sæpè diximus, est suum cuique tribuere. Ut autem hunc finem consequamur, necesse est primum scire, quid sit suum cujusque; deinde, qua ratione, si id ultro non præstetur, ab invito obtineamus. Cognitio ejus quod cujusque est, vel ex persona sumitur, vel ex rebus; ex jure, quod quisque vel conditione & statu personæ suæ habet, vel ratione rerum externarum. Conditione personæ multum inter se homines differunt: alii enim liberi sunt, alii servi; liberorum alii ingenui, alii libertini; alii patresfam. alii filii. patrums. alii in tutela, alii in curatione, alii in neutro eorum. Ac pro diversis hujusmodi qualitatibus diverso quoque jure in civitate censentur; quod quia statum ac conditionem personæ sequitur, jus personarum appellatur: deque eo deinceps hoc primo libro disputabitur. In rebus externis quod cujusque est, id aut est jus reale, nempe dominium aliudve in rem aliquam jus; aut personale duntaxat, uno nomine obligatio five creditum. Illud D. Grotio est *Beheering.* hoc *Inschuldt.* 1. *manuduct. c. 1. & 2. c. 1. circa fin.* Nimirum ergo huc pertinent non tantum modi acquirendi dominii aut juris alicujus in rem dominio proximi, modi acquirendi res singulas aut per universitatem: sed etiam, modi contrahendarum & acquirendarum obligationum, & contra etiam horum omnium amittendorum aut infirmandorum ac distrahendorum rationes; agiturque de hoc jure *lib. 2. 3. & parte quarti usque ad tit. de actionib.* Obtinendi utriusque juris ratio est in actionibus, hoc est, juris nostri persecutionibus, sive id fiat in judicio, sive extra judicium auctoritate magistratus; quod argumentum ultimo tractatur loco.

TITULUS TERTIUS. De Jure Personarum continuatio.

Conc. tit. 5. lib. r. D.

Quid hic persona, quid status & jus personæ.

IN calce præcedentis tit. proposita fuit series & dispositio summarum partium, quæ deinceps hoc libro & sequentibus singulatim tractantur. Initium aut à personis; quarum causa cætera constituta sunt. In Pand. titulus ejusdè planè argumenti inscribitur de statu hominum. Unde intelligimus personam hic non qualitatem civis, sed hominis designare, aut potius hominem simpliciter; eamque appellationem tam servo competere, quam homini libero: sicut & in jure passim etiam servo tribuitur, l. 3. pr. ne quis eum qui in jus. voc. l. potestatis de verb. sing. l. 22. de reg. jur. Item jus personæ hic esse, quod statum & conditionem personæ sequitur: nam status ipse est personæ conditio, aut qualitas, quæ efficit, ut hoc vel illo jure utatur; ut esse liberum, esse servum, esse ingenuum, esse libertinum, esse alieni, esse sui juris. Itaque status rationem causæ, jus effecti habet.

TEXTUS.

Prima divisio personarum.

Summa itaque divisio de jure personarum hæc est: quod omnes homines aut liberi sunt, aut servi.

NOTÆ.

Jure personarum] In Pand. de statu hominum. status rationem causæ, jus effecti habet: status est ipsa personæ conditio, jus, quod hanc conditionem sequitur.

Summa divisio] Id est, prima & principalis, vel generalissima, πρῶτη καὶ ἀρχαῖστί. 46. basil. tit. 1.

Liberi aut servi] Ex l. 3. D. eod. Adscriptitios, de quibus lib. 11. Cod. alii in liberorum, alii in servorum numero ponunt.

COMMENTARIUS.

1. Adscriptitii ejus conditionis habendi, & num. 3.
2. Servi diverso respectu ad primum & secundum juris objectum pertinent.

Summa] id est, prima & principalis, vel etiam generalissima; nam reliquæ sunt secundariæ aut speciales. De agricolis & adscriptitiis quæri solet, quibus comparandi. Et quod in re non dissimili respondet Ulp. in l. 10. hoc tit. etiam his re-

sonderi potest, ejus conditionis æstimandos esse, quæ in eis prævalet. Non enim una agrorum, coloniis addictorum conditio fuit. Quidam eorum censiti erant, quidam non censiti: hi coloni, illi ferè adscriptitij dicebantur. Adscriptitij quasi servi erant, peculiumque eorum ad dominum pertinebat: coloni liberi, ut coloni Palæstini, Thracenses, Illyricani, de quibus proprii tit. lib. 11. C. Adscriptitij tributarii erant, id est, capitis censum sive capitationem præstabant: coloni non erant tributarii, redditus tamen certos pro solo domino terræ solvabant. Consule Cujac. ad tit. C. de agric. & cens. Greg. Tholos. 14. synt. 10. & omnino Christin. vol. 5. decis. 86. & seq.

Servi] Videmus igitur & hic in l. 3. eod. unde hæc sumpta, non solum liberos, sed etiam servos ad primum juris objectum referri, videlicet ad personas: Atqui servi non minus in dominio nostro & in commercio sunt, quam reliqua, quæ in bonis habemus, adeoque quadrupedibus eos exæquat Gajus in l. 2. §. 2. ad leg. Aquil. Unde effici videtur, ut servi non ad personas, sed ad res referri debeant, non ad primum, sed ad secundum juris objectum. Sed nimirum duplex est servi consideratio, quæ res, quæ in commercio est, ut & reliquæ res nostræ; & quæ persona, quatenus puta cognatus dicitur, l. 14. §. 2. & seq. de rit. nupt. quatenus liber fieri, hæres institui, &c. contrahere & dominum de peculio obligare, ipse iterum naturaliter obligari & alios sibi obligare potest, l. 14. ff. de oblig. & act. Prout igitur consideratur, ita vel ad primum vel ad secundum objectum pertinet.

In hisce & plerisque aliis Christiani orbis provinciis quamvis nulli amplius servi sint; reperiuntur tamen adhuc homines conditionis adscriptitiæ, sive rusticani glebæ addicti & quasi proprii illius loci, cui adscripti sunt; ut in Hannonia, teste D. Gudelino 1. de jur. nov. 5. in Burgundia & multis partibus Galliæ. Hi enim sunt, quos vocant Gens de main morte, homines manus mortuæ. de quib. Chass. ad consuet. Burg. rubr. 9. §. 17. Germania quoque ejusdem conditionis homines habet, quos appellant proprios, & libertis magis similes esse, quam mancipiis scribit D. Vigilius ad §. sed cum aliquis inf. de test. ord. Christin. Latinis colonis eos comparat. d. dec. 86. n. 18. Sed vide Zaf. lib. 1. sing. resp. c. 3. n. 75. & seqq. & lib. 2. c. 7. n. 8. Gail. depignorat. cap. 8.

TEXTUS.

TEXTUS.

Definitio libertatis.

1. *Et libertas quidem (ex qua etiam liberi vocantur) est naturalis facultas ejus, quod cuique facere libet, nisi si quid vi aut jure prohibetur.*

NOTÆ.

Facere libet] Effectus libertatis est, facere, quod libet, est enim potestas vivendi, ut velis. Cic. in Paradox. Aristot. 1. polit. 9. Zeno apud Laërt. breviter, ἐξουσία αὐτοπραγίας, potestas pro jure suo agendi.

Nisi si quid vi] Finge nos vinciri, usu rerum nostrarum vi prohiberi, &c. hæc facultatem quidem faciendi impediunt, libertatem autem non minuunt.

Jure] Ὅν ᾧ ἐστὶ δαλεία τὸ ζῆν πρὸς τὴν πολιτείαν. Arist. 1. polit. 9. Legum idcirco omnes servi sumus, ut liberi esse possimus. Cic. pro Cluent. Indicat hanc exceptionem illud Persianum; Excepto si quid Masuri rubrica vitavit.

COMMENTARIUS.

EX qua etiam liberi] Non ex vocabulo, sed ex re ipsa, quæ vocabulo designatur. Effectum à causa; concretum ab abstracto. Autor hujus definitionis est Florent. in l. 4. hoc tit.

Cuique facere libet] Differentia ab effectu sumpta. Effectus libertatis est, facere quod libet: est enim potestas vivendi, ut velis, teste Cicerone in Paradox. & 1. off. à Zenone apud Laërt. breviter definitur ἐξουσία αὐτοπραγίας, potestas pro jure suo agendi. Cæterum quia hæc potestas partim vi impediri potest, partim legibus circumscripta est, additur exceptio, nisi si quid vi aut jure, &c. qua exceptione significatur, duabus rebus, quo minus faciamus, quod libet, nos impediri, vi & jure; neque tamen eo minus liberos esse. Finge igitur nos usu rerum nostrarum vi prohiberi, fingere vinciri; facultatem faciendi hæc impediunt, libertatem non imminuunt. Sed neque eo minus sua cuique constat libertas, quod quædam facere legibus prohibemur: nam quæ cum legibus & bonis moribus pugnant, eane facere quidem nos posse credendum est, ut præclare noster Papinian. l. filius. 15. de cond. inst. Et divinè M. Tullius in Cluentiana; Legum, inquit, idcirco omnes servi sumus, ut liberi esse possimus. cui simile illud Arist. 1. polit. 9. Ὅν ᾧ ἐστὶ δαλεία τὸ ζῆν πρὸς τὴν πολιτείαν. Nimirum legis impe-

rium non est δαρωτικόν, sed πολιτικόν. Quapropter obedientia, quæ legibus ultro præstanda, ut omnibus libertas sit incolumis, non pugnat cum libertate, sed eam tuetur; quamvis coërceat atque in gyrum rationis actiones cohibeat, ne licentius evagentur, ut bene D. Wesemb. hic & D. Tulden. c. 2.

TEXTUS.

Definitio servitutis.

2. *Servitus autem est constitutio juris gentium, qua quis dominio alieno contra naturam subjicitur.*

NOTÆ.

2. Constitutio] Id est, res jure gentium constituta, causa pro effectu. Sic thesaurus dicitur depositio pecuniæ l. 31. §. 1. D. de acq. rer. dom. pro pecunia deposita.

Dominio alieno] Unde Zenoni apud Laërt. servitus definitur σκηνσις αὐτοπραγίας.

Contra naturam] Contra communem illam omnium hominum conditionem, quam ab initio habuerunt à natura, l. 3. D. de just. & jur. l. 32. de reg. jur. Φύσει ᾧ εἰς δαλεία ἐγενήθη ποτέ. Philist. Liberos & servos à naturā procreari disputat. Aristot. 1. polit. 3. & 4. sed alio sensu; nempe ingenio stupidos, & corpore robustos à natura productos videri ad serviendum iis, qui ingenio valent, ministerio scilicet æconómico. D. Heins. in Epist. ad Georg. Richt.

COMMENTARIUS.

Constitutio juris gentium] Causa pro effectu; res jure gentium constituta, non ordinatio aut pars constituens. Tropus in hujusmodi verbalibus non inusitatus: sic enim & thesaurus dicitur depositio pecuniæ, l. nunquam 1. §. 1. de acq. rer. dom. pro pecunia deposita apud Laërtium à Zenone definitur servitus, σκηνσις αὐτοπραγίας.

Contra naturam] Hoc est, contra communem illam omnium hominum conditionem, quam ab initio habuerunt à natura. Nam servi natura, id est, citra factum humanum, aut primævo naturæ statu nulli sunt, l. 4. de just. & jur. d. l. quod attinet. de reg. jur. quanquam justitiæ naturali non repugnat, ex passione aut delicto servum fieri. Quod verò Aristoteles lib. 1. polit. scribit, servos quosdam nasci & natura esse, eo nihil aliud significat, quàm quosdam, nempe ingenio tardos ac stupidos, corpore autem robustos, in hunc finem à natura productos videri, ut aliis, qui ingenio & ra-

& ratione valent, serviant, subjectione scilicet œconomica, ad ministeria domestica explicanda; qua de re copiose & acutè differit Clariss. Heinſius in *epist. ad Georg. Richterum*.

T E X T U S.

Servi & mancipii Etymologia.

3. *Servi autem ex eo appellati sunt, quod Imperatores captivos vendere, ac per hoc servare, nec occidere solent; qui etiam mancipia dicti sunt, eo, quod ab hostibus manu capiuntur.*

COMMENTARIUS.

1. Captos jure belli quovis tempore accidi posse: non tamen salvâ internâ justitiâ.
2. Sigonius & Bachovius notati.
3. Jura de captivis à gentibus introducta, ut captos libentius abstinerent à summo jure, quo captos interficere poterant.
4. Captivitatē jurā in bello cum Mahumetanis adhuc servari: inter Christianos autem morem esse, ut captos liceat redimere.
5. In his regionibus servos adeò nullos agnosci, ut etiam illi, qui aliunde huc cum dominis veniunt, liberi fiant.

EX eo appellati] Eadem ratio nominis redditur à Florent. l. 4. §. 2. hoc tit. Pompon. l. pupillus 239. §. 1. de verb. sign. Augustin. 19. de civ. Dei. 15. Notat hinc Alciat. in d. l. 239. de verb. sign. eumque secuti Mynſ. & Schneid. hic, non licere hostem, postquam captus est, seque dedit, occidere, sed tantum arma adhuc tenentem, neque se volentem dedere. In deditum autem sævire nefas esse, neque id bonos Imperatores unquam permisisse; quamvis plerique statuant, etiam postquam captus est, seque dedit, hostem jure occidi posse, donec intra præsidia nostra deductus sit: quia alioqui multa adhuc accidere possunt, ut iterum evadat, arg. l. in laqueum 55. de acq. rer. dom. Accurati⁹ autem hac de re disputat D. Grot. lib. 3. de jur. bell. c. 4. ubi multis adductis autoritatibus ostendit, jure belli licere captos occidere, & quovis tempore; licere & eos, qui se dedere volunt, nec recipiuntur; imò & deditos sine ulla conditione. Cum autem scriptores dicunt, id belli jure licitum esse, non intelligi tale jus, quod actum omni culpa liberet, sed facti impunitatem, ut si fortè qui supplicem aut se ultro dudentem interfecerit, in alio territorio deprehendatur, tanquam homicida puniri non possit, nec bellum ipsi ab alio talis

facti nomine inferri. Cæterum etsi impune id fiat, laudabile tamen natura esse, actumque hujusmodi carere interna justitia, quoniam excedit modum lædendi naturaliter concessum: idèque nec in foro animæ excusatum esse. Hinc Augustinum meritò laudare Gothos, quod supplicibus & in templa perfligentibus peperissent, illicitum sibi esse judicantes, quod belli jure fieri licuisset lib. 1. de civ. Dei cap. 2. De illo inter omnes convenit eos, qui vitam salvam pacti, sive in fidem recipiuntur, nec exteriori jure trucidari licere. Porro de temperamento circa jus interficiendi in bello captos ad eund. Grot. d. lib. 3. cap. 11. & 14. nonnulla etiam habet D. Talden. *comm. ad Inst. tit. de his, qui sui vel. al. jur. cap. 3.*

Imperatores] Non intelligit Principes Romanos, sed στρατηγός, belli duces, & πλέμων ἡγεμόνας, ut rectè vertit Theoph. Quod hic ex Sigonio notat Bachovius, Imperatores dictos ab imperio militari, hoc est, jure belli gerendi, verum quidem est: Cæterum quod ex eodem Sigonio adjicit, hoc imperium militare magistratui seorsum lege Curiata dari solitum, falsum est. Nam lex Curiata omnibus omnium annorum patriciis magistratibus necessaria erat, non ad aliquod adventitium rei militaris imperium obtinendum, sed ad confirmationem sui magistratus, ut religio auspiciorum, quæ propriè & præcipue in Curiarum suffragiis inerat, retineretur; quod vel ex una orat. 2. in Rull. intelligi potest, vid. Gruch. lib. 3. comit. & in refut. post. disp. Car. Sigon. ubi multis testimoniis ex antiquitate petitis ostendit, consules & prætores potestatem administrandæ rei militaris jure sui magistratus habuisse.

Vendere ac per hoc servare solere] Non quod hoc facere quasi ex pactione captos cogere, sed quia hoc svaiebant commoda, quæ captivos servantem gentium item jure sequebantur: nempe τὸ ἐλπίδα τὸ τεύχεως, ut est in Basilic. quo pertinet illud Horatii;

Vendere cum possis captivum, occidere noli.

Cæterum, ut ait Seneca in Troad.

Lex nulla capto parcat, aut pœnam impedit.

Et centurio Cæsarianus Scipionem alloquens apud Hirtium de bell. Afric. Tibi, inquit, gratias ago, quod mihi vitam incolumitatemq. belli jure capto polliceris. Similiter Cæsar Hæduis significat, suo beneficio servatos quos jure belli interficere potuisset, lib. 7. *comm.* Plura ejusmodi reperies apud D. Grot. d. lib. 3. cap. 4. vid. tamen eundem d. lib. c. 11. & 14. ubi docet, quid hic victori liceat secundum justitiam internam, Non frustra autem jura ista in captivos serva-

ros à gentibus introducta exemplo bellorum civilium intelligi potest, in quibus plerumque videmus captos interfectos, quia in servitutem redigi non poterant, *l. si quis 21. §. 1. de capt. & postlim.* quod & Plutarchus notavit in *vita Orthon.* & Tacitus *lib. 2. hist.*

[*Manu capiuntur*] Hæc notatio si vera est, dicendum erit, hoc nomen ad res cæteras translatum esse. Nam mancipium teste Isidoro 8. orig. 4. veteribus dicebatur, quicquid manu capi subdique potest, ut homo, equus, ovis: adeoque omne, quod per æs & libram fiebat, in quo erant res mancipi, teste Varro *ne in fin. lib. 6. de ling.* Postea receptum, ut & prædia inter res mancipi referentur, *Ulp. tit. 19.*

4 In Lusitania aliisque Hispaniæ partibus, & nonnullis aliis regionibus, quæ Turcis aut Scythis vicinæ sunt, vetera captivitatibus & belli jura adversus Mahumetistas adhuc exercentur; qui eadem acerbitate & Christianos tractant, quos bello capiunt. Ac mos est captos servos permanere, etiamsi religionem Mahumetis ejuraverint, eo quod servum esse non adversetur legi Divinæ, 1. *ad Corinth. 7. 21. Deuteronom. c. 15. Exod. c. 21. Levit. cap. 25.* ubi de formis servitutis apud Hebræos, add. *Bodin. 1. de repub. c. 5. Connan. 2. com. 1. circa fin.* Inter Christianos autem jus istud gentium de captivis non observatur, apud quos licet res aliæ ex hostibus captæ capientibus acquiruntur, homines tamen capti servi capientium non fiunt, nec vendi possunt, aut ad operas urgeri, aliave patiendi, quæ servorum sunt. Quippe Christianos lex charitatis rectius instituere debuit, quam ut à miseris hominibus interficiendis abduci nequerent, nisi minoris servitutis concessione. Atque hoc à majoribus ad posteros pridem transiisse scripsit Gregoras, nec eorum fuisse proprium, qui sub Romano imperio viverent, sed commune cum Thessalis, Illiriis, Triballis, & Bulgaris. Et quod hac in parte Christiani, item & Mahumetistæ inter se servant. Mansitamen etiam inter Christianos mos captos custodiendi donec pretio redimantur, ejus æstimatione in arbitrio victoris est, nisi certi aliquid convenerit: nam pactum semel pro redemptione pretium victor augere non potest. *Guid. Pap. quest. 113.* Humanitas etiam docet, non ultra intendi debere, quam deducto, ne egeat captus rebus necessariis: quandoque pactis hoc definitur, ut nunc inter milites mensurio stipendio. Jus autem captos servandi solet concedi singulis, qui ceperunt, extra personas eximie dignitatis: in has enim reipub. aut ejus capiti jus dant plerarumque gentium mores, testib. *Bart. & Bald. in l. nam & Servius, de neg. gest. Boer. d. c. 178. Grot. lib. 3. de jur. bell. c. 7 n. 9.* Porro in hisce regionibus servos planè nullos habemus aut agnoscimus, adeo ut judicatum sit à summo Consilio, quod est Mechliniæ etiam eos servos, qui in Hispania empti cum domi-

nis suis in has partes veniunt, in libertatem proclamari posse, liberosque fieri, si libertatem iis, quam diu hic sunt, jurisdictione defendi. In Gallia quoque servos, licet peregrinorum, ut primum regni fines penetraverint, eodem momento liberos fieri, exempla rerum judicatarum ostendunt. *vid. Bodin. 1. de rep. 5. Lud. Charond. es Pandect. du droict. Franc. lib. 2. cap. 2. Gudelin. 1. de jur. nov. 4. Francisc. Zypæum lib. 3. c. 2. n. 11. & seq. Christin. vol. 4. decis. 80. num. 2. & seq. Gran. vv. de ll. abr. ad h. t.*

TEXTUS.

Quibus modis servi constituuntur.

4. *Servi autem aut nascuntur, aut fiunt, nascuntur ex ancillis nostris: fiunt aut jure gentium, id est, ex captivitate; aut jure civili, cum liber homo major viginti annis ad pretium participandum sese venundari, passus est.*

NOTÆ.

4. *Nascuntur ex ancillis*] Ex Marcian. *l. 5. §. 1. cod.* Hi vernæ prudentibus dicuntur, de quo nomine vid. Felt. & Noniunt. Eodem autem jure ex ancillis nati servi sunt, quo fata cedunt solo; mater enim solo comparatur, vis patris fato. Cujac.

Jure civili] Etsi servitus ex jure gentium originem habet, sunt tamen modi quidam constituendæ servitutis etiam jure civili inventi, unus hic exprimitur, alios reperies apud Accurs. & Hotom.

COMMENTARIUS.

1. *Cur ad natos ex servo ventre dominium perfectum.*

2. *Quibus modis jure civili servi, fiebant.*

3. *Si quis spontanea subjectione se in servitutem det.*

[*Ex ancillis nostris*] Non ipsi tantum, qui capiuntur, servi fiunt; sed & posterii in perpetuum: nempe qui ex matre serva nascuntur. Et hoc est, quod Martianus dicit jure gentium servos nostros fieri, qui ex ancillis nostris nascuntur, *l. 5. §. 1. hoc tit.* Placuit autem ad natos dominium ideo porrigi, quia alioqui si summo jure captores uterentur, illi ipsi nascituri non erant. Cui consequens est, ut nati ante calamitatem, nisi & ipsi capiantur, servi non fiant. Ideo autem natos maternæ esse conditionis gentibus placuit, quia serviles concubitus nec lege, nec certa custodia erant constricti, ita ut nulla sufficiens præsumptio patrem indicaret. Atque ita capiendum Ulpiani illud; *Lex natura hæc est, ut qui nascitur sine legitimo matrimonio matrem sequatur, l. lex natura 24. hoc tit.* id est, lex convecudinis generalis ab aliqua ratione naturali ducta: quo-

quomodo juris naturalis vox abusione quadam interdum sumitur.

Jure civili] Etsi servitus est ex jure gentium: sunt tamen nonnulli modi servitutis constituendæ ex jure civili. Unus hic exprimitur: sed plures fuisse constat: Huc enim pertinent, qui servi pœnæ efficiebantur atrocitate sententiæ, quorum crebra in libris nostris mentio. Item qui liberti ob ingratitudinem damnati patrono in servitutem traduntur, §. 1. *inf. de cap. de min.* haud secus ac ingrati liberi revocantur in potestatem parentum, *l. un. C. de ingrat. lib.* Erat ex SCro Claudiano alius libertatis amittendæ modus, si libera mulier domino denunciante se servo alieno junxisset, de quo *inf. lib. 3. tit. 13. Ulp. in fragm. tit. 1. ubi & alium modum indicat*, cum incensus aliquis veniisset, quod explicat Cicero pro Cæcin. in extremo orationis, *Dionys. Halic. lib. 4. Sigon. lib. 1. de antiq. jur. civ. Rom. c. 14.* Denique etiam in nexos magna fuit creditorum potestas, nec herili admodum absimilis, adi *Liv. lib. 2. & 8. Gell. lib. 20. c. 1. Mercer. 1. opin. 9. D. Salmass. lib. de mod. vs. c. 18. & seq.* Cur igitur servi jure civili dicuntur incogniti? Nimirum quia in iis, quæ sunt juris civilis, pro nullis habentur, nullam eorum communionem habent.

Liber homo] Ingenuus scilicet & sui juris, ut recte monet Cujac. neque enim patroni aut patris jus hoc pacto libertus aut filius intervertere possunt, quod & Ang. & Fab. hic norant.

Preii participandi causa] Modo & partem preii verè acceperit, *l. 1. quib. ad lib. prov. non lic.* Et gnarus conditionis suæ *l. 2. si lib. ing. esse dic. venditus* sit ignoranti conditionem venditi, *l. 7. §. 2. de lib. caus. vid. Gloss. & Accurs.*

Venundari passus sit] Venditorem subornabant hominem improbum & has partes fabulæ lucri alicujus gratia peragentem simulabat is se suum servum vendere. Apud nonnullos usitata fuit voluntaria in servitutem datio; ut apud Germanos, qui novissimo alexæ jactu de servitute contendebant, *victus voluntariam servitutem adibat*, ait Tacitus *de Morib. Germ.* Posidonius autem Stoicus in historiis narrat, multos olim fuisse, qui suæ imbecillitatis conscij sponte se aliis in servitutem darent, ut domini quidem ipsis providerent de necessariis, ipsi vero operam vicissim, quam possunt, præstarent. Quæ si res ita accipiat in terminis naturalibus, nihil habet in se eximie acerbitalis, quoniam perpetua ista obligatio compensatur perpetua alimentorum fertitudine, quam sæpe non habent, qui diurnas operas locant: unde sæpe accidit quod dixit Eubulus:

Ἐδέλει δ' ἀνδρὶ μοιδὲ παρ' αὐτοῖς καταμῖνειν
Ἐπιούριος.

Querunt autem hic DD. possint quis apud nos perpetuo se obligare ad serviendum aut operas suas locare, quæ servitutis quædam species videtur: nos autem servos non agnoscimus. Respondent omnes, posse: sed cum facti hæc promissio sit, solvendo id, quod interest, promissorem liberari, *l. 13. §. 1. de re jud. Adi de tota re D. Grot. lib. 2. de jur. bell. cap. 5.*

TEXTUS.

De liberorum & servorum divissione.

5. In servorum conditione nulla est differentia: in liberis autem multa, aut enim sunt ingenui, aut libertini.

NOTÆ.

5. *Nulla differentia*] Servorum varia quidem ministeria, una tamen conditio est, *l. 5. D. eod.* id est, omnes æquè servi sunt, πάντες τῶν αὐτῶν δαλείων δάλοι εἰσιν, nihilque interest natus quis, an factus servus sit, etsi alius alij præstat, juxta vetus proverbium, δῶλον πρὸς δῶλον, δεσπότης πρὸς δεσπότην, *1. polit. 4.*

COMMENTARIUS.

1. *Liberorum nullum amplius discrimen esse.*

2. *Civium apud nos quæ distinctio.*

Nulla differentia] Servorum una conditio est, *l. 5. in pr. hoc tit. οἱ δῶλοι ἐν εἰδῶ εἰσιν.*

Mich. Attaliata, id est, omnes æquè servi sunt, nihilque interest, utrum quis natus, an factus sit servus. Planè officiis & ministeriis etiam servi inter se differunt: aliis enim honestior, ut arriensibus, dispensatoribus, amanuensibus; aliis minus honesta, provincia mandatur, ut medianistis, focariis, fornicatoribus, *l. 15. §. itaqz prætor. 44. de injur. l. 1. §. caupones. naut. caup. stab.* sed hoc cum totum sit arbitrii herilis, conditionem eorum non mutat. De variis servorum ministeriis & officiis scripsit *Pet. Fabr. semestr. pag. 155.*

In liberis multa] Nam primum interest, utrum quis natus, an factus sit liber, hoc est, utrum quis ingenuus sit, an libertinus: deinde utrum qui liber factus est, civis Romanus sit, an Latinus Junianus, aut dediticius: & porro qui civis Romanus, siue juris sit, an alieno juri subjectus: denique qui sui juris est, siue in tutela vel curatione, an neutro eorum teneatur: quæ summa est eorum, quæ deinceps hoc primo libro tractantur. Prima autem & secunda distinctio vix ullum amplius usum habent. Nam cum libertinorum differentia à Justiniano sublata sit, &

novissimo jure liberti etiam ingenuis per omnia (salvo licet jure patronatus) exæquati; Nov. 78. c. 1. & 2. nullum hodie superesse videtur ne inter liberos quidem discrimen; utiq; respectu conditionis liberæ: nam quoad civitatis & familiæ jura adhuc differunt, & sic temporandum existimo, quod scribit D. Bachovius ad hunc locum, hodie de liberis rectè dici videri, nullam in eorum conditione & statu differentiam esse. Apud nos sanè cum nulli sint servi, omnes ingenui dici possunt. Cæterum est generis nonnulla distinctio: alii enim nobiles sunt, qui certis privilegiis atque immunitatibus gaudent, alii igno-

biles sive plebei, Ex nobili patre nati & matre ignobili patrem sequuntur, convenienter l. cum legitima 19. hoc tit. Christin. vol. 7. decis. 88. n. 12. Sed & Comitum ac Baronum liberi ex concubinis suscepti pro nobilibus habentur, Distinctio autem inter ecclesiasticos & seculares sive laicos post receptam apud nos religionem reformaram pene tota sublata est, D. Groc. lib. 1. manud. c. 14. & 15. Sicubi adscriptitii sunt ad eos manumissos jus d. Nov. 78. applicari posse, censet D. Gudelius lib. 1. de jur. noviss. c. 6. in fin. De variis hominum generibus adi Franc. Zypæum in l. lib. 3. c. 2.

TITULUS QVARTUS.

Conc. Tit. 14. Cod. lib. 7.

De Ingenuis.

Sequitur subdivisionis supra positæ per definitionem partium explicatio; & primo ingenuorum hoc tit.

TEXTUS.

De ingenui Definitione.

Ingenuus est is, qui statim, ut natus est, liber est; sive ex duobus ingenuis matrimonio editus est, sive ex libertinis duobus, sive ex altero libertino, & altero ingenuo. Sed & si quis ex matre nascitur libera, patre verò servo, ingenuus nihilominus nascitur. Quemadmodum, qui ex matre libera & incerto patre natus est: quoniam vulgo conceptus est. Sufficit autem, liberam fuisse matrem eo tempore, quo nascitur, licet ancilla conceperit: Et è contrario, si libera conceperit, deinde ancilla facta pariat, placuit eum, qui nascitur, liberum nasci: quia non debet calamitas matris ei nocere, qui in ventre est. Ex his illud quesitum est, si ancilla prægnans manumissa sit, deinde ancilla postea facta pepererit, liberum an servum pariat? Et Martianus probat liberum nasci: sufficit enim ei, qui in utero est, liberam matrem vel medio tempore habuisse, ut liber nascatur, quod & verum est.

NOTÆ.

Ingenuus] Antiqui ingenuos spuris opponebant, & patricios initio appellabant, eo quod patrem ciere

possent. Liv. lib. 10. Cincius apud Fest. in voce *Patricios*. Cæterum etiam jam olim, qui liberi nati erant ingenuos dictos fuisse ex Plauto in Milit. & *Pænel*, constat, & alias quoque Latini ingenuum vocant, quod nativum est: quomodo Lucretius *ingenuos fontes*, Juvenalis *ingenuum topium* appellat.

Statim ut natus] Ingenuus propriè est, qui nativam habet libertatem: eum tamen etiam qui ingenuus pronuntiatus est, pro ingenuo accipere debemus; quia res judicata pro veritate habetur, l. 25. D. de stat. hom.

Matre libera] Quia qui nascitur sine legitimo matrimonio conditionem matris sequitur, l. 19. l. 24. D. de stat. hom.

Quoniam vulgo Conceptus] His verbis indicatur ratio, cur dicatur ex incerto patre natus. Hoc om. pro quoniam legendum putat, id est, qui. Theoph. τὸ λέγειν ὅ δὲ τὸ πρὸς τὴν ἀρχὴν.

Martianus probat] Ex Martiano l. 5. §. 2. & 3. D. de stat. hom. totus hic locus sumptus est. Is itaque liber nascitur, qui ex matre aut conceptionis, aut partus, aut medio tempore libera nascitur, quod favor libertatis extorsit. Paul. lib. 2. sent. 24. add. l. 18. D. de stat. hom. l. 4. C. de pen.

COMMENTARIUS.

Ingenuus est is] Prima semper questio esse debet de verbis, licet de rebus potior sit, auctore Platone in Cratyl. & Quintilianus in proem. lib. 8. curam verborum, rerum vult esse sollicitudinem. Antiqui ingenuos spuris opponebant, & patricios initio appellabant: eo quod patrem ciere possent, ut constat ex oratione P. Decii Muris apud Liv. lib. 10. & con-

& confirmat Cincius apud Festum in voce *patricios*. Cæterum etiam eos, qui liberi nati essent, jam olim ingenuos appellatos fuisse & distinctos ab iis, qui facti erant liberi, ostendit locus Plauti in *Milit.*

Quid? ea ingenua, an festuca facta è serva libera est?
Et quod responderet Palestrio;

Vah, egone ut ad te ab libertina esse anderem intermun-
tus,

Qui ingenuis satis respondere nequeas cupidus tui?

Eodemque sensu in Pœnulo Adelphasium non semel *ingenua* dicitur. Atque hic huius vocis apud Latinos usus est etiam in aliis rebus, quæ à natura sunt, & factitiis opponuntur. Sic enim Lucretius *ingenios fontes*, Juvenalis *ingenium tophum* appellat. Verba Juvenalis satyra 3. sunt;

Quanto præstantius esset

Numen aquæ, viridis si margine clauderet undas

Herba, nec ingenium violarent marmora tophum?

Quo loco tophum nativum disere *ingenium* vocat; nec ulla est trāslatio, contra quam existimat Britannicus. Ingenuus igitur proprie est, qui nativam habet libertatem. Cæterum quia res iudicata pro veritate habetur, etiam ingenuum accipere debemus eum, qui ingenuus pronuntiatus est, *l. antepen. de stat. hom.* Sed & jura ingenuitatis habent; salvo jure patronatus, qui suis aureorum annulorum à Principe impetraverunt, *tit. de jur. aur. annul.* & plenissimam ingenuitatem, qui à Principe natalibus restituti sunt, *tit. de nat. rest.* Hodie omnes liberi ex constitutione Justiniani Nov. 78. ingenui sunt; ut hæc quæstio, quæ olim propter prærogativas ingenuorum maghi momenti erat, hodie nullius usus sit.

Matre libera] Partus extra nuptias conceptus matris conditionem sequitur, *l. lex natura 24. de stat. hom. l. 3. C. sol. matrim.* Patrem sequi non potest, quia nullum habere intelligitur, cum is duntaxat pater sit jure civili, quem nuptiæ demonstrant, *l. 6. de his qui sui vel al. jur. l. 5. de in jus voc.* Quid si natus sit ex ventre adscriptio? Placet adscriptitium nasci, *l. ne diutius 21. C. de agric. & cens. lib. 11.* In comitatu tamen Burgundiæ hoc non observatur, sed natus ex manumortua & patre libero, aut manumortuo & matre ingenua, patris conditionem, non ventris, sequitur, *Christin. vol. 5. decis. 88.*

Quoniam vulgo conceptus] Ratio cur dicatur ex incerto patre natus; nimirum quia mater cum pluribus confrexit. Hoc quidem de natis ex concubina dici non potest; sed tamen nec hi patrem habere

intelliguntur, quoad ea, quæ sunt juris civilis, & effecta justī matrimonii, puta patriam potestatem, familiam, jura sacrorum, *§. si adversus inf. de nup.*

Liberum nasci] *l. 5. §. 2. de stat. hom.* Is itaque liber nascitur, qui ex matre aut conceptionis, aut parus, aut medio tempore libera nascitur: quod partim ex ratione juris, partim propter favorem libertatis receptum est, *Paul. lib. 1. sent. 24.* Potest & in universum hæc ratio dari, quod is, qui in utero est, quoties de commodo ejus agitur, pro jam nato habetur, *l. 7. l. pen. d. tit.*

TEXTUS.

De servitute ac manumissione facti.

I. Quum autem ingenuus aliquis natus sit, non officit ei, in servitute fuisse, & postea manumissum esse: sæpiissime enim constitutum est, natalibus non officere manumissionem.

NOTÆ.

Constitutum est] Plures extant hac de re constitutiones sub tit. *Cod. de ingenuis manum.* & eo pertinet *l. 21. §. 1. D. de capt. & postlim.*

Natalibus] Theophil. τῇ εὐγενείᾳ, ingenuitati. *Paul. lib. 5. sent. 1.*

Non officere] Non inurere notam libertinæ conditionis.

COMMENTARIUS.

In servitute] Aliud est in servitute esse, aliud servum esse: illud facti, hoc juris est. Sic aliud est in libertate esse, aliud liberum esse; aliud in possessione esse, aliud possidere, *l. 10. §. 1. de acq. poss.* Servus est, qui justam servitutem servit: in servitute esse dicitur, qui cum servus non sit, pro servo habetur, ut Pamphila in Andria Terentii,

Natalibus] id est, τῇ εὐγενείᾳ ingenuitati sive nativæ conditioni, quam non viciavit falsa servitutis opinio. Plures extant hac de re constitutiones sub tit. *C. de ingenuis manum.* Atque huc pertinet, quod *Vlp. in l. si quis 21. §. 1. de capt. & postlim.* scribit, bello civili captos & venundatos, posteaque manumissos, supervacue à Principe reperere ingenuitatem, utpote quam captivitate illa non amiserunt.

TITULUS QUINTUS,

De Libertinis,

Summa tituli.



Ars altera subdivisionis, quæ ad libertinos pertinet: qui quales sint, unde originem ducant, quibus modis ad hanc conditionem perveniant, & de diversa eorum qualitate, hoc tit. disputatur.

TEXTUS,

Definitio & Origo libertinorum
& manumissionis.

Libertini sunt, qui ex justa servitute manumissi sunt. Manumissio autem est, de manu datio: nam quamdiu aliquis in servitute est, manui & potestati suppositus est: & manumissus liberatur à domini potestate. Quæ res à jure gentium originem sumpsit: utpote cum jure naturali omnes liberi nascerentur, nec esset nota manumissio, cum servitus esset incognita. Sed postquam jure gentium servitus ingenuitatem invasit, secutum est beneficium manumissionis: & cum uno communi nomine omnes homines appellarentur, jure gentium tria hominum genera esse cœperunt, liberi, & his contrarium servi, & tertium genus libertini, qui desierant esse servi.

NOTÆ.

Libertini] Ex l. 6. D. de stat. hom. Appij Cœci temporibus & deinceps aliquandiu libertini dicti non ipsi, qui manumittebantur, sed ingenui ex his procreati, ut scribit Sueton. in Claud. postea ipsi manumissi libertini dici cœperunt, & ex his procreati ingenui. Liberti & libertini nomina sic differunt. Liberti nomen ad jus patronatus respicit, libertini ad personæ conditionem, l. 1. & ult. D. si ingen. esse dic. Libertus & patronus relata sunt: libertinus & ingenuus contraria. Horom.

Iusta servitute] Id est, quæ revera servitus sit, non opinione & errore tantum, addit Theop. & ἐν νόμῳ, & legitima, quod non placet.

De manu datio] Reponendum ex Florent. de manumissio, id est, datio libertatis l. 4. D. de just. & jur. ut brevi sermonis compendio notetur & nominis definitio & rei.

Communi nomine] Apud Ulp. in d. l. 4. legitur, uno naturali nomine, sensus est, cum omnes homines natura liberi essent, ut nomen rei conveniat.

Liberi] Id est, ingenui. Partem subdivisionis in divisione collocat, quod Ulpiano, à quo hæc sumpta, familiare, l. 5. D. de pact. l. 1. §. 2. D. de just. & jur.

COMMENTARIUS,

Libertini sunt] Ex Cajo in l. 6. de stat. hom. antiquiorus libertinos dictos scribit esse Tranquillus in Claud. non ipsos, qui manumitterentur, sed ingenuos ex his procreatos. Ex quo loco duo præterea colligas, nempe postea eos ipsos, qui manumitterentur, libertinos dici cœpisse, & qui ex his procreati essent, ingenuos. Notant hic plerique ex Laur. Valla lib. 4. c. 1. differentiam esse inter Libertinus & Libertus; illud esse relativum ingenui, hoc patroni: id est, voce Libertinus designari conditionem hominis ingenuitatis ex adverso oppositam; per Libertus autem significari privatum quendam respectum ad patronum, cujus libertus, non libertinus dicitur, qui manumissus est. Illud leviusculum est, quod ibidem Valla notat, Libertinus esse adjectivum: Libertus substantivum.

Ex justa servitute manumissi] Justa, id est, quæ revera servitus sit, non opinione & errore tantum. Aliquando & sine manumissione dominorum servi libertatem accipiunt ex senatusconsulto aut constitutione aliqua, exempla suppeditat tit. ff. qui sin. man. ad lib. per. & tit. C. pro quib. ca. serv. pro præm. lib. ac. Generalius itaque definiri potuisset, libertinos esse, qui desierunt esse servi, ut in calce hujus text. ex Ulp. l. 4. de just. & jur. unde reliqua hujus loci descripta sunt.

De manu datio] Reponendum ex textu Florentino, de manumissio, id est, datio libertatis, d. l. 4. de just. & jur. ut brevi sermonis compendio notetur definitio & nominis & rei. De manu enim est, de potestate Domini Lucan. lib. 1.

In manibus vestris, quantus sit. Caesar, habetis.

Ingenuitatem] Vox hæc delenda est, censeo cum Bachov. ut quæ nec in vulgatis editionibus reperitur, nec est apud Ulpian. d. l. 4. unde hæc sumpta; neque eam agnoscunt Horom. Cujac. Cont. Theophil.

Communi nomine] Alias, naturali nomine. Id est, cum omnes homines liberi essent: ut nomen rei conveniat. Plura quæ huc pertinent, notavimus super ad tit. de jur. nat. gent. & civ.

TEXTUS.

T E X T U S.

Quibus modis manumittatur.

1. *Multis autem modis manumissio procedit: aut enim ex sacris constitutionibus in sacrosanctis Ecclesiis, aut vindicta, aut inter amicos, aut per epistolam, aut per testamentum, aut per aliam quamlibet ultimam voluntatem. Sed Galis multis modis libertas servo competere potest, qui tam ex veteribus, quæ ex nostris constitutionibus introducti sunt.*

N O T Æ.

Sacrosanctis Ecclesiis] Hic modus tribuendæ libertatis à Constantino introductus est, l. 1. & 2. Cod. de his qui in eccles. man. & successus in locum ejus, qui olim fiebat lustrali censu. vid. Sigon. l. 1. de antiq. jur. civ. Rom. c. 14. add. tripert. hist. lib. 1. c. 7. & Niceph. 7. c. 16.

Vindicta] Virgulam esse scribit Boët. in Topic. Cic. quam licitor jussu magistratus manumittendi capiti imponebat. Festuca Plauto dicitur in Mil. Glor. καὶ φῶς Plutarcho de sera num. vind. Nomen ductum à Vindicio creditur Vitelliorum servo, qui cum nobilium adolescentium conjurationem de Tarquiniiis reducendis detexisset, primus hoc modo manumissus traditur, Liv. lib. 2.

C O M M E N T A R I U S.

Multis autem modis] Olim tres tantum modos manumittendi fuisse, censu, vindicta, testamento, ostendit argumentatio Ciceronis in Topic. ab enumeratione partium. Si neque censu, inquit, neque vindicta, neque testamento liber factus est, non est liber. Accesserunt quidem postea alii modi; veluti per epistolam, in convivio, inter amicos; sed his modis manumissis plena libertas non conferebatur, Vlp. & Cajus in Inst.

In sacrosanctis Ecclesiis] A Constantino constitutum est, ut in Ecclesiis, hoc est in cœtu Christianorum, vel in comitiis ecclesiasticis, teste populo & signatore Episcopo, manumissi justam libertatem consequerentur, tit. C. de his qui in Eccles. man. quod genus manumissionis suffectum esse apparet in locum ejus, quæ olim per censum fiebat, cum servi lustrali censu in campo jussu dominorum inrer cives Romanos censum profitebantur, vid. Sigon. lib. 1. de ant. jur. civ. Rom. cap. 14.

Vindicta] Virgulam esse scribit Boëtius in Top. Ciceronis, quam licitor jussu magistratus manumittendi capiti imponebat: atque ab hac virgula hunc manumittendi modum appellatum. Festuca Plauto dicitur in mil. glorios. Alii hunc modum sic dictum

malunt à Vindicio Vitelliorum servo, qui primus dicitur vindicta liberatus, eo quod conjurationem nobilium adolescentium de Tarquiniiis reducendis detexisset, auctore Livio lib. 2. Tenebat dominus modo caput, modo aliud membrum servi, dicebatque hunc hominem liberum esse volo. Fest. in verb. manumitti, & cum dicto eum circumagebat, significans, se ei potestatem facere abeundi, quod vellet. Eò pertinent hæc Persii Satyr. 5.

--- Hæc steriles veri, quibus una Quiritem
Vertigo facit.

Et paulo post:

Verterit hunc dominus, momento turbinis exit
Marcus Dama.

Pluribus hæc explicant Marcil. ad d. satyram, Briffonius lib. 5. antiq. c. 11. Sigonius lib. 1. de antiq. jur. civ. Rom. cap. 6. lac. Gallus Neapol. in apicib. leg.

Inter amicos, per epistolam] Inter amicos adhibitis quinque testibus; per epistolam à domino & quinque testibus subscriptam l. un. §. 1. & 2. C. de Lat. lib. toll.

Aliam ultimam voluntatem] Purâ codicillos. Consulto tamen miscere videtur justos manumittendi modos cum cæteris, quia ipse differentiam sustulit.

Aliis multis modis] Quorum plerique enumerantur in d. l. un. §. 3. & seqq. C. de Lat. lib. toll. Adhuc curiosiores tit. C. pro quib. ea. serv. pro præm. lib. acc. ff. qui sine man. ad lib. per n. C. si man. ita ven. ne proffit. & si man. ita su. alien. l. nemini. C. de episc. aud.

T E X T U S.

Ubi & quando manumitti potest.

2. *Servi verò à dominis semper manumitti solent, adeò ut vel in transitu manumittantur; veluti cum prætor, aut præses, aut proconsul, in balneum, vel in theatrum eunt.*

N O T Æ.

2. *Semper*] Id est, omni die sive festo, sive profesto, sive fasto, sive nefasto, καὶ ἐν ἀπαγορεύσει καὶ ἐν ἐξουσίᾳ. Fabrot. in not. ad Theophil. l. 2. l. 8. C. de feriis.

C O M M E N T A R I U S.

In transitu] Cum aut lavandi, aut gestandi, aut ludorum gratia prodeunt prætor, proconsul, legatusve Cæsaris, l. 7. de man. vind. Neque enim necesse est pro tribunali manumittere, cum hic actus sit voluntariæ jurisdictionis, l. 2. de offic. procons.

T E X T U S.

De libertinorum divisione
sublata.

3. *Libertinorum autem status tripartitus
anteà*

antea fuerat: nam qui manumittebantur, modò majorem & justam libertatem consequerentur, & fiebant cives Romani: modò minorem, & Latini ex lege Junia Norbana fiebant: modò inferiorem, & fiebant ex lege Ælia Sentia dedititii: Sed quoniam deditiorum quidem pessima conditio jam ex multis temporibus in desuetudinem abierat: Latinorum verò nomen non frequentabatur: ideoque nostra pietas omnia augere, & in meliorem statum reducere desiderans, duabus constitutionibus hoc emendavit, & in pristinum statum reduxit: quia & à primis urbis Romæ cunabulis una atque simplex libertas competebat, id est, eadem: quam habebat manumissor; nisi quod, scilicet, libertinus sit, qui manumittitur, licet manumissor ingenuus sit. Et dedititios quidem per constitutionem nostram expulimus, quam promulgavimus inter nostras decisiones; per quas suggerente nobis Triboniano viro excelsio Quæstore nostro antiqui juris altercationes placavimus. Latinos autem Junianos, & omnem, quæ circa eos fuerat, observantiam, alia constitutione per ejusdem Quæstoris suggestionem correximus, quæ inter Imperiales radiat sanctiones. Et omnes liberos (nullo nec ætatis manumissi, nec domini manumittentis, nec manumissionis modo discrimine habito, sicuti antea observabatur) civitate Romana decoravimus, multis modis additis, per quos possit libertas servis cum civitate Romana, quæ sola est in presenti, præstari.

NOTÆ.

3. Status tripartitus] Ulpian. in fragm. tit. 1. & 3. Cajus l. l. ult. tit. 1.

Cives Romani] Nempe qui vindicta, censu, testamento manumissi erant. Ulp. & Caj. ubi sup. Hos modos civiles & legitimos vocat Theoph.

Legge Junia Norbana] Qua cautum, ut ij servi, qui per epistolam aut inter amicos aut convivii adhibitionem manumitterentur, non cives Romani, sed eodem jure essent, quo ante bellum sociale Latini coloni l. m. in pr. C. de Lat. lib. tol. ut neque conubii, neque testamenti, neque mancipii aut nexus, neque patriæ potestatis, &c. jura habuerint. Ulp. in fragm. variis locis. Poterant autem multis modis jure Quiritium augeri. Ulp. d. tit. 3.

Dedititii] Hi quoque Latini liberti fuere, sed

conditione Latinorum dedititiorum, quos scilicet populus Romanus post defectionem victos in deditiorem acceperat. Scribit Suetonius Augustum cavisse, ne victus unquam tortusve ullo libertatis genere civitatem adipisceretur cap. 40. Add. Ulp. & Caj. ubi sup.

Pessima Conditio] Non multum distans à servientium specie, §. ult. inf. d. succ. libert.

In meliorem statum] Aliud judicium Augusto fuit. qui magni æstimabat sincerum atque ab omni colluvione peregrini ac servilis sanguinis in corruptum servare populum. Svet. c. 40.

Simplex libertas] Cic. pro Balb. Dionys. Halic. lib. 4. ubi Servium Tullium hujus instituti auctorem fuisse refert.

Ætatis manumissi] Vid. Ulpian. tit. 1. §. 7. Theophil. hic.

Decoravimus] Alii donavimus. Antonius antea civitate data exæquaverat omnes ingenuos l. 17. D. de stat. hom. Justinianus omnes libertinos, novissimè & libertinorum conditionem sustulit, data manumissis ingenuitate. Nov. 78. c. 5.

COMMENTARIUS.

1. Latini liberti quo jure fuerint.
2. Quo jure dedititii.
3. Antoninum exæquasse omnes ingenuos, Justinianum omnes libertinos.

Antea fuerat] Hoc non est referendum ad tempora libertæ reip. sed sequentia. Nam, ut auctor est Suetonius, primus Augustus, cum servorum manumissione contaminari civitatem Romanam videre (quod & Dionys. Halicam. lib. 4. conqueritur) eos multis difficultatibus à libertate justa removit: deque numero & conditione & differentia eorum, qui manumittebantur, curiosè cavet. Hinc nata lex Ælia Sentia, hinc Fusia Caninia, de quibus postea: Hinc Junia Norbana Silano & L. Norbano Coss.

Cives Romani] Scilicet, qui censu, vindicta, testamento, non qui per epistolam, aut inter amicos manumissi erant. Ulp. & Cajus in Inst.

Latini ex lege Norbana] Qua cautum fuit, ut ij servi, qui per epistolam, aut inter amicos, aut convivii adhibitionem manumitterentur, non cives Romani, sed eodem jure essent, quo ante bellum sociale Latini coloni; quod significare voluit Justinianus l. m. in pr. C. de Lat. lib. toll. cum ait, Latinos liberos ad similitudinem antiquæ Latinitatis, quæ in colonias deducta est, introductos esse. Discimus autem ex Cicerone pro Cecinn. & pro domo sua, eos qui in Latinam Coloniam nomina dedissent, aut deducti inque eam civitatem recepti essent, Romanam civitatem amis-
sisse: & hoc quoque est, quod Boët. in Top. Cic. scribit,

bit, ista in Latinis Colonias protectione mediam capitū deminutionem contingere. Quæ cum ita sint, apparet eos neque connubii, neque testamenti, neque mancipii aut nexus, neque patriæ potestatis, neque tutelæ recipiendæ jura habuisse, ac proin eadem quoque conditio Latinorum libertinorum fuit: quod etiam discretè variis in locis testatur Ulpian. *in fragm.* De Latinis libertis ita scribit Justinianus §. ult. *inf. de success. libert.* eos quidem ut liberos vitam peregrinos, attamen ipso ultimo spiritu simul animam atque libertatem amisisse; & quasi servorum ita bona eorum jure quodammodo peculii patronos occupasse congruit l. 1. C. Theodos. de petit. hered. Quemadmodum autem Latini coloni multis rationibus ad civitatem Rom. pervenire poterant, quas ex Liv. Appian. Cic. pro Cæc. pro Balb. pro dom. sua, collegit Gruch. lib. 2. de comit. Ita & Latini liberti multis modis jure Quiritium augeri, quos recenset Ulpian. *in fragm. tit. 3.*

Ex lege Ælia Sentia deditii] Auctor hujus legis Augustus, latores Sext. Ælius & C. Sentius coss. Scribit, enim Sveronius Augustum cavisse, ne *vinctus unquam tortusve ullo libertatis genere civitatem adipisceretur.* Et existimare licet libertos hosce dedititios eandem habuisse libertatem, quam populus Rom. Latinis illis reliquerat, quos post defectionem victos & in deditionem acceptos vita quidem & imagine aliqua libertatis ex humanitate donaverat, sed ut jure connubiorum & commerciorum multati ad jus civitatis nunquam pervenire possent: ut sint hi quoque Latini liberti, sed conditione Latinorum dedititiorum, add. *Vlp. Cas. in Inst.* Formulam deditionis descripsit Livius in deditione Collatinorum & Campanorum, lib. 1. & 7.

In meliorem statum reduxit] Non deest, quod contra dici posset. Certè aliud judicium Augusto fuit, qui magni existimabat sincerum atque ab omni colluvione peregrini ac servilis sanguinis incorruptum servare populum: civitatemque tam parcedabat, ut Livie pro tributario Gallo roganti civitatem negaverit, imunitatem obtulerit: affirmans se facilius passurum fisco detrahali quid, quàm civitatis Romanæ vulgari honorem. Sveron. *in August. c. 40.*

Primis cunabulis] Hoc non ita dictum accipiemus, quasi jam inde ab urbe condita manumissi jus civium habuerint: sed ex quo manumissi jus civitatis communicatum est (quod factum est infante adhuc populo sub rege Servio Tullio) id diu postea observatum fuisse, mansisseque usque ad tempora Augusti, arg. eorum, quæ tradit Dionys. Halic. lib. 4. Et ergo ex illo tempore, quamdiu respub. steterit, una liberorum omnium conditio fuit: nam omnes pari jure cives Rom. erant, & plena ac justa libertate fruebantur.

Libertinus fit] Jure novissimo & hoc sustulit, da-

ta ingenuitate, salvo tamen manente jure patronatus. Nov. 78.

Ætatis manumissi] Nam lege Ælia Sentia cavebatur, ut servus minor triginta annis in testamento manumissus non civis fieret, sed Latinus esset; vindicta manumissus non aliter civis fieret, quam si causa apud consilium probata fuisset, teste Ulpiano *in fragm. tit. 1.* De censu quid hic dicam non habeo: necesse tamen est, aut hunc actum nullum fuisse, aut eum, qui inter cives census esset, civem factum. Itaque dubito, an verum sit, quod generaliter definit Theophilus, servum minorem 30. annis, quoquo modo manumissum, Latinum fieri.

Domini manumittenti] Augustinus 3. *emend.* legendum censet dominii; ut hoc non ad ætatem domini referatur, sed ad qualitatem domini, quod & Grot. h. in flor. spars. probat, & Theophilum ita legisse arguunt verba paraphrasis, *ὅτι τὸν δεσποτέαν δ' ἐλευθερεῖν.* Dominorum enim, alius in bonis, alius ex jure Quiritium habebat: ille Latinum faciebat, hic civem. Ulp. *in fragm. tit. 1. §. 11.* & Theoph. hic quæ differentia à Justiniano sublata est l. un. C. de nud. jur. Quir. toll.

Civitate Romana decoravimus] Atqui jam multo ante omnes, qui in orbe Romano essent, ex constitutione Antonini cives Romanos effectos Ulp. prodidit l. in orbe 17. de stat. hom. Sed illa constitutio non pertinet ad eos, qui conditione personæ, sed natali loco & patria impediabantur, quominus essent cives Romani. Quæ res ut planissimè intelligatur: Jus civitatis Romanæ olim raro, & non nisi bene meritis civitatibus dari solitum erat. Postea lege Julia datum est sociis & Latinis omnibus, qui arma deposuerant. Id factum initio belli socialis. Sigon. lib. 3. de antiq. jur. Ital. cap. 1. & 2. Gruch. lib. 2. de comit. Rom. Hoc autem beneficium intra terminos Italiæ continebatur, ut docet Cic. pro Balb. Progressu temporis quibusdam etiam provincialibus civitas data: & ad extremum omnibus, qui sub imperio Romano essent, constitutione Antonini. Antoninus ergo civitate data exæquavit omnes ingenuos, Justinianus sublata differentia manumissionis omnes libertinos: qui novissimè & libertinos exæquavit ingenuis, salvo jure patronatus. Nov. 78. quod positum est in obsequiis, operis, dono, munere & successione libertorum, tit. de jure patron. & aliquot seqq. lib. seq. Sunt & tacitæ quædam manumissionis species, veluti si dominus servum suum tutorem vel heredem scripserit, aut adoptaverit §. 2. *inf. tit. prox. §. 1. inf. quò test. tut. dar. §. ult. inf. de adopt.* alioque complures, quas operæ pretium non est aut recensere aut explicare, concessit eas Gudelin. lib. 1. de jur. noviss. cap. 4.

TITULUS SEXTUS.

Qui & quibus causis manumittere non possunt.

D. lib. 40. Tit. 9. C. lib. 7. Tit. 11.

Argumentum tituli.

Eritur quod ex superiore tit. intelligi potuit, cum varii sint manumittendi modi, eadem tamen omnium vis atque effectus est, ut omnes manumissi liberi fiant & cives Romani. At enim hac manumissorum omnium exæquatione nihil derogatum est legi Æliæ Sentiae, quæ quibusdam ex causis libertatem impediebat; sed quibus ex causis illa eam impediebat ante hanc exæquationem, ex iisdem etiam nunc obstat, quominus manumissi liberi fiant. Causæ duæ duobus hujus legis capitibus, quæ hic proponuntur & explicantur, comprehensæ; quorum primo cavetur, *Ne quis in fraudem creditorum manumittat, nisi fortè servum unicum heredis habendi gratia*; altero, *ne minoribus 20. annis aliter jus sit manumittere, quam iusta causa apud consilium approbata*. Et totidem ergo erunt superioris regulæ exceptiones.

T E X T U S.

Prius capit. L. Æliæ Sentiae, de manumittente in fraudem Creditorum.

Non tamen cuicumque volenti manumittere licet: nam is, qui in fraudem creditorum manumittit, nihil agit: quia lex Ælia Sentia impedit libertatem.

N O T Æ.

Nihil agit] Igitur ita manumissi liberi non fiunt: & additur ratio, quia lex Ælia Sentia impedit libertatem, id est, liberos fieri prohibet; sicut in universum, quod lege prohibente fit, ipso jure nullum est, l. 5. C. de legib. quod sicubi legas libertatem revocari aut rescindi, id minus propriè dictum accipe: vid. respectu actus manumissionis, qui insuspenso est, donec constet de fraude, & an creditores suo jure uti velint. Legem hanc latam esse Augusti temporibus indicat Dio lib. 55. consule judic. leg. Rom. Hotom. Conn. lib. 2. comm. c. 5.

C O M M E N T A R I U S.

Nihil agit] Nempe ergo ita manumissi liberi non fiunt: & ratio additur, quia lex Ælia Sentia impedit libertatem, hoc est, liberos fieri prohibet, l. in fraudem 27. qui & a quib. man. sicut in

universum quicquid lege prohibente fit, ipso jure nullum est, l. non dubium C. de legib. Quamobrem cum legimus libertates per legem Æliam Sentiam rescindi aut revocari, ut in l. 5. §. 2. d. in l. 1. C. qui man. non poss. hoc minus propriè dictum accipiemus, & respectu actus manumissionis, qui non continuo & ab initio ipso jure nullus est, sed suspenditur, donec constet, fraudati sint creditores, nec ne: & si fraudati sunt, utrum jure suo uti velint: nam si non sint fraudati, aut fraudati jure suo non utantur, actus validus est, & manumissi retro liberi facti intelliguntur: si fraudati sint & jure suo utantur, perinde habetur atque si nulla manumissio intervenisset. Quamdiu autem hæc incerta sunt, scribit Paulus manumissos vi ipsa statuliberos esse, l. 1. de statulib. Ipse autem manumissor & hæredes ejus nullo colore libertatem revocare possunt, l. 5. C. de serv. pig. dat. man. fac. l. 3. qui & a quib. man. His addi potest & peculiaris ratio, quod libertas, quæ semel competit, non revocatur, §. semel hoc tit. l. 9. §. 1. de man. vind. Ex quibus omnibus manifestum est, errare D. Pacium, qui in notis marginalibus scribit, libertatem ipso jure competere, sed retractari. Alia longè ratio est edicti, *Quæ in fraud. cred.*

T E X T U S.

De servo instituto cum libertate.

1. *Licet autem domino, qui solvendo non est, in testamento servum suum cum libertate heredem instituere, ut liber fiat, hæresque ei solus & necessarius, si modò ei nemo alius ex eo testamento hæres extiterit: aut quia nemo hæres scriptus sit, aut quia is, qui scriptus est, qualibet ex causa hæres ei non extiterit. Idque eadem lege Ælia Sentia provisum est, & rectè. Valde enim prospiciendum erat, ut egen-tes homines, quibus alius hæres extiturus non esset, vel servum suum necessarium heredem haberent, qui satisfacturus esset creditoribus: aut hoc eo non faciente creditores res hereditarias servi nomine vendant, ne injuria defunctus afficiatur.*

NOTÆ.

NOTÆ.

Heresque ei solus] Non tamen necesse est, solum hæredem scriptum esse, sed neminem alium hæredem existere, ne ex substitutione quidem, l. 57. D. de her. institut.

Injuria] Positum pro ignominia, nam ignominiosum bona cujusquam propter æs alienum divendi: cujus rei testis locuples Cicer. *pro Quint.* Igitur ratio exceptionis hæc est, ut actionis ignominia, qua alioqui defunctus oneraretur, potius derivetur in hæredem servum.

COMMENTARIUS.

IN capite legis Æliæ Sententiæ, *Ne quis in fraudem creditorum manumittat*, nominatim additur hæc exceptio, nisi quis unum ex servis suis testamento liberum & hæredem esse jusserit, quod quamobrem à lege Provisum sit, mox dicitur.

Heresq; ei solus] Non quod necesse sit, solum cum hæredem scriptum esse, sed si plures scripti sunt, cæteros deficere, & neminem alium hæredem existere, ne ex secundo quidem gradu; utique libero homine substituto, l. si is qui 57. de her. inst. nam si & alter servus secundo loco scriptus sit, solus primo loco scriptus hæreditatem capiet l. qui solvendo 60. d. tit. Quid si duo servi eodem gradu instituti? Invicem sibi obstant. Cæterum altero ante apertas tabulas mortuo is qui superest, liber & hæres erit, l. 42. & seq. eod.

Necessarius] Ita dicitur, non quia hæreditatem adire cogitur: sed quia sive velit, sive nolit, omnino post mortem testatoris protinus liber & hæres fit, §. 1. inf. de her. qual. & diff. ac proinde ipso jure, sicut sui & necessarii hæredes, arg. l. furiosus 63. de acq. her. Hoc tantum interest, quod prætor suis hæredibus potestatem facit abstinendi ab hæreditate. necessariis non item. l. necessariis 57. d. acq. hered.

Valde enim prospiciendum erat.] Ratio exceptionis satis justa, videlicet ut famæ defunctæ parcat, & auctionis ignominia, qua alioqui defunctus oneraretur, in hæredem servum potius derivetur: qui duplici de causa hoc æquo animo ferre debet: primum quia rem pretiosissimam & inæstimabilem, libertatem, consequitur: deinde quia quicquid post mortem patroni sui acquirit, non obnoxium creditoribus, si bonorum separationem petierit, quam imperare potest, si bona defuncti non attigerit, d. §. 1. inst. de her. qual. & diff. junct. l. 1. §. ult. de separ. Falluntur ergo qui scribunt, servum hæredem necessarium conveniri posse, si is postea ad meliorem fortunam pervenerit, exemplo eorum, qui bonis cesserunt, §. ult. inf. de act.

Injuria] Hoc est, ignominia, quamvis enim edito prætoris de infamibus non notetur: oneratur

tamen existimatio ejus, & facti infamiam non effugit is, cujus bona auctioni & hæc publicè subjiuntur: cujus rei locupletem testem habemus Ciceronem *pro Quintio*.

TEXTUS.

De servo instituto sine libertate.

2. *Idemque juris est, etsi sine libertate servus hæres institutus est. Quod nostra constitutio non solum in domino, qui solvendo non est, sed generaliter constituit, nova humanitatis ratione: ut ex ipsa scriptura institutionis etiam libertas ei competere videatur: quum non sit verisimile, eum quem hæredem sibi elegit, si prætermiserit libertatis dationem, servum remanere voluisse, & neminem sibi hæredem fore.*

NOTÆ.

2. *Sine libertate*] Non libertate nominatim prohibita, sed omissa, nulla facta mentione libertatis.

Nostri constitutio] l. pen. C. de necess. serv. her. inst. junct. pr. inf. de her. inst.

Novæ humanitatis ratione] Quia etsi ex veteribus quoque juris auctoribus quidam hoc ipsum probaverant, nunquam tamen obtinuerant, ut d. pr. inf. de her. instit. Cujac,

COMMENTARIUS.

Nova humanitatis ratione] Primus Justinianus generaliter constituit, ut servus à domino simpliciter hæres institutus & liber & hæres fiat, veterum quidem, sed eorum paucorum sententiam secutus, quæ idcirco antea non obtinebat, l. pen. C. de nec. serv. her. inst. junct. pr. inf. de her. inst.

Quum non sit verisimile] Nam qui vult consequens ut DD. hic notant, & in l. 2. de jurisd. etiam antecedens velle intelligitur, sine quo ad illud consequens perveniri non potest; eademque ratione, haud dubiè & Paulus & Atilicianus, quibus jam ante hæc sententia placuit, usi sunt. Verum hæc ratio aliis non satis idonea visa fuit, fortassis ideo quia cum libertas sit aliquid majus & pretiosius ipsa hæreditate, absurdum videatur per consequentiam hæreditatis, datæ libertatem servo defendere, rem longè majoris momenti. Rationem enim juris non pati, ut id, quod dignius est & magis principale, à re minus digna minusque principali vires capiat, per l. quod per manus de jur. Cod. Constitutio Justiniani ad adscriptitios, sicubi sunt, trahi potest: & sic etiam si quis homini proprio, ut vocant, feudum dederit, eo ipso & libertatem ei dedisse censet D. Tulden. in com. hic c. 3.

T E X T U S.

Quid sit in fraudem Creditorum manumittere.

3. In fraudem autem creditorum manumittere videtur, qui vel jam eo tempore, quo manumittit, solvendo non est; vel qui datis libertatibus desiturus est solvendo esse. Prævaluisse tamen videtur, nisi animum quoque fraudandi manumissor habuerit, non impediri libertatem, quamvis bona ejus creditoribus non sufficiant: sæpè enim de facultatibus suis amplius, quàm in his est, sperant homines. Itaque tunc intelligimus impediri libertatem, cum utroque modo fraudantur creditores, id est, & consilio manumittentis, & ipsa re, eo quod bona ejus non sunt suffectura creditoribus.

N O T Æ.

3. In Fraudem] Descriptus hic locus est ex l. 10. D. qui & à quib. man.

Desiturus est solvendo esse] Species hæc sit. Sempronius, qui mille in bonis habebat actoridem debebat, servum in fraudem creditoris manumisit: quo facto 50. de bonis ejus decesserunt, ut jam creditores solidum consequi nequeant. Q. an impediat libertas. R. impediri cum Cajo in d. l. 10.

Prævaluisse] Libertas non revocatur, nisi & fraudandi consilium manumissor habuerit, & creditores re ipsa fraudentur, d. l. 10. l. 1. C. qui man. non poss. In fideicommissaria tamen libertate solus rei eventus spectatur, l. 4. §. 19. in fin. D. de fideic. lib. l. ult. C. eod.

C O M M E N T A R I U S.

Desiturus est solvendo esse] Descriptus hic locus est ex l. in fraudem 10. qui & à quib. man. Nimirum quia lex Ælia Sentia simpliciter loquitur de debitore, qui solvendo non est, quæsitum est, an lex etiam ad eum pertineat, qui datis demum libertatibus desiturus est solvendo esse, & placuit pertinere, d. l. 10. Ratio in præpò est quia solvendo esse nemo intelligitur, qui solidum, quod debet,olvere non potest, l. solvendo de verb. sign. non potest autem, qui posse desit.

Prævaluisse] Nisi hæc duo concurrant, ut & fraudandi consilium manumissor habuerit, & creditores eventu atque re ipsa fraudentur, libertas non revocatur, d. l. 10. l. 1. C. qui man. non poss. quod & ipsum procul dubio ex sententia legis simpliciter loquentis acceptum est, non ratione aliqua speciali & favore libertatis, ut putat D. Wesemb. sed communi &

adrevocationem ex edicto Qua in fraudem creditorum etiam pertinet, de quo dicimus ad §. item si 6. inf. de act. Creditoribus igitur agentibus incumbet probare se & eventu fraudatos esse, & manumissionem animum fraudandi habuisse. Atque hic locus erit præsumptionibus, quibus fraus aut arguitur, aut abuisse docetur: quæ de re consulantur DD. hic ex ind. §. 6. Cæterum hæc quæ diximus locum habent in libertate directo testamento data: in fideicommissaria autem solus rei eventus spectatur, l. 4. §. si in fraudem in fin. de fideic. lib. l. ult. C. qui man. poss. An quia ubi res adhuc integra est, & ab alio servus manumittendus, facilius visum est impediri libertatem.

De facultatibus suis amplius sperant] Plerumque humani ingenii vitio rei modicus spei immodicus est: quod accidit frequenter his, qui transmarinas negotiationes & in aliis regionibus quam ubi ipsi morantur, per infitiores exercent, d. l. 10. qui & à quib. man. ex quo loco apparet, quod hic traditur, etiam ad libertates inter vivos datas pertinere, non ad testamentarias duntaxat, ut male, post alios Schneid.

T E X T U S.

Alterum caput L. Æliæ Sentia de minore viginti Annis.

4. Eadem lege Ælia Sentia domino minori viginti annis non aliter manumittere permittitur, quam si vindicta apud consilium, iusta causa manumissionis approbata, fuerint manumissi.

N O T Æ.

4. Domino] l. 4. §. ult. & passim D. de manum. vind. Providere lex voluit, ne temere & sine certo animi judicio servi libertate & civitate donarentur.

Apud consilium] Adhibebantur in consilium Romæ 5. Senatores, & 5. Equites, in provinciis 20. recuperatores cives Rom. Vlp. tit. 1. §. 8. Theophil. hic. In notis D. S. C. de consilii sententia. Grot. in spars. Flor. Exercere consilium non potest, cui mandata est jurisdictio, l. 2. D. de off. ejus cui mand. jurisd. unde apparet magistratum non habuisse jus exercendi consilium vi suæ jurisdictionis, arg. l. 1. pr. d. t.

C O M M E N T A R I U S.

Alterum caput legis Æliæ Sentia fuit; Minoribus 20. annis non aliter manumittere jus esto, quam causa iusta apud consilium approbata l. 1. de manum. l. 11. & seqq. de man. vind. Providere lex voluit; ne temere & sine certo animi judicio servi libertate & civitate donarentur.

Quam si vindicta] Legendum cum D. Horom. ex autoritate librorum veterum. Quam si dicta apud consilium

filium iusta causa manumissionis, approbata fuerit manumissio, & ita Theoph.

T E X T U S.

Quæ sunt iustæ causæ manumissionis.

5. *Iusta autem causæ manumissionis sunt: veluti si quis patrem aut matrem, filium, filiamve, aut fratres, sororesve naturales, aut pedagogum, aut nutricem, aut educatorem, aut alumnum alumnamve, aut collectaneum manumittat, aut servum procuratoris habendi gratia, aut ancillam matrimonii habendi causa: dum tamen intra sex menses in uxorem ducatur, nisi iusta causa impediatur: Et servus, qui manumittitur procuratoris habendi gratia, non minor decem Et septem annis manumittitur.*

N O T Æ.

Si quis patrem, &c.] Finge filium, cum esset una cum parentibus naturalibus in ejusdem Domini potestate, hæredem à domino institutum esse, hic filius, ut cæterarum rerum defuncti, ita & parentum suorum dominus efficitur. Justissimam autem eos manumittendi causam habet, & ita porro.

Alumnus] Quod sæpe in mulieribus usu venit: sed tamen in viris etiam receptum, l. 14. D. de man. vind.

Procuratoris) Plerique de procuratore ad negotia hunc locum accipiunt, Cujac. de procuratore ad judicia, ut & Fabror. Bachovius de utroque, cui assentior.

Intra sex menses) Et exigitur prius iuramentum, d. c. 13.

Iusta causa impediatur] Veluti si patronus senator fiat, l. 23. D. de rit. nupt.

Decem Et septem] In d. l. 13. est decem Et octo. Sed illic qui attigit annum XVIII. non minor XVIII. dicitur, hoc loco non minor XVII. qui implevit XVII. Cujac.

C O M M E N T A R I U S.

Hæc desumpta sunt ex l. iusta 9. l. si minor. 11. Et aliquot seqq. de man. vind. l. matrimonii 21. qui Et à quib. man.

Procuratoris] Arbitror in genere hanc manumissionis causam iustam fuisse, etiam si minori 20. annis speciatim opus non esset procuratore ad iudicium; scilicet ut liber factus servus tanto commodius officium procuratoris exercere tam in iudicio, quam extra iudicium, posset. Itaque neque Cujacio assentior, qui lib. 22. obs. 16. locum hunc accipit de procu-

ratore ad iudicium tantum, (neque enim satis iusta causa videtur, ut quis ob unam fortè litem persequendam servum suum manumittat) nec DD. vulgo, qui de procuratore ad negotia duntaxat: quasi minor 25. annis alienæ litis procurator esse neutiquam possit: quod falsum est, l. cum mandato 23. de minorib. Sanè ad defendendum minor 25. annis procurator idoneus non est, l. minor. 51. de procur.

Matrimonii habendi] Verbum habendi delendum esse, nemo, qui modo Latine sciat, negare poterit: nec in alijs reperitur, ut neque in l. 21. hoc tit. nec in l. 13. de man. vind. nec Theophil. agnoscit.

T E X T U S.

De causa semel probata.

6. *Semel autem causa adprobata, sive vera sit, sive falsa, non retractatur.*

C O M M E N T A R I U S.

Ex l. 9. §. 1. de man. vind. Ratio est, quia lex Ælia Sentia non causam exigit nominatim, sed causæ dictionem: & hoc est, quod Marcian. ait in d. l. 9. §. 1. causæ probationi contradicendum esse, non etiam causam approbatam retractandam.

T E X T U S.

Abrogatio posterioris capitis
L. Æliæ Sentia.

7. *Quum ergo certus modus manumittende minoribus viginti annis dominis per legem Æliam Sentiam constitutus esset, eveniebat, ut qui quatuordecim annos expleverat, licet testamentum facere, Et in eo sibi hæredem instituire, legataque relinquere posset, tamen, si adhuc minor esset viginti annis, libertatem servo dare non posset. Quod non erat ferendum, nam cui totorum suorum bonorum in testamento dispositio data erat. quare non similiter ei, quemadmodum alias res, ita Et de servis suis in ultima voluntate disponere, quemadmodum voluerit, permittimus, ut Et libertatem eis possit præstare? Sed quum libertas inestimabilis res sit, Et propter hoc ante vigesimum ætatis annum antiquitas libertatem servo dare prohibebat: ideo nos mediam quodammodo viam eligentes, non aliter minori viginti annis libertatem in testamento dare servo suo concedimus, nisi septemdecimum an-*

impleverit, & octodecimum attigerit. Quum enim antiquitas hujusmodi etati & pro aliis postulare concefferit: cur non etiam sui judicii stabilitas ita eos adjuvare credatur, ut ad libertatem dandam servis suis possint pervenire?

NOTÆ

Libertas inestimabilis res] Servum tamen libertate donare non est inestimabile domino, & alia haud dubiè ratio legis Æliæ Sententiæ fuit, & hæc nimirum, quod servi minoribus dominis faciliè blandis verbis aut aliis artibus perfradere possunt, ut se manumittant, vel pro turpis alicujus obsequii remuneratione, fac. l. 2. C. si adv. lib. l. 16. C. de lib. caus.

Mediam viam] Hinc inferunt posse quandoque judicem in ambiguitate juris vel facti rem dividere utique hoc facere solent prudentes, ubicumque est *ἀνέξεῖς*, id est, perplexa quæstio l. 7. D. ut leg. nom. caus. l. 40. D. de her. inst. videndum tamen semper, quid suadeat ratio juris.

Pro aliis postulare] l. 1. D. de postul. Collectio tamen hæc minus bona est; Adolescens ingressus annum XVIII. postulare potest, ergo & servum suum manumittere, sunt enim hæc planè diversa.

COMMENTARIUS.

N*Am cui totorum*] Argumentatur à majori ad minus *καὶ τοῖς πλεονεκτητέω*, cui quod plus est licet, ei non debet, quod minus est, non licere, l. 21. de reg. jur.

Quum libertas inestimabilis res sit] Aliam rationem legis Æliæ Sententiæ fuisse existimo, nempe quod servi junioribus dominis faciliè blandis verbis aut aliis artibus persuadere possunt, ut se manumittant, arg. §. 4. sup. eod. vel pro turpis alicujus obsequii compensatione. Est quidem libertas res inestimabilis, & ipsi servo *ὁ δὲν πρῶτον πρὸν ἐλευθερίας*: ac servum libertate donare non est inestimabile domino, cui longè plus est, posse aliquem hæredem instituere, prædium legare, quam servo vilissimi pretii dare libertatem:

licet ipsi servo majus sit, libertatem accepisse, quam hæreditatem aut prædium.

Ideo nos mediam viam eligentes] Hinc inferunt, posse quandoque judicem in ambiguitate juris vel facti rem dividere, Cujac. l. 7. obs. 21. Tressaur. decis. 19. Boët. decis. 239. Et sanè causa anceps per mediocritatem optime dividitur, etiam Paulo teste in l. filio. 7. ut legat. nom. cau. Sic cum de dominio speciei ex aliena materia factæ dissensio inter Sabinum & Proculum esset, Gajus in l. 7. §. cum quis de acq. rer. dom. mediam sententiam secutus est, eamque probavit Justinianus §. cum ex aliena. inf. de rer. div. Et Tiberius Cæsar, cum servus ejus Parthenius tanquam ingenuus hæres scriptus esset; cum substituto Parthenii hæreditatem divisit, l. ex hoc 41. de her. inst. §. ult. inf. de vulg. subst. Videndum tamen semper est, quid suadeat ratio juris.

Nisi 17. annum] Jurè novissimo permittitur non minus libertates, quam res alias testamento relinquere ea ætate, qua testamentum facere permissum est, masculis nimirum anno ætatis quartodecimo, fœminis duodecimo. Nov. l. 19. c. 2.

Pro aliis postulare] Veteres ætatem 17. annorum idoneam rati sunt ad prodeundum in publicum & causas agendas: atque hac ætate & paulo majore fertur Nerva filius publicè de jure responsisse, l. 1. de postul. Est autem, si liberè philosophandum est, vitiosa hæc collectio; Adolescens annum ingressus 18. pro alio postulare potest; ergo & servum suum testamento manumittere, sunt enim hæc planè diversa. Ne pigeat in transitu discere, pueros ingenuos usque ad annum ætatis decimum sextum præterea puerili toga usos fuisse, ingressosque annum decimum septimum puram, quæ & virilis dicitur, sumpsisse: quo ferè anno ad oratorem aliquem deducebantur, qui cum in forum descendentes annum unum patronos audiebant, quo assiduis auscultationibus confecto, causas ipsi agere, tanquam jam informati & non omnino rudes instituebant, funebres autem orationes etiam minore multo ætate habebantur: nam Augustus annum agens duodecimum pro concione aviam Juliam defunctam laudasse traditur. Sueton. in Aug. c. 8. ad Car. Sigon. l. 3. de judis. c. 18. Harom. hic.



TITULUS SEPTIMUS.

Conc. Lib. 7. Cod. Tit. 3.

De lege Fusia Caninia tollenda.

TEXTUS.

Lege Fusia Caninia certus modus constitutus erat in servis testamento manumittendis; quam quasi libertates impediendam, & quodammodo invidiam, tollendam esse censuimus: quam satis fuerat inhumanum, vivos quidem licentiam habere totam suam familiam libertate donare, nisi alia causa impediatur libertatem: morientibus autem huiusmodi licentiam adimere.

NOTÆ.

Lege fusia caninia] Lata hæc lex Augusti temporibus, ut ex Suetonio intelligimus c. 40. ubi & ratio legis indicatur, ne sc. concessa libera testamento manumittendi potestate libertis & sordidis hominibus civitas Rom. contaminaretur, sustulit eam Just. l. un. Cod. hoc tit.

Certus modus] Certus numerus, quem in manumittendo excedere non liceret. *Ulp. tit. 1. Caj. lib. 1. tit. 2. Paul. 4. sent. 14.* Apud Vopiscum legimus Tacitum Imperatorem in testamento suo intra Caniniam mansisse.

COMMENTARIUS.



Ertus modus) Id est, certus numerus definitus erat, quem in manumittendo excedere non licebat, vid. *Ulp. tit. 1. Cajum lib. 2. tit. 1. Paul. 4. sent. 14.* Ratio legis hæc fuit, ut ex Suetonio in *Aug. c. 40* intelligimus, nec concessa libera testamento manumittendi potestate, libertis & sordidis hominibus civitas Rom. contaminaretur.

Testamento) Cur non etiam inter vivos? nimirum quia & sine eo scopum suum lex assequitur. Nam metuendum non est, ut vivi & valentes tam profuse liberales simus, ut ea faciamus, quæ mox morituri, cum rebus nostris jam non amplius uti nos posse credimus, liberalitatis laudem tum maximè venantes, Pertinet huc insignis locus apud Dionys. Halicarn. lib. 4. ubi scribit, multos se vidisse, qui profusa honoris ambitione omnes servos suos testamento vel flagitiosissimos manumitterent, ut pileati funis sequerentur. Atque hic ferè mos est legislatorum ut ea sola prohibeant, quæ facile fieri posse existimant, non quæ difficultus, l. 4. in fin. ad sen. Vell. ubi hæc eadem ratio redditur, cur senatus intercessionem mulieris prohibuerit, non donationem, & videmus, quo facilius quid fieri potest, quod lex fieri non vult, eo strictius id vetari: ideo enim lex Julia fundum dotalem alienari vetat invita muliere, obligari etiam ea consentiente, inf. quib. al. non lic. in pr.

Totam familiam) Id est, ut Theophil. vertit, πέντας τὰς οἰκίας, omnes servos. Servos enim unius domini familiam veteres frequenter appellant, ut in *tit. si fam. furt. sec. l. 9. de jurisd. l. illud. 31. in pr. ad leg. Ag. l. optio 13. de opt. leg. l. pronuntiatio 195. §. servitutum de verb. sign.* atque in urbanam & rusticam dividunt, l. urbana 166 eod. Alias pleraque hujus vocis significationes habes in d. l. pronuntiatio.

Alia causa imp. diat) Puta si manumissor solvendo non sit, vel minor decem & septem annis.

Morientibus adimere) Argumentatio ab actu inter vivos ad ultimam voluntatem, eaque κατὰ τοὺς τελευταίους. Quatenus hæc argumentatio procedat, & contra, bene docet D. Præses Everhard. Claud. Cant. in top. & Myns. hic. certè non procedit, si legis Fusiae spectemus rationem. Quæ hæc est, quod facilius in testamento manumittimus, quam inter vivos. l. 4. in fin. ad Senat. Vell.

De his, qui sui vel alieni juris sunt.

TEXTUS.

Altera divisio personarum.

Sequitur de jure personarum alia divisio. Nam quædam personæ sui juris sunt; quædam alieno juri subjectæ. Rursus earum, quæ alieno juri subjectæ sunt, aliæ sunt in potestate parentum, aliæ in potestate dominorum. Videamus itaque de his, quæ alieno juri subjectæ sunt. Nam si cognoverimus, quenam istæ personæ sunt, simul intelligemus, quæ sui juris sunt, ac prius inspiciamus de his, quæ in potestate dominorum sunt.

NOTÆ.

Alia Divisio) Ex Cajo l. 1. D. hoc tit. Hac divisione personæ superiore divisione secretæ iterum in unum coguntur, quia de vi & effectu dominicæ potestatis adhuc erat cognoscendum.

In potestate) Varia est hujus vocis significatio, l. 2. 1. 5. D. de verb. sign. hic summam significat, ἡγεμὴν ἐξουσίαν, ut definit Theophil.

COMMENTARIUS.



Reponitur hic ex Cajo l. 1. hoc tit. alia personarum divisio: sed non sine vitio. Primum quia hæc ex summa illa, quæ sup. tit. 3. tradita est, non deducitur; deinde quia de servis jam ante intellectum est, eos omnes esse juris alieni, ut nihil necesse fuerit rem eandem inculcare, Rectius fecissent Compositores, si hic omisiss servis, quorum omnium eadem conditio est, liberorum hominum differentias, sicuti instituerant §. ult. dist. tit. 3. porro persecuti essent, eosque subdivisissent in eos, qui sui, & qui alieni juris sunt, aut potius in patresfam. & filiosfam. ut Ulpian. l. 4. h. tit. Excusantur tamen, quod cum de vi & effectu dominicæ potestatis adhuc cognoscendum erat, secretas superiore divisione personas in unum iterum coegerint,

Simul intelligemus) Ratio ex hoc principio logico petenda; Contrariorum cognito uno, cognoscitur & alterum Aristot. 1. Top. 14. & 2. c. 2. Cic. in Top. & 2. de rat. Non quod explicata & cognita una specie ge-

neris divisi statim accuratè cognoscamus naturam speciei oppositæ: sed quod illa cognita, intelligimus cætera, quæ sub genere comprehensa sunt, ad species oppositas pertinere. Nam illud tantum in universum verum est, unum oppositum alterius cognitionem juvare in eo, quatenus oppositum est, quo pertinet illud Arist. 2. Rhet. c. 12. τὰ ἐναντία πρὸς ἀλλήλας μάλιστα φαινέσθαι.

TEXTUS.

De jure Gentium in servos.

1. In potestate itaque dominorum sunt servi, quæ quidem potestas juris gentium est, nam apud omnes peræquæ gentes animadvertere possumus, dominis in servos vitæ necisque potestatem fuisse: & quodcunque per servum acquiritur, id domino acquiri.

COMMENTARIUS.

1. *In vitæ & necis* neque omnes gentes usurpasse, neque justitia interna licere servum occidere.

EX quo jure servitus est, ex eodem & dominorum in servos potestatem esse, nemo est qui ambigat. Cæterum quod hic ex Cajo l. 1. §. 1. hoc tit. Justinianus refert, apud omnes gentes summum illud jus vitæ & necis in servos usurpatum fuisse, de majore parte accipiendum est, deque eo, quod impune in servos fit ex rigore juris gentium. Nam apud multos populos jus hoc usurpatum non fuisse, sed servos humaniter tractatos, ut apud Parthos, Germanos, Hispanos, ipsosque adeo Græcos, testes sunt Iustin. lib. 4. Tacit. de morib. Germ. Athenius lib. 6. Bodin. 1. de repub. 5. Grot. 3. de jure bell. & pac. 14. Et agnoscunt omnes, multum distare id, quod impune in servum fit ex gentium jure, & id quod naturalis ratio fieri sinit. Cum in servum, inquit Seneca 1. de Clem. 18. omnia liceant, est aliquid, quod in hominem licere commune jus vetet. Et Paulo ante, In mancipio ait, cogitandum, non quantum illud impune pati possit, sed quantum tibi permittat æqui bonique natura, quæ pecere etiam captivis & pretio paratis jubet. Et vero si natura inter omnes homines cognitionem quandam constituit, l. 3. de just. & jur. consequens est, hominem in hominem sævire, nefas esse: ac proinde alienum

ab omni humanitate, quamvis servum, hominem tamen occidere, aut crudeliter tractare. Apostoli dictum est; *Domini, jus & quod equum est, servis præstare, gnari, vobis quoque dominum esse in calo. ad Coloss. 4. vers. 1.*

Quodcumque per servum acquiritur] Hoc ut rationi juris gentium convenit (nam qui in aliena non tantum potestate, sed etiam dominio est nihil proprium habere potest, de quo plenius in §. item vobis. inf. per quas perf. cuiq. acq.) ita nihil admodum iniquitatis habet; quoniam dominus vicissim ad alimenta servo præstanda obligatus est.

TEX T U S.

De Jure Civil. Roman. in servos.

1. Sed hoc tempore nullis hominibus, qui sub imperio nostro sunt, licet sine causa legibus cognita in servos suos supra modum sævire. Nam ex constitutione Divi Antonini, qui sine causa servum suum occiderit, non minus puniri jubetur, quam si alienum servum occiderit. Sed & major asperitas dominorum ejusdem Principis constitutione coercetur. Nam Antoninus consultus à quibusdam Præsidibus provinciarum de his servis, qui ad ædem sacram, vel statuam Principum confugiunt, præcepit, ut; si intolerabilis videatur sævitia dominorum, cogantur servos suos bonis conditionibus vendere, ut pretium dominis daretur, & rectè: expedit enim reipublicæ, ne sua re quis malè utatur. Cujus rescripti ad Ælium Martianum missi verba sunt hæc: Dominorum quidem potestatem in servos illibatam esse oportet, nec cuiquam hominum jus suum detrahi. Sed & dominorum interest, ne auxilium contra sævitiam, vel famem, vel intolerabilem injuriam denegetur iis, qui justè deprecantur. Ideoque cognosce de querelis eorum, qui ex familia Julii Sabini ad sacram statuam confugerunt, & si vel durius habitos, quam æquum est, vel infami injuria affectos esse cognoveris, venire jube, ita ut in potestatem domini non revertantur. Quod si meæ constitutioni fraudem fecerit, sciat me hoc admissum adversus se severius executurum.

NOTÆ.

2. Sine causa] Descripta hæc partim ex l. 1. §. 2. partim ex l. 2. D. hoc tit.

Non minus puniri] Hoc significat, qui servum suum sine causa occidit, tam reum esse homicidii, quam si alienum occidisset, & teneri publico judicio legis Cornelie de sicariis: neque enim privato judicio legis Aquilie locus est, ubi sibi quis damnum infert.

Major asperitas] Modica tantum castigatio dominis permittitur, l. un. C. de emend. serv. adhibenda tamen etiam circa minores pœnas clementia, juxta illud in constitutionibus Clementis Romani, *ἐπιτάξεις δὲ λαὸς ἡ παιδείαν ἐν πικρίᾳ ψυχῆς* Grotius, ubi sup.

Ædem Sacram] Fana ethnicis pro asylis erant. Plaut. Rudent. Virgines duæ Veneris fano sese adversus lenonis vim tventur. Tac. 3. annal. Complebantur templa pessimis servitiorum, &c. Sublato Paganismo idem jus ασυλίας templis Christianorum tributum: tit. C. de his qui ad eccles. confug. Nov. 17. Hæc verba, ad ædem sacram, non sunt apud Ulp. Rufini tit. 3. nec in d. l. 2. hoc tit. nec Theophilus habet.

Statuam principum] Statuæ quoque Principum his, qui ad eas confugissent, asyla fuerunt, l. un. C. de his qui ad stat. princ. Judæorum populo sex civitates constitutæ erant, quo tuto confugerent, qui ἀκροῖως sanguinem effudissent. Num. 35. vers. 11. Deut. 19. Jos. 20. vers. 2 & 3.

Bonis conditionibus] Justo pretio, ut in l. 12. D. de relig. Et ne dominus infensus, duriores conditiones adjiciat, veluti ut ne manumittantur, ut tanquam fugitivi in vinculis habeantur. Th. & l. 25. D. de statu lib.

Expedit reip.] Hæc sententia est apud Sosipatrum. Potest quis etiam abuti re sua, l. 25. §. 11. D. her. pot. sed tamen providendum, ne privati fortunis suis abutendo noceant publico.

Dominorum interest] Alia ratio decidendi. Si servi nullum sibi contra dominorum sævitiam auxilium paratum esse sciant, aut manus sibi afferent, aut in perniciem domini aliquid molientur.

Severius executurum] Pro qualitate scil. delicti extra ordinem in ipsum animadversurum: Nam certa pœna hic definita non est. Wes.

COMMENTARIUS.

1. Etiam circa minores pœnas in servos oportere adhiberi equitatem.
2. Sicariis, adulteris, raptoribus, & similibus criminum reis, jus asyli dandum non esse.
3. Potestatem quam dominus in re sua habet, lege civili posse restringi.

Refert hic Justinianus ex Cajo & Ulpiano *l. 1. c. 1.2. h. tit.* Antoninum Pium modum posuisse potestati dominicæ, quæ plerique immoderatè utebantur: quæ hujus potestatis moderatio ad justitiam sive internam justitiam jus illud exteriùs retraxit.

Sine causa] Nam ex causa licet; puta si servum in facinore deprehenderit, in quo repertum etiam liberum occidere jus sit.

Non minus puniri jubetur] Hoc est, publico judicio legis Corneliæ de sicariis non minus obnoxius est & reus homicidii, quam si alienum servum occidisset: nam lex Cornelia non distinguit, quis homo occisus sit, *l. 1. §. 2. ad leg. Corn. de sicar.* Utique privatum Aquiliæ judicium locum habere non potest, cum quis sibi damnum, non alii infert.

Major asperitas] Modica autem castigatio dominis permittitur, *l. un. C. de emend. serv.* & tamen etiam circa penas minores, puta verbera, in servos adhibenda est æquitas, imo & clementia. In constitutionibus, quæ Clementi Romano adscribuntur, legimus, *ὅτι ὁ πῶτα ἔχεις δάλαρος, ἢ παιδίον, ἐν πικρῇ ψυχῇ.* Non opprimes servum, non dominaberis ei dare, ait lex divina de servo Hebræo *Deut. 15.* quod nunc prolata vi proximitatis ad omnes servos debet extendi. Et Apostolus ad *Ephes. 6.* dominis imperat, ne cum servis minaciter agant, eo argumento, quod *et ipsi dominum in celis habeant, qui ad talia qualitatium discrimina non attendit.* Sed & opere cum modo exigendæ sunt, & valetudinis servorum humanè habenda ratio: quod ipsum præter alia spectat lex divina in Sabbati institutione, nimirum ut laboribus aliquod daretur spiramentum. C. Plinius *lib. 5. epist. 19.* sic ad Paulinum scribit, *Video quam molliter tuos habeas, quo simplicius confitebor tibi, quæ indulgentia meos trahem. Est mihi semper in animo Homericum illud, περὶ γὰρ ὡς, ἢ τι γὰρ ἔχεν.* & hoc nostrum paterfamilias. In qua voce & Seneca veterum humanitatem observat; Ne illud quidem videtis, inquit, quam omnem invidiam majores nostri dominis, omnem contumeliam servis detraxerint. Dominum patremfamilias appellaverunt; servos, familiares *epist. 47.* Plura hujusmodi habet Grot. *lib. 3. de jur. bell. c. 14.*

Ad eadem sacram] Ad fana seu templà Deorum, quo confugientes aras & signa Deorum amplecti solebant. *Plant. Mostell. act. 5. scen. 1. c. Rudent. act. 2. scen. 7. Virg. Æneid.* eodemque & obædari adversus creditores, suspectique criminum capitalium receptabantur. *Tacit. 3. annal.* & quia ab his locis nemo nec eripere fas erat, ideo ἀστυλα dicta sunt. Sublato paganismò Imp. Christiani idem jus etiam templis Christianorum tribuerunt, *tit. C. de his qui ad eccl. conf.* sed leviores tantum delicti suspectos reci-

pi voluerunt, non sicarios, adulteros, raptos, aut similia criminum reos; neque τοῖς ἀδικησάν, ἀλλὰ τοῖς ἀδικημένοις jus asyli dari. *Nov. 17. c. 7. Nov. 37.* convenienter legi Divinæ, quæ jubet homicidam ab altari abstrahi, atque iis solum asylum dari, qui ἀκροσῖως sanguinem effuderint. *Exod. c. 21. vers. 13. c. seq. Num. 35. vers. 6. c. 11. Is. c. 20. vers. 2. c. 3.* Cui etiam convenit, quod Thucydides *lib. 4.* scribit, ἡ ἀκροσῖων ἀμαρτημάτων καταφυγὴ εἰσὶν Ἰδὲ ἑωμῆς. Jure autem canonico, remotis solis nocturnis populatoribus agrorum & publicis latronibus, cæteri cujuscunque facinoris rei, immunitate ecclesiarum gaudent, *c. inter alia, c. fin. de immunit. eccles.* Quam Pontificum sanctionem non immerito jam olim improbavit Ferrariensis. *in forma inquis. in pr. num. 31.* ubi scribit, hæc jura canonica facta esse sine ratione ad beneplacitum, imo contra jus divinum, quo cautum est; *Domus mea domus orationis vocabitur: vos autem fecisti eam speluncam latronum, c. c.* In Colonienf. editione anno 1590. hæc & similia Cyni, quæ eodem loco citat Ferrariens. consulto expunxit censor.

Ad statum Principum] Statuæ etiam Principum his qui ad eas confugissent, asyla fuere, *l. 1. §. 1. de offic. præf. urb. l. un. C. de his qui ad stat. princ. conf.* quæ statuarum veneratio sane antiqua est. Meminit Livius *lib. 13.* statuæ Ptolomæi regis apud Cyrenas, ad quam cum quidam Decius Magius Campanus, qui à Pœnis victus Carthaginem ducebatur, confugisset, manus hostium evaserit. Plura de statu & imaginibus Principum vide apud *Briffon. 4. antiq. 11.*

Coguntur servos suos] Apud Græcos quoque servis durius habitis licebat περὶ πῖν αἰτῆν, ad venditionem proclamare, test. Plutarch. ὅτι δεισιδαίμων, aut certa pecunia se redimere, ut ex Plauri Casina discimus, quæ Comædia Attica est. Simile exemplum extat in *l. ult. si à par. quis man.* de patre, qui filium; quem contra pietatem male afficiebat, manumittere cogitur.

Bonæ conditionibus] Justo pretio: item ne gravis conditio venditioni à domino servis infensiore apponatur; veluti, ut ne manumittantur, ut Italia exportentur, in vinculis semper habeantur. Theophil.

Vendere] Nemo rem suam vendere cogitur, *l. invitum C. de contr. empt.* ac ne justo quidem pretio, *l. 9. de act. rer. am.* nisi id exigat utilitas publica, quæ hujus regulæ generalis est exceptio. Cause impulsivæ variæ esse possunt, veluti ut tempore famis & annonæ caritatis cogantur divites & maximè negotiatores frumentum atque alia edulia justo pretio vende-

vendere, per l. 1. §. *carnus. de off. pref. urb. l. annonam de extraord. crim.* In servis hic est justa deprecatio auxilii contra sævitiam dominorum. Est & favor libertatis, §. *ult. inf. de donat.* Sed & favore religionis idem receptum, ut in specie l. 12. in fin. de religiof.

Pretium dominis daretur] Observandum etiam, nunc, cum quis ex justa causa rem suam alienare cogitur, pretium ei reddendum esse.

Expedit enim reipub.] Est quidem unusquisque rei suæ moderator & arbiter, l. in re mandata. C. mand. in tantum ut ea etiam abuti possit, l. sed etsi 25. §. *consuluit. de her. pet.* Cæterum interest reipub. huic arbitrio modum à lege præscribi, ne privati fortunis suis abutendo, publico noceant. Accedit hic conditio personæ, quæ licet fortunâ servus, homo tamen est, & jure naturæ domino æqualis. Nimirum Reip. institutio id secum fert, ut dominium quoddam habeat superius singulorum dominio, ad necessitates, aut utilitates publicas, quod Grotius lib. 2. de jur. bell. & Pac. §. 2. in flor. sparf. ad l. Barberius de off. præf. appellat dominium eminens, & in hanc sen-

tentiam egregiè disputat Plato l. 11. de legib. Hinc est, quod Princeps etiam de bonis subditorum disponere potest, dirigendo eorum usum ad publicam seu communem utilitatem. Qua de causa etiam, persæpè potestas, quam quisque dominus in re sua habet, lege civili restringitur ac terminatur.

Nec cuiquam hominum jus suum detrahi] Ratio dubitandi in hoc rescripto. Unde intelligimus, ne à Principe quidem posse cuiquam jus suum sine causa detrahi, de quo vid. Hotom. Illustr. quest. c. 1.

Sed & dominorum interest] Alia decidendi ratio præter eam, quæ supra posita est, ad ipsos dominos pertinens; ne videlicet servi, si nullum sibi contra sævitiam auxilium paratum esse sciant, aut aufugiant, aut manus sibi afferant, aut in perniciem dominorum aliquid machinentur. Cæterum ex his, quæ supra disputavimus, abundè liquet, opus non esse, ut causa coercendæ dominicæ potestatis, summæ gentium jure concessæ, aliunde petatur, quam ex eo, quod ratio naturalis fieri sinit, à qua longè abit absoiuta illa & infinita potestas, quam pleræque gentes & cum his Romani usurparunt.

TITULUS NONUS.

Lib. 8. Cod. Tit. 47.

De Patria Potestate.

Continuatio & argumentum tituli.



Equitur pars altera divisionis initio superioris tituli traditæ, ad eos pertinens, qui sunt in potestate patria. Potestas hæc tribus modis constituitur, iustis nuptiis, legitimatione, adoptione. Nuptiæ naturalem hujus potestatis causam continent; ideoque de hoc modo primo loco quæritur: doceturque hoc titulo, quid sint nuptiæ, cujus juris sit patria potestas, qui, quos, in potestate habeant. De effectis hujus potestatis, quod Justinianus omisit, nonnihil nos dicemus in exegefi, §. 2. hoc tit.

TEXTUS.

Summa Tituli.

In potestate nostra sunt liberi nostri, quos ex iustis nuptiis procreavimus.

NOTÆ.

In potestate nostra] Ex Ulpian. in l. 3. D. his qui sui vel ali. jur.

Iustis nuptiis] Nam ex injusta conjunctione nati in potestate patris non sunt, l. 23. & seq. D. de

stat. hom. §. *pen. inf. tit. seq.* Denique in hoc negotio is solus pater habetur, quem nuptiæ demonstrant, l. 5. D. de in jus voc. In notis I. N. Q. *iustis nuptiis quæsitus.* Grot.

COMMENTARIUS.

EX *iustis nuptiis*] Nam ut nuper diximus, liberi ex injusto matrimonio nati in potestate patris non sunt, l. 1. de stat. hom. adeoque nec patrem jure civili habere intelliguntur, sicut nec vulgo concepti, §. *pen. seq. tit.* Lege quidem naturæ matris conditionem sequuntur, ut scribit Jurisconsultus in l. *lex naturæ d. tit.* sed cum feminæ liberos in potestate non habeant, §. *femina, inf. de adopt.* sequitur eos nec in potestate avi materni esse.

TEXTUS.

Definitio Nuptiarum.

1. Nuptiæ autem, sive matrimonium, est viri & mulieris conjunctio, individuam vitæ consuetudinem continens.

N O T Æ.

1. *Nuptiæ*] Sic dictæ à nubendo, quod olim novæ nuptæ pudoris ergo caput obnubere flammeo solebant. Fest. Non. & alii.

Conjunctio] Consensu suscepta, nuptias enim non concubitus, sed consensus facit, l. 30. de reg. jur. l. 15. D. de con. & dem.

Individuam; &c.] Modestini. l. 1. D. de rit. nupt. consortium, omnis vitæ, quos significat non tantum domestica societas, sed etiam indivisus & promiscuus rerum omnium inter conjuges usus, rerum & corporum communicatio. Duar. c. 1. de nupt. Vera tamen inter conjuges non est bonorum societas.

Continens] Nempe voto & proposito contrahentium: nam eventus non semper respondet.

C O M M E N T A R I U S.

1. *Ad perficiendas nuptias præter legitimum contrahentium consensum nihil desiderari.*

2. *Nunquam in foro conscientia licuisse plures uxores eodem tempore habere.*

3. *Quo sensu nuptiæ dicantur individua consuetudo, & quæ gentes in ea perpetuo perstiterint.*

4. *Quid vitæ consuetudine significetur.*

5. *De sponsalibus quædam notata digna.*

Nuptiæ sive matrimonium] Promiscuè ferè hæc vocabula (*nuptiæ & matrimonium*) usurpantur. Sæpè tamen nuptias cum dicimus, intelligimus festivitatem & celebritatem nuptialis diei, ut in l. pen. §. 1. de donat. int. vir. & ux. l. sancimus C. de nupt. sicut & apud Græcos γάμος accipitur Ioan. c. 2. Illud tralatitium est, nuptias à nubendo dictas esse, eo quod olim novæ nuptæ pudoris ergo caput obnubere flammeo solebant, idque Festus, Nonius & alii complures notant. Seneca in Octavia, de Poppæa Neroni nubente; *Velate summum flammeo tenui caput.*

2. *Conjunctio*] Hoc generis loco ponitur: & simul causam efficientem denotat, nempe consensum, qui ut rerum, ita & vitæ societatem efficit, etiamsi nihil aliud intervenerit. Est quidem principalis matrimonii finis sobolis procreatio, quam sine corporum conjunctione habere non possumus; unde etiam inter eas personas, quæ ad eam rem inhabiles sunt, nuptiæ non consistunt, l. si serva 39. §. 1. de jur. dot. sed ad vinculum matrimonii consensu stabilitum nihil adjicit, juxta tritum illud, *Nuptias non concubitus sed consensus facit* l. pen. de don. int. vir. & ux. l. 15. de cond. & dem. l. nuptias 30. de reg. jur. Hinc etiam apud nos judicatum est, nuptias perfectas esse, simul atque à ministro verbi Divini aut à magistratu mulier viro ritè copulata & tradita est; atque ex eo tempore,

ut inter veros conjuges, communionem bonorum more harum regionum induci, etiamsi morte alterutrius nondum subsecuto concubitu matrimonium diremptum sit, D. Neofrad. obs. rer. jud. 15. & aliquot. seqq. add. D. Lamb. Goris advers. jur. tract. 1. c. 2. Sunc qui ad implendas nuptias jure Romano necessariam fuisse existimant solemnem illam deductionem mulieris in domum mariti, quæ veteribus usurpata fuit, aut nuptiarum festivitatem per l. 5. de rit. nupt. l. 15. de cond. & dem. l. 9. C. de don. ante nupt. l. sancimus. 24. C. de nupt. Sed verius est, neutrum eorum ut necessarium desiderari, ut intelligere licet ex responso Scævola, l. pen. de don. int. vir. & ux. & rescripto Theodofili l. si donationum 22. C. de nupt. nec admodum difficile est ad superiores locos respondere. Nam in l. 5. de rit. nupt. Jurisconsultus non docet, quomodo nuptiæ contrahantur, sed rationem ac formam tantum deductionis demonstrat. Quod autem Ulpian. in l. 15. de cond. & dem. ait, conditionem nuptiarum tunc impletam esse, cum uxor ducta est; & Justinian. l. sancimus C. de nupt. conditionem nuptiarum non aliter impleri, quam si ipsa nuptiarum accedat festivitas: ex mente extraneorum sumptum est, qui cum nuptias alicujus futuras nominant, ad solemnitatem & celebritatem nuptiarum cogitationem referre solent. Sed & in re ambigua hoc ritu consensus declaratur; & nuptiæ ex deductione aut festivitate intelliguntur perfectæ, quod tantum ostendere voluit Imp. in d. l. 6. C. de donat. ante nupt. Qui priscorum ritus in nuptiis adhiberi solitos nosse cupit, legat Brisson. lib. singul. de rit. nupt.

Viri & mulieris] Nam duorum ejusdem sexus conjunctio detestanda est, & lege Dei, lege naturæ, legibus omnium gentium damnata. Ait, mulieris, ἐνίκως, ad excludendam polygamiam, id est, nuptias cum pluribus uxoribus eodem tempore contractas: nam successivè plures uxores habere, aut quod idem est, matrimonio ritè soluto, aliam ducere, prohibitum non est: quod tamen & ipsum species est πολυγαμίας. Igitur apud Romanos vetitum fuit, plures uxores eodem tempore habere; quod & aliarum quoque gentium moribus improbatum fuisse ostendimus tit. seq. §. affinitatis: idque divinæ simul ac naturali legi convenient, quod ego paucis, sed firmis rationibus confirmabo. Legi divinæ primæque institutioni matrimonii contrariam esse polygamiam evincitur primum ex loco Matth. 19. 8. Nam argumentum, quo ibi Christus utitur adversus divortium, ab initio autem ita non fuit, nullas vires habet, nisi hanc majorem præsupponat; Ita in matrimonio se res habere debet, quemadmodum in principio fuit. Assume jam; Atqui initio duo tantum conjuncti fuerunt in carnem unam, Genes. 2. sub

fin. Ergo lege institutionis matrimonii duo tantum, id est, mas cum fœmina una conjungi debet. Eadem planè ratione & ex prima conjugii institutione licentiam polygamiae damnat Malachias *cap. 2. vers. 14. & seq.* ut benè ostendit vir doctissimus collega noster D. Joann. Coccejus in *δωδεκάτεσφ.* Præterea *Levit. 18. 18.* polygamia expressè prohibetur, quod summi Theologi & Hebrææ linguae peritissimi Junius & Tremellius firmissimis rationibus demonstrant, locum ex phrasi Hebræa ita vertentes, *Mulierem unam ad alteram ne assumito.* Tercio cum caeremonialia præcepta in novo Testamento abrogata fuerint, quaecunque Apostoli præcepta tradidere, moralia esse constat, cum in politia, tum in œconomia, & à singulis observanda. Atqui *1. Cor. 7. 2.* monogamia præcipitur iis, qui matrimonium expectant: non potest enim, quod vult Apostolus, unaquæque mulier suum proprium virum habere, si communem cum aliis in polygamia habeat. Quod autem morale est, id à singulis observandum, & perpetui juris est; adeoque & in veteri Testamento obtinuit. Denique videmus primam institutionem conjugii sic exponi à Christo & Apostolo, ut duo solummodo in unam carnem coalescere censeantur, *Matth. 19. 5. & 1. Cor. 6. 16.* nec ante Lamechum Cainici generis hominem quenquam legimus plures simul uxores duxisse: ex quo intelligimus polygamiam sicut & reliquas corruptelas paulatim irreplisse. Quorsum enim alias in Lamecho expressè notasset Moyses? *Gen. 4. v. 19.* Sed & communis ratio polygamiam damnat; primum: quia mutuum conjugum amorem, quem singulares nuptiæ fovēt, dividit: deinde quia fidem violat, qua alter alteri sese perpetua consuetudinis vitæ obligatione tradit, & corpus suum mancipat: unde merito Christus pronuntiat cum mœchari, qui vinculo prioris matrimonii non soluto aliam uxorem ducit, *Matth. 19. 9.* Cui convenit illud *Tertull. 4. Advers. Mar.* manente matrimonio nubere adulterium est. Postremo & ratio societatis exigit, ut quemadmodum uxor uni viro, ita vicissim vir uni uxori obstringatur & adhæreat, ut disputat *Grot. 1. manud. 3.* quamquam alio abit *lib. 2. de jur. bell. c. 5.* Quamobrem concludendum est cum *Beza tract. de polygam.* nunquam in foro conscientiae licitum fuisse, plures uxores eodem tempore habere; ac proinde patrum exempla, quos plures uxores habuisse legimus, nobis imitanda non esse: quoniam polygamiam illorum Deus non approbavit, sed toleravit duntaxat, aut indulsit, non lasciviendi, sed gignendæ piæ sobolis gratia, propter promissionem de multiplicatione feminis; sicut & in aliis quibusdam connivit, quæ cum prima conjugii institutione, ad quam ea Christus revocat, non conveniunt, *Matth. 5. 32. & 19. 3. & seqq. Marci 10. 4. Luc.*

16. 18. Peccaverunt nimirum in hoc & ipsi patres, quanquam errore, potius iudicii, non satis eruditæ conscientia, quam aperta improbitate, cum exemplorum multitudo effecisset, ut peccatum quandam rei differentis speciem induisset; quod Deus benignè eis condonavit. Atque hæc etiam sententia est Innocentii tertii in *c. gaudemus. x. de divort.* & communis Pontificiorum, *Corvar. de matrim. p. 2. c. 7. §. 3.* ubi ait, etsi plures uxores habere, propriè non adversetur legi naturæ, id est, primis juris naturæ principiis; contrarium tamen esse legi quasi naturali, hoc est, conclusionibus à primis ejusdem juris principiis deductis: deque hac lege solum Deum dispensare posse, & ita etiam *D. Thom. in 4. sent. qu. 3. art. 2.*

Individuam] Verbum hoc, *individuum*, duobus modis accipitur: uno modo præco, quod commune adhuc est atque indivisum, quo sensu individua hereditas dicitur à Modestino *l. sine 32. §. Lucius de adm. tut. &* à Paulo individuum curæ officium *l. Lucius 46. §. 1. eod.* altero modo pro eo, quod dividi non potest, ut cum servitutes, obligationes, stipulationes individuas dicimus. Atque utraque significatio huic loco convenit: prima quidem simpliciter, ut ex iis, quæ mox dicemus, patebit: altera secundum quid, videlicet respectu aliorum conjunctionum & societatum, quæ faciliè dividi, hoc est, separari, & pro arbitrio unius dissolvi possunt. Neque enim nuptiis passim renuntiare licet: adeoque Imp. Christiani non nisi ex gravissimis causis divortia admittunt, *l. 8. C. de repud. Nov. 117. c. 8. & 9.* Dicit etiam potest conjugale vinculum ex proposito & voto contrahentium perpetuum atque individuum esse, licet ex accidenti aliquando contingat separatio, quod in definitione considerandum non fuit. Quod si hæc res ad primam matrimonii institutionem, & ad eam, quam hic Deus sibi partem vindicat, exigatur, multo justius hæc conjunctio dicetur individua. Nam ut Christus nos docet, initio conjugium sic à Deo institutum est, ut indissolubile esset. Et Deus interveniens personas conjungit. Quod autem Deus conjungit, homo separare non debet. *Matth. 19.* quo etiam loco, & *Matth. 5.* prohibentur omnia divortia, præterquam quæ ex causa adulterii fiunt. Addunt, quidam & malitiosam desertionem, pro ea, quæ apud Paulum *1. ad Cor. 7. vers. 15.* Sed non dicit Apostolus, dissertatione dissolui matrimonium: nullamque novam causam, ob quam liceat divortium petere & facere, verbis Christi adjicit: neque apud eum quæstio est de divortio faciendo, sed an post divortium illegitimè factum ab infideli liceat consulere fidelis conscientia. Tantum abest igitur ut in hac specie agatur de repudianda uxore aut dimittendo marito, sicut in causa adulterii, ut contra desertam personam se deferi conqueratur, & deserticem repe-

eat, quantum in se est. Quod si desertrix persona nulla ratione possit ad mutuam conjunctionem repetendam adduci, negat Apostolus oportere innocentem luere culpam nocentis. Hæc obiter. In illa autem, quæ dixi perpetua atque individua vitæ consuetudine Germanos perstitisse scribit Tacitus de morib. Germ. Apud Romanos quoque à condita urbe usque ad annum 520. nullum inter virum & uxorem divortium intercessisse, testes sunt Dionys. Halic. lib. 2. Val. Max. lib. 2. c. 1. Gell. lib. 4. c. 3. Primus Sp. Carvilius Romæ uxorem sterilitatis causa dimisit, ut iidem testantur. Procedente tempore divortia passim & sine ulla causæ redditione permixta, sed viris duntaxat, ut arguit locus Plauti in Mercat. act. 4. scen. 6. Tandem etiam uxoribus, ut constat ex tit. de divort. & repud. Juvenalis satyr. 6. notat mulierem, quæ crebro divertendo intra quinquennium octies viros permutaverat.

4. Individuam vitæ consuetudinem continens] Adjun-
ctum proprium atque ex parte finis. His autem ver-
bis existimo Justinianum significare non tantum
domesticam societatem & conversationem, sed et-
iam rerum quandam communionem & indivi-
sum rerum omnium inter conjuges usum: in sum-
marum & corporum communicatione, *συμμε-
σιον & κοινωσίαν κτήσεως*. Atque hanc interpretatio-
nem adjuvat Modestinus l. 1. de rit. nupt. cum ait;
Nuptiæ sunt conjunctio maris & feminae, *consortium
quoniam vitæ, divini & humani juris communicatio*. Nulla
enim res est, siue divini siue humani juris, quam
conjuges cum conjugibus non communicet, cujusque in-
ter eos, salva honestate conjugii, promiscuus usus
esse non debeat. Unde Gordianus Imp. uxorem dicit
suscipere sociam divine & humane domus l. 4. C. de erim.
exp. her. Quamquam fortasse Modestinus & Gordia-
nus, cum ita loquuntur, alio respiciunt, nempe ad
sacra paganorum, quæ domi sibi quisque & familiæ
sue habebat, quorum uxor fiebat socia. Meminit
horum sacrorum Cic. 2. de legib. Plaut. in Captiv. Plin.
in Paneg. add. Duar. in tit. sol. matr. de nupt. Male non-
nulli hæc definitionis verba referunt ad commu-
nionem bonorum: nam verba bonorum societas
qualis in his regionibus, inter virum & uxorem,
nulla est, neque jure civili, neque jure Cano-
nico, Psk. de testam. conj. 2. cap. 1. Covarr. de
matr. p. 2. c. 7. §. 1. Chassan. ad consuet. Burgund. rubr. 4. n.
5. & 16. novissimè D. Lambert. Goris advers. jur. tract.
1. cap. 1. Nuptiæ honestatis causa præcedere solent
sponsalia, ita dicta à spondendo; quia moris fuit
veteribus stipulari & spondere sibi uxores futuras,
l. 2. de sponsal. Gell. lib. 4. c. 4. unde etiam sponsi spon-
sæ appellatio nata est, l. 3. eod. Sunt autem spon-
salia, ut Florentinus definit, mentio & repromissio fu-
turarum nuptiarum, l. 1. eod. Ait, *futararum nuptia-
rum*: siquidem unum tantum genus est sponsalio-

rum, mutua scilicet promissio de futuris nuptiis;
quævis enim jus Canonicum duo genera consti-
tuit, unum eorum, quæ de futuro appellant, alte-
rum, quæ de præsentibus; c. pen. & ult. h. eod. hanc ta-
men distinctionem auctores juris nostri non agno-
scunt, quibus sponsalia de præsentibus sunt ipsum ma-
trimonium jam mutuo consensu contractum, l. nu-
ptias 30. de reg. jur. Sed neque juris canonici interpp.
per sponsalia de præsentibus, quæ vocant, negant con-
trahi matrimonium: sed tantum respectu matrimo-
nii per conjunctionem corporum consummati, hæc
etiam sponsalia ab iis dicuntur. Panor. d. c. pen. n. 2.
Covar. de sponsal. p. 1. c. 1. n. 6. & in c. omnis rex. c. cum in-
timatur. c. conjuges c. conjugium cap. 27. q. 1. sponsus &
sponsa de præsentibus vocantur vir & uxor. Nostrates
quoque uxorem ab sponsâ hoc solo distinguunt,
quod uxor post nuptialem benedictionem & con-
junctionem thori dicatur, antea appelletur sponsa.
Sponsaliorum de futuro hic effectus est jure cano-
nicum, quod in matrimonium transeant per subse-
quentem corporum commixtionem inter sponsum
& sponsam, c. veniens. 15. cap. si qui fidem 30. n. 8. de
sponsal. quod quia summam rationem habet, etiam in
fœderato Belgio passim receptum est: quamvis ca-
nones isti decreto concilii Tridentini abrogati sint,
sess. 24. c. 1. §. qui aliter de reform. matr. Dixi autem per
subsequentem &c. nam si copula præcesserit, sponsalia
tantum erunt, non matrimonium, d. c. veniens. Simi-
liter etsi matrimonio appositâ sit conditio, puta si
propinqui aut curatores consentiant, ea subsequen-
te copula purificatur, id est, si sponsus pendente ad-
huc conditione ita desponsatam cognoscat, intelli-
gitur à conditione appositâ recessisse, c. per tuas literas
de cond. appos. Schneid. ad tit. seq. cap. de sponsal. n. 8. &
36. Atque ita nuper ex facto consulti respondimus.
Aliud tamen dixerim, si contracta fuerint sub con-
ditione consensus paterni, quo sine nuptiæ consiste-
re non possunt, ut bene vir cl. Joan. Christen. diff. de
sponsal. quæst. 10.

TEXTUS.

Qui habent in potestate.

2. Jus autem potestatis, quod in liberos ha-
bemus, proprium est civium Romanorum: nul-
li enim alii sunt homines, qui talem in liberos
habeant potestatem, qualem nos habemus.

NOTÆ.

2. Proprium civium Rom.] Lege Romuli primum
introducitur, repetitur postea & confirmatum à
Decemviris. Dionys. Halic. lib. 2.

Talem potestatem] Significat etiam alias gentes
habere in liberos potestatem, sed dissimilem; nempe:
patria potestas indefinitè considerata, originem ex
jure

jure naturæ trahit. Plin. in panegy. Vis & lex naturæ semper in ditione parentum esse liberos jussit, ut etiam disputat. Arist. 1. polit. 8.

Qualem nos] Immensam & planè δεσποτικήν. quæ continebat jus vitæ & necis, vid. Halic. ubi sup. l. 11. D. de lib. & posthum. l. ult. C. hoc tit. Sigon. lib. 1. de jur. ant. civ. Rom. 10. quam alii ut tyrannicam repudiant, teste Symplic. ad Epicteti Enchirid. Simile patrum jus apud Persas, ut tyrannicum, accusat Aristot. 8. Nicomach. c. 12. Et præcedente tempore etiam apud Romanos jura patriæ potestatis multum imminuta.

COMMENTARIUS.

1. Quo sensu patria potestas dicatur propria civium Rom.
2. Ius patriæ potestatis par heredi initio fuisse, sed sensim multis modis imminutum.
3. In his regionibus vetera patria potestatis jura ignorari.

Certum est, Justinianum hoc loco distinguere voluisse patriam potestatem à dominica, idque à causa efficiente. Nam §. 1. præced. tit. dominicam dixit esse juris gentium, hic patriam dicit esse propriam civium Rom. sive juris civilis. Videamus, quam rectè. Juris civilis esse dicuntur non solum, quæ sunt juris merè positivi, sed etiam ea, quæ in iuri sunt, & secundum quid tantum civilis; quatenus scilicet cum aliqui originem ex jure naturæ aut gentium habeant, lex civilis certam eis formam dedit, novisque qualitatibus induta civium eam propria fecit, exclusis ab eorum communione peregrinis: quod pluribus docemus, & exemplis declaramus, §. 1. sup. de jur. nat. gen. Inter ea quæ mixti juris sunt, numeranda & patriæ potestas: nam origo ejus non ex alio jure, quam ex quo matrimonium, quæ prima & antiquissima paterni imperii causa est; nimirum marito, ut capiti familiæ, naturæ lege atq; ordine competit imperiū in omnem familiam, in uxorem, in liberos, in servos; quamvis non eodem imperii genere omnibus imperet. Nam, ut rectè & naturali rationi convenienter docet Aristot. 1. pol. c. 1. & 8. Ethic. c. 12. neque maritus uxorem, neque pater liberos servili imperio regere debet, sed uxorem πολιτικής, ut in optimatum repub. magistratus cives suos: liberos autem βασιλικούς; ut rex subditos; quos ut rex amat, ut ad eorum utilitatem, omnia dirigit, ita & liberos ex se genitos amat patet, curam eorum gerit, iisque prodesse omnibus modis studet. Itaque patria potestas simpliciter & in genere considerata juris gentium est, adeoque dominica antiquior, & anto antiquior, quanto matrimonium antiquius est bellis & servitutibus. Vis & lex naturæ semper in ditione parentum esse liberos jussit, ait Plinius in Paneg. Trajan. At considerata in specie &

definitè secundum leges & mores Romanorum, juris civilis est, & hoc sensu rectè opponitur potestati dominicæ, quæ merè est juris gentium, §. 1. sup. cit. Ac tamen si Antoninus modum dominicæ potestati posuit, non ideo tamen ea facta est juris civilis sive civium Rom. propria; ut falso existimant Myns. Schneid. Wesf. ad §. 2. præc. tit. quippe cum & peregrini idem semper jus habuerint: sed res tantum revocata est ad rationem juris gentium primævi, vid. quæ notamus sub. d. §. 1. & 2. Esse autem hanc etiam mentem Justiniani, verba hujus §. non obscurè ostendunt. Nam hoc ipso quod ait nullos alios homines talem potestatem in liberos habere, qualem cives Rom. habent, satis significant, etiam alios homines habere potestatem in liberos, quamvis talem fortassis nulli habeant. Utrique qui formas vivendi Græciæ civitatibus condiderunt, certum voluerunt esse modum patriæ potestatis ac finem; ut nimirum patribus tantummodo liceret liberos modicè castigare: qua via si nihil proficerent, ultimum erat, ut eos abdicarent, id est, nudos re omni domo expellerent: quæ abdicatio δαμιήνους dicebatur, l. 6. C. hoc tit. Eam autem potestatem alii annis terminabant, alii matrimonio, nonnulli publica in viros adscriptione, teste Dionys. Halicarn. lib. 2. At Romanorum in liberos potestas neque finem habuit, nec modum. Non finem, quia in omne vitæ filii tempus producta fuit, etiam summos honores gessisset, & laudem singularis erga rempubl. consecutus esset. Non modum, quia immensa fuit & planè δεσποτική. Nam primum ex lege Romuli, repetita postea & confirmata à Decemviris, filiusfam. in patris sui manu, potestate mancipioque erat, habebatque pater jus in eum vitæ & necis, terque venundandi potestatem: in quo majus etiam jus patris, quam domini fuit; auctore eodem Dionys. d. lib. 2. fac. l. in suis l. 1. de lib. & posthum. l. ult. C. de pat. pot. quo tamen loco lapsus in eo est Constantinus, quod scribit, non licuisse patri filio eripere libertatem, nisi sic eum excusari placeat, quod jus vendendi citius exoleverit, quam vitæ & necis. Equidem plus hac in re tribuendum existimo testimonio accuratissimi antiquitatum Romanarum scriptoris, qui Augusti temporibus floruit, quam Principis Byzantini. Quod vero Vlp. in l. 8. de his qui sui vel al. jur. scribit, jus potestatis moribus receptum esse, id tantum, ut ego existimo, verum est respectu quorundam effectuum, qui moribus vel introducti sunt, ut substitutio pupillaris, l. 2. de vul. & pup. aut in imaginarios conversi, ut venundandi potestas. Præterea quemadmodum servus domino, ita filius omnia acquirebat patri, ut scribit idē auctor lib. 8. Sed jus illud vitæ & necis, vendendi, alienandi, mancipandi potestas, ut potè à ratio-

ne juris naturæ, atque à pietate, in qua patris imperium consistere debet, l. 5. de leg. Pomp. de parricid. nimis longè recedens, merito postea displicuit, permissumque duntaxat patri privatim filium castigare & corrigere: si vero quid tale filius admisisset, quod graviolem animadversionem desideraret, ad magistratum rem deferri leges voluerunt, l. 3. C. de pat. pot. l. un. C. de emend. prop. l. 2. ad leg. Corn. de scar. Ita paulatim asperi & duri Romanorum mores mitigari cœperunt Græcorum condimentis, ut videtur; à quibus cum bonarum literarum disciplinas accepissent, ad hanc sunt mansuetudinem morum facilitatemque revocati. Sed & jus acquirendi per filium multis modis imminutum est, de quo dicemus inf. tit. per quas pers. cuiq. acq. Alia quoque pleraque patriæ potestatis effecta procedente tempore multum immutata sunt, ut suis locis indicabimus. Nobis vero vetera potestatis patriæ jura planè incognita sunt, ac propterea apud nos effecta ejus omnia cessant, testibus D. Grot. 1. manud. 6. D. Gudelin. lib. 1. de jur. noviss. c. 14. Et sanè non difficile est id per inductionem demonstrare. Singula singulis norabimus locis.

TEXTUS.

Qui sunt in potestate.

1. Qui igitur ex te & uxore tua nascitur, in tua potestate est. Item qui ex filio tuo & uxore ejus nascitur, id est, nepos tuus & neptis, æque in tua sunt potestate; & pronepos & proneptis, & deinceps ceteri. Qui autem ex filia tua nascuntur, in potestate tua non sunt; sed in patris eorum.

COMMENTARIUS.

Qui ex filio tuo] l. 4. de his qui sui vel al. jur. Ratio perspicua est; quia in familia avi paterni nascitur: omnes autem, qui sunt ejusdem familiæ, subiecti sunt familiæ principi, qui hic est filii pater: & qui est in potestate alterius, alium in sua potestate habere non potest, l. sic evenit. ad leg. Jul. de adult. & ita deinceps. l. 5. D. de his q. sui. v. alien. jur.

Qui autem ex filia tua] Nati ex filia mea non in mea, sed in patris sui potestate & familia sunt, l. cum legitima de stat. hom. l. familia 196. §. 1. de verb. sing. Unde quia mulier familiam suam non propagat, familiæ suæ finis dicitur, l. pronuntiatio 195. §. ult. d. tit. At inquis, cum nuptiis filiafam. non solvatur jus patriæ potestatis, §. 2. inf. de senat. Tertyll. l. 2. §. 1. l. quotiens 29. solut. matr. l. 1. §. ult. de injur. cum similib. cur non etiam is, qui ex filia mea nascitur, æque est in potestate mea, sed in potestate patris sui? Respondeo, id fieri & civili ratione d. l. cum legitime. & naturali sive potius juris gentium, argumento eorum, quæ ante diximus de jure ejus, qui caput est familiæ. Adeoque pater elocando filiam hætenus jure suo cedere intelligitur, sicut & plerisque aliis in rebus, de quibus alibi dicendi dabitur locus. Jure antiquo uxor, quæ in manum viri convenerat usu aut cœmptione, in familiam & potestatem viri transibat; eratque ei filia loco, & jura suorum hæredum in familia nanciscabatur; matremque familias appellabant, cum alia uxores tantum essent, & matronæ dicerentur. Hoc igitur modo atque ritu filiafam. nupta in manum viri venisset, in totum solvabatur jure & potestate patris: Si quis est antiquitatis studiosior, is Hotomam. adeat, qui quicquid ad accuratam hujus rei cognitionem pertinet, ex Cic. in Top. & Boët ibid. Dionys. Hylicarn. lib. ant. 2. Gell. lib. 18. Vlp. in fragm. diligenter collegit.

TITULUS DECIMUS.

De Nuptiis.

D. Lib. 23. Tit. 2. C. Lib. 5. Tit. 4. Novell. 74.

Ratio ordinis & Argumentum Tituli.



Uti superiore titulo de nuptiis dici cœptum est, ut primo & principuo modo constituendæ patriæ potestatis: tamen cum ex iis, quæ ibi dicta sunt, nondum intelligamus, quæ sint justæ nuptiæ, ex quibus nati demum sunt in potestate patris, ideo ejus rei tractatio hoc loco, subjiçitur, doceturque ad

justas nuptias quæ res exigantur, quæ personæ, quibus matrimonio jungi non possint, qua pœna afficiantur, qui adversus præcepta legum cœunt. Ad extremum & alius constituendæ patriæ potestatis modus explicatur, quem legitimationem nunc vulgo appellamus,

TEXTUS.

T E X T U S.

Qui possunt nuptias contra-
here.

Iustus autem nuptias inter se cives Romani contrahunt, qui secundum præcepta legum coeunt, masculi quidem puberes, femina autem viri potentes: sive patres familiarum sint, sive filii familiarum, dum tamen, si filii familiarum sint, consensum habeant parentum, quorum in potestate sunt: nam hoc fieri debere, & civilis & naturalis ratio suadet, in tantum, ut iussus parentis præcedere debeat. Unde quaesitum est, an furiosi filia nubere, aut furiosi filius uxorem ducere possit. Quumque super filio variabatur, nostra processit decisio, qua permissum est ad exemplum filiae furiosi, filium quoque furiosi posse & sine patris interventu matrimonium sibi copulare, secundum datum ex nostra constitutione modum.

N O T Æ.

Femina viri potentes] *Matura viro, ὡς ἡλικία* Theophilus, ἀνδρὸς δέκνικα. Feminae post annos duodecim virum pati posse creduntur, l. 4. D. hoc tit. l. 10. D. de cond. & dem. l. pen. quand. dies leg. quippe qua ætate foeminarum incipit purgatio, teste Macrobo. d. loco. Cur. in foeminis citius vis generationis incipiat, quam in maribus, vid. Arist. 4. de gen. anim. c. 6. Macrobo. 7. Saturn. 7.

Consensum parentum] Nuptiæ consistere non possunt, nisi consentiant omnes, id est, qui coeunt, quorumque in potestate sunt, l. 2. D. hoc tit. l. 12. C. eod. consensum tamen non impedit obsequium reverentiae paternae debitum, l. 22. D. eod.

Et civilis] Sil. patria potestas, in filios accedit & hæc, ne cui invito suus hæres agnascatur, §. 7. inf. vis. seq.

Et naturalis] Reverentia & obsequium naturæ lege parentibus omnibus debitum, l. 2. D. de just. & jur. quo tamen contempto nuptiæ non essent irritæ, nisi lex civilis adderet δύναμιν ἀναγκαστικὴν, l. 11. D. de stat. hom. l. 12. C. hoc tit.

Præcedere] Iussus, id est, voluntas sive consensus parentis præcedere debet, l. 25. §. 4. de acq. hered. eoque non sufficit hic ratihabitio. Per. l. 13. §. 6. ad leg. Jul. de adult. l. 11. D. de stat. hom. l. 6. C. hoc tit. Sufficit autem vel tacitus consensus præcedens aut concomitans, l. 5. C. eod. l. 7. §. 1. D. de sponsal. non enim velle debet pater, sed non nolle, id est, συναίνεσθαι.

Ex nostra constitutione] Modus hic est, ut ex sen-

tentia curatoris ipsius furiosi, & nobiliorum totius familiae, itemque magistratus aut Episcopi ipsius Civitatis de nuptiis statuatur, l. 28. C. de Episc. aud. l. 25. C. hoc tit.

C O M M E N T A R I U S.

1. Quid in hoc argumento vocabulum iustus significet.
2. De ætate coeuntium.
3. De eorum consensu.
4. De consensu parentum & quorum adhibendō.
5. An jure divino irrita sint conjugia sine parentum consensu inita, & quid jure canonico.
6. Ratihabitionem patris non efficere, ut retro nuptiæ absque consensu ejus contractæ legitime fiant.
7. Quid circa consensum parentum ab Ordinibus hujus provincie constitutum.

Iustus] Justi variae sunt pro adjuncto significaciones. Hoc loco justum idem significat, quod τὸ νόμιμον, legitimū: & justæ dicuntur nuptiæ, quæ secundum jura civitatis Romanæ inter puberes cives contrahuntur: eodem sensu, quo justum matrimonium in l. un. unde vir. & uxor. l. 13. de his quib. ut indign. Sic justi liberi dicuntur legitimi ad differentiam naturalium duntaxat & vulgo quæstorum, l. 5. §. pen. l. 11. l. 12. de stat. hom. justus pater ad differentiam naturalis, l. lege. Julia 44. §. 3. hoc tit. justa uxor. l. si senatori 31. eod. quæ legitima in l. 4. eod. In genere autem justæ nuptiæ habendæ, quæ secundum ejusque populi instituta contrahuntur.

Cives Romani] Igitur cum servis, Latinis, peregrinis, deportatis connubium non est, *Ulpian. fragm. tit. 5. l. 3. C. de inc. nupt. Cic. in Top.* Atque hinc responsum est, si quis rogatus hæreditatem restituere, sive liberis decessisset, isque deportatus in insula liberos sustulisset, conditionem non defecisse, l. ex facto 17. §. ex facto 5. ad sen. Treb. Quamvis matrimonium semel contractum non solvatur deportatione vel aquæ & ignis interdictione l. 5. §. 1. ff. de bon. damn. l. res uxoris 24. vers. fin. autem. C. de don. int. vir. & ux. Nov. 22. c. 8. dummodo & vir mariti affectionem, & mulier animum uxoris retineat, d. l. 5. §. 1. l. 1. Cod. de repud.

Masculi quidem puberes] Romani ea demum ætate civibus suis matrimonia permisissent, quæ natura apta esse creditur ad generandum; maribus post annum decimum quartum, quo tempore ipsam ætatem necessitate pubescere, & vim generationis moveri in ciperet scribit Macrobo. in Somn. Scipion. 6. & Aristot. 7. pol. 17. exurgere τὸ πρῶτος ὀφείναι, foeminis autem biennio maturius, quia post annum duodecimum virum pati posse creduntur, l. 4. hoc tit. l. 10. de cond. & dem. cujus diversitatis si quis ratio-

nem quærat, adeat *Aristot.* 4. de *gen. anim.* c. 5. *Macrob.* 7. *Satur.* 7. Ab hac autem determinatione legitimæ & matrimonio contrahendo idoneæ ætatis longè recedit *Plato* qui 4. & 6. de *legib.* tricesimum annum masculis præscribit, longius etiam *Aristot.* 7. *pol.* 16. qui eos demum conjungi vult circa annum 36. fœminas autem anno 18. Juris Pontificii auctores pubertatem metiuntur ex potentia coeundi, non ex numero annorum c. 3. *fin. de spons. impub.* Nos autem sequimur definitionem juris civilis, quæ etsi non in omnes, in plerosque tamen quadrat, & medicorum etiam ac physicorum auctoritate fulcitur, Raro tamen hac ætate apud nos, præsertim masculi, matrimonio junguntur, in sponsalibus ætas definita non est: quapropter & à primordio ætatis sponsalia effici possunt, modo utraque persona sit infans major, l. in *sponsalibus* 14. de *sponsal.*

Consensum habeant parentum, quorum in potestate] Jure civili in nuptiis requiritur consensus, tum eorum, qui coeunt, tum parentum, si quos habent, quorum sunt in potestate, l. 2. *hoc tit.* quod etiam in sponsalibus observatur, l. 7. l. 11. cum 3 *seqq. de sponsal.* Primum nuptiæ sine consensu coeuntium non consistunt, sicut nec alius ullus contractus sine consensu intelligi potest, l. 1. §. 3. de *pass.* Quid ergo, si error intervenerit? Distinguendum est: nam si talis sit error, qui consensum impedit, puta, si quis erret in persona, putans Titiam esse, cum qua contrahit, cum sit Sempronia, hic error matrimonium vitiatur, arg. l. si per errorem 15. de *jurisd.* l. 9. de *contr. empt.* Nam quod Jacobus Liam pro Rachele suppositam retinuit, in eo non est usus summo jure, c. quod autem c. 29. q. 1. *Lombard.* 4. *dist.* 30. & ibi *Scot.* *Beza* tract. de *repud.* & *divort.* Idem dicendum est, si erretur circa qualitatem essentialem, veluti circa potentiam generandi, aut necessitudinem, puta si ignorabatur esse amita aut foror, cum qua contractum est. At si circa accidentalia tantum erratum sit, verbi causa, si pauper est, quæ dives dicebatur, si capitosa, quæ morigera, si plebeia, quæ nobilis credebatur, &c. quoniam hæc vel adesse vel abesse possunt salvo matrimonio, & hic in re ipsa justus consensus est, ratum erit matrimonium, d. c. quod autem in *fin.* *Conarr.* de *matrim.* p. 2. cap. 3. §. 6. n. 2. *Beza* d. tract. de *repud.* Illud autem, quod Innocentius tertius respondit, c. tuos 10. de *sponsal.* si quis ut honestam mulierem ad turpia pelliceret, falsum nomen ementitus eam his verbis desponsaret, *Ioannes te desponsat*: & mulier hoc dolo imprudens illesta cum in illum tanquam sponsum consensisset, ei copiam sui fecit, si ille testetur, nunquam sibi animum fuisse illam ducendi, ista verò petat fidem sibi datam.

præstari non debere ex eo facto conjugium judicari &c. ut iniquissimum benè refellit *D. Beza* d. tract. nacta tamen est tam iniqua sententia, suos defensores & inter alios *Hummium* ad *Inst.* lib. 1. hic. qu. 11. add. *Conar.* de *matr.* p. 2. c. 2. n. 5. *Sanchez* tract. de *matrim.* lib. 1. *disp.* 9. & *seqq.* Quid si quis vitiatam ab alio duxerit, quam virginem esse putabat? Et si quidem copula nondum secuta sit, repudium ex ea causa facile admitterem: at secuta corporum conjunctione & matrimonio plane consummato, vix est ut divortium ob hanc causam concedendum existimem, quia hic nec in persona erratum est, nec in matrimonii qualitate aliquâ essentiali, sed accidentali duntaxat; cum utique ut matrimonium consistat, non sit necesse eam, quæ ducitur virginem esse, Et hæc sententia etiam jure Canonico comprobatur c. 25. x. de *jurej.* c. 1. c. 29. q. 1. Dissentit tamen *Beza* tract. de *Repud.* *Melanchr.* de *conj.* c. de errore. quos secutus est *D. l. Christen.* de *spons.* *diff.* 2. q. 8. Non est nostri instituti singula, quæ pro & contra afferri solent, excutere. vid. *Wesemb.* par. de *Nupt.* n. 8. *Scip. Gent.* de *nupt.* c. 13. *Bronch.* cent. 3. *ass.* 3. *Bachov.* ad *Tr.* *disp.* de *Nupt.* thes. 6. lit. E. Consensus in hoc tractatu etiam plane liber esse debet, l. non cogitur 21. *hoc tit.* l. Titia 134. de *verb. oblig.* l. nec filium 12. l. neque 14. C. *hoc tit.* ideoque matrimonium per vim aut justum metum initum ipso quoque jure nullum est, d. l. 14. cap. significavit, x. de eo, qui dux. in *matr.* c. 14. & *seq.* x. de *sponsal.* *Conar.* d. part. 2. cap. 3. n. 5. *Alb. Gentil.* 3. de *nupt.* *Beza* d. tract. de *repud.* *Christin.* vol. 1. *decis.* 335. Plane metus reverentialis sive obsequium reverentiæ paternæ debitum, à quo absunt verbera, vincula, minæ, matrimonium non impedit, uti nec consensum, l. si patre 22. *hoc tit.* l. 7. l. 12. de *sponsal.* *Conar.* d. c. 3. §. 6. num. 3. *Alb. Gentil.* d. lib. 3. cap. 11. quod tamen examinat *D. Beza* d. tract. Qui in potestate parentis est, etiam illius consensum adhibere debet, *hoc text.* & l. 2. *eod.* Sed & nepos, quamvis in avi tantum potestate sit, patris tamen consensum adhibere debet, l. 16. §. 1. *eod.* eadem scilicet ratione, qua consensus filii requiritur, si pater quasi ex eo nepotem adoptare velit, nempene invito filio suus hæres agnascatur, §. sed si quis, *tit.* *seq.* quæ ratio cum in nepte nubente cesset, cessat etiam decisio, d. l. 16. §. 1. Casus, qui proponitur in l. 3. *eod.* specialis est. Quid ergo, si oblata liberis honesta conditione, pater dissentiat, aut sine causa prohibeat filium uxorem ducere filiamve nubere, aut dotem dare nolit? Hic magistratus aditus partes suas interponet, patremque causâ cognitâ coget in matrimonium consentire & do-

tem dare, *l. capite 19. hoc tit.* Ait diserte, *quorum in potestate.* Unde intelligimus, nec matris consensum in liberorum nuptiis necessarium esse, nec patris in emancipatorum. Et de filio quidem emancipato hoc expresse scriptum est in *l. filius 25. hoc tit.* In filia vero emancipata id secus videri potest per *l. vidua 18. l. in conjunctione 20. C. eod.* An dicemus excipi filiam emancipatam minorem 25. annis ob sexus & ætatis verecundiam? An, ut plerique, honestatis tantum causa præcipi, ut ea patris consensum expectet, sed id non esse necessarium? Sanè & matris, & propinquorum, & curatorum iudicium adhibere patre orbata iisdem constitutionibus jubetur, quorum tamen auctoritas in copulandis nuptiis necessaria non est, *l. 8. C. eod.* Sic sentio. Jus antiquitus fuit, ut pater filiam, quam in potestate habebat, pro arbitrio & cui liberet, despondere posset, cujus rei exempla nonnulla apud Comicos & Historicos habemus; neque filix à patre dissentienti licentia dabatur, nisi indignis moribus aut turpem sponsum ei pater elegisset, *l. 12. §. 1. de sponsal.* Emancipatam autem filiam patrem suo arbitrio nec despondere nec elocare potuisse, adeoque nuptias, quas illa propria auctoritate contraxisset, non fuisse injustas, arguunt textus omnes, qui ejus tantum consensum requirunt, cujus in potestate sit, quæ nubit, aut qui uxorem ducit. Hoc autem jus in filia emancipata minore viginti quinque annis ita postea mutatum & immutatum est, ut tam illa patris, quam pater illius voluntatem explorare debeat, *d. l. 20. C. hoc tit.* ita tamen, ut si filia patris sententiæ repugnet, filix potius, quam patris voluntatem iudex sequi teneatur, *d. l. 18. C. eod.* Ex quo loco utique hoc colligitur, arbitrium emancipatæ non fuisse planè liberum.

Et civilis & naturalis ratio] Suadet id ratio naturalis: nam procul dubio contra officium filius facit & graviter peccat, qui sine consensu parentis nuptias contrahit. Civilis autem ratio efficit, ut etiam hic contractus sit irritus; quippe cum lex civilis illud naturæ jus armaverit, *δυνάμει ἀναγκαστική. §. si adversus inf. eod. junct. l. 11. de stat. hom.* Jure quoque divino etsi fortè nuptiæ à liberis sine consensu parentum, quorum in potestate sunt, contractæ statim quidem non sunt irritæ, ut disputat Grot. *lib. 2. de jur. bell. & pac. c. 5. num. 10.* tamen parentes eas improbare & irritas facere posse nullus dubito. Patet hoc primum ex loc. *Exod. 22. v. 17.* ubi patris arbitrio permittitur, filiam, quantumvis stupratam, viro denegare, nedum virginem: at

qui illic agitur de quavis seductione ad concubitum: insulsum vero esset dicere, nullam puellam ad concubitum sollicitam verbis temporis præsentis de matrimonio. Præterea stuprata postea matrimonium inire posset: at patri illic permittitur eam denegare stupratori. Secundo hujus rei evidentissimum argumentum est, quod *Dent. 7. v. 3.* parentibus potestas datur elocandi liberos, isque conjuges comparandi. Quod si enim matrimonium à contrahentibus totum dependeret, his potius, quam parentibus, Deus mandata illa de matrimonio dedisset. Eodem facit & Israelitarum adversus Benjaminitas jusjurandum, *Iud. c. ult.* & Paulus agens de virgine vel elocanda vel asservanda, quod hic jus patris in liberos esse voluerit, manifestè ostendit, *1. Cor. 7.* Denique huc etiam facit, quod promissio DEO facta parentum arbitrio irrita sit. *Num. 30.* Tanto enim magis irrita esse debet promissio homini facta cum læsione juris paterni. Pendet ergo promissio inter virum & uxorem ab arbitrio parentum, atque irrita fieri potest. Quod vero *d. loc. vers. ult.* dicitur, *in puellari etate*, id additum tantummodo, ne ad viduam extendatur in domum patris reversam. Sanè subjectionem, non ætatem respici, liquet è *vers. 8.* ubi similiter vota rescindendi potestas in uxorem marito datur, cujuscunque sit ætatis, modo ei subjiciatur. Atque ita etiam suum parentibus in liberos jus integrum manet, quamdiu sunt in eorum potestate: Si quærantur exempla: Isaacus de consensu & voluntate patris Rebeccam & non nisi à manu Bethuelis petit & accipit. *Gen. 24. & 28.* Samson quoque licet amore peregrinæ inflammatus, parentum tamen consensum requirit, *Iud. 14. & 15.* Nullam igitur Synodus Tridentina causam habuit anathemate damnandi eos, qui consent nuptias à filiis, sine consensu parentum contractas irritas esse, aut parentes eas ratas irritasve facere posse. vid. Bezam. *tract. de repud. & divorc. Pet. Martyrem. in resol. quartæ questionis, Zanchium de operib. Dei p. 3. c. 1. de iis qui contrah. inf. & inquit. parentib. Bucan. loc. de conjug. §. 18.* Postrema decreta Pontificum hac in parte cum jure civili & divino convenire videntur, c. aliter c. nostrates c. 30. q. 5. c. non omnis c. honorantur, c. mulier. c. fin. c. 32. q. 3. uti & Cujac. ad rubr. de sponsal. Duar. c. 2. de nupt. ad tit. sol. matr. Coras. 1. misit. 17. Oldend. class. 4. act. 28. Alber. Gentil. 4. de nupt. 4. Bronch. 3. ass. 1. consent. quamquam aliud visum Covar. de matr. p. 2. c. 3. §. 8. Tulden. comm. hoc tit. c. 5. Perez. ad tit. c. de nupt. num. 16. qui cum Gloss. in cap. sufficiat. 27. q. 2. & aliis, contendunt, non nisi honestatis gratia jure pontificio consensum paternum desiderari, liberosque conscientie vinculo duntaxat obstrictos ad parentum consensum adhibendum.

quos eū ipsa diffinitione inter honestatem & necessitatem bene refellit Lamb. Goris *adv. jur.* 3. *tratt. c.* 10.

Ut jussus parentis præcedere debeat] Jussus, id est, consensus aut potius assensus parentis in nuptiis filiorū. adeo necessarius est, ut etiam præcedere debeat, neque ratihabitione patris retro legitimæ fiant, nimirum cum ratihabitio in ius tantum locum habeat, quæ non statim ipso jure nulla sunt, sed aliquo modo consistunt aut pendent, *Dec. ad l. semper* 60. *de reg. jur. num.* 16. non potest ea nuptias filii sine consensu patris contractas legitimas retro efficere: sed ex eo demum tempore justæ intelliguntur, ex quo eas ratas habuit pater, per *l. 11. de stat. hom. l. eos qui.* 65. §. 1. *hoc tit. l. 13. §. si quis 6. ad leg. Jul. de adult. l. 6. C. hoc tit.* Nec obstat, quod liberi ex concubina suscepti, matrimonio cum ea postea contracto, legitimi fiant, §. ult. *inf. eod.* Nam veteribus omnis legitimatio incognita fuit, & quod de natis ex concubinato, consortio jure civili permisso, postea, constitutum est, non debet extendi ad eos, qui nati sunt ex conjunctione vetita & pro stupro habitæ. Quid ergo est, quod Justin. in *l. ult. C. ad SC. Mac.* præcipit, ut omnis ratihabitio retro operetur? Nempe Imp. illic non tam causas, in quibus locum habeat ratihabitio, quam naturam atque effectum, ejus designat. Hodie tamen dicendum videtur, patris consensum postea accedentem etiam retro operari, cum nunc concubinatus nullam præ alia illa conjunctione prærogativam habeat, & æquè improbatu sit. Et hoc usu apud nos servari asserunt, qui rem forensam tractant, licet constitutio Carolina 4. Octob. 1549. cui nihil derogatum vult *art. 13. ordin. polit.* tales nuptias ratihabitione retro confirmari vetare videatur. Loquitur illa constitutio de maribus minoribus 25. annis & fœminis minoribus 20. annis sine parentum consensu matrimonium contrahentibus: & hoc tantum cavet, ne quid lucris: casu alter ab altero quacunque ex causa capiat, etiamsi postea parentum accedat assensus. Enimvero non præcisè requirimus, ut pater expresse consentiat, sed ut ne contradicat aut dissentiat, gnarus eorum, quæ aguntur, *l. 7. §. 1. de sponsal. l. 5. C. hoc tit.* sicut è contrario & liberi jure civili consensisse intelliguntur, qui non evidenter dissentiunt, *l. 12. de sponsal. l. si patre 22. hoc tit.* Itaque jussus hic tantum opponitur ratihabitioni.

Super filio] Cur magis super filio? Nempe filius uxorem ducebat in domum patris: eique liberos gignebat, aliquando suos hæredes futuros avo paterno. Rario autem juris civilis non patitur, ut alicui invito aut ignoranti, cui similis est furiosus, suus hæres obtrudatur, §. *sed si quis, tit. seq.* Filia vero extra familiam patris nubit, neque patri suo, sed marito liberos parit, vel ei, cujus in potestate est maritus.

Ex nostra constitutione modum] Modus hic est, ut præsentibus curatore & propinquis de nuptiis statuatur auctoritate magistratus vel episcopi, *Leam de mentis* 28. *C. de episc. aud. l. si furiosi 25. C. hoc tit.* Apud nos quamvis singularis illa Romanorum in liberos potestas non agnoscitur; tamen quia voluntati ac mandato Dei, adeoque ipsi æquitati naturali conveniens est, ut de consensu parentum filius uxorem ducat, & filia nubat: atque ut, quod ad omnes ex æquo pertinet, imposturis & clandestinis nuptiis occurratur, lege cautum est, ut qui matrimonium contrahere volunt, adeant civitatis suæ, aut loci in quo domicilium habent magistratum, aut ecclesiæ ministrum, atque ab iis petant, ut hic contractus trinitudo in ecclesia aut pro curia promulgetur. Filiis fam. minores 25. annis, filiæ minores 20. verantur recipi, nisi de consensu parentum aut parentis, superstitis doceant. Quod si hac ætate majores sint, parentes vocati si non venerint intra 14. dies, consensisse intelliguntur: si venerint & rationem afferant, causa cognita statuitur, *art. 3. ord. pol.* Aliter contracta matrimonia pro injustis & nullis habentur, *art. 13.*

TEXTUS.

Quæ uxores duci possunt vel non.
De cognatis, ac primùm de parentibus
& liberis.

1. Ergò non omnes nobis uxores ducere licet: nam à quarundam nuptiis abstinendum est: inter eas enim personas, quæ parentum liberorumve locum inter se obtinent, contrahi nuptiæ non possunt; veluti inter patrem & filiam, vel avum & neptem, vel matrem & filium, vel aviam & nepotem, & usque in infinitum: Et si tales personæ inter se coierint, nefarias atque incestas nuptias contraxisse dicuntur. Et hæc adeo vera sunt, ut quamvis per adoptionem parentum liberorumve loco sibi esse coeperint, non possunt inter se matrimonio jungi; in tantum, ut etiam dissoluta adoptione idem juris maneat. Itaque eam, quæ tibi per adoptionem filia vel neptis esse coeperit, non poteris uxorem ducere, quamvis eam emancipaveris.

NOTÆ.

Inter patrem & filiam] Intellige parentes & liberos etiam naturales tantum. Nam in contrahendis matrimoniis naturale jus & pudor inspiciendus est: contra pudorem autem est, filiam uxorem ducere, *l. 14. §. 2. D. hoc tit.*

In infinitum] Et ita cape *vers. 6. & 8. c. 18. Levit.*
Nefarias atque incestas] In summo scilicet gradu. Nam in his tanta est turpitudine & sceditas, ut natura omnis, à tali conjunctione abhorreat. Et hoc est incestum, quod jure gentium committi scribit Paul. *1. ult. D. hoc tit.* nec eo minus jus, quia à Persis contemptum, ut rectè Xenoph. 4. *memorab.* add. Philon. in *decal. lib. 1.* Cæterum & aliæ nuptiæ, quæ ratione cognationis aut affinitatis prohibentur, incestæ dicuntur, *l. 39. §. 1. l. 56. D. hoc tit. l. 5. de quæst. l. ult. C. de incest. nupt.* De nomine hoc vid. Non. Isidor. *Fest.*

COMMENTARIUS.

1. Genera cognationis exposita, ubi & de spirituali. *
2. Parentum cum liberis conjugia incestuosa esse in summo gradu.
3. Ne dissoluta quidem adoptione filiam adoptivam ducere licere, & quare.

EX iis, quæ hactenus dicta sunt, intelligimus quatuor hæc concurrere debere, ut justæ habeantur nuptiæ; ut qui contrahunt, sint cives Romani, quales apud nos omnes habentur; ut sint puberes; ut consentiant, ut si sint filii fam. consensum adhibeant parentum, quorum in potestate sunt: quibus & quintum addi potest ex jure harum regionum & pia consuetudine, solennis illa post trinam promulgationem in ecclesia nuptiarum benedictio. Hæc, inquam, si intervenerint, nuptiæ justæ esse censentur, si modo inter eas personas contractæ sint, inter quas nuptiæ consistere possunt. Nam etiam quædam personæ jure prohibentur inter se nuptias contrahere. Ut autem prohibeantur, ferè fit ob turpitudinem conjunctionis: quæ turpitudine vel est à cognatione contrahentium; vel ab affinitate. Cognatio triplex est; merè naturalis; merè civilis; & mixta. Naturalis tantum est, quæ illegitimo coitu contrahitur: civilis duntaxat, quæ per adoptionem constituitur: mixta est inter eos, qui ex justo matrimonio procreati sunt, utroque videlicet jure concurrente, *l. 4. §. 2. de grad. & affm.* Speciem cognationis, quam auctores juris pontificii spirituales vocant, & esse volunt inter susceptorem & susceptam ex sacro Baptismate, *x. de cognat. spirit. Covar. de matr. p. 2. c. 6. §. 4.* consulto omisi: talem enim nos nullam, quæ quidem matrimonium, ut incestuosum impediatur, agnoscimus: quamvis non ignoremus, Justinianum, ut fuit Princeps usque ad superstitionem religiosus, de hac quoque specie legem condidisse, *l. si quis 26. circa fin. C. hoc tit.* quæ vetustiorum auctorem non habet. Postea vero pontifices Romani in sua, & Græci in Orientali ecclesia hanc prohibitionem extendunt usque ad septimum gradum,

quasi major esset cognatio spiritualis necessitudine carnali, juxta dictum Synodi in Tryllo. Extat de eare *lib. 4. decretal tit. 12. & lib. 3. jur. orient.* item *canon. 30.* per aliquot quæstiones. In Concilio autem Tridentino, cum variè de hac prohibitionem esset discutatum, & multi eam penitus tollendam censerent, placuit impedimentum spiritualis necessitudinis restringi ad eam cognationem, quæ est inter susceptorem & susceptam, ejusque patrem & matrem, *decret. de reform. c. 2. sess. 24.* Reformatæ verò ecclesiæ totam hanc prohibitionem, tanquam natam ex superstitionis commentis, summo everunt, ne sine causa conscientia illaquearentur. vid. Bezan *tract. de repud. & divorc. Zanch. de oper. Dei. lib. 4. c. 1.* Pura naturalis cognatio eandem prohibitionem habet quam mixta, *l. 14. §. 2. l. & nihil interest. § 4. hoc tit.* Itaque quæcumque de hac statuantur, etiam ad illam pertinere existimandum est.

Parentum liberorumve locum] *l. nemini. C. hoc tit.* Commodius dixisset, inter parentes & liberos: nam & patrui & avunculi etiam parentum locum obtinent, *l. sororis 29. hoc tit.* Theoph. ἐν τῶν ἀνδρῶν καὶ κατόντων.

Nefarias atque incestas] In summo scilicet gradu. 2. Nam in his tanta est turpitudine & sceditas, ut naturæ omnes à tali conjunctione abhorreant, & sua ipsorum conscientia redarguantur necesse sit, qui hæc naturæ jura violant; adeoque execrabiles habeantur, qui vel per ignorantiam hæc committunt. Hinc illæ Oedipodarum calamitates, quibus plenæ tragædiæ, & illæ fictæ apud Inferos pœnæ. Homer. 11. *Odyss.*

Μητέρε δ' Οιδιπόδαο ἰδὼν καλῶν Ἐπικρίσιν.
 Hinc Nero magis ob incestum, quam ob reliqua facinora detestabilis. De Parthis sic Lucanus;

---Cui fas implere parentem,

Quid reat esse nefas?

Adde Philonem *Jud. in decal. lib. 1.* Cæterum & aliæ nuptiæ, quæ ratione cognationis aut affinitatis prohibentur, incestæ, hoc est, incestæ & pollutæ (si Isidoro *lib. 5. c. 26.* credimus) dicuntur, *d. l. sororis §. 1. etiam si § 6. eod. tit. C. de incest. nupt.* An autem & illæ naturæ legi & honestati similiter repugnent, postea disputabimus. Earum certè de quibus nunc agimus, naturalis prohibitio est. Quippe insita est in ipsis affectibus fuga quædam commixtionis cum parentibus & ex se natis: à qua etiam quædam animantia muta naturaliter abhorreant, à nonnullis prodicuntur. est. Seneca *Hippol.*

Fera quoque ipsa Veneris evitant nefas,

Generisque leges inscius servat pudor.

Afferitur & alia prohibitionis, eaque non parvi ponderis ratio, confusio communis cognationum nor-

mæ: quæ & ipsa naturæ legi atque ordini vehementer repugnat, & necessario consequitur istam sanguinis inter parentes & liberos commixtionem. Horresco ad illud Oedipi apud Senecam *Thebaid. act. 1.*

Avi gener, patriusque rivalis sui,

Frater suorum liberum, & fratrum parens

Vno avia partu liberos peperit viro

Ac sibi nepotes. Monstra quis tanta explicet?

Item ad illa *Thyestis in Agamem. act. 1.*

Versa natura est retro,

Avoparentem, (proh nefas) patri virum,

Natis nepotes miscui, nocti diem.

Quamvis per adoptionem] Respectu quoque cognationis mære civilis inter parentes & liberos nuptiæ prohibentur, nefasque esse existimatur eam uxorem ducere, quæ per adoptionem filia neptisve esse cœperit: in tantum, ut etsi per emancipationem adoptio dissoluta sit, idem juris maneat, *l. quin. etiam 55. hoc tit.* Neque id mirum videri debet, quamvis omnia adoptionis jura per emancipationem solvantur, *l. in omni 13. de adopt.* Nam in nuptiis semper etiam pudoris & reverentiæ ratio habetur, *l. adoptivus 14. §. 2. hoc tit.* Patris autem persona tam sancta & reverenda filiz esse debet, ut ad impediendas nuptias sufficiat, aliquando patrem fuisse. Eadem ferè ratione nec matrem patris adoptivi uxorem ducere possum; nempe non propter civilem aliquam necessitudinem, quæ nulla inter nos est, *l. qui in adoptionem 23. de adopt.* sed propter reverentiam, quam matri patris adoptivi propter patrem debeo, quam diu in familia ejus sum, & tetrum esset, me patris mei, licet adoptivi, fieri vitricum. Planè si per emancipationem soluta fuerit adoptio, nihil impedimento est, quominus eam uxorem ducere liceat: quoniam illa nunquam mihi aviz loco fuit, sed extranea semper, *d. l. 23. de adopt. junct. d. l. 55. hoc tit.* At enim, inquires, nec patris adoptivi uxor matris loco est, *d. l. 23. eam tamen ducere non licet, nequidem post emancipationem, d. l. 14. pr. hoc tit.* Sed nimirum sufficiat eam aliquando novercæ loco fuisse, *d. l. 14.*

TEXTUS.

De fratribus & sororibus.

2. *Inter eas quoque personas, quæ ex transverso gradu cognationis junguntur, est quædam similis observatio, sed non tanta. Sanè enim inter fratrem sororemque nuptiæ prohibeantur, sive ab eodem patre eademque matre nati fuerint, sive ab altero eorum. Sed si qua per adoptionem soror tibi esse cœperit, quamdiu quidem constat adoptio, sanè inter te & eam nuptiæ consistere non possunt, quum*

verò per emancipationem adoptio sit dissoluta, poteris eam uxorem ducere: sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debere eum antea filiam suam emancipare: & si quis velit nurum adoptare, debere eum antea filium suum emancipare.

NOTÆ.

Sive altero eorum] Convenit d. c. 18. *Levit. 9. 11.* Athenis tamen consanguineam ducere licebat, id est, sororem *ὁμοπλάτην*, non autem *ὁμομήτην*. Fabrot. ex *Philon.* Sed nec vulgo quæsitam sororem ducere licet, *l. 54. D. hoc tit.*

Quamdiu constat adoptio] Ex *Cajo, l. 17. D. hoc tit.* Paulus apud *Ruffin.* adoptiva cognatio impedit nuptias inter parentes & liberos omnimodo, inter fratres eatenus, quatenus capitis minutio non intervenit.

COMMENTARIUS.

1. Ostenditur firmis rationibus, legem divinam de non ducendis sororibus moralem esse & perpetui juris.

EX transverso gradu] Linea in qua gradus cognationis ponuntur, vel directa est & perpendicularis, vel transversa. Directa est vel ascendens, in qua sunt parentes; vel descendens, in qua sunt liberi. Transversa eos complectitur, qui ex latere veniunt: estque vel æqualis, eorum videlicet, qui pari gradu distant à communi parente, ut fratres & sorores, consobrini, patruales: vel inæqualis, cum alter altero à communi parente est remotior, ut patruus, avunculus, & fratris & sororis filii, filiz. In linea directa, ut jam dictum est, prohibitio est infinita: in transversa non item, quo nunc se confert Imp.

Inter fratrem & sororem] In linea transversa æquali unus tantum gradus jure civili prohibitionem habet nimirum fratrum & sororum nuptiæ, *l. nemini C. hoc tit.* quas etiam à Deo interdictas non uno loco reperimus, *Levit. 18. 9. & 20. 17. Deut. 27. 22.* Quid ergo? an hæc interdictio sive lex de non ducendis sororibus & ipsa moralis est, perpetuamque, & naturalem causam prohibitionis continet? Moralem esse & naturalem non dubito. Moveor, quod Deus ita per Moysen pronuntiat; *Qui acceperit sororem suam, nefariam rem operatus est, & in conspectu populi occidetur. Levit. 20. 17. & Deut. 27. 22. Maledictus, inquit, omnis, qui dormit cum sorore sua.* Adeoque ex abominationibus, propter quas Cananæos Dominus extirpavit, hæc una fuit, *Levit. 18. circ. fin.* qui tamen non aliam legem, quam naturæ habuerunt. Plato quoque lib. 8. de legib. fratrum & sororum conjugia ait esse

μυδαμῶς ὅσα ἔχει Θεομοῦν, ἔχει ἀγαθῶν ἀνθρώπων.
 Hinc esse quod in tragædiis Macarei, cognito se cum
 fororibus rem habuisse, continuo mortem sibi conciscant, sceleris pœnas à se ipsis repetentes, & Cicero lib. 1. de divin. commixtionem fratris & sororis nefarium stuprum. appellat. Lucianus in philop. ἀσελγεστέων μίξιν. Quis vero hoc eos docuit: Sola natura, quippe quæ omnes docet, forori suæ misceri nefas esse, dum appetitum conjunctionis inter fratrem & sororem cadere non sinit. Quis est enim, qui sororis suæ, quantumvis formosæ, nuptias aut stuprum appetat? Non Platonem modo, sed experientiam provoco. Tam à me, inquit ille apud Plaut. Curcul. pudica est, quam si soror mea sit. Neque aliam ob causam Abrahamus credidit se pro marito Saræ habitum non iri, quam si eam sororem suam esse diceret, Genes. 12. 12. & 20. 12. Denique non tantum Romani, sed etiam alii populi, & omnis pene Græcia, auctore Alex. ab Alex. 1. genial. diæ. 24. nefandum putaverunt hisdem parentibus genitos invicem incestis nuptiis detineri. Neque vero ideo minus hoc nefas est, quia Ægyptii & nonnulli alii populi id dicere voluerunt, suorum nimirum Numinum exemplo, cum Saturnus Opem, Jupiter Junonem, Osiris Isin duxerit: & quid ni hoc facerent, apud quos non solum philadelphi, verum etiam philometores fuerunt. Objici solet dictum Thamaræ ad Amnonem fratrem consanguineum, Alloquere Regem; non enim denegabit me tibi. 2. Sam. 13. Resp. Sive hoc Thamaræ sciens commenta est, ut se præsentis periculo eriperet, sive revera credidit, hoc quoque patri Regi licere, inde colligi non debet, aut Davidem id concessurum fuisse, aut rectè facturum, si concessisset. Illud alicujus momenti est, quod hic nobis objici potest, & verum esse constat ex sacra historia, oportuisse nimirum à primis illis hominibus sorores duci, cum aliæ mulieres non extarent. Respondent Theologii, id fuisse necessitatis & tacitæ divinæ dispensationis. Nam cum juberet Dominus propagari genus humanum, nec plures simul fœminas condidisset, satis intelligitur, hanc fuisse ipsius voluntatem, ut fratri ex sorore sobolem tollere fas esset, quod postea ipsa natura docuit non licere. Hoc ergo factum, ut Augustinus ait lib. 15. de civitate Dei c. 16. quanto est antiquius compellente necessitate (intellige necessitatem ex illius temporis circumstantiis) tanto postea factum est damnable, religione (id est, naturali averfatione) prohibente. Affert ibidem Augustinus etiam nonnullas alias causas, ob quas fratres & sorores conjungi non debeant, ut necessitudo inter plures diffundatur, serpatque & propagetur civium inter se charitas, quam sic extendi etiam Cicero docet. 5. de finib. item ut evanescat illa cognationis & affinitatis confusio, quæ fratrum & sororum nuptias necessario sequitur. Sed hæc rationes tanti ponderis non sunt, ut quod contra fit, nativè illicitum censeri debeat. Consentit in hac questione cum nostris Covar. de matrim. p. 2. cap. 6. §. 10. num. 15. D. Tulden. ad hunc tit. cap. 6.

tionis & affinitatis confusio, quæ fratrum & sororum nuptias necessario sequitur. Sed hæc rationes tanti ponderis non sunt, ut quod contra fit, nativè illicitum censeri debeat. Consentit in hac questione cum nostris Covar. de matrim. p. 2. cap. 6. §. 10. num. 15. D. Tulden. ad hunc tit. cap. 6.

Sive ab altero eorum] In nuptiis utrum frater sit germanus, an consanguineus vel uterinus duxat, nihil interest, Lev. 18, 9. 11. in. o nec vulgo quæsitam sororem ducere licet. l. 54. ff. h. t. In successione autem inter utrinque conjunctos arctior necessitudo habetur, auth. itaque C. comm. de success. ut & olim in eadem causa consanguineorum major ratio, quam uterinorum habebatur: vulgo autem quæstorum, extra successionem matris vix jus ullum.

Quandiu constat adoptio] Per adoptionem quæ sita fraternitas eo usque impedit nuptias, donec manet adoptio, aut naturalis filius in potestate. At si pater vel me in potestate retento filiam, quam adoptaverat, emancipavit, vel me emancipato illam in potestate retinuerit, possumus matrimonio jungi, l. per adoptionem 17. hoc tit. quippe vinculo agnationis, quæ sola hæc nuptias impedit, soluto. Nam reverentiæ & honestatis respectus, qui dissoluta adoptione adhuc manet inter patrem quondam & filiam, hic nullus est.

Antea filiam suam emancipare] Alioqui dirimetur matrimonium, quod inter fratrem & sororem, licet adoptivos, non consistit, ut ex Theophilo D. Hottom. & Wesemb. hic notant, & indicat Triphon. in l. non solum 67. §. 3. hoc tit. Nam ut dicamus matrimonium manere, & adoptionem potius nullam esse, quod D. Bachovius magis probat, nescio an ex ratione juris civilis defendi possit, quod cum nuptias inter sororem & fratrem adoptivum prohibet, generum tamen adoptari permittit, ex consequenti genero adoptato nuptias perimi voluisse existimandum est, non adoptionem nullam esse, vid. tom. 1. juris Græco. Rom. lib. 8. c. de adopt. γάμος λυέται, ἡνίκά τις ἰδίον γάμους ἡδεσθῆναι. Theod. Balsam. ad d. l. 67. ff. h. tit..

TEXTUS.

De fratris & sororis filia & nepote.

3. Fratris verò, vel sororis filiam uxorem ducere non licet: sed nec neptem fratris vel sororis quis ducere potest, quamvis quanto gradu sint: cujus enim filiam ducere non licet, neque ejus neptem permittitur. Ejus verò mulieris, quam pater tuus adoptavit filiam, non videris prohiberi uxorem ducere: quia neque

neque naturali, neque civili jure tibi conjungitur.

NOTÆ,

3. *Fratris vel sororis filiam*] Ex l. 17. D. hoc tit. l. 17. C. eod. l. ult. C. de incest. nupt. Ulpian. apud Rufin. & in fragm. tit. 5. scribit permillum esse ducere filiam fratris, non etiam sororis. Hoc Claudius invexerat. Sveton. in Claud. Tac. 12. ann. sed postea sublata hæc differentia, d. l. 17. Lege quoque divina non obscure hæ nuptiæ vetantur hoc ipso, quod prohibemur ducere amitam & materteram, Lev. 18. vers. 12. & 13. eadem enim ratio est.

COMMENTARIUS.

1. *Nuptias cum fratris aut sororis filia, & in universum inter personas transversæ lineæ, quæ parentum & liberorum loco inter se sunt, etiam divina lege prohibitas, atque hanc quoque legem moralem esse.*

Jure civili nuptiæ in linea transversa inæquali prohibentur sunt inter eas personas, quæ parentum liberorumve numero sunt, l. per adoptionem 17. §. 2. l. sororis 39. hoc tit. l. nemini C. eod. l. ult. C. de incest. nupt. §. item amitam. inf. eod. & quidem in infinitum, l. nuptia 53. hoc tit. nam graduum numerus hic non magis consideratur, quam in linea recta inter ipsos parentes & liberos. Sed an huic prohibitioni per omnia consensentia sit lex divina, queritur. Ego equidē sic sentio, quamvis enim singula apud Moysen non sint expressa: tamen quibusdam positis, quæ paria sunt, pro expressis habenda; cum hoc flagitet ipsa ratio, ut de similibus, similiter statuatur; nec in hac prohibitionem tam ad numerum graduum respiciatur quam ad venerationem personarum. Cum igitur Dominus expressē vetat amitæ & materteræ nuptias, Levit. 18. vers. 12. & 13. intelligitur etiam vetare nuptias amitæ magnæ & materteræ magnæ, & deinceps ascendentium: item ἀναλόγῃ & nuptias fratris & sorori filiæ & deinceps ex his descendentium, cum patruo & avunculo, & qui supra hos sunt. Atque hanc etiam prohibitionem perpetuam esse & partem legis moralis ex iisdem ferē argumentis evincitur, quibus fratris & sororis nuptias naturæ atque honestati repugnare antea demonstravimus. Unū addam. Apud Romanos cum nulla adhuc lege nuptiæ cum fratris filia prohibitæ essent, moribus tamen incestuæ habebantur, l. sororis 39. §. 1. l. etiamsi 56. hoc tit. Adeo ut ipse Claudius Imperat. ausus non fuerit Agrippinam fratris sui Germanici filiam uxorem ducere, nisi extorto prius senatusconsulto, quo venia daretur talium conjugiorum: neque tamen reperti sunt, quod mirum est in libidiniosissima civitate, qui sequerentur exemplum, excepto uno atque altero pessimo adulate, Sveton. in Claud. c. 26. Tacit. 12. annal. ac postea senatusconsultum illud à

Nerva sublatum est, teste Xiphilino. Sanè brevis hæc lex Nervæ fuit; ut & imperium ejus, & nuptiæ cum fratris filia ex edicto Claudii pro licitis iterum haberi cœperunt nam auctore Capiolino Antoninus Pius filiam suam fratri uxorem dedit; quod antea, nondum sublato senatusconsulto & Titum fecisse. Svetonius memorat. Cæterum quia senatusconsultum illud sive edictum Claudii cum naturæ honestate pugnare videbatur, strictissimè acceptum fuit de sola fratris filia, non autem de filia sororis, teste Ulp. tit. 5. aut quod magis puto, jam tempore mediæ jurisprudentiæ vim amiserat: argumento est, quod Cajus scribit, l. quin etiam 55. §. 1. hoc tit. fas non esse ducere neptem patris adoptivi ex filio: quantum igitur minus neptem veri patris & naturalis, seu veri fratris filiam ducere licuit. Usur est, tandem expressē edictum illud abrogatum est. & quidem à Principibus ethnicis Diocleriano & Maximiano, l. nemini C. hoc tit. adeo alrè à natura leges istæ cordibus humanis inscriptæ sunt, congruit, l. ult. C. de incest. nupt. art. 7. ordin. pol.

Quamvis quarto gradu] Hinc apparet, jure civili licitum fuisse ex quarto gradu lineæ transversæ uxorem accersere, excepta ea, quæ parentis aut filiæ loco esset.

Cujus filiam &c. neque ejus neptem] Hæc regula ad hypothelam revocanda est: cujus videlicet fratris aut sororis, de quibus agitur neque enim prohibeor uxorem ducere neptem avi mei, cujus tamen filiam amitam, aut materteram meam ducere non possim. Vera autem ratio est, quoniam parentum liberorumque invicem numero sunt; ut hic aliud spectandum sit quam numerus graduum, §. item amitam. inf. l. nuptia 53. eod.

Neque naturali neque civili] Non naturali quia cognata meæ non est, cum adoptio non tribuat jus sanguinis: non civili, quia avunculus nemo fit per adoptionem, l. 12. in fin. eod. Quippe per adoptionem iis tantum personis necessitudo contrahitur, quæ si sanguine nos contingerent, nobis agnatæ essent, l. per adoptionem 23. de adopt.

TEXTUS.

De consobrinis.

4. *Duorum autem fratrum, vel sororum liberi, vel fratris & sororis, conjungi possunt.*

COMMENTARIUS.

1. *Patruelium & consobrinorum nuptias neque civili neque divino jure prohibitas, quanquam Canones longius progressi.*
2. *Discrimen enumerationis graduum inter jus civile & canonicum explicatum.*

Redit,

Redit ad lineam transversam æqualem, in qua dicit, eos, qui quarto gradu sunt, conjungi posse, nimirum fratris & sororis liberos: idemque traditur in l. 3. *hoc tit. l. celebrandis C. cod.* scilicet quia hic cessat ratio, ob quam prohibeor neptem fratris ducere, quod ego illi parentis, illa mihi filiae loco sit. Lege quoque divina, intra cujus fines etiam edicta Ordinum harum provinciarum consistunt, patruelium aut consobrinorum nuptiæ interdictæ non sunt: adeoque si exempla jus faciunt, tantum non expresse conceduntur *Num. 36. 11. Augustinus, lib. 15. de civ. Dei.* de connubiis consobrinorum agens, ait, ea nec divinam legem prohibuisse, neque ad sua usque tempora humanam. Prohibuerat has nuptias Theodosius Major, ut scribit Aurel. Victor. sed legem patris filii Arcadius & Honorius sustulerunt, revocata præci juris, ut inquit, auctoritate, *d. l. celebrandis C. hoc tit.* Pontifices autem Romani longius progressi sunt, & conjungi vetuerunt non solum consobrinos, sed etiam sobrinos & eorum liberos, quos quarto gradu numerant, cum octo inter se distent, *c. non debet de cons. & affin. Concil. Lateran. c. 50.* cujus concilii auctoritate Innocentius abrogavit priorum Pontificum decreta, qui usque ad septimum gradum nuptias inhihebant, hoc est, eorum, qui jure civili decimo quarto gradu invicem contingunt, *c. progeniem. & seq. c. nulli & seq. 35. q. 2. & 3.* Monet hic locus, ut discrimen dinumerationis graduum, quod est inter jus civile & canonicum obiter explicemus: quippe quod ad causas matrimoniales solum pertinet: nam in successione civilis computationem sequuntur etiam in terris Ecclesiæ, teste *Schneid. hic & D. Tulden. ad tit. Inst. de grad. cong.* Jure civili generata persona gradum adjicit, ut tot eo jure sint gradus, quod sunt generationes, *§. hactenus inf. d. tit.* In linea recta aut ascenditur, quæ idcirco adscendentium appellatur, ordinemque parentum complectitur; aut descenditur, quæ dicitur descendendum, & ordinem comprehendit liberorum. In linea transversa seu collateralis primum adscenditur, deinde descenditur. Exempli gratia; ego genitus sum à patre meo ecce unum gradum, Idem pater meus genuit Titium fratrem meum: ecce alterum: unde consequitur fratres duobus gradibus inter se distare. Pari ratione si quæras, quot gradibus à te distet patruus tuus, adscende primum ad avum vestræ cognationis communem auctorem, deinde iterum descendere ad ejus filium, qui est patruus tuus, & comperies eum tribus gradibus à te distare: & ita deinceps. Latius hæc declarantur *inf. de grad. cogn.* Jus autem pontificium aliter gradus dinumerat, *c. ad sedem 35. q. 5.* Cujus juris regulæ sunt 1. In linea adscendentium quot sunt personæ una dempta, tot sunt gradus: quæ

computatio in hac linea à computatione juris civilis in hoc tantum differt, quod Canones personas numerant, jus civile generationes, & rectius. 2. In linea transversa æquali, quot gradus alter distat à communi stipite, totidem utrique inter se distant, Exempli gratia, frater & soror distant inter se hoc jure uno tantum gradu, quia uno gradu distant à communi parente: & consobrinus ista computatione mihi est secundus, quia ab avo, qui communis utriusque nostrum fons est & origo, secundus numeror. 3. In linea transversa inæquali, quo gradu distat remotior à capite, eo gradu distant inter se. Igitur fratris mei filius secundo gradu à me abest, quia ille à patre meo avo suo duobus gradibus distat: & nepos fratris mei tertio, quia à patre meo ipse tertius est.

Conjungi possunt] Theoph. negativè reddidit, & *δυνάται οὐκ ἔσθαι*, quia sic in Oriente obtinebat. Nam post Justinianum sub Imp. Grecis hæc matrimonia iterum improbata fuere. *Harmenop. lib. 4. tit. 6 Attal. tit. 26, Matth. monach. tit. de grad. sept. consang.*

T E X T U S.

De amita, matertera, amita magna, matertera magna.

5. Item amitam, licet adoptivam, ducere uxorem non licet. Item nec materteram: quia parentum loco habentur. Quâ ratione verum est magnam quoque amitam, & materteram magnam prohiberi uxorem ducere.

COMMENTARIUS.

Hujus §. explicatio petatur ex iis, quæ ad §. 3. sup. diximus.

Licet adoptivam] Hoc consulto hic additum, in matertera omissum: nam matertera per adoptionem non magis fieri potest, quam avunculus, l. 2. §. ult. *hoc tit.* Eadem verba quoque repetenda sunt in amita magna, l. per adoptionem 17. in fin. *cod.*

T E X T U S.

De affinibus, & primum de privigna & nuru.

6. Adfinitatis quoque veneratione à quarundam nuptiis abstinere necesse est: ut ecce privignam aut nurum ducere non licet: quia utraque filia loco sunt. Quod ita scilicet accipi debet, si fuit nurus aut privigna tua. Nam si adhuc nurus tua est, id est, si adhuc nupta est

est filio tuo, aliâ ratione uxorem eam ducere non poteris: quia eadem duobus nupta esse non potest. Item si adhuc privigna tua est, id est, si mater ejus tibi nupta est, ideo eam uxorem ducere non poteris, quia duas uxores eodem tempore habere non licet.

NOTÆ.

Privignam] Quæ sic dicta, quod genita, antequam mater secundo nuberet Fest.

Quia duas uxores] l. 2. C. de inc. nupt. l. 18. C. ad l. Int. de adult. Multæ quoque; aliæ gentes virum unicæ mulieri copularunt. Dion Halic. lib. 2. Raræ binæ in Occidente nuptiæ. De Germanis testatur Tac. Valentinianus permittere voluit. Neceph. Callist. l. 11, cap. 33. Jul. Poll. in chron. In rep. Christiana tolerari non oportere evincunt, quæ apud Marth. c. 5. & 19. Marc. 10. Luc. 16. Paul. 1. Cor. 7.

COMMENTARIUS.

1. Licet affinitatis nulli propriè sint gradus tamen quasi quosdam gradus affinium numerari posse, & n. 3.
2. Genera affinitatis à veteribus canonibus excogitata posteriorum Pontificum decretis improbari.
4. In linea recta affinium eandem esse prohibitionem, quæ in eadem linea cognationis.
5. In linea affinitatis transversa quatenus se extendat prohibitio.
6. Interdicta Levit. 18. quæ affines spectant, moralia esse.
7. Jure civili antiquo non videri inter affines transversa lineæ prohibitionem fuisse.
8. Polygamiam in rep. Christiana non esse tolerandam.

Hæstus de nuptiis, quæ propter cognationem prohibentur. Cognationis simulacrum quoddam est affinitas: cujus ea etiam vis est, ut quosvis affines quibusvis jungi naturæ honestas non patiat. Sunt autem affines viri & mulieris cognati, dicti ab eo, quod duæ cognationes, quæ inter se diversæ sunt, per nuptias copulantur, & altera ad alterius cognationis fidem accedit, οἱ καὶ Πρὶγνα-
πίαυ συγγενῆς, l. 4. §. 3. de grad. & affin. ubi nomina quoque affinium peculiaria recensentur. Gradus affinitatis propriè nulli sunt, quia affines ab affinibus non generantur, d. l. 4. §. 5. nihil tamen prohibet, quo minus quasi quosdam gradus affinium numeremus: sic enim & Paulus loquitur l. 10. pr. d. rit. dicamulque, quo gradu quispiam est cognatus marito, eo gradu esse affinem uxori & quasi cognatum, & contra. Veteres canones etiam genera affinitatis numerant, eaque tria: ut ecce; uxoris matris filius mihi est in primo genere affinitatis: illius uxor in secundo genere: mortuo privigno meo si illa nubat tibi, hic mihi erit in tertio genere affinitatis:

sic uxoris meæ frater mihi est in primo genere affinitatis; uxor illius in secundo; quæ si mortuo marito alteri nubat, is mihi erit affinis in tertio genere. Sed secundum & tertium genus affinitatis temere excogitatum posteriores Pontifices merito abrogarunt: nam qui uxori non sunt consanguinei, non possunt dici marito affines, & contra, ac proinde non prohibeor, verbi causa, uxorem ducere eam, quæ fratri uxoris meæ quondam nupta fuit, c. non debet, & ibi Gloss. de consang. & aff. Covar. de matrim. p. 2. c. 6. §. 7. n. 6. Non obstat quod Papinianus respondet in l. 1 §. hoc tit. uxorem quondam privigni conjungi matrimonio vitrici non oportere: hoc enim non eam rationem habet, quod affines sint; sed quod honestas & pudor naturalis non patiat. Meum matrimonium jungi uxorem ejus, qui mihi aliquando filius fuit propter matrem, quam in matrimonio habui. Similis quædam prohibitio est in l. 14. pr. eod. Nascitur affinitas ex unione viri & uxoris, qui cum matrimonio juncti unum fiant, necesse est vinculo isto etiam utrinque cum iis connecti ipsorum cognatos, eodemque gradu, quo quis cognatus est marito, fieri uxori affinem & quasi cognatum: & ex contrario, quo gradu quis uxori cognatus est, eodem fieri affinem & quasi consanguineum marito; exempli gratia: in linea recta quia uxor mea uno gradu distat à patre suo, ab avo duobus, ego quoque à socero uno gradu, à profocero duobus distabo: idemque de cæteris tum adscendentibus tum descendentes statuendum. In linea transversa, quia maritus à fratre suo duobus gradibus distat, totidem distabit uxor à leviro: quod ipsum quoque dicendum est de glorie, sororio, fratria. Item quia uxor mea à patruo suo vel avunculo tribus gradibus distat, ego quoque à soceri fratre vel sorore totidem gradibus abero; & sic deinceps. Videamus nunc quanam gradus affinitatis prohibiti, & an eisdem omnes, qui & cognationis.

In linea recta eadem jure civili prohibitio in affinitate, quæ in cognatione. Itaque nec socerum nec socrum gener, nec vitrici privignam, nec privignus novercam ducere potest, l. 14. §. ult. hoc tit. l. nemini C. eod. quod & Justinianus hoc & seq. §. docet, prohibitionis hanc rationem, afferens, quod invicem parentum & liberorum loco sunt: cui proinde consequens est, nec inter prolocerum & pronurum, nec inter vitrici patrem & propivignam, & sic porro, nuptias licitas esse, d. l. 14. §. ult. art. 8. & 9, ordin. pol. Levit. 18. vers. 8. 15. & 17. Atque hanc etiam prohibitionem perpetuam esse & moralem, evincit locus Apostoli 1. ad Cor. 5. ubi tale stuprum ne inter gentes quidem nominari ait, ut quis uxorem patris habeat, & M. Tullius in orat. pro Cluent. cum socrum genero nupsisse narrasset, subdit, O mu-

hæc scelus incredibile, & præter hanc unam, in omni vita inauditum! atque in hoc quoque nobis assentiuntur plerique Pontificiorum, *Cavar de matri. p. 2. c. 6. §. 10. n. 19.* In linea transversa æquali neque frater uxorem defuncti fratris ducere nec vicissim soror marito sororis nubere potest, nec maritus cum sorore uxoris, aut uxor cum fratre mariti conjungi, quoniam affinitate inter se sunt facti fratres & sorores, *l. 5. l. pen. & ult. C. de inc. nupt. facit d. c. Levit. 18. vers. 16.* quo loco cum fratris cum uxore fratris defuncti nuptiæ prohibeantur, prohibita quoque censeretur debet sororis cum marito sororis suæ conjunctio, ex ratione, quam affert Moses, quia inquit, fratris tui pudenda sunt: quod nihil aliud declarat, quam quia uxor fratris tui est; ut jam affinitate tu illi frater, illa tibi soror facta sit, quos conjungi naturæ honestas non patitur. Apud nos hæc prohibitio etiam expressa est, *art. 10. d. ord. pol.* In transversa affinitatis linea inæquali Dominus expressè apud Moysen, *d. c. vers. 14.* vetat conjungi fratris filium cum uxore defuncti patrui, cui consequens est: 1. nec sororis filium cum uxore defuncti avunculi conjungi posse, 2. nec patruum aut avunculum cum uxore filii fratris aut sororis. 3. nec amitam aut materteram cum marito filiae fratris aut sororis: de quibus posterioribus speciebus etiam nominatim apud nos cautum est, *art. 11. d. ord. pol.* Sed an æquè ex consequenti prohibitionis intelligi debeant nuptiæ mariti cum amita aut matertera uxoris suæ, aut cum fratre vel sororis uxoris suæ, sive leviri aut gloris filia nonnulli dubitant, propterea quod hæc conjunctio non videtur tam longè recedere ab honestate & verecundia, quam præcedentes illæ. Minus enim, ajunt, verecundum est patruum meum cum ea, quæ mihi aliquando uxor fuit, confvescere, & duos consanguineos cum eadem misceri, quam illum, qui amitam meam in matrimonio habuit, jungi cum sorore mea, & unum successivè cum duabus consanguineis. Atque ut paret aliquis, ordini naturæ minus convenire, ut quis ducat & maritali imperio subjiciat amitam aut materteram uxoris suæ, quod istæ illi loco parentum sunt, hanc tamen rationem cessare in filia leviri aut gloris. At enim vero si in universum spectamus causam, ob quam nuptiæ in prædictis omnibus affinitatis gradibus prohibentur; videlicet quia vir & uxor in unum corpus coalescentes non amplius duo sunt, sed una caro; in universum etiam dicendum videtur eosdem gradus affinitatis prohibitos censeretur debere, qui prohibiti sunt in cognatione: & propositionem illam *Levit. 18. 6. Ad proximam sanguinis sui nemo accedat*, etiam ad affines, qui pro consanguineis sunt, pertinere, & tam latè patere, quam latè patet prohibitio inter sanguine junctos. Basilii in-

epist. ad Diodorum. congruit *art. 8. ordin. pol.* Planè ut non æquè graviter omnes peccant, nec puniendi sunt, qui prohibitam in ordine cognatorum ducunt, sed levius, qui ex transversa, gravius, qui ex recta linea uxorem sumunt: ita etiam gravius delictum est, ex recta affinitatis linea, quam ex transversa uxorem sumere. Sunt vero etiam hæc interdicta, quæ affines transversæ lineæ spectant, moralia & perpetui juris: neque enim Deus gentes ob singula facta cum singulis interdictis pugnantiæ punivisset, nisi in singulis peccassent contra jus naturæ: notentur particulæ universales, quibus singulos casus designat legislator, cum idcirco gentes punitas subjicit. At enim, inquires, si lex de non de ducenda fratria *Levit. 18. 16.* perpetuam & naturalem causam prohibitionis habet, qui sit, quod fratria certo casu duci jubetur? *Dent. 25. 5.* Jus enim naturale est immutabile. Respondent doctiores theologi, jus naturale duplex esse. unum tale, ut absolute in se ac essentia sua æquum & justum sit, quicquid eo continetur, ac proinde prorsus immutabile; alterum, quod æquitatem & justitiam continet in rerum natura sola DEI voluntate impressam, ut à creatura naturæ ductu approbaretur, ac posterius hoc jus uti à legislatoris voluntate dependet, ita & per eam aliquando ex causa peculiari mutari: sic quamvis jus naturæ veteri suum cuiquam auferre, DEUM tamen de isto jure dispensasse, *Exod. 12. v. 35. 36.* quum Israëlitis mandaret, ut Aegyptiis sua auferrent. Atque ita etiam, fortè DEUS in sanctis olim quædam matrimonia concessit propter sancti generis paucitatem. Eademque ratio est legis de fratria certo casu ducenda, excitandoque fratri sine sobole defuncto semine, videlicet ut in nomen primogeniti conservaretur familia, & primogenitæ Christi nunquam intermorratura significaretur. *Augustin. quest. 61. in Levit.* Cæterum nemo hominum hic quicquam sibi vindicare potest. Igitur, ut tandem concludamus, dicimus, leges omnes de conjugii à DEO per Moysen Israëlitis datas morales & æternas esse, atque haud secus constringere omnium hominum vitam, quam ipsa Decalogi præcepta, cum *Ant. Contio 2. subsec. Beza de repud. & divorc. Zanchio lib. 4. de oper. DEI c. 1. thes. 7. Bucan. loc. de conjug. quest. 22.* In qua sententia etiam Innocentius Tertius fuit, ut apparet ex *c. literas de restit. spol.* multique pontificiis, adeoque doctissimi scholasticorum, qui promde etiam aperte docuerunt, nec ipsum Pontificem Romanum dispensare posse, ut matrimonium contrahatur in aliquo ex gradibus prohibitis, *d. c. 18. Levit.* Prolixum horum Catalogum habet Sanchez *de matrim. lib. 7. disp. 52. n. 7.* Apud veteres Romanos, ut hoc quoque obiter dicam, non videtur transier-

sa affinitatis linea prohibitionem habuisse: idque exemplo doceri potest, quod afferunt M. Tullius lib. 1. de divin. & Val. Maximus lib. 1. c. 5. de Metello, qui mortua uxore Cæcilia filiam sororis Cæciliæ in matrimonium duxit: quod tamen neuter eorum ut novum refert. Quamvis autem D. Beza dubitet, an hoc locum habuerit in hac linea in universum, puta si frater viduam fratris, vel patruus aut avunculus uxorem filii fratris aut sororis; vel contra filius fratris aut sororis uxorem patris aut avunculi ducere voluissent: tamen ego crediderim, apud Romanos jura affinitatis morte unius è conjugibus pro extinctis habita fuisse: utique si liberi ex eo matrimonio non superessent. Nam apud Plurarchum legimus, Marcum illum Crassum cognomento Divitem defuncti fratris viduam duxisse: neque hoc tanquam novum aut præter morem factum auctor commemorat. Nimirum in nuptiis contrahitur affinitas, ita solutis nuptiis eam dissolui voluerunt, salva tamen reverentia ex affinitate nata inter eas personas, quæ parentum, & liberorum loco fuerant, arg. hujus & seq. §. adeoque eadem ferè ratio affinitatis fuit, quæ adoptionis, qua & ipsa soluta nuptiæ non impediuntur, nisi ob solam reverentiam inter eos, qui parentes & liberi fuerunt. Neque enim dubito, quin patruus adoptivam & filiam fratris filius amitam adoptivam, soluta per emancipationem adoptione ducere potuerint, cum nuptiæ etiam cum sorore adoptiva dissoluta adoptione consisterent. §. 2. sup. Sed profecto magnum discrimen est inter conjunctionem, quæ ex adoptione oritur, & eam quam parit affinitas. Adoptio merum juris civilis commentum est: affinitas vero etiam causam naturalem habet, quæ ex commixtione corporum nata nuptiis solutis adhuc permanet, quo pertinet illud Pontificis, in c. 1. ca. 35. q. 1. uno defuncto in superstite affinitatem non deleri.

Quia utraque filie loco] Regula juris civilis est, eos, qui in numero parentum aut liberorum sunt, conjungi matrimonio non posse, l. nuptiæ §. 3. hoc tit. cui regulæ locus est non tantum in cognatione, sed etiam in affinitate, l. 14. §. ult. eod. & quamvis jure civili, ut supra diximus, id tantum obtinuisse videatur in recta affinitatis linea, ob reverentiæ cujusdam & honestatis respectum, qui cesser in iis, qui ex transverso gradu invicem affines sunt: tamen & alias esse hujus prohibitionis causas, & quidem maximi momenti, eosdemque gradus affinitatis jure divino prohiberi qui & cognationis, paulo ante docuimus. Dist. Levit. 18. vers. 15. & 17. & 1. ad Corinth. 5.

Si fuit nurus sua] Ergo dissoluta demum affinitate huic prohibitioni locus est; quod & disertè exprimitur in §. seq. ibi; dissoluta demum affinitate.

Qui locus conjecturam nostram adjuvat, mortem unius è conjugibus affinitatem direxisse; sed ob personarum venerationem & pudorem naturalem nuptias nihilominus interdictas fuisse inter eos, qui affinitatè parentes & liberi fuerant. Utrique causam prohibitioni dedit ante contracta affinitas.

Eadem duobus nupta] Unam apud plures nuptam esse, è diametru pugnare cum recta ratione, quia (ut alia omittam, quæ dictu sæda) officit procreationi liberorum, qui principalis matrimonii finis est. Neque apud ullam gentem licitum unquam fuisse legimus, ut una mulier duobus aut pluribus viris nuberet. Tertull. adversus Marc. manente matrimonio nubere adulterium est.

Duas uxores eodem tempore] Duas aut plures uxores apud unum nuptas esse, multi putant non pugnare cum naturali ratione, cum apud plerasque gentes id licitum fuisse legamus; adeoque ipse DEUS hanc polygamie speciem populo suo permisit. Sed non deest quod reponatur, vide quæ dixi sub §. 1. sup. de patr. pot. Utrur est, constat ex iis, quæ à Christo dicuntur apud Matth. 5. v. 32. & 19. v. 9. Marc. 10. v. 4. Luc. 16. v. 18. & quæ scribit Paulus 1. Corinth. 7. polygamiam in repub. Christiana non esse tolerandam: quæ etiam multis gentibus improbat fuit. Raræ binæ simul in Occidente nuptiæ. Neque enim apud Romanos tantum constitutum fuit, ne quis binas eodem tempore uxores haberet, sed etiam apud Græcos, & jam à tempore Cecropis Atheniensium regis, vid. Pet. Fabrot. 2. semest. 1. Germanos quoque nostros singulis uxoribus contentos fuisse scribit Tacit. de morib. Germ. Sed & plures alias gentes virum unicæ mulieri copulasse testatur Dionys. Halicarnas. lib. 2.

TEXTUS.

De Socru & Noverca.

7. Socrum quoque & novercam prohibitum est uxorem ducere: quia matris loco sunt. Quod & ipsum dissoluta demum adfinitate procedit: alioquin si adhuc noverca est, id est, si adhuc patri tuo nupta est, communi jure impeditur tibi nubere, quia eadem duobus nupta esse non potest. Item si adhuc socrus est, id est, si adhuc filia ejus tibi nupta est, idè impediuntur tibi nuptiæ, quia duas uxores habere non potes.

NOTÆ.

7. *Duas uxores*] Bigami pœna capitalis est, Theophil. *ἡ ποικίσεαι τῷ ᾧ μοιχείας ἐγκλήματι.* 60. Basil. lib. 37. c. pen. & rectè, nam ut ait Tertull. adv. Marc. *Manente matrimonio nubere adulterium est*, fac. l. 18. C. ad leg. Jul. de adul.

COMMENTARIUS.

Hujus §. & superioris eadem plane est sententia, ut nova explicatione non indigeat.

TEXTUS.

De comprivignis.

8. *Mariti tamen filius ex alia uxore, & uxoris filia ex alio marito, vel contra, matrimonium rectè contrahunt; licet, habeant fratrem sororemve ex matrimonio postea contracto natos.*

NOTÆ.

8. *Mariti filius ex alia uxore*] Ticius cum haberet filium ex conjugē defuncta, Semproniam uxorem duxit, quæ ex priore matrimonio filiam habebat. Q. an inter filium Ticii & filiam Sempronie nuptiæ consistant: R. consistere: Ratio est, quia nulla est inter comprivignos affinitas; utpote quæ ultra personas matrimonio junctas non extenditur. West.

Rectè contrahunt] l. 34. §. pen. D. hoc tit. l. 134. pr. de verb. oblig. neque Levit. 18. vers. 11. prohibentur nuptiæ ἀλληλοπρεσβύων, sed fratris & sororis ὁμοπατρίας sive consanguineæ.

COMMENTARIUS.

Cognati personarum, quarum interventu & copula contracta est affinitas, inter se nuptias contrahere non prohibentur, & ratio est perspicua; quia inter eos nulla est affinitas, utpote, quæ ultra personas junctas non extenditur: hoc est, cognati quidem uxoris marito sunt affines; & contra cognati mariti affines uxoris, sed ipsi cognati utriusque non sunt inter se affines: alioqui simulacrum cognationis latius pateret, quam ipsa cognatio, l. 34. l. pen. h. t. l. 134. pr. de verb. oblig. Hinc igitur est, quod inter comprivignos contrahi nuptiæ possunt, quod pater & filius matrem & filiam, duo fratres duas sorores ducere non prohibentur. Quamquam hic rectè facturos arbitror, qui magis id quod honestum est, quam quod licet, inspiciant, ne ordo cognationis, cujus imago est affinitas, nimium perturbetur: quod sit, si, verbi causa, pater filiam, filius matrem uxorem ducat, idque

& Beza notat, *tract de repud. & divorc.* Putaverunt quidam, nuptias comprivignorum vetari Levit. 18. v. 11. Ant. Match. in not. hic & D. Cyprian. Regn. in cens. Belg. Sed perspicuus error est. Illic enim non comprivignorum, ἀλληλοπρεσβύων, sed fratris & sororis consanguineæ, id est, ab eodem parte ex alia, & secunda uxore susceptæ, prohibentur nuptiæ: de qua conjunctione nihil dictum erat vers. 9. ubi prohibentur nuptiæ sororis Germanæ & uterine duntaxat. Verba Moysi sunt, *Impituitudinem filia uxoris patris tui, quam peperit patri tuo, & est soror tua, non revelabis.* In versione 70. est, ὁμοπατρία ἀδελφῆ.

Licet habeant fratrem sororemve] Communi fratre aut sorore ex novo parentum matrimonio postea susceptis, videri poterant arctius privigni coniungi, attamen ne id quidem nuptias eorum impedire, Papin. respondit l. generali §. 4. §. 2. hoc tit.

TEXTUS.

De quasi privigna, quasi nuru, & quasi noverca.

9. *Si uxor tua post divortium ex alio filiam procreavit, hæc non est quidem privigna tua: sed Julianus ab hujusmodi nuptiis abstinere debere ait. Nam constat, nec sponsam filii nuri esse, nec patris sponsam novercam esse: rectius tamen & jure facturos eos, qui ab hujusmodi nuptiis abstinuerint.*

NOTÆ.

9. *Uxor tua post divortium*] Ex l. 13. §. 1. 2. & 3. D. hoc tit. Vix est, ut hujusmodi casus nunc existat. Sed & pridem apud Romanos desierunt bona gratia matrimonia dissolvi. De jure, quod antea obtinebat, Augustin. 1. ad Valer. de nupt. & concup. 10. & de bon. conjug. 8.

Non est privigna] Ratio ex notatione verbi. Privignus enim dictus, quod prius quam mater secundo nuberet, genitus est. Fest. Græcis πρεσβύων.

Abstinere debere] Propter honestatem; quæ in conjunctionibus spectatur, l. 42. D. hoc tit. ἐν τοῖς γάμοις ἑμόνον τὸ σπουδαγμένον ἐστὶν ἐμὸν, ἀλλὰ καὶ τὸ ἀπρεπές, ut ajunt interpretes Canonum. Quod non vetat lex, hoc vetat fieri pudor. Fabrot.

Nec sponsam filii nuri] Proprie sponsa non est uxor, l. 12. §. 1. & 2, hoc tit. Improperie tamen appellatione nurus sponsam quoque accipimus, l. 6. l. 8. D. de grad. & affim. Est enim sponsa quasi uxor; & sponsus quasi maritus. Tertul. de vel. virg. Desponsata enim quodammodo nupta.

COMMENTARIUS.

1. Sponsalibus propriè non contrahi affinitatem.

2. Ex illegitima etiam conjunctione affinitatem nasci.

Superius dictum est, privignam tibi loco filiae esse, eo quod mater tibi nupta est, nec posse te eam uxorem ducere, licet morte matris aut alio modo ritè solum sit matrimonium. Queritur, igitur, si uxor tua post divortium alteri nupserit, & ex eo filiam procreaverit, an ne eam quidem uxorem ducere possis. Ratio dubitandi, quia non est privigna tua, utpote genita postquam mater secundo nupsit. (Nam ut Festus scribit, *privignus inde dictus est, quod primus genitus sit, quam uxor secundo nuberet*, Græcis *πρεγγοῦ*) aut si rem mavis quam notationem inspicere, nulla tibi affinitate conjuncta umquam fuit; quoniam nondum nata erat, cum matrem in matrimonio haberes. Sed tamen ab hujusmodi nuptiis abstinendum esse, rectè placuit l. 12. §. 3. *hoc tit.* ob consuetudinem, quæ mihi cum matre fuit.

¶ Nam constat, nec sponsam filii] Nudis sponsalibus propriè non contrahitur affinitas, sed nuptiis duntaxat. Sponsalia enim nihil aliud sunt, quam mutua futurarum nuptiarum repromissio, l. 1. de sponsal. quam libere liceat infringere, l. 6. d. tit. l. 1. C. eod. ac proinde, verbi causa, sponsa filii mei nurus mea non est, nec patris sponsa propriè noverca, l. 12. *hoc tit.* Quid est igitur, quod jurisconsulti respondent, nomine affinium etiam futuros conjuges comprehendere? l. 6. l. 8. de grad. & aff. l. 3. l. 4. de leg. Pomp. de parr. l. 13. §. 3. ad leg. Jul. de adult. nempe id minus propriè dici constat, & locum habere, cum sponsalia adhuc durant, & spes est fore, ut matrimonium propediem sequatur: solutis autem sponsalibus & spe nuptiarum penitus sublata, nulla amplius intelligitur affinitatis, de qua specie agitur hoc nostro §. & d. l. 12. ac solum honestatis causa nuptiæ inter personas enumeratas prohibentur, eoque pertinent l. semper 42. *hoc tit.* l. semper 197. de reg. jur. Igitur quod non vetat lex, hoc vetat fieri pudor. Argumentatur autem Justinianus à comparatione minorum. Et ita profecto est, ut mihi multo minor sit cum sponsa filii mei necessitudo, quam cum illa quasi privigna: quippe cujus matrem in matrimonio habui, ex qua fortè & liberos, qui illi fratres sunt, suscepi. At sponsam filius meus nunquam attigit, ac fortassis ne vidit quidem, ut hic sola honestas causam prohibitioni præbeat, illic etiam corporum commixtio, quæ præcipuè in hoc negotio respicitur, & à Mose detectionis nomine honestè significatur. De eo ambigitur, an etiam ex illegitima conjunctione contrahatur affinitas. Sed dicendum est contrahi. Nam si ex quovis coi-

tu, quantumvis illegitimo, nascatur cognatio, cur non etiam affinitas intelligatur? Sic certe à cognitione, quæ ex contubernio servorum descendit, affinitatem servilem Paulus arguit l. 14. §. 3. *hoc tit.* Neque ob aliam causam, quam ob affinitatem, prohibetur filius patris sui concubinam uxorem ducere, l. 4. C. eod. aut in concubinato habere, l. 1. §. 3. de concubin. Quod autem Modestinus respondit, l. 4. §. sciendum 8. de grad. & aff. affinitatem non nisi ex iustis nuptiis oriri, de plena & perfecta affinitate intelligendum esse vel ex eo liquet, quod eodem loco scribit, nec cognationem extra nuptias conjungi, contra quam ipse definit §. 2. *ejusd.* l. 4.

TEXTUS.

De servili cognatione.

10. Illud certum est, serviles quoque cognationes impedimento nuptiis esse, si fortè pater & filia, aut frater & soror manumissi fuerint.

NOTÆ.

10. Serviles cognationes] Ex l. 14. §. 1. D. *hoc tit.* idemque observatur & in servilibus affinitatibus, d. l. 14. §. 3. alias non faciliè ulla servilis videtur esse cognatio, l. 1. §. 2. D. *unde cogn.*

Manumissi] Nam servorum inter se nullum matrimonium est. Utique tamen nec servile contubernium inter has personas permissum,

COMMENTARIUS.

SI ex quavis etiam illegitima consuetudine nascitur cognatio, quæ nuptiis impedimento sit, l. nuptiis 55. & seq. *hoc tit.* consequens est, etiam ex servorum conjunctione cognationem hujusmodi nasci, l. 14. §. 2. *eod.* Semper enim in contrahendis matrimoniis naturale jus & pudor inspicitur. Natura autem omnes homines æquales sunt: adeoque quod in cognationibus servilibus constitutum est, etiam in servilibus affinitatibus observatur, d. l. 14. §. 3.

Manumissi fuerint] Hoc non ita accipiendum est, quasi ante manumissionem patri filiam aut fratri sororem in contubernio habere liceat? sed ideo additum, quia de nuptiis hic queritur, quas constat inter personas serviles non consistere. Planè quia servi ob conditionis vitæ digni non habebantur, quos lex observaret, ideo nec leges, quibus pœna incestus aut adulterii constituta est, ad servos pertinere existimantur, ut proinde nec eadem severitate ob incestum aut violatum contubernium.

coërendi sint, quò clives Romani & legum nexu juncti, l. 6. ad leg. lul. de adult. l. servi 23. l. quæ adulterium 291 C. cod. Atque hoc est, quod Paulus scribit l. 10. §. 5. de grad. serviles cognationes ad leges non pertinere. Jure pontificio etiam inter servos matrimonium est, X. de conjug.

TEXTUS.

De reliquis prohibitionibus.

II. Sunt & alia persona, quæ propter diversas rationes nuptias contrahere prohibentur, quas in libris Digestorum seu Pandectarum ex jure vetere collectarum enumerari permisimus.

COMMENTARIUS.

Sunt & alia persona] Quales sunt tutor vel curator, liberive eorum, qui cum pupilla vel adulta nuptias contrahere vetantur, ne videlicet eo pacto rationum redditio intervertatur, l. tutor. 36. & seq. l. senatoris consulto 59. & seq. hoc tit. l. 1. & passim. C. de interd. matr. int. pup. & tut. Item præses, vel qui officium in provincia administrat, provinciali uxorem ducere prohibetur, l. si quis 38. l. qui in provincia 57. hoc tit. l. un. C. si quæ. præd. pot. Lege quoque Julia vetatur senator ducere libertinam, aut quæ ipsa, cujusve pater artem ludicram fecerit, l. lege Julia 44. hoc tit. Quæ cum hodie non obtineant, non est operæ pretium plenius persequi. vid. Rittersh. lib. 1. diff. 20. n. 22. Zypæ. not. jur. Belg. de sponsal. pr. Grænev. de ll. abrog. ad tit. Cod. si quæ. præc. pot.

TEXTUS.

De pœnis injustarum nuptiarum.

12. Si adversus ea, quæ diximus, aliqui coherint, nec vir, nec uxor, nec nuptiæ, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ii, quos mater vulgo concepit. Nam nec hi patrem habere intelliguntur: quum & is pater incertus sit, unde solent spurii appellari ὁ πατήρ ἀνέγνω, & ἀπαράγες, quasi sine patre filii. Sequitur ergò, ut dissoluto tali coitu, nec dotis, nec donationis exactioni locus sit. Qui autem prohibitas nuptias contrahunt, & alias pœnas patiuntur, quæ sacris constitutionibus continentur.

NOTÆ.

12. Nec vir nec uxor] Sunt enim hæc ἐννομία & νόματα, justi conjugii nomina. Pœna igitur communis omnium injustarum conjunctionum est, quod ipso jure tales nuptiæ nullæ sint: sicut nec cætera consistunt, quæ contra leges fiunt, l. 5. C. de legib.

Nec dos] Matrimonium quidem sine dote esse potest, at dos esse non potest sine matrimonio, l. 3. D. de jur. dot.

Quantum ad patriam potestatem] Comparatio natorum ex illegitimo matrimonio cum vulgo conceptis, quantum attinet ad patriam potestatem: In hoc spuriorum & injustorum liberorum par est conditio, quod sicut spurii pater incertus est, ita qui nascuntur ex injusto coitu, patrem non habere credantur: quoniam licet patrem demonstrare possint, eum tamen habent, quem habere non licet, l. 23. D. de stat. hom.

Cum & is] Cujac. legit, cum & is pater incertus est.

Quasi sine patre] Non quod sine patre sint, ἀνδρὶ πατὴρ ἴσχυον ὁὐκ ἐστὶν πατήρ, ait Euripid. sed quoniam vulgivaga Venere natis pater incertus est. Spurius apud Romanos est primum nomen, sicut Sextus, Decius &c. iisdemque notis & prænomen. Spurius, & vulgo quæsitos designabant, nisi quod illud ita notabant SP. hos S. P. interposito puncto. Hinc ex joco natum, ut vulgo concepti Spirii dicebantur Plutarch, quæst. Rom. cap. 11.

COMMENTARIUS.

1. Resolvitur error eorum, qui putant, nuptias filiorum fam. sine parentum consensu contractas accedente copula confirmari.
2. Extra nuptias quæsitos omnes quoad patriam potestatem pro vulgo conceptis & spurii haberi.
3. Dotis aut donationis nomine ob injustas nuptias data, caduca fieri.
4. Prohibitarum nuptiarum pro varietate negotii & circumstantiarum varias esse pœnas.

Illegitimæ conjunctionis duplex pœna: nam & ipso jure tales nuptiæ nullæ sunt, & præterea qui ita coeunt, pro qualitate delicti castigantur. Primum dicimus, hujusmodi nuptias ipso jure non subsistere, sicut nec cætera subsistunt, quæ contra leges fiunt, l. non dubium C. de legib. unde sequitur, quod hic ait Justinianus, nec virum nec uxorem, nec matrimonium, nec dotem, in tali conjunctione intelligi, quippe quorum nominum usus in justis nuptiis duntaxat. Dubitari autem non debet, quin primis hujus §. verbis. Si adversus ea, &c. contineantur etiam nuptiæ filiorum fam. sine patris consensu contractæ, ut & ipse neutrquam jure constant, l. 2. hoc tit. fac. l. dotis 68. de jur. dot. l. 13. §. si quis

si quis 6. ad leg. Jul. de adult. & liberi ex tali coitu suscepi in iusti sunt: quam in rem expressus textus est in l. 11. de stat. hom. Atque hic locus vel unus sufficit ad refellendum eorum errorem, qui contendunt nuptias sine patris consensu contractas, utur, ab initio irritas sint & nullius momenti, accedente tamen corporum conjunctione confirmari. Atque Paulus d. l. 11. liberos ex tali consortio natos injustos esse. An igitur existimant, etiam sine conjunctione corporum liberos nasci? Quid porro tam absurdum est, quam dicere concubitum, rem sine matrimonio illicitam, confirmare actum ipso jure nullum, hoc est, efficere, ut ratum & iustum sit matrimonium quod contra leges contractum est? Atque hoc tantum non fatetur Franc. de Amaya, Hispanorum Consulorum disertissimus, lib. 1. obs. jur. c. 4. n. 10. & 11. quamquam n. 12. & seq. perperam. Paulum interpretatur, quasi hoc jurisconsultus sentiret liberos conceptos ex matrimonio, quod quis sine patris consensu contraxit, natosque post mortem avi, justos quidem non censi ex tempore conceptionis, sed tamen tales esse à tempore natiuitatis: quæ interpretatio tam à ratione juris, quam à mente & verbis Jurisconsulti plane aliena est: nec iuvatur, sed refellitur illa ipsa l. 6. C. hoc rit. quam ad confirmationem interpretationis suæ vir doctissimus affert. Occasionem errori dedit responsum Ulpiani l. 1. §. ult. de lib. exhib. quo tamen loco manifestè loquitur Jurisconsultus de nuptiis ab initio voluntate patris contractis, qui postea genere offensus pro potestate sua filiam vult abducere, & nuptias ritè contractas dissolvere. Neque enim nuptias illas, si contra leges initæ fuissent, Ulpianus appellaret concordans & liberis subnixum matrimonium. Sic etiam, quod apud Paulum 2. sent. 19. §. 1. legimus, eorum, qui in potestate patris sunt, sine voluntate ejus matrimonia jure non contrahi, sed contracta non solui; non ita accipiendum est, quasi ratum sit matrimonium, quod sine voluntate patris contractum est; hoc enim disertè idem paulus negat d. l. 11. de stat. hom. & d. l. 2. hoc tit. sed si volente patre contractum sit, non ideo postea dissolvendum. quod pater in ea voluntate non perseveret, l. cum hic status 32. §. si socer. 19. de don. int. vir. & ux. l. 5. C. de repud. D. Duar. ad tit. sol. matr. c. 2. de nupt. Et tamen etiam hoc casu pater justa causa interveniente filiam, licet renitentem & renitente genero, domum abducere potest, d. l. 5. C. de repud. Præcis temporibus etiam laxior hic patris potestas fuit. In Stichio Plauti Antipho filias suas Panegyrim & Pinacium ob hoc solum vult abducere, quod mariti paulo diutius abessent domo: ad quem Panegyris;

Aut olim, nisi tibi placebant, non datas oportuit

Aut nunc non æquum est abduci, pater, illi se absentibus.
Apud Nonium sic Afranius.

O indignum facinus adolescentis, optimas,

Bene convenientes, concordas cum viris,

Repente viduas faciat spurcicia patris.

In eandem rem Cujac. ad Nov. 22. adducit Ennii locum, ubi ita queritur filia;

Injuria abs te afficio indigna, pater:

Nam si improbum esse Chresiphontem existimaveras,

Cur me huic locabas nuptiis? Sin est probus,

Cur talem invitum invitam cogis linquere?

Quamvis autem eo jure, quo nos hodie utimur, divortia liberorum, quorum matrimonio initio consensit pater, non sine in potestate & arbitrio patris non magis, quam in potestate matris olim fuerunt, l. 4. C. de repud. ea tamen parte constitutionem juris civilis adhuc sequendam esse contendimus, qua matrimonia invitis aut incensis parentibus contracta injusta & irrita esse, liberosque inde natos illegitimos pronuntiat: quoniam ab hac parte & legis divine stat auctoritas. Exod. 22. 17. Er qui aliter sentiunt, ansam præbent illudendi parentibus, frænosque laxant indomitæ libidini. Miramur adeo partes Tridentinos, quod, cum profiteantur sanctam Dei Ecclesiam clandestina matrimonia ex justissimis causis semper detestatam esse & prohibuisse, tamen anathemate feriunt, qui ea vera esse & rara negant, sess. 14. vid. Tim. Fab. in disp. annivers. ad hunc §. D. l. à San. de lib. 2. rer. jud. tit. 1. cap. 3. ubi utriusque sententiæ præcipuos auctores citat cum Theologos, tum Jurisconsultos, D. Ioan. Christen. de spons. diss. 1. quest. 20. Quantum ad patriam potestatem] Comparatio eorum, qui ex injusto matrimonio nati sunt, cum iis, quos mater vulgo concepit, quoad patriam potestatem, cujus solius rei gratia hic de nuptiis quæritur, & neutri quoad hunc effectum patrem habere intelliguntur: quoniam nemo, respectu eorum, quæ sunt juris civilis, filius intelligitur, nisi qui ex viro & uxore natus est, l. 6. de his qui sui vel al. jur.

Quum & in pater incertus sit] Hæc verba non obf. cure innuunt, non tantum vulgo quæsitos incertum habere patrem, sed etiam eos, qui sunt ex injustis nuptiis procreati. Et vulgo quidem conceptos patrem demonstrare non posse, certum est. Unde Diogenes conspiciat meretricis filium lapidem, in turbam hominum conicientem, Cave inquit, ne patrem ferias. At nati ex ea, quæ cum uno tantum, licet illicitè rem habuit, non videntur dici posse habere incertum patrem, quod & verum est. Sed tamen, quantum ad patriam potestatem attinet (quod ideo etiam nominatim expressit Justinianus hic) non modo vulgiva Venere cocepti patrem habere non intelliguntur, verum etiam omnes, qui extra nuptias quæsitæ sunt, licet patrem de-

mon-

monstrare possunt, ex incerto tamen patre nati dicuntur, & pro vulgo quæsitis spuris que habentur, l. vulgo de stat. hom. l. 3. C. sol. matr.

Ἡ ἀπὸ τοῦ πατρὸς] Apud Theophilum est, quasi *ἀπὸ τοῦ πατρὸς*, id est, *sparsim*, vulgo, promiscue concepti, quod magis probo cum Wesemb. & Hotom. Aliam hujus nominis rationem affert Plutarch. in *problem.* Scribit enim, hæc appellationem inde natam esse, quod Romani iisdem notis & prænomine *Spurius*, & vulgo quæsitos designabant, nisi quod illud ita notabant S. P. hos S. P. interposito puncto, tanquam *sine patre*. Atque hinc est quod Hotom. & Wesemb. pro eo, quod vulgo legitur, *ἀπὸ τοῦ πατρὸς*, quasi *sine pater filii*, substituerunt, quasi S. P. i. e. *sine patre filii*, quomodo & Theophilus legisse videtur.

Nec dotis, nec donationis] Quod dotis aut donationis propter nuptias ob injustum conjugium datum est, caducum fit, id est, fisco vindicatur, l. 4. *auth. incestus*, C. de inc. nupt. l. *neceffe* § 2. l. *dote* § 1. *hoc tit. l. cum hic status* § 2. §. ult. de don. int. vir. & ux. præterquam si qui aut errore accerrimo, non affectato, neque ex levi causa decepti sunt, aut ætatis lubrico lapsi, d. l. 4. C. de inc. nupt. In fœminis etiam error juris excusatur, sed positivi duntaxat; eoque referimus, l. 1. C. de cond. ob caus. dat. l. 7. C. de don. int. vir. & ux. l. 2. §. 2. de his quib. ut indig. add. Sich. in d. l. 4. *Christin. vol. 1. decis. 337.* & *vol. 3. decis. 129. n. 6.*

Et alias pœnas] In magna delicti varietate variae quoque pœnæ constitui debuerunt. Plurimum enim refert, an quis prohibitas jure gentium nuptias contraxerit, an jure civili duntaxat: sciverit, an ignoraverit; in facto erraverit, an in jure: masculinam, aut fœminam; major an minor, *vid. l. ult. hoc tit. l. 4. l. 6. cum auth. seq. C. de inc. nupt. Nov. 12. l. un. C. si quac. præd. pos. quæ multam irrogat pecuniariam, infamiam l. pen. C. de interd. matr. cum infamia pœnam stupri l. 18. C. de adult. l. si adulterium* § 8. pr. §. 1. & *seqq. eod. & ibi Bart. & DD. add. Glos. & DD. ad hunc loc. Covar. de matr. p. 2. c. 6. §. 8. Christin. vol. 3. dec. 129. Damhoud. prax. crim. c. 94.*

TEXTUS.

De legitimatione.

13. Aliquando autem evenit, ut liberi, qui statim, ut nati sunt, in potestate parentum non sunt, postea redigantur in potestatem patris: qualis est is, qui dum naturalis fuerat, postea curiæ datus, potestati patris subjicitur: nec non is, qui à muliere libera procreatus, cujus matrimonium minimè legibus interdictum fuerat, sed ad quam pater consuetudinem habue-

rat, postea ex nostra constitutione dotalibus instrumentis compositis, in potestate patris efficitur. Quod & aliis liberis, qui ex eodem matrimonio fuerint procreati, similiter nostra constitutio præbuit.

N O T Æ.

13. *Qui dum naturalis*] Natus ex concubina, non ex stupro, scorto, aut conjunctione legibus vetita, l. 44. C. de episc. & cler. Nov. 74. c. 6. Bassam ad *synod. Landic.* in quo erat Theophil. Nam concubina legibus cognita, non meretrix.

Postea curiæ datus] In curiam cooptatus, curialis factus, l. 9. C. de nat. lib. Modus hic legitimandi manat ex constitutione Theodosii, l. 3. C. eod. & Leonis, l. 4. eod. deque eo latius agit Justinian. Nov. 89. c. 2. & *seq.* Causam præbuere onera curialium. Theophylact. in *Marc. cap. 15.* Saxon. l. c. 8.

A Muliere libera] Id est, ingenua l. 10. C. d. tit. idem tamen est, si est libertina vel ancilla, Nov. 18: c. ult. Nov. 89. c. 8. Cujac.

Dotalibus instrumentis] Id est, nuptialibus, ut in d. l. 10. & alibi sæpè. Tabulas autem necessarias esse; arguunt quotquot sunt loci, in quibus de hac specie legitimationis agitur. In constitutionibus Græcis appellatur *ἡ ἀπὸ τοῦ πατρὸς νομιμότης*.

Quod & aliis liberis, qui postea] Cujac legit, *Quod si alii liberi ex eodem matrimonio fuerint procreati &c.* ut sit sensus, liberos antea susceptos à Justiniano requiri postea natis, ut posteriores in hæreditate patris potiores non sint, sed una eademque lance trutinentur, ut est in d. l. 10. Malim tamen legere cum Hotom. *Quod & si alii liberi nulli ex eodem matrimonio fuerint procreati, &c.* §. 2. *inf. de her. que ab intest.* de quo dubitatum fuit propter d. l. 10. ut constet ex l. 11. C. eod. ubi hæc quæstio deciditur. Utitur est, beneficio Principali non indigent, qui ex iustis nuptiis procreati sunt. Introduxit postea Justinianus & tertium legitimationis genus per rescriptum Principis, Nov. 74. c. 2. Nov. 89. c. 9. & 10.

COMMENTARIUS.

1. Objectum legitimationis esse liberos naturales, nec tamen omnes, qui ita appellantur aut appellari possunt.
2. Speciem legitimationis per oblationem curiæ ab usu receptisse.
3. An nepos ex filio naturali per subsequens matrimonium avi, defuncto patre, avo fiat legitimus.
4. Legitimationem jure civili non procedere, nisi intervenientibus instrumentis nuptialibus, secus jure Can. quod mores hodierni sequuntur.
5. Matrimonium in articulo mortis contractum apud nos justum non haberi sine dispensatione.
6. De legitimatione per rescriptum Principis.

Transit hic Imp. ad alterum modum constituendæ patriæ potestatis: quæ legitimatio dicitur, eo quod liberi extra nuptias suscepti hoc modo efficiuntur legitimi. & patris potestati subjiciuntur. Species legitimisationis tres sunt: nam aut per curiæ oblationem fit, aut per subsequens matrimonium, aut denique per rescriptum Principis, quarum duæ priores hic tantum proponuntur: tertius enim modus est ex legibus novellis. Sunt qui quartam speciem adjiciunt, *Gudelin. lib. 1. de jur. noviss. c. 16. Perez ad tit. C. de nat. lib. n. 16.* nominationem filii in testamento aliove instrumento habente subscriptionem trium testium à patre factam *Nov. 117. c. 2. unde auth. si quis C. de nat. lib.* sed ea probatio potius est matrimonii & præsumtio pro liberis, non quod facti, sed quod nati sint legitimi, quam proprius modus legitimandi.

[Qui dum naturalis] Objectum legitimisationis sunt liberi naturales: non omnes tamen, qui ita appellantur, aut appellari possunt. Nam primum hic non pertinent liberi ex justo matrimonio nati, qui & ipsi nobis naturales sunt, & ita appellari solent, quando adoptivis opponuntur, *pr. & §. sed si 7. tit. seq. §. 2. inf. de her. qua ab int. l. si pater 29. l. non potest 31. de adop.* Plerumque autem naturales liberi dicuntur, qui non sunt nati ex legitimo matrimonio, *tot. tit. C. de nat. lib.* Cæterum nonnulla hic inter patrem & matrem differentia est. Matri omnes sunt naturales, etiam ex illicitis & incestis nuptiis procreati, etiam vulgo quæsit, qui & matri succedunt ex SCo. *Orficiano, §. pen. inf. de sen. Orf.* Patri illi duntaxat, qui ex concubina suscepti, arg. *hujus §. DD. in l. pen. de concub. post Gloss. ibid.* Quod autem iidem DD. requirunt, ut mulier specie uxoris habeatur in domo, negantque in hoc argumento patri naturales esse, qui foris suscepti sunt, aut etiam domi ex famula; usus non observat; adeoque apud nos meliore conditione non est concubina, quam quævis alia quæ corporis sui potestatem alicui facit teste *D. Grotio 1. manduct. 12.* Igitur qui ex stupro, aut alia conjunctione, quam leges improbant, nascuntur, patri hic naturales non sunt, sed similes illis, quos mater vulgo concepit, quos constat non esse objectum legitimisationis, cum nec patrem demonstrare possint, *§. præc.* Quamvis inspecta rei veritate omnes, qui ex nobis nati sunt, licet vulgo quæsit, nobis sint liberi naturales; atque in iis, in quibus jus naturale inspicitur, ut in contrahendis nuptiis, pro talibus habeantur, *l. 4. §. 2. hac tit.* De natis ex contubernio servili nihil attinet dicere, cum eorum nulla mentio fiat in hac materia. Melior ramen eorum conditio fuisse videtur, quam natorum ex concubina: quia etiam jus succedendi iis datum est una cum liberis

legitimis *inf. de serv. cogn. in fin. pr.* Jure can. ut supra dictum est, etiam inter servos matrimonium est. Nobis ut servitus incognita, ita & servile consortium. Objectum igitur legitimisationis sunt liberi ex concubina nati: quod & legibus concubinatus permittitur, & ex eo nati certum partem habent.

[Postea curia datus] Primus legitimandi modus est oblatio curiæ. Curia in municipiis & coloniis idem erat, quod Romæ senatus, & decuriones, qui senatores; inde dicti, quod ex iis, qui in coloniam deducebantur, decima pars consilio publico five curiæ adscribebatur, auctore Pompon. *l. pupillus 239. §. decuriones de verb. sign.* In imp. constitutionibus vulgo curiales appellantur. Causam hujus legitimisationis impulsivam fuisse Horom. scribit, inopiam decurionum, eaque onera, quæ huic ordini, alioquin honorifico, satis gravia incumbebant, quibusque mancipabantur; ita nec ipsi nec eorum liberi inde eximi poterint, nisi certis modis, *l. 3. l. 4. l. 9. C. de natur. lib.* Naturalis quoque filia, si curiali uxor à patre data esset, jus filiazam adipisceretur *d. l. 3.* De hoc legitimandi modo latius agit Justinian. *Nov. 89. c. 2. & seqq.* nobis incognitis est; arque ab usu eum recessisse testantur *Mich. Grassi §. successio. quest. 19. n. 19. Gudelin. 1. de jure nov. 16. in fin. Kinschot de reser. gr. tr. 6. c. n. 1. Christin. vol. 3. decis. 145. n. 18.*

[Nec nonis, qui ex muliere libera] Secundus legitimisationis modus est, cum pater concubinam, ex qua liberos naturales habet, uxorem ducit. Nuptiarum quidem per se hæc vis est, ut liberi ex iis nati legitimi sint & in potestate patris: sed ut ante nati nuptiis subsecutis legitimi fiant, extrinsecus nuptiis accedit & à beneficio legis est, cujus solius potestate legitimi censentur, vid. de hoc originis paternæ confirmandæ modo *l. 10. C. de natur. lib. Nov. 89. c. 8.*

[Cujus matrimonium minimè interdictum] Hoc ex eo necessario efficitur, quod concubina uxor ducenda est. Satis est autem ut uxor esse possit, licet ad tempus impediatur, veluti si præses provincialem in concubinato habuerit, & finita administratione provinciæ eam uxorem ducat, *l. ult. de concub.* Nepotem etiam per subsequens avi matrimonium defuncto jam patre legitimum avo fieri censent *Corvar de matr. p. 2. c. 8. §. 2. n. 22. & seqq. Chassan. ad consuet. Burgund. tit. de success. rubr. 8. §. 5. n. 42. & seq. Fachin. 3. contr. 56. D. Tulden. comm. hic c. 4. & ad tit. C. de natur. lib. num. 4. & novissime D. I. Christen. diff. 3. de matr. q. 25.* Quod ego non video, quomodo procedere possit. Nam aut nepos & ipse naturalis est, & legitimus effici non potest, ne patre quidem vivente, nisi pater ipse suam concubinam uxorem duxerit: inauditum autem est filium

naturalem succedere in locum patris sui, & perinde legitimum fieri, avo concubinam, unde pater natus est, uxorem ducente, ut ipse filius fieret, si viveret. Aut natus est nepos ex iusta filii uxore, & legitima planè persona est, incognitaque jure nostro legitimatio ejus qui jam legitimus est, ad solum effectum succedendi. Sed & filio defuncto sublatum est medium, per quod matrimonii ab avo contracti effectus ad nepotem pertingat: falsum enim est, quod præsupponunt legitimationis hujus hanc esse vim, ut retrahatur tempus nuptiarum ad tempus natiuitatis. Nam si hoc verum esset, necessario sequeretur, filium ex concubina natum in jure primogenituræ præferri filio postea suscepto ex legitima uxore, mortua ante nuptias cum concubina contractas, de quo *Tiraquel. de jur. primogen. quest. 34. 10. Christen. diss. 3. de matr. quest. 23.* item liberos etiam non consentientes legitimos fieri, contra *Nov. 89. c. 11.* Nihil in contrarium facit, quod quis nepotem adoptare possit, etiamsi filium non habeat, §. *licet tit. seq.* Nam à diversis nulla illatio est: & omnino matrimonium cum concubina non potest legitimare liberos, nisi ex ea ipsa concubina natos, quæ & communior sententia est, *vid. Gail. 2. obs. 141. n. 9. Val. Forster. tr. de succ. ab int. lib. 1. quest. quib. cas. hi eff. cess. Bachov. in Treutl. vol. 1. diss. 2. thes. 7.*

Dotalibus instrumentis] Dotalia instrumenta hic accipere debemus instrumenta quævis nuptialia, etiamsi de dote danda nihil in iis cautum sit: alioqui sequeretur, natos ex paupere concubina, qui dotem dare non possit, hoc modo legitimari non posse, quod per quam durum est. Et Justinianus *l. 10. C. de natur. lib.* promiscuè hæc vocibus utitur: & alibi sæpe hæc instrumenta nuptialia *γαμικὰ σκευήματα* vocat duntaxat, §. *1. inf. de her. quæ ab int. Nov. 74. pr.* Quod autem in omnibus iis locis, in quibus hac legitimatio agit, horum instrumentorum perpetuo meminit, satis firmum argumentum est, iis non intervenientibus liberos ante natos non fieri legitimos. Verum quidem est, matrimonium solo consensu perfici: sed hic non tam queritur de matrimonio contrahendo, ejusve contractus propria vi & potestate, quam de effectu speciali legitimatationis, quem matrimonium non ex se, sed legis auctoritate habet, quæ solemnitate instrumentorum ad id desiderat: haud dubiè, ut liquido & perpetuo constare possit, non tantum, an ea, quæ concubina fuit, maritali postea affectu & pro uxore habita sit: verum etiam an liberi, & quinam legitimati sint, quod instrumento omnino inferendum, cum non alii, quam qui volunt, legitimentur. *Nov. 89. c. 11.* Male igitur argumentatur *Ant. Matth.*

Goll. lult. 2. diss. 1. thes. 25. Jure autem can. instrumenta nuptialia intervenire necesse non est *c. tanta, X. qui fil. sint legit.* sicuti nec moribus nostris, *D. Tuld. den. comm. hic c. 11. Perez ad tit. C. de natur. lib. n. 9. Christin. vol. 1. decis. 310. n. 11. & seqq.* quod tamen cum dicimus, non excludimus publicas futurarum nuptiarum denuntiationes, quæ in ecclesiis ex scripto rectandæ, *art. 1. ord. pol.* Matrimonium etiam in articulo mortis cum concubina contractum liberos ex ea susceptos retro legitimos facit *Gail. 2. obs. 141. n. 8. D. Tuld. ad tit. C. de natur. lib.* quod tamen apud nos non procedit sine dispensatione, propter *d. art. 3. ordin. pol.*

Quod & alius liberis. qui postea] Viciofa proculdubio hæc lectio est. Quis enim dubiter, eos liberos, qui ex iustis nuptiis procreati sunt, legitimos esse? Quamobrem cum Horom. lego; *Quod etsi nulli alii liberi ex eodem matrimonio nati fuerint, &c.* de quo dubitari poterat propter constitutionem Justiniani *l. 10. C. de nat. lib.* & dubitarum fuisse constat *ex l. 11. C. eod. ubi hæc controversia deciditur add. §. 2. inf. de her. quæ ab intest.*

Tertium genus legitimatationis postea accessit, nempe quæ fit per rescriptum Principis. Per rescriptum Principis legitimantur liberi naturales ad supplicationem patris qui legitimam prolem non habet, & concubinam uxorem vel non potest ducere, puta quia mortua sit, aut se subducat, vel non honestè, potest, ob vitæ scilicet turpitudinem, *auth. præterea C. de natur. lib. Nov. 74. cap. 2. Nov. 89. c. 9. & 10.* vel ad supplicationem filii, si pater eum hæredem instituit, vel testamento dixit, desiderare se ut natalibus restituatur, *d. c. 10.* Potest sanè Princeps ex plenitudine potestatis filium naturalem legitimum facere, etiamsi pater legitimos liberos habeat, aut matrimonium cum matre iniri possit. Cæterum non intelligitur Princeps id velle facere, nisi rescripto id nominatim comprehensum fuerit, *Myns. 1. obs. 31. Gail. 2. obs. 142. n. 8. Perez. ubi sup. n. 12.* Planè non rescinditur legitimatio semel concessa, quamvis postea ex iusto matrimonio soboles patri agnascat, *D. Tuld. ubi sup. num. 5.* Hæc legitimatio tantum in bonis legitimantis tribuit legitimo, quantum liberis legitimis jus nature, *decis. sup. Cur. Holl. 10.* Cognatos autem non tangere, exceptis iis, qui eam consentiunt; neque ad feuda pertinere, nisi id quoque nominatim cautum sit, notat *D. Grot. 1. mand. 12. add. Myns. 5. obs. 42. D. Kinschot. d. tr. 6. c. 5. n. 2.* Paulo plenius de hac specie legitimatationis deque clausulis, quæ rescriptis inseri nunc solent, tractat *D. Gudelin. de jur. noviss. lib. 1. cap. 15. add. D. Christ. vol. 1. decis. 199. num. 18. & vol. 3. decis. 145. D. And. Gail. d. observ. 142.*

TITULUS XI.

De Adoptionibus.

D. Lib. 1. Tit. 7. C. Lib. 3. Tit. 48.

1. Continuatio, summa tituli, tum quid si adoptio, & quam antiqua ejus origo.
2. Hodie adoptionem ab usu recessisse: sed in Germania aliisque nonnullis provinciis receptam unionem prolium, adoptionis quoddam simulacrum.



Xpofiti funt in fuperiori titulo duo priores modi conftituendi patriæ potestatis, nuptiæ & legitimatio: fequitur nunc tertius, adoptio. Adoptio eft actus legitimus quo in jus & locum filiarum tam, adfciscimus, qui nobis extranei funt, in folatium eorum, qui liberos non habent, *ἡγεῖται τῶν ὀρφανῶν ἀνείρων*, inventus Græcis vocabulo fignificantiore dicitur *ἡγεῖται*. Genus eft actus legitimus, five legis actio, l. 3. l. 4. hoc tit. l. 1. C. eod. quæ quid fit, dicemus inferius §. 1. hujus tit. Sequentia differentiam continent, qua hic actus à reliquis legis actionibus difcernitur, quales funt emancipatio, manumiffio, & fi quæ funt fimiles. Poftrema verba finem indicant, quem etiam Theophilus expreffit, & indicat Ulpian. l. 15. §. 2. hoc tit. itemque Cicero *orat. pro dom. fua*. Tria autem ferè funt, quæ hoc tit. tractantur. Primum dividitur adoptio in duas fpecies, quæ fuis definitionibus explicantur, tum docetur, qui adoptare adoptari vè poffint: poftremo, quæ fit vis utriusque adoptionis, oftenditur. Origine adoptionis antiquiffima eft. Non enim Romani folum, verum etiam Græci in folatium orbatis filios fibi adfciscere solebant, ut ex Æginetico Iſocratis, & Plutarcho in *Theſeo* liquet. Apud Hebræos quoque & Affyrios atque Ægyptios in ufu fuiſſe adoptionem, teſtes funt *Iofeph. 1. antiq. 15. Berof. lib. 5. deſtorat. Diad. Siculus 4. Biblioth.* Moſes à filia Pharaonis adoptatus traditur *Exod. c. 2.* Nec Franci olim nec Longobardi uſum adoptionis ignorarunt, ut ex Paulo Diacono & Trihemio obſervavit Greg. Tholoſanus lib. 10. *ſyntagm. c. 6.* Cæterum hodie jure veteri adoptionis non utimur: nam adſciti à nobis non pro liberis, ſed pro alumnis funt, hoc eft, eo loco, quo funt liberi alieni, quos ut noſtros enutrimus: quos quidem nihil prohibet etiam hæredes inſtituere, ut quemlibet extraneum, liberorum autem jure non cenſentur, nec agnationis. Apparet hoc ex effectis: nam & nuptiæ inter has perſonas conſiſtunt, ſicut cum alumna jure civili, l. ſi quis 26. C. de nupt. quo tamen jure neque filia patri adoptivo, neque ſoror adoptiva fratri, qui in ejuſdem patris poteſtate ſit,

nubere poteſt, §. 1. & 2. tit. prec. & necèſſe non eſt eas hæredes inſtituere aut exhæredare, ut jure Rom. liberos adoptivos, §. adoptivi inſ. de exher. lib. nec ad ſucceſſionem ab inſtituto vocantur, vel ut liberis, vel ut agnati aut cognati. De moribus harum regionum teſtantur *Grot. 1. manu. 6. Gudelin. 1. de jur. Nov. 15. Chriſtin. vol. deciſ. 185.* de conſuetudine Galliæ *Manſuer. de probat. num. 34. Tiraq. tract. de retract. gl. 8. §. 1.* ubi tradit nec jus gentilitii retractus adoptatis competere, & *Greg. Tholoſ. ubi ſup.* Fallitur ergo D. Eguin. Baro, dum ea, quæ de adoptionibus jure Rom. conſtituta ſunt, adhuc valere debere ideo contendit quod nihil de iis comprehenſum ſit legibus Gallorum propriis, conſtetque inter pragmaticos, quod jure proprio definitum non eſt, jure communi, hoc eſt, Romanorum dirimi; quo etiam conſtitutiones Principum nos identidem remittant. Etenim non minus de eo inter omnes pragmaticos convenit: ſi quando Principes jubent jus Rom. ſequi, ubi propriæ leges deficiunt, id ita accipiendum eſſe, ut locum duntaxat habeat, ſi jus Rom. generali & manifeſta deſuetudine abrogatum non ſit. Nam neque de ſervis quicquam cautum, propriis plerarumque regionum legibus reperimus: an ergo idcirco dicemus ſervitutem ibi tacite approbatam cenſeri? Quod ideo monere viſum eſt, ne quis in hujusmodi controverſiis hoc argumento ſibi imponi patiatur. In Germania paſſim, & nonnullis aliis provinciis conſuetudine recepta eſt imago quædam adoptionis, conjunctio five unio prolium, quas conjuges ex diverſis matrimoniis ſuſceperunt. In hoc contractu & magiſtratus auctoritas intervenire debet, & exacta cognitio adhiberi, præſentibus & conſentientibus conſanguineis, tutoribus & curatoribus, qui provideant, ne res ad concordiæ vinculum comparata diſcordiam inter liberos excitet in nimia facultatum inæqualitate, D. *Andr. Gail. 2. obſ. 125.*

T E X T U S.

Continuatio.

Non ſolum autem naturales liberi, ſecundum ea, quæ diximus, in poteſtate noſtra ſunt; verum etiam ii, quos adoptamus.

N O T Æ.

Quos adoptamus] l. 1. D. hoc tit. *Ulp. tit. 8.* Eſt autem

rem adoptio actus legitimus, l. 77. de reg. jur. quo in locum filii adsciscimus eum, qui nobis extraneus est, ad eorum, qui liberos non habent, solacium inventus, Theoph. Græcis verbo significantiore dicitur *ὑιοθεσία*. Origo ejus antiquissima. Vid. Greg. Thol. 10. *synagm.* c. 6.

COMMENTARIUS.

Fallosam. non solum natura, verum etiam adoptiones faciunt, l. 1. *hoc tit.* Per naturales liberos hoc loco intelligi oportet eos, qui sunt ex justis nuptiis procreati: ea enim perpetua est naturalium liberorum significatio, cum opponuntur adoptivis, utpote legitimis tantum, & diversæ ejusdem generis speciei, §. *sed si. 7. inf. eod.* §. *adoptivi. 4. inf. de exher. lib.* §. 2. *inf. de inf. de inoff. test. l. non potest. 3. 1. hoc tit. l. 2. §. liberi 6. ad senat. Tert.* At cum naturales opponuntur legitimis in genere, qui legitimi non sunt, significantur & naturales duntaxat, §. *ult. tit. superioris tot tit. C. de natur. lib.* quod & in voce parentis aut patris naturalis similiter observandum.

TEXTUS.

Divisio adoptionis.

1. *Adoptio autem duobus modis fit; aut Principali rescripto, aut imperio magistratus. Imperatoris auctoritate adoptare quis potest eos, easve, qui, quæve sui juris sunt, quæ species adoptionis dicitur adrogatio. Imperio magistratus adoptamus eos easve, qui quæve in potestate parentum sunt; sive primum gradum liberorum obtineant, qualis est filius, filia, sive inferiorem, qualis est nepos, neptis, pronepos, proneptis.*

NOTÆ.

Duobus modis] Ex Cajo l. 2. D. *hoc tit.*

Principali rescripto] Hoc stante repub. auctore populo fiebat comitiis curiatis. Gell. lib. 5. c. 19. Gruch. 3. de comit. Rom. 3.

Imperio magistratus] Apud quem est legis actio, l. 4. *cod. l. 1. C. cod. l. 3. D. de off. procons.* Hæc species generis nomen retinet, ut sæpe alias, cum proprium nomen deest. Boët. ad top. lib. 2. *Fit vero id sæpe, ut species iisdem nominibus nuncupentur, quibus & genera.*

COMMENTARIUS.

1. *Adrogationes olim non nisi auctore populo comitiis curiatis fieri solitas: & ideo mutato statu reip. Principis auctoritatem in hoc actu necessariam fuisse.*

2. *Adoptio in specie apud quos, quo ritu olim fieret, & quomodo nunc fiat.*

Duæ sunt species adoptionis, quarum altera adrogatio dicitur, altera quia proprio caret, generis nomine adoptio appellatur, quod in jure nostro frequenter usu venit. Nam cum plura sint negotia, quam vocabula, l. 4. de præscr. verb. sæpe fit ut verba, quæ vi sua generalem significationem habent, ex instituto loquentis certam speciem indicent, eam nimirum, quæ proprio nomine destituitur, & cui ferè tum species ejusdem generis, quæ proprium nomen habet, opponi aut apponi solet, ut observare licet in vocibus cognationis, servitutis, contractus, actionis & sexcentis aliis. Adrogatio est adoptio eorum qui sunt sui juris, facta auctoritate Principis. Duo igitur sunt hujus adoptionis propria; primum quod eorum tantum est, qui sui sunt juris: alterum, quod fieri debet auctoritate Principis. Cur vero Principis auctoritas in hoc actu necessaria? Nimirum quia, antea populi fuit. Nam jure à moribus prodito nemo, qui sui juris erat, in alienam potestatem transire poterat; nisi populus auctor fieret. Comititia præbebantur curiata, arbitri erant pontifices: formula hæc; *Velitis, jubeatis, Quirites, uti L. Valerius L. Titio tam jure legeque filius fiet, quam si ex eo patre matreque familias ejus natus esset: utique ei vitæ necisque in eo potestas fiet, uti patri endo filio est.* Gell. 5. cap. 19. Gruch. 3. de comit. Rom. 3. Porro rogabatur & qui adoptabat, & qui adoptabatur, ille an vellet eum, quem adoptaret, sibi justum filium esse; hic, an id fieri pateretur: unde & adrogationem, dictam esse scribit Cajus l. 2. *hoc tit.* Et haud dubie inde est, quod adrogari non potuit, nisi jam vesticeps: nam impubes, quem investem dicebant, auctor in eam rem propter ætatem fieri non poterat; neque tutoribus tanta erat potestas, ut caput liberum fidei suæ commissum alienæ ditioni subjicerent. Et quia cum foeminis nulla comitiorum communio erat, nec mulier adrogari poterat. Gell. d. loc. Cic. pro dom. Hæc, inquam, stante adhuc repub. Cujus statu mutato, quod jus populi fuit, Principes usurparunt, ex quorum rescriptis & foeminae & impubes etiam adrogari cœperunt, l. nec ei 17. cum seqq. *hoc tit. Npian. tit. 8. §. 4.* Adoptio in specie eorum est, qui sunt in potestate, sitque auctore patre, qui in potestate habet, apud Magistratum, apud quem est legis actio, l. 4. *hoc tit. l. 1. C. cod. l. 3. de off. procons.* Legis actio est id, quod fit ex præscripto & forma legis cum solemnibus ad rem aliquam peragendam constitutis: quibus solemnibus peragendis si lex magistratum designaret, penes eum dicebatur esse legis actio. Cæterum, etiam apud Principem rectè lege agi ostendit l. ult. C. de his qui à non dom. man. & quemadmodum hujusmodi actus, cum sint voluntariæ jurisdictionis, quavis aliis

magistratus apud se expedire potest, l. 4. hoc tit. l. 2. de offic. prætor. ita & Princeps tanquam summus magistratus. Quo pertinet, quod de Augusto refert Sveronius; *Tajum & Lucium*, inquit, adoptavit domi per assensum & libram emptos à patre Agrippa. De hac specie adoptionis ita scribit Gell. d. loc. Adoptantur, cum à parente, in cuius potestate sunt, tertia mancipatione in jure ceduntur, atque ab eo, qui adoptat. apud eum, apud quem legis actio est, vindicantur. Interveniebant tres mancipationes, sed duæ tantum manumissiones l. ultim. C. hoc tit. Nam si filius ter venditus, tertio quoque manumissus fuisset, ut in libtorum emancipatione sui juris tertia manumissione factus esset. Itaque tertio ita vendebatur ac mancipatur adoptatori, ut ei in jure cederetur, isque illum tanquam filium suum assereret, & jure Quiritium, ad instar quodammodo servi, vindicaret: quod jus patrem ex lege Quiritium habuisse testatur *Vlpian. l. 1. §. 2. de rei vind.* Cæterum, tres hæ mancipationes & duæ manumissiones infiliorum duntaxat adoptionibus necessariæ erant; filiae autem & cæteri liberi una tantum mancipatione à potestate patris sui exhibant, & potestati patris adoptivi subijciebantur, d. l. ult. C. hoc tit. Quæ omnia procedente tempore, per imaginariam mancipationis solemnitatem expediri cæperunt, §. 6. tit. seq. quæ & ipsa postea à Justiniano sublata, constitutumque, ut pater, qui liberos suos in adoptionem dare desiderat, hoc ipsum actis intervenientibus solummodo apud competentem judicem manifestet, præsentem eo, qui adoptatur, & non contradicentem, nec non eo præsentem, qui adoptat, d. l. ult. & §. antepen. inf. eod. De mancipationis solemnibus studiosi antiquitatis consulant *Boet. in Top. Cic. Revard. c. 16. ad l. 12. Tab. Brisson. lib. 1. antiq. cap. 7. de legis actionibus, & lib. 4. antiq. c. 20.*

TEXTUS.

Qui possunt adoptare filiumfamilias, vel non.

2. Sed hodiè ex nostra constitutione, cum filiusfamilias à patre naturali extraneæ personæ in adoptionem datur, jura patris naturalis minime dissolvuntur; nec quicquam ad patrem adoptivum transit, nec in potestate ejus est: licet ab intestato jura successionis ei à nobis tributa sint. Si verò pater naturalis non extraneo, sed avo filii sui materno, vel si ipse pater naturalis fuerit emancipatus, etiam avo vel proavo simili modo paterno vel materno

filium suum dederit in adoptionem; in hoc casu, quia concurrunt in unam personam & naturalia & adoptionis jura, manet stabile jus patris adoptivi & naturali vinculo copulatum, & legitimo adoptionis modo constitutum, ut & in familia & in potestate hujusmodi patris adoptivi sit.

COMMENTARIUS.

Lim quavis adoptione jus patris naturalis extinguebatur, isque, qui in adoptionem, etiam extraneæ personæ dabatur, in patris adoptivi familiam & potestatem transibat. Ex quo jure cum non levia incommoda consequi Justiniano viderentur, propterea quod fieri poterat, ut filius & patris naturalis successionem amitteret propter adoptionem, & patris quoque adoptivi, adoptione per emancipationem soluta, §. sed ea omnia 14. inf. de her. quæ ab intest. l. pen. C. hoc tit. (ego unum tantum casum invenio, nimirum si filius post mortem patris naturalis emancipatus esset, §. at hi. 10. inf. d. tit.) His incommodis sic occurri posse credidit; si jura patris naturalis integra servarentur, quando filius extraneæ personæ in adoptionem daretur, quod & effecit constitutione sua, d. l. pen. Extraneam autem personam intelligit omnem, quæ extra lineam parentum sit: unde qui à patruo aut avunculo adoptati sunt, perinde haberi debent, ac si à quovis extraneo adoptati forent.

Licet ab intestato jura success.] Hoc ei à Justiniano specialiter tribuitur. Cæterum impunè à patre hujusmodi adoptivo præteriti potest, alio hærede instituto, d. l. pen. §. sed ne d. §. sed ea omnia inf. de her. quæ ab int.

Etiam avo vel proavo simili modo paterno vel materno] Legendum; *Etiam avo paterno, vel proavo simili modo paterno vel materno.* Non tam quia ita legitur in d. l. pen. unde hæc transumpta sunt, quam quod hanc lectionem flagitat manifesta ratio juris.

Legitimo adoptionis modo constitutum] In d. l. pen. legitur; *legitimo adoptionis modo constitutum.* Notant hic interpp. duo vincula fortius ligare, quam unum. Sed aliud significare voluit Justinianus, nempe concurrente hujusmodi naturali vinculo cum civili adoptionis, cessare merum superioris incommodi,

TEXTUS.

De adrogatione impuberis.

3. Quum autem impubes per principale rescriptum adrogatur, causa cognita adrogatio fieri

fieri permittitur: & exquiritur causa adrogationis, an honesta sit, expediaturque pupillo & cum quibusdam conditionibus adrogatio fit; id est, ut caveat adrogator persone publicæ, si intra pubertatem pupillus decesserit, restitutum se bona illis, qui, si adoptio facta non esset, ad successionem ejus venturi essent. Item non aliter emancipare eum potest adrogator, nisi causa cognita dignus emancipatione fuerit; & tunc sua bona ei reddat. Sed & si decedens pater eum exheredaverit, vel vivus sine justa causa emancipaverit, jubetur quartam partem ei bonorum suorum relinquere, videlicet præter bona, que ad patrem adoptivum transtulit, & quorum commodum ei postea acquisivit.

NOTÆ.

Causa cognita] Causæ cognitio olim à collegio Pontificum. Cic. *pro dom.* hodie à magistratu exercetur, adhibito consilio propinquorum & tutoris auctoritate, l. 2. C. eod. l. ult. C. de auct. pref. in adrogatione puberum, etiam curatoris, l. 8. D. de hoc tit. quibus in reb. versetur, docet Ulp. l. 15. §. pen. & ult. l. 17. per tot. eod.

Personæ publicæ] Manuscripti, testib. Cujac. Hot. Pac. *Personæ publicæ*, id est, tabulario. Theophil. ἐν δημοσίῳ πρῶτον, ἢ ἐν τῇ ταβουλᾷ. Tabulario autem non agnatis: quoniam incertum est, quis tempore mortis pupilli proximior futurus sit, eique ab intestato successurus Schol. Theophili.

Dignus emancipatione] Et hoc casu quartam, de qua mox, perdit, l. ult. D. si quid in fraud. patron.

Et tunc sua bona] Abusivè, ut sæpè alibi, pro bona ejus, impuberis scil. adrogati. Pac.

Quartam partem] Ex constitutione D. Pij, l. 8. §. 15. D. de inoff. test. l. 1. §. 21. D. de collat. d. l. ult. si quid in fraud. patron. Est autem hæc secundum Gloss. & DD. non omnium bonorum adrogatoris quarta, sed debite ab intestato portionis, arg. l. 8. §. 8. de inoff. test. quod & Græcos sensisse argumentum est, quod quadrantem in trientem mutaverunt ex novo jure. Fabrot.

Relinquere] Rectè relinquere, ut intelligamus non prius eam deberi, quam adrogator decesserit, d. l. 1. §. 21. de collat.

COMMENTARIUS.

2. In adrogatione impuberum quæ cognoscenda & excutienda.

2. Quid cui caveat adrogator, cum ad quos ea res pertineat.

3. Virum quarta, que vulgo D. Pij, sit quarta partem bonorum adrogatoris, an portionis ab intestato impuberi debita, & si hoc, num etiam illa aucta censeri debeat.

Impuberes antea adrogari non potuerunt, ut supra indicavimus; nunc autem possunt ex constitutione D. Antonini, auctore Ulpian. in fragmentis. 8. sed non aliter, quam causa apud magistratum cognita, l. si paterfam. 15. §. 2. hoc tit. l. 2. C. eod. Causæ cognitio in multis vertitur. Primum excutiendum, quæ sine facultates pupilli, quæ ejus, qui eum adoptare volet: deinde cujus vitæ sit & quibus moribus adrogator: tertio cujus ætatis, an non melius sit, cum de liberis procreandis cogitare, quam ex aliena familia sibi filium accersere; adhuc num liberos habeat justis nuptiis procreatos, quorum spem sine magna causa diminui non oportet: postremo etiam conjunctio spectatur, nec facile cuiquam pupillum adrogare permittitur, nisi quem vel naturali cognatione, vel aliqui sanctissima affectione duci appareat, d. l. 15. §. 2. l. 17. eod. Pleraque tamen hæc capita communia videntur fuisse cum puberum adrogationibus, ut illa de ætate, liberis, moribus & facultatibus adrogatoris. Certè olim apud Pontifices hæc etiam in adrogationibus excussa fuisse arguit locus Ciceronis in orat. pro dom. Quid, inquit, est jus adoptionis, Pontifices? Nempe ut is adoptet, qui nec jam procreare liberos possit, & cum possit, sit expertus: tum ne qua calumnia, fraus aut dolus adhibeatur. Causa autem nunc cognoscitur à magistratu, adhibito consensu propinquorum pupilli, l. 2. C. eod. & tutorum quoque auctoritate, l. ult. C. de auct. pref. In minorum quoque adrogatione post constitutionem Claudii curatoris auctoritas intercedere debet, l. 8. eod.

Ut caveat adrogator persone publicæ] Hoc propriè servatur in adrogatione impuberis. Caveat; nimirum satisdato, id est, fidejussoribus datis, l. non aliter 18. cum 2. seqq. eod. Caveat autem non ipsis, sed ad quos ea res perventura est, sive quod incerti sint, sive quod non omnes sunt ij, qui sibi stipulari possint: sed persone publicæ, hoc est, tabulario sive scribæ curiarum aut magistratum municipalium, qui aliis stipulando acquirere potest. Servos olim publicos fuisse, constat d. l. 18. l. 2. rem pup. salvo. for. l. ult. C. de servo. reip. man. Primi Arcadius & Honorius caverunt, ne servi tabulario præficiantur, l. 3. C. de tabul. lib. 10. ubi Cujac. Sed et si ommissa fuerit satisdatio, utilem nihilominus actionem in adrogatorem dari, responsum est, l. 19. §. 1. hoc tit.

Ad successionem ejus venturi essent] Pars hæc cautionis in d. l. 18. ita concepta est, *ad quos ea res perventura est*, & in l. 19. seq. *ad quos ea res pertinet*. quibus verbis significantur non ii tantum, qui ad successionem impuberis venturi sunt, quales sunt hæredes impuberis, sive illi ab intestato veniant, sive secundis tabulis à patre pupillo dati: sed etiam legatarii & servi, quibus secundis tabulis legata aut libertates datæ: in summa omnes, ad quos aliquid perventurum fuisset, si adrogatus mansisset in suo statu, *dd. li.* Habet autem hæc cautio locum, si adrogatus impubes decesserit l. *hæc autem* 20. *ead.* adveniente vero pubertate evanescit, perindeque habetur, ac si jam pubes adrogatus esset; quo casu cautio non est necessaria, cum quivis pubes sui adhuc juris ipse testamentum facere cognatosque excludere possit, l. 5. *qui test. fac.*

Dignus emancipatione] Puta si quid comiserit adversus patrem adoptivum, propter quod merito è domo ejici aut exhæredari posset. At quæ causa est, quod nihilominus tam impio filio bona sua restituntur? Hoc mannus existimat, id constitutum esse ad vitandam omnem improbitatis suspicionem, qua alioqui pater adoptivus facile onerari posset.

Decedens exhæredaverit] Intelligerem, sine justa causa: nam si justa exhæredationis causa sit, non video cur præter bona sua aliquid recipere debeat, aut plus, quam cum ex justa causa emancipatur. Sed ob stare videtur responsum *Ulpian. in l. 8. §. si quis 13. de inoff. test.* & obici potest quod cum justam causam haberet adrogator, eum vivus non emancipaverit.

3. *Quartam partem*] Hæc quarta vulgo D. Pii appellatur; eamque interpp. arbitrantur non esse quartam omnium bonorum adrogatoris, sed tantum portionis ab intestato impuberi debitæ, nimirum eam ipsam ejusdemque quantitatæ, quæ debetur aliis liberis, arg. d. l. 8. §. *quoniam*, 8. *de inoff. test.* Et certe nulla dari ratio potest, quamobrem D. Pius meliorem esse conditionem voluerit adoptivorum, quam naturalium, aut emancipati exhæredarivæ, quæ ejus, qui sine nota in familia mansit, & hæredis; quem videlicet pater vel instituit, vel ab intestato hæredem reliquit datis fideicommissis, cui præter quartam partem debitæ ab intestato portionis nihil deberi in confesso est. Plerique tamen recentiorum secus sentiunt, propterea quod textus simpliciter loquuntur de quarta bonorum, l. *ult. si quid in fraud. patron. l. 2. C. hoc tit.* Sed responderi potest, eam quartam portionis ab intestato debitæ ἀναλόγῳ quartam bonorum dici posse, sicut legitima liberorum, quæ & ipsa quarta pars illius portionis est, quarta bonorum dicitur, l. 6. *C. de inoff. test.* vel potius quia

ferè unus tantum adrogari solet, & nemo adrogare, nisi qui liberos non habeat, l. 15. *in fin. l. nec ei* 17. §. *pen. hoc tit.* De illo non convenit inter interpp. qui quartam hanc faciunt partem portionis ab intestato debitæ, an hæc quarta etiam aucta sit Nov. 18. Negat Mynsing, sed argumentis parum solidis. Ait, quartam eorum duntaxat d. *Nov.* auctam dici, quibus antea querela inofficiosi testamenti competebat: adrogato autem non competiisse, d. l. 8. §. *si quis* 15. In quo fallitur, Nam certè ante D. Pii constitutionem non minus adrogato impuberi, quam cæteris querela competiit Divus autem Pius non minuit jus adrogari, sed auxit, ut ei querela jam non sit necessaria, sed proprio & meliori jure quartam sibi debitam obtinere possit, d. l. 8. §. *si quis* 15. Hoc & Græcos sensisse, argumento est, quod illi τὸ τέταρτον μὲν, quod Theophilus, ut paraphrastes, hic retinuit, ex novo jure mutaverunt in τὸ τρίτον. *Mich. Psel. Synops.* Quod adjicit Mynsing, in correctoriis nullam extensionem admittendam esse, quamvis par ratio subsit, aut etiam major: verum non est, præterquam in iis constitutionibus, quæ à ratione juris & æquitatis recedunt: quæ de re, qui volet, consulat D. *Pres. Everh. in topic. loc. 79.* Itaque verior mihi videtur eorum sententia, qui hanc etiam quartam auctam esse censent, ne pupillo noceat, quod in favorem & commodum ejus constitutum est, D. *Bachov. post Porc. & alios hic.*

TEXTUS.

De ætate adoptantis & adoptati.

4. *Minorem, natu majorem non posse adoptare, placet: adoptio enim naturam imitatur, & pro monstro est, ut major sit filius, quam pater. Debet itaque is, qui sibi filium per adoptionem aut adrogationem facit, plena pubertate, id est, decem & octo annis præcedere.*

NOTÆ.

4. *Minorem natu*] Ex l. 15. §. *ult. cum* seq. l. 40. §. 1. *D. eod.*

COMMENTARIUS.

Adoptio naturæ imago & similitudo quædam est, l. *filio* 23. *de lib. & post.* unde cum alia multa, tum hoc quoque provenit, quod majorem natu minor adoptare non possit, cum per naturam filius non possit esse major patre. Quæ de causa Clodii adoptionem jure exagitat Cic. *pro dom.*

dom. Factus ei, inquit, filius ejus (Fontei) *contra fas, ejus per aetatem pater esse potuisti, & familia mox sequuntur.*

Plena pubertate, i. decem & octo annis] *l. adrogato 40. §. 1. hoc tit.* Cur autem octodecim annis? Nam si nuptiæ post annum decimum quartum contrahi possunt, potest & quis filium habere ante hanc aetatem. Sed nimirum quia rarissime accidit, ut masculi ante annum octavum decimum ad plenam pubertatem perveniant, & liberos suscipiant, minor aetas in adoptione insuper habita est, juxta *l. 3. 4. & 5. de legib.* Mysingeri ratio nulla est, id ideo placere, quia in adoptionibus, in quibus res per electionem agitur, firmitate opus sit judicii, quasi non nisi anniculi aut bimuli adoptarentur. Nimirum etsi pubertatis initium est anno 14. *infr. quib. mod. tut. fin.* maturitas tamen demum anno 18. *l. adrogato 40. §. 1. h. t. Paul. 3. sent. 4.* atque hac aetate pubescunt etiam *οἱ βεβηκότες* Theoph. in specie *l. 14. pr. de asim. leg.* est favor alimentorum.

TEXTUS.

De adoptione in locum nepotis vel neptis.

5. *Licet autem* *§ in locum nepotis vel neptis, pronepotis, vel proneptis, vel deinceps, adoptare, quamvis filium quis non habeat.*

NOTÆ.

5. *In locum nepotis*] *Ex Paulo l. 37. hoc tit. Ulp. tit. 8. §. 6.*

Quamvis filium non habeat] Sufficit enim habere filium posse, & per aetatem ex eo nepotem: non enim actus, sed naturalis potestas inspicitur.

COMMENTARIUS.

Quamvis filium quis non habeat] *l. adoptare 37. l. adoptiones 43. hoc tit.* Dixeris, hoc pugnare cum eo, quod ante dictum est, adoptionem imitari naturam: Natura enim fieri non posse, ut quis nepotem habeat, qui filium non habet. At, inquam, sufficit habere posse; hoc est, ejus me ætatis esse, ut & filium & ex filio nepotem ea ætate habere potuerim, qua est is, quem adoptare volo. Nam & qui uxorem non habet, filium adoptare potest; quamvis sine uxore pater esse non possit, *l. & qui 30. eod.* Duplex igitur hic fictio est. De duplici fictione circa idem vid. *Vand. 2. quest. 4.*

TEXTUS.

De adoptione filii alieni in locum nepotis & contra.

6. *Et tam filium alienum quis in locum nepotis adoptare potest, quam nepotem in locum filii.*

COMMENTARIUS.

Qui filius est patri naturali, potest per adoptionem nepos fieri patri adoptivo, & contra: Nam, ut bene Theophilus, necesse non est, ut qui adoptatur, eundem ordinem gradumque, quem apud patrem naturalem habet, servet apud patrem adoptivum.

TEXTUS.

De adoptione in locum nepotis.

7. *Sed si quis nepotis loco adoptet, vel quasi ex filio, quem habet jam adoptatum, vel quasi ex illo, quem naturalem in sua potestate habet, eo casu § filius consentire debet, ne ei invito. suus heres agnascatur. Sed ex contrario, si avus ex filio nepotem det in adoptionem, non est necesse, filium consentire.*

NOTÆ.

7. *Si quis nepotis loco*] *Ex Paulo l. 6. & l. 11. eod.*
Ne ei invito suus heres] Eadem ratione & nepoti uxorem ducenti etiam filius consentire debet, *l. 16. §. 1. D. de ript. nupt.*

COMMENTARIUS.

Filius consentire debet] Nimirum si nepos adoptetur quasi ex Lucio filio, verbi causa, natus. Nam si simpliciter adoptetur & tanquam ex incerto filio, nullius consensus desideratur: quia tunc cessat ratio juris, quæ consensum requirit, de qua, mox, *l. adoptiones 43. & seq. hoc tit.* Quid ergo, si nepotem adoptem tanquam ex Lucio filio meo natum; isque filius meus auctor non fuerit? an hæc adoptio planè nulla erit? an perinde habendum, ac si simpliciter facta fuisset? quod magis probò cum D. Contio 1. *subces. lect. in fin. arg. l. 11. hoc tit.* N in cum Jurisconsultus ibi de proposita specie hoc filium respondeat, me mortuo non fore nepotem in potestate filii, satis indicat adoptionem quoad cætera valere.

Ne ei invito] *l. 6. eod.* Non videbatur consensus filii exquirendus propter jus potestatis, quod summum pater in filium habet. Sed nimirum vis ad-

optionis seu agnatio sui heredis in id tempus confertur, quo patre mortuo filius jam sui juris & paterfamilias factus est.

Non necesse est filium] Quia nimirum nepos non in patris sui, sed in avi potestate est. Potestatis autem tanta vis fuit apud Romanos, ut avus nepotem inconsulto filio, tamen id durum est, alii in adoptionem dare potuerit.

TEXTUS.

Qui dari possunt in adoptionem.

8. *In plurimis autem causis adsimilatur is, qui adoptatus vel adrogatus est ei, qui ex legitimo matrimonio natus est, & ideo, si quis per Imperatorem, vel apud prætorem, vel præsidem provincie non extraneum adoptaverit, potest eundem in adoptionem alii dare.*

NOTÆ.

In adoptionem alii dare] Eodem jure, quo id permissum patri naturali.

COMMENTARIUS.

In principio hujus tituli dixit, non solum naturales liberos in potestate nostra esse, sed etiam eos, quos adoptavimus: unde sequitur, quemadmodum illi in adoptionem alii dari possunt, ita & hos posse. In adrogatione nihil mutatum; ac ne in adoptione quidem in specie sic dicta, quando non adoptatur extraneus. At cum extraneus adoptatus est, is alii rursus in adoptionem dari non potest: cum ex constitutione Justiniani nihil juris in hunc pater adoptivus habeat, *l. pen. C. hoc tit. §. 2. sup. eod.* eamque ob causam verba hæc à Triboniano hic addita sunt, *non extraneum*.

TEXTUS.

Si is, qui generare non potest, adoptet.

9. *Sed & illud utriusque adoptionis commune est, quod & ii, qui generare non possunt, quales sunt spadones, adoptare possunt: castrati autem non possunt.*

NOTÆ.

9. *Quales sunt spadones*] Quia hi sublato vitio corporis liberis procreandis operam dare possunt, *d. l. 2. §. 1. l. 40. §. 1. eod.* & ideo uxorem quoque possunt ducere, *l. 39. §. 1. D. de jur. dot.* natura enim magis in homine generandi & conservando spectanda est, quam temporale vitium, *l. 9. D. d. lib. & post.* Spado-

nes, *οἱ ψύξιν τῶν γονιμῶν μορίων ὑποσάντες*, *Gloss. jur.* Interdum spadonum appellatione etiam castrati comprehenduntur, *d. l. 39. §. 1. de jur. dot. l. 128. de verb. sign. & ibi Alciat.*

Castrati non possunt] Neque enim in testes vim generalem affundere queunt; neque remedio in his locus. Leo tamen permisit. *Novel. 26.*

COMMENTARIUS.

Qui generare possunt] Id est, qui propter vitium aliquod, quod tamen sanabile sit, procreare non possunt: quales hic perhibentur esse spadones: qua quidem appellatione nonnunquam & castrati continentur, id est, intestes, alique, quibus vis generandi in totum adempta, ut in *l. si serva. 39. §. 1. de jur. dot. l. 4. §. 2. ad leg. Corn. de sic. l. spadonum 128. de verb. sign. ubi Alciat.* Ceterum non raro & in specie accipitur, atque ad eos coangustatur, qui ob impedimentum temporale, & quod tolli queat, generare non possunt. Ita usurpatur à *Pomp. l. 6. §. 2. de adil. edict. à Marcian. l. 14. §. ult. de man. vind.* itemquem à *Cajo l. 2. §. 1. hoc tit. Glossæ juris*: Spadones, *οἱ ψύξιν τῶν γονιμῶν μορίων ὑποσάντες*. Imperator Leo etiam castratis adoptare permisit, ut injuriam illis illatam hoc solatio compensaret, *Novel. 26. & seq.*

TEXTUS.

Si fœmina adoptet.

10. *Fœminæ quoque adrogare non possunt, quia nec naturales liberos in sua potestate habent: sed ex indulgentia Principis ad solatium liberorum amissorum adoptare possunt.*

COMMENTARIUS.

Adrogatio & adoptio jure veteri in eo discrepabant, quod fœminæ adrogari non poterant: quia, ut supra diximus, adrogatio auctore populo in comitiis fiebat, quorum nulla cum fœminis communio. Adoptari autem non vetabantur. Nunc vero ex rescripto Principis etiam adrogari possunt, *l. 21. hoc tit.* Adrogare autem vel adoptare nec olim poterant, nec non possunt. Ratio redditur à Justiniano, quia nec naturales liberos in potestate habent: quasi diceret, absurdum esse, ut majorem vim habeat fictio, quam rei veritas; adoptio, quam natura. Claudicare tamen videtur hæc ratio in extraneo adoptante, in cujus potestate licet adoptatus non sit, tamen constat adoptio ex constitutione Justiniani §. 2. *sup. eod.*

Ex indulgentia Principis] *l. si suspecta 29. §. quoniam de inoff. test.* non tamen ut filium habeant in potestate.

testate, sed ut solatiū orbitatis & hæredem. Duo-
bus igitur casibus filios tantum facit adoptio; si fœ-
mina jussu Principis adoptaverit; item si extra-
neus à patre naturali filium in adoptionem acce-
perit. Cæteri sunt filiamfam.

Ad solatiū liberorum amissionem] Transcriptum
hoc ex l. 5. C. eod. & de viduis haud dubiè intelligen-
dum: neque enim nuptis concedendum existimo,
ut seorsum sibi liberos adoptent. Imp. Leo & sine
hac conditione fœminis adoptare permisit, etiam
virginibus. *Nov. Leon. 27.* quæ in oriente recepta,
Harmonop. lib. 2. tit. 8. §. 4.

T E X T U S.

De liberis arrogati.

11. *Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris sub-
jicitur, sed etiam liberi ejus sunt in ejusdem potestate, tanquam nepotes. Sic etenim D. Augustus non ante Tiberium adoptavit, quam is Germanicum adoptasset; ut protinus adrogatione facta, inciperet Germanicus Augusti nepos esse.*

N O T Æ.

11. *Per sacrum oraculum*] Per Principem, l. 2. eod. per Principis rescriptum, l. 6. C. eod. Periphrasis est adrogationis.

Sed etiam liberi ejus] l. 15. l. 40. eod. nimirum tanquam sequela, & una cum patre adrogato capite minuuntur, l. 3. D. de cap. minur. quod in adoptione non similiter contingit l. 28. hoc tit.

C O M M E N T A R I U S.

Quod hoc §. proponitur, proprium effectum est adrogationis, nempe non solum eum, qui adrogatur, transire in potestatem patris adoptivi: sed etiam liberos, qui in ejus potestate erant, tanquam nepotes, l. adrogato 40. eod. In adoptione autem hoc non similiter contingit, in qua is tantum transit, qui adoptatur, non etiam liberi ejus. Ratio differentiæ in promptu est: nam in adoptionem dantur filiisfam, quorum liberi sunt in potestate alterius, nempe ejus, qui in adoptionem dat: ideoque etiam in illius potestate remanent, l. liberum 28.

eod. Adrogantur autem patresfam. qui cum ipsi liberos suos in potestate habeant, nihil mirum, si secuta etiam illos in familiam & potestatem alienam transferant, l. pen. §. 2. de bon. poss. sec. tab.

Quam is Germanicum adoptasset] Dubitaverat Augustus Germanicum sororis nepotem & cunctis laudatum rei Romanæ imponere: sed precibus uxoris evictus Tiberio Germanicum, sibi Tiberium adscivit. auctor Tacit. 4. annal. & Sueton. in Tib. c. 15. scribit, Tiberium prius coactum fuisse Germanicum adoptare, quam ipse ab Augusto adoptaretur. Simile exemplum habemus apud Capitolin. in Antonin.

T E X T U S.

De servo adoptivo vel filio nominato à Domino.

12. *Apud Catonem benè scriptum refert antiquitas, servos, si à domino adoptati sint, ex hoc ipso posse liberari. Unde et nos eruditi in nostra constitutione etiam eum servum, quem dominus actis intervenientibus filium suum nominaverit, liberum esse constituimus: licet hoc ad jus filii accipiendum non sufficiat.*

C O M M E N T A R I U S.

Apud Catonem] Partum refert, apud Marcum & Catonem, Principem familiæ Porciæ, hoc scriptum fuerit, an apud filium ejus. Ambo sanè & Jurisconsulti fuere, & libros de jure civili reliquerunt, filius etiam plurimos, teste Pomp. l. 2. §. post hos 38. de orig. jur.

Ex hoc ipso liberari] Satis apparet, his verbis Justinianum significare velle, servos à domino adoptatos non jus filiorum, sed libertatem duntaxat consequi: atque inutilem quidem esse hanc adoptionem, sed vim tamen manumissionis habere. Nec dissimile admodum est quod Ulpian. scribit, inutilem acceptilationem habere vim pacti sive utile pactum, l. 8. de accept.

Nostra constitutione] l. un. §. 10. C. de Lat. lib. toll.

Actis intervenientibus] Id est, apud acta, coram magistratu in jure l. 2. ff. de appell. l. 3. C. de fid. castum. D. Horomannus putat, necesse esse, ut dominus servum ad magistratum deducat, & testato denuntiet, se velle eum pro filio habere, utque acta super eo conficiantur.

TITULUS XII.

D. Lib. 1. Tit. 7. Nov. 81.

Quibus modis jus Patriæ potestatis solvitur.

Ratio ordinis & summa tituli.



Os hic est perpetuus Jurisconsulto-
rum, ut expositis iis, quæ ad consti-
tutionem alicujus rei valent, subji-
ciant contraria, sive ea, quæ ad ejus
imminutionem aut dissolutionem
pertinent. Itaque cum hætenus visum sit, quibus
modis jus patriæ potestatis constituitur, recte nunc
subjiunguntur modi, quibus jus illud solvitur. Ejusce-
modi autem septem ferè hoc titulo proponuntur :
mors patris aut avi; deportatio; servitus pœnæ;
dignitas patriciatus; captivitas; emancipatio; ad-
optio.

T E X T U S.

Scopus & nexus. De Morte.

Videamus nunc, quibus modis ii, qui alieno
juri sunt subiecti, eo jure liberentur. Et qui-
dem, quemadmodum liberentur servi à pote-
state dominorum, ex iis intelligere possumus,
quæ de servis manumittendis superius expo-
suimus. Hi verò, qui in potestate parentis
sunt, mortuo eo, sui juris fiunt. Sed hoc distin-
ctionem recipit : nam mortuo patre, sane om-
nimodo filii; filiarve sui juris efficiuntur :
mortuo verò avo, non omnimodo nepotes, ne-
ptesve sui juris fiunt : sed ita, si post mortem
avi in potestatem patris sui recasuri non sunt.
Itaque, si moriente avo pater eorum vivit,
& in potestate patris sui est, tunc post obi-
tum avi in potestate patris sui fiunt. Si verò is,
quo tempore avus moritur, aut jam mortuus
est, aut per emancipationem, exiit de potesta-
te patris, tunc ii, qui in potestatem ejus cade-
re non possunt, sui juris fiunt.

N O T Æ.

Jus patriæ potestatis] Abest patriæ à vet. cod. teste
Fabror, & Theoph. simpliciter τὸ πατρικίον.

Recasuri non sunt] Nepotes ex filio, mortuo avo,
solent in potestatem patris sui recidere, l. 5. D. de hui.

qui sui vel al. jure, sed hoc ita, nisi ipse pater aut mor-
tuus sit jam ante, aut emancipatus à patre suo, l. 41.
D. de adopt. Ulp. tit. 10. §. 1. Cajus 1. inst. tit. 6.

Per emancipationem exiit] Hoc Glossema esse ex
libr. vet. norant Cujac. Höt. Fabror. nam & aliis mo-
dis exire de potestate potest, nec Theoph. agnoscit.

C O M M E N T A R I U S.

Mortuo eo sui juris fiunt] Quum paterfam. mo-
ritur, quotquot capita ei subiecta fuerunt,
singulas familias incipiunt habere : singuli
enim patrumfam. nomen subeunt, l. pronuntiatio 195.
§. 2. de verb. sign.

Mortuo patre sanè omnimodo] Mortuo nimirum
patre, in cujus potestate filii erant. Nam qui in avi
sui, non in patris potestate sunt, mortuo patre non
efficiuntur sui juris, sed in potestate avi sui reman-
ent, adeoque quasi agnascendo avo suo fiunt sui
hæredes, §. 2. inf. de exh. lib. l. 13. de injust. rupt. test.

In potestatem patris sui recasuri non sunt] Nepotes
ex filio mortuo avo recidere non solent in potesta-
tem filii, hoc est, patris sui, l. 5. de his qui sui vel al. jure.
Sed hoc nō est perpetuum. Nam si quo tempore avus
moritur, pater eorum aut jam mortuus sit, aut per
emancipationem exierit de potestate patris sui, ne-
potes in potestatem patris sui non recidunt, sed sui
juris fiunt. Quin etiam sufficit semel exiisse. Finge fi-
lium quem pater adoptaverat, in potestatem patris
revertisse, puta à patre adoptatum esse, nepos retea-
tus post mortem avi non recidit in potestatem pa-
tris sui, sed omnimodo sui juris efficitur, l. pater 41.
de adopt. Hi, quos dignitas suæ potestatis facit, jura
legitima intacta retinent, eorumque filii post mor-
tem avorum in eorum potestatem revertuntur, Nov.
81. cap. 2.

T E X T U S.

De deportatione.

1. Cum autem is, qui ob aliquod malefci-
um in insulam deportatur, civitatem amittit :
sequitur, ut qui eo modo ex numero civium
Romanorum tollitur, perinde quasi eo mor-
tuo,

tuo, de finant liberi in potestate ejus esse. Pari ratione & si is, qui in potestate parentis sit, in insulam deportatus fuerit, desinit esse in potestate parentis. Sed si ex indulgentia Principis restituti fuerint per omnia, pristinum statum recipiunt.

NOTÆ.

1. In insulam deportatur] Deportatio in insulam in locum aque & ignis interdictionis successit, l. 2. §. 1. D. de pen. l. 3. D. ad leg. lul. pecul. l. pen. in fin. de extr. ord. cogn. Brillon. lib. 3. §. 1. antiq. c. 5.

Civitatem amittit] Unde deportati dicuntur peregrini, l. 6. §. 1. D. de her. inst. l. 1. C. cod. & ἀπόλιδες; l. 1. §. 3. de legat. 3. l. 17. D. de pen.

COMMENTARIUS.

In insulam deportati] Etiam deportatione patria potestas solvitur: nam cum hæc potestas propria sit civium Romanorum, §. 2. Sup. de patr. pot. fieri non potest, ut qui civis Rom. non sit, filium habeat in potestate. Deportatio autem est capitis minutio, qua qui afficitur, in numero civium esse desinit, §. 2. inf. de cap. dem. ubi plura dicimus:

Perinde quasi eo mortuo] Nam intereunt homines non solum morte, verum etiam maxima & media capitis deminutione, l. verum 6. §. 3. pen. pro soc. l. 1. §. filium 8. de bon. poss. cont. tab. quæ ob id vulgo mors civilis dicitur. Vitiosam autem apparet esse hujus loci constructionem: quæ constabit, si cum D. Hotom. legamus; ut eo, qui eo modo ex numero civium tollitur, perinde quasi mortuo, &c. transposito videlicet posteriore eo.

Pari ratione] Nihil hic interest, filius deportatus sit, an pater: neque enim magis civis Romanus peregrinum in potestate habere potest, quam peregrinus civem Romanum. Vlp. tit. 10. §. 2. Theoph. hic.

Ex indulgentia Principis restituti] Nempe plenissime & in integrum, l. 1. C. de sent. pass. Nam simplex & generalis restitutio pœnæ tantum gratiam facit, redditumque in patriam concedit, add. l. 2. 6. 9. C. d. tit. & D. Tuld. C. ibid. Christ. vol. 4. decif. 208.

TEXTUS.

De relegatione.

2. Relegati autem patres in insulam in potestate liberos retinent, & liberi relegati in potestate parentum remanent.

COMMENTARIUS.

1. Cur deportati cives esse desinant, relegati non item.

2. Quo numero apud nos habendi banniti, seu quibus provincia interdictum est, & damnati ad triremes.

Relegati sive in insulam sive simpliciter certis provinciis interdicti, omnia sua jura retinent: nec refert, in perpetuum, an ad tempus relegentur, l. 4. l. 7. §. 3. de interd. & rel. Sed & bona sua omnia retinent, nisi parte bonorum nominatim adempta in perpetuum relegentur, d. l. 4. d. l. 7. §. ad tempus. Quæ autem ratio est, quod deportati hæc omnia cum civitate amittant, relegati non item? Diversitas intelligi poterit ex verbis sententiæ & forma executionis. Nam deportati, perpetuo exilio mutilati, jubebantur compedibus vincti & navigio impositi à servis publicis constitutam in solitudinem avchi: quæ condemnatio eos manifestè ad peregrinitatem redigis, & ἀπόλιδας facit, l. sunt quidam 17. §. 1. de pen. Relegatis autem dies præstituebatur, inter quem exederent. Moris enim erat ita pronuntiari, Illum provincia illa insulisque relego: excedereque debet intra illum diem. d. l. 7. §. his qui 17. de interd. & rel. quæ sententia existimationem quidem civis minuit, sed non consumit, aut caput eximit de civitate, l. 5. §. 2. de extr. cogn. Nomen exilii commune est, exulesque non deportati solum, sed & relegati atque interdicti appellantur, l. 4. l. 5. de interd. & rel. l. 2. de pen. l. tutor. 28. §. 2. & l. seq. de excus. quippe omnes extra solum, missi, sive solo patrio expulsi, unde exulem dici, auctores sunt Festus, Nonius & Quintil. declam. 336. Plerumque tamen & quasi propriè exilium de deportatione dicitur, quasi relegatio exilium propriè non sit, cum jus civitatis retinetur, l. 2. de publ. ju. l. Hinc & Ovidius se non exulem esse scribit, sed relegatum, lib. 2. & §. de tristib. Quod ad jus harum regionum attinet, plerique existimant, eos, quorum bona apud nos publicantur adjuncta provinciæ interdictione perpetua, similis deportatis habendos esse. Quibus autem ad tempus provinciæ vel civitatis aliquis finibus interdicatur, relegatis comparandos. Idemque statuendum simili distinctione adhibita de damnatis ad triremes, Christin. vol. 5. tecif. 52. in fin. Gudelin. §. de jur. noviss. c. 15.

TEXTUS.

De servitute pœnæ.

3. Pœna servus effectus filios in potestate habere desinit. Servi autem pœnâ efficiuntur, qui in metallum damnantur, & qui bestiis subjiciuntur.

COMMENTARIUS.

Sis, qui civitatem retenta libertate amittit, liberos in potestate habere definit, & mortui loco habetur; quanto magis, qui cum civitate simul & libertatem? Servitutem enim vel maximè mortalitati veteres comparabant, *l. quod attinet l. servitutem 209. de reg. jur.*

Pœna servus] Pœnæ servus dicitur, qui non alium dominum habet, quam ipsam quodammodo pœnam, cui addictus est. Ideoque si quid tali servo legatum sit, pro non scripto esse, quasi non Cæsaris servo datum, sed pœnæ, Marcian, respondit, *l. sunt quidam 17. de pen.* Cæterum non solum servitute pœnæ, ejus solius hic fit mentio, verum etiam quovis alio genere servitutis patria potestas solvitur, puta si liber homo major 20. annis ad pretium participandum se venundari passus sit, aut si libertus ingratitude convictus redigatur in potestatem domini, §. 1. *inf. de cap. dem.* Quominus qui ab hostibus capiuntur, huc pertineant, facit jus postliminii & lex Cornelia restitutória, §. si ab hostibus *inf. eod.*

Qui in metallum damnantur] In metallum vel in opus metalli damnari dicuntur, qui ad effodiendum metallum cujus varia sunt genera, damnantur: quanquam inter eos, qui in metallum, & eos qui in opus metalli damnantur, differentia est in vinculis, quod huc non pertinet, *l. 8. §. 4. & 6. de pen.* Diversa pœna fuit eorum, qui in opus publicum dari dicuntur, *l. ult. de effract.* Hi enim civitatem duntaxat amittebant, libertate salva, *l. 17. §. 1. d. tit.* quibus hodie nonnulli comparant, qui ad triremes damnantur.

Qui bestiis subjiciuntur] Hi sunt, qui passim ad bestias damnari & ad bestias dari dicuntur (*Dio lib. 58. τὰς τοῖς θηρίοις ἐν κατανάλῃς δέδομένους* appellat) & statim consumuntur, hoc est, statim post damnationem feris objiciuntur. Sunt & qui damnati non statim consumuntur; sed populi voluptatibus reservantur, qui tamen & ipsi servi pœnæ sunt: quales sunt, qui damnantur in ludum sive venatorium sive gladiatorium, *d. l. 8. §. quicumque 11. de pen. l. un. C. Theod. ad leg. Fab. de quo vid. Buda in annot. poster. Cujac. 13. obs. 10. Pet. Fab. 2. semestr. 11.* Postremo omnes, qui in ultimo supplicio damnantur, confestim pœnæ servos fieri existimo, hoc nimirum effectum, ut statim libertatem & civitatem perdant, arg. *l. 12. l. qui ultimo 29. de pen. l. 6. §. sed et si 6. de injust. rupt. test.* Jure novissimo servitus pœnæ sublata est, *Nov. 22. c. 8. auth. sed hodie C. de don. int. vir. & ux.* cujus rei effecta ibid. notant DD.

TEXTUS.

De dignitate.

4. Filius familias si militaverit, vel si se-

nator, vel consul factus fuerit, remanet in potestate patris: militia enim vel consularis dignitas de patris potestate filium non liberat. Sed ex constitutione nostra summa patriciatus dignitas illico imperialibus codicillis præstitis filium à patria potestate liberat. Quis enim patiat, patrem quidem posse per emancipationis modum potestatis suæ rebus filium liberare: imperatoriam autem celsitudinem non valere eum, quem patrem sibi elegit, ab aliena eximere potestate?

NOTÆ.

4. Si militaverit] *l. 35. de rit. nupt. l. 5. & 6. de cast. pec. l. 7. C. de patr. pot.*

Senator] *l. 18. in fin. D. de jud. l. ult. de her. pet. Quint. declam. 286.*

Consularis dignitas] *lib. 1. §. ult. de sen. Mac. Dion. Halic. l. 2.* sed hodie liberat. *Nov. 81.* ubi & aliæ dignitates excipiuntur, *in pr. c. 1. & 3.*

Summa patriciatus dignitas] Summa non quidem gradu, nam consulatus major est, sed quia ad magnitudinem accedit dignitatis perpetuitas, Baro & Cont. extat constitutio in *l. ult. C. de consul. lib. 12. add. l. 3. C. eod.*

Codicillis præstitis] *vid. Synes. epist. 127.*

COMMENTARIUS.

1. Patricii sub Imp. Constantinopolitanis qui dicti.

Si militaverit] Milites multis privilegiis & prærogativis à Principibus donati sunt: nexu tamen patriæ potestatis juris sacramenti eos solvi noluerunt, *l. 3. C. de cast. pec. l. 7. C. de patr. pot.* Observandum obiter, militiam speciem quandam fuisse dignitatis, atque inde factum, ut omnia ferè officia, etiam civilia, militiæ postmodum dictæ sint.

Vel si senator, vel consul] Non obstat huic loco, quod dicitur in *Lantepen. de his qui sui vel al. jur.* in publicis causis filiumfam. pro patrefam. haberi, veluti ut magistratum gerat, &c. Hoc n. non significat filium consulari aliove munere publico liberari patria potestate: sed patriam potestatem non obstat, quo minus consul puta, aut prætor creetur, omniaque munia magistratus sui obeat, etiam repugnante patre, atque adeo etiam adversus patrem, *l. 13. in fin. & l. seq. ad sen. Treb.* Nonnihil huc faciunt, quæ scribit Gell. *2. noct. Attic. 2.*

Ex nostra constitutione] *l. ult. C. de consul. lib. 12.* Non tamen à Justiniano hoc primum constitutum videri potest, cum & apud Cassidorum, qui ante Justinianum sub Theodorico Gothorum rege vixit, in forma Patriciatus, hoc scriptum sit; *Leges, inquit, tantam patricii dignitatem detulerunt, ut in sacris positum,*

cum hoc fuerit honore praecinctus, paternae potestatis nexibus exaratur. Quod autem Justinianus in *d. constit.* patriciatui tribuit, id postea produxit etiam ad alias dignitates, & ad eas omnes, quæ à curia liberantur: nominatimque idem jus concessit consulatui, praefecturae praetorianae, praefecturae urbiae, praeturae, magisterio militum, & denique episcopatu, *Nov. 8 l. 1. in pr. c. 1. & 3.*

Summa patriciatus dignitas] Stante rep. patricii dicebantur, qui eorum senatorum progenies erant, quos Romulus creaverat. Antiquissimæ quoque cuiusque senatoriae familiae liberi ætate Livii patricii appellabantur. Verum longè aliter patricii in constitutionibus recentiorum Imp. accipiendi sunt. Nam translato Constantinopolin imperio cæpere Principes ex senatoribus, qui curulibus magistratibus, functi erant, sibi consiliarios & quasi patres legere, quos patricios dici placuit, quasi patres communis reip. auctore Suida. Atque ex eo tempore patriciatus nomen esse cæpit supremi consilii.

Codicillis praestitis] Codicilli apud Latinos inter alia significant diplomata sive literas Principales, quibus honores mandantur, ut apud Sueton. in *Claud. c. 29.* & in *l. administrantes, 4 l. pr. de excus. tut. l. 12. C. de dign. uti & hoc loco.*

Quem sibi patrem elegit] Patricii Imp. Constantinopolitanis parentum loco erant: quæ parentis appellatio Claudiano Lepidi joci materiam tribuit. Is enim in Eutropium patricium, cujus bona publicata & in fiscum coacta erant, sic ludit;

Directas quid plangis opes, quas natus habebit?

Non aliter poteris Principis esse pater.

Quorum versuum hic sensus est, Eutropium æquo animo adversum fortunæ casum bonorumque suorum publicationem ferre debere, cum eo modo ad Principem, qui ei filii loco fuerit, & cujus ipse parens appellatus sit, ea pervenerint. Exerat constitutio Imp. Arcadii & Honorii in *C. Theod. tit. de pen. qua hic Eutropius in insulam Cyprum, quo bonis publicatis & adempta dignitate relegatus erat, deportari jubetur.*

TEXTUS.

De captivitate & postliminio.

5. *Si ab hostibus captus fuerit parens; quamvis servus hostium fiat, tamen pendet jus liberorum, propter jus postliminii: quia hi, qui ab hostibus capti sunt, si reversi fuerint, omnia pristina jura recipiunt: idcirco reversus etiam liberos habebit in potestate: quia postliminium fingit eum, qui captus est, in civitate semper fuisse. Si vero ibi decesserit,*

exinde ex quo captus est pater, filius sui juris fuisse videtur. Ipse quoque filius, neposve, si ab hostibus captus fuerit, similiter dicimus propter jus postliminii, jus quoque potestatis parentis in suspenso esse. Dictum autem est postliminium à limine & post. Unde eum, qui ab hostibus captus est, & in fines nostros postea pervenit, postliminio reversum rectè dicimus. Nam limina sicut in domo finem quandam faciunt, sic & imperii finem esse limen veteres voluerunt. Hinc & limen dictum est, quasi finis quidam & terminus. Ab eo postliminium dictum est, quia ad idem limen revertebatur, quod amiserat. Sed & qui captus victis hostibus recuperatur, postliminio rediisse existimatur.

NOTÆ.

5. *Pendet jus liberorum*] In pendenti, in incerto est, *l. ult. de sen. Mac. l. 12. §. 1. de capt. & postl.* non igitur tam captivitate patria potestas amissa restituitur, quam liberi finguntur in potestate etiam tempore captivitatis mansisse. *Ulp. tit. 10. §. pen. Boët. in top. Clt.*

In civitate semper fuisse] Alia effecta vid. in *l. 1. §. ult. de sen. Mac. l. 6. §. ult. D. de tutel. l. 22. §. 1. de capt. & postl. l. 13. cod.*

Ipse quoque filius] *l. 9. l. 10. l. 12. C. de post. rev.*

COMMENTARIUS.

1. *Quando quis postliminio reversus intelligatur, tum quibus in locis postliminium sit.*
2. *Quæ res postliminio recipiantur, aut redeant.*
3. *Jus patris ab hostibus capti non extinguatur, sed in suspenso esse.*
4. *De origine vocis postliminii.*

Quamvis servus hostium fiat] Constat, eos, qui ab hostibus capiuntur, jure belli servos hostium fieri, & consequenter desinere liberos habere in potestate. Verum Romani, qui cum ex suis capti essent, servorum numero apud se haberi non debere censuerunt, nihilque eorum cum effectu amittere, quæ alias per servitutem amitti solent. Cumque fieri possit, ut capti ad suos reverterentur, fieri item, ut apud hostes decederent, in utrumque eventum captis prospexerunt, in illum fitione juris postliminii, in hunc fitione legis Corneliæ.

Qui si reversi fuerint] Pomponius reversum postliminio ait, qui intra præsidia nostra esse cæpit, *l. 5. §. 1. de capt.* Paulus, cum in fines nostros intraverit, *l. postliminium 19. §. 3. cod.* Sed ex paritate rationis

consensus gentium rem ed perduxit, ut postliminium locum haberet, etiamsi quis homo aut res, cui postliminium esse placuerat, pervenisset ad amicos nostros, ut loquitur d. loco Pompon. aut, ut Paulus exempli causa explicat, ad regem, socium vel amicum. Quibus in locis amici aut socii intelligendi sunt non simpliciter, quibuscum pacem habemus, sed qui partes in bello easdem sequuntur: ad quos qui venerunt, ut Paulus loquitur, nomine publico tuti esso incipiunt, qua de re plura d. Grot. 3. de jur. bell. & pac. 9. n. 2.

2 Omnia pristina jura] Puta civitatem, familiam, bona, sive eorum dominium. Recte autem, jura, l. 5. §. 1. l. in bello 12. §. 1. de capt. & postl. rev. nam ea, quæ facti sunt, postliminio non continentur: qualis est verbi causa possessio, quæ idcirco interrupta captivitate non restituitur, l. denique 19. ex quib. ca. maj. l. cum heredes 23. §. 1. de acq. poss. Sicut autem postliminio reversus jura recipit, ita & in ipsum jura restituntur, l. 6. d. l. in bello §. cetera, de capt. Neque homines solum, sed etiam agri, leg. si captivus 20. §. 1. eod. adeoque quodvis jus solo adhærens postliminium habet per l. 6. de rer. div. uti & loca sacra ac religiosa, l. cum loca 36. de rel. At rebus mobilibus postliminium non est: exceptæ tamen naves longæ atque onerariæ, muli clitellarii, equi & equæ frenum patientes, Cic. in Top. Gall. Æl. apud Fest. Marcell. l. 2. de capt. quanquam hodie, ut passim tradunt morum periti, nullæ res mobiles postliminio redeant, ne naves quidem, vid. Grot. d. cap. 9. n. 13. & seqq. D. Tuld. comment. ad tit. de rer. div. cap. 30.

3 In civitate semper fuisse] Non igitur tam captivitate patria potestas amissa reverso patre restituitur, liberive captivitate patris sui juris facti, eo reverso iterum in potestate ejus esse incipiunt, quod velle videtur D. Myns. quam pater fingitur retro in civitate fuisse, liberisque in potestate etiam tempore captivitatis retinuisse, d. l. in bello §. 1. l. retro. 16. l. bona 22. §. 2. eod. l. 6. §. ult. de tutel. Nec alioqui recte diceretur, statum liberorum pendere, aut in incerto esse, ut hic & d. l. in bello, & l. bona, nec acta à filio esse inpendenti, l. 1. §. 1. de senat. Mac. sed jus patris & liberorum captivitate patris extinctum, postliminio restitui: acta à filio tantisper rata esse; at reverso patre infirmari. Non est autem levis momenti hæc fictio: nam inde est, quod quæ filius medio tempore quæsit, pater reversus tanquam sibi quæsitâ occupare possit jure peculii, etiam defuncto pridem filio, l. pen. de suis & leg. her. Inde quoque est, quod patre reverso denegatur actio creditori, à quo filius, dum pater apud hostes est, mutuum pecuniam accepit, quasi contra SCum credita sit, l. 1. §. 1. de SC. Mac. Denique hinc est, quod Ulp. respondit, non posse ei, cujus pater in potestate hostium est, tutorem dari,

l. 6. §. ult. de tutel. qui recte utique daretur, si filii interim pro iis, qui sui juris sunt, haberentur. Deportati & restituti patris alia ratio, l. ult. §. 1. C. de sent. pass.

Exinde ex quo captus est] Hæc fictio est legis Corneliæ, l. 12. qui testam. fac. §. ult. infr. quib. non est perm. fac. test. eaque in omnibus partibus juris servatur, l. in omnibus, de capt.

Ipse quoque filius] Quapropter, si verbi gratia, in potestate fuit filius eo tempore, quo capiebatur, medio tempore patre mortuo, reversus suus heres patri erit, l. 9. C. de postl. rev.

Alimine & post] De notatione nominis postliminii controversia olim fuit inter Scævola & Servium, teste Cic. in Top. Scævola junctum dicebat esse verbum à post. quod reditum notat, & limine. Servius in eo nihil spectandum præter præpositionem post, reliquum productionis esse caudam, liminium. Sed recte Scævola, cui & Festus assentitur. Nam limen & limes exiit tantum & flexionis modo differunt; origine autem (veniunt enim ab antiqua voce limus, quæ transversum significat) & primitiva notione idem sunt, sicut materia & materies, contagio & contages. &c. quanquam usu feriore factum est, ut limen magis ad privata, limes ad publica referretur. Sic veteres eliminare dicebant e finibus ejicere, & exilium nominabant eliminium. Grot. d. c. 9. in pr. Ios. Scal. annot. in Fest.

Ab hostibus recuperatur] Ad jus postliminii nihil interest, quomodo captus revertatur, utrum dimissus, an vi vel fallacia, aut victis postea hostibus, sive ut Homerus Odys. 14. ἢ δόλῳ, ἢ ἐ βίῃ, ἢ ἀμαρτυρίῃ, ἢ χερσὶν ἰδὼν. ita tamen, si ea mente fuerit, ut illo non reverteretur, l. nihil interest de capt. Et ideo Attilium Regulum responsum est non esse postliminio reversum: quia juraverat Carthaginem se reversurum, l. 5. §. 3. d. tit. Grot. d. lib. 3. cap. 9.

TEXTUS.

De Emancipatione, Item de modis & effect: ejusdem.

6. Præterea emancipatione quoque desinunt liberi in potestate parentum esse. Sed emancipatio antea quidem vel per antiquam legis observationem procedebat, quæ per imaginarias venditiones & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut fictione pristina explosa, recta via ad competen-

tentes iudices, vel magistratus parentes intrent, & filios suos, vel filias, vel nepotes, vel neptes, ac deinceps à sua manu dimittat. Et tunc ex edicto pratoris in bonis ejusmodi filij, vel filia, vel nepotis, vel neptis, qui quæve à parente manumissus vel manumissa fuerit, eadem jura præstantur parenti, quæ tribuntur patrono in bonis liberti. Et præterea si impubes sit filius, vel filia, vel cæteri, ipse parens ex manumissione tutelam ejus nanciscitur.

NOTÆ.

6. *Emancipatione*] Emancipatio hodie definiri potest actus legitimus, quo liberi à manu patris apud competentem judicem dimituntur.

Judices vel magistratus] ἐξουσιαστές, ne quis putet iudices hic intelligi pedaneos, apud quos lege agi non potuisse constat. Exrat constitutio Justiniani in l. ult. C. de emanc. lib.

À parente manumissus] Id est, emancipatus, tit. si à par. quis man. redigebantur enim liberi prius in servilem causam, licet postea in imaginariam duntaxat, l. 3. §. 1. de cap. min.

Quæ tribuntur patrono] Emancipatus à parente liberti exitum patitur, l. 1. si à par. quis man. puta in contra tabulas bonorum possessione, d. l. 1. & successione legitima, §. ult. inf. de leg. agn. succ. sed hoc mutatum, Nov. 118. cap. 2.

COMMENTARIUS.

1. *Vetus emancipandi ratio exposita.*
2. *Patroni & parentis emancipatoris comparatio.*

Alius modus solvendæ patriæ potestatis hoc §. proponitur, nempe emancipatio: quæ dicitur olim celebrata fuisse per imaginarias venditiones & intercedentes manumissiones. Hoc autem ut penitus intelligatur, sciendum est, lege Romuli cautum fuisse, atque à decemviris postea in quartam tabulam relatum, ut si pater filium ter, filiam autem & cæteros liberos semel mancipasset, hoc est, vendidisset, manumissi postea ab emptore sui juris efficerentur, ille trina manumissione, hi unica. Ad cujus emancipationis imaginem atque usurpationem vetustatis postea institutum est, ut pater, simulato & dicis causa, accepto uno nummo filii ter, cæteros liberos semel apud magistratū venderet, contracta cum emptore fiducia, qui ob id pater fiduciarus appellabatur, ut is acceptos manumitteret, filium ter, cæteros semel, atque ita liberi sui juris ac potestatis fierent. Solebat autem pater naturalis sibi cavere de filio post tertiam mancipationem sibi remancipando, itemque de cæteris liberis sibi reman-

cipandis, quo ipse potius eos manumitteret, & jura patroni consequeretur, quam extraneus manumissor sive emptor ille imaginarius. Atque hac cautione interposita in specie dicitur emancipatio fieri contracta fiducia, §. ult. inf. de leg. agn. success. l. 2. §. 15. ad SC. Tert. Hæc ex Dionys. Halicarn. lib. 2. Boët. in Top. Cic. Cajo lib. 1. tit. 6. Vlpian. tit. 10. l. ult. & pen. C. de emanc. lib.

Ex imperiali rescripto] Hic modus emancipandi ab Imper. Anastasio introductus est, qui etiam neglecta antiquæ emancipationis fabula, potestate ab Imperatore impetrata, ejusque rescripto apud magistratum exhibito, liberos emancipari permittit, modo filius infante major consentiret, l. pen. C. de emanc. lib.

Etiā hoc in melius reformavit] Nimirum quod Anastasius de precibus super emancipatione Principi offerendis, ejusque rescripto prius impetrando constituerat: ut jam ex constitutione Justiniani emancipatio etiam fiat sola professione patris apud competentem judicem denuntiantis se filium suo juri permittere. Exrat constitutio l. ult. C. de emanc. lib.

Ad competentes iudices vel magistratus] Explicativè. Nam & magistratus, qui tribunali aut jurisdictioni præsunt, iudices appellantur, l. 1. de judic. tit. de reb. auct. jud. poss. & passim in constitutionibus posteriorum Imp. Quod moneo, ne quis putet iudices hic intelligi pedaneos, sive qui à magistratibus causis privatis cognoscendis & judicandis dabantur: apud quos lege agi non potuisse, plusquam manifestum est. Sed nec apud eum, cui mandata est jurisdictio, legis actionem fuisse, Marcian. & Ulp. testantur l. 2. §. 1. l. seq. de offic. procons. de quo plura ad §. 8. inf. eod.

À manu sua dimittant] Manumitti non tantum servi à domino, sed etiam filij & filiafam. à patre dicuntur, pro emancipari, tit. si à par. quis man. præterea quod jure antiquo in patris sui manu mancipioque erant, & venditi ac mancipati in servilem causam redigebantur, licet postea in imaginariam duntaxat, l. 3. §. 1. de cap. min. Hinc emancipatus à parente liberti exitum pati dicitur, & parens patroni personam sustinere, l. 1. d. tit. si à par. quis.

Ex edicto pratoris eadem jura] Nimirum ut parens exemplo patroni ad contra tabulas bonorum possessionem admittatur, si testamento facto ab emancipato præteritus sit, d. tit. si à par. quis man. Sed & jus legitimæ successionis huic patri à Justiniano datum est, perinde quasi contracta fiducia eum emancipasset, hoc est, ex lege fiduciæ sibi remancipatum manumississet, §. ult. inf. de leg. agn. succ. Et hoc ad similitudinem patroni, quem ad hæreditatem liberti intestato sine liberis mortui jam olim lex 12. tabularum vocabat, inf. de success. libert. Non tamen usque adeo exæquatur patrono parens, ut etiam liberi ejus ad suc-

successionem aut contra tabulas bonorum possessionem veniant, l. 1. §. *liberos f. à par. quis man.* aut ut etiam actio Calvisiana parenti detur, l. 2. *eod. tit.* aut denique ut recte stipuletur à filio operas, l. 4. *eod.* Jure authentico plenissime de ratione succedendi cautum est, ex quo parens manumissor jure patroni, quoad emolumentum successionis uti desit. *Nov. 118. c. 2. Nov. 115. c. 4.*

[*Tutela ejus nanciscitur*] Consequens erat eum onus tutelæ subire, qui speraret successionem, l. 1. *de legit. tut.* Agitur de hac tutela §. *inf. tit. 18.*

TEXTUS.

Si alii emancipentur, alii retineantur in potestate.

7. *Admonendi autem sumus, liberum arbitrium esse ei, qui filium & ex ea nepotem vel neptem in potestate habet, filium quidem de potestate dimittere, nepotem verò vel neptem retinere: & e converso filium quidem in potestate retinere, nepotem verò vel neptem manumittere: vel omnes sui juris efficere. Eadem & de pronepote & pronepte dicta esse intelliguntur.*

NOTÆ

[*Nepotem manumittere*] Notandum est, in filiosfam. idem esse, manumittere, ex potestate dimittere, sui juris efficere, emancipare.

COMMENTARIUS.

Totus hic locus descriptus est ex Cajo l. *liberum* 28. *de adopt.* Illud hic queritur, an ejus quoque qui à parente manumittitur, voluntas spectanda sit; an vero etiam invitus emancipari possit. Et puto idem hic dicendum, quod de eo dicitur, qui à patre in adoptionem datur, §. *seq. l. neque absens* 24. *de adopt. l. 5. C. eod.* nimirum necesse non esse, ut expressè consentiat. Cæterum nec oportere eum dissentire aut contradicere, arg. l. *pen. in fin. C. de emanc. lib. Nov. 89. c. 11.* Paulus quoq; l. 2. *sent. 25 in fin.* scribit, invitum filiosfam. non emancipari. An autem & quando, qui tacet, consentire intelligatur, non est hujus loci disputare. Tractant tamen hanc questionem *Jo. Fab. & Ang. & Myns.* ad hunc locum.

TEXTUS.

De Adoptione.

9. *Sed & si pater filium, quem in potestate habet, avo, vel proavo naturali, secundum nostras constitutiones super his habitas, in*

adoptionem dederit, id est, si hoc ipsum attis intervenientibus apud competentem judicem manifestaverit, presente eo, qui adoptatur, & non contradicente, nec non eo presente, qui adoptat, solvitur quidem jus potestatis patris naturalis; transit autem in hujusmodi parentem adoptivum, in cujus persona & adoptionem esse plenissimam, antea diximus.

COMMENTARIUS.

1. *Antiquitus neutiquam alieno nomine lege agi potuisse: eamque naturam actus voluntariæ jurisdictionis retinuisse.*
2. *Actus voluntariæ jurisdictionis expediri non posse apud eum, cui jurisdictio mandata est.*

Avo vel proavo naturali] Nam si extraneo in adoptionem datus sit, jura patris naturalis integra manent, l. *pen. C. de adopt. §. 2. sup. tit.* ubi dictum est.

[*Apud competentem judicem*] Non apud judicem pedaneum, cujus nulla jurisdictio est: sed apud ipsam magistratum & eum, qui legis actionem habet, ut notavimus ad §. *hujus tit. 6.*

[*Et non contradicente*] Hoc etiam paulo ante tetigi. Locus autem hic descriptus est ex l. *ult. C. de adopt. facit l. 5. ff. eod.*

[*Nec non eo presente, qui adoptat*] Absens adoptatè non potest, l. *post mortem* 25. §. 1. *de adopt.* quia, ut ait ibi Jurisconsultus, nemo per alium ejusmodi solemnitate peragere potest. Atque eo pertinere arbitror, quod regula juris in genere definit, neminem alieno nomine lege agere posse, l. *nemo* 123. *de reg. jur.* Quod olim quidem commune fuisse verisimile est omnium legis actionum, etiam earum, quibus civis inter se disceptabant, & quæ pertinebant ad contentiosam jurisdictionem, arg. *pr. tit. de iis per quos ag. poss. inf. lib. 4.* sed postea proprium tantum quorundam esse cœpisse, & maxime eorum actuum, qui quod inter volentes expediuntur, dicuntur esse voluntariæ jurisdictionis; cujusmodi sunt manumissio, adoptio, emancipatio; quæ veterem naturam retinuerunt, l. 3. *C. de vind. lib. l. neque* 24. *et l. seq. §. 1. de adopt.* etiam adoptio nova Justiniani, ut hic, & d. l. *ult. C. de adopt.* Idem quoque probabile est observatum fuisse in persona magistratus. Existimo enim nec hujusmodi actus à magistratibus manari potuisse, neve mandata jurisdictione transisse in eum, cui mandata esset, contra quam DD. vulgo sentiunt, arg. l. 1. *C. de adopt. l. 2. §. 1. l. 3. de off. proc.* ex quibus locis discimus, ea quæ sunt voluntariæ jurisdictionis, non nisi apud eum expediri posse, apud quem plena

plena legis actio est: eum autem; cui mandata est jurisdictio, talem jurisdictionem non habere, adeoque omnino non esse apud eum legis actionem. Negorium tamen facit l. 17. §. 1. de man. vind. Cujac. 1. obs. 1. & 15. obs. 19. negationem inserit. Alii pro (apud legatum ejus) legunt (Cesaris) suspicientes errorem ex nominis natum ejus & Cas.

Transit autem in parentem adoptivum] Per adoptionem igitur non efficitur filiusfam. sui juris, sed vel in alienam familiam transit, vel remanet in potestate patris naturalis,

T E X T U S.

De Nepote nato post filium emancipatum.

9. *Illud scire oportet, quod si nurus tua ex filio tuo conceperit, & filium tuum emancipaveris, vel in adoptionem dederis pregnante nuru tua, nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit, patris sui emancipati, vel avi adoptivi potestati subjicitur.*

C O M M E N T A R I U S.

NEpos non ex nativitatibus, sed ex conceptionis tempore familiaris sortitur: quia ex eo tempore jam in rerum natura esse creditur, l. 7. l. pen. de stat. hom. Vlp. tit. 5. §. 9. Sic & is, qui conceptus est prius, quam pater senatu moveretur, senatoris filius intelligitur, l. 7. §. 1. de senat. Et responsum est, conditionem, si sine liberis, defecisse, si ante deportationem patris liberi concepti sint, licet postea edantur, l. ex facto 17. §. ex facto 5. ad sen. Treb.

T E X T U S.

An Parentes cogi possunt, liberos suos de potestate dimittere.

10. *Et quidem neque naturales liberi, neque adoptivi ullo pene modo possunt cogere parentes, de potestate sua eos dimittere.*

C O M M E N T A R I U S.

1. *Quibus modis more harum regionum parentum potestas solvitur.*

Quemadmodum liberi, qui vel ab initio sui juris fuerunt, vel postea facti sunt, inviti in potestatem patris non rediguntur, l. ult. de his qui

sui vel al. jur. Nov. 89. c. 11. ita nec vice versa à liberis in potestate constitutis cogi parentes possunt, ut eos à potestate sua dimittant, l. non potest. de adopt. l. nec avus C. de emanc. lib. ex quo loco, etiam ratio hujus juris peti potest.

Pene] Ait, pene, propterea quod aliquando audiuntur, qui emancipari desiderant, ut impubes, qui adoptatus est, pubes factus, l. nonnunquam 32. de adopt. Sed & alios, si iusta causa sit, audiri æquum est, veluti si à patre ad turpitudinem adigantur, l. si lenones C. de epis. aud. aut male contra pietatem afficiantur, l. ult. si à par. quis man. Sed & is filium emancipare cogitur, qui legatum ea conditione sibi relictum agnovit, l. si cui 92. de conditionibus & demonstr. & jure novissimo etiam de potestate patris exeunt liberi, si pater incestas & nefarias nuptias contraxerit, Nov. 12. c. 2.

Apud nos & in cætero Belgio singularis illa Romanorum in liberos potestas incognita est, ut jam aliquoties diximus. Sed & jus, quod parentes in liberos habent, propriis quibusdam modis solvitur; manente tamen semper naturali reverentiæ & obsequii debito. Primum enim moribus nostris exeunt liberi de potestate parentum non tantum emancipatione illa expressa sive Justiniane, cum apud magistratum de manu dimittuntur; sed etiam tacito quodam emancipationis modo, permittente videlicet, patre filium seorsum habitare & mercaturam aut opificium aliquod exercere: atque hac ratione liberi potestate patria soluti hoc consequuntur, ut & bona sua ipsi administrare & in judicio consistere possint. Christin. d. vol. 4. dec. 186. n. 11. Grot. 1. manud. 6. Apud Frisios tamen hic modus receptus non est. D. lo. à Sande lib. 2. tit. 7. defin. 6. Secundo nuptiis quoque sive matrimonio liberorum patris potestas solvitur: unde apud nos nulli liberorum sunt in potestate avi, Gudel. lib. 1. de jur. nov. cap. 13. Christin. d. vol. decis. 185. n. 7. Grot. d. loc. quod secus fuisse jure Rom. ostendimus ad §. ult. sup. de patr. potest. Tercio desinunt liberi in potestate esse patris, si ei, ut prodigo, curatore dato bonis interdictum sit, Grot. d. loc. quod & ipsum jure Rom. incognitum est. Postremo si quid liberis obveniat pura ex hæreditatibus, legatibus aut donationibus propinquorum aut amicorum, earum quidem rerum cura atque administratio patri competit, sed haud secus ac tutori aut curatori: ideoque hoc jus etiam solvitur, ubi liberi ad eam ætatem pervenerint, qua curatio finiri solet; nempe anno ætatis eorum vigesimo quinto, Gudel. d. c. 13. in fin. Tulden. com. hic c. 2. Christin. d. decis. 186. n. 9. ad Gnid. Pap. quæst. 54. Boër. ad consuet. Bitur. de jur. pers. Pet. Greg. 11. synagm. c. 10. Grænev. de legib. abrog. ad hunc tit.

TITULUS XIII.

De Tutelis.

Dig. tit. 1. lib. 26. & Novell. 72.

Ratio ordinis.



Ue usque dictum est de iis, qui sunt juris alieni, quæ prima pars est divisionis supra positæ tit. 8. Superest, ut ad eos nos conferamus, qui sui juris sunt, quos pars altera dictæ divisionis complectitur.

T E X T U S.

De Personis sui juris.

Transeamus nunc ad aliam divisionem personarum. Nam ex his personis, quæ in potestate non sunt, quædam vel in tutela sunt, vel in curatione, quædam neutro jure tenentur. Videamus ergo de his, quæ in tutela, vel curatione sunt. Ita enim intelligemus cæteras personas, quæ neutro jure tenentur. Ac prius dispiciamus de his, qui in tutela sunt.

C O M M E N T A R I U S.

1. Summa reliquorum hujus libri capitulum.

Nam ex his personis] Eorum, qui sui juris sunt, quidam sunt in tutela, alii in curatione, ceteri neutro jure tenentur: quæ posterioris partis illius, quam dixi, divisionis subdivisio est. In hac autem parte prima exponitur, quid sit tutela: deinde species ejus singulæ ordine explicantur: tum de vi atque effectu tutelæ sive auctoritate tutorum porro agitur; ac mox de contrariis, & quibus modis tutela finitur. Inde ad curationem ac curatores progressio fit. Postremo tractatur de satisfactionibus, excusationibus & suspicionibus, quæ utriusque muneris communia sunt.

In potestate non sunt] Patria sc. vel dominica, in qua qui sunt, non sui, sed alieni juris sunt: alioqui & tutela species quædam est potestatis, (quod verbum & alia plura significat, l. potestatis 215. de verb. sign.) sed quæ ad statum & caput ejus, qui in tutela est, non pertinet, nec ad commodum tutoris comparata est, sicut patria & dominica ad patris & domini. Pupillus enim non in manu aut familia tutoris, sed sui juris est; nec illi acquiritur, sed sibi. Ut loquitur Spartianus in Aureliano.

T E X T U S.
Tutelæ definitio.

1. Est autem tutela (ut Servius definit) vis ac potestas in capite libero, ad tuendum eum, qui per atatem se ipse defendere nequit, jure civili datâ ac permissâ.

N O T Æ

i. Vis ac potestas] Ita & §. seq. & Servius l. 1. hoc tit. hæc duo quoque junguntur, §. 3. inf. de interd. l. 17. de legib. l. 7. C. de Cod. Cic. 1. de nat. Deor. Gloss. basil. δύναμις & ἐξουσία. Theophil. δύναμις καὶ ἐξουσία, jus & potestas, significatur autem verbis istis facultas & jus pro auctoritate quid faciendi.

In capite libero] ἀρχαίων pro in caput liberum, ut in 12. tabb. in eo pecuniæque ejus potestas esto, item in formula adrogationis. Gell. 5. 19. & Cic. pro dom. Caput autem liberum pro pupillo & persona, quæ sui juris est, d. c. 19.

Per atatem] in Florent. est, propter atatem l. 1. eod. propter atatis infirmitatem. Ulp. tit. 11.

C O M M E N T A R I U S.

Vis ac potestas] Ita & in l. 1. pr. h. eod. Generis loco ponitur vis ac potestas, quæ duo frequenter conjunguntur, ut in l. scire de legib. §. adipiscende inf. de interd. & significant δύναμις ἐξουσία, sive facultatem aut jus pro auctoritate quid faciendi statuendive tum in persona pupilli, tum in rerum pupillarium administratione; ἀρχαίων in verbo potestatis jam notata est.

In capite libero] Objectum tutelæ, & est verus locutio, pro in caput liberum, ut in illo 12. tabularum; Si furiosus existat, agnatum gentiliūque in eo pecuniæque ejus potestas esto. item in formulâ adrogationis apud Agell. 5. c. 19. Vtique ei vitæ necisque in eo potestas fiet. Caput autem liberum pro homine libero veteres dicebant. Cicero 4. Verrin. Hic de capite libero judicabit. Liv. lib. 31. Libera capita sine pretio dimisit. Hinc caput liberum facere, apud Plaut. Mercat. pro manumittere, & eos plerumque, qui etiam sui juris essent, hoc verbo intelligebant: quomodo Agellius d. loc. pupillum caput liberum appellat, id est, sui juris. Alii hæc verba ad tutorem referunt, quod etiam per me licet.

Ad

Ad tuendum eum] Hæc verba finem tutelæ indicant, & simul officium tutoris: nam ut tutela pupillorum gratia constituta est, ita & ad utilitatem eorum tota referenda. Distinguunt itidem tutelam à patria potestate, quæ magis ipsius patris causa comparata est, sicut & dominica domini; cujusque vis non minus in coercendo, quam in tuendo filio posita est. Innunt præterea, tutorem principaliter personæ dari, non certæ rei aut causæ, in quo differt à curatore, §. 4. seq. tit. junct. §. 2. inf. de curat.

Qui per ætatem se ipse defendere] His verbis distinguitur tutela à curatione: quippe quæ comparata est eorum omnium causa, qui rebus suis ipsi superesse non possunt, licet propter aliam causam, quam ætatem: ut sunt furiosi, prodigi, mente capti, & qui perpetuo morbo laborant, §. 3. & 4. inf. de curat. In Florent. est, propter ætatem. Theoph. *ἄλλο τὸ τῆς ἡλικίας ἀπέλξης.*

Tutela civili] Clausula hæc ad definitionem necessaria non est, sed ideo adjecta; nequis putet, hanc potestatem temerè & pro arbitrio à quibusvis posse usurpari, aut ad eos, qui non sunt cives Römiani, pertinere: nam tutela licet ortum ex jure gentium trahat, ad jus tamen civile refertur eodem modo, quo pleaque alia, ut nuptiæ, patriâ potestas, testamenta, & cætera id genus.

Data ac permessa] Datur legitima, hoc est, legitimi tutores immediatè sine facto testatoris aut magistratus à lege ad tutelam vocantur, l. 5. in pr. & l. 6. de leg. tut. Permittitur, quæ prius data est aut testamento, aut à magistratu, illa lege 12. tabb. l. 1. de test. tut. hæc aliis legibus & constitutionibus, inf. de Atil. tut. Atque hinc etiam peti potest aliqua tutelæ divisio tanquam à causa efficiente, partim proxima, partim remota.

T E X T U S.

Definitio & Etymologia Tutoris.

2. Tutores autem sunt, qui eam vim ac potestatem habent, exque ipsa re nomen acceperunt. Itaque appellantur tutores, quasi tuitores atque defensores; sicut aditui dicuntur, qui ades tuentur.

C O M M E N T A R I U S.

Qui eam vim ac potestatem] Si tutela est potestas ad tuendum eum, qui in tutela est, qui eam potestatem habet, rectè tutor dicitur, argumentum à conjugatis.

Tutores sive tuitores] *ἔτυμολογία*, sive notatio verbi tutoris, l. 1. §. 1. cod. Tutela quoq; idem erat veteribus, quod tuitio, sicut cautela idem quod cautio.

Sicut aditui] *Ædituus* est ædis sacre tuitor, id est,

curam agens, auctore Festo. Veteribus dicebatur *edituius*, si Gellio credimus lib. 12. c. 10. *ἑγοφύλακος* vocat Scævola l. 20. §. 1. de ann. legat.

T E X T U S.

Quibus Testament. tutor datur.

1. de liberis in potestate.

3. Permissum est itaque parentibus, liberis impuberibus, quos in potestate habent, testamento tutores dare. Et hoc in filios filiasque procedit omnimodo: nepotibus vero neptibusque ita demum parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tuæ tempore in potestate tua sit, nepotes ex eo non poterunt ex testamento tutores habere, quamvis in potestate tua fuerint: scilicet quia mortuo te in potestatem patris sui recasuri sunt.

N O T A E.

§. *Liberis impuberibus*] Etiam ex hæredatis, l. 4. de test. tut. nec obstat l. 73. §. 1. de reg. jur. quoniam ex hæredatio non extinguit jus sui hæredis: aut impuberem facit suæ potestatis, §. 4. inf. de pup. subst.

Quos in potestate habent] Tutela jure patriæ potestatis mandatur, l. 40. de adm. tut. l. 1. de test. tut. d. l. 73. §. 1. Itaque nec pater filio emancipato, nec mater liberis tutorem jure dare potest; sed opus est confirmatione, tit. de conf. tut.

Testamento] Codicillorum usu recepto, etiam codicillis testamento confirmatis dari tutores ceperunt, l. 3. de test. tut.

In potestatem patris] l. 1. §. ult. cod. quippe tutorem habere non potest, qui est in potestate patris: nec dari nisi suo hæredi, l. 73. §. 1. de reg. jur. junct. §. 2. inf. de her. qualis.

Non poterunt ex testamento &c.] Est tamen casus, ubi tutor utiliter datur nepoti, cujus pater superstes & in potestate, l. 10. §. 2. de test. tut.

C O M M E N T A R I U S.

Species tutelæ tres sunt, testamentaria, legitima, & Atiliana sive dativa, quas nunc ordine persequitur, initio facto à testamentaria, quæ reliquis duabus potior est, inf. tit. 15. in pr. l. 9. §. 1. in fin. de tut. & rat. dist. sicut & in deferenda hæreditate potior causa est hæredum ex testamento, quam ab intestato, l. quamdiu 39. de acq. her. l. 89. de reg. jur. At, permissum esse parentibus liberis impuberibus, quos in potestate habent, testamento tutores dare, paucis verbis complectens & personam dantis, & ejus, cui datur, & formam dandi sive modum. In-

persona dantis exigit, ut si parens: in persona eorum, quibus datur, ut sint liberi ut impuberes, ut sint in potestate dantis: sunt & qui quartum requirunt, ut hæredes instituantur, contra expressum textum l. 4. de test. tut. & jus veteris patriæ potestatis, arg. §. 4. inf. de pup. subst. In modo dandi, ut deus testamento. Testamento autem datus etiam is accipitur, qui codicillis testamento confirmatis scriptus est, l. 3. de test. tut.

[In filios filiasque, &c.] Lex duodecim Tabb. generali vocabulo liberorum usa est sine discrimine sexus aut gradus. Sive igitur feminæ sint, quibus tutor datus est, sive masculi, sive filii, sive nepotes; quia hi omnes appellatione liberorum continentur; §. ult. seq. tit. valet datio. Cæterum in nepotibus non aliter procedit, quam si post mortem avi in potestatem patris sui non recidant: quippe tutorem habere non potest, qui est in potestate patris, hoc tit. in pr. Deinde nepos quamdiu pater eum in familia præcedit, non est suus hæres avo, §. 2. inf. de her. qual. & diff. tutor autem dari non potest, nisi suo hæredi, l. quo tutela 73. §. 1. de reg. jur.

TEXTUS.

De posthumis.

4. Quum autem in compluribus aliis causis posthumi pro jam natis habeantur, & in hac causa placuit non minus posthumes, quam jam natis tutoris dari posse: si modo in ea causa sint, ut, si vivis parentibus nascerentur, sui hæredes, & in potestate eorum fierent.

NOTÆ.

4. Pro jam natis] Quoties de eorum commodo quaeritur, ut hic, l. 7. l. pen. de stat. hom. aliis autem non profunt, nisi nati, l. 23. 1. de verb. sing. exemplum in l. 2. n. 6. de exc. tut.

Sui hæredes, & in potestate] l. 73. §. 1. de reg. jur. nec minus tamen utilis est tutoris datio, si nati sint vivo patre, l. 16. §. ult. de test. tut.

COMMENTARIUS.

Quod de tutore liberis jam natis dando dictum est, id hic etiam ad posthumos producitur, hoc est, ad eos, qui tempore facti testamenti adhuc in utero sunt. Et ait Imp. etiam his testamento tutores dari posse, hac ratione, quia qui in utero sunt, plerisque juris articulis pro jam natis habentur; nempe quoties de commodo eorum quaeritur, ut in casu proposito, l. 7. & l. pen. de stat. hom. Poterat & à jura patriæ potestatis ratio peti, arg. §. 1. inf. de exher. lib. §. 4. inf. de pup. subst.

Sui hæredes & in potestate] Nempe quemadmodum nemo liberis jam natis tutorem dare potest, nisi quos

in potestate & in suis hæredibus, cum morietur, habet; ita nec posthumis potest, nisi iis, qui, si vivo parente nascerentur sui hæredes & in potestate ejus futuri essent. Utrumque Q. Mucius paucis complectitur; Nemo, inquit, potest tutorem dare cuiquam, nisi ei, quem in suis hæredibus, cum morietur, habuit, habiturusque esset, si vixisset, l. quo tutela 73. §. 2. de reg. jur. Est tamen casus, ubi tutor utiliter datur nepoti, cujus pater superstes in potestate est, l. 10. §. 2. ff. de test. tut.

TEXTUS.

De Emancipatis.

5. Sed & si emancipato filio tutor à patre datus fuerit testamento, confirmandus est ex sententia præsidis omnimodo, id est, sine inquisitione.

NOTÆ.

5. Emancipato filio] Idem est, si etiam non emancipato datus sit codicillis non confirmatis, l. 1. §. 1. de confirm. tut.

Omnimodo] Ita ὅτι τὸ πλεῖστον, ut plurimum d. l. 1. §. 2. interdum enim à voluntate patris recedit prætor, l. 8. & 2. seqq. eod. l. 4. de test. tut.

Sine inquisitione] Et sine satisfactione, d. l. 4. d. l. 1. §. 2. l. 3. l. 6. eod. A matre autem datus filio instituto (nam exheredato à matre dari non potest, d. l. 4.) non satisfat quidem, sed ex inquisitione confirmatur, l. 2. de conf. tut. d. l. 4. Et l. 4. C. de test. tut. tollenda est negatio in illo loco, quando autem eos hæredes (non) instituerit. Cujac. Fabrot.

COMMENTARIUS.

1. Quibus ex rebus astimandum, an tutor jure datus sit.
2. In quibus differat confirmatio tutoris à patre non rite dati & dati à matre, vel extraneo.
3. Explicatio l. 4. C. de test. tut.
4. Confirmatos tutores non pro datis, sed pro testamentariis habendos.
5. In his regionibus ferè duo tantum esse genera tutorum, remissive.

Emancipato filio] Didicimus tit. præc. §. præterea, liberos per emancipationem potestate patri sui liberari; quamobrem pater non jure, neque ex prescripto legis 12. tabb. tutorem dat filio emancipato: sed tamen qui ita non jure datus est, confirmatur auctoritate magistratus, & quidem simpliciter, sive omnimodo, ut hic loquitur Justinianus, id est, sine inquisitione, sitne idoneus necne. Locus postulat, ut de confirmandis tutoribus paulo, quam hic factum est, differamus accuratius. An tutor jure datus sit, ex hisce tribus potissimum æstimatur; ex persona dantis, si parens est; ex personis eorum, quibus datur, si sint liberi impuberes & in potestate dan-

dantis; ex modo dandi, si detur testamento aut codicillis testamento confirmatis, § 3. *sup. eod.* Quapropter si quis alius, quam parens tutorem dederit; aut parens quidem, sed dederit liberis, licet impuberibus, qui in ejus potestate non sunt; aut non dederit testamento siue codicillis testamento confirmatis; datio ipso jure non valet. Cæterum cum reverentiæ, tum affectui eorum, qui impuberibus non legitimè tutores dederunt, tributum est, ut quod deficit, à magistratu repleatur, dati que confirmentur; l. 1. §. 1. *de conf. tut.* Confirmatio autem hæc non est unius modi. Interest enim an pater tutorem non jure dederit, an quis alius præter patrem. Judicio patris hoc datum, ut si is aut non iusto testamento, aut codicillis non confirmatis, aut quocunque modo filio emancipato tutorem dederit, scriptus tutor simpliciter confirmandus sit, hoc est, sine inquisitione, & satisfactione ei remissa, *hoc text. l. 1. §. 2. l. 3. l. 6. de confirm. tut.* nisi quod ex causa nonnunquam inquisitio fiat, ut in casibus l. 8. & 2. *seqq. d. tit. l. 4. de test. tut. l. 1. §. 3. de adm. tut.* & quod in naturalibus liberis distinguitur, utrum pater, qui tutorem dedit, aliquid iis reliquerit, an nihil l. 7. *d. tit. l. ult. C. eod.* Quod si alius, quam pater, tutorem dederit, siue mater sit, siue patronus, siue extraneus quis non aliter hic tutor confirmatur, quam si & hæres impubes institutus sit, l. 4. *de test. tut. l. 4. de conf. tut.* quæ etiam ratio est, cur datio sustineatur, d. l. 4. *de conf. tut.* & inquisitio præcesserit, l. 2. l. 5. *d. tit. l. qui in tutelam* 28. §. 1. *de test. tut.* Hoc interest, quod à matre datus satisfactione non operatur, sed ab ipso prætore ex inquisitione confirmatur, l. 2. *de conf. tit.* cæteri ferè remitti solent ad magistratus municipales confirmandos præstata satisfactione, l. 5. *d. tit.* nec aliter tamen quam si pupillus extra id, quod ex successione eorum accepit, nihil in bonis habeat l. 4. *ff. eod.* Quod autem diximus, à matre datum tutorem non aliter confirmari, quam si hæredem filium instituerit, ei obstat l. 4. *C. de test. tut.* ubi & liberis non institutis à matre datum confirmari solere rescriptum est. Respondent nonnulli, hoc fieri solitum, non ex juris aliqua constitutione, sed ex usu, quod non placet. Nam retenta læsione negati hæc erit rescripta sententia, quod tutor à matre liberis institutis testamento datus, rectè datus intelligatur, nec egeat confirmatione, secus si non institutis, id est, præteritis aut exhereditatis dederit, quod apertè falsum est. Tollenda omnino in d. l. 4. negatio cum Cufacio & Fabroto, ex illis verbis, *Quando autem eos hæres (non) instituerit, quomodo detracta sc. negatione, & in quibusdam codicibus legi testatur Pacius.* Et teste D. Fabr. veteres libri negationem etiam non agnoscunt, ut nec Interpp. Græc. ad l. ult. *Cod. arbit. tut.* Ita omnia & inter se & cum ratione juris opti-

mè convenient. Ne quis enim ex eo, quod simpliciter dixerat Imperator, non posse matrem filius testamento tutorem dare; nisi eos hæres instituerit, putaret, cum eos hæres instituit, dationem sustineri ipso jure, mox quomodo hoc quod dixerat, intelligendum sit, declarat nempe etsi ne tunc quidem cum liberis institutis mater tutorem dat, ipso jure datio valeat, datum tamen à præsidibus confirmari solere. Et sic bene quoque se habent illa sequentia, *Nulla vero ex his interveniente &c.* nempe si aut mater non instituto filio tutorem dederit, aut instituto datus non sit confirmatus. Pater vero etiam filio exhereditato jure tutorem dat, l. 4. l. 16. §. 2. l. 3. l. 1. *de test. tut.* quoniam tam exhereditatio jure patriæ potestatis fit, quam delegatur tutela. Porro tutores ita confirmati sub eodem genere cum testamentariis comprehendi possunt. Primum quia perinde confirmati dicuntur, ac si ex testamento tutores essent, l. 3. *eod.* nisi quod à matre aut ab extraneo dati ex inquisitione confirmantur quod naturam tutoris non mutat, *arg. l. 8. seqq. eod.* Deinde quia confirmatio non pendet à voluntate & sola potestate confirmantis, sed magis in necessitate juris posita est; tenetur enim Prætor datum confirmare, & judicium defuncti, cujus proinde potissima ratio habetur, in confirmando sequi l. 1. §. 1. *eod. l. Neseñnius* 32. *de excus.* Unde apparet etiam, antequam confirmentur, pro testamentariis quadantenus haberi, ut legitimis præferantur; & malè ratiocinari eos, qui ob id, quod is, qui confirmat, aliquando dare censetur, per l. lege 130. *de verb. sign.* tutorem confirmatum pro dativo potius, quam testamentario habendum, existimant, confundentes confirmationem necessariam cum eà, quæ tota pender ab arbitrio & voluntate confirmantis. Denique testamentarius curator diserte appellatus qui testamento datus confirmatus est, l. 7. *rem pup. salu. fore.* Planè non omnes hujus tutelæ species æquè prope ad testamentariam accedunt: nec repugno, si quis mixtam dici malit. Utiq; si Magist. cum cum ignoraret à patre tutorem inculiter datum esse, alium tutorem pupillò dederit, non revocatur, quod jure gestum est; adjungi tamen ei, is, qui patris judicium meruit, potest l. 3. *de conf. tut.* Apud nos ferè duo tantum sunt tutorum genera; unum eorum, qui testamento; alterum, qui à magistratu dantur: nec refert à patre, an à matre dentur, testamento; an codicillis. Legitimorum autem tutorum vix apud nos usus est: quamquam ubi testamento de tutela nihil cautum est, solent & tenentur magistratus audire cognatos pupilli proximos atque ex iis, qui modo idonei sint, tutores creare; vid. quæ notamus *inf. in fin. tit. de leg. agn. tut.*

TITULUS XIV.

Qui Testamento Tutores dari possunt.

Conc. lib. 26. tit. 2. Cod. lib. 5. tit. 28.

Continuatio & argumentum tituli.



Superiore titulo dictum est de iis, qui testamento tutores dare & quibus possunt: quæ quidem sola spectantur, sed tunc tantum, cum is, qui datus est, & tutor esse possit; de quo nunc deinceps disputatur, & simul de modis testamento tutores dandi, deque intellectu atque interpretatione nonnullorum verborum, quibus testator in dando tutore usus sit.

T E X T U S.

Qui tutores dari possunt.

Dari autem tutor potest testamento non solum paterfamilias, sed etiam filiusfamilias.

C O M M E N T A R I U S.

Sed etiam filiusfam.] Idque non testamento solum, sed etiam à magistratu, l. 7. de tutel. Nec obstat quod filiusfam. in potestate patris est: nam tutela munus est publicum, inf. de excus. in pr. In publicis autem causis filiusfam. non sequitur jus patris, sed pro patrefam. habetur, l. 9. de his qui sui vel jur. l. 14. ad Treb. Etenim qui est in aliena potestate, alium in potestate habere non potest, l. sic eveniet. 2. l. ad leg. l. pl. de adult. Verum hoc est, sed de eodem genere potestatis accipiendum.

T E X T U S.

De Servo.

1. Sed & servus proprius testamento cum libertate rectè tutor dari potest. Sed sciendum est, & sine libertate tutorem datum, tacitè libertatem directam accepisse videri; & per hoc rectè tutorem esse. Planè si per errorem, quasi liber tutor datus sit, aliud dicendum est. Servus autem alienus purè inutiliter testamento datur tutor: sed ita, Quum liber erit, utiliter datur. Proprius autem servus inutiliter eo modo tutor datur.

N O T Æ.

Libertatem directam] l. 32. §. 2. de test. tut. l. pen. C. de nec. serv. man. Imo fideicommissariam. Cujac. Vult. Bach. per l. 8. C. de fideic. her. Resp. d. l. 9. accipienda de eo casu, quo servus tutor datus est codicillis, vel

verbis præcariis, veluti, *Peto à te heres, ut Davus sit tutor liberis meis*, ut in l. 1. §. 1. de conf. tut.

Per errorem] Eo quod testator liberum esse putabat, cum esset servus, l. 22. de test. tut. l. 24. §. 9. de fideic. lib. ἐπειδὴ ἐπεπλάνησεν οὐδὲ τὴν τύχην αὐτοῦ ὁ ἀφ' ἑμὲν & ut ibi Græci.

Servus alienus purè inutiliter] Intellige quoad verba & sententiam: nam illa datio, *Davus tutor esto*, non est pura quoad sententiam: cum subaudiatur conditio, cum liber erit. Ita Cont. ne obstat l. 10. §. ult. eod.

Proprius inutiliter eo modo] Nec hæres eo modo rectè instituitur, l. 21. de cond. inst. quoniam quod in nostra potestate est, in casum conferri non oportet, l. 22. d. tit.

C O M M E N T A R I U S.

1. *Veterum sententia consentaneum esse, quod ait Iustinian. servum proprium simpliciter tutorem datum, directo liberum fieri,*

Non solum liberi homines testamento tutores dari possunt, sed etiam servi: quia & cum servis testamenti factio est, l. testamento 21. de test. tut. §. in extraneis inf. de her. qual. & diff. Disputatur autem hoc §. de triplici forma mandandæ servis tutelæ, tum propriis, tum alienis. Prima hæc est; *Davus tutor & liber esto*: secunda; *Davus tutor esto*: tertia; *Davus tutor esto*; cum liber erit. De prima, specie in servo proprio nulla est controversia: in alieno favor pupilli & publicæ utilitatis libertatem fideicommissam servo defendit, ut nimirum hæres eum à domino emat & manumittat, l. 10. in fin. de test. tut. De secunda, quod quidem attinet ad servum proprium, Iustinianus hanc directam libertatem tacitè accepisse scribit, ac per hoc rectè tutorem esse: quod & Paulus non obscure indicat l. quero 32. in fin. d. tit. cum dicit, hoc ipso, quod à domino tutor datus est, libertatem quoque meruisse videri, eamque sibi vindicare posse, & ab adita hæreditate liberum esse. Tertia in alieno servo utilis, in proprio inanis & ludicra judicatur, tanquam si quis diceret, hæc res tibi empta sit, si voluero.

Directam] Directa libertas dicitur, quæ recta ex testamento ad servum transit sine alterius facto aut opera, §. 2. inf. de sing. reb. per fid. Putat Cujacius, eumque secuti Vultejus & Bachov. hoc à Justiniano pri-

num constitutum esse: sed eos refellit tum locus Pauli modo allegatus, tum quod Justinian. scribit, *l. pen. C. de nec. serv. her. inst.* jure civili jam ante inductum fuisse, ut si quis servum suum sine libertate tutorem dedisset, ex ipsa tutelae datione libertatem ei imposuisse praesumatur. Deinde quod idem mox constituit in servo omitta libertate haerede instituto, quod antea non obtinebat, *inf. de her. inst. in pr.* nimirum ut hoc ipso, quod haeres institutus est, etiam libertas ei imposita videatur, ad exemplum servi simpliciter tutoris dati. Atqui servum simpliciter haeredem institutum, nemo est qui negare possit, directo ex testamento liberum fieri ex constitutione Justiniani. Postremo cui datur fideicommissaria libertas, is non nisi volens & petens fit liber. Servus proprius tutor datus, necessarius. Non obstat quod dicitur in *l. 10. in fin. de test. tut.* nihil interesse, suum servum, an alienum quis tutorem dederit: hoc enim ad voluntatem dandae libertatis, non ad qualitatem datae referendum est; si quidem servo alieno non nisi fideicommissaria defendi potest. Magis obstat *l. etsi 9. C. de fid. lib.* Communis responsio est, eum locum accipiendum esse de eo casu, quo servus tutor datus est codicillis, vel verbis precariis, veluti, *Peto à te, heres, ut Stichus sit tutor liberis meis.* Quod etiam verba *d. l. per fideicommissum manumississe*, significant. Per fideicommissum enim nihil aliud est, quam verbis fideicommissi, quibus ut tutor esset, petierat, *arg. l. qui tutelam 28. §. 1. de test. tut.* Franc. de Amaya nobilissimus Hispaniae Jurisconsultus putat, veteres ipsos hic inter se non convenisse, *lib. 1. obs. jur. c. 7.*

Per errorem] Quod liber putaretur: quo casu servo tutelam mandare voluisse nemo creditur, *l. si quis 22. de test. tut. l. generaliter 24. §. si quis tutorem de fideic. lib.*

Purè inutiliter] Hoc est, absque conditione, cum liber erit. Quid igitur est, quod Ulpian. ait *d. l. 10. §. ult. de test. tut.* in hac datione semper inesse hanc conditionem, cum liber erit? An dicemus, hoc contra rationem juris benignè receptum esse? An potius sententiam testatoris inspiciendam, ut si haec non refragetur, valeat; si manifeste repugnet, datio sit inutilis, *d. l. 10. in fin.* Quid enim, si ita verbis purè datus est, ut nec sententia eum liberum esse testator voluerit, veluti si liberum eum esse jam ante existimavit? & hoc verum est.

Proprius autem servus inutiliter] Nam perinde est, ac si diceret testator, tutor esto, cum à Domino suo libertatem adeptus erit, quod cum Dominus ipse loquitur, aperte ludificari & nihil agere intelligitur; veluti si quis dicat, haec res tibi emptā est, cum eam tibi vendidero.

T E X T U S.

De furioso & minore 25. Annis.

2. *Furiosus vel minor viginti quinque annis tutor testamento datus, tutor tunc erit, quum compos mentis, aut major viginti quinque annis fuerit factus.*

C O M M E N T A R I U S.

Tutores testamento dari possunt non solum qui tempore facti testamenti jam idonei sunt ad tutelam administrandam; verum etiam qui eo tempore idonei non sunt, modo tales sint, ut natura postea idonei fieri possint; quales sunt furiosi, & minoris 25. annis.

Quum compos mentis] Proculo videbatur, furiosum testamento tutorem purè dari non posse, *l. 10. §. 3. de test. tut.* Et videri potest pater non satis serio agere, qui eum tutorem purè dat, quem scit tutelam gerere non posse. Sed placuit etiam, hoc patri licere, quasi tacitè sub hac conditione detur, ut tutor sit, cum sapere coeperit, *d. l. 10. §. 3. l. 11. de tutel.* Medio autem tempore tutor aut curator à magistratu dabitur, *inf. de Attil. tut. §. 1. & inf. de curat. §. ult.*

Major 25. annis] *l. quæro §. ult. de test. tut.* Et hic interim usque ad legitimam dari tutoris ætatem alius à magistratu dabitur, *l. 10. §. si libertus de excus.* Rectè autem hic monet D. Bachovius, ponendos esse terminos habiles, ut minor, qui tutor datus est, ejus sit ætatis, ut ante pubertatem pupilli annum 25. implere possit: alioqui dationem esse luforiam, ac procius à magistratu tutorem dandum; quod sic accipe, si legitimum tutorem pupillus non habeat.

T E X T U S.

Quibus modis tutores dantur.

3. *Ad certum tempus, vel ex certo tempore, vel sub conditione, vel ante heredis institutionem posse dari tutorem non dubitatur.*

C O M M E N T A R I U S.

1. *Servum, furiosum, minorem 25. annis, à magistratu non rectè tutorem dari, neque tutorem temporis aut conditioni adstringi.*

Etiam in modo testamento tutores dandi placet testatoris voluntatem servari. Itaque non solum purè, sed ex die etiam & sub conditione tutorem rectè dederit, ut qui datus sit, non ante sit tutor, quam dies aut conditio extiterit, & deficiente conditione tutor non sit. Potest & ad certam diem & usque ad certam conditionem tutorem dare, ut finito tempore aut conditione existente tutor esse desinat, *l. 8. §. 1. & 2. de test. tut. l. si adrogati §. 3. & ult. de tutel. §. 2. & §. pen. inf. quib. mod. tut. fin. & de-*

faciente quidem aut finita tutela testamentaria, locus erit legitimo tutori; pendente, Atiliano, l. 11. de test. tut. junct. l. 9. §. 2. de tut. & rat. distr.

Vel ante heredi institutionem] Apparet hoc favore pupilli jam olim receptum fuisse. Poterat autem de eo dubitari, propterea quod jure veteri ante heredis institutionem legata inutiliter relinquebantur. Nunc autem nulla amplius dubitandi ratio est, §. 34. inf. de legat. Hic paucis admonendi sumus, ea, quæ de servis, furiosis, minoribus 25. annis tutoribus datis, itemq; de tutore tempore aut conditioni astringendo dicta sunt, omnia propria esse tutelæ testamentariæ, atque ex interpretatione verborum legis 12. *Uti quisque legasset, &c.* patri permilla. Non eadem libertas magistratibus data. Nam hi sub conditione tutorem dare verantur, l. 6. §. 1. de tutel. quamobrem nec servus, nec furiosus, nec minor rectè ab his tutor dabitur, sive sub conditione expressa, servus, cum liber erit &c. sive simpliciter & purè: nam & tunc eadem conditio perinde inesse creditur, atq; si expressa esset, l. 10. §. pen. & ult. de test. tut. Cur tam variè? Nimirum quia ab officio judicis aut magistratus alienum est actus suos suspendere atque imperfectos relinquare. Ideo enim aditur, ut in præsentem nobis officium atque auctoritatem suam, qua opus est, imperiatur, quod & Jo. Fabro suboluit, qui ad hoc utitur, arg. l. non quemadmodum 35. de jud. l. 1. §. biduum quando. app. Aliam insuper rationem afferunt vulgo DD. quod tutore à patre sub conditione dato, magistratus sit, pendente conditione pupillo prospicere: At si à magistratu tutor sub conditione daretur, neminem adiri posse, qui pendente conditione pupillo consulat. In eo autem Glossæ & DD. in d. l. 6. §. 1. errare existimo, quod putant etiam magistratum sub tacita conditione tutorem dare posse, per l. 11. de test. tutel. quippe quæ de tutela testamentaria omnino accipienda est, ut & Bart. eam accepit. Planè usque ad conditionem, sub qua tutor testamentario datus est, à magistratu interim alium tutorem tacitè dari posse non ambigitur, §. 1. inf. de Atil. tut. de l. 11. in pr.

TEXTUS.

Cui dantur.

4. *Certe autem rei, vel cause, tutor dari non potest: quia personæ, non causæ, vel rei, tutor datur.*

NOTÆ.

4. *Certe rei*] Ex Ulp. l. 2. & Marcian. l. 14. de test. tut. *Certe rei*, nec deductis rebus, d. l. 12. *ἔνεκεν τῆς αἰτίας* *περὶ τοῦ δανεισθέντος*, ut vertunt Græci. Et si datus fuerit, tota datio non valebit, l. 13. eod. Aliud

juris est, si quis hæres certæ rei scribatur, l. 1. §. 4. de her. inst.

Non potest] Universo tamen patrimonio alicujus loci utiliter datur, l. 15. eod.

Personæ] Principaliter scil. nam per consequentiam etiam rebus pupilli dari intelligitur, l. 12. §. pen. de adm. tut.

COMMENTARIUS.

1. *Dispositioni hujus §. apud nos locum non esse.*

Certe rei vel cause] Veluti Mævius, quia mercaturæ peritus est, Tabernæ pupilli tutor esto: quia juris & consuetudinis forensis, lites & controversias persequatur.

Quia personæ] Datur enim tutor ad tuendum pupillum, §. 1. sup. tit. ideoque si ad certam rem aut causam datus fuerit, tota datio non valebit, l. 12. c. 2. seqq. de test. tut. quoniam tutoris officio non congruit. Non obstat l. 12. §. cum tutor, de adm. tut. Aliud enim est certæ rei tutorem dare, aliud rebus pupilli omnibus tutorem datum præpositum intelligi. Nam cum personæ pupilli tutor detur, per consequentiam etiam rebus ejus dari intelligitur, quæ conditionem personæ sequuntur. Et vero si personæ pupilli consulendum est; necesse est, ut non tantum personæ & moribus pupilli, sed etiam rebus ejus tutor præponatur, d. l. 12. de test. tut. d. l. 12. §. cum tutor, de adm. tut. Atque in hoc præcipue differt tutor à curatore, qui rebus minoris principaliter datur, l. 8. C. de nupt. & ad unum certumque negotium rectè decernitur, §. 2. inf. de curat. l. 7. de tut. dat. Planè si tanto locorum intervallo disjunctum sit patrimonium, ut difficulter ab uno administrari queat, pupilli favore receptum est, ut rebus ita disjunctis, puta rei Africanæ aut Syriacæ, tutor dari possit, l. 15. de test. tut. quo tamen casu singuli tutores in solidum dati intelliguntur, nec tam tutela dividi, quam administratio. Una sanè superioris regulæ exceptio videtur, quod impuberi ad hæreditatem adeundam ut tutor detur, ex causa permissum est, l. 9. de tut. dat. l. 10. de test. tut. l. 17. §. 1. de appell. Mater quoque dicitur potius in rem, quam in personam tutorem dare videri, l. 4. de test. tut. quasi nec verus tutor sit, qui ab eo datus est, qui jus dandi tutorem ex lege non habet; Apud nos hæc juris Romani subtilitas non observatur: sed potest, auctore, Grotio 1. manud. c. 7. tutor vel testamento vel à magistratu etiam ad certam rem vel causam dari. Quoniam hodie sublata est tutorum & curatorum differentia, vid. inf. tit. de curat. Potest etiam à magistratu dari ex die vel ad diem vel sub conditione (quod jure Romano solis parentibus permissum erat, §.

prec.) modo ne pupillus unquam indefensus maneat, Illud etiam nunc manet, quod tutor incertus nec testamento recte datur, l. tutor. 20. l. tutor. 23. de test. tutor. §. sed nec 27. inf. de leg.

T E X T U S.

De tutore dato filiabus, vel filiis, vel liberis vel nepotibus.

5. Si quis filiabus suis, vel filiis tutores dederit, etiam posthumæ, vel posthumo dedisse videtur: quia filii vel filiae appellatione & posthumus & posthuma continetur. Quod si nepotes sint, an appellatione filiorum & ipsis tutores dati sint? Dicendum est, ut & ipsis quoque dati videantur, si modo liberos dixerit. Ceterum si filios, non continebuntur. Aliter enim filii, aliter nepotis appellantur. Plane si posthumis dederit, tam filii posthumi, quam ceteri liberi continebuntur.

N O T Æ.

5. Si quis filiabus] Ex Ulp. l. 5. & l. 6. de test. tut.

Etiam posthumæ] In legatis contra, l. 17. de legat. 1. quia legata liberis, non ut liberis, relinquuntur, sed ex affectione singulari erga hos vel illos: at tutor liberis datur, jure potestatis.

Aliter filii, aliter nepotes] Natura filium à nepote distinguit; & hic naturalem propriamque appellationem sequimur; quia ut ab ea recedamus, nulla justa est ratio: alias filii appellatione & nepos continetur, justa scilicet interpretatione, l. 84. l. 201. l. 220. de verb. sign. Exempla in l. 59. de rit. nupt. l. 2. §. 28. ad Terryll. l. 14. de senat. Mac. Filias tamen appellatione filiorum hic quoque venire placet, l. 16. de test. tut.

Posteris] Leg. posthumis d. l. 6. & ita Theophil. & alij.

C O M M E N T A R I U S.

1. Appellatione liberorum venire omnes, qui ex nobis descendunt.
2. Filiorum appellatione in hoc argumento contineri & posthumos: nepotes non contineri, filias contineri. Et quæ horum omnium ratio.
3. Appellatione posthumorum venire liberos omnes nascituros sive primi, sive ultimi gradus.

Voluntatis quæstio est, cum quæritur qui liberi appellatione filiorum, liberorum, posthumorum contineantur. Et de liberis, ut inde incipiam, nulla dubitatio est, quin ea appellatione omnes, qui ex nobis descendunt, contineantur,

sive filii sint, sive nepotes aut deinceps, sive jam nati, sive adhuc nascituri, l. liberorum 220. de verb. sign. Quamobrem si quis liberis tutores dederit, non solum filiis, sed etiam nepotibus & qui infra eos sunt, dedisse intelligitur, uti ex Ulp. l. 6. de test. tut. Justinianus hoc loco refert; dummodo post mortem dantis in potestatem patris sui recasuri non sint, §. 3. sup. tit. De filiis duo hic quærentur: unum est, an eorum appellatione etiam posthumi contineantur: alterum, an & nepotes. De primo ait, §. 2. quis filiabus suis vel filiis tutores dederit, etiam posthumæ vel posthumo dedisse videtur: quia filii vel filiae appellatione & posthumus & posthuma continentur. quod & Ulpian. respondet l. 5. d. tit. Cui tamen loco ob stare videtur, quod idem Ulpian. scribit l. qui filiabus 17. in pr. de legat. 1. eum, qui filiabus legavit, non intelligi posthumæ legasse, nisi & mentionem aliqua parte testamenti posthumæ fecerit. Sed hæc minime pugnant. Tutor enim datur jure potestatis, ut filiis & liberis; posthumi autem æquæ filii & liberi sunt, ac cæteri. Legata vero liberis non ut liberis relinquuntur, sed ex singulari affectione erga certos: quæ affectio in proposito erga posthumam non præsumitur, ita ferè Angel. hic post Gloss. in d. l. 17. Alterum est, utrum filiorum appellatione etiam nepotes veniant. Et ait, non venire; quia aliud sit filius, aliud nepos: filius enim est, qui ex me & uxore mea natus est; nepos, qui ex filio meo, hoc idem & Ulpian. d. l. 6. Quid ergo est, quod legitimus in l. filii 84. l. liberorum 220. de verb. sign. filiorum appellatione etiam nepotes ceterosque, qui ex nobis descendunt, contineri? Nimirum ubi iusta interpretatio id suadet, l. iusta 201. eod. tit. Nam nec à proprietate verborum aliter recedendum est, l. non aliter 69. de legat. 3. Exempla suppeditant, l. senatus 59. de rit. nupt. l. 2. §. filii 28. ad Terryll. l. 14. de sen. Mac. Et fingamus in proposito testatorem filios non habere, sed nepotes tantum: aut finge nepotes solos esse impuberes, dubitandum non est, quin filiorum nomine nepotes intellexerit, ne nihil egisse videatur, quod & Joan. Faber notat. At si filios testator habeat impuberes, nulla justa causa est, cur recedamus à proprietate sermonis, dicamusque filiorum appellatione & nepotes eum complexi voluisse. Nam nepotibus fortasse magis expedit peculiarem tutorem habere, legitimum vel dativum, quam eum, qui à parente datus est, qui filiorum tutela satis sit implicitus atque occupatus: cui adde, quod hic agitur de gravando extraneo, cujus inter sit ne nimium oneretur. Illud hic omisum est, an appellatione filiorum etiam filiae contineantur. Respondum est contineri l. 16. in pr. de test. tut. quippe in toto jure pronuntiatio sermonis in sexu masculino ad utrumque sexum porrigitur, l. 1. l. pronuntiatio de verb.

verb. sign. De posthumis est in vers. *Planè si posthumus*. Et ait Imp. si posthumus tutor datus sit tam filios posthumos, quam ceteros liberos contineri, id est, ut rectè hoc accepit Theophilus, contineri non tantum posthumos primi gradus, verum etiam secundi & ultiores: si modo in ea causa sint, ut si vivo testatore nascerentur, in potestate ejus futuri sint, neque testamentum rupturi, l. 1. §. *de test. tut.* Quarecessè non est, ut cum Haloandro pro *Posthumis*

substituamus *posteris*, maximè cum apud Ulpian. quoque l. 6. *cod.* unde hæc descripta sunt, *posthumis* legatur, & ut Bald. ibi notat, vox posthumus non distinguat gradus, ut filii, sed colligat add. *Don. 3. comm. 4. D. Tuld. hic c. 4. D. lac. Coren. cons. 14.* ubi disputat, an vox Belgica *Kindt* aut *Kinderen* tam late pateat, quam Latina *liberorum*, ut & Sande lib. 4. *rer. jud. tit. 5. de fin. 10.*

TITULUS XV.

Lib. 26. tit. 4. Cod. lib. 5. tit. 30.

Deligitima agnatorum tutela.

Ratio ordinis & Argumentum Tituli.



Estamentariam tutelam excipit legitima. Ea est, quæ lege deferatur iis, ferè, qui ad legitimam hæreditatem impuberis vocantur. Species hujus tutelæ quatuor; agnatorum, patronorum, parentum, & fiduciaria: quarum duæ priores propriè sunt legitimæ, l. 1. *hoc tit.* sequentes duæ *ἀναλόγως*. Singulæ singulis titulis hic explicantur: in π, & C. omnes uno. Hòc autem titulo exponitur species prima, quam agnatorum esse diximus, traditurque unde ea descendat, qui nam sint agnati, quando iis tutela deferatur: postremo subjicitur specialis quidam hujus tutelæ finiendæ modus.

TEXTUS.

Summa.

Quibus autem testamento tutor datus non est, his ex lege duodecim tabularum agnati sunt tutores, qui vocantur legitimi.

NOTÆ.

Ex lege 12. tab.] l. 1. de leg. tit. ubi de summa providentia constitutum dicitur, ut qui sperarent successionem, iidem tuerentur bona, ne dilapidarentur. Lege autem Solonis tutela non deferrebatur agnatis, nisi remotioribus. Laërt. in *Solon.* contraria vid. ratione, quod ferè quisque conetur eum, quem proximus hæres insequitur, expungere, ut ait Pers.

COMMENTARIUS.

1. *Quid intersit inter agnatos & gentiles, gentem & familiam.*

Quibus testamento] Semper enim legitimi tutores, ut supra quoque dictum est, cedunt testa-

mentariis, l. 1. *de test. tut. l. 9. §. 1. de tut. & rat. dist.* sicut & legitimi hæredes iis, qui ex testamento vocantur; l. *quandis de acq. her.* Et vulgo dici solet, provisio hominis facit cessare provisionem legis, per l. *ult. C. de pact.*

Ex lege 12. tabb. agnati sunt tutores] Lex 12. tabb. & ad hæreditatem legitimam vocavit agnatos, atque iidem etiam tutelam legitimam detulit. Idque summa providentia à lege constitutum esse Ulp. scribit, ut qui sperarent successionem, iidem tuerentur bona, ne dilapidarentur, d. l. 1. *hoc tit.* Hæc autem tutelæ species ea est, quæ à Servio dicitur jure civili data, l. 1. *de tutel.* Etenim legitimos tutores nemo dat, sed lex eos tutores facit, l. 5. *hoc tit.* Horomanus putat, etiam gentiliū mentionem à lege factam, Et sanè in hæreditate facta est, auctore Cornificio ad Heren. lib. 1. qui verba legis sic refert; *Si paterfam. intestato moritur, familia pecuniaque ejus agnatorum gentiliūque esto.* Ut omnino verisimile sit, eodem modo post agnatos & tutelam gentilibus delatam fuisse. Quid intersit inter gentiles & agnatos multi ante nos docuerunt. Dicam tamen obiter. Quod discrimen est inter gentem & familiam, hoc idem est inter gentiles & agnatos. Gens ex pluribus constat familiis; quæ singulæ cognominibus distinguuntur: nam ut nomen universæ genti commune est: ita cognomen proprium cujusque familiæ, quæ gente continetur. Qui ejusdem gentis sunt, gentiles; qui ejusdem familiæ, agnati dicuntur. Verbi causa, in gente Valeria sunt Corvini, Maximi, Messallæ, Flaccii. Hi omnes unam gentem Valeriorum constituunt: singuli singulas in ea gente familias: omnesque inter se gentiles sunt; singuli inter se etiam agnati.

T E X T U S.

Qui sunt agnati.

1. *Sunt autem agnati, cognati per virilis sexus cognationem juncti, quasi à patre cognati: veluti frater ex eodem patre natus, fratris filius, neposve ex eo: item patruus & patruus filius, neposve ex eo. At qui per feminini sexus personarum cognatione junguntur, agnati non sunt, sed alius naturali jure cognati. Itaque amita tua filius, non est tibi agnatus, sed cognatus: & invicem tu illi eodem jure conjungeris: quia qui ex ea nascuntur, patris, non matris familiam sequuntur.*

C O M M E N T A R I U S.

Per virilis sexus] Agnati dicuntur, qui per virilis sexus personas cognatione juncti sunt, l. 7. hoc tit. §. 1. inf. de leg. agn. succ. l. 2. §. 1. de suis & leg. modo non sint capite minuti, & sint in familia, §. ult. inf. eod. Nihil autem refert, naturam quaesita sit agnatio, adoptione, d. l. 2. §. 3. de suis & leg.

Veluti frater ex eodem patre] Masculos tantum ex agnatis hoc loco recenset; quia licet etiam feminae quaedam nobis agnatæ sint, veluti soror ex eodem patre nata, amita, fratris filia: tutela tamen solis maribus jure communi defertur, l. 1. §. 1. hoc tit.

Naturali jure cognati] Cognationis nomen per se generale est: siquidem cognati dicuntur omnes, qui vel jure sanguinis, vel jure adoptionis nos contingunt: proinde & agnati. At idem nomen oppositum agnationi ad eam speciem cognationis contrahitur, quæ per feminas copulatur, l. 4. §. 2. l. ult. §. 1. & 2. de grad. & aff. idemque hic planè accidit, quod in nomine adoptionis notavimus sub §. 1. sup. de adopt. Agnati Germanis dicuntur *Schwertmâgen* cognati *Spelmâgen*.

T E X T U S.

Quis dicatur intestatus.

2. *Quod autem lex duodecim tabularum ab intestato vocat ad tutelam agnatos: non hanc habet significationem, si omnino non fecerit testamentum is, qui poterat tutores dare: sed si quantum ad tutelam pertinet, intestatus decesserit: quod tunc quoque accidere intelligitur, quum is, qui datus est tutor, vivo testatore decesserit.*

C O M M E N T A R I U S.

Quantum ad tutelam] Discretè ait, quantum ad tutelam, ut & jurisconsulti, l. 6. hoc tit. nam ad hæreditatem quod attinet, nemo intestatus decessisse intelligitur; qui testamento facto, unde hæres postea exstitit, decessit, inf. de her. quæ ab int. def. in pr.

[Vivo testatore] Exempli causa positum arbitror. Quid enim si post mortem testatoris ante ceptam tutelam decesserit? Sanè non minus hoc, quam illo casu rectè dicitur paterfam. quoad tutelam intestatus decessisse. Sed et si tutor testamentò datus post ceptam tutelam decesserit, vel in civitate esse defecerit, nihilominus ad legitimam tutela redit, l. 6. hoc tit. l. 11. §. pen. & ult. de test. tut. Unde vel magis dicendum est, si ad certam conditionem vel ad certum tempus datus sit; existente conditione aut finito tempore ad legitimam tutelam reverti: quasi qui dedit, pro parte intestatus, quod ad tutelam pertinet, decesserit. Planè si tutor testamento datus postea excusatus sit aut remotus, placet, non legitimam succedere, sed in locum ejus alium à magistratu dari, d. l. 11. §. 1. & 2. Diversi hujus juris non alia ratio occurrit, quam quod illis modis ipso jure tutela finitur & planè extinguitur, excusatione autem & remotione non item, sed interveniunt magistratus, quasi ipso jure perinde quodammodo habeatur, ac si excusati ac remoti adhuc tutores essent.

T E X T U S.

Quibus modis agnatio vel cognatio finitur.

3. *Sed agnationis quidem jure omnibus modis capitis deminutione plerumque perimitur: nam agnatio juris civilis nomen est, cognationis vero jure non omnibus modis commutatur: quia civilis ratio civilia quidem jura corrumpere potest, naturalia vero non utique.*

C O M M E N T A R I U S.

1. *Tutelam legitimam minima capitis deminutione non amplius tolli.*
2. *In his regionibus vix usum esse legitimam tutelam: & quid moris cessante testamentaria?*

Differat agnatio à cognatione etiam in eo, quod agnatio quævis capitis deminutione, etiam minima tollatur, & consequenter agnationi tributa, ut tutelæ & hæritates legitimæ decedant, l. 7. de cap. min. l. 5. §. ult. hoc t. Cognationis autem jus non mutetur, nisi maxima aut media capitis deminutio intervenerit. De quo amplius §. pen. seq. tit. qui hujus loci explicationem continet. Hanc autem

inter agnationem & cognationem differentiam, idcirco hoc loco proposuit Justinianus, ut aditum sibi patefaceret ad tractatum de capitis deminutione,

Plerumque] Additum propterea quod jus agnationis certis personis novis legibus datum interveniente minima capitis deminutione non perimitur: quippe quibus legibus hereditates & tutelae sic deferuntur, ut personae naturali nomine designentur: ut ecce, defertur hereditas ex Senatusconsultis *marri & filio*, d. l. 7. de cap. min. §. 2. inf. de sen. Orfic. l. 1. §. 8. ad sen. Tert: Constitutione quoque Anastasii frater emancipatus neglecta capitis deminutione ad legitimam fratris vel sororis hereditatem & tutelam vocatur, l. 4. C. hoc tit. §. 1. inf. de succ. cogn. Justinianus & fratrum emancipatorum filios vocat, l. ult. §. 4. C. de legit. her. Novissimo autem jure cum in totum sublata sit agnationis & cognationis hac in parte differentia, pariterque cognati cum agnatis ad legitimam tum hereditatem tum tutelam vocentur: *Nex* 118. c. 4. & §. consequens omnino est, legitimam tutelam minima capitis deminutione non amplius tolli.

Quia agnatio juris civilis nomen] Sicut & familia, cujus appendix est agnatio. Neque obstat, quod etiam aliae gentes familiarum & agnationum rationem habuerunt: multa enim etiam apud alias gentes observantur, quae tamen non sunt juris naturalis: quippe non ratione naturali, unde jus gentium testimandum, l. 9. in fin. de just. & jur. constituta, sed civili auctoritate: argumento est adoptio, de qua *sup. tit. 11.* item iuscapio, de qua *lib. 2. tit. 6.* tale etiam est jus agnationis.

Civilia jura corrumpere potest] Quod non sic accipiendum est, quasi minima capitis deminutione omnia jura civibus tributa amittantur, sed ea tantum, quae familiae illius sunt propria, e qua capite minuitur exit.

Naturalia vero non utique] *Οὐ πάντως*, non omnino, Th. non capitis deminutione minima. Pompon. l. 8. de reg. jur. nullo jure civili, id est, nulla

juris civilis vel fictione, vel solemnitate, veluti emancipatione, *vid. §. pen. seq. tit.*

Apud nos legitimae tutelae vix usus est, ut notavimus *sup. tit. de tutel. in fin.* praeterquam in agro Voornano, juxta *art. 74.* statutorum illius agri confirmatorum à Carolo Quinto anno 1519. Ceterum cessante tutela testamentaria, magistratus tutelaris, sicuti est, aut qui juri dicundo praesunt, tutores (fere tamen proximos pupilli cognatos) creant. Ac nec pupilli diu indefensi mancant, tenetur parens superstes, aut eo tutelam suspicere recusante, duo è proximis per defunctum pupillo cognatis, intra certum tempus statutis aut consuetudine locorum, definitum, tutores à magistratu petere; qui tam de consilio eorum, atque etiam ex iis, quod sine fraude pupillorum fiat, tutores eligit atque constituit. Quamobrem pater & mater, si sive deficientibus, avus & avia, in tutela filiorum suorum & nepotum ceteris praeferruntur: quibus tamen contutor unus atque alter è cognatis defuncti proximis adjungendus est. Patris & avi tutela perpetua est: matris & aviae transitu ad secundas nuptias finitur: neque ad tutelam admittuntur, nisi prius beneficio Senatusconsulti Vellejani renuntiaverint, juxta dispositionem juris civilis Romanorum, *auth. matri & avia & seq. C. quando mul. tut.* Sed nec mater iterum vidua facta tutelam recuperat, uti judicatum refert *Myns. 3. obs. 84. add. Io. Gutierrez de tutel. p. 1. c. 8. & 9.* Si ex parentibus nemo extabit, tenentur ad minimum duo ex iis, qui pupillum proximè contingunt, unus per patrem, alter, per matrem, simili modo tutores petere: atque hic quoque proximos tunc eligit magistratus, aut si illi idonei non sint, qui proximè sequuntur, & ita deinceps. Demum si cognatorum nemo sit idoneus, alios ex inquisitione tutores creabit. Consule statuta tutelaria Rhynlandiae *art. 12. cum aliquot seqq. Grot. 1. manduct. 7. Christin. vol. 3. dec. 147 n. 4. & seqq. & decis. 149.* ubi refert, moribus Galliae & Mechliniensium matrem & aviam non renuntiare Vellejano.

TITULUS XVI.

Lib. 4. D. tit. 5.

De capitis deminutione.

Continuatio & summa tituli.



Non hic locus inter restitutiones in integrum tractatur *lib. 4. tit. 5.* Justinianus autem cum in §. ult. *sup. tit.* docuisset, jus agnationis, ac proinde & tutelam legitimam, quovis genere capitis deminutionis periri, inde occasionem arripuit de ea re plenius separatim disputandi: quod

facit hoc tit. ubi primum quid sit capitis deminutio, definit: deinde diviso genere in suas species, itidem quid sint singulae, & quam vim habeant, exponit: tum interpretatur, quod in d. §. ult. dixerat, cognationis jus capitis deminutione non omnibus modis inverteri: & tandem pro corollario docet, quo ordine agnatis tutela deferatur.

T E X T U S.

Definitio & divisio.

Est autem capitis deminutio, prioris status mutatio. Eaque tribus modis accidit. Nam aut maxima est capitis deminutio, aut minor, (quam quidam mediam vocant) aut minima.

N O T A.

Prioris status mutatio] Græci, *πρετέρας κατά-
στασις ἐναλλαγή*. Apud Paulum in l. 1. eod. non est
prioris status, hic est, quod à genere, à civitate, à ter-
natura tribuitur, l. 3. de int. & releg. nempe familia,
civitas, libertas, l. ult. h. t.

Tribus modis] Auson. *Idyll. 11. Triplex libertas capi-
tisque minutio triplex* nimirum uno ex tribus illis,
quæ dixi, amisso, contingit capitibus deminutio, d. l. ult.

C O M M E N T A R I U S.

Capitis deminutio] Verbi capitibus varia est & mul-
tiplex acceptio, ut videre est apud Hotomannum
& alios in *Lexic.* Hic significat personam, lo-
cum aliquem in ordine civium proprio obtinentem,
quem locum cum amittit, capite minui dicitur. Pu-
ratque Hotomannus, ad personam translatum esse,
quod de ipso ordine proprie loquendo dici debebat;
ut ecce cum quis deportatur ut emancipatur, ordo
civium aut agnatorum capite uno minuitur.

Status mutatio] l. 1. hoc tit. l. 2. de in int. test. Græci,
κατάστασις ἐναλλαγή καὶ ἀλλοίωσις ἐλαττώσις. Status
quoque vocabulum multa significat: sed in hoc
tractatu accipitur duntaxat pro eo jure, quod singuli
in civitate habemus, nimirum libertatem, civi-
tatem, familiam, quæ tria scire Chremes apud Te-
rentium in Eunuchis his verbis complectitur; *Dico,*
eam esse liberam, civem Atticam, meam sorororem.

Tribus modis] Tot enim necesse est sint genera capi-
tis minutionis, quot sunt, quæ in persona cujusque
civis considerantur, quorumque uno amisso status
ejus commutatur, l. ult. hoc tit. Qui duo tantum genera
faciunt, magnam & minorem, appellatione magnæ
maximam & mediam, quæ hic etiam minor dicitur,
comprehendunt, quod facit Ulpian. l. 1. §. si filius de
suis & legit. l. 1. §. capitibus minutio ad senat. Tertyll.
item Callistratus l. 5. §. ult. de extraord. cognit.

T E X T U S.

De Maxima cap. deminut.

1. *Maxima capitibus deminutio est, cum ali-
quis simul & civitatē & libertatem amittit,*
quod accidit his, qui servi pœnæ efficiuntur
et ceteris sententia: vel libertis; ut ingra-
tia erga patronos condemnatis; vel his, qui se
ad pretium participandū venundari passi sunt.

N O T A.

Vel libertis] Libertus igratus jure libertatis exui-
tur & patrono in servitutem redigitur, l. 2. C. de li-
bert. & cor. lib. quod & Attico jure obtinuit. Plar. 11,
de legib. Plur. in Solon. usurpavit Claudius Sver. in
ejus vit. c. 25.

C O M M E N T A R I U S.

Cum omnia amittamus, quæ habemus, liberta-
tem, civitatem, familiam, maximam capitibus de-
minutionem pati dicimur, l. ult. hoc tit. Hoc au-
tem iis semper accidit, qui servi efficiuntur. Nam
sublata libertate tolluntur quoque reliqua duo. Sic
Regulus capitibus minor Horatio, id est, servus factus
per captivitatem, lib. 3. carm. De modis, quibus quis
in servitutem redigitur, plenissime explicatum est
§. pen. sup. de jur. pers. & nominatim de servitute pœ-
næ, in §. pœnæ servus sup. quib. mod. jus pat. pot.

Ingratia] Ita legit Pacius alii *ingratis*. Hoto-
mannus *ingrati*, ut subaudiatur crimine vel judicio.
Usurpavit hoc jus Imp. Claudius, teste Sveronio in
ejus vita c. 25. Estque de eo tit. in Cod. de libert. &
cor. lib.

T E X T U S.

De Media.

2. *Minor, sive media capitibus deminutio*
est, quum civitas quidem amittitur, libertas
vero retinetur, quod accidit ei, cui aqua &
igni interdictum fuerit, vel ei, qui in insulam
deportatus est.

C O M M E N T A R I U S.

1. *Constitutis alim aqua & igni interdicti solitum?*

Libertas retinetur] l. 2. §. 1. d. 17. §. 1. de pen. l. 6. de in-
terd. & releg. Objici solet locus Callistrati in l.
pen. §. ult. de extracogn. Sed loc⁹ iste haud dubiè depra-
vatus est & pro *veluti* legendum *vel*, quomodo & in
nonnullis codicibus legi testatur. Accursius. Alb.
Gentilis citra correctionem rem expedit lib. 3. lect.
10. ex una particula *veluti* duas faciens *vel uti*. Ni-
mirum Callistratus sub magna capitibus deminutione
utramque, & qua libertas, & qua civitas amittitur,
complex⁹ est, quod & aliis familiare esse paulo ante
monuimus. Nisi quis malit cum Cujacio locum il-
lum de libertate ex jure Quiritium accipere, quasi
jure Quiritium liber non sit, qui in numero Quiri-
tium non est, ut disputat Cic. in fin. orat. pro Cæcinnâ.

Cui aqua & igni] Jure à majoribus tradito non
licuisse, civem, licet noxium, aut supplicio capitibus af-
ficere, aut libertatem ei civitatemve adinere,
multi tradiderunt. Cæsar orat. sua apud Sallust. de
bell. Catil. Cicero in suis pro Aul. Cæcinnâ pro dom. sua,
pro

pro Corn. Balb. Lactant. lib. 2. cap. 10. Cæterum cum ad disciplinæ publicæ vigorem omnino pertineat, delicta & scelera malorum hominum impunita non relinqui, inventa ratio est, qua civitate, salvo instituto majorum, expellerentur. Itaque aqua & igni sordibus interdici cœptum est, ut his duobus tanquam vitæ humanæ præsidii destituti, si exilium sibi paratum vitare vellent, in exilium proficisci cogerentur, inque aliam civitatem profugere, in quam cum essent recepti, Romanam demum amittebant. Quibus igitur aqua & igni interdicebatur, iis quidem aperte vita non eripiebatur, ac ne civitas quidem, (siquidem nulla exilii facta mentione hæc pœna irrogabatur) sed tacite tamen morte quodammodo multabantur, vique ipsa expellebantur civitate; cum solo aëre vivere aut regi non possent; nec fas esset eos aut testo recipere, aut aqua & igni, cæterisque, quibus vita continetur, juvare, ut ex ead. orat. Ciceronis pro domo sua liquet.

In insulam deportatus] Deportatio species exilii fuit atrocissima, cum scilicet quis ita damnabatur, ut bonis publicatis nervo aut compedibus victus & in navim impositus à servis publicis in certam insulam deportaretur, ibique in perpetuum concluderetur. Qua pœna manifesto caput eximitur de civitate, civesque ad peregrinorum conditionem rediguntur, l. 17. §. 1. de pen. l. 6. de int. & releg. Non uno autem loco in libris nostris traditum est, deportationem in insulam in locum aquæ & ignis interdictionis successisse, l. 2. §. 1. de pen. l. 3. ad leg. lul. pecul. l. pen. in fin. de extr. cogn. Itaque umbra vetusti juris adhuc retenta, qua & igni interdictos nostri deportatos interpretantur, l. 1. §. hi quibus de legat. 3. l. 2. de publ. jud. eademque & in aliis locis illorum verborum interpretatio facienda est. Consule Briffon. lib. 3. sel. antiq. cap. 5.

TEXTUS.

De Minima.

3. Minima capitis deminutio est, quum civitas retinetur & libertas, sed status hominis commutatur: quod accidit his, qui quum sui juris fuerint, cœperunt alieno juri subiecti esse; vel contra, veluti si filius familias à patre emancipatus fuerit, est capite deminutus.

NOTÆ.

Alieno juri subiecti esse] Puta adrogati, eorumque liberi, l. 3. pr. cod. §. pen. sup. de adopt. item dati in adoptionem personæ non extraneæ, §. 1. sup. d. t.

Emancipatus] Emancipatus capite minuitur, l. 8. in fin. cum l. seq. h. t. quia, ut ait Paul. l. 3. §. 1. cod. emancipari nemo potest, nisi in servilem imaginarian-

causam deductus; alibi tamen rationem petit à familiæ mutatione, l. ult. cod. quod contingit etiam hodie, sublata licet imagine servitutis.

COMMENTARIUS.

1. Quomodo intelligendum, quod Vlp. scribit, minimam cap. deminutionem salvo statu contingere.
2. Non solum adrogatos capite minui, sed etiam adoptatos, quanquam cum distinctione.
3. Emancipati cur capite minui dicantur: & num nam post, imagine servitutis sublata, capite minui desierint.

Ed status hominis] Minima capitis deminutio est per quam salva civitate & libertate status duntaxat hominis mutatur. Vlp. de tutel. §. 12. Idem tamen Vlp. l. 1. §. capitis ad SC. Tertyll. scribit, hanc capitis deminutionem contingere salvo statu. Quæ videri possunt contradictoria. Et utique essent, si vocabulum status utroque loco eodem modo acciperet: nulla autem contradictio est, si eo vocabulo, quod est *ἀνθρώπων*, non in eadem significatione utrobique utatur. Ergo rectè dicit, hanc capitis minutionem contingere salvo statu, sed statu publico, quem quis ut civis habet: rectè item eandem non contingere salvo statu, sed privato, quem quis habet in familia, l. ult. hoc tit. In definitione autem pr. hujus tit. tradita, appellatione status utrumque continetur.

Qui quum sui juris] Qui se adrogandum dat, manifesto capite minuitur, quia caput suum in familiam & domum alienam transfert, l. pen. §. 2. de bon. poss. sec. tab. Liberos quoque, qui cum sequuntur, de quo dictum §. pen. sup. de adopt. capite minui placet; quia & ipsi cum parente familiam mutant, l. 3. pr. hoc tit. Sed etsi filiusfam. à parte in adoptionem datur, dicendum est cum capite minui, quia in alienam familiam transit, l. 4. §. pen. de grad. & aff. quod tamen ex constitutione Justiniani non aliter nunc contingit, quam si à non extraneo adoptatus sit, de quo sup. §. 2. de adopt. & §. antepen. sup. quib. mod. jus patr. pot.

A patre emancipatus] Emancipatos capite minui, jura agnitionis & familiæ perdere, patri post emancipationem extraneos intelligi, tot locis proditum est, ut de eo dubitari non oporteat. Cur autem emancipati capite minui dicantur, hanc rationem affert Paulus d. l. 3. §. 1. hoc tit. quia in imaginarian servilem causam deducuntur. Unde plerique contendunt, hodie sublata in emancipationibus antiqua servitutis imagine, l. ult. C. de emanc. lib. §. præterea sup. quib. mod. jus patr. pot. emancipatos capite non amplius minui: non magis quam illi capite minuuntur, qui morte patris aut accessione dignitatis sui juris fiunt, l. 3. §. ult. de femat. Mac. Nov. 81. c. 2. Sed verendum

dum ne illa Pauli ratio & ipsa aliquid imaginarii habeat: certe adæquata non est. Num primum constat, in adrogationibus nullas venditiones libi manumissiones intervenisse, & tamen adrogati liberique eorum capite minui dicebantur, hoc solo, quod familiam mutarent. Deinde si sublatis illis venditionibus emancipati capite non minuuntur, quid opus fuit, ut Anastasius liberis, qui sine isto ritu emancipantur, jura tutelarum nominatim conservaret, si parens manumissor id peteret? *l. 11. C. de leg. her.* Postremo si jura agnationis & familiæ non amitterentur, nisi interventu imaginarii illius contractus, necesse non erat Justinianum specialiter cavere, ut ij, quos dignitas patria potestate eximit, eadem jura integra retinerent, *d. Novell. 31. cap. 2.* Quamobrem potius est: ut à familiæ mutatione rationem petamus, quod & ipse Paulus facit *l. ult. hoc tit.* Sic igitur sentio; etiam post venditiones illas sublatas rectè dici emancipatis contingere capitis deminutionem: propterea quod non minus nova, quam veteri emancipatione familiam amitterent, & pro extraneis haberentur, ut ex iis, quæ jam dicta sunt, liquet. Cæterum jure novissimo, quo differentia agnationis & cognationis tum in successione, tum in tutelis penitus sublata est, *Nov. 118. c. 4. & 5.* vix est ut emancipatio inter genera capitis minutionis referri possit.

T E X T U S.

De Servo manumisso.

4. Servus autem manumissus capite non minuitur: quia nullum caput habuit.

N O T Æ.

4. Servus capite non minuitur] Servile caput nullum jus habet, *d. l. 3. in fin.* nullum jus id est nec familiam, nec civitatem, nec libertatem; sed demum post manumissionem hæc consequitur.

C O M M E N T A R I U S.

Servile caput nullum jus habet, & ideo nec minui potest, inquit Paulus *l. 3. in fin. eod.* Quod igitur hic ait Justinianus, servum nullum caput habere, idem est, ac si diceret, servum nullum jus habere aut locum in tribus illis, quæ civium propria esse diximus, libertatem inquam, civitatem, familiam; ad quæ tria in hoc tractatu capitis & status vocabula referuntur, quæ alioqui per se latius patent, & de persona servili etiam prædicantur, *tit. de stat. hom. & sup. de jur. pers.*

T E X T U S.

De mutatione dignitatis.

5. Quibus autem dignitas magis quam status permutatur, capite non minuuntur, & ideo à senatu motos capite non minui constat.

C O M M E N T A R I U S.

Dignitas quoque appellatione status generaliter continetur; ideoque qui senatu vel alio ordine movetur, rectè dicitur circa statum dignitatis plecti, *l. 5. §. 2. de extr. cogn.* sed quia ita moti existimatio duntaxat minuitur; cætera autem quæ civem propriè constituunt, salva manent, ideo in hoc argumento dicitur capite non minui, civis manere integri capitis, *l. 3. ff. de senator.*

T E X T U S.

Interpretatio §. ult. sup. tit. prox.

6. Quod autem dictum est, manere cognationis jus etiam post capitis deminutionem, hoc ita est, si minima capitis deminutio interveniat: manet enim cognatio. Nam si maxima capitis deminutio interveniat, jus quoque cognationis perit, ut puta servitute alicujus cognati, & ne quidem si manumissus fuerit, recipit cognationem. Sed & si in insulam quis deportatus sit, cognatio solvitur.

N O T Æ.

6. Si minima capitis deminutio] Ex. gr. si L. Titius patruelis meus à patre suo emancipatus sit, agnationis jura amittimus, cognationis retinemus, & ideo ad mutuam successionem ex edicto inde cognati vocamur, *§. 1. inf. de succ. cogn.*

C O M M E N T A R I U S.

1. Jus sanguinis seu cognationis quot modis accipiat.
2. Manumissos non recipere cognationem servitute amissam: at beneficio Principis restitutos recipere.

Rediit Imp. ad id, quod in §. ult. sup. tit. dixerat, cognationis jus non omnibus modis capitis deminutionis solvi, sicuti solvitur agnatio: qua occasione oblata, simul de capitis deminutione, quæ res ea planis intelligeretur, disserendum putavit; docetque nunc, quod de cognatione dixit, eam capitis minutione non perinde, ut agnationem, perimi, de minima accipiendum esse: maximam vero & mediam, utpote quæ mortalitati comparantur,

l. verum 63. §. societas 10. pro soc. etiam intervertere jus cognationis.

Ius quoque cognationis perit] Huic loco ob stare videri potest, quod dicit Pompon. *l. 8. de reg. jur.* jura sanguinis nullo jure civili dirimi posse. Sed sciendum est, jura sanguinis siue cognationis bifariam accipi; vel planè naturaliter, atque pro eo jure, in quo sola sanguinis conjunctio spectatur; vel pro jure, quod cognatis propter cognationem jure civili vel honorario defertur. Illo modo si jus sanguinis accipias, nullo jure civili vel dirimi potest: at ecce, jus civile efficere non potest, ut qui pater est, pater esse desinat, qui frater, desinat esse frater; ut nuptiæ inter patrem & filiam, inter fratrem & sororem consistant. At posteriore modo acceptum certis personis adimi potest; ut puta, potest jus civile efficere, ut ne filius patri, frater fratri certo casu succedat, aut ad bonorum possessionem unde liberi aut unde cognati vocetur. Nam hæc jura licet naturalia rectè dicantur propter rem cui tribuuntur, quæ est naturalis cognatio: tamen quia inter cives tantum instituta sunt, etiam ad jus civile suo modo referuntur, *l. 17. §. 1. de pen.* unde fit, ut etiam civili constitutione, hoc est, capitis deminutione, perimantur; excepta tamen ea, quæ salva civitate contingit.

2. *Ne quidem si manumissus*] Is qui servus aliqua ratione factus est, cognationem manumissione non recipit; ac proinde ad bonorum possessionem unde cognati à prætoribus non vocatur, *l. 1. §. 2. l. 7. und. cogn. et inf. de serv. cogn. in pr.* Nam dominus quidem libertatem servo imponere potest & jus suum remittere: jus autem cognationis, quod servitute amiserat, ei restituere non potest. Planè qui servi pænæ effecti beneficio Principis restituuntur, etiam jus cognationis recipiunt, *l. 1. §. 4. ad Tertyll. l. 1. §. ult. l. 2. de bon. poss. cont. tab.* Atque hoc quidem jure veteri obtinebat. Justinianus autem postea etiam libertinos ad similitudinem ingenuorum succedere voluit, *§. 2. inf. de serv. cogn.* & novissimè libertinos ingenuis per omnia exæquavit, excepto jure patronatus, *Nov. 78.*

Cognationem] Hoc est jus, quod propter cognationem, cum adhuc liber & in civitate esset, habebat. Ceterum ipsa cognatio aut sanguinis conjunctio servitute non extinguitur: quæ idcirco etiam nuptiis post manumissionem impedimento est, *§. illud sup. de nupt.*

In insulam deportatus] Deportati quoque jura cognationis amittunt: sed à Principe restituti per omnia pristinum statum recipiunt, *§. 1. sup. quib. mod. jus pat. pot. solv.*

T E X T U S.

Ad quos Agnatos Tutela
pertinet.

7. *Quum autem ad agnatos tutela pertineat, non simul ad omnes pertinet, sed ad eos tantum, qui proximior gradu sunt: vel si plures ejusdem gradus sunt, ad omnes pertinet: veluti si plures fratres sunt, qui unum gradum obtinent, pariter ad tutelam vocantur.*

N O T Æ.

7. *Cum autem ad agnatos*] Ex Cajo *l. 9. D. d' leg. tut.*

Ad omnes] Ita tamen, ut uni decerni possit administratio, *l. 5. §. 2. D. de leg. tut.*

C O M M E N T A R I U S.

Qui proximior gradu] Æquum enim est, ut illi onus tutelæ subeant, qui & ad successionem vocantur, vocantur autem soli agnati proximi, *inf. de leg. agn. succ.*

Ad omnes pertinet] Si plures sint agnati eodem gradu, pariter omnibus tutela defertur, *l. 8. et l. 9. de leg. tut.* nempe quia & ad hæreditatem omnes simul admittuntur, *§. 5. inf. de leg. agn. succ.* Quid ergo si aliqui ex proximioribus, vel etiam omnes mortui sint, vel capite minuti? Et quidem quandiu unus adhuc superest, & in familia est, tutela penes eum remanet, per *l. 3. §. 5. de leg. tut.* Ceterum si omnes decesserint, vel capite minuti sint, sequentes in tutelæ administrationem succedunt, *d. l. 3. §. pen.* Qua in re tutela legitima olim differebat à legitima agnatorum hæreditate, in qua placebat successionem non esse, hoc est, si proximi defecissent, insequentium gradum non admitti, *§. placebat inf. d. tit.* Enimvero nec in tutela semper admittitur successio: nam si proximus vel excusatus sit, vel remotus, sequentes non succedunt: sed in locum abeuntis alius à magistratu datur, *arg. d. l. 3. §. quæri.* Idem dicendum videtur & si proximus idoneus non sit ad tutelam gerendam, *arg. §. pen. inf. de curat. l. non solum 10. §. si libertus de excus.* quasi hic proximus gradus adhuc supersit. Novissima Justiniani constitutione legitima tutela cognatis juxta defertur, ac agnatis, *Nov. 118. cap. 5.* ut Platonis quoque lege cautum, *Πατέρας ἑταίρων τὰς ἐγγύ- τατα γένει πρὸς πατέρας καὶ μητέρας.*

lib. 11. de legib.

TITULUS XVII.

De Legitima Patronorum tutela.

Lib. 26. D. T. 4. Cod. Lib. 5. T. 30.

Continuatio.



EX quatuor generibus, in quæ tutelam legitimam distribuimus, primum explicatum est, tutela agnatorum: alterum nunc sequitur, patronorum, qui & ipsi propriè legitimi tutores sunt ex ratione & mente legis 12. tabb. l. 1. l. 3. de leg. tut. junct. l. 6. §. 1. verb. sign.

TEXTUS.

Ex ratione L. 12. Tabb. quæ tutelas agnatis idcirco defert, quia hæredes ab intestato sunt, inductum est, ut patroni libertorum suorum tutelam susciperent, quæ idèò legitima dicitur. l. 3.

D. de legit. tut.

Ex eadem lege duodecim tabularum libertorum & libertarum tutela ad patronos liberosque eorum pertinet, quæ & ipsa legitima tutela vocatur, non quia nominatim in ea lege de hac tutela caveatur: sed quia perinde accepta est per interpretationem, ac si verbis legis introducta esset. Eo enim ipso, quod hæredes libertorum libertarumque, si intestati decessissent, jusserat lex ad patronos, liberosve eorum pertinere, crediderunt veteres, voluisse legem etiam tutelas ad eos pertinere: quum & agnatos, quos ad hæreditatem lex vocat, eosdem & tutores esse jusserit: quia plerumque ubi successionis est emolumentum, ibi & tutelæ onus esse debet. Idèò autem diximus, plerumque: quia si fœmina impubes manumittatur, ipsa ad hæreditatem vocatur, quum alius sit tutor.

COMMENTARIUS.

Non quia nominatim] Lege 12. tabb. patronis tutela defertur, non propalam aut nominatim & disertis verbis, quemadmodum agnatos lex vocat, sed per consequentias hæreditatium, quæ ex ipsa lege patronis datæ sunt, l. 3. pr. de leg. tut. Np. de tutel. §. 2.

Per interpretationem] Prudentum scilicet, quibus permillum erat leges publicè interpretari, & consulentibus de jure respondere, §. responsa prudentum sup. de jur. nat. gent. & civ. l. 2. §. his legibus. §. de orig. jur.

Perinde accepta est] Verbum ex legibus, ait Ulpian. sic accipiendum est, tam ex legum sententia, quam ex verbis l. 6. §. 1. de verb. sign. & Celsus, Scire leges, inquit, non est verba earum tenere, sed vim ac potestatem l. scire. de legibus.

Ubi successionis est emolumentum] Prudentum collectio fuit, patronos idèò ad tutelam libertorum à lege vocari, quia vocantur ad eorum intestatorum hæreditatem, hoc argumento, quod non aliam ob causam tutela agnatis delata fuit, quam quod & ipsos ad hæreditatem lex vocasset, l. 10. de leg. tut. Rectè & naturæ juris convenienter: quo comparatum est, ut incommoda cujusque rei cum sequantur, quem sequuntur commoda, l. 10. de reg. jur. l. un. §. pro secundo C. de cad. toll.

A fœmina manumittatur] Interdum alibi est hæreditas, alibi tutela: quod fit, cum illi, qui ad hæreditatem vocantur, non sunt idonei ad tutelam administrandam; ut puta si fœmina manumiserit, aut consanguinea sit pupillo, d. l. 1. §. 1. quippe tutela virile munus est, l. 16. l. ult. de tutel. l. 2. de reg. jur. Excipiuntur mater & avia, quibus liberorum suorum tutelam gerere tamdiu permittitur, donec ad secundas nuptias transcant, ea tamen conditione, ut inter gesta Senatusconsulti Vellejani auxilio renuntiet,

auth. matri & avia cum auth. seq. C. quant. mul. off. tut.

TITULUS XVIII.

De legitima Parentum tutela.

TEXTUS.

Exemplo patronorum recepta est & alia tutela, quæ & ipsa legitima vocatur: nam si quis filium aut filiam, nepotem aut neptem ex filio & deinceps, impuberes emancipaverit, legitimus eorum tutor erit.

COMMENTARIUS.



Estia species tutelæ legitimæ parentum est, qui liberos impuberes contracta fiducia emanciparunt, id quod ex constitutione Justiniani semper fieri intelligitur, §. ult. de leg. agn. succ. l. ult. C. de emanc. lib. repete quæ notavimus ad §. præterea sup. quib. mod. jus pat. pot. Hæc autem tutela non eodem modo per interpretationem le-

gis 12. tabb. introducta est, quo præcedens illa patronorum: neque enim ut lex patronos ad successionem liberorum vocat, ita & vocat parentes ad successionem liberorum emancipatorum: unde Ulpianus hanc tutelam non legitimam, sed fiduciariam appellat, tit. de tutel. §. 4. Cæterum quia ad similitudinem tutelæ patronorum jure civili introducta est, eo quod parens, qui filium manumittit, patroni personam induit, atque ob hoc ad legitimam filii, qui liberi patitur exitum, l. i. si à par. quis man. hæreditatem vocatur: l. 10. de sus. & legit. l. 2. C. ad sen. Tert. §. ult. inf. de leg. agn. succ. obtinuit ut etiam hæc tutela legitima potius diceretur, quam fiduciaria; quasi & ipsa ad rationem legis duodecim tabb. pertineret, quam etiam ob causam parens manumissor vicem dicitur legitimi tutoris sustinere, l. 3. in fin. de leg. tut.

TITULUS XIX.

De Fiduciaria tutela.

TEXTUS.

Filiisfam. à patre manumissi pater tutor est legitimus: eo vero defuncto, frater Tutor fiduciarius existit.

Est & alia tutela, quæ fiduciaria appellatur: nam si parens filium, vel filiam, nepotem, vel neptem, vel deinceps impuberes manumiserit, legitimam nanciscitur eorum tutelam. Quo defuncto si liberi ejus virilis sexus existant, fiduciarii tutores filiorum suorum, vel fratris, vel sororis, vel cæterorum efficiuntur. Atqui patrono legitimo tutore mortuo, liberi quoque ejus legitimi sunt tutores, quoniam filius quidem defuncti, si non esset à vivo patre emancipatus, post obitum ejus sui juris efficeretur, nec in fratrum potestatem recideret, ideoque nec in tutelam: libertus autem si servus mansisset, utique eodem jure apud liberos domini post mortem ejus futurus esset. Ita tamen hi ad tutelam vocan-

tur, si perfectæ sint ætatis: quod nostra constitutio in omnibus tutelis & curationibus observari generaliter præcepit.

NOTÆ.

Filiorum suorum] Igitur & pater filii sui ab avo emancipati, contra quam existimant Cujac. Hotom. & Fabrot. Nam cum ad patrem, quantumvis hæredem, jus patronatus, quod avus in nepote habuit, non transeat, l. 1. §. 1. si à par. man. nec tutela, cui jus illud causam dedit, transire potest, consule Bach. hic.

Si perfectæ sint ætatis] Vid. Bachov. ad §. 13. inf. de excusat. Tutor.

COMMENTARIUS.



Generali tutelæ legitimæ appellatione etiam fiduciariam complexi sumus, sup. de leg. agn. tut. quia & ipsa vicem quadantenus legitimæ sustinet: ut enim tutores legitimi, ita & fiduciarii ipso jure tutores fiunt & excludunt Attilianos: unde & permixtè iisdem locis, quibus de legitimis tutoribus disputatur, etiam de fiduciariis quæritur, ut hic & in Pand. l. 4. Cæterum quia hæc tutela nul-

la interpretatione referri potest ad legem duodecim tabularum, ideo non legitima, sed peculiari nomine fiduciaria appellata est: haud dubiè per abusionem vocabuli, quod cum in patre, cui alioqui soli id propriè convenit, non valuisset, ad liberos ejus, quasi hæreditarium translatum, inopia alterius nominis, ut rectè conjicit D. Horom.

Filiorum suorum, vel fratris, vel sororis, vel cæterorum } Observandum hic est, tres fiduciariæ tutelæ quasi gradus à Justiniano poni, quorum primus est filiorum; alter fratris vel sororis; tertius cæterorum. Non igitur frater tantum fratris emancipati, aut patruus fratris filii, defuncto patre suo emancipatore & tutore legitimo, fiduciarii tutores sunt: sed etiam ipse pater filii sui, ab avo emancipati, eo mortuo, non legitimus, ut avus, sed fiduciarius tutor erit: contra quam Horom. & Myns. existimant. Cur autem ne hic quidem legitimus sit, mox intellegitur.

Atqui patrono] Προλήψις. Videri enim poterat dicendum esse, hosce omnes esse tutores legitimos, exemplo liberorum patroni, qui patrono legitimo tutore mortuo legitimi fiunt tutores liberti. Sed exemplum hoc dissimile est. Nam lex duodecim tabb. non modo patronos, verum etiam liberos eorum ad legitimam successionein libertorum vocat, & consequenter etiam ad tutelam; eadem videlicet ratione, qua vocantur patroni. Pater autem aut frater filii sui aut fratris ab avo vel patre emancipati legitimi hæredes non sunt: nec igitur legitimi tutores, l. 1. unde legit. l. 5. unde cogn. Atque hæc ratio generalis est, pertinens ad omnes personas, quas enumeravimus. Aliam etiam mox reddit Justinianus.

Quoniam filius quidem] His verbis occurritur propositæ objectioni. Ratio autem diversi juris, quam hic Justinianus affert, particularis est, & claudicare videtur in nepote ab avo emancipato. Etenim

nepos si emancipatus non fuisset, post mortem avi in potestatem patris sui in potestate recenti recidisset: ideoque ex ratione Justiniani etiam in legitimam patris sui tutelam post mortem avi recidere debet. Nisi dicamus, in eo adhuc differentiam esse, quod ad liberos patroni jus patronatus jure hæreditario redit, ac proinde & tutela legitima, quæ jus illud sequitur; profus ut libertus, si servus mansisset, post mortem domini in potestatem liberorum ejus hæreditatè pervenisset. At liberi non jure successionis, sed proprio patris jure in potestatem ejus recidunt; quippe qui & exhæredatus eandem potestatem retineat: neque ad patrem, quantumvis hæredem, jus patronatus, quod avus in nepote habuit, transit, per l. 1. §. pen. si à par. quis man. ut mirum non sit eum non succedere in tutelam, qui non succedit in jus potestatis, aut in potestatem, quæ tutelæ causam dedit. Rectè autem hic norant interpp. fiduciarios tutores esse desiisse, ex quo fratres emancipati ad legitimam fratrum tutelam ab Anastasio vocati sunt, l. 4. C. de legit. tut. Maxime vero jure novissimo, quo juris agnatici & cognatici discrimen hac in parte penitus sublatum est. Novell. 118. cap. 4. & s.

Nec in tutelam] Subaudi, legitimam emancipatus recidit. Alioqui perspicue falsum esset: nam ex fratribus in potestate retentis, patre mortuo, quætorum ætatis perfectæ est, alterius fratris legitimus fit tutor. D. Horomannus putat, totum hoc adventitium esse, atque à glossatore annotatum.

Perfectæ ætatis] l. ult. §. 4. D. de leg. her. Ætatem autem perfectam appellat; quæ completur virilis vigor, nempe annorum quinque & viginti, l. 1. §. 2. de min. l. 4. l. 8. de leg. tut. l. ult. C. eod. l. ult. C. de his qui ven. ætat. Quæ notat Cujacius, & Pacius descripsit, olim ita jus fuisse, ut minores 25. annis legitimi & dativi tutores fierent, &c. falsa esse ostendimus inf. de exous. §. item major.

TITULUS XX.

D. Lib. 26. Tit. 5. C. Lib. 5. Tit. 34. & 36.

De Attiliano Tutore, & eo, qui ex lege Julia & Titia dabatur.

Continuatio & summa tituli.

Progredditur nunc Imp. ad tertiam tutelæ speciem, nempe dativam sive Attilianam, cujus potissima ratio est, docetque quibus ex legibus,

à quo magistratu, & quando tutores dentur. Postremo nonnihil attexit, quod ad tutores omnes & officium eorum in universum pertinet.

T E X T U S.

Jus antiquum, si nullus sit Tutor.

Si cui nullus omnino tutor fuerat, ei datur in urbe quidem à prætore urbano & majore parte tribunorum plebis tutor ex lege Attilia: in provinciis verò à præsidibus provinciarum ex lege Julia & Titia.

N O T Æ.

Ex lege Attilia] Duo hic notanda. 1. jus dandi tutores non competere magistratui vi suæ jurisdictionis, sed ex speciali legis concessione, l. 6. §. 2. D. de tutel. 2. Lege Attilia sublatum in hac causa fuisse jus intercedendi collegarum. Hotom.

Lege Julia & Titia] Unica hæc lex fuit, ut lex Julia & Papia, & quando aut à quibus lata sit, parum constat.

C O M M E N T A R I U S.

N*ullus omnino*] Neque testamentarius neque legitimus, aut qui sub illis continentur, à magistratu confirmandus & fiduciarius. Atque hæc species ex duabus summi quæ locum Attiliano tutori faciunt, prima est. Altera est in §. 1. *hujus ejusdem tituli*. Duæ autem causæ in hoc Principio indicatur, quas ad constitutionem hujus tutelæ concurrere oportet; una est remotior, nimirum leges Attilia, Julia & Titia, quæ quando aut à quibus latæ, parum constat: altera propinqua est, videlicet factum magistratus, cui ex istis legibus jus dandi tutores competit; in provinciis præsidibus eorum. Unde discimus eos solos jus dandi tutores habere, quibus id nominatim lege aliqua concessum est, l. 6. §. 2. de tutel.

Majore parte tribunorum] Id est, sex: erant enim decem, l. 2. §. 34. de orig. jur. Liv. lib. 3. *Halicarn. lib. 6.* hoc autem non sic accipiendum est, quasi prætor una cum sex tribunis quem vellet tutorem dederit: sed quod cum omnes tribuni adhiberentur, ex sententia tamen majoris partis tutor creandus esset. sublato in hac causa jure intercedendi collegarum: cum aliqui vel unus è collegis intercessione impediri potuisset, quod cæteri decrevissent, ut rectè hic moner D. Hotom. & passim testatur Livius.

T E X T U S.

Si spes sit futuri tutoris Testamentarii.

1. *Sed etsi in testamento tutor sub conditione, aut ex die certo datus fuerat, quamdiu*

conditio aut dies pendebat, ex iisdem legibus tutor alius interim dari poterat. Item si purè datus fuerat, quamdiu ex testamento nemo hæres existeret, tamdiu ex eisdem legibus tutor petendus erat, qui desinebat esse tutor, si conditio extiterat, aut dies venerat, aut hæres extiterat.

C O M M E N T A R I U S.

1. Tutor ex certo die testamento datus cur statim non fiat tutor.
2. Cur placeat testamentariam tutelam in suspensio esse, quamdiu nemo hæres ex testamento existit.
3. Quibus casibus accadat ut inter mortem testatoris & aditionem hereditatis plusculum temporis intercedat.
4. Aliquando etiam ad adeundam hereditatem impuberi tutorem à magistratu dandum.

Hic alter casus proponitur, quo tutor à magistratu batur, nempe si is, qui testamento datus est, impediatur, quo minus in præsentia tutelam capessat. Sic enim in universum jus est, ut quamdiu speratur tutela testamentaria, legitima cesset, l. 11. de test. tut. Impedimenta hæc quatuor ex causis potissimum oriuntur: vel quod tutor testamento datus sit sub conditione; vel quod ex certo die; vel quod hæres institutus aditionem hereditatis protrahat; vel denique quod qui testamento datus est, ab hostibus captus sit de quo §. seq.

Sub conditione aut ex certo die] Ex d. l. 11. de test. tut. De conditione res certa est: quippe quæ actus omnes suspendit, §. 4. inf. de verb. obl. Dies quoque incertus pro conditione est, l. 1. §. 2. l. dies 75. de cond. ex dem. De certo die iusta esse poterat dubitandi ratio. Nam sicut obligationi dies certus adjectus non impedit, quominus quod promissum est, præsentis die debeat, §. 2. inf. de verb. obl. ita & tutor ex die datus videri poterat statim tutor esse, ut jam alius tutor dari non posset, propter regulam traditam §. pen. inf. de curat. Sed claudicat comparatio. Quippe ratio non patitur, ut dicamus eum tutorem esse, in quem nihil juris ante diem testator collatum voluit.

Nemo hæres existeret] Hoc idem traditur in l. 10. pr. de test. tut. & ratio est, quia quamdiu pendet aditio hereditatis, tamdiu quoque in suspensio sunt omnia, quæ in testamento scripta sunt; atque ut adita demum hereditate confirmantur, ita ea non adita una cum testamento corruunt, l. 9. d. tit. Potest autem fieri, ut inter mortem testatoris & aditionem hereditatis plusculum temporis intercedat, vel quod hæres sub conditione institutus sit, vel quod diebus

bus erectionum aut jure deliberandi utatur. Cæterum hæc ad eum duntaxat casum referri posse videntur, quo confirmatio testamenti penderet ab additione hæredis instituti. Nam si filium impuberem, quem in potestate pater habet, tutore dato simul hæredem instituit, is ut suus hæres & necessarius ipso jure hæreditatem capit, §. 2. *inf. de her. qual.* Atque ut statim post mortem patris & ipso jure hæres existit, ita & tutela hoc ipso statim confirmatur; cum, ut Jo. Faber loquitur, suitas pro additione sit, l. 14. *de suis & leg.* quod latius persequitur Ant. Fab. *Instit. pr. ti. qui test. tut. pr. 1. ill. 18.* Attinge patrem filio impubere, cui tutorem dedit, exhæredato extraneum hæredem instituisse, dum hæres de adeunda hæreditate deliberat, alius interim tutor à magistratu petendus erit. Idem dicendum est, si pater filio emancipato sive exhæredato sive præterito tutorem dederit: nam & confirmandus pro testamentario est. Necessè est autem prius testamentum confirmari additione hæredis, quam à prætore confirmetur, qui tutor datus est. Sed &, si pater filio emancipato hæredi instituto, aut mater liberis, aut extranei extraneis item hæredibus institutis tutorem dederint, adhuc à magistratu tutor dandus est ad adeundam hæreditatem, quoniam curatoris auctoritas ad hoc inutilis est, l. 9. *de tut. dat.* l. 19. *de auct. tut.* l. 17. §. 1. *de appell.* Verum hujusmodi species non videtur ad propositum pertinere, propterea quod Justinianus hic agit de tutore non ad unum aliquem actum, sed simpliciter dando.

Qui desinebat esse tutor] Pertinet hoc ad modos, quibus finitur tutela Attiliana, de quibus agitur in §. 2. *& pen. inf. quib. mod. tut. finitur.*

T E X T U S.

Si Tutor ab hostibus sit captus.

2. *Ab hostibus quoque tutore capto, ex his legibus tutor petebatur; qui desinebat esse tutor, si is, qui captus erat, in civitatem reversus fuerat. Nam reversus recipiebat tutelam jure postliminii.*

COMMENTARIUS.

A *B hostibus capto*] Idemque erat, si tutor legitimus apud hostes esset, l. 1. §. 2. *de legit. tut.* Nam propter incertum eventum tutoris redituri, quo plenius pupillo prospiceretur, tutorem potius, quam curatorem, dari placuit, arg. l. 17. §. 1. *de appell.*

Recipiebat tutelam] At quid sit tutor captus apud hostes decesserit? Legitimus nimirum, hoc est,

agnatus proximus tutelam in prætorio tutore finitam excipiet, arg. l. 9. §. 2. *de tut. & rat. distr.* l. 11. §. 3. *de test. tut.* Qua ratione dicendum est, etiam legitimo tutore capto atque apud hostes mortuo, eum, qui interim à magistratu datus erat, tutorem esse desinere, atque ad insequentis gradus agnatos tutelam reverti.

T E X T U S.

Quando & cur desierint ex dictis
Legibus tutores dari.

3. *Sed ex his legibus tutores pupillis desierunt dari, posteaquam primo consules pupillis utriusque sexus tutores ex inquisitione dare cæperunt, deinde prætores ex constitutionibus. Nam supradictis legibus neque de cautione à tutoribus exigenda, rem pupillis salvam fore; neque de compellendis tutoribus ad tutelæ administrationem, quicquam cavebatur.*

N O T Æ.

3. *Primo consules*] Quod à Claudio Cæsare institutum tradit Svet. *cap. 23.* Plin. 9. *ep. 13.* datum se à consulibus tutorem Helvidii filiae.

Ex inquisitione] Apud Theoph. vulgo legitur *ἡ jurisdictionem*, ad quem modum etiam Hotom. locum emendat; sed perperam, & in MSS. Th. est *ἡ ἰνκυστική*, teste Fabro.

Prætores] Scil. soli absque tribunis. Prætorum tutelarem primus fecit M. Antonius Philo: Capitolinus in *eius vita*.

Neque de cautione] *Vid. inf. de satisd. tut. pr. & §. 3.*

COMMENTARIUS.

1. *Quæ sit ratio cogendi tutores ad tutelam capeendam.*

P *Primo consules*] Primus Imp. Claudius, auctore Tranquillo, sanxit, ut pupillis extra ordinem à consulibus tutores darentur. Quod jus videntur consules aliquando etiam usurpasse, cum jam tutorum creatio ad curam prætoris potissimè pertineret, arguit certè id locus Modestini in l. 1. §. 1. *de confirm. tut.* in verbis, *ἐν τῷ ἱερωτικῷ ἐξουσίᾳ*.

Ex inquisitione] D. Hotom. reponit, *ex jurisdictione*, quomodo etiam legisse videtur Theophilus, qui vertit *ἡ jurisdictionem*. Et sanè probabile non est, antea temerè & sine ulla inquisitione tutores dari potuisse, quanquam necesse non est tex-

tum.

tum ob id mutare: nam fortassis constitutionibus demum ratio inquirendi certo definita est. Discimus autem ex Modestino, quatuor potissimum in rebus eam consistere, ut inquiretur, tutor creandus sine viæ frugi, & honestis moribus; sine locuples; num se ingerere voluerit, ut crearetur; denique num pecunia data tutelam ambierit, l. scire oportet 21. §. ult. de tut. & cur. dat.

Prætores ex constitutionibus] Jul. Capitolinus hoc tribuit M. Antonio Philosopho; Prætozem, inquit, tutelarem primus fecit, cum ante tutores à consulibus poscerentur, ut de tutoribus diligentius tractaretur. Atque hic iterum observandum, neque consules neque prætores vi imperii aut magistratus sui jus dandi tutores habuisse, sed tum demum habere cœpisse, postquam idiis specialiter datum est constitutionibus Principum.

Nam supradictis legibus] Duplicem causam affert, cur tandem ex legibus Attilia, Julia & Titia tutores amplius dari non placuerit; una est, quia istis legibus nihil cavebatur de satisfactione à tutoribus exigenda, rem pupilli salvam fore: altera, quia nihil definebant de compellendis tutoribus ad tutelæ administrationem, quod utrumque factum est constitutionibus. Neutrum autem proprium est hujus generis tutorum: nam cautio vel maxime ad legitimos pertinet, ut videbimus inf. de satisf. tut. Coactio vero omnium tutorum communis est. Coguntur autem extra ordinem remediis prætoriiis, videlicet mulæ dictione aut capitis pignoribus, l. 1. de adm. tut. l. 3. C. de susp. tut. l. 9. de mun. & hon. §. pen. inf. de satisf. tut. Nostris moribus certo loco addici solent, cauponæ sive diversorio, quæ forma, compellendi & exequendi Gyselingæ vocatur, & apud nos usitata est in præstatione facti, vid. art. 31. ord. just. & art. 14. cum 2. seqq. amp. Inst. cur. Compelli tamen & alia paratæ sive præsentaneæ executionis via possunt, si hoc consultius videbitur, art. 11. statut. Rhynland.

TEXTUS.

Jus Novum.

4. Sed hoc Jure utimur, ut Romæ quidem præfectus urbi, vel prætor secundum suam Jurisdictionem, in Provinciis autem præsides ex inquisitione tutores crearent, vel magistratus jussu præsidum, si non sint magnæ pupilli facultates.

NOTÆ.

Secundum suam Jurisdictionem] Prætoris imperium

urbis definiebatur, perfecti urbis usque ad centesimum lapidem, l. 1. §. 1. de off. pref. urb.

Præsides] Hoc nomine hic videntur intelligi omnes, qui provincias regunt, non soli legati Cæsaris, l. 1. D. de off. pref. junct. l. 1. D. de tut. dat.

Ex inquisitione] Quæ quibus in rebus consistat, docet Mod. l. 21. §. pen. & ult. de tut. dat.

Magistratus] Intellige municipales, l. 3. d. tit. l. 2. §. 23. D. ad sen. Tertull. Græci *ἐπαρχοὶ* appellant. Theoph. Basil.

COMMENTARIUS.

1. Jure magistratum quæ competere dicantur, & quæ specialiter tributa.
2. Ea quæ jure magistratus competunt, mandata jurisdictione transire, specialiter concessa non item.
3. Vocabulo jurisdictionis latè sumpto etiam ea, quæ specialiter tribuuntur, non absurde eo referri.

Præfectus urbi] Qua primum lege tutoris dandi potestas præfecto urbis data sit, non memini legisse: datam tamen constat, l. Titius 45. §. Roma de excus. l. 1. C. de tut. illustr. Olim hic magistratus juri dicundo constituebatur ad tempus, regibus aut magistratibus urbe perfectis. Post cœpit constitui ad paucos dies tantum, quoad solemne sacrum feriarum Latinarum peractum esset. Primus Augustus præfecturam urbanam perpetuam fecit, teste Tacito 6. annal. Auxit deinde potestatem præfecti Divus Severus, dataque ei cognitio de omnibus criminibus non tantum in urbe, sed etiam in Italia, usque ad centesimum ab urbe lapidem, l. 1. de off. pref. urb. Consulat. Gruch. 2. de comit. 2.

Secundum jurisdictionem] Quod semel atque iterum in transitu diximus, tutoris dationem magistratui non competere jure sui magistratus, aut vi jurisdictionis, quam habet; sed ex speciali concessione vel legis vel Principis; id operæ pretium est explicatius considerari: ita enim planè intelligemus, quid his verbis, secundum jurisdictionem suam, Justinianus significet, & simul, utrum mandata jurisdictione, jus dandi tutores transeat, nec ne. Jure magistratus competere propriè dicuntur, quæ quisque magistratus ex natura officii sui habet, sive ob id, quod propterea initio creatus est. Igitur quæ prætor habet ut prætor, præses ut præses, &c. jure sui magistratus habere dicuntur. Verbi causa, prætor initio constitutus est ad hoc, ut in urbe juri dicundo præficeret, l. 2. §. cumque consules 27. de orig. jur. Prætori igitur jure magistratus sui competit jurisdictio, & imperium, quod jurisdictioni cohæret, in causis, de quibus, & inter personas, quibus jus reddere iustus est. His opponuntur quæ specialiter lege aliqua vel constitutione magistratui postea tributa sunt, l. 1. de

l. 1. de off. ejus cui mand. Cujusmodi est imperium, quod dicitur merum, *d. l. 1.* item actiones legis, quæ in specie sic appellantur, ut adoptio, emancipatio, manumissio, *arg. l. 2. et 3. de off. procons. l. 1. de off. jurid. l. 1. C. de adopt. Paul. 2. sent. 25.* atque hujus quoque generis est tutoris datio, *l. 6. §. 2. de tutel.* Ex quo loco apparet, lege concedi non tantum adigis, quæ in causis singulis specialiter singulis conceduntur, puta Titio aut Mævio: sed etiam quæ in universum tribuuntur, & sub nomine officii, puta prætori, præfidi &c. Quæ jure magistratus competunt, natura sua insunt jurisdictioni, & ideo mandata jurisdictione transeunt, quæ autem specialiter magistratui concessa sunt, non transeunt: quia ea non ex natura officii sui habet, sed ex nova & adventitia auctoritate, quæ ad officium & jurisdictionem magistratus, cui tributa sunt, necessario non pertinet, *l. 1. de off. ejus cui mand. l. 8. de tut. et cur. dat. d. l. 2. et 3. de off. procons.* Cæterum si latius verbum jurisdictionis, aut hæc verba, *jure magistratus*, accipias, etiam ea, quæ ita, uti diximus, magistratui specialiter concessa sunt, ad officium ejus aut jurisdictionem pertinere, haud absurde dixeris, *arg. l. 1. de jurid. l. 3. pr. de postul. l. 3. §. 5. jud. solv. d. l. 2. §. 1. de off. procons.* utique accessione novi auctoritatis plenius atque auctius officium ejus factum est. In latiori autem hac significatione accipiendum, quod hic dicitur, *secundum jurisdictionem*, quanquam hæc verba & aliam interpretationem sibi commodam admittunt, nimirum ut intelligamus, prætorem non alio in loco tutorem dare posse, quam in quo jurisdictionem habet, neque aliis personis, quam quæ jurisdictioni ejus subjæctæ sunt, *per l. 1. in fin. l. 3. de tut. dat. l. ult. de jurid.* ut secundum jurisdictionem suam idem valeat, quod secundum territorium jurisdictionis suæ: puta Romæ duntaxat, aut in vicinis urbi municipiis, *arg. l. 5. de confirm. tut. D. Tulden. hic c. 3. post Mysf. et alios.*

Præfides] Generali nomine præfidis & proconsulis & præfectus Egypti, omnesque, qui provincias regunt, appellantur, *l. 1. de off. pref.* quibus item omnibus tutores dare permittum est, *l. 1. de tut. et cur. dat.* Specialiter autem præfides dicuntur, qui alias legati Cæsaris, *l. pen. ff. de off. pref.* nimirum, qui mittebantur in provincias Principis, seu eas, quas Principes sibi reservaverant. De quo vid. *Dion. lib. 53. Sueton. in Aug. c. 41.*

Magistratus jussu præfidum] Hoc non ita accipiendum est, quasi vi hujus jussus aut mandati magistratus municipales tutores dare potuerint, (nam is quoque hoc jus specialiter datum est, *l. 3. de tut. dat.*) sed ideo dicitur, quia non ante hoc jus usurpare poterant, quam rem ad præfidem, cujus primæ partes erant, detulissent, isque eam, quod fortè aliis negotiis

avocaretur, nec magnæ essent §. pupilli facultates, ad eos remisisset, *l. 1. §. si præfes et §. si curatores de mag. com.* Nec admodum dissimile est exemplum, legati proconsulis, qui mandata demum à proconsule jurisdictione tutorem dare potest, *l. 13. junct. l. pen. de off. procons.* nec tamen propter mandatum jurisdictionem, sed quia id ei specialiter datum est oratione Divi Marci, *l. 1. §. 1. de tut. dat.* ea nempe lege, ut id demum exercere possit, postquam ei mandata est jurisdictio, ut illa jurisdictionis delegatio tantum sit necessarium antecedens & causa sine qua non.

T E X T U S.

Jus Novissimum.

5. Nos autem per constitutionem nostram hujusmodi difficultates hominum rescantes, nec expectata jussione præsidum, disposuimus, si facultates pupilli vel adulti usque ad quingentos solidos valeant, defensores civitatum una cum ejusdem civitatis religiosissimo antistite, vel alias personas publicas, id est, magistratus, vel juridicum Alexandrinæ civitatis, tutores vel curatores creare: legitima cautela secundum ejusdem constitutionis normam præstanda, videlicet eorum periculo, qui eam accipiunt.

N O T Æ.

5. Constitutionem] Intelligit *l. 30. C. de Episc. aud. Quingentos solidos*] Quod si pupilli majores sint, quingentenariis, à præfidibus dabitur tutor.
Defensores civitatum] De defensoribus civitatum *vid. lib. 1. C. tit. 55. Novell. 15. c. 1. et c. 2. de iur. Alc. 3. disp. 5.*

Religiosissimo antistite] *Ἐκκλησιαστικὸν Ἀντιστῆτην* Th. in constitutione, *Ἐκκλησιαστικῶν*, Deo charissimo.

Juridicum] Cui etiam olim data est legis actio, & jussu tutores dandi, *l. 3. et 2. D. de off. jurid. d. iacodotus* exponitur in Basil.

C O M M E N T A R I U S.

QVod jure veteri obtinebat, ut magistratus municipales non aliter recte tutores crearent, quam si id facere à præfide jussi aut moniti essent, id ex parte à Justiniano mutatum est, constitutumque, ut si pupilli facultates non excedant summam 500. solidorum, liceat magistratibus una cum civitatis episcopo tutores creare, præfidis jussu non expectato, *l. sancimus 30. C. de episc. aud.* Ergo si majores

maiores sint pupilli-facultates, iustus praesidis, ut ante, expectandus erit.

Quingentos solidos.] Solidum idem esse, quod aureum, ex innumeris locis patet. Aureus centum continet valeque sestertios. Ergo quingenti auri sive solidi efficiunt quinquaginta H.S. millia; nostrae monetæ Caroleos bis mille quingentos. Vid. Brisson. & Hotoman. in *comm. de verb. sig.* ex professo autem hanc rem tractant Budæus de *asse* & idem Hotom. de *re nummaria*.

Vel alias publicas personas] Id est, magistratus, quos singulae civitates more suo atque instituto habent. Cujacius scribit, constitutionem Justiniani exigere, ut legamus, *vel aliis publicis personis, vel magistratibus*.

In iudicium Alexandrinæ civitatis] Cui etiam jam ante jus tutores dandi constitutione D. Marci datum fuit, l. 2. de *off. jurid.* & generaliter legis actio, l. 1. *cod. tit.*

Eorum periculo] Magistratuum nimirum minorum, quorum jam facta est mentio. Hi enim ut satisfactionem exigebant, ita & pupillis in subsidium tenebantur, *tit. de mag. conv. §. 2. & ult. inf. de satisf. tut.* quod nunc fere abiit in desuetudinem, ut illis notamus.

TEXTUS. Ratio Tutelæ.

6. *Impuberes autem in tutela esse, naturali juri conveniens est: ut is, qui perfectæ ætatis non sit, alterius tutela regatur.*

NOTÆ.

6. *Juri nature*] Tutela ortum à jure naturali sumpsit: quippe cui juri omnino consentaneum, ut alterius prudentia regatur, qui ipse se defendere non potest. Cic. 1. de *off.* incrementum autem & formam à jure civili.

COMMENTARIUS.

Tutela ex eorum numero est, quæ in genere & quasi in abstracto considerata sunt juris gentium, in specie & in concreto juris civilis. Nam ut ineuntis ætatis infirmitas atque imbecillitas alterius provectionis prudentia atque arbitrio constituatur ac gubernetur, juri naturali conveniens est, Cic. 1. de *off. Arist.* 1. pol. quod & apud omnes gentes proculdubio observatur. At forma regendi, qualitas personæ tutoris, ejusque constituendi modus, potestatis, quam habet, circumscriptio, hæc omnia sunt juris civilis, prout quæque civitas ordinaverit.

Perfectæ ætatis non sit] In calce §. ult. *prec. tit.* no-

tavimus, perfectam ætatem in jure civili eam plerumque dici, quæ est annorum 25. Hic autem pinguius, non esse perfectæ ætatis, accipitur pro, non esse puberem, quanquam ad puberes minores 25. annis, quod hic dicitur, quadrare potest.

TEXTUS.

De tutelæ ratione reddenda.

7. *Quum ergo pupillorum pupillarumque tutores negotia gerant, post pubertatem tutelæ iudicio rationem reddunt.*

NOTÆ.

7. *Post pubertatem*] Vel alio modo tutela finita, *tit. D. de tut. & rat. distr.* nisi autem finita sit tutela, tutelæ agi non potest, l. 4. *pr. l. 9. §. 4. d. t.*

COMMENTARIUS.

1. *Moribus nostris tutores etiam singulis annis rationem reddere administrationis sue.*

Hic locus obiter tutores admonet officii sui atque administrationis, quod in Pand. & *Cod.* copiosè explicatur *tit. de adm. tut. add. Grot. 1. man. 9. art. 2. l. 1. & seqq. statut. Rhiinland.*

Post pubertatem] Quippe tutelæ agi, non potest, nisi tutela finita sit, l. 4. de *tut. & rat. distr.* ejusque rei hanc rationem reddit Ulpian. l. 9. §. & generaliter *cod. tit.* quod absurdum sit à tutore rationem administrationis negotiorum pupilli reposci, in qua adhuc perseveret: quam ob causam nec à curatore rationes curæ administratæ durante officio actione utili sive tutelæ sive negotiorum gestorum exigi possunt, l. 1. l. *rationes* 14. C. de *adm. tut.* Hoc dissimile est, quod curatores durante adhuc curatione singularum rerum nomine conveniri possunt, l. 16. §. 1. de *tut. & rat. distr. l. cum curatore* 26. de *adm. tut.* l. 1. §. 3. in *fin. de cont. tut. act.*

Tutela iudicio] In omnibus, quæ fecit tutor, cum facere non deberet, item in his, quæ non fecit, tutelæ iudicio rationem reddit, præstando dolum & culpam, & quantam in suis rebus diligentiam, l. 1. de *tut. & rat. distr.* nec potest hæc rationis reddendæ necessitas à patre testamento remitti, l. 5. §. *Julian.* de *adm. tut.* quanquam inventarii solennium confectio prohiberi potest, ne secreta patrimonii pandantur, l. ult. §. 1. C. de *arbitr. tut.* de quo vid. *Montan. de jur. tut. c. 32. reg. 4. de confect. inv. n. 98. & seqq. Moller. 1. semestr. 39.* Rationem reddere nostratibus est, *rehening bewijs in reliqua doen.* idque facere nostro jure tutores tenentur non solum finita tutela, sed etiam quotannis, juxta *art. 44. dd. statut. & ca.* quæ in *fin. d. c. 9.* notat Grot. quod etiam per universam Germaniam observatur ex constitutione Caroli.

roli V. teste Schneid. hic Wesemb. par. de adm. tut. | ment. 2. de relig. dom. & c. 1. de cler. agrot. Zypa nos.
n. 3. & jure Canonum jam ante obtinuisse arguit Cle- | jur. Belg. de tutor. vers. tutor.

TITULUS XXI. De Auctoritate tutorum.

D. Lib. 26. Tit. 8. C. Lib. 5. Tit. 59.

Ratio dispositionis.



Ria potissimum sunt, in quibus gubernatio tutoris consistit; in persona pupilli tuenda; in rebus ejus gerendis; in auctoritate ei præstanda. Tutio educationem, institutionem, defensionemque pupilli continet. In rerum administratione tutoris officium est, ut omnia ex utilitate pupilli bona fide curet. Auctoritas ad ea pertinet, quæ pupillus ipse gerit; neque aliud est, quam probatio ejus, quod à pupillo vel cum pupillo geritur, l. 3. hoc tit. Duo priora hic omissa sunt, & fortasse consulto, quia eorum tractatio prolixior visa est, quam ut operi Isagogico inseri debuerit. In Pand. autem & Cod. diligenter exposita sunt tit. de adm. tut. Tantum §. ult. sup. tit. levis quædam mentio facta est administrationis & reddendarum rationum: unde tamen ordinis ratio petenda videtur & continuatæ tractationis, arg. ordinis Pand. Duo autem hic docet Justinianus; quibus in negotiis necessaria sit tutoris auctoritas; & quomodo interponenda.

TEXTUS.

In quibus causis sit necessaria.

Auctoritas autem tutoris in quibusdam causis necessaria pupillis est, in quibusdam non est necessaria: ut ecce, si quid dare sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit, meliorem quidem conditionem licere iis facere etiam sine tutoris auctoritate: deteriores verò non aliter, quàm cum tutoris auctoritate. Unde in his causis, ex quibus obligationes mutue nascuntur, ut in emptionibus, venditionibus, locationibus, conductionibus, mandatis, depositis, si tutoris auctoritas non interveniat, ipsi quidem, qui cum his contrahunt, obligantur: at invicem pupilli non obligantur.

NOTÆ

Auctoritas tutoris] Tutores vel negotia gerunt ipsi, vel pupillis negotium gerentibus auctoritatem interponunt. Ulp. tit. 11. §. 24. id est, negotium confirmant, hoc enim est, auctorem fieri, l. 3. hoc tit.

Si quid dari sibi] Pupillus, qui jam aliquem intellectum habet rectè sibi dari sine tutore stipulatur, l. 9. pr. eod. §. 9. inf. de inut. stip. l. 1. C. de auct. præst. aut aliquid sibi remitti, l. 2. D. de accept. & in universum quantum ad acquirendum non indiget tutoris auctoritate, l. 11. D. de acq. ver. dom.

Si alii promittant] Aut quid remittant, alienent, l. 5. l. 9. h. t. §. ult. inf. quib. al. lic. aut hereditatem adeant, §. 1. inf. eod.

Meliorem conditionem facere] Neque enim eis invidendum, ut rem suam augeant sine tutore, qui magis custos datus videtur pupillo, ne rerum suam perdat. Fabrot.

Obligationes mutue] Qui contractus cum aliis initi utroque obligationem pariunt, initi cum pupillo sine tutoris auctoritate eos solum obligant, qui cum pupillo contraxerunt, l. 13. §. propen. D. de act. empt. l. 33. D. pro soc. l. 1. §. ult. D. commod. à parte autem pupilli claudicant *συνάλλακτα*.

COMMENTARIUS.

In quibusdam causis necessaria] Ubi tutor ipse negotium gerit, supervacua est auctoritas. At pupillo gerente, quod aliquando necessarium est, puta si de servo manumittendo, aut de adeunda hereditate agatur, aut constituendo procuratore, §. 1. inf. eod. §. ult. inf. de curat. locus est auctoritati tutoris; eaque in quibusdam rebus, quæ à pupillo geruntur, necessaria est, in quibusdam non est. In quo hæc distinctio pro utilitate pupillorum recepta est, ut ipsi contrahendo aut aliud gerendo meliorem quidem conditionem suam facere possint, etiam sine tutoris auctoritate; deteriores vero non possint, nisi cum tutoris auctoritate, l. 9. hoc tit. l. 28. de

pact. l. 11. de acq. rer. dom. Et rectè, nam ubi nullum incommolum metuitur, frustra expectatur tutoris auctoritas: quæ ad hoc solum comparata est, ut in metu periculi pupillo per eam consulatur. Quod si culpa tutoris in damnum inciderit pupillus, eo nomine tutorem obligatum habet iudicio tutelæ. Notandum autem est, hanc distinctionem pertinere ad pupillum infante majorem: nam infans ne tutore quidem auctore quicquam gerere potest, *vid. inf. §. pupillus de inut. stip.*

Si quid dari sibi stipulentur] Nullum enim periculum est, stipularier, inquit ille apud Plaut. in Pseudol. Idem est, si paciscantur aut stipulentur, ut id quod debent, iis remittatur aut acceptum feratur, *d. l. 28. de pact. l. 2. de accept.*

Aliis promittant] Aut rem suam alienent; actionem remittant; quod eis debetur, repudient; debitam pecuniam solvant, creditam accipiant, *l. 4. l. 9. hoc tit. l. 11. de acq. rer. dom. §. ult. inf. quib. al. lic.*

Ex quibus obligationes mutue] Ex quibusdam contractibus mutuae obligationes, id est, ex utraque parte nascuntur, ut in emptione, locatione, mandato, societate, & aliis id genus: tam enim verbi causa obligatur emptor ad pretium solvendum, quam venditor ad rem præstandam. Ex quibusdam vero nascitur obligatio ex una parte tantum; ut in mutuo solus obligatur, qui accipit; in stipulatione, qui promittit, *l. 19. de verb. sign.*

Qui cum his contrahunt, obligantur] *Qui* contractus cum aliis in initio ultro citroque obligationem patiunt, hi si cum pupillo contractum sit sine tutoris auctoritate, ab uno tantum latere constant, eosque solum obligant, qui cum pupillo contraxerunt, pupillos non item, *l. Iulianus 13. §. antep. de act. empt.* Ratio hujus juris partim est favor pupillorum, partim quod qui cum pupillo contrahit, cujus ætatem spectus ipse indicat suæ temeritati id imputare debeat, per *l. qui cum alio 19. de reg. jur.*

Non obligantur] Nisi in quantum locupletiores facti sunt, *l. 1. l. 5. §. 1. hoc tit.* Natura enim æquum est, neminem locupletari cum alterius jactura, *l. 14. de cond. ind.* An pupillus sine tutoris auctoritate ex conventionem saltem naturaliter aliquando obligetur, & quam vim ea obligatio habeat jure civili, disputamus *inf. de inut. stip. sub §. pupillus 9.*

TEXTUS.

Exceptio.

1. *Neque tamen hereditatem adire, neque bonorum possessionem petere, neque hereditatem ex fidei commissio suscipere aliter possunt, nisi tutoris auctoritate, (quamvis illis lucrosa sit) ne ullum damnum habeant.*

NOTÆ.

1. *Neque hereditatem adire*] *Ex Cajo l. 9. §. 3. h. t.* cujus rei non alia ratio quærenda, quam quod facto suo sine tutore se obligare non possunt, *d. l. 9. pr. l. 8. D. de acq. her.* Non pertinet quidem hoc ad suos hæredes; beneficio tamen prætoris abstinentium eadem causa, *§. 2. inf. de her. qual. & diff. §. 3. inf. de her. que ab int.*

Neque bonorum possessionem, &c.] Bonorum possessionis & fidei commissi hereditatis eadem, quæ hereditatis jure civili aut directo delatæ, ratio, *inf. lib. 3. tit. 10. & lib. 2. tit. 23.*

COMMENTARIUS.

Hereditatem adire] Pupillus hereditatem sibi delatam sine tutoris auctoritate adire non potest, *l. 9. §. 3. hoc tit.* Cujus rei non alia ratio quærenda, quam quod facto suo sine tutoris auctoritate se obligare non potest *l. 8. de acq. her. d. l. 9. pr. hoc tit.* At inquis, potest conditionem suam meliorem facere, etiamsi tutor auctor non sit, fateor; modo ne ipse obligetur: ideoque à patre pupilli claudicant τὰ συναλλάγματα. Fieri autem non potest, ut pupillus hereditate quæsita non obligetur ut hæres creditoribus hereditariis & testamentariis, illis ut defuncti personam repræsentans, his ipsa additione hereditatis. Neque enim hic est, quod creditoribus aut legatariis imputetur, qui cum pupillo herede non contrahunt, sed in cum incidunt, quod & Myns. observavit. Alia vulgo ratio affertur, periculum scilicet æris alieni, quo emergente incipiat damnosa esse hereditas; multa que insuper in hæredibus esse meruenda, vexationem, negotiorum multitudinem, offensas, invidiam, *l. 4. ad sen. Treb.* Itaque quia iudicio animi hic opus sit, necessariam esse tutoris auctoritatem, *l. 189. de reg. jur.* Quæ ut vera esse fateamur: illud tamen adhuc relinquitur, cur non saltem favore pupillorū sustineatur hereditatis acquisitio, quatenus illis lucrosa sit. Loquimur autem de pupillis extraneis hæredibus: quippe quibus ad acquirendam hereditatem additione opus sit: nam sui hæredes sine facto suo ipso jure hæredes fiunt, etiam ignorantes, *l. 8. de acq. her. §. 2. inf. de her. que ab int. def.*

Neque bonorum possessionem] Ob eandem nimirum rationem: quia bonorum possessio vi ipsa nihil aliud est, quam hereditas, & in omnibus vice hæredum bonorum possessores habentur, de quo *inf. lib. 3. tit. de bon. poss.*

Hereditatem ex fideicommissio] Et hoc eandem rationem habet: nam cum restituta hereditate actiones omnes, quæ hæredi in hæredem competunt, ex SC. Trebelliano transeant in fideicommissarium, si pupillus

pupillus ex fideicommissio hæreditatem susceperit, eo facto perinde obligabitur, ac si quamlibet hæreditatem adiiceret. De fideicommissariis hæreditatibus tractabitur *inf. lib. 2. tit. 23.*

Ne ullum damnum habeant] Melius meo iudicio Cujac. Hotom. Wesemb. legunt, *quamvis illis lucrosa sit, nec ullum damnum habeat*, sine parenthesis: quomodo & apud Cajum legitur in Pand. & legisse etiam videtur Theophilus.

T E X T U S.

Quomodo interponi debet.

2. Tutor autem statim in ipso negotio præsens debet auctor fieri, si hoc pupillo prodesse existimaverit. Post tempus vero, vel per epistolam, aut per nuntium interposita auctoritas nihil agit.

C O M M E N T A R I U S.

Exponitur hic modus seu forma interponendæ auctoritatis ex Cajo d. l. 9. §. tutor hoc tit. Hic modus ut legitimus habeatur, duo desiderat; ut tutor in negotio; quod cum pupillo geritur, præsens sit, ut statim atque peractum est, auctor fiat. Præsentia ideo desideratur, ut certo cognoscat tutor, quid negotii, qua fide geratur: ac protinde non sufficit, corpore præsentem esse, nisi & animo sit & intelligat quale sit quod contrahitur, l. 14. *cod. junct. l. 1. in fin. & l. 2. *cod.** Cur autem statim & quasi calente adhuc negotio auctor fieri debeat, hæc ratio est, quia interpositio auctoritatis integrat quodammodo personam pupilli, qui per se contrahere non potest; efficitque, ut actus sustineatur, qui alioqui ipso jure invalidus ex intervallo non posset confirmari. Non est autem necesse, ut & is præsens sit, qui cum pupillo contrahit: potest enim ille aliquid vendere aut locare pupillo per epistolam, & tutor auctoritatem pupillo accommodare, d. l. 9. §. ult. Illud quoque sciendum est, auctoritatem, semper purè à tutore interponendam esse, non conditionaliter quamvis conditionaliter cum pupillo contrahatur, l. 8. *cod.*

In ipso negotio præsens debet auctor fieri] Tutoris auctoritas, perfecto negotio interponitur, ut diserte scribit Ulp. l. si quis 25. §. *jussus de acq. her.* Quamobrem hæc oratio vel sic resolvenda est, Tutor in ipso negotio præsens statim debet auctor fieri. Ut intelligamus, & præsentiam tutoris in ipso negotio, dum adhuc geritur, requiri, & statim ut negotium perfectum est, auctorem fieri oportere: quod & arguit mox sequens illatio, *Post tempus vero, &c.* Vel hæc verba, *in ipso negotio* ad illa, *auctor fieri re-*

ferre malis, in ipso negotio fieri intelligi debet, non quod sit, cum nihil dum gestum est; (quid enim tum probet tutor?) sed quod sit negotio quidem cum pupillo jam gesto, sive tractatu præsentem tutore habito, sed statim & in continenti subsequitur, & tractatum illum concludit ac firmat, Sic in l. 1. *de solut.* in solutione sive in re præsentem constituitur, in quam causam solutum velit, qui statim atque solutum est, constituit. Cæterum hæc subtilitas hodie insuper habetur, *Aurum. collat. jur. in d. l. 9. §. tutor.*

T E X T U S.

Quo casu interponi non potest.

3. Si inter tutorem pupillumque iudicio agendum sit; quia ipse tutor in rem suam auctor esse non potest, non prætorius tutor (ut olim) constituitur, sed curator in locum ejus datur: quo curatore interveniente iudicium peragitur; & eo peracto curator esse desinit.

N O T A.

Non prætorius tutor ut olim] Moribus receptum fuerat, ut hoc casu tutorem habenti tutor daretur. Ulp. tit. 11. §. 23 propter solemnitatem iudiciorum, l. 19. *h. t.*

C O M M E N T A R I U S.

In iudicio agendum sit] Nec plures sint tutores; alioqui nisi cum omnibus pupillo lis sit, unus ex iis auctor erit, l. si plures 24. *de test. tut.* Intellige autem si iudicio agendum sit de aliis rebus quam de administratione tutelæ: nam tutelæ agi, nisi finita tutela non potest, l. 4. *de tut. & rat. distr.*

In rem suam auctor esse non potest] Regula est, tutorem in rem suam auctoritatem accommodare non posse, l. 1. & 7. *hoc tit.* quemadmodum nec iudex quisquam aut testis in sua causa esse potest, l. 10. *de jurisd. l. nullus. de testib.* Et in casu proposito hoc alioqui absurdi eveniret, ut idem in eodem negotio & actor esset & reus. Atenim nihil prohibet auctoritas, quominus negotium per consequentiam etiam tutore geratur d. l. 7. quod exemplo declaratur d. l. 1.

Non prætorius tutor] Prætorianum appellati scribit Ulp. & moribus pupillo dari, qui cum tutore suo legitimo iudicio agere vult, tit. *de tutel. §. moribus.* Hæc igitur exceptio fuit regulæ ejus, quæ prohibet tutorem ad certam rem vel causam dari, §. *pen. sup. qui test. tut.* item alterius, quæ traditur, §. *interdum inf. de curat.* tutorem habentem tutorem dari non posse. Cur autem necesse fuit hoc casu tutorem dari, Nimirum quia iudicia erant solemnia & ordinaria, ad ea autem quæ solemnitatem juris desiderant, ex-

plicanda tutore auctore opus erat, l. curatorem 19. hoc tit. l. cum in uis 17. §. 1. de appell. l. ult. C. de in lit. tut. sand.

Curator datur] Postquam judicia extraordinaria esse coeperunt, sublato solemnī veterum formularum ritu, inf. tit. de succ. subl. & tit. de interd. §. ult. & C. de form. & imp. subl. quæ per quemvis procuratorem expediri poterunt, ad ea tractanda & curatorem dari sufficere visum est. Unde existimo Tribonianum verbum *curatoris* in locum *tutoris* subiecisse in ll. 3. 4. 5. de tutel. l. 24. de test. tut. & simil. loc. Jure novo hæc disputatio penè supervacua est, quo vetuit Justinianus, debitorem creditoremve pupilli tutorem creari; eique, qui pupillo, aut cui pupillus

post ceptam tutelam debere coepit, perpetuum curatorem adungi voluit, Nov. 72. c. 1. & 2. Dixi autem, penè: quia video plerosque hinc eximere tutores ex certa scientia testamento datos. DD. in *auth. minoris C. qui dar. tut. Schneid. hic n. 5. Montan. de tutel. c. 9. n. 67. & seqq.* atque ita judicatum refert A. Fab. C. tit. 20. lib. 5. def. 1. Sand. lib. 1. tit. 9. def. 1. Mynfingerus item excipit ex inquisitione datos: quod vix est, ut probare possim. Illud constat, matrem & aviam non impediri debito aut credito, quominus filiorum suorum aut neporum tutelam gerant, *auth. ad hæc C. quand. mul. off. tut. & multo igitur magis excipiendus pater & avus, ut curia Frisæ censuit, teste Sand. d. lib. & tit. def. 2.*

TITULUS XXII.

Quibus modis tutela finitur.

C. Lib. 5. Tit. 60.

Continuatio & methodica Tituli explicatio.

Dictum est, quibus modis tutela constituitur; quæ constitutæ vis atque auctoritas: reliquum est, ut videamus, quamdiu perseveret, quibusque modis ea finiatur. Modi finiendæ tutelæ varii sunt, tum ex persona pupilli, tum ex persona tutoris, tum ex persona utriusque: item quidam communes sunt omnibus tutelæ speciebus, quidam proprii quarundam; sicut ex progressu apparebit. In summa autem duorum horum modorum altero semper finitur, aut ipso jure, aut interveni magistratus,

in fœminis bene positam in suo ordine relinquentes, ut post duodecim annos completos viripotentes esse credantur.

NOTÆ.

Sed etiam ex habitu corporis] Priscus cum impubere esse dicebat, in quem utrumque concurrat, & habitus corporis & numerus annorum, Ulp. tit. 11. in fin.

Inspectionem habitudinis corporis] Sunt, qui negent tale quid apud Romanos factitatum, & impudicam illam inspectionem corporum Romanis moribus indignam esse existimant.

Nostra constitutione] Extat in l. ult. C. quand. tut. vel cur. esse.

TEXTUS.

De Pubertate.

Pupilli pupillæque, cum puberes esse coeperint, à tutela liberantur. Pubertatem autem veteres quidem non solum ex annis, sed etiam ex habitu corporis in masculis estimari volebant. Nostra autem majestas, dignum esse castitate nostrorum temporum existimans, bene putavit, quod in fœminis etiam antiquis impudicum esse visum est, id est, inspectionem habitudinis corporis, hoc etiam in masculos extendere. Et ideo nostrâ sanctâ constitutione promulgatâ, pubertatem in masculis post decimum quartum annum completum illicò initium accipere disposuimus: antiquitatis normam

COMMENTARIUS.

1. Longè ante tempora Justiniani receptum fuisse, ut pubertas etiam in masculis ex annis estimaretur.
2. Suspectum auctori esse, quod scribit Tribon. de nudorum corporum inspectione.
3. Vim generationis in fœminis citius incipere, quam in maribus.
4. Tutelam muliebrem aliam fuisse ab hac pupillari fœminarum.
5. Adoribus harum regionum tutelam pubertate non finire.

Cum puberes esse] Primus modus finiendæ in persona pupilli tutelæ est pubertas, l. 1. C. quand. tut. vel cur. Hinc puberes etsi curatorem accipiunt, in suam tutelam venisse antiqua locutione dicuntur,

cūntur, *inf. de pup. substit. in pr. l. 8. §. 1. de bon. poss. fec. tab.*

Sed etiam ex habitu corporis] Fuere olim, qui pubertatem in masculis ex solo habitu corporis aestimabant. Proculcii eum puberem esse dicebant, qui quatuordecim annos explevisset: alii eum, in quem & habitus corporis & numerus annorum concurreret, teste Ulpian. *de tutel. in fin.* Eam se controversiam sustulisse, abrogataque inspectione corporis pubertatem ex annis tantum aestimari voluisse, scribit Justinianus *hic & in l. ult. C. quand. tut. vel cur.* Sed profecto longè ante Justinianum receptam fuisse Proculii sententiam, multis auctoritatibus probari potest. Nam Tertullianus, qui aliquot seculis ante Justinianum vixit, in *lib. de veland. virg.* aperte testatur, Romanos pubertatem in annis, non in sponsalibus aut nuptiis, decernere; hoc est, ex annorum numero, non ex habitu corporis puberem judicare. Et Macrobius *lib. 7. Saturn. c. 7.* sic scribit; *Secundum jura publica duodecimus annus in femina, & quartum decimus in puero definitur pubertatis aetatem.* Idem *in somn. Scipion. lib. 1.* ait, tutelam pueri post bis septem annos absolvi. Idque & Ulpian. noster expressis verbis confirmat *l. 2. de vulg. & pup.* indeque est, quod idem Ulpian. scribit, masculis post annum decimum quartum, feminis post duodecimum permitti testamentum facere, *l. 5. qui test. fac.*

Inspectionem habitudinis corporis] Nunquam mihi persuaderi potuit, inhonestam hanc corporis inspectionem apud Romanos usitatam fuisse: neque est veterum quisquam, qui tam impudicæ rei meminerit. Quod autem in libris Jurisconsultorum & apud Quintilianum *lib. 4. Inst. orat. 2.* legimus, dubitatum fuisse, ex habitudine corporis, an ex annis, pubertas metienda esset, non de turpi aliqua nudorum corporum inspectione accipiendum est, sed de externo corporis aspectu & vigore; ut is ex quorundam sententia (quæ tamen non obtinuit) pubes haberetur, qui figura ac dispositione totius corporis liberorum procreationi idoneus videretur, *fac. l. 4. C. qui test. fac.* Etenim habitus sive habitudo Latinis scriptoribus ἀνμα & formam corporis significat. Cic. *pro Cael. Quintus Metellus cum floreret integra ætate, optimo habitu, maximis viribus.* Liv. *lib. 4. Fædior corporis habitus, pallore ætatis præempti.* Terent. *in Eunuch. Qui color, nitor, vestitus, quæ habitudo est corporis?* Sic auctor ad Herenn. bonam corporis habitudinem appellat, integram corporis constitutionem. Unde & eos, qui obefiores erant corpore, habitiores dicebant. Terent. *Eunuch. Si quæ habitior paulo, pugilem esse ajunt.* Plaut. *Epidi Corpulentior Heracle atque habitior.* Rævardus 4. *var. 10.* existimat, Triboniano imposuisse Platonem, qui *lib. 11. de legib.* convenientiam ætatis ad matrimonia defini-

ri vult per judicem, nudos omnino mares, nudatasque usque ad pubem fœminas inspicientem: Tribonianumque ea, quæ de pubertate ex habitu corporis aestimanda apud Jurisconsultos legerat, ex imaginaria illa Platonis lege interpretatum. In contrarium tamen moventur Hotomannus & Ant. Matthæus *Coll. Inst. 2. disp. 2.* auctoritate Quintilianis qui *declam. 279.* scribit, nudari corpora puerum, & ab judicibus inspicere. Sed confictum hoc esse non dubito, ut ferè sit in scholasticis exercitationibus.

Post duodecim annos] Pubertatis anni maximè propter nuptias definiti sunt: ideoque cum vis generationis in fœminis citius incipiat, quam in maribus, placuit eas etiam citius tutela liberari. Et hoc est, quod Macrobius *lib. 1. in somn. Scipion.* scribit; *De tutela, inquit, fœminæ propter votorum festinationem maturius biennio, quam pueri, legibus liberantur.* Quod autem generationi citius admoventur, id idem Macrobius 7. *Saturn. 7.* infirmiori earum nature adferbit: nam & exilia poma celerius maturefcere, robusta serius. Physici etiam hanc rationem afferunt, quod facilius est pari, quam agere: in generatione autem fœmina passivè se habet. In universum autem, ut scribit Aristot. 7. *de hist. animal. Γενέσθαι τὸ ἥλεκτ' ἀρρένων ἢ νεότερα, ἢ ἀνὰ μὲν ἀρρεθάνει, ἢ γυναικός.* Alia ab hac pupillari fœminarum tutela, fuit muliebris, de qua Ulp. *in fragm. tit. 11.* Nam & post pubertatem mulieribus tutor dabatur, non ad negotia earum administranda, sed ad auctoritatem præstandam in solemnibus & civilibus, veluti ad iudicia, ad dictionem dotis, ad alienandas res mancipi. Ulp. *d. loc.* Nisi dicamus, ex jure veteri hæc referri, quo jure meliores perpetua tutela continebatur, teste Boëtio *in Top. Cic.* Nam non temerè loca illa, omnia, quibus traditur, tutelam in fœminis antioduodecimo finiri, & curatorem succedere, à Triboniano interpolata dixerim: quamvis id affirmet Rævard. 2. *var. 10.* Obstat enim locus Macrobij modo citatus: & Boëtius expressè de jure antiquo loquitur. Moribus harum regionum tutela pubertate non finitur: sed qui semel legitime tutores dati sunt, etiam puberem rebus præsent usque ad iustam eorum ætatem, hoc est, donec 25. annos impleverunt, D. Gudel. *in fin. lib. 1. Christin. vol. 3. decis. 148. n. 14. & 16. & vol. 6. decis. 82. n. 9.* Montan. *de tutel. c. 37. n. 86.* Græneo. *de legib. abrog. hic.* quod & in Germania generali consuetudine receptum esse testatur Gail. 2. *obs. 96. Paul. Bussius ad l. 1. n. 7. de tutel. & in pleraque Gallia; Baro hic.*

TEXTUS.

De capitis deminutione Pupilli.

1. Item finitur tutela, si adrogati sint ad-

huc:

huc impuberes, vel deportati: item si in servitutem pupillus redigatur, vel si ab hostibus captus fuerit.

NOTÆ.

1. *Deportati*] Quia cives esse desinunt, §. 1. *sup. quib. mod. jus pat. pot.* Nota etiam impuberes deportari posse; nempe qui sunt pubertati proximi & doli capaces, l. 111. de reg. jur. l. 14. D. ad sen. Selan.

COMMENTARIUS.

Secundo finitur in pupillo tutela quavis capitis deminutione: sive enim adrogatus sit, sive deportatus, sive in servitutem redactus, tutela extinguitur l. 14. pr. & §. 1. & 2. de tutel. unde hic locus descriptus est. Miscentur autem hic modi, quibus & ex persona tutoris tutela finitur. §. 4. *inf. eod.* *Adrogati sunt*] Ratio est, quia desinunt esse sui juris, & in potestatem adrogatoris transeunt: nemo autem potest simul esse in tutela & in patria potestate, *sup. de tutel. in pr.* Sed hoc moribus fere hominibus non obtinet.

Vel deportati] Quod ob delictum iis contingere potest, qui sunt pubertati proximi, & doli capaces, l. pupillum 111. de reg. jur. §. pen. *inf. de obl. quæ ex del.* Constat autem, deportatos peregrinæ conditionis fieri, ideoque pro mortuis in iis, quæ juris civilis sunt, qualis est tutela, haberi, §. 1. *sup. quib. mod. jus pat. pot. solv. l. 11. §. 1. de pen.*

In servitutem redigatur] Puta si pupillus jam doli capax ob ingratitudinem patrono iterum in servitutem tradatur: quo exemplo utitur Theophilus, idque fortiori ratione, quam si deportatus sit, quia cum civitate simul & libertatem amittit, §. 1. *sup. de cap. dem.*

Si ab hostibus captus] Cæterum eventus demum ostendit, an tutela hic omnimodo finita sit: nam postliminio reversus procul dubio recidit in tutelam.

TEXTUS.

De Conditionis eventu.

2. *Sed etsi usque ad certam conditionem datus sit tutor testamento, æquè evenit, ut desinat esse tutor existente conditione.*

NOTÆ.

2. *Testamento*] Additum quia à Magistratu ita non datur, l. 5. §. 1. D. de tutor. l. 77. de reg. jur.

Existente conditione] Veluti si Titius tutor testamento datus sit, usque dum uxorem ducet, & duxerit.

COMMENTARIUS.

Usque ad certam conditionem] Vel usque ad certum tempus: nam ut ad certam conditionem testamento datus, existente conditione, tutor esse desinit; ita datus ad certum tempus, finito tempore deponit tutelam, l. 4. §. ult. de tut. l. 8. §. 1. & 2. de test. tut. §. pen. *inf. hoc tit.* Hoc autem modo finitur tutela ex persona tutoris, & proprius est tutelæ testamentariæ, ut docemus *sup. qui test. tut. dar. §. 3.* Est & modus, qui huc pertinet, quo finitur tutela Atriliana: nam si ex die aut sub conditione testamento tutor datus sit, is qui interim à magistratu datus est, veniente die aut existente conditione tutor esse desinit, §. 1. *sup. de Atril. tut. add. quæ ad. §. ad certum tempus sup. qui test. tut. dar.*

TEXTUS.

De morte.

3. *Simili modo finitur tutela morte pupillorum, vel tutorum.*

COMMENTARIUS.

Hic modus & ad omnem tutelam & ad personam utriusque ex æquo pertinet: eo autem maxime spectat, ut intelligamus, pupillo mortuo, ne ratione quidem bonorum, quæ post mortem super sunt, tutelam perseverare; mortuo tutore, hæredes ejus in tutelam non succedere, l. antepen. de tutel. l. ult. §. 1. de mun. & hon. l. 4. §. 1. D. de tut. & rat. distr.

TEXTUS.

De capitis deminutione.

4. *Sed & capitis deminutione tutoris, per quam libertas, vel civitas amittitur, omnis tutela perit. Minima autem capitis deminutione tutoris, veluti si se adrogandum dederit, legitima tantum perit: cetera non pereunt. Sed pupilli & pupillæ capitis deminutio, licet minima sit, omnes tutelas tollit.*

NOTÆ.

4. *Legitima tantum perit*] Agnatorum scil. hodie id non obtinet; quia jure novissimo in eorum sublata est agnationis, & cognationis differentia, pariterque cognati cum agnatis ad legitimam tum hæreditatem, tum tutelam vocati. *Novell. 118. c. 5.*

COMMENTARIUS.

PER quam libertas vel civitas] Hic modus solvendæ tutelæ communis est, ut notavi *sup. ad. §. 1.*

§. 1. eandemque in tutore, quam in pupillo rationem habet.

Legitima tantum tutela perit] Nimirum quia & perit agnatio, ob quam ea defertur, §. ult. *sup. de leg. agn. tut.* Legitima autem patronorum tutela huc nunquam pertinuit, *Vlp. in fragm. tit. de tutel. §. 8.* Porro jure novissimo nullam amplius legitimam tutelam minina capitis deminutione tolli, notavimus sub d. §. ult. *de leg. agn. tut.*

Licet minima sit] Is qui in potestate patris est, si perfectæ ætatis sit, non prohibetur tutor esse, *sup. qui test. tut. dar. in pr. l. filiusfam. de his qui sui vel al. jur.* In tutela autem nemo esse potest, nisi qui sit sui juris. Atque hæc ratio est cur pupillo adrogato tutela pereat, tutore non item,

T E X T U S.

De tempore.

§. Præterea, qui ad certum tempus testamento dantur tutores, finito eo deponunt tutelam.

N O T Æ.

§. Ad certum tempus] V. g. ad biennium *l. 14. §. 3. D. de tutel.*

C O M M E N T A R I U S.

Dixi ad §. 2. *hujus tit.* Hoc autem modo quamvis tempore, ipso tamen jure tutela finitur. Etenim tutela non ullo jure propriè quæsitio

consistit; alioqui tempore ipso jure non finiretur, *l. obligationum 44. de obl. & act. sed in facto personæ & administratione magis posita est.* Quæ autem talia sunt, ut facta sunt temporalia, ita & ipsa cum factis incipere & finire possunt: argumento sit usus fructus, *l. un. §. pen. quand. dies us. leg. eod.*

T E X T U S.

De Remotione & Excusatione.

6. Desinunt etiam tutores esse, qui vel remouentur à tutela ob id, quod suspecti visi sunt: vel qui ex justa causa se excusant, & onus administrandæ tutelæ deponunt, secundum ea, quæ inferius proponemus.

N O T Æ.

6. §. excusant.] In perpetuum non ad tempus, §. 5. *tit. seq. l. 16. D. de tut. dat.*

C O M M E N T A R I U S.

Proponuntur hic duo modi, quibus tutela finitur; non ipso jure, ut superioribus, sed interven- tum magistratus; excusatio scilicet, & justa suspicio. Excusatio volentem liberat: suspicio invitum remouet. Est vero major excusationum usus tutela delata, quam suscepta. Sed & quasi suspectus quis postulari & removeri potest, antequam incipiat tutelam gerere, de quibus suo iterum loco. De excusationibus est *tit. pen.* de suspectis tutoribus *tit. ult. hujus libri.*

TITULUS XXIII.

De Curatoribus.

D. Lib. 27. Tit. 10. C. Lib. 3. Tit. 70.

Continuatio & summa Tituli: tum genera curatorum distincta.



Ransit nunc Imp. ad alterum membrum divisionis positæ in *pr. sup. de tutel.* quod eos complectitur, qui cum sui juris sint, curatorum tamen auxilio reguntur: exponitque promiscuè quibus, & à quibus, quando & quomodo curator datur. Sciendum autem est, duo esse genera curatorum: unum eorum, qui nulla personæ habita ratione, si res exigar, bonis constituuntur, puta vel debitoris latitantis, vel hæredis, qui in utero est aut domini, qui ab hostibus captus sit *ti. de cur. bon. dand.* quod genus huc non pertinet; alterum eorum, qui certis personis, quæ alieno auxilio indigent, dantur ad res earum administrandas: qui hujus sunt

argumenti. Sunt autem & ipsi duorum generum, dantur enim vel propter ætatem ejus, qui in curatione sit; vel propter animi aut corporis morbum. In priore genere sunt minores 25. annis: in posteriore furiosi, prodigi, mente capti, muti & surdi, & qui perpetuo morbo laborant. Quamobrem sic rectè definitur curatio potestas jure constituta ad curandas res ejus, qui quoquo modo rebus suis superesse ipse non potest. Ex hac definitione facillè intelligere poteris, & quæ communia sunt curæ cum tutela, & quæ discrepantia, maxime si cum ea conferas definitionem tutelæ, eaque, quæ ad illam illustrandam scripsimus sub §. 1. *sup. de tutel.* Cæterum & in processu pleraque iterum notanda erunt.

T E X T U S.

De adultis.

Masculi quidem puberes, & femina viri potentes usque ad vicesimum quintum annum completum curatores accipiunt: quia licet puberes sint, adhuc tamen ejus ætatis sunt, ut sua negotia tueri non possunt.

N O T Æ.

Ad vicesimum quintum annum] l. 1. in fin. D. de mini post quod tempus completur virilis vigor, quæ Græcis ἀνὴρ. belle Cujac. ad d. l. 1.

Curatores accipiunt] Nisi ætatis veniam à Principe impetraverint, C. de his qui ven. et imp.

Negotia sua tueri Et ideo quamvis qui in tutelam suam venit, sui potens est, κλέος ἐστί, nondum tamen est κλέος τὸ αὐτό. Fabrot, l. 20, D. de rit. nupt. l. 8. C. cod.

C O M M E N T A R I U S.

1. Cui tutela in fœminis citius, quam in maribus finitur: cura eadem ætate in utrisque.
2. Quare femina biennio maturius, quam masculi, ætatis veniam impetrare possint.
3. Quid consuetudine harum regionum circa utrumque illud receptum.
4. Quando dies captus pro completo habeatur, & contra.
5. Cur placeat ætatem 25. annorum finem asserre curationi.
6. Cur tam curiosè de curatore adolescentibus dando caveatur, cum nihilominus si capti fuerint, in integrum restituantur.

Usque ad vicesimum quintum annum] Tutela in maribus tardius finitur, quam in fœminis, quia fœminæ, ut superius dictum est, citius pubescunt. At cura in utrisque eodem tempore finitur, nimirum post annum vicesimum quintum. Et vero nulla ratio est, cur fœminæ maturius, quam masculi, cura liberari debeant; cum potius diuturniore cura continendæ videantur, propter sexus fragilitatem, ob quam & in perpetua cura olim fuere. Et jure quidem ordinario ante hanc ætatem curatio non finitur. Cæterum adolescentes honestate morum præditi post annum vicesimum; fœminæ, quas morum honestas mentisque solertia commendat, post annum octavum decimum, ætatis veniam à Principe impetrare possunt, ut ex eo tempore res suas sine curatoribus administrant: ac tum quidem in integrum non restituantur l. 1. & 2. C. de his qui ven. et imp. sed tamen in eo adhuc simili conditione cum cæteris minoribus sunt, quod immobilia sine decreto alienare aut obligare non possunt, l. 3.

C. d. tit. Cur autem hoc fœminis biennio maturius conceditur? D. Bachovius negat solidam ejus rationem dari posse. D. Brederodius in not. ad Schneid. hanc affert, quod quamvis judicium muliebre, ὅτι τὸ πλεῖστον infirmius sit virili, tamen quæ natura solertiores sunt, si ad virtutem pergant, celerius maribus prudentes fieri: propterea quod vehementiores multo in fœminis affectiones sint, quam in viris. Moribus patriæ non solum Princeps aut summus magistratus, sed etiam Curia provincialis ætatis veniam concedere solet, alique judices ordinari, quibus id facere jure legitimo competit: neque veniæ concessio continet jus prædia alienandi sine cognitione judicis, nisi & hoc ex magna causa, & quidem à supremo magistratu, expresse indultum sit auctore Grot. 1. man. 10. vide Groenew. de legib. abrog. ad tit. C. de his qui ven. et imp. et ibi alleg. Diximus quoque non multo ante, consuetudine harum regionum receptum, ut tutela demum finiat post perfectam ætatem eorum, qui in tutela sunt, hoc est, postquam egressi sunt annum vicesimum quintum. Apud nos enim ignoratur distinctio, quam jus civile Romanorum facit inter ætatem pupillarem, quæ sub tutela, & minorem, quæ in curatione sit. Unde & tutela ac cura uno communi nomine & promiscuè appellatur Voogdie aut Mamberschap & tutores curatoresque Voogden aut Mambours pupilli & minores indiscriminatum Vvezen. Cæterum etiam ante eam ætatem tutela sive cura finitur, contracto scilicet matrimonio: quanquam tunc ex causa à judice ad tempus prorogari potest: quod & tunc locum habet, cum ætate finita est, Grot. d. loc. Statuto Leidenensi nemo suæ curæ esse incipit, nisi qui causa cognita à magistratu tutelari dimissus art. 141.

Completum] Curatio non finitur, nisi anno vicesimo quinto exacto & completo. Hoc enim utile minori visum est, ut tempus à momento in momento spectetur: nam si postremo vicesimi quinti anni die cæpto aut nondum completo læsus sit, poterit adhuc in integrum restitui, l. 3. §. minorem, D. de minorib. Ad quem locum Glossa notat, diem cæptum pro completo haberi, quoties id alicui utile est, aut alioqui favorabile, ut in usucapionibus, l. 6. de usuct. in testamenti factione, l. 4. qui test. fac. in manumissionibus l. 1. de manumiss. quo etiam pertinet l. anniculus. 134. do ver. sign. In honoribus quoque, favoris gratia constitutum esse, ut annus inchoatus pro pleno habeatur, l. 3. de mun. et hon. Contra autem, ubi favorabile est, non numero dierum, sed momentis temporum annum dividi, diem cæptum pro completo non haberi, ut in temporalium actionum præscriptione, l. 6. de obl. et act. in vacatione tutelæ, l. 2. de ex cuf. & in causa proposito, ita & Co-

Ital. ad l. 3. §. 3. de minor. Cur autem placeat ætatem 25 annorum finem asserere curationi; docet nos. Ulpian. l. 1. §. 2. d. tit. quia inquit, post hoc tempus completur virilis vigor: convenienter sententiæ Physicorum, qui tradunt, anno vicesimo quinto, quo corpus crescere definit, etiam animam ad summum perfectionis suæ gradum pervenire, eaque demum ætate evidenter vigoris animi & constantiæ mentis vestigia emergere: conquiscente scilicet illa humorum ac corporis perpetua agitatione ac perturbatione, cui adolescentes obnoxii. Quamobrem & iusta, perfecta, integra, robusta hæc ætas in libris nostris appellatur, Græcis ἀνὴρ dicitur. Pulchrè D. Cujac. ad tit. de min. in pr. add. Magir. 6. Physiolog. 5. Quamquam igitur naturæ lege certa ex annorum numero perfectæ ætatis definitio non est, nisi ἡ πλάττω, tamen ex his, quæ diximus, abundè patere arbitror, hanc ætatis iustæ definitionem non esse juris merè positivi, ut existimat Bachovius.

6. *Adhuc tamen ejus ætatis sunt* Constat inter omnes ait Ulpian. l. 1. pr. de min. fragile esse & infirmum hujusmodi ætatum consilium, multorumque captionibus & insidiis expositum. ideoque prætorẽ naturalem æquitatem secutum, auxilium adolescentibus adversus captiones polliceri. & in fin. d. l. 1. addit, ideo eos usque ad vicesimum quintum annum curatorum auxilio regi. Sed quid opus fuit de curatore adolescentibus dando tam curiosè cavere, cum si capti fuerint, prætor eos in integrum se restitutum polliceatur, nec iis minus subveniat, qui curatorem habentes eo auctore quid gesserunt? tot. tit. C. si tur. vel cur. int. Nimirum magis decorum atque honestum visum est, in tempore occurrere & providere, ne minores capiantur, quam ut assiduis implorationibus tribunalia personent. Deinde quia id etiam minoribus tutius est & utilius, ne post vulneratam causam remedium quaerentibus impedimentum aliquod obiciatur, l. ult. C. in quib. caus. in int. rest. nec. Curatoris autem consilio & prudentia efficitur, ut non tam facile lædantur, nec necesse sit restitutionem in integrum toties postulare: quamquam si nihilominus læsi proponantur, auxilium iis prætor non denegat. Illud obiter monendum, non tantum ætate curationem finire, sed aliis etiam ex causis, atque ex iisdem ferè, ex quibus finitur tutela: denique similiter vel ipso jure, ut adrogatione adolescentis, morte, servitute, deportatione vel adolescentis vel curatoris; vel interveniu magistratus, ut excusatione, remotiõne,

TEXTUS.

A quibus dentur Curatores.

1. Dantur autem curatores ab eisdem ma-

gistratibus, à quibus & tutores. Sed curator testamento non datur: datus tamen confirmatur decreto prætoris vel præsidis.

NOTÆ.

1. Testamento non datur] l. 6. D. de confirm. tut. l. 2. C. eod. l. 12. tabb. permillum parenti, non Curatorem, sed tutorem testamento dare.

COMMENTARIUS.

A B eisdem magistratibus] Igitur Romæ à præfecto urbi vel prætore; in provinciis à præsidibus; in municipiis aut agris municipiorum à magistratibus municipalibus, juxta distinctionem traditam, §. nos autem sup. de Attil. tut. l. 3. D. de tut. dat.

Testamento non datur] Idem traditur in l. 7. C. de test. tut. At quamobrem; nimirum quia puberes, quibus solis curator datur, ipsi, si velint, res suas administrare possunt: de quo mox plura, Eademque ratio est, cur pater liberis suis puberibus substituere non possit, scilicet quia eà ætate ipsi sibi testamentum facere possunt, l. 2. de vulg. & pup.

Datus tamen confirmatur] Sive à patre, sive à matre datus sit: & confirmatur perinde ut tutor testamento non legitimè datus, l. 1. in fin. l. 2. §. 1. l. 6. de confirm. tut. l. 2. C. eod. ac proinde naturam sapit testamentarii, l. 7. ff. rem pup. salv. Est autem credibile, hanc curatoris testamento dati confirmationem post constitutionem M. Antonini primum introductam fuisse, qua cavit, ut omnes adukti curatores acciperent, secundum ea, quæ mox dicemus.

TEXTUS.

Quibus dentur.

2. Item inviti adolescentes curatores non accipiunt, præterquam in litem: curator enim & ad certam causam dari potest.

NOTÆ.

2. *Inviti adolescentes*] Et idè ipsi soli sibi curatorem petere poterant, l. 1. §. ult. D. qui pet. tut. Ubi autem petentibus semel Curator datus est, hujus curatoris auxilio usque ad annum 25, regi debent, ita cape l. 1. in fin. D. de min.

Præterquam in litem] Sive minor sit actor, sive reus: quia legitimam personam per se standi in judicio non habent, l. 2. C. qui leg. pers. stand in jud. Vide fusius in comment. infr.

COMMENTARIUS.

1. *Adolescentes olim invitos curatorem non accepisse; neque id mutatum constitutione D. Marci.*

2. *Responsio ad loca, quæ in contrarium asseruntur.*

Hic locus quamquam in foro nullum usum habet, (constat enim, adolescentes etiam invitos, hodie-

hodiernis moribus curatores accipere) tamen ad juris Romani cognitionem multum conferre potest diligens ejus expositio. Ait, *inviti*. In quo primum secum pugnare Justinianus videtur, qui initio hujus tit. dixit, ideo minores 25. annis curatores accipere, quia ejus ætatis sunt, ut negotia sua tueri non possint. Deinde cum Justiniano Ulpianus, qui in l. 1. §. ult. de min. expressè scribit, minoribus 25. annis rei suæ administrationem committi non debere, quamvis rem suam bene gerentibus. Accedit, quod ne Principes quidem, nisi per raro atque extra ordinem, minoribus rerum suarum administrationem indulgere soleant, auctore eodem Ulpiano, l. 3. pr. d. tit. Rævardus l. var. 17. & Cujac. in l. 1. de excois. f. c. ordiam Tribonianum accusant, qui ex veteri jure legis Lætorie hic repetiverit, quod jam pridem a constitutione D. Marci abrogatum erat. Sed enim & ex responsis recentiorum jurisconsultorum & ex posteriorum Impp. rescriptis manifestè evincitur, etiam post D. Marci constitutionem non omnes minores curatores accipere coactos. Veluti ex eo, quod Papias scribit, l. 13. in fin. de tut. dat. non nisi minoribus desiderantibus curatores dari solere; & quod Modestinus l. 2. §. pen. & ult. qui pet. tut. non licere aliis curatores minoribus petere, sed ipsos minores duntaxat sibi petere posse. Item ex eo, quod Impp. Diocletian & Maximianus Adriano minori rescribunt, l. 3. C. de in int. rest. interesse utrum is curatorem habeat, an non habeat: si habeat, contractum ab Adriano initum jure non subsistere; si non habeat, subsistere, implorandamque esse restitutionem in integrum. Denique non uno in loco invenis adolescentes sine curatoribus propositos, ut in l. 7. §. 2. de min. l. muto 43. §. 3. de proc. l. 1. l. 7. C. qui pet. tut. Vix hæc componi poterunt, nisi à capite rem arcessamus. Igitur cum lege 12. tabb. de curatoribus propter ætatem adolescentibus dandis nihil cautum esset, neque certum ullum remedium adversus captiones, & circumscriptiones, quibus hæc ætas obnoxia, introductum, lata postea est lex Lætoria, qua & circumscriptio adolescentum abundè provisum est, atque insuper permissum curatores adolescentibus dari, non promiscuè tamen, sed lascivioribus & dissolutius viventibus, aut qui ingenio nimis hebeti essent, mentis suæ non satis compotes, & fortassis ob alias etiam causas, quas exprimere & magistratui probare debebant, qui curatorem iis dari postulerent. Quod quoniam odiosum erat, & pudorem eorum, quibus curator dabatur suggillabat, tandem M. Antoninus Philosophus de curatoribus ita statuit, ut omnes adulti curatores acciperent non redditis causis, auctore Capitolino in Marco. Horum autem verborum hunc esse sensum apparet, ut deinceps ex constitutione Antonini omnes adolescentes

indiscriminatim curatores accipere possent, remissa necessitate allegandi & probandi causas, ob quas peterentur, quod exigebat lex Lætoria: non inquam, ut inviti acciperentur, sed ut sine periculo existimationis, si vellent, curatorum habere possent. (Meminit legis Lætorie etiam Cic. 3. de offic. & 3. de nat. Deor. Plautus in pseud. quinam vicenariam appellat ut nonnulli existimant.) Nulla igitur ratio est, cur Tribonianum incusamus oscitantiam, cum ne quidem post constitutionem Antonini inviti adolescentes curatorum acceperint. Quid ergo respondemus ad ea, quæ huic sententiæ paulo ante objecimus? Nempe quod Imp. initio hujus tituli ait, puberes usque ad vicesimum quintum annum curatores accipere, de volentibus & petentibus accipiendum esse, arg. hujus §. junct. l. 2. §. pen. & ult. qui pet. tut. vel cur. cui & subiecta ab Imp. ratio accommodanda est. Ulpianum autem l. 1. §. ult. de min. de effectu curæ jam constitutæ loqui, cujus ea vis sit, ut minores, quibus petentibus semel curator datus est, hujus curatoris auxilio usque ad annum 25. regi debeant; nec possit magistratus eum, quem semel curatorem dedit, à numero suo remove, minoribusque ob id quod jam amplius sub cura vivere non lubeat, rerum suarum administrationem restituere, arg. l. 2. & 3. in pr. eod. tit. ubi hujusmodi magistratuum decreta ut ambiciose Imp. interpretantur, & improbant: quoniam solius Principis sit ætatis veniam concedere: adi & Franc. de Amaya lib. 1. obs. jur. cap. 9.

Præterquam in litem] Sive litem minor intendar, sive excipiat, l. 2. C. qui leg. pers. stand. in jud. quod ideo comparatum est, ne minoribus agentibus aut judicio conventis adversarius elusorio judicio cedatur, cum sententia adversus minores indefensos lata nullius momenti sit, l. contra §. 4. de re jud. Idem & in aliis rebus simili æquitatis ratione receptum, veluti si debitor velit aut cogatur minori solvere, l. 7. §. 2. de min. si is, qui tutor fuit, rationem administrationis suæ reddere desideret, l. 7. C. qui pet. tut.

Ad certam causam] Duplex igitur hic inter tutelam & curam differentia animadvertitur: una est, quod curator non detur invito, tutor invito detur, l. 6. de tut. & cur. dat. altera quod curator ad certam causam dari potest, tutor non potest, §. certa sup. qui test. tut. dar. Neutrum autem horum moribus hodiernis observatur, ut alibi ostendimus.

TEXTUS.

De furiosis & prodigis.

3. Furiosi quoque & prodigi, licet majores viginti quinque annis sunt, tamen in cura-

tionem sunt agnatorum ex lege duodecim tabularum. Sed solent Romæ præfectus urbi, vel prætores, & in provinciis præsides, ex inquisitione ejus curatores dare.

NOTÆ.

3. *Furiosi quoque*] l. 1. D. de cur. fur. Ulp. tit. 12. §. 1. Cic. 2. de invent. or. 3. Tusc.

Prodigi] Quibus dissolutè viventibus bonis interdictum, l. 6. de verbor. oblig. §. 2. infr. quib. non est perm. fac. testam. Ulp. d. loc.

COMMENTARIUS.

1. *Prodigi ne ipso jure, sive eo ipso, quod prodigus est, bonis interdictum intelligi debeat; an vero ad id requiratur sententia magistratus.*

Non uti tutela quædam impuberum legitima est, ita & cura quædam minorum puberum. Tutela legitima agnatis proximis lege deferitur propter spem certam successionis, l. 1. de legit. tut. Cura autem nulla ob ætatem lege delatæ est, quia puberes testamentum facere, & præteritis agnatis, quem velint, sibi hæredem instituere possunt. Unde jam intelligitur, cur ob furorem, vel prodigalitatem, à lege curatores dentur: nimirum quia furiosi & prodigi, qui non magis, quam impuberes, testamentum facere possunt, certos successores habent agnatos, quos ideo & curatores esse lex voluit.

Licet majores] Et magis igitur, si minores sunt. Nam lex omnes furiosos & prodigos solis pupillis exceptis in curatione agnatorum esse voluit. Cæterum postquam minores omnes ex oratione D. Marci curatores accipere cœperunt, placuit curatorem minori 25. annis furioso, non ut furioso, sed ut adolescenti dari, non propter furorem, sed propter ætatem, l. 3. §. 1. D. de tutel. quem locum non videtur inspexisse D. Bachovius, sed principium duntaxat d. l. 3. ex quo contrarium defendere conatur. Ant. Faber 1. Jurispr. 12. pr. 1. illat. 6. contendit, d. §. 1. Tribonianum esse, & à juris ratione alienum: nam cum curator minoris non personæ, sed rebus detur, furiosi contra personæ, interesse furiosi, quasi furioso potius, quam quasi adolescenti, curatorem dari. Bella ratio. Credo ne aliqui nuptiæ à furioso sine consensu curatoris contractæ ræte sint, aut ex negotio gesto saltem cum auctoritate curatoris obligetur. Ex professo eum Fabro congregitur eximius Jurisconsultus Franc. de Amaya lib. 1. obs. jur. 28.

Ex lege duodecim tabularum] L. 1. l. 12. de curat. fur. Ulp. tit. 12. §. 1. Verba legis recitat M. Tullius lib. 2. de invent. or. 3. Tuscul. Si furiosus existat, agnationem gentiliūque in eo pecuniaque ejus potestas esto. Unde nonnulli existimant, legem de prodigo nihil no-

minatim cavisse, sed per interpretationem ita acceptam esse, propter successionis emolumentum, quod ut furioso, ita & prodigo mortuo, ex lege apud agnatos est, arg. tit. de leg. patr. tut supra; quam apud nostros hujusmodi distinctio non reperitur. Prodigum definit Ulp. d. l. 1. cum, qui neque modum neque finem impensarum habet, sed bonis sua dilacerando & dissipando profundit. Unde vulgo quæri solet, an prodigus intelligendus sit, qui factio talis est, an vero decretum magistratus expectandum; hoc est, an ipso jure & lege 12. tabb. dissolutè & luxuriosè viventi bonorum administratio interdicta intelligatur; an vero tum demum, cum talis esse sententia magistratus declaratus est. Dicendum, cum, qui moribus talis est, qualis in d. l. 1. describitur, revera quidem & Ethicè prodigum esse, (nam vitia & virtutes non pendunt ex cognitione & sententia judicis; sed propriam naturam & formam habent) cæterum quoad rerum suarum administrationem neminem ante politicè & effectū juris prodigo haberi, quam ea administratio causa cognita decreto magistratus ei adempta sit: cujusmodi decreti extat vetus formula apud Paul. 3. sent. 4. Nimirum bonorum administrationis ademptio sive interdictio non juris est, sed jurisdictionis, hoc est, nemini speciatim bonorum administrationem lex interdicat, ac ne potest quidem interdicere: sed generaliter interdicti jubet omnibus, idque auctoritate magistratus, quos prodigos esse causa cognita constabit, eumque, cui bonis publicè interdictum est, vult esse in curatione agnatorum, Ulp. d. tit. §. 1. fac. §. 2. infr. quib. non est perm. fac. test. l. 6. de cur. fur. qui ramen & lege interdicti bonis dicitur, d. l. 1. de cur. fur. l. 18. qui test. fac. l. 5. §. 1. de acq. her. propterea quod lex id fieri jubet, & quia à lege curatorem & administratorem bonorum accipit. Bene igitur & rationi juris convenienter Horatius 2. serm.

---- Interdicto huic omne adimat jus

Prætor, & ad sanos abeat tutela propinquos.

Furiosi alia ratio est: nam cum furor per se emineat, ut furioso bonis à magistratu interdicatur, non requiritur: at vero an quis prodigus haberi debeat, ex multis & variis circumstantiis æstimandum est; de quibus magistratum cognoscere & pronuntiare oportet: ne quis temerè in hominem sui juris, & liberalem fortè magis, quam prodigum, potestatem aliquam sibi usurpet, aut cuiquam probabiliter ignorantia noceat. Atqui, inquis, prodigus receptis sanis moribus, & cum frugalitate in gratiam reversus, definit ipso jure esse in curatione, d. l. 1. de cur. fur. Sed ne hoc quidem excludit cognitionem & declarationem magistratus: utique necesse est, ut publicè & apertè de eo constet, uti communiter Dd. nostri, teste Angelo, statuunt. Atque hoc etiam concedo,

concedo, si quis contraxerit cum manifestè luxurioso, eoque, quem sciebat, pecuniam illico malè consumpturum, dici posse, esse quod sibi imputet, arg. l. 8. pro empt. Vigl. in §. 2. inf. quib. non est perm. test. fac. Myns. hic Gail. 2. obs. 51. Paul. Bui. ad l. 6. de verb. obl. Ant. Fab. C. suo de cur. fur. def. 7. Decher. 2. diff. 8. num. 8. D. Tuld. hic cap. 4. & ad tit. C. de cur. fur. Christ. 2. vol. 1. decis. 163. Nostis moribus semper requiritur sententia declaratoria ejusque publicatio, teste Grot. 1. manud. 11. add. Iod. Damhond. c. 8. de tut. & cur. mun. num. 26.

Sed solent Romæ] L. 1. de cur. fur. l. 8. §. ult. de tut. & cur. dat. qua tamen in re, quam minimum potest, magistratus à lege duodecim tabb. recedit: nam, aliis administrationem dare non solet, nisi agnati aut nulli sint, aut minus idonei, l. 13. de cur. fur. ut non absolute hæc cura ex legitima facta sit honoraria.

TEXTUS.

De mente captis, furdis, &c.

4. Sed & mente captis, & furdis, & mutis, & qui perpetuo morbo laborant, (quia rebus suis superesse non possunt) curatores dandi sunt.

COMMENTARIUS.

Mente captis] Furiosus utique & mente captus, hoc est, demens sive amens: nam furor definitore Cicerone 3. Tuscul. est mentis ad omnia cecitas. Plerumque tamen separantur, ut in l. diem proferre 27. §. coram de recept. arb. l. 2. de inoff. test. l. ult. §. 1. C. de adm. tut. uti & furor & demencia, l. 8. de tut. & cur. dat. l. 6. de cur. fur. mente captus ἀνὴρ, ἀνὴρ ὁρῶν; furiosus μαινόμενος. Cic. in Pison. Ego te non recordem, non furiosum, non mente captum, non tragico illo Oreste aut Agamemnone dementiores putem? Hoc autem distare furiosum à mente capto interpp. nostri docent, quod ille rabie quadam animi agatur, quales fabulæ memorant Athamantem, Herculem, Ajacem, Orestem; hic magis in quiete sit, nec ulla ferè signa ostendar extrinsecus; quod vitium plerumque naturale & perpetuum est, Furiosorum autem duo sunt genera; nam in quibusdam morbus perpetuus est, & continua mentis abalienatio; in quibusdam remissionem & intervalla habet, l. 14. de off. pref. l. 12. §. 2. de judic. l. si cum potem 22. §. si maritus sol. matr. l. 6. C. de cur. fur.

Surdus & mutus] De surdis & mutis est in l. 8. §. 3. de tut. & cur. dat. generatim de omnibus, qui in ea causa sunt, ut superesse rebus suis non possint, l. 12. eod. tit. De cæcis nihil cautum: quippe qui rei suæ familiari, si nihil aliud impediât, satis benè præesse possint.

TEXTUS.

De Pupillis.

5. Interdum autem & pupilli curatores accipiunt, ut puta, si legitimus tutor non sit idoneus: quoniam habenti tutorem tutor dari non potest. Item si testamento datus tutor, vel à prætore aut præside, idoneus non sit ad administrationem, nec tamen fraudulenter negotia administret, solet ei curator adjungi. Item loco tutorum, qui non in perpetuum, sed ad tempus à tutela excusantur, solent curatores dari.

NOTÆ.

5. Curator adjungi] L. 10. §. ult. de excus. l. 13. de tutel. l. 2. C. in quibus causis Tut. legitimo tutori etiam suspecto, l. 9. de suspect. tutor. alibi tamen tutor appellatur, l. 12. de tutel. l. 14. & seq. de tutor. dat.

COMMENTARIUS.

Habenti tutorem tutor dari non potest] Regula juris civilis passim in hoc argumento tradita, l. idem fiet 27. de test. tut. l. cum jure 9. C. qui pet. tut. l. si sororis, 9. C. qui dar. tut. &c. Cujus vera ratio est, quæ à Wesembecio redditur, quod cum tutor personæ pupilli & universo ejus patrimonio datus intelligatur, §. datus inf. de excus. hoc jus ei invito, quamdiu tutor manet, sine injuria adimi aut minui non possit appposito alio tutore. Curator autem rectè adjungitur juvandi & sublevandi tutoris causa; & volenti ac petenti item tutor. Cæterum nullum usum hæc regula hodiernis moribus habet, Grot. lib. 1. introd. c. 7. & jure Romano non amant exceptionem. Nam primo habenti tutorem tutor dari potest aliarum rerum, l. propter litem 21. §. ult. de excus. nempe patrimonii pupilli, quod in alia provincia habent, l. tutores 39. §. patruus de adm. tut. Deinde si tutor furere cœperit, aut mutus vel surdus sit, complura Senatusconsulta facta esse Cajus auctor est, ut in ejus locum alius tutor detur, l. pen. de tutel. Item denique traditum est, si tutor reipubl. causa abesse cœperit, aut ab hostibus receptus sit, aut relegatus, l. 12. & l. 15. eod. l. 1. & l. pen. C. in quib. caus. tut. hab. Quod tamen & ipsum in plerisque causis non est perpetuum: nam alibi legimus ob morbum, aut insaniam tutoris curatorem interim dari, l. 10. §. ult. de excus. item propter absentiam eorum omnium, qui ad tempus excusantur, l. 15. & l. seq. de tut. & cur. dat. Existimo, prætorem pro qualitate morbi aut diuturnitate absentiae modo tutorem, modo curatorem dedisse, veteresque hîsci nomini-bus promiscuè sæpè usos,

Nec tamen fraudulenter] Nam fraudulenter in re pupilli versanti non curator adjungitur, sed tutela interdictitur, l. 6. C. de susp. tut. §. ult. inf. cod. Hæc autem clausula in legitimo tutore omisâ est, cujus existimationi propter necessitudinem parcitur, etiamsi quid forte peccaverit, & curator ei potius adjungi solet, quam ut notata fide à tutela removeatur, l. 9. de susp. tut.

Sed ad tempus] Quod reipubl. causa absint, l. 15. de tut. dat. aut ad aliam necessariam aut justam causam, l. 16. cod. In ejus autem locum, qui in perpetuum excusatur, alius tutor sufficitur, l. 11. §. 1. de test. tut. l. 1. C. in quib. cas. tut. hab.

T E X T U S.

De constituendo actore.

6. Quod si tutor vel adversa valetudine, vel alia necessitate impediatur, quominus negotia pupilli administrare possit, & pupillus vel absit, vel infans sit, quem velit actorem, periculo ipsius tutoris prætor, vel qui provincia præerit, decreto constituet.

N O T A.

6. Actorem] Pomponius adiutorem tutelæ vocat, l. 13. §. 1. de tutel.

Constituet] Id est; decernet editum, & nominatum à Tutore, & ob hanc causam etiam periculo tutoris, l. 24. de adm. tut. & l. 13. §. 1. de tutel.

C O M M E N T A R I U S.

Non semper ex causis, quas diximus, tutori curator à magistratu additur; sed solet decreto prætoris actor constitui periculo tutoris, quotiescumque aut diffusa negoria sunt, aut dignitas, vel ætas, aut valetudo tutoris id postulat, l. decreto 24. de adm. tut. quem adiutorem tutelæ appellat Pomponius l. 13. §. 1. de tutel. Curator quoque ex iisdem causis similiter actorem dat, l. un. C. de act. à tut. seu cur. dand.

Vel absit, vel infans sit] Nam si præsens sit & sãdipotens, nihil necesse est prætorem adire actoris decreto constituendi causa, cum pupillus, ut dominus, auctore tutore procuratorem constituere possit, d. l. decreto de adm. tut. l. 11. C. de proc.

Periculo ipsius tutoris] Quamvis tutor curatoris sibi adjuncti periculum non præstet: actor tamen & adiutor tutelæ periculo tutoris constituitur, licet decretum interveniat, d. l. 13. §. 1. de tutel. l. decreto de adm. tut. Hoc ideo; quia is qui nominatur, idoneum esse promittere videtur, arg. l. 1. de mag. conv. l. 4. §. 3. de fidei. & nominat.

T I T U L U S X X I V.

D. Lib. 27. Tit. 7. C. Lib. 5. Tit. 57.

De Satisfatione tutorum vel curatorum.

Continuatio, & Argumentum Tituli, cum summa plerorumque, quæ tutela & cura communia.

Hætenus dictum est de tutoribus & curatoribus distinctè & separatim; expositumque, quæ tutelæ, quæ etiam curæ sint propria: Quæ nunc sequuntur, satisfactio, excusatio, suspecti accusatio & remotio, promiscua sunt, & utriusque muneris communia. Quamobrem quæ fortè de uno genere brevitaris causa dicemus; ea de altero quoque intelligenda sunt. Hic autem titulus, quamvis simplicem inscriptionem, duo tamen capita habet: unum est de satisfatione à tutoribus in præparatione ad officium exigenda, cui responderi titulus in Pand. rem. pup. salv. for. alterum de magistratibus in subsidium convenientis: de quo tit. Pand. & C. de mag. conv. Præter satisfationem & curæ aliæ res sunt, quæ hic omisæ à tutoribus &

curatoribus omnibus exiguntur, inventarii rerum pupillarium confectio, l. 7. de adm. tut. l. ult. C. arb. tut. l. tutores 24. C. de adm. tut. de quo adi Christin. vol. 3. decis. 15 l. n. 8. & seqq. & decis. 163. n. 7. & seqq. Grot. 1. manud. 9. deinde ut jurent se rem ex fide atque ad utilitatem curæ suæ commissorum gesturos esse, Nov. 72. c. ult. unde auth. quod generaliter, C. de cur. sur. Ad hæc pro officio administrationis bona tutoris & curatoris pupillo & adolescenti tacite pignori sunt obligata; l. pro officio C. de adm. tut. & ibi DD. Christin. d. decis. 151. Postremo in eo quoque eadem conditio est tutorum & curatorum, quod bona pupilli minorisve immobilia, atque ex mobilibus, quæ servari possunt, alienare eis non licet sine cognitione & decreto judicis, l. lex quæ 22. C. de adm. tut. & ibi DD. add. Christin. d. decis. 151. cum seqq.

T E X T U S.

TEXTUS.

Qui satisdare cogantur.

Ne tamen pupillorum pupillarumve, & eorum, qui quæve in curatione sunt, negotia à curatoribus tutoribusve consumantur vel diminuuntur, curet prætor, ut & tutores & curatores eo nomine satisdant. Sed hoc non est perpetuum, nam tutores testamento dati satisdare non coguntur: quia fides eorum & diligentia ab ipso testatore adprobata est. Item ex inquisitione tutores vel curatores dati satisfactione non onerantur: quia idonei electi sunt.

NOTÆ.

Eo nomine satisdant] Id est pupillum vel adultum datis fidejussoribus securum faciant, l. 1. *et pass. D. rem pup. salv. for.* hoc enim est satisdare. Græci *ἐγγυὰς παρέχουσιν*. Prætoriae stipulationes, qualis hæc est, cautionem pignoratitiam regulariter non admittat, l. 7. *de stip. prætor.*

Testamento dati.] Ut & ex testamento confirmati, l. 3. *de conf. tut.* paternum testimonium pro satisfactione sufficit, l. 7. §. 5. *C. de curat. fur.* neque enim tutor à patre nisi spectatæ fidei, & diligentiae eligi solet l. 36. *de excus.* excipe casus, l. 8. *cum 2. seqq. de conf. tut.*

Ex inquisitione] l. 4. *C. de tut. qui sat. non ded.* & regula est, ubi locus est inquisitioni, cessat satisfactio, l. 8. *de cur. fur. l. ult. §. 7. de adm. rer. ad cir. pertin.* fides enim inquisitionis pro vinculo cedit cautionis, ut ait Pap. l. 13. *in fin. de tut. dat.*

COMMENTARIUS.

1. Quando pignora in vicem satisfactionis admittantur.
2. Plures fidejussores unius tutoris beneficium divisionis non habere. At ex persona plurium tutorum actionem inter fidejussores dividi.
3. Nullum esse genus tutorum, in quo non aliqui satisfaciendi lege soluti.
4. Quid circa satisfactionem, & nonnulla alia, apud nos observetur.

E*o nomine satisdant*] Satisdare propriè est, fidejussoribus datis cavere, l. 1. *qui sat. cog.* Atque hoc prætoriae stipulationes regulariter considerant, l. *prætorie de prætor. stip.* nimirum quia prætor ferè cavere jubet de eo, quod interest, nec certam æstimationem habet, ideo pignora dari noluit, cum sciri non possit, quæ & qualia deponenda sint. Sed & pignora multis casibus sunt obnoxia, multa etiam incommoda; & rædiosam habent custodiam: quod notat Casti, ad d. l. 1. *qui sat. cog.* Quod si

cautio pro re certa aut quantitate præstanda sit, etiam pignora admittit, l. 1. §. *jubet 9. de collat. l. 2. §. 3. quod legat.* Itaque satisdare tutelæ aut curæ nomine est, stipulanti pupillo vel adolescenti, sive alii, cui de eare stipulandi jus est, promittere se pupillum vel adolescentem indemnem præstaturum, datis in eam rem fidejussoribus, qui quod tutorem ex ea causa præstare oportebit, spondeant: unde hæc cautio dicitur satisfactio de indemnitate pupilli vel adolescentis, & passim satisfactio rem pupilli vel adolescentis salvam fore. Si plures fidejussores à tutore dati sunt, singuli in solidum tenentur, & conveniri possunt; neque beneficium divisionis, quod cæteri fidejussores ex epistola D. Adriani habent, ad fidejussoribus tutoris pertinet, l. ult. *rem pup. salv.* Cæterum ex persona plurium tutorum inter fidejussores dividitur actio, l. 6. *de fidei. & nomin. l. 1. §. & siquidem 11. de tut. & rat. disert.* Pertinet vero hæc stipulatio etiam ad curatores furiosorum & prodigorum, l. 4. §. ult. *rem pup. salv. for.* & siquidem tutor fuit, finita demum tutela committitur, atque exinde dies fidejussoribus cedere incipit: in curatore statim, atque quæque res salva non esse cœperit, d. l. 4. §. 4. Porro quicquid in iudicium tutelæ venit, id etiam hac stipulatione continetur: ac proinde non tantum damna illata, sed etiam lucra neglecta, l. 9. *d. tit. l. 1. de tut. & rat. distr. l. si tutor 15. de adm. tut.*

Sed hoc non est perpetuum] Hoc adeo perpetuum non est, ut exceptiones latius patere videantur, quam ipsa regula: nullum enim genus tutorum est, in quo non aliqui satisfaciendi lege soluti sint: testamentarii in universum, l. *testamento 17. de test. tut. l. 3. & 4. C. de tut. vel cur. qui sat. non.* Ex legitimis eximuntur patroni eorumque liberi, l. 5. §. 1. *de leg. tut.* Ex dativis, qui dantur ex inquisitione, hoc text, *et l. pen. C. d. tit.* At cur hos omnes à satisfactione immunes esse placuit contra utilitatem, ut videtur, pupillorum? Respondemus, nihil hic fieri contra utilitatem pupillorum: tantum ubi illis satis bene prospectum esse creditur, incivile visum est, satisfactionem exigere, virisque spectatæ fidei ac diligentiae hoc onus imponi. Tales autem habendi sunt, qui vel testamento, vel ex inquisitione dantur, ob causas, quas mox exprimit Justinianus. Patrono autem liberisque ejus etsi satisfactio remittitur, id tamen non fit nisi causa cognita, d. l. 5. §. 1. *de leg. tut.* Parentem autem manumissorem vel maxime hac lege solutum esse convenit.

Tutores testamento dati] Extra quam si facultatum dat à patre tutoris facta sit deminutio, vel morum ante celata aut ignorata emerferit improbitas, vel inimicitiae cum patre exarserint, l. 4. *de test. tut. l. 8. & 2. seqq. de conf. tut.* tutores quoque, qui non legitime testamento dati, aut omnimodo aut ex in-

quisi-

quisitione confirmandi sunt, satisfactione non onerantur: ceteri satisfiant, l. 1. §. 2. & aliquot ll. seqq. d. tit. §. ult. sup. de tutel. & ib. not.

Ab ipso testatore approbata] Quippe parentes nemini tutelam liberorum suorum committere solent, nisi ei, cujus benevolentia, fides ac diligentia eis satis cognita perspectaque sit, l. amicissimos 36. de excus. ut merito paternum testimonium pro satisfactione sufficere debeat, l. de creationibus 27. C. de episc. aud. l. ult. §. 5. C. de cur. fur.

4 Quia idonei electi] Quam ob causam fidem inquisitionis pro vinculo cautionis cedere, Papinian. scribit, l. si impuberi 13. in fin. de tut. & cur. dat. Olim apud nos nemo tutor idoneus sine satisfactione estimabatur: verum hodie prudentiæ & religioni eorum qui rebus pupillaribus præsent, ea res committitur, qui non solent satisfactionem à tutoribus exigere, contenti eorum iurejurando; præsertim si testamento dati sint, quod & passim alibi observatur, Ioan. à Sande lib. 2. tit. 9. de fin. 9. Extat formula iurjurandi in stat. tutel. Rhynland. art. 22. Quandoque ab uno ex pluribus tutoribus, cui singulariter administratio conceditur, fidei iussores aut pignora, pro vres postulat, consilio propinquorum pupilli, exiguntur. Quæ majoris momenti sunt, non nisi sciente & consentiente magistratu pupillari tutores facere possunt, nisi is magistratus testamento exclusus sit: quo tamen casu nihilominus suprema inspectio, re exigente, penes eos est, qui tribunali præsent, vid. Grot. 1. manud. 9. ubi etiam tractat, an tutores, & quinam mercedem administrationis petere possint; item, quando tutoribus liceat, quæstorem constituere; & quædam alia ad tutoris administrantis & quæstoris constituti officium, pertinentia.

TEXTUS.

Quatenus satisfactio in iis, qui satisfactum non compelluntur, locum habere possunt.

1. Sed si ex testamento vel inquisitione duo pluresve dati fuerint, potest unus offerre satisfactionem de indemnitate pupilli vel adolescentis, & tunc tutori suo, vel concurrenti præferri, ut solus administret; vel ut contutor, aut concurrens satis offerens preponatur ei, ut & ipse solus administret. Itaque per se non potest petere satisfactionem a contutore vel concurrente: sed offerre debet, ut electionem det concurrenti vel contutori suo, utrum velit satis accipere, an satisfacere. Quod si nemo eorum satis offerat, siquidem adscriptum fue-

rit à testatore, quis gerat, ille gerere debet: quod si non fuerit adscriptum, quem major pars elegerit, ipse gerere debet, ut edito Prætoris cavetur. Si autem ipsi tutores dissenserint circa eligendum eum, vel eos, qui gerere debent, Prætor partes suas interponere debet. Idem §. In pluribus ex inquisitione datis comprobandum est, id est, ut major pars eligere possit, per quem administratio fiat.

NOTÆ.

Potest unus offerre] Unius ex pluribus tutoribus satisfactioni non obnoxii provocacione fieri potest, ut ceteri satisfactioni subiciantur, aut huic parato satisfacere administratio committatur, l. 17. & 2. seqq. de test. tut. cujus instituti rationem pete ex l. 3. §. 6. de admin. tut.

Si non fuerit adscriptum] Aut adscriptus gerere nolit, d. l. 3. §. 7.

Prætor partes suas interponere] Id est causa cognita statuere, quis tutelam geret, d. l. 3. §. 7. l. 14. §. 1. D. de solut. Sortè rem hic dirimi non placet, quia vertitur in præjudicium alterius. Accurs.

COMMENTARIUS.

1. Provocatione unius ex pluribus tutoribus satisfactione non obnoxii fieri posse, ut ceteri satisfactioni subiciantur.

2. Tutelam non tam commodè à pluribus, quam ab uno administrari: ideoque Prætori curæ esse, ut administratio in unum derivetur: & quis in ea re ordo.

Hic locus exceptionem quandem continet eorum quæ de tutoribus testamento aut ex inquisitione datis satisfactione non onerandis initio dicta sunt: nam etsi directo ab his satisfactio exigere non potest. si tamen plures sint huiusmodi tutores, provocacione unius fieri potest, ut ceteri satisfactioni subiciantur, si huic parato satisfacere administrationem committi nolint. Id quod summa ratione à Præatore introductum est. Nam cum periculum administratione, non divisa commune sit omnium tutorum & quod culpa unius malè gestum est, alios quoque oneret: l. 6. in fin. C. arb. tut. l. pen. C. de div. tut. æquissimum est, ut ei, qui hoc incommodum metuit, soli administratio permittatur satisfactionem ad securitatem collegatum offerenti, aut si ipsi administrare malint, eadem conditione administrent, collegamque suum qui satis obtulit, præstata cautione eidem securum reddant. Porro quoniam tutela, non tam commodè à pluribus, quam ab uno administrari solet, (quippe plures ad administrationem admitti sæpè dissensione aut emulatione se invicè impediunt, sæpè etiam, ut ait Aristot. 2. pol. 2. mutua præsumptione & fiducia operæ alterius omnes cessant;

sant; utique unus facilius & actiones exercet & excipit) curæ Prætori fuit, ut, quoad fieri posset, in paucos, vel unum potius, tutelam derivaret, quam ut ea per multos spargeretur, l. 3. §. apparet 6. de adm. tut. eleganter D. Tuld. c. 3. & 4. hic. Hujus autem rei causa gradus complures Prætor fecit, quorum ordinem & numerum hic demonstrat Justinianus. Primus est, ut ei, qui ex pluribus satisfationi non obnoxii, satisfationem offert, gestus committatur, l. 17. de test. tut. Proximus, si nemo satis offerat, ut ei committatur, quem testator gerere voluit: cui malè primum locum defert Hotom. d. l. 3. §. 1. de adm. tut. l. 14. §. 1. de solut. Tertius, si testator neminem designavit, ut is administret, quem major pars collegarum elegerit, d. l. 3. §. si non 7. d. l. 14. §. 1. Quartus, si collegæ inter se dissentiant, utrum prætor partes suas interponat, & causa cognita ipse statuatur, quis tutelam gerere debeat, dd. ll. Sorte hic rem dirimi non placuit; quia vertitur præjudicium alterius, Gloss. in verb. partes. Enim vero hæc ita obtinent, ubi de tutelæ administratione uni aut paucis committenda agitur: nam si omnes gerere velint, aut tutelam inter se dividi vel in partes, vel in regiones, audiendi sunt, ne inviti alienum periculum subire cogantur, d. l. 3. §. pen. & ult. cum l. seq. de adm. tut. Idemque est, si omnes parati sint satisfacere, d. l. 17. de test. tut. ut tamen maximè idoneum prætor eligere possit, l. quod si 18. d. tit. Porro nec iudicio testatoris semper in hac re statuitur, nec satis offerens semper præfertur, ob causas, quas affert Ulpian. d. l. 3. §. 3. de adm. tut. d. l. 17. §. 1. & 2. de test. tut.

Per se non potest petere] Dativus vel testamentarius tutor sive curator à collega suo satis petere non potest: sed offerre ei debet, utrum satis accipere velit, an dare, l. 7. rem. pup. salv. for. Sed ita aut satisda, aut satis accipe.

In pluribus ex inquisitione] Ex interpretatione videlicet edicti & oratione DD. fratrum: siquidem verba edicti ad testamentarios tantum pertinent, l. si nemo 19. §. 1. de test. tut. Illud licet prætereundum non est, etiamsi uni administratio decernatur, non ideo tamen honorarios tutores, id est, eos, qui non administrant, per omnia immunes esse à periculo tutelæ: sed excusis prius facultatibus ejus, qui gessit, etiam hos conveniri posse. quippe quorum munus sit observare actus tutoris gerentis, rationes inspicere, & malè versantem suspectum facere, d. l. 3. §. 2. de adm. tut. D. Tuld. cap. 4.

TEXTUS.

Qui ex administratione tutelæ vel curationis tenentur.

2. Sciendum autem est, non solum tutores

vel curatores pupillis vel adultis cæterisque personis ex administratione rerum teneri: sed etiam in eos, qui satisfationem accipiunt, subsidiariam actionem esse, quæ ultimum eis præsidium possit afferre. Subsidiaria autem actio in eos datur, qui aut omnino à tutoribus vel curatoribus satisfacere non curaverunt, aut non idoneè passi sunt caveri. Quæ quidem tam ex prudentum responsis, quam ex constitutionibus imperialibus etiam in hæredes eorum extenditur.

NOTÆ.

Subsidiariam actionem] Quæ in subsidium pupilli datur, & adultis, excusis prius administratoribus, eorumque fidejussoribus. Vide fusius in commentario infra.

COMMENTARIUS.

1. Qui quando præter tutores & curatores pupillis & minoribus teneantur, & quo quisq; ordine conveniendus.

Pars hujus tituli altera, in qua agitur de actione subsidiaria, pupillis vel adultis cæterisque personis, tanquam ultimum præsidium, datur adversus magistratus, qui satisfationem exigere debent. Unde apparet, huic actioni locum non esse, ubi testamento vel ex inquisitione dati sunt tutores: sed usum ejus esse posse in legitimis tantum, aut simpliciter datis quos solos satisfationi obnoxios esse diximus.

Subsidiariam actionem] Quæ ex re ipsa hoc nomen accepit, quia in subsidium pupillis datur, si à tutoribus eorumve fidejussoribus suum consequi nequeant; ut hæc actio ultimum eis sit perfugium, & tanquam sacra anchora, l. 4. & 5. C. de Mag. conv. Quores melius intelligatur, sciendum est, primo locò conveniendos esse tutores eorumque hæredes: & si plures sint tutores, eum qui gessit, ejusque successores, l. tutores 39. §. in eum 11. de adm. tut. l. ult. C. de div. tut. quod si is solvendo non sit, hoc cæteros onerare. Si omnes gesserunt, unum eligi posse, & in solidum conveniri, l. 2. C. d. tit. l. 6. arb. tut. sed electo tum triplici beneficio succurri; divisionis & cedendarum actionum, exemplo fidejussorum, l. 1. §. & siquidem 11. de tut. & rat. dist. d. l. 2. C. de div. tut. & insuper utili actione adversus contutores, si quid ex communi gestu non mandatis actionibus præstiterit, d. l. 1. §. & si sorte 13. Si nemo gesserit, & omnes solvendo sint, electioni itidem locum esse, eumque, qui convenitur, excipere posse periculi societatem: ceterum ut actiones sibi præstentur, frustra desiderare, l. si plures 38. de adm. tut. Quod si à magistratu vel testatore in partes seu regiones divisa

fit tutelæ administratio, pro parte attributa quemque conveniendum esse, nisi cujus dolus aut culpa arguatur, quod collegam suspectum non fecerit; aut fecerit quidem, sed collusorie aut everfis jam ejus facultatibus, d. l. 2. C. de diu tut. l. Lucius 46. §. pen. de adm. tut. Conventionione autem tutorum mutuum periculum non finitur: verum qui administravit si solvendo sit, ejusque successores, primo loco coveniendi, l. ult. C. d. tit. Porro & bona tutorum tum propter res gestas, tum propter non gestas pupillis esse obligata, l. pro officio 20. C. de adm. tut. *Myns. Schneid. hic.* Atque hic pupillo consistendum, si à tutoribus satisfactum non est, quia testamento aut ex inquisitione dari. Si vero tales sint, satisfactum debuerint, nec exacta sit satisfactio, post tutores statim ad magistratus venit, qui officium suum in exigendo neglexerunt, ut hoc tex. Exactam autem cautionem proxime post tutores hæredesque eorum conveniuntur dari fidejussores, iisque deficientibus hæredes eorum l. 3. de fidei & nom. & her. tut. Atque ad extremum, excussis omnibus & administratorum & fidejussorum bonis, si solidum pupillus nondum consecutus est, subsidiaria actio est in magistratus, qui satisfactionem acceperunt. l. Lucius 46. §. pen. de adm. tut. l. 4. C. de Mag. conv. Nonnunquam tamen prius ad magistratus venit, quam ad contutores, si nimirum his nihil imputari possit quod vel satis à contutore non exegerint, vel suspectum eum non fecerint, l. 1. §. usque adeo 15. de int. & rat. dist. junct. l. 14. de adm. tut. l. 2. & 3. de Mag. conv. add. *Wes. par. d. adm. tut. n. 5. & de Mag. conv. per. tot. Christin. vol. 3. decis. 156. num. 9.*

Non idoneè passi sunt carveri] Quoties vitiosè cautum est, non videtur cautum, l. 6. qui satisd. cog. Atque hic notant, paria esse, utrum quid non fiat, an non debito modo. Sed hoc interest, quod ubi omnino cautum non est, statim magistratus conveniri possunt: ubi cautum est, licet non idoneè fidejussorum bona prius excutienda sunt, quam ad magistratus veniatur.

In hæredes] Non tamen similiter tenentur hæredes magistratus, ut ipsi magistratus, nam nec hæres tutoris negligentem nomine teneretur. Nam magistratus quidem in omne periculum succedit: hæres ipsius doli tantum, & dolo proximæ culpæ succedaneus est, l. 4. de Magn. conv. l. 2. C. eod. Etenim si magistratus tanta fuit negligentia, ut aut omnem cautionem ommitteret, aut evidenter cum minus idoneis fidejussoribus contraheret, ipsum hoc casu loco fidejussoris habendum placuit, l. 6. eod.

TEXTUS.

Si tutor vel curator cavere nolit,

3. Quibus constitutionibus & illud exprimitur, ut nisi caveant tutores & curatores, pignoribus captis coercerantur.

COMMENTARIUS.

Pignoribus captis] Pignora ideo dicuntur, quia aliquandiu, & donec aliquid fiat, retinentur: eaque pars fuisse videtur multæ dictionis. Quod si in contumacia perseverent, removendi à tutela, ut suspecti, l. 3. C. de susp. tut.

TEXTUS.

Qui dicta actione non tenentur.

4. Neque autem præfectus urbi, neque prætor, neque præses provinciae, neque quisquam alius, cui tutores dandi jus est, hac actione tenebitur: Sed hi tantummodò, qui satisfactionem exigere solent.

NOTÆ.

4. Qui satisfactionem exigere] In urbe scriba, in procinciis duumviri, l. ult. C. d. tit. l. 3. §. ult. de penul.

COMMENTARIUS.

1. An ipsi etiam magistratus majores cautionem exigere potuerint.

1. Moribus hodiernis perexiguum actionis subsidiariæ usum esse.

Cui tutores dandi jus est] Καὶ ἐξουσίαν, vel jus plenum & liberum quale item habent proconsules, cæterique, quibus provinciae regendæ commissæ, l. 1. de tut & cur. dat. l. 1. §. 1. D. de Mag. conv. alioqui & magistratus municipales jus dandi tutores habent, sed circumscriptum, aut pendens ab arbitrio & jussu majorum magistratum, l. 3. d. tit. junct. §. sed hoc jure sup. de Attil. tut. Locus hic descriptus ex l. 1. §. 1. de Mag. conv.

Qui satisfactionem exigere solent] Ut magistratus & defensores civitatum, οἱ στρατηγοὶ καὶ ἐκδικητοὶ πόλεων, Theoph. Item scriba præsidis vel prætoris, l. ult. C. eod. Ait, exigere solent. Potuine ergo & ipse prætor cautionem exigere? & potuisse non dubito, l. 2. & 3. rem pup. salv. Igitur & præsides potuerunt. Nusquam tamen reperimus in eos actionem subsidiariam dari: sed contra, generaliter non dari: fortassis propter eminentiam dignitatis eorum: vel quia absurdum videretur, eis, qui sine satisfactione tutorem dare poterant, fraudi esse, quod singulari erga pupillum affectu ducti, quo certius ei cautum esset, fidejussores exegerint. In his regionibus actioni subsidiariæ vix locus est, ut supra quoque monuimus: neque in Germania usum ejus

esse testatur Treutl. vol. 2. disp. 9. thes. 7. In Gallia quoque desuetudine abrogatum ex Bugnion. lib. 1. de leg. abrog. satyr. 2. refert Gothofr. ad rubr. C. de Mag. conv. quod miror à Barone adnotatum non esse. Planè si quid dolo malo in satisfactione exigenda magistratus fecisse convincantur, puta quod

scientes & prudentes fideiussorem minus idoneum admisserint, hoc casu etiamnum eos teneri, tradunt D. Tuldem. ad. d. tit. C. num. 3. & Perez. ibid. num. 4. Christiu. vol. 3. decis. 181. num. 4. & 7. Granevu. de ll. abrog. hic. Atque ita iudicatum referunt Bugn. præd. loc. Papon. lib. 10. tit. 4. art. 10.

TITULUS XXV.

De excusationibus tutorum vel curatorum.

D. Lib. 27. Tit. 1. C. Lib. 5. Tit. 62.

Ratio ordinis, & quædam æρεωρεαι.



Rationem de excusationibus & suspectis tutoribus in postremum, hunc locum rejicit Justinianus, cum agere de modis quibus tutela finitur, l. ult. sup. quib. mod. tut. fin. Hoc tit. agit de excusationibus, sequenti & postremo de suspectis. Utrumque autem etiam hoc argumentum promiscuum est, atque ex æquo ad tutores & curatores pertinet. Excusare se nihil aliud est, quam justam causam apud magistratum allegare, ad obtinendam à tutela sive delata sive suscepta immunitatem. Ajo, sive delata sive suscepta. Nam excusationum usus est & ante & post susceptam administrationem, ut ex sequentibus apparebit. Ajo, justam causam: nam nisi excusatio justa atque ad eam rem constituta causa nitatur, non est audienda. Et enim tutela munus publicum est, cujus ea conditio, ut id, nisi justa causa afferatur, neque delatum detractari, neque susceptum deponi possit, l. 3. §. 1. & 4. l. 6. de mun. & hon. l. 1. & passim de vac. mun. l. 1. de adm. tut. Cause excusationum variae sunt: hic octodecim ferè enumerantur, plures in Pand. & C. hoc tit. Atque harum omnium quædam certæ sunt, & legibus ita definitæ, ut simpliciter sint recipiendæ; cujusmodi sunt numerus liberorum, administratio fisci, absentia reip. causa &c. aliæ arbitrarie, quæ causa cognita à magistratu vel recipi, vel rejici possunt; quales sunt, verbi causa paupertas, adversa valetudo, imperitia literarum.

TEXTUS.

De Numero liberorum.

Excusantur autem tutores & curatores variis ex causis: plerumque tamen propter liberos, sive in potestate sint, sive emancipati. Si enim tres liberos superstites Romæ quis habeat, vel in Italia quatuor, vel in provinciis quinque, à tutela vel cura potest excusari,

exemplo cæterorum munerum, nam & tutelam & curam placuit publicum munus esse. Sed adoptivi liberi non prosunt: in adoptionem autem dati naturali patri prosunt. Item nepotes ex filio prosunt, ut in locum patris sui succedant: ex filia non prosunt. Filii autem superstites tantum ad tutelam vel curam muneris excusationem prosunt: defuncti autem non prosunt. Sed si in bello amissi sunt, quaesitum est, an prosint. Et constat eos solos prodesse, qui in acie amittuntur. Hi enim, qui pro republica ceciderunt, in perpetuum per gloriam vivere intelliguntur.

N O T Æ.

Propter liberos] Ex Mod. l. 2. §. 2. & seqq. D. h. t. l. 1. C. qui num. lib. vide fusiùs in com. inf.

Publicum munus] l. 1. §. 4. l. ult. §. 1. D. de mun. & hon. l. 9. de his qui sui vel. alien. jur. nempe ratione necessitatis, propriè enim Reipub. munus non est, l. 6. §. 1. D. h. t. vide comment.

Adoptivi, liberi non prosunt] Olim proderant, quem morem reprehendit P. Scipio apud Gell. §. 10.

Qui in acie amittuntur] l. 18. hoc tit. & ita capere Mod. in l. ult. vac. mun. in bello amissus. Gell. 2. c. 15. aut bello amissus. non per caus. Belli, in obsidione fortè, sed in acie, in prælio; Sallust. in eo bello trecenti milites desiderari, vid. com.

COMMENTARIUS.

Propter liberos] Romanis studium fuit matrimonia omnibus modis invitare, quod publicè interesse credebant justa sobole repleti civitatem: quam ob causam & poenis cælibes, & maritos, qui liberos suscepissent, præmiis affecerunt: quod effectum maximè legibus Juliis de maritandis ordinibus, & lege Papia Poppæa, de quibus Cujac.

jac. ad l. 2. hoc tit. Lipsius in comm. ad 3. annal. ad verba Taciti, de moderanda Pappia Poppaea. Hotom. in descriptione legum Rom. Inter hæc præmia immunitas fuit à muneribus civilibus, l. 1. pr. l. 2. de vac. mun. ac proinde etià à tutela & cura, l. 2. §. 2. h. t. l. 1. C. qui num. lib.

Sive emancipati l. 2. §. 3. hoc tit. l. 2. §. incolumes de vac. mun. quippe hæc immunitas non tam propter on. domesticum educationis liberorum conceditur, ut vulgo existimant, quam ut præmium & remuneratio *πλουσιδίων*, de jure trium liber. vid. Duar. i. disput. 40.

Tres liberos Roma, in Italiâ quatuor etc. l. 1. C. qui num. lib. se. exc. Hinc apparet, discrimen aliquod loci adhuc relictum fuisse inter Latinos, provinciales, cæterosque cives, qui urbem incolerent, etiam post constitutionem Antonini, in l. in orbo de stat. hom. quamvis omnes ex ea constitutione effecti sint cives Romani, quod & alibi observare licet, §. per traditionem 40. inf. de ret. div. & inf. de usuc. in pr. itemque in pr. quib. al. lic. Quod autem de Roma hic dicitur, Schol. Th. transfert & ad novam Romanam; *ἢ τὸν Κονσταντίνου πόλιν*, & Thraciam, *ἢ τὸν Θράκιον*.

Exempla cæterorum munerum] Personalium nimirum: nam à patrimonialibus muneribus, quæ rerum & possessionum propriè onera sunt; numerus liberorum non excusat; l. 2. §. 4. l. 10. & seq. de vac. mun. neque ab honoribus muneribusque his cohererentibus, d. l. 2. §. 1. nisi major sit; videlicet sedecim liberorum, l. 5. §. 2. de jur. imm. aut minimum XII. l. si quis 24. C. de decur. quo tamen loco pro XII. substituendum esse XVI. existimat Cujac.

Publicum munus] Tutela propriè non est munus publicum: neque enim rem publicam; sed privatam pupilli tutor tractat: nec reipub. pecuniariter interest pupillis tutores dari, l. 2. §. pen. in fin. ad municip. sed per consequentias & improprie loquendo; quia ad curam publicam pertinet, orbos ac pupillos tueri ac defendere; l. 2. §. 2. qui pet. tut. Hinc facile intelligitur, cur Modestinus neget tutelam esse munus reipub. l. 6. §. tutela 15. hoc tit. Ad quid si dicamus, idèò tutelam appellari munus publicum; quia culvis è populo non secus ac cætera munera, publice injungi potest.

Adoptivi liberi non profunt] Quod & generaliter traditum est d. l. 2. §. 2. de vac. mun. & ratio est, quia hæc beneficia patribus data sunt, qui numero civium republ. auxerunt. Meminit Tacitus 15. annal. Senatusconsulti facti tempore Neronis, quo cautum erat, ne liberi adoptivi ad præmia patrum prodesse.

In adoptionem dati profunt] Ex quo manifestè liquet, quod paulo ante diximus, hanc immunitatem magis esse beneficium *πλουσιδίας*, quam levamentum oneris domestici,

Nepotes ex filio] Scilicet demortuo, l. 2. §. non solum 7. hoc tit. nam ex filio emancipato nati avo idèò non profunt; quia ille ei prodest, & hi patri suo Quod si plures sint ex uno filio nepotes, non singuli singuli capita constituunt, sed unus universi, patremque omnes simul repræsentant, d. loc. quod & in cæteris muneribus obtinet, l. 3. C. de his qui num. lib. 10.

Ex filio non profunt] Non quia in avi materni potestate non sunt: nam nec emancipati, nec in adoptionem dati in potestate patris manent, quos tamen prodesse constat, sed quia duobus prodesse non debent: profunt autem patri suo aut avo paterno, l. 2. C. qui num. lib.

Superstites] l. 2. §. 4. hoc tit. l. 2. §. incolumes de vac. mun. quippe hi soli & reipubl. usui & parentibus oneri sunt. Defuncti non profunt, præterquam bello amissi; d. tit. Quod Ulp. l. bello 18. hoc tit. & Justin. hic. de iis accipi volunt; qui in acie seu in prælio, *ἐν τῇ συμπλοκῇ* amissi sunt, propterea quod hi pro republ. cecidisse intelligantur, & in perpetuum per gloriam vivere. Unde cum ex statuto secundo genitus in jure primogenituræ præferretur filio primogeniti præmortui, responsum est hoc locum non habere; si in acie primogenitus occubisset. *Αγала* lib. 3. de jur. bell. c. 7. n. 21. Qui vero per causam belli in obsidione, prædiis, castris abripiuntur, huc non pertinent, d. l. bello. De iis, qui pro patria mortem oppetunt, præclare M. Tullius pro Planc. & Philip. 9. Liv. lib. 25. Diod. Sic. lib. 15. *ἀντὶ θνῆσθαι σώματα* & *ἀθανάτων μνήμῃς καταλείπεσθαι* in Lesbomach. hortat.

T E X T Ū S.

De administratione Rei fiscalis.

1. Item divus Marcus in semestribus rescriptis, eum, qui res fisci administrat, à tutela & curâ, quamdiu administrat, excusari posse.

C O M M E N T A R I U S.

In Semestribus] Crebra est semestrium D. Marci in liberis nostris mentio. Auctor est Sveronius in Aug. c. 35. Augustum semestria senatorum aliquot consilia sibi instituisse, cum quibus de negotiis ad frequentem senatum referendis ante tractaret. Dio lib. 53. scribit; ex reliquo numero senatorum, quindecim ad hoc sorte lectos esse *ἰσχυμένους*. Quod exemplum Marcum secutus videretur, vid. Pet. Fab. in præfat. semestri.

Res fisci] Vel etiam rem privatam Principis, l. administrantes 41. hoc tit. Huc referunt & exactores tributorum, *ἡ exactores* C. eod. colonos patrimoniales, l. ult. qui dar. tut. cæterosque, quibus Princeps

curam alicujus rei injunxit, l. geometre 22, §. 1. l. junvisperitos 30, eod.

T E X T U S.

De absentia Reipublicæ causa.

2. *Item qui reipublicæ causa absunt, à tutela, vel cura excusantur. Sed etsi fuerint tutores, vel curatores dati, deinde reipublicæ causa abesse cœperint, à tutela vel cura excusantur, quatenus reipublicæ causa absunt: Et interea curator loco eorum datur, qui si reversi fuerint, recipiunt onus tutelæ: nam nec anni habent vacationem, ut Papinianus libro quinto Responsorum scripsit: nam hoc spatium habent ad novas tutelas vocati.*

N O T Æ.

2. *Reipubl. causa absunt*] L. 1. C. si tut. reipubl. caus. l. 41. D. h. tit. quinam reipub. caus. abesse dicantur, disce ex l. 32. l. 35. l. 38. D. ex quib. caus. maj. Vide fusius ex Comment. infra.

Ad novas tutelas vocati] Qui, cum Reipubl. causa abessent, ad novas tutelas vocati sunt, reversi anni vacationem habent: sed munus antè susceptum statim resumere debet, l. 10. pr. & §. 2. l. 45. D. h. tit. l. 2. C. si tut. reipubl. caus.

C O M M E N T A R I U S.

Reipubl. causa absunt] D. l. administrantes §. 2. hoc tit. Reipubl. causa abesse dicuntur, qui publici alicujus muneris vel officii causa, cui præsumunt, ab urbe profecti sunt, ut ex Modestino, Paulo, & Ulp. discimus, l. abesse 32. l. qui mittuntur 35. l. si cui 38. ex quib. caus. maj. Horum duo sunt peculiaritæ: nam cum cæteri, qui propter solum officium aut magistratum excusantur, susceptam tutelam deponere non possint: §. seq. eamque à qua excusati erant, statim finito officio suscipere cogantur: arg. §. præc. l. geometre §. 1. & d. l. administrantes hoc tit. utrumque contra est in iis, qui reipubl. causa absunt: nam & à suscepta, quamdiu reipubl. causa absunt, excusantur: & si interim ad novam tutelam vocati fuerint, reversi, anni habent vacationem, hoc text. l. 10. eod. Ubi Modestinus sic scribit: *οἱ χρεῖας δημοσίας δῆμους παύσαι ἐνεκα τοῦ διαμνησιντες ἐνιαυτὸν ἔχουσιν ἀνάπαυσιν καὶ τὸ ἐπαυελθόν.* Ergo absentes municipii causa non videntur hanc anni vacationem habuisse, contra quam sentit Wesf.

T E X T U S.

De Potestate.

3. *Et qui potestatem aliquam habent, se*

excusare possunt, ut divus Marcus rescripsit: sed susceptam tutelam deferere non possunt.

C O M M E N T A R I U S.

Potestatis vocabulum apud nostros aliquando large accipitur, ut iis etiam attribuat, qui cum magistratus non sint, notionem tamen aut jurisdictionem aliquam habent: ut in edicto. *Quod quisque juris etc.* l. 1. §. 1. item in l. 3. §. ult. de rec. arb. l. 3. in fin. ad leg. lul. majest. Sæpe item ea vox significat publicam illam jubendi ac coercendi auctoritatem, quæ magistratum est, sed omnium communis, ut idem sit magistratus potestas & imperium. Et hoc est, quod Paulus scribit, l. potestatis 215. de verb. sign. potestatis vocabulo imperium in persona magistratum significari: ac proinde in hac significatione, verum est, etiam minores magistratus imperium, potestatemque habuisse. Nunquam etiam καὶ ἐξουχίῳ soli magistratus majores imperium & potestatem habere dicuntur, minores sine imperio & potestate esse, l. nec magistratibus 32. de injur. l. 2. de in jus voc. Atque in excellentiori hoc significatu verbum potestatis hic accipiendum esse ex eo perspicuum est, quod ædilitas à tutela non excusat, l. non tantum 17. §. si qui, hoc tit. Magistratus tamen civitatum, τὰς στρατηγίας καὶ πόλεων, remissionem à tutela habuisse aperte testatur Modestinus, l. 6. §. remittuntur 16. eod. add. Cujac. ad l. 4. in fin. eod. Ant. Fab. 1. jurispr. hoc tit. pr. 1. ill. 3. Sed vix est, ut id hodie observetur, Bern. Autumn. coll. jur. ad d. l. 6. §. 16.

Susceptam deferere non possunt] Magistratibus, qui ante se miscuerunt administrationi, vacatio à tutelis non conceditur, d. l. non tantum, §. sanè, in quo differunt ab iis, qui reipubl. causa abesse coguntur, ut paulo ante dictum.

T E X T U S.

De lite cum pupillo vel adulto.

4. *Item propter litem, quam cum pupillo, vel adulto tutor, vel curator habet, excusari non potest: nisi fortè de omnibus bonis, vel hereditate controversia sit.*

N O T Æ.

4. *Nisi forte de omnibus bonis*] Aut maxima eorum parte, l. 20. l. 21. eod. quo casu etiam utile pupillo nolentem se excusare à tutela removeri. Vide in comment.

C O M M E N T A R I U S.

Iusta causa excusationis non est, quod litem aliquam cum pupillo tutor habeat: sed si iudicio agen-

agendum sit, quia tutor in rem suam auctor fieri non potest, curator interim ad hoc pupillo datur, qui iudicio peracto curator esse desinit, §. ult. de auct. tut. At si de omnibus bonis, plurimave eorum parte, aut de hæreditate lis sit, æquum est excusationem tutoris recipi, l. si pupillum 20. & l. seq. hoc tit. Imò utile pupillo, etiam nolentem se excusare, à tutela removeri, d. l. si pupillum. Non tamen in quavis disceptatione hæreditatis simpliciter & sine cognitione causæ recepta fuisse videtur tutoris excusatio, arg. l. si ut allegas C. eod. Hodie tota hæc quæstio inutilis: nam *Novella Iustiniani constitutione* 72. vetatur quilibet creditor aut debitor pupilli tutor ejus esse, dixi supra ad d. §. ult. de auct. tut.

TEXTUS.

De tribus tutelæ & curæ oneribus.

§. Item tria onera tutela non affectata, vel curæ, præstant vacationem, quamdiu administrantur: ut tamen plurimum pupillorum tutelâ, vel cura eorundem bonorum, veluti fratrum, pro una computetur.

COMMENTARIUS.

Nemo ita onerandus est alienis negotiis, ut sua ipsius negligere cogatur: adeoque & pupillorum interest tutorem non nimis multis negotiis implicari. Quamobrem placuit tria onera tutelarum, vel tria onera curationum, vel tria onera permistarum tutelarum & curationum, quartæ tutelæ curationisve excusationem præbere, l. 2. §. ult. & l. seq. hoc tit. l. un. C. qui num. tut. Sufficere item visum est tria ejusmodi onera esse in una domo; hoc est, unam familiam tria onera tutelarum aut curationum sustinere: ac proinde & tutelarum numerum, quas pater gerit, filio, & quas filius gerit, patri, & quas frater, fratri, qui in ejusdem patris potestate est, ad excusationem prodesse, l. 4. §. ult. eod. modo tutelæ, quas filii administrant, spectent ad periculum patris, l. 5. eod.

Non affectata] Tutelæ affectatæ in numerum tutelarum non cedunt, l. spadonem 15. §. est autem 15. eod. d. l. un. C. qui num. tut. Itaque si quis lucrum captans ultro se tutelæ obtulit, siue tenuem vovit, & suscepit, ut numerum trium expleret, à quarta non excusabitur, d. §. est autem. Sic enim verba Modestini, ο μελεῖς ἡρώδης τῷ Πιττοῦ, interpretor. μελεῖς, scilicet ὀφθαλμὸς, ἢ εὐχία. Ut non tutor pauper, quemadmodum Holoander vertit, sed pauperis tutor iis verbis significetur: quam interpretationem & Theophilus iuvat; nam Curtius ver-

ba Theophili, Πιττοῦ τῷ ὀφθαλμῷ, perperam interpretatus est, tutelam opulentam, cum tenuissimam vertere debuerit: quod mirum est D. Gothofredum non animadvertisse.

Quamdiu administrantur] Id enim maximè consideratur: in tantum, ut, si aut priorum pupillorum ætas prope pubertatem sit, aut eorum, quorum ad tutelam nunc primum tutor vocatur, excusatio non detur, l. non tantum 17. hoc tit. Hinc quoque est, quod in numerum tutelarum non placet cedere, si quis sit fidejussor tutoris, vel si magistratus municipalis tutorem dedit, licet periculum eos spectet, & magistratus in subsidium conveniri possit. Sed nec honorarius tutor periculum in numerum tutelarum imputat, l. spadonem §. si civitatis. 9. eod. ad quem tamen quasi pars quædam administrationis pertinet: tenetur enim actus gerentis sollicitè observare, eumque, si malè veretur, suspectum facere, l. 3. §. 2. de adm. tut. Enimvero tutor, qui cessat in administratione tutelæ, eam ratione periculi in numerum trium computat, l. si is qui 31. in fin. pr. hoc tit. l. si quis 60. de rit. nupt. nimirum quia qui cessat, principaliter tenetur, & suo nomine perinde ac si gessisset.

Pro una computetur] Tria onera non ex numero pupillorum aut adolescentium computantur, sed ex diversitate patrimoniorum, rationumque & conficiendarum & reddendarum difficultatè: nam si tres sint fratres consortes, hoc est, qui indivisum patrimonium habent, pro una tutela est: si tres dissortes, tres sunt tutelæ, l. 3. d. l. si is qui 31. §. ult. hoc tit. Idemque est & in aliis siue cognatis siue extraneis consortibus aut dissortibus, d. §. ult. Sed & contra aliquando unius pupilli tutela ob eandem causam ad excusationem sufficere debet, si nimirum tam diffusa, negotiosa & molesta sit, ut pro pluribus cedat, d. §. ult. cujus rei disquisitio ferè est in arbitrio prætoris tutelæ, ut ex eodem loco intelligitur, & hic notat Bach. add. Cujac. ad l. 2. eod.

TEXTUS.

De Paupertate.

6. Sed & propter paupertatem excusationem tribui, tam divi Fratres, quam per se divus Marcus rescripsit, si quis imparem se oneri injuncto possit docere.

COMMENTARIUS.

Desumptus hic locus est ex l. 7. & l. post susceptam 40. §. 1. hoc tit. Est autem hæc excusatio ex iis quoque, quarum receptio aut repudiatio pendet à magistratu, cujus de eare cognitio est. Nam qui hac excusatione utitur, docere debet

debet se imparem esse oneri inuncto, hoc est, tam renuis & nullius fortunæ, ut vix sibi quærere possit vitæ necessaria: quod iudicium æstimare oportet, *Myns. Schneid. Wesemb. hic.*

TEXTUS.

De adversa valetudine.

7. *Item propter adversam valetudinem, propter quam ne suis quidem negotiis interesse potest, excusatio locum habet.*

COMMENTARIUS.

Ethæc causa ex earum genere est, quæ cognitionem magistratus desiderant: neque enim quæcumque valetudo excusat, sed ea, quæ impedimento est, quo minus quis suis rebus superesse possit, l. 10. in fin. l. pen. §. ult. hoc tit. l. in. C. qui morb.

TEXTUS.

De imperitia literarum.

8. *Similiter eos, qui literas nesciunt, esse excusandos, Divus Pius rescriptit: quamvis & imperiti literarum possint ad administrationem negotiorum sufficere.*

COMMENTARIUS.

Literas pro παιδείᾳ aut humanitate sæpe accipi, notum est. Propriè tamen literæ elementa significant, l. 11. §. 3. de instit. act. l. 6. §. ult. de bon. poss. l. 1. §. si d. caterarum de var. & extr. cogn. Cic. pro Silla; *Literæ posteritatis causa repertæ sunt.* Hinc nescire literas dicuntur, qui ne elementarii quidem sunt, hoc est, qui nec legere nec scribere didicerunt, l. 3. §. 2. de accus. l. hac consultissima 27. l. nostram 30. C. de testam. ut & è contrario scire literas, qui scribere sciunt, l. pater 39. §. 1. de acq. her. l. discretis C. qui test. sac. Svet. in Claud. c. 10. idque ex usu etiam aliorum auctorum, ut multis docet. Duar. 1. disp. 3. & vel unum illud Neronis apophthegma ostendit; *Velim nescire literas.* de quo Seneca 2. de Clem. c. 1. Eandemque loquendi formam etiam Græcis familiarem fuisse argumento est vetus illud proverbium: quo Plaro usus est 3. de legib. μήτε νεῖν μήτε γράμματα εἰδέναι. Nec dubito, quin Inst. hic & Paul. l. 6. §. ult. eod. eodem modo hac locutione utantur, ut nescire literas iis sit, neque legere scire, neque pingere: & imperiti literarum Justiniano ἀγράμματοι, Modestino in d. §. idem quod ἀναλφάβητοι. Nam dicere se studiis literarum imbutum non esse, & ἀπαιδοσίαν hic causari, anè quam ineptum est,

Quamvis & imperiti literarum] Axioma discretum est; Quamvis imperiti literarum non sint negotiorum expertes: tamen à tutela sunt excusandi. Cui per connexum contradicere videtur Paul. d. l. 6. §. ult. Si imperiti literarum non sint negotiorum expertes, à tutela non sunt excusandi. Sunt qui particulam *quamvis* hoc loco notam esse volunt exceptionis, contra perpetuum & certum Latini sermonis usum. Alii, nescire literas, Paulo esse, non didicisse humaniores literas, in studiis literarum, non esse versarum; quasi literarum, hoc est, politioris humanitatis expertes ad tutelam administrandam minus idonei videri debeant. Fabulæ. Puto etiam literarum ignorantiam ad classem earum excusationum referendam esse, quæ arbitrio magistratus nunc admittuntur, nunc rejiciuntur. Itaque quod Just. ait, imperitos literarum esse excusandos, non ita accipi velim, quasi simpliciter & semper excusari debeant, sed causa cognita, si forè tutela diffusior atque pegeriosior, ut propter rationum conficiendarum difficultatem ab imperito literarum commodè administrari non possit, quamvis is ad res alias gerendas sit idoneus: nam ut memoriæ omnia credat, ab eo exigere non oportet; nec satis tutum, vicaria aliorum opera in commentariis & ephemeridibus conscribendis uti. Quod si tutela non sit magni patrimonii, ἀπλήγ, aut alias satis expedita, cui gerendæ sufficiat, quivis non hebiti ingenio neque expert negotiorum, nulla ratio est, cur quis ob solam imperitiam literarum ab ea excusetur. Atque ita Paulum tempore in d. l. 6. §. ult.

TEXTUS.

De inimicitia Patris.

9. *Item si propter inimicitias aliquem testamento tutorem pater dederit, hoc ipsum præstat ei excusationem, sicut per contrarium non excusantur, qui se tutelam administraturos patri pupillorum promiserant.*

COMMENTARIUS.

Propter inimicitias] Quo molestiam exhibeat inimico; ἵνα ἀποβληθῇ ἐνοχλῇ ἢ πειράσῃ; ut subjiciatur libris & negotiis, d. l. 6. §. διδῶσι 17. Nam si testator bona mente cum tutorem dedit, cui inimicus antea infensusque fuit, hoc ipso videtur facta gratiæ reconciliatio. Dicam plura inf. §. 11.

Non excusantur] Qui patri pupillorum tutorem se futurum promisit, nulla excusatione gaudet, quamvis alias excusare se jure possit; quasi excusationibus renuntiassè videatur, qui ita fidem suam obliga-

obligavit, l. *spadonem* §. 1. hoc tit. l. *exsententia* 29. de test. tut.

T E X T U S.

De ignorantia Testatoris.

10. Non esse autem admittendam excusationem ejus, qui hoc solo utitur quod ignotus patri pupillorum sit, divi fratres rescripserunt.

C O M M E N T A R I U S.

Ignotus patri] d. l. *spadonem* §. qui dixerit 14. Excipiunt DD. post Glossam hic, nisi quis dicat se ibi domicilium non habere, ubi ad tutelam vocatus est, l. ult. §. ult. eod. fed hoc genus est excusationis omnium commune.

Divi fratres] Marcus Antoninus Philosophus, & Aelius Verus, T. Antonini Pii filii, Adriani nepotes, qui primi duo Augusti appellati, & fastis consularibus sic inscripti sunt, auctore Spartiano in *Ælio* vero. Appellantur & fratres Imperatores, l. *fratres* 33. de poen. l. *si adulterium* 38. §. *fratres ad leg. lul. de adult.* vid. Ant. Augustinum lib. *sing. de excus.* ad §. *ἐν δολύπτῳ* 18. l. 6. hoc tit. & Cujac. ibid. Obiter addo, Divos à Jurisconsultis appellari Imperatores, qui post obitum in Deos relati erant ea *δοσιθεώσεως* solemnitate, quam scribit Herodian. lib. 3. postquam & templis constitui, ac sacerdotes & sodales creari, & ludi fieri, omnesque divini honores decerni solebant, ut ex Tacito, Tranquillo, Spartiano, Capitolino, aliisque id genus auctoribus discimus.

T E X T U S.

De inimicitis cum patre pupilli vel adulti.

11. Inimicitia, quas quis cum patre pupillorum vel adultorum exercuit, si capitales fuerunt, nec reconciliatio intervenierit, à tutela vel cura solent excusare.

N O T Æ

11. Cum patre pupillorum] d. l. 6. §. 17. Paul. 2. sent. 27. idem est si cum pupillis vel adultis, l. 3. §. 12. D. de susp. tut. ubi Ulp. ait etiam ob hanc causam removeri.

C O M M E N T A R I U S.

1. An homini Christiano conveniat ad excusationem tutelæ obtinere inimicitias.

Nunc de inimicitis paulo pluribus & distinctius agamus. Ait, inimicitias capitales, quas quis cum patre pupillorum exercuit, nisi intervenierit reconciliatio, solere excusare.

Inimicitias capitales intelligo quascunque graviores, quæ vel vitam, vel libertatem, vel estimationem petunt, arg. l. *licet capitalis* 103. de verb. sign. Sunt qui existimant, hujusmodi excusationem minus convenire homini Christiano: neque enim rectè videri tutorem dicturum, non debere se cogi bene facere homini inimico & de se malè merito, aut liberis ejus: quæ sententia ethnicis fortassis conveniat, aut veteribus illis, quorum meminit Christus Matth. c. 5. qui legem Domini sic accipiebant; *Diliges proximum tuum, & odio habebis inimicum tuum.* Christianis & piis non convenit. Et sanè ita est, nisi ratio afferatur, cur inimicitia excusare debeant; qualis hic occurrit, videlicet ut liceat finitram suspicionem hoc obtentu vitare & antevenire remotionem. Ait, cum patre pupillorum. Idem est si pupillis ipsis vel adultis inimicus sit, l. 3. §. *si tutor.* 12. de susp. tut. Ait, nec reconciliatio intervenierit. Reconciliatio aut apertè intervenit, ut si post ortas inimicitias in gratiam redierint, aut tacite, si eum, cui pater justè infensus antea erat, postea testamento suo tutorem scripserit: nam si hoc bono animo fecerit, non utilitibus eum implicaret, injuriam ei hoc ipso remisisse videtur, l. 6. §. *dat remissionem* 17. hoc tit. Planè si ipse pater causam inimicitis dedit, puta quod eum, quem tutorem dedit, aliquando capitis accusaverit, aut insigni contumelia affecerit, ad excludendam excusationem necessaria est aperta reconciliatio, arg. §. seq. Nam illius est remittere injuriam, cui illata est. Ait, solent excusare. Et merito? nisi enim hujusmodi tutores & curatores ultro se excusent, inviti remonentur, d. l. 3. §. *si tutor de susp. tut.*

T E X T U S.

De status controversia à Patre pupilli illata.

12. Item is, qui status controversiam à pupillorum patre passus est, excusatur à tutela.

C O M M E N T A R I U S.

Si tutor status controversiam à patre pupilli passus sit, id est, si eum pater in servitutem petierit, hoc par interdum, ac si capitis accusasset, l. 14. ff. de bon. liberr. & hic tutor omnimodo excusandus, etiam si pater eum postea testamento tutorem dederit, ut jam diximus. Is etiam excusatur à tutela, qui talem controversiam movet pupillo, serio & bona fide, non dedita opera, ne tutelam subeat, & calumniæ causa, quod ex rescripto Marci & Veri (itala gen-

dum esse textus Græcus ostendit) proponitur in l. 6. §. amplius 18. hoc tit.

T E X T U S.

De Ætate.

13. Item major septuaginta annis à tutela & cura se potest excusare. Minores autem viginti quinque annis olim quidem excusabantur: nostra autem constitutione prohibentur ad tutelam vel curam aspirare: adeò ut nec excusatione opus sit. Quà constitutione caveatur, ut nec pupillus ad legitimam tutelam vocetur, nec adultus: quum sit incivile, eos, qui alieno auxilio in rebus suis administrandis egere noscuntur, & ab aliis reguntur, aliorum tutelam vel curam subire.

C O M M E N T A R I U S.

1 Duplex Triboniani error in explicatione juris veteris animadvertus.

Senes æquæ ac magistratus veteres reveriti sunt, l. 5. de jur. immun. quæ reverentia consistebat in assurgendo, in loco dando ac cedendo, domo deducendo ac reduciendo, Juvenalis satyr. 13.

Credebant hoc grande nefas ex morte piandum.

Si juvenis vetulo non assurrexerat.

add: Valer. lib. 2 c. 1. Cic. 1. Off. Gell. lib. 2. c. 15. Fuit etiam venerabili sanctus excusatione honorum & vacatione munerum personalium. Ab honoribus excusabant anni 60. in urbe Senec. de brev. vit. Lex à quinquagesimo anno militem non cogit. à sexagesimo senatorum non citat. Idem tamen 2. Controv. 65. annos exigit. A decurionatu excusabant anni 55. l. non tantum de decur. à tutelis cæterisque muneribus personalibus anni 70. l. 3. de jur. immun. l. 2. hoc tit. l. un. C. qui etat. In l. ult. C. qui etat. vel profess. lib. 10. pro xv. legendum lxx. ut contextus ostendit, & monet Cujac. Cæterum hæc ita procedebant, nisi aliter consuetudo vel lex municipalis definiret, d. l. non tantum l. 2. de vac. mun.

Major septuaginta annis] In immunitatibus cæptus annus pro completo non habetur: quamobrem ad vacationem tutelæ non sufficit ingressum esse aut agere annum septuagesimum, sed egressum esse oportet, l. 2. hoc tit. l. 3. de jur. immun.

Minores olim quidem excusabantur] Hic locus & constitutio Justiniani in l. ult. C. de leg. tut. multis imposuit. Constat minorem 25. annis testamento tutorem rectè dari: sed ita datum perinde haberi, ac si sub conditione aut ex die datus esset, cum major 25. annis factus fuerit; ut interim nec tutelam administret, nec ullo effectu pro tutore habetur, §. 2.

sup. qui test. tut. l. quæro 32. in fin. de test. tut. sed alius tutor aut curator interim à magistratu datur, qui tutor aut curator esse definit existente conditione, hoc est, post legitimam tutoris testamento dari ætatem, l. 10. §. pen. hoc tit. §. 1. sup. de Attil. tut. Legitimos tutores nemo dat, sed lex eos facit tutores, l. 5. de leg. tut. Atque uti quisque proximus est agnatus, ita jure ex lege tutor est; quamvis potestas administrandi demum post perfectam ætatem ei deferatur, l. 16. §. 1. de tutel. l. 4. l. 8. de leg. tut. Quare si agnatus pupilli proximus minor erit 25. annis, jure agnationis & successionis ex lege tutor est: sed quia jus administrandæ tutelæ ante justam ætatem non habet, curator interim ad hoc à magistratu dabitur, §. ult. sup. de curat. d. l. 10. §. pen. qui locus simul confirmat, quod dixi, cum ipso jure, pro tutore esse: alioqui non à magistratu alius interim daretur, sed insequentis gradus agnati protinus in tutelæ administratione succederent, arg. l. 3. §. pen. de leg. tut. Revise quæ scripsi ad §. ult. sup. de cap. dem. A magistratu tutor sub conditione aut ex die dari non potuit, l. 6. §. 1. de tutel. Ergò nec minor 25. annis: quippe cui dationi infir dies aut conditio, cum major erit, §. 2. sup. qui test. tut. l. 10. §. pen. & ult. de test. tut. Quapropter si tota datio non consistit, nec ex tñ vedtyni pro tutore ullo effectu habebitur, ac ne quidem post æxplw tutor erit: ideoque consulto de testamentario & legitimo duntaxat Modestinum d. l. 10. §. pen. locutum esse existimandum est. Nunc videamus, quid hic novi constituerit Justinianus. At, minores 25. annis olim quidem excusatos fuisse: se autem constitutione sua cavisse, ne omnino minor aut detur tutor, aut ad legitimam tutelam vocetur, d. l. ult. Cod. de leg. tut. De legitimis & dativis loquitur constitutio: liberam patris voluntatem testamento de tutela caventis non coarctat. In ea autem constitutione atque hoc loco duplex Triboniani error in explicatione juris veteris animadvertitur. Unus est, quod putaverit, jure veteri periculo minoris, cui legitima tutela delata erat, curatorem interim datum tutelam administrasse, ut patet ex ratione, quæ affertur in pr. constitutionis. Alter, quod minorem à magistratu tutorem dari posse dediderit, sed excusandum fuisse: quasi vel omiſſa excusatione ipse minor tutelam gerere potuerit, aut alius simul à magistratu dandus fuerit, qui interim periculo minoris gereret. Quæ omnia tam absurda & à ratione juris veteris aliena sunt, ut mirum sit, Cujacium, Horom. Wesemb. ipsumque adeo custodem Triboniani Ant. Fabrum hic dormitasse. Quod si quid novi hic constitutum videri possit, erit illud unum, quod Bachovius existimat, ut jam non amplius agnato proximo, si minor sit, tutelæ legitima ullo modo deferatur, sed ea ætate insuper habita.

habita. soli ex agnatis proximis tutores fiant, qui sunt perfectæ ætatis: at si proximis omnes minores sint, ut sequentes vocentur; quos olim exclusos fuisse, ac ne durante quidem ἀφελικῶς proximi ad administrationem tutelæ admissos jam ostendimus.

[Nec pupillus] Si verum est, quod diximus, agnatum proximum, quamdiu minor est, tutelam gerere non posse, ineptè atque inutiliter videtur queri, an pupillus ad legitimam tutelam pupilli sit vocandus. Nam & si fingamus, alterum infantem esse, alterum pubertati proximum, exiguum tamen tempus superfuturum est administrationi. Et in l. 10. §. pen. hoc tit. non de impubere quaeritur, sed de adolescente, sive minore 25. annis: nam ἀφελικῶς, qui & ἀνήλικῶς, Græcis non est ἀνήλικῶς, sed νέος, hoc est adolescens; ἢ ἡλικίᾳ μὴ ὑπερβαῖς, ἐλάττω δὲ τῆς ἐναιαυτίων, ut passim apud Theoph. & Harmenop.

[Quum incivile sit] Hæc ratio nihil aliud efficere videtur, quam ut ne minori tutelæ administratio permittatur. Atqui nec jure veteri ea minori permissa fuit. Sed, ut dixi, falso credidit Justinianus, periculo minoris interim tutelam ab alio administrari solitam, nam ideo se jus vetus mutasse scribit, ut cuique immuneat pro sua tantummodo administratione periculum, ne alieno onere alius prægraveretur. Itaque tutelam vel curam subire, hoc loco dixisse existimari potest, pro eo, nempe periculum tutelæ ab alio administrandæ, sustinere.

TEXTUS.

De militia.

14. Idem in milite observandum est, ut nec volens ad tutelam onus admittatur.

COMMENTARIUS.

Milites armatæ militiæ ad instar minorum, ne volentes quidem ad tutelam aut curam gerendam admittuntur, l. 4. C. qui dar. tut. l. 8. C. de legat. ne videl. propter privata negotia à numeris & signis avocentur: quam ob causam nec procuratores esse possunt, l. 8. §. 2. de procur. nec aliena prædia conducere, l. milites 31. C. de loc. & cond. Quatenus veterani, hoc est, qui militia honestè dimissi & sacramento soluti sunt, vacationem tutelæ aut habent, copiose disputatur l. 8. C. 2. seqq. hoc tit.

TEXTUS.

De Grammaticis, Rhetoribus, & Medicis.

15. Item Romæ grammatici, rhetores & medici, & qui in patria sua has artes exer-

cent; & intra numerum sunt, à tutela & cura habent vacationem.

COMMENTARIUS.

Studiorum liberalium professores, grammatici, sophistæ, rhetores, qui publicæ juventuti profunt; item medici, quemadmodum à reliquis muneribus, ita & à tutela & cura vacationem habent, l. 6. §. 1. hoc tit. C. de profess. & med. lib. 10. Habent & Philosophi d. l. 6. §. 1. Musicos, quamvis eorum ars ingenua sit & liberalis, non habere tradat Cujac. in d. l. 6. §. 1. allegans l. 4. C. de excus. mun. lib. 10. quo loco pro ἑξάχρολε v. datur legisse Musicos. Nec poëtæ habent, l. 3. C. de profess. & med. licet divini spiritus mereantur. Legum quoque doctores non habent, exceptis iis, qui Romæ docent, d. l. 6. §. legum. 12. Cæterum ex Constitutione Constantini omnes habent, l. 6. C. de profess. & med.

[Qui in patria sua] Professores & medici ita deum hac immunitate gaudent, si in patria sua doceant aut medeantur, non in aliena. Est autem duplex patria: una propria sive originalis: altera communis, quæ est Roma, l. Roma 33. ad munic. Quam obrem qui Romæ docent, etiam si Romæ nati non sint, immunitatem habent, l. 9. de vac. mun. sive salariiarii sint, sive non sint, l. 5. §. Roma 11. h. t. Atq; hæc ex tribus una est conditio ad obtinendam immunitatem necessaria, d. l. 6. §. amplius 9.

[Intra numerum sunt] Conditio altera, non aliter enim hac immunitate fruuntur magistri studiorum, quam si probati decreto ordinis & numero constituto adscripti sunt, d. l. 6. §. 4. l. 5. 7. & 8. C. de profess. Certis enim numerus eorum qui vacationem haberent, in unaquaque civitate lege definitus erat, d. l. 6. §. 2. præterquam philosophorum: ὧς τὸ ἀπὸ ἀνδρῶν ἑξ ἑξαφιδόχων, d. l. 6. §. de philosophis, quem numerum excedere non licebat, d. l. 6. §. 3. nisi quis propter excellentiam præstantiamque doctrinæ, ὁ ὅλον ἑξαφιδόχων, immunitate supra numerum donaretur, d. l. 6. §. valde Est & tertia conditio hic omissa, ut pene & sedulo suo munere fungantur, seque adolescentibus utiles præbeant: alioqui denuo ab ordine reprobari possunt, d. l. 6. §. 6. l. 8. C. de profess. l. 11. §. 3. de mun. & hon. Colligunt hinc DD. studiosos, qui gnauiter literis non incumbunt, etiam si in catalogum relati sint, privilegiis scholarum gaudere non oportere; cessante scilicet ratione inductiva privilegiorum, secundum Aldobrand. num. 19. Schweid. num. 6. hic, quanquam vix est, ut hoc obtingat: consule Wames. cent. 1. cons. 20. Christin. vol. 5. decis. 36. & 49. num. 14. & seqq. Add.

Græcuv. de ll. abrogat. ad l. 6. Pand. h. t. ubi & de usu hodierno.

TEXTUS.

De tempore & modo proponendi excusationes.

16. Qui autem se vult excusare, si plures habeat excusationes, & de quibusdam non probaverit, aliis uti intra tempora constituta non prohibetur. Qui autem excusare se volunt, non appellant, sed intra quinquaginta dies continuos, ex quo cognoverit se tutores vel curatores datos, se excusare debent, cujuscumque generis sint, id est, qualitercumque dati fuerint tutores, si intra centesimum lapidem sint ab eo loco, ubi tutores dati sunt. Si verò ultra centesimum lapidem habitant, dinumeratione facta viginti millium diurnorum, & amplius triginta dierum: qui tamen, ut Scævola dicebat, sic debent computari, ne minus sint, quam quinquaginta dies.

NOTÆ.

16 Qualitercumque dati] Sive à magistratu, sive testamento, sive lege, nam & legitimos tutores se excusare posse constat, l. 3. §. 8. D. de leg. tut. l. 1. C. eod. l. 9. C. qui dari tut. & prius dixerat, cujuscumque generis.

COMMENTARIUS.

1. Verum post constitutionem D. Marci adhuc immediate à delatione tutela appellari poterit.
2. Ex quo tempore 50. dies excusationis alleganda constituti, currere incipiant.
3. An causa excusationis per procuratorem agi possit.
4. Etiam tutores legitimis excusari.
5. Proponendæ & disceptandæ excusationis quæ forma apud nos observetur.

Al. in uti non prohibetur] Ex Martiano, l. propter litem 21. §. 1. eod. Est enim excusatio species quædam exceptionis: nemo autem prohibetur pluribus exceptionibus uti, l. 8. de exc. l. nemo 43. de reg. jur. Sed an qui plures excusationes habet, eas omnes simul proponere & contestari debeat, quæritur, & putat Gloss. hoc necesse non esse: sed verius est, omnes initio contestari oportere, ne alioqui tutor negotii trahendi causa novas postea excogitet: & est textus in l. scire oportet 13. §. scire autem 8. hoc tit. Omnibus autem propositis, vel unam probare sufficit ad victoriam,

[Non appellant] Hoc enim D. Marcus effecit. Nam cum antea non minus à delatione tutelæ, quam alterius muneris appellaretur, Marcus Antoninus, tutelam à cæteris muneribus ita secrevit, ut tutor datus non amplius rectè à datione provocaret: sed si quas se habere putaret justas excusationis causas, eas intra præstituta tempora proponeret, quas si iudex rejecisset, tum demum licentiam appellandi haberet: qui vero ad alia munera vocarentur, illi non aliter quam olim, hoc est, quam appellatione interposita, allegare possint causas immunitatis suæ, l. 1. §. 1. & 2. quand. appell. Igitur si qui sunt loci, in quibus tutores dati provocasse proponuntur, ut in l. 4. hoc tit. l. tutores 39. §. tutor. 6. de adm. tut. l. 2. & pen. de tut. & cur. dat. l. 17. §. 1. de appell. illi non sic accipiendi sunt, quasi ab ipsa creatione à iudicibus appellassent, sed à reiectione excusationis intra præstitutum tempus, allegatæ. Neque obstat quod Modestinus scribit in l. 16. hoc tit. tutores enim citra appellationem se excusare posse: aut quod idem Modestinus. l. 13. eod. & Imp. l. tutores 18. C. eod. tutores datos non necesse habere appellationem interponere, quasi, si velint, adhuc provocare possint. Nam huiusmodi collectiones ut semper necessariæ non sunt, ita hæc minimè hoc loco admittenda. Tutores necesse non habent appellare; ergo, si velint, possunt. Necesse enim non habent, ut olim ante constitutionem D. Marci: nunc ne possunt quidem, & frustra ante propositam & repulsam excusationis causam appellant, d. l. 1. §. 1. quand. app. qui locus tam clarus est, distinguens hac in parte tutelam ab aliis muneribus publicis, ad quæ vocatus contra privilegium illico appellat, ut ex eo alii loci omnes sint declarandi. Atque hoc jure utimur, D. Tuldæ, hic. c. 11. & ad tit. C. eod. Christin. vol. 3. decis. 171. n. 12. Perez in C. hoc tit. n. 16. Grot. 1. mand. c. 7. Est vero hoc argumentum, nihil hic tutorum causa constitutum esse. Convenientius fortasse visum est atque æquius, ut qui tutorem dedissent, ipsi prius de causa excusationis summam cognoscerent, eamque vel acciperent vel repudiarent, cum nihil eorum intersit, tutorne ille sit, an alius, quam ut statim quasi rejecta causa excusationis, quam nunquam audiverunt, superior provocaretur. In tutoribus testamentariis & legitimis etiam hoc absurdum videtur. At in delatione alius muneris, puta si ab ordine aut duumviris aliquis decurio aut scriba nominatus sit, quia eorum, qui nominaverunt, interest nominatum munus sibi delatum suscipere ipsi quodammodo pars sunt, & in sua causa iudices constituerentur si excusationes apud eos allegandæ & probandæ forent, quod hic notat Jo. Fab.

Intra quinquaginta dies continuos] Proponendæ & con-

& contestandæ excusationi 50: dies continui constituti sunt, l. 13. §. 1. & seqq. hoc tit. peragendo negotio continui quatuor menses, l. quinquaginta 38. eod. Dicuntur dies continui, qui continuo, id est, συνεχόμενως, continenter, & sine interruptione nullisque exemptis currunt, ad discrimen. utilium, è quibus subducuntur omnes dies, quibus experiundi juris sui potestas non est, l. 2. de diu & temp. præf. de quo fortassis alibi plura.

2 Ex quo cognoverint] Quinquaginta dies excusationibus proferendis constituti tutoribus & curatoribus non cedunt ex quo dati sunt, sed ex quo cognoverint se tutores aut curatores datos esse, d. l. 13. §. quinquaginta l. 6. C. eod. l. 3. de verb. signif. Atque ex eo tempore si cessent, suo periculo cessant, l. 1. §. 1. de adm. tut. ut tamen iis ignoscatur, qui valetudine aut vi tempestatis, aliave simili causa impediti constituto tempore non venerint, d. l. 13. §. finim. Porro nec antea quam à die cognitionis cedere existimo quatuor illos menses disceptando & finiando excusationis negotio constitutos; ne alioqui contingat, ut prius finiatur tempus excusationis, quam incipiat, quod perquam esset absurdum. Nec est contrarium quod Paulus in d. l. 38. menses illos ex die nominationis numerat: nam Paulo eo loco idem dies, est nominationis & cognitionis: quippe qui solum excludere vult tempus, quo allegata sit excusatio: quasi dicat quatuor illos menses non currere à die propositæ excusationis, quod videri poterat, sed à die nominationis, cognitæ scilicet, non factæ. Ant. Fab. l. jurispr. hoc tit. pr. 1. illat. 7.

Se excusare debent] Non solum venire tutor & adire judicem intra 50. dies debet, sed necesse est, ut intra id tempus se excuset, id est, causam excusationis speciatiim alleget & contestetur, quam etsi forte mox non persequatur, nihilo tamen magis ei obstabit præscriptio 50. dierum, cum ad negotium peragendum ei adhuc supersint 70. dies: nisi ἀποσώσως χάριν, hoc est, defunctoriè, persuforiè, aut ut Contius vertit, dicis causa, adierit, ut desisteret statim, & adversarium traheret, d. l. 13. §. ἀπὸ τῆς 6. Contestanda autem est excusatio vel in iure ad tribunal prætoris, vel apud acta, vel χαμόθεν, id est, de plano, per libellum, d. l. 33. §. ἡνὶ πλάτ. 10. Nam etsi tutor per libelli oblationem & subscriptionem non excusatur: l. excusare 25. eod. eo quod excusatio pro tribunali disceptanda & executianda est, quia opus est decreto: per l. 9. §. 1. de off. proc. l. omnia 71. de reg. jur. tamen ad submovendam præscriptionem contestatio vel per libellum facta sufficit. Illud non satis expeditum est, an & absens tutor excusari

possit. Negat Accurs. quem sequuntur Pet. Fab. ad l. nemo 70. de reg. jur. & Ant. Fab. d. illat. 7. itemque Bachov. in Trentl. vol. 2. disput. 9. th. 1. lit. B. Mihi contraria sententia, quæ Cujacii est, verior videtur, per textum l. tutor. 19. C. de adm. tut. Neque video quid obster, quominus causa excusationis per procuratorem agatur. Opposita sunt per libellum & pro tribunali: non per libellum & in præsentia, nam & præsens libellum offerre potest.

Cujuscumq; generis sint, vel qualitercumque dati] Sive igitur testamento dari sunt, sive à magistratu, si-ve à lege ad tutelam vocati: nam & legitimos tutores excusari verius est, l. 3. §. quæri de leg. tut. l. si pupillum 20. hoc tit. l. 1. C. de leg. tut. l. si sororis C. qui dar. tut. arg. l. 2. §. 5. hoc tit. quibus locis eorum sententia manifestè refellitur, qui putant, legitimos tutores se excusare non posse, nisi & removeri possunt, aut ad tempus duntaxat: quo in numero sunt Hostom. & Giphon. hic Cujac. ad d. l. 13.

Intra centesimum lapidem] Ad professionem excusationis 50. dies dantur, si is, qui tutor datus est, sit in eadem civitate vel intra centesimum lapidem; si ultra sit, ad veniendum dantur singuli dies in singula 20. millia, & præterea 30. dies; ita ut computatis itineris diebus, & illis triginta, tutor non pauciores habeat, quam quinquaginta, quodlati9 profequitur Modestinus d. l. 13. §. 1. & seqq. Obiter addo, lapidem pro milliario sive mille passibus accipi: quæ appellatio inde manavit, quod singula milliaria positis singulis lapidibus, sive columnis lapideis (spatiorum signa inscripta habentibus Tib. Gracchus, auctore Plutarcho distinxerat. Initium autem & finem omnes viæ Italiæ capiebant ab aurata illa columna, quæ Romæ in capite fori ad ædem Saturni posita erat, nimirum ab aureo illo urbis milliario monumentis veterum tantopere nobilitato. In hisce regionibus proponendæ & disceptandæ excusationis hæc ferè forma servatur, ut si quis tutelam sibi delatam suscipere detrectet, is intra tres septimanas, ex quo cognoverit se tutorem datum esse, competentes magistratus solito sessionum die adeat, ibique causis excusationis alleget probetque: quibus auditis & cognitis sine mora negotium peragitur: & si iustæ ac solidæ videantur, excusato recusante alius in locum ejus sufficitur: sin minus, rejecta excusatione tutori nominato onus tutelæ sententia, magistratus imponitur: à qua sententia, si iniqua tutori videbitur, provocare ei licet: sed interim alius ei & periculo ejus, si tandem succumbat, substituitur, vid. art. 19. & 20. statut. Rhijnland. Grot. 1. manud. 7. De forma compellendi tutores ad tutelam capeffendam dictum est sub §. 1. sup. de Artill. tut.

T E X T U S.

De excusatione pro parte Patrimonii.

17. Datus autem tutor ad universum patrimonium datus esse creditur.

C O M M E N T A R I U S.

Arbitor cum D. Hotomanno & Wesemb. §. hunc mirum esse, & decerptum ex Marciano, l. propter litem 22. §. 2. hoc tit. Hoc autem indicare velle Justinianum, tutorem, qui pro parte bonorum se excusat, audiendum non esse: quippe qui non parti bonorum, sed universo patrimonio datus intelligatur: cujus regulæ exceptio traditur d. l. 2. 1. nisi se excuset, ne ultra centesimum lapidem in aliena provincia tutelam gerat

T E X T U S.

De excusationibus propriis Curatorum. De Tutelæ gestione.

18. Qui tutelam alicujus gessit, invitus curator ejusdem fieri non compellitur: in tantum, ut licet paterfamilias, qui testamento tutorem dedit, adjecerit, se eundem curatorem dare, tamen invitum eum curam suscipere non cogendum, divi Severus & Antoninus rescripserunt.

C O M M E N T A R I U S.

Quæ præcedunt causæ excusationum, tutelæ cum curatione communes sunt, sequuntur duæ propriæ curationis, quarum una proponitur hoc §. altera §. seq.

[Curator ejusdem fieri non compellitur] Romanis ad excusationem curationis adulti satis visum est ejusdem pupilli tutelam gessisse. l. curator 20. C. eod. quasi nimis durum sit gemino unius personæ onere premi: quod tamen jus apud nos & in aliis plerisque locis desuetudine abrogatum esse monuimus supra, tit. quib. mod. tut. fin. & de curat.

[Adjecerit, se eundem curatorem dare] Licet alias curator testamento datus à prætore confirmari solet, sup. de curat. §. 1. Excipiunt veteres ob beneficium libertatis acceptæ libertum, quem patronus liberis suis tutorem & curatorem dedit l. 5. C. eod. nisi de sua pecunia emptus, & manumissus sit, aut ex fideicommissio libertatem acceperit, nam in hujusmodi libertos nihil juris patronus consequitur, excepto quod sine venia in jus ab eis vocari non debeat, l. 14. §. 3. l. nequaquam 24. hoc tit.

T E X T U S.

De Marito.

19. Idem rescripserunt, uxoris suæ curatorem datum excusare se posse, licet se immisceat.

C O M M E N T A R I U S.

1. Quorum rerum uxoris maritus curator esse prohibetur.
2. Iurisconsultos verbo excusandi sæpe abuti.
3. Quæ hodiernis moribus mariti in bona uxoris potestas.

Altera causa excusationis, propria curationis in marito, uxori suæ, puta minori 25. annis, aut mente capta, curatore dato. Ait, curatorem datum. At quorum bonorum; nam dotis etiam dominus jure civili maritus est, inf. quib. alien. lic. l. dote C. de rei vind. Si de jure veteri quæritur, non est dubitandum, quin omnium, quæ extra dotem mulier habet, quæ Græcis *παρὰ δότῃ* dicuntur, licet expressè usum earum rerum sibi non receperit ac reservavit. Hoc enim & causæ prohibendi convenit, quam mox afferemus, & sententiæ veterum constitutionum indistinctè loquentium, l. 2. C. qui dar. tut. l. 4. l. licet 17. C. hoc tit. l. 3. C. de interd. matr. Potuit sanè mulier, quæ perfectæ ætatis esset, marito rerum omnium, quas extra dotem haberet, administrationem committere, arg. l. 8. C. de pact. conv. l. maritus C. de procur. l. pen. ad leg. Falc. Sed quæritur de uxore minore 25. annis, aut mente capta, quæ parapherna habeat. Huic inquam maritus eorum bonorum curator dari indistinctè jure veteri prohibetur, non receptitorem duntaxat, ut malè Myns. Hotom. Wesemb. nam ex novis deum constitutionibus est, quod marito paraphernorum, quæ uxor specialiter non excepit, administratio permittitur, l. 8. l. ult. C. de pact. conv. quod hic adnotare neglexit Tribonianns.

[Excusare se posse] Sæpe nostri verbo excusandi abutuntur, eosque etiam excusari ajunt, qui tutores aut curatores esse non possunt: ut cum dicunt, inimicitias capitales præstare excusationem, *ἡ δὲ δόξα ἂν φεοῖν ἰνὲν ὁμῶς*, §. inimicitie sup. 6. §. *ἡ δὲ δόξα* 17. eod. patri cum pupillo de hæreditate contendentis excusationem recipiendam l. si pupillum 20. eod. luminibus caprum, murum, furdum, furiosum excusationem habere, l. unic. C. qui morb. quos omnes tamen certum est tutelam gerere non posse, l. 3. §. si tutor 12. de susp. tut. l. licet 17. C. hoc tit. cujus eadem effectus species est cum ea, quæ hic proponitur: nihil enim refert, uxori maritus, an focer nuntii curator detur. Hoc autem loco Justinianum verba accusandi abusum esse constat ex l. 2. C. qui dar. tut. item ex l. 14. de

Uxor. de cur. fur. quæ apertè negant maritum uxori curatorem creari posse. Quæ ideo moneo, ne quis putet in arbitrio mariti positum esse, aut se excusare, aut omiſſa excuſationem curam uxoris ſuſcipere: & in univerſum ne quis credat, certum eſſe argumentum tutoris jure dati, quod excuſationem habere dicatur. In tantum autem maritus prohibetur uxori ſuæ curator conſtitui, ut ſi conſtitutus prudens ſe immiſceat, infamiz labem contrahat, ſicut & illi infames ſunt, qui contra Senatusconſultum pupillum vel adultam ſibi matrimonio jungunt: eadem enim utriusque prohibitionis ratio eſt, ne ſcilicet fraus adminiſtrationis tegatur, dum uxor vel propter blanditias mariti nolet, vel propter metum ejus non audebit ab eo exigere rationes, *l. 4. l. licet 17. C. hoc tit. junct. l. 5. l. 7. C. de interd. matr. l. libertum 64. §. 1. de rit. nupt.* Dubito autem cum Bachovio, an hæc poſterioribus conſtitutionibus conſentanea ſint.

Licet ſe immiſceat] Qui excuſare ſe poteſt, iſi neglecta excuſatione ſe miſceat adminiſtrationi, poſtea ſe excuſare volens non auditur, quaſi juri ſuo tacitè renuntiaverit, *l. non tantum 17. §. 5. ſane hoc tit. l. 2. C. ſi ſur. falſi. alleg.* Sed hoc locum habet in iis, qui tutores aut curatores rectè dati ſunt, quorum etiam propria eſt excuſatio: nam qui tutores aut curatores eſſe non poſſunt; etiam ſi ſe immiſceant, excuſantur aut removen- tur, *l. ſi pupillum 20. hoc tit. §. item major. ſup. eod.* Atque hæc quidem jure Romanorum ita ſe habent. Cæterum moribus noſtris uxor eſt in curatione, & poteſtate mariti: poteſtque maritus bona u-

xoris, etiam ea, quæ extra communionem retinuit, non ſolum adminiſtrare, ſed alienare quoque aut obligare etiam ſine uxoris conſenſu, niſi paſſis antenuptialibus expreſſè aliter cautum fuerit, *D. Neoftad. obſ. rer. jud. 9. in not. Grat. 1. manud. §. eademque ſerè & apud cæteros Europæ populos mariti in uxorem hodie poteſtas eſt; ut ex Weſemb. Chaffan. & Covar. reſert Gudelin. lib. 1. de jur. Novell. c. 8. & D. Tulden. ad tit. de curat. §. 1. ſup.* Apud Friſios adminiſtratio marito permiſſa, alienatio ſine conſenſu mulieris non item. *Sande lib. 2. tit. 4. deſ. 2.*

TEXTUS.

De falſis allegationibus.

20. Si quis autem falſis allegationibus excuſationem tutelæ meruerit, non eſt liberatus onere tutelæ.

NOTÆ.

20. *Falſis allegationibus*] Ubi adde, ex eo tempore, quo datus eſt Tutelæ obligatum eſſe.

COMMENTARIUS.

Decretum, quo tutor, falſis allegationibus uſus, abſolutus eſt, ipſo jure nullum eſt, neque eum periculo tutelæ eximit, *l. 1. l. ult. C. ſi ſur. falſi. alleg.* quod favore pupillorum ita conſtitutum eſſe credendum eſt. Nam regulariter ſententia ex falſis allegationibus lata ipſo jure non eſt nulla: ſed adverſus eam, ſi provocatum non ſit, petenda eſt reſtitutio, *arg. l. Divus 33. de re jud. & tot. tit. C. ſi ex falſi. inferum.*

TITULUS XXVI.

De ſuſpectis tutoribus vel curatoribus.

D. Lib. 26. Tit. 10. C. Lib. 5. Tit. 43.

Continuatio & ſumma tituli.

Ex tribus quæ ad tutores & curatores communiter attinentia Juſtinianus tractanda ſuſcepit, duo expoſita ſunt, ſatiſdatio, & excuſatio. Super eſt reſtitutum & ultimum, ſuſpecti tutoris vel curatoris accuſatio & remotio; quod hoc poſtremo hujus libri titulo nunc explicat. Oſtendit autem ſtriſtim, unde ea accuſatio deſcendat, qui apud quos & à quibus accuſari poſſint: inde, qui ſint ſuſpecti, & quibus ex factis tales arguantur, & removeri debeant, docet; ac promiſcè, quæ hujus accuſationis remotiſque ſit vis atque poteſtas.

TEXTUS.

Unde ſuſpecti crimen deſcendat.

Sciendum eſt, ſuſpecti crimen ex lege duodecim tabularum deſcendere.

COMMENTARIUS.

Suſpecti crimen ex lege duodecim tabb.] Ex Ulpiano. *l. 1. §. 2. hoc tit.* Eoq; pertinere creditur, quod Cicero ſcribit 3. de officiis. dolum malum etiam legibus fuiſſe vindicatum, ut tutelam duodecim tabb. Crimen autem hoc loco & apud Ulpian. pro criminatione ac ſive accuſatione poni certum eſt; neque inſolens eſt

est ista hujus verbi significatio, sic enim accipitur in l. 7. de accus. l. 5. de calum. l. propter 21. de senat. Silan. & apud Cicer. pro Rosc. Amerin. Triasunt, inquit, quantum existimare possum, quæ obstant hoc tempore Sexto Roscio, crimen adversariorum & audacia, & potentia. Quamobrem licet Teoph. recte verterit κατηγορίαν causa tamen non erat, cur interpretem ejus Curtium, novumq; utriusq; ὁμοφροσύνης editorem Gothofredum arperet Bachov. quod in Latina versione crimen retinuerint.

TEXTUS.

Qui de hoc crimine cognoscunt.

1. Datum autem est jus removendi tutores suspectos, Romæ prætori, & in provinciis præsidibus earum, & legato proconsulis.

NOTÆ.

1. Legato proconsulis] Jus removendi suspectos tutores magistratibus competit vi, suæ Jurisdictionis, & ideo mandata sive in specie sive in genere, transit in eum cui mandata est, l. 1. §. 2. & 4. hoc tit. ergo etsi præses mandaverit, quod malè negat Cujac. l. 1. §. 11. D. ad sen. Turp. nam ibi non excluditur, qui mandatum jurisdictionem habet, sed magistratus municipiorum.

COMMENTARIUS.

1. Etiam apud eum, cui mandata est jurisdictio suspectum postulari posse.

Datum est] Hoc non ita accipiendum est, quasi jus de suspectis tutoribus cognoscendi eosq; removendi speciali aliqua lege aut senatusconsulto Prætoribus aut præsidibus datum sit: quemadmodum cum dicimus jus dandi tutores alicui datum esse, hoc sic accipimus, datum esse nominatim vel à principe, vel lege, vel senatu, l. 1. l. 3. de tut. & cur. dat. l. 6. §. 2. de tut. sed jus hoc removendi tutores prætoribus & præsidibus more concedi propter vim imperii, hoc est, iis competere vi & potestate magistratus sui sive jurisdictionis, ut de iudicis dandi licentia, quam iidem magistratus habent, scriptum est in l. cum prætor. 12. §. 1. de iudic. Et enim longè alia ratio est tutoris dandi, alia removendi. Datio tutoris jurisdictionis non est, qua de causa nec mandari potest d. l. 6. §. 2. l. nec mandante de tut. & cur. dat. Cognitio de suspectis & remotio jurisdictionis est, eaq; sive in specie sive in genere mandata in eum cui mandata est, transit l. 4. in pr. de off. ejus cui mand. l. 1. §. 4. hoc tit. Rursus jus dandi tutoris etiam magistratibus municipalibus certa lege concessum est, l. 3. de tut. & cur. dat. §. 4. & 5. sup. de Attil. tut. At de suspecto cognoscere soli possunt magistratus majores, l. 1. §. suspecti 11. ad senat. Turpil.

Legato proconsulis] Legato quoque proconsulis de suspecto cognoscendi jus est, non ut specialiter ei concessum, sicut tutoris datio oratione D. Marci l. 1. §. 1. de tut. dat. seu tanquam consequens jurisdictionis à proconsule mandata, l. 1. §. 4. hoc tit. l. 4. de off. ejus cui mand. est jurisdict. in qua lege quod Marc. adiecit, propter utilitatem pupillorum, non sic accipiendum est, quasi utilitas pupillorum contra jurisdictionem hanc sententiam extorserit: sed quod hic cum ratione illa generali, ex qua mandata jurisdictionis totum officium juris dicendi transit, etiam concurrat ex accidenti pupillorum utilitas; quoniam scilicet interest ut plures de suspecto cognoscere possint, ne diutius perditus tutor in patrimonio pupilli grassetur. Pari ratione & si prætor mandaverit jurisdictionem, poterit apud eum, cui mandata est, suspectus postulari, d. l. 1. §. 4. vers. ergo Idemque omnino dicendum, si præses mandaverit. Nec est contrarium, quod apud Marcianum l. §. suspecti 11. ad sen. Turp. legimus, suspecti tutoris accusationem pro tribunali tantum examinari posse, & nullum alium de hujusmodi quæstione, quam præsidem, posse pronuntiare. Nam cognoscente & pronuntiante eo, cui mandata est jurisdictio, ipse qui mandavit, cognoscere, & pronuntiare intelligitur, & ille hujus vice, non sua, fungi, l. 1. §. 1. l. 3. de off. ejus cui mand. l. 1. §. 16. de jurisdict. l. 1. §. 1. quis à quo app. Solum excludere voluit Marcianus magistratus inferiores in municipiis & civitatibus, qui pro tribunali, ubi hæc quæstio disceptanda, non cognoscunt licet jurisdictionem aliquam habeant. Sic in l. ubicumque 105. de reg. jur. quæ etiam ad propositam speciem pertinet, cum prætor desiderari dicitur, ubicumque causæ cognitio necessaria est, non excluditur is cui à prætore jurisdictio mandata est, sed duumviri sive magistratus municipales, quibus ea quæ majoris cujusdam potestatis sunt, facere non licet, l. ea quæ 26. ad munic. junct. l. 1. & 4. de damn. inf. Hodie etiam nostri magistratus municipales, quos Scabinos appellamus, de suspectis tutoribus cognoscendi, eosque removendi jus habent.

TEXTUS.

Qui suspecti fieri possunt.

2. Ostendimus, qui possunt de suspecto cognoscere: nunc videamus, qui suspecti fieri possint. Et possunt quidem omnes tutores fieri suspecti, sive sint testamentarii, sive non sint, sed alterius generis tutores. Quare etsi legitimus fuerit tutor, accusari poterit. Quid si patronus?

tronus? Adhuc idem erit dicendum: dummodo meminerimus famam patroni parcendum esse, licet ut suspectus remotus fuerit.

COMMENTARIUS.

Possunt quidem omnes tutores] Item omnes curatores, sive adolefcentis, sive furiosi aut prodigi curam gerant, l. 3. §. 2. *cod. sed & curator ventri datus suspectus postulari potest d. l. 3. §. 3.* Locus hic descriptus est ex l. 1. §. ostendimus *cod.*

Quare etsi legitimus] Indicare videtur, facilius tutores testamentarios & dativos ut suspectos accusari & removeri posse, quam legitimos, eosque, qui vinculo necessitudinis aut affinitatis pupillo conjuncti sunt: quibus potius curator adjungendus est, quam ut notata fide atque existimatione removeantur, l. si tutor. 9. *cod. D.*

Fama patroni parcendum] Quod de patrono hic dicitur, idem vel magis ad parentem pertinet: & fortassis ne postulari quidem suspectus parens poruit, sed simpliciter curator adjungendus fuit. Illud constat, liberto & filio semper honestam & sanctam personam patris & patroni videri debere, l. liberto. de *obf. par. & patron.* Atque hinc esse, quod nullæ actiones famose, ac ne illarum quidem, quæ fraudis vel doli ullam mentionem habeant, adversus parentes patronosve institui possint: sed ex quibus causis actio in alios famosa datur, ex iisdem adversus illos in factum detur, omiſſa doli mentione, l. non debet. de *dol. l. 2. l. 5. §. 1. d. tit. l. 1. §. interdictum 43. de vi & vi arm.* quod in proposito proclive est, eo quod hæc actio natura sua famosa non sit, *vid. l. 3. §. ult. cum l. seq. & l. 9. hoc tit.*

TEXTUS.

Qui possunt suspectos postulare.

3. Consequens est, ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimo mulieres admittuntur ex rescripto Divorum Severi & Antonini: sed hæc solæ, quæ pietatis necessitudine ductæ, ad hoc procedunt: ut puta mater: nutrix quoque & avia: potest & soror. Sed & si quæ alia mulier fuerit, quam prætor propensa pietate intellexerit, sexus verecundiam non egredientem, sed pietate productam, non sustinere injuriam pupillorum, admittet eam ad accusationem.

NOTÆ.

3. Quinimo mulieres] In tantum pupillorum gratia à consuetudine judiciorum recessum est.

Pietatis necessitudine] Apud Ulp. l. 1. §. 7. unde hæc sumpta, legitur pietate necessitudinis.

COMMENTARIUS.

Descripta hæc sunt ex Ulpiano, l. 1. §. consequens hoc tit. Ait, quasi publicam. quæ nota est improprietas. Revera enim hæc accusatio publica non est. Nam sive finem ejus spectes, non persequitur injuriam reipub. illatam, pupillo: sive formam & executionem, non extra ordinem à præfecto urbis aut præsidibus de hoc crimine queritur, ut de criminibus publicis l. ordo de *publ. jud. l. 1. §. ult. de pan.* sed ut de re pecuniaria in privatis judiciis à prætore vel præsidibus, iisve, quibus ab his mandata est jurisdictio, arg. l. ult. *priv. del.* Ad hæc qui publico judicio aliquem reum facit, is subscibere in crimen, quod intendit, debet, l. 3. §. 1. de *accus. & desistens* ab accusatione incidit in senatusconsultum Turpilianum: quorum neutrum est in postulatione suspecti, d. l. ult. de *priv. del. l. 1. §. suspecti l. 1. ad Turpl.* Cur igitur hæc accusatio dicitur publica? mirum quia publicæ similis est in eo, quod omnibus patet: quod publicarium proprium est, §. 1. *inf. de publ. jud.* Cui addi & alterum potest, quia & nullo accusante ipse magistratus ex officio manifeste suspectum repellere potest, d. l. 3. §. præterea, hoc tit. *junct. l. 13. de off. præf. l. 1. in pr. C. de cust. ror. Christin. vol. 3. decis. 157. n. 1.*

Mulieres admittuntur] Contra morem judiciorum. Et notandum est, quod ad hanc accusationem admittantur non esse tantum mulieres, quæ pupillo necessitudinis aliquo vinculo junguntur; verum, etiam quævis aliæ, quas modo commendat pietas & verecundia: ut intelligamus, majorem esse suspecti tutoris accusandi licentiam, quam criminis publici iudicii intendandi: quippe cum mulieri permissum non sit publico judicio quenquam reum facere, præterquam si suam aut suorum injuriam persequatur, l. 1. & l. 2. de *accus. l. de crimine C. qui accusar. non poss.* In tantum pupillorum gratia à consuetudine judiciorum de flexum est. Athenis quoque publica erat hæc actio, *Iul. Poll. 8. c. 6.* quod ex Platonis lege descendit, *lib. 11. de legib.* Usus autem non servat, *vid. Groenew. de ll. abrog. ad tit. ff. de pop. act.*

TEXTUS.

An Pubes vel impubes.

4. Impuberes non possunt tutores suos suspectos postulare: puberes autem curatores suos ex consilio necessaryorum suspectos possunt arguere: & ita Divi Severi & Antonini rescripserunt.

COMMENTARIUS.

Hæc eadem traduntur in l. 7. hoc tit. l. 6. C. eod. Ait, impuberes non possunt, &c. in postulandis suspectis tutoribus principaliter perpendendum est, an quid segnitè aut fraudulenter gerant, l. 5. C. eod. in quo cum animi iudicio opus sit, mirum non est, impuberes ad hanc accusationem non admitti, ut culpæ mores tutoris sui, à quo ipsi regi debent. Sufficit, hanc accusationem omnibus patere, ipsumque adeo prætorem per se tutorem repellere posse, l. 3. §. 1. in fin. & §. præterea 3. eod.

Puberes autem curatores suos] In rebus, quæ privati iudicii questionem habent, sicut pupillus auctore tutore, ita & adultus curatore consentiente litem & intendere & excipere debet, l. 2. C. qui leg. pers. Publica accusatio pupillis omnino non patet, l. 8. de accus. nisi quod eis speciatim concessum est, ut de consilio tutorum mortem patris exequantur, l. 2. §. 1. de tit. Puberes vero etsi & ipsi regulariter publico iudicio accusare non possunt, l. 4. C. de auct. prest. possunt tamen curatore auctore, si suam suorumque injuriam persequantur, l. si maritus 15. §. lex lulia 8. ad leg. lul. d. adult. l. 7. C. eod. l. 11. de accus. Gloss. in d. l. 4. C. de auct. prest. Quapropter si in hoc quoque accusationem suspecti similem esse volumus accusationi publicæ, videri poterit, nihil esse in proposito speciale, quia suam injuriam minor persequitur, qui curatorem suam suspectum facit:

Ex consilio necessariorum] Quorum in ea re præscriptum minor sequetur: quod si illi nolint in accusationem consentire, iudicis à minore aditi officium erit, videre ne quid detrimenti minor capiat, arg. l. si cum dotem 22. §. nec non 6. & ibi Bart. solut. matr. Cantinella & Mys. hic.

TEXTUS.

Qui dicatur suspectus.

5. Suspectus autem est, qui non ex fide tutelam gerit, licet solvendo sit, ut Julianus quoque scripsit: Sed & antequam incipiat tutelam gerere tutor, posse cum quasi suspectum removeri; idem Julianus scripsit: Essendum cum constitutum est.

COMMENTARIUS.

Hoc §. in genere docet Imp. quis sit suspectus, & unde talis esse deprehendatur. Ait, suspectum esse, non ex fide tutelam gerit. quod sit, accipimus, non tantum si fraudulenter & calide in rebus pupilli vesetur, sive quæstus aut commodi causa res administrat: sed etiam si negligenter aut segnitè, neque ea integritate ac sollici-

tudine, qua oportet, l. 3. §. ult. hoc tit. l. 5. C. eod. Nec tutori quicquam prodest quod solvendo sit, quod satisdederit, vel nunc offerat: non enim ex patrimonio principaliter, sed ex moribus suspectus æstimandus est, l. 5. l. 6. eod. d. l. 5. C. eod. §. ult. inf. eod. & pupillo semper utilius est, sic ei prospici, ut ab initio nullum damnum sentiat, quam ut postea laboret de consequenda indemnitate, arg. l. ult. C. in quib. cas. in int. rest. non est nec. quod Papinianus noster sic expressit, Expediit pupillo rem suam salvam habere, quam tabulas rem salvam fore cautionis d. l. 5. eod.

Antequam tutelam genere incipiat] Puta si vel satisdare nolit, l. 1. l. 3. C. de tut. qui sat. non dedit, vel contumax sit, l. 3. C. hoc tit. vel si ob ignaviam aut negligentiam non gesserit, aut dolo fecerit, quominus gereret, l. 4. §. ult. eod. & generaliter si qua justa causa sit, ob quam videatur rejiciendus, arg. l. 3. §. si tutor. 12. eod.

TEXTUS.

De Effectu remotionis.

6. Suspectus autem remotus, siquidem ob dolum, famosus est: si ob culpam, non æque.

NOTE.

6. Ob dolum famosus] l. 1. D. de his qui not. infam. Debet autem decreto causa significari: alias integra existimatione tutela abibit, l. 4. §. 1. & 2. D. h. t.

Ob culpam non æque] Hoc est, segnitiam, inertiam, negligentiam, ineptiam, rusticitatem, l. 3. §. ult. eod. Th. 25. & 26. Quæstus. Quid si tutoris lata negligentia arguatur? non videtur salva existimatione abire; quia ista prope fraudem accedit, l. 7. §. 1. eod. in doli crimen cadit, l. 1. §. 5. D. de obl. & act. l. 32. D. de pos.

COMMENTARIUS.

1. Culpa nomen & generale esse & speciale.
2. Genera culpe obiter distincta atque exposita.
3. Ob latam culpam remotus an famosus fiat, & quid moribus nostris.

Accusationis finis est remotio. Cæterum pro qualitate causæ & admissi, alii simpliciter removeantur, alii cum nota infamiæ, alii etiam aliter & nonnunquam gravius puniuntur. Qui salva aut notata existimatione removeantur, ostenditur hoc §. propriæ pœnæ adversus quos constitutæ sint, §. si quis tutor 9. & 2. seqq. inf. eod.

Si quidem ob dolum] Ait remotum ob dolum famosum esse, ob culpam non æquè. Dulus est quævis calliditas & machinatio ad alium circumveniendum adhibita, l. 1. §. 2. de dol. Culpa est omne factum, quo nocetur, alteri injuria, sed ἀπὸ κακῆς αἰτίας, id est, sine animo & proposito fraudandi. Et si enim culpa gene-

generali significatione etiam dolum continet: Cic. 1. de offic. Carvendum, ne major pœna sit, quam culpa, & in L. Aquilia constat culpæ nomine etiam dolum venire l. 5. §. 1. junct. l. 30. §. pen. ad Leg. Aquil. in specie tamen accepta à dolo distinguitur, ut factum inconsultum à consulto & malitioso. Genera culpæ tria in jure nostro memorantur, lata, levis, levissima. Lata culpa est, non providere, curare, cavere, quod omnes, qui modo sensu communi præditi sunt, provident; & intelligunt se curare debere, l. cedere diem 213. §. ult. l. late 223. de verb. sign. l. quod Nerva 23. de pos. l. pen. §. 2. de jur. & fact. ign. Atque hæc plerumque *ὁ δὲ περὶ τῶν δολῶν* dicitur culpa dolo proxima, l. 8. §. 3. de precar. l. 8. pr. de edend. l. 1. §. 2. si is qui test. lib. Levis est omisio diligentiae, quam vulgo homines frugi in suis rebus adhibere solent, l. heredes 25. §. non tantum 16. fam. erisc. l. 1. de tut. & rat. distr. l. 1. §. 4. de obl. & act. Levissima est omisio ejus diligentiae, quam in suis rebus præstare solet diligentissimus paterfam. & ferè per oppositum indicatur; cum diligentiæ præstari dicitur simpliciter, l. 5. §. 2. commod. l. 23. de reg. jur. quod loco magis opportuno latius explicabitur. Culpæ autem nomine non intelligit hic Imperator culpam latam, sed leviozem: siquidem lata culpa, præterquam in crimine corporalem pœnam ingerente, l. 7. ad leg. Corn. de sicar. semper dolum interpretatione juris repræsentat, l. magna 226. de verb. signif. d. l. quod Nerva de pos. l. 1. §. 1. si mens. fals. mod. l. 8. §. 3. de prec. l. 1. §. 1. si quoque 5. de obl. & act. etiam in famosis, l. 11. §. ult. de his qui not. infam. l. probrum 42. in fin. de verb. sign. adeoque etiam in actione pœnali, l. 1. §. 2. si is qui test. lib. Unde etsi dolus tantum præstari dicitur, tamen ea appellatione etiam culpa lata intelligitur, leg. contractus 23. de reg. jur. l. 5. §. 2. commod. §. pen. inf. quib. mod. re cont. obl. Nec movere debet, quod verbum culpæ hic simpliciter & sine distinctione dolo opponitur: quotiescumque enim hoc fit, aut quoties culpæ verbum absolute ponitur, toties in usu juris significatur levis duntaxat, d. l. 5. §. 2. commod. l. 23. de reg. jur. l. 11. de neg. gest. l. 5. §. 3. de in lit. jur. l. 1. §. sepe 35 de pos. cum similib. Frustra igitur objicitur, quod in dubiis benigniora præferenda, l. semper 56. de reg. jur. quod pœnæ legum interpretatione moliendæ, l. pen. de pœn. odia restringenda, C. odio. Pand. de reg. jur. in 6. Nam cum de sententia actorum juris quaeritur, usus præcipue spectandus est, l. 7. §. 2. de sup. leg. De usu autem verbi hic quaeritur, non de eo producendo per interpretationem. Quod vero famæ & existimationis periculum exæquant cum periculo vitæ, ineptum esse apparet ex l. capitalium 28. de pœn. Sane causa famosa aliquando confertur cum capitali, ut in l. 9. de man. vind. l. 8. §. 2. quod met. ca. sed satis

constat id fieri respectu cettæ alicujus rei in d. l. 9. intuitu causæ manumissionis apud consilium allegandæ & probandæ; in d. l. 8. §. 2. ratione metus vel electionis: quod huc non pertinet: non enim quid metuat aut eligat, sed quid mereatur tutor quaerimus. Concludimus igitur tutorem remorum infamem fieri, non solum, si ob fraudem remotus sit, quod in tutela grassatus fuerit, aut fordide egerit vel perniciosè pupillo, aut aliquid interceperit ex rebus pupillaribus, l. 3. §. nunc videamus hoc tit. verum etiam si ob latam negligentiam, puta quod in suis diligens, in rebus pupillaribus supinè & dissolutè negligens sit; quia talis negligentia propè fraudem accedit, l. 7. §. 1. eod. & interpretatione atque effectu juris dolusest, d. l. quod Nerva de pos. l. magna, 226. de verb. sign. Eos autem qui ob leviozem culpam, segnitiam, rusticitatem, inertiam, simplicitatem: vel ineptiam removeantur, in ea causa esse, ut integra existimatione tutela abeant d. l. 3. §. ult. hoc tit. quod & jam olim docuit Claud. Cantiancula contra plerosque interpretes, qui negant, latam culpam infamare: quo in numero etiam sunt Schneid. & Wesemb. Planè mitior hæc sententia moribus nostris accommodatior est, quia à veteris disciplinæ severitate multum descivimus: de quo quaeritur D. Tul. den. in comm. hic c. ult. Illud constat, causam remotionis decreto exprimendam esse, ut appareat de existimatione? nam si causam remotionis non significaverit decreto suo prætor, fama remoti non læditur, l. 4. §. 1. & 2. eod.

T E X T U S.

De effectu accusationis.

7. Si quis autem suspectus postulatur, quoad cognitio finiatur, interdicitur ei administratio, ut Papiniano visum est.

C O M M E N T A R I U S.

P Endente causa cognitionis interdicitur tutori administratio, atque alius interea in locum ejus in administratione rerum ordinatur, l. cum quem C. hoc tit. ipsaque adeo postulatione suspecti etiam circa decretum id effici videtur, l. quod si 14. §. in fin. de solut. Et rectè: nam ut suspectum non convictum in totum remove iniquum est, ita cum, qui in suspicionem lite instituta vocatus est, perseverare in administratione non expedit. Ajo, lite instituta: neque enim protinus allegata causa suspicionis tutori interim auferenda administratio: sed ita demum, si concurrant aliqua indicia, super quibus tutor auditus si & licem contestatus: quod & DD. plerique tradiderunt, & probat Ant. Fab. Cod. fin. de fin. 2. de iust. tut.

T E X T U S.

Quibus modis cognitio finitur.

8. Sed si suspecti cognitio suscepta fuerit, postea tutor vel curator decesserit, extinguatur suspecti cognitio.

N O T Æ.

8. Extinguitur susp. cogn.] Sed & si alio modo tutela finita sit, cognitio suspecti solvitur, l. pen. D. eod. l. 1. C. eod. & si quid damni pupillus senserit, id sarciri potest actione tutelæ, l. 4. D. de tut. & rat. distr.

C O M M E N T A R I U S.

IN hac postulatione nihil petitur, quod pupillo ex bonis tutoris adjudicetur, sed hoc tantum, ut tutor removeatur à tutela: quo remoto si quid damni ex mala ejus administratione pupillus senserit, id sarciri potest actione tutelæ, cui ut locus fiat, actio suspecti instituitur: quoniam durante tutela tutelæ agi non potest, l. 4. de tut. & rat. distr. Quibus consequens est, finita quomodocumque tutela solvi cognitionem suspecti, quamvis pridem receptam, l. pen. C. hoc tit. l. 1. C. eod. In quo item similis hæc accusatio videtur criminali, quæ ipsa, cæpto licet iudicio regulariter morte rei extinguatur, l. ult. ad leg. lul. maj. l. 1. l. 2. C. si reus vel accus. mort. Nam in causa civili, licet pœna quoque petatur, actio iudicii semel inclusa salva semper permanet atque in solidum transit in hæredem, l. omnes 26. de obl. & act. l. omnes 139. de reg. jur. §. 1. inf. de perp. & temp. act.

T E X T U S.

Si tutor copiam sui non faciat.

9. Si quis tutor copiam sui non faciat, ut alimenta pupillo decernantur, cavetur epistola divorum Severi & Antonini, ut in possessionem bonorum ejus pupillus mittatur; & quæ mora deteriora futura sunt, dato curatore distrahi jubentur. Ergo ut suspectus removeri poterit, qui non præstat alimenta.

N O T Æ.

9. Copiam sui non faciat] Latitans, dolo absens, non iusta de causa, Ex l. 3. l. 7. §. 2. D. h. t.

Ergo ut suspectus] Bene ergo. Nam si non potest removeri, non est cur pupillus mittatur in possessionem, aut bonis tutoris curator detur. Cujac.

C O M M E N T A R I U S.

Quia alimenta pupillo non temerè decernenda sunt, sed causa cognita: quam rem prætor pro modo facultatum pupilli, quas tutor ex

vero profiteri jubetur, moderari & expedire debet, l. 3. ubi pup. educ. ideo adversus tutorem, qui ne alimenta pupillo decernantur, sui copiam nō facit, propria pœna constituta est, eadem nimirum, quæ adversus debitores latitantes, ut pupillus rei servandæ causa in possessionem bonorum tutoris mittatur, quomodo mitteretur creditor in possessionem bonorum debitoris, qui absens non defenditur, ex edito quib. ex caus. in poss. bon. eat. Quin & plus hic tribuitur pupillo, quam aliis creditoribus: quippe quibus in possessionem missis nuda tantum rerum debitoris custodia & observatio interim conceditur, l. 12. quib. ex caus. in poss. donec ob contumaciam perseverantis sui copiam non facere, prætor de consensu creditorum, curatore constituto, bona distrahi permittat, tot. tit. de cur. bon. dand. Pupillo autem in possessionem misso, simul quæ mora deteriora futura sunt ex bonis tutoris, dato curatore distrahi jubentur: atque, ut arbitror, ut ex pecunia ex earum rerum venditione redacta pupillo interim alimenta constituentur. Quod si hoc remedio & editis evocatus tutor vinci & adigi non possit ut veniat, sui que copiam faciat, tum non tantum quasi contumacem, sed etiam ut suspectum removeri eum oportet: quod tamen & perraro & diligenti habita inquisitione faciendum esse monet Ulpian. l. 7. §. pen. & ult. hoc tit. Atque hic quoque sensus est hujus loci, & l. 3. §. tutor. 14. eod.

T E X T U S.

Si neget alimenta decerni posse, vel tutelam redemerit.

10. Sed si quis præsens negat propter inopiam alimenta posse decerni, si hoc per mendacium dicat, remittendum eum esse ad præfectum urbi puniendum placuit: sicut ille remittitur, qui data pecunia ministerium tutelæ acquisierit, vel redemerit.

De liberto fraudulenter administrante.

11. Libertus quoque, si fraudulenter tutelam filiorum vel nepotum patroni gessisse probetur, ad præfectum urbi remittitur puniendus.

N O T Æ.

10. Alimenta posse decerni] A prætore scil. cuius alimentorum decernendorum pro modo facultatum pupilli competit, l. 3. D. ubi pup. educ.

Ad præfectum urbi] L. 3. §. 15. D. hoc tit. puniendum scilicet extra ordinem & pœna corporali, è τὸ σῶμα quod est meri imperii; qualem potestatem prætor non habet, sed præfectus urbi: unde & ad hunc remissio fit, ut & alias, l. 1. §. 7. D. de off. præf. urbi. l. 2. Di. de tutel.

Data pecunia ministerium tutela] Cujac. restituit, *Data pecunia ministerii*, tutelam redemerit, ex d. l. 3. §. 15. ministerii, id est, officialibus & ministris prætoris.

11. *Libertus quoque*] Ex Ulpian. l. 2, D. hoc tit. 2, 10. C. de adm. tut.

COMMENTARIUS.

Diximus non multo ante, tutores pro qualitate facti vel simpliciter removeri, vel cum infamia, nonnunquam etiam gravius simul coerceri: quod fit in his delictis; si quis præfens negaverit, pupillo quasi inopi alimenta decerni posse, & datis pupillo advocatis mendacii convincatur; si quis tutelam corruptis ministeriis prætoris redemerit; si libertus fraudulenter tutelam filiorum patroni gesserit: quæ tria his §§. proponuntur ex l. 2. & l. 3. §. sed si non 15. hoc tit. Sunt autem plura, ut si quis pretio accepto operam dederit, ut non idoneus tutor pupillo daretur; si consulto circa patrimonium edendum quantitatem minuerit: si evidenti fraude pupilli bona alienasse probetur, l. 1. §. solent de off. præf. urbi. l. 9. de tutel. Hos omnes traditum est severiore animadversione indigere, quam ut sufficiat eis suspectorum infamia; ideoque ad præfectum urbi solitos remitti extra ordinem puniendos, ad. loc. & pœna scilicet corporali: nam multæ dicendæ jus etiam Prætori, cæterisque qui jurisdictionem habent, competit, l. 2. §. ult. de judic. l. aliud est frans 131. §. 1. de verb. sign. Graviorem autem omnem animadversionem, sive imperium, quod dicitur merum, præfectura urbis sibi vindicavit, d. l. 1. de off. præf. urbi. Apud nos quemadmodum criminum judicia exercentur, & puniuntur extra ordinem, qui delinquunt, dicemus sub tit. ult. lib. 4.

TEXTUS.

Si suspectus satis offerat: & quis dicatur suspectus..

12. *Novissimè autem sciendum est*, eos, qui fraudulenter tutelam administrant, etiam si satis offerant, removendos esse à tutela: quia satisfactio tutoris propositum malevolum non mutat, sed diutius grassandi in re familiari facultatem præstat. Suspectum etiam eum putamus, qui moribus talis est, ut suspectus sit. Enimvero tutor vel curator, quamvis pauper sit, fidelis tamen & diligens, removendus non est quasi suspectus.

NOTÆ.

12. *Etiamsi satis offerant*] Expedit enim pupillo rem suam salvam tenere, quam habere cautionem, l. 5. D. h. t. fac. l. ult. C. in quib. caus. in int. rest.

Etiamsi eum] L. 8. D. eod. Vet. suspectum enim eum. Th. 28. Suspectum mores faciunt, non teneas facultates.

Quamvis pauper] Nunquam paupertatis occasione suspectus postulari; aut ut suspectus removeri debet vir alioqui fidelis & diligens, l. 5. C. eod. Sed potest curator ei adjungi, si substantia pupilli periclitetur, l. 6. C. eod. aut removeri ex eo capite, quod non satisfacit, l. 2. C. de tut. qui sat. non ded.

COMMENTARIUS.

Etiam si satis offerat] De eo dictum sub §. suspectus 5. sup. eod. Ut autem neque divitiæ neque satisfactio tutorem à suspitione liberant, ita nec ex adverso eum onerat paupertas. Nam et si pauperi, qui se imparem oneri imposito docere possit; vacatio tribui solet, §. sed & propter paupertatem tit. preced. aut qui propter inopiam satisfacere non potest, removendus est: l. 2. C. de tut. qui sat. non ded. nunquam tamen paupertatis occasione suspectus postulari eove nomine removeri debet vir alioqui fidelis & diligens. Ex moribus enim, non ex facultatibus suspectum argui convenit, l. 8. hoc tit. l. 5. C. eod. l. si creditores 31. §. 1. reb. auct. jud. poss.

FINIS LIBRI PRIMI.



ARNOLDI VINNII, J. C.
IN LIBRUM SECUNDUM
INSTITUTIONUM
IMPERIALIUM
COMMENTARIUS
Academicus & Forensis.

TITULUS I.

De rerum divisione, & acquirendo ipsarum
dominio.

D. Lib. 1. Tit. 8. C. Lib. 41. Tit. 1.

Ratio ordinis, & summa tractationis de jure rerum.



Cognita hominum qualitate & differentia, expositoque eo jure, quod cuique conditione personæ suæ competit, quod ex tribus, circa quæ jus omne versatur, primum est, transit Imperator ad alterum atque huic proximum, res externas; ut quod lex methodi exigit, eo ordine singula explicet, quo ea, proposita sunt *scilicet. sup. de jur. nat. gent.* Habet autem hic titulus duplicem inscriptionem, *De rerum divisione, & de acquirendo ipsarum dominio.* Nimirum quæ duobus distinctis titulis in Pand. tractata sunt, ea in unum huc retulit Justinianus. Et quia in rebus tantum cujusque est, quantum natura earum & conditio patitur, primo varie eas dividit, ut differentia earum cognita, jus quod in iis habemus, (qua consideratione rerum tractatio propria est Jurisconsulti) melius intelligatur. Deinde proponit & persequitur modos, quibus res, quæ singulis acquiri possunt, singulis acquirantur, initio facto a rebus do-

minii nostri aut similis in rem juris. Postremo tractat de obligationibus, idque demum *tit. 14. lib. 3.*

TEXTUS.

Continuatio & duplex rerum
divisio.

Superiore libro de jure personarum exposuimus, modo videamus de rebus; quæ vel in nostro patrimonio, vel extrapatrimonium nostrum habentur. Quædam enim naturali jure communia sunt omnium, quædam publica, quædam universitatis, quædam nullius, pleraque singulorum, quæ ex variis causis cuique acquiruntur, sicut ex subjectis apparebit.

NOTÆ.

In patrimonio] Id est, in bonis. In bonis autem nostris non tantum sunt res corporales, verum etiam incor-

incorporales & jura l. 49. de verb. sign. l. 52. de acq. rer. dom. Igitur & servitutes, l. 5. §. 9. D. de op. Nov. nunc tit. si. us. pet. & si serv. vind. & de itin. act. priv. l. 3. & 4. quæ in fraud. cred. Nec obstat l. 1. D. usufr. leg. quia ibi Paul. non disputat de jure aliquo constituto; sed demum constituendo: quod ait in bonis non esse, quia dominus hujusmodi jus formale non habet: nec tamen extra bona; quia habet saltem causativè, ut loquuntur.

Quædam nullius] Intelligit res divini juris, quibus per excellentiâ hoc tribuitur, ut dicantur nullius esse

Pleraque singulorum] Nimirum res omnes, quæ in dominio nostro sunt, aut quasi dominio, aliaque in rem vel ad rem jura,

COMMENTARIUS.

2. An detur tertium genus rerum, quæ neque in bonis nostris, neque extra bona sint.

D*E rebus*] Quid rei appellatione, quæ alioqui generalis est, hic significetur, docet nos objectorum juris distinctio: nempe quicquid est extra personam & actiones, quod homini usui aut commodo esse possit, sive id divini juris sit, sive humani, sive publici, sive privati, sive corporale, sive incorporale, sive dominium, aut jus aliquod in rem à dominio diversum aut separatum, sive obligatio: nam & ea, ut res in bonis nostris, huc pertinet, quod pluribus ostendimus sub tit. de oblig. lib. 3.

Vel in nostro patrimonio vel extra] Patrimonii nomine propriè significari videtur ea pecunia quam liberi ex hæreditate paterna accipiunt: cæterum consuetudine loquendi obtinuit, ut eo verbo intelligantur omnia, quæ quisque paternam habet. Igitur in patrimonio esse, & in bonis esse, idem valent. Sunt, quibus hæc divisio manca videtur, quasi constitui debeat & tertium genus rerum, quæ neque in bonis nostris, neque extra bona sint, cuius generis res, auctore Paulo l. 1. de usufr. leg. sint servitutes. Quo quidem ego nunquam quicquam audiivi futilius. Non erit in bonis nostris ea res, quæ bona nostra & patrimonium auget, l. 5. §. 9. de op. nov. nunc. quæ pro debito pignori mihi obligata est, juxta l. 12. de pign. quæ domino prædii dominantis magni sæpè constitit, & quam prædii servientis dominus magno velit redimere? cuius denique persequendæ & tuendæ causa actio aliaque remedia jure prodita sunt? l. rem in bonis §. 2. de acq. rer. dom. l. bonorum 49. de verb. sign. junct. §. 2. inf. de act. l. 6. §. 1. & ult. si serv. vind. d. l. 5. §. 9. de op. nov. nunc. tit. de itin. act. priv. & aq. cot. & est. Cur igitur actione Pauliana revocantur servitutes per fraudem non utendo amissæ, l. 3. & 4. quæ in fraud. cred. cum id edictum ad eos tantum pertineat, qui patrimonium suum in fraudem creditorum deminuant? l. 6. eod. Aut cur magis res cæ-

teras incorporales in bonis esse dicimus, quam servitutes? Veterum sanè nemo est, cui hoc in mentem venerit, ut diceret, servitutem alicui constitutam & quæsitam non esse in bonis ejus, cui constituta & quæsitæ sit: neque etiam Paulo, qui in d. l. 1. non disputat de jure aliquo alicui constituto, sed demum constituendo: cuius tamen disputatio posita est in mera subtilitate. Legavit aliquis usum aut usumfructum itineris per fundum suum. Negat Paulus id legatum subsistere: quia ratio juris non patitur, ut servitus servitutis constituitur: nec esse utile, ait ex Senatusconsulto, quo cavetur, ut omnium, quæ in bonis sint, ususfructus legari possit: quia id jus, cuius usus legatus proponitur, in bonis testatoris non fuerit, hoc est, quia testator id jus formaliter & speratum non habuerit: nam utique, ut dominus, jus habebat eundi in suo, poteratque id jus à dominio separare, alterique sub alia qualitate concedere, alium denique eo jure, servitute non constituta, uti volentem prohibere: unde fortassis addidit, nec esse extra bona. Tantum quia dominus, ut dixi, hujusmodi jus formale non habet, hoc est, separatum à jure dominico titulo servitutis, cum nemini res sua serviat, l. 5. si usufr. pet. usus autem itineris tanquam juris separati & formalis, legatus proponitur; negat, legatum esse usum rei, quæ erat in bonis testatoris: quippe quæ ne erat quidem eo, quo dixi, modo, sed causativè tantum. Esse autem hanc disputationem de apicibus juris, Paulus ipse statueret, cum legatum aut hujusmodi usus constitutionem admittendam censet beneficio cautionis à legatario præstandæ de restituenda post mortem suam, aut capitis deminutionem servitute.

Quædam enim naturali jure communia] Non est nova hæc divisio, sed prioris illius explicatio: quæ eo pertinet, ut intelligamus ea, quæ singulorum sunt, in patrimonio haberi; quæ communia, publica, universitatis, & maxime quæ divini juris sunt, extra patrimonium esse. Aptior ad docendum nonnullis videtur divisio Cui l. 1. hoc tit. qui sic distinguit, ut dicat, rerum alias esse divini juris, alias humani. Divini juris quæ sunt, nullius in bonis esse, veluti res sacras, religiosas, sanctas: Res humani juris aut publicas esse, quæ & ipsæ nullius in bonis sint; aut privadas, quæ singulorum; una generali appellatione rerum publicarum complectens, quæ hic in communes, publicas, & universitatis distinguuntur. Huic autem divisioni mox aliam subiicit, quod quædam res corporales sint, quædam incorporales, quæ à Justiniano demum traditur atque exponitur tit. seq. Apud Martianum l. 2. hoc tit. divisio proposita uno mempro mutilata traditur, ut lib. ex l. 4. & 5. eod.

Pleraque singulorum] Hæc sunt, quæ privata di-

cuntur

cuntur, nimirum res omnes, quæ vel in dominio nostro sunt, aut quasi dominio, aliaque in rem jura à dominio separato, vel quæ adhuc nobis præstanda sunt ex obligatione. Unde non malè nonnulli totius hujus argumenti tractationem ad duo potissimum capita referunt, quorum unum est de dominio, alterum de obligatione; domini appellacione domini appellacione jus omne, quod in rem habemus, compiectentes.

TEXTUS.

De Aëre, aqua profluente, mari, littore &c.

1. Et quidem naturali jure communia sunt omnium hæc, aër, aqua profluens, mare, & per hoc littora maris. Nemo igitur ad littus maris accedere prohibetur: dum tamen à villis, & monumentis, & ædificiis absteineat: quia non sunt juris gentium, sicut est mare.

NOTÆ.

1. *Naturali jure communia*] Vocabulo generali hæc etiam publica dicuntur, definiunturque à Nerat. l. 14. de acq. rer. dom. quæ à natura ad omnium usum prodita in nullius adhuc dominium pervenerunt. Sumpta hæc ex l. 2. §. 1. & l. 4. D. eod.

Aër, aqua profluens, &c.] Aër & mare jure gentium communia non sunt, sed relicta in suo jure & esse primævo. Jo. Fab. Imo nec dividi potuerunt. Grot. de mar. lib. c. 5.

Littora maris] Sicut maris usus omnibus patet, l. 13. D. cam. præd. ita propter mare & littorum maris, l. 4. & §. 1. h. t.

Dum tamen à villis] Quia sunt singulorum, qui ædificando occuparunt, d. l. 4. & l. 6. h. t. l. 14. de acq. rer. dom. l. 4. ne quid in loc. pub.

COMMENTARIUS.

1. Rerum communium usum omnibus competere, barbarumque semper habitum, quemquam mortaliū eo usu prohibere.
2. Multum hæc res differre ab iis, quæ nullius sunt, communis usui non attributæ.
3. Quatenus quid harum rerum occupari possit: tum quantum hæc occupatio occupandi tribuat.
4. De dominio maris, quod nunc sibi plerique ad aliquod spatium & per vicinos suos vindicant remissive.
5. Qui vestigal navigantibus jura imponant.

Quæ humani juris sunt non privata aut singulorum propria, ea aut sunt omnium hominum communia; iut alicujus generis sive populi, quæ in specie publica; aut certæ alicujus civitatis vel corporis, quæ dicuntur universitatis. Com-

munia sunt, quæ à natura ad omnium usum prodita in nullius adhuc ditionem aut dominium pervenerunt: ita generali vocabulo definiuntur à Neratio l. 14. hoc tit. de acq. rer. dom. Hunc pertinet præcipue aër & mare: quæ cum propter immensitatem, tum propter usum; quem in commune omnibus debent, jure gentium divisa non sunt, sed relicta in suo jure & esse primævo, ut ait Jo. Faber, adeoque nec dividi potuerunt. Atque hoc est, quod DD. nostri ajunt, aërem & mare, cum sint incomprehensibilia, nullius populi bonis potuisse applicari, Jo. Fab. §. littorum inf. eod. Grot. de mar. lib. c. 5. Item aqua profluens, hoc est, aqua jugis, quæ vel ab imbribus collecta, vel è venis terræ scaturiens perpetuum fluxum agit, flumenque aut rivum perennem facit. Postremo propter mare etiam littora maris, l. 2. §. 1. l. 4. hoc tit. In hisce rebus duo sunt, quæ jure naturali omnibus competunt. Primum communis omnium est harum rerum usus, ad quem natura comparatæ sunt: cum si quid earum rerum per naturam occupari potest, id eatenus occupantis sit, quatenus ea occupatione usus ille promiscuus non læditur. De usu aëris constat; quippe sine quo ne vivere quidem aut respirare quisquam potest. Aqua profluens ad lavandum & potandum unicuique jure naturali concessa. Maris usus jure gentium liber est, atque ad navigandum & piscandum ex æquo omnibus patet, l. 3. §. 1. nequid in loc. pub. unde si quis prohibeatur in mari piscari aut navigare, injuriarum actione prohibentem convenire potest, l. 2. §. si quis d. tit. l. 13. §. ult. de injur. Maris naturam littora sequuntur: ac proinde ad litus maris cuivis accedere licet, navem eo appellare ac reficere, ejecta in tempestate naufragiove amissa ibi excipere, retia siccare, & casam, in quam tantisper se recipiat, ponere, l. 4. hoc tit. l. littora §. 1. de contr. ampt. l. 1. C. de naufrag. lib. 11. Dum tamen à villis, ædificiis & monumentis in littore extructis absteineat; quia non sunt juris gentium, d. l. 4. hoc tit. Est vero harum rerum usus adeo liber & promiscuus, ut barbarum semper atque immane habitum sit, vel exterarum gentes ab eo arcere. Quamobrem merito de Pœnorum jura fici queritur. Orator Ilioneus apud Virgilium lib. 1. divini operis:

Quod genus hoc hominum, quæve hæc tam barbara morem.

Permittit patria? Hospitio prohibemur arenæ.

Bella cient, primaque vetant consistere terra.

Idemque apud eundem lib. 7. his vocibus affatur regem Latinum;

Littasque rogamus

Imocuum. & cunctis undamque auramque patentem.

Denique Latona apud Nasonem 6. metam. sic alloquitur pueros Lyceos:

Quod

*Quid prohibetis aquas? usui communis aquarum est.
Nec solem proprium natura, nec aëra fecit,
Nec tenuis undas; ad publica munera veni.*

Dicit, hæc non esse natura propria, sicut Ulpian. l. 1. 3. *comm. præd.* natura omnibus patere; quia à natura ad communem usum genita sunt, nec in ullius adhuc dominium pervenerunt, Cic. 1. de Offic. Nerat. l. 14. *hoc tit.* Hæc igitur sunt illa, quæ veteres vocant communia omnium jure naturali, aut quod idem est, publica juris gentium, sicut & usum eorum modo communem, modo publicum vocant, l. pen. *hoc tit.* l. 3. §. 1. l. 4. *ne quid in loc. pub.* §. *littorum inf.* *hoc tit. cum similib.* Quamquam vero etiam ea nullius esse, quod ad proprietatem attinet, rectè dicimus, multum tamen differunt ab his, quæ nullius sunt, communi usui non attributa, ut feræ, pisces, aves; nam ista si quis occupet, in jus proprium transire possunt; illa vero totius humanitatis consensu proprietati in perpetuum excepta sunt propter usum, qui cum sit omnium, non magis omnibus ab uno eripi potest, quam à te mihi quod meum est. Et hoc est, quod Cicero dicit, inter prima esse justitiæ munera, rebus pro communibus uti, Scholastici dicerent, alia positivè esse communia, alia negativè, Thom. 1. 2. q. 94. art. 5. *Cajetan. tract.* 17. *quest.* c. 12. *Covarr. in cap. peccatum de reg. jur. in 6. part.* 2. §. 8. Intellexit hoc convivator apud Athenæum, cum mare commune esse dicit, pisces autem capientium fieri. Et in Plautina Rudente servo dicenti, *Mare quidem commune certo est omnibus*, assentit piscator: addenti vero, *In mari conventum est, commune est*, rectè occurrit; *Meum quod rete atque hamis nacti sunt, meum potissimum est.* Cæterum illa hic addenda interpretatio est, ut si quid harum rerum natura occupari possit, id eatenus occupantis fiat, quatenus ea occupatione usus publicus sive communis non impeditur. Quod merito receptum est: nam cum ita se res habet, cessat exceptio, per quam fit, ut in jus proprium non transcant. Aër occupari non potest, nisi simul terra occupetur: sed neque mare; nisi fortè exigua sui portione, quæ infundum privatum admittitur; quomodo accipienda l. 14. de injur. aut ædificatio jactis in id pilis aut molibus; quod cum fit, locus & ædificium ejus fiunt, qui ædificavit, l. 2. §. *adversus* 8. l. 3. §. 1. *ne quid in loc. pub.* l. ergo 30. §. *ult. ult. hoc tit.* In littore vacuum quisque locum occupare per naturam potest, cumque occupando etiam suum facit, ut & id, quod in eo extruxerit, l. 6. *pr. hoc tit. de rer. div.* l. 14. l. *quamvis* 50. eod. de acq. rer. dom. l. 1. §. *quod si de op. nov. munc.* Etenim qui locus ita in mari aut littore occupatur, non simpliciter & absolute occupantis fit: sed duntaxat interea dum occupat, dum ædificium manet: nam ædificio sublato locus in pristinum causam, quasi jure postliminii revertitur, d. l. 6. & d. l. 14. §. 1.

l. præscriptio 45. de usuc. Sed neque simpliciter hæc occupatio & ædificatio concessa: verum, quod exigebat ipsa ratio juris gentium, cum hac conditione, si per eam publicus littoris aut maris usus non fiat detentor, d. l. 2. §. *adversus*, l. 3. l. 4. *ne quid in loc. pub.* Neque jus gentium violari existimo; sic hinc arceantur peregrini in littoribus; quæ populus aliquis imperio sibi vindicat. Natura enim non ad hoc proprie littora produxit, ut cuilibet semper & promiscuè jus esset partem eorum occupare: sed ut necessario maris usui inservirent, qui est navigatio, idque significari opinor verbis *per hoc*, quæ non frustra hic expressa sunt, & in l. 2. §. 1. *hoc tit.* ideoque, etsi hic usus jure gentium semper communis manet & indivisus, sicut ipsius maris; jus tamen, quod dixi, in littore ædificandi divisum jure gentium intelligi debet, quatenus littora imperio divisa & publica facta sunt alicujus populi, arg. de l. 3. *ne quid in loc. pub.* Ita ferè Baro ad hunc §. & d. l. 1. *Don. 4. comm.* 2. & 9. *Grot. 2. de jur. bell. & pac. c.* 3. *num.* 9. Idem fusè & eleganter *cap. 5. mar. lib. add. Ant. Fab. in ration. ad l. 9. de leg. Rhod.* Hodie Veneti maris Adriatici, Baltici rex Danicæ, magnæ Britannicæ rex maris circumflui dominium sibi vindicant. Cæterum hoc latè plerique damnant, imperium quidem in maris partem, sinusve vicinos usurpari posse concedentes, sed sine jure proprietatis aut domini; tum quia natura, mare commune esse jubet, non permittit tantum; tum quia ne domini quidem capax est, resistens occupationi & possessioni, unde dominia rerum cœperunt, l. 1. §. 1. de acq. poss. *D. Grot. d. c. 5. mar. lib. & d. c. 3. n.* 13. de jur. bell. *M. Anton. Peregrin.* 8. de jur. ffs. n. 10. *Alb. Gentil. de acq. mar. D. Tul. hic c. 7.* Existimat tamen idem Grotius, d. c. 3. n. 10. non ob stare jus nature, quo minus portio maris inclusa littoribus ejus populi propria fiat, cujus sunt littora, dum ea pars maris ad territorium comparati non major sit, quam diviticulum maris comparatum ad magnitudinem fundi privati. Nuper vero Joannes Seldenus, vir sanè non vulgari eruditione præditus, tractatum edidit inscriptum *Mare clausum*, sive *De Dominio maris*, in quo summa ope ostendere conatur, mare ex jure nature seu gentium omnium hominum non esse commune, sed pariter domini privati seu proprietatis esse capax, ac tellurem: cui paradoxo occurrì poterit ex *Grot. d. c. 5. mar. lib. & 2. de jur. bell. c. 2. n.* 3. Illud constat, non facere contra jus nature aut gentium, qui recepto in se onere tuendæ navigationis adversus piraticas excursions, juvandæque per ignes nocturnos & brevium signa, vestigal æquum imposuerit: quale fuit Romanum vestigal Erythræum, de quo Strabo lib. 17. & quod in ponto Byzantini exigebant *δίαγωγιον*, quodque jam olim Athenienses exegerant in ponto eodem, memoran-

morante utrumque Polybio, Grot. d. c. 3. n. 14. add. Capoll. de serv. præd. rust. cap. 26.

T E X T U S.

De fluminibus & portubus.

2. Flumina autem omnia, & portus, publicæ sunt. Ideoque jus piscandi omnibus commune est in portu fluminibusque.

C O M M E N T A R I U S.

1. Quo sensu dicatur jus piscandi in flumine omnibus commune.
2. Non idem esse aquam profluentem, quod flumen.
3. Quo jure hodie flumina & portus, itemque piscatio, censentur.

SECUNDUM genus rerum, quæ privati juris non sunt, publicæ in specie dicuntur: quæ quamvis & ipsæ in nullius dominium pervenerunt, imperio tamen divise sunt, & ditione ac potestate factæ alicujus populi. Aio ditione ac potestate: nam quæ populi sunt patrimonio, ut metalla, salinæ, silvæ, agri vestigiales, &c. ea quidem etiam publica dicuntur, propter personam possidentis: l. 17. de verb. sign. l. 14. hoc tit. de acq. rer. dom. sed quia usu & jure, quo habentur, privata sunt, l. 2. §. hoc interdictum 4. ne quid in loc. publ. ad institutam disputationem non pertinent. Hujus generis sunt flumina, portus, alveus fluminis, quamdiu à flumine occupatur, & ex parte ripæ.

Flumina omnia] Scilicet perennia: nam torrentia, quæ hieme tantum fluunt, æstate solibus exsiccantur publica non sunt: l. 1. §. 3. de flum. ac ne flumina quidem proprie, ut rectè Di. Don. 4. comm. 3. contra Hostom. 8. obs. 4. Marcianus l. 4. hoc tit. cautè addidit voculam *pene*; nempe *ὡς τὸς χειμῶνες*. Et quidem quæ flumina per eandem regionem tantum labuntur, unde originem ducunt, tota sunt illius regionis quæ vero diversa imperia alluunt, per partes earum gentium sunt, per quarum ditiones profluunt in mare.

Et portus] Portus est locus in mari aut flumine conclusus ac munitus, quo importantur, & unde exportantur merces: qua appellatione tamen continetur & statio, qui est locus accommodatus ad naves recipiendas, ut tuto illic stare possint adversus injuriam prædonum ac tempestatum, l. portus 55. de verb. sign. l. 1. §. stationem de flum. nostratibus een Nee. Veteribus propriè portus insulam notat, sive ædificium legitimo spatio atque ambitu à contiguis divisum, mercium importandarum & conservandarum causa: & per synecdochen quamvis insulam sive domum, quæ proprio ambitu constat: ut in illo duodecim; Cui testimonium defuerit, in tertius diebus ob portum;

um; obvagulatam ito, vid. Festum in vocibus *portus* & *insula*. Cujac. Brethæ. Gæd. ad d. l. portus.

Jus piscandi omnibus commune] Usus fluminis publicus est jure gentium; §. riparum inf. eod. l. 4. eod. ac proinde unicuique licet in flumine publico navigare & piscari, l. 1. ut in flum. publ. Idem usus est & portuum, ut hoc loco & d. l. 4. Ait omnibus commune est, nempe omnibus iis, qui sunt ex populo, cujus fines flumen alluit, & quatenus alluit: ut in hoc distet hic usus ab earum rerum usu, quæ omnium hominum communes sunt: id quod ex præcedentibus satis colligi potest: neque est quisquam, qui dubitet, quin usu navigandi aut piscandi in flumine exteri prohiberi possint. Notandum autem est differimen fluminis & aquæ fluentis, unde usus utriusque hæcitur diversitas. Flumen est totum quid, unumque & idem corpus, quod mille abhinc annis fuit, arg. l. proponebatur 76. de judic. denique imperiorum est, quorum finibus continetur. At aqua fluminis numero eadem non est, sed alia atque alia: & cum in perpetuo cursu sit, non magis loco contineri, aut cujusquam potestati subjici potest, quam aer & mare, quamdiu de medio cursu nihil de ea sumptis. Hinc de usu judicandum. Flumine integro utimur ad navigandum & piscandum; qui usus jure gentium divisus est, quatenus flumina ipsa imperio divisa sunt: ac proinde non communis est omnium hominum, sed publicus eorum duntaxat, quorum finibus continetur. Aqua vero fluminis utimur ad lavandum, potandum, aquanda pecora: qui usus communis est jure naturali omnibus concessus, add. Ioan. Fab. Baron. ad hunc loc. Don. 4. comm. 3. De jure ædificandi in portu aut flumine nulla hic mentio. Et in portu quidem vix est, ut sine incommodo navigantium ædificari possit. In flumine autem publicè cuilibet licet ædificare & destruere: dum tamen hoc sine incommodo cujusquam fiat, l. fluminum 24. de damn. inf. l. 1. §. non autem 12. & §. deinde 19. de flum. quo argumento adducor, ut credam etiam, ædificatum fieri ædificantis, perinde ut ædificata in littore aut vicino littoribus mari ædificantium sunt. Cæterum quia hoc jure jam non amplius utimur, non est opere pretium pluribus de his disputare. Etenim flumina omnia navigabilia & ex quibus fiunt navigabilia, jam pridem à Friderico Imp. inter regalia relata sunt, c. un. quæ sunt regal. in usib. Feud. eorumque proprietates factæ Principis vel populi, cujus ditione continentur. Bart. Jaf. & alii in l. quominus de flum. quod tamen non obstat, quominus usus fluminis adhuc publicus manserit: nam & riparum, quarum proprietates privata est, usum esse publicum constat. Cæterum consuetudine locorum ferè jam obtinuit, ut nemini liceat in flumine piscari, nisi qui jus illud vel emerit, vel conduxerit, vel alio

alio titulo à Principe acceperit, *vid. Capoll. de serv. rust. præd. c. 42. Schneid. hic.* In hisce regionibus flumina omnia, quatenus finibus nostris continentur, lacus item, aliæque aquæ navigabiles, eorumque omnium alvei, hoc est, spatia, per quæ fluunt, aut quæ occupant, ripa quoque, quatenus majore parte anni aquis regitur, populi est. Ac proinde Hollandi & Westfrisi jus habent pro custodia fluminum vetigalia ac tributa imperandi; quippe usu eorum etiam exteris concessio. Jus piscandi quoque initio penes populum fuit. Inde ad Principes translatus: ut nemo jam id juris habeat, nisi concessu Principis, & certis limitibus ac legibus circumscriptum. Planè in Waterlandia & quibusdam fluentis Kennemerland æ piscatio semper libera fuit: & singulis civibus etiamnum jus est in flumine aut lacu navigabili hamo piscari. *Grot. lib. 2. manud. c. 1. & 4. Groenew. de ll. abrog. hic & ibi alleg.*

T E X T U S.

Definitio littoris.

3. *Est autem litus maris, quatenus hybernus fluctus maximus excurrit.*

N O T Æ.

3. *Est autem litus maris*] *Qua fluctus eludit.* Definitio *ἡ μοταφορεῖν.*

C O M M E N T A R I U S.

Hoc §. 2. *segg.* quædam diligentius explicat, quorum usus vel communis est, vel publicus. Atque ut intelligamus, quatenus litore uti omnibus liceat, quid sit litus primo definiendum putavit. Ait, litus esse, quatenus hibernus fluctus maximus excurrit, quomodo & Cels. definit l. *littus* 96. & Javolen. l. 112. *de verb. sign.* & jam olim ante eos definiverat Aquilius, teste Cic. in *Top.* quam definitionem & ipse Cicero post aliquando fortassis arbitro sumptus securus est: non enim primus hoc constituit, ut plerisque credidisse Celsus refert. Ait, *hibernus*; quia hieme maximè mare exæstuat. Igitur litus est, quatenus fluctus maris eludit; atque hoc commune est omnium, sicut & mare: sic cum vero litus sive ora terræ, quæ æstuum marinorum accessu non occupatur, populi regionis est.

T E X T U S.

De usu & proprietate riparum.

4. *Riparum quoque usus publicus est jure gentium, sicut ipsius fluminis. Itaque naves ad eas appellere, funes arboribus ibi natis reliigare, onus aliquod in his reponere, cuilibet liberum est, sicut per ipsum flumen navigare.*

sed proprietates earum illorum est, quorum prædiis hærent: quæ de causa arbores quoque in eisdem natæ eorumdem sunt.

C O M M E N T A R I U S.

r. *Non ut littora maris, ita ripas conditionem fluminis sequi.*

Ripa est id, quod flumen continet, naturalen-
curtus sui rigorem tenens: ita definitur ab Ulp.
l. 1. §. *ripa. de flum.* Ait, *cursum naturalem*, ne quis putet, si quando flumen imbribus vel nivibus autem excreverit, ripas idcirco mutare. Paulus ait, ripam esse, quæ plenissimum flumen continet, l. 3. §. 1. *d. tit.* ut significet, partem ripæ non esse spatium illud ripæ proximum, quod aliquando flumine caloribus minuto æstivo tempore non occupatur. Apparet autem ex sequentibus, ripam non tam angustam, ut nonnulli faciunt, accipiendam esse pro crepide aut labro amnis, sive pro sola extremitate alvei & terræ, quæ flumen continet, cujus extremitatis, vix est ut ullus sit usus: sed aliquanto laxius pro spatio inter flumen & vicina prædia interjecto, ut ripa incipere intelligatur, ex quo à plano ad flumen vergit, d. l. 3. §. 2. *de flum.* quod & Pacius observavit in analysi sua.

Usus publicus est jure gentium] Usus riparum ita publicus est, ut fluminis: quinimo ripæ usus nihil aliud est, quam ipsius fluminis, cum per ripam flumine utamur. Ideoque quæcunque sunt interdicta ad tuendum usum publicum fluminis, eadem sunt & conjunctim ad tuendum usum riparum, l. 1. *et passim tit. de flum. et tit. ne quid in flum. publ.* Ait, *jure gentium*; quasi dicat, hunc usum atque hanc servitutem ripis à natura impositam esse, ut omnibus, quibus flumine uti jure gentium licet, etiam ripis ad eum usum uti liceat, cum nec flumine aliter uti commode possint.

Proprietates illorum est, quorum prædiis hærent] Hoc etiam disertè ait Gajus l. 5. *hoc tit.* itemque Pomponius ex sententia Celsi l. *ergo* §. 1. *de acq. rer. dom.* Unde Neratius scribit, eum, qui in ripa fluminis ædificat, suum non facere, l. 15. *eod.* Quapropter quod Paulus ait, ripas fluminum publicas esse, l. 3. *de flum.* de usu, non de proprietate accipi debet. Nec enim audiendus est D. Hotom. qui Paulum à cæteris, & rectè dissensisse putat. Nam quod ait, eodem jure partes fluminis singulas censerì debere, quo totum flumen, quod ita publicum esse constat, ut nec proprietate cujusquam sit, error est *ἡ δὲ τῶν ἀγροῦν τῶν ἐκείνων*, siquidem ripa pars fluminis non est, non magis quam continens contenti. Neque vero idem est ripa in flumine, quod litus in mari. Ripa flumini non subjicitur, ut littora subjiciuntur mari &

quotidianis accessibus ab eo occupantur. At inquit, ejus juris est alveus, ejusdem & ripas esse necesse est: certum autem est alveum proprietate nullius esse, l. 1. §. simili modo 7. de flum. l. 7. §. quod si. 3. de acq. rer. dom. At inquam; ut diversa sit alvei & riparum conditio, flumen facit, quod alveum occupat, ripas non item. Quid quod nec alveus simpliciter publicus est, ne tunc quidem, cum adhuc à flumine tenetur; sed quatenus flumen non obstat, adhuc pars censetur vicinorum agrorum: alioqui quo jure insula, manente adhuc alveo, in flumine nata vicinorum fieret? quod utique & riparum proprietatem arguit vicinorum esse: qua de re amplius sub §. insula 22. & seq. inf. eod. Rectè igitur Græci, Basil. 46. tit. 3. τῶν ὀχθῶν τῶν ἐν τοῖς ποταμοῖς ἡ ἀγῶν δεσποτεία, αἰμα ἡ χερσὶς publica ἐστὶν &c.

T E X T U S.

De Usu & proprietate littorum.

§. Littorum quoque usus publicus est & juris gentium, sicut & ipsius maris: & ob id cuilibet liberum est, casam ibi ponere, in quam se recipiat, sicut retia siccare, & ex mari deducere. Proprietas autem eorum potest intelligi nullius esse; sed ejusdem juris esse, cuius & mare, & quæ subjacet mari, terra vel arena.

N O T A.

§. Littorum quoque usus] l. 4. l. 5. §. 1. l. 6. h. r. atque omnibus patet, sicut & maris, Virg. 7. Æneid. Littusque rogamus Innocuum. & 1. Hispitio prohibemur arena, ubi Serv.

Proprietas eorum nullius] A populo tamen aliquò occupata illius populi esse videntur, l. 3. ne quid in loc. pub.

Ejusdem juris, cuius Mare] Littora mari subjiciuntur, & ab eo quotidianis accessibus occupantur; & ideo naturam ejus sequuntur, l. pen. h. r. Ripa autem ut flumini non subjicitur, nec ejus pars est, ita nec per omnia conditionem ejus sequitur.

C O M M E N T A R I U S.

DE littorum usu & proprietate jam intellectum est: cæterum unum adhuc notandum, quod usum littorum dicit esse publicum & juris gentium: ut intelligas, usum littorum publicum esse eo jure, quod commune est omnibus gentibus: quo scilicet significatu mare juris gentium esse dicit Gajus l. 4. hoc tit. & Instin. §. 1. sup. eod. atque in hoc differre ab usu riparum, qui publicus quidem est jure gentium, sed non juris gentium, hoc est, non communis omnium hominum, sed eorum duntaxat,

quibus eo flumine uti jure gentium licet: cuius usus exteris communionem non habere antea demonstratum est. Eadem ferè & Eguinarii Baronis & Julii Pacii sententia est.

Ejusdem juris, cuius & mare] Mare littora aliis usibus eripiendo sua fecit. Nam, Nam ut ante quoque dictum est, littora mari subjiciuntur, & quotidie ab eo occupantur. Occupatum autem jus & conditionem occupantis sequi necesse est, l. pen. hoc tit.

T E X T U S.

De rebus universitatis.

6. Universitatis sunt, non singulorum, quæ in civitatibus sunt, theatra, stadia, & his similia, & si qua alia sunt communia civitatum.

C O M M E N T A R I U S.

QUæ hic & apud Gajum l. 6. §. i. eod. dicuntur, Universitatis, alibi etiam publica generali nomine appellantur, ut in l. 6. de contr. emp. §. 2. inf. de lunt. stip. §. ult. inf. de empt. & vend. nimirum, quia in publico civium usu habentur. Ea igitur, quæ in pecunia aut patrimonio civitatis sunt, quorum usus singulorum non est, huc non pertinent: quamvis & ipsa collata cum iis, quæ propria sunt singulorum, publica quoque dicantur, l. 7. §. 1. quod cuiusq. un. nom. l. 1. & seq. de verb. sign. Universitatis autem, appellatio latior est, quam civitatis: nam & collegia & societates, aliaque huiusmodi corpora continent, quibus permissum est ad exemplum Reip. habere communes, arcem communem &c. l. 1. quod cuiusq. un.

Si qua alia communia civitatum] Ut basilicæ, porticus, balnea, fora, prata & pascua publica, in quæ scilicet pecudes immittere singulis civibus jus est: item si quæ collegii alicujus aut societatis communia sunt, veluti pergulæ, ambulacra, exedrae, peristyllia, insulae, stabula, &c. Communis autem harum rerum usus non latius patet, quam ut publicus sit eorum, qui sunt ejusdem civitatis aut corporis. Hoc enim & superioribus omnino consequens est, & cum instituto convenit ejus, qui ea publicavit: si alii utantur, id permissu civitatis fit. Nemo sanè dixerit, usum pascuorum publicorum adeo liberum esse, ut etiam non cives jus pascendi habeant. Ad hanc autem usum tuendum prodita est contra prohibentes actio injuriarum, l. 13. in fin. de injur. Pertinet huc illud M. Tulli 3. de finib. Theatrum commune cum sit, rectè tamen dici posse, ejus esse eum locum, quem quisque occupavit, & 1. offic. viæ autem per quas omnibus iter debetur, publicæ sunt, non universæ. Cujac,

TEXTUS.

De rebus nullius.

7. Nullius autem sunt res sacre; & religiose, & sanctæ: quod enim divini juris est, id nullius in bonis est.

NOTÆ.

7. Nullius in bonis] l. 6. §. 2. eod. & ideo hæc quasi nostra vindicare non possumus, l. 2. §. 1. D. de rei vind. nullius. nec proprietate, nec usu profano.

Donaria] ἱερὰ ἀναθηματα, κοσμηματα, ornamenta, Hesych. Macrobi. 3. sat. 11. ἱερὰ οὐκ ἔστιν, vasa sacra. Nov. 120. c. 10.

COMMENTARIUS.

Quæ res divini juris sunt, per excellentiam dicuntur nullius esse, scilicet ex comparatione earum rerum, quæ tum & ipse nullius sint, ut tamen sunt singulorum; aut ita affectæ, ut in dominium singulis cedere possint. Etenim & quæ humani juris sunt publica omnia, quæ non in pecunia populi, sed in usu publico habentur; comparata cum iis, quæ singulorum sunt, nullius in bonis esse dicuntur, l. 1. hoc tit. l. 6. de contr. empt. At in rebus divini juris hoc amplius est; quod ne usus quidem earum singulorum est. Feræ quoque bestiæ, volucres, pisces, &c. nullius sunt, si comparentur cuius; quæ quisque jam actu habet ac possidet: at ea conditione sunt & natura, ut acquiri possint, & cedant occupanti, §. fere inf. eod. quod secus est in rebus divini juris. Etiam inter ea, quæ nullius sunt, Gajus d. l. 1. numerat res hæreditarias nondum adita hæreditate: quæ tamen effectui juris omni ex parte privatæ sunt, & hæreditatis esse finguntur; quæ tantisper personæ vicem sustinet, l. hæreditas 34. l. hæreditas 61. de acq. rer. dom. Res igitur divini juris sunt; quæ hominum potestati & promiscuo usui exemptæ: quodammodo in solius Dei jure ac potestate habentur: quarum tres species hic proponuntur, sacræ, religiose, sanctæ: quas singulis §. deinceps exposturus est.

TEXTUS.

De rebus sacris.

8. Sacre res sunt, quæ ritè per Pontifices Deo consecratae sunt; veluti ædes sacræ, & donaria, quæ ritè administerium Dei dedicata sunt: quæ etiam per nostram constitutionem alienari & obligari prohibuimus, excepta causa redemptionis captivorum. Si quis autem auctoritate sua quasi sacrum sibi

constituerit, sacrum non est, sed profanum. Locus autem, in quo ædes sacræ sunt edificatæ, etiam diruto edificio sacer adhuc manet, ut & Papianus scripsit.

COMMENTARIUS.

1. Personam consecrantis qualem esse oporteat.

2. Donaria quæ Latinis dicta.

3. Sacra privata à publicis non formâ consecrandi, sed sine distincta.

4. Profanum veteribus quid, & unde dictum.

Erum divini juris diximus esse tria genera: eaque, ut re, ita etiam nominibus apud nostros distincta sunt: quæ distinctio etiam in schedis Festi reperitur. Alia est quod Macrobius 3. Saturn. 3. Plerique autem his hominibus indiscretè utuntur. Ait, res sacræ esse, quæ ritè per pontifices Deo consecratae sunt. Quæ definitio duo maxime complectitur; formam consecrandi; & personam consecrantis. Formam indicat particula ritè, id est, solemniter, more & instituto majorum publice, non privatim, l. 6. §. sacræ l. 9. pr. eod. Gall. Aelius apud Festi, in voce Sacer. Ovid. 1. fastor. Tempia sacerdotum ritè dicata manu. De ritu veteri consecrandi vid. Alex. ab Alex. 6. gen. dier. 14. Connan. 3. comm. 1. Personam consecrantis oportet rebus sacris præesse: quales apud Romanos erant pontifices, ita dicti à ponte sublicio, quem; quod sacer æstimaretur, in aliqua parte labantem solis pontificibus reficere licebat, cæsa victima & sacrificio perfecto. Reliquorum quoque sacrorum omnium curam atque potestatem penes collegium pontificum fuisse constat: de quorum officio accuratè scribit idem Alex. ab Alex. 2. genial. 8. Quid Principes? Etiam eos curam sacrorum & religionum sibi sumpsisse cum apud alios auctores, tum apud nostros legitimus; ut in l. 8. de rel. & sump. fun. l. ult. ut in poss. leg. & nominatim jus dedicandi seu consecrandi, in d. l. 9. hoc tit. An quia & ipsi plerumque pontifices? Id sanè testatur historia, & Dio lib. 53. expressè scribit, Principes inter alios titulos etiam Pontificis maximi dignitatem assumpsisse, ut omnes religiones & sacrificia in sua haberent manu. An verò hoc ideo dicitur, quia, ut nonnulli volunt, sicut olim, per legem Papiriam non licebat rem ullam injussu plebis consecrare, teste Ciceron. pro dom. ita postea non licuit injussu Principis: ut Pontifex quidem consecraret, & solemnia perageret; sed jussu & auctoritate Principis præcedente: maxime si locus publicus consecrandus foret? arg. d. l. 9. Principes Christiani curam sacrorum episcopis demandarunt, aliosque ritus atque ceremonias sublati gentilibus substituerunt, quæ in dedicandis monasteriis, ecclesiis, domibus

bus orationum observarent, *vid. Nov. 67. & Nov. 131. c. 7.* Luculentum dedicationis templi exemplum extat 1. Reg. 8.

Donaria] Non solum ædis aut locus consecrari possunt, sed res etiam mobiles, ut ex memorato Galli Ælii apud Festum loco apparet, & hic significat Justinianus verbo *donaria*: quo cum mobilia intelligere, puta vestes, *iege θέν*, vasa aliaque utensilia divinis usibus dicata arque consecrata, ostendit *l. sancimus. 21. C. de sacros. eccles.* Neque hoc contra usum Latinorum scriptorum. Nam quæ Græci *ἀναθημα* appellant ab *ἀναθεῖναι*, quod dicata Diis suspendebantur è tholis, columnis aut parietibus templi, ea Latini *donaria* dixerunt. Apud Macrob. 3. 11. legimus; *Ornamenta sunt clypei, corona; & hujusmodi donaria.* Virgilius pro locis accepit, in quibus dona oblata reponuntur, lib. 3. Georg. circa fin.

Et uris

Imparibus ductos alta ad donaria curvus.

Eamque propriam esse hujus verbi significationem notat Servius: cui suffragatur Cornelius Fronto; *Donum, inquit, quod Diis datur, inde ubi dona ponuntur, donarium appellatur.*

Excepta causa redemptionis captivorum] Item pauperum alendorum tempore famis, si ita premantur, ut vitæ eorum succurrendum sit, *d. l. sancimus*, debitorum quoque ecclesiæ causa, si creditores urgeant, nec aliunde debitum exsolvi possit, *auth. præterea C. de sacros. eccles. Nov. 120. c. 10. c. aurum 12. quest. 2.* Bona ecclesiastica huc non pertinent: quippe quæ humanis usibus serviunt, alendis scilicet ministris verbis aut pauperibus; quamvis & ipsa, causis quibusdam exceptis prohibeantur alienari, *Nov. 7. add. Schneid. hic Gudelin. lib. 6. de jur. nov. c. 13. & 14. Gloss. in c. semel. pand. de reg. jur. in 6.*

Si quis auctoritate sua] Id est, non publicè, sed privatim, *l. 6. §. sacra hoc tit.* Quæsierit aliquis, cum Romanis nihil sacrum fuerit; nisi quod publicè consecratum, qui fiat, quod nihilominus eos sacra habuisse privata legimus? *Cic. 3. de legib. l. 1. de rit. nupt. l. 9. §. 1. ad leg. Jul. pec. l. 4. C. de crim. exp. her. Resp.* Distinctio illa non à forma dedicandi, aut personis dedicantium, sed à fine sumpta est: quod privata pro salute familiæ, publica pro populo consecrabantur, *vid. Rosin. 8. antiq. tit. 6.* Poruit sanè quisque privatim suæ religionis causa aliquid Deo dedicare, quod pro sacro ipse haberet: verum id Pontifices Romani non æstimabant sacrum: ac proinde nulla obstringebat religione successores: quod ex eodem Gallo Ælio apud Festum discere possumus, & M. Tullio lib. 12. *epist. ad Attic. epist. 19. 34. & 35.*

Profanum] Varro 3. de ling. sana ait nominata esse,

quod Pontifices in sacrando fati sunt finem: inde profanum, quod est ante fanum, id est, conjunctum sano. Trebatius profanum id propriè dici existimat, quod ex sacro vel religioso in promiscuum hominum usum conversum est. Macrobius autem lib. 3. Saturn. scribit, profanum omnes penè consentire id esse, quod extra fanaticam causam sit, quasi porro à sano & religione secretum. Utur est, constat, nostros res profanas sacris & religiosis opponere solere.

Adhuc sacer manet] *d. l. 6. §. 3.* Ideoque venire non potest, *l. ade sacra 73. de contr. empt.* Trajanus ad Plinium lib. 10. *epist.* Si ædis sacra Claudii collapsa sit, religio ejus occupavit locum. Planè quæ loca ab hostibus capta sunt, sacra esse desinunt: at ea calamitate liberata quasi postliminio pristinum statum recipiunt, *l. cum loca 36. de religio.*

TEXTUS.

De Religiosis.

9. Religiosum locum unusquisque sua voluntate facit, dum mortuum infert in locum suum. In communem autem locum purum invito socio inferre non licet: in commune vero sepulchrum etiā invitis ceteris licet inferre. Item si alienus ususfructus est, proprietarium placet, nisi consentiente usufructuario, locum religiosum non facere. In alienum locum consentiente domino licet inferre: & licet postea ratum non habuerit, quam illatus est mortuus, tamen locus religiosus fit.

COMMENTARIUS.

1. Antiquos privata sepulchra habuisse extra urbem in agris: hodie autem ferè in urbe mortuos sepeliri in locis publicè ad eam rem destinatis.
2. Cenotaphium seu tumulum inanem religiosum non esse.
3. Ut locus religiosus fiat, necesse esse, ut is qui mortuum infert, sit pleno jure dominus loci, & quædam consecratoria inde deducta.
4. Verba hujus §. postrema tam commodum sensum habere, quam lectionem Codicis Flor. in Pand.

Religiosum] Generali hujus verbi appellatione etiam sacra contineri arguit notatio vocis religio, sive à relegendo eam deducas cum Cic. 2. de nat. Deor. sive cum S. Sulpitio, ut auctor est Macrobius 3. Saturn. 3. à relinquendo, sive à religando cum Lactantio 4. Instit. 28. Ait hic & passim in libris nostris strictius accipitur, & locum notat, ubi mortuus sepulchus aut humatus est: quæ significatio & Festum Pompejum auctorem habet.

Unusquisque suâ voluntate] Ad differentiam sacri. Locus sacer non fit, nisi publice per pontificem faceretur: religiosus fit propria cuiusque voluntate, cadaver aut ossa inferentis in locum suum. Notandum hic in transcurso, antiquos privata sepulchra habuisse extra urbem in agris: nam in urbe mortuos sepelire lege vetitum erat, *Cic. 2. de leg. l. 3. §. divus de sepul. viol.* idque aliis etiam populis in more positum fuit: qua de re consule *Pet. Greg. lib. 33. Syntagm. c. 33.* Quæ quisque sibi & familiæ suæ sepulchra constituebat, familiaria dicebantur: quæ sibi & hæredibus suis, vel quæ paterfam. jure hæreditario acquisierat, hæreditaria, *l. 5. l. 6. in pr. de relig. & sumpt. fin. Hord.* autem, ut notum est, locis publicis ad sepulchram utimur, à magistratu sepeliendis mortuis destinatis: cœmeteriis ferè, aut ipsis etiam ecclesiis: in quibus tamen privatum sepulchrum habere nihil vetat, quod & hæredibus relinqui, & ad usum sepulchrae etiam aliis vendi possit, *Grot. 2. introd. cap. 1. Mornac. in l. 4. C. de religios.* Superstitiosi nimis in hac re sunt canones, *cap. 1. 13. quest. 1. cap. aurum 12. quest. 2. cap. ad hæc 4. de relig. domib.*

Dum mortuum insert in locum suum] His verbis docemur, duo esse necessaria ut locus fiat religiosus; ut in eum mortuus inferatur; ut inferatur à domino loci. Primo non consecratione aut verbis solemnibus locus religiosus efficitur, sed illatione mortui: unde sepulchrum ab Ulp. definitur, ubi corpus ossave hominis condita sunt, *l. 2. §. sepulchrum de relig.* Ac ne totus quidem locus, qui sepulchrae destinatus est, corpore condito religiosus fit, sed quatenus conditum aut humatum est, *d. §. sepulchrum.* Ex quo efficitur, quod Divi fratres rescripserunt, Mausoleum inane sive monumentum purum, memoriae tantum causa factum, quod Græci *κενὸν μνημα* & uno verbo *κενὸς ὁσίον* appellant, Sveronius c. 1. in *Claud. tumultum honorarium*, religiosum non esse, *l. 7. h. t. l. 6. in fin. l. monumentum 42. de relig.* licet contra senserit Marcianus, motus auctoritate Virgilii, ut ipse ait, *l. 6. in fin. hoc tit.* nec dubium, quin iis poetæ versibus, quos es *lib. 3. Æneid.* citat D. Gothofr. ubi de Andromache hæc ait Æneās;

Mænēsque vocabat

Heclorem ad tumulum, viridi quem cespitem inanem.

Et geminas, causam lacrymis, sacraverat aras.

Similis locus ejusdem poetæ *lib. 6.* ubi sic ad Deiphobum idem heros;

Tunc egomet tumulum Rheto in litore inanem

Constitui, & magna Mænēs ter voce vocavi.

Denique si ossa hominis aut corpus conditum duntaxat loco religionem afferunt, consequens est, ossibus aut reliquis effosis & translatis, locum religio-

ne solvi, *l. cum diversis 44. §. 1. de relig.* quanquam, effodere vel eruere non licet sine decreto pontificum aut jussu Principis, *l. 8. eod.* Alterum, quod ad locum religionem obstringendum necessarium esse diximus, est, ut is mortuum inferat, qui est loci dominus: neque sufficit pro parte indivisa dominum esse, aut nudam loci proprietatem habere, sed necesse est, ut is, qui infert, dominus sit in solidum & pleno jure. Hinc deducuntur hæc consecratoria. 1. Nemini jus esse inferre in locum, qui in totum alienus sit, utriusque invito loci domino: nam consentiente eo inferre licet & locus hac illatione religiosus fit, *hoc §. in fin. l. 6. §. religiosum eod.* 2. Non licere in locum communem purum invito socio, hoc item *text. l. 6. §. si quis comm. div. l. 2. §. 1. in fin. pr. de relig.* quod tamen sic temperat Callistratus, ut aliquis ex sociis in communi loco etiam sine consensu cæterorum sepeliri possit, si non sit alius locus, ubi commode sepeliatur, *l. si plures 41. d. tit.* De loco puro Jurisconsultos loqui apparet: nam in communi sepulchro quin unus ex sociis etiam obtinentibus cæteris sepeliri possit, nulla dubitatio est: quippe cum adhuc ipsum usum is locus comparatus sit, *d. l. 6. §. pen. hoc tit. l. 6. §. si quis comm. & hoc text.* 3. Non posse proprietarium invito fructuario inferre aut locum religiosum facere, ut hoc item *§. & l. 2. §. si usum fructum de religios. l. locum 17. de usufr.* Quorum omnium hæc ratio est, ne domini, socii, fructuarii conditio sine facto eorum, deterior fiat, re cominercio exempta. Planè si proprietatis dominus testatorem intulerit, qui usum fructum legavit, cum in alium locum; inferri tam opportune non posset, placet locum religiosum fieri, *d. l. 17. de usufr. d. l. 2. §. 7. de relig.* 4. Postremo quod proprietario non licet invito eo, qui usum fructum habet, id multo minus huic licere debere, non concedente proprietario, *d. l. 2. §. 1. & 7.*

Locum purum] Id est, qui humani juris est, *βέβηλον*, profanum, *d. l. 2. §. purus & passim eod. tit.* Aliquando opponitur ædificato, ut in *l. ult. in pr. de pign. act.* Varro quoque *lib. 4. de ling.* scribit, pura loca appellari areas in urbe.

Licet postea ratum non habuerit] Ità vulgo hic legitur & apud Marcianum *d. l. 6. §. religiosum hoc tit.* unde hæc transcripta sunt. Neque incommodum sensum habet hæc lectio: sufficit enim ab initio consensisse; cum quod semel placuit, postea displicere non possit, *c. quod semel de reg. jur. in 6. l. nemo potest 75. eod. l. 5. C. de obl. & act.* In *π.* autem Florentinis affirmativè hic locus legitur, *licet postea ratum habuerit*, nec minus rectè: ut sit sensus; Licet locus alienus, in quem sine consensu domini mortuus illatus est, à initio religiosus non sit; tamen si is postea consenserit, locum religiosum fieri; quod hæc

hæc sit natura rati habitationis, ut mandato comparetur, l. *semper* 60. de reg. jur. c. *rati habitationem pandect.* eod. in 6. Cæterum ut hoc quoque obiter addam, etsi illatione mortui in alienum locum, locus non efficitur religiosus: non licet tamen domino, propriâ autoritate ossa illata aut corpus tollere, l. 8. de relig. sed actio ei in factum datur, per quam is, qui intulit, aut tollere id, quod intulit, aut loci pretium præstare cogitur, l. 7. d. *tit.* Pretio autem præstito non est dubitandum, quin locus religiosus fiat.

T E X T U S.

De rebus sanctis.

10. Sanctæ quoque res, veluti muri & portæ civitatis, quodammodo divini juris sunt; & ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint. Ideo & legum eas partes, quibus pœnas constituimus adversus eos, qui contra leges fecerint, sanctiones vocamus.

N O T A.

Sanctiones vocamus] l. 41. D. de pœn. Fest. in voc. Sanctum. Cic. Verr. 6. Nisi legum sanctionem penamq; recitasset.

C O M M E N T A R I U S.

1. Sancti appellatio, quam latè pateat.
2. Rectene, nostri etiam portas inter sancta numerent.
3. An capite plectendi, & qui muros municipiorum violant.

Certum est, longè latius patere appellationem sancti, quam hic accipitur: idque vel ex Trebatio discere possumus, qui apud Macrobius 3. Saturn. 3. sanctum ait, interdum idem esse, quod sacrum. idemque quod religiosum; interdum aliud, nimirum quod venerabile, incorruptum, inviolatum est: quod & Macrobius confirmat adductis aliquot locos Virgillii. Propriè autem sanctum dicitur, quod vel ab injuria hominum defensum atque munitum est, l. 8. hoc tit. Hinc legati jure gentium sancti habentur, l. ult. de legation. item reges, teste Cic. pro reg. Dejot. Jure Romanorum tribuni plebis sacrosancti, Liv. lib. 2. Fest. in verb. sacrosanctum. Aut quod sanctione quadam confirmatum atque subnixum est. Hinc leges & rogationes dicuntur sanctæ, quod eas impunè transgredi non licet. Hinc denique muri quoque sancti,

quia speciali sanctione contra violentium audaciam muniti atque confirmati sunt.

Veluti muri & portæ civitatis] l. 1. hoc tit. l. 2. ne quid in loc. sacr. Et muros quidem consentiunt omnes esse sanctos. Cæterum de portis dissentire videtur Plutarchus, qui ἐν τοῖς Πρωτοκρίτοις muros ἱερὰς, id est, sanctos esse scribit, portas non item: eo, quod per eas cadavera efferantur, aliaque immunda per eas importentur, atque exportentur. Sed hoc ille longè alio sensu, quam nostri, nimirum jus Pontificium ex libris ritualibus, secutus. Quippe Romani in designanda urbe adhibitis more Hetrusco certis sacris muros atrio circumducebant, atque ambiabant: ubi verò portæ futuræ erant, id loci non sulcabant, ne quid religionis contraheret: sed aratrum suspendentes portarum spatia relinquebant intacta. Consulatur Varro 4. de ling. Lat. Alex. ab Alex. 6. gen. 14. Alciat. l. pupillus 2 39. §. urbs de verg. sign. Cæf. Rhodig. lib. 14. c. 5. Hinc mœnia jure pontificio sancta habebantur, portæ non item. At nostri portas ideo inter sancta numerant, quia eas non magis quam muros violare fas est, aut aliquid in eas delinquere.

Quodammodo] Rectè quodammodo, ὁρίων τινὰ, neque enim propriè hæc res divini juris sunt, ut res sacræ & religiosæ: sed propter similitudinem, quam cum rebus sacris & religiosis habent, divini juris esse dicuntur: quia scilicet nec ipsæ cujusquam sunt, aut proprietate aut usu promiscuo. Fortassis tamen muri, quod auspicio & solemnii sacrificio signabantur, etiam propriè in rebus divini juris habiti sunt, Vid. Alciat. d. loc. Riccium vindiciar. jur. præmess. c. 7. qui ob id hunc locum ita distinguendum putat, veluti muri & portæ civitatis, quodammodo divini juris sunt.

Ideo autem muros sanctos] Notatio verbi sanctus. Marcianus l. 8. §. 1. hoc tit. à sagminibus legatorum deducit, id est, verbenis seu herbis puris, quas legati populi Romani ferre solent, ne quis eos violaret. Sed quæ hic traditur, & Festum auctorem habet in voce sagmina, & Aggenum Urbic. in comment. ad Frontin. qui utrumque & sanctum & sagmina à faciando, id est, confirmando deducit. A sanguine tamen confectum esse hoc vocabulum, vel ex consuetudine sacrorum solemnium, quam Sallust. in Catilin. commemorat, putat Hotomannus.

Quia pœna capitis] Violare muros capitale est: sicuti, si quis scalis admotis aut qualibet alia ratione transcenderit. Nam cives Romanos alia, quam per portas egredi, non licet: cum illud hostile & abominandum sit. Nam & Romuli frater

ter occisus traditur, quod nimirum transcendere voluerit. Hoc Pompon. l. ult. hoc tit. Marcus autem Tullius 3. de offic. scribit, speciem utilitatis eo animum impulisse Romuli, cui visum erat, utilius solum se, quàm cum altero regnare. Omissis hic, inquit, & pietatem & humanitatem: & tamen muri causam opposuit, speciem honestatis neque probabilem neque idoneam.

3. De muris municipiorum dubitatum est, an & qui eos violent, poena capitis puniendi sint. Vulgo placet non esse; sed hujusmodi homines pro qualitate delicti arbitrio iudicis extra ordinem plectendos, Bart. in d. l. ult. Ang. Mysf. Schneid. & alii hic. Quæ sententia sanè benignior est. Nec obstat, quod etiam muri municipiorum sancti sunt; l. 8. §. 2. hoc tit. neque enim quicquid sanctum est, ejus violatio continuo capite plectitur: aut quod capite non plectitur, sanctum non est. Satis enim est ad hoc, ut sanctum sit, ut ab injuriis hominum defensum, aut sanctione aliqua subnixum sit, d. l. 8. in pr. l. 9. §. 3. eod. Sanè in bello, si quis vallum transcendat, aut per muros castra ingrediatur, capite puniatur, l. 3. §. nec non 17. de re milit. vid. Gothofr. Buf. ad d. l. ult. & Antumn. ibid. in confer. jur. Franc.

Ideo & legum etc. sanctiones vocantur [l. sanctio 41. de pan. Inconcinna autem est illatio. Fortassis ab effectu ea pars legis, qua poena constituitur *πινηλασία* & νόμος, speciatim sanctio dicitur; quia efficit, ut legi sua auctoritas & sanctitas constet, arg. d. l. 9. §. 3. hoc tit. nam generaliter leges ipsas sanctiones vocari, satis notum est. Scholiastes ad illud Horatii: Sanctarum inscitia legum. Aut participium est à Sanctio, id est, firmatarum: aut sanctarum, id est, sacrarum, ut sœdus sanctum dicitur & sacrum.

TEXTUS.

De rebus singulorum.

11. Singulorum autem hominum multis modis res sunt: quarundam enim rerum dominium nanciscimur jure naturali, quod sicut diximus, appellatur jus gentium: quarundam vero jure civili. Commodius est itaque à vetustiore jure incipere. Palàm est autem, vetustius esse jus naturale, quod cum ipso genere humano rerum natura prodidit. Civilia autem jura tunc esse cœperunt, quum & civitates condi, & magistratus creari, & leges scribi cœperunt.

COMMENTARIUS.

1. Quæ in hac secunda parte hujus tituli potissimum spectanda,

2. Perperam in hac disputatione dominio opponi commercium.
3. Quid sit dominium, & quam largè nonnunquam ea vox usurpetur.
4. Modos acquirendi jure gentium dominii ad duos commode revocari.

Secunda pars hujus tituli: cui respondet titulus pandect. de acquirendo rerum dominio. Hucusque disputatum de differentia & jure earum rerum, quæ extra patrimonium sunt. Sequitur nunc alterum rerum genus, earum videlicet, quæ sunt in patrimonio; quæ ob id etiam privatæ dicuntur, & singulorum propriæ. Hæ res variæ item distingui possunt. Nam primo quædam sunt universales; quæ vel rationem totius habent, ut hæreditas, universum alicujus patrimonium; vel generis, ut fundus, homo, vestis: quædam singulares, ut hic fundus, hic homo, hæc vestis. Quædam item corporales sunt, quædam incorporales, de quibus tit. seq. Corporalium item quædam mobiles aut se moventes, quædam immobiles; l. moventium 93, de verb. sign. l. 15. §. 2. de re jud. Duo verò præcipuè hic nobis spectanda; id quod in hisce rebus singulorum est, ejusq; acquisitio. Quod singuli in his rebus habent, id vel est jus in rem, vel jus ad rem. Jura in rem sunt hæc; dominium, (tum plenum, tum minus plenum, quod quasi dominium & utile vocant; qualia sunt jus emphyteuticum & superficium) usus, usufructus; jura prædiorum; jus possessionis, pignus sive hypotheca. Jus ad rem est, quod uno nomine dicitur obligatio sive creditum. Jus in rem D. Grotio est *beheering*: jus ad rem sive in personam, *inschult*. Item jus in rem distinguit in jus possessionis, *Besitrecht*, & jus dominii vel quasi, quod *eygendom* vocat; eaque voce reliqua in re jura comprehendit, c. 2. *manuduct*. c. 1. Doctissimus Diod. Tuldenus dominio non obligationem, sed commercium opponit. Non rectè, ut mihi videtur, in disputatione proposita. Nam commercium non est res externa, quæ in bonis nostris computatur, quam acquirere, alienare, legare, hæreditibus nostris relinquere possumus, qualis est obligatio: sed jus personæ, quod non omnes, qui in civitate sunt, habent. Est enim jus emendi vendendique, aut potius jus contrahendi cum aliquo, l. 5. de just. & jur. l. quod si minor. 24. §. 1. de minorib. *Ulpian*. tit. 19. §. 4. Unde quæ res vendi, in stipulationem aut conventionem deduci non possunt, commercio dicuntur exemptæ. Denique obligatio, quæ ex maleficio oritur, etiam huc pertinet: at eam nolim dicere esse ex commercio. Nam commercii significatio apud Latinos

nos tam latè non patet, quam apud Græcos *συναιχματῶς*, ut tam *συναιχματῶς ἀνδρία*, quam *ἐκδρία*, complectatur. Quod ad acquisitionem attinet, ea quoque non est unius modi: aliter enim dominium & jura illa in re à dominio separata acquiruntur, aliter obligatio sive creditum, sicut ex progressu apparebit: in quo si fortè methodi leges non satis accuratè Compositores observarint, id non tam in iis reprehendendum, quam sæculo condonandum est. De modis acquirendi domini, ut præcipui & summi in rebus juris, initium faciunt. Dominum est plena in rem potestas, §. ult. inf. de usufr. sive jus de re pro arbitratu statuendi, l. in re 21. C. mand. Hoc idem jus à re quæsitæ proprietatis dicitur, l. 7. §. ex diverso 12. l. 23. hoc tit. de acq. rer. dom. l. 12. §. 1. de acq. poss. quanquam proprietatis vocabulo sæpe in jure nostro nuda proprietatis significatur, à qua scilicet usufructus separatus est, ut passim in tit. de usufr. quod & in voce domini contingit, l. 6. §. penult. C. de bon. que lib. & videntur veteres dominium propriè de re corporali dixisse, arg. tit. pand. de acq. rer. dom. & tit. pand. & C. de rei vind. ut tamen interdum largius eandem vocem acceperint, de omni jure, quo res aliqua nostra est, ut in l. 17. quib. mod. usufr. l. 10. §. 3. hoc tit. l. 3. §. si usufr. per. quo loco & possessio de re incorporali simpliciter prædicatur, quam tamen propriam esse constat rerum corporalium.

multis modis] Privata nulla sunt natura, ait M. Cicero lib. 1. de offic. sed aut veteri occupatione, ut qui quondam in vacua venerunt, aut victoria, ut qui bello potiti sunt.

Nam proprie telluris herum natura nec illum, Nec me, nec quemquam statuit.

² ut alicubi Horatius. Modi acquirendi multi sunt & varii, tum jure gentium, tum jure civili; qui tamen ad paucos memoriæ causa commodè revocari possunt; & mea quidem sententia, qui ex jure gentium sunt, commodissimè ad duos. Quicquid enim jure gentium nobis acquiritur, id vel factio nostro seu occupatione acquirimus, vel vi & potestate rei nostræ. Occupationis enim species sunt non tantum venatio, aucupium piscatio, sed etiam specificatio, inventio & apprehensio rerum, quæ nullius sunt, quæve dominum habere desierunt; quæ ex hostibus capiuntur; postremo etiam, quæ transferunt voluntate domini: quæ omnia suis locis demonstrabimus. Vis ac potestas rei nostræ duplex est; ut quicquid ex re nostra nascitur, nostrum sit, ut quæcunque rei nostræ accedunt, rem nostram ejusque conditionem sequantur: quorum alterum generali nomine fœtura appellari potest; alterum accessio.

Quod appellatur jus gentium] Hoc ideo additum,

ne quis putet hic intelligi jus naturæ, quod omnium animantium inter se commune est: sed quod proprium est generis humani, sive ut Gajus l. 1. hoc tit. id explicat, quod ratione naturali inter omnes homines peræquè observatur. Et perpetuum hoc esse scribit Castrensis, in l. 1. de pact. ut jus naturæ, cum ad actus refertur, qui hominum proprii sunt, pro jure gentium seu humano accipiatur. Proprium autem hominis est habere in dominio. Quod autem ait Justinianus, hoc jus cum ipso genere humano proditum esse, id de jure gentium primævo rectè dicitur, de secundario non irem? ex quo tamen sunt nonnulli acquirendi modi, de quibus hoc tit. agitur. Respexit fortassis Imp. formas rerum acquirendarum, præcipuas, quæ illo jure antiquo originem habent. Cæterum & de jure gentium secundario, eoque, quod pro certo rerum statu naturale est, hæc accipienda *ἐκ τῆς φύσεως*.

TEXTUS.

De occupatione ferarum.

12. Fera igitur bestia, & volucres, & pisces, & omnia animalia, quæ mari, cælo & terra nascuntur, simul atq; ab aliquo capta fuerint, jure gentium statim illius esse incipiunt: quod enim ante nullius est, id naturali ratione occupanti conceditur: nec interest, feras bestias & volucres utrum in suo fundo quis capiat, an in alieno. Planè qui alienum fundum ingreditur venandi aut aucupandi gratia, potest à domino, si is præviderit, prohiberi ne ingrediatur. Quicquid autem eorum ceperis, eousq; tuum esse intelligitur, donec tua custodia coercetur. Cum vero tuam evaserit custodia, & in libertatem naturalem sese receperit, tuum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio.

NOTÆ.

In suo fundo, an alieno] Quocunque enim loco feræ sunt, dummodo sint in libertate naturali, nullius sunt. Hæc mirificè conveniunt cum traditionibus Hebræorum, de quibus Selden. de jur. nat. juxt. disc. Hebr. c. 4.

Prohiberi, ne ingrediatur] Nam in prædio alieno invito domino venari non licet, l. 16. D. de fer. v. rust. & si quis id fecerit: tenetur actione injuriarum, l. 13. §. ult. de injur. Cæterum captum nihilominus capi-

capi-

capientis sit; quia prohibitio conditionem animalis non mutat.

Difficilis] Non tantum ergo, si impossibilis ut male Accursi. l. 5. pr. l. 44. eod.

COMMENTARIUS.

1. Unde estimandum utrum animal ferum sit, an mansuetum.
2. Feras etiam in fundo alieno captas fieri capientium, & quid de piscibus captis in alieno stagno.
3. Quid si quis fundum alienum contra prohibitionem domini ingressus feram ceperit.
4. Venando capta non diutius nostra manere, quam quamdiu in potestate nostra sunt.

EX modis rerum jure gentium acquirendarum, primus & præcipuus est occupatio; quæ quam latè pateat, ex iis, quæ paulo ante dicta sunt, intelligi potest. Hoc loco, & quatuor §. seqq. descriptis ex l. 3. & l. 5. eod. agitur de ea occupatione, quæ ferarum est, & venatio in genere appellatur; cujus species sunt, venatio quadrupedum, aucupium, piscatio. Igitur feræ bestię, quadrupedes, volucres, pisces, simul atque ab aliquo captæ, hoc est, apprehensæ & in manum ac potestatem alicujus redactæ sunt, jure gentium statim illius esse incipiunt. Estque hoc genus acquisitionis longè antiquissimum, ipsaque adeo lege creationis concessum, c. 1. Genes. & Psal. 8. quæ & Stoicorum sententia est, teste Cicerone 1. offic. & Aristotele 1. pol. 4. cum ajunt, omnia, quæ in terris gignuntur, ad usum hominum naturam creasse.

Fera] Ferum est, quicquid à cicare discretum est: nam feras generali nomine appellamus omnia animalia, quibus à natura vis infinita insita est liberè vagandi in terra, mari, aëre: unde feras à ferendo dictas volunt, quod naturali suo impetu ferantur, vel quod è conspectu hominum se auferant in solitudines. Neque excludimus, quæ hominum commercio mansuefacta sunt. Nam utrum ferum sit animal an mansuetum, ex natura æstimandum est, non ex assuefactione, §. pavonum 15. inf. eod. Cæterum quæ hoc §. traduntur, ad occupationem earum ferarum pertinent duntaxat, quæ vel à nullo adhuc occupatæ sunt, vel occupatæ naturalis suæ libertatis iterum factæ sunt compotes.

Cælo] Cælum pro aëre, & ἄρην εἰρηκε, καὶ τὸ ἰδιωτῶν θῆος, τὸ πρὸς ἡμᾶς ἀέρος μέρος τὸ χάρος νεφελαῶν, Galen. comm. 2. in 1. Hipp. de morb. atque ita etiam sacri scriptores accipiunt, Matth. c. 6. vers. 26. ἐμβλέψατε εἰς τὸ πετεινὸν ὃ ἔσθῃ.

Quod ante nullius est] Modo ita affectum sit, ut alicujus esse possit: nam res, quæ commercio hominum exemptæ sunt, ut res divini juris & publicæ, sa-

tis constat, ad hanc regulam non pertinere, quamvis & ipsæ nullius sint: nec item res hæreditarias, quas quamdiu hæreditas adita non est, inter res nullius numerat Gajus l. 1. de rer. div. nam hæreditas interim pro domino est, l. non minus 31. §. 1. de hered. inst. Simile axiomati proposito est illud Quintiliani de. clam. 13. Quod omnibus nascitur, industria præmium est. Plautus in Rudent. act. 4. scen. 3. Meum, quod rete atque hamis nacti sunt.

Nec interest utrum in suo fundo] Amplificatio regulæ positæ; nimirum etiam in fundo alieno capta capientium fieri. Cujus amplificationis ratio non est obscura: nam quocunque loco feræ sunt, dummodo sint in libertate naturali, nullius sunt, & consequenter transeunt in jus occupantis. Igitur & pisces, qui in alieno stagno sunt, & feræ, quæ in silvis circumseptis vagantur: quoniam relicte sunt in naturali libertate, l. 3. §. item feras 14. de acq. poss. Scio, hoc displicere Hotomanno & Wesembecio, Sed profecto si pisces isti aut feræ à nobis non possidentur, quod disertè scribit Paul. d. loc. consequens est nec eorum nos dominos esse, cum hæc sit natura omnium ferarum, ut dominium earum nec acquiri sine possessione possit, nec retineri: quod vel unus hic §. eos docere debuerat. Concedo tamen, spectandam hic esse locorum consuetudinem, ut & in aliis plerisque, quæ hujus argumenti sunt. Et nostro seculo contraria opinio prævaluit, ut & feræ silvis privatis & pisces stagnis inclusi, ut possideri, ita & in dominio esse credantur, Grot. 2. de jur. bell. & pac. 8. n. 2. D. Tulden. hic c. 17. quod veteres tum demum admittebant, si feræ vivariis, pisces piscinis inclusi forent, d. l. 3. §. item feras.

Potest à domino prohiberi] Quid si nihilominus ingressus sit & feram ceperit? Vulgo placet, adhuc eam occupantis fieri, & rectè. Nam id regulæ superiori omnino consequens est. Non obstat, quod in prædio alieno domino invito venari non licet, l. 16. de serv. rust. præd. nam prohibitio ista conditionem animalis mutare non potest, neque efficere, ut id quod captum est, fiat prohibentis: alioqui non nudam prohibenti actionem injuriarum pareret, l. 13. §. ult. de injur. sed rei vindicationem & conditionem furtivam, vid. Christin. vol. 5. decis. 84. n. 17. & seqq. Excipit Angel. & post eum Canticula, nisi fructus fundi in vepatione, aucupio & piscatione consistat, arg. l. venationem 26. de usur. l. 9. §. aucupiorum de usur. Sed enim si illa verè in fructu sunt, ne infcio quidem domino aut ingressum non prohibente capta capientis fient: à communi sententia recedunt Cujac. 4. obs. 2. Wesemb. ad Schneid. D. Tuld. hic c. 16.

Eousque tuum esse intelligitur etc.] Aliæ superioris propositionis amplificatio; videlicet eam etiam procedere, etsi fera jam ante capta sit ab aliquo,

si ea in naturalem libertatem postea se receperit. Nam quod venando per occupationem acquisitum est, id non diutius nostrum manere, quam quamdiu in potestate nostra & custodia sit: ubi vero evaserit custodiam nostram, & in laxitatem naturalem se receperit, desinere nostrum esse, & rursus fieri occupantis, l. 3. §. 2. eod. *Christin. d. decij. 84. n. 20.* Quod ut singulare notandum est in dominio ferarum: nam, aliarum rerum dominium etiam amissa possessione, retinetur. Cæterum ne quis hic iudicii æquitatem, desideret, placuit, ita demum custodiam prioris domini animal semel captum effugisse & libertatem naturalem recepisse videri, si sic evaserit, ut vel oculos domini effugerit, vel sit quidem adhuc in conspectu ejus, sed ita, ut sine summa difficultate id persequi non videatur, d. l. 5. in pr. l. *Pomponius 44. hoc tit.* Qua in re quod bonus iudex arbitrabitur, sequendum erit. *Gloss. Porc. Cantinacula hic.*

TEXTUS.

De vulneratione.

13. *Illud quæsitum est, an si fera bestia ita vulnerata sit, ut capi possit, statim tua esse intelligatur. Et quibzdam placuit, statim esse tuam, & eousque tuam videri donec eam persequaris: quod si desieris persequi, desinere tuam esse, & rursus fieri occupantis. Alii vero putaverunt, non aliter tuam esse, quam si eam ceperis. Sed posteriorem sententiam nos confirmamus, quod multa accidere soleant, ut eam non capias.*

NOTÆ.

Non aliter, quam si ceperis] d.l. ζ. §. i. Non enim spe & animo feræ nostræ fiunt, sed manu & occupatione, l. ζ ζ. eod.

Multa accidere solent] Sicut est in adagio Græco, πολλὰ μεταξὺ πέλει κύλικος καὶ χείλεος ἄκρης, inter os & offam multa intervenire possunt, Gell. 13, cap. 16.

COMMENTARIUS.

1. Non vulneranti, sed capienti feram concedi.
2. Cur cum fera statim ut capta est, nostra fiat, non statim quoque ut elapsa est, nostra esse desinat.
3. Quid moribus hodiernis circa capturam ferarum juris sit, ejusque defensio & interpretatio, num. 4. & 5.

Flere ex prudentibus, interque eos Trebatius, qui existimabant, feram bestiam, si ita à venatore vulnerata sit, nec capi posse videatur, statim venatoris esse, ejusque tamdiu manere, donec illam persequatur. Verum hæc sententia recto dispen-
1

quia ex superiore regula non vulneranti & persequenti, sed occupanti & capienti fera conceditur. Non potest autem dici feram cepisse, qui spem tantum capiendi habet, cum multa accidere possint, quæ spem istam frustrentur, & ut fera evadat, l. 5. §. 1. eod. Ποῖα κατὰ τὴν πέλει κυλινος καὶ χελειος ἀφ' ἑρ; ut in adagio Græco. Atque ita judicatum refertur Christin. vol. 5. decif. 84. n. 2. Grotius lib. 2. man. c. 4. notat, cum qui feram ab alio excitatam capit, quamvis dominus feræ fiat, tamen ut inciviliter venantem eo nomine à ministris Saltuarii multari possit. Cur vero, inquis, cum fera statim ut capta esse, nostra fiat, non & ex contrario semel capta, si postea, elapsa sit, statim nostra esse desinit, sed tamdiu nostra manet, quamdiu eam cum spe recuperandi persequimur? Nimirum quia possessio, ex qua dominia rerum jure gentium cœperunt, facilius retinetur, quam acquiritur. Ad acquisitionem non sufficit rem esse in conspectu nostro, ejusque apprehendendæ animum & spem aliquam habere: sed manu occupanda & corporaliter apprehendenda est, l. 1. §. 1. l. 3. §. 1. de acq. rer. dom. Ad retinendam autem possessionem semel quæsitam solus animus sufficit, d. l. 3. §. saltus 11 l. 1. §. quod vulgo 25. unde vi; cumque animum tamdiu retinere intelligimur, quamdiu nonvana spes est fore, ut mox rem recuperemus: at spe recuperandi sublata, jam animum quoque possidentem nos desinere habere, sac. d. l. 44. hoc tit. l. 6. §. ult. de acq. poss. Nostro jure sunt quidem feræ etiam occupantium: sed non promiscuè omnibus venari permissum est: nam principes sibi feræ hoc jus vindicarunt, saltem quoad certa genera animantium certosque capiendi inodo. Feras minores, puta lepores, cuniculos nobilibus etiam capere licet certis anni temporibus, dum ne capiant in locis Principi specialiter reservatis: quod jus & nonnullis aliis ratione officii concessum, qui legibus saltuariis continentur. Aucupii laxior libertas, excepto quod longo amite aucupari solius Principis jus est. De jure piscandi alibi à me dictum. Ad Grot. lib. 2. manud. c. 4. ubi latius hæc persequitur. Non solum autem legibus nostris, sed propè omnium rerum pub. & regnorum constitutionibus præscriptum est. Constitutione Frederici Imperatoris venantur rustici retia, laqueos aut alia instrumenta ad capiendas feras tendere, nisi ad urfos, apros vel lupos capiendos: quas bestias credibile est ideo exceptas esse, quia tanta earum diritas est atque immanitas, ut publicè interit eas ab omnibus necari, lib. 2. Feud. tit. de pace tenend. §. si quis. Jure Canonico venatione interdictum clericis, ne hac voluptate capti cultum divinum deserant, cap. 1. & 2. de cler. venat. lib. 5. decretal. Sunt qui existimant, non posse citra injuriam lege civili aliquos impediri, ne feras capiant, captasque suas fa-

4 ciant, quoniam jure naturæ, quod immutabile est, hoc omnibus licet, *Tirag. de Nobil. c. 37. num. 144. Menoch. conf. 298. n. 18. lib. 3. & alii relati apud Fachin. lib. 1. contr. cap. 1.* Sed verius est posse. Est enim hoc jus ex jure naturæ permittente, non præcipiente ut semper liceat. Jam vero et si lex civilis nihil potest præcipere, quod jus naturæ prohibet, aut prohibere, quod præcipit; potest tamen libertatem naturalem circumscribere, & vetare quod naturaliter licebat, atque etiam ipsum dominium naturaliter acquirendum vi sua ante vertere, *D. Grot. 2. de jur. bell. c. 2. n. 5. & c. 3. n. 5.* quæ etiã etiam est sententia *Covarr. in relect. c. peccatum de reg. jur. in 6. p. 2. §. 8.* cum ait, feras, volucres & cætera animalia jure naturæ non esse communia positivè & affirmativè, quia omnium propria sunt; sed negativè, quia nullius sunt, & jure naturali nulli sunt applicata: ac proinde posse lege humana uni potius, quam alteri ex justa causa concedi. Non obstat igitur, quod sæpè in libris nostris legimus, jure naturæ liberum esse talia animalia venari. Hoc enim verum est, quamdiu nulla lex civilis intercedit, sicut leges Romanæ res multas reliquerunt in suo primævo statu, de quibus aliæ gentes aliud constituerunt. Cum autem lex civilis aliud constituit, eam observari debere, jus ipsum naturæ dicat. Unde autem nata est tanta juris quondam communis mutatio? Opinor partim ex consensu populorum, qui jus venandi in compensationem curarum & gubernationis Principibus ultro reliquerunt: partim ex ipso Principum potestate, quibus visum sit, publicè expedire, ut communi licentiæ frænum injiceretur, tum ne tota tandem species multitudine venatorum vastaretur, tum ne rustici & plebei homines studio venationis ab agricultura aut opificiis avocarentur, & fortassis ob alias etiam causas, quas videre est apud *Wesemb. parat. de acq. rer. dom. Covar. præd. loc. Fachin. 1. cont. 1. Card. Tusc. pract. concl. jur. vol. 8. lit. V. concl. 41. Christin. vol. 5. decis. 84. n. 37. & seqq.* Illud scire operæ pretium est, non acquisitioni animalis capti, sed juri venandi derogatum esse. Unde si homo plebejus, aut quis alius, cui jus venandi non est, feram venando ceperit, licet incidat in pœnam legibus constitutam, fera tamen nihilominus illius sit: & quamvis capta jubeatur capienti auferi, id non tam ideo fit, quia capientis facta non est: sed quasi ab indigno & pœnæ causa: eadem planè ratione, qua laquei, jacula, aliaque id genus instrumenta venatoria hujusmodi hominibus admittuntur. Quod si vero id, quod ita captum est, alteri bona fide accipiendi ex justa causa traditum sit, adimi hoc ei non poterit: neque enim furtivum aut alienum possidet, ut ab eo vindicari queat; neque dici potest pœnam legis mereri, qui nihil diligit, nihil contra legem fecit, *l. aliud est furtum 131.*

de verb. sign. Huic non absimile est, quod de fera in alieno fundo capta diximus, eam capientis fieri, quamvis in alieno venari invito domino non liceat. Ita *Covarr. d. de §. 8. num. 5. & seq. Christin. ubi sup. n. 17. Gudelin. 2. de jur. nov. cap. 2. Zypæ notat. jur. Belg. de jur. fisc. & tit. de venat. jérar.*

T E X T U S.

De apibus.

14. *Apium quoque fera natura est. Itaque apes, quæ in arbore tua confederint, antequam à te alveo includantur, non magis tuæ intelliguntur esse, quam volucres, quæ in arbore tuum nidum fecerint: ideoque si alius eas incluserit, is earum dominus erit. Favos quoque si quos effecerint, eximere quilibet potest. Plane integrare, si prævideris ingredientem fundum tuum, poteris eum jure prohibere, ne ingrediat. Examen quoque, quod ex alveo tuo evolaverit, eoque intelligitur esse tuum, donec in conspectu tuo est alioquin occupantis sit.*

C O M M E N T A R I U S.

1. Omnes apes natura feras esse, non eas solas quas rei rustica scriptores sylvestres appellant.

Quia de quibusdam animantibus dubitari poterat, si nunc natura feras, an mansveta, & maxime de apibus, pavonibus, columbis, gallinis & anseribus, non abs re est, quod hoc loco nos Imp. docet, quò numero hæc animantia habenda sint. Ambigi primo potest de apibus; quippe quas Plinius tradit nec mansveti generis esse, nec feri, *lib. 11. nat. hist. c. 5. Varro lib. 3. de re rust. c. 16.* in feras & cicures distinguit, uti & Columel. *lib. 9.* Plinius *d. lib. c. 18.* in rusticas sive sylvestres & urbanas. Ulpianus autem noster *l. 8. §. 1. fam. ere.* videri potest hæc animalcula in genere mansvetorum habuisse, cum ex sententia Pomponii responderet, apes venire in judicium familiarie eriscundæ: quia in patrimonio nostro sunt, cumque, qui eas amovet, furtum committere, Paulus vero in eadem re feras à cicuribus manifeste separarat, *l. si apes 26. de furs.* Sed dubitandum non est, quin, ut diversa sint apum genera, una tamen omnium sit natura, eaque & sylvestris, ut hic ex Gajo *l. 5. §. 2. hoc tit.* refert Justinianus. Liberè enim omnes feruntur & vagantur, nec raro locum & alvearia mutant, etiam quæ aliquamdiu incluse fuerunt. Quamobrem licet Plinio videantur mixti esse generis, fortasse quod in iis quid observavit, quod naturam animalis mansveti sapiat: tamen in hoc, quod tractamus, argumento pro feras omnino habendæ sunt.

Nec obstat distinctio illa Varonis: nam cum feras à cicuribus non natura, sed loca separet, feras appellans, quæ pascuntur in sylvestribus, cicures, quæ in locis cultis habentur, satis apparet, cicures eum vocare, non quæ natura tales sunt, sed cura hominum, cicuresque dixisse pro cicuratis, vel potius pro iis, quæ minus feræ sunt, & occupatæ facilius mansuefiunt quam sylvestres, Ulpianus autem d.l.8.§.1. *fam. etc.* aperte loquitur de apibus, quæ alveariis jam incluse ita assuetæ sunt, ut ubi evolaverint, eundem locum sponte repetant: neque aliis apibus feras opponit Paul. d.l. si apes de furt. Constat autem, animalia, quæ ex feris manifestata atque ita condonata sunt, ut ex consuetudine abeant & redeant, cum de occupatione eorum quæritur, quamdiu illam consuetudinem retinent, eodem jure quo mansueta haberi. Unde rectè argumentatur Quintilianus *declam.* 12. apes, quæ ex alveariis nostris manè volant, & vesperi domum sua sponte revolant, sine inique laboris sui sole metiuntur, nostras esse,

Antequam à te alveo includantur] Nam inclusio hæc occupatio est. Quæ autem animalia semel nostra facta sunt occupatione, ea tamdiu nostra manent, neque ab alio occupari possunt, quamdiu possessio nem eorum retinemus, *fac. l. 3. §. quidam 16. de acq. poss.* Alveus autem est *χερσομυτιος*, puta ex vimine, aut inani cortice: favum ipsæ sibi apes conficiunt, *Varr. de re rust. cap. 16.*

Volucres quæ in arbore tua nidum fecerint] Quemadmodum volucrum in arbore tua nidificatio non efficit, ut aut ipsæ aut pulli earum tui cenferi debeant, ita nec apium in arbore tua confessio facit. ut aut ipsæ aut nova earum soboles tua efficiatur: sed ex regula superiore primo occupanti aut includenti cedunt. Quæ apium eadem & favorum ratio est, si quos fortè in arbore tua fecerint, antequam à te alveis includerentur, d.l. si apes de furt.

Poteris eum jure prohibere] Eodem jure, quo prohibere potes, si prævideris, eum, qui venandi causa in tuum fundum vel ingredi, adversus quem, si te invito ingressus fuerit, prædita tibi est actio injuriarum, ut non multo ante didicimus ex l. 13. §. ult. de injur.

Examen] Non solum vetus, sed & novum, apum recens natarum, quæ ex alveariis ad novas sedes querendas à parentibus extruse sunt: nam si parentum fera natura est, necesse est & feram naturam esse prolis.

TEXTUS.

De Pavonibus & columbis & cæteris animalibus manifestatis.

15. Pavonum quoque & columbarum fera natura est: nec ad rem pertinet, quod ex con-

suetudine evolare & revolare solent: nam & apes idem faciunt, quarum constat feram esse naturam. Cervos quoque quidem ita mansuetos habent, ut in silvam ire & redire soleant, quorum & ipsorum feram esse naturam nemo negat. In iis autem animalibus, quæ consuetudine abire & redire solent, talis regula comprobata est; ut usque tua esse intelligantur, donec animum revertendi habeant. Nam si revertendi animum habere desierint, etiam tua esse desinunt, & sunt occupantium. Revertendi autem animum videntur desinere habere tunc, cum revertendi consuetudinem deseruerint.

NOTA.

15. Pavonum & columbarum] d.l.5. §.5. Sed hæc volucres faciliè cicurantur & domibus advescunt, utique quæ natura minus feræ sunt, minusque abhorrent à consuetudine hominum, vid. Varr. 3. de re rust. 7. Colum. l. 8. c. 15.

Revertendi consuetudinem deseruerint] Ultero, non si ab alio detenta, l. 8. §. 1. D. fam. etc. Hoc autem totum ex circumstantiis judex æstimabit. Wesemb.

COMMENTARIUS.

1. Pavones & columbas pro feris haberi, etsi non omnes æquè feram naturam habeant.
2. Moribus Gallorum & nostris animalia, quæ revertendi consuetudinem deseruerint, non fieri occupantium.

Secundo eadem dubitandi ratio esse poterat de pavonibus & columbis, saltem quoad quedam genera. Nam pavones quod attinet, distinguuntur rei rusticæ scriptores pavones agrestes, qui insulas & nemorosa loca captant, ab iis, qui in prædiis gregatim pascuntur. Varro lib. 3. de re rust. & Columel. lib. 8. cap. 11. Idem Varro d. lib. cap. 7, duo item esse genera columbarum tradit: unum agreste, quod habetur in curribus & columinibus villæ, unde & columbæ appellatæ sunt; alterum clementius, quod cibo domestico contentum intra limina januæ pasci solet. Porro ex domesticarum & agrestium conjunctione nasci & miscellum tertium genus. Sed idem hic responderi potest, quod de apibus, esse quædam genera pavonum itemque columbarum, quæ natura minus feræ sunt, minusque ab hominum consuetudine abhorrent: pro feris tamen omnes haberi: quia faciliè volant; & cum agrestibus sese conjungunt. Certè Cajus l. 5. §. pavonum hoc tit. & Justinianus hic simpliciter hæc aves earum numero adscribunt, quæ sunt generis feri, quod & Grot. facit. lib. 2.

COMMENTARIUS.

man. c. 4. Meminit quidem & pavonis mansueti Pompon. l. si pavonem 37. de furt. sed opinor mansuetum dixisse pro mansuetum. Illud nullum argumentum est mansuetudinis, quod hæ aves ex consuetudine evolare & revolare solent: nam & apes idem faciunt: & cervos, quorum utique fera natura est, ita assuescere posse constat, ut aliquo abeant, & sponte sua redeant domum. Exemplum cervi ita instituti à Tyrreii liberis & præsertim Silvia filia habemus apud Virgilium lib. 7. Æneid. & alterum cervæ Sertorianæ apud Plutarch. in Sertor. Fatendum tamen est, pavonibus & columbis hoc propemodum naturale esse, & placidis in eo similiores, quam feris.

In his autem animalibus] Natura videlicet feris, de quibus hic sermo est; nam in placidis, quæ hominum consuetudine natura gaudent, obtrinet, quod ex Gajo traditur §. seq.

Cum revertendi consuetudinem deseruerint] Tunc enim genitale feritatem, quam exuerant, recipiunt & fera feris natura redit, ut loquar eum Claudiano. Cæterum ex circumstantiis iudex æstimabit: neque enim placet eorum sententia, quæ deservitudinem revertendi ex una & altera intermissione metiuntur: quamvis id plerique faciant, teste *Wesemb. hic.* Enimvero si quis, verbi gratia, columbas, quæ ex columbariis nostris avolant & volant, vetitis rationibus averterit, ita ut animum revertendi abiciant, dubium non est, quin in factum actione teneatur, & captarum nomine etiam furti, l. 8. §. 1. *fam. ere.* Gallorum moribus animalia, quæ ex consuetudine abire & redire solent, dominorum esse, non desinunt, nec sunt occupantium, quamvis custodiam nostram evaserint, & deseruerint animum revertendi, quod maxime in falconibus & accipitribus observatur. *Ioan. Fab. hic Autumn. coll. jur. Gall. ad l. 5. eod. Idemque de moribus nostris testatur Grægorio, de ll. abrog. hic.*

1. Etiam ob gallinam vel anserem surreptum dari actionem furti.

Postremo dubitatum de gallinis & anseribus: & harum avium naturam initio feram esse negat Justinianus, quod & Gajus facit, l. 5. §. *gallinarum hoc tit.* mox tamen & ille & hic earum duo genera faciunt, quorum alterum natura sit ferum & agreste, alterum mansuetum & placidum: tamque naturarum differentiam in omni ferè genere animalium animadverti posse testantur Plinius lib. 8. c. 53. De generibus anserum & gallinarum & naturæ cujusque scripsere idem *Plin. lib. 10. c. 21. Varr. lib. 3. de re rust. c. 9. Columel. lib. 8. c. 2. Pallad. lib. 1. c. 30.*

Quocunque loco sint, tui tueve] Regula generalis est, ad omne genus animalium mansuetorum pertinens, ea nostra manere, quamvis ita aufugerint, ut neque sint in conspectu nostro, & ubi ea sint, ignoremus, vel quocunque modo hoc acciderit: neque enim in his occupationi locus est. Quapropter etsi lupo ovem meam, exempli causa, rapuerit, ea mea esse non desinet, quamdiu recipi potest: & si fortè eam aliis, lupum canibus suis persecutus, eripuerit, suam non faciet; sed reposeenti mihi restituenda, l. *Pomponius 44. hoc tit.* Tres igitur regulæ pro triplici animalium differentia ex his, quæ hætenus diximus, observentur. 1. Feras quarum libertas vel nunquàm adempta est, vel quæ captæ in eam se receperunt, occupantis fieri. 2. Animalia mansueta, quocunque loco sint, nostra manere, neque occupatione cuiquam acquiri posse. 3. Mansueta ita ut abire & redire soleant, quamdiu eam consuetudinem retinent, jure mansuetorum censi; deposito revertendi animo, ut cæteras feras, secundum regulam concedi occupanti.

Furtum committere intelligitur] l. 5. §. *gallinarum d. l. Pomponius 44. hoc tit.* quod & in mansuetis obtinet; si quis ea animalia, cum ex consuetudine abire & redire solita essent, intercepterit, l. 8. §. 1. *fam. ere. l. si pavonem 37. de furt.* Atque his omnibus locis traditum est, etiam actionem furti eo nomine competere: nempe quia hoc exigit ratio justitiæ, quæ non ex quantitate, sed ex suis regulis debet æstimari. Cui contrarium non est, quod legimus actionem de dolo ob rem vel summam minimam, veluti ob duos aureos, non dari, l. 9. *in fin. cum 2. ll. seqq. de dol.* siquidem actio de dolo, præterquam quod æquè ac furti famosa est, remedium est extraordinarium, atque in subsidium duntaxat, si alia actio non sit, & res alicujus momenti esse videatur, comparatum, l. 1. §. *ait prætor, de dol.*

TEXTUS.

De Gallinis & anseribus.

16. Gallinarum autem & anserum non est fera natura: idque ex eo possumus intelligere, quod aliæ sunt gallinæ, quas feras vocamus: item alii sunt anseres, quos feros appellamus. Ideoque si anseres tui, aut gallinæ tuæ, aliquo modo turbati turbatæve evolaverint, licet conspectum tuum effugerint, quocumque tamen loco sint, tui tueve esse intelliguntur: & qui lucrandi animo ea animalia detinet, furtum committere intelligitur.

T E X T U S.

De occupatione in bello.

17. Item ea, quæ ex hostibus capimus, jure gentium statim nostra sunt: adeò quidem, ut liberi homines in servitutem nostram deducantur: qui tamen, si evaserint nostram potestatem, & ad suos reverſi fuerint, pristinum statum recipiunt.

N O T Æ.

17. Ex hostibus capimus] l. 5. §. ult. l. 7. pr. cod. Aristot. 1. pol. 4. & 5.

Nostra sunt] Jure gentium res hostium eodem loco sunt, quo res nullius, ac proinde eorum sunt, qui primi earum possessionem naſti sunt, l. 1. §. 1. D. de acq. poss. & tam res immobiles, quam mobiles. Capientes intelligendi non tantum, qui per se capiunt: sed etiam, qui per alios. In actu belli publico & imperato singuli, ut ministri operam navant, & Principi aut populo, qui ministerii eorum utitur acquirunt: hinc præda & ager ex hostibus captus publicantur, l. pen. de ad leg. lul. pecul. l. 70. §. 1. D. de capt. Extra actum publicum singuli sibi capiunt; quia non capiunt, ut ministri. Grot. 3. de jur. bell. c. 6.

C O M M E N T A R I U S.

1. Res hostium veteribus eodem loco fuisse, quo res nullius, & ideo iis concessas, qui primi earum possessionem adepti essent, vel per se vel per alios.
2. Agrum hostilem non nisi actu publico capi posse; ac proinde captum fieri publicum populi.
3. Moventia & mobilia, quæ in ministerio publico capiuntur, & ipsa fieri populi: alias eorum, qui manum capiunt, & quid hodie.

Quod hic & apud Gajum l. 5. §. ult. cod. traditur, ea, quæ ex hostibus capimus, jure gentium statim nostra fieri, difficultate non caret. Nam alibi legimus, agrum ex hostibus captum publicari, l. 20. §. 1. de capt. & postlim. bona captivorum in fiscum cogenda, l. divus 31. de jur. fisc. captivos ab Imperatoribus vendi solet, l. 4. §. 2. de stat. hom. qui prædam ab hostibus captam surripuit, lege peculatus teneri, l. pen. ad leg. lul. pec. in corpore Canonum, distribui prædam publico arbitrio, c. dicat aliquis, c. 23. q. 5. Apud alios manubias, id est, pecuniam ex venditione prædæ redactam per quæstores inferri ærarium. Gell. lib. 1. §. c. 23. Vellei. lib. 2. Cic. 3. epist. 7. Quæ omnia arguunt, ipsi populo, non singulis, qui capiunt, res hostium acquiri. Et de agro ex

hostibus capto omnes consentiunt, eum fieri publicum sive populi. Sed quod attinet ad res mobiles & se moventes, plerique putant, has primo ac jure ipso fieri singulorum, qui manu capiunt; cæterum duci assignanda; qui inter milites distribuit, Bart. in l. 28. de capt. Alex. & las. in l. 1. de acq. poss. Covar. in c. peccatum p. 1. §. 2. n. 6. de reg. jur. n. 6. Alii censent, hæc simpliciter acquiri singulis capientibus. Vacan. à Vacan. lib. 2. c. 24. Cujac. 19. obs. 7. Merenda simpliciter populo aut Principi, cui bellum geritur, lib. 2. contr. 22. Sed nulla harum sententiarum probanda. Poruit sane consensu gentium utrumvis constitui, ut aut capta populo bellum gerenti, aut cuivis, qui manu caperet, in dominium cederent: sed quid voluerint, quaerimus. Id vero nos docet Paulus ex Nerva filio, l. 1. §. 1. de acq. poss. nimirum jure gentium res hostium hostibus esse non alio loco, quam quo sunt, res nullius, ac proinde eorum fieri, qui primi earum possessionem naſti sunt. Non distinguunt in hoc negotio inter res mobiles & soli; neque distinguere debuerunt. Nam quæ nullius sunt, sive immobilia sint, sive mobilia, semper sunt capientium; sed tam eorum, qui per alios, quam qui per se capiunt: neque enim servi tantum aut filiiſam, sed & liberi homines, qui in venando, aucupando, piscando, margaritas legendo operam suam addixerunt, statim ejus, quod ceperunt, possessionem & dominium aliis acquirunt, iis scilicet, quibus operam navant: quippe quæ naturaliter acquiruntur, non modo per nosmetipsos, sed etiam per quemlibet alium, cujus ministerio utimur, acquirere possumus: locumque hic habet, quod dicitur, nihil interesse, utrum per se quis faciat, an per alium, l. ea quæ 53. hoc tit. l. 1. §. per procuratorem 20. l. 3. §. 1. de acq. poss. Sic apud Græcos, quæ in Olympiis certabant, præmia acquirebant iis, à quibus mittebantur. Igitur res hæc expedienda est cum D. Grotio 3. de jur. bell. 6. n. 10. & D. Tulden. in comm. hic c. 29. distinctione facta inter actus verè publicos belli, & inter actus privatos, qui fiunt occasione belli publici; ut dicamus, per illos actus res acquiri populo, per hos primo ac directè privatis. Res soli, nisi publico actu, inducto exercitu, impositis præſidiis, capi non solent: & ideo, ut Pomponius respondit, publicatur ager, sive publicus sit populi, qui ex hostibus captus sit, l. si captivus 20. §. 1. de capt. Solebant autem Romani, ut hoc obiter addam, agros ex hostibus captos aut totos publicare, aut partiti in victorem populum, aut per censores locare; interdum modico veteri possessori honoris gratia relicto aut distrahere, aut assignare veteranis, aut certum iis vestigal imponere: quarum rerum passim in legibus, historiis, & agrimenſorum commentariis testimonia extant, vid. l. 15. §. 2. de rei vind. l. 11. de evict. consule porro Brisſon. 4. select. ant. 1. Pet. Fabr. 2. sem. 3.

¶ 4. *Connan. 3. comm. 5.* Mobilia vero & se moventia aut in ministerio publico capiuntur, aut extra illud: priore casu etiam illa populi sunt, cui hic singuli ut ministri operam navant: nam ut ducibus exercitus prædæ dispensandæ aliquod arbitrium concessum fuerit: tamen actus sui rationem debeant populo: de quo latè *Grot. ibi sup. n. 15.* Posteriore autem casu sunt singulorum capientium: quia quod extra actum publicum capiunt, non intelliguntur capere ut ministri. Atque huc referendum est illud *Celsi l. transfugam 1. §. 1. hoc tit. Quæ res hostiles apud nos sunt non publice, sed occupantium sunt.* Quæ apud nos sunt, hoc est, bello exorto apud nos deprehenduntur. Nam idem & in hominibus observabatur. Quam in rem insignis est locus *Triphonini l. in bello 12. pr. de capt. Verum in pace, inquit, qui pervenerunt ad alteros, si bellum subito exarsisset, eorum servi efficiuntur, apud quos jam hostes suo fato (ita legendum, non suo facto, ut habent libri) deprehenduntur.* Fato hoc adscribit *Jurisconsultus*, quia nullo suo merito in servitutem deveniunt: nam fato hujusmodi adscribere translativum est. Tale illud *Nævii, Fato sunt Rome Metelli consules.* Hinc etiam est, quod si quid milites capiunt non in procinctu, aut in eo, quod facere jubentur, sed in eo, quod promiscuo jure aut solo permissu faciunt, id sibi statim acquirunt: capiunt enim non ut ministri. Talia sunt spolia, quæ detrahuntur hosti in dimicatione singulari. Talia quoque, quæ procul ab exercitu in liberis & injustis excursibus capiunt. Nunc vero passim usurpatur, ut in direptionibus oppidorum & præliis suum quisque faciat, quod cepit: in excursibus vero capta omnia fiant eorum, qui in comitatu sunt, inter ipsos pro dignitatis ratione partienda.

Vt liberi homines in servitutem] Hoc etiam in *Lusitania* aliisque locis *Turcorum* imperio vicinis observatur. Cæterum *Christianarum* penè omnium gentium velut musuo consensu comparatum est, ut capti etiam in bello justissimo libertatem retineant, eosque tamdiu duntaxat retinere liceat, donec pretium redemptionis exolverint, quod *lib. 1. memini me fufius explicasse.*

Pristinum statum recipiunt] Igitur & ingenuitatem, quamvis apud hostes manumissi sint: nam ratio postliminii efficit, ut hic quoque locum habeat, quod sæpissimè constitutum est, natalibus non efficere manumissionem, *§. ult. sup. de ingen.*

TEXTUS.

De occupatione eorum, quæ in litore inveniuntur.

18. Item lapilli, & gemmæ, & cætera, quæ

in litore maris inveniuntur, jure naturali statim inventoris sunt.

COMMENTARIUS.

Acquisitionis naturalis & quidem occupationis species est & inventio. Ea pro duplici objecto distingui potest in duo genera: nam aut earum rerum est, quæ nunquam ullius fuerunt; aut earum, quæ desierunt habere dominum, quales sunt thesaurus & res pro derelicto habitæ. De priore genere hic agitur, de altero in *§. thesauros* & *§. pen. inf. eod.*

Lapilli & gemmæ] *Margaritæ, conchylia, corallia, cæteraque, quæ in mari aut litore maris nata, nec ab alio ante occupata, inveniuntur, l. 3. de rer. div. l. 1. §. 1. de acq. poss.* Quod autem à mari productum non est, sed à navigantibus in tempestate ejectum, vel quod naufragium fluctibus in litus expulsum est, eorum permanet, qui ejecerunt, vel naufragium fecerunt, *§. ult. inf. eod.* Inter lapillos & gemmas hoc interesse ex *Servio Ulpiano* refert, *l. cum aurum 19. §. gemmæ 17. de aur. arg. leg.* quod gemmæ propriè dicantur lapides pretiosi, qui natura perlucidi sunt; lapilli, qui sunt contrariæ naturæ: quod discrimen etsi non usquequaque ab aliis scriptoribus observatur: nulla tamen ratio est, cur ob id *Jurisconsultus* reprehendat *Valla. vid. Alciat. lib. 4. de verb. sign.*

Statim inventoris sunt] Inventio species est, ut diximus, occupationis. Non igitur ut quisque hæc videre cœperit & notare oculis, ita statim ejus fient, quod quidam putant, sed necesse est, ut possessionem eorum nanciscatur, si mobilia sint, manu apprehendat, si immobilia, ea ingrediatur, *l. 1. §. 1. & ibi Coras. n. 12. l. 3. §. 3. D. de acq. poss. Connan. 3. comm. c. 3. Grot. mar. lib. cap. 2.* Cæterum si quis non in totum præoccupaverit, sed inventorem jam apprehensioni operam dantem adjuverit, judicatum fuit, inventorem esse præferendum. *Horat. Roat. decis. Lucens. 23. D. Tulden. hib. c. 13.* Harum autem rerum dominium semel inventori quæsitum etiam amissa possessione retinetur, ut juris est in rebus omnibus, quæ dominio nostro subjæctæ sunt, exceptis feris bestiis, quæ ubi custodiam nostram evaserint, una cum possessione dominium nobis auferunt, quasi jure quodam postliminii in pristinam libertatem revertæ,

TEXTUS.

De foetu animalium.

19. Item ea, quæ ex animalibus dominio tuo subjæctis nata sunt, eodem jure tibi acquiruntur.

Y

COM-

COMMENTARIUS.

Quæcunque jure gentium acquiruntur, ea diximus in summa nobis acquiri duabus rationibus: facto, & occupatione nostra; rei nostræ potestate, ac beneficio. Rei nostræ hæc vis est, ut duo nobis tribuar; fœturam, hoc est, quicquid ex ea nascitur aut provenit; & accessionem, sive quicquid ei accedit, ita ut unitum ab ea trahatur. quæ distinctio docendi causa à nobis retinebitur. DD. vulgo utramque illam rei nostræ vim uno accessionis nomine comprehendunt: cujus deinde duo genera faciunt; discretam, puta fœtus animantium; & continuam, veluti alluvionem. Nonnulli inter quos Cantiancula & Bachovius, etiam ea, quæ rebus nostris accedunt aut ex iis nascuntur, genere quodam occupationis nobis quæri volunt, non equidem veræ, sed fictæ & commentitiæ, quasi illa quodammodo à re nostra & per eam à nobis occupentur. Sed nihil opus est commentis, ubi sine illis res æquè intelligi potest. Mitto, quod hæc res etiam ignorantibus nobis acquiruntur, atque adeo invitis. Præsens hic §. ad fœturam pertinet; sequentes aliquot ad accessionem.

Ex animalibus nostris] l. 2. l. 6. hoc tit. item partus editi ab ancillis nostris, §. pen. sup. de jur. pers. In summa quicquid res nostra ex se edit, sive ea mobilis sit, sive soli, id nobis hoc jure acquiritur: quamvis de solo fœtu animalium hic sermo. Et placet, hæc statim ipso ortu nobis acquiri, etiam ignorantibus & tantum non invitis: nimirum vi & potestate rei nostræ, sicut diximus. Planè autem eadem ratione fœtus animalium nostrorum nostri fiunt, qua nostra fiunt, quæ in solo nostro nata sunt: nimirum ut solum ipsum hæc nostra facit, non satio ulla aut plantatio undecumque profecta: l. qui scit. 25. de usur. l. 1. l. C. de rei vind. ita & animalia & ancillæ nostræ, quia instar soli sunt, ea, quæ conceperunt, nobis pariunt; nec vis maris inspicitur, quæ similis est sato, l. 5. §. 2. de rei vind. l. 7. C. eod. Atque ut fructus à solo nostro separari ideo nostri sunt & manent, quia cum adhuc solo cohærebant, pars soli intelligebantur: l. 44. de rei vind. ita & fœtus ab animalibus nostris & partus ab ancillis editi, nostri manent: quia antequam edantur, portio sunt viscerum matris, l. 1. §. 1. de ventr. inspic. Adde quod fœmina in alendo fœtu omnia confert de suo, quæ & ipsa interim à domino alenda sit. Et si igitur doctiss. Grot. 2. de jur. bell. cap. 8. n. 18. juri naturæ magis convenire putat, ut fœtus communice- tur cum domino maris, si is non ignoretur; ego tamen in veterum sententiam concedo, ob rationes, quas jam memoravi.

TEXTUS.

De alluvione.

20. Præterea quod per alluvionem agrotuo flumen adjecit, jure gentium tibi acquiritur. Est autem alluvio incrementum latens. Per alluvionem autem id videtur adjici, quod ita paulatim adjicitur, ut intelligi non possit, quantum quoque temporis momento adjiciatur.

COMMENTARIUS.

1. Iuri alluvionis locum esse in agris arcifiniis non in agris limitatis, aut certa mensura comprehensis.
2. Quid de alluvionibus juris sit in his regionibus.

Potestate rei nostræ etiam ea jure gentium acquirimus, quæ rebus nostris ita accedunt, ut iis cohæreant atque ab iis trahantur: unde hoc genus acquisitionis accessio appellatur. Accessio hæc contingit vel facto & opera hominis, de quo genere inf. §. si tamen 26. & multis seqq. eod. vel citra eam, naturali operatione & beneficio fluminis. Atque hoc modo quatuor rerum genera nobis acquiruntur; quæ latenter per alluvionem à flumine agris nostris adjiciuntur; quæ aperta vi fluminis de alieno avulsa cum prædio nostro unita sunt; insula in flumine nata; alveus à flumine relictus: quæ & totidem §§. ordine explicantur ex Cajo l. 7. §. præterea & seqq. eod. & primum quidem genus in textu proposito. In Cod. etiam tit. est de alluvionib.

Agro tuo] Arcifinio scilicet, qui non alium finem ea parte habet, quam naturalem, id est, ipsum flumen: nam agros limitatos alluvionem non habere discretè traditum est l. in agris 16. eod. & fac. l. 1. §. si insula 6. de flum. Quantum autem ex d. l. 16. colligere licet, ager limitatus dictus fuit, ager ex hostibus captus, & deinde à populo vel Principe privatis ita possidendus datus, ut certis limitibus sive finibus jus possessoris circumscriberetur, ut sciretur, quod extra hosce fines esset, id publicum manere; sive quid accrevisset postea, id populo accrescere, vid. Don. 4. comment. 27. Giphani. ad d. l. 16. Connam. 3. comm. 5. qui hunc locum præ cæteris illustrat ex Aggen. & Jul. Frontino de qualitate agror. & controversia limit. Limitatis agris similes sunt, qui certa mensura comprehenduntur, parisque in hac re juris cum limitatis esse debent, ut jus alluvionis non habeant, cum possessores eorum ultra assignatum modum nihil possidere possint, Connam. d. loc. Grot. 2. de jur. bell. c. 8. n. 12.

Flumen adjecit] Ad differentiam lacuum & stagnorum, in quibus jus alluvionis non agnoscitur. Etenim ut sola flumina fluxum & motum natura-

Iam habent, quo fit, ut ripas suas & terminos sepe mutant, ita & sola alluvionem admittunt. Lacus autem & stagna licet interdum crescant & decrescant: tamen quia terminos suos retinent, alluvionem natura non recipiunt, l. lacus 12. eod.

Incrementum latens] Alluvionem dicit esse incrementum latens, cum quid ita paulatim & obscure prædio nostro adjicitur, ut sensu percipi non possit, quantum quoque temporis momento alterius prædio detrahatur, & adjiciatur nostro, ἀνέχον ἀνταρδιότητος. Ex quo crescit hujus acquisitionis æquitas: nimirum quod quæ alluvione accedunt, ita lente & obscure detrahantur, ut intelligi non possit, si forte de his restituendis quæretur, quorum prius fuerint, aut quibus detracta. De alluvionibus ex professo scripserunt Bart. p. 1. tract. Tyberiad. & Baptista Ayms tribus libris. In hac regione quid de alluvionibus juris sit, certa aut generali definitione comprehendendi non potest. Principis nomine conrenditur, alluviones, ut sequelas & appendices fluminum, jura esse solius fisci. Alii contra id negant, estque hæc res admodum dubia propter diversitatem consuetudinum & rerum judicatarum. Planè in meridionali parte Hollandiæ nemo pridem repertus est, qui jus alluvionis sibi vindicaret, nisi qui diceret, id à Principe sibi esse concessum, aut agrum assignatum eo jure, quo Princeps eum habebat, id est, ad flumen usque: uti olim judicatum est de agris ad Mosam & Isalam sitis: quia & in litteris mancipationum & in libris censualibus semper dicti erant ad flumen pertingere. Illud constat, agros, qui à Principe alicui conceduntur certa mensura definiti, jus alluvionis non habere, & quod extra eam mensuram alluvione accedit, id acquiri fisco. In Zelandia vassalli de alluvionibus non movetur controversia, neis quidem, qui de civilibus tantum judices dant, propterea quod cum jurisdictione simul acceperunt agrorum universitatem, salvo eo, quod privatis competit. Nam quoniam hi agri olim populi aut Principis fuerunt, aut à Principe siccati, vassalli idem juris consequuntur, quod Populus aut Princeps habuit, vid. Grot. 2. manud. 6. & lib. 2. de jur. bell. c. 8. n. 12. & 15. add. Grænev. de legib. abrog. hic.

T E X T U S.

De vi fluminis.

21. Quod si vis fluminis de tuo prædio partem aliquam detraxerit, & vicini prædio attulerit, palam est, eam tuam permanere. Planè, si longiore tempore fundo vicini tui hæserit; arboresque, quas secum traxit, in eum fundum radices egerint; ex eo tempore videtur vicini fundo acquisitæ esse.

N O T A.

21. Tuam permanere] l. 7. §. 2. D. h. t. Ratio est, quia manet eadem species, nec tua culpa aut negligentia, sed violentia fluminis avulsa est.

Radices egerint] Quod est argumentum coalitionis. Cæterum etsi nulla arbor in parte detracta fuerit, tamen postquam ea coaluit, & unitatem, cum terra nostra fecit, nostra esse incipit, l. 9. §. 2. D. de damn. inf.

C O M M E N T A R I U S.

1. In calce hujus §. pro videntur acquisitæ, etc. omnia legendum esse numero singulari, videtur acquisita, etc.

2. An postquam pars detracta coaluit, adhuc priori domino supersit actio ad pretium consequendum.

Proponitur hic altera accessionis species, quæ à flumine est, & earum rerum, quæ non latenter, sed vi fluminis aperta alieno prædio detractæ & in vicinum inestæ sunt. Hæc à superiore illa multum differt. Nam si pars terre integra à vicino agro vi fluminis avulsa sit, & nostro prædio adjecta, ea non statim nobis acquiritur, ut acquiruntur, quæ latenter flumen adjicit per alluvionem: sed quamdiu nondum coaluit & unitatem cum terra mea fecit, manet ejus, cujus ante fuit: quia manet eadem species seu idem individuum, ut loquuntur; aut, ut clarius loquar & nostro more, quia, cum nondum coaluit, partem prædii mei non facit, ut ei cedere debeat. Ubi vero coaluit, & tanquam trabali clavo agro meo affixa est, jam ut pars fundo meo cedat necesse est, & mihi jure accessionis acquiritur. Hujus igitur acquisitionis flumen ex parte tantum causa est, & remotior; proxima & potissima coalitio.

Videntur vicini fundo acquisitæ] Locus mendo- sus est, & restituendus ex Pand. Florentinis, in quibus legitur numero singulari, videtur vicini fundo acquisita l. 7. §. 2. hoc tit. quam lectionem flagitat ipse contextus, cum, si numero plurativo legas, mutetur subiectum quæstionis. Non enim de arboribus cum parte fundi avulsis & translatis quæsitum fuit, sed de parte avulsa duntaxat, & prædio alieno adjecta: cumque hac avulsione Justinianus & Gajus initio negent partem illam statim amitti aut acquiri, quis non videt, quod mox subjiçunt de acquisitione, ubi pars detracta cum prædio; cui adjecta est, coaluit, de partis ipsius, non de arborum, si quæ forte simul avulsæ & translatae fuerint, (quanquam & ipsæ jus partis adjectæ sequuntur) acquisitione esse intelligendum? Et quid si nulla arbor in parte detracta fuerit? an dicemus, partem detractam sine arboribus coalescere & uniri cum prædio, cui adjecta est, non posse? An vero coalitionem hæc non mutare causam dominii? quorum alterum mani-

seste falsum est: alterum falsum esse ex Alseno nos docet Ulpian. l. 9. §. 2. de damn. inf. Quæ mirum est, Cujacium, Hotomannum, Pacium, aliosque, qui hunc locum ἀληθινῶς, ut vulgo legitur, legendum etiam contendunt, non considerasse. Igitur ut rem in pauca conferam, portiō fundi ita uti diximus detracta & nostro fundo adjecta, si tamdiu fundo nostro adhæserit, ut coaluerit cum eo, & quod argumentum est coalitionis evidentissimum, si arbores, quas fortè secum traxit, in fundum nostrum radices egerint, ex eo tempore nobis ² quesita intelligitur. Alia quæstio est, an post coalitionem adhuc aliqua actio supersit priori domino, saltem pretii consequendi gratia, cum iniquum videatur, quenquam locupletari cum alterius damno, quod sine culpa ejus contigerit: ut in proposito, in quo quæritur de parte agri non negligentia possessoris amissa, sed abrepta violentia fluminis, hoc est, vi majore, ne quis possessori objicere possit, quod ripam suam tueri debuit. In contrarium tamen dici potest, partem abreptam, non statim ut abrepta est, & in fundum meum, licet munere quodam fortunæ, appulsa, meam fieri: sed post longum demum tempus, postquam tamdiu hæserit, ut jam cum terra mea unita sit: ac proinde ut prior possessor causetur violentia amnis, objici tamen ei posse, quod partem avulsam, cum posset, non vindicaverit, sed tamdiu passus sit eam hæreere fundo alieno, ut tandem cum eo coaluerit & unum facta sit, ut ipse quodammodo eam alienasse videatur, sicut de eo responsum est, qui rem suam patitur usucapi, l. alienationis 28. de verb. sign. ita ferme & D. Tuld. hic c. 26. Planè qui facto alieno rem suam hoc jure inviti amiserunt, iis succurri solet vel utili actione in rem l. 5. §. 3. de rei vind. l. quæ ratione 9. §. 2. hoc tit. vel, quæ actioni in rem subsidiaria est, actione in factum, l. in rem 23. §. item quæcunque 5. de rei vind. pretii nimirum consequendi causa. Atque ita propemodum hæc quoque explicaverunt antiqui, teste Joan. Fabrot. Glossa in d. l. 5. §. 3. de rei vind. parum sibi constat.

TEXTUS.

De Insula.

22. Insula, quæ in mari nata est (quod raro accidit) occupantis sit: nullius enim esse creditur. An insula in flumine nata (quod frequenter accidit) si quidem mediam partem fluminis tenet, communis est eorum, qui ab utraque parte fluminis propè ripam prædia possident, pro modo scilicet latitudinis cujusque prædii, quæ prope ripam sit. Quod si alteri proximior sit [arti, eorum est tantum, qui ab

ea parte propè ripam prædia possident. Quod si qua parte divisum sit flumen, deinde infra unitum, agrum alicujus in formam insulæ redegerit, ejusdem permanet is ager, cujus & fuerat.

NOTÆ.

Occupantis sit] d. l. 7. §. 3. h. t. juxta regulam, Quod ante nullius est, &c.

Si quidem mediam partem, &c.] Insula in flumine nata communis est eorum, qui utrinque finitima prædia possident pro cujusque prædii fronte ac modo, d. l. 7. §. 3. dum ne agri sint limitati, l. 1. §. 6. de sum.

Alteri parti proximior] Si insula cis aut ultra medium amnem enata sit, si quidem contra frontem unius prædii, cui proprior est, tota acquiritur hujus fundi domino: si ita, ut fronti plurium agrorum sit opposita, communis sit omnium, qui secundum eam ripam in quantum insula porrigitur, habent, d. l. 7. §. 3. l. 29. l. 30. l. 56. eod.

In formam insulæ] Ποταμὸς κύκλῳ περιέχωντος. Igitur ager non mutat causam proprietatis circumluvione, d. l. 7. §. 4. l. 30. §. 3. eod. Sed & insula, quæ alveo non cohæret, huc non pertinet, l. 65. §. 2. eod. ubi in §. ult. pro si id, leg. non si id, ut præcedentia evincunt. v. Accurs. ibid.

COMMENTARIUS.

1. Cur raro accidat, ut in mari insula nascatur.
2. Cur frequenter in flumine.
3. Insulam in flumine natam non publicam esse, sed privatam vicinorum possessorum.
4. Nec tantum proprietate, sed etiam usu.
5. Pro qua parte cuique vicinorum acquiritur.
6. Non occupationis, sed accessionis jure acquisitionem defendi.
7. Mores hodiernos hic variare.

Tertium rerum genus, quod jure accessionis acquirimus, est insula in flumine nata vado cohærens: de qua specie acquisitionis ex professio tractatur hoc §. Adspargitur initio aliquid de acquisitione insulæ in mari natæ, uti & apud Gajum l. 7. §. 3. eod. unde hic locus sumptus est: sed per occasionem duntaxat, nec huc pertinet, sed ad primum genus acquisitionis juris gentium, occupationem.

Quod raro accidit] Partim ut credibile est propter miniam maris altitudinem, partim propter perpetuam æstuum reciprocationem: unde sit, ut nec locus alvei marini facile siccus relinquatur, nec pars alvei extra mare attolli possit: nam si quid accessus attollatur, id recessu iterum dejicitur, & complanatur, efficitque jugis ista reciprocatio, ut eandem faciem fundus maris semper retineat. Terræ tamen moru

motu interdum insulas in mari repente emergere testatur Plinius, velut paria secum faciente natura, quæque hauserit hiatus, alio loco reddente: interdum eodem motu recedente mari novas terras in continente nasci, cum idem ille spiritus attollendo potens solo non valet erumpere, lib. 2. nat. hist. c. 85. & seqq. Grot. flor. spars. hic. Fabrot. ad Theoph.

² Quod frequenter accidit] Plinius d. c. 85. scribit, fluminum in vectu id fieri: nimirum quia flumina, ferè limosa sunt, & multis plerumque locis vadosa, sæpè accidit, ut limus, quem secum trahunt, & alia limo illita vado hærescant & adglutinentur, quibus paulatim auctis locus ille alvei tandem supra flumen eminere incipit. Livius lib. 2. refert, cum Romani mediis caloribus campi Martii segetem, messi maturam & cum stramento defectam (quia, religiosum erat consumere) in Tiberim tenui tum aqua fluentem effudissent, insulam inde enatam esse firmam templis quoque & porticibus sustinendis. Sed neque constans est fluminis cursus; sicut est maris; neque, ut mare, fluxum & refluxum habet. Quæ omnia consideravit Pomponius l. ergo 30. §. 2. hoc tit. eum scribit insulam in flumine fieri tribus modis; uno, cum agrum, qui alvei non fuit, aranis circumfluit: altero, cum locum aliquem, qui alvei esset, sicum relinquit, & circumfluere cœpit: tertio, cum paulatim colluendo locum eminentem supra alveum fecit, eumque alluendo auxit. Adhæc aliquando evenit, quod Paulus notat l. pen. §. 2. eod. ut ex virgultis aliave qualibet levi materia, in superficie fluminis concrecente, insula existat, quæ ita sustineatur in flumine, ut solum ejus non tangat.

Siquidem mediam partem, & quæ sequuntur] Tria ferè sunt, quæ de acquisitione insulæ in flumine nascentis quæri possunt; cui, quatenus, & quò jure seu qua juris ratione, acquiratur. Cæterum sciendum est, non de omni insula, quæ in flumine facta sit, hæc quæri: sed de ea duntaxat, quæ nata aut facta sit in alveo aut ex alveo fluminis. Nam primo causam proprietatis non mutat is ager, qui cum alvei non esset, ab amne circumfluo, ποταμὸς κολῶν περιέχων, in formam insulæ redactus est, d. l. 7. §. 4. d. l. ergo 30. §. 2. hoc tit. & hoc §. in fin. Deinde quæ in flumine nata est, fortè ex virgultis, aliave materia, quam temerè flumine ferunt, ita ut alveo non cohereat, ea publica est, & ejusdem ferè juris, cujus est ipsum flumen, d. l. pen. §. 2. eod. In Arctesia non procul à fano S. Andomari lacus est, in quo insulæ aliquot fluit, antes funiculo arboris alligato, aut contis quo libeat, impelluntur, attrahunturque, in quibus etiam boves aliæque pecudes pasci possunt, Quales & in Lydia, quas Calaminas vocabant fuisse, Plin. lib. 1. c. 95. nat. hist. memorat. De sola igitur ea insula, quæ alveo

fluminis coheret, sive lenta colluvione in eo enata sit, sive circumlutione partis, quæ alvei esset, facta quæritur, primum cui ea jure gentium acquiratur. Et ait Justinianus hic post Gajum, d. l. 7. §. 3. eod.; eam fieri privatam eorum, qui propè flumen, in quo nata est, prædia possident: quod & Pomponius affirmat, d. l. ergo 30. §. 2. eod. & Vlp. l. 1. §. insula 6. de flum. satisque intelligitur ex iis, quæ disputantur à Paulo l. inter 29. & Proculo l. insula §. 6. hoc tit. Cui tamen sententiæ contrarium est, quod apud Labeonem l. pen. §. ult. eod. vulgo sic legitur; Si id, quod in publico innatum aut inædificatum est, publicum est; insula quoque, quæ in flumine publico nata est, publica esse debet. Sed cum hoc è diametro pugnet cum superioribus locis, adeoque cum iis quoque, quæ ipse Labeo de proprietate insulæ disserit in §. præced. d. l. pen. quid dubitamus cum Hotomanno lib. 1. obs. 23. asserere, locum istum depravatum esse, & legendum; Non si id, quod in publico innatum &c. ut hic sit sensus; quamvis id, quod in publico nascitur aut ædificatur, publicum fiat, (de ædificio in publico posito id testatur Ulpian. l. 2. §. si quis 17. ne quid in loc. publ. nam ideo solarium ei imponitur) tamen insulam in flumine publico natam publicam non fieri, sed privatam, quod ipse Labeo jam aliquoties ante dixerat. Hotomannum temeritatis arguit Cujac. 14. obs. 11. Sed ego Accursium etiam invenio testantem, eodem ferme modo legi & in veteribus nonnullis exemplaribus: atque ut hac auctoritate destituamur, non aliam lectionem admittit ratio juris, à quâ toto cælo aberrat Cujac. d. loc. eumque secutus Pac. cent. 6. quest. 93, quanquam uterque de usu tantum Labeonem intelligit: de quo mox. Sunt, qui hunc Labeonis locum accipiunt de eo casu, quo prædia prope ripam publica, puta si insula nascatur in Thybri, eo alvei loco, quo Romam interfuit. Sed argumentatio Labeonis hujusmodi restrictionem non videtur pati. Plâne in agris limitatis huic acquisitioni locus non est, quia nec alluvioni, sed occupantis insula fit, l. 1. §. si insula 6. de flum. Videamus nunc, insula in flumine nata, quatenus vicinis possessoribus acquiratur. Et de eo duplex quæstio est; una, utrum proprietate duntaxat, an vero etiam usu; altera, pro qua parte cuique vicinorum acquiratur, quæ pluribus communiter acquiratur. Ad primam quod attinet, sic omnino habendum, insulam in flumine publico natam, si vicina prædia alluvionis jus habent, non proprietate tantum, verum usu etiam dominis vicinorum prædiorum acquiri: ideoque eos solos fementem in ea facere, arbores plantare, fructus ibi natos percipere, posse: nec si quid aliud in ea faciant, aut quid in eam immittant, id in publico, uti in ripa, fieri intelligi, d. l. 1. §. si in insula de flum. Et vero si usum insularum publicum esse volumus, inutilis prorsus futura est earum

earum proprietates, d. l. pen. §. 1. neque quisquam est veterum cui aliud in mentem venerit. Nam quod Paulus Labeonem reprehendit, quod scripserit, in insula fluminis, quæ propria nostra est, nihil esse publici, id non videtur satis bona fide facere: ut & alibi nonnunquam, *l. ult. de leg. Rhod. l. ult. de usufr. l. pen. de furt. Pet. Fab. ad l. 145. de reg. jur.* Neque enim Labeo ignoravit, partes insulæ extremas, quæ vicem riparum circumcirca obtinent, usu publicas esse, ut juris est in continente: sed de insula respondit, non considerata insulæ ora extrema. Quid quod Paulus hac ipsa reprehensione tacite fatetur, verum esse, quod Labeo dixerat, cum crepidinem dupaxat excipit, cujus usum, ut riparum, publicum esse dicit, videlicet ut naves eò appellere, retia ibi siccare, funes arboribus ibi natis religare, aliaque id genus facere, sicut in ora continentis, cuique liceat: quod Labeo non negaverat. Alterum, quod hic quaeritur, est, pro qua parte insula vicinorum fiat. Et, siquidem in medio fluminis alveo enata sit, communis sit eorum, qui prope utramque ripam possident: sint cis aut ultra medium amnem, siquidem contra frontem unius prædii, cui prior est, tota acquiritur hujus prædii domino: sin ita ut fronti plurium agrorum sit opposita, communis sit omnium, qui secundum eam ripam, in quantum insula porrigitur, habent, *hoc §. & d. l. 7. §. 3. eod.* Communem autem fieri insulam cum dicimus, non intelligimus, eam communem fieri pro indiviso, uti solemus, cum proprie loquimur; *l. 5. de stip. serv. l. 5. §. ult. de reb. cor. qui sub tur.* sed regionibus divis, pro fronte, hoc est, latitudine cujusque fundi, quæ prope ripam sit, ut tantum quisque in ea habeat certis regionibus, quantum ante hujusque eorum ripam esse linea in directum per insulam transducta apparebit, *l. inter eos 29. hoc tit.* Et quia frontem, non anteriorem latitudinem, hic spectari placet, rectè respondit Pompon. *d. l. ergo pr. hoc tit.* si anteriorem patrem fundi, ad cujus frontem insula, quæ accrevit, non respicit, vendidero, nihil ex ea insula pertinere ad emptorem: nimirum quia nec ab initio quicquam ejus futurum fuerat, si jam tum, cum insula nasceretur, partis venditæ dominus fuisset. Enimvero quod insulæ meæ postea accedit, id incrementum, etiam si faciem insulæ mutet, meum tamen est; quia rei meæ accedit: ut ecce, Insula contra frontem agri mei enata est, cujus latitudo non excedit regionem prædii mei: postea alluvione paulatim aucta processit contra frontes superioris & inferis vicini, vel etiam propior esse cœpit adversæ ripæ: quod alluvione postea accessit, id meum est: & ita Proculus respondit, *l. insula § 6. eod.* Similem rationem habent, quæ Paulus disputat *l. pen. §. pen. eod.* & idem Proculus d. *l. insula §. 1.* Hoc igitur constituto, insulam in

flumine natam dominis vicinorum acquiri; restat, ut videamus, qua juris ratione his acquiratur, Nam video esse, qui jure quodam occupationis hoc fieri existimant, quod primi eam occupaturi videantur. Sed hoc nullo modo admitti debet: alioqui eadem ratione dicendum esset, etiam insulam in mari natam eorum fieri, qui prope litus prædia possident, & in flumine natam etiam eorum, qui ad ripam possident agros limitatos: quod utrumque falsum esse constat. Ego non aliam hujus acquisitionis rationem esse arbitror, quam quod insula alvei pars sit, alveus pars censetur vicinorum prædiorum: ac proinde ut alveus totus nudatus vicinis acquiritur, ita & partem ejus nudatam, id est, insulam in eo natam, iisdem acquiri, jure scilicet accessionis. Et insulam quidem partem alvei esse constat. At absolum videri potest, quod alveum partem esse dicimus vicinorum prædiorum, cum alveus publicus sit eodem jure, quo ipsum flumen, *l. 1. §. simili 7. de flum. §. seq. inf. hoc tit.* ut contra potius dicendum videatur, insulam quoque, quæ alvei pars est, publicam fieri oportere. Sed sciendum est, alveum non simpliciter publicum esse, sed quatenus à flumine tenetur, eoque per flumen populus utitur, nudatum flumine privatum fieri vicinorum: nihil autem interesse, ut Pomponius huic objectioni occurrens respondet, utrum de alvei solo murato, an de eo, quod superfluum solo & terræ sit, quaeratur; hoc est, utrum quaeratur de toto alveo murato & à flumine relicto, an de insula in alveo nata: quippe sufficere, ea parte, qua insula exitit, alveum à flumine non teneri, *d. l. ergo §. 1. & 2.* Neque vero flumen interfluens impedit, quominus insula vicinis ripæ agris per alveum jungatur atque accedat, non magis, quam via publica inter alveum & vicina prædia interjecta impedit, quominus alveus siccatus acquiritur his, qui secundum eam viam possident, *l. Attius 38. eod.* Etenim ut via publica pars prædii vicini existimatur, *d. l. Attius in fin.* ita & alveus intermedius flumini subiectus. Atque hoc manifestissimum argumentum est, alveum etiam tum, cum adhuc à flumine occupatur, partem quadantenus censeretur vicinorum prædiorum. Æquitatem porro hujus acquisitionis augent, incommoda vicinorum: nam quantum loci insula occupat, tantum de locis finitimis flumen decerpit, iisque solis detrimento est, in quorum agros cursus ejus depellitur. De insula extat tractatus Bartoli, cujus in dimetiendo errores notantur Mathematici. Buteo in *lib. de fluv. insul.* & Magius 4. *miscel. 2. add. Capoll. de serv. rust. præd. c. 33.* Apud nos, quanquam videri poterat insularum in flumine natarum eadem propemodum ratio esse, quæ est ejus, quod per alluvionem adjicitur, certius tamen hic est jus fisci, quam in alluvione, teste D. Grot. 2. *manduct. c. 9.*

Nec mirum, cum & alvei exsiccati eadem ferè, quæ alluvionis, ratio sit: quem tamen constat Principi olim assignatum fuisse, ut pleraque alia *ad eorum*, idemque in Gallia quoque observati, ex Bern. Automn. refert Christin. vol. 4. dec. 86. n. 7. In agro tamen Puttano ex veteri consuetudine prædio alluvionem habenti accedit id, quo possessor pedes gladium exsertum tenens pertingere potest. In Geldria moris est, ut vicinis possessoribus acquiratur id, quod plauistro onerato adiri potest: addita tamen occupatione: alioqui fiscus prævertere potest. D. Grot. d. loc.

T E X T U S.

De Alveo.

23. Quod si naturali alveo in universum derelicto, ad aliam partem fluere cæperit; prior quidem alveus eorum est, qui prope ripam ejus prædia possident, pro modo scilicet latitudinis cujusque agri, quæ propè ripam sit: novus autem alveus ejus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit flumen, rursus novus alveus eorum esse incipit, qui prope ripam ejus prædia possident.

N O T Æ.

23. Quod si naturali alveo] Ex d. l. 7. §. 5. eod. In agris limitatis nec hoc obtinet, l. 1. §. 7. de flum.

Rursus novus alveus] Postulat hoc stricta ratio: sed requiritur sæpè aliud suggerit, & hoc significat Caj. d. l. 7. §. 5. cum ait vix esse, ut hoc obtineat. Obtinet tamen aliquando quod ex circumstantiis judicandum. v. d. l. 30. §. 3. l. 38. h. t. l. 23. quib. mod. us. am.

C O M M E N T A R I U S.

1. Alveum fluminis extra usum publicum existimari partem vicinorum prædiorum; & ideo siccatum prædiis cedere.
2. Si vicini agri limitati sint, primi occupantis alveum desertum fieri.
3. Pars alvei siccati quando apud nos privatorum fiat.
4. An aliquando priori domino alveus flumine iterum recedente restituendus.

Quarto & postremo eodem jure & ratione proximis possessoribus pro modo latitudinis cujusque prædii, quæ prope ripam sit, adjicitur alveus à flumine relictus, nempe vi & potestate prædiorum, quibus ipsis hæc acquisitio tributa, propter vicinitatem, & propter prædia, prædiorum quo-

minis. Atque ut hic quoque paucis rationem hujus juris & acquisitionis tibi explicem, dixi paulo ante, alveum fluminis extra usum publicum à veteribus existimatum fuisse partem prædiorum vicinorum, quasi olim iis detractum: argumento esse, quod placet, insulam manente adhuc alveo in flumine natam vicinorum esse: quod profecto non fieret, nisi alveus, cui insula cohæret, & ipse vicinorum prædiorum pars intelligeretur: nam prior est alvei ratio, quam insulæ, quæ conditionem alvei, ut pars ejus, sequitur. Ad hanc sententiam confirmandam Don. 4. comm. 28. & Bachov. hic. afferunt locum Pomponii l. ergo 30. §. 1. hoc tit. Et sanè quidem rectè, sed non video compationem illam similem, quæ, quod illi fingunt, Pomponius utatur, conferens alveum cum ripa, aut solum alvei cum ripæ solo. Simplex est Pomponii sententia, ripæ solum privatum esse; eorum scilicet, qui prope ripam habent proprium: usu autem ejus publicum intelligi: & ideo cum exsiccatum est alveus, proximorum fieri, hoc est, solum ripæ etiam usu proximorum tum esse incipere, quia jam populus eo non utatur, nempe solo ripæ, de quo sermo institutus erat. Cæterum ratio hujus consolidationis non magis ad ripam, quam ad alveum pertinet. Nam ut usus ripæ, licet ea privata & vicini prædii pars sit, publicus est, propterea quod populus flumine uti sine ripa commodè non potest, ita & usus alvei, licet solum ejus privatum intelligatur, & pars prædiorum quæ ad ripam jacent, publicus est: quia sine alveo populus flumine uti non potest. Rursus ut ripæ usus exsiccatò alveo ad proprietatem redit, quia jam populus ripa amplius non utitur; ita & usus alvei, quem flumen abstulit, recedente flumine, ad proprietatem, quæ penitus ablata non fuit, reverteritur; quia jam alveo populus amplius non utitur. Hoc interest, quod proprietatis ripæ aliqua potest esse utilitas, alvei, quamdiu à flumine tenetur, planè nulla; quæ causa est, quod alveus non secus ac flumen ipsum publicus dicatur, l. 7. §. quod si §. hoc tit. l. 1. §. simili 7. de flum. & hoc text. Juvant jus de hac acquisitione constitutum incommoda fluminum, quæ multa & magna accolæ pati coguntur, inundationes, avulsiones agrorum &c. quæ si vitare volent, ripas suas magno sumptu muniant necesse est. Ferant igitur & commoda fluminum, si qua sint, juxta regulam naturalis requiritatis, l. 10. de reg. jur. Cæterum quod in præcedentibus diximus, 2. agros limitatos jus alluvionis non habere, ac proinde nec insulam prope ripam eorum natam possessoribus jure vicinitatis acquiri, sed fieri occupantis, idem etiam obtinet in alveo relicto, si vicini agri limitati sunt, l. 1. §. simili 7. de flum. Apud nos, ut jam intelleximus, alveus in totum derelictus fisco acquiritur; at pars alvei siccata, interdum privatis si

vide:

videlicet à populo, aut jus populi habente, agrum ad flumen excurrentem qua talem acceperint.

Novus alveus ejus juris esse incipit, cujus est ipsum flumen] Sicut alveus à flumine destitutus privatus fit, ita novus, quem sibi flumen fecit, sit publicus: nam impossibile est, ut alveus fluminis publici non sit publicus, ait Ulp. l. 1. §. simili 7. de sum. & l. 7. §. 5. Pertinet huc illud Pomponij in d. l. ergo 30. §. 3. hoc tit. *Flumina, inquit, censitorum vice funguntur, ut ex privato in publicum addant, & ex publico in privatum.* Cui simile est, quod apud Cassiodorum legimus lib. 3. *variatur.* *Agrimenſpr, inquit, more vastissimi fluminis alius spatia tollit, alius rura concedit.* Ita plerumque evenit, ut alios flumen diceret, alios pauperet. Lucanus;

*Illos terra fugit dominos, his rura colonis
Accedunt donante Pado.*

Rursus novus alveus] Nam ager ille, qui fuerat, desit esse, amissa propria forma; & cum prædiis, non personis, hæc acquisitio tribuatur, non potest is, qui vicinum prædium nullum habet, ratione vicinitatis quicquam in eo alveo sibi vindicare, d. l. 7. §. quod si tot. cod. Atque hoc quidem usque efficit stricta juris gentium ratio; sed vix est, ut id obtineat, inquit Gajus d. loco. Et utique non semper obtinere debet. Sæpè enim æqui & boni ratio svadet, ut priori potius domino alveus restituatur, quam adjudicetur vicinis possessoribus. Scholiastes Theoph. *ἡ ἀκελεια ἀπὸ τῶν τόπων, ἡ δὲ Φιλάνδρων λογισμὸν ὁ δασώτης ἀναλαμβάνει.* De quo haud facile quid certi definiri potest, sed ex circumstantiis judicandum est. Finge flumen relicto naturali alveo agrum alicujus occupasse (sive paulatim sive non paulatim, nihil interest) ita ut novum hic sibi alveum quaesivisse videatur: deinde nec ita multo post tempore in veterem locum subito atque eodem impetu, quo perruperat, se recepisse: æquissimum est, agrum recessu fluminis restitutum ad pristinum dominum reverti, licet formam agri impetus fluminis abstulerit, d. l. 7. §. quod si in fin. d. l. ergo 30. §. 3. hoc tit. l. si ager 23. quib. mod. usufr. am. quia hujusmodi occupatio non longè abest ab inundatione. At si flumen non eodem impetu, quo venit, discedat; sed lente & minutatim recedendo alluvione in pristinum locum redeat, spatium illud alvei, quod siccum post se sensim relinquit, non videtur priori domino restituendum, sed alluvione accrescere proximorum prædiorum possessoribus, l. Attius 38. hoc tit. fac. l. 1. C. de alluv. Atque ob hanc causam arbitror Pomponium in d. l. ergo 3. & d. l. si ager consulto expressisse hæc verba, eodem impetu Bart. tract. de alveo. Bald. in rubr. de rer. div. col. 9. Peregrin. 8. de jur. fisc. num. 59. D. Tuld. hic cap. 25.

T E X T U S.

De Inundatione.

14. *Alia sanè causa est, si cujus totus ager inundatus fuerit, nequè enim inundatio fundi speciem commutat, & ob id si recesserit aqua, palam est eum fundum ejus manere, cujus & fuit.*

C O M M E N T A R I U S.

1. Inundatio quid propriè sit, & quæ ejus vis.
2. Quid circa inundationes apud nos receptum.

Inundatio propriè est, cum flumen imbris, vel nivibus, vel qua alia ratione auctum in vicinorum campos ita se effundit, ut nec ripas, nec alveum suum mutet, l. 1. §. ripa de sum. Hoc cum fit, ait Justinianus post Gajum, l. 7. §. aliud. sane 6. hoc tit. fundi proprietatem non amitti: & ideo recedente aqua fundum, qui occupatus fuerat, non adjici vicinis possessoribus, sed ejus manere, cujus ante inundationem fuerat. Et addit hanc rationem, quia inundatio fundi speciem non commutat; quasi dicat, non ut alveo facto propriam formam ager amittit, ita & inundatione: quippe alveum fieri diuturno lapsu fluminis & lenta excavatione agri, ut jam plana ejus facies amplius non appareat: inundatione autem uno subitaneo impetu prædia invadi, atque aqua cooperiri duntaxat, non comminui, dissolvi aut excavari, aut formam amisisse dici possint, d. l. 1. §. aliter 9. de sum. Atque ut maximè summa pars agri in arenam dissolvatur, manet tamen solida pars fundi interior: & ut de qualitate aliquid mutet, substantiam non mutat, non magis, quam pars agri, quæ à lacu hauritur, cujus jus non mutari certum est. Igitur ad inundationes præsertim temporales & anniversarias non pertinet, quod vulgo dici solet, *Occupatum sequitur conditionem occupantis.* Gloss. l. pen. de rer. div. Non obstat l. si ager 23. quib. mod. usufr. am. quia non loquitur de simplicj inundatione, cum flumen retento alveo extra ripas se effundit; sed cum deserto alveo toto impetu in agrum alicujus perripit, quasi novum alveum querens: hoc casu placet proprietatem agri ita amitti, ut restituatur, si non facto novo alveo flumen se receperit, uti in fin. sup. §. demonstratum est. Obiter addo, quamvis inundatio causam dominij non mutet, possessionem tamen nobis auferre, l. 3. §. Labeo. 17. l. qui universas 30. §. 3. de acq. poss. itemque ea jura, quæ in facto personæ posita sunt, ut usum & usufructum, l. usufructus 24. quib. mod. usufr. am. sed recedente aqua hæc omnia nobis restitui, d. l. 24. l. 1. §. si quis 9. de itin. act. priv. De inundationibus, quæ crebræ apud nos sunt, hoc jure in hac regione utimur, ut

decre-

derelictus habeatur is ager, qui per decem continuos annos merfus fuerit, si non aliqua extent signa continuatæ possessionis: quo in genere receptum apud nos non immerito est, quod Romani rejiciunt, d. l. 2. quib. mod. us. am. ut si aliter nequeat, vel piscando retineri possessio censetur. Sed solebant Principes tempus præfigere, intra quod veteres agrorum possessores siccate agros & novo aggere munire deberent: quibus cessantibus monebantur qui in eos agros jus pignoris habebant, deinde & hi, qui jurisdictionem aut imperium: qui si omnes in mora essent, tum eorum jus omne ad Principem deferrebat; atque is aut ipse agros siccabat, sique patrimonii faciebat, aut aliis siccandos muniendosque dabat retenta parte. D. Grot. 2. manud. c. 9. & 2. de jur. bell. §. n. 10. cons. ult. IC. Bat. part. 2. consil. 26.

T E X T U S.

De Specificatione.

25. Quum ex aliena materia species aliqua facta sit ab aliquo, queri solet, quis eorum naturali ratione dominus sit: utrum is, qui fecerit, an potius ille, qui materię dominus fuerit: ut ecce, si quis ex alienis uvis, aut olivis, aut spicis, vinum, aut oleum, aut frumentum, fecerit: aut ex alieno auro, vel argento, vel ære, vas aliquod fecerit: vel ex alieno vino & melle mulsum miscuerit, vel ex medicamentis alienis emplastrum aut collyrium composuerit: vel ex aliena lana vestimentum fecerit: vel ex alienis tabulis navem, vel armarium, vel subsellia fabricaverit. Et post multam Sabinianorum & Proculianorum ambiguitatem, placuit media sententia, existimantium, si ea species ad priorem & rudem materiam reduci possit, eum videri dominum esse, qui materia dominus ferit: si non possit reduci, eum potius intelligi dominum, qui fecerit: ut ecce vas conflatum potest ad rudem materiam æris, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest: ac ne mulsum quidem ad vinum & mel resolvi potest. Quod si partim sua materia, partim ex aliena speciem aliquam fecerit quis; veluti ex suo vino & alieno melle mulsum miscuerit; aut ex suis & alienis medicamentis emplastrum aut collyrium; aut ex sua lana & aliena vestimentum fece-

rit; dubitandum non est, hoc casu eum esse dominum, qui fecerit: quum non solum operam suam dederit, sed & partem ejusdem materie præstiterit.

NOTÆ.

Media sententia] Caji d. l. 7. §. 7. b. t. Callistrati, l. 12. §. 1. Pauli l. 24. & 26. eod. Ulpian. l. 5. §. 1. D. de rei vind. sic & alijs auctores nostri medium sequuntur, l. 3. si pars her. l. 25. D. de pign. act. §. ult. inf. de vulg. subst. imitatione Stoicorum, qui ob id Servio eriscundi μέσων ὁδὸν τέμνοντες.

Ad priorem materiam reduci] Quia materia non interit, sed potenter manet, l. 24. h. t. l. 78. §. 4. de legat. 3.

Si non possit reduci] Quia hic materia consumitur atque extinguitur: & locum habet illud, Dum incipit, quod non erat, desinit esse, quod fuerat l. 9. §. 3. D. ad exhib. l. 26. l. 27. §. 1. h. t. Interim & domino materię consultum actione in factum, qua consequatur æstimationem, l. 23. §. 9. de rei vind.

Vinum vel oleum] Vinum & oleum sunt novæ species, quæ proprio nomine censentur, nec ad id quod esse desierunt reduci possunt.

COMMENTARIUS.

1. Etiam hunc acquirendi modum ad occupationem referendum.
2. Speciem novam non acquiri facienti, nisi eam fecerit suo nomine & bona fide.
3. Quibus rationibus moti Proculus & Sabinus diversum senserint.
4. Media sententia auctorum distinctionem optima ratione niti.
5. Vinum & oleum non ita se habere ad uvas & olivas, ut frumentum ad spicas.
6. Etiam in specie facta partim ex materia aliena, partim ex materia facientis, inspicendum, utrum ea ad priorem materiam reduci possit, nec ne.

Exponitur hic alius modus acquirendi jure gentium dominii, speciei novæ ex aliena materia formatio, quæ nunc vulgo uno nomine specificatio dicitur. Sunt qui hunc acquirendi modum ad accessionem referunt: sed perperam. Non enim nova illa species vi & potestate rei nostræ nobis acquiritur, cum ex aliena materia fiat; non ignorantibus nobis aut invitis: sed nostro ipsorum facto, qui rem alienam in aliam speciem transformavimus: adeoque inconcinnum est dicere materiam accedere formæ; quoniam hæc illam non illa hanc præsupponit. Quapropter hic modus potius occupationis quædam species videri debet; cum id, quod factum est, ideo facienti concedatur, quia antea nullius erat, & tanquam occupanti, qui suo id nomine fe-

ne fecit. Utique quatenus obtrinet sententia Nervæ & Proculi, l. 7. §. cum quis 7. in pr. hoc tit. l. 3. §. genera 21. de acq. poss. Nam quatenus Sabini sententia approbata est, aut ad accessionem res referri potest; aut doliarius dicendum, nullam tunc fieri novam acquisitionem, cum D. Ant. Contio 1. disp. 12.

Species aliqua facta sit] Nimirum nova & diversa à priore, ex qua ut ex materia facta sit posterior: nam verbi causa, lana aliena purpura tincta non est nova species, l. sed si 26. §. ult. hoc tit. neque etiam nova species existit ex duarum ejusdem generis materialium confusione, §. si duorum 27. inf. eod. Duo autem hic à Justiniano omissa sunt, quæ, quo quæstio propo-² sita melius intelligatur, addenda duximus: unum est, si qui speciem fecit, eam fecerit suo nomine: alterum, si eam fecerit bona fide. Primum disertè expressit Gajus d. l. 7. §. cum quis, & rationem manifestam hanc habet, quod possessio non acquiratur nisi volentibus; eorum autem, quæ facta & opera nostra acquiruntur, nihil jure gentium acquiri possit, cujus acquisitio non cæperit à naturali possessione, l. 1. §. i. de acq. poss. Proinde si alieno nomine species facta proponatur, si ejus non erit, qui materiæ dominus fuerat, ejus erit, cujus nomine facta est, l. nisi 25. l. quicquid 27. §. 1. hoc tit. De bona fide, quod item hic omis-³ sum dixi, nihil quidem disertè Gajus: sed id ex eo non obscurè colligitur, quod addidit hæc verba suo nomine. Nam qui scit materiam alienam esse, in eadem causa haberi debet, ac si nomine domini materiæ speciem fecisset, l. de eo 12. §. 3. ad exhib. cui etiam operam suam donasse intelligendus est, exemplo ejus, qui sciens in alieno solo ædificavit, §. ex diverso 30. inf. eod. fac. l. 4. §. si ex lana 20. de usuc. l. 14. §. ult. de cond. furt. Atque hæc est communis quoque DD. sententia, à qua cur D. Wesemb. & Bachovius recesserint, causam non video.

Mulsium] Οινόμελις sive μιλίμελον, sit ex vino vetere, addito paucis melle. Hoc genere potionis utum se Pollio olim jactitabat annum centesimum excessisse. Nam cum à D. Augusto hospite interrogaretur, quamam maximè ratione vigorem illum animi corporisque custodisset, respondisse fertur, *Intus mulsis, foris oleo*. Plin. lib. 22. nat. hist. cap. 24.

Collyrium] Genus medicamenti, potissimum oculorum, ὡδὴ τὸ καλύειν τὸ ῥέειν, quod fluxum impediatur & sistatur. Apocalyps. c. 3. vers. 18. καὶ ἐλα ἑγχέλσον τὰς ὀφθαλμούς, ἵνα βλέπῃς. Collyria aline oculis. Horat. i. serm. satyr. 5.

Hic oculis ego nigra meis collyria lippus
Illinere.

Emplastrum] Medicamentum est in massam coactum, quod igni præmolitum vulneri imponitur: ἀβ ἐλπλώτῃω, subigo, versando mollio, in massam

formo. vid. Corn. Celsum lib. 5. c. 17. vulgò nunc unguentum vocant.

Sabinianorum & Proculianorum] Fuere etiam olim diversæ & dissidentes Jurisconsultorum familiæ, auctores Attejus Capito & Antistius Labeo; qui primi cum velut diversas sectas fecissent, ille in iis, quæ à majoribus acceperat, perseverando, hic ingenii & doctrinæ fiducia plurima innovando, dissensionem successores eorum auxerunt, dum sui quisque magistris sententiæ tanquam oraculo religiose adhæret. Capioni successit Massurius Sabinus, Sabino Cassius: Labeoni successit Nervæ, Nervæ Proculus. Atque inde appellati postea Sabiniani vel Cassiani, & Proculiani, l. 1. §. post hunc 49. de orig. jur.

Ambiguitatem] Quædam ut rectè hic notat Baro, leviter tracta sunt à natura, quorum ratio non cuiusvis perspicua est. Nerva & Proculus existimabant, speciem ex aliena materia factam naturali ratione ejus esse, qui eam suo nomine fecisset: nam materiæ, quæ extincta sit, nullam porro rationem haberi posse, sed causæ efficientis duntaxat, & potissimum formæ, cujus susceptione materia in aliam speciem transisset: quæ species cum antea nullius esset, ac nec esset quidem, rationem naturalem efficere, ut concedenda sit ei, qui ut ea in rerum natura sit, fecit, eamque occupavit, d. l. 7. §. cum quis hoc tit. l. 3. §. genera 21. de acq. poss. Diversæ autem scholæ auctores Sabinus & Cassius contra naturali rationi convenientius esse putabant, ut qui materiæ dominus fuisset, idem ejus quoque, quod ex ea materia factum esset, dominus fieret: quippe sine materia speciem nullam effici posse: nostrum autem esse id, quod ex re nostra factum est. Postremo nihil tam ab æquitate naturali alienum videri, quam ut id quod nostrum est, sine facto nostro ad alium transferatur, d. l. 7. §. cum quis junct. l. 12. §. 3. ad exhib. l. id quod nostrum de reg. jur.

Media sententia] Inter duas extremas Proculi & Sabini. Nam Sabini sententiam veriorem esse putabant, si species facta ad priorem materiam reduci posset: si non posset, Proculi, d. l. 7. §. cum quis. Et perquam elegans est hujus distinctionis ratio, quam & iidem mediæ sententiæ auctores afferunt: nempe cum manente materia forma rei externa tantum mutatur, idque quod factum est, in sua initia sive ad rudem materiam reduci potest, rationem naturalem non pati, ut cum Proculo dicamus, rem eam nunc primum existere, ac propterea fieri occupantis: sed necesse, ut sequatur vires & conditionem materiæ, quæ potenter manet, l. in omnibus 24. hoc tit. l. questum 78. §. illud fortasse de legat. 3. At ubi materia consumitur atque extinguatur, quod nostri semper fieri intelligunt, cum species facta ad pristinam materiam reverteri non potest, nullam materiæ, quæ esse desit,

desit, aut prioris domini, cujus in hac specie nihil est, *l. quicquid 27. §. 1. hoc tit.* cum Sabino rationem haberi posse: sed novæ duntaxat speciei, ejusque, cujus factio ea in rerum natura esse cœpit, *d. l. 3. §. genera 21. de acq. poss.* Scio equidem, D. Connanum *lib. 3. comm. 6.* auctores hujus sententiæ reprehendere, atque hoc solum hic spectari velle, plusne pretii sit in opere, an in materia; Dominum quoque Grotium censere, speciem communicandam, sicut confusis materiis communio inducitur pro rata ejus quod quisque habuit, *lib. 2. de jur. bell. c. 8. n. 19.* Ego tamen à veterum illa distinctione non recedo, magisque naturale esse arbitror, ut in quæstione proposita inspicatur, utrum res, quæ prius fuerat, extincta sit, necne; quam ut vel ex pretio rei operisve de jure domini statuatur, aut citra necessitatem inducatur discordiosa communio: eoque jure etiam nunc urimur, teste eodem Grotio *lib. 2. mamduct. cap. 8.*

Frumentum ad spicas reverteri non potest] Inter exempla specierum, quæ ad id, quod prius fuerant, reverteri non possunt, frumentum excussum etiam Gajus refert, *d. l. 7. §. cum quis*, sed ille, quod hic omissum est, mox subjicit, se eorum sententiam probare, qui frumentum alienis spicis excussum ejus esse non dubitabant, cujus spicæ essent: propterea quod cum grana, quæ spicis continentur, perfectam habeant suam speciem, qui excutit spicas, non novam speciem faciat, sed eam quæ est, detegat. Quod idem eadem ratione dicendum est de leguminibus, lupino, lente, cicere, fabis, pisif, aliisq; id genus frugibus, quæ siliqua continentur. Exemplo frumenti idem de vino ex uvis & oleo ex olivis alienis expresso statuit D. Bachovius: quod non probo. Non enim ut frumentum se habet ad spicas, ita se habet vinum & oleum ad uvas vel olivas. Spicæ non sunt materia, ex qua frumentum; sed frumentum excussum idem manet, quod ante fuit: unde sicut eandem speciem, ita & idem retinet nomen. Vinum autem & oleum fiunt ex uvis & olivis, atque ut in aliud nomen, ita & in aliam speciem uvis & oleis peremptis transeunt. Theodoret. 1. Dial. 4. *ὅτι τὸ ἀμπέλως τὸν καρπὸν αὐτοῦ λέγουσιν ὀνομάζοντες, ὅταν σοποθλήσῃ, ἔσφυλλῷ, ἀλλὰ δὲ οὐκ ἀπὸ τοῦ ποθογχορεύσῃ.* Utrique dum hæc incipiunt esse, quod non erant, desinunt esse quod fuerant: & poterant quoque in alium usum converti, uvas siccari, olivæ servari ad condituram, &c. Et alioqui dicendum esset, nec caseum aut butyrum ex lacte alieno factum, nec siceram ex pomis alienis expressam facientis fieri. Quod si in his omnibus Sabini sententiam probandam existimat Bachovius, cur mediæ sententiæ auctores solum excipiunt frumentum? Paulum temerè adducit in *l. de eo 12. §. 3. ad exhib.* quippe qui eo loco disertè respondet de eo, qui

speciem fecit, cum sciret materiam alienam esse; aliud nimirum responsurus, si quis idem bona fide fecisset, ut facit in *l. sed si meus 26. hoc tit.* Et igitur ratio, quam in d. responso subjicit, ad hypothesein revocanda est, ut quæstioni & responso serviat. De navi ex alienis tabulis facta non satis convenit, propter obsecrum veteris, ut videtur, dissensionis vestigium, quod extat in *l. Minicius 61. de rei vind.* Atenim cum mediæ sententiæ auctores generaliter definiant speciem, quæ ad id corpus, quod prius fuerat, reduci non potest, facientis fieri, navemque ex alienis tabulis factam nominatim inter hujusmodi species, uti revera est, numerent, quid cunctamur cum Paulo respondere, navem ejus esse, qui fecit? *d. l. sed si meus 26. hoc tit.* Putat etiam D. Connan. *3. comm. 6.* partem alteram responsi Miniciani reprehendi à Juliano, rationemque reprehensionis esse in postremis verbis; *Nam proprietas totius navis carine causam sequitur*, id est, eum, ait Connanus, qui navem carinando formavit; nam carinam non semper infinium navis alveum significare; sed interdum poni pro ipso navis corpore, quod totum carinatum est, hoc est, pro totius navis forma, ut in *l. 24. §. ult. de leg. 1. arg. l. proponebatur 76. de judic.*

Dubitandum non est hoc casu &c.] A comparatione majorum: in scholis dicent, à minori probabilitate ad probabilitatem majorem: quasi dicat, si species, quam fecimus ex materia, quæ tota aliena est, nostra; multo magis nostra fieri debet, si facta sit pro parte etiam ex materia nostra. Est tamen & hic adhibenda superior cautio, si ea res ad priorem materiam reverteri non potest; quippe generalis definitio est, ea quæ in sua initia redigi possunt, vires materiæ nunquam effugere, *l. in omnibus 24. hoc tit. l. quæsitum 78. §. 4. de leg. 3.* Atq; hanc quoque esse mentem Justiniani, exempla proposita declarant. Cujus igitur erit hujusmodi species, si reduci possit? Nimirum suum quisque retinebit, & pro parte sua materiam vindicare poterit, *arg. l. 5. §. 1. de rei vind. l. 12. §. 1. l. quicquid 27. §. ult. hoc tit.* quæ & communis interpretum sententia est, à qua sine causa recedere mihi videntur Bachov. Borcholt. & D. Tulden. hic c. 41. Hoc autem jure constituto, ne aut dominus materiæ, aut is qui materiam mutavit, queri possint; ille ubi materia extincta est, eam alieno sibi facto periisse; hic ubi ea mansit, se perdere operam bona fide impensam; uterque contra naturam esse, ut quis ex re aliena locupletetur cum alterius detrimento; utrique consultum est, illa actione in factum, qua consequatur æstimationem materiæ suæ; huic exceptione doli mali, qua opposita ei, qui speciem suam vindicabit, servet impensas à se factas, *arg. l. in rem 23. §. 6. id quod 4. & seq. de rei vind.*

T E X T U S.

De accessione.

26. Si tamen alienam purpuram vestimento suo intexuerit, licet pretiosior sit purpura, tamen accessionis vice cedit vestimento: Et qui dominus fuit purpure, adversus eum, qui surripuit, habet furti actionem Et condictionem, sive ipse sit, qui vestimentum fecit, sive alius. Nam extinctæ res licet vindicari non possint, condici tamen à furibus Et quibusque aliis possessoribus possunt.

N O T Æ.

26. Si alienam purpuram] Similis locus est apud Paul. l. 26. §. 1. h. t. Ulp. l. 7. §. 2. D. ad exhib.

C O M M E N T A R I U S.

1. Accessionis quæ facta hominis contingit, quot sint genera, & quæ proposita pertineat.
2. Explicatur definitionibus aliquot, quid cui & quando accessionis vice cedat.
3. Quibus rebus differat hoc genus acquisitionis à specificatione.
4. Quomodo domino purpure, & generaliter partis, quæ cessit, consularur.
5. Vulgata hujus §. lectio defensa adversus D. Ant. Conitium.

Locum hunc video à plerisque in transitu duntaxat tractatum esse: dignus tamen est, qui propius consideretur & otiose. Et quia ad accessiones pertinet, repetenda animo est memoria eorum, quæ nuper diximus, videlicet quædam rebus nostris accedere beneficio fluminum velur à natura; quædam factò & opera humana. De iis, quæ à fluminibus accedunt, copiosè jam tum disputavimus. Accessionis quæ ab hominibus est, docendi gratia, quæ res tota perfectius cognoscatur, duo genera nunc facimus; confusionem, & conjunctionem. Confusio est, cum duæ materiæ liquidæ inter se & in unum corpus permiscerentur; veluti cum vinum cum vino misceretur, argentum cum argento constatur, de quo §. seq. Conjunctionio est, cum res ita junguntur, ut cohereant, discreta manente earum substantia: sive ita res alienæ rebus nostris junctæ cohereant, ut iis quasi basibus innituntur, veluti quæ in solo nostro edificantur, plantantur, seruntur, in chartis nostris aut tabulis scribuntur aut pinguntur, de quibus omnibus item postea: sive ita, ut sint tanquam additamenta aut ornamenta rei nostræ: ut si pes aut manus jungatur statuæ, ansa scypho, gemma includatur auro, emblemata phialis injungantur, l. in rem 23. §. 2. & §.

§. de rei vind. l. sed si 26. §. 1. hoc tit. l. 7. §. 2. ad exhib. l. cum aurum 19. §. perveniamus 13. de aur. arg. leg. eodemque etiam pertinet, quod hic traditur de purpura, vestimento intexta, d. l. 7. §. 2. ad exhib.

Si tamen] Quo conjunctio illa segregativa respiciat, non video; nisi eo referas, quod cum in calce præcedentis §. dixisset, vestimentum quod quis partim ex sua partim ex aliena materia fecit, facientis esse, hoc loco aliquid addere Justinianus voluerit, de vestimento, quod quis fecit ex sua quidem materia, & eaque sola, sed cui ornando alieni aliquid adjunctum, attextum aut intextum est: licet id ad superiores rationes non pertineat. Neque enim purpura (quod exemplo hic Imp. utitur) vestimento intexta pars est materiæ, ex qua vestimentum factum proponitur: sed aliquid, quod vestimento jam factò aut præparato ornatus causa additur atque accedit. Purpuram autem hic accipimus aut clavum purpure, aut prætextum, id est, segmentum, fimbriam, laciniam, limbum.

Licet pretiosior sit] Cum enim querimus quid cui cedat, non pretium spectamus, sed quid cujus rei ornandæ causa adhibeatur; ut accessio cedat principali, l. cum aurum 19. §. perveniamus 13. de aur. arg. leg. In universum autem sic de hac quæstione habetò. Quando duæ res, quarum unaquæque per se subsistere potest, ita junctæ sunt, ut cohereant & unum, corpus efficiant propriæ speciei ejusdemque nominis, semper pars inferior cedit præstantiori, ut is naturali ratione totius illius corporis dominus esse intelligatur, cujus & præstantior pars est. Si diversa rerum junctarum magnitudo est, ex magnitudine unius partis præstantia æstimatur, ut si statuæ pes manus, scypho fundus aut ansa, lecto fulcrum jungatur, l. sed si 26. §. 1. hoc tit. l. 7. §. 2. ad exhib. l. in rem 23. §. 2. 4. & §. de rei vind. adeoque etsi pars minor pretiosior sit, ei tamen cedit, cujus major est species, ut geminæ & margaritæ inclusæ autò, d. l. 19. §. 13. de aur. arg. leg. purpura vestimento intexta, ut hic & d. l. 7. §. 2. ad exhib. Si eadem magnitudo est, ex pretio: si pretium quoque idem; placet neutrum alteri cedere, sed suam cuiusque rem manere, l. quisquid 27. §. 2. hoc tit.

Accessionis vice] Ut pars minor & inferior majori & præstantiori, sicut jam dictum est. Etenim jure speciei totum hoc corpus suum esse dicere non potest dominus majoris partis sive vestimenti, cum is neutram partem nunc primum fecerit, sed factas univerit duntaxat. Ex quo apparet, errare D. Gœd. in l. 14. de verb. sign. qui putat, hæc etiam jure specificationis acquiri, & si, quod Gœddeo placet, nova hic species facta intelligi debeat, ea non acquireretur, facienti: quoniam partes junctæ separari, & ad id, quod prius fuerant, reverri possunt.

Adversus eum, qui surripuit] In hoc quoque ab acquisitione speciei factæ differt hæc acquisitio, quod species facta tantum volenti acquiratur, eique, qui eam suo nomine & bona fide fecit: jure accessionis pars juncta etiam ignoranti, etiam ei, qui alieno nomine aut mala fide junxit. Nulla enim in hac acquisitione ratio habetur personæ facientis aut jungentis, sed rerum junctarum duntaxat: quod notandum est contra Wesembecium & Bachov. qui utriusque acquisitionis eandem esse rationem arbitrantur.

Si ve ipse sit, qui vestimentum fecit, si ve alius] Geminus à Justiniano casus proponitur; unus est, quo is, qui purpuram surripuit, ipse vestimentum fecit: alter, quo alius fecit, ad quem purpura surrepta postea pervenit. Et ait, dominum purpuræ adversus eum, qui surripuit, habere actionem furti & conditionem: ubi conditionem procul dubio intelligit furtivam, ut recte Glossa notat: nam quod hæc conditio soli dicitur domino dari, l. 1. de cond. furt. l. 14. §. qualis 16. de furt. §. ult. inf. de obl. quæ ex del. hoc non eo pertinet, ut is, cui semel quæsitæ est, eam re perempta sine facto suo amittat: sed ut hinc excludantur ii, quorum periculo res alienæ sunt, quibus etsi furti actio, conditio tamen non competit, d. l. 14. §. 16. Ut autem in universum intelligas, quomodo domino purpuræ, & generaliter partis quæ cessit, consulatur; sic mecum distinguo. At alienam purpuram vestimento suo quis intexuit; aut suam vestimento alieno. Item aut bona fide id fecit; aut mala. Si alienam & bona fide, est adversus eum actio ad exhibendum, ut purpura separaretur, & tunc vindicaretur, l. 7. §. 2. ad exhib. l. in rem 23. §. 5. de rei vind. Videndum tamen, an non audiri debeat bonæ fidei possessor pretium purpuræ offerens; maxime si ea sine manifesto ejus damno separari non possit. Illud quæsitum est, an etiam bonæ fidei possessori purpura condici possit. Et puto posse, cum Barone & Wesembecio, arg. ejus, quod in fine hujus §. dicitur, res extinctas à quibusvis possessoribus condici posse, & §. nunc admonendi inf. quib. al. lic. & nimirum conditione sine causa: nam etsi jure gentium propter accessionem dominus purpuræ factus sit: nulla tamen causa est, cur pretium lucretur & cum aliena jactura locupletior fiat. Si mala fide intexuit, datur adversus eum actio furti & conditio furtiva, hoc text. datur & ad exhibendum, actio & vindicatio, tanquam adversus eum, qui dolo malo possidere desit, arg. l. 1. inf. l. 2. de sign. junct. l. fin autem 27. §. 3. l. qui petitorio 36. in pr. de rei vind. l. qui dolo 131. de reg. jur. Si quis autem suam purpuram intexuit vestimento alieno, siquidem bona fide, potest & possidens vestimentum retinere, donec de purpura & sumptibus ei satisfiat, & omnia possessione ad exhibendum agere, ut purpura sepa-

retur & vindicetur, d. l. 23. §. 4. & seq. de rei vind. Si mala fide, videndum num dici possit voluntate sua proprietatem rei amisisse, arg. §. ex diverso 30. inf. hoc tit. Quæ de purpura diximus, eadem ferè & in cæteris, quæ rebus nostris explendis aut ornandis similiter junguntur, locum habent, l. 6. l. 7. §. 2. ad exhib. exceptis, quæ juncta sunt ferruminatione; quæ ne separata quidem vindicari possunt: ideoque eo casu in factum actio domino partis, quæ cessit, ne cessaria, d. l. 23. §. item quæcumque de rei vind.

Nam extincta res] Licet purpura attextæ vestimento integra maneat, pro extincta tamen, quia vestimento cedit; habetur; sicut gemma inclusa auro, aliaque, quæ res nostræ ad se per prævalentiam trahunt salva eorum substantia, d. l. 6. ad exhib. d. l. 23. §. 2. & §. de rei vind. Unde Theophilus, Δοκεί, inquit, ἡ περὶ τῶν τεύχεων πάλαι δεικνύμενη, τῶν μὴ εἶναι ἀντὶ τῶν παλίων ἐαυτῶν, ἀλλ' ἐτέρας ἐοικῶσι συνενωθῆναι.

Licet vindicari non possint] Directo; amissa videlicet earum proprietate: & nimirum quamdiu cohærent: nam quod de gemma in clusa annulo alieno responsum est, eam vindicari non posse, sed posse agi ad exhibendum; ut excludatur; & exclusæ vindicaretur, l. 6. ad exhib. id locum habet in omnibus; quæ similiter rebus nostris juncta accessionis loco cedunt, d. l. 23. §. 5. de rei vind. Tentari etiam potest, quod modo diximus, adversus eum, qui mala fide junxit, utilem quoque in rem actionem esse, non tanquam adversus eum, qui possideat, sed qui dolo malo possidere desierit.

Et quibusque aliis possessoribus] A furibus etiam conditione furtiva, ab aliis conditione sine causa, aut generali illa triticiaria, l. 1. de cond. tritic. Semper enim, ut diximus, bonum & æquum est, pretium mihi restitui ejus rei, quæ hoc jure ad omnibus sine facto meo pervenit, & est arg. in l. 11. §. ult. l. si ex me & Titium 32. de reb. cred. Ant. Continus ex manuscriptis restituit: Et quibusdam aliis possessoribus, ut sit sensus: non tantum furibus res consumptas condici posse: sed aliis etiam possessoribus, qui furibus sunt similes; nimirum iis etiam, qui rem mala fide possidebant, cum eam consumerent. At hi revera etiam fures sunt, §. furtiva inf. de usuc. Quamobrem de lectione vulgata, quæ etiam Theophili est, nihil mutandum censeo, quamvis Continus sequatur Pacius in analysi sua, putans, conditionem contra eos, qui bona fide rem consumpserunt, non dari. Obiter & Theophili error notandus, qui scribit, conditionem furti etiam in eos dari, qui fures non sunt, quod est ἀδόξον, & miror à Fabrot. non animadvertum.

T E X T U S . •

De confusione.

27. Si duorum materia voluntate dominorum confusa sint, totum id corpus, quod ex confusione sit, utriusque commune est: veluti si qui vina sua confuderint, aut massas argenti vel auri conflaverint. Sed & si diversæ materiae sint, & ob id propria species facta sit, forte ex vino & melle mulsum, aut ex auro & argento electrum, idem juris est. Nam & hoc communem esse speciem non dubitatur. Quod si fortuito & non voluntate dominorum confusa fuerint, vel ejusdem generis materiae, vel diversæ, idem juris esse placuit.

C O M M E N T A R I U S .

1. Inter confundere & miscere quæ sit differentia, cum signate loquimur.
2. De effectu confusions, & quarum rerum quomodo facta confusio communionem pariat.
3. Confusionem factam voluntate dominorum, propriè huc non pertinere.
4. In confusione fortuitæ materias confusas communicari, siue ejusdem generis sint, siue diversæ, extra quam si deduci possint & n. 6.
5. Quid juris, si unus è dominis confuderit altero ignorante, aut tertius aliquis.

Duobus modis hominum facto per accessionem rei alienæ ad res nostras nobis acquiritur, conjunctione & confusione. Conjunctionis species est purpura vestimento attexta, ut diximus §. *prac.* De confusione disputatur hoc loco: quæ quid sit primo videndum; deinde quam vim ad acquirendum & unde habeat. Verba hæc confundere & miscere aut commiscere vi sua generali sunt, de quæ omnibus *ἐν παρρησίᾳ* dicuntur, quæ quovis modo permiscentur: ut videre est etiam apud nostros, l. 7. §. *voluntas* 8. *hoc tit.* l. 3. §. *ult.* l. 5. *pr. de rei vind.* Cæterum cum signatè & distinctè loqui volumus, confusionem appellamus *μῆξιν ὕγρων*, cum corpora liquida aut liquefacta invicem miscentur, commixtionem *μῆξιν ξηρῶν*, cum sicca & solida, quæ & discreta mancant: quam nominum distinctionem peperit diversi juris, quod in his obtinet, ratio. Confundi igitur propriè res dicuntur, quæ ita permiscentur, ut una ingrediatur alteram, & vicissim alterius partem in se recipiat; veluti cum vinum cum vino miscetur, aurum cum auro conflatur. Effectus confusions hic est, ut utrique domino pars

alienæ rei vice mutua acquiratur, idque vi & potestate rei cujusque, cogente natura rem unam mutuo trahere alteram: unde existit totius corporis, quod ex confusione sit, communio. Cæterum neque quarumvis rerum confusio communionem parit, neque facta quovis modo. Summam tibi ecce. Omnis confusio fit aut voluntate dominorum, aut citra eam: & citra eam aut casu (quæ tamen & ipsa non sine facto hominum contingit, eorum sc. qui res in propinquo posuerunt) aut voluntate unius tantum, siue etiam tertii alicujus puta Titii. Res, quæ confunduntur, aut sunt unius generis, aut diversorum. Item aut tales sunt, quæ confusæ separari non possunt, aut quæ possunt separari. Nunc sic habe. Voluntate dominorum facta confusio sine ulla rerum distinctione communionem facit. Casu facta non aliter, quam si res diduci non possint. Facta unius voluntate tantum, aut à Titio, si materiæ unius generis confusæ sint; quoniam nec diduci possunt, nec novam speciem constituunt. Jam videamus, quid Imperator dicat, & singula consideremus accuratius.

Voluntate dominorum] Hæc species propriè huc non pertinet. Neque enim communionem hic inducit rerum confusio: sed mutua dominorum voluntas res suas confundendo tacitè communicantium: argumento est, quod etsi duo frumenta sua miscuissent, idem tamen juris, licet in dissimili genere mixtionis foret, §. *seq.*

Utriusque commune est] Pro rata sc. ejus materiæ; quæ cujusque ante confusionem fuit, l. 3. §. *ult. de rei vind.* Res autem communis propriè dicitur, quæ duorum aut plurium est, non quasi tota singulorum, (neque enim duorum in solidum res una esse potest, l. 5. §. *ult. commod.*) sed singulorum pro partibus; iisque indivisibilibus, l. 5. *de stip. serv.* l. 5. §. *ult. de reb. eor. qui sub tut.* Itaque quæ partes ante confusionem singulorum erant sepe ratim, post confusionem, singulorum esse incipiunt conjunctim, ut jam intellectu magis, quam corpore partes habeant, d. l. 5. *de stip. serv.* nec possit amplius unus, quod suum fuit ante confusionem, separatim vindicare, sed partem duntaxat pro indiviso, puta, dimidiam aut tertiam, siue, quod eodem recidit, agere communi dividundo, ut res dividatur, & pars rei divise, dimidia aut tertia, pro rata ponderis, quod contulit, restituatur: in quo & pretii rationem iudex habebit, si unius pars pretiosior fuit, d. l. 3. §. *ult.* l. 4. l. 5. *de rei vind.* Et si fortè res dividi commodè non possit, uni totam adjudicabit, eumque vicissim alteri condemnabit in certam summam pecuniæ, §. *eadem* §. *inf. de off. jud.*

Sed etsi diversæ materiæ sint &c.] Nihil refert ejusdem generis materiæ voluntate dominorum confusæ sint, an diversi. Nam & nova species, quæ naturaliter ex confusione diversarum materiarum existit, veluti

Veluti ex vino & melle confuso mulsum, ex massis auri & argenti conflatis electrum, eorum communis sit necesse est, quorum consensu & voluntate materiae confusae sunt, & vice mutua, quod inde existit, communicatum. Ex quo etiam efficitur, ut nihil inter sit materiae separari, & species facta in sua initia reduci possit, an non possit: quae differentia spectatur, cum jure specificationis aliquid alicui acquiri volumus.

Electrum] Plinio est aurum, cujus quinta portio argentum est. Secundas post aurum ei tribuit Homerus 4. *Odyss.* ubi regiam Menelai laudantem in-
ducit Telemachum à splendore primum auri, deinde electri;

Χρυσὸν τ' ἡλέκτερον τε, καὶ ἐργύρον, ἡδ' ἐλέφαντος.
Vid. *Plin. lib. 33. nat. hist. c. 4. Strabon. lib. 3.*

Quod si fortuito] Hæc confusionis species propria est hujus loci. Ait, in fortuita confusione idem juris esse, quod foret, si materiae dominorum voluntate confusae essent: nimirum etiam totum id corpus, quod ex duorum materiis casu confusis existit, commune esse eorum, quorum materiae confusae sunt, nec referre ejusdem generis materiae sint, an diversae, & ob id propria species facta sit: nam quod casu factum est, neminem sibi vindicare posse jure specificationis. Hoc item & Gajus *d. l. 7. §. sed etsi 9. hoc tit.* Observandum autem est, & hic & apud Gajum exempla proponi earum duntaxat rerum, quae confusae diduci & separari non possunt: quippe quas communes facit ipsa necessitas & vis naturæ superior: nam confusio hæc eo rem deducit, ut unaquæque materia alteram in sese per omnia confusam & indiscer-
tam habeat: unde evenit, ut vel minima pars unius in rem alterius sibi habeat adjunctam, quam & necessario ad se trahat: atque hinc communio. Quod si materiae, quæ fortè confusae, separari possint, veluti si plumbum cum argento mixtum sit, nulla necessitas intervenit, ob quam fiat, ut una res alteram mutuo ad se trahat: sed cū ab artificibus separari possint, separabuntur: estque in eam rem non ut superiore casu, actio communi dividundo, sed ad exhibendum & in rem, *l. 5. §. 1. de rei vind. & arg. l. lacus 12. §. 1. hoc tit.* Sed quid si non casu, nec tamen voluntate dominorum confusio sit, puta à Titio, vel ab uno ex dominis altero ignorante? quæ species hic omitta. Et siquidem verbi causa Titulus vinum Mævii cum suo confuderit, aut cum vino Sempronii, aliasve ejusdem generis materias miscuerit, adhuc probandum est, corpus, quod ex ea confusione fit, Titii & Mævii, aut Mævii & Sempronii, commune esse; quia pristinam speciem continet, & res alium exitum naturaliter reperire non potest. Quod si diversi generis sint, quia hinc novi corporis species existit, ea re-

ta Titii erit jure specificationis, si ad initia sua reduci non potest: si potest, suum cujusque manebit, *d. l. 5. §. 1. de rei vind. d. l. lacus 12. §. 1. hoc tit. vid. sup. §. cum ex aliena eod.*

Idem juris esse placuit] Paraphrastès vertit negativè; ὁ αὐτὸ νόμος ἐστίν. Et sanè non est idem juris per omnia: nam si materiae casu confusae separari possunt, nulla earum communio est, sicut jam diximus. Arbitror tamen contra Horomannum, eodem modo hic legendum, quo legitur apud Gajum *d. l. 7. §. sed & si.* unde hæc descripta sunt: nimirum affirmativè: & utrumque locum ex aliis cum Accursio sic temperandum, si tales materiae fortuito confusae sint, quæ diduci non possint: ejus etiam generis exempla, nec alia, Justiniano & Gajo proposita sint. Sed & Harmenopolus *lib. 2. tit. 1. περὶ τῶν ἐξ ἀλλοτριᾶς ὕλης γινομένων ἐιδῶν* affirmativè legit, τὸ αὐτὸ νόμος ἐστίν.

T E X T U S.

De commixtione.

28. Quod si frumentum Titii frumento tuo mistum fuerit, siquidem voluntate vestra, commune est: quia singula corpora, id est, singula grana, quæ cujusque propria fuerunt, consensu vestro communicata sunt. Quod si casu id mistum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune sit frumentum, quam grex intelligitur esse communis, si pecora Titii tuis pecoribus mista fuerint. Sed si ab alterutro vestrum totum id frumentum retineatur, in rem quidem actio pro modo frumenti cujusque competit: arbitrio autem judicis continetur, ut ipse aestimet, quale cujusque frumentum fuerit.

N O T A.

Non magis istis casibus] A simili, ubi tamen illud dissimile, quod pecora mista facilius discerni possunt, quam grana, & ob id etiā singula vindicari, *l. 23. §. 5. vers. aut in his de rei vind.*

Quale cujusque frumentum] Vi igitur ipsa non alia hic sententia & restitutio, quam si frumentum verè commune esset; *l. 3. §. ult. l. 4. de rei vind.*

C O M M E N T A R I U S.

1. Commixtionem propriè dictam ad disputationem propositam non pertinere.

2. Re-

2. *Responsum Iavoleni in l. 78. de solut. cum hoc textu conciliatum.*

3. *Comparatio mixtionis pecorum & frumentorum explicata.*

Nihil est in hoc §. quod ad institutam de accessione disputationem pertineat. Agitur de commixtione. Commixtio proprie est, cum corpora, quæ miscentur, discreta manent, & suam singula speciem retinent; velut si frumentum cum frumento, nummi cum nummis, pecora cum pecoribus, inter se miscantur. Hujus inquam commixtionis nunquam ea vis est, ut per eam potestate rei nostræ aliena nobis acquirantur, siue difficilis sit corporum mixtorum separatio, siue non sit: cum neutro modo fiat, ut aliquid sit in meo aut alieno, quod alterum ad se naturæ necessitate trahat.

Consensu vestro communicata] Quando duorum res voluntate dominorum commiscantur, communicantur illæ quidem, sic ut utrique domino pars alienæ rei vice mutua acquiratur: cæterum hoc non efficit commixtio aut accessio; sed tacita voluntas dominorum mutua traditione species suas communicantium, hoc text. d. l. 7. §. voluntas eod. l. 5. de rei vind. l. 4. pro soc.

Quia singula corpora in sua substantia durant] Hoc est, natura & essentia sua separata & discreta manent: ut proinde dici non possit, esse quicquam in hoc acervo Titii, quod tuum ad se trahere debeat, aut in totum, aut pro parte; aut quicquam esse tuum, quod debeat ad se trahere, quod Titii est. At sine horum alterutro nihil vestrum commune fieri potest in acervo frumenti, casu aut sine voluntata unius vestrum commixti. Objici huic loco solet, quod Javolenus ex Gajo refert, nummos alienos in solum datos creditoris accipientis fieri, si is eos ita miscuerit suis, ut discerni non possint, l. si alieni 78. de solut. An dicemus idem esse in frumento, quod quis ex simili causa acceptum bona fide cum suo miscuit? At refragatur generalis definitio hujus loci, tum etiam ratio subjecta, & comparatio frumenti misti, & pecorum. Plerique putant, inter nummos & frumentum hoc interesse, quod nummi ita commixti, ut discerni non possint, pro consumptis habendi sint: frumentum non ante, quam farina ex eo confecta sit: quippe rerum, quæ usu consumuntur, consumptionem æstimari ex consumptione ipsorum corporum: pecuniam autem numeratam intelligi consumi plerumque salvis nummorum corporibus, §. constituitur inf. de usuf. Notum vero esse, consumptionem nummorum in creditum vel in solum datorum causam dominii mutari, l. 13. l. non omnis 19. §. 1. in fin. de reb. cred. Ita propemodum Accurs. quem sequitur communis DD. schola. add. D. Cujac. 13. observ. 28.

Quam grex intelligitur esse communis] Exemplo pecorum alienorum gregi meo mistorum docet, frumenta quoque sine voluntate dominorum mista, sua cujusque manere, neque in acervo facto quicquam esse commune: quippe eandem rationem esse singulorum granorum in acervo, quæ est singulorum pecorum in grege: utrumque esse corpus non. *ἡνωμένον* aut *συνμεικτόν*, sed *διεσπασμένον*, cujus partes non cohereant, aut uno spiritu contineantur, sed quæ singulæ essentia sua maneant distinctæ, propriamque suam speciem retineant: ac proinde rationem juris non pati, ut hic magis, quam illic, dominia confundantur, arg. l. rerum mixtura 30. de usuc. junct. l. in rem 23. §. 5. vers. at in his, de rei vind. Cæterum comparatio hæc illud habet disimile, quod pecora aliena meis pecoribus mista facile discerni possunt, & ob id singula vindicari; d. vers. at in his; grana autem commixta non item. Quæ ratione putarem, ne voluntaria quidem pecorum mixtione gregem communem fieri, nisi id expresse actum proponatur.

In rem actio pro modo frumenti] Ubi res communis non est, cessat communi dividendo judicium l. 1. com. di. v. sicut in proposito. Cæterum nec grana ipsa, quæ cujusque ante commixtionem fuerunt, vindicari poterunt, quia discerni & designari nequeunt: nec pars acervi, quod non licet nisi in acervo communi; sed quantum in acervo cujusque fuit atque etiam nunc est, l. 5. pr. de rei vind. Nec refragatur actionis in rem natura, quæ exigit, ut res, quæ petitur, designetur, l. 6. d. tit. satis enim designari videntur grana petita hoc ipso, quod designantur certo loco atque acervo contenta & circumscripta. Tantum laborabitur in exitu judicii & restitutionis.

Quale cujusque frumentum] Igitur si unius frumentum fuerit pretiosius, officio judicis continebitur, ut ejus quoque ratio habeatur, & hoc amplius ferat is, cujus frumentum pretiosius fuit, vel ex acervo, vel certæ pecuniæ adjudicatione: ut sic omni ex parte utrique satisfiat, arg. l. 4. de rei vind. §. eadem 5. inf. de off. jud. In summa, vi & effectu hic non alia judicis sententia est & restitutio, quam si acervus verè communis esset, l. 3. §. ult. d. tit. de rei vind. Quæ de confusione & commixtione diximus, ea hodieque omnia observantur.

TEXTUS.

De his quæ solo cedunt. De ædificatione in suo solo ex aliena materia.

29. *Cum in suo solo aliquis ex aliena materia ædificaverit, ipse intelligitur dominus ædificii: quia omne quod solo inædificatur, solo cedit. Nec tamen ideo is, qui materie*

dominus fuerat, desinit dominus ejus esse: sed tantisper neque vindicare eam potest, neque ad exhibendum de ea re agere, propter legem duodecim tabularum, quæ cavetur, ne quis tignum alienum ædibus suis junctum eximere cogatur, sed duplum pro eo præstet, per actionem, quæ vocatur, De tigno juncto. Appellatione autem tigni omnis materia significatur, ex qua ædificia sunt, Quod ideo provisum est, ne ædificia rescindi necesse sit. Quod si aliqua ex causa dirutum sit ædificium, poterit materia dominus, si non fuerit duplum jam consecutus, tunc eam vindicare, & ad exhibendum de ea re agere.

NOTÆ.

Nec tamen, &c. desinit dominus esse.] Ergo hoc casu qui ædificavit, dominus est ædificii, alius dominus, materiæ, ex qua constat l. 7. §. 2. D. de re jud. fac l. 23. §. ult. D. de rei vind. l. 22. de usuc.

Neque ad exhibendum.] d. l. 23. §. pen. l. 6. D. ad exhib. l. 1. de tign. junct. nisi adversus malæ fidei ædificatorem, d. l. 23. §. pen. tanquam qui dolo malo fecerit, quo minus possideat, d. l. 1. & l. 2. de tign. junct.

Eximere cogatur.] Ne scilicet, ædificia rescindi necesse sit, ut mox sequitur. Potest igitur dupli præstatio evitari, si quis tignum eximere malit, & domino restituere, neque enim id facere prohibetur: dum ne ruina ædium deformatur publicus urbis aspectus, l. 2. C. de ædific. priv. Eadem lege prohibetur solutio tigni alieni vineis juncti, ne scilicet, turbetur cultura vinearum d. l. 1. de tign. junct.

Si non fuerit duplum. consecutus.] In causa malæ fidei etsi consecutus fuerit. Nam qui sciens junxit, non liberatur præstatione dupli, sed est adversus eum extrinsecus adhuc rei vindicatio; l. 2. de tign. junct. Pœnalis enim eo casu hæc actio est.

COMMENTARIUS.

2. Non continuo eum, qui ædium dominus sit, dominum esse & singulorum tignorum.
2. Actionem de tigno juncto dari etiam in duplum adversus eum, qui bona fide junxit.
3. Præstationem dupli evitari posse tigni exemptione & restitutione.
4. Actionem de tigno juncto, apud nos exolverisse.

Diximus non ita pridem, duobus modis contingere, ut res alienæ rebus nostris facto hominum accedentes nobis adjiciantur, confusione, de qua proximè loquuti sumus, & conjunctio-

ne. Conjunctionem appellamus, cum duæ res junguntur, ut cohæreant, & unum corpus constituent, integra manente rerum substantia. Duo quoque genera hujus conjunctionis fecimus: unum, earum rerum, quæ junctæ nihil amplius habent, quam addicamentum & expletionem ejusdem corporis, de quo genere dictum sub §. si tamen sup. alterum earum quæ sic aliis junguntur, ut in his tanquam in subiecto consistent, ac sine his esse non possint, cujusmodi sunt hæc quinque, quæ nunc porro singula exequemur, in solo ædificata, plantata, sata, scripta in chartis aut membranis, picta in tabulis.

Quia omne, quod solo in ædificatur, solo cedit.] In conjunctione rerum, de qua agimus, uti naturali ratione præstantior existimanda est ea res, quæ per se consistere potest; inferior, quæ imponitur, & sine illa consistere non potest; ita & eadem ratione fit, ut hæc ab illa per prævalentiam trahatur, illique ut præstantiori cedat; ac proinde utriusque dominus efficiatur, qui dominus fuerat præstantioris, l. in rem 23. §. 3. & 4. de rei vind. Hæc ratio generalis est, ad omnes species hujus conjunctionis pertinens. Ait, omne quod solo in ædificatur. Hæc prima species est hujus accessionis: atque de ea ita jus est. Omne ædificium, quamvis ex aliena materia, solo impositum, solo cedit, d. l. 7. §. cum in suo hoc tit. d. l. in rem. §. pen. & ult. de rei vind. l. 2. de superf. l. qui dominum 50. ad leg. Aquil. l. 2. C. de rei vind. idque sive dominus soli ex aliena materia ædificaverit in suo, sive è converso dominus materiæ ædificaverit in solo alieno, d. l. 7. §. ex diverso hoc tit. & §. seq. cod. Solo autem impositum accipi oportet etiam id, quod verbi causa supra parietem meum ædificatum est, l. si supra 28. hoc tit. Cæterum ut rationi hujus juris locus sit necesse est, ut id quod ædificatum est, solo cohæreat. Nam si Titius exempli gratia horreum frumentarium ex tabulis ligneis factum mobile in prædio Seji posuerit, id non Seji erit, sed Titji, qui posuit, l. Titius 50. cod.

Nec tamen is, qui materiæ dominus fuerat, desinit &c.] Diximus, eum, qui ex aliena materia in suo ædificavit, dominum fieri ædificii: cui consequens videri poterat, eum, qui materiæ dominus erat, dominum ejus esse desinere; cum duo ejusdem rei in solidum domini esse non possunt. Contra tamen, & hic & apud Gajum scriptum est, materiæ dominum dominum id circo non amittere, & quamvis stante ædificio dominum adhuc intelligi. Hoc ne quem offendar, sciendum est, pro diversa materiæ consideratione utrumque dici posse, & dominum ædificii materiæ quoque dominum effici, & materiam prioris domini manere. Etenim si tigna vel cæmenta consideremus, ut juncta & connexa ædificio, hac consideratione quamdiu juncta manet, ipsius ædificii

ficii sunt & domini totius : unde & dempra dicuntur in pristinam causam reverti, *l. habitator § 9. de rei vind. facit l. sed si 26. §. 1. hoc tit.* At si animum à conjunctione avertas, & ædificio quasi insuper habito tigna consideres in se, & ut seorsum substantiam suam habentia, non potest videri materiæ dominus jus suum amisisse : & ideo ea tigna, licet juncta adhuc, aliena ubique appellantur. Adeoque recte nunc dicemus, aliud esse materiam, aliud ædificium : ædium quandam universitatem intelligi ; materiam, cæmenta, tigna, lapides, res esse singulas, quæ ob id jure universi non utriq; censentur. Hinc enim est, quod placeat, eum, qui universas ædes possidet, non videri singula cæmenta possidere, eoq; nec usucapere, *l. in rem 23. §. ult. de rei vind. l. eum qui 23. de usuc. & quod Ulpianus responderet, eum, qui insulam petiit, si victus postea cæmenta vel tigna petat, non videri idem petere, l. 7. §. 2. de exc. rei jud.* nimirum quod necesse non sit, eum, qui ædium dominus est, materiæ quoque dominum esse : quam rationem & ipse mox subjicit. Cæterum dubitandum non est, quin verum sit, quod D. Hotomannus hic notat, si ex aliena materia nova primum species facta fuerit, deinde novum id corpus ædificio inclusum, ejus id manere, cui jure specificationis quæsitum erat : verbi causa, tigna aut tabulas ex aliena arbore fabricatas & mox injunctas ædificio, ejus esse & manere, qui tabulas fecit, *arg. l. sed si meus 26. in pr. hoc tit.*

Neq; ad exhibendum] Tignum alienum ædibus junctum lex duodecim tabularum non tantum vindicari prohibet, sed etiam solvi, ut proinde nec ad exhibendum de eo agi possit, *l. in rem §. pen. de rei vind. l. 6. ad exhib. l. 1. de tign. junct.* in quo diversum jus est tigni injuncti, & verbi causa gemmæ injunctæ annulo alieno : ea enim licet, quamdiu cohæret, vindicari nequeat, ad exhibendum tamen eo nomine agi potest, ut eximatur, & tunc vindicetur, *d. l. in rem §. item quæcumque de rei vind. d. l. 6. ad exhib.* vide sis quæ notavimus supra §. si tamen 26. hoc tit.

Ne quis tignum eximere cogatur] Duplicem ego causam reperio, cur lege duodecim vetita sit tigni alieni ædibus juncti vindicatio. Una est, ne ob id ædificia rescindi necesse sit, *l. 1. de tign. junct. l. 7. §. cum in suo h. t. & hoc text.* altera, ne per hoc ruinis urbs deformetur, *l. 2. §. si quis 17. l. ult. ne quid in loc. publ. l. 2. C. de edif. priv.* quarum illa principalis esse videtur, & rationem finis unicuique legis propositi habere ; hæc *ædificia* & illius administratio : de quo mox plura. Eadem lege & solutio; tigni alieni vineis juncti prohibetur, ne scilicet turbetur vinearum cultura, *l. 1. de tign. junct.*

Sed duplum pro eo præstet] Ne dominus materiæ queri posset, injuriam sibi fieri, quod re sua, quamdiu ædificium manet, carere cogatur, data est in eum, qui

junxit, actio de tigno juncto ad tigni æstimationem, & quidem in duplum, *l. 1. de tign. junct. l. in rem 23. §. pen. de rei vind. l. 6. ad exhib.* Nec dubito, quin ea actio in duplum etiam adversus eum danda sit; qui bona fide junxit : id enim textus fere omnes arguunt, qui de hac actione loquuntur. Nam primo, ut bene observavit D. Tuldenus c. 42. in eum hæc actio dari dicitur & hoc loco & apud Gajum *d. l. 7. cum in suo*, adversus quem nec in rem, nec ad exhibendum agi potest : quorum utrumq; contra est in eo, qui sciens rem alienam junxit, *d. l. 23. §. pen. de rei vind.* non quod sic conveniatur quasi possidens, ut tignum restituat : sed ita, quasi dolo malo fecerit, quominus possideat aut restituere possit, ut pretium æstimetur jurejurando in litem, *l. 1. in fin. de tign. junct.* eoque pertinet locus Pauli in *l. qui res 98. in fin. de solut.* ubi ait, legem 12. tabularum sciscere, tignum ædibus junctum vindicari posse, sed solvi id prohibuisse, pretiumque ejus voluisse dari. Deinde nec hoc ad eum pertinet, qui mala fide junxit : quod denegatur domino materiæ vindicatio non solum stante, sed etiam diruto ædificio, si jam ante per actionem de tigno juncto duplum sit consecutus : nam adversus eum, qui sciens junxit ut furem, præter actionem dupli extrinsecus adhuc est rei vindicatio, *l. 1. de tign. junct. §. ult. inf. de obl. quæ ex del.* Huc item facit *l. de eo 63. de don. int. vir. & ux.* nam cum ibi solus ille casus excipitur, quo tignum volente & sciente domino junctum est, satis significatur, in cæteris actioni de tigno juncto in duplum esse locum. Denique cur actionem de tigno juncto etiam adversus eum, qui bona fide junxit, lex duodecim Tabb. dedisset, si dominus tigni nihil amplius per eam consequeretur, quam consecuturus esset actione in factum, quæ sublata vindicatione adhuc supererat? *d. l. 23. §. item quæcumque de rei vind.* Huic autem sententiæ duo obstat videntur. Primum est, quod lex de tigno furtivo locuta est, *d. l. de eo de don. int. vir. & ux. d. l. 1. de tign. junct.* alterum, quod iniquum videtur, eum, qui bona fide junxit, in duplum teneri. Quibus hæc repōnimus ; primo etiam tignum, quod ab alio surreptum, ab alio bona fide junctum est, furtivum esse, vitio furti rem comitante. Ad hæc, legem 12. tabularum furtivi non ideo mentionem fecisse, quod nomine non furtivi agi in duplum noluerit : sed quia raro accidit, ut res alienæ mobiles, quæ in fidei dominis ad alios perveniunt, in furti vitium non cadant, *§. 2. inf. de usuc.* unde nec Gajus, nec Justinianus, nec Paulus in *d. l. 23. §. pen. de rei vind.* furtivi mentionem faciunt, sed alieni duntaxat : cum ramen id omnes proponant ex eadem lege. Postremo nullam hic esse iniquitatem : nam & injuria, quæ domino materiæ fit, quod re sua carere cogitur, commodo aliquo pecuniario compensanda fuit, & pro duplo, quod ille acci-

accipit, majus vicissim commodum consequitur is, qui junxit, ne videlicet cogatur tignum eximere cum metu ruinae aedium suarum. Sed & potest dupli praestationem effugere, si tignum eximere malit & domino restituere: neque enim id facere prohibetur lege 12. tabularum: quippe qua cautum est, non ut ne domino tignum eximere liceat, sed ne quis id eximere cogatur, ne aedificia rescindere aut demoliri cum summo damno aedificantis necesse sit, *hoc text.* & apud Gajum d. l. 7. §. cum in suo hoc tit. l. 2. §. si quis 17. l. ult. ne quid in loc. publ. unde alii loci explicandi sunt, quibus traditur, legem prohibere, vetare, non permittere tignum solui l. 6. ad exhib. l. 1. de tig. junct. l. qui res 98. in fin. de solut. nimirum non tantum vindicationem, verum etiam actionem ad exhibendum his verbis legem tollere voluisse argum. hujus §. & d. l. 23. §. pen. de rei vind. d. l. 1. de ting. junct. Equidem fateor etiam publici decoris & ornamenti rationem hac in re habitam fuisse, ne scilicet aedium demolitione & ruinis aspectus deformaretur: ceterum ut haec consideratio extrinsecus legem moverit, non fuisse tamen. *ut & evenia*, sive causam, cujus gratia tignum eximi venerit, non obscure ex eo colligitur, quod alioqui dicendum esset, nunquam licere civibus aedificia sua demoliri, aut tignum inde eximere: quod falsum est, l. fin. autem 27. §. ult. l. Iulianus 27. de rei vind. l. 5. in fin. C. eod. l. pro voluptariis de imp. in res dot. Sed nec quaevis tigni exemptio secum trahit ruinam aedificii: unde fortassis non improbabiler defendi possit, eundem fuisse scopum legis 12. tabularum, qui fuit senatusconsulti, quo cautum est, ne ea, quae aedibus juncta sunt, legare liceat, neve negotiandi causa aedificia demoliri, aut marmora, columnas, aliave tigna detrahare, l. cetera 41. §. 1. l. senatus 43. de legat. 1. l. senatus 52. de cont. empt. l. ult. de damn. inf. non alia de causa quam ut ne integris aedificiis depositis publicis deformeret aspectus, l. 2. C. de aedif. priv. ac proinde quemadmodum in senatusconsultum non incidit, qui quid detrahit circa metum ruinae, ita nec offendere legem antiquam, qui ut condemnationem dupli evitet, tignum eximere malit, modo id faciat sine periculo ruinae. Ad hunc ferme modum disputat Bachovius hic. Mihi ut verum fatear, frustra videtur lege prohiberi, quod sponte sua nemo nisi insanus facturus sit. Moribus harum regionum actio in duplum de tigno juncto exolevit, consuliturque domino materiae actione in factum ad pretium consequendum, *Grot. 2. introd. c. 10. Zype notit. jur. Belg. de rei vind.* uti & jure antiquo ei consulebatur adversus dominum soli, qui ipse tignum non junxerit, sed ab alio forte junctum possidebat: nam in eum demum, qui convictus erat junxisse, in duplum dabatur actio, l. 1. in fin. pr. de tign. junct.

Omnis materia, ex qua aedificia sunt.] Traditur hoc idem & in l. tigni 7. ad exhib. l. tign. 62. de verb. sign. unde quidam ajunt, regulam quoque & lapidem & testam, hoc amplius & calcem & argenam tignorum, appellatione contineri: in vineis perticas & pedamenta, caeteraque vineis necessaria, d. l. 1. §. 1. de tign. junct.

Tunc eam vindicare.] Etiam si post tempus usucapionis dissolutum sit aedificium: nam qui aedes possidet, non intelligitur singula tigna possidere, ut notatum sup. n. 1. l. 23. §. ult. de rei vind. l. 33. de acquir. poss. l. 23. de usuc.

T E X T U S.

De aedificatione ex sua materia
in solo alieno.

30. *Ex diverso, si quis in alieno solo ex sua materia domum aedificaverit, illius fit domus, cujus & solum est. Sed hoc casu materiae dominus proprietatem ejus amittit, quia voluntate ejus intelligitur esse alienata; utique si non ignorabat, se in alieno solo aedificare: & ideo licet, diruta sit domus, materiam tamen vindicare non potest. Certè illud constat, si in possessione constituto aedificatore, soli dominus petat, domum suam esse, nec solvat pretium materiae & mercedes fabrorum, posse eum per exceptionem doli mali repelli, utique si bona fidei possessor fuerit, qui aedificavit. Nam scienti, solum alienum esse, potest objici culpa, quod aedificaverit temere in eo solo, quod intelligebat alienum esse.*

N O T A E.

30. *Ex diverso.]* Ex Cajo l. 7. §. 12. D. h. t.

Si non ignorabat.] Nam si ignoravit, quamvis aedificium sequatur soli dominum, materiae proprietatem non amittit, & eam diruto aedificio vindicare poterit, l. 2. D. de rei vind.

In possessione constituto.] Nam si non possidet, nulla ei actio in re prodita, qua pretium materiae aut sumptus consequatur, l. 33. D. de cond. in d. l. 14. D. de exc. dol. l. 48. de rei vind. Cujacius tamen incerti conditionem dat, id est, possessionis.

Potest objici culpa.] L. 37. D. de rei vind. Hoc tamen ei concedendum, ut sine laesione prioris status rei tollat quod posuit, d. l. 37. l. 5. C. eod.

C O M M E N T A R I U S.

1. *Quantum ad materiam attinet, jus variare pro conditione personarum ex sua materia in alieno aedificantium.*

Ad 2

Non

2. Non semper eum, qui in alieno sciens ædificat, donandi animo ædificare intelligi.
3. Ædificatorem in possessione constitutum pretium materiae & impensas servare posse opposita doli mali exceptione.
4. Non possidenti nullam eo nomine actionem jure proditam.
5. An male fidei possessor pretium materiae & impensas eadem ratione servare possit.

Explicatur hic species superiori contraria. Illic quaesitum fuit de eo, qui ex aliena materia ædificavit in solo suo: hic quaeritur de eo, qui ex sua materia ædificavit in solo alieno. De quo ex personis ædificantium & tempore variè constituitur, quantum quidem attinet ad materiam & impensas in ædificando factas: nam ad ædificii acquisitionem quod attinet, inter personas ædificantium nihil interest, sed illius semper fit domus, cujus est solum, juxta regulam jam traditam & expositam §. *preced.*

Vtique si non ignorabat] Quum non de ædificio ipso, sed aut de materia, aut de pretio materiae aliisve impensis consequendis quaeritur, non eadem omnium ædificantium in proposito ratio est: sed alia ejus, qui bona fide, dum suum putat, alia ejus, qui sciens prudens in alieno ædificavit. De materia ita jus est. Qui ex sua materia in alieno solo ædificavit bona fide, is, quamvis ædificium quod posuit, solum sequatur, ac per hoc dominum soli, materiae tamen proprietatem non amittit, *arg. hujus §. in verbis à me notatis.* Et ideo licet manente ædificio nullam de materia neque actionem neque exceptionem habeat, quibus consequi possit, ut materia separetur & sibi reddatur, propter legem 12. tabb. de æstimatione tamen ei consultum est, de quo mox; & ædificio diruto poterit ipsam materiam vindicare, *l. 2. C. de rei vend.* Qui autem ex sua materia in alieno ædificavit mala fide, placet eum proprietatem materiae amittere, in tantum, ut ne diruto quidem ædificio eam vindicare possit. Cujus rei rationem hanc affert hic Justinianus post Gajum in *l. 7. §. ex diverso hoc tit.* quod sua voluntate materiam intelligatur alienasse, id est, donasse domino soli. Nimirum hæc juris adversus eum, qui non ignorat se in alieno ædificare, præsumptio est, *arg. l. 14. de donat. l. cujus per errorem §. 3. de reg. jur.* Cæterum si quæ probabilis conjectura sit, ob quam videri possit, licet sciens, non tamen animo donandi ædificasse, dissoluto ædificio materiam vindicare non probetur, *l. 2. C. de rei vind.* Finge, aliquem in aliena area ædificasse, cujus bonæ fidei empror fuit: verum ædificasse quo tempore jam sciebat alienam: negabo id eum animo donandi fecisse. Quippe cum spem haberet fore, ut aream ufucaperet, *arg. l. Iulianus 37. de rei vind.* Fip-

ge ædificasse in solo litigioso: dicam id sui juris possessionisque tuendæ causâ fecisse, non animo donandi, per *d. l. 2. C. eod. tit.* Finge denique, colonum aut inquilinum ædificasse in area conductâ; dicam id factum esse, quo commodius re conductâ uterentur, aut in ea habitarent, non quod materiam domino donare voluerint, *l. dominus §. 1. locat.* Sed et si quis mala fide in alieno ædificavit, dum ex materia item non sua, æquum est; solito ædificio materiam ad pristinum dominum redire, *arg. d. l. 2. Atq; hæc etiam communis interpp. sententia est. vid. Wesf. Myns. Schneid. Cantuinc. hic Bald. Salic. Sichart. ad d. l. 2. Fachin. 1. controvers. §. 5.*

Si in possessione constituto ædificatore, &c.] Cum igitur stante ædificio ædificator, cujuscumque generis sit, nullam, ut dictum est; actionem aut exceptionem habeat, quâ materiam ipsam consequatur, quaesitum est de materiae æstimatione, cæterisque impensis, quæ in ædificando factæ sunt, an eas saltem ædificator remedio aliquo consequi possit. Atque hic iterum aliud atque aliud pro circumstantia temporis & conditione ædificantium servatur. Primum refert, possideat aedes ædificator, an non possideat. Si possidet, placet, eum impensas servare posse per retentionem, opposita doli mali exceptione, si dominus ædificium vindicat non oblata restitutione impensarum. Et hoc est, quod Jurisconsulti in *d. l. 7. §. ex diverso & Imp.* hic ajunt, *Si in possessione constituto ædificatore soli dominus petat domum suam esse, nec solvat pretium materiae, posse eum per exceptionem doli mali repelli,* nimirum quia dolo malo facit & contra æquitatem naturalem; qui postulat cuius alieno damno & injuria fieri locupletior; *l. nam hoc natura 14. de cond. ind. junct. l. 1. de dol. mal. exc.* Unde etiam placuit, hanc exceptionem eo usque duntaxat dandam, quod res facta est pretiosior, *l. in fundo 38. de rei vind.* & ita demum si fructuum ante litem contestatam perceptorum modum excedant, *l. sumptus 48. eod.* Nam qui suum tantum recipere vult, nihil dolo facit, *l. nihil dolo 129. de reg. jur.* nec studet cum aliena jactura locupletari, qui hoc tantum agit, ut pro quantitate fructuum perceptorum impensæ minuantur. Si non possidet, nulla ei actio jure prodita est, qua pretium materiae aut sumptus à se factos consequatur. Id adeo ita esse, remorio æstimationum, quæ hic esse possint, declarabit. Vindicationem & actionem ad exhibendum sustulit lex 12. tabb. Actio de tigno juncto adversus eum solum comparata est, qui ipse tignum junxit, *l. 1. de tigno junct.* In factum actio, de qua in *l. in rem 23. §. item quæcumque de rei vind.* non datur adversus eum, cujus nullum factum intervenit. Sed nec actio hic esse potest negotiorum gestorum: quia qui in rem, tanquam suam aliquid impendit, suum negotium,

nōn alienum gerit; qua ratione etiam ei denegatur repetitio. *l. 5. C. de rei. vind.* Et generaliter omnibus, qui nōn sunt hoc animo, ut quid ab aliō repetant, aut alium sibi obligent, *l. 4. C. de neg. gest. l. in hoc 14. §. 1. vers. diversim. comm. divid.* quippe actus agentium nōn operantur ultra eorū intentionem, *l. non omnis 19. de reb. cred.* Postremo nec conditionem indebiti habere pōest: nam ut discriet *Jul. l. si in ara 33. de cond. ind.* qui possessionem ultrō domino tradit, nullum cum eō negotium gerit, nihil in eum confert: tantum quod suum est dominus suo jure recipit. In quam rem extat & generalis definitio Pomponii, ex quibus causis retentionem quidem habemus, petitionem autem nōn habemus; ea si solverimus, repeti nōn pōsse, *l. ex quibus 51. d. 2. tit.* Sed nōn opus est hac inductione: de singulis si quis dubitet, constanter veteres omnes scribunt, nullō alio modo impensas in rem alienam factas servari posse, quam per retentionem, opposita doli mali exceptione, si res à domino vindicetur; *Papian. l. sumptus 48. de rei vind. Julian. d. l. si in ara de cond. ind. Paul. l. 14. de dol. mal. exc. Pompon. l. heres 21. ad sen. Trepi.* Quamobrem cum hoc remedium nulli alii competere possit, quam possidenti; nobis non licet contra manifestam rationem juris & textus expressos aliud excogitare, quo subveniatur etiam nōn possidenti, datā scilicet ei ultrō pro consequendis impensis actionē, idque solo æquitatis obrentur, deficiente causa & fundamento, in quo actio radicetur, per *l. 1. C. de legib.* scilicet facilius alicui actionē instituta per officium judicis succurrit in eodem iudicio, quam ut inducatur actio, quæ nōn nisi ex certis principiis juris nascitur: ac proinde etsi hic sit aliqua obligatio naturalis, quam inducit æquitas, tamen sola naturalis obligatio actionem nōn producit, nisi jure civili aut prætorio adjuvetur. *Ant. Fab. 26. err. 9. & seq. Tim. Fab. univers. disput. 13. th. 3.* Existimat quidem D. Cujacius *10. obs. 4.* pōsse nōn possidentem conditione incerti possessionem repetere, atque ita adhuc contra agentem opposita doli mali exceptione sumptus servare arg. *l. indebiti 15. §. 1. l. qui exceptionem 40. §. 1. de cond. ind.* Sed multum interest, utrum quis in rem alienam, quæ talem, & quam scit se restituere debere, ac proinde animo alium sibi obligandi impensas faciat, de quo casu dd. textus loquuntur; an suo nomine tanquam in rem propriam, qui casus hic proponitur, per text. in *d. l. 14. §. 1. comm. din. l. 5. C. de rei vind.* Fallitur quoque Martinus Glossator eumque secutus Gœd. in *l. impensa 79. de verb. sign.* dum non possidenti utilem actionem negotiorum gestorum dant, arg. *l. 6. §. 3. de neg. gest. l. 8. de ping. act. l. 7. §. ult. s. d. matr.* Nam in *d. l. 6. §. 3.* agitur de eo, qui ad res alienas tanquam alienas gerendas accessit,

licet eo animo, ut inde lucrum faceret, aut quasdam interverteret. In reliquis duabus de iis agitur, qui impensas fecerunt in rem, quam ex contractu & à domino acceperunt, quos certum est vel actione contraria vel negotiorum gestorum sumptus in eam factos consequi pōsse; quod & vulgō hic notant DD. Non obstat nobis *l. 5. C. de rei vind.* ubi etiam malæ fidei possessor dicitur habere repetitionem, necessariarum impensarum. Primum quia hic nōn de necessariis impensis quæritur, sed de utilibus. Deinde quia ex eo, quod dicitur impensarum esse repetitio nōn sequitur illico eo nomine etiam esse actionem: sufficit enim repetitionem esse suo modo, per retentionem videlicet & exceptionem: quippe verbum repetitionis, uti & petitionis, etiam ad eum pertinet, qui exceptione utitur, *l. 1. de except. l. 15. rat. rem hab.* neque aliter in *d. l. 5.* accipi potest, ubi agitur de ædificatore constituto in possessione, *D. Don. 20. comm. 7. post. Cyn. Castr. Talic. in d. l. 5.* Martini tamen sententia æquitatis commendatione nunc in iudiciis prævalere, saltem quæritus dominus locupletior factus est, scribit D. Carol. Molin. *ad consuet. Paris. tit. 1. §. 1. gloss. 5. n. 82. & seqq.* quod promptius admittendum in eo, qui bonæ fidei in alieno ædificavit, per *l. si & me & Titium 32. de reb. cred. Paul. Buf. ad l. 33. de cond. indeb. Diod. Tulden. hic c. 5 §. 8.* nam & hic diruto ædificio materiam ipsam vindicare nōn prohibetur, *add. Garz. de expens. & mediorat. c. 11 n. 24. & c. 7. Zypæus. jur. Belg. de rei vind.*

[Vtique si bonæ fidei possessor fuerit, &c.] Non satis 5 est ad servandas impensas ædificatorem in possessione constitutum esse, nisi factæ sint bonæ fidei: malæ fidei possessori hæc impensarum deductio denegata est, *l. Julianus 37. de rei vind. l. idque 45. §. 1. in fin. de act. emp. l. 3. C. de adif. priv.* Quibus consentaneum est, quod scribit Papinianus *l. sumptus 48. de rei vind.* sumptus in prædium alienum factos peti quidem nōn pōsse, sed exceptione doli opposita per officium judicis æquitatis ratione servari, si à bonæ fidei possessore facti sint; ut intelligamus in malæ fidei possessore ne æquitatis quidem ratione eo pacto servari debere. Etenim si is item simili se exceptione tueri velit adversus dominum, vindicantem, culpam ei obijci pōsse & à domino replicari, quod temerè & sciens ædificaverit in alieno solo, hoc text. & *l. 7. §. ex diverso eod. l. Julianus 37. de rei vind.* Denique sumptus per errorem factos hac ratione servari pōsse, *l. fin. autem 27. §. ult. d. tit. qui improbè facti sunt, restituendos non esse. l. 5. C. de adif. priv.* Quid igitur est, quod Paulus scribit *l. planè 38. de her. pet.* etiam in prædonis persona haberi rationem impensarum, ne petitor ex aliena iactura locupletetur? Non distinguam, ut vulgō, inter pe-

tionem hæreditatis & specialem actionem in rem; neque enim adhuc ulla ratio mihi probabilis visa, cur in proposito hæc judicia separentur: sed animadvertendum est, Paulum non simpliciter dicere, etiam prædonem impenfas deducere, aut imputare, sive per retentionem opposita doli mali exceptione servare; verum in hujus quoque persona haberi rationem impenfarum necessariarum & utilium. Quod sic omnino accipi debet, ut necessarias quidem deducat, (nam necessariarum impenfarum deductio tributa est omnibus possessoribus, etiam qui male fide possident, §. C. de rei vind.) utiles vero, de quibus solis hic quæritur, sine læsione rei tollat, d. l. Iulianus de rei vind. d. l. §. C. eod. Nam ita quoque in prædonis persona utilium impenfarum ratio habetur, quarum tollendarum stricto jure nulla ei potestas. Quid ergo si nolit petitor pati, ut utiles impenfas tollat? Potest sanè id pro suo jure facere, l. in fundo 38. de rei vind. sed hoc casu utiles quoque impenfæ deducuntur, ne quod ait Paulus ex aliena jactura petitor lucrum sentiat: quæ ratio in utilibus impenfis hoc demum casu locum habet, non autem si paratus sit petitor pati ut tollantur. Ita D. Ant. Fab. 2. con. 1. & dec. 26. err. 8. & seqq. cui in hoc assentior, licet D. Bachovius vulgatam inter petitionem hæreditatis & singularem rerum distinctionem magis probeat, not. ad Trentl. 1. disp. 14. thes. 19. & p. 2. disput. 20. thes. 6. Alii d. l. 38. restringunt ad impenfas utiles & necessarias simul. Sed tunc nihil definierit Jurisconsultus de utilibus tantum: & tam utiles simpliciter, quam quæ simul necessariae sunt, intellexisse Jurisconsultum, ostendunt exempla, quæ in l. 39. eod. tit. mox proferuntur: inter quæ & litis æstimatio servorum gratia soluta; quæ utique utilis tantum impenfa est, non etiam necessaria. Quæstio universa de retentione rei ob sumptus in eam à possessore factos multas & magnas recipit varietates, tum ex personis possessorum & petitorum, tum ex causis & generibus sumptuum, quæ omnia sigillatim persequi non est hujus loci, vid. D. Donell. 20. comm. 7. Costal. in l. in fundo 38. de rei vind. & in l. si in area 33. de cond. ind. Menoch. rec. poss. rem. 15. n. 500. & seqq. Charond. lib. 10. resp. 16. Garz. de expens. & majorat. & alios allegatos à D. Christin. vol. 2. decis. 174.

TEXTUS.

De plantatione.

31. Si Titius alienam plantam in solo suo posuerit, ipse erit. Et ex diverso, si Titius suam plantam in Mævii solo posuerit, Mævi planta erit: si modo utroque casu radices egerit: ante enim quam radices egerit: ejus permanet,

cujus fuerat. Aded autem ex eo tempore, quo radices egerit planta, proprietates ejus commutatur, ut si vicini arbor ita terram Titii presserit, ut in ejus fundum radices egerit, Titii effici arborem dicamus: ratio enim non patitur, ut alterius arbor esse intelligatur, quam cujus in fundum radices egerit. Et ideò circa consinium arbor posita, si etiam in vicini fundum radices egerit, communis fit.

NOTÆ.

31. Si modo utroque casu radices] Quia ex eo tempore, non solum ut superficies solo adhærescit, & cum solo unum corpus constituit, l. 40. D. act. empt. sed etiam ex solo alimentum trahit: unde nec eadem arbor, quæ in alieno solo coaluit, manere intelligitur, nec denuo eruta ad priorem dominum revertitur, d. l. 26. §. 2. h. t. Cæterum Nerva & Varus priori domino utilem in rem actionem dabant, l. 5. §. 3. de rei vind.

Communis fit] Non pro indiviso, sed pro regione cujusque prædii, l. 8. h. t. eruta autem pro indiviso communis esse incipit, l. 19. comm. dis. l. pen. pro soc. Itaque in d. l. 8. §. 1. pro & sunt pro indiviso communi prædia, legendum est, pro diviso. Cujac.

COMMENTARIUS.

1. Proprietatem arboris transplantata post coalitionem ita immutari, ut ne eruta quidem ad priorem dominum revertatur.
2. Quomodo priori domino consulatur de pretio plantæ, primum ei, qui alienam posuit in solo suo, deinde qui suam posuit in alieno.
3. Pomponius cum Gajo & Justiniano conciliatus.

Secunda species cessionis propositæ est plantarum positarum in alieno solo: de qua ita post Gajum in l. 7. §. ult. hoc tit. scribit Justinianus; Si Titius alienam plantam in solo suo posuerit, ipse erit. Et ex diverso, si Titius suam plantam in Mævii solo posuerit, Mævi planta erit: si modo utroque casu radices egerit: ante enim quam radices egerit, ejus permanet, cujus fuerat. Tria sunt, quæ his verbis docemur. Primum est, plantas in alieno solo positas ejus manere cujus fuerant, usque dum radices egerint: alterum, ex quo radices egerint, solo cedere & incipere ejus esse, cujus esse solum: tertium, nihil in proposita specie inter esse, utrum quis in suo solo plantam alienam posuerit, an in solo alieno plantam suam. Ratio cessionis supra est exposita: cui etiam hæc accedit, quod plantæ non tantum in solo consistant, sed ubi radices egerint, etiam ex eo solo alimentum capiunt

capiant & succum, circa quem vivere ac vegetari non possunt, *l. sed si meus* 26. §. 2. *hoc tit.*

Si modo utroque casu radices egerit] Idem valet si coalescit, §. seqq. & d. *l. sed si meus* 26. §. 2. eod. *l. hoc amplius* 9. §. *Alfenus de damn. inf.* nam radicum immixtione fit, ut plantæ cum terra coalescant & unantur, ut jam earum non sit separatim à fundo corpus, *l. Q. Mucius* 40. de act. emp. Coaluisse autem, & radices immixtisse, certum indicium est, si vivit, adhuc & vegetatur arbor post id tempus, quo emori & exarescere poterat; & certius etiam, si quid ex se emitat, aut fructum ferat. Et sciendum est, proprietatem arboris transplantatæ, ubi semel radices egerit, ita commutari, ut nec eruta postea ad priorum dominum revertatur, *d. l. sed si meus* §. 2. Quamobrem nec ei sic consultum est, ut domino materiæ, quæ juncta est alieno ædificio: quippe quam dominus, cum eadem maneat & suo sensu ejusdem, diruto ædificio vindicare potest: *l. 2. C. de rei vind.* arbor autem quæ in alieno terræ coaluit, non manet eadem, sed fit alia & nova alieno novi soli alimento, *d. l. sed si meus* §. 2. Hinc autem est, quod qui plantam suam in alieno posuit, nec possidens retentionem habeat in hoc, ut positam sibi tollere liceat, cum nec separata ejus sit: quod contra est in eo, qui ex sua materia in alieno ædificavit, *l. fin. autem* 27. §. ult. *l. Iulianus* 37. de rei vind. *l. §. C. eod. vid. §.*

prec. Cæterum æquum est, adversus eum, qui alienam arborem in suum transtulit, de pretio saltem priori domino arboris consuli, ne sic res ei pereat alieno facto, ut nec æstimationem consequatur. Dabimus ergo ei actionem in factum ex definitione *l. in rem* 23. §. *item quæcumque de rei vind.* Vartii & Nerva utilem in rem dabant, *l. §. de arbore d. tit.* nimirum pretii consequendi gratia: nam directam in rem non habet, *l. §. Alfenus de damn. infest.* Adversus eum, qui mala fide transtulit, est etiam actio furti & condictio furtiva, ut adversus furem, §. ult. *inf. de obl. quæ ex del.* Est & vindictio & ad exhibendum, non quasi adversus possidentem, sed quasi qui desierit possidere, *l. 1. in fin. & l. 2. de ting. junct.* At si quis suam plantam posuerit in alieno, hic eadem obtinebunt, quæ diximus de eo, qui ex sua materia in alieno ædificavit. Igitur si possessione excidit, nullam de pretio arboris aut sumptibus à se factis actionem habet: nam nec in factum dari potest, quia hæc est de damno alii dato: solum hoc ei relinquitur, ut si bona fide posuit, & adhuc in possessione est, æstimationem & sumptus secus per doli mali exceptionem, *l. si quis sciens* 11. *C. de rei vind. l. qua ratione* 9. in pr. *hoc tit.* Malæ autem fidei possessori culpa objici potest, quod temerè plantam posuerit in solo, quod sciebat alienum esse, arg. §. *prec.*

Ut in ejus fundum radices egerit.] Sic nimirum, ut tota jam ex terra Titii alatur: quod aliquando contingere potest; veluti si veteribus radicibus exarescentibus aut putrescentibus novas arbor in vicini fundum projiciat, ita ut jam omne alimentum ex terra vicini duntaxat trahat. Consulendi hic rei rusticæ studiosi. Illud à mente & verbis Justiniani plane alienum est, quod quidam scribunt, non veterem arborem, quæ in vicino fundo posita in Titii fungum radices egerit, Titii fieri; quasi impossibile sit, ut ea omnes radices in Titii fundum agat, sic ut tota inde alatur; sed novam, quæ fortè ex ramis in terram Titii depressis exurgat. Ait enim Justinianus, proprietatem arboris commutari, quod omnino de veteri arbore, quæ ante vicini erat, accipiendum est: & quod sequitur de arbore prope confinium posita, eam communem fieri, si in vicini quoque fundum radices egerit, non de alia accipi potest, quam quæ antea fuerat tota unius.

Si etiam in vicini fundum radices egerit, communis fit] Efficit hoc eadem ratio: sed hoc sic temporandum, si ea arbor in vicini fundum etiam integras aliquot radices egerit; nam si extremas tantum radicum partes in vicini fundum porrexerit, quamvis inde nonnihil alimentum capiat, ejus tamen manet, cujus in fundo origo ejus fuit; eo quod radices magis juxta arboris truncum spectandæ, quam partes earum extremæ. Et ita Pomponius in *l. 6. §. ult. arb. furt. cas.* cum Gajo & Justiniano conciliandus, *D. Pac. in analys. hic*

Communis fit] Abusivè. Non enim pro indiviso communis fit, sed pro regione ejusque prædii: *l. pro regione* 8. *hoc tit.* Cæterum eadem arbor eruta communis esse incipit pro indiviso tanquam partibus, quæ prius certis locis distinguebantur, jam invicem confusis. Eademque ratio est lapidis in confinio nati & item postea exempti, *l. arbor.* 19. *comm. div. l. pen. pro soc.* recteque monet D. Cujac, hic in *d. l. pro regione hoc tit.* legendum esse, & sunt pro diviso communia prædia; non ut in codice Pisano legitur, pro indiviso; Et vero confinium non est, nisi in fundis vicinis, qui finibus discreti sunt.

T E X T U S.

De satione.

32. *Qua ratione autem plantæ, quæ terræ coalescunt, solo cedunt, eadem ratione frumenta quoque, quæ sata sunt, solo cedere intelliguntur. Cæterum sicut is, qui in alieno solo ædificavit, si ab eo dominus petat ædificium, defendi potest per exceptionem doli mali, secundum ea, quæ diximus: ita ejusdem excep-*

tionis

ptionis auxilio tutus esse potest is, qui alienum fundum sua impensa bonâ fide consecrit.

NOTÆ.

Bona fide consecrit] Addendum hoc Cajo d. l. 9. pr. nam bonæ fid. possessori tantum hæc exceptio competit; d. l. 11.

COMMENTARIUS.

Tertia species accessionis superiori planè similis, est frumentorum, quæ in alieno fundo sata sunt: nemo enim unquam dubitavit, quin si in meo fundo tuum frumentum severim, segetes meæ fiant: & ex diverso, si tuum fundum meo frumento consecverim, tuæ fiant: non enim semen, quod injectum solo est, amplius inspicui placuit, sed solum, in quod injectum est, & corpus unde segetes nascuntur, l. qui scit. 25. in pr. & §. 1. de usur. Quibus autem modis domino plantæ, quæ in alieno terra coaluit, consulitur, iisdem & domino injecti seminis. Igitur si quis suum fundum alieno semine bonâ fide consecverit, non poterit dominus seminis aliâ actione, quam in factum æstimationem consequi: adversus eum autem, qui idem fecerit mala fide, est actio furti & condictio furtiva: est & in rem & ad exhibendum, ut adversus eum, qui dolo malo defuit possidere. Quod si quis alienum fundum suis impensis consecverit, siquidem bona fide, is, si in possessione sit, poterit per retentionem impensas à se factas servare opposita doli mali exceptione, si res vindicabitur, l. 9. pr. hoc tit. possessione vero amissa nullam impensarum nomine actionem habet. Si mala fide, ne possidens quidem vel per retentionem quicquam servare potest, l. si quis 11. C. de rei vind. fac. l. qui alienum 14. de donat.

TEXTUS.

De scriptura.

33. *Literæ quoque licet aureæ sint, perinde chartis membranisque cedunt, ac solo cedere solent ea, quæ inædificantur, aut inseruntur. Ideoque, si in chartis membranisque tuis carmen vel historiam vel orationem Titius scripserit, hujus corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scripturæ solvere paratus sis, poterit se Titius defendere per exceptionem doli mali, utique si*

earum chartarum membranarumve possessionem bonâ fide nactus est.

COMMENTARIUS.

Hæc quarta species est hujus generis accessionis. Ait, literas, licet aureas, chartis membranisque cedere, perinde ac solo cedunt quæ inædificantur aut inseruntur, ut nimirum totius corporis idem sit dominus, qui & chartæ aut membranarum fuit, eadem ratione, qua superiora, quod scilicet velut in alieno solo positæ habeantur, ac necesse sit ei rei eas cedere, sine qua esse non possunt; quæ Pauli ratio est hujus generis accessionum omnium communis, l. in rem. 23. §. 3. de rei vind. qui etiam alibi diserte affirmat, id quod in charta mea scriptum est, meum esse, l. 3. §. pen. ad exhib. Et si igitur literæ aureæ sint, ut hic dicitur, & in l. 9. §. 1. eod. chartisque longè pretiosiores, tamen accessionis vice chartæ cedant necesse est: ut & purpura, licet pretiosior sit, vestimento cedit, & superficies, quæ & ipsa plerumque pretiosior est, solo. Contra hanc tamen acquirendi rationem disputat hoc loco D. Hotomannus. Ait, absurdum esse chartæ & foli, ædificii & scripturæ comparisonem: non enim sicut area ædium, ita & chartam carminis vel historię in ea scriptæ partem esse. Chartam ex earum rerum numero censendam, quæ usu delentur: nam eam scriptura imposita quodammodo interire & consumi: atque ob id sufficere debere, si domino æquè bona reddatur aut solvatur ejus æstimatio. Sanè perquam iniquum & absurdum videri, eum, qui fortè rationes suas aut meditationes in aliena charta scripserit, quas plurimum ejus intersit cum aliis non communicari, scripturam amittere, easque chartas à domino vindicari posse. Et quid si inventarium sit, aliudve instrumentum, in quo fortunæ alicujus positæ? Sed verum non est quod Hotomannus ait, chartam accessione litterarum perire aut consumi: totaque sua disputatione nihil aliud efficit, quam quod in proposito, si fortè tales species, qualium ille meminit, inciderint, ratio hujus juris non præcisè servanda sit. Quis autem hoc neget? Hodie etiam totum hoc jus mutatum creditur, ut jam non amplius scriptura chartæ: sed charta scripturæ cedat, chartamque ad se per prævalentiam scriptura trahat, testis post alios Mynsing. hic. ex nostris Grotius lib. 2. manduct. c. 8. add. Diod. Tuld. hic. c. 38.

Poterit se Titius defendere per except.] Scribenti nisi chartam possideat, scriptura sua perit: nam neque

neque vindicare eam potest, quia totum vindicaret, quod illius non est: nec ad exhibendum agere, ut scriptura separetur, quod fieri non potest. In factum quoque actionem non habet, non magis quam cæteri, qui in alieno quid posuerunt, quod solo cesserit: adeoque ipse suo sibi facto scripturam adimit, dum chartæ adjicit, cujus dominus eam à re sua accipit, ut dominus soli à solo accipit ædificata & fata, *l. si in area 33. de cond. ind. l. 11. C. de rei vind.* Tantum exceptio doli bona fide possidenti relinquatur, ut per retentionem rei impensam scripturæ consequatur, *l. 1. g. §. 1. hoc tit.* nec aliter tamen, quam si & scriptura utilis sit domino chartæ, ut ea recepta locupletior fiat propter scripturam, *arg. l. in fundo 38. de rei vind.* Cæterum non ut qui soli dominus est, alienam materiam aut plantam solo suo jungere potest, ita & qui dominus est chartæ, alienam scripturam chartæ suæ imponere. Quamobrem nec omnia, de quibus in superioribus, ad hanc speciem applicari possunt.

TEXTUS.

De pictura.

34. Si quis in aliena tabula pinxerit, qui dampnant tabulam picturæ cedere aliis videtur picturam (qualiscunque sit) tabulæ cedere: sed nobis videtur melius esse, tabulam picturæ cedere. Ridiculum est enim, picturam Apellis vel Parrhasii in accessionem vilissimæ tabulæ cedere. Unde si à domino tabulæ imaginem possidente is, qui pinxit, eam petat, nec solvat pretium tabulæ, poterit per exceptionem doli mali submoveri. At si is, qui pinxit, eam possideat, consequens est, ut utilis actio domino tabulæ adversus eum detur: quocasu si non solvat impensam picturæ, poterit per exceptionem doli mali repelli: utique si bona fidei possessor fuerit ille, qui picturam imposuit. Illud enim palam est, quod si is, qui pinxit, surripuit tabulas, sive alius, competit domino tabularum furti actio.

NOTÆ.

34. Nobis videtur melius] Amplectitur sententiam Caji in *l. 9. §. 2. h. t.* propter pretium picturæ, id est, propter dignitatem & præstantiam artis. Igitur ζωγραφία efficacior est pictura litterarum.

Qui pinxit eam petat] Recta sive directa vindicatione, quæ pictori, ut domino, competit, *d. §. 2. l. 9.*

Utilis actio] Quæ etiam non domino quibusdam casibus datur, *l. 5. §. 3. D. de rei vind.*

COMMENTARIUS.

1. Cur in pictura à communi ratione acquirendi recessum.
2. Quid si non Apelles aliquis, sed inferioris notæ pictor in aliena tabula pinxerit.
3. Quomodo succurratur domino tabulæ adversus pictorem.
4. Quid si pictor imaginem retinere malit, pretio tabulæ contra oblato.
5. In concursu adversus tertium possessorem uter præferendus.
6. Eum qui sciens in aliena tabula pinxit, ejusdem conditionis videri, cujus, qui sciens in alieno solo ædificavit.

Quinta & postrema hujus generis species est pictura, quæ & ipsa ex eadem ratione tabulæ, cui imposita est, cedit. Neque quicquam de jure cessionis mutat pretium picturæ: alioqui dicendum esset, nec ædificium areæ, nec purpuram vestimento, nec literas aureas chartis cedere debere: naturale enim est, ut adjunctum cedat subjecto, hoc est, ei rei, sine qua illud esse non potest, licet majoris sit pretii, ut disputat Paulus contra nonnullos veterum, qui de pictura contra sentiebant, *l. in rem 23. §. 3. de rei vind.* Cæterum Justinianus hic insuper habita & auctoritate & ratione Pauli, veterum illorum, inter quos & Cajus noster fuit, *l. 9. §. 2. hoc tit.* sententiam amplectitur, vultque nominatim quod iis placebat, in specie proposita subjectum cedere adjuncto, tabulam picturæ. Rationem si quæras, scribit Paulus, *d. loc. eos*, qui in pictura à communi acquirendi ratione recedendum putabant, ita sensisse propter pretium picturæ: quamvis ei hæc ratio tanti visa non sit, ut ob id diversum jus in pictura statui debuerit. Et sanè non est, si ea de solo pretio rei pictæ accipiat: verum arbitror veteres maximè pretium ipsius artis spectasse, cujus scilicet tanta sit dignitas, præstantia atque nobilitas, ut quæ ab ea profecta sunt, etiam prærogativam aliquam in re, de qua agimus, mereantur. Sanè vocis picturæ significatio id non impedit: quippe qua non minus ars ipsa pingendi, quam res aut tabula picta denotatur: veluti cum dicimus, certare pictura, docere, exercere picturam &c. *Plin. lib. 35. c. 9.* Certamen picturæ institutum est Corinthi ac Delphi & ejusdem lib. 110. Hujus (Pamphili Macedonis) auctoritate effectum est Sicyone, ut iuri inge-

ui picturam in buxo doceretur. Quanto autem hæc ars in pretio atque honore fuerit, vel ex eo æstimare licet, quod dignatione liberalium censeretur, & quidem in primo gradu; eamque solos ingenuos & honestos exercere fas esset, interdicto perpetuo ne servitia docerentur, teste *Plin. d. loc.*

Alii videtur, picturam, qualiscumque sit, tabula cedere.] Hoc est, picturam, etiam quæ maximi pretii sit, & nobilissimam, cedere tabulæ cui imposita est; licet longè viliori. Inter hos autem & Paulus noster est, *d. l. in rem 23. §. 3. de rei vind.* cujus sententia cum aliis locis, à quibus commodè separari non potuit, in contextum forte irrepsit. Qui negant, Paulum ab aliis dissensisse, eos oportet esse egregios dissidentium opinionum conciliatores.

² *Picturam Apellis vel Parrhasii.]* Quid ergo, si non Apelles aliquis, aut parrhasius, Zeuxisve aut Phidias sed alius longè inferioris notæ pictor imaginem in aliena tabula posuerit? An dicemus, imaginem, quam ille pinxit, tabulæ cedere, quia Justinianus insignium tantum pictorum mentionem facit? Mihi quidem non videtur ea mens esse Imperatoris. Cum Gajus, cujus sententiam hic sequitur & approbat, simpliciter pronuntiet, placere tabulas picturæ cedere, *d. l. 9. §. 2. hoc tit.* Et sanè non satis rationi convenit, ob excellentiam alicujus artificis jus in universum mutare, quod hic factum est. Quamobrem existimo, Justinianum exempli tantum causâ insignium horum pictorum meminisse, in universum autem non artificis, sed artis præstantiam, cum Cæteris spectasse: ita propemodum & *D. Tulden. hic §. 8. ex Fabrot. ad Theoph.* De Apelle, Parrhasio, aliisque primæ notæ pictoribus antiquis vid. *Plin. dd. locu.*

Is qui pinxit, eam petat, nec solvat pretium tabulæ.] Ex sententia Justiniani & Gaji competit ei, qui pinxit, adversus dominum tabulæ, recta vindictio. Hinc quia domino tabulæ etiam vice mutua cavendum, ne cum re sua pretium quoque alieno facto amittat, placuit, eum, qui pinxit, non aliter in rem, efficaciter experiri, quam si pretium tabulæ inferat, alioqui nocituram ei doli mali exceptionem, *d. l. 9. §. 2.*

Consequens est ut utilis actio domino tabulæ.] At cui consequens? Nihil enim hæcenus dictum, unde hoc consequatur. Imo ex eo, quod tabulam picturæ cedere dictum est, eumque, qui pinxit, dominum tabulæ fieri, contra potius colligas, priori tabulæ domino omnem omnino vindicationem negari. Verum arbitrator, Justinianum hoc significare velle, cum omnibus, qui rem suam sine facto suo hoc jure amittunt, actione aliqua succurratur, qua, si non rem, saltem pretium consequantur, æquissimum esse, ut subveniatur & domino tabulæ, qui rem suam similiter amisit: cumque eo nomine variæ compa-

ratæ sint actiones pro conditione rerum junctarum veluti ad exhibendum, si separari possunt; *l. 6. ad exhib.* si non possunt, actio in factum: *d. l. in rem 23. §. item quæcunque de rei vind.* nonnunquam etiam ex æquo & bono contra severitatem juris detur utilis in rem, ut in specie *l. 5. §. de arbore eod. tit.* quæ prope abest à nostra: placere etiam hanc eadem æquitatis rationi domino tabulæ accommodari. Et fortassis hoc eo facilius, quia tabula eadem & integra manet, & hoc respectu etiam quodammodo ejusdem: nam & materia, quæ ædificio juncta est, simili ratione ejusdem manere dicitur: nec dubito, quin deleta pictura aut inducta, in pristinam causam tabula redeat, & recta possit à domino vindicari, *arg. l. si habitator §. 9. de rei vind. l. 2. C. eod.* contra quam existimat Cantiuncula.

Nec solvat impensam picturæ.] Quid ergo, si pictor imaginem retinere malit, pretio tabulæ contra oblato? uter audiendus? Haud dubiè pictor: quippe qui juris auctoritate verus dominus factus etiam directam in rem adversus possessorem dominum tabulæ actionem habet; qua scilicet efficaciter experietur, etiam si possessor retinere malit, paratus solvere impensam picturæ, ut rectè post Glossam communiter interpretes consent: quibus proinde etiam in eo assentior, quod in concursu adversus tertium possessorem, eum qui pinxit, domino tabulæ præferunt: licet *D. Donellus lib. 4. comm. c. 36.* contra disputet, neutrumque alteri velit præferri, sed occupantis meliorem esse conditionem; in eo errans, quod existimat, utillum in rem actionem in specie proposita ejusdem esse efficaciam, cujus est directæ, contra mentem Imperatoris & Jurisconsulti, quos manifestum est, sicut tabulam picturæ cedere volunt, ita etiam, pictorem quam dominum tabulæ, actionem directam quam utilem, potius esse voluisse. Disputatio autem Fabri, quando actio utilis directæ præferatur; huc non pertinet: sed locum habet in actionibus in personam, aut ubi quis à domino jus aliquod dominio proximum habet, ut emphyteuta & superficiarius.

Vtique si bonæ fidei possessor fuerit, &c.] Num igitur ei, qui mala fide pinxit, hac parte juris nullo modo consultum est? Et doli quidem mali exceptio aperte hic possidenti denegatur, licet dominus tabulæ tabulam ab eo petat non oblato pretio picturæ. Cæterum omissa exceptione doli, poteritne saltem (quod Wesembecio & Bachovio placere video) excipere de dominio tabulæ, atque ita vincere oblata tabulæ æstimatione, cum mala fides non impediat quominus hisce modis per accessionem dominium quæeratur? *§. si tamen 26. sup. eod.* Mihi videtur Justinianum non obscure ei qui sciens in aliena tabula pinxit, eadem ratione exceptionem denega-

re, quā supra devegavit ei, qui sciens edificavit in alieno solo; nimirum quod hic pictor operam suam & rem, quam contulit, sua voluntate amisisse intelligatur, sicut ille operam & materiam. Quod si possidenti nullam damus exceptionem, multo minus amissa possessione erit ei in rem actio adversus dominum tabulae, quamvis pretium offerat.

T E X T U S.

De fructibus bona fide perceptis.

35. Si quis à non domino, quem dominum esse crediderit, bona fide fundum emerit, vel ex donatione aliave qualibet justa causa, æque bona fide acceperit, naturali ratione placuit, fructus, quos percepit, ejus esse pro cultura & cura: Ideo si postea dominus supervenerit, fundum vindicet, de fructibus ab eo consumptis agere non potest. Ei vero qui alienum fundum sciens possederit, non idem concessum est: itaque cum fundo etiam fructus, licet consumpti sint, cogitur restituere.

N O T Æ.

35. Vel ex donatione] Igitur malè distinguit Pac. inter possessorem ex causa onerosa & lucrativa.

Alia justa causa] Idonea ad transferendum dominium, ut venditio, permutatio, donatio, &c.

Placuit fructus] Non industriales tantum, sed etiam naturales, ἀπὸ τῆς γῆς ἀνέχοντες, l. 48. D. h. t. l. 78. D. de rei vind. l. 13. quib. mod. us. am. Nam b. f. possessor fructus jure soli percipit, atque eo jure, quod dominis prædiorum tributum. tunc, qui agrum vectigalem habet, l. 25. §. 1. D. de usur. Obst. l. 45. D. d. t. Resp. intelligenda est de possessoribus, qui justum titulum non habent.

Fructibus consumptis] §. 2. inf. de off. jud. l. 4. §. 2. D. fin. reg. Ex contrario igitur extantes omnes restituere tenetur: quod & traditum l. 22. C. de rei vind.

Qui alienum fundum sciens] Male fidei possessor cum ipsare etiam fructus, licet consumpti sint, restituere cogitur, d. l. 22. teneturque de extantibus rei vindicatione, de consumptis conditione, l. 3. C. de cond. ex. leg.

C O M M E N T A R I U S.

1. Quid sit fructus, & quatuorplex.
2. In persona acquirentis quo spectanda.
3. Quando fructus percepti intelligantur.
4. Præcipuum & adequatam hujus acquisitionis causam esse possessoris bonam fidem.

5. Denegari possessori fructuum acquisitionem, ex quo cognovit rem alienam esse.
6. Nihil in proposito interesse, titulo oneroso possidere quis, an lucrativo.
7. Ostenditur multis cum rationibus tum exemplis, qualitatem fructuum nihil de hac acquisitione mutare.
8. Pomponius cum aliis conciliatus.
9. Bonæ fidei possessorem fructus omnes consumptos lucrari, non consumptos restituere.
10. An bon. fid. possessor consumptorum fructuum nomine teneatur, quatenus ex iis locupletior factus est.
11. Quid circa præsentem dissertationem in praxi obvi-
neat.
12. Male fidei possessorem, nullos fructus aut percipiendos suos facere, aut consumendo lucrari.

Modos acquirendi, jure gentium commodioris doctrinæ gratia ita supra distinximus; quod quædam eo jure nobis acquirantur facto nostro & occupatione; quædam solius rei nostræ beneficio ac potestate: in quibus tamen explicandis ordinem à Compositoribus servatum hic sequi necesse fuit: & ferè jam huiusmodi etiam speciatim à nobis expositi sunt: omnes quidem omnino & singuli, quibus sine facto nostro sola rei nostræ vi acquiritur: quibus vero facto nostro, paucis exceptis, scilicet inventione thesauri, & apprehensione rerum, quæ à dominis vel traduntur, vel prodere-
licto habentur: de quibus adhuc postea dicendum. Ad neutrum autem horum modorum videtur referri posse acquisitio fructuum ex re aliena bona fide, possessa perceptorum. Neque enim fuit bonæ fidei possessoris, jure & potestate rei suæ, unde non nascuntur; neque solo ipsius facto puta cultura, cum a perceptione: nam eadem ratione fierent & malæ fidei possessoris atque ab alio percepti, agro ab alio confito, bonæ fidei possessoris non fierent: licet perceptio in bonæ fidei possessore sit causa sine qua non. Denique nec ulla alia ratione videtur hæc forma acquisitionis defendi posse: nam cum inter cætera, quæ potestate rei nostræ jure gentium acquirimus, vel maxime sint fructus, qui ex ea nascuntur. l. qui scit, in pr. & §. 1. de usur. l. 2. & l. 6. hoc tit. l. 11. C. de rei vind. §. item ea 19. sup. eod. ejusdem quoque juris rationi convenire videtur, ut iidem fructus nostri maneant, etiam cum à re, unde extiterunt, separati sunt. Nam si fructus pendentes pars sunt fundi & ejus, qui fundi dominus est, l. fructus pendentes 44. de rei vind. necesse est etiam separatos ejusdem manere: id enim est quod dicitur, meum esse, quod ex re mea superest, l. solum 49. §. 1. d. tit. Et res ita habet. Cæterum hæc acquisitio istius regulæ quædam exceptio est; placuitque hic rem ipsam potius, quæ acquiritur, & personas acquirentium

quam modum formamve acquisitionis communem spectari. Tres igitur causæ sunt, quæ huic acquisitioni locum faciunt; res, quæ acquiritur; persona acquirentis; acquirendi ratio & modus. Res, quæ acquiritur, sunt fructus. Fructus, teste Varone 4. *de ling. à ferendo dictus est, ut sit omne id, quod res ferat. Nostri cum generalibus loquuntur, appellatione fructus omnem redditum, omnem obventionem, omneque commodum, quod vel ex re nascitur, vel per causam rei percipitur, comprehenduntur. Hinc nata fructuum divisio in civiles & naturales. Civiles dicuntur, qui non ex corpore rei nascuntur, sed extrinsecus per occasionem rei iure percipiuntur; cuius generis sunt usuræ, mercedes, pensiones, redditus annui: unde nec propriè fructus sunt, l. *usura* 121. *de verb. sig. l. si navis* 62. *de rei vind.* sed in fructu numerantur, quia vicem fructuum obtinent, l. *videamus* 19. l. *usura* 34. l. *prediorum* 36. *de usur. l. mercedes* 29. *de her. per. eorumque etiam ratio habetur in iudiciis petitoriis, l. ancillarum* 27. §. 1. *et seqq. d. tit. d. l. si navis de rei vind.* Cæterum de isto genere hic non quaeritur. Naturales fructus sunt, quos natura ex re ipsa producit: eorumque duplex item potest esse consideratio: aut enim natura sola, & *autoproductus*, spontè magis, quam diligentia hominis, proveniunt, ut poma, oleæ, nuces, lignum, fœnum: aut natura quidem adjutrice, cæterum facto magis & industria hominum: quos quia natura non producit, nisi accedat labor & industria hominis industriales vulgus interpp. appellavit; cuiusmodi sunt segetes, legumina, aliaque in agris sata, l. *fructus* 45. *de usur.* unde hæc distinctio petita. Huc item nonnulli referunt fœtus pecudum, lac, pilum, lanam, arg. l. 7. §. *non solum* 9. *soli matr. Wesemb. hic Don. 4. comment. 25. Menoch. de arb. cap. 120. num. 26.* & sanè hæc absque cura & sumptu possessoris non proveniunt: sed tamen non ideo minus fructus naturales censerì oportere, contendit Pinell. in l. 2. C. de res. vind. p. 2. c. 4. num. 52. *et D. Tulden. c. 45. post Curtium 2. consuet. ad frat. cap. 44.* Ego, cum Bartolo in l. *et ex diverso* 35. *de rei vind. Covar. 1. resol. 3. n. 6.* existimarem non nihil hictribuendum esse arbitrio iudicis; quamvis id ad quæstionem propositam parum faciat. Ut ut est, de utroque hoc genere, sed solo disputatur hoc §. In persona acquirentis duo exiguntur, ut possideat, hoc est, animo & affectu dominantis rem teneat, l. 13. §. 1. *de publ. in rem act.* ut possideat bona fide, id est, iustam causam habeat, ob quam existimet rem ad se pertinere, l. *qui à quolibet* 27. *de cont. empt. l. bona fidei* 109. *de**

verb. sig. Modus horum fructuum acquirendorum est perceptio: nec interest, an ipse possessor eos percipiat, an alius suo nomine, non possessoris, l. *si fructuarius* 13. *quib. mod. ususfr. amitt. l. qui scit.* 325. §. 1. *de usur.* Percepti autem fructus intelliguntur, simul atque à re, qua tenebatur, separati sunt: in fundo, cum se terra continere desiderunt, veluti spica aut fœno cæso, uva adempta, excussa olea, nucibus & pomis dejectis aut decerpitis, licet nondum collecti aut avecti sint, frumentum nondum tritum, vinum aut oleum nondum factum, d. l. *si fructuarius, et d. l. qui scit.* §. 1. l. *si ejus* 78. *de rei vind.* in animalibus, cum factus editus, lac expressum, lana detonsa est, l. *in pecudum* 28. *de usur. l. bone* 48. *in fin. hoc tit.* Nonnumquam tamen verbo percipendi aliquid amplius designatur, quam simplex illa, quam dixi, fructuum à re separatio: quomodo accipiendum quod Paulus scribit in d. l. *bone*, fructus bonæ fidei possessoris fieri etiam prius quam eos perceperit; nimirum prius quam perceperit plenè & perfectè; prius quam eos collegerit, auxerit, quam spicam triverit, uvas, olivas expresserit, d. l. *si ejus* 78. *de rei vind.* Tribuitur igitur hæc acquisitio perceptioni. At quo iure, quæve ratione; Naturali, ut ait Iustinianus hic, nimirum propter culturam & curam possessoris percipientis. Sed enim neque sola hæc acquisitionis huius ratio est, neque præcipua, ut patet ex iis, quæ iam disputata sunt: & si culturæ tantum aut curæ ratio hic haberetur, hoc solum possessori concedendum esset, ut impensam & operam in colendo & curando præstitam imputet, atque ad eum duntaxat modum fructus deducere vel retinere possit, si aliter ei restitutio non fiat. Principalis vero ratio in persona possessoris quaerenda: ea est bona fides, quippe quæ facit, ut possessor penè pro domino haberi debeat, d. l. *qui scit.* §. 1. *de usur. d. l. bone fidei hoc tit.* & hinc non tantum fructus, sed & cætera ferè omnia, quæ dominis tribuuntur, eadem tribuuntur & bonæ fidei possessoribus: veluti amissa possessione actio in rem Publiciana, in his rebus quæ usucapi possunt, §. *namque si cui* 4. *inf. de act. tot. tit. de Publ. in rem act.* item quæ servi alieni & liberi homines bona fide posselli ex operis suis aut re possessoris acquirunt, §. *idem placet inf. per quas pers. tuic. atq.* In summa, bona fides, tantundem præstat possidenti, quantum rei veritas, quoties lex impedimento non est, ut ait Jurisconf. in l. *bona fides* 136. *de reg. jur.*

Quem dominum esse crediderit] In hoc potissimum versatur bona fides. Nihil autem interest, pu-

taverit eum dominum esse, qui non erat; an sciverit dominum non esse, & putaverit eum jus alienandi à domino aut lege habere, puta procuratorem aut tutorem esse, *l. bonæ fidei 109. de verb. sig. l. ult. pro empt. l. 13. §. 1. & l. seq. de Publ. in rem act. l. qui à quolibet 27. de cont. empt.* At enim si dominum esse existimet, necesse est, ut simul credat esse eum, cui rerum suarum alienatio non sit interdicta: nam si, verbi causa à pupillo, quem dominum putet, rem emerit sine tutoris auctoritate, non videtur bona fide emisit, *d. l. 13. §. 2. de Public. d. l. qui à quolibet de cont. empt.* si tutorem putet, ut credat etiam se ab eo emere: lege non prohibente, *d. l. 13. §. 2. l. lex quæ 22. C. de adm. tut.* si existimet procuratorem, ut putet, aut esse eum, cui nominatim de re tradenda mandatum sit; aut eum, cui libera negotiorum omnium administratio à domino permilla, *l. iusjurandum. 17. in fin. de jurejur. l. 9. §. nihil autem 4. hoc tit.*

Aliarum iusta causa] Nam cum nunquam nuda traditio dominium transferat, non aliter existimare potest rem in se transferri, quam si iusta causa præcedat, propter quam traditio sequatur, *l. nunquam 13. hoc tit. d. l. 13. §. 2. de Public. in rem act.* Justam autem causam appellat justum titulum, ex quo si res à domino, eove, qui jus transferendi habet, traditur, dominium statim in accipientem transiit, cuiusmodi causæ sunt emptio, donatio, dos, permutatio, legatum, iudicatio, noxæ deditio, transactio, adjudicatio, *l. 1. & seqq. de Publ. in rem act.* Nec sufficit putare, titulum intervenisse, si non intervenit: nam ut falsa existimatio nostra usucapionem non parit, ita nec ad fructuum acquisitionem prodesse debet; nisi forte huic nostræ opinioni causam dederit, iusta & probabilis facti ignorantia, *vid. inf. de usuc. §. error. 6.*

Æquæ bonæ fide accepit] Neque sufficit, possessorem rem ab initio bona fide accepisse, si postea cognoverit rem alienam esse: nam ex eo tempore, ut bonæ fidei possessor esse desinit, ita quoque ei denegatur fructuum acquisitio, *l. qui bona 23. §. 1. hoc tit.* licet usucapio ipsius rei adhuc procedat, *l. pen. pro empt. l. un. C. de usuc. transf.* quippe in usucapione tantum una acquisitio est, & ideo in ea sufficit, vel initium possessionis justum esse: in fructibus autem acquirendis, ut multæ sunt acquisitiones, ita & in singulis bona fides spectanda, nec unum initium, ut in usucapione, sed singula momenta, *d. l. qui bona §. 1. l. bonæ fide 48. §. 1. hoc tit.* Contrarium tamen videri potest, quod scribit Julian. *l. qui scit. 25. §. 2. de usuc.* bonæ fidei possessorem etiam eum in percipiendis fructibus intelligi, qui postea cognovit, rem alienam esse, quamdiu ea evicta non fuerit: nisi dicamus cum Glossa & Bart. Julianum nihil

aliud significare voluisse, quam huiusmodi possessorem manere interim in possessione percipiendi fructus, nec in ea perceptione ab eo, qui se dominum esse intendit, pendente lite, quamdiu de scientia, nondum verè constat, turbari posse: at re evicta & legitimo iudicio ablata, si de restitutione & effectu acquisitionis queratur, retroversus malæ fidei possessorem intelligi, ex quo res ab eo petita est, arque exinde fructuum nomine teneri, ut quemvis malæ fidei possessorem: & sanè hoc probabilius est, quam quod Baroni. in hunc §. *Copo lib. 2. de fruct. r. 4. c. 5. D. Tuldano hic 148.* videtur, Juriscons. inter se dissensisse. Ait, *accepit*: etenim aliter nec possidet, nec putare potest, rem suam esse, licet conventio præcesserit: non enim nudis pactis, sed traditionibus, dominia rerum jure gentium transferuntur, *l. traditionibus C. de pact.* Obiter addo, bonam fidem benigna juris interpretatione in possessore præsumi: atque inde esse, quod non ipse possessor de bonæ sua fide docere cogatur, sed adversarius contrarium ostendere debeat, *l. quoties §. 1. de probat. l. pen. C. de evict. D. Wesemb. n. 4.*

Fructus, quos percipit. ejus esse pro cultura & cura] Cum in persona possessoris concurrunt ea, quæ diximus, placet, sola perceptione, adeoque sola separatione à re, qua tenebantur, fructus possessoris fieri. Non interest quo titulo possideat, oneroso, an lucrativo: nam & eum, qui ex causa donationis rem accepit, differre cum emptore in hac quæstione exæquat Justinianus. Sed neq; fructuum conditio quicquam, de hac acquisitione mutare videtur, & non tantum fructus industriales, sed naturales etiam, ad hanc acquisitionis speciem pertinere. Nam generaliter atque indistinctè loquitur hic imperator, & Jurisconsulti in *l. bonæ fidei hoc tit. l. si ejus 78. de rei vind. l. 13. quib. mod. us. am.* Gaji quoque ratio generalis in *l. in pecudum 28. de usuc.* ideo nempe factum pecudum fieri bonæ fidei possessoris, quia in fructu est. Ait quidem Justinianus hic, fructus bonæ fidei possessoris fieri pro cultura & cura: at vix ulla res est, quæ sine cultura aut cura aliqua fructum ferat: coluntur enim agri, curantur pecora, putantur arbores, plantæ; olæ attonderi & interradi gaudent, *Plin. lib. 15. c. 1* Sed & si qui fructus sine cultura aut cura proveniant, ut sylvæ cædunt, poma, nuces, aliique fructus sylvestres, nihilo tamen minus huc pertinent. Nam ut non multo ante diximus, præcipua & adæquata acquisitionis fructuum ratio est bona fides possessoris, quæ efficit, ut tanquam dominus jure soli fructus percipiat: & consequenter ergo etiam eos percipiendo suos facit, in quos neque culturam neque curam ipse impendit: *l. qui scit §. 1. de usuc.* tantum quia *ἢ τὸ πᾶν* accidit, ut fructus sine cultura aut cura non proveniant, ratio hæc à Justiniano

expressa est. Evincitur hoc, quod dico, etiam ex eo, quod mox subjicit de fructibus consumptis: ait enim, quos fructus possessor percipiendo suos fecit, de iis consumptis dominum supervenientem, & rem suam vindicantem agere non posse, hoc est, possessorem eos consumptos lucrari: aut lucratur consumptos omnes, l. 4. §. 2. *fin. reg. l. certum 22. C. de rei vind. §. 2. inf. de off. jud.* ergo & perceptos interim suos omnes facit. Exemplis quoque demonstrari potest, non industriales tantum, sed etiam naturales fructus fieri bonæ fidei possessoris, simul atque à solo aut re, qua tenebantur, separati sunt. Non asseram quod de fœtu pecudum, lacte, lana scribit Gajus in d. l. in pecudum de usur. & Paulus, in l. bonæ fidei 48. §. ult. hoc tit. hos fructus statim fieri bonæ fidei possessoris: quia video esse, qui fructus pecudum pro industrialibus in hoc argumento habendos existimant, propterea quod, ut modo dicebamus, ex iis rebus producuntur, in quas possessori sumptus facere necesse sit: quamvis Gajus non aliam harum rerum acquisitionis rationem reddat, quam quod in fructu sint. Fortassis & uvas iidem ob eandem causam inter fructus industriales numerabunt, ideoque quod uvam ademptam legimus statim bonæ fidei possessoris fieri, negabunt, huc pertinere. At certe oleam negare non poterunt esse vel maxime fructum naturalem; quippe quæ teste Plinio lib. 15. cap. 1. nullam omnino culturam aut curam desideret, & Virgilius lib. 2. Georg. de oleis sic scribit;

*Contra non ulla est oleis cultura, neque ille
Procurram expectant falcem, rastrosque tenaces,
Cum semel hæc serunt arvis.*

Dubius autem locis manifestè proditum est, etiam oleam, mox cum percepta sive excussa aut lecta est, bonæ fidei possessoris acquiri, d. si fructuarius 13. quib. mod. usuf. am. l. si ejus 78. de rei vind. Fœnum quoque opinor nemo negabit fructum esse naturalem: at non minus fœnum, quam spicam, simul atque à solo separatum est, bonæ fidei possessoris fieri, traditum est in d. l. 13. quib. mod. usuf. am. Postremo omnem dubitationem tollit locus Pauli in d. l. bonæ fidei hoc tit. in pr. ubi sic scribit; Bonæ fidei emptor non dubiè percipiendo fructus etiam ex aliena re suos interim facit, non tantum eos, qui diligentia & opera ejus provenerunt, sed omnes: quia quod ad fructus attinet, loco domini pene est. Nam Glossæ ad hunc locum interpretatio & DD. qui eam sequuntur, inter quos ex recentioribus etiam est D. Bachovius, inconcinna & violenta est. Hi illa Pauli verba (sed omnes) ad fructus industriales coarctant, qui alterius, quam bonæ fidei possessoris opera proveniunt. Sed quis non videt, verbum (omnes) à Paulo non ad operantes, sed ad fructus ipsos referri, eoque denotari fructus diversæ speciei & qualitatis ab iis, quos dixerat ope-

ra possessoris provenire. Evincit hoc ipsum etiam ratio, quam mox subjicit, quia quod ad fructus attinet, bonæ fidei possessor loco domini pene sit: cuiusmodi item est, quod Julian. scribit, bonæ fidei possessorem fructus jure soli percipere, atque eo jure, quod dominus prædiorum, eive qui agrum vectigalem habet, tributum est, d. l. qui scit. §. 1. de usuf. unde satis manifestè apparet, præcipuam hujus acquisitionis causam non esse operam aut industriam possessoris: sed fructus omnes, qui ex solo nascuntur, etiam *ἀναγρῶν & ἀνυγρῶν* eo pertinere. Et vero si percipiendo sibi acquirit etiam ab alio factos, in quos neque culturam, neque curam ullam impendit, cur non etiam naturales, quos plerumque cura illius facit, si non ut nascantur, saltem ut conserventur? Unus juris locus est, qui interpp. adegit, ut in hac acquisitione fructus naturales ab industrialibus distinguere: is est Pomponii, l. fructus 45. de usuf. Quærit eo loco de conjugæ possessore rei à conjugæ donatæ: & ait, conjugem fructus ex ea re perceptos illos tantum suos facere, qui ex operis ejus provenerunt: cæterum si pomum decerpserit, vel sylvam ceciderit, ejus eum fructum non fieri, sicuti nec cuiuslibet bonæ fidei possessoris: quia non ex facto ejus is fructus nascatur. Hic jurisconsultum satis aperte sic loqui arbitrantur, ut fructus naturales ad bonæ fidei possessorem non pertinere existimet: quod tamen non ita est. Non enim ait, nullius bonæ fidei possessoris eum fructum fieri, sed non cuiuslibet: quæ enunciatio non est generalis, sed particularis, ut ostendit nota particularis attributionis, quæ hic est negatio universalis. Qui dicit non cuius homini licet adire Corinthum, is tacite fatetur alicui hoc contingere. Et cum idem *Id. l. 6. pr. Pand. de cont. empt.* ait non cuiusque rei venditionem & alienationem esse, id non hanc habet sententiam, nullius rei esse venditionem, quod falsum esse vel pueri sciunt, sed quorundam duntaxat rerum non esse, nempe earum, quas vel natura, vel jus gentium, vel mores civitatis commercio exemerunt, cæterarum autem rerum esse l. 34. §. 1. D. d. tit. Igitur in hac enuntiatione; Non omnis aut non quilibet bonæ fidei possessor fructus naturales suos facit, cum consequens non omni antecedenti attribuitur, sed solummodo ejus parti alicui, satis apparet, Pomponium non eodem jure in proposito omnes bonæ fidei possessores censere, & tacite duò generalium possessorum facere, unum eorum, qui fructus naturales suos non faciunt, alterum, qui faciunt. Atque ita est. Non enim omnis bonæ fidei possessor fructus naturales percipiendo suos facit; sed is solum, ut ante dictum est, qui justo titulo possidet, causamque justam habet, cur existimet rem ad se pertinere: qui autem justo titulo destituitur, quamvis in jure errans se dominum

falsum.

factum putet, naturales fructus suos non facit, ne cui juris ignorantia in compendiis proſit, l. 4. l. 7. & 8. de jur. & fact. ign. licet alioqui non malæ, ſed bonæ fidei poſſeſſor exiſtimari debeat, quicumque dolo caret, etſi in jure errat, arg. l. ubi lex. 24. l. ſi ſur. 32. §. 1. de uſuc. l. ſed etſi 25. §. ſcire de her. pet. add. Gadd. ad l. bonæ fidei 109. de verb. ſign. nec ſequitur; injuſtè ſeu titulo invalido poſſidet, ergo mala fide. Poſſeſſor prædii minoris ſine decreto alienati poſſidet injuſtè, bona tamen fide poſſidet, ſi ignorans rem minoris eſſe, aut in jure errans rem emit, fructusque industrialiæ propter bonam fidem ſuos facit, l. 2. C. ſi quis ign. rem. min. Talis etiam eſt poſſeſſor fundi dotalis a marito alienati, item rei litigioſæ, & qui à falſo tutore emit, l. 13. §. ult. de publ. in rem. act. Nam ubi lex impedimento eſt, bona fides in compendiis poſſeſſori non prodeſt, l. 1. §. de verb. ſign. Toties autem impedimento eſt, quoties poſſeſſorem vult teneri in quantum locupletior factus eſt, ut poſſeſſorem hæreditatis, l. 25. §. conſultuit 11. de her. pet. item in caſu l. 8. C. de don. int. vir. & ux. & denique qui ex ea cauſa poſſidet, quæ poſtea ad non cauſam redacta eſt, l. 3. de cond. ind. Atque de hoc genere bonæ fidei poſſeſſorum locus Pompeii accipiendus eſt: quippe qui & ſoli ſimiles ſunt iis, de quibus illic quaeritur, & in lucris cæterorum bonæ fidei poſſeſſorum jure non cenſentur: ita ferme & Weſembec, hic Pinel. ad l. 2. C. de reſc. vend. part. 2. cap. 4. num. 59. Fachin. 1. contr. 57. Paul. Buſ. ad d. l. 45. Timeus Fab. diſput. amiverſ. 14. theſ. 5. Tulden. c. 50. hic.

De fructibus ab eo conſumptis agere non poteſt] Hoc idem traditur §. 2. inf. de off. jud. & Paulus in l. 4. §. 2. fin. reg. ait, bonæ fidei poſſeſſorem fructus conſumptos lucrari. Unde ſequitur ex contrario, de non conſumptis; hoc eſt, exſtantibus adhuc, licet à ſolo ſeparatis, dominum agere poſſe, eosque bonæ fidei poſſeſſorem non lucrari: quod & expreſſè traditum eſt l. certum 22. C. de rei vind. quam ob cauſam Africanus conſumptos demum ſuos facere bonæ fidei poſſeſſorem ſcribit l. queſitum 40. hoc tit. & Paul. l. 4. §. lana 19. de uſuc. conſumptos vel uſucaptos: quia hi ſoli re eviſta non reſtituuntur. Dubitandum autem non eſt, quin ut omnes, tam naturales quam industrialiæ, conſumptos bonæ fidei poſſeſſor lucratur, ita vice verſa omnes, tam industrialiæ quam naturales, non conſumptos teneatur reſtituere, arg. hujus §. & dd. loc. nam quod maritus non reſtituit fructus industrialiæ licet adhuc extant, in ſpecie l. fructus 45. de uſur. id hanc rationem habet, quod maritus eoſ, permittente jure ſibi acquiſivit ex voluntate uxoris donatricis. Ergo, inquies, falſum eſt, quod hæcenus probare conati ſumus, ſola perceptione fieri fructus bonæ fidei poſſeſſoris. Et vero falſum eſſet, ſi

hæc eidem rei attribuerentur *bonæ fidei* & eadem ratione. Sed ſciendum eſt, duplicem eſſe dominii acquiſitionem; unam perpetuam & citra voluntatem aut factum domini irrevocabilem; alteram temporalem & revocabilem ex cauſa ſuperveniente, quæ dominii cauſam tollat: quale juſ eſt mariti in re dotali, quod ſoluto matrimonio ab eo recedit; & hæredis fiduciarii, quod cedente die fidei commiſſi in fidei commiſſarium tranſit: item hæredis in re ſub conditione legata, l. non ideo 66. de rei vind. l. generaliter 29. §. 1. qui & à quib. manu. & tale quoque in propoſito juſ eſt bonæ fidei poſſeſſoris in perceptis necdum conſumptis fructibus uſque ad eviſionem, Nimirum cauſa hujus acquiſitionis præcipua eſt bona fides: quippe quæ efficit, ut poſſeſſor proinde quaſi dominus jure ſoli fructus ſuos faciat, quamdiu de vero domino non conſtat: at eo ſuperveniente ac rem ſuam vindicante, jam cauſa illa, & ſimul juſ, quod dixi, ceſſare incipit, cogiturque poſſeſſor fructus omnes, qui modo tempore eviſionis extant, officio judicis reſtituere: neque enim ſublato jure, quod in ſolo habebat, poſſeſſorem defendere poteſt; ut fructus retineat, ſola ratio culturæ & curæ: ſed ad id ſolum prodeſſe, ut oppoſita doli mali exceptione ſumptus ſervet, conſequaturque; ut dominus aut pretium ejus, quod impenſum eſt, ſolvat, aut ſi id nolit, patiatur ſumptus cum fructibus pro rata penſari, proque illis partem fructuum poſſeſſorem retinere, arg. l. ſi à domino 36. §. ult. de her. pet. Ipſe Paulus non obſcurè hoc innuit. d. l. bonæ fidei hoc illiſ verbis; ſuos interim facit, ne quis credat, ſola perceptione fructus ſic fieri poſſeſſoris, ut nunquam poſtea ſint reſtituendi. Neque vero exiſtimandum eſt, fruſtra conſtitutum eſſe, ut interim bonæ fidei poſſeſſor fructus ſola perceptione ſuos faciat: nam & ratio bonæ fidei hoc exigat: nec ſine effectu eſt; prodeſt enim bonæ fidei poſſeſſori ad hoc, ut ſi fructus ab alio percepti ſint & poſſideantur, eos tanquam ſuos vindicare poſſit, tribuitque ei juſ fructibus, pro arbitrio ſuo utendi, eos pro utilitate aut neceſſitate familiæ diſtrahendi aut conſumendi; cujuſ rei hic iterum effectus, ut domino rem ſuam eviſcenti conſumptorum nomine non teneatur, quorum alioqui æſtimationem reſtituere deberet. Nonnihil tamen hac in re nobis negotii facit, quod Gajus reſpondet l. in pecundum 28. de uſur. ea quæ in fructu ſunt, ſtatim pleno jure fieri bonæ fidei poſſeſſoris & fructuarii: nam quod ſtatim pleno jure acquiritur, id non poteſt dici conſumptione demum irrevocabiliter acquiri. Ad hoc igitur quid reſpondemus? nimirum eum, qui cum de acquirendo agitur, dicit bonæ fidei poſſeſſorem fructuum, ſimul ac percepti ſuos ſtatim dominum fieri pleno jure aut in ſolidum non contra domino negare, juſ illud ex cauſa eſſe revocabile: neque

de eo laborare debuit Gajus in comparatione fœtuum pœcundum cum partu ancillæ, qui in fructu non est, & ideo usucapione demum acquiritur. Sic idem Gajus *l. generaliter* 29. §. 1. *qui ex à quib. man.* scribit, servum sub conditione legatum, pendente conditione pleno jure heredis esse: quem tamen constat deficientem demum conditione fieri hæredis irrevocabiter. Illud non magni momenti est, quod bonæ fidei possessor dicitur idem jus habere quod dominis prædiorum tributum est & plus etiam juris, quam habet fructuarius, *l. qui scit* §. 1. *de usur.* nam si hoc simpliciter verum esset, ne naturales quidem fructus extantes restitueret: & loquitur expressè jurisconsultus de jure fructus ab initio acquirendi. De consumptis porro quæsitum est, an non saltem bonæ fidei possessor ad restitutionem eorum teneatur, quatenus ex iis factus est locupletior. Et verius est eum non teneri. Nam primo textus omnes, qui de consumptis fructibus loquuntur, generaliter & sine ulla distinctione negant, eorum nomine bonæ fidei possessorem teneri, & Impp. in *l. 22. C. de rei vind.* ajunt eum teneri nomine extantium duntaxat, quali de consumptis inquirendum non sit. Adhæc tantum tribuit bon. fid. possessoris consumptio, quantum usucapio, *l. 4. §. l. ana* 19. *de usuc.* at usucapitorum nihil restituitur: & postremo, quod bene notandum est, dicitur bonæ fidei possessor fructus consumptos lucrari, *l. 4. §. 2. fin. reg.* quod utique falsum esset, si eos, quatenus locupletatus esset, teneretur restituere: nemo enim sine lucro locupletatur. Non obstat, quod in judicio petitionis hæreditatis bonæ fidei possessor teneatur in quantum locupletior factus est, *l. sed & si* 25. §. *consultuit* 11 *l. illud* 40. §. 1. *de her. pet. l. 1. C. cod.* Non enim eadem in proposito judicii universalis & rerum singularum petitionis ratio est. Nam petitio hæreditatis non tantum in rem est, sed etiam præstationes personales habet, *l. 7. C. de pet. her. l. 25. §. 18. cod.* atque ut mitius cum possessore agitur in petitione hæreditatis, quam in rei singularis vindicatione, (quippe Senatus ita possessori pro herede consuluit, ut si quid dilapidaverit aut perdiderit, dum sua se re abuti putat, non teneatur) ita vicissim æquum est, ut præstet, si quid lucri ex hæreditate consecutus sit: eiq; sufficere debet, si damno non afficiatur, *d. l. 25. §. consultuit.* Adhæc nec titulum habet possessor hereditatis, & fructus ab eo percepti statim in numerum rerum hæreditariarum recipiuntur, ipsamque augment hæreditatem, ut nec ab initio quicquam hic suum faciat, consumptum postea lucratur: unde fit, ut eodem jure, quo ipsa corpora hæreditaria & fructus, petantur, atque in restitutionem hæreditatis veniant, *l. item veniunt* 20. §. 3. *l. post senatusconsult.* 28. *l. illud* 40. §. 1. *de her. pet. l. 1. & l. 2. C. cod.* In particularibus autem judiciis non solet res in lo-

cum pretii aut contra succedere, *l. 7. in fin. qui pot. in pign.* Nec multum abfimilis est ratio conditionis indebiti soluti, in quam fructus veniunt jure obligationis, & hoc quatenus is, qui accepit, ex his locupletior factus est, *l. indebiti* 15. *l. si non sortem* 26. *l. libertus* 12. *l. in summa* 65. §. *pen. l. pen. de cond. ind.* ita fere & *Ant. Fab. 4. conj. 17. Diod. Tuld. bi c. 44. & seqq. Perez. ad tit. C. de rei vind. n. 17. & seqq.* Quod ad praxim attinet, testis est Pinel. in *l. 2. C. de res. vend. p. 2. c. 4. n. 60.* ita nunc ubiq; in judiciis usu servari, ut possessor bonæ fidei in universum à fructibus ante inchoatum judicium perceptis absolvatur, neque de consumptis unquam quærat, locupletior ex iis factus sit, necne. Sed & nunquam inquire de iis, qui similiter ante rem in judicium deductam percepti sunt, utrum bonæ fidei possessor eos consumpserit, an vero adhuc extant, tantumque servari formam *l. certum* 22. *C. de rei vind.* in fructibus perceptis post litis contestationem: quod & rationem habet, scilicet ut litium ambages vitentur: & placet D. Nic. Tuldeno in *annot. ad prax. rer. civ. Damhoud. c. 104. n. 13.* Idem quoque sentire videretur D. Grot. 2. *manuduct. 6.* cum scribit, bonæ fidei possessorem in perceptione fructuum similem esse fructuario, *add. Grænev. de l. abrog. ad l. 22. C. de rei vind.*

Ei vero qui alienum fundum sciens] Fructuum jure soli acquisitio non tribuitur cuivis possessori, sed possessori bonæ fidei duntaxat: nam malæ fidei possessor, ut nullum jus in solo habet, ita nec ullos fructus aut percipiendo interim suos facit, aut consumendo lucratur; sed cogitur cum ipsa re etiam fructus, licet consumpti sint, restituere, ut *hic & d. l. 22. C. de rei vind.* Sed neque per retentionem, opposita doli mali exceptione, sumptus à se factos servare poterit, si res vindicabitur, arg. eorum, quæ tradimus *sup. ad §. ex diverso* 30. & *aliquot seqq. cod.* exceptis sumptibus factis fructuum querendorum gratia, *l. 36. in fin. & l. seq. de her. pet.* Nec illud refert, ab initio quis mala fide possederit, ac postea possidere cœperit: nam & hic ex eo tempore, quo cognovit rem alienam esse, fructus suos facere definit, *l. qui bona* 23. §. 1. *l. bona fidei* 48. §. 1. *hoc tit.* Postremo huic pertinent possessores omnes post litem contestatam, §. 3. *inf. do off. jud. d. l. certum* 22. *C. de rei vind. l. 2. C. de fruct. & lit. exp. l. 4. §. 2. fin. reg.* quoniam post motam controversiam possessores omnes in causa fructuum pares sunt, & quasi prædones tenentur, *l. sed & si* 25. §. *si ante* 7. *de her. pet. l. nemo* 10. *C. de long. temp. præse.* ac proinde & si fructus à bonæ fidei possessore ante judicium percepti sunt, sed post litem demum contestatam consumpti, nihilominus eo nomine condemnabitur; quia id omne restituendum est, quod habiturus esset petitor, si tempore judicii accepti restitutio facta fuisset, *l. præterea* 20. *de rei vind.*

vind. d. l. 2. de usur. l. adiles 25. §. antepen. de edil. edict. In summa possessores male fidei, qualis item habentur post litem inchoatam omnes, fructus omnes cum ipsa re restituere debent, *d. l. restitut. C. de rei vind. tenenturque eo nomine de extantibus rei vindicatione, de consumptis conditione, scilicet ad estimationem, quæ vice rei fungitur, l. 3. C. de cond. ex leg. l. 4. §. 2. fin. reg. l. 4. C. de crim. expi. her.* Tenentur vero non tantum de perceptis, verum de iis quoque, qui non percepti honestè percipi potuerunt: in quo persona non possessoris, sed petitoris spectatur: neque hic possessori patrocinari debet, quod titulo possideat: quippe ritulus à dolo non excusat: negligentia autem possessoris dolosi domino nocere non debet, quo minus consequatur, quod consequi potuisset, si ipsi luisset rem possidere, *vid. l. fructus 33. l. si navis 62. §. 1. de rei vind. l. 5. C. de cond. §. 2. inf. de off. jud. l. ait pitor. §. & fructus 20. quæ in fraud. cred. l. 4. C. unde vit. l. sed et si 25. §. 4. de her. pet. l. 1. C. de Cop. lib. 2. de fructib. tit. 4. c. 2. Bus. ad l. 20. de her. pet. Talden. hinc. §. 3.*

T E X T U S.

A fructuario & colono perceptis.

36. *Is vero, ad quem usus fructus fundi pertinet, non aliter fructuum dominus efficitur, quam si ipse eos perceperit. Et ideo licet maturis fructibus, nondum tamen perceptis decesserit, ad heredes ejus non pertinent, sed domino proprietatis acquiruntur. Eadem fere de colono dicuntur.*

N O T Æ.

36. *Si ipse perceperit*] Vel alius ejus nomine, *l. 13. quib. mod. us. am. l. 25. §. 1. de usur.* Quod si sponte deciderint, aut alius eos suo nomine separaverit non ante ejus fiunt, quam possessionem eorum nactus sit, *l. 12. §. ult. de usuf.*

Ad heredem ejus non pertinent] Hoc consequens est superiori: & aperte traditum in *l. 13. quib. mod. us. am. l. 8. d. ann. legat.* et itaque Cujac. heredi fructus tribuens pro rata temporis, quo usus fructus fletit.

Eadem fere de colono] Fere non *interdum*, ut putat Th. nam hæres coloni in conductionem succedit, *§. ult. inf. de locat. l. 10. C. cod.* At in eo conveniunt, quod colonus quoque non aliter fructus suos faciat, quam si ipse eos perceperit, *l. 60. §. 5. D. de locat. l. 61. §. 8. D. de furt.* Non obstat, quod furti actionem habet, *l. 26. §. 1. d. t.* nam & fructuarius habet, *l. 12. §. ult. de usuf.* & omnes, quorum hæres est tutum. factum non esse, licet domini non sit, *§. 1. inf. de*

obl. quæ ex del. Igitur male Accurs. Myns. Pac. plus hic colono tribuunt, quam fructuario.

C O M M E N T A R I U S.

1. *Fructus, qui sponte deciderunt, aut quos alius suo nomine à re separavit, fructuarii demum fieri, cum possessionem eorum nactus est.*
2. *Usus percipiendi fructus ad heredem fructuarii non transire, licet majore parte anni usus fructus steterit & fructuarius maturis jam fructibus decesserit, & cur non idem in fructibus rei dotalis.*
3. *Quid juris circa pensiones, si res fructuaria locata sit.*
4. *In quo colonus & fructuarius discrepent aut conveneriant.*

Disputatio de fructibus à bonæ fidei possessore perceptis occasionem Justiniano dedit, ut de jure, quod hic fructuarius & colonus habent; obiter aliquid subjiceret. Hi in eo à bonæ fidei possessore differunt, quod fructus percipiunt ex voluntate domini, fructuarius jure servitutis sibi constituta, colonus ex conventionione: unde nec perceptorum fructuum quicquam restituunt. Quia autem jus in solo non habent, nec possident, sed alieno tantum nomine rem tenent, *§. de iis autem vers. fructuarius per quas pers. cuique acq. §. possidere §. inf. de inter. l. 10. l. 12. de acq. poss.* non ut bonæ fidei possessores, fructus acquirunt jure quasi dominii. aut soli; sed suo ipsorum duntaxat factio & perceptione: quanquam hæc distinctio nostrorum morum simplicitati non convenit, ut notat D. Cypr. Regn. cens. Belg.

Quam si ipse eos perceperit] Fiunt quidem fructuarii etiam sola perceptione, hoc est, statim atque à solo, aut re, qua tenebantur, separati sunt, puta spica aut feno cæso, una adempta, excussa olea, lana deconsa, lacte mulso. Cæterum non aliter, quam si ipse eos, vel alius ejus nomine separaverit, *l. si fructuarius 13. quib. mod. us. am. l. qui scit. 25. §. 1. de usur.* Quod si sponte deciderint, aut alius eos suo nomine separaverit, non prius fructuarii fiunt, quam eorum possessionem nactus sit: unde si fur maturos fructus decerperit, aut defecerit, domino fundi conditione tenetur, non fructuario, licet is actionem furti habeat, *l. arborib. 12. §. ult. de usuf.* quæ aliter se habent in bonæ fidei possessore, ut docuimus *§. præc.* Planè in fœtu animalium eadem fructuarii & bonæ fidei possessoris hic ratio est, statimque creditus est, fructuarius sit, *l. in pecudum 28. de usuf.* quippe frustra expectes ut separetur, quod in vita natura separari non potest: jubente ea satis separatur sine cujusquam factio.

Licet maturis fructibus, &c.] Hoc item consequens est ei, quo dixit. Nam si fructuarius non aliter fructus sunt, quam si eos perceperit ipse vel alius ejus nomine heredi suo, quos non perceperit, relinquitur

non potest: nec jus percipiendi fructus ad hæredem transit: quia morte fructuarii, ut omnia, quæ personæ cohererent, extinguuntur, §. pen. inf. de usufr. l. 3. §. ult. quib. mod. usufr. am. l. 8. §. 3. de lib. leg. quod iterum contra est in bonæ fidei possessore, qui jus, quod in solo habet, ad heredem transmittit, d. l. qui scit. §. 1. de usufr. At ex contrario percepti omnes etiam immaturi pleno jure fructuarii fiunt, & ad heredem ejus transeunt, l. si absente 48. §. 1. de usufr. l. pen. de usufr. leg. Ait, maturis fructibus, nondum tamen perceptis. Eadem sententia est, d. l. si fructuarii quib. mod. usufr. am. l. 8. de ann. leg. Quamvis igitur maxima parte anni usufructus steterit, & fructuarius suis impensis fundum fructuarium conseruit, si is messe nondum facta, licet segete messi jam matura, decesserit, nihil in eo, quod terra tenetur, heres ejus juris habet, d. l. si fructuarii: sed tantum deducet impensas fructuum quærendorum gratia factas; quia fructus non intelligitur, nisi quod deductis impensis superest, l. 7. solut. matr. Peck. lib. 5. de testam. conj. c. 24. n. ult. Nec iniquum videri debet, quod dominus fundi ad lucrum, fructuarii labore sumptu partum vocetur: quippe cum contra fructuario, quamvis minima parte primi aut postremi anni steterit usufructus, in solidum tribuantur fructus percepti, etiam pro ea parte, qua usufructus non coeperat, aut postea finitus est, l. si pendentes 27. de usufr. nec aliud usus horum temporum servat, contra quam censet D. Cyprian. ubi supra. Non obstat exemplum mariti in fructibus rei dotalis, quos placet soluto matrimonio dividi inter maritum aut ejus heredes & uxorem pro rata temporis, quo matrimonium stetit, sive fructus à marito sint percepti, sive non sint, l. 7. §. 1. & seq. sol. matr. l. un. §. cumque 9. C. de rei ux. act. Etenim fructus dotis non ideo marito cedunt, quia eos percepit, sed propter onera matrimonii, quæ sustinere cogitur, l. 7. in pr. de jur. dot. l. pro oneribus 20. C. eod. Et igitur licet non perceperit, pro modo tamen temporis, quo matrimonium stetit, fructus dotis maritum sequi debent: quoniam tamdiu sustinuit onera matrimonii. Contra vero pro reliquo tempore, cujus onera non sustinuit, nihil ferre debet licet fructus perceperit. D. Paul. Buf. ad d. l. 7. §. 1. & seq. sol. matrim. De pensione rei fructuariæ locatæ quaesitum, an si forte usufructus aliqua tantum parte anni steterit, eam nihilominus integram fructuarius heresve ejus percipere debeat, an pro rata temporis dividi cum proprietario. Et refert utrum res fructuaria locata talis sit, unde singulis annis semel fructus nascitur & percipitur, puta fundus; an talis, cujus fructus non in alio consistit, quam in ejus rei usu, sive commoditate, quæ ex eo usu quotidie percipitur, cujusmodi res sunt ædes, quarum fructus in eo, ut inhabitentur: item servi,

quorum fructus in operis. Fundo locato, si colonus fructus perceperit, merces totius anni debetur fructuario ejusve hæredi, etiam si usufructus finitus sit multo ante tempore, quam ea merces ex locatione pendere debebat, l. defuncta 58. de usufr. In aliis vero rebus à fructuario locatis, quarum fructus in solo eorum usu consistit, si intra tempora locationis, usufructus interierit, non majore ex parte pensio ad fructuarium heredemve ejus pertinet, quam pro rata temporis, quo usufructus mansit, quod superest, pertinet ad proprietarium, ut responsum est locatis operis servi, l. si operas 26. d. tit. Cur tam variè? Nimirum quia fructuarius, nec minus, nec plus per conductorem consequi debet, quam si ipse re fructuaria usus esset. Igitur sicut fructuarius si fundum non locasset, ipse fructus perceperisset, suosque omnes fecisset, ita pro fructibus, quos colonus, qui causam percipiendi ab eo habet, integros percepit, integra pensio ei debetur, quam & integram ad heredem transmittit, etsi nondum finito tempore locationis decesserit. Et convenienter si fructuarius decesserit, fructibus per colonum nondum perceptis, heredi ejus nihil ex pensione debetur. Quod si decesserit parte fructuum percepta, parte nondum collecta, solutio pensionis fieri debet heredibus fructuarii pro rata perceptorum: proprietario pro rata eorum, qui percepti non erant. Ubi vero pensio pro quotidiano rei usu debetur, non potest deberi longius, quàm is usus præcesserit, nec longius is usus præcessisse dici, quam steterit usus fructus: & alioqui plus sequeretur fructuario per inquilinum, quam si ipse re usus esset: quod est absurdum, eleganter D. Don. 10. comm. 9. estque hæc communis & usæ recepta sententia, vid. Ioan. del. Castillo tract. de usufr. 77. & seq. Diod. Tuld. ad. tit. de usufr. inf. c. 7. Paul. Buf. ad. d. l. 58. de usufr. Christin. vol. 2. decis. 176. n. 16. & ibi citat. Grot. lib. 2. introd. c. 39. diff. Cujac. 4. Feud. 30. & lib. 24. obs. 21.

Eadem fere & de colono dicuntur.] Duo de fructuario dicta sunt; eum non aliter dominum fructuum fieri, quam si ipse eos perceperit, non alius; item mortuo fructuario fructus pendentes, quantumvis maturos, non ad heredem fructuarii pertinere, sed acquiri domino proprietatis. Nunc ait, quæ de fructuario dicta sunt, ea fere & de colono dicenda esse. Tò fere non παρέρχεται, ut putat Theophilus, sed cautè adjectum est, ne quis putet eandem utriusque per omnia in proposito ratione esse. Nam cerè longe alia causa est hæredis coloni acque fructuarii. Non enim sicut morte fructuarii finitur usufructus, ita morte coloni finitur conductio, sed mortuo intra tempora conductionis colono, heres ejus in eam succedit, §. ult. inf. de locat l. 10. C. eod. Et cum fundus conducatur mercede annua constituta pro modo fructuum,

Quum, qui singulis in eo annis nasci solent, iniuria colono ejusve hæredi fieret, si locator pensionem simul & fructus perciperet: atque hinc etiam est, quod in prædiis rusticis, si tempore non expresso locatio facta sit, in annum facta intelligatur, per l. 13. §. ult. locat. Si quid igitur hic est, quod tam de colono, quam de fructuario dici possit, illud sit necesse est, quod colonus similiter ut fructuarius, non aliter fructus suos faciat, quam si ipse eos perciperit: sin autem alius eos suo nomine à terra separaverit, non colono, sed domino fundi acquirantur; cui etiam ob id soli conditio comperat: quod & verum est, aperteque traditum l. cum plures 60. §. messim. §. locat. nec obscurè colligitur ex l. si servus 61. §. locari 8. de furt. Non est contrarium quod Paulus respondet l. si apes 26. §. 1. d. tit. de furt. colonum cum eo, qui fructus stantes surripuit, furti agere posse. Nam & fructuarius potest, l. 2. §. ult. de usufr. quippe furti actio omnibus competit, quorum interest furtum factum non esse, licet rei surreptæ domini non sunt, §. furti 13. inf. de obl. quæ ex del. l. cum qui 24. §. quale 14. de furt. Nec alio pertinet ratio Pauli, quamvis his verbis exprimit, quia ut primum decerpitus esset, ejus esse cõpisset, quàm, ut ostendat, ideo actionem furti colono dari, quia ejus intersit fructum ab alio decerpitum non esse, eo quod coloni esse cõpisset, ut primum ab ipso esset decerpitus. Fallitur igitur Accursius, qui etiam hoc casu plus juris tribuit colono, quam fructuario, coloni que fructus fieri existimat, quocunque modo à solo separati sint, traxitque in eundem errorem Myns. Schneid. & Pacium in not. marg. sed hic se corrigito in Analysi. Aliud sane ex parte dicendum videtur de colono partiario, qui instar socii est, l. si merces 25. §. vis major. 6. locat. & proinde pro parte sua instar domini: idque innuere videtur Paulus d. l. 26. §. 1. cum dicit colonum, qui nummis colat; quod scilicet colonus partiaris fructibus à fure defectis aut decerpitis non modo actionem furti, ut is qui nummis colit, sed furti etiam conditionem pro parte sua habeat.

TEXTUS.

Quæ sunt in fructu.

37. In pecudum fructu etiam fœtus est, sicuti lac, pilus, & lana: itaque agni, hœdi, & vituli, & equuli, & fuculi, statim naturali jure domini fructuarii sunt. Partus vero ancillæ in fructu non est: itaque ad dominum proprietatis pertinet. Absurdum enim videbatur, hominem in fructu esse: quum omnes fructus rerum natura gratia hominis comparaverit.

NOTÆ.

37. Statim naturali jure] Cajus, statim pleno jure sunt bonæ fidei possessoris & fructuarii, pleno jure, id est, plena & solida proprietate.

Partus in fructu non est] d. l. 28. §. 1. d. l. 68. de usufr. sed in fructu hominis operæ sunt, l. 3. & 4. de op. serv.

Absurdum videbatur] d. l. 28. §. 1. d. l. 68. eadem quoque Stoicorum sententia fuit, à quibus auctores nostri ferè imbuti. Lucrer. Aliam rationem affert Ulpian. l. 27. D. de her. per. quia ancillæ non ad hoc comparantur, ut pariant, sed ut serviant. Meminit hujus quæstionis Cic. 2. de fin.

COMMENTARIUS.

1. Ratio Gaji, cur non placeat partum ancillæ in fructu esse, examinata, & concinnior prolata ex Ulpiano.

Qua ratione & modo fructus suos faciat tum bonæ fidei possessor tum fructuarius, ostensum est §§. proximè precedentibus exemplo fructuum, qui in fundis aut agris nascuntur. Quoniam vero etiam hominum & pecudum suus fructus est, quem & ipsum bonæ fidei possessori & fructuario eadem ratione acquiri juri naturali conveniens est, ideo ne quid hic dubii relinqueretur, & præpõdũ ostendere voluit, quænam in hominum & pecudum fructu habenda sint, quæ non sint: & ait, in pecudum fructu non tantum esse lac, bilum & lanam, sed fœtum etiam: atque ob id agnos, hœdos, vitulos, equulos & fuculos statim ut editi sunt, naturali jure fructuarii fieri: addit Gajus, & bonæ fidei possessoris, l. in pecudum 28. de usufr. est enim utriusque hic eadem ratio. In hominum autem fructu quæ sint, non definit, sed partum ancillæ negat in fructu esse: & ideo, inquit ad dominum proprietatis pertinet, sicut & Gajus d. l. 28. §. 1. Nimirum uterque hoc significare voluit, ut non fœtus in fructu pecudum est, ita & partum ancillæ in hominis fructu ponendum: in hominum fructu ea duntaxat esse, quæ ex operis eorum percipiuntur, l. 4. de oper. serv. aut si quid acquirant ex re fructuarii, ejusve qui eos bona fide possidet, §. 4. & seq. inf. per quas pers. cuicq. acq. ac proinde etiam hæc sola ut fructus fructuario & bon. fid. possessori acquiri: partum non acquiri, fructuario nunquam, bonæ fidei possessori non aliter, quam si eum usufrueperit, d. §. 4. & seq. l. 4. §. si ante 18. de usurp. & usucap.

Absurdum enim videbatur] Verus fuit quæstio an partus ad fructuarium pertineret: cuius meminuit Cic. 2. de finib. ubi ait, principes civitatis, P. Scævolam & N. Manilium existimasse, hominem in fructu esse, Brutum dissensisse: cuius sententia obtrinit, teste Ulp. in l. vetus §. 8. de usufr. Cur autem non placuerit, partum in fructu esse, ejus rei hanc ratio-

nem reddit Gajus d. l. 28. §. 1. de usufr. Imp. hoc loco, quod absurdum visum sit, hominem in fructu esse, cum omnes fructus rerum naturā gratia hominis comparaverit: quæ ratio ducta est ex contrariis: quasi dicant, natura non potest eadem res & fructus esse, & id, quod fruitur: relata hæc sunt: relatorum unum nunquam potest esse alterum. Etenim ut verum fatear, nunquam hæc mihi ratio satis solida visa fuit. Cur enim magis absurdum hominem in fructu hominis esse, quam hominem homini servire? Aut cum servos pecudibus Romanæ leges exæquent, l. 2. §. 2. ad leg. Aquil. cur cum in fructu pecudum factus sit; absurdum est in fructu ancillarum partum esse? Nec est in his ulla *ἀντιθέσις*; *Fructus hominis causa comparati sunt, & Homo est in fructu hominis*. Non enim hic idem eidem subjecto attribuitur, sed diversis. Quamobrem melior est, certè huic loco magis convenit, illa Ulpiani ratio, sumpta à fine & usu, quia ancillæ non ad hoc comparantur ut pariant, sed ut servant, l. ancillarum 27. de her. pet. Id autem solum in fructu alicujus rei esse intelligitur, & ad fructuarium pertinere, quod percipitur ex eo usu ad quem res parata est, vel naturæ vel patrisfam. instituto, l. 9. §. 5. & seqq. l. 19. l. 11. l. 12. in pr. l. 13. §. 4. & seqq. l. 15. de usufr. Quapropter, etsi nihil interest, partus in fructu sit, nec ne; ad proprietarium pertineat an ad fructuarium; uti neque ancillæ, quæ utique servire cogitur: ratio tamen habenda fuit honesti ac decori, cavendumque ne stupris vilicaretur dignitas humana arg. l. justissime 44. de edil. edict. Jam vero ancillas fœturæ gratia habere, quin turpe & probrosum sit, nemo negare potest. Cæterum nihil amplius efficit hæc ratio, quam ut ne partus fructuario aut bonæ fidei possessori acquiri debeat: In cæteris enim partibus juris in fructu sive redditu aut causa etiam partus computatur, l. 8. l. 14. de usufr. l. Falcidia 24. §. 1. ad l. Falc. l. quæsitum 91. §. ult. de leg. 1.

TEXTUS. De Officio fructuarii.

38. Sed si gregis usumfructum quis habeat, in locum demortuorum capitum ex fœtu fructuarii submittere debet (ut § Juliano visum est) & in vinearum demortuarum vel arborum locum alias decet substituere. Rectè enim colere & quasi bonus paterfamilias debet.

NOTÆ.

38. Ex fœtu submittere.] Ex fœtura gregem supplere, & sufficere prolem, d. l. 68. §. ult. cum 2. l. seq. de usufr. fiuntque capita substituta domini, ea

quibus substituuntur, fructuarii, d. l. 69. Basil. 16. tit. 1. in fin.

COMMENTARIUS.

1. Inter onera, quæ fructuario incumbunt, unum esse ut rem fructuariam tueatur, & quid ea tuitio desideret.

Longius à via digreditur Imperator: sequendum tamen, quocunque trahit. Cum fructus omnes, sive ex re nascantur, sive per causam rei jure percipiantur, fructuarii lucro cedant, æquum est, ut is vicissim onera rei fructuariæ adjuncta agnoscat, juxta regulam naturæ, l. 10. de reg. jur. Inter onera autem, quæ fructuario incumbunt, hoc unum est, ut rem fructuariam tueatur, l. usufructuarius 44. de usufr. Hæc autem tuitio cum exigit, ut rem, quam accipit, integram & in suo statu conservet, quantum cura & reparatione fieri potest, ideo & curam ac diligentiam rei servandæ adversus imminentia pericula adhibere debet, & quidem talem, qualem diligens paterfam. suis rebus adhibere solet, l. sed cum 65. epd. l. 1. in fin. l. seq. usufr. quem. cau. & suo sumptu sarcire ac reparare, quæ vitii aliquid contraxerunt, aut discesserunt à priori integritate; puta si quid reficiendum est, facta recta præstare animalia ægrotā curare, gregem ex fœtu supplere, in locum arborum demortuorum alias substituere: in summa rectè colere, atque ut bonus paterfam. uti, l. 7. §. 2. & 3. l. 23. §. 2. l. agri 18. l. sicut 45. l. sed cum 65. l. vetus 68. in fin. & 2. l. seqq. de usufr. l. 7. C. eod.

Gregis usumfructum] Ait gregis, nam si non gregis aut universitatis ususfructus nomine colectivo legatus sit, sed singulorum capitum, veluti centum ovium, nihil supplere cogitur fructuarius, l. quid ergo 70. §. 3. de usufr. quippe in his, quæ numero certa sunt & designata, non est augmento locus: & tot sunt tunc ususfructus, quot sunt capita fructuaria, quorum uno mortuo ususfructus iste exstinguitur.

Demortuorum capitum] Ait demortuorum. Ulpianus d. l. vetus in fin. defunctorum, hoc ideo, quia si vi externa, capita aliqua ex grege perierint, incendio puta, aut ruina stabuli; aut prædonum impetu, hoc casus fructuarius præstare non debet, nec in locum amissorum alia substituere, arg. l. arbores 59. de usufr.

Ex fœtu submittere] Ait ex fœtu. Neque enim de suo gregem supplere fructuarius cogitur, sed ex agnatis capitibus, hoc est, natis ex eodem grege, d. l. vetus in fin. eod. Proinde si ex grege nondum ulla nata sint prioribus demortuis, aut si oves abortierunt, aut fœtus perierunt, priusquam submitti possent, nihil supplere debet fructuarius. In locum quoque eorum capitum, quæ vel senio, vel vitio corporis inutilia facta sunt, alia ex fœtu submittenda, l. vel in nilium 69. eod.

Submitte-

Submittere debet] Submissionis effectus hic, ut substituta capita statim domini fiant, sicuti post substitutionem priora sive demortua vel utilia & vitiosa, fiunt fructuarii. Hæc enim ex natura fructus definiunt esse proprietarii, d. l. vel inutilium 69. de usufruct.

Vinearum demortuarum vel arborum] Ait hic item demortuarum, sicut Paulus l. agri 18. eod. nimirum, ideo, quia in locum arborum vi tempestatis everfarum alias substituere non tenetur, l. arbores 99. eod. tit. quippe usufructuarius omnia quidem, etiam quæ sine culpa ejus contingunt, sed sola rei & interna incommoda ac detrimenta sustinet: quæ autem vi contingunt externa, nec à te ipsa profiscuntur, placet ad onus fructuarii non pertinere, ex regula & jure communi de casibus fortuitis, l. contractus 23. de reg. jur. l. que fortuitis C. de pign. act. Ulpianus in l. 7. §. ult. de usufr. scribit, fructuarii cogi & adferre arbores: quod Græcis est *χερσὶ*, id est, forare medullam arboris sterilis, & in eam sæcundæ calamum immittere; infisionis species pro genere. Qua forma Papinianus dixit adferere prolem pro adoptare, sicut scilicet inforatione furculus truncum adoptat, Cujac. 11. obs. 36.

Resse enim colere] Non satis officio suo fungi videri debet usufructuarius, nisi eum ita colat, ut ne deterior fiat causa usufructus; omniaque faciat, quæ faceret in re sua: sicut cautione fructuaria continetur, l. 1. §. cauere usufr. qu. cau.

TEXTUS.

De inventione Thesauri.

39. *Thesaurus, quos quis in loco suo invenerit, Divus Adrianus naturalem aequitatem sequutus ei concessit, qui eos invenerit. Idemque statuit, si quis in sacro aut religioso loco fortuito casu invenerit. At si quis in alieno loco, non data ad hoc opera, sed fortuito invenerit, dimidium domino soli concessit, & dimidium inventori. Et convenienter, si quis in Caesaris loco invenerit, dimidium inventori, & dimidium esse Caesaris statuit. Cui convenienter est, ut si quis in fiscali loco, vel publico, vel civitatis invenerit, dimidium ipsius esse debeat, & dimidium fisci, vel civitatis.*

NOTÆ.

39. *In sacro aut religioso*] Utrouque scilicet privato; nam & sacra quædam privata, l. 9. §. 1. D. ad leg. Jul. pecul. Aliud, si in hujusmodi locis publicis: ita cape l. 3. §. pen. D. de jur. fisci.

Sed fortuito] Ut puta si quis colendi agri causa fodiens humum, aurum defossum inveniat, nullo adhibito perscrutandi studio, quod sive permissu domini merito veritum, d. l. un. C. de thesaur. add. l. 63. §. pen. et ult. hoc tit.

Dimidium fisci] De variis moribus legibusque circa thesauros, vid. eruditissimum Grot. 2. de jur. bell. 8. Peregrin. 4. de jur. fisci. c. 2.

COMMENTARIUS.

1. *Thesauri appellatione significari quasvis opes repositas: tum etiam ipsum locum, in quo asservantur, et ratio nominis.*
2. *In questione proposita quid eo verbo nostri intelligant, et quo referenda hæc acquisitio.*
3. *Locum proprium hic intelligi etiam eum, in quo alius usum fructum habet: secus si jus emphyteusis aut feudi.*
4. *A divo f. aribus nihil mutatum esse ex eo jure, quod de thesauro in loco sacro aut religioso reperto divus Adrianus constituit.*
5. *Cur cætera res hujus generis etiam in alieno quasite occupantium fiant, thesaurus non item. et num. 8.*
6. *Cur thesaurus non totus cedat inventori, ut res cætera, quæ nullius.*
7. *Distinctio rerum Caesaris, fisci, publicarum et civitatis.*
8. *Summa juris de thesauro constituti, et quid moribus hodiernis obtineat.*

Partes propositæ tractationis, quæ à Justiniano passim sparsæ sunt, commodioris doctrinæ causa ad duo summa capita revocari posse, ad occupationem scilicet, & rei nostræ potestatem, supra diximus in explicatione §. singulorum eod. & progressi ostendimus, singula, in quæ incidimus, ad alterutrum horum capitum pertinere. Nihil quod nobis potestate rei nostræ quæretur, superest; ad factum & occupationem nostram pertinet, inventio thesauri, apprehensio rerum, quæ à dominis vel traduntur, vel pro derelicto habentur; in quibus porro explicandis hic titulus consumitur.

Thesaurus] Thesaurus Græcis & Latinis idem est, quod Persis *gaza*, nimirum quælibet divitiarum, quas in futurum asservavimus aut recondimus. Nam & pecunia nuper deposita, & cujus dominus non ignoratur, passim thesaurus appellatur, etiam apud nostros, ut in l. item Labeo 22. fam. erc. l. thesaurus 15. ad exhib. l. peregre 44. de acq. poss. ac de tali quoque thesauro accipienda l. 3. §. Neratius d. tit. de acq. poss. ut rectè existimat Gothofredus, injuria notatus à Bachov. vid. Duar. add. §. Neratius. Locus quoque, in quo opes asservantur, τὸ θησαυροφυλάκιον, thesaurus appellatur. Plutarch. in Solon. *Ἐκείθεν ἰσχυρῶς ἡμεῖς ἀνοίξαι τὸ θησαυρῶν.* Hinc per translationem

lationem Cic. 1. *de orat.* memoriam dicit esse rerum omnium thesaurum. Atque hæc significatio etiam rationi nominis convenit. Quamvis enim *Conus* 3. *comm.* 4. & *Don.* 4. *comm.* 14. thesaurum inde dici purant, quod eis *ἀνταρ*, in *crastinum*, sit repositus, ut sit *ἑστὸς ἀνταρ*: propius tamen vero est, vocem esse conjunctam *ἐν τῷ θηναίῳ ἀνταρ*, ut sit, conditorium pecuniæ. Hoc enim nomine veteres Græci pecuniam vocabant, qua qui abundabat, *ἀντὸς* dicebatur, teste Hesychio. Cæterum in quaestione de acquirendo rerum dominio, cum agitur de thesauro occupatione acquirendo, Jurisconsulti thesaurum appellant eam duntaxat pecuniam, quæ olim condita, nunc, cum reperitur, à quo condita, aut cuius sit, ignoratur, *l. nunquam* 31. §. 1. hoc est. *l. un. C. de thesaur. lib. 10. l. à tutore* 67. *de rei vind.* convenienter nimirum argumento, quod tractant: cum non alius thesaurus sit idoneus, qui hoc modo acquiratur, quam qui dominum non habeat: nec repugnat communis & popularis loquendi consuetudo. Igitur in quaestione proposita thesaurus definitore Paulo in *d. l. 3* 1. est vetus quædam depositio pecuniæ, cuius non extat memoria, ut jam dominum non habeat. Cui descriptioni similis est illa Leonis in *d. l. un.* thesaurum interpretantis, condita ab ignotis dominis tempore vetustiore mobilia, & *Cassiodori lib. 6. var. c. 8.* deficientis depositivam pecuniam, quæ longa vetustate compententes dominos amisit. Atq; hinc jam etiam liquet, thesaurum quoque pertinere ad regulam juris gentium de rebus nullius: quâquam non per omnia in thesauro occupando & nostro faciendo idem servatur, quod in cæteris rebus, quæ nullius sunt. Nam cætera hujus generis res, quovis loco occupatæ totæ sunt occupantis: thesaurus autem extra locum proprium reperiendus pro parte tantum dimidia. Sed & res cæteræ quæ nullius sunt, sunt occupantis, etiam si data opera quæsitæ sunt in alieno: thesaurus in alieno quæsitus nullo modo: Quod quamobrem tam variè placitum intelligatur non ita multo post.

[Quis quis in suo loco invenerit] Sive data opera, quæsitos, sive fortè fortuna: tantum magicæ artes ad thesaurum in suo inveniendum prohibentur: quas & ubique excipi oportet, *l. l. un. C. de thesaur.* Ait, *in loco suo* Proprium locum accipere debemus etiam eum, in quo alius usufructum habet, *arg. pr. inf. de her. inst.* Proinde si in eo loco proprietarius thesaurum invenerit, in suo invenisse intelligi debet & totum sibi quæsisse. Si alius, pars dimidia inventoris, pars altera proprietarii erit. Idemque dicendum est, si usufructuarius invenerit: quoniam thesaurus in fructu non computatur, *l. si quis* 53. §. 3. *hoc est.* Unde etiam est, quod thesaurus à marito

in prædio dotali inventus pro parte dimidia tantum mariti lucro cedat, pro altera dimidia sit restituendus, quasi in alieno inventus, *l. 7. §. si fundum* 12. *sol. matr. Moller. 4. sem. 27.* Ager autem vectigalis sive emphyteuticus magis est, ut emphyteutæ proprius existimeretur, ejusque, qui dominum utile, quam qui directum habet. Nam ad emphyteutam pertinet plenissima rei utilitas, & pari jure, quo dominus rem tenet ac possidet, adeoque adversus ipsum etiam directum dominum utilem in rem actionem habet, *l. sciendum* 15. §. 1. *qui satisf. l. 1. §. 1. si ag. vect. l. qui* *scit.* 25. §. 1. *in fin. de usur.* Longè igitur distat emphyteuta à fructuario: emphyteuta jus habet in corpore & substantia rei, fructuarius non item. Hinc est, quod fructuarius in edicto *Qui satisfacere cog.* pro possessore non habetur, emphyteuta contra *d. l. 15. §. 1. qui satisf. cog.* quod arbores vi ventorum dejectæ ad emphyteutam pertinent, non ad fructuarium, *l. 12. de usufr.* Si quid servo in quo quis usufructus, legatum aut donatum sit, id non fructuario sed domino proprietatis acquiritur, §. 4. *infr. per quas* *pers. cuique acq.* si servo emphyteutæ, ipsi emphyteutæ. Quam ob causam dubicandum non est, quin si ipse quoque emphyteuta in prædio in emphyteusis sibi concessio thesaurum similiter invenerit, totum eum sibi soli rectè vindicet: eademque planè ratio est Vasalli, qui thesaurum receperit in fundo feudali, *arg. c. un. de invest. de re al. sac. lib. 2. feud. Myns. Schneid. Wes. post Gloss. & DD. comm. hic. Nic. Burgum, ad consuet. Fland. tr. 12. Christ. vol. 6. decis. 21. n. 19. & seqq.*

[Adrianus naturalem æquitatem secutus] Hoc est, secutus regulam juris naturæ sive gentium, de rebus, quæ nullius sunt, occupanti concedendis, §. *sepe* 12. *sup. eod.* Nimirum cum etiam thesaurus numeretur inter ea, quæ nullius sunt, æquum esse censuit Adrianus, etiam in thesauro occupato regulam istam servari, & quidem per omnia, si quis invenisset amico Hercule in suo: quippe qui & alia ratione ita reperiendum vindicare posse videatur, vel tanquam beneficium & commodum rei suæ, vel quod simile, vero sit, eum à majoribus suis conditum esse: hæc enim ratio facit, ut in alieno reperiit dimidium concedatur domino soli.

[Idemque statuit, si quis in sacro aut religioso] Quod hic Adrianum constituisse refert Justinianus, id à fratribus Principibus civili ratione mutatum esse existimant *Acurf. Ang. Porc. Fab. Schneid. hic Dnár. de acq. rer. dom. c. 3. Don. 4. comm. 14.* Sic enim scribit Calisfrat. *l. 3. §. pen. de jur. fisc. Si in locis fiscalibus, vel publicis, religiosive, aut monumentis thesauri reperiit fuerint, divi fratres constituerunt, ut dimidia pars fisco vindicaretur, quam scientiam veram quidem esse fatetur Covar. in c. peccatum de reg. jur.*

in 6. p. 3. relect. §. 2. num. 3. sed ille constitutionem divorum fratrum à Justiniano iterum abrogatam contendit, qua parte illa derogaverat edicto divi Adriani. Neutrum probabile mihi videtur. Nam si edictum Adriani rescripto Antonini & Veri sublatum fuisset utique non quid ille, sed quid hinc thesauris in loco sacro religiosve inventis constituisset, Justinianus commemorasset: & cum simpliciter rescriptum edictum Adriani, non facta mentione rescripti fratrum imperatorum, vix est, ut dici possit, hic aliquid novi juris ab eo constitutum esse. Arbitror commoda explicatione d. l. 3. §. pen. cum hoc nostro §. conciliari posse: quamvis id neget Ant. Matth. Constituit Adrianus, thesaurum ejus esse, qui eum invenisset in loco suo: addidit, idem esse, etiam si in loco sacro aut religioso repertus sit; nimirum ejus itidem esse, cujus est fundus, in quo loca ista sunt, perinde quasi in suo adhuc reperisset. Nam etsi loca sacra & religiosa nullius verè in bonis sint, ejus tamen aliquatenus sunt, cujus in usu & fundo sunt, & quodammodo juris privati, arg. l. 5. & seq. de relig. l. sacril. 9. §. 1. ad leg. Jul. pec. l. in modicis 24. de contr. empt. neque potest sine injuria vel in Deos ipsos Deorum beneficio privari, qui vel ipsi, vel quorum majores partem fundi sui divinis usibus dicaverunt. Quid divi fratres in d. l. 3. §. pen. de jure fisci? Constituerunt, inquit Callistratus, ut thesauri in locis fiscalibus vel publicis religiosive aut monumentis reperti pro parte dimidia fisco vindicarentur. Titulus ipse & rerum conjunctio ostendunt, loqui Imp. de locis religiosis similibus publicis, in quibus scilicet fiscus jus habet, aut qui fisci quodammodo sunt, puta quod ad fiscum fortè pervenerunt; juxta l. 6. eod. tit. vel quæ publice civium funeribus destinata sunt, cujusmodi tenuiorum tumulos in suburbanis fuisse auctor est Aggen. Urbicus. In his locis eodem jure uti fiscum volunt, quo utitur in rebus publicis juris profani, aut quo utuntur privati in loco suo sive profano sive religioso. Et vero ob loci religionem aut sanctitatem nihil novi juris hic constitutum fuisse, argumento est, quod Leo Imp. in d. l. un. C. de thesaur. simpliciter distinguit; an quis in suo loco repererit, an in non suo, nulla facta mentione sacri aut profani, quasi hoc nihil ad rem faciat: idque ex Ælio Spartiano etiam certius colligas, qui itidem sine ulla rerum distinctione refert, Adrianum de thesauris ita cavisse, ut si quis in suo reperisset, ipse potiretur: si quis in alieno dimidium domino daret: si quis in publico, cum fisco equaliter partiretur. Nulla igitur est pugna inter d. l. 3. §. pen. & hunc §. nostrum, quem de loco religioso privato accipi oportet, svadente id ipsum quoque rerum in eo conjunctione & discretionem manifesteque labitur Bachovius, qui ob conjunctio-

nem loci religiosi & sacri negat hanc interpretationem admitti posse, eo quod nulla loca aut ædes sacræ privatæ dici possint? hoc enim falsum esse, & facella privata propriasque suas ædículas veteres habuisse, vel unus Paulus eum docere poterat in l. sacrelegi 9. §. 1. ad leg. Jul. pec. ita propentodum & Conn. 3. Com. 4. Charond. 1. verisim. 21. Robertæ rec lect. 5. Continunc. & Wesemb. hie.

Fortuito casu] Thesaurus, quem inveni in loco meo sive fortuitum sive quæsitum, meus est: sin ille locus meus sacer est vel religiosus, non alias meus erit, quam si fortunæ quasi munere mihi oblatu fuerit, nullo adhibito perscrutandi studio: quod procul dubio ideo placuit, ne detur occasio violandorum sepulchrorum & aperiendi urnas defunctorum, si etiam studiosè quæsitum inventumque suum quisque faciat, sibi que habeat.

At si quis in alieno] Cæteræ res, quæ nullius sunt, occupantium sunt, etiam si data opera in alieno quæsitæ sint, ut de feris bestiis in fundo alieno investigatis & captis diximus: thesaurus in alieno quæsitus & inventus ne pro parte quidem sit inventoris, sed totus domino reddi jubetur, d. l. un. C. de thesaur. Ratio diversi juris hæc est, quod qui feram in alieno capit, autem, puta pro derelicto habitam, tollit, nihil fundo aut fundi domino nocet: ad thesaurum vero perveniri non potest sine effossionibus & manifesto damno fundi, in cujus visceribus thesaurus abditus jacet. Aliena autem effodere sine permisso domini, inque iis latentes rimari opes, merito veritum, & pœna, non præmio dignum. d. l. un. l. 2. C. Theod. de thesaur.

Dimidium domino soli] Thesaurus in alieno loco casu inventus, dum quis arat, aut quid aliud in eo operis facit, pro dimidio inventoris sit, pars altera dimidia conceditur domino soli, l. si 63. §. pen. & ult. hoc tit. d. l. un. C. de thesaur. Cur vero, inquis, non totus cedit inventori, sicuti cæteræ ejusdem generis res occupantis totæ sunt, loco quocumque occupatæ, ut feræ bestię, res pro derelicto habitæ, gemmæ & lapilli inventi in litoribus? Nimirum quia illæ veræ nullius sunt, thesaurus non est; quippe quem nemo eo animo abscondit, ut eum in numero rerum suarum esse nolit, sed ut tutiore loco custodiat: tantum ideo nullius esse dicitur, quia cujus sit non apparet: nam etsi dominum per rerum naturam habeat, hæredem scilicet ejus, qui eum defodit, quamvis per longissimam successionem primo domino succedentem: apud nos tamen non habet; quia à nobis dominus ignoratur: ob quam incertitudinem itum est ad hanc partitionem, ut pars una inventori, pars altera domino loci adjudicaretur. Tamen si enim pro inventore dici poterat, thesaurum, aut rem nullius, totum ei, qui invenit, tribui

oportere, propterea quod de his, quæ non apparent, perinde judicandum sit, quasi non essent; *l. in lege 77. de contr. empt.* dominum tamen loci & sui & par ratio defendit, qui contra sibi thesaurum vindicans, dicere potest, nihil esse verisimilius, quam quod à majoribus suis profectus sit: in proprio enim, quia tutius, non in alieno thesauros condi: adhuc fundi in quo tanto tempore asservatus est, quodammodo beneficium esse: quam ob causam cum Imp. Gratianus, & Theod. de thesaur. partem quarant duntaxat domino loci assignassent, *l. 2. C. Theod. de thes.* merito Imp. Leo. abrogata eorum constitutione, ad æqualitatem partitionis & veterum constitutionum normam rem revocavit.

In Caesaris loco etc.] Distinguit Imp. loca Caesaris à locis fiscalibus, & hæc à publicis, publica à locis civitatis, Res Caesaris dicuntur bona Principis patrimonialia. Res fisci sunt, veluti bona proscriporum, vestigalia, commissa, bona caduca; quæ quidem & ipsa quasi propria & privata sunt Principis, *l. 2. §. 4. ne quid in loc. pub.* sed ut Principis, & ratione imperii. Publica loca appellat, quæ in usu publico sunt populi Romani, veluti aræ, insulæ, agri, viæ itineraque publica, *d. l. 2. §. 3.* Loca civitatis, quæ usibus civum in municipiis & singulis civitatibus de servantur, *§. universitatis sup. eod.* quæ à publicis eodem sensu hic separat, quo Ulp. bona civitatis ab aliis, quæ populi Romani sunt, *l. 15. de verb. sig.* Spartianus omnia ista loca designavit uno verbo publici. Hæc obiter in præsentia; subtilius rerum, Caesaris, fiscalium, & publicarum discrimen exquiremus, *§. ult. inf. de usuc.*

Dimidium fisci vel civitatis] Sive in loco alieno privati alicujus, sive in loco Caesaris, aut publico fisci vel civitatis thesaurus repertus sit, medietatem duntaxat inventor consequitur, pars altera repertorum ad eum pertinet, qui loci dominus est, aut jus imperiumve in eo habet: & quod diximus de loco privato, non aliter partem in eo reperti inventoris fieri, quam si fortuito & aliud agens invenerit, alioqui totum restituendum esse ei, cujus est locus, hoc nec minus obtinere debet in locis publicis, ut in his etiam consulta opera quaesitus & inventus similiter totus pertineat ad Principem vel civitatem. Non enim magis fas esse credendum est, publica loca effodere & scrutari, quam privata aliena, fac. constitutio Frederici *lib. 2. Feud. tit. 56. que sint regal. in fin.* Quod si inventor partem thesauri ad fiscum pertinentem suppresserit, totum cum altero tanto cogiturolvere. Deferre autem se nemo cogitur si pars fisco non debeatur, *l. 3. §. ult. de jur. fisc.*

Summa juris de thesauris edicto D. Adriani constituta hæc est, ut si quis thesaurum in suo reperisset, sive quaesitum sive nihil tale cogitans, totum si-

bi haberet: si quis in alieno, non data ad hoc opera, dimidium domino daret, partem alteram duntaxat ipse consequeretur: si quis in loco publico, itidem non data opera cum Principe aut civitate æqualiter partiretur. Siquis autem scrutatus in alieno sive privato sive publico thesaurum invenisset: is totum hunc domino loci, eive, ad cujus curam vel imperium locus pertinet, reddere cogetur. Ab hoc jure cum precedente tempore recessum esset, ut constat ex *tit. C. Theod. de thesaur.* reductum illud est à Leone Nepote, *l. un. C. Instin. eod.* iterumque vigore suo privatim, restitutum à Leone Philosopho. *Nov. Leon. 51.* A Frederico nil mutatum, *tit. que sint. reg.* At nunc in plerisque locis thesauros, ut & alia pleraque *ἀδελωτοῖς*, Principes sibi vindicant, & quidem in solidum, quocumque in loco reperti fuerint: estque id nunc jus commune & quasi gentium. Nam & in Germania, & Gallia, & Anglia, & Hispania, & Dania id observatur, teste *D. Grot. 2. de jur. bell. c. 8. n. 7. add. Peregrin. lib. 4. de jur. fisc. c. 2. Covar. in relect. c. peccatum de reg. jur. in 6. part. 3. §. 2. Le Bret. lib. 3. de la souveraineté, c. 6. Christin. vol. 1. decis. 16.* Theodoricus quoque rex thesauros quocumque loco repertos publico vindicari jussit. *Sine damno* enim, inquit, *inventa perdit, qui propria non amittit.* Cassiodorus *4. var. 34. & 68.* Apud nos tamen jus hoc incertum esse dicitur; nam patronos quidem fisci contendere thesauros quocumque in loco inventos ad fiscum pertinere, ut in plerisque aliis regionibus nunc obtinere diximus: ceterum alios contra putare, sequendam nobis esse in hoc negotio constitutionem juris Romani; propterea quod neque quicquam de eo cautum reperitur legibus propriis, neque doceri possit, Romani juris vigorem apud nos desuetudine usuque contrario enervatum. *Grot. 2. manud. ad Jurisp. Bat. c. 4.* Itaque in hoc dubio contra fiscum facile responderim, *arg. l. non puto 10. de jur. fisc. add. Groenov. de ll. abrog. hic.*

T E X T U S.

De traditione. 1. Regula ejusque Ratio.

40. Per traditionem quoque jure naturali res nobis acquiruntur: nihil enim tam conveniens est naturali æquitati, quam voluntatem domini volentis rem suam in alium transferre, ratam haberi: Et ideo cujusunque generis sit corporalis res, tradi potest, Et à domino tradita alienatur. Itaque stipendiaria quoque Tributaria prædia eodem modo alienantur.

tur. Itaq; stipendiaria quoque & tributaria prædia eodem modo alienantur. Vocantur autem stipendiaria & tributaria prædia, quæ in provinciis sunt: inter quæ nec non & Italica prædia, ex nostra constitutione nulla est differentia: sed siquidem ex causa donationis, aut dotis, aut qualibet alia ex causa tradantur, sine dubio transferuntur.

NOTÆ.

40. Per traditionem] Ex Cajo l. 9. §. 3. h. t. Sola autem conventionione dominium non transfertur, veluti si inter nos convenerit, ut mea res esset tua, licet ex iusta causa, puta, quia eam tibi vendidi, l. 20. C. de pact.

Nostra constitut.] D. l. un. C. de usuc. transf. ubi tollitur vetus rerum & dominiorum distinctio. Et si autem provinciales pleno jure domini non erant; habebant tamen jus aliquod dominio proximum, prædiaque sua alienare poterant, & hæredibus relinquere, & servitutem his imponere, l. 3. C. de servit.

Ex causa] Nunquam enim nuda traditio dominium transfert, sed ita, si venditio aut alia iusta causa, id est, titulus ad dominium transferendum habilis, præcesserit, l. 31. h. t. saltem opinione tradentis.

COMMENTARIUS.

1. Citra traditionem dominia rerum jure gentium non transferri, & quam rationem hoc habeat.
2. An ad transferendum dominium requiratur vacuæ possessionis traditio.
3. Responsum Triphonini sub tit. de fund. dot. expositum.
4. Traditione non transferri dominium, nisi iusta causa, saltem opinione tradentis, præcesserit, propter quam traditio sequatur.
5. An & quando dissensio in causis tradendi & accipiendo impediatur dominii translationem.
6. De veteri discrimine dominiorum nonnulla.
7. Quale jus olim possessores prædiorum provincialium habuerint.
8. Stipendium & tributum univocè dici.
9. Provincialium qui vectigales, qui stipendiarii sive tributarii appellati.

Hæc quoque acquisitionis species ad generalem occupationem referri debet: nam cum traditione rem acquiri dicimus, non intelligimus solum factum tradentis, sed ex effectu magis etiam rei traditæ acceptionem atque apprehensionem; quippe sine qua traditio non perficitur, hoc est, dominium non transfertur aut acquiritur, l. in omnibus §. 5. de obl. & act. Differt autem hic modus acquirendi à superioribus ejusdem generis, quod earum rerum, quæ nullius sunt, jure gentium acquirendarum ratio præter apprehensionem nihil de-

siderat, quia occupantur sine cujusquam injuria; quæ ex hostibus capiuntur, invitis dominis ad nos transeunt jure belli: in specie autem proposita non satis est nanciscendi domini causa, rem apprehendisse, nisi & voluntate domini in hoc tradita sit, quod omnino hic exigit ratio juris gentium, d. l. in omnibus l. 2. de his qui sui vel al. jur. l. id quod nostrum de reg. jur. Et quia nemo eo animo est, ut velit rem suam in alium transferre sine causa, inde est, quod, cum in cæteris omnibus juris gentium acquisitionibus modus acquirendi idem sit & causa sive titulus, (verbi causa occupatio feræ bestię est & modus acquirendi & titulus) ea in hac specie perpetuo distinguantur. Modus acquirendi est traditio vel potius rei traditæ acceptio & apprehensio; titulus, veluti emptio, permutatio, donatio, cæteræque causæ, ex quibus re à domino tradita dominium in accipientem transit, sin minus, jus usucapiendi, l. nunquam §. 1. hoc tit. l. 1. & seqq. de publ. in rem. act.

Per traditionem] Traditio vel vera est, quæ naturalis datio appellatur, l. non statim §. de pecul. & in re mobili est de manu in manum translatio, in re soli possessionem inductio; vel ficta; quæ commoditatis causa fit vel brevi manu, vel actu aliquo corporis, aut nora sive symbolo, quod veram traditionem repræsentat. Non minus vero ficta & symbolica traditione dominium in accipientem transit, quam vera & naturali, §. interdum & seq. inf. eod. At citra ullam traditionem nudis & solis pactis dominium non transfertur, etiam si id agatur in negotio gerendo, ut transeat: verbi causa, placuit inter nos, ut mea res esset tua; licet id placuerit ex iusta causa, puta quia eam tibi vendidi, non ante tamen tua erit, quam à me tibi tradita sit, l. traditionibus 20. C. de pact. l. si ager, §. 0. de rei vind. l. quotiens l. pen. C. eod. l. 6. C. de her. vel act. vend. Cur vero ad dominium transferendum non placet sufficere nudam conventionientium voluntatem? Nimirum quia nemo ex ratione juris gentium facto suo rem, sive ea nullius sit, sive alterius, acquirit, nisi cujus potestati & manui subjecta sit; quod ita quisque consequitur, si eam apprehenderit, si possessionem ejus nanciscatur, arg. l. 1. §. 1. de acq. poss. Non aliter autem possessio rei alienæ apprehendi, & per eam potestati nostræ res subijci potest, quam si dominus eam tradiderit, in cujus tam diu potestate est & manet. Diss. tamen D. Grot. 2. de jur. bell. c. 6. & 8. contendens ex ratione juris naturæ seu gentium, nihil amplius ad translationem domini requiri, quam solam voluntatem domini rem suam alteri in hoc addicentis: jure autem & ratione civili institutum esse securitatis dominiorum causa, & occurrendi temerariis alienationibus, ut tunc demum dominium à priore domino abeat, cum is alteri rem tenendam & possiden-

dam tradiderit: quod quia à multis gentibus receptum, jus gentium improprie dicatur. Sed posito eo, quod diximus, & quæ veterum sanè omnium sententia fuit, traditione, non nuda conventione, dominium jure naturali sive gentium acquiri, quæsitum porro ab interp. est, an in proposito ad dominium transferendum sufficiat, rem qualiterqualiter tradidisse, dum ea tradita sit vacua ab omni detentore, qui apprehensionem impediatur; an vero ad eam rem necesse sit, tradere rei vacuam & plenam possessionem. Breviter, an res ab alio possessa ita alicui tradi possit, ut dominium in eum transeat. Finge ita; Fundum tibi vendidi, qui ab alio bona fide possidebatur, & dum forte possessor peregre abest, eum tibi tradidi dominii transferendi causa, tu in eum ingressus es eo animo, ut capias, quod traditur, & dominus fias. Quæritur, an quia vacua possessio tibi tradita non est, ac ne possessio quidem, nihilominus tibi fundus jure gentium acquiratur. Et putavi aliquando cum DD. Longobardis, Placent. Ioan. Azon. Accursi. Odofred. Bart. Bald. quos sequitur D. Don. comment. 19. acquiri: neque alienam absentis possessionem ob stare domino, quominus ille rem suam transferat in eum, cui ejus rei corpus prehendum & tenendum dat, sine cujusquam impedimento. Cæterum nunc in contrarium moveor, & quidem maxime illa ipsa ratione, qua ille utuntur ad probandam necessitatem traditionis. Ajunt enim, ideo ad acquisitionem & translationem dominii necessariam esse traditionem, quia ratio juris gentium exigit, ut quod facto nostro acquiratur, prius potestati nostræ subiciatur. At vero res potestati nostræ subiecta dici non potest, cujus plenam possessionem, eamque, quæ avelli non possit, nacti non sumus, l. non videtur 22. de acq. poss. l. 4. §. tunc in potestatem 12. de usuc. l. 13. §. 2. de verb. sign. neque potest in nos transferri possessio iusta ejus rei, quam alius possidet, quamdiu possidet, & vel animo retinet possessionem l. 3. §. ex contrario §. & §. 7. l. 6. §. ult. de acq. poss. Sunt vero & alia hujus rei argumenta non pauca. Nam cum unum idemque genus sit, & actus idem traditionis, qua transferretur dominium & præstatur causa usucapionis, arg. l. 11. §. 1. de act. empt. l. fundum 46. §. 1. de evict. §. pen. inf. per. quas pers. non magis convenit, re à domino tradita dominium transferri sine translatione possessionis, quam re tradita à non domino jus usucapiendi. Adhæc si dominium nobis acquiri potest directo sine possessione, poterit & per procuratorem eodem modo. Quid enim interest, mihi res tradatur, an mea voluntate alteri meo nomine accipienti? Planè nihil l. restitua 37. ad sen. Trebel. At certum est, per procuratorem dominium nobis non acquiri, nisi per consequentiam possessionis, cum nobis adeptæ, l. traditio 20. §. ult. hoc tit. d.

§. pen. inf. per. quas pers. l. 1. & l. 8. C. de acq. poss. Quia etiam ipsa traditio non propter se, sed propter possessionem videretur requiri, cum ubi sine traditione possessio obtineri potest, traditio non desideretur, l. 9. §. interdum inf. eod. His accedit & veterum manifesta auctoritas, quibus tradere, cum de transferendo dominio quæritur, nihil aliud est, quam potestatem facere rei habendæ & possidendæ; traditio nihil aliud, quam possessionis datio atque translatio, l. 3. §. 1. de act. empt. Hinc illa re tradita, possessionem amitti, l. si ager. §. 0. de rei vind. retenta, possessione, nihil traditum intelligi, l. servi 16. de per. & comm. rei vend. Hunc denique pertinet textus l. cum res 12. C. de probat. l. qui prædium 13. C. de distr. ping. & maxime l. 8. C. de act. empt. item l. hæc si 47. de rei vind. quo loco disertè scribit Paulus, non aliter dominium rei absentis nobis acquiri, quam si possessionem ejus nacti simus ex voluntate domini. Etenim, inquires, nihil commune habet possessio cum dominio, l. 12. §. 1. de acq. poss. Quid tum postea? Nam nec titulus sive causa, nec nuda apprehensio & detentio habet: quæ tamen illi ipsi in proposito requirunt, qui hoc obijciunt. Separata quoque est causa possessionis & usucapionis, l. 2. §. 1. pro empt. nemo tamen inde colligit, usucapionem sine possessione procedere. Nihil ad rem facit quod dominium retineri potest sine possessione: non enim tam facile quid acquiratur, quam quæsitum semel retinetur. Possessio non acquiratur nisi animo & corpore, animo retinetur solo, l. 3. §. 1. & §. saltus 12. l. 6. in fin. de acq. poss. Feræ bestię non aliter nostræ fiunt, quam si eas ceperimus: manent nostræ semel capte, quamvis effugerint, quam diu cum spe recuperandi eas persequimur, §. feræ 12. sup. eod. Unus locus est, quo præcipue moventur, qui dominium etiam sine possessione acquiri posse contendunt, l. si fundum 16. de fund. dot. Ajunt in eo responso mulierem à Triphonino proponi, quæ fundum, quem Titius possidebat & propè jam usuceperat, marito in dotem dedit eo effectu, ut fundus dotalis fieret, atque ex eo tempore ad prohibitionem legis Julię pertinere inciperet, maritoque acquireretur vindicatio quæ omnia arguant, dominium istius fundi marito quæsitum fuisse, per l. in rem 23. de rei vind. junct. l. dotale 13. §. 2. de fund. dot. cui tamen possessio acquiri non potuit, cum alius fundum possideret. Unde porro effici putant, fundi istius dominium simplici ratione ac nudo brutoque corporis contractu in maritum translatum fuisse. Sed eorum, quæ colligunt, nihil ex isto responso necessario sequitur. Etenim in dotem quoque data dicuntur, quæ non protinus tradita sunt, sed doti tantum destinata, l. si rem 14. & l. seq. de jur. dot. & cur prædium dotalē constitui minus rectè dicatur, quod mulier instru-

mento dotali proficetur se in dotem dare, quam usufructus & jura prædiorum constitui dicuntur. pactionibus & stipulationibus? §. 1. *infra. de usufr. §. ult. infra. de servit. præd.* Sed & jus vindicandi marito competere potest nondum translato rei in dotem datæ dominio, cessione videlicet actionis, arg. l. ult. C. her. vend. quam in specie à Tryphonino proposita intervenisse sive actionem ipsam in dotem datam omnino credibile est, cum ipsam rem tradere, quam alter possidebat & tenebat, mulier non potuerit. Lex Julia vetat alienari vel usurcapi fundum dotalem. Hæc prohibitio legis Juliæ pertinet quidem maximè ad fundum jam traditum & marito acquisitum: quippe qui propriè dotalis est, d. l. dotale l. 13. §. 2. de fund. dor. & dotalis constituitur non qualiquali traditione, sed ea, quæ & possessionem transferat, l. 5. in fin. sol. matr. Cæterum, ut Tryphoninus significat, pertinet ea lex etiam ad fundum nondum traditum, sed doti tantum destinatum aut instrumento promissum, translata actione ad dominium vindicandum: propterea credo, quod qui actionem ad rem vindicandam habet, propè abest ab eo, qui habet rem ipsam, l. qui actionem de reg. jur. Juvat hanc in interpretationem locus ipse, in quo cum nulla sit mentio traditionis, tum quod maritus dicitur fundum à Titio petere debuisse; argumento est Titium ipsum fuisse & mansisse in possessione, nihilque marito ne corporaliter quidem traditum & tenendum datum. Planè sufficit tradentem verè possidere, licet alius in possessione sit, hoc est, rem detineat: nam jus detentionis non impedire, quominus simplici traditione possessio & per eam dominium transferatur, ostendit l. 14. ex tot. tit. que in fraud. cred. nec obstat, quod dicitur in l. 2. §. 1. de act. empt. vacuam possessionem emptori traditam non intelligi, si creditores bona possideant: hoc enim ad obligationem venditoris pertinet, quæ hoc exigit, non tantum ut res præstetur vacua ab omni vero possessore, sed etiam ab alio omni, qui jus aliud, vel detentionem habeat, cujusmodi habent creditores, qui morante porro debitore etiam secundum decretum petere & impetrare possunt. Illud meminisse oportet, disputare nos de acquirendo rerum dominio jure gentium: nam quin jure civili multis ex causis sine possessione acquiratur, veluti aditione hæreditatis, agnitione bonorum possessionis, legati fideicommissi, dubium non est. Utilitatis quoque causa jure singulari in quibusdam causis receptum, ut cui possessio non acquiritur aut acquiri non potest, ei simplici apprehensione acquiratur dominium, eo, qui tradit amittente possessionem, vid. l. acquiruntur 10. §. 4. l. liber. 19. junct. l. homo 54. hoc tit. l. etiam invitis 32. eod. junct. l. peregre. 44. §. 1. de acq. poss. l. 13. de donat. add. Cont. lib. 1. disput. 8. Hotoman, illust. quest. 11, Bronch. 3. aff. 81,

Voluntatem domini] Est enim suæ quisque rei moderator & arbiter, l. in re mandata 21. C. mand. Cæterum ut quis velle rem suam transferre intelligatur, duo hæc concurrere debent; ut sciat rem suam esse, quam transferre cogitat; ut justam causam habeat, cur velit, puta quia vendidit, dare promisit, &c. Illud, quia nemo, qui errans in dominio rei suæ, suam esse ignorans, eam pro aliena tradit, hoc animo est, ut eam transferat, l. si procurator. 35. hoc tit. arg. l. 15. de jurisd. Ajo. in dominio rei suæ: nam si quis non erret in re sua, non in ea, de qua transferenda agitur; sed in re alia, puta in causa debendi; hic error alienationi non obstat: & ideo indebiti per errorem soluti nulla vindicatio est. Hoc, quia nemo rem suam alicui tradit transferendi gratia, nisi causam habeat, cur id faciat. Hinc illud Pauli; Nunquam nuda traditio transfert dominium, sed ita si venditio aut alia justa causa præcesserit propter quam traditio secuta sit, l. nunquam 31. hoc tit. Nec dicat quisquam, id requiri superflue, cum si nulla causa adsit, præsumi debeat donatio, arg. l. Campanus 47. de oper. lib. quoniam hoc tunc solum locum habet, cum res consulto data est, l. cuius per errorum 53. de reg. jur. Illud non refert, revera præcesserit causa, an opinione tradentis, ut patet in solutione indebiti. Sed questionis est, si ego ex una causa tibi tradam, tu ex alia accipias, an hæc in causis tradendi & accipiendi dissensio impediatur dominii translationem. Et siquidem in tradente nulla sit causa dominii transferendi, vel in capiente nulla nascendi; ut si ego deponam apud te pecuniam, tu quasi mutuam aut donatam accipias, aut è converso, si ego tibi dem pecuniam quasi mutuam, tu quasi commodatam accipias ostentandi causa; certum est, dominium non transferri, l. si ego 18. §. 1. de reb. cred. Non enim hic concurrunt affectus ex utraque parte contrahentium, quem ad translationem dominii requirimus l. in omnibus 55. de obl. & act. At si, utrinque subesse existimetur causa idonea, ex qua dominium transferatur; veluti si tibi dem fundum tanquam à me debitum ex testamento, tu quasi ex stipulatu debitum accipias, vel si ego tibi tradam pecuniam donandi animo, tu accipias quasi creditam, hic quia ex utraque causa id pariter agitur, ut dominium transferatur, puto traditionem efficacem esse: idque & Julianus generaliter probat l. cum in corpus 36. hoc tit. Videtur autem à Juliano dissentire Ulpianus in specie posteriore, cum pecuniam tibi dedi quasi donaturus, tu quasi mutuam accipis, d. l. si ego 18. pr. de reb. cred. Primum negat hic esse donationem: sed hoc etiam ex sententia Juliani. Deinde ait, nec mutuam esse: nec hoc quidem negaverit Julianus, quia mutuo data non est. Sed quod addit postea, magisque nuncios accipientis non fieri in eo dixeris cum dissidere,

à Juliano, qui generaliter definit, dissensum in causis transferendi non ob stare translationi, cum in corpus, quod traditur, consentimus: & hanc regulam, etiam eodem exemplo declarat d. l. cum in corpus, quod proponitur, ab Ulpian. d. l. si ego de reb. cred. D. Contius, 1. disp. 9. & Bachov. in Treutl. disput. de mutuo. thes. 4. negant hoc dissidium componi posse: & sane ferri non potest, quod Alciatus §. parerg. 15. Pac. 3. quest. 67. Gilb. Reg. 2. enant. ultim. putant, diversas esse horum locorum species, pecuniam creditam apud Julianum interpretantes debitam, contra usum verborum & manifestum sensum Jurisconsulti. Si qua est componendi ratio, ea est, quam affert Conman. 3. comm. 7. & Don. 3. com. 18. & ad d. l. si ego de reb. cred. nimirum Verba hæc Ulpiani, magisque numeros accipientis non fieri, duplicem posse pati interpretationem: posse sic accipi, ut nummi omnino non fiant accipientis: posse etiam sic ut non fiant perfecte, non irrevocabiliter, ex comparatione scilicet acquisitionis rei donatæ, arg. l. aliud est capere 71. de verb. sing. l. cum quis 38. §. 3. de solut. fiant tamen eo effectū, ut etiam si adhuc extent, vindicari nequeant, consumpti nec efficaciter condici. Atque hoc posteriore modo verba Ulpiani accipienda esse propter generalem Juliani definitionem. Et videtur aliquo modo svadere hanc interpretationem etiam ratio ab Ulpiano subjecta, cum alia opinione acceperis, quippe qui donatum sibi tanquam mutuum accipit, non eo animo est, ut dominus non fiat, sed ut non fiat simpliciter & sine obligatione restituendi tantundem, tanquam ex causa donationis. Fufius hæc exequor lib. 2. sel. quest. c. 35.

Cujuscunque generis sit] Modo ne talis, cujus alienatio prohibita, ut fundi dotalis: aut ne causa, ex qua traditur, jure improbata, ut donatio inter virum & uxorem. Ait autem, cujuscunque generis, ut significet, non solas nunc res nec mancipi, ut olim, simplici traditione & nudo naturali actu pleno jure transferri: sed etiam res mancipi; cujusmodi erant prædia & prædiorum jura in Italico solo; servi & quadrupedes, quæ torso collove domantur, & olim non abalienabantur ex jure Quiritium sine actu civili, sine nexus aut cessionis in jure solemnitate, vid. Ulpian. tit. 19. in fragm. Revard. ad leg. 12. tab. c. 16.

Corporales res] Nam res incorporales propriè traditionem non recipiunt, l. 3. §. si iter. de act. empt. l. servus 43. §. 1. hoc tit. uti nec possessionem, l. 4. §. si viam 27. de usurp. & usufr. sed est in his, quod vice traditionis fungatur patientia domini, & vice apprehensionis possessionisque sit usus illius cui dominus hujusmodi jus quæsitum vult, l. ult. de serv. l. 3. in pr. de usufr. d. l. 3. §. si iter de act. empt. l. 2. §. ult. de prec.

A domino] Qui scilicet liberam rerum suarum administrationem habeat. Nihil autem interest, utrum ipse dominus rem suam alicui transferendi causa tradat, an voluntate ejus alius, procurator puta aut creditor, §. nihil autem inf. eod. §. 1. inf. quib. al. lic. aut etiam alii, qui jure pro dominis habentur, ut tutores & curatores, l. bonæ fidei 109. de verb. sing. l. non omni 16. & l. lex. 22. C. de adm. tut.

Tradita alienatur] Non minus videlicet pleno jure, quam si mancipata aut in jure cessa esset, sublata antiquo discrimine domini, l. un. C. de nud. jur. Quir. toll. Etenim duo antiquitus fuere dominiorum genera; naturale unum, quod in bonis; alterum civile sive legitimum, quod ex jure Quiritium appellabatur, & vel nudum erat, vel plenum. Si, verbi causa, civis Romanus à cive Romano servum emisset, isque ei traditus esset, neque tamen mancipatus aut cessus in jure, annove ab eo possessus, is servus in bonis quidem emptoris erat, ex jure vero Quiritium non erat, sed eo jure manebat venditoris, quamdiu mancipatus, in jure cessus, aut usucapit, non esset. Jus hoc Quiritium sibi asserbat, qui vindicabat hac vulgata formula; Hunc ego hominem ex jure Quiritium meum esse ajo l. 1. de rei vind. Hinc & illa judicis dati formula apud Cic. 4. in Verr. Si parer fundum Capenatem, quo de agitur, ex jure Quiritium P. Servilii esse, vide sis. Theoph. tit. de libert. Vlp. d. tit. 19. Brisson. 4. antiq. 22. Revard. d. cap. 16. Erat autem ejus, qui in bonis habebat, causa potior, quam domini ex jure quiritiarii: nam si servus alterius in bonis, alterius ex jure Quiritium esset ex omnibus causis acquirebat ei, cujus in bonis erat, Vlp. d. tit. 19. §. pen. Qua de causa Justinianus nudum hoc & inane Quiritium jus sustulit, d. l. un. C. de nud. jur. Quir. tol.

Tributaria prædia eodem modo alienantur] Dixit, res omnes, cujuscunque generis sint, traditione alienari, hoc est, ut omnes exponunt, non minus res mancipi, quam nec mancipi. Hinc infert etiam, eodem modo alienari prædia provincialia. Atqui hæc prædia fuere res nec mancipi: res autem nec mancipi etiam veteri jure nuda traditione abalienabantur, Ulp. d. tit. §. 6. Unde videtur ex contrario sic inferendum fuisse; Itaque Italica quoque prædia eodem modo alienantur. Verum alio respicere Imperatorem, ex sequentibus apparet, ad exæquationem videlicet juris prædiorum provincialium & Italicorum, cujus ipse primus auctor est, l. un. C. de usufr. Olim agri & prædia in provinciis non erant pleno jure possessorum, sed usu & fructu duntaxat: summo autem jure propria erant populi Romani: quippe quæ prædia cum primum jure belli una cum possessoribus in jus & ditionem populi victoris venissent, hoc est, publica facta essent populi Romani, sæpè provincia-

libus seu veteribus dominis denuo utenda & fruenda concedebantur, imposito annuo vectigali aut tributo in argumentum retentæ proprietatis aut summi juris. Unde est quod prædia ista à possessoribus mancipio dari non poterant, nec ab alio ufucapi, sed longi duntaxat temporis possessione illud, quod dixi, jus in iis acquiri: de quo uberius tit. 6. Poterat & nuda traditio jus idem in quosvis alios transferri, salva scilicet semper manente proprietate populo aut Principi. Igitur quod de hisce prædiis ait, eodem illa modo alienari, sic accipiendum est, alienari plenè & perfectè, simplicique traditione transferri in accipientem verum & justum dominium, idem nimirum, quod nunc quisque dominus in re sua qualibet habet, sublata rerum & dominiorum distinctione, d. l. un. C. de nud. jur. Quir. toll. d. l. un. C. de usufr. transf. Atque hinc patet, constitutione Antonini, qui provincialibus omnibus jus civitatis dedit, l. in orb. de stat. hom. effectum non esse, ut solum provinciale ejusdem juris esset cum solo Italico. Primus enim Justinianus differentiam sustulit, voluitque eodem jure prædia omnia censeret, d. l. un. C. de usufr. transf. & hoc text. Obiter addo jus illud vetus provincialium possessorum non fuisse jus personale, quale est usufructus: sed reale & proximum dominio, cujusmodi est emphyteuticum, & quod vulgo appellatur dominium utile. Nam & possessiones suas hæredibus relinquere & cuius extraneo in jure cedere, Ulp. d. tit. 19. §. 8. Theoph. hic. & servitatem his imponere poterant, l. 3. C. de serv.

Sunt autem stipendiaria & tributaria prædia, quæ in provinciis] Nemo hinc colligat, prædia omnia, quæ in provinciis erant, vectigalia fuisse. Certum enim est, multas civitates beneficio populi aut Principum jus habuisse Latii sive Italiæ, & sine eo jure colonias nonnullas provinciales & civitates immunes fuisse, l. 1. l. pen. l. ult. de Cen. Cic. 3. in Verr. Plin. lib. 3. nat. hist. c. 3. & 11. Sed hic sensus est, prædia quæ in provinciis sunt, quæ stipendium aut tributum pendunt, stipendiaria dici & tributaria, uti possessores eorum dicuntur stipendiarii & tributarii. Tributum, si Theophilo credimus, inferebatur Principi, stipendium populo. Hinc provinciæ Cæsaris tributariæ, populi stipendiariæ. De quo tamen dubito, magisque puto verba ista dici *συνώμους*. Nam constat, Principes sensim sibi provincias omnes seposuisse, neque diu ratam mansisse partitionem illam provinciarum, quam cum populo Augustum fecisse refert Svet. c. 7. Certè tempore Justiniani, ut fisci & ærarii, ita & stipendii & tributum nulla fuit differentia. In libris Pand. aliquando separantur, ut in l. 7. §. 2. de usufr. l. neque 13. de imp. in res dot. l. aufertur 46. §. qui compensationem de jur. fisc. Sed tamen *συνώμους* esse ex auctori-

tate Pomponii refert Ulpian. l. si ager. 27. §. 1. de verb. sign. Stipendium, inquit, à Stip. appellatum est, quod per stipes, id est, modica ara colligatur. Idem hoc etiam tributum appellari Pomponius ait. Et sanè, inquit, appellatur à contributione tributum, vel ex eo, quod militibus tribuatur, ita & Festus in voce Tributum. Varro autem lib. 4. de ling. sic dictum scribit, quod tributum à singulis pro portione census exigebatur. Neque solum initio, ut ex Cic. Cæs. Liv. Plin. Gellio discimus, stipendium & tributum promiscuè appellata est ea pecunia, quæ populo imperabantur & colligebatur in publicum, ut ex ea miles sustentaretur: sed etiam, apud posteriores, Sueton. Eutrop. Sextum Ruffum, promiscuum eorundem verborum usum reperias, ut observavit D. Cujac. 7. obs. 3. In eo sanè aliqua differentia est, quod plerumque stipendium, non tributum, appellamus æs, quod ex tributo militibus solvitur: unde stipendia facere &c. Petilius Cerealis apud Tacit. lib. 4. hist. Neque quies, inquit, gentium sine armis, neque arma sine stipendiis, neque stipendia sine tributis haberi queunt. Verum hoc ad præsentem disputationem non pertinet. Illud verum esse ostendit antiquitas, quod D. Hotomannus hic notat, provincialium alios vectigales fuisse, alios stipendiarios sive tributarios. Vectigales, qui incertum vectigal solvebant, ut decimam partem frugum; unde Decumani dicti, & eorum ager decumanus, de quibus multa Cicero 3. in Verr. Stipendiarios, qui certum vectigal in pecunia vel etiam in frumento pendebant. Quod, tributum seu stipendium, & teste Cicerone 5. in Verr. Stipendiarium dicebatur. Quamquam vectigalis appellatio latius patuit, easque etiam pecunias comprehendit, quæ vel prætorii, vel scripturæ, vel salis, aut vicesimæ nomine exigebantur, de quo in præsentia non quaeritur, l. ult. §. species 8. de publican. consule Sigon. 1. de jur. civ. Rom. 16. Freig. in lib. 3. Cic. in Verr. Goed. ad l. inter publica 17. §. 1. & l. si ager. 27. de verb. sign.

TEXTUS.

2. Limitatio.

41. Vendita vero res & tradita non aliter emptori acquiruntur, quam si is venditori pretium solverit, vel alio modo ei satisfecerit, veluti expromissore aut pignore dato: quod quanquam cavetur lege duodecim tabularum, tamen rectè dicitur & jure gentium, id est, jure naturali, id effici. Sed si is qui vendidit, fidem emptoris sequutus fuerit, dicendum est, statim rem emptoris fieri.

COMMENTARIUS.

1. Cur ex ceteris causis dominium traditione statim transcat, ex causa emptionis non aliter, quam si pretium solutum sit, &c.
2. Satisfacere & solvere item fidejuberem & expromissorem, quomodo differant.
3. An presumatur venditor fidem emptoris secutus ex eo, quod simpliciter rem tradiderit.
4. Ad translationem rerum immobilium quae jure civili Batavorum desiderantur.

Quod hic traditur, proprium est emptionis. Ex alia causa si quis rem suam sciens tradiderit, statim eam facit accipientis, neque amplius quicquam ad translationem dominii requiramus: in emptione vero & tertium exigitur, ut pretium solutum sit, aut necessitas ejus solvendi in praesentia remissa. Cur vero tam variè? Nimirum quia in ceteris qui rem suam scientes ex justa causa tradunt, veluti ex causa donationis, dotis, legati, &c. voluntas transferendi manifesta est: in venditore non est, si nihil amplius de voluntate ejus constet: quippe qui ex communi hominum sensu hac lege & conditione potius rem, quam vendidit & tradidit, transferre voluisse censi debeat, si pecunia sibi soluta sit, (hanc enim spectat, & protinus sibi numerari velle videtur, qui rem vendit) quam animam habuisse rem suam purè & simpliciter in emptorem, transferendi. Constat autem, ejus quod sub conditione datur aut traditur, dominium in accipientem non statim transire, l. 8. de reb. cred.

[Vel alio modo ei satisfecerit] Traditur hoc idem l. quod vendidi 19. de contr. empt. l. 5. §. pen. de trib. act. fact. l. ut res 53. de contr. empt. Satisfaciendi verbum generalius est, quam solvendi. Qui solvit, utique & satisfacit: at non omnis satisfactio solutio est. Satisfacit & qui non liberatur, veluti si quis fidejussorem vel pignora det: solutione vero obligatio tollitur. Ait, ei satisfecerit, nimirum venditor volenti, & fidejussorem vel pignus loco solutionis accipienti: neque enim cogitur creditor admittere satisfactionem vice solutionis l. 6. §. 1. quib. mod. ping. l. 10. de ping. act. non magis quam solutionem alius rei, quam quae debetur, l. 2. §. de reb. cred. l. 16. & seq. C. de solut.

[Expromissore] Hoc nomine etiam fidejussor hic intelligi videtur, ut in l. 4. §. 3. de re jud. Certum enim est, tam fidejussore, quam expromissore dato, rem emptoris fieri, d. l. ut res 53. de contr. empt. Enimvero cum propriè loquatur Jurisconsulti, fidejussorem, quem alio nomine adpromissorem vocant, l. si vero 64. §. 4. sol. matr. l. in omnibus 43. de solut. separant ab expromissore, ut in d. l. 53. de contr. empt. l. qui libertinus 37. §. ult. de op. libert. Expro-

missor is propriè dicitur, qui alienam obligationem novandi animo in se suscipit, l. ult. de sen. Mac. d. l. qui libertinus 37. §. 4. de op. lib. & simpliciter reus appellatur, l. 7. §. servus 8. de dol. mal. l. si vero 64. §. 4. sol. matr. nempe quia promissor debitorem liberat & vice ejus se solum debitorem constituit. Fidejussio- ne autem nulla fit novatio aut primi debitoris liberatio: sed fidejussoris obligatio, ut pignus, accessio est principalis obligationis, §. fidejussores 5. inf. de fidejuss. l. in omnibus 43. de solut.

[Quaquam cavetur lege 12. tabb.] Pleraque quae lege 12. tabularum cauta sunt, rationem civilem habent, formulasque & solemnities spectant, ut liquet ex fragmentis, quae à viris doctis collecta in manibus studiosorum versantur: non tamen omnia. Nam quod placet rem venditam non aliter emptoris fieri, quam si pretium venditori solutum sit, aut satis eo nomine factum, id jure & ratione naturali, ea quam dixi, efficitur: & tamen id ipsum quoque lege duodecim tabb. cautum. Non rectè igitur sic collegeris, Id cautum est lege civili; ergo est juris merè positivi; aut ergo id non efficitur jure gentium sive naturali.

[Fidem emptoris secutus fuerit] Id est, fidem emptori de pretio habuerit sine ulla satisfactione, d. l. 19. de cond. empt. ἐπειδὴ οὐκ οὐκ ἐπίσχεσε καὶ τῇ ψυχῇ ὁμολογῆσαι αὐτῷ, quod ex circumstantiis æstimandum; veluti si dies solutioni dicta sit, l. 3. C. de pact. int. empt. & vend. aut si, cum emptor pecuniam ad manum non haberet, venditor dixerit, I, licet: nunc non requiro; postea dabis. Plane si nulla mentio facta sit de pretio postea solvendo, ex eo solo quod venditor rem tradidit, conseri non debet fidem emptori habuisse, ut hic locus & d. l. 19. apertissime ostendunt. Adeoque regula illa, quam hic ex communi opinione Schneid. tradit; In dubio qui rem venditam simpliciter emptori tradit, sequi videtur fidem emptoris; nisi contrarium appareat: convertenda est, & sic concipienda; In dubio qui rem emptori tradit, non videtur sequi fidem emptoris, nisi emptor contrarium doceat. Atque ita communiter DD. suo tempore tenuisse refert Jo. Fab. & probant Wesemb. & Bachov. Jure civili Batavorum ad translationem sive alienationem praediorum, censuum, decimarum, aliarumque rerum immobilium non sufficit ea privatim tradita esse licet à domino qui plenam rerum suarum administrationem habet: sed necesse est, ut earum rerum traditio fiat publicè & eorum judice ejus loci, in quo sitae sunt: privatim aut apud alium judicem facta nullius momenti habetur; exceptis bonis feudilibus, quorum traditio facienda eorum domino feudi ejusve vicario & paribus curiae. Hoc enim cum antea quibusdam duntaxat

duntaxat in locis ex consuetudine observaretur, generali lege sancitum est à Carolo Quinto anno 1529 Ab Ordinibus additum, ut hujusmodi traditiones actis insinuarentur, hoc est, referrentur in literas publicas, & si ex causa venditionis aut permutationis fierent, quadragesima pretii aut justæ rei æstimationis in usum publicum fisco ponderetur, fac. art. 37. Ord. pol. D. Grot. lib. 2. man. cap. 5. & ibi Gran.

TEXTUS.

3. Ampliatio.

42. Nihil autem interest, utrum ipse dominus tradat alicui rem suam, aut voluntate ejus alius, cui ejus rei possessio permessa sit. Quæ ratione si cui libera universorum negotiorum administratio permessa fuerit à domino, isque ex his negotiis rem vendiderit, & tradiderit, faciet eam accipientis.

COMMENTARIUS.

1. Distinctio, quæ vulgo fit inter procuratorem, cui simpliciter rerum omnium administratio commissa est, & procuratorem cum libera, ut loquuntur, latè improbat.

Cum ad dominium traditione transferendum necesse sit, ut dictum est, ut res tradatur à domino, hoc nunc ex Cajo l. 9. §. nihil autem hoc tit. declarat Imp. atque sic esse accipiendum ait, ut nihil intersit, utrum dominus ipse per se rem alicui tradat, an alius voluntate ejus: quippe quod quis per alium facit, dum ei mandat aut jubet, ut faciat, id ipsum eum facere videri, l. 5. §. 3. de adm. tut. l. 1. §. debuisse de vi & de vi arm.

Cui ejus rei possessio permessa est] Horom. restituit, cui ejus rei potestas permessa est, quod quidem sensum habet commodiorem: sed tota hæc adjectio abest à Gajo, & paraphraste Græco. Unde suspicor, glossa esse, quod in textum reptavit? ob eamque causam etiam à Cujacio hoc omissum.

Si cui libera universorum bonorum] Si nominatim alicui mandatum sit, ut rem tradat, nemo ambigit, quin si mandato perseverante id faciat, dominium ejus rei transferatur in accipientem, l. solutum 11. §. ult. de pign. act. l. restituta 37. in fin. pr. ad Sen. Treb. l. fundi 33. de acq. poss. nec ulla hic exceptio est: quoniam in speciali mandato non potest dubitari de voluntate domini. An autem & mandati generalis hæc vis sit, ut procurator, cui universorum bonorum administratio permessa est, possit rem ad administrationem suam pertinentem sine exceptione alienare, aut in alium transferre, quæri solet. DD. comm. duo genera ejusmodi procuratorum faciunt; unum co-

rum; quibus simpliciter rerum omnium administratio commissa est: alterum, quibus commissa est libera, nominatim sc. hoc adjecto & procuratorem cum libera (sic loquuntur) etiam jus rem alienandi habere contendunt, modo ne id fiat animo donandi: cum autem, cui simpliciter administratio mandata est, nihil alienare possit, præter fructus aut res alias, quæ facile corrumpi possunt. verum hæc distinctio, ut commentitia & veteribus incognita, à Duar. ad l. 1. §. per procuratorem 20. de acq. poss. Donell. 4. comm. 15. Vand. 1. quest. 47. & aliis nonnullis doctis viris rejicitur. Et vero si ex mandato æstimandum, quid cuique liceat in re aliena, dicendum omnino videtur, parem esse debere horum procuratorum potestatem; nec quod alteri non licet, id alteri in re dominica licere. Quid enim interest, simpliciter alicui bonorum universorum administratio mandata sit, an mandata adjecto verbo libera? Non magis hæc differunt, quam hæres simpliciter institutus, & institutus ex asse. Administratio quantumvis simpliciter tradita, nihilominus libera tradita intelligitur: quippe quam liberè exercere liceat in rebus omnibus, nec minus liberè, quam si specialiter de singulis mandata esset, excepto si quid generali cuiusmodicunque mandato non continetur: qualia sunt, donatio, l. 7. de donat. manumissio, l. servus 13. de manumiss. rei dominicæ pro alio obligatio, l. 1. §. 1. quæ res pign. dat. liberatio pignoris aut hypothecæ, l. 7. §. 1. quib. mod. pign. solv. item quævis alia juris dominici remissio, l. mandato 60. de procur. l. præses, C. de transact. alienatio quoque rerum domini, quam non exigit ratio administrationis, l. procuratorem tutorum 63. de procur. junct. l. 12. & ult. de cur. fur. l. procuratorem 16. Cod. de procur. l. 1. §. 1. de off. procur. Cas. Hinc cui simpliciter rerum gerendarum provincia de mandata est, rem domini in judicium deducit, l. 12. de pact. quod illis tantum liceat, qui domini loco habentur, l. tutor 22. & l. 27. de adm. tut. potest exigere & accipere, l. 11. de pact. l. qui hominem 34. §. 3. de solut. creditoribus solvere, l. quodlibet 87. eod. tit. novare, l. 20. §. 1. de novat. potest transigere, pacisci, jusjurandum deferre, d. l. præses, C. de transact. d. l. 12. de pact. l. i. iusjurandum 17. §. ult. de jurejur. modo ea faciat in re dubia & probationibus deficientibus, arg. l. tutor 35. d. tit. de jurejur. Potest rem domini pignori dare, si mandatum accipit ab eo, qui sub pignoribus solebat mutuas pecunias accipere, l. 12. de pign. act. potest vendere ea, quæ servando servari non possunt l. procurator 63. de procur. & quatenus negotiorum exigit administratio, etiam alia quædam ob magnam utilitatem alienare, arg. l. 12. & l. ult. de cur. fur. Non debet plus licere ei, cui libera administratio permessa est: ut enim maxime libera sit, administratio tamen est, nihil amplius.

Quod

Quod igitur de hujusmodi procuratore traditur, posse cum aliud pro alio permutare, *l. procurator. §. 8. de proc. hoc & in superiore. verum est*: in utroque autem sic accipiendum, si conditio & ratio administrationis id flagitet: eodemque modo etiam accidebet, quod hoc loco & apud Gajum *d. l. 9. §. 4. eod.* relatum est, procuratorem cum libera rem ex negotiis sibi commissis vendendo & tradendo facere accipientis. Planè potest mandatum ita concipi, ut post generalem clausulam quædam etiam specialiter exprimantur, quæ, alioqui aut non concessa, aut non tam plenè concessa intelliguntur, ut in specie *l. creditor. 60. §. Lucius. mand.* Argumentum quod ab administratione peculii sumptum ad distinctionem suam probandam DD. afferunt, nullum est, & distinctio administrationis peculii in simplicem & liberam ex *l. 10. C. quod cum eo qui in al. pot.* ipsa quoque suspecta, confer *l. si convenerit 18. §. ult. de pign. act. l. si quis 41. §. ult. de rei vind. l. pen. §. 3. de div. & temp. præsc. l. 13. in fin. de cond. ind. l. libera. 48. pr. & §. 1. de pecul. l. ult. de novat. l. contra 28. §. 3. de pact. l. 8. §. an. pacisci. §. quib. mod. pign.* Atque hoc etiam Vaudus animadverit *d. loc.* qui etiam contendit, plus licere filiosam. aut servo liberam peculii administrationem habentibus, in administratione rei peculiaris, quam procuratori universorum bonorum in rebus mandatis; propterea quod peculium est quasi proprium patrimonium servi filivefamilias, à substantia & rationibus domini patrisve separatam atque abstractam, *l. §. l. peculium 39. de pecul. quod longe diversum sit in procuratore.* Ad hæc unam eademque res servi & domini, unam patris & filii personam videri, *l. 10. de opt. leg. l. ult. in fin. C. de impub. subst. §. 4. & §. post mortem 12. infr. de inut. stip.* Utcumque sit, certe alienationem, ut donent, aut jus aliquod gratuito remittant, vi generalis mandati non habent. *l. 3. §. si servum 8. de don. int. vir. & uxor. l. 1. §. 1. quæ res ping. dat. l. 7. de donat. l. 3. §. 2. vers. si filiosam. de Sen. Mac. l. contra juris 28. §. 2. de pact.*

TEXTUS.

De quasi traditione. Si traditio ex alia causa præcesserit.

43. Interdum etiam sine traditione nuda voluntas domini sufficit ad rem transferendam: veluti si rem, quam tibi aliquis commodaverit, aut locaverit, aut apud te deposuerit, postea aut vendiderit tibi, aut donaverit, aut dotis nomine dederit. Quamvis enim ex ea causa tibi eam non tradiderit, eo tamen ipso, quod patitur tuam esse, statim tibi acquiritur proprietas, perinde ac si eo nomine tibi tradita fuisset.

NOTÆ.

43. Perinde ac si eo nomine] Fictioe scilicet brevis manus, ut una actio hic occultetur, *l. 3. §. pen. D. de don. int. vir. & ux.* Fingitur res ex priorè causa restituta, & ex posteriore denuo tradita.

COMMENTARIUS.

Dictum est in explicatione *§. per traditionem sup. eod.* dominia rerum transferri non nudis patetis, sed traditione. Nihil autem interesse, verè traditio fiat & naturaliter, an fictè & per repræsentationem. Ficta traditionis usus in rebus incorporalibus necessarius est; utpote quæ natura traditionem non recipiunt, *l. servum 43. §. 1. hoc tit.* pro traditione autem in his, est utendi concessio, *l. ult. de serv. l. 3. de usufr.* In aliis rebus propter commoditatem recepta, quo expeditior esset ratio commerciorum: & in his rebus fingitur traditio intervenire, si ea vel nota sive symbolo aut alia re quapiam repræsentetur, vel res geratur brevi manu. De ea, quæ symbolo fit, dicetur *§. proximo.* Fictioe brevis manus traditio fit, cum vel rem meam, quæ apud te sit ex alia causa, tibi vendo aut dono: ad quam speciem pertinent exempla hoc *§. proposita* ex Gajo *l. 9. §. interdum eod.* vel cum eum, qui mihi dare volebat, aut debebat, jussero tibi dare, *l. 3. §. pen. & ult. de don. int. vir. & ux.*

Nuda voluntas] Non quæ planè & per se nuda sit, aut præter consensum nihil habeat, quemadmodum, cum dicimus, ex pacto nudo actionem non nasci, nudum intelligimus, quod simpliciter nudum est, hoc est, tale, quod præter conventionem nihil causæ habeat ad obligandum eum, qui pactus est, *l. 7. §. 4. de pact. l. 10. C. eod.* Nam cum ne actio quidem ex hoc genere pacti competat ad dominium adipiscendum, plusquam manifestum est, dominium ex eo transferri non posse. Non etiam quæ nuda sit ab omni traditione: quomodo nuda pacta accipimus, cum traditionibus in genere opponuntur, *l. traditionibus C. de pact. & pignus nuda conventionione contrahi dicitur, qua convenit ut res pignori sit sine ulla traditione, l. 1. de pign. act.* Sed nuda ex comparatione ejus rei, cui hoc loco opponitur, id est, nuda à vera & naturali traditione, quæ causam transferendi sequatur. Nam si nuda sit ab omni non tantum reali, sed etiam ficta & symbolica traditione, solà voluntas dominium transferre non potest. Eodem sensu quarundam rerum possessio animo apprehendi dicitur, *l. antepen. de acq. poss.* nimirum oppositivè ad actualem & naturalem apprehensionem.

Commodaverit, locaverit, aut apud te deposuerit] Vel etiam pignori tibi dederit, *l. 9. §. 1. de publ. in rem act.* Nec videberis causam possessionis tibi mutare, qui ne possidebas quidem, *l. 3. §. sed si, 20. de acq. poss.*

poss. Sed & si rem meam possideas, & eam tibi vendideris aut tibi habere iubeam, fiet tua, quamvis possessio apud me non fuerit, *l. si servum 21. §. hoc tit. l. 10. de donat. l. si rem 62. de evict.* Ad hoc genus fidei traditionis etiam pertinet species *l. 3. §. pen. & ult. de don. int. vir. & ux. si id quod alius mihi dare volebat, iusserim Titio dari; quamvis fictio nonnihil dissimilis & inter tres personas.*

Perinde ac si eo nomine tibi tradita esset] Apparet, hic actum aliquem adscisci sive fingi, qui pro traditione sit; cum causam transferendi nulla sequatur traditio secundum ordinem naturæ: & ideo in proposito dicitur res pro tradita haberi, *d. l. si rem de evict. & hoc §.* dominium transferri nuda voluntate. Fictio sive cogitatio talis est: creditur res tibi commodata aut apud te deposita, domino, qui eam postea tibi vendidit aut donavit, restituta, arque ab eo mox ex ea causa tibi tradita. Quod à Consulitis ideo excogitatum est, quia hoc modo celerius & sine inutili circuitu ad finem propositum perveniat, *d. l. 3. §. pen. de don. int. vir. & ux.* Unde in simili, si debitorem meum iusserim tibi dare, fingitur brevi manu acceptum à me, & tibi datum; ut una actio hic occultetur, *d. l. 3. §. pen. & ult. l. licet 43. §. 1. de jur. dot.* Eadem fictio intervenit & in iis, quæ singulariter circa pecuniam creditam recepta esse scribit Ulpian. *l. singularia 15. de reb. cred. sive res geratur inter tres personas, veluti si Titium pecuniam, quam mihi debebat, iusserim Sejo mutuo dare: sive inter duas, puta si convenerit, ut pecuniam, quam tu mihi ex mandati causa debes, crediti nomine retineas.* In utraque enim hac specie fingitur mihi data pecunia, & à me ad te aut ad Sejum profecta: quamquam Africanus stricti juris retinentior fictionem istam non videtur admittere in specie posteriore, *vid. l. qui negotia 34. mand. ejusque interpretem Cujac. 8. ad African.* Sunt tamen qui putant, absentiam debitoris impedire fictionem brevis manus, quasi factum fingi non possit jure, nisi & per rerum naturam fieri potuerit, *per l. falsus 43. §. 2. de furt.* & ideo Ulpiani sententiam admittendam censent, si debitor præsens sit & paratus pecuniam numerare: Africanus, in debitore absente, aut qui pecuniam ad manum non habeat: quippe discretè Africanum loqui de eo, qui epistolam misit ad creditorem, ac proinde de eo, qui absit. *D. Don. in d. l. singularia de reb. cred. n. 22. & seqq.* ut ut sit, hoc jure nunc utimur, ut absentia hujusmodi fictiones non impediatur. Plura diximus lib. 1. *select. quest. c. 40.*

TEXTUS.

De traditione clavium.

44. Item si quis merces in horreo depositas

vendiderit, simul atque claves horrei tradiderit emptori, transfert proprietatem mercium ad emptorem.

NOTÆ.

Tradiderit emptori] Apud horreum, *d. l. 74. in re præfenti, l. 1. §. pen. D. de acq. poss.*

COMMENTARIUS.

Hoc §. agitur de eo genere fidei traditionis, quæ nota aliqua aut symbolo veram repræsentat; cujus una species proponitur, si mercibus certo loco conclusis, quas dominus mihi tradiderat vellet, claves ejus loci mihi tradantur, *ex d. l. quæ ratione §. item si hoc tit.* Sunt autem hujus generis & aliæ species, veluti traditio instrumenti, quo traditæ res ipsa, de qua alienanda in eo agitur, tradita & translata intelligitur, *l. 1. C. de donat.* Trabium & ringnorum obsignatio pro eorum traditione valet, *l. quod si 14. §. 1. de per. & comm. rei vend.* Item custodis appositio, si res non facile loco moveri possint propter magnitudinem ponderis *l. antepen. de acq. poss.* Potest & sine nota actus aliquis traditionem repræsentare: nam si in re præfenti & aperta dominus eam se mihi tradere dicat, ego sim hoc animo ut velim possidere hic placuit me possessione nancisci oculis & affectu, perindeque hoc haberi, ac si pedem finibus intulissem, corpore ac manu rem apprehendissem, *l. 1. §. pen. l. quod meo 18. §. 2. de acq. poss.*

Simul atque claves horrei tradiderit] Clavibus horrei aut cellæ traditis, et si merces incluse, frumentum, vinum, oculis & sensibus non subiciantur, earum tamen rerum possessio & dominium nobis acquiritur, haud secus ac si res ipsæ conditæ nobis traditæ essent, *d. l. quæ ratione §. item si d. l. 1. §. pen. l. clavibus 74. de contr. empt.* Cæterum hoc ita, si claves traditæ sint apud ipsum locum: in quo res conditæ sunt, *d. l. clavibus.* Nam & symbolica traditio talis esse debet, ut per eam res potestati nostræ statim subiciatur: quod non fit, si alibi claves tradantur: & ideo rectè hoc expressit Theoph. *ὁ δὲ πωρῶν τῶν ὠρεῶν.*

TEXTUS.

De Missilibus.

45. Hoc amplius, interdum & in incertam personam collata voluntas domini transfert rei proprietatem: ut ecce, prætores & consules cum missilia jactant in vulgus, ignorant quid eorum quisque sit excepturus: & tamen quia volunt, quod quisque acceperit, ejus esse, statim eum dominum efficiunt.

Ec

COM-

COMMENTARIUS.

ET si regulariter in translatione domini minus persona accipientis, quam tradentis certa esse debet, ut affectus ab utraque parte contrahentium concurrat, *l. in omnibus 55. de obl. & act.* evenit tamen interdum, ut dominium per traditionem transeat in personam accipientis incertam, veluti cum missilia jactantur aut sparguntur in vulgus, quod exemplum hoc loco proponitur, *et l. 9. §. pen. eod.* Etenim qui pecunias suas ita spargit aut projicit, in nullius certae personae destinationem fertur, & planè ignorat, quis quid earum rerum sit accepturus. Utrique tamen qui palam est, velle eum, quod quisque ex sparso apprehenderit, id sibi habere, æquissimum est & naturali rationi consentaneum, ratam haberi domini voluntatem, *arg. §. per traditionem sup. eod.* Poterat videri, quod ita sparsum est, pro derelicto habitum, & ideo apprehendenti cedere jure occupationis rerum nullius: sed magis est, ut ex voluntate domini traditum sibi accepisse dicamus, cum in eum finem pecunia sparsa sit, ut statim apprehenderetur, & quantum apprehensum esset, fieret apprehendentis; quo animo non est is, qui rem pro derelicto habet.

Prætores & consules] Desunt hæc apud Gajum: & vix est ut reperias, magistratus populi Romani consules aut prætores missilia sparsisse. Principes id fecisse legimus apud Sueton. *in August. c. 98. in Caligul. c. 18. in Neron. c. 11.* Ut consules sparserint, Græcorum consuetudine fluxisse videtur: quam Marcianus non sine causâ sustulit, *l. 2. C. de consul. & non sparg. pec. lib. 12.* revocavit ad certum modum Justinian. *Nov. 105. c. 2. §. 1.* qua constitutione permittitur volentibus consulibus missilia spargere & muneribus honorare populum, dum ne id sæpius faciant, quam septies in anno, & in septem processionibus: nec aurum populo spargant, quod soli datur imperio. Hæc constitutio iterum abrogatur à Leone, usque missilium consulibus in totum interdicatur, *Nov. Leon. 94.*

TEXTUS.

De habitis pro derelicto.

46. *Qua ratione verius esse videtur, si rem pro derelicto à domino habitam occupaverit quis, statim eum dominum effici. Pro derelicto autem habetur, quod dominus ea mente abjecerit, ut id in numero rerum suarum esse nolit: ideoque statim dominus ejus esse desinit.*

COMMENTARIUS.

1. *Quæ requirantur, ut res pro derelicto habita censeatur.*
2. *Pro derelicto habita statim nostra esse desinere; alterius autem non fieri, nisi possessio eorum apprehensa fuerit.*

Res pro derelicto habita statim nostra esse desinit & nullius fit, ideoque secundum jus de rebus nullius occupanti conceditur. Pertinet igitur hic modus acquirendi ad inventionem, ut supra quoque monuimus *§. item lapilli eod.* Ad traditionem referri non potest, ut species superior: quia qui rem pro derelicto habet, quamvis intelligatur voluisse eam ejus fieri, qui primus eam sustulerit aut occupaverit, *l. 5. §. 1. pro derel.* non tamen ea mente eam abjicit aut deserit, non laborat ut alius eam accipiat, quod facit is, qui pecuniam spargit. Sparso species donationis est, & liberalitas, quæ qui spargit, populum demereri studet: abjectione autem aut desertione hoc saltem agitur, ut ne res amplius in bonis sit.

Quod dominus ea mente abjecerit] Duo exigit hæc definitio, ut res pro derelicto habita censeatur: primum ut quis rem suam amplius esse nolit: tum ut, quam non vult amplius suam esse, eam abjiciat aut deserat: alterutrum si desit, dominium non amittitur. Fac ergo, rem à domino abjici aut deserere, non ea tamen mente, ut eam à se amoveat, ut amplius suam esse nolit: nihil hic amittitur, *§. seq.* Fac è converso, nolle amplius suam esse, nisi eam abjiciat, aut si immobilis est, ab ea discedat hoc animo, ut eam amplius habere nolit: dominus esse non desinit: in quo dominium differt à possessione, quæ solo animo amittitur, *l. si quis 17. §. 1. de acq. poss.*

Ideoque statim dominus esse desinit] Res pro derelicto habita statim ut abjecta aut deserta est, nostra esse desinit: quia iisdem modis res desinunt esse nostræ, quibus nostræ fiunt, *l. 1. pro derel.* Unde rectè à Juliano notatur Proculus, qui putabar dominium rei pro derelicto habitæ tunc demum à nobis abire, cum ab alio occupata esset, *l. 2. §. 1. d. tit.* sic enim fieret, ut si quis eam rem furandi animo abstulisset, furtum commississe intelligeretur: quod est absurdum, *l. falsus 43. §. 5. de furt.* Quod si dominus non sit, à quo res derelicta est, non fit statim occupantis; sed poterit, qui occupavit, eam usucapere, *l. 4. pro derel.* Illud constat, pro derelicto habita, ut cætera, quæ nullius sunt, non acquiri ei, qui primus ea videre cœpit & notare oculis, sed qui primus possessionem eorum nactus sit. Sic Acanthos insula deserta, adjudicata fuit Chalcidensibus, qui priores intraverant, non Andriis, qui priores jaculum immiserant, *Plutarch. qu. Græc. 29.* quoniam possessionis initium, est corporis ad corpus adjunctio: qualis circa

res mobiles maximè sit manibus; circa res soli, periculis. *D. Grot. mar. lib. c. 2.* Sunt qui pro derelicto habita fisco nunc adscribenda tradunt *D. Cyprian. Regn. cens. Belg. hic post Zypæ notit. jur. Belg. tit. de jur. fisc.* quibus non assentior, per ea, quæ nos ad §. 39. *sup. cod. & Grænev. de ll. abrog. ibid.*

T E X T U S.

De jactis in mare levandæ Navis causa. Item de his quæ de rheda currente cadunt.

47. *Alia sanè causa est earum rerum, quæ in tempestate levandæ navis causa ejiciuntur: hæ enim dominorum permanent: quia palam est, eas non eo animo ejici, quod quis eas habere nolit, sed quo magis cum ipsa navi maris periculum effugiat. Qua de causa si quis eas fluctibus expulsi, vel etiam in ipso mari nactus, lucrandi animo abstulerit, furtum committit. Nec longè videntur discedere ab his, quæ de rheda currente, non intelligentibus dominis cadunt.*

N O T Æ.

47. *Furtum committit*] Hujus loci interpretem habes Ulpian. d. l. 43. §. pen. & §. 4. cum aliquot seqq. *D. de furt.*

C O M M E N T A R I U S.

1. *Quæ levandæ navis gratia ejiciuntur, non eo animo abjici videri, quod quis ea habere nolit.*
2. *Eum, qui alienum quid in via jacens lucri faciendæ causa tollit, furti obstringi, licet ignoret ejus sit.*
3. *Quid, si nemo rem inventam post proclamationem repetat.*
4. *An premium indicis honestè peti possit.*
5. *Quid circa res ejectas aut naufragio perditas hodiernis moribus obtineat.*

EX his, quæ præcedenti §. dicta sunt, intelligi potuit, pro derelicto habendum non esse, quod dominus non ideo abjecit, quia amplius suum esse non vult, sed alia mente: ac proinde id ejus, qui abjecit, manere, nec fieri apprehendentis. In hoc §. declaratur exemplo rerum in tempestate levandæ navis causa ejectarum.

Non eo animo ejici, quod quis eas habere nolit] Qui oborta tempestate levandæ navis gratia res aliquas projiciunt, non hanc mentem habent, ut eas pro derelicto habeant: quippe si invenerint, ablaturus; & si suspicari fuerint, in quem locum ejectæ sunt, re-

quisituros: sed ut levata nave maris periculum effugiant. Perinde igitur hoc est ac si quis onere pressus in viam rem abjecerit; mox cum aliis reversurus, ut eam auferat, l. 8. ad leg. Rhod. quam ob causam res ita jactas dominorum permanere rectè hic concludit Justinianus cum Gajo in l. 9. §. ult. hoc tit. & Paulo l. 2. in fin. ad leg. Rhod. fac. l. si quis merces pro derel. l. interdum 21. §. 1. de acq. poss. l. quæcunque § 8. hoc tit. Cum his tamen Ulpianum committit Hottomannus, existimans, eum à cæteris omnibus dissensisse, ac putasse, jactum fieri animo derelinquendi, aut saltem credendum esse, plerumque eo animo fieri, & quasi perituum sit, quod jactatur: sic enim scribit in l. falsus creditor. 43. §. pen. de furt. Respondet Wesembecius, Ulpianum eo loco de jactu spontaneo loqui, de eo videlicet, qui simpliciter nec urgente ulla necessitate res aliquas in mare projicit: hunc in hac actione merè voluntaria credibile esse pro derelicto velle habere id, quod videtur ut perituum jactare. Quam responsionem, licet eam ut ineptam explodat Bächovius, locus ipse non parum juvat, nam ex fine d. §. pen. manifestum est, Ulpianum distinxisse inter id, quod simpliciter & non simpliciter jactatum sit.

Cum ipsa navi maris periculum effugiat] Mercator, nunquam mercium suarum jacturam faceret, nisi speraret majus se malum hoc pacto declinaturum, mortem nimirum. Facit igitur hoc ἐκ τῶν ἀδυνάτων γε θυμῶν, ut hæc actio mixta sit ex spontaneo & invito. Invita est, si causam spectes, quæ extrinsecus impellit, ut jactura fiat: spontanea, si causam proximam & principium internum, consilium mortis evitandæ. Quin etiam plus voluntarii quam invitæ hujusmodi actiones habent: nisi enim voluntate consentiente fierent, in exequendo ministerium non præberent membra corporis. Consule *Aristot. 3. eth. 1.*

Lucrandi animo] Secus est, si hoc animo, ut rem salvam faceret & restitueret domino, aut si, putans, simpliciter sive sponte jactatam prove derelicto habitam, d. l. falsus creditor. §. pen. & §. sed si 6. de furt. Bene hoc intellexit Dæmones in Rudente Plautina, qui vidulum à servo suo in mari repertum alienum esse judicat, non suum, *act. 4. scen. 2.*

Qua de rheda currente cadunt] Comparantur res in tempestate ejectæ cum his, quæ iter facientibus decidunt de curru, aut quæ imprudentibus excidunt in via, quas certum dominorum permanere, eumque qui alienum quid jacens in via lucri faciendæ causa tollit, furti obstringi: in tantum ut nihil intersit, sciverit, an ignoverit, ejus essent: nihil enim ad furtum minuendum facit, quod, ejus sit, ignoret, d. l. falsus, §. qui alienum, quippe cum omnes scire debeant, quod suum non est, hoc ad

alios modis omnibus pertinere, *l. ult. C. unde vi*. At si non ut lucratur, sustulit, sed redditurus ei, cujus id esse postea apparverit, furti non tenetur. Proinde si nescit, cujus sit, recte probeque faciet, si libellum proponat, continentem, invenisse se, & redditurum ei, quid suum id esse demonstraverit: hoc enim facto palam ostendet, se non tulisse eam rem animo furandi, *d. l. falsus §. sed si 7. & seq.* Quid ergo, si post hujusmodi libellum propositum, aut (sicubi consuetudo) post insinuationem præconis voce factam, nemo sese offerat, qui rem inventam ut suam repetat? Poterit inventor, si pauper est, eam sibi ceu munere Dei collatam retinere: sin dives est, bene & piè fecerit, si in usus & alimoniam pauperum eam convertat, *ita Bart. ad d. l. falsus §. qui alienum Fab. Canticum. Schneid. hic.* Qui hoc obiter etiam tractant, an is, qui rem alienam invenit & indicavit, si nihil impense ejus gratia fecit, præmium indicii honestè petere possit: & ajunt, non posse, quamvis ultro oblatum honestè accipiatur: quod etiam satis apertè significat Ulp. *d. l. falsus §. quid ergo 9.* ubi pro eo, quod in vulgaris editionibus omnibus atque in ipso etiam Pisano codice legitur, *Quid ergo, si d'getege, quæ dicunt, petat, &c.* Budæus ex vestigiis exilibus antiqui exemplaris, ut ipse ait, restituit, *Quid ergo, si ea, quæ dicunt Græci μὴνυτῶν, petat*, sed nulla necessitate: nam *ἄγετῶν* non minus Græcum est, quam *μὴνυτῶν*, atque ut hoc præmium indicinæ, ita illud præmium inventionis significat. Illud non ambigitur, posse, si res nondum reperta est, ejus perquirendæ nomine & peri honestè indicium & accipi, *fac. l. 4. §. si tibi de cond. ob. turp. ca.* Hac eadem in causa sunt etiam bona naufragorum; & peculiaris etiam pœna in eos, qui quid eorum in litus expulsum sutripuerunt, nova lege constituta est; publicatio omnium bonorum, *auth. navigia. C. de furt.* quæ desumpta est ex constitutionibus Frederici Secundi *de statutis & consuetudinib. contra ecclesie libertatem editis tollendis coll. 10.* De rebus in tempestate ejectis aut naufragio perditis, inque litore inventis aut extractis è mari, idem in hac regione antiquitus jus fuit, quod nunc Principum fere omnium maris accolarum communè est, fisco statim ut vindicarentur: adeoque ipsa etiam fragmenta & tabulas quassatarum scopulisque illis arum navium. Cæterum aucta navigatione inque dies magis magisque crescente, visum est placitumque Ordinibus hujus provincie, ut suas cuique res ruptas deperditasque repetere liceat; modo id faciat intra annum & sex septimanas, impensæque refundantur, quæ fortè factæ sunt ab harum rerum susceptoribus. Hoc tempore elapso publicantur, & fisco acquisitæ esse intelliguntur, *placit. Van de Zee-driften, Phil. 2.* qui tamen faciliè patitur eas redimi,

Grot. 2. manduct. 4. Graviter in præcipitem illam publicationem rerum ad litus ejectarum *lib. 1. de repub. c. 10.* invehitur Bodinus: *Barbarum id quidem*, inquit, & *antiquis impositum*, ut, cujus opes ac fortune naufragio misere perierint, & quem nostris opibus sublevare debeamus, ejus reliquias, quas ad litus ejectas bona fide restituti oportebat, turpe diripi patiamur. Sic tamen, inquit, vivitur, ut, qui portus habent, eam crudelitatem in civem tum in peregrinos exequantur. *Ius queris?* Error jus facit: at si non peccatur errore, sed scientia, scelus est, quod erroris specie prætenditur. Mera sanè injuria est, nulla probabili causa præcedente suum alicui auferre: atque ob id antiquis semper religiosum fuit bona naufragorum fisco addicere. Extat constitutio Constantini in *C. inst. tit. de naufrag. lib. 11.* in hæc verba; *Si quando naufragio navis expulsa fuerit ad litus, vel si quando aliquam terram attigerit, ad dominos pertineat; fisci mens sese non interponat.* Quod enim jus habet fisci in aliena calamitate, ut de re tam luctuosa compendium sectetur? Bene Euripides in *Helena*;

Ναυαγὸς ἦναι ξένος, ἀσπλῆτον γένει.

Dion Prusænsis orat. 7. de naufragio locutus: *Μὴ γδ' ἐν ποτὶ, ὦ Ζεῦ, λαβεῖν μὲν κερδάναι κέρδος τοῖς τὸν δότ' ἀνθρώπων δυσυχίας.* Potest etiam hic accomodari locus Cassiodori, *lib. 4. var. 7.* ubi sic scribit; *Crudelitatis genus est, ultra naufragium velle deservire, & illos ad dispendia cogere, quibus inopem vitam probantur immania elementa dedisse*, *add. auth. navigia, C. de furt. Gail. 1. obs. 18. Gudelin. lib. 5. de jur. nov. cap. 10. Christin. vol. 5. decisi. 64. Grot. de jur. bell. & pac. lib. 2. c. 7. in pr. Grænev. de legib. abrog. ad l. 1. C. de naufrag. & ibi alleg. Mornac. ad l. 2. in fin. l. 4. §. 1. l. 9. & ibid. not. nostris ad Pet. Peck. de leg. Rhod. Doctiss. Salmasius cap. 5. de mod. usur. putat, non Constantinum, sed Antoninum auctorem esse memoratæ constitutionis sub tit. *C. inst. de naufrag.* id stylum ostendere, & veteres libros testari, nec relaram esse sub eod. tit. in Cod. Theodosianum, quod & D. Contius antea observavit. Ea autem constitutione Antonium abrogasse legem Rhodiam, qua parte naufragia fisci esse, & ad publicanos pertinere sanxerat, *τὰ ναυάγια τῶν πλεονῶν εἶναι.* atque esse hanc constitutionem posteriorem rescripto ejusdem Antonini, quod extat in l. *ἀξίως 19. de leg. Rhod.* quo naufragos ad legem Rhodiam remisit. Ostendit etiam, rescriptum istud multis modis corruptum esse; & in d. constitutione pro, *vel si quando reliquam terram attigerint*, ut omnes libri scripti habent, legendum, *vel si quando reliqua terram attigerint.* Nec dubium, quin in d. l. *ἀξίως 9. de leg. Rhod. pro τῶν δημοσίων*, ex ejusdem Salmasii sententia, quam & Grotius probat, reponendū sit, *τῶν δημοσίων*, id est, *πλεονῶν*, à publicanis.*

TITULUS II.

De rebus corporalibus & incorporalibus.

Continuatio.



Uae de acquirendo jure gentium dominio dicta sunt titulo precedenti, ea pertinent duntaxat ad acquisitionem earum corporalium. Sunt autem & res quaedam incorporales, quæ & ipse in patrimonio sunt, & suis quoque modis, prout earum fert natura, tum jure gentium tum civili singulis acquiruntur. Non est igitur principalis divisio quaedam rerum privatarum, sive earum, quæ in bonis aut patrimonio sunt. Gajus hanc principali continenter subiecit, l. 1. §. 1. de rer. div. unde hunc transtulit Justinianus.

TEXTUS.

Secunda rerum divisio.

Quedam præterea res corporales sunt, quædam incorporales. Corporales hæ sunt, quæ sui natura tangi possunt; veluti fundus, homo, vestis, aurum, argentum, & denique aliæ res innumerabiles. Incorporales autem sunt, quæ tangi non possunt: qualia sunt ea quæ in jure consistunt, sicut hæreditas, ususfructus, usus, & obligationes quoquo modo contractæ. Nec ad rem pertinet, quod in hæreditate res corporales continentur: nam & fructus, qui ex fundo percipiuntur, corporales sunt: & id quod ex aliqua obligatione nobis debetur, plerumque corporale est, veluti fundus, homo, pecunia: nam ipsum jus hæreditatis & ipsum jus utendi fruendi, & ipsum jus obligationis corporale est. Eodem numero sunt & jura prædiorum urbanorum & rusticorum, quæ etiam servitutes vocantur.

NOTÆ.

Quedam præterea] Totus hic titulus descriptus est ex Cajol. l. 1. §. 1. de rer. div.

Pecunia] Hic apertè pecunia inter res corporales numeratur, ut & apud Cajum d. l. 1. & nihil notius est, quam nummos æquè ac cætera corpora vindicari posse, l. 14. de reb. cred. §. ult. inf. quib. al. lic. opponuntur interdum corpori, l. 46. D. de cond. ind. l. 5. pr. de imp. in rem. dot. l. ult. de adim. leg. at tunc non

omne corpus simpliciter, sed certum intelligi debet, l. 68. D. ad sen. Treb. l. 10. C. de accept. & in quo præter corpus nihil consideratur.

Ipsam jus hæreditatis] Cajus ipsum jus successionis à quo & hæreditas definitur successio in universum jus, quod defunctus habuit, l. 24. de verb. sign. sed hæc improprie: nam succedere non hæreditatis est, sed hæredis. Hæreditas autem est res acquisitioni subiecta, & quæ hæredi per successionem acquiritur. Jus vero dicitur, quia universitatem denotat, patrimonium defuncti cum oneribus; non res singulas scorsum, l. 119. l. 208. d. t. Hæc plana præ iis, quæ alii.

COMMENTARIUS.

1. Inter res corporales etiam nummos rectè numerari.
2. Ea, quæ in jure consistere dicuntur, non esse mera entia rationis.
3. Quo sensu hæreditas, ususfructus, obligatio, jura dicuntur: & rebus ipsis opponantur.
4. Hæreditatem proprie neque successionem esse, neque jus succedendi, neque rem, quæ succedit, sed jus, quod per successionem acquiritur.
5. Intra prædiorum quo aspectu servitutes dicuntur.

Sui natura tangi possunt] Hoc est, quæ sub tactum cadunt, quas si præsentibus sint, corpore & manu apprehendere, cæterisque sensibus percipere possumus. Ait autem, hujusmodi res esse fundum, hominem, & c. fundum, puta Tusculanum; hominem, Stichum: res, nimirum singulares & substantias primas. Nam secundæ sive universalia à sensibus remota sunt, Aristot. 1. analyt. c. 3. 1. Utrum autem universalia sint merum opus intellectus & figmenta phantasie, an quid realem essentiam habens & revera subsistens in rebus singulis, philosophorum disputatio est.

Aurum, argentum] Non tantum rude, sed etiam signatum, nummi aurei aut argentei, licet contra disputet D. Horomannus illust. quest. 15. Nam oppositum est in appposito, sive contradictio in adjecto, si quis dicat argentum signatum corpus non esse. Spectatur quidem in pecunia maxime valor publicus, l. 1. de contr. empt. & respectu hujus valoris nummus nonnunquam opponitur iis rebus, in quibus præter corpus nihil consideratur, ut in l. qui hæredis 46. de condict. ind. Cæterum qui nummos & pecu-

niam negat aliud esse aut significare, quam valorem & quantitatem, næ illi vehementer falluntur: utique enim & materialiter pecunia considerari potest, cum materia pecuniæ, argentum, aurum, fundamentum sit valoris: de quo belle & docte Salmasius lib. de usur. pag. 455. Et corpora etiam in pecunia cogitari posse, non quantitatem duntaxat, testis est Papinian. l. si is 94. §. 1. de solut. Quin Justinianus hoc ipso tit. & Gajus l. 1. §. 1. de rer. div. expresse pecuniam inter res corporales numerant. Denique quid notius est, quam nummos æquæ ac cætera corpora vindicare posse? Nihil me movet, quod apud Pomponium l. si pæne 19. §. 2. de cond. ind. legitur; Si falsio existimans me debere nummos solvere, qui partim alieni, partim mei fuerint, ejus summæ partem dimidiam, non corporum, me condicere: nam & si frumentum meum cum alieno, commixtum, cui non debebam, per errorem solvissem, responderet Jurisconsultus, non dimidiam partem corporum, sed quantitatis condicendam: neque tamen ex eo quisquam colligeret, frumentum rem esse incorporalem: sed habet hoc hanc rationem, quia confusim corpora mea & aliena solvi, non ut certas species, sed existimans, me debere certam quantitatem. Quid, quod eo ipso, quod ait me non condicere partem corporum, fatetur corpora esse. Nihil etiam quod Ulpian. l. 5. in pr. de imp. in res dot. scribit, de minutionem dotis per impensas necessarias fieri ipso jure, ubi non sunt corpora, sed pecunia: neque enim corpora pecuniæ opponit, ut non corpori: sed eadem ratione, quæ eodem loco corpora opponit corpori æstimato, quod utique nemo dixerit rem esse incorporalem; & nimirum, ut res, quæ in specie restituendæ sunt, iis rebus opponuntur, quæ in genere functionem recipiunt. Constat enim, pecuniam esse rem fungibilem, cujusmodi res eodem jure ac obligatione in dotem dantur, qualis est in mutuo, ut scilicet soluto quandoque matrimonio, maritus non eadem corpora, quæ accepit, reddat, sed tantundem, l. res in dotem 42. de jur. dot. Idem respondendum ad lult. de adim. leg. Alibi cautius summa aut numerata pecunia non simpliciter corpori, sed certo corpori opponitur, l. si hæres 68. pr. ad sen. Trebl. 10. de accept.

[Qualia sunt, quæ in jure consistunt] Res omnes, quæ tangi aut demonstrari non possunt, sed animo tantum cerni atque intelligi, incorporales quidem sunt: verum non omnium earum rerum consideratio Jurisconsulti propria est. Nam & angeli, & spiritus, & animæ res sunt incorporeæ. Illa quoque quæ à Cicerone in Topic. enumerantur, usucapio, tutela, gens, agnatio, quamvis harum rerum tractatio ad Jurisconsultum pertinet, non sunt tamen hujus loci, in quo de iis rebus agitur, quæ acquiri pos-

sunt, & patrimonium nostrum augere. Usucapio autem non est res, quæ acquiritur, sed causa & modus acquirendi; uti & gens & agnatio: gente enim & agnatione hæreditas obvenit. Tutela onus est & munus publicum. Quid est ergo, quod ait, quæ in jure consistunt? Ius est, inquit Wesemb. intellectus seu recta ratio. Quæ igitur in jure consistunt, ut alia omnia, quæ sunt rationis, ea tantum intelliguntur, inquit, non sunt. Ita loquitur Wesembec. quasi existimet ea, quæ in jure consistere dicuntur, esse mera objecta rationis & intentionalia duntaxat: quomodo & D. Tuningius, qui ea dicit esse notiones & intelligentias; quas Platonici Ideas vocant: neque aliud judicium Donelli fuit lib. 5. com. 1. Sed quæso quid tam absurdum est, quam dicere, hæreditatem, bonorum possessionem, usufructum, servitutes prædiorum, pignus, obligationes, actiones, fragmenta esse intellectus, natura nihil esse? Amabo te, si tibi luculenta hæreditas relicta sit, aut opulenti patrimonii usufructus somniumne esse putabis phantasie aut ideam Platoniceam? quanquam sunt ἀφ' ἡλ' ὅφ' ἔτι καὶ ἀμεταχέριστοι. Sic autem habendum est, res hujusmodi in jure consistere dici & his corpora opponi, non quia revera & natura non sint, aut extra considerationem juris non subsistant, sed quia à jure quodammodo existentiam suam, hoc est, certam ac definitam formam acceperunt: quippe jus civile harum rerum naturam quasi pro arbitrio formare potest; cujusmodi potestatem in rebus corporalibus non habet. Atque hoc sensu accipiendum, quod Fab. & Ang. tradunt, ea dici in jure consistere, quæ à jure substantiantur, creantur & nominantur. Habent enim utique & veram suam essentiam, suntque omnino entia realia, sicut & quævis alia accidentia: ira propemodum & D. Bachovius.

[Sicut hæreditas, usufructus, usus, & obligationes] Hæc omnia hæctenus quidem rectè conjunguntur, quatenus jura sunt sive res in corporales. Cæterum dissimilis harum rerum ratio est, quatenus rebus ipsis opponuntur, ut mox ostendemus. Hæreditas universalitatem bonorum significat, in quæ hæres succedit; & quia appellatione sua universim bona omnia & jura defuncti, etiā quibus ille aliis tenebatur, comprehendit, hac consideratione non ineptè jus dicitur, l. heredit. 119. l. pecuniæ 178. §. 1. l. bonorum 208. de verb. sign. Unde Papinian. l. hereditas 50. de her. pet. hereditas, inquit, etiam sine ullo corpore juris intellectum habet, add. l. 3. de bon. possi. Obligatio quatenus à parte debitoris consideratur, jus non est, sed vinculum juris, quo ille adstringitur ad dandum aliquid aut faciendum, inf. de oblig. in pr. A parte autem creditoris, qui debitorem ita adstrictum habet, non malè jus dicitur, quod ex contractu acquiratur & numeretur in bonis. Ergo jus illud non est jus in re, sed tantum ad rem.

tribuens creditōri actionem in personam duntaxat, non rei vindicationem, & ideo tractatio de obligationibus, earumque acquirendarum modis non est hujus loci, in quo Justiniano propositum est docere, quibus modis acquirantur jura in rem dominio non absumilia, sicut ipse aperte significat in §. ult. de us. & hab. & de obligationibus demum tractare incipit tit. 14. l. 3. In usu & usufructu, quatenus uterque ut jam constitutus & acquisitus consideratur, plus est: sunt enim hæc jura in re, quæ usufruario & fructuario pariunt actionem confessoriam, quæ in rem est, §. 2. inf. de act. De horum constitutione & acquisitione agitur tit. 4. & 5. hujus libri.

Nam ipsam jus hereditatis, etc. Nemo est, qui non intelligat, usumfructum non esse idem, quod sunt ipsi fructus, cum sit jus fruendi, id est, percipiendi fructum rei. Obligationes quoque, nemo tam fungus est, qui non videat aliud esse, quam res in obligationem deductas. Quis enim putat, rem, quæ venit, obligationem esse? At quo pacto hereditas à rebus singulis hereditariis fecernatur, non usque adeo obvium. Quod Justinianus ait, ipsum jus hereditatis incorporale esse, Gajus l. 2. §. de rer. div. dixit, ipsum jus successionis tale esse: & Africanus, l. bonorum 208. de verb. sign. hereditatis appellatione jus successionis, non singulares res demonstrari. Quid ergo? estne hereditas jus successionis? Si figuratè id accipias pro eo jure, quod per successionem acquiritur aut acquiri potest, concedo esse. Si propriè, nego. Quid enim aliud est jus successionis, quam jus succedendi? At jus succedendi ex testamento aut lege est, idque hæres habet priusquam hereditatem adeat: hereditatem autem non ante habet, quam eam adierit, l. delat. 151. de verb. sign. §. ult. de her. qual. tot. tit. de acq. her. Jus succedendi decedens intra annum transmittit ad hæredes suos; hereditatem vero non transmittit, l. cum in antiquioribus 16. C. de jur. del. Aliud igitur est jus successionis, aliud hereditas. Sed estne hereditas ipsa successio? Sanè à nostris definitur successio in universum jus, quod defunctus habuit, l. nihil. 24. de verb. sign. l. hereditas 62. de reg. jur. Verum & hoc improprie dici de hereditate faciendum est: non enim ipsa hereditas, sed susceptio hereditatis, successio est; quippe succedere non hereditatis, sed hæredis est: unde hæres passim universi juris successor appellatur. Ad eundem modum bonorum possessio definitur jus persequendi patrimonii, l. 3. §. 2. de bon. poss. nec tamen ipsa id jus est, sed agnita id tribuit bonorum possessori. Hoc ita esse cum per se liquidum est, tum confirmatur ex eo, quod de bonorum possessione, quæ effectu nihil aliud est, quam hereditas Ulpian, d. l. 3. in pr. scribit, bona accipienda, esse universitatis cujusque successionem, qua succeditur in jus defuncti, suscipitur

que ejus rei commodum & incommodum. In jus de mortui succedit, & commodum atque incommodum suscipit non hereditas aut bonorum possessio, sed hæres aut bonorum possessor. Atque, ut verbo dicam, hereditas, ut res cæteræ, objectum est acquisitionis, & res, de qua acquirenda agitur; successio, modus per quem illa acquiritur: jus succedendi; jus, quo delata acquiri & obtineri potest. Quamobrem nec Theophilus rectè hereditatem definit esse jus, quod alieni patrimonii me universalem dominum efficit: non enim hereditas id efficit, sed successio sive hereditatis agnitio. Imo alienum istud patrimonium nihil aliud est simul sumptum, quam ipsa hereditas. Nec Hotomannus jure carpit M. Tullium Ciceronem, quasi non satis intelligenter, nec ad subtilitatem juris civilis accommodatè hereditatem definierit pecuniam, quæ morte alienus ad aliquem pervenit jure; nec ea aut legata testamento, aut possessione retenta sit; cum hereditas, ut ait Hotomannus, non pecunia sit, sed jus acquirendæ pecunie, sive jus succedendi. Quanto enim intelligentius & subtilius Cicero, quam Hotomannus, liquet ex iis, quæ jam dicta sunt. Neque pecuniæ verbum, quod pro genere Cicero posuit, quenquam offendere debet, cum etiam nostri testentur, pecuniæ appellatione res omnes & tam jura, quam corpora contineri, l. pecuniæ 222. de verb. sign. August. de discip. Christi c. 6. Totum quicquid homines possident, in terra pecunia vocatur, servus sit vel ager, arbor pecus, quicquid horum est pecunia dicitur, ut apud Græcos *χρήματα* Olympidor. in Phædon. Plat. *ἀλλοι Φασιν, ὅτε χρήματι καλεῖ ο πλάτων πάντα τήματα*. Displicet etiam nunc mihi D. Donelli opinio, quam aliquando secutus sum, qui l. 6. comm. 2. hereditatem esse contendit rem ipsam, quæ succedit in universum jus defuncti; propterea quod hereditas jacens in quibusdam fingitur vicem personæ defuncti & domini sustinere, l. hereditas 34. & l. hereditas 61. de acq. rer. dom. Nam illa consideratione hereditas non magis res dici potest, quæ quidem subiecta sit acquisitioni, quam defunctus ipse, cujus personam representare fingitur. Res ipsa loquitur, hereditatem nihil aliud esse, quam patrimonium, cujusque defuncti cum oneribus, eens Overledens bodel, ut tribus verbis definit D. Grot. 2. manud. 11. ita tamen, ut appellatione sua universitatem demonstraret, omniaque defuncti bona, jura, onera simul comprehendat, non res singulas seorsum, l. bonorum 208. de verb. sign. Atque hoc sensu jus dici, corporibusque quæ in hereditate sunt, opponi arbitror.

Eodem numero sunt & jura prædiorum Servitutes prædiorum, etiam si corporibus accedant, incorporales tamen sunt: quippe jus prædii non pars prædii est,

est, sed qualitas, *l. 14. de serv. l. 4. in pr. si serv. vind. l. quid aliud. 86. de verb. sign.* Quod autem ait, jura prædiorum etiam servitutes vocari, non sic intelligi oportet, quasi eadem prorsus sint jura & servitutes: nam servitus proprie non jus, sed juris privatio & imminutio est: *l. 5. §. & belle 9. de op. nov. nunc. ve-*

rum, quod relata inter se sint, & illa vim habeant agendi, hæc patiendi significationem. In eo igitur, cui debetur, eundi puta facultas, jus dicitur; in eo, qui debet, servitus est & juris imminutio. In illo servitus activè, in hoc passivè.

TITULUS III.

Dig. lib. 8. t. 1. & 2. C. lib. 3. t. 34.

De servitutibus rusticorum & urbanorum prædiorum.

1. Servitutis, qualem hic intelligimus, definitio, ejusque explicatio.
2. Species servitutis. Quid sit servitus prædii; quid ea requirat: de quo tamen latius num. 4.
3. Omnes servitutes prædiorum perpetuam causam habere debere: & quid veteres per causam perpetuam intelligant.



Servitutis & libertatis nomina etiam rebus inanimatis & brutis tribuuntur, sed per translationem & longè alio significatu, quam cum personæ servire dicuntur in disputatione de statu hominum. Illic suo quæque domino persona servit: libera est, quæ dominum non habet: at res servire dicuntur, non quæ domino suo serviunt, sed quæ domino suo non omnia officia præstare possunt, verum quædam præstare coguntur alteri & non domino: liberæ esse, quæ uni & soli domino omnia præstant, quo facit, qui uti 90. de verb. sign. Etenim quod ex re sua percipit dominus, id ei res ipsa ultra præstare videtur, libereque id facere, & cum quadam velut propensione voluntatis, quasi natura ita facta, ut id velit. Cum autem pati cogitur, ut quædam commoda alius percipiat, jam servire videtur, quasi amissa priore facultate, quæ ei pro libertate assignabatur. Vitiosa igitur planè est divisio, quæ servitus distribuitur in tres species; in merè personalem, merè realem, & mixtam: nam merè personalis, quæ hominum est, & sola proprie servitus, una, cum reliquis, quæ tantum ἀναλόγως id sunt, quod dicuntur, eidem generi ut species ejusdem subijci non potest. Igitur servitus, qualem hic intelligimus, est jus in re aliena alteri constitutum, quod dominus, quod huic alteri commodum sit, aliquid aut pati in suo, aut in suo non facere cogitur. Dicimus, servitutem esse jus, habita scilicet relatione ad eum, cui constituta est: & video in omnibus suis speciebus ita eam à nostris definiri; in itinere, actu, via, aquæ ductu; hoc tit. in pr. & l. 1. de serv. rust. in ser-

vitutibus prædiorum urbanorum; §. seq. & l. 2. de serv. præd. urb. in usufructu, pr. tit. seq. & l. 1. de usufr. Per se autem servitus & respectu ejus, à quo debetur, non jus est, sed juris privatio aut imminutio, *l. 5. §. 1. & belle 9. de op. nov. nunc.* Ajo, esse jus, quo dominus aliquid pati in suo, aut in suo non facere cogitur, ex natura omnium servitutum, *l. quotiens 15. §. 1. de serv.* Pati in suo, puta re sua utentem frucentem, per fundum suum euntem agentem, aquamve ducentem, tignum in ædes suas immittentem. Non facere, veluti altius non ædificare, in suo non ponere, quod luminibus ædium nostrarum aut prospectui officiat, &c. Planè enim ita servitus constitui non potest, ut quis aliquid cogatur facere in suo, puta viridaria aut arbores prospectu nostri causâ tollere, aut in suo pingere, quo amœniorem nobis prospectum præstet, *d. l. 15. §. 1.* obligatio hæc erit, non servitus constituta: & ideo prædio alienato non sequetur actio novum possessorem, ut fit ubi servitus constituta est, *l. cum fundo 36. de serv. præd. rust. l. neque 19. quib. mod. us. am.* sed in eum, qui id facere promissus, hæredemque ejus actio in personam dabitur, *l. actio num. 25. de obl. & act.* in id scilicet, quod interest, si non fiat, quod promissum est: ut accidit in omni obligatione faciendi, *l. 13. in fin. de re jud. l. stipulationes 72. de verb. obl. §. ult. inf. cod.* Una servitus oneris ferendi à natura reliquarum nonnihil degenerat, de qua dicemus §. 1. inf. hoc tit. Quod adjeci de commo-
modo, id finem servitutis respicit; neque enim ulla est servitus, quæ non commodi nostri causâ constituatur, aut certè alicujus amœnitatis, *d. l. 15. in pr. de serv. l. 3. de aq. cott. & ast.* Non autem præcisè requiritur, ut præsens sit utilitas, sed sufficit, natura tale jus esse, ut aliquando usui esse possit: quomodo cum D. Duareno accipienda *l. pen. de serv.* Porro species harum servitutum duæ sunt: quædam enim sunt rerum sive prædiorum, quibus in usu juris generis ferè nomen simpliciter tribuitur; quædam personarum. Sic autem distinguuntur non à re, quæ servitutem debet, sed ab ea re, cui debetur, Prædiorum igitur

igitur sunt, quæ debentur prædiis; personarum, quæ personis l. 1. de serv. l. si mihi 20. §. ult. de serv. præd. rust. l. si quis 32. de usufr. De servitutibus prædiorum, agitur hoc tit. de personalibus cit. proximo & seq. Servitus prædii est, quæ prædio alieno imponitur ad vicini prædii utilitatem. Duo igitur hæc prædia sint necesse est, quorum unius causa servi us constituatur, alteri imponatur: unum dominetur alterum serviat, l. 1. §. 1. com. præd. §. 3. inf. hoc tit. Requiritur in his prædiis vicinitatem: neque in rusticis tantum, quod D. Vultejus facit & Joan. Superior ad l. 3. de serv. verum etiam in urbanis, l. 5. §. 1. de serv. præd. rust. l. si ades 38. & l. seq. de serv. præd. urb. Etenim vicinitatem non ex prædiorum conjunctione aut confinio, sed ex commoditate utendi metimur, ut intermedium prædium aut locus non officiat, si non impediatur liberum usum servitutis, l. 7. §. ult. l. ult. de serv. rust. præd. l. 7. §. 1. com. præd. l. 1. de serv. præd. urb. l. 4. §. ult. si serv. vind. l. servitutes 14. §. ult. de serv. l. si prius 17. §. 3. de aq. plu. arc. Duar. & ad d. l. 14. §. ult. Don. 11. comm. 2. Capoll. 18. de serv. urb. præd. n. 2. Omnes vero servitutes prædiorum, ut veteres definiunt, perpetuam causam habere debent, l. foramen. 28. de serv. præd. urb. Perpetuum illis est, quodcumque ex naturali causa oritur, & si non sit assidue: ut ecce, aqua pluvia ex naturali causa oritur, etsi non assidue pluit, d. l. 28. quod enim naturaliter fit, perpetuum videtur, licet non fiat assidue, ut defectio lunæ, Arist. 1. post 8. Sed & quod ex facto nostro oritur, perpetuum habetur, si ejus causa prædium aut pars prædii parata est, ut fumi immissio, l. 8. §. Arist. si serv. vind. Causam servitutis vocant id, cuius aut arcendi à nostro, aut in nostro habendi gratia servitus constituta est; verbi gratia, in stillicidio & aquæ ductu, causa, ob quam hæc servitutes comparatæ sunt, est aqua; illic, ut ab ædibus nostris avertatur; hic, ut aqua ducatur & in nostro habeatur, d. l. 28. l. 1. §. 4. de font. Interpretes vulgo, dum distinguunt inter servitutes continuas & discontinuas, causam confundunt cum possessione. Facile autem ex superiore definitione, colligere est, servitutem prædii non intelligi, quæ constituta est in prædio quidem alieno, sed ei, qui prædium non habet, aut qui non habet vicinū, l. 5. §. 1. de serv. præd. urb. l. Mela. 14. §. ult. de alim. leg. aut etiam ei, qui habet vicinū. si non sit constituta illius prædii causa, & revera prædio utilis, l. si ades 38. de serv. præd. urb. l. 6. in pr. & §. 1. de serv. præd. rust. eoque pertinet quod scribit Paul. l. 8. de servit. ut pomum decerpere liceat, ut spatium & cenare in alieno possumus, servitutem imponi non posse: nimirum quia hoc jus prædii nostri causa non constituitur, ex prædii nostri causam meliorem facit. Si quis igitur in tale quid faciendi jus alteri concesserit, id personarum servitutibus adscribendum. Inde quoque est,

quod servitus prædii non intelligatur, si in constituendo persona demonstrata sit, cui soli ea præstetur, licet ad utilitatem quoque prædii constituta sit, l. 4. de serv. præd. rust. Ita nonnunquam ex accidenti fit, ut natura servitutis alteretur, add. Coras. ad d. l. 8. Don. 9. comm. 21. Wes. parat. de serv. præd. rust. num. 3. Porro autem ut prædia vel rustica sunt, vel urbana, ita quoque & servitutes, quæ iis inhærent, vel rusticæ sunt vel urbanæ. Prædia rustica sunt loca edificiiis vacua, in urbe area, ruri ager, l. fundi 211. de verb. sign. non enim loco, sed materia & genere distinguuntur, ut postea plenius intelligitur.

T E X T U S.

De servitutibus Rusticis.

Rusticorum prædiorum jura sunt hæc: iter, actus, via, aqueductus. Iter, est jus eundi, ambulandi, hominis, non etiam jumentum agendi, vel vehiculum. Actus, est jus agendi jumentum, vel vehiculum. Itaque qui habet iter, actum non habet: sed qui actum habet, & iter habet, eoque uti potest etiam sine jumento. Via, est jus eundi & agendi & ambulandi, hominis: nam iter & actum via in se continet. Aqueductus est jus aquæ ducendæ per fundum alienum.

N O T Æ.

Ambulandi] Ire est transire, sive per alienum prædium in suum recta pergere: ambulare, animi gratia spatium in secessibus, eandemque viam ire & redire, quod tamen hic non ut jus aliquod principale consideratur, sed ut illius juris accessio, & ita non obstat, l. 8. D. de serv.

Non etiam jumentum] Jumento vehi potest; jumentum, ἀχθοφόρον κτήνος, agere non potest.

Etiam sine jumento] Ex tacita voluntate & sententia constituentis, arg. l. 21. de reg. jur. secus, si contra expresse convenerit, l. 4. §. 1. si serv. vind.

Via in se continet] Στοιχὸς, ut totum partes, arg. l. 13. §. 1. de accept. Itaque via per se intelligi non potest sine jure eundi, &c. l. 13. D. de servit. nihilque mutandum in definitione viæ, qua una præcedens utraque recte comprehensa est. De differentiis actus & viæ v. Cujac. 22. obs. 35. l. 7. l. 8. l. 12. §. 1. S. P. R.

C O M M E N T A R I U S.

1. Eum, qui iter habet, rheda vehi non posse, contra Capollam.

2. An spatium voluptatis aut valetudinis causa, vel equum manum ducere, gestandi gratia paratum.

3. *Et, qui actum habet, licere & armenta agere, nec tamen ideo pro jumentum reponendum armentum.*
4. *In definitione actus male D. Hotomannum pro vel vehiculum reponere non etiam vehiculum.*
5. *An actui insit & iter sine jumento.*
6. *In definitione via nihil mutandum, & quid inter viam & actum intersit.*
7. *De aqueductu quadam observatu digna.*

Servitutes rusticorum prædiorum sunt, quæ prædiis rusticis inhaerent. Sunt autem longe plures, quam hic enumerantur. D. Donellus 11. comm. 6. doctrinæ causa ad tria genera eas revocat; nam, ut eleganter & eruditè offendit, aut eo pertinent, ut per alienum fundum ad nostrum perveniatur, eove quid accedat; aut ut quid ex vicino sumere liceat, quod ad usum prædii nostri aut pecorum, quæ prædii causa habentur, transferatur; aut ut prædium nostrum onere, quo ius premitur, exoneretur. Ad primum genus pertinent quatuor illæ, quas hic explicat Justinianus post Ulp. l. 1. de serv. præd. rust. Secundi generis exempla sunt in §. 2. inf. & d. l. 1. §. 1. cod. tertii l. 3. §. 1. & 2. cod. item exemplum, quod proponitur l. 1. qui 29. cod. ut aquam aperto sulco educere in fundum vicini liceat. Singula fusius explicat Don. d. c. 6. & 2. seqq.

Iter est ius eundi, ambulandi Jure eundi continetur & qui lectica aut sella, item qui equo vehitur l. 7. l. 12. cod. parum enim referre visum est, suis pedibus quis utatur in eundo, an alienis. Quod autem Cæpolla de serv. rust. præd. c. 1. n. 4. & 5. putat, eum, qui iter habet, etiam rheda aut curru per duos equos vehi posse, modo rebus aliis rheda non oneretur, vereor ut defendi possit: non enim par ratio est lecticæ, quæ à lecticariis gestatur, & currus, quem jumenta trahunt. Jumenta cum curru agere, non est ire, nec ejus, qui iter habet, sed qui habet actum aut viam. Moribus nostris tres diversæ servitutes sunt, *voet-padt, rypadt, dreef*, id est, actus.

Ambulandi Id est, commeandi ultro citroque eundi ad fundum nostrum & inde redeundi, quoties lubet. An igitur & spatiandi voluptatis aut valetudinis causa? Ita quidem D. Cujac, 22. obs. 35. Baro hic Don. 21. comm. 6. Atqui ut spatari liceat in alieno animi causa, prædii servitus imponi non potest: hoc enim personæ voluptatem respicit, non utilitatem prædii, l. 8. de serv. unde D. Hotoman. verbo ambulandi nihil aliud hic significari existimat, quam commeationem ob res, prædio, iisve, quibus illic morari necesse est, utiles aut necessarias. Puto tamen dici posse, ambulationem istam hic non considerari, ut ius aliquod principale & per se, sed ut illius juris accessionem. Glossa verbum ire refert ad eum, qui vadit solus, *ambulare* ad eum, qui it cum socio: quod & Cæpolla facit d. c. 1. n. 2, & sequitur Schneid. hic n. 11. Sed si quod

uni concessum est, ad plures porrigimus, gravior fiet servitus: qua ratione Glossam improbat Porcius hic: quanquam sanè is, qui iter habet, cum alio ire prohibendus non est, si comitatus alterius spectet ad utilitatem solius prædii, cui iter debetur, ut bene D. Busius ad l. 1. de serv. præd. rust.

Hominis Arqui diximus, eum, qui iter habet, etiam jumento ire posse. Nimirum etiam in eo spectamus hominem, qui ministerio jumentum in eundo utitur, ut causam principalem, non ipsum jumentum per se. Quod si quæras, cur hominis hic mentio fiat, cum item prædii servitus sit, non personæ; respondimus, ut hinc removeantur pecora, quæ & ipsa cum aguntur, ire dicuntur: deinde non designari hic quamlibet personam, sed qui prædium habeat, cujus nomine ear. Nam hæ servitutes non ideo prædiorum dicuntur, quia personæ non competunt, sed comparatione facta ad jura merè personalia, quia non alii competunt, quam qui prædium habet.

Non etiam jumentum agendi Ita & Ulp. l. 1. hoc tit. & Paul. l. 7. cod. Hoc autem haud dubie accipiendum est de jumentis, quæ sarcinas portantes aguntur aut ducuntur. Nam si quis pedes ire malens in itinere descendat de equo, eumque manu ducat, cur id ei non liceat? aut cur per famulum non possit equus deduci ad dominum, ut rediturus eum consendat, & eques remeet? arg. l. 12. cod.

Actus est ius agendi jumentum vel vehiculum d. l. 1. cod. Jumentum appellatione non contineri boves, identidem relatum & responsum est, l. adiles 38. §. jumentorum & 2. seqq. de adil. edict. l. legatis 65. §. antepen. de legat. 3. l. boves 89. de verb. sign. Paul. 3. sent. 6. Columella quoque boves à jumentis, equis, asinis, mulis, passim segregat, ut lib. 1. c. 6. lib. 6. c. 19. An igitur ei, qui actum habet, non licebit boves agere, & generaliter armenta? Sanè vero. Disertè enim à Modestino scriptum est, actum esse, ubi armenta trahere liceat, l. 12. de serv. præd. rust. Armentorum autem appellatione vel maxime boves continentur, d. l. boves de verb. sign. l. servis legatis 81. §. armento de leg. 3. Nec tamen ideo necesse est, ut cum Hotomanno pro jumentum reponamus armentum, contra fidem omnium exemplarium. Nam vel ἐν πλάτῃ jumentum vox hic accipi potest, ut & boves complectatur, cum & Isidorus boves inter jumenta refert: lib. 12. c. 1. & ipse Columella etiam his ex ratione originis nomen jumentum tribuere videatur: sic enim scribit l. 6. c. 3. Jumenta nomen à re traxerunt, quod nostrum laborem vel onera subvectando vel arando juvant. Jumentum igitur, ἄχθουσόν τε καὶ ἰσχυρόν, ἢ ὑποζύγιον. Quid si dicamus, exempli duntaxat causa jumentum mentionem factam? Ut enim reponas armentum, aut retineas jumentum, non continebitur verbis de-

finitionis actus ovium, caprarum, & reliquorum minorum pecorum, quibus proprie gregis, non armenti aut jumenti appellatio convenit, d. l. 8. §. armento de legat. 3. d. l. 38. §. 4. de ad. edict. l. 1. §. ult. de rei vind.

4. *Vel vehiculum*] Hic iterum Hotomannus contendit legendum esse, non etiam vehiculum. Sed profecto nimis confidenter: non enim hoc tantum loco, verum etiam infinitis aliis jus agendi vehiculum actu contineri, à veteribus traditum est, d. l. 1. l. 7. l. 12. eod. l. 11. quemad. serv. am. idemque manifestè colligitur ex l. 13. §. 1. de accept. Nam si non actus, sed viæ proprium esset vehiculum agere, non debuit Jureconsultus liberare eum, qui viam promissit, si stipulator viæ iter & actum tantum accepto tulerit. At quo argumento convellere conatur, quod tam constanter traditur? Nimirum quia alioqui nulla futura sit inter actum & viam differentia. Sed hoc falsum esse ostendimus in explicatione definitionis viæ. Nihil Hotomannum juvat, quod scribit Pompon. l. 13. de serv. si via concessa sit tam augusti loci demonstratione facta, ut jumentum duntaxat ea duci possit, non etiam vehiculum, actum magis, quam viam, acquisitum videri. Non enim, ut via semper & natura sua utrumque jus continet, & jumentum agendi & ducendi vehiculum, ita & actus; sed aliquando illud duntaxat, non hoc, puta si vel expressè convenerit, ut actus esset sine jure agendi vehiculum, vel tacitè idem actum est, ut in specie d. l. 13. de serv. Atque hoc satis ostendunt verba ipsa hujus definitionis, quibus actui non utrumque conjunctim, sed hoc vel illud disjunctim tribuitur. Itaque & Græci minus plene actum vertunt ἀπαξίνω ὁδόν.

Via potest etiam sine jumento] Traditur hoc idem & in d. l. 1. eod. l. 2. quemad. serv. am. & verissimum esse docet l. qui usufructum § 8. de verborum oblig. Ubi Julianus refert, eum, qui actum stipulatus postea iter stipulatur, posteriore stipulatione nihil agere, sicuti qui decem, deinde quinque stipulatur. Quod & apud Ulpian. relatum est l. 9. §. ult. de novat. falso, si actus tacitè non contineret etiam jus eundi sine jumento sive iter separatum. Neque tamen hoc ita accipimus, quasi iter separatum sit de essentia ipsius actus, sine eo actus consistere aut constitui non possit: sed hoc dicimus, actu constituto regulariter & ex tacita voluntate & sententia constituentis, etiam iter sine jumento concessum intelligi, arg. l. non debet 21. l. in eo 110. de reg. jur. x. cui licet eod. in 6. Atque ideo jus agendi duntaxat non etiam eundi, ambulandi, in definitione actus exprimitur. Ad hæc si actus essentialiter etiam iter contineret, quo utimur sine jumento, nullius momenti esset conventio, ut actus sit sine itinere, contra l. 4. §. 1. §.

serv. vind. Non obstat, quod apud Paulum legimus, actu legaro iter frustra adimi, l. 1. de adim. leg. nam ratio subjecta non obscure arguit, loqui Jurisconsultum de itinere, quo necessario utimur in ipso actu, cum jumentum aut vehiculum agimus. Ait enim, ideo iter frustra adimi, quia nunquam actus sine itinere esse potest. Sed nec id iter videri poterit ea ademptione detractum, quod sine jumento est, quia per se non est legatum: atque ita auctus potius in natura sua, & qualis regulariter est, relatus. Planè si testator nominatim hoc iter ademerit, hoc est, expressè veterit ire sine jumento, nullus dubitat, quin utilis sit ademptio, arg. d. l. 4. §. 1. si serv. vind. Et est in proposito eadem ferè ratio itineris & actus, quæ usus & usufructus: nam etsi fructui usus inest, & ideo legaro usufructu, usus ademptio nulla: l. 14. §. 1. de us. & hab. nihil tamen verat usum à fructu expressè separari, l. 5. §. 1. usufr. quem earum. Hinc jam liquet, quid de judicio & ausu Ant. Fabri sentiendum, qui l. 1. conj. c. ultim. verba hæc, eoque uti potest etiam sine jumento, tot locis expressa, damnare non veretur, ut emblemata imperiti interpretis, consul. Donn. 11. comm. 6. Duar. 1. diff. 31. Bachov. hic & in Treutl. vol. 1. diffut. 17. thes. 4.

Via est jus eundi, agendi, ambulandi] Via, ut mox subjicitur, iter & actum in se continet, hoc est, ex itinere & actu essentialiter via constituitur, arg. l. 13. §. 1. de accept. l. 9. si serv. vind. ac proinde quicquid est in definitionibus itineris & actus, id una definitione viæ debuit comprehendi, quod & curiosè ab Ulp. l. 1. de serv. præd. rust. & Justinian. hic observatum est. Mirorque adeo viros doctissimos, Coman. 4. com. 11. & Don. 11. comm. 6. pro verbo eundi reponentes vehundi, motus tantum vocis definite etymologia, quam Varro 4. de ling. à vehendo deducit, & analogia præcedentium definitionum: nam sic bis idem diceretur, cum verbum agendi etiam ventionem contineat, l. 4. §. 1. de serv. Quid igitur amplius est in via, quam in actu? Primum hoc, quod via etiam iter in se continet, ita ut sine jure eundi per se via intelligi aut constitui non possit: in quo specificè differt ab actu, qui potest esse sine itinere separato. Deinde etiam hoc, quod via nunquam esse potest sine jure ducendi vehiculum, actus potest, l. 13. de serv. Item quod qui viam habet, vel iter & actum separatim, vel utrumque simul, iter & actum, vel uno verbo viam, vindicare potest: qui vero actum habet, non potest neque iter separatim, neque iter & actum conjunctim, sed solummodo actum vindicare, Cujac. 22. obs. 35. fac. l. 12. §. 6. de exc. rei jud. Sunt & aliæ quædam differentię, sed minus principales: nam qui viam habet, etiam lapides &igna trahere, & rectam hastam ferre, modo ne fructus lædat, potest, quod

quod ei, qui actum habet, non licere plerique existimaverunt, l. 7. de serv. præd. rust. & potest etiam sine his via constitui. Illud omnino ex accidenti est, quod actus & via aliquando differant latitudine, vid. l. 8. l. 13. §. 2. eod. add. D. Buf. ad l. 1. eod. Tuld. comm. hic c. 11.

Aqua ductus, est jus aquæ ducenda per fundum alienum] d. l. 1. eod. Id fieri solet vel canalibus sive tubis aut ducto rivo per longitudinem depresso, quo aqua decurrat, l. 1. §. 2. deriv. Ducitur autem aqua aut publica aut privata. Publicam ducere, puta ex flumine publico, cuique licet, nisi Imperator aut Senatus ventent, aut aqua sit in usu publico, puta si flumen sit navigabile, vel ex eo aliud navigabile fiat, l. 2. de flum. l. 10. §. ult. de ag. pluv. arc. aut si periculum sit, ne exarescat, quamvis navigabile non sit; d. l. 1. §. non autem 12. de flum. Sed neque ex castello, vel ex rivo, vel ex quo alio loco, qui aquam publicam suscipit, ducere fas est sine permisso Principis, l. 1. §. permittitur 41. & 2. seqq. de ag. cottid. Inconcedendo autem jure ducendi aquam privatam, sive fontis sive fluminis, sive putealem, non tantum eorum, quorum in loco aqua oritur, verum eorum etiam, ad quos ejus aquæ usus pertinet, voluntas exquirenda est, id est, eorum, quibus servitus aquæ debetur: quippe cum hic agatur de jure eorum minuendo, quod omnes tangit, ab omnibus debet approbari, l. 8. de ag. pluv. arc. junct. l. ult. C. de auct. præst. Illud hic generaliter tenendum, neminem posse aquam aut publicam aut privatam per fundum alienum in suum ducere, cui non sit hic servitus constituta à domino illius fundi: l. quemadmodum 29. §. 1. ad leg. Aquil. l. 2. C. de serv. neminem quoque posse ex suo aquæducto alteri commodare, nisi id nominatim convenerit: l. ex meo 24. l. cum essent 33. §. 1. de serv. præd. rust. Item jus hoc ad certum usum prædii concedi oportere: nam si concessum sit ita, ut aqua quocunque duci possit, non fundi, sed personæ jus erit: l. pen. eod. l. 1. §. præterea 12. de ag. cott. Denique concedi posse ductum aquæ non tantum præsentis & fluentis, sed etiam quærendæ & nondum inventæ, l. Labeo 10. eod. tit. l. ult. si serv. vind. add. Res. par. hoc tit. n. 2. Pet. Greg. 4. syntag. 15. Tuld. comm. sup. de rev. div. c. 11. fusè Capoll. de serv. rust. c. 4. Christin. vol. 5. decis. 83.

TEXTUS.

De servitutibus urbanis.

I. *Prædiorum urbanorum servitutes sunt hæ, quæ adificiis inherent, ideo prædiorum dictæ, quoniam ædificia omnia urbana prædia appellamus, etsi in villa ædificata sunt. Item urbanorum prædiorum servi-*

tutes sunt hæ, ut vicinus onera vicini sustineat: ut in parietem ejus liceat vicino tignum immittere: ut stillicidium, vel flumen recipiat quis in aedes suas, vel in aream, vel in cloacam, vel non recipiat: Et ne altius quis tollat aedas suas, ne luminibus vicini officiat.

NOTÆ.

Item urbanorum] Ex Cajo l. 2. P. V. ubi & alie, add. l. 1. l. 3. 4. 15. 16. eod.

Onera vicini] Veluti si columna ædium tuarum onus ædium mearum ferat: & hic tu, cujus aedes serviunt, columnam reficere debes, l. 33. d. l. 6. §. 2. si serv. vind. qua parte servitus hæc spuria, l. 15. §. 1. de serv.

Vel non recipiat] Aut meo jure stillicidium non recipio, aut jure servitutis: meo jure si non lege civitatis cuique permisso obversa in alienum stillicidia habere: jure servitutis, si jure publico cuique permisso stillicidia sua in alienum avertere. Ita melius, quam Cujac. & Pac. Quid differant stillicidium & flumen, discere ex l. 20. §. 3. & seqq. de serv. urb. Varr. 4. de lingua.

COMMENTARIUS.

1. Verum non esse, quod quidam tradunt, sola ædificia habitandi causa parata urbanorum prædiorum numero censeri.
2. Prædia eorumque jura, si non simpliciter, sed cum effectui iuris considerentur, nunquam loco distingui; sed genere, usu, fine.
3. Quid intersit inter servitutem tigni immittendi & oneris ferendi: item inter jus projiciendi & protegendum.
4. Quid sit stillicidium, quid flumen.
5. De servitutibus stillicidiorum & fluminum, tum avertendorum, tum non avertendorum.
6. An jus altius tollendi sit aliquando servitus per se.
7. Consuetudo latè sententia Bachovii, contententis, jus altius tollendi & non tollendi esse unam eandemque servitutem.
8. Plus esse in servitute ne luminibus officiat, quam vel in altius tollendi, vel luminum.
9. Cujacii & Duarenii opinio de servitute luminum refellitur.

Hoc §. agitur de servitutibus prædialium specie altera, prædiorum scilicet urbanorum: & ait Imp. eas esse, quæ ædificiis inhaerent, atque inde sic dictas, quia omnia ædificia urbana prædia appellamus, etsi in villa ædificata sunt: quod & alibi sæpè traditum, l. 1. com. præd. l. urbana familia 166. l. urbana prædia 198. de verb. sign. Nimirum, ut supe-

rius obiter monuimus, distinctio hæc prædiorum non à loco sumitur, sed à materia vel genere prædii, *dd. ll.* Sunt qui à fine sumptam putant, & ea sola ædificia prædiorum urbanorum numero esse, quæ parata sunt habitandi causa: horrea autem, quæ ruri ædificantur ad fructus reponendos & custodiendos, magis esse ut prædia rustica censeantur, *Capoli. de serv. urb. cap. 11. n. 2. Mysf. Vult. hic. Bronch. 1. aff. 95.* Sed hoc rectè, meo iudicio, quod ad propositionem tractationem attinet, improbat Bachovius. Fac enim, alterum ex dominis, qui vicina aut contigua horrea habeant, alteri, cui fortè ad grana à paleis repurganda statu venti opus sit, ut fieri potest, *l. ult. §. 1. C. de serv. cessisse servitutem* altius non tollendi, aut juxta alteri constituisse tigni immittendi in parietem horrei sui. Hæ servitutes utique, urbanæ dicendæ sunt, non rusticæ. Quid enim interest, horreum, an aliud ædificium altius non extollatur? In constituendo, in amittendo omnia eadem: idem juris effectus in oppignerando, novo opere nunciando. Ratio autem non patitur, ut eadem specie servitus nunc urbana, nunc rustica dicatur. Non est contrarium, quod scribit Neratius *l. 2. de serv. præd. rust.* rustici prædii servitutem esse, licere altius tollere & officere prætorio vicini. Nam prætorium significat id ædificium, in quo dominus, si quando ruri est, habitat, separatum ab habitatione villici, ut constat ex Columella & Palladio. At tale prædium omnes urbanum esse fatentur. Atque ut demus, appellatione prætorii, non tantum villam urbanam, sed aliquando etiam rusticam & fructuariam quoque significari, ut putat D. Gœd. eo quod Ulp. *d. l. 198. de verb. sign.* distinctionis causa, cum prætoria urbanis prædiis adnumeret, videtur addidisse, *voluptati tantum deservientia*: tamen nemo ineptus est, ut putet, Neratium *d. l. 2. de serv. præd. rust.* prætorii appellatione intellexisse villam fructuariam aut horreum, quod utique non est subjectum servitutis protegendæ, cui ille ibidem etiam mentionem facit. Cur igitur, inquis, Neratius servitutem prætorio impositam rusticam appellat? nimirum quia ille arbitrio suo loquitur, non considerat juris effectum. Hoc ut perfectius intelligatur, sciendum, prædia eorumque jura dupliciter considerari posse; vel simpliciter, qua consideratione nihil prohibet ea loco distinguere, quod fecit Neratius; vel cum effectu juris, qua consideratione loco nunquam distinguuntur. Cum queritur de jure taciti pignoris, quod domino tribuitur, in investitis & illatis ab inquilino in prædium urbanum, non item in investitis à colono in prædium rusticum, *l. 4. l. 7. §. 1. in quib. ca. pign. tac.* urbana prædia accipiunt etiam tabernæ, stabula, quæ non sunt in continentibus ædificiis, vel ipso Neratio teste, *d. l. 4. §. 1.* aliaque meritoria in villis & vicis. Villa autem

fructuaria & habitatio villici in hac causa prædia rustica habentur, *arg. d. l. 198. de verb. sign.* Item cum queritur de alienatione prædiorum pupillarium, aut minorum 25. annis, quæ si rustica sint, aut suburbana, oratione Severi sine decreto prohibentur alienari, *l. 1. de reb. eor. qui sub tut.* (quod constitutione Constantini ad urbana quoque prædia postea extensum est, *l. 22. C. de adm. tut.*) prædia à fine & usu distinguimus, & rustica quoque intelligimus, hortos olitorios & vincarios, qui in urbe sunt, & villas fundi causa & propter opus rusticum ædificatas: reliqua ædificia, stabula, meritoria, etsi ruri sunt, pro urbanis habentur; ut & horti ædificiorum, unde nihil aut parum reditus; & multo magis area, *d. l. 198. de verb. sign.* quo loco orationem illam Severi Ulpianus interpretatus est, *Cujac. 7. obs. 24.* Simili modo de servitutibus, cum simpliciter queritur, quorum prædiorum sint, loco itidem ut prædia distinguuntur: at cum queritur de vi & effectu juris in iis constituendis, acquirendis, amittendis, pignerandis, novo opere eorum nomine nunciando, (vide obiter *l. 1. l. 6. de serv. præd. urb. l. 6. l. 7. §. 1. comm. præd. l. 11. §. ult. & l. seq. de pign. l. 5. §. & belle 9. l. 14. de op. nov. nunc.*) loci ratio nulla habetur: sed quæ ædificiis inhaerent, urbanæ; quæ locis puris, rusticæ dicuntur. Et quia hæc consideratione neque ulla ædificia possunt esse subjectum servitutum rusticarum, nec loca ædificiis vacua subjectum urbanarum, hinc factum est, ut in proposito ædificia omnia, etiam quæ in villis & vicis sunt, sive ad usum urbanum, puta ad habitandum, ad viatores recipiendos aliumve questum faciendum comparata sint, sive ad usum rusticum, ad fuges condendas & custodiendas, & stabulanda pecora, prædia urbana habeantur: contra loca omnia ædificiis vacua, etiam area in urbe, & horti ad voluptatem comparati, prædia rustica, distinctione subjecti ad naturam servitutum accommodata. Hæc nescio an quisquam tam distinctè & lucide.

Prædiorum urbanorum servitutes sunt hæc] Et longè etiam plures: sed harum commemoratio sufficit ad declarandum id, quod dixerat, prædiorum urbanorum servitutes esse, quæ ædificiis inhaerent. Donellus *11. comm. 4.* etiam quæ hujus sunt generis, in tres classes partitus est, ex triplici earum fine: quædam enim comparatæ sunt ad ædes vicinas dilatandas, ut tigni immittendi, oneris ferendi, projiciendi, protegendæ: quædam ad ædium interiorum commoditatem, veluti altius non tollendi, ne luminibus, ne prospectui officiantur: quædam denique ad ædes exonerandas, cujusmodi sunt jus cloacæ immittendæ, sumi immittendi, fluminis & stillicidii avertendi in aream alienam. Pretium fuit, digito saltem hoc indicasse.

Ut vicinus onera vicini sustineat, ut in parietem ejus liceat tignum immittere] Proponuntur hæc servitutes, ut in spec. es. diversæ: & sanè differunt gradu. In imponenda servitute tigni immittendi hoc agitur, ut ex nostro pariete liceat tignum, *ξύλον ἢ δοκὴν*, trabem immittere in parietem vicini, ita ut ibi requiescat, & vicini paries sustineat onus immissi, nihil amplius. *l. malum. 242. §. 1. de verb. sign.* In servitute autem oneris ferendi hoc amplius est, quod vicinus columnam, aut parietem, qui oneri ferendo est, reficere tenetur, & idoneum oneri sustinendo præstare, *l. cum 33. de serv. præd. urb.* qua parte servitus hæc degenerat & spuria esse agnoscitur: quippe cum contra naturam servitutum hoc sit, ut quis cogatur aliquid facere in suo. *l. 15. §. 1. de servit.* Qua ratione quoque jam olim Gallus putabat, non posse ita servitutem imponi, ut quis & onus ferret, & parietem reficeret. Sed obtinuit Servii sententia, contendens, posse, *l. 6. §. 2. si serv. vind.* id quod in specie proposita visum est, per consequentiam recipiendum esse ejus, quod principaliter agitur. Agitur autem hoc, ut jus sit ædium mearum, onus in parietem vicini immittere: quæ servitus vix consistere potest, nisi paries reficiatur & idoneus habeatur oneri ferendo. Hujus ejusdem generis est jus projiciendi, *l. 1. & l. 2. de serv. præd. urb.* videlicet ut liceat ex nostro tignum projicere in aream alienam, hoc est, ita provehere supra solum vicini, ut nusquam requiescat, præterquam in pariete nostro; sive id fiat ædificii supra id projectum ponendi causa, sive tegendi parietis, ut plurimum autem aliquid subfructu causa, puta mœniani aut suggrundæ, *d. l. malum. 242. §. 1. de verb. sign.* nam quod tegendi parietis causa ad umbram faciendam emititur aut arcendos imbres à pariete, protectum in specie appellatur, *l. 1. & 2. hoc tit.* ita protectum à suggrunda distinguitur in edicto *de his qui dej. vel effud. l. 5. §. prætor ait 6.* Crassus error est eorum, qui servitutem projiciendi interpretantur jus abjiciendi vel effundendi quid in aream alienam, aquam puta, vel quisquilias. *Cepoll. c. 32. de serv. urb.* nulla enim talis servitus constitui potest, quæ quidem prædii sit, *l. foramen. 28. hoc tit.* Atque hunc errorem quoque notat *Coras. 3. misc. ult. num. 8. & 9.* Cæterum alium ille narrat *n. ult.* ubi ne subordinatam quidem differentiam inter projectum & protectum agnoscit.

Ut stillicidium vel flumen quis recipiat, vel non recipiat] Hæ eadem servitutes sunt, quæ dicuntur stillicidiorum & fluminum, *l. 1. de serv. præd. urb.* Inter stillicidium & flumen hoc interest, quod stillicidium est, cum aqua pluvia ex tecto stillatim & guttatim cadit, *drop*; flumen, cum fluxu & per imam ædium partem more fluminis effunditur,

vwaterloop Varo 4. de ling. Paul. l. servitutes. 20. §. 3. & seqq. de serv. præd. urb. Itaque stillicidii recipiendi servitus dicitur, qua vicinus ferre cogitur, ut aqua pluvia ex tecto meo in suas ædes caliter: fluminis vero, qua pati cogitur, ut aqua eadem in alveum aut canalem recepta in suas ædes cum impetu feratur: unde hæc, quam illa, gravior; & proinde *Paul. d. l. servitutes 20. §. stillicidium. 3. ait, stillicidium inferius demitti non posse, ne gravior fiat servitus, & pro stillicidio flumen: alius tolli posse; quia levior eo modo fiat: cum, quod ex alto, lenius cadat, & interdum vi venti directum non perveniat ad locum servientem.* Duplex autem est stillicidii & fluminis servitus, ut ostendit *hic locum & l. 2. eod.* una avertendi, altera non avertendi stillicidii aut fluminis: quarum illa comparata est ad ædes exonerandas, hæc ad interiorem ædium commoditatem pertinet. Avertendi stillicidii est jus stillicidia nostra derivandi in ædes aut aream vicini, ut vicinus stillicidium nostrum recipere cogatur in ædes suas, vel in aream aut in cloacam, *d. l. 2. & hoc text.* Stillicidia non avertendi jus est, quo vicinus stillicidium ædium suarum in aream vel cloacam vicini avertere prohibetur, aut non tenetur vicinus stillicidium vicini in suum recipere. Sane quidem jure communi nemo cogitur stillicidia vicini recipere, licetque nobis jure libertatis rei nostræ vicinum prohibere ne stillicidia sua in nostrum immittat. Cæterum sicubi constitutio ædificiorum talis est, ut lege aut consuetudine civitatis unicuique permisum sit stillicidia sua obversa habere in alienum, vicinique jure publico ea recipere cogantur, hic, si velimus nobis jus esse prohibendi vicinum stillicidia sua in nostrum avertere, necesse est, ut id jus vicinus nobis constituat, suæque rei hanc servitutem imponat: quod quamobrem & quàm recte dicatur, mox certius intelligetur, cum de servitutibus alius tollendi & non tollendi disputabimus. Similiter servitus fluminis avertendi est jus fluminis immittendi in alienum: non avertendi, servitus, qua vicinus flumen, quod aliqui lege vel consuetudine civitatis liceret, avertere in alienum prohibetur. Ita recte *Don. 11. c. 5. Boc. & Tuning. hic.* Aliis vero servitus stillicidii aut fluminis non avertendi est, qua vicinus avertere cogitur stillicidium aut flumen ædium suarum in aream vicini, ut aqua in cisternam ejus recipiatur, vel hortum irriget: qua constituta agi possit cum domino ædium servientium, jus ei non esse stillicidia avertere, atque ut regulas, canalesque aut tubulos; per quos aqua labitur, suis expensis reficiat. *Cepoll. cap. 28. & seq. de serv. urb. Per. Greg. 4. syntagm. 9. n. 7.* Sed hoc minus placet: quia non pro commodo, sed pro onere passim habetur, stillicidium aut flumen alienum recipere: & præter natu-

naturam servitutum est, ut quis aliquid facere cogatur in suo.

Et ne alius quis tollat aedes suas] Hæc servitus ob eum maxime finem constituitur, ne luminibus vicini altius ædificando officiat. Nam cum unicuique jure naturæ in suo quidvis facere liceat, dum in alienum nihil immittat, l. 8. §. *Aristo. §. si serv. vind.* eique consequens sit posse unumquemque in area sua ædificare in infinitum, ædive antea positas altius tollere, etiam si vicino incommodet, lumina ejus obscurando, quod & traditum est l. 9. l. 14. l. *cujus* 24. de serv. præd. urb. l. 8. C. de serv. hoc incommodum non aliter vitari potest, quam si à vicino impetremus, ut hanc suis ædibus servitutem imponat, ne altius tollantur: qua imposita si nihilominus altius ædificet, jam recte cum eo agam, jus ei non esse aedes suas altius tollere; quæ intentio est actionis confessoria, qua servitus hæc, quæ dicitur altius non tollendi, vindicatur, licet verborum figura videatur negatoria, l. 4. §. ult. si serv. vind. Crebra est hujus servitutis mentio, ut in l. 2. l. 12. de serv. præd. urb. d. l. 4. §. ult. l. 7. §. 1. com. præd. Hic autem magna oritur difficultas. Nam si cuius liceat aedes suas extollere, idque naturaliter & jure libertatis rei suæ, ut nulla in eam rem opus sit constitutione servitutis, qui sit, quod inter servitutes prædiorum numeretur etiam jus altius tollendi? Hoc enim nullam videtur habere rationem: contraria quippe sunt libertas & servitus. Et, si, non licere altius tollere, servitus est, licere altius tollere, libertatis erit. Et tamen negari non potest, quin veteres non minus jus altius tollendi, quam non tollendi inter servitutes reculerint. Factum id compluribus locis, à Paulo l. 1. de serv. præd. urb. l. 7. §. 1. com. præd. à Gajo l. 2. de serv. præd. urb. Neratio l. 2. de serv. præd. rust. Justiniano §. 2. inf. de act. Tota vero difficultas in eo est, ut exempla proferantur; quibus ostendatur, jus altius tollendi quandoque inter servitutes recte numerari. Etenim huic rei demonstrandæ minime idonea sunt, quæ afferuntur à Glossa, Bart. & DD. in l. 2. de serv. præd. urb. quæ ipsis prima est: nec item quæ à Gloss. Dyn. Ias. & aliis ad §. 2. inf. de act. ut videre est in nostra illius loci interpretatione. Neque verum esse puto, quod Cujac. Wesf. in d. §. 2. & Vult. 1. disc. §. contendunt, jure servitutis constitutæ aedes altius tolli, cum antea concessio aut longa quasi possessione quæsitio contra vicinum jure altius non tollendi, rursus ei altius tollendi potestas conceditur. Hoc enim casu perinde res in pristinam libertatem redit, ac si pacto servitus remissa esset, ut eodem loco abunde ostendimus. Primus veterum inter pp. Joan. Faber in d. §. 2. rem vidit & digito monstravit, præeunte tamen Glossa in l. qui luminibus 11. de serv. urb. præd. ut observavit Cæpolla & explicuit c. 26. n. 2. de serv.

urb. sed ille longius excurrit, & multa aliena n. sect. Rectius & apertius recentiores, Zas. Baro, Myns. Donel. Fabri vestigiis insistentes, sic rem proponunt & declarant. Si de potestate ædificandi in suo nihil jure publico cautum sit, jus ædificandi ajunt esse jus libertatis nostræ, & licere cuivis civi, suo & publico jure quam altissime aedes suas tollere, etiam si obscuraret vicinas. Si vero alicubi lege civitatis certa ædificiorum forma atque altitudo præscripta est, quam excedere ædificando invito vicino non liceat, hic jus ædificandi hæcenus quidem adhuc liberum esse & juris publici, ut si intra definitum altitudinis modum consistatur, adhuc liceat ædificare cum incommodo vicini, d. l. qui luminibus. Cæterum si supra eam altitudinem aedes extollere, v. c. ad §. vel 6. pedes, velimus, quod jam jure publico invito vicino facere non licet, ut id nobis liceat, à vicino impetrandum esse l. pen. §. 1. C. de adif. priv. eoque concessio, jus altius tollendi vicino servitutem esse, utpote qui jam incipiat pati in suo, quod antea pati jure publico non cogebatur; nobis jus, sed impositum & constitutum à vicino, quod vindicetur hac formula confessoria; *Ajor, mihi jus esse aedes meas altius tollendi invito te.* d. §. 2. inf. de act. ubi plenius hoc exposui, atque ex Tacito aliisque auctoribus, & textibus juris nostri demonstravi, etiam in ipsis urbibus, in quibus sedes imperii fuit, Romæ scilicet & Constantinopoli, jam olim certum fuisse ædificiorum altitudini præscriptum modum, ut mirum non sit, Jureconsultos, ad statum illum respicientes, jus altius tollendi inter species servitutum numerare. Adde, quod certo statu ædificiorum constituto hæc servitus etiam quæri potest præscriptione, si videlicet quis contra veterem formam longo tempore ædificatum habuerit, & nec vi nec clam, precario possederit, l. 1. C. de serv. Poterat hic consisti, nisi nobis negotium facesseret Bachovius, qui in not. ad Treutl. vol. 1. disput. 17. thes. 2. & in comm. ad hunc §. & §. 2. inf. de act. hanc etiam Neotericorum sententiam penitus, explodit, contendens, jus altius tollendi & altius non tollendi non duas, sed unam eandemque servitutem esse, quæ aut diversa consideratione diversis nominibus appelleretur, atque ex parte servitutum sibi asserentis dicatur jus altius non tollendi, ex parte negantis altius tollendi; aut potius jus altius tollendi improprie servitutum immo adscribi, atque ita appellari tantum respectu vicini, qui me altius ædificante ipse contra ædificare & luminibus meis officere, jure constituta servitute, non potest. In summa, jus altius tollendi ex catalogo servitutum expugandum esse, & quoties ejus mentio fit, jus contrarium significari, videlicet altius non tollendi. Satis hercule confidenter; videamus, quam

quam vere, Gajus l. 2. de serv. præd. urb. ex professo species urbanarum servitutum enumerans sic orditur? *Jura prædiorum urbanorum sunt, altius tollendi & officiendi luminibus vicini*: deinde subjungit, *aut non extollendi*. Hic si Bachovio credimus. Jureconsultus non duo inter se distincta jura significat, sed unum duntaxat, altius non extollendi, quod solum sit servitus. Pauli l. 7. §. 1. comm. præd. hæc verba sunt; *Servitus alienis ædibus imponi potest, ut altius tollere vel non tollere liceat*. Hoc Bachovius sic accipit, quasi alterum tantum Paulus expressisset, ut ne liceat altius tollere. Sed profecto si hoc Bachovio concedimus, summæ inficitæ insimulamus Jureconsultos, qui ex uno jure duo faciunt, atque inter se ut servitutes diversæ speciei, tam aperte opponunt. Atque ut evidentius demonstremus errores Bachovii, putat ille, jus altius tollendi per se servitutem nunquam esse, sed hoc nomine appellari relatione facta ad vicinum, cujus ædibus imposita sit servitus altius non tollendi, propterea quod hac servitute mihi constituta jus altius tollendi, quod per se quidem semper sit libertatis, sed inutile mihi alias reddi vicino contra ædificante poterat, nunc pleniori jure, & effectu consequor. Hoc vero falsum esse ostendunt, quotquot sunt loci, in quibus jus altius tollendi inter servitutes numeratur; ut in l. 2. de serv. præd. rust. d. l. 2. de serv. præd. urb. d. l. 7. §. 1. comm. præd. §. 2. inf. de act. l. 1. Cod. de serv. & aqua. Quibus omnibus locis palam est, jus altius tollendi non ea ratione servitutem dici, aut ex eo æstimari, quod alteri facere non potest in suo; sed ex eo simpliciter, quod alterum facientem jure impositio pati cogitur. Hoc enim ipsum, licere altius tollere & officere luminibus vicini, jus prædii & servitus appellatur: jus respectu ejus, cui id facere licet; servitus respectu vicini, qui id pati cogitur. Ac proinde si cui hujus juris controversia fiat, licebit ei hoc vindicare hac formula; *Ajo mihi licere aedes meas altius tollere*. Quæ & vi & verbis confessoria est, d. §. 2. inf. de act. idque evidentissime confirmatur d. l. 1. C. de servit. quo loco cum quæsitum esset, an in eum, qui contra veterem formam ædificasset, ut luminibus vicini officeret, competeret vicino actio negatoria, qua intenderet, jus non esse adversario aedes ita sublatas habere, respondet Imp. competeret: sed addit hanc exceptionem, *nisi quis longo tempore ita ædificatum habuerit*. Quippe longi temporis consuetudinem vicem obtinere servitutis. Quod si igitur jus altius ædificandi contra formam ædificiorum præscriptione quæsitum servitus est, nobisque defendi & actione confessoria vindicari potest, idem quoque jus, pactionibus eodem modo constitutum, servitus erit, non jus libertatis; eoque nomine confessoria, non negatoria agendum. Miror autem judicium Bacho-

vii, qui his argumentis probari existimat, jus altius tollendi pro jure impositio aut servitute censeri non posse; primum quia servitutum non ea natura est, ut aliquis faciat qui in suo, sed ut aut non faciat, aut alium facientem patiat. Secundo quia omnis servitus efficit, ut prædium serviat: at ædes, quas ex pactione contra usitatum modum tollere licet, nullo modo dici posse servire. Postremo quia servitus omnis onus prædii est, jus dominantis augens, servientis minuens. At concessione juris altius tollendi etiam servienti prædio restitui libertatem. Manifestus enim in his omnibus error est *ἡ ἀγνοία τῶν ἐλέγχων*. Nam non quaeritur, an jus altius tollendi contra præscriptum modum sit servitus in eo, cui id jus concessum est: hujus enim respectu jus est, quod servitutem facit; nihil minus, quam servitus; & omnis servitus est in alieno: sed hoc, an non in eo, qui jus hoc alteri constituit, servitus sit: an non ille pati aliquid cogatur in suo, videlicet luminibus suis officii, quod antea pati jure publico non cogebatur: an non ille eo pacto suum prædium servire faciat, jus sui prædii minuat, alterius augeat. Hoc vero est, quod nos asserimus & abunde probasse existimamus. Ster igitur hæc sententia, jus altius tollendi nonnunquam esse jus libertatis nostræ, nonnunquam impositivum seu servitutem, activè aspectu ejus, cui debetur, passivè in eo, qui debet. Utrum autem horum sit, ejus rei adjudicationem pendere ex eo, quod cuique jure publico in suo facere ædificando liceat, aut non liceat.

Ne luminibus vicini officiat] His verbis non videtur hoc loco nova demonstrari servitus, sed finis propositæ: est enim hic præcipuus finis servitutis altius non tollendi, ne luminibus nostris officiat, qui ob id etiam plerumque simul exprimi solet, l. 2. de serv. urb. l. 2. de serv. rust. quanquam & alius dari potest, ne scilicet in ædes aut arcem nostram prospectus pateat. Porro quod ait, ne luminibus officiat, sic accipiendum est, ne officiat altius ædificando; non etiam ne alio modo, veluti arbore posita, ut quam minimum recedatur à libertate naturali. Quamobrem hoc plus erit in servitute, ne luminibus officiat, quam in illa, ne ædes altius tollantur, l. 12. l. inter. 1. c. & 2. seqq. de serv. præd. rust. A servitute ne luminibus officiat, parum differre videtur servitus quæ luminum dicitur; atque ut hæc magis respicit novam luminum constitutionem, ita illa conservationem eorum quæ jam sunt, l. 4. eod. nisi forte dicendum sit, in servitute luminum hoc minus esse, quam in altera, quod qui hanc debet, altius ædificare non prohibeatur, aliaque facere, modo tantum luminis vicino relinquat, quantum ad usum diurnum sufficiat: qui autem servitutem debet

bet ne luminibus officiat, nihil omnino facere possit, quo lumen minuat, etiam si vicini aedes luminibus abundent: quæ sententia est Pauli Cassi. in d. l. 4. probata à Cæpoll. c. 35. de serv. urb. arg. d. l. inter. 15. & eodem teste communiter recepta. Aliter Cujac. 1. obs. 13. & Duar. 1. disp. 33. servitutem luminum accipiunt, nimirum jus luminum nostrorum in alienum immittendorum, quo efficiatur, ut liceat nobis aperto pariete nostro fenestras in eo positas habere luminis excipiendi gratia. Sic enim illi interpretantur, quod Paulus scribit d. l. 4. *Luminum servitutem constituta id acquisitum videtur, ut vicinus lumina nostra accipiat.* Verum hæc sententia impingit in

notissimum illud juris principium; *Unumquemque in suo quidvis facere posse, vel cum incommodo alterius, modo in alienum nihil immittat.* l. 8. §. Aristo. si serv. vind. l. 9. de serv. præd. urb. l. 8. C. de serv. & ag. Neque enim in alienum quicquam immittit, qui suum parietem aperit & in eo fenestram ponit: ac proinde suo quisque jure facere potest, licet id vicino molestum sit, nec ad eam rem indiget constitutione servitutis. Verborum autem Pauli, ut vicinus lumina nostra excipiat, non hic sensus est, qui à Cujacio & Duareno his assignitur: sed hic, ut ita excipiat, ne quid contra erigat in suo, quo lumina præcludantur; quod alioqui servitutem non constituit suo jure facere possit, l. 9. de serv. præd. urb. Imo vero, inquit, qui fenestram in suo ponit, aliquid immittit in alienum, quod non licet citra constitutionem servitutis: immittit enim oculos. At testimonio Xenocratis, *μηδὲν διαφέρειν ἢ τὰς πόδας ἢ τὰς ὀφθαλμούς* eis ἀποτίαν οἰκίαν πένον, auctor Plutarch. lib. *ἑὶ πολυπραγμ.* Ego vero judico, hanc objectionem indignam esse tantis viris, nec debuisse eos, quod à Xenocrate figurate dictum est in homines curiosos, qui se ubique contra rationem officii ingerunt, abuti ad demonstranda dogmata disciplinæ juris civilis. Nihil autem in contrarium facit l. pen. eod. quia aperte loquitur de pariete communi, in quo constat nihil licere facere invito socio, l. 8. l. quidam. 13. l. in re 26. eod. l. Sabinus 28. com. div. Illud constat, diversam esse à superioribus servitutem prospectus seu ne prospectui officiat: nam servitute prospectus hoc continetur, ne quid nobis officiat ad gratiorem prospectum ac liberum: & cum lumen tantum sit ex eo loco superiore, prospectus etiam ex locis inferioribus esse potest, l. 3. l. 12. l. 15. & seq. de serv. præd. urb. Sunt qui putant, etiam servitutem prospectus ut diversam gradu à servitute ne prospectui officiat distinguendam esse, eadem scilicet ratione & proportionem; qua præcedentes, lumen, & ne luminibus officiat. Moribus fere harum regionum aut legibus municipalibus vetamur

fenestram facere, unde dicto proxime & de plano prospiciatur in arcem vicini, præscripto certo spacio, quo distare hujusmodi fenestræ à pavimento vel tabulato debeant.

T E X T U S.

De reliquis servitutibus Rusticis.

2. *Inter rusticorum prædiorum servitutes quidam computari recte putant aquæ haustum, pecoris ad aquam appulsam, jus pascendi, calicis coquenda, arenæ fodienda.*

N O T A.

Pecoris ad aquam appulsam] Jus adaquandi & appellendi pecora, quæ fundi causa habentur, ad aquam alienam.

C O M M E N T A R I U S.

1. *Explicatur & emendatur locus Ulpiani in l. Mela. §. ult. de alim. legat.*

DOcendi ratio postulabat, ut hic §. protinus subjiceretur principio hujus tit. dilata tantisper tractatione servitutum urbanarum, cum à rusticis cæptum esset. Sed hoc tanti non est, ut ob id maledictis impetendus sit Tribonianus, quasi temetum cum hæc scriberet, bibisset: nollemque eo proterviæ processisse etiam viros cæterum incomparabiles. Verum age. Ait Imp. inter servitutes rusticorum prædiorum recte computari aquæ haustum, pecoris ad aquam appulsam, &c. Aquæ haustus est jus aquæ hauriendæ ex puteo vel fonte vicini, ad prædii nostri vel familiæ rusticæ usum & commoditatem. Qui haustum habet, iter quoque ad hauriendum habere videtur, sive ei jus hauriendi & simul adeundi cessum sit, sive hauriendi tantum. Sed etsi tantum adeundi ad fontem, placuit inesse & haustum. Cæterum & flumine publico cum sine servitute cuius haurire liceat, haustus frustra conceditur, iter cedi debet, l. 3. §. ult. de serv. præd. rust. Cæpoll. c. 7. Pecoris ad aquam appulsus est jus adaquandi & appellendi pecora, quæ fructuum fundi causa habentur, ad aquam alienam. Utrumque autem hoc jus passim refertur inter servitutes prædiorum rusticorum. l. 1. §. 1. l. 2. §. 1. l. 3. §. ult. l. 4. l. 6. in fin. de serv. præd. rust. Cæterum objici solet responsum Ulpiani l. Mela. 14. §. ult. de alim. legat. quo loco aquæ haustus & pecorum ad aquam appulsus dicuntur esse servitutes personarum: sic enim in omnibus codicibus locus iste legitur; *Nam & haustus aquæ & pecoris ad aquam appulsus est servitus persone, tamen ei, qui vicinus non est, inutiliter relinquitur.* Verum hic locus, si ullus in libris nostris, manifestè corruptus est, id-

que cuivis, qui modo propius eum consideret, facile erit deprehendere. Laborat autem duplici vitio; primum quia mendose interpunctus est; deinde quia omissa est negatio in postremis verbis: omninoque ita restituendus est; *Nam & haustus aquæ & pecoris ad aquam appulsus est servitus, personæ tamen ejus, qui vicinus non est, non inutiliter relinquitur, vel detracta privativa, utiliter.* Nisi etiam ita legamus, *unde vñt es.* Nec sententia loci, nec ratio juris de his servitutibus constabit, nec quicquam in eo loco erit, quod cohæreat. Consultebatur Juriconsultus de fideicommissio, quo aqua relicta erat ei, qui vicinum prædium non habebat; responder, utile esse fideicommissum, nec ob stare quod aqua hæc relicta proponebatur non possessori vicini prædii; nam quod personæ relinquitur, ut in proposito aqua, id non vicino quoque recte relinquitur, quantumvis tale sit, quod regulariter jus prædii censetur. Argumento esse aquæ haustum & pecoris ad aquam appulsam, quæ cum natura sua servitutes prædiorum sint, tamen ei, qui vicinus non sit, utiliter constituentur: non utique ut jura prædii, sed personæ: quod etiam toties actum intelligitur, quoties res gesta est inter duos, qui vicina prædia non habent, qua de re monuimus in explicatione rubricæ sub finem.

Pecoris pascendi [d.l. 1. §. 1. l. 3. pr. l. 4. eod. servitus pascui dicitur l. 6. in fin. eod. Est autem jus pascendi pecora in fundo alieno. Si plurium commune est, jus compascui appellatur, l. pen. §. 1. si serv. vind. Hinc ager compascuus, in quo vicinis jus est communiter pascendi. Fest. in voce *Compascuus*. Cic. in *Top.* Si compascuus est ager, licet compascere. Cæterum ita pecoris pascendi jus servitus prædii videtur, si fructuum fundi causa pecora habeantur, d. l. 4. eod. quod ita fit, si sint boves aut jumenta, per quæ fundus colitur, d. l. 3. in pr. Semper enim hoc tenendum est, servitutem prædii non posse constitui ultra quam ad prædium ipsum opus est, l. 5. eod. Item tamen dicendum erit, si oves sint aut vaccæ ad lac præbendum, butyrum, caseum conficiendum, quibus ad victum familiæ rusticæ utamur. Qui servitutem pascui habet aut pecoris appellendi, ei etiam talis constitui potest, ut tugurium ibi habere liceat, ut si hiems ingruerit, habeat quo se recipiat, d. l. 6. in fin. eod. De fure pascendi late *Capoll. c. 9. de serv. præd. rust. Schneid. hic n. 28. & seqq.*

Calcis coquenda, arena fodienda [d. l. 1. §. item lapidis cædendi, cretæ eximendæ, pedamenta ad vineam ex vicini prædio sumendi d. l. 3. §. 1. & 2. l. 5. l. 6. eod. Omnes autem, quæ hujus generis sunt servitutes, eo pertinent, ut quid ex alieno sumere liceat, quod transferatur ad usus prædii nostri. Eo autem etiam illud contineri intelligitur, quod confertur in familiam rusticam: pecora, quæ fundi colendi causa

habentur, d. l. 3. in pr. l. 4. l. 5. & 6. eod. Sed & si quid in alieno facere nobis commodum sit quod pertineat ad fructus prædii nostri exprimendos, meliusve habendos, placet, etiam ejus rei servitutem prædialē recte constitui, quasi ad prædii utilitatem & hoc pertineat, quod pertinet ad fructus commode ad usum habendos: quippe quorum causa prædium ipsum habetur. Hujus generis sunt jus præli sive torcularis, ut mihi liceat uvas vineæ meæ, aut olivas oliveti exprimere in tuo; jus area tua utendi ad exprimenda frumenta aut legumina; item ut fructus in vicini villa cogantur, coactique habeantur, l. 14. §. ult. de alim. l. 3. §. 1. de serv. præd. rust.

TEXTUS.

Qui servitutem debere vel acquirere possunt.

3. Ideo autem hæ servitutes prædiorum appellantur, quoniam sine prædiis consistere non possunt. Nemo enim potest servitutem acquirere urbani vel rustici prædii, nisi qui habet prædium: nec quisquam debere, nisi qui prædium habet.

NOTÆ.

3. Ideo hæ servitutes] Ex Ulp. l. 1. §. 1. l. 6. comm. præd.

Nisi qui prædium habet] Nam & à prædiis debentur hæ servitutes, & debentur prædiis. Sed & vicina esse prædia oportet l. 5. §. 1. S. P. R. l. 38. & seq. P. V. ut tamen inter medium prædium non officiat, si non impediatur usum servitutis, l. 7. §. ult. l. ult. P. R. l. 1. P. V. l. 1. P. V. l. 7. §. 1. comm. præd.

COMMENTARIUS.

Agitur hic de subiecto sive materia servitutum prædialium, id est, de rebus, in quibus consistunt, & à quibus ob eam causam nomen quoque acceperunt. Sunt autem hæ res non omnes, sed immobiles tantum sive res soli, quæ uno nomine prædia appellantur. Sive enim rem spectes, quæ servitutem debet, sive id, cui debetur, utrinque prædia esse necesse est: hinc ut sit, cui imponatur servitus; illinc ut sit, cui acquiratur: unum ut serviat, alterum ut dominetur. Quamobrem nemo potest prædio servitutem vel imponere, vel acquirere, nisi qui habeat prædium, hoc est, qui prædii dominus sit, l. 1. §. 1. l. 6. comm. præd. & hoc text. Domini autem appellatione etiam emphyteutam & superficarium comprehendimus, tam in persona constituentis, quam acquirentis, l. 1. §. ult. de superfic. l. 1. §. 1. si ag. vect. Cæterum his ob stare videtur: quod

quod traditur, l. 10. de serv. præd. rust. l. si servitus. 23. §. 1. de serv. præd. urb. futuro quoque ædificio seu nondum ædificato servitutem vel imponi vel acquiri posse, siquidem ejus ædificii, quod nondum est, nemo potest dici dominus. Sed facilis responsio est, nimirum hic quoque constitutionem servitutis referri ad prædium, sed servitutis jus esse in suspenso, donec ædificium extruatur, in quo consistat, quasi sub tacita conditione constitutum. Eadem ratione & fidejussor dicitur futuræ obligationi accedere posse, l. 6. §. ult. de fidejuss. §. 3. inf. eod. non quidem hoc effectu, ut antequam reus debeat, fidejussor conveniri possit: sed ut demum fidejussio vim suam exerat; cum principalis obligatio, cujus illa accessio est, fuerit subsecuta, l. fidejussor. § 7. eod. tit. De vicinitate prædiorum & utilitate dominantis actum est sub rubric.

TEXTUS.

Quibus modis servitus constituitur.

4. Si quis velit vicino aliquod jus constituere, pactionibus atque stipulationibus id efficere debet. Potest etiam quis testamento heredem suum damnare, ne altius tollat aedes suas, ne luminibus vicini officiat: vel ut patiatur eum tignum in parietem suum immittere, stillicidiumve adversus eum habere: vel ut patiatur eum per fundum ire, agere, aquamve ex eo ducere.

NOTÆ.

4. Pactionibus] Idoneis ad dominium transferendum. Non solis autem pactionibus servitutes nostræ sunt, l. 3. D. de obl. & act. sed tunc cum secuta est traditio naturæ harum rerum conveniens, l. ult. D. de serv. l. 1. in fin. P. R. l. 11. §. 1. de publ. in rem. act. Pactiones tituli sunt & causæ acquirendi remotiores, modus acquirendi & causa proxima traditio, §. 40. sup. de rer. divis. l. 20. C. de pact.

COMMENTARIUS.

1. Communi prædio ab uno ex dominis neque constitui, neque acquiri servitutem posse.
2. Non nudis pactionibus, quamvis ad transferendum comparatis, servitutem acquiri, sed facto aliquo, quod traditionem representet.
3. Suprema voluntate servitutem constitui ipso jure,
4. Quemadmodum usu & possessione nostra servitus capiat.
5. Explicatur latius, quod de constitutione & acquisitione servitutis dictum est n. 2. & refutatur singularis Bachovii opinio.
6. Quibus modis servitutes amittantur.

Alfo Mynf. & Pac. existimant, hoc loci materiam tradi, ex qua servitutes prædiorum constituantur: conventio enim & ultima voluntas non materiæ, ex qua, sed causæ efficientis rationem habent, cum sint servitutum constituendarum modi. Est autem insignis hic locus, dignusque in quo explicando plusculum operæ ponatur. Servitus prædii à lege non constituitur: sed potest re exigente à iudice constitui in iudiciis familiæ eriscundæ & communi dividundo, in pluribus prædiis dividendis unum uni, alterum alteri adjudicante, & unum alteri servum faciente l. item Labeo. 22. §. 3. sam. etc. l. ut fundus. 18. com. div. Extra hunc casum à solo prædii domino constituitur. Cæterum & longa quasi possessione nostra acquiritur. De domino jam aliquid dictum §. præc. addo nunc, hoc etiam exigi in constituyente, ut sit dominus prædii totius, non pro parte indivisa, communi prædio unum ex dominis ne pro parte quidem sua servitutem imponere posse, l. 2. de serv. l. unus. de serv. præd. rust. nisi forte pariter omnes cedant: tunc enim omnes non alienæ, sed suæ parti servitutem imponunt. Quod si diverso tempore id fiat, novissima cessio superiores confirmantur, l. 6. §. 1. l. ult. comm. præd. l. 11. de serv. præd. rust. Benigne quoque propter conventionem receptum est, ut, qui ante cessit, vetare me uti jure cello non possit, d. l. 11. Quæ omnia etiam in persona acquirentis servantur: nam nec acquirere quisquam prædio servitutem potest, nisi qui ejus prædii solus sit dominus, l. 1. §. 1. l. §. l. 6. in fin. l. 8. comm. præd. & in pluribus acquirentibus eadem distinctio est, quæ in pluribus constituentibus, d. l. 6. §. 1. l. ult. eod. Constituitur à domino servitus duobus modis, conventionione, & ultima voluntate, l. §. de serv. l. potest 16. comm. præd. & hoc text. In conventionali constitutione duo ad acquirendam servitutem requiruntur: pactio ad transferendum comparata, cujusmodi est stipulatio, emptio, donatio, permutatio; per l. nunquam. 31. de acq. rer. dom. & traditio, seu id, quod traditionis vicem in re incorporali obinet, puta inductio in prædium servum, aut usus acquirentis, & domini constituentis patientia, l. ult. de serv. l. 1. in fin. de serv. præd. rust. l. 11. §. 1. de publ. in rem. act. per l. 3. in pr. de usufr. Nam quemadmodum pactionis nudæ non ea vis est, ut rem corporalem nostram faciat; l. traditionibus 20. C. de pact. ita nec per se sufficit ad acquirendam servitutem, l. 3. de obl. & act. d. l. 11. de publ. in rem. act. Olim hic frequens erat cessio, l. nemo 39. de serv. præd. urb. l. 3. §. 2. & 3. l. 11. l. per quem 14. de serv. præd. rust. l. ult. com. præd. & videtur ea necessaria fuisse in constitutione servitutum; quæ in eo consistunt, ut dominus aliquid non faciat in suo; puta ne aedes altius tollat; ne luminibus vicini aut prospectui officiat. Nam ejusmodi

modi jura quomodo per usum & patientiam constitui possint, non video: aut sane inductio in prædium hic etiam pro traditione fuit. Suprema voluntate servitus constituitur, cum ea alicui testamento legatur, *tit. de serv. leg.* in qua constitutione nihil præter voluntatem defuncti desideratur ad acquirendam servitutem, sed statim ei, cui legata est, absque ulla cessione aut traditione hæredis acquiritur, *l. ult. d. tit. l. si partem 19. §. 1. quem serv. am.* neque distinguimus amplius inter servitutem legatam per vindicationem, & legatam per damnationem, *vid. notata §. 1. tit. seq.* Modus per usum ac possessionem nostram servitutem capiendi duplex. Unus communis cum usufructu rerum corporalium, si quis eam à non domino, quem dominum existimabat, constitutam per tempus legitimum continenter possederit, *l. ult. in fin. C. præscr. long. temp.* Alter servitutum proprius, si nullo quidem titulo præcedente, cæterum nec vi nec clam, nec precario, id est domino prædii servientis sciente & patiente, per continuum definiti temporis spatium servitute usi sumus, *l. 10. si serv. vind. l. 1. in fin. de acq. plur. arc. l. 1. & l. 2. C. hoc tit.* ut hic scientia & patientia domini loco tituli aut boni initii & traditionis sint possidenti, & longi temporis confverendo vicem servitutis obtineat. In prioris specie titulus necessarius est, uti semper cum initium possessionis est à non domino, *inf. de usuc. in pr.* sed tunc dominum nihil juvat ignorantia, *d. l. ult. C. de præscr. long. temp.* In posteriore scientiam exigimus, titulum non item, alioqui tradita statim sine usufructu acquireretur, sententia communis: à qua frustra recedit *D. Duar. 1. dis. 34. ad. D. Christin. vol. 3. decis. 177. m. 4. & 5. & nostra lib. 1. select. quest. cap. 31.*

[*Pactionibus & stipulationibus*] His verbis putandum non est à constitutione servitutum excludi traditionem: sed eodem modo ac sensu hic accipienda sunt, quo accipi constat, cum usufructus similiter dicitur pactionibus & stipulationibus constitui, *§. 1. tit. seq.* nimirum non ut significetur id, quod in constituendo extremum est, & excludatur traditio: sed ut monstreretur media & viæ, per quas hæc jura inducuntur. Extremum est, quo constituta servitus acquiritur. Id vero non est pactio aut stipulatio: sed traditio servitutis ex pactione præcedente. Pactiones tituli sunt, non modi acquirendi, *§. per traditionem. 40. sup. de rev. div.* Cæterum quia traditio nihil transfert, nisi præcedat idonea conventio, sive causa, propter quam traditio secuta sit, *l. nunquam 31. de acq. rev. dom.* ideo pactionum & stipulationum meminit, ut causarum acquirendi, & in constitutione servitutis traditionem necessario præcedendum, non ut traditionem removeat. Quemadmodum ex contrario cum dominia rerum tradi-

tionibus acquiri dicuntur, *l. traditionibus. 20. l. de pact.* non propterea removeatur tituli sive causæ acquirendi remotiores, sed extremum in acquirendo significatur, id est, modus acquirendi & causa proxima: uti & cum usufructus & servitutes dicuntur constitui per traditionem vel patientiam, *l. 11. §. 1. de publ. in rem act. l. 1. in fin. de serv. præd. rust. l. 3. de usufr.* Hoc ideo diligentius monendum fuit, quia video, *D. Bachovium* in ea esse hæresi, ut existimet, nudis pactionibus & promissionibus solis servitutes prædiales plene perfecteque constitui, atque acquiri citra ullam traditionem aut cessionem: ac proinde etiam statim ut in conventionem deductæ sunt, actionem in rem competere. Quo quidem ego nihil unquam audiui, quod à ratione & auctoritate juris magis abhorreat. In toto enim jure modi acquirendarum obligationum distinguuntur à modis acquirendi res in obligationem deductas, sive corporales sunt, sive servitutes. Modi quibus obligatio quaeritur, sunt contractus & conventiones; quibus dominium rei in obligationem deductæ, traditiones, & in rebus incorporalibus ea facta, quæ traditionem diximus representare. Si igitur stipulanti mihi viam aut iter promiseris, ex hac conventionem non acquiritur mihi jus eundi aut agendi, quod actione in rem confessoria vindicare possim, sed obligatio duntaxat & actio personalis ex stipulatu, qua intendam, *te mihi viam aut iter dare oportere. l. 2. §. 1. & 2. de verb. obl. l. si unus. 19. de serv. præd. rust.* Tunc demum dominium servitutis nanciscor & actionem in rem, cum conventionem secuta est traditio naturæ rerum incorporalium conveniens, *l. ult. de serv. l. 1. in fin. de serv. præd. rust. l. 11. §. 1. de publ. in rem act. l. 3. de usufr.* Denique definitio tradita, *l. 20. C. de pact. traditionibus*, non nudis pactis dominia rerum transferri, generalis est, nec minus ad servitutem, quam rerum corporalium acquisitionem pertinet, *l. 3. de obl. & act.* quo loco diserte de servitute idem quod de corpore Jurisconsultus definit, eam quaesita nobis ex contractu obligatione nostram non fieri, sed tantum debitorem obstringi ad eam nobis dandam aut præstandam. Quid ergo est, quod *Bachovium* moverit in contrarium? Primum quod hic ait *Justinianus*, pactionibus & stipulationibus servitutes constitui. At idem de usufructu quoque dicitur *§. 1. tit. seq.* ad cujus tamen constitutionem fatetur *Bachovius* traditionem aut patientiam esse necessariam. Deinde quia *Papinianus*, *l. 4. de serv.* scribit, servitutes ipso jure neque ex tempore neque sub conditione constitui posse: cæterum si hæc adjiciantur, vindicantem contra placita servitutem pacti vel doli exceptione repelli. Quasi ex eo necessario sequeretur servitutem per solam promissionem constitui, & perinde sit, ac si

Juriconsultus dixisset, servitutem neque ex tempore neque sub conditione promitti posse. Vitiosa plane collectio, & falsa quæ sequitur propositio. Aliud enim est promittere, aliud constituere servitutem. Qui promittit, actu nihil juris in rem alteri constituit, nihil dat; sed obligat se, ut det. Nec potest ulla excogitari ratio, cur minus servitutes, quam res cæteræ, ex die aut sub conditione recte promittantur, ut neque ante diem peti possint, neque antequam conditio extiterit, debeantur. Quævis est harum adjectionum, §. 2. *inf. de verbor. obligat. l. cedere diem 213. de verb. signif. l. existimo. 98. de verbor. obligat.* At constituere servitutem est actu eam imponere, & efficere, ut jam sit quæsitæ prædio, §. *præc. l. 1. §. 1. comm. præd.* Quid vero Papinianus? Nun ait, servitutem ex die aut sub conditione promitti non posse, sed non posse ipso jure constitui ex die aut sub conditione; id est, ut recte loam, apud Accurs. sic constitui, ut statim sit constituta & prædio acquisita; sed adjecta die aut conditione, in quæ usus servitutis & vindicatio differatur. Quod certa ratione juris efficitur; nam cum servitus semel prædio acquisita est, fieri non potest, quin à domino prædii jure vindicetur, *l. 1. si serv. vind.* Cæterum ex æquitate juris prætorii est, quod placitum ope exceptionis servetur. Fefellit Bachovium, quod putavit, si quid præter pactionem aut promissionem ad constituendam servitutem desiderari posset, id esse solum usum ejus, cui constituitur, & patientiam constituentis: quibus sane in specie à Papiniano proposita locus esse non potest, cum sint contradictoria, usu servitutem constitui, & usum servitutis differri. Sed nos jam ante ostendimus, etiam aliis modis ad conventionem accedentibus servitutem posse constitui & prædio acquiri, per inductionem scilicet in fundum servum, & cessionem; qua cum veteres fere semper usi sint in constituendis servitutibus, hoc ipsum satis argumenti est, sola conventionem constitui & imponi non potuisse. *add. Conan. 4. com. 8. Don. 11. com. 10. Paul. Buf. ad d. l. 4.*

[*Hæredem suum damnare, ne altius tollat, &c. vel ut patiat, &c.*] Hæc descripta sunt ex Gajo *l. potest, 16. com. præd.* Legati damnationis meminit, non quod servitus per vindicationem legari nequeat, contrarium enim docet *tit. de serv. leg.* sed aut exempli causa, aut quia servitutes omnes per damnationem legari possunt, per vindicationem non item: neque enim quæ in non faciendo positæ sunt, per vindicationem legari posse videntur, veluti ne hæres altius ædes tollat, ne luminibus vicini officiat. His autem verbis, *ne tollat, ut patiat, ut patiat, ut patiat*, expressit naturam & substantiam servitutum, quæ dominum harum rerum consistit in altera, vel ut alius aliquid in suo non faciat, vel ut aliquid in suo fieri pa-

tiatur, *l. quotiens 15. §. 1. de serv. de quo dictum sub rubr.* Recte fecisset Tribonianus, si hic aliquid subjecisset de amissione servitutum, juxta præscriptum *l. ult. de legib.* quod observavit in usufructu *tit. seq. & passim in hoc libello.* Suppleamus ergo quod hic deest. Amittitur servitus primum soluto jure auctoris, verbi gratia, si rei sub conditione legatæ imposita sit, & conditio extiterit, *l. 11. §. 1. quemad. serv. am. l. si fundus 105. de cond. & dom.* Item si prædio emphyteuta aut vassallo, & quo casu hæc prædia ad dominum redeant, *c. 1. §. quid ergo de invest. de re al. fact. in usib. Feud.* quippe rei soluto jure dantis resolvitur jus accipientis, ut rotatur in *l. 31. de pign.* Amittitur secundo remissione, tum aperta; *l. 14. §. 1. de serv. tum tacita; puta si permiserit domino fundi servientis in loco serviente id facere, quo servitus impediat, l. 8. quem serv. am.* Tertio amittitur confusione, cum prædia confusa sunt, sive cum ideam utriusque prædii dominus esse coeperit, *l. si quis 30. de serv. præd. urb.* Quod si partem tantum prædii nactus sim, quod mihi aut cui ego serviam, placet servitutem non confundi, *l. una 18. l. via 23. §. ult. de serv. præd. rust. & l. par. de serv. n. 9. Cantuanc. hic.* Sed & si cum mihi per plurium fundos servitus deberetur, unum tantum atque alterum, non omnes acquisiero, servitus per cæteros retinetur, *l. si cum 15. quem serv. am.* Postremo finitur etiam non utendo; si videlicet nemo servitute usus sit, neque is, cui debetur, neque possessor prædii dominantis, amicusve aut hospes; &c. *l. usi 20. eod. aut si quis loco quidem usus sit, sed non jure servitutis; aut jure quidem servitutis, sed non servitute constituta, l. 10. & seq. l. si quis 18. l. ult. eod.* cæterum ita, si nemo usus sit per constitutum continuum tempus, *l. 7. eod. l. 6. de serv. præd. urb.* quod tempus est decem vel viginti annorum, *l. 13. C. de serv.* Enimvero si servitutis usus continuum aut quotidianum tempus non habeat, fortè quia alternis annis aut mensibus constituta est, duplicato constituto tempore non utendo amittitur, *d. l. 7. id est, adversus presentes 20. annis, adversus absentes 40.* Idemque & in longioribus intervallis pro ratione & facultate utendi statuendum. Quicumque vero aut nostro aut prædii nomine usus sit, possessor, mercenarius, hospes, amicus, colonus, fructuarius, tenebimus servitutem, *d. l. usi 20. & 4. seq. quem serv. am.* Ad urbanarum servitutum amissionem etiam aliud præterea requiritur: has enim placet non aliter perire non utendo, quam si vicinus simul libertatem ædium suarum ufuceperit: veluti in servitute altius non tollendi, si per statutum tempus altius sublatum habuerit ædificium, & insuper ipse per idem tempus ædes possederit, *d. l. 6. de serv. præd. urb.* Hoc ita tam variè, quia cum rusticarum usus positus sit in solo

exercitio & facto ejus, cui debentur, solum quoque ejus non usum placet sufficere ad amittendam tempore servitutem, Contra urbanæ quia nihil exercitii habent, sed in sola ejus, qui debet, patientia consistunt, non utendo, amitti nequeunt; ideoque non

sufficit, sublatum esse opus, quod servitutis retinendæ causa habebatur, nisi simul is, qui servit, hac occasione utens ad libertatem rei suæ usurpandam aliquid contra servitutem molitur in suo, ut eleganter D. Conman. 4. comm. 12.

TITULUS IV.

De Usufructu.

D. lib. 7. t. 1. C. lib. 3. t. 33.

Continuatio. Varia servitutum personalium species: summa eorum, quæ hoc tit. tractantur.



Actenus de servitutibus rerum sive prædiorum: sequuntur servitutes personarum, sic dictæ quia sunt jura personæ in aliena re constituta: si quidem ex re, cui servitus debetur, distinctio ista servitutum petita est, ut ostendimus initio tit. præc. Species servitutum personalium multæ sunt & variæ. Etenim sciendum est, etiam jura, quæ natura sua realia sunt, ita constitui posse, ut ex ea constitutione personæ tantum acquisita esse intelligantur; veluti si in constituendo persona demonstrata sit cui soli ea præstentur; l. 4. de serv. præd. rust. l. Mela. 14. §. ult. de alim. leg. vel si constituta sint ei, qui prædium non habet, aut non habet vicinum, Sed & servitus personæ constitui potest, ut pomum decerpere, ut spatium, ut cœnare in alieno liceat; quanquam prædii non potest, per l. quoties 15. in fin. de servit. l. 5. §. & belle de op. nov. nunc. l. 1. §. præterea 12. & l. 3. pr. de aqua cottid. d. l. Mela. in fin. de alim. leg. Coras. Duar. Costal. ad l. 8. de serv. Hotom. 8. obs. 20. Cyn. ad rubr. C. de usufr. post Pet. & Hugalin. Glossatores, ut ut D. Cujac. 24. obs. 22. id neget, & ejusmodi passionibus non servitutem aliquam constitui & acquiri, accedente licet patientia constituentis, sed nudam ac simplicem obligationem, ut patiaris me in tuo ea facere, asserat, secutus Gloss. Bart. Castr. in d. l. 8. de serv. Cæterum hæc & similes servitutes personales innominatæ sunt & irregulares: nisi eas ad usum referas ad certum modum constitutum, cum D. Donell. 11. comm. 1. Nominatarum autem & vulgarium tres duntaxat species sunt; usufructus, usus, & habitatio. Operæ enim servorum vix est, ut servitutibus personalibus adnumerari possint: tum quia non ex persona ejus, cui debentur, sed ex persona operarii æstimantur; hoc est, ex persona ejus, qui eas præstat, aut stant aut intereunt: l. 2. de oper. serv. l. 2. de usufr. leg. quod & nomen operarum satis ostendit; tum quia non juris sunt, ut vindicari pos-

sint, sed totæ in actu & ministerio hominis consistunt, l. 1. d. tit. de op. serv. Hotom. illust. quæst. 4. 1. Cujac. 7. ad African. ad l. quæsitum 37. hoc tit. de usufr. Cæterum in plerisque usum vel usufructum imitantur: l. 3. 4. 5. de op. serv. l. 2. de usufr. leg. l. 5. §. ult. usufr. quem cau. Ex tribus autem istis, quas dixi, princeps species est usufructus: deque eo solo hoc titulo agitur; de usu & habitatione tit. seq. Quatuor autem hic ordine exequitur Imp. Primum docet, quid sit usufructus; deinde quibus modis constituatur; tum quibus in rebus consistat; postremo quibus modis finiat.

TEXTUS.

De finitio usufructus.

Usufructus est jus alienis rebus utendi fruendi, salvaverum substantia. Est autem jus in corpore, quo sublato & ipsum tolli necesse est.

NOTÆ.

Alienis rebus] Hoc commune est omnium servitutum, nemini enim res sua servit, l. 5. pr. si us. per. l. 26. P. V. Habet quidem & dominus jus utendi re sua, sed non separatim à jure dominico.

Quo sublato] Vel ita mutato, ut in alienam speciem & nomen transierit, l. 5. §. 2. 3. & l. seqq. quib. mod. us. am. Sumpta hæc ex l. 1. & 2. ead.

COMMENTARIUS.

1. Quid in definitione proposita verbo juris significetur.
2. Quid fructuario tribuat tum jus utendi, tum jus fruendi.
3. Quid juris sit, si fructuarius nondum perceptis fructibus, aut mercede locationis nondum soluta decesserit, remissivè.

4. *Colonium, creditorem ἀντιχρῆσθον, legatarium proventus annui, jus ad rem tantum, non in re habere.*
5. *Ususfructum formalem semper esse in re aliena: & quo sensu dicatur in multis pars esse dominiis,*
6. *Neque maritum, neque heredem fiduciarium, neque emphyteutam definitione contineri.*
7. *Quid his verbis definitionis, salva rerum substantia, indicetur.*
8. *In fructu non esse, quod non percipitur ex eo usu, ad quem res parata est.*
9. *Cantionem fructuariam à testatore remitti non posse: ab herede posse, & quid si fructuarius propter inopiam fidejussorem invenire non possit.*
10. *Quid sibi velit, quod dicitur, sublato corpore usumfructum tolli.*

J*Us alienis rebus utendi fruendi, &c.]* Ex Paulo l. 1. hoc tit. Ait, est jus. Hoc sic nonnulli accipiunt, quasi dixisset, est servitus personalis, ut definitio contineat genus proximum definiti. Sed parum considerate. Etenim inconcinna & inepta est ista locutio, si dixerò usumfructum esse servitutem utendi fruendi re aliena: quippe cum servitus sit in serviente, uti autem & frui ejus sit, cui servitus debetur, & actio servituti contraria. Jus vim agendi, servitus patiendi significationem habet. Animadvertere debuerant, servitutes omnes jura dici & definiri solere, respectu ejus cui constitutæ sunt, tanquam personæ primariæ in hoc jure; atque eodem respectu etiam usumfructum definiri, habita scilicet relatione ad fructuarium: verbum quoque juris adjungi verbo faciendi, quod cum sit, in usu perpetuo juris, & omnium Latine loquentium, facultatem & potestatem eo vocabulo significari. Nec metuendum est, ne hac significatione admissa definitio non reciprocetur cum re definita: nam potestatem hanc sive jus sequentia definitionis verba sic temperant, ut jura affinia satis hinc removeantur: & porro ex locis, ubi hæc definitio traditur, serieque tractationis, sponte intelligitur, subaudiri oportere, jus hoc ex constituta servitute competere, & personæ fructuarii coherere.

Utendi-fruendi] Forma & finis. Duo autem hæc ferè conjungi solent, *uti frui*, licet fructui usus insit, nec intersit, fructus, an ususfructus legatur, l. per servitum 14. §. 1. de usu & hab. l. antepen. de usufr. leg. nisi corpus, non jus demonstrare volumus, l. vacce 43. de ervit. His autem verbis à fructuario removetur jus omne in rem, præter usum & fruitionem, rei fructuariæ alienatio, mancipiorum manumisso, proprietatis oppignèratio, l. 6. l. 9. C. hoc tit. Jus utendi hoc tribuit fructuario, ut rem fructuariam tractare & exercere possit ad usum & commoditatem suam, [ut tamen ad faciat secundum rei conditionem, eamque

exerceat ad eum usum, ad quem natura aut patrisfam. instituto parata est. Etenim ædibus ut ædibus utendum ad inhabitandum, fundo ad fructum capiendum, servis ad operas, vestimentis ad induendum, cæteris rebus secundum suam naturam, extra quam qui utitur, abutitur: quod latius explicatur l. 13. §. ult. l. 15. §. 1. & seqq. eod. Jus fruendi ei hoc tribuit, ut fructus omnes percipere possit, & percipiendi sibi acquirat, non naturales tantum, qui ex re fructuaria proveniunt, sive spontè sive opera fructuarii; verum etiam civiles qui per causam rei obveniunt, puta pretium venditionis, vecturas, mercedes locationis, &c. In summa, omnis reditus, omnis obventio, omnis utilitas, commodum omne, quod vel ex ipso corpore sive re fructuaria, vel occasione ejus percipitur, fructuarium sequitur, l. 7. l. 9. l. arbores 59. §. 1. hoc tit. l. 13. quib. mod. us. am. l. qui seir. 25. l. in pecundum. 28. de usur. Atque hinc rectè colligunt DD. usufructu castri sive jurisdictionis concessio, posse usufructuarium antiquas investituras renovare: Menoch. lib. 1. cons. 66. ad eum pertinere multas & pœnas pecuniarias, emolumenta sigilli officialium: Schneid. ad §. 1. hoc tit. Molin. ad consuet. Paris. §. 1. Gloss. 1. n. 51. Ioan. del. Castill. tract. de usufr. c. 36. n. 29. post Bart. las. & alios antiquos, legato usufructu universitatis bonorum, cui jus patronatus annexum sit, jus præsentandi fructuario competere: Menoch. d. cons. n. 6. Molin. d. loc. n. 3. Castill. d. cap. 36. n. 35. ad usufructuarium proprietatis pertinere non tantum canonem annum, sed etiam, si stante usufructu res emphyteutica alienata sit, laudemium, Clar. §. emphyteusis quest. 23. n. 5. Chass. ad consuet. Burg. rubr. 4. §. 6. n. 8. Castill. d. cap. n. 45. Et secundum hos, ipse aliquando ex facto consultus respondi, miratus Bachovium, qui hoc axioma damnat, ut impossibile, ut dictu & audiri absurdum, not. ad Trentl. vol. 1. disp. 16. thes. 11. Sed & apud nos à supremo Senatu judicatum est, bonorum omnium usufructu legato, etiam reditus vitalitios, tanquam fructus, lucro fructuarii cedere debere, teste D. Iacobo Coreno observ. rer. à supr. Sen. jud. 7. Cæterum quod alibi dictum, hoc loco repetendum est, fructuarii non aliter fructus fieri, quam si ipse eos perceperit, aut alius ejus nomine: & ideo si maturis fructibus, nondum tamen perceptis, decesserit, heredem jus in iis, qui terra tenentur, nihil juris habere, §. si vero 36. sup. de rer. div. l. 13. quib. mod. us. am. l. 8. de ann. leg. An vero idem & in civilibus fructibus, puta usuris, mercedibus locationis, obtinere debeat, ut scilicet fructuario ante diem, qui solvi debeant, mortuo, nihil ad heredem ejus pertineat; an pro rata temporis, quo usufructus stetit inter heredem ejus & proprietarium dividi debeant, dixi sub d. §. si vero. De commodis, quæ fructuarium sequuntur, qui plura nosse desi-

desiderat adeat *Don. 10. comm. 7. & 8. Castill. cap. 36. & 37. tract. de usufr.* Habet & colonus, & creditor *ἀντιρροδοίς*, facultatem utendi fruendi re aliena? ceterum illi jus tantum habent ad rem, & in personam locatoris aut debitoris, hoc est, locatorem & debitorem ex contractu tantum sibi obligatos, habent ad hoc, ut præstent uti frui licere: unde & iis actio eo nomine in personam duntaxat competit; colono, ex conducto, *l. 15. locat. creditor in factum l. 11. §. 1. de pign.* Jus autem in rem, & quod proprium eorum dici possit, de quo hic quæri constat, nullum habent: quippe quod non acquiritur, nisi traditum ex justa causa, ex qua & dominium transferretur, cuiusque tuendi & oblinendi causa ad exemplum dominii vindicatio seu confessoria in rem actio prodita est, *§. 2. inf. de act.* Eadem & de legatario provenus annui dici possunt. Sed & hic ipse non fruitur, sed per manus hæredis redditum accipit, *l. fundi 38. de usufr. leg. l. liberto pr. de ann. leg. Flotom. 1. illust. 24. Castill. d. tr. cap. 4. & 5.*

Rebus alienis Materia. Estque hoc commune omnium servitutum, ut sint in alieno: neque enim res sua ulli servit, *lin re 26. de serv. præd. urb. l. 3. si usufr. pet.* Recte, inquis: at non ideo recta definitio, cum non omnis usufructus servitus sit, & in re aliena. Duo enim, inquis, sunt genera usufructus. Est quidam separatus à proprietate, quem quod per se consistat, & formam propriam habeat, separatam à proprietate, formalem Glossa & DD. vocant: est & alius, conjunctus cum proprietate, qui quia competit ex causa proprietatis, causalis vulgo appellatur. Quæ genera indicantur in *l. si cum argumens 21. §. 3. de exc. rei jud. l. 5. si usufr. pet. l. qui usufr. 58. l. si ita 126. §. 1. de verb. obl.* Illum quidem dices habere eum, qui dominus non est, in re aliena: hunc autem habere dominum in re sua: ac proinde non posse non vitiosam esse definitionem, quæ minus contineat, quam definitum, videlicet alterum genus duntaxat, usufructum formalem, Hæc obiectio ne quem moveat, observandum est, verbo usufructus simpliciter aut absolutè enunciato in toto ferè jure, & maximè in quæstione & tractatione de servitutibus, eum solum intelligi, qui à proprietate separatus est, non eum, qui alicujus est jure proprietatis; formalem, non causalem; cum, qui servitus est, non qui pars est juris dominici; quemadmodum appellationibus itineris, actus, viæ, aqueductus, tunc solum in jure utimur, cum ista per se habentur sine jure proprietatis: atque ex hoc usu definitionem ita conceptam esse, ut formali tantum conveniat, qui ut solus servitus est, ita & in re aliena solus habetur. Neque verus ista & magistralis distinctio usufructus informalem & causalem, vera est & genuina generis in species divisio, neque pro ea à

DD. venditur, sed potius distinctio nominis *πλοσμήν* in sua significata. *vid. Wes. par. hoc tit. n. 4. Castill. de tract. c. 1. n. 16. Pinel. in l. 1. C. de bon. mat. part. 1. n. 10. Gomès. 2. ref. 15. num. 2. & 3.* Quod si porro quis urgeat, & usufructum etiam separatum in re fructuarii esse contendat, quia pars domini dicitur: *l. 4. hoc tit.* in promptu responsio est, partem dici, non quod revera pars sit, cum sit servitus, *l. recte 25. de verb. sign.* sed quia in multis casibus, quod exprimit *Paul. d. l. 4.* vice partis fungitur, eodemque jure, quo dominium censetur, propter emolumentum, quod continet, *l. Meruius 66. §. fundo 6. de legat. 2.* & nimirum dictum hoc accipiemus per comparationem cæterarum servitutum, quæ cum dominio tantam affinitatem non habent. Eo pertinet, quod in venditione bonorum etiam usufructum venire *Ulp. scribit*, quia appellatione domini fructuarius quoque contineatur, sententia scilicet edicti; *l. 8. p. de reb. auct. jud. poss.* quod fructuario de damno infecto caveatur, *l. 13. §. superficarium 8. de damni. inf.* quod ad eum pertineat interdictum unde vi; *l. 3. §. unde vi interdictum 13. de vi & vi arm.* quod usufructus pro parte divisa vel indivisa constitui potest, *l. 5. h. tit.* Sensit hoc Glossa in *d. l. 4.* Latius explicuit *D. Connan. 4. comm. 6.* Postremo ut demus, usufructuarium respectu juris, quod habet, vere dominum dici posse, semper tamen in re aliena jus suum exercet. Quamobrem neque maritus, neque hæres fiduciariorum, neque emphyteuta definitione continentur: quippe quorum omnium res ipsa propria est; quæ illi utuntur jure domini, quod habent, non jure usufructus à dominio separati Maritum verum esse dotis dominum, quamdiu constat matrimonium, infinitis locis traditum est, *inf. quib. alien. lic. in pr. l. si prædium 13. §. 2. de fund. dot. l. 7. §. si res. de jur. dot. l. si prædium 23. C. deod.* Hinc & rei dotalis vindicatio marito tributa, *l. doce. C. de rei vind. & mobilium quoque alienatio, l. 3. §. 2. de suis & legit. l. 3. C. de jur. dot. auth. si ve à ma. §. 1. C. ad sen. Vell.* Hæres quoque, qui rogatus est aliquid ex die aut post mortem suam restituere, interim ejus rei dominus est, non fructuarius, *l. species 15. de aur. arg. leg.* tantum quia cedente die fideicommissi restituenda est, ideo de ea tanquam aliena nonnunquam juris conditores loquuntur, ut Justinian. *l. ult. §. sed quia C. comm. de legat. sicur & de re dotali*, quia & maritus temporale dominium habet, soluto matrimonio ad mulierem reversurum, *l. 7. §. si fundum 12. in fin. sol. matr. l. in rebus 30. C. de jur. dot.* De emphyteuta major potest esse dubitatio propter dominium directum, quod alius habet: sed hoc non obstat, quo minus & proprietates quædam in re emphyteutica, ratione emphyteutæ considerari possint, ut & potest in re feudali respectu vassalli, *2. feud. tit. 43.* & argumento est, quod emphy-

phyteuta potest uni seorsum usumfructum rei emphyteuticæ legare, alteri deducto eo proprietatem, l. 1. pr. quib. mod. us. am. Ioan. del. Castill. tract. de usufr. c. 39. n. 10. & 1. Quid quod emphyteuta etiam ipsum fundum emphyteuticum alteri vendere, donare & obligare potest; servitutes ei imponere, & quidvis in eo extruere; contra ipsum quoque directum dominum in rem agere, non dico de jure separato, ut fructuarius in rem confessoria, sed de re ipsa l. 1. & 2. si ag. vect. ut plus etiam juris emphyteutæ, quam domini in ipsa re habeant: quam ob causam etiam domini prædiorum emphyteuticorum appellantur, l. possessores 12. C. de fund. patrimon. lib. 11, emphyteutæ similis est superficiarius, l. 1. de superfic. d. l. 1. quib. mod. us. am.

Salva rerum substantia] Id est, si Theophilo & Giphano credimus, quamdiu res salvæ manserint. Ego vero hoc amplius hac adjectione proprium, seu modum indicari arbitror, ut intelligamus, fructuarium ita uti & frui debere, ut rem salvam servet, domino: ac proinde hac clausula fructuarium prohiberi tum rem consumere, causamve proprietatis deteriore facere, tum in aliam formam rem transmutare. Finge igitur, ovium usumfructum relictum esse; non debet fructuarius eas occidere, ut carne vescatur: hoc enim pugnat cum natura ususfructus. Cui fundi ususfructus legatus est, non debet arbores frugiferas excidere, neque villam diruere, nec quicquam facere in perniciem proprietatis, l. 13. §. fructuarius 4. hoc tit. Sed & si agrum non proscindat, vites non subferat, aquæductus corrumpi pariat, non intelligitur salva substantia re uti, d. l. 13. §. 2. Aedium usufructu legato non mutabit diætas vel atria, non diruet & ædificabit nova, d. l. 13. §. sed si ædium 7. nec si meliorem domini causam faciat, l. 7. in fin. l. 8. usufructuarius 44. eod. Nam quod traditum est, posse fructuarium causam proprietatis meliorem facere, d. l. 13. §. 4. hoc sic temperandum est, dum id faciat excolendo quod invenit, qualitate rei non immutata, d. l. 13. §. sed si ædium. D. Diod. Tuld. c. 4. hic. Illud quoque quod superius leviter attigimus, explicatius considerandum est. Diximus, semper in usufructu usum inesse, l. 14. §. 1. de usu & hab. eumque, qui non secundum rei conditionem re utitur, non uti, sed abuti, l. sed si quid 15. §. 1. hoc tit. Hoc autem eo pertinet, ut intelligamus, eum, qui sic utitur, ne rectè quidem frui, nec in fructu esse, quod non percipitur ex eo usu, ad quem res parata est. Hinc igitur fructuarii non erunt partus ancillarum, l. vetus 68. eod. §. in pecundum sup. de rer. div. l. in pecundum 28. de usufr. non enim ancillæ ad hoc habentur, ut pariant, sed ut serviant, l. ancillarum 27. de her. pet. Non pertinebunt ad fructuarium arbores grandes & frugiferae, l. 11. l. 13. §. 4. hoc tit. nimirum

quia non habentur, ut succidantur, sed vel ad fructum ferendum, vel ad ornatum umbræ præstandam. Hinc denique est, quod sylvam non cæduam, aut quæ ut cædua à domino habita non est, fructuarius cædere non potest, l. 9. §. ult. eod. quamvis materiam ex ea succidere ad villæ refectionem, & pedamenta in viciniam fumere non prohibeatur, l. 10. l. 12. in pr. eod. ubi latè D. Paul. Buss. Ut igitur dominus securus esse possit de proprietate, desiderante eo fructuarius cavere cogitur, & usum fructus boni viri arbitratu, & cum ususfructus ad eum pertinere desinet, restitutum, quod inde extabit, d. l. 13. in pr. l. 1. & tot. tit. usufr. quem cau. quæ cautio satisfactio est, d. l. 13. l. 4. C. eod. l. 7. & ult. usufr. quem cau. l. 8. §. tutor. qui satisf. cog. & ad omnem usumfructum omnemque fructuarium (excepto parte fructuario adventitiorum, l. 6. §. non a. l. ult. §. fin. 4. C. de bon. quæ lib. item fisco: per l. 1. §. si ad fiscum 18. ut. leg. nom. cau. & casu l. 9. §. 2. usufr. quem cau. & donatore omnium aut partis honorum revento usufr. per l. 19. §. 1. de re jud. cum simil.) pertinet, d. l. 13. hoc tit. d. l. 1. §. 1. & 2. l. 9. §. 1. usufr. quem cau. In tantum, ut nec à testatore remitti possit, l. 7. C. ut in poss. leg. decis. Cur. Holl. 20. Christin. vol. 2. decis. 175. n. 7. & seqq. ne scilicet amore cautionis metu fructuarius inviteatur ad delinquendum & pro libidine sua in re fructuaria grassandum: sententia ac ratio communis, Vid. Clar. §. testam. quæst. 64. Gail. 2. obs. 145. Ioan. del. Castill. tract. de usufr. cap. 15. Qui etiam aliam rationem affert, quod remissio illa quodammodo cum natura ac sine ususfructus legari pugnare videatur. Illud eodem loco idem rectè notat remissione cautionis facta à testatore non vitari ipsum legatum ususfructus, sed eam pro non scripta habendam esse, per l. 6. ut in poss. leg. Quod si cautio à testatore remitti non potest, nec poterit confessio inventarii, quæ est necessarium cautionis antecedens, Castill. d. loc. post DD. com. Planè ut cautio ab hærede remitti possit, rationis est, Accurs. Cyn. Bart. Salic. Sichard. ad l. 1. C. hoc tit. Pin. in l. 1. C. de bon. matern. p. 2. num. 76. Gail. d. obs. 145. Castill. d. loc. num. 16. Christin. de decis. 175. Putarem tamen, remissionem non ob stare hæredi, quominus cautionem postea ex causa exigat, ut hæc remissio tacitam in se habeat conditionem, si rectè utatur fructuarius; eoque jure utimur. Quod si fructuarius cavere non possit, eo quod propter inopiam fidejussorem idoneum non inveniat, an non humanum est eum admitti oblata cautione jurator? aut si eo modo non satis prospectum videbitur proprietario, an non res fructuaria apud virum bonum sequestranda est, aut eam retinere proprietarius poterit, qui contra fructuario rectè caveat, ne pereat ultima voluntas defuncti? Plerum in magna

varietate eorum sententia, qui totam hanc rem boni iudicis arbitrio permittendam censent, qui ex personis & re, de qua agitur, tum facultatibus fructuarii dispiciat & constituat, quid in proposito debeat fieri, utrum cautio juratoria à proprietario recipienda, (ad quod tamen non facile eum compellet) an vero apud virum honestum res deponi, vel apud ipsum proprietarium remanere debeat: ut in omnem eventum & proprietario satis consultum sit, & fructuarius commodum percipiat, quod eum percipere omnimodo testator voluit. Licebit hic usurpare illud Ulpiani in l. 2. §. item Varus §. in fin. de aq. pluvi. arc. Hoc equitas suggerit. & si jure deficiamus, add. Castill. de tr. 18. num. ult. Gail. 2. obs. 47. Myns. 6. obs. 48. Fach. 8. contr. 40. Wesemb. par. usufr. qu. ca. n. ult. Merend. §. contr. 47. Christin. d. decis. n. 13. & seqq. Sunt & alia onera, quæ fructuario incumbunt, puta si quid reficiendum sit, ut facta testata præstet, cum distinctione tamen, quæ est in l. 7. §. 1. hoc tit. ut animalia ægrota curet, gregem ex agnatis capitibus suppleat, in locum arborum demortuarum alias substituat: rectè enim colere & quasi bonus paterfamilias debet: quod & ipsum cautione fructuaria continetur, vid. §. sed si gregis 38. sup. de rer. div. Hoc amplius etiam onera prædiorum agnoscere cogitur, ut tributa, vestigalia, pensitationes, quæ prædiis imponuntur, l. 7. §. 2. l. si pendentes 27. §. 3. hoc tit. vid. Castill. d. tract. cap. §. 6. & seq. Christin. vol. 2. decis. 176. num. 1. & 2.

10 *Est autem jus in corpore, quo sublato*] Sublatum hic accipimus, non omnino quod penitus & totum perit, sed quod esse desiit id, quod ante fuit, cujus pristina facies mutata, quod ita vel ampliatum vel minutum est, ut in aliam speciem & nomen transierit, l. 5. §. pen. & deinceps, usque ad l. 13. quib. mod. us. am. Quod si totum corpus tollatur, ne dominium quidem proprietatis remanet. De mutatione rei fructuariae plenius disputamus ad §. 3. hoc tit. in calce.

TEXTUS.

Quibus modis constituitur.

1. *Ususfructus à proprietate separationem recipit, idque pluribus modis accidit: ut ecce, si quis usumfructum alicui legaverit: nam heres nudam habet proprietatem, legatarius verò usumfructum. Et contra, si fundum legaverit deducto usufructu, legatarius nudam habet proprietatem, heres vero usumfructum. Item alii usumfructum, alii deducto eo fundum legare potest. Sine testamento ve-*

ro si quis velit usumfructum alii constituere, pactionibus & stipulationibus id efficere debet. Ne tamen in universum inutiles essent proprietates, semper abscedente usufructu, placuit certis modis extinguere usumfructum, & ad proprietatem reverti.

COMMENTARIUS.

1. Quot & quibus modis usufructus constituitur, & à proprietate separatur.
2. Ad constitutionem & acquisitionem usufructus solam pactionem non sufficere, sed requiri etiam traditionem seu factum aliquod traditionem representans: testamento autem constitui ipso jure.

Pluribus modis] Ususfructus non uno modo à proprietate separatur, & alteri acquiritur. Nam & à lege quibusdam personis constituitur, ut patri in bonis filii adventitii, l. 6. l. ult. C. de bon. quæ lib. §. 1. inf. per quas pers. item patri emancipatori in parte dimidia bonorum adventitiorum filii emancipati, d. l. 6. §. 3. C. & §. 2. d. tit. & à iudice in judiciis familie eriscundæ & communi dividundo, per adjudicationes scilicet & condemnationes, si res divisionem commodè non recipiant, l. 6. §. officio. 10. comm. div. l. & puto. 16. §. 1. fam. arc. l. 6. §. 1. hoc tit. junct. §. 4. & §. inf. de off. jud. usu quoque nostro & longa quasi possessione, sicut reliquæ servitutes, & usufructus nobis acquiritur, veluti si quis non dominus usumfructum nobis vendiderit, nos cum per legitimum tempus possederimus, l. ult. in fin. C. de præscript. long. temp. Hic duos tantum modos recenser Imp. eosque ipsos, quibus servitutes prædiorum constitui dixit in calce præced. tit. ultimam voluntatem, & stipulationes pactionesve.

Ut ecce] Formas legandi, quibus usufructus constituitur, & à proprietate separatur, tres perspicue explicat: in quibus notandum, verba illa (*deducto usufructu*) non esse otiosa, sed expressa consuleo, ut & in d. l. 6. hoc tit. l. 4. si usufr. pet. Nam si uni usufructus, alteri fundus simpliciter legeretur, nominatim, non expresso (*detracto usufructu*), ambo in usufructum concurrent, l. si alii 19. de usufr. leg. l. 6. de usufr. ear. rer. Neque obstat, quod traditur d. l. & puto. 16. §. 1. fam. arc. si iudex alii fundum, alii usufructum adjudicaverit, non communicari usufructum: nam in judiciis divisiis hoc agitur, ut à communione discedatur, l. 1. eod. tit. Sed etsi uni usufructus, alteri nuda proprietas legata sit, nemo, opinor, dixerit, usufructum communicari. Ac ne illud quidem morum nostrorum simpliciterati convenit, quod in d. l. 19. de usufr. leg. traditur, si testator alii fundum, alii usufructum

eiusdem fundi legaverit, usumfructum contra mentem testatoris communicari, *Grænev. ad d. l. 19. præf. de ll. abrog. Autumn. conf. jur. ad d. l. 19. Cyprian. cens. Belg. hic.*

Pactionibus & stipulationibus] l. 3. pr. cod. *Vid. sup. 2 §. ult. tit. præc.* Pactionibus autem non nudis, sed vestitis, ut magistri loquuntur, iisque, quæ idoneæ sunt ad dominium ipsum transferendum, cuiusmodi sunt emptio, permutatio, donatio. Potest ergo quisque dominus usumfructum rei suæ alteri vendere aut donare cedereve nuda proprietate retenta; aut rei nudam proprietatem retento usufructu, l. quod nostrum 63. cod. l. quisquis 28. C. de donat. potest & uni vendere vel donare usumfructum, deinde alteri proprietatem, quam retinuit. Cæterum etiam nuda pactione ususfructus recte constituitur, si ea contractui vel conventioni legitimæ, aut traditioni divisionive in continenti adjiciatur, d. l. 28. C. de don. l. Seia, 42. de mort. caus. don. cod. arg. l. cum essent 33. de serv. præd. rust. l. venditor. 13. com. præd. l. in traditionib. 48. de pact. Quod autem de servitutibus prædialibus diximus, eas non acquiri pactionibus solis sine facto aliquo, quod traditionem repræsentet, hoc non minus ad acquisitionem ususfructus pertinet, l. 5. de serv. l. 3. hoc tit. l. 3. de obl. & act. arg. l. traditionibus 20. C. de pact. Nam in universum tenendum est, quibus in causis ad rem corporalem acquirendam requiritur traditio, in iisdem & ad res corporales acquirendas requiri, quatenus fert earum rerum natura: ut in proposito traditus ususfructus intelligitur, si dominus, à quo est, usufructuarius inducat in fundum, eumve patiat uti frui, d. l. 3. hoc tit. Testamento autem constituitur ususfructus ipso iure, ut hic ad acquirendum jus in re, & vindicationem, non desideretur traditio hæredis, sed nuda voluntas sufficiat testatoris. Quod jure quidem veteri obtrinebat duntaxat, cum ususfructus legatus erat per vindicationem: nam per damnationem legatus factio hæredis præstabat, teste Paulo 3. sent. 6. at hodie idem utriusque legati effectus post exæquationem juris omnium legatorum, §. 2. inf. de legat. l. 1. C. comm. de leg. Ex quo apparet, Tribonianum incuria quadam actionem personalem cum confessoria confudisse, l. pen. C. hoc tit. quod & locus ipse palam arguit. De legato per damnationem usufructu, accipe l. 3. hoc tit. l. 2. usufr. per. de legato per vindicationem, l. 34. §. pen. de legat. 1. l. 10. l. si quis 29. de us. leg. l. sed & qui. 25. §. ult. hoc tit. l. un. §. 2. qu. di. leg. add. Pinel. part. 2. l. 1. C. de bon. mar. n. 62. Castill. 3. præf. de usufr. c. 9.

Placuit certis modis extingu] Negligitur hic iterum à Triboniano lex methodi, nisi *ἡ ἀλλήλως* est, eo quod separato ita usufructu inutilis & ridicula

videri poterat proprietas, cum paria sint, non habere dominium, & habere inutile. Transcripsit autem hic locus est ex Cajo l. 3. §. 2. hoc tit.

T E X T U S.

Quibus in rebus constituitur.

2. *Constituitur autem ususfructus non tantum in fundo & ædibus, verum etiam in servis, & jumentis, & cæteris rebus: exceptis iis, quæ ipso usu consumuntur. Nam hæ res neque naturali ratione, neque civili recipiunt ususfructum: quo in numero sunt vinum, oleum, frumentum, vestimenta: quibus proxima est pecunia numerata: namque ipso usu assidua permutatione quodammodo extinguitur. Sed utilitatis causa Senatus censuit, posse etiam earum rerum ususfructum constitui, ut tamen eo nomine hæredi utiliter caveatur. Itaque si pecuniæ ususfructus legatus sit, ita datur legatario, ut ejus fiat, & legatarius satisfat hæredi de tanta pecunia restituenda, si morietur aut capite minuetur. Cæteræ quoque res ita traduntur legatario, ut ejus fiant: sed æstimatis his satisfatur, ut, si moriatur aut capite minuatur, tanta pecunia restituatur, quantum hæ fuerint æstimate. Ergo Senatus non fecit quidem earum rerum ususfructum, (nec enim poterat) sed per cautionem quasi ususfructum constituit.*

N O T A.

2. *Vinum, oleum*] Harum rerum non usus, sed abusus est. Boër. in top. lib. 2. *Vimur his, quæ nobis utentibus permanent: his verè abutimur, quæ nobis utentibus pereunt.*

Quodammodo] Expendendo & alienando: ita pecunia perire dicitur apud Corn. Nep. in Themist.

De tanta pecunia restituenda] Clausula cautionis fructuariæ de utendo boni viri arbitratu, l. 1. us. quem cas. ad quasi usufr. non pertinet: & absurdum esset, rei dominium talem cautionem præstare.

Si moriatur aut capite min.] Non aliis modis quasi usufr. extingu potest, l. 7. l. 10. d. f.

Sed æstimatis] Aut cavebitur de rebus ejusdem qualitatatis restituendis: quanquam illud certius & tutius, l. 7. de us. ear. ver.

Nec enim poterat] Naturalis enim ratio auctoritate Senatus mutari non potuit, l. 2. §. 1. præd.

COMMENTARIUS.

1. Cur rerum fungibilium ususfructus constitui non possit.
2. In hoc numero rerum non esse vestimenta, contra plerisque, & ipsum adeo Tribonianum, firmis rationibus, ostenditur.
3. Qua consideratione pecunia & quedam alia in hoc genere numerentur.
4. An cautio quasi fructuaria sit de substantia quasi ususfructus.
5. Partes cautionis quasi fructuariae expositae, & notatus insignis error Mynsingeri.

HOC §. agitur de rebus, in quibus ususfructus constitui potest. Et sciendum est, sin rebus omnibus, unde aliqua utilitas aut commoditas qualiscumque percipi potest, ususfructum constitui posse, siue immobiles sint, ut domus, fundus; siue mobiles, ut mancipia, iumenta, supellex, &c. in quo differt ususfructus à servitutibus realibus, quæ tantum in prædiis consistunt. Sed & rerum incorporalium ususfructus constitui potest, veluti nominum, l. 3. de usufr. ear. rer. ut fructuarius rem consecutus ea utatur. Potest & jurisdictionis, quam patrimoniale vocant, ut fructuarius multas & pœnas pecuniarias, tanquam fructus jurisdictionis, percipiat. Schneid. hic post alios, quos supra citavi. Neque hic quasi ususfructus est, ut putat D. Bachovius: certè non eo sensu sic appellari potest, quo earum rerum, quæ usu consumuntur, quasi ususfructum esse dicimus: nam jurisdictio non datur fructuario, ut ejus fiat propria; ideoque & eam ipsam, finito usufructu restituere debet, eodemque modo cavere, quo fructuarius rei corporalis, quæ fructum recipit, fac. l. 1. de usufr. leg. Solæ excipiuntur res, quas utendo consumi necesse est; cujusmodi sunt, vinum, oleum, frumentum, cæteræque res, quæ pondere, numero mensura constare, & in genere sub functionem recipere dicuntur, inf. quib. mod. re cont. obl. l. 2. de reb. cred. Has res ait Imperator neque naturali ratione neque civili ususfructum, recipere: scilicet hæc est natura ususfructus, jusque de eo constitutum, ut sit in re aliena siue penes eum, qui dominus rei fructuariæ non sit, isque jus habeat ea re utendi fructusque ab ea separandi, aut commoda ob causam rei obvenientia percipiendi, ita ut interim res ipsa, cujus proprietates apud alium est, salva & integra maneat, caveatque fructuarius se eam finito usufructu restitutum: quorum nihil in res consumpibiles, hoc est, eas, quæ usu ipso consumuntur & pereunt, cadere posse manifestum est: quippe cum ex iis nulla utilitas percipi queat, nisi consumantur, nec consumi res possit, nisi ab eo, cujus propria sit.

Vestimenta] Temere atque inconsiderate Tribonianus inter res, quæ usu consumuntur, refert vestimenta: non enim quæ longiore usu atteruntur & detritu deteriora fiunt, usu consumi dicuntur; sed quæ utendo protinus tolluntur & delentur, quarumque non nisi in abusu usus est: alioqui eadem ratione dicendum esset mobilia fere omnia atque utensilia, præsertim lintea, ut mappas, mantilia, toralia, eodem numero habenda, atque ut vestimentorum, ita & harum rerum non verum, sed quasi ususfructum esse: quod nemo dixerit: neque Ulp. l. 1. hoc tit. de usufr. ear. rer. quæ us. conf. cum ait, earum rerum quasi ususfructum esse, quæ usu tolluntur, vel minuuntur, intelligit res, quæ usu deteriores fiunt, sed quæ per partes consumuntur, veluti si cui ususfructus aliquot modiorum frumenti legatus sit. Illud utique certum est, vestes non esse ex earum rerum numero, quæ in genere suo functionem recipiunt, quarumve datione in creditum ire possumus. Atqui non magis potest extra eas res esse quasi ususfructus, quam mutuum. Denique vestimenta in rebus, quæ usu delentur, numeranda non esse: verumque eorum usum arguit, quod alteri commodari & locari possunt; quod secus est in iis, quæ ipso usu tolluntur, §. pen. inf. de locat. junct. l. 3. commod. in fin. Dicendum igitur omnino est, ut mancipiorum, jumentorum, suppellectilis, aliarumque rerum mobiliium, licet usu atterantur, verus est & naturalis ususfructus, ita & vestimentorum esse. Ea propter usufructu vestimentorum legato, non dabuntur ea legatario, ut ejus fiant, ut pro libitu ea consumere, siue abuti possit, uti sit legato usufructu rerum fungibilium: sed ut iis utatur, quomodo vir bonus uteretur, l. 1. §. 4. hoc tit. quod veri ususfructus proprium esse ostendit prima clausula cautionis, quæ in vero usufructu desideratur, l. 1. usufr. quem cau. neque facis dabit legatarius, se ejusdem generis vestes finito usufructu restitutum aut earum æstimationem, ut sit in usufructu earum rerum, quæ usu consumuntur: l. 7. hoc tit. sed rem ipsam & speciem, quam accepit, l. 9. §. pen. usufr. qu. cau. juxta alteram clausulam cautionis in vero usufructu receptæ. Neque enim hac parte cautionis continetur, ut promissor rem restituat non deteriorem, quam erat: tempore constituti ususfructus: satis enim est, si dolo aut culpa ejus deterior facta non sit: nulla vero culpa in eo est, qui utitur quod accepit, in eam rem, in quam accepit, ut responsum est de re commodata deteriore reddita sine culpa commodatarii: l. 10. in pr. commod. ideoque liberatur restituendo corpus, quod superest, aut post usum extat, unde & in proposito formula cautionis non de re ipsa restituenda, sed de eo, quod inde extrahit, ferè concipi solet, l. 1. in pr. & §. ult. usufr. quem cau. Sed etiam caurum sit de

μετωνυμικῶς vestimenta pro lana, unde vestimen-
ta conficiuntur, vid. l. pen. de usu fr. ear. rer.

Quodammodo extinguitur] Recte, quodammodo: non enim ut vinum, oleum, frumentum utendo, ita pecunia permutando absumitur, & revera ac naturaliter perit. Ut enim pecuniam maxime cum re permutemus, solvamus, donemus alii; semper tamen manent ipsa corpora numerorum, nec usu delectentur. At si spectamus eum, qui pecunia utitur alienando & expendendo, vi ipsa illi eo usu consumitur & perit. Tam enim eo casu dominus ac possessor esse desinit, quam si consumpsisset. Inter, res, quæ usu consumuntur, numerandæ etiam, quibus utimur ad medicamenta, ut pharmaca, & odores, *l. pen. de us. ear. rer.* item quarum ira usus est ad res alias conficiendas, ut, nisi mutatur ad eas res conferantur; ipsæ per se prope sint inutiles: qualis est lana, qua ad vestimenta & stragula conficienda utimur, *d. l. pen.* ad quas res si confertur, ipso usu eam perire necesse est: quippe quæ prius nenda & in filum transformanda, deinde ex filo tendendum id corpus, quod inde extare volumus, *l. sed si meis 26. de acq. rer. dom.*

Utilitatis causa Senatus censuit] l. 1. & 2. de us. ear.
rer. Quod latior esset morientium voluntas, effe-
ctum est Senatusconsulto, ut earum quoque rerum,
quæ usu consumuntur, quasi quidam usufructus
constitui possit, utque illi, qui nollent hujusmodi
res pleno & perpetuo jure esse legatarii, usufructu
earum legato id consequerentur. In quo consti-
tuendo cum Senatus favorem ultimæ voluntatis res-
pexerit, ut apparet ex eo, quod tantum legati ha-
rum rerum usufructus fit mentio, tum hoc loco,
tum *tot. tit. cod. l. usufruct. 69. ad leg. Falc.* item apud
Ulp. tit. de legat. 5. Senatus 25. nusquam aliter consti-
tuitur, non sine causa Hotom. & Wesl. cum Conan. 4.
com. 3. existimant, conventionem inter vivos non idem
effici posse. Quanquam semel admisso & recepto
in legatis harum rerum usufructu, nihil admodum

video, quod obftet, quominus id jus produci possit ad conventiones. Plane publica auctoritate opus fuit, ut ab initio introduceretur.

Heredi utiliter caveatur] Datis scilicet fidejussoribus: nam & hæc cautio satisfactoria est, ut in vero usufructu, l. 8. l. 9. & 10. eod. l. 7. §. 1. *usufr. quem caveat*: & bis hoc eodem in loco fit mentio satisfactionis. Remedio igitur cautionis introducto cœpit hic quasi usufructus haberi, l. 2. §. 1. *hoc tit.* sive ut ait Justinian. in calce hujus §. Senatus per cautionem quasi usufructum constituit, imaginem scilicet veri, ut hic quoque apud alium proprietatis esse, apud alium usufructus quodammodo videri possit. Nam licet hæ res ita dentur legatario, ut ejus fiant consumendi causa: tamen propter cautionem, quæ in locum proprietatis rerum apud hæredem succedit, videntur adhuc alienæ, & legatarius usufructum duntaxat earum habere, propterea quod finito usu eandem quantitatem, quam accepit, restituere debet. Est autem hæ cautio non minus necessaria in hoc usufructu, quam alia illa in vero; neque magis, quam illa, testamento remitti potest, l. 1. C. de usufruct. l. 6. ut in poss. leg. Illud quæsitum, an cautio hæc sit de substantia hujus usufructus.

- 4 Et siquidem hoc quæretur, an necessario præstanda sit, antequam res utendæ dentur, aut rebus traditis nihilominus exigi possit, res expedita est. Nam & in vero usufructu non ante res ipsa aut fructus transferuntur, quam præstita cautione illius usufructus propria, l. 13. de usufr. l. 4. Cod. eod. alioqui & res tradita vindicari, & omissa stipulatio condici potest, l. 7. usufr. quem cav. Sin vero hoc, an forma quasi usufructus in cautione consistat, absurda est & inepta quæstio; cum non magis cautio, quæ in hoc quasi usufructu loco proprietatis est, forma hujus usufructus dici possit, quam proprietatis veri & naturalis. Sed illud fortasse quæritur, an non quemadmodum verus usufructus nullus est sine proprietate, quæ ei ex adverso opponatur, ita nec quasi usufructus intelligi possit sine cautione, quæ vicem proprietatis subeat. Et certum est, nec quasi usufructum intelligi posse, nisi sit aliquid, quod repræsentet proprietatem: quod etiam facit cautio, ubi ea præstita est: cæterum ea ab herede omissa, nihilominus usufructus intelligitur, atque interim jus exigendi cautionem & finito usufructu condicendi quantitatem loco proprietatis potestate Senatusconsulti habebitur, l. 5. §. 1. *hoc tit.* ut ne eo quidem sensu cautio omnimodo necessaria sit, aut de substantia quasi usufructus. Hoc posito nemo dubitabit, quin cautio hæc ab herede remitti possit, & fructuarius sine vicio possidentem, etiam ante cautionem præstitam, commodum rei sequi debeat, ut juris est in vero usufructu: accurate Pinel, ad l. 2,

Cod. de bon. matern. part. 2. num. 77. & seqq. Castill. tract. de usufruct. cap. 15, & 16. Plane eatenus de substantia quasi usufructus cautio esse dici potest, quantum consideratur ut per eam primum à Senatu introductus & constitutus. Obiter addo, generaliter cautum Senatusconsulto fuisse, ut omnium rerum, quæ in bonis sunt, usufructus legari possit, l. 1. l. 3. *hoc tit.* l. 1. de usufr. leg. l. usufruct. 69. ad leg. Falc. atque ex eo tempore usufructu bonorum omnium legato, etiam earum rerum, quæ iusu consumuntur, usufructum legato contineri intelligi cœpisse, argum. l. uxori meæ 37. de usufr. leg. l. 1. Cod. de usufr. cum ante id Senatusconsultum alio jure Romani uterentur, ut constat ex loco M. Ciceronis in Top. ubi scribit; *Non debet ea mulier, cui vir bonorum suorum usufructum legaverit, cellis vinariis & oleariis plenis relictis, putare, id ad se pertinere. Vnus enim, inquit, non abusus, relictus est, add. Alciat. lib. 7. parerg. cap. 2. Mant. de conj. ultim. volunt. lib. 9. tit. 6. in pr. Castill. dict. tract. cap. 38. num. 10, & 11. Menoch. lib. 4. de præsumpt. 142. num. 14.* Planè si rerum mobilium duntaxat usufructus relictus sit, res fungibiles legato non contineri verius est, Castill. dict. loc.

De tanta pecunia restituenda, si morietur aut capite minuetur] Cautio quasi fructuaria duas partes habet quarum una est de restitutione, altera de restitutionis modo. Quippe clausula cautionis fructuariæ, de utendo boni viri abitratu, ad quasi usufructum non pertinet, ut recte Castill. d. tr. de usufr. cap. 15, num. 13. & 31. contra communem. Ad restitutionem quod attinet, promittit fructuarius, se restitutum non eadem corpora, quæ accepit, quod consumptis iis fieri non potest: sed tantundem, sive pecuniæ usufructus relictus sit, sive, vini, olei, frumenti, aut si similibus rerum. Cæterum ut obviam eatur contentioni, quæ de rei qualitate incidere posset, commodus est in vino & rebus similibus, eas res dari fructuario restitutas, eumque certæ pecuniæ nomine cavere, l. 7. *hoc tit.* atque ita moderandum quod ait Justinianus, *His rebus æstimatis satisfdari.* Pars hæc cautionis vel maxime facit, ut in his rebus velut quidam usufructus haberi incipiat. Nam quod res restitui debet, videtur aliena; & quod tantundem, videtur restitui res ipsa. Sunt enim hæ res ejus naturæ, ut in genere suo functionem recipiant, hoc est, idem inter se mutuo præstent, dum idem genus redditur, l. 2. §. 1. de reb. cred. Apparet autem ex hac parte cautionis & obligatione fructuarii, errare Myns. qui putat, casus fortuitos, & rei periculum, tam in quasi usufructu, quam in vero, ad proprietarium pertinere: in quo errore & Bald. fuit. Quomodo enim liberabitur fructuarius peremptis rebus,

bus, quas non debuit? Promisit alias ejusdem generis, aut æstimationem: promisit incertas, res incertæ perire non possunt. Sed & ipsa rerum proprietas in quasi usufructu revera transfertur in fructuarium. Ut omnino non videam, cur non idem hic obtinere debeat, quod in rebus mutuo datis, quarum periculum præstat qui accepit, §. 2. *infr. quib. mod. re contr. obligat.* Pars altera hujus cautionis est conditio restitutionis, quæ hunc usufructum etiam à mutuo separat. Ea hæc est, Si usufructuarius morietur aut capite minuetur. Soli enim hi duo casus interponuntur, mortis & capitis deminutionis: quoniam rerum, quæ usu consumuntur, usus aliter amitti non potest, l. 9. *hoc tit. l. 7. §. 1. usufr. quem carv.* Nam cum harum rerum proprietas in fructuarium transeat, & hoc agatur, ut pro arbitratu suo iis utatur, & non easdem, quas accepit, sed alias ejusdem qualitatis restituat, non potest hic non utendo, interitu, aut mutatione rerum usufructus extinguí. Capitis autem deminutionem accipimus maximam & mediam duntaxat: nam jus vetus, quo usufructus omnis etiam minima capitis deminutione peribat, in hac quoque specie mutatum esse à Justiniano, non est ambigendum, l. pen. §. ult. C. *hoc tit. de usufr.*

T E X T U S.

Quibus modis finitur.

3. *Finitur autem usufructus morte usufructuarii, & duabus capitis deminutionibus, maxima & media, & non utendo per modum & tempus; quæ omnia nostra statuit constitutio. Item finitur usufructus, si domino proprietatis ab usufructuario cedatur, (nam cedendo extraneo nihil agitur) vel ex contrario, si usufructuarius proprietatem rei acquisierit: quæ res consolidatio appellatur. Eo amplius constat, si ædes incendio consumptæ fuerint, vel etiam terræ motu, vel vitio suo corruerint: extinguí usufructum, & ne aræa quidem usufructum deberi.*

N O T Æ.

Cedendo extraneo nihil agitur] Scil. in persona extranei, & respectu intentionis cedentis. Cæterum nihilominus usufructus ad proprietatem recurrit, l. 66. D. *de jur. dot.* quod plenius probamus in comment.

Consolidatio] l. 3. §. ult. l. 6. *de usufr. acc.* à solido jure, solida proprietate l. 9. §. ult. *de ag. pl. arc.* l. 26. *sub fin. de usleg.* dicitur etiam confusio l. 4. *us. quem carv.*

Ne aræa quidem] l. 5. §. 2. *quibus modis us. am.* quia ædes amplius non sunt, aut nominantur: & ex contrario si arææ fructuariæ domus imposita sit, usus fructus interit, d. l. 5. §. 3. Similia habes l. 10. §. ult. l. ult. *ead.* Aliud juris est, in legato ipsius rei: quippe legata proprietate nihil est in re legata aut ex ea, quod legato non contineatur, l. 22. *de leg. 1.* §. 18. *infr. de leg. eademque ratio rei nexæ pignori, l. 21. D. de pign. act.*

C O M M E N T A R I U S.

1. *An quemadmodum adrogatione, ita & adoptione & emancipatione jure veteri usufructus perierit.*
2. *Amitti posse usufructum non utendo per modum utenti constitutum, & quis non uti intelligatur.*
3. *Quanto tempore non utendo usufructus amittatur.*
4. *Usufructum extraneo cessum ad proprietatem statim reverti, contra Wes. Pinel. & alios.*
5. *Quando mutatione rei fructuaria interior species mutata aut non mutata intelligatur.*
6. *Cur placeat, usufructum aliquando mutatione rei extinguí, etiam in partibus, quæ mutato toto supersunt: in cetero autem jure, qualiscunque mutatio incidit, si quid adhuc restet, in eo idem jus, quod in toto fuerat, remanere.*

Quid sit usufructus, quibus modis constituitur, quæ res usufructum recipiant, intellectum est: restat ultimum, ut videamus, quibus modis finiatut. De vero usufructu hoc nunc quaeritur. Et in universum finitur tribus ex causis. Aut soluti jure auctoris, veluti si in usufructum sub conditione legatum heres interim alteri constituerit, & conditio extiterit, l. si sub conditione. 16. *quib. mod. us. am.* quod & in reliquo jure à domino constituto similiter accidit, l. lex vectigali. 31. *de pign.* Aut lege constitutionis, veluti si usufructu ad conditionem vel ad diem constituto, conditio extiterit, aut dies venerit, l. 4. *de usufr. l. un. §. ult. quando dies us. leg. ced. l. 15. l. 12. Cod. de usufr.* Aut natura sua, idque vel ex persona fructuarii, vel ex conjunctione usufructus cum proprietate, vel ex re ipsa, ut ex subjectis apparebit.

Morte fructuarii] Ex persona fructuarii triplici modo usufructus finitur. Primum morte ejus, sicut jura omnia, quæ personæ coherent, cum persona extinguuntur, l. 3. *in fin. hoc tit. l. 3. Cod. de usufruct. l. 8. §. 3. de lib. leg. l. quia tale 13. sol. matr.* In servo mors domini; in filio superstite post obitum patris, ipsius filii; ante mortuo, ipsius patris spectatur, quasi duplici usufructu constituto, l. ult. *Cod. de usufr.* Civitati aut municipibus usufructum relictum placet centum annos durare: quia is finis vitæ est hominis longævi, l. an usufructus §. 6. *de usufr.*

usufr. l. 8. de usufr. leg. Enimvero si interim civitas eversa sit, aut ararum passa, quasi morte usufructum habere definit, *l. si usufruct. 21. hoc tit.* Adeo autem morte finitur usufructus, ut licet qualicumque alia ratione amissus repeti possit, morte tamen non possit, nisi forte heredibus legetur, *l. 5. in pr. eod.* quo facto non tam repetitur, quam novus constituitur in persona heredum. Nec tamen si ita legatus sit, ad secundos successores pertinebit, sed primis defunctis fienietur. Nam in re sui natura non transitoria ad heredes, heredis appellatio solum primum heredem, non ultiores continet, ut notant *interp. ad l. heredis 65. de verb. sign.* Cæterum male Cantiunc. Myns. Schneid. & Gœd. ad *d. l. 65. n. 7.* putant, eandem hanc speciem tractari in *l. cum antiquitas C. de usufr.* cum nulla ibi quaestio sit de herede legatarii, sed testatoris: legatario enim non usufructus, sed proprietas legata proponitur, sicut Glossa & D. Gothofr. casum formant: quamvis ratio decidendi eadem sit, & in utraque specie tam manifesta, ut Justinianus haud facile mihi persuaserit, veterum quemquam hic hæsisse.

Capitis deminutione maxima & media] Hic alter modus est, quo finitur usufructus ex persona fructuarii, & finitimus præcedenti: si quidem & maxima mediaque capitis deminutione mors quædam contingit, nimirum civilis, dum illa libertatem, hæc civitatem adimit, *l. verum. 63. §. ult. pro soc. l. 1. §. pen. de bon. poss. cont. tab. l. antepen. de reg. jur. §. 1. & 3. sup. quib. mod. jus pat. pot. solv.* cui consequens est, non magis usufructum his modis amissum repeti posse, quam amissum morte naturali. Olim etiam amittebatur usufructus capitis deminutione minima, adrogatione scilicet, vel adoptione, aut emancipatione, teste Paulo *3. sent. 6. §. capitis.* & Justiniano *l. pen. §. ult. C. de usufr.* Atque ad hanc speciem tantum referri potest, quod de repetitione usufructus capitis deminutione amissi legimus cum alibi, tum præsertim *l. 3. hoc tit.* in quo fallitur D. Connan. *4. comm. 6.* Cur autem veteribus placuerit etiam ea capitis minutione, quæ salva civitate contingit, usufructum amitti, ratio non obscura est, ut plerisque videtur: utique in adrogatione obvia. Nam cum omnia, quæ sunt adrogati, facta adrogatione, ex ratione juris veteris acquirantur adrogari; *l. si paterfam. 15. de adopt. l. pen. §. 2. de bon. poss. sec. tab.* necesse est, ut usufructus, qui in persona adrogati amplius consistere nequit, vel simul in adrogatorem transferatur, vel ad proprietatem redeat. Illud ratio juris non patitur: superest ergo, ut redeat ad proprietatem: quod & Justinianus indicat, *§. 1. inf. de acq. per adrog.* De adoptione & emancipatione idem dici non potest. Unde Bachovius existimat jus illud vetus pertinuisse duntaxat ad adrogationem. Sed tam Paulus

d. loc. expresse testatur, etiam de adoptione, & de ea quidem in specie, quæ adrogationi opponitur. Ait enim, *Si ex adrogatione vel adoptione statum mutaverit.* Ea Justinianus *d. l. pen.* etiam de emancipatione: & alioqvi frustra dubitatum fuisset, an emancipatione filii usufructus per eum patri quaesitus extingueretur, *l. ult. C. eod.* Verum enim vero cum ex constitutione juris antiqui filiusfam. nihil proprium haberet, præter castrense peculium, non potuit extra causam illius peculii de usufructu, quem filius ipse haberet, amittendo disputari. Solum potuit tunc, cum ex peculio castrensi usufructum sibi comparasset: nam empta ex peculio castrensi conditionem illius peculii sequuntur, *l. 1. C. de cast. pec. lib. 12.* cujusmodi etiam speciem proponit Justinianus *d. l. pen.* & ait, usufructum ex ea causa filio quaesitum per emancipationem, ex definitione juris veteris periisse: quod haud dubie in adoptione quoque obtinuit, cum plane eadem sit utriusq; in proposito ratio. Non enim alia de causa usufructus his modis intercidit, quam quia fructuarius, mutata familia & priore statu personæ, alius esse credebatur ab eo, qui ante fuerat, redactus etiam antea in imaginariam servilem causam, *l. 3. §. 1. de cap. min. l. ult. C. de emanc. lib.* An vero usufructus sic juris subtilitate extinctus, ex edicto de capite minutis restituendus fuerit, sicut pleræque obligationes eodem modo amissæ restituebantur, non definio. Affirmat id quidem D. Bachovius: etenim neque jura omnia capitis deminutione amissa restituebantur, veluti tutelæ hæreditates legitimæ: & obligationes ideo prætor restituebat, ne contra naturalem æquitatem alteri per alterum iniqua conditio inferretur. Emancipatus vero aut datus in adoptionem de facto alieno quæri non possunt: est enim quod sibi imputent, quod scilicet passi sint se emancipari aut in adoptionem dari, cum id pati non cogerentur, *l. 5. de adopt. l. pen. C. de emanc. lib. Paul. 2. sent. 25.* Quocunque modo res habet, constat, Justinianum jus vetus, quo usufructus capitis minutione amittebatur, abolivisse quantum attinet ad eam, quæ salva civitate contingit, *d. l. l. pen. §. ult.* & voluisse usufructum etiam simpliciter filio relictum mortuo patri, etiam post emancipationem filii, in persona patris durare, *l. ult. C. eod.* Enimvero ira demum amittebatur capitis deminutione usufructus, si jam constitutus erat: cæterum si ante aditam hæreditatem aut ante diem usufructus cedentem quis capite minutus fuerat, non amittebatur, *l. 1. §. 1. hoc tit.* Item si unus usufructus relictus erat, non si plures, veluti si usufructus legatus fuisset in singulos annos, vel menses, vel dies. Hic enim quia commemoratio temporum repetitionis potestatem habet, *l. 2. §. 1. eod.* placebat, per singula tempora adjecta diem cedere, & il-

& illius anni, mensis, dici usumfructum amitti, qui jam processerat, *d. l. 1. §. ult.* quarum rerum evidens jure veteri effectus fuit. Ex his, quæ dicta sunt, manifestum est, Tribonianum interpolasse *l. 1. de usufr. leg.* & verba illa, *ex magna causa*, quæ in calce sunt, responso Jurisconsulti assuisse. *Russard. in not. add. l. 1. Cujac. hic Castill. tract. de usufruct. cap. 66. num. 16.*

Non utendo per modum] Postremo finitur usumfructus ex persona fructuarii non utendo: & siquidem omnino non usus est, nullum dubium est, quin pereat usumfructus: sed quaeritur, an & non utendo per modum recte dicatur amitti, vel potius, an talis aliquis modus utenti in constituendo usumfructu præstitui possit, ad quem si non utatur fructuarius, usumfructum amittat. Negat id Bachovius, erroris Tribonianum insimulans. At ego non video, cur non possit. Nam si, verbi causa, Titio legaverim usumfructum ædium eo modo præscripto ut æstate habitaret, isque habitaverit hieme; vel si silvæ usumfructum alicui legaverim, ut certo tempore & modo silvam cæderet, & ceciderit alio tempore & modo: per *l. 2. de acqu. cott. l. 10. §. 1. & seq. l. 18. quem serv. am.* non videbitur usus, qui ad suum modum, *ὡς ἀπὸ τοῦ ὁρισμένου*, usus non est. Non uti autem intelligitur, qui neque per se utitur, neque per alios, qui negotia ejus gerunt, aut quibus usumfructum vendidit, locavit, gratis concessit, *l. non utitur 38. de usufruct.* Quid vero si nec isti utantur? & interest, donatarius non utatur, an emptor conductorve: nam illo casu usumfructus perit, hoc retinetur propter fructuionem pretii aut mercedis. Nam qui pretio fruitur, non minus habere intelligitur, quam qui utitur fructui principali re, *d. l. non utitur 2. seqq.* Potest vero usumfructus & pro parte non utendo amitti, *l. 5. d. tit. l. except. 14. l. placet. 25. hoc tit. quib. mod. us. am.* & eum quoque, qui usumfructum habet, si usus tantum sit, non etiam fructus, placet usumfructum amittere. Cæterum hoc si ignorabat se usumfructum habere, non si sciebat, *l. is qui 20. eodem.*

Et tempus] Quod diximus, non utendo finiri usumfructum, id ita est, si fructuarii usus non sit per tempus constitutum, intra quod si quis usus non sit, placeat usumfructum amitti. Id tempus cum olim brevius esset, Justinianus revocavit, ad ea spatia, quæ ipse præfinivit usucapionibus, *l. corruptionem, §. 1. C. hoc tit. de usufruct.* Igitur rei mobilis usumfructus amittetur non utendo per triennium; rei immobilis per decem annos inter præsentem, per viginti inter absentes, *arg. l. un. C. de usuc. transform. & infr. de usuc. in pr.* Atque hæc sane temporum distinctio optime convenit cum rationi juris, tum sententiæ quoque ipsius Justiniani in

d. l. pen. §. 1. Cæterum secum ipse pugnare videtur, dum in *l. pen. C. de servit.* constituit, ut eodem tempore & rei mobilis & immobilis usumfructus non utendo amittatur: & tamen quod subicit de servitutibus prædiorum similiter non utendo amittendis, quia tantummodo soli rebus annexæ sint, hoc iis tantum commune est cum usumfructu rerum immobilium; & ita dicitur, quasi in amittendo usumfructu quo diversitate rerum tempora ante distinxisset.

Si domino proprietatis cedatur] Cum vel proprietarius voluntate aut facto fructuarii usumfructum, vel fructuarius voluntate proprietarii proprietatem adipiscitur, ea res in specie à Justiniano consolidatio dicitur. In genere autem quævis usumfructus cum proprietate conjunctio sive confusio consolidatio est. Nam & morte fructuarii & capitis deminutione & non utendo consolidatur usumfructus cum proprietate, *l. 3. in fin. de usufr. acere. §. seq. eod.* Est autem hæc species amissionis & ipsa ex natura usumfructus. Nam cum in una & eadem persona proprietas & usumfructus concurrunt, solidam unus proprietatem nanciscitur, neque amplius jus utendi fruendi separatum intelligi potest, hoc est, usumfructus formalis, de quo hic quaeritur, perit.

Cedendo extraneo nihil agitur] Cedendo scilicet in jure: nam extra jus, etsi verbum cedere accipimus pro quovis modo concedere aut jus aliquod alteri constituere, etiam fructuarium legimus posse ita jus suum cedere extraneo, ut patiarur eum uti frui: *l. usufructu 57. sol. matrim.* & eum, cui habitatio legata est, posse eam alteri cedere, hoc est, locare, aut vendere, *l. cum antiquitas 13. C. de usufr.* Diversi juris ratio mox indicabitur. Verba autem hæc, *nihil agitur*, *Wesemb. par hoc tit. Pinel. l. 1. de bonis matern. p. 3. num. 39. Ioan. del. Castill. tract. de usufr. cap. 69. num. 20. & seq. Bronch. l. aff. 91.* sic accipiunt, quasi dixisset Imp. cedendo extraneo usumfructus non finitur, non redit ad dominum proprietatis, nec ad extraneum transit, nulli ea cessio aut damnum affert aut lucrum: quibus accedit & Ant. Matthæus. Verum ego existimo, quod & frequentius placuit, id quod hic dicitur, nihil agi, referendum esse ad intentionem cedentis & diversum exitum cessionis, quia usumfructus in extraneum, cui cessus est, non transit, sive quia per cessionem extraneo factam non finitur transeundo, ut fit cum ceditur domino proprietatis: nihilominus tamen ex accidenti & præter mentem cedentis contingere, ut & hic finiatur atque ad proprietatem redeat, cum à persona discedere interitu suo non possit, *l. vel si 15. fam. etc.* Atque ita interminis diserte responsum est à Pomponio, *l. si usufructus 66. de jur. dot.* Quaeritur eo loco, qua ratione usumfructus in dorem

marito datus à domino proprietatis soluto matrimonio mulieri sine fraude ipsius reddi possit : & ait Jureconsultus, à fructuario cedi non posse nisi domino proprietatis ; & , si extraneo cedatur, nihil ad eum transire, sed ad dominum proprietatis reversionem usumfructum. Quia igitur in proposito cessio mulieri damno foret recurrente usufructu ad proprietatem, hoc consilii Jureconsultus dat, ut usufructus mulieri locetur, vel vendatur uno nummo : ita fore, ut ipso jure penes maritum remanente facultatem fructuum percipiendorum mulier consequatur. Hoc responsum non satis perspicillatè examinasse videntur auctores paulo ante memorati, dum negant ex eo effici, quod nos dicimus, usumfructum statim ut cessus est extraneo, ad proprietatem redire : sed hoc saltem, reditum suo tempore, scilicet morte fructuarii aut aliis modis finitum. Nam hoc etiam futurum est, remedio, quod Jureconsultus suggerit, adhibito. Sed & quod ait, eo demum adhibito jus ipsum penes maritum remanere, certum argumentum est eo omisso non remanere. Postremo si non statim post cessio- nem cum proprietate usufructus conjungitur, nul- lum mulieri præjudicium maritus cedendo faciet, consequeturque mulier id ipsum, quod quærebat- ur, & quo nihil amplius desiderare potest, per- ceptionem fructuum usque dum morte mariti usufruc- tus finiatur. Quorsum igitur consilium Jureconsul- ti ? Aut cur negat in proposito quicquam transire ? Non est contrarium, quod fructuarius jus suum cui- vis extraneo vendere aut gratis etiam concedere po- test, §. 1. *inf. tit. prox. l. 12. §. 2. l. non utitur. 38. de usufr.* Nam qui vendit usumfructum aut alteri con- cedit, non hoc agere intelligitur, ut jus omne totum, quod habet, à se dimittat & transferat in alium, sed ut retento jure, quod ex constitutione personæ ejus inhæret, facultas tantum fructuum percipiendorum ad alium pertineat, quamdiu jus illud in persona sua durabit. Quod & ipsum etiam tunc obtinet, cum usufructus venditus est domino proprietatis, *l. Pomponius 29. §. 1. hoc tit. quib. mod. us. am.* indeque est, quod finiri dicitur usufructus, non si vendatur pro- prietario, sed si cedatur. Quod nescio an quis alius animadverterit. Cessio autem vetus est & proprium alienationis genus, quæ fiebat in jure ad præto- rem, quaque id agebatur, ut à cedente jus omne quod habebat, penitus abiret & transferretur in eum, cui cedebatur. Cujus meminit Cic. in *Top. §. Boet. ibid. item Vlp. in fragm. tit. 11. & 19. Paul. §. sentent. 6.* Igitur in proposito discedente per cessio- nem à persona cedentis fructuarii omni jure, quod ante habebat, duorum alterum evenire necesse est, ut aut in eum, cui cessus est, usufructus transeat, & novus constituatur fructuarius, aut revertatur ad

dominum proprietatis : illud ut fiat, ratio juris non sinit : relinquitur ergo alterum, ut usufructus ad proprietatem recurrat, & consolidatione finiatur. Similia sunt, quæ de tutela & hæreditate cessus no- tat *Ulp. d. tit. 11. §. 6. & d. tit. 19. §. 13.* Non adeo magni momenti sunt, quæ porro huic sententiæ sub- jiciuntur, veluti quod ea, quæ personæ cohererent, facto ejus mutari non possunt, *l. ea quidem C. si man. ita fuerit alien.* Nihil enim minus hic verum est, alioqui ne ipsi quidem domino usufructus cedi posset. Item quod non præstent impedimentum, quæ de jure non sortiuntur effectum, *c. non præstat. de reg. jur. in 6.* siquidem novum non est, ut quæ de jure non sortiuntur effectum, quod aliis noceat, noceant tamen ei, qui fecit, *l. 3. qui & à quib. man. pr. sup. quib. ex ca. man. junct. l. 5. C. de serv. pign. dat. man. §. ult. inf. de donat. l. hæres 28. qui & à quib. man. junct. l. si quis inquilinos 112. §. 1. de legat. 1. l. actione 65. §. 3. pro soc.* sufficitque ad hoc, peccatum esse ignorantia juris, licet delictum propriè non verse- tur, *argum. l. regula in pr. & §. si quis 5. de jur. & fact. ign. l. cum quis 10. C. de jur. & fact. ign. l. error. Cod. ad leg. Falc. & passim alias.* Quæ non valent, ut fiunt, puniuntur, quia non fiunt, uti oportet, *tit. de his quæ ut indign. aus. tit. de jur. fidei. & similib.* In summa, non est novum ut quod de jure non sortitur effectum ratione unius, ut ei profit, sortiatur tamen respectu alterius, ut ei noceat. Exemplum in *l. plane 34. pr. de legat. 1. l. licet 20. l. legatum 24. §. 1. de adim. leg.* sicut nec illud ut, qui male agit, nihil agere di- catur, *pr. Inst. quib. ex caus. man. junct. l. 5. de serv. pign. dat. man. l. 13. de donat. junct. l. 37. §. ult. de acq. rer. dom.*

[*Ne area quidem usumfructum deberi*] Supervacuum foret monere, sublata re fructuaria usumfructum extingui, si nihil aliud eo significaretur, quam fini- ri usumfructum interitu totius rei. Sed sciendum est, hoc etiam pertinere ad eas res, quarum si e- cies interior & forma mutatur, licet post mutatio- nem pleræque partes maneant, quæ erant ejusdem corporis, in quo usufructus consistebat : nam & hic quia res definit esse, quod prius fuerat, perinde usufructus extinguitur, ac si ea in totum sublata esset, nullaque ejus pars amplius in rerum natura existeret. Quod multis rerum exemplis declaratur, *l. 5. §. pen. & ult. & porro usque ad l. 13. item l. pen. & ult. hoc tit. l. qui usumfructum 36. de usufr.* Cæterum etsi magna mutatio in re facta sit, si tamen ea priorem rei speciem non prorsus tollat, placet usumfructum manere, *l. 8. & 2. seqq. hoc tit. l. si cui 53. de usufruct.* Hoc igitur videndum, quando mutatione rei facta forma seu species prior mutata intelligi debeat. Et de eo statuendum ex mutatione nominis, tenenda- que generalis hæc notio ; Si talis mutatio incide-

rit, ut res propterea in aliud nomen transeat, prius amittat, formam etiam rei mutatam censer, & usumfructum interire: sin post mutationem vetus nomen maneat, non videri speciem mutatam, atque usumfructum retineri. Non sane quia nomen quidquam pertineat ad substantiam rei; sed quia ex nomine, ut ex posteriori, quale quidque sit, intelligitur: à forma enim res nomen accipit, eaque mutata iterum amittit: indeque est, quod per nomina dicimur cognoscere & dignoscere rerum naturas, auctore Platone in *Cratyl.* Ad priorem mutationis speciem pertinet exemplum, quod hic & in *d. l. 5. §. pen.* affertur de ædibus, quarum ususfructus legatus erat, sublatis: nam sublata superficie, quia ædes amplius non sunt aut nominantur, forma rei mutata intelligitur; ideoque nec aræ, quæ adhuc superest, licet pars ædium fuerit, *l. domo 21. de pign. act. l. qui res 98. sub fin. de solut.* ususfructus debetur. Ex contrario quoque, si in area, cuius ususfructus legatus est, domus posita sit, ex mutato nomine rem mutatam intelligimus. Et usumfructum interire, *d. l. 5. §. ult.* Similiter si quadrigæ usufructu legato vel unus ex equis decesserit, vel gregis usufructu legato numerus ovium ad eam paucitatem redactus sit, ut gregem non constituat, una cum nomine quadrigæ aut gregis ususfructus extinguitur, *l. quid tamen 10. §. ult. l. ult. eod.* Eandemque rationem habet, quod pecorum usufructu relicto, si qua pecora moriantur, adeo pereat ususfructus, ut nec carnis aut corii supersit, *l. pen. quibus mod. us. am.* Posterioris generis exemplum est, si fundi usufructus legatus sit, & villa diruta: nam hic cum nomine fundi, cuius villa tantum accessio est, usumfructum manere placet, *l. 8. l. 9. & d. l. 10. in pr. eod.* Item si pars ædium, in quibus ususfructus constitutus erat, licet maxima, corruerit, pars tamen homogenea, quæ superest, ut nomen, ita & usumfructum retinet, etiam totius soli, *l. si cui 53. hoc tit. de usufruct.* Queritur autem huius juris ratio, & omnino cur placeat vel aliquando usumfructum rei mutatione extingui, & in iis etiam partibus, quæ mutato toto adhuc extant: nam in cætero jure regulariter atque indistinctè receptum est, ut re mutata, qualiscunque mutatio facta sit, si quid adhuc restet, in eo jus idem, quod prius in toto constitutum erat, remaneat. Ut ecce; Insula legata combusta est, area nihilominus vindicari potest, *l. si grege 22. de legat. 1. domus pignori obligata est, sublata superficie area pignori obligata manet, l. domo 21. de pign. act. l. Paulus 29. §. 2. de pignor.* Grex legatus est, & postea numerum ovium in tantum decrevit: ut grex non intelligatur, tamen capita, quæ supersunt, vindicari possunt, *d. l. 22. de legat. 1.* Pecora legata mortua sunt: etiam τὰ λείψανα

ex legati causa debentur, *l. quid ergo 53. §. sed si 5. de legat. junct. l. solum 49. §. de rei vind. l. 14. §. 2. de cond. iurt.* Cur omnia contra in legato usufructu rei? Probabile est, quod D. Bachovius responder, (dicam autem, si possum, explicatius) ideo in proposito aliud in usufructu, aliud in proprietate legata placuisse, & usumfructum amitti, quia incidente ea, quam dixi, mutatione, res amplius cum usum præstare aut pati non potest, qui fuit tempore testamenti facti, & quem solum testator legasse censer debet, non alium, quem aliquando res mutata præbere posset: atque omnino finito eo usu, quem tunc res habebat, solidam proprietatem ad eum pertinere voluisse, cui eam nudam interim reliquerat. Constat autem, longe alium usum esse ædium, alium aræ; alium gregis sive universitatis, alium singulorum capitum; alium pecoris, alium corii, *l. quid. ergo 73. §. 3. de usufruct.* Cum vero res ipsa aut proprietatis rei legatur, nihil est in re legata aut ex ea, quod dici potest legato non contineri. Proprietas uniusmodi est, eadem totius & singularum partium: unde & toto dissoluto aut mutato, partium, quæ supersunt, proprietates manent. Eademque ratio est rei nexæ seu pignori obligatæ. Plane si universorum bonorum usufructus legetur, quæcunque in toto aliquo mutatio contingit, semper partis, quæ post mutationem manet, usufructus debetur, & talem, qualem pati potest, præstabit, scilicet quia sub appellatione bonorum etiam separatim partis illius usufructus legatus est, *l. quotiens 34. §. ult. de usufr.*

T E X T U S.

Si finitus sit.

4. Cum autem finitus fuerit totus usufructus, revertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

N O T Æ.

4. *Finitus fuerit totus*] Diserte totus. Quippe qui inter se jus habent accrescendi, *l. 1. & tot. tit. de usufr. accresc. Vide Fufius in comment.*

C O M M E N T A R I U S.

1. *Propria juri accrescendi inter plures in eundem usumfructum conjunctos.*

TOTUS usufructus] Cum usufructus in totum finitus est, ad proprietatem, unde discesserat, revertitur, atque ex eo tempore qui ante formalis erat, causalis incipit esse ut vulgus Interpp. loqui amat. At autem discrete, si finitus fuerit totus: nam si pro parte tantum, ita deinceps pro parte amittit.

amissa ad proprietatem redit, si non plures in eundem usufructum conjuncti sunt, aut conjuncti omnes eum amiserunt, l. 1. *pr. & §. 3. l. 3. de usufruct. accresc.* Conjuncti inter se jus accrescendi habent: de quo jure ex professo dicendum sub §. *si eandem inf. de legat.* tantum quæ propria hujus sunt in usufructu, hic obiter notabimus. Sunt autem maxime duo: unum est in parte deficiente & accrescente, in quo hoc singulare, quod & quæsitæ & deinde amissa jus accrescendi admittat, si conjuncto accrescat, d. l. 1. §. 3. alterum in persona ejus, cui accrescit, ut & jus accrescendi habeat, qui suam partem vel non agnovit vel agnitam amisit, l. 10. *cod. quorum neutrum obtinet in proprietate pluribus legata, aut in pluribus hæredibus ad eandem hæreditatem vocatis.* In his enim sic jus est, primum ut nunquam unius portio, quam semel agnovit, alteri collegatario vel coheredi accrescat: deinde ut ita demum deficientis seu legatarii seu hæredis portio accrescat alteri, si is portionem suam agnovit, & agnitam ha-

bet, d. §. *si eadem, l. qui ex duabus §. 3. §. 1. de acq. her. l. 3. §. ult. & duab. l. seqq. de bon. poss. l. si ex pluribus, de suis & leg. her. l. un. §. his ita & seq. C. de cad. toll.* Diversi juris rationem ex Celfo & Juliano indicat Ulpian. d. l. 1. §. 3. quia usufructus cotidie constituitur & legatur, non ut proprietas, eo solo tempore, quo vindicari potest, hoc est, quo nondum quæsitæ est. Hæc una ratio utrumque hoc, quod proprium in usufructu esse diximus, efficit, ut scilicet & amissus alteri conjuncto, utpote cui is adhuc legari intelligitur, accrescat, & accrescat etiam non agnoscens vel amittens portionem suam, quippe cui & ipsi ea portio, quam non amisit, adhuc legari intelligatur. Hinc illa veterum; *Usfructus non portioni, sed homini accrescit, l. 14. §. 1. de exc. rei jud.* Item, *Portio fundi velut alluvio portioni persone fructus accrescit, Papin. l. si Titio 33. in fin. hoc tit. de usufr.* Consul. Donn. 10. *comm. 23. Ioan. Suv. 1. de jur. accresc. 4. & Clariss. IC. B. M. D. Corn. Swanenb. in libello suo posthuino de jur. acc. cap. 4.*

TITULUS V.

D. lib. 7. t. 8. C. lib. 3. t. 33.

De usu & habitatione.

Continuatio: quid sit usus, quid uti; quæ onera usufruario incumbant.



EX tribus servitutum personalium formis una & præcipua superiore titulo explicata est, usufructus: sequuntur duæ reliquæ, usus & habitatio; ac de utraque conjunctim nunc agitur hoc in titulo. Primum de usu, quibus modis constituatur & amittatur, digito ostenditur; mox quid contineat, accurate docetur exemplis usus fundi, ædium, servorum, pecorum: postremo tractatur de habitatione. Quo peracto aperitur aditus ad modos acquirendi jure civili. Usus sic recte definimus, jus alienis rebus utendi, salva rerum substantia. Usus est jus, sicut & usufructus & prædiorum quoque servitutes jura sunt, & dicuntur respectu ejus, cui debentur. Est jus utendi, non etiam fruendi: nam fructui quidem usus inest, at usui fructus deest, l. 14. §. *hoc tit.* Uti, est rem tractare & exercere ad commoditatem aliquam ex ea percipiendam, quæ secundum rei conditionem inde percipi potest. Atque hoc usui commune est cum usufructu, quod utrumque in commoditate ex re percipienda versatur: verum hoc interest, quod nudus usus quotidiana utentis sufficientia & consumptione terminatur, usufructus omne rei emolumentum continet. Est

igitur usus jus utendi duntaxat, non etiam fruendi: sed de eo postea magis serio. Cætera definitionis etiam usufructui conveniunt: nam nec usus rei proprie separatus intelligitur; & usufrui ita etiam uti debet, ut ne rem consumat aut transformet, causamve proprietatis deteriore faciat, eoque nomine cavere, scilicet adempta fructus causa, usum se boni viri arbitratu, & cum usus finitus erit, restitutum quod inde extabit, l. 5. §. 1. l. *pen. us. quem. cav. l. pen. §. 2. hoc tit.* quod mirum est negare D. Giphanium. In aliis oneribus hæc distinctio placuit, ut si omnis fructus ad usufructum redit, etiam onera, puta tributa, & impensas refectionis culturæve, ferre debeat; si ad proprietarium, hunc onera sequantur; si vero ad utrumque, pro rata dividantur, l. *si domus 18. cod.*

T E X T U S.

Communia de Usufructu & Usu.

Isdem illis modis, quibus usufructus constituitur, etiam nudus usus constitui solet: isdem illis modis finitur, quibus & usufructus desinit.

COM-

COMMENTARIUS.

1. *Quid inter usum & usumfructum intersit, tum in constituendo, tum in amittendo.*

AIt, iisdem modis nudum usum constitui sole-
re, iisdemque modis amitti, quibus ususfructus
constituitur & desinit; idemque traditur
l. 3. §. ult. de usufr. & de constitutione, l. 1. §. 1. hoc tit.
Constituitur igitur & nudus usus pactio-
nibus; maxime vero testamento, sicut &
ususfructus §. 1. tit. prac. l. 3. l. 6. de usufr. tot. tit. de usu
& usufr. leg. & testamento quidem ipso jure, pactio-
nibus autem accedente facto seu traditione consti-
tuentis, puta si usufructum induxerit in fundum aut
aedes, aut patietur eum uti, d. l. 3. de usufr. Sed &
longa quali possessione nostra usus acquiri potest;
sicut ceterae servitutes omnes, l. ult. C. de praeser. long.
temp. Amittitur morte usufructuarii; maximeque & me-
dia capitis deminutione; non utendo, consolida-
tione, interitu & mutatione rei usufructuariae; quibus
scil. modis ususfructum extinguere constat, §. pen.
tit. prac. Est tamen quod inter haec duo & in consti-
tuendo & in amittendo intersit. In constituendo,
quod ususfructus etiam pro parte constitui potest,
usus non aequè, l. 7. de usufruct. l. usus 19. hoc tit.
Etenim frui pro parte possumus, uti pro parte non
possumus sed usus cuiusque semper in solidum est,
d. l. 19. junct. l. §. §. ult. commod. Hoc autem ex eo
est, quod usus tantum necessitati servit, & solo uten-
tis facto ac consumptione terminatur, nihil relin-
quens quod dividi possit: in quo similis est servitu-
tibus praediorum, quae & ipsae, quia in solo usu con-
sistunt & facto terminantur, indivisibiles, l. via 17. de
serv. l. 1. §. si usufruct. 9. ad leg. Falc. Ususfructus au-
tem dividius est: quia licet & ipse in facto ab initio
constitatur, facto tamen solo non terminatur, sed post
se relinquit & fructuario adjicit fructus atque
omnem rei utilitatem, cuius utique divisio esse po-
test, d. l. 1. §. 9. l. sed usufr. 81. ad l. Falc. Cujac. Dom. &
DD. vulg. ad l. stipulationes 72. de verb. obl. Gomez. 2.
res. 10. num. 18. Castill. de usufr. c. 31. Adhaec usum-
fructum quoque constitui legimus in judiciis fami-
liae eriscundae & communi dividundo; si iudex al-
teri fundum, alteri ususfructum adjudicaverit, l. 6.
§. 1. de usufr. l. 16. §. 1. fam. ere. l. 6. §. 10. comm. div.
de usu nihil tale, non magis quam servitutibus praed-
iorum. In amittendo hoc interest, quod usus amis-
sus semper ad proprietatem redeat, nunquam ad
conjunctum, ut aliquando ususfructus. Quinimo
plures in eundem usum conjungi non possunt: nam
qua ratione usus divisionem non recipit, eadem nec
recipit communionem. Ea propter si duobus ejus-
dem rei usus legatus sit, nulla intelligitur conjun-
ctio aut usu inter eos communio; nec concursu par-

res faciunt. Et ideo altero deficiente nihil alteri
accrescit, sed quod omisum aut amissum est, statim
ad proprietatem redit: ac neque communi dividun-
do iudicio locus est inter duos ejusdem rei usufructuarios,
l. 1. comm. div. ut inter plures ejusdem rei usufructuarios,
l. 7. §. 10. eod. tit. nisi utili: arg. l. 32. de stip. serv. &
tum res ita transigetur, ut uni usus totus adjudice-
tur, & is alteri vicissim condemnatur in praestatio-
nem partis aestimationis, l. 10. §. 1. comm. div. aut ut
utendi necessitas inter eos temporibus dividatur,
per l. arbor. 19. §. ult. d. tit.

TEXTUS.

**Quid intersit inter ususfructum
& usum fundi.**

1. *Minus autem juris est in usu quam in
usufructu: nam is, qui fundi nudum habet usum,
nihil ulterius habere intelligitur, quam ut ole-
ribus, pomis, floribus, feno, stramentis & li-
gnis ad usum quotidianum utatur: inque eo
fundo haecenus ei morari licet, ut neque domi-
no fundi molestus sit, neque iis, per quos opera
rustica fiunt, impedimento: nec ulli alii jus,
quod habet, aut locare, aut vendere, aut gratis
concedere potest: quum is, qui ususfructum
habet, possit haec omnia facere.*

NOTÆ.

1. *Minus juris*] Id est, minus emolumenti. Nam
usus quotidiana utentis sufficientia & consumptio-
ne terminatur, l. 12. §. 1. h. t. ususfructus omnem
rei utilitatem continet, l. 7. l. 9. D. de usufr. Denique
usufructuarius defruitur. Defrui est omnem rei fructum
percipere. Fest.

Haecenus morari] l. 11. eod. sed explica haec ex l. 10.
§. ult. l. 12. pr. eod.

Haec omnia facere] l. 12. §. 2. l. 38. l. 67. D. de usufr. l.
8. §. ult. D. de per. & com. rei vend. retento scil. jure,
quod personae ejus inhæret, l. 66. D. de jur. dot.

COMMENTARIUS.

1. *Usufructuarius etiam ex fructibus industrialibus sumere
posse, quantum ad victum sibi sufficiat; & qua con-
ditione.*
2. *Modus hujus juris proprius; & quam large aliquando
cum usufructuario agatur.*
3. *Quarum partium fundi possessio quodammodo penes
usufructuarium.*
4. *Usufructuarius rem utendam alii locare aut vendere non
posse: nisi forte ex conjecturis appareat, hoc quoque
jus ei concessum.*

§. Fructuarius posse jus, quod in re fructuaria habet, alteri locare, vendere, gratia concedere: retento sc. jure, quod ex constitutione persona ejus inheret.

Hoc §. & 3. seqq. docet Imperator, quid rei cuiusque usus contineat, & quibus in rebus discrepet ab usufructu: idque exemplo veterum, declarat propositis ordine quatuor speciebus: usu fundi, ædium, servorum, pecorum: unde reliquarum rerum usus satis intelligi potest. Initio tradit generalem regulam, quæ ad rerum omnium usum ex æquo pertinet. Ait, minus juris esse in usu, quam in usufructu; id est, minus emolumenti, ἢ ἥν νέεδος: siquidem usus cujusque rei non plus commoditatis aut utilitatis tribuit, quam quantum usufruario necessarium est, eique sufficit ad usum & consumptionem quotidianam, arg. hujus §. & l. plenum 12. §. 1. eod. Ususfructus autem extra hanc sufficientiam & consumptionem progreditur, omnemque utilitatem, commodum omne, quod quavis ratione ex re percipi potest, sine exceptione continet, vid. tit. pr. in pr. Denique & usus fructui inest: & ideo si usufructu legato, usus adimatur, placet nullam esse ademptionem; & si tibi usus, mihi usufructus legatur, concurrere nos in usu, l. per servum 14. §. 1. & 2. hoc tit. In summā utimur ad indigentiam, fruimur etiam ad compendium: uno verbo, fructuarius defuitur. Defrui dicebant antiqui, teste Festo, ut deamare, deperire; significantes, omnem fructum percipere. Planè in pecunia & cæteris rebus, quæ usu consumuntur, nihil interest, usus legetur, an usufructus: quia usus in his rebus tantum continet, quantum usufructus, l. §. ult. l. 10. §. 1. de usufr. ear. rer. quæ us. conf.

¹ *Oleribus, pomis, floribus, feno, stramentis & lignis*] De his nulla fuit inter veteres controversia. Dubitatum de foliis, oleo, frumento, frugibus: sed obtinuit contra Nervæ sententiam, ut etiam ex his usufructus sumere posset, quod ad victum sibi & familiæ suæ sufficiat; & generaliter ex omnibus, quæ in fundo nascuntur, d. l. 12. §. 1. hoc tit. Malim tamen eo loci pro foliis legere oleis, cum D. Cujac. in not. ad hunc loc. & 9. obs. 37. Don. 10. comm. 25. ut oleæ & oleum conjungantur cum cæteris, quæ majus proprietarii usus continent: nam ineptum videtur atque iniquum, usum foliorum arborum denegare ei, cui pomis, feno, olera, lignis uti conceditur: & quod de usu foliorum ex Catone & Columella refert Rævard. 2. conj. 4. pecora illis ali solita, hoc vel magis ad fœnum pertinet, Stramenta quoque jumentis usui sunt & esui, & poma, olera, familiæ domini rusticæ. Nullo autem colore, quod Jureconsultus de foliis indefinite enunciavit, trahi potest ad folia barbarica aut Indica; aut cum Zas. par. hoc tit. n. 12. (unde transfluxa Cantiuncula in paraphrasin suam) ad folio mori,

quam fronde nova pubescentem depascuntur bombyces; aut palmæ, ex cujus foliis in quibusdam partibus lanam trahi, & validos funes in Oriente fieri testatur Plin. lib. 13. c. 4. & lib. 16. c. 24. Et cur non addiderunt scopas etiam è palma fieri solitas, quod ostendit Martialis. lib. 14. his versibus;

In pretio scopas testatur palma fuisse:

Sed pretium scopis nunc analecta dabunt.

Et fortassis hic usus non minus Europææ, quam Asiaticæ & exoticæ fuit. Cæterum ita demum eximo, vinum, frumenta, & cæteras fruges in usum venire, si vindemiarum sementisque & arationis pro sua parte usufructus sumptus ferre velit: quod etsi nusquam scriptum est, humanitas tamen suggerit: & usu fundi relicto, si non major sit fructus, quam qui legatario usui sit, æquum est, ipsum solum onera culturæ sustinere, per l. si domus 18. hoc tit. Manifestè autem fallitur Wesemb. par. hoc tit. n. 2. dum simpliciter negat, usufructum uti posse frumento aut cæteris fructibus industrialibus, contra textum expressum in d. l. 12. §. 1. eod. & cur, cum impensas sementis præbet non utatur terræ matris largitione?

Ad usum quotidianum] Modus utendi hujus juris proprius dum ex his omnibus sumat usufructus, quod ad victum sibi suisque sufficiat, non amplius, d. l. 12. §. 1. Quantum autem cuique sufficiat, id æstimandum ex dignitate & conditione utentis: neque enim ita usus restringendus est, ut non etiam pateat & honestati vitæ & dignitati. Quin etiam longius aliquando itur, & tam largè cum usufructuario pro dignitate ejus agitur, ut his rebus non tantum cum familia, sed etiam cum convivis & hospitibus uti ei permittatur: hætenus tamen, ut oleo, frumento, & cæteris frugibus cum convivis & hospitibus utatur in villa: cætera, quorum non admodum grave onus est, si abundant in fundo, etiam in oppidum deferri hujus rei gratia possunt, d. l. 12. §. 1. Enimvero necesse non est, sumere singulis diebus, quod in singulos eos sufficiat: sed ex penu, hoc est, ut ego interpretor, ex eo, quod ad penum pertinet, capere licet, quod sufficiat in annum: quamvis eo modo fructus consumantur, quod facile evenire potest usu medioeris prædii relicto: nam usufructus prior semper ratio est, l. si alii 42. de usufr. & in usu domus & servi hoc accidit, ut nihil alii fructuum nomine super sit, l. fundi 15. hoc tit. D. Tuld. comm. hic cap. 2. eademque causa est navis, vestimentorum, vehiculi, & similibus rerum, quarum fructus in usu est. Cæterum usufructuario intra annum mortuo, quod ex penu superest, ad hæredem ejus non pertinebit: desit enim posse uti, neque usufructus fructus, quos decerpit, aut collegit, suos facit, aut perceptione dominium eorum acquirit, quod tribuitur fructuario: sed tantum jus iis modicè utendi habet. Illud constat,

stat, non posse ei, qui usum habet, obijci quod pecuniis abundet, unde sibi quæ opus sunt, aliunde quam ex re usufructuaria comparare possit.

Haftenus ei morari licet, ut neque domino fundi molestus sit] Possessio earum fundi partium, quæ ad fructum ferendum comparatæ non sunt, quodammodo penes usufructuarium est: placet enim, eum solum usum cellis vinariis & oleariis, dominum invito eo non usurum: l. 10. in fin. hoc tit. Deambulandi quoque & gestandi in locis ad eam rem paratis solus jus habet d. l. 12. §. 1. eod. Prætorio autem, hoc est, villa urbana, sive domo, non fundi, sed domini causa parata, non utetur, nisi & nominatim hujus usus relictus sit, & tum quidem utetur solus, d. l. 12. in pr. Sed villam suo jure occupabit, & dominum illo venire prohibere poterit: tantum pati cogetur illic habitare colonum & familiam rusticam, quæ agri colendi causa illic sit: sed nec impedire poterit, quominus proprietarius ipse eo veniat ad fructus percipiendos, & per tempora fructuum colligendorum ibi habitet, d. l. 10. §. ult. & d. l. 12. in pr. Hinc explicandum quod ex Gajo l. 11. eod. Justinianus hic tradit, hætenus usufructuarius in fundo morari posse, ut neque domino fundi molestus sit, neque iis, per quos opera rustica fiunt, impedimento.

Nec ulli alii jus quod habet locare aut vendere] Quod hic traditur, etiam ad aliarum rerum usum pertinet, l. 8. & d. l. 12. §. 4. & ult. eod. & hanc habet rationem, quod in usu spectatur persona ejus, cui relictus est & modus familiæ ejus, ut pro conditione & dignitate sua utatur: quod fieri non potest, si alii venderet: nam emptoris alia potest esse consideratio & multum diversa à conditione usufructuarii. Id tamen cum hoc temperamento accipiendum est, nisi ex conjecturis appareat, testatorem jus quoque locandi aut vendendi usum concedere voluisse. Cujusmodi conjecturæ sumi possunt vel ex conditione legatariorum, vel ex genere relictæ. Nam si aurigæ usus equorum legatus sit, cum testator sciret eum hujus esse instituti & vitæ, placet eum etiam locare equos posse: quia de hoc etiam usu testator videtur sensitisse & retulisse usum ad rationem vitæ legatariorum, d. l. 12. §. 4. Si silvæ usus legatus sit, Adrianus statuit fructum quoque legatum videri: quia nisi liceret cedere silvam & vendere, quemadmodum usufructuariis licet legatariis nihil habiturus esset ex eo legato, l. pen. eod. quod plerique sic accipere, si silva remotior sit ab oppido, ut, si cogatur legatarius ipsa eam cedere, & quod excidit usus sui causa domum comportare, plus impensurus sit, quam si in propinquo ab aliis emeret: neque ita intelligendum, quasi legatario liceat cedere & vendere tantum, quantum solebat dominus, aut quantum fructuario licet: sed pro modo & ratione usus sui. In universum autem

non esse invidendum usufructuario, *Connan. 4. comm. 5. & Wesemb. par. hoc tit. num. 1.* existimant, si velit, fructus, quos usus sui causa jam percepit & collegit, alteri vendere aut donare.

Possit hæc omnia facere] Rem utendam fruendam alteri locare, vendere, gratis concedere, l. 12. §. 2. de usufr. etiam invito hærede, l. 67. eod. Græci καὶ ἀκίνητος ὁ δέσποτης, ἢ ἡ κληρονομία αὐτοῦ. Interpretes hoc restringunt ad nudam fruendi commoditatem: cæterum veteres amplius quid intelligere videntur, qui sic loquuntur, ut dicant, usufructuarius, jus, quod habet, l. 11. hoc tit. usumfructum, l. non utitur. 38. eod. jus utendi fruendi, l. 8. §. ult. de per & com. rei vend. posse alteri concedere, locare, vendere. Et illud tamen certum est, non posse fructuarium ullo modo alteri constituere usumfructum, hoc est, novum in suum locum fructuarium substituere, nisi volente & sese accommodante domino proprietatis, l. usufructus 57. sol. matr. Dicendum videtur cum domino Bachovio, duplex quodammodo jus fructuarium habere. Quorum unum merè personale est, ita infixum personæ ejus, cui usufructus primo constitutus est, ut ab eo avelli nequeat: unde etiam cum de amittendo aut finiendo usufructu quaeritur, ejus solius persona semper spectatur, d. l. 8. §. ult. de per. & com. rei vend. Alterum reale, consistens in usu & fruiione rei fructuariæ, quod à fructuario abire & in alium transferri possit, licet à personali illo jure promanet, inque eo ita radicetur, ut necesse sit cum illo extingui. Illustrat hanc distinctionem exemplo hæredis & creditoris: in quibus bus similiter jus geminum animadvertimus: unum, quod personale est, atque ossibus eorum, ut DD. loquuntur, inhæret, hæredi ex additione hereditatis, creditori ex obligatione quaesitum: alterum reale in re quaesita aut debita. Illud in eo cernitur, quod qui semel hæres extitit semper hæres maneat, ac proinde vendita hereditate nihilominus actiones hereditarias ipse exerceat & excipiat, l. 2. C. de her. vel de act. vend. creditor actione vendita jus ipsum agendi adhuc retineat, l. 3. C. de novat. Hoc in eo, quod hæres jus omne, quod in re habuit, in emptorem hereditatis transfert, l. 2. in pr. & passim de her. vel act. vend. qui ob id vicem hæredis obtinere dicitur, d. l. 2. §. antepen. & utilibus etiam actionibus suo nomine experiri potest: ut & is, cui nomen venditum aut legatum est, l. si cum 16. de pact. l. 5. 7. 8. C. de her. vel act. vend. l. ex legato 18. C. de legat. Potest igitur fructuarius, ut eo redcam, etiam jus, quod habet, in alium transferre: utique tamen non illud, quod ex constitutione personæ ejus inhæret: sed eo retento, quod extra personam ejus consistit, quod habet in re fructuaria. Cumque nullo modo cessare possit, ut ipsum jus, quod habet, à se abeat atque

atque in extraneum transferatur, ne hoc quidem agere voluisse in dubio censi debet; sed ubi causa sive titulus non obstat, seu appellatione usufructus aut jus utendi fruendi nihil amplius transferre, quam jure suo potest, veluti si locavit usufructum aut jus utendi fruendi, si vendidit, donavit, *d. l. non utitur §. 8. de usufr. l. 1. §. 1. hoc tit. d. l. 8. §. ult. de per. & comm. rei vend.* De cessione autem in jure idem dici non potest, quia per eam necessario jus omne à cedente abibat, secundum ea, quæ tradita sunt sub §. pen. superioris tituli.

TEXTUS.

Ædium usus.

2. Item is, qui ædium usum habet, hætenus jus habere intelligitur, ut ipse tantum inhabitet: nec hoc jus ad alium transferre potest: Vix receptum esse videtur, ut hospitem ei recipere liceat, & cum uxore liberisque suis, item libertis, nec non personis aliis liberis, quibus non minus, quam servis utitur, habitandi jus habeat. Et convenienter, si ad mulierem usus ædium pertineat, cum marito ei habitare liceat.

NOTÆ.

2. Item is] Hic locus ex variis prudentum responsis confusus est, *l. 2. l. 3. & aliquot. seqq. hoc tit.*

Vt hospitem recipere] Ex veteri more hospitii, quod inter privatos contrahebatur. V. Bud. ad pand. in l. 6. §. 3. de off. procons. Salmas. ad jus Attic. cap. 26.

Nec non personis aliis] Tandem eo decursum, ut & inquilinum recipere possit, dum ipse quoque inhabitet, *d. l. 2. §. ult. & pensionem percipere, l. 4. eod.*

COMMENTARIUS.

1. Usuarium non prohiberi, dum ipse inhabitat, partem ædium, quam non occupat, alii locare.

Hoc §. ostenditur, quid contineatur usu ædium: latissime autem hoc declaratur *l. 2. §. 1. cum 6. ll. seqq. & l. pen. §. 1. hoc tit.* De eo nemo dubitavit, quin is, cui ædium usus legatus est, eas inhabitare possit: uti & illud quoque semper constitit, non posse usuarium habitationem alteri locare, vendere aut gratis concedere, *hoc text. & l. 8. eod.* Circa eum autem qui ipse inhabitat, quædam quæsitæ sunt. Veluti si ædes amplæ sint, & tam augustus usuarius, ut eas totas simul occupare non possit, an non liceat proprietario partibus iis, quæ vacabunt, uti: sed placuit, non licere: quia cum usuarius jus utendi habeat, etiam si nunc non utatur, postea tamen cum

voluerit, uti potest, & alio tempore partes illas occupare, *d. l. pen. §. 1.* Item, an qui ipse inhabitat, possit in partem habitationis alios admittere: de quo mox in explicatione textus.

Nec hoc jus ad alium transferre] Qui usum ædium habet, neque locare, neque concedere habitationem, neque vendere usum potest, *l. 8. hoc tit.* quod non est speciale in usu ædium, sed ad aliarum quoque rerum usum pertinet, ut relatum *sup. §. præc.* Illud speciale est, quod usus ædium & usufructus in eo solum differunt, quod hic locari, vendi, alteri concedi potest, ille non potest. Cæterum utentis nihil interest, usum ædium habeat, an usufructum; idque clarissime patet ex locis supra citatis, & hoc §. *junct. l. 1. §. 1. eod.* Quod autem diximus, eum, qui usum ædium habet, non posse habitationem locare aut alteri concedere, hoc ita est, si seorsum locet aut concedat sine se, *d. l. 8.* nam si ipse inhabitet, non prohibetur partem ædium, quam ipse non occupat, aut, quia nimis spatiosæ, occupare non potest, alteri locare, ut pensionem percipiat, *l. 4. hoc tit.* quod Labeo dicebat, posse eum, qui ipse habitat, inquilinum recipere, *l. 2. in fin. eod.* notatus à Proculo, quod inquilinum non belle appellavit eum, qui cum alio habitat, *d. l. 4.* nam inquilinus propriè dicitur, qui in conductis ædibus habitat solus, *l. rei pignori. 37. de acq. poss. l. 1. §. 1. l. 2. de migrand.*

Et vix receptum esse videtur] Quod ait vix receptum esse, ut is, qui ædium usum habet, hospitem recipere possit, sic accipiendum est, ægrè quidem ab initio id receptum esse propter dubitationes veterum, tandem tamen obtinuisse, *d. l. 2. §. 1.* Ait, ut hospitem recipere liceat. Eum, qui ipse inhabitat, placuit etiam hospites recipere posse, *d. l. 2. §. 1.* sive gratuitum illis hospitium præstet, sive mercenarium, *d. l. 2. §. 1. & d. l. 4. in pr.* nec audiendus Bachovius, qui verbo hospitise eos solos significari existimat, quibus more veterum ex singulari amicitia jus mutuum idicæviat, hoc est, privati hospitii erat: de quo Bud. ad l. 6. §. 3. de off. procons. Salmas. ad jus Attic. c. 26. Planè etsi quemlibet extraneum convictorem recipere potest: tabernam tamen cauponariam ei exercere non licebit, quæ publice viatoribus omnibus & peregrinis pateat, *arg. l. 13. §. ult. de usufr.*

Cum uxore liberisque suis, item libertis] Domus usuimarto relicto, facile admissum fuit, ut maritus illic habitaret cum uxore liberisque suis, cum servis item & famulis, id est, cum omni familia, *d. l. 2. in pr.* Quæstionis autem fuit, an & cum libertis: sed Labeo & Celsus etiam hoc recipi posse admiserunt, *d. l. 2. §. 1.* Paulus & clientes, *l. 3. eod.* Ita dicebantur homines liberi, qui se ad potentioris alicujus ductum applicabant, ut ejus patrocinio defenderentur in capite & fortunis, *l. 7. §. 1. de capt. & postlim. susceptos*

ptos posterior ætas vocavit, *Consul. Hotom. in Lexic.* Nec mirum. hoc admitti, cum etiam extraneus quilibet, ut jam dictum est, recipi possit, qui modo honestè cum eo, qui usum habet, habitaturus sit.

Cum marito ei habitare] Nec mulieri matrimonio carendum sit, cum uti vult domo d. l. 4. §. 1. Sed etsi usus ædium mulieri legatus sit ea conditione, si à viro divorisset, placuit tamen, cum viro habitaturam, remissa ei conditione legati, d. l. 8. §. 1. Hoc amplius, si virgini aut viduæ legatus sit, placuit & postea nubentem cum viro habitare posse, d. l. 4. §. 1. Nec solum cum marito, sed & cum liberis, parentibusque & liberis, cum focero etiam habitaturam: atque eo usque processum, ut eosdem, quos masculi, etiam mulieres recipere possint, d. l. 4. *in fin. & l. 6. cod.* Possunt ergo & hospitem, sed non aliter, quam si is sit, qui honestè cum iis sit habitaturus, l. 7. *cod.*

TEXTUS.

De servi vel jumenti usu.

3. Item is, ad quem servi usus pertinet, ipse tantum opera atque ministerio ejus uti potest: ad alium vero nullo modo jus suum transferre ei concessum est. Idem scilicet juris est & in jumento.

NOTÆ.

3. *Ipse tantum opera*] Non modo tamen ad ministerium suum, sed etiam liberorum suorum & conjugis, l. 12. §. *pen. cod.*

In jumento] *ἄρσενος*, equo, bove, asino, v. d. l. 12. §. 3. & 4.

COMMENTARIUS.

Servorum usus est in eorum operis: est & in fructibus, hoc est, iis rebus, quæ per servos acquiruntur. Operis uti potest usufructuarius in re quilibet, nec tantum ad ministerium suum, sed etiam ad liberorum suorum & conjugis, l. *plenum 12. §. pen. & ult. hoc tit.* dum tamen secundum conditionem servi: nam & à usufructuario hoc exigitur, l. 15. §. 1. *de usufr.* Cæterum ipsum usufructuarius uti oportet, non aliis operas locare aut utendas concedere: quamquam parum refert utrum utatur in re planè sua an in opere alieno, quod ipse expediendum conduxit, d. l. 12. §. *ult. & l. seq. cod.* De iis, quæ per servum usufructuarius acquiruntur, ita placuit, ut si quid acquirat ex operis suis, id non acquiratur usufructuario, quoniam nec locare servi operas potest: sin autem ex re usufructuarii, puta si instructor erit, & opera ejus usufructuarius

utatur in taberna ad merces emendas & vendendas, aut si jussu usufructuarii per traditionem accipiat, usufructuario acquirat, cum hac opera in re sua usufructuarius utatur, l. *per servum 14. in pr. l. si ita 16. §. 2. l. servus 20. cod.*

Idem scilicet juris est & in jumento] Jumentorum quoque usus, sicut servorum, in operis est, & quidem solis, ut equorum, mulorum, asinorum; item bovum: habetque in his usufructuarius omnem usum ad arandum ad vehendum sub iugo, ad onera ferenda, & ad cætera, ad quæ hæc animalia apta sunt: utetur autem secundum conditionem cujusque jumenti & morem regionis, l. 12. §. 3. & 4. *hoc tit.* nec locabit, nisi fortè de eo etiam usu testatorem sensisse appareat. Quid enim si aurigæ equitii usus legatus sit, cum sciret testator eum hujus esse instituti? d. l. 12. §. 4. Et si fortè unius bovis usus legatus sit homini tam inopi, ut alterum emere non possit, nec cum uno fundum suum arare, non puto ei invidendum, ut cum vicino, qui itidem bovem habeat, agat, ut per aliquot dies invicem boves ad opus faciendum commodent, ne legatum ei inutile sit, *arg. l. pen. in pr. cod.* Hoc & Cantiuncula; ex quo ad verbum, ut ferè omnia, descripsit Mynsing.

TEXTUS.

De pecorum usu.

4. Sed & si pecorum vel ovium usus legatus sit, neque lacte, neque agnis, neque lana utetur usufructuarius: quia ea in fructu sunt. Planè ad stercorandum agrum suum pecoribus uti potest.

COMMENTARIUS.

Pecorum vel ovium] *Ἀμδῆτημα* Triboniani; nisi legendum, veluti ovium, *οἶον περὶ τῶν*, ut vertit interpres Græcus, & flagitat locus Pauli d. l. 12. §. 2. *hoc tit.* unde hic desumptus est: quippe nemini dubium est, quin appellatione pecorum etiam oves contineantur: & facietum est, quod ex Mynsingero in margine hic adscripsit Pacius, quamvis oves sint species pecorum, non propterea tamen legatum ovium esse speciem legati pecorum.

Neque lacte, neque agnis, neque lana] Igitur in usu pecoris, puta gregis ovilis, vaccarum aut caprarum, minimum est: nam nihil ex iis, quæ in fructu harum pecudum sunt, usufructuarius sumere potest: sed tantum ad stercorandum agrum suum, quo pinguior & fecundior fiat, his uti: & insuper modico etiam lacte, neque enim tam stricte voluntates interpretandæ, d. l. 12. §. 2. Cumque cæterarum rerum,

etiam possessionem tradi usufruario oporteat, ut iis utatur, diversum tamen esse apparet in pecoribus, quæ tantum ad fructum ferendum habentur.

TEXTUS. De habitatione.

§. Sed si cui habitatio legata, sive aliquo modo constituta sit, neque usus videtur, neque usufructus, sed quasi proprium aliquod jus: quanquam habitationem habentibus, propter rerum utilitatem, secundum Marcelli sententiam nostra decisione promulgata, permittimus non solum in eo degere, sed etiam aliis locare.

NOTÆ.

§. Nostra decisione] Ex constitutione Justiniani habitatio usufructum ædium imitatur, ut & locari possit, & consequenter etiam vendi & gratis alteri concedi, jure ipso apud eum, cui constituta est manente: nihil enim interest. Constitutio extat in l. 13. C. de usufr.

COMMENTARIUS.

1. Falso à nonnullis negari, habitationem esse speciem servitutis personalis.
2. Habitationem tam vendi & gratis concedi, quam locari posse.

Restat ultima species servitutis personalis, habitatio. Ea est jus in ædibus alienis habitandi cum personis quoquo modo ad nos pertinentibus. Etenim effectus idem penè est habitatio, quod usus ædium: easdemque personas, qui habitandi jus habet, recipere potest, quas usufructus, l. 10. hoc tit. Constituitur quoque habitatio iisdem modis, quibus usus & usufructus, iisdemque modis finitur, excepto quod non finiatur non utendo, d. l. 10. quod ideo placuit, qui habitatio magis in facto, quam in jure consistit, l. pen. de min. ex quo est, quod legatae habitationis dies non semel cedat, sed per dies singulos, perinde ut usufructus in singulos dies relictus, l. 1. pr. quand. dies us. leg. ced. & arg. d. l. pen. de cap. min. ut plura hic sint legata, & quasi nova singulorum dierum habitatio: ob quam etiam causam nec capitis deminutione (scilicet minima) olim amittebatur, d. l. pen. & d. l. 10. Ex constitutione autem Justiniani nec usus nec usufructus ita perit, l. pen. C. de usufr. ut jam hac in parte nulla amplius sit differentia: quod vix unus aut alter, quod sciam, admonuit.

Quasi proprium aliquod jus] Hoc est, species quæ-

dam servitutis personalis quæ propriè neq; usus est, neque usufructus; licet olim parum distaret ab usu, d. l. 10. Hodie per constitutionem Justiniani l. 13. C. de usufr. ad usufructum propè accedit. Sunt tamen qui negant, habitationem esse speciem servitutis personalis, & omnino servitutem esse: quoniam duæ tantum personarum servitutes memorantur à Marciano l. 1. de serv. Sed ille vel exempli causa duas istas duntaxat retulit, vel sub usu etiam habitationem comprehendit, quia jure veteri habitatio effectus idem erat, quod usus, auctore Ulpiano, d. l. 10. Quod autem ajunt, de servitute tam personali quam reali proditum esse agentis actionem in rem confessoriam, §. 2. inf. de act. eum autem, cui habitatio constituta sit, actionem tantum personalem habere, vel ex testamento, vel ex stipulatu, vel commodati, aut præscriptis verbis, eo quod habitatio non sit jus aliquod in re, vel ut illi loquuntur, non in dominio, sed in obligatione consistat, id quoque perperam dici existimo. Nam esse aliquod jus in rem, vel ex hoc ipso loco apparet: & argumento est, quod conjunctim cum usu & usufructu de hoc jure & hic & in Pand. & C. tractetur. Nullum autem certius argumentum est habitationem servitutem & personæ esse, quam servitutis definitio, tum generalis, tum specialis personarum: est enim jus in re aliena alteri constitutum, quo dominus aliquid pati cogitur in suo, & jus constitutum personæ. Nec obstat, quod habitatio in facto potius, quam in jure consistere dicitur l. pen. de cap. min. nam idem ferè & de usufructu prædicatur, l. un. quand. dies us. leg. Dicuntur enim ista per extensionem, non quod sint nuda facta: estque similis habitatio usufructui in dies aut menses singulos legato; d. l. pen. Si igitur is, cui in dies aut annos singulos usufructus legatus est, cum confessoria vindicare non prohibetur; cur non & confessoria pro habitatione competat ei, cui ea legata est? Nec verum est, quod Hotomannus scribit, usum & usufructum servo aut filiofamil. legatum, domino aut patri acquiri; habitationem non acquiri: idque liquet vel ex ipsa, quam citat, l. 9. quand. dies leg. ced. junct. l. 2. & 3. eod. Agnosco autem lubens sensus mei hebetudinem, qui videre non possum, quomodo id, quod de actione commodati aut præscriptis verbis ei, cui habitatio constituta est; danda proferatur, probari possit ex l. 1. in fin. pr. commod. junct. l. si gratuitam 17. in pr. de præf. verb. Illud quidem video, tractati illic de actione commodati aut præscriptis verbis danda domino ædium, qui habitationem commodavit, sive gratis alicui concessit. Sed quid hoc ad rem?

Quanquam habitationem habentibus, &c. etiam aliis locare] Hoc est, quamvis in hoc habitatio ex nostra constitutione usufructum imitetur; quod eam al-

teri locaci permiffimus, l. cum antiquitas 13. C. de usufr. Poterit ergo & vendi & gratis alteri concedi jure ipfo apud eum, cui ab initio constituta est, manente, secundum ea, quæ diximus §. 1. sup. eod. nihil enim interest: & puerile nimis, quod quidam ajunt, ideo habitationem vendi aut donari non posse, quia est jus personale: nam eadem ratione nec usufructus vendi aut donari posset: & si nihil aliud obstar, et, usus quoque locari aut vendi non prohiberetur: sed in usu spectatur conditio personæ usufructuarii & indigentia pro modo familiæ ejus: alius autem alio numerosiore familiam habet, & pluribus indiget; nec una omnium conditio, ut rectè D. Connan. 4. comm. 5. Putat Hotomannus, etiam jure veteri habitationem commodari potuisse, licet usus non potuerit: per d. l. 1. commod. & d. l. 17. de præsc. verb. sed fallitur *ἡ ἀντιθέσις*. non enim de habitatione jam alicui constituta, & ab eo, cui constituta est, alteri commodata illic agitur, sed de commodata aut gratis alicui concessa demum à domino ædium: quomodo locus istos etiam accepit D. Bachovius.

TEXTUS.

Transitio.

6. Hæc de servitutibus, & usufructu, & usu, & habitatione dixisse sufficiat. De hereditatibus autem & obligationibus suis locis proponemus. Exposuimus summatim, quibus modis jure gentium res acquiruntur: modo videamus, quibus modis legitimo & civili jure acquiruntur.

NOTÆ.

6. Legitimo & civili jure] Antiquitatis studiosi consulant Budæ, in Pand. ad l. 2. §. & cum placuisset. 24. de orig. jur.

COMMENTARIUS.

Duplex transitio, & utraque perfecta: in epilogico prioris respicitur ad tit. de reb. corp. & in corp. hujus libri secundum: ubi cum non tan-

tum servitutes prædiorum, usus & usufructus inter res incorporales numerentur, verum etiam hæreditas & obligationes, ac de servitutibus, usufructu & usu hætenus tractatum sit, videri poterat, nunc proptinus de hæreditatibus & obligationibus dicendum esse: sed in propositione, seu membro sequenti, harum rerum tractationem in alium locum rejicit: tractationem de hæreditate, quia adhuc agendum de modis, quibus res acquiruntur singulæ; susceptio- ne autem hæreditatis acquiruntur bonorum universitas: tractationem de obligationibus, quia obligatio non est jus in rem, de cujusmodi jure acquirendo nunc quæritur, sed ad rem duntaxat, pariens creditori actionem in personam, non vindicationem rei. In posterioris epilogo respicit ad §. singulorum 11. sup. tit. 1. de res. div. quo loco recepit, se post expositos modos acquirendi jure gentium dicturum esse de iis modis, quibus dominium nanciscimur jure civili: quod est *τὸ ἐφεξῆς*. Modi acquirendi jure civili vel singulares sunt, vel universales. Singulares, quibus acquiruntur res singulæ: universales, quibus una acquisitione, tanquam per averfionem, acquiruntur bona alicujus universa: de quo genere acquisitionis agere incipit *inf. l. ult. tit. 9.* hujus libri. Modi acquirendi jure civili res singulas duo tantum ab Imperatore exponuntur, usucapio *tit. seq.* & donatio *tit. 7.* Cur de legatis & fideicommissis, quæ huc alioqui pertinent, nunc non simul tractare voluerit, dicitur d. §. ult. Pertinent item huc & alii modi: veluti cum possessori attribuitur dominium rei, quam dominus vi eripuit aut invasit, §. 1. *inf. v. bon. rap. l. 7. C. unde vi*, cum uno ex duobus, qui à Principe munus acceperunt, moriente absque hærede, pars deficientis consorti accrescit, l. un. l. si liberal. *imp. soc. fin. hered. dec. lib. 10.* item cum pupillo, ecclesiæ acquiruntur res ex pecunia sua emptæ absque ulla traditione, l. ult. C. de sacros. eccles. Mancipatio, quam Cicero in *topic. traditionem nexu* vocat, & in jure cessio, de quibus *Ulpian. tit. 19. Boët. ad d. loc. Ciceronis*, jam tempore Justiniani exoleverant: antiquitatis studiosi adeant D. Ant. Concium 1. *disp. 12. clariss. Salmans. c. 8. de usur.*



TITULUS VI.

D. Lib.41. Tit.3. C. Lib.7. Tit.31. & 33.

De Usucapionibus & longi temporis præscriptionibus.

1. Non satis considerate à D. Cujacio & aliis pro præscriptionibus hic reponi possessionibus.
2. Quibus in rebus olim usucapio & longi temporis præscriptio differebant.
3. Falli, qui putant usucapionem tantum esse rerum mobilium.
4. Quæ quæ serie hoc titulo tractentur.



Inter acquisitiones juris civilis vel prima & præcipua est usucapio. Nam etsi ea Græcis quoque non incognita fuit, eamque etiam Plato lib.12. de legib. in suam iniecit rempub. tamen civili tantum ratione, non etiam pura aliqua naturali nititur, ab eaque longius etiam quam cæteræ acquisitiones civiles, recedit. Utrum autem quid juri civili adscribendum sit, an juri naturali, id non ex nudo usu populorum, sed ex eo, quod suggerit ratio naturalis, æstimandum est, §.1. sup. de jur. gent. et civili. Usucapio definitore Modestino l.3. hoc tit. est adjectio domini per continuationem possessionis temporis lege definiti. Quid singula definitionis sibi velint, dicetur Postea in explicatione §. diutina 7. inf. eod.

[Longi temporis præscriptionibus] Qui hanc partem inscriptionis mutant, & pro longi temporis præscriptionibus, reponendum arbitrantur, longi temporis possessionibus, inter quos sunt Cujac. Hotom. Wesemb. Tim. Faber, quod & Pacius probat, illi nec mentem Justiniani, nec quid hoc tit. agatur, satis animadvertere mihi videntur. Mens Justiniani intelligitur ex eo, quod in principio commemorat constitutionem suam de usucapione transformanda; qua constitutione cum duo diversa essent genera acquisitionis, usucapio, & longi temporis præscriptio, usucapionem ita transformavit, ut tamen utrumque in illo uno velut permixtum retinuerit: atque hoc etiam ex verbis inscriptionis intelligere nos voluit. Sic alibi quoque hæc duo conjungit, usucapionem aut longi temporis præscriptionem, §. pen. inf. per quas pers. eniq. acq. Conferuntur item, & conjunctim ista duo appellantur à Gajo l. qui alienam §.4. in pr. de evictio- nib. Hoc tantum interest, quod Gajus duo diversa, acquirendi genera, ut tunc erant, significat, Justinianus unum & idem ex duobus istis à se conflatum;

neque enim sustulit ille longi temporis præscriptionem, sed auxit addita ei usucapione in solo provinciali. Sed neque agitur hoc titulo de possessione, nisi per occasionem, neque magis, quam de bona fide, aut iusto titulo: sed de horum omnium concurrentium effectu, & acquisitione ipsa, quæ olim duplex erat, usucapio & longi temporis præscriptio: quam utramque, ut diximus, sic retinuit Justinianus, ut ex duabus unam faceret. Erat vero triplex inter usucapionem & longi temporis præscriptionem discrimen in rebus, in tempore, in acquisitionis effectu. Usucapio locum habebat in rebus immobilibus Italici soli tantum, in mobilibus omnibus. Præscriptio frequentabatur in prædiis duntaxat provincialibus. Usucapio rerum mobilium anno terminabatur, immobilium biennio. Præscriptio consummabatur decem annis inter præsen- tes, viginti inter absentes. Usucapio possessorem dominum efficiebat. Præscriptio possessori non dominium tribuebat, sed jus aliquod dominio simile & proximum: de quo dicam plenius postea. Hæc differentias sustulit Justinianus, servato uno discrimine rerum mobilium & immobilium, l. in C. de usuc. transform. Eorum error manifestior est, quam ut refelli debeat, qui hæc genera sic distinguunt, ut dicant, ut usucapionem tantum esse rerum mobilium, longi temporis præscriptionem rerum immobilium: & vel unum hujus tit. principium hos refellit. Initio docetur, quæ res quanto tempore à quibus usucapiantur; deinde de rebus agitur, quæ usucapionem non recipiunt, tum de conditione possessionis & conjunctione temporum: postremo de fisci traditione & præscriptione quadriennii fiscali.

T E X T U S.

Præcipua Usucapionis requisita.

1. Bona fides. 2. Possessio per tempus definitum continuata. 3. Justus Titulus.

Jure civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex dona-

donatione, aliave quavis iusta causa acceperit, is eam rem, si mobilis erat, anno ubique uno; si immobilis, biennio tantum in Italico solo usucaperet: ne rerum dominia in incerto essent. Et cum hoc placitum erat, putantibus antiquioribus, dominis sufficere ad inquirendas res suas præfata tempora, nobis melior sententia resedit, ne domini maturius suis rebus defraudentur, neque certo loco beneficium hoc concludatur. Et ideo constitutionem super hoc promulgavimus, qua cautum est, ut res quidem mobiles per triennium; immobiles vero per longi temporis possessionem (id est, inter præsentis decennio, inter absentes viginti annis) usucapiantur. Et his modis non solum in Italia, sed etiam in omni terra, quæ nostro imperio gubernatur, dominia rerum iusta causa possessionis præcedente acquirantur.

N O T Æ.

Bona fide] In quo tempus traditionis inspicitur: at in emptione etiam, quo contrahitur, l. 2. pr. D. pro empt.

Crederet dominum esse] Aut jus vendendi habere, puta procuratorem aut tutorem esse, l. 109. de verb. sign.

Biennio] Lex 12. tabb. usucapionem fundi jubebat esse biennium: cæterarum rerum annum. Cic. pro Cæc. & in top. de quo vid. Bud. ad l. 63. D. evict. Cont. 1. disp. 10. Salmas. c. 8. de usuc.

Iusta causa] Id est, iusta titulo: nam titulus est possessionis causa, l. 7. Cod. de acquir. possess. l. 24. Cod. de rei vind.

Dominia acquirantur.] Recte igitur adhuc definiuntur usucapio cum Modest. l. 3. D. h. t. adjecto domini per continuationem possessionis temporis lege definiti.

COMMENTARIUS.

1. Auctoritatis verbo quid lex. 12. tabb. intellexerit.
2. In persona usucipientis quæ necessaria: & de bona fide.
3. De iusto titulo.
4. Cur prædia provincialia usucapi non potuerint.
5. Iuris de usucapione constituti ratio & defensio.
6. In incerto esse, an tempora usucapioni à Iustiniano præstituta apud nos quoque observanda sint.

Jure civili] Hoc plerique sic interpretantur, perinde ac si dixisset lege 12. tabb. & verum est, ex hoc fonte jus usucapionum manare. Sed quod sequitur de distinctione locorum, ex legē 12. tabb.

esse non potest: quippe cum eotempore, quod Decemviri legem tulerunt, populus Romanus pedem extra Italiam non haberet, adeoque augustissimis intra ipsum Italiæ solum finibus imperium Rom. contineretur. Credibile vero est, propagatis postea imperii finibus, Jurisconsultorum disputatione prædia Italici soli & provincialia jure auctoritatis distincta fuisse. Apud M. Ciceronem in Top. hæc leguntur; *Quoniam usus, auctoritas fundi biennium est, sit etiam adium. At in lege ades non appellantur.* Et in orat. pro Cæcinnæ; *Lex usum auctoritatem fundi jubet esse biennium.* Unde existimare licet, sic lege sancitum fuisse; *Usus, auctoritas fundi biennium esto. Cæterarum rerum annus esto.* Auctoritatis verbo multa, & diversa significantur. Vulgata non tangemus. Venulejus l. ult. de evict. auctoritatem interpretatur actionem pro evictione. Quo sensu etiam accipitur apud Paul. 2. sent. 17. l. Seneca lib. 4. natur. quest. Ergo si mihi parum credis. Possidonius tibi auctoritatem promittet, id est, Scævola l. ult. de pign. act. instrumentum auctoritatis appellat, quod primo dixerat instrumentum emptionis; nimirum instrumentum; quod de evictione promissum est, aut omnino instrumentum, quod probatio juris nostri, sive ut vulgo loquuntur, tituli acquisitionis continetur: cujusmodi tabulæ instrumenta ad probationem originis prædiorum appellantur, l. 24. C. de fideic. Sic apud M. Senecam lib. 7. contr. 6. quæ emptionis tabulæ primum, eadem post auctoritatis tabellæ nominantur. In lege Atinia, & in illo duodecim, *Adversus hostem æterna auctoritas esto*, verbo auctoritatis jus domini significatur, aut jus vindicandi, Grot. in spar. flor. Sensus hic est, ne peregrinus dominium rerum nostrarum usucapione nobis eripere possit. Cicero pro Cæcinnæ. *Aquæductus, haustus, iter, actus à patre, sed rata auctoritas harum rerum omnium à jure civili sumitur.* Rata auctoritas, id est, firmum ac fixum harum rerum jus. Eodemque significato & Scævola hæc voce usus est l. ult. de acqu. & ag. plur. In proposito quoque puto Decem viros nomine auctoritatis intellexisse jus legitimi domini, ut sit sensus, usus, qui auctoritatem, id est, justum dominium fundi asserat, sit spacium biennii; qui cæterarum rerum, annus. Quod perinde est, ac si dixissent, *Fundus biennium possessus usucapitor: cætera res annum possesse usucapitor.* Cicero in ea de Arusp. resp. *Multa sunt domus jure optimo sed tamen jure privato, jure hereditario, jure auctoritatis, jure mancipii jure nexi.* Jure auctoritatis perspicuum est hic significari ipsam usucapionem, sive jus legitimi domini per usucapionem quasi, non emptionem, quæ non mancipio facta est, ut vult doctissimus Salmasius lib. de usur. c. 8. Neque enim dici possum jure optimo domum habere, cujus ex ju-

re. Quiritium dominus non sum; & ideo jura legitima tantum Cicero commemorat. Idem vir doctissimus existimat, legem 12. tabb. verbo auctoritatis intelligere actionem pro evictione, cui Decem viri voluerint non ultra biennium patere locum in rebus soli, in mobiliis non ultra annum. At plerique omnes, qui in conditione usucapiendi juncti, re evicta ante impletam usucapionem, actionem pro evictione non habent. Qui pro herede, pro legato, pro derelicto, pro adjudicato, pro noxæ dedito, pro suo possidet, certo jure usucapit; & tamen si res intra tempora usucapionis evincatur, non est locus actioni ob evictionem, cujus hic periculum nec modo præstat. Sed neque ipsa evictio, seu jus, quod dominus habet rem à possessore judicio auferendi, intelligi potest: non enim eo principaliter hoc caput legis pertinet, ut sciamus, quid juris domino relinquatur intra annum aut biennium. sed quid usus siue possessio anni aut biennii tribuat utenti possidenti, nimirum rei possessæ legitimum dominium, ut patet ex definitione Modestini *l. 3. hoc tit.* Videfis Budæ. ad *l. Herennius 63. de evict.* Cont. 1. *disp. 19. Don. 4. com. 20.* & qui legem 12. tabb. commentariis illustrarunt, Baldwin. Hotom. Marcil.

2 Bona fide] In persona ejus, quem usucapere volumus, hæc sunt necessaria; ut possideat, ut juste, ut continenter, ut per tempus lege definitum: quorum unumquodque, ut sese offeret, ita explicabo. Quod hic traditur de bona fide, ad justitiam possessionis pertinet; quemadmodum & illud, quod mox sequitur, de causa. Igitur ad usucapionem non sufficit possidere, nisi & bona fide possideas. Bona fides æstimatur ex eo, quod possessor putavit, eum, à quo rem accepit, dominum esse, aut jus transferendi dominium habere, ut proinde opinetur se quoque statim dominum effectum esse, *l. bona fidei 109. de verb. sign. l. qui à quolibet 27. de contr. empt. §. si quis 35. sup. de rer. div.* Hæc autem opinio necesse est ut remota sit ob errore juris. Nam juris error acquirere volentibus nunquam prodest: *l. 7. l. 8. de jur. et fact. ign. ac proinde nec possessori in usucapionibus, l. nunquam 31. pr. hoc tit. l. 1. §. si à pupillo 15. pro empt.* Cæterum sufficit, ab initio bona fide possessionem nancisci. Iure enim civili bene captam usucapionem non impedit scientia rei alienæ postea superveniens, *l. un. C. de usuc. transform. l. bone 48. §. 1. de acq. rer. dom.* spectaturque in ea re initium traditionis, non contractus, *l. si in 15. §. ult. l. justo 44. §. 1. hoc tit.* præterquam in emptione, in qua utrumque tempus inspicere placet, & quo contrahitur, & quo res traditur, *l. 2. pr. pro empt. l. pen. hoc tit.* Diversitas rationem indicat Paul. in stipulatione *d. l. 15. in fin.* quia, inquit, concessum est stipulari rem etiam, quæ promissoris non sit, innuens, salva fide etiam sci-

entes rem alienam stipulari nos posse: at non pati sinceram fidem, ut rem alienam sciens quis emat. Et ideo huic non præstat evictio, *l. si fundum 27. C. de evict.*

Rem.] Corporalem scilicet nam res incorporales, veluti servitutes, per se usucapionem non recipiunt, *l. 14. de serv. l. servus 43. §. 1. de acq. rer. dom.* quippe in quæ non cadit possessio, in ea nec usucapio cadit. Cæterum est in his rebus locus acquisitionis longæ quasi possessionis, & effectu juris quasi usucapiuntur, *l. ult. C. de præsc. long. temp. l. 10. si serv. vind.* vide quæ scripsi ad *§. ult. sup. de serv.* Plane per consequentiam etiam veteri jure usucapiebantur, cum id prædium usucaptum esset, cui servitus debetur, *l. 10. §. 1. hoc tit.* quanquam revera nihil hic usucapitur, sed prædium suæ conditiones sequuntur, *l. via 23. §. 2. de serv. præd. rust.* de aliis rebus, quæ usucapionem non admittunt, dicam *§§. seqq.*

Aliarum iusta causa] Id est, iusto titulo, eoque qui idoneus sit ad transferendum dominium: eos enim qui nullo iusto titulo possident, ratio juris dominium quærere non patitur, *l. nullo 24. C. de rei vind. l. 4. C. de præsc. long. temp.* eademque prorsus in proposito ratio est dominii transferendi & transferendi conditionem usucapionis, *l. nunquam 31. de acq. rer. dom. §. pen. inf. per quas pers. cuique acq.* Iusta causa aut à privatis est, aut à iudice, aut à magistratu, aut à nullo, sed ab ipsa rerum conditione. A privatis, si quid ab his dominii transferendi causa traditur, solvitur, datur, derelinquitur, *l. 3. §. antep. de acq. poss.* cujus generis pleræque propriis tit. comprehensæ in Pand. & C. A iudice in adjudicantibus; quæ sunt in judiciis divisoriiis, si videlicet de alienis fundis tanquam communibus æsumis, *l. si per errorem 17. hoc tit.* alioqui statim res ejus sit, cui adjudicata est, *§. ult. inf. de off. jud.* A magistratu quibus in causis possessionem transferre potest: siquidem iuste possidet, qui auctore prætoris possidet, *d. l. 3. inf. l. 11. de acq. possess.* A nullo, quæ sola occupatione, si nullius essent, statim nostra fierent. Hinc titulus possessionis specialis pro suo, *l. 2. pro suo* Generaliter quidem etiam, quisquis ex iusta causa possidet, pro suo possidet, *l. 1. eod.* verum ex speciali titulo certa usucapio; ex generali nulla, nisi specialis aliqua causa, puta emptio, donatio, &c. præcesserit: nec sola existimatione nostra, sed revera, *l. Celsus 27. hoc tit.* de quo plenius postea.

Si mobilis erat, anno ubique uno] Ubique, tam in provinciis, quam in Italia. Nam cum res mobiles solo non cohærant, loco distingui non potuerunt: & conditione sua omnes usucapionem recipiunt. Immobiliū autem quædam tales erant, ut usucapio in iis non haberet locum: qualia erant prædia provincialia, ut mox dicemus. Quod autem brevius tempus usucapioni rerum mobilium præfinitum sit,

sit, quam immobilium, id eam rationem habere putant, quod regulariter minus in illarum, quam harum amissione præjudicium vertitur: cum aliqui longius tempus pascere videatur usucapio rerum mobilium, ut pote quæ occultari possunt, quam prædiorum. Sed hoc nihil est: nam occultatio illa vitio furti rem afficit, & usucapioni eximit. Non alia ratio est, quam ea, quam hic indicat Justinianus post Gajum l. 1. *hoc tit.* quod veteres crediderunt, annum aut biennium domino sufficere ad inquirendas res suas: posse scilicet quemlibet patremfamilias res mobiles uno semestri recensere, & altero, quæ desiderantur, quærere; prædia uno anno lustare, & quæ ab alio possessa invenerit, altero anno recuperare. Quod & Varro *de re rust.* bono patrifam. faciendum esse monet.

Immobilia, tantum in Italico solo] Aut eo, quod jus Italicum soli habebat. Nam & in provinciis fuere quædam prædia juris Italicum, videlicet coloniarum, quibus jus Italicum datum erat, l. 1. *de censib.* in quibus prædii mancipationi & usucapioni locum fuisse dubitandum non est. His exceptis prædia provincialia neque à possessoribus mancipationi dari, neque ab alio usucapi olim potuerunt. Nimirum quia uterque hic modus acquirendi ex jure. Quiritium erat, plenumque jus & dominium. Quiritiarium continebat. Possessores autem prædiorum provincialium directi domini & pleno jure non erant: sed jus summum domini populus Romanus sibi reservare consueverat, cum ea bello capta veteribus dominis restitueret, inque argumentum retenti juris annum iis vestigal imponere. Cæterum jus, quod possessoribus relictum erat, ut id à domino juris statim in alios traditione transferri poterat, ita & à bonæ fidei possessore longi temporis possessione acquiri, ne semper inquietaretur, quæ acquisitio præscriptio dicebatur, l. qui alienam 54. *in pr. de evict.* l. si duo 13. §. 1. *de jurejur.* l. ei à quo 21. *hoc tit.* Erat autem jus tale, quod & exceptione defendere, & amissa possessione, utili actione persequi, d. l. 13. §. 1. *de jurejur.* l. 8. *Cod. de præsc.* 30. ann. heredibus denique relinquere, & in alios quosvis transferre licebat. Jus nimirum aliquod reale, simile emphyteutico, quod proxime ad jus dominicum accedebat, & quod nunc vocarent dominium utile. rep. quæ notavim. *sup.* §. per traditionem 40. *de rer. divis.* Postquam autem Justinianus, quod præscriptioni deerat, ex usucapione supplevit, unumque genus acquisitionis ex duobus fecit, certum est, possessione longi temporis justum & directum dominium possessori acquiri.

Ne rerum dominia in incerto essent] Si jus de usucapione constitutum æstimeretur ex meris præceptis juris naturæ sive gentium, defendi ab iniquitate non potest: sed quod ex iniquo habet, id contra singulos rependitur utilitate publica, bono enim pu-

blico usucapio introducta est, ne scilicet diu rerum dominia in incerto essent, l. 1. *hoc tit.* quippe incertitudo domini facit, ut res quæque negligenter habeatur, agri minus diligenter colantur: parit lites & controversias, quibus occurri publice interest: atque ut occurratur, & litium aliquis sit finis, usucapio constituta est, l. ult. *pro suo l. 2. in pr. de acqu. & acqu. plur.* & ideo Cicero in *orat. pro Cæc.* usucapionem appellat *finem sollicitudinis & litium.* Plato 12. *de legib.* Hæc igitur causa legislatores movit, ut usucapionem introducerent: ut vero id fieret cum minima privatorum injuria, certa atque idonea tempora præstituerunt, quæ abunde dominis sufficerent ad inquirendas res suas, easque sibi asserendas, & possessionem alterius interpellandam. Quod si facere negligant, & patiantur usucapi, suamet ipsorum voluntate quodammodo rem alienare videntur, l. alienationis 28. *de verb. sign.* Quanquam etiam contra ignorantem rem suam ab alio possideri usucapio procedit, l. un. *Cod. de usuc. transform.* l. ult. *C. de præsc. longi em.* Privatum enim damnum, quod ex usucapione est, pensatur egregio publico, in quo vera & solida utilitas continetur, & cujus proinde prima ratio habenda. Atque hæc hujus acquisitionis defensio sit contra eos, quibus ea genere ipso injusta videtur. Appellat sane Justinianus præscriptionem impium præsidium & improbam temporis allegationem, nov. 9. verum non simpliciter, sed quatenus eo præsidio homines scienter abutebantur contra constitutionem ipsius, & adversus bona ac subsidia Ecclesiarum. Postea tamen constitutionem istam abrogavit, experimento doctus eam ex usu reipubl. non esse. *Nov. 111. & 131. cap. 6.*

Ne domini maturius rebus suis defraudentur] Id est, ne maturius res suas amittant, ne possessionibus suis citius, quam par est, cadant, ut est in d. l. un. *C. de usuc. transform.* Usus autem est verbo defraudandi propter duritiem legis antiquæ, quæ nimis angusto temporis spatio usucapionem terminabat, remque alienam excluso domino addicebat possessori. Cæterum quod proprie hoc verbum significat, per fraudem rem alienam intervertere, id neque lege antiqua possessori permissum fuit.

Constitutionem super hoc promulgavimus] Ea est l. un. *C. de usuc. transform.* qua lege, cum jam antea sustulisset antiquam distinctionem domini in bonitarium & Quiritiarium, l. un. *Cod. de nud. jur. Quir. toll.* hoc insuper constituit. ut prædia provincialia eodem jure cum Italicis censerentur, atque æque ut Italica, eodemque effectu usucapi possent. Præterea tempora usucapionum tam in rebus mobilibus, quam in rebus soli in tantum prolongavit, ut nulla justa querimonia super sit, si tam longo tempore continuata possessio possessorem teneatur, eique do-

minium adjiciat. Summa constitutionis est, ut qui rem à non domino accepit ex justa causa & bona fide, eamque mobilem per triennium, immobilem per decem annos inter praesentes, per viginti inter absentes continenter possedit, is ejus rei dominus pleno jure efficiatur. Quod jus etiam hodie apud nos obtinere debere multi contendunt. Alii ad rerum immobilium praescriptionem sive usucapionem triginta requiri annos, aut tertiam seculi partem existimant. Apud Zelandos adversus praesentes annis viginti, adversus absentes triginta annorum spatio res soli certo jure usucapiuntur, *cap. 2. stat. Zeland. art. 2.* In hoc autem nunc fere à jure civili recessum est, quod in praescriptione, quantumvis longissimi temporis, non tantum bonum possessionis initium requiritur, verum etiam bonae fidei perseverantia, juxta scita juris Canonici, c. *fin. X. de praescript.* cum jure civili sufficiat possessionem ab initio bona fide nancisci, nec bene coepta usucapio aut praescriptio interpelletur incidente postea mala fide, d. l. *un. de usuc. tr.* quin nec bonum initium in praescriptione 30. annorum jura civilia desiderant, d. l. 3. *C. de praeser. 30. ann.* Clarissimus Grotius lib. 2. *manuduct. ad jurisfr. Bat. cap. 7.* tradit, duplicem in hac regione usucapionem seu praescriptionem rerum soli in usu antiquitus fuisse, unam brevioris, alteram longioris temporis. Brevem, fuisse unius anni & diei, eamque jure singulari multarum civitatum & agrorum tunc locum habuisse, cum praedium aliquod venditum esset interveniente auctoritate & cognitione Scabinorum, aliorumve, qui jurisdictioni praesunt, idque praedium per illud tempus ab emptore sine interpellatione possideretur, esset. Longam fuisse tanti temporis, quantum tertia pars seculi continet, id est, annorum 33. & 4. mensium; cui locus erat in alienatione rei immobilis facta absque cognitione publica. Et hoc sequendum etiamnum putat. De praescriptione tanti temporis juxta consuetudinem Gelriae ex professo differit doctissimus Lamb. Goris *advers. jur. tract. 3. cap. 9.* Vix autem est, ut aliquid certi secundum mores hodiernos hic definiri possit, *vid. Gronov. ad rubr. Cod. de praeser. 30. annorum, & ibi laudat.*

Decennio inter praesentes, viginti annis inter absentes] Explicat quantum tempus intelligat per possessionem longi temporis, nimirum inter praesentes, id est, qui in eadem provincia sunt, l. *ult. C. de praeser. long. temp.* decem annos, inter absentes viginti. Atque ita sicut ex veteri usucapione effectum sumit & acquisitionem veri dominii, ita ex veteri praescriptione sumit spatium temporis, atque id ad usucapionem omnium rerum immobilium transfert, efficitque ex duabus unam acquisitionis speciem, ut jam nulla amplius differentia inter praescriptionem

& rerum immobilium usucapionem superfit; praescriptionem inquam longi temporis, quae incidenti ut usucapio titulum & bonam requirebar fidem: nam praescriptionis temporis longissimi, sc. 30. vel 40. annorum, alia ratio est, quae solo temporis lapsu possessorem fuerit.

TEXTUS.

Quae Usucapi possunt vel non.
De his quae sunt extra commercium &
de servo fugitivo.

1. Sed aliquando, etiamsi maxime quis bona fide rem possederit, non tamen illi usucapio ullo tempore procedit: veluti si quis liberum hominem, vel rem sacram vel Religiosam, vel servum fugitivum possideat.

NOTÆ.

1. *Liberum hominem. &c.*] Quia hæ res omnem respuunt acquisitionem, nec in bonis esse possunt, l. 9. *D. h. t. §. 2. inf. de inut. stip.* Res quoque incorporales, veluti servitutes, natura sua usucapionem non recipiunt, l. 14. *D. de serv. l. 43. de acq. rer. dom.* Cæterum effectus juris diuturno usu & ipsæ quasi usucapiuntur, l. 10. *§. serv. vind. l. ult. C. de praeser. long. temp.*

Servum fugitivum] Defenditur tamen possessor fugitivi 30. annorum praescriptione, per l. 3. *& 4. C. de praeser. 30. ann.*

COMMENTARIUS.

HOC §. & aliquot sequentibus disputatur de rebus, quæ etiam corporales sunt, usucapionem tamen non recipiunt: sed quia multæ, quæ in hoc numero sunt, hic non commemorantur, ecce tibi in summa omnes exhibebo. Quarundam rerum ea natura est, ut omnem omnino acquisitionem; qualiscumque ea sit, respuant, & consequenter simul usucapionem: cujusmodi sunt, quæ commercio humano sunt exemptæ, ac pro inde in bonis haberi non possunt, ut homo liber, res sacræ, religiose, sanctæ, publicæ populi aut civitatum, l. 4. l. 6. *de contr. empt. l. 9. hoc tit.* Quædam etiam res sunt, quæ cum sint in bonis & acquiri possint, usucapi tamen non possint, lege earum usucapionem prohibente. In hoc genere sunt res fisci, §. 4. *inf. l. quamvis 18. cod. res dominicæ: tit. C. ne rei dom. vel templ. vind. civitatum, Ecclesiæ, gerontocomiorum & locorum similium, l. 23. C. de sacrosanct. Eccles. Novell. 9. 111. & 131. c. 6. res furtivæ & vi possessæ, §. seq. præfidi contra legem Juliam datæ, l. bonæ 48. de acquir. rer. dom. l. pen. de leg. jul. rep. res pupillorum, dicit.*

dist. l. 48. l. 3. Cod. quibus non obst. long. temp. præsc. quin nec præscriptio 30. annorum contra pupillos currit, l. 3. Cod. de præsc. 30. ann. res minorum 25. annis, l. ult. Cod. in quibus ca. in int. rest. bona adventitia filiisfam. l. 1. §. 2. C. de annal. exc. fundus dotalis, cujus quoque alienatio lege Julia prohibita est, l. 4. de fund. dotal. hoc ipso etiam usucapionem prohiberi esse pro certo statuit Triphonius in l. si fundum 16. eod. tit. Postremo res testamento alienari prohibita, l. 2. Cod. pro empt. l. ult. §. si autem Cod. com. de legat. Jam pergamus.

Liberum hominem] Solatemporis longinquitate, etiam si sexaginta annorum curricula excesserit, libertatis jura non mutilari a Constantino scriptum est, l. ult. Cod. de long. temp. præsc. qua pro lib. Meminit Imp. 60. annorum, non quia longioris temporis lapsu libertati præferibatur; sed quia raro homines diutius vivunt. Etenim nec centum annorum præscriptio hic suffecerit, ut bene istic Accurs. quoniam nulli omnino hic locus esse titulo potest. Possessores 30. annorum defenduntur exceptione temporis, quæ omnes excludit actiones, etiam si nec titulus probetur, nec bona fides, l. 3. l. 4. C. de præsc. 30. ann. Cæterum res ipsas, quæ possidentur, tales esse oportet, ut iusto titulo acquiri, & dominio nostro subijci possint.

Servum fugitivum] Hic servus pertinet ad prohibitionem, §. siq. quippe qui sui ipsius furtum facere intelligatur, l. ancilla 60. de furt. l. 1. C. de serv. fug. Accursius putat, dominum ne 30. quidem annorum præscriptio excludi, eo quod possessionem fugientis servi retinet, l. 1. §. per servum 14. l. rem qua 15. in fin. de acq. poss. Quod ineptum est. Nam cum de usucapione aut præscriptione quaeritur, necesse est ejusmodi casus ponatur, quod alius servi possessionem nactus sit. Hoc vero cum sit, dominus possidere desinit.

TEXTUS.

De rebus furtivis & vi possessis.

2. Furtivæ quoque res, & quæ vi possessæ sunt, nec si prædicto longo tempore bona fide possessæ fuerint, usucapi possunt. Nam furtivarum rerum lex duodecim tabularum & lex Attilia inhibent usucapionem; vi possessarum, lex Julia & Plautia. Quod autem dictum est, furtivarum & vi possessarum rerum usucapionem per leges prohibitam esse, non eo pertinet, ut ne ipse fur, qui ve per vim possidet, usucapere possit, (nam his alia ratione usucapio non competit; quia scilicet ma-

la fide possident) sed ne ullus alius, quamvis ab eis bona fide emerit, vel ex alia causa acceperit, usucapiendi jus habeat. Unde in rebus mobilibus non facile procedit, ut bonæ fidei possessoribus usucapio competat. Nam qui sciens alienam rem vendiderit, vel ex alia causa tradiderit, furtum ejus committit. Sed tamen id aliquando aliter se habet. Nam si heres rem defuncto commodatam, aut locatam, vel apud eum depositam, existimans, hereditariam esse, bona fide accipienti vendiderit, aut donaverit, aut dotis nomine dederit, quinis, qui acceperit, usucapere possit, dubium non est. Quippe quum ea res in furti vitium non ceciderit: quum utique heres, qui bona fide tanquam suam alienaverit, furtum non committat. Item si is, ad quem ancillæ usus fructus pertinet, partum suum esse credens vendiderit, aut si donaverit, furtum non committit. Furtum enim sine affectu furandi non committitur. Aliis quoque modis accidere potest, ut quis sine vitio furti rem alienam ad aliquem transferat, & efficiat, ut à possessore usucapiatur. Quod autem ad eas res, quæ solo continentur, expedit, jus ita procedit, ut, si quis loci vacantis possessionem, propter absentiam aut negligentiam domini, aut quia sine successore decesserit, sine vi nanciscatur, quamvis ipse mala fide possideat, (quia intelligit, se alienum fundum occupasse) tamen, si alii bona fide accipienti tradiderit, poterit ei longa possessione res acquiri: quia neque furtivum, neque vi possessum acceperit. Abolita est enim quorundam veterum sententia, existimantium, etiam fundi locive furtum fieri. Et eorum utilitati, qui res soli possident, principalibus constitutionibus prospicitur, ne cui longa & indubitata possessio debeat auferri.

NOTÆ.

2. Lex Attilia] In Pand. Flor. Atinia l. 4. §. 6. l. 33. pr. h. r. l. 115. de verb. sign. Auctoritas, ait Grot. in spars. Flor. est jus vindicandi.

Ab eis bon. fid. emerit] Aut ab aliis, qui jam ante à fure aut violento possessore rem acceperunt.

Bon. fid. accipienti] Species: Cum Titius longo tempore

tempore abesseret, fundumque suum incultum relinqueret, eum Sejus occupavit; ac mox vendidit & tradidit Sempronio ignorantem fundum alienum esse. Hic etsi ipsi quidem Sejo non processisset usucapio propter malam fidem; procederet tamen Sempronio bonæ fidei possessori: quia neque furtivum neque vi possessum accepit.

[*Quorundam sententia*] l. 38. h. t. Inter hos & Sabium fuisse testatur Gellius lib. 11. C. ult.

COMMENTARIUS.

1. Aliquo casu qui sciens rem alienam vendit, furtum facere non videtur.
2. Emendationem Cujacii vers. quod autem: non esse necessariam.

Furtivarum rerum lex 12. tabb. & lex Atinia] Utriusque hujus legis etiam meminit Julian. l. non solum 33. in pr. hoc tit. Verba legis Atiniae prodit Gellius l. 17. c. 7. Quod surreptum erit, ejus rei aeterna auctoritas esto. Quorum verborum hic sensus est; Ejus rei, quæ surrepta est, dominium à domino nunquam recedat; jus & potestatem habeat semper eam vindicandi; nec ullo usu alteri acquiratur. Fabrot. Quam sententiam fuisse legis, ex eo liquet, quod lex ita accepta est; quasi interdiceret rei furtivæ usucapionem. Eademque sententia est ejus quod apud Ciceronem lib. 1. de Offic. legimus; *Adversus hostem aeterna auctoritas esto*. Proculdubio autem lege Atinia quædam addita sunt, de quibus prius lege duodecim nihil cautum fuerat: & Paulus legi Atiniae tribuit hoc caput, quod est de usucapienda re furtiva, cum in potestatem domini rediit, l. 4. §. quod autem 6. hoc tit. l. potestatis 215. de verb. sig.

[*Vi possessorum lex Julia & Plautia*] Leges hæc non uno tempore latæ; alioqui Julia Plautia diceretur sine copula, ut Plautia Papyria, Pappia Poppea, Julia Norbana, &c. sed Plautia de vi, item Julia de vi, hoc caput habuerunt. Plautia de vi prior fuit lege Julia, unde & in Pand. præponitur, l. non solum 33. §. 2. hoc tit. Ait, *vi possessorum*. Vi possessa res sit oportet, ut usucapi nequeat: neque sufficit, vi aliquem de prædio dejectum esse, nisi, qui deiecit, possessionem occupavit. Quod si ille ingressus non fuerit, sed alius in vacuum possessionem intraverit, poterit id prædium, etiam antequam in domini potestatem redeat, à bonæ fidei possessore usucapi, l. 4. §. si tu 22. l. 33. §. 2. eod.

[*Quod autem dictum est*] Superfluum, hoc monere. Frustra enim prædictæ leges latæ fuissent, si nihil aliud caverent, quam ut ne fur ipse, aut qui per vim possidet, usucapere possent. Quippe, qui nec ante legem Atiniam aut Plautiam usucapere potuerunt certo jure, propter malam fidem, quam manifestum est usucapioni semper obstitisse. Hoc tantum pro-

spicere leges voluerunt, ne maleficio alienum causam daret rem alienandi.

[*Ne ullus alius, quamvis ab eis bona fide*] Aut etiam ab aliis, qui jam ante à fure aut violento possessore rem acceperunt. Nam res cum suo vitio, quo ab initio effecta est, transit, l. 7. Cod. pro empt. l. vitia, C. de acq. poss. Ut autem à bonæ fidei possessore usucapi possit, talem esse oportet, ut in se non habeat vitium, §. novissime, inf. eod. Denique ubi lex simpliciter inhibet usucapionem, bona fides possidenti ad usucapionem rei nihil prodest, l. ubi 24. hoc tit. Plane præscriptio triginta annorum dominum repellit: sic enim constitutum est de actionibus omnibus, siue in rem sint, siue in personam, ut triginta annorum jugi silentio præscriptione excludantur: usque adeo, ut in rebus possessis hoc etiam ipsis malæ fidei possessoribus tribuatur, l. 3. l. 4. C. de præsc. 30. ann. quantum id secta nostrorum temporum non admittit.

[*Vnde in rebus mobilibus non facile procedit*] Quia rerum mobilium tantum, non etiam immobilium, furtum fieri potest, inde colligit, usucapionem in rebus mobilibus difficilius & rarius contingere, hoc argumento, quod res, quæ furto obnoxie sunt, etiam facile in furti vitium cadunt: quisquis enim rem alienam mobilem sciens quacunque ex causa alii tradit, eum furtum committere, quod etiam scriptum est l. 1. Cod. pro empt. l. 2. Cod. pro donat.

[*Qui sciens rem alienam vendiderit*] Videamus, an non aliquo casu hæc regula vitietur. Finge hæredem rem defuncto commodatam, quam hæreditariam esse putabas, vendidisse & tradidisse bonæ fidei accipienti: emptorem, cum esset in conditione usucapiendi, cognovisse, rem alienam esse. Constat, non interrupti usucapionem: sed quæro, an, si possessor eam rem, antequam usucapionem impleteret, alteri iterum vendiderit, furtum facere dicendus sit? Et quidem, quam diu res usucapta non est, aliena est, ut si verba regulæ præcisè sequamur, dicendum sit, furtum committi: sed puto, hoc in proposito non debere admitti; & regulam procedere, cum quis ad initio scivit, rem alienam esse; qui cum usucapere non possit, intelligitur vendendo rem velle intervertere domino: nam etsi sibi eam retineat intervertendi causa, furtum facit, l. insciando 67. de furt. At vero qui bonum initium habet, cum possit ipse continuando possessionem rem usucapere, non potest videri furtum committere, si alteri eam tradat. Cujac ad l. 7. §. procurat or. 6. pro empt.

[*Sed tamen id aliquando aliter*] Dixit modo rerum mobilium difficilem esse usucapionem, idque probavit hac ratione, quod res alienæ mobiles difficulter transferantur, quin in vitium furti cadant. Id nunc ostendit aliquando aliter se habere, & non uno etiam modo citra furtum accidere posse, ut res aliena al-

veri vendatur aut donetur, ac proinde totidem modis fieri, ut à bonæ fidei possessore ufucapi queat. Locis hic descriptus est ex Gajo l. potest 36. hoc tit. non tisdem quidem verbis, sed idem significantibus, æque claris ac perspicuis. Quod ideo moneo, quia Hotomanius scribit, Tribonianum hoc loco non satis ad suum negotium attentum fuisse, & verba hujus textus nihil significare. Mihi ipse Hotomannus dum hæc scriberet, vigilasse non videtur.

Bona fide accipienti vendiderit aut donaverit] Duo profert modos, quibus alienatio rei alienæ mobilis sit absque furto: utrumque ex Gajo d. l. 36. Unus hic est, si hæres rem defuncto commodatam, locatam, aut apud eum depositam, existimans, eam hæreditariam esse, tanquam suam alienaverit. De hærede ipso rem talem retinente nihil dicit, quia ad probandum, quod propositum erat, sine vitio furti aliquando rem alienam transferri posse, hoc nihil facit. Nos, an hæres ipse hujusmodi rem usucapere possit, videbimus postea sub §. diutina inf. eod.

Partum suum esse credens] Casus hujus generis alter. Partum ancillæ in fructu non est, sed ad dominum proprietatis pertinet, §. in pecudum 37. sup. de rer. div. Sed nec fructuarius usucapere partum potest, si ve sciat, partum alienum esse, si ve ad se pertinere putet: quia juris hic error est: qui possessori in usucapione non prodest, l. nunquam 31. hoc tit. Cæterum si partum suum esse credens, forte errori causam præbente, quod fœtus pecudum ad fructuarium pertinet, alteri eum vendiderit, poterit à bonæ fidei possessore ufucapi, d. l. 36. §. 1. quippe cum hic nihil sit in persona accipientis, quod usucapioni obstat, neque furti vitio res affecta sit: non enim, si fructuarius ignorantia juris partum, ut suum, vendat, idcirco eum furtivum facit. Quippe cum furtum non committatur sine animo & affectu furandi, qui in errante nullus est, l. furtum 37. eod. §. placuit, inf. de obl. quæ ex del. vulgatumque est, quamvis vel fatuam existimationem excusare à dolo, per l. 1. in fin. de abigeis, l. 14. C. ad l. fab. de plag.

Aliis quoque modis accidere potest] Alius modus est apud Gajum d. l. 36. §. 1. si quis scilicet errore aliquo lapsus crediderit se hæredem esse, cum non esset, & rem hæreditariam alienaverit. Item alius apud Papinianum, l. mandatum 57. mandat. si hæres defuncti mandatarii quid distraxerit animo exequendi, quod defunctus suæ curæ fecerat. Duo alii sunt apud Pomponium l. 5. pro derel. Si quis id, quod pro derelicto habitum possidebat, vendiderit: item si quis rem vendiderit ab uxore sibi donatam: Usque adeo ut hic non obstat usucapioni, quod emptor sciverit, rem in ea causa esse: quia quasi volente & concedente domino venditur, d. l. 5. pro derel.

Quod autem ad eas res, quæ solo continentur, expedit,

ius ita procedi, ut si quis] D. Cujacius hunc locum, sic restituit; *Quod autem ad eas res, quæ solo continentur, expeditius procedit, ut quis, etc.* Ut hæc phrasis, quod ad eas res, quæ solo continentur, sit elliptica, & intelligatur verbum attinet, & quia tunc nondum totius loci sententia constat, inter colon & conjunctionem discretivam, quamvis, ponit relativum qui. Ut sit hæc sententia; *Expeditius procedit, ut quis sine nunciatur rei alienæ immobilis possessionem, quam rei mobilis sine furto; ac proinde etiam facilius est, ut res immobiles à bonæ fidei possessore ufucapi queant.* Quæ sententia quidem vera est: sed non ideo necesse est quicquam mutari. Nam & lectio vulgaræ recta est & aperta sententia, atque effectus pene eadem: nimirum hæc; *Quod ad res immobiles attinet.* Pro quo Tribonianus dixit, *expedit, ius ita procedere, ut si quis fundi aut loci alieni possessionem nactus sit sine vi, licet mala fide, de quo dubitari præcipue poterat, is eum locum aut fundum in alium bona fide accipientem transferre possit cum conditione usucapiendi, in qua ipse propter malam fidem non erat: quoniam neque vi possessum accipitur, neque furtivum; cum rerum immobilium furtum fieri non intelligatur, l. furtum 37. §. 1. & l. seq. hoc tit.* Unde hæc sumpta sunt. In re autem aliena mobili secus esse, quæ à scientie vendita in vitium furti cadat. Quamobrem causam non video, cur restitutio Cujacii quibusdam tantopere placeat.

Vacantis propter absentiam aut negligentiam] Simplex absentia domini possessionem vacuum non facit: quippe quam constar solo animo retineri, l. 3. §. saltu 11. l. 6. §. 1. de acq. poss. §. possidere, inf. de interd. Quapropter locus hic intelligendus est de absentia domini diuturna, rem suam penitus negligentis & relinquentis incultam. Et Gajus hoc expressit, *longo tempore, d. l. furtum 37. §. 1.* Illi perspicue errant, qui locum vacantem interpretantur à domino derelictum. Quippe res pro derelicto habita statim fit occupantis, §. pen. sup. de rer. div. qui vero hic vacuus dicitur, negatur etiam usucapi ab occupante posse, uti & in l. quam rem 38. eod. Errat & Glossa, quod putat, quæ hic scripta sunt, correctæ esse per l. ult. Cod. und. vi eoque nomine etiam vulgo reprehenditur. Non enim ideo, quia Justinianus interdictum momentaneæ possessionis dedit adversus eum, qui vacantem possessionem occupavit, statim pronuntiandum est, eum in cæteris quoque omnibus pro invasore & violento possessore habendum esse. Et potest aliquo casu etiam ubi competit interdictum unde vi, locus esse usucapioni, l. 4. §. si tu me 22. l. non solum 33. §. 2. hoc tit. Adde quod constitutio ista diutius anno ante Institutiones edita fuit, ut ostendit subscriptio.

Sine successorē decesserit] Ita etiam Gajus dist. l. 37. §. 1. eod. Sine successorē autem sic accipimus, non

tantum si quis decesserit sine ullo successore, sed etiam si certum successorem reliquerit, legitimum aut testamentarium hæredem, quamdiu is rerum hæreditariorum possessionem nondum nactus sit. Et jacente quidem adhuc hæreditate, nec furtum rei hæreditariæ fieri, à Scævola proditum est, l. 1. §. Scævola 15. si is qui testam. lib. Adita autem hæreditate etsi jura omnia ab hæredem transeunt, possessio tamen ei non acquiritur, nisi naturaliter apprehensa fuerit, l. cum hæredes 23. de acq. poss. Quamobrem etsi quis vacantis fundi hæreditarii possessionem vi occupavit, etiam ubi certus hæres est, eumque bona fide accipienti tradidit, procedet bonæ fidei possessori usucapio: quia neque furtivum neque vi possessum accepit. Neque obstat quod constitutum est, coeptam usucapionem à defuncto posse & ante aditam hæreditatem impleri, l. ceptam 40. hoc tit. ut proinde non videatur posse rem interim ab alio possideri: quoniam duo eandem rem simul possidere nequeunt, l. 3. §. ex contrario, de acq. poss. Hoc enim, ut alibi traditum est, tunc procedit, quando medio tempore possessio ab alio occupata non est, l. possessio 20. hoc tit. l. 6. §. ult. pro empt. Deinde de re loquimur, quæ defuncti propria fuit, non quam ille possidebat tantum & coeperat usucapere.

Abolita est sententia existimantium] In hac opinione etiam Massurium Sabinum fuisse testatur Gell. lib. 11. cap. ult. non quod ille credidit fundum locumve auferri aut loco moveri posse: sed quia furtum à fraude dici putavit, vel, ut Varro quoque & Eabeo, à furvo, quod clam & obscure, & plerumque nocte fiat: æque autem clam & per fraudem posse intercipi possessionem fundi, ac rei mobilis aut se moventis. Sed verius est, furtum à ferendo seu auferendo dictum esse, aut potius à Græco Φῦρ, per affinitatem literarum, quod τοῦτο τὸ Φίρεν Græci dixere, l. 1. de furt. §. 2. inf. de obl. quæ ex del. Gell. lib. 2. cap. 8. quæ notatio non patitur, ut rei immobilis furtum fieri dicamus. Quin nec illud verum est, possessionem domino interverti, si quis clam fundum ingressus fuerit, l. 6. §. 1. de acq. poss. furtum autem est interversio possessionis. Quod si revertem dominum non admiserit, jam vi intelligitur possidere, d. loc.

Fundi lociue] Auctores nostri plerumque fundum à loco separant, l. ex mille. 64. de evict. Gajus l. 38. hoc tit. & hic Justinian. Per fundum fere integrum quid significant, agrum cum villa ædificium cum area? per locum, autem certam fundi portionem, l. locus 26. de acq. poss. & plerumque agrum aut aream, qui loci sunt sine ædificio, in urbe area, rure ager, l. ager. 27. l. locus 60. l. questio. 115. l. fund. 211. de verb. sign. quanquam hæc non sunt perpetua, & loci

significatio sæpe generalior, quam fundi, etiam apud nostros, l. 4. §. serv. vind. l. 1. §. 4. und. vi Consulendi Alciat. Forn. Gædd. in tit. de verb. sign.

Principibus constitutionibus] Tum quibus possessores rerum soli longi temporis, id est, 10. vel 20. annorum possessione defenduntur, tit. C. de præsc. long. temp. quod tempus nunc ad rerum immobilium usucapionem translatum est: tum quibus 30. annorum præscriptione domini omnimodo includuntur, l. 3. & 4. C. de præsc. 30. ann. Illud hic monendi sumus, Justinianum Nov. 119. c. 7. unde sumpta est auth. male fidei C. de præsc. long. temp. hætenus juris ejus, de quo proxime egimus, constitutioni derogasse, ut si à possessore male fidei res alienata sit, non aliter ab eo, qui eam etiam bona fide accepit, usucapi aut longa possessione 10. vel 20. annorum acquiri possit, quàm si dominus sciverit, rem suam ab alio possessam esse & toto eo tempore contestatus non sit: alioqui spectari jubet 30. annorum præscriptionem. Cæterum hoc procedere tunc tantum volunt, si eo ipso tempore, quo res alteri traditur, sciat is, qui tradit, rem alienam esse, & nec initium quoque bonum habuerit, add. quæ notat, D. Gothofred. ad. d. auth.

TEXTUS.

De vitio purgato.

3. Aliquando etiam furtiva, vel vi possessa res usucapi potest; veluti si in domini potestatem reversa fuerit: tunc enim vitio rei purgato procedit ejus usucapio.

NOTÆ.

3. *In potestatem domini*] Non utique ejus, cui surrepta est, l. 4. §. 6. h. t. l. ult. vi bon. rapt. Igitur si creditoris res surrepta sit, in domini potestatem redire debet, d. l. 4. §. 6. nisi dominus ipse surripuerit: ita accipe Paul. l. ult. eod. in potestatem domini reddisse videretur, cum possessionem ejus nactus est juste, ut avelli non possit, & tanquam suæ rei, d. l. 4. §. 2.

COMMENTARIUS.

1. Si res pignori data surrepta sit, mirius in potestatem redire debeat, ut vitium purgetur, dominine debitoris, an creditoris.

Rerum furtivarum, vi possessarum, contra legem Juliani datarum, vitium purgatur, si in potestatem domini aut prioris possessoris redierint: ex quo fit, ut jam iterum usucapi posse incipiant, l. 4. §. quod autem 6. l. ubi 24. §. 1. hoc tit. l. pen. de leg. Jul. rep. Verbum potestatis in proposito possessionem significat, & potestatem habendi tenendi-
que.

que, *d. l. 4. §. tunc 12.* Res vi possessa redire debet in potestatem ejus, qui dejectus est, ut maximè dominus non sit: neque enim aliter vitium violentiæ purgatur, quam si dejectus ipse restituatur in possessionem, *fac. l. 6. §. 3. de precar.* Res contra legem repetundarum data necesse est ut revertatur in potestatem ejus à quo profecta est, heredisve ejus, *d. l. pen. de leg. lul. rep.* Rei autem furtivæ vitium ut purgetur, in ipsius domini potestatem eam reverti oportet, *d. l. 4. §. quod autem,* quippe furtum in refartiva solum dominum lædit: cui proinde soli etiam de re furtiva condictio competit, *§. ult. inf. de obl. quæ ex del.* Planè nihil interest, utrum in potestatem domini aut possessoris res pervenerit, an quocumque modo his satisfactum sit, *d. l. 4. §. sed & si 13. l. si fur. §. 32. pr. eod. l. quamvis 48. de furt.* De re pignori data & surrepta creditori dubitari potest, in domini debitoris aut creditoris potestatem redire debeât, ut vitium purgetur, & usucapi possit: nam Paulus respondit, in domini potestatem eam redire debere, *d. l. 4. §. quod autem.* Labeonis quoque eadem sententia est, *l. ult. eod.* Idem tamen Paulus *d. l. ult. no- rās ad Labeonem* scribens contra affirmat; rem pignori datam & surreptam usucapi posse, si in potestatem creditoris redierit. Sed hæc non magno negotio conciliari possunt. Refert enim, utrum debitor ipse, an alius rem creditori: surripuerit. Posteriori casu semper necesse est, ut vitium purgetur, in potestatem debitoris rem reverti, *d. l. 4. §. quod autem,* atque hoc etiam Labeo sensit. Priore autem causa purgatur reversa in potestatem creditoris: neque hoc Labeo negaret, fuitque semper extra omnem controversiam, atque à Paulo tantum indicatur, ut ostendat, posse aliquando pignus, quod in potestatem creditoris rediit, usucapi: quod Labeo non exprefferat. Fuit autem, ut dixi, illud explorati juris: siquidem ratio aliqua esse debet purgandi vitii per reversionem rei in potestatem alterius, quam furis. Enim vero hoc amplius usucapionem admittebat Cassius, etiam si pignus à debitore surreptum & distractum in potestatem creditoris nondum pervenisset: eaque sententia etiam obtinuit, *d. l. 4. §. si rem 2. l. §. pro empt.* quamvis aliis, nec dubito quin Labeoni etiam & successoribus ejus, displicuerit, & absurdum visum sit, ab eodem & fieri furtum, & furtum emendari: quorum sententia etiam expressè confirmari videtur, *l. 6. C. pro empt.* Verum Cujac. in *d. l. 4. §. si rem* ita distinguit: aut debitor non tenente creditore pignus alii vendidit, & tunc ab emptore usucapi non potest, quia ipsa venditione furtum committitur, nec post admissum furtum vitium purgatur re in potestatem non redeunte; ac de hoc casu loqui putat *d. l. 6. C. pro empt.* aut tenenti creditori pignus auferit, & deinde vendit & tunc ab

emptore usucapi posse existimat: quoniam postquam furtum factum est: res in potestate debitoris fuit; atque hoc ostendere, *d. l. 4. §. si rem. hoc tit. & d. l. §. pro empt.* Illud constat, tractari in hac quæstione de re aliena, quæ à bonæ fidei possessore pignori obligata est, ut sit locus usucapioni pro emptore, *d. l. §. pro empt.* Quamvis enim res aliena, pignori non sit, inter ipsos tamen qui contraxerunt, rata est pignoris conventio, *per l. 9. §. pen. l. si pignore. 22. §. 2. de pign. act.*

T E X T U S.

De re fiscali & bonis vacantibus.

4. Res fisci nostri usucapi non potest: sed Papinianus scripsit, bonis vacantibus fisco nondum nuntiatis, bonæ fidei emptorem traditam sibi rem ex his bonis usucapere posse, & ita divus Pius, & divus Severus & Antoninus rescripserunt.

N O T Æ

4. Res fisci] *l. 18. l. 24. §. 1. h. t.* Sunt & aliæ, ut dominiæ, *C. ne rei dom. vel templ. civitatum, ecclesiarum, gerontocomiorum, &c. de quibus l. ult. C. de fund. patrim. l. ult. C. de fund. rei priv. lib. 11. l. 23. C. de SS. eccl. Nov. 9. Nov. 111. Nov. 131. c. 6.* Res pupillorum, *l. 3. C. quib. non obstat long. temp. prescr. minorum, l. ult. C. in quib. ca. in int. rest. præfidi contra leg. Juliam datæ, l. pen. de leg. lul. Rep. l. 48. de acq. rer. dom. bonæ adventicia filiisfam. l. 1. §. 1. C. de ann. exc.* denique res prohibitiæ alienari aut lege aut testamento, *l. 2. C. pro empt. l. 16. de fund. dot.*

C O M M E N T A R I U S.

1. Hoc. §. tolli videri prescriptionem quadriennii, quæ olim bonorum vacantium possessori dabatur adversus fiscum.

I Nter res, quæ juris constitutione usucapioni obnoxie non sunt, quarum summam complexus sub §. 1. *sup.* primum locum obtinent res fisci, *l. quamvis 18. l. ubi 24. §. 1. hoc tit. l. 2. C. com. de usue.* Hoc autem privilegium rebus fiscalibus merito datum est, nec negligentia procuratoris fisci principi noccat, qui aliis curis implicatur, & totæ tantæ negotia sustinet, ut de suis aut fisci rebus ipsi inquirendi otium non sit. Rerum patrimonialium eadem ratio est, quæ ob id etiam cum fiscalibus comparantur, *§. ult. eod.* Nullane igitur temporis defensio possessorem adversus fiscum tuetur? De fundis patrimonialibus & rei privatiæ rescriptum est, possessores eorum 40. annorum prescriptione defendi,

fendi, *l. ult. C. de fund. patrim. lib. 11. l. ult. C. de fund. rei priv. lib. eod.* Tantum hoc cavetur, ut ne adversus fiscum ea præscriptione hoc allequantur, ut in futurum à canone possessio sit immunis, *l. 6. C. d. tit. Cæterum Justinianus l. ut inter 23. C. de Sacros. Eccl. civitatibus* hoc privilegium dedit, ut adversus eas nulla procedat temporis præscriptio, præterquam 100. annorum: quo jure vel magis fiscum uti oportet. Idem jus eodem loco concedit etiam ecclesiis: & confirmat *Nov. 9.* verum abrogat iterum *Nov. 111. & Nov. 131. cap. 6.* substituta pro 100. annorum 40. præscriptione: quibus posterioribus constitutionibus sublata quoque intelligi debet jus civitatibus datum, *l. 23. C. de Sacros. Eccl.* atque ita postremo in his rebus reditur ad præscriptionem 40. annorum. In causis fisci criminalibus, uti persecutio criminum regulariter exceptione 20. annorum excluditur, *l. querela. C. ad leg. Corn. de fals.* ita etiam persecutio bonorum damnati, aut adnorati, quam fiscus habet: eoque refero *l. in omnibus 13. de divers. temp. præscr. quamvis D. Cujac.* eam accipiat de causis fisci civilibus, quas omnes scribit 30. annis extinguui, excepta causa commissi & bonorum vacantium, *l. 2. C. de vect. & comm. l. 1. §. 2. de jur. fise.*

[*Bona vacantibus*] Bona vacantia dicuntur eorum qui sine hærede decesserunt. Strabo *lib. 17. Geograph. ἀδελαινοτα* vocat, Harmenopolus ἀνδρογονιμυτα, *lib. 3. tit. 1. §. 18.* Hæc ex lege Julia caducaria ad fiscum pertinent, *l. quidem 96. §. 1. l. filiusfam. 114. §. 2. de legat. 1. l. 1. de jur. fise. l. 1. C. de quadr. præscr. l. 1. C. de bon. vac. &c.* Jus occupandi bona vacantia inter regalia numeratur *lib. 2. Feud. tit. que sint regal.* Erant autem certi delatores, qui hujusmodi bona aliamve rem ad fiscum pertinentem præmii alicujus gratia nuntiabant, *tit. de jur. fise. passim.* similes ferè antiquis quadruplatoribus: de qua voce vide *Fest.* Bonorum vacantium numero habenda etiam bona caduca nondum nuntiata, ita dicta, quod in fiscum certis de causis cadunt. Verum caduca penè à Justiniano sublata sunt, *l. un. C. de eod. toll.*

[*Fisco nondum nuntiatis*] Nempe à delatoribus, qui nuntiabant, aliquid cecidisse in fiscum, *passim tit. de jur. fise. de quo ex professo Gudelin. lib. 5. de jur. noviss. c. 10.*

[*Usucapere posse*] Opus tamen ad introducendam usucapionem rerum vacantium fuisse rescriptis, indicat hic locus, & *d. l. 18. eod.* quippe bona vacantia ad fiscum pertinent ipso jure, etsi in patrimonio fisci non videantur computari, antequam nuntiata sunt, & fiscus ad ea animum adjecit. Videtur autem Justinianus hic tollere præscriptionem quadriennii, quæ bonorum vacantium possessori dabatur adversus fiscum post quadriennium agentem, *l. 1. C. de quad.*

dien. præscr. l. 1. §. 2. de jur. fise. l. 10. de div. ten. præscr. Nam olim quidem hic sua utilitas & præscriptioni quadriennii & usucapioni anni aut biennii adversus fiscum fuit: præscriptioni in eo, quod fisco ea obstabat sine consideratione bonæ aut malæ fidei possessoris: quippe cum hoc tempus actioni fisci præstitutum esset, uti quinquenium vindicandæ rei, quæ in commissum cecidisset, *l. 2. C. de vect. & comm. usucapioni in eo, quod breviori tempore implebatur.* Si vero idem tempus in usucapione rerum immobilium vacantium adversus fiscum desideramus, quod aliarum hujus generis rerum usucapioni Justinianus præstituit, poterit fiscus usque ad 10. annos quæstionem de his rebus movere, neque amplius finietur nuntiatio quadriennio. Et tamen vix dubito, quin hæc mens Justiniani fuerit: argumentoque est, quod Tribonianus in *l. quamvis 18. hoc tit.* pro eo, quod Modestinus scripserat, *usucapiet, reposuit, divitina possessione capiet:* uti primæ notæ scriptores omnes proficentur. Hæc vulgo intacta.

TEXTUS. Regula generalis.

5. *Novissime sciendum est, rem talem esse debere, ut in se non habeat vitium, ut à bonæ fidei emptore usucapi possit, vel qui ex alia justa causa possidet.*

COMMENTARIUS.

Conclusio superiorum. In summa autem hoc dicit, non sufficere possessori ad usucapionem, quod bona fide possideat, quod rem ex justa causa seu titulo ad transferendum dominium idoneo acceperit, nisi res sit integra. & in se nullum vitium habeat, id est talis sit, quæ neque natura, neque lege usucapioni exempta est, *fac l. ubi 24. hoc tit. l. 4. C. pro empt. de possessione,* quæ fundamentum est usucapionis causa proxima, deque ejus continuatione, dicam ad *§. divitina inf.*

TEXTUS. De errore falsæ causæ.

6. *Error autem falsæ causæ usucapionem non parit; veluti si quis, quum non emerit, emissit se existimans, possideat, vel quum ei donatum non fuerit, quasi ex donato possideat.*

COMMENTARIUS.

Jam ante dictum est, nulla justa causa possessionis præcedente usucapionem aut longi temporis præscriptio-

scriptionem non procedere, l. nullo 24. C. de rei vind. l. 4. C. de præsc. long. temp. l. 6. C. de acq. poss. Hæ causæ in usu juris etiam tituli appellantur, l. ult. C. de usuc. pro her. d. l. nullo, C. de rei vind. d. l. 4. C. de præsc. long. temp. Justæ autem causæ possessionis sunt eædem, quæ & domini acquirendi, l. 3. §. 21. de acq. poss. ubi pleræque hujus generis commemorantur. Error autem falsæ causæ, id est, opinio iusti tituli, usucapionem non parit, sed oportet titulum revera intervenisse: hoc est, non is, qui putat, se emisit, sibi donatum aut legatum esse, cum non sit, pro emptore, pro donato aut legato usucapere potest; sed is solus, qui verè emit, cui res verè donata aut legata est, l. Celsus 27. hoc tit. l. 1. pro donat. l. 2. & 3. pro legat. l. 6. pro derel. l. 1. §. ult. pro dot. quippe falsæ nostræ existimatio rei veritatem non mutat, l. 6. ad munic. Quidam tamen veterum censebant, in falsâ opinione tituli admittendam esse usucapionem pro suo; sed errare eos Celsus ostendit d. l. 27. Utitur autem hac ratione, quod ubi nihil donatum aut legatum est, usucapio pro emptore, pro donato aut legato non valeat. Quæ ratio prima fronte inepta videri potest: nam illi, quos errare ait, non hoc dicunt, bonæ fidei possessorem, qui modo emptum, donatum aut legatum sibi existimet, etiam si nihil horum sit, pro emptore, prove donato aut legato usucapere posse; sed pro suo: quod ratio Celsi non videtur removere: quoniam & titulus pro suo iustus titulus est. Explicanda igitur est Celsi ratio, ut appareat, ex ea etiam effici, ut in proposito nec locus sit usucapioni pro suo. Titulus pro suo duplex est, unus, specialis, qui ex sola conditione rei possessæ nascitur, & locum habet in his, quæ sola occupatione nostra fiunt, ex quo titulo certa usucapio l. 2. pro suo, alter generalis, cohærens cum aliis omnibus causis: ut ecce, qui bona fide pro emptore, pro donato, pro legato possidet, is simul ex his causis etiam possidet pro suo: sed hic titulus generalis pro suo, pro iusto titulo possessionis non habetur, nisi concurrat alius specialis, cui ille adhæreat, l. 1. pro suo. Jam puto intelligitur, quam vim ratio Celsi habeat, nimirum remoto alio titulo speciali, quem in proposito nullum esse in confesso est, admitti non posse generalem illum pro suo. Cæterum hoc totum sic acceptum est, ut iustus & probabilis error possessoris usucapioni non obstat, veluti, si servus aut procurator rem aliquam se emisit falso domino persuaserint, quam emendam illis mandaverat; in hoc errore possessor pro emptore usucapier; quia in alieni facti ignorantia tolerabilis error est, l. quod vulgo, l. 1. pro empt. l. ult. §. 1. pro suo. Potest & in nostro ipsorum facto talis error intervenire, ut usucapio non impediatur, l. 2. §. si à pupillo, & §. seq. pro empt.

T E X T U S.

De accessione possessionis.

7. Diutina possessio, quæ prodesse cœperat defuncto, & hæredi & bonorum possessori continuatur, licet ipse sciat, prædium alienum esse. Quod si ille initium iustum non habuit, hæredi & bonorum possessori, licet ignoranti, possessio non prodest. Quod nostro constitutio similiter & in usucapionibus observari constituit, ut tempora cotinuentur.

NOTÆ.

7. Diutina possessio] Sine possessione usucapio non procedit, l. 25. h. t. Non autem præcisè exigitur possessionis continuatio in una eademque persona: sed receptum, ut etiam alienæ possessionis accessione uti liceat, l. 14. h. t. l. 2. §. 19. & seq. pro emp. l. 13. §. 1. & deinceps de acq. poss. l. 14. de div. & temp. præsc.

Hæredi continuatur] l. 43. h. t. d. l. 2. §. 19. eadem ratione, qua perseverat usucapere, qui postea cognovit rem alienam esse, l. 48. §. 1. de A. R. D. nam hæres defuncti vice fungitur, l. 22. hoc tit.

Hæredi non procedit] Quia etiam ἀμαρτίας ἐστὶ κληρονομία, hæres non tantum in virtutes, sed etiam in vitia defuncti succedit, l. 111. de div. & temp. præsc. l. 111. C. de acq. poss.

Et in usucapionibus] Sensus est, se constitutione sua cavisse, ut eadem temporis inter hæredem & defunctum continuatio observaretur & in usucapione à se reformata, & rerum quoque mobilium. Cujaciana transpositio non placet.

COMMENTARIUS.

1. Quid in hoc argumento sit possidere.
2. Possessionem legitimi temporis ad usucapionem definiti, continuam requiri.
3. Interrumpi possessionem duobus modis, & quis utriusque effectus.
4. Ad implendam usucapionem etiam alienæ possessionis accessione uti licere.
5. Iustam possessionem defuncti prodesse hæredi, etiam scienti rem alienam esse: injustam defuncti non prodesse licet ignoranti. Et quam rationem utrumque habeat.
6. Cujac. Wesemb. Hotomannus consultantur: & quis sit sensus verborum in calce hujus §. ostenditur.

IN primis eum, quem usucapere volumus, possidere oportet: sine possessione ait Jurisconsultus usucapio contingere non potest, l. 25. hoc tit. Possidere in hoc argumento is solus intelligitur, qui animo dominantis rem tenet. Quamobrem hinc

remouentur primum, qui alieno nomine in possessione sunt, ut fructuarii, creditor, colonus, is cui res commodata. aut apud quem de posita est, *l. non solum 23. §. qui pignori. hoc tit. l. pen. §. 2. qui satisf. cog. §. 4. inf. per quas pers. §. possidere §. inf. de interd.* deinde etiam sequestris apud quem possessio deposita est: item is, cui possessio tradita est, ut eam postea restituat: etsi enim hi verè possident, *l. licet 17. §. 1. de pos. l. si quis 17. in fin. de acq. poss.* tamen quoad effectum usucapionis pro possessoribus haberi non possunt, quia rem non ut suam: non animo domini ² tenet. Possidere autem oportet totum illud tempus, quod lege definitum est, rem mobilem triennium, immobilem decem aut viginti annos, & possidere continenter sine possessionis interruptione. Hinc rectè usucapio à Modestino definitur adjectio domini per continuationem possessionis temporis lege definiti, *l. 3. hoc tit.* In computatione temporis hoc observatur, ut non à momento ad momentum computetur, sed dies postremus ceptus pro impleto habetur, *l. 6. eod.* Interrumpitur possessio duobus ³ modis: uno naturaliter, veluti cum quis vi de possessione deijciatur, aut res nobis eripitur, *l. 5. eod. l. 15. de acq. poss.* altero civiliter per litis contestationem: hoc modo civiliter interrumpi possessionem dicimus, quia post litis contestationem verè & naturaliter possidere non desinimus, & implemus usucapionem, *l. 2. pro donat. l. 2. §. ult. pro empt.* sed impleta inter moras iudicii usucapio effectum juris victo possessori non prodest, sed rem restituere cogitur, perinde quasi non usuceperet, *l. si potest 18. de rei vind.* Naturalis interruptionis hanc vim fuisse constat, ut etsi quis amissam semel possessionem deinde recuperasset, ei prioris possessionis tempora ad usucapionem aut præscriptionem non prodesse, sed à recuperata possessione tempus denuo inchoaretur; & proinde etiam, quod ad bonam fidem possidentis attinet, initium possessionis recuperatæ spectatum fuisse, *l. 15. §. 2. hoc tit. l. 7. §. qui bona 4. pro empt.* neque ex hoc jure quicquam mutatum, Litis autem contestatione usucapio non interpellabatur, sed, ut dixi, condemnato possessore erat inefficax: lite ommissa erat efficax. At longi temporis præscriptio, quod facti esset, etiam plenè interrompebatur lite ut nec lite omisso ullius momenti esset, etiam si post ommissam litem ex integro is, cum quo actum erat, longo tempore possedisset, *l. 2. l. 3. l. nec bona 10. C. de long. temp. præscr. l. nemo C. de acq. pos.* Sed hæc differentia sublata est per *l. pen. & ult. C. de annal. exc. l. un. C. de usuc. transfor.* An ergo & mala fides simpliciter incidens, quæ usucapionem neutiquam interpellabat, *l. bone 48. §. 1. de acq. rer. dom.* interpellavit præscriptionem longi temporis? Id quidem affirmat Cujacius in *d. l. 2. §. ult. pro empt.* Ve-

rum hoc nusquam scriptum est: nec eadem effecta, quæ litis contestationi tributa sunt, fuisse scientiæ rei alienæ simpliciter incidentis, argumento est tum vetus usucapio; tum etiam Justinianeæ, quæ non interruptitur ex posteriore alienæ rei scientiâ, *d. l. un. C. de usuc. transform.* plenissimè interruptitur litis contestatione, atque adeo libelli oblatione, ut expressè constitutum est *l. pen. & ult. C. de annal. except.* Atque hætenus igitur minus est in nova usucapione, quam in veteri fuit, quod nova istis modis plenè interpellatur. Continuationem possessionis ⁴ dum exigimus, non hoc præcisè exigimus, ut una eademque persona per totum legitimum tempus continenter possideat, sed receptum est, ut ad usucapionem & longi temporis præscriptionem implendam alienæ possessionis accessione uti liceat. Atque hoc tributum est, licet dissimiliter, de quo statim, tam successori rerum singularum, puta emptori, donatario, quam successori universi juris, ut hæredi aut bonorum possessori. *hoc text. & §. seq. l. 14. eod. l. 2. §. si defunctus 19. & seq. pro empt. l. Pomponius 13. §. 1. & seqq. de acquiv. poss. l. de accessionibus 14. de div. temp. præscr.*

Licet ipse sciat prædium alienum esse. Quod si ille initium justum non habuit Hæc non ad quemvis successorem, sed ad successorem universi juris, hæredem aut bonorum possessorem, tantum pertinent. Duo autem hic traduntur: unum est, Justam possessionem defuncti prodesse hæredi & procedere, etiam si hæres sciat rem alienam esse, quod & traditur *l. hæres 34. hoc tit. l. 2. §. si defunctus 19. pro empt.* alterum, Injustam possessionem defuncti, hæredi non procedere, licet ignoret rem alienam esse, *fac. l. cum hæres 11. de div. temp. præscr. l. vitia, C. de acq. poss.* Utrumque eandem rationem habet, quia scilicet hæres personam & conditionem defuncti suscipit, ita ut una persona cum defuncto censetur. Hoc enim posito, qualitas possessionis ex persona defuncti tantum æstimanda, ut illa vel prosit hæredi, vel noceat: prosit, si defunctus bonum initium habuerit, etsi hæres non habeat; noceat, si defunctus bonum initium non habuerit, etiam si hæres habeat: & perinde per omnia habeatur, ac si defunctus adhuc ipse possideret. Succedit itaque hæres non tantum in virtutes defuncti, sed etiam in vitia, nec ignorantia sua ea excludit, ut ait Papinianus *d. l. 11. de div. temp. præscr. & Imppt. d. l. 11 C. de acq. poss. Vitia possessionum, inquirunt, à maioribus contracta, perdurant, & successorem auctoris sui culpa comitatur*, Ex quo hoc amplius etiam intelligimus, errare eos, qui hæredem volentem uti accessione possessionis defuncti à semet ipso inchoare possessionem, atque usucapionem præscriptionemve statuto tempore implere, posse arbitrantur; quod jus tantum singularis est succes-

successoris; ut postea demonstrabitur. Nihil vero eorum opinionem juvat *l. pen. pro hered.* neque enim negamus, posse aliquando hæredem usucapere quod defunctus non potuit: sed dicimus, non posse, quod defunctus vitiosè possedit. Ut ecce, potest hæres ex sententia plerorumque veterum usucapere rem, quam putat hæreditariam esse, cum non sit, sed defuncto comodata, aut pignerata, aut apud eum deposita: quomodo explicando est *d. l. pen.* nimirum quia nihil ex persona defuncti hic obstat hæredi, quominus ipse eam rem pro hærede usucapere possit: quamquam sunt, inter quos etiam Bachovius, qui nec hoc ipso casu usucapionem pro hærede admittunt: per *l. 2. & ult. C. pro hered.* *l. 4. C. de prescr. long. temp.* Sed hos si sequimur, delendi erunt *tit. de usuc. pr. hered.* possuntque *dd. l. 2. & ult.* commodè accipi de iis, qui falso existimant se hæredes esse: & *d. l. ult. cum d. l. 4.* etiam de vero hærede, sed qui rem ex titulo ad usucapionem inhabili tenens, possessionis causam sibi mutare conatur, eamque rem obtentu, quasi hæreditaria esset, pro herede usucapere; cuiusmodi species proponitur *d. l. 2. & §. 1. pro herede.*

Quod nostra constitutio similiter & in usucapionibus.] Hunc versum transposuit Wesembecius secutus auctoritatem Cujacii: qui putavit, eum non suo loco positum esse, & reponendum post *§. sequentem*: propterea quod Justinianus constitutione sua *l. nn. C. de usuc. transf.* nihil novi caverit de continuatione possessionis defuncti & hæredis: sed, quod ex re scripto Severi & Antonini tantum obtinebat in præscriptione longi temporis, ut inter emptorem & venditorem tempora conjungerentur, traxisse ad usucapionem, in qua olim successor singularis propter brevitatē temporis accessione possessionis auctoris sui non utebatur, per *l. si ades 32. §. 1. de serv. præd. urb.* In quo vix est ut Cujacio assentiri possim. Nam in *l. id tempus 14. hoc tit.* expressè etiam emptori & legatario prodesse dicitur tempus, quo venditor & testator possederunt; prodesse scilicet etiam ad usucapionem, de qua ex professo isto titulo agitur. Similiter Ulpian. in *l. Pomponius 13. §. 1. & seqq. de acq. poss.* latissimè disputans de accessione temporis, qua posterior possessor utitur ex persona auctoris sui, in tota illa disputatione nullius differentię meminit, quæ hac in parte sit inter usucapionem & longi temporis præscriptionem. Quin etiam discretissimis verbis scriptum à Paulo est, emptori tempus venditoris ad usucapionem procedere, *l. 2. §. pen. pro empt.* Hoc amplius Scævola etiam, emptorem servi uti accessione venditoris, *l. in accessionibus 14. §. 2. de div. temp. præscr.* Atqui constat res mobiles anno ubique uscaptas fuisse. Nec absurdum est, in ea temporis brevitate pari spacio duorum conjuncta possessione rem ac-

quiri, quo unius: imo in duorum possessione domini conditio melior: quoniam tam in successore volente uti accessione, bonum initium exigitur, quam in auctore ejus, cum unius usucapionem mala fides superveniens non interpellat. Hæc autem omnia Triboniano adscribere magnæ temeritatis est: neque in *d. l. si ades 32. §. 1. de serv. præd. urb.* agitur de emptore, aliove, in quem ex justa causa possessio ab auctore translata est, quo demum casu locus est conjunctioni temporum; sed de eo, qui interpellata usucapione, propterea quod res simpliciter possideri desita esset, postea eandem rem possidere cepit. Quomodo igitur defendimus, quod Justinianus ait de conjunctione temporum à se introducta in usucapionibus, similiter ut in diutina possessione? Hotomannus existimat, totam hanc disputationem ante Justinianum nihil ad usucapionem pertinuisse, sed ad longi temporis præscriptionem duntaxat: ac ne hæredi quidem tempora in usucapionibus continuata: sed id primum effectum esse constitutione Justiniani: idque esse, quod hoc loco Justinianus significet. Verum hanc sententiam falsam esse ostendunt quotquot sunt loci, quos modo citavimus: & de hærede hoc amplius jam ante obtinuit, ut nec scientia continuatio temporum in usucapione impediretur, *l. hæres 43. hoc tit. l. 2. §. si defunctus 19. pro empt.* idque locum haud dubiè etiam habuit in usucapione rerum mobilium: neque simplex scientia, hæredis rem magis furtivam facit, quam si defunctus ipse ante impletam usucapionem rescivisset rem alienam esse. Quapropter omnino existimo, Justinianum, nisi forte quid falso sibi attribuerit, his verbis, *Quod nostra constitutio similiter & in usucapionibus, &c.* nihil aliud significare, quam se in usucapione à se reformata, nihil innovasse, quod attinet ad continuationem temporum inter defunctum & hæredem; sed eam observari voluisse etiam in sua usucapione & rerum quoque mobilium, uti ea antea observabatur, & maxime in diutina possessione, in qua frequentior erat propter longioris temporis spaciū. Non meminit quidem nominatim defuncti & hæredis, sed tamem generaliter antecessoris & successoris cujusvis; quod satis est ad retinendum hunc versum in suo loco: ita propemodum & *Car. Hannib. Fabrot. in not. Theoph.* Hinc simul apparet, abuti hoc textu DD. qui eum adducunt ad probandum, usucapionem tantum esse rerum mobilium.

T E X T U S.

8. Inter venditorem quoque & emptorem conjungi tempora, divi Severus & Antoninus rescripserunt.

NOTÆ.

8. *Venditorem & emptorem*] Cæterosque singularis rei successores, l. 15. §. 10. & seq. de acq. poss. l. 5. l. 14. de div. præf.

Conjungi tempora] Modo uterque bona fide acceperit. Vide fuf. in comment.

COMMENTARIUS.

1. *Quando successor singularis accessione possessionis auctoris sui uti possit.*

2. *Vitium auctoris successoris neque nocere, neque prodesse.*

DE conjunctione temporum inter priorem possessorem & universi juris successorem dictum §. præc. hic de eadem conjunctione agitur inter venditorem & emptorem, quod tamen jus ad cæteros quoque pertinet, qui alio titulo singulari, etiam lucrativo rem acceperunt, puta ex causa donationis aut legati, l. id tempus 14. pr. & §. 1. hoc tit. l. Pomponius 13. §. sed. & 10. & seq. de acq. poss. l. 5. l. in accessionibus 24. §. 1. de div. temp. præf. Scriptum hic simpliciter est, inter venditorem quoque & emptorem tempora conjungi. An igitur eodem modo, quo inter defunctum & hæredem? Nequaquam: sed ita, si uterque bona fide rem acceperit. Proinde si emptor justum possidentis initium non habuerit, etiamsi venditor habuerit, non utetur emptor accessione venditoris, contra quam existimat Hotomanus: nam traditum est, vitiose possessioni nullam, ne justam quidem, posse accedere, d. l. Pomponius in fin. quanquam diversum est in successore universi juris, de quo abunde §. præc. Ex contrario quoque vitiosa venditoris possessio non prodest justæ possessioni emptoris: sed qui vult uti adminiculo ex persona auctoris, eo uti debet cum sua causa suisque vitiis, d. l. Pomponius §. 1. id est, eadem conditione eodemque jure, quo auctor uteretur, uteretur. Denique hoc etiam traditum est, nec vitiosam possessionem accedere posse ei, quæ vitiosa non est, d. l. Pomponius in fin. Planè non nocebit successor, quod auctor ejus bono initio nixus, rescivit, rem alienam esse, antequam eam alienaret: quia, si non alienasset, ipse eam usucapere potuisset. Quid si successor accessione auctoris uti nolit, sed suæ tantum possessionis tempora computare, an hic etiam vitium auctoris ultro nocebit successor? Placuit, quemadmodum vitium auctoris successoris non prodest, si accessione uti velit; ita neque nocere, si accessione uti nolet: denique successorem per se usucapere posse, quod auctor usucapere non potuit, d. l. 5. de div. temp. præf. l. 4. §. auctoris 27. de dol. exc. l. 4. C. de rei vind. quod tamen ex parte emendatum & temperatum est distinctione, quæ extat in authent. mala fidei, C. de præscr. long. temp. In hoc autem dissimilis irem causa hæredis est, cui vitiosa defuncti possessio nocet, etiamsi adminicu-

lo ex persona defuncti uti nolit: quippe qui tam in vicia, quam in virtutes defuncti succedit, & eadem cum defuncto persona esse existimatur, l. cum hæres 11. de div. temp. præf. vid. §. præc. Loquimur autem de vitio personæ possessoris: nam quod vitium in re est, puta si res furtiva sit aut vi possessa, id generaliter successoribus omnibus nocet, §. novissime sup. l. ubi 24. eod. l. 7. C. pro empt. Illud addo, si medio tempore alius possiderit, interruptam esse possessionis continuationem; atque in ea re similes esse emptores universi juris successoribus, d. l. Pomponius 13. §. quasitum 4. de acquir. possess. l. possessio 20. hoc tit.

TEXTUS.

De his qui à fisco, aut Imp. Augustæ Domo, aliquid acceperunt.

9. *Edicto divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoriæ Zenonis bene prospexit iis, qui à fisco per venditionem, aut donationem, vel alium titulum accipiunt aliquid: ut ipsi quidem securi statim fiant, & victores existant, sive experiantur, sive conveniantur: adversus autem sacratissimum erarium usq. ad quadriennium liceat iis intendere, qui pro dominio vel hypotheca earum rerum, quæ alienatæ sunt, putaverint, sibi quasdam competere actiones. Nostra autem divina constitutio, quam nuper promulgavimus, etiam de iis, qui à nostrâ, vel venerabilis Augustæ domo aliquid acceperint, hæc statuit, quæ in fiscalibus alienationibus præfata Zenonæ constitutionis continentur.*

NOTÆ.

9. *Constitutio Zenonis*] l. 2. C. de quadr. præf. Fisco hoc tributum, quo paratiores reperiat in subhastationibus emptores. Welf.

COMMENTARIUS.

1. *Erarium etiam post occupatam tempubl. diu dictum pecuniam publicam, siue imperii; fiscum, pecuniam principis privatam, postea utrumque verbum promiscue usurpatum.*
2. *Præscriptionem quadriennii fiscalem & veteri juri incognitam, & Canonibus improbatam: neque usque apud plerosque receptam esse.*

Si post

S post venditionem quinquennium] Mentio fit hujus edicti D. Marci l. ult. C. si adv. fise. In hac autem præscriptione quinquennii nullam factam fuisse distinctionem inter bona aut mala fide quid à fisco accipientem, apparet ex eo, quod alioqui melior conditio fuisset ejus, qui à privato emisset, quam qui à fisco: siquidem is, qui à privato bona fide rem emerat, ad summum biennio eam usucapiebat.

Constitutio Zenonis] Ea est l. 2. C. de quadrienn. præscr. Olim quinquennii præscriptione tuti erant, qui fuit alienum emerant à fisco. Hodie statim tuti sunt ex constitutione Zenonis, sive convenientius, sive ipsi amissa fortè rei possessione ultro agant. Fisco autem alienanti rem alienam, vel alii pignori obligatam, datur præscriptio quadriennii, si post quadriennium eo nomine conveniatur à domino aut creditore pignoratitio, d. l. 2. Quod ideo sic constitutum esse videtur, ut tanto facilius emptorem fiscus reperiat; tum etiam ne rescindatur venditio facta publica auctoritate: alioqui sanè durum atque iniquum est domino aut creditori, jus vindicandi aut persequendi rem suam aut sibi nexam statim auferre, iisque objicere tam potentem adversarium.

Sacratissimum ærarium] Hic disertè fiscus appellatur ærarium Principis, uti & in l. 2. & 3. C. de quadr. præscr. neque causam habet Hotomannus, cur eo nomine Tribonianum reprehendat: & falsum est, quod scribit, ærarium esse rerum Principis privatarum, quibus sc. ipsius patrimonium constet: fiscum vero cæterarum omnium, quæ sacræ largitiones & sacri thesauri passim appellantur: eamque differentiam in dd. ll. accuratè observatam. Scimus locum, ubi pecunia publica reponebatur, Romanis ærarium appellatum, eumque locum fuisse in æde Saturni, quo etiam Senatusconsulta deferrebantur: testes passim Livius aliique scriptores. Ipsam quoque pecuniam publicam ærarium dictam *ἡ μετανομιὰν*. Cic. 3. Tuscul. Et quidem C. Gracchus, cum largitiones maximas fecisset, & effudisset ærarium, verbis tamen defendebat ærarium. Idem Attic. Ariobarzanes nullum ærarium, nullum vectigal habebat. Illud quoque constat, post occupatam rempubl. ærarium adhuc diu dictum fuisse pecuniam publicam sive imperii, & à fisco separatum: fiscum enim dixerunt pecuniam Imperatoris, propriam ac privatam: cujusmodi erant bona dampnatorum, caduca, vacantia aliaque *ἀδέκωτα*, quæ Principi deferrebantur. Plinius in Panegyri. Traiano. dict. At fortasse non eadem severitate fiscum, qua

ærarium, cohibes? Imo tanto majore, quanto plus tibi licere de tuo, quam de publico credis: & Paulo post; Quæ præcipua tua gloria est, sæpius vincitur fiscus: cujus mala causa est nunquam, nisi sub bono Principe. Ulpianus in l. 2. §. 4. ne quid in loc. pub. Res. inquit, fiscales quæ propriæ & privatæ Principis sunt. Hinc ratio fisci idem quod ratio Principis & ratio privata, l. pen. C. de eisd. l. 2. C. de priv. fise. Procedente tempore distinctio illa ærarii & fisci evanuit, ac utraque voce promiscuè usi sunt, unaque tantum sub Græcis principibus distinctio usurpata, fisci & bonorum principis patrimonialium: quod hic locus apertè ostendit, & unde desumptus est, l. ult. C. de quadr. præscr. Id autem inter res fiscales & patrimoniales intererat, quod et si utraq; principis erant, illæ essent Principis, qualis, & ideo publicæ; hæ propriæ Zenonis, Justiniani, & ideo privatæ: unde & comites rerum privatarum dicti, quibus harum rerum curâ demandata, tit. C. de off. com. rer. priv. qui antea procuratores patrimonii appellabantur, l. cum servus 39. §. ult. de legat. 1. Planè vocabulo ærarii aliquando latius usi sunt, ut eo etiam significarent res principis privatas, veluti cum in l. un. C. de quest. & magistr. offic. lib. 12, comitiva utriusque ærarii dicitur, id est, sacri sive fiscalis, & privati. Qui fiscali præerat, in specie comes sacrarum largitionum & thesaurorum appellari videtur, l. 3. C. ubi senat. vel. clariss. l. 2. C. ut dign. ord. serv. lib. 11.

Nostra autem divina constitutio] Intelligit l. ult. C. de quadr. præscr. qua constitutione quod Zeno de fisco statuerat, producit ad substantiam principis privatam, ut scilicet etiam rerum patrimonialium emptor statim securus sit, & dominus quadriennii præscriptione excludatur: affertque hanc constitutionis suæ rationem, quod cum omnia principis esse intelligantur, sive res sint fiscales, sive privatæ Cæsaris, nulla, quod attinet ad harum rerum alienationem, differentia introducenda sit. Explodendi autem sunt, qui hinc colligunt, omnia omnino, & bona etiam subditorum propria esse principis. Eadem constitutione etiam serenissimæ Augustæ idem privilegium conceditur. Hoc jus atque hæc præscriptio fiscalis veteribus incognita fuit, uti liquet ex l. nec ullam 13, §. item si quis 9. de her. pet. Jus Canonum eam improbat, cap. placuit 16. q. 3. nec apud nos recepta, Zypæ. notit. jur. Belg. tit. de præscript. Christin. vol. 4. decis. 82. n. ult. ubi etiam alios allegat, qui tradunt, hunc §. & tit. C. de quadrienn. præscript. in usu non esse. Aliud tamen visum Groenew. hic tract. de legib. abrog. arg. decis. 15. Cur. Holland.

TITULUS VII.

D. Lib. 39. Tit. 5. 6. C. Lib. 8. Tit. 54. Nov. 162.

De Donationibus.

1. Absolutam inter vivos donationem ad acquisitiones juris gentium pertinere.

2. Sit ne donatio modus acquirendi, an titulus, siue causa.

3. Series hujus tituli.

V Sucapionem, de qua proxime egimus, esse modum acquirendi jure civili extra controversiam est: utrum autem donatio quoque eo pertineat ambigitur. Et quidem absolutam inter vivos donationem, quæ traditione perficitur, & potissima donationis species est, nemo opinior, tam est excors, qui juri civili adscribendam putet. Quid enim habet illa à jure civili, quod ad formam ejus aut perfectionem pertineat? Quid tam naturale est, quam hominem homini bene facere? Ad liberalitatem natura propensi sumus, testibus Cic. in Lael. & Sen. in libb. de benef. Antiquitas nihil aliud existimavit esse Deum, quam prodesse mortalibus. De quo Desiderius noster in Chiliad. Adhæc nihil magis rationi naturali convenit, quam voluntatem domini rem suam in alium transferentis ratam haberi, Demosth. advers. Leptin. ex causa liberalitatis id fiat, an ex qua alia, nihil refert, auctore ipso Justiniano §. per traditionem 40. sup. de rer. div. ubi notu- natam etiam donationem refert inter causas acquisitionis juris gentium. An vel apud Sinas aut Lapones credimus nullū esse exercitium liberalitatis, nullum donationis usum? At inquis, lex Cincia supra modum donare prohibuit: & nunc donatio excedens summam 500. solidorum insinuanda est. Quid tum postea? Lex Fusia Caninia vetuit ultra præscriptum numerum manumittere, an ideo manumissio ex jure civili est? Quarundam rerum vetita est distractio, an idcirco emptio venditio contractus juris gentium non est, sed juris civilis? Plane cum necessitas insinuandi donationem, quæ excedit supra dictam summam, à jure civili sit, concedo tantæ quantitatis donationem, utpote quæ jam sola voluntate & traditione donantis non perficitur, posse referri inter modos acquirendi jure civili, arg. l. 6. de just. & jur. ut tamen non meri juris civilis habeatur, sed mixti & maximam adhuc partem naturalis: aliæ autem omnes, quæ qualitatem legisimam non excedunt, juris mere naturalis siue gentium manent. Quomodo ergo defendimus methodum Justiniani? Nimirum si dicamus, Justiniano principaliter propositum, esse tractare de donationibus impropriis, mortis

causa & propter nuptias, quæ ad jus civile non inè- prè referuntur, ut postea palam fiet. Hoc autem ipsa series tractationis ostendit, cujus initium à mortis causa donatione capitur; cum alioqui converso modo de donatione vera & absoluta primo loco agendum fuisset, uti factum est in Pand. & C. Occurrit hic & aliud dubium, sit ne scil. donatio modus acquirendi domini, an solummodo titulus siue causa, ut emptio, dos, permutatio. Nam ratio ordinis exigit, ut dicamus esse acquirendi modum: contra vero causam tantum acquirendi esse, probat d. §. per traditionem, de rer. div. Verum hoc non adeo difficile expeditur est. Etenim donationis verbum duobus modis accipitur. Uno modo propriè pro ipsa donatione, quando scil. liberalitatis exerceendæ gratia aliquid alicui tradimus, & actutum in accipientem transferimus, ut simul & causam tradendi & traditionem ipsam includat. Nam propriè donare nemo intelligitur, nisi qui & tradat, Unde donare & dare promiscue Jurisconsultus usurpat l. 1. hoc tit. & donatio dicta quasi doni datio, l. senatus 35. §. 1. mort. caus. don. unde & Papinianus l. 23. de donat. int. vir. & ux. donationem distinguit à stipulatione donationis causa facta. Altero modo metonymice pro conventionè de dando, cum quis donationis causa, aliquid promittit, l. 2. l. 12. l. cum qui. 22. cod. Priorè sensu accepta donatio modus est acquirendi domini, posteriore non dominium, sed obligatio- nē parit, rationemq; contractus & tituli habet d. l. 22. Pleriq; magno molimine magnas hic nugas agunt. Initio hujus tituli proponitur donationis divisio: deinde explicantur species, non omnes quidem, sed tres tantummodo, hoc ordine. Primum agitur de donatione mortis causa, deinde de donatione simplici inter vivos; tum de donatione propter nuptias. Ad extremum subjicitur modus antiquus acquisitionis civilis ex causa lucrativa per jus accrescendi.

T E X T U S.

De Donatione.

Est & aliud genus acquisitionis, donatio. Donationum autem duo sunt genera; mortis causa, & non mortis causa.

NOTÆ.

Donationibus] Donatio est, cum quid nullo jure cogente conceditur, l. 29. h. tit.

Acquisitionibus] Civilis scil, ut ordo arguit. At eo

tantum referendæ donationes improprie, mortis causa & propter nuptias, de quibus hic principaliter tractatur; non illa absoluta inter vivos. Nam res suas quibusque donare apud omnes gentes jus potestasque est, §. 40. *sup. de rer. diu. Demosth. adu. Leptin.*

Donatio] Donatio proprie est doni datio, l. 1. D. h. t. l. 35. §. 1. D. de mort. ca. don. Estque modus acquirendi, quoniam & causam tradendi includit & ipsam traditionem. Cum autem accipitur pro conventionione de dando, tituli seu causæ tantum rationem habet, §. 40. *sup. de rer. diu.*

Dno genera] Utriusque autem generis plures sunt species, l. 1. D. h. t. l. 2. D. de mort. ca. don.

COMMENTARIUS.

Retior fortassis erit divisio, si dicamus, donationem aliam esse propriam, aliam improprian, l. 1. *hoc tit.* est enim donatio ex eorum generum numero, quæ *πρὸς τὸν ζῶντα* dicuntur, nec pariter subiectis speciebus omnibus conveniant. Donatio propria, quæ & vera atque absoluta, l. *senatus* 36. §. 2. de mort. ca. don. est, cum quis solius liberalitatis gratia sic aliquid dat, ut statim velit accipientis fieri, neque ullo casu ad se reverti, d. l. 1. & d. l. *senatus* §. 2. Improprie donationis variae sunt species. Talis est donatio propter nuptias, de qua §. 3. *inf. eod.* Tales sunt donationes omnes, quæ sub modo, causa, conditione fiunt, *tit. C. de don. qua sub. mod. & in speciem* incidunt contractuum innominatorum, do ut des. Do ut facias: item remuneratio. In quibus omnibus pro modo & quantitate retributionis proprius aut longius à vera donatione receditur. Sic item quod honorari nomine datur pro officio & opera præstita, & in factis, quæ locari solent, merces diceretur, in speciem meræ donationis non cadit. Quia donari non videtur, nisi quod nullo jure cogente conceditur, l. *donari* 29. *hoc tit. τὸ χάρις ἀνάγκης διδόναι.* *Harmoniop. lib. 3. tit. 1.* & hoc est, quod DD. tradunt, donationem remuneratorem propriæ donationem non esse, *per l. hoc jure* 19. §. 1. l. *Aquilinus* 28. *eod.* Talis denique est donatio mortis causa, propterea quod ex casu resolvitur, atque adeo ex pœnitundine revocari potest.

TEXTUS.

De mortis causa donatione.

1. *Mortis causa donatio est, quæ propter mortis fit suspicionem: quum quis ita donat, ut si quid humanitus ei contigisset, haberet is, qui accipit: sin autem supervivisset is qui donavit, reciperet: vel si eum donationis pœni-*

tuisset, aut prior decesserit is, cui donatum sit. Hæ mortis causa donationes ad exemplum legatorum redactæ sunt per omnia. Nam cum prudentibus ambiguum fuerat, utrum donationis, an legati instar eam obtinere oporteret, & utriusque causæ quædam habebat insignia, & alii ad aliud genus eam retraherant à nobis constitutum est, ut per omnia fere legatis connumerentur, & sic procedat, quemadmodum nostra constitutio eam formavit. Et in summa mortis causa donatio est, quum magis se quis velit habere, quam eum, cui donat, magisque eum, cui donat, quam heredem suum. Sic & apud Homerum Telemachus donat Piræo:

Πειραῖ, ἔδω' ἰδμεν ὅπως ἔσαι τὰδε ἔργα.
Εἰ κεν ἐμὲ μνηστῆρες ἀγύλαρες ἐν μεγάροισι
λαθρὴν κτείναντες, παρὲς αἰὶνὰ δάσυνται,
αὐτὸν εἶχοντα σε βέλομαι ἐπαυρέμεν, ἢ πῶτα τῶνδε.
Εἰ δ' ἢ ἐγὼ τέπῃσι φόνον ἢ κήρα φυτόσω,
ἀνὴρ τότε μοι χαίροντι φέρειν πρὸς δώματα
χαίρων.

Hos versus sic vertere licebit.

Cum Piræe homines late aut secreta futuri,
Si me forte proci sceleratis ad Styga mittant
Insidium, patriasque velint exciscere prædas:
Hæc ego præ reliquis multo tibi cedere malim.
Sin ego eos justis prosterum, cladibus ultor,
Hæc mihi tu gaudens media inter gaudia reddas,

NOTÆ

1. *Mortis suspicionem*] Vel sola etiam cogitatio-
ne mortalitatis ex sorte humana, l. 2. & aliquot segg.
l. 35. §. 4. D. de mort. ca. don.

Cum quis ita donat] Hoc expresso scil. etiam si in
extremis vitæ quis constitutus sit, alioqui non tam
mortis causa, quam moriens dedisse videtur, l. 42.
in fin. eod.

Si quid humanitus] Quo verbo mors significatur,
l. 26. *pr. depos.*

Eam formavit] Ut quinque adhibeantur testes: qui
numerus legitimus in omni ultima voluntate, excepto testamento, l. *ult. §. ult. C. de codicill.*

Quam heredem suum] l. 1. d. l. 35. §. 1. D. h. t.

Apud homerum] *Odyss. 17.* Hic locus arguit etiam
mortis causa donationem ratione facti juris
gentium esse.

COMMENTARIUS.

1. Ex verbis donatoris æstimandum, an donatio facta sit ob suspicionem mortis: & citra talem suspicionem mortis quoque causa recte donari.
2. Quibus in rebus similitudo hujus donationis & convenientia cum legatis cernatur.
3. Quibus in rebus dissimilitudo & discrepantia.

Qua propter mortis sit suspicionem] Cum quid metu mortis vel ex præsentis vel ex futuro periculo donatur; puta si donator gravi morbo laboret, si periculosam peregrinationem vel navigationem suscepturus sit, si iturus in militiam, si grafferetur pestilentia, &c. l. 2. & aliquot seqq. l. senatus 35. §. mortis 4. hoc tit. de mort. ca. don. Cæterum an propter mortis suspicionem donatio facta sit, ex verbis donatoris æstimandum est. Nec enim sufficit ad hanc donationem, à moriente aut in periculo mortis posito quid donatum esse, nisi verbis declaraverit, se ob metum propinquæ mortis donasse: alioqui non tam mortis causa, quam moriens donasse censetur, l. si quis mortis 29. l. seja 42. in fin. eod. D. Tuld. comm. hic cap. 4. hodie tamen in dubio mortis causa factam præsumi, & in Gallia sic judicatum referunt. Autum. conf. jur. ad d. l. 42. & Bugn. lib. 5. de ll. abrog. cent. 16. fac. l. fulcimus 43. eod. Quin etiam extra suspicionem ullius periculi & à sonbatque in bona valitudine constituto mortis causa recte donatur, sola cogitatione mortalitatis ex sorte humana, d. l. 2. & d. l. 35. §. 4. eod. Sed itidem verbis hoc declarandum, ne alias pura & simplex habeatur donatio. Quod si considerasset Horomannus, abstinuisset, credo, à reprehensione jurisconsultorum, Juliani, Ulpiani, Pauli; neq; tam temerè pronunciaisset, nullam esse mortis causa donationem, cujus non mortis periculum causa sit. Si Titio centum donavero, præstantia post mortem, donatio inter vivos est: nam tempus adjectum differendæ solutionis causa, ad substantiam donationis non pertinet. Unde fegi Falcidiæ in ea donatione locus non erit, uti memini me ex facto consultum respondisse, add. Fachin. 5. contr. 22. Non solum autem suæ mortis causa donare quis potest, sed etiam alterius, puta filii, fratris, sororis, l. 11. l. mortis 18. hoc tit. de mort. ca. don. l. 3. C. eod.

Quum quis ita donat] Dupliciter autem quis sic donat, vel ut statim rem faciat accipientis, vel ut tunc demum, cum mors fuerit insecuta, d. l. 2. eod. Posteriore casu ad revocandam donationem competit donatori directa in rem actio, sive pœnitentia ductus donationem infringere velit, sive periculum, quod metuebat, evaserit, l. si mortis 29. eod. Priore conditionem habet, l. senatus 35. §. 3. eod. habet & utilem in rem adversus quosvis possessores, l. qui mortis 30. eod. sublatoq; periculo aut præmortuo eo, cui donatum

est, fortassis etiam in rem directam, quasi donatio ipso jure resoluta, d. l. 29. add. Gomez. 2. res. 4.

Si quid humanitas] Ἀνθρώπων. Si quid humanum, l. 26. pr. de pos. Veteres ominis causa sic loquebantur; Si quid mihi acciderit, εἰς π. συμμῆν, εἰς π. πύγχα, pro, si moriar. l. 162. §. 1. de verb. sign. Abstinebant à mortis vocabulo, tanquam ominoso.

Si autem supervivisset, &c.] Tribus casibus mortis causa donatio fit irrita; si donator salvus evaserit, quod hic dicitur supervixerit, si donationis cum pœnituerit, si donatario supervixerit, l. mortis 16. d. l. 29. & seq. eod. l. non omnes 19. de reb. cred. Si salvus evaserit, sic accipe, licet donatarius adhuc vivat: si supervixerit donatario, sic, etsi periculum adhuc dureret, cujus contemplatione donatio facta. Plane, si quis sanus & valens extra suspicionem alicujus periculi, sola cogitatione mortalitatis commotus, donaverit, non puto irritam fieri donationem; si forte donator morbum aliudve periculum, in quod postea incidit, evaserit: nam nihilominus causa donandi manet, Soar. in recept. lit. D. num. 29. D. Tuld. comm. hic c. 5.

Ad exemplum legatorum redacta sunt per omnia] Ferre scilicet. Quam particulam mox etiam ipse exprimit, cum constitutionis meminit, qua hæc exequatio facta est. Intelligit autem l. ult. C. d. hoc tit. de mort. ca. don. qua quidem hanc donationem ad similitudinem legatorum revocat: cæterum non simpliciter & per omnia, sed κατὰ τὴν & maxime ratione effectorum. In aliis vero magna adhuc dissimilitudo est: de quo habebimus, quod certo statuamus, si res hæc inductione utriusque generis exemplorum declaretur. Similitudo hujus donationis & convenientia cum legatis in his cernitur. 1. Quod, quemadmodum in omni voluntate, quæ testamentum non sit, quinque testes desiderantur, l. ult. §. ult. Cod. de codicill. ita & in mortis causa donatione, idque ad solennitatem actus, l. ult. Cod. hoc tit. 2. Quod, sicut legata à vivo testatore revocari possunt, nec quicquam suprema voluntate relictum valet, nisi post mortem relinquens, ita & hanc donationem pro arbitrio revocare liceat, nec prius rata aut perfecta habeatur, quam mors donatoris insecuta sit, l. si mortis 29. & l. seq. l. non videtur 32. hoc tit. 3. Quod, sicut dominium rei legatæ statim à morte testatoris transsit in legatarium, ita rei mortis causa donatæ, nec ante traditæ statim à morte donatoris in donatarium, l. 2. de publ. in rem act. Hæc sufficiunt, ut donatio mortis causa numeretur inter acquisitiones civiles. Illud autem falsum est, quod Glossa, Barr. Castr. in l. qui mortis 30. hoc tit. tradunt, & sequitur Gomez 2. res. 4. n. 20. dominium rei mortis causa donatæ statim, ut donatio facta est, transire, etiam si traditio nul-

ita secuta sit. Nam siue cum contractibus hanc donationem conferre placeret, explorati juris est; ex contractu nullo citra traditionem dominium transferri; siue cum legatis, constat, dominium rei legatæ demum post mortem testatoris in legatarium transire.

4. Quod, sicut legatario substitui potest, ita & nostro donatario, l. 1. C. eod. §. Quod hæc donatio, perinde ut legatæ, lege Falcidia imminuatür, l. Seja 24. §. 1. hoc tit. l. 2. C. eod. 6. Quod in ea locum habet, jus accrescendi inter conjunctos in eandem rem, l. un. §. hæc autem 14. C. de rad. toll. Gomez. 1. resol. 10. num. 7. 7. Quod, quemadmodum conjux conjugi legare, ita & mortis causa donare potest, l. 9. §. ult. et l. seqq. de donat. int. vir. & ux. 8. Postremo, quod in hoc genere donationis non opus est insinuatione, l. ult. C. hoc tit. Dissimilitudo & discrepantia elucet in

his. 1. Quod mortis causa donatio sic fieri potest, ut nullo casu revocetur, l. si alienam 13. de mort. ca. don. quod secus est in legatis, l. si quis 22. de legat. 3. l. 4. de dim. legat. Quanquam fatendum est, talem mortis causa donationem naturam mutare, & effectum esse donationem inter vivos, l. ubi ita 27. eod. idque eleganter ostendit D. Joan. Deckher. differt. 1. n. 40.

2. Quod donatio hæc ab additione hereditatis, sicut legatum, non pendet, sed sola morte confirmatur donantis, l. non videtur 32. eod. fac. l. §. qui mortis 17. de his que ut indig. Clar. lib. 4. §. donatio, quest. 5. n. 2. c. 3. Quod donatio in singulos annos una est, legatum tale multiplex; itaque illa ad heredes pertinet; at primi anni legatum duntaxat purum est, reliquorum conditionale, quod ad heredem legatarii ante diem non transit, l. senatus 35. §. ult. hoc tit. l. 4. de ann. legat. 4. Quod in mortis causa donationibus, an quis capere possit, non donationis, sed mortis tempus inspicitur, l. in mortis 22. hoc tit. cum in legatis etiam tempus facti testamenti spectetur, §. in extraneis 4. inf. de her. qual. §. Quod donatio fit inter duos, legatum autem præter voluntatem unius testatoris nihil desiderat: unde legatum etiam in absente & ignorantem conferri potest: donatio autem à præsentem in præsentem conferenda: l. inter mortis 38. hoc tit. aut utique in absentem per nuntium aut literas, ut sciât, & donationem accipiat, l. 10. eod. Mantie, de conject. ult. vol. lib. 8. tit. 1. n. 36. Quod si quis absenti & ignoranti se donare, quid simpliciter dixerit, defenditur donatio jure fideicommissi ex communi interpretum sententia. His de causis donatio hæc naturam contractus habere dicitur, d. l. senatus 35. §. 3. unde etiam illud est, quod filiusfam. consensu patris mortis causa donare potest; quamvis testamentum facere non possit, nec permittente patre, l. tam 25. §. 1. eod. vulgo Dd. sic distinguunt, donationem hanc habere naturam contractus, cum in esse producitur: effectum au-

tem, & cum in esse producta est, rationem ultimæ voluntatis. Cæterum hoc per omnia verum non esse, tum numerus testium, & remissio insinuationis, liquido ostendit; tum quod hæc donatio non pender ab additione hæreditatis,

Cum prudentibus ambiguum fuerat] Familiare Justiniano est, cum quid quasi novum constituit, veterum Jurisconsultorum allegare ambiguitatem: in quo tamen sæpe fallitur, & fortassis etiam hoc ipso loco. Sane in responsis veterum nullum hujus ambiguitatis vestigium apparet. Tradunt illi, quod hic à se factum ait Justinianus, donationes mortis causa ad exemplum legatorum esse revocatas, l. Marcellus 15. l. illud 37. eod. l. 2. de publ. in rem act. Mantie tamen adhuc nonnullum inter hæc discrimen, de quo inter omnes convenit, ut ex aliis locis patet: nec hoc discrimen à Justiniano sublatum est.

Magis se quis velit habere, &c.] Ex Marciano l. 1. eod. Estque hæc ratio, cur donationem in mortis causa revocare liceat. In donatione inter vivos, qui donat, donatarium solum cogitat, atque illum, quam se, habere mavult: in donatione autem mortis causa, qui donat, se primum & principaliter cogitat, atque amore vitæ recepisse potius, quam dedisse mavult. In summa, se potius habere vult, quam cum, qui donat: illum deinde potius, quam heredem suum, d. l. senatus 35. §. 2. eod.

Sic apud Telomerum] Odyss. 9. ubi Telemachum ex peregrinatione reversum, quam patris Ulyssis conquirendi causa susceperat, Pireus, qui comes illi in peregrinatione fuerat, monet, ut vasa illa aurea & argentea, quibus Telemachus à Menelao donatus erat, quæque secum Pireus asportarat, quæsitum mittat: ancillis Telemachi se traditurum. Cui Telemachus in hanc sententiam respondet, Pireæ, quoniam incertum est, qualis harum rerum exitus sit, futurus, si me feroces proci domi ex insidiis necent, paternasque opes diripiant, malò te vasa hæc tibi habere, quam illorum quempiam. Sin autem ego illis interitum afferam, tum vero tu lætus & gratulans mihi læto & gratulanti domum illa referes. Est & mortis causa donatio in Alceste Euripidis, ubi sic Hercules: γυναῖκα τὴν δὲ μοι ὁ σῶσθαι λαβὼν, &c. Adi die hac donatione Covar. rubr. de testam. part. 3.

TEXTUS.

De simplice inter vivos donatione.

2. Aliæ autem donationes sunt, quæ sine ultima mortis cogitatione sunt, quas inter vivos appellamus, quæ non omnino comparantur legatis: quæ si sue, int. perfecta, temere revocari

non possunt. Perficiuntur autem, quum donator suam voluntatem scriptis aut sine scriptis manifestaverit. Et ad exemplum venditionis nostra constitutio eas etiam in se habere necessitatem traditionis voluit, ut, etiamsi non tradantur, habeant plenissimum & perfectum robur, & traditionis necessitas incumbat donatori. Et quum retro Principum dispositiones insinuari eas actis intervenientibus volebant, si majores fuerant ducentorum solidorum, constitutio nostra eam quantitatem usque ad quingentos solidos ampliavit, quam stare etiam sine insinuatione statuit. Sed & quasdam donationes invenit, quæ penitus insinuationem fieri minime desiderant, sed in se plenissimam habent firmitatem. Alia insuper multa ad uberiores exitum donationum invenimus, quæ omnia ex nostris constitutionibus, quas super his exposuimus, colligenda sunt. Sciendum est tamen, quod etsi plenissimæ sint donationes, sitamen ingrati existant homines, in quos beneficium collatum est, donatoribus per nostram constitutionem licentiam præstitimus certis ex causis eas revocare: ne illi, qui suas res in alios contulerint, ab his quandam patiantur injuriam, vel jacturam, secundum enumeratos in constitutione nostra modos.

NOTÆ.

Perficiuntur autem] De primo gradu perfectionis intellige, unde obligatio & actio, non rei dominium, quod demum acquiritur præstatione promissi.

Nostra constitutio] l. 35. §. ult. C. eod. ubi pacto donationis causa facto verbis in præsens conceptis, veluti dono tibi centum aureos, eandem vim tribuit, quam habet stipulatio, ut ex eo obligatio & actio nascatur, contra regulam juris antiqui l. 7. §. 4. D. de pact. unde tale pactum hodie legitimum, pariens conditionem ex lege per l. 6. d. r.

Ad 500. solidos] Ad 300. primum l. 34. Cod. eod. novissime ad 500. l. pen. §. ult. C. eod. Si definitum modum excedens insinuata non est, non in totum irrita sed quatenus excedit, d. l. 34. Nov. 162. c. 1. §. ult. τὸ ὑπερπλεον μὴ ἰσχυέτω Bas. 47. tit. 1.

Nostris constitutionibus.] L. 33. d. l. 34. pr. §. 1. pen. & ult. l. ult. C. eod.

Ex certis causis] Insignis ingratitude: cujus

generis causæ enumerantur quinque l. ult. C. d. & Plerique addunt & aliam, supervenientiam scil. liberorum, ex l. 8. C. eod. quæ tamen constitutio tantum de donatore patrono & liberto donatario loquitur, nec à Græcis extenditur, Basil. 47. tit. 2. Harm. 3. tit. 2. Vide Fufius in comment.

COMMENTARIUS.

1. Plenus & planius exponitur, quomodo donatio inter vivos perficiatur.
2. Non ex quolibet pacto donationis causa facto obligationem ex constit. iust. nasci.
3. Errare eos, qui putant, simplex pactum donationis, vi constitutionis iust. parere actionem in rem.
4. Donationes, quæ insinuationem non desiderant, recensite.
5. Ad uberiores exitum donationum à Iustiniano quæ inventa.
6. Neque heredem donatoris revocare donationem, neque ab heredibus donatarii revocari ob ingratitude ejus posse.
7. In l. si unquam, C. de rev. don. constitui jus singulare, quod non producendum ad consequentias.

Agitur hic de donatione propria. Quæ alias vera, absoluta, & mera, l. senatus 35. §. 2. de mort. ca. don. l. Aquilius 27. hoc tit. alias simplex, l. si filia 20. §. si pater. sam. etc. l. cum multa 20. C. de don. ant. nupt. l. pen. §. 1. C. de collat. alias directa, l. donatio 25. hoc tit. C. de donat. alias inter vivos, ut hic & l. ubi ita 27. de mort. ca. don. appellatur. Descriptum hanc donationem initio hujus tituli.

Quæ non omnino comparantur legatis] Hotom. Weicemb. Giphon. omnino non, ita enim esse in veteribus libris. Ut si sensus, Donationes inter vivos nullo modo comparantur legatis. Quomodo etiam legisse apparet paraphrastem Græcum: vertit enim *μὴ δαμῶς*. Et sunt sane hæ donationes plane dissimiles legatis, neque natura, neque proprietatibus, neque forma neque effectu ullam cum legatis societatem habentes. Pro tuenda tamen vulgata lectioe hoc affert Pacius, quod legatum & donatio hæc in eo conveniunt, quod utrumque sit causa lucrativa, & modus acquirendi peculiaris. Quod mihi futile & valde puerile esse videretur: cum nullæ res tam sint dissimiles, quæ non in uno aliquo aut altero comparari queant.

Temere revocari non possunt] Mortis causa donatio temere, hoc est, pro arbitrio, facile, & sine causa revocari potest: propter quæ hanc in semper conditionem habet, ut revocare liceat. Vera autem donatio natura sua irrevocabilis est: *ἡ δωρεὰ δόσε ἀναιμόδοσε* ait Aristot. 4. topic. 4. nam quod hanc etiam aliquando revocare licet, id ex accidenti est & facto

facto donatarii, pro beneficio insignem injuriam rependens, non ex intentione donantis, utpote qui sic donat, ut nullo casu velit ad se reverti, l. 1. *hoc tit. l. hoc ita* 27. *de mort. ca. don.* Utique tamen si præcivisset donator ingratum fore donatarium, abstinuisset dubio procul à beneficio: & hinc ortum jus revocandi, de quo sub finem hujus §.

Perficiuntur autem, cum donator voluntatem suam] Poterat hæc res plenius & planius proponi, & poterat æque paucis verbis. At donationem inter vivos perfici, quum donator voluntatem suam declaravit: addendum fuerat, & donatarius eam voluntatem gratam au ratam habuit. Neque enim donatio est sine acceptione, l. *absenti* 10. *hoc tit. l. hoc jure* 19. §. 2. *eod.* quippe datio acceptione confirmatur: nec potest videri datum, quod non est acceptum. Et recte in illum locum Comici; *Dos est decem talenta.* Accipio Verus interpret, nisi, inquit, dixisset, accipio, dos non esset. Perficitur donatio ex constitutione Justiniani solo consensu, ut emptio & venditio: non est igitur perfecta habenda, antequam eam gratam habuerit donatarius, excepto casu comprehenso l. 15. *C. de sacros. Eccles.* favore Ecclesie. Denique in omni conventionione consensum mutuum intervenire oportet. Sed perfectio, de qua hic agitur, primus tantum gradus perfectionis est, unde donatario acquiritur obligatio & actio, non rei donatæ dominium. Etenim vere & plene demum perficitur & consummatur donatio, doni & promissi præstatione. Eodem modo emptio venditio perfici dicitur, simul atque de pretio inter emptorem & venditorem conveniret, §. 3. *inf. de empt. & vend.* At constat, eam non ante pro consummata haberi, quam res tradita & pretium solum sit. Videretur autem Justinianus hoc loco id tantum indicare voluisse, quod ipse constituit, ex nudo pacto donationis obligationem introducens, l. *si quis argentum* 35. *C. hoc tit.* contra regulam generalem juris antiqui, l. *juris gentium* §. *sed cum nulla* 4. *de pact.* Sic est; perficitur donatio aut traditione & præstatione rei donatæ, quæ vera perfectio est. Imo non prius proprie dicitur esse donatio, quam res, quæ donatur, detur ac tradatur. Nam ut ostendimus *ad rubr.* donatio proprie ipsam translationem rei significat: & potest etiam incipere statim à traditione, & perfici circa conventionem præcedentem. Aut conventionione, qua hætenus perfici dicitur, quatenus ea donatorem adstringit necessitate traditionis, donatarioq; in eam rem comparata est in personam actio. Conventio hujus generis una tantum olim fuit, stipulatio. Justinianus autem eandem vim tribuit etiam pacti nudi, d. l. *si quis* 35. §. *sed siquidem* 5. *C. hoc tit.* unde pactum donationis hodie pactum est legitimum, arg. l. 6. *de pact.* & 2 *ibi Cujac.* Neque tamen ex quovis pacto donationis

causa interposiro, obligationem nasci voluit Justinianus, sed ex eo tantum, quo quis in presentia se donare dicit, verbis in præsens, non in futurum conceptis; veluti si quis dicat, *dono tibi centum aureos.* Hæc enim verba occurrunt in d. l. 35. *si donaverit, si donationem faciat feceritve, ut tradat, quod donaverit.* Quod si quis donaturum se pacto promittat, manebit etiamnum jus antiquum, nec ex tali nudo pacto obligabitur. Per l. *precipimus* 32. *in fin. C. de appel. l. sancimus* 27. *C. de testam. add. Parlador. 2. rer. quotid. 3. n. 9. D. Talden. hic c. 2.* Perspicue autem errant Contius lib. 1. *disp. 12. Gudelin. lib. 2. de jur. noviss. c. 3.* dum existimant, quod Justinianus constituit, donationem etiam nudo consensu perfici, hoc non tantum eo pertinere, ut donator, qui nondum tradiderit, necesse habeat tradere, sed ut eo nomine etiam donatario competat actio in rem, quasi simplici pacto dominium ei quæsitum sit. Non enim majorem vim Justinianus tribuit, neque tribuere debuit pacto, quam stipulationi. At si stipulatio intervenerit, veterem actionem ex stipulatu relinquit; quæ utique cum in personam sit, arguit, dominium non esse translatum. Si omissa sit stipulatio, conditionem dat ex lege, d. *loco*, & apertius Nov. 162. c. 1. Atqui nulla quoque conditio, quæ non sit actio in personam, §. *appellamus. inf. de act.* Denique ipse supra §. *per traditionem* 40. *de rer. div.* nominatim in proposita specie confirmat regulam traditam l. *traditionibus* 20. *C. de pact. Traditionibus, non nudis pactis. dominia rem transferri.*

Ad exemplum venditionis] Quemadmodum emptio venditio perficitur simul atque de re & pretio convenit, atque ex ea conventionione statim emptori acquiritur actio ex empto, qua venditorem compellere potest ad rem tradendam: *inf. de empt. & vend. in pr. & §. 3.* ita ex constitutione Justiniani, simul ac donator sive scriptura, sive verbis quibusvis idoneis se quid donare declaraverit, etiamsi nulla intervenerit stipulatio, acceptante donatario, donatio perfecta & efficax habetur, daturque donatario conditio ex lege, qua conventus donator, rem tradere, cogatur. Porro an sicut emptio venditio, ita etiam pactum donationis, sit contractus: item an ut donator, ita quoque & venditor, rem præcisse tradere teneatur, an liberetur præstatione ejus, quod interest, inquirere non est hujus loci. Illud constat, non eadem esse præstationes donatoris & venditoris, donatorem ad dandum, venditorem simpliciter ad tradendum teneri: donatorem in quantum facere potest, venditorem in solidum condemnari: hunc teneri nomine evictionis, illum non item, l. 18. §. *ult. hoc tit.* Neque tamen ideo male donatio & venditio inter se, ut similia, comparantur. Nam in omni similitudine in speciciendus est principalis scopus atque in-

tentione ejus, qui ea utitur; cui scopo si serviat, cætera similia sunt, an dissimilia, parum refert.

Infinuari actis intervenientibus volebant, &c.] Lex civilis neminem donare aut liberalem esse vetat: cæterum prospexit, ne ejuslibet summæ aut quantitatis donatio statim rata esset. Et recte: expedit enim rei publ. ne quis temere patrimonium suum effusus largitionibus exhauriat. Hoc enim est re sua male uti, eamque perdere. Modum donationibus primum imposuit lex Cincia, qua cautum Ulpianus tit. 1. scribit, ne supra certam quantitatem, quam tamen non exprimit, donare liceret, extra quam si conjunctis personis donaretur. Quod jus usque ad Constantini tempora duravisse videtur. per l. 3. C. Theod. hoc tit. Unde existimare licet, quantitatem lege Cincia definitam fuisse ducentorum aureorum: & donationem, quæ eam quantitatem excederet, actis fuisse infinuandam, hoc est, consignandum literis publicis, quod Constantinus etiam custodiri voluit inter necessarias conjunctasque personas, l. 5. C. Theod. l. dat. 27. C. hoc tit. Justinianus autem quantitatem auxit. Primum ad trecentos, l. sancimus 34. C. cod. deinde ad quingentos solidos, l. pen. §. ult. C. cod. atque ad hanc usque quantitatem liberam donandi facultatem unicuique permisit, etiam sine donationis infinnatione. Si vero hanc summam donatio superaret, non aliter ratam eam esse voluit, quam si in acta publica relata esset. Neque tamen in totum irritam esse iussit donationem, quæ summam definitam excedens actis inserta non esset, sed tantummodo quatenus terminos legis excederet, d. l. sancimus. C. hoc tit. Nov. 162. c. 1. §. ult. Atque ita in plerisque locis etiamnum utimur. Gomez. 2. resol. c. 4. Perez. C. h. r. m. 35. Sandoz lib. 5. tit. 1. de fin. 3.

4. *Vigine ad quingentos solidos*] Quæ summa nostra moneta efficere creditur 2500. Caroleos. Taxatur enim solidus, qui & aureus, (ut patet ex innumeris locis, & collatione sequentium, l. 5. §. prator. ait. 6. de his, qui eff. vel deiec. cum §. 1. inf. de obl. qua qua. ex del. item l. pen. ex ult. de in jus voc. cum §. ult. in fin. inf. de pan. tem. lit. item l. 8. in fin. & l. 9. de inoff. cum l. cum ex falsis 47. de man. test.) centum sesteriis, sive quinque Caroleis, aut duobus scutatis sive coronatis. Grot. spars. flor. Quanquam non idem perpetuo pondus, nec constans solidi æstimatio fuit. Qua de re consulendi Budæus de ass. l. 3. & 5. Hotom. de re numm. cap. de numm. aur. Covar. de collat. vet. numism. cap. 3. Distus vero est solidus, non quia ex puro & solido auro erat, sed quia nummus erat integer, & ad differentiam semissium & tremissium, qui valebant dimidium & tertiam solidi sive auri partem.

Quæ infinnationem minime desiderant] Harum numero sunt donationes principales, quas scilicet vel Princeps facit, vel quæ Principi fiunt, l. sancimus 34.

C. hoc tit. item donatio propter nuptias Nov. 119 ubi in vulgari versione nomen sponsalitiæ largitatis sumptum pro donatione propter nuptias; nam in Græco est, *ὡς τὸν ἄλλο τὸς γάμος διαπερὶν*, &c. Postea distinctio aliqua adhibita Nov. 127. §. 2. auth. eo decursum. Cod. de don. ante nupt. Præterea si quid pro redemptione captivorum, pro restitutione ædium incendio aut ruina consumptarum, aut si quid fortissimis militibus donatum sit à militum magistris, quanticumque sit pretii, quod donatum est, valet donatio, etiam si actorum auctoritate non nitatur, l. pen. in pr. §. 1. & 2. Cod. cod. De donationibus, quæ ad pietatem respiciunt, dubitatum est, aliquo ne privilegio hodie uti debeant, an jure communi cæterarum donationum censerent. Ratio dubitandi, quia cum adhuc cæteræ donationes, quæ trecentos solidos superarent, infinnationem desiderabant, in pias causas collatæ usque ad summam quingentorum solidorum stabant etiam sine infinnatione, dist. l. 34. §. 1. Unde dicendum videtur, postquam constitutum esset, ut quævis donatio usque ad 500. solidos etiam sine monumentis valida sit, d. l. pen. in fin. privilegium, quod donationes in pias causas factæ habuerunt, proportionaliter producendum esse, atque hujus generis donationes etiam sine fide monumentorum subsistere debere minimum usque ad solidos septingentos. Communis tamen Dd. in l. illud 19. C. de Sacros. Eccl. & d. l. 34. hoc tit. sententia est, donationum ad pias causas nullum amplius esse privilegium, sed in his idem, quod in cæteris observandum, ut si 500. solidos excedant, actis eas infinnare necesse sit, propterea quod Justinianus privilegium piæ causæ expresse non auxit, imo potius sustulisse videtur d. l. pen. cum sancit, ut id, quod antea jus singulare erat piæ causæ, jus commune esset omnium donationum, quæ non simpliciter à necessitate infinnationis exemptæ sunt.

Alia insuper multa ad uberiorum exitum donationum] Huc refero, quod Justinianus constituit, ut majoris summæ donationes, quæ actis inscriptæ non sunt, non omnino, sed tantum quatenus legitimam summam excedunt, vitentur, d. l. 34. §. 1. C. hoc tit. Item ut plurium donationum eidem, sed diversis temporibus, factarum summæ non simul æstimentur, sed cujusque donationis separatim & distincte, utque idem fiat, cum annua quantitas donatur ad tempus vitæ donantis aut donatarii, d. l. 34. §. pen. & ult. Postremo quod rejici iussit verba, quæ in donationibus poni solita erant, *sestertii, nummi unius, assium quatuor*, &c. l. ult. C. cod. nam antea etiam in donationibus adhibenda erat imaginaria venditio seu mancipatio, quoties scilicet res, quæ donabantur, erant mancipi; alioqui earum rerum dominium ex jure Quiritium in accipientem non transferabatur.

Quam.

Quam ob causam qui volebat donare, cogebatur simulare venditionem, & dicis causa unum nummum accipere, *adi. Cont. 1. disput. 16.*

[*Si tamen ingrati*] Simplex & mera donatio temere, ut supra dictum est, revocari non potest: non sola pœnitentia, ut donatio mortis causa; ac ne ob quamlibet quidem ingratitudinem donatarii. Cæterum si insignis sit illius ingratitudo, & talis, quæ sceleris affinis sit aut conjuncta, etiam hujusmodi donationem revocare merito & tanquam ab indigno auferre concessum est, *l. ult. C. de revoc. don.* Poteritque eo nomine vel judicis implorari officium, vel agi conditione *ex d. l. ult.*

[*Donatoribus licentiam præstitimus*] Donatoribus solis, non etiam heredibus eorum, *l. his solis 7. d. l. ult. C. de revoc. don.* quippe actio, quæ adversus ingratos datur ad revocandam donationem, vindictæ cujusdam & ultionis injuriæ effectum habet, & ideo personalis est, atque actioni injuriarum in hoc similis, quam constat heredi ejus, qui injuriam passus est, non dari, *d. l. 7. junct. §. 1. inf. de perp. & temp. act.* Nec in heredes igitur ingrati danda erit, nec si ipsi ingrati, non donatarius, extiterit, *arg. dd. ll.* Quinimo nec videtur recte posse obijci ingratitudo successori ejus, qui donatum est: longeque alia est ratio feudi, quod non tantum primum investitum, verum etiam successores ejus ad certa officia præstanda obligat.

[*Ex certis causis*] Quæ numero quinque exprimuntur, *d. l. ult.* & nimirum hæc; si donatarius atroces injurias in donatorem effuderit; si illi impias intulerit manus; si vitæ ejus infidietur; si grandem jacturæ molem substantiæ & bonis donatoris ingesserit; si conventiones donationi appostas implere, nolit. Enimvero licet plures causas non enumeret Justinianus, atque ob eas tantummodo, quas exprimit, revocationem donationis permittat: assensior tamen communi Dd. sententiæ, qui negant, similes & majores causas ob id excludi oportere, uti recte iidem etiam admittunt causas alias exheredationis præter eas, quæ enumerantur *Nov. 115. cap. 3. de quo uberius inf. de inoff. testam.* eoque jure utimur. *Grot. 3. introd. cap. 2.* Additur à Dd. & alia causa revocandæ donationis, si scilicet donator post factam donationem liberos susceperit, *per l. si unquam 3. Cod. d. tit.* Tamen si enim ea lex tantum loquatur de patrone & libertis, quorum propria & diversa, prorsus in plerisque rebus ratio est, atque aliorum extraneorum; putant tamen, quorumcunque donationes eodem isto jure censendas, ut in sperato succedens filiorum soboles irritam faciat donationem. Utuntur autem hoc argumento, quod donatio facta ab eo, qui liberos non habet, videatur in se continere tacitam conditionem, si liberi ipsi postea nati non fuerint, de quibus si cogitasset, donaturus fuisset

credi non debebat; cum nemo præsumatur successiones alienas propriis antepone, *per l. cum avus 102. de cond. & dem. l. cum acutissimi 3. C. de fideicom.* Ego vero, etsi hæc sententia colorem aliquem humanitatis habere videatur, ausim affirmare, eam mentem (Constantini, cujus est *d. l. si quam*, minime fuisse. Cur enim de patrone tantum loquutus esset? Ann quia ex facto inciderat, ut de donatione à patrone facta quæreretur? Atqui generalis est constitutio ad præfectum prætorio, non ad patronum aliquem aut certam facti speciem directæ: Quoties autem lex de certis personis loquitur, quibus aliquid beneficii tributum vult, certum est, legem, ad aliàs personas non pertinere, *l. si vero 64. §. pen. sol. matr. l. l. quod constitutum 21. de test. mil.* Est vero etiam jjus illud novum, constitutum contra manifestam rationem juris communis, *l. 5. Cod. de obl. & act. cum similib.* ut intepretis non sit, ad alios casus & donatores extraneos id producere, *l. quod vero 14. d. de legib.* ideoque nec à Græcis extenditur *Basil. 47. tit. 22. Harmen. 3. tit. 2. nec aliter l. 3. C. Theod. de revoc. donat.* quæ eadem est cum *d. l. 3.* interpretatus est Arianus, qui Alarici Regis tempore floruit, multis annis ante Justinianum. Excutiantur omnes loci juris civilis, nullus invenietur, qui de jure revocandi donationem propter liberos donatori postea natos illoquatur; ac ne apud Justinianum quidem, qui cum liberorum jura ubique non servaverit modo, verum etiam auxerit, utique hujus revocationis aliqua parte mentionem fecisset: certe ubi ex professo recenset causas revocandæ donationis, si hanc etiam pro causa generali haberi voluisset, omisurus non fuerat. Canones etiam contrarium ostendunt. *ult. c. 17. q. 4.* ubi Augustinus, laudans factum sancti Aurelii Episcopi Carthaginensis, quod reddidisset donatori ob liberos ei natos, quæ ille Ecclesiæ donaverat, *In potestate*, inquit, *habebat Episcopus non reddere; sed jure fori, non jure poli.* Perperam autem add præsentem casum trahitur species *d. l. cum avus 120. de cond. & dem. d. l. cum acutissimi 30. C. de fideic.* Nam eadem ratione revocatio rei donatæ etiam concedenda esset ei, qui cum fortè unum filium haberet, donavit, & postea plures suscepit: neque quod revocatur, liberis acquiritur, sed pleno jure ad patrem revertitur, ut jam is iterum liberum de eo disponendi arbitrium habeat. Quid quod admissa ex causa superveniendum liberorum revocatione donationis in quosvis etiam extraneos factæ, neemo, nisi liberis carens plenè & purè donare intelligeretur? nam & ubi partis alicujus bonorum donatione facta est, constituto locum habet: de quo opulentius nos *lib. 2. sel. qu. c. 32.* Procul dubio igitur de jure venior est sententia plerorumque Neotericorum, *Comani lib. 5. comm. 10. Donell. ad*

d. l. si unquam. Ant. Fab. 7. conjekt. 14. & 15. Bachovii in Treutl disp. de donat. asserentium, in solis patronis hanc revocandæ donationis speciem à Constantino introductam atque approbatam esse: quam contraaria sententia communis est, & in paxi obtinet, ut inter alios testatur Triag. in d. l. si unquam. Mynsing. §. obs. 63. & secundum hanc judicatum à senatu Parisiensi, Papon. lib. 17. syntagm. tit. 1. de donat. §. 20. add. Christin. vol. 1. decis. 340. & vol. 4. decis. 192. cum alleg. Grot. lib. 3. introd. cap. 2.

TEXTUS.

De donatione ante Nuptias vel propter Nuptias.

3. Est & aliud genus inter vivos donationis; quod veteribus quidem prudentibus penitus erat incognitum, postea autem à junioribus divi Principibus introductum est quod ante nuptias vocabatur, & tacitam in se conditionem habebat, ut tunc ratum esset, cum matrimonium esset insecutum. Ideoque ante nuptias vocabatur, quod ante matrimonium efficiebatur: & nunquam post nuptias celebratas talis donatio procedebat. Sed primus quidem divus Justinus pater noster, cum augeri dotes & post nuptias fuerat permissum, si quid tale eveniret, & ante nuptias augeri donationem, & constante matrimonio, sua constitutione permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias vocentur: & dotibus in hoc exequantur, ut quemadmodum dotes constante matrimonio non solum augentur, sed etiam fiunt, ita & istæ donationes, quæ propter nuptias introductæ sunt, non solum antecedant matrimonium, sed eo etiam contracto augeantur & constituantur.

NOTÆ.

3. Et constante matrim.] Dum ne propter nuptias donatio excedat quantitatem dotis, ne fraus fiat juri publico, quo donatio inter conjuges prohibetur, l. 1. & tot. tit. D. de don. int. vir. & ux. & C. eod.

Extat Justinii constitutio in l. pen. C. de don. ant. nupt.

Nomen inconveniens] Quia poterat constante matrimonio augeri. Nunc ex sententia Justin. & augeri & constitui potest.

Constituimus] l. ult. C. eod. alia extat Nov. 97. ubi etiam præcipit, ut donatio propter nuptias dori omnino respondeat, tum in quantitate, tum in pactis.

COMMENTARIUS.

1. Donationes, quæ inter sponsum & sponsam fiunt, sensim ita formatas, ut veræ donationes & juris gentium esse desierint.
2. Quid primum circa has donationes à Constantino constitutum.
3. Quid procedente tempore ab aliis, & n. 4.
4. Res propter nuptias donatæ dominium revera in uxorem non transire.
6. Constitutionem Just. de æqualitate dotis & donat. propt. nupt. publica consuetudine repudiatam.
7. In Belgio propriè neque donationum propter nuptias, neque dotis usum esse.

DOS & donatio propter nuptias genera sunt: improprie donationis inter vivos. Dotem ab antiquis inter donationes numeratam, testis est ipse Justinianus, l. ult. C. don. ant. nupt. ut mirum sit, nihil de ea hoc loco tradi. Est autem dos donatione nomine uxoris in maritum collata ad onera matrimonii sustinenda, l. pro oneribus 20. C. de jur. dot. Donatio propter nuptias vice versa est, quæ à parte mariti in uxorem, vel sponsi in sponsam confertur in securitatem dotis, & quasi remunerandæ dotis causa: unde quæ ita donantur à Græcis ἀντίθερον dicta sunt, hoc est, quæ vice mutua pro dote dantur, d. l. ult. in. pr. est igitur donatio propter nuptias veluti contraria dos mariti, hostimentum, ἀντίθερον µα dotis uxoriæ: ἔδρον in Basilic. Hujus donationis origo & incrementum hic ostenditur.

Quod veteribus prudentibus penitus erat incognitum] Veteribus incognitæ non fuere donationes ante nuptias, hoc est, quæ inter sponsum & sponsam liberalitatis & amoris gratia fieri solent, & juris gentium sunt: sed talis species donationis ante nuptias, qualis tempore Justiniani frequentabatur, veteribus incognita fuit: utpote quæ demum post translationem imparii in Orientem excogitata est, sensimque ita formata, ut veræ donatio & juris gentium esse desierit, factaque sit species donationis improprie, & quæ omnino sit juris civilis. Sciendum enim est, prioribus temporibus donationes sponsalicias, hoc est, quæ à sponso in sponsam conferebantur, vel contra à sponsa in sponsum, (nam & hoc aliquando fiebat, l. 1. §. 1. D. hoc tot. l. 12. l. 16. C. de don. ant. nupt.) habitas fuisse, non tanquam nuptiarum

nuptiarum causa, sed perinde ac si purè atque absolute factæ fuissent, eademque earum fuisse vim, quam habent donationes cæteræ, quæ ex mera liberalitate fiunt, nullo scilicet ut casu ad donatorem reverterentur, *d. l. 1. §. 1. l. 8. cum aliquot seqq. C. d. tit.* Itaque ne eo quidem casu revocare huiusmodi donationem licebat, quo nuptiæ secutæ non essent, *d. l. 1. §. 1. l. 2. & l. 12. C. d. tit.* nisi ea lege nominatim facta esset donatio, aut id actum evidenter appareret, ut nuptiis non secutis res donatæ redderentur. Postea ex constitutione Constantini hoc iure uti cœperunt, ut donatio omnis inter sponsum & sponsam facta intelligeretur tacitam in se habere conditionem futurarum nuptiarum, *l. cum vetenim 15. C. eod. tit.* Et optima sanè ratione: nam donatio sponsi in sponsam merito præsumitur proficisci à singulari affectione, qua sponsam, ut futuram uxorem, complectitur, sine spe nuptiarum haud facile donaturus.

2 Non est autem hac Constantini constitutione effectum, ut donatio interim in suspensio sit donec nuptiæ secutæ fuerint: ita enim futurum esset, ut incum casum incideret, à quo non posset incipere, nimirum in donationem inter virum & uxorem, *l. 4. C. eod.* quæ iure civili semper prohibita fuit: sed ut non secutis nuptiis resolvatur, uti antea fiebat, cum id expressè cautum fuerat, *d. l. 1. §. 1. hoc tit.* Cæterum non in omnem eventum, quo nuptiæ secutæ non fuerant, repetitionem donati Constantinus concessit: sed ita distinxit, ut si per eum eamve, qui quæve donationem accepit, steterit, quo minus nuptiæ sequerentur, donatori aut donatrici conditio daretur ob causam dati causa non secuta: sin vero per donantem factum esset, non solum donati esset retentio, verum etiam exactio, *d. l. 15.* Quod si mors alterutrius spei nuptiarum sustulisset, tum siquidem sponsa donasset, omnimodo & integri, quod donatum erat, repetitio foret, sive osculum intervenisset, sive non: at si sponsus, tum non aliter ipsi aut hæredibus ejus jus esset repetendi totius, quod donatum esset, quam si osculum non intercessisset: interveniente vero osculo, partem tantum dimidiam repetere liceret, *l. si à sponso 16. C. eod.* quasi osculi jure augeatur jus sponsalium, & qui osculum accepit, quasi maritus sit, aut certè plus, quam sponsus, non enim satis est *maritum osculo putari*, ut ait Fabius *declam. 279.* Porro nuptiis secutis nulla donati repetitio erat, sed res pleno jure atq; irrevocabiliter ejus, cui donata erat, facta intelligebatur. Successit tandem donatio ante nuptias, de qua hic agitur, & quam Justinianus propter nuptias vocari voluit. Hæc fit à solo sponso, & vi atque effectum multum à præcedentibus differt. Nam primum dotis, cujus renumersatio quædam censetur, in hoc similis est, quod quemadmodum uxor soluto

matrimonio dotem recipit: *l. 2. sol. matr.* ita & viro donationem propter nuptias, *c. ult. Cod. de don. int. vir. & ux.* Deinde nec revera ex hac donatione dominium rei donatæ transit in uxorem: sed alia jura consequitur, veluti jus specialis hypothecæ: nam res donatæ propter nuptias pro securitate dotis mulieri speciatim obligatæ esse intelliguntur *l. ubi adhuc 29. C. de jur. dot. Nov. 61. c. 1. &* hic præcipuus hujus donationis finis est, ut dos mulieri sit cautior: unde rectè D. Wesemb. notat, res propter nuptias donatus potius hypothecæ subijci videri, quam verè alienari. Item hoc, ut viro temere divortium faciente donatio hæc aut toto aut pro parte lucro uxoris cedat: in quo dori quoque respondet: nam mulier sine justa causa divortens & ipsa amissione dotis plectitur, *l. consensu §. hæc nisi C. de repud.* Novissimè etiam hoc constitutum, ut quibus casibus maritus ex pacto dotem vel partem ejus lucratur, iisdem & uxor lucretur donationem propter nuptias partemve ejus, *d. Nov. 61. c. 1. Nov. 91. c. 2. Nov. 97. c. 1.* Doctores vulgo etiam dominium rerum propter nuptias donatarum uxori acquiri affirmant, quos sequuntur Schneid. *hic n. 5.* & Gudelin. *l. de jur. noviss. 8. arg. d. l. 29. C. de jur. dot. d. Nov. 97. c. 1. & d. Nov. 61. c. 1. vers. non enim* Sed si mulier harum rerum domina efficitur, prorsus absurdè facit Justinianus, quod jurgignoris mulieri in his constituit: item quod nominatim marito interdicit harum rerum alienationem & oppignerationem. *Nov. 61.* nam nec pignus quisquam habere potest in re propria, nec rem alienam alienare aut pignori obligare. Ratio quoq; non patitur, ut hic idem de donatione propter nuptias, quod de dote statuamus: neque enim necesse est, ut quemadmodum res in dotem datæ marito traduntur, ita & possessio rei propter nuptias donatæ transferatur in uxorem. Quod vel ex eo liquet, quod fructus ex re donata constante matrimonio percepti non uxori, sed marito acquirantur, ut rectè tradunt Schneid. *num. 4. GomeX in l. Tauri 50. & 3. seqq. n. 11. Dnar. tit. sol. matr. C. d. don. propt. nupt. & est arg. ind. l. 29. C. de jur. dot.* Nam si hos fructus mulierem sequi volumus, futurum est, ut maritus, qui solus onera matrimonii sustinet, careat omni commodo dotis, maxime postquam placuit, ut donatio propter nuptias dori & in quantitate & in pactis respondeat, *Nov. 97.* Planè Justinianus non putavit reprehendendos iudices, qui pro his rebus donatis mulieri aliquando accommodaverant actionem in rem post solutum matrimonium, *Nov. 61. §. 1.* sed locus ipse ostendit eos hoc non fecisse ex ratione juris, nequè directam in rem dedisse, sed utilem, quæ aliquando etiam non dominis ex æquitate conceditur. Ita firmè & D. Bachov. *hic.*

A junioribus divinis principibus] Tempore Constantini hoc genus donationis ante nuptias adhuc inco-

gnitum erat; quippe qui hoc tantum introduxit, ut donatio ante nuptias, quæ antea pura habebatur donatio, tacitam haberet conditionem, si nuptiæ sequerentur, *l. 15. C. de don. ant. nupt.* Secutis autem nuptiis adhuc plenissimo jure, quod donatum erat, manebat conjugis, qui accepisset: nec à sponso solum, verum etiam à sponsa Constantiniana ante nuptias donatio fiebat, *l. 16. C. eod.* Postea placuit, ut ad Donatorem soluto matrimon. reverta-
l. ult. C. eod. At donatio, de qua hic agitur, à solo sponso fit, nec ita unquam, ut sponsæ aut uxori pleno ac perpetuo jure res donata acquiratur: alioqui non recte Justinus permisisset, ut constante matrimonio augeretur; quoniam tali augmento incidisset in donationem inter virum & uxorem. Intelligit igitur haud dubiè Imperator principes Constantino juniores, qui pro vetere ante nuptias donatione penitus novam hanc substituerunt, quæ à solo sponso vel viro fit propter dotem, & in dotis securitatem; & quæ non solum nuptiis non securis nullius momenti est; sed nuptiis etiam secutis & postea distractis resolvitur, re donata ad virum redeunte, vel potius apud eum remanente: quia, ut modo probavimus, mulier per hanc donationem nec propriè nec verè domina constituitur. A quibus autem introducta aut quo tempore primum recepta sit, incertum est. Illud patet, sub Theodosio juniore & Valentiniano 111. jam receptam fuisse, *l. consensu 8. §. hæc nisi 4. de repud.*

Primus divus Justinianus pater noster] Initio donationes ante nuptias post contractum matrimonium nec inchoari nec augeri poterant. Primus Justinus, quem hic patrem suum Justinianus appellat, ut & *inj. §. pen. quib. non est perm. fac. test.* quoniam ab illo avunculo suo adoptatus fuit, permisit, ut aucta postmodum dote tunc etiam augeri posset præcedens ante nuptias donatio, *l. si constante 19. C. de don. ant. nupt.* Justinianus autem etiam inchoari hujusmodi donationes post nuptias permisit, *l. ult. C. eod.* Cæterum hæc ita, ut si post contractas nuptias fierent vel augerentur, dotis quantitatem minime excederent, ne fraus fieret Senatusconsulto, quo inter virum & uxorem donatio prohibetur.

Sed etiam constante matrimonio initium accipiant] Hoc à Justiniano constitutum *d. l. ult. in pr. vers. simplices.* Adhuc donatio ante nuptias arbitraria erat; quamvis dos data esset: poteratque aut nulla constitui, aut dote minor, majorve etiam, si ante nuptias fieret: nec ulla requirebatur aut in partibus lucris, aut in quantitate, quæ utrinque conferebatur, æqualitas. Tantum pacta, quæ inter virum & uxorem fierent, de lucranda dote aut rebus propter nuptias donatis ad partium æqualitatem ridigi cøperant. Sic enim à Leone constitutum erat, ut quantam par-

tem stipulata fuerat mulier sibi lucro cedere ex ante nuptias donatione post mortem mariti, tantam maritus ex dote sibi stipularetur ab uxore, *l. ex morte 9. C. de pact. conv. tam sup. dot.* Cui Justinianus addiderat, si pacta lucrorum paria non esse contingeret, ut major lucris pars ad minorem reduceretur, *l. 10. d. cit. d. l. ult. vers. simplices*, quæ confirmantur adhuc *Nov. 22.* Tandem Justinianus *Nov. 97.* unde sumpta *auth. 6. æqualitas C. de pact. conv. tam sup. dot.* statuit, ut non partium solum æqualitas esset, verum etiam quantitatum, atque omnimodo & in pactis stipulationibusque, & in ipsa etiam præstatione aut promissione, tam dotis quam donationis ante nuptias æqualitas servaretur; utque dote vel donatione propter nuptias aucta vel diminuta, ad parem quantitatem altera vel augeretur, vel minueretur: ex quo amplius liberum non fuit donare vel non donare, aut minus dote donare. Cæterum hanc constitutionem cum sua exæquatione & donandi necessitate jam pridem repudiavit publica consuetudo, ut notant. *Accurs. d. auth. æqualitas. Bald. Salic. in summa d. l. ex morte Schneid. hic n. 4. Gail. 1. obs. 36. n. 10. Quin. etiam 7 Cujac. 5. obs. 4.* refert donationes propter nuptias penitus ex usu sublatas esse. Sanè in Belgio propriè neque donationum propter nuptias neque dotium usus est; quanquam bona, quæ mulier in matrimonium confert dotem adhuc appellamus. Doarium autem sive dotalegium, quod moribus receptum, mera donatio est, quam mortuo marito uxor præcipit & lucratur: & ideo constante matrimonio neque constitui neque augeri potest, sed pactis antenuptialibus duntaxat. Consultantur super hac re. *D. Neostad. de pact. antenupt. Ioan. à Sande lib. 2. tit. 4. ferè per tot. Grot. lib. 1. manduct. ad Bat. jurisp. c. 5. & lib. 2. c. 11. cum 2. §. qq. Pet. Greg. syntagm. 1. c. 4. Gudel. lib. 1. de jur. noviss. cap. 8. de jure mariti in bonis uxoris & societate conjugali idem d. lib. 1. c. 8. de jure superstitis conjugis & lucris nuptialibus idem d. lib. 1. c. 11. add. D. Lamb. Goris advers. jur. tract. 1. ferè per tot. Quibusdam in locis certæ partis bonorum mariti usufructus pro donario uxori assignatur legibus municipalibus, vid. *Christin. vol. decis. 73. 237. 273. & illic citat.**

Sed propter nuptias vocentur] Justinianus donationem ante nuptias appellari voluit donationem propter nuptias: quoniam & augeri eam & fieri etiam post nuptias permillum sit, *l. ult. C. de don. ant. nupt.* quod non est magni momenti: & vetus nomen Rubrica Codicis retinuit. Rectius appellaretur donatio propter dotem, quod responderet vocabulo, quo Græci utuntur, quibus dicitur *ὀντὸς ἐγγυ*. Cæteroquin & dos propter nuptias donatio est,
d. l. ult.

T E X T U S.

De jure accrescendi.

4. *Erat olim & alius modus civilis acquisitionis juri accrescendi, quod est tale. Si communem servum habens aliquis cum Titio, solus libertatem ei imposuerit, vel vindicta vel testamento, eo casu pars ejus amittebatur, & socio accrescebat. Sed cum pessimum fuerat, exemplo, & libertate servum defraudari, & ex eo humanioribus quidem dominis damnum inferri, superioribus autem dominis lucrum accedere, hoc quasi invidia plenum pio remedio per nostram constitutionem mederi necessarium duximus. Et invenimus viam, per quam manumissor, & socius ejus, & qui libertatem accepit, nostro beneficio fruantur, libertate cum effectu procedente (cujus favore antiquos legum latorez multa etiam contra communes regulas statuisse manifestum est) & eo, qui eam libertatem imposuit, suae libertatis stabilitate gaudente, & socio indemnitate conservato, pretiumque servi secundum partem domini, quod nos definivimus, accipiente.*

COMMENTARIUS.

A *lius modus civilis acquisitionis*] Vel hinc apparet, superiores acquirendi modos inter acquisitiones civiles à Justiniano numerari. Subjicit autem hic pro conclusione alium civilis acquisitionis modum, sed antiquatum, & quem ipse jam antea abrogaverat, quo scilicet pars unius domini communem servum manumittentis socio querebatur jure accrescendi. Quod jus donationi valde affine erat; quoniam & ipsa causa erat merè lucrativa: & quia dominium istius partis citra traditionem transibat ad socium, omnino hic modus pertinebat ad jus civile: estque casus quidam, quo jus accrescendi locum habebat extra causam ultimarum voluntatum.

Vindicta vel testamento] Meminit duntaxat manumissi vindicta aut testamento: quia alio modo, puta per epistolam, aut inter amicos, manumissus huc non pertinebat. Sic enim juserat, ut quibus modis servum proprium manumittens civem Romanum faciebat, iisdem modis communem manu-

mittens partem suam amitteret; eaque accresceret socio: quibus autem modis proprium manumittens Latinum faciebat, ut iis modis communem manumittens nihil ageret, id est, neque Latinum faceret, neque partem suam amitteret, *Ulpian. tit. 1. de libert. §. communem 13. Paul. 4. sent. 12. in pr.*

Eo casu pars amittebatur] Nam cum ea à domino manumisso abiret, nec tamen aut libertas communi seruo ab uno è dominis in praedictum socii sui dari posset, aut quisquam pro parte servus pro parte liber esse, quoniam status hominis individuus est: necessario eveniebat, ut pars manumissoris, quippe quæ nullius esse non poterat, accresceret accederetque socio: non absimili ratione, qua placet usumfructum in jure cessum extraneo extingui & redire ad proprietatem: quod explicatum *§. pen. sup. de usufr.*

Per nostram constitutionem mederi] *l. 1. C. de comm. serv. man.* ubi quod in solis militibus antea obtinebat, jus commune facit, sancitque generaliter, ut servus communis ab uno ex dominis manumissus liber omnino fiat, si manumissor alteri domino pretium suae partis persolvere paratus sit. Neque inter modos manumittendi hic distinguendum, cum quævis manumissio nunc civem Romanum faciat, *§. 3. sup. de libert. & generaliter loquitur, Imp. d. l. 1. §. 1.*

Contra communes regulas] Jure communi nemo rem suam vendere aliove modo alienare cogitur, *l. invitum 11. C. de contr. empt. l. nec emere 16. C. de jur. del.* Ab hoc jure in casu proposito recedendum putavit Justinianus propter favorem libertatis: neque hoc, ut novum, carpendum esse; cum etiam veteres juris conditores multa pro libertate contra rationem juris constituisse notum sit, *l. generaliter 24. §. si quis 10. de fideic. libert.* Plures casus, quibus quis rem suam vendere cogitur, notavimus ad *§. ult. sup. de his qui sui vel al. jur.*

Quod nos definivimus] Ne de pretio partis domini non manumissoris contentio esset, Justinianus servorum pretia pro ætate atque artificio cujusque, quod exercet, certa definivit; crescentque à decem solidis usque ad septuaginta, *d. l. 1. §. ne autem 5. C. de comm. serv. man. l. ult. C. de cond. inst.* quod tamen nonnulli non satis prudenter factum existimant, definitionemque pretii in singulis causis arbitrio magistratus potius permittendam fuisse. Hujus *§.* nullum esse hodie usum intelligi potest.

ex iis, quæ diximus *l. 1. tit.*

de jur. person.

TITULUS VIII.

Quibus alienare licet, vel non licet.

Continuatio, atque argumentum tituli.

Explicati hactenus sunt plerique modi, quibus dominium rerum singularum, nanciscimur tum jure gentium tum jure civili. In his præcipuus & modus maximè naturalis est, cum dominus rem suam ita alteri tradit, ut eam velit fieri accipientis, §. *per traditionem* 40. *sup. de rer. div.* Cæterum cum hoc non semper procedat, propterea quod non omnes, qui domini sunt, jus alienandi rem suam, vel etiam administrandi, habeant; deinde quia quandoque etiam contingit, ut is, qui dominus non est, dominium in accipientem transferat, eo quod alienandi potestatem à lege accepit: utrumque hoc Justinianus exemplis sibi declarandum putavit proprio titulo: quem idcirco etiam statim superioribus subjicit. In princ. §. *ult.* profert exempla eorum, qui cum domini sint, jus tamen alienandi non habent: in §. 1. exemplum contrarium.

TEXTUS.

Summa tituli, de Marito, qui licet fundi dotalis Dominus sit, tamen alienare nequit.

Accidit aliquando, ut qui dominus rei sit, alienare non possit: §. contra, qui dominus non sit, alienanda rei potestatem habeat. Nam dotale prædium maritus invita muliere per legem Juliam prohibetur alienare; quamvis ipsius sit, dotis causa ei datum. Quod nos legem Juliam corrigentes in meliorem statum deduximus. Cum enim lex in solis tantummodo rebus locum habebat, quæ Italice fuerant: §. alienationes inhibebat, quæ invita muliere fiebant: hypothecas autem earum rerum etiam volente ea: utrique remedium imposuimus, ut etiam in eas res, quæ in provinciali solo posite sunt, interdicta sit alienatio, vel obligatio, ut neutrum eorum neque consentientibus mulieribus procedat: ne sexus muliebri fragilitas in perniciem substantiæ earum convertatur.

NOTÆ.

Dotale prædium] Inæstimatum scil. nam æstimato in dotem dati alienatio marito permessa l. 10.

§. 4. D. de jur. dot. l. 5. l. 10. C. eod. sicut & rei mobilis, l. 3. §. 2. D. de suis & legis. l. 3. C. de jur. dot. auth. *si ve à me. C. ad Sen. Vell.*

Sexus muliebri Fragilitas] Ne fragilitate suæ naturæ in repentinam deducatur inopiam, d. l. un. §. 1 §.

COMMENTARIUS.

1. Prohibitionem legis Juliae ad res dotales mobiles non pertinere, neque ad ullas æstimatio in dotem datas.
2. Solum maritum verum justumque rei dotalis dominum esse, plenissime probatur, remotis omnibus objectionibus.
3. Alienandi verbum quam latè pateat ex sententia legis Juliae.
4. Cur lex arctius prohibuerit fundi dotalis oppigenerationem, quam alienationem.
5. Quantum mores nostri dissideant à jure scripto.

Dotale prædium maritus prohibetur alienare] Primum exemplum, quo ostenditur, eum, qui dominus est, aliquando alienare non posse, propositum judicio dianætico syllogismi tertiæ figuræ partibus omnibus explicati. Est vero partium metathesis, qua sublata apparebit syllogismus integer in Felapton: *Maritus prædium dotale alienare non potest. Maritus est dominus prædii dotalis. Ergo quidam rei dominus eam alienare non potest. Ait prædium: ergo rei mobilis alienatio marito prohibita non est: quod etiam probant textus in l. 3. §. 2. de suis & legis. l. 3. C. de jur. dot. l. ult. C. de serv. pign. dat man. Auth. si ve à me. §. 1. C. ad sen. Vell. utique tamen hoc ita, si maritus solvendo est, l. 1. C. de tit. de serv. pign. etc. nam alioqui in fraudem uxoris id facere censetur; quippe cui dos deberi incipit: ex quo constat, mariti facultates ad exactionem dotis non sufficere, etiam si matrimonium nec dum solutum sit, l. si constante 24. sol. matr. l. si servum 21. de manumiss. l. ubi 29. C. de jur. dot. Prædium autem accipere debemus inæstimatum: nam quæ res æstimato in dotem dantur, eas omnes, sive mobiles sint sive immobiles, liberè à marito alienari posse vel ex eo pater, quod soluto matrimonio non res ipsæ, sed pretium sive earum æstimatio in restitutionem veniat judicio venditi, l. 10. §. si ante 4. de jur. dot. l. 5. l. 10. C. eod. utique si æstimatio facta sit venditionis causa: secus autem si facta sit tantum intertrimenti, i. taxationis causa: ut constet, quanti res sit: ut in l. 69. §. 7. de jur. dot. l. 50. sol. matrim. l. 20. C. de jur. dot. Errat vero procul dubio Wesembecius,*

con-

contendens, maritum non alias res mobiles alienare posse, quam quæ servando servari nequeunt, arg. l. lex quæ 22. C. de adm. tut. longè enim plus juris maritus habet, quam tutor; & futilis collectio est ex l. res in dotem 42. de jur. dot. rerum, quæ pondere, numero, mensura constant, maritus liberam alienationem habet; ergo cæterarum rerum mobilium non habet: atque hoc tantum, Jurisconsultus ibi docere voluit, quantitatem in dotem dari eodem jure & obligatione, qualis est in mutuo.

Per legem Juliam] Quæ vulgo appellatur Julia, de fundo dotali, l. 1. l. 4. de fund. dot. Tulit hanc legem Augustus: est crimine ipsa, quæ de adulteriis & de pudicitia dicitur, ut constat ex Paul. 2. sent. 21. atque ex inscriptione multorum capitum sub d. tit. de fund. dot. quippe lex illa inter alia hoc etiam caput de fundo dotali habuit, conceptum in hæc verba; *Fundum Italicum dotalem maritus invita uxore ne alienato; neve consentiente ea obligato, l. un. §. ex cum lex 15. C. de rei ux. act. Adi Brisson. lib. sing. ad leg. Jul. de adultr.* ubi hujus legis capita, quæ quidem in libris nostris continentur, accuratè colligit & exposuit. Causa prohibitionis est favor dorum, quas mulieribus salvas esse etiam publicè expedire creditur, quo facilis iterum virum inveniant, l. 2. de jur. dot. Ac tamen si soluto matrimonio maritus hæredesve ejus dotem restituere tenentur: præstat tamen, mulierem rem habere salvam, quam in personam agere: per l. plus cautionis 25. de reg. jur. l. 5. de susp. tut. Cæterum non de rebus dotalibus omnibus lex cavit, sed de prædiis duntaxat; utpote quorum alienatio mulieribus maximè damnosa esse potest, propter harum ferum pretium. Sed & prohibita rerum mobilium alienatione facili fieri posset, ut multi deciperentur, magnaue inde sequerentur incommoda.

2. *Quamvis ipsius sit*] Maritum esse rei dotalis dominum, innumeris locis & perspicuè proditum est, l. 1. §. 1. l. dotali 13. §. 2. de fund. dot. l. 7. §. 3. de jur. dot. l. si prædium 23. C. eod. l. quotiens 47. §. ult. de pecul. &c. causamque dotis habilem esse ad transferendum dominum, non secus ac venditionem, permutationem, donationem, scriptum expressè est in §. per traditionem 40. sup. de rer. div. & probat tit. Pand. pro dote, nam alias mulier rem alienam marito ex causa dotis tradens non transferret usucapiendi facultatem, neque marito amissa possessione daretur actio in rem Publiciana, l. 3. §. 1. de public. in rem act. Idem quoque arguunt effecta juris dominici propria; qualia sunt, quod maritus solus rem dotalement vindicat, l. doce 9. C. de rei vind. quod servus dotalis hæres ab aliquo institutus jussu mariti aut adit aut repudiat hæreditatem, l. servus 58. sol. matr. quod dotali servo libertatem dare potest, l. 3. C. d. jur. dot.

Quibus etiam hoc argumentum accedit, quod ne mortuo quidem marito dominium rei dotalis ad uxorem revertitur, sed una cum universitate transit in hæredem mariti, d. l. 1. §. 1. de fund. dot. ut proinde ex ratione juris veteris nec ad repetendam dotem mulieri competeret actio in rem, sed tantum personalis rei uxoriæ, aut ex stipulatu. Postremo si maritus dominus rei dotalis non esset, quid opus fuit lege, qua marito interdiceretur fundi dotalis alienatio? Rectè igitur Græci in Basilic. 47. tit. 1. τῆς ἀρχὸς ἐν τῷ γάμῳ ὁ ἀνὴρ κύριος. Non pauca tamen huic sententiæ obstare videntur, atque uxori, non marito, dominium dotis asserere. In l. quamvis 75. de jur. dot. dos dicitur esse ipsius mulieris; alibi proprium mulieris patrimonium, l. 3. §. ergo 5. de minor. l. in eum 16. de rel. & sumpt. fun. l. 4. de colat. in l. 7. §. si fundum 12. sol. matr. De fundo dotali differit Jurisconsultus, quasi de re aliena respectu mariti. Maritus in rebus dotalibus dolum & culpam præstat, l. in rebus 17. de jur. dot. Penes mulierem esse dicitur etiam fundi dotalis possessio, ut satisfacere ea de causa non teneatur, l. sciendum 15. §. 3. qui satisd. cog. Denique generaliter à Justiniano traditum est, res dotalis in dominio uxoris permanere, l. in rebus 30. C. de jur. dot. Hæc nostri non uno modo componunt. Donellus lib. 14. comm. 4. putat, maritum rerum duntaxat æstimatarum & quantitatis in dotem datæ dominum esse, corporis in æstimato dati mulierem. Vulteus hic & 1. disc. schol. 19. uxorem esse dominam rei dotalis, maritum dominum juris in ea re constituti. Vaudus 1. var. quest. 3. & Ioan. del. Castill. de usufr. c. 4. marito nihil fermè tribuunt, præter jus rebus dotalibus utendi furendi. Robertus 3. sent. 18. dominium dotis marito concedit, proprietatem negat. Nonnulli dominium bonitarium penes maritum fuisse contendunt, Quiritarium penes uxorem, ut Perenot. 2. animadv. 2. alii contra, illud penes uxorem, hoc penes maritum, ut Hotom. hic. Cæterum nemo horum quicquam affert, quod mihi probari potest. Donelli distinctio apertè vitiosa est: nam cum per se dotis constitutio sit titulus idoneus ad transferendum dominium, d. §. per traditionem: necesse est, ut tam rei in æstimate in dotem datæ dominium in maritum transeat, quam æstimate; aut si aliena res est, usucapiendi conditio; quod etiam disertè traditur l. 3. §. 1. de publ. in rem act. Hoc tantum interest, quod dominium mariti in re dotali non æstimata minus plenum nec perpetuum est: quippe cujus rei si immobilis est, nec alienandæ nec obligandæ jus habet, & quam ipsam soluto matrimonio restituere tenetur: nam quod dotis causa perpetua esse dicitur, l. 1. de jur. dot. id ad votum dantis referendum est, quod ea intentione detur, ut perpetuo apud maritum sit. At rei æsti-

æstimatæ dominium plenissimè atque irrevocabili-
ter in eum transfertur, ita ut pretii tantum debitor
efficiatur, nisi fortè electionem sibi mulier reserva-
verit; *l. 11. de fund. dot. l. 5. C. de jur. dot.* aut inter-
trimenti duntaxat causa æstimatio facta sit, ut pau-
lo ante notatum. Idemque est, cum res fungibilis
in dotem data est: perinde enim tunc maritus obli-
gatur, ac si mutuum accepisset, *l. res in dotem 42. de
jur. dot.* Quid quod admissa distinctione Donelli
faciendum erit, dominium rei dotalis non aliter
transferrì, quam si venditio aut mutuum contra-
ctum sit: quod qui asserit, vi ipsa simpliciter negat,
contra juris auctoritatem, rem ex causa doris trans-
ferrì, aut dotem esse justum titulum transferendi
dominii. Et vel unum hoc ad refellendum Donel-
lum satis est, quod maritus dicitur dominus esse il-
lius ipsius prædii, quod lege Julia vetatur alienare, *l.
dotalis 13. §. 2. de fund. dot. & hoc text.* Etenim legis
Julia prohibitio ad fundum dotalium non æstima-
tum ferè solum pertinet: ad æstimatum non perti-
net, nisi uno illo & altero casu, quem supra indica-
vimus. Vultei quoque distinctio tolerari non po-
test, & à juris ratione nimium quam abhorret. Res
ipsa in dotem data, non jus aliquod in ea re, mariti
effici dicitur; *l. 7. §. si res 3. de jur. dot.* prædium
ipsum dotalis mariti esse, dominium hujus prædii
marito quæri, *d. l. 13. §. 2. de fund. dot. & hoc loc.*
Quibus textibus, atque aliis, quos supra adduximus,
refutatur etiam opinio Vaudi & del Castill. Pluribus
atque ex professo distinctionem Vultei confutat D.
M. Lyclama 7. membr. 26. Roberti merum commen-
tum est, atque inauditum, alium dominium rei ha-
bere, alium proprietatem. Perennoti sententia plus
coloris habet: sed tamen & ipsam falsam esse exi-
stimo. Moveor quod distinctio illa domini boni-
tarii & Quiritiarii non pendet à titulo aut causa ac-
quirendi, sed à genere & modo, quo res in accipien-
tem transferebatur. Potuit ergo maritus & ex jure
Quiritium habere, puta si mancipatio aut in jure
cessio intervenisset: potuit & in bonis tantum, si
simplex modo traditio facta esset, & res nondum
usucapta, per ea, quæ Ulpian. *tit. 1. de libert. §. qui
tantum 11.* Ac dominium quidem bonitarium sem-
per penes maritum fuit, Quiritiarum plenum non
semper, nudum nunquam, in quo perspicue errat
Notom. *fac. l. 7. §. si res 3. l. quamvis 75. de jur. dot. l.
Lucius §. 4. ad municip.* Una hujus dissidii conciliatio
est, eaque simplicissima, ut dicamus, solum mari-
tum esse rei dotalis etiam inæstimatæ verum ju-
stumque dominum: cæterum quia hoc dominium
mariti perpetuum non est, sed abiturum ab eo, so-
lutoq; matrimonio rediturum ad mulierem, (quippe
cui maritus facto divortio, quod apud Romanos
frequenter contingebat, dotem restituere cogitur)

hujus dissolutionis ac futuræ restitutionis intuitu
dotem videri non tam mariti, quam uxoris esse, &
adhuc patrimonium uxoris appellari, deque mari-
to considerato eodem eventu Jurisconsultos non-
nunquam ita loqui, tanquam de non domino &
quasi rei alienæ administratore, præsertim in *tit.
sol. matr.* qua ratione etiam defendendum erit, quod
Justinianus ait, sola legum subtilitate rei dotalis do-
minium in maritum transferri, naturaliter autem
penes uxorem manere, *d. l. 30. C. de jur. dot.* Loquitur
enim etiam de rebus æstimatis; quas certo con-
stat in patrimonium mariti transire, idque pleno etiam
& perpetuo jure, *l. 5. C. eod.* Mirum vero non
est, Justinianum sic loqui, dum scopo suo serviens
colorem aliquem quærit constitutioni suæ, qua
contra rationem juris uxori pro rebus dotalibus
tam æstimatis, quam inæstimatis, concedit actio-
nem in rem. Quod tamen cum D. Bachovio de u-
tili in rem accipio, & quæ soluto demum matrimo-
nio uxori detur in subsidium, ubi maritus solvendo
non est.

In rebus, quæ Italica fuerant] In prædiis igitur pro-
vincialibus legi locus non fuit: sed potuit maritus
ea liberè alienare. Quod tamen absurdum merito
videri potest: & maxime post constitutionem
Antonini, qua provinciales omnes civitate donati
sunt, *l. in orbe 17. de stat. hom.* Nam etsi prædiorum
provincialium summum jus & dominium Quiritia-
rium penes possessores non erat; proximum tamen
pleno dominio jus habebant, quod in quemvis ali-
um transferre poterant, omniaque percipiebant
prædiorum emolumenta, una excepto, quod certum
vestigal prædiis impositum cotannis solvere tene-
bantur. Cur igitur magis in Italia, quam in pro-
vinciis, mulieribus prospectum, cum idem ubique
sit, aut esse debeat, dorum favor? Existimo, non
defuisse alia remedia, quibus nupturae sibi in pro-
vinciis consulere potuerint. Lepidum vero est, quod
Dionys. Gothofred. *in notis ad Theoph.* scribit, fun-
dum extra Italiam situm per legem Juliam ne volente
quidem uxore alienari potuisse.

Alienationes inhibebat] Alienatio dicitur omnis
actus, per quem dominium transfertur, *l. 1. C. de
fund. dot.* Itaque non tantum distrahi fundus dotalis
prohibetur, sed etiam donari, permutari, in solum
dari, legari: ac ne quidem si miles legaverit, ratum
erit legatum propter legem Juliam, *l. dotalis 16. de
testam. mil.* Sed & usucapio quoque appellatione
alienationis continetur, *l. alienationis 28. de verb.
sign.* & ideo ad hanc quoque speciem lex Julia perti-
net, *l. si fundum 16. de fund. dot. fac. l. si ab eo 12. de u-
suc. l. 7. §. qui sciens 5. pro empr.* Alienatum autem
proprie non videtur, quod adhuc in dominio nostro
maacet, quavis venditum rectè dicatur, *l. aliena-*

nam 67. de verb. sign. sed tamen alienatione prohibita eos quoque casus comprehendi intelligimus, quibus jus aliquod in re à dominio separatum transfertur, *l. ult. C. de reb. al. non alien.* Quare nec servitutem prædio dotali maritus imponere poterit, nec servitutes prædio debitas remittere, vel amittere, non utendo, *l. 5. de fund. dot.* Cui consequens est, libertatem servitutis urbano prædio dotali debita eo cessione patientiæ mariti non competituram, ne per hoc prædii conditio deterior fiat, *l. 6. cod. tit.*

Hypothecæ earum etiam volente ea] Lex Julia alienationes prædiorum dotalium prohibuit, quæ invita muliere fiebant; oppignerationem etiam quæ fiebat ea consentiente, *l. un. §. C. cum lex 15. C. de rei ux. act.* Hoc ideo, quia facilius mulier adduci potest, ut consentiat obligationi, ubi nullum præsens periculum est, sed spes, fore, ut maritus rem luat, quam alienationi, per quam rei ipsius dominium statim in alium transfertur. Quod igitur facilius mulier concessura erat, arctius lex, imo solum prohibere voluit: uti passim videmus ea sola legibus prohiberi, quæ facile fieri possunt, cum lex ea fieri non vult, non quæ difficulter. Hac ratione Senatusconsulto Vellejano mulieri pro alio se obliganti succursus est, non donanti, nimirum quia, ut inquit Jurisconsultus, facilius se mulier obligat, quam alicui donat, *l. 4. §. 1. ad Sen. Vell.* Eadem ratio fuit legis Fufiæ Caniniæ infinitam manumissionem in testamento prohibentis, non inter vivos *sup. de leg. Fuf. Can.*

Vtriusque remedium imposuimus] Justinianus legis Juliæ prohibitionem primum porrexit ad prædia provincialia, *d. l. un. §. C. cum lex. C. de rei ux. act.* quippe quorum nondum eadem causa, quæ Italico- rum erat, quod effectum constitutione posteriore, *l. un. C. de usuc. transf.* Deinde alienationem eodem modo, quo oppignerationem prohibuit, ut nec illa vel consentiente muliere fieri posset, quod lex Julia permittebat, *d. l. un. §. sed cum lex, vers. cum autem.* Hæc autem prohibitio in quibusdam casibus cessare creditur, quos collegit Christin. *vol. 3. dec. 133. num. 20. C. 28. cum seqq.*

Ne sexus muliebris fragilitas] Ratio cur legi Juliæ hastenus derogarit, ut nec alienationem prædii dotalis, quæ cum consensu mulieris fit, valere patia- tur, quia scilicet succurrendum putavit facilitati mulierum, quæ vel fragilitate sexus, vel mariti re- verentia aut amore ductæ facile rerum suarum alie- nationibus consensum accommodant, *πῶς εἰς ἀπαύττω ἀπλῆστον γυναικός*; Liban. Declam. 35. Pontifices tamen hujusmodi alienationes, si jurato mulier consenserit, firmas manere præcipiunt, *cum contingat. X. de jurejur. c. licet mulieres, cod. in 6.* Mo- ribus harum regionum marito dominium rerum,

quas uxor in matrimonium confert, non quaeritur; sed nullis antenuptialibus instrumentis confectis bona omnia utriusque conjugum communia fiunt, ut alibi dictum. Cæterum sive facta sit bonorum communio, sive ea pactioibus exclusa, licet mari- to pro jure potestatis, quam maximam apud nos in uxorem habet, res ejus alienare aut obligare; neque in eam rem opus habet uxoris consensu, nisi ea quo- que potestas nominatim pactis antenuptialibus restricta sit, aut impetrata bonorum separatio, *Neostad. de pact. antenupt. obs. 10. Grot. 1. introd. c. 5. C. alii alleg. à Groenew. hic, tract. d. ll. abrog.* Contra ve- ro mulieres nuptiæ res suas obligandi aut alienandi jus non habent: ac neque ex contractu sine consen- su maritorum initio obligantur, nisi quatenus ea ob- ligatio spectat victum & cultum familiæ: exceptis palam negotiantibus, quæ iustorum jure utuntur, atque in negotiatione, quam exercent, se virosque suos obligandi potestatem habent, *D. Ioan. à Sande lib. 2. tit. 4. de fin. 3. C. 4.* Non idcirco tamen minus in intercessionibus beneficio Senatusconsulti utun- tur, *D. Neostad. obs. rer. jud. 18.*

T E X T U S.

De Creditore, qui licet non sit Do-
minus tamen alienare pignus
potest.

*I. Contra autem creditor pignus ex pa-
ctioe, quamvis ejus ea res non sit, adienare,
potest. Sed hoc forsitan ideo videtur fieri
quod voluntate debitoris intelligitur pignus
alienari, qui ab initio contractus pactus est, ut
liceret creditori pignus vendere, si pecunia
non solvatur. Sed ne creditores jus suum per-
sequi impedirentur, neque debitores temere
suarum rerum dominium amittere viderentur,
nostra constitutione consultum est, & certus
modus impositus est, per quem pignorum di-
stractio possit procedere: cujus tenore utrique
parti creditorum & debitorum satis abunde-
que provisum est.*

N O T Æ.

1. Ex pactioe] Idem est, licet pactio nulla in- terposita, *l. 4. D. de pign. act.* neutrum autem præ- cedit sine prævia denuntiatione, *l. 4. Cod. de distr. pign. l. 10. C. de pign.* Sed etsi convenerit, ne liceat vendere, adhuc tamen distrahi potest, modo trina præcesserit denuntiatio, *d. l. 4. de pign. action.*

Qui ab initio pactus] Aut etiam ex intervallo d. l. 4. D. de pign. act. Itaque hic casus non magis huc pertinet, quam cum procurator voluntate domini rem alienat, §. 42. *sup. de rer. div.* Rectius huc referas tutores & curatores.

Nostri constitutione] l. ult. C. de jur. dom. imp. ubi nova forma distrahendi pignoris prolixè præscribitur, cui locus sit, cum de vendendo eo nihil nominatim convenit.

COMMENTARIUS.

1. Vnam saltem denuntiationem requiri, non tantum cum de pignore distrahendo non convenit, sed etiam cum convenit, ut vendere liceat.
2. Quid si dies solutionis adjecta, & solutio sua die facta non fuerit?
3. Formam vendendi pignoris à Justiniano præscriptam vix ullibi locorum observari.

Hic ex adverso ostenditur, etiam cum aliquando, qui dominus non est, alienandæ rei potestatem habere, exemplo creditoris pignoratitii. Magis autem huc pertinent tutores & curatores, quibus res pupillorum suorum & adultorum alienandi potestas non à domino, sed iure tributa est, l. bona fidei 109. de verb. sign. quamvis his non quævis permessa alienatio, nec omnium rerum absque decreto De quo vid. l. 9. §. sicut 5. l. 12. §. 1. l. tutor. 22. l. Lucius 46. §. ult. de adm. tut. l. non omni 16. l. lex que 22. C. eod. l. 1. & pass. de reb. eor. qui sub tut.

Ex pactione] Pertinet igitur hic locus ad alienationem pignoris conventionalis. Ait, *ex pactione* Quid ergo si de distrahendo pignore nihil convenit? Adhuc eo iure utimur, ut distrahere liceat, l. 4. de pign. act. Quin hoc ipsi naturæ pignoris inest. Atque hic casus potius ponendus fuerat, quam cum pignus alienatur ex conventionem atque expressa voluntate debitoris, per ea, quæ statim sequuntur. Imo tantum abest, ut pactio ad alienationem pignoris necessaria sit, ut etiam si nominatim contra convenit, ne liceret pignus vendere, adhuc tamen liceat, si modo ter (per iusta intervallo, quod iudex arbitrabitur. *Negus. de pign. 1. membr. 6. part. principal. num. 4. Schneid. hic num. 3.*) prius debitori denuntiatum fuerit, ut solvat, & cessaverit, d. l. 4. de pign. act. alioqui si nunquam liceret vendere, creditori pignus esset inutile; ut adeo tale pactum sit contra naturam pignoris. Etenim vero nec illo casu, quo nihil de distrahendo pignore actum est, absque præcedente denuntiatione pignus vendi potest, sed una tantum denuntiatio sufficere putatur, *argum. d. l. 4. de pign. act. l. 3. C. de jur. dom. imp. l. 4. C. de distr. pign. l. debitoribus 18. C. de adm. tut.* quamvis etiam hoc casu tres desiderare videatur Paulus 2. *sent. 13.* Hoc amplius putarem cum Castrensi ad d. l. 4. *Negus. 1. membr. 6.*

part. pr. n. 1. Schneid. num. 2. contra Gloss. Salic. in l. 1. C. de distr. pign. Wesemb. hic, etiam tunc unam silem denuntiationem requiri, cum expresse convenit, ut pignus vendere liceat, cum nec ante debitor constituitur in mora. Estque in eam rem textus apertus in d. l. 3. §. 1. *Cod. de jur. dom. imp. & jure quoque veteri sic obtinuisse liquet ex l. debitoribus 10. Cod. de pignor. & d. l. 4. Cod. de distr. pignor.* Sed illud inter est, quo ubi de distrahendo pignore convenit, biennium post denuntiationem non expectatur, uti fit in duabus speciebus reliquis ex constitutione Justiniani, d. l. 3. §. 1. *C. de jur. dom. imp. Schneid. hic num. 3.* Sed quid dicendum de iis casibus, quibus mora contrahitur citra ullam interpellationem, puta si dies solutionis adjecta sit, & sua die solutio facta non fuerit? Hic enim adventu solius diei debitor in mora constituitur, secundum communem sententiam, per l. magnam, *Cod. de contr. stip. Negus. d. loc. & Schneid. hic num. 1.* putant, hoc casu nulla opus esse denuntiatione, sufficereque ad licentiam vendendi pignoris nudam debitoris moram. Cui sententiæ patrocinari videtur l. 8. §. 3. *de pign. act.* Sed humanius est, ut dicamus, etiam hoc casu denuntiationem præcedere debere. Non enim protinus sequitur, ad debitorem constituendum in mora nihil aliud desideratur, quam ut dies venerit, ergo hoc etiam sufficit ad jus distrahendi pignoris. Quippe pignoris obligatio diversa est à principali: nec si ob mortem debentur usuræ, & rei debitæ periculum in debitorem transfertur, ideo statim etiam nulla præcedente denuntiatione licebit vendere pignus in gravissimum præjudicium debitoris. Nec obstat d. l. 8. §. 3. *de pign. act.* loquitur enim de jure vendendi pignoris, quod ex conventionem competit ob non solutam sua die pecuniam. Quo tamen & ipso casu non solum humanius, sed etiam tutius facturus est creditor, si futuram venditionem denuntiet debitori, ut se fraudis suspicione liberet, nec dolo malo in ea venditione versatus quandoque dici possit, l. 7. C. de distr. pign. l. 1. *Cod. si vind. pign. agat. Bald. in l. 4. C. de distr. pign. Cast. in l. 4. de pign. act. Ant. Fab. C. suo de distr. pign. defin. 13. add. Ioan. à Sande. rer. jud. lib. 3. tit. 12. defin. 20.* Quid quod hoc ipsum, quod DD. pro certi juris regula ponunt. solo diei lapsu citra aliam interpellationem debitorem constitui in mora, non usque adeo certum est; & sunt, qui falsum existimant. *Ferret. tractat. de mora. Charend. 3. verosimil. 10. Bachov. in Treutl. diss. de usur. th. 7.* quanquam horum argumentis solide mihi respondisse videtur D. Gailiel. *Mafius sing. opin. lib. 2. c. 4.*

Quamvis ejus ea res non sit] Pignus in bonis debitoris manet, l. pignus 9. C. de pign. act. non enim hoc contractu pignoris agitur, ut res alienetur, sed ut obligetur creditori in securitatem crediti.

Qui pactus est, ut liceret] Hic igitur casus non magis huc pertinet, quam si procurator, cui id dominus specialiter mandavit, rem alteri vendiderit & tradiderit. Nihil enim interest, utrum ipse dominus rem alteri tradat domini transferendi causa, an voluntate ejus alius, §. *nihil* 42. *sup. de rer. div.*

Nostre constitutione consultum] Olim jus vendendi pignoris liberius fuit, quod Justinianus ita coercuit, ut nec creditores putaverit habere, quod conquerantur, & debitoribus justum spatium esse ad expediendam solutionem. Summa constitutionis Justinianæ, quæ est *l. ult. C. de jur. dom. imp.* huc redit, ut si de vendendo pignore nihil convenierit (alioqui forma conventionis præscripta in distractione servanda est) jus sit creditori altero demum, post denuntiationem anno id vendere. Si emptor non extet, debitorem ut moneat, ut intra certum tempus pignus luat, aut non apparenti tempus, quo id facere possit, per judicem præscribat. Hoc autem frustra tentato, ut possit creditor à Principe petere facultatem pro domino possidendi: qua tamen impetrata adhuc biennium debitori detur, ut interim debitum cum eo, quanti creditoris interest, quæsitæ pecunia persolvere, & pignus luere possit: eo vero tempore sine solutione transacto, creditor justus pignoris dominus efficiatur. Sed hæc forma vendendi pignoris vix ullibi locorum nunc observatur, *vid. Bar. d. l. 4. de pign. act. & d. l. ult. C. de jur. dom. imp. Schneid. hic, num. 6. Baron. comm. part. 2. Christin. vol. 4. decis. 172. n. 3. & ibi citat.* Antiqua ratio planior & simplicior hæc fuit, ut annua pignoris proscriptioe creditor ejus dominus efficeretur, si debitor id non lueret. Moribus nostris vix convenit, ut creditor privata auctoritate pignus distrahat; sed distractio additione fieri solet auctoritate magistratus, uti jure Rom. in iis pignoribus, quæ in causa judicati capiuntur, *l. 2. C. si in ca. jud. pign. cap.* in quibus quid juris sit, quid item in pignore prætorio, discit ex *l. ad Divos. 19. §. 2. & seqq. der. jud. l. cum proponas. C. de bon. ant. jud. possess. c. quoad. consultationem. X. de sentent. & re jud. Dyn. in l. si finita 13. §. Julianus 16. de damn. inf. Negus. d. loc. num. 7. & seqq. Christin. vol. 4. decis. 165. vid. Merul. lib. 4. tit. 100. cap. 1. num. 10. Neostad. decis. 96. supr. cur.* Finis venditi pignoris est, ut ex pretio inde redacto creditori satisfiat: quod ultra consecutus est, id restituere debet, teneturque eo nomine actione pignoraticia: sicut vice versa in id, quod deest, creditori actio competit adversus debitorem vel fidejussorem ejus, *l. 6. de pign. act. l. 9. §. 1. de distr. pign. l. 3. C. eod.* Illud postremo sciendum est, si creditor ipse pignus non possideat, sed debitor vel alius, actione hypothecaria prius rem evincendam, ac tum distrahendam esse. *Wesemb. parat. de distr. pign. num. 1. & 10.*

T E X T U S.

De pupillo qui licet Dominus, non tamen sine tutoris auctoritate alienare potest.

2. Nunc admonendi sumus, neque pupillum, neque pupillam, ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit, non contrahit obligationem: quia pecuniam non facit accipientis: ideoque vindicari nummi possunt, sicubi extant. Sed si nummi, duos motuo minor dederit, ab eo, qui accepit, bona fide consumpti sunt, condici possunt: si mala fide, ad exhibendum de his agi potest.

N O T Æ.

Ideoque si mutuam pecuniam] A remotione generis ad remotionem speciei. Nam & mutui datio alienatio est, *l. 2. §. 2. l. 16. l. pen. D. de reb. cred. d. l. §. princ. de auct. tut. & in nativo suo significato, l. 1. Cod. de fund. dot. ita interpp. omnes, & novissime Fabrot. & Grot. in spars. flor.*

Bona fide consumpti] Consumptio bona fide facta conciliat mutuam & conditionem parit, *l. 19. §. 1. D. de reb. cred.* Valetque hoc etiam in nummis alienis mutuo datis, *l. 11. §. ult. cum. 2. l. l. seqq. eod.*

Si mala fide, ad exhibend.] Nam qui dolo malo consumpsit, pro eo est, ac si non consumpsisset. Dolo enim pro possessione est, *l. 131. 150. de reg. jur.*

C O M M E N T A R I U S.

1. Corpora, quæ mutuo dantur, alienari. De quo cum D. Salmasio sermo.
2. Nummi quando consumpti intelligantur.
3. Mutuum non confirmari consumptione nummorum facta mala fide.
4. Cur in casu consumptionis male fidei tantum actionis ad exhibendum hic mentio fiat, emendato errore Cujacii.

Redit ad eos, qui, cum domini sint, alienare non possint. Meminit porro unius pupilli: sed sunt in hoc numero plures: nam & puberes minores curatorem habentes huc pertinent, *l. 3. de rest. in int. l. lex quæ 22. C. de adm. tut.* item is, cui bonis interdictum est, qui, cum de eo obligando, aut alienando deminuendo ejus patrimonio agitur, in eadem causa cum furioso habetur, *l. 6. de verb. obl. l. 12. in fin. de tut. dat.* tum etiam ceteri, qui ob vitium morbumve corporis in curatione sunt, rerumque suarum administrationem non habent, de quibus in §. 4. *sup. de curat. l. 8. §. 3. d. l. 12. in pr. de tut.*

ex cur. dat. Filius quoque familiæ non potest alienare bona adventitia, quorum usumfructum pater habet, *l. ult. §. ipsum 5. vers. Filius a. C. de bon. que lib.* Interdum causa, ex qua res traditur, alienationem impedit, ut donatio inter virum & uxorem, Pand *ex C. eod. tit.*

Sine tutoris auctoritate alienare] Alienatio à pupillo facta sine tutoris auctoritate ipso jure nulla est: quippe cum nec obligare se pupillus sine tutoris auctoritate possit, *l. 9. ex passim de auct. tut. l. 11. de acq. rer. dom.* Cæterum auctore tutore & obligari potest, modo infantiam excesserit, & res suas recte alienat, *d. l. 9. l. 5. de reg. jur. §. pupillus, inf. de inut. stip. res intellige*, quarum alienatio sine decreto non est interdicta. Nam prædia pupillorum olim rustica, postea omnia, & res etiam mobiles, quæ sine detrimento servari possunt, absque decreto magistratus alienari prohibita, *l. 1. ex tot. tit. de reb. eor. qui sub tut. ex tit. C. d. præd. ex al. reb. min. sine dec. non al. d. l. lex que, C. de adm. tut.*

Ideoque si mutuum pecuniam. ex. non contrahit obligationem] Agere ad speciem. Pupillus nullam rem siue tutoris auctoritate alienare potest: ergo nec mutuum pecuniam dando eam facit accipientis: quo fit, ut nec mutui obligatio contrahatur, nec conditio pupillo competat: siquidem mutui obligatio, nisi nummi accipientis fiant, non nascitur, *l. 2. §. 2. de reb. cred.* Supponit igitur Imp. id quod mutuo datur alienari, seu mutui donationem esse speciem alienationis. Quod & alibi constanter traditum est, *l. 9. pr. de auct. tut. l. 16. l. pen. de reb. cred.* nec minus perspicuum, quam verum: quippe cum omnis actus, per quem dominium transferatur, vere & proprie sit alienatio, *l. 1. C. de fund. dot.* & sine alienatione fieri non possit, ut dominium rei ab uno abeat, & per traditionem transferatur in alium. Constat autem, corpora ipsa, quæ mutuo dantur, desinere esse dantis, & fieri accipientis seu aliena, ita ut vindicare aut ab eo avocari nequeant, *l. 33. §. 1. de donat.* Nec vero ideo minus alienantur, quia accipiens obligatur ad rem ejusdem generis restituendam, puta frumentum pro frumento, vinum pro vino. Quid enim refert ad alienationem ejus, quod datum est, utrum mihi, verbi causa, frumentum ea lege datum sit, ut pro eo vinum aut oleum vicissim dem, uti fit in permutatione; an frumentum ita datum, ut pro eo reddam aliud frumentum, ut fit in mutuo? Est igitur mutui datio, alienatio in nativo suo significatu: & ita interp. omnes, ac novissime Fabrot. ad Theoph. ex Grot. in spars. flor. De quo cum sermonem haberem cum summo atque incomparabili viro D. Claud. Salmasio, hæcenus quidem mihi assensus est, ut fateretur, corpus rei, quæ datur in mutuo alienari; sed negabat, ex eo effici, mutuum alienationem

esse, nisi forte materialiter. Proprie autem & formaliter mutuum non posse dici alienationem, propterea quod in eo nulla contingeret alienatio datæ quantitatis sive fortis, quæ diversum quid esset à data specie apud debitorem percunte, & in qua proprie substantia mutui consisteret, uti recte docuisset Car. Molin. tractat. de usur. Et simul interventu aliorum sermo noster interruptus est. Potest autem admitti D. Salmasii sententia, si appellatione mei & tui etiam obligationem & actionem comprehendas, ut fit interdum, *l. 1. quod cert. loc. l. repetitio 44. de cond. ind. l. 6. §. apud Labeonem, que in fraud. cred. l. 91. de verb. sign.* Proprie tamen loquendo nec ipsa fors nostra manet: nec enim quod nobis debetur, quod est in credito, proprie nostrum est, *l. 27. §. 2. l. 34. princ. de aur. arg. mund. leg. Boët. in Top. lib. 2. pecunia in nominibus debita non est nostra, sed debitorum.* Et ita in *l. 1. de lib. leg.* & ideo creditori non vindicatio fortis, sed tantum conditio datur, qua intendat, verbi causa, centum sibi dari oportere. nemo autem rem suam condicit, aut sibi dari oportere intendit, *§. 14. inf. de act. l. ult. in fin. usuf. quem cau.* Non male igitur mutuum à Cujacio definitur alienatio pecuniæ sub lege reddendæ quantitatis ejusdem, parat, *C. si cert. pet.*

Vindicari nummi possunt, sicubi extant] Similis locus est in *l. 11. §. ult. de reb. cred.* At, inquires, de pupillo responsum est, eum nisi præsentem tutorem possessionem quidem, quæ naturalis est, alienare posse, *d. l. 11. de acq. rer. dom.* rationi autem juris non convenire, ut possidenti deretur vindicatio adversus eum, qui nec natura possidet. Resp. ut vindicationi locus sit, satis esse rem ab alio quovis modo detineri & restitui posse, *l. 9. de rei vind.* adeoque pupillum, etsi animo desinere possidere non potest, corpore tamen posse, atque in alium possessionem, quatenus facti est, sine tutoris auctoritate transferre, *l. possessionem 29. de acq. poss.*

Bona fide consumpti] Non est mirum, nullos apud auctores plures & crassiores errores reperiri, quam apud scriptores notarum: quippe quibus tempus non est yanno aut cribro utendi. Dion. Gothofredus ad *l. 9. §. 2. de auct. tut.* scribit, pecuniam in proposito intelligi consumptam, cum is, qui accepit, eam alteri credit, aut in solutum dedit: utiturque argumento *l. non omnis 19. §. 1. de reb. cred.* quo tamen loco hoc ipsum aperte negatur: & recte. Nam datio in solutum aut creditum non facit, quo minus pecunia adhuc extet, & certo appareat. Quamdiu autem extat & certo appareat, non potest dici consumpta; & apud quemcunque, aut ubicunque extat, in ea dem causa & ejusdem manet, & à domino vindicari potest, ut proxime Imp. dixit. Quando igitur consummi intelligitur? nimirum cum quis ea sic utitur,

ut eo facto corpora ipsa nummorum, quæ data sunt, non appareant. Id vero contingit, primum corporibus sublatis; veluti si quis ex accepta pecunia vas aliquod conflaverit. Quo facto pecunia extinguitur. Neq; obstat distinctio §. *cum ex aliena sup. de rer. diu.* Nam vas ex nummis aureis vel argenteis constat ad rude quidem aurum vel argentum reduci potest, ad priorem speciem sive monetam non potest. Plane possunt auctoritate Principis nummi ejusdem potestatis & eadem figura inde eudi: sed nova hæc moneta & species est, non illa, quæ prius fuerat. Deinde etiam corporibus nummorum integris manentibus; veluti si quis nummos acceptos ita aliis miscuerit, ut discerni non possint: nam etiam ea re eum, qui accepit, dominum fieri placet, *l. si alieni 78. de solut. Don. ad l. rogasti 11. §. ult. d. t. n. 9.* At, bona fide. Quod ergo in d. l. non omnis. §. 1. de reb. cred., & si qui sunt alii loci similes, dicitur simpliciter, si pupillus sine tutoris auctoritate credendi causa pecuniam dederit, consumpta ea nasci conditionem, id ex hoc loco junct. d. l. rogasti 11. §. ult. d. tit. l. 9. §. 2. de auct. tut. sic interpretandum erit, si bona fide ab accipiente consumpta sit, ignorante scilicet, pupillum esse, qui credidit. Efficitque hoc etiam ratio juris; quia quæ dolo malo consumpta sunt, non alio loco jure habentur, quam si adhuc extarent, nec consumpta essent, *l. qui dolo 131. l. parem 150. de reg. jur.* ac proinde cum malæ fidei consumptio consumentem dominum non faciat, nec mutuum ea consumptione confirmabitur, *Donell. d. loc. num. 7.* Quod vero D. Bachovius putat, non ob stare malam fidem, quominus consumptione dominium quæretur, & tamen bona fide tantum facta consumptione mutuum, quod ab initio non consistebat propter inutilem numerationem, convalescere, id mihi plane αὐτοματον videtur. Et sententia Bachovii, quod per consumptionem & similes acquirendi modos dominium acquiratur, citra considerationem bonæ aut malæ fidei, etiam extra causam accessionis, supra à me refutata est sub §. *cum ex aliena 25. de rer. diu.*

Condici possunt] Quod valet in nummis alienis mutuo datis, ut his bona fide consumptis ei, qui dedit, conditio detur tanquam ex mutuo, *l. 11. §. ult. cum 2. l. seqq. de reb. cred.* id valet & in ea pecunia, quæ dantis fuit, si is rei suæ alienandæ facultatem non habuit, qualis est pupillus. Quapropter si pupillus sine tutoris auctoritate crediderit, consumptis nummis & illi conditio nascitur, *l. non omnis 19. §. 1. de reb. cred.* & omnino quæ translata ab initio pecuniæ vis est, eandem esse placet & bona fide consumptæ, quasi translata: unde recte dicitur, quod ab initio non valebat ex numeratione, confirmari

pecuniæ consumptione bonâ fide facta. *Id. in d. l. 11. §. ult. et d. l. 19. §. 1.*

Si mala fide, ad exhibendum] Puta tamen, & conditionem in proposito dari, non quidem quasi ex mutuo, quia consumptio mala fide facta dominum non facit, ut paulo ante probavimus: sed conditionem sine causa, utpote quam constet etiam adversus prædonem fructuum consumptorum nomine dare, *l. 3. C. de cond. ex leg. l. 4. C. de crim. exp. her.* At, ad exhibendum. Imo & in rem, inquit Cujacius: quoniam mala fides pro possessione est. Sed, inquit, in rem utilis est; ad exhibendum directa: quare commodius, agi ad exhibendum, quam in rem. Quod falsum est, & inconsiderate à Cujacio prolatum. Non enim magis fieri potest, ut contra eum, qui possidere desiit, detur directa ad exhibendum actio, quam directa in rem: cum ille non magis exhibendi, quam restituendi facultatem habeat. Sed ut contra possidentem rem mobilem utraque directa est, ita contra eum, qui dolo malo desiit possidere, utraque utilis. Nam quod dolo pro possessione est, id non ex vero, sed ex interpretatione est & fictione juris, quæ utili tantum actioni locum facit. Cur igitur actionis ad exhibendum meminit duntaxat? Quia utili judicio ad exhibendum semper consequitur actor id totum, quod sua interest, §. 3. *ins. de off. jud.* vel permittitur rei petitæ æstimatio ipsius jurijurando, ut sit in eadem actione directa, si possessor per contumaciam rem non exhibeat: quo casu per jusjurandum in litem petitoris possessorem damnari certum est, *l. 3. §. 2. ad exhib.* Cum igitur preparatorio judicio illud ipsum consequatur actor, quod rem vindicando consecutus esset, nihil superest, quod alia actione persequatur. Ita in simili Jurisconf. d. l. 11. §. ult. de reb. cred. *Vindicari nummi possunt, si extant, aut, si dolo malo desinant possideri, ad exhibendum agi.* Cujus loci lectionem frustra Donellus conatur emendare.

TEXTUS.

3. *At ex contrario omnes res pupillo & pupillæ sine tutoris auctoritate recte dari possunt. Ideoque si debitor pupillo solvat, necessaria est debitori tutoris auctoritas: alioquin non liberabitur. Sed hoc etiam evidentissima ratione statutum est in constitutione, quam ad Cesarienses advocatos ex suggestione Triboniani viri eminentissimi, Quæstoris sacri palatii nostri, promulgavimus: qua dispositum est, ita licere tutori vel curatori debitorem pupillarem solvere, ut prius judicialis sententia sine omni*

omni damno celebrata hoc permittat. Quo subsecuto si & iudex pronuntiaverit, & debitor solverit, sequatur huiusmodi solutionem plenissima securitas. Sin autem aliter quam disposuimus, solutio facta fuerit, pecuniam autem saluum habeat pupillus, aut ex ea locupletior sit, & adhuc eandem pecunia summam petat, per exceptionem doli mali poterit submoveri. Quod si male consumpserit, aut furto aut vi amiserit, nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem solverit. Sed ex diverso pupilli vel pupillæ solvere sine tutoris auctoritate non possunt: quia id, quod solvunt, non fit accipientis: quum scilicet nullius rei alienatio eis sine tutoris auctoritate concessa sit.

NOTÆ.

3. *Plenissima securitas*] Ita ut nec in integrum restitutioni sit locus, quod beneficium sola tutoris aut curatoris interveniens auctoritas non excludit, tit. C. si tut. vel cur. int.

Salvam habet, aut locupletior] L. 15. l. 47. l. 66. D. de solut. l. 4. §. 4. de dol. exc. l. 14. D. de cond. ind. l. 57. de reg. jur. Non debet pupillus occasionem juris ad iniquum trahere cum detrimento alieno compendium, l. pen. in fin. de reb. eor. qui sub tut. Quando locupletior factus intelligatur, & quo tempore inspicatur, disce ex l. 4. D. de except. d. l. 47. pr. & §. 1. de solut.

Male consumpserit] Th. ἀσώτως ἐδανόντες, per luxum prodegerit.

Aut vi] Deest in vet. lib. Cujac. Horom. nec Th. habet.

Nullius rei alienatio] Argumentatio à genere ad speciem, quæ valida eis ἀνασχεύεται. Nota & solutionem esse speciem alienationis, d. l. 9. §. 2. D. de auct. tut. l. pen. D. de reb. cred.

COMMENTARIUS.

1. *Debitorem pupillo sine tutoris auctoritate solventem non liberari, licet dominium rei solutæ transferat.*

2. *Pupillo, in quem solutio collata, recte solvi etiam sine tutoris auctoritate.*

3. *Quis sit sensus verborum huius §. ita licere tutori vel curatori, &c.*

4. *Adversus solutionem factam ex præscripto Iustiniani pupillum aut aduultum beneficio atatis non restituit.*

5. *Quid si nummos sine tutore aut iudice sibi solutos salvos habeat pupillus.*

6. *Cujus periculo sit pecunia, quam pupillus sine tutoris auctoritate credidit aut insolutum dedit.*

[Sine tutoris auctoritate dari] Pupillus quantum ad acquirendum, non indiget tutoris auctoritate, l. 11. de acquir. rer. dom. semper enim conditionem suam meliorem facere potest, sup. de auct. tut. in princ.

[Ideoque si debitor] Horom. & Wesemb. pro idoque, legendum censent, quanguam. Quia nulla hic conclusio ex præcedente propositione, sed diversæ causæ propositæ, & præcedentis regulæ exceptio: nisi hoc in præcedentibus dicamus subintelligi oportere, ut scilicet quidvis pupillo recte detur sine tutoris auctoritate, cæterum hastenus, ut ex eo pupillus ipse neque obligari, neque obligationem alienare aut tollere possit. Alii hic illationem fieri ajunt non ex proxima, sed ex superiore sententia §. præ: in pr. ubi traditum, pupillum nullam rem sine tutore alienare posse: huic enim esse consequens, ut nec sine tutoris auctoritate pupillo recte solvatur. Quippe admissa solutione debitorem liberari, pupillumque obligationem & actionem, quam habebat, alienare aut perimere, l. pupillo 15. de solut. quod ut speciosius dicatur, ex duobus hisce §§. unum faciunt. Sed pergamus.

Si non solverit auctoritate tutoris, non liberabitur] Licet dominium rei solutæ transferat. Nam quem admodum qui cum pupillo contrahit, pupillo obligatur, quamvis pupillum sibi non obliget, sup. de act. empt. ita qui cum pupillo obligationem vult distrahere solvendo, licet ea solutione dominium pupillum transferat; se tamen à pupillo, qui per se neque contrahere neque distrahere obligationem potest, non liberat, d. l. 15. de solut. l. 5. de reg. jur. Debet itaque debitor, si liberari velit, pupillo solvere cum auctoritate tutoris, vel ipsi tutori: nam & hoc casu æque liberatio ipso jure contingit, l. Lucius 46. §. tutele 5. de adm. tut. Pupillum autem intelligimus creditorem: nam si pupillus solutionis causa tantum adjectus sit, hoc est, solutio sive jus solvendi in eum collatum, puta si quis stipulatus sit sibi aut Tertiio pupillo dari, promissor & sine tutoris auctoritate solvendo pupillo liberabitur, l. si stipulatus 11. de solut. scilicet quia ex huiusmodi stipulatione nullum jus obligationis pupillo quaeritur. Et solutio sic accipitur, quasi ipsi creditori solutum esset, qui ita sibi solvi voluit, l. si ita stipulatus 59. d. tit. de quod ex professio infra §. si quis alii 4. de inut. stip.

In constitutione quam ad Cæsarienses advocatos] Missa est hæc constitutio ad Joannem præfectum prætorio: intelligit enim *l. i. junctum* 25. C. de *am. tut.* quod ipsa verba, istius constitutionis, quæ huc translata sunt, ostendunt. Promulgata tamen hic dicitur ad Cæsarienses advocatos, nimirum quia ad interrogata eorum & consultationem emissæ est, ut arguunt multæ aliæ constitutiones, *l. ult.* C. de *pac. l. si major*, C. de *legit. hered.* *l. si fidejussor*. 27. C. de *fidejuss.* *l. optimam*. C. de *cont. stip. junct.* §. item. *verborum inf. de inut. stip.* quæ omnes ad diversas consultatorias & quæstiones ad Cæsariensi advocacye propositiones scriptæ, & ad eundem Joannem P. P. missæ sunt; quippe cujus auditorio advocati Cæsarienses militabant. Intelligi autem advocatos, qui erant in urbe Cæsarea, non illa Cappadociæ, ut Balduinus, Cujacius & Fabrotus existimant, sed Palestinæ, perspicuum est ex d. *l. si fidejussor*. C. de *fidejuss.* ubi eadem advocatio, quæ passim Cæsariensis Palestinæ appellatur.

Ita licere tutori vel curatori debitorem pupillarem solvere] Locutio implicata, quæ sic construenda & ordinanda est; Ita licere (id est, *permitteri. jus esse*) debitorem pupillarem solvere tutori vel curatori, &c. 3 Solvere, id est, *numerare quod debetur*. Theophilus, *πολύσας ἢ καὶ τοῖς ὀφειλόμεναις*. Anton Fab. 13. *conject.* 13. & *juriss.* 12. pr. 7. *illat.* 43. huic orationi alium sensum affingit, quasi ita scriptum esset; ita licere tutori vel curatori debitorem pupilli vel adulti absolvere & liberare (qui scilicet antea pupillo aut adulto solvit sine tutoris aut curatoris auctoritate, vel cum adhuc tutorem aut curatorem non haberent) si prius *judicialis sententia*, &c. Sed præterquam quod hæc locutio non facile obvia, solvere debitorem, pro liberare obligatione; quanquam unus & alter locus occurrat, in quo debitor solutus pro liberato dicitur: *l. decem* 116. de *verb. obl.* *l. si ex pluribus* 16. de *accept. pugn.* illa Fabri expositio manifeste & cum sententia & cum verbis Justiniani, quæ ille mire torquet, ne videantur ob stare iis, quæ ex cerebro suo comminiscitur contra veram & receptam sententiam. Quæ hæc est; Quamvis ipsi tutori, ejusve auctoritate pupillo facta sit solutio, eaque solutione debitor ipso jure liberetur; nihilominus tamen, pecunia male consumpta, maleve collocata, patere pupillo, si tutor solvendo non sit, restitutionem in integrum, nisi sententia judicis intervenierit, *l. 1.* C. si *adv. sol.* *l. 2.* C. si *tut. vel cur. int.* *Vid.* Gomez. 2. *resol.* 14. n. 4. *Maurit. de rest. in int.* c. 176. & seq. *Brissón. lib.* 1. de *solut. sect.* 4.

Si prius judicialis sententia] Excipiuntur reditus annui, & cæterarum rerum pensiones, quæ minoribus tutore aut curatore auctore, aut ipsi tutori curatori, etiam sine judice tuto solvuntur, d. *l. i. jun-*

ctum 25. C. de *adm. tut.* Siquidem & molestum esset, quotannis adire judicem; & incommodum minori, diu differri solutionem ejus rei, unde ferè ali solet. Quod tamen & ipsum sic postea Justinianus temperavit, si non excederent metas biennii aut summam centum solidorum, *l. constitutionem* 27. C. de *tut.*

Sine omni damno] Id est, ut Theophilus interpretatur, *δὲ καὶ πρὸς τὸν δαπάνην*. sine ullo scilicet sumptu aut impensis in judicium, scribarum, viatorumve mercedes. Nam iniquum esset, debitorem sumptu onerari ex persona creditoris.

Sequitur hujusmodi solutionem plenissima securitas] 4 Ita ut nec adversus solutionem decernente judice factam beneficio ætatis in integrum restitui postulare audiat. Cui non obstat, quod placet, minorem etiam restitui contra factam ex decreto judicis venditionem, *l. 11.* C. de *præd. uim.* nam debitor ex necessitate solvere tenetur: emptor potest non emere. Jure veteri quoque hoc obtinuit, ut solutio decernente ac stateunte judice facta à debitore minoris plenissimam liberationis securitatem pareret: & procedebat hoc ita etiam si minori curatorem non habenti decernente judice solutum esset, *l. 7. §. 2.* de *minorib.* Cæterum liberatio nihilominus ipso jure contingebat, si tutori vel curatori solutio facta esset, quantumvis sine judice: solum hic supererat adhuc metus aliquis restitutionis in integrum, si forte pecunia male collocata & tutor vel curator solvendo non essent. Post constitutionem autem Justiniani dicendum videtur, solutionem sine judice factam aut ad liberationem ipso jure non prodesse, licet tutor vel curator intervenierit, aut si adhuc debitores ita liberari placet, minus, quam olim, hoc casu securos esse: quippe olim prius tutores & curatores actione ordinaria conveniendos fuisse, & demum si illi solvendo non essent, patuisse minoribus remedium extraordinarium. Hodie vero esse, quod de se querantur debitores, quod non solverint secundum præscriptum constitutionis Justinianæ.

Pecuniam autem salvam habeat] Et si solutione sine tutore judiceve facta eandem pecuniam petere adhuc pupillus potest, aut ipso jure, aut per restitutionem in integrum: si tamen nummi salvi sint, eoque penes se domi pupillus habeat, iterum petentem eum doli mali exceptione debitor removebit, quod iniquum contra bonam fidem lucrum capret, *l. pupillo* 15. de *solut.* *l. si na fides* 47. de *reg. jur. l. pen. §. 1.* de *reb. cor. qui sub. tut.* Eodemque modo consumptis nummis, si ex his locupletior factus iterum petat, exceptione repellatur, ne dicitur cum alieno detrimento, contra quam natura æquum est, *l. 4. §. si quis* 4. de *dol. mal. exc.* *l. in pupillo* 47. de *solut.* *l. nam hoc* 14. de *cond. ind.* Qua de causa ex omnibus eum negotiis eatenus teneri receptum est, quatenus patrimonium.

nium ejus auctum sit: ut nihil mirum, si solutione locupletatus iterum petens exceptione summoveatur, cum etiam ultro adversus eum factum locupletiore ex contractu negotiove gesto actio competat, l. 3. §. pupillus l. 6. in pr. de neg. gest. l. 5. in pr. & §. 1. de auct. tut. l. naturaliter 13. §. 1. de cond. ind.

Aut ex ea locupletior] Locupletior factus intelligitur, si ex pecunia soluta rem aliquam sibi comparavit, quam etiam nunc habet, l. 4. de except. aut si ea quovis modo in rem ejus versa sit, l. si pupilli 66. de solut. Hoc amplius &, si rem sibi necessariam ex nummis solutis pupillus emit, quam aliqui de suo empturus fuerat, licet ea ante litem contestatam perierit, quasi locupletior factus intelligitur; quia, tantundem de suo perditurus erat, etiamsi nummos solutos non accepisset, l. in pupillo 47. §. 1. de solut. Utrum autem pupillus locupletior factus sit, necne, in hujusmodi quæstionibus eo tempore spectatur, quo agitur, seu tempore litis contestatæ, d. l. in pupillo, §. 1. l. 4. de except. l. litis 37. de neg. gest.

Quod si malo consumserit] Si pupillus, cui sine tutore aut iudice solutum est, pecuniam salvam non habeat, neve ex ea locupletior factus sit, sed male, profuse, & scilicet eam consumpserit, non juvabit debitorem doli mali exceptio, sed iterum eandem summam solvere cogitur. Plane si pupillus partem adhuc salvam habeat, aut pars in rem ejus versa sit, hætenus proderit debitori doli mali exceptio, ne ultra condemnetur, quam pupillo abest. Ex his autem quæ disputata sunt, intelligimus quid sibi velit Accursius, qui in l. 7. §. 2. de minoribus, scribit, debitorem pupillarem, solventem triplicem posse consequi liberationem aut securitatem; plenam, plenioram, & plenissimam. Plenam, si pupillo sine tutoris aut iudicis auctoritate solverit, & pecunia, pupillo iterum petenti salva sit, in rem ejus versa. Ut hic & supra dd. l. in quo effectum rei spectavit: nam vi ipsa debitor esse desinit, qui exceptionem, perpetuam sibi quæsit, l. 10. l. creditor 55. l. debitor

108. de reg. jur. Plenioram, si solverit tutori, ejusve auctoritate pupillo, non interveniente iudicis sententia: quo casu quidem liberatio ipso jure procedat, ita tamen, ut relinquatur adhuc metus aliquis restitutionis in integrum, l. 1. Cod. si adver. sol. Plenissimam, si solutio facta sit auctoritate & decreto iudicis; quod cum factum est, etiam restitutionis metus omnis tollatur. Quæ eadem Barcoli in dict. l. 7. §. 1. cæterorumque interpretum distinctio est, ab Antonio Fabro multis quidem verbis, sed nulla probabilis ratione improbata, l. 17. conj. 13.

Ex diverso, pupilli solvere sine tutoris auctoritate non possunt] Quemadmodum pupillus mutuum dando non contrahit obligationem; quia pecuniam non facit accipientis: ita eadem ratione nec solvendo creditori suo, quod debet, liberatur. Cæterum, quemadmodum consumptis nummis, quos mutuo dedit, conditio ei nascitur: ita & consumptis, quos dedit in solutum, contingit ei liberatio, l. non omnis 19. §. 1. de reb. cred. l. 9. §. 2. de auct. tut. l. 14. §. ult. de solut. Quid ergo, si nummi, quos pupillus sine auctoritate tutoris credidit aut in solutum dedit, casu apud eum, qui accepit, perierint; utrius periculum & jactura erit? Donellus in d. l. 19. §. 1. Azonem secutus, pupilli periculum esse putat: quoniam ita jus sit, ut res pereat suo domino, l. 6. l. 9. Cod. de pign. act. Sed recte cum Gloss. & Dd. comm. Zas. ibid. num. 8. contrarium defendit; ne, quod favore pupilli introductum est, ut ne credendo aut solvendo dominium transferat, in perniciem ejus versatur, contra l. quod favore, Cod. de legibus, & quod dicitur, casus fortuitos spectare dominum, hanc exceptionem habere intelligi debet, nisi quis propter favorem dominus remaneat, aut jure singulari dominium non transferat. Hoc enim non debet conditionem accipientis meliorem facere: sed quoad cætera perinde habendum, ac si quis alius credidisset aut solvisset.

TITULUS IX.

C. Lib. 4. Tit. 27.

Per quas personas cuique acquiritur.

Ratio ordinis, & argumentum tituli.



IC titulus totius superioris disputationis quandam quasi ampliationem continet, ostendens, non solum nobis acquiri & per nosmet ipsos; verum etiam per alios & per nosmet ipsos. Personæ, per quas acquirendi facultatem habemus, enumerantur in principio; ex qua enumeratione per-

spicuum est, eos, per quos nobis acquiratur, oportere nobis subjectos esse, vel revera, ut sunt liberi nostri, quos in potestate habemus; item servi, cum nostri, tum aliquatenus etiam alieni, in quibus usumfructum habemus: vel iuxta nostra opinione, ut sunt servi alieni & liberi homines, quos bona fide possidemus. De quibus singulis cum explica-

tum est, remouetur hinc persona extranea, utpote per quam excepta causa possessionis nihil acquiri possit: ac postremo ab acquisitione rerum singularum transitur ad modos, quibus acquirimus res universas.

T E X T U S.

Summa.

Acquiritur vobis non solum per vosmetipsos, sed etiam per eos, quos in potestate habetis: item per servos, in quibus usumfructum habetis: item per homines liberos, & per servos alienos, quos bona fide possidetis: de quibus singulis diligentius dispiciamus.

N O T Æ.

[Quos bon. fid. possidetis] Ergo non tantum per eos, qui revera nobis subiecti sunt, acquirimus, sed etiam qui iusta opinione nostra.

C O M M E N T A R I U S.

Acquiritur vobis] In aliis libris hæc & quæ porro sequuntur, leguntur in prima persona, acquiritur nobis, &c. uti apud Gajum, l. 10. de acquir. rer. dom. unde hic titulus per magnam partem descriptus est: eoque modo etiam Theophil. hunc locum reddidit, & legendum censent Cujac. Baro, Wesemb. Mihi, utro modo legas, parum referre videtur.

[In potestate] Non dixit, in dominio, sed generaliter, in potestate, ut uno verbo & filiosfam. & servos comprehenderet. Nam potestatis verbo in persona liberorum, patria potestas, in persona servi, dominium significatur, l. potestatis 2 15. de verb. sign.

T E X T U S.

De liberis in potestate.

1. Igitur liberi vestri utriusque sexus, quos in potestate habetis, olim quidem quicquid ad eos pervenerat (exceptis videlicet castrensibus pecuniis) hoc parentibus suis acquirebant sine ulla distinctione: & hoc ita parentum fiebat, ut etiam esset iis licentia, quod per unum vel unam eorum acquisitum esset, alii filio, vel extraneo donare, vel vendere, vel quocumque modo voluerant, applicare. Quod nobis inhumanum visum est: & generali constitutione emissâ, & liberis pepercimus; & parentibus honorem debitum reservavimus. Sancitum etenim à nobis est, ut si quid ex re patris ei ob-

veniat, hoc secundum antiquam observationem totum parenti acquiratur. Quæ enim invidia est, quod ex patris occasione profectum est, hoc ad eum reverti? Quod autem ex alia causa sibi filius familias acquisivit, huius usumfructum patri quidem acquirat, dominium autem apud eum remaneat: ne, quod ei suis laboribus vel prospera fortuna accesserit, hoc in alium perveniens, luctuosum ei procedat.

N O T Æ.

1. Castrensibus pecuniis] Quæ primum filiosfam. militibus concessa; postea etiam veteranis seu militia missis, pr. inf. quib. non est perm. sac. test. Juven. sat. 16. Postremo ad exemplum castrensis etiam, quasi castrense peculium exceptum, quasi militum, contemplatione literatæ militiæ, §. ult. inf. de mil. test.

[Sine ulla distinctione] Id est, peculium omne pagani pleno jure patri acquirebatur. Non distinguebant inter profectitium & adventitium, neque inter usumfructum & proprietatem.

[Generali constitutione] L. 6. C. de bon. quæ lib. qua, quod circa bona materna & materni generis, item, lucra nuptialia jam ante à diversis principibus statutum erat, l. 1. & 2. C. de bon. mat. l. 1. 2. 6. & 7. C. Th. eod. l. 1. 14. C. de bon. quæ lib. ne ἀσύνετολ. abiret, produxit ad bona omnia adventitia.

[Honorem debitum] Th. τὸ ἐποφειλόμενον ἐφύλαξεν, debitum reservavit, & vox honorem abundare videtur, Cujac. quoniam hic non agitur de honoris debito, sed acquisiti. Deest quoque in emendatis simis editionibus, teste Fabrot.

[Usumfructum patri] Quidam etiam casus sunt, quibus peculii adventitii plena proprietas filio acquiratur, l. ult. §. 1. C. de bon. quæ lib. auth. excipitur, cum 2. seqq. C. eod. Peculium adventitium, ξένον, ἐπὶ λυτον, Gloss. lat. gr. quod aliunde, quam à patre obvenit, & quasi τυχερῶς.

C O M M E N T A R I U S.

1. Post occupatam demum remp. filiosfam. primum militibus; deinde etiam veteranis peculium castrense pleno jure concessum: procedente tempore & quasi castrense.

2. Quid sit peculium filiosfam. quot ejus species, & quid singula.

3. Translato in Thraciam imperio primum honorum matronarum, mox etiam materni generis, & lucrorum nuptialium, novissime omnium adventitiorum proprietatem filiosfam. concessam, solo usufructu apud patrem relicto.

4. Quid moribus nostris & Gallorum.

EXceptis castrensis peculii] Florente republ. peculium filiisfam. uniusmodi fuit. Nam ut servus domino, ita filius patri cuncta pleno jure acquirebat: idemque planè jus & in corpus & in bona liberorum pater habebat, quod dominus in servos: cujus rei inter alios testis locuples est Dionys. Halicarnassensis lib. 8. Romani, inquit, proprium nihil possident, quamdiu patres eorum in vita manent: sed & pecuniæ & corpora filiorum parentum potestati arbitrioque permixta sunt: omniaque parentibus acquirunt quasi servi, ut *πατρίελοι καὶ δούλοι τῶν πατέρων*. Verum Imperatores, ut præmio aliquo adolescentes ad militiæ labores invitarent, eorumque sibi conciliarent studia, castrense peculium filiisfam. pleno jure concesserunt, primum militibus, postea etiam veteranis seu à militia dimissis, *inf. quib. non est perm. fac. test. in pr.* Ex quo filiisfam. in hoc peculio jus ac vicem patrumfam. obtinere cœperunt, l. 2. de senat. Mac. idque significat Juvenalis *satyr.* 16. his versibus;

Nam quæ sunt parta labore

*Militiæ, placuit non esse in corpore census,
Omne tenet cujus regimen pater.*

Igitur quod ait, *olim quidem*, &c. excipiens peculia castrensia, id ad tempora Julii aut Augusti & sequentia referendum est, l. 1. de testam. uil. d. pr. *inf. quib. non est perm. fac. test.* Postremo, nec multo post, ad exemplum castrensis peculii etiam quasi castrense peculium exceptum & filiisfam. permixtum est, *g. ult. inf. de mil. test.* Planè hæctenus adhuc diu jus vetus patri conservatum fuit, ut si filius intestatus decessisset, bona castrensia pater jure peculii occuparet, l. 2. de castr. pec. de quo plura alibi.

Sine distinctione] Profectitii scilicet vel adventitii peculii, proprietatis & ususfructus, inter quæ primus Justinianus est, qui differentiam generali lege introduxit. Ex his porro patet, quicquid filiisfam. habet, sive concessione patris, sive partum suo labore aut aliena liberalitate collatum, id uno nomine peculium filiisfam. appellari; atq; hoc docendi gratia ex ratione novi juris in duò genera posse dividi, ut dicamus peculium filiisfam. esse vel militare, vel paganum; & utriusque iterum duas esse species inferiores, illius castrense & quasi castrense, hujus profectitium & adventitium. Castrense est, quod per occasionem armatæ militiæ filius sibi acquisivit: quo quid contineatur, docent l. castrense 11. de castr. pec. l. 1. C. eod. Quasi castrense est, quod in toga operam reipubl. navans paravit, puta ex professione liberalium artium, ex officiorum publicorum emolumentis, ex patrociniis casuarum, & urbana illa inermique militia, l. ult. C. de inoff. testam. l. 4. l. advocati C. de adv. div. jud. Liberalitatem quoque à Principe in filiisfam. collatam instar castrensis peculii

haberi placuit, l. 7. C. de bon. quæ lib. in pot. Utrumque hoc genus ita proprium filiisfam. esse placuit, ut de eo statuere possit non secus ac si paterfam. esset, d. pr. *inf. quib. non est perm. fac. test.* l. 1. *g. nec castrense* 15. de collat. l. 2. de sen. Mac. Add. quæ notavimus sub *g. ult. inf. de mil. test.* Profectitium peculium est, quod à patre sive contemplatione patris ab aliis ad filium. proficiscitur. Adventitium, quod aliunde filio obvenit, sive id laboribus suis acquisivit extra causam armatæ aut rogatæ militiæ, sive prospera fortuna ei accessit, puta ex maternis maternive generis hæreditatibus, lucris nuptialibus, legatis, & hæreditatibus amicorum, l. 6. C. de bon. quo lib. & hoc text. in fin. Illud totum patri secundum antiquam observationem adhuc acquiritur; hujus in universum proprietatis filio data est constitutio Justiniani, solo usufructu patri relicto: de quo mox fusius.

Alii filio vel extraneo donare] Consequens hoc omnino rationi antiqui juris. Nam cum utriusque hujus peculii pleno jure pater dominus esset, licere utique etiam ei debuit pro arbitrio de utroque statuere, & quod labore Titii filii acquisitum esset, Mævio donare, vel in proprias rationes convertere. Hinc porro etiam est, quod patre mortuo peculium paganum omne, nisi legatum esset, fratribus conferendum erat, l. certum 13. C. fam. ere. l. filia 12. C. de collat. quod in adventitio mutavit Justinianus, l. ult. C. d. tit. convenienter priori sue constitutioni, l. cum oportet 6. C. de bon. quæ lib. in potest.

Generali constitutione emissâ] Cum olim bona omnia adventitia non minus, quam profectitia, pleno jure patris essent, Constantinus detraxit bona materna, quorum ususfructum tantum patri, filio proprietatem tribuit, l. 1. C. de bon. matern. l. 1. & l. 2. C. Theod. eod. Gratianus, Valentinianus, & Theodosius idem statuerunt de bonis materni generis, id est, ex materna cognatione delatis, l. 6. C. Theod. eod. eosque secuti Arcadius & Honorius, l. 2. C. d. tit. l. 7. C. Theod. eod. Theodosius porro & Valentinianus, Leo & Anthemius hoc etiam, ad lucra nuptialia & sponsalicia produxerunt, l. 1. l. 4. C. de bon. quæ lib. Postremo Justinianus generali constitutione emissâ, quacunque ex causa filio quid acquisitum esset, quod adventitio peculio attribueretur, id omne ejusdem juris esse voluit, d. l. cum oportet C. eod. tit.

Si quid ex re patris, hoc secundum antiquam observationem] In profectitio peculio nihil Justinianus mutavit: sed quicquid ex re patris filio obvenit, id totum vult patri acquiri, secundum observationem juris antiqui. Planè potest nihilominus aliquod commodi ex concessione hujus peculii ad liberos redire: nam & emancipatos sequitur, nisi nominatim ademptum sit, l. donationes 31, *g.* 2, de donat. & bo-

& bonis patris publicatis separatur & conservatur liberis, l. 3. §. sed utrum 4. in fin. de mimor. Ait, ex re patris in d. l. cum oportet, ex substantia patris. Quid igitur dicemus, si quid filio obvenit, non quidem ex re aut substantia patris, sed patris occasione & contemplatione? Dd. hinc & in d. l. cum oportet, id quoque peculii profectitii esse volunt, arg. l. si servo. 21. cum l. seq. de usuf. ubi quod servo fructuario relinquitur aut donatur contemplatione fructuarii, id fructuario acquiri dicitur, tanquam ex re ejus. quaesitum, facit l. sed si plures 10. §. in arrogato 6. in fin. de vulg. & pup. subst.

Ususfructum patris acquirat, dominium apud eum remaneat] Dominium posui pro nuda proprietate, uti & in d. l. cum oportet. Hæc autem proprietatis concessio non tribuit filio jus eam sine patris consensu alienandi; lult. §. ipsum autem 5. C. eod. Si ususfructus filio relictus sit, hic totus acquireretur patri; at eo mortuo redibit ad filium; lult. C. de usuf. Nonnunquam & plena proprietas filio acquiritur: quod Justinianus primo introduxit in hæreditate, quam filius renuente patre adisset, d. lult. §. 1. postea etiam in pluribus casibus; in rebus ea lege filio datis, ne ususfructus ad patrem perveniret; in hæreditate fratris & sororis, ad quam una cum filio pater admittitur; item in iis rebus, quæ filio deferuntur ob delictum patris, qui divorcium fecit sine causa, auth. excipitur & 2. seqq. C. de bon. qua lib. Mōribus nostris & Gallorum adventitia omnia, sicut castrensia & quasi, filii sibi, non patri, & in solidum acquirunt: in profectitiis tantum antiquum jus acquirendi per filium patri relictum est; Gudelink. de jur. noviss. lib. 1. c. 14. Chassan. in consuetud. Burgund. §. 1. tit. Des enfans de plusieurs lits. ad vers. & fait les fruits. Pet. Gregor. syntagm. 11. c. 8. num. 21. Enimvero quod provenit ex quaestu aut opera liberorum, quos parentes enutriunt, id pleno jure parentibus acquiritur, Grot. 1. manuduct. c. 6. add. Groenev. de leg. abrog. hic.

TEXTUS.

De emancipatione liberorum.

2. Hoc quoque à nobis dispositum est & in ea specie, ubi parens emancipando liberos suos ex rebus, quæ acquisitionem effugiebant, sibi tertiam partem retinere (si voluerat) licentiam ex anterioribus constitutionibus habebat, quasi pro pretio quodammodo emancipationis: Inhumanum quiddam accidebat, ut filius rerum suarum ex hac emancipatione domino pro tertia parte defraudaretur: &

quod honoris ei ex emancipatione additum erat, quod sui juris effectus esset, hoc per rerum deminutionem decrescere. Ideoque statuimus, ut parens pro tertia parte domini, quam retinere poterat, dimidiam non domini rerum, sed ususfructus retineat. Ita etenim res intactæ apud filium remanebunt, & pater ampliore summâ fruetur, pro tertia, dimidia potiturus.

NOTÆ.

2. Liberos suos] Th. πῶς δὲ Cujac. Hotom. Fabrot. liberum suum, numero singulari, ut inf. de serv. cogn. in pr. & l. 33. C. de inoff. testament. Aurel. Victor: Nerva Trajanum in liberi locum adoptavit.

Anteriorib. constitutionib.] Intelligit l. 1. & 2. C. Th. de matern. bon. quæ Constantini sunt, l. 6. §. 3. C. de bon. qua lib.

Pro pretio emancipationis] Quasi remunerationis gratia d. l. 1. & 2. d. l. 6. §. 3. pro præmio delatæ emancipationis, l. 3. C. de bon. matern. nam emancipatio beneficium est quaerendorum bonorum l. 1. si a par. quis man.

Quod honoris] Honorificum est filio, suæ potestatis & caput familiæ evadere.

COMMENTARIUS.

1. Cur, cum peculium profectitium, si pater id non adeo meritis, sequatur filium emancipatum, dimidia ususfructus adventitiorum, etiam expressè non reservata patrem.

Emancipando liberos suos] Cujac. Hotom. Wesemb. liberum suum, numero singulari: quomodo etiam loquitur Justinianus l. si quis 33. C. de inoff. testam. & inf. de serv. cogn. in pr. legitur, liberum vel liberos. Veteres autem semper in numero multitudinis ea voce usi sunt, & unum etiam filium filiamve liberos appellarunt, teste Gell. lib. 2. c. 13. quod & Gajus confirmat l. non est 148. de verb. sign. ubi scribit, non esse sine liberis, cui vel unus filius filiave est. Hæc enim, inquit, enunciatio, habet liberos, non habet liberos, semper plurativo numero profertur; sicut & pugillares & codicilli. Glossa Græc. Lat. τέτταρα, liberi, pluraliter tantum declinatur. Quod autem Valla lib. 3. elegant. 8. scribit, liberum pro filio se & apud Paulum & apud Gajum reperire, existimo esse ἀπαρχήματα μνημονικόν, cumque Paulum & Gajum dixisse pro Modestino & Ulpiano. Nam apud Modestinum l. jus agnationis 34. de pact. legit, nolle suum liberum esse, ut vulgatæ editiones habent: sed Florentina nos docuit, legendum, nolle suum esse.

Apud Ulpianum l. nemo 126. §. 1. de regul. jur. qui liberum adquisierit. Sed & hic in Florentino Codice est, qui libertam adquisierit, quomodo procul dubio legendum. Meminit Valla etiam Quintiliani, sed nec locum, nec verba citat.

Ex rebus, quæ acquisitionem effugiebant] Id est, ex his bonis adventitiis, quorum proprietas filio, non patri acquirebatur, ex Græcorum Imp. constitutionibus; quo in numero erant bona materna & materni generis, item nuptialia & sponsalitia lucra, ut notatum §. præc. Cave igitur intelligas peculia castrensia aut quasi: nam eorum nihil apud patrem emancipatorem relictum fuisse ipse Justinianus aperte testatur d. l. cum oportet §. cum autem 3. C. de bon. quæ lib. unde hic §. descriptus.

Quasi pro pretio emancipationis] Constantinus l. 1. c. l. 2. C. Theod. de bon. matern. censuit; æquum esse, ut filius patrem emancipatorem remuneraretur, offerretque patri tertiam partem bonorum maternorum, quorum proprietatem liberis in potestate manentibus concesserat, aut ut jus esset patri tantam horum bonorum partem sibi retinere: idque pro honore & beneficio emancipationis in filium collato: quippe quo filius consequitur, & ut sui juris ac caput ipse familiæ esse incipiat; quod ei honorificum est; & ut pleno jure deinceps omnia possideat, sibi quæ acquirat; quod lucrosus. Et hoc est, quod Justinianus hic significat his verbis, *quasi pro pretio emancipationis*: quod in constitutione sua sic expressit, *quasi remunerationis gratia*, d. l. cum oportet §. 3. Præmium delatæ emancipationis appellant Theod. & Valent., l. 3. C. de bon. matern.

Pro tertia parte domini. dimidiam usufructus] Justiniano duriusculum visum fuit, liberos specie honoris tam gravem jacturam rerum suarum pati, ut tertiam earum partem parens manumissor auferret, sibi quæ pleno jure haberet. Neque tamen æquum putavit, nihil omnino remunerationis in vicem accepti beneficii liberos rependere. Qua de causa ipse sic statuit, ut pater pro tertia parte, quam ex prioribus constitutionibus de bonis filii maternis & lucris nuptialibus pleno & perpetuo jure domini retinebat, partem dimidiam non domini, sed usufructus consequeretur; idque locum haberet in cæteris quoque adventitiis, postquam hujus generis bona omnia ejusdem juris esse voluit. Ita factum ut nec liberi quicquam de dominio rerum suarum amitterent, nec causam conquerendi haberent parentes, concessio iis pro præmio emancipationis fructu tantæ partis bonorum. Hoc autem ita obtinere Justinianus censuit, etiam si pater in emancipatione sibi hoc præmium non expresse reservavit, d. l. cum oportet §. cum autem, cum tamen peculium profectitium, quod totum pleno jure patris est, filium emanci-

patum sequatur, tanquam à patre tacite donatum, si pater id non ademerit, l. donationes 31. §. 2. de donat. arg. l. si Stichus. §. 3. de pecul. l. un. C. de pecul. ejus. qui lib. mer. §. si peculium 20. inf. de legat. Differentiæ rationem hanc affert laon, Eaber, quod præmium emancipationis est ex provisione legis, quæ patri prospexerit in peculio, cujus ille adimendi potestatem non habebat: in peculio autem profectitio nihil opus fuit provisione legis, quandoquidem ipse pater pro arbitrio suo de eo statuere possit, & qui hoc ipso, quod non adimit, concedere ita tacite intelligatur. Cui addit D. Bachovius, quod peculii profectitii naturalis possessio penes filium est, adventitii penes patrem, utpote usufructuarium: itaque illud, si ademptum non sit, quasi ultro à patre relictum & filio concessum intelligi: in hoc autem, quod pater ipse detinet, atque apud se habet, jus suum sibi servare velle, beneficioque uti, nisi inter emancipandum juri suo renunciaverit, vel donatione facta hoc ab sese in liberos transtulerit, d. l. cum oportet, §. cum autem.

TEXTUS. De servis nostris.

3. *Item vobis acquiritur, quod servi vestri ex traditione nansciscuntur, sive quid stipulentur, sive ex donatione, vel ex legato, vel ex qualibet alia causa acquirant. Hoc enim vobis & ignorantibus & invitis obvenit. Ipse enim servus, qui in potestate alterius est, nihil suum habere potest. Sed si heres institutus sit, non alias, nisi vestro jussu, hereditatem adire potest. Et, si vobis jubentibus adierit, vobis hereditas acquiritur, perinde ac si vos ipsi heredes instituti essetis. Et convenienter scilicet vobis legatum per eos acquiritur. Non solum autem proprietas per eos, quos in potestate habetis, vobis acquiritur, sed etiam possessio. Cujuscunque enim rei possessionem adepti fuerint, id vos possidere videmini. Unde etiam per eos usucapio vel longi temporis possessio vobis accidit.*

NOTÆ.

3. *Et convenienter*] Nempe regulæ initio positæ, quod per servos nobis ex qualibet causa acquiritur, etiam ignorantibus & invitis. Nam & hoc in legato obrinet: quippe quod lucrum tantum continet, non etiam damnum, ut hereditas, l. 32. D. mandat.

COMMENTARIUS.

1. Cur. per servos nobis acquiratur & ignorantibus & invitis.

2. Cur hinc excepta hereditas.

3. An possessio per servum domino ignorantem acquiratur.

Dictum hactenus est, quatenus per liberos nostros acquirimus: sequitur de acquisitione per servos; in qua jus vetus per omnia servatur, traditum à Cajo l. 10. §. 1. & deinceps. de acq. rer. dom. & huc translatus. Id tale est, ut quicquid servus acquirit, sive ex causa peculii (quod in persona servi unius generis est, nempe quod permisso domini separatim à rationibus dominicis habet, l. 5. §. ult. d. pecul.) sive extra eam quacumque ex alia causa, id totum acquirat domino.

Sive quid stipulentur] Subobscurè hoc dictum videtur, pro, *sive quid ab se stipulatum per traditionem nanciscantur*. Nam etsi verum est, servos nostros stipulantes nobis obligationem ex stipulatione acquirere; inf. per quas pers. obl. acq. §. 1. inf. de stip. serv. sub hoc tamen titulo non quaeritur, per quas personas nobis obligatio acquiritur sed dominium sive proprietates, & possessio.

Ignorantibus & invitis] l. etiam invitis 32. de acq. rer. dom. l. quemadmodum 45. de jur. dot. Hujus autem necessitatis acquisitionis non alia ratio querenda, quam quæ hic & apud Gajum d. loc. relatâ est; nimirum quia ipse servus, qui in alterius potestate est, nihil suum habere potest. Fit ergo hæc acquisitio ipso iure, ratione scilicet potestatis, quæ facit, ut ne momento quidem aliquo res subsistere possit in persona ejus, qui in potestate est, & per quem acquiritur; sed protinus & necessario acquiratur ei, qui in potestate habet, domino vel patri. (nam & filiusfam. qua talis, huc pertinet, l. placet. 79. de acq. her.) quorum etiam vicem in acquirendo servus ac filiusfam. sustinet, & quibuscum hactenus una persona esse finguntur. Non obstat, quod dicitur, nolenti & invito beneficium non acquiri, l. hoc jure 19. §. 2. de donat. l. invito 69. de reg. jur. non enim beneficii, sed juris ratio facit, ut sic domino per servum acquiratur. Quod si dominus id, quod sibi ita quaesitum est, habere nolit, licet ei id repudiare aut abicere. D. Tuningius ut hanc objectionem effugiat, duos quasi gradus in hac acquisitione considerat, unum in persona acquirentis, in qua acquisitionis initium; alterum in persona nostra, in qua progressus, quidem numeretur: ad initium quod attinet, ait, invitis nobis acquiri: quoad progressum atque absolutionem, non nisi volentibus. Sed non est necesse, ut eo confugiamus, & fit hæc acquisitio in momento, d. l. placet de acq. her. frustra quoque alias exciperetur hereditas.

Sed si hæres institutus sit, non alias nisi vestro jussu] Exceptio proximè præcedentis regulæ, hereditas

quidem & ipsa per servos nostros hæredes institutos nobis acquiratur; cæterum non eodem modo, quod ex cæteris causis per eos acquirimus, ut etiam ignorantibus nobis & invitis acquiratur, sed volentibus duntaxat & jubentibus eos hereditatem adire. Quod si jussu nostro non expectato adierint, nihil agunt, l. si quis 25. §. jussu 4. de acq. her. Hoc autem cur ita placuerit, minimè obscurum est, ne scilicet in potestate servi esset domini conditionem deteriores facere, ignorantem eum obligando æri alieno hereditario, quod sæpè excedit vires patrimonii defuncti, l. 6. d. tit. Illud enim notum est, eum, qui hæres efficitur, non tantum acquirere, sed etiam obligari, & implicari oneribus hereditariis.

Et convenienter vobis legatum] Convenienter non ei, quod proximè præcedit de acquisitione hereditatis, quæ hoc proprium habere dicta est, ut non acquiratur per servum sine jussu domini; sed regulæ initio positæ, quod per servos nobis acquiratur ex omnibus causis. Si ex causis omnibus, igitur & ex causa legati. Ex hac vero causa proculdubio etiam ignorantem & invito domino per servum acquireretur, sicut ex cæteris, excepta hereditate, l. etiam invitis 32. de acq. rer. dom. nam ratio exceptionis, quæ in hereditate est, cessat in legato, quod purum semper & liquidum lucrum affert, l. si hereditatem 31. mandat. Planè jejuna quædâ hic repetitio est de legato, quippe cujus jam in pr. hujus §. mentio facta: sed Tribonianus hunc locum ex Gajo d. l. 10. §. 1. de acq. rer. dom. describens, incautè initium illius §. interpolavit, nam Gajus legati non meminit nisi semel, & demum in calce d. §. 1.

Non solum proprietates, sed etiam possessio] An possessio per servum nobis acquiratur causa est, cur dubites. Hæc enim res non juris, sed facti est, l. 1. §. 3. & 4. de acq. poss. l. denique 19. ex quib. ca. maj. ea autem quæ facti sunt, non transeunt ad dominum, sed in persona ipsius servi consistunt, l. qui hæredi 44. de cond. & dem. §. 2. inf. stip. serv. ut proinde dicendum videatur, etiam possessionem in persona servi subsistere debere, nec domino per servum eam acquiri. Verum possessio non corporis tantum & facti est, sed etiam juris, teste Papiniano in l. possessio 49. §. 1. de acq. poss. aut potius, ut i dem Papinianus in pr. d. l. hoc exprimit, ita facti est possessio, ut eum de ea acquirenda, retinenda aut transferenda agitur, plurimum ex jure mutuetur: inter quæ hoc etiam est, ut per eos nobis acquiratur possessio, per quos res cæteræ utiq; si nostro nomine possessionem apprehendant. Cum autem generaliter & simpliciter tum hic, tum apud Gajum d. l. 10. §. 2. de acq. rer. dom. scriptum sit, non solum proprietatem, sed etiam possessionem nobis per servos acquiri, & cujuscumque rei possessionem adepti fuerint, id nos possidere videri, ap. l. ul-
pia-

pianum *l. si me* 34. §. ult. de acq. poss. hoc etiam amplius, servum meum ignoranti mihi possessionem acquirere: hinc Glossa & comm. Dd. crediderunt, æquè per servum quacumque ex causa possessionem domino etiam ignoranti acquiri, ac res cæteras excepta hæreditate. Sed verior est eorum sententia, qui in acquirenda per servum possessione putant causam peculiarem ab aliis separandam, ut si quidem ex causa peculiari possessionem nactus sit, ea etiam ignoranti domino acquiratur; si extra causam peculii, non nisi scienti: quæ distinctio aperte proponitur, *l. 1. §. item acquirimus* 5. *l. 3. §. cæterum* 12. *l. quod servum* 24. *l. peregre* 44. §. 1. de acq. poss. Sed & ratio diversitatis iisdem locis perspicuè indicatur: nimirum cum ea possessionis conditio sit, ut non nisi animo & corpore acquiri possit; *d. l. 3. pr. & licet* corpore alieno, animo tamen non nisi nostro, nobisque volentibus; *d. l. 3. §. cæterum l. ea qua* 53. de acq. rer. dom. hunc animum nostrum in earum quidem rerum possessione, quam servi ex causa peculiari adipiscuntur, quodammodo & in genere saltem concurrere, eosque quasi voluntate nostra intelligi possidere, eo quod peculium eos habere permisimus: in rebus autem non peculiaribus nullam omnino voluntatem domini acquisitionem antecedere, ac propterea ad possessionem in his causis acquirendam specialem domini voluntatem certamque scientiam necessariam esse, *d. l. peregre* §. 1. Sic igitur temperandum erit, sicubi simpliciter, quemadmodum hic, scriptum legamus, per servos nobis acquiri possessionem, aut acquiri nobis ignorantibus, ut in *d. l. 34. §. ult. eod.*

Vnde etiam per eos usucapio] Gajus *d. l. 10. §. 2.* hoc sic expressit; unde etiam per eorum longam possessionem dominium nobis acquiritur. In peculiaribus rebus uti ignorantibus nobis possessio acquiritur, ita receptum est, ut etiam ignorantes ex eadem causa usucapiamus: cum alioqui possessio ignorantibus nobis quæsitæ, veluti per procuratorem, ad usucapionem non proffit, nisi postquam scientia nostra intervenerit, *l. si emptam* 47. de usuc. l. 1. C. de acq. poss. quod plenius explicabimus sub §. pen. hujus tit.

TEXTUS.

De fructuariis & bona fide possessis.

4. De iis autem servis, in quibus tantummodo usumfructum habetis, ita placuit: ut quicquid ex re vestra, vel ex operis suis acquirunt, id vobis adjiciatur: quod verò extra eas causas consecuti sunt, id ad dominum proprietatis pertineat. Itaque si is servus hæres institutus sit, legatumve quid ei, aut dona-

tum fuerit, non usufructuario, sed domino proprietatis acquiritur.

NOTÆ.

De iis servis] Ex *l. 10. §. 3. de acq. rer. dom. l. 21. de usufr. Ex operis suis*] Puta si tutor sit, aut pictor, aut faber, & pro opera hujusmodi mercedem acceperit, *l. 26. de usufr.* Quid si ex superioribus causis, nominatim domino proprietatis stipuletur, aut nomine ejus rem accipiat? Acquirit domino proprietatis, *l. 25. §. 3. d. l. 37. §. pen. de acq. rer. dom.* Cæterum placet fructuarium condicere id posse, *l. pen. de stip. serv.* Hæres institutus, &c.] *D. l. 10. §. 3. l. 47. l. 49. de acq. rer. dom. l. 25. pr. de acq. her.* excipe, nisi quid horum factum contemplatione fructuarii, *l. 22. ex seq. de usufr.* quo casu servus ex re fructuarii, non opera sua fructuario acquirere intelligitur, *l. 45. d. l.* ne objici possit, quod aditio hæreditatis non sit in opera servili, *d. l. 45. in pr.*

COMMENTARIUS.

1. Cui acquirat servus fructuarius, si dicat se domino proprietatis accipere ex re fructuarii.
2. Additionem hæreditatis non esse in opera servili, & quare,
3. Servum contemplatione fructuarii heredem institutum, fructuario hæreditatem acquirere; & jussu ejus, non domini, adire.

Quæ de quærendo per servos dominio aut possessione dicta sunt §. præc. ea locum habent, cum quis plenam in servo proprietatem habet. Quod si apud alium ususfructus servi sit, apud alium nuda tantum proprietates, hic ex duabus causis fructuario per hunc servum acquiritur, ex re scilicet fructuarii, & servi operis; ex cæteris causis proprietario. Idemque juris servatur in eo, qui bona fide servit, ut ex iisdem causis acquirat bonæ fidei possessori, ex cæteris aut sibi, si libet est, aut domino, si servus: de quibus nunc porro sequitur.

Ex re vestra vel operis suis] *L. 10. §. 3. de acq. rer. dom. l. si servi* 21. de usufr. Ex re fructuarii, veluti si servus, cum fructuarius eum dispensatorem fecisset, rem aliquam ex nummis fructuarii comparavit, aut rem fructuarii locavit, pecuniam fœneravit, &c. Hic enim res empta, merces locationis, usuræ, pecuniæ creditæ quærentur fructuario, *l. 1. C. de rei vind. l. servus* 43. §. ult. de acq. rer. dom. Ex operis servi, verbi gratia, si tutor sit, aut pictor, aut faber, atque ex hujusmodi aut simili opera alii præstita aliquid paravit, mercedem scilicet operæ, *l. si operas* 26. de usufr. Sed quid si dicat servus, se domino proprietatis accipere, quod ex re fructuarii ei traditur? Hoc casu totum domino proprietatis acquireret. Nam & nominatim stipulando domino proprietatis ex re fructuarii aut operis suis, eidem acquireret, *l. per servum* 37. §. pen. de acq. rer. dom. l. sed etsi 25. §. quæstionibus 3. de usufr.

de usufr. Et facit hoc quidem ratio summi juris: cæterum quod ita domino proprietatis quæsitum est, placuit fructuarium condicere posse, *l. pen. de stip. serv.* Cur vero tantum ex duabus istis causis placeat acquiri fructuario, ratio hæc est, quod quæ ex istis causis acquiruntur, fructuum vicem obtinent, cætera in fructu non sunt.

Extra eas causas] Extra superiores causas habetur, quod servus fructuarius ex re pecuniave alterius consecutus est, puta ex peculio, quod à proprietario habet, aut si quid servo donatum legatumve sit, aut si hæres sit institutus. Idcirco placet, nihil horum per servum fructuario acquiri, sed omnia hæc acquiri domino proprietatis, *d. l. 10. §. 3. l. servus 43. l. fructuario 47. l. quod fructuarius 49. de acq. rer. dom. l. si quis 25. de acq. her.* De hæreditate à quibusdam olim dubitatum est, propterea quod in aditione factum servi interveniat, *l. liber 19. de acq. rer. dom. & sine huiusmodi facto servi nec domino hæreditas acquiri possit, l. 3. C. de her. inst.* Sed obtinuit, aditionem hæreditatis non esse in opera servili, *l. aditio 45. de acq. her. d. l. fructuario 47. de acq. rer. dom. & rectè: nam aditio factum quidem est, sed opera non est: quippe cum opera non sit sine labore; qui in aditione nullus est.*

Si hæres institutus, legatumve quid ei, &c.] Hoc etiam generaliter sic traditum est *l. 10. l. 47. l. 49. de acq. rer. dom. l. 25. de acq. her.* Alibi tamen hæc extat exceptio, nisi servus hæres institutus sit, legatumve quid ei aut donatum fuerit contemplatione fructuarii: quod enim ita relictum datumve servo fructuario est, id per eum fructuario acquiri, non proprietario, *l. si servi 21. & l. seq. de usufr.* eademque distinctio probata est in specie non dissimili: *l. facta 63. §. si hæres 4. ad sen. Trebell. & in terminis hominis liberi bona fide possessi; cujus in hac causa, & servi fructuarii, eadem ratio, l. aditio 45. §. ult. de acq. her.* Neque tam exceptio hæc est, quam interpretatio & declaratio quædam superioris regulæ, quæ definit, nihil per servum fructuarium fructuario acquiri, præterquam ex re fructuarii, aut ex servi operis. Docet nimirum ista distinctio, quod contemplatione fructuarii datum aut relictum est, extra illas duas causas non acquiri: quamvis enim hoc fructuario non acquiratur ex servi opera, intelligi tamen acquiri ex re fructuarii, cui qui donavit aut reliquit, rem quæsitam voluit, *d. l. aditio §. ult. de acq. her.*

2 Ex quo etiam perspicuum est, falli Glossam, Joan. Fab. Cantiunc. hic. Bart. in *d. l. 25. de acq. her.* & quotquot sunt, qui scribunt, servum fructuarium, ut maxime contemplatione fructuarii hæres institutus sit, non posse hæreditatem jussu fructuarii adire, eamque per aditionem directo acquirere fructuario, sed adeundam esse jussu proprietario, cui

etiam stricta ratione hæreditas acquiratur, sed restituenda fructuario conditione sine causa, ut in casu *l. pen. de stip. serv.* Fecellit eos, quod putaverunt, prius esse, ut aditio hæreditatis contra expressi juris auctoritatem statuatur esse species operæ servilis, quam in casu proposito dici possit, servum jussu fructuarii adeuntem hæreditatem fructuario acquirere. Quod non ita est: neque enim ex causa operæ servilis hæc acquisitio defenditur, sed ex capite altero, quia scilicet hoc casu servus ex re fructuarii acquirere intelligitur, ex qua causa vel maxime fructuario acquiri constat, *d. l. aditio 45. §. ult. de acq. hered.* Ubi ex hoc eodem fundamento Jurisconsultus defendit, liberum hominem bona fide à me possessum, & mei contemplatione hæredem institutum, meo jussu adire & mihi acquirere hæreditatem posse. Bonæ fidei autem possessoris & fructuarii eadem planè in his quæstionibus ratio est, ut mox docebitur: *consent. Ias. in d. l. 25. de acq. her. Myns. Bach. hic.* Movere autem neminem debet, quod quibusdam locis generaliter definitur, servum fructuarium jussu ejus, qui usumfructum, in eo habet, adire hæreditatem non posse, ut *d. l. 25. in pr. & d. l. aditio 45. §. pen.* Huiusmodi enim loci accipiendi sunt de servo simpliciter instituto, non contemplatione fructuarii: quo casu si per servum fructuario acquireretur hæreditas, acquireretur extra superiores duas causas, quod ratio juris non permittit. Sic cum in hoc nostro *§. & d. l. 10. §. 3. de acq. rer. dom.* generaliter scriptum sit, quod servo fructuario donatur aut relinquitur, id acquiri proprietario; nemo tamen est, qui neget, admittendam hic esse illam sive exceptionem sive interpretationem, nisi quod servo donatum relictumve sit contemplatione fructuarii: quod alibi certo jure traditum est. Quod vero Paulus in *l. quod fructuarius 49. de acq. rer. dom.* scribit, quod extraneus servo fructuario donat, indistinctè soli proprietario acquiri, id non eo pertinet, ut excludat insignem & receptam distinctionem inter id, quod contemplatione fructuarii aut simpliciter servo donatum est; sed eam, quam ipse in pr. proponit in fructuario donante. Planè ex generali horum locorum definitione evidentur evincitur, errare eos, qui contendunt, quod servo fructuario donatur aut relinquitur, in dubio præsumendum, donatum aut relictum contemplatione fructuarii: quod tamen tanquam certum tradit D. Dionys. Gothofred. in annot. ad Schneid.

T E X T U S.

5. Idem placet & de eo, qui à vobis bona fide possidetur, sive is liber sit, sive alienus servus. Quod enim placuit de usufructuario, idem

idem placet *§ de bonæ fidei possessore. Itaque quod extra istas duas causas acquiritur, id vel ad ipsum pertinet, si liber est, vel ad dominum, si servus est. Sed bonæ fidei possessor, quum usufructu perit servum, (quia eo modo dominus fit) ex omnibus causis per eum sibi acquirere potest. Fructuarius vero usufructu perire non potest: primum quia non possidet, sed habet jus utendi fruendi: deinde quia scit, servum alienum esse. Non solum autem proprietatem per eos servos, in quibus usufructum habet is, vel quos bona fide possidetis aut per liberam personam, quæ bona fide vobis servit, vobis acquiritur, sed etiam possessio. Loquimur autem in utriusque personæ secundum distinctionem, quam proxime exposuimus, id est, si quam possessionem ex re vestra, vel ex suis operis adepti fuerint.*

COMMENTARIUS.

1. An bonæ fidei possessor, quod ex operis servi paratum extat, domino servum vindicanti restituere teneatur.
2. Verumne sit simpliciter, quod Iustinianus ait, fructuarium non possidere.

DE iis, quos bona fide possidemus, idem jus est, quod de servis fructuariis, ut scilicet qui bona fide alicui servit, sive servus alienus est, sive homo liber, quicquid ex re ejus, cui servit, acquirit, quicquid item ex operis suis, id acquirat ei, cui servit, & à quo bona fide possidetur, d. l. 10. §. idem placet, l. liber. 19. de acq. rer. dom. Hactenus tamen, quatenus possessor bona fide possidebit, & quamdiu ita possidebit: nam si scire cœperit, eum, qui bona fide servit, hominem liberum aut alienum servum esse, continuo per eum acquirere posse desinit, l. qui bona 23. §. 1. l. questum 40. eod. Quod extra duas istas causas acquiritur, placet vel ad ipsum, qui bona fide possidetur, pertinere, si liber est, vel ad dominum, si servus est. Extra eas causas maxime est hæreditas, legatum, donatiove, d. l. liber. l. homo 54. eod. Cæterum & in persona ejus, qui bona fide possidetur, recipiendum temperamentum superius, nisi quid donatum relictumve sit contemplatione bonæ fidei possessoris, cui hoc casu etiam ista acquiri placet, l. aditio 45. §. ult. de acq. her.

Itaque quod extra istas duas causas] Quoniam tit supra notavimus, istud in fructu non est: ea autem sola, quæ in fructu sunt, bonæ fidei possessoris fiunt, uti & fructuarii: Quæri potest in persona bonæ fidei possessoris, (in fructuarius enim hujusmodi quæstio

non cadit) an, quemadmodum is fructus ex fundo alieno perceptos & extrantes adhuc vindicanti rem suam domino restituere teneatur, juxta ea, quæ tradita & notata sunt §. si quis 35. sup. de rer. div. eodem modo etiam quod pecuniæ aut rei ex operis servi paratum extat, apud eum, cui bona fide servit, domino servum evincendi restituendum sit. Quæstionem propono de rebus ex operis servi possessori quæsitis? vix enim dubitari potest, quin quod ex re possessoris quæsitum est, perpetuo atque irrevocabili jure possessoris efficiatur. Atque possessori parantur ex operis servilibus, ea cum fructibus fundi comparari passim videas, l. qui scit. 25. §. 1. de usufr. l. questum 40. in fin. de acq. rer. dom. Existimo tamen, etiam hæc bonæ fidei possessori irrevocabili acquiri, eique cedere in compensationem alimentorum, aliarumque impensarum, quæ necessario in servum fiunt, nec certo æstimari queunt. Neque obstat prædicta comparatio. nam ex ea minime sequitur, eandem harum rerum & fructuum in omnibus rationem esse, & in d. l. questum conferuntur, hæc cum fructibus consumptis, quos lucrari bonæ fidei possessorum certum est.

Sed bonæ fidei possessor quum usufructu perit] Bonæ fidei possessor usufructu perfectione quacunque ex causa per servum acquirit: quia usufructu pleno jure dominum eum facit. Hoc ad hominem liberum bona fide possessum non pertinet: quippe cujus nulla usufructu est.

Fructuarius usufructu perire non potest, &c.] Ait cum Gajo d. l. 10. §. ult. de acq. rer. dom. usufructuarius usufructu perire non posse, idque duplici de causa, tum quia non possidet, tum propter malam fidem, quia scit, servum alienum esse. Horum autem vel alterutrum satis est ad impediendam usufructu peritionem, utpote quæ nec sine possessione, nec sine bona fide possessoris, putantis rem suam esse, procedere potest, ut demonstratum sup. tit. de usufr. Et de scientia quidem fructuarii res certa est: neque enim ignorare potest, se earum rerum, quarum usufructum habet, dominum non esse. Quin ipse alium dominum agnoscit, cum se fructuarius proficitur. Quod vero simpliciter negatur possidere, non est sine omni scrupulo. Nam alibi contra dicitur possessor & possidere, l. uti frui, in fin. pr. & §. ult. si usufr. per. & naturaliter possidere, l. naturaliter 12. de acq. poss. Sed hæc non sunt contraria: nam & colonus & commodatarius, & depositarius naturaliter dicuntur possidere, l. 2. §. 1. pro hered. l. 7. §. neque colonus 11. comm. div. qui tamen alibi possidere absolute negantur, ullamve habere possessionem, l. 9. de rei vind. l. non solum 33. §. 1. circa fin. de usufr. l. 6. §. 2. de precar. §. possidere, inf. de interd. nimirum nec hi, nec fructuarius vere possident, id est, non possident civili-

rer, *ἡ δὲ δέσποζοντες*, animo dominantis, sine qua possessione non procedit usucapio. Sed in possessione sunt nomine alieno, apud quem possessio remanet, & qui per illos possidere intelligitur, d. §. possidere, inf. de interd. l. generaliter 9. l. quod meo 18. in pr. de acquir. possess. l. 6. §. 2. de precar. qui textus etiam in his terminis de fructuario loquitur: nec alia ratione dicitur retentio ususfructus species esse traditionis, quam quod qui retinet usumfructum, desinat sibi & incipiat alii possidere. Itaque cum hi naturaliter possidere aut possidere simpliciter dicuntur, impropria locutio est, qua corporalis tantum detentio significatur, l. possessio 49. de acq. possess. l. 1. Cod. com. de usuc. Verum enimvero licet fructuarius non possideat, tamen quia firmitus jus habet insistenti rei, atque omne rei emolumentum ad eum pertinet, ea res efficit, ut interdicta ei possessoria accommodentur, quæ cæteris, qui in possessione sunt tantum, denegantur, l. 3. §. unde vi 13. de vi & de vi arm. l. ult. uti possid. de quo pluribus agere hoc loco non licet.

Non solum proprietatis, sed etiam possessio l. 1. §. sed & 6. §. per eum 8. l. possessio 49. in pr. de acquir. possess. nimirum quia etiam possessionem pleno domino servus acquirit ex omni causa, §. 3. sup. eod. Ita vero jus est, ut quæcumque per servum quacunque ex causa acquiruntur ei, qui plenum in eo jus habet, eadem placeat acquiri fructuario per servum fructuarium: & bonæ fidei possessori per eos, quos bona fide possidet, ex re illorum aut horum operis. Nihil ad rem pertinet, quod fructuarius servum non possidet; nam nec pater filium, d. l. 1. §. per eum 8. de acq. poss. Sed nec procurator à nobis possidetur, nec tutor curatore, per quos tamen possessionem nobis acquiri posse constat, d. l. 1. §. per procuratorem 20. Hæc, & quæ præcedentibus §§. tradita, quamvis apud nos usum non habent, quia servos non habemus, tamen diligentius exposui, quia in multis partibus non parum conducunt ad cognitionem juris civilis Romanorum.

T E X T U S.

De reliquis personis.

6. Ex his itaque apparet, per liberos homines, quos neque vestro juri subiectos habetis, neque bona fide possidetis: item per alienos servos, in quibus neque usumfructum habetis, neque possessionem justam, nulla ex causa vobis acquiri posse. Et hoc est, quod dicitur, per extraneam personam nihil acquiri posse: excepto eo, quod per liberam personam (veluti per procuratorem) placet non so-

lum scientibus, sed & ignorantibus vobis acquiri possessionem, secundum divi Severi constitutionem, & per hanc possessionem etiam dominium, si dominus fuerit, qui tradidit; vel usucapionem aut longi temporis prescriptionem, si dominus non sit.

N O T Æ.

Sed & ignorantibus l. 13. de acq. rer. dom. l. 34. §. 1. l. 49. §. ult. de acq. poss. l. 1. C. eod. Utique tamen volentibus; ut ignoremus, quo tempore ex voluntate nostra possessio apprehendatur,

Per possessionem etiam dominium Si tradita ab eo, qui dominus fuit, & dominium in nos transferre voluit, dicitur l. 13. l. 20. §. ult. de acq. rer. dom. l. 8. Cod. de acq. possess.

Vel usucapionem Id est, usucapiendi occasionem, conditionem. Hoc interest, quod dominium etiam ignorantem mihi per procuratorem, cui nomine meo res tradita est, acquiratur: re autem à non domino tradita, usucapiendi facultas demum acquiratur, ex quo scire cœpi rem traditam esse, l. 47. de usuc. l. 1. C. de acq. poss. Nam usucapio bonam fidem possidentis requirit, quam nemo dixerit cum habere, qui se possidere ignorat.

C O M M E N T A R I U S.

1. Cur placeat possessionem per extraneam personam acquiri posse, jus aliquod non posse.
2. Per consequentiam quesita possessionis necessario etiam dominium nobis acquiri; aut usucapiendi conditionem; sed hanc demum, postquam scientia intervenit, in 3.

Concludit ab enumeratione personarum, per quas acquiri huc usque docuit, quasi ab enumeratione partium, per extraneam personam nihil nobis acquiri posse. Sola causa excipitur possessionis. Personam extraneam vocat hominem liberum, qui neque juri nostro subiectus est, neque bona fide à nobis possidetur; tum servum alienum, in quo neque usumfructum habemus, neque justam possessionem. In summa persona extranea in hoc argumento est, quæ vim instrumenti animati apud nos non obtinet.

Nihil acquiri posse Neque dominium aliudve in re jus, neque obligationem aut actionem, l. 1. C. hoc tit. l. 11. de obl. & act. l. 3. in pr. quod vi aut clam. l. quo tutel. 73. §. ult. de reg. jur. l. stipulatio 38. §. alteri 17. de verb. oblig. Cujus rei ratio est, quod jus civile ita comparatum sit, ut sibi quisque, quod sua interest, negotium ggerat, non alteri, d. l. 11. de obl. & act. d. l. stipulatio, §. alteri de verb. oblig. An quas exceptiones hæc regulæ habeat in obligatione per extraneam

acquirenda, & quid juris hodie hic obtineat, videbimus in §. 4. *inf. de inut. stipul.*

Excepto eo, quod per liberam personam placet acquiri possessionem] Excipit possessionem quam placuit per quemlibet nobis acquiri, qui eam nostro nomine apprehenderit, id est, hoc animo, ut velit nostro nomine possidere, d. l. 1. C. hoc tit. l. 1. C. de acq. poss. l. solutum, §. pen. de pign. act. l. traditio 20. §. ult. l. ea que §. 3. de acq. rer. dom. Qui locus etiam rationem suggerit, cur in possessione acquirenda singulariter hoc receptum sit; nimirum quia possessio acquiritur actu naturali, & corporali rei apprehensione; in quo facilius alteri operam navare & ministerium præstare possumus quam in iis, quæ civiliter acquiruntur istiusmodi actum, puta stipulando aut contrahendo, relictuve agnoscendo. Et tamen hoc ipsum, ut per liberam personam possessio nobis quaeratur, propter utilitatem contra stricti juris rationem constitutionibus introductum videtur, dict. l. 1. C. l. 8. C. de acq. poss. d. l. solutum, §. pen. de pign. act.

Veluti per procuratorem] Procuratorem intelligo cum Bart. in l. qui mihi 13. de donat. las. & Zas. in l. 1. §. per procuratorem 20. de acq. poss. non tantum qui speciale mandatum habet; sed etiam, cui universorum bonorum administratio permessa est. Etenim cum procurator generalis & exigere possit atque accipere, & emere ac vendere, utique quatenus ratio administrationis hoc exposcit, §. nihil autem 42. sup. de rer. div. cum ibi notat. Hastenus non video, quid inter hunc & specialem procuratorem intersit. Plane extra causam administrationis, ad acquirendam domino possessionem generale mandatum non sufficit; sed aut speciale requiritur, aut domini rati habitio 7. communis 42. §. 1. de acq. poss.

Non solum scientibus, sed & ignorantibus] Etiam ignorantibus possessionem per procuratorem nobis acquiri, multis locis apertissime scriptum est, l. si procurator. 13. de acq. rer. dom. l. si me 34. §. 1. l. possessio 49. §. ult. de acq. poss. l. 1. C. eod. Cui non obstat, quod dicitur in l. ea que §. 3. de acq. rer. dom. per quemlibet volentibus nobis possessionem acquiri. Hæc enim non pugnant, ignorantibus posse acquiri possessionem, & non acquiri, nisi volentibus. Ignorare possumus, quo tempore procurator noster possessionem apprehendat: quandocunque autem hoc fit, nostra sit voluntate, qui ut apprehenderet, mandavimus.

Et per possessionem dominium] Ut possessio nobis per procuratorem acquiratur, sic & per possessionem dominium, si incipiat ab eo, qui dominus fuit, & dominium in nos transferre voluit, d. l. 13. l. traditio 20. §. ult. de acq. rer. dom. l. 8. C. de acq. poss. Etenim admissio eo, ut per liberam personam possessio no-

bis quaeratur, necessarium hoc consequens fuit, ut & dominium quaeretur per possessionem prius quaesitam, si ea à rei domino transferendi domini causa tradita esset. Fieri enim non potest, quin is, qui rem ex iusta causa, hoc est, idonea ad transferendum dominium, traditam à domino possidere cepit, dominus ejus rei statim efficiatur. Cum autem dicimus, possessionem, & per hanc dominium, per procuratorem nobis acquiri, non hoc intelligimus, acquiri hæc primum procuratori, à quo deinde ad nos transeant: sed ministerio procuratoris recta nobis acquiri possessionem, & per consequentiam quaesitæ possessionis eo casu, quo diximus, etiam dominium. Ex quo apparet, & rem esse & alienum, quod DD. plerique hic asserunt, ideo facilius dominium ministerio alieno quaeri, quam obligationem; quia jura personalia & obligationes magis inhærent ossibus hominum.

Vel usucapionem] Id est, usucapiendi occasionem. Hoc enim perpetuum est, ut quo casu dominium statim acquiratur, si dominus sit, qui tradit domini transferendi causa, eo casu acquiratur jus usucapionis, si dominus non sit. Prætermissa autem hoc loco à Triboniano est insignis inter hos casus differentia. Nam si is, qui procuratori meo rem meo nomine tradidit, dominus fuit, etiam ignoranti mihi dominium acquiratur, d. l. 13. de acq. rer. dom. si non fuit dominus, usucapiendi conditio mihi non quaeritur, nisi postquam scientia mea intervenerit, l. 1. C. de acq. poss. l. si emptam 47. de usuc. l. possessio 49. §. ult. de acq. poss. Hoc ideo, quia cum, quem usucapere volumus, non sufficit possidere, nisi & possideat bona fide, quam nemo dixerit eum habere, qui se possidere ignorat.

Vel longi temporis prescriptionem] Potuerat hoc omitti, Nam postquam ex duobus his generibus acquirendi, quæ prius fuerant, usucapione & prescriptione longi temporis, unum Justinianus fecit; l. un. C. de usuc. transform. satis fuisset, alterutrius tantum meminisse, aut usucapionis, sicut prescriptionis.

TEXTUS.

Transitio.

7. Hastenus tantisper admonuisse sufficiat, quemadmodum singula res vobis acquirantur. Nam legatorum jus, quo & ipso singula res vobis acquiruntur; item fideicommissorum, ubi singula res vobis relinquuntur, opportunius inferiore loco referemus. Videmus itaque nunc, quibus modis per universitatem res vobis

vobis acquirantur. Si cui ergo heredes facti sitis, siue cuius bonorum possessionem petieritis, vel si quem adrogaveritis, vel si cuius bona libertatum conservandarum causa vobis addita fuerint, ejus res omnes ad vos transeunt. Ac prius de hereditatibus dispiciamus. Quarum duplex conditio est. Nam vel ex testamento, vel ab intestato ad vos pertinent. Et prius est, ut de his dispiciamus, quæ ex testamento vobis obveniunt; quæ in re necessarium est, initium de testamentis ordinandis exponere.

NOTÆ.

7. Si eni heredes &c.] Ex modis acquirendi per universitatem, qui plures olim fuerunt, v. Cont. 1. disp. 12. soli manserunt hi quatuor, susceptio hæreditatis, bonorum possessionis agnitio inf. tit. 10. lib. 3. adrogatio, & libertatum conservandarum causa bonorum additio, tit. 11. & 12. d. lib. 3.

COMMENTARIUS.

1. Verbis, per universitatem, non titulum acquirendi, sed rem, quæ acquiritur, significari.
2. Ex veteribus acquirendi per universitatem modis solos superesse quatuor: quos Iustinianus commemorat.
3. Quid sit hereditas.
4. Quibus modis deferatur.
5. Species acquisitionis per universitatem apud nos receptæ.

EXpositis modis, quibus jure civili acquiruntur res singulæ, transit Imperator ad eos modos, quibus eodem jure acquiruntur universæ, siue quibus acquirimus per universitatem. Non minus autem hic spectandi modi ipsi & causæ acquirendi, quam universitas acquisitionis. Nam & legari & donari bonorum universitas potest, l. non amplius 36. §. 2. de legat. 1. l. si unquam, C. de revoc. donat. potest & vendi, tot. tit. de hered. vend. sed tituli hi nihilominus natura sua singulares sunt, hoc est, comparati duntaxat ad acquirendum res singulas, & ideo nec idem jus in universum acquirenti tribuunt, quod verbi causa hereditas: idque cernitur in actionibus directis, tam activis, quam passivis. Modi ipsi acquirendi soli universales sunt natura sua, ad quos nunc se Princeps confert.

Legatorum jus, item fideic. opportunius inferiorem loco] Occupat, & tacite removet, quod obijci poterat de perturbatione ordinis, quod scilicet in disputatione de acquisitione juris civilis rerum singula-

rum non omnes acquirendi modos, qui eo pertinent, exequatur. Quod lex methodi videbatur exigere; sed parte eorum præterita, ad aliud genus intempestive transcat: nam legata & fideicommissa non minus ad prius istud genus acquisitionis pertinere, quam usufructum & donationem. Id ergo se non ignorare significat, & consulto tractationem de legatis & fideicommissis in alium locum rejecisse, eumque, qui longe sit opportunior: nam originem eorum, causam communem, & exitum flagitare omnino, ut de iis demum tractetur cognito jure testamentorum, inf. de legat. in pr.

Per universitatem] Hoc est, quibus universum & una acquisitione acquirimus bona alicujus omnia, res omnes & jus universum alterius, non separatim res singulas. Ita enim paulo post; Si cui ergo heredes facti sitis, &c. ejus res omnes ad vos transeunt, & Gajus lib. 2. tit. 2. in pr. Per universitatem, ait, hoc est, simul omnia bona acquirimus hereditate, fac. l. hereditas 62. de reg. jur. l. nihil aliud 24. de verb. sign. l. 3. §. 3. de bon. poss. D. Vultejus putat, his verbis, per universitatem, titulum acquisitionis significari, non res acquirendas: sed oppido quam inepte. Quis enim unquam fando audivit, titulo tribui universitatem, aut titulorum quosdam dici universos? Multorum ista collectionem arguunt. Quæ affectio cum tantum rerum propria sit, nec tamen æcœnium, hinc est; quod res quædam dicuntur singulæ, quædam universæ; & rerum siue bonorum quædam universitas, non tituli. Cæterum quemadmodum actiones, quibus bonorum universitatem petimus, ex objecto appellamus universales, qualis est petitio hæreditatis; quibus res singulas, qualis est rei vindicatio, singulares, aut speciales: l. 1. l. in speciali 73. de rei vind. l. ut responsum 15. C. de transact. ita & titulos, qui pertinent ad acquirendum per universitatem, id est, res alicujus universas, universales; qui ad res singulas, singulares dicimus. In summa universitas non est causa siue titulus, neque etiam modus acquirendi, sed illud ipsum, quod acquiritur, veluti hereditas, quam sibi delatam acquirit hæres adeundo, §. ult. inf. de her. qual.

Si cui cui ergo heredes facti, &c.] Olim modi, quibus per universitatem acquiritur, complures erant. Septem enumerat D. Ant. Contius lib. 1. disput. cap. 12. Ex quibus antiquati, successio per bonorum debitoris venditionem, & ea, quæ fiebat per redactionem liberæ mulieris in servitutem ex Senatusconsulto Claudiano, inf. tit. de success. sublat. quæ fiebat per bon. vend. & ex Senatusconsulto Claud. item in manum conventio seu cœmprio. Quæ itidem species erat successio per universitatem. Nam olim cum mulier viro in manum convenisset, omnia, quæ mulieris erant, viri fiebant, dotis nomine, teste

M. Tullio in *Topic.* in quem locum de ritu coëmptionis vid. *Boët.* Soli manserunt hi quatuor, quorum idcirco etiam mentionem tantum facit Justinianus, susceptio hereditatis, bonorum possessionis agnitio, adrogatio, libertatum conservandarum causa bonorum addictio. Annumeratur tamen his & successio fisci, bona damnatorum, vel eorum qui sine hærede moriuntur, occupantis, arg. *l. de portatus 15. de interd. & rel. l. 1. & passim, de jur. fisc.* item ingressus monasterii. Nam Justinianus *Nov. 5. cap. 5.* unde *auth. ingressi, C. de sacros. Eccles.* constituit, ut universa bona religionem ingressi acquirantur monasterio, extra quam si liberos habeat inter quos substantiam suam dividere non prohibetur, una saltem parte sibi retenta, in quam monasterium succedat. Quod jus illorum temporum peperit superstitio. Cæterum neque fisci, neque monasterii successio simpliciter universalis est, qualis est hæredis, bonorum possessoris, &c. ut onera quoque agnoscere cogantur; licet enim teneantur respondere creditoribus, damnum tamen nullum sentiunt, si bona non sufficiant. *Nicol. Burg. ad consuet. Flandr. tract. 13. n. 10.* Ex quatuor autem modis per universitatem succedendi hic propositis, unus est, per quem succeditur viventi, scilicet adrogatio: per cæteros succeditur defuncto.

Præ de hereditatibus] In hoc explicando pars reliqua hujus libri & novem priores tituli sequentis consumuntur, nisi quod tractatio de legatis & fideicommissis inseritur, propter argumenti conjunctionem. Hæreditas propriè nihil aliud est, quam universum illud jus, quod defuncto vel in defunctum tempore mortis ejus comperebat. Hinc illa apud nostros; Hæreditatis appellatio universitatem quandam ac jus successionis demonstrat, *l. bonorum 208. de verb. signif.* Juris nomen est, & ideo dampnosam quoque hæreditatem continet, *l. hæreditatis 119. l. pecunie 178. §. 1. eod.* Item, hæreditas etiam sine ullo corpore juris intellectum habet, ut loquitur Papinianus in *l. hæreditas 50. de her. pet.* Atque ut ostendant, eum hæredem dici, qui succedit in universum demortui jus, suscipitque ejus rei commodum & incommodum, ideo hæreditatem definiunt esse successionem in universum jus, quod defunctus habuit, *l. nihil 24. de verbor. signif. l. hæreditas 62. de reg. jur.* Propriè enim successio & succedere hæredis est, non hæreditatis; hæredis vero illud jus, quod per successionem hæredis acquiritur, *pot. tit. de acq. her.* Atque ita ego definitionem istam explicare soleo, faciem prælucente Ulpiano in *l. 3. in pr. de bon. poss.* Diligentius hæc excussi *sup. tit. de reb. corp. & corp.*

Vel ex testamento vel ab intestato] Acquisitio hæreditatis duabus hisce rebus constat, delatione, &

delatæ susceptione. Ex delatione est jus & titulus acquirendi, in susceptione modus. Et ideo non ante acquiri hereditas potest, quam cum delata est, *l. si quis 21. §. 2. de acq. her.* & retro delata esse intelligitur, quam quis potest adeundo consequi, *l. delata 151. de verb. signif.* Defertur autem hereditas aut testamento, aut lege ab intestato, *l. 1. & 2. segg. de hered. pet.* unde heredes alii testamentarii, alii legitimi; item hereditas testamentaria, & legitima, *l. in plurimum 70. de acquir. her. l. 6. §. 2. quæ in fraud. cred.* Sciendum autem est, primum agi hic de delatione hereditatis directæ; nam indirectæ, hoc est, per fideicommissum, non testamento tantum, sed etiam codicillis relinquere hereditas potest; nec solum testamento facto, verum etiam ab intestato: & is, cui ex fideicommissis restituta est hæreditas, ex Senatusconsulto Trebelliano heredis loco habetur: de quo demum *tit. de fideic. her.* qui est antepenultimus hujus libri. Deinde agi de hereditate, quæ defertur & acquiritur jure civili: cæteroquin jure prætorio & bonorum possessor effectus heres est, & bonorum possessor, quæ hic ab hereditate separatur, vi ipsa nihil aliud, quam hereditas, *l. 1. 2. 3. de bon. poss. l. hereditatis 138. de verb. signif.* Tantum in tempore & modo acquirendi nonnulla dissimilitudo, ut videbimus suo loco *infra de bon. poss.*

Quæ ex testamento obveniunt] Ordinarium fuit ante de judiciis testamentum, deinde de successionem ab intestato loqui, ait Ulpian. *l. 1. si tab. test.* nimirum quia prior semper ratio fuit hæreditatis testamentariæ, quam legitimæ. Nam verbis legis duodecim tabularum, uti quisque legasset suæ rei, ita jus esto, sic confirmantur judicia testamentum, ut quamdiu hæc proferuntur, atque ex testamento adiri potest hereditas, ab intestato non deferatur, *l. quamdiu 39. de acq. her.* Quoniam autem ad hoc, ut testamento deferatur hereditas, & acquiri possit, requiritur ut testamentum justum sit, hoc est, secundum regulas & præcepta juris civilis ordinatum, ideo subjicit, necessarium esse, expositionem ejus rei ab ordinatione testamentorum inchoare.

Ex omnibus per universitatem acquisitionibus, quæ unquam apud Romanos fuerunt, sola apud nos in usu est ea, quæ fit per susceptionem hereditatis: bonorum enim possessores nulli, sed hæredes omnes sunt & appellantur, qui vel ex testamento vel ab intestato defuncto succedunt, eodemque modo omnibus jure civili Batavorum hereditas acquiritur. Acquisitio quoque per adrogationem, & ea, quam tribuebat pro conservatione libertatum bonorum addictio, nullum usum in hisce regionibus habere possunt, cum nec adoptionis in totum ulla vis sit, nec servos agnoscamus, ut alibi relatum. Cæterum duæ aliæ species acquisitionis per universitatem.

moribus nostris receptæ, quas ignorat jus civile Romanorum; una per nuptias; altera per voluntatem supremam præmorientis conjugis. Nam ex consuetudine generali Hollandiæ & West-frisiæ nuptiis contractis bona conjugum confunduntur & communicantur, nisi pactis antenuptialibus aliter cautum sit. Atque hinc stante matrimonio debita unus ex bonis alterius exsolvi possunt. Habetque locum hæc confusio etiam in nuptiis repetitis. Utrique tamen bona feudalia in hanc communionem

non veniunt. Antiquitus quoque moris fuit, ut vidua liberos minores natu habens maneret in possessione & quasi dominio communis familiæ fructusque sola perciperet, pro quibus liberos communes aleret, usque dum filiorum natu maximus perfectæ ætatis factus esset: sed hodie hoc amplius non obtinet, nisi ultima voluntate aut eriam pactioibus id cautum reperiatur, *vid. D. Grot. lib. 2. manduct. ad jurispr. Bat. c. 11. & 2.*

seqq.

TITULUS X.

D. lib. 28. t. 1. C. lib. 6. t. 23. Nov. 66. 119. c. 9.

De testamentis ordinandis.

Genera testamentorum obiter exposita, & ratio ordinis Justiniani.



Nalcalce præcedentis tituli dictum est cum quæritur de acquirenda hereditate, quæ dicatur testamento delata, in primis inspiciendum esse, an testamentum valeat, & rite ordinatum sit; eamque ob causam etiam initium hujus tractationis à doctrina de testamentis ordinandis, sive de ratione & modo testandi Imperatorem capere. Cæterum cum hæc doctrina ad omnium testamenta non pertineat, sed ad paganorum duntaxat, & ex his ad ea, quæ fide privata ordinantur, quorum scriptorum alia forma sit, alia non scriptorum, ut omnis confusio vitetur, prius genera testamentorum obiter secernemus, explicaturi deinde, quomodo singula fiant iis in locis, ubi hoc tangit Imperator. Testamentum in genere nihil aliud est, quam ultima voluntas, quam quis hæredem sibi sive bonorum successorem deligit. Et geminæ ejus sunt species, unum commune omnium civium Romanorum, quod paganicum appellatur; alterum proprium militum, quod ideo militare. Utrumque rursus vel scriptum est, vel non scriptum, seu nuncupativum §. ult. inf. eod. & §. 1. tit. seq. Et commune sive paganicum iterum vel publica fide ordinatur, l. omnium 19. Cod. hoc tit. vel fide privata. Cum autem sola paganorum testamenta, quæ quidem fide privata fiunt, adstricta sint legibus, quæ ad solennitatem ordinationis pertinent, militaria his omnibus soluta, sciendum est, nihil eorum, quæ de his in consiciendo testamento observandis hoc loco & passim aliis ejusdem argumenti simpliciter traduntur, ad militaria testamenta pertinere; adeoque in toto jure, cum simpliciter testamentum nominatur, commune sive paganicum intelligi. Paganorum testamenta ut re-

ctè fiant, & jure civili rata sint, in hisce tribus positum est: in persona testantis; in forma testandi & modo; in rebus, quas testamentum necessario complecti debet. Quod Gajus in l. 4. hoc tit. sic expressit; Si queramus, inquit, an valeat testamentum; in primis animadvertere debemus, an is, qui fecerit testamentum, habuerit testamenti actionem: deinde si habuerit, requiremus an secundum regulas juris civilis testatus sit. Regulæ vero istæ pertinent vel ad modum testandi, vel ad res, quas testamento, ut valcat, complecti necesse est. Atque hæc omnia etiam à Justiniano ordine tractantur: verum orditur ille à testandi modo. De personis testantium agit secundo loco, inf. tit. 12. de rebus, quarum insertio ad vim testamenti necessaria, tit. 13. & 14. Recenset hic primum historiæ causa antiquas atque obsolescentes testandi formas: deinde explicat, quo ritu postea testamenta fieri cœperint, primum per scripturam, deinde sine scriptura, voluntate palam nuncupata. Cæterum hæc omnia pertinent ad ea testamenta, quæ fiunt fide, privata. Publica autem fide si quis testari velit quod hic à Justiniano omisum, poterit id facere vel coram Principe per supplicationem, vel apud acta judicis aut municipium; & tunc neque testes, neque alia solennitas desideratur, l. omnium 19. Cod. hoc tit. & ibi Gloss. & DD. add. Mysing. 6. obs. 29. Boer. decis. 228. Christin. vol. 4. decis. 7. num. 4.

TEXTUS.

Etymologia.

Testamentum ex eo appellatur, quod testatio mentis sit.

NOTÆ.

NOTÆ.

Testatio mentis] Allusio potius, quam ἐτυμολογία; cuiusmodi nostris sæpe obrepunt, l. 1. de acq. poss. l. 1. de novat. l. 2. §. 2. de reb. cred. l. 35. §. 1. de mort. ca. don. Definitionem habes apud Modest. l. 1. D. hoc tit. Ulpian. tit. 20. Vide Plura in comment.

COMMENTARIUS.

1. Non proponi hic veram testamenti notationem, sed allusione quadam etymologica ostendi rei & vocis convenientiam.
2. Definitio testamenti, quæ Modestinus auctorem habet, examinata, & perfectiores productæ.
3. Testamentorum usum generaliter consideratum esse ex jure gentium; specialiter, ex jure civili.
4. Apud plerisque populos tam liberam non fuisse, neque etiam nunc esse, testandi & legandi potestatem, quam apud Romanos fuit.

Quod testatio mentis sit] Allusione quadam etymologica ostendit rei & vocis convenientiam, imitatus S. Sulpitium, qui quo efficacius vim rei exprimeret, testamentum dixit esse verbum duplex, compositum à contestatione mentis. Estque huiusmodi allusiva derivandi ratio omnibus auctoribus admodum familiaris; in jocis venustas delectat: in rebus seriis etiam utilitate sua, quam in re declaranda habet, commendabilis. Qualis est illa Ciceronis, qui lib. 1. de offic. fidem ex eo appellatam scribit, quia fiat, quod dictum est. Item illa Augustini, quod mentiri inde dictum, quod sit contra mentem ire. Similis est illa apud Priscianum: argumentatio dicta est, quasi arguta mentis oratio. Apud nostros etiam crebro id genus occurrit. Talis est illa Pauli & Labeonis, qui possessionem appellatam scribunt à sedium positione, l. 1. in pr. de acq. poss. Et Ulpiani, qui ait, novationem nomen accepisse à nova obligatione, l. 1. de novat. Eiusdem generis inveniuntur & in l. 3. de damn. inf. l. senatus 35. §. 1. de mort. ca. don. l. 2. §. 2. de reb. cred. Nec absimilis est illa Celsi, dicentis, jus à Justitia appellatum esse, l. 1. in pr. de just. & jur. Hæc autem & his similia licet non dicantur ex vero, speciosam tamen veri arguendi vim habent; sicuti exempla & comparationes fictæ non minus arguunt, quam veræ. Nullamque omnino causam video, cur Servium allusionis propositæ auctorem carpat Aul. Gellius 6. noct. Attic. 12. aut in Justinianum tam inclementer invehatur Valla lib. 6. elegant. 36. ut dicat, sum explosam atque derisam etymologiam denuo inculcasse: dignus profecto ipse, qui sibilo explodatur. Quis enim nescit, testamentum esse verbum, non compositum, sed simplex? & si de vera ejus originatque queratur,

dictum esse à testando? Quod autem convenit & verbo & simul rei, testatio mentis, fortuitum esse, nec in aliis verbis per huiusmodi formam productis idem evenire, atque ideo nec per similem allusionem declarari posse? Et irascor Gæddæo, qui in l. nomen 164. de verb. sign. contendit, eandem hanc derivandi rationem etiam accommodari posse verbis, vestimentum, ornamentum, calceamentum, & ejusdem productionis cæteris; lepida scilicet ratione, quia & factor, tutor, &c. mentis judicio in opere faciundo utuntur, aut quia nemo sine mente se vestit, ornat, calceat. Et igitur si Gæddæo credimus, vestimentum ex eo appellatum recte dici poterit, quod vestitio mentis sit; calceamentum, quod sit calceatio mentis. An igitur & excrementum, quod sit mentis excretio? Mallet dixisset, Cerberum se metuere, quam hæc tam remere atque inconsiderate effutisset. Apparet autem ex verbis hujus textus & disputatione Gellii, Justinianum & Servium non definitionem aut descriptionem aliquam testamenti sive ipsius rei proponere voluisse, sed indicare rationem nominis, ὅθεν ὀνομαστώδη, ἥτοι ἐτυμολογίαν. Quæ & Theophili mens est, licet aliud videatur doctissimo Salmasio lib. de usur. cap. 1. Descriptionem testamenti habemus apud Modestinum l. 1. hoc tit. Testamentum, inquit, est voluntatis nostre iusta sententia de eo, quod quis post mortem suam fieri velit. Justam sententiam si accipimus solennem, aut plenam, hoc est, integram & de omnibus bonis (utraque enim significatio huic verbo convenit) hac nota satis removebuntur codicilli. Expressior tamen est illa Ulpiani in frag. tit. 20. qui sic definit; Testamentum est mentis nostra iusta contestatio, in id solemniter facta, ut post mortem nostram valeat. Quod Modestinus voluntatis sententiam, Ulpianus contestationem dixit, uti & in l. qui testamento 20. §. & veteres 8. hoc tit. contestationem supremam: quoniam non est simplex voluntatis enuntiatio aut demonstratio, sed testata, hoc est, declarata & exposita apud eos, qui ut testes essent rogati sunt; hoc modo: Hæc tibi in tabulis scripta sunt, ita vos, Quirites, testor. Itaque testimonium perhibetote. Perfectissima autem erit definitio, si ita dicamus; Testamentum est suprema contestatio in id solemniter facta, ut quem volumus, post mortem nostram habeamus heredem. Nam legata ad testamenti substantiam non pertinent, l. 1. §. 3. de hered. instit. Sunt autem definitiones conceptæ de iis testamentis duntaxat, quæ sunt jure communi omnium Civ. Rom. ad ea quæ sunt jure proprio & singulari, qualia sunt militum, de quib. tit. seq. & quorundam paganorum, de quibus nos obiter ad §. 4. n. 2. inf. h. r. non pertinent. Quæri hoc loco solet, cui juri adscribenda testamenti factio, utrum juri gentium, an civili. Dicendum est, si generaliter, sum-

simpliciter & indefinite usus testamentorum consideretur, cum esse ex jure gentium; si specialiter & definite; ex jure civili. Neque aliud interpp. sentiunt, cum originem testamentorum ad jus gentium referunt, formam ad jus civile. Formam nimirum propriam & modum testandi peculiarem cujusque reipubl. Nemo enim, opinor, tam ineptus est, ut putet, rem ullam esse sine forma, aut simplicem & secundum jus gentium testandi rationem, qualis in militum testamentis cernitur, forma carere. Breviter, ut liceat morituris disponere de rebus suis, ex jure gentium est; ut non aliter liceat, quam hoc vel illo modo, ex jure civili. Hujus rei non leve argumentum est, licet à posteriori concludat, quod apud omnes fere gentes usu testamenta fuerunt, sive jus cavendi de eo, quod quis post mortem suam fieri vellent. Philosophorum supremas aliquot voluntates refert Diog. Laërtius in *vitis Philosoph.* Esaias Propheta annuntiat Ezechiae regi Judæ, ut domui suæ præcipiat, quasi mox morituro. 2. Reg. 20. & Tacitus de Germanis nostris, ut singulare aliquid notat, quod nullum apud eos testamentum esset, *lib. de morib. German.* Idem quoque arguit, quod miles, qui secundum jus gentium testari creditur, deportatum heredem instituere potest, *l. 13. §. 2. de testam. mil. junct. l. 17. §. 1. de pen.* Et secundum hæc ad populum Constantinus; *Nihil est, inquit, quod magis hominibus debeat, quam ut suprema voluntas (postquam jam aliud velle non possunt) liber sit stylus, & licitum, quod iterum non redit, arbitrium, l. 1. C. de sacros. Eccles.* Reperiuntur tamen, qui testamenti factionem toto suo genere juris mere civilis esse contendunt, ac ne illud quidem nobis concedunt, quod dicimus, rem ipsam simpliciter & per se consideratam esse juris gentium. Negant, rationi & simpliciteri juris gentium convenire, ut quis disponat de re non sua: id autem cum facere ajunt, qui disponit in id tempus, quo dominus esse desinit. Sed assumptio hæc falsa est. Non enim de re aliena, sed sua, nimirum eo tempore, quo adhuc dominus est, testator disponit, & quid fieri velit, ordinat: licet executionem voluntatis in tempus mortis suæ suspendat. Quod non magis pugnat cum ratione naturali, quàm si quis bona sua omnia alieni donare ea lege, ut ipse, quoad vivat usum possessionemque eorum retineat. Nam, ut recte docet D. Grotius *lib. 2. de jnr. bell. & pac. cap. 6. num. 14.* testamentum vis ipsa nihil aliud est, quam alienatio in mortis eventum, ante eam revocabilis, retento interim jure possidendi ac fruendi. Ex eo quoque, quod successio, quæ jure sanguinis ab intestato deferitur, revera ex jure communi est, male colligas, alienum esse à ratione ejusdem juris, ultima voluntate de bonis suis cavere. Etenim ne illo qui dem jure putandum est, defuncti bona simpliciter

addici proximis, sed in defectum supremæ voluntatis ejus, qui dominus fuit, arg. §. *per traditionem* 40. *sup. de rem. divis. d. l. 1. C. de sacros. Eccles.* quem naturæ legis ordinem etiâ in deferenda hereditate lex duodecim tabularum secuta est. Reliqua, quæ contra obijciuntur, parvi ponderis sunt. Quale est illud, quod Papinianus scribit, testamenti factionem non privati, sed publici juris esse, *l. 3. hoc tit.* Nam si jus publicum proprie accipimus, quod utilitate publicum est, ut in divisione juris proposita, §. *ult. sup. de just. & jur. l. 1. §. 2. cond.* testamenti factio juris privati est. Publici autem juris esse dicitur oppositive ad contractus & conventiones, quia auctoritate publica est, *l. 1. ad leg. falc. l. 1. verbis 120. de verb. sign.* nec ut contractus, privati cuiusque arbitrio, sed legum potestate regitur, *l. ult. de suis & legit. her.* quanquam & quæ ad jus publicum proprie pertinent, magnam partem ex moribus & institutis aliarum gentium Romani petierunt. Quod pluribus exposui ad d. §. *ult.* Neque majoris momenti est, quod de deportato profertur, eum nec testamentum facere, nec ex eo capere posse, *l. 8. §. 1. hoc tit. l. 1. C. de her. inst.* qui tamen omnia, quæ sunt juris gentium, retinet, *l. sunt quidam 17. §. 1. de pen.* Nam nec matrimonium contrahere potest, nec patriam potestatem, nec tutelam, nec jus successionis cognationi tributum retinet. Nimirum et si hæc omnia ex jure gentium, tanquam ex communi fonte populus Romanus hauserit, propria tamen sibi fecit, & à communione eorum arcuit peregrinos. Neque enim hoc dicimus, testamentum esse juris gentium, quomodo contractus & commercia juris gentium esse dicuntur: sed ex jure gentium & civili ita conflatum, ut, quamvis hic præcipuæ partes sunt juris civilis, & ob id etiam inter ea, quæ juris civilis sunt, testamentum numerandum, tamen numerandum inter ea, quæ mixti juris sunt, non quæ mere civilis & positivi: quoniam ex ratione juris gentium est, ut quis moriturus de bonis suis possit disponere: quo sensu etiam in Institutionibus Græcis inter exempla juris gentium refertur *τὸ διακινῆσαι οὐκ ἔστιν ἐξ αὐτῶν* *tit. de jur. nat. gent. in pr. revivit ad ea, quæ sub §. 1. ejusd. tit. à nobis tradita sunt.* Illud planè ridiculum est, quod ex eo, quod Tacitus scribit, apud Germanos suo tempore usum testamentorum non fuisse, nonnulli colligunt, testamenti factionem cum jure gentium non consentire: nam usum quoque emptionis & venditionis Germanos ignorasse iidem Tacitus eodem loco prodidit, cum apud eos nummus non esset: & elleborosi hominis est, ex usu unius populi & rudis adhuc de jure gentium judicare, *add. doctiss. Vg. ad §. 2. hoc tit.* Ad hoc & *ex magis*, multis visum, & republica aliquando esse, nimirum testandi & legandi libertatem præci-

dere, præsertim in Optimum statum, & hætenus, ut ne cui liceat prædia paterna aut avia legare. Quin etiam Bodinus lib. 5. de repub. cap. 2. auctor est, solis Atheniensibus usurpatam fuisse infinitam legandi licentiam, eamque Decemviros à Solone acceptam in duodecim tabulas retulisse, & populo Romano proposuisse his verbis; *Vti quisque legasset suæ rei, ita jus esto*, l. verbus legis 120. de verb. signif. Cæterarum autem gentium omnium unam legem fuisse, ne prædia testamento legare liceret: eoque jure adhuc Polonos, Danos, Svecos, aliosque populos uti. Nos scimus, idem fere etiamnum obtinere in Geldria, & Diocesi Trajectina, locis Baraviæ nostræ proxime adjacentibus. Excepta apud nos sunt bona feudalia, quæ testamento dare, legare non licet sine indulgentia Ordinum hujus provincie. At impetrata de his testandi licentia, potest Vassallus feudum, cui velit testamento relinquere, modo is, cui relinquitur, ex justo matrimonio procreatus sit. Et potest hoc facere etiam sine permisso ejus, qui proximus feudi dominus est, & sine consensu successorum feudi ab intestato. Simplex indulgentia non plus juris Vassallo tribuit, quam ut semel de bonis feudali- bus directo disponere possit vel instituendo vel legando: plures autem gradus faciendi potestas aut substituendi sive directo sive per fideicommissum non aliter competit, quam si hoc quoque specialiter diplomate comprehensum fuerit, Grot. 2. manduct. c. 42. & ib. Grænev. in not. notabil. feud. §. 24. Apud Ultrajectenses etiam simplex indulgentia potestatem substituendi tribuit, sed semel duntaxat.

TEXTUS.

De antiquis modis testandi Civilibus.

1. Sed ut nihil antiquitatis penitus ignoretur, sciendum est, olim quidem duo genera testamentorum in usu fuisse; quorum altero in pace & otio utebantur, quod calatis comitiis appellabant: altero, cum in prælium exituri essent, quod procinctum dicebatur. Accessit deinde tertium genus testamentorum, quod dicebatur per as & libram, scilicet quod per emancipationem, id est, imaginariam quandam venditionem agebatur, quinque testibus & libripende, civibus Romanis puberibus presentibus. Et eo, qui familie emptor dicebatur. Sed illa quidem priora duo genera testamentorum ex veteribus temporibus in desuetudinem abierunt: quod vero per as & libram

siebat, licet diutius permanserit, attamen partim & hoc in usu esse desit.

NOTÆ.

Calatis comitiis] Calato seu convocato per lictorem curiatum populo, testamentorum confirmandorum causa: curiata enim hæc erant comitia, non centuriata aut tributa. Gell. lib. 15. c. 27. Gruch. in præf. lib. de comit. In Glossis: calata comitia, ἀρχαῖα διαξέρις γὰρ νόμους. Vide infr. in comm.

Per emancipationem] Emancipare & mancipare propriè, est ære & libra vendere, & in dominium alicui tradere. Horat. Si proprium est, quod quis libramereatur & ære, per translationem prædicatur de qualibet alienatione & subjectione. Plaut. Bacch. & Curcul. Cic. Phil. 2. & Cat. Maj.

Imaginariam venditionem] Imaginaria dicitur, quia pretium non interveniebat; sed vides χάλαν sestertius nummus, v. Cujac. 10. obs. 37.

Quinque testibus] Aderant præter libripendem testes quinque, cives Rom. puberes, certisque verbis hic actus perficiebatur, v. Ulpian. tit. 19. §. 2. & tit. 20. §. 1. & 8. & Boët. in Top. ubi ex Cajo etiam formulam mancipationis refert, add. Salmas. de usur. c. 8.

Familie emptor] Svet. Neron. c. 4. Familie emptor, id est, hæreditatis; qui initio erat ipse hæres futurus, §. 10. inf. eod. postea autem alius ab hærede, manceps fiduciarius, qui hæredi familiam remanciparet. Theoph. quod Plutarchus lib. de ser. num. vind. absurdum videtur.

In desuetudinem] Causam te docebit Th.

COMMENTARIUS.

1. Comitiorum genera obiter exposita, & ostensum, quibus comitiis testamenta fieri solebant.
2. De testamento, quod veteribus endè procinctum.
3. De testamento per as & libram.
4. Quando superiora genera testamentorum in usu esse desierint.

Quo ratio juris de forma & modo faciendorum testamentorum postea constituti facilius & perfectius intelligatur, necessarium putavit Justinianus, à primordio rem totam repetere. Et sunt sanè multa in jure novo & posterioribus temporibus constituto, quæ sine veteris notitia perfecte intelligi non possunt: idque non tantum in re hic proposita sed etiam in plerisque aliis juris Justinianici partibus accidit. Accommodari huc potest illud Senecæ lib. 6. de benef. c. 1. Etiam quod discere super vacuum est, prodest cognoscere. Ait autem, primis temporibus duo genera testamentorum populo Romano in usu fuisse, quorum altero, quod calatis comitiis dicebatur, utebantur in pace & otio; altero, quod pro-

clitum, cum in prælium procincti educerentur: accessisse autem postea & tertium genus, quod per eos & libram fiebat. Atque hujus rei testem habemus etiam Aulum Gellium, qui *lib. 15. noct. Attic. c. 27.* sic scribit; *Tria genera testamentorum fuisse accipimus; unum, quod calatis comitiis in concione populi fieret; alterum, quod in procinctu, cum viri ad prælium faciendum in aciem vocabantur; tertium per familiæ emancipationem, cui es & libra adhiberetur.* Item quoque tradit Ulpian. *in fragm. tit. 20.*

Quod calatis comitiis appellabant] Tribonianus non satisfacit studiosis antiquitatis, dum hoc genus indicat, non exponit. Sed & interpretes parcius de eo agunt, nec explent desiderium hominis curiosi. Quamobrem ne quid antiqui moris ignoretur, videndum est, quænam ista comitia, quæ Justinianus, Ulpianus & Gellius calata appellant, fuerint; & unde hoc iis solis nomen, quod videtur omnibus communiter convenire. Patet ex scriptis veterum, maxime Ciceronis, Livii & Dionysii Halicarnassensis, tria fuisse, eaque diversa comitiorum genera, curiata, centuriata, & tributa: quorum antiquissima curiata. Nam ex quo Curiae primum à Romano institutæ sunt, usque ad tempora Servii Tullii sexti Romanorum regis, omnia, quæ suffragiis populi à regibus committebantur, curiatis comitiis peracta fuere: ut ex eo intelligi potest, quod necdum centuriæ, nec tribus erant, quæ suffragium dicere possent. Itaque non modo reges, sed cæteros etiam magistratus curiatis comitiis creatos fuisse interpretandum est, cum apud auctores reperimus, à populo eos creatos: & leges omnes quæ ad illud usque tempus latæ sunt, curiatæ fuerunt: & iudicium Horatii à populo curiatis comitiis peractum est. At post classes à Servio rege institutas, tum duo cœperunt esse comitiorum genera, curiata & centuriata: atque illis duobus tantum usus est populus usque ad iudicium Coriolani: qui fuit annus ab urbe condita 263, quo primum instituta sunt tributa comitia, & curiata minus ex eo tempore frequentari cœperunt. Curiata comitia dicebantur, in quibus populus curiatim suffragium dicebat, hoc est, in quibus populus per curias divisus sententiam rogabatur; ut quod plures curiæ statuissent, id iussu populi diceretur: nec auspiciato fieri poterant, nisi intra pomerium, idque in foro, adeoque in comitio. Centuriata erant, quibus populus per classium centurias divisus suffragium ferebat, ita ut suffragia colligerentur centuriatim, & quod plures centuriæ iussissent, id jus ratumque esset. Hæc intra pomerium haberi non poterant: locus eis destinatus, erat campus Martius. Tributa comitia dicta, cum populus tributim sive per tribus divisus suffragium iniret, in quibus quod plures tribus iussissent aut vocuissent, spectaba-

tur. Hæc autem diversa fuisse à curiatis argumento est, quod tribus à curiis semper diversæ fuerunt; quodque, intra an extra pomerium haberentur, nulla religio erat. Jus habendi comitia solis magistratibus fuit, nisi de sacris esset agendum; & quidem solis patriciis & majoribus magistratibus curiata & centuriata; tributa etiam tribunis plebis. Sacrorum autem causa Pontifices jus habuerunt vocandi comitia tam centuriata, puta creando regi sacrificulo, quam curiata: nam fallitur D. Wesembecius, dum existimat, magistratus coëgisse centuriata comitia, calata pontifices. Causæ habendorum comitiorum variae; ad creando magistratus aut confirmandos; ad leges ferendas, iudicia exercenda, sacerdotes inaugurandos, detestationis sacrorum, adrogationum, & testamentorum faciendorum causa: nec tamen unæ omnium, nec eadem omnium omnibus temporibus. Singula exequi ad institutum non opus est: adeundi Nicol. Gruchius & Carol. Sigonius, qui de comitiis Rom. scripserunt ex professo. Cum igitur præter ea, quæ diximus, nulla alia fuerint comitia, necesse est, calata; quorum hic mentio fit, speciem unorum ex his fuisse. Non fuere autem centuriata: alioqui sequeretur, nec in urbe testari Quirites potuisse, nec omnino primis temporibus testari ante tempora Servii regis, à quo primum centuriata comitia instituta sunt. Multo minus putandum est, hæc comitia tributa fuisse: quippe quorum usus nullus fuit ante iudicium Coriolani. Relinquitur ergo, ut curiata fuerint, quæ sola primis temporibus, cum in concione testamenta fiebant, in urbe haberentur. Idque etiam Gellius non obscure indicat loco superius citato, cum ait, iisdem comitiis calatis sacrorum detestationes & testamenta fieri solita. At ante legem Papyriam, quæ veruit, ædes terram, aram consecrare in iussu plebis, teste Cicerone *pro dom.* consecrationis à pontificibus factas curiatis comitiis docet. Gruch. *lib. 3. de comit. Rom. cap. 2.* Igitur quod in concione calatis comitiis testamenta olim fieri solita dicuntur, calatis comitiis, hoc est, convocato testamentorum confirmandorum causa populo, non centuriatim sive per centurias classium, ut D. Viglius existimat, neque per tribus, sed per curias, idque à collegio pontificum. Ex eo autem quod veteribus frequens usus erat verbi *calo*, quod Græcum est, unde nomina *calende*, *curia calabra*, *classis*, &c. *Macrob. 1. Saturn. 15.* existimare licet, initio comitia omnia calata fuisse: sed postea cum id verbum in usu esse desit, nomen calatorum comitiorum in his tantum, quæ pro collegio pontificum haberentur, retentum esse; idque religionis & antiquitatis causa. Gellius sanè *d. lib. 15. cap. 27.* refert in libro Lælii Felicis ad Q. Mucium primo scriptum esse, Labonem scribere, calata comitia esse, quæ

pro collegio pontificum haberentur, aut regis sacrorum, aut flaminum inaugurandorum causa. Et paulo post, iisdem comitiis & testamenta condita. Ac credibile est, ideo pontifices testamentorum factionibus præfuisse, quia sacra, quæ ad eos pertinebant, una cum hæreditatibus transferrentur. Vicem horum testamentorum exhibere scribit D. Viglius, quæ precibus Principi oblati inseruntur, juxta *l. omnium* 19. *C. hoc tit.* Nam Principem post legem regiam quodammodo universum populum repræsentare. Sed & testamentum, quod in acta magistratus municipumve refertur, ejus, quod calatis comitiis fiebat, quadvantenus locum scribit, quia & ipsum publica fide fit, & quasi totius civitatis, *d. l. omnium*.

² Quod *prociñctum* dicebatur] Alterum testamenti genus antiquitus usurpatum, cum ad pugnam iuri essent, incerti an essent redituri, *prociñctum* appellatum esse ait; pro quo malim *inprociñctum*: nam testamentum ineptè *prociñctum* dixeris, licet Theophilus quoque *prociñctum* legat, ut verisimile sit ita Tribonianum scripsisse. At enim veteres ita locuti non sunt, ut hoc epitheton ipsi testamentis apponerent: sed *prociñctum* militem, *prociñctum* exercitum, *prociñctam* classem dicebant, id est, multitudinem hominum ad prælium instructam, & paratam; eo quod togis incincti olim pugnabant, quo expeditiores essent, teste Festo. hinc *prociñctus*, pro exercitus. Ammian. *lib. 18. prociñctus* adventans. Testamentis autem, quæ pugnaturi instructa acie nuncupabant, endo *prociñctum* vel *inprociñctum* appellabant. Gloss. Lat. Græc. endo *prociñctum*, ἐν πολεμῶν. Lucilius Balbus apud Cic. 1. *de nat. Deor.* non procul à principio; Itaque maxima reipub. partes, in his bella, quibus reipub. salus continetur, nullis auspiciis administrantur, nulla perennia servantur, nulla ex acuminibus, nulli viri vocantur, ex quo *inprociñctum* testamentis perierunt, & *lib. 1. de Orat.* apud eundem Antonius; Qui duos filios suos parvos tutela populi Romani commendasset, ac se, tanquam *inprociñctum* testamentum faceret sine libra atque tabulis, populum Rom. tutorem instituisse dixisset illorum orbitati. Ita quoque Festus, Gellius, Ulpianus *ad loc.* Plutarchus in *Coriolan.* ita hanc rem explicat; Erat eo tempore, inquit, mos Romanis prælium initurus scutaque sumpturis *πρὸς τὴν μάχην*, præcingere togam, simulque *διαθήκας ἀγεῖν*, testamenta sine scripto facere, & tribus aut quatuor audientibus heredem nuncupare.

Quod dicebatur *per æs & liberam*] Ἀπαισίων: ut scribit Theophilus, hoc est, inauspicatum veteribus visum fuit, sano & valente corpore testamentum facere velle, extra quam si præsens periculum foret, veluti si in hostem pugnandum esset, aut comitia testamentis faciendis ex professo haberentur: quod

bis tantum in anno, si eidem Theophilo credimus, fiebat. Sed cum hinc eveniret, ut ne ægrotantibus quidem semper libera esset testamenti factio; nec fœminæ, quibuscum nulla comitorum communio erat, teste Gellio *lib. 5. cap. 19.* ulla ratione testari possent, excogitata postea est tertia testandi ratio, secundum quam & quovis loco ac tempore, & fœminis etiam suprema judicia ordinare liceret. Hic modus testandi per æs & libram dictus, quia per mancipationem, in qua æs & libra adhibeatur, fiebat: unde hæres per æs & libram apud Ciceronem 2. *de legib.* Et sciendum est, Romanos primis temporibus ære gravi atque argento rudi, non signato, usos fuisse pro pecunia, atque hæc appendere, non numerare solitos: signata pecunia demum post Pyrrhum Regem devictum uti cœpisse, eumque numerare, auctore Plinio *lib. 33. cap. 3.* Verba tamen vetera etiam postea retenta sunt, ut, pendo, appendo, expendo, nominaque ab his derivata; & imago quædam vetusti moris in venditione atque alienatione rerum mancipi, quæ uno verbo mancipatio dicitur, (Cicero in *Topic.* traditionem nexu vocat, propterea quod hæc mancipationem sequebatur) ut is, in quem hæc res transferebantur, eas emeret à domino ære & libra, appenso ei *ῥῆσιν χρέειν*, dicis causa, nummo nno. Atque hoc modo plenissimo & opumo jure dominium in accipientem transferebatur, pleno scilicet jure Quiritium; cum alioqui bonitarium duntaxat transiret. Quo accommodandum illud Horatii:

Si proprium est, quod quis libra mercatur & ære. Aderant præter libripndem quinque testes, cives Romani, puberes, certique verbis hic actus perficiebatur, *vid. Vlp. tit. 1. §. 11. & tit. 19. §. 2. & Boet. in Top.* Cic. apud quem etiam extat mancipationis formula. Is, inquit, qui mancipio accipit, æs tenens ita dicit; Hunc ego hominem ex jure Quiritium meum esse ajo, isque mihi emptus est hoc ære aneque libra. Deinde ære percutit libram. indeque æs ei dat, à quo mancipio accipit, quasi pretii loco, ita rectè eum locum emendat vir omni prædicatione dignus, sed omni major, Cl. Salmas. *lib. de us. c. 8.* Traductum hoc postea & ad translationes universitatis bonorum, ut futurus successor familiarum, id est, universam substantiam testatoris *ἐκγονικῶς* emeret, quo post mortem ejus hoc tanquam justo titulo bona possidere intellexeretur. Eadem quoque solemnitas adhibita fuit in adoptionibus & emancipationibus liberorum, ut alibi vidimus,

Quod per emancipationem] Ita quoque Theophilus Aul. Gellius *lib. 15. c. 27.* per familiæ emancipationem, nec video, cur potius legendum mancipationem: quod vult, D. Bachovius. Etenim veteres non mi-

us verbo, *emancipare*, quam *mancipare* utuntur, pro mancipio dare, tradere, vendere, alienare. Cicero de Senect. Ita senectus honesta est, si nemini emancipata est. Plaut. in Bacch. Nunc mulier tibi me emancipo, tuus sum. Horat. epod. 9.

Romanus. (cheu posteri negabitur)

Emancipatus semine

Fert vallum & arma miles.

Id est, δεδωλωμένους τῇ γυναικί. Tranquillus in Oshone c. 4. Cuidam cum vicino de parte finium litiganti adhibitus arbiter totum agrum redemit, emancipavitque. Plinius lib. 7. epist. 18. Agrum ex meis longe plurius ex auctori publico emancipavi. Cicero 2. Philip. Tum iste venditum atque emancipatum tribunatum consiliis vestris opposuit quo tamen loco non ignoro etiam mancipatum legi.

Imaginariam quandam venditionem] Duabus de causis venditionem hanc imaginariam fuisse scribit Hotomannus: primum quia revera venditio non erat, sed liberalis bonorum omnium translatio, cum dicis tantum causa nummus unus appenderetur testatori: deinde quia familiaris emptor, in quem tantum in heredem ea bona per mancipationem transferebantur, hæres non erat, sed alius ab hærede. At oportebat distinguere tempora: nam quo tempore hæc testandi ratio primum introducta est, ipse hæres futurus familiam timebat: quod bis hoc loco testatur Theophilus, & intelligere licet ex §. sed neque 10. inf. eod. Progressu autem temporis, cum, ut credibile est, quod veterum simplicitas & probitas antea non consideraverat, experimentis, compertum esset, eam rem testatori periculosa esse, atque insuper etiam causam odii in testatorem, invidiæ in hæredem, legitimis successoribus præbere: receptum est, ut palam quidem solemnitate adimplendæ causa familiæ emptor adhiberetur, sed qui, ut manceps fiduciarius, hæredi seorsum in tabulis clausis scripto, mortuo testatore, familiam remanciparet. Cujus rei causam cum Plutarchus non intelligeret, in libro, cui titulus est, de sera Numinis vindicta, de Romanis loquens, sic scribit: ὅταν διαθήκας γράψωσιν, ἐπέρχῃ μὲν δόσις, κληρονομία, ἐπέρχῃ δὲ πᾶσι τοῖς υἱοῖς ὁδοὶ παρέλογον. Transferantur huc verba Ulpiani ex tit. 20. §. 8. In testamento, inquit, quod fit per æs & libram, duæ res aguntur, familiæ mancipatio & nuncupatio testamenti. Nuncupatur testamentum in hunc modum; Tabulas testamenti testator tenens, ita dicit; Hæc mihi his tabulis scripsisse scripta sunt, ita do, ita lego, ita testor: itaque vos Quirites testimonium perhibetote, quæ nuncupatio & testatio vocatur.

4. Priora duo genera in desuetudinem abiierunt] Recepto usu testamenti per æs & libram, priora illa duo

minus frequentari cœperunt, paulatimque abire in desuetudinem. Et quidem jam ætate Ciceronis perierant testamenta in procinctu, sicut ipse testatur lib. 2. de nat. Deor. sed nec testamenta calatis comitiis arbitror diu postea mansisse: quod colligere mihi videor ex verbis Labeonis, qui apud Gellium d. lib. 15. c. 27. sic scribit: iisdem comitiis, quæ calata appellari diximus, & sacrorum detestatio & testamenta fieri solebant. Utitur Labeo verbo temporis præteriti: ut intelligamus, olim ista fieri solita, suo autem tempore duo ista genera calatorum comitiarum in usu amplius non fuisse, in procinctu, calatis comitiis, per æs & libram, colligit, ætate Labeonis atque Gellii testamenta calatis comitiis adhuc usu fuisse: nam eadem ratione colligas, eodem tempore viguisse adhuc testamenta in procinctu: quod falsum esse constat ex alio loco Ciceronis. Illud utique certum est, tempore mediæ jurisprudentiæ comitiis testari desitum fuisse, testis Ulpian. in fragm. d. tit. 20. §. 1.

Quod vero per æs & libram, &c.] Priora illa duo testamentorum genera jam diu exoleverant, cum per æs & libram adhuc frequentaretur. Ulpianus d. loco scribit, suo tempore id solum in usu fuisse, nimirum ex testamentis, quæ ad jus civile pertinebant, scilicet prioribus illis duobus abolitis: nam secundum formam à prætore introductam, & juris mixti eo tempore testamenta quoque fieri solita, multis auctoritatibus doceri potest, l. ad testium 22. §. si quis l. pen. hoc tit. cum similib. & apud Ciceronem quoque non uno in loco mentio sit testamentorum obsignatorum. At, Partim & hoc in usu esse desit. An hoc ideo dicit, quia familiæ emptor postea alius esse cœpit ab hærede. Sed hoc factum jam olim, & stante adhuc repub. Arbitror, Justinianum hoc significare voluisse, cum in testamento, quod per æs & libram fiebat, duæ res antea agerentur, familiæ mancipatio, & nuncupatio testamenti, solemnitatem familiæ mancipandæ paulatim exolevisse: solum alterum, nuncupationem scilicet testamenti, sive solemnem voluntatis contestationem & quodammodo numerum testium usque ad sua tempora mansisse; sicut apparet ex mixta testandi forma, qua posteritas uti cœpit, §. 3. inf. eod. quo loco hoc innuit ipse Justinianus. Illa mera somnia sunt, quæ à quibusdam afferuntur, ideo testamenta per æs & libram desisse fieri, quia emptio ista bonorum testatoris visa sit esse contra bonos mores, & pactum de futura successione, quod votum caprandæ mortis inducat: neque enim vera emptio erat, aut hic ejus effectus, ut testamentum mutare non liceret; nec idem jam olim hæres, qui familiæ emptor: & Theophilus, quem ajunt eandem hujus desuetudinis rationem reddere, tantum indicat, cur alium emptorem familiæ, alium heredem esse placuerit: quanquam & ipse fallitur,

cur, dum id Justinianum hoc loco sentire existimat.

TEXTUS.

De antiqua Testandi ratione Prætoria.

2. Sed prædicta quidem nomina testamentorum ad jus civile referebantur. Postea vero ex edicto prætoris forma alia faciendorum testamentorum introducta est. Jure etenim honorario nulla mancipatio desiderabatur, sed septem testium signa sufficiebant: cum jure civili signa testium non essent necessaria.

COMMENTARIUS.

1. Nimis curiositatis esse, velle indagare, cur in omnibus emancipationibus placuerit minimum quinque testes adesse, confutatis plerorumque rationibus.

Ad jus civile referebantur] Opponitur hoc loco jus civile prætorio: quod cum sit, cæteras partes juris civilis intelligere debemus, quæ scilicet ex legibus, plebiscitis, Senatusconsultis, decretis principum, auctoritate prudentum veniunt, l. 7. de just. & jur. Sine ulla autem ratione est quod D. Horomagnus cum prætorio jure hic comparari existimat id tantum jus, quod auctoritate prudentum, à quibus & formulæ aliæque solemnitates profectæ sunt, introductum est: nam testamentorum usus, in comitiis & prociunctu antiquior est ipsis 12. tabulis, quibus tamen posterius est jus, quod à consulis compositum est, & communi nomine appellatum civile, l. 2. §. his legibus 5. de orig. jur. Et modi alienandi per nexum & mancipationem ex lege 12. tabularum descendunt. Planè imaginariæ mancipationes inventum sunt Jurisconsultorum; nec dubito, quin etiam testamentum per æs & libram solemnitate mancipationis rerum singularum inter vivos producta ad alienationem honorum omnium per ultimam voluntatem.

Jure honorario nulla mancipatio desiderabatur, sed septem testium signa] Testandi ratio jure prætorio introducta, simplicior est atque expeditior, quam illa juris civilis per nexum & imaginariam mancipationem: quippe cum prætor nihil aliud desideraret ad vim testamenti, quam ut id septem testibus propositum atque ab iis obsignatum esset. Licet enim tale testamentum jure civili non subsisteret propter defectum mancipationis: tamen prætor secundum illud bonorum possessionem scriptis in eo hæredibus dabat. Np. tit. pen. §. 5. Aut, septem testium signa. In eo, quod jure civili fiebat per æs & libram, non plures testes necessarij, quam quinque: qui numerus legi-

mus erat in omni mancipatione. Sed Prætor, ut solemnitatem juris civilibus contempserit, numerum tamen civium, quem adesse in testamentis oportebat, minui noluit: ideoque duos testes in locum libripendis & emptoris familiaris surrogavit. Simile huic est, quod apud Gajum. l. instit. tit. 6. §. 3. legimus, in emancipatione liberorum, cum antea quinque testes cum libripende & antestato intervenirent, postea pro libripende & antestato duos alios testes adhibitos, ut septem testium numerus impleteretur. Nimis autem curiositatis est, indagare velle, cur placuerit, in omnibus mancipationibus minimum quinque testes præsentare esse. D. Giphanius & Bachovius suspicantur, originem hujus quinarii numeri ductam à numero quinque classium, quas Servius Tullius instituit, atque ad hujusmodi actus confirmandos singulos testes à singulis classibus initio accitos fuisse, ut quodammodo coram universo populo celebrari viderentur; proinde quasi singuli testes suam classem, universi populum universum representassent. Nec ob stare ait D. Bachovius. quod Dionys. Halicarnassensis scribit, non quinque, sed sex classes à Servio rege institutas: nam sextam classem, quæ infimi census erat, contempnam & nullo pene loco habitam fuisse. Mihi hæc conjectura doctissimorum virorum nulla probabili ratione niti videtur. Nam si per quinque istos testes populum representari veteres intellexissent, numerum istum non auxisset in suo testamento Prætor. Deinde voluntas populi non ex numero classium, sed centuriarum censetur; nec quod plures classes, sed quod plures centuriæ jussissent, id ratum haberetur: unde si vel primæ classis centuriæ (quæ reliquam multitudinem tribus centuriis superabat) convenissent, secundæ aut inferiorum classium non vocabantur. Quapropter si Bachovii rationem sequamur, potuit vel unus testis sufficere, ut actus coram majori parte centuriarum celebratus videretur, civis maximi census, primam classem, hoc est, nonaginta & octo centurias representans, vid. Dionys. Halicarn. lib. 4. Nec Festo classici testes, quos dictus ait, qui testamentis signandis adhibebantur, sunt testes ex singulis classibus collecti, sed cives Romani; eo quod cives omnes in classe aliqua censentur, & qui classem non habebant, nec cives Romani erant: quomodo & Jos. Scaliger hoc accepit. Errat enim Calepinus, qui putat, per classicos testes Festum intellexisse homines primæ classis, aut primæ dignitatis: nam satis fuisse constat si viri honesti essent & integræ famæ: quam antiqui etiam ita locuti sunt, ut classicos dicerent, non omnes, qui in classibus erant, sed primæ tantum classis homines: unde per translationem auctores classici appellati, primæ æoris, assidui, non proletarii scriptores, vid. Gell. lib. 7. c. 13. & l. 19. c. 8.

Sunt,

Sunt, qui ideo quinque testes adhibitos scribunt, quia totidem tribus populus constabat Timæ Fab. *disp. amirvers.* 18. Hopper. *hic in not.* qui magna in antiquitatis ignoratione versantur: nusquam enim invenias, populum unquam in quinque tribus divisum fuisse: quod quidem Faber etiam fateretur; sed existimat, à Romulo tres tribus factas, easque duplicatas à Tarquinio Prisco: itaque vice populi sex testes adhibitos, quorum tamen unus nomen ac munus libripendis assumeret. At enim si Livio credimus, nullæ tribus à Romulo factæ, quæ quidem universam multitudinem continerent: sed tres modo equitum centuriæ, ex omni multitudine selectæ, quarum numerum Tarquinius, quia videbat equitem maximè suis viribus deesse, postea auxit. Et eodem auctore primum factæ tribus quatuor à Servio Tullio partibus urbis distinctæ, quod & Dion. Halicarn. lib. 4. *confirmat.* quo loco etiam refert, Fabium scriptum, reliquisse, agrum præterea universum in viginti & sex partes divisum fuisse: quas tribus rusticas si cum urbanis conjungas, fient tribus triginta. Subjicit tamen, Venonium memoriæ prodidisse, triginta & unam tribus sub rege Servio fuisse. Libro autem septimo apud eundem de judicio Coriolani sic scriptum reperimus; Cum una & viginti cum tribus Romæ essent, quæ misse sunt in suffragium, morem habuit Martius: à quibus absolutus est. Proinde longi majorem numerum testium adhiberi oportet, si per eos tribuum numerum representari volumus, & post expletum triginta quinque tribuum numerum testes quinque & triginta.

Cum jure civili signa testium non essent necessaria] In testamento, quod fiebat per æs & libram. In eo enim duæ tantum res necessariae erant, familiæ mancipatio, & nuncupatio testamenti sive voluntatis testibus exhibitæ solemnis contestatio, *Ulp. tit. 20. §. 8.* quod postremum tamen tunc demum receptum videri potest, postquam cæpit alius hæres seorsum in chartis vel tabulis scribi, alii familia palam mancipari: nisi forte ad legata referas, quæ ad familiæ mancipationem non pertinebant. Auctor enim Theophilus est, testatorem post mancipationem mox ordinasse, quid post mortem fieri vellet, & familiæ emptori sive hæredi dicere solitum, Huic volo dari secundum; illi domum; alii centum nomismata.

TEXTUS.

De conjunctione juris Civilis & Prætorii.

3. Sed cum paulatim, tam ex usu hominum, quam ex constitutionum emendationibus cæpit in unam consonantiam jus civile & præ-

torium jungi, constitutum est, ut uno eodemque tempore, quod jus civile quodammodo exigebat, septem testibus adhibitis, & subscriptione testium, quod ex constitutionibus inventum est, & ex edicto Prætoris, signacula testamentis imponerentur: ita ut hoc jus tripartitum esse videatur: & testes quidem, eorumque præsentia, uno contextu, testamenti celebrandi gratia, à jure civili descendant: subscriptiones autem testatoris & testium ex sacrarum constitutionum observatione adhibeantur: signacula autem & testium numerus ex edicto Prætoris.

NOTÆ.

3. Septem testibus adhibitis] Specialiter rogatis, aut certioratis se ad testamentum adhiberi, d. l. 21. §. pen. ex Nov. Leon. 41. quinque sufficiunt: quod jus in Oriente receptum fuit. Græci ad l. 5. D. si tab. test. Harm. lib. 5. tit. 1. §. 47. Basil. 35. tit. 2. & 3. & lib. 45. *ἡ ὁ συνήθεια ἐν τοῖς διαθήκῃς πιντε μάρτυρες ἐδεξάτο...*

Quodammodo] Nam jus civile quinque tantum testes exigebat, reliqui duo in vicem ponderatoris & familiæ emptoris à prætore substituti.

Subscriptione testatoris, &c.] Ita constitutum à Theodos. l. 21. C. eod. additumque, si testator litteras ignorer, vel subscribere nequeat, octavum ut subscriptorem adhibeat: Adeo autem & subscriptio & simul obsignatio necessaria, alterutro omisso testamentum vitietur, l. 22. §. 4. D. eod.

COMMENTARIUS.

1. Recepto testamento mixto, quale hic describitur, non statim antiquata testamenta per æs & libram, neque vim testamenti prætorii emervatam.
2. Numerum septem testium requiri ad solemnitatem ordinationis, non cum quod obscurius dictum est, postea testator explanat.
3. Subscriptiones testium jam tempore media jurisprudentia in usu fuisse.
4. Lege Cornelia testamentaria edictum Prætoris de obsignandis tabulis confirmatum.
5. In testamento scripto non exigi, ut testis intelligat sermonem testatoris.
6. Testes rogatos adesse oportere: nec non alia quedam scripto testamento cum nuncupatio communia.
7. Quid sit, uno contextu testari: & num contractus in testamento aut inter testandum celebrari queant.
8. An non obstante solemnitatis alienius omissione voluntas testatoris obliget in foro conscientia.

Tam ex usu hominum, quam ex constitutionum emendatione] Sensus est, cum duo essent simplicia testamentorum genera, unum civile, alterum prætorium, usu hominum jus civile cum prætorio hæc in parte coaluisse, atque inde mixtum extitisse testamenti genus, ex utroque illo jure collectum, quod & constitutionibus postea probatum sit; addito, ut testator & testes omnes subscriberent: ut adeo forma conficiendi per scripturam testamenti, quæ posterior ætas uti cœpit, quamque Justinianus hic describit, ex triplici jure conflata sit; ex jure civili antiquo, ex novo constitutionum Principalium, atque ex jure honorario. Per hoc tamen non statim antiquata fuit civilis ratio testandi per æs & libram. Ulpian. tit. 20. §. 8. neque prætorii testamenti vis aut usus sublatus: de quo sub §. non tamen inf. quib. mod. test. inf.

Vno eodemque tempore] Hæc subtilitas ex jure civili est, l. qui testamento 20. §. & veteres 8. l. hæres palam 21. §. ult. hoc tit. l. cum antiquitas 28. C. eod. Est enim ex jure civili, quod actus solemnes & legitimi continui esse debent, ex uno contextu absolui, l. continui 137. de verb. obl. l. 12. de duob. reb. Ait autem, quod jus civile quodammodo exigebat, quodammodo, id est, ferè. Additum, quia ait, septem testibus adhibitis. Nam jus civile quinque tantum testes exigebat, reliqui duo pro libripende, & familiæ emptoræ a Prætoribus constituti: & ideo paulo post juri civili adscribitur duntaxat actus continuitatem & testium præsentiam; numerum testium juri prætorio. Illud notandum est, numerum istum septemtestium requiri ad solemnitatem ordinationis testamenti, sive cum de substantialibus, ut loquuntur, testamenti quæstio est: non autem ubi quod obscurius in testamento dictum scriptumve, post solemnia testator explanat: veluti si cum Titio centum legasset, & multos Titios amicos haberet, postea declaraverit, de quo fenserit, d. l. hæres palam §. 1. hoc tit. Leo quinque testes sufficere voluit, Nov. Leon. 41. quod receptum in Oriente. Græc. lib. 45. Basil. tit. 1.

Subscriptione testium] Et testatoris, ut mox. Ita enim constitutum à Theodosio l. hac consultissima 21. C. eod. additumque, si testator litteras ignoret, vel subscribere nequeat, octavum, ut subscriptorem adhibeat Cæterum ex constitutione Justiniani, si testator propria manu totum testamentum conscripserit, idque se fecisse in tabulis specialiter expresse it, nihil opus est vel ipsum vel alium ejus nomine subscribere, l. cum antiquitas 28. C. eod. Quo tempore, aut à quo primum Principe testium subscriptio introducta sit, incertum est. Illud constat, jam apud antiquiores ita jus fuisse, atque adeo ætate Jurisconsultorum Pauli & Ulpiani, l. ad testium 22. §. 4. l. pen. hoc tit. quos Papinianum assessores habuisse à Lampri-
dio proditum est.

Ex edicto prætoris signatula] Ob signationem testamentum esse ex edicto Prætoris indicant, l. si testamentum 23. eod. §. non tamen inf. quib. mod. test. infirm. Ulpian. tit. 23. §. si septem. Quamobrem quod M. Tullius 3. Verr. meminit tabularum testamenti ob signatarum è lege, legem intelligens Corneliam testamentariam, recte D. Wesembecius sic accepit, Syllam, quod jam ante ex edicto erat, lege sua comprehendisse, non ut edictum tolleret, atque ex lege à se lata in posterum signa adhiberi vellet, sed potius ut auctoritatem edicti confirmaret. Ob signatio autem argumento certissimo est, scripturam jure prætorio necessariam fuisse, ut ob signationis illius subjectum; cum jure civili, quod nec subscriptionem nec ob signationem desiderabat, scriptura non omnino necessaria fuerit: quamvis credibile sit, frequentius ob rei memoriam scripturam intervenisse: quod & tutius esse cœpit, postquam hæres emptor familiæ esse desiit. Adeo autem & subscriptio & simul ob signatio necessaria est, ut deficient alterutra testamentum injustum sit, l. ad testium 20. §. si quis 4. hoc tit. teneaturque falsi crimine tabellio, qui non utramque adhibendam curavit, l. jubemus 29. in fin. C. eod.

Et testes quidem & eorum præsentia] Quod testium præsentiam requirit, non videtur esse proprium testamentariorum, sed commune omnium, qui ad actum aliquem celebrandum adhibentur. Non est autem satis corpore testes præsesse esse, nisi & animo sint, intelligantque voluntatem testatoris. Neque tamen sermonis intelligentiam requirimus, sed placet sufficere, si vel si ntu quis percipiat, cui rei adhibitus sit. Enimvero durare testes debent, donec suprema contestatio peragatur; invitos tamen retinere non licet: & si retenti sint, testamentum non subsistit, l. qui testamento. §. antepen. & seq. eod. Ad hæc rogati adesse debent, aut saltem si alterius rei causa collecti sint, antestimonium certiorari, se ad testamentum adhiberi, l. hæres 21. §. pen. eod. l. 21. C. eod. neque hæc solemnitas, cum sit extrinseca, præsumitur intervenisse, etsi in testamento scriptum sit, presentibus testibus infra scriptis; sed juxta communem sententiam probari debet, nisi additum sit, & cetera, aut notarius nominatim rogationis fecerit mentionem, Viv. comm. op. verb. testes tam in testamento. Farinac. lib. 2. de testib. tit. 6. Vass. lib. 2. de succ. creat. §. 13. req. 8. n. 53. Grass. §. testam. qu. 58. Mantie. 2. de conj. ult. vol. tit. 11. Hoc amplius & in conspectu testatoris, testimonii officio fungi necesse est, l. 9. C. eod. Quia propter non est satis, ut quidam tradiderunt, testes oculos esse, si testatorem ipsi non videant, forte velo aut cortina interjecta conspectum adimere, licet vocem ejus audiant: sed necesse est, ut faciem ejus videant, ne qua fraus fiat, alio forte sub-

subornato, qui vocem testatoris imitando simulet; ut ille, de quo Cynus testatur in *d. l. 9. qui obrepserat mulieri simulando vocem mariti*. Estque hæc receptior interpretum sententia, teste Sichardo in *d. l. 9. n. 2. ubi tradit Glossam in l. 2. §. idem Labeo. 9. de iur. plur. arc. contra sententiam communiter reprobari, add. Clar. §. testamentum q. 59. Christin. vol. 4. decis. 7. n. 5. Grass. t. §. testamentum q. 59. n. 4.*

[Vno contextu] *Μία ὁψή, ἀδιαιετῶς*, uno eodemque die ac tempore, *l. hac consultissima 21. C. hoc tit.* nulloque actu ab instituto negotio alieno interveniente, *l. heredes palam 21. §. ult. hoc tit. d. l. 21. C. eod.* nisi forte talis sit actus, quem ratio morbi testatoris, vel necessitas naturæ efflagitet, etiam in testibus: quod pluribus explicat Justinianus *l. cum antiquitas 28. C. eod.* ut tamen si quid supervenerit, ob quod aliquis è testibus diutius abesse cogatur, alius testis substitui debeat, *d. l. 28.* Cæterum hæc non eo pertinent, ut testator teneatur eodem tempore & testes adhibere & testamentum scribere vel dictare ac finire: sed ad nuncupationem testamenti siue ipsam testationem & declarationem voluntatis, cum scilicet testamentum subscribendum & obsignandum testibus in eam rem adhibitis offertur: nam quin alio tempore testamentum conscribere, & scriptiorem sæpius interrumpere, alio vero testes ad solennia adhibere possit, non ambigitur, *d. l. 21. C. hoc tit.* Cum igitur uno actus contextu testari oporteat, negotioque alieno aut ad testamentum non pertinente interposito actus ille interrumpatur, vitieturque testamentum, hinc facile colligere est, quid indicandum sit de quæstione, quæ vulgo moveri solet, an contractus celebrari inter testandum possint. Nam si contractus est actus extraneus & alienus à testamento, uti revera est, necesse est, actum testandi celebratione contractus interrumpi; veluti si testator, cum jam cœpisset ordinare testamentum & necdum absolvisset, fundum aut rem aliam Titio vendere aut locare instituat. Quod si ita quæstio formetur, ut quæretur, an possit contractus fieri in ipso testamento, ne hoc quidem amittendum videretur. Quippe cum contractus, qua talis, non intelligatur, nisi celebratus sit inter plures, at quæ testamentum caventur, ab uno caventur testatore, atque ex unius illius voluntate stant & cadunt. Non obstat igitur, quod testamento libertum assignare licet, *l. 1. §. 3. de assign. libert. §. ult. inf. cod. tit.* siquidem assignatio liberti, licet propriè neque legatum sit neque fideicommissum, *l. 7. d. iur. vim tamen legati habet, dum jus patronatus, quod alioqui commune futurum erat, uni in solidum relinquatur*. Sic pignoris, *l. non est mirum 26. de pign. act. duorum reorum, l. 9. de duob. reib. ususfructus, §. 1. sup. de usufr. servitutum, §. ult. sup. de serv. præd. testamento constitutio, contra-*

ctus non est. Neque enim cum hæc testator constituit, cum alio contrahit, neque etiam ullo modo naturam contractus aut conventionis sapit: sed ut cætera, quæ testamento caventur, legantur aut relinquuntur, revocari possunt. Gravissima hic moveri solet quæstio, an, si legitimus numerus testium adhibitus non fuerit, aliudve quid meræ solennitatis in testamento omissum, veluti si testes rogati non sint, aut tantum subsignaverint siue subscripserint, non etiam obsignaverint, tale testamentum saltem in foro conscientiæ hæredem ab intestato, cui de voluntate testatoris constat, non obliget ad restituendam hæreditatem hæredi scripto, & ad legata præstanda. Obligat negat Domin. Soto *lib. 4. de iust. & iur. quæst. 5. Clar. 3. sent. quæst. 90. Covar. in c. cum esses X. de testam.* Ajunt Ludov. Molin. *de iust. & iur. tract. 2. disp. 81. Mantig. lib. 2. de conj. ult. vol. tit. 14. Vasq. de success. creat. §. 1. n. 23. & seqq. & de success. progress. §. 3. n. 3. Diod. Tuldén. C. de testam. n. 8. Christin. vol. 4. decis. 34.* quibus assentior. Nam cum in foro conscientiæ sola veritas spectetur secundum simplicitatem juris naturalis, *c. n. dist. 1.* sufficit ad conscientiam devincendam, ut subsit aliqua obligatio. Qualis autem ea sit, civilis, ex qua etiam agi possit, an naturalis, quæ ad petendum in foro externo inefficax, nihil interest. At in quæstione proposita, si hæredibus certo constet de voluntate defuncti, nullamque fraudem intervenisse, ad quam avertendam solennitas omnis juris civilis comparata est, non potest non subesse naturalis obligatio, *fac. l. 2. C. de fideic. l. cum amplius 84. §. 1. de R. l. l. §. si quis 15. donine. vir. & uxor. §. ult. inf. de fideicom. her. l. ult. C. eod.* Quod etiam bene intellexit Plinius, qui ob id sæpissime scripsit, voluntatem defunctorum, etiam si jure deficiatur, bonis hæredibus pro jure esse, *lib. 2. epist. 16. lib. 4. epist. 10. lib. 5. epist. 7.* eoque pertinet & illud Senecæ; *Augusta innocentia est, secundum leges (intellige civiles) bonum esse*. Nimirum lex conscientiæ, quæ eadem & naturæ, legibus civilibus non mutatur, sed una & apud omnes eadem est & semper fuit, utpote cordibus omnium hominum divinitus inscripta. Hæc lex cum in corde loquatur, & dicitur, voluntatem defuncti, quamvis irritam, si juris solennitatem respicias, servari oportere, utique qui eam non servat, contra conscientiam facit. Non obstat quod lex civilis, quæ solennitates introduxit, iusta est, & ad communem reipub. utilitatem condita condita, ne quid scilicet falsitatis in ordinandis testamentis committatur: nam in quæstione nostra præsupponimus testamentum esse verum & sincerum, deque eo hæredi constare quod solum in foro conscientiæ consideratur: Et eo converso igitur salva pietate retineri quoque poterit, saltem quamdiu ei non contradicitur, quod relictum est testamento propter deliquium solenni-

tatis alicujus jure civili invalido. *Mant. & alii ubi sup. Grot. lib. 3. de jur. bell. & pac. c. 7. n. 6.*

TEXTUS.

Solennitas addita à Justiniano.

4. *Sed his omnibus à nostra constitutione, propter testamentorum synceritatem, ut nulla fraus adhibeatur, hoc additum est, ut per manus testatoris, vel testium, nomen hæredis exprimitur, & omnia secundum illius constitutionis tenorem procedant,*

NOTÆ.

4. *Nomen hæredis exprimitur*] l. 29. C. eod. quod tamen abrogatum Nov. 119. c. 9, ut jam summa solennitatis iterum ad ea redeat, quæ comprehensa §. præced. In quibusdam paganorum testamentis etiam de illa ipsa solennitate aliquid remissum, l. 8. l. 21. §. pen. ult. C. eod. & tota fere in testamentis parentum inter liberos, d. l. 21. §. 1. & anth. quod sine, C. eod. Nov. 107.

COMMENTARIUS.

1. Quod hoc §. constituitur, pugnare cum principali fine testamenti scripti: tollere etiam id, quod hoc testamentum maxime differt à nuncupativo.
2. Quibus in testamentis paganorum, & quatenus, solennitates remissæ.
3. Jure Canonum ut ratum sit testamentum satis esse duos testes cum Parocho adhiberi: quod mores hodierni fere sequantur.

A Nostra constitutione] Exat in l. jubemus 29. C. hoc tit. Juberet autem Justinianus, ut præter cæteras solennitates, quas supra commemoravimus, etiam hæc adhibeatur, ut testator nomen hæredis vel in sua subscriptione aliave parte testamenti exprimat, vel coram testibus nuncupet, si literarum imperitus sit, aut propter morbi acerbicatem scribere nequeat. Quæ Justiniani constitutio prope est, ut pugnet cum principali fine, ob quem testamenta per scripturam fieri initio utile visum fuit; scilicet ut testator securitatis suæ causa nomen hæredis celare possit, & tabulas chartasve, in quibus scriptus esset, clausas vel involutas testibus signandas & subscribendas proponere: unde huic testamento nomen mystici. Tollitque adeo id, quo scriptum testamentum maxime differt à nuncupativo, cujus proprium est, ut præsentibus testibus nomen hæredis nuncupetur, §. ult. inf. eod. l. hæredes 21. pr. eod. Atque ideo etiam, ut opinor, quod & hic. & in d. l. jubemus, de suo Justinianus adhibuit, iterum dempsit ac remisit Nov. 119. cap. 9. ut jam summa solennitatis in testamento scripto requisita iterum ad ea

redeat, quæ comprehensa sunt §. præc. & apertius paulò constitutione Theodosii, l. hac consultissima 21. Cod. eod. Ex hac tamen solennitate aliquid remissum est in quinque testamentorum generibus. 2

1. In testamento parentum inter liberos: siquidem hujusmodi voluntatem etiam ex testamento imperfecto valere placuit, d. l. 21. §. 1. C. hoc tit. & nuncupata quidem parentis voluntas omnimodo rata est, dum de ea constet, ut de cæteris rebus, id est, saltem duobus testibus, scripto autem declarata, si & tempus testamenti facti, & nomina liberorum, & uncias & res, quas inter liberos distributa velit, expresserit; idque clare & plenè literis, non notis aut signis: debetque parens aut ipse hæc scribere, aut saltem manu sua subscribere. Nov. 107. unde anth. quod sine, Cod. eod. & ib. DD. Clar. §. testamentum, quest. 8. Myns. 5. obs. 28. Gail. 2. obs. 112. Christin. vol. 4. decis. 7. & 8. Grot. 2. manduct. 16. Deckher. dissert. 2. lib. 2. D. lac. Corin. rer. jud. obs. 39. plenissime Gudelin. lib. 2. de jur. noviss. cap. 5. add. nostra lib. 2. sel. quest. cap. 17. & seq. 2. In testamentis rusticorum, quibus permissum quinque testes adhibere, si plures non repellantur: remissæ item subscriptiones si literati desint, l. ult. Cod. eod. 3. In testamento quoque tempore pestis facto de solenni numero testium quid remittendum censent Interpretes, vid. Myns. 1. obs. 96. Gail. 2. obs. 118. Peck. 3. de testam. conjug. 18. Pras. Everhard. Conf. 16. quod quidem rationem habet, utique si pestis sit vehemens, & testator ipse eo morbo laboret. Clar. §. testamentum, quest. 56. num. 3. Christin. vol. 4. decis. 6. num. 5. At jure nostro hoc tantum remissum hoc casu videtur, ut non necesse sit testes septem simul jungi, junctosque eodem tempore subscribere & signare, l. 8. C. hoc tit. quanquam contrarium passim usque receptum, teste Sande lib. 4. tit. 1. def. 4. & ibi sit. De moribus nostris ambigit, Grot. 2. introd. cap. 17. sed vide Grænew. d. leg. abrog. ad d. l. 8. In omni testamento ad pias causas quævis voluntas suprema, vel coram duobus testibus testata, Canonibus rata habetur, cap. relatum. 11. X. hoc tit. Postremo in testamento posteriore, in quo scripti sunt hæredes, qui ab intestato ad hæreditatem vocantur, placuit sufficere quinque testium juratorum depositiones; ac infirmato priori testamento posteriorem hanc valere voluntatem, non tanquam testamentum, sed tanquam voluntatem ultimam intestati, d. l. 21. §. pen. & ib. DD. Cod. hoc tit. In universum autem jure Canonico, ut ratum sit quodlibet testamentum, sufficit duos testes cum parocho adhibuisse, cap. cum esset 10. X. eod. Neque enim potest hic canon restringi ad testamenta ad pias causas, quod quidam faciunt propter d. cap. relatum, eod. Nam in d. cap. cum esset, Alexander censuit ad hoc omni testamento generaliter constitutum, non tantum in

probata constitutione juris civilis de septem testibus adhibendis, ut nimis longe recedente ab eo, quod scriptum est; *In ore duorum vel trium testium stet omne verbum.* Et licet nonnulli existiment, causam nullam fuisse, cur Pontifex id, quod bene, ut ajunt, ad fraudes hominum avertendas, *l. ult. C. de fideic.* jure civili constitutum fuit, mutaret: tamen constitutionem Pontificiam usus fere probavit: qui & alias ægre patitur nimis se longe abduci à simplicitate juris naturæ.

T E X T U S.

De annulis quibus testamenta signantur.

§. Possunt autem omnes testes & uno annulo signare testamentum. Quid enim, si septem annuli una sculptura fuerint, secundum quod Papiniano visum est? Sed & alieno quoque annulo licet signare testamentum.

C O M M E N T A R I U S.

1. Est tutius est alieno annulo signantem in subscriptione id profiteri, tamen & eo omisso testamentum subsistere.
2. Quod hic de usu annuli alieni traditur, non pertinere ad personas publicas, quæ ex officio sigilla instrumenti apponunt.
3. Verum annulo duntaxat testamenta signare liceat, an & alio instrumento characterem habente.

Cum testes omnes testamentum solenne, quod per scripturam ordinatur, signare oporteat, quæsitum est, an necesse sit, singulos testes singulis annulis & unumquemque proprio signare; an vero & uno possint omnes, & eo quoque alieno. Et placuit, posse omnes signare & uno annulo, qui scilicet unius ex testibus sit, & item alieno, qui nullius sit eorum, sed vel testatoris vel alterius cujuscunque, *l. ad testium 22. §. 2. cod. l. 12. Cod. eod.* Quod quamquam interpretes vulgo ex Durandi sententia sic temperant, ut existiment, debere eum, qui non suo, sed alieno annulo signat, id in subscriptione profiteri, ne in crimen falsi incidat: tamen ego Joan. Fabro & Viglio, quos etiam nunc plerique sequuntur, assentior, contentibus quidem tutius esse, si mentio ejus rei in subscriptione fiat: cæterum & eo omisso testamentum nihilominus subsistere putant, propter simplicem & generalem definitionem juris civilis hoc loco, ut supra *dd. ll.* traditam. Pœnam vero non mereri, quod sit lege permittente, *l. Gracchus, Cod. de adulter.* Sed & jus prætorium, quod præter signa testium nihil requirit, hac in parte non discrepare à jure civili. Igitur etsi facilius agnoscitur signum im-

pressum annulo alieno, cum id in subscriptione annotatum est, cum tamen & sine eo recognosci possit, & vel ex eo etiam facile, quod quisque testis ex constitutionibus subscribere debet, quis & cujus testamentum signaverit; *l. pen. hoc tit.* non putaverim, vitiari testamentum signatum annulo alieno ob id, quod signator non adjecerit, annulo alieno se signasse. Unde tamen minime efficitur, quod docuit Bart. in *l. 2. testam. quem aper.* mortuo uno ex testibus ante apertas tabulas testamentum concidere: nam cum inspectio sigillorum non pertineat ad formalem aliquam testamenti solennitatem, sed ad probationem duntaxat voluntatis, cur, si ea aliunde probari queat, non sustineatur defuncti judicium? Et quid si unus è testibus, mutus, furdus, cæcus, aut furiosus factus fuerit? *vid. D. Vigl. ad §. sed cum 7. hoc tit.* ubi multas contra Bart. allegat auctoritates. Plane quod hic de usu annuli alieni in signando traditur, trahendum non est ad personas publicas, quæ sigilla ex officio instrumentis appendunt, & verbi causa notarios. Nam ab his præcisè requiritur, ut sigilla sua apponant, idque auctoritatis & fidei publicæ causa, atque ut in dubio ex unius cum altero comparatione cognosci possint. *Nov. 73. c. 6.* Testium autem in testamento non sigilla, sed obsignationem lex requirit, ut cum opus est, signum recognoscen-tes, se id apposuisse testificentur. Nam ita institutum fuit, ut cum ad aperiendas tabulas testamenti ventum esset, priusquam resignarentur, prætor signatores convenire cogeret, & sigilla sua recognoscere, *l. 4. l. 7. testam. quem aper.*

Quid enim si septem annuli una sculptura fuerint? Quasi dicat, nemini mirum videri debere, quod testibus permissum sit signare uno eodemque annulo. Fieri enim posse, ut septem annuli, quantumvis singuli singulorum sint, eandem habeant figuram, *ἐνα γὰρ τὸ αὐτὸν χαρακτὴρ ἔχει.* Neque tamen ob id minus testamentum consistere. Potest vero id etiam hodie contingere, veluti si plures ex eadem familia ad signandum adhibeantur, cum nunc agnatorum omnium eadem sint insignia, nec amplius nomen in circumferentia annuli signatorii poni soleat.

Sed & alieno annulo] Qui scilicet nullus è testibus sit. Ex eo autem quod annuli plerumque mentio fit, non satis recte colligitur, alio instrumento signatorio testamentum signari non potuisse: dici enim potest, idcirco id fieri, quia frequentius annulis veteres signabant. Et tamen de eo dubitatum fuisse, obtinuisseque, ut tantum annulo signare liceret, constat ex *l. ad testium 22. §. signum 5. hoc tit.* quod ad scrupulosam testandi subtilitatem. Cujus. *lib. 24. obs. 11.* refert: alii etiam ad facilitatem probationis, quia notior sit character annuli, qui in digitis gestari solet, sed ista ratio nullius

pretii; nam & alieno annulo signare licet. Et quid si idem sit character instrumenti & annuli? tunc enim nullo modo dignosci poterit, utrum annulo, an alio instrumento, signatum sit? Et puto, Jurisconsultum in d. l. 22. §. 5. annuli appellatione non tam intelligere figuram annuli geometricam, quam sculpturam; nec excludere voluisse instrumentum, quod eandem sculpturam cum annulo habeat, sed aliud signum impressum, diversum à characterè annuli: cujusmodi forte instrumentis veteres usi ad alia, quam literas aut tabulas, obsignanda. Id quod etiam verba Jurisconsulti indicant; *varie enim, inquit, homines signant.* Quod omnino accipiendum est de varietate characteris, non de materia aut forma instrumenti signatorii geometrica. Etenim qui in signando eodem semper characterè utitur, licet diversis instrumentis, quibus insculptus est, non varie signat, sed uniformiter. Et quæso, si idem character est, quid interest, utrum instrumentum rotundum, an triangulum aut quadratum sit? aut quomodo id dignosci poterit? ac proinde etiam absurdum non est, si annulo signasse dicatur qui signavit instrumento, quod characterem annuli insculptum habet. Quamobrem prope est, ut assentiar Baroni, Horom. Wesemb. ad hunc §. Et Donello 6. comm. 8. Qui locum Ulpiani in dict. l. 22. §. 5. legendum putant interposita negatione, & magis est, ut non tantum annulo. Quod & testamentum subiectum, dum tamen habeat *κατακλιθεῖς*, quodammodo postulat. Et ita quoque Bartolus legisse videtur argum. summarii d. §. 5. & Joan. de Platea, qui istum §. citat ad probandum, quod scribit, non annulo tantum, sed alio quoque instrumento signatorio posse signari. Mich. Attaliat. *synops. tit. 31. ἐν διακλιθεῖς ἢ τοῖς βαλάντιοις.* Atque ita & doctiss. Salmaf. lib. de mod. usuc. cap. 10. pagin. 456. Alii malunt, retenta lectione cum D. Connano. 9. comm. 2. Ulpianum intelligere de testibus, qui plura signa habent, unum in annulo, alterum & diversum in re alia impressum: ut hi potius annulo signare debeant, quam alio ullo instrumento: quia id signum, quod in annulo est, magis cujusque proprium esse putatur, magisque notum & certum est. Hodie hæc questio supervacua est, cum testes subscripsisse sufficiat, signa eorum non requirantur, sed solius sigillum notarii. Jac. Vervvey art. testand. c. 9. De more & modo signandi apud veteres usitato adi D. Salmaf. lib. de mod. usuc. c. 11.

TEXTUS.

Qui testes esse possunt.

6. Testes autem adhiberi possunt ii, cum quibus testamenti factio est. Sed neque mu-

lier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii, quos leges jubent improbos intestabilesque esse, possunt in numerum testium adhiberi.

NOTÆ.

Neque mulier] Hoc ex eo, quod in omni mancipatione testes tantum masculi admissi. Nam his verbis, *cives Rom. puberes*, mares significantur, ad Schol. Harm. lib. 1. tit. 6. §. 2.

Neque prodigus] Is cui bonis interdictum est, l. 1. pr. D. eod. Bene Græci; ὁ κατωδμήτος διατίθεσθαι τε μαρτυρεῖ ἐν διακλίσει. 35. Basil. tit. 1.

Neque impubes] Livius apud Priscian. lib. 8. *Impubes libripens esse non potest, neque amtestari*, id est, neque testis fieri, passive. Active autem amtestari, est testem facere, μαρτυρεῖν. v. Salmaf. ad jus Attic. pag. 811.

COMMENTARIUS.

1. Communem testium habilitatis notam esse, si sit cum iis testamenti factio: & quid hoc sit.
2. Cur à testimoniis testamentariis arceantur mulieres.
3. Cur non admittatur surdus, cum adhiberi possit, qui sermonem testatoris non intelligat.
4. Verum cæcus adhiberi possit.
5. Qui dicantur intestabiles: & an hi quoque testamenti factionem passivam habeant.

NON satis est, septem testes ad testamentum adhibitos esse, etiam conditionem cujusque inspicere & non nisi idoneos admitti placuit. Et recte: quippe cum fides testamenti non tam firmetur numero testium, quam auctoritate, per l. 3. §. 2. & 3. de testib. Estque fere tota hæc tractatio de habilitate testium nuncupativo testamento cum scripto & mystico communis.

Cum quibus testamenti factio est] Hæc communis nota est testium habilitatis, si sit cum iis testamenti factio, id est, si hæredes institui aut ex alieno testamento vel sibi vel alii acquirere possunt. Nam quatenus quis jus habet faciendi testamenti, non recte dixeris esse tibi cum eo testamenti factionem, ut bene recentiores notant. Et propriè item loquitur Imperator, cum dicit, *cum quibus testamenti factio est*, non qui testamenti factionem habent: siquidem testamenti factio activè significationis est, ut propriè dicatur testamenti factionem habere, qui faciendi facultatem habet, l. 3. l. 4. l. 8. in fin. l. is cui, l. 18. l. si filiusfam. 19. hoc tit. l. 1. §. exigit. 8. de bon. poss. sec. tab. l. 3. C. de apostat. At qui ipsi testamentum facere non possunt, sed tantum ex testamento capere, cum iis rectius dicitur esse vel haberi testamenti factio, ut in §. 2. inf. de her. inst. §. legari 24. inf. de legat. l. non minus;

minus 3 l. 1. §. alienum 49 §. 1. de her. inst. l. 7. pro legat. quam eos haberi testamenti factionem. Quanquam hæc verborum proprietates perpetuo non observatur, ut videre est in l. filiusfam. 16. hoc. tit. l. ult. pro hered. §. in extraneis, inf. de hered. qual. quibus in locis testamenti factionem habere dicuntur etiam illi, qui tantum capere ex testamento possunt. Unde factum, ut docendi gratia interpretes testamenti factionem distinxerint in activam & passivam.

Sed neque mulier, neque impubes etc.] Enumeratio personarum, quæ varias ob causas in testamento testes esse prohibentur, & quidem simpliciter in testamento cujuscvis. Cur mulier hic testis non admitratur, cum alias jus dicendi testimonii habeat, l. qui testamento 20. §. mulier 6. hoc tit. l. ex eo 18. de testib. non una ratio reddi potest. 1. Quia certum numerum testium ad actum aliquem lex requirit, intelligitur requirere testes graves & omni exceptione majores, in quos judici non liceat postea inquirere: talis autem non est mulier. 2. Quia sexus muliebris non satis sagax creditur ad odorandas fraudes, quæ in subornandis testamentis strui solent. 3. Quia hic numerus testium non tantum requiritur ad probationem actus, sed etiam ad constitutionem: leges autem veteres, teste Scholiaste ad Harmenopulum lib. 1. tit. 6. §. 52. ἐν ταῖς συνηθηκαῖς μαρτυρίαις μὴ μαρτυρεῖν τὰς γυναῖκας διαφαίνοντα. Συνηθηκαῖς μαρτυρίαις, hoc est, testimonia constitutiva, quæ faciunt, ut negotium consistat, (Mercerus vertit commendatoria) opponit ὑποδείκταις; id est, demonstrativis, five quæ adhibentur duntaxat probationis causa. 4. Quia testatio supremæ voluntatis non est actus repentinus aut fortuitus, ut nihil necesse sit, ubi viri honesti haberi possunt, accire fœminas, per Nov. de testib. 90. cap. 1. Quibus rationibus item moveor, ut credam, ne in codicillis quidem mulierem testem esse potuisse, contra quam sentiunt Vigl. & comm. DD. Mitto quod solennis illa testandi ratio per familiæ mancipationem, unde qualitas testium, masculos tantum testes admisisse videtur, uti reliquæ quoque mancipationes & contractus, qui fiebant per æs & libram: & quod Romani turpe & verecundiæ sexus minime conveniens putaverunt, fœminas cum viris hujusmodi negotiis interesse. Et hoc etiam moribus nostris consentaneum videtur. Græneruv. de ll. abrog. hic, & §. ult. inf. de codicill. Cyprian. conf. Belg. Impubes testis non admittitur, propter imperfectum animi judicium: quam ob causam nec aliis in negotiis testimonium ejus recipitur, l. 3. §. lege 5. l. inviti 19. §. 1. de testibus. In causa autem testamenti hoc speciale esse existimatur, quod nec pubes factus testimonium pro testamento dicere possit, ad quod impubes adhibitus

fuit; cum in aliis causis testimonii dictionem habeat post pubertatem de his, quæ impubes vidit; utique si testetur de iis, quæ verisimiliter ab impuberibus capi possunt, & quæ vidit, cum jam esset pubertati proximus. Ioan. Fab. Vigl. hic, Oldend. part. 4. de testib. num. 12. ex sententia communi. Servum excludit conditio personæ, quia nullam juris civilis communionem habet, d. l. qui testamento, §. servus, quæ ratio etiam peregrinos removet, l. sunt quidam 17. §. 1. de pen. & nominatim lex desiderat cives Romanos. Furiosus nihil intelligit: cæterum si remissionem non habet, poterit eo tempore adhiberi, d. l. qui testamento, §. ne furiosus. Mutus pro testimonio quid actum sit eloqui non potest. Surdus quid dicatur sensu non percipit: imò nec moneri potest, quid testator acturus sit; plurimumque qui surdus, idem & mutus. Testes autem in dicendo testimonio interrogandi, per l. 1. testamenta quem. aper. nec testimonius, sed testibus credendum, l. 3. §. 2. de testib. Hinc etiam intelligitur, cur potius, quam surdus, admittatur qui sermonem testatoris non intelligit: nimirum quia hic aliâ lingua moneri potest, cui rei adhibeatur, & ipse testimonium dicere: singula enim percipere nihil necesse est, dict. l. qui testamento §. pen. utique cum testamentum per scripturam fit. Nam in nuncupativo hoc locum habere non puto, in quo totum negotium palam explicatur, auribusque sermoni testimonium permittitur. De cæco nihil traditum. Sed non posse eum adhiberi, recte censent Wesemb. & Bachov. quoniam testatorem videre non potest, quod in omni testamento requiritur, l. 9. Cod. eod. nec signum recognoscere, quod in scripto, l. 4. & 7. testam. quem. aper. sac. 2. §. 5. vers. casum, de postul. Prodigis notam inurit administrationis bonorum interdictio, fidemque testimonii elevat: atque adeo in toto pene jure civili prodigi pro furiosis, & eadem conditione, qua furiosi, habentur, l. 1. de curat. fur. l. 12. in fin. de int. dat. l. furiosi 40. de reg. jur. congruit l. is cui lege 18. in pr. hoc tit.

Improbos intestabilesque] Intestabilis dicitur, cui nec testamentum condere licet, nec testimonium alteri dicere; & cui vicissim nemo testimonium dicere tenetur, uti quisque tenetur civi honesto, si denuntiatum sit, l. is cui 18. §. 1. l. cum lege 26. hoc tit. Ex Senatusconsulto intestabilis, qui ob crimen famosum damnatus est, d. l. 18. §. 1. l. 5. §. si quis 9. de injur. Ex constitutionibus, apostatæ & hæretici, l. 3. C. de apostat. l. 4. C. eod. de hæret. & Manich. l. hæreticus 44. C. Theod. de his qui sup. reb. Ex duodecim tabulis, antestatus & libripens, si postea testimonium perhibere detrectassent. Verba legis refert Gellius lib. 15. cap. 13. Quoi se fierit antestariet, libripensque fuerit, nei testimonium fariatur, improbus intestabilisque est. Ita locum istum obscurum, & depravatum antea, restituit

Marcilius *cap. 5. leg. duod. tab.* quod male processerat Cuiacio. De eo quaesitum, an is, qui intestabilis dicitur, nec hæres institui potuerit, aut alias ex testamento alieno capere: nam ceteros omnes, quos hic commemorat Justinianus, constat, testamenti factionem passivam habere. Et quidem hæreticis nominum hæc tria denegantur, testimonii dictio, testamenti factio, successio tam ex testamento, quam ab intestato, *dist. l. 3. Cod. de apostat.* De aliis expresse cautum non est, ne hæres instituantur. Ex eo tamen quod Gajus scribit, cum lege quis intestabilis esse juberetur, hoc etiam eo pertinere, ut ne ipsi dicatur testimonium, *ad l. cum lege 26. hoc tit.* sequi omnino videtur, ut nec hæres institui possit: neque enim arbitror defendi posse, testatori duntaxat, non etiam hæredi, de cuius solius commodo agitur, testimonium perhiberi. Facit huc *l. imperialis 23. §. 3. C. de nupt.* qua permittitur mulieribus scenicis post impetrationem Principis rescripti & condere testamentum & aliis succedere. Inde enim hoc colligimus, & scenicas foeminas intestabiles habitas fuisse, & qui intestabiles essent, hæres non potuisse institui. Itaque non satis accurati sunt compilatores, qui intestabiles cum superioribus, quos omnes hæres institui posse constat, una exceptione à regula eximunt, quasi & ipsi alioqui ad regulam pertinere videantur.

TEXTUS.

De servo qui liber æstimabatur.

7. Sed quum aliquis ex testibus testamenti quidem faciend. tempore liber existimabatur, postea autem servus apparuit, tam diuvs Adrianus Catoni, quam postea divi Severus & Antoninus rescripserunt, subvenire, se ex sua liberalitate testamento, ut sic habeatur firmum, ac si, ut oportebat, factum esset: quum eo tempore, quo testamentum signaretur, omnium consensu hic testis liberi loco fuerit, nec quisquam esset, qui status ei questionem moveret.

NOTÆ.

7. Testamenti faciendi tempore] Hoc tempore inspicitur testium conditio, non tempore mortis testatoris, *l. 22. §. 1. eod.* idque ex Principum liberalitate obtinuit etiam in habilitate privativa, ut loquuntur. [Omnium consensu] Totius civitatis, aut maioris partis civium. Quia ita se gerebat, ita agebat, sic muneribusungebatur, ut publice liber plerisque haberetur, arg. *l. 3. pr. de sen. Mac.* facit, *l. 1. C. b. t.*

COMMENTARIUS.

1. Conditionem testium tempore testamenti facti spectari: non nocere, si quid eis postea contigerit.
2. Idem observari in habilitate putativa.
3. Constat error, qui putant testamentum corrumpi, si quis è testibus ante apertas tabulas moriatur aut inhabilis fiat.
4. Quid verba hæc, omnium consensu, hic significant.

Non tantum numerus testium, sed eorum etiam qualitas & requirita conditio est de forma testamenti substantiali, ut loquuntur, non de forma probatoria duntaxat: adeo ut si vel in uno è testibus huiusmodi qualitas deficiat, testamentum per se nullum sit. Enimvero conditionem testium inspicere placuit, cum testamentum signarent, non tempore mortis: nam si tempore testamenti facti tales omnes fuerint, ut adhiberi possint, nihil nocet, si quid postea eis contigerit, puta si quis postea servus factus sit aut intestabilis, furere cœperit aut prodigus esse, *l. ad testium 22. §. 1. & ibi Cuiac. hoc tit.* Quid ergo si quis adhibitus sit, qui quidem adhiberi prohibetur, sed qui communi opinione pro tali testamenti tempore habebatur, qui adhiberi potest; puta si servus adhibitus sit, qui omnium opinione liber existimabatur, & cui nemo eo tempore status controversiam movebat? Testamentum nihilominus sponte sua vitiosum & injustum est, nec communis error formam juris publici mutare potest. Cæterum quod per se momentum nullum habet, Imperatores ex humanitate sustineri voluerunt, atque ut Justinianus hic loquitur, ex liberalitate sua huiusmodi testamentis subvenirent, ut perinde firma sint, ac si omnibus suis numeris ac partibus constarent. Ridiculum vero est, quod vulgo, ex hoc loco colligunt, communem errorem jus facere: non enim error, sed in errore summa Principum auctoritas, jus hoc benigne & speciali favore ultimæ voluntatis constituit.

Tam diuvs Adrianus Catoni (quidam Codices habent Catonio, Theophilus Catonio Vero) quam divi Severus & Antoninus] Rescriptum Severi & Antonini non extat. Adriani est in *l. 1. Cod. hoc tit.* unde tamen non satis expeditum, quid juris esse debeat, si quis consignationis quidem tempore pro libero habitus sit, postea autem ante apertas tabulas in servitutem revocatus status controversiam passus fuerit. Nam Adrianus sua constitutione hoc tantum significat, si quis testis pro libero habitus sit tempore testamenti, cui usque ad tempus aperiendarum tabularum nemo status controversiam moverit, testamentum non obesse debere, quod nunc hæc questio ei moveatur. Unde effici videtur, non idem esse, si jam eo tempore servum esse appareat. Sed dicendum est, aut verba Adria-

Adriani non ita accepta esse, quasi casus iste semper in hæcæ quæstionibus requiratur, sed expressa, quia id in ea controversia forte acciderat, de qua consultus erat; aut constitutione Severi & Antonini rem plenius postea definitam. Sane Jurisconsultus simpliciter ait, testium habilitatem tempore testam. ni facti spectandam; quod postea accidit, non nocere, *dict. l. ad testium 22. §. 1. hoc tit.* Hoc autem non tan-

2 tum pertinet ad habilitatem veram, sed etiam ad putativam: quippe quæ eandem vim ex Principum liberalitate habeat. Atque ut nihil præter hunc locum haberemus, is solus apertissime ostendit, satis esse liberum quem existimari tempore faciendi testamenti: nec ex eo, quod postea esse apparuit, testamentum vitiari. At dicat aliquis, cum signatores tempore aperiendarum tabularum sigilla sua apud prætorem recognoscere & pro testamento testimonium dicere debeant, *l. 4. & seqq. test. qu. aper.* an non ex eo necessario sequitur, testamentum corrumpi, si quis è testibus, qui, conderetur testamentum, pro libero adhibitus fuit, nunc, cum aperiendum est, servus appareat? *arg. l. 11. C. de testib.* quo loco scriptum est servos testimonii dictionem in iudicio non habere. Non magis, inquam, quam si quis è testibus ante apertas tabulas vita functus sit, aut furiosus, cæcus, mutus, furdus, &c. factus. Nam ut teste
3 D. Viglius, sigillorum ista inspectio requisita fuit, non ut formalis aliqua testamenti solennitas, sed ad certiore probacionem voluntatis, & tunc, cum testes adhuc viverent, aut tales essent, qui testimonium perhibere signis inspectis & recognitis possent, testibus autem mortuis, aut inhabilibus ante id tempus factis, non idcirco statim voluntas defuncti concidit, cum adhuc aliis argumentis & conjecturis sigillorum fides confirmari possit, maxime accedente adminiculo subscriptionis testatoris & testium: nam manus cujusque & subscriptio pluribus nota esse solet; potestque etiam in dubio probari per litterarum comparationem. Fusiùs hac de re disputat D. Viglius contra veteres juris interpretes, qui putare, vel uno teste ante aperturam tabularum mortuo vel inhabili facto testamentum protinus irritum fieri: ostenditque, ex ea perfrastione factum, ut verus testandi forma pene abolita sit, cœperintque curare homines, ut de testamentis instrumenta publica per Notarios fierent; quod olim fuit incognitum. At usitatum erat testamenta publicari, hoc est, actis insinuari vel referri in acta publica; quod hæres scripti fieri procurabant, ne, si casu materia, in qua primum testamentum scriptum esset, intercidisset, proximi ab intestato negotium iis facerent. Nam publicatum testamentum priori scriptura casu amissa plenam fidem sine alio adminiculo faciebat, *vid. l. 2. & l. testamenta 18. Cod. hoc tit. & ibi D. Donell.*

Quod autem de servo rescriptum est, id non dubito, quin recte producat, ac defectus aliarum quoque qualitarum, quæ in testibus testamentariis requiruntur, si eadem ratio est; puta si impubes adhibitus sit, qui pubes putabatur; mulier virili habitu virum simulata; prodigus, qui tempore conditi testamenti pro sano à plerisque habebatur. Idem enim favor, eadem benignitatis ratio testamentum, quod summo jure inutile, defendunt. *Joseph. Ludov. comm. opin. 69. in 4. fallent.*

[*Omnium consensu*] Donell. in *l. 1. C. hoc tit.* consensum sive opinionem cæterorum testium intelligit. Quod non placet. Quid enim, si hi nesciant, servum esse, aut status controversiam pati, quod alii omnes in civitate sciunt? Nec magis verba, *omnium consensu*, ad testes solos restringi possunt, quam illa, quæ mox sequuntur, *nec quisquam esset, qui status ei quæstionem moveret*, quæ itidem expressa sunt rescripto Adriani. 4
Omnium igitur consensu sic potius accipiemus, consensu omnium, qui in civitate sunt, opinione totius populi, aut certe majoris partis, quia publice liber à plerisque habebatur, sic agebat, sic contrahebat, sic muneribusungebatur, *argum. l. 3. in pr. de sen. Muc. l. 3. §. 2. de testib.* Quam ob causam Joan. Fab. existimat, nec illud testamentum nociturum, si unus & alter è testibus sciverit conditionem illius, & tacerit. Putatque hoc amplius, locum esse huic constitutioni, etiam si plures ejusdem generis non idonei per ignorantiam adhibiti sint, *arg. d. l. 1. C. hoc tit.* quod & Bachovius videtur admittere, dum ne pauciores, quam duo, habiles sint & idonei. Latius hic expaciantur DD. dum quærun, an gesta ab his, qui se pro scribis aut notariis gerunt, cum non sint, sed communi errore tales habeantur, & instrumenta ab his facta, valeant. Et sic vulgo distinguitur, ut referat, utrum alicui publica auctoritate hujusmodi persona per errorem imposita sit, an quis ipse sibi privatum eam assumpsit: illo casu valere quod gestum est, per *l. 3. de off. prætor.* hoc casu acta non valere, & speciale esse, quod in casu hujus §. testamento succurritur, *vid. Sichard. ad d. l. 1. C. hoc tit. sub fin. lajona ad d. l. 3. qui de eo disputat accuratissime.*

T E X T U S.

De pluribus testibus ex eadem domo.

§: Pater, nec non is, qui in potestate ejus est: item duo fratres; qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

NOTÆ.

NOTÆ.

§ 8. *Pater, nec non is, &c.* Ex l. pater. 17. D. de testib. ratio est in textu add. l. 20. pr. h. t. Ulp. tit. 20. §. 5.

COMMENTARIUS.

Hic locus sumptus est ex l. pater. 17. de testib. add. l. ad testium 22. pr. hoc tit. Vlp. tit. 20. §. 5. Dubitandi causa, ut mox indicatur, esse potest, quod plurimum ex una domo testimonium suspectum videatur, propterea quod hi facile colludere atque in unam eandemque meditatam sententiam conspirare possunt, & fac. l. 3. §. 1. de testib. Sed subiungitur solutio, nimirum tale nihil hic metuendum, ubi plures ex una domo testes adhibentur negotio alieno, unde nihil ipsi commodi sperent; suspicionibus enim non usque adeo indulgendum esse, ut quicumque gratuito malus esse præsumi debeat. Quapropter quod dicitur in l. 6. de testib. testes idoneos non esse, quibus imperari potest, ut testes sint, recte Glossa sic interpretatur, ut testes sint in causa imperantis, eosque pro se producentis. Ne quis putet jus potestatis & filio imperandi obstat, quominus pater simul & filius in alieno negotio testes esse possint. Neque ambigendum est, quin filiusfam. etiam patre invito testimonii dictionem habeat, cum publica auctoritate testimonium denuntietur, cujusmodi in causis jura patris interquiescunt, arg. l. 9. de his qui sui vel al. jur. Illud etiam hic notandum, patrem & filium, item duos fratres, qui in ejusdem patris potestate sunt, in alienis negotiis (non enim in testamento duntaxat hoc obtinet d. l. 17. de testib.) diversarum personarum numero haberi,

TEXTUS.

De his qui sunt in familia testatoris.

9. *In testibus autem non debet esse is, qui in potestate testatoris est. Sed si filiusfamilias de castrensi peculio post missionem faciat testamentum, nec pater ejus recte adhibetur testis, nec is, qui in potestate ejusdem patris est. Reprobatur enim in ea re domesticum testimonium.*

NOTÆ.

9. *Post missionem, &c. nec pater ejus, &c.* Aliud tamen placuisse videtur Ulpiano & Marcello, l. 20. §. 2. h. t. ut bene animadvertit Hotom.

In potestate ejusdem patris Frater scilicet testatoris *οὐκ ἐξ ὅτι*, non emancipatus.

Domesticum testimonium Id est, eorum, qui ita conjuncti sunt, ut alter sit in familia potestate alte-

rius; & una cum eo fictione juris persona. Nam ut recte Græci, *δικειανη μαρτυρια, ἐν ἐν τῆς συγγενείας, ἀλλ' ἐν τῇ ἐνώσει τῇ ἐκδοτικῇ λαμβάνεται*. Non ex cognatione, sed ex coadunatione, quæ per patriam potestatem contingit. Eadem scilicet ratione, qua sui hæredes domestici, §. 2. inf. de her. qual. In judiciis autem testes omnes domestici intelliguntur, qui de domo accusati producuntur, l. 3. C. de testib. l. 24. D. eod.

COMMENTARIUS.

1. *Quomodo questio formanda in filio teste in testamento patris.*
2. *Quid obstat, quominus qui in potestate testatoris est, testis in ejus testamento esse possit. Et quid de filio emancipato, &c.*
3. *Cur in testamento filiusfam. post missionem de castrensi peculio testantis pater testis non admittatur, qui tamen ad tabulas filii emancipati recte testis adhibetur.*
4. *Dissentire Iustinianum in proposita specie ab Ulpiano & Marcello.*
5. *Domesticum testimonium hoc loco estimari ex unione personarum, quæ per potestatem contingit: etsi in aliis causis domestica testimonia interpretamur testimonia personarum domesticarum.*

Hactenus de personis, quarum ea est inhabilitas ut nullius in testamento testes adhiberi possint: sunt etiam quædam, quæ cum per se habiles sint, & recte adhibeantur, non tamen recte adhibentur in testamentis omnium, idque ob causam aliquam privatam, quæ eas *ἐν τῇ* inhabiles facit. Causa hujus inhabilitatis duplex: conjunctio testis & testatoris per potestatem: item negotium testamenti ad eum, qui testis adhibetur, pertinens. Prima hoc §. altera seq. explicatur.

Qui in potestate testatoris est Igitur nec filius testatoris, nec nepos ejus ex filio, qui in potestate sit, nec is, quem testator ab hostibus redemerit, l. qui testamento 20. inf. pr. & §. 1. hoc tit. Sed enim cum constet, filium, qui in potestate sit, aut heredem instituendum esse, aut nominatim exheredandum, silentio eo præterito testamentum ipso jure non consistere, absurda potest videri hæc disputatio. Nam fingamus, esse institutum, jam alia & propria ratione testis esse non poterit, quia heres, §. seq. Fingamus, exheredatum, & nihil videtur obstat, quominus recte testis sit, qui sua se manu exheredem scribere potest, salvo testamento, l. non putavit 8. si quis 6. de bon. poss. cont. tab. nec ullæ hic metuendæ technæ, cum in suam nemo perniciem ingeniosus sit. Quod si dicas, durum videri, ut filius palam testis adhibeatur exheredationis & ingratitude suæ, quid si testa-

testamentum, quo exheredatus est, clausum proponatur, in quo quid scriptum sit, à testibus omnibus ignoretur? ita enim in proposito quaestio formanda est, ut jam illud obijci non possit. Quid est igitur, quod hic obstat, quo minus filius testis sit? Nihil aliud, quam jus potestatis, quod fictionem quandam unitatis personarum inducit inter eum, qui habet in potestate, & qui in potestate habetur, §. si quis inf. de inut. stip. l. ult. C. de impub. & al. subst. Quo fit, ut si alteri alter testimonium dicat, sibi quodammodo dicere videatur, quod subtilitas juris non patitur, ut post Viglium hic norant plerique recentiores, & est textus eo pertinens in §. seq. in fin. Addunt nonnulli, huc etiam referendum, quod generaliter placuit idoneos testes non videri, quibus imperari potest, ut testes fiant, l. 6. de testib. Ego vero arbitror, definitionem istam valere tantum in testimoniis judicialibus; quamvis verum sit, hic quoque quaeri de adhibendo eo, cui imperari potest. Ait, qui in potestate. Igitur à contrario, qui in potestate testatoris non est, puta filius emancipatus, recte testis adhibetur, & pater vicissim in testamento illius; neque enim credendum est, verba illa frustra hic & in d. l. 20. expressa esse. Præterea cessat in emancipato ratio prohibitionis, vinculum scilicet unitatis, quod per emancipationem solvitur. Et vel magis igitur poterit quis testis esse in testamento matris & avi materni. Non obstat, quod parentes & liberi hoc ipso quod parentes & liberi sunt, invicem testes esse prohibentur, l. 9. de testib. l. 6. C. eod. nam ista prohibitio pertinet tantum ad illa testimonia, ex quibus lucri aliquid accedere potest parenti vel filio, cui testimonium dicitur, qualia sunt testimonia judicialia, de quò paulo diligentius postea.

Sed si filiusfam., post missionem &c. neque pater ejus recte adhibetur? Filiusfam. testamentum facere non potest, præterquam si testetur de castrensi peculio inf. tit. 12. ac proinde eo solo casu quaestio hæc locum habere potest, an pater ad testamentum ejus testis adhiberi possit. Sic autem hoc loco distinguitur, ut si filiusfam. militans adhuc testamentum faciat de rebus castrensibus, pater recte testis adhibeatur, si post missionem non æquè. Cæterum quod ad priorem casum; amplius adhuc distinguendum existimo, utrum scilicet militans adhuc testamentum faciat jure militari in castris aut expeditione, an extra castra jure communi; ut illo demum casu pater recte adhibeatur, propter libertatim, quæ militibus data est, in castris testandi facultatem: hoc autem casu non magis, quam si testetur post missionem, arg. pr. & §. 3. tit. seq. & verba illa, post missionem, non ideo hic adjecta esse, quia ante missionem filius testamentum faciens, semper patrem adhibere possit; sed quia post missionem nunquam. Sed hic

nobis occurritur exemplo emancipati, ad ejus tabulas patrem posse testem adhiberi diximus, non alia ratione, quam quia emancipatus non est in potestate. At in eo, de quo quaerimus, nec filiusfam. in potestate est; quippe qui in castrensi peculio vice patrisfam. fungitur, l. 2. de sen. Mac. Huic objectioni ita ferè responderi solet, multum interesse utrum quis revera & sine exceptione sit paterfam. & patri suo extraneus, qualis est filius emancipatus; an quis in re aliqua pro patrefam. habeatur, manens revera paterfam. & domesticus patri suo: qualis est, qui peculium castrense habet. Etenim peculii hujus concessionem non eximere filium de domo & potestate patris; §. 4. sup. quib. mod. jus pat. post. solv. & consequenter non efficere, ut una persona cum parte censi desinat: tantum liberam filiosfam. de iis rebus disponendi facultatem tribuere, & hæredem etiam in iis instituendi, in quo patrifam. comparetur. Cæterum ut ipse pater propter vinculum unitatis, quod retinetur, hunc filium ad suum testamentum adhibere non potest, ita nec in illius tabulis patrem adhiberi posse. Equidem fateor, hæc ita pro Justiniano, & si qui veterum fuere, quos ille secutus est, speciosè disputari: video tamen, aliud placuisse Marcello, cujus auctoritatem etiam Ulpianus secutus est in l. qui testamento 20. §. 2. hoc tit. Ita enim scribit: Per contrarium quaeri potest, an pater ejus, qui de castrensi peculio potest testari, adhiberi ab eo ad testamentum testis possit. Et Marcellus libro 10. Digestorum scribit posse: & frater ergo poterit. Contraria omnino sententia & directo pugnans cum eo, quod hoc loco tradit Imperator, ut bene animadvertit D. Horomannus. Nam quod cæteri interpretes, inter quos etiam Viglium & Bachovium esse video, Marcelli sententiam restringunt ad eum casum, quo filiusfam. de peculio castrensi testatur jure militari sive privilegiato, nullo colore defendi potest. Primum quia tota tractatio illius tituli propria est testamenti solemnisi, ut proinde verisimile non sit Ulpianum eo loco miscuisse quaestionem, quæ ad militaria testamentum pertineret; quod nulla alia in parte ejusdem tituli aut factum est, aut factum oportuit. 2. Quia Ulpianus hanc quaestionem proponit oppositive ad præcedentem, quæ oppositio in dissimili genere testamenti plane inepta foret. Negaverat, in §. 1. ejusdem l. 20. filium, qui in potestate est, testem esse posse in testamento patris. Hoc dictum omnes intelligunt de testamento solemnisi, nec ad testamentum militare pertinere. Mox per contrarium quaerit, an pater ejus, qui de peculio castrensi testari potest, adhiberi ab eo ad testamentum testis possit; & ait, posse, ex sententia Marcelli. At hæc quaestio minime præcedenti contraria est, nisi de eodem genere testamenti, ad quod præcedens pertinet, accipiatur.

3. Notanda sunt verba Jurisconsulti. Non quaerit de testamento filii fam. militis aut in castris agentis, sed quaestionem generaliter atque indistincte proponit de omni filio fam. qui de castrensi peculio testari potest: at potest non solum miles in castris agens jure militari, sed item etiam extra castra jure communi: potest eodem jure & veteranus seu militis missus. 4. De testamento jure militiae facti ne dubitari quidem justè potest; quippe cum verba privilegii, quod mil. tibus indultum est, *quomodo velint. quomodo poterunt. l. 1. de testam. mil.* facile hanc in personis testium differentiam absorbeant, & reciprocationem testimoniorum patris & filii admittant; imo ne testem quidem desiderent, ubi de militis voluntate constat: de quo amplius §. 1. *seq. tit.* Et fortasse motus fuit Marcellus ea, quam dixerat, ratione; quia placuit, filium fam. in peculio castrensi pro patre fam. haberi, quasi ob id etiam diversam à patre personam in causa istius peculii sustinere debeat: id enim receptum est, cum de acquirendo ex causa hujus peculii agitur, in quo ferè solo alioqui fictio illa, quod pater & filius pro una persona habeantur, locum habet.

Ea in re domesticum testimonium] Mysticus horum verborum sensus est, ne quis ex his colligat, in aliis causis domestica testimonia non reprobantur. Quin in causis judicialibus multo magis reprobantur, & tanto, quanto major est reprobationis causa. Sed nimirum hæc Justiniani sententia est; Licet in testamentis de lucro aut commodo ejus, qui testes adhibet, non agatur, ut sit in causis forensibus, ac proinde hic verendum non sit, ne propter affectionem aut reverentiam veritas celetur, quam ob causam etiam personæ conjunctissimæ & amicissimæ hic invicem jus dicendi testimonii habeant: nihilominus tamen domesticum in hac causa testimonium prohibitum esse, hoc est, eorum, qui ita conjuncti sunt, ut alter sit in familia & potestate alterius, & fictione juris eadem cum altero persona, unde cum alteri testimonium præstat, sibi quodammodo præstare videatur: Hac sola juris subtilitate testimonia in proposito vetari, non aliqua falsi suspitione propter cognationem aut affectum. Atque hanc esse Justiniani sententiam hic ipse locus satis perspicue indicat, quem idcirco etiam his verbis extendit Theophilus; *τὸν δὲ δικαίῳ, inquit, μαρτυρεῖν ἐν ἐν τῇ συγγενείᾳ, ἀλλ' ἐν τῇ ἐνώσει τῇ ἐν τῷ ἐξουσίᾳ λαμβάνοντι.* eademque ferè ratione Justinianus *inf. de her. qual. §. 2.* suos hæredes appellatos esse ait, quia domestici hæredes sunt, quibus opponit extraneos, id est, omnes, qui in potestate morientis non fuerunt. Cum igitur prohibendi hujus testimonii non alia causa sit, quam ut illa persona-

rum, quæ per potestatem contingit, sequitur; inter eos, qui ita uniti non sunt, testamentaria testamentaria licita esse, quamvis alioqui summa sit inter eos conjunctio aut charitas. Itaque & patrem rectè testem adhiberi in testamento filii emancipati, avum in testamento nepotis ex filia & contra: item virum in testamento uxoris; multoque magis patronum in testamento liberti, & patrem fam. in testamento mercenarii, & vice versa libertos & mercenarios in testamentis illorum: ac proinde errare interpretes, & inter hos Ant. Matthæum, qui testimonia testamentaria cum judicialibus confundunt. In judiciis nulli parentes & liberi, invicem idonei testes, *l. 9. de testib. l. 6. C. cod.* suspecti omnes, quibus quovis modo imperari potest, *l. 6. cod.* qualis est etiam libertus in domo patroni degens; item qui mercede conducuntur, ut famuli & coloni in villis, aut id genus alii, qui domi famulantur. In his enim causis domestica interpretamur testimonia personarum domesticarum, hoc est, eorum omnium, qui de domo rei, qui in eos imperium habet, producuntur, *l. pen. de testib. fac. l. 11. §. furta domestica de pen. l. ante penult. §. pen. C. de his qui ad eccl. conf.* Discriminis ratio jam ante à me indicata hæc est, quod in cæteris causis agitur de commodo pecuniario ejus, cui testimonium dicitur, ut merito in his testes omnes rejiciantur, quos vel affectione, vel reverentia, aut obsequio veritatem celaturos suspicio est: in testamento autem non de commodo testatoris, sed hæredis agitur, ut non tam illi, quam huic testimonium testes perhibeant.

T E X T U S.

De hærede, & his, qui non sunt in ejus familia.

10. *Sed neque hæres scriptus; neque is, qui in ejus potestate est; neque pater ejus, qui eum habet in potestate; neque fratres, qui in ejusdem patris potestate sunt, testes adhiberi possunt: quia hoc totum negotium, quod agitur testamenti ordinandi gratia, creditur hodie inter testatorem & heredem agi. Licet autem totum jus tale conturbatum fuerat, & veteres quidem familie emptorem & eos, qui per potestatem ei conjuncti fuerant, à testamentariis testimoniis repellebant: heredi autem & iis, qui per potestatem ei conjuncti fuerant, concedeant testimonia in testamentis præstare: licet ii, qui id mittebant, hoc jure minime abuti eos debere suadebant:*

tamen

tamen nos eandem observationem corrigentes, & quod ab illis suatum est, in legis necessitatem transferentes, ad imitationem pristini familiae emptoris, merito nec hæredi, qui imaginem vetustissimi familiae emptoris obtinet; neque aliis personis, quæ ei (ut dictum est) conjunctæ sunt, licentiam concedimus sibi quodammodo testimonia præstare: ideoque nec ejusmodi veteres constitutiones nostro Codici inseri permisimus.

NOTÆ.

10. *Creditur hodie*] Sublata videlicet familiae emancipatione. Expende, quod ait *totum*, ut hac ratione testimonium recipiatur legatarii & fideicommissarii. Cujac.

Hæredi autem] Non tantum clam scripto; sed palam etiam nuncupato.

Pristini familia emptoris] Cujus testimonium ideo receptum non fuisse certum est, quia negotium testamenti palam & apertè cum eo ipso, ut vero hærede, agebatur.

COMMENTARIUS.

1. *Cur veteres fiduciarium familia emptorem à testimonio removerint, heredem admiserint.*

2. *An ad testamentum rectè adhibeatur pater hæredis, cujus in potestate non est, filiiue hæredis emancipati, &c.*

CAusa privata altera, quæ testem inhabilem facit, est negotium testamenti, quod cum teste agitur. Negotium testamenti dicitur id, cujus præcipuè causa testamentum ordinatur, nimirum institutio hæredis sive universi juris successoris. Nemo igitur testis adhiberi potest in eo testamento, in quo hæres scriptus est: quod ideo placuit, quia in testamento negotium hæredis recta & principaliter agitur, utque is solus sit juris successor. Hærede autem summo consequens fuit, ut una removeretur, qui in potestate ejus est, & pater quoque, qui eum habet in potestate, & denique frater, qui cum eo in ejusdem patris potestate est, propter vinculum illud unitatis, de quo dictum §. *præc.*

Veteres familia emptorem repellabant; Hæredi autem concedebant] Certum est, olim, cum primum forma testandi per æs & libram inventa est, neque hæredem, neque eos, qui per potestatem ei conjuncti erant, ad testimonium in testamento præstandum admissos fuisse: quippe cum negotium testamenti palam & apertè cum ipso hærede ageretur. Nam

ut ostendimus in explicatione §. 1. *hujus tit.* initio ipse hæres futurus emebat familiam à testatore isque eam hæredi mancipabat, ut ille hoc tanquam justo titulo, bona post mortem testatoris pleno jure Quiritum consequeretur. Procedente autem tempore, ob causas, quas ibidem indicavimus, hoc mutatum fuit, institutumque, ut solemnitatis implendæ causa familiae quidem emptor palam adhiberetur, sed alius ab hærede, & fiduciarius, qui hæredi fortè clam in tabulis scripto familiam remanciparet. Quo recepto cæpit familiae emptor à dicendo in testamento testimonio summo vereri, & hæres admitti, quasi negotium testamenti, jam non tam cum hærede, quam cum familia emptore gereretur, & absurdum sit, eum, cum quo negotium aliquod geritur aut contrahitur, licet imaginariè, testis officio fungi. Atque hoc etiam obtinebat, etsi hæres scriptum se non ignorabat. Cicero in orat. pro Milon. *Cyri testamentum palam obsignavi cum Clodio: & illum heredem & me scripserat.* Cæterum ab eo jure postea iterum recessum fuisse arguit l. *qui testamento* 20. *pr. hoc tit.* nisi locus ille à Triboniano interpolatus sit, aut de alio genere testamenti intelligendus, quam quod per æs & libram fiebat, accipiendus, arg. §. 2. *tit. 20. Inst. Vlpian.*

Minimè hoc jure abuti eos debere suadebant] Etsi testimonium hæredis apud veteres licitum esse cæpit, cum alius familiam emeret, existimabant tamen, minus verècundè hæredem facturum, si sciens se hæredem scriptum esse, jure sibi concessio uteretur; quamobrem etiam suadebant, ut potius se excusaret, atque à testimonio, si pudori suo consulere vellet, abstineret. Non enim potuit locus esse huic suasioni, ubi, quis hæres institutus esset, ignoraretur. Est autem illud omnino verisimile, sublata ratione testandi per æs & libram (quod factum creditur statim post translatum in Thraciam imperium, arg. l. 15. *C. hoc tit.*) hæredem amplius testem esse non potuisse in ullo testamento: quippe cum ex eo tempore negotium testamenti non tantum serio, sed recta etiam cum ipso hærede agi cæptum sit, quod antea simulatè agebatur cum emptore familiae in testamento per æs & libram: quod etiam ratio initio hujus textus prolata, *Quia totum hoc negotium, &c. creditur hodie inter testatorem & heredem agi*, perspicuè ostendit: ut adeo non admodum necesse fuerit, suasionem istam veterum in legis necessitatè à Justiniano transferri: quod tamen hic se fecisse profiteretur.

Neque aliis personis, quæ ei; ut dictum est, conjunctæ] Scilicet per potestatem, quod antea expressit: ea enim sola conjunctio efficit, ut omnes ita conjuncti pro una persona habeantur, atque ut sibi quodammodo, quod ait, testimonium præstent. Et contrario igitur etiam

etiam hic rectè colligas, eos, qui in potestate hæredis sunt, puta liberos emancipatos, item patrem hæredis, in cujus potestate non est, & fratres ejus, ad testimonium in proposito admitti posse. Nam cum hi omnes diversæ sint ab hærede personæ, non potest dici, negotium testamenti propter hæredem etiam cum his agi, eosque tibi aut in re sua testimonium dicere: licet fortè ex eo commodum aliquod hærede inortuo consequi possint: nam nec legatariorum testimonium rejicitur, quamvis & ipsi in consequentiam lucrum ex testamento capiant. Fatendum tamen est, esse aliquid in personis hæredi sanguine sic conjunctis, ob quod videri possint ad testimonium non admittendi, quod non sit in iis, qui testatori naturaliter conjunguntur, propterea quod ut dictum §. præc. non de testatoris, sed hæredis commodo hic agatur, ut quamvis non testatoris hæredis tamen parentes aut liberi suspicione graventur. Verum in contrarium considerandum est, ignorari plerumque, quis hæres scriptus sit, idque non tantum cum signatur testamentum, sed etiam cum testes jubentur signa sua recognoscere, quod fit ante aperturam tabularum, l. 4. test. quem aper. Sed etsi sciatur, quis hæres scriptus sit, aut si palam hæres nuncupatus, non putarem tamen, statim testamento obesse debere, quod dicantur inter testes adhiberi parens aut filius aut frater hæredis (dempta conjunctione per potestatem.) Nam primo si quam suspensionem necessitudo inducit, ea facilè reliquo testium numero deletur. Deinde etsi negotium hæredis in testamento agitur, is tamen non est onerandus, quia ipse festes initio ad hoc non adhibuit, sed testator; neque aliis testibus postea ad probandam testatoris voluntatem uti potest, quam iis ipsis, qui adhibiti sunt, cum testamentum ordinaretur. In quam sententiam etiam D. Viglius inclinat.

TEXTUS.

De legatariis & fideicommissariis,
& his qui sunt in eorum familia.

II. Legatariis autem & fideicommissariis, quia non juris successores sunt, & aliis personis eis conjunctis testimonium non dnegamus: imo in quadam nostra constitutione & hoc specialiter eis concessimus. Et multo magis iis, qui in eorum potestate sunt, vel qui eos habent in potestate, hujusmodi licentiam damus.

NOTÆ.

Quia non juris successores] Non juris universi, sed rerum singularum, l. 9. §. 1. D. de edend. quorum gra-

tia testamentum non ordinatur, sed universi successoris, id est hæredis habendi causa. Itaque negotium testamenti cum solo hærede geritur, non cum legatariis: nisi fortè per consequentiam; quod placet hic non attendi confirmato testibus adhibitis ipso testamento, d. l. 14. Symmach. lib. 10. epist. 55.

Nostra constituit.] Non extat: sed Zenonis hac de re habemus in l. 22. C. h. t.

COMMENTARIUS.

1. Divinatorium esse, quod quidam prodiderunt, legatarios testes esse vetitos Senatusconsulto Liboniano, & contrarii juris primum auctorem fuisse Scævola.
2. Ratio Iustiniani, cur legatariis & fideicommissariis jus testimonii non denegetur, exposita.
3. Afferuntur complures alie, & certiores.
4. Dispositionem hujus §. non tantum in testamento scriptis, sed etiam in nuncupativis obtinere, consutata singulari opinione Ant. Fabri.
5. Fideicommissarios universales huc non pertinere.

Legatum aut fideicommissum testamento alicui relictum cum testem in habilem in eo testamento non facit: sed placuit legatarios & fideicommissarios testes in testamento adhiberi posse, l. qui. testamento 20. in pr. hoc tit. fac. l. si quis 14. de reb. dub. l. distantibus 22. C. hoc tit. Quo admissio jam eorum etiam, & quidem multo magis, testimonium recipiendum fuit, qui iis per potestatem conjuncti sunt. Dionys. Gothofredus in d. l. distantibus, scribit, olim legatarios testes in testamento esse non potuisse ex Senatusconsulto Liboniano: Horomannus hic, controversum hoc jus fuisse, & primum Scævola ejus inducendi auctorem; atque existimat uterque, hoc ipsum esse, quod Plinius lib. 2. epist. ult. ut improbißimum genus falsi notat. Sed quis Gothofredum docuit, tale quid cautum fuisse Senatusconsulto Liboniano? Aut quis Horomannum, fuisse Scævola contrarii-juris primum auctorem? Non, si Scævola hoc jus comprobavit, ut testantur Arcadius & Honorius, l. 3. C. Theod. de testam. protinus sequitur, eum esse illius juris primum auctorem. Quis vero credat, si verum est, quod Gothofredus scribit, Scævola responsurum fuisse contra auctoritatem recenti Senatusconsulti? Plinius vero loco citato non illud improbum falsi genus appellat, si quis testimonium dicat in testamento, ex quo legatum caput, sed si quis ejusmodi technis, quibus alium esse scribit Marcum quandam Regulum, nequissimum omnium bipedum, aliisve malis artibus testatorem aggrediatur, & legatum extorqueat: quem eundem Regulum intelligit Juvenalis satyr. 1.

Signator falso, qui se tantum atque beatum

Exiguas tabulis & gemma fecerat uda.

Cæterum locus ipse evidenter ostendit, jam tum legatarios testes rectè adhibitos, aut testibus legatum rectè datum. Quin etiam diu ante tempora Plinii hoc jus obtinuisse liquet ex d. l. 14. de reb. pub. ubi auctoritate Trebatii illud defenditur.

2. *Quia non sunt juris successores*] Ratio à posteriori, ut videtur: unde intelligamus, non ut cum hærede, ita cum legatariis & fideicommissariis negotium testamenti geri; ac proinde non eodem modo hos, ut illum, à testimonio testamentario repellendos: quod enim dixit §. præc. negotium testamenti inter testatorem & hæredem geri, & ideo hæredem non debere testem adhiberi in eo testamento, in quo hæres instituitur; id hanc rationem habet, quia hæres universi juris successor est: quippe successoris universi juris habendi gratia testamentum ordinatur, ejusque designatio caput est & fundamentum totius testamenti. Uti igitur hæredis testimonium rejicitur ob id, quod negotium testamenti est negotium successoris juris, ita legatarii admittitur, quia hoc negotium ad eum non pertinet, quia successor juris non est: ille removeretur ab illius negotio, tanquam suæ rei testimonio: hic admittitur in illo negotio testis, tanquam in re aliena. Quod etiam significare videtur Marcianus in d. l. 14. de reb. dub. cum ait, ipsum testamentum confirmari testibus adhibitis, nempe universum illud negotium, quod inter testatorem & hæredem de juris successione agitur, signatorum testimonio confirmari, non attento legato ex illa juris successione pendente. Sed esto: ne sint legatarii juris successores: legata ad constitutionem testamenti non pertineant, & hætenus dicatur negotium testamenti ad legatarios non pertinere: fatendum tamen utique est, saltem aliquo modo etiam de re legatarii in testamento agi, quippe qui emolumentum ex testamento percipiendi spem habet, cujusque propterea pecuniariter interest, testamentum confirmari, ne relictum concidat, l. eam quam C. de fideicom. Hoc ipsum vero satis cause est ad arcendos à testimonio legatarios. Nam etsi non principaliter & recta in rem suam testimonia ferant, sed hæredis; per consequentiam tamen confirmati testamenti & hæreditatis aditæ hoc etiam ad ipsum commodum pertinet: ac proinde quod nemini concessum est, l. nullus 10. de testib. & C. eod. l. omnibus, in re & causa propria nihilominus testimonium dicunt: siquidem palam est, causam propriam esse eam, cujus emolumentum aut damnum ad aliquem quoquo modo suo nomine pertineat, l. 1. §. in propria 11. quand. appell. DD. in d. l. omnibus & l. seq. C. de testib. Quamobrem etsi ratio Justiniani hoc efficit, ut magis hæres repellendus sit, quam

legatarius: tamen non satis idonea videtur, ut propter eam legatarius debeat admitti. Et vero ita est: nec dubitandum, quin certiore aliqua & specie ali ratione hoc jus receptum fuerit; quamvis nulla præter hanc Justiniani in libris nostris aperte tradita inveniantur. Interpretes complures afferunt. Prima est, quod numerus reliquorum testimonium & cæterarum rerum diligentissima observatio, testimonium legatarii ab omni falsi suspitione tuetur; neque tam ob testimonium legatarii, quam ob reliquorum, ad quos ea res non pertinet, legatum sustineatur. Secunda est, quod in proposito legatariis res sit cum hærede, qui, cum hoc debeat testibus, quod testamento eorum testimonio confirmato ipse hæreditatem & bona universa defuncti consequitur, improbè facturus sit, si legatum aliquibus eorum relictum hoc prætextu præstare recuset, quod in re propria testimonium dixerint. Nam siue tempus facti testamenti siue aperti consideretur, testes de voluntate testatoris duntaxat à suo facto deponunt: postea vero cum legatum petunt, cum solo hærede iis negotium est, qui non potest non improbè fidem derogare testimonio eorum, quorum fidem in sua causa secutus est. Hanc attulit Bachovius, eaque mihi non minimi ponderis esse videtur. Et fortassis hoc potius est, quam quod ante dixi, quod Marcianus sensit in d. l. 14. de reb. dub. cum ex Trebatii & Pomponii sententia legatum signatoribus siue testibus (nec enim hi diversi sunt) relictum ideo valere scribit, quia ipsum testamentum testibus adhibitis confirmatur. His accedit & tertia, quod veteres suprema ordinaturi amicis ferè signatoribus utebantur, quibus amoris testificandi gratia nihil relinqui posse, durum sanè atque inhumanum esse. In quam rem elegans locus est Symmachi lib. 10. epist. 55. *Quis, inquit, non familiarissimum quemque signandis adhibet, cum extrema conduntur? Iam quid mirum est, si in oculis positus mereatur aliquod monumentum religionis, qui meruit advocari?* Porro ita disputat, ut, si his legibus viveremus, ut tenuis honor, quo subscriptores ob amicitiam defunctus adspersit, legitimum possit abolere judicium, inimicis signatoribus tutius uteremur: inanemque appellat calumniam & rem post humanam memoriam inauditam, objectionem Bassiani cujusdam, qui hoc jus in dubium vocabat: facit l. Pamphilo 39. §. 1. de leg. 3. Atque his ego rationibus adducor, ut credam, hoc jus non tantum in testamentis scriptis servandum esse; verum etiam in nuncupativis: licet dissentiant Duar. ad tit. qui testament. fac. & Ann. Fab. decad. 66. err. 1. & seqq. & quidem in testamento nuncupativo, quod, uti nunc mos est, per Notarium in scripturam redigitur, ea res minorem dubitationem videtur habere: quia privatum legatarii testimonium pu-

blicæ personæ juratur fide, *Ioan. Fab. Aretin. Imol. Vigl. Zypæ not. jur. Belg. de testam. ut ut Grænew. de ll. abr.* hic subsistat: sed in mera simplici nuncupatione causa est, cur dubites, cum hic testes recta tam de legato, quam de jure hæredis deponant; nullaque alia re testimonium juvetur, ut videri possit, perinde id habendum esse, ac si quis sibi aliquid in testamento adscribat, quod Senarufconsulto prohibitum est, *l. 14. in pr. ad leg. Corn. de fals.* Et tamen magis est, ut hic quoque testimonium legatarii admittatur, cum cæterorum testium fides suspicionem tollat, legatæque ac fideicommissæ etiam codicillis relinqui possint, in quibus constat, quinque testes sufficere: ut ut mutua hic futura sint testimonia, quod notat *D. Hotom. add. Diod. Tulden. ad hunc tit. c. 9.* quam haud gravate admiserim, nonnihil hic tribuendum religioni judicantium. Singularis opinio est *Ant. Fabri. de dec. err. 3.* qui putat, *Nov. 1. c. 1.* in totum ab hoc jure recessum esse, ut hodie nec in scripto testamento testimonia legatariorum & fideicommissariorum admittenda sint: quoniam Justinianus eo loco caverit contra veteris juris regulam, ut si scripti hæredes hæreditatem adire recusarent, ipsis legatariis & fideicommissariis potestas adeundi esset: unde colligit, jus testimonii dicendi nunciis planè denegandum esse, locumque in eis nunc etiam habere rationem hujus §. quia juris successores fieri possunt, Ergo vero malum dicere, hoc curandum non esse, quia ex accidenti est. *Casus adventitii*, inquit *Scævola*, non sunt computandi, *l. 6. qui ex a quib. man. & eleganter Greci*; *Ὁ ἕρως τοῦ ἐξωθεν συμβαίνοντος περιέρχεται ἡμῶς*. Planè locus hic accipiendus est de fideicommissariis particularibus: nam universalis fideicommissarius, id est, cui ex fideicommissio restituitur hæreditas, loco hæredis est, & post Senarufconsultum pro successore juris habetur, §. 3. & 4. *inf. de fideic. her. l. 1. l. 3. de fideic. her. pet. D. Tulden. c. 8. in fin.*

Quadam constitutione nostra] Calumniantium iniquitas sæpe flagitat, ut ea, quæ certo jure constituta sunt, novis subinde constitutionibus specialiter sint confirmanda: quod etiam in proposito accidit. Constitutio autem Justiniani, quo hic se refert haud dubiè priori Codici inserta fuit: Cæterum omissa est in Codice repetitæ prælectionis edito post compositionem Institutionum, quem solum hodie habemus. Et inepti sunt, qui hic intelligi putant aut constitutionem Zenonis *l. distantibus 22. C. hoc tit.* aut responsum Jurisconsulti *l. qui testamento 20. in pr. D. cod.* quando enim ita loquitur Justinianus? At sæpe in his libris constitutionum meminit, quæ in posteriori Codice non habentur, ut in §. sed nec. *inf. de leg. §. pen. inf. de leg. agn. succ. §. 3. de succ. libert.*

T E X T U S.

De Materia, in qua testamenta scribuntur.

12. Nihil autem interest, testamentum in tabulis, an chartis membranisque, vel in alia materia fiat.

N O T Æ.

12. In tabulis] Ligneis dolatis & cera illitis. Hinc tabulæ testamenti, vel etiam tabulæ pro testamento, & lignum pro tabulis, *l. 19. de bon. poss. cont. tab. Juven. sat. 13. & 16.* denique & cera pro tabulis. *Svet. in lul. c. 83. Horat. 2. sat. 5. Juven. sat. 15.*

An in chartis] *l. 1. l. 5. de bon. poss. sec. tab. de varia materia, qua veteres in scribendo usi. v. Plin. lib. 13. c. 11. & 22. Alex. Neap. 2. gen. dier. Hot. 4. obs. 1. Salmaf. de mod. usur. c. 10.*

C O M M E N T A R I U S.

1. Vnde sit, quod ceram pro tabulis veteres dixerint.
2. Testamenta non notis, sed literis scribendæ esse.

A Ntiqui ferè in tabulis ligneis testamenta & quaslibet cautiones scribere solebant. Ex quo est, quod prætores in edictis suis de testamenti tabulis tantummodo loquuntur: & quod bonorum possessio, quæ liberis præteritis datur, vulgo dicitur dari contra lignum, *l. quod vulgo 19. de bon. poss. cont. tab.* & inde Juvenalis *satyr. 13. & 16.* adulterinas & mendaces cautionum tabulas appellat *vana chirographa ligni*. Tabulæ autem illæ cera illitæ erant, literasque stylo, primum ferro, postea osseo, in eis exarabant: unde factum, ut etiam cera pro tabulis diceretur. *Sveton. in lul. Quintum Pedium ex quadrante heredem instituit; reliquos in ima cera.* *Horat. 2. satyr. 5.*

Sic tamen, ut limis rapias, quid prima secunda. Cera velit versu.

Juvenalis *sat. 15.* Accipe ceram, Scribe puer, id est, accipe tabellas ceratas, aut ceratos pugillares, eoque nihil apud hunc poetam iustitius. Cæterum etiam alia materia usos fuisse constat, veluti chartis, membranis sive pergamentis, foliis & libris quarundam arborum, *l. librorum § 2. de leg. 3. add. Plin. lib. 13. c. 11. & 12. Alex. ab Alex. 2. gen. dier. 30. Hotom. 4. obs. 1.* Si quis curiosior, is adeat *D. Salmaf. lib. de mod. usur. c. 10.* Quamvis autem prætor in dandis bonorum possessionibus tabularum duntaxat mentionem faciat; non eo tamen minus bonorum possessionem peti posse placuit, si in alia materia, quæ ad scribendum idonea sit, figura tabularum testamentum scriptum fuerit, *l. 1. de bon. poss. sec. tab.* Atque adeo et si in charta delecticia & opisthographo, *l. 4. eod.* Hodie Notarii qui ferè

in testamentis adhiberi solent, in consiciendis instrumentis pergamenis uti solent: quanquam si in charta papyracea scripserint, non ideo protinus existimandum sit instrumentum nullum esse, aut partium jura lædi, ut hic D. Viglius notat. Illud quoque non refert, quo genere sermonis, quave lingua quis testamentum conferbat, *l. hac consultissima 21. §. ult. l. quoniam 15. C. de testam.* Cæterum litteris, iisque usitatis & legibilibus scribendum esse placuit, non signis obscurisve notis, *l. 6. §. ult. de bon. poss.* Utrique tamen, si per notas usitatas, quibus scilicet utimur in designanda quantitate, portio hereditaria aut summa legati expressa fuerit, institutio aut legatum non vitiabitur, *l. 9. §. 4. de her. inst.*

T E X T U S.

De pluribus Codicibus.

13. Sed & unum testamentum pluribus codicibus consicere quis potest, secundum obtinentem tamen observationem omnibus factis: quod interdum etiam necessarium est; veluti si quis navigaturus & secum ferre & domi relinquere judiciorum suorum contestationem velit: vel propter alias innumerabiles causas, quæ humanis necessitatibus imminant.

N O T Æ.

Pluribus codicibus] Pluribus exemplaribus, *l. 47. de legat. 2. pluribus tabulis, d. l. 1. §. 6. l. ult. que in testament. del.* ut tamen omnia sint inter se iuncta, unius tenoris & formæ, ac solemnitatis, *d. l. ult. & facta quasi testamentum; non unum quasi testamentum; aliud quasi exemplum seu ὑπογραφήν, d. leg. 1. §. 7. sec. tab. add. Salmat. ubi sup.*

C O M M E N T A R I U S.

1. An ut unius testamentum in plures codices referri, ita & plurium testamenta in unum codicem conferri possint.

P*luribus codicibus*] Id est, pluribus exemplaribus, *l. unum 24. hoc tit. l. 1. §. si quis 5. de bon. possi. sec. tab. aut pluribus tabulis, l. ult. que in test. del. Atq. unum testamentum.* Nemo enim paganus cum duobus testamentis decedere potest, sed prius semper rumpitur à posteriore. Testamentum vero, quod quis pluribus codicibus consignavit, atque eodem tempore solemniter complevit, unum atque idem testamentum est, *l. 1. §. 6. de tab. exhib. l. ult. que in test. del.* Sed & si quis in duobus codicibus simul signatis alios atque alios hæredes scripserit, utrumque extet, ex utroque quasi ex uno competit bonorum possessio; quia pro unius tabulis habetur, &

utrumque pro supremo, *d. l. 1. §. sed & si. 6. sec. tab.* quem locum eruditè interpretatur D. Salmat. *cap. 10. de mod. instr. pag. 417. & seq.* ubi & alii minus trita. An autem, quemadmodum uni licet testamentum suum in plures codices referre, ita ex contrario pluribus liceat sua testamenta conferre in codicem unum, siue in unius chartæ volumine supreme ordinare, unis iisdemque testibus septem ad eam rem convocatis unoque contextu adhibito, quæsitum est. Negant Vigl. & Horomannus: quibus assentior. Etenim ut uniuscujusque testamenti propria contestatio est; ita & proprium ac separatim instrumentum esse oportet: admissaque illa diversorum testamentorum conjunctione, corrumpatur necesse est subtilissimum testamenti negotium, quod totum, uno perpetuoque contextu ac tempore perfici atque absolvi debet, nec alienos aut extraneos aliorum actus intervenire patitur, *l. hæredes 21. §. ult. hoc tit. l. hac consultissima 21. l. cum antiquitas 29. C. eod.* In casu pupillaris substitutionis patris quidem & filii testamentum conjungi potest, unisque septem testium signis obfignari: sed hoc ideo receptum, quia pro uno testamento habetur, *l. patris 20. de vulg. & pup. subst.* ut vel ex eo intelligere liceat, singula testamenta singulas seorsum desiderare solemnitates. Diss. tamen comm. DD. quorum sententiam ex professo contra Viglium tuetur Beckius *lib. 1. de testam. conjug. cap. 19.* & usus probavit: hodieque usitatissimum inter conjuges est, ut simul & unis solemnibus adhibitis testentur, & tam in scriptis quam per nuncupationem: quod etiam Novella quadam Valentiniani permissum fuit, *tit. de testam. l. 1. add. Gail. 2. obs. 117.*

Secundum obtinentem observationem] Si unius testamenti plures sint codices, potest ex unoquoque bonorum possessio peti, sed ita, si omnes sint authentici, id est, si facti sint tanquam testamentum, eodemque tempore adhibita omni solemnitate completi, *d. l. ult. de his que in test. del.* Aliud namque juris est, si testator unum fecerit, non quasi testamentum, sed quasi exemplum siue copiam, ut vulgo loquuntur, *d. l. 1. §. sed si 7. secund. tab.* quia si ex apographo siue descriptione bonorum possessio daretur, magna aperiretur fenestra improbis hominibus ad testamenta subijcienda, *fac. l. 2. de fid. instrum.* Quid vero juris erit, si ex binis tabulis ejusdem testamenti unam testator deleverit aut incididerit? Responsum est, ex integris hæreditatem adiri aut bonorum possessionem peti posse, nisi hi, qui ab intestato venire desiderant, probaverint, hoc animo à testatore incisas, ut intestatus moreretur, *d. l. ult. que in test. del.* Quid si eadem diversa summa legata sit, puta in alteris aurei quinquaginta, in alteris centum? Proculus respondit hæredi parcendum esse, & tantum quinquaginta deberi, *l. Sempronius 47. de legat. 2.*

Quod

Quod interdum etiam necessarium] *Καὶ τὸ π*: si videlicet quis vereatur, ne si forte unum tantum exemplar fecerit, voluntas exitum non sit habitura: quippe cum unum instrumentum facile amitti aut alias perire, occultari aut suppressi ab hæredibus venientibus ab intestato possit, *l. unum 24. hoc tit. l. si in duobus 10. §. ult. test. quem. aper.*

TEXTUS.

De testamento nuncupativo.

14. Sed hæc quidem de testamentis, que scriptis conscribuntur, sufficiunt. Si quis autem sine scriptis voluerit ordinare jure civili testamentum, septem testibus adhibitis, & sua voluntate coram eis nuncupata, sciat, hoc perfectissimum testamentum jure civili firmiterque constitutum.

NOTÆ.

Voluntate nuncupata] Palam & clarè pronuntiata ut à testibus exaudiri & intelligi possit, *dd. 4. l. 25. eod. Svet. in vit. Horat. Decesit herede Augusto palam nuncupato.* Scriptum testamentum etiam clausum offerri testibus obviandum potest, celato nomine heredis: unde *μυστικόν*. Græcis dicitur.

COMMENTARIUS.

1. Communia testamento scripto cum nuncupativo.
2. Qua in re præcipue alterum ab altero distet.
3. Veteres rarius heredem nuncupare solitos fuisse, quam scribere, & quare.
4. Modi seu forma testandi, quibus in hisce regionibus ferè utimur.
5. An testamentum secundum statutum aut consuetudinem alicujus loci factum etiam vim habeat extra illum locum.

HOC §. breviter comprehensa est forma testandi sine scriptura sive per nuncupationem: quæ testandi ratio tota est à jure civili: nam prætorii testamenti præcipua solemnitas consistit in obsignatione testium, cui sine tabulis locus esse non potest. Cæterum prætor ut custos juris civilis, etiam secundum nuncupationem bonorum possessionem dat, *l. 8. §. ult. sec. tab. l. 2. C. eod.*

1. *Septem testibus adhibitis*] Testamento nuncupativo quædam communia sunt cum scripto veluti numerus testium, eorumque conditio, & testationis unus contextus. Oportet quoque hic requæ testes rogari, aut certè admoneri, cujus rei gratia collecti sint, *l. heredes 21. §. pen. hoc tit. l. hac consultissima 21. §. per nuncupationem C. eod.* Olim etiam necesse fuit,

ut is, qui per nuncupationem testaturus erat, formalibus verbis testes præmoneret, se ideo eos convocasse, quod sine scriptura testamentum facere constitueret. Sed cum ex ipsa nuncupatione satis appareat, quæ forma quis testari cogitet, Justinianus id iussit *l. in testamentis 26. C. eod.* Quid v. ro, si de eo dubitetur? Finge, unum aut alteram e testibus adhibitis, cum testator ex scheda, in qua memoriæ causa voluntatem exceperat, recitato testamento heredem pronuntiasset, subsignasse & subscr. pisse. Et vulgo placuit, propter superfluum solemnitatem non debere vitari testamentum, quod utique omnia ea in vim nuncupationis valitum erat. Planè, si constet, scripturam, quæ profertur, ad testamentum faciendum paratam esse, aliud dicendum erit, *l. ex ea 29. hoc tit.*

Et sua voluntate nuncupata] In hoc maxime distat testamentum, quod sine scriptura fit, a testamento scripto: nam scripturam testamenti potest testator, si ita illi videbitur, clausam coram testibus proferre, testarique, suum hoc esse testamentum, celato nomine heredis, quam ob causam hoc testamentum mysticum dictum. Nuncupare heredem, est, lingua & verbis pronuntiare: unde nuncupare heredem & heredem pronuntiare pro eodem usurpantur, *l. si is qui 25. hoc tit.* Gloss. Basil. *nuncupatio, ἐνφώνησις ἀγγελία*. Palam autem voluntas hic nuncupanda est: non utique publice aut in propatulo, quod particula *palam* aliquando significat, veluti cum mulier dicitur palam corpore suo quæstum facere: sed clare & intelligenter, sic ut à testibus exaudiri & intelligi possit, *d. l. heredes 21. in pr. hoc tit. d. l. hac consultissima §. per nuncupationem, C. eod. l. ult. de jur. cod. ita Svetonius in vita Horatii; Decesit her. de Augusto palam nuncupato, cum urgente vi valetudinis non succederet ad obsignandas testamenti tabulas.* Proinde quod in testamento scripto necessarium non est, *l. qui testamento 20. §. pen. hoc tit.* in nuncupativo omnino necessarium puramus, ut testes intelligentiam habeant sermonis testatoris: quo etiam *fac. l. coram 209. de verb. sign.* eoque jure hodie utimur. Fuit quidem etiam in scriptis testamentis usurpata nuncupatio: sed in his significat generalem illam testationem voluntatis, cum testator tabulas testamenti tenens apud eos, qui ut testes essent, rogati erant testabatur, id suum testamentum esse, non nuncupationem heredis. *l. p. tit. 20. §. 8.*

Perfectissimum] Respectu scilicet effectus, quem non minorem habet, quam testamentum scriptum; quod alioqui ratione solennitatis perfectius est. Etsi autem ratio testandi per nuncupationem longe expeditior est, quam per scripturam: tamen testamenta nuncupativa minus usitata veteribus fuisse, quam

quam scripta, argumento est, quod passim tabulatum testamenti & hæredum scriptorum in libris nostris mentio fit; raro nuncupationis. Cujus ego rei duplicem esse causam reor; tum quod in testamento scripto necesse non est pandere ea, quæ scripta sunt; quæ celari sepe interest & ipsius testatoris & hæredum cæterorumque quibus aliquid relinquitur; quam utilitatem testamentum nuncupativum non habet: tum quia scripti testamenti fides subscriptionibus & signis testium confirmatur; ex quo fit, ut etiam si testes decesserint, ratum nihilominus illud maneat: nuncupativi autem testamenti fides tota pender à depositione testium, quibus mortuis aut aliquibus eorum, cum non sint, aut pauciores sint, quam requiruntur, qui sisti iterum possint, & in judicio testimonium dicere, necesse est irritam fieri defuncti voluntatem: Sed huic incommodo postea occursum est adhibito tabulario, qui voluntatem coram testibus nuncupatam acciperet, ac rem gestam scripturæ suæ auctoritate confirmaret: ejusmodi scripturæ & instrumenta tabellionum sola per se citra nec vultu testium adminiculi vim probandæ ultimæ voluntatis habent: nec tamen quod ita factum est, ideo mox desinit esse testamentum nuncupativum, cum solius probationis gratia scriptura interveniat, non quod sit de substantia testamenti: quanquam non negaverim, habere hoc genus testamenti nonnihil, quod naturam scripti testamenti sapiat. De quo vide *Sichard. in l. hac consultiſſima, §. per nuncupationem, num. 2. C. hoc tit.* In his regionibus etsi nemo veretur antiquo more ac ritu Romanorum testamentum condere, duobus tamen potissimum modis testamenta confici solent; uno coram duobus decurionibus sive scabinis & secretariis loci, in quo testamentum fit, sive in agro sive in oppido, quæ forma testandi respondeat publicationi testamentorum apud acta judicium vel municipium, l. omnium 19. C. hoc tit. altero coram notario & duobus testibus. Qui modus fere solus est in usu vulgi. *Gudelin. de jur. nov. lib. 2. cap. 5. Grot. lib. 2. introduct. e. 17.* Exhæredatio liberorum hoc amplius requirit, ut testes sint scabini: quod arguit formula juramenti à notariis in ingressu muneris præstandi: caurum edito quodam Caroli V. *Grænev. de ll. abr. hic.* Notarius testatorem nosse debet: sin minus, ipsi testes, quos id quoque testificari oportet: Voluntas voce nuncupata à Notario scripto comprehendere solet & in protocollum referri: unde postea petenti testatori solenne instrumentum conſtituitur. Quia usu etiam receptum est, ut Notarius receptam in scheda voluntatem testatoris ipse recitaret testibus prælegat, deinde testatorem interroget, an omnia bene perceperit, ita velit, ita jubeat, eamque supremam suam esse voluntatem agnoscat: atque approbante

testatore, testamentum perfectum censetur, etiam si neque testatoris neque testium subscriptiones aut signacula habeat. *Grænev. d. loc. D. Jac. Coren. obs. 10.* In quo longe recessum est ab antiqua ratione testandi per nuncupationem, quæ pro forma requirebat, ut ipse testator singula pronuntiaret, nuncuparetque sua voce omnia, quæ post mortem suam fieri vellet. Quod sane eo diligentius observandum erat, quia ad perfectionem hujus testamenti nihil amplius jus civile desiderabat. Nunc autem admixta prælectione aliena facile testatori imponi potest: Quid enim si notarius aliquid addiderit de suo, quod testator præsertim ægrotus non animadvertat? Hæc etiam vulgo nota sunt. Quæsitum est, an testamentum juxta alicujus loci consuetudinem aut statutum factum etiam vim habeat extra illum locum: exempli gratia, testator ibi testamentum fecit, ubi coram duobus testibus & Notario testari licet, ut in hac nostra Batavia; quæritur an valeat etiam in iis locis, ubi septem testes requiruntur, uti in Frisia, ubi sequuntur jus civile. Affirmant comm. DD. in l. 1. C. de sum. Trin. Vir. 1. opin. 36. *Coras. de jur. art. p. 3. cap. 13. Corvar. 2. de spons. §. 7. num. 8. Costal. ad l. 6. de evict. Anton. Pet. in C. de testam. num. 2. & secundum hanc sententiam sepiſſimè judicatum. Guid. Pap. decis. 262. Tessaur. 2. quest. for. 8. Myns. §. 1. obs. 19. & 20. Gail. 2. obs. 123. Ioan. à Sande lib. 4. tit. 1. de fin. 14.* Sunt tamen, qui in contrariam eant, & in quæſtione proposita sic distinguendum arbitrantur, ut circa res quidem mobiles & nomina admittenda sit communis interpp. sententia; at circa res soli spectandum jus ejus loci, in quo sitæ sunt. Quippe res mobiles, quoniam ubicunque sunt, ibi sint ex voluntate domini, & pro libitu ejus transferri possunt, personam sequi, non leges locorum: immobilia vero, utpote quorum certus perpetuusque situs est, regi secundum constitutiones loci cujusque possessionis, per l. 4. Cod. de jur. fisci. l. ult. de jurisd. ita constanter *Mansuer. in sua prax. tit. de success. B. f. ad l. 6. de evict. Nic. Burg. ad consuet. Flandr. tit. 6. Christin. vol. 2. decis. 3. 4. & 5. & vol. 4. decis. 5. & 10.* Mihi prior sententia probabilior videtur, mutumque referre, utrum statutum disponat circa solennitatem alicujus actus, an circa rem, puta fundum locumve. Quæ statuta in rem concipiunt. Qualia sunt, quæ de successione ab intestato disponunt, rem ipsam haud dubie afficiunt, ut ubicunque sit, ejus loci, ubi est, legibus obstringatur. Idemque habendum de statutis, quæ circa habilitatem personarum dispensando aliquid disponunt. *Gail. d. lib. obs. 124. & alii, ubi sup. Coras. d. loc. p. 3. cap. 14. Gomez. ad l. 3. Tauri. n. 20.* Quæ autem statuta disponunt circa actus solennitatem duntaxat, cum neque rem afficiant, neque personam actum celebrantis, sed ipsam

solummodo dispositionem, quæ sit in loco statuti vel consuetudinis, rationi & juri consentaneum est, ut ea vim suam exerant etiam ad bona alibi sita; quoniam actuum solennia ad eorum spectant jurisdictionem, in quorum territorio celebrantur, per l. 6. de evict. l. 3. in fin. de testibus, l. 2. C. quemad. test. ap. facit, l. 9. & l. ult. Cod. hoc tit. & alias contra rationem juris testato decedere volenti plura testamenta essent condenda, aut, quod absurdum est, plurium locorum consuetudines in uno testamento exquirere oporteret, actumque unum atque individuum, qua-

lis est testamenti, secundum diversa loca dijudicari. Peck. de test. conjug. lib. 4. cap. 28. in fin. D. Ioan. à Sande dist. defn. 14. ubi contraria scite expedit, & prudenter temperat novam quandam distinctionem Fachi-næi. Adde, quæ nos lib. 2. select. quest. cap. 19. Plane, si lex expresse testatores sequi jubeat jus loci, in quo bona sita sunt, aliud dicendum est. Talis est constitutio Principum Brabantiae emissæ anno 1611. cujus meminerunt Burgund. Christin. Told. C. h. t. Perçzins dd. loc.

TITULUS XI.

D. lib. 29. t. 1. C. lib. 6. t. 21.

De Militari Testamento.

Ratio ordinis. Militare testamentum quid hic significet.



Iximus sub rubrica præcedentis tituli duo esse testamentorum genera. Unum commune omnium, quod paganicum dicitur; alterum militum proprium, quod ideo appellatur militare. Hactenus quæ tradita sunt de ordinandis testamentis, ea solum pertinent ad testamenta paganorum: militaria, de quibus porro nunc agitur, legibus istis soluta sunt. Militaria autem testamenta hic non accipimus omnia, quæ facta sunt à militantibus, id est, iis, qui in numeros relati sacramento tenentur; sed quæ facta sunt jure militari. Possunt enim & milites jure communi testari, l. 3. hoc tit. imo debent, cum extra castra versantur: sed cum in expeditionibus occupati sunt, proprio jure & privilegiario testandi facultatem habent, neglectis legibus omnibus, quæ ad solennitatem condendorum testamentorum pertinent. Itaque testamentum militis sive militare in causa proposita id solum intelligitur, quod à milite factum est in expeditione jure militum proprio.

TEXTUS.

In militum testamentis solennitates remissæ.

Supradicta diligens observatio in ordinandis testamentis militibus propter nimiam imperitiam eorum constitutionibus Principibus remissa est. Nam quamvis ii neque legitimum numerum testium adhibuerint, ne-

que aliam testamentorum solennitatem observaverint, recte nihilominus testantur, videlicet cum in expeditionibus occupati sunt. Quod merito nostra constitutio introduxit. Quoquo enim modo voluntas ejus suprema inveniatur, sive scripta sive sine scriptura, valet testamentum ex voluntate ejus. Illis autem temporibus, per quæ citra expeditionem necessitatem in aliis locis, vel suis adibus degunt, minime ad vindicandum tale privilegium adjuvantur. Sed testari quidem, etsi filii familiarum sint, propter militiam conceduntur: jure tamen communi, eadem observatione & in eorum testamentis adhibenda, quam in testamentis paganorum proxime exposuimus.

NOTÆ.

Nostra constitutio] l. pen. C. h. t. id tamen & antea obtinuisse videtur, l. 1. l. 15. C. eod.

Quoquo modo] Sive in clypeo, sive vagina, sive in pulvere, eis τὸ πλῦ τῷ ἔξῃ C. l. 15. C. eod. Synopsi. Attal. tit. 34.

Suis adibus] In nonnullis est sedibus, testib. Vigil. & Giphani. & ita Contr. Wes. Fabrot. Sedes militum ex adverso opponuntur expeditioni. Veget. l. 3. cap. 4. & ult. Th. ordemis, id est, ut Schol. §. 3. inf. de ordemis, in stativis aut hybernis. Sedera sunt stationes, l. 8. C. de Episc. aud. loca, ubi milites otiole

oriose commorantur. Lapsus hic est Cujac. & consult. 49.

Propter militiam] tit. proxime seq. Significat filiosfam. militantes idem jus habere, quod patresfam. stipendia item merentes: ut in expeditionibus jure militari, alias jure communi de peculio castrensi testari possint.

COMMENTARIUS.

1. Imperitiam militum non esse causam principalem privilegii militaris, sed periculorum functionem.
2. Militibus remissa omnia, quaecunque subtilitatem magis, quam naturalem rationem habent, sive ea ad constitutionem testamenti pertineant, sive ad infirmationem.
3. In hybernis aut praesidiis locatos jure privilegario testandi potestatem non habere, & num. 5.
4. Vaginam, clypeum, pulverem militi charta loco esse posse, ensen pro calamo, sanguinem pro atramento, &c.
5. Etiam filiosfam. milites jure militari in castris testandi licentiam habere.

Propter imperitiam eorum] Causa beneficii, Cujusmodi etiam mandatis inserta est eo capite, quod extat in l. 1. hoc tit. & rescripto Antonini, l. 3. C. eod. quibus locis hoc beneficium concessum traditur propter eorum simplicitatem: hoc enim est propter imperitiam. Nam cum simplicitati ut plurimum adjuncta sit rerum imperitia: imo vero cum ex imperitia nascatur simplicitas: hinc factum, ut simplicitas Latinis interdum significet imperitiam. Ut in illo Nafonis;

Fallere credentem non est operosa puellam.

Gloria; simplicitas digna favore fuit.

Idem quoque significatur in l. ult. in pr. C. de jur. delib. cum milites dicuntur arma magis, quam jura scire. Atque huc accommodari aliquo modo potest, quod Tacitus scribit in vita Agricol. Castrensis jurisdictionis obtusior est, ac plura manus agens, calliditatem fore non exercet. At enimvero non est hæc ratio adæquata, neque simplicitas militaris aut sola est hujus privilegii causa, aut principalis. Non sola: alioqui enim & fœminis & rusticis idem privilegium concedi oportuisset, & militibus concedi sine exceptione temporis aut loci, & cum procul dubio multi etiam legum juris periti stipendia fecerint, hoc excipi. Non principalis; quia extra castra & tempus expeditionis privilegio uti non possunt. Principalis vero causa est, quam Ulpian. expressit, l. un. de bon. poss. ex test. mil. laborum & periculorum functio, cum in expeditionibus & castris sunt; quo tempore armorum cogitatio, pericula imminencia, & sese continendi necessitas, omnem aliam de jure cogitationem adiungit. Et ideo nec militibus alio loco aut tempore

suo jure testari licet, & aliis quibusvis, quamvis non mercant, in hujusmodi periculis & hostico, aut procinctu deprehensis, si ibi decedant, jure militari, quoquo modo velint, quoquo modo possint, testari permissum, d. l. un. l. ult. hoc tit.

Constitutionibus Principalibus] Primus Julius Cæsar, ut auctor est Ulpian. l. 1. hoc tit. liberam militibus testamenti factionem concessit, cæterum eam, concessionem ait fuisse temporalem: postea vero primum Titium, & post hunc Domitianum eandem libertatem iterum dedisse; ac demum plenissimam indulgentiam in milites collatam à Nerva, & qui eum secutus est, Trajano; exinde hoc perpetuo privilegio milites usos, ut quoquo modo testati essent, rata esset eorum voluntas.

Neque aliam testamentorum solennitatem observaverint] Puta in continuatione actus, in rogatione subscriptione & signatione testium. Itaque quamvis uno contextu actus testati non sint, quamvis testes adhibiti rogati non fuerint, quamvis per scripturam testantes non curaverint tabulas subscribi aut signari; nihilominus tamen rectè testati intelliguntur: placetque, nudam voluntatem militum non minus pro testamento servari, quam aliorum solennem dispositionem, l. 1. & passim, hoc tit. & C. eod. Porro autem non in eo duntaxat consistit privilegium militum, quod testamenta eorum non sint adstricta legibus, quæ ad externas illas solennitates, numerum, rogationem, subscriptionem, obsignationem testium pertinent: sed in cæteris etiam partibus, sive illæ ad constitutionem testamentorum pertineant, sive ad infirmationem. Quaecunque subtilitatem magis, quam naturalem rationem habent, ea omnia militibus remissa sunt, ut in universum rectè definit Duar. c. 4. ad hunc tit. Proinde etsi miles liberus, quos in potestate habet, sciens præterierit; l. sicut 9. & seq. C. hoc tit. sive hæredem ex die aut ad diem instituerit, sive alias pro parte testato, pro parte intestato decesserit; l. 6. l. in fraudem 15. §. miles 4. l. si duobus 37. l. miles 41. eod. l. 8. C. eod. sive eum, qui testamenti factio non est, hæredem fecerit; l. idem 13. §. 2. eod. sive filio emancipato aut cuiusque extraneo in secundum casum directo substituerit; l. 5. d. de miles 41. §. 4. eod. sive hæreditatem codicillis directo dederit; l. militis 36. eod. sive solis liberis, non etiam sibi testamentum fecerit: d. l. in fraudem, §. pen. d. l. miles, §. ult. nihilominus rectè testatur, & voluntas ejus prout jacet, custoditur. Lege Falcidia ultra dodrantem jure communi legare non licet, militibus licet, l. si certarum 17. in fin. hoc tit. l. 12. C. eod. l. 7. Cod. ad leg. Falc. Jure communi nunquam per se nuda voluntas testatoris ad infirmandum testamentum valet: invito eo multis modis infirmatur, inf. quib. mod. test. inf. Ex contra-

non sola militis voluntas ad infirmandum sufficit, d. l. in fraudem, §. 1. invito autem eo, extra casum maximæ aut medix capitis deminutionis, l. 6. §. sed si quis 6. & seqq. de injust. rupt. test. tamentum ejus non infirmatur. Non agnatione aut quasi agnatione sui hæredis, l. 7. & seq. hoc tit. (quod tamen temperabis ex l. 9. & d. l. militis 36. §. 2. eod.) non ipsius adoptione aut adrogatione, l. miles 22. & seq. eod. §. pen. inf. eod. non alio denique testamento postea facto, si modo & prius valere voluerit, l. quærebatur 19. eod. Hæc summa est, quædam diligentius excutientur inferius.

In expeditionibus] Expeditio dicta, quod milites sint expediti ad confligendum cum hoste, quandoque casus ingruat. Ita expeditio non est conflictus ipse, neque etiam tempus belli: sed totum illud tempus, quo milites in armis procedunt, aut sunt adversus hostem, sive eum persequantur, sive eum imminentem expectent, intenti ad opportunitatem rei gerendæ, vel ut invadant, vel ut invadentem sustineant ac propulsent. Cassiodorus l. var. 17. Hanc merito expeditionem nominavere majores, quia mens devota præliis, non debet aliis cogitationibus occupari. Præsidia, hyberna, cæteraque loca, in quibus militem extra castra commorari necesse est, sedes appellantur. Veget. l. 3. de re mil. cap. 4. & ult. Sallust. in lugurth. Milites mense Ianuario ex hibernis in expeditionem evocat.

3 Quod merito nostra constitutio introduxit] l. pen. C. hoc tit. An igitur ante hanc constitutionem Justiniani, quamdiu milites in numeris manebant, quocunque loco & tempore jure proprio testari potuerunt? Id quidem Viglius affirmat: sed ego ambigo. Nam & in l. 1. C. hoc tit. quæ Antonini est, & in l. milites 15. C. eod. quæ est Constantini, expeditionis expressa fit mentio: & ratio privilegii, periculorum functio, quam affert Ulpian. l. un. de bon. poss. ex test. mil. cessat, cum in castris & expeditione non sunt. Putarem tamen, olim milites, qui in provinciis habebantur, jure militari illic testari potuisse, quasi in expeditione. In exceptionibus, quoque declinandis & petendis in integrum restitutionibus ea tantummodo tempora militibus prodesse Justinianus voluit, quæ in expeditione currunt, l. ult. C. de test. mil. l. ult. C. quib. non obji. long. temp. præscr.

4 Quoquo enim modo voluntas ejus, sive scripta sive non scripta] Et scripta quidem valebit etiam nullis testibus adhibitis: nuncupata duobus probari poterit. Quinimo militi jam in hostem pugnaturum vagina, clypeus, pulvis humus, chartæ vel tabularum loco esse possunt, & notæ pro literis, l. Lucius 40. hoc tit. sanguis pro atramento, ensis pro stylo, penna aut calamo, l. limites 15. C. eod. Cæterum hoc casu crediderim alio quo opus esse testimonio, ut de eo con-

stare possit, cum vix sit, ut ex hujusmodi scriptura manus alicujus agnosci queat, ut per comparationem literarum probari. Etsi enim voluntas militis quomodocunque declarata rata est: ea tamen legitimis probationibus ostendi debet, d. l. Lucius, quod & Joan. Faber notat.

Vel suis adibus] Ita etiam legitur in utraque modo allegata constitutione, & l. ult. C. de post. rev. in Basilicis, teste Cujacio, ἐν τοῖς ἰδίοις αἰσίοις, Theophilus pro eo habet, ἐν τοῖς λεγομένοις αἰσίοις σέδεσσι, σέδεσσι autem esse Horomannus scribit, quæ Latini stativa appellant. Ant. Augustinus in l. 18. Cod. de Episc. aud. verit. stationes. Suidas fossata esse tradit. Et ita, σέδεσσι apud Ruffum de legib. militar. pro Φοσάται. Ego existimo, Theophilum intelligere loca omnia, in quibus milites commorandi potius, quam pugnandi causa habentur, puta hybernacula, aut ubi in præsidii sunt, ἐν ταῖς διαγείν αὐτῶν ἀνάγκη, (sic enim ipse interpretatur) donec expeditio aliqua suspiciatur. Sedes militum dicuntur, & ex adverso opponuntur expeditioni. Veget. lib. 3. cap. 4. Ita exercitati & eruditi in sedibus milites, cum ad expeditionem ex diversis convenerint locis &c. Idem eod. lib. cap. ult. Milites paena & timor in sedibus corrigunt, in expeditionibus spes & præmia faciunt meliores. Atque hoc etiam loco non adibus, sed sedibus Contius & Wesembecius legunt: quomodo nonnullos etiam codices habere. Viglius & Giphanius testantur. Puto autem, falsum esse Cujacium, qui ex falso consultus consult. 49. respondit, milites etiam in hybernis & præsiidiis locatos ibidem jure privilegii sui testari posse. Nam qui sunt in hybernis aut præsiidiis, neuiquam dici possunt esse in expeditione aut castris, quod tamen expresse requiritur & hoc loco & §. sed hætenus 3. inf. eod. Cessante autem causa privilegii & ipsum cessat privilegium, per vulgat.

Etsi filiosfam. sint, &c. jure tamen communi] Ex his verbis Porcius colligit, filiosfam. jure militari testari non posse: quo nomine merito reprehenditur à Viglio. Locus planus est & apertus. Restrinxerat ante privilegium militibus datum ad ea tempora, quibus occupati sunt in expeditionibus: ne quis vero ex eo putaret, milites & maxime filiosfam. alio tempore non posse testari ullo modo, subjicit, posse quidem etiam milites extra castra & expeditionum occupationes testari, & posse etiam filiosfam. de quibus solis, cum à privilegio militari recesseris, iuste dubitari poterat, sed non aliter omnes & filiosfam. de castrensi peculio tunc posse, quam jure communi omnium civium Romanorum. Non igitur negat Imperator, filiosfam. milites in expeditione occu-

occupatos jure militari testari posse, sed ait, eos etiam cum in expeditione non sunt testari posse; verum tunc non aliter, quam jure communi, significans, eos idem jus utrobique habere, quod patresfam. stipendia merentes habent. Ex præcedentibus autem apparet, quam inepti sint, qui militibus ordinum quorundam, veluti Teutonicis, Rhodiis, aut Maltenfibus, privilegium jure militari testandi asserunt, quasi ulla in hac causa ratio habita sit nudæ dignitatis aut militiæ honorariæ vid. *Duar. in hunc tit. cap. 3.*

Paganorum] Pagani propriè dicti rustici, villani, *χωμῖται* seu vicani. Hic autem & passim in libris nostris opponuntur militibus, eoque nomine significantur omnes *ἀσέβητοι*. Peculium paganum & castrense, in paganico & in castris, *ἀντικαστρῶν*. A scriptoribus Ecclesiasticis, & in constitutionibus Imp. Christianorum gentiles etiam pagani appellantur: quæ appellatio, ut credibile est, inde nata, quod cum urbes fere omnes sub Constantino fidem Christianam amplexæ essent, tamen adhuc diu post in agris & pagis hæsit religio gentilis, & reliquæ ethnicismi.

T E X T U S.

Rescriptum D. Hadriani.

1. *Plane de testamentis militum divus Trajanus Catilio Severo ita rescripsit.* Id privilegium, quod militantibus datum est, ut quoquo modo facta ab his testamenta rata sint, sic intelligi debet, ut utique prius constare debet, testamentum factum esse: quod & sine scriptura, & à non militantibus quoque fieri potest. Si ergo miles, de cujus bonis apud te quæritur, convocatis ad hoc hominibus, ut voluntatem suam testaretur. Ita loquutus est, ut declararet quem vellet sibi hæredem esse, & cui libertatem tribueret: potest videri sine scripto hoc modo esse testatus, & voluntas ejus rata habenda est. Cæterum si (ut plerumque sermonibus fieri solet) dixit alicui; Ego te hæredem facio. Aut, Bona mea tibi relinquo. Non oportet hoc pro testamento observari. Nec ullorum magis interest, quam ipsorum, quibus, id privilegium datum est, ejusmodi exemplum non admitti. Alioqui non difficulter post mortem alicujus militis testes existerent, qui

affirmarent, se audisse dicentem aliquem, relinquere se bona, cui visum sit. Et per hoc verba judicia subverterentur.

N O T Æ.

1. *Et à non militantibus*] Ita quoque in d. l. 24. Fabrorum mavult, ut à non militantibus quoque, quomodo legisse videtur vetus institutor Gallicus, qui est in biblioth. Reg. verba citat Fabror. quod valde placeat. Ut autem à non militantibus jure communi, ita à militantibus jure etiam privilegiario.

Convocatis hominibus] Saltem duobus, per l. 12. D. de testib. etiam sine solenni illa rogatione aut præmonitione, quæ jure communi necessaria, l. 21. §. per. l. 1. nam utique etiam sine ea constare potest de voluntate militis, quod solum requiritur. Et ideo scripta militis voluntas etiam nullis testibus adhibitis rata est, per l. 1. in fin. pr. l. 15. §. 1. eod.

C O M M E N T A R I U S.

1. In scripto militis testamento testibus opus non esse, in nuncupativo contra.
2. Quot testes à militibus per nuncupationem testante adhibendi.
3. An rogatio testium in testamento militari necessaria sit.

Divus Trajanus ita rescripsit] Recitatur hoc idem rescripto à Florentino in l. Divus 24. hoc tit. Sententia rescripti hæc est; voluntatem militis qualemcunque, etiam eam, quam sine scripto protulit, pro testamento observari: cæterum prius esse, ut constet, appareatque, serio atque animo testamenti faciendi verba pronuntiasse, hoc ut doceatur ipsorum militum maxime interesse, ne vera & seria eorum judicia subvertantur.

Et à non militantibus quoque] Giphanius legendum dum putat, dempta negatione, à militantibus. Quia, ut ait, alienum sit hic agere de non militantibus. Sed ratio ista tanti non est, ut propterea à consentiente omnium Codicum lectione, quæ & Pandectarum Florentinorum auctoritate confirmatur, recedendum sit. Non militantium autem ideo mentio fit, ut ex eo, quod his concessum est, arguatur quod militantibus licere debeat. Argumentum à pari est; *Sic licet non militantibus sine scriptura testari*, intellige secundum solennitatem, quæ jure communi in testamento non scripto requiritur; etiam militantibus licere debet eodem modo testari, scilicet citra solennitatem. Nam ut ex verbis rescripti patet, consultus fuit Trajanus testamento militis, quod hæredes ab intestato eo prætextu impugnabant, quod id sine scriptura factum esset. Atque ita quoque Theophilus, quem falso Gi-

phapius aliter legisse existimat, Fabrotus in not. ad Theoph. mavult legi, ut à non militantis quoque. Quod valde placet.

Convocatis ad hoc hominibus] Ex his constitutionis verbis triplex orta controversia est; una de necessitate adhibendorum testium in testamentum militis; altera de numero; tertia de eorum rogatione. De prima assentior Viglio, Cujacio, Hotom. Bachov. scilicet interesse, utrum miles per nuncupationem & sine scriptura testatur, an per scripturam: in nuncupatione omnino testibus opus esse; quod etiam hic locus expresse exigit: & quomodo aliqui de voluntate militis voce prolata constare poterit? In scripto autem testamento etsi nulli testes à milite adhibiti sint, ratam tamen esse militis voluntatem, utpote de qua per scripturam & manum ipsius testatoris, quæ legitima probatio est, constare, potest. Nihil autem amplius exigitur, quam ut de voluntate militis quocunque modo testata constet.

2. De numero testium adhibendo à milite per nuncupationem testante sic sentio; neque unum testem, quod putat Theophilus, sufficere, neque plures exigere, quam duos. Illud, quia constitutio plurali numero utitur, neque unius testimonium legitimum est, quale tamen omnimodo requiritur, l. Lucius 40. hoc tit. Hoc, quia pluralis elocutio duorum numero contenta est, l. 12. de testib. Atque ex ratione juris gentium, quod solum in testamentis militum consideratur, ad probationem alicujus actus duorum testimonium sufficit.

3. De rogatione testium, quod rectum erat, eam non existimo in militari testamento esse necessariam. Primum, quia rogatio illa est pura puta solemnitas: in militaribus autem testamentis solennitates omnes remissæ: deinde quia hæc omnium solennitatum scrupulosissima est & subtilissima; longissimeque recedit à simplici ratione juris gentium, quæ sola regula est militarium testamentorum. Denique contraria sunt, dicere, nudam & simplicem voluntatem sufficere, & desiderari rogationem. Quamobrem non dubito, quin falsum sit, quod Hotomannus post Jo. de Plarea & Angelum scribit, ne militem quidem sine certa testium advocacy monitorum ut ei actioni operam dent, testamentum conficere posse. Nihil certe Hotomannum juvant verba hujus text. *convocatis ad hoc hominibus*. Quippe quæ hic non dispositive, sed narrative tantum ponuntur, atque ut exemplo aliquo declararetur, quomodo de militis voluntate, sine scriptura testati, certo constare possit. De eo enim præcipue hic agitur, atque hoc tantum cavetur, ne quilibet militis sermo temere pro vero ejus judicio capiatur, cum sæpe soleant homines, præsertim merito alicujus provocati, jactare & dicis causa aliquid proferre, ac civiliter magis, quam ex animo loqui.

At ubi certo ex circumstantiis liquet, serium esse quod miles prolocutus est, & profectum ab animo testamentum condere volentis, voluntas ejus etiam ex hac ipsa constitutione servanda est. Atque ut certius de eo constare posse concedamus, si testes ad hoc specialiter sint convocati, aut cum alterius rei causa convenissent, præmoniti cui rei eos adhiberi placeret; constare tamen etiam potest sine formali ista sive rogatione sive præmonitione. Quid enim si miles, forte postredie in aciem educendus, in tentorio præsentibus aliquot commilitonibus suis dixerit; *Ego Titium heredem facio, ejusque rei vos mihi testes esse volo*? Certe hic præter testium fidem nihil requiritur, aut requiri ex ratione juris gentium potest. Postremo si paganis rogandi testes necessitas in codicillis remissa est, l. ult. in fin. C. de codicill. quanto minus in testamento militis ea requirenda, quod iis ipsis etiam legibus, quibus codicillos constitutio civilis adstringit, solutum est?

Plerumque sermonibus fieri solet] Puta in conviviis, circulis, ac congressionibus familiarium, ubi nonnunquam leviter quædama effundimus, & jactamus magis, quam serio agimus aut loquimur. Et male ergo hic colligit Hotomannus, ut ratum sit & pro testamento servandum, quod miles nuncupavit, non tam pendere ex militis voluntate, quantumvis serio testibus exposita, quam ex convocacione testium & testimonii denuntiatione: cum hoc tantum hinc recte colligatur, non quemvis sermonem militis quocunque loco coram quibusvis prolatum pro testamento continuo habendum esse; sed inspicienda esse circumstantias, nec aliter, quam si ex his appareat animum condendi testamenti militem habuisse, ratum esse oportere, quod pronuntiaverit. Atqui de eo etiam constare potest sine testimonii denuntiatione. Et qui de præsentia sua falso deponunt, eadem opera se vocatos & rogatos esse mentientur.

Vera judicia subverterentur] Quamobrem merito notatur Domitianus, quod alienissimas hæredes confiscabat, vel uno existente, qui diceret audisse se ex defuncto cum viveret, hæredem sibi esse Cæsarem. Sueton. in Domitiano, c. 12. Boni Principes ex jactatione aut nuda alicujus voce hereditatem nunquam admiserunt, l. ult. qui test. fac. l. pen. de her. inst. l. res quæ 22. §. 2. de jur. fisci. §. ult. inf. quib. mod. test. inf.

TEXTUS.

De furdo & muto.

2. Quinimo & mutus & surdus miles testamentum facere potest.

COMMENTARIUS.

1. *Natura surdos & mutos in militiam legi non posse.*
2. *Quem natura voce & auditu privavit, eidem denegasse & facultatem testandi.*
3. *Eos quoque qui casu aliquo muti & surdi facti sunt, suprema condere non posse, nisi scribere sciant.*
4. *Notatur oscitantia compositorum.*

Hic §. male à veteribus interpretibus, Joan. Fabro, Porcio, Aretino, acceptus est de eo milite, qui natura surdus & mutus est. Nimirum cum, pagani mutis & surdis, quibus non naturalis calamitas, sed morbus superveniens vocem abstulit, auresque concludit, permixtum sit testari, modo ii, quibus hoc accidit, scribere sciant; *l. discretis* 10. C. *qui test. fac.* putaverunt illi, hic militibus aliquid iure singulari concedi, quod jure communi ceteris denegatum est: videlicet posse milites etiam mutos & surdos natos ex privilegio testari, ut voluntatem suam per signa ostendant; ejusmodi signa ajunt intelligi & explicari posse ab iis, qui cum muto & surdo familiariter vixerunt. Sed primum bene à Viglio ceterisque melioris ævi interpretibus observatum est, natura mutum & surdum in numeros recipi aut in militiam legi non posse; utpote qui nec sacramentum præstare, nec imperium ducis aut signa audire, tesseramve accipere & reddere queat: ejusque rei etiam argumentum est, quod milites, qui in hanc calamitatem inciderunt, ob eam causam, ut bello inutiles, dimitti solent, *l. 4. h. tit. ἀπορριπτόν*, inquit Theophilus, τῶν τῶν τῶν στρατιωτῶν. Deinde non minus absurdum est, quod putant, eum, quem utraque illa facultate natura orbavit, testamentum facere posse: nam de signis quod asserunt, commentum est. Quæso enim, quibus signis is, cui nec audire nec loqui à natura datum est, sententiam suam de eo, quod post mortem fieri velit, alteri explicare possit, qui, ut ipse Faber fatetur, ignorat quid sit testamentum? Ac proinde etiam τὸ πῶς οὐδὲν hoc Fabro videtur; nobis autem ἀδυνάτον; cum, quod natura negavit, beneficio Principis concedi non possit. Quod cum probe animadverteret Jason, in add. ad Porc. locum hunc repudiato exemplo communi accipiendum credidit de iis militibus, qui ex accidenti, accepto puta vulnere, aut morbo aliqui in castris affecti, facultatem loquendi & audiendi amiserunt. Et quia pagani etiam casu aliquo mutis & surdis factis, si literas sciant, testari concessum est: *dict. l. discretis, Cod. qui test. fac.* privilegium militum isto vitio affectorum in eo consistere putat, quod iis, etiam si scribere nesciant, testari liceat, & hæredem per notas aut signa demonstrare: quod etiam Cantingulæ placere video. Verumenimvero qui literas

non potest, quibus ille notis certam dabit (hoc enim omnino necessarium est ex constitutione Trajani) voluntatis suæ supremæ significationem? Signis vero testari quonquam mortalium posse, uti nusquam traditum est, ita nec admittendum, ut possit. Nam cum nullas signa idonea sint ad voluntatem ultimam alteri certo significandam, in re tanti momenti fides habenda esset divinationi quorundam ineptorum hominum, pro arbitrio suo hujusmodi signa temere interpretaantium. Putaverunt igitur alii, nullum hic novum privilegium proponi, sed idem illud, de quo supra dictum, tantum porrigi ad eos milites, qui muti & surdi facti sunt, ut nimirum his etiam liceat ante causariam missionem in numeris manentibus jure militari testamentum facere, contemptis solennitatibus juris communis, *d. l. 4. hoc tit.* ne quis forte putaret, defectum sensus ac loquelæ solennitate juri supplendum, aut quia ob id vitium mox dimittendi sunt, privilegio uti non posse. Sed nimis evidenter hoc loco novum privilegium profertur, quod ad personas milium & potestatem testandi, non tantum ad formam & remissionem solennium pertinet. Ego arbitror, peccatum hic aliquid esse oscitantia Compilatorum. Certum est, olim paganum mutum aut surdum testamentum facere non potuisse, nisi ut liceret sibi facere specialiter à Principe impetrasset, *l. 7. qui test. fac.* militem autem mutum & surdum potuisse citra novam concessionem ex privilegio militari, *l. 4. hoc tit.* Nec minus hoc certum habeo, neque paganum mutum simul & surdum natum, aut factum quidem, sed qui scribere nesciret, hoc unquam ex speciali gratia obtinere potuisse, quippe qui nec petere hoc potuit, neque militem in casu simili habuisse ex privilegio. Justinianus primus generali lege surdis & mutis (exceptis iis, quos modo dixi) facultatem testandi dedit, *d. l. discretis, C. qui test. fac.* ex quo cum etiam pagani hoc jus habuerint, id inter privilegia militaria, ut olim, amplius referri non debuit. Cum igitur nihilominus appareat, id hoc loco factum esse à Compositoribus, oportet eos, cum hæc vel ex responso Ulp. in *d. l. 4.* vel ex alio veteri Jurisconsulto describerent, non meminisse constitutionis illius Justinianæ: quæ tamen jam dudum edita erat, ut apparet ex subscriptione. Fallitur autem Bachovius, qui eam etiam priori Codici insertam fuisse opinatur, cum primum edita sit biennio post editionem illius Codicis, anno scilicet primo post consultatum Lampadii & Orestis.

TEXTUS.

De militibus & veteranis.

3. Sed hæc illis à Principalibus

com-

constitutionibus conceditur, quatenus militant in castris degunt. Post missionem vero veterani, vel extra castra alii, si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum non communi jure, sed quomodo voluerint, post missionem intra annum tantum valebit. Quid ergo si intra annum quis decesserit, conditio autem heredi adscripta post annum extiterit? an quasi militis testamentum valeat? Et placet valere quasi militis.

NOTÆ.

3. Veterani] οἱ δορυφόροι καὶ στρατιώται. Suid. qui justam missionem legitimis impletis stipendiis consecuti sunt, l. 2. D. de veteran. l. 1. C. de exc. vet. αὐφείστας ἐντίμους τοῦ λόγους. Julian. orat. 1. v. Lipsi ad 1. annal. c. 2. Hist. Tac.

COMMENTARIUS.

1. Falli tam eos, qui putant, hunc §. solum pertinere ad milites surdos & mutos milita missos; quam qui negant ad hos pertinere omnino.
2. An & quatenus milites capite damnati jure militari testandi licentiam retineant.
3. An hoc pertineant qui successoribus acceptis militare desinunt.

Nulla ratio est, cur dubitemus, utrum hic §. cum superiore connectendus sit, referendusque solum ad milites mutos & surdos, an generaliter ad omnes milita missos. Quippe cum justior causa dubitandi sit de mutis & surdis, propter incertitudinem voluntatis eorum, quam de reliquis: & quotquot sunt hac de re loci in Pand. illi generaliter loquuntur de omnibus, qui honestam vel causariam missionem meruerunt, l. quod constitutum 21. l. testamenta 26. l. quod dicitur 38. hoc tit. neque absurdum est aut superfluum, repeti, quod semel dictum est, si id fiat alterius rei significandæ gratia, quam quæ præcessit, ut sit hoc loco. Sunt ex contrario qui putant, ea, quæ hic traduntur, ad mutos & surdos milites dimissos aut extra castra versantes non pertinere: sed eos etiam post missionem aut alibi degentes retinere facultatem jure militari testandi: quod ut unus error plerumque plures parere solet, ex eo natum est, quod crediderunt, mutos & surdos milites, sive ita natos sive factos, etiam litterarum ignaros, jure militari testandi licentiam habere, quos si missos dicamus, non aliter testari posse quam

jure communi. Negamus, eos ullo modo posse testari, quia nec possunt jure communi, l. referetis C. qui test. jac. & hoc verissimum est: si scilicet autem quod illi pro vero assumunt, posse ejusmodi mutos & surdos jure militari testari, ut abunde probavimus §. præc.

Post missionem vero] Huic rei obstare videtur, quod etiam is miles, qui capite damnatus est, jure militari testandi licentiam habet, l. ex militari 11. hoc tit. qui tamen maxime pro misso & exauctorato haberi debet. Non unum est, quod hic respondeatur. 2. Nam primum miles capite damnatus privilegium testandi non retinet, nisi id nominatim sententia comprehensum sit, l. si quis 22. §. 1. de legat. 3. aut petierit & impetraverit, ut sibi jure militari testari liceret, licum hic 32. §. si miles §. de don. int. vir. & ux. l. 6. §. sed et si 6. de injust. rupt. irr. test. Deinde nec is miles retinet, qui ex delicto communi capite puniri meruit, sed tantum, qui ex militari, dd. l. ex l. 1. de vet. & mil. success. nec eo quovis: non eo, quod fidem sacramenti rumpat, d. l. 12. hoc tit. verum ex leviori aliquo: sunt enim multa militiæ delicta minus atrocia, quæ tamen ut capite puniantur, vigor disciplinæ militaris postulat. Denique testandi jus his tantum conceditur de bonis castrensisibus, quæ non vindicantur fisco; sed ab intestato ad proximos cognatos pertinent, d. l. 1. & l. 2. de vet. & mil. succ. quos cum unicuique permissum sit à successione sua excludere facto testamento, id militi etiam in propolita specie permitti placuit.

Intra annum &c.] Testamentum in castris jure militiæ factum ius suum etiam post missionem intra anni spatium retinet, vel eoque, dum institutionis conditio extiterit, l. quod constitutum 21. l. testamenta 26. l. quod dicitur 38. hoc tit. De anni spatii hæc causa affertur, quod privilegia absentibus reipub. causa, quales etiam sunt milites, concessa post reditum usque ad annum perseverant, §. item 2. sup. de exc. tut. De conditione hæc, quia conditio quandocumque existens retrotrahitur, atque exinde perinde habetur, ac si ab initio purè institutio facta fuisset, l. si pupillus 26. de cond. inst. l. 11. §. 1. qui pot. in pign. l. 8. de per. & com. rei vend. Cæterum missionem intelligi oportet vel honestam, quæ emeritis stipendiis indulgetur; vel causariam; quæ propter valitudinem. Nam eorum testamenta, qui ignominie causa missi sunt, statim desinunt militari jure valere, d. l. testamenta 26. hoc tit. Consule de hoc l. 2. §. 2. de his qui not. infam. Lipsium in lib. 1. Annal. Taciti. Quæsitum est, an quod hic traditur etiam ad eos pertineat, qui non missione, sed successoribus acceptis militare desinunt; quales sunt duces exercitus, tribuni cohortum aut legionum, vel præfecti: nam testari quidem hos omnes jure mili-

tari

tari posse, quamdiu exercitui, legionibus aut cohortibus præfunt, certum est, *l. tribunus 20. l. Titius 25. hoc tit. l. 4. C. eod.* Et Africanus respondit non pertinere, sed statim atque successorem acceperint, horum testamenta jure militari valere desinere, *d. l. quod constitutum hoc tit.* Ait, autem, non pertinere, quantum ad verba constitutionum attinet, quæ de missis loquuntur, non quibus successor datur. Quid si igitur nos cum Cujacio ad *d. l. tract. 4. ad African.* tentemus ex sententia constitutionum etiam ad hos beneficium illud pertinere. Cur enim verba legum capramus? Aut quid in proposito refert, utrum quis dimittatur, an successorem accipiat? Certè Ulpianus non dubitat edictum de iis, qui notantur infamia, quod de missis loquitur, ad eos extendere, quibus successores dantur, *d. l. 2, §. 2. de his qui not. infam.*

TEXTUS.

Si testamentum factum ante militiam.

4. Sed §, si quis ante militiam non jure fecit testamentum & miles factus, & in expeditione degens resignavit illud, & quædam adjecit sive detraxit, vel alias manifesta est militis voluntas hoc valere volentis, dicendum est, valere hoc testamentum, quasi ex nova militis voluntate.

NOTÆ.

4. Ante militiam] Id est, qui cum adhuc paganus esset, non jure communi testamentum fecit.

Resignavit] Resignare est signatum aperire, *δοτοφ εγχαίρειν, l. 1. §. 36. depof. l. 6. testam. quem ap.*

Manifesta militis voluntas] Utique igitur semper necesse est, ut miles postea factus tempore expeditionis nova aliqua testatione voluntatem declaret: alias id testamentum ad privilegia militaria non pertinebit, *l. 9. §. 1. l. 20. §. 1. l. 25. h. t.* Nec obstat *l. 15. §. 2. eod.* ibi, si militis voluntas contraria non sit. Hoc enim sic accipiendum, quasi JC. dixisset, si militis voluntas, quæ postea secuta est, prior non contraria, sed eam confirmet.

COMMENTARIUS.

1. Testamentum non ritè à pagano factum jure militiæ valere, si is miles postea factus & in castris degens recenti aliquo judicio priorem voluntatem comprobaverit.

2. Si nulla nova voluntatis declaratio intervenierit, testamentum illud ad privilegia militum non pertinet.

3. Ulpianus secum & cum aliis conciliatus,

Aliud privilegium militare spectans confirmationem testamenti ante militiam non jure ordinati, quod tale est; Si quis, cum paganus esset, testamentum non jure communi civium fecit, & postea cum militare cœpisset, in castris aut expeditione degens quovis recenti judicio, & sive voce sive facto aliquo declaraverit, sed id testamentum valere velle, valebit ex nova militis voluntate: atque ita videbitur testatus per relationem. Est vero hoc superiori omnino consequens: nam cum militi nuda voluntate testamentum facere permissum sit, ei etiam permittendum fuit, testamentum, quod ante militiam fecit, nuda voluntate postea comprobare: quoniam hæc militis voluntas testamentum est, *l. 1. in fin. l. in fraudem 15. §. 2. hoc tit.*

Resignavit illud, & quædam adjecit sive detraxit, vel alias manifesta &c.] Ad confirmationem testamenti, quod quis inutiliter ante militiam fecit, uti nihil amplius requiritur, quam ut miles postea factus tempore expeditionis id valere voluerit; ita etiam necesse est, ut hoc nova aliqua testatione voluntatis declaret. Duo enim semper in omni militari testamento exigimus; ut de voluntate militis constet; ut in expeditione testatus sit. At in proposito neque de voluntate militis constare potest, si nulla nova testatio intervenierit; quin potius tunc censendus est priorem inutilem voluntatem, qualem esse sciebat, talem manere voluisse: nec dici potest in expeditione testatus, à quo neque factum quicquam est, neque dictum, quod ad probationem prioris voluntatis pertineat. Enimvero non præcisè requiritur, ut miles recentem voluntatem apertè & verbis declaret, sed sufficit eam re aliqua & facto significari, unde commodè intelligi possit: cujusmodi facta sunt, si testamentum resignaverit, legeritque ac rursus suo signo signaverit, si aliquid adjecerit, detraxerit, interleverit, perduxerit, emendaverit. Alterutrum autem horum omnino necessarium est, ut hic locus apertè ostendit, & apertius adhuc Jurisconsultus II. *Tribunus 20. §. 1. eod.* disertè scribens, si nihil eorum, quæ diximus, intervenierit, testamentum ad privilegia militum non pertinere: quibus similia leguntur in *l. quod dicitur 38. §. 1. in fin. eod. l. 8. §. 4. de jur. Cod.* Omnium autem apertissimus in hanc sententiam locus est Marcelli in *l. Titius 25. hoc tit.* ubi sic scribit; Testamentum, quod (Titius) ante tribunatum fecisset, nihil si postea ab eo factum dictum esse probaretur, ad jus commune pertinet. Constitutionibus enim Principum non militum testamenta, sed quæ à militibus facta sunt, confirmantur. Cur igitur in re manifesta laboramus? Propter responsum Ulpiani, quod exstat in *l. in fraudem 15. §. 2. eod.* in hæc verba; Testamentum ante militiam factum à milite, si in militia decesserit, jure militari valere, si militis volun-

voluntas contraria non sit, Divus Pius rescriptit. Ecce, non novam hic voluntatis declarationem Jurisconsultus exigit, sed tantum ut nulla contraria voluntas secuta sit: atqui hoc etiam tunc fit, cum nulla omnino secuta est. An dicimus, Jurisconsultum loqui non de eo, qui cum paganus esset, testamentum fecit; sed de milite, qui testatus est ante militiam? Ita quidem Gloss. Joan. Fab. & alii. Sed ego hoc non capio, neque intelligo, quomodo miles dici possit ante militiam testamentum fecisse, nisi militem accipias *κατ' ἀναφορὰν*, qui nunc miles est, cum tempore facti testamenti esset paganus: nec illa Ulpiani verba, testamentum ante militiam factum à milite, aliter accipi debent aut possunt, quam si dixisset, testamentum à milite factum antequam miles esset, seu cum adhuc esset paganus: quibus etiam verbis ille ipse utitur, idem hoc rescriptum D. Pii referens, in l. 9. §. 1. eod. Hoc cum animadverteret Franciscus Hotomannus, *ἀντιπολιτείας* esse pronuntiavit, quem secutus est Anth. Matthæus. Verum enim vero si hic antinomiam admittimus, ubi non admittemus? Mille loci sunt, in quibus major in speciem cum aliis pugna est, quam in loco illo Ulpiani cum iis, quos antea allegavimus. Fatetur Hotomannus, Julianum, Marcellum, Paulum, atque adeo ipsum Justinianum hoc loco exigere argumenta recentis judicii, & prioris apertam comprobationem: sed ait, ita jus verus fuisse; novum autem constitutum esse à D. Pio sola taciturnitate, quasi perseverantia judicii contento; quod jus proferatur ab Ulpiano: quam ob causam etiam Justinianum reprehendit, quod contra quam in præmio recipit, jus obsoletum hic nobis obtruserit. Si à solo Juliano, qui cæteris antiquior fuit, id proditum esset, poterat videri speciem aliquam veri habere, quod Hotomannus dicit. Sed cum etiam Marcellus, quo consiliario usum esse D. Pium testis est Capitolinus, & post hunc etiam Paulus, qui assessor Papiniani, & Ulpiani in assessoria collega fuit, auctore Lampridio in *Alexand.* idem affirmant, nullus color relinquitur, qui opinioni Hotomanni prætexi queat. Utrique enim nimis putidum est dicere, aut ignorasse eos jus, quod à D. Pio constitutum erat, aut contra expressam constitutionem Principis respondisse. Quin etiam ipse Ulpianus in l. 9. §. 1. *hoc tit.* disertè in hac eadem specie exigit prioris voluntatis expressam approbationem, idque, ut testatur, secundum D. Pii rescriptum. Ait enim, testamentum factum à pagano, qui postea militare cœpit, jure militari valere, si miles factus hoc maluit, ut à D. Pio rescriptum est. Quid vero hoc aliud est, quam si dixisset, si miles factus indicio aliquo novæ voluntatis ostenderit, se id velle valere? Significantiora certe sunt verba Ju-

risconsulti, quam ut de simplici silentio aut voluntate in mente retenta intelligi possint. Atqui idem rescriptum est, idemque auctor, qui ejus meminit in d. l. in fraudem 15. §. 2. eod. ut proinde, eundem utrobique etiam sensum esse, licet verba diversa sint, oporteat. Quod cum dicimus, hoc dicimus, verborum in d. l. 15. §. 2. *si militis voluntas contraria non sit*; & illorum in d. l. 9. §. 1. *si hoc maluit miles*; unam eandemque esse sententiam, quemadmodum ab uno eodemque prolata esse constat, ad rem eandem significandam. Plus nimirum sensit Jurisconsultus in d. l. 15. §. 2. quam scripsit: quod cum manifestum sit tum ex aliis locis, tum ex d. l. 9. §. 1. quæ est ipsius Ulpiani, cur verba urgemus, quæ & ipsa insuper ambigua sunt, & hæc quoque accipi possunt, non ut nulla nova voluntas exigatur, sed ut saltem aliqua, quæ tamen priori contraria non sit, sed eam confirmet? Quamobrem miror, quid Hotomanno & Ant. Matthæo, summis alioqui viris, in mentem venerit, quod, eos, qui ajunt, Ulpianum & secum & cum cæteris de re proposita convenire, contentionis, quam veritatis cupidores esse, tam præcipientes pronuntiaverint.

TEXTUS.

Si adrogatus vel emancipatus.

5. Denique *§ si in adrogationem datus fuerit miles, vel filius familias emancipatus est, testamentum ejus quasi ex nova militis voluntate valet: nec videtur capitis diminutione irritum fieri.*

NOTÆ.

Quasi ex nova militis voluntate l. 22. eod. ut capitis diminutione secuta voluntas repetita censeatur: nam jure communi requiritur nova voluntatis declaratio, l. 11. §. 2. *sec. tab.*

COMMENTARIUS.

Jure communi testamentum irritum fit etiam minima capitis deminutione testatoris, puta si se adrogandum dederit, §. 4. *inf. quibus modis test. inf.* militare non item. Sed & si filiusfam. miles à patre in adoptionem datus fuerit, aut emancipatus, placet testamentum ejus valere, nec capitis diminutione irritum fieri, l. miles 22. & l. seq. *hoc tit.* Ut autem huic quæstioni locus sit, oportet testamentum factum statuatur de bonis castrensibus: nam filius quidem familias de allis bonis testari non potest: pater autem familias etsi potest, si tamen de omnibus bonis testatus sit, necesse est tale testamentum infirmari per adrogationem, quippe cum quicquid extra

extra peculium castrense est. id acquiratur patri adrogatori: qua de causa etiam Jurisconsultus in l. 23. hoc tit. expresse meminit militis de castrensisbus duntaxat rebus testari. Quamvis autem quod hoc loco & d. l. 22. & l. seq. proponitur, inter privilegia militaria referatur: idem tamen postea, neglecta subtilitate juris productum videtur ad veteranos jure communi de bonis castrensisbus testantes, l. 1. §. exigit. 3. de bon. possess. sec. tab. l. 6. §. ult. de injust. rupt. testament.

TEXTUS.

De peculio quasi castrensi filiisfam. testari permissum, sed jure communi.

6. Sciendum tamen est, quod, cum ad exemplum castrensis peculii, tam anteriores leges, quam Principales constitutiones, quibusdam quasi castrensis dederant peculia, & horum quibusdam permissum fuerat etiam in potestate degentibus testari, nostra constitutio id latius extendens, permiserit omnibus in hujusmodi peculii testari quidem, sed jure communi. Cujus constitutionis tenore perspecto, licentia est, nihil eorum, quæ ad præfatum jus pertinent, ignorare.

NOTÆ.

Nostra constitutio] d. l. ult. C. de inoff. test. l. ult. C. qui test. fac.

COMMENTARIUS.

Privilegium jure militari testandi etiam nostri temporis militibus competere.

DE differentia & qualitate peculii filiorumfam. actum sup. §. 1. per quas pers. cuiq. acq. hic tantum quædam monentur propter id peculium, quod ad exemplum castrensis filiisfam. concessum fuit, olim eorum quibusdam duntaxat cum potestate de eo testandi, à Justiniano cum eadem potestate omnibus, l. ult. C. de inoff. test. l. ult. C. qui test. fac.

Antiores leges] Pandectas intelligo cum Cujacio. Etenim etiam ea, quæ legibus continentur de hoc quasi castrensi peculio, non esse ex lege aliqua ad populum lata, sed ex constitutionibus, argumento est, quod ipsum peculium castrense, cujus exemplo comparatum est quasi castrense, ex constitutionibus est. In Pandectis autem non semel tantum, aut ad summum iterum, ut falso Mynfingerus existimat,

sed sæpius hujus quasi castrensis peculii mentio fit, ut in l. 1. §. in filii. 6. ad senat. Treb. l. 3. §. dari. 5. de bon. poss. l. 1. §. nec castrense 15. de collat. l. filius. 7. §. ult. de donat.

Quam principales constitutiones] Constitutiones intelligit recentiorum Imperatorum, quarum quoddam etiam extant in posteriore Codice, l. velut 7. C. de assess. l. 4. C. de adv. div. jud. l. un. C. de cast. omn. palat. pec. l. ult. C. de cast. lib. 12.

Et horum quibusdam] Veluti consulibus, proconsulibus, legatis & præsidibus provinciarum, cæterisque in univèrsum omnibus, qui positi erant in eminentiore aliquo dignitatis administrationis gradu: patronis vero causarum, memorialibus, agentibus in rebus, magistris liberalium artium, archiatris, & id genus aliis in tam ampla dignitate non constitutis, ea quidem, quæ hujusmodi operam reipub. navantes paraverant, plena proprietate concessa fuerunt, ut hæc etiam patre mortuo quasi peculium quoddam castrense præciperent: cæterum jus de his rebus testandi iis darum non fuit, l. ult. C. de inoff. test. Hinc apparet, non satis validum esse argumentum, quo nonnulli filiisfam. jus testandi defendunt, etiam in peculio adventitio iis casibus, quibus plena ejus proprietas illis concessa est: de quo amplius tit. proxime seq.

Testari quidem, sed jure communi] d. l. ult. C. de inoff. test. d. l. ult. C. qui test. fac. Quare filiisfam. omnes, qui quasi castrense peculium habent, idem per omnia in eo jus habent ex constitutione Justiniani, quod filiisfam. veterani in peculio castrensi: jure autem militari testari non possunt: hoc enim privilegium illis solis tributum est, qui sub armata militia stipendia merent; neque simpliciter, sed tunc cum expeditionum laboribus occupantur, ut inepti sint, qui hoc extendunt ad alias militiæ species, togatæ scilicet aut alias imaginariæ, cujus crebra mentio in tribus posterioribus libris Codicis. Illud nihil refert, utrum quis pedes mereat, an eques. In classibus omnes nautæ & remiges milites sunt, l. un. §. 1. de bon. poss. ex test. mil. Quidam negaverunt, privilegia jure militari testandi competere militibus nostrorum temporum, eo quod vetus ratio legendi & ritus assumendi militem in deservitudinem abiit. Sed hoc argumentum nullius momenti est: durat enim nihilominus causa privilegii, laborum & periculorum functio, cum in expeditionibus sunt, ubi armorum strepitus vocem juris civilis eos non patitur, Vigl. ad rubr. hic Gail. 2. obs. 118. Vaud. 1. q. 55. Christin. vol. 4. decis. 3. Sichard. ad rubr. C. h. tit. m. 9. Grass. §. substitutio quest. 66. Grot. 2. introd. 7. Perez. C. d. test. mil. in fin.

TITULUS XII.

D. lib. 28. t. 1. C. lib. 6. t. 22.

Quibus non est permillum facere testamentum.

1. *Ut testamentum consistat, quam in persona testantis requirantur.*
2. *Damnatos capite olim certo jure testandi facultatem amisisse.*
3. *An novellis legibus ab eo jure recessum.*



Edictis ad jus commune. Differuit tit. 10. de forma & modo testandi: progreditur nunc ad personam testantis: quod est alterum ex tribus illis, quæ in omni testamento consideranda esse diximus *sub rubr. d. tit.* In persona testantis duo exiguntur: unum est, ut conditione sit civis Romanus: quod indicat primum & secundum caput legis Falcidie, l. 1. *ad leg. Falc.* proinde testamentum facere non possunt peregrini aut ad peregrinitatem redacti, ut deportati, l. 8. §. 1. & 2. *h. t. qui test. fac. l. 1. §. 2. de legat. 3.* nec servi aut capti ab hostibus, d. l. 8. §. ult. l. *filiusfam. 16. hoc tit. §. ult. inf. eod.* nec obsoles, nisi eis permittatur, l. 11. *eod.* Ac ne is quidem, qui de statu suo & conditione incertus est, testari potest, l. 14. & *seq. eod. l. 1. in pr. de leg. 3.* Alterum est, ut sit sui juris, uno verbo paterfam. de quo statim in *pr. hujus tit.* Qui patresfamilias sunt, omnes testamentum facere possunt, exceptis iis, qui voluntatem suam recto certoque judicio significare aut exprimere nequeunt, de quibus in §. 1. & 3. *seq.* nec non aliis quibusdam, quos lex ob delictum admillum, aut apostasiam hæresimve nominatim testari vetat, l. *is cui 18. §. 1. l. cum leg. 26. hoc tit. l. 3. C. de apostat. l. 4. C. de heret. & Manich. l. 6. & auth. seq. C. de incest. nupt.* Olim omnes capitali crimine damnati certo jure testamenti factionem amittebant, quoniam statim atque sententiam passi essent, libertatem & civitatem perdebant, d. l. 8. §. ult. l. 6. §. *sed & 6. de injust. rupt. test. l. 12. l. qui ultimo 29. de pen. Ajo damnati: nam si quis indemnatus, quantumvis post accusationem & in custodia, decessisset, ejus testamentum valebat, l. 9. hoc tit. uti & damnati appellatione interposita, medioque tempore pendente appellatione testati & defuncti, l. 13. §. ult. *eod.* Queritur autem, an novellis legibus, Nov. 17. c. 12. 3. Nov. 22. cap. 8. item 134. cap. ult. unde *auth. sed hodie, C. de don. int. vir. & ux. & auth. bona. C. de bon. proscript. ab eo jure recessum sit: nam his constitutionibus & servitus pœnæ tollitur, & bona capite**

damnatorum non publicantur extrantibus liberis & parentibus. Sed tamen quia eis bona adimuntur, & in liberos vel parentes transferuntur, ne hodie quidem eos testari posse dicendum videtur, D. Tolden. *hic cap. 6. add. Salicet. in d. auth. sed hodie, Vasq. 3. contr. illust. 96. Grass. §. testamentum quest. 26. Clar. §. testamentum quest. 21. Jac Verwey tract. de art. testam. cap. 4. ubi notat, in his regionibus damnatos capite, quorum bona publicata non sunt, testamenti factionem retinere.*

TEXTUS.

De filiofamilias.

Non tamen omnibus licet testamentum facere. Statim enim ii, qui alieno juri subjecti sunt, testamenti faciendi jus non habent: adeo quidem, ut quamvis parentes eis permiserint, nibilo magis jure testari possint: exceptis iis, quos antea enumeravimus, & præcipue militibus, qui in potestate parentum sunt: quibus de eo, quod in castris acquisiverunt, permillum est ex constitutionibus Principum testamentum facere. Quod quidem jus ab initio tantum militantibus datum est, tam ex auctoritate divi Augusti, quam Nervæ, nec non optimi Imperatoris Trajani: postea vero subscriptione divi Hadriani etiam dimissis à militia, id est, veteranis, concessum est. Itaque siquidem fecerint de castrensi peculio testamentum, pertinebit hoc ad eum, quem heredem reliquerunt. Si vero intestati decesserint, nullis liberis vel fratribus superstitionibus, ad parentes eorum jure communi pertinebit. Ex hoc intelligere possumus, quod in castris acquisierit miles, qui in potestate patris est, neque ipsum patrem adimere posse, neque patris creditores id vendere, vel aliter inquietare, neque patre mortuo cum fratribus commune esse: sed scilicet proprium esse ejus, qui

qui id in castris acquisierit : quanquam jure civili omnium , qui in potestate parentum sunt , peculia perinde in bonis parentum computentur , ac servorum peculia in bonis dominorum numerantur : exceptis videlicet iis , quæ ex sacris constitutionibus , & præcipue nostris propter diversas causas non acquiruntur. Præter hos igitur , qui castrense peculium , vel quasi castrense habent , si quis alius filiusfam. testamentum fecerit , inutile est ; licet sue potestatis factus decesserit.

N O T Æ.

Qui alieno juri subiecti] Filiisfam. testamentum facere non possunt , l. 6. h. t. l. pen. C. eod. & olim quidem vel ideo non poterant , quia nihil suum habebant. Ulp. tit. 20. §. 9. Hodie non possunt , quia ne nunc quidem quicquam pleno jure tanquam patresfam. habent , excepto peculio castrensi & quasi : de quo ob id etiam testari iis , permixtum. Testandi autem facultas solis patribusfam. lege concessa : *Paterfam. uti legasset*, etc. Cic. ad Herem. lib. 1.

Quamvis parentes permiserint] Quia testamenti factio juris publici est , l. 3. h. t. id est , ei soli competit , cui jure publico permixta. Ex quo efficitur , ut nec consentiente patre codicillos facere , legatumve aut fideicommissum relinquere filiusfam. possit , l. 6. §. 3. de jur. cod. l. 2. §. 1. de mort. ca. don.

Jure communi] Id est , jure hereditario post liberos & fratres intestato mortui , ut est in textu , l. 3. l. 4. C. de bon. que lib. jure novissimo à liberis solum , non etiam à fratribus parens excluditur. Nov. 118. c. 2. Explodendum igitur , quod Cujac. Pac. Fabrot. in margine notant , jure communi , id est , jure patrio , jure peculii ; ex veteri & abrogato jure in l. 2. de castr. pec.

Proprium ejus esse] Ita ut in eo vice patrisfam. fungatur , l. 2. de Sc. Mac. quod jus & quasi in castrensi ei postea tributum , §. ult. tit. sup.

Quanquam jure civili] Oratio perplexa : sententia tamen Justiniani ex iis , quæ antecedunt , & mox subjiciuntur , satis manifesta. Vide comment.

COMMENTARIUS.

1. Cur filiusfam. testamenti factionem non habeant.
2. Cur ne patre quidem consentiente recte testentur , cum ita mortis causa recte donent.
3. An testamentum à filiosfam. factum cum consensu patris , propter adscriptam clausulam , ut id valeat cujuscumque ultima voluntatis vi , saltem sustineatur in vim donationis causa mortis.

4. Intestato filio mortuo peculium castrense jure Codicis ad patrem non redisse jure peculii : sed liberis & fratribus non extantibus jure successionis ad eum devolutum.

5. Peculio pagano adventitio cum castrensi communia.

5. Plenius ac plinius , quam vulgo , ostenditur , filiusfam. ne de iis quidem adventitiis testari posse , quorum fructus patri non quaritur.

7. An de his codicillos facere , aut sine patris consensu mortis causa hæc donare possit.

8. Quid hic moribus haram regionam receptum.

Qui alieno juri subiecti] Lex duodecim tabularum liberam testandi facultatem civibus concedens præcisè ac definitè de patribusfam. locuta est. Extat integrum legis caput apud auctorem ad Herennium lib. 1. in hæc verba : *Paterfamilias uti legasset super familia pecuniave sua , ita jus esto*. Ex eo quod Decemviri hoc jus nominatim concesserunt patrisfam. hoc est , civi Romano , qui sui juris est , satis intelligitur , idem eos filiusfam. permittere nonluisse. Quinimo non potuerunt nisi ridiculè testandi facultatem permittre iis , qui nihil suum habebant , de quo testari possent : quippe notum est , filiosfam. olim omnia parentibus , quorum in potestate erant , pleno jure acquisivisse : quæ etiam ratio , cur filiusfam. testari non possint , reddita est ab Ulpiano in fragm. tit. 20. §. filiusfam. 9. duratque eadem etiam nunc : quicquid enim hodie filiusfam. proprium est , in eo non ut filiusfam. sed & paterfam. consideratur. Et peculium quidem castrense , & quasi castrense sub qualitate patrisfam. ei plenissimo jure concessum est : cæterum & in adventitio quadantenus vicem patrisfam. sustinet : cum alioqui ne proprietatem quidem hujus peculii penes eum esse posset ; pugnatque cum conditione filiusfam. aliquid proprium habere. Hoc autem posito , filiosfam. jus testamenti faciendi non habere , consequens est , eos , nec legatum aut fideicommissum relinquere , aut codicillos facere posse : quippe quæ iis demum permixta sunt , qui & testamentum condere possunt , l. 2. de legat. 1. l. 1. §. 2. de legat. 3. l. 6. §. pen. de jur. cod. Denique in his etiam locum habet ratio Ulpiani , quod filiusfam. nihil habent proprium.

Quamvis parentes eis permiserint] L. 6. eod. Atque hoc etiam ut confectarium ex superiori deducitur. Etenim permissio illa patris non efficit , ut filiusfam. incipiat esse paterfam. Lex autem duodecim tabularum non aliis , quam patribusfam. testandi potestatem concessit ; eoque pertinet quod Papinianus scribit l. 3. eod. Testamenti factio non privati sed publici juris est. Hoc est , jus testamenti faciendi non privatorum auctoritate , sed jure publico & legibus cuique tribuitur : adde quod ne sic quidem filiosfam. quicquam

acquiritur, de quo testari, aut in quo hæredem habere possit. Ex quo jam etiam efficitur ut nec consentiente patre codicillos facere, legare aut fideicommissum relinquere valeat. Eadem enim utrobique ratio est. An igitur filiosfam. nec mortis causa donare volente patre permittendum? Ita videri potest, cum mortis causa donationes per omnia fere ultimis voluntatibus comparantur, §. 1. *sup. de donat. l. ult. C. de mort. ca. don.* Placuit tamen, posse filiosfam. permittente patre mortis causa donare: nimirum quia donatio mortis causa, etsi in plerisque jure ultimæ voluntatis censetur, in quibusdam tamen naturam negotii inter vivos & contractus habet, *l. senatus 35. §. 3. de mort. ca. don.* maximeque in eo, quod ad eam perficiendam traditione aut conventionione opus est, ut pluribus ostendimus in d. §. 1. ac proinde hætenus etiam eodem jure cum conventionibus haberi, hoc est, privatorum arbitrio regi debet, perindeque habendum, ac si pater ipse per interpositam filii personam donasset, in eoque usus esset filii ministerio *l. 9. §. 2. de donat.* Atque hanc ob causam, etsi filii quoque persona in hac donatione spectatur, tum in ea perficienda, tum infirmenda, putarem tamen, etiam patrem eam revocare posse, cum Bart. in *l. 2. §. 1. de donat. Aug. & Ioan. Fab. hic.* nam quod traditum est de testamentis, ea non debere pendere ex alieno arbitrio, *l. illa institutio 32. de her. inst.* protinus ad mortis causa donationes trahendum non est. Non obstat iis, quæ diximus, argumentatio Ulpiani in *l. 1. §. 1. de tut. & rat. distr. concludentis*, ei, cui testamenti factio permilla non est, nec permittendum esse mortis causa donare: procedit enim ista argumentatio in patresfam. qui bona propria habet, sed testari non potest propter ætatem & defectum iudicii, qualis est pupillus, de quo etiam Iuriconsultus loquitur. Hinc jam illud quæsitum est, si filiusfamil. testamentum cum consensu patris condiderit adscripta clausula, *si non valeat jure testamenti, valeat jure codicillorum, aut cujuscunque ultima voluntatis vi*, num in hac specie voluntas filii sustineri debeat saltē in vim in donationis causa mortis. Et vulgo placuit, debere: quoniam appellatione ultimæ voluntatis etiam mortis causa donatio continetur; & in proposito clausula illa, *aut cujuscunque ultima voluntatis*, in nulla alia specie ultimæ voluntatis verificari potest, quam in donatione mortis causa; quæ utique patris consensu facta valet, ut jam demonstratum est. Ita *D. Vigl. hic v. 10. Clar. §. donatio, quest. 6. n. 3 Tessaur. decis. 150. Fachin. §. contr. 64.*

Exceptis in, quos antea enumeravimus] Qui scilicet castrense & quasi castrense peculium habent. In his enim bonis filiosfam. beneficio Principum testamenti factionem habuerunt, *l. ult. præcis. l. ult. C. de inoff.*

test. l. pen. & ult. C. hoc tit. l. 7. §. ult. de donat. & quoad cætera quoque in hoc peculio plenissimo jure patrumfam. usi sunt, *l. 2. de Sen. Mac. l. 4. de judic. excepto* quod intestati morientes in eo etiam exitum filiorumfamilias patiebantur, *l. 2. de cast. pecul. de quo mox uberius.*

Quod jus ab initio tantum militantibus, &c.] Refert Imperator quibus gradibus ad summum ejus juris, quod filiosfam. in castrensibus habent, perventum est. Initium ejus Augusto tribuit. (Ulpianus Julio, *l. 1. de test. mil.*) progressum Nervæ & Trajano. (Ulpian. d. *lolo* etiam Titii Domitiani meminit) patetque ex illo Juvenalis *sat. ult.*

Solis præterea testandi militibus jus Virgo patre datur, &c.

sub Domitiano idem obrinuisse: consummationem Hadriano: quippe illi militantibus tantum, hic etiam veteranis de eo, quod in castris acquisiverunt, cæteroque peculio, quod militiæ beneficio adepti sunt, *l. 11. de cast. pec. vivis* parentibus, quorum in potestate sunt, testandi facultatem dedit, ita ut quod antea solum militum erat, id bonorum privilegium rescripto Hadriani factum sit. Illud interest, quod veteranis non nisi jure communi, militibus etiam suo, id est, militari jure, testamentum facere permillum est. Veterani autem dicebantur, qui vel exauctorati sub vexillo adhuc retinebantur, cæterorum immunes, nisi propulsandi hostis? vel qui confectis legitimis stipendiis protinus dimissi erant, *ἀφ' ὧντος ἐν τῷ τυχόντες*. Consule commentaria D. Lipsii in *lib. 1. Annal. Taciti*, ubi & de annis legitimæ militiæ.

Ad parentes eorum jure communi pertinet] Utut pater in peculio castrensi vivente filio nihil juris habuerit, ipsique filio concessum, in eo, quem vellet, hæredem sibi instituere: tamen diu jus verus hætenus patri conservatum fuit, ut filio intestato mortuo jure peculii etiam bona castrensia ad patrem redirent, eademque hoc casu adhuc esset conditio castrensis peculii & pagani, nec in illo magis, quam in hoc, filiosfam. hæredem ab intestato haberet, *l. 2. l. 9. 14. de cast. pec.* Cæterum huic juri posteriorum Principum constitutionibus derogatum est; & primum liberis militis aut veterani intestato mortui, deinde fratribus bona castrensia jure hæreditatis delata, & tertio ordine parentibus: id quod hic locus apertè ostendit, atque ex eo etiam perspicuum est, quod filiosfam. etiam in bonis adventitiis, maternis & materni generis, lucrisque nuptialibus, eosdem hæredes habere placuit, *l. 3. l. 4. C. de bon. que lib. l. ult. C. comm. de success.* quibus tamen in bonis plus patri relictum, quam in castrensibus. Igitur quod hic Imp. ait, filiorumfam. intestato descedentium bona castrensia, non extantibus libe-

ris aut fratribus, ad parentes pertinere jure communi, non sic accipiendum est, ut Cujac. Hotom. Pacius, Fabrotus, & ferè quotquot sunt, fecere, jure peculii secundum jus antiquum, quo filii morte etiam peculium castrense, non quasi hæreditas, sed quasi peculium & quasi à patre profectum, ad patrem redibat; verum jure successionis seu hæreditatis, quæ tertio loco parentibus ab intestato deferretur ex constitutionibus Principum, novo quidem, sed communi jure. Nam si jure peculii ea bona adhuc ad patrem redire oporteret, nemo in iis patri præponi posset, ac nec cuiquam deferri possent jure hæreditario; sed pater tanquam jam olim sua & à se profecta statim occuparet: nisi quis putet cum Viglio, dici posse, liberis aut fratribus superstitibus, jus patris quiescere; illis autem deficientibus, pristinum jus patri integrum relinqui. Sed hanc interpretationem prædictæ constitutiones non ferunt, quæ omnes loquuntur de jure & ordine successionis: add. quæ scripsi ad §. ult. inf. de leg. agn. succ. Plurimum vero interest, utrum dicamus, jure peculii, an hæreditario ad patrem hæc bona pertinere: quippe illo casu, mortuo filio ipso jure apud patrem remanent, quasi perpetuo ipsius fuerint; hoc casu sine additione nec acquiri, nec transmitti possunt: illo casu peculio tantum tenus creditoribus filii respondere tenetur; hoc, in solidum, nisi inventarium confecerit, §. 5. inf. de her. qual. Illo denique casu matrem excludit, hoc casu non item. Hodie jus liquidum est, atque hæc disputatio penitus sublata. Constat enim ex Nov. 118. bona filii fam. sive castrensis sive pagana adventitia non amplius jure peculii, sed hæreditatis, patri deferri; nec jam ordine tertio, sed secundo, ita ut cum eo mater simul & fratres defuncti admittantur.

Ex hoc intelligere possumus &c.] Subjiciuntur hic quædam alia jura, quæ filiusfam. in castrensi peculio haberet, & nimirum hæc tria; primum, quod hoc peculium ita filii proprium est, ut pater id ei adimere non possit: alterum superiori consequens, quod creditores patris id vendere aliove modo inquietare nequeant: tertium, quod patre mortuo id filius præcipuum habeat, nec cum fratribus communicare, aut his conferre cogatur. Quæ cuncta, aliæque plura, etiam jure veteri obtinuerunt: nam ut ante dictum est, filiusfam. in castrensi peculio in omnibus jure patrisfam. fungebatur, tantum intestatus tantum filiusfam. decedebat, l. 2. de sen. Mac. l. 4. de judic. l. 4. de castren. pec. junct. l. 2. eod. Quæ autem hic traduntur, olim erant castrensis peculii propria: hodie vero castrensi cum pagano adventitio sunt communia: nam nec adventitia bona pater filio nunc adimere potest: & quod olim in castrensisbus juris erat, ut fratribus non conferretur, l. 1, §. nec

castrense l. 5. de collat. idem hodie obvenit & in adventitiis, l. ult. C. eod. tit. In solo profectio peculio nihil mutatum est, sed quemadmodum id totum patris mansit, ita potest filio id pater adimere: ita patre mortuo cum fratribus communicandum: ita filius patri debet, ut id creditores paterni sibi habeant. Nam quod ab Ulpian. traditum est l. 3. §. sed utrum 4. in fin. de minorib. si patris bona à fisco propter debitum occupata sunt, peculium profectitium filio ex constitutione Claudii separari, id specialis humanitatis est. Princeps dum jus fisci minuit, suum minuit: ac alteri jus quæsitum auferre non debet, l. 2. de his qui sui vel al. jurr. & fortassis debitum καταχρηστικὸς Jurisconsultus accepit, pro debito ex causa delicti damnato patre. Nullam certè rationem habet, quod D. Vigilius putat, ex causa delicti peculium à fisco occupari, ac non ex causa debiti: longè enim major ratio est, ut peculium filii separetur patre damnato, quam, cum fiscus venit, ut verus creditor: quippe cum in pœna nec privilegium habeat, sed creditoribus postpomat, l. 11. l. in summa 17. l. quod placuit 37. de jur. fisci. l. un. C. pœn. fiscal. cred. præf. lib. 10. Ergo, inquis, non fiscus, sed filius damnato patre actione de peculio conveniendus est, contra quam respondet idem Ulpian. l. 1. §. 4. quand. act. de pec. ann. Respondeo, fiscum etiam ea actione teneri, sed tunc cum filius peculium repudiaverit: alioqui conventum exceptione se tueri, & creditores ad filium remittere posse.

Quamquam jure civili omnium, qui in potestate] Perplexè & salebrose hæc traduntur. Jure civili antiquo filiusfam. omnia patri acquirebat, haud secus ac servus domino, uti dictum est, §. 1. sup. per quas pers. Primus Augustus excepit peculium castrense, aut potius milites in causa hujus peculii; Hadrianus etiam veteranos: mox & quasi castrense peculium exceptum: procedente tempore etiam adventitium, & præcipue constitutionibus Justiniani: non tamen ut per omnia eodem jure peculium adventitium apud filium esset, quo castrense & quasi castrense, sed ut ille ejus proprietatem, pater usum, fructum regulariter haberet, d. §. 1. l. cum pater 6. C. de bon. que lib.

Præter hos igitur, qui castrense peculium vel quasi] Quamvis non tantum castrense & quasi castrense peculium, sed quædam etiam bona filii adventitia ex constitutionibus patri non acquirantur, atque à Justiniano in universum adventitiorum omnium proprietatem filio concessa sit: in duobus tamen istis generibus diuntaxat jus testamenti faciendi ei permissum, non item in tertio. Non habet hæc res dubitationem, cum, quod regulare est, filius tantum nudam proprietatem in peculio adventitio habet, pater

pater ususfructum : sed cum sint quidam casus, quibus filio plena & solida proprietas acquiritur, an tunc quidem de his bonis testari possit, non satis convenit. Casus unus jam tum erat, cum Institutiones componerentur. Nam in *l. ult. C. de bon. qua. lib.* sic à Justiniano constitutum est, ut si filio hæreditas aut legatum fidei commissum delatum sit, & pater filio consentire nolit, ut hæreditatem adeat aut relicta agnoscat, filius propria auctoritate & patre invito id facere possit, & sibi hoc factum, quod relictum est, in totum acquirat. Novellis constitutionibus plures hujusmodi species introductæ. Idem enim obtinere placuit in rebus filiosam. ea lege datis, ut ne ususfructus ad patrem perveniat : item in hæreditate fratris aut sororis, ad quam una cum filio pater admittitur : postremo etiam in iis rebus, quæ filio deferuntur patre divorcium faciente sine causa, *auth. excipitur, cum 2. seqq. C. de bon. qua. lib.* An igitur ne his quidem casibus filio permissum de peculio adventitio testari? Sunt qui putant, permissum esse, & Triboniano hæc scribenti in mentem non venisse, *l. ult. §. ipsum autem §. vers. filius autem, C. d. tit.* ubi Justinianus duntaxat eo casu, quo apud patrem ususfructus est, filium de bonis adventitiis testari non permittit : inde enim à sensu contrario colligunt, in altera specie adventitiorum id ei licere. Probabilis sane collectio, nisi ipse Justinianus postea mentem suam clare exposuisset. Nam cum hæc ipsa quæstio jam tum ætate Justiniani, nec multo post emissam *d. l. ult.* exorta esset, ipse nova constitutione edita dubitationi occurrit, quæ est *l. pen. C. qui test. fac.* qua declarat, minime sibi in constitutione nuper à se promulgata propositum fuisse, filiosam in bonis adventitiis permittere testamenti factionem, sive cum consensu, sive sine consensu patris bona possideant, ac proinde sive nudam sive plenam eorum proprietatem habeant : sed in hoc antiquam legem per omnia servari jubet. Conferantur inter se constitutiones, perspicue apparebit, alteram alterius explicandæ, & *d. l. pen.* tollendi erroris gratia, cui verba *§. 5. d. l. ult.* causam dederant, scriptam esse. Non enim alia lex per eam, quam in *d. l. pen.* ait à se promulgatam esse, intelligi potest, quam in qua extrat distinctio illa, cujus meminisse, & ad quam se refert in *d. l. pen.* utrum scilicet filius bona possideat : cum consensu, an sine consensu patris : at illa distinctio extrat in una *d. l. ult.* nusquam alibi. Sed quid quærimus amplius? Negat expresse in *d. l. pen.* se jus testandi filio permittere in bonis, quæ possidet sine consensu patris : atqui horum plenam proprietatem filio in *d. l. ult.* concesserat, neque erat tunc alius casus, quo ususfructus in hoc genere peculii ad patrem non pertinebat. Adhæc jubet circa filiosam, testamenta per omnia observari legem

antiquam. Nulla vero lege antiqua filiosam testamentum facere permissum, præterquam de bonis castrensibus & quasi castrensibus : neque concessio plenæ proprietatis mutat qualitatem peculii ex sola causa acquirendi æstimatur. Ridiculi autem sunt, qui per legem antiquam intelligunt ipsius Justiniani aliquam constitutionem & nominatim illam ipsam, quam explicat, *l. ult. C. de bon. qua. lib.* Non potuit, nisi absurdissime, antiquam appellare, quam initio *d. l. pen.* profiteretur nuper à se promulgatam, nec ullas suas ipsius leges antiquas, cum nulla tunc esset biennio aut triennio vetustior. Novissimo jure etsi filiosam, quædam alia ejusdem generis bona pleno jure proprietatis concessa sunt : nullibi tamen jus de iis testandi ei datum legimus *Nov. 117.* permittitur filio de hujusmodi bonis quovis modo disponere : at in Græco est *διοικῆν*, quod testamenti factionem non comprehendit : & sine eo etiam apertissimum est eo loco intelligi tantum dispositionem inter vivos & liberam horum bonorum administrationem? quippe cum hæc dispositio ei tantum permittatur, qui perfectæ ætatis est, hoc est, filiosam majori 25. annis : cæteroquin curatores ei dari jubentur ; cum tamen minor 25. annis etiam, curatorem habens, post annum decimum quatuor testamentum facere possit, *l. 5. hoc tit. At.* iniquis, quod conceditur inter vivos, id multo magis licere debet in ultima voluntate, *arg. tit. de leg. Fuf. Can. toll.* Respondeo, hanc propositionem nec perpetuo veram esse, de quo vide *Everhard. in Top.* & procedere tantum in objecto præsupposita habilitate personæ, quæ deficit in filiosam. Sic etiam non procedit in filiosam. argumentum ductum à jure plenæ proprietatis, quasi eo jure concessio omnia concessa intelligantur, quæ patrisam in re sua, ut ejus liberissimo moderatori & arbitro, permixta sunt. Patet hoc ex eo, quod filiisam, patroni causarum, magistri liberalium artium, &c. etsi plenam proprietatem peculii quasi castrensis olim habebant, jus tamen de eo testandi ante Justinianum non habuerint, *§. ult. præc. cit.* Nimirum ut dictum est in pr. qualitas filiisam. obstat, quo minus testari possit : ut autem possit de castrensi & quasi castrensi peculio, non ex eo est, quod simpliciter plena ejus proprietatis filio concessa, sed quia placuit id cum habere sub qualitate patrisam. ut etiam de eo testari posset. Nihil movet, quod filius in hac specie adventitiorum heredem ab intestato habet : nam & in altera specie, cum nuda ejus est proprietas, habet. Potest ex lege heredem habere, etsi sibi heredem facere non potest : & in casu *Nov. 22. cap. 26.* ponendi sunt termini habiles filii emancipati ; alioqui sequeretur, etiam de iis adventitiis filium testari posse, quorum ususfructus ad patrem pertinet. Postremo nullam

admodum causam video, cur filiosfam. testandi facultas in una specie adventitiorum concedatur, in altera denegetur: nam sola ususfructus à proprietate separatio impedire non potest, quo minus jus sit de proprietate testandi, *inf. de her. inst. in pr. l. recte dicimus 25. de verb. sign.* Atque hæc etiam communis est interpp. sententia. Porro hoc constituto filiosfam. de bonis adventitiis testamentum facere non posse, tractari tamen adhuc potest, an non saltem de hjs bonis codicillos facere possit, cum heredem in his bonis ab intestato habeat, quem onerari posse fideicommissum constat, §. *præterea, inf. de fideicom. her.* Sed magis est, ut nec codicillos facere possit, propter regulam juris; *Qui non potest facere testamentum, nec potest codicillos, l. 6. §. pen. de jur. cod. l. 1. §. 2. de legat. 3.* Quem lex ei heredem dedit, cum omnino omnia bona, quæ post mortem relinqueret, habere voluit, & quasi addixit: tum vi ipsa non multum interest, heredem sibi quis testamento instituat, an per fideicommissum alicui hereditatem suam restitui jubeat. Plane mortis causa donationem in bonis, de quibus agimus, filio permittendam esse existimarem, & quod alias patris consensu potest, *l. tam is 25. §. 1. de mort. ca. don. id ei hic licere sine consensu patris, argument. Nov. 117. & eorum, quæ diximus in exegesi verborum hujus pr.*

Quamvis parentes eis permiserint. Diff. Anton. Fab. decis. 43. err. 6. & seqq. ubi nec in bonis castrensisibus donationem mortis causa filiosfam. concessam fuisse contendit, contra expressum textum in *l. 7. §. ult. de donat. vid. D. Guil. Mas. lib. 6. sing. opin. cap. 6. & seq.* ubi ex professo argumenta omnia Fabri diluit.

Licet suæ potestatis decesserit] L. si filiosfam. 19. hoc tit. Est autem hoc jus generale, ut si quis tempore testamenti facti non habuerit testamenti factionem, testamentum ab eo factum non valeat, etsi postea testamenti factionem habere coeperit, §. *seq. l. 4. cod. l. 1. §. exigit. 8. de bon. possess. sec. tab.* obtinetque hic etiam regula Catonianæ, *l. 1. de reg. Cat. l. quod initio 29. de reg. jur.* Interpretes communiter duos casus excipiunt, quibus filiosfam. recte etiam de bonis adventitiis testetur, utrique consentiente patre; si quid relinquat in pios usus; si liberos suos heredes faciat; illic voluntatem filii sustinere favore piæ causæ, hic favore liberorum. *Tiraquel. de priv. pie caus. cap. 78. Clar. §. testamentum, quest. 5. Tulden. hic cap. 11. lac. Verov. art. test. cap. 4. fac. cap. 4. de sepult. in 6. Christin. vol. 4. decis. 4. num. 6.* ubi in casu posteriore nec consensum patris requirit. Moribus harum regionum liberi omnes, qui modo ea ætate sunt, qua testamentum condi potest, de bonis matris cæterisque adventitiis omnibus recte testantur, neque consensu patris ad eam rem opus est. *D. Elbert.*

Leonin. lib. 6. emend. cap. 3. in fin. Perez. Cod. qui test. fac. num. 10. Grænev. de ll. abrog. hic & ibi laudat, quod & in Hispania obtinet, l. 5. Tauri. & ibi Gomez. atque in Germania quoque receptum, utique si liberi seorsum à patre habitent. Reusner. part. 2. cap. 23. num. 26. de testam. De Gallia idem testatur Lud. Charond. in memorabil. In Frisia tamen etiam in hac parte obtinet jus civile. D. Ioan. à Sande lib. 4. tit. 1. de fin. 1.

T E X T U S.

De impubere & furioso.

I. Præterea testamentum facere non possunt impuberes; quia nullum eorum animi iudicium est. Item furiosi; quia mente carent. Nec ad rem pertinet, si impubes postea pubes, aut furiosus postea compos mentis factus fuerit, & decesserit. Furiosi autem si per id tempus fecerint testamentum, quo furor eorum intermissus est, jure testati esse videntur: certe eo, quod ante furorem fecerint, testamento valente. Nam neque testamentum recte factum, neque ullum aliud negotium recte gestum, postea furor interveniens perimit.

N O T Æ.

I. Præterea] l. 5. h. t. l. 19. §. 1. de capt. & postl. adde & alios ex l. 8. 9. 10. & 11. D. h. t.

Postea pubes, &c.] Propter regulam, ut jam diximus, Catonianam.

Aliud negotium] Adeo ut ne matrimonium quidem furore superveniente solvatur, *l. 8. de his sui vel al. jur.*

C O M M E N T A R I U S.

1. Impuberes nec tutore auctore testamentum facere posse.
2. Testamentum à furioso factum tempore dilucidi intervalli sustineri. Et quid si de eo dubitetur.
3. Cur furor postea incidens, &c. testamentum antea factum non vitiet, capitis minutio vitiet.
4. Quando locus sit regule, Quæ ab initio recte constituta sunt, resolvi, cum in eum casum pervenerunt, unde incipere non possunt.

Quia nullum eorum animi iudicium est] Impuberes intelliguntur, qui nondum annum ætatis decimum quartum compleverunt, id est, qui nondum ad supremum anni decimi quarti diem pervenerunt. In fœminis annus est duodecimus, *l. 5. hoc tit.* Horum ait nullum esse animi iudicium, nimirum nullum plenum ac solidum, nullum tale, quæ-

requiras in eo, qui de omnibus facultatibus suis una perpetua dispositione statuere cogitat. An igitur non saltem tutore auctore impuberi permittendum testamentum facere, uti potest eo auctore res suas alienare, hereditatem adire, bonorum possessionem petere aliaque facere, etsi perfectum animi iudicium requirant, ut hic etiam quod impuberis iudicio defuit, tutoris prudentia suppleatur? Nequaquam. Nam aliarum actionum periculum tutores præstant, & finita tutela earum rationem pupillis eorumve heredibus reddunt; hujus vero reddere non possunt. Deinde testamenta non arbitrio alieno non precaria, sed ipsorum testatorum prudentia fieri debent, ne quid temere & inconsulto per aliorum molimina in præjudicium familiarum & agnationis statuatur, & alieni potius quam cognati, remotiores potius quam proximi, hereditatem consequantur. Quin tutores, si hanc potestatem iis permittimus, semper operam dabunt, ut non alii, quam à quibus lucrum sperant, heredes instituantur. Puberes autem testamenti factionem habere placuit statim à decimo quarto aut duodecimo anno completo, nec curatores in eo consensum intervenire, d. l. §. hoc tit. l. Amelii 20. §. 1. de lib. leg.

Item Furiosi §. Furiosi quid à mente captis differant, docui sup. tit. de curat. §. sed et 7. nimirum furiosum quidem omne & mente captum esse sive dementem; at contra non omnem mente captum esse & furiosum, cumque mente captus à furioso distinguatur, ut plerumque fit, qui cum intelligi, qui cum sana mente non sit, in quiete est, nec ut furiosi solent, agitur & fertur præceps. Cæterum nihil refert in ullo actu aut negotio, demens quis sit simpliciter, an ad dementiam accedat & furor: constatque, quamvis furiosi tantum hic mentio fiat, ad omnes, qui mente carent, hæc pertinere, l. 2. l. Titia 13. in fin. de inoff. test.

2. *Quo furor intermissus est* §. Furiosus per id tempus, quo furor intermissus est, testamentum jure facere potest, l. 9. C. hoc tit. quemadmodum & testis tempore intermissionis recte adhibetur, l. qui testamento 20. §. 4. hoc tit. Cæterum ut valeat testamentum, necesse est, ut id uno eodemque tempore remissionis perficiat: nam si cæpto testamento & necdum perfecto furor eum iterum invaserit, nihil actum est, etiamsi postea remissa denuo furore id, quod cæpit, perficiat, d. l. 9. Quid si proferatur testamentum conditum à furioso, quem certum est habuisse dilucida intervalla, incertum autem sit, quo tempore id fecerit? Et si quidem id ita ordinatum fuerit, ut quisvis paterfam. sanæ mentis sic dispositurus fuisse iudicetur, pro testamento respondendum & credendum intervalli tempore factum D. Viglius censet: cui assentior. Pertinet huc quod Val. Maximus lib. 7. cap. 8. refert

de Tuditani hominis certæ ac notæ insanitiæ testimonio; quod à centum viris confirmatum ait, magis quid scriptum esset in tabulis, quam qui scripisset, considerandum existimantibus, add. Boer. decis. 23. num. 81. Myns. 4. obs. cent. 2. Mant. de conj. ult. vol. lib. 2. c. 2. n. 7. Christin. vol. 4. decis. 4. n. 8. Diod. Tuld. comm. hic, c. 3. Grassi. §. testamentum, quest. 12.

Eo, quod ante fecerint, testamento valente §. d. l. qui testamento 20. §. 4. hoc tit. Similiter nec interdictio bonorum succedens, nec auditus sermonisve amissio testamentum ante factum vitiant, §§. seqq. l. 6. §. 1. l. 11. c. 18. cod. Palam igitur est, his casibus unum tantum tempus inspicere testamenti facti, ac sufficere eo tempore testatorem habuisse testamenti factionem, etsi tempore mortis non habuerit. Proinde cum Jurisconsultus in l. 1. §. exigit. 8. de bon. poss. sec. tab. ait, prætorem exigere, ut is, ex cujus testamento bonorum possessio petitur, utroque tempore jus testamenti faciendi habuerit, & cum faceret testamentum & cum moreretur, intelligere debemus, cum non hoc velle, bonorum possessionem ex testamento non dari, si testator tantum tempore testamenti facti jus testandi habuerit, sed non dari si habuerit tantum tempore mortis, non etiam tempore conditi testamenti, ut exempla illic proposita ostendunt. Sic autem jus est in mutatione, quæ salvo statu & fortunæ testatoris contingit, cujusmodi sunt superiora. Quod si qua mutatio postea inciderit, per quam capite testator minuatur, puta si servus fiat, in insulam deportetur, si se adrogandum det, testamentum infirmatur atque irritum fit, §. 4. inf. quib. mod. test. inf. l. 6. §. irritum 5. & seqq. de injust. rupt. test. & ratio manifesta est. Quippe his modis non tantum amittitur testamenti factio, sed etiam conditio personæ testatoris sic mutatur, ut omnino testamentum habere non possit, ac nec hæredem quidem. Furiosus vero & prodigus, etsi testamentum facere non possunt, nihil tamen prohibet, quo minus hæredem ex testamento antea facto habeant, & præcedens eorum voluntas exitum sortiatur.

Neque aliud negotium recte gestum §. De matrimonio idem traditur, l. 8. de his qui sui vel al. jur. In cæteris quoque negotiis quin idem juris sit, dubitandum non est, sive rem suam ante furorem alienaverint, de quo nemo ambigit; quoniam negotia perfecta & penitus consummata nullo eventu infirmari possunt: sive stipulanti aliquid promiserint, aut alias se obligaverint, licet hic aliquid desit ad consummationem negotii; sed hoc à curatore expediri potest. Neque enim in omnibus probata est sententia eorum, qui ea, quæ ab initio recte atque utiliter constituta sunt, resoluti putaverunt, cum in eum casum incidissent, à quo incipere non poterant, l. exstima 98. l. pen. §. 2. de verb. obl. l. in ambiguis 85. §. 1. de iur. et iur.

de reg. jur. §. ex contrario l. inf. de legat. sed tunc tantum cum casus incidens impedit, quo minus; quod coeptum est, perfici atque ad finem suum perducatur, ut eventus incidente capitis deminutione testatoris. Quae de re fortassis pluscula ad d. §. ex contrario.

T E X T U S.

De prodigo.

2. Item prodigus, cui bonorum suorum administratio interdicta est, testamentum facere non potest: sed id, quod ante fecerit, quam interdictio bonorum suorum ei fiat, ratum est.

C O M M E N T A R I U S.

Qui bona sua profundunt, nec modum nec finem impensarum habentes, prope à furiosis absunt. Plane enim, quod ad bona ipsorum pertinet, furiosum faciunt exitum, ut inquit Iuriconsultus l. his qui 12. in fin. de tut. dat. ab his, quam ob causam placuit huiusmodi hominibus bonorum administratione interdicti: quia interdictione & testamenti factio ipsis adempta intelligitur, quippe qui non sanioe iudicio, quid de rebus suis post mortem fieri velint statueri creduntur, quam eas tractarent, si libera earum administratio ipsis permitteretur. l. his cui 18. hoc tit. Puberum minorum 25. annis non eadem ratio est: neque enim his bonorum administratio interdicta est, ut male Don. ad l. 6. de verb. obl. n. 9. sed si velint, curatores accipiunt; quibus quidem tum administratio permittitur, nec iam amplius ipsis minoribus: sed in hunc maxime finem, ne minores in contrahendo circumveniantur; quod in testamento non metuitur.

Quod ante fecerit] d. l. in cui. Testamentum enim, quod interdictione vetustius est, eadem ratione valere debet, qua quod factum est ante furorem. Imperator Leo Nov. 39. prodigo permittit τὰ ὀνυμφέγοντα διακεῖν, ea facere, quae ipsi conducunt; & ratum quoque testamentum ejus esse jubet, in quo mores prodigi non apparent. Quod Viglio videtur naturalem æquitate habere. Forte id admittendum fuerit, si quaedam non levia argumenta saniorum morum præcesserint. Per l. 1. de cur. fur. Vid. Sande lib. 4. tit. 1. de fin. 3. Granev. d. l. abr. hic. Hic autem locus confirmat, quod supra §. furiosi 3. de curat. asseruimus, prodigum, quod attinet rerum administrationem & effecta juris civilis, non statim censei eum, qui ipso facto prodigus est, sed tunc demum, cum ei bonorum administratio interdicta est: interdicti autem non ipso jure, sed causa cognita decreto magistratus.

T E X T U S.

De surdo aut muto.

3. Item surdus & mutus non semper testamentum facere possunt. Utique autem de eo surdo loquimur, qui omnino non exaudit, non qui tarde exaudit. Nam & mutus is intelligitur, qui eloqui nihil potest, non qui tarde loquitur. Sæpe enim etiam literati homines variis casibus & audiendi & loquendi facultatem amittunt. Unde nostra constitutio etiam his subvenit, ut certis casibus & modis, secundum normam ejus possint testari, aliaque facere, quae eis permissa sunt. Sed si quis post testamentum factum, adversa valetudine aut quolibet alio casu mutus aut surdus esse coeperit, ratum nihilominus manet ejus testamentum.

C O M M E N T A R I U S.

Quia etsi quis mutus tantum erat, aut surdus, testamenti faciendi jus non habebat, nisi specialiter à Principe impetravisset, ut sibi testari liceret, l. 7. hoc tit. junct. l. pen. §. 1. unde cogn. cujus juris ratio significatur à Paulo lib. 3. sent. 4. quia neque mutus testes rogare potest, neque surdus audire testimonium perhibentes. Unde cum nemo quicquam à Principe impetrare possit, nisi qui ei preces suas aut voce aut scripto potest exponere, sequitur, eos mutos, qui scribere nesciebant, omnino testari non potuisse. Justinianus, quod singulare & personale jus erat, jus commune fecit, & generaliter surdis omnibus vel mutis testamentum facere permisit, (cum aliquo tamen temperamento) ut jam amplius necesse non sit singulos id precibus impetrare, l. discretis 10. Cod. hoc tit. Sic vero ille constituit, ut si quis mutus & surdus simul sit, si quidem natura, is omnino testamentum facere non possit, si casu, ut possit; si modo ante literas didicerit, ut scripto voluntatem supremam exprimere queat. At si quis tantum mutus sit, aut surdus tantum, siue tales sine natura, siue morbo, his jure testari liceat eo modo, quo per rerum naturam voluntatem suam declarare possunt, aut scripto aut lingua. Quod ne muto quidem tantum, qui literas nesciat, testamenti factio hac constitutione permittitur, confirmat id, quod modo dicebamus, eum, qui talis sit, nec à Principe testandi licentiam obtinere posse. Illud in eadem constitutione absurdum est, quod Justinianus credidit, eum, qui surdus natus est, loqui posse & articulataam vocem edere; cum nihil tam cer-

tum sit, quam ei, cui auditus à natura negatus est, & sermonis usum ablatum; nec esse naturaliter surdos, qui non iidem sint & muti. Quod etiam Plinius testatur lib. 10. c. 69. *Alex. Aphrodis. problem. 1. 138.*

Qui omnino non exaudit, &c.] Hæc plana sunt. Notum enim est, eum, qui tarde aut difficulter exaudit, non surdum, sed surdastrum dici, *ὑποκωφον*, subsurdum: & eos, qui graviter aut *ἀσπερῶς* loquuntur, non mutos, sed blæfos, balbos, *μογιᾶλως*, appellari; mutos autem dici lingues & fandi impotes, *αἰχᾶλως*. Plane muti etiam illi habendi sunt, qui *αὐθιμῶς* loquuntur, hoc est, sine ulla certa significatione vocis, *ἀνὰ ἄρρωστων*. l. mutum, 9. de adil. edict. l. 7. in fin. de supell. leg.

Sed si quis post testamentum factum, &c.] Ob eandem rationem, ob quam placere diximus testamentum furiosi aut prodigi, quod furore aut interdictione bonorum vetustius est, non infirmari.

TEXTUS.

De Cæco.

4. *Cæcus autem non potest facere testamentum, nisi per observationem, quam lex Divi Iustini patris nostri introduxit.*

COMMENTARIUS.

In cæco nihil est, ob quod testamentum facere prohibeatur: nam & testes accire ac rogare potest, & audire sibi testimonium perhibentes. Quapropter & olim testamentum facere potuit. *Paul. 3. sent. 4.* & nunc quoque potest. Cæterum forma nunc accuratior præscripta, & quædam singularia in testamento cæci, ut fraus omnis, cuius hic major metus evitetur, constituta sunt lege illa Iustini, quæ hic commemoratur, & extat l. hac consultissima 8. & Cod. hoc tit. Sententia legis est, ut cæcus hæredem nuncupaturus (ineptum putavi monere cæcum non aliter, quam per nuncupationem testari posse) præter numerum testium ordinarium adhibeat & tabularium, aut si tabularii copia non sit, alium octavum testem qui voluntatem nuncupantis scriptura excipiat, cui deinde testes omnes & tabularius subscribant, eamque obsignent, uti fit in testamentis scriptis: aut si prius testamentum suum scripto comprehendere curavit, ut tabularius coram testibus eam scripturam palam legat, eaque lecta cæcus testetur hanc suam voluntatem esse; deinde omnes subscribent & signent. Ubi hæc singularia notanda. 1. Quod non sufficit voluntatis nuncupatio, nisi & scripturu accedat. 2. Adhibitio octavi testis, qui testamentum scribat, aut antea scriptum recitet. 3. Quod is testis debeat esse tabularis publicus,

si ejus copia est. 4. Omnium subscriptio & subscriptio.

TEXTUS.

De eo, qui est apud hostes.

5. *Ejus, qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, si redierit, valet jure postliminii; si illic decesserit, valet ex lege Cornelia.*

NOTÆ.

5. *Quamvis redierit] l. 8. h. t.* nam postliminio non vitatur Catonis regula. Codicilli autem scripti in captivitate ab eo, qui in civitate testamentum fecerat, eo reverso convalescunt, quia principium eorum jam in civitate constitutum erat, nempe testamentum, quo confirmati sunt, l. 12. §. 5. de capt. & postl. simile est in l. 25. eod.

Ex lege Cornelia] Postliminii & legis Corneliæ fictio in omnibus partibus juris servatur, passim D. & C. eod. v. §. 5. sup. quib. mod. jus patr. pot.

COMMENTARIUS.

1. *Etsi testamentum apud hostes factum jure postliminii non convalescat, codicillos tamen ibi factos convalescere.*
2. *Hodie in orbe Christiano hujus §. usum non esse, præterquam secundum quosdam, si qui à Turcis, &c. capti fuerint.*

Qui apud hostes est] l. 8. hoc tit. Ratio manifesta est, quia captus jure belli servus fit hostium: ut autem testamentum consistat, necesse est testatorem jus testandi habere, cum testamentum facit; nec postliminio vitatur regula Catoniana. Sed nec obsides, nisi eis permittatur, testamentum facere possunt, quia velut pignoris jure tenentur, & fiscus eorum bona occupat, l. 11. hoc tit. l. Divus 31. de jur. fisci. Qui autem à prædonibus capiuntur, quia liberi manent, l. 19. §. 2. de capt. & postlim. testamenti factionem retinent, ut & illi, qui apud externos legationem funguntur, l. 11. in pr. & §. 1. hoc tit. & ibi Cujac. add. Grass. §. testamentum, quest. 25. Vasq. 3. contr. 103. num. 1.

Sed quod dum in civitate, &c.] Testamentum ante captivitatem recte factum, etsi re ipsa irritum sit captivitate, fictione tamen juris sustinetur. Est autem duplex in hac re fictio; postliminii & legis Corneliæ, l. 6. §. pen. de injust. rupt. test. illa si captus redierit, locum habet; hæc si in captivitate decesserit. Illa fingit retro in civitate testatorem fuisse; hæc retro in civitate decessisse. Imperatores in l. 9. C. de.

C. de postlim. rev. inconsiderate tribuunt legi Corneliae quod est juris postliminii. Quærat autem aliquis, cur cum postliminio reversus fingatur semper in civitate fuisse, & ita habeatur, ac si medio tempore nulla captivitas intercessisset, non convalescat postliminio testamentum, quod quis tempore captivitatis fecit? Resp. quia quod non est ante captivitatem, id nec postliminio habere potest. Non obstat, quod codilli in captivitate scripti ab eo, qui in civitate testamentum fecerat, eo reverso jure postliminii convalescant: nam eorum principium & firmamentum jam in civitate constitutum est; nimirum ipsum testamentum, quo confirmati sunt, *l. in bello 12. §. codicilli 5. de capt. & postlim.* Eadem ratione placuit, si uxor cum marito capta fuerit, & que in captivitate ex marito enixa sit, etiam liberos ibi natos jus postliminii habere, & reversos cum parentibus justos liberos esse, *l. Divi 25. d. tit.* nimirum quia nati sunt ex matrimonio in civitate legitime contracto. Illud nullius momenti est, quod Aretinus movet, esse regulam, *mediæ tempora non nocere*, *l. 6. §. 2. l. si alienum 49. §. 1. de her. inst. §. in extraneis 4. inf. de her. qual.* ac proinde videri supervacuum fictionem juris postliminii ad testamenta conservanda. Quippe illa definitio ad hæredem pertinet, non ad testatorem, cujus testamentum amissa civitate stare non potest. Fallitur autem Aretinus, dum respondet, procedere regulam si medio tempore status testatoris mutatus non fuerit. Error hic perspicuus est, *d. l. 6. §. 2. & statu non mutato*, quæ ratio, potest esse dubitandi ratio? Porro non in hac tantum parte juris, sed etiam in cæteris omnibus &

postliminii & legis Corneliae fictio servatur, *l. 5. §. 1. d. l. in bello 12. §. 1. l. retro. 16. l. in omnibus 18. & passim. de capt. & postlim. & Cod. eod. §. si ab hostibus, sup. quib. mod. jus pat. pot. solv.* Postliminio requiparatur restitutio capite damnati, *l. 6. §. pen. de injust. rupt. test.*

Ex lege Cornelia] *L. lege Cornelia 12. hoc tit.* Hæc lex mortis & captivitatis tempora conjungit. Id est, fingit, eum, qui apud hostes decessit eo tempore, quo captus est, decessisse, civem & familiam habentem. Quo tempore, aut quo auctore latus sit, non liquet. Quod D. Viglius putat, latum esse primo bello Punico ab aliquo ex familia Scipionum, conjectura est, nec satis probabilis. Hodie in orbe Christiano nullus hujus §. usus est, nisi in iis, qui à Turcis aut id genus aliis Barbaris capti sunt. Nam cum, quod olim tantum obtinebat in bellis civilibus, *l. si quis 21. §. 1. de capt. & postlim.* nunc inter Christianos consuetudine generali invaluerit, ut bello capti servi hostium non fiant, sed liberi & cives maneant, ac jus sit pretio eos redimere, poterunt etiam dum apud hostes sunt testari, *arg. l. 13. hoc tit. Alc. ad l. hostes 118. de verb. sign. Duar. ad tit. qui test. fac. pag. 318. Grassi. d. quest. 25. Zypæ. not. jur. Belg. de testam. Sande lib. 4. tit. 1. defin. 2.* Nonnulli idem juris habere etiam Turcis captos existimant. *Covar. c. peccatum, p. 2. §. 1. num. 6. Cyprian. cens. Belg. Grænev. d. l. abrog. hic.* Illud etiamnum observatur, quod transfuga jus testandi non habeat, quoniam jura civium amittit, & hostium numero habetur, *l. postliminium*

19. §. transfuge 4. de capt. & postlim. lac. Verovey. ant. test. cap. 4. Sande ubi sup.

TITULUS XIII.

Di. lib. 28. t. 2. C. lib. 6. t. 28. 29. Novell. 115.

De exhæredatione liberorum.

Ratio ordinis, & argumentum tituli.

Istæ sunt de personis, quibus jure publico potestas testamenti faciendi data aut denegata est, item de modo testandi, sive externis testamenti solennitatibus, comparatis ad firmandam testationis fidem. Sequitur tertium, res quas in ipso testamento inseri & caveri oportet, ut justum ratumque habeatur; quam intrinsicam testamenti solennitatem appellare possumus. Estque duplex; una communis omnium testatorum, hæredis scilicet institutio; altera quorundam duntaxat propria, & maxime parentum, qui liberos in potestate habent,

videlicet: eorum liberorum exhæredatio, si ipsi hæredes non instituantur: de quo idcirco etiam inter cætera, quæ ad ordinanda testamenta necessaria desiderantur, præcipiendum fuit, *l. inter cætera 30. hoc tit. de lib. & postlim. her. inst. vel exher.* Existimaverat aliquando Hotomannus inscriptionem hujus titulli corrigendam esse, legendumque, *De institutione vel exhæredatione liberorum*. Quod & Wesembecius tacite securus est. Verum postea idem Hotomannus ab hac sua sententia recessit. Mihi quidem nulla mutatio necessaria videtur. Cæterum si secundum priorem sententiam Hotomanni in-

Scriptio concipiatur, non eo minus proba erit, quod ostendit *Interp. Q.* ejusdem argumenti in Pand. d.l. inter cetera. In præcepto quoque legis disjuncta est; *Pater filium, quem in potestate habet aut heredem instituit, aut nominatim exheredato.* Exheredare est eum, qui alioqui hæres futurus erat, ab hereditate repellere. Et de solis suis hæredibus propriè dicitur, qui nisi removerentur, ipso jure hæredes existerent, & vivo adhuc patre quodammodo domini existimantur, l. in suis, hoc tit. de extraneis per abusionem. Jure civili antiquo non erat in omnibus liberis, etiam iis qui in potestate erant & sui hæredes, exheredatio æque necessaria, nec omisssæ idem semper effectus: ritu quoque variabat pro sexu, pro gradu, proque nati jam liberi, aut nondum nati essent tempore facti testamenti: quæ omnia diligenter hic Imperator exequitur: deinde subjicit, quod ipse novi juris constituerit. Ad extremum agit de præteritione, quæ vim exheredationis habet. Continet autem hic titulus principia magnarum & difficillimarum questionum juris, qua veteris, qua novi, eoque diligentem atque accuratam desiderat partium omnium interpretationem.

TEXTUS.

Jus vetus, de liberis in potestate.

Non tamen, ut omnino valeat testamentum, sufficit hæc observatio, quam supra exposuimus: sed qui filium in potestate habet, curare debet, ut eum heredem instituat, vel exheredem eum nominatim faciat. Alioqui si eum silentio præterierit, inutiliter testabitur: adeo quidem, ut si vivo patre filius mortuus sit, nemo hæres ex eo testamento existere possit: quia scilicet ab initio non constiterit testamentum. Sed non ita de filiabus, & aliis per virilem sexum descendantibus liberis utriusque sexus antiquitati fuerat observatum: sed si non fuerant scripti hæredes scriptæve, vel exheredati exheredatæve testamentum quidem non infirmabatur, jus tamen accrescendi eis ad certam portionem præstabatur. Sed nec nominatim eas personas exheredare parentibus necesse erat, sed licebat inter ceteros hoc facere. Nominatim autem quis exheredari videtur, sive ita exheredetur, Titius filius meus ex hæres esto: sive ita: Filius meus ex hæres esto, non adjecto proprio nomine, scilicet, si alius filius non extet.

NOTÆ.

De exheredatione] Exheredatio est hæredatis lege datæ ademptio: unde solis de suis hæredibus propriè dicitur, de aliis per abusionem. Aliis hæredatis deferretur tantum, suis etiam datur, §. 2. inf. de her. qual.

Non sufficit hæc observatio] In modo sc. testandi & solennitatibus comparatis ad firmandam testationis fidem, de quo *sup. tit. 10.*

Vel exheredem faciat] De quo idcirco etiam inter cetera, quæ ad ordinandâ testamenta pertinent, præcipiendum fuit, l. 30. h. t. de lib. & post.

Inutiliter testabitur] d.l. 30. Plane si filius patri superstes bonis paternis se abstineat, voluntas bono & æquo sustinebitur, l. 27. de injust. rupt.

Vivo patre mortuus] l. 7. h. t. propter regulam Catonianam, l. 1. de reg. Cat. l. 29. l. pen. de reg. jur.

Non ita de filiabus, &c.] Diversi juris rationem indicat *Ulp. l. 8. §. 1. de injust. rupt.*

Nominatim autem] v. l. 1. l. 2. & 3. D. h. t.

COMMENTARIUS.

1. Filio, qui in potestate est, præterito, testamentum jure civili prorsus inutile, & nullius momenti esse: ac quatuor consecutaria inde deducta.
2. Filia & nepotis ex filio præteritis jure antiquo testamentum subsistisse, dato his jure accrescendi scriptis hæredibus.
3. Ad quam portionem hæc persone præterita scriptis hæredibus accreverint.
4. An eas præteritas ad bonorum possessionem contra tabulas prætor admisorit.
5. Filiam & nepotes ex filio exheredatos, licet non nominatim, neque jus accrescendi habuisse, neque a prætore ad contra tab. bon. possessionem vocatos: modo cetera leges exheredationis observata fuissent.
6. An testamentum, in quo filius præteritus est, prorsus inutile sit, & jure prætorio.
7. Filio præterito se abstinentem prætorem habere rationem testamenti, etiam cum extranei instituti sunt.

Refertur hic differentia, quæ in re proposita olim observabatur in sexu & gradu liberorum jam natorum. Meliore ceteris jure erat filius in potestate constitutus: siquidem hic solus à patre necessario aut hæres instituendus aut exheredandus erat, ut testamentum subsisteret, quod alioqui jure civili prorsus inutile erat & nullius momenti, l. inter cetera 30. hoc tit. l. filio. 17. de injust. rupt. test. & hoc text. Huic autem juri consequens est, primum, quod etiam hic expressit Justinianus, ex tali testamento heredem non posse existere, etiam si filius præteritus vivo adhuc patre decesserit, propter regulam Catonianam, quæ sic definit; *Quæ institutio inutilis foret, si statim post testamentum factum decessisset te-*

set testator, ea non debet ideo valere, quia diutius vixerit, l. 1. de reg. Cat. l. pen. de reg. jur. §. an servo 32. inf. de legat. & generaliter quod initio vitiosum est, non potest tractu temporis convalescere, l. quod initio 29. de reg. jur. §. 2. inf. de inut. stip. 21. Per huiusmodi testamentum non rumpi id, quod antea à patre legitime factum est, l. 7. hoc tit. §. 2. & pen. inf. quib. mod. test. inf. 3. Non sustineri hoc testamentum ob id, quod pater filio legatum, quantumvis amplum reliquerit: nam utrum filius præteritus sit, nec ne, non ex legati datione, sed ex institutione aut exheredatione aestimatur; præteritisque omnes in hac materia habentur, qui neque heredes instituti, neque ut oportet, exheredati sunt, §. eadem 12. inf. de her. ab init. 4. Quod etiam si filius vel ante testamentum vel in ipso testamento præteritioni consenserit, nihilominus magis subsistere possit. Verum enim non est, quod Clar. §. testamentum. q. 43. n. 3. existimat, jus hoc ob solum favorem filii constitutum esse, cui ille renunciare possit. Imo forma paterni testamenti iure publico præscripta id modis omnibus exigebat: quod jus privatorum consensu mutari non potest, l. 3. hoc tit. junct. l. jus publicum 38. de pact. cum similit. vid. tamen Ant. Fabr. C. suo de lib. prat. defin. 6. Christin. vol. 4. decis. 19. m. 4.

Exheredem cum nominatim faciat] Non quævis exheredatio summovebat liberos ab hereditate patris, sed quæ ritè facta esset; non ritè exheredati pro præteritis habebantur, l. 8. §. 2. cont. tab. In ritu autem discrimen non faciebat sexus aut gradus, nisi quod hoc propriè in filio observandum erat, ut nominatim exheredaretur, quod in reliquis non erat necessarium, ut statim audiemus. Cicero lib. 1. de Orat. quem pater neque heredem neque exheredem scripsit nominatim.

2 Sed non ita in filiabus & aliis per virilem sexum descendentibus.] Non uti olim filio, ita & filia, aut nepote neptev ex filio (ex filia nati huc non pertinent, §. ult. inf. eod.) præteritis testamentum inutile erat: sed firmo manente testamento jus accrescendi ad certam portionem his dabatur, ut, quasi & ipsi scripti scriptære, essent, numerum hæredum augerent, l. ult. C. hoc tit. Vlp. tit. 22. §. 12. 15. & 16. Accrescebant autem hæ. personæ hæredibus scriptis cum damno, hoc est, portionem hereditatis accrescendo iis auferent; ut longè diversum hoc jus fuerit ab eo jure accrescendi, quo res accrescunt; quod fit cum emolumento, cum scilicet non petentium partes accrescunt petentibus, seu portio omissa portioni agnitæ; de quo, volente Deo, tractabimus §. si eadem inf. de legat. Ad quam partem hæredibus institutis accreverint, docet Ulp. d. tit. 22. §. ex suis 14. Scripti; inquit, hæredibus accrescunt, suis quidem hæredibus in partem virilem, extraneis in partem dimidiam;

atque ita quoque Gajus lib. 2. tit. 3. §. 1. & Theophr. hic. Et notandum est, ita jus fuisse non tantum cum soli aut sui aut extranei scripti essent; sed etiam cum permixtim. Finge, extraneum una cum filio æquis partibus heredem institutum; hic filia, si præterita erat, singulis accrescebat ad virilem. Quod si plures extranei pluresque sui scripti fuerant, extraneis accrescebat ad dimidiam, suis ad virilem. Item si duo filii, unus extraneus, huic ad semissem, illis ad trientem: atque ita ex accidente eveniebat, ut plus consequeretur; filia præterita, quantum filius aut filii instituti: quod aperte ostendit locus Pauli 3. sent. 4. ubi ita scribit; *Filio & extraneo æquis partibus heredibus institutis si præterita accrescat, tantum suo accipiet, quantum extraneo. Si vero duo sint filii instituti, suis tertiam, extraneis dimidiam tollit.* Cum igitur filiabus & nepotibus ex filio præteritis hoc remedio consultum fuerit iure civili, quaeritur an etiam eo omisso bonorum possessionem contra tabulas petentes admiserit prætor. Et D. Bachovius putat, magis esse, ut prætor eos excluderet: quod perspicuè falsum est. Etenim prætorem nihil aliud considerasse legimus, quam an liberi præteriti essent, an exheredati, summorisque exheredatis præteritos omnes, insuper habito discrimine sexus & gradus, admisisse, l. 1. in pr. & §. 1. de bon. poss. cont. tab. junct. l. 2. sec. tab. quod & Justinianus significat, §. sed hæc §. inf. eod. cum ait; prætores in dandis bonorum possessionibus jus successionis ab intestato, quod liberi omnes sine discrimine sexus aut gradus ex lege duodecim tabularum habent, secutos. Sed quid argumentis opus est? Textus est apertus in l. ult. circa pr. C. hoc tit. verba sunt; *Ex prætore autem habebat (filia præterita) contra tabulas bonorum possessionem in totum; & iterum paulo post; Cum enim per contra tabulas bonorum possessionem, vel jus accrescendi, semissem substantiæ filia præterita accipiebat, &c.* Ait autem nunc semissem, quia ante dixerat constitutione Antonini beneficium prætoris coarctatum fuisse ad quantitatem portionis, quam jure civili filia præterita accipiebant, scriptis hæredibus accrescentes. At cur filius præteritus testamentum valere non patiebatur; filia & nati ex filio non rumpebant? Differentiæ rationem subobscurè indicat Ulpianus l. 8. §. 1. de injust. rupt. test. *filia vel nepos, inquit, quia cum emancipantur, una emancipatione exeunt, de potestate, testamentum non rumpunt.* Quorum verborum hic sensus est, mirandum non esse; si jus civile facilius præteriti filiam nepotemve ex filio patiat, quam filium: quippe filium arctiore necessitudine eo jure construngi cum patre, quam filiam aut nepotem cum patre aut avo; id ex eo constare, quod ille tribus decum mancipationibus & manumissionibus

hui una de potestate exeunt: videlicet, quæ notavimus ad §. præterea 6. sup. quib. mod. jus pat. pot. solv.

Licebat inter ceteros hoc facere] Græci ἀρχαῖως, hoc scil. modo, Titius filius meus hæres esto: ceteri exheredes sunt. Gregor. Naz. in suo testamento οἱ γὰρ λοιποὶ πάντες ἔξωσαν διακληρονομήσωσι. Effectus hic erat, ut ita exheredati exheredatæve scriptis hæredibus non accrescerent, quod præteritis tribuebatur, nec à prætorè ad contra tabulas bonorum possessionem vocarentur, l. 8. cont. tab. in pr. Tantum supererat, ut testamentum inofficiosum dicerent, si nec quartam debitæ portionis accepissent, l. 8. §. quoniam 8. de inoff. test. l. ult. C. hoc tit. Cæteras leges exheredationis, ut purè fiat, l. 3. §. 1. eod. junct. l. si sub. 18. cont. tab. ut simpliciter, non ex re certa, l. cum quidam 19. hoc tit. ut ad omnibus gradibus, d. l. 3. §. 2. & seqq. eod. vid. D. Perez. in C. hoc tit. n. 9. & 10. etiam in filiabus & natis ex filio locum habuisse existimo, iisque neglectis non ritè exheredationem factam & pro præteritione habitam fuisse. Illud constat, non eo minus exheredationem ritè factam ex ratione juris veteris intelligi, & testamentum subsistere, quod causa exheredationis testamento expressa non est, cujuscumque generis sint liberi exheredati: ac proinde etiam prætoris beneficium hic cessare, solamque relinqui exheredatis querelam inofficiosi. An vero id à Justiniano mutatum sit, Nov. 115. t. 3. alibi disputabimus.

Si alius filius non extet] Nam si plures sint filii, benigna interpretatione potius à plerisque respondetur, nullum exheredatum esse, l. 2. hoc tit. Demonstratio autem ac definitio sufficit, quamvis nomen taceatur, aut etiam filium dicere pater pepercit: veluti si ex Seja natum dixerit, aliterve eum descripserit, vel cum convitio, l. 3. pr. eod. Nam sermo omnis, ut in universum dicam, quo dilucidè designatur persona, de qua quis loquitur, exheredationem nominatim facit, arg. l. nominatim 34. de cond. & dem. Summa igitur discriminis, quod inter liberos jam natos fuit, hæc est; quod præterito filii testamentum infirmabat; quod non nominatim exheredatus pro præterito habebatur; at ceteri præteriti manente testamento scriptis hæredibus accrescebant, & quamvis non nominatim exheredati, tamen si cætera observata essent, pro ritè exheredatis habebantur. Nondum me hinc abire sinunt interpretes. Illud prius investigandum est, an ut testamentum, in quo filius est præteritus, nullum est jure civili, ita quoque vim nullam habeat jure prætorio. Et video, maximam partem censere tale testamentum neutro jure subsistere, atque in totum tam jure prætorio, quam civili improbari, Cyn. Bald. Castr. in l. 2. C. de bon. poss. cont. tab. Clar. §. testamentum quæst. 43. n. 1.

Gomez, 1. var. ref. c. 11. n. 1. quam sententiam prolixè tueretur Ant. Fab. 9. conj. 14. & deced. 37. err. 5. & 6. Argumentum eorum præcipuum est, quod in casu proposito etiam prætorio jure succedatur ab intestato, hoc est, filio præterito detur bonorum possessio unde liberi, l. ult. hoc tit. l. 1. §. ult. si tab. test. null. ext. quasi nec prætor hic ulla tabulas agnoscat. Sed verior est sententia Gloss. in d. l. 2. C. cont. tab. quam & Bart. ibid. probat; item D. Vigl. hic Govean. 1. var. lect. §. Vsq. 3. controuv. illust. 100. & lib. 2. de succ. creat. §. 28. num. 138. & seqq. tale testamentum jure prætorio nullum non esse. Rationes hæc sunt. 1. Quoniam filius præteritus rectè petit bonorum possessionem contra tabulas, l. 1. de bon. poss. cont. tab. §. 1. inf. de bon. poss. ut proinde necesse sit tabulas aliquas jure prætorio intelligi. 2. Quia scriptis in eo testamento hæredibus datur bonorum possessio secundum tabulas, l. 2. in pr. de bon. poss. sec. tab. ubi prætor dicitur hunc ordinem servare, ut primo velit ad liberos præteritos pertinere bonorum possessionem contra tabulas, mox si inde occupata non sit, judicium defuncti sequatur, & scriptos admittat secundum tabulas. 3. Quod in danda bonorum possessione secundum tabulas hoc tantum prætor consideret, an testamentum septem testium signis signatum sit, licet solemnia quædam jure civili requisita desint, Ulpian. tit. 28. §. etiamsi 4. Quia prætor vix majorem suorum, quam emancipatorum rationem habet; quod ex eo patet, quod etiam emancipatos institui aut exheredari jubet, §. 3. inf. eod. & tamen si præteriti sint, testamentum jure prætorio subsistit. 5. Huc fac. l. posthumus 12. in fin. pr. l. filio. 17. de injust. rupt. test. l. 12. §. 1. de bon. poss. cont. tab. Ad argumentum autem modo propositum commodè responderi potest, prætorem ita esse proprii juris auctorem, ut simul etiam sit custos juris civilis, quod etiam sequatur, si quando potentius jus est ejus, qui jure civili vocatur. Nec magis absurdum videri debet, eo jure dici testamentum valere, quo etiam succeditur ab intestato, quam bonorum possessionem, & secundum & contra tabulas eodem jure dari. Nimirum non uno modo, nec simul omnibus Prætor consulit, sed successive: & quia prior ac potentior est conditio liberorum præteritorum in petenda bonorum possessione contra tabulas, hos prius admittit: quod si illi decesserint, aut petere neglexerint, nihil absurdi se facturum putavit, si tunc scriptis hæredibus daret secundum tabulas. Quin & suos præteritos, qui jure civili testamentum nullum dicere possunt admittit ab intestato ex capite unde liberi, ut custos & administer juris civilis, l. ult. hoc tit. l. 1. §. ult. unde liberi. Planè si filius præteritus ultro se bonis paternis abstineat, 7. hic jam fatentur interpretes Prætor hujus testamenti

menti rationem habere, & scriptis in eo hæredibus dare bonorum possessionem secundum tabulas, quamvis subtili juris civilis ratione non eo magis consistat, l. filio 17. de injust. rupt. test. idque procedit ex sententia majoris partis, sive scripti sint, qui remoto filio rem ab intestato auferre possent, sive extranei, teste Claro d. quest. 43. n. 3. Verissima sententia, sed à plerisque aut non intellecta, aut non bene explicata. Veram esse ostendunt cætera, quæ disputavimus, tum evidentissime d. l. 2. in pr. sec. tab. quo loco Jurisconsultus scribit, Prætorē velle, si bonorum possessio contra tabulas à liberis præteritis occupata non sit, eam secundum tabulas reverti ad hæredes scriptos, sine ulla qualitatis eorum distinctione. Ita vero est, Prætor ut simpliciter scriptis hæredibus bonorum possessionem pollicetur, ita petentibus eam denegare non potest: sed sæpè accidit, ut ea sine re sit & inutilis: tum etiam in modo & effectu haud parum interest, extranei scripti sint, an qui amoto filio ab intestato succederent. Etenim sciendum est bonorum possessionem secundum tabulas aut eam re dari, hoc est, cum effectu, ut is, qui accipit, bona retineat, aut sine re, cum alius jure civili evincere hereditatem possit, Vlp. tit. 23. §. si septem §. & tit. 28. §. ult. Finge ergo, scriptum hæredem in pendenda bonorum possessione prævertisse filium, qui præteritus erat, bonorum possessio, quam petens à Prætorē accepit, efficitur sine re, sive proximus ab intestato sive extraneus scriptus sit, ubi scilicet filius jure suo uti volet, quippe cujus jus potentius est, quam hæredis scripti, etiam ipsi Prætori. Et ideo ne res sit sine effectu, solet ferè prætor differre secundum tabulas dare, d. l. 2. sec. tab. Finge, filium præteritum jure suo non uti, sed hereditatem patris abstinere, hic quidem etiam extranei hæredes in tabulis scripti secundum eas bonorum possessionem petere possunt: cæterum & hæc sine re futura est, si agnati proximi hereditatem jure civili vindicabunt ab intestato, Vlp. d. tit. 23. si septem. Verum enim est, eo jure testamentum nullum esse. Sed & prætorē existimo proximis hic prælatum ex edictis. Vnde legitimi & Vnde cognati. Quapropter rarissime & uno duntaxat casu fit, ut extranei bonorum possessionem cum re consequantur, si videlicet proximi ab intestato suo jure uti nolent: quæ causa est, quod in hac disputatione conditio addit in fin. pr. d. l. posthumus 12. de injust. rupt. test. si bonorum possessio data fuerit ei, qui rem ab intestato auferre possit. Atque ad hunc ferè modum etiam disserit D. Bachov. in §. non tamen inf. quib. mod. test. inf. Ant. Faber parum hic sibi constat, ut videre est lib. 1. conject. 19. & lib. 9. c. 14.

TEXTUS.

Deposthumis.

1. Posthumi quoque liberi vel hæredes institui debent vel exheredari. Et in eo par omnium conditio est, quod & filio posthumo, & quolibet ex cæteris liberis, sive fæminini sexus sive masculini, præterito, valet quidem testamentum, sed postea agnatione posthumi sive posthumæ rumpitur, & ea ratione totum infirmatur. Ideoque si mulier, ex qua posthumus aut posthumæ sperabatur, abortum fecerit, nihil impedimento est scriptis hæredibus ad hereditatem adeundam. Sed fæminini quidem sexus personæ vel nominatim vel inter cæteros exheredari solebant: dum tamen, si inter cæteros exheredarentur, aliquid eis legaretur, ne viderentur præterita esse per oblivionem. Masculos vero posthumos, id est, filios & deinceps, placuit non aliter rectè exheredari, nisi nominatim exheredarentur, hoc scilicet modo, Quicumque mihi filius genitus fuerit, exhæres esto.

NOTÆ.

1. Posthumi] Posthumi, vel potius postumi, ut scribendum docet Grot. spars. flor. sup. ad tit. qui test. tut. dar. dicuntur, qui post mortem patris nascuntur, l. 6. de inoff. test. l. 2. §. 1. de injust. rupt. Plutarch. in Corol. & Syll. Amm. Marcell. lib. 21. Vxorē pregnantē reliquit, unde edita posthumæ.

Totum infirmatur] Nec hoc mutatur Nov. 115. c. 3. ut falso existimat Pac. igitur posthumi cujuscumque sexus an gradus præteriti agnascendo rumpunt: filii & nepotes præteriti non rumpunt, sed accrescunt scriptis: filius præteritus testamentum valere non patitur, l. 1. l. 3. l. 8. §. 1. de injust. rupt. l. 30. h. t. Quod si posthumus præteritus vivo patre natus decesserit, datur scripto hæredi honorum possessio secundum tabulas l. 12. de injust. rupt.

COMMENTARIUS.

1. Cur in posthumis non distinguatur sexus & gradus, quoad necessitatem exheredandi.
2. Cur placeat posthumis præteritis testamentum ab initio valere.
3. Quam rationem habeat, quod filia posthumæ inter cæteros non rectè exheredabatur absque legato.
4. Quam item, quod nepotes posthumi etiam nominatim exheredandi.

Dictum est de liberis suis hæredibus, qui tempore testamenti facti jam nati sunt: sequitur de posthumis, quo verbo hic intelliguntur omnes, qui nondum nati sunt eo tempore, quo patens testamentum condit, quamvis eo adhuc vivo postea nascantur, l. 3. §. 1. l. 12. in pr. de injust. rupt. test. Inter hos & liberos jam natos quadruplex discrimen hic animadvertitur. Primum est, quod posthumis præteritis, cujuscunque gradus aut sexus sint, testamentum ab initio jure consistat, cum præterito filio superstiti testamentum injustum sit & nullum, l. 1. & d. l. 3. §. 3. de injust. rupt. Secundum, quod posthumus omnes, sive masculi sive feminae, si hæredes non instituuntur, exheredandi sunt; præteriti agnascendo testamentum rumpunt & totum infirmant; filiae autem natae & nepotes ex filio præteriti non rumpunt, sed scriptis hæredibus ad certam portionem accrescunt, ut dictum §. præc. Tertium, quod posthumus filius inter ceteros exheredatis pater aliquid legare cogitur, jam natis non item. Quartum quod posthumus masculi non tantum primi gradus, sed etiam inferiorum, nominatim exheredandi sunt, quod non est necesse in nepotibus tempore testamenti natis.

Valet quidem testamentum, sed postea agnatione rumpitur In hoc cernitur differentia filii posthumi præteriti, & jam nati, qui præteritus testamentum subsistere non patitur: item filiarum nepotumque posthumorum, & superstitum, qui præteriti testamentum non rumpunt, l. 8. §. 1. de injust. test. Gajus lib. 2. tit. 3. §. 2. Cur vero sexus & gradus non æquè in posthumis distinguitur, ut in liberis natis, placetque non minus, agnatione filiae posthumæ præteritæ, aut nepotis, quam filii, testamentum rumpi: Nimirum cum benignè atque humaniter, quoad fieri potest, de parentum in liberos voluntate sentiendum sit, judicantur consulti testatorem vel ignorasse conceptionem, vel conceptum & nondum editum per oblivionem præterivisse. Adhæc incertum est, filius in utero sit, an filia.

Abortum fecerit Hinc petenda ratio, cur posthumus præterito placeat testamentum ab initio valere: nimirum quia fieri potest, ut non nascatur, abortum faciente muliere ex qua sperabant, l. 2. C. de post. her. Atque hæcenus ergo nec pro nato habetur, si frustraque objicitur, eum, qui in utero est, quoties de commodo ejus agitur, pro eo qui in rebus humanis sit, haberi, l. 7. l. pen. de stat. hom. nullum enim hic incommodum sentit, cum statim ut editus est testamentum rumpat: & regula ista sic temperanda est, si modo postea nascatur: tunc enim fictione juris nativitas retrahitur. Quamdiu vero quis in utero est propriè nondum homo vel animal est, l. 9. §. 1. ad leg. Falc. sed spes tantum animantis,

l. 2. de mort. inf. nec in potestate patris antequam nascatur, l. ult. de colat. ac proinde qui mortuus editus est, neque natus, neque procreatus videtur, quia nunquam filius appellari potuit, l. qui mortui 129. de verb. sign. Sed etsi mulier monstruosum aliquid aut prodigiosum enixa sit, placet testamentum non rumpi, l. 3. C. de post. her. quia liberi non sunt, qui contra formam humani generis procreantur, l. 14. de stat. hom.

Sed fœminini quidem sexus persane, &c. Quamquam ad necessitatem exheredandi quod attinet, par omnium posthumorum conditio erat, nec sexus in posthumis distinguebatur; in forma tamen exheredationis aliqua erat jure antiquo differentia inter mares postumos & fœminas: nam illi omnes non nisi nominatim recte exheredabantur, hæ poterant & inter ceteros. At enim si inter ceteros exheredatæ essent, non aliter ritè exhereditatio facta intelligebatur, quam si quid eis legatum fuisset, Ulp. tit. 22. §. posthumus 17. Quia in re etiam elucet insignis differentia inter exheredationem posthumarum & filiarum superstitum: hæ enim & sine legato inter ceteros exheredari poterant; illæ non poterant, ne ut ait hic Imp. viderentur præteritæ per oblivionem; Quippe pro posthuma dici potest, generalem clausulam ad eam non pertinere, cum potius præsumendum sit patrem ignorasse eam esse in utero; & ideo ignoratorem potius præterivisse, quam, clausula illa, inter ceteros, voluisse exheredari; uti semper benignè judicandum est de patrum erga liberos voluntate, quoad facultas fert. De filia autem superstiti; quam natam pater novit, dubitari non potest, quin pater cogitaverit, & ritè eam comprehenderit sub simplici & indeterminata exheredatione: uti & de posthuma, cui inter ceteros exheredatæ legatum relinquit, quod præsumptionem oblivionis penitus tollit. Ex iis autem, quæ modò dicta sunt, manifestum est, rectè judicare D. Cujacium ad l. 4. hoc tit. de interpolatione principii, l. 3. de injust. rupt. & quod Ulp. scripserat, Posthumi virilis sexus nominatim exheredandi sunt, Tribonianum, ut in serviret constitutioni Justiniani, de qua dicendum infra §. sed hæc s. sic immutasse, Posthumi per virilem sexum descendentes.

Filios & deinceps Certum est verbo deinceps intelligi nepotes postumos ex filio, & eos quidem solos, qui nati sui hæredes futuri sunt: nam alii testamentum non rumpunt, licet in potestate avi nascantur, puta quorum pater adhuc vivit, & in potestate patris sui est, §. seq. l. 13. de injust. rupt. At, non aliter rectè exheredari, nisi nominatim. Igitur nec si legatum adscripsum fuerit, valebit, ne in nepote quidem exhereditatio non nominatim, sed inter ceteros facta. Atque hic jam notandum, primo diver-

sum jus hac in parte observatum fuisse in nepotibus nascituris & natis. Etenim natos jam nepotes non tantum nominatim, sed inter ceteros quoque exhaereditare licebat: quin & salvo testamento praeterire: ejusdemque omnino conditionis erant, cujus & superstitis filiae, §. *prae. Vlp. d. tit. 22*. Nepotes autem posthumos utrisque meliores: quippe qui non modo non praeteriri, sed nec inter ceteros tuto poterant exhaereditari. Quae juris varietas non aliam rationem habet, quam eam, quae modo dicta est filiam posthumam à nata separare. Deinde notanda etiam differentia inter posthumos nepotes & posthumas filias, quae inter ceteros recte exhaeredabantur, utique legato honoratae; cum nepotis posthumum exhaereditatio nominatim facienda esset, nec sufficeret inter ceteros exhaereditato legatum adscripsisse. Atenim inquires, cum nepotes nati eodem jure cum filiabus natis uterentur, cur non similiter placuit, nascituros eodem jure uti, quo utebantur filiae nasciturae. Jafon. aperte, & cum eo tamen Viglius, fatentur, se hujus rei rationem ignorare: & sane, quod D. Horomannus putat, ubi legatum adscriptum est, non potest esse locus benignae praesumptioni de alia voluntate parentis, quasi hunc posthumum nepotem non tam excludere voluisse videri debeat, quam per errorem praeteriisse. Una illa ex pluribus, quas affert, D. Wesembecius maximè probabilis est, quod etsi legatum avus adjecerit, nisi tamen nominatim posthumum nepotem exhaeredaverit, videri possit & debeat de posthuma filia potius nascitura (quae inter ceteros cum adjectione legati exhaereditari solita erat) quam de posthumo masculo cogitasse, spe propagationis nominis & familiae suae: cujusmodi voluntatis conjecturam non admittunt nepotes nati. Quid ergo est, quod Ulpian. *d. tit. 22. §. nepotes 18*. scribit, nepotes & pronepotes ceterosque masculos posthumos praeter filium, vel nominatim, vel inter ceteros cum adjectione legati exhaeredandos: sed tutius tamen esse nominatim eos exhaeredari, atque id observari magis? Nimium ex ratione juris, quod nepotes & filias ferè eadem vult esse conditione, l. 8. §. 1. *de injust. rupt.* posse & nepotes posthumos sic ut filias posthumas exhaeredari: ceterum propter benignam illam, quam dixi, in dubio voluntatis interpretationem aliud receptum fuisse.

Quicumque mihi filius] Positum exempli causa: ne quis ex hoc loco colligat, nepotem appellatione filii contineri etiam in re odiosa. Utendum autem, necessario generali demonstratione, cum speciali nomine aut signo posthumus demonstrari nequeat. An adhuc hodie posthumi, & praesertim post Nov. *11. c. 3*. exhaeredari cum aliquo effectu possint, alibi videbimus.

T E X T U S.

De quasi posthumis.

2. *Posthumorum autem loco sunt & hi qui, in sui haeredis locum succedendo quasi agnascendo sunt parentibus sui heredes: ut ecce, si quis filium, & ex eo nepotem neptemve in potestate habeat, quia filius gradu praecedit, is solus jura sui heredis habet; quamvis nepos quoque & neptis ex eo in eadem potestatem sint. Sed si filius ejus vivo eo moriatur, aut qualibet alia ratione exeat de potestate ejus, incipit nepos neptisve in ejus locum succedere, & ex eo modo jura suorum heredem quasi agnatione nanciscitur. Ne ergo eo modo rumpatur ejus testamentum, sicut ipsum filium vel heredem instituere vel nominatim exhaereditare debet, ne non jure faciat testamentum; ita & nepotem neptemve ex filio necesse est ei vel heredem instituere vel exhaereditare, ne forte eo vivo, filio mortuo, succedendo in locum ejus nepos, neptisve, quasi agnascendo rumpat testamentum. Idque lege Julia Velleja provisum est: in qua similis exhaereditationis modus ad similitudinem posthumorum demonstratur.*

N O T A E.

Quamvis nepos quoque] §. 2. *inf. de her. quae ab int.* §. 2. *inf. de her. qual.* & ideo firmum manet avi testamentum, in quo hic nepos praeteritus, si vivo filio nec capite minuto, avus decesserit, l. 6. *pr. de injust. rupt. l. 7. sit ab test.*

In ejus locum succedere] Successio haec velut quaedam agnatio est, propterea quod successione in locum sui haeredes fiunt.

Leges Julia Velleja] Cujus legis caput secundum, relatum im. d. l. 29. §. 30. interpretati Cajus d. l. 13. & Justinianus hic. In casu d. l. 29. §. *pen.* qui ad neutrum caput legis seorsum pertinet, Julianus quoque induxit, ne rumpatur testamentum, quasi duobus capitibus legis commissis belle Fabrot. ad Th.

C O M M E N T A R I U S.

1. *Quasi posthumorum varia genera.*
2. *Qui agnascendo, qui succedendo seu quasi agnascendo rumpant.*
3. *Cur plus tributum nepti quasi posthumae, quam filiae aut nepoti, qui tempore testamenti avo proximo est.*

4. *Ius antiquum circa institutionem & exheredationem posthumorum.*

5. *Quid Gallus Aquilius circa nepotis posthumi institutionem introduxerit.*

6. *Quid lex Velleja permiserit non permissum jure antiquiore.*

Si cui religio est scribere posthumus, is per me licet sine H. scribat posthumus, cum Cujacio lib. 3. obs. 4. & in comment. ad l. Gallus hoc tit. Illud tamen tenendum est, posthumos à veteribus propriè dici eos, qui post mortem patris nascuntur, testibus Vlp. l. 3. §. 1. de injust. test. Varron. lib. 4. Fest. lib. 15. Plutarchus quoque in Sylla scribit, posthumos à Romanis appellatos τὰς ὕστερον τὴν πατρίαν παλαιοῦς ἡγομένους, uti & in Coriolano. Et ideo Græcis interpretibus dicti νεοφωσμένοι, quod mortis parentum tempore in utero fuerint. At post legem Juliam Vellejam, quæ & alii liberis, iique nati vivo adhuc parente testatore, hæredes instituendi, aut exheredandi sunt, ne agnascendo aut succedendo testamentum rumpant instar posthumorum, cœperunt duo quodammodo esse posthumorum genera, unum eorum, qui verè & propriè posthumi sunt & dicuntur, videlicet qui nascuntur post mortem parentum; alterum, qui impropiè & secundum quid, nempe quoad effectum, rumpendi testamentum, si non sint instituti aut exheredati, quos quasi posthumos & posthumos Vellejanos appellare possumus. Sed & in his, qui post factum testamentum adoptantur, quæ in manum conveniunt, in filio, qui ex prima secundæ manumissione in potestatem patris revertitur, similitudo quædam agnationi suorum hæredum est, & præteriti instar posthumorum testamentum rumpunt, Vlp. tit. 23. §. 2. Gajus lib. 2. tit. 3. §. 3. l. filio 23. hoc tit. junct. §. 1. inf. quib. mod. test. inf. Est & posthumus Cornelianus, qui capto ab hostibus patre natus est in civitate: de quo in l. 15. hoc tit. l. qui bona 22. §. ult. de capt. & postlim. Ant. Fab. 10. conj. 9. & 10. ubi disputat, an hic posthumus & Vellejanus dici possit. Descriptus ferè ad verbum hic locus est ex Gajo l. posthumor. 13. de injust. rupt. test.

In sui heredis locum succedendo, quasi agnascendo
 2. Nepotes præteriti, qui demum post factum testamentum nascuntur patre mortuo, avo testatore superstitè, non succedendo in locum patris & sui hæredis, sed agnascendo testamentum rumpunt. Nascuntur enim sui hæredes, non fiunt successione, & ideo pertinent ad caput primum legis Vellejæ, quod Imp. hic non tangit. At illi, de quibus hoc loco & in d. l. 13. sermo est, & scilicet qui jam nati sunt, quo tempore avus testamentum facit, sed quibus pater & suus hæres obstat, quominus & ipsi jura sui hæredis habeant, illi inquam præteriti, si vivo

adhuc avo pater eorum suus hæres esse desierit, testamentum rumpunt succedendo, hoc est, subeundo locum patris prædefuncti aut emancipati; non agnascendo (quoniam agnasci propriè dici non possunt, qui ante testamentum nati sunt) sed quasi agnascendo, propterea quod successione in locum sui hæredis sui hæredes fiunt: nimirum quemadmodum velut posthumus aut posthumi loco habetur, qui in jus sui hæredis succedit, ita & successio ejus velut quædam agnatio. Illi ad primum legis Vellejæ caput pertinent, l. 29. §. 12. h. t. hi ad secund. d. l. 29. §. 13. l. 13. de injust. nupt.

Quia filius gradu præcedit] Fieri potest non in persona filii, sed in persona nepotis, ut in avi potestate sit, nec tamen inter suos hæredes numeretur, eo quod pater cum in causa successioneis præcedat: neque enim ad hoc ut quis jus sui hæredis habeat, sufficit in potestate esse, nisi simul proximum à defuncto gradu obtrineat, hoc est, nemo cum in suo ordine antecedit, §. 2. inf. de her. qual. & diff. §. 2. inf. de her. qual. ab int. Et ideo nepos, quem pater præcedit, nec exheredari ab avo debet, sed firmum manet avi testamentum, in quo hic nepos præteritus est, si vivo filio & in eodem statu manente avus decesserit, l. 6. in pr. de injust. rupt. l. 7. unde. liber.

Sed si filius vivo eo moriatur] Filio de familia sublato, statim nepos ex eo in locum & gradum ejus succedit, atque ita succedendo in familia avi jus sui hæredis quasi agnatione nanciscitur: quapropter si eo se tempore præteritum deprehendat, exemplo posthumi testamentum rumpit. Unde qui filium atque ex eo nepotem in potestate habet, ei, si omnino securè testari velit, necesse est etiam hunc nepotem, similiter ut filium, hæredem instituere vel exheredare; alioqui si contingat filium vivente adhuc patre suo mori, aliave ratione de familia exire, nepos mox patris locum occupans testamentum rumpet.

Ita & nepotem neptemve ex filio] Plus igitur tribuitur huic nepti, quam filiz, quæ præterita jure antiquo testamentum non rumpit, sup. eod. in pr. Hocne cui mirum videatur, animadvertendum est agi hic de nepte, quam pater tempore facti testamenti præcedebat, & quæ postea in illius sublato locum succedit instar posthumæ. Itaque quod juris erat in filia posthuma, ut præterita testamentum rumperet, id producendum erat ad hanc neptem, quasi posthumam, similis conjectura pietatis; quippe quam, ut credi par est, hæredem avus fecisset, si tempore testamenti primum ab eo gradum obtrinuisset. Eademque ratio est, cur nepris hæc meliore etiam conditione sit, quam nepos, qui tempore testamenti avo proximus est: quod cum non animadverteret D. Viglius, credidit in pr. h. tit. jus antiquum referri, quod

quod postea lex Velleja abrogaverit, insigni & manifesto errore. Illud quoque notandum quod particula nominativus, quæ in propositione hujus comparationis exprimitur, non reperitur in redditione, uti nec in d. l. 13. de injust. rupt. Id quod consulto factum est, ut intelligamus, neptem quidem cum filio comparari in exhæredatione, quod ad necessitatem; at non in qualitate aut modo exhæredandi. Etenim cum neptis ex filio ascendens in locum patris utatur jure posthumæ, sufficere debet indefinitè eam exhæredari, utique cum adjectione legati: quandoquidem non plus juris habet filia posthuma. Enimvero nepotem, quem posthumi jure uti placuit, eadem forma, qua filium, exhæredandum esse arguunt, quæ Imperator dixit in calce §. præc.

Leges Julia Velleja provisum est] Legis hujus duo præcipua capita fuisse docet nos Scævola l. Gallus 29. §. nunc de. 11. & seqq. hoc tit. quorum uno permixtum fuit institui posthumos etiam alienos, dummodo sui nascerentur, licet vivo adhuc testatore: altero cautum, ne nepotes in locum sui hæredis succedentes testamentum rumpere, in quo ipsi instituti essent, vel exhæredati: cujus posterioris capitis explicatio à Justiniano. hoc loco tradita est verbis Gaij. in l. posthumorum 13. de injust. rupt. test. Nihil adhuc intelligimus, nisi sciamus, cur in eas res lata fuerit lex Velleja, & quid ea permisit non permixtum jure antiquiore. Exponam autem paucis, quid in re obscura sentiam. Cum lege duodecim tabb. ita cautum esset; *Uti quisque legasset suæ rei, ita jus esto*, l. verbis 120. de verb. sign. hæc legis verba, uti legasset, sic prudentes interpretati sunt, uti quisque certo consilio ac judicio statuerit, dedere, aut imperaverit, quid de re pecuniaque sua post mortem suam fieri vellet. Absurdum enim visum fuit, eam testatoris voluntatem jus facere aut ratam haberi, quæ nec consilio nec judicio certo regeretur. Hinc ex sententia legis persona incerta, hoc est, quam incerta opinione animo suo testator subiciebat, neque hæres institui, neque legatum ex testamento capere poterat, §. incertis 25. d. legat. inf. Vlp. tit. 22. §. 3. ubi & eandem hanc ejus rei rationem reddit, quoniam certum est debet consilium testantis. His porro consequens est, nec eum, qui in utero est, ex ejusdem legis sententia hæredem potuisse institui, utpote qui & ipse persona incerta habebatur, aut ut Theophilus loquitur §. alienus 26. inf. de legat. *Et tunc res incertis negotiis*, propterea, credo, quod incertum est, an nasciturus aliquando sit, nec ne; masculus, an foemina; unus, an plures nascitur. Et quanquam quod ad legitimas hæreditates posthumus pro jam nato semper habitus est, l. pen. de stat. hom. id tamen ob rationem, quam diximus, non obtinebat in hæreditate testamentaria. Cum igitur ea ratione eveniret, ut si institutus, si-

ve exhæredatus, si præteritus esset is posthumus, qui suus hæres testatori nasciturus erat, testamentum agnoscendo rumpere, & in totum voluntatem testatoris everteret, paulatim disputatione effori introductum ad conservanda suprema hominum judicia, ut & in testamentaria successione posthumi sui, hoc est, qui si tempore testamenti nascerentur, inter suos hæredes futuri & præteriti testamentum omnimodo rupturi essent, pro natis haberentur, institutæque atque exhæredari possent: quod Gajus quodammodo significat lib. 2. tit. 3. §. 2. ubi de institutione & exhæredatione posthumorum agens ait, in ea etiam re legitimè conceptos pro natis haberi. In alieno posthumus nihil visum, cur à ratione juris veteris recederetur; quippe cujus institutio necessaria non est, cum natus testamentum nunquam rumpat. At enim vero quia fieri potest, ut qui tempore testamenti alienus est, suus tamen nascatur, atque ita rumpat, (nam cum quaeritur, an testamentum agnatione rumpatur, non conceptionis tempus, sed nativitatis inspicitur) (Gallus Aquilius induxit, (non legem ferens, ut perperam Viglius, sed quod nemo antecum observaverat, ostendens) posse etiam eos posthumos, & nimirum nepotes, qui testamenti quidem tempore alieni sunt, subducto autem patre sui hæredis avo nascerentur, hæredes institui sine fraude ejus juris, quo placebat posthumos alienos hæredes institui non posse. Quam in rem concepit hujuscemodi formulam; *Filius meus hæres esto. Si filius meus vivo memorietur: tunc si quis mihi ex eo nepos post mortem meam in decem mensibus proximis, quibus filius meus morietur, natus erit, hæres esto*, l. Gallus 29. h. tit. Dices, nepotem hic institutum esse posthumum alienum. Fatebor, si simpliciter consideretur ut posthumus; quia si tempore testamenti facti nasceretur, non esset suus hæres avo testatorii. Negabo, si ut posthumus Aquilianus, si eo modo, quo à Gallo instituitur, qui institutionem hujus nepotis confert in id tempus, quo suus erit: ea vis est articuli *tunc*, quod temporis extremitatem significat, l. 4. §. 1. de cond. & dem. Hoc igitur modo consideratus non alienus, sed suus est, & salva ratione juris veteris juxta formulam Aquilianam instituitur. Adhuc posthumi vivo testatore nati institutio inutilis erat. Etenim cum ut posthumos hæredes instituere liceret, eatenus duntaxat receptum esset, quatenus testamentorum favor & necessitas postulabat, eorum, qui vivo testatore nascuntur, institutio non videbatur necessaria: quamvis enim & ipsi non eo minus testamentum rumpant; licebat tamen testatori aliud testamentum condere, & rei suæ de integro prospicere. Porro nec is posthumus, qui tempore testamenti alienus erat, pure poterat institui: hoc enim ut fieri posset, Gallus non induxerat; neque adeo inducere poterat: salva ratione juris.

Postremo neque nepotis, quem filius præcedebat, natus ante testamentum factum institutio efficiebat, quo minus in patris remoti locum postea succedens testamentum rumpere: fortassis quia visum est non sufficere institutum esse tanquam extraneum, eum, qui tempore mortis testatoris repetitur suus. Tandem etiam in istis omnibus testamentorum securitati prospectum est lege Julia Velleja: cujus legis, ut ante quoque diximus, duo capita fuerunt; quorum primo permittitur eorum posthumorum institutio, qui vivis nobis sui nascituri sunt, ut etiam pure institui possint; capite altero cavetur, ne nepotes jam nati tempore testamenti facti, succedentes vivo testatore in locum sui hæredis testamentum rumpant, in quo ipsi sunt instituti aut hæredati, d. l. Gallus §. nunc de. 11. cum seqq. hoc tit. Plura qui nosse desiderat, adeat commentaria, quæ in d. l. extant doctissimorum hominum, Salemonii, Goveani, Cujacii, Duarenii Alciatii lib. 3. paradox. cap. 2. & seqq. Ant. Fabri lib. 9. conj. per tot. & multis capp. lib. 10. sed nostra hæc ut præluceant.

TEXTUS.

De Emancipatis.

3. Emancipatos liberos jure civili neque hæredes instituire, neque exheredare necesse est: quia non sunt sui hæredes. Sed prætor omnes, tam sceminini sexus, quam masculini, si hæredes non instituuntur, exheredari jubet; virilis sexus nominatim, sceminini vero inter ceteros: quia si neque hæredes instituti fuerint, neque ita (ut diximus) exheredati, promittit eis prætor contra tabulas testamenti bonorum possessionem.

COMMENTARIUS.

1. Emancipatos sub colore quodam suitatis à prætore vocari ad bonorum possessionem.
2. Prætorem in modo exheredandi secutum distinctionem sexus & gradus, quam jus civile fecit.
3. Absurdum non esse, quod filia emancipata melioris conditionis jure prætorio fuerint, quam non emancipata jure civili.

Quia non sunt sui hæredes] Liberi emancipati exeunte familia & potestate patris, §. præterea sup. quib. mod. jus pat. pot. solv. ac sui juris ita effecti propriam familiam habere incipiunt, l. promissio 195. §. 2. de verb. sign. Itaque jus omne, quod in familia patris antea habebant, amittunt: desinunt esse sui hæredes & agnati, quos solos ad successionem ab intestato lex vocat propter fami-

liarum conservationem: denique pro alienis & extraneis jure civili habentur, l. 6. §. 1. de bon. poss. l. 7. de cap. min. §. 3. inf. de her. qual. §. emancipati 9. inf. de her. ab int. Quo posito sequitur nec ullam eo jure patri necessitatem imponi liberos emancipatos vel instituendi vel exheredandi, eorumque præteritione testamentum injustum aut nullum non esse.

Prætor si hæredes non instituuntur, exheredari jubet]

Quamvis jure civili deficient liberi, qui propter capitis deminutionem, hoc est, emancipationem desierunt esse sui hæredes; tamen prætor naturali æquitate motus, & partim etiam ratione civili, (quippe emancipati non minus natura liberi sunt, & masculorum soboles, quod ex parte jus civile considerat, quam non emancipati) rescindit eorum capitis deminutionem, l. 6. §. 1. de bon. poss. & si testamento facto præteriti sunt, pollicetur eis bonorum possessionem contra tabulas, l. 1. & passim de bon. poss. cont. tab. & cum suis quoque hæredibus ab intestato eorum vocat ad bonorum possessionem unde liberi, §. emancipati 9. inf. de her. ab int. d. l. 6. §. 1. Itaque, cum effectus juris emancipati beneficio prætoris tantum consequantur, quantum sui, (bonorum enim possessio re ipsa & effectus juris ab hæreditate nihil differt, l. 1. l. 2. de bon. poss.) ideo ait, jubere prætorem emancipatos quoque liberos hæredes institui aut exheredari. Et notandum quod Jurisconsultus in d. l. 6. §. 1. eod. tit. ait, prætorem rescindere eorum capitis deminutionem post mortem patris. Ex quo intelligimus emancipatos non simpliciter ut emancipatos, sed sub colore quodam suitatis à prætore admitti, quasi de potestate nunquam exiissent. Etenim rescissio capitis deminutione quodammodo in integrum & in pristinum statum restituuntur, fac. l. 3. §. si emancipatus 5. cont. tab. & ibi Glossa.

Feminini sexus inter ceteros] Cujac. Hotom. Wessemb. & inter ceteros, quod magis placet: quasi dicat Imperator, vel inter ceteros; aut, ut Ulp. tit. 22. §. emancipatos 19. Masculos nominatim, feminas vel inter ceteros. Voluit nimirum prætor in modo exheredandi servari differentiam, quam in sexu jus civile faciebat, & haud dubie etiam, quam idem jus faciebat in gradu, de quo in pr. hujus tit. Melioris tamen conditionis apparere fuisse filias emancipatas jure prætorio, quam erant filiae non emancipatae jure civili: quippe cum illæ præteritæ testamentum in eorum jure prætorio rescinderent, hæ non rescinderent, sed salvo testamento ad certam duntaxat portionem scriptis heredibus jure civili accrescerent. Quod minime absurdum est, licet id existimet D. Bachovius: siquidem filiae, quæ in potestate erant, præteritæ, præter jus illud accrescendi, quod jus civile tribuebat, idem etiam jus habebant

bebant jure prætorio, quod emancipatæ, (in quo erravit Bachovius, ut supra ostendimus) & testamentum in totum evertabant. Quamquam post constitutionem Antonini non plus per bonorum possessionem contra tabulas consequencebantur, quam quantum jure civili capiebant per jus accrescendi, l. ult. circa pr. C. de lib. præ. & omnino verisimile est, post eam constitutionem nec emancipatas per eandem bonorum possessionem plus accepisse, quam accepturæ fuissent, si mansissent in potestate: quod & Theophilus pro certo tradidit.

Promittit (ita legendum; non permittit, l. 7. C. comm. de succ. in Basil. ἐπιτρέπτει) eis prætor bonorum possessionem contra tabul.] Testamentum, in quo emancipatus præteritus est, & civili & prætorio jure subsistit: & ideo emancipato præterito prætor non dat bonorum possessionem ab intestato unde liberi: sicut præterito filio, qui in potestate est, (nam tale testamentum jure civili non consistit) sed rescindit testamentum patris data bonorum possessione contra tabulas, l. 1. de legat. præst. cont. tab. neque aliud remedium emancipati præteriti habent. Cur vero suis præteritis, qui vel jure civili, vel ex edicto unde liberi ab intestato succedere possunt, nihilominus hoc etiam remedium à prætore detur, dicemus suo loco tit. de bon. poss. lib. 3. Quod detur, satis argumenti est, tale testamentum jure prætorio non esse nullum: est enim remedium hoc natura sua rescissorium; quod autem nullum est, rescindi non potest, l. 5. de injust. rupt. test. de quo copiosius differuimus in pr. hujus tit.

TEXTUS.

De adoptivis.

4. Adoptivi liberi, quamdiu sunt in potestate patris adoptivi, ejusdem juris habentur, cujus sunt justis nuptiis quesiti. Itaque heredes instituendi vel exheredandi sunt, secundum ea, quæ de naturalibus exposuimus. Emancipati vero à patre adoptivo neque jure civili, neque eo jure, quod ad edictum prætoris attinet, inter liberos connumerantur. Quæ ratione accidit, ut ex diverso, quod ad naturalem parentem attinet, quamdiu quidem sunt in adoptiva familia, extraneorum numero habeantur, ut eos neque heredes instituerent, neque exheredare necesse sit: cum vero emancipati fuerint ab adoptivo patre, tunc incipiant in ea causa esse, in qua futuri essent, si à naturali patre emancipati fuissent.

NOTÆ.

4. Ejusdem juris] Extra nuptias quesiti huc non pertinent. Legitimationi tamen pertinent, §. 9. inf. de her. ab int. Nov. 89.

Neque jure civili. etc.] Non jure civili, quia desinunt esse sui hæredes: nec jure prætorio, quia simul nomen quoque liberorum amittunt, l. 4. si tab. test. l. 1. §. 6. l. 33. §. 2. cont. tab.

Extraneorum numero] Tantum tertio loco ab intestato à prætore admittuntur in ordine cognatorum, §. 113. inf. de her. ab int. l. 1. §. 4. unde cogn.

Cum vero emancipati. etc.] Scil. vivo patre naturali. §. 20. inf. d. t. Hoc enim casu, ne utriusque parentis exciderent successionem, voluit prætor eos jus naturale liberorum recuperare, l. 4. si tab. test.

COMMENTARIUS.

1. Insignis error Hotomanni notatus.

2. Jura liberorum adoptivorum emancipatione in totum dissolui.

3. Adoptivos, quamdiu sunt in familia adoptiva, jus liberorum in familia patris naturalis non habere.

4. Emancipatos à patre adoptivo jus familie naturalis, quod emancipati beneficio prætoris habent, recuperare.

Cum adoptio æque liberis adoptatis tribuat jus & nomen filiorumfam. suorumque heredum, ac natura naturalibus, l. 1. et præst. de adopt. §. 2. inf. de her. que ab int. l. 5. C. de suis et leg. cum simil. consequens omnino est, ut & ipsi non minus, quam liberi naturales, heredes institui debeant aut exheredari; atque ut præteriti idem jus habeant circa parentum testamenta infirmenda, quod naturales habent, l. 1. in pr. cont. tab. Naturales autem liberos hic intelligimus eos, qui ex justis nuptiis procreati sunt: sic enim passim in collatione adoptivorum appellantur, ut notavimus ad pr. sup. de adopt. Cæterum legitimati quoque appellatione naturalium continentur: quippe quibus eadem jura per omnia data sunt, quæ habent ii, qui ab initio ex legitimo matrimonio nati sunt, d. §. 2. inf. de her. ab int. Nov. 89. De his dictum §. 2. ult. sup. de nupt.

Secundum ea, quæ de naturalibus exposuimus] Egitur filii adoptivi nominatim exheredandi, nepotes & filiae vel inter ceteros. Irem filio adoptivo præterito aut non rite exheredato testamentum ipso jure nullum est; filia & nepote præteritis firmum manet, sed præteriti institutis heredibus accrescunt ad eam portionem, ad quam præteritæ filiae & nepotes naturales, secundum ea, quæ tradita sunt, initio hujus tit. Dormitavit ergo Hotomannus, cum putavit, majus jus fuisse filiae adoptivæ, quam naturalis; quasi illius præteritio testamentum rupisset, hujus non rupisset, per l. 8. in pr. de injust. rupt. test.

Alio-

Alioqui certe vidisset, Ulpianum loqui eo loci non de præeritione filiae, quæ jam ante à testatore adoptata fuerat, quam testamentum faceret; verum de adoptata vel adrogata demum post factum testamentum: quæ cum utatur jure posthumæ, & in posthumis sexus non distinguatur, quod ad effectum rumpendi attinet, §. 1. *sup. cod. testamentum rumpit* quasi agnatione sui heredis.

Emancipati à patre adoptivo neque jure civili, &c.]

Jura liberorum adoptivorum non diutius durant, quam quamdiu constat adoptio: ea per emancipationem dissoluta nullam amplius jus habent, sed penitus extranei sunt patri quondam adoptivo, sive jus civile spectas, quia desierunt esse sui heredes: sive honorarium, quia & nomen liberorum amiserunt, ut cesset ratio naturalis & æquitas edicti, l. 4. *unde liberi*, l. 1. §. 1. *et sui* 6. l. 3. §. 2. *cont. tab.* Et igitur nec testamento facto præteriti contra tabulas admittuntur. Hoc text. *et §. eadem 12. inf. de her. quæ ab int.* nec ad bonorum possessionem unde liberi ab intestato, l. 1. §. *liberos* 6. d. l. 4. *unde lib. §. minus* ergo 9. *et d. §. eadem, inf. de her. ab int.*

Quamdiu sunt in adoptiva familia, extraneorum numero.] Liberi adoptati quamdiu sunt in familia adoptiva, jus liberorum non habent in familia patris naturalis; sed huic interim intelliguntur esse extranei non tantum jure civili, verum etiam eo jure, quod pertinet ad edictum prætoris. Etenim prætor abunde eos habere censuit in familia patris adoptivi, cui jure civili succedunt, unde jacturam bonorum patris naturalis faciant; absurdum autem esse, unum atque eundem jus filii cum effectu succedendi obtinere in bonis duorum patrum. Quamobrem, qui in adoptiva familia sunt, quo tempore naturalis parens moritur, ii præteriti, neque jure civili testamentum nullum dicere possunt, nec jure prætorio bonorum possessionem contra tabulas petere, nec quasi liberi ab intestato, §. *at hi.* 10. *cum seqq. inf. de her. ab int. fac. l. ult. unde lib.* tantum tertio ordine hoc casu admittuntur, ut cognati, §. *admonendi* 13. d. *tit.*

Cum emancipati fuerint ab adoptivo patre, tunc incipiunt, &c.] Quoniam emancipati à patre adoptivo nihil in ejus familia juris retinent, uti modo relatum est, ne utriusque parentis successione fraudentur, voluit prætor eos jus familiæ naturalis recuperare, d. l. 4. *unde lib.* hoc est, eo jure haberi, ac si à vero & naturali patre emancipati essent, inque eo statu semper mansissent, ut nisi heredes instituti aut exhereditati fuerint, bonorum possessionem contra tabulas petere possint. Nec interest, utrum qui à naturali parente in adoptionem datus sit, an qui emancipatus ab eo ipse se adrogari fuerit, postea iterum à patre adoptivo emancipetur; dum tamen vivo adhuc pa-

rente naturali. Quod omnino addendum est, d. §. *at hi.* 10. *inf. de her. quæ ab int. def.*

TEXTUS.

Jus Novum.

5. *Sed hæc quidem vetustas introducebat.* Nostra vero constitutio inter masculos & feminas in hoc jure nihil interesse existimans; quia utraque persona in hominum procreatione simili natura officio fungitur, & lege antiqua duodecim tabularum omnes simpliciter ad successionem ab intestato vocabantur, quod & prætores postea sequuti esse videntur: ideo simplex ac simile jus, & in filiis & in filabus & in ceteris descendantibus per virilem sexum personis, non solum jam natis, sed etiam posthumis, introduxit; ut omnes sive sui sive emancipati sint; vel heredes instituantur, vel nominatim exheredentur: & eundem habeant effectum circa testamenta parentum suorum infirmenda, & hereditatem auferendam, quem filii sui vel emancipati habent, sive jam nati sint, adhuc in utero constituti, postea nati sint. Circa adoptivos autem filios certam induximus divisionem, quæ in nostra constitutione, quam super adoptivis tulimus, continetur.

NOTÆ.

5. *Nostra constitutio*] l. 4. C. h. 2. ex qua petenda interpretatio hujus §.

Legē 12. tabularum] l. 14. *Cod. de legit. her.* ubi hæc eadem iisdem fere verbis exponuntur.

Per virilem sexum] Quippe matri & avo materno in causa institutionis & exheredationis liberi extranei sunt, tam jure prætorio, quam civili, *inf. §. ult.*

Ut omnes] Tam filiae & nepotes neptesque quam filii: & tam nascituri, quam jam nati. Tollitur igitur hic differentia, quæ oriebatur ex sexu & gradu tam in suis, *sup. in pr.* quam emancipatis, *sup. §. 3.* tam in jam natis, quam in postumis, §. 1. *sup.* Differentia autem inter suos & emancipatos non tollitur, hoc est, emancipati liberi non exæquantur suis, ut & ipsis præteritis testamentum jure non subsistat.

In utero constituti] Ut & filiae postumæ non nominatim exheredatæ agnascendo rumpant, licet legatum acceperint: quod secus erat jure antiquo, §. 1. *sup.*

COMMENTARIUS.

1. Sublatio differentiae circa effectum praeeritionis & modum exheredationis liberorum, ratione sexus.
2. Eorundem circa eadem exaequatio ratione graduum.
3. Sublatio discriminis, quod circa eadem erat in sexu inter posthumum.
4. Falli qui putant hoc §. tolli differentiam suorum & emancipatorum.
5. Quid novi circa liberos adoptivos induxerit Iustinianus.

Huc usque relatio juris antiqui: sequitur novum introductum constitutione Justiniani, quae extat, *l. ult. Cod. hoc tit.* qua illa constitutione sustulit veterem in re, de qua disputamus, differentiam, sexus & gradus liberorum, natorum & posthumorum; iussitque omnes, sive mares sint, sive foeminae, sive filii, sive nepotes, sive jam nati, sive adhuc nascituri, aequaliter vel institui vel exheredari, sive de jure civili quaeratur, sive de jure praetorio. Triplicem autem hoc loco causam affert, quo motus novum hoc jus constituerit; quae tamen in summa una est, favor sexus foeminei.

Quia utraque persona simili naturae officio] Prima ratio introducendi novi juris, quod foeminae in procreatione liberorum eodem cum maribus officio naturae fungantur. Et ideo in constitutione sua, insurgit in auctores istarum differentiarum, quasi naturae accusatores existant: quae cur, inquit, non totos masculos generavit, ut unde generentur, non fiant. Ceterum ut demus hoc verum esse, & utique hoc verum est, naturam utroque sexu ad conservationem humani generis aequaliter indigere: ratio tamen haec tanti non est, ut propter eam jus vetus tanquam iniquum mutari debuerit: sane non ideo dicendus est naturam accusare, qui masculos à foeminis in successione parentum sive testamentaria sive ab intestato discernit: alioqui & ipse naturae auctor accusandus fuerit, qui filio superstite à successione patris excludit filiam. *Num. 27. v. 8.* Sunt enim & alia, maximeque jura familiae & agnationis, ob quae meliore conditione mares esse in causa successione, quam foeminas, iniquum non est.

Et lege antiqua 12. tabb. omnes similiter] Ratio altera, qua argumentando à successione ab intestato ad testamentariam novi sui juris aequitatem commendat. Notum autem est, leg. 12. tabb. in successione liberorum ab intestato nullum discrimen in sexu agnoscere, filiasque non minus, quam filios ad hereditatem intestati parentis vocare. Quia & nepotes nepresque ex filio, qui in potestate sunt, si filius suus heres esse desit, *l. 1. §. 2. & 4. de suis & legit. §. 2. & 6. inf. de her. ab int.* & tamen distinctio inter sexum & gradum testamento facta est ex ra-

tione ejusdem legis, *arg. l. 8. §. 1. de injust. rupt. testam.* & certe plus est evertere testamentum, quam jus succedendi ab intestato habere. Ait, *Quod & praetores postea secuti videntur.* Scilicet in danda bonorum possessione ab intestato: nam testamento facto filiabus inter ceteros exheredatis contra tabulas bonorum possessionem nec praetor dedit, non magis quam emancipatis aut filiabus posthumis, quibus inter ceteros exheredatis legatum adscriptum erat, *§. 1. & 3. sup. junct. l. 8. in pr. cont. tab.*

Et in filiis & in filiabus & in ceteris, non solum jam natis, sed etiam posthumis] His verbis tollitur tota illa veteris juris differentia circa effectum praeeritionis & formam exheredationis, quae praecedentibus §§. ex eo jure relata est. Et primum exaequantur liberi in sexu, (pertinent autem hae exaequationes ad utrumque jus, praetorium & civile) jubenturque tam filiae quam filii, si haeredes non instituuntur, nominatim exheredari: praeteritis aut non nominatim exheredatis datur idem jus ad infirmandum patris testamentum, quod filii sui vel emancipati praeteriti aut non nominatim exheredati, illi jure civili, hi jure praetorio habent. Filiabus igitur, quae in potestate sunt, praeteritis jus testamentum nullum dicendi; emancipatis evertendi per bonorum possessionem contra tabulas. Itaque quod in *pr. hujus tit.* ex jure veteri traditum est, filiabus, quae in potestate erant, praeteritis testamentum non fuisse nullum, sed praeteritis salvo testamento ad certam portionem accrevisse haeredibus scriptis, hic jam abrogatur, & testamentum jubetur esse inutile. Uti & illud, quod eodem loco refertur, potuisse & inter ceteros filias hasce exheredari, eo scilicet effectu, ut & jus civile eas repelleret à jure accrescendi, & praetor à bonorum possessione contra tabulas, *l. 8. cont. tab.* Nullumque aliud remedium eis superesset, praeter unum querelae inofficiosi, *arg. d. l. 8. junct. §. ult. inf. hoc tit.* Nunc enim post constitutionem Justiniani et si exheredatae sunt, dum tamen non nominatim, sed inter ceteros, testamentum jure civili non magis subsistit, quam si filius inter ceteros exheredatus sit; parebitque eis, ut praeteritis, etiam praetorium, quod dixi, remedium, cessante querela inofficiosi testamenti, *d. l. 8. §. 2. cont. tab. junct. §. 2. inf. de inoff. test.* Denique & illud, quod praetori satis erat ad denegandam filiabus emancipatis bonorum possessionem contra tabulas, si inter ceteros essent exheredatae: nunc enim tanquam praeteritae à praetore admittendae sunt instar filiorum emancipatorum, quos non nominatim exheredatos pro praeteritis & olim praetor habuit, *§. emancipatos sup. eod.* Secundo tollitur differentia graduum, liberi que secundi gradus & inferiorum aequantur liberis primi gradus, hoc est, nepotes & deinceps per virilem sexum descen-

dentes filiis, quoad utriusque juris effectum. Ac proinde quemadmodum filii sui, ita & sui nepotes & deinceps vel instituendi sunt, vel nominatim exheredandi, iisque præteritis aut non nominatim exheredatis, perinde testamentum ipso jure nullum erit, ac si filius, qui in potestate est, præteritus aut non nominatim exheredatus esset: cessatque jus vetus accrescendi, quod manente testamento nepotibus quoque suis præteritis dabatur, *d. pr. hujus tit. & prætor etiam generali tantum clausulâ exheredatos tanquam præteritos nunc agnoscit*. Deinde ut filio emancipato non instituto neque nominatim exheredato prætor dar bonorum possessionem contra tabulas, ita & natis ex eo, quæ pater eos non præcedit.

3 Per l. 3. in pr. ex §. 3. cont. tabul. Tertio tollitur differentia inter natos & posthumos, & simul quæ in sexu quoque erat inter ipsos posthumos, jubenturque & filix posthumæ & nepres ex filio institui aut nominatim exheredari, perinde ut liberi jam nati, & posthumi masculi: idemque jus datur filiabus & nepribus posthumis præteritis vel non specialiter exheredatis, quod posthumi masculi habent, scilicet ut agnascendo testamentum rumpant, etiam si legatum acceperint: quod secus erat jure veteri, §. 1. sup. epd. quo jure cum nec prætor bonorum possessionem contra tabulas daret, *d. l. 8. cont. tab. necessaria hoc casu erat posthumis fœminis querela inofficiosi testamenti*, §. 2. inf. de inoff. testam. nunc autem & jure civili tanquam præteritæ rumpunt, & à prætore non negliguntur. Atque hanc esse hujus loci sententiam cum sequentia demonstrant, cum apertissimè dict. l. ult. vers. sancimus, & seq. C. hoc tit.

Vs omnes siue sui, siue emancipati sint, &c.] Hallucinatur Bart. in auth. ex causa, Cod. hoc tit. & cum eo ferè interpretes vetustiores, qui teste Curtio Jun. in d. auth. num. 43. & Jul. Claro §. testamentum, quest. 42. num. 2. tolli quoque hoc loco putant differentiam liberorum suorum & emancipatorum. Palàm enim est his verbis, ut omnes, siue sui siue emancipati, eundem habeant effectum, quem filii sui vel emancipati habent, non comparari emancipatos cum suis, sed cum filiis suis cæteros suos liberos, cum filiis emancipatis cæteros emancipatos eorumque masculorum liberos, cum sexu virili sexum fœmineum, cum gradu primo gradus inferiores: ac proinde non hoc velle Justinianum, ut emancipati sublata necessitate auxilii prætorii redigantur ad conditionem filiorum suorum: verum ut filix, nepotes, nepres, & deinceps per virilem sexum descendentes, redigantur ad conditionem filiorum, sui & suæ ad suorum, & jus, quod illi habent jure civili; alii aliæve ad emancipatorum, & jus, quod illi habent jure prætorio: ut sui suæve, præteriti præteritæve, aut nominatim non exheredati exheredatæve, adinstar

fili sui testamentum ipso jure evertant, alii aliæve adinstar filii emancipati per contra tabulas bonorum possessionem stare hoc non patiantur. Quibus ferè verbis ipse Justinianus utitur in d. sua constitutione. vers. sancimus. Thalclæus ad l. 1. §. 1. C. comm. de man. ibi, in aliis penè omnibus nulla est inter liberos discretio. Καλῶς εἶπε, τὸ χερόν, ἐπειδὴ οἱ μὲν ἐπ' ἐξῆσι, præteriti γὰρ οἱ αὐτοὶ πάντες ἐπ' ἐξῆσι, οἱ δ' ἐμ' ἐμ' emancipati, contra tabulas ἐχθροί. Nihil pro Bart. facit, quod Justinianum impulit ad novi Juris constitutionem simplex & æquale liberorum jus in successione ab intestato. Imò contra. Nam ut in causa intestati lex duodecim tabularum non distinguebat sexum & gradum in suis, prætor non distinguebat in emancipatis: ita nunc simpliciter in causa testamenti eandem vult servari simplicitatem jure civili in suis, jure honorario in emancipatis. Igitur nec in successione ab intestato par conditio emancipatorum & suorum fuit, nec par hic facta est à Justiniano. Et alioqui sequeretur, nepotem ex filio emancipato in potestate retentum post constitutionem Justiniani non potuisse amplius succedere in locum patris sui, & jura suorum hæredum nancisci in familia avi, nec ab avo præteritum rumpere testamentum. Quæ omnia perspicuè falsa esse constat. Et demum longo tempore post in successione ab intestato Justinianum emancipatos suis exæquasse apparet ex Nov. 118. cap. 1. quæ tamen exæquatio sic rectè accepta est, ut nihil amplius tribuat emancipatis, quàm ut jure civili hæreditatem capere possint citra beneficium prætoris; non ut ipso jure, ut sui, heredes existant; sed urstant heredes hereditatem aduendo, sicut extranei: nec tamen hoc trahendum esse ad successionem testamentariam, inde colligo, quod testamentum ipso jure evertere majus aliquid sit, quàm ut non suis hæredibus præteritis concedi deber.

Circa adoptivos certam induximus divisionem] L. pen. C. de adopt. Cujus sententia refertur §. 2. sup. de adopt. Et iterum plenius §. sed. ea 14. inf. de her. qua ab intest. Quid, quamobrem, hic Imperator constituerit, tribus verbis indicabo. Olim qui à patre naturali in adoptionem dabantur, transibant sine ulla distinctione in familiam & potestatem patris adoptivi: unde, quamdiu constabat adoptio, pro extraneis erant patri naturali, in tantum, ut nec à prætore jure liberorum censerentur, sed cognatorum duntaxat. Emancipati autem à patre adoptivo recipiebant jus naturale liberorum, quod beneficio prætoris habent emancipati à patre naturali, dum in eo statu manent: cæterum hoc ita, si vivo adhuc patre naturali emancipati erant, non si post mortem ejus, vel egimus aut scriptis hæc rebus semel delata.

aut quæ sit hæreditas auferretur, §. *at hi. 10. inf. de hæ. ab int.* Unde cum fieri posset, ut hic filius utriusque patris hæreditate excideret; patris naturalis, quod eo moriente adhuc esset in familia adoptiva; & simul etiam patris adoptivi, si postea emanciparetur: huic incommodo à Justiniano occursum est, cautumque ne liberi à patre naturali in adoptionem dati jus successione, aliudve jus ultimum, in familia ejus amittant, neve transeant in potestatem patris adoptivi, extra quam si avus nepotem ex filio emancipato in adoptionem acceperit. Hoc constituto jam per se intelligitur, ei, qui extraneum adoptaverit, nullam necessitatem imponi hunc vel instituendi vel exheredandi, five jure civile, five prætorium consideres, five etiam extraordinarium remedium querelæ inofficiosi: sed patri naturali, in cujus potestate manet: qui autem nepotem adoptat, cum debere hunc instituere vel nominatim exheredare, perinde ut antea juris erat in omnibus adoptivis; & denique hunc nepotem patri suo naturali interim pro extraneo esse; §. *præc.* Hæc autem ad nos non pertinent, quibus adoptionum jura incognita, *vid. sup. de adop.* Sed neque necessitatem exheredandorum liberorum naturalium, si hæredes non instituantur, agnoscimus; quoniam suos hæredes non habemus: valetque in his regionibus testamentum ipso jure, etiam si filius in eo præteritus sit: ei que duntaxat succurritur remedio querelæ inofficiosi. *Gudelin. lib. 2. de jur. nov. c. 5. Grot. lib. 2. mand. cap. 18. de quoplu- a libi.*

T E X T U S.

De testamento militis.

6. *Sed si in expeditione occupatus miles testamentum faciat, Liberos suos jam natos vel posthumos nominatim non exheredaverit, sed silentio præterierit, non ignorans, an habeat liberos, silentium ejus pro exheredatione nominatim facta valere, constitutionibus Principum cautum est*

N O T A.

Constitutionibus Principum] Gordiani in *dist. 1. 9.* & Philippian *l. 10. C. de test. mil.*

C O M M E N T A R I U S.

1. *An testamentum militis subiacet querelæ inofficiosi.*

Militibus jure militari testantibus non solum remissæ sunt solennitates illæ externæ, numeri testium, rogationis, obsignationis, subscriptionis, contextus, quas cives omnes jure communi testamentum facientes observare tenentur: sed etiam intrinseca hæc, quæ

ad parentes testantes pertinet, liberorum scilicet vel institutio vel exheredatio; placetque præteritionem militis, dum non ignoret se liberos habere, aut uxorem prægnantem esse, obtinere vim exheredationis, *l. 9. & l. seq. C. de test. mil. ad quem effectum respiciens Ulpianus, dixit, militem silentio exheredare, l. 12. de bon. libert. Ait, in expeditione occupatus.* Igitur extra & citra expeditionis necessitatem si miles testamentum faciat, quia id juxta regulas juris communis ordinare debet, præteritio ejus pro exheredatione non erit, neque civili jure, neque prætorio. Non obstat, quod rescriptum est *l. 9. C. de inoff. test.* filios queri non posse de inofficioso testamento militis vel jure militari vel civili facto. Nam ut de inofficioso agi possit, necesse est, ut testamentum recte factum sit & jure subsistat: at testamentum jure communi factum non subsistit, in quo liberi præteriti sunt, aut sic de emancipatis quærat, necesse est, ut prætor eos non agnoscat; si de posthumis, ut nati non rumpant, §. *2. inf. de inoff. test.*

Non ignorans, an habeat liberos] Quod militis præteritio pro exheredatione habeatur, voluntati ejus tributum est, quæ sola testamentum sustinet & pro jure servatur, *l. 1. de test. mil. l. 1. C. eod.* Ut autem voluntas exheredandi obscura non est, ubi quis scit se habere liberos, iisque silentio præteritis alios hæredes instituit; ita contra deesse illa voluntas intelligitur, ubi cum id nesciret, forte quod falso rumore perlatum esset, eos in rebus humanis esse desiisse; alios scripsit. Quod ex communi parentum omnium erga liberos affectu sumitur, quasi quod omnino credendum est, si scivisset se habere liberos, eos ipsos, non alios sibi hæredes scripturus fuisset, *d. l. 9. & l. seq. C. eod. tit. l. si filius sum. 3. §. 2. eod.* Quapropter pro diversitate liberorum per ignorantiam à milite præteritorum, aut testamentum hoc nullum dici poterit, aut rescindetur remedio prætorio, aut rumpetur agnatione, & in tantum, ut nec legata ex eo præstanda sint, *l. militis 36. §. 2. de test. mil.*

Pro exheredatione nominatim facta] Sequitur ergo nec liberos suos scienter à patre milite præteritos testamentum posse nullum dicere, nec emancipatos admitti ad bonorum possessionem contra tabulas, nec posthumum præteritum agnoscendo rumpere. An ne igitur saltem querela inofficiosi dabitur, quod unum est exheredatis per fugium? Nequaquam, *l. si instituta 27. §. 2. de inoff. test. l. 9. de testamentum 24. l. ult. C. eod.* Plane legitimam eos petere posse per conditionem ex lege, *argum. auth. Presbyteris C. de Episc. & Cler. Glossa & Cyn. in d. l. 9. tradiderunt.* Hoc autem totum jus cum sit singulare & militum duntaxat ex privilegio, nulla ratio est,

namobrem cum Claro, §. testamentum, q. 40. n. 6. Grassi §. testamentum, q. 7. n. 3. & interpp. vulgò dicamus, id sublatum esse Nov. 115. c. 3. generali quæ constitutione etiam milites & militaria testamenta contineri, hoc est, eos etiam jure militari testantes redigi ad conditionem paganorum, quantum pertinet ad necessitatem institutionis aut exhæredationis liberorum. Quod etiam D. Viglius hic, post Lud. Roman. in d.l. 9. observavit, & tandem re diligenter inspecta probat. D. Tulden. in C. de testam. milit. n. 6. item D. Perez, ibid. n. 12. add. Vasq. lib. 3. de success. creat. §. 24. n. 51.

T E X T U S.

De Testamento matris, aut avi materni.

7. Mater vel avus maternus necesse non habent, liberos suos aut hæredes instituere, aut exhæredare: sed possunt eos silentio omittere. Nam silentium matris aut avi materni, & cæterorum per matrem adscendentium tantum facit, quantum exhæredatio patris. Neque enim matri filium filiamve, neque avo materno nepotem neptemve ex filia, si eum eamve hæredem non instituat, exhæredare necesse est, si ve de jure civili queramus, si ve de edicto prætoris, quo prætor præteritis liberis contra tabulas bonorum possessionem promittit: sed aliud eis adminiculum servatur, quod paulo post vobis manifestum fiet.

N O T Æ.

Silentium matris, &c. tantum facit] Et hoc etiam si mater ignoraverit se liberos habere. Sed hoc casu legata & libertates non intercidunt, quia color dementiæ hic obtendi nequit, l. 27. §. ult. & l. seq. de inoff. test.

Si ve de jure civili] Quo jure soli sui hæredes præteriti, si ve quod nunc idem valet, non nominatim exhæredati testamentum tollunt aut rumpunt, §. 5. sup.

Edicto prætoris] Quo liberi emancipati, si ve qui sui esse desierunt, præteriti, vocantur ad contra tabulas bonorum possessionem; non qui nec sui sunt, nec esse desierunt, d. §. 5. l. 1. l. 4. §. 2. cont. tab.

C O M M E N T A R I U S.

1. Quod matris præteritio vim exhæredationis habeat, id facere conditionem liberorum.
2. Propter eandem conditionem præteritos à matre jus antiquum scriptis accrescendi non habuisse,

3. Explicatus locus Pauli. l. 4. §. 2. cont. tab.

4. Quodnam sit illud adminiculum, cujus in calce hujus text. fit mentio.

Quod militis præteritio vim exhæredationis habet, ex privilegio est; quod matris & avi materni, facit liberorum conditio, qui matri & avo materno jure civili pro extraneis sunt, §. 3. infr. de her. qual. Nimirum lex civilis, quæ magis familiarum conservationem spectavit, quam naturam, non eodem modo materna bona liberis addicit, ut paterna; non sic ut filius maternæ quoque dotis vivâ adhuc cæ dominus quodammodo existat, uti bonorum patris est. Quapropter si ea alium hæredem instituat filio præterito, nullam quod ad eam legem attinet, injuriam filio facit; cum suum ei non adimet; & idcirco frustra etiam requiratur exhæredatio; imò nec propriè dici possit filium exhæredare, cum exhæredare sit suam filio hæreditatem adimere: siquidem ubi non est habitus, ibi non potest esse privatio. Igitur quia mater suos hæredes non habet, & nepotes ex filia non sunt sui hæredes avo, idcirco silentium matris & avi materni tantum facit, quantum exhæredatio patris. Et hoc etiam si ignoraverint se liberos habere, contra quam in milite prætereunte jus est, l. si instituta 27. §. ult. & l. seq. de inoff. test. facit huc l. 4. §. 2. de bon. poss. cont. tab. l. nulla 13. de suis & legit. her.

Si ve de jure civili] Quia, uti diximus, non sunt sui hæredes, hoc est, non tales, qui vivo adhuc parente jus aliquod habeant, quod post mortem illius in iis continetur, nisi expressè hæredes esse jussi sint: l. in suis, hoc fit. Quamobrem nec ad jus civile antiquum pertinent, quo solus filius suus præteritus testamentum infirmabat, cæteri liberi, sed sui item duntaxat, præteriti, portionem scriptis hæredibus accrescendo auferrebant: sup. pr. hujus tit. nec ad jus novum, quo omnes quidem liberi sui, sed soli præteriti, si ve quod nunc idem valet, non nominatim exhæredati, nullum dicunt aut rumpunt, §. sed hæc §. sup. cod.

Si ve de edicto prætoris] Paulus l. 4. §. 2. cont. tab. scribit, edictum contra tabulas bonorum possessionis non pertinere ad testamenta fœminarum, addita hac ratione, quia fœminæ suos hæredes non habent. Quæ ramen ratio videri potest non esse sufficiens: non enim ad suos tantum hæredes, sed etiam ad emancipatos, quos constat suos hæredes non esse, & vel maxime, id edictum pertinet; utpote quorum causa principaliter comparatum est, §. 3. sup. cod. Verum amplius quid significare Paulus voluit, nempe edictum istud non pertinere ad eos liberos non suos, qui & nunquam sui fuerunt: matrem autem, uti suos hæredes non habet, ita nec posse desinere, habere: quod idcirco etiam à Gajo expressum vide-

tur l. nulla 13. de suis & legitimis her. Nimirum prætor, quo minimum à ratione juris civilis recederet, eorum duntaxat, qui ex masculis progeniti essent, rationem habuit, & jus suitatis, quod emancipatis abstulerat capitis deminutio, rescissa ea restituit, l. 6. §. 1. de bon. poss. Atque ita jus à se introductum specie quadam suitatis coloravit, cujusmodi colore tegere ex feminis natos non potuit.

Aliud eis adminiculum servatur] Potuisset totidem verbis adminiculum istud indicare. Intelligit autem querelam inofficiosi testamenti. Quod remedium cum initio tantum competere liberis, qui eo quod à patre exheredati essent, neque civili jure, neque prætorio testamentum turbare poterant, l. 8. in prætor. tab. postquam ex Senatusconsulto Orficiano etiam matris successio liberis delata est, datum quoque est exheredatis, sive, quod hic eandem vim habet,

præteritis à matre, svadente id eadem pietatis ratione. Agitur de hoc remedio inf. tit. 18. quo loco simul discemus, id etiam parentibus inique exheredatis vel præteritis, nonnunquam & fratribus dari. Cætera quoque in eundem locum examinanda rejicimus, quæ ab interpretibus disputari solent; veluti, an adhuc post Nov. 115. cap. 3. præteritio matris & per matrem adscendentium pro exheredatione sit; an liberis à patre præteritis testamentum adhuc sit irritum tam quod ad legata & cæteros articulos, quam quod ad institutionem: an formæ exheredationis aliquid adjectum, quo non observato testamentum, quod jure veteri substitisset, nunc sit nullum; aliaque ex eodem fonte manantia: & postremo etiam jus harum & vicinarum regionum, quod etiam à novissimo Justiniano, quoscunque interpretes sequare, multum ostendimus recedere.

TITULUS XIV.

D. Lib. 28. Tit. 5. Cod. Lib. 6. Tit. 24.

De hæredibus instituendis.

Ratio dispositionis, & argumentum tituli.

Dictum hætenus de iis rebus, quas parentes cavere debent & testamento suo complecti, si id justum ratumque esse velint: sequitur nunc ipsum testamenti formale, hæredes scilicet institutio. Ea caput & fundamentum testamenti esse dicitur, §. ante 34. inf. de legat. propterea quod sine ea testamentum consistere non potest. Dicitur & testamentum ex ea sola robur ac firmamentum capere; quia ad vim testamenti nihil aliud requiritur, quam ut quis hæres institutus sit; utique extra necessitatem instituendi aut exheredandi certas personas. Inde dictum, eum, qui neque legaturus quid est, neque quenquam exheredaturus, posse tribus verbis testamentum facere, ut dicat, *Lucius hæres esto*, l. 1. §. 3. hoc tit. Hæredem instituere, est scribere vel nuncupare testamento, quem tibi velis bonorum & universi juris successorem esse. Quibus verbis institutio fiat, parum refert, modo per ea liqueat voluntatis intentio, l. quoniam 14. C. de testam. quo loco Constantinus abrogat differentiam, quam faciebat antiquitas inter verba directa & inflexa, auctore Vlp. tit. 21. Titulus hic noster tres partes continet; quarum in prima agitur de iis, qui hæredes institui possunt, in altera de quota hæreditatis, quam vel unus vel plures institui habere debeant ex ratione juris aut volunta-

te defuncti; in tertia de forma seu modo instituendi, atque iis, quæ institutioni bene aut perperam adjiciuntur.

TEXTUS.

Qui possunt hæredes institui.

Hæredes instituere permissum est tam liberos homines, quam servos; & tam proprios, quam alienos. Proprios autem olim quidem secundum plurimum sententias non aliter, quam cum libertate, recte instituere licebat. Hodie verò etiam sine libertate ex nostra constitutione eos hæredes instituere permissum est. Quod non per innovationem induximus, sed quoniam æquius erat, & Atilicinio placuisse Paulus suis libris, quos tam ad Masurium Sabinum, quam ad Plautium scripsit, refert. Proprius autem servus etiam is intelligitur, in quo nudam proprietatem testator habet, alio usum fructum habente. Est tamen casus, in quo nec libertate utiliter servus à domino hæres instituitur, ut constitutione, divorum Severi & Antonini cavetur. Cujus verba hæc sunt: Servum adul-

terio maculatum non jure testamento manumissum ante sententiam ab ea muliere videri, quæ reafuerat ejusdem criminis postulara, rationis est. Quare sequitur, ut in eundem à domina collata hæredis institutio, nullius momenti habeatur. *Alienus servus etiam is intelligitur, in quo usumfructum testator habet.*

NOTÆ.

Hæredes instituere] Scribere vel nuncupare l. 1. §. 1. D. eod. Est autem hæredis institutio caput & fundamentum testamenti, §. 34. inf. de legat. neque enim sine ea testamentum potest consistere §. 2. inf. de fid. her. Quibus verbis nunc fiat, parum refert, modo per ea liqueat voluntatis intentio, l. 15. Cod. de testam.

Quam alienus] Si modo eorum servi sint, quos ipsos hæredes instituere possumus: nam ex persona domini cum servis testamenti factio est, d. l. 31. Ulp. tit. 22. §. 8. l. 12. §. 2. de legat. 1.

Sine libertate] Ita & sup. §. 2. qui & ex quib. caus. man. id est, omiſſa libertatis datione. Constitutio extat in l. pen. C. de serv. nec. her.

Non per innovationem] Quia jam olim idem quibusdam placuerat, ut mox subjicit. Quod autem, obrinet, ex nova est Justiniani humanitate. Ita, concilia hunc locum cum d. §. 2.

Adulterio maculatum] Apud Marcian. l. 48. h. tit. Unde hic locus descriptus, legitur accusatum. Sed legendum arbitror maculatum, ut hic, ne obſtet l. 8. Cod. ad leg. Jul. de adul. Græci quoque ἐνοχεν ὄντα τῇ μοιχείᾳ, non κατηγόρημενον. Et ad l. 1. C. qui non poss. ad lib. ἐπὶ τῷ νόμῳ τῇ μοιχείᾳ, suspectum, etc.

COMMENTARIUS.

1. Qui olim & in quantum hæreditatem capere non poterant.
2. Qui & in quantum hodie hæredes institui vetentur.
3. Institutionem servi alieni sustineri ex persona domini, proprii ex consequentia libertatis.
4. Quid juris in servo communi ab uno è dominis hærede instituto.
5. Quid in instituto à domino nude proprietatis.
6. Quam rationem habeat casus specialis hic relatus.
7. Quid si servus hæres institutus sit à fructuario.

TAm liberos homines, quam servos] Τετολογίαι. nam dicendum potius erat, sapi servos, quam liberos, hoc est, non minus servos, quam liberos, quomodo hoc expressit, Cæjus l. non minus 31.

hoc tit. quoniam de liberis res certior. De liberis autem hominibus nihil amplius hic traditur, quam, quod hæredes institui possunt. Et an ergo possunt omnes promiscue & sine exceptione? nequaquam. Nam primum illi soli ex hominibus liberis institui possunt, qui sunt cives Romani: peregrini non possunt, sive semper tales fuerint, sive per sententiæ severitatem ad peregrinitatem redacti sint, l. 6. §. 2. hoc tit. l. 1. Cod. eod. fac. l. sunt quidam 17. §. 1. de pen. Peregrinorum numero erant & dedicii; erat & Latinus Junianus, nisi quod hic capere hæreditatem poterat, si mortis testatoris tempore civis Romanus factus esset, Ulp. tit. 22. §. 1. & 2. Cæterum Justinianus differentias Libertinitatis sustulit, data libertinis omnibus civitate, §. ult. sup. de libert. Sed nec qui cives sunt, omnes institui aut olim poterant, aut nunc possunt. Lege Vocomia cautum erat, ne, qui census esset, virginem, neve mulierem supra quadrantem suorum bonorum hæredes institueret, Cic. Verrin. 3. de prat. urb. & inorat. pro Balb. Dio. lib. 56. Gell. lib. 20. c. 1. Lege Julia de maritandis ordinibus verabatur cælibes, nisi qui genere essent proximi, quicquam ex testamento civis Romani capere, Ulp. d. tit. §. 2. ita tamen, nisi intra centum dies legi parerent, hoc est, matrimopium contraherent: idem Ulp. tit. 17. Eadem lege verabatur orbi plus capere ab extraneo, quam dimidiam partem eorum, quæ relicta erant; pars altera fiebat cuduca, id est, fisco cedebat. Lege decimaria non amplius, conjugis ex conjugis testamento capere licebat, quam reliquorum partem decimam, idem Ulpian. tit. 15. & seq. Hinc natæ cautiones illæ de instituendis in tempus capiendæ hæreditatis iis, qui vel omnino quicquam, vel solidum ex testamento capere legibus istis prohibebantur, vid. l. in tempus 62. l. qui non vult. 78. §. ult. hoc tit. l. cum es 24. l. si Titio 55. §. 1. de legat. 2. l. 6. l. 11. de vulg. & pup. subst. l. 16. §. si qui 15. ad senat. Treb. l. 13. §. ult. de jur. fidei. cum similib. quæ nisi hinc lucem accipiant, intelligi non possunt. Postea pœnæ cælibatus, orbitatis, & leges decimaræ sublatae sunt, l. 1. & l. 2. C. de infirm. pan. cælib. Quæ autem incestis nuptiis sese polluerunt, illi nec hodie aut se mutuo, aut propudiosam sobolem instituere possunt, l. 6. C. de incest. nupt. nec mulier adulterum suum, aut hic illam l. 13. l. 14. de his que ut indign. Add. D. Christin. vol. 1. d. 200. Liberi naturales ex concubina nati, qui olim non minus, quam ceteri cives, non ab extraneis tantum, sed etiam à patre, idque in solidum, hæredes institui poterant, l. Lucius 45. de vulg. & pup. l. 16. §. 1. de his que ut indign. l. ult. de jur. de lib. (vid. Palæotæ notæ hupuriisq. fil. c. 35. & seq. & contra sentientes Alciat. 4. parerg. 5. Ant. Fab. jurispr. tit. 9. pr. 2. ill. 12.) ex constitutione Justiniani Nov. 89. c. 12. unde ant. lices C. de nat. liber. unicam.

unicam tantum unciam ex patris testamento capere possunt, si superstites sint liberi legitimi; octo uncias, si soli superstites testatori parentes. Qua in re mitior Justinianus erga liberos naturales fuit, quam Constantinus l. 1. C. de natur. lib. aut etiam Arcadius & Honorius l. 2. C. eod. vid. Grassi §. institutio quæst. 7. Palæot. d. loc. Constitutione Leonis & Anthemii veterat conjux conjugi secundo plus relinquere, quam uni ex liberis prioris matrimonii, & quidem cui minimum relinquit, l. hac edictal: 6. C. de sec. nupt. Porro Principem Christianorum constitutionibus vetantur hæredes institui apostatæ, l. 3. C. de apostat. idem hæretici l. 4. C. de heret. & Manich. quod tamen non de omnibus, qui pro orthodoxis habitus non sunt, accipiendum esse arguit constitutio Justiniani Nov. 115. c. 3. ubi *ἐπεγοξίαν* ponit inter iustas causas exheredationis, & exclusionis à successione ab intestato. Rationis autem est, ut qui ab intestato succedere potest, etiam hæres rectè instituitur. Hæc non debuerat Tribonianus intacta relinquere, qui de servis tam accuratè disserit.

Et tam proprios, quam alienos] Cum servis, quæ servis, non est testamenti factio, sed quatenus per eos hæreditas perventura est ad cives Romanos, aut ipsi cives futuri. Igitur in servo alieno persona domini spectatur, & sustinetur institutio, si dominus civis Romanus sit, & jus capiendæ hæreditatis habeat, perinde quasi ipse per servum institutus esset, l. non minus 31. l. si paterfam. 40. hoc tit. l. 10. de acq. rer. dom. Quod si mihi cum domino non sit testamenti factio, puta quia peregrinus est, aut capere ex meo testamento vetatur, nec cum servo ejus erit, arg. d. l. non minus hoc tit. fac. l. 12. §. 2. de legat. 1. l. si Titio. 55. §. 1. de legat. 2. Vlp. tit. 22. §. alienos 8. Vide tamen, quæ notamus ad §. in extraneis 4. inf. de her. qual. & diff. In servo autem proprio institutio eadem ratione defendi non potest, ut scilicet dicamus, eam sustineri ex persona domini; quippe qui ipse testator est: sed aut nulla erit, aut si eam valere volumus, necesse est ut simul consequatur libertatem.

Olim non aliter, quam cum libertate, hodie etiam sine libertate] Plerique veterum in sententia fuere, ut putarent, servum proprium non aliter rectè hæredem institui, quam cum libertate; non aut per consequentiam datæ hæreditatis libertatem servo defendere, ob rationem, quam indicavimus sup. qui ex quib. ca. manum. §. 2. Justinianus verum etiam omnia libertatis datione institutionem valere voluit, & perinde haberi, ac si simul liber esse jussus esset, l. pen. C. de nec serv. her. quod cum humanitas & favor libertatis suader, tum etiam voluntas testatoris consentaneum est: quippe qui hoc ipso quod servum suum hæredem esse vult, non obscure signifi-

cat, velle se etiam ut liber sit; cum absque eo nec hæreditatem obtinere possit. Et cur, quod in servo proprio tutore sine libertate dato veteres admiserunt, ut hoc ipso, quod tutor datus est, libertas quoque ei imposita videatur, l. quæro 32. §. 2. de test. tut. §. 1. sup. qui test. tut. dar. non admittatur idem in servo simpliciter hærede scripto eadem voluntatis conjectura? Ita argumentatur Justinianus d. l. pen. In tutore dato accedit quidem & favor pupilli, l. 10. §. ult. de testam. tut. Cæterum quidem testator hæredem instituit, cum vicissim majore prosequitur affectu atque honore, quam quem liberis tutorem dat. Enimvero consequentiam legati vel fideicommissi servo proprio sine libertate relicti libertas servo non defenditur, d. l. pen. §. illo 2. quantumvis & legatum sine libertate inutile sit, l. servus 76. hoc tit. neque enim hic idem favor est, & ex d. constitutione Justiniani voluntas testatoris aliquo modo exitum habere potest.

Quod non per innovationem] Supra tamen §. 2. qui ex quib. cau. man. proficitur, se id nova humanitatis ratione constituisse. Utrumque suo sensu verum est. Nihil innovavit, quatenus spectamus sententiam paucorum, inter quos & Atlicinus fuit, quibus jam olim, quod hic constituitur, placuit. At novum jus constituit, quatenus spectamus id, quod receptum erat ex plurium sententia, qui negabant, servum proprium sine libertate hæredem institui posse, Vlp. tit. 22. §. 10. & sententiæ istius abrogationem.

Proprius autem servus etiam, &c. in quo nudum proprietatem.] Servus proprius vel in solidum est, siue unius domini proprius, vel pro parte & pluribus proprietate communis: & iterum vel proprius est pleno jure, vel nudatenus proprietate. Videamus ergo, an quod hic constitutum est de servo proprio hærede instituto, etiam ad servum communem ab uno è dominis institutum, & ad eum quoque, in quo alius usumfructum habet, pertineat. De communi servo ita jus vetus fuisse constat, ut si unus è dominis libertatem ei imposuisset, eo casu pars ejus amitteretur, & socio accresceret; §. ut sup. de donat. ac proinde socio quoque hæreditas acquisita fuit, si is servus simul hæres ab altero institutus fuisset. Justinianus autem, quod soli milites ex speciali concessione habebant, videlicet ut liceret militi servum communem libertate donare, eo effectum, ut socius hoc casu partem suam vendere teneretur & accipere pretium, voluit jus esse commune omnium civium, l. 1. pr. & §. 1. C. de comm. serv. man. Post quam constitutionem certum est servum communem, quem unus è dominis & liberum & hæredem esse jussit, & libertatem & hæreditatem consequi, pretio partis, quam alter in eo habet, oblatio. At nihil definit constitutio de servo communi simpliciter ab uno hærede instit.

instituto, non facta mentione libertatis. An dicemus, & hic libertatem per inde pro adscripta haberi, ac si servus in solidum proprius hæres simpliciter institutus sit, arg. hujus loci? & id quidem D. Viglio placere video. Sed vercor, ut defendi possit. Nam ut omittam tritum illud de non admittenda extensione in correctoriis, verba ipsa constitutionis in fin. §. 1. & hoc moriturus dixerit, extensionem istam non ferunt, ut bene observavit D. Bachovius. Et quia ratione partis, quam socius habet, servus alienus est, quidni quod responsum est de legato servo communi relicto, totum id ad socium pertinere, l. verum §. 3. §. si servo 9. pro soc. l. Plantus 49. in pr. ad leg. Falcid. idem dicimus de servo communi hærede simpliciter instituto, socium nimirum per eum servum videri institutum & hæredem fieri? De servo, in quo testator nudam proprietatem, alius usumfructum habet, ait hoc loco Justinianus eum etiam proprium intelligi testatoris, idque convenienter rationi juris, l. recte dicimus 25. de verb. sign. Et ergo etiam hic servus à domino nudæ proprietatis hæres institutus, sive cum libertate sive simpliciter, ex constitutione Justiniani & liber & hæres erit, d. l. pen. Cod. de nec serv. hæc inst. Neque enim quod de servo communi simpliciter instituto diximus, socium per eum hæredem fieri, locum habet in fructuario, cui hæreditas acquiri non solet, §. de iis 4. sup. per quas pers. Quid ergo fiet de fructuario? An liber factus nihilominus operas fructuario interim præstari tenebitur, atq; ex re ejus acquireret, quamdiu durat ususfructus; an vero pretio ususfructus dato defungeretur? Illud, si sequimur constitutionem l. 1. C. comm. de man. Hoc, si putamus, adhuc servum etiam perzinere, quod paucis tempore post de communi servo constitutum est l. 1. C. de com. serv. man.

[Est tamen casus, &c.] Refertur hic ex l. his verba 48. §. 2. hoc tit. casus singularis, quo servus proprius hæres institui non potest, ne cum libertate quidem, cui locus est in muliere adulterii postulata: Hæc prohibetur servum suum suspectum criminis antefinitam cognitionem manumittere: quod ideo profectum est, ne mancipium per manumissionem questionis subducatur, l. prospexit 12. qui & à quib. man. Cum igitur lex manumissionem & libertatem impediat, nec institutio hæredis in hujusmodi servum collata valere potest. Ait, servum adulterio maculatum, id est, suspectum, famâ & opinione vulgi inquinatum: siquidem duos adulterii reos simul matrem & foemnam ex eadem causa fieri lex Julia verbat; ordine tantum peragi poterant, l. 3. C. ad leg. Jul. de adult. ac proinde etiam in d. l. 48. §. 2. unde hæc sumpta sunt, eodem modo, ut hic, legendum esse arbitror? non ut ibi, adulterii accusatum. Theo-

philus vertit, ἐνοχον ὄντα τῇ μὲν χεῖρα, ὁμοχλον, implectum; non dixit, κατ' ἡγορήσαν, &c.]

Alienus servus, in quo usumfructum, &c.] Igitur hic servus à fructuario hæres institutus, nec hæres nec liber erit, sed hæreditatem acquirere proprietario, ad instar servi planè alieni, §. seq. vers. alienus quoque. Et verò post mortem fructuarii finitur ususfructus & consolidatur cum proprietate. Sed et si liberum simul eum esse iusserit, adhuc idem dicendum est: quoniam alieno servo libertas inutiliter datur: neque huc accommodari potest pars constitutionis Justinianæ, l. 1. vers. si autem C. comm. de man. de servo à vivente fructuario manumisso, ne scilicet is cogatur servare proprietario, quamdiu constat ususfructus; quia, ut dictum est, morte fructuarii jus illius omne extinguitur.

TEXTUS.

Si servus heres institutus in eadem causa manserit, vel non.

1. Servus autem à domino suo heres institutus, siquidem in eadem causa manserit, sit ex testamento liber, hæresque ei necessarius. Si verò à vivo testatore manumissus fuerit, suo arbitrio adire hæreditatem potest; quia non fit heres necessarius, cum utrumque ex domini testamento non consequatur. Quod si alienatus fuerit, jussu novi domini adire hæreditatem debet, & eadem ratione per eum dominus fit heres: nam ipse alienatus neque liber, neque heres esse potest, etiam si cum libertate heres institutus fuerit: destitisse enim à libertatis datione videtur dominus, qui eum alienavit. Alienus quoque servus heres institutus, si in eadem causa duraverit, jussu ejus domini adire hæreditatem debet. Si verò alienatus fuerit ab eo, aut vivo testatore, aut post mortem ejus, antequam adeat, debet jussu novi domini adire. At si manumissus est vivo testatore, vel mortuo antequam adeat, suo arbitrio adire potest hæreditatem.

NOTÆ.

1. Destitisse à libertatis datione] Quod si testator cum postea redemerit, reviviscit libertas & institutio, l. 9. §. 16. l. 50. cod. Hinc autem intelligimus regulam juris civilis traditam l. 13. §. 1. de lib. & post, solum procedere, cum servus in eadem causa manet.

Iussu

Iussu novi domini] l. 62. §. 1. de acq. her. l. 2. §. ult. de bon. poss. sec. tab. ubi hæreditatem sive bonorum possessionem cum domino ambulare Ulp. ait.

COMMENTARIUS.

1. Servo proprio hærede instituto, quis circa acquirendam hæreditatem institutionis effectus, & num. 2.

2. Quid circa idem instituto servo alieno.

Hoc constituto, non minus servos posse hæredes institui, quam homines liberos, porro nunc quaeritur de effectu institutionis servi circa acquisitionem hæreditatis, primum in servo proprio, deinde & in alieno. In utroque autem ita distinguitur, ut referat, utrum in eadem conditione servus manserit, an non manserit, propterea quod vel manumissus sit, vel alienatus. De servo proprio hærede instituto ait, *Siquidem in eadem causa manserit, sit ex testamento liber hæresque necessarius.* In eadem causa, hoc est, in eadem conditione servitutis, ut neque à domino post factum testamentum manumissus, neque alienatus fuerit. *Hæres necessarius*: ideo sic dictus, quia sive velit, sive nolie, post mortem domini proxinus liber & hæres sit, §. 1. inf. de her. qual. Quod cum in eorum gratiam initio institutum esset, qui cum solvendo non essent, ignominiam bonorum venditionis in hæredes suos derivare, quam suæ memoriæ reservare malebant, §. 1. sup. qui ex quib. ca. man. postea generaliter obtinuit, ut ostendit hic locus. Ratio autem huius rei haud dubie hæc est, quod cum honori testatoris nonnihil decedat, si repudietur ejus hæreditas, visum sit, id servo licere non debere, in quem testator simul cum hæreditate contulit inestimabile beneficium libertatis. Quin etiam ex constitutione juris civilis libertas & hæreditas ita conjunctæ sunt, ut neutrum separatim servo adimi possit, neque libertas sola, neque sola hæreditas, l. 13. §. 1. de lib. & posthum. l. 6. §. ult. h. t.

Quod si à vivo testatore manumissus, &c.] Casus contrarius, quo scilicet servus proprius hæres institutus in eadem conditione non mansit, duplex est; vel quia post factum testamentum manumissus est; vel quia alienatus. Manumissus suo arbitratu hæreditatem adibit: quia non fit hæres necessarius, qui hæreditatem duntaxat, non etiam libertatem ex testamento domini consequitur, l. antepen. hoc tit. l. 6. §. 3. eod. Utrique tamen probè facturus est, si pro beneficio libertatis ante adeptæ hanc gratiam paterno referat, ut suscipiat ejus hæreditatem. Alienatus nec liber nec hæres sit, etiamsi cum libertate hæres fuerit institutus: hoc enim ipso quod alienatus est, mutata voluntas domini, & revocata dario libertatis intelligitur, ut jam perinde haberi debeat, ac si jam tempore testamenti facti alienus fuisset; ac proinde jubenti novo domino hæreditatem acqui-

ret, l. 9. §. servus 16. l. servum 20. hoc tit. l. servo 47. de cond. & dem. l. quesitum 91. §. 3. de legat. 1. Enimvero si testator eum postea redemerit, reviviscit, ut ita dicam, libertas & institutio, d. l. 9. §. 16. d. l. 90. hoc tit. Hinc autem intelligimus, regulam juris civilis traditam l. 13. §. 1. de lib. & posth. tunc solum procedere, cum servus in eadem causa manet: nam si alienatus fuerit, necesse est fateri, inutilem esse libertatis dationem: quod & Viglius notat.

Alienus quoque servus] Supra dictum est, etiam servum alienum hæredem institui posse: cæterum sustineri institutionem non ex persona servi, sed ex persona domini, civis sc. Romani, quasi ille ipse mediare per servum institutus videatur. Nimirum ut servi etiam hac in re dominis suis utiles esse possint, receptum est, ut persona dominorum iis ad tempus accommodetur, cum alioqui cum servis non sit testamenti factio, l. non minus 21. hoc tit. l. debitor, 92. §. 2. de legat. 2. Nunc hic itidem de effectu istiusmodi institutionis quaeritur, quemadmodum paulo ante quesitum fuit de effectu institutionis servi proprii.

Si in eadem causa, &c.] In alieno servo hærede instituto iidem casus distinguuntur, qui in proprio: nam aut mansit in eadem causa, & dominum suum hæredem facit, nempe si iussu ejus adierit, §. 3. sup. per quas pers. aut non mansit, vel quia alienatus est, & jubenti ei domino hæreditatem acquirit, cujus in potestate est tempore aditionis, l. Amistius 61. §. 1. de acq. her. l. 2. §. ult. de bon. poss. sec. tab. quo loco Jurisconsultus ait, hæreditatem sive bonorum possessionem ambulare cum domino: vel quia manumissus est, quo casu suo arbitrio hæreditatem adire eamque sibi acquirere potest, Ulp. tit. 22. §. 116. Et igitur licet persona domini in hujusmodi institutionibus inspicatur, ut sit cum servis testamenti factio: videtur tamen simul & personæ servi ratio haberi, fac. l. debitor 92. §. 2. de legat. 2. l. 5. de servo legat. l. si paterfam. 40. hoc tit. Illud notandum est, servum alienum cum libertate frustra hæredem institui in tantum, ut etsi is postea testatoris esse coeperit, nihilo magis liber aut hæres fiat, l. si alienum 49. hoc tit.

TEXTUS.

De Servo hæreditario.

2. Servus etiam alienus post domini mortem recte hæres instituitur: quia & cum hæreditariis servis testamenti factio est. Nondum enim adita hæreditas personæ vicem sustinet, non hæredis futuri, sed defuncti: cum etiam ejus, qui in utero est, servus recte hæres instituitur.

NOTÆ.

2. *Post Domini mortem*] Non ita, *Stichus post mortem Titii domini sui heres mihi esto*, ut male Th. sed ita, *Stichus servus Titii defuncti heres mihi esto*.

Nondum adita hereditas personæ vicem] Ratio dubitandi, quia tempore facti testamenti servus nullius est, l. 64. h. t. Ratio decidendi, quia jacens hereditas personæ defuncti locum interim obtinet, & pro domino habetur, l. 31. §. 1. cod. l. 34. l. 61. d. acq. rer. dom. inf. de stip. serv. in pr.

Non heredis futuri, sed defuncti] dd. loc. cum simil. Imo non defuncti, sed heredis futuri, l. 24. de nov. Solve: hereditas quæ jacens considerata defunctum representat, ut actus ex persona ejus vires capiat, l. 52. h. t. l. 33. §. ult. de acq. rer. dom. adita vero videtur retro representasse personam heredis, cui soli eventu inspecto acquiritur, d. pr. inf. de stip. serv. fac. l. 73. d. de verb. obl. l. 28. §. ult. l. 35. de stip. serv.

Ejus, qui in utero est, servus] Hoc eandem planè rationem habet, l. 64. h. t.

COMMENTARIUS.

1. *Diversa consideratione rectè dici, jacentem hereditatem representare & personam defuncti, & personam heredis.*

2. *Cur servus posthumi alieni heres institui poterit, ipse posthumus alienus non poterit.*

Cum servi alieni institutio, ut dictum est, sustineatur ex persona domini, quæsitum est, an servus alienus rectè heres instituaturs etiam post mortem domini, hoc est, servus hereditarius. Dubitandi causa, ex eo, quod in proposito persona domini, qui nullus est tempore facti testamenti, l. ejus servum 64. hoc tit. servo accommodari non possit. Placuit tamen nihilominus, rectè hunc servum heredem institui, quasi per interpositam hereditatem à defuncto adhuc, ut ita dicam, personetur: quippe hereditatem jacentem defuncti locum interim obtinere, & pro domino tantisper fictione juris haberi, l. non minus 31. §. 1. hoc tit. l. hereditas 34. l. hereditas 61. de acq. rer. dom. l. 13. §. 2. ad leg. Aquil. l. 15. de inter. in jur. l. 9. C. de pos. cum similib.

Non heredis futuri, sed defuncti] Hoc totidem quoque verbis traditur d. l. 34. de acq. rer. dom. alibi simpliciter dicitur, hereditatem obtinere defuncti locum d. l. 31. hoc tit. & inf. de stip. serv. in pr. Apud Pomponium tamen contra scriptum legimus, hereditatem interim sustinere personam heredis, l. novatio 24. in fin. de novat. quod & ratio juris efficere videtur; siquidem qui postea heres exitit, ex mortis tempore defuncto successisse intelligitur, sive quod idem valet retro agitur hereditas, quamvis postea adita, & cum tempore mortis continua-

tur, l. heres 54. de acq. her. l. omnis 138. l. omnia 193. de reg. jur. Sunt, qui putant, non satis inter veteres hac de re convenisse, inter quos & D. Hocmannus est. Nolim ego temerè eo decurrere. Videamus, an non utrumque rectè dici possit, hereditatem representare & personam heredis & defuncti, diversa consideratione. Etenim si eventum spectamus aditæ hereditatis, persona heredis representari rectè dicitur: hac enim consideratione servus hereditarius rectè stipulatur heredi futuro, l. si ex re. 28. §. ult. l. servus 35. de stip. serv. nullamque vim habere dicitur stipulatio servi hereditarii, nisi adita sit hereditas, l. interdictum 73. §. 1. de verb. obl. item per servum acquiri hereditati, ac per hoc etiam heredi postea facti, inf. de stip. serv. in pr. At si inspicimus tempus illud, quo servus hereditarius heres instituitur, nimirum jacentis hereditatis, si actum valere volumus, necesse est, dicamus, hereditatem sustinere personam defuncti: neque enim actus illi suspensio esse potest: & incertum est, an is, qui scriptus est, unquam heres exiturus sit: idque Gajus significat, l. in eo 33. §. ult. de acq. rer. dom. cum ait, quotiens servus hereditarius stipulatur, vel per traditionem accipit, actum ex persona defuncti vires sumere. Eademque consideratione Paulus in l. servus 52. hoc tit. servum hereditarium institui posse ait, si modo testamenti factio cum defuncto fuerit, licet cum herede instituto non sit. Erigitur hereditas, quæ jacens considerata defunctum representat; adita retro, videtur representasse personam heredis.

Cum etiam ejus, qui in utero est, servus] Confirmat quod de institutione servi alieni post mortem domini dixerat, exemplo servi, ejus dominus in utero est, sive servi posthumi alieni; nam & hunc servum ait rectè heredem institui. Javolenus contra, hoc ex illo probat, l. ejus servum 64. hoc tit. Hic iterum videtur ob stare ratio juris, utique veteris, quo jure posthumus alienus heres institui non potuit, inf. de bon. poss. in pr. Hoc enim posito, consequens omnino esse videtur, nec servum hujus posthumi rectè heredem institui, cum, ut jam aliquoties dictum, testamenti factio cum servis ex persona domini introducta sit. Sed animadvertendum est, servum hic dici ejus, qui in utero est, respectu habito ad casum, quo is natus & heres factus erit: institutionem vero vires capere non ex persona ejus, qui in utero est, sed defuncti cum quo sufficit testamenti factionem fuisse, etiamsi cum herede scripto non sit, l. servus 52. hoc tit. Adhæc in universum institutio servi alieni non ita comparata est, ut institutus semper dominum, in ejus potestate est tempore facti testamenti, heredem faciat; nam alienato eo novus dominus heres sit, manumissus ipse ad hereditatem

statem admittitur: quod & tunc obtinet, cum servus ejus qui capere non potest, institutus est, l. servus 82. de acq. her. atque hinc clarissime patet, verum esse quod diximus, sub §. præc. in his servorum institutionibus etiam servorum, qui instituuntur, personam spectari.

TEXTUS.

De servo plurium.

3. Servus autem plurium, cum quibus testamenti factio est, ab extraneo institutus hæres unicuique dominorum, cujus jussu adierit, proportionem domini acquirat hereditatem.

NOTÆ.

3. Ab extraneo] Ab uno ex dominis institutus, acquirit cæteris per l. 63. §. 8. pro soc. l. 49. ad leg. Falc.

COMMENTARIUS.

DE servo communi hærede instituto ab uno ex dominis egimus in explicatione principii hujus tit. sub fin. Hic agitur de servo plurium, qui hæres institutus est ab extraneo. Atque hunc servum unicuique dominorum, cujus jussu adierit, hereditatem acquirere, idque non pro parte virili, sed dominica. Jussu domini præcedere debere constat, ac sine eo servum hereditatem adeundo nihil agere: de quo sub §. 3. sup. per quas pers. Quid ergo, si unius jussu adierit? Ne sic quidem hunc interim pro maiore parte, quam dominica, hæredem faciet: cæterum sociis postea non jubentibus adire, tacito jure partes ei accrescent, l. servus 67. de acq. her. add. l. ult. de vulg. & pup. l. si servus 50. de legat. 1. §. ult. inf. de stip. servo.

Cum quibus testamenti factio] Hoc additum, quia, ut jam sæpe diximus, quos ipsos hæredes instituere non possumus, eorum nec servos possumus, l. non minus 31. hoc tit. Excepto quod servi eorum, qui non absolute incapaces sunt, sed tantum duntaxat, ejusmodi olim erant scæminæ, orbi, cælibes, vid. sup. pr. instituti ab eo, ex cujus testamento domini capere non possunt, & antequam dominorum jussu hereditatem adeant, alienati, novum dominum hæredem faciant, manumissi ipsi ad hereditatem aditantes, modo nihil in fraudem legis factum sit, l. si servus 82. de acq. her. l. si Titio 55. §. 1. de legat. 2.

TEXTUS.

De numero hæredem.

4. Et unum hominem, & plures, usque in infinitum, quot quis hæredes velit, facere licet.

NOTÆ.

4. Usque in infinitum] εἰς ἀπείρου. Th. Sententia est, certum numerum hæredum instituendorum nemini præscriptum esse, sed totum hoc arbitrio testantis permitti.

COMMENTARIUS.

Usque in infinitum] εἰς ἀπείρου. Infinitum autem accipe pro indefinito incertoque hæredum numero, non pro multitudine, quæ extreme careat: quomodo & alibi sæpe hoc verbum usurpatur, l. qui restituere 68. §. 1. de rei vind. l. 4. §. 2. de in lit. jur. Sensus igitur hujus §. est, posse testatorem tot hæredes instituere, quot ei placuerit: nimirum certum numerum hæredum instituendorum nemini legi præscriptum esse, sed totum hoc arbitrio testantis permitti. Inepti autem sunt, qui ex hoc loco colligunt, posse quem instituere omnes homines, qui in mundo sunt, talis enim institutio exitum reperire non potest, neque est hominis, qui suæ mœnis est compos, vid. Gomez. 1. var. resol. 2. n. 2. Planè illud crediderim defendi posse cum D. Viglio, rempub. institutam videri, si quis simpliciter cives universos instituerit, & valere hujusmodi institutionem, quando permissum est rempub. aut civitatem hæredem instituere. Non enim idem hic semper jus obtinuit. Legimus, reges aliquot exteros populum Romanum sibi hæredem instituisse. Idem fecit & Flora meretrix. Plinius vero lib. 5. epist. ad Calvisium scribit, palam esse, nec hæredem institui nec percipere rempub. posse. Ab eo jure postea iterum recessum: confer Vlpian. tit. 22. §. 4. & tit. 24. §. 26. l. 2. l. sonatus 20. de reb. l. omnibus 26. ad sen. Treb. l. civitatibus 122. de legat. 1. l. 12. C. hoc tit.

TEXTUS.

De divisione hereditatis.

5. Hereditas plerumque dividitur in duodecim uncias; quæ assis appellatione continentur. Habent autem hæ partes propria nomina ab uncia usque ad assem; ut puta hæc, sextans, quadrans, triens, quincunx, semis, septunx, bes, dodrans, dextanx, deunx. Non autem utique semper duodecim uncias esse oportet: nam tot uncia assen efficiunt, quot testator voluerit: & si unum tantum qui ex semisse (verbi gratia) hæredem scripserit, totus as in semisse erit. Neque enim idem ex parte testatus & ex parte intestatus decedere potest,

potest, nisi sit miles, cujus sola voluntas in testando spectatur. Et e contrario potest quis in quantascunque voluerit plurimas uncias suam hereditatem dividere.

NOTÆ.

5. *In duodecim uncias*] Hæc solennis est hereditatis distributio l. 13. §. 1. h. t. quia perfectus est numerus duodenarius. Diod. Sic. eclog. 40. Galen. d. cui an. pec. not. & med. τελειότητος σύμβολον, Hermias in Phad. Plat. τὸ ἀριθμὸν μιστικώτατος. Aristid. ὡς ἐμισσ, add. Cujac. ad. d. l. 13. Duar. 2, disp. 39. Fabror. ad Th.

Non semper duodecim uncias] Non est, necesse, ut semper distributio fiat in 12. uncias: sed potest testator vel in plures vel in pauciores uncias hereditatem dividere, d. l. 13. §. 1. 2. 3. & ult. l. 18. cod. l. 13. C. de lib. & post. Paul. 3. sent. 4. Potest & in partes naturales dividi, puta in duas dimidias, tres tertias, &c. l. 2. §. 7. de collat. l. 76. de acq. her.

Unum ex semisse] Vel ex una aliqua alia parte hereditatis. Idemque est, si quis institutus ex re certa, veluti ex fundo: perinde enim habetur, ac si rei mentio facta non esset, l. 1. §. 4. l. 6. §. 13. h. t. l. 41. in fin. de vulg. & pup. nisi cohæredem habeas indefinite aut ex parte hereditatis scriptum, tunc enim legata-rii loco est, l. 13. C. h. t.

Ex parte testatus] l. 7. de reg. jur. Ex postfacto tamen vi ipsa pro parte quis intestatus fieri potest, rescisso vid. pro parte testamento, l. 15. in fin. l. 24. de inoff. test.

Nisi sit miles] Miles etiam ab initio pro parte tantum testatus decedere potest l. pen. §. 2. de cast. pec. l. 6. l. 19. de test. mil. l. 2. C. cod. quippe qui hic duorum velut hominum personam sustineat, l. 17. §. 1. cod. Igitur si miles unum tantum v.g. ex semisse hæredem scripserit, quantum ad alterum semissem intestatus decessisse intelligitur, & locus fiet legitimis hæredibus l. 29. l. 37. de test. mil. & ita etiam in specie, l. 6. cod.

COMMENTARIUS.

1. *Assis, ejusque partium usus, quam frequens & quibus in rebus fuerit.*
2. *Dicere testatori in quos voluerit partes hereditatem distribuere.*
3. *Quod unum tantum, vel ex certa parte hereditatis, vel ex certa re institutus, omnium bonorum hæres fiat, magis esse ex subtilitate juris, quam ex desuncti voluntate.*
4. *Quam rationem habeat, quod jure civile non patitur eundem testator & intestato decedere.*
5. *An testator possit prohibere jus accrescendi,*

6. *In militaribus testamentis regula superiori non obstat.*

7. *Quantum mores hodierni discedant à jure civili Romanorum.*

Sequitur pars altera hujus tit. in qua agitur de eo, quod vel unus vel plures hæredes scripti ex ratione juris & voluntate testatoris consequantur: quæ res ut commodius proponi, & perfectius intelligi possit, ante docere voluit, in quos partes hereditas plerumque dividatur, civili scilicet & solenni distributione, earumque partium indicare nomina, quo ea in numerato haberent studiosi discipline juris: idque fecit verbis Ulpiani in l. si servum §. 1. ult. h. t.

In duodecim uncias, quæ assis, appellatione] As in re nummaria est minimus æris nummus. Hinc illa, ad assem reddere, ad assem omnia perdere. Cum sermo est de ponderibus, de divisione hereditatis aut fun-; solidum, id est, totum quid sive integrum significat, constans ex duodecim uncias, & nimirum idem, quod in ponderibus libra aut pondo. Unde illa, ex asse possidere, l. pen. qui satisd. cog. in assem vindicare, l. post emancipationem 40. §. 1. de legat. 3. Hæres ex asse, pro quo etiam libella dixit Cicero lib. 7. ad Attit. & alia plura ejusdem generis. Scribit Volus. Metianus lib. de ponderib. in pr. necessarium cognitu esse assis in suas partes distributionem, non solum propter institutionem plurium hæredum, sed etiam propter innumera alia. Etenim assis ejusque partium & omnino numeri duodenarii frequentissimus apud Romanos usus fuit, non tantum in hereditatibus, ponderibus aut mensuris; verum etiam in divisione corporum, veluti fundi, l. 8. de rei vind. l. minor. 39. §. 2. de evict. item rerum incorporalium ut obligationum & actionum, §. si quis una 9. inf. de fideic. her. Usuras quoque Romani partibus assis distinguebant, easque partiebantur in uncias, sextantes, quadrantes, trientes, quincunces, semisses, besseles, &c. ut videre est l. 7. §. quæ autem 10. in fin. l. Titium 47. §. 4. de adm. tut. l. liberto 21. §. 4. de ann. legat. l. 3. §. ult. ad leg. Falc. l. creditor. 102. §. ult. de solut. l. eos 26. §. 1. C. de usur. Sed & astrologi res omnes revocant ad duodecim partes; menses, horas, signa, latitudinem signorum: quod narrat Cujac. ad l. 13. hoc tit. Causam usus hujus numeri, quæ à jurisperitis tradita non est, Duarenus lib. 2. disp. 36. ex Galeno profert, nimirum quia nullus alius numerus in tot partes tam commodè dividatur; & ὅς ἡμισυ ἔχει, & δίμοιρον, & τέταρτον, ἔκτον τε & δωδεκάτον. Locus Galeni integer refertur à Duareno

Habent hæ partes propria nomina] Refert jam propria nomina partium assis, contentus initium fecisse ab uncia cum Ulpiano d. l. 50. §. ult. hoc tit. licet &

ipsa uncia in partes minutiones dividi possit, veluti in duas semuncias, in tres duellas sive binas sextulas, in quatuor sicilicos, in sex sextulas in 24. scitula: de quibus idem Metian. d. loc. ubi cum vocabulis simul notas partium proponit. Varro lib. 4. de ling. Lat. sub fin. nomen rationem reddit, originemque explicat: Voluf. Metian. de ponderib. sed melius Salmassi de mod. usur. pag. 251. illud sciendum est, hæreditatem etiam dividi in partes naturales, veluti in duas dimidias, l. 2. §. si duo. 7. de collat. in tres tertias, in quatuor quartas, §. videamus inf. eod. in sex sextas, l. situ 76. de acq. her.

Quot testator voluerit] Licet solemnis & usitata, alius distributio in duodecim partes sive uncias, ut dictum est, fiat: potest tamen paterfamilias eam distributionem non sequi, atque in tot partes unciasve hæreditatem distribuere, in quot voluerit, sive in plures sive in pauciores, l. 13. §. 1. 2. 3. & ult. hoc tit. Proinde si, verbi causa, tres hæredes scripserit, singulos ex quicunque, rata est patrisfamilias voluntas, ut substantiam suam partiti in quindecim uncias. Et si duos tantum, unum ex triente, alterum ex quadrante, hæredes scripserit, videbitur in partes septem hæreditatem divisisse, d. l. 13. §. ult. l. Sabinus 18. eod. l. 13. in pr. de lib. & post. Atque hac eadem ratione defenditur, quod scriptum est in l. 3. Cod. de test. mil. militem, qui filiam ex uncis duabus, uxorem ex una uncia instituisse, nec de residuis portionibus quicquam significasset, in tres partes videri voluisse hæreditatem dividere; non autem pro parte testamento, pro parte intestato decedere: quamvis id militi concessum sit. Sive autem plures, sive pauciores partes testator fecerit, tacito jure in duodecim semper hæreditas revolvitur, d. l. 13. §. 1. hoc tit.

Si unus ex semisse, totus as in semisse] Quando unus tantum hæres scriptus est, licet ex certa parte hæreditatis, puta triente, semisse, vel etiam minima, is perinde ac si toto asse institutus esset, omnium bonorum hæreditatem consequitur. Cæterum magis, ut opinor, ex subtilitate juris & propter regulam, qua nemini partim testato, partim intestato decedere permittitur, quæ etiam mox pro ratione subjiciuntur, quam ex voluntate defuncti, quæ non tam facile ejusmodi interpretationem admittit, ubi unus tantum non dato cohæredere ex parte aliqua scriptus est, quam ubi plures ex pluribus. Nam si, verbi gratia, tres, singuli ex uncia scripti sunt, commodissime dicitur, arbitraria distributione testatorem unum, atque in tres partes æquales universam hæreditatem divisisse: quod secus est, si unum tantum institutum proponas in quadrante sive quarta hæreditatis parte. Quamobrem licet illo casu propter libertatem distribuendi & communem voluntatem idem obineat intestamento militis, quod in te-

stamenti paganorum, l. 3. C. de test. mil. hoc tamen casu diversum jus esse propter d. regulam, quæ non militum, sed paganorum potestatem coercet, & unum tantum hæredem in certa assis parte instituto à pagano, hanc partem reliquas ad se trahere; si à milite, residuum hæredes ab intestato laturos, rectè judicavit D. Viglius: quod & in Græcis Institutionibus disertè expressum est, & tantum non etiam in l. quærebantur 19. de test. mil. Quod si quis solus institutus fuerit, non ex parte aliqua hæreditatis, sed ex re certa, puta ex fundo, perinde quasi simpliciter ac sine ulla rei mentione scriptus esset, & hic bonorum omnium hæreditatem obtinebit, l. cohæredi 41. in fin. de vulg. & pup. Nam cum harum rerum quedam inter se pugna sit, successionis universi juris cuiusmodi est hæreditas, & acquisitionis rei singularis, potestate juris detrahitur rei mentio, & hæredi sic, quasi universaliter institutus esset, succurritur, l. 1. §. 4. l. 9. si duo 13. hoc tit. Sed & hoc secus se habet in testamento militis; quoniam & ipsum est ex subtilitate juris, atque ex vi superioribus regulis, quæ ad militaria testamenta non pertinet, l. 6. de test. mil.

Ex parte testatus, ex parte intestatus] Jus nostrum non patitur, inquit Pomponius, eundem in pagano testato & intestato decessisse, l. 7. de reg. jur. Quasi hæc duo, testatus & intestatus, inter se naturaliter pugnent, tanquam agentia & negantia; & ideo eisdem inesse, aut de eodem subjecto verè pronuntiari non possint, ex regula logicorum de oppositione. Et quidem sine manifesta & naturali rerum pugna dici non potest, unum atque eundem in totum aut secundum eandem partem & testatum & intestatum decessisse: at nihil prohibet lex oppositionis, quominus dicamus, eundem testatum & intestatum decessisse, non secundum idem, sed secundum partes diversas. Verum ut hic quoque pugna sit, efficitur subtilitas juris civilis, per quam hæres fingitur representare & sustinere personam defuncti: quæ representatio ut est totius personæ, ita & totalis, atque ut est unius, ita & uniformis esse debet: hoc est, ut defunctus pro parte representari non debet, ita nec debet per hæredes diversi generis partim ex testamento partim ab intestato: sed quisvis hæres est, debet in totum subire locum & vicem defuncti, eumque representare uno ac simplici successionis genere, vel in totum ex testamento, vel in totum ab intestato. Et hoc est, quod scribit M. Tullius lib. 2. de invent. unus pecunia plures dissimilibus de causis hæredes esse non posse: nec unquam factum esse, ut ejusdem pecunia alius testamento, alius lege hæres esset. Cujus rei hanc rationem affert. Gomef. 1. resol. 3. num. 3. & 10. num. 27. quod absurdum sit per qualitates contrarias, quæ in uno & eodem homine natura esse non possunt, unum & eundem per fictionem,

mil. l. 2. C. cod. quod & tunc obtinere credimus, quando unum heredem scripsit ex parte aliqua hereditatis, per l. querebatur 19. d. tit. Sed etsi plures heredes institueris, & unus omiserit hereditatem, pars omissa ad alios non redibit, sed deferetur heredibus ab intestato, nisi contraria ostendatur militis voluntas, *l. si duobus 37. eod.* Et quod juris est in portione bonorum, hoc idem obtinet & in temporis spatio, ut usque ad certum tempus vel ex certo tempore heres scriptus non est, intestati hereditas deferatur, *l. 15. §. 4. l. miles ita 41. in pr. eod. ved. Duar. ad tit. de test. mil. cap. 4. Sich. ad l. 1. 2. & 3. C. eod.* In Belgio generali consuetudine passim receptum est, ut unicuique liceat partim testato, partim intestato decedere contra dispositionem juris Romani. *D. Grot. 2. man. cap. 18. Gudelin. 2. de jur. noviss. cap. 5. Christin. vol. 1. decis. § 1. num. 48. & seqq. & decis. 312. & vol. 4. decis. 10. num. 3. Zypa. not. jur. Belg. de testam. in pr.* Unde quaesitum est, an per hoc censeri debeat abolitum quoque esse jus accrescendi. Et quidem ubi unus tantum ex certa vel parte aliqua hereditatis institutus est, non magis hic moribus nostris residuum accrescet heredi scripto, quam jure civili Romanorum in eadem specie ex testamento militis; sed ad hæredes ab intestato pertinebit, *arg. l. 6. l. querebatur 19. de test. mil. l. 2. C. eod.* idque etiam facientur *Christin. d. decis. 312. & Gudelin. d. loc.* quoniam, ajunt, in hujusmodi casibus jus accrescendi non ex conjunctione aut voluntate testatoris, sed ex legis potestate proficiscitur. Idemque haud dubie censuerunt si plures quidem scripti sint, sed ex partibus inæqualibus; idque propter inæqualitatem partium, quæ etiam jure Rom. accretionem impedit inter collegatarios. De quo sub §. si eadem g. *inf. de legat.* Ego idem dixerim & si singulis singulæ partes æquales datæ, & pars aliqua vacet, veluti si tres scripti, singuli ex quarta bonorum parte; videlicet partem vacantem hic non accrescere scriptis, sed jure intestati ad legitimos heredes pertinere. Sed & si, verbi gratia, plures simpliciter instituti sunt, aut in eandem partem hereditatis vocari & unus defecerit, adhuc dicendum videatur, non aliter partem deficientis jure consuetudinario cæteris accrescere debere, quam si ex verisimilibus saltem conjecturis, appareat, eam fuisse voluntatem defuncti; cujus rei probatio coheredibus incumbat, ne contra voluntatem defuncti, pro parte omissa intestati, aut exitum intestati passi, plus ad eos redeat, quam eis datum est. Hanc enim interpretationem in eadem specie veteres secuti sunt in testatore milite *l. si duobus 37. de test. mil.* cui non obstat *l. 1. C. eod.* quia ibi ex parte heres institutus proponitur, qui & ipse militi ab intestato successu-

erat; mimimum frater militis: & ideo nisi alii hæredes ab intestato probent, militem noluisse ea bonis de quibus queritur, ad fratrem institutum pervenire, portio deficientis hac ipsa ratione ad fratrem pertinebit; quia pro ea parte miles intestatus decessit. Cæterum contra sententia prævaluit hac ratione, quasi jus accrescendi in proposito non descendat ex potestate juris, sed ex voluntate testatoris, quæ ex sola conjunctione æstimetur *D. Grot. 2. man. ducl. c. 23. Gudelin. d. c. 5. Christin. d. decis. § 1. n. 48.* ac plerisque persuasum fuit, etiam olim in testamentis militum, quamvis hi pro parte testati & pro parte intestati decedere poterant, id obtinuisse, nisi hæredes legitimi de contraria voluntate testantis docuissent, *arg. l. 1. C. de test. mil.* in dubio enim hanc præsumptionem fuisse. Quod miles uti voluerit jure communi. Qui perspicuus error est: nec veterum hanc sententiam fuisse apparet, ex *d. l. 37.* Nam posito, quod jus accrescendi idè in militis testamento cessat, quia militi concessum, ut possit pro parte testato & pro parte intestato decedere; etiam ubi jure communi id permissum est, idem est dicendum, *vid. Anton. Fab. dec. 72. err. 5. & 6. Don. in d. l. 1. C. de test. mil. Duar. d. cap. 4. Vasq. lib. 2. de succ. prog. §. 15. num. 100. & lib. 3. de succ. creat. §. 24. num. 41. & multis seqq.*

T E X T U S.

De portionibus singulorum hæredum. Si testator affem non diviserit, aut partes in quorundam persona non ultra affem expresse.

6. Si plures instituantur heredes, ita demum in hoc casu partium distributio necessaria est, si nolit testator, eos ex æquis partibus heredes esse. Satis enim constat, nullis partibus nominatis, ex æquis partibus eos heredes esse. Partibus autem in quorundam personis expressis, si quis alius sine parte nominatus erit, siquidem aliqua pars assi deërit, ex ea parte heres fit. Et si plures sine parte scripti sunt, omnes in eandem partem concurrunt. Si vero totus as completus sit, ii, qui nominatim expressas partes habent, in dimidiam partem vocantur, & ille, vel illi omnes, in alteram dimidiam. Nec interest, primus, an medius, an novissimus sine parte heres scriptus sit: ea enim pars data intelligitur, quæ vacat.

NOTÆ.

6. Nullis partibus nominatis, ex æquis] l. 9. §. 12. hoc tit. fac. l. 19. §. ult. de leg. 1. Illud tamen tenendum, conjunctos unius tantum personæ potestate fungi, v. g. si testator ita dixerit, *Titius hæres esto, Sejus & Mævius hæres sumto*. Aut sic, *Titius & fratris mei filii hæres sumto*. Hic conjuncti unum semissem, Titius alterum habebit, l. 13. pr. l. 59. §. 2. hoc tit. l. 34. de leg. l. un. §. 10. C. de cad. toll. nisi celeritatis gratiâ conjunctio facta doceatur, l. 66. hoc tit.

Si verò totus as completus] l. 17. pr. §. 3. & 4. cod. Breviter, qui sine parte scriptus est, vacantem portionem, vel alium assem occupat, l. ult. sec. tab.

In dimidiâ partem] Id est, in semissem reducta ratione ad solennem assis distributionem: alias in alterum assem: eadem enim proportio est.

COMMENTARIUS.

1. Inter institutos sine partibus pariter hereditatem dividi, etiamsi testamento non facto inæqualiter fuissent successuri.
2. Quantum expleto dupondio, qui sine parte scriptus est, habere debeat.
3. Perperam Hotomannum in l. 17. §. ult. hoc tit. pro triente substituit tresssem.
4. Qua in re error Hotomanni maximè conspicuus.

Intelleximus, quid juris sit, si unus tantum hæres scriptus proponatur, nimirum eum & solum hæredem fore, atque ex toto asse, non tantum, si simpliciter aut sine parte scriptus sit, verum etiam, si ex parte duntaxat hæreditatis, atque aded, si ex certa aliqua re. Pergit nunc hoc §. & 2. seqq. docere Imperator, quid fiat pluribus hæredibus institutis, quasque in portiones singuli vocati intelligantur. Distinguendi autem, ut ex progressu apparet, tres articuli. Primus est, si plures instituti sint sine definitione partium: alter, si quidam ex certis partibus hæreditatis instituti, quidam indefinitè seu sine partibus: tertius, si omnes partibus expressis.

Nullis partibus nominatis ex æquis partibus] Hic primus articulus est, qui omni caret scrupulo propter evidentiam voluntatis testatoris, qui, si institutos voluisset impariter succedere, partes utique expressisset, l. 9. §. hæres, hoc tit. qua de causa idem quoque servatur in re pluribus non expressis partibus legata, l. 29. §. ult. de legat. 1. Quin etiam eandem voluntatis interpretationem, æqualemque partitionem sequimur, & si qui sine partibus instituti sunt, non facto testamento in stirpes aut portionibus inæqualibus, ab intestato fuissent successuri: quia testamento facto jam non jure proximitatis aut repræsentationis veniant, sed titulo & jure institutionis ex judicio & voluntate defuncti, qui legitimæ successioni per testamentum suum derogare voluisse credendus est,

nisi ex conjecturis contrarium elici possit. Ita post alios *Wesemb.* hic & in parat. cod. n. 6. *Mantic.* de conject. ult. vol. lib. 4. tit. 11. n. 21. Illud in universum tenendum, si conjuncti & disjuncti commixti sint, conjunctos unius personæ potestate fungi, l. planè 34. de legat. 1. l. un. §. his ita 10. vers. *sin verò*, Cod. de cad. toll. veluti in hac institutione, *Titius hæres esto, Sejus Mævius hæres sumto*, semissem Titius & tantum solus feret, quantum duo conjuncti, Sejus & Mævius, l. liber homo 59. §. 2. hoc tit. Conjuncti etiam, & vel maximè, sunt, qui nomine colectivo instituntur, l. 13. in pr. cod. l. ult. in fin. C. de impub. & al. subst. de ejus conjunctionis potestate *Mantic.* d. loc. num. 12. & 2. seqq. *Vasq.* lib. 3. de success. prog. §. 21. num. 33.

Partibus in quorundam personis expressis] Hic articulus secundus est, & completitur tres casus: nam partes adscriptæ aut non exæquant assem, aut exæquant, aut superant: duo priores hic tractantur, tertius §. 8. Primum quod attinet, ait, si partibus in quorundam personis expressis adhuc aliquid assis decrit, id quod superest, eum vel eos, quibus pars appositæ non est, habituros; verbi causa, si duo scripti sint ex quadrantebus, tertium sine parte scriptum, quod ex asse reliquum est, & nimirum semissem, abaturum. Hoc & *Ulpian.* l. item quod 17. in pr. cod. atque omni dubio hic item casus caret. Secundus est, si partes nominatæ assem exæquent sive expleant, de quo sic breviter hic Imperator; *Si totus as completus sit, ii, qui nominatim expressas partes habent, in dimidiâ partem vocantur, & ille vel illi omnes in alterâ dimidiâ*. Nimirum cum asse expleto aliis sine parte hæres scriptus est, hic, quia ad nullam residuam assis partem restringi potest indefinitè scripti institutio, verisimilè, est testatorem ad novum assem, sive ad dupondium transire voluisse, atque in uncias 24. hæreditatem distribuere. Et consequenter ergo, qui sine parte scriptus est, in alium illum assem veniet, aut si plures, omnes in eundem, *dict. lib.* 17. §. 3. & 4. vel si dupondius ad assem revocetur, quo respexit Justinianus, veniet indefinitè scripti in semissem: eadem enim utrobique proportio est. Similiter si quis dupondium distribuerit, & tertium sine parte hæredem scripserit, ad tripondium transiit fecisse intelligitur: & idè, qui sine parte institutus est, in tertium assem veniet, sive re ad unum assem revocata in trientem, §. 8. *inf. cod.* eaque mens est Jurisconsulti in d. l. 17. §. ult. cum ait, distributo dupondio sine parte scriptum non in alium assem, sed in trientem venire; non in alium assem oppositum dupondio ad assem prius revocato, sive qui distributione testatoris ad solennem unius assis rationem redacta efficiat semissem totius hæreditatis, ut ille solus tantum capiat, quantum alii omnes, uti

fit, cum quis sine parte scribitur expleto asse, de qua specie tractaverat §. 3. & 4. sed in eam partem duntaxat, quæ ratione ad unum assem revocata, efficiat illius assis trientem. atque in distributione testatoris sive in tripondio uni assi sive 12. tantum uncias 3. ἀνολόγως respondeat. Non est igitur ferenda Francisci Hotomanni confidentia, qui locum istum Jurisconsulti mendosum esse contendens, pro *trientem* reponi vult *treffem*, vel *tripondium*; quasi Jurisconsultus ita scripsisset, *Qui dupondio distributo sine parte institutus est, non in alium assem, sed in treffem venit.* Quæ oratio manifeste aut in totum falsa est, aut implicat contradictionem. Falsa, si *treffem* accipimus pro tribus assibus conjunctim sive pro uncias 36. in quas tota hereditas divisa proponitur: sic enim foret, ut totum ferret solus, qui sine parte scriptus est. Contradictionem habet, si eadem vox accipiatur discretim pro asse tertio aut uno ex tribus. Nam huic enuntiationi, *Qui dupondio distributo sine parte scribitur, non venit in alium assem*, aperte contraria est illa; *Qui dupondio distributo sine parte scribitur, venit in treffem*, si hoc est in *treffem* venire, in novum, in alium, in tertium assem venire. Quid est vero, quod Hotomannum impulit, ut textum hoc modo mutaret? Nimirum ut jureret abnormem quandam sententiam, cujus junior adhuc auctor fuit, & quam refricuit jam senior, summaque ope defendere conatus est, lib. 8. obs. c. 2. Putavit Hotomannus, quemadmodum asse completo is, qui sine parte nominatus est, in alterum assem venit, itaque ad unum assem revocata auferet semissem, simili modo impleto dupondio cum, qui sine parte scriptus est, tripondio ad assem revocata semissem ferre debere; nec rationem pati, ut hic tantum trientem, ille semissem ferat. Igitur Hotomannus cum huius opinionioni suæ videret obstare d. locum Ulpiani, scriptum manifestissime in contrarium, lectionem loci ex cerebro suo paravit, ut pro *in trientem venit*, substitueret, *in treffem venit.* Quæ verba, si Hotomanno credimus, significabunt, auferit proportionem suam indefinita ex *treffe* 18. uncias. Sed nihil est, quod cum ratione aut proportionem magis pugnet, quam hæc Hotomanni opinio: nec hilum proficit mutata lectio: quippe cum in *treffem* venire duobus tantum modis quis dici possit, & iis quos paulo ante indicavi. Miror, virum alias acutissimum non potuisse videre harum rerum minime obscuram dissimilitudinem. Quo plures in partes res quæque discernitur, eo minus singuli ex toto ferant necesse est. Accidit hoc item in distributione hereditatis: ac proinde si hereditas distributa fuerit in uncias sive partes 36. ut in questione proposita, cum exhausto dupondio aliquis sine parte heres scri-

bitur, non potest nec debet is, cui pars adscripta, non est, tantum ex toto, hoc est, ex hereditate consequi, quantum is, qui asse solum exhausto similiter sine parte scriptus est, ubi hereditas divisa est solummodo in uncias 24. Quid enim tam manifestum est, quam minores esse uncias in tripondio, quam in dupondio, atque in hoc iterum minores, quam in asse, omninoque ratione ad assem solennem reducta unam unciam proportionem respondeat duabus in dupondio, tribus in tripondio sive *treffe*? Sumamus exempla facillima & prope puerilia cum Hotomanno. *Primus ex 12. uncias heres esto.* Secundus heres esto. Hic secundus sine parte institutus habebit duodecim uncias: *Primus ex duodecim uncias, Secundus item ex 12. uncias heredes sunt.* Tercius quoque heres esto. Hic tertius itidem habebit 12. uncias; sed quæ in asse juris non tantum efficiant, quantum casu priori: illic enim singulæ semunciam, hic binas solum sextulas sive tertiam uncias partem valent. Error Hotomanni in reductione & detractionibus faciendis maxime conspicuus est. Is in proposita specie Tertio sine parte scripto initio nihil, Primo & Secundo singulis partis suæ dimidiam detrahit, id est uncias sex de duodecim, quot singulis adscriptæ, ut efficiat dupondium; in quo cum Tertius 12, Primus & Secundus singuli 6. tantum uncias habere perierantur, ita dupondium deinde ad assem revocat, ut Primo iterum & Secundo singulis partis suæ, quam in dupondio is reliquerat, dimidia, id est, ternæ uncias detraherentur, Tertio senæ, ut unum hic semissem solus, alterum illi duo conjunctim consequantur. Quod minime ferendum est. Nam cum Tertius interpretatione juris non minus in certam partem vocetur, quam duo illi, in quorum persona partes expressæ sunt, & vocetur in partem partibus expressæ æqualem, æqualem quoque detractionem cum cæteris pati debet: ideoque in proposita si tres asses distributos ad unum redigere volumus, binæ detractiones, totidemque gradatim & partes in singulorum portionibus detractiones fiant. Prima sit tripondii ad dupondium, in qua singulis detrahenda pars tertia, id est, uncias 4. altera dupondii ad assem, in qua singulis, ut as reliquatur, detrahenda est dimidia. Denique eadem ἀνολόγως ratio est, cum dupondio superato aliquis sine parte scribitur, & cum dupondio non superato, sed expleto tantum: itaque ut illic in id, quod tertio assi deest, sine parte scriptus vocatur, l. Sabini 18. eod. ita hic integrum quidem assem tertium, ac nihil amplius capere debet, add. Ant. Fab. 5. conj. 20. Bachovius in Treutl. vol. 2. disp. 11. thes. 4.

T E X T U S.

Si pars vacet, aut exuperet.

7. Videamus, si pars aliqua vacet, nec tamen quisquam sine parte sit heres institutus, quid juris sit; veluti si tres ex quartis partibus heredes scripti sunt. Et constat, vacantem partem singulis tacite pro hereditaria parte accedere, & perinde haberi, ac si ex tertiis partibus heredes scripti essent. Et ex diverso, si plures heredes scripti in portionibus sint, tacite singulis decrescere; ut si (verbi gratia) quatuor ex tertiis partibus heredes scripti sint, perinde habeatur, ac si unusquisque ex quarta parte heres scriptus fuisset.

N O T Æ

7. Ex quartis partibus.] Id est, singuli ex quadrante, seu tribus unciiis. Et ita quoque, quod mox sequitur, ex tertiis partibus, id est, ex trientibus, sive unciiis quatuor.

C O M M E N T A R I U S.

1. Explicatur constitutio Justiniani in l. 23. C. de legat.

Hic locus pertinet ad articulum tertium, cum heredes omnes instituti sunt ex certis partibus. In hoc articulo si testator solennem assis distributionem secutus, non pauciores neque plures partes sive uncias fecerit, quam duodecim, nihil est, de quo dubitari possit. Tantum si pauciores vel plures fecerit, & juxta rationem juris ad duodecim distributionem revocare volumus, quæri potest, quantum cuique adjici vel detrahi oporteat. Placuit autem adjectionem vel deductionem non æqualiter & in partes viriles fieri, sed pro rata ejus partis, quæ cuique adscripta est, l. 13. §. 2. & seqq. hoc tit.

Si tres ex quartis partibus, &c.] Hoc est, si tres instituti sint, singuli ex quadrante sive ex tribus unciiis. Ait, vacantem partem. Id est, quadrantem reliquum, sive tres uncias, quæ assi desunt. Pro hereditaria parte. Hoc clarius apparet, cum adscriptæ sunt partes inæquales; veluti si testator ita dixerit, Titius ex quadrante, Mævius ex semisse heredes sumo. Hic enim ex tribus unciiis, quæ assi explendo desunt, una Titio, duæ accrescunt Mævio, d. l. 13. §. 3. perinde ac si ille ex triente, hic ex besse scriptus esset. Accrescunt autem partes residuæ singulis necessario, & eadem ratione, qua uni heredi ex parte scripto reliqua hereditas accrescit; quia scilicet juris ratio non patitur, ut eidem partim ex testamento partim ab intestato succedatur.

Si quatuor ex tertiis partibus, &c.] Hoc est, si quatuor instituti sint singuli ex trientibus sive ex unciiis

quatuor. Tacite singulis decrescere. Pro parte item hereditaria, ut quadrantem singuli in asse ferant. Et igitur si duo scripti sint, Primus ex 12. Secundus ex 6. unciiis, Primus ex sententia veterum habebit hereditatis bessem, Secundus trientem, d. l. 13. §. sed si 4. hoc tit. Et ἀνάλογως, si Primus ex 12. Secundus ex 8. aut 9. scripti sint, portio Primi major erit sequo vel epitrito, quam Secundi: à qua tamen veterum sententia videtur recessisse Justinianus, l. cum qu. 23. C. de legat. nisi dicamus eum Donell lib. 6. comm. c. 22. interesse utrum asse sive duodecim unciiis primo relictis, mox semis aut sex unciae Secundo relinquantur simpliciter, an sex unciae aut dimidia nominatim ejusdem rei aut totius quod relictum est. Et hoc posteriore casu locum duntaxat esse constitutioni Justiniani, qui & initio speciem ita proponit; priore non item. In quo Donello assentior: nam prior casus, de quo nulla inter veteres dissensio, Justiniani decisione non indigebat. Illud addo, posse & aliam rationem in re proposita iniri, ut progressus fiat ad dupondium, & singulis pro portione hereditaria accrescat, quod dupondio deest. Sed & tot partes, quot à testatore factæ sunt, in divisione servari possunt, ut singuli suas ferant, l. 15. §. ult. l. si ita 47. §. 1. l. ex unciiis 87. hoc tit.

T E X T U S.

Si plures unciae quàm duodecim distributæ sunt.

8. Et si plures uncia, quàm duodecim, distributæ sint, is, qui sine parte institutus est, quod dupondio deest, habebit. Idemque erit, si dupondius expletus sit. Quæ omnes partes ad assem postea revocantur, quamvis sint plurimum unciarum.

C O M M E N T A R I U S.

1. Casus aliquot hic omisi recensentur.

Rectius hic §. subiectus foret §. 6. propter convenientiam propositorum in utroque casuum, qui ad eundem articulum, atque ex tribus, in quos præsens disputatio divisa est, ad secundum pertinent, nempe cum quidam definite, quidam indefinite scripti sunt, ut in explicatione nostra illi videre licet.

Quod dupondio deest.] Eadem ratio est in secundo asse, quæ in primo: & ideo quemadmodum asse non expleto, is qui sine parte scriptus est, vocatur in id, quod deest assi, ita si testator superato asse, dupondio ramen non expleto, sine parte heredem scripserit, is quod ex dupondio deest, habebit, ad quem testator assem excedens transire intelligitur,

telligitur, l. 18. hoc tit. Quamobrem si ita scripserit, *Primus ex uncis VIII. Secundus item ex VIII. Heredes sunt. Tertius heres esto.* Hic Tertius, item octo uncias, quot dupondio de sunt, feret. Eadem ratione, si ita scripserit, *Primus ex sex, Secundus ex octo heredes sunt. Tertius heres esto.* Tertius decem, quæ supersunt in dupondio, habebit, l. ex uncis 27. hoc tit. Quod si partes, uti fit, ad unum assem revocamus, in priori specie singuli trientem, in posteriore Primus quadrantem, Secundus trientem, Tertius sine parte scriptus quincuncem feret.

Idemque erit, si dupondius expletus sit Expletus videtur dixisse pro superatus: neque enim hic de expleto asse aut dupondio quæritur, sed de superato; qui casus ab illo diversus est: quanquam utriusque eadem ratio, l. 17. §. ult. eod. & tam is, qui asse aut dupondio expleto alium sine parte heredem facit ad dupondium vel tripondium creditur transiisse, quam is, qui id fecit asse aut dupondio jam superato; ut quemadmodum hic sine parte scriptus in id, quod dupondio aut tripondio deest, vocatus intelligitur, ita illic in novum, hoc est, secundum aut tertium assem. Sunt & alii casus, qui ad institutionum disputationem pertinent, à Triboniano omitti, & fortassis de industria: veluti 1. si quis solus institutus sit; non simpliciter aut ex parte hereditatis, sed ex re certa, pura ex fundo; quam institutionem valere placet, quasi mentio fundi facta non esset, & institutum bonorum omnium hereditatem consequi, l. 1. §. 4. hoc tit. l. cohoredi 41. in fin. de vulg. & pup. de quo dixi §. 5. sup. eod. 2. Si plures instituti omnes item ex re certa: atque hoc casu similiter mentio rei & partium quoque nominatarum potestate legis detrahitur, etiam tunc cum ex partibus rei inæqualibus instituti sunt, nisi aliud suadeat manifesta voluntas testatoris: tunc enim partium expressio valebit ad rerum divisionem, ut officio judicis familiaris eriscundæ pro rata portionis, quam cuique in rebus assignavit testator, hereditas singulis adjudicetur, l. 9. §. si duo, l. 10. junct. l. ex facto 35. in pr. eod. 3. Si plures instituti, eorumque quidam ex re certa, quidem simpliciter aut ex parte hereditatis Hoc casu placuit solos hæredes fieri, qui simpliciter aut ex quora, uti loquuntur, scripti sunt, ex re singulari scripti, legatariorum loco esse, l. 13. Cod. eodem. Cur vero tam varie? Nimirum ideo, quia ubi soli sunt instituti ex re certa, hic si testamentum subsistere volumus, atque ex eo, quod utique testator voluit, deferri hereditatem, necessario detrahenda est rei mentio, cum hæc simul stare non possint, heredem esse, hoc est, universi juris successorem, & rem tantum obtinere singularem. At vero cum concurrunt cum his alii recte heredes scripti vel inde-

finite vel ex certa parte hereditatis, nulla necessitas cogit, ut mentionem rei, ex qua unus aut plures scripti sunt, detrahamus, cum rem illam habere possint tanquam ex legato, idque salva ratione juris, & defuncti voluntate, quæ per coheredes simpliciter vel ex parte scriptos sustinetur. Plane si heredes universitatis defecerint, quod adire hereditatem noluerint, aut ante mortui sint, tunc ex communi opinione Doctorum dist. l. 13. idem per omnia erit, ac si instituti ex re singulari ab initio soli fuissent: quamvis nonnulli hanc sententiam non aliter admittant, quam si coheredes defecerint vivo adhuc testatore, quos sequitur Bachovius hic. vid. Gomez. 1. resol. 10. num. 13. Grass. §. institutio, quest. 22. num. 3.

T E X T U S.

De modis instituendi.

9. *Heres & purè & sub conditione institui potest: ex certo tempore, aut ad certum tempus non potest: veluti, Post quinquennium, quam moriar; vel, Ex Calendis illis; vel, Usque ad Calendas illas hæres esto. Denique diem adjectum haberi pro supervacuo placet, & perinde esse, ac si purè heres institutus esset.*

N O T Æ.

9. *Sub conditione*] V. C. Titus heres esto, si Marci am uxorem duxerit. Hic institutio, in pendendi est, & si quidem extiterit conditio, vires capit, ac conditionis eventus retrahitur ad tempus mortis, ut perinde habeatur, ac si pure facta esset institutio: si conditio defecerit, institutio evanescit, deferturque hæreditas ab intestato, l. 26. de cond. inst. fac. l. 8. de per. & com. rei vend. l. 11. §. 1. qui pot. in pign.

Ex certo tempore, &c.] Ratio est, quia regula, quæ vetat eundem in paganis testato & intestato decendere, etiam in spatio temporis locum habet, l. 41. de test. mil. l. 8. C. eod. ubi quod traditur, est ex prærogativa privilegii militaris. Cessat autem in conditione, cujus eventus retrahitur. Conditionem facit etiam dies incertus, l. 75. de cond. & dem.

Usque ad calendas] Occurrit hic etiam specialis ratio, quia juri nostro non convenit temporaliter heredem habere, l. 7. §. 10. de minor. l. 88. h. t.

C O M M E N T A R I U S.

1. Captatoria institutio quæ veteribus dicta.
2. Suos heredes omnes sub alia conditione institui non posse, quam quæ in eorum sit potestate.
3. Diem certum institutioni adjectum, sive ut terminus quo, sive ut terminum ad quem, pro supervacuo haberi.

4. *Cur dies certus institutioni adjectus, ut terminus à quo, non suspendat institutionem similiter, ut adjecta conditio.*

5. *Moribus hodiernis hujusmodi subtilitates insuper haberi*

6. *In testamentis diem omnem incertum conditionem facere*

7. *An si cui bonorum omnium ususfructus legatus sit, & post mortem ejus alius heres institutus, legatum valeat.*

Hic se nunc offert tituli hujus pars tertia, in qua tractatur de forma & modo heredes instituendi, deque iis, quæ institutioni utiliter vel inutiliter adjiunguntur: sed non omnia, quæ eo pertinent. Imp. tangit, contentus, quæ præcipua sunt, de conditione & die adjectis quædam indicasse. Ante quorum explicationem monendi sumus, ad formam institutionis omnino pertinere, ut ea verbis fiat, iisque idoneis, ut ex iis liquere possit voluntatis intentio; quamvis quibus verbis fiat, imperativis sive directis, an inflexis nihil referat. l. 15. C. de testam. & ibi Dd. Deinde ita fieri debere, ut de persona heredis certo constare possit, vel ex nomine, vel ex indubitabili signo; alioqui vitari institutionem, l. 9. in pr. junct. §. si quis 8. & seq. l. in tempus 62. §. 1. hoc tit. l. 4. C. eod. Item inutilem esse institutionem, si testator non certo consilio heredem scribat, aut quid alienum capiet. Unde improbata veteribus tum institutio, quæ in alienam voluntatem confertur, veluti, si quis dixerit, *Quos Titius voluerit, heredes sunt*, l. illa institutio 32. l. si quis 68. eod. tum captatoria, quæ fit captandæ alienæ hereditatis causa, cum testator suam hereditatem tanquam in hamo defert, ut alleget alienam; puta hoc modo, *Qua ex parte Titius me heredem faciet, ex eadem mihi heres esto*, l. captatorias 70. cum l. seq. eod. l. captatorias 64. de legat. 1. cujusmodi institutiones etiam in testamentis militum improbantur, l. 11. C. de test. mil. Hoc autem modo concepta institutio valet, *Qua ex parte Titius me heredem fecit, ex eadem heres esto*. Quoniam in præteritum collata est, neque ad captandum, sed ad remunerandum comparata, l. illa autem 71. l. Clemens 81. §. eod. Sed nec institutiones, quæ mutuis affectionibus judicia provocaverunt, pro captatoriis habentur, d. l. captatorias 70. eod. Valent itaque haud dubie & mutux conjugum institutiones. D. Tulden, in C. de test. mil. n. 9. ubi obiter refellit Jo. Deckherum hanc sententiam oppugnantem lib. 1. Dissert. 7. De captatoria institutione eleganter Menoch. consil. 408. Ant. Fab. Cod. suo de hered. inst. defin. 11. post Cujac. 16. obs. 11. Duar. c. 3. hoc tit. Nunc accedamus ad explicationem textus.

Sub conditione institui potest] Conditio est adiectio, qua in futurum eventum, quod dari, aut fie-

ri volumus, suspenditur: eaque vel possibilis est, vel impossibilis. Impossibilis inutiliter institutioni adjiungitur & pro non scripta habetur, de qua mox: possibilis utiliter, ut suspendatur interim institutio, atque existente conditione vires capiat, proindeque habeatur ac si pure facta esset; deficiente, evanescat, & hereditas deferatur ab intestato. Solius persona filii fam. excipitur, qui vetatur sub alia conditione heres institui, quam quæ in illius potestate sit, nisi sub contraria conditione exheredetur, ne, si conditio deficiat, reperiatur contra legem præteritus, l. 4. §. 6. l. jam dubitari 86. hoc tit. l. 15. l. ult. de cond. inst. Tantumdem nunc dicendum de cæteris liberis, qui in potestate sunt, & sui heredes, postquam hi omnes filios fam. exæquati, §. 5. sup. tit. Falluntur ergo Dd. qui putant, ita nunc jus esse, ut si suus heres in incertum eventum institutus sit, institutio non vitietur, sed potestate juris detrahatur conditio usque ad portionem legitimam, quæ gravari prohibeatur ulla dispositione moram aliudve onus afferente, per l. quoniam 32. C. de inoff. testam. Non enim animadvertunt agi isto loco non de liberis institutis, sed exhereditatis, quibus aliquid pro legitima relictum sit. Nam Justinianus cum in l. omni modo 30. & l. seq. C. eod. jussisset cessare querelam inofficiosa, si quid liberis omnino relictum esset, supplerique, si minus relictum, quod legitimæ deest, mutato veteri jure, quo querela non excluderetur, nisi aut tota legitima portio relictæ esset, aut si minus, adjecta clausula, ut si quid deesset, id boni viri arbitratu repleretur, in d. l. quoniam. Quæ mox sequitur, superiores sanctiones temperat, easque sic vult obtinere, ut liberi portionem legitimam plenam consequantur, & sine ullo gravamine aut mora. Novissime voluit & titulo institutionis legitimam relinquere, Nov. 115. c. 3. de quo plura tit. 18.

Ex certo tempore aut ad certum tempus non potest] Hujus rei explicatio plus difficultatis habet. Ait, *Ex certo tempore, &c.* quibus verbis tacite innuitur differentia temporis sive diei certi atque incerti, & quæ hic traduntur, non ad utrumque, sed ad alterum tantummodo, certum scilicet, pertinere. Ita est: Dies aut est certus, aut incertus. De incerto illico videbimus. Certum dicimus, cum certum est & venturum esse, & quando venturus sit. Hic dies bifariam institutioni forte apponi potest; vel ut terminus à quo, veluti, *Post quinquennium quam moriar, heres esto*; vel ut terminus ad quem, veluti, *Vsq. ad quinquennium heres esto*. Neutro autem modo apponitur utiliter. Et hoc est, quod Imp. ait, heredem ex certo tempore vel ad certum tempus institui non posse; non quod ad-

adjectione diei in totum vitietur institutio, sed quod dies, ut vitiose adjectus, rejiciatur & habeatur, pro non scripto: ita enim se statim explicat, cum ait, diem adjectum pro supervacuò haberi, & perinde esse, ac si pure institutio facta sit. Breviter jurisconsultus, *liber hereditas 34. hoc tit. Hereditas*, inquit, ex die vel ad diem non recte datur, sed vitio temporis sublato manet institutio. Quod dies tollitur, benevolentia est, ne pereat ultima defuncti voluntas. Quod die non sublato subsistere nequeat institutio; ex regula, qua vetatur idem in paganis testato & intestato decedere, proposita & à nobis exposita §. *hereditas 5. sup. eod.* Neque enim ad portionem bonorum tantum, verum etiam ad portionis spatium ea regula pertinet, *l. miles ita 41. in pr. de test. mil.* Peculiaris quoque ratio est, cum dies adicitur tanquam terminus ad quem; quia juri nostro non convenit, temporalem heredem habere, sed is, qui semel heres extitit, semper heres maneat necesse est, *l. 7. §. sed quod 10. de minoribus, l. ei qui 88. hoc tit.* De certo illo quæsierit aliquis, cur cum heres ex certo die instituitur, non æque placeat suspendi institutionem, & antequam dies veniat, nullum interim heredem esse, ac cum quis instituitur sub conditione, & quid intersit, ita scribam, *Titius post quinquennium heres esto*, an, *Titius heres esto, si uxorem duxerit*? Hoc interest: Conditionis ea est vis ac natura, ut actum omnem, cui adicitur, jurisque effectum suspendat, ea deficiente nihil actum ut intelligatur, existente perinde habeatur, ac si ab initio res sine conditione gesta esset, *l. 8. de per. & comm. rei vend. l. 11. §. 1. qui pot. in pign.* Proinde cum heres sub conditione institutus est, in pendenti est tota dispositio testatoris, & siquidem defecerit conditio, nulla dispositio facta intelligitur; statimque defertur hereditas ab intestato; si extiterit, eventus ejus retrahitur ad tempus mortis, ut quod sub conditione dispositum est, pure dispositum intelligatur, *l. si pupillus 26. de cond. instit.* Dies vero certus diversæ naturæ est; primum in hoc, quod nunquam suspendit vim aut effectum juris; tantum ad hoc utiliter rei aliqui, veluti legato aut stipulationi, adicitur; ut remoretur executionem, §. 2. *inf. de verb. obl. l. cedere diem 213. & verb. sign. l. 17. de reg. jur. l. si dies 212. quand. dies legat.* Quod si ergo heres ex certo tempore institutus ante id tempus heres esse impediat, dies operabitur præter & contra suam naturam suspenso juris effectum, ideoque statim potius admittendus, præsertim cum certum sit, diem extitutum esse, quod secus est in conditione. Ita post *Iacob. de Arct. Bart. & Bald.* disputat *Gomez. 1. resol. 2. n. 8.* Deinde & in eo differentia est, quod

dies non ita, ut conditio, existens retrotrahi potest, hoc est, quod additio post diem existentem facta non potest conjungi & continuari cum tempore mortis testatoris, quam tamen continuationem jus requirit, *l. heres 54. de acq. her. l. omnes 138. de reg. jur.* nisi toto intermedio tempore subducto? nam si id tempus manere volumus, ut adjectum utiliter, jam non suspendimus institutionem, ut nullus interim heres sit; sed causæ intestati interim locum facimus: quod juris ratio non patitur. Nostri & Gallorum mores hujusmodi subtilitates averfantur: sed uti receptum est, ut unicuique pro portione bonorum & testato & intestato decedere liceat, ita & ad tempus quisque heredem facere potest, & ex certo tempore, ut aut post tempus, aut antequam dies veniat, intestati hereditas deferatur; quod jure civili Romanorum solummodo ex privilegio obtinebat in testamentis militum, *l. 15. §. 4. l. miles 41. in pr. de test. mil. vid. notat. sub §. hereditas 5. sub. eod.* Hæc dicta sunt de die certo. Dies incertus aut prorsus & simpliciter talis est, cum scilicet neutrum horum apparet, nec an venturus sit, nec quando; veluti si ita testator dixerit, *Titius heres esto, cum consulatum inierit; cum uxorem duxerit; aut secundum quid, cum alterutrum incertum est, & vel ignoratur, an venturus sit duntaxat: veluti si ita, Titius cum erit annorum quatuordecim, heres esto: vel tantum quando venturus sit, qualis est dies mortis cujusque.* Et extat de die incerto generalis definitio Papiniani in hæc verba; *Dies incertus conditionem in testamento facit, l. dies 75. de cond. & dem.* cujus definitionis hæc sententia est, ut conditio testamento adjecta non detrahitur sed suspendit dispositionem, ita & dies incertus; atque ut existente demum conditione vires accipit dispositio, ita & existente demum die incerto. Et siquidem vel utrumque, ignoretur, an dies venturus sit, & quando, vel etiam unum illud, an sit venturus, dubium non est, quin hujusmodi dies pro conditione sit, *l. si dies 21. & l. seq. quand. dies leg.* At si certum sit, extitutum esse, ignoretur autem quando; hic referre puto, utrum dies appositus sit extraneo, an ipsi hæredi Si extraneo, puta hoc modo, *Titius heres esto, cum Sempronius morietur*, diem pro conditione esse; quia fieri potest, ut hæres scriptus ante Sempronij moriatur: quo argumento tale legatum conditionale esse defenditur, *Heres meus, cum morietur, Titio decem dato, l. 1. §. 2. de cond. & dem. l. 4. in pr. quand. dies leg.* Si vero ipsi hæredi adscriptus sit, veluti, *Titius, cum morietur, heres esto*, non puto conditionem facere: quia nec si legatario adscribatur, facit, *del. 4. §. 1. l. heres meus 79. in pr. de cond. & dem.*

& ideo institutioni adjectum quasi diem certum, qui vivente adhuc hærede omnimodo exiturus sit, detrahendum esse, institutionemque pro pura habendam: quæ & communis interpp. sententia est in l. 9. C. h. tit. teste Gomez 1. *resol. 2. n. 11*. Illud aperte falsum est, quod hoc loco scribit Bachovius, tale legatum, Titio, cum morietur, decem do, lego, conditionale esse, contra textus expressos in d. l. *heres meus* 79. de cond. & dem. & in d. l. 4. §. 2. *quand. dies leg. ced.* Singularis casus institutionis ex die incerto est, cum quis instituitur in tempus capiendæ hereditatis, l. *in tempus* 62. h. t. qui tamen casus à doctorebus omnibus restringitur ad eos qui non simpliciter incapaces sunt, sed secundum quid; quales sunt orbi, cælibes; quos procul dubio hæredes institui licet, cum liberos susceperint, cum uxores duxerint. Angelo absurdum non videtur etiam deportatum sic institui, cum restitutus erit. Utique rectè idem Angelus responsum istud Jurisconsulti in d. l. *in tempus*, sic temperandum existimat, ut locum habeat, cum incapax est ex parte instituti duntaxat, non etiam simul ex parte testatoris: nam spurium hoc modo, cum capere poterit, à patre institui non posse. De illo quæsitum est, si, verbi gratia, uxori bonorum omnium usufructus legatus sit, & post mortem ejus Titius hæres institutus, an legatum valeat. Et multis visum est, tale legatum esse inutile; quoniam dies usufructus legati non prius cedit, quam hereditas adita sit, l. un. §. 2. *quand. dies usuf. leg. ced.* l. 2. & 3. *quand. dies legat.* l. un. §. *libertatibus* 6. C. de cad. toll. in proposito autem hereditas adiri nequit, quamdiu uxor vivit, eo quod dies incertus pro conditione est; nec potest confirmari legatum usufructus adita post mortem uxoris hereditate, quia usufructus morte extinguitur. Pluribus tamen visum est valere, quibus assentior. Etenim in casu proposito institutio hæredis conditionalis non est, sed pure in proprietate facta ex mente testatoris intelligi debet, utpote qui legatum purè debere voluit, nec credendus est elegisse viam, per quam dispositio ejus everteretur, contra l. *Gallus* 29. §. 1. de lib. & post. l. 3. de test. mil. Poterit itaque hæres institutus statim hereditatem adire eamque transmittere, quia mortis tempus adjectum non est ad infringendam institutionem, sed ne hæres interim turber uxorem in usufructu. Quid si hæres institutus adire vivente uxore nolit? Posse eam in casu proposito de facto uti & frui Baldus respondit in l. *extraneum* C. hoc tit. sed rursus esset, ut iudicis officium super hoc impleret, vid. Covar. 2. var. *resol. 2. num. 5. Gail. 2. obs. 143. n. 2. Grassi. §. legatum. q. 23. n. 2. Mantica. de conj. ult. vol. lib. 4. tit. 5. num. 22. Io. del. Castill. tract. de usufruct. cap. 7. num. 23. & seq. D. lac. Corin. consil. 15.*

T E X T U S.

De conditione impossibili.

10. Impossibilis conditio in institutionibus & legatis, nec non in fideicommissis, & libertatibus, pro non scripta habetur.

NOTÆ.

10. Impossibilis conditio] Cui similis, quæ quid continet, quod pugnat cum bonis legibus aut moribus, l. 15. & seq. de cond. inst. perplexa tamen, & vitiat institutionem, l. 16. eod.

COMMENTARIUS.

1. Conditionem ἀπὸς, aut difficilem propter personam cui apposta est, qualitatem, &c. pro impossibili non haberi.
2. Vltimas voluntates appositione conditionis impossibilis non vitari; conventiones contra & cur tam variæ.
3. Dispositionem hujus §. auctore Grotio, non convenire moribus nostris.
4. Conditioni impossibili similem esse eam, quæ quid turpe continet, & ideo hanc quoque pro non scripta haberi in ultimis voluntatibus.

Impossibilis conditio est, definitore Justiniano, cui natura impedimento est, quo minus existat; veluti, si digito calum tetigeris, §. *impossibilis inf. de inut. stip.* Sed & quæ facta natura & per se possibilia sunt, possunt casu aut adjectione temporis fieri impossibilia: veluti, exigere pecuniam, monumentum facere, Gadibus Romam pervenire, sunt ἀδύνατα, at exigere pecuniam à se, monumentum post mortem testatoris in triduo proximo facere, biduo Gadibus Romam pervenire, ἀδύνατα. Sive autem per se conditio impossibilis sit, sive propter circumstantiam aliquam, hoc jure utimur, ut sub tali conditione facta institutio non vitietur, sed evanescat conditio, & pro non scripta habeatur, l. 1. l. 6. l. mulier 20. de cond. inst. nisi fortè conditio sit ἀπὸς, sive talis, quæ efficiat, ut ipsa institutio impossibilis, aut potius perplexa atque inexplicabilis sit, ita ut voluntas defuncti exitum reperire nequeat, cujusmodi conditio institutionem vitiat, l. si Titius 16. de cond. inst. Sed & in alia quavis ultima voluntate, puta legato aut fideicommissio conditio impossibilis pro non scripta est, l. 12. §. 1. l. ab omnibus 104. §. 1. de legat. 1. l. §. 4. *quand. dies leg.* generaliter enim quicquid in testamento scriptum impossibile est, placet nullam vim habere, l. si Maria 45. hoc tit. l. 3. de cond. & dem. Planè conditio difficilis huc non pertinet, quantumvis propter personam, cui apposta est, qualitatem aliamve causam videatur impossibilis: sed nisi conditioni pareatur, relictum in testamento non capi-

capitur. Finge libertatem servo relictam hac conditione, si heredi milles dederit. Hic non detrahetur conditio, sed inutilis erit datio libertatis, ut responsum est à Paulo, l. 4. §. 1. de statu lib. Idem juris est, si in tam longum tempus conditio collata sit, ut eo tempore is, cui libertas datur, vivere vix possit; veluti si servo quatuor annos nato libertas detur cum erit annorum centum: de quo vid. Franc. Amaya lib. 1. obs. jur.

2 cap. 11. Alio autem jure utimur in stipulationibus & conventionibus; quippe quæ nullius momenti sunt, & in totum vitiatur appositæ conditione impossibili. §. si impossibilis inf. de inut. stip. l. 7. de verb. obl. l. non solum 31. de obl. & act. ubi etiam diversi juris indicatur ratio; nimium quia manifestum est, eos, qui in contrahendo apponunt aut apponi patiuntur conditionem, quam sciant esse impossibilem, non esse hoc animo, ut se aut alios sibi obligent, sed jocari, ludere, omnino ea cogitatione esse, ut nihil agi existiment. At testatorem in ordinatione supremæ voluntatis, in re tam seriæ & cogitatione mortalitatis, non serio agere & ludere voluisse, quod in speciem impietatis cadit, credendum non est, sed mendum potius ei excidisse, quod favore ultimæ voluntatis corrigitur, & tollitur à lege, ne id hæredi fraudi sit, cui nihil imputari potest, neve alia bene recteque constituta everrantur, 3 arg. l. 1. de cond. inst. D. Grotio videtur hanc interpretationem minus convenire moribus nostris: Nam cum in his regionibus omnem supremam dispositionem interpretemur secundum id, quod propius verò est sensisse testatorem, nobis hujusmodi institutionem potius pro ridicula & nulla habendam esse, ut etiam ipsi Romani in cæteris causis id intellexerunt, dempta ultima voluntate. Impossibili conditioni similis est conditio turpis, quam interpretes vulgo ut speciem impossibili subjiciunt, & appellant impossibilem de jure. Ea est, quæ quid continet, quo pugnet cum pietate, bonis legibus aut moribus. Nam, ut bene & pie Papinianus noster l. filius 15. de cond. inst. Quæ facta ledunt, pietatem, existimationem, veretundiam nostram, & generaliter, quæ contra bonos mores sunt, ea nec facere nos posse credendum est. Et ideo etiam, si quid ejusmodi testamento insertum sit, id perinde ac si quid impossibile adscriptum esset, placet pro non scripto haberi, l. conditiones 14. de cond. inst. veluti, Si ab hostibus patrem suum non redemerit; Si parentibus patronove suo alimenta non præstiterit. Paulus scribit, hujusmodi conditiones remittendas esse, l. 9. d. tit. quod effectus juris eodem recedit: capitur enim semper hæreditas legaturnve perinde, ac si adjectæ non essent. Planè filius, qui in potestate est, sub tali conditione hæres scriptus, testamentum patris infirmat, ac si conditio non esset in ejus potestate, d. l. 15. eod. quod etiam ad cæteros suos hæredes nunc transferendum est, per ea, quæ sub. §. præ. Pacta quoque & stipula-

tiones turpi conditione appositæ nullius momenti sunt, uti juris esse diximus, cum his apponitur conditio impossibilis de facto, l. generaliter 26. l. stipulatio 61. de verb. obl. l. 4. C. de inut. stip.

T E X T U S.

De pluribus conditionibus.

11. Si plures conditiones in institutionibus adscriptæ sunt, siquidem conjunctim, ut puta, Si illud & illud factum fuerit, omnibus parendum est: si separatim, veluti, Si illud, aut illud factum erit, cuilibet conditioni obtemperare satis est.

COMMENTARIUS.

D Ocent nos dialectici, copulatæ orationis partes omnes veras esse oportere, si ea vera esse ponatur: totam autem falsam esse, si vel una pars falsa sit: cui conveniens est, quod hic scribit Justinianus, si plures conditiones conjunctim institutioni adscriptæ sint, omnibus parendum esse, ut scilicet verificetur tota enunciatio; & institutio purificetur, quod & Paulus tradidit l. 5. de const. inst. & Scævola de stipulatione eodem modo conceptra, l. si quis 129. de verb. obl. Ait; omnibus parendum est. Parere, obtemperare dicimur conditioni, quando eam implemus, & propriè hæ enunciantur de ea conditione, quæ posita est in nostra potestate, quam quoties volumus, implere possumus, nonnunquam tamen & ad earum conditionem impletionem referuntur, quæ posite sunt in eventu, ut in l. 2. de cond. & dem & sic quod hic traditur, pluribus conditionibus conjunctim adscriptis, omnibus parendum esse, etiam ad plures condiciones, quæ ex casu pendunt, copulatas pertinere, sciendum est, nec sufficere ad delationem hæreditatis, unam existere aut impleri, sed omnium impletionem expectandam: quippe cum non minus in hanc speciem, quam in præcedentem illam prædictum axioma logicorum quadret, & utique ex æquo conveniat ratio Pauli in d. l. 5. de cond. inst. quod plures condiciones conjunctim scriptæ unius loco habeantur: ideoque merito à reliquis interpretibus notatus est Accursius quod putaverit, ex pluribus conditionibus casualibus conjunctim apposisis sufficere extitisse unam: arg. l. si plures 17. eod. tit. quæ huc non pertinet, sed loquitur de pluribus institutionibus factis sub diversis conditionibus, repetita scilicet ejusdem institutione in diversa parte testamenti, D. Vigl. hic.

Si separatim, cuilibet & c. d. l. 5. de cond. inst. d. l. si quis 129. de verb. obl. & ratio est, quia disjunctiva oratio

oratio unius partē veritate contenta est; unde: regula juris Pontificis; *In alternativis sufficit. alterum adimpleri reg. 70. in 6.* Cujacius legit *cui liber voce divulgata*, id est, cui placeat. Theoph. *ad av. C. de her. Illud*, ad do, ex casu pendentes conditiones omnimodo impleri oportere: quæ autem in potestatem nostram conferuntur, etiam tunc pro impletis haberi, cum per alium stat. quominus impleantur; veluti si quis ita institutus sit: *Si sejam uxorem duxerit, & ea nolit nubere* l. 9. §. *Item si quando*, d. leg. l. jure 24. de cond. & dem. l. in jure 161. de reg. jur. *et ibi doctissime Pet. Fab.*

TEXTUS.

De his, quos nunquam testator vidit.

12. *Si, quos nunquam testator vidit, hæredes institui possunt; veluti si fratris filios peregrinantes, ignorans qui essent, hæredes instituerit. Ignorantia enim testantis inutilem institutionem non facit.*

COMMENTARIUS.

1. Moribus multorum locorum nunc ad substantiam testamenti hæredis institutionem non desiderari, quibusdam in locis ne locum quidem habere.

Etiam qui nobis ignoti sunt, hæredes à nobis institui possunt, modo ne ex alio capite sint incapaces, puta quia peregrini, l. *extraneum C. hoc tit. l. qui jam 46. eod.* Poterat duplex hic esse dubitandi causa, tum quod certum esse debet consilium testatoris, certaque persona institui *Ulp. tit. 22. §. 3.* tum quod eos ferè hæredes instituere soleamus, quorum merita affectionem nostram provocaverunt, l. 9. *pro soc.* Verum enimvero ubi testatoris voluntas in personam aliquam certam destinata est, incertum ejus consilium incertave institui persona dici nequit; licet circa accidentia personæ, puta nomen, faciem, incertitudo sit: & potest quis etiam erga ignotum ita affectus esse, ut optimè ei velit, vel propter sanguinis necessitudinem, ut in

exemplo proposito, vel propter famam virtutis eruditionisve.

Peregrinantes]. Peregrini, non peregrinantes, hæredes institui verantur, l. 1. *C. hoc tit.* Notissima autem est inter hæc duo differentia: peregrini enim civibus opponuntur. Jam vero Romani privato jure constituerunt, ne quisquam qui civis non sit, jus capiendæ hereditatis habeat. Qui autem ex civibus peregrinantur, hoc est, peregre degunt, extra patriam suam in peregrinis regionibus versantur, studiorum fortè aut quæstus gratia, vel ut diversos hominum mores cognoscant, urbesve videant opulentas, cum hi cives esse non desinant, nullatio est, cur non à suis domi hæredes institui possint, licet de facie testatori noti non sint. Cujacius legit *peregrinos* dictione divisa, quomodo in omnibus quoque liberis manuscriptis legi testatur Hotomanhus, quos quidem videre illi contigit: atque, cum ista lectione consentire & Theophilum: quo tamen nomine reprehenditur à Bachovio, quasi lectori imponat, cum etiam Theophilus habeat: *ἢν' ἔλθῃς ἀπόγοντα*. Verum si bona fide agit Bachovius, necesse est, valde oscitanter Theophilum ab eo inspectum esse: quippe cum Theophilus non proponat fratrem ipsum *ἢν' ἔλθῃς ἀπόγοντα* hæredem institutum, sed liberos ex fratre cum peregre ageret, procreatos. Multorum locorum legibus aut moribus nunc ita comparatum est, ut hæredis institutio ad substantiam testamenti non videatur necessaria, quo sensu hodie testamenta appellamus: nam & id testamentum dicitur, in quo relictis tantum legatis nulla hæredis institutio facta est, *Ioan. del. Castello Sotomayor tract. de usufr. c. 60.* Quinetiam secundum quarundam civitatum leges ne locum quidem in testamentis habet hæredis institutio. Sic enim dicunt leges Parisiensium, Aurelianensium, Gandavensium, Contracensium, &c. quod tamen ita passim accipitur, ut si hæres institutus sit, pro legato tantum is habeatur. *D. Gudelin. lib. 2. de jur.*

Nov. c. 5. D. Christin. vol. 1. decis. 247. num. 8.

& decis. 305. num. 17. & seqq.

TITULUS XV.

D. Lib. 28. Tit. 6. C. Lib. 6. Tit. 25. et. 26.

De Vulgari Substitutione.

1. Ratio ordinis: simul quam variè verbum substitutionis à nostris usurpetur.
2. Divisio substitutionis in directam & fideicommissariam; ac utriusque speciei explicatio.
3. Nomine substitutionis simpliciter posito intelligi directam.

Etiam: quæ & perfectius definiuntur.

4. Vulgata divisiones substitutionis notantur: ostenditurque, commodè eam dividi in duo genera duntaxat.
5. Summa eorum, quæ hoc tit. explicantur.

Postquam

Iostquam ea omnia Princeps tradidit, quæ ad testamenta recte ordinanda & hæredum institutionem pertinent, reliquum videbatur, ut protinus disputaret, quibus modis testamenta recte ab initio ordinata postea infirmantur; cæterum cum testatori permissum sit non tantum hæredem testamento instituire, sed etiam in locum deficientis hæredis institui alios hæredes substituere, ut primo gradu deficiente saltem ex secundo hæredem testamentarium habeat, nonnunquam & cum sibi fecit, simul alii testamentum & hæredem facere, hanc partem, quæ substitutiones continet, prisus exequendam putavit. Quid in genere sit substitutio, vix commode una generali definitione explicari potest: utuntur enim ea voce juris auctores non tantum cum loquuntur de institutione secundi hæredis; verum etiam cum de secunda datione legati, l. 6. C. de legat. item cum agunt de fideicommissis tum hæreditatis tum rerum singularium, ut videre est in l. cohæredi 41. §. 1. hoc tit. de vulg. & pup. l. cum proponebatur 64. l. cum pater 77. §. pen. l. Titia 89. §. 2. de legat. 2. l. heredes 57. §. 1. & 2. ad Sen. Treb. l. 14. C. de fideic. l. 6. C. de inst. & subst. Atque hinc vulgo substitutio dividitur in directam & fideicommissariam Directa est, quæ fit verbis directis & civilibus; vel hæredem hæredi substituendo, veluti, *Titius hæres esto: si Titius hæres non erit, Sejus hæres esto*: vel legatarium legatario; veluti, *Titio fundum Cornelianum do, lego: si Titius fundum, quem ei legavi, non ceperit, eundem fundum Sejo do, lego l. ut heredibus 50. de legat. 2.* Nam hæc quoque directa substitutio est, & ideo legatum agnoscante primo legatario evanescit, l. 6. C. de legat. Fideicommissaria est, quæ fit verbis precariis, cum scilicet testator vel hæredem institutum rogat, vel hæreditatem partemve hæreditatis aut rem aliquam alteri restituat; vel legatarium, aut fideicommissarium, ut restituant, quod iis relictum est. Fideicommissariæ substitutionis mentio fit cum alibi, tum in locis istis omnibus, quos modo allegavi; directæ, directis & civilibus verbis factæ in l. 7. l. 15. hoc tit. l. 5. l. 7. C. de impub. & al. subst. l. 14. C. de fideicom. §. pen. inf. de codicill. Neque tamen vendicare velim hanc divisionem ut perfectam; accipiat saltem ut generis *ἁπλῆς*, & eo pertineat, ut varium vocis usum, quem in jure habet, intelligamus. Illud equidem certum est, nomen substitutionis simpliciter positum in usu juris (sive propriè sive per excellentiam) solam denotare substitutionem directam, atque eam, qua hæres hæredi substituitur; unde passim videmus, substitutionem opponi fideicommissis, l. 6. §. Titius 5. ad Sen. Treb. l. tutores 39. §. 3. de adm. tut. l. cum pater 77. §. volo 13. de legat. 2. cum si-

millib. quorum etiam tractatio proprium locum atque hinc satis longè remotum occupavit circa finem hujus libri: in *Pand. lib. 36.* cum de substitutionibus agatur *lib. 28.* Igitur quod ad propositum attinet, si quæretur quid sit substitutio, ea sic licet definitur; Substitutio est secundo vel ulteriore gradu facta institutio: vel brevius & simplicius, est secundi hæredis institutio, l. 1. l. ex facto 43. §. Lucius 12. in fin. hoc tit. Nam omnem substitutum veteres secundum hæredem vocant, licet longa serie substitutio facta sit, & quis tertio vel quarto vel ulteriore etiam gradu locove scriptus reperiatur; habito scilicet respectu non ad ordinem scripturæ, sed successione: & quia omnis substitutus collatus cum eo, cui substituitur, & ex cujus personæ relatione nomen substituti accipit, semper secundus est. Vulgo hæc ratio affertur, quia omnis institutio, quæ fit post primam, & in locum primi hæredis deficientis rectè dicitur secunda, quemadmodum secundæ nuptiæ dicuntur, quæcumque contrahuntur post primas. Species substitutionis alii plures, alii pauciores faciunt Doctores communiter quinque, vulgarem, pupillarem, exemplarem, breviloquam, & compendiosam. Exemplarem vocant substitutionem mente capti: breviloquam, quam alii melius reciprocam, cum hæredes instituti invicem substituantur: compendiosam, quæ verborum hoc compendio, *Quandocumque decesserit* comprehendit plures substitutionum species, plures casus & tempore; veluti si pater ad eum modum substituerit filio impuberi continebitur hic & vulgaris & pupillaris, & si fortè filius mente captus sit, etiam exemplaris; postremo militaris quoque privilegiata, si miles sit, qui substituit. *Gomez. 1. resol. 7. & 8. Grassi. §. substitutio. q. 3. q. 5. 1. & multis seqq. Scharf. in l. 8. C. hoc tit. Ant. Merend. 4. cont. 6.* Duarenus autem ad hunc tit. c. 3. & Soar. ad *Gomez. 1. resol. 3.* ponunt hæc, quatuor, vulgarem, pupillarem, quasi pupillarem, & militarem, rejectis breviloqua & compendiosa, ut modis substituendi, non speciebus substitutionis. Longè rectius nostro quidem judicio *Vigl. Mysf. Hottom. hic. Donell. 6. com. 23.* duas duntaxat species statuunt, vulgarem & pupillarem, ad quarum alterutram formas omnes substituendi referunt, & species revocant. Etenim si genera substitutionum à casuum differentiis distinguenda sunt, plura poni nō debent, quam duo; sicut nec plures sunt casus, in quos fit substitutio, quā hi duo, unus, si institutus hæres non erit, qui casus primus dicitur, & est conditio vulgaris substitutionis, alter, si hæres erit, qui secundus, & proprius pupillaris, l. 4. l. Lucius 45. l. 1. l. 8. C. eod. potestque substitutio exemplaris, quam vocant, *ἀναλόγως* referri ad pupillarem, & commodiore nomine appellari

pellari quasi pupillaris, de qua agitur §. 1. *tit. seq.* Compendiosa & reciproca diversas substituendi formulas denotant, conceptas semper in primum vel secundum aut utrumque casum. Quod autem miles filio puberi vel etiam extraneo in secundum quoque casum directo substituere potest, abnorme atque ex privilegio est: neque ob id necesse est separatam speciem constituere. Cæterum nec hæc ipsa bipartita divisio alia est, quam generis homonymi: quippe sola vulgaris substitutio propriè substitutio est, pupillaris non tam substitutio, quam institutio prima, utpote per quam substitutus non testatori succedit & gradu secundo, sed pupillo & gradu primo tanquam ab ipso primo loco institutus. *Ant. Merend. 4. contr. 6. n. 12. & 13.* Obtinuit tamen ut & hæc diceretur substitutio, quia secundo loco fieri debet post institutum patri hæredem, ut declarat Ulp. l. 2. *in fin. h. t.* sive quia substitutio impuberis pars est & sequela testamenti paterni, §. *liberis 5. tit. seq.* Hæc studiosis juris præmonstrare operæ duxi, ne doctorum scripta adeuntes in vestibulo hærent aut offenderent. Præsenti in titulo agitur de substitutione vulgari, paucis sanè & parce pro materiæ amplitudine & subtilitate. Proponuntur primo formulæ sive modi aliquot vulgariter substituendi; post aliquid aspergitur de effectu, ut sciamus quas in partes, nullis substitutioni adscriptis, substituti vocati intelligantur, & quatenus extendenda substitutio. Dicitur vulgaris à vulgari & usitato substituendi modo, vel quia vulgo & promiscuè omnibus hæredibus à quovis testatore fieri potest. Quid ea sit, jam pene cognitum habemus, mox autem certius intelligetur exposito casu & vi conditionis hujus substitutionis propriæ.

TEXTUS.

De pluribus gradibus hæredum.

Potest autem quis in testamento suo plures gradus hæredum facere; ut puta, Si ille hæres non erit, ille hæres esto. Et deinceps, in quantum velit testator, substituere potest: ut novissimo loco in subsidium vel servum necessarium hæredem instituere possit.

NOTÆ.

Substitutione] Substitutio est secundi vel ulterioris hæredis institutio, l. 1. *hoc tit.* Est autem duplex, una vulgaris, quæ cuivis à quovis testatore fieri potest in hunc casum, si priore gradu institutus hæres non erit: altera pupillaris, quæ à parentibus sit liberis impuberibus, quos in potestate habent, in

potestate habent, in casum contrarium, si filius institutus hæres erit, & intra pubertatem decesserit: ad quam speciem ἀναλόγως referri potest & illa mente capti, de qua §. 1. *tit. seq.* fideicommissariæ substitutiones huc non pertinent: de quib. *inf. tit. 23.*

Novissimo loco in subsidium] Defunctorum inter est, ut habeant successores l. 6. *de interr. in jur. fac.*

COMMENTARIUS.

1. Substitutionem in codicillis factam sustineri in vim fideicommissi.
2. Gradus hæredum non ex scripturæ ordine, sed ex successionis serie, quam testator fecit, aestimari.
3. Conditionem hanc, si hæres non erit, continere & casum impotentia & voluntatis: & an uno horum expresse contineatur & alter.
4. Conditionem, si hæres non erit, diversimodè accipi pro diversa qualitate hæredum & personæ instituti.
5. Summ hæredem, accepto vulgari substituto, ex necessario fieri voluntarium, salva tamen qualitate sui hæredis.
6. Substitutionem vulgarem in suo hærede non operari in casum impotentia, sed voluntatis & abstinentia.

IN testamento] Rectè in testamento, ut & Marcian. l. *potest. 36. cod.* unde hæc descripta: nam in codicillis ut institui hæres non potest, ita nec substitui; siquidem & substitutio institutio est, & utroque modo hæreditas directo datur; quod in codicillis non licet, §. *pen. inf. de codicill. l. quod per manus de jur. cod.* Sciendum tamen est, etsi substitutio in codicillis facta non valeat jure directo, benigna tamen interpretatione sustineri in vim fideicommissi, quasi hæredes legitimi rogati videantur hæreditatem substituto restituere. Sententia communis & usu recepta non Doctorum tantum auctoritate, verum etiam legum, l. *Scævola 76. ad Sen. Treb. l. illud 13. §. 1. de jur. Cod. l. ult. §. 1. C. cod.* Atque hanc tandem etiam, cum in contrarium multa disputasset, amplectitur D. Viglius; & pro axiomate quodam esse jubet, multarum questionum arbitrio.

Plures gradus hæredum] Hoc est, plures hæredum ordines, ut alii scribantur primo, alii secundo, alii loco tertio, & ita deinceps, l. 2. §. *desertur 4. de bon. poss. sec. tab.* In qua dinumeratione non scripturæ ordo, sed successionis spectari debet: ut ecce, in hac formula, *Titius hæres esto; si Sejus hæres non erit. Sejus hæres esto.* Sejus, qui ordine scripturæ secundus est, gradu & ordine delatæ hæreditatis est primus, Titius secundus, ac proinde substitutus, l. *si ita 28. de her. inst. l. 2. §. pen. & ult. hoc tit.* Nec vero etiam, si hæres uno eodemque gradu habentur, & ideo si

mul ad successionem ex testamento admittuntur, quemadmodum ad successionem ab intestato vocantur omnes, qui eodem gradu cognitionis sunt. Ubi autem gradus à testatore facti sunt, cum scripti impediuntur simul hæredes esse, *l. cum in testamento 37. de her. instit.* nec substituto locus est, quamdiu admitti potest prior hæres institutus, *l. 3. quamdiu 69. de acqu. her.* idque omnino postulat ordo graduum pro effectu erga hæredes à testatore descriptus, apud quem ut priore amoris gradu institutos esse apparet, quam substitutos, ita dubium non est, quin ad illos malit, quam ad hos hæreditatem suam pervenire.

Si hæres non erit] Hic casus primus dicitur, & est conditio vulgaris substitutionis propria. Non semper autem hic casus plena ratione exprimitur, ut fit hoc loco; sed sæpe uno verbo substituendi significatur, ut si testator ita dicat, *Titio Marium substitutus*; aut pluribus institutis ita: *eosque invicem substitutos*. Casus autem iste, *Si hæres non erit*, generalis est, continens in se & casum voluntatis, ut loquuntur, *si hæres esse nolit*; & impotentiae, *si non poterit hæres esse fac.* *l. si quis 56. sol. matrim.* Uterque casus speciatim exprimitur *l. 3. C. de her. instit.* Sub casu impotentiae iterum sunt inferiores & veluti species infimæ, veluti, *si mortuus sit, si deportatus*. Quorum omnium cum sit diversa ratio, non facile admittendum est, quod ex communi Dd. sententia Gomez. 1. var. resol. 3. n. 10. refert & probat, uno casu speciali expresso, aut voluntatis duntaxat, aut impotentiae, alterum interpretatione supplendum esse; & perinde habendum ac si uterque expressus esset: & manifestè obstat huic sententiæ *l. 10. de lib. & post.* Sanè non dixerim, cum, qui expressè & specialiter substitutus est in casum deportationis hæredis instituti, intelligi debere etiam substitutum in casum mortis. Quod autem in institutione nepotis Aquiliani casus mortis per interpretationem producit ad casum deportationis & similium, mirum non est: quoniam omnium ex sententiâ Galli eadem ratio est, *l. Gallus 29. §. & quid. 5. d. tit.* Idemque responderi potest de substitutione facta impuberi filio, in qua placet casum primum seu vulgarem expressum extendi etiam ad alterum seu pupillarem non expressum; & contra: nimirum sumptum hoc ex conjectura voluntatis, ut pluribus docebimus *tit. seq.* quanquam non tam prudentium interpretatio hoc jus introduxit, quam specialis constitutio D. Marci *l. 4. hoc tit. add. Cujac. ad d. l. 10. de lib. & post. Duar. c. 9. hoc tit.* Porro conditio hæc, *Si hæres non erit*, pro diversa qualitate hæredum personæque instituti & ipsa diversimodè accipitur. In extraneo hærede, qui sui juris sit, hoc significat, si neque sibi hæreditatem acquisierit, neque alium, mutata conditione hæredem fecerit, In ejusdem

qualitatis hærede, qui alieno juri subjectus est, eodem sermone hoc significatur, si neque ipse hæres erit, neque hæreditatem ei, cujus in potestate est, acquisierit, *§. ult. inf. eod.* ubi hac de re latius atque expresso. In suo hærede eadem formula hoc significat, si se paterna hæreditate abstinerit, si cum effectu hæres non extiterit, eo quod se bonis paternis immiscere noluerit. Nam etsi suus hæres ipso jure hæres existit, & ideo non esse sine hærede dicitur, qui suum hæredem, licet se abstinentem, habet, *l. cum quasi 30. §. sed & si 10. de fideic. libert.* cujus rei notabilis effectus indicatur in specie *l. ult. de acqu. her.* tamen cum de excludendo substituto quaeritur, & vi atque interpretatione horum verborum, *Si filius mihi hæres non erit*, ex voluntate substituents, quam jus civile, hinc sequitur & approbat, non nuda ista existentia, sed immixto filii cum adicione hæredis extranei comparanda est: alioqui ne substitui quidem filio in istum casum posset: nam si nullo modo efficere filius potest, ut non sit hæres, frustra ei substitutus datur in eum casum, quo hæres non sit, quo procul dubio continetur etiam casus voluntatis. Ac dicendum omnino videtur suum hæredem, qui in vulgarem casum substitutum accepit, ex necessario hærede fieri voluntarium, & id quidem ex ratione ipsius juris civilis, quo scilicet patri permissum necessitatem istam, ut in suum solius favorem introductam remittere, & quam etiam tacite remisisse intelligatur, dato filio in vulgarem casum substituto, ut quod alias filius non habuisset, nisi jure prætorio, abstinendi nimirum licentiam, id nunc habeat jure proprio acceptum à patre, ac proinde ex jure civili: per *l. 12. de cond. inst. l. jam dubitari 86. de her. inst.* Doctores vulgo contendunt, per vulgarem substitutionem in totam tolli jus suitatis, arg. *d. l. 12. & l. 16. de lib. & post. Grass. §. substitutio. quest. 9. num. 3.* sed hoc nullo modo admitti potest: alioqui nec in pupillari substitutione expressa unquam inesse posset vulgaris, nec in vulgari pupillaris; & transmissio, quæ solius suitatis ante legem Theodosii effectus erat, per vulgarem substitutionem eo tempore fuisse impedita: quæ omnia falsa sunt, priora duo manifestè, tertium arg. *l. un. §. 5. & §. cum autem 13. Cod. de cad. toll.* ubi Justinianus demum substitutum vult admitti, cum desunt personæ, quæ hæreditatem non aditam transmittunt ex lege Theodosii, quæ unica est substit. *Cod. de his qui ante ap. tab. hæred. transp.* Nimirum jus transmittendi, quod soli antea sui hæredes & simpliciter habebant, etiam in casu substituti extendens ad personas d. lege Theodosii comprehensas. Et vero quod omnino considerandum, in persona sui hæredis duæ hæ sunt qualitates diversæ, necessarium esse & suum esse, quarum hac falsa, aut saltem vulnerata tantum, illa tolli potest, uti factum vide-

mus edicto prætoris, quo manente fuitate data est abstinendi potestas. Concludendum ergo, substitutionem vulgarem in suo hærede non operari in casum & speciem impotentiae, sed in casum voluntatis & abstinentiae duntaxat; utique si filius patri superstes fuerit: nam si is vivo adhuc patre decesserit, nullis liberis relictis, qui quasi agnascendo testamentum rumpant; dubium non est, quin substitutioni locus sit. *Zaf. tract. subst. cap. 1. in quarto effect. Gomez. 1. ref. 3. n. 15. 16. & 24. Bachov. in Trentl. vol. 2. disp. 11. thes. 7. Christin. vol. 4. decis. 16. num. 4. D. 10. à Sande lib. 4. tit. 3.* Illud quoque mihi planè persvadeo, abstinente filio suo hærede, substitutum hæredem fieri jure civili, hoc est, directo ex substitutione venire, & hæreditatem adire posse ex vi formulæ, *Si filius mihi hæres non erit, Sempronius hæres esto*: quamvis hoc non placet Anton. Fabro, qui substitutum non ipso jure hæredem fieri, sed à prætore tantum ad bona admitti contendit, *decad. 32. err. 7.*

Novissimo loco servum necessarium] Qui omnino legitimas successiones impedire atque in omnem casum sibi vult prospicere, ne intestati exitum faciat, is poterit in defectum priorum servum suum postremo loco instituere hæredem necessarium: quod illi quoque facere solent, quibus facultates suæ suspectæ sunt, ut auctionis infamiam, quam metuunt deficientibus voluntariis hæredibus modis omnibus à se avertant, & quod in alios non potuerunt, in servos tandem transferant, §. 1. *inf. de hered. qual.* Quid si servus non loco novissimo, sed intermedio substitutus sit, aut ipsi primo instituto substitutus datus? Putarem contra Viglium cum Jo. Fabro. defendi posse, dominum videri servo remisisse adeundi necessitatem dando ei substitutum in eum casum, quo hæres non esset; utique si substitutus hæreditatem adire paratus sit, *arg. l. 12. de cond. inst.*

TEXTUS.

De numero hæredum in singulis gradibus.

1. *Et plures in unius locum possunt substitui, vel unus in plurium, vel singuli in singulorum, vel invicem ipsi, qui hæres instituti sunt.*

COMMENTARIUS.

Complures sunt formæ substituendi. Substituuntur vel extranei, vel ipsi hæres instituti. Prior species variatur quatuor modis: nam & singuli singulis, & plures pluribus, & plures uni, & pluribus unus substitui potest. Secundus modus, hoc loco, & apud Marcianum, *l. potest 36. §. 1. ead.* omisus est, fortè de industria, quia eadem illius,

quæ primi, ratio est. Illud autem in his omnibus tenendum, ut substitutis locus fiat, necesse esse, ut antea primo gradu instituti defecerint, quocunque casu ex superioribus modis substitutio facta proponatur: hoc enim perpetuo exigit natura & ratio substitutionis, adeo ut nulla etiam videatur esse causâ dubitandi, ne in postremo quidem casu, ubi unus pluribus substitutus sit: Nam qui ita loquitur, *Ostavius & Nonius hæreses sunt, si non erunt, Decius esto*: is utique apertè significat, se velle, institutos & ambos & singulos substituto præferri, atque hunc non aliter admitti, quam si neuter illorum hæres fuerit; quod ipsum discrete quoque traditum est *l. 4. C. de impub. & al. subst.* Quare vix est, ut credam, apud veteres juris auctores de eo dubitatum fuisse, quamvis id persvasum fuerit Justiniano, *l. pen. C. d. tit.*

Vel invicem ipsi] *L. cum in testamento 37. §. 1. de her. inst.* Hæc est substitutio, quam Modestinus reciprocam vocat, *l. 4. §. 1. hoc tit.* Papinianus mutuam, *l. cum proponebatur 64. de legat. 2.* exemplum extat apud Suetonium in Tiberio, *cult.* Doctores vulgo appellant breviloquam, vocabulo non satis rei conveniente: neque enim ex verborum brevitate aestimatur, sed ex reciprocatione formulæ, quam nihil prohibet longiore oratione concipere, ut fecit Theophilus, & notavit D. Viglius, Modus autem substituendi est, non species substitutionis, ut superius diximus & pupillari quoque convenit, *del. 4. §. 1. hoc tit.*

TEXTUS.

Quam partem singuli substituti accipiant, si partes in substitutione expressæ non sint.

2. *Et si ex disparibus partibus hæreses scriptos invicem substituerit, & nullam mentionem partium in substitutione habuerit, eas videtur in substitutione partes dedisse, quas in institutione expressit: & ita divus Pius rescripsit.*

NOTÆ.

2. *Ex disparibus partibus*] Species: *Ostavius ex uncia hæres esto, Nonius ex besse, Decius ex quadrante; eosque invicem substituto.* Hic repudiante Decio dividetur quadrans in novem partes, ex quibus octo feret Nonius, unam Ostavius, *l. 24. eod.* Male exemplum posuit Theoph. in duobus hæredibus invicem substitutis: verum tamen est quod dicit, & malè carpitur à Pac.

D. Pius rescripsit] *l. 1. C. eod.* congruunt *l. 5. & d. l. 24. D. eod.*

COMMENTARIUS.

1. *Heredes ex imparibus partibus institutos, atque invicem simpliciter substitutos, ex substitutione in partes hereditarias vocatos intelligi: & quomodo hac regula temperanda, n. 2.*

Pluribus hæredibus etiam ex certis partibus institutis, si unus simpliciter substitutus fuerit, hic illis deficientibus totum assem ex substitutione feret: si plures pluribus eodem modo substituti, singuli ex partibus æqualibus hæredes erunt, licet inæquales adscripæ sint institutis, quippe cum hic discerni non possit, quis cui institutus sit. At si singuli singulis, tum eam quicquid partem habebit, quæ adscripæ primo, cui substitutus est. Dubiū quoque non habet, si testator hæredes institutos mutuo substituens in substitutione easdem partes nominatim servari voluit quas in institutione expressit, aut si alias partes in substitutione fecit, quia voluntas servanda sit. Sed hoc quæsitum est in substitutione reciproca, si testator heredes ex imparibus partibus institutos invicem simpliciter substituerit, hoc est, nullarum in substitutione partium mentione facta, utrum in partes viriles, an in hereditarias ex substitutione vocati intelligi debeant. Et D. Pius voluntatem testatoris in hac substitutione sic interpretatus est, ut videatur testator eos vocasse in portiones hereditarias, hoc est, ex iisdem partibus substituisse, ex quibus institui sunt, l. 5. l. si plures 24. hoc tit. l. 1. C. eod. & hoc text. Optima sane ratione: nec enim verisimile est testatorem plures eos necesse in gradu secundo, quam in primo, cum substitueret, quam cum institueret: ut proinde partes, quæ in institutione expressæ sunt, repetitæ videri debeant in substitutione: qua eadem ratione etiam legata ab institutis relicta à substitutis repetita esse intelliguntur, l. licet Imp. 74. de legat. 1. & clausula quoque siue conditio in institutione apposita in substitutione repetita, utique si eadem sit, aut par utrobique ratio, arg. l. 14. de legat. 1. l. 1. C. de impub. & al. sub. Ant. Fab. C. suo, tit. 7. defin. 3. Christin. vol. 4. decis. 13. n. 7.

Invicem substituerit] In duobus heredibus invicem substitutis huic quæstioni locus esse non potest: siquidem uno ex duobus deficiente alterum semper, quod reliquum est, habere oportet, & in solidum heredem fieri. Sed minimum tres institutos eosque invicem substitutos ponamus necesse est; verbi causa, uti Ulpianus speciem proponit, d. l. 24. hoc tit. si unus ex uncia, secundus ex besse, tertius ex quadrante sit institutus, repudiante tertio in novem partes dividetur quadrans, feretque octo partes qui ex besse institutus est, unam partem, qui scriptus ex uncia. Manifestum igitur est, male omnino Theo-

philum hunc locum interpretatum esse, cum in duobus institutis invicemque substitutis exemplum posuit.

Quas in institutione expressit] Ulp. d. l. 24. hoc sic 2 temperat, nisi alia mens fuerit testatoris. Quibus verbis interpretes denotari & excipi putant etiam casum, quo non simpliciter & tribus verbis omnes invicem substituuntur, aut quidam sub appellatione heredum alicui ex coheredibus, puta hoc modo, *Si Titius heres non erit, quisque erit. ex parte quoque Titii esto: aut, Ceteri quos primo loco scripsi, sunt*: sed repetitis in substitutione propriis singulorum nominibus, veluti hoc modo, *Titius ex quincunce, Mævius ex triente, Sempronius ex quadrante heredes sunt. Si Titius heres non erit, Mævius & Sempronius ex parte quoque Titii heredes sunt*. Hic secundum communem sententiam Mævius & Sempronius in portione deficientis Titii viriles, hoc est, æquales, non hereditarias partes habebunt; idque ex non obscura voluntate testatoris, qui in substitutione propria cujusque nomina repetens; jam non ad partes in institutione datas, sed ad personas & numerum substitutorum substitutionem regulasse dicendus sit, arg. l. nonnunquam 24. ad sen. Treb. l. si heredes 124. de legat. 1. l. si communis 17. de stip. serv. Atque hanc sententiam etiam D. Viglius probat, ac præceptorum suo D. Francisco Curtio, cui ea discipulebat, propterea quod Jurisconsultus in d. l. 24. hoc tit. requirit voluntatem evidenter expressam, respondet, expressionem propriorum nominum ex interpretatione prudentum vim expressæ voluntatis in huiusmodi quæstionibus habere. Idem probandum est si testator æquale onus substitutis imposuit, per l. quotiens 23. ad sen. Treb. Gloss. in l. 1. C. de imp. & al. sub. Gomez. 1. resq. ne. 20. D. Talden. comm. hic. c. 2. Christin. vol. 4. decis. 13. n. 7.

TEXTUS.

Si cohæredi substituto alius substituitur.

3. *Sed si instituto heredi, cohærede substituto dato, alius ei substitutus fuerit; divi Severus & Antoninus sine distinctione rescripserunt, ad utramque partem substitutum admittere.*

NOTÆ.

3. *Sed si instituto heredi*] Species: Primus & secundus heredes sunt: Si P. heres non erit, S. heres esto: si S. heres non erit, Tertius heres esto; verius est, in utramque partem hic Tertium substitutum esse, l. 27. l. 41. eod. ex quo iure hæc regula fiat; Substitutus substituto intelligitur etiam substitutus instituto.

Sine distinctione] Id est, sine distinctione mortis & scripturæ, ut nihil intersit, prior substitutus post institutum, an ante decesserit; nihil quoque utrum ante primam substitutionem secunda facta sit, an postea hoc modo: *Primus & Secundus heredes sunt: si Secundus heres non erit, Tertius heres esto. Si Primus heres non erit, Secundus heres esto, l. 41. pr. eod.*

COMMENTARIUS.

1. *An in specie hic proposita utraque pars defecta jure substituitur, ad secundum substitutum pertinet.*

2. *Scævola cum Papiniano conciliatus.*

SI paterfamilias Titio & Mævio hæredibus instituit, Titium Mævio sine reciprocatione substituerit, & Titio Sempronium, certum est, deficientis Titii partem non accrescere Mævio cohæredi Titii, sed ad Sempronium, jure substitutionis pertinere: quippe cum verba illa, *Si Titius heres non erit, generalia* sint; & utrumque casum complectantur, si hæres non erit ex institutione, si non erit ex substitutione. Cæterum hæc species huc non pertinet. Et male Hotomannus tali exemplo usus est ad hujus loci declarationem. Hic enim non tantum quaeritur de parte ejus, qui cohæredi suo substitutus alium substitutum accepit, sed etiam de parte cohæredis, cui ille alius expressè substitutus non est, & nimirum si uterque defecerit, an pars utriusque ad illum unitantum substitutum jure substitutionis pertineat. Quod hic affirmatur, & in *l. si Titius 27. l. cohæredi 41. in pr. hoc tit.* Ex hoc igitur jure hæc regula fiat; *Substitutus substituto intelligitur etiam substitutus instituto.*

Sine distinctione ad utramque partem] Si scilicet neuter hæres extiterit. Videamus primum de partibus: deinde explicabimus, quid illud sit, quod ait, sine distinctione. De partibus dubitari poterat, non an ambæ ad substitutum pertineant, sed an pertineant jure substitutionis, tanquam ad substitutum utriusque. Nam si verbi causa Mævius, cui Titius cohæres & substitutus datus est, ante Titium defecerit, Sempronius Titio substitutus deficiente deinde Titio; ad utramque quidem partem sine dubio admittitur, sed idè ad partem quoque Mævii dixerit aliquis, non quod huic quoque substitutus intelligatur; sed quia vel deficientis Mævii pars Titio cohæredi, cui Sempronius substitutus, jam prius accrevit; vel quia nunc ipsi accrescit Sempronio. Verum prius illud nullo modo dici potest, quia deficientium portiones non accrescunt aliis, quam qui ex sua parte hæredes extiterunt; *l. un. §. his ita 10. C. de cad. toll.* unde portio portioni accrescere dicitur instar alluvionis, *l. si Titio 3. in fin. de usufruct.* Quod si Titium hæredem extitisse ponimus, expiravit substitutio, *l. §. C. de impub. & al. subst.* Posterius teste Viglio visum est non

nullis veterum interpretum, ut Dyno, Jo. Fabro, atque ex recentioribus Lancelloto Polito, qui, etsi dicatur Sempronius in utramque partem in specie proposita substitutus, neutiquam tamen dici posse contendit, revera substitutum esse Mævio. Sed meritò Dd. communiter, quos & Viglius sequitur, hoc improbant. Quæ enim potest esse dubitanda ratio, si dicamus, partem Mævii accrescere Sempronio, cui etiam accresceret, etsi Titius Mævio substitutus non esset? Et igitur aut frustra & ineptè talis casus proponitur, quo Titius cohæredi substitutus est, aut hoc operabitur substitutio Titii, ut Titio substitutus etiam ei, cui Titius substitutus est, tacitè substitutus esse intelligi debeat. Arque hoc ipsum satis apertè docet hoc loco Justinianus, cum ait, substitutum ad utramque partem admitti; admitti videlicet eodem jure atque ex substitutione, de qua sola hic disputatur, & quia, ut disertè ait Jurisconsultus in *d. l. 27 hoc tit.* in utramque partem substitutus intelligitur. Sed quid refert, ex substitutione, an jure accrescendi dicamus portionem etiam Mævii Sempronio deferri? Nihil quidem admodum in casu proposito. Sed finge, præter Titium & Mævium, Cajum quoque hæredum institutum, hic jam Sempronio proderit jure substitutionis deferri portionem Mævii, ut excludat Cajum, quem non excluderet in jure accrescendi. Illud non animadverto, quomodo huc applicari possit, quod præterea Bachovius notat, jus accrescendi sequi hæredem ejus, qui portionem suam agnovit, quantumvis ante decesserit, quam ipsi quicquam accresceret; substitutionem autem ad hæredem non transmitti, *l. 9. de suis & leg. l. totiens 81. de acq. her.* Quid autem illud est, quod ait Imp. *sine distinctione admitti*? Nimirum hoc explicandum ex responso Papiniani, *l. cohæredi 41. in pr. hoc tit.* Primum nihil interesse ratione ordinis scripturæ, utrum ante primam substitutionem secunda facta sit, an postea, veluti in hoc exemplo, *Titius & Mævius heredes sunt; si Titius non erit, Sempronius esto; si Mævius non erit, Titius esto.* Secundo nihil interesse, utrum prior substitutus post institutum, an ante decesserit. Sed hic Papiniano objicitur Scævola *l. qui habebat 47. eod.* Species, quam ibi Scævola proponit, est hujusmodi; Qui filium & filiam impuberes habebat, instituto filio hærede filiam exhæredavit; & si filius intra pubertatem decesserit, filiam eidem substituit; filiae, si antequam nuberet, decessisset, uxorem suam, item sororem. Et respondet, si filia impubes prior decesserit, deinde frater ejus impubes, hereditatem filii ad uxorem & sororem testatoris jure substitutionis non pertinere. Accursius, quem bona pars DD. sequitur, ait, Scævolum sic respondisse, quia in casu illic proposito secunda substitutio jam extincta erat pubertate filiae: sic enim ille lo-

Et locum legē: *cum filia pūbes prior decesserit*. Et quia sciebat, apud alios legi *impubes*, (quomodo textus quoque Pisanus & Noricus habent) notat, olim *impubes*, nunc *pūbes*. Sed in tali casu non debebat Jurisconsultus distinguere, cum nec, sit post institutum substitutus jam pūbes & heres factus decesserit, ex secunda substitutione quisquam admitti possit. Bachovius putat, in pupillari substitutione diversum jus esse, aut saltem in specie d. l. 47. ubi pupillo non coheres substituitur, sed filia exheredata, eandem voluntatis interpretationem non admitti, ut scilicet substituti substitutionē videantur etiam substituti instituto. Atqui idem adhuc dicendum videtur favore pupilli, ad cuius utilitatem pertinere creditur, ut substitutum habeat; l. *Julianus* 42. de acq. her. Deinde si in pupillari substitutione alio jure utebantur cur non simpliciter Jurisconsultus responderet, hereditatem instituti jure substitutionis ex secunda substitutione non deferri? Nisi compositorum socordiae adscribendum, quod responsum Scævola in Pandectas retulerint, cum rescripto Imp. Severi & Antonini distinctio illa, qua Scævola utitur, sublatā esset, mallet cum Viglio dicere, Imperatorum rescriptum loqui de duabus partibus unius hereditatis, Scævolam respondisse de duabus hereditatibus, ad quas rescriptum istud temere producendum non sit, sed in quibus vetus distinctio adhuc obtineat, utrum prior substitutus ante, an post institutum decesserit,

T E X T U S.

Si quis servo, qui liber existimatur, instituto substitutus fuerit.

4. Si servum alienum quis patremfamilias arbitratus heredem scripserit, & si heres non esset, Mævium ei substituerit; & si servus jussu domini adierit hereditatem, Mævius substitutus in partem admittitur. Illa enim verba, Si hæres non erit, in eo quidem, quem alieno juri subiectum esse testator scit, sic accipiuntur, Si neque ipse hæres erit, neque alium heredem effecerit: in eo verò, quem patremfamilias arbitratur, illud significant, si hereditatem sibi, vel ei, cuius juri postea subiectus esse cœperit, non adquisierit. Idque Tiberius Cæsar in persona Parthenii servi sui constituit.

N O T E.

4. In partem admittitur] Th. τὸ ἡμισυ λαμβάνει, recte: pars enim ἐπὶ πλῶς posita dimidiam significat, l. 43. de usurf. l. 164. §. 1. de verb. sign. In specie d. l. 40. Sempronius cōheres servo substitutus fuit: & ideo unum semissem Sempronius habet ex institutione, alter semis inter eum & dominum servi institui dividitur, add. quæ ibi not. Gothofr.

Subiectum esse testator scit] Et hoc casu in totum excluderetur substitutus, l. 7. de acq. her. sed in proposito propter falsam opinionem & incertitudinem voluntatis testatoris, media via electa est, ut alias sæpe.

Tiberius cæsar.] Pompom. l. 41. de her. inst.

C O M M E N T A R I U S.

1. Si filiusfam. heres institutus sit, eique, si heres non esset, substitutus datus, utrum repudiante filio pater, an substitutus admittendus.
2. Pleraque alia questiones, quæ hic tractu soliti, obiter excussa & definitæ
3. Vtrum in casu hic proposito inter dominum instituti & substitutum hereditas ex æquo dividenda, an sic, ut ille dodrantem, hic quadrantem duntaxat ferat.

IN explicatione pr. hujus tit. diximus, hæc verba, Si heres non erit, in persona patrisfam. significare, si nec ipse heres erit, nec alium heredem mutata postea conditione fecerit. In eo, qui alieno juri subiectus est, eodem sermone hoc significari, si vel ipse heres non erit, vel ei cuius juri subiectus est, hereditatem non adquisierit. Et igitur si paterfam. heres institutus in eum casum substitutum accepit, Si heres non erit, isque vel in eodem statu manens sibi hereditatem adquisierit, vel mutata ante testatoris mortem conditione, servus aut filiusfam. factus, dominum aut patrem heredem fecerit, in solidum excludetur substitutus. Similiter si servus aut filiusfam. heredes instituti, & in casum, quo heredes non erunt, substitutum acceperint, & aut ipsi mutata conditione ante mortem testatoris sibi hereditatem adquisierint, aut in eo statu manentes dominum aut patrem heredes fecerint, substitutus item in totum repellitur, l. si paterfam. 40. de her. inst. l. 7. de acq. her. l. 5. C. de imp. & al. subst. & hoc text. Cæterum hoc ita, si testator non ignorabat, eum, quem heredem instituit, in aliena esse potestate, nam si patremfam. esse putabat, qui servus alienus erat, hic propter falsam opinionem & incertitudinem voluntatis testatoris media via electa est, ut substitutus cum domino servi in partem admittatur, d. l. 40. & seq. de her. inst. & hoc §. Nam ex ratione juris dominus solus admittendus videbatur,

cum magis sequendum id, quod in veritate est, quam quod in opinione. Pro substituto autem facit præsumpta voluntas testatoris, qui non videtur domino consulere voluisse, cum heredem instituens, quem ignorabat dominum habere. Quæsitum est, si filiosfam. heres institutus, eique hac conditione, si heres non foret, substitutus datus sit, utrum repudiante filio pater, an substitutus admittendus. Duarenus in *comm. ad hunc tit. cap. 10.* pro parte respondet: Viglius ad *hunc §.* pro substituto. Ego cum Viglio censeo, substitutum patri præferendum, quippe cum ille ex manifestum iudicio testatoris veniat, hic non item: tum etiam, quia repudiante filio existit conditio substitutionis, qui in extraneo herede instituto, qui alieno juri subiectus est, hunc sensum habet, si neque ipse heres erit, neque eum, cuius in potestate est, heredem fecerit, quorum neutrum sit in proposito, *l. 3. C. de her. inst.* Ad hæc si coheres filio datus repudiante filio patrem excludit, quanto magis substitutus: constat enim, jus substitutionis potentius esse jure accrescendi, *l. 2. §. si duo 8. de bon. poss. sec. tab.* In contrarium movetur Duarenus his rationibus. Primum quia Justinianus *l. ult. §. 2. C. de bon. qua lib.* filio repudiante jus adeundi patri concedit, perinde ac si ipse institutus esset. Sed respondemus, constitutionem istam, ut exorbitantem, cancellis suis continendam, neque extendendam esse in præjudicium ejus, qui venit ex testatoris ex presso iudicio, substituti videlicet: quem utique magis testator dilexit, quam patrem cujus contemplatione institutio facta non præsumitur, sed amore filii duntaxat. Conservare quodammodo voluntatem defuncti voluit Justinianus, non evertere: & vulgatum est, provisionem hominis facere, ut cesset provisio legis: adeoque non dubito, quin et si coheres filio pater datus esset, nihilominus tamen filio repudiante à substituto excluderetur, *d. l. 2. §. si duo, sec. tab.* Aliud argumentum ducit Duar., à conditione substitutionis, quam putat non minus repudiante, quam adeunte filio deficere, propterea quod repudiatione sua patrem heredem faciat, *arg. d. l. ult. §. 2. C. de bon. qua lib. junct. d. l. si paterfam. de her. inst. et hoc nostro §.* Verum in hoc manifeste erat: nam et si per occasionem repudiationis filii pater hoc consequitur, ut ipse hereditatem filio delatam adire possit; non tamen hoc consequitur per filium, sed beneficio legis, quod cessare debet. ubi testator ipse alium heredem sufficit. Per filium ergo, qui repudiavit, pater heres non fit, sed sua ipsius aditione, ex persona propria vi constitutionis Justinianæ, quæ eum habet pro instituto, ubi scilicet alius à testatore non vocatur: nam voluntatem testatoris modis omnibus sartam ac rectam leges omnes conservant. Non aliter autem dominus aut pater per servum aut fili-

um heredes existere possunt, aut hi illos heredes facere, quam adeundo: repudiando autem nequaquam, *l. 7. de acq. her. l. 3. C. de her. inst. et hoc text. & alioqui etiam quis heres institutus hereditatem recusans, adire dici posset eos, qui ab intestato veniunt, heredes facere, & coheres coheredem; atque ita fieret, ut tere semper excluderetur substitutus, contra manifestam voluntatem testatoris. Nec movere debet quod Ulpian. respondet, filium repudiando patri non nocere, *l. 13. §. 3. de acq. her.* Hoc enim non eam sententiam habet, filio repudiante patrem nihilominus per eum heredem fieri: repudiationem filii non obstat, quominus filius jubente postea patre adhuc adeat. Postremo hoc modo argumentatur Duarenus; Si pater & filius una eademque persona censetur, *l. ult. C. de imp. et al. subst.* nihil referre debet, utrum filius ipse heres institutus, an pater hereditatem adeat. Sed non animadvertit, hoc argumentum in se retroqui posse, hoc modo; Si pater & filius una persona censetur, filio per repudiationem ab hereditate remoto, etiam pater ejus remotus intelligi debet. Verum hujusmodi fictionibus juris non est abutendum ad everrendas voluntates defunctorum, quæ in testamentis totum faciunt, *l. ex facto 35. §. rerum. de her. inst.* Ita cum Viglio sentiunt & Salicet. in *d. l. ult. C. de bon. qua lib. Pol. de vulg. subst. Fachin. 4. cont. 63. Ant. Fab. decif. 33. err. 7. Don. 6. c. 24. Babov. in Trentl. vol. 2. disp. 11. thes. 7. dissentiunt cum Duareno Barr. in l. 1. hoc tit. Gloss. Cyn. Castr. ind. l. ult. Merend. 4. cont. 8. Grass. §. substitutio, quest. 9. num. 4. Solent & aliæ quæstiones hoc loco agitari, quas obiter excutiemus; nam instituri ratio non patitur, ut singula exequamur accuratè. Prima est, utrum indigno aliquo herede instituto, eique substituto dato in casum, quo heres non erit, fiscus potior sit, an substitutus, hoc est, utrum in proposito fiscus hereditatem indigno auferat, an locus sit substituto. Ego cum Duar. *d. cap. 10. et DD. comm. Grass. d. quest. 9. n. 8.* pro fisco contra substitutum responderem, per text. in *l. cum quidem 12. & jus regulare t. tit. de his que ut indign. neque poena instituti heredis debet esse præmiun substituti, ut generaliter definit Papinian. l. si sequens 15. de senat. Silan.* Non idem juris est in institutione plane incapacis, puta deportati: nam talis institutio cum pro non scripta habeatur, *l. 1. C. de her. inst.* testamentum à substitutione exordium capiet, *arg. l. 3. §. ult. de lib. et post.* Alia quæstio est, uter præferendus, substitutus ne, an is, in quem extra causam substitutionis hereditas non adira transmittitur. Jure veteri, sui heredes potestate nudæ existentie hereditatem transmittebant in heredes quoscuque, *l. 3. C. de jur. del. l. 8. C. de sui et leg. her.* Ex constitutione Theodosii liberi omnes delatam sibi à parentibus**

tibus hereditatem transmittunt ad descendentes suos, *l. un. C. de his qui ant. apert. tab.* Est item & tertium genus transmissariorum, in quos non hereditas, sed jus deliberandi transfertur ex lege Justiniani, *l. cum in antiquioribus 19. Cod. de jur. del.* Pro triplici ergo hæc transmissariorum differentia primo quaeritur, si suus heres, qui in casum, quo heres non foret, substitutum accepit, antequam se bonis paternis immiscuisset aut abstinuisset, mortuus sit, utrum vi solius exstentiae hereditatem transmittat ad successores suos, an admittendus potius substitutus. Et communis quidem sententia est, substitutum admittendum excluso transmissario sive herede instituti, quoniam substitutio vulgaris perimat jus suitaris. Sed hoc perspicue falsum est, ut ostendimus *sup. in not. sub fin. pr. cod.* ubi plenissime probavimus, jus suitaris in proposito salvum manere, licet necessitas remissa intelligatur, neque substitutionem vulgarem in suo herede operari in casum impotentiae, sed abstinentiae duntaxat. Insignis vero error est Jo. Deckheri *lib. 1. Dissert. 14. num. 43.* asserentis, ideo per vulgarem substitutionem tolli transmissionem, quæ ex jure suitaris est, quia suus heres institutus non aliter ex testamento heres sit, quam si se immisceat: notissimum enim juris est, suos heredes tam ex testamento, quam ab intestato statim atque ipso jure heredes existere, §. 2. *inf. de her. qual. l. 1. §. qui sunt 7. si quis omitt. ca. test. l. 3. C. de jur. delib. vid. Ant. Fab. decis. 34. err. 4.* Secundo, utrum substitutio potior, an transmissio ex constitutione Theodosii d. *l. un. Cod. de his qui ant. ap. tab.* Hic item pro transmissario contra substitutum responderem per *l. un. §. cum autem 13. C. de cad. toll.* ubi jus transmittendi, quod antea sui heredes soli & simpliciter habebant, etiam in casu substitutionis Justinianus discrete extendit ad personas lege Theodosiana comprehensas. *Duar. d. c. 10. Ant. Fab. d. err. 4.* estque hæc sententia etiam communiter recepta. *Grass. de quest. 9. num. 3.* neque Jo. Deckherus, *ubi sup.* quicquam affert, quod me in contrarium trahat. Tertio, utrum transmissio juris deliberandi ex lege Justiniani d. *l. cum in antiquioribus, Cod. de jur. del.* excludat substitutionem, an hæc illam. Hic ego pro substituto responderem contra transmissarium Justinianum, cum *Salic. in d. l. 19. Ang. Rip. in l. 1. hoc tit. Zaf. tract. subst. cap. 1. in tertio effect. vers. tertia species. Polit. de vulg. subst. num. 92. & seqq. Anton. Fab. d. decis. err. 5. Deckher. d. Dissert. num. 44.* neque enim nova & exorbitans constitutio facile extendi debet, cum injuria tertiis, qui pro se habet & provisionem hominis & simul voluntatem legis: potestque locus Justiniani d. *l. un. §. junct. §. cum autem 13. C. de cad. toll.* qui in contrarium adducitur, commode referri & restringi ad duas priores species transmissio-

tionis, ut proprie verba Imperatoris accipiantur, & de his solis, qui ipsam hereditatem transmittunt, *Diss. hic Duar. d. c. 10. & Dd. comm. Gomez. 1. ref. 3. num. 25. Grass. d. quest. 9. num. 3. Christin. v. 4. decis. 17. n. 1. Fachin. 4. cont. 62.* Postremo quaeritur, quid juris sit, si institutus beneficio ætatis contra aditionem restitutus sit, quaestio hæc omnium est difficilima. Sententia communis est convalescere substitutionem, *arg. l. ex contractu 44. de re jud. l. 1. §. antepen. l. 2. §. si bonorum 10. ad Senat. Tertyll. Gloss. Salic. syn. & alii in l. 5. Cod. de imp. & al. subst. & hanc sequuntur Anton. Fab. 3. conject. 4. Dom. 6. comm. 24.* sed contraria de jure verior videtur, per d. *l. 5. & textus perspicuos in l. ult. de success. edict. l. 7. §. sed quod Papinianus 10. & ibi Cujac. & Paul. Buf. de minoribus.* Neque temere beneficium restitutionis extra personam minoris in alterius favorem porrigi debet. *Zafius tract. subst. cap. 1. vers. secundo limitate. Duar. d. cap. 10. Ant. Merend. 4. cont. 9. Bachov. in Treutl. vol. 2. Disput. 11. th. 7. Perez, ad tit. Cod. de imp. & alii subst. num. 7.* Utrum autem excluso substituto hereditas ad legitimum successorem pertineat, quod placet Duar. Bachov. & Merendæ, an fisco locus fiat. Quod Cujacio, Bufio, in medio relinquimus. Nunc ad institutum redeamus.

Mevius in partem admittitur] Non exprimit inquam: & ita quoque simpliciter scriptum est in *l. & hoc 41. de her. inst.* hereditatem dividi inter dominum instituti & substitutum. Sed utrum ex æquo, ut dimidiam partem hereditatis dominus, dimidiam item substitutus ferat, an ut ille dodrantem, hic quadrantem duntaxat, ut *Gloss. & Dd. comm.* voluerunt? Nam ambigo, quin ex æquo. Quomodo hunc locum & Theophilus interpretatus est. Et interpretandum esse vel hoc unum argumento esse debet, quod partis nomen, nisi quid aliud adjiciatur, semper dimidiam significet, *l. nomen 164. §. 1. de verb. sign. l. etiam 43. de usuf.* Et rogo, in re dubia, ubi paria in utramque partem argumenta afferuntur, quam rationem vel in speciem habere potest inæqualis ista distributio? Quinimo si partes inæquales faciendæ, substituto potius favendum erat, cui & verba & voluntas testatoris suffragantur, quam domino, qui mera tantum ratione juris hitur, & de quo testator cogitare non potuit, cum eum institueret, quem ingenuum putabat. Obstat tamen huic sententiæ d. *l. si paterfam. 40. de her. inst.* ubi Julianus in hac ipsa specie aliam partitionem facit, & duos vult semisses fieri, ita ut alter semis inter hominum & substitutum æquis portionibus dividatur: cumque de altero semisse nihil definiat, eundem no plerique assignaverunt. D. Cujacius existimat, pro alter semis, uti in extremo d. *l. 40.* legitur, legendum *as, mendumq;* natum ex errore notatum.

Alciatus 1. *disput.* 2. scribit, se in veteri exemplari ita legisse in *pr. d. l. eique, si heres non esset, Sempronium coheredem substituerit.* Quam lectionem verba, in calce ejusdem responsi posita mire juvant. Ait enim Julianus; *Igitur in hoc casu duo semisses fient.* Cur ait, in hoc casu, nisi ut significet, se talem casum proposuisse, cui conveniret hæc divisio? nempe, quando servo, qui liber purabatur, coheres substitutus est: in aliis autem non idem juris esse. Igitur in casu à Juliano proposito de uno semisse ambigi non poterat, quippe quem Sempronius ex institutione accipit, non dominus servi: de altero pote-

rat: & hunc Julianus ait dividi oportere inter dominum servi & Sempronium. Et merito, quia in hunc tantum semissem erat substitutus. Atque ita nunc cordatiores omnes sentiunt, quorum pars emendationem Cujacii, pars Alciati lectionem probant, aut quod ipse addit, intelligunt, in re ipsa consentientes. Plane si manifeste appareat, testatorem per eum, quem opinionis errore liberum esse credens heredem instituit, ad alium quenquam hereditatem pertinere noluisse, conditio substitutionis exiit, & soli defertur hereditas substituto, *l. 3. C. de her. inst.*

TITULUS XVI.

D. Lib. 28. Tit. 6. C. Lib. 6. Tit. 26.

De Pupillari Substitutione.

Unde hæc substitutio dicatur pupillaris, & quo ad spectu substitutio. Simul argumentum tituli.



Equitur directæ substitutionis species altera, quæ à subjecto dicitur pupillaris, quia scilicet solis fit pupillis, non ut prior illa, promiscue quibusvis. Etsi cum impubes sit, in potestate patris esse desit, *l. pupillus 239. de verbor. sign.* tamen quia vis omnis testamenti & substitutionis confertur in mortem testatoris, id est, in id tempus, quo filius pupillus futurus est, rectè hoc respectu pupillaris vocatur. Prior illa vulgaris, ut bene observavit D. Viglius, verè substitutio est, sive secunda substitutio est, quæ testator in casum, quo primo gradu institutus hæres futurus non est, alium sibi heredem facit; ac proinde per quam succeditur ipsi testatori. Hæc autem non tam substitutio est, quam institutio prima: quippe per quam non ei, qui testamentum fecit, & gradu secundo succeditur, sed pupillo, cui testamentum factum est, & gradu primo, perinde ac si ipse pupillus sibi heredem fecisset. Quod evidentius apparet in substitutione exheredatæ. Quamobrem merito Hotomannus à Bachovio noratur, quod ille inverso modo vulgarem substitutionem magis institutionem, pupillarem autem propriè censet esse substitutionem. Cur verò cum pupillaris propriè substitutio non sit, eo tamen nomine à veteribus appelletur, dixi præcedente titulo, nempe sic appellatur ex comparatione hæredis paterni, eo quod pater sibi prius, deinde secundo loco filio heredem instituere debet, & non à testamento filii incipere, *l. 2. in fin. hoc tit.* Porro substitutio pupillaris, ut genus *ὅρος* ἐν, divi-

di potest in propriam seu veram; & quasi, seu exemplarem. Utraque fit in eum casum, quo institutus hæres erit; pupillaris liberis impuberibus, si hæres extiterint & intra pubertatem moriantur; hæc ita, si hæres extiterint & decesserint in eadem mentis alienatione. Summa eorum, quæ hoc titulo traduntur, hæc est. In principio docetur, qui quibus pupillariter & qua forma substituant, quis hujus rei effectus, & unde illud manarit. Inde agitur de substitutione quasi pupillatæ, sive mente capti: & mox effectus pupillaris substitutionis repetitur: dein parentibus formidolosis tuta monstratur substituendi ratio. Hinc jam amplius, quibus pupillariter substitui possit, declaratur: tum proponitur generalis quædam & communis forma: ac postremo sequuntur contraria.

TEXTUS.

Forma, effectus, origo, & ratio pupillaris substitutionis.

Liberis suis impuberibus, quos in potestate quis habet, non solum ita, ut supra diximus, substituere potest, id est, ut si hæres ei non extiterint, alius sit ei heres: sed eo amplius, ut si hæres ei extiterint, & adhuc impuberes mortui fuerint, sit eis aliquis hæres: veluti si quis dicat hoc modo, Titius filius hæres mihi esto. Et si filius mihi hæres non erit: sive hæ-

hæres erit, & prius moriatur, quam in suam tutelam venerit, id est, antequam pubes factus sit, tunc Sejus hæres esto. Quo casu, si quidem non extiterit hæres filius, tunc substitutus patri fit hæres: si verò extiterit hæres filius, & ante pubertatem decesserit, ipsi filio fit hæres substitutus. Nam moribus institutum est, ut quum ejus ætatis filii sint, in qua ipsi sibi testamentum facere non possunt, parentes eis faciant.

NOTE.

Quos in potestate] Et idè nec mater liberis suis, nec pater filio emancipato pupillariter substituere potest, l. 2. hoc tit. Sed nec avus nepoti ex filio, quem in potestate habet, nisi ex formula legis Vellejæ, Si filius me viro suus hæres esse desiderit, &c. d. l. 2. Oportet autem & testamenti & mortis tempore impuberem, in familia esse, l. 41. §. 2. eod.

Veluti si quis] Formula gemellæ substitutionis. Verum ex D. Marci constitutione substitutio simplex aut vulgaris aut pupillaris, id est, quæ alterutro casu expresso fit, in utrumque casum facta intelligitur, l. 4. hoc tit. fac. l. 2. & l. 4. C. eod. Olim de expressa pupillari, an vulgarem tacite contineret, quesitum in Curiano judicio, de quo Cicero multis locis, & Quint. 7. c. 7.

Si ve hæres erit, &c.] Hæc est conditio substitutionis pupillaris, & casus secundus dicitur.

Si non extiterit] Quod etiam tunc accidere intelligendum est, cum impubes patri superstes hæreditate paterna abstinere: ne nudum nomen hæredis noceat substituto, arg. l. 67. pr. de rit. nupt. l. 68. de leg. 1. Non rectè igitur Theophil. hic.

Si extiterit hæres] Hic casus propter utilitatem pupilli extitisse intelligitur, etiam si bonis paternis se abstinere, l. 12. hoc tit. l. 42. de acq. hæc. l. 28. de reb. auct. jud. & hoc est, quod vlgudè interpp. dicunt, nuda sui hæredis existentia vi confirmari tabulas pupillares, fac. l. 44. de re jud. l. 41. de acq. her.

Ipsi filio fit hæres] Non tantum in bonis, quæ à patre obvenierunt, sed etiam, quæ aliunde, l. 10. §. 5. hoc tit. exclusis filii legitimis hæredibus, & ipsa etiam matre, l. 8. §. 5. de inoff. test. c. 1. X. de testam. in 6.

Moribus institutum] Ita & Ulpian. l. 2. hac. tit.

COMMENTARIUS.

1. Neque patrem liberis emancipatis pupillariter substituere posse, neque matrem liberis omnino.
2. Nepoti licet in potestate constituto, quem pater antecedit, pupillariter substitui non posse, nisi ex formula legis Vellejæ.

3. Vtrum, ut valeat substitutio pupillaris, necesse sit, liberos in potestate esse, & cum sit substitutio, & cum pater moritur, an satis sit, tales esse tempore mortis.

4. Exponitur locus Ulpiani in l. 2. in fin. pr. hoc tit.

5. Vulgari casu expresso etiam pupillarem contineri, nisi voluntas testatoris aperte refragetur.

6. An ex converso, expresso casu pupillaris, contineatur & vulgaris.

7. Responsum lavoleni expositum in l. paterfam. 28. de reb. auct. jud.

8. Quando accadat, ut pupillus hæres non existat, & substitutus vi formulæ vulgaris admittatur.

9. Quando intelligatur pupillus patri hæres extitisse hoc effectu, ut mortuo intra pubertatem hæres ei fiat pupillariter substitutus.

10. Per substitutionem pupillarem excludi hæredes omnes legitimos, etiam matrem.

11. Excludi matrem à substituto pupillari, etiam quoad legitimam.

12. Ostenditur idem juris esse & in pupillari tacita, cum refutatione objectorum.

13. Cur pupillo expedire visum sit, testamentarium à patre heredem accipere.

Liberis impuberibus] L. 2. in pr. eod. puberibus in tantum non licet, ut etiam si ab initio facta impuberi substitutio sit, pubertatis tamen adventu vis ejus extinguatur, §. pen. inf. eod. Cur autem solis liberis impuberibus hoc modo substitui permisum sit, in fine hujus §. dicitur.

In potestate] Etenim patriæ hoc datum potestati est: & idè pater filio emancipato ita substituere non potest, d. l. 2. in pr. multoque minus mater liberis suis. Nam quod an specie l. si mater 33. eod. pupillares tabulæ appellantur, quas mater filio impuberi fecit, ex eo minime concludendum est, posse & matrem liberis impuberibus pupillariter substituere. Proponitur enim mater filio impuberi substitutionem fecisse non in casum secundum, si hæres eris, sed in primum, si hæres non eris. Vulgaris igitur illa, non pupillaris substitutio est. Pupillares autem tabulas illas Africanus appellavit, primum ratione objecti, quia substitutio facta filio, dum adhuc esset in ætate pupillari: deinde, quia substitutio confertur in mortem impuberis, & in ea specie effectum quodammodo substitutionis pupillaris habet, saltem quod attinet ad bona matris, ut rectè monet, atque hoc Africani responsum temperat Cujac. 2. ad African. Consilium hoc prudentum fuit, à quibus excogitata quoque est cautio & veritas ratio quedam, qua cum vi & effectu pupillaris substitutionis etiam filio emancipato substituitur, l. cum ex filio 39. hoc tit. add. Duar. ad hunc tit.

2. ca. 14. Non facis autem est, liberos in potestate esse, nisi simul proximum in familia testatoris gradum obtineant, hoc est, sui heredes sint testatori: nam si, verbi causa, pater nepotem antecedit, non poterit avus huic nepoti pupillariter substituere; quia post mortem avi recessurus est, in potestatem patris sui, d. l. 2. in pr. quo fit, ut jam non propter aetatem, aut quia impubes, testamentum facere non possit, aut heredem ex testamento habere: sed quia filiusfam. cui nec puberi testamenti faciendi jus est, & de cuius successione jure veteri omnino quaeri non potuit. Plane ex formula legis Vellejæ etiam nepotibus, quos pater præcedit, substitui potest, d. l. 2. in pr. ut sic avus testetur; *Filius heres esto. Si filius me vivo suus heres esse desierit, tum qui mihi ex eo nepos est, heres esto. Si nepos heres erit, & intra pubertatem deccadat, Sejus heres esto.* Quæ nepotis institutio fit ex secundo cap. legis Vellejæ, l. Gal. l. 29. §. sequenti 13. de lib. & post. De illo quaeritur, utrum ut substitutio pupillaris valeat, necesse sit liberos in potestate esse utroque tempore, & quo fit substitutio, & quo pater moritur, an vero tales esse sufficiat saltem tempore mortis. Accurs. Bart. in d. l. 2. & vulgo interpp. Grass. §. substitutio, quest. 2. 3. num. 5. sufficere credunt, qualitatem illam adesse tempore mortis. Doctissimi Jurisconsulti superioris ævi, Polit. Zaf. Gorvean. in d. l. 2. Vigl. hic. num. 7. Covar. in cap. Raynunt. de testam. §. 5. num. 2. Duar. comm. ad hunc tit. cap. 14. Don. 6. comm. 25. contra utrumque tempus spectandum contendunt, tam id, quo fit substitutio, quam quo testator moritur; quibus assentior. Nam & verba juris de hac substitutione constituti conferuntur in tempus præsens substitutionis, & cum qualitas aliqua requiritur ad constitutionem alicujus actus, ea inesse debet eo tempore, quo actus geritur, l. si alienum 49. §. 1. de her. inst. §. in extraneis 4. inf. de her. qual. tritumque est, quod ab initio non consistit, ex post facto non posse convalescere. Accedit præterea, textus satis clarus in l. coheredi 41. §. 2. hoc tit. Verba sunt; *Si quis ex his mortis quoque tempore non fuit in familia, substitutio pupillaris fit irrita.* Quibus verbis Jurisconsultus aperte significat, præter tempus mortis aliud quoque esse, quo oporteat impubes esse in familia: hoc autem tempus non aliud intelligi potest aut debet, quam id, quo fit substitutio. Pro contrariæ sententiæ firmamento adducitur, d. l. 2. in fin. pr. ubi sic Ulpian, scribit, *Sed si extraneum quis heredem scripserit, poterit ei substituere si modo cum in locum nepotis adoptaverit, aut adrogaverit, filio præcedente* Ex hoc loco Accurs. & Bart. probari putant, satis esse ad pupillarem substitutionem, si vel tempore mortis tantum in potestate reperiat is, cui substitutio facta est. Mihi vero contrarium hoc

ipso loco non obscure significare Ulpian. videtur, nempe prius oportere extraneum nepotis loco adoptari, quam substitutio fiat: ait enim, *poterit ei substituere, si eum in locum nepotis adoptaverit.* Ut autem locus planius intelligatur, licebit paulo altius rem repetere. Docuerat Jurisconsultus, quemadmodum nepotibus, quos patres præcedunt, tuto in primum casum substitui posset, hoc est, ita substitui, ut non evanesceret substitutio; nimirum eos vel institui, oportere vel exheredari, ne in locum suorum heredum succedentes (quo uno casu effectum habet substitutio) præteriti rumpant testamentum, & per consequens extinguatur pupillaris substitutio. Institui autem oportere ex consilio & formula legis Vellejæ: aliter institutum haberi pro præterito. Mox subjicit, extraneum ex formula legis Vellejæ institui nihil necesse esse, vulgarique saltem modo institutum & succedentem postea in locum sui heredis non rupturum testamentum. Quæ est sententia l. filio 23. §. 1. de lib. & posth. ac proinde extraneo impuberi heredi vulgariter instituto, & postea in locum nepotis quasi ex filio adoptato, recte (potest enim & ex intervallo hoc fieri, l. si quis 16. §. 1. hoc tit.) substitui: eam quippe institutionem sufficere, ne successionem, quasi præteritus, rumpat: cum si post adoptionem institutio facta sit, non aliter ea valeat, quam si facta fuerit ex formula legis Vellejæ: si enim nepos, quem pater antecedit naturalis sit, sive adoptivus, semper ex præscripto legis Vellejæ institui debet, alioqui præteritus censetur. Quæ de re abunde dictum in exegezi §. 2. sup. de exher. lib. Cum igitur hic quaeratur de eo qui extraneus sit, non tempore substitutionis, sed institutionis, tantum abest, ut hic locus confirmet contrariam sententiam, ut eam etiam refellat. Non possum ergo non mirari Bachovium, qui hanc explicationem, quæ tam aperte & verbis & menti Jurisconsulti acrationi juris per omnia convenit, divinatoriæ appellat, illa, quæ ipse pro tuenda communi sententia affert, nihil aliud esse, quam meras divinationes, facile quivis animadvertere poterit.

Veluti si quis, &c.] Formula mixtæ & gemellæ substitutionis, quæ à Modestino duplex dicitur, quia utrumque casum complectitur, & substitutio nis vulgaris & pupillaris, l. 1. §. 1. hoc tit. Atque olim quidem, ut credibile est, qui sibi & liberis suis in utrumque casum prospectum vellent, ex consilio Jurisconsultorum disjunctiva hæc formula usi fuerunt; vel quia ex plurium sententia substitutio non operabatur: ultra casum expressum, vel quia ob diversitatem sententiarum rerumque judicatarum id incerti adhuc juris erat. Postea autem Impp. Marci & Severi constitutione introductum, ut si pater impuberi filio in alterum casum substituisset, in-

utrumque casum substituisse intelligeretur, l. 4. in pr. eod. Primum igitur, quod positum est extra omnem controversiam, vulgari casu expresso continebitur etiam pupillaris; veluti si pater impuberi filio hæredi instituto ita substituat, *Si filius heres non erit, Titius esto*. Hic enim placet Titium etiam in hunc alterum casum & si filius heres erit, & impubes decesserit, tacite substitutum videri d. l. 4. in pr. nisi voluntas testatoris aperte refragetur, l. 4. C. eod. Et enim quod pupillaris substitutio hic quoque amittitur, id fit ex sola conjectura voluntatis, quæ hinc ducitur, quod credibile sit, eum, qui aliquem sibi hæredem esse voluit, si filius non esset, voluisse quoque eundem esse hæredem filio, si filius heres esset, & intra pubertatem moreretur: utroque enim casu pariter substitutum dilexisse videtur, nec sibi magis prospexisse, quam impuberi filio; cui etiam utile esse creditur, hæredem à patre accipere, l. *Julianus* 42. de aeq. her. In voluntate autem testatoris manifeste contraria hujusmodi conjecturis non utimur. Quapropter si ille vel nominatim alium in secundum casum substituit, vel in conditione vulgaris substitutionis personam comprehendit, cui pupillari-ter substitui nequeat, hic qui in primum casum substituitur est, minime intelligi debet substitutus. quoque esse in casum secundum, contra manifestam voluntatem testatoris, qui aut expressè in secundum casum substitutum dedit, §. 3. inf. eod. aut in conditione substitutionis eum adjecit, cui in secundum substitui non potest; quod cum sit, palam est testatorem in eum duntaxat casum substitutionem fecisse, quoutrique hæredum substitui poterat, d. l. 4. §. 2. l. *Lucius* 45. hoc tit. d. l. 4. C. eod. Porro etiam vice versa expresso casu substitutionis pupillaris dicimus contineri & casum vulgaris. Cæterum hic nobis litem movent *Polit. de subst. pupill. quest. 8. n. 38. Vigl. hic n. 19. Ant. Fab. dec. 32. err. 9. & 10.* pauci (quamquam nonnullos alios *Viglius* laudat) sed magni viri. H multis in contrarium disputant, ac serio contendunt, in substitutione pupillari expressa vulgarem tacite nunquam contineri. Nos quidem numero interpp. nobiscum sentientium longè superiores sumus; sed hoc parum est, nisi legum auctoritate vincimus & ratione. Videamus ergo, an in hac quoque parte nobis cedere debeant. Auctoritate defenditur duplici: primum verbis ipse constitutionis *Imp. Marci & Severi* relatis à *Modestino* d. l. 4. in pr. quæ hæc sunt; cum pater impuberi filio in alterum casum substituisse; in utrumque &c. Non ait Jurisconsultus, cum pater in primum casum, quomodo *Imp.* loqui debuerant, sitantum in vulgari casu expresso pupillarem contineri significare voluissent, sed cum in alterum casum, hoc est, unum ex duobus, sine ulla distinctione, primus an secundus tantum ex-

pressus fuerit. Secundo & evidentiùs auctoritate ejusdem *Modestini* in terminis quæstionem hanc proponentis & decidentis in d. l. 4. §. 2. Qui duos habebat filios, unum puberem, alterum impuberem utroque hærede instituto puberem impuberi substituit in eum casum, quo impubes hæres existeret, & intra pubertatem moreretur: ait Jurisconsultus, hoc casu fratrem puberem in utrumque eventum substitutum videri. Quod autem in fine ejusdem responsi monet, ad evitandam omnem quæstionem cautius factorum patrem, si in utrumque casum expressè impuberi substituat, hoc apparet eum facere propterea quod in specie mutæ substitutionis, qualem ille proposuerat, nimirum cum uterque alteri substituitur, filius impubes puberi vulgariter, pubes impuberi pupillari-ter, voluntatis quæstio moveri posset, an non quemadmodum pater in unum duntaxat casum, hoc est, in vulgarem puberi substituit, ita vicissim in unum quoque casum tantum, hoc est, in pupillarem videri debeat impuberi substituisse: at hujusmodi quæstioni post *D. Marci* constituit. locus non est, cum non uterque alteri in casus diversos, sed uni duntaxat, cui in utrumque casum substitui potest, substituitur alter sive solum in primum, sive solum in secundum casum. Denique à ratione non magis alienum est, hanc inducere voluntatis conjecturam, quod substitutus in secundum casum videatur etiam substitutus primum, quam quod in primum substitutus intelligitur quoque substitutus esse in secundum. Imo fortior voluntatis conjectura pro illo, quam pro hoc quod etiam *D. Christin. vol. 4. decis. 15. n. 4.* notat: Nam cum pater filium hæredem instituit, quem etiam sperat sibi hæredem fore, & bona, quæ relicturus est, consecuturum, eum, quem filio hæredi facto substituit, & ad quem consequenter mortuo filio pariter cum bonis filii postea quæsitis sua quoque pertinere voluit, magna causa præsumptionis est patrem voluisse etiam filio hærede non existente sibi hæredem esse in suis solius bonis: quæ præsumptio tanto major in hoc casu, quam in superiore, quanto magis apparet testatorem dilexisse eum, quem una cum suis bonis filii quoque bona, si quæ postea obvenerint, habere voluit, quam eum, quem expressè sibi tantum hæredem fecit. Ex quo vel solo nullo negotio refelli possunt rationes eorum, qui contra sentiunt, nam auctoritate quidem illi nulla nituntur, nisi quod *Ant. Faber* nobis objicit *Javolenum* in l. *paterfa* 28. de reb. auct. jud. poss. quo tamen loco longè aliam quæstionem Jurisconsultus tractat; nimirum an creditoribus paternis in substitutum impuberis, qui patris se hereditate abstulit, actio decur, sive an substitutus res alienum patris agnoscere & creditoribus ejus respondere teneatur; an vero hereditares; quas nulla existentia potestate juris civilis conjunxit, possit

separare. Quod si inde colligit Faber, substitutum impuberi in casum pupillarem, pupillo abstinente, hæreditatem patris adire non posse vi aliqua tacite substitutionis vulgaris, eadem ratione collegeris nec legitimos hæredes abstinente pupillo posse quæritis hæreditatem cernere. Et quidni præsupponendum esse dici possit, in quæstione à Javoleno proposita substitutum quoque repudiasse manifestè damnosam hæreditatem, utrumque virtute tacite substitutionis vulgaris sibi delatam? Ac mihi quod ad istam quæstionem attinet, idem sensisse videtur Javolenus, quod successor ejus Julianus, cujus sententia, ut pupilli utilitatem impugnans, notatur à Marcello & Ulpiano, l. Julianus 42. de acq. her. Agitata fuit quæstio nostra jam olim in judicio centumvirali inter hæredes legitimos Coponii cujusdam & M. Curium, cujus rei Cicero multis in locis, & Quintilian. lib. 7. inst. orat. c. 7. meminerunt. Coponius post humum hæredem instituerat, eique, si antequam in tutelam suam venerit, decessisset, Curium hæredem substituerat. Cum posthumus natus non esset, exorta de hæreditate controversia est inter hæredes testatoris legitimos & substitutum. Q. Mucius defendit, legitimis hæredibus locum esse factum, quoniam Cuius ita substitutus erat posthumus: si posthumus impubes moreretur, jam vero posthumus ne natus quidem esse, ac proinde defecisse conditionem substitutionis. Mucio contradixit L. Crassus, atque iisdem argumentis, quibus nos usifumus, probavit centumvirum, M. Curium nihilominus ex substitutione hæredem esse oportere. Quod judicium, ut communem sententiam vindicat ab illis, quas Vigl. & Fab. proferunt, absurditatibus, ita ipsum, cum res adhuc dubia maneret propter auctoritatem, ut credibile est, Q. Mucii, constitutione Imp. Marci & Severi confirmatum est. Planè in substitutione exheredato facta eandem interpretationem non esse admittendam faciliè concedam.

Quam in suam tutelam venerit } Antiqua locutio, qua veteres pupillarem ætatem significabant, hoc est, eam, quæ tutorum potestati subiecta est: nam pubertate tutela finitur, & post eam ætatem adolescens suæ tutelæ esse incipit, quamvis curatorum adhuc auxilio regatur. Utitur hac loquendi formula M. Tullius, cum alibi sæpè, cum lib. 1. de Orat. lib. 2. de invent. Nostri passim, Javolen. l. cum ex filio 39. hoc tit. Verat. l. pater filio 54. de her. inst. Julian. l. 8. §. 1. de bon. poss. sec. tab. Paul. l. si filiam 51. de legat. 3. Prætor in edicto suo l. 5. §. 2. quib. ex caus. in poss.

8 Si quidem non extiterit heres filius, tunc substitutus patri sit heres } Quando ergo accidit, ut pupillus hæres non existat, & substitutus vi vulgaris formulæ patri hæres fiat? An tunc solum, cum pupillum an-

te patrem defungi contingit, an vero etiam tunc, cum patris superstes paterna hæreditate abstinuit? Et Theophilus quidem scribit, ex verbis formulæ vulgaris tunc solum substitutum venire & patri hæredem fieri, cum filius vivo adhuc patre mortuus est. Ego vero censeo, etiam tunc, cum impubes patri supervixit, & expressè bonis paternis se abstinuit, posse substitutum defendere ex substitutione patris hæreditatem sibi delatam, conditionemque hanc, Si heres non erit, ex mente testatoris explicandam, ut ea extitisse intelligatur, non cum quis nudo nomine tenus, sed re ipsa & cum effectu hæres factus est. Sic Jurisconsulti in l. non solum 67. de rit. nupt. l. si post 68. de legat. 1. aperte negant, filium, qui se abstinuit, hæredem extitisse. Nam licet etiam is, qui se abstinuit, jure civili adhuc pro hærede habeatur, unde, dicitur non esse sine hærede, qui suum hæredem, licet se abstinente, habet; l. cum quasi 30. §. sed & si 10. de fideicom. lib. atque hæc res etiam sua habeat effecta: l. 12. hoc tit. l. filius 41. cum l. seq. l. ult. de acq. her. l. paterfam. 28. de reb. auct. jud. poss. tamen in proposito nudum nomen hæredis sive nudam illam existentiam considerari non oportet: alioqui nullo modo vulgariter suo hæredi substitui posset. Et cum, ut docuimus initio tit. præced. conditio ista, Si heres non erit, etiam casum voluntatis contineat, & consequenter tanquam conditio potestativi necessitatem tollens filium hac in re ad instar redigat hæredis voluntarii, per l. 4. in pr. l. jam dubitari 86. de hered. inst. l. 12. de cond. inst. ut jam pro concessa sibi à patre potestate suo arbitrio velle aut nolle possit, & citra beneficium prætoris jure civili se abstinere; sanè in casu nostro hæreditas pro acquisita neutiquam haberi debet. Rep. quæ notavimus ad d. princ. præc. tit.

Si vero extiterit heres filius } Videamus item quando filius patri hæres extitisse intelligatur cum hoc effectu, ut filio intra pubertatem mortuo hæres ei fiat pupillariter substitutus. Et certi juris est, si filius decesserit post immixtionem, substitutum admitti hæredemque fieri filio. Nec dubitatur, quin idem juris sit, si filius mortuus sit non declarata voluntate sua super immixtione aut abstentione. Verum illud bellissimè quæritur, an etiam filio, qui expressè abstinuit, intra pubertatem mortuo, substituto pupillari locus fiat, & quod dicitur, nuda sui hæredis existentia confirmetur tabulæ patris & pupilli. Dixeris enim, nudam existentiam vim istam habere non posse, ac proinde substitutum in proposito excludi: quem si admittimus, nudæ existentie tribuimus vim adiectionis: cui consequens hoc absurdum est, suo hæredi frustra in vulgarem casum substitui, cum vulgaris substitutio adita hæreditate expret. Adhæc cum dicamus, in substitutione vulgari ver-

ba hæc, *Si filius heres non erit*, ex mente substituentis patris sic accipienda esse, si immiscere se paternæ hæreditati noluerit, etiam ex contrario quæ sunt pupillaris substitutionis, *Si filius heres erit*. sic accipi oportebit, si bonus patris se immiscuerit: ut utrobique immixtio, non nuda existentia, cum additione conferatur. Quibus etiam accedit, quod apud Julianum relatum est, si duo fuerint à patre instituti cum filio impubere, eidemque substituti, necesse esse ad tabulas patris confirmandas unum ex iis hæreditatem patris adire, l. 1. §. 1. *ad Sen. Treb.* Cæterum quominus ita statuamus, impedimus textu expresso l. 12. *hoc tit.* item his locis, l. *Julianus* 42. *de acq. her.* l. *paterfam.* 28. *de reb. aut. jud. poss.* ubi disputant Jurisconsulti, an pupillo, qui abstinuit bonis patris, mortuo, substituto concedi debeat separatio bonorum, patris & filii, ut ex substitutione pupilli tantum hæreditatem adeat: stultè & ineptè, si substitutus abstinente pupillo nullo modo ex substitutione venire potest. Dicendum ergo omnino est, etiam in casu præsentis, cum pupillus abstinuit, ex substitutione pupillari hæreditatem deferri substituto, nudæque sui hæredis existentia vi confirmari tabulas pupillares: quod etiam perspicue probat l. *ex contractu* 44. *de re jud.* l. *filius* 41. *de acq. hered.* Nec vero adeo absurdum videri debet, quod in substitutione pupillari vim additionis tribuimus existentia; in vulgari autem non nudæ existentia, sed immixtioni: non enim necesse est, ut nomen hæredis aut existentia in utriusque substitutionis conditione eodem modo explicetur aut accipiat. Nam ut concedamus, etiam in pupillari substitutione patrem his verbis, *Si filius mihi heres erit*, de hærede, qui cum effectu hæres futurus sit, cogitasse: ratio tamen juris & favor pupilli postulant, ut sola existentia quoad effectum, de quo quaerimus, pro additione habeatur, & sustineantur tabulae pupillares. Planè si filio datus sit cohæres extraneus, vulneratur fuitas, ut loquitur Porc. *ad tit. de Attil. int.* atque hic quia vires testamenti à cohærede quoque pro parte pendent, ad confirmationem tabularum & substitutionis pupillaris non sufficit filium sola potestate juris pro parte sua hæredem exitisse, sed si hic se abstinerit, ut tabulae valeant, necesse est, ut patris hæreditas ab extraneo adeatur, d. l. 11. §. 1. *ad Sen. Treb.* Atque ita quoque explicanda l. 2. §. 1. *hoc tit.* Etenim sui hæredis nuda existentia, quæ fit *ex adropu* & ipso momento mortis paternæ, non potest in solidum confirmare testamentum, ubi eodem tempore adest hæres alius, qui adiri potest, *vid. Bart. in l. 12. hoc tit.* & d. l. 11. §. 1. *ad Treb.* qui meo iudicio feliciter hæc expedit, quam vel Cujac. 26. obs. 1. *vel Ant. Fab. dec.* 31. *cm. 8.* add. *Bachov. in Treut. vol. 2. disp. 12. thes. 3.*

[*Ipse filio sit heres substitutus*] Et in tantum succo-

dit, quantum filii fuit, cum is moreretur, sive à patre obveniret, sive quaesitum aliunde. Testamentum enim pupilli hic est, in quo testator non suis bonis, sed impuberis hæredem substituit, *h. sed si* 10. §. *ad substitutos hoc tit.* Excipitur substitutus adrogatus, ad quem nihil amplius ex substitutione pertinere potest, quam quod ad impuberem pervenit ex bonis aut beneficio adrogatoris, d. l. 10. §. *in adrogato* 6. Quia vero ex notissima ratione juris, quamdiu ex testamento deferatur hæreditas, aut saltem spes est fore, ut deferatur, hæredes ab intestato succedere non possunt, certum est legitimos pupilli hæredes, id est, eos omnes, qui citra substitutionem pupillo ab intestato successuri fuissent, à substituto hæreditatem admittente excludi, & consequenter etiam matrem pupilli: quamquam de ea ratio est, cur dubitetur. Nam mater præ reliquis legitimis hæredibus hanc prærogativam habet, quod à liberis præteritis testamentum eorum inofficiosum dicere possit, aut ex *Nov. 115*: ipso jure evertere, utique si vera est, communis opinio; quod nunc non disputo. Cum igitur mater hoc jus habeat, cum liberi per se testamentum faciunt, videri potest idem jus etiam tunc matri competere, cum non liberi ipsi sibi, sed pater eis testamentum faciat: nam quod quis ex persona & nomine alieno faciat, majorem vim habere non potest, quam haberet, si ille ipse id fecisset, cujus nomine factum proponitur, l. *minor si* §. 1. *de proc.* l. 13. §. *pen. de damn. inf.* l. 10. *C. de her. inst. c. quod per alium de reg. jur. in 6. cum similib.* Contrarium tamen diserte ab Ulpiano responsum l. 8. §. *de inoff. test.* est, nempe matrem impuberis non posse testamentum inofficiosum dicere, adjecta hæ ratione, quia pater hoc ei fecit: quibus verbis hoc significare voluit Jurisconsultus, querelam inofficiosi testamenti hoc colore instituendam quasi non sanæ mentis fuerit, qui testamentum ordinavit: hujus autem rei pupillum argui non posse, qui ipse testamentum non fecit, uxori vero contra mariti testamentum querelam non competere: quæ ratio etiam admissa communi DD. opinione accommodari potest ad jus novum: quicquid enim novi juris à Justiniano constitutum est, id eo tantum pertinet, sicut ipse testatur, ut præscriptionis & exheredationis amoveatur injuria, quæ nulla matri à pupillo illata. Neque vero pater, cum liberis suis testamentum facit, testatur ex persona & nudo nomine liberorum, sed jure proprio atque ex persona sua, vi scilicet & potestate juris patrii. Hoc ipsum manifestè quoque confirmat l. 9. *C. hoc tit.* quo loco Justinianus prohibet admitti querelam contra constitutionem mente capti, idque ait se constituere ad exemplum substitutionis pupillaris. Negata querela consequens omnino est, matrem à substituto pupillari excludi.

excludi etiam quoad legitimam : idq; constitutione Bonifacii VIII. nominatim expressum est *cap. 1. in fin. de test. in 6. Licet filius*, inquit Pontifex, *testamento suo matrem portione jure natura debita privare non possit : pater tamen in testamento, quod filio impuberi facit, potest.* Bocerius comment. ad hunc §. putat, matrem, etsi per querelam rescindere testamentum non potest, alia tamen via legitimam consequi posse, nimirum conditione ex lege ; quoniam generaliter cautum est, ex bonis liberorum matri legitimam esse relinquendam, *l. omnimodo 30. l. quoniam 32. C. de inoff. test. Nov. 1. in pr.* Sed jam probavimus, id verum esse, quando liberi ipsi testantur, non cum pater pro suo jure iis testamentum facit. Neq; assentiri possum Menochio, qui *lib. 4. presumpt. 38.* existimat, excludi quidem matrem à legitima, quantum ad bona patris attinet ; non autem quoad bona filii ; siquidem pater in testamento, quod filio impuberi facit, non tam de suis, quam de impuberis bonis disponit, & exheredato quoq; dat substitutum. Atq; illud omnino fixum esse debet, qui suo jure queri de inofficioso non potest, quamvis ex testamento nihil consecutus sit, eum nec petere posse legitimam, ut bene disputat Fachin. *lib. 4. contr. 42.* & est communis hæc opinio, *Gomez. 1. rel. 4. n. 7. Vasq. lib. 2. de succ. prog. §. 11. n. 24. Grassi. §. substitutio qu. 12. n. 5.*

12 porro si hoc obtinemus in institutione pupillari expressa, nulla ratio est, cur non idem statuamus in tacita, quæ vulgari expressa continetur. Nam cum ex constitutione Imp. Marci & Veri hic non minus testamentum atq; ex eo hæredem pupillus habeat, quam si expressè in casum quoq; pupillarem substitutum accepisset, ratio juris efficit, ut nemo, sive mater sit, sive quis alius, ad legitimam pupilli successionem venire possit, aut per querelam testamentum evertere. Quæ sententia etsi à Dd. comm. improbata est, tamen aperte satis confirmatur à sensu contrario. *in l. 2. C. h. t. in qua Imp. respondet*, ideo in specie illic proposita matrem admitti, quia testator, filio impubere, & aliis quibusdam personis non ejusdem conditionis hæredibus institutis & invicem substitutis, non intelligitur sensisse de alio casu, quam qui in omnium persona locum habere potest, id est, de vulgari tantum : quo non obscure significatur, si personis omnium uterq; casus conveniret, aliud respondendum esse : quo etiam faciunt *l. Lucius 45. h. t. l. 4. C. eod.* Sed duo loci hic nobis obijciuntur, *l. precibus 8. C. h. t. l. ult. C. de inst. et subst.* Ad priorem expedita responsio est, constitutionem D. Marci non pertinere ad testamentum militis, de quo loquitur *d. l. 8.* quippe militum testamentum non reguntur legibus aut con-

stitutionibus ; sed ex nuda, simplici, ac prout verbis expressa est, voluntate æstimantur, *l. 6. C. de test. mil.* ut proinde in horum testamentis vulgaris expressa non contineat tacitam pupillarem : idemq; esset, etsi non mater in specie illic proposita, & decisa, sed frater aut alius pupilli legitimus hæres fuisset. *In l. ult. C. de inst. et subst.* hic casus proponitur ; Testator posthumum & uxorem hæredes scripsit, & si posthumus natus non esset, Mævium sibi hæredem esse voluit. Natus est posthumus, & impubes superstiti matre decessit. Papinianus & Ulpianus putaverunt, voluntatis esse quæstionem, & matrem potius, quàm substitutum, ad successionem impuberis admittendam : & secundum eos Justinianus quæstionem sic decidit, ut nolit, substitutionem istam vim tacitæ pupillaris habere adversus matrem, id est, si posthumus natus impubes viva matre decesserit : sin illa prior mortua sit, valere adversus cæteros. Quis vero non videt, hujus constitutionis speciem & rationem singularem esse, ac proinde non facile ad alios casus porrigendam. Ostendunt hoc verba *in hac specie, in hujusmodi casu.* & quo colore aliqui Pap. & Ulp. post constitutionem D. Marci voluntatis hic esse quæstionem respondissent ? Credibile autem est, Jurisconsultos & Imp. in casu, ut propositus est, considerasse primum, quod mater ex parte hæreditatis & ipsa instituta fuit, posthumumq; cohæres data, etsi posthumum nasci non contingeret. Hinc enim non leve conjectura pro matre oritur, quod scilicet testator uxorem suam, quam ita dilexit ut eam sibi quoq; cum filio hæredem esse voluerit, minimè credendus sit voluisse excludere à luctuosa hæreditate filii. Deinde quod substitutio facta proponitur, non in casum illum generalem & germanam substitutionis vulgaris, *Si filius posthumus hæres non erit* ; sed in casum specialem, & nominatim in hunc, *Si posthumus natus non erit.* Unde iterum nova conjectura pro matre, nimirum non temerè, ubi mater in medio est, & præsertim cohæres posthumum data, hunc casum, *Si posthumus natus non erit*, trahendum esse ad oppositum, *Si posthumus natus fuerit, et impubes decesserit* ; ne fiat contra voluntatem testatoris, qui non videtur eum, quem posthumum substituit, & sibi hæredem designat nominatim in eum casum, quo posthumus natus non fuerit, & quo existente nec mater, nec filius, nec hæreditas filii intelligi potest, etiam in contrarium casum, si natus fuerit, posthumus, & viva matre decesserit, ipsi posthumum hæredem esse voluisse, exclusam matrem à luctuosa filii hæreditate. Proinde concludimus, pro substituto semper respondendum esse, etiam cum mater

mater in medio est, sive de expressa, sive de tacita pupillari quaeratur, quoribus ex certis aut probabilibus conjecturis colligi non potest, voluntatem testatoris refragari: ita & *Wigl. hic Don. ad l. 8. C. h.t. Vand. 1. qn. 4.4. Ant. Fab. 15. conj. 9. & seqq. & dec. 33. err. 5. latè Vafq. 2. de succ. prog. §. 15. n. 55. & seqq. Diss. Gloss. & Da. comm. in d. l. 8. Gomez. 1. ref. 4. n. 8. Covar. in cap. Raymutius, X. de test. §. 4. n. 6. Fachin. 4. contr. 40. & 41. D. Tulden. comm. hic cap. 3. & ad C. h.t. Perez. ibid. n. 26. & 27. Christin. vol. 4. decis. 15. n. 6.* ubi etiam refert. Supremum Senatum Mechliniensem aliquando censuisse, per substitutionem in pupillo factam, ne expellam quidem, matrem hodie legitima privari posse: sed hoc opinor ex eo est, quia in Belgio, utiq; in plerisq; Belgii provinciis, substitutioni pupillari place non est locus: de quo pluscula sub §. ult. in j. eod.

Moribus institutum] Vulgaris substitutio confirmatur lege 12. tabb. his verbis; *Vii quisque legasset super pecunia sua.* Pupillaris ad eam legem non pertinet; quippe in qua pater non de sua pecunia suisve bonis, sed alienis, id est, filii disponit, l. 10. §. ad substitutos 5. hoc tit. sed substitutio hæc moribus introducta est, l. 2. in pr. hoc tit. & quod patri lege 12. tabb. permissum erat in tutela, ut liberis impuberibus in potestate constitutis testamentum tutorem daret, hoc confutandine paulatim tractum ad pecuniam quoq; & fortunas liberorum, ut in his patri liceret liberis in ea ætate, qua ipsi testamentum facere non possunt, testamento heredem dare, continuata vi patriæ potestatis etiam quantum ad bona liberorum, attinet, post mortem patris usque in eam ætatem, qua jam ipsi liberi sibi testamentum facere possent, id est, usque ad eorum pubertatem, qua adveniente substitutio expiraret. Atque hoc ipsum in gratiam ipsorum impuberum introductum est, quibus non solum honorificum, sed etiam utile visum, heredem testamentarium & cum, qui patris iudicio datus esset, habere, l. 42. de acq. her. Ob id autem potissimum utile, quod ea ratione fiat, ut agnatorum insidiis minus exposita sit vira pupilli, quamdiu ignoratur, quis ei successor futurus, sit propter quam causam cavere olim patres solebant, ne pupillares tabulæ vivo adhuc & impubere filio aperirentur, §. sin autem 3. in j. eod.

TEXTUS.

De substitutione mente capti.

1. *Qua ratione excitati etiam constitutionem posuimus in nostro Codice, qua prospectum est, ut si quis mente capto habeant filios, vel nepotes, vel pronepotes, cuiuscumque sexus, vel gradus, liceat eis, etsi puberes sint, ad ex-*

emplum pupillaris substitutionis, certas personas substituere: sin autem resipuerint, eandem substitutionem infirmari sancimus: Et hoc ad exemplum pupillaris substitutionis, quæ, postquam pupillus adoleverit, infirmatur.

NOTÆ.

1. *Constitutionem*] l. 9. C. de impub. & al. subst. olim opus erat speciali privilegio, l. 4. hoc tit.

Ut si qui habeant filios] Licet non habeant in potestate, d. l. 9. ibi, qui vel quæ, testatori vel testatrici.

COMMENTARIUS.

1. *Qua ratione & consilio exemplaris substitutio introducta.*
2. *Utroq; parente superstitite & exemplariter substituente,* patri potius, quam matris substitutionem ratam esse
3. *Substitutionem exemplarem etiam ad furiosos & prodigos, adeoque ad mutos & surdos, posse porrigi.*
4. *Etiam impuberibus mente captis & à patre, in cuius potestate sunt, exemplariter recte substitui.*
5. *Eum quoque, qui exemplariter vult substituere, debere sibi prius testamentum facere.*
6. *Si plures sint mente capto liberi vel fratres, posse vel unum ex his substitui.*
7. *An etiam exheredatis exemplariter substitui possit.*
8. *An substitutio exemplaris per resipiscentiam infirmata vires recipiat redeunte morbo.*

HOC §. agitur de substitutione mente capti, quæ in pupillari substitutioni finitima est, atque ejus species quædam imperfecta: unde à nonnullis quasi pupillaris dicitur. Vereres interpp. exemplarem vocant, eo quod ad exemplum pupillaris introducta est. Sciendum vero, ante tempora Justiniani neque lege, neque moribus licuisse parentibus liberis suis puberibus testamentum facere sive subsistere, prætextu vitii alicujus sive animi sive corporis, ob quod ipsi testamentum facere non poterant, nisi, ut id sibi liceret, specialiter à Principe impetrassent, l. ex facto 43. hoc tit. quod quia vel non semper impetrari, aut non sine magna molestia poterat, humanum tamen videbatur, Justinianus jus regulare fecit, atque ex privilegiario commune, data parentibus potestate, quantumvis non impetrata à Principe licentia, liberis suis mente captis, licet puberes sint, ad eum modum substituendi, quo jam antea ex more recepto parens filio impuberi substituere poterat, nimirum in eum casum, quo hæredes existerent, & in eadem constitutione mentis decederent, l. humanitatis 9. C. hoc tit. Utriusque hujus substitutionis & dissimilitudo ostenditur in progressu.

Quaratione] Mimirum eadem illa, quam modo dixi causam fuisse comparandæ atque in mores inducendæ substitutionis pupillaris. Hoc enim significat, eadem ratione, qua antea receptum fuit, ut parentes liberis impuberibus testamentum facerent, quia scilicet liberi ipsi propter ætatem sibi facere non poterant, se excitatum permisisse parentibus substituere liberis etiam puberibus qui non sanæ mentis sunt, & ob eam causam ipsi testari non possunt.

Ut si qui] Sine distinctione sexus aut gradus aut potestatis parentum; ne quis ex similitudine substitutionis pupillaris hoc ad eos parentes tantum referat, qui liberos habent in potestate. Etenim substitutio hæc non ex ratione aliqua juris civilis, sed ex sola humanitate, affectione, pietate & cura parentum erga liberos introducta est, quæ eadem est in omnibus parentibus, d. l. 9. quod tamen timidius diceremus, nisi ipsis legis verbis parentibus omnibus eadem potestas tribueretur; *parenti, qui vel quæ testatur; testatori vel testatrici*. Poterit igitur mater hoc modo substituere, & avia, & pater filio emancipato. Quod si mente capto uterque parens superstes sit, rationi juris consentaneum est, ut patris potius, quam matris substitutio rata sit, ut rectè *Vasq. lib. 2. de succ. prog. §. 17. n. 39. & seqq. Don. 6. comm. 27.* quamvis receptum magis, ut cuiusque substitutio valeat in bonis ab eo profectis, teste *Sichardo in d. l. 9. n. 9.* quod etiam probant *D. Perex. in Cod. hoc tit. n. 31. & D. Tuld. in comm. hic c. 10.* Sed hoc neque naturæ hujus substitutionis communi cum pupillari videtur convenire, nam utraque sit bonis liberorum omnibus; & insolens est aliquem cum duobus testamentis decedere: quanquam fortassis subtilitatem istam mores hodierni non usque adeo curent. Atque hæc est prima hujus substitutionis & pupillaris differentia.

Mente captus] Furiosum quoque mente captum esse, id est, lumine mentis carere, certum est. Sed usu veterum mente captus à furioso distingui solet, & furiosus dici, qui rabie quadam agitur, mente captus, qui in quiete, magis est, nulla ferè signa ostendens extrinsecus: & dementia plerumque vitium naturale est ac perpetuum; furor sæpe remissionem ac intervalla morbi & sanitatis habet. Hinc dubitatum aliquando, an quæ de mente capto constituta sunt, ad furiosum per interpretationem sint producenda; quæ dubitatio circa hunc quoque §. & d. l. 9. incidit, propterea quod utrobique mente capti tantum Justinianus meminit. Et vero potest aliquando iusta esse causa dubitandi, veluti cum *D. Marcus* permisisset filio mente capto uxorem ducere, exorta apud veteres dubitatio fuit, an id quoque ad furiosi filium porrigendum esset; quoniam in mente capris nullæ sunt morbi induciæ, furiosi au-

tem plerumque intervallis quibusdam sensu saniores sunt, quod tempus expectandum videri poterat: quam tamen dubitationem sustulit Justinianus, producta *D. Marci* constitutione ad furiosi quoque filium, l. si furiosi 25. C. de nupt. Gæterum in proposito non video, quæ possit esse dubitandi causa, cum omnino hic eadem ratio sit utriusque, & furore intermisso liberis ipsis, si in potestate non sint, testari permisum ac testamentum paternum abolere. *Fac. l. ex facto. 43. in pr. vers. nam & si hoc tit. l. 2. C. de cur. furios. ubi furiosus & mente caprus pro eodem ponuntur.* Et rectè igitur *Theoph.* vertit. *μηνυτορας ἢ γυναικαὶ πατρὸς τας*. Quinimo putem, constitutionem Justiniani ad prodigos, atque adeo ad furdos & muros quoque liberos porrigendam: quo casu ipsi testari non possunt: quæ & communis sententia est, fundata in constitutionis humanitate & ratione, quæ his omnibus convenit, nimirum ut qui ipsi sibi testamentum facere non possunt, parentes eis faciant, quodque olim non licebat, nisi ex privilegio, nunc liceat jure communi, *Gomez. 1. resp. 6. n. 3. & 4. Covar. in c. Rayn. §. 6. n. 1. Grass. §. substitutio. quest. 44. n. 4. & 6.* quamvis aliud visum *Viglio* hic *Govean. in d. l. ex facto 43. hoc tit. D. Tuld. in comm. hic c. 10. Perex. in Cod. eod. n. 30. arg. l. quod vero 14. de legib. cui occurrere potest ex *D. Præside loco 79. n. 18. & seqq.* Planè ad phreneticos constitutionem non pertinere, tradunt comm. *DD. & probat. Vasq. d. §. 17. n. 208. per verb. constitutionis perpetuo. Grass. d. quest. 44. n. 3.**

Vel nepotes] Eadem autem conditio hic exigitur quæ in substitutione impuberum, ut nepotes, quibus exemplariter substituitur, post mortem testatoris non sint recasuri in potestatem patris sui, l. 2. hoc tit. Nam & hæc substitutio testamentum liberorum est: Qui autem sunt in potestate, nec testamentum nec hæredem ex testamento habere possunt, l. pen. & ult. C. qui test. fac. Quare & si mater substituit, mortua ea, superstite patre mente capti, evanescet substitutio secundum plerosque: ego arbitrarer, quamdiu pater vivit, ne concedendum quidem matri esse, ut substituat, de quo latè *Vasq. 2. de success. progr. §. 17. n. 43. & seqq.*

Etsi puberes sint] Secunda differentia, quæ principalis est inter hanc substitutionem & pupillarem. Ait, *etsi puberes*. Licetne ergo etiam impuberibus exemplariter substituere? De patre, qui emancipavit, non quaeritur, nec de matre substituere volente; quoniam in his terminis sola exemplaris locum habet: sed de patre, in cuius potestate est impubes mente captus. Ratio dubitandi orta à simili. Quemadmodum enim curatio agnatorum, in qua lex 12. tabb. jubet esse furiosos, ad impuberes non pertinet, qui ex jure ordinario in tutela sunt; l. 3. de tutel. ita videri

potest nec pertinere ad eos hæc extraordinaria substitutio, cum pater jure ordinario his substituere possit pupillariter. Sed non sunt hæc similia: nam finita tutela succedit, & administratione bonorum puberis suscipit curator quem lex aut magistratus tutori subrogat, ut in omnem eventum hic furioso prospectum sit: finita autem substitutione pupillari, & durante adhuc mentis alienatione, non succedit exemplaris substitutio, neque quisquam est, qui hæredem mente capto dare queat. Quamobrem magis est, ut dicamus, posse patrem etiam exemplariter filio substituere, ut duret ea substitutio etiam post pubertatem, quamdiu manet eadem mentis constitutio, ita & *Duar. in tit. de vulg. & pup. c. 19. & Dd. comm. Vasq. d. §. 17. n. 68. Grass. d. §. 4. 41. Dissent. D. Pacius innot. marg.*

Ad exemplum pupillaris substit.] His verbis significatur, licere patri filio mente capto substituere in casum secundum, *Si filius hæres erit*, ut receptum est in pupillari. Deinde etiam debere patrem, qui exemplariter substituit, sibi prius testamentum facere, sibi que in eo hæredem instituere, quam filio substituatur, perinde ut in substitutione pupillari, §. *liberis §. inf. eod.*

Certae personae] Differentia tertia. In substitutione pupillari licet impuberi filio quosvis substituere, etiam fratribus ejus præteritis: in substitutione mente capti non licet: sed in hac primum liberi, si quos habet, dein his non exantibus, fratres mente capti substituti sunt: demum si nec fratres erunt, permissum, substituere quemlibet, *d. l. 9. C. h. t.* Et notandum, quod in constitutione adjicitur, non esse necesse, si plures sint mente capto liberi aut fratres, ut substituantur omnes, sed satis esse vel unum ex iis substitui, ut valeat substitutio, licet reliqui non sint exheredati: nihil enim de cæteris exheredandis exprimitur. Sed &, impune posse præteriri, ex eo licet intelligere, quod adversus substitutionem denegatur querela inofficiosa: quod tamen in liberis mente capti vix est ut ab iniquitate defendi possit, *vid. Vasq. §. 17. n. 55. & seqq.* Sed de parentum erga liberos affectione benignius præsumamus, avumque testatorem nepotibus præteritis tantundem de propriis bonis in compensationem relicturum. Inducitur vulgo ex verbis d. constitutionis & alia dissimilitudo. Nam impuberibus pupillariter substitui potest, etsi nihil eis relinquatur, dummodo exheredentur: mente captis non aliter substitui concedit constitutio, quam si legitima eis relicta fuerit: & cum, igitur hodie legitima liberis relinquenda sit titulo institutionis, *Nov. 115.* non aliter testamentum patrum consistere, aut querelam inofficiosa evadere plerique existimant, quam si liberi in eo hæredes institui fuerint, saltem in parte aut ex re aliqua; quo

casu si minus legitima relictum sit, id quod deest, eos consecuturos conditione, *ex l. 30. C. de inoff. nimis* enim superstitiosos esse, qui negant subsistere testamentum, nisi tota legitima relicta sit. Concludunt, igitur, exheredato non recte, exemplariter substitui, neque rationem humanitatis pati, ut afflicto addatur afflictio. *Bart. in l. 43. n. 18. hoc tit. Dd. comm. in l. 9. C. eod. Grass. d. §. 4. n. 44. m. 5.* Quibus assentiri non possum. Nam cum etiam liberi furiosi à patre exheredari possint, *l. 27. C. de Episc. aud. l. ult. §. 5. Cod. de cur. fur.* quod sic accipiendum est, ut possint etiam efficaciter, quamvis nihil eis relictum sit, modo exheredentur ex causa ingratitudeis ante furorem commissæ, quod *Bart. quoque d. loc. num. 19. & Dd. comm. concedunt: Vasq. de succ. creat. §. 21. num. 256.* non video cur non & his exheredatis possit exemplariter substitui. Sanè verba constitutionis non refrangantur. Nam quod de legitima relinquenda adjicit Justin. id non eo pertinet, ut si illa relicta non sit, testamentum ipso jure sit nullum, sed quod alias per querelam inoff. posset everti: cujus querelæ nō hodie quidem vis ulla, ubi ob justam causam ingratitudeis testamento insertam hæres docere potest, exheredationem factam esse: & quod novissimè Imp. voluit, legitimam relinquere tit. institutionis, id non hunc habet sensum, si ita relicta non sit, utcumque ritè facta sit exheredatio, testamentum ipso jure non subsistere, sed tunc per querelam posse subverti: de quo uberius *inf. tit. 18. Duar. ad hunc tit. c. 20. Covar. in cap. Raynuntius §. 6. n. 2. & 3. Boer. hic n. 21.*

Sin autem resipuerint, infirmari] Deficiente nimis conditione hujus substitutionis: ut enim pupillaris substitutionis hæc propria est, *Si filius impubes decesserit*; ita exemplaris hæc propria, *Si mente captus in eadem constitutione mentis decesserit*: ac proinde ut illa pubertate, ita hæc finitur resipiscencia: quomodo veteres quoque principalia rescripta interpretati sunt, quibus specialiter aliquibus concessum erat, liberis puberibus ob infirmitatem aliquam, propter quam ipsi testari non poterant, testamentum facere: iniquum enim esse, testamenti factionem adimere homini sani sensus & mentis, *l. 2. factio 43. h. t.* ubi indicatur alius quoque modus, quo hæc substitutio infirmatur, sui heredis agnatio. Quid autem si filius in eadem mentis abalienationem reciderit? *Zasius tract. subst. exempl.* post Baldum & Salicet. *in d. l. 9. C. hoc tit.* distinguit inter modicum & longum intervallum, ut illo casu duret, hoc evanescat substitutio, quod & *Covar. in d. c. Raynuntius §. 6. num. 11. probat Perezins ad eund. tit. C. n. 33. indistinctè negat, unquam convalescere. Vasquius contra convalescere ait, sed ita, quasi interim non extinguitur, idque etiam si filius tempore mortis pater-*

næ adhuc sit sanæ mentis, *lib. 2. de success. progress. §. 17. n. 48. & seqq.* quæ etiam est communis opinio secundum *Iason.* & alios à *Vasq. & Covar.* allegatos. Ratio juris svader. ut dicamus, cum *Donell. l. 6. comm. 27.* siquidem filius vivo adhuc patre in eundem morbum reciderit, magis esse, ut substitutio duret, *arg. l. 6. §. 2. de her. inst. §. 4. inf. de her. qual.* nisi forte per id tempus, quo sanæ mentis fuit, ipse testamentum fecerit, per *§. 1. sup. quib. non est perm. fac. test.* Quod si tempore mortis testatoris sanæ mentis fuerit, evanescere substitutionem, *arg. l. coheredi 41. §. 2. h. t.* quæ etiam sententia videtur *D. Viglii. hic n. 10.* male in contrarium allegati à *D. Perezio. Add. Mantiz. de conij. ult. vol. lib. 5. c. 16. n. 14. & seqq.*

TEXTUS.

Proprium pupillaris substitutionis.

2. Igitur in pupillari substitutione secundum præfatum modum ordinata duo quodammodo sunt testamenta, alterum patris alterum filii. tanquam si ipse filius sibi heredem instituisset: aut certe unum testamentum est duarum causarum, id est, duarum hereditatum.

COMMENTARIUS.

Redit Imp. ad institutam initio disputationem, de substitutione pupillari. Ait, in ea substitutione, duo quodammodo esse testamenta. Quæ verba captanda non sunt. Etenim non hic eorum sensus est, in pupillari substitutione, quatenus sola & per se spectatur, duo esse testamenta; quæ oratio implicaret contradictionem: quippe in pupillari substitutione soli pupillo hæres datur, cuius idcirco etiam testamentum dicitur, licet, patrem, auctorem habeat, *l. 20. hoc tit. & passim.* ea vero pars, quia impubes ipse aut alius hæres instituitur, patris testamentum constituit, nulloque modo appellari potest substitutio pupillaris. Sed ita accipienda sunt, ut simul comprehendatur ipsa impuberis institutio, secundum formulam in pr. traditam: quod ostendunt verba, secundum præfatum modum ordinata. Hoc sensu rectè dicitur, duo hic quodammodo testamenta esse, alterum patris, alterum filii. Hinc enim est, quod utriusque mors expectanda, quod duæ aditiones necessariae, *l. 2. §. 1. h. t. l. 11. §. 1. ad Trebell.* duplex item apertura tabularum, & pupillares seorsum obsignatæ, *l. 8. test. quemad. aper.* quod pater una hora sibi, altera filio heredem facere potest, *l. 16. §. 1. hoc tit.* sibi per scripturam, filio per nuncupationem, & contra, *de l. patris 20. eod. l. 8. in fin. §.*

tab. quod filio substitutus, eo abstinentie non cogitur paternis creditoribus respondere, l. Iulianus 42. de acquir. hered. & apparet hoc luculentius in substitutione exheredati

Unum testamentum duarum causarum] Rectè quoque. sed sensu diverso, unum hic esse testamentum dicitur, *l. 2. §. prius 4. d. l. patris 20. hoc tit. l. paternam. 28. de reb. auct. jud. poss.* nimirum tum ratione causæ efficientis, quia unum duntaxat auctorem, habet; tum formalis, quia unica solennitate contentum, veluti unis septem testium signaculis, *d. l. 20.* tum ratione substantiæ, quia pupillare testamentum per se non subsistit, sed paterni accessio est, quod rupto, rescisso aut irritato facto, simul concidit, *d. l. 2. §. 1. l. 10. §. 3. l. 16. §. 1. eod. l. 11. test. quemad. ap. §. 5. inf. hoc tit.* Atque hinc est, quod in tabulis patris & filii una Falcidia servatur, *l. 11. §. quod vulgo 5. ad leg. Falc.* quod juri accrescendi locus est inter patris & pupilli tabularum legatarios, ut inter re conjunctos, *l. plane 34. §. sed si 10. de legat. 1. & si quæ sunt alia generis ejusdem.* Consulatur *D. Horomannus,* qui singula accurate persequutus est.

TEXTUS.

Alia forma substituendi pupillariter.

3. Sin autem quis ita formidolosus sit, ut timeat, ne filius suus pupillus adhuc ex eo, quod palam substitutum acceperit, post obitum ejus periculo insidiarum subiaceat, vulgarem quidem substitutionem palam facere, & in primis testamenti partibus ordinare debet: illam autem substitutionem, per quam, si hæres extiterit pupillus, & intra pubertatem decesserit, substitutus vocatur, separatim in inferioribus partibus scribere debet, eamque partem proprio lino, propriaque cera consignare: & in priore parte testamenti cavere, ne inferiores tabula vivo filio & adhuc impubere aperiantur. Illud palam est, non idè minus valere substitutionem impuberis filii, quod in iisdem tabulis scripta sit, quibus sibi quisque heredem instituisset: quavis pupillo hoc periculosum sit.

NOTÆ.

3. *Proprio lino]* Vide comm. infra. Exempla substitutionis pupillaris factæ in ima cera, sive ultima parte tab. habes in *l. ult. de fideic. libert. l. 8. §. ult. sec. tab. In priore parte cavere]* Et si non cavit, voluisse tamen intelligitur, qui separatim obsignavit tabulas.

COMMENTARIUS.

Quia substitutio hæc pupillo periculosa videtur, consilium hoc loco parentibus datur, ut eam in ima parte tabularum scribant, linoque proprio trajecto constrictam obsignent, caveantque, ne vivo & adhuc impubere filio aperiantur.

Periculo insidiarum subjaceat] Vulgaris substitutio rarius periculum liberis impuberibus creat, quia adita hæreditate spes omnis successionis substituto præciditur. Potest tamen & ipsa causam præbere insidiis. Apud Ciceronem in orat. pro Cluent. legimus, mulierem quandam Mileciam, accepta à secundis hæredibus pecunia partum sibi medicamentis abegisse: cujus rei meminit Triph. l. Cicer. 39. de pen. Citius autem periculum metuitur à substituto pupillariter, si is mortuo patre, pueri custode, se esse substitutum cognoscat: hic enim majorem occasionem habet vitæ pupilli fruendi insidias, eumque antequam pubescat, è medio tollendi. In cujusmodi scelus impulsus hac occasione fuit tutor ille, quem Sergius Galba ob id cruce affecit, nimirum quod pupillum, cui substitutus hæres erat, veneno necasset. *Sueton. in Galb. c. 9.* Scilicet ea vulgo est hominum improbitas, ut spe luculentæ hæreditatis aut similis luctri, quod post obitum alicujus se percepturos certo sciunt, facile impellantur ad affectandam illius mortem. Notum est illud Persiani *satyr. 2. de improbo insidiatore pupilli, cui hæres substitutus erat*:

--- Pupillumve utinam, quem proximus hæres

Impello, expungam.

Eodemque pertinent illa Horatii *lib. 2. satyr. 5.*

Arripe officiosus, ut & scribare secundus.

Hæres, ut si quis casus puerum egerit Orco,

In vacuum venias.

Primis testamenti partibus] Tabulæ testamenti in plures partes dividi possunt, singulæque partes seorsum obsignari, ita ut priores sine posterioribus commode aperiri & signari queant. Primam testamenti partem Horatius *d. satyr. 5. primam ceram* vocat, sicut Tranquillus in *Julio cap. 83.* partes inferiores, *imam ceram*. Cicero *Verr. 3. extremam ceram Codicis*. Quod intelligendum est è consuetudine veterum Romanorum, qui in tabulis ceratis scribere solebant. Quamvis interdum etiam chartis & membranis uterentur, §. *nihil autem 12. sup. de testam. ord. consule D. Salmaf. lib. de mod. usur. c. 11.*

Separatim in inferioribus partibus] Exempla substitutionis pupillaris factæ in infima sive novissima parte testamenti habemus apud Marcell. l. ult. de fideic. lib. Pauli l. ult. ad sen. Treb. Vlp. l. 8. test. quem ap. quo loco etiam hoc scribit Jurisconsultus, prætorum non pati sine causæ cognitione aperiri tabulas pupillares, quas separatim signatas testator reliquit, quamvis expresse non caverit, ne aperiantur: quia

se prætor existimat, id nullo modo è re pupilli futurum esse.

Proprio lino] Significat, testamenti tabulas diverso lino ita ligandas esse & complicandas, ut lino inciso singulæ per se commode aperiri possint. Lini, quo tabulæ ligantur, mentio fit plerisque locis, l. *Aurelius 28. §. 1. de lib. leg. l. 1. §. pen. & ult. de bon. poss. sec. tab. l. pen. Cod. de testam. apud Lucian. in Timone. Sueton. in Neron. c. 17. Adversus falsarios tunc primum repertum, ne tabule nisi pertusa, ac ter lino per foramina trajecto, obsignarentur. Add. Alciat. 4. parad. 6. Gajus 2. Inst. 4. de hac cautela sic scribit; Sed pupillaris substitutio ita secreta esse debet, ut ad notitiam substituti pervenire non possit, ne vitæ pupilli substitutus aliquas insidias moliat. Nam in extrema pagina testamenti fieri debet, ut pars illa, in qua pupillaris substitutio scripta est, quamdiu pupillus annos pubertatis egrediatur, obsignata permaneat, & prior pars testamenti, in qua hæres scriptus est, resecretur.*

Cavere, ne inferiores tabule aperiantur] Pupillares tabulas aperiri plerumque vetabat parens, l. 31. C. quemadmodum test. ap. aut vetuisse intelligebatur, si seorsum eas signatas reliquisset, l. 8. ff. cod. Quæsieris, quid juvet, hanc adh. buisse cautionem, cum qui in vulgarem casum impuberi à patre substitutus est, etiam in casum pupillarem substitutus esse intelligatur ex constitutione D. Marci, l. 4. hoc tit. nam facta palam substitutione vulgari etiam si altera celeretur, in idem incommodum incidi; quia substitutus ignorare non potest, mortuo impubere, se ei hæredem fore ex tacita pupillari. Sed facilis est responsio, nimirum ex conjectura voluntatis hoc introductum, ut substitutioni vulgari expressæ, pupillaris insit: in voluntate testatoris manifeste contraria secus esse, d. l. 4. §. 2. & l. 4. Cod. eod. Neque enim unquam in re manifesta aut ubi de voluntate constat, præsumptioni aut conjecturis locus est, l. continuus 137. §. 1. in fin. de verb. obl. Quamobrem cum in casu præsentis ex priore testamenti parte constet, testatorem expresse aliquem filio substituisse in imis tabulis, quas filio vivo & adhuc impubere aperiri vetuit, nihil certi sibi promittere substitutus potest de successione pupilli, cum scire non possit, ipsumne, an alium testator in secundum casum substituerit.

Non ideo minus valere] Igitur Justinianus hæc non imperat, sed svadet. Consilium est, non præceptum, ut & Græci, *ἐνὸς τοῦ ἀλλὰ τοῦ δὲ*; neque enim eo minus valet pupillaris substitutio, quod scripta est in iisdem tabulis, quibus testator sibi hæredem instituit. Quin etiam sibi in tabulis testamentum facere pater potest: filio impuberi per nuncupationem substituire, l. 8. in fin. sec. tab. l. patris 20. §. 1. h. ti.

T E X T U S.

Quibus substituitur.

4. Non solum tamen heredibus institutis impuberibus liberis ita substituere parentes possunt, ut si heredes eis extiterint, Sante pubertatem mortui fuerint, sit eis heres is, quem ipsi voluerint: sed etiam exheredatis. Itaque eo casu, si quid exheredato pupillo ex hereditatibus, legatisve aut donationibus propinquorum atque amicorum acquisitam fuerit, id omne ad substitutum pertinebit. Quæcunque diximus de substitutione impuberum liberorum, vel heredum institutorum, vel exheredatorum, eadem etiam de posthumis intelligimus.

N O T Æ.

4. Sed etiam exheredatis] l. 2. §. 2. l. 10. §. 5. hoc tit. Ulpian. tit. 23. §. 7. quia pater non suis bonis substituit, sed impuberis, videlicet jure potestatis, d. l. 10. §. 5. quo & tutorem dat, l. 4. de test. tut. Formula: Titius heres esto: filius exheres. Si filius impubes moriatur, Sempronius ei heres esto.

Ex hereditatibus legatisve, &c.] d. l. 10. §. 5. non tamen potest pater ab exheredato legatum relinquere, l. 41. §. 3. hoc tit. neque à substituto exheredati, d. l. 41. §. 3. de test. mil. Legatum onus est: hæredem habere non est.

Etiam de posthumis] l. 2. eod. exempl. in l. 46. hoc tit. l. ult. C. de instit. & subst.

C O M M E N T A R I U S.

1. Formula substitutionis pupillaris exheredato facta.
2. Male in vulgaris codicibus interpungi. l. miles 41. §. 4. de test. milit.
3. Patrem ab exheredato filio ejusve substituto legare non posse.
4. An exheredatio extinguat jus suutatis. Questio subtilissima.

Sed etiam exheredatis] Non ait, præteritis, quia sic testamentum patris ipso jure nullum esset, l. 1. de injust. rupt. l. inter cetera 30. de lib. & posth. Exheredatis autem recte substituitur, l. 1. §. 12. l. 10. §. 5. ad substitutos §. hoc tit. nimirum jus hoc substituendi, ut & tutores dandi, non ab institutione hæredis, sed à potestate patris pendet. Quippe qui non suis bonis, sed impuberis substituit: quo argumento utitur Np. d. l. 10. §. 5. Quamobrem et si hodie bonorum adventitiorum proprietates patri non quaeritur, non eo tamen minus substituere filio exheredato poterit. Neque in eo injuria sit exheredato, quod pater ei hæredem dat: quin potius ad utilitatem pu-

pilli hoc spectare creditur, l. Julian. 42. de acq. hæ. Fac. l. 6. in pr. de interrog. in jur. Sed quibus verbis hæc substitutio concipienda est? Non enim potest concipi eadem formula, qua utimur in substitutione filii hæredis instituti, Si heres erit, & intra pubertatem deceder. Nimirum posterior tantum hujus conditionis pars exprimenda. Formula hæc sit: Titius heres esto; Filius exheres. Si filius impubes moriatur, Sempronius ei heres esto. Ex quo apparet, veram hic substitutionem nullam esse, ac ne vix quidem coloratam, ut monui initio hujus tituli.

Pupillo ex hereditatibus legatisve] Nam uti modò dictum est, non suis, sed impuberis bonis testator substituit. Turbavit hic multos vitiosa lectio, l. miles 41. §. 4. de test. mil. Sic enim is locus in vulgatis codicibus legitur: Exheredato miles & emancipato filio substituere potest. Verum hoc jus in his exercebitur, quæ ab ipso ad eum, cui substituit, pervenerunt: non etiam in his, quæ habuerit, vel postea acquisierit. Quod si exheredato filio à milite substitutus ea tantum accipit, quæ à testatore profecta sunt, nihil amplius ei tribuendum, si substitutus sit à pagano. Cæterum alia omnia ratio juris efflagitat: nec responsum istud, si ita legas, defendi potest à summa absurditate. Quod cum animadverteret D. Viglius, ausus est, quamquam nullius fretus codicis auctoritate, locum aliter interpungere, dictioneque exheredato, in calcem præc. §. transposita, novum sic inchoare, Miles & emancipato filio, &c. quam viri doctissimi & prudentissimi interpolationem postea compertum est Pisani codicis auctoritate confirmari.

Ad substitutum pertinebit] Hoc igitur certo constitutum est, licere patri substituere filio impuberi etiam exheredato, atque ex hac substitutione ad substitutum pertinere adventitia exheredati emolumenta. Sed hæc occasione duo quæstiones sunt: primum, an quemadmodum pater exheredato recte substituit, ita etiam ab eo legatum aut fideicommissum recte relinquat: alterum, an à substituto exheredati legatum aut fideicommissum dare valeat. Primum quod attinet, placet, patrem à filio, quem exheredavit, legare aut fideicommissum relinquere non posse, l. coheredi 41. §. 3. hoc tit. alia enim ratio est substitutionis, alia legatorum sive fideicommissorum. Legata & fideicommissa onera sunt: ac proinde aliis imponi non possunt, quam iis, quos defunctus honoravit, & tantum pro modo relictis, d. l. coheredi, §. 3. l. 1. §. sciendum 6. de legat. 3. l. 9. C. de fideic. Substitutio verò onus nullum continet (neque enim onus est hæredem habere) sed est provisio, pertinet ad commodum ipsius pupilli. Atque hinc quoque judicandum de altero. Nam si ab exheredato legari non potest, nec poterit à substituto ejus. Ratio enim non patitur, ut plus juris habeat testator circa postu-

nam

nam substitui, quam habet in eo, cui substituit, *l. qui fundum 87. §. qui filios 7. vers. dicet aliquis, ad leg. Falc. l. ab exheredati 116. de leg. 1.* Planè quemadmodum filius exheredatus, si legatum vel fideicommissum à patre accepit, fideicommissum iudem à patre gravari potest; *d. l. cohæredi §. 3.* ita & eo casu poterit substitutus, si juris rationem spectes, *l. §. 1. de legat. 3.* Contrarium tamen in odium exheredationis constituit Justinianus *l. cum quidam 24. C. de legat.* ut bene observavit D. Viglius. Ne olim quidem, ut hoc obiter addam, legari à substituto exheredati poterat; quantumvis legatum etiam amplum à patre accepisset, *l. miles 41. §. 3. de test. mil.* nimirum quia ex ratione iuris veteris legata à legatario ejusve hærede non rectè relinquebantur, at bene fideicommissa, *inf. de sing. reb. per fideic. rel. in pr. d. l. §. 1. de legat. 3.*

Eadem etiam de posthumis intelligimus. Quæstionem, an hodiè post *Nov. 115. c. 3.* posthumus exheredari, & consequenter, an ei exheredato substitui possit, alii loco reservamus. Illud pro coronide hic indagare lubet, verumne sit, quod nonnullis visum est, per exheredationem tolli jus fuitatis. Nam si hoc verum est, cecidit in totum doctrina hujus §. quandoquidem suis tantum hæredibus substitui potest, *l. 2. in pr. hoc tit.* Verum autem esse, hisce argumentis probari videtur. Primum, si exheredati ne hæredes quidem sunt, nec sui hæredes dici possunt; cum non entis nulla sit qualitas, atque ut in scholis ratiocinantur, ab est secundi adjecti ad est tertii adjecti valeat consequenter negando. Hæredes autem non esse, testatur Jurisconsultus *l. 11. §. pen. de sus. ex legat.* Ratio enim juris manifesta est, quia nec ex testamento nec lege eis deferitur hæreditas, ut plenius ostendimus in §. cum autem 7. *inf. de her. que ab int.* Secundo inter suos hæredes numerari non potest, qui pro mortuo habetur: at exheredatus habetur pro mortuo, *l. 1. §. sed & si §. de conjung. cum emanc. lib.* Postremo sui hæredis jus per exheredationem dicitur abscissum esse, *l. 9. §. 2. de lib. & posth.* Ex contrario verò non tolli per exheredationem jus fuitatis, duobus argumentis perspicuè evincitur. Unum petiturum est à definitione: nam si sui hæredes sunt liberi omnes defuncti, qui eo tempore, quo moritur, in potestate illius sunt, & primum in familia locum obtinent, non potest non filius exheredatus eo tempore inter suos hæredes numerari, nisi dicamus, quod inauditum est, exheredatione solum fuisse jus patriæ potestatis. Nec mihi objeceris, jus fuitatis non ex eo solum aestimari, quod quis in potestate sit, & primum gradum in familia teneat; verum etiam, & maxime ex causa successione: exheredatum autem à successione excludi. Etenim quamdiu pater vivit, exheredationis nulla vis est, eo quæ etiam mortuo adhuc in irritum redigi potest, destituto vel rescisso per querelam in-

officio so patris testamento, *l. filium 20. in pr. contr. tab.* ut proinde jûs filii sui hæredis per exheredationem sublatum fuisse dici non possit. Alterum argumentum sumitur ab effectis fuitatis propriis. Primum ex eo, quod, ut hoc §. docetur, filio exheredato rectè pater pupillariter substituit. Suum autem hæredem esse oportet, cui ita substituitur, *l. 2. hoc tit.* Secundo, quod, cum tutor testamento dari non possit nisi ei, quem quis in suis hæredibus, cum moritur, habuit, *l. quo tutela 73. §. 1. de reg. jur.* rectè nihilominus datur exheredato, *l. 4. de test. tut.* Tertio, quod exheredati filii persona obstat nepoti, quominus suus hæres fiat avo, & præteritus quasi agnascendo rumpat avi testamentum, *l. 6. pr. de injust. rupt. test. l. 7. unde lib.* Si enim per exheredationem perimeretur jus fuitatis, nepos protinus occuparet locum patris, atque in sui hæredis locum succedendo avi testamentum rumpere, non secus ac is rumpit, cujus pater mortuus aut emancipatus est, *§. 2. sup. de exher. lib. l. 13. de injust. rupt.* Postremo à jure quoque fuitatis procedit, quod filio, qui in potestate est, exheredato ad transmittendam querelam nec bonorum possessio, nec additio hæreditatis necessaria est. Cur enim alioqui contra filium emancipatus nisi ista fecerit, non videtur litem præparasse? *l. 7. de inoff. testam.* Neque verò adeò difficilis responsio est ad argumenta duo posteriora, quibus diximus probari videri, exheredatione jus sui hæredis planè extinguí. Etenim quod Ulpian. ait *d. l. 1. §. sed & si §. de conjung. cum emanc. lib.* patrem exheredatum pro mortuo haberi, verum quidem est, non autem simpliciter, sed quod ad illud edictum, quo de agitur, attrinet; ne scilicet pater emancipatus, exhæres factus, impediatur, quominus nepos in potestate retentus & præteritus bonorum possessionem contra tabulas solus petat, aut si concurret patruus, partem bonorum dimidiam consequatur, cum si pater exheredatus non fuisset, ex edicto filio jungeretur. Eodem modo responderi potest ad *d. l. 9. §. 2. de lib. & posth.* jus filii eo loco abscissum dici comparativè, respectu sc. ejus, qui apud hostes est, cujus jura omnia in suspensio retinentur, propter spem postliminii. Aut si magis placet emendatio Ant. Fabri *10. conj. 12.* pro illis verbis, *filii jus, lege, illius jus*: ut hoc referatur ad nepotem, cujus sanè jus per exheredationem patris penitus abscissum est; in tantum, ut nec defuncto ante aditam hæreditatem patre ad successionem avi admittatur, *d. l. 9. §. 2. d. l. 6. de injust. rupt. test. l. 7. unde lib.* quæ emendatio eo probabilior est, quia & sententiæ Jurisconsulti locus sic restitutus melius convenit, & lectio loci mirè variat, ut videre est apud Accurs. Bart. Alciat. & in editione Robert. Stephani. Majorem difficultatem habet argumentum, quod primo propositum fuit; utique enim, cum verum sit, exheredat-

etum morienti patri hæredem non existere, consequens est, nec suum esse, quo tempore pater moritur; alioqui necessario potestate juris statim hæres existeret, & obstaret hæredi instituto, quominus ipse directo hæres esse & jure civili hæreditatem cernere posset, arg. *Lult. de acq. her. quod falsum esse patet ex d.l. 6. in pr. de injust. rupt. test. l. filium 20. de bon. poss. cont. tab.* Quamobrem sic omnino statuendum arbitror, vivo adhuc patre, cui testamentum mutare licet, exhæredationem non impedire, quominus filius exhæredatus adhuc inter suos hæredes habeatur: atq; ideo nepotibus ex se natis obitare quominus in locum ipsius & gradum ascendant. Sed & post mortem patris, quoadiu adhuc ab intestato succedere potest, pro suo interim haberi, quoniam rescisso aut deserto patris testamento suus hæres nihilominus patri existit, perinde ac si nulla exhæredatio intervenisset, *d. l. filium 20. cont. tab. l. 8. §. pen. de inoff. test.* Verumenimvero si exhæredatio confirmata fuerit aditæ ex testamento hæreditate, hac consideratione exhæredatus amplius pro suo haberi non potest, cum verum sit, eum patri suum hæredem non extitisse, nec existere posse, *d. l. 1. §. pen. de suis & legit. add. Gomez. 1. ref. 11. n. 9. Hostom. 9. obj. 10. Ant. Fab. 9. conj. ult. Christin. vol. 4. dec. 16. n. 4. Bachov. hic, add. Val. Reimer. dec. 6. disp. 1. th. 4.*

TEXTUS.

Pupillare testamentum sequela paterni.

§. *Liberis autem suis testamentum nemo facere potest, nisi & sibi faciat; nam pupillare testamentum pars & sequela est paterni testamenti: adeo ut si patris testamentum non valeat, nec filii quidem valebit.*

NOTÆ.

§. *Nisi & sibi faciat*] *d. l. 2. §. 1.* imo nisi sibi prius faciat, deinde filio, nec converso modo à filii testamento incipiat, *d. l. 2. §. 4. & ult.* utique si ex intervallo diversisque tabulis sibi pater hæredem scribat, & filio substituatur, quod facere potest, *l. 16. §. 1. l. 20. §. 1. cod.* Cæterum si conjunctim, eodem tempore ac contextu utrumque fiat, licet ordinem convertere, veluti si ita scribat, *Si filius meus intra pubertatem decesserit, Sejus hæres esto: Filius hæres esto, d. l. 2. §. 5.*

Nec filii valebit] *Fac. ratio in l. 129. §. 1. l. 178. de reg. jur. c. accessorium, cod. in 6. puto tamen hodie tabulas pupillares non infirmari, quamvis exhæredatus querela inoff. testamenti obtinuerit, per Nov. 115. c. 3. in fin.*

COMMENTARIUS.

1. *Patrem prius sibi debere testamentum facere, deinde filio, nec converso modo à filii testamento incipere; nisi conjunctim unoque textu utrumque fiat.*
2. *Patris testamento non subsistente, & filii nullum esse, aut cernere.*
3. *Cur rescisso per querelam testamento patris substitutio pupillaris concidat, p. tit. cont. tab. bonorum possessione non item.*
4. *Jure novissimo etiam expugnato per querelam testamento patris salvam manere substitutionem pupillarem.*

Permisum quidem patri est, suo testamento per se & alio tempore filio testamentum facere, *l. 16. §. 1. hoc tit.* aut sibi per scripturam, filio per nuncupationem, vel contra, *l. patris 20. cod.* & vel instituto filio vel exhæredato. Cæterum necessarium omnino est, ut sibi quoque hæredem faciat; qui filio vult facere, *l. 2. §. 1. cod.* Incongruens enim visum est, eum, qui ipse intestatus decedere cupit, filio suo hæredem testamento dare: tantumque concessum patri sibi testamentum facienti, simul filio impuberi prospicere. Ex quo efficitur, testamentum patris principale esse, filii accessorium & paterni appendicem; ac proinde hoc sine illo non consistere, ex tritissima juris regula, *l. nihil dolo 129. §. 1. de reg. jur. c. accessorium, cod. in 6.* Cæterum hoc in paganis obtinet; militi enim ex privilegio indultum, ut soli filio hæredem facere possit, tamen si sibi non fecerit, *d. l. 2. §. 1. in fraudem 15. §. pen. de testam. milit.*

Nisi & sibi faciat] Imo, nisi sibi prius faciat, deinde filio, nec converso modo à filii testamento incipiat, *d. l. 2. §. prius 4. & §. ult.* Quippe hic ordo naturæ est, ut sit & præcedat aliquid principale, cui quid accedere volumus, quod per se solum subsistere nequit. Filii autem testamentum sequela est & accessorium paterni, ita ex paternis tabulis pendens, ut sine illis non subsistat. Merito itaque Juliani sententia rescripto Imperiali comprobata est, patrem prius sibi debere, deinde filio hæredem scribere, neque hunc ordinem convertendum esse, incipiendumve à testamento filii, *d. l. 2. §. 4.* Minimeque audiendus est Goveanus, qui *lib. 1. var. lect. 8. in d. §. 4.* pro comprobata, reponit improbata, motus ratione, qua Ulpianus mox utitur, quia constet, unum esse testamentum. Nam ista ratio non evertit Juliani sententiam, ut Goveano videtur, sed confirmat. Objici quippe poterat, duo hic testamenta esse, unum patris, alterum filii, *§. 2. sup. cod.* ac proinde parum referre, ab utro incipiat. Cui objectioni occurrit Ulpianus, tacite significans, si revera duo diversa hic essent testa-

stamenta, facile se concessurum, nihil interesse, utrum prius posteriusve factum sit: sed quia unum duntaxat vera testamentum est, quod duas quidem partes habeat, sed quarum illa, quæ hæres instituit filio, pendeat ex altera, qua hæres instituit patri, rationem exigere, ut ea pars præcedat, quæ principalis est, sequatur altera, quæ ex priori dependet, & sine ea consistere non potest. Atque hæc ita obtinent, si ex intervallo diversisque tabulis pater sibi hæredem scribat, & filio substituatur. Si verò conjunctim, eodem tempore ac contextu utrumque fiat, placeat substitutionem valere, licet conversa scriptura filii testamentum factum fuerit. Veluti, si quis ita scripserit, *Si filius meus intra pubertatem decesserit, Sejus hæres esto. Filius hæres esto*, d. l. 2. §. sed si §. & merito. Quia in conjunctionibus nullus ordo est, nec quicquam interest, utrum prius, utrum posterius dicatur scribaturve, teste Alfenio, l. cum quidam 14. de pecul. leg. fac. l. si ita 28. de her. inst. Ad hunc modum hæc explicant Zas. ad d. l. 2. §. 4. n. 8. Duar. in comm. ad hunc tit. c. 14. Vigl. hic. citans Iason. & DD. ultramontanos. Angelus etiam communem hanc esse sententiam testatur.

Nec filii quidem valebit] Nam, ut dictum est, cum principalis causa non subsistit, ne ea quidem, quæ sequelæ & accessionis vicem obtinent, consistere possunt, l. nihil dolo 129. §. 1. l. cum principalis 178. de reg. jur. c. accessionum, eod. in 6.
 2 Hinc fit, ut non tantum ab initio pupillares tabulæ non subsistant, si patris testamentum ab initio nullum sit; verum etiam corruant, si patris testamentum, quod rectè factum erat, postea infirmetur, puta aut rumpatur agnatione vel quasi agnatione sui hæredis, l. 2. in pr. hoc tit. aut inofficiosum in totum pronuntietur, l. 8. §. sed nec §. in fin. de inoff. test. aut irritum fiat testatore capite minuto, aut non adita ex testamento hæreditate, d. l. 2. §. 1. l. 10. §. 4. eod. Plane si suus hæres testamento patris sit institutus, puta pupillus ipse, nihil amplius ad confirmationem testamenti desideratur, quam ut is mortuo patri sit superstes, licet se abstineat: nam vel nudæ sui hæres existentia hæc vis est, ut confirmet tabulas pupillares, l. 12. h. tit. de quo plene scripsimus
 3 ad pr. hoc tit. Illud alicui mirum videatur, quod cum rescisso per querelam testamento substitutio pupillaris concidat, eam tamen placeat valere, cum præterito filio contra tabulas bonorum possessio petita est, l. ex duobus 34. in fin. & l. seq. eod. non enim minus sic testamentum rescinditur, rescinditur, reditque res ad causam intestati, quam ex causa inofficiosi, l. ut liberis 17. C. de colat. Ego

hoc ex eo esse puto, quod querelæ inofficiosi hic color prætexitur, quasi testator sanæ mentis non fuerit, cum testamentum ordinaret, l. 2. l. 33. de inoff. test. ut proinde eo rescisso perinde omnia haberi debeant, ac si testamentum nullum factum esset, aut ab eo factum, qui testamenti factionem non habuit, nihil ut ex eo testamento valeat, l. 8. §. pen. l. cum mater 28. d. tit. Hoc autem prætextu non petitur aut conceditur contra tabulas bonorum possessio. Occurrit etiam quod prætorioria remedia non ultra operantur, quam prætor voluit, l. in conventionalibus §. 2. de verb. obl. Cumque prætori hoc curæ sit, ut beneficii sui fines sic regat, ut quam potest minimum detrahat juri civili, & omnino ne cui noceat, credibile est, ob hanc causam noluisse eam vim auxilii sui porrigi ad tabulas pupillares; ne, dum aliis opitulatur, utilitatem impugnet pupilli. Ad hæc nec prætor ipse omnino pro nullo habet testamentum; contra quod bonorum possessionem pollicetur: nam si hoc septem testium signis signatum sit, etiam scriptis in eo hæredibus, dat bonorum possessionem secundum tabulas, scil. si liberi præteriti, quorum causa potior est, non petant, l. 2. in pr. secund. tab. Ut adeo nihil mirum sit, substitutionem pupillarem, quæ edictum prætoris non offendit, salvam manere. Qua de re vide 4 quæ superius disputavimus sub tit. de exher. lib. Hodie ex novella Justiniani lege, etiam si per querelam inofficiosi testamentum patris expugnatum fuerit, pupillaris substitutio salva manebit, quemadmodum & legata cæteraque capita firma manent præter institutionem, Nov. 115. cap. 3. in fin. unde auth. ex causa, C. de lib. præter. & ibi comm. Dd. Equidem scio, Dylum & Petrum à Bellapert. contendisse, ea tantum ex novella ista lege rescisso testamento salva manere, quæ institutionem hæredis non desiderant, veluti legata, fideicommissa, libertates, tutorum dationes: secus adhuc esse in iis, quæ hæredis institutionem requirunt, ut pupillaris substitutio; idque & Covarruvæ probari in c. Raynut. §. 6. num. 3. Cæterum mihi verba Novellæ, & alia capitula, non ob aliam causam videtur addidisse Justinianus, quam ut omnia capita comprehenderet extra institutionem: ac licet pupillaris substitutio & ipsa sit institutio, palam tamen est illic per institutionem, quæ irrita esse jubetur, intelligi institutionem primam qua scil. pater sibi hæredem scripsit non quæ filio, quæ tantum pars est & sequela paterni testamenti: pertinet denique etiam ad utilitatem pupilli, ut salva maneat substitutio, obquam causam & olim everso per bo-

norum possessionem cont. tab. testamento patris conservata fuit, l. ex duobus, in fin. cum l. seq. hoc tit.

TEXTUS.

Quot liberis substituitur.

6. *Vel singulis autem liberis, vel ei, qui eorum novissimus impubes morietur, substitui potest. Singulis quidem, si neminem eorum intestatum decedere voluerit: novissimo, si jus legitimarum hereditatum integrum inter eos custodiri velit.*

COMMENTARIUS.

1. *An postquam mater unâ cum fratribus defuncti ad legitimam hereditatem vocata est, adhuc locus sit dispositioni hujus §.*

2. *An non saltem, quo mater excludatur, dici possit, fratres per fideicommissum mutuo substitutos esse.*

Qui plures liberos impuberes haber, si neminem eorum intestatum decedere velit, potest singulis, quos voluerit substituere, aut ipsos invicem & reciprocè, eique, qui novissimè impubes mortuus fuerit, substituere alium aliquem, l. si pater 25. hoc tit. Quod si uni tantum substituit, hic solus testatus decedet, cæteri intestati. Unde si postremo morituro tantum substituerit, jus legitimarum hereditatum inter fratres conservare voluisse intelligitur, l. vel singulis 37. eod. unde hic locus sumptus est.

Intestatum decedere] Nota, impuberes etiam dici intestatos decedere, etsi ipsi testamentum facere non possunt; sicut vice versa testati decessisse dicuntur, cum pater eis testamentum fecit. Porro an propriè vox intestatus, impuberibus, furiosis & similibus personis attribuitur, ita ut statuta de successione intestatorum loquentia ad eas quoque personas intelligi debeant pertinere, tractamus inf. tit. 1. lib. 3. in pr.

Jus legitimarum hereditatum] Nam cum cæteris nec pater testamentum fecerit, nec ipsi sibi in ætate pupillari facere possint, necessariò evenit, ut præmorientium fratrum impuberum hereditates ex lege duodecim tabularum ad superstites perveniant: quorum tandem omnium bona in ultimi defuncti hereditate reperta substitutus ejus consequetur. Unde queritur, cum hodiè ex Nov. 118. cap. 2. mater defuncti unâ cum fratribus ad legitimam hereditatem vocetur, adeoque fratres consanguineos tantum sive *ἀποπατρίους* excludat, utrum nihilominus adhuc in casu proposito novissimo morienti substitutus bona etiam cæterorum integra consequatur, an mater partem eorum auferat, easque duntaxat partes ferat substitutus, quæ morte fratrum ad impuberem per-

venissent nulla facta substitutione. Primum illud dicere non possumus, nisi fingamus, substitutionem novissimo factam ad omnes pertinere, singulosque invicem tacitè substitutos, & postremum morientem prædefuncto. At hoc verat hic ipse locus. Ait enim imp. cum novissimo tantum substituitur, jus legitimarum hereditatum inter fratres integrum custodiri. Si verò mutua hic fingatur substitutio, priorem morientium superstites non legitimi hæredes, sed ex testamento essent, omnesque decederent testati. Proinde dicendum, ut olim in casu proposito inter fratres, quippe qui soli à lege vocabantur, legitimæ hereditates salvæ manebant, ita hodiè etiam matri, postquam ea unâ cum defuncti fratribus admissa est, & jus legitimæ successionis integrum manere, atque ad substitutum eas duntaxat partes pertinere, quæ in hereditate ultimi defuncti reperiuntur. Sed dixerit adhuc aliquis, quidni hic fideicommissum inducimus, ut ipsi fratres, si non directo, saltem per fideicommissum invicem substitui videantur? Ita enim Paulum in specie non dissimili respondisse l. Titia 87. §. 2. de legat. 2. Species hujusmodi est, de qua consultitur; Testator certum fundum legavit Titio & Mævio, fideique eorum ita commisit, ut qui ex eis ultimus decessisset, eum fundum, cum moreretur, restitueret Sempronio. Respondet Jurisconsultus, in eo fideicommissio testatorem duos videri gradus substitutionum fecisse, unum, ut is, qui ex duobus prior moreretur, alteri restitueret, quod colligit ex verbis, qui ultimus decesserit; alterum, ut novissimus restitueret Sempronio. Sed non est hæc species similis nostræ. Rectè Jurisconsultus in d. l. Titia, §. 2. ex eo, quod testator proponitur eum, qui ex duobus, quibus fundum legaverat, posterior moreretur, rogasse, ut eum fundum alii restitueret, colligit alterum fideicommissum: non enim rogatus proponitur de restituenda duntaxat parte sua, sed de toto fundo, ac proinde etiam de parte collegatarii præmortui. Jam verò, quia hoc facere non potest, nec implere fideicommissum expressum, nisi collegatarii quoque pars ad eum pervenerit, apparet, eam defuncti fuisse voluntatem, ut qui ex collegatariis prior moreretur, superstiti patrem suam restitueret. In casu verò nostro nihil est, quamobrem præter substitutionem novissimi aliam aut fideicommissum inducamus: non enim in universa hereditate, sed ultimi morientis tantum bonis substitutio facta proponitur.

TEXTUS.

De substitutione nominatim aut generaliter facta.

7. *Substituitur autem impuberi aut nominatim, veluti, Titius hæres esto: aut generaliter,*

raliter, ut, Quisquis mihi hæres erit. Quibus verbis vocantur ex substitutione, impubere mortuo filio, illi, qui scripti sunt hæredes, Extiterunt, Pro qua parte hæredes facti sunt.

COMMENTARIUS.

1. Generali formula substitutionis solos illos vocatos intelligi, qui hæredes nominatim scripti sunt.
2. Ex eadem formula solos venire, qui patri hæredes extiterint.
3. Eiusdem formula hunc effectum esse ut substituti eadem ex substitutione partes consequantur, quas in patris hereditate habuerunt.

Substitutio pupillaris vel specialiter & nominatim concipitur, puta hoc modo, *Filius meus hæres esto. Si filius impubes decesserit, Titius hæres esto.* Vel generaliter veluti, si pluribus hæredibus institutis, testator his verbis filio substituatur, *Quisquis mihi hæres erit, idem filio meo impuberi hæres esto, l. 3. l. 8. l. 10. hoc tit. l. ult. C. eod.* Ad quem modum vulgaris substitutio non recte conciperetur nam hæc formula, *Quisquis mihi hæres non erit, &c.* in infinitum producit. Non est verò eadem vis generalis & specialis substitutionis, ut in calce exegetica hujus §. ostendimus, cum cognita nobis erit potestas clausulæ generalis sive horum verborum, *Quisquis mihi hæres erit, &c.* quam solam hic explicat Justinianus.

Qui scripti sunt hæredes, & extiterunt, & pro qua parte] Paucissimis verbis triplicem comprehendit effectum horum verborum, *Quisquis mihi hæres erit.* Primus hic est, quod is verbis vocari intelligantur illi soli, qui hæredes nominatim scripti sunt, non alii, qui fortè per eos, qui scripti sunt, hæredes extiterunt. Itaque nec dominus, qui per servum, nec pater, qui per filium hæres extitit, ex hac clausula ad hereditatem impuberis admittitur: quippe quibus non iudicio defuncti, sed vi potestatis vel dominicæ vel patriæ hereditas obvenit, l. 3. l. 8. §. 1. eod. Eademque ratione nec hæredis hæres admittitur, d. l. 8. §. 1. licet aliàs hæredis appellatione etiam hæres hæredis contineatur, l. hæredis §. 1. sciendum 70. de verb. sign. l. qui per successionem 194. de reg. jur. l. ult. C. de her. inst. nec is, cui ex fideicommissio hereditas restituta est, ut rectè docet D. Vigl. hic. Cæterum quod diximus, dominum non admitti, id intelligendum est, si hoc solo obtentu hereditatem pupilli ex substitutione ad se pertinere contendat, quod patris bona jam apud se per servum quæsitā habeat. Non enim inspicitur, apud quem patris hereditas sit, sed quis à patre expressè & immediatè ad hereditatem vocatus. Ideoque si servus quæsitā domino ex institutio-

ne hæreditate, antequam ex substitutione adiret, & potestate ejus exierit, non poterit dominus ex substitutione impuberi hæres effici: sed servus vel ipse sibi hæreditatem impuberis acquireret, si fortè manu missus fuerit; vel si alienatus, novo domino, cujus jussu adiret. At verò, si existente conditione pupillaris substitutionis adhuc in ejusdem domini potestate sit, nihil prohibet, quominus jussu ejus nunc item ex substitutione pupilli hæreditatem adeat, eamque novo hoc suo facto acquirat domino; ut post lo. Falb. hic, & DD. comm. in l. filiosam. 11. de legat. 1. docent Vigl. & Bachov. hic. Duar. in comm. ad hunc tit. cap. 1 §. & fac. l. 3. hoc tit. junct. §. 1. sup. de her. inst. Simili igitur modo, si filiosam, emancipatus fuerit, ipse ex substitutione hæres fiet; si in potestate manserit, patrem hæredem faciet. Alter effectus substitutionis generaliter factæ, est, quod ex ea soli veniant illi, qui patri hæredes extiterunt: proinde, si hæres scriptus paternam hereditatem repudiaverit, nihil ei proderit ad hereditatem pupilli consequendam, quod testamento patris hæres scriptus est: nam aliàs horum verborum, *Quisquis mihi hæres erit, &c.* nulla vis esset, cum à testatore jam antè hæredes scripti sint, qui ea conditione substituantur, d. l. 8. in fin. pr. hoc tit. Tertius effectus est, quod generali formula substitui easdem ex substitutione partes consequuntur in bonis pupilli, quas in ipsius patrisfam. hereditate habuerunt, d. l. 8. §. 1. in fin. Ut hic quoque locus sit regulæ traditæ in §. 2. præc. tit. testatorem eas videri in substitutione partes cuique dedisse, quas in institutione expressit. In substitutione nominatim facta, sive speciali, converso ferè modo hæc se habent. Nam primo necesse non est, ut is, qui nominatim substitutus pupilli hereditatem vindicat, hæres à patre scriptus sit. Deinde, etsi hæres ex parte scriptus est, non eo tamen minus ex substitutione admittitur, quod patris hereditatem repudiavit, modò utramque nunc amplectatur, nisi sub ea conditione substitutus sit, *Si hæres erit, d. l. 8. in pr. junct. l. 10. §. 3. eod.* Postremo nominatim substitui, non hereditatis partes, id est, quæ singulis adscriptæ sunt in institutione, sed viriles sive æquales habebunt, per ea, quæ tradimus sub. §. tit. præced.

TEXTUS.

Quomodo substitutio pupillaris finitur.

8. Masculo igitur usque ad quatuordecim annos substitui potest: femina usque ad duodecim annos. Et si hoc tempus exceßerint, substitutio evanescit.

NOTÆ.

8. *Evanesceit substitutio*] Quamvis longius tempus comprehensum fuerit, l. 14. eod. quod autem evanesceit, nec ad causam fideicommissi proficit.

COMMENTARIUS.

1. *Pupillarem substitutionem extinguere anno quatuordecimo aut duodecim completo, licet non superato.*
2. *Si longius tempus comprehensum fuerit, an post pubertatem substitutio valeat jure fideicommissi.*
3. *An ad causam fideicommissi trahatur, si demum à pubertate substitutio incipiat.*

Dictum supra est, pupillarem substitutionem introductum esse ex hac causa, quod cum liberi in ea ætate essent, ut ipsi sibi testamentum facere non possent, utile atque ex re ipsorum visum fuerit, ut parentes eis facerent. Quamobrem cum ad eam ætatem pervenerunt, qua jam ipsi testari possunt, cessante fine substitutionis, merito placuit, eam extinguere: & alias, quod iniquissimum est, civi Romano puberi testamenti factio auferetur, l. ex facto 43. hoc tit.

Vsque ad quatuordecim annos, &c.] Masculi enim anno quatuordecimo, fœminæ duobus annis maturius puberes fiunt, sup. quib. mod. tut. fin. à qua ætate jam ipsi testamentum facere possunt, l. 5. qui test. fac. Ait, usque ad quatuordecim annos, quibus verbis significat, omne spatium, quod est intra pubertatem, liberum esse patri ad substituendum filio, finem autem hujus arbitrii esse pubertatem. Quapropter si quis verbi causa ita substituit, *Si filius meus intra decimum annum decesserit*, &c. pupillusque ad eos annos pervenerit, expirat substitutio, licet postea decesserit intra annum decimum quartum, l. si ita 21. d. l. ex facto 43. §. 1. eod. At si in substituendo annos pubertatis egressus sit, finietur nihilominus substitutio pubertate, l. in pupillari 14. eod.

Si hoc tempus exceßerint] Liberi nimirum, quibus facta est substitutio, masculi annos quatuordecim, fœminæ duodecim: neque enim patitur contextus, ut ad parentes, qui substituerunt, hæc referantur.

1. Quod vero ait, exceßerint, id verbum non puto præcisè hic accipiendum esse, quasi non satis sit annum quatuordecimum aut duodecim completum, eoque non completo, sed superato demum extinguere substitutionem? sed potius explicandum ex iis locis, ubi ex professo agitur de ætate, qua cives testamentum facere possunt. Atqui ex quo quis incipit testamentum facere posse, finem capere debet hæc substitutio, utpote quæ hoc uno fundamento nititur, quod ii, quibus fit, sibi non possint hæredem facere. Aliud tamen D. Viglio visum.

Evanesceit] Etiam si longius tempus comprehen-

sus fuerit, d. l. 14. hoc tit. Sed longiore tempore comprehenso, an non saltem post pubertatem substitutio valebit jure fideicommissi? Finge ita factum, *Si filius intra annum vicesimum decesserit, Titius hæres esto.* Ex hac substitutione constat, filio intra pubertatem defuncto directo jure succedi, post id tempus non item. Sed quaeritur, an non saltem post pubertatem proficiat ad causam fideicommissi, ut, perinde ex eo tempore haberi debeat, ac si filius post pubertatem intra annum vicesimum moriens rogatus esset hæreditatem patris substituto restitueret. Communis sententia est, testibus Zas. c. 5. de substit. compend. Covar. in c. Raynaut. de testam. §. 9. num. 29. Las. in l. precibus C. hoc tit. num. 11. ejusmodi substitutionem pubertate ita finiri, ut nulla ejus vis amplius supersit. Quæ sententia mihi verissima videtur. Etenim inconveniens omnino est, ut una substitutio diverso jure pro diversitate temporis censatur scilicet ut valeat intra pubertatem directo, & bona tam patris, quam filii, ex quibus una facta est hæreditas, complectatur, post pubertatem jure fideicommissi, & sola patris bona contineat. Nec Jurisconsultus in d. l. 14. scribit, substitutionem impuberis, in qua longius pubertate tempus comprehensum est, post pubertatem ad fideicommissum trahi, sed pubertate finiri: quod Justinianus hic expressit verbo significantissimo, *evanesceit*. Quod si ne illa quidem substitutio, quæ demum à pubertate incipit, jure fideicommissi valet, multo minus ullo jure valere poterit, quæ etiam ætas pupillaris comprehenditur: nam ut bene disputant Mantica. 7. de conj. ult. vol. tit. 3. num. 6. Gomez. 1. resol. 7. num. 2. Christin. vol. 4. decis. 16. num. 5. facilius ad fideicommissum trahi potest post pubertatem facta verbis directis in secundum casum substitutio, quam ea, quæ annos pupillares simul complexa pubertatem certis annis excedit. Sed quoniam iidem, Dd. & cum his commun. interpretes non concedunt, quod nos pro vero & certo assumimus, nimirum ne illam quidem substitutionem, quæ à pubertate incipit hoc modo, *Si filius meus post quatuordecimum annum decesserit*, ad causam fideicommissi proficere, id nobis prius quam hinc abeamus, probandum est. Non valere quasi fideicommissum, argumento sit l. si servus legat. 108. §. si servus alienus 9. de legat. 1. l. 9. Cod. de test. man. quibus in locis servo alieno directa libertas frustra dari dicitur. Quod si favor libertatis verbum directum ad fideicommissum non trahit, nulla res omnino trahet. Et cur testatoris voluntatem, quæ contra leges est, adiuverimus, ut benigna interpretatione inducamus fideicommissum, de quo non apparet testatorem cogitasse? Neque enim ut quid valeat jure fideicommissi, sufficit, tale id esse, quod jure fideicommissi valere posset, si testator voluisset, nisi & voluerit,

xit; l. 1. l. 13. §. 1. de jur. Cod. l. ex ea scriptura 29. qui test. fac. l. querebatur 19. de test. mil. l. coheredi 41. §. 3. h. tit. Sed quid opus est argumentis? Papinianus l. 7. cod. omnem dubitationem tollit, cum sic scribit, Verbis civilibus substitutionem post quartumdecimum annum frustra fieri convenit, neque enim frustra fieri diceret aut rectè diceret, si post id tempus quasi fideicommissum valeret, et verba directa indererentur. Non obstat huic sententiæ l. Scævola 76. ad Trebell. quoniam quod Scævola ibi respondet, id in casu illic proposito favore pupilli benignè receptum est, ut ipse significat, & tamen simul ex conjectura voluntatis paternæ. Proponitur enim substitutio facta in codicillis: qui locus est obliquarum non directarum dispositionum. Proponitur pupillus, cui ita substitutio facta, in ætate pupillari decessisse: atque in hac specie respondet Jurisconsultus benigna interpretatione, placere, ut quod valere non potest, ut testamentum pupilli, valeat, saltem quasi codicillus ab intestato, cumque ratio juris non patiatur, ut ex hac substitutione, hæredem habeat directo, ut habeat saltem ex fideicommissum, postquam patri concessum, legitimum filii hæredem fideicommissum obstringere. Cæterum sustinebitur hoc fideicommissum usque ad ætatem pubertatis, cum vero pupillus adoleverit, evanesceat, ne quod propter utilitatem impuberis introductum est, puberi jam facto obsit in libertate testandi, arg. l. si fundum 92. §. 2. junct. l. quod fideicommissum 93. de leg. 1. l. coheredi 41. §. 3. hoc tit. l. ex facto 43. §. 1. cod. junct. d. l. Scævola, ita ferme & plerique recentiores. Cujac. 11. obs. 25. Govean. add. l. 7. Paul. Buf. ad l. centurio 15. cod. Duar. comm. in hunc tit. c. 166. Vassq. l. 1. de succ. progr. §. 1. num. 138. Ant. Fab. 15. comm. 12. & 14. Fachin. 4. cent. 44. add. Menoch. de presumpt. part. 2. lib. 4. tom. 1. pres. 34. & 55. & quæ nos sub §. seq.

TEXTUS.

Quibus pupillariter non substituitur.

9. Extraneo verò, vel filio puberi heredi instituto ita substituere nemo potest, ut si hæres extiterit, & intra aliquod tempus decesserit, alius ei sit hæres: sed hoc solum permixsum est, ut eum per fideicommissum testator obliget alii hereditatem ejus vel totam vel pro parte restituere: quod jus quale sit, suo loco trademus.

NOTÆ.

9. Vel filio puberi] L. 7. cod. ubi Papinian. scribit, verbis civilibus substitutionem post quartum-

decimum annum frustra fieri: ac proinde talis substitutio, ne jure quidem fideicommissi valebit: nam quod frustra fit, nullo genere valere intelligitur.

Nemo potest] Nemo scilicet paganus: nam militi hæc concessa sunt, l. 5. l. 41. §. 4. de testam. milit. l. 15. hoc tit. l. 8. Cod. cod. ut & alia, quæ in paganis non obtinent, l. 2. §. 1. hoc tit. l. 15. §. pen. de testam. milit. Suo loco Trademus] Inf. hujus lib. tit. 23.

COMMENTARIUS.

1. Militum privilegia circa directam substitutionem in casum pupillarem.

2. Apud Batavos & plerosque alios Belgii populos pupillarem substitutionem locum non habere, & an locus sit exemplari.

Quæ hoc §. traduntur, omnia consequentia sunt iis, quæ relata sunt initio hujus tit. Nam si parentibus tantum permixsum est, liberis impuberibus, & iis duntaxat, quos in potestate habent, ita substituere, ut si hæres extiterit, & intra pubertatem moriantur, alius sit eis hæres, ex omnino efficitur, neque parentes posse ita substituere liberis, quos in potestate non habent, nec si in potestate habeant, & puberes sint. Postremo nec omnino quenquam alium posse vel impuberi extraneo, vel puberi hoc modo substituere, ut si hæres extiterit, & intra aliquod tempus vita decesserit, alius ei hæres sit: in tantum, ut nec jure fideicommissi talis substitutio valeat, ut modo probavimus, & hic locus insuper confirmat, cum dicat Justinianus, neminem posse extraneo aut filio puberi, in casum quo hæres futuri sunt, substituere: sed tantum permixsum esse testatori, ut hæredem institutum per fideicommissum, obliget &c. Curenim requireret expressum fideicommissum si ipsa directa substitutio in proposito jure fideicommissi defendatur, quod totidem verbis indicare poterat? ut bene disputat D. Viglius hic, & Ant. Fab. 15. conj. 12. contra Dd. vulgo: quos sequuntur Gomez & Mantica. ubi supra. Solis militibus concessum est, ut etiam liberis emancipatis, aliisve extraneis qui hæres extiterunt, directo substituant: sed hoc jus in his exercetur, quæ à milite ad eum, cui substituit, pervenerunt, non quæ aliunde, l. 5. l. miles ita §. 4. de testam. milit. Ejusdem privilegii est, quod miles liberis suis etiam post pubertatem directo substituere potest, sive compendio sive expressa certa post pubertatem ætate: ut utraque substitutio intra pubertatem valeat jure communi sive directo, l. centurio 15. hoc tit. post eandem ætatem ex privilegio militis jure fideicommissi, l. precibus Cod. cod. & bona duntaxat patris continetur, cum fructibus inventis in hereditate, d. l. 15. id est, ut rectè Govean. & Buf. ibi dicitur ad tit. C. de imp. & alij substit.

al. *subst. num. 27. & 28.* cum fructibus pendentibus, & maturis tempora mortis ipsius militis. Nam hi fructus augent hæreditatem l. 9. ad l. *Falc.* ac per consequens in fideicommissariam hæreditatis restitutionem venire oportet: neque ad hos fructus pertinet l. in fideicommissaria 18. in pr. ad Sen. Trebell. idque etiam crebrius placuit: licet Anton. Fab. d. loc. Duar. d. comm. c. 23. Hotoman. 1. amicab. 17. Don. in d. l. *precibus* contendant, hujusmodi substitutiones à milite factas etiam post pubertatem valere jure directo. Porro de fideicommissaria substitutione tractatur inf. hujus libri tit. 23. Apud Batavos & Zelandos substitutioni pupillari locum non esse, utpote quæ originem trahit à singulari illa Romanorum in libros potestate, quæ nobis incognita, tradit D. Grot. lib. 1. manud. ad Batav. iur. c. 6. & lib. 2. cap. 19. in fin. & secundum eum judicatum est. De cætero quoque Belgio (excipienda tamen Frisia.) idem refert D. Gudelin. lib. 2. de jur. noviss. c. 5. sub fin. Nam etsi nos quoque potestatem in liberos nostros habemus, qualem Romani, quæ etiam ad bona liberorum propria se extendat: atque inauditum est, tantam nunc esse patriam potestatem, ut pater filio hæredem dare queat, qui succedat in universa filii bona, non solum quæ à patre ipso, sed etiam quæ aliunde accepit, atque adeo dare etiam exhæredato: sed utiam substitutione fideicommissaria. Idem quoque tradunt, pari ratione mores hodiernos nec quasi pupillarem substitutionem agnoscere, inau-

ditumque esse, patrem filio mæne capto ea substitutione, quam ad exemplum pupillaris Justinianus introduxit, testamentum facere, eique dare hæredem Grot. & Gudelin. ubi sup. Groenew. de leg. ab. hic. Cæterum hoc non obstante nuper Curia Hollandia hujusmodi testamentum rescindere noluit, eo quod, ut allegabatur, exemplaris substitutio neque libera sit, nec à vi patriæ potestatis, ut superior illa, pendeat, sed in sola humanitate fundata sit: idemque matri & avo materno hic concessum, quod patri, nec patri minus circa liberos emancipatos, quam in potestate constitutos, vid. sup. §. 1. eod. Quanquam mores nostri totum hoc averfari videntur, dare alii, quantumvis filio, hæredem: & admissa exemplari substitutione in liberis mente capris, ex ratione constitutionis Justiniani eadem porrigenda erit etiam ad liberos impuberes, etiam si sanguinis sint, per ea, quæ d. §. 1. n. 3. Curiam tamen pro testamento pronunciasse, postea intellexi. Sed & gentis nostræ simplicitati conveniens esse multi existimant, ut substitutiones directis verbis in secundum casum factæ, puta si hæredi instituto, & in casum, si hæres erit, & intra certum tempus decesserit, alius directo substituat, valeant jure fideicommissi, quasi factæ in codicillis, arg. l. Scævola 76. ad Sen. Trebell. & exemplo substitutionum militarium, l. centurio 15. ff. junct. l. *precibus* 8. Cod. hoc tit. Gudelin. lib. 2. de jur. noviss. c. 5. Cyprian. cens. Belg. hic. Groenew. tract. de legib. abrog. eod.

TITULUS XVII.

D. Lib. 28. Tit. 3.

Quibus modis Testamenta infirmantur.

Ratio ordinis.



Xposita sunt ea omnia, quæ ad constitutionem testamenti necessaria, diximus initio tractatus de testamentis ordinandis. Sunt autem hæc tria; ut, persona testantis talis sit, quæ testamenti facionem habeat; ut testamentum fiat adhibitis solemnitatibus tum communibus & externis, videlicet presentibus septem testibus idoneis, & cum internis & quorundam testatorum propriis, scilicet ut pater testaturus liberos, quos in potestate habet, hæredes instituat, aut nominatim exhæredet. His rebus aut una earum deficientibus testamentum ab initio nullum est, l. 1. de injust. rupt. irr. fact. test. Ubi autem hæc omnia concurrunt, habemus id, quod hæcenus quæsitum est, justum sive jure factum tes-

tamentum, l. 4. qui testam. fac. Quia vero non satis est ad defendendum ex testamento hæreditatem, id ab initio justum esse, nisi & tale ad extremum perseveret, rectè atque ordine Imperator facit, quod prius nobis proponat modos, quibus testamenta ritè facta infirmantur, quam progrediat, ad disputationem de acquirenda vel omittenda hæreditate.

TEXTUS.

Quibus modis testamenta infirmantur.

Testamentum jure factum usque eo valet, donec rumpatur irritumve fiat.

NOTÆ.

NOTÆ.

Donec rumpatur aut irritum] *Rumpi & irritum fieri* privationem significant, & ideo propriè non nisi de iis, quæ jure subsistunt prædicantur, l. 5. *hoc tit. de injust. rupto, &c.* privatio enim, ut in scholis dicitur, præsupponit habitum. Quæ vero testamenta non jure facta sunt, injusta & nulla dicuntur, veluti ubi solemnia desunt, aut filius in potestate præteritus est, l. 1. l. 3. §. 4. l. 6. §. 1. *cod.*

COMMENTARIUS.

Donec rumpatur irritumve fiat] Ratio infirmandi testamenti non una est: nam & sententia, iudicis rescinditur, si querela inofficiosum pronuntiatum fuerit, de quo *tit. seq. & à prætoris* data bonorum possessione contra tabulas, *tit. de bon. poss. cont. tab.* & citra factum iudicis aut prætoris infirmatur sola potestate juris: idque iterum duobus, iisque discretis modis, quorum altero rumpi dicitur, altero irritum fieri. De testamento rupto disputatur usque ad §. 4. inde de irritato adjectis incalce aliquot declarationibus. Quia vero Justinianus rem totam non plenè explicat, nos operam dabimus, ut quicquid hujus rei est, penitus percipi possit ex nostra in singulos hujus *tit. §§.* explicatione. De bonorum possessione contra tabulas, quæ & ipsa jure prætorio testamentum rescinditur, demum dicemus in secunda specie acquisitionis per universitatem, *inf. lib. 3. tit. 10.*

TEXTUS.

Quando testamentum dicatur
rumpi. Primùm de adop-
tione.

1. Rumpitur autem testamentum, cum in eodem statu manente testatore ipsius testamenti jus vitatur. Siquis enim post factum testamentum adoptaverit sibi filium per Imperatorem eum, qui est sui juris, aut per prætorem, secundum nostram constitutionem, eum, qui in potestate parentis fuerit, testamentum ejus rumpitur quasi adgnatione sui hæredis.

COMMENTARIUS.

Ubi in eodem statu manente testatore] Totiens rumpi testamentum dicitur, quotiens evertitur manente testatore in eodem statu: cum vero statum mutat, id est, capite minuitur, non rumpi, sed irritum fieri testamentum propriè dicitur, §. 4. *inf. cod.* Apparet igitur, in eodem statu hic dici- oppositive respectu ejus modi, quo testamentum infirmatur quod id, quod testator in eodem statu non

mansit quare expungenda est à paraphrasi Theophili negatio; & pro *μη μείναντος*, legendum *μείναντος* *ὅτι τῶν κατὰ δόξαν*: quomodo & in duobus regiis codicibus legi testatur Fabrorus. Porro ut testatoris statu non mutato testamentum infirmetur, uno verbo, ut rumpatur bisariam contingit, agnatione sui hæredis, & mutatione voluntatis: ille modus hoc §. alter sequenti, uno utresque exemplo, declaratur.

Adoptaverit sibi filium per Imperatorem] Id est, adrogaverit: est enim periphrasis adrogationis, quæ species adoptionis est, per quam interveniente Principis auctoritate eum in filium adsciscimus, qui sui juris est. Stante repub. populum auctorem fieri necesse erat, ut annotatum est *lib. 1. tit. de adopt.*

Secundum nostram constitutionem] *L. pen. C. de adopt. vide sup. §. 2. cod.* qua disponit, ut si filius extraneæ personæ in adoptionem daretur, jura patris naturalis integra servarentur, si vero persona non extranea, puta avus, nepotem ex filia aut filio emancipato in adoptionem acciperet, solvi jus patris naturalis, & transire adoptratum in potestatem & familiam hujus patris adoptivi. Significat igitur, hoc casu per adoptionem testamentum rumpi, quasi agnatione sui hæredis, illo non item. cum olim indistinctè quavis adoptione, sicuti adrogatione, rumperetur, l. 8. *de injust. rupt. test.* Cæterum hi ita rumpunt, si præteriti sint: nam si qui hæres antea institutus erat, postea à testatore adrogetur vel adoptetur, potest dici, ei satisfactum esse, l. *si quis* 18. *cod. tit. l. filio 23. §. 1. de lib. & posthum.* Quid si exhæredatus sit? Et Ulpianus Marcelli & papiniani sententiâ probat, ut exhæredatio extraneo scripta ei postea adoptato non noceat, noceat autem filio emancipato, qui postea adrogatus sit, l. 8. §. *si quis* 7. & *seq. cont. tab. d. l. 23. in pr. de lib. & posth.* credo quia in persona extranei exhæredatio inepta & nulla est, de quo consule Vigl.

Quasi agnatione sui hæredis] *L. verum 8. de injust. rupt.* multo que certius sui hæredis agnatione vera, & naturali, cum scilicet post testamentum factum, testatori filius ex uxore nascitur, l. 3. §. 1. *de injust. rupt.* Similiter si nepos, qui tempore testamenti facti suus hæres avo non erat, patre remoto in locum sui hæredis vivo avo successerit, quasi agnascendo testamentum avi, quo præteritus est, rumpit, l. *post-humorum* 13. *d. tit.* quæ species forè hic ideo non repetuntur, quia alibi propositæ sunt, §. 1. & 2. *sup. de exhæred. lib.* Huc etiam pertinent liberi naturales suscepti ex concubina, & post factum testamentum legitimati, sive insequenti matrimonio sive curiæ oblatione sive per rescriptum Principis. Nam, cum hi etiam jura suorum hæredum consequantur, §. 2. *inf. de her. qua ab int. Nov. 89. c. 8. & 9.* necesse est, ut & ipsi

& ipsi à patre præteriti testamentum rumpant quasi agnatione.

TEXTUS.

De posteriori testamento.

2. *Posteriore quoque testamento, quod jure perfectum est, superius rumpitur: nec interest, extiterit aliquis hæres ex eo, an non. Hoc enim solum spectatur, an aliquo casu existere potuerit. Ideoque si quis aut noluerit hæres esse, aut vivo testatore, aut post mortem ejus, antequam hæreditatem adiret, decesserit, aut conditione, sub qua hæres institutus est; defectus sit: in his casibus paterfamilias intestatus moritur. Nam & prius testamentum non valet, ruptum à posteriore; & posterius æque nullas vires habet, cum ex eo nemo hæres extiterit.*

NOTÆ.

2. *Superius rumpitur*] Etiam si nominatim non revocetur, l. 1. l. 2. eod. l. 27. C. de testam. ea quippe voluntas rata esse debet, quæ novissima, l. 4. de adm. leg. sic etiam leges posteriores & pacta novissima derogant prioribus. Rumpitur quoque testamentum corruptis tabulis, puta delectis, incisis, cancellatis, &c. l. ult. h. t. l. 1. §. pen. §. 2. sec. tab.

Aut conditione defectus] Etenim tam solemne ritèque per omnia factum testamentum habetur, quo hæres institutus est sub conditione, quam quoque pure, §. 9. sup. de her. inst.

COMMENTARIUS.

1. *Utrum effectus incisionis testamenti, delationis scripturæ, cancellationis, &c.*
2. *Inciso, deleto, cancellato &c. testamento, utrum hæreditas fisco applicetur, an deferatur hæredibus legitimis.*
3. *An jura de incisione, inductione &c. agentia accommodari debeant & ad testamentum nuncupativa, de quibus instrumentum conficitur, ut nunc moris est.*
4. *Cur prius testamentum etiam tabulis manentibus integrum semper rumpatur à posteriore.*
5. *Ad infirmandum prius testamentum necesse non esse, ut id in posteriore nominatim revocetur.*
6. *Error Bachovii notatur & corrigitur.*
7. *Quid si prius testamentum contineat clausulam derogatorem posteriori voluntatis.*
8. *Prius testamentum per posterius tolli, etiam si ex posteriore nemo hæres extiterit.*

9. *Quibus modis fiat, ut hæres deficiat, & testamentum destitatur.*

Secundus modus, quo testamentum, initio ritè factum postea tumpitur, est mutatio voluntatis testatoris. Hic modus iterum duplex est: nam & corruptis tabulis ita rumpitur, & integris manentibus. Corruptis, si testator testamentum incidit, laceraverit, scripturam induxerit, deleverit, cancellaverit, signa amoverit aut turbaverit, tit. de his que in testam. delent. l. ult. de injust. rupt. test. l. ad testium 22. §. 3. qui test. jac. l. 1. §. pen. l. pen. §. 2. de bon. poss. sec. tab. l. 12. l. pen. C. de testament. nisi fortè non consulto, sed incautè quid horum fecerit, aut ignorante eo contigerit: nam tunc si legi adhuc, quod scriptum est, utcumque poterit, ratum manebit testamentum, l. 1. de his que in test. del. d. l. pen. C. de test. Plandè inductio aut cancellatio non ultra operabitur, quam scriptura inducta aut cancellata est, l. 2. & 3. d. tit. de his que in test. del. Neque ex pluribus testamenti codicibus uno deleto aut inciso testamentum sublatum esse intelligitur, nisi hi, qui ab intestato venire desiderant, probaverint, id ideo à patrefam. factum esse, ut intestatus moreretur. l. ult. eod. tit. His autem modis testamento rupto, hæreditas non applicabitur fisco, sed deferretur hæredibus ab intestato, d. l. pen. C. de testam. l. 1. §. pen. unde liberi l. ult. de his que in test. del. nisi speciali odio hæredum inductio facta probetur, quo in casu tanquam ab indignis hæreditatem fiscus aufert, l. 3. d. tit. l. cum tabulis 16. §. 1. de his que ut indign. Clar. §. testamentum qu. 93. n. 2. Mant. de conjeç. ult. vol. lib. 12. tit. 1. n. 31. Paul. Busf. ad l. 1. & seqq. de his que ut indign. Quæ de incisione aut cancellatione testamenti dicuntur, ea constar ad testamentum nuncupativa, quæ talia sunt, applicari non posse. Sed an his modis item rumpantur, quæ, uti hodie moris est, per nuncupationem quidem fiunt, sed ita ut voluntas suprema jussu testatoris scripto comprehendatur à Notario in scheda, unde mox diligentius exscribatur & in formam redigatur instrumenti, quæsitum est. Julius Clarus d. loc. existimat, incisionem aut cancellationem instrumenti ad cassationem & annulationem talis testamenti non sufficere, si protocollum notarii integrum relictum sit; quod & Viglio placere videtur, in §. pen. h. tit. cum ait, non minus talia testamentum ex verbis & voce substantiam capere, quam quæ scripta non sunt, & ideo discerptis scripturis nihilominus permanere: cujus auctoritatem Senatus hujus provinciæ in judicando aliquando secutus est, decis. Cur. Holl. 1. eademque sententiam & Peckius probat, lib. 1. de test. conjug. cap. 4. Sed videamus an non & hæc testamentum in hoc, de quò quærimus, jure scriptorum censenda sint, cum Paul. Casten. in l. pen.

l. pen. C. de testam. n. 7. *Vasq. lib. 2. de success. testam. requis. 8. num. 62. & requis. 17. n. 63. Grassi. §. testamentum quest. 84. num. 2. Bachov. in Treutl. vol. 2. assent. 10. thes. 7.* Utrique enim ex incisione aut deletionem certo colligitur, testatorem noluisse testamentum amplius valere: neque ratio potitur, ut destructo deletove instrumento, in quo tota vis probationis consistit, dicamus, testamentum nihilominus robur suum retinere. Sciendum namque, postquam ex voluntate testatoris, quæ schedula continebatur, in instrumentum collata sunt, simul omnem illius vim in instrumentum collatam censei; ac proinde, cessante jam officio schedulæ, totam vim depositionis à solo instrumento dependere, adeo ut mortuo testatore nihil amplius ad probationem ultimæ voluntatis desideretur, uti post *Gloss. & Bart. in l. heredes 21. de testam.* plerique tradiderunt. *Richard. in l. hac consultissima 21. §. per nuncupationem num. 1. C. cod. Mantio. de conj. ult. vol. lib. 1. tit. 6. n. 6. Afflic. decis. 166. n. 2.* Neque obstat huic sententiæ l. ult. de his quæ in testam. del. quoniam textus ille procedit, quando ex pluribus unius testamenti instrumentis æque principalibus unum fortè testator deleuit aut incidit, non omnia, uti species proponitur, & in terminis responderet *Castr. ubi sup.* Etsi autem protocollum notarij integrum relictum sit, ex eo tamen voluntas ultima conservata intelligi non debet: quoniam protocollum nihil ad testatorem, sed notarius ex officio illud conficere tenetur fidei & collationis gratia, & quia instrumentum amitti potest. Cæterum priorem sententiam & Senatus Sabaudicæ probavit. *Ant. Fab. Cod. suo de testament. decis. ult.* Integris tabulis manentibus testamentum rumpitur ob mutationem voluntatis, si testator aliud testamentum fecerit: qui modus proponitur hoc §. & hanc rationem habet, quod unumquodque testamentum plenam universi juris successionem continet; ac proinde quicumque testamentum facit, censetur à omnibus bonis disponere, ut non magis duo testamentum simul consistere possint, quam duo domini ejusdem rei in solidum constitui. Igitur cum ex pluribus testamentis unum tantum consistere possit, id valere debet ex voluntate ipsius defuncti, quod novissime factum est, per vulgata. Non obstat, quod sententia judicis prima, non postrema, rata habetur: non enim utstantis voluntas ambulatoria est, ita & judicis: sed iudex simul ac sententiam dixit, officio suo functus est; & ideo iterum de eadem re pronuntiandi potestatem non habet, l. iudex 55. de re jud. Planè ut priores tabulæ jure factæ tollantur, oportet sequentes quoque jure ordinatas & perfectas esse, de quo plenius sub §. pen. inf. eod.

Superius rumpitur } L. 1. l. 2. de injust. rupt. test. & quidem ob hoc solum, quod aliud testamentum

postea factum est, quod Justinianus significat. l. sanctum 27. Cod. de testam. cum ait, secundo testamento perfecto prius tolli ipso jure. Non est igitur necesse, ut posteriore testamento mentio fiat prioris, nominativè id revocetur, quod ipsius etiam rei natura satis demonstrat: ac proinde supervacua est notariorum clausula, quam posterioribus tabulis inserere solent, nimirum testatorem revocare, cassare & annullare testamenta antea à se facta. His autem consequens est, & codicillos, si qui facti fuerint, per posterius testamentum everti, quamvis expressè revocati non sint: cum enim testamento facto codicilli jus ejus sequantur, eo infirmato simul concidant necesse est, l. 3. §. ult. l. ab intestato 16. de jur. Cod. l. 1. C. cod. tit. Quamobrem non rectè Bachovius 6 scribit, generalem clausulam, qua revocatur omnis præcedens dispositio, supervacuum quidem esse, quod attinet ad infirmationem prioris testamenti, cum id hoc ipso, quod aliud conditum est, evertatur: non autem quoad codicillos antea factos: quippe qui alias cum testamento consisterent. Hoc enim falsum esse, & sublato priore testamento per consequentiam etiam codicillos corrui, etiam si nulla revocatio prioris voluntatis facta sit, ex locis modo allegatis perspicue patet. Planè si nullum, testamentum, sed codicilli tantum antea facti proponantur, testamento postea facto hujuscemodi clausula oritosa non erit, postquam placuit, codicillos, qui testamentum præcedunt, facto postea testamento vim suam non amittere, nisi appareat, testatorem à voluntate, quam in codicillos expresserat, recessisse, §. 1. inf. de codicill. Et forassis hoc etiam sensit Bachovius. Sed quid si prius testamentum contineat clausulam derogatoriam posterioris voluntatis? Interpretes comm. censent, prius testamentum habens talem clausulam per posterius, quantumvis numeris omnibus absolutum, non tolli; ac ne tunc quidem, quando posterius continet revocationem generalem præcedentium omnium dispositionum: sed omnino ad infirmationem primi testamenti derogatorii necessarium esse, ut illius specialis mentio & expressa revocatio fiat in secundo, per l. si quis 22. de legat. 3. Gomez ad l. Tauri 3. num. 92. Covarr. de test. p. 2. rubr. n. 5. *Vasq. de success. res. lib. 1. §. 1. num. 29. & seqq. Clar. d. §. testamentum q. 99. Mantio. de conj. ult. vol. lib. 1. tit. 8. Peck. 1. de testam. conjuga. 10. Grassi. §. testamentum quest. 86. & seq. Jac. Vervey art. test. c. 13.* Quæ sententia rationi juris parum convenire videtur, arg. l. 6. §. 2. de jur. Cod. l. ult. in pr. de legat. 2. d. l. 22. de legat. 3. l. 4. de adm. legat. cum simili. Notatur à Cujac. 14. obs. 7. *Ant. Alenda. lib. 4. contr. cap. 49.* Ant. Faber eam numerat inter gravissimos errores, quos antiqui Glossatores invexerunt, dec. 37. err. 7. & seq. & dec. 32. err. 1. &

dec. seq. In foro tamen recepta ac præjudiciis supremorum tribunalium comprobata est, *Guid. Pap. quest. 127. Papon. lib. 2. tit. de testam. arrest. 4. & 5. Ant. Fab. Cod. suo tit. de test. defin. 9. & seqq. Ioan. à Sande lib. 4. tit. 1. defin. 10. Nec deest color, quo regi possit, Gros. 2. manuduct. cap. 24.*

Nec interest, extiterit. aliquis hæres ex eo &c.] Quæ sequuntur, continent ampliacionem quandam regulæ initio positæ, nimirum prius testamentum tolli per posterius, non tantum cum ex posteriore hæres extiterit, sed etiam eo destituito, *l. 1. l. 16. de injust. rupt. test. l. 9. de lib. & posth.* Quod hanc rationem habet, quod additio hæreditatis ad substantiam aut perfectionem testamenti, quæ sola hic requiritur, non pertinet; nec prioris testamenti sublatio pendet ab eventu aliquo, aut casu contingente post mortem testatoris, sed illud statim vivo adhuc testatore, ipso jure per posterius rumpitur; ut proinde si posteriores tabulæ jure ordinatæ sint, ut ex iis hæreditas adiri potuerit, etiamsi contingat, ex iis hæreditatem non adiri, priores tamen tabulæ, utpote semel ruptæ, non restituantur. Pari ratione, si posthumus priori testamento institutus, vel exheredatus sit, posteriore præteritus, & nato posthumo posterius rumpatur, nihilo magis restituetur prius: quod exemplum hic profert Bachovius.

Si quis aut noluerit &c.] Enumeratio modorum, quibus fit, ut hæres deficiat, & testamentum destituatur. Id fit in summa dupliciter, vel quia hæres scriptus non vult hæres esse, repudiatque hæreditatem; vel quia hæres esse non potest: quod contingit, si vel decesserit vivo adhuc testatore, aut post mortem ejus, antequam hæreditatem adiret, (neque enim, hæreditas non adita ad instituti hæredes transmittitur, exceptis personis comprehensis *l. un. C. de his qui ant. ap. tab. l. un. §. in novissimo §. C. de cad. toll.*) vel quia conditio, sub qua hæres institutus erat, deficit. Hinc autem apparet, prius testamentum non eo minus rumpi per posterius, quod in priore hæres pure, in posteriore sub conditione scriptus est, quamvis in uno eodemque testamento subiecta pure institutioni conditio nihil operetur, *l. si te 27. §. 1. de her. inst.* Etenim tam solemne ritæque per omnia factum habetur testamentum, quo hæres institutus est sub conditione, quam quo pure, *§. hæres 9. sup. de her. inst.* penderetque hoc totum à sola voluntate testatoris. Contractus verò puros per conditionales non resolvitur, mirum non est, veluti si id, quod pure emi, rursum etiam sub conditione: nam posteriore emptione idèd nihil agitur, quia jam mihi quæsitæ est actio ex emptione priore, *l. 7. in pr. de resc. vend.*

Hu casibus patet sam. intestatus moritur] id est, exi-
zum intestari faciat, res redit ad causam intestari:
nemine enim hæreditatem adveniente vis omnis testa-

menti solvitur, ut ad eò nihil intersit, utrum aliquis testatus non sit, an hærede destituatur, *l. si nemo 181. de reg. jur.* Sed de hoc ex professo *inf. tit. de her. quæ ab int. def. in pr.*

TEXTUS.

De posteriore, in quo hæres certæ rei institutus.

3. Sed § si priore testamento jure perfecto posterius aque jure fecerit; etiamsi ex certis rebus in eo hæredem instituerit: superius testamentum sublatum esse, divi Severus & Antoninus Augusti rescripserunt: cujus constitutionis verba § hic inseri jussimus, quum aliud quoque præterea in ea constitutione expressum sit. Imperatores Severus & Antoninus Augusti Coccio Campano. Testamentum secundo loco factum, licet in eo certarum rerum hæres scriptus sit, perinde jure valere, ac si rerum mentio facta non esset; sed & teneri hæredem scriptum, ut contentus rebus sibi datis, aut suppleta quarta ex lege Falcidia, hæreditatem restituat his, qui in priore testamento scripti fuerant, propter inserta fideicommissi verba, quibus ut valeat prius testamentum expressum est, dubitari non oportet. Et ruptum quidem testamentum hoc modo efficitur.

NOTÆ.

Ex certis rebus] Nam non minus rectè instituitur hæres ex re certa, puta ex fundo, quàm ex parte hæreditatis, *l. 1. §. 4. l. 9. §. 13. l. 10. de her. inst.*

Ac si rerum mentio facta non esset] Rei enim mentio potestate juris detrahitur, *dd. l. quia contradictionem implicat hæredem esse rei singularis:* itaque universa bona obtinebit, nisi cohæredem simpliciter aut ex parte scriptum acceperit, tunc enim legatarii loco est, *l. 41. in fin. de vulg. & pup. l. 13. C. de her. inst.*

Ut valeret prius testamentum] Hæc clausula cum hoc efficere nequeat, ut prius testamentum in suo robore duret, & ita duo sint unius testatoris testamenta, sic accepta est, quasi vim prioris testamenti in causam fideicommissi & codicillorum convertere testator voluerit, *l. 19. de testam. milit.*

COMMENTARIUS.

1. Appellatione quartæ Falcidie veteres, passim quartam Senatusconsulti intelligere.
2. Fideicommissa quandoque induci & sine verbis fideicommissorum propriis ex voluntate testatoris.
3. Doctrinam hujus §. ad testamenta militum non pertinere, uti nec superioris.

Etiam si ex certis rebus] Alia ampliatio præcedentis doctrinæ ex Mæciano, l. si quis 29. ad sen. Treb. descripta; qua docemur, testamentum prius rumpi per id, quod secundo loco factum est, etiam tunc cum in posterioribus tabulis hæres ex certis rebus, aut unâ aliquâ re singulari, veluti fundo, institutus est: idque efficitur certissimâ juris ratione: nam non minus rectè instituitur hæres ex re certa, quàm simpliciter, aut ex parte hæreditatis; placetque hujusmodi institutionem valere, perinde ac si rei mentio facta non esset, ut si quis solus ita institutus sit, is omnium bonorum hæreditatem consequatur, l. 1. §. 4. de her. inst. l. coheredi 4. l. in fin. de vulg. & pup. Cum igitur tale testamentum jure consistat, necesse est, ut si secundo testamento hæres certæ rei scriptus fuerit, prius rumpatur juxta regulam.

Ac si rerum mentio facta non esset] Si quis ex re certa hæres institutus sit, valet institutio, non ut ex ea re hæres fiat: nam hæredem esse rei singularis contradictionem implicat, cum hæres sine universitate bonorum intelligi non possit: sed ut rei mentione potestate juris detracta si rei mentio facta non esset, quasi simpliciter hæres scriptus esset, l. 1. §. si ex fundo 4. l. 9. §. si duo 13. l. 10. de her. inst. & proinde nisi cohæredem habeat, universam hæreditatem obtinebit, l. coheredi 4. l. in fin. de vulg. & pup. Vide, quæ scripsimus sub §. hæreditas 5. & §. si plures 8. sup. de her. inst.

Suppleta quarta ex lege Falcidia] Id est, ex Senatusconsulto Pegasiano, quo quartæ ex fideicommissis hæreditatis retentio, aut suppletio, si minus relictum est, qui casus hic proponitur, permittitur; aut potius juxta mentem Justiniani, ex Senatusconsulto Trebelliano: postquam Pegasianum abolitum, & vis ejus omnis in Trebellianum translata est, §. sed quia 7. inf. de fideicom. her. Familiare autem & perpetuum veteribus est, ut etiam eam quartam, quæ ex Senatusconsulto deducitur, quartam Falcidiæ appellent, uti videre est in l. in ratione 30. §. tametsi 7. l. Titia 36. l. acceptis 93. ad leg. Falc. l. mulier. 22. §. 2. l. deducta 58. §. 3. ad sen. Treb. l. 2. in fin. de jur. cod. l. 10. C. ad leg. Falc. cum sim. Quamobrem nescio quid sibi velit Pacius, in margine lectorem monens, ne quartam Falcidiæ hoc loco pro quarta Trebelliani positam somni-

et. Quin illa potius somniculosi homines monitio est. In analysi sua cautior fuit.

Quibus ut valeret prius testamentum] Propter hanc clausulam potissimum verba constitutionis Severi & Antonini jussu Justiniani hic inserta sunt. Certe juris est, posse testatorem ab eo, quem hæredem instituit, fideicommissum relinquere, cumque rogare, ut hæreditatem alteri restituat: proinde etsi quis in re certa institutus est, quia valet institutio, etiam fideicommissum hæreditatis utiliter ab eo relinquatur. Ut autem fideicommissum utiliter relictum intelligatur, non præcisè requirimus expressionem verborum, quæ fideicommissorum propria sunt, ut, peto, volo, rogo, fidei tue committo; sed plerumque etiam sine his verbis admittitur, ex sententia & voluntate testatoris, l. ubi 19. §. 1. ad sen. Treb. quod etiam accidit in proposito, cum testator posteriore testamento cavet, ut prius quoque testamentum valeat: desunt enim hic verba fideicommissi, sed optimâ ratione ex eo quod cautum est, colligitur. Voluit testator, cum secundum testamentum ordinaret, prius nihilominus valere. Id inutiliter hætenus cavetur, ut ad hæredes priore testamento scriptos directio hæreditas perveniat, ne duo sint testamenta ejusdem testatoris: sed ut manifesta voluntas defuncti, quoad per jus licet, conservaretur, verba directæ istius clausulæ ad causam fideicommissi tracta sunt, & benignè sic accepta, quasi hæres posteriore testamento scriptus, rogatus esset hæreditatem restituere his, qui scripti sunt in priore. Doctrina hujus & superioris §. ut hoc in transitu moneam, ad testamenta militum non pertinet. Nam militi licet plura testamenta facere; si simul, si separatim; nec prius per posterius rumpitur, si hoc animo miles fuerit, ut utrumque valeret. Quamobrem si in posteriore testamento expressè caverit, ut prius quoque valeat, per hoc efficitur, ut duo sint testamenta, & tam prior, quàm posterior voluntas valeat jure directæ institutionis: sed si posteriore testamento verbis precariis usus fidei hæredis commiserit, ut priores tabulæ valerent, in causam fideicommissi & codicillorum vim prioris testamenti intelligitur convertisse, l. querebatur 19. de testam. mil.

TEXTUS.

De testamento irritis; & quibus modis sit irritum.

1. Alio autem modo testamenta jure facta infirmantur, veluti cum is, qui fecit testamentum, capite deminutus sit: quod quibus modis accadat, primo libro retulimus.

COMMENTARIUS.

HActenus de primo modo infirmandi testamento ipso jure, quo scilicet infirmatur salvo statu testatoris, & rumpi in specie dicitur. Sequitur alter, quo infirmatur statu testatoris mutato; qua mutatione superveniente in usu juris proprie dicitur irritum fieri, l. 6. §. irritum §. l. 12. in fin. pr. de injust. rupt. test.

Capite diminutus] Nec interest, qualis capitis diminutio intervenerit: omnibus enim modis capitis diminutionis status hominis mutatur, sup. de cap. dem. lib. 1. & testamentum non est, nisi hominis liberi, civis Romani, & patrisfamilias. quæ tria duobus temporibus in testatore requiruntur, testamenti facti & mortis, §. non tamen 6. inf. eod. Si vero quid postea supervenerit, quod statutum & conditionem personæ testatoris non mutet, veluti si post testamentum factum in furorem inciderit, aut bonis ei interdictum fuerit, aliud juris est, & testamentum ratum manet. De quo actum sup. tit. quib. non est perm. fac. test. Et primum igitur irritum fit testamentum capitis diminutione maxima, quia per eam testator in servitutem redigitur, d. l. 6. §. irritum. Excipitur tamen quod factum est ab eo, qui ab hostibus captus est, ante captivitatem: quippe quod juris postliminii aut legis Cornelie commento sustinentur, d. l. 6. §. pen. l. 12. qui test. fac. §. ult. sup. quib. non est perm. fac. test. ibi latius hoc explicatur. Secundo capitis diminutione media, puta si testator in insulam deportatus sit; quoniam hoc modo è numero civium Romanorum tollitur, & ea omnia, quæ juris civilis sunt, amittit, §. 1. sup. quib. mod. jus pat. pot. solu. l. sunt quidam 17. §. 1. de pen. Quod autem Jurisconsultus d. l. 6. §. ejus 7. ait, testamentum ejus, qui deportatur, non statim irritum fieri, sed tunc demum cum factum Princeps comprobavit, id explicandum ex l. 2. §. 1. de pen. l. 6. de interd. & releg. atque ad præsidem referendum est, qui jus deportandi non habet: proconsul enim & præfectus urbi habent, dd. ll. Postremo & minima capitis diminutione testatoris testamentum ejus irritum fit, puta si se adrogandum dederit, l. pen. §. 2. de bon. poss. sec. tab. §. non tamen 6. inf. hoc tit. quoniam filiusfamilias nec facere testamentum, nec cum testamento decedere potest. An autem emancipatione filiusfamilias veterani testamentum, de bonis castrensibus factum, irritum fiat, quod negat Jurisconsultus, d. l. 6. §. ult. alibi tractatum est, §. denique sup. de mil. test. Atque hic casus à testatore venit. Est & alius, qui venit ab hærede, quo & ipso superveniente testamentum irritum fieri dicitur, scilicet si ex testamento nemo hæres extiterit: defuncti enim hæredis etiam irritum dicitur fieri testamentum, l. 1. de injust. rupt. irrit. fact. test. l. filium 20. de

bon. poss. cont. tab. & in fragm. Vlp. tit. 23. §. 3. & recte quidem: nam in hæredis additione atque existentia consistit vis omnis atque effectus testamenti. Cæterum sæpius hoc casu testamentum dicitur destitui aut deferri, §. cum autem 7. & seq. de her. quæ ab int. l. 9. §. 2. de lib. & posth. l. ult. de cond. inst. Nonnumquam etiam distinguitur hic casus à testamento irritato facto, restricto scilicet irriti vocabulo ad ea testamenta, quæ infirmantur statu testatoris mutato, l. 1. in pr. de suis & legit. her. inf. de her. quæ ab int. in pr. Nec videtur hic modus proprius esse hujus loci, in quo id solum quæritur, an idoneum sit testamentum ad deferendam hæreditatem. Raro etiam hodie contingit, ut testamentum destituatur, postquam Justinianus aliis etiam personis potestatem adeundi fecit Novell. 1. cap. 1. de quo D. Grot. lib. 1. manduct. cap. 24. vers. 300 wanner.

TEXTUS.

Cur dicatur irritum.

§. Hoc autem casu irrita fieri testamenta dicuntur, quum alioqui & quæ rumpuntur, irrita fiant, & ea, quæ statim ab initio non jure fiunt, irrita sint. Sed & ea quæ facta sunt, & postea per capitis diminutionem irrita fiunt, possumus nihilominus rupta dicere. Sed quia sanè commodius erat, singulas causas singulis appellationibus distinguere: ideò quædam non jure facta dicuntur, quædam jure facta rumpi vel irrita fieri.

NOTÆ.

§. Hoc casu irrita.] Etiam irritum fieri testamentum dicitur, si ex eo nemo hæres extiterit, l. 1. h. tit. l. 20. cont. tab. Ulp. d. loc.

COMMENTARIUS.

NON est novum in artibus & præsertim in hac nostra disciplina, ut verba, quæ vi sua generalia sunt, doctrinæ & distinctionis causa contrahantur ad significandam certam speciem, quo magis singulæ res singulis verbis ad certam speciem traductis intelligantur. Ut hic ostenditur exemplo rupti & irriti facti testamenti. Sic adoptio, cognatio, pactio, contractus, actio, &c. nomina sunt, quæ per se generalem significationem habent: sæpe tamen his certa species ex instituto loquentis denotatur; quod tunc maxime fit, cum junguntur nominibus cognatæ significationis.

Et quæ rumpuntur, irrita fiant.] Rarissimæ autem hæc à nostris confunduntur: quanquam tamen aliquando, Ita non attenta hac distinctione usus

Speciali horum verborum, irritum testamentum fieri dicitur, cujus tabulae incisae aut inductae sunt, l. 3. circa fin. l. ult. de his quae in test. del. l. in fraudem 15. §. 1. de test. mil. quo tamen casu testamentum propriè rumpi dicitur, si specialem verborum significationem spectamus.

Quae ab initio non jure sunt, irrita sint.] Testamentum, quod ab initio non jure factum est, injustum nostris appellant, ut apparet ex inscriptione & l. 1. tit. de injust. rupt. irrit. fact. testam. Hoc recte quidem & irritum dici potest, ac ruptum nequaquam. Et notandum quoque, quod ait, quae ab initio non jure sunt, irrita esse, non irrita fieri: nam irrita esse ea recte dicimus, quae nunquam constiterunt; irrita fieri, ut & rumpi, ea demum, quae cum antea constarent, eversa sunt. Privationem enim significant: privatio autem, ut in scholis loquuntur, praesupponit habitum. Allegatur à nostris in eam rem l. 5. de injust. rupt.

Singulas causas] *Ἐναγών τι* D. G., singula vitia, ut haec appellantur juris auctores, l. 1. §. 3. de tab. exhib. l. 2. Cod. de edict. D. Hadr. toll. l. 11. Cod. de probat.

TEXTUS.

Quibus modis convalescit.

6. Non tamen per omnia inutilia sunt ea testamenta, quae ab initio jure facta, per capitis deminutionem irrita facta sunt. Nam si septem testium signis signata sunt, potest scriptus haeres, secundum tabulas testamenti, bonorum possessionem agnoscere: si modò defunctus & civis Romanus, & suae potestatis mortis tempore fuerit. Nam si ideò irritum factum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus haeres secundum tabulas bonorum possessionem petere.

NOTAE.

6. Irrita facta sunt] Sed neque in causa testamenti rupti semper obstat vitium, quo minus ex eo bonorum possessio peti possit, veluti si posthumus praeteritus vivo testatore decesserit, l. 12. de lib. & post. item si testator supremas tabulas incidit, ut priores supremas relinqueret, l. pen. §. 2. sec. tab. Sed & si filius praeteritus abstineat, voluntas ex aequo & bono sustinetur, l. 17. hoc tit. Non idem est, si testamentum non consistat propter inhabilitatem personae testatoris aut defectum solennium, l. 1. §. 8. sec. tab. l. 12. Cod. testam.

Et suae potestatis] In eo qui testamento facto se adrogandum dedit, non satis est ad obtinendam ex eo bonorum possessionem, quod postea sui juris effectus decesserit, sed requiritur etiam nova aliqua voluntatis, à qua in alienam familiam transeundo recessisse videtur, confirmatio, d. l. pen. §. 2. sec. tab.

COMMENTARIUS.

1. Notatur Triboniani negligentia.
2. Testamentum ruptum naturae posthumi praeteriti, eo ante patrem mortuo vires recipere.
3. Cancellatione incisioneve posterioris testamenti restitui prius, cujus tabulae integra manserint.
4. Testamentum irritum factum maxima & media capitis deminutione testatoris, eo restituito convalescere etiam absque nova voluntatis declaratione; secus si testator se adrogandum dederit, & postea sui juris factus decesserit.

Hic locus declarationem continet §. quarti Meretur autem Tribonianus duplici nomine hic reprehendi, primum quod quae rupti & irriti facti testamenti communia sunt, ita tradit, quasi unus & nimirum irriti facti essent propria: deinde quia simpliciter scribit, testamentum per capitis deminutionem irrita facta, jure praetorio convalescere, si testator civis Rom. & sui juris decesserit; cum in quibusdam tantum hoc solum sufficiat, in quibusdam nova praeterea declaratione voluntatis opus sit, uti mox demonstrabitur.

Per capitis deminutionem irrita facta] Quae testamenta ab initio propter inhabilitatem personae testantis non consistunt, ea ex postfacto vires nullo jure capiunt; veluti si impubes, aut furiosus, aut filiusfam. testamentum fecerint, & deinde testamenti factionem habentes decesserint: hoc testamentum ne jure quidem praetorio sustinetur, ut ex eo bonorum possessio secundum tabulas peti possit, l. 1. §. exigit 8. sec. tab. Idemque est, si testamentum nullum sit ob defectum solennium juris; puta quia pauciores, quam septem testes adhibiti, aut ex septem adhibitis quidam non signaverint, l. 12. C. de testam. De testamento autem, in quo filius, qui fuit in potestate, praeteritus est, non convenit, an quemadmodum id jure civili nullius momenti, ita quoque omnino nullum sit & maneat jure praetorio. Sed verius est, tale testamentum jure praetorio omnino nullum non esse scriptosque in eo haeredes, si praeteritus se bonis paternis abstinuit, posse accipere bonorum possessionem secundum tabulas, arg. l. posthumus 12. in fin. pr. l. filio 17. de injust. rupt. l. si duobus 12. §. 1. cons. tab. l. 2. in pr. sec. tab., quod prolixè contra commanent. defendimus sub. tit. de exher. lib. Haec autem non sunt propria hujus loci: quippe in quo agitur de testa-

mentis, quæ ab initio recte facta, deinde infirmata sunt; queriturque, an postea sublata causa infirmationis jure aliquo convalescant. Imperator quidem hoc in una tantum specie proponit, quando testamentum irritum factum est, sive infirmatum, ob id, quod testator capite minutus sit: attamen ad aliam quoque speciem eadem quæstio pertinet, cum scilicet ruptum est, seu eversum, testatoris statu non mutato. Videamus ergo de rupto, & de eo prius, postea cogniturum de altera specie, qua de hic agitur. Didicimus, testamentum rumpi duobus modis, agnatione sui heredis, & mutatione voluntatis. Fingamus igitur, posthumum præteritum viro patre decessisse: queritur, an testamentum ruptum natiuitate posthumum, eo vita deinde ante patrem functo, vires recipiat. Et responsum est, si testamentum signatum fuerit, posse hæredem scriptum bonorum possessionem secundum tabulas accipere, & cum effectu, ut rem obtineat, licet scrupulositas juris refragetur, l. posthumus 12. de injust. rupt. Unde intelligimus, jure quidem civili testamentum non restitui, sed tamen prætorem ex bono & æquo voluntatem testatoris tueri. Additur in responso, hoc ipsum etiam confirmatum esse rescriptis Imperatorum: quæ confirmatio ideo fortassis accessit, quia potestatem prætoris excedere videri poterat, quod ex testamento intrinsecus vitioso defenderet hæredi scripto bonorum possessionem cum re, contra eos, qui alioqui rem ab intestato auferrent. Planè si posthumus præteritus nascatur post mortem testatoris, licet illico decedat, testamentum non restituitur nec omnino cum decedit patre jam mortuo: nam, cum suus hæres sit patri, statim patri ipso jure hæres existit, & moriens hæreditatem sibi jure quæsitam transmittit ad quosvis hæredes legitimos: ad cujusmodi speciem pertinet l. 2. Cod. de posth. her. inst. Cujac. ad l. 7. de lib. & posth. Fingamus rursus, testatorem testamentum, quod secundo loco fecerat, ac proinde quo prius ruptum erat, incidisse aut cancellasse. Queritur, an restituitur prius, cujus tabulæ integræ manserunt. Papinianus respondit, si id hoc animo à testatore factum sit, ut priores tabulas supremas relinqueret, voluntatem, quæ defecerat, recenti judicio rediisse, & posse secundum tabulas priores bonorum possessionem peti l. pen. §. 2. sec. tab. At, inquires, an non sic testamentum citra ullam solennitatem nuda voluntate constituitur? Negat hoc Jurisconsultus d. loc. atque hanc objectionem sic removet, ut dicat, non quæri hic de jure testamenti, sed de viribus exceptionis. Quo significat, recenti isto judicio & simplici voluntate testatoris non constitui novum testamentum, sed si scriptus priore testamento hæres agat & hæreditatem vindicet, ei que obijciatur exceptio mutæ vo-

luntatis, posse cum hanc exceptionem elidere replicatione voluntatis reversæ, si constet, testatorem hoc animo posterius testamentum incidisse, ut prius iterum valere vellet. Utique enim hic animus ab hærede scripto omnino probandus est, per codicillos puta aut alias literas, quibus testator palam declaraverit, se velle priores tabulas valere, alioqui eum, tanquam potius utriusque voluntatis pœnituerit intestatum potius decedere voluisse interpretabimur, d. pen. §. 2. Unum tamen adhuc obstat, quod prius testamentum dicitur rumpi ipso jure, l. sancimus 27. Cod. de testam. Quomodo ergo agi poterit ex eo, quod ipso jure ruptum est? Resp. quod ipso jure prius rumpi dicitur, id dici certo respectu, quoniam rumpitur hoc solo, quod aliud factum est, etiam si testator prius non revocaverit. Et licet quatenus posterius testamentum consideratur, ut adhuc consistens & validum, prius ita sublatum intelligatur, ut nihil in eo scriptum valeat, nec quisquam ipso jure agere aut quid petere ex eo possit: non ideo tamen absurdum videri debet, quod posteriore inciso aut deleta ea mente, ut prius iterum valeat, prius quoque vires recipiat: quippe cujus tabulæ integræ relicte sunt, & utique jam postremæ: nam quod jus extinctum reviviscere negatur, id non obstat, cum ære, quæ, ut Dd. nostri loquuntur, essentialiam suam formalem & materiale retinuit; remouetur impedimentum. D. Menoch. cons. 176. lib. 2. Fachin. §. cont. 93. D. Tulden. comm. hic cap. 5. Io. Deckher. 2. Diff. 3. num. 30. Ac proinde putare, testamentum hoc casu valere etiam jure civili. Jam tempus est, ut ad textum §. nostri accedamus, in quo tractatur de convalescentia testamentorum, quæ per capitis deminutionem testatoris infirmata sunt, uno verbo, irrita facta.

[Si septem testium signis signata] Hoc enim solum, semper tamen, in danda bonorum possessione juxta tabulas prætor spectat, an testamentum septem testium civium Romanorum signis signatum sit, l. posthumus 12. in pr. de injust. rupt. Ulp. tit. 23. §. 5. & tit. 28. §. 5. ita enim obsignatum esse oportet, ut jure prætorio valeat, seu eo jure, quo obsignatio introducta est, §. 2. sup. de test. ord.

[Si modo civis Romanus & sue potestatis mortis tempore] Nihil amplius exigit ad petendam bonorum possessionem ex eo testamento, quod per capitis deminutionem irritum factum erat, quam ut testator mortis tempore civis Romanus & sui juris fuerit, omissa eleganti distinctione, quam nobis suppediçat Papinianus l. pen. §. 2. sec. tab. Etenim interest, anei, de cuius, integri capitis postea mortui, testamento queritur, maxima mediave, an minima contingerit capitis deminutio. Si maxima aut media, verbi gratia si capite damnatus sit, & Princeps damnatum

in integrum restituerit, quia nullum hic factum intervenit, ex quo colligi possit mutatio voluntatis restatoris, nihil causæ est, cur ad convalescentiam testamenti plus desideremus, quam ut testator pristinam statum receperit, l. 6. §. pen. de injust. rupt. Putarem etiam, testamentum damnati capitis, & indulgentia Principis postea restituti, ita convalescere, ut non solum jure prætorio valeat, sed jure etiam civili, propter comparisonem horum testamentorum cum eorum testamentis, qui capti ab hostibus postliminio redeunt, aut ibi decedunt, quorum testamenta jure civili vires recipere beneficio postliminii aut confirmatione legis Corneliæ constat, d. l. 6. §. pen. nisi quis putet, comparisonem istam pertinere duntaxat ad ipsam convalescentiam, non ad modum convalescendi. At vero si minima capitis deminutio intervenerit, puta si quis testamento facto se adrogandum dederit, non satis est ad restitutionem testamenti, obtinendamque ex eo bonorum possessionem, quod postea sui juris effectus decesserit: sed præterea requiritur, ut recenti aliqua voluntate testamentum confirmatum sit. Et merito: quoniam qui se dat in adrogationem, non obscure à priori voluntate recedit, cum sciat, se una cum capite fortunam quoque suas in alienam familiam transferre, ut disputat Papin. d. l. pen. §. 2. sec. tab. ex quo loco explicandum quoque & supplendum est, quod simpliciter item Paulus scripsit, testamentum valere, l. 8. §. 3. de jur. Cod. eod. ita ferme & Bart. in d. l. 6. §. pen. Myns. & Schneid. hic. Connan. g. comm. 7.

Et tempore mortis in adoptivi patris familia] Supple, aut in servitute aut conditione peregrinitatis. Omnino enim prætor exigit, ut is cujus bonorum possessio datur, utroque tempore jus testamenti faciendi habuerit, & cum facit testamentum, & cum moritur: intermedium autem tempus non curat, l. 1. §. exigit 8. de bon. poss. sec. tab. Ulp. in fragm. tit. 23. §. 5.

TEXTUS.

De nuda voluntate.

7. Ex eo autem solo non potest infirmari testamentum, quod postea testator id noluerit valere: usque adeo, ut §. si quis post factum prius testamentum, posterius facere cœperit, §. aut mortalitate præventus, aut quia eum ejus rei pœnituit, id non perfecit, divi Pertinacis oratione cautum sit, ne alias tabula priores jure factæ, irritæ fiant, nisi sequentes jure ordinatæ & perfectæ fuerint: nam imperfectum testamentum sine dubio nullum est.

NOTÆ.

7. Id noluerit valere] Nisi post lapsum decennii à condito testamento voluntatem revocaverit ad minimum coram tribus testibus, l. 27. Cod. de testam.

Vsque adeo] L. 2. h. t. l. 18. de leg. 3. l. 21. §. 2. Cod. de testam. excipe imperfecta testamenta militum & parentum inter liberos, item nisi in posteriore testamento imperfecto scripti, qui ab intestato veniunt, d. l. 2. h. t. d. l. 21. §. 1. cum auth. seq. & §. 2. Cod. de testam.

COMMENTARIUS.

1. Nuda contraria voluntate testamentum rite factum non infirmari, quantumvis coram septem testibus declarata.
2. Redditur hujus juris ratio.
3. An plus hic operetur revocatio causata, quam simplex.
4. Cur ne novi quidem testamenti inceptio vim prioris corrumpendi habeat.
5. Temperamenta superioris doctrine.

HIC §. rectius in continenti subjectus fuisset §. secundo aut tertio, quorum continet declarationem. Docuit ibi Imp. prius testamentum rumpi per posterius, quod jure perfectum est. Unde etsi per se satis intelligitur, neque nudam revocantis voluntatem ad infirmationem testamenti sufficere, neque adeo prius rumpi, etiam si secundum fieri cœptum sit, nec absolutum: latius tamen utrumque explicare voluit, & omnino latius adhuc à nobis explicandum est.

Quod testator id noluerit valere] Si quem prioris voluntatis pœniteat, malitque nunc intestatus decedere, parata ei est expeditissima ratio, tabulas incidat, deleat, cancellat, signa revellat, l. 1. §. pen. unde lib. majorem enim vim facta habent, quam verba, integrisque tabulis relictis nuda contrariæ voluntatis declaratio testamentum solenniter factum non infirmat, l. militis 36. §. 3. de testam. mil. l. sancimus 27. Cod. de testam. In tantum, ut etiam si testator coram septem testibus dixerit, nolle se testamentum, quod fecit, valere, nihilo tamen magis illud infirmetur, ut ex recepta sententia tradunt Clar. §. testam. quest. 91. Grass. §. testamentum, quest. 84. num. 2. Jac. Verwey. art. test. cap. 13. Angel. Vigl. Myns. Schneid. hic. Et recte. Nam si ne tunc quidem testamentum antea factum infirmatur, cum ad aliud faciendum testator processit, quod tantum non consummavit, quanto minus infirmabatur sola revocatione verbali: utique enim factum accedens ad voluntatem potentius operari debet simplici voluntatis declaratione. Hoc ipsum quoque manifeste probat l. sancimus 27. C. de testam. ubi Justinianus sancit, ut demum post lapsum decennii, seu cum à condito testamento decem anni effluerint, revoca-

catio-

catione voluntatis testamentum infirmetur. Neque hic mihi quis dixerit, pertinere istam constitutionem ad eum casum, quo tribus tantum testibus revocatio munita est, nam ex hoc ipso, quod Justinianus exigit, ut non pauciores, quam tres testes ad revocationem adhibeantur, ut valida sit ad infirmationem testamenti post fluxum decennii, satis intelligitur non aliud eum esse voluisse, si forte plures testes intervenierint, sive quinque sive septem: quo enim plures adhibentur, eo verius est non esse pauciores tribus adhibitos. Et sciendum est, Imperatorem illic abrogare constitutionem Honorii & Theodosii, quæ extat in l. 6. C. Theod. de testam. qua cautum erat, ut solo lapsu decennii testamentum revocatum intelligeretur, hoc est, si testator post conditum testamentum integros decem annos supervivisset, quamvis nulla secuta esset contraria voluntas: hoc enim Justinianus hæcenus mutavit; ut noluerit ex solo lapsu decennii testamentum evanescere, sed tunc, cum ad lapsum tanti temporis expressa accederet revocatio, quam etiam revocationem non paucioribus, quam tribus testibus muniri voluit cum alias ad probationem voluntatis, quæ testamentum non est, ordinarius testium numerus sufficiat. Quorquor igitur testes intervenierint, adhuc cursum decennii necessarius est ad sustinendam verbalem

2 testamenti solennis revocationem. Queritur autem hujus juris ratio. Nam iniquum videtur eum bona defuncti obtinere, quem ea habere noluit: ac proinde et si concedamus, ex summi juris ratione hæredes scriptos bona vindicare posse, cur tamen non dicimus, eos repelli posse exceptione finitæ defuncti voluntatis? Resp. Periculosum est æquitatem prætexere contra expressam juris auctoritatem i quod haud dubie hac ratione nititur, quod non videatur, satis serio improbasse voluntatem solenni testamento comprehensam, qui nude eam revocavit, tabulis testamenti integris servatis. Si enim testamentum omnino valere noluisse, poterat tabulas incidere, delere, poterat aliud testamentum condere; quod cum non fecerit, præsumere licet, eum revocationis pœnituisse; ut non sine ratione defendatur, majorem oportere vim esse testamenti, quod integrum & in suo statu testator reliquit, quam nude illius declarationis contrariæ, fac. l. militis 36. §. 3. de test. mil. Ex quo loco simul discimus, ita jus esse, cum queritur de institutione hæredem: legatorios autem revocata voluntate exceptione doli mali removeri. De cujus loci sententia vid. Ant. Fab. dec. 39

3 err. 8. His ita constitutis, videamus, an non falsa sit opinio Bartoli in l. si jure 18. de legat. 3. & DD. quos allegant & sequuntur Clarus §. testam. quest. 92. Vigl. Mynsing. Schneid. hic, qui interesse putant, qua formula testator in revocando testamento usus sit,

utrum simpliciter dixerit, nolo testamentum à me factum valere, an causam adiecerit & hæc verba, quia volo decedere intestatus. Nam et si simplicem revocationem non sufficere fatentur, causam tamen valere volunt, modo, facta sit coram septem testibus. Quo jure etiam nos uti refert Grot. l. 2. introd. cap. 24. Verum nihil interesse, hac an illa formula testator utatur, aperte evincit d. l. militis 36. §. 3. de test. mil. Et verò si hoc ipso, quod quis testamentum revocat, tacite & per quandam necessariam consequentiam intelligitur velle decedere intestatus, causæ illa adjectio (quippe quæ non impedit, quo minus aliud testamentum postea condatur) facere non potest, ut majorem vim revocatio habeat, quam si causa adjecta non esset. Et recte Mantica lib. 2. de conj. ult. vol. tit. 15. n. 19. ex Socino refert, distinctionem istam Bartoli capiosam esse vulgaribus testatoribus, qui causam nesciunt dicere, quia intestatus decedere volo, arbitranturque, id necessariò ex hoc ipso sequi, quod testamentum revocant. Sed non debebat vir alias incomparabilis hoc argumento moveri, ut statuet cum eodem Socino, Bald. Salic. in d. l. sancimus, C. de testam. & aliis, quos allegat, ad revocandum testamentum sufficere quamlibet simplicem voluntatis contrariæ declarationem factam coram septem testibus: quam sententiam abunde jam confutavimus. Unicum supradictæ distinctionis firmamentum affertur, l. 1. §. pen. si tab. test. null. ext. ex verbis, Vel quia aliâ ratione voluntatem testator mutavit, voluitque intestato decedere. Sed nemo, opinor tam infans est, qui non videat, Jurisconsultum ibi loqui non de simplici mutatione voluntatis, sed quæ declarata sit facto aliquo simili illis, quæ antea exprefferat, incisioni autem cancellationi, puta si testamentum induxerit, iacervaverit, resignaverit, &c. Habemus hujus sententiæ defensores Ant. Fab. dec. 39. err. 6. Bachov. in Treutl. vol. 2. disp. 10. thes. 7. Ant. Merend. 3. cont. 45. Plane ad infirmationem testamenti nuncupativi putarem sufficere simplicem voluntatis revocationem factam coram legitimo testium numero, arg. l. nihil 35. de reg. jur. cum Connan. 9. comm. 7. Wesemb. in hunc §. Groenem de legib. abrog. hic.

Vsq. ad ad] Amplificatio. Dixerat modò, nudâ voluntate testamentum infirmari non posse: id nunc usque ad eò verum esse pronuntiat, ut nec cum voluntate revocandi concurrentis novi testamenti inceptio vim corrumpendi prioris habeat: sed ita demum superius testamentum ritè factum tollatur, si inferius æquè jure perfectum fuerit. Hinc verò itidem ut in casu præcedenti, æquum esse videri potest, ut saltem hæredibus ab intestato decur exceptio adversus priore testamento scriptos hæredes, quos utique voluntate testatoris, aliud testamentum facere aggressi, mortuique antequam illud perficeret, destitui

stitui constat, per l. pen. §. 2. sec. tab. Verum obstat hic quoque legum auctoritas, l. 2. l. 11. de injust. rupt. l. si jure 28. de legat. 3. l. hac consultissima 21. §. 2. Cod. de testam. & hic text. Quid quod in proposito nec voluntatem defuncti ab intestato venientes habent: ponimus enim, in secundo testamento, quod imperfectum est, scriptos esse extraneos. Quamobrem, cum illi, quos postremo testator voluit, hæreditatem ex imperfecto testamento obtinere non possint, ne convellantur jura omnia, quæ de ordinandis testamentis tam diligenter constituta sunt, & quævis voluntas vim testamenti habeat, quos aliquando hæredibus ab intestato prætulit, eos etiam adhuc iisdem præferri voluisse existimandus est; atque in hunc eventum tabulas priores integras reliquisse, ut si posteriores non consisterent, ex prioribus hæreditas adiri possit. Atque hoc est, quod scribit Pomponius d. l. si jure 18. de legat. 3. credibile esse, testatorem ita demum à priore testamento velle recedi, si posterius valiturum sit.

Mortalitate præventus] Hujusmodi testamentum imperfectum dicitur ratione voluntatis. Quippe duplex est imperfectio testamenti; una, ratione solennium, puta si pauciores, quam septem testes intervenerint, aut si testes non signaverint subscripservintve, vel quid aliud, quod ad solennitatem ordinationis pertinet, omisum sit: altera, ratione voluntatis, veluti si cum plura ordinare testator vellet, morte interceptus fuerit, aut in ipso actu testandi furore correptus, l. si is qui 25. qui test. fac. l. 9. C. eod. Bald. in l. hac consultissima 21. §. 1. num. 1. 2. 3. Cod. de testam. Sichard. ibid. num. 2. quo loco uterque etiam notat, testamentum quod ratione voluntatis & dispositionis imperfectum est, nec inter liberos valere. Quod & Cujac. in d. l. 25. notavit ex Accursio: estque communis hæc & recepta sententia Vasq. lib. 3. de succ. creat. §. 21. num. 62.

Divi Pertinacis oratione] Solebant olim Principes orationes in Senatu habere, aut scriptas ad Senatum mittere, in quarum sententiam Senatusconsulta concipiebantur: l. oratione 16. de rit. nupt. Tacit. lib. 1. Oratione principis secuto patrum consulto primi Aedui senatorum in urbe jus adepti sunt. Atque hæc Principum orationes etiam Senatusconsulta nominantur, quandoque etiam leges. Sic oratio Divi Hadriani de petitione hæreditatis, l. si & rem 22. de hered. pet. Senatusconsultum passim appellatur, l. item veniunt 20. §. præterea 6. & multis seqq. eod. tit. Jul. Capitolinus hanc ipsam orationem Pertinacis legem, mox etiam Senatusconsultum nominat in Pertinace. Legem sane tulit, inquit, ut testamenta priora non prius essent irrita, quam alia perfecta essent, neve ob hoc fisci aliquando succederet. Et paulo post; Addiditque Senatusconsulto, &c.

Jure ordinata & perfecta fuerint] Quæ legitimo modo sunt, legitime quoque solvi debent; l. 35. de reg. jur. Hac ratione utitur etiam Harm. §. tit. 5. §. 17. Ab hac tamen regula excipienda sunt ea testamenta, quæ quamvis imperfecta, jure tamen singulari valent, ut testamenta militum & parentum inter liberos. Testamentum factum jure militiæ inter imperfecta numeratur, l. 2. de injust. rupt. atque ideo etiam imperfecto quovis posteriore solvitur, l. ejus 34. §. 1. de test. mil. & tamen per id, quod jure militari secundo loco factum est, rumpitur præcedens perfectum, hoc est, factum jure communi, d. l. 1. & d. l. 34. §. ult. Sed nimirum hoc ex eo est, quod testamentum militis jure privilegiario pro perfecto est, aut vim perfecti testamenti habet: quod autem rumpitur posteriore jure communi non rite facti, mirum videri non debet, quia etiam post missionis annum, irritum constituitur. Testamentum imperfectum factum à parente inter liberos & ipsum non minus ex privilegio valet, quam militis, l. hac consultissima 21. §. 1. C. de testam. Quare si pater, qui testamentum prius jure fecerat, postea aliud fecerit inter liberos, quamvis posterius hoc imperfectum fuerit, tamen rumpitur prius. Illud etiam favore liberorum Justinianus constituit, ut tale testamentum non aliter rumpatur posteriore, quam si posterius modis omnibus perfectum fuerit, & prius nominatim revocatum. Nov. 107. auth. hoc inter C. de testam. Præterea si cum in priore testamento perfecto scripti essent extranei, in posteriore autem imperfecto instituti sint, qui ab intestato venire possunt, dummodo non minus quam quinque testes intervenerint, placet, infirmato priore testamento posteriorem hanc scripturam valere, non tamen tanquam testamentum, sed tanquam voluntatem ultimam intestati, d. hac consultissima §. 2. cuius voluntatis hic erit effectus, ut nulla quarra deducta ab hæredibus, priore testamento, quod infirmatum est, scriptis, ad hæreditatem admittantur scripti posteriore, easque portiones per arbitrium familiæ eriscundæ singuli consequantur, quæ cuique adscriptæ sunt. Sed quid est, quod Jurisconsultus in d. l. 2. de injust. rupt. simpliciter scribit, prius testamentum per posterius imperfectum rumpi, si in eo scriptus est, qui ab intestato venire potest? Nimirum si in posteriore imperfecto, in quo scripti, qui ab intestato rem habere possunt, omissa sit aliqua solennitas, quæ tantum jure civili præcise requiritur, non item jure prætorio, veluti si testes non subscripserint, si filius institutus aut exheredatus non sit: nam etiam hac ratione testamentum imperfectum recte dicitur. Atque ita appellatur in l. 12. §. 1. cont. tab. quoniam inter cætera, quæ testamentum jure civili perficiunt, etiam hæc requiruntur. Rumpi

igitur eo casu testamentum prius dicimus, non jure civili, sed honorario dato secundum tabulas posteriores, quæ modo septem testium signis signata sunt, cum re & effectu bonorum possessione arg. d. l. 12. §. 1. cont. tab. quem locum diligenter & accurate hic interpretatus est D. Bachovius.

T E X T U S.

Si Princeps litis causa, vel in Testamento imperfecto institutus fuerit.

8. Eadem oratione expressit, non admissurum se hereditatem ejus, qui litis causâ Principem reliquerit heredem: neque tabulas non legitimè factas, in quibus ipse ob eam causam hæres institutus erat, probaturum: neque ex nuda voce hæredis nomen admissurum; neque ex ulla scriptura, cui juris auctoritas desit, aliquid adepturum. Secundum hoc divi Severus & Antoninus sæpissimè rescripserunt. Licet enim, inquit, legibus soluti simus, attamen legibus vivimus.

N O T Æ.

Litis causa Principem, etc.] Capit. ubi sup. hoc enim invidiosum est, l. pen. de her. inst. Plin. Paneg. Non tu falsis, non tu iniquis tabulis advocaris.

Ob eam causam] Quod tabulæ non essent legitimæ factæ, ut rectè Cujac. & Fabrot. quod non percepit Th. nec Accurs. nam Princeps nec legitimè factas probat, in quibus ipse litis causa hæres scriptus est.

Legibus soluti] Princeps legibus civilibus solutus est, l. 31. de legib. l. 3. C. de testam. Dio lib. 53.

Attamen legibus vivimus] Impp. l. 2. C. Th. de cond. & hom. dom. Aug. Scribimus quidem leges, sed sequimur. Plin. Paneg. Ipse te legibus subjecisti. vid. & l. 23. de leg. 3. l. 4. C. de legib. d. l. 3. C. de testam.

C O M M E N T A R I U S.

1. An Principes Romani legibus soluti fuerint: & in universum, an & quatenus sint Principes, qui absoluta jura majestatis habent.

Eadem oratione expressit] Ipseque, inquit de pertinace loquens Capitolinus d. loc. professus est, nullius se aditurnum hereditatem, quæ aut adulatione alienius delata esset, aut lite perplexa, ut legitimæ hæres & necessarij privarentur. Addiditque Senatus consulto hæc verba: Sanctius est, P. C. inopem rempublicam obtinere, quam ad divitiarum cumulum per discriminum atque dedecorum vestigia pervenire. Procul dubio hac oratione sanctissimus senex senatui declarare voluit, se longè aliâ ratione rempublicam temperaturum, quam antecessor ejus

Commodus Princeps flagitiosissimus fecerat; quem credibile est exemplum secutum fuisse sui simillimi Imperatoris Domitiani, de quo Sveton. cap. 12. sic scribit; *Consciscabantur alienissima hereditates, vel existente uno, qui diceret, audiuisse se ex defuncto, cum viveret, heredem sibi esse Casarem.* Extat adversus hujusmodi improbitatem edictum Honorii & Theodosii in l. sancimus 20. C. de testam.

Qui litis causâ Principem] Lex est, non debere cuiusquam conditionem deteriorem fieri factæ alieno, nec cui quam obijci duriores aut potentiores adversarium, tot. tit. de alien. jud. mut. ca. & tit. C. ne lic. potent. Huic legi se submitit Imperator Pertinax, professus hoc amplius, se non admissurum hereditatem, quæ litis causâ Principi delata esset, minus hic sibi permittens, quam cuiquam privato, l. 8. §. 2. de alien. jud. mut. ca. Quippe invidiosum esse existimavit, Principem litis causâ, hoc est, in re controversâ & perplexa heredem institui, quo alii, nomine Principis territus suum indefensum relinquunt, ac nefas esse, calumniæ facultatem ex Principali majestate capere, l. pen. de her. inst. Paul. §. sent. 12. Plinius Panegyra. Non tu falsis, non tu iniquis tabulis advocaris.

Neque tabulas non legitimè factas] Lex est, heredem justo testamento instituendum esse, neminemque posse ex tabulis non legitimè factis hereditatem obtinere. Hanc legem etiam adversus se valere optimus Princeps voluit, atque in sua etiam persona tabulas non legitimè factas improbavit. Secundum quod sæpissimè constitutum est, ex imperfecto testamento nec Imperatorem hereditatem vindicare posse, l. 3. C. de testam. Ait, in quibus ipse ob eam causam. Nempe quod tabulæ non essent legitimè factæ, ut rectè Cujac. Quod non percepit Theoph. nec Accurs. nam Princeps nec legitimè factas probat, in quibus ipse litis causa scriptus est. Ait, Neque ex nuda voce. Non quasi Princeps hæres nuncupari non possit, aut hæres esse *ἐν τῷ ἀγῶνι* Agathinus, ut somniat Theoph. sed ex nuda voce, id est, ex nuda voluntate sine juris solennibus.

Neque ex ulla scriptura, cui juris auctoritas desit] Clausula generalis, legata quoque & fideicommissa, non legitimo testamento relicta complectens. Ex imperfecto testamento, ait Paulus l. 23. de legat. 3. legata vel fideicommissa Imperatorem vindicare inverecundum est. Huc etiam referendum, quod idem Paul. 4. sent. 5. & Nipian. l. 8. §. 2. de inoff. testam. scribunt, testamentum, in quo Imperator hæres scriptus est, inofficiosum argui posse.

Licet legibus soluti simus] Principes Romanos legibus solutos esse, scribit Dio lib. 53, atque id ipse

sic interpretatur, ut dicat, eos liberos esse ab omni legum coactione, nec ullâ scriptâ lege teneri. Apparetque ex eodem loco, quemadmodum temporibus liberæ reipublicæ aliquando usurpatum, ut populus aut senatus civem aliquem ob heroicam indolem ac singularem virtutem umâ aliquâ lege solveret, puta, ut ante ætatem legittimam magistratum gerere, aut intra tempora constituta eundem repetere liceret, sicut de Pompejo, Africano, Octaviano, aliisque permultiis factum legimus: ita Principem postea, cum civibus omnium excellentior haberetur, legibus omnibus solutum fuisse, lege in eam rem semel expressa lata; quæ lex regia in l. 1. de const. Princ. lex imperii in l. 3. C. de testam. appellatur. Quod etiam significare arbitror Ulpianum in l. Princeps 31. d. de legib. Quamquam necesse non erat, hoc caput legi regis inferere; quandoquidem ex hoc ipso, quod alio capite ejusdem legis populus jura maiestatis omnia abdicative in Principem transtulit, ad l. 1. de const. Princ. necessario sequitur, Principem legibus non obligari. Etenim Princeps, qui absoluta jura maiestatis habet, nihil supra se cernere potest, neque hominem neque legem, ut ait Alber. Gentilis in quæstionib. regis. Deus, inquit Justinianus, *leges ipsas Principi subiecit, eumque legem animatam misit hominibus.* Nov. 105. c. 2. in fin. Jam verò qui supra leges est, cui leges subjicte sunt, is necessario legibus est solutus, id est, legibus non tenetur; alioqui non illi leges, sed illæ legibus subicitur, & qui ipse lex est, in eum lex ferri non potest. Unde Plinius in panegyr. *Leges, inquit, Principi nemo scripsit.* Neque, cum hoc dicimus, intelligimus solum cum D. Thoma q. 96. art. 5. part. 1. quem multi sequuntur, Principem legibus solutum esse, quoad vim coactivam, sed etiam quoad vim directivam. Quin ad hanc solam quæstio pertinet; cum si neges, secundum vim dirigentem, Principem legibus solutum esse, statuas, Principem legibus obstringi, tanquam quæ ipsi quoque latæ sint. Aliæ autem quæstio est de modo coercendi &

puniendi nec obedientes. Cæterum totum hoc pertinet ad leges civiles duntaxat, non ad leges naturæ aut divinas, quibus cum omnes homines subiciantur quatenus homines nati sunt, omnino efficitur, aut Reges homines non esse, aut illos etiam his legibus teneri. Non pertinet etiam hoc axioma ad leges imperii fundamentales, maxime cum in eas quoque ipsi Principes regnum incuntes jurare solent. De quibus legibus Bodinus lib. 1. de repub. c. 8. sic scribit: *Quantum ad leges imperii attinet, cum sint cum ipsa maiestate conjunctæ, Princeps nec eas abrogare, nec eas obrogare potest, Cujusmodi, inquit, est lex Salica, regni hujus firmissimum fundamentum.*

Attamen legibus vivimus] Etsi hoc jus Principis est, si dignitatem spectes & imperii potestatem, ut legibus omnibus civilibus sit solutus: tamen officium imperantis est, legibus vivere, hisque parendo suo exemplo præire illis, quibus solis latæ sunt. Quod significat Paulus l. ex imperfecto 23. de legat. 3. his verbis: *Decet enim tantæ maiestati, eas servare leges, quibus ipse solutus esse videtur.* Et Imp. Alexander. l. 3. C. de testam. cum ait, *nihil tam proprium imperii esse, quam legibus vivere,* eodemque modo explicanda l. digna vox C. de legib. & illud Plinii in Panegyr. ad Trajan. *Legibus te subiecasti, quas nemo Principi scripsit, item illa, Non esse Principem supra leges, sed leges supra Principem.* Nimirum Princeps imperio maximus major est exemplo, ut ait Paternus lib. 1. ex Plin. d. loc. *Vita Principis, inquit, perpetua censura est: ad hanc dirigimur: nec tam imperio nobis opus est, quam exemplo.* *Τίς γὰρ ἂν ἡδύλασεν ἀπειθεῖν, ὅρῳ τὸν βασιλέα παρρησίῳ;* inquit Xenophon. in laudib. Agesilai. Claudianus in Panegyr. de quarto consulatu Honorii, his verbis Principem hujus officii commonefacit,

*In commune jubes si quid, censesve tenendum,
Primus jussa subi: tunc observantior equi
Fit populus, nec ferre negat, cum viderit ipsum
Auctorem parere sibi. Componitur orbis
Regis ad exemplum: nec sic inflectere sensus
Humanos edicta valent, ut vita regentis.*

TITULUS XVIII.

D. Lib. 5. Tit. 21. Cod. Lib. 3. Tit. 28.

De inofficioso Testamento.

Continuatio, & argumentum tituli. Unde nomen inofficiosum, quorum de hac quæstione cognitio.



Explicatur hic altera ratio infirmandi testamenti, cum scilicet non ipso jure, sed per sententiam judicis rescinditur, ex causa de inofficioso contra testamentum pronuntiantis: quod est il-

lud adminiculum, quod superius dixit paulo post nobis manifestum fore, initio, tit. de exheredatione lib. Locum hic latè patet, quamquam concisus est Justinianus, ut passim in hoc libello, Initio indicat ille causam introducendæ de inofficioso querelæ,

relæ, & quo colore proponatur; mox quibus ea competat, aut non competat, ostendit: sequuntur postremo nonnulla, quibus intervenientibus testamentum inofficiosum argui atque ex ea causa rescindi non potest. Nobis, quibus propositum est rem totam planam facere, licebit in explicando esse prolixiores. Memini etiam, nonnulla me recepisse interpretantem §. ult. d. tit. de exh. lib. quæ in hoc tempore dilata, nunc exolvenda sunt. De nomine inofficiosi hoc primum monendi sumus, quamvis omne testamentum inofficiosum recte dicatur, in quo testator contra officium, quod alteri debeat, facit, quemadmodum scimus, hominem inofficiosum dici, qui officium prætermittit, aut contra officium, quod alteri debet, facit, & ideo si verbi causa testator cognatis suis aut personis de se bene merentibus, quibus ob id remunerationem debet, nihil in testamento suo reliquerit, huic etiam testamento appellatio ista conveniat: tamen per excellentiam ea demum testamenta inofficiosa dicta sunt, quibus officium in liberos, parentes & fratres neglectum est, seu in quibus liberi, aut parentes, aut fratres, vel exheredati sunt immerito, vel immerito præteriti. Quocirca his etiam solis potestas permixta de inofficioso querendi, postulandique, ut, si officium violatum esse constiterit, testamentum rescinditur. Cognitionem hujus questionis ad centum viros pertinuisse constat ex Cic. lib. 1. de orat. Val. Max. lib. 7. c. 7. & §. l. Titia 13. l. qui repudiantis 17. h. tit. uti & simplicis petitionis hereditatis, l. ult. in pr. C. de pet. her. quod tamen non usque adeo perpetuum fuit, quin partes aliquando negotio ita ferente à prætore remissæ fuerint ad judicem pedaneum: ut liquet ex l. 8. §. pen. hoc tit. l. 3. §. si emancip. §. de bon. poss. cont. tab.

TEXTUS.

Ratio hujus querelæ.

Quia plerumque parentes sine causa liberos suos exheredant, vel omittunt, inductum est, ut de inofficioso testamento agere possint liberi, qui queruntur, aut iniquè se exheredatos, aut iniquè præteritos: hoc colore, quasi non sana mentis fuerint, cum testamentum ordinarent. Sed hoc dicitur, non quasi verè furiosus sit, sed rectè quidem testamentum fecerit, non autem ex officio pietatis. Nam si verè furiosus sit, nullum testamentum est.

NOTÆ.

Sine causa] Ex justis causis permixta exhereditatio, l. 7. de bon. damn. quas causas ex arbitrariis certas fecit & nominatim ad 14. complexus est, Just. Nov.

115. c. 3. voluit autem unam saltem ex his inferi testamento, eamque ab hærede probari; secus ac jure veteri, l. 5. §. 1. hoc tit. l. 28. C. eod.

Exheredant vel omittunt] Illud ad parentes omnes & propriè ad patrem pertinet, hoc ad matrem cujus silentium pro exheredatione est, §. ult. sup. de exh. lib. & ita intellige l. 3. h. t. d. Nov. 115. c. 3. Exhereditatis igitur omnibus, à matre etiam præteritis hoc remedium necessarium. Ex privilegio autem est, quod de inoff. militis testamento nemo queri potest, l. 8. §. 4. l. 27. §. 2. hoc tit. l. 9. l. 24. C. eod.

Quasi non sana mentis] l. 2. l. 5. §. 1. eod. ac proinde quasi testamentum facere non potuerint, l. 17. §. 1. eod. Hoc colore seu titulo quæsitio regitur iniquitas exheredationis: & quidem ob hanc causam olim rescisso per querelam testamento nihil ex eo valebat, l. 8. §. pen. l. 28. eod. hodie autem quantum ad institutiones solummodo evertitur; legata & cætera capita salva manent, Nov. 115. c. 3. in fin. auth. ex causa C. de lib. præter.

COMMENTARIUS.

1. Quibus liberis & quando querela necessaria.
2. Etiam ob causas non nominatim expressas, Nov. 115. c. 3. dummodo eque graves aut graviore, exheredationem rectè fieri.
3. Quamvis exhereditatio facta sit sine elogio, tamen testamentum adhuc ipso jure hodieque subsistere, atque ad id rescidendum opus est querela, contra comm.
4. Præteritionem matris & avi materni etiam jure novissimo vim exheredationis habere.
5. Contraria obiter repulsa; addito jure patrio.
6. Verum querela ipsa sit actio sive petitio, an remedium aliquod actione separatim.
7. An liberis à patre præteritis, legata & cætera capita, præter institutionem beneficio nova legis conserventur.
8. Cur querela inofficiosi colorem dementiae veteres præterxerint: & num idem adhuc hodie.

Via plerumque] Rectè monet D. Pacius in margine, particulam plerumque non afficere, verbum exheredant, sed verbum sine causa: ut hic sit sensus; cum parentes liberos suos exheredant vel omittunt, id eos plerumque facere sine causa: puta falso instimulatos, novercalibus delinquentis instigationibusque corruptos, l. 3. & 4. hoc tit.

Sine causa liberos suos exheredant vel omittunt] Ait, sine causa: nam ex justis & meritis causis exhereditatio semper permixta fuit, l. 7. de bon. damnat. Ait, exheredant vel omittunt, illud ad parentes omnes, & propriè ad patrem avumque paternum, hoc ad matrem & avum maternum pertinet: nec supervacuo hic expressum, ut censet D. Wesemb. etsi enim matris præteritio vim & effectum exheredationis habet;

habet; non est tamen vera exhereditatio, §. ult. sup. de exher. lib. In patre exhereditatio necessaria est, ut querelæ locus sit: si enim pater filium, quem in potestate habet præterierit, testamentum ipso jure nullum est; si emancipatum, datur præterito bonorum possessio contra tabulas, sup. d. tit. in pr. & §. 3. & §. 4. Quia nec quovis exhereditatio querelæ locum facit, sed ea demum, quæ rite facta est: quæ secus facta, id est, non nominatim, non pure, non à tota hæreditate, pro præteritione censetur l. 8. §. non quævis de bon. poss. cont. tab. Matre autem sive prætereunte, sive quovis modo exheredante, semper ad infirmum testamentum querela opus est, cum & jure civili firmum sit, nec à prætore infringatur: quippe qui exheredatione, cujus vicem etiam præteritio matris obinet, notatos non putavit ad contra tabulas bonorum possessionem admittendos d. l. 8. in pr. cont. tab. d. §. ult. sup. de exher. lib. Et igitur exhereditatis omnibus, à matre etiam præteritis, hoc remedium necessarium est. Causæ exheredationis jure antiquo certæ legibus definitæ erant, sed ab arbitrio pendebant judicium, qui de inofficioso cognoscebant, quorum erat merita exhereditati perpendere, l. 3. §. si emancipatus §. cont. tab. Val. Max. lib. 7. c. 8. Justinianus ex arbitrariis eas certas fecit, & nominatim Nov. 115. c. 3. complexus est ad quatuordecim: cumque antea etiam simplici exheredatione facta, permissum esset hæredi instituto allegare & docere ingratitude, id idem; Imp. primum hætenus mutavit, ut non aliter liceret hæredi ingratitude quæstionem movere, quam si testator expressè addidisset, se ideo filium exheredare, quia fuerit ingratus, l. omnimodo 30. in pr. C. hoc tit. Postea ne hoc quidem satis ei visum, sed insuper voluit, testatorem justam aliquam ingratitude causam, & saltem unam ex illis, quas ipse recenset, testamento exprimere, imposito quoque hæredi onere, elogium probandi, cum olim ita jus esset, ut nisi hæres ultro probationem suscepisset, causam aliquam certam allegando, (quo refert l. 22. & d. l. 30. Cod. eod.) ipsi liberi docere tenerentur, se morigeros atque obsequentes semper fuisse, l. 5. §. 1. eod. l. liberi 28. C. eod. Hinc duplex exorta quæstio. 1. An nullas alias ob causas, quantumvis pares aut majores, quam quæ d. Novell. 115. c. 3. expressæ sunt, exhereditatio permittenda. 2. Utrum si exhereditatio facta sit sine causæ expressione, testamentum ex d. constitutione ipso jure nullum sit, an jure adhuc subsistat, atque ad illud rescindendum querela etiamnum sit opus. Primam quæstionem quod attinet, quamvis sententia Connani, lib. 9. comm. 10. Viglii ad §. ult. sup. de exher. lib. aliorumque, qui eos sequuntur, negantiam, ob alias causas, licet requæ graves aut graviores, exheredationem fieri pos-

se, verbis d. Novell. convenire videatur: tamen mihi per suadere non possunt, eam fuisse mentem Justiniani, quam illi esse censent: & summa ratio sva- det, ut contra sentiam. Etenim si verbi gratia manus parenti filius ipse non inculerit, secundum d. Nov. cap. 3. §. 1. sed inferre passus sit, cum facile prohibere posset; idemque finge de injuria, §. 2. Patrem ipse non accusaverit, juxta §. 3. sed accusationem instruxerit, juverit pretio, consiliis, probationibus. Insidiatus ipse patri non, sit, §. 4. insidias autem, cum posset, non detexerit. Falsum testimonium ipse non dixerit, sec. §. 8. at qui dicerent, subornarit. Quid si horum fratris violare ausus sit; Quid si lenocinio palam quæstum faciat? &c. Quis hæc aut atrociora filium patrantem dignum peger, qui fulmine feriatur exheredationis? At inquis, odiosa est exheredatio, ac proinde interpretatione non est adjuvanda, l. cum quidem 19. de lib. & posth. t. edia de reg. jur. in 6. Imo contra vel magis odiosum, patrem cogi ut impio & indigno filio bona sua relinquat. Equidem concedo, ubi de hypothese quaeritur, de scriptura testamenti, de facto exhereditati, de voluntate exheredantis, cum similibus, exheredationem adjuvandam non esse: cæterum ubi Jemais de legis vi atque interpretatione disputatur, hoc semper legibus inesse, ex mente conditorum, credi oportet, ut quia omnes casus, qui quandoque incidere possunt, comprehendere nequeunt, ad eas quoque res & causas pertineant, quæ quandoque similes erunt, l. 10. cum §. seqq. l. ideo 27. de legib. Neque hinc excipiuntur leges pœnales: nam & illæ urique leges sunt; & obvia passim responsa Jurisconsultorum, etiam leges publicorum judiciorum, ad hunc, quem diximus, modum interpretantium, l. 11. de pen. l. 13. de testib. l. 7. §. 2. de jurisd. l. 7. ad leg. Jul. mai. §. 3. Tul. d. 2. jurisf. extemp. c. 5. pag. 202. ubi distinguit utrum par & eadem sit ratio, an similis tantum, l. 3. de leg. Pomp. l. 2. §. 28. & seqq. ad Tertul. junct. l. ult. §. ult. qui per. tut. l. 8. de sepulcr. viol. l. 1. de aleat. Dixeris, hoc admisso, Imperatorem non assequi scopum suum, sed causas adhuc incertas manere, nec quatuordecim tantum, sed infinitas fore. Respondeo, ex his constitutionis verbis, ut præter ipsas nulli liceat ex alia lege ingratitude causas opponere nisi quæ in hujus constitutionis serie continentur, satis patet quis Justiniano scopus propositus fuerit. Horum enim verborum non alius sensus, quam quod non liceat ex legibus antiquis causas opponere, quæ in d. constitutione non continentur. At tales causæ non sunt, quæ vel majores sunt, vel pares expressis, sed leviores duntaxat, aut dispares: quippe cum de similibus semper ut de expressis habendum: facit huc c. 1. §. 2. vers. sed quia natura lib. 2. feud. tit. 24. quæ fuit prim. ca. bon. amitt. Atque hæc sententia,

etiam communis est, usuque apud omnes recepta DD. in *auth. non licet C. de lib. prat. Clar. §. testamentum quest. 41. n. 2. Gomez. 1. resol. 11. Schmid. hic n. 15. Gadelin. lib. 2. de jur. noviss. cap. 8. Christin. vol. 4. decis. 19. n. 5. Grot. lib. 2. *manud. cap. 18.* ubi notat, in his regionibus illud quoque semper obtinuisse, ut filia minor 20. annis, nubens citra consensum patris aut maritis, ab eodem patre aut matre ob hanc causam exheredari possit: convenit *art. 25. cap. 2. statut. Zeland.* In altera questione numero vincunt, qui ad validitatem testamenti negant sufficere exheredationem simplicem seu factam sine causae insertione, & ad hoc omnino requirunt qualificatam: quod si verum est, nullus usus querelæ relinquitur in linea recta, præterquam uncio illo casu, cum exheredationi aut præteritioni additum est elogium: quæ sententia fuit Johannis, relata à Glossa in l. 5. h. tit. probata plerisque interpp. in *auth. ex causa C. de lib. prat. Clar. d. §. testam. quest. 40. Gomez. d. c. 11. Covar. in c. Raynurius p. 1. n. 7. cap. 16. Wesemb. par. hoc tit. n. 7. & novissime late defensa à D. Bachovio hic.* Cæterum, ut pluribus hæc sententia placeat, non desunt tamen, qui eam taxent, ut constitutioni Justiniani minimè consentaneam: & sanè non immerito, meo quidem iudicio. Nam qui diligenter eam constitutionem evolveret, comperiet ex tenore, Imperatorem non agere de iis, quæ ad internam testamenti solennitatem ritumque exheredationis pertinent, sed de causis, ob quas facta exheredatio iuste vel injuste facta intelligatur: ac injustitiæ exheredationis non vitiat testamentum ipso jure. Et vide quæso, quæ isti sententiæ sint consequentia. Efficitur ex ea, ut testamentum nullum sit, etiamsi præteriti sint liberi emancipati; etiamsi præteriti sint liberi sine elogio, qui nunquam in potestate fuerunt; ut posthumi exheredati nativitate rumpatur testamentum; ut infantium atque adeo impuberum ferè omnium exheredatio nullius momenti sit: denique ut tantum non liberi matribus, parentes liberi suis hæredes fiant. Atque ita deletur bonorum possessio contra tabulas: deletur §. *mancipatos 3. item §. sed hæc quidem §. et §. ult. sup. de exher. lib.* Delentur maxima ex parte tit. *Pand. C. et Inst. de inoff. testam. item l. ult. C. de lib. prat.* Quis vero credat, tot capita juris veteris à Justiniano tacite abrogata, qui nunquam solet quicquam ex jure veteri mutare, nisi cum expressa mentione ejus juris, quod abrogare constituit, & commendatione novi? Refragantur etiam verba d. *constitutionis cap. 3. circa fin. et cap. 4.* ubi cum jussisset Imperator, si exheredatio aut præterito facta esset cum elogio, idque elogium probassent hæredes, firmum manere testamentum, sive, ut est in authentico, *ὅτι τῇ ἰδίᾳ ἔχῃ ἀνακλησέτω, τῇ ἰδίᾳ ἔχεν**

ἰχώρ, subicit, si hoc observatum non fuerit, testamentum irritum reddi atque everti: utitur enim verbis *ἀνακλησέτω & ἀνακλησέτω*: quæ de iis tantum prædicari constat, quæ ab initio constituerunt: & quod notandum, everti non in totum, sed quoad institutionem duntaxat, cætera capita firma manere. Ergo in totum ab initio subsistit. At quo remedio evertetur? Non alia haud dubiè, quam querela inofficiosi, quæ una exheredatis supererat. Arguit hoc accurata illa causarum ingratitudinis, de quibus in querelæ iudicio agitur, definitio; quæ causam novæ constitutioni dedit. Ad hæc si dicimus, liberis omnibus, sine elogio exheredatis aut præteritis, testamentum potestate d. constitutionis nullum esse, non liberis tantum consulimus, sed extraneis etiam defuncti legitimis hæredibus: quippe ad quos tum, liberis aut repudiantibus, aut ante parentem, aut priusquam hæreditatem adierint, mortuis, hæreditas defuncti ab intestato perventura sit, exclusis scriptis hæredibus, qui alioqui ex testamento iisdem rebus intervenientibus venturi essent. Justinianus autem liberis duntaxat prospicere voluit, ne his noceret exheredatio, nō consulere aliis contra scriptos testamentum heredes. Postremo ut exdictis liquet, non fuit ei propositum tollere inofficiosi querelam, sed proniorem atque expeditiorem ei viam facere; unique potissimum rei affert remedium, ne scilicet liberi exheredati aut præteriti, ob difficultatem probandi se semper officiosos fuisse, parentem hæredem exciderent. Cum ergo duplicem effectum exheredatio jure veteri habeat: unum hunc, ut absolvat internam testamenti paterni solennitatem, ut nullum sit ob præteritionem, ad quod sufficit ritè factam esse, etiamsi injusta sit: alterum, ut exheredatum submoveat ab hæreditate, ad quod insuper exigitur, ut facta sit iustis de causis: posterioriorem effectum tantum Justinianus restringere voluit, priori in suo statu relicto. Sive igitur nulla causa à testatore expressa sit, sive aliqua, quæ tamen non sit ex iis, d. *Nov. 115. cap. 3.* continentur, aut ex iis quidem, sed in cujus probatione hæres deficiat, utiliter & cum effectu exheredatus de inofficioso hodieque agat, & postulabit; ut testamentum rescindatur, resque redigatur ad causam intestati. Idemque erit, si liberi præteriti sint, ab iis sc. parentibus, quorum præteritio pro exheredatione est, ut matris & avi materni, licet causa adjecta non sit: & falsum est, quod plerique pro vero nobis obtrudunt, præteritionem maternam pro exheredatione amplius non haberi, sed ex hac causa æquè nullum esse testamentum, ac si pater præterisset, nisi præteritioni adjecta sit causa ingratitudinis; necessitatem quodammodo exheredandi contra rationem

nem juris illie introductentes, ubi non est fuitas, l. 1. 1. de lib. & posth. l. 4. §. 2. cont. tab. Ita concludimus tum Fulgos. & Donell. ind. auth. ex causa. Vigl. ad rubr. hic Duar. c. 3. ad hunc tit. Cujac. ad Novell. 18. Pachin. contr. 9. Vasq. lib. 2. de succ. creat. §. 20. n. 162. & seqq. Perez. ad Cod. de lib. prat. num. 13. Gudelin. lib. 2. de j. nov. c. 4. Atque ita in utraque Curia Hollandiae judicatum refert Neostad. decis. supr. sen. 99. contra quam Curia Frisise apud Sand. lib. 4. tit. 2. def. 2. Argumentis, quæ pro contraria sententia afferuntur, ex his, quæ dicta sunt, nullo negotio occurrere potest; & sunt pleraque ex eorum genere, quæ Græci *ἐν τῷ ἑσθῶτι* vocant, id est, quæ in ipsos auctores retorqueri possunt. Postremo minimi pretii sunt, quæ illi putant esse maximi; quale est, quod sexto loco adducit Bachovius, frustraneam ajens esse eam actionem, in qua actor non potest succumbere, &c. Ergo frustra est, quod posthumis aut infantibus exheredatis, §. 2. inf. l. si quis 3. §. 1. C. h. tit. item ex constitutione Justiniani l. omnimodo 30. C. cod. liberis omnibus exheredatis, non addico, quia ingrati fuerunt, actio de inofficioso datur: quoniam nunquam non possunt vincere. Considerare debuerant, non frustra esse, quod leges testamentum consistere volunt, ut saltem iis casibus, quos modo commemoravi, incidentibus voluntas defuncti exitum habeat. Ejusdem ponderis est argumentum, quod Bachovius producit vice corollarii, nempe legitimam relinquentem esse liberis titulo institutionis. Ne sit relicta isto titulo, an propterea sequitur, testamentum ipso jure nullum esse? Sed de eo plura inferius. In hisce regionibus passim necessitatem exheredandorum liberorum, si hæredes non instituantur, non agnoscimus; utpote quæ suorum tantum hæredem propria est, quales hæredes nos non habemus: sed præteritio non matris tantum, verum etiam patris pro exheredatione habetur, exemplo militarium testamentorum. §. sed si 6. sup. de exher. lib. Intelligo ut ipso jure valeat testamentum, non quin tanquam inofficiosum rescindi possit, & res ad causam intestati pronuntiatione judicis redigi. Nam querelam inofficiosi modis omnibus etiam nos retinemus, si inique & contra officium pietatis exheredatio facta proponatur, vid. Gudelin. lib. 2. de j. noviss. cap. 5. Grot. lib. 2. manduct. ad jurispr. Bat. cap. 18. Christ. vol. 4. dec. 20. n. 8. Groen. de li. abreg. hic.

Inductum est.] Verbum inducere plurimum refertur ad jus non scriptum, aut ad id jus, quod ex interpretatione prudentum profluxit, l. 2. §. 5. de orig. jur. l. de quibus 32. de legib. l. Gallus 29. de lib. & posth. l. 2. de vulg. & pup. Unde existimare licet, querelam inofficiosi testamenti non lege aliqua scripta introductam esse; sed moribus, aut, quod probabilius est, interpretatione consultorum. D. Cujacius lib. 2. obs.

21. ex lege Glicia eam deducit: sed hoc ideo probabile non est, quoniam nullis certis personis nominatum potestas experiundi hoc judicio contestata fuit, l. 1. hoc tit. à lege autem si foret, certæ personæ expressæ essent, quibus hæc actio competere. Adhæc si lex aliqua de hoc judicio lata esset, nihil opus fuerat, colorem aliunde querere, cujus prætextu testamentum, quasi ab homine non sanæ mentis factum, everteretur: quippe quod tunc vigore & auctoritate solius legis rescindi oportuerit. Color autem iste dubium non est quin inventus atque excogitatus sit ab iis, à quibus alia id genus comenta & fictiones omnes manarunt, hoc est, à jureconsultis. Denique, si lege aliqua hoc judicium constitutum esset, procul dubio mentionem illius legis fecisset Val. Max. lib. 7. c. 7.

[*De inofficioso agere possint*] Pro eodem Jurisconsultu dicunt, agere, queri de inofficioso, arguere, accusare, dicere inofficiosum; quæ legentibus passim in tit. hujus argumenti occurrunt, ut & homina querelæ, actionis, accusationis: nullo tamen nomine frequentius hoc judicium designatur, quam querelæ. Estne ergo querela & ipsa actio, an remedium aliud quod ab actione separatum, sine imploratio tantum officii judicis nobilis, ut loquuntur, eo pertinet, ut testamentum rescindatur, quo rescisso demum agi & hæreditas peti possit; Non est, quod dubitemus affirmare, quod tot locis manifeste traditum est, querelam ipsam actionem & petitionem esse, perque eam sic impugnari testamentum, ut simul vindicetur hæreditas. Qui dicit inofficiosum, eum Papinianus ait hæreditatem petere, l. 8. §. quoniam hoc tit. Scævola petitionem hæreditatis exercere, l. qui de 20. cod. Paulus l. eum qui 21. §. ult. cod. ait, per querelam inofficiosi evinci hæreditatem. Ulpianus vindicari facultates, l. si instituta 27. §. 3. cod. Triphoninus l. pen. cont. tab. filium exheredatum ex causa querelæ inofficiosi movendæ admitti ad petitionem hæreditatis. Justinianus hæreditatis petitionem ex nomine de inofficioso constitui, l. si quis 34. C. cod. Unde quoque est, quod is, qui querelam moviturus est, agnoscere debet bonorum possessionem litis ordinandæ gratia, l. 6. §. ult. l. 7. l. 8. in pr. cod. l. 2. C. cod. Hoc enim non alio pertinet, quam ut is, qui ex causa inofficiosi hæreditatem petit, hæres esse videatur: quamquam in suis hæc possessio non est necessaria, d. l. 7. uti nec aditio, l. 14. de suis & legit. de quo consule Vigl. in rubr. & §. 2. hoc tit. Duar. cap. 8. ad hunc tit. Goveam. 1. var. lect. c. 5. Vasq. lib. 3. de succ. resol. ad l. 2. C. cod. Vaud. 2. quæst. 24. Don. 19. comm. cap. 3. Interpretes comm. & cum his Sibart. in rubr. C. hoc tit. num. 3. existimant, querelam esse judicium præparatorium, quo aditus patefiat ad judicium universale seu petitionem hæreditatis, sicut actio ad exhibendum præparatoria est rei vindicationis; atque ita duo hic ef-

se iudicia; quorum alterum, scil. querela, præcedat; alterum, repetitio hæreditatis, sequatur; quod falsum est: nam ipse titulus inofficiosi causa est, ex qua vindicatur hæreditas, l. 3. C. de pet. her. neque duo hic iudicia sunt, sed unum, quo & testamentum impugnatur & simul petitur hæreditas; sicut per actionem usucapionis rescissoriam & usucapio rescindi petitur & simul res vindicatur: de quo sub §. 5. inf. de actionib. Planè etsi querela quoque petitio hæreditatis est, in multis tamen differt à petitione hæreditatis simplici, de qua post rit. de inoff. test. in Pand. & Cod. generalis titulus datur, quæ hic congerere nimis longum foret. Duo solum argumenta rescillam, quibus effici videtur querelam inofficiosi hæreditatis petitionem non esse. Primum tale est: Petitio hæreditatis datur solum adversus eum, qui cum hæres non sit, pro hærede prove possessore possidet, nunquam adversus hæredem, eumve, qui pro hærede sit, bonorum scilicet possessorem aut fideicommissarium, l. 9. cum seqq. de her. pot. At querela datur adversus hæredem scriptum, contra fideicommissarium, l. 1. Cod. hoc tit. contra præteritum, qui accipit bonorum possessionem contra tabb. l. pen. cont. tab. Respondeo, scriptum testamento inofficioso hæredem, heredem non esse, utiq; cum eo agi, tanquam qui hæres non sit, utpote scriptus ab eo, qui testamenti factionem non habuisse iudicatur, l. qui repudiatus 17. §. 1. h. t. & proinde eum teneri, quasi pro hærede aut pro possessore possideret, ut diserte rescriptum est de eo, cui ex testamento inofficioso restituta est hæreditas, l. 1. C. cod. Alterum est huiusmodi: Omnis petitio hæreditatis aut ex testamento sit oportet, aut ab intestato, l. 1. 2. & 3. de her. pot. querela autem inofficiosi ex neutra causa est; non ex testamento, quia datur iis, qui testamento exclusi sunt: non ab intestato; quia quamdiu testamentum extat, causæ intestati non est locus, l. quamdiu 39. de acq. her. Sed patet ex responsione ad objectionem præcedentem, querelam inofficiosi esse petitionem quandam hæreditatis ab intestato, quia prætenditur color dementiæ testatoris, uti & revera si iudex contra testamentum pronuntiaverit, res ad causam intestati redit, retroque versus perinde omnia habentur, ac si hæreditas nunquam adita fuisset, l. 6. §. 1. l. cum qui 21. §. 2. hoc tit. Stet igitur hæc sententia, querelam etiam ipsam esse actionem, & nimirum speciem quandam petitionis hæreditatis, qua vindicatur hæreditas, tanquam ab intestato delata, ex causa inofficiosi testamenti: cum qua sententia ferè vi ipsa convenit, quod Jo. Fab. & alii hic notant, posse querelam cum petitione hæreditatis cumulari. Obiter addo, & per modum contradictionis seu exceptionis querelam induci posse, veluti si exhæredatus sit in possessione hæreditatis, & hæres

scriptus hæreditatem petat, l. 8. §. si filius 13. cod. adeoque liberum etiam esse exhæredato, simplici petitione hæreditatis experiri, deque titulo excipienti reponere, se queri de inofficioso, atque ita querelam inducere per modum replicationis. Paul. 4. sent. 9.

Aut inique se exhæredatos, aut inique præteritos] Rursus hæc duo conjungit, exhæredare, & præterire, ut paulo ante, & Marcell. l. 3. cod. nimirum quia non exhæredatis solum, sed etiam præteritis de inofficioso agere licet; præteritis sc. ab iis parentibus, quorum præteritio vim exhæredationis habet. Et igitur horum alterum, exhæredatos, nemo est, qui non videat ad patrem referri alterum, præteritos; ad matrem & avum maternum. Quod ideo iterum hic moneo, ut appareat, nullam esse causam, cur inter pp. vulgo ex eo, quod auth. ex causa C. de lib. præ. generaliter & indefinite ab Inerio concepta est, hoc modo, Ex causa exhæredationis vel præteritionis irritum est testamentum, quantum ad institutionem: cetera namque firma manent, collegerint, id jus ad præteritionem quoque paternam pertinere, ut quamvis tale testamentum ab initio nullum sit etiam jure novo, tamen hoc jure duntaxat nullum esse quoad institutionem, non quoad cætera capita pura legata, libertates, dationem tutorum: atq; hætenus etiam in proposito jus verus mutatum, l. 1. l. filio 17. de inoff. rupt. cum similib. Etenim animadvertere debuerant, Justinianum in Nov. 115. c. 3. unde dicta auth. sumpta est, non aliter loqui, quam hoc ipso loco. Sancit enim, non licere patri vel matri liberos suos exhæredes facere aut præterire, nisi forsân probabuntur ingrati, &c. quæ prædicata propriis subjectis attribuenda sunt, ut exhæredes facere non liceat patri, matri non liceat præterire; quemadmodum hoc loco alterum propriè ad patrem, alterum ad matrem referri constat. Liqueat hoc ex eo, quod d. Novell. c. 5. apertè profiteretur, hoc solum sibi propositum esse, ut injuriam exhæredationis & præteritionis à liberis avertat. Jam vero injuria ea propriè est, quæ vel exhæredatione vel ea præteritione infligitur, quæ vim exhæredationis habet, l. 8. in pr. hoc tit. l. 4. vers. quod si fuisset circa med. Cod. de lib. præ. Præteritis à patre cum effectu non inferebatur injuria; quippe qui testamentum nullum dicebant: exhæredatis & à matre præteritis inferebatur; quæ etsi vindicabatur iudicio de inofficioso, tamen si legitima portio quovis titulo relicta fuerat, quantumvis liberis obsequentissimis, injuria illa manebat. Cui rei occurrere voluit Justinianus, atq; ea de causa constituit, ut non sufficeret in posterum ad excludendam querelam, legitimam quolibet titulo relictam esse: sed necesse esset liberos vel hæredes institui vel exhæredari, Cæterum quia illata per-

per exheredationem aut præteritionem injuria factis tollitur rescissa institutione, sufficere etiam ei visum fuit, institutionem solam rescindi salvis cæteris capitibus, cum olim querela omnia rescinderet. Nihil hoc pertinet ad præteritionem paternam, ex qua causa testamentum aut ab initio nullum est, aut rumpitur agnatione sui hæredis, aut per bonorum possessionem contra tabulas evercitur; neque ad eam produci sine insigni liberorum lesione potest. Atque hanc sententiam Azoni & plerisque veterum probatam fuisse, testatur *lasi. in d. auth. ex causa n. 1. sequitur Cujac. in l. filio 17. de injust. rupt. Govean. in l. 1. de vulg. & pup. n. 27. Wesemb. ad §. 5. sup. de exher. lib. diff. vulgo Dd. & ex recentioribus Duar. in tit. de injust. rupt. c. 3. Donell. in d. auth. n. 6. & 7. Connan. 9. comm. 8.* Sunt, qui interesse existimant, utrum præteritio ignoranter à patre facta sit, an scienter: illo casu totum testamentum corrui, nisi adjecta sit clausula codicillaris: hoc autem sive posteriore casu legata & fideicommissa firma manere: quæ sententia præjudicii curiarum supremæ jurisdictionis robur accepit, *Ant. Fab. C. suo de lib. & posth. defin. 1. Christin. vol. 4. decisi. 9. & probatur D. Tuldeno in comm. hic c. 1.* Cæterum vide, quæ sup. num. 5.

Hoc colore quasi non sane mentis fuerint] *L. 2. l. 5. §. 1. l. Titia 13. eod.* ac proinde quasi testamenti factionem non habuerint, *l. qui repudiantis 17. §. 1. eod.* Unde etiam est, quod cum contra testamentum pronuntiatur esset, nihil ex eo testamento valebat, *l. 8. §. pen. d. l. Titia l. cum mater 28. eod.* Quæsitus autem hic color fuit, ne sani hominis testamentum impugnari videretur contra auctoritatem legis duodecim, quæ liberam undiqueque potestatem testandi patrifirma concedit, *l. verbis 120. de verb. sign.* Maxime autem liberis hoc colore iniquitatem exheredationis regere convenit ob verecundiam. Bartolus in *d. l. Titia* putat colorem istum dementiæ jam non amplius prætexi posse, quia demens videri non potest, qui filium ex justa causa exheredat: præsupponit enim, non aliter querelæ locum esse. Sed ut ita sit, quid si falsum sit elogium? quod præsumitur, si ab hærede non probetur. Nunquid falsam causam, obijcere filio immerenti contra officium pietatis prope furiosi hominis esse videtur? Planè dicendum hodie est, colorem istum furoris tantum prætendi ad rescindendam institutionem, quod testamenti principale est, cum cætera capita tanquam à sano homine facta beneficio novæ legis conserventur, *d. auth. ex causa*, ita contra Bart. Viglius & Myns. hic disputant.

Non quasi vere furiosus sit] Cujus testamentum inofficiosum arguitur, quasi demens, non verè demens dicitur, *l. 2. l. 5. §. 1. h. t.* nam qui filium immerentem exheredat, patrem qui præterit, prope à fu-

rioso abesse fingitur, eo quod non sentiat, sibi se esse injuratum, cum liberis aut parentibus injuriam facit. Quodl. vero testamentum à vere demente factum est, idl. inofficiosum accusari non potest, quia nullum est, factum quippe ab eo, qui testamenti factionem non habet: ac proinde hoc non attento recta succeditur ab intestato.

Nec ex officio pietas] *Καὶ αὐτῆς τῆ φύσεως ἡ ἐδὼν ἐξελθὼν ἀπώλεσε τὸ πατέρα, τὸ φιλόστοργον, τὸ ἡμερόν, &c.* ipsamque deferens naturam, exuit nomen patris, &c. quod probe à furore abest.

T E X T U S.

Qui de inofficioso agunt.

1. Non autem liberis tantum permissum est, testamentum parentum inofficiosum accusare, verum etiam liberorum parentibus. Soror autem & frater turpibus personis scriptis hereditibus prælati sunt. Non ergò contra omnes heredes agere possunt. Ultra fratres igitur & sorores cognati nullo modo aut agere possunt, aut vigentes vincere.

NOTÆ.

1. *Inofficiosum accusare*] Pro eodem dicunt nostri, agere, queri de inofficioso, arguere, accusare, dicere inofficiosum. Una autem eademque actione & rescindii testamentum petitur, & vindicatur hereditas tanquam ab intestato, *l. 8. §. 3. l. 20. l. 21. §. ult. l. 27. §. 3. eod. Cujac. par. C. eod.*

Etiam parentibus] *l. 1. eod.* quippe quibus turbato ordine mortalitatis, non minus, quam liberis pie relinqui debet, *l. 15. eod. l. 7. §. 1. si ab. test.* Datur autem querela non patri solum, sed etiam matri, *d. l. 1. l. 14. & seq. eod.* nec interest, exheredati sint, an præteriti, dummodò injustè. Nam ex justa causa, una illarum octo, quæ enumerantur *Nov. 115. c. 4.* cum effectu exheredari possunt, modò exheredationi addatur elogium.

Soror & frater] Hæbreorum jure uterini pro fratribus non habebantur. *Mos. Maimonid.*

Aut agentes vincere] Si tamen egerint, & nemine eos repellente obtinuerint, prodest eorum victoria proximis ab intestato, *l. 6. §. 1. eod.*

COMMENTARIUS.

1. *Qui liberi de inofficioso agere possint.*
2. *Cum placeat etiam parentibus querelam dari, & quibus quando detur.*
3. *Contra rationem juris tam veteris, quam novi, esse videri, quod statim post liberos ad querelam admittantur parentes; quam difficultatem pauci cernant.*
4. *An jure novissimo fratres una cum parentibus ad querelam*

lam admittendi, aut illis saltem profit horum vi-
etoriae.

5. An fratres uterini hodie cum consanguineis concurrere
debeant, aut huiusmodi illi quoque ad successio-
nem ab intestato venire.

6. An spurii in questione proposita pro turpibus personis
habendi.

Non autem liberis tantum] Querela inofficio-
si testamenti primo competit liberis: & me-
rito; quoniam prima eorum causa est in suc-
cessionem ab intestato: utpote quibus ratio natura-
lis, quasi lex quaedam tacita, parentum hereditatem
addicit, velut ad debitam successionem eos vocando,
1. 7. de bon. damnat. daturque liberis omnibus cujus-
cumque sexus aut gradus sint, & tam emancipatis,
quam in potestate constitutis, 1. 7. hoc tit. 1. 8. in pr.
cont. tab. item qui nunquam in potestate fuerunt,
§. ult. sup. de exher. lib. tam adoptivis, quam ex
nup. iis quaesitis; servata tamen distinctione, 1. pen.
C. de adopt. In impubere arrogato speciale est, quod
queri non potest, quia quartam habet ex constitutio-
ne D. Pij. 1. 8. §. si quis 15. hoc tit. Datur & legitimatis
per §. 2. inf. de her. qua ab int. Nov. 89. Datur non-
tantum liberis jam natis, verum etiam posthumis
& tam alienis quam suis, 1. 6. in pr. eod. §. seq. in
fin. ubi plura. Illud pene supervacuum, monere,
querelam competere iis liberis duntaxat, qui ius
succedendi habent: nam qui non habent, cum iis
neque legitima debeat, de inofficioso queri non
possunt. Proinde liberi illegitimi, sive vulgo quaesiti
sive nati ex concubina patris, testamentum inofficio-
sum non dicunt: de matris autem agere possunt,
1. si suspecta 29. §. 1. eod. vid. Bart. Salic. Castr. in l.
pen. C. ad sen. Orfic. Ex privilegio est, quod de-
inofficioso testamento militis nemo queri potest,
1. Papinianus §. si quis 4. l. si institut 27. §. 2. eod. l. 9.
l. testamentum 24. C. eod. DD. plerique in d. l. 9. tra-
dunt, hodie etiam militum testamenta querelae esse
obnoxia, & ita usu servari. Autumn. ibid.

2. Liberos parentibus] Post liberos secundo loco
querela datur parentibus. Nam etsi parentibus non
debetur filiorum hereditas propter votum paren-
tum & naturalem erga filios caritatem: turbato
tamen ordine mortalitatis non minus parentibus,
quam liberis pie relinqui debet; ut bene & pie Papi-
nianus in l. nam etsi 15, hoc tit. Id autem hanc habet
sententiam: etsi naturae ordo parentumque affectio
& votum hoc sit, ut liberi supervivant & succedant
parentibus, atque idcirco non sic parentibus, quos
sola ratio miserationis admittit, liberorum debeat
hereditas, uti liberis parentum, quos admittit
naturae simul & commune parentum, votum, ut
idem Papinianus scribit in l. 7. §. 1. unde lib. tamen
turbato ordine mortalitatis, id est, si contingat li-

beros prius ex hac vira evocari, & praepostera at-
que immatura morte abripi vivis adhuc parenti-
bus, rationem pietatis seu miserationis exigere ut
ne parentes à luctuosa liberorum suorum hereditate
excludantur. Ex quo porro intelligimus, contra
officium pietas facere liberos, qui parentes suos si-
ne causa exhaereditant aut praeteriunt, atque ob eam
causam parentibus quoque actionem de inofficioso
dari. Datur autem parentibus iidem omnibus sive
masculis sive foeminis, 1. 1. l. 14. & seq. eod. l. cum fi-
lium 17. Cod. eod. qui modo ad successionem libero-
rum vel legitimo jure vel honorario venturi fuis-
sent; de quo statuendum ex iis, quae de liberis dicta
sunt. Exhaereditari sint parentes, an praeteriti, nihil
interest: nam haec in linea adscendentium & colla-
teralium non differunt. Ceterum ut effectum habeat
exhaereditatio aut praeteritio, tutumque sit testa-
mentum ab expugnatione, cum elogio hic quoque
facienda est, & vel una saltem ex causis, ob quas pa-
rentes exhaereditari aut praeteriri permittit Justinianus,
testamento inferenda, Nov. 115. c. 4. Causae autem
hujusmodi admissae octo tantum, quae ordine enu-
merantur d. c. 4. §. 1. & seqq. nimirum pauciores hic
causae sunt, quam in liberis, propterea quod parenti-
bus multa conceduntur in liberos, quae à liberis in
parentes commissa poenam merentur. Illud difficul-
tate non caret, quod parentes statim post liberos ad
querelam admittimus, sive veteris juris rationem
consideramus, sive novi Justiniani. Nam ante no-
vella Justiniani legem fratrum prior atque potior
in querela, quam parentum causa fuisse videtur, arg.
1. 4. Cod. de bon. que lib. 1. 2. Cod. ad Tertull. l. ult. Cod.
comm. de success. princ. sup. quib. non est perm. fac. ta-
stam. vers. si vero, quibus locis ad successionem ab
intestato demum post fratres patrem vocari legi-
mus. Jam vero ratio juris postulat omnino, ut quo-
quisque ordine ad successionem à lege vocatur, eo-
dem ordine admittatur ad querelam, per quam res
ad causam intestati redigitur: quo enim quisque
potiore jure est in causa successionis, eo majorem ex-
haereditatus aut praeteritus patitur injuriam. Fac ergo,
verbi causa, Titium, cum patrem & fratrem habe-
ret, utroque praeterito haereditatem instituisse in bonis
castrensibus: quid tam absurdum est, quam si dica-
mus, patrem solum queri de inofficioso posse, ex-
clusoque fratre hereditatem consequi, ad quam te-
stamento non facto solus frater venisset excluso pa-
tre? - d. princ. vers. si vero sup. quib. non est perm. fac.
testam. Ego non dubito, quin à posterioribus Prin-
cipibus istud constitutum sit, non animadver-
tentibus, quae inde consecuta esset veteris juris per-
turbatio. Nam si de jure, quod in Pand. relatum est,
queratur, filiusfamil. haereditatem ab intestato habere
non poterat, sed pater jure peculii bona, quae filii su-

erant, (alia autem, quam castrensia & quasi castrensia non erant) occupabat, l. 2. l. 9. de cast. pec. Quod si filius de his bonis, quod ipsi permittum erat, testamentum fecisset, id testamentum querelæ non erat obnoxium; atque id jus etiam Justinianus confirmavit, l. ult. C. hoc tit. Cæterum sustulit Nov. 115. cap. 4. in pr. ut verba illa, in quibus habent testandi licentiam, manifeste ostendunt. In successione autem filii emancipati pater manumissor præferebatur defuncti fratribus, & omnino jure patris potior erat, ut mirum non sit, in querela quoque fratris prælatum fuisse: quæ omnia à me copiosius tractata sunt sub §. ultim. inf. de leg. agn. success. Mater ex Senatusconsulto Tertulliano ad legitimam hæreditatem liberorum vocata fuit, ita tamen, ut fratres consanguinei matrem excluderent, §. 3. inf. de sen. Tertull. Unde sequi videtur, eos etiam ad querelam ante matrem admissos fuisse. Nihil tamen definio.

4 Novissimo jure, postquam placuit fratres defuncti unà cum parentibus admitti ad hæreditatem, Nov. 118. cap. 2. dicendum videtur, etiam simul eos cum parentibus admitti ad querelam: aut si hoc minus placet, dicam, fratres saltem admittendos parente repudiante, utique si turpis persona instituta sit: quippe cum tunc ex sua persona frater querelam movere possit. Ut ut est, illud extra controversiam positum esse debet, victoriam parentum fratribus quoque prodesse, cum nulla sit ratio, cur rescisso testamento, & re ad causam intestati deducta, fratres excludantur. Et ita quoque sentiunt Ioan. Fabian. Ang. Baro & Mynsing. hic licet aliud Viglio & D. Tuldano ad tit. de hered. quæ ab int. cap. 8. videatur, putantibus, hoc pacto fraudem legi fieri: sed falso; cum maxime sit ex sententia legis, ut fratres unà cum parentibus ab intestato succedant, d. Nov. 118. cap. 2. Neque novum est, ut quis aliquid commodi propter tertium percipiat, quod per se ipse non habuisset, l. cum hæreditate 55. de acquir. hered. l. 10. §. ult. contr. tab. l. 3. in fin. quæ res pign. dar. l. 10. quemad. serv. am. l. 5. §. 2. ad SC. Tertull. Apud nos iis demum in locis parentes ad querelam admittuntur, ubi vocantur ad successionem: de quo sub d. tit. de her. quæ ab int. add. D. Coren. observ. 10. num. 8. & seqq.

Soror autem & frater] l. 1. hoc tit. l. fratris 21. C. cod. Fratres autem & sorores hic intelliguntur germani aut consanguinei sive ὁμόγενετοι; nam uterini ab actione de inofficioso contra testamentum fratris aut sororis penitus arcentur, l. fratres 27. C. cod. Hodie vero cum fratres uterini in successione concurrant cum fratribus consanguineis, consequens est, ut etiam in querela cum iisdem concurrant, aut saltem vincuntibus illis simul ad successionem intestati veniant.

Turpibus personis] d. l. fratres 27. C. hoc tit. l. 3. C. Theod. cod. Itaque fratribus querela datur, non simpliciter; ut præteritis, sed ut postpositis turpi personæ atque adeo odio scripti hæredis. Cum autem turpis persona definiatur à Constantino, quæ vel turpitudinis vel infamie vel levis notæ macula aspergitur, d. l. fratres. Quæsitum est de spuris, num & illi talium personarum numero habendi. Spuriarum causam cum DD. comm. defendunt Gabriel Paleot tract. de nothi spurii §. lib. c. 55. & seqq. Hartm. Pistor. lib. 1. quest. 30. n. 26. & seqq. D. Tuldano hic, c. 3. quia ajunt neque jure infames sunt, neque ipsi quicquam admiserunt, quod existimationem eorum lædatur apud bonos viros: crimen autem paternum nullam maculam filio infligere posse, l. crimen 26. de pan. nativitate, quæ vitio aut culpæ verti nemini potest, pena esse non debere: undecunque homines nascuntur, si parentum vitia non sectentur, honestos esse. Augustin. cap. undecunque, dist. 56. Cæterum ut hæc vera sint, negari tamen non potest, quin labes aliqua & macula spuris adhæreat, non quidem ex facto sic nascentium, seu pœna iniusta; sed ex vitio ac defectu natalium contracta: unde eos opprobria per omnem vitam comitantur, quæ nullo modo elui possunt, ut scribit Plut. lib. de educ. lib. vixque est, ut defendi possit, eum, qui ex vulgivaga Venere & improbata gentibus omnibus conjunctione natus est, qui nec gentem, nec familiam, nec patrem habet, pro integra & legali persona, ut loquuntur, habendum esse. Quæ de re eleganter disserit vir doctissimus Arnæus lib. 2. de repub. c. 2. sect. 13. Illud equidem minime concedo, quod Cov. 2. de spons. 8. n. 11. Card. Tusc. concl. 454. n. 17. statuunt, meretricem, quæ postea nupsit, pro persona infami habendam non esse, propterea quod præcedens dedecus purgetur matrimonio. Non enim aboletur turpitudine, quæ postea intermittitur, l. 43. §. 4. de rit. nupt. utique manet adhuc litura prostitute quondam pudicitie; at excluduntur à fratre, qui vel levis notæ macula adspersuntur. Pœnitentia quidem & vitæ emendatio abolent delicti notam coram Deo: at non in hujus sæculi tribunalibus, l. 56. de furt. l. 5. vi bon. rept. Ut autem turpis persona instituta sit, non tamen statim frater ad querelam admittitur. Quid enim si ipse eadem turpitudine, quæ hæres scriptus laboret? Nihil hic habet frater, quod hæredi objiciat, arg. l. 11. C. hoc tit. l. cum mulier 47. sol. matr. Removet præterea fratrem & ingratitudo ex tribus causis expressis Nov. 22. c. 47. easque causas opponi ab hærede & probari sufficit, etiam si a testatore objectæ non fuerint. Nihil enim juri veteri in hoc derogatum est. Gudelin. de jur. Nov. lib. 2. c. 8.

Vltra fratres & sorores, etc.] Cognatos, qui sunt ultra fratrem, Ulpianus in l. 1. hoc tit. hortatur, ne se sumptibus inanibus vexent, eo quod in lite de in-

officioso obtinere spem non habeant. Ex quo explicandum est, quod Justinianus hic simpliciter ait. eos nullo modo agere posse aut agentes vincere: item quod Dioclet. & Maxim. rescribunt, in l. fratris 21. C. eod. neminem eorum qui ex transversa linea veniunt, exceptus fratre & sorore, ad inofficiosi querelam admitti: nimirum non admitti, agere aut agentes vincere, suoque jure testamentum evertere non posse, si exceptio iis objiciatur non competentis querelæ. Plane enim si egerint, & nemine forte eos repellente obtinuerint, testamentum jure rescissum manet, remque proximi ab intestato auferunt, l. 6. §. 1. eod. Similem superioribus quæstionem peperit constitutio Justiniani Nov. 118. c. 3. ubi cum fratribus defuncti ad successionem admittit fratrum demortuorum filios: de hac autem quæstione idem, quod de præcedentibus, judicium esto.

TEXTUS.

Qui alio jure veniunt, de inofficioso non agunt.

2. Tam autem naturales liberi, quam secundum nostræ constitutionis divisionem adoptati, ita demum de inofficioso testamento agere possunt, si nullo alio jure ad defuncti bona venire possint. Nam qui ad hereditatem totam vel partem ejus alio jure veniunt, de inofficioso agere non possunt. Posthumi quoque, qui nullo alio jure venire possunt, de inofficioso agere possunt.

NOTÆ.

2. *Naturales liberi*] Id est, justis nuptiis quæriti v. sup. de adopt. in pr. quibus exæquati & qui postea facti legitimi. Nov. 89. Matris autem testamentum etiam spurii inofficiosum dicunt, l. 29. §. 1. eod.

Nostræ constitut. divisionem] Adoptati ab ascendente queri possunt, ab extranea persona non possunt. Constitutio est l. pen. C. de adopt.

Alio jure veniunt] Igitur impuberes adrogati queri non possunt, quia quartam habent ex constitutione D. Pli, l. 8. §. 13. h. r. nec sui nec emancipati præteriti à patre, quia illorum præteritio patrem intestatum facit, hi habent contra tabb. sup. de ex. lib. quam ob causam querela dicitur ultimum adiutorium, l. ult. Cod. de lib. præ. ἐξ ἄρῃ Βούθειας. Th.

Posthumi qui nullo alio jure] Ac proinde non aliter, quam si sint exhereditati: nam & posthumi sui & quasi posthumi præteriti, agnascendo aut quasi agnascendo testamentum rumpunt: ex filio concepti post emancipationem bonorum possessores efficiuntur, l. 1. §. 1. l. 3. pr. cont. tab. §. 1. 2. & sup. de exhib.

lib. Cæteri post huiusmodi alieni aliud remedium non habent, l. 6. hoc tit.

COMMENTARIUS.

1. *Quam rationem habeat, quod qui alio jure venire possunt, ad querelam non admittantur.*
2. *Cur parenti manumissori querela detur, cum contra tabulas petere possit.*
3. *Quando posthumis querela necessaria: & num idem adhuc hodie.*

Secundum nostræ constitutionis divisionem] Intelligit constitutionem, quæ extat in l. pen. C. de adopt. cujus crebra in hisce libris mentio, §. 2. sup. de adopt. §. 5. sup. de exher. lib. §. 1. tit. præc. §. sed ea. 14. inf. de her. que ab int. Significat autem, ex sua constitutione eos duntaxat liberos à patre naturali in adoptionem datos queri de inofficioso patris testamento posse, qui dati sunt personæ non extraneæ, puta avo aut proavo materno. Illud sæpè monuimus, perpetuum esse in jure nostro, ut cum liberi naturales opponuntur liberis adoptivis, per eos significantur liberi ex justis nuptiis procreati, l. 1. §. liberos 6. unde lib. l. 1. §. 2. de suis & legit. sup. de adopt. in pr. §. 2. inf. de her. que ab int. quanquam matris testamentum etiam naturales illegitimi, adeoque spurii, inofficiosum dicunt, l. si suspecta 29. §. 1. hoc tit.

Qui ad hereditatem, &c. alio jure veniunt, de inofficioso agere non possunt] Hoc, credibile est, introductum esse, ut quoad fieri posset, salvo jure exhereditati aut præteriti, existimationi testantium parceretur, quos querela dum quæsito colore cæcitatem mentis obtendit, revera nec humane, nec pie fecisse arguit. Estque querela remedium extraordinarium & subsidiarium; cujusmodi concedi non solet ei, qui communi & ordinario auxilio munitus est, l. in cause 16. de minorib. Proinde, qui testamentum nullum, ruptum aut irritum dicere potest, inofficiosum non dicet; nisi forte justà causâ sit dubitandi, an alio remedio æquè cautum sit agenti: tunc enim eligere licet, l. 8. §. si quis 12. hoc tit. fas. l. 7. §. 3. de dol. & si quis, exempli gratia, nullum dixerit, nec obtinuerit, non prohibetur postea de inofficioso queri, l. contra 16. & ibi Sichard. Cod. eod. Pari ratione liberi emancipati præteriti, quia jure honorario ad bonorum possessionem contra tabulas admittuntur, de inofficioso agere non possunt, l. si ponas 23. eod. In summa de inofficioso agere non potest, nisi qui omni alio auxilio tum civili tum prætorio destitutus est: quam ob causam querela inofficiosi ultimum dicitur adiutorium, l. ult. vers. nam cum ultimum, C. de lib. præ. ἐξ ἄρῃ Βούθειας. Theoph. Sed hic jam quæret aliquis, cur igitur patri à fi-

lio emancipato præterito querela datur inoffi-
ciosa, cum bonorum filii possessionem contra tabulas pete-
re possit? *tit. si à patr. quis man.* In promptu respon-
sio est, hanc bonorum possessionem non dari pa-
tri, tanquam patri, sed tanquam manumissori &
patrono: nam emancipatus à parente in ea cau-
sa est, ut in contra tabulas bonorum possessione
liberti exitum patiat, *l. 1. in pr. d. tit.* ut patro-
nus igitur contra tabulas agit; ut pater, querela
inofficiosa. Et longè diversa est ista bonorum con-
tra tabulas possessio ab ea, à qua excluduntur
exhæredati & similes exhæredatis præteriti, *l. 8. in pr. cont. tab.* quæ ad parentes non pertinet,
sed tantum ad liberos à patre præteritos & ma-
ximè emancipatos, *l. 1. & pass. d. tit.* Consideran-
dum quoque est, bonorum possessionem, quæ ad
exemplum patroni patri datur, non esse remedi-
um ejusdem potestatis, nec æquè plenum, ac que-
rela: cum querela totum testamentum rescindat,
bonorum autem ista possessio constitutæ tantum
partis plerumq; detur, *l. 3. si à patr. quis.* Nocere autè
parenti non debet, quod jura patronatus habe-
at, cum sit & pater, uti disputat Jurisconsultus
d. l. 1. §. ult. & tratatitium apud nostros est, posse
cum ordinario remedio concurrere extraordina-
rium, quoties hoc plenius est, atque expeditius.
Plane qui de inofficiosa acturi erant, accipie-
bant quidem etiam bonorum possessionem, sed
eam, quæ litis ordinandæ gratiâ querentibus e-
rat necessaria, ut iusto titulo niti, & hæredita-
tem petere viderentur, *l. 6. §. ult. l. 7. l. 8. in pr.*
hoc tit. Cæterum ea bonorum possessio sine re &
effectu erat: neque enim ideo scriptis hæredibus
bonorum possessio auferebatur, *l. 2. C. eod.* cujus
rei etiam supra meminimus *ad §. pr. hujus tit.*

3. *Posthumi quoque, qui nullo alio jure.* Constat, jure
veteri liberos omnes exhæredatos pari hac in re
conditione fuisse, ut nec jure civili nec prætorio
testamenta parentum turbarent, unamque tan-
tum illis superfuisset querelam inofficiosa testa-
menti, *l. 8. in pr. cont. tab.* Idque ita erat, si ve cau-
sæ ingratitudinis testamentum adscriptæ essent,
si ve non essent; si ve constaret liberos ingratos
non fuisse, si ve constaret ne ingratos quidem ef-
se potuisse: ideoque in infante quoque exhære-
dato valebat testamentum, necessariaque erat
exhæredato inofficiosa querela: quod jus à Justi-
niano quoque confirmatum, *l. si quis 33. §. 1. Cod.*
hoc tit. Posthumus non tantum exhæredato, ve-
rum etiam præterito valebat ab initio testamen-
tum: sed præteritus alio jure veniebat, quia na-
tivitate ejus rumpebatur testamentum: exhæ-
redatus non rumpebat, sed ad rescindendum te-

stamentum non ei minus, quàm cæteris liberis
exhæredatis; querela opus erat. Hoc itidem jus
confirmavit Justinianus *l. omnimodo 30. §. 1. Cod.*
eod. & hoc nostro §. Pro exhæreditatione reputa-
mus etiam eam præteritionem, quæ à matre aut
avo materno facta est, *§. ult. sup. de exher. liber.* Cæ-
terum non perstitisse in eo jure Imperatorem, to-
tumque hoc abrogasse, *Nov. 115. c. 3.* plerisque
interpretum nostrorum visum fuit. Qui sic ratio-
cinantur: Si ex *dist. Nov.* testamentum ipso jure
nullum est; cum liberi, in quos cadere potest in-
gratitudo, exhæredati sunt sine expressione ju-
stæ causæ ingratitudinis, multo magis ubi nulla
esse potest exhæredationis causa, ut in infante
& posthumus, testamentum his exhæredatis nul-
lum erit, aut agnatione posthumi rumpeatur: ac
proinde cum alio jure ex *d. Nov.* veniant, ad que-
relam non debent admitti. Mihi verò contra vi-
detur sententia ista constitutioni Justiniani pla-
nè adversari. Jubet quidem Justinianus, liberos
exhæredari justis de causis, easque adscribi;
cæterum non ut testamentum ab initio constet,
sed ut si contra factum sit, rescindatur, ne exhæ-
redatio noceat; caveatque nominatim, ne no-
ceat solis liberis, non ut aliis ea prosit; quod fu-
turum est, si, testamentum non rescindi, sed nul-
lum esse, dicimus. Quamobrem statuimus etiam,
post *d. Nov.* dummodo liberi, quicumque erunt,
ritè sint exhæredati secundum formam juris ve-
teris, quantumvis nulla sit causæ exhæredatio-
nis, aut non sit adscripta, jus antiquum manere,
& querelam solam exhæredatis dari, etiam post-
humis & infantibus. Pluribus argumentis, qui-
bus hæc sententia stabilitur, usus sum *ad pr. hujus tit.*

T E X T U S.

De eo, cui testator aliquid
reliquit.

3. *Sed hæc ita accipiendæ sunt, si nihil eis
penitus à testatoribus testamento relictum est.*
*Quod nostra constitutio ad verecundiam natu-
ræ introduxit. Sin. verò quantacunque pars
hæreditatis, vel res, eis fuerit relictæ, de inof-
ficioso querela quiescente, id quod eis deest,
usque ad quartam legitimæ partis repleatur;
licet non fuerit adjectum, boni viri arbitratu
debere eam compleri.*

N O T Æ.

3. *Nostra constitutio ad verecundiam naturæ.* Ipso-
rum parentum gratia: nam cujus testamentum in-

inofficiosum dicitur, ejus opinio læditur & pudor suggillatur, dum infimulatur dementiæ. Plin.

5. *Epist.* 1. constitutio est, l. 30. *C. hoc tit.*

Quod deest repletur] Conditione ex d. l. 30. quæ actio diversa est ab illa de inofficioso. Condicio illa perpetua est, atque ad hæredes transmittitur; querela finitur quinquennio, l. 8. §. ult. & l. seq. *cod.* l. 34. *C. cod.* nec transmittitur, nisi præparata, l. 6. §. ult. cum 2. l. seqq. *cod.* illam excludit agnitio relictæ, hanc non item.

Licet non fuerit adjectum] Quod adjicit olim ad excludendam querelam necessarium, l. 25. *cod.* l. 4. *C. Th. cod.* Alioqui etiam hæres in minore parte institutus queri poterat l. 3. *C. cod.* excepto quod fratribus coheredibus adjectis quartæ petebat supplementationem. Paul. 4. *tit.* 5.

COMMENTARIUS.

1. *l. i. vetus*, & quatenus ab eo paulatim recessum constitutionibus Justiniani.

2. *Auctio portionis legitima*, & an ea quoque ad parentes & fratres pertineat.

3. *An ut augeri & minui legitima potest*, ita & in totum tolli.

4. *Si minus legitima relictum*, quâ actione, quod deest, petatur: & quibus rebus ea actio differat à querela inofficiosi.

IN hoc loco explicando multum operæ Wesembecius posuit; alii, ut Vigl. Myns. Hotom. leviter tantum eum perstrinxerint. Difficilem sane reddit crebra juris mutatio. Veteres juris auctores putaverunt, testamentum, in quo debita legibus portio iis, qui queri possunt, relictæ esset, pro inofficioso aut contra pietatem factum habendum non esse. Cæterum, ut id ab expugnatione immune esset, totam legitimam, id est, quartam integram debitæ portionis ab intestato, ex judicio defuncti, eos habere voverunt, si ve in hæreditate, si ve in legato aut fideicommissio, l. 8. §. *si quis* 6. & §. 8. *hoc tit.* Si minus relictum esset, querela iis non denegabatur, nisi judicium defuncti agnitione relictæ aut quavis ratione comprobassent, d. l. 8. §. *conditioni* 10. l. *si pars* 10. §. *ult.* l. *nihil* 12. l. *filius* 22. l. *pen.* §. 3. & 4. *ult.* *cod.* Planè si expressè in hoc aliquid datum fuisset, ut in quartam haberetur, neque id quartam æquaret, boni viri arbitratu repleti poterat, l. *si non mortui* 25. *cod.* Paulus quoque lib. 4. *sent.* 5. scribit, filium ex minore parte institutum, cui fratres coheredes dati sint, jure desiderare, ut portio debita suppleatur, citra inofficiosi querelam. unde simul apparet, adjectis extraneis secus fuisse, *fac.* l. 3. *C. hoc tit.* Illud omnino certum est, quando testator nominatim cavisset, ut si minus reli-

quum esset, suppletio ad modum quartæ feret, tunc cessante querela, id ipsum boni viri arbitratu hæredem supplere debuisset, l. 4. *C. Th. cod.* Illud igitur hic apprimè notandum, olim ita jus fuisse, ut non tam ipsa exhæredatio aut præteritio querelæ faceret locum, quam quartæ sive legitimæ portionis per exhæredationem aut præteritionem ademptio: atque hinc evenisse, ut & is, cui exhæredato pars legitima relictæ esset, à querela repelleretur; & is, qui ex minore parte, quam quæ legitimam conficeret, hæres institutus esset, datis coheredibus, admitteretur ad querelam, ut perspicue probat d. locus Pauli, & Ulpiani quoque in d. l. 8. §. *quarta* 9. quod quia in principio omissum est, hic annotare libuit. Videamus nunc quatenus Justinianus ab hoc jure recesserit ea constitutione, cujus hic meminit, & quæ extat in l. *omnimodo* 30. *Cod. hoc tit.* Is vetera jura intacta servari expresse voluit, id est, querelam inofficiosi locum habere, cum nihil exhæredatis aut præteritis testamento relictum est, §. 1. d. l. *omnimodo* & l. *seq.* At si ei, qui queri poterat, aliquid relictum sit vel in hæreditate, vel in legato aut fideicommissio, id satis Imperatori visum est ad excludendam querelam confirmandumque testamentum; jubetque hoc casu id quod deest, usque ad portionem legitimam suppleri, licet testamento adjectum non fuerit, ut boni viri arbitratu suppleretur, d. l. *omnimodo*, in pr. quod etiam repetit l. *que nuper* 35. & aliquot seqq. *C. cod.* & exprimit hoc §. Loquitur generaliter, proficeturque se hoc construisse, ut amputaret innumerabiles occasiones subvertendi ultimas hominum dispositiones, atque in eo respexisse ad verecundiam naturæ. Ac proinde Wesembecio assentendum non est, qui arbitratu, in una tantum specie, cum scilicet nominatim aliquid in quartam seu pro legitima relictum est, correctioni constitutionis & suppletioni locum esse: sin autem simpliciter quid relictum sit, queri etiamnum exhæredatis licere, nec d. constitutionem refragari. Alia constitutione Imperator sancivit, ut etsi quis relictum aut inter vivos sibi donatum, ut id ei in quartam imputaretur, post obitum defuncti agnovit, aut retinuerit, non idcirco tamen impediretur actione expretoria id, quod legitimæ deest, persequi: nisi agnoscent adjecerit, nullam sibi superesse de repletione questionem l. *si quando* 35. §. 2. & 3. *C. cod.* Novissimo jure non tam debitæ portionis per exhæredationem, ademptio, quam ipsa exhæredatio per se querelam inducit: adeo ut quamvis quartam liberi aut parentes habeant, si tamen immerenter reperiantur exhæredati, conqueri non prohibeantur. *Novell.* 115. *cap.* 3. 4. & 5. de quo accuratius sub §. *ult.* inf. *cod.*

Ad verecundiam naturæ] Ne scilicet temere atque irreverenter liberi prosiliant ad impugnanda ac rescindenda testamenta parentum, quorum ut persona, ita & voluntas sancta iis esse debet: & in universum, ut aliorum quoque pudori consulatur, nec tam crebra sit occasio suprema hominum judicia evertendi, tanquam impia atque inhumana, quaesito colore ac prætextu furoris, *d. l. omnimodo in pr. Cod. hoc tit.* Nam is, cuius testamentum inofficiosum dicitur, dementia videtur insimulari: ejus certe opinio læditur, & pudor suggillatur. *Plin. 5. epist. 1.* Igitur post introductam adionem ad supplementum neque institutis in parte aliqua hæreditatis, neque iis, quibus exhæredatis per legatum aut fideicommissum aliquid relictum esset, quantumvis minus legitima portione, querela amplius competit; sed iis solis, quibus nihil omnino relictum erat neque in hæreditate, neque in re alia, *d. l. omnimodo, & l. seq. Cod. eod.* Nemo vero putet, si testator filio, quem in potestate habet aut habuit, præterito, quarantam partem, verbi causa, legaverit, prohiberi constitutione Justiniani testamentum nullum dicere, aut bonorum possessionem contra tabulas accipere: nam ad ea tantum patrum testamenta constitutio pertinet, quibus filii in potestate constituti aut emancipati legitime exhæredati sunt, ut alio remedio attentari aut infirmari non possint, quam subsidario querelæ, §. 2. *prec.*

Ad quartam legitimæ partis] Legitimam partem, hic vocat totam illam portionem, quæ jure legitimæ successiones ex bonis defuncti liberis, parentibus, fratribus debetur. Plerumque; tamen ipsa quarta, ad quam in proposito repletionem fieri vult, legitima dicitur; item debita portio, & debitum bonorum subsidium, *l. 8. §. unde 11. h. t. l. 5. C. de inoff. don.* Grecis *τὸ νόμιμον μέρος*. Atque adhuc hodie quarta passim appellatur, nimirum quia jure antiquo quarta pars fuit ejus, quam dixi, portionis, scilicet quæ ad eum, qui queritur, perventura fuisset, si paterfamilias intestatus decessisset, *l. 8. §. si quis mortu. 6. cod.* Quo primum tempore aut quâ lege modus hujus portionis sic definitus sit, non liquet. Justinianus quantitatem auxit in liberis, proque quarta substituit tertiam, in liberis pluribus quatuor etiam semissem, *Nov. 18.* quod augmentum, etiam ad parentum legitimam ratione trientis pertinere statuunt comm. DD. hic & in *auth. novissima, C. hoc tit. Grass. §. legitima, quest. 9.* & Magister apud *Harmen. lib. 5. tit. 9. §. 14.* Nonnulli etiam ad fratres totum incrementum proportionaliter porrigunt. Quos sequitur *Fachin. 4. contr. 28.* quanquam neutrum horum aut inscriptioni tituli, aut præfationi constitutionis, aut ratione constituentis mentiri convenit; neque remere admit-

tenda videtur extensio, cum utique major sit ratio liberorum. Neque verò verbis generalibus, quibus clauditur *c. 1. d. Nov. 18.* comprehenduntur parentes & fratres, sed diversæ liberorum personæ designantur, videlicet filii, nepotes, pronepotes, posthumi omnes, tum in paterna tum in materna linea; adeoque in hac etiam liberi naturales, uti titulus aperte significat, & bene observavit Vaudus *lib. 1. var. quest. 50.* Usus tamen augmentum admisis in parentibus. Porro hæc constitutio Justiniani occasionem DD. dedit querendi, utrum quemadmodum legitima augeri & minui lege civili potest, ita possit & in totum tolli. Vulgò sic censent, liberorum & parentum legitimam mutare tantum posse, tolli non item; fratrum posse & tolli: utunturque hoc argumento, quod liberis & parentibus legitima debeatur jure naturæ, fratribus ex sola dispositione juris civilis. *Myns. 5. obs. 43. & 6. obs. 44. Gail. 2. obs. 122. Covar. in 4. decretal. p. 1. cap. 8. §. 6. num. 5. Grass. §. legitima, quest. 2. Chiflet. de part. leg. cap. 3. Schneid. hic, numero 10.* Sed primum insubtile est, quod questionem proponunt de ipsa legitima: siquidem quod legitima propriè & formaliter dicitur, nempe certa illa & definita quantitas, cum sit ex jure civili, eodem jure quoque tolli potest, id est, sanciri, ut nomine legitimæ non amplius talis portio, sed alia veniat: ideoque potius de jure succedendi in universum querendum. Quod etiam ipsos sensisse existimo, siue, quod res ipsa ostendit, cum legitimam ajunt humanis legibus tolli non posse, id sic capiendum est, quatenus in legitima insunt alimenta necessaria. Nam utique quod supra est, tolli potest, non repugnante natura. Deinde male in proposito parentes liberis exæquât. Tota igitur disputatio & questio huc redit, an lege civili effici possit, ut liberi parentibus, parentes liberis, fratres fratribus succedant, idque duobus modis intelligi potest; primo, an effici possit, ut non succedant omnino, id est, etsi quis ex his personis intestatus decesserit; secundo, an posito, quod ab intestato succedant, à successione ista excludi possint per exhæredationem aut præteritionem. In utroque autem alia liberorum, alia parentum & fratrum ratio est. Et ad primum quod attinet, perspicue palam est, liberis naturæ lege parentum deberi hæreditatem. *Ratio naturalis;* inquit Paulus Jurisconsultus, *quasi lex quædam tacita; liberis parentum hæreditatem addicit, velut ad debitam successione eos vocando, l. 7. de bon. damnat.* cui simile est, quod Plutarchus in libello elegantissimo de proliis amore scriptum reliquit, *liberos hæreditatem, ut sibi debitam, αἰς ὁφείληται;* expectare. *Sanguinis honorem reliquit;* ait Val. Maximus de Q. Hortensio, qui filiam sibi minus probatam hæredem scripserat, *lib. 5. cap. 9.* Papinianus in *l. 7. in fin. unde lib. scribit;* liberis parentum hæreditatem deberi propter naturam

simul & parentum commune votum; id est, liberos sequi hereditatem partim ob præcisum debitum naturale, partim ex conjectura naturali, quia parentes creduntur id velle, ut liberis quam optime prospectum sit: nimirum creduntur parentes liberis, ut corporis sui partibus, non tantum de necessariis, sed & de his, quæ ad vitam suavius honestiusque transigendam pertinent, quam uberrime voluisse prospectum. Quæ cum ita sint, lex civilis efficere non potest, ut liberi in totum & simpliciter à successione parentum excludantur. Cæterum non est iniquum, ut hic tribuatur aliquid rationi civili & studio familiarum conservandarum, ac propterea alii aliis potiore conditione in successione censeantur, & masculi fœminis agnati liberis emancipatis, & liberis in successione matris antependantur, dum ne liberi fraudentur necessariis alimentis, quæ præcisæ natura debentur. Parentes vero, quos ad bona liberorum non naturæ & liberorum commune votum, sed sola ratio miserationis admittit, *dict. l. 7. in fin. unde lib. l. 15. in pr. de inoff. test.* facilius excludi possunt. Nam & ante Senatusconsultum Tertullianum mater non admittebatur, & post id Senatusconsultum eam excludebant fratres consanguinei, & parentibus omnibus aliquando fratres prælati, non consanguinei tantum, verum etiam uterini, *l. 4. Cod. de bon. qua lib. l. 2. Cod. ad Senatus. Tertull.* & apud nos in parte Hollandiæ Australi, altero parente mortuo, parens superstes excluditur à successione liberorum à cognatis per defunctum parentem, juxta illud, quod vulgo dici solet, *Paterna paternis, materna maternis*. Similiter & fratres removeri à successione possunt, admissis aliis, sicut pater olim non tantum ut manumissor, sed etiam ut pater, in successione filii emancipati fratribus prælatus fuit, qua de re uberius agemus *inf. lib. 3. tit. 1. & 3. seqq.* De altero sic censeo, posse tale jus constitui, ut parentes & fratres, quamvis ad successionem ab intestato vocentur, impune præteriri aut summoveri possint, neque necesse esse his aliquid pro legitima, aut in alimenta relinquere, nisi lex aliqua humana id jubeat: quippe cum hæc non sic parentibus & fratribus, uti liberis, debeantur, sed tantum ratione officii & commendatione pietatis. Neque verum est, quod post Dd. vulg. *Mynsing. 6. obs. 44.* asserit, parentum legitimam ita causam habere radicam in jure naturali, ut lege humana tolli nequeat. Liberorum vero legitima civili lege in totum tolli nequit, hoc est, jus civile efficere non potest, ut liceat parentibus liberos suos sine justa causa à tota sua successione repellere, ad quam lex naturalis, quasi debitam, & quidem præcisè ratione alimentorum, eos vocat, *arg. d. l. 7. de bon. damn. post. l. 6. de just. & jur. add. Oswald. Hillig. in lib.*

19. comm. Donell. cap. 4. & ibi alleg. Paul. Bas. ad l. 8. §. si quis mortis, numero 11. & sequentib. hoc tit. Grot. 2. de jur. bell. & pac. cap. 7. numero 4. & sequentib.

Repleatur] Qua vero actione repletio ejus quod deest, peteretur, utrum actione ex testamento, an quæ alia, puta petitione hereditatis, aut judicio familiaris eriscundæ, an potius conditione ex lege Justiniani? Et si quidem filium ponimus exheredatum adscripto legato, certum est actionem familiaris eriscundæ aut petitionem hereditatis hic competere non posse. Probabiliter autem defendi potest, agi posse ex testamento, & quod deest tanquam legatum peti, maxime si testator id suppleri jussit: quanquam etsi nihil dixerit, idem probari potest, quasi id potius voluerit, quam testamentum rescindi. At si institutus sit filius, quod ad excludendam querelam hodie necessarium esse docebimus *§. ult. inf. eod.* hic si ex parte aliqua hereditatis institutus sit, poterit & petitione hereditatis & judicio familiaris eriscundæ nomine supplementi experiri, quia scilicet pro parte hæres est: si institutus sit in certa, quod eodem loco ostendemus nunc sufficere, ad excludendam querelam, hic non videtur locus esse judicio petitionis hereditatis aut familiaris eriscundæ, sed tantum actioni ex testamento: quoniam qui certæ rei hæres scriptus est, dato cohæredere, legatarii loco habetur, *l. 13. C. de her. inst.* Cæterum dubitationis omnis tollendæ causa, tutius fortassis erit admittere conditionem ex lege. Quod etiam crebrius placuit. Vulgo conditionem hanc actionem ad supplementum vocant, notantque triplicem inter eam & querelam de inofficioso differentiam. Prima est, quod querela taciturnitate quinquennii, ab adita hereditate computandi, extinguitur, *l. 8. §. ult. & l. seq. hoc tit. l. 16. l. si quis 34. l. pen. §. 2. Cod. eod.* hæc actio sive conditio ex lege, ut favorabilis, perpetua est, id est, durat annos triginta; qui terminus est actionum omnium, in personam *l. 3. Cod. de præscr. 30. an. decis. 3. Cur. Holland.* Altera, quod querela (quippe quæ instar est actionis injuriarum, *l. 8. in pr. hoc tit.*) excepto casu *d. l. si quis. 34. Cod. eod.* in heredem non transmittitur, nisi præparata; actio hæc etiam non præparata transeat. Tertia, quod qui agnoscit, quod sibi testamento relictum est, querelæ renunciasse intelligitur, *l. 10. §. 1. l. 12. in pr. eod.* non autem huic actioni ad supplementum, *l. si quando 35. §. 2. C. eod.* Primam differentiam non admisit Bartollus, sed reliqui omnes admiserunt, testibus. *Vigl.*

Mynsing. & Wesemb. hic, Gail. lib. 2.

obs. 120.

T E X T U S.

Si tutor cui nihil patre relictum, pupilli nomine legatum acceperit.

4. Si tutor nomine pupilli, cujus tutelam gerebat, ex testamento patris sui legatum acceperit, cum nihil erat ipsi tutori relictum à patre suo: nihilominus poterit nomine suo de inofficioso patris testamento agere.

Si de inofficioso nomine pupilli agens succubuerit.

5. Sed si è contrario pupilli nomine, cui nihil relictum fuerat, de inofficioso egerit, & superatus est: ipse tutor, quod sibi in testamento eodem relictum est, non amittit.

N O T Æ.

4. SI TUTOR, & C. LEGATUM ACCEPERIT] Repellitur ab inofficiosi querela, qui exheredatus legatum ex testamento percepit aut petenti advocacionem præbuit. Agnovisse enim judicium defuncti videtur, l. 8. §. 10. l. 10. §. 1. l. 12. l. ult. cod. l. 8. §. 1. C. cod. Tutorem autem necessitas officii excusare debet, qui id totum alii administravit, d. l. 10. §. 1. l. 22. de his qua ut indign.

SED SI E CONTRARIO] Qui voluntatem defuncti sive suo sive alieno nomine dicit inofficiosam, legatum sibi relictum perdit: impugnavit enim judicium defuncti, l. 8. §. 14. b. 1. sed necessitas officii & fides tutoris hic etiam excusata, l. 30. §. 1. cod. Qui negat testamentum patris jure factum esse, non intelligitur judicium impugnare, & ideo retinet defuncti voluntatem, l. 24. de his qua ut ind.

C O M M E N T A R I U S.

- 1 Effetia agnitionis & oppugnationis judicii defuncti.
- 2 Hac effetia ad eos non pertinere, qui ex necessitate officii alieno nomine agnoscunt aut impugnant.
- 3 Collatio juris veteris & novi, atque in hac parte differentia.

Qui judicium defuncti agnoscit, puta quod sibi datum est, percipiendo, hoc ipso testamentum comprobare intelligitur & querelam renuntiare, l. 8. §.

si conditioni 10. l. 10. §. 1. l. 12. l. §. pōnat 23. l. pen. §. 3. & 4. l. ult. hoc tit. l. 8. §. 1. Cod. cod. l. 5. in pr. de his qua ut indign. Atque ex contrario, qui voluntatem defuncti impugnat, ut inofficiosam, is legatum sibi relictum perdit, & id fisco vindicatur, quasi indigno ablatum, d. l. 8. §. meminisse 14. Nec interest, utrum quis nomine proprio judicium agnoverit, in officiosumve dixerit, an alieno, dummodo id fecerit sponte, nec ulla necessitate officii cogente, veluti si advocacionem præbuerit, dict. l. ult. in pr. Cui non obstat, quod filius patroni, qui advocacionem accusatori liberti præstitit, non repellitur à bonorum possessione liberti, l. qui cum 14. §. si patroni 9. de honor. libert. nam jus bonorum possessionis liberti, quod patrono & liberis ejus ex edicto competit, non aliter patronus aut liberi ejus amittunt, quam si ipsi libertum accusaverint. Quod intelligitur ex ratione, qua Jurisconsultus d. loco utitur; neque enim, inquit, advocatus accusat. Legatum vero amittit advocatus exheredati, non quia accusare testamentum intelligitur, sed quia accusationem opera juvando intelligitur improbare judicium defuncti; quod satis esse visum est ad amissionem legati, advocato relictum ab eo quem furoris arguit. Cur vero non similiter placeat, eum, qui legatum accepit, non admitti ad arguendum testamentum falsum, aut non jure factum, & qui non jure factum contendit, nec obtinuit, non repellatur ab eo quod meruit, l. 5. in pr. & §. 1. de his qua ut indign. Hanc rationem reddit Papinianus l. si testamentum 24. cod. tit. quoniam qui testamentum jure factum negat, de jure disputat, non impugnat aut accusat judicium. Quod si quis ex necessitate officii ea, quæ diximus, fecerit nomine alieno, excusatus est. Exemplum hoc §. proponitur in tutore: sed ad omnes hoc pertinet, qui ex officio alios defendere, aut agentes consilio & opera sua juvare tenentur; ac proinde etiam ad advocatum, cui clientis causam agere publice impositum, argum. dict. l. 5. §. advocatum 13. de his qua ut indign. Sive igitur tutor, cum ipse exheredatus esset à patre, legatum petierit aut perceperit ex testamento nomine pupilli, cujus tutelam gerit, sive è contrario pupilli exheredati nomine de inofficioso egerit & victus sit, neque hoc casu, quod ad se attinet, testamentum improbasse, neque illo probasse intelligitur, sed hæc fecisse ex necessitate officii & fide, quæ excusata esse debet: ac proinde illo casu non prohiberi suo nomine de inofficioso agere, hoc casu legatum sibi relictum petere, l. adversus 30. §. 1. hoc tit. l. tutorem 22. de his qua ut indign. Similis prior casus est in l. cum quidam 26. Cod. de adm. tut. Porro autem quod ante diximus, agnitionis judicii defuncti hanc vim esse, ut querela amittatur, hoc etiam pertinet ad petitionem reliqui. Sed tenor juris antiqui novis

subinde constitutionibus mutatus est. Quod miror neminem interpretum hoc loco annotasse. Olim quacun-
 3 que in re iudicio defuncti agnito & querela amittebatur, & jus petendi reliqui, non solum in hæredis institutione, sed etiam in legato, sive id tanquam sibi legatum exheredatus peteret, sive relictum alii, illius nomine, peteret defenderetve, sive relictum à legatario acciperet, aut etiam aliquid caperet mortis causa: nec referebat, per se caperet, an per alium, per textus supra allegat. Constitutionibus Justiniani nihil quidem mutatum in institutione hæredis, sed si is, qui queri potest, hæredem scriptum pro hærede agnovit, puta res hereditarias ab hærede emendo conducendo, aut solvendo quod defuncto debuit; cuius generis item est, si quid conditionis implendæ causa ab hærede acceperit; (quibus omnibus factis hæres scriptus pro hærede agnoscitur, *l. 8. §. si conditio- ni 10. l. si ponas 23. hoc tit.*) querelam & jus petendi, quod sibi relictum, aut quod reliquum est, perinde amittit, ut jure antiquo. In legato vero prioribus Justiniani constitutionibus jus vetus hætenus immutatum, ut quicunque alias queri potuissent, hoc ipso excludantur, quod legatum illis relictum sit, quamvis illud non agnoverint: cæterum accepto eo, quod relictum est, ad supplementum ejus, quod legitimæ deest, agere possunt, *l. omnimodo 30. cum seqq. Cod. eod.* Itaque jam non agnitio legati, sed ipsum legatum querelam excluderat. Novissimo autem jure ad excludendos à querela liberos & parentes iterum agnitio legati desiderari coepit, si nihil iis titulo institutionis relictum esset, salva ramen, si quid debitz portioni deesset, actione ad supplementum. *Nov. 115. cap. 1. D. Tuler. hic cap. 1. & 6.* Ut igitur semel complectar omnem juris veteris & novi in hac parte differentiam, triplex discrimen observetur. Primum hoc est. Olim, si minus legitima relictum esset, licebat repudiato legato agere de inofficioso: hodie non licet, sed legato admissio agitur ad suppletionem. Secundum est. Olim agnitio legati etiam rei minimæ excluderat non tantum querelam, sed omnem etiam petitionem reliqui: hodie ita querelam excludit, ut salva maneat ejus, quod legitimæ deest, petitio; nisi agnoscens profiteatur, se relicto contentum de reliquo quæstionem remittere, *l. si quando 35. §. pen. & ult. Cod. eod.* Postremum est. Olim qui rogatus erat legatum alteri restituere, non prohibeatur eo agnito & restituto de inofficioso queri: Hodie quiescente querela id onus subducitur, proinde quasi ad modum legitimæ nec restituere iussus sit, *l. 10. in fin. hoc tit. junct. l. quoniam 32. C. eod.* Quod si quis in eo quod alteri relictum erat, voluntatem defuncti approbasset, puta advocacionem præstando aut alijs modis, placebat olim cessare querelam, quasi iudicio defuncti etiam in institutione comprobato: quippe qua sublata,

ut tunc jus erat, cætera quoque corruerant, *l. pen. §. 3. l. ult. in pr. & §. 1. hoc tit. junct. l. 9. de test. ius. l. eam quam. Cod. de fideic.* Verum commutata est ratio juris, posteaquam placuit, rescisso quoad institutionem testamento, legata posse consistere, *ausb. ex causa. Cod. de lib. prat.* Hoc enim jure posito, dicendum omnino videtur, sola legati, quod alii relictum est, agnitione non comprobari institutionem hæredis, *argum. l. 10. Cod. de probat.* ac proinde non prohiberi eum, qui in alieno legato iudicium agnovit, de inofficioso suo nomine queri, ut bene disputat *Don. 19. comm. 6.*

TEXTUS.

De quarta legitimæ partis.

6. Igitur quartam quis debet habere, ut de inofficioso agere non possit, sive jure hæreditario, sive jure legati vel fideicommissi, vel si mortis causa ei quarta donata fuerit, vel inter vivos in iis tantummodo casibus, quorum mentionem nostra facit constitutio, vel alijs modis, qui in nostris constitutionibus continentur. Quod autem de quarta diximus, ita intelligendum est, ut sive unus fuerit, sive plures, quibus agere de inofficioso testamento permittitur, una quarta eis dari possit, ut ea pro rata eis distribuatur, id est, pro virili portione quarta.

NOTÆ.

1. QUARTAM QUES DEBET HABERE] Id est, portionem legitimam, quæ olim erat quarta debitz ab intestato portionis, *l. 8. §. 3. Cod.* Justinianus quantitatem auxit, substituto pro quarta triente, in liberis pluribus, quam quatuor, semisse. *Nov. 18.* qua constitutione & parentum quoque legitimam ad trientem auctam censet Magister apud Harmen. *lib. 5. tit. 9. §. 14.* Theodorus Diaconus auctam *non in adæqu. arg. cap. 2. d. Nov. 18.*

SIVE JURE LEGATI, &c.] Novissimo autem jure ut testamentum ab omni impugnatione tutum sit, necesse est, ut boni liberi & parentes honorentur titulo hæredis. *Nov. 115. c. 3. §. 5.* Unde vulgo ajunt, legitimam titulo institutionis esse relinquendam, in qua sententia & Græci ad *l. 8. h. t.* Sufficit autem vel in particula aliqua assis vel etiam in re certa institutos esse, & si quid ad portionem legitimam deerit, id quæ-

id querela cessante condicetur actione suppletoria, §. 5.

IN TANTUMMODO CASIBUS] Cujac. huc trahit duos casus *l. pen. §. 1. C. de collat.* sed ex vitiosa, ut Bachovio videtur, collectione, Constitutio est *l. 30. C. h. r.*

IN NOSTRIS CONSTITUTIONIBUS] Non extant. Et forte *nostris* irreptitum est, fac. *l. 17. C. de collat. junct. l. 29. C. h. r.* quarum altera Leonis, altera Zenonis est.

PRO VIRILI PORTIONE QUARTA] Hodie tertia, aut dimidia pro numero liberorum. *No. 18.* Igitur si verbi causa duo sint liberi, singulorum portio legitima erunt duæ unciae: si sex, uncia.

COMMENTARIUS.

1. *Refellitur insignis quorundam error.*
2. *Jure Digest. & Cod. querela locum non patuisse legitimam quocunque titulo relicta.*
3. *Jus novum à veteri discrepare in casu, quo quid inter vivos donatum est ea contemplatione, ut in quartam habeatur.*
4. *Jure novissimo legitimam titulo institutionis relinquendam: quomodo hoc accipiendum.*
5. *Quid inter sit, titulo institutionis legitima relinquatur, an quo alio.*

Intolerabilis eorum error est, qui ex hoc §. colligunt, filium, etiam non legitime exheredatum, modo ei quocunque titulo legitima relicta esset, jure antiquo queri debuisse de inofficioso, nec alio jure ad bona patris venire potuisse. Quid enim certius, quam præterito filio, qui erat in potestate, testamentum ipso jure nullum fuisse; emancipato præterito datam bonorum possessionem contra tabulas? Nec eo minus pro præterito habebatur, testamentumve nullum erat, aut per bonorum possessionem everti poterat, quod quartæ debitæ portionis, aut etiam multo amplius, præterito legatum fuerat. Nam utrum filius præteritus esset, necne, non ex legati datione: sed ex institutione aut exheredatione æstimabatur, omnesque præteriti censebantur, qui neque hæredes instituti erant, neque ut oportet, exheredati, §. *eadem 12. inf. de her. qua ab int.* Itaque quod Ulpianus ait, in *l. §. si quis 6. hoc tit.* securè cum testari, qui mortis causa filio quartam donavit, non sic accipiendum est, posse patrem isto casu securè filium præteriti, sed posse securè exheredare, hoc effectu, ut & testamentum jure consistat, nec per querelam rescindatur. Atque ex hoc jure nihil mutavit Justinianus: tota enim hæc disputatio, ut apparet, pertinet ad liberos, quibus jure civili & prætorio è patris hereditate exclusis unicuique remedium superest, querela inofficiosi; ac

proinde non ad alios, respectu patris, quam qui legitime exheredati sunt; matris enim & per matrem adscendentium præteritio pro exheredatione reputatur, ut sæpe dictum est.

Sic jure hæreditario, sic jure legati, &c.] In explicatione hujus tituli excusata esse debet ejusdem rei inculcatio. Jure veteri liberis exheredatis aut præteritis, non tam ideo querela dabatur, quia exheredati aut præteriti, quam quod per præteritionem aut exheredationem privati quarta seu legitima portione. Ea autem relicta, ut nulla amplius censcebatur iniquitas, ita cessabat querela, manebat efficax exheredatio & firmum testamentum. Cui erat consequens, ut querela excluderetur non tantum si quarta relicta foret titulo hæreditario, sed etiam si titulo legati aut fideicommissi. Et quia mortis causa donationes legatorum instar obtinent, *l. §. si 17. in fin. de mort. ca. don. sup. de donat. §. 1. placet etiam, si quis ei, qui queri poterat, quartam mortis causa dedisset, eum secure testari, d. l. §. si quis 6. quod jus in codice suo item No. 18. c. 1. unde auth. novissima C. hoc tit.* Justinianus integrum reliquit: novissime vero ab eo recessit *No. 115. c. 3. & 4.* Cæterum de eo plura inferius.

Vel inter vivos iis tantummodo casibus, &c.] Si quid inter vivos simpliciter donatum fuerat, etiam si quartam adæquaret, per hoc non excluderetur querela; contra vero si hac contemplatione datum erat, ut in quartam haberetur, *l. si non mortis 25. hoc tit.* Hoc abrogavit Justinianus ea constitutione, cuius hic meminit, nimirum *l. si quando 35. §. 1. C. cod.* Sanxit enim, ut si quid liberis à patre inter vivos donatum sit, etsi ea lege ut hoc in quartam reputent, atque adeo ut renuntient querelæ, & renuntiaverint, nisi tamen patris judicium post mortem ejus agnovissent, aut cum scriptis hæredibus transegerint, manere nihilominus jus integrum testamentum patris arguendi, hoc pactum cum patre factum nocere liberis, qui ex sententia Papiniani meritis magis ad obsequia paterna provocandi, quam pactionibus adstringendi sunt. D. Cujacius putat intelligi *l. pen. §. 1. C. de collat.* ubi Justinianus sancit, ut duobus casibus donatio simplex in collationem veniat; si ea lege à patre facta sit, ut conferatur; si facta sit in compensationem dotis aut donationis propter nuptias. quam unus è liberis accepit: ex quo colligit Cujacius, donationem inter vivos duobus istis casibus in quartam imputari. Sed vitiosa omnino est hæc collectio, atque è diametro pugnat cum *d. l. si quando 35. §. 1. C. hoc tit.* Ac tamen verum est, omnia, quæ in quartam imputantur, in collationem venire, non idcirco tamen è converso quæcunque veniant in collationem, computantur in quartam: quod perspicue ostendit *d. l. pen. in pr. C. de collat.* ut adeo ead.

l. quam Cujacius adducit, refellatur ipsius collectio. Et nimirum collatio facilius admissa est, ut æqualitas inter liberos in successione ab intestato servaretur, quam filii exheredati exclusio à querela: quem ob casum Justinianus expresse noluit per donationem inter vivos, licet ea conditione factam ut in quartam computaretur, filium à querela excludi, nisi iudicium patris post obitum ejus agnovisset, d. l. si quando 35. §. 1. & 2. C. b. r.

Vel aliis modis, qui in nostris constitutionibus

Hæ constitutiones fortassis priori Codici insertæ fuerunt: in posteriore enim, quem solum habemus, nulla Justiniani reperitur constitutio, quæ huc pertineat: nisi dicimus, verbum *nostris* irreptitum esse & delendum. Sanè Cujac. & Hotom. id non agnoscunt, & à plurimis libris abesse testatur Pacius. Fac igitur hic ita scriptum esse, *aliis modis, qui constitutionibus continentur*. Quinam ergo isti modi suat præter legatum, fideicommissum & donationem mortis causa, quibus liberi quarta à parentibus accepta constitutionibus à querela repelluntur? Dos & donatio propter nuptias, quam utramque cum Leo conferri à liberis jussisset, l. ut liberis 17. C. de collat. utramque etiam in quartam imputari præcepit Zeno, l. quoniam 29. C. hoc tit. Novissimo jure, ut supra memini, tota hæc ratio mutata est. Nam ex Nov. 115. c. 3. & 4. non sufficit ad excludendos à querela liberos & parentes legitimam eis quovis titulo relictam esse, sed ut testamentum ab omni oppugnatione tutum sit, necesse est, ut boni liberi & parentes honorentur titulo hæredis; ut jam non tam queratur, an legitimam habeant, quam an instituti sint, aut jussæ à successione summoti. Patet hoc primum ex d. Nov. cap. 3. ubi Justinianus expressissimis verbis tan- cit, non licere penitus parentibus liberos suos præterire vel exheredes facere, nec si quovis titulo particulari eis reliquerint legibus debitam portionem. Deinde ex cap. 5. ejusdem Nov. ubi testatur, hanc suæ serenitatis intentionem esse, ut à liberis & parentibus injuriam exheredationis & præteritionis auferat. Atqui non auferetur ista injuria, sed manet adhuc, si adhuc liceat immerentes liberos & parentes exheredare aut præterire, etiamsi eis legitima titulo aliquo particulari relinquatur. Tunc solum nulla injuria manet, si aut instituantur aut meritis de causis exheredentur: unde DD. vulgo ajunt, legitimam hodie titulo institutionis esse relinquendam, Clar. §. testamentum quest. 38. Grass. §. legitima quest. 32. At enimvero necesse non est, ut institutio fiat in universa legitima, sed sufficit vel in particula aliqua assis, vel etiam ex rebus certis hæredes nuncupatos esse, aut institutos simpliciter jussosque certis rebus esse contentos: quibus casibus, etsi minus relictum portione legitima, cessat tamen querela, & competit

actio ad supplementum: quod si quid aliud insuper relictum, id in legitimam imputatur secundum priores Justiniani constitutiones: d. cap. 5. l. omnimodo 30. cum seqq. C. hoc tit. cum contra jure veteri etiam institutus queri non prohiberetur, si ex institutione totam legitimam non obtineret, ut sup. notatum ad §. 3. At, inquires, hoc posito aberravit Justinianus à scopo suo. Nam ex vera ratione juris, atque ipsius etiam constitutione Justiniani, qui certæ rei hæres institutus est datis aliis cohæredibus, aut qui simpliciter institutus jussus est certis rebus deductis hæreditatem restituere, non hæredis, sed legatarii loco habetur, nullasque actiones hæreditarias aut exercet aut excipit, l. 13. C. de har. inst. §. si quis p. inf. de fideicom. har. Jam vero si nihil refert, legatum alicui datur, an in re certa hæres instituitur addito vero hærede, nec, magis hoc, quam illo modo fiat, ut hæres sit, frustra Justinianus fuit, existimans, injuriam præteritionis aut exheredationis tolli, si modo hæres quis nuncupetur vel ex re certa, vel simpliciter & certis rebus deductis rogetur hæreditatem restituere. Nam si hæres non sit, si nihil amplius ea res efficit, quam si legatum accepisset, certè pro præterito habendus erit, quomodo ratiocinatur & Glossa in l. si qui 29. ad Trebell. Ex quo etiam sequitur, inane esse, sine re atque effectu, quod jactatur de honorifico titulo institutionis. Et fatendum est, hoc poscere rationem juris, atque oportuisse, si vera splendidiore ac lautiore titulo officiosos liberos ac parentes decorari volumus, constitui, ut saltem in parte aliqua assis hæreditarii, licet minima, vel utique in ipsa legitima, quam pro triente, semisse aut quadrante nihil accipi vetat, hæredes instituantur. Sed tamen Justinianus hoc non exigit, cui visum est satis tolli injuriam præteritionis per solam hæredis nuncupationem, eumque, qui vel in re certa institutus esset, justam causam non habere conquerendi se esse præteritum, quod ne videatur sine ullo juris effectu constitutum, defendi potest cum Richard. post Bart. Jus. & DD. in d. l. 13. c. de har. inst. eum, qui in re certa institutus est, mixtæ cujusdam conditionis & naturæ esse, mediæque inter hæredem & legatarium: unde & hæredis nomen retineat, & rem, in qua institutus est, propria auctoritate apprehendere possit; quodque præcipuum est, jus etiam accrescendi habeat, hoc est, deficiente cohærede simpliciter instituto, ipse universam hæreditatem solus consequatur, perinde ac si ab initio solus ex re certa institutus esset: licet aliud videatur Anton. Fabro decis. 15. err. s. D. Corn. & Canenb. tractat. de jur. accr. cap. 8. Bartolus d. loc. ait, in re certa institutum rei istius respectu pro legatario censer, respectu personæ istius pro hærede: quod satis Justiniano visum ad eum excludendum à querela, vid. Richard. d. loc. n. 3. Gode- lin.

*lin. lib. 2. de jur. noiff. cap. 7. d. Decif. 7. cur Hol-
land. Graff. §. hereditas quaff. 8. num. 3. Deckher.
lib. 1. diff. 8. num. 21. Christinaum vol. 4. decif. 11. n. 5.
& vol. 2. decif. 170. Bachov. vol. 2. diff. 12. th. 1.*

Ut capro rata distribuat[ur] Itaque si unus sit fili-
lius, is habere debet quartam partem totius substan-
tiz, id est, tres uncias; si duo, singuli sescunciam, &
sic porro, ut virilis singulorum portio sit quarta ejus
partis, quam ab intestato habituri essent l. 8. §. si quis
6. & 5. quoniam 8. hoc. tit. Jure autem novissimo ex
Nov. 18. cap. 1. si unus sit filius, is tertiam totorum
bonorum partem habere debet, id est, uncias qua-
tuor: si duo, singuli uncias duas: & ita deinceps, ut
virilis singulorum portio sit triens illius patris, quam
ab intestato latu[re] fuerant. Si vero plures sint libe-
ri, quam quatuor, semis singulis relinquendus, id est,
dimidia ejus partis, quæ jure legitimæ successione
debetur. Quare si verbi causa sex erunt liberi, le-
gitima singulorum erit uncia.

TITULUS XIX.

De hæredum qualitate & diffe- rentia.

Continuatio & argumentum tituli.

SI testamentum ab initio rectè factum fue-
rit, neque postea infirmatum, secundum ea,
quæ superioribus titulis exposita sunt, incipit post mortem testatoris deferri testa-
mento hæreditas, ut jam ad acquisitionem ejus nihil
super sit præter susceptionem; quæ ex duabus parti-
bus, quibus acquisitionem hæreditatis constare dixi-
mus, sub §. ult. sup. per quas pers. cui acq. altera
est. Quamvis autem eadem sit ratio acquirendæ
hæreditatis ab intestato delatæ, atque ex testamento:
tamen cum differuisset Imperator de deferenda hæ-
reditate ex testamento, partem alteram, quæ est de
delata acquirenda, divellere noluit, licetque hinc pe-
tere, quod illo pertinet. Sunt autem duo hujus ti-
tuli capita, quorum alterum inscriptio indicat: alte-
rum est de acquirenda vel omittenda hæreditate. Pos-
terioris cognitio à priori dependet. Nam cum va-
ria sit hæreditatis acquisitio, eam varietatem efficit
diversa qualitas & conditio hæredum. Quamo-
brem rectè primum indicantur genera & differentiæ
hæredum, deinde demum disputatur de acquirenda
vel omittenda hæreditate.

TEXTUS.

Divisio heredum.

*Hæredes autem aut necessarii dicun-
tur, aut sui & necessarii, aut extranei.*

COMMENTARIUS.

1. In his regionibus hæredes omnes esse voluntarios.

Triembris hæc hæredum divisio ex duabus bi-
membris conflata est, more nostris usitato:
Sic autem revocabitur, ut dicamus, hæredum alios
esse necessarios, alios voluntarios; & illorum alios
necessarios simpliciter, alios necessarios & suos. Re-
ctius vero necessariis hæredibus opponimus volun-
tarios, quam extraneos, arg. l. 12. de cond. inst. l. 15.
& seq. de acq. har. l. 3. §. 3. de har. inst. quippe
extranei ad distinctionem suorum magis dicuntur,
non considerata in eis necessitate, l. si alienum 49.
§. 1. de har. inst. l. 6. in pr. de injust. rupt. l. 6. de
vent. in poss. mitt. §. cum autem 7. inf. de har. qua
ab int. §. posthum. 26. tit. seq. Est autem hæc di-
stinctio ex jure civili: nam prætor suos hæredes ex
necessariis vi ipsa fecit voluntarios dato beneficio
abstinenti, §. 2. fin. in fin. In hisce regionibus præ-
ter voluntarios hæredes alios nullos agnoscimus:
non necessarios, quia neque servos habemus, nec ha-
bemus filios cum servili illa qualitate; quippe quæ
effectus est veteris illius juris patrii dominico simi-
lis, apud nos, ut sæpè dictum est, incogniti. Non su-
os; quia sine fictione domini rerum paternarum,
ejusque post mortem patris continuatione in perso-
na filii, fuit intelligi non potest: cujusmodi Ro-
mani juris subtilitates nostræ gentis simplicitas re-
spuit.

TEXTUS.

De heredibus necessariis.

1. *Necessarius hæres est servus hæres
institutus: ideoque sic appellatur; quia
sive velit, sive nolit, omnino post mortem
testatoris protinus liber & necessarius
hæres fit. Unde qui facultates suas su-
spectas habent, solent servum suum primo
aut secundo, aut etiam ulteriore gradu
hæredem instituere: ut si creditoribus sa-
tis non fiat, potius ejus hæredis bona,
quam ipsius testatoris, à creditoribus pos-
sideantur, vel distrabantur, vel inter eos
dividantur. Pro hoc tamen incommodo
illud ei commodum præstat, ut ea, quæ
post mortem patroni sui sibi acquisierit,*

ipsi referentur. Et quamvis bona defuncti non sufficiant creditoribus, iterum tamen ex ea causa res ejus, quas sibi acquisierit, non veniunt.

NOTÆ

PRO HOC TAMEN INCOMMODO] Pro asperione hujus notæ, quod bona ipsius nomine à creditoribus possideantur, vel distrahantur.

ILLUD EI COMMODUM PRAESTATUR] *Μισὸς τὸ μόνως ἔσθαι*, merces hujus injuriæ. Th.

EX EA CAUSA RES EIUS] Cujac. Fabrot. *ex alia causa quas sibi res acquisierit*, & ita quoque Theoph.

COMMENTARIUS.

Necessarius hæres est servus, &c.] Necessitatis hujus causa est dominica potestas. Cur enim non liceret hæredem necessarium facere, quem licebat occidere? arg. l. in suis ii. de lib. & postb. Non ait, institutus eum libertate; quod olim ex plurium sententia necessarium erat, ut valeret institutio, sed simpliciter, institutus: quia etiam omiſſa datione libertatis à domino institutum, liberum & hæredem necessarium esse voluit, l. pen. C. de nec. serv. har. inst. §. 2. sup. qui & ex quib. ca. man. & sup. de har. inst. in pr. Absolutè igitur necessarius hæres est servus à domino hæres institutus; sed scilicet, si in eadem causa manserit. Nam si à vivo testatore manumissus fuerit, sua voluntate hæres fit: si alienatus, novum dominum adeundo hæredem facit, §. 1. sup. de har. institut.

Si se velit, si se nolit, omnino post mortem testatoris proximus] Hæc verba textus evidentissime ostendunt, non ideo servum hæredem dici necessarium, quod nolenti imponitur necessitas adeundi: sed quia protinus, id est, statim à morte testatoris, hæres fit, solaque juris potestate citra ullam aditionem creditoribus hæreditariis obligetur, perinde ut sui hæredes & necessarii. Unde & si furiosus sit, necessarius domino hæres existit, l. furiosus 63. de acq. har. Et vel hoc solum, quod abstinendi facultas ei denegatur, l. necessarius 57. in fin. d. rit. certum argumentum est, ipso jure eum hæredem fieri. Cui jam consequens, statim quoque eum & simul liberum fieri: quod significat Jurisconsultus, in l. 6. §. ult. de har. inst. cum ait, servum hæredem institutum à semet ipso libertatem accipere: idemque traditur in l. ex parte 58. de acq. har. Perspicuus ergo Giphani error est, qui scribit, ante aditionem neque liberum fieri, neque hæredem. Et vero hoc ita constitui necesse fuit, ut invitus obligaretur creditoribus hæreditariis:

liquidem ut quis præcisè adeat hæreditatem cogi non potest, ne servus quidem à domino, l. 3. C. de har. inst. Observandum autem est, eum demum servum necessarium hæredem fieri, cui non aliunde debetur libertas. Nam si quis eum, quem ex fideicommissio manumittere debebat, testamento suo liberum & hæredem esse jussit, placet hunc necessarium hæredem non esse: quia libertatem non tam beneficio testatoris, quam alieno, & debitam sibi, accepit, l. si servo 84. de har. inst.

Unde qui facultates suas suspectas] Indicat præcipuam utilitatem, eamque secutam consuetudinem instituendorum servorum. Utilitas in eo consistit, ut bona dominorum, qui solvendo non sunt, post eorum mortem, non ipsorum, sed servi hæredis necessarii nomine, à creditoribus possideantur vel distrahantur. Hinc orta consuetudo, ut qui facultates suas suspectas haberent, infamiam auctionis metuentes, eam hoc pacto in servos derivarent: quos pro honore delatæ sibi hæreditatis conjuncto cum beneficio manumissionis æquo animo asperſionem hujus notæ ferre convenit, uti supra quoque notatum est sub §. 1. qui & ex quib. ca. man.

Hoc commodum præstatur] *Μισὸς τὸ μόνως ἔσθαι* Theoph. Duriusculum enim fuisset, ut si quid post mortem testatoris non ex causa hæreditaria, sed vel sua industria, vel ex aliorum liberalitate acquisivisset, ejus quoque distrahendi potestas creditoribus fieret. Cæterum prius quam bonis testatoris se immisceat, eave attingat, petere debet à prætore horum bonorum separationem, quam & hoc casu impetrat, l. 1. §. ult. de separ. bon. Quo loco, quod notandum est, separari etiam id dicitur, quod servo à testatore debetur; quasi hoc etiam dici possit à patrono non profectum: quæ singularis est humanitas.

TEXTUS.

De suis heredibus.

2. Sui autem & necessarii hæredes sunt, veluti filius, filia, nepos neptisve ex filio, & deinceps ceteri liberi, qui in potestate morientis modo fuerint. Sed ut nepos neptisve sui hæredes sint, non sufficit eum eamve in potestate avi mortis tempore fuisse: sed opus est, ut pater ejus vivo patre suo defierit suis hæres esse, aut morte interceptus, aut qualibet alia ratione liberatus à patri a potestate: tunc enim nepos neptisve in locum patris sui succedit. Sed

sui qui-

sui quidem heredes ideo appellantur, quia domestici heredes sunt, & vivo quoque patre quodammodo domini existimantur. Unde etiam si quis intestatus moriatur, prima causa est in successione liberorum. Necessarii vero ideo dicuntur, quia omnino, siue velint, siue nolint, tam ab intestato, quam ex testamento, ex lege duodecim tabularum, heredes sunt. Sed his praetor permittit volentibus abstinere hereditate, ut potius parentis, quam ipsorum bona, similiter à creditoribus possideantur.

NOTÆ.

2. **QUI IN POTESTATE MORIENTIS]** *καὶ τὸν πατέρα τὸν μητέρα.* Th. atque hoc in liberis primi gradus perpetuum est: nam filius, qui in potestate est, non potest non esse suus hæres: in cæteris non item, ut mox sequitur.

NON SUFFICIT IN POTESTATE, &c.] Ex his, qui in familia defuncti sunt, suus hæres proprius est, quem nemo in suo ordine antecedit, l. 33. §. 1. de testam. mil. l. 6. de injust. rupt. §. 2. sup. de ex lib. lib.

UT QUALIBET] Est tamen casus, quo nepos, qui tempore mortis avi servus hæres non erat, propter præcedentem personam patris, destituto avi testamento suus hæres avo ab intestato existit, §. 7. & seq. de har. qua ab int.

PRIMA CAUSA LIBERORUM] Suorum scilicet heredum, §. 2. inf. de har. qui ab int. Hodie autem liberorum omnium, Nov. 118. c. 1.

SIVE VELINT, SIVE NOLINT] Necessitas hæc à jure patriæ potestatis, l. 4. de cond. & dem. quæ & ipsa est ex lege decemvirali. Dion. Halicarn. lib. 1.

PRAETOR PERMITTIT VOLENTIBUS ABSTINERE] Quo beneficio utentes hoc consequuntur, ut quamvis creditoribus hereditariis jure civili teneantur, tamen in eos actio non detur, l. 57. de acq. har. Itaque vi ipsa prætor ex necessariis voluntarios fecit; non tamen extraneos, quia, quod ipsis commodum, sui adhuc manent, §. 3. inf. de har. qua ab int.

COMMENTARIUS.

1. *Plenius & planius, quam Gulgus, sui heredes describuntur.*

2. *Verbum hoc suus hæres non esse popolare & o-*

ratorium: sed forense & disciplina juris proprium: de quo et nonnulla non paucim obvia.

3. *Exponitur latissime hujus nominis ratio.*

4. *Unde altera horum heredum qualitas, nempe necessitas: & quid ea operetur.*

5. *Praetorem dato beneficio abstinendi necessitatem sustulisse: sed salvo jure suarum: & quem effectum ea res habeat.*

Veluti filius, filia, nepos, &c.] Qui sint & dicantur sui heredes, licet non definitione aliqua, sed exemplis hic declaratur, facile tamen ex his, quæ traduntur, quivis per se brevem & explicandæ rei idoneam definitionem extruxerit. Nam si non alii sui heredes sunt, quam liberi defuncti, & è liberis soli illi, qui in potestate morientis fuerint, atque ex his, qui in potestate fuerunt, soli, quos tempore mortis nemo in familia antecederet; hæc inductio nos quasi manu ducit ad hanc definitionem; Sui heredes sunt liberi defuncti, qui pro tempore is moritur, in potestate ejus sunt, primumque ab eo locum in familia obtinent. Non est tamen hæc definitio modis omnibus absoluta. Nihil in ea desideraremus, si idem semper mortis tempus & delatæ hereditatis esset: at hæc tempora non semper concurrunt: ex quo aliquando fit, ut qui, moriente eo de cujus successione quaeritur, suus hæres non erat, postea tamen ei suus hæres existat. Planè neque ex testamento quisquam suus hæres existere potest, nisi qui tempore mortis in familia testatoris proximus est, neque ab intestato, si aut nullum testamentum factum proponatur, aut quod factum erat, vivo testatore ruptum aut vitiatum; quippe in his casibus aliud tempus, quo deferatur hereditas, nullum est, quam tempus mortis. At si proponas, patrem factum jure testamento, quod eo vivo infirmatum non sit, decessisse, hic evenire potest, ut qui tempore mortis suus hæres non erat, postea suus hæres existat, non utique ex isto testamento, sed eo destituto ab intestato: ut ecce; pater filio exheredato extraneum heredem instituit: deliberante herede scripto filius moritur; mox scriptus omittit hereditatem: nepos ex illo filio susceptus avo suus hæres erit ab intestato: & hic tamen tempore mortis avi suus esse non potuit propter præcedentem personam patris, lib. 7. unde lib. §. cum autem 7. & seq. inf. de hered. qua ab intest. ubi hoc pluribus illustratur. Ut igitur perfecta sit definitio, pro tempore mortis ponatur tempus delatæ hereditatis, hoc modo suus hæres est, qui in potestate morientis fuit, & tempore delatæ hereditatis in familia proximus est.

Aut qualibet alia ratione.] Puta emancipatione aut deportatione. Nam si quis ex suis heredibus qualibet ratione suus hæres esse desierit, statim liberi ejus gradum occupant, & succedendo in sui heredis locum quasi agnoscendo sunt avo aut proavo sui heredes,

redes, §. 2. *sup. de exhar. lib.* §. 2. *inf. de har. qua ab int.* l. Gallus 29. §. & videtur. 12. cum seq. de lib. & posth. Enimvero hodie occupatio loci paterni atque in sui hæredis locum successio ex causa emancipationis nihil operatur quoad effectum succedendi ab intestato; postquam placuit, etiam filios emancipatos jure civili ad successionem ab intestato admitti, atque in ea successione præferri nepotibus ex se natis, licet retentis in potestate avi Nov. 118. c. 1. Ex quo etiam intelligimus, hodie edictum de conjung. cum emancip. lib. inutile esse.

Sed sui quidem hæredes] Nomen suorum hæredum ex jure civili descendit, l. ult. de bon. damnat. hoc est, ex lege duodecim tabularum, l. liberorum 220. de verb. sign. Ulp. tit. 26. estque verbum forense ac proprium Jurisconsultorum, non populare aut oratorium, de quo Hotom. g. obs. 10. Quod ut intelligatur, sciendum est, relativum suum non eodem modo ac sensu in proposito apud nostros usurpari, quo apud grammaticos & in sermone populi. Popularis locutio est, cum ea dictione, ut relativa & reciproca, sic utimur, ut referatur & redeat ad eam personam, quæ præcessit. Veluti cum nostri dicunt, *Mulier suos filios in potestate non habet*, l. 5. C. de adopt. Pater agnovit suum partum, aut filium suum, l. 1. §. Julianum. 22. cum seqq. de agn. & al. lib. Cajus Sejus testamentum uxorem suam hæredem instituit, l. Titia 37. §. 3. l. ult. de legat. 2. In his enim locutionibus vox suus ad præcedentem personam refertur, scilicet ad matrem, ad Cajum Sejum. Atque hic usus hujus vocis, quem pueri docentur in scholis, citato vulgato illo, *Rogat te Caesar, ut suas partes sequaris*. Ex eadem consuetudine & more vulgari nostri quoque loquuntur, cum utramque vocem, *hæres* & *suus*, conjungunt, sed ita, ut *suus* sequatur: veluti in his; *Testator à Titio hærede suo centum legavit. Titia ita fidei commissit hæredis sui. Stipulatus est sibi hæredique suo, jure agere licere* l. 2. §. ult. de verb. obl. *Si quis uti frui licere sibi hæredique suo stipulatus sit*, l. stipulatio 38. §. sed si. 12. d. tit. Quintil. lib. 5. c. 16. *Quem quis hæredem suum esse voluit, charum habuit*. Aut cum ex usu juris peculiari loquuntur, verbum *suus* refertur ad eum ipsum, qui hæres est, & quod diligenter observandum, tunc perpetuo id verbum præcedit. Ut in his, *Mulier suum hæredem paritura est*, l. 31. §. 1. de acq. har. *Fæmina suum hæredem non habet*, l. 4. §. 2. cont. tab. *Spes est suum hæredem defuncto existere* l. pen. §. 1. unde legit. *Filius patri suus hæres est*, l. 45. §. 1. de neg. gest. *Mortuo filio nepos ex eo fit & o suus hæres* l. 13. de injust. rup. cum sexcentis similibus. Et igitur cum dico, *Mulier suum hæredem non habet*, intelligor loqui ex usu juris peculiari: cum ajo, *Sempronia hæredem suum roga-*

vit, ut partem hereditatis restituat Titio, ex usu communi. Rationem nominis innox audiemus.

Quia domestici hæredes sunt] Theoph. οἰκουνοὶ, eadem ferè significatione, qua domesticum testamentum §. in testib. 9. *sup. de test. ordin.* aut quasi οἰκοδοὶ καὶ ἀφ' ἐαυτῶν ἔχοντες τὴν κληρονομίαν. Οἰκοδοῦντες vernæ hæredes, qui non aliunde acciti, sed domi nati sunt. Ita & Plin. Panegy. domesticos hæredes opponit extraneis, eosque ait bona, non ut aliena & speranda, sed ut sua semperque possessa, capere.

Et & eo patre quodammodo domini] Sui hæredes ideo dicuntur, quia non alienam, sed jam quodammodo suam hereditatem accipiunt, & non magis alteri quam sibi met ipsi hæredes sunt: unde Græcis dicuntur οὐκ κληρονομοῦναι, quod eleganter ad Phœnicem suum Laëtantius accomodat hoc versu;

Ipsa sibi proles, sumus est pater, & sumus hæres. Atque hoc nomine non magis post mortem patris appellantur, quam eo adhuc vivo & superstite ὁ πατήρ, & quod singulariter notandum, etiam vivo adhuc patre dicuntur desinere sui hæredes esse, puta si capite minuti fuerint, l. 5. §. 4. l. 11. de suis & legit. l. 12. de injust. rup. l. 29. §. 12. & seq. de lib. & posth. nimirum ideo, quia vivente adhuc patre jam quasi quodammodo domini, patrique socii, participes & cohæredes sunt, testimonio non solum nostrorum, Pauli, l. 11. de lib. & posth. Justiniani, hoc text. & §. 3. *inf. de har. qua ab int.* verum aliorum etiam scriptorum. Terent. *Heaut. Donc saltem redieris meus particeps*. Aufon.

Iusta quidem series patri succedere: Verum

Esse simul dominos, gratior ordo piis.

Unde passim in comædiis servi filios dominorum, heros minores, οἰκίους διακόντες, vocant. Telemachus subulcus dicitur, qui erat Ulyssis, Odyss. 9. Servus Abrahami Isaacum vocat dominum suum, Genes. 24. §. 65. Atque hinc est, quod patre mortuo non tam novam & alienam hereditatem percipere existimantur, quam pleniorē & liberiorē veterum bonorum administrationem, statimque à morte parentis quasi continuatur dominium, d. l. 11. de lib. & posth. quo fit, ut ubi suus hæres est, nunquam jacere hereditas dicatur; nimirum quia nullum inter defuncti mortem & existentiam sui hæredis intervallum est, l. 1. §. qui sunt 6. si quis omiff. ca. test. Ex eo item est, quod sui hæredes ipso jure hæredes existant, citra ullum vel suum vel alterius factum, sine additione, sine cretione, sine gestione pro hærede, d. §. 3. *inf. de har. qua ab int.* l. in suis 14. de suis & leg. adcoque ante apertas tabulas, l. 3. C. de jur. del. tametsi ignorent patrem decessisse: ac proinde etiam si furiosi sint, aut alias voluntate careant, d. §. 3. l. furiosi 63. de acq. har. Cujus rei hic effectus, ut paternam hereditatem, tanquam jam sibi quaesitam, adques-

quoscunque hæredes transmittant, *d. l. 3. C. de jur. delib.* Hinc denique est, quod cum extranei dicantur acquirere, adire, repudiare hereditatem, sui dicuntur hæredes existere, (quod Græci interpretantur *ἀναλαμβάνειν*) retinere, immiscere, abstinere: quasi qui rebus jam olim suis, ut domini utantur, easve retineant aut derelinquant. Postremo ex his etiam liquet, cur sui hæredes, si non instituuntur, exheredandi sint, atque in his solis exheredationem proprie dici, *l. quidam 13. de Verb. obl. add. Hotom. 9. obs. 10.*

Si quis intestatus] De hac re agimus *inf. §. 2. de her. qua ab int.* Diserte autem ait *intestatus*: nam lex duodecim tabularum liberam civibus Romanis testandi facultatem concessit; cuius vi legis patri licuit filium quem, in potestate habebat, exheredare, aliumque sibi heredem facere. Sed & hoc ipsum, quod hic refert, ex jure civili est, & illo antiquo: quippe jure honorario postea etiam liberorum emancipatorum ratio haberi coepta est, perindeque hi liberi ad bonorum possessionem & vi ipsa ad hereditatem à prætore admissi, ac si capite minuti non fuissent, *l. 6. §. 1. de bon. poss. §. emancipati 9. inf. de her. qua ab int.* Hodie autem liberi emancipati, non minus quam sui, etiam jure civili ab intestato succedunt, *Nov. 118. c. 1.* quanquam in modo acquirendæ hereditatis diversitas mansit: de quo alibi.

Necessarii ideo dicuntur, quia sive velint, sive nolint] Necessitas hæc à jure patriæ potestatis est, *l. 5. de cond. & idem*, quæ similis dominicæ fuit, ut ostendimus *in §. 2. sup. de par. pot.* liberosque hac in causa redigebat ad instar servorum: unde & commune iis cum servis hæredibus à dominis institutis nomen necessariorum hæredum, *l. 12. de cond. inst. l. necessariis 57. de acq. her. & passim.* Licet autem suitati cohæreat necessitas; est tamen diversa qualitas à suitate. Ex eo, quod quis suus est, ipso jure hæres fit, bonaque paterna penes eum remaneant: ex eo, quod necessarius, ea retinere cogitur, creditoribusque paternis, velit nolit, respondere, *d. l. necessariis.* quanquam hic etiam suum confert suitas. In suitate jus liberorum magis, in necessitate solius patris vertitur; cui ob id liberum fuit necessitatem hanc remittere, atque ex necessario hærede facere voluntarium, *d. l. 12. de cond. inst. l. jam dubitari 86. de her. inst.* Neque unquam pater dicitur suum sibi heredem facere, sed bene necessarium: & eum impuberi filio fratrem necessarium heredem facit, suum tamen heredem non facit, ut rectè Govean. *ad l. 2. §. 5. n. 25. & in l. 10. §. 1. n. 2. de vulg. & pup.* contra Bart.

Prætor permisit volentibus abstinere hereditate] Cum quæsitæ hereditatis hæc vis sit, ut nos obliget ari alieno, licet solvendo non sit, *l. 8. de acq. her.* suisque hæredibus ipso jure acquiratur hereditas,

consequens quidem est, ut creditoribus hereditariis respondere teneantur, quamvis bona paterna non sufficiant, iisque se bonis abstinere parati sint: humanitas tamen hic postulare videbatur, ut eo onere, qui id non sponte suscepissent, liberarentur. Verum tantum abest, ut jus civile iis subvenerit, ut eodem jure etiam necessitas ista comparata sit & annexa suitati. Et quid mirum si lex, quem occidere patri permittebat, eundem necessarium heredem patri fecerit, aut permisit patrem sibi facere? Cæterum acerbiter juris civilis prætor mitigavit data suis & necessariis hæredibus potestate abstinendi: quo beneficio qui ex his uti volunt, hoc consequuntur, ut necessitate subeundorum onerum hereditariorum non adstringantur, *d. l. necessariis de acq. her.* Ex eo autem, quod prætor hic dicitur, liberis necessariis hæredibus volentibus potestatem facere abstinendi hereditate, & alibi eos liberare oneribus hereditariis, si velint derelinquere hereditatem, *d. l. necessariis.* rectè colligitur, prætorem ex necessariis vi ipsa fecisse voluntarios, quanquam non extraneos: necessitatem tantum à prætore sublatam, non suitatem: quippe cuius maxima parte ad utilitatem liberorum pertinet, quibus prodesse, non nocere, prætori propositum fuit, *l. 12. de vulg. & pup.* Quamobrem etiamnum & ipso jure & ignorantes hæredes fiunt, & obligantur creditoribus hereditariis, *§. 3. inf. de her. qua ab int. l. 2. de cond. furt. d. l. necessariis*, quamvis respectu beneficii prætorii, quo fit ut in eos actio non detur, idem jus habere dicantur, quod futurum esset, si liberum arbitrium adeundæ hereditatis haberent, *l. nam nec. 89. de legat. 1.* Manebit igitur adhuc idem suitatis effectus, quem supra indicavi, ut si filius decesserit, cum vel ignoraret patrem mortuum esse, vel sciret quidem, sed nondum declarata voluntate de retinenda aut derelinquenda patris hereditate, eam hereditatem, utpote ipso jure sibi jam quæsitam, ad hæredes quoslibet transmittat. Rectène dicatur, jus suitatis tolli per exheredationem, aut vulgarem substitutionem, alibi disputavimus. Clarius vero adhuc apparet, suitatem non esse sublatam à prætore ex eo, quod etiam post abstentionem nudum illud nomen hæredis non est sine effectû: nam & sola sui hæredis existentia confirmat tabulas pupillares, ut docuimus supra sub *pr. de pup. subst.* & liberatas sustinet, *l. cum quasi 30. §. sed etsi 10. de fid. lib.* quo loco disertè pro ratione hoc assert Jurisconsultus, *quod non sit sine hærede, qui suum heredem, licet se abstinentem habet*: & operatur confirmationem fideicommissi, ut restituta hereditate ex Senatusconsulto Trebellian. transeant actiones, *l. 11 a tamen 27. §. 3. ad sen. Treb.* Postremo inde est, quod hereditas pupilli, quantumvis abstinentis, potestate juris civilis cum hereditate patris confusa censetur, *l. patresfam. 28. de reb. auct.*

jud. poss. licet hoc casu substitutus pupilli separationem bonorum patris & filii petere possit ex sententia Marcelli, probata ab Ulpiano *l. Julianus 42. de acq. har.*

Ut potius parentis quam ipsorum bona] Species ignominie est, bona alicujus à creditoribus propter res alienum possideri aut publice distrahi. Itaque ne id fiat, etiam mortuorum interest: atque ob eam causam placuit, non minus ignominiam istam, quam hereditatem, servis relinqui posse: nec causam prætor habuit, cur servo necessario heredi potestatem daret abstinendi, *d. l. necessariis, §. ult. de acq. har.* qui tamen liberorum pudori ac famæ parcendum existimavit, *l. paterfam. 28. de reb. aut. jud. poss.* hoc est, satius putavit, ut ex duobus, qui pari conditione sunt, potius patris defuncti nomine, quam filii viventis; non sentientis, quam sentientis, se hac affici injuria, bona possideantur aut dividantur.

TEXTUS.

De extraneis.

3. Cateri, qui testatoris juri subjecti non sunt, extranei heredes appellantur Itaque liberi nostri, qui in potestate nostra non sunt, heredes à nobis instituti, extranei heredes nobis videntur. Qua de causa & qui heredes à matre instituuntur, eodem numero sunt: quia fœmina in potestate liberos non habent. Servus quoque heres à domino institutus & post factum testamentum ab eo manumissus, eodem numero habetur.

NOTÆ.

3. HAEREDES A MATRE] Sicut fœmina liberos in potestate non habet, ita nec suos heredes habere potest, *l. 4. §. 2. cont. tab.* Multo magis huc pertinent parentes, fratres, &c. Et sic quidem ad discretionem suorum heredum. Nam alias omnes legitimi & honorarii successores ab extraneis rectè secerantur.

EODEM NUMERO] Extraneorum videlicet; quoniam utrumque ex defuncti testamento consecutus non est, libertatem scil. & hereditatem, *§. 1. sup. de har. inst.*

COMMENTARIUS.

1 Extranei heredes quotuplici sensu dicantur.

Sequitur tertium genus heredum, extranei; qui eodem & voluntarii heredes dicuntur, propterea quod his hereditas voluntate acquiritur, ut si velint, liceat suscipere, *§. ult. inf. eod.* si nolint, non cogantur, *l. nec emere 16. C. de jur. del.* eaque appellatione commodius in distributione necessariis oppositi fuissent, ut initio monuimus. Sunt autem extranei seu voluntarii heredes, in liberis hominibus omnes, qui non sunt sui & domestici: ac proinde qui ad hereditatem sive ex testamento sive ab intestato vocati in potestate morientis non fuerunt, aut non proximo in familia gradu: ex servis, qui utrumque ex domini testamento non consequuntur, libertatem scil. & hereditatem, *§. 1. sup. de hered. inst. & hoc text. in fin.*

Qui in potestate nostra non sunt] Liberos intelligit emancipatos, quos constat per emancipationem à familia exire, & extraneos nobis fieri, *l. quin etiam 55. de rit. nupr.* Itaque sive heredes à patre instituti sint, sive ab intestato ad bonorum possessionem à prætoribus vocentur, non efficiuntur ipso jure heredes aut bonorum possessores: sed sua voluntate aut hereditatem adeundo, aut bonorum possessionem agnoscendo. Sed & hodie etsi jure civili quoque ab intestato succedunt. *Nov. 118. c. 1.* Non aliter tamen, quam si voluerint, & adierint hereditatem, heredes fiunt, ut ex communi sententia hic notat Wessemb. & suo tempore à nobis confirmabitur.

Qui heredes à matre instituuntur] Quemadmodum fœmina liberos in potestate non habet, ita nec suos heredes habere potest, *l. 4. §. 2. cont. tab.* Huc igitur multo magis pertinent parentes & fratres. Illud singulare est, quod frater impuberi fratri à patre substitutus necessarius fratri heres fit. Etenim patri concessum est, quos sibi facit necessarios, eosdem & filio facere, *l. 2. §. prius 4. in fin. l. 10. §. 1. de vulg. & pup. l. Jul. 42. de acq. har.* Suum tamen heredem hunc fratri non fieri, contra Bart. probat Govean. *in d. l. 2. §. 4. & 5.* Omittendum vero hic non est, verbo extraneorum heredum non semper intelligi omnes, qui sunt voluntarii, aut omnes designari, qui non sunt sui. Nam & filius emancipatus ab extraneis discernitur, *l. filiusfam. 114. §. sed & si 16. de legat. 1. l. peto 69. §. pen. & ult. de legat. 2.* atque in *l. unic. C. de impon. lucrat. descript.* appellatione extraneorum significantur soli, qui in numero descendunt non sunt: & patrono legitimo heredi extraneus opponi videtur *in l. libertus 36. de bon. lib.* Sane cum de jure succedendi ab intestato queritur, pro extraneis simpliciter habendi non sunt, qui, præteriti aut exheredati, jure civili aut prætorio testamentum rescindere possunt. Quo in genere sunt liberi emancipati, quibus & exheredatis querela de inofficio, & præteritis bonorum possessio contra tabulas datur, ac jure

jure novissimo etiam successio ab intestato una cum suis hæredibus deferatur. Item liberi, qui nunquam in potestate fuerunt; qui & ipsi ex hæredati matris aut avi materni testamentum inofficiosum dicere possunt. Quibus accedit, quod ex constitutione Theodosii liberi omnes à parentibus instituti hæreditatem etiam non aditam, & ante apertas tabulas morientes, transmittant ad eos, qui ex se descendunt, l. *um. C. de his qui ante ap. tab.* qui effectus quidam est sui-tatis: & sui hoc amplius tantum habent, quod hæreditatem ignorantes transmittunt ad hæredes quosvis. Sed neque parentes prorsus extranei hæredes habendi, cum & ipsis præteritis querela inofficiosi competat. Quinetiam omnes, qui ab intestato sive à lege, sive à prætore ad successionem vocantur, suo sensu possunt dici non extranei, nimirum ad differentiam eorum, qui ab intestato venire non possunt: eoque sensu Cajus lib. 2. tit. 3. in fin. extraneos hæredes definit, qui nullo propinquitatis gradu testatori junguntur; quamvis inscite eo loco, ubi extraneos & suos invicem in dividendo opponit. Ex his vero intelligi potest, quid sibi velit Baldus in l. 9. col. 12. 3. opp. C. de collat. cum ait, extraneum dici tripliciter, à sui-tate, à filiatione, & à cognatione.

T E X T U S.

De testamenti factione.

4. In extraneis hæredibus illud observatur, ut sit cum eis testamenti factio, sive hæredes ipsi instituantur, sive ii, qui in potestate eorum sunt. Et id duobus temporibus inspicitur: testamenti quidem facti tempore, ut constiterit institutio: mortis vero testatoris, ut effectum habeat. Hoc amplius & cum adit hæreditatem, esse debet cum eo testamenti factio, sive pure sive sub conditione hæres institutus sit. Nam jus hæredis eo maxime tempore inspicendum est, quo acquirit hæreditatem. Medio autem tempore inter factum testamentum, & mortem testatoris, vel conditionem institutionis existentem, mutatio juris non nocet hæredi: quia, ut diximus, tria tempora inspicere debent. Testamenti autem factio-

nem non solumis habere videtur, qui testamentum facere potest: sed etiam qui ex alieno testamento vel ipse capere potest, vel alii acquirere. Et ideo furiosus, & mutus, & posthumus, & infans, & filius familias, & servus alienus, testamenti factionem habere dicuntur. Licet enim testamentum facere non possint: at tamen ex testamento vel sibi vel alii acquirere possunt.

N O T Æ.

4. IN EXTRANEIS] Ex Florent. l. 49. §. 1. de her. inst. Ait in extraneis, quia in suis hæredibus vix est, ut locus sit quaestioni de capacitate.

QUI IN POTESTATE EORUM] Ratio est, quoniam institutio servorum, qui per se sunt incapaces, sustinetur ex persona domini, quo cum testamenti factio est, l. 31. d. 1.

UT EFFECTUM HABEAT] Id est, ut dies ejus utiliter cedat: quod fit, si quis sit mortis tempore, cui hæreditas utiliter deferatur, & qui eam adeundo possit consequi, l. 52. de leg. 2.

ET CUM ADIT HÆREDITATEM] Ita & Florent. d. l. 49. §. 1. Cæterum non sufficit hoc tempore capacem esse, si qua mutatio juris hæredi contingerit post mortem testatoris aut conditionis eventum.

C O M M E N T A R I U S.

- 1 In successione ab intestato de capacitate hæredum diversis temporibus spectanda quare non posse; de qualitate posse.
- 2 Quid in successione ex testamento circa suos hæredes.
- 3 Notatur & refellitur insignis error VV. sembo-cii.
- 4 Cum de capacitate inspicienda quaeritur, nihil interesse, domini an eorum servi instituti sint.
- 5 Non satù subtiliter tempus ad eundem hæreditatis in consideranda capacitate hæredis constitui terminum distinctum à tempore mortis.
- 6 Probatur in dictis rationibus, tempus ad eundem hæreditatis neque in pura institutione terminum, neque in conditionali quantum terminum constituit.
- 7 In pura institutione ut duo sunt extrema, ita unum tantum esse medium tempus, quod non

noceat; in condicionali uti extrema tria, ita duo tantum media.

Expositis generibus & differentiis hæredum, pergit ad id, cuius cognoscendi causa differentie istæ præcipue traditæ fuerunt, videlicet ad ipsam hæreditatis jure delatæ acquisitionem; & quia in extraneis hæredibus (in aliis enim, ut mox ostendemus, disputatio proposita inepta est) ad acquirendam hæreditatem necessario requiritur, ut sint hæreditatis capaces; merito primum docet, quibus temporibus capacitas illa inspicienda sit, ut hæreditatem sibi delatam obtinere possint. Qua de re ut habeamus, quod certo statuere liceat, primum distinguendum est inter successionem ab intestato & successionem ex testamento: deinde inter qualitatem hæredis & ejusdem capacitatem. In successione ab intestato de capacitate hæredum diversis temporibus spectanda disputari non potest; cum nemo ad successionem ab intestato vocetur, qui non sit capax tempore mortis ejus, de cujus hæreditate agitur. De qualitate autem quæri potest, puta quo tempore spectandum, an quis suus sit, aut proximus agnatus. Placuit autem, in eo inspicere tempus delatæ hæreditatis; quod tempus plerumque quidem idem est cum tempore mortis, sed tamen non semper, §. *cum autem 7. inf. de hæred. qua ab int. §. proximus 6. inf. de leg. agnat. succ.* quibus locis diligenter hoc à nobis exponitur. In successione ex testamento in suis hæredibus vix est, ut locus sit quæstioni de capacitate, cum non possit non esse cum suo hærede testamenti factio. Cæterum quod ad qualitatem, hoc est, suitatem pertinet, quæri potest, utrum necesse sit eos utroque tempore suos esse & testamenti facti & mortis testatoris; an satis sit, tales fuisse saltem altero, id est, tempore mortis. Sed verius est, sufficere, tales esse tempore mortis, etiam tempore testamenti non fuerint, per l. *si quis 18. de injust. rupt. l. filio 23. §. 2. de lib. & postb.* ut tamen & testamenti tempore capaces fuerint, omnino necesse est: alioqui ³ Catoniana regula impediatur institutio. Notandus autem hic est insignis error Wesembecii, qui scribit, non fuisse necesse, ut de suis necessariis eadem moneremur, propterea quod ex persona testatoris testamenti factionem habeant. Quis enim unquam fando audivit, quenquam habere testamenti factionem ex persona testatoris? cum servo testamenti factio est ex persona domini, & sustinetur servi alieni institutio, si cum domino testamenti factio est, quasi ipse dominus mediate per servum institutus esset, l. *non minus 31. de hæred. inst. l. 10. §. 1. de acq. rer. dom.* Sed hoc ad servum necessarium, hæredem qui applicari potest? aut qui potest domini persona aecommodari servo, ubi idem dominus est & testator; Sed

valet hic institutio ex persona ipsius hæredis, quatenus consideratur ut jam liber & civis Romanus, quo tempore testamento deferri incipit hæreditas. Dicere vero, filiumfam. hæredem institutum aliunde personam mutuari, sive ab extero hæres institutus sit, sive à patre, intolerabile est. Ut ad rem redeam, tota fere quæstio de inspicienda diversis temporibus capacitate, ad extraneos hæredes, eosque testamento institutos, pertinet; quemadmodum etiam hic de extraneis hæredibus proposita est ex Florentino l. *si alienum 49. §. 1. de hæred. inst.* Quam recte dicatur, & quam rationem habeat, quod tria tempora hic observentur, tempus facti testamenti, mortis testatoris, & hæreditatis adeundæ, ex progressu liquebit.

Si se ii qui in potestate eorum sunt] Cum extranei hæredes alias capaces sint, alias incapaces, & eorum, qui sunt capaces, non minus servi, quam illi ipsi, hæredes institui possint: quæri poterat, an quibus temporibus capacitas eorum spectatur, cum ipsi hæredes instituti sunt, iisdem etiam eadem spectetur, cum instituti sunt eorum servi. Ait autem Imp. hic post Florentin. d. l. *si alienum*, §. 1. nihil in proposito interesse, utrum ipsi domini hæredes instituti sint, an servi eorum. Et recte: nam cum servorum, qui ipsi per se incapaces sunt, institutio sustineatur ex persona domini, quocumque testamenti factio est, l. *non minus 31. de her. inst. l. 12. §. 2. de legat. 1.* consequens omnino est, testamenti factionem iisdem temporibus cum domino esse oportere, servo ejus hærede instituto, quibus oporteret, si ipse hæres institutus esset: proinde & facti testamenti tempore & mortis testatoris. Huic tamen parti contradicere videtur Terentius Clemens l. *si servus 82. de acq. her.* Ait enim, servum ejus, qui capere non potest, & hæredem institui posse, & eum ipsum, si, antequam jussu Domini adeat, manumissus sit, ad hæreditatem admitti. Verum ut totus iste locus & loci inscriptio ostendunt, non loquitur Clemens de servo ejus, qui omnino non est capax, aut cum quo simpliciter non est testamenti factio, qualis est peregrinus aut deportatus; (nam & hunc nihil prohibet servum habere, l. 7. de legat. 3.) sed de servo ejus, cum quo quidem ut civi Romano testamenti factio est; sed qui capere non potest ex ejus testamento, qui servum instituisse proponebatur. Erant enim inter cives, qui ex quorundam testamentis aut nihil aut partem tantum capere poterant, ut cælibes, orbi, *Sid. sup. pr. de her. inst.* aliter respondet Cujac. ad d. l. *si alienum* §. 1. de her. inst.

Duobus temporibus, testamenti facti, & mortis testatoris] Mox tamen adjicit & tertium tempus, scilicet quo adeunda hæreditas: uti & Jurisconsultus d. l. *si alienum*, §. 1. De duobus temporibus, testamenti & mortis testatoris, res expedita est. Nam testa-

testamenti tempus necessario inspicendum est, ut consistat institutio, nimirum propter regulam Catonianam, quæ initium spectari vult, nec patitur, institutionem, quæ ab initio non valuit, ex postfacto convalescere, *tot. tit. de reg. Caton.* Mortis vero id eo, ut effectum habeat institutio, hoc est, ut dies ejus utiliter cedat. Quod fit, si quis sit eo tempore, cui hæreditas utiliter deferatur, qui que eam adeundo sibi acquirere possit, *l. non oportet 52. de legat. 2.*

Quod vero duobus istis temporibus Imp. & Jurisconsultus *d. l. si. alienum. §. 1.* tertium adjungunt, tempus scilicet adeundæ hæreditatis, eoque tempore non minus, quam superioribus, atque ut distincto à tempore mortis, capacitatem hæredis inspicendam ajunt, idque sive pure, sive sub conditione institutus sit, satisne subtiliter aut considerate ab iis dicatur, merito dubitaveris. Mihi enim, ut dicam, quod sentio, Jurisconsultus, cujus verba descripsit Tribonianus, non satis caute eo loco locutus videtur: neque id temere à me dictum mox fatebere.

Hoc amplius & cum adit hæreditatem, &c. sive pure, sive sub conditione institutus sit] Ita quoque Jurisconsultus in *d. l. alienum. §. 1.* nimirum ergo Imp. & Jurisconsultus hoc ajunt, præter priora duo tempora, testamenti sc. & mortis testatoris, etiam adeundæ hæreditatis tempus circa capacitatem hæredis spectari, sive pure, sive sub conditione instituti. Mihi vero hoc inconsideratius dictum videtur, & sive pura sit institutio, sive conditionalis, tempus adeundæ hæreditatis in considerata capacitate hæredis non bene constitui terminum distinctum à tempore mortis aut conditionis existentis. Primum enim ubi pura institutio est, nego plura tempora in proposito spectari, quam duo illa, testamenti facti & mortis testatoris: tempus autem adeundæ hæreditatis à tempore mortis ajo distingui non oportere. Quod sic demonstro. Hæres pure institutus aut incapax tempore mortis invenitur, aut capax. Si incapax, frustra quaeritur de ejus capacitate tempore aditionis hæreditatis, cum qui capax non est tempore mortis, & si postea capax fiat, hæreditatem acquirere non possit: quod ipsum etiam hoc loco & *d. l. si alienum. §. 1.* aperte significatur, cum ad hoc ut effectum habeat institutio, requiritur ut institutus capax sit tempore mortis: neque ratio juris aliud patitur, secundum quam constat, tempus aditionis cum tempore mortis conjungi, *l. hæres 54. de acq. her. l. omnia 153. de reg. jur.* Si est capax, & deinde hæreditate nondum adita incapax factus, post aliquanto in pristinam causam restitutus sit, hic quidem temporis adeundæ hæreditatis tanquam tertii extremi ratio aliqua haberi poterat; cæterum non haberi, ac ne sic quidem hæreditatem instituto acquiri posse, ex eo evincitur, quod in pura institutione u-

num tantum tempus intermedium est, quo hæredi mutatio juris non noceat, tempus scilicet, quod intercedit inter factum testamentum & mortem testatoris: ex quo porro hoc sequitur, in pura institutione duo tantum esse extrema, quæ circa capacitatem hæredis considerentur, tempus testamenti conditi, & mortis testatoris. Per hunc *text. Vers. medio autem. & d. l. si alienum. §. 1. Vers. eod.* Denique certum est, non tantum mortuo hærede instituto, sed etiam eo deportato aut servo facto ante aditam hæreditatem, statim locum fieri substitutis aut hæredibus ab intestato, *l. Gallus 29. §. & quid 5. de lib. & posth. l. 3. §. 1. de his qua pro non script.* Sed nec in conditionali institutione recte dicitur, circa capacitatem hæredis inspicere tempus aditionis: sed præter duo priora inspicitur etiam tempus existentis conditionis, ita ut tria quidem hic sint extrema, sed præter tempus testamenti & mortis, tum inspicitur existentia conditionis, non etiam tempus adeundæ hæreditatis: alioqui enim dicendum foret, quod inauditum est, in conditionali institutione quatuor tempora distincte considerata esse, testamenti, mortis, conditionis existentis, & quo aditur hæreditas: siquidem conditio existens hæredem scriptum jure hæredem non facit; sed tantum institutionem purificat, ut ad acquirendam extraneo hæreditatem nihilominus adhuc opus sit aditione. Quid quod nec Imperator ipse aut JCtus *diff. loc.* plura tempora in conditionali institutione agnoscunt, quam tria ista, quæ diximus? ajunt enim, medio tempore inter factum testamentum & mortem testatoris, vel conditionem institutionis existentem, mutationem juris non nocere hæredi. Quod si tempus adeundæ hæreditatis quoque eodem modo spectaretur, addere debebant, æque medio tempore inter conditionem existentem, & aditionem hæreditatis, mutationem juris hæredi non obesse. Effectum igitur est tempus aditionis hæreditatis neque in pura institutione constituere terminum tertium, neque in conditionali quartum: ac proinde parum considerate tempus illud hoc loco confertur cum prioribus. Et omnino existimo, eo, quod hic traditur de inspicenda capacitate hæredis etiam quo tempore de adeundæ hæreditate agitur, nihil aliud significari, quam eum, qui isto tempore capax non est, licet cæteris temporibus capax fuerit, hæreditatem adeundo acquirere non posse: & quamvis hæc monitio pene inepta videatur, cum contradictionis sint, incapacem esse, & posse acquirere hæreditatem, tamen non alium illorum verborum sensum esse pater ex eo, quod cum de extremis agitur & intermediis, quæ non nocent, temporibus, tempus adeundæ hæreditatis inter ea extrema non agnoscitur, utpote quo capacem esse hæredi nihil prodest, si aliquando aut post mortem testatoris aut post conditionis existentiam incapax fuerit.

Medio tempore inter factum testamentum & mortem testatoris, vel conditionem] Hic expressa habemus tempora omnia, & quæ considerantur ut extrema, & quæ insuper habentur ut intermedia. In pura institutione extrema duo sunt, testamenti & mortis testatoris; medium unum, quod inter duo ista interjectum est. In institutione conditionali extrema tria; nam tertium in ea facit existentia conditionis: media, quæ non nocent, duo. Quippe secundum medium in ea est, quod intercedit inter mortem testatoris & conditionem institutionis existentem. Præter hæc neque aliud extremum, neque intermedium numeratur. Unde apparet, verba, quæ sequuntur, *quia, ut diximus, tria tempora inspicere debent*, eadem, quæ supra, inconsiderantia prolata esse, & vel non attento tempore conditionis existentis, vel duobus temporibus, mortis & existentis conditionis, pro uno computatis; forte quod posterius retrahitur & conjungitur cum priore. Illud nullam rationem habet, quod Jo. Faber contendit, in conditionali institutione non esse necesse, ut hæres capax sit tempore mortis testatoris. Nam si tempore testamenti facti id exigitur, fortiore ratione idem exigetur tempore mortis, quod, quoniam morte testamentum confirmatur, magis principale habendum est: & jam dictum est, tempus conditionis existentis retrahi ad tempus mortis & cum eo conjungi, uti & tempus aditæ hæreditatis: atqui hoc fieri non potest, si tempore mortis cum hærede non fuerit testamenti factio. Itaque nullius momenti est argumentum Fabri, quod tantum facit in conditionali institutione tempus existentis conditionis, quantum in pura tempus mortis. Nam etsi ex conditionali institutione non defertur hæreditas tempore mortis, sed demum existente conditione; quam ob causam etiam in capacitate hæredis inspicienda illius temporis ratio habetur: nihilominus tamen & tempus mortis in eodem negotio spectandum est: quia existente conditione ad id tempus statim recurritur, & perinde habetur, ac si pure institutio facta esset: nec vero ob aliam causam institutio conditionalis sustinetur, quam quod conditione quandoque existente eventus ejus ad tempus mortis retrahitur, & pro eo res habetur, ac si pure hæreditas relicta sit. De quo ex professio *sup. §. hæres 9. de bar. inst.* Sed & aperte satis hoc ipsum significat Justinianus, cum ait, tria tempora inspicere debere: hoc enim tam de conditionali, quam pura institutione dici palam est. At ex tribus istis temporibus unum est tempus mortis: refert enim se ad tria illa, quæ antea enumeraverat: ut vero extrema habilia sint necesse est. Hæc plerisque aut ignora, aut intacta, ut *Viglio, Mysf. Horum. VV. femb. &c.*

Ex alieno testamento capere] Testamenti factio duplex jus continetur, faciendi testamentum, &

ex testamento capiendi. Hinc vulgo DD. testamenti factionem dividunt in activam & passivam. Quamvis enim proprie is solus testamenti factionem habere dicatur, cui testamenti faciendi jus est: videmus tamen, nostros aliquando pinguius ita loqui, ut eos quoque dicant testamenti factionem habere, qui tantum capere ex testamento possunt, *l. filiusf. 16. qui test. fac. l. ult. pro hered.* cum quibus esse testamenti factio rectius dicitur & usitatus, ut alibi ostendimus.

Furiosus] Marcellus *d. l. filiusfam. 16. §. 1. qui test. fac.* scribit, furiosum ideo testamenti factionem habere, quia potest sibi acquirere legatum vel fideicommissum. Non addit, hæreditatem: quoniam eam hæres scriptus, donec resipiscat, nec sibi nec alii acquirere potest, extra quam si patri necessitarius hæres existat, *l. furiosus 63. de acq. har.* Plane curator furiosi bonorum possessionem ejus nomine agnoscere potest, *l. ult. §. si autem 3. C. de cur. fur. l. 1. de bon. poss. fur. infant. &c.*

TEXTUS.

De jure deliberandi, & de beneficio inventarii.

§. Extraneis autem heredibus deliberandi potestas est de adeunda hereditate, vel non adeunda. Sed si ve is, cui abstinerendi potestas est, immiscuerit se bonis hereditatis; si ve extraneus, cui de adeunda hereditate deliberare licet, adierit, postea relinquenda hereditatis facultatem non habet, nisi minor sit xxv. annis. Nam hujusmodi etatis hominibus, sicut in cæteris omnibus causis, deceptis, ita & si temere damnosam hereditatem susceperint, praetor succurrit. Sciendum est tamen, divum Hadrianum etiam majori xxv. annis veniam dedisse, cum post aditam hereditatem grande as alienum, quod adita hereditatis tempore latebat, emerisset. Sed hoc quidem divus Hadrianus cuidam, speciali beneficio præstitit. Divus autem Gordianus postea militibus tantummodo hoc concessit. Sed nostra benevolentia com-

nunc omnibus subjectis imperio nostro hoc beneficium prestatit: & constitutionem tam aequissimam, quam nobilissimam scripsit, cujus tenorem si observaverint homines, licet eis adire hereditatem, & in tantum teneri, quantum valere bona hereditatis contingit: ut ex hac causa neque deliberationis auxilium sit eis necessarium, nisi omissa observatione nostra constitutionis & deliberandum existimaverint, & sese veteri gravamini additionis supponere maluerint.

NOTÆ.

§. EXTRANEIS HAEREDIBUS] Ex Florent. l. 49. §. 1. de her. inst. Ait extraneis, quia deliberatio extraneorum hæredum propria est. Caterum postquam suis hæredibus à prætore concessa facultas abstinendi, etiam deliberandi eis data, l. 8. & seq. de jur. del. l. 19. C. cod.

DELIBERANDI POTESTAS] Si creditores, legatarii, &c. non urgeant, potest hæres, vel intra 30. annos adire: si instent, aut statim adire debet, aut tempus ad deliberandum petere, l. 9. C. cod. ut interim instrumenta hæreditaria & rationes defuncti inspiciat, l. 5. D. cod. l. 28. de acq. har. à Principe annus conceditur, à iudicibus novem menses, l. ult. §. 13. C. de s. olim id fuit arbitrarium, l. 1. §. 2. D. cod.

IMMISCUERIT SE] Sui non dicuntur adire prove hærede gerere, aut repudiare, quæ iis solis conveniunt, quibus hereditas tantum oblata est; sed immiscere, aut abstinere, quæ proprie dicuntur de rebus partis & jam nostris, l. 14. §. 1. de relig. l. 11. l. 57. l. 71. §. 1. l. 87. de acq. har. quanquam interdum hæc accuratio negligitur, l. 7. §. 10. de minor. l. 6. C. de leg. har.

NISI MINOR 25. ANNIS] l. 7. §. 5. de minor. ex generali nimirum illo edicto, propter inconsultam huius ætatis facilitatem.

DAMNOSAM HAEREDITATEM] Et ex contrario, si lucrosam temere repudiaverint, l. 2. C. si ut om. har.

COMMENTARIUS.

1. Hæredem tam in onera, quam in commoda hæreditaria succedere.

2. Jus deliberandi quorum causa & cuius rei gratia comparatum; quis ejus effectus, & quid hic de suo consulerit Justinianum.

3. Etiam suis heredibus jure prætorio deliberandi facultatem esse.

4. Post additionem aut immixtionem hereditatem derelinqui non posse, nisi à minore 25. annis per restitutionem in integrum.

5. Majoribus ex clausula generali Cix esse ut hic succuratur.

6. Beneficium inventarii.

7. Quam neglectibus beneficii pena.

8. Fuit hodiernum circa adendum sub beneficio inventarii hereditatem.

Hæres suscepta hereditate in jus & locum defuncti succedit, eumque in omnibus, quæ personæ non cohererent, repræsentat, l. hæres 37. de acq. har. l. nihil 24. de verb. sign. l. hereditas 62. de reg. jur. junct. l. 8. §. 3. de lib. leg. Hoc autem cum dicimus, intelligimus, hæredem succedere non tantum in jus, quod defunctus habuit adversus alios: verum etiam in id jus, quo defunctus aliis tenebatur: in summa, hæredem tam onerum & incommodorum successorum esse, quam commodorum hereditariorum: ac proinde obligari eum etiam æri alieno defuncti, eoque nomine à creditoribus hereditariis conveniri posse, conventum iis respondere, eorumque actiones, quæ ex contractibus defuncti descendunt, suscipere cogi, etiam si hereditas solvendo non sit, l. 8. de acq. har. l. 2. C. de her. vel act. vend. l. ult. Cod. de her. act. §. 1. inf. de corp. & temp. act. Quæ cum ita sint, periculofum sane atque anceps est, hereditatem aut adire statim, aut statim repudiare; illud, ob periculum æris alieni, quod initio latere potest; hoc, ne temere repudiando lucrosam hereditatem amittamus. Caterum adversus hujusmodi periculum duo remedia hæredibus cunctantibus comparata sunt, si ve ex testamento si ve ab intestato ad hereditatem vocatis; ac proposita non extraneis tantum de adendo aut repudiando, sed etiam suis hæredibus de immiscendo aut abstinendo cogitantibus. Unum vetus est, jus deliberandi, de quo in pr. hujus §. alterum novum, à Justiniano primum introductum, beneficium scilicet inventarii, quod indicatur vers. Sed nostra. Quod attinet ad jus deliberandi, sciendum est, id non tantum hæredis gratia comparatum esse, sed eorum quoque, quorum interest, hereditatem statim aut adiri aut repudiari, puta creditorum, substitutorum, eorumve, qui ab intestato venire possunt. Quin etiam hoc remedio, si nemo istorum sit, qui urgeat, non admodum hæredi opus est: quippe cui liberum, tam diu hereditatem amplecti, quamdiu eam non recusaverit, l. 9. Cod. de jur. del. neque enim tempus ullum adendum hæreditati legibus præstitutum est; & si aliquo tempore, solum longissimo, id est, præscriptione 30. annorum, jus hæredis excluditur. DD. comm. per l. Cod.

l. Cod. de praeſcr. 30. ann. Jafon. in l. 8. Cod. de jur. del. Coraſ. 6. miſc. 21. Cæterum ſi ſint, qui urgeant, hic prædictum remedium hæredi neceſſarium eſt, niſi paratus ſit ſtatim aut hæreditatem ſuſcipere, aut poſſeſſionem bonorum pati, aut aliorum ſucceſſionem, *l. ſi quis 23. §. 2. de har. inſt. l. quamdiu 69. de acq. har.* Hæc enim tunc ei optio datur, ut aut ſtatim reſpondeat, hæres, necne, eſſe velit, aut tempus ad deliberandum petat, *l. 9. C. de juſt. del.* Tempus hoc olim poſitum erat in poteſtate juſ dicentis, qui pro arbitrio ſuo deliberationem petenti diem præſtituebat, *l. 1. in fin. d. tit.* non utique ut ex libidine ſua id faceret, ſed ut pro prudentia ſua ſtatueret tempus moderatum, *d. l. 9. Cod. eod.* quantum ſcilicet ſufficere videretur ad cognoscendas facultates deſuncti; nec pauciores daret, quam centum dies, *l. 2. Cod. tit.* Juſtinianus ſummum tempus, ſi à Principe deliberatio petatur, annum eſſe voluit; ſi à judici- bus, novem meſes, *l. ultim. §. & ſiquidem 13. C. eodem.* Impetrato tempore ad deliberandum, licet hæredi interea explorare vires patrimoni deſuncti, petere, ut rationum deſuncti & inſtrumentorum hæreditariorum inſpiciendorum ſibi copia fiat; ut inſtruere ſe poſſit, atque apud ſe conſtituere, expediat, nec ne, agnoſcere hæreditatem, *l. 5. Cod. l. Arifto. 28. de acquir. hered.* Quod ſi intra diem præſtitutum hæreditatem non agnoverit, reſpectu ſubſtituti aut hæredis legitimi, hæreditas pro repudiata habetur, *l. quamdiu 69. de acq. har.* Creditoribus autem obligatur perinde ac ſi adieſſet, *d. l. ult. §. pen. C. de jur. del.* nimirum prout utile ei eſt, ad cujus inſtantiam tempus eſt præſixum, ita ſilentium deliberantis pro additione aut repudiatione haberi debuit. A Juſtiniano hoc etiam hæredibus tributum, ut intra annum, ex quo hæreditatem ſibi delatam eſſe cognoverint, decedentes, cum ipſi eam nec adieſſent nec repudiaſſent, juſ deliberandi atque adeundi intra tempus, quod ex eo anno reliquum eſt, in quosvis hæredes transmittant, *l. cum in antiquioribus 19. C. d. tit.* eoque jure etiam nunc utimur. *Grot. lib. 2. manuduct. c. 22.*

Extraneis heredibus] Juſ deliberandi de ad- cun- da vel repudianda hæreditate, extraneorum & vo- luntariorum hæredum proprium eſt. Nam in ſuis hæredibus, ſi juſ civile ſpectamus, quo etiam ſunt neceſſarii, locus eſſe deliberationi non poteſt: quippe cum ſine ullo ſuo facto, ipſo jure ſtatim hæredes exi- ſtant, nec poteſtatem habeant hæreditatem ita quæ- ſitam derelinquendi. Cæterum poſtquam prætor ſuos ad inſtar voluntariorum redegit, dato beneficio abſtinendi, conſequens fuit, ut etiam juſ deliberandi eis daret exemplo extraneorum hæredum volunta- riorum; ut quemadmodum extraneis juſ eſt delibe- randi, utrum adeant, an repudient, ita ſuis delibe-

randi juſ ſit, utrum immiſcere ſe paternæ hære- ditati, an ea abſtinere, conſulius putent, *l. 8. & l. ſeq. de jur. delib. l. cum in antiquioribus 19. C. eod.*

Poſtea relinquenda hæreditatis facultatem non habet, niſi minor ſit] Tempus deliberandi ab hærede prius petendum eſt, quam hæreditatem ad- eat, aut ſe immiſceat. Regula enim juſis eſt, Nemi- nem poſſe hæreditatem ſemel ſibi quaſitam, ſive per additionem ſive per immixtionem, relinquere aut re- pudiare, *l. 4. C. de repud. har. l. 10. C. de jur. de- lib.* Neque prætor cuiquam poſt additionem aut immixtionem ſubvenit per in integrum reſtitutio- nem, niſi minor ſit 25. annis, qui temere & inconſul- ta facilitate lapſus damnoſam hæreditatem adieſſe aut appetiſſe proponatur: quippe tujuſ ætatis ho- minibus prætor ex generali dicto, quod eſt de mi- noribus, ſuccurrit, ut etiam poſt agnitam hæredita- tem ſe poſſint abſtinere, *l. 7. §. ſed & ſi 5. de mi- norib. l. neceſſarius 17. §. 1. de acq. har.* quemad- modum ex contrario quoque ſi quis juvenili levi- tate ductus omiſerit aut repudiaverit hæreditatem aut bonorum poſſeſſionem, aliquando à prætore re- ſtituitur, ut eandem agnoſcere liceat, videlicet ſi omnia ſint in integro, *l. quod ſi minor 24. §. 2. de minorib. l. 1. & 2. C. ſi ut omiſſ. har.* Liberis im- puberibus hoc amplius conceſſum, ut omnimodo ſe abſtinere poſſint, id eſt, nec adito prætore, ſive ſe immiſcuerint ſive non immiſcuerint, *l. 11. d. l. neceſſa- rius, de acq. har.*

Veniam dediffe] Quod juſ cum ſingulare fuerit, ſi uni ex ſingulari gratia à Principe conceſſum, ut mox ſequitur, ad conſequentias produci non debuit. Et ideo exiſtimo, contra quam Weſemb. & Bachov. nec prætorem in propoſito majoribus 25. annis ſub- venire ſolitus ex clauſula generali ediſſi, *Item ſi qua alia mihi juſta cauſa eſſe videbitur.* Merito namque his objicietur, quod cum poſſent, ſpatium ad deliberandum non petierint. Aut enim contem- perunt beneficium juſis, & indigni ſunt auxilio; aut ſtulte omiſerunt, id eſt, in juſe errantes, quibus ſuccurri non ſolere conſtat, *l. pen. in pr. & §. ult. de jur. & fact. ign.* Plane ſi niſil ſit, quod hæredi imputari queat, non negaverim, cauſa cognita au- diendum; veluti ſi emerſerit poſtea res alienum, quod toto tempore deliberationis latuerat, nec ſciri ab hæ- rede, quamvis omnia diligenter explorante, potuit, *per d. l. 8. de jur. del.* Neque enim ſimplex facti ignorantia cuiquam nocere debet.

Gordianus poſtea militibus] De juſe, quod Gor- dianus militibus conceſſiſſe dicitur, ſic ſcribit Ju- ſtinianus *l. ult. C. de jur. delib. Sed & ceterem con- ſtitutionem non ignoramus, quam D. Gordianus ad Platonem ſcripſit, de militibus, qui per ignorantiam hæredi-*

hereditatem adierunt, quatenus pro his tantummodo rebus consentiantur, quas in hereditate defuncti inheruerint: ipsorum autem bona à creditoribus hereditariis non inquietentur. Et hoc jus constitutionemque Gordiani postea §. ult. ejusd. l. confirmat, hoc addito, propterea à se introductum, ut etsi milites inventarium non fecerint, non amplius tamen summa teneantur, quam in hereditate inheruerint.

Sed nostra benevolentia commune omnibus hoc beneficium, &c.] Poterat tam paucis verbis, quam quibus benevolentiam suam commendat, ipsum beneficium explicare. Est autem illud, quod vulgo appellatur beneficium inventarii; propterea quod confecto solenni rerum hereditarium inventario hæres hoc beneficium consequitur. Summa fere constitutionis Justiniani, quæ extat in l. ult. C. de jur. del. hæc est, ut hæres intra 90. dies, ex quo sibi delatam esse hereditatem scit, si res propinque sint; intra annum, si longius absint, inventarium rerum omnium hereditarium, præsentibus tabulariis, ac testibus non minus tribus, cæterisque, qui ad hujusmodi confectioem necessarij sunt, puta creditoribus, legatariis, eorumve procuratoribus, No. 1. cap. 2. conficiat, ipse sua manu id subscribat, aut à tabulario testibus præsentibus subscribendum curet. Quo ita legitime confecto consequitur beneficio Justiniani, ut ne ultra vires hereditarias teneatur, neve actiones, quas ipse contra defunctum habuit, additione confundantur; sed ut possit non minus quod sibi debebatur, retinere, quam creditores extranei suum exigere: quorum neutrum hæredi tribuebatur jure veteri, l. 8. de acq. her. l. sicut 75. de solut. l. 7. Cod. de pact. Confectum ab hærede fiduciario inventarium recte hæredi fideicommissario cedi, cessumque ei prodesse; aut si hæres non fecerit, ipsum sibi fideicommissarium recte facere, post Bart. in l. qua ratione 11. §. quod vulgo, num. 9. & 10. ad leg. Falc. tradit Jas. in add. ad Porc. §. sed quia 7. inf. de fideic. her.

Nisi omnia observatione nostra const. deliberandum existimaverint] Etsi Justiniano visum est, post introductum à se beneficium inventarii antiquum jus deliberandi penitus esse supervacuum; tamen ut ipse testatur, motus plerorumque supplicationibus, veteri remedio adhuc uti cupientium, jus illud liberum reliquit, d. l. ult. §. hac quidem 13. C. de jur. del. Et vero cur relinqueret, magna causa fuit. Habet enim confectio inventarii hoc incommodum, quod necesse est detegi defuncti facultates; quod plerique omnes, si liceat, minime volunt. Deliberationem autem ita admisit, ut eam petentibus, & intra præfinitum tempus hereditatem aduentibus, hæc duo onera imposuerit, tanquam poenam contempti beneficii sui: primum ut creditoribus in

solidum tenerentur, quamvis inventarium cum omni subtilitate, ut ipse loquitur, fecerint: alterum, ut si non fecerint inventarium, etiam beneficio Falcidiæ privarentur, d. l. ult. §. pen. Novissime, hoc insuper cavit, ut hæres inventarium non conficiens solida legata præstet, etsi vires patrimonii excedant. No. 1. cap. 2. Plura ad inventarium pertinentia qui nosse desiderat, adeat DD. in d. l. ult. Clar. §. testamentum, quæst. 46. Grass. lib. 2. art. Inventarium, per tot. Apud Burgundiones, & in universa Gallia, item in hisce regionibus, invaluit, ut jus pro hærede gerendi cum beneficio inventarii pro speciali gratia habeatur, ac propterea id à Principe impetrandum sit, aut à Curia ultimæ jurisdictionis, quemadmodum apud nos, art. instr. cur. sup. 23. Impetrato autem beneficio, tenetur hæres per apparitorem aliosve ad hoc publice constitutos, præsentibus duobus testibus, intra dies 40. inventarium omnium bonorum hereditarium conficere; dein curare, ut res mobiles assumentur: ac tum demum, præstita cautione reddendarum rationum, possessio administratioque bonorum ei permittitur, uti cautum uberius constitutione Caroli Quinti, edita anno 1544. Sunde lib. 4. tit. 12. defin. 1. Sed & ita demum hoc beneficium conceditur, si non alius de cognatione defuncti pure & simpliciter omissoque beneficio hereditatem adire paratus sit: quod & diplomati sive mandato inferi solet. Hoc autem procul dubio institutum est, partim propter utilitatem creditorum, ut ab eo, qui simpliciter adit, solidum consequantur; partim ut honori defuncti consulatur; qui si nemo sine cautione inventarii bona ejus suscipere velit, vulgo creditur solvendo non fuisse. Qua de re adeundi Chass. ad consuet. Burg. tit. 7. §. 13. Baro ad hunc §. Peck. lib. 1. de test. conjug. cap. 35. Gudelin. de jur. no. lib. 2. cap. 18. Gros. 2. manud. cap. 21. Christin. vol. 4. decis. 22. Plane extranei idem offerentes non audiuntur, ac ne maritus quidem aut uxor, decis. supremi apud nos Senatus 7. Peck. d. cap. 35. Zypasnot. jur. Belg. Cod. de jur. delib.

TEXTUS.

De acquirenda vel omittenda hereditate.

6. Item extraneus heres testamento institutus, aut ab intestato ad legitimam hereditatem vocatus, potest aut pro hærede gerendo, aut etiam nuda voluntate suscipienda hereditatis, heres fieri. Pro hærede autem gerere quis videtur, si rebus

hereditariis tanquam hæres utatur, vel venditores hereditarias, vel prædia colendo, locandove: & quoquo modo voluntatem suam declaret, vel re, vel verbo, de adeunda hereditate: dummodo sciat, eum, in cuius bonis pro hærede gerit, testatum intestatumve obiisse, & se ei hæredem esse. Pro hærede enim gerere est pro domino gerere. Veteres enim, hæredes pro dominis appellabant. Sicut autem nuda voluntate extraneus hæres fit: ita contraria destinatione statim ab hereditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acquirere sibi hereditatem: si tamen intelligit, quod agit.

NOTE.

6. TANQUAM HAERES UTATUR] Potest enim quis attingere res hereditarias, ut tamen id non facit quasi hæres; puta si quid pietatis aut custodiæ causa fecerit, aut si suum putavit, l. 20. pr. & §. 1. de acq. har.

VENDENDO RES HAEREDITARIAS, &c.] Nisi contra doceat, se nihil horum quasi hæredem fecisse, d. l. 20 §. 1. l. 1. C. de rep. har. l. 1. C. de jur. d. l. Quædam etiam sunt, quæ citra nomen & jus hæredis nemo facere potest. Exempl. in d. l. 20. §. 4. l. 42. §. 2. eod.

DUMMODO SCIAT] Vid. l. 19. l. 22. l. 32. §. ult. eod.

IN CUIUS BONIS PRO HAEREDE GERIT] Hic verbum *pro hærede gerere* latius videtur accipi, quam in pr. §. Nam horum verborum *pro hærede gerere*, & *adire* etiam generalis significatio est, alterumque pro altero & unum pro utroque interdum usurpatur, l. 12. de interr. in jur. l. 88. de acquir. har.

CONTRARIA DESTINATIONE] Sic tamen, ut declaret se hæredem esse nolle vel verbis, vel scripto nutu, l. 25. eod. aut re aliqua & facto, unde ea voluntas colligatur. Exempl. in l. 17. §. 1. l. 77. eod. l. 23. §. 1. de inoff. test.

COMMENTARIUS.

- 1 Doctrinam hujus §. proprie pertinere ad hæredes extraneos.
- 2 Dua duntaxat esse, distincta tamen inter se genera acquirendæ hereditatis, aditionem, & pro hærede geritionem.
- 3 Qui plura genera statuunt, eos egregie imponere studiosis disciplina juris.
- 4 Cretionem nihil aliud fuisse, quam solennem quandam aditionem, contra quam Joseph. Scaliger. & cur nulla hic cretione mentio.
- 5 Quibus ex rebus in eos, quod geritur, animus pro hærede gerendi deprehendatur.
- 6 Porcii, Angeli, & Buchovii opinio de nuda animi destinatione notata.
- 7 Ut quis adeundo aut pro hærede gerendo hæres fiat, quarum rerum enim gnarum esse oporteat.
- 8 Varia circa etymologiam hæredis opiniones.
- 9 In repudiante hereditatem eadem ex contrario, qua in admittente requiri.
10. Etiam surdos & mutos pro hærede gerere posse.
- 11 Quid si hæredis delata sit furioso, impuberi, infanti.

Hic §. ad suos hæredes non pertinet, sed ad extraneos duntaxat. Explicantur enim hic rationes proximæ, seu modi, quibus hereditas acquiritur, aut ejus acquirendæ jus amittitur: quorum neutrum in suis hæredibus locum habet: quippe cum in hoc dominium rerum paternarum, quod jam ante habebant, morte patris continuetur, dici non possunt aut requirere hereditatem, aut jure acquirendi excidere. Sanè postquam prætor his abstinendi facultatem dedit, desierunt quidem jure honorario esse necessarij; sui tamen hæredes patris esse non desierunt, & ipso momento mortis paternæ hæredes apparere, ut superius demonstravimus, & arguunt nomina, quibus in proposito prætor & prudentes utuntur. Sui enim non dicuntur adire, cernere hereditatem, aut pro hærede gerere, hereditatemve repudiare; quæ iis solis conveniunt, quibus res sive hereditas tantum oblata est: sed hereditatem retinere, immiscere se aut abstinere derelinquere: quæ non dicuntur nisi de rebus partis & jam nostris, l. 14. §. plerique 8. de relig. l. 7. de jur. del. l. 12. §. ult. de bon. libert. l. 11. l. necessarij 57. l. si sercum 71. §. si quis l. cum bonis 87. de acq. har. & passim eod. tit. Nam cum hæc, quod raro fit, nostri confundunt, ut in l. ult. de success. edict. l. 4. §. 1. de fideic. lib. l. 21. §. ult. de jur. patron. in fin. l. 1. §. 10. ad Tertull. l. 6. C. de legit. har. minus accuratè loquuntur. Non plures autem modi, quibus extraneis acquiritur hereditas, hic opponuntur, quam duo, aditio & pro hærede gestio si-

ve ge-

ve geritio; sic enim appellatur à Jurisconsulto in *d. l. 14. §. plerique 8. de relig.* Utrum autem hi modi, ut mominiibus, ita & re ipsa inter se distincti sint, necne: item an non plures sint, quam hi duo, videbimus in exegeſi textus.

Aut pro hærede gerendo, aut etiam nuda voluntate] Omnis hæreditas sive testamento delata, sive ab intestato, hæredi extraneo acquiritur sola voluntate & animo, uti quisque hanc voluntatem de suscipienda hæreditate declaraverit. Declaratur autem hæc voluntas vel verbis, vel re aliqua & facto; quorum prius qui facit, adire, qui posterius, pro hærede gerere in usu juris dicitur. Unde duo genera acquirendæ hæreditatis, aditio & pro hærede gestio, *l. si quis mihi 25. §. sed quid 7. l. quamdiu 69. de acq. har. d. l. 14. §. 8. de relig. l. 19. C. de jur. del.* quibus in locis observare licet, genera hæc sic appellationibus distingui, ut neque qui adit dicatur pro hærede gerere; neque qui pro hærede gerit, dicatur adire: quemadmodum etiam hoc loco ut diversa apertè distinguuntur, pro hærede gerere, & nuda voluntate hæreditatem suscipere: ut proinde minimè assentiendum sit Wesembecio, assentiendi nihil inter hæc duo interesset. Equidem fateor nihil obſtare verborum significationem, quominus qui pro hærede gerit, dicatur adire; & qui adit, pro hærede se gerere; ut hæc etiam postea confundere videtur Justinianus, & Jurisconsultus in *l. 12. de interr. in jur.* Sed distinctionis causa usus veterum hæc ita trivit, ut in diverso genere ponerentur, & adire diceretur, qui nuda testatione hæredem se profiteretur; pro hærede gerere, qui facto aliquo eandem voluntatem declararet. Neque hoc negat Ulp. *l. pro hærede 20. de acq. har.* cum ait, pro hærede gerere non tam facti esse, quam animi. Hoc enim solum significat, ut quis pro hærede gestisse videatur, in eo non tam quid factum sit, quam quo animo factum sit, spectandum esse, ut locus ipse ostendit. Magis Paulus id negare videri potest *l. geris 88. de acq. har.* ubi definit, eum pro hærede gerere, qui animo agnoscit successionem, licet nihil attingat hæreditarium. Sed apparet Jurisconsultum verbum attingendi strictius eo loco usurpare, negareque eum attingere, qui retinet domum pignori obligatam, ut hæreditariam: quem tamen revera attingere constat; eoque tanquam facto aliquo, non nudis verbis, voluntatem declarari. Hoc ita constituto, videamus an non plura sint genera acquirendæ hæreditatis, quam duo illa, de quibus diximus, & quæ sola hic ab Imperatore proponuntur. Et plura non esse, omnino statuendum est, cavendumque ab iis, qui scribunt hæreditatem acquiri quinque modis, cretione, aditione, pro hærede geritione, immixtione, & agnitione, egregiè studiosis hujus disciplinæ imponentes. Nam primum immi-

xtio tota hinc aliena est: quoniam sui hæredes, quorum propria est, hoc facto nihil novi acquirunt, quod antea non habuerint, sed quæsitum jam ab initio attingentes, id se retinere velle declarant, ut supra abunde probatum est. Agnitionem vero statuere modum acquirendæ hæreditatis diversum ab aditione, magnæ incertitiæ est. Quid enim est aliud agnoscere hæreditatem, quam declarare se velle hæredem esse? & hoc quid aliud, quam adire? Quod si tot species acquirendæ hæreditatis facere liceat, quot diversis verbis in hac re veteres utuntur, jam non modo quinque, sed vel octo aut plures etiam erunt. Non enim tantum agnoscere hæreditatem à veteribus dici legimus, sed etiam hæreditatem amplecti, suscipere, admittere, *l. 6. §. 2. l. quasitum 40. in fin. l. cum bonis 87. de acq. hered.* Sed plura scilicet hæc verba sunt, res ubique una & eadem. Cretio quoque olim nihil aliud fuit, quam solemnns quædam aditio; idque ostendit formula cretionis relata apud Ulpian. *tit. 22. §. cretio 23.* his verbis: *Cum me Lucius Titius hæredem institueris, eam hæreditatem adeo cernoque.* Et Festus, *Creto*, inquit, modo significat hæreditatem adii, in quem locum quod Josephus Scaliger notat, *cre* si non propriè significare hæreditatem adii, errorem esse convincit prædicta formula, & quod Festus dicit, *cre* si, hæreditatem adii, id Ulpianus *d. tit. §. 21. & §. 26.* sic exprimit, *cernendo fit hæres.* Varro *lib. 5. de ling. Lat.* *Cernito in testamento, id est, facito* Videant te esse hæredem. *Sid. Pet. Fabr. 2. semestr. 22.* Hic autem consulto mentio cretionis omiſſa, quia sublata solemnitate, quam olim desiderabat. *l. cretionum 17. C. de jur. del.* hæreditas etiam cum cretione delata acquiri posse coepit, aut aditione simplici, id est, quavis aperta testatione voluntatis de suscipienda hæreditate, aut etiam pro hærede geritione: quod olim secus erat, Ulp. *d. loc.* Atque hoc illud est, quod paulo post Justinianus ait, *Et quoquo modo voluntatem suam declares, vel re, vel verbo.* Sed quid laboramus? non tantum loci omnes in quibus ex professo de modis acquirendæ hæreditatis agitur, uti in *l. quamdiu 69. de acq. har. l. 14. §. plerique 8. de relig. l. cum in antiquioribus 19. C. de jur. del.* ostendunt, pluribus, quam duobus distinctis modis, hæreditatem non acquiri: sed etiam res ipsa evincit, non posse pluribus modis acquiri. Illud enim palam est, voluntatem suscipiendæ hæreditatis hic totum facere; tantum relinquere, ut illa declaretur. Atqui pluribus modis declarari non potest, quam his duobus, aperta testatione, aut aliquo facto: illud autem veteres aditionem, hoc pro hærede gestionem sive geritionem appellant. De cretionibus antiquitatis amantes plura invenient apud *Briffon. lib. 7. de formul. Røgard.*

de aut. prud. c. 8. Gregor. Tholof. 46. synagm. 2.
n. 6.

Si rebus hereditariis tanquam heres utatur] Diximus, hereditatem extraneis heredibus non acquiri, nisi voluntate & destinatione animi: eum autem animum qui aperta testatione declarat, dici adire; qui facto aliquo, dici pro herede gerere. Adire cum sit aperta testationis, nemo dubitare potest, quid hac testatione heres voluerit. At si quid heres gesserit, ambigi potest, quo gesserit animo: quoniam facta non loquuntur, & exerceri possunt alio animo, quam pro herede gerendi. Potest enim quis attingere res hereditarias, ut tamen id non faciat quasi heres, l. pro herede 20. in pr. & §. 1. de acq. her. Quibus igitur ex rebus in eo, quod ab herede geritur, animus pro herede gerendi deprehenditur? Ex multis sane. Finge, heredem quid fecisse, quod extra nomen & jus heredis facere non potuit, veluti si conditionis implendae causa quid acceperit ex iudicio testatoris, d. l. pro herede §. Papinianus, aut gessisse aliquid, quod non nisi heres utiliter & cum effectu gerere potuit, puta servos hereditarios manumississe, l. Julianus 42. §. 2. eod. tit. eum qui hac facit, perspicuum est quasi heredem facere, eoque & pro herede gerere videri. Quid si rebus hereditariis usus sit, aedes inhabitaverit, agros coluerit, aut locaverit, servis cibaria praeberit, pecora, iumenta paverit, res alienum solverit, res quasdam hereditarias distraxerit? Creditur, suo potius nomine, quam alieno hac fecisse, & in his omnibus gessisse pro herede; nisi contra doceat, se nihil horum quasi heredem fecisse: sed velut custodiat, aut quia sua putavit, aut quia quid fecit, dum deliberaret, ut res salvae essent: ideoque in huiusmodi factis consultum est, initio heredem testari, se quod facturus est, non facturum ut heres esse velit, d. l. pro herede §. 1. l. 1. C. de repud. her. l. 3. C. de jur. del. Plane si defunctum funeravit, ex eo solo non videbitur pro herede gessisse: quia id officium humanitatis iure cuius praestari potest. Majoris tamen cautionis est, si hic quoque protestetur, l. 14. §. plerique de relig.

Et quoquo modo voluntatem declarat, vel re vel verbo] Aut pro oratione disjunctiva hac accipienda suat, in qua repeti intelligatur, quod prius dictum est, hereditatem acquiri vel pro herede gerendo, quod nunc dicatur voluntatem declarando; vel nuda voluntate, quod nunc dicatur verbo voluntatem declarando: aut fatendum est, quod supra dixi, Justinianum verbum pro herede gerere hic latius accipere, quam in pr. §. eoque comprehendere utrumque acquirendi modum, tam verbis, quam re. Utcumque sit, voluntas amplectendae hereditatis aut facto aliquo, aut aperte verbis declaranda est: siquidem, ut vulgo dicitur, propositum in mente re-

tentum nihil operatur. Ideoque quod Accursius in l. 2. de interr. in jur. ait, hereditatis aditionem consistere in occulta voluntate non sic accipiendum est, eum, qui nuda destinavit & apud se constituit hereditatem adire, hac destinatione hereditati obligari: sed ita, neminem obligari ut heredem, nisi qui ea mente quid gessisse aut protulisse probetur, ut heres fieret. Id autem in occulto positum esse, ac proinde probatu difficillimum. Neque vero etiam Porcio & Angelo assentio, qui existimant, nuda animi destinatione heredem aliquem fieri & obligari in foro conscientiae, quo etiam inclinare videtur D. Bachovius: nam, ut recte Bartolus in l. gerit §. 8. de acq. her. nemo velle videri debet, quod non aliquo modo declaraverit: & prudentissimus simul ac doctissimus Viglius hic, *Varia, inquit, sunt humana mentis inclinationes, ut nunc ad adeundum, nunc ad repudiandum propendeant: & tunc demum velle aliquid videtur, cum animum nostrum exteriore aliquo signo confirmavimus. Alioqui quid est humanis cogitationibus vel inconstantibus, vel mutabilibus? Nec Deum, inquit, velle arbitror, ut huiusmodi indiscreta voluntate illaqueemur. Illud in transitu moneo, pure hereditatem adeunda esse, non sub conditione: nam si quis, verbi causa, dixerit, Si solvendo hereditas est, eam adeo, nulla aditio est, l. eum qui §. 1. §. ult. de acq. her. quo iure etiam hodie utimur.*

Dummodo sciat, testatum intestatumque obisse, & se ei heredem esse] Duo requirit Imp. ut quis adeundo, aut pro herede gerendo heres fiat: unum est, ut sciat, defunctum aut testatum aut intestatum decessisse. Et prius igitur est, ut certus sit, eum decessisse: neque enim viventis ulla est hereditas, l. qui hereditatem 19. l. neminem 27. l. heres 32. l. qui superstitis 94. de acq. her. Ponamus ergo, agnatum proximum, cum ignoraret, se heredem scriptum, hereditatem tanquam lege sibi delatam adiisse, prove domino bona administrasse, heres non erit: nam ut pro herede gerendo se quis obstringat hereditati, scire debet, quae ex causa hereditas ad eum pertineat, auctore Paulo l. si §. 22. eod. Alterum est, ut sciat, se heredem esse, id est, hereditatem aut testamento aut ab intestato sibi delatam: & proinde etiam certus esse debet de conditione testatoris, paterfam. an filiusfam. sit, & generaliter, testamenti factionem habuerit, necne, l. heres 32. §. ult. eod. Adhuc etsi sciat, se heredem institutum, sed utrum pure, an sub conditione, ignoret, non poterit adire hereditatem, d. l. heres §. 1.

Ceteros heredes pro dominis appellabant] Sic etiam Festus, Heres, inquit, apud antiquos pro domino habebatur, quod & Plauti confirmat auctori-

tas, apud quem Menæchmus peregrinus de palla sic loquitur;

Prandi, potasti, atque abstuli

Hanc, cuius hæres nunquam erit post hunc diem.

Atque hinc est, quod pro hærede gerere & pro domino gerere, hæreditas & dominium, à nostris promissæ usurpetur, l. si is 22. de acq. her. l. 2. §. ult. de bon. poss. fac. tab. Quæ res eos juvare videtur, qui hæredem à verbo heres dictum existimant; licet ratio prioris syllabæ repugnare videatur, quæ in heres corripitur, in heres producta est: quam ob causam Viglius & Hotomannus potius ab herede deduci putant, ut heres dicatur, quasi harens, eo quod proximus defuncto in bonorum dominio hæreat. Sed hic obstat, quod hæres & hæreditas sine diphthongo scribi in M. Tullii libris annotavit P. Victor, & in Pandectis Florentinis Cujacius. Atque ideo Hotomannum existimo maluisse derivare hanc vocem ab heræ, quod terram significat: unde sit heredium. Varroni, agellus, qui hæredem sequebatur. Cæterum non sunt hæc magni momenti: nec quantitas syllabæ semper in derivatis retinetur, quod vel pueri in scholis sciunt, & docet Gellius lib. 12. cap. 3. quamquam ille exemplis ad id demonstrandum parum aptis utitur.

9 *Contraria destinatione statim ab hereditate repellitur*] Eadem autem omnia in repudiante requiruntur, quæ in hæreditatem admittente; ut voluntatem declaret aut apertè verbis, puta ut dicat se hæredem esse nolle, scriptove aut nutu id testetur, l. recusari 95. de acq. her. aut re aliqua & facto, unde eam voluntas colligatur: cuiusmodi est, si hæres institutus idemque legitimus, de testamentaria hæreditate nihil apertè statuens legitimam aut adierit aut repudiaverit: creditur enim, qui hoc fecit, eodem momento testamentariam repudiavisse, l. ne is qui 17. §. 1. l. illud 77. eod. tit. item si præteritus aut exheredatus ab hærede instituto, cum sciret eum hæredem esse, emit aliquid aut prædia conduxit, vel ei solvit quod testatori debebat: His enim factis & iudicium defuncti agnoscere intelligitur, & jus suum repudiare, l. si ponas 23. §. 1. de inoff. test. Scire item debet, qui repudiat, vivat is, de cuius hæreditate agitur, necne; testatus, an intestatus decesserit; hæres, necne, eum sit; purè, an sub conditione sit hæres institutus. Postremo de sua quoque & defuncti conditione certus esse debet; alioqui uti adeundo, ita repudiando, nihil agitur, l. 13. l. hæres 32. l. qui superstitis 94. de acq. her.

10 *Qui surdus vel mutus natus vel postea factus*] Mutus, necnon surdus, etiam ita nati, pro hærede gerere & obligari hæreditati possunt, l. 5. l. pater. 29. in fin. d. tit. Diferè autem dicitur, pro hærede gerere; quia hi voluntatem verbis declarare nequeunt.

Et pertinet hoc utique etiam ad surdos, qui natura tales sunt, quos loqui non posse constat. Enimvero si quis casu aliquo surdus factus sit, quin, ut loquendo, ita & verbis voluntatem declarando, hæres fieri possit, non est ambigendum. Sed & qui mutus non natus, sed factus est, licet verbis voluntatem declarare non possit, poterit tamen vel scripto, vel alio indicio eam significare, arg. l. recusari 95. eod. Quod si hæreditas delata sit ei, cujus nulla voluntas est, qualis est furiosus, curatori tradetur hæreditas administranda ea lege, ut si furiosus postea ad se redierit, ipse de ea suscipienda aut omittenda statuat; & omnia ad eos revertetur, ad quos remoto furioso perventura fuisset, uti etiam si in furore decesserit, l. ult. §. 3. & seqq. C. de cur. fur. Quid si impubes sit, cui delata hæreditas? Quod huius iudicio deest, supplebit tutoris auctoritas, l. pupillum 49. de acq. her. l. 9. §. 3. de auct. tut. l. 5. C. de jur. del. In infante novum jus à Theodosio constitutum est, ut ipse tutor nomine infantis hæreditatem adire possit, l. si infanti 18. C. d. tit. Quod si impubes in potestate sit, hic auctore patre rectè adibit, l. 8. §. ult. de acq. her. neque obstat, quod impubes, qui in potestate parentis est, ne auctore quidem patre obligatur, §. pupillus 9. in fin. inf. de inut. stip. l. ult. §. 2. de verb. oblig. quia in proposito non obligatur ipse impubes, sed pater, cui hæreditatem acquirit. Cæterum in adventitia hæreditate dicendum est, ab illa regula recessum esse juniorum Principum constitutionibus, d. l. si infanti §. ult. C. de jur. del. l. ult. §. ubi autem 6. C. de bon. qua lib. Don. ad d. l. ult. §. 2. num. 7. de verb. oblig.

TITULUS XX.

D. lib. 30. 31. 32. Cod. lib. 6. 37.

De Legatis.

Ratio ordinis cum summa eorum, quæ hic explicantur.



COGNITA ratione deferendæ hæreditatis ex testamento, recta procedendum videbatur ad partem alteram, quæ docet, quomodo deferatur hæreditas ab intestato, ac sine flexu iter institutum continuandum, donec omnes per universitatem acquisitiones percursæ forent. Eo enim nos ipse rerum ordo & dispositio partium deinceps tractandum facta §. ultim. sup. per quas pers. cuiq. acq. quasi manu ducit, Sed Imp. hic aliquantum à cepto deflectit

propter legata & fideicommissa; nec absque ratione: nam cum legata & fideicommissa non minus testamento relinquuntur, quam hereditas, & vix ullum testamentum condatur, in quo non aliquis legato aut fideicommissio honoretur: hæc causæ communio, simul quod legata sunt partes, hoc est, accessiones & appendices testamenti, exigit, ut hoc loco maximè de his disputetur; atque ob hanc etiam causam id in hunc locum collatum est, d. §. ult. cum alioqui legata & fideicommissa sint modi, in quibus non universitas, sed res singulæ acquiruntur. Hoc titulo disputatur de legatis; atque ordine hæc docentur; quid si legatum; quæplex olim fuerit, & quæ nunc natura atque effectus omnium; quibus rebus olim legata distabant à fideicommissis, & quæ postea secuta exæquatio; quæ res dari legari possint, vel non possint, quibus rectè legetur, aut contra: postremo quædam, quæ ad veterem formam legandi pertinebant, mutantur.

TEXTUS. Continuatio.

Post hac videamus de legatis: quæ pars juris extra propositam quidem materiam videtur: nam loquimur de iis juris figuris, quibus per universitatem res nobis acquiruntur: sed cum omnino de testamento, & de heredibus, qui in testamento instituuntur, loquenti sumus, non sine causa sequenti loco potest hac juris materia tractari.

COMMENTARIUS.

DE iis figuris, quibus per universitatem] *Figuris*, id est, *causis, modis, rationibus*. Docemus quibus modis res universæ acquiruntur: legatis autem acquiruntur res singulæ; quorum idcirco tractatio hinc aliena videatur. Repetenda vero est memoria ejus, quod notavimus in expositione §. ult. *sup. per quas pers. cuiq. acq.* in hac distinctione acquisitionum non solius objecti rationem haberi, verum etiam ipsorum modorum & causarum acquirendi: legatum esse modum & titulum acquirendi singularem, hoc est, comparatum ad acquirendum res singulas, non universas; & ideo licet universitas, pars bonorum, aut hereditatis alicui legata sit, quod fieri posse constat; l. si quis 23. l. non amplius 26. §. 2. de legat. i. l. cum pater 39. de vulg. & pup. Ulp.

tit. de legat. §. sicut 23. tamen hunc legatarium non fieri juris successorem, d. l. non amplius §. 2. proinde nec ullas actiones hereditarias aut activè aut passivè in eum transire: ob quam causam olim factum, ut stipulationes partis & pro parte inter hujusmodi legatarium & heredem interponerentur, §. sed quia s. *inf. de fid. de her.* Quod autem parte hereditatis legata non deducuntur impensæ, puta pretia servorum manumissorum, aut sumptus funeris, l. §. ult. de legat. 2. hoc non tribuit legatario successionem juris; sed tantum dicitur ad differentiam ejus, quod observatur, cum pars bonorum, quæ tempore mortis fuit, legatur, quo casu impensæ deduci placeat, l. §. d. tit. Sic cum in specie l. cum filius 76. §. 1. d. tit. de legat. 2. Lucio Sempronio legata proponitur hereditas Publii Mævii, eam Sempronius non suscipit, ut hereditatem: sed ut bona, quæ à Mævio ad testatorem pervenerunt.

TEXTUS.

Definitio.

1. Legatum itaque est donatio quædam à defuncto relicta, ab heredede præstanda.

NOTÆ.

I. DONATIO QUÆDAM] *Quædam* *congrua* *genus* generi additum, quia legatum propriè donatio non est: in omni enim donatione res inter duos agitur, nec ulla est donatio sine acceptione, & *sup. de don.* Florent. *delibatio hereditatis*, l. 116. de leg. 1. *μειωσις κληρονομίας* Basil. 44. tit. l. c. 1.

A DEFUNCTO RELICTA] *Modest. l. 36. de leg. 2. testamento relicta*. Sed Tribonianus videtur verbo generaliore usus, ut serviret constitutioni Justiniani de exæquatione legatorum & fideic. l. 2. c. *comm. de legat.*

AB HAEREDDE PRÆSTANDA] Defunt hæc apud Modestin. nec Theoph. Cujac. Hot. agnoscunt, neque ad definitionem sunt necessaria. Sæpè tamen nostri definitionibus aliquid adjiciunt plenioris explicationis gratia.

COMMENTARIUS.

- 1** *Legatum unde dictum.*
- 2** *Cur particula quædam donationi in definitione adjecta.*
- 3** *Consulto pro testamento relicta, ut est in definitione Modestini, hic positum à defuncto relicta.*

4 Verba ab hærede præstanda, non videri otiosa, ut quidam censent.

Legatum, inquit Ulpianus in *fragm. hoc tit.* est, quod *legis modo*, id est, imperatiuè testamento relinquitur: quæ notatio quædam est & ratio nominis: cæterum quia hoc longiuscule petunt videtur, alii potius legare dictum putant à *legando*, quatenus hoc verbum diligere & decerpere significat: quod & Florentinus existimasse credibile est, ac proinde legatum definitivè *delibationem hereditatis*, l. *legatum 116. in pr. de leg. 1.* Nam delibare decerpere est. Cic. in *orat. pro Sext.* Omnes undique *fosclos carpere atque delibare*. Quæ autem decerpuntur, leguntur. Virg. *Eclog. 3.*

Qui legitis flores & humi nascentia fraga.

Nec dissimili admodum ratione Varro lib. 4. de *ling. Lat.* legatos à *legendo* appellatos tradit; quia scilicet publice lecti sint, ut mittantur. Cæterum etymologia Ulpiani convenientior videtur latitudini significationis verbi *legare*, in qua usurpatur in illo legis duodecim tabularum, *uti quisque legasset*, &c. ubi hoc verbo *legasset*, continentur etiam hæredum institutiones, denique quicquid verbis directis paterfam. in testamento caverit, confirmatur, l. *verbis legis 120. de verb. sign.*

2 **Donatio quadam**] Particulam quadam Modestinus in sua legati definitione non addidit, l. *legatum 36. de legat. 2.* Non est tamen omnino superflua, ut quidam putant. Quippe legatum propriè donatio non est: in omni enim donatione res inter duos agitur, nec ulla est donatio sine acceptione, me mortis quidem causa, ut supra demonstravimus sub §. 1. & 2. de *donat.* Legatum autem sola testatoris voluntate constat; atque ita tamen, ut suspendatur, & post mortem testatoris adhuc pendeat ab adiome hereditatis: quod iterum secus in donationibus etiam iis, quæ mortis causa fiunt, l. 5. §. *qui mortis 17. de his qua ut indign.* Quapropter nec inter genera donationum, ubi de his ex professo agitur, legatum numeratur. Est vero nihilominus peculiaris quædam & quasi proprii generis donatio: proficiscitur enim totum à liberalitate testatoris, estque titulus merè lucrativus: quam ob causam etiam separatur ab hereditate, quæ onera quoque continet, & interdum damnosa est, l. *si hereditatem 32. mandat. l. si hereditatis 119. de verb. sign.* Additum igitur generi est *συγκαταγεννα* quadam, ut sciamus, genus hoc non simpliciter, sed quadantenus & ratione analogica speciei definitæ convenire. Neque quicquam hætenus contra legem aut modum definiendi, *vid. Grot. de trop. defin. can. 9. except. 1.*

A defuncto relicta] Directo scilicet & proximè à defuncto, non per interpositam mediam personam;

ut excludatur fideicommissum: quod quidem etiam relinquitur à defuncto, sed *impurus*, atque ita, ut relictum prius alteri quærat, atque in huius persona consistat. Videtur autem Tribonianus pro eo, quod est in definitione Modestini, *testamento relicta*, consulto usus verbo generaliore, à *defuncta relicta*, ut serviret constitutioni Justiniani de exactione legatorum & fideicommissorum, quæ est l. 2. *C. comm. de leg. & fid.* Post hanc enim exactionem non minus legata, quam fideicommissa, non testamento tantum, sed etiam ab intestato relinqui posse ceperunt, aut codicillis testamento non confirmatis; quod secus fuit jure veteri, quo legata tantum ex testamento valebant, §. *præterea inf. de fid. har.* Id quod Modestinus indicare voluit, & Florentinus significat, cum legatum sic describit, ut sit *delibatio hereditatis*, (*μείωσις κληρονομίας*, Basil. 44. tit. 1. c. 1.) *qua testator ex eo, quod universum heredis foret, alicui quid collatum velit*, l. *legatum 116. in pr. de legat. 1.* Eadem differentia indicatur ab Ulpiano in *fragm. tit. de fideicom. §. 2. & 6.*

Ab hærede præstanda] Hæc verba non agnoscunt Theoph. Cujac. Hotoman. Wesemb. Baro à sciolo aliquo adjecta, ac proinde inducenda putat. Et fatendum sanè est, non esse hæc verba ad definitionem legati necessaria: quippe in qua quæritur, quid sit legatum; non à quo relinquatur aut præstandum sit; quod pertinet ad executionem. Cæterum causam nullam admodum video, cur cum extent in vulgari codicibus, deleri atque ex iis expungi debeant. Sæpè enim nostri latioris explicationis gratia quædam definitionibus adjiciunt, quæ ad essentiam rei definitæ non pertinent: ut videre est in definitione tutelæ, l. 1. de *tutel.* item furti, l. 1. §. 1. de *furt.* quod & hic factum videtur. Sed dixeris, velideo delenda esse, quia post exactionem legatorum & fideicommissorum non tantum ab hærede, sed etiam à legatario legari potest. Ego vero nego quod ita relictum est, propriè legatum esse, licet concedam jure legati censeri: de quo non nihil iterum infra de *fideic. har. in pr.* Illa autem levicula sunt, ob quæ nonnulli clausulam hanc inducendam putant, primum quia legatum ab ipso testatore nonnunquam præstetur, l. *Lucius 22. de legat. 2.* deinde quod quæ legantur, recta dicuntur transire ad legatarium, l. à *Titio 64. de furt.* Nam ad primum quod attinet, constat, legatum omne sic relinqui, ut præstetur post mortem testatoris, & proinde ab hærede. Quod si testator antevertat & ipse præstet, dum vivit, mutatur voluntate testatoris, quod legatum erat, in donationem inter vivos, per l. *huiusmodi 84. §. si Titio 12. de legat. 1.* Quod vero legatum recta à defuncto transire dicitur in legatarium, id tantummodo pertinet ad rei legatæ dominium: nam possessio nihilominus ab hærede

petenda & præstanda est. Neque enim potest quisquam sibi jus in rem dicere, aut legatarius privata auctoritate occupare legatum: alioqui hæredi potestas est id revocandi interdictio quod legatorum, l. 1. §. 2. quod legat. de quo Vid. Clar. §. testamentum quest. 68. Peck. i. de testam. conjug. 48. Christin. Sol. 4. dec. 36. Sed & translatio illa dominii ficta potius est, quam vera, & ideo introducta maximè, ut legatarius post diem legati cedentem decens ad hæredem legatum transmittat, l. 3. l. s. quand. dies leg. Porro notanda obiter triplex legati significatio. Nam & actum ipsum legandi denotat, ut hic & in definitionibus Modestini & Florentini; & nonnunquam titulum seu causam, ut *tir. pro legat.* Frequentissime autem designat rem ipsam legatam.

TEXTUS.

De antiquis generibus legatorum sublati.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quadam verba cuique generi legatorum adsignata erant, per quæ singula genera legatorum significabantur. Sed ex constitutionibus divorum Principum solemnitas hujusmodi verborum sublata est. Nostra autem constitutio, quam cum magna fecimus lubricatione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus una sit natura: & quibuscumque verbis aliquid relictum sit, liceat legatariis id persequi, non solum per actiones personales, sed etiam per in rem, & per hypothecariam. Cujus constitutionis perpensum modum ex ipsius tenore perfectissime accipere possibile est.

NOTA.

2. CERTA QUÆDAM VERBA] Vid. Ulp. *tir. 24.* Cajum lib. 2. *tir.* Notæ juris, D. D. E. dare damnas esto. Per præceptionem solummodo legatur uni ex hæredibus. Cajus d. lib. 6. *tir.* §. ult. Th. hic. Formula; Luc, Titius mihi ex parte hæres rem

illam præcipio. Hæc capiendi figuræ præceptio dicitur, prælegatum, & præcipuum. Græc. *ἡ ἀπὸ τοῦ δόσι*.

COMMENTARIUS.

- 1 Pro formularum diversitate olim quatuor genera legatorum fuisse, non solum nominibus distincta, sed etiam natura & jure.
- 2 Primum Justinianum effecisse, ut omnium eadem vis esset, sublata tamen manifesta voluntate defuncti.
- 3 Explicatur vetus differentia circa potestatem agendi inter legatum vindicationis & damnationis, sublata constitutione Justiniani.
- 4 Hypothecariam beneficio Justiniani accepto ferendam: quæ de re, adversus quos ea competat; aliæque nonnulla eodem pertinentia.

PER VINDICATIONEM, per damnationem, sinendi modo, per præceptionem] His nominibus si genera hæc distincta atque appellata fuerunt à verborum formulis cujusque generis propriis, aut earum una aliqua. Per vindicationem his verbis legabatur, *Do, lego, capito, sumito, tibi habeto, & vindicato.* Per damnationem ita, *Hæres meus damnas esto dare, dato, facito, hæredem meum dare jubeo.* Siendi modo sic, *Hæres meus damnas esto sinere* L. Titium sumere illam rem sibi habere. Per præceptionem uni ex hæredibus legabatur hac formula, *L. Titius mihi ex parte hæres illam rem præcipio, aut præcipuam habeto.* In formula legandi per vindicationem & præceptionem verba testatoris ad legatarium diriguntur: in legato damnationis ad hæredem; in sinendi modo formula mixta videtur. Non tantum autem hæc genera verborum formulis, sed natura quoque & jure distincta fuerunt. Per vindicationem & præceptionem legari solum poterat res testatoris propria; sinendi modo etiam hæredis; per damnationem etiam aliena. In duobus prioribus, genere legato, aut duabus rebus disjunctim, electio erat legatarii: idque puto etiam obtinuisse in relicto sinendi modo; quia in hoc quoque genere verba executiva, ut loquuntur, diriguntur ad legatarium. In damnationis autem legato hoc casu electio erat hæredis. Quod per vindicationem relictum erat, petebatur actione in rem: (quanquam eo nomine & in personam ex testamento agi poterat:) quod per damnationem, id actione in personam ex testamento persequendum erat. Nomine quoque ejus, quod sinendi modo relictum erat, non aliam actionem, quam ex testamento competiisse, post Theoph. Bachovius scribit: Cajus etiam vindicari potuisse, lib. 2. h. t. §. pen. quod ego locum habuisse puto, cum res testatoris propria hoc genere legati relicta esset. Quod per præceptionem cohæredi datum erat, eo nomine familiæ eriscundæ agebatur in cohæredes.

des. Hæc ferè, & quædam alia hujusmodi reperiuntur apud Ulp. tit. 24. *Cajum lib. 2. tit. 5. Paul. 3. sent. 6. & Theophil. hic.* Si cui vacat, etiam per me licet adeat *Ant. Fab. 6. conject. 1.* caute tamen.

Constitutionibus DD. Principum Verborum solemnitas sublata] Significatur *l. in legato 21. C. hoc tit.* quæ una quidem constitutio est, sed trium Imp. Constantini, Constantii & Constantis; quos si singulos spectes, totidem dici possunt Imperatorum constitutiones. Hi iidem Imp. etiam verborum solemnitatem & observantiam sustulerunt in institutionibus hæredum, & in amplectenda bonorum possessione, *l. quoniam is. C. de testam. l. ult. C. qui admitt. ad bon. poss.*

Nostri autem constitutio] Est *l. l. C. comm. de legat.* Sublata in legatis verborum solemnitate, etsi licebat aliis verbis, idem quod typica significantibus, unoquoque genere utri; nec Latino tantum, sed etiam Græco, aut Gallico, aut cujuscumque alterius gentis sermone legatum relinquere, quod antea non licuisse pacta formularum verba arguunt, & testatur Ulp. tit. 25. §. 7. manebat tamen adhuc verus naturæ & effectum in singulis generibus diversitas: verbi causa, nihilo magis res aliena per verba vindicationis legari poterat, quam ante; aut legatum per damnationem relictum in rem actione peti. Hanc generum differentiam primus sustulit Justinianus, omniumque legatorum unam voluit esse naturam, hoc est, unam omnium vim atque effectum, *d. l. l. C. comm. de leg.* Quod si qua adhuc veteris discriminis vestigia in libris nostris tibi occurrant, scito, Tribonianum hæc per incuriam reliquisse, qui dum responsa Jurisconsultorum ad constitutionem Justiniani accommodare studuit, verba quidem hæc, *per vindicationem, aut per damnationem*, ubique sustulit; rem autem ipsam & effectum reliquit.

Non Verbis, sed Voluntatibus] Ætymologia hujus exæquationis: quæ talis tamen est, ut quisvis facile intelligat, Imperatorem noluisse quicquam statuere, aut exæquationem istam velere contra manifestam voluntatem testatoris. Quamobrem si testator, verbi causa, generaliter quid legaverit, aut hoc vel illud disjunctim, verbis executivis ad hæredem directis, non dubitarem respondere, in hujusmodi legato electionem tribuendam esse hæredi, cum *DD. comm. & Zas. in l. legato 37. l. 22. de legat. 1.*

Non solum per actiones personales] In *d. l. l. C. comm. de legat.* Utitur numero singulari. Intelligit autem actionem, quæ veteribus dicitur actio ex testamento, *l. seruo §. ult. l. non quocunque 82. in pr. l. quasitum 91. §. ult. de legat. 1. l. qui concubinam 29. §. 3. de legat. 3. l. 6. de in lit. jur. §. si res aliena 6. inf. eod.* Hæc actio in personam est ex obligatione. Nam qui legatum datum est, is de eo præstando

obligatum habet hæredem, à quo relictum est. Obligatio, quasi ex contractu: quippe cum hæres adit aut agnoscit hæreditatem intelligitur eam agnoscere cum sua conditione, atque onere; scilicet ut præstet, quod testator injunxit: atque hoc facto quodammodo cum legatariis contrahere videtur, *§. hæres inf. de obl. qua. quasi. ex contr.* ex quo apparet, tertium possessorem hac actione conveniri non posse, hæredem posse, etsi non possideat, per *l. actionem 25. de obl. & act.*

Sed etiam per in rem] Etiam olim legati obtinendi causa actio in rem prodita legatariis fuit: sed nom de omni legato: ut ecce, de eo, quod per vindicationem legatum erat, præter actionem in personam competebat etiam in rem seu rei vindicatio: de re per formulam damnandi legata una erat actio in personam, in rem non erat; quæ juris diversitas ex alio diverso inter hæc jure nascebatur; ex eo nimirum, quod rei per vindicationem legata dominium recta à testatore in legatarium transibat, *l. legatum 80. de legat. 2. l. à Titio 64. de furi.* Quod autem per damnationem relinquebatur, ejus rei dominium transibat: ad hæredem; & in hoc tale legatum simile erat fideicommissio, quod ipsa formula evidenter ostendit, & quod etiam res aliena per hanc formulam recte legabatur. Jam vero certum est, actionem in rem omni domino competere, & soli, *l. in rem 23. in pr. de rei vind.* eique consequens, ut in qua specie ad obligationem hæredis accedit dominium legatarii, ibi legatario non tantum personalis, sed etiam in rem actio detur; ubi autem sola hæredis obligatio locum actioni facit, ibi non alia, quam in personam actio competere potest. Ex constitutione vero Justiniani etiam pro legato damnationis consequendo actio in rem legatario datur; quippe jure legatorum omnium exæquato tam ex legato damnationis, quam vindicationis dominium rei legata recta ad legatarium transit. Illud fortè aliquem turbabit, quod eidem ejusdem rei nomine duæ contrariæ actiones conceduntur, quarum altera intendat sibi dari oportere, altera se dominum esse contendat, contra *§. sic itaque 14. inf. de act.* Respondent nonnulli, speciale hoc esse in legatario, propterea quod tantum jure civili dominus factus sit, non etiam jure gentium: quod non placet: nihil enim refert, quo jure dominium agenti quasitum sit, *d. l. in rem de rei vind.* & in promptu alia responsio est, descendere nimirum hæc actiones ex diversis causis; in personam ex obligatione hæredis; in rem ex jure domini, quod statim à morte testatoris in legatarium transfertur: quamobrem agentem legatarium actione personali ex testamento, petentemque ut res sibi detur, non considerari ut dominum, sed tantum ut creditorem, qui hæredem quasi ex contractu sibi obligatum habet. Rursum agentem

in rem non considerari ut creditorem, sed ut dominum rem suam ab hærede, non ut obligato, sed ut possessore, vindicantem, nam & contra alios possessores sic in rem ageret. Concursum autem duarum harum actionum non cumulativus est, sed electivus, hoc est, non ita simul competunt, ut liceat experiri utraque, sed ut una, utraque legatarius velit: una autem electa altera consumitur, *l. cum filius 76. §. S. C. de legat. 2. l. huiusmodi 84. §. ult. l. si servus 208. §. 2. de legat. 1.* Porro ut legati nomine etiam in rem actioni locus sit, ponendi sunt termini habiles: primum ut legata sit certa species aut corpus; neque enim quantitate, aut nomine legato, vindicatio locum habere potest: deinde ut res, quæ legata est, propria testatoris fuerit: nam quod testatoris non est, id ab eo non potest recta transire ad legatarium, *l. nemo plus juris de reg. jur.*

4. *Et per hypothecariam*] Prioris duæ actiones etiam veteribus secundum ea, quæ diximus, in usu fuerunt. Hypothecaria, de qua hoc loco, tota beneficio Justiniani accepto ferenda est. Nam quod legimus apud Papinianum, legatarios causam pignoris habere, *l. 4. §. 1. de separ.* id, ut locus ipse indicat, *junct. l. 1. §. sciendum 3. eod. t.* accipiendum est de specie pignoris prætorii, quod jure separationis creditores hereditarii in bonis defuncti habent, & post hos in eo, quod superest, legatarii, qui separationem impetraverunt. Agi potest hac actione hypothecaria in quasunque res à defuncto relictas, adversus quosvis earum rerum possessores. Ajo, à defuncto relictas; liquidem non res heredis propriæ, sed hereditariæ, ex hac causa pignori sunt legatariis ex d. constitutione Justiniani. Neque tamen in his rebus numeranda videtur res testatoris, quæ legata sit: quippe quæ statim sit legatarii: rei autem nostræ pignus non consistit, *l. neque pignus 45. de reg. jur.* Actionem hypothecariam cum personali cumulari posse, receptum est, *Myns. 1. obs. 58. Charond. 4. respons. 52.* cum vindicatione autem adversus eundem cumulari non posse, tradit *Bald. in auth. contra n. 11. C. ad sen. Treb.* sed *Cyn. in d. l. 10. n. 10. C. comm. de leg.* etiam harum cumulationem admittit: quem sequitur *Barboz. in Treutl. vol. 2. disp. 13. thes. 7.* Ut sit, certi juris est, actiones, quæ se invicem non consumunt, successive intentari posse, nimirum ut etiam post sententiam in una latam altera in judicium deducatur: ratio autem non patitur, ut per hypothecariam aut actio in personam consumatur, aut rei vindicatio, ut proinde simpliciter verum esse non possit, quod nonnulli simpliciter tradunt, tres hæc actiones electivè concurrere, non cumulativè: sed nec pignus liberari debitore ad solvendum condemnato responsum est, *l. quare 1. §. C. de pign.* Illud pene supervacuum monere, actionibus hisce locum non esse, nisi adita et testam-

mento hæreditas: nam si hæreditas adita non fuerit, nihil eorum, quæ testamento scripta sunt, valet, *l. si nemo 9. de test. tut. l. eam 14. C. de fideicom.* nisi forte testator voluerit scripturam testamenti etiam pro codicillis valere, sive quod testamento relinquitur, etiam ab hæredibus legitimis præstari, *l. ex ea scriptura 29. §. 1. qui test. fac. l. ex testamento 29. C. de fideic. l. ult. §. 1. C. de codicill.* de quo plura *Jas. in d. l. 14. & post eum Sichard. n. 6. 7. & 9. Don. num. 9. & seqq.* Illud in transitu monere non inutile visum, actionem hypothecariam, quam Justinianus pro legatis aut fideicommissis concessit, ex constitutione ipsius inter plures hæredes ipso jure divisam esse, *d. l. 1. in fin. C. comm. de legat.* quod speciale est, & contra ordinariam naturam actionis hypothecariæ, quæ alias semper individua est, *l. rem hereditariam 65. de eisd. introductum.* Ac proinde hoc non obtinebit in hypotheca aut pignore expresso, quod testator legati aut fideicommissi nomine constituit: *l. non est mirum 26. de pign. act.* cum in dubio credendum sit testatorem se conformare voluisse ad jus commune. *l. ult. C. de verb. sign.* Atque hinc intelligimus, etiam post hanc constitutionem Justiniani adhuc utiliter pignus testamento constitui, *add. Christin. vol. 4. decis. 47. num. 3 & 4.* Donellus tamen nihil in hoc putat esse singulare, *in d. l. 1. num. 12.*

TEXTUS.

Collatio legatorum & fideicommissorum.

3. *Sed non usque ad eam constitutionem standum esse existimavimus. Cum enim antiquitatem invenimus legata quidem stricte concludentem; fideicommissis autem, quæ ex voluntate magis descendebant defunctorum, pinguiores naturam indulgentem: necessarium esse duximus, omnia legata fideicommissis exæquare, ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura. Sed ne in primis legum cunabulis permittim de his exponendo studiosis adolescentibus quandam introducamus difficultatem, opera preti-*

um esse duximus, interim separatim prius de legatis, & postea de fideicommissis tractare; ut naturam utriusque juris cognita, facile possint permissionem eorum eruditi subtilioribus auribus accipere.

NOTÆ.

PINGUIOREM NATURAM INDULGENTEM] Vid. Ulp. d. tit. 25. Caj. lib. 2. tit. 7. Th. hic.

NECESSARIUM ESSE DUXIMUS] l. 2. comm. de legat.

NULLA SIT INTER EA DIFFERENTIA] Scilicet in ipsa re. Ait enim se non verbis, sed rebus leges imponere, d. l. 2. Itaque essentialis differentia legati & fideicommissi sublata non est: sed quod verbis directis & imperativis legis modo est relictum, adhuc legatum; & quod precariis, fideicommissum est. Sed neque ea differentia sublata, quam facit manifesta voluntas testatoris; cuius rei exemplum habemus §. pen. inf. de sign. rec. per fid. rel.

COMMENTARIUS.

- 1 Auctorem exaurationis legatorum & fideicommissorum itidem esse Justinianum.
- 2 Cur stricta legatorum natura, & quibus cancellis circumscripta fuerit.
- 3 Cur pinguior ac laxior fideicommissorum, & quibus in rebus.
- 4 Exauratione hac non esse sublatam utriusque relicti differentiam essentialem.
- 5 Quando amplius fuerit in legato, quam in fideicommissio.

Superiore §. didicimus legata omnia inter se exaquare esse, hic docetur ea etiam omnia & in omnibus exaquare esse fideicommissis, hoc est, communicatam ac confusam invicem etiam legatorum omnium & fideicommissorum naturam. Auctor hujus exaurationis itidem Justinianus est, l. 2. C. comm. de legat. quod etiam hoc loco expresse proficitur. Et verum esse vel ex eo liquet, quod veteres inter legata & fideicommissa differentiam, quas Ulpianus in fragm. & Cajus lib. 2. commemorant, certe maximam earum pars, usque ad tempora Justiniani permanserunt. Quamobrem dubitandum non est, quin illud, quod apud Ulpianum l. 1. de legat. 1. legimus, per omnia exaquare esse legata fideicommissis, Triboniano acceptum ferri debeat, qui verba Ulpiani interpolando, ea traxerit ad constitutionem Justinianam, jam biennio fere ante editionem Pandectarum evulgatam. Etenim concessu Principis hanc potestatem compilatores Pandectarum habuerunt, ut pro arbitrato suo & adicere quædam & detrachere scriptis veterum possent. l. 1. C. de vet.

jur. enucl. idque in plurimis locis ab iis factum esse animadvertere licet, vid. Godean. 1. var. lect. 29. Duar. 2. disp. 9. Don. 8. comm. 2. Baron. Hotom. Vvefemb. hic. Codar. in c. Raynaldus, §. 1. n. 3. c. de testam. Aliter & diversimode hoc expediunt Cujac. 8. obs. 4. Rocard. 3. var. 4. Robert. 2. sent. 23. quorum explicationes etsi non probo, confutare tamen nolo, quia res non meretur ullam operam. Illud autem monendi sumus, hanc legatorum & fideicommissorum exaurationem pertinere tantum ad fideicommissa specialia, quibus scilicet res singulæ relinquuntur; ad universalis sive ad hæreditates fideicommissarias non pertinere: is enim, cui ex fideicommissio restituitur hæreditas, hæredis loco habetur. De quo uberius inf. de fideic. har.

Strictæ concludentem] Id est, strictam legatis naturam attribuentem, eaque cogentem intra verborum ac formularum angustias, & voluntates testantium juris subtilitati subjicientem. Quippe in legatis, utpote quæ ex legibus & jure civili ortum ducebant, certis quibusdam & solennibus ac præscriptis verbis utendum erat, sicut & in hæredis institutione, nec aliis verbis, relicta valebant; quæ verba idcirco legitima & civilia dicebantur, l. 7. de vulg. & pup. l. ult. Cod. de testam. qualia sunt: do, lego, capio, sumo, habeto, hæres meus damnas esto dare, heredem meum dare jubeo. Atque ad hæc verba, quoniam fere imperativa sunt, & legislationis propria, respexit Ulp. in fragm. hoc tit. legatum definiens, quod legis modo relinquitur. Cæterum præca illa & præcisa verborum observantia jam ante Justinianum sublata fuit, ut intelleximus in §. præc. Voluntas quoque testantis cancellis quibusdam in legando circumscripta erat. Siquidem legatum relinquere non poterat nisi in testamento aut codicillis testamento confirmatis, §. præterea a 10. inf. de fideic. har. Cajus lib. 2. tit. 7. Præterea legatum relinquere non poterat ante hæredis institutionem, nec post mortem hæredis, nec à legatario aut fideicommissario, sed à solo hærede, §. ante 34. & seq. inf. eod. & tit. de sing. reb. per fideic. rel. in pr. Ulp. hoc tit. §. post mortem, & §. à legatario. Cajus dist. tit. 7. Denique verba legatorum strictè accipiebantur, neque in his si perspicua erant & minime ambigua, facile ad mittebantur conjecturæ, aut quæstio voluntatis, l. ille 25. §. 1. de legat. 3.

Ex voluntate magis descendunt] Quam ex lege aut certo jure. Quod significat Ulpianus in fragm. tit. de fideic. cum ait fideicommissum non ex rigore juris civilis proficisci, sed ex voluntate dari relinquentis. Proinde in fideicommissis parum referebat, quibus verbis relicta essent, modo certa esset testatoris voluntas, l. cum virum 16. C. de fideic. adeo ut fideicommissum non minus Græco, quam Latino

tino sermone recte relinqueretur, *l. 11. in pr. de legat. 3. Ulp. d. tit. §. item Grace.* Hoc amplius etiam nutu fideicommissa posse relinqui placebat, *l. nutu 21. d. tit.* Denique in interpretatione verborum fideicommissi, etsi ea minime obscura essent, magis tamen voluntas, quam verba, spectabatur, & conjecturis nihilominus erat locus, *d. l. 16. C. de fideic. l. quisquis 25. de legat. 3.*

Pinguorem naturam indulgentem] Non ea adstringentem verborum formulis, nec voluntatem relinquentis coercentem intra rigorem juris civilis, laxioremque longe & benigniorem interpretationem in fideicommissis, quam in legatis admittentem. Unde nihil eorum, quæ legatum vitiasse diximus, oberrat fideicommissio. Poterat & ab intestato relinqui, & codicillis testamento non confirmatis. Poterat relinqui & ante hæredis institutionem & post mortem hæredis. Poterat & à legatario & à fideicommissario, ut supra allegata simul docent. Erant & aliæ quædam inter legata & fideicommissa differentia, quarum *Ulp. tit. 25. & Cas. lib. 2. tit. 7.* meminerunt. Nobis hic omnes referre curæ non fuit.

Ut nulla sit inter ea differentia] Hoc est, ut una sit eorum natura, ut jam non amplius, sicut olim, diversa eorum vis sit, ac potestas. Hoc enim exæquare est, alterius vim ac naturam alterius communicare; quemadmodum hoc Imperator ipse mox explicat & in *d. l. 2. C. comm. de leg.* itaque nunc legata æque & ab intestato, & nutu, & à legatario, &c. relinqui poterunt, ac fideicommissa, & voluntas legantis servabitur. Quod ideo monendum putavi, ne quis putet hac exæquatione essentiali harum rerum differentiam sublatam esse, & quod verbis directis ac imperativis relictum est, etiam fideicommissum factum; & contra quod precariis, legatum: quod esset absurdum. Nam voluntas testatoris legatum aut fideicommissum facit & discernit. Ac proinde etiam adhuc fieri potest, ut aliquo casu dissimilem hæc necessario effectum habeant, ne quid fiat contra voluntatem defuncti; quam non evertere, sed conservare Justiniano propositum fuit. Cujus rei exemplum habemus in legato & fideicommissio libertatis, *§. pen. inf. de sing. reb. per fideic. rel.* Quinque alias differentias refert Giphanius, quas existimat post exæquationem nostram adhuc relictas: sed perspicuo errore, nec digno, qui confutetur.

Si quid amplius est in legatis] Mutua igitur est hæc exæquatio. In legatis hoc amplius erat, quam in fideicommissis, quod aliquando, & scilicet legata re testatoris propria, dominium recta in legatarium transibat, ex fideicommissio nunquam: item quod pro obtinendo legato comparata erat legatario ordinaria actio ex testamento, aut quo casu dominium translatum erat, etiam rei vindicatio: de fideicom-

missis una tantum competeat extraordinaria perfectio. De quo dicendum amplius *inf. tit. de fideic. har. §. 1.* Caterum etiam hanc differentiam sustulit Justinianus, & fideicommissa vice mutua in his rebus exæquavit legatis, ut jam iisdem quoque actionibus, quibus legata, peti possint, *l. 1. & 2. C. comm. de leg.*

Separatim prius de legatis, & postea de fid.] Hinc est, quod Justinianus in progressu aliquando ita disserit, tanquam inter legata & fideicommissa quædam adhuc differentia obtinerent, quas tamen certum est eum una cum cæteris sublatas voluisse. Veluti in *§. præterea 10. inf. de fideic. hæred.* ubi ait, legata nisi ex testamento non valere. Et in *pr. tit. de sing. reb. per fid. rel.* sic loquitur, quasi à legatario etiamnum legari non liceret.

TEXTUS.

De re legata. Et primum de re Testatoris, heredis aliena, cujus non est commercium.

4. Non solum autem testatoris vel hæredis res, sed etiam aliena legari potest, ita ut hæres cogatur redimere eam, & præstare; vel si eam non potest redimere, estimationem ejus dare. Sed si talis sit res cujus commercium non est, vel adipisci non potest, nec estimatio ejus debetur; veluti si quis campum Martium, vel basilicas, vel templa, vel que publico usui destinata sunt, legaverit. Nam nullius momenti tale legatum est. Quod autem diximus, alienam rem posse legari, ita intelligendum est, si defunctus sciebat alienam rem esse, non signorabat. Forsitan enim si scivisset alienam rem esse, non legasset, & ita divus Pius rescriptit. Et verius est, ipsum qui agit, id est, legatarium, probare oportere, scivisse alienam rem legare defunctum; non hæredem probare oportere, ignorasse alienam. Quia semper necessitas probandi incumbit illi, qui agit.

NOTÆ.

Cujus commercium non est] Ejus rei, quæ

quæ absolute commercio exempta, legatum prorsus inutile est: cujusmodi sunt, quæ hic & in l. 39. §. 8. & seqq. eod. i. memorantur. Sed nec earum rerum legatum regulariter constitit, quæ ædibus juncta sunt, l. 41. cum 2. seqq. eod. Quid si vel testatur vel hæres commercium rei non habeant? Resp. si legatarius habeat, utile esse legatum, l. 40. §. 3. eod. 2. fac. l. 34. de Verb. obl. sin minus, non valere, d. l. 40. §. 2. d. l. 34. non obstat, l. 114. §. 5. eod. i. neque l. 17. §. 16. eod. 3. illa tibi quod respondeas ipsa subministrat: in hac agitur de legato militiæ, cujus natura æstimatio continetur, d. l. 40. §. 1. in l. 40. eod. delenda videtur secunda negatio, alioqui illa abundant, cujus commercium legatarius non habeat. Cujac.

LEGATARIUM PROBARE] Hoc idem iisdem verbis Marcian. tradit l. 21. de prob. fac. l. 27. C. eod.

COMMENTARIUS.

1. Quorum rerum legatum consistat, aut non consistat.
2. Legem 12. tabb. non impedire, quominus res aliena legari possit. Et num jus Canonicum.
3. Quid juris sit in legato rei communis. Quæstio subtilis & elegans.
4. Effectus legati rei aliena.
5. Legatum rei simpliciter exempta commercio, aut usibus Principis deservientis, prorsus inutile esse. Ut & regulariter earum rerum, quæ ædibus juncta.
6. Rei exempta commercio certa persona legatum valere, si legatarius commercium habeat: sin minus, secus; subjecta plenissima solutione omnium, quæ obfata videantur.
7. Quid juris, si feudum legatum sit.
8. Legatum rei aliena, nisi singulari conjectura adjuvetur, cur demum valere placeat, si testator scripserit, alienam esse: & cur legatario ejus rei probatio incumbat.

Inchoatur hic tractatio de rebus, quæ legari possunt, aut non possunt: qui locus maximam hujus tit. partem occupat; nec est sine multiplici distinctione pervius. Primum hoc in genere teneamus, non solum res speciatim sic dictas, sed etiam facta legari posse, ut qui iustus est facere, parere debeat: nec solum res corporales, sed etiam incorporales, puta usufructum, servitutem, nomen. Deinde posse legari non inodo res, quæ actu sunt in rerum natura, verum etiam, quæ futuræ sperantur: quæ non sunt, nec esse possunt, earum legatum inutile esse. De quibus omnibus accuratius agemus suis locis. Porro interest, utrum res legata sit in commercio, an non sit: & si extra commercium, utrum simpliciter atque in totum, ut sunt res publicæ, sacre, sanctæ, religiosa liber homo; quarum rerum legatum nullius momenti est: an vero res

talit sit certo respectu, & vel ob specialem circumstantiam commercio exempta, cum alioqui per se & conditione sua sit in commercio, cujusmodi sunt in armora, columna, tigna ædificiis juncta; quæ inutiliter itidem uno atque altero casu excepto legantur; vel exempta commercio quorundam, non omnium, ut mancipium Christianum, cujus commercium non habent hæreticus, Judæus, paganus, t. C. ne mancip. Christi. item militia, hoc est, officium alicujus eorum, qui in aliqua schola seu ordine inter statutos relati sunt, ex quo stalaria à Principe consequuntur; cujusmodi officiorum constat quoque non omnes jure capaces esse, Suid. Cujac. in l. 3. si quid minori 7. de minorib. Sic prædii provincialis cum aliis commercium est, cum præside non item. Atque hujus generis, res aliquando utiliter, aliquando inutiliter legantur: de de quo uberius paulo post. Quæ res legata in commercio est, ea vel est testatoris propria, vel non est; & hæc iterum vel hæredis, vel legatarii, vel tertii alicujus, quæ in hoc argumento specialiter dici solet res aliena. De re hæredis scriptum hic est, eam non minus, quam rem testatoris legari posse: neque ullam hoc dubitationem habet; adeo ut hujusmodi legatum valeat, etiam si testator existimaverit rem suam se legare, l. unum. 67. §. si rem 8. de leg. 2. De re legatarii legata distincte dicitur inf. sub §. sed si rem. 10. De re aliena hic itidem traditum est, eam utiliter legari; cum ea tamen distinctione, quam legatum rei testatoris aut hæredis propriæ non recipit. Postremo illud quoque generaliter tenendum est, nullius esse momenti legatum earum rerum, quæ legatæ nihil emolumentum aut commodi legatario afferunt, quamvis sint in commercio: de quo etiam inferius præcipietur diligentius sub §. ex contrario 14.

Sed etiam aliena] Etiam res alienas legari posse, semper constitit, & posse, etiam si difficilis earum paratio sit, ut ait] Ctus l. cum servus 39. §. constat 7. de legat. 1. nec obstat lex duodecim tabularum, quæ tantum de suo legandi potestatem facit, l. Verbis 120. de Verb. sign. nam & qui legat rem alienam, de suo legare intelligitur. Onerat enim hæredem, ut rem redimat, & redemptam præstet. Olim hoc proprium fuit legatorum, quæ per damnationem relinquebantur. Sicut indicat l. qui quatuor 50. §. ult. de legat. 3. & expresse testatur Ulpian. in fragm. sub tit. de legat. Hodie autem licebit in hac re etiam verbis legati vindicationis propriis uti, ut puta, do, lego, aut similibus. Sed & rem hostium legari posse placuit, si modo in ea causa sit, ut aliquo casu emi possit, & jure commercii comparari, l. amb omnibus 104. §. 2. de legat. 1. Ejus rei, quæ apud hostes est, bello scilicet capta, legatum omnimodo consistit jure postliminii, l. 2. l. servus 98. eod. An autem jure quoque Canonico legatum rei alienæ valeat, dubitatur propter cap. filius 2. de testa. ubi

ubi videtur ejusmodi dispositio improbari. Covarruvias putat, speciem *d. c.* esse singularem, quod res alterius Ecclesiæ legata proponeretur sepultura causa: & ideo extra speciem illic propositam etiam jure Pontificio alienæ rei legatum consistere: & ita quoque *Mantic. 9. de conj. ult. & sol. 10. Fachin. 5. contr. 38.* At enim negari non potest, quin Pontifex in *d. c.* ostenderit, sibi displicere rei alienæ legatum, cum id magis *seculi legibus*, quam *legi Dei* convenire significat. Quamobrem D. Tulden, *hic cap. 5.* fatetur quidem, improbari à Pontifice hanc juris civilis dispositionem: ceterum cum eam expresse non abroget, merito eam adhuc obtinere debere contendit; maxime cum probabili nitur ratione, prolixius indulgendi supremis hominum desideriis, & eo tantum pertineat, ut hæres rem à domino redemptam, aut eo nolente vendere, justam rei æstimationem legatario præstet. Crediderim, Pontificem opinionis errore deceptum putasse, rei alienæ legatum legibus seculi ita sustineri, ut eam rem, velit nolit, dominus suo pretio vendere teneatur: nam ut hæres aut redemptione rei alienæ, aut pretii illius præstatione oneretur, constat, legi divinæ minime repugnare. Quæsitum est, quid juris in legato rei communis. Finge, testatorem fundum Sejanum, quem cum Titio communem habebat, legasse Sempionio non adjecta portione. Res dubitationem non habet, si testator sic dixerit, *fundum meum*. Hic enim portionem tantum deberi, id est, partem, quæ testatoris fuit, non alienam, diserte respondet Paul. *l. 5. §. ult. de legat. 1.* & addit, hoc constare, ut ostendat, certi juris esse, non controversi. Quippe & verba & mens testatoris hic pro hærede faciunt. Verba, quia *fundum meum* recte interpretatur, quatenus meus est: nam *meum* etiam recte dicitur, quod pro parte *meum* est, *l. in re communi 26. de ser. & prat. urb. l. si quis 74. de legat. 3. l. 1. de cond. inst.* quamvis totum *meum* esse non recte dicatur, *l. recte de verb. sign.* Mens testatoris; quia etiam si res dubia esset, non facile crederetur testator onerare heredem suum voluisse necessitate redimendi, *l. unum 67. §. si rem 8. de legat. 2.* Sed dubitatur, si testator non dixerit, *fundum meum*, aut *qui meus est*, sed simpliciter fundum sibi cum alio communem legaverit, utrum totus debeat, an ea tantum portio, quæ testatoris fuit. Accursius existimavit, totum deberi, quoniam legatum rei alienæ, quam testator scivit alienam esse, valet, & in proposito fundus, si in totum esset alienus, totus deberetur. Quod & Donello visum in *l. 10. Cod. de legat. n. 2.* Sed contrariam sententiam, quam probant Bart. Bald. Jaf. Ang. Zaf. Duar. in *d. l. 5. §. ult. de legat. 1. Mant. 9. de conj. ult. & sol. tit. 1. n. 12.* veram esse existimo, partem tantum deberi. Quippe longe diversa ratio est in casu proposito rei in totum alienæ, & pro parte meæ. Si res legata tota aliena est, non potest

videri testator revocasse modum legati ad partem aliam quam suam, quam nullam in ea re habet; nullaque alia conjectura capi potest, quam voluisse legare totam. At cum pars tantum testatoris fuit, omnino credibile est eum potius de sua illa parte cogitasse, quam voluisse heredem suum ita onerare, ut partem alienam redimat; quæ conjectura efficacissima est, *l. unum 67. §. si rem 8. de leg. 2. l. Stichus 30. in fin. de usufr. leg.* Eandem rationem habet, quod in specie fundi vestigialis legati responsum est, non videri proprietatem legatam, sed jus, quod in eo testator habuit, *l. si domus 71. §. ult. de legat. 1. fac. l. 24. de instrum. & instr. leg. l. 30. §. 4. de legat. 3.* Plane, si testator nominatim dixerit, se legare fundum Sejanum totum vel omnem, responderem, utramque partem, & tam alienam, quam testatoris, deberi, arg. *l. Julianus 68. in pr. de legat. 3.* Fufius hanc quæstionem tractamus *lib. 2. select. quæst. cap. 26.*

Si eam non potest redimere, æstimationem ejus dare] Effectus legati rei alienæ hic est, ut hæres eam rem teneatur redimere & præstare, aut si redimere non possit, quod dominus eam vel nolit vendere, vel non nisi immodico pretio vendere velit, justam æstimationem inferre, *l. si domus 71. §. 3. de legat. 1. l. non dubium 14. §. ult. l. qui quatuor 30. §. ult. de legat. 3.* & competit legatario eo nomine actio personalis ex testamento. In rem hoc casu competere non potest, quoniam fieri nequit, ut re aliena legata, dominium ejus rei rectè à morte testatoris ad legatarium transeat. Hæc vero ita obtinent si testator rem alienam legavit sciens; secus est, si ignorans, ut paulo post audiemus.

Si talis sit res, cujus commercium non est, nec æstimatio debetur] Ejus rei, quæ simpliciter atque absolute extra commercium est, legatum inutile prolixus atque inane est, ut nec æstimatio debeatur. Cujus generis sunt res sacræ, sanctæ, religiosæ, usibus publicis destinatæ, *l. cum servus 39. §. pen. de legat. 1.* Idem est, si legata sit res, quæ usibus Principis deservit, veluti horti Salustiani, fundus Albanus, aut prædia, quæ in patrimonio Cæsaris sunt; quippe quarum rerum commercium non est sine jussu Principis, & furiosus est talia legata adscribere, *d. l. cum servus, §. antepen. & ult.* Sed neque earum rerum legatum regulariter consistit, quæ ædibus junctæ sunt, ut puta columnæ, marmora, regulæ, aut alia id genus: quamobrem nec his rebus legatis æstimatio debetur, *l. cetera 41. cum 2. l. seq. d. tit. Excipiuntur duæ causæ, in quibus harum etiam rerum legatum valere placet: quarum una est in d. l. cetera, §. sed si quis 5. altera in l. 11. §. si quis illicite 14. de legat. 3.* nimirum quia in utraque ea specie cessat ratio, ob quam res legari, aut negotiandi causa eximi prohibentur, quæ hæc est, ne ruinis defor-

metur aspectus publicus, *l. 2. C. de adf. priv.* Hæc omnia liquida sunt & cunctis probata. Quod si certæ alicujus personæ commercio res exempta est, refert, testator is aut hæres sit, an legatarius. Si testator, utile nihilominus est legatum, si legatarius commercium habeat: nam & utilis est stipulatio, si rei in stipulatum deductæ commercium habeat stipulator, licet promissor non habeat, *l. multum 34. de Verb. obl.* Idemque est, si hæres non habeat, legatarius habeat: neque enim hic persona hæredis; utpote à quo res mox abitura est, considerari debet. Textus est in *l. mortuo bove 49. §. sed Proculus 3. de legat. 2.* Hæc quoque extra dubitationem posita sunt, & usu, uti & superiora, recepta. *Grot. 2. manu. duct. 22. Vers. pen.* Quod si legatarius commercium non habeat, traditum est, legatum non valere, *dict. l. mortuo bove §. 2.* cui simile est, quod is, qui rei commercium non habet, eam inutiliter stipulatur, *dict. l. 34. de Verb. obl.* & quod donari non potest, quod donatario acquiri non potest, *l. 9. §. ult. de donat. §. 10. ὁ δὲν ἔχων ἀνδρὸς ἀνδρὸς πῶδος αἰσπητὰ πωρῶνται*, ut ibi Græci. Cæterum non est hoc æque expeditum, ac præcedentia. Nam primum ob stare videtur, quod responsum est, militia servo alieno legata, domino æstimationem deberi, modo testator sciens eam servo legaverit, *l. 11. §. si servo 16. de legat. 3.* Atqui servus militiæ capax non est. Respondeo, servis ademptam esse totius juris civilis communionem. Sed sciendum, testamenti factionem cum servis ex persona dominorum introductam, ut proinde si domino militia relinqui potuit, & servo possit, atque in persona servi ipsi domino relicta videatur, *l. non minus 31. de hered. inst.* Eo fit, ut si testator servo alieno militiam legaverit, legatum utili sit, & æstimatio, quæ natura legati militiæ continetur, *d. l. 49. §. 1. de leg. 2.* debeatur domino, qui militiæ commercium habuit. Utique si testator non ignoraverit servum esse: nam si liberum putavit, scriptum est, in *d. l. 11. §. si servo.* denegari fideicommissi petitionem, addita hac ratione, quia si scisset servum, non reliquisset. Itaque nec ad dominum quicquam isto casu ex legato aut fideicommissio redire voluit, reperiturque res relicta ei solum, qui commercium ejus non habet. Quod distinctionem nostram confirmat. Secundo retragari putatur *l. si filius sum. 114. §. si quid aitem §. 1. de legat. 1.* Sed hic locus ipse tibi quod respondeas, subministrat. Ait Jurisconsultus, si quid alicui iuste fuerit relictum, quod ipse quidem propter corporis sui vitium, vel propter qualitatem relicti, aliamve probabilem causam, habere non potest, alius tamen habere potuit, æstimationem deberi. Proponitur legatum licite relictum: ergo relictum capax non ei, cui commercium rei relicta interdicitur est. Nemo enim dicit prædium

provinciale licite legari prædii, aut mancipium Christianum Judæo. Proponitur relictum ei, qui casu aliquo & probabili ex causa rem habere non potest; non ei, qui jure capere prohibetur. Finge, surdo, muto, aut cæco militiam legatam aut per fideicommissum relictam, hoc casu æstimatio debetur: at non deberetur, si ea res relicta esset incapaci, argum. *d. l. 11. §. si servo 16. de legat. 3.* Postremo hic objicitur *l. sed si res 40. de legat. 1.* qui locus plus difficultatis habet: scriptum enim illic expresse est, utile esse fideicommissum & æstimationem deberi etiam eo casu, quo fideicommissarius jus possidendi non habet. Donellus in *d. l. multum, de Verb. obl.* distinguit inter impedimentum possidendi & incapacitatem legatarii, vultque aliud esse, non habere jus possidendi, aliud, non habere rei commercium. Verum ista distinctio locum habet, ubi quæstio est de conditione personæ legatarii, non de capacitate ejus aut incapacitate, ut jam intellectum est, Robertus, 3. *animadvers. 11.* & alii, interesse putant, sciverit testator legatarium sive fideicommissarium incapacem esse, an ignoraverit: priore casu æstimationem deberi, posteriore non item. Non displicet, quod Cujacius in *d. l. multum*, contendit redundare in *d. l. sed si res*, secundam negationem, eamque demendam; ut hic sit sensus, æstimationem deberi, si res, cujus commercium legatarius non habet, ab eo per fideicommissum relinquatur ei qui commercium ejus rei habet. Quæ sententia verissima est. Nam persona legatarii in hujusmodi specie quasi subducitur, perindeque habetur, ac si fideicommissum recta ab hærede relictum esset: estque casus hic simillimus ei, qui proponitur in *d. l. mortuo bove 49. §. pen. de legat. 2.* Secunda autem negatione retenta, sit scriptura inepta, & illa abundant, *cujus commercium legatarius non habet.* Quid enim refert, legatarius, à quo res per fideicommissum relicta est, commercium ejus rei habeat, nec ne, si fideicommissarius non habeat, aut non habeat jus possidendi? Non placet hæc confidentia Cujacii Duareno in *d. l. sed si res.* Sed cui placere poterit Duareni explicatio, verba illa, *cui jus possidendi non est*, referentis ad legatarium, qui Duareno idem est ille, cui per fideicommissum relinqui dicitur? Quis non videt, tunc eorum illud, *cui possidendi jus non est*, abundare? Existimat autem Duarenius in quæstione proposita distinguendum esse ex ratione juris veteris inter legatum & fideicommissum. Legatum rei, cujus legatarius commercium non habet, eo jure inutile esse; fideicommissum, in quo benignior admittebatur interpretatio, utile, atque ex eo æstimationem fideicommissario, deberi. Argumento esse, quod in iis locis, ubi negatur deberi æstimatio, agatur de legato, ut in *dict. l. mortuo bove de leg. 2. §. pen.* contra ubi æ-

stimatio

attestatio dicitur deberi, de fideicommissio, ut in d. l. 11. §. si seruo, de legat. 3. & d. l. si filius sum, 114. §. si quid alicui, de legat. 1. Bachovius etiam, qui idem in hac re, quod Duarenus, sentit, non inelegantem sibi hujus differentie rationem reddere videtur; nimirum quia legatum recta transit in legatarium, fideicommissum primo consistit in persona ejus, à quo relinquitur. Ego vero non magni hæc æstimo. Nam si tam insignis hoc in casu differentia fuisset inter legata & fideicommissa, utique ejus meminissent Ulp. & Cajus sub tit. de fideicom. ubi harum rerum differentias, si non omnes, saltem plerasque & præcipuas recensent. Quin contra ex Ulpiano didici, legatum damnationis, de quo fere hic queritur, & fideicommissum ejusdem esse hætenus naturæ, ut eadem res, quæ per unum relinqui possunt, possint & per alterum, dict. tit. de fideic. §. 4. Sed nec magis ex legato damnationis dominium recta in legatarium transit, quam ex fideicommissio: ex quo apparet rationem illam differentie, quam Bachovius profert, non esse usque adeo elegantem. Quid si feudum legatum sit? Hic æstimationem deberi negant Guil. 2. obs. 154. n. 13. Fach. §. contr. 37. Vult. 1. de feud. cap. 9. n. 72. Pet. Gregor. 42. synagm. 32. Ajunt Peregrin. de fideic. art. 11. n. 103. & seq. Matheas. lib. 2. cap. 1. legat. cap. 19. n. 4. Quorum sententia probabilior videtur Bachov. in Treutl. vol. 2. diffut. 13. thes. 5. Sed prior apud nos obtinet, siue testator de suo feudo disposuerit non interveniente domini consensu, D. Grot. 2. manud. 42. siue de alieno, nisi aliunde liquido constet testatorem & æstimationem præstari voluisse, uti supremam apud Mechlinienses Curiam censuisse refert D. Christin, vol. 6. decis. 28.

Si sciebat alienam rem esse] Non semper res aliena legata debetur: sed ut superius diximus, interest utrum quis rem alienam legans, sciverit rem alienam esse, an ignoraverit: si scivit, debetur; si ignoravit, non item, l. cum alienam 10. C. hoc tit. l. unum 67. §. si rem eod. 2. quod etiam nunc docet Imperator, addita hujus rei ratione; forsitan enim, inquit, si scivisset alienam rem esse, non legasset. Sed unde illud colligimus testatorem legatarum non fuisse? Ex eo nimirum, quod nemo facile credendus sit hæredem suum onerare voluisse redemptione rei alienæ, d. l. unum, §. si rem 1. Stich. 36. in fin. de usufr. leg. Atque hinc intelligere licet distinctionem illam ad rem hæredis legatam non pertinere, sed eam omnino deberi, etiam si testator eam suam existimans legaverit: nempe cui rei legatæ dominium apud hæredem est, tam facile eam hæres præstare potest, quam rem quæ defuncti fuit, d. l. si unum, §. si rem. Plane aliquando conjectura voluntatis efficit, ut etiam res aliena legata indistincte debeat, veluti si relicta sit personæ proximæ, puta parenti, uxori, alicui ex cognatis, aut amico singulari,

aliæ tali personæ, cui verisimile est testatorem quovis modo legatarum fuisse, d. l. 10. C. eod. quod ad legata in piam causam relicta traducunt Tirag. priv. pia caus. 66. Vass. lib. 3. de succ. progr. §. 27. n. 41.

Legatarium probare oportere] Quia fere in casu legati rei alienæ quæstio inter hæredem & legatarium nasci solet, dum ille contendit ignorasse defunctum rem alienam esse, hic contra scivisse; quod porro aliud dubium parit, utri scilicet necessitas incumbat probandi, hæredine ignorasse defunctum, an legatario scivisse: ideo Imperator, quid in hac re juris esset, simul definire voluit. Ait autem ab hærede nullam in proposito probationem exigi, sed legatarium probare oportere, scivisse defunctum rem alienam esse, adjecta hac ratione ex notissima juris regula, l. actor. Cod. de prob. l. 4. C. de edend. quia necessitas probandi incumbit ei, qui agit; qui hic legatarius est, non hæres. Hoc idem isdem verbis & Marcianus tradidit l. Severus 21. de prob. Accedit tamen huc etiam alia ratio, eaque fortior, quod hæres præsumptione juris adjuvatur, quæ etsi actoris partes hæres sustineret, onus tamen probandi rejiceret in legatarium, l. 8. & 9. eod. tit. Plane potest hoc jus ex circumstantiis variari: nam si apud alium rei legatæ possessio sit, neque in ea defunctus quicquam juris habuit, aut sibi asseruit, magna causa est præsumendi pro legatario, scivisse defunctum, rem alienam esse, add. Gomez. 1. resol. 12. n. 13. Christin. volum. 4. decisio. 32. n. 5. & seqq.

TEXTUS.

De re pignorat.

§. Sed & si rem obligatam creditori aliquis legaverit, necesse habet hæres eam luere. Et in hoc quoque casu idem placet, quod in re aliena, ut ita demum luere necesse habeat hæres, si sciebat defunctus rem obligatam esse: & ita divi Severus & Antonius rescripserunt. Si tamen defunctus voluerit legatarium luere, & hoc expresserit, non debet hæres eam luere.

NOTÆ.

§. SI REM OBLIGATAM] fac. l. 47. de legat. 1. l. 15. de dot. prat. l. 6. C. de fideic.

HÆRES EAM LUERE] In d. leg. 15. liberare. Luere est pignus solutione vel satisfactione liberare.

ET HOC EXPRESSERIT] In testatoris certa & expressa voluntate conjecturis non est locus, *l. 33. cod. 1.*

COMMENTARIUS.

- 1 *Doctrina hujus §. non obstat quod alibi traditur, si res certa legata sit, talem dari debere, qualis est.*
- 2 *Interdum etiam tunc cum testator nescivit rem obligatam esse, heredem eum luere debere, & quibus casibus.*
- 3 *Quid juris sit pignore distracto.*

RES pignori obligata quodammodo aliena est, utpote cujus pretium nobis abest, quod pro ea liberanda præstare cogimur, *argum. l. Labeo 14. de Verb. sign.* unde & pignoris obligatio species quædam alienationis habetur, *l. ult. C. de reb. al. non alien.* Atque hinc est, quod in re pignori obligata idem placet, quod in re aliena, ut quemadmodum hæres rem alienam legatam cogitur redimere, ita & rem pignori obligatam, quæ legata sit, luere, id est, nexu pignoris liberare, soluta creditori pecunia, *hoc tenet. l. si res 17. de legat. 1. licet 15. de dot. pral. l. pral. C. de fideic.* Non obstat quod alibi traditur, si res certa legata est, talem dari debere, qualis est; verbi causa si fundus, qui legatus est, servitutem debet, eum cum servitute recte præstari, *l. seruo 69. §. 3. de legat. 1.* si servus statim liber legatus est, statim liberum recte dari, *l. seruum 44. §. pen. & l. seq. §. ult. eod.* Nam hoc de re testatoris legata dicitur, ad rem alienam aut ex parte alienam non pertinet, qualis merito habetur res opposita pignori, quoad quantitatem æris alieni. Eadem ratione responsum est fundo legato, cujus ususfructus alienus est, heredem hunc ususfructum redimere debere; quoniam scilicet & in usufructu res aliena legata videtur: nam etsi ususfructus non in parte, sed in jure consistit, emolumentum tamen rei continere, & ideo instar obtinere portionis, *l. Maximus 66. §. pen. l. cum filius 76. §. dominus 3. de legat. 2.* Placet, si quis prædium legavit obligatum pro annuo redditu, hoc casu non esse cogendum heredem prædium liberare, post Joan. Fab. D. Tuldenus *hic c. 11.* annotavit: & ita observari ait; quoniam ejusmodi onera plerumque perpetua sunt, instar servitutis rei inherentia, ut proinde non sit præsumendum, testatorem cogitasse de liberatione, *decis. Cur. Holland. 11. in fin.*

Ita demum, si sciebat defunctus] Si ignorabat, valet quidem adhuc legatum: cæterum tunc res à legatario luenda est, *dd. loc.* Duo sunt casus, quibus placet etiam tunc cum ignoravit defunctus rem obligatam esse, heredem pignus luere debere. Unus est, si testator eam rem vel aliam non minoris pretii æque

legaturus fuisset, si scisset obligatam, *dd. l. si res, de legat. 1. d. l. pral. Cod. de fideic.* de quo constare poterit, si vel testator id aliquando aperte professus sit, aut si rem conjunctæ personæ legaverit, ut supra in re aliena, *arg. l. cum alienam, C. de legat.* Alter casus est, cum debitum exæquat aut superat pretium rei pro eo obligatæ: quoniam hoc casu legatarius ipse rem liberans nihil reliqui habiturus esset, atque inani legato, quod verisimile non est defunctum voluisse, ludificaretur, *dd. l. si res, in pr.* ubi ita legendum est, *Vel nisi non potest aliquid esse superfluum exsoluto ære alieno.* Ut editiones Roberti Stephani, Petri Baudozæ & nonnullæ aliæ habent, & in sua notat Jul. Pacius: non ut vulgo legitur, *Vel potest aliquid esse superfluum &c.* Naem hac lectione retenta, hic Jurisconsulti sensus fuerit, ut recte *Fachin. lib. 12. contr. 43.* quotiescunque plus est in re legata, quam in debito, pro quo obligata est, heredem eam luere debere, etiam ubi nescivit testator obligatam esse: quod & verum esse existimat *Fachin. d. loc. & D. Tulden. hic c. 11.* At qui tunc regula convertenda erit: quoniam rarissime fit, ut creditores pignus accipiant, cujus æstimation non superet quantitatem crediti. Donellus *8. comm. 19.* alium sensum vulgatæ lectioni affingit, nimirum cum debitum excedit pretium rei legatæ, quam testator obligatam nesciebat, pro ea quidem quantitate, quæ rei pretio respondeat, legatarium luiturum: cæterum quod restat adhuc exsolvendum, ut pignus in totum liberetur, id ab hærede præstandum: quam interpretationem verba ista, *si potest esse aliquid superfluum exsoluto ære alieno*, minime ferunt. Illud hic monendi sumus, tunc solum heredem posse pignus luere, cum id nondum à creditore legitime distractum est. Distractio pignore res in priorem speciem rei alienæ legatæ incidit, utpote dominio pignoris jure in alium translato, *l. non est novum 46. de acq. rer. dom. l. ult. C. si vend. pign. agat.* Proinde hoc casu id superest, ut hæres aut rem redimat, aut si redimere non possit, æstimationem ejus præstet; nisi contraria defuncti voluntas ab hærede ostendatur, *dd. pral. C. de fideic.*

Voluerit legatarium luere & hoc expresserit] Ratio manifesta est, quia in certa voluntate testatoris conjecturis non est locus; sed simpliciter standum est voluntati defuncti, *l. si pluribus 33. de legat. 1.*

TEXTUS.

De re aliena post testamentum à Legatario acquisita.

6. Si res aliena legata fuerit, & ejus rei vivo testatore legatarius dominus factus fuerit, si quidem ex causa emptionis,

ex testamento actione pretium consequi potest; si vero ex causa lucrativa, veluti ex donatione, vel ex alia simili causa, agere non potest. Nam traditum est, duas lucrativas causas in eundem hominem & eandem rem concurrere non posse. Hac ratione si ex duobus testamentis eadem res eidem debeat, interest, utrum rem, an aestimationem, ex testamento consequutus sit. Nam si rem habet, agere non potest: quia habet eam ex causa lucrativa: si aestimationem; agere potest.

NOTA.

TRADITUM EST DUAS LUCRATIVAS, &c.] Omnes debitores, qui speciem ex causa lucrativa debent, liberantur, cum ea species ex causa lucrativa ad creditores pervenit, *l. 17. de obl. & act. fac. l. 108. §. 4. de leg. 1. l. 66. §. 1. cod. 2. l. 83. §. 6. de verb. obl. l. 61. de solut.* Ratio est, quia cum creditoris jam res esse cepit, in eum casum devenit obligatio, à quo incipere non potuit, *§. 10. inf. de inust. stip. §. 14. inf. de act. diversa ratio est causae onerosae; quia cui pretium abest, ei adhuc res ipsa abesse videtur, l. 14. de verb. sign.*

COMMENTARIUS.

- 1 *Distinctionem hoc §. traditam locum habere etiam cum res legata mortuo testatore ad legatarium pervenerit.*
- 2 *Duarum causarum lucrativarum in eandem rem & personam concursum esse speciem liberationis, & quo ea pertineat.*
- 3 *Quid si eadem res eidem sapius legata sit eodem testamento.*
- 4 *Quid si eadem quantitas eidem legata vel nuda testamento, vel duorum.*
- 5 *Si duorum testamentis eadem res relicta sit, eum qui rem nactus est, posse ex altero adhuc aestimationem petere: non contra, & cur tam variè.*

Si res legata tempore facti testamenti legatarii fuit, legatum inutile est, ut docetur *inf. §. sed si rem 10.* Quod si eo tempore aliena est, & legatarius postea ex alia causa dominium ejus nactus sit, placet, inspiciendum esse, quali ex causa nactus sit, ex onerosa, an lucrativa: si ex causa onerosa, actione ex testa-

mento eum agere posse & pretium consequi: contra si ex lucrativa, non posse, propter regulam, quae definit, duas causas lucrativas in eandem rem & personam concurrere non posse: quam statim explicabimus. Causa onerosa est, ex qua rem ita accipimus, ut pro ea aliquid vicissim praestemus: quod accidit in emptionibus & permutationibus. Dotis etiam causa onerosa intelligitur, *l. ex promissione 19. de obl. & act.* Lucrativa causa est, propter quam accipienti nihil abest, quales sunt legatum, fideicommissum, donatio, *l. 4. §. si quis 29. de dol. mal. exc. l. inter 83. §. si rem. 6. de verb. obl. l. in perpetuum 61. de solut. l. un. §. lucrativas C. de imp. lucrat. descript.*

Si res aliena legata fuerit] Ab eo scilicet, qui sciebat, rem alienam esse: alioqui legatum inutile est, nisi singulari conjectura voluntatis sustineatur, ut ostensum supra in explicatione §. 4.

Vivo testatore] Exempli causa hoc dictum putant Gloss. & DD. idemque obtinere, quamvis id contingerit testatore mortuo: quibus assentior. Nam etsi hereditatem aditam ponamus, ex quo haeres debitor efficitur; idem tamen dicendum esset, nempe heredem liberari, si antequam rem redimere & praestare posset, ea ex alia causa lucrativa ad legatarium pervenerit, juxta regulam generalem traditam in *l. omnes 17. de obl. & act.* Proinde frivolum est, quod objicit Bachov. diem legati cedere à morte testatoris. Sed quid si legatarius eandem rem iterum vivo testatore alienaverit, an legatum convalescet? Negant comm. DD. Sed ego subsisto propter *l. non quocunque 82. in pr. de legat. 1.* qui locus arguere videtur, cum effectu obligationem in proposito non extinguere, nisi die legati cedente dominium rei adhuc apud legatarium existeret.

Ex causa emptionis &c. pretium consequi potest] *l. plane 34. §. quod si. 7. de legat. 1. add. l. si à substituto 45. l. huiusmodi 84. §. qui servum s. cod. tit. & quidem si rem totam emit, aliove oneroso titulo acquisivit, pretium totius; si non totam, sed partem, pretium partis, quam emit, consequetur, d. l. non quocunque §. 3.*

Duas causas lucrativas in eundem hominem & eandem rem] Definitio generalis, cui locus est non tantum, si ex causa legati aut fideicommissi res debeat, *l. si servus 108. §. Stichum de legat. 1. l. Marcus 66. §. 1. de legat. 2. l. nutu 27. §. 1. de legat. 3.* sed etiam si ex aliis causis similiter lucrativis, *d. l. omnes 17. de obl. & act. l. inter stipulantem 83. §. si rem 6. de verb. obl. l. in perpetuum 61. de solut.* Est enim duarum lucrativarum causarum circa eandem rem & personam concursus species liberationis, *d. l. omnes de obl. & act.* quae, ut ego existimo, referenda est ad eas causas, in quibus res incidit in e-

um casum; unde incipere non potuit, §. 2. de inut. stip. Cum enim res, quæ ex lucrativa causa debetur, ad creditorem pervenit ex alia causa lucrativa, coepit res ejus esse, ut jam amplius ejus fieri non possit, §. sic itaque 14. inf. de act. Dices, idem contingere, si res ad creditorem pervenit ex causa onerosa. Cur igitur pariter hoc casu non accidit, ut alius liberetur, qui eandem rem ex causa lucrativa debet? Nimirum quia cum ex causa onerosa creditor rem nactus est, licet domini jure non minus, quam si ex causa lucrativa nactus esset, rem habeat: emolumento tamen non videtur habere, eoque nec ad eum pervenisse, secundum veterum doctrinam, qui sic definiunt, rem abesse videri ei, cui pretium abest, l. Labeo 14. de verb. sign. Porro locus est propositæ regulæ, si certa res sit aut species, quæ debeatur: nam si certa quantitas aut summa bis, verbi causa, legata sit, non potest dici eandem rem deberi, l. plane 34. §. 3. de legat. 1. l. Titia 87. de legat. 2. quavis si ab eodem multiplicatio legati non præsumatur, d. l. plane §. 3. Exigit regula, ut ea species ad creditorem pervenerit, d. l. omnes de obl. & act. quæ verba cum effectu accipienda sunt, si sic pervenerit, ut sit mansura: alioqui si in ea causa sit, ut avocari possit, aut ea lege legata, ut alteri restituatur, definitio locum non habet, l. non quocunque 82. in pr. & §. 1. de legat. 1. l. in perpetuum 61. de solut. facul. aliud 71. de verb. sign.

3 Si ex duobus testamentis eadem res] Ait duobus, id est, duorum testamentis. Nam si eadem res eodem sæpius legetur eodem testamento, amplius quam semel peti non potest, sufficitque vel rem consequi vel rei æstimationem, l. plane 34. §. 1. de legat. 1. Quippe sæpius idem legando non ampliat testator legatum, l. si alii 42. de usufr. nec tam legasse sæpius, quam sæpius locutus creditur, l. Marcus 66. §. eum 5. de legat. 2. l. si tibi 86. §. 1. de legat. nisi manifestè constet ampliandi legati causa sæpius legasse: ut in hac specie; Duos quis scripsit heredes, & damnavit unumquemque solidam rem legatario præstare; hic idem esse responsum est, atque si duobus testamentis legatum esse, l. quid ergo 53. §. 2. de legat. 1. Ait eadem res, id est, eadem species, idem corpus, nam si eadem quantitas eidem duorum testamentis relicta sit, puta centum aurei, solidum legatum ex utriusque testamento peti potest: quamvis si in eodem testamento, non aliter placeat legatum sæpius præstandum, quam si legatarius doceat testatorem multiplicare summam voluisse: præsumitur enim potius repetiisse legatum, quam voluisse multiplicare, d. l. plane §. 3. nisi forte diversis scripturis legaverit, puta testamento & codicillis: tunc enim nisi hæres contrarium ostendat, legatum duplicatum præsumitur, l. 12. de probat. & ibi Gloss. &

comm. DD. Dwar. ad d. l. plane, ubi occurrit argumentis Zafii hanc distinctionem impugnantis: aut si variaverit testator modum legandi in quantitate vel qualitate, conditione, tempore, loco, vel causa: nam & tunc ampliassè legatum creditur, nisi contrarium doceatur, per l. cum centum 9. de adim. leg. Bald. Cassr. Raphael. Jaf. in d. l. plane §. 1. Gomez. 1. resolut. 12. num. 38.

Utrum rem, an æstimationem] Igitur quod scriptum est in d. l. plane §. 2. si duorum testamentis mihi eadem res legata sit, bis petere me posse, ut ex altero testamento rem consequar, ex altero æstimationem, id cum distinctione accipiendum est, ut si prius æstimationem ex altero consecutus sim, ex altero rem adhuc petere possim: non autem, ut possim de æstimatione agere, si rem antea consecutus fuero: eoque jure utimur, Grot. 2. manuduct. 22. Non obstat huic distinctioni l. hujusmodi 84. §. 2. de legat. 1. ubi per exceptionem repelli dicitur, qui pretium rei legatæ accepit: nam in specie d. l. hæres Titius id duntaxat legasse intelligitur, quod ipse in re legata habuit, videlicet jus per biennium retinendi, ut eo legato nihil præter commodum repræsentationis contineatur. Rationem propositæ distinctionis supeditat, l. tantum 88. de verb. sign. ubi docet Jurisconsultus, eum, qui rem habet, & æstimationem habere intelligi: contra qui æstimationem habet, non videri habere rem ipsam: re enim æstimationem contineri; æstimationem rem non contineri: ut proinde si is, qui rem habet, æstimationem petat, id petere intelligatur, quod jam habet: qui æstimationem adeptus est, si rem petat, id petere, quod non habet. Adhæc etiam affectio ad rem esse potest supra æstimationem, l. si in emptionem 35. de minor.

T E X T U S.

De his quæ non sunt in rerum natura.

7. Ea quoque res, quæ in rerum natura non est, rectè legatur; veluti fructus, qui in illo fundo nati erunt, aut quod ex illa ancilla natum erit.

C O M M E N T A R I U S.

1 Purumne sit legatum, de quo hic agitur, an conditionale, & plenius n. 2.

Q Uæ in rerum natura non sunt nec actû, nec potentia, frustra & inutiliter legantur, veluti si hy-

poceaturs legeretur, aut homo, qui mortuus sit; quemadmodum & stipulatio harum rerum inutilis est, §. 1. *inf. de inut. stip. fac. l. servus 108. §. qui quinque 10. de legat. 1.* Quod vero in rerum natura nunc quidem non est, sed futurum est, aut futurum speratur, legari potest, licet fieri possit, ut actu in rerum natura nunquam existat: veluti si fructus legentur, qui in fundo Tusculano nascentur, vel quod ex Arescusa natum erit, aut insula in flumine nascitura, *l. quod in rerum 24. in pr. de legat. 1. l. etiam ea 17. de legat. 3. l. 1. §. ult. de cond. & dem.* cujusmodi tamen rerum legatum olim per damnationem tantum relinqui potuisse docet Cajus *lib. 2. inst. de legat. §. 3.* De eo quaeritur, purumne sit huiusmodi legatum, an conditionale. Dicendum est pro puro haberi, quoad transmissionem; pro conditionali, quoad obligationem: cum *Gloss. & DD. comm. ad l. cum illud 25. §. 1. quand. dies leg. eod. Gomez. 1. ref. 12. n. 24.* quod mox perfectius intelligitur.

Fructus, qui in illo fundo Ille casus huc non pertinet, quando quis simpliciter legat certam quantitatem frumenti, vini aut olei; quæ omnino præstanda est: sed quando legantur fructus, aut certa quantitas fructuum, qui nati erunt in hoc vel illo fundo; puta hoc modo, *fructus, qui nascentur in fundo Tusculano, hæres dato* vel sic expressa certa quantitate, centum amphoras vini ex eo, quod natum erit in fundo Semproniano, hæredem meum dare jubeo, *d. l. quod in rerum 24. d. legat. 1. l. 5. de tritic. vin. leg.* Ex his autem legatis, si nihil natum sit, nihil debetur; si non tantum, quantum legatum, non amplius debetur, quam quantum natum est, proinde quasi testator per modum taxationis legasset, si hoc vel tantum natum fuerit, *d. l. 5. de tritic. leg. l. 8. §. 2. de legat. 2.* & hoc est, quod Pomponius significat, cum ait inesse huiusmodi legatis conditionem, *l. 1. §. ult. de cond. & dem.* ex natura nimirum ipsius rei, *l. interdum 73. in pr. de verb. obl.* extrinsecus, non ex testamento, venientem. Huiusmodi autem generis conditiones, cum non impediant, quominus dies legatariæ morte testatoris cedat, mortuoque, licet nondum natis fructibus, legatario, spes legati transmittatur ad hæredem, *l. cum illud. 25. §. ult. junct. l. 6. §. 1. quand. dies leg.* inde dictum est, tales conditiones non facere legata conditionalia, *l. conditiones 22. de cond. & dem.* quia nimirum præcipuus hic est legatorum conditionalium effectus, ut non transmittantur pendente conditione, *l. 4. l. 5. §. 2. quand. dies leg.* Non obstat *l. cum, ita 16. eod. tit.* loquitur enim de legato alternativo, & tali specie, in qua duplex est dubium, & quid nasciturum, & quid hæres electurus sit: nondum autem edito partu electioni locus non est. Utique vero legatum futurorum fructuum, earumque rerum, quæ postea nascentur, pro

conditionali hactenus habetur, ut nulla eo nomine obligatio aut actio esse intelligatur, antequam res nata sint; & tunc demum actio incipiat, cum per rerum naturam præstari possunt, *d. l. interdum 73. de verb. obl.* Obiter & illud hic monendus es, non pertinere huc legatum certæ quantitatis fructuum, etiamsi fundus adjectus sit non taxationis, sed demonstrationis causa, eoque casu integrum legatum deberi, etsi ex fundo adjecto tantum percipi non possit, *l. Lucius 12. de alim. leg. l. Paula 27. §. ult. de legat. 3.*

T E X T U S.

De eadem re duobus legata.

8. *Sic eadem res duobus legata sit, sive conjunctim sive disjunctim, si ambo conveniant ad legatum, scinditur inter eos legatum: si alter deficiat, quia aut spreverit legatum, aut vivo testatore decesserit, vel alio quoque modo defecerit, totum ad collegatarium pertinet. Conjunctim autem legatur, veluti si quis dicat, Titio & Sejo hominem Stichum do, lego. Disjunctim ita, Titio hominem Stichum do, lego: Sejo hominem Stichum do, lego. Sed & si expresserit eundem hominem Stichum, aequè disjunctim legatum intelligitur.*

N O T Æ.

SI ALTER DEFICIAT, TOTUM AD COLLEGATARIUM.] Si plures sint vel conjuncti vel disjuncti, pars deficiens omnibus accrebit ex æquo. Si permixti conjuncti & disjuncti, conjuncti in parte conjunctorum cæteris anteferuntur; disjunctorum partes accrescunt omnibus, sic tamen, ut conjuncti unius personæ potestate fungantur, *l. 34. eod. l. 1. §. 2. eod. 3. l. un. §. 10. C. de cad. toll.* Conjunctis autem accrebit cum onere, disjunctis sine onere: illis non nisi volentibus, his etiam invitis, *d. l. un. §. 11.*

TITIO ET SEJO HOMINEM STICHUM DO, LEGO] Hic & verbis conjuncti dicuntur, *l. 142. de verb. sign.* quod si testator adjecerit, *aquis partibus*, tum verbis conjuncti erunt duntaxat, *d. l. 142. d. l. 89. inter quos tamen & ipsos juri accrescendi locus, ut evincit, d. l. 89.* nam jus prælationis, quod illic eis tribuitur, necessario præsupponit jus accrescendi.

DISJUNCTIM Separatim, pluribus orationibus. Sunt tamen & hi conjuncti respectu rei, ad quam vocantur; unde & re conjuncti dicuntur triplex enim conjunctio est, d. l. 1. §. 2. d. l. 89.

COMMENTARIUS.

- 1 Quid sit jus accrescendi.
- 2 In hereditatibus id jus valere ex necessitate: unde ea necessitas, & quæ ejus effectus.
- 3 Deficientium heredum portiones quibus pro qua parte accrescant.
- 4 Valere idem jus & in legatis, sed ex sola præsumpta voluntate testatoris: unde dissimilia effecta & quæ.
- 5 Vetus inter genera legatorum circa jus accrescendi differentia.
- 6 Juri accrescendi locum non esse, nisi inter conjunctos: & genera conjunctorum exposita.
- 7 Qui hic & passim disjuncti dicuntur, eos & ipsos verè conjunctos esse, & n. 10.
- 8 Quibus pro qua parte defecta pars collegataris accrescat.
- 9 Inter legatarios diversarum rerum jus accrescendi non esse.
- 10 Singulos, tam conjunctorum, quam disjunctorum diversa consideratione, rectè & totum habere dici, & partes.
- 11 Quid sit partem ab initio facere, notato Gothofredo & Godeano.
- 12 Locus Ulpiani in l. planè §. si conjunctim de legat. 1. expositus, rejecta interpretatione Ant. Fabri.
- 13 An partem faciat quæ è conjunctis tempore testamenti mortuus est, aut incapax.
- 14 An conjuncti post obitum testatoris mortui portio conjuncto accrescat.
- 15 An inter verbis conjunctos jus accrescendi locum habeat.
- 16 Quibus argumentis probari videatur, verbis conjunctos re conjunctos non esse: quibus item contra.
- 17 Communis sententia, quod etiam inter verbis conjunctos jus accrescendi valeat, plenissima defensio.
- 18 Quid hic juris apud nos, & quid in legato alimenterum.

norum possessores intelligimus, l. 3. §. ult. de bon. poss. junct. l. hereditas 138. de verb. sign. & l. 2. d. 111. de bon. poss. & eos quoque, quibus ex fideicommissio restituta est hereditas, l. Papin. 43. cum l. seq. §. 1. l. antepen. ad Trebell. l. si totam 83. de acq. her. Gomez. 1. resol. §. n. 19. Appellatione legatariorum etiam fideicommissarios singulares & donatarios mortis causa, l. un. §. ult. C. de cad. toll. Vallet hoc jus in hereditatibus ex necessitate. Necessitas nascitur ex duobus juris principiis: unum hoc est, Neminem hereditatem sibi delatam partem semel quasitam repudiare posse l. 4. C. de rep. bar. Alterum, Neminem ejusdem hereditatis quæ alium heredem non habet, partem habere posse, partem repudiare, l. 1. & l. 2. de acq. her. l. quidam 28. C. de jur. del. l. un. §. his ita 10. C. de cad. toll. Quin nec ipsum testatorem hoc jus in heredibus prohibere posse, demonstravimus sup. in §. hereditas §. de her. inst. Si vero non prohibuerit, interpretatione juris etiam quasi ex voluntate ejus inducitur tanquam ex tacita substitutione, l. si Titio 61 §. 1. de legat. 2. & id. Osed. Hill. ip. not. ad Don. lib. 7. c. 12. & 26. Ergo qui ex aliqua parte hæres extitit, five ex testamento five ab intestato, ei invito etiam & ignorantibus deficientium portiones accrescunt, l. heredi 31. l. qui ex duobus 53. §. 1. de acq. hered. l. 2. de suis & leg. hered. & accrescunt semper cum suo onere, aris scilicet alieni & legatorum, d. l. un. §. his ita C. de cad. toll. Si plures sint, qui portionem suam agnoverunt, defectæ partes accrescunt omnibus, qui agnoverint, si omnes conjuncti aut disjuncti sint: si promiscuè conjunctim disjunctimque instituti, aut ab intestato vocati, deficientis disjuncti portio omnibus, conjuncti solis conjunctis accrescit ex tacita voluntate testatoris aut legis. Accrescit vero singulis non ex æquo, sed proportionibus hereditariis: & in distributione, si permixtum instituti sint disjuncti & conjuncti, placet conjunctos unius potestate personæ fungi, ut non plus universi auferant, quam singuli disjuncti, l. planè 34. in pr. de legat. 1. l. un. §. his ita. Eademque ratio est heredum legitimorum, cum alii conjunctim seu nomine colectivo, alii separatim vocantur: quod fit, cum quidam in stirpes, alii in capita veniunt, ut filii & nepotes, §. cum filius 6. inf. de her. ab int. fratres & fratrum filii, Nov. 118. §. 3. Valet idem jus & in legatis inter collegatarios ejusdem rei; verum effectus non nihil dissimili: namque in legatis locum habet non ex necessitate aliqua aut dispositione juris, sed ex sola præsumpta voluntate testatoris eandem rem pluribus legantis: quippe quos singulos partem quidem habere velle intelligitur, & legatum scindi, si concurrant: si vero non concurrant solidum, postposito heredem. Proinde & inter collegatarios ejusdem rei prohiberi accretio potest,

TAngitur hic disputatio de jure accrescendi, quæ nulla in toto jure nostro creditur esse vel subtilior vel perplexior. Jus accrescendi est, quo deficientium heredum ejusdem hereditatis, aut collegatariorum ejusdem rei portiones adjiciuntur iis, qui suam portionem agnoverunt. Appellatione heredum & bo-

et si singulis res singulae relictae sunt; uno deficiente, portio ejus non accrescit collegatariis, sed in hereditate manet, augetur jus heredis, cui & ab initio relinqui potuisset, *l. hujusmodi § 4. § pen. de legat. 1.* Deinde cum deficientis heredis portionem cohaeres etiam invitus & cum onere semper accipiat, collegatarius ut plurimum nec invitus, nec semper cum onere partem accipit deficientis collegatarii. In quo haec distinctio Justiniano probata videtur, ut siquidem conjunctim eadem res duobus legata est, portio deficientis volenti tantum, sed cum onere accrescat; si separatim, invito quidem, sed sine onere, *l. un. §. ubi in C. de cad. toll. Ratio est, quia cum conjuncto ex persona deficientis portio defecta defertur, potest eam non admittere; quoniam deficiens potuit: ea autem admissa etiam onus ei adjunctum subire debet, arg. l. qui in jus de reg. jur.* Utrumque contra in disjuncto, quia ex sua ipsius persona solidum habet, suamque magis non diminutum retinet, quam consequitur alienum, ut huic potius non decrescere, quam portio deficientis accrescere videatur; sic enim Justinianus disputat in *d. l. un. §. ubi vers. fin. vero*, & facit *l. 4. de legat. 2. add. Gomez. 1. resol. 10. num. 42. Bart. & comm. DD. in d. l. un. & in l. re conjuncti § 9. de legat. 3. Duar. 1. de jur. accresc. 11.* Jure veteri fuit in hac quaestione nonnulla in legatis ipsis differentia: nam si conjunctim eadem res per vindicationem legata fuerat, pars deficiens accrescebat; si per damnationem, manebat penes heredem: at utroque casu post legem Juliam Papianam fiebat caduca. Si disjunctim singulis solidum debebatur, sed in legato vindicationis concursu partes fiebant, & altero non concurrente totum collegatarius auferere, sive jure accrescendi sive non decrescendi: in legato damnationis unus rem, alter pretium rei ab herede percipiebat, ut in hoc genere legati nullo casu locus pateret juri accrescendi: testes *Ulp. tit. 24. Cujus lib. 2. tit. 5.* atque ex parte Justinianus *d. l. un. §. ubi 11.* Haec differentia etsi novo jure una cum caducis sublata est, & jus accrescendi admissum inter omnes, quibus eadem res quocunque genere legati & quocunque modo relicta; ideo tamen notanda fuit, quia passim vestigia ejus adhuc apparent in responsis veterum, quae non satis accurate ad normam novi juris à Compileribus descripta sunt: quod est maximè, quod hanc quaestionem tam perplexam facit. Porro autem cum non nisi inter conjunctos (nam & disjuncti qui dicuntur, ratione rei conjuncti sunt) locus sit juri accrescendi, nec olim enim fuerit, inde nata quaestio de conjunctis eorumque differentia, quem locum trahat *Paul. l. triplici 142. de verb. sign. & l. re conjuncti § 9. de legat. 3.* ex cujus disputatione discimus, conjunctos generaliter dici omnes, qui ad eandem hereditatem

aut rem vocantur, sive uno sermone sive diversis; & in proposito quibus eadem res ab eodem testatore legata est. Ceterum hos solos, non alios, ac proinde nec eos, quibus res diversae, quamvis una oratione, *l. hujusmodi § 4. § pen. de legat. 1.* nec quibus res eadem à diversis testatoribus, *l. si sub conditione 16. quib. mod. usufr. am.* nec quibus separatim partes ejusdem rei legatae sunt, *l. 1. in fin. pr. de usufr. accresc.* jus conjunctionis aut accrescendi habere. Ceterum licet conjuncti omnes conjuncti sint in eandem rem, ex verborum tamen forma & conceptione dividuntur *d. l. triplici & d. l. conjuncti*, in tres species, ut alii dicantur re conjuncti tantum, quorum scilicet singuli separatim, seu diversis orationibus ad eandem hereditatem aut rem vocantur, ut *Titius heres esto: Sejus heres esto. Titio fundum Tusculanum do, lego: Sejo fundum Tusculanum*, aut *eunium fundum do, lego*, alii re & verbis simul, quos scilicet & nominum & rei complexus jungit, ut, *Titius & Sejus heredes sunt. Titio & Sejo fundum Tusculanum do, lego*: alii denique verbis tantum, qui eadem oratione ad eandem successionem aut rem vocantur additis his verbis, *aquis partibus; veluti, Titius & Sejus heredes sunt aquis partibus. Titio & Sejo fundum illum aquis partibus do, lego.* Haec divisio primum eo comparata est, ut intelligamus in omni specie harum conjunctionum jus accrescendi valere: nam ubi jus conjunctionis est, ibi jus est accrescendi, & contra, *l. si sub conditione 16. quib. mod. usufr. am.* nec disputatio de conjunctis ob alium finem instituta est, quam ut sciremus, inter eos, qui conjuncti sunt, jus accrescendi esse, inter alios non esse; quamvis sint, qui verbis conjunctos excludant, de quo plenius postea. Deinde ex ea quae discimus, omnes conjunctos non &que conjunctos esse, sed alios aliis conjunctiores: & nimirum eos, quos etiam oratio conjungit, magis conjunctos, quam quos conjungit res tantum, oratio separat: unde est, quod hi cum illis comparati disjuncti passim appellantur; illi soli conjuncti, *l. plane 34. in pr. de legat. 1. l. heredes 63. de her. inst. l. un. §. 10. & seq. C. de cad. toll. & apud Ulp. & Cuj.* estque arctioris hujus conjunctionis effectus insignis in eo, quod utroque modo conjuncti in portionem deficientis potiores habeantur, & oratione separatos excludant, *d. l. re conjuncti de legat. 3. d. l. si heredes de her. inst. d. l. un. §. his ita vers. fin. vero*, ubi etiam hujus rei ratio asseritur. Plane, si testator plures una oratione comprehenderit, non eo animo, ut eos conjungeret, quod plerumque fit, sed brevitate studio celerius loquens, deque eo constet, tum si quis ex his defecerit, ceteri non plus in hujuspor-tione juris habebunt, quam alii, qui aperte oratione sejuncti sunt; *l. si quis 66. de her. inst.* Quicquid

autem & hic accrescit, nulli accrescit, nisi qui portionem suam agnovit: si plures agnoverint, singulis accrescit pro virilibus & aequis portionibus, quemadmodum & ab initio omnibus in casum concursus aquæ & viriles partes datæ intelliguntur, *d. l. un. §. ubi autem l. legata 19. §. ult. l. servum 97. §. 1. de legat. 1.* Si conjuncti & disjuncti commixti sint, conjuncti in divisione unius personæ vicem sustinent, nihilo plus ut accipiant omnes, quam unus ex disjunctis, *l. plane 34. in pr. d. tit. d. l. un. §. his ita.* Exempla jam sibi quisque sine negotio formare poterit. In accretione ususfructus quædam sint peculiariora, quæ à nobis notata sunt sub *§. ult. sup. de usufr.* Attigi strictim pleraque omnia, quæ in hac materia visa sunt cognitu maxime necessaria, quibusque perceptis res tota utcumque intelligi, & de plerisque controversiis judicari poterit: nonnulla etiam latius declarabo inferius.

¶ Eadem res.] Quod obiter antea tetigimus, hic prolixius explicandum est, nimirum non esse jus accrescendi, nisi ad eandem rem plures vocati sint, aut quemadmodum hic dicitur, nisi eadem res pluribus legata sit: inter diversarum rerum legatarios non esse, sive singulis legetur separatim, puta hoc modo, *Titio Stichum do, lego: Maſcio Pamphilum do, lego.* sive etiam una oratione conjunctim, ut, *Titio & Maſcio singulos servos do, lego. l. hujusmodi 84. §. pen. de legat. 1.* Sed etsi singulis partes ejusdem rei legatas proponas hoc pacto: *Maſcio fundi illius partem dimidiam, Sejo partem dimidiam do, lego,* non intelligitur res eadem legata, sed altera atque altera, & diversæ singulis; ac proinde cessat jus accrescendi, unoque deficiente pars ejus non ad collegatarium, sed ad hæredem pertinet, *l. in fin. pr. de usufr. accr.* Non enim quia partes istæ indivisæ sunt & inter se confusæ, eo minus sunt divisæ, quarum una sit unius, altera alterius, *l. s. de stip. serv.* Neque obstat, quod ex duobus hæredibus, quorum unus institutus sit ex parte dimidia, alter ex altera dimidia, uno deficiente pars ejus accrescit alteri, qui ex sua parte hæres extitit: quoniam conditio hæreditatis non patitur, ut qui solus sit hæres, ejusdem hæreditatis partem habere possit, partem non habere, *l. 1. 2. de acq. har. l. un. §. his ita C. de cad. toll.* At nihil prohibet ejusdem fundi partem dimidiam alicui legari, ut altera dimidia remaneat apud hæredem. Illud frustra objicitur, quod nemini concessum est ejusdem rei sibi legatæ partem velle, partem nolle, *l. 4. de legat. 2.* Nam in proposito cum pars tantum singulis legata sit, qui partem suam agnoscit, totum quod sibi legatum est, agnoscit: quod si partem tantum partis suæ amplecti vellet, & reliquam repudiare, hoc ei obstarat juris ista ratio. Sed etsi duobus res eadem & solida conjunctim legata sit, potest

nihilominus deficientis portio repudiari, *d. l. un. §. ubi autem 11.* Hoc igitur ratum sit, necesse esse, ut iis, inter quos jus accrescendi esse volumus, una atque eadem res legata sit, & quidem solida singulis: hoc enim est, quod Ulpianus ex Celsi sententia refert, toties esse jus accrescendi, quoties ex duobus, qui in solidum habuerunt, concursu res divisa est, *l. 3. in pr. de usufr. accr.*

¶ Sive conjunctim sive disjunctim.] Conjunctim legari dicitur, quando una oratione una eademque res pluribus legatur. Disjunctim seu separatim, quando singulis orationibus singuli ad eandem rem vocantur, ubi hic sint plures enunciationes, illic una copulata, *d. l. un. §. his ita & §. seq. l. 1. §. 2. de usufr. accr. l. si pluribus 33. de legat. 1.* indeque est, quod alii conjuncti, alii disjuncti passim dicuntur. Cæterum conjunctio hæc & disjunctio ex verbis potius, quam ex re æstimatur, cujus respectu omnes conjuncti sunt, quibus res eadem legata, licet disjunctim: & hi sunt, qui in specie re conjuncti appellantur, *l. tripliter 142. de verb. sign. l. re conjuncti 89. de legat. 3.* quod & supra notatum est, & simul observatæ nonnullæ inter hæc genera differentię, cum de onere partis accrescentis quæritur, itemque de prærogativa & partibus faciendi, cum permixti sunt.

¶ Scinditur inter eos legatum.] Hoc alibi sic dicitur, *concurso partes faciunt,* aut *concurso partes habent,* *l. 3. de usufr. acc. l. plane 34. §. sed si 10. de legat. 1. l. conjunctim 80. de legat. 5. l. 7. C. de legat.* Estque hoc certissimum argumentum in utroque hoc genere legati, hoc est, sive conjunctim, sive disjunctim eadem res duobus legata sit, non partes ab initio factas, sed solidum singulis relictum intelligi. Quod tamen cum dicimus, non hoc significamus, singulos simpliciter habere solidum, aut unumquemque solidum petere posse, non expectato casu, quo alter deficiat; aut alterum rem, alterum æstimationem consequi; quod olim in una specie legati per damnationem inter disjunctos obtinebat, hodie non obtinet, nisi manifestissimum sit ex scriptura, testatorem solidum ad utrumque pervenire voluisse, *l. un. §. ubi autem C. de cad. toll. l. si pluribus 33. de legat. 1.* quo in loco valde conspicua sunt emblemata Triboniani: sed habere solidum considerato eventu alterius deficientis, idque ex voluntate testatoris. Omnino enim credibile est testatorem ad hunc eventum respexisse, atque ideo re conjunctim singulos, seu singulis eandem rem legasse, ut altero deficiente alter in solidum eam haberet, cum absque eo foret, ut pars deficientis rediret ad hæredem. Contrario autem respectu, si nimirum consideramus casum utriusque concurrentis, partes habere rectè dicuntur; easque etiam in hunc eventum habent

habent ex voluntate testatoris, quæ hic manifesta est, cum utroque concurrente, quod utique futurum speravit testator, totum singuli habere non possint. Licet autem diversa consideratione & totum & partes singuli habere videantur: tamen totum habere passim dicuntur ad differentiam eorum, qui simpliciter & omnimodo partes habent, nec eas demum concursu faciunt; quales sunt, quibus partes tantum ab initio assignatae. Ceterum quod tam conjunctos, quam disjunctos solidum ab initio habere dicimus, id non caret omni scrupulo. Nam contra Ulpianus *d. l. plane §. si conjunctim 9. de legat. 1.* expressè scribit, si conjunctim res legetur, partes ab initio fieri; nec solum partem facere eos, in quorum persona consistit legatum, verum eos quoque, quorum in persona non consistit. Hunc locum obstat non putant, qui non intelligunt, quid sit partem ab initio facere. Quod tamen minimè obscurum est. D. Gothofredus in notis, ad *d. §. si conjunctim*, scribit *partem facere non quorum persona in divisione partem accipiunt, sed cum ejus, qui deficit aut incapax est, pars conjuncto accrescit*, contra manifestam *d. §.* sententiam & perpetuum usum juris auctorum, quibus partem facere, est facere, ut quis partem tantum habeat in eo, quod totum habiturus esset, si solus esset; aut impedire, ne totum ad alterum pertineat, ut constat ex *l. 8. §. quoniam 8. l. qui repudiant 17. de inoff. test. l. 7. de reb. dub. l. hujusmodi 84. §. si Titio 8. de legat. 1. cum simil.* Et igitur perspicuè etiam erat Goveanus qui *l. 6. de jur. accresc. n. 6. & 7.* scribit, eos, qui partes faciunt ab initio, partes non habere. Ut autem jus accrescendi excludatur, necesse esse partes ab initio habere legatarios. Facere autem ab initio partes eo dici, non quia pro parte ab utroque legatum vindicetur: sed quia utroque solum vindicantes res inter eos scinditur. Tot errores, & errores conspicui, quod penè dixerim verba. Nam primo qui partes ab initio non habent, in his dici non potest partes ab initio fieri, sed tantum concursu; quæ perpetuo inter se opponuntur. Deinde quid aliud est, partes habere ab initio, quam partes ab initio fieri? utroque enim significatur alterum hoc casu solidum habere nunquam posse, seu quod idem est, juri accrescendi non esse locum: & quamvis qui partem facere dicitur, non concurrat, aut concurrere non possit, certissimo tamen jure perinde habetur, ac si concurrisset suamque partem abstulisset. Confundit Goveanus & pro iisdem habet, siue dicas partes ab initio fieri, siue partes fieri concursu: quod in tanto viro vix ferre possum. Postremo illud quoque falsum est, posse in concursu vel singulos conjunctos solidum vindicare, vel unum eorum, quamdiu alter adhuc concurrere potest. Non enim amplius vindicare licet, quam relatum est: at in eventum, quo uterque concurrat, singulis non so-

lidum, sed partes relicte intelliguntur, quod pluribus confirmat *Ant. Faber decad. 49. err. 9.* Quamobrem miror D. Svanenburgium locum hunc Goveani notatu tam dignum existimasse, ut eum integrum verbis Goveani describeret *cap. 8. tract. de jur. accresc.* Quid ergo respondemus ad *d. locum Ulpiani in l. plane, §. si conjunctim de legat. 1.* ubi tam diserte Jurisconsultus ait *in conjunctis partes ab initio fieri*? Ant. Faber id, quod generaliter Jurisconsultus definit de conjunctis, restringit ad verbis conjunctos tantum, qui effectu ne conjuncti quidem, si Fabio credimus, in hac disputatione habeantur. Sed perperam, meo quidem judicio. Rectius autem locus ille referetur ad legata per damnationem, aut potius ad legem Juliam Papiam & jus caducorum; ut adeo dicamus, de iis ibi agi, qui vel ante mortem testatoris vel ante apertas tabulas defecerunt, quibus quod adscriptum erat, caducum fiebat, ut in favorem fisci hi partes facerent, quæ alioqui vel in hæreditate mansissent, vel accrevissent conjuncto: nam ex lege Julia Papia conjunctis nihil accrescebat, nisi post diem legati cedentem (cedebat autem demum ab apertura tabularum) legatarius decessisset, aut tempore facti testamenti non fuisset in rerum natura, cui quod relictum erat, pro non scripto habebatur, *l. unie. §. 1. & seqq. Cod. de cad. toll.* Eodem referendum, atque eodem modo explicandum, quod est in *l. hujusmodi 84. §. si à Titio 8. de legat. 1.* Planè illud concedo, disjunctis apertius atque expressius solidum ab initio assignari, quam conjunctis, utpote quibus ipsa conjunctione quodammodo partes attribui videantur: quod consideravit Justinianus *d. l. un. §. ubi autem*, sed tamen nec disjunctis solidum simpliciter datum dici potest: alioqui non concursu res divideretur: sed alter rem, alter æstimationem consequi deberet.

[*Si alter deficiat*] Non potest dici deficere, in cuius persona legatum nunquam consistit; veluti si quid ei datum sit, qui quo tempore testamentum condebatur, in rebus humanis non erat, puta diem suum functus, cum id testator ignoraret; aut ei, quicum testamento factio non est, siue incapax, puta deportato aut peregrino. An igitur si alter è conjunctis aut testamenti tempore jam mortuus sit, aut capere ex testamento nequeat, partem alteri faciet, an totum ad alterum pertinebit? Et eum quidem, qui tempore testamenti non fuit in rerum natura, partem nec olim fecisse testatur Justinianus. *d. l. un. §. 3. C. de cad. toll.* Puto autem & quod ei, qui capere non poterat, conjunctim cum alio relictum erat, in eadem causa fuisset, ut & hoc conjunctio totum cederet, quoniam æquè quam illud pro non scripto habebatur, *arg. l. 1. C. de her. inst.* quod tamen non aliter processisse, quam si alter simpliciter & omnino incapax fuerat, evincitur

ex verbis *d. l. plane* §. *si conjunctim de legat. 1.* ubi jurisconsultus ait etiam servum proprium, cui sine libertate quid legatum est, quamvis id in persona servi non consistat, conjuncto partem facere, innuens, ut paulo ante hoc interpretati sumus, in fisci favorem partem ejus ex lege Julia Papia caducam fieri.

Aut spreverit legatum] Post legem Juliam Papiam si eadem res duobus conjunctim legata erat, etiam partem repudiantis caducam factam colligitur ex loco Ulpiani *in fragm. tit. 24. §. 11. & seq.* ubi scribit, partem non concurrentis conjuncti, quæ in legato vindicationis jure civili accrescebat, in legato damnationis in hereditate remanebat, ex lege Papia caducam fieri; nunc autem certum est in utroque genere legati accrescere, atque hæcenus etiam conjunctos & disjunctos esse pares.

Viso testatore decesserit, vel alio quoque modo]

Ad illius quoque partem lex Papia pertinebat, quæ conjunctis viro testatore decesserat, vel quolibet alio modo decesserat, puta damnatione in metallum aut deportatione, uti ex d. loco Ulpiani manifestum est: idque quod huic relictum erat, dicebatur esse in causa caduci, *d. l. un. §. 2. C. de cad. toll.* sed nunc certo jure conjunctis in eandem rem accrescit sine discrimine generis legati aut modi legandi, *d. l. un. §. 4. §. 10. & seq.* Verum quid si unus decesserit testatore jam mortuo? Ego existimo, hoc casu nihil conjuncto accrescere; sive legem Papiam spectes, sive jus novum Justiniani. Nam aut ante apertas tabulas decessit, & pars ejus ex lege fit caduca; aut post aperturam tabularum, ex quo legati dies ex lege cedit, & hic quidem quod ei adscriptum est, non fit caducum, jam enim ei deberi cœpit: cæterum nec accrescit collegatario, sed ad heredem deficientis transmittitur, qui effectus est cessionis diei in legatis fideicommissis, *l. 5. & pass. quand. di. leg. ced.* & textus est in *l. 4. in fin. pr. de alim. leg.* Ex constitutione autem Justiniani, cui placuit diem legatorum statim cedere à morte testatoris, effectum est, ut idem juris nunc sit etiam in parte decedentis ante aperturam tabularum, ut scilicet nec ea caduca fiat, nec tamen accrescat collegatario, sed ad heredem similiter transmittatur, quemadmodum si solus esset, totum transmitteret, *per d. l. un. §. in novissimo.* Non frustra igitur dixit, vivo testatore.

Totum ad collegatarium pertinet] Si plures sint, omnes autem vel conjuncti tantum, vel tantum disjuncti, pars deficientis accrescit omnibus ex æquo: si permixti conjuncti & disjuncti, conjuncti in parte conjunctorum cæteris anteferuntur; disjunctorum partes accrescunt omnibus, sic ut in divisione omnes conjuncti pro una persona habeantur, *d. l. plane in pr. de legat. 1. l. re conjuncti §. de legat. 2. d. l. un. §. his in C. de cad. toll.* Quod autem conjunctis accrescit,

cum onere; quod disjunctis, sine onere, *d. l. un. §. ubi autem sub fin.* de quibus etiam dictum superius.

Titio & Sejo hominem Stichum do, lego] Quod in his, quibus quid conjunctim legatur, Justinianus solum utitur exemplo, re & verbis conjunctorum, id inter alia multos movet, ut negent, inter verbis tantum conjunctos esse jus accrescendi: quo in numero sunt *Goë. n. 26 Horom. 6. obs. 12. Ant. Fab. 6. conj. 1. & dec. 49. err. 4. D. 88. de jur. accr. c. 8.* Sed sanè hoc argumentum perexiguum ad illud probandū pondus habet. Nam ut taceam, quo nihil certius & notius est, exemplis neminem uti solere ad restringendam regulam, nulla hoc loco est cōjunctorum inter se oppositio; sed conjunctorum, id est, eorum omnium, quibus res eadem legatur una oratione, & disjunctorum, quibus quid legatur orationibus diversis, ut licet in exemplo proposito Titius & Sejus sint re & verbis conjuncti, tamen ut tales hic non considerentur, sed ut conjuncti simpliciter: ac proinde hic locus potius contrariam sententiam juvat, quæ etiam in sola verbali conjunctione jure accrescendi locum tribuit. Sed tamen ultra sententia prior sit, operæ pretium est penitus inquirere. Illud pro confesso habendum atque omnino retinendum est, nullos esse conjunctos, ad quos quidem jus accrescendi pertineat, nisi qui re sint conjuncti siue quibus relicta eadem res. Proinde neque ii, quibus res diversa relictae sunt, quamvis una oratione, pro conjunctis hic habentur, veluti si ita dixerit testator, *Titio & Maevio singulos servos do lego*: ut ut verbis jungantur, *l. hujusmodi 84. §. pen. de legat. 1.* neque ulla, id est, ne rei quidem conjunctio esse intelligitur, ubi partes tantum ejusdem rei singulis simpliciter datae; ut proinde hoc etiam casu sine dubio jus accrescendi cesset, *l. 2. in fin. pr. l. pen. de us. accresc.* Hinc jam de questione proposita judicandum est. Nam si verbis tantum conjuncti qui dicuntur in distinctione generum conjunctorum, non sint simul re conjuncti, ex superiore definitione jus accrescendi ad eos non pertinebit: contra pertinebit, si iidem re quoque conjuncti sunt: ut ecce in hoc exemplo; *Titio & Sejo fundum Tusculanum aquis partibus do, lego*, constat Titium & Sejum verbis conjunctos esse & appellari: sed jus accrescendi inter eos verborum conjunctio parere non potest, si non etiam accedat conjunctio ipsius rei. Non esse re conjunctos, ipsa appellatio statim à principio indicare videtur. Dicuntur enim verbis tantum conjuncti, *l. triplici, de verb. sign.* item verbis conjuncti, non etiam re, *l. re conjuncti, de legat. 3.* Item videtur ostendere expressio partium singulis attributarum: nam ut hæ partes indivisæ sint, sunt tamen diversæ, ut dici non possint re conjuncti, aut singulis relicta eadem res. Denique non est realis conjunctio, nisi inter eos, qui solidum ex judicio defuncti habent:

verbis autem conjuncti non solidum, sed partes habent, easque expressas verbis testatoris; ut proinde & partes ab initio facere, *l. plane 34. §. si conjunctim 9. de legat. 1.* & semper partes habere dicantur, *l. re conjuncti, de legat. 3.* Sed his non obstantibus verius existimo, verbis conjunctos, quos hic vocamus, etiam re conjunctos esse. Etenim qui sic legat, *Titio & Sejo fundum Tusculanum do, lego ex aquis partibus*, is utique utrumque conjungit in eandem rem, dum simul & semel eundem fundum ambobus legat. Nec mutat hanc conjunctionem partium æqualium expressio: nam et si hæ partes non exprimuntur, tacite tamen significantur enumeratione personarum, *l. cui fundus 56. de cond. & dem.* Quæ autem non expressa intelliguntur tamen, si exprimantur, pro superfluis habentur, *l. Cornelium 69. de her. inst.* ut omnino verum sit, quod Baro ait, non aliter differre verbis conjunctos à conjunctis re & verbis, quam quod in illis partes æquæ exprimantur, in his non item; judicio autem defuncti pari jure censer, *arg. l. 16. in fin. de legat. 1.* Sed cur igitur dicuntur verbis tantum conjuncti; conjuncti verbis non re? Non quia vere verbis tantum conjuncti sunt, re plane disjuncti: sed quia tales videntur in comparatione re & verbis conjunctorum, inspecta forma & acceptione verborum; quæ sola hæc genera separat, & adscriptis æquis partibus in verbis conjunctis, qui dicuntur, res diversas facere videtur; quod tamen non ita est, si rem ipsam spectamus & sententiam testatoris, cujus judicio cum pariter ad eandem rem vocentur, pariter pro re & verbis conjunctis habendi sunt. Ex quo porro sequitur, si re & verbis conjuncti solidum ab initio ex voluntate testatoris habere intelliguntur, & solidum habere eodem modo intelligi singulos verbis conjunctorum: idque adeo verissimum esse ostendit *l. conjunctim 80. de legat. 3.* ubi Celsus scribit, conjunctim legare, esse *tota legata singulis dare. partes autem concursu fieri.* Quæ definitio cum generalis sit, dubitandum non est eam ad verbis quoque conjunctos pertinere, & quod expressa partium in hac conjunctione testator meminit, id ex mente ejus sic à prudentibus acceptum, non quod duobus, verbis gratia, ita conjunctis, simpliciter velit singulos partes adscriptas atque in omnem eventum habere, etiam si non concurrant: sed quod cum sciret, si concurrerent ambo, quod & futurum speravit, singulos totum habere non posse, istis verbis demonstrare voluerit, quid in hunc eventum singuli habituri essent. At si unus deficiat, etiam in verbali conjunctione sic mentem testatoris acceptam, quasi in hunc casum alterum solidum habere voluerit, nec ob aliam causam ad eandem rem utrumque vocaverit, quam quod eam rem vel alterum eorum magis habere voluit, quam hæredem suum. Sed inquis, verbis conjuncti dicun-

tur semper partes habere, *d. l. re conjuncti.* Ergo omni casu habent, & ab initio & ex postfacto. Respondeo, id quoque dici ex comparatione re & verbis conjunctorum. Nimirum Jurisconsultus eo loco docendi gratia distinguit verbis conjunctos à conjunctis re & verbis simul, non ex eo, quod re ipsa est, sed ex eo, quod videtur; quia verbis conjuncti partes habent externa forma verborum; re & verbis conjuncti non habent. Neque alia ratione hæc genera secerni possunt. Quod vero apud Ulpianum scriptum est, si conjunctim res legetur, partes ab initio fieri; *d. l. plane, §. si conjunctim, de legat. 1.* id tam ad verbis & re simul conjunctos pertinet, quam ad conjunctos verbis tantum: ac proinde locus iste vel ad legatum damnationis referendus est, vel ad legem Juliam Papiam & jus caducarium; uti & *l. hujusmodi, §. si à Titio, cod. tit.* In *l. 7. de legat. 2.* aperte Jurisconsultus loquitur de legato damnationis: eodemque pertinere principium *l. 16. de legat. 1.* arguit ejusdem *l. §. ult.* Concludendum igitur est, etiam inter verbis conjunctos jus accrescendi locum habere; quippe cui toties locus est, quoties res eadem duobus in solidum legata est, sic ut partes concursu habeant, sive eas habeant ex voluntate testatoris expressa, sive ex tacita, *l. 3. de usufr. accr.* Atque hæc communis est sententia, probata quoque Duareno *lib. 1. de jur. accr. cap. 10.* Baroni *in comm. ad hunc §. Donello 7. comm. 13. & 8. comm. 21. Gerd. ad l. triplici, de verb. sign. num. 12.* Confirmatur hæc sententia primum aperto textu *l. 16. §. ult. de legat. 1.* ubi non solum qui re & verbis conjunctus est, sed etiam cui virilis portio data, id est, conjunctus verbis tantum; *arg. d. l. triplici.* Non concurrente altero, totum vindicare dicitur. Deinde ex eo, quod verbis conjunctus etiam potior dicitur esse in hoc jure quam is, qui re tantum conjunctus est, *d. l. re conjuncti, de legat. 3.* siquidem jus prælationis necessario præsupponit jus accrescendi & conjunctionem realem: & præposterum est, quod Ant. Faber. *dec. 49. err. 8. 9.* responderet, verbis conjunctos, licet per se re disjuncti sint, ex accidenti tamen & postfacto etiam re conjunctos fieri concurrente tertio aliquo, qui illis re conjungatur: nam conjunctionem non concursus efficit, sed dispositio testatoris ad eandem rem plures vocantis, ut necesse sit, eos, quos in parte deficientis concurrere, aut aliis præferri volumus, considerari ut ab initio sententia testatoris conjunctos. Nihil pro sententia Fabri facit, quod à Javoleno responsum est, in hac specie, si testator Mævio fundi partem dimidiam, Sejo partem dimidiam, & eundem fundum Titio legaverit, Sejo deficiente partem ejus pro portione legati non Mævio solum, sed etiam Titio accrescere, *l. Mævio 41. in pr. de legat. 2.* Nam Mævius & Sejus in hac specie verbis conjuncti non sunt, sed con-

juncti

juncti re tantum, verbis inter se separati. Quod ipse Jurisconsultus expresse testatur. Ait enim, separatim & partes fundi & totum legatum esse: apparetque, legatum hoc sic à Jurisconsulto acceptum ex sententia testatoris, quasi Mævius & Sejus sint in unam dimidiam inter se juncti: Titius autem cum his in eandem dimidiam, quia cui totus fundus legatus est, ei utique & eadem dimidia legata intelligitur, cum verbo totius ambæ dimidiæ ei legatæ sint: similiter ut in usufructu conjunctos esse dicimus, quorum unus fundus, alteri usufructus ejusdem fundi legatus est, *l. si alii 19. de usufr. leg.* quod plenius & eleganter explicat Don. in *epist. ad Alber. Gentil.* inserta opusculis Donelli posthumis. Postremo cum nullus alius conjunctionis in hac quæstione sit effectus, quam ut jus accrescendi conjunctus habeat, cur si verbis juncti ab hoc jure removendi sunt, conjunctos tamen eos, non disjunctos, appellamus? Non obstat communi sententiæ, quod Celsus *l. & Proculus 20. de legat. 2.* respondit, servo communi quod legatum est, id si alter dominorum omitteret, alteri non accrescere. Nulla enim omnino in tali legato conjunctio est, ut ipsa textus verba evincunt: & ratio est, quia partes dominicæ semper pro inæqualibus habentur; fortuitumque est, quod æquales singuli habeant. At vero non est jus conjunctionis nisi inter eos, quos testator in eandem rem conjunxit æqualiter. Magis ob stare videtur *l. pen. de usufr. accr.* ubi minime obscure Papinianus pronuntiat, re separatos videri, quibus eadem res æquis portionibus relicta est. Loquitur quidem de usufructu ejusdem rei æquis portionibus legato: sed vel magis idem obtinere debet in simili casu legata proprietate: utpote quæ difficilius accrescit, quam usufructus, *l. 1. §. 3. d. rit.* Sed bene mihi videtur respondere Donellus, id quod in *d. l. pen.* dicitur de æquis portionibus, accipiendum esse non de portionibus rei, cujus usufructus relictus est, sed de portionibus singulorum hæredum, à quibus relictus est: quam interpretationem & initium *d. l. pen.* juvat, & plane confirmat ratio reddita ab Ulpiano in fragmento sequenti in hæc verba, *cum alius alio hærede usufructum vindicet.* Bene autem Papinian. negat, in hujusmodi specie legatarios in eandem rem conjungi, cum partes hæreditariæ prius divisæ sint. Bachovius *d. l. pen.* accipit de eo casu, quo dimidia singulis separatim seu diversis orationibus relicta est: sed hoc verbum Papiniani minime convenit. In hæreditate huic quæstioni non est locus: quippe in qua, ut initio monuimus, jus accrescendi ex dispositione juris proficiscitur, quod neminem ejusdem hæreditatis, quæ a Mumo hæredem non habeat, partem habere, partem repudiare permittit; & ideo portio occupata necessario vacantem ad se trahit: quanquam illud etiam in hæ-

reditate quæri potest, ex pluribus diversi generis conjunctis quis cui præferatur. Reliqua per se quisque nunc facile expediet: plura tamen qui desiderabit, addere poterit *DD. in d. l. re conjuncti, Gomez. 1. re sol. 10. Grass. §. jus accrescendi, Ant. Fab. decis. 49. & 50. Christin. vol. 1. decis. 312. & 2. seqq.* & qui propriis tractatibus hanc materiam explicarunt, Duar. *Gocean. Ant. Fumaum, Jo. Suev. Corn. Smanerb. D. Grotius lib. 2. manu duct. 23.* scribit, apud nos in toto hoc argumento non usque adeo subtilitatem juris civilis attendi, sed ejus præcipue rationem haberi, quod propius abesse videtur à sententia & mente testatoris: idque æstimari non ex verbis tantum & rei pretio; verum etiam ex conditione & qualitate personæ tum testatoris tum legatario- rum. In legatis alimentorum, ut hoc obiter addam, juri accrescendi non est locus, *l. 57. §. ult. de usufr. l. 16. §. 2. de alim. leg.* nimirum quemadmodum in agris limitatis cessat jus alluvionis, *l. 16. de acq. rer. dom.* quod comparatur cum jure accrescendi, *l. 33. in fin. de usufr.* ita & in usufructu limitatio ad finem alimentorum jus accrescendi cessare placuit; ut rectè Cujac.

T E X T U S.

Si legatarius proprietatem fundi alieni
sibi legati emerit & usufructus
ad eum pervenerit.

9. Si cui fundus alienus legatus sit, & emerit proprietatem deducto usufructu, & usufructus ad eum pervenerit, & postea ex testamento agat, recte eum agere & fundum petere Julianus ait: quia usufructus in petitione servitutis locum obtinet: sed officio judicis continetur, ut deducto usufructu jubeat æstimationem præstari.

N O T Æ.

QUIA USUFR. SERVITUTIS LOCUM] Poterat objici, appellatione fundi plenam proprietatem contineri, *l. 10. l. 16. de usufr. l. 18. de verb. obl. R.* in casu proposito eo verbo nudam duntaxat proprietatem significari, ut usufr. intellectu à fundo separatur, & tanquam servitus consideretur; quoniam proprietas, quæ adest ex causa onerosa, adhuc abesse intelligitur, *l. 14. de verb. sign. fac. l. 25. eod. junct. l. 66. de judic.*

JUBEAT AESTIMATIONEM PRAESTARI]
 Judex tanti rem aestimabit, quantum auctori aberit,
d. l. 82. §. 2. Itaque habemus hic casum, quo con-
 demnatio fit in rei petita aestimationem: quod in-
 terdum necessarium aut humanum.

COMMENTARIUS.

1. Speciem hoc loco propositam pertinere ad do-
 trinam traditam §. 6. sup.
2. Qua sit hujus loci sententia, & quo colore de-
 fendatur.
3. Interpretum error circa ejus explicationem
 notatum.
4. Ant. Fabri opinio confutata.
5. Non esse novum, ut interdum condemnatio fiat
 in rei petita aestimationem.

Hic locus, ut ex argumento intelligitur, subjun-
 gendus potius fuerat §. *si res aliena* 6. ubi di-
 ctum est, si res aliena legata ex alia causa ad legatari-
 um pervenerit, interesse utrum pervenerit ex causa
 onerosa, an ex causa itidem lucrativa: illo casu le-
 gatum non extinguatur, sed posse legatarium nihilo-
 minus actione ex testamento pretium consequi: hoc
 casu contra legatum penitus evanescere, eo quod
 duae causae lucrativae in eandem rem & personam
 concurrere non possunt. Quod autem de toto ibi
 traditum est, id etiam valet in partibus, ut si quis rei
 sibi legate partem unam ex causa onerosa, alteram
 ex causa lucrativa nactus sit, legatum pro ea parte
 extinguatur, quam adeptus est ex causa lucrosa,
 pro altera consistat, & pretium ejus consequi possit,
l. non quocunque 82. §. 3. de legat. 1. Unde etiam
 si quis fundi sibi legati proprietatem emit de-
 tracto usufructu, & usufructus postea ad eum per-
 venit, puta mortuo fructuario aut capite minuto, at-
 que ita ex causa lucrativa, perinde hoc habendum
 ac si pars rei ex causa onerosa, pars sine onere ad eum
 pervenisset. Nam etsi usufructus non in parte, sed
 in jure consistit: tamen quia emolumentum rei con-
 tinet, merito vicem partis obtinere placet, *l. Marcius*
66. §. pen. l. cum filius 76. §. dominus, de legat. 2. l.
qui usufructum 58. de verb. oblig. Ceterum in
 hac specie nihilominus fundum recte peti, nec plus
 quam oportet, ea petitione contineri intelligi tradit
 hic Justinianus post Julianum in *d. l. quocunque 82.*
§. 2. de legat. 1.

Recte eum agere & fundum petere] Recte, id
 est, impunè, sine metu cadendi causa: quae poena
 est eorum, qui plus petendo perperam agunt, *§. si quis*
agens 33. inf. de act. Sensus igitur horum verborum
 est, posse legatarium agentem ex testamento eum
 haerede simpliciter intendere fundum sibi dari oportere,

etiam si nudam duntaxat proprietatem emerit; ut
 usufructum adeptus sit gratis; neque hac intentio-
 ne sua plus eum complexum videri debere, quam o-
 porteat. Fundum, inquam, ipsum, non aestimationem
 aestimationem, ut male Theoph. & Pac. quod argu-
 unt sequentia.

Quia usufr. in petitione servitutis locum obti-
 net] Poterat obijci, imo perperam in casu propo-
 sito agere legatarium, ac re ipsa atque aperte plus
 petere, si simpliciter fundum petat: quippe appella-
 tione fundi plenam proprietatem significari, *l. ro. l. si*
alii 19. de usufr. l. qui usufructum 58. de verb. oblig.
 ac proinde tanto plus, quam oportet, eam petiti-
 onem complecti, quanto plura aestimari constat ple-
 nam proprietatem, quam nudam, pro qua sola pre-
 tium numeravit. Huic objectioni occurrens Ju-
 stinianus ait usufructum in proposita petitione ser-
 vitutis locum obtinere. Quod paulo obscurius di-
 ctum hanc sententiam habet, eum qui fundum pe-
 tit, etsi regulariter plenam proprietatem petere intel-
 ligitur, tamen in casu praesenti fundi verbum sic ac-
 cipi oportere, ut eo nuda tantum proprietates designa-
 ta intelligatur, seu fundus quatenus petenti emolu-
 mento abest, ut usufructus intellectu ab eo separe-
 tur, & ob id tanquam servitus in hac petitione con-
 siderari debeat, hoc est, ut nec petitus censeatur;
 cum & alias cum usufructus separatus est, appella-
 tione fundi nudam proprietatem significari constet,
l. recte 25. de verb. sign. Haec interpretatio cum peti-
 tori necessaria sit, ne alioqui formula excidat, si eo-
 um plus debito intentione sua complexum dicamus,
 omnino hic recipienda est: quoniam in ambigua in-
 tentione id semper accipere jubemur, quod petitori
 utile est, *l. si quis 66. de judic.* Scio longe aliter
 hunc locum ab aliis explicari: sic enim fere ceteri
 existimant, quod Justinianus hic agit, legatarium
 recte agere & fundum petere, id hanc habere senten-
 tiam, legatarium recte, id est, strictae rationi juris
 convenienter, ac proinde sine periculo amissionis
 causae, fundum petere, ut ea petitione & propieta-
 tem & usufructum comprehendat, aut posse eum
 ipso jure petere solidi fundi aestimationem; & quod
 mox pro ratione Justinianus affert, usufructum in
 ea petitione locum servitutis obtinere, id sic accipi-
 unt, quasi dixisset, quia usufructus non jure par-
 tis, sed servitutis in petitionem deducitur. Sede-
 go fateor me hac capere non posse. Neque enim
 intelligo, quo colore defendi possit, legatarium in
 proposito rationi juris convenienter agere hoc mo-
 do, *Ajote mihi fundum Sempronii, legatum mi-*
hi a Titio, dare oportere. Ut haec sit formulae illi-
 us intentio, *Ajote mihi dare oportere & propie-*
tatem fundi & usufructum, aut solidi fundi a-
estimationem. Sive in ea intentione consideretur
 usus.

usufructus, ut consolidatus & conjunctus cum proprietate, sive ut à proprietate separatus & tanquam servitus. Nam si illo modo accipias, manifestum est, petitione id contineri, quod jam habet ex causa lucrativa, & ita obstat regulam juris, quæ non patitur duas causas lucrativas circa eandem rem & personam concurrere; si hoc modo, adhuc dico, id ipsum eum petere, quod sine onere habet, licet habeat sub alia qualitate: aut si tu neges, fatendum tibi erit, peti, quod legatum non est. Imo vero nego, unquam eum, qui fundum petit, posse intelligi usufructum jure servitutis petere. Quicunque enim fundum petit, eum necesse aut solidam proprietatem intelligere, *l. 5. in pr. si usufr. pet.* aut nudam, *l. recte dicimus 25. de verb. sign.* Denique non recte in specie proposita solidum fundum aut solidi æstimationem peti, satis aperte, ut mihi videtur, probat quod apud Julianum in *d. l. non quocumque 82. §. 3. de legat. 1.* notat Marcellus: ait enim, si partem fundi alieni mihi legati redemero, pars mihi legata sit, aut donata, idem esse, quod in specie proposita à Juliano, & ideo me partem duntaxat petere debere. Quibus verbis non obscure innuit, nec in præcedenti specie Juliani solidum recte peti: alioqui species, quam proponit Marcellus, ut similem Juliani, longe esset dissimilis. Ant. Faber 6. *conj. 8.* ne hoc quidem concedit, in casu proposito simpliciter fundum recte peti, ut ut ea intentione nuda proprietas petita esse intelligatur: quoniam ait, nec apud Julianum, nec alibi hoc traditum, & quod meum est, amplius meum fieri non potest. Sed ut supra in §. 6. ostendimus, quod ex causa onerosa ad creditorem pervenit, interpretatione juris perinde habetur, ac si non pervenisset, propter pretium, quod ei abest, *l. 14. de verb. sign.* & refellit Fabrum *l. ex promissione 19. de obl. & act.* ubi disertè Julianus, scribit eum, qui non ex causa lucrativa rem habere cepit, non prohiberi eandem ex causa lucrativa petere: tum etiam manifeste locus Marcelli modo citatus: nam si partem fundi, quam ex causa onerosa consecutus sum, recte peto, cur prohibear proprietatem petere, quæ ex tali eadem causa apud me est? Cetera, quæ eodem loco Faber adversus hanc sententiam, & adversus ipsum adeo Tribonianum disputat, assis non ætimo.

5 *Sed officio judicis continetur, &c.* Quamvis ratio judicii hoc exigat, ac proinde regulare sit, ut condemnatio fiat in rem ipsam, quæ petita & in judicium deducta est: *l. ut fundus 18. com. dis.* evenit tamen nonnunquam, ut necesse sit, aut æquum & humanum, condemnationem fieri in rei petitiæ æstimationem; veluti si res petita culpa debitoris aut post moram perempta sit, *l. si ex legati 27. de verb. obl.* item si res aliena, quæ petitur, domino venalis

non sit, aut venalis quidem, sed immenso pretio, *l. 14. §. ult. de legat. 3.* vel si ea ex causa onerosa ad creditorem pervenerit, *l. ex promissione 19. de obl. & act. l. hujusmodi 84. §. qui servum 5. de legat. 1. §. si res 6. sup. cod.* Idemque est, si creditor partem, quam ex simili causa nactus est, petat, *l. non quocumque 82. §. 3. de legat. 1.* & in casu proposito, ubi fundus alieno, legato fundi proprietas, quæ ex causa onerosa apud legatarium est, petitur, *d. l. non quocumque, §. 2.* Hic igitur judicis officio incumbit, ut reum condemnet, non in rem petitam, puta ut fundum præter deducto usufructu; nam proprietatem fundi jam revera petitor habet: sed ut præter fundi deducto usufructu æstimationem; hoc est, ut tantam pecuniam legatario det, quantam ille venditori pro fundi nuda proprietate persolvit. Julianus hoc sic expressit, *Judex tanti item æstimabit, quantum auctori abest, d. l. non quocumque, §. 2.*

T E X T U S.

De re legatarii.

10. *Sed si rem legatarii quis ei legaverit, inutile est legatum: quia quod proprium est ipsius, amplius ejus fieri non potest. Et licet alienaverit eam, non debetur, nec ipsares, nec æstimatio ejus.*

N O T A.

LICET ALIENAVERIT EAM] Propter definitionem regulæ Catonianæ *d. l. 41. §. 2. cui obstat, l. 2. §. 2. de reg. Cat.* nisi dicamus verbis illis, *si eum & co testatore alienaverit*, conditionem significari, ad cujusmodi legatum regula non pertineat, *l. 3. & 4. cod. l. 28. de cond. & dem.*

C O M M E N T A R I U S.

- 1 *Celsum videri à ceteris dissensisse circa casum, quo legatarius rem suam sibi legatam & co testatore alienavit: tentatur tamen conciliatio.*
- 2 *Quomodo temperandum, quod dicitur rem suam nemini recte legari.*

Sed si] Particula hæc videtur arguere, hunc §. esse appendixem disputationis habitæ in §. *prac. & §. si res aliena 6. cod.* Nam ut illic tractatur de re, quæ post testamentum conditam legatarii propria facta est; ita hic de ea, quæ jam ejus est tempore scribendi testamenti. Quid servari placeat, si res, quæ legatarii propria est, non ipsi legatario, sed alteri legata

aut potius, per fideicommissum relicta sit, docebitur
infr. §. 1. de sing. reb. per fideic. rel. &c. Hic illud
 quaritur, an utile sit legatum, si quis legatario ipsi
 rem, quæ jam ejus est, legaverit. Ait autem Justi-
 nianus, tale legatum inutile esse, propterea quod fieri
 non potest, ut quis duabus ex causis dominium ac-
 quirat, l. 3. §. ex pluribus, de acq. poss. qua ratione
 nec stipulatio rei suæ, nec emptio valet, l. nemo 82.
 de verb. obl. l. 16. de contr. empt. Idem rescriptum
 est in l. proprias 17. C. de legat. & responsum ab Ul-
 piano l. cetera 41. §. 2. de legat. 1. Quamobrem
 nec res nec æstimatio rei in proposito peti poterit, ut
 est in fin. hujus §.

Et si res alienaverit eam Ampliatio superioris
 definitionis. Et si is, cui res sua legata est, eam post
 testamentum factum & vivo etiamnum testatore alic-
 naverit, nihilo tamen magis legatum convalescit.
 Quod sumptum ex definitione regulæ Catonianæ,
 quæ non patitur legatum ex postfacto convalescere,
 quod initio vires non habuit, l. 1. in pr. de reg. Ca-
 ton. quæ ratio etiam in terminis redditur ab Ulpiano.
 d. l. cetera, §. 2. Aliud tamen Celsi judicium fuis-
 se, eumque in hac quæstione dissensisse à cæteris exis-
 timant Cujac. Hotom. Bachov. per d. l. 1. §. 2. ubi
 sic Celsus scribit; *si rem si tibi legatus est fundus, qui
 scribendi testamenti tempore tuus est, si eum vivo
 testatore alienaveris, legatum tibi debebitur. Quod
 non deberetur, si testator statim decessisset.* Et
 sane locus ita scriptus est, ut parum absit, quin idem
 sentiam. Sed tamen videamus, quid obstat, quominus
 verba illa, *si eum vivo testatore alienaveris*,
 dicamus esse testatoris, non Jurisconsulti, & posita
 conditionaliter. An quia tum diverso caractere
 scribenda fuerant, uti mos est Jurisconsultorum, quo-
 ties verba testamenti aut stipulationum recitant? At
 hoc negligi potuit à librario: nec perpetuo observa-
 tur, l. si stipulatus 76. in pr. & §. 1. de verb. obl. l. 1.
 §. in honorariis 10. de extraord. cognit. An quia
 regula Catoniana ad conditionalia non pertinet?
 l. 4. de reg. Cat. d. l. cetera, §. 2. de legat. 1. ut pro-
 pterea non debuerit exemplum conditionalis legati
 à Celfo proponi tanquam exceptio regulæ, & in quo
 definitio Catonis falsa sit. Atqui etiam præcedens
 species in §. 1. d. l. 1. eod. exemplum continet legati
 conditionalis, quod tamen & ipsum ab eadem regula
 Celsus excepit. Denique difficulter adduci possum,
 ut credam, in diversis Jurisconsultorum sententiis aut
 Ulpianum aut Celsum suam simpliciter prompturos
 fuisse, quasi in re certa minimeque dubia. Sed ta-
 men inquires, fatendum tunc erit, inepte Celsum fa-
 cere, quod excipit de regula, quod ad regulam non
 pertinet. Fatere igitur & tu æque inepte & prius
 exemplum à Celfo excipi. Verum ego puto, quod
 nescio, an quisquam alius animadvertit, Celsum pe-

culiari quadam ratione duas illas species, quas pro-
 ponit, quasi hæc etiam verbis regulæ contineantur,
 excipere: quia cum conditio in utraque specie adscri-
 pra talis sit, ut deficiat, si statim testator decedat, si
 longiuscule vivat, impleri possit, fieri utroque casu
 potest, ut contra quam regula definit, legatum, quod
 non valuisset, si statim decessisset testator, valeat, si
 diutius vixerit. Ad cætera autem legata conditio-
 nalia nec verba regulæ pertinent. Cæterum memi-
 nerimus, quod initio dictum est, rem suam nemini re-
 cte legari, sic accipiendum esse, primum si ea res per-
 fecte legatarii sit; hoc est, ita ut avocari nequeat.
 Nam si rem ex bonis ejus, qui reipub. causa aberat,
 usu acquisierim, & ea antequam evinceretur, mihi
 legata sit, postea evincatur, recte ex testamento pe-
 tam eam mihi dari oportere, l. non quocunque 82.
 §. 1. de legat. 1. Deinde si res legata legatarii sit
 pleno jure: nam si quid juris in ea re aut testator aut
 alius habet, placet valere legatum, & utile esse in eo,
 quod juri legatarii deest. Pone, emphyteusin, super-
 ficiem, aut pignus testatori aut alii in re legatarii con-
 stitutum; recte ea legatur, & proficit legatario lega-
 tum in eo, quod juris alieni fuit, l. senatus 43. §. ult.
 l. si domus 71. §. pen. l. si tibi 86. in pr. & §. ult. de
 legat. 1. l. 1. §. 1. de lib. leg. Nec dubito, quin idem
 dicendum sit, si alius in ea re usumfructum habeat,
 arg. l. cum filius 76. §. 2. de legat. 2. licet dissentiat
 Accurs. propter textum in l. Maximus 66. §. pen. in fin.
 de legat. 2. Quo in loco vitiose legitur, propter
 istas causas, cum legendum sit prater, ut bene Cu-
 jac. lib. 5. ad Afric. in l. etsi 25. de vulg. & pup.
 subst. observavit. Et nonnullis in exemplaribus le-
 gi testis est Donell. §. comm. 11. In quibusdam edi-
 tionibus prater in margine adscriptum vidi. Postre-
 mo si nec ea res testatori debita sit: Nam debitori
 quod debet, recte legatur, licet dominus ejus rei sit,
 l. 1. in pr. de lib. leg. & d. inf. §. si quis debitori 15.

TEXTUS.

Si quis rem suam, q. non suam
 legaverit.

11. Si quis rem suam quasi alienam le-
 gaverit, valet legatum: nam plus valet
 quod in veritate est, quam quod in opinio-
 ne. Sed & si legatarii esse putavit, vale-
 re constat: quia exitum voluntas defun-
 cti habere potest.

NOTA.

11. PLUS VALET, QUOD IN VERITATE]
 Ratio

Ratio hæc potius ad casum sequentem pertinet: nam hoc priore casu etsi verum esset, alienam rem legatam esse, tamen legatum valeret; quoniam si suam esse testator scivisset, multo facilius eam legasset: per ea, quæ sup. §. 4. eod.

COMMENTARIUS.

1. Male ad priorem speciem huius §. accommodari regulam. Plus valere quod in veritate, &c. & qua ratione ista casu sustineatur legatum.
2. Prædictam regulam pertinere ad casum possit, atque eos actus tantum, in quibus error gerenti non obstat, quominus velit & possit, in quo errat. In aliis contrariam regulam probari.

Suprà §. 4. audivimus, si testator rem alienam, suam eam esse putans, legaverit, legatum non valere, nisi singulari conjectura voluntatis adjuvetur. Quæ exceptio in exegeſi posita & declarata. Quod si quis rem hæredis legaverit, quam existimabat suam esse, Papinianus docet utile esse legatum, l. unum 67. §. si rem 8. de legat. 2. Hic ex converso docemur, quid juris sit, si testator rem suam legavit quasi alienam: item quid si legavit suam, cum crederet eam esse legatarii: placere autem, utroque casu valere legatum. Et valebit igitur vel magis, si suam rem legaverit quasi hæredis, arg. d. l. unum, §. si rem.

1. Nam plus valet quod in veritate, &c.] Puto, rationem hanc, quod præter Bachovium nemo animadvertit, male accommodari ad hunc priorem huius §. casum, & omnino pertinere ad sequentem, cum quis rem suam quasi legatarii legavit. Nam non recte hic dixeris, ideo valere legatum, quia contra quam opinabatur, verum est testatorem rem suam legasse: quoniam etsi opinionem attendas, aut quod opinabatur, verum esset, rem scilicet alienam esse, legatum tamen valeret. Est vero in promptu alia ratio, ob quam in proposito falsa testatoris opinio non obstat legato; nimirum quoniam, si alienam rem credens, eam nihilominus legavit, hæredemque suum onerare voluit alienæ rei redemptione, multo magis eam legaturus fuisse præsumitur, si scivisset suam esse, d. l. unum, §. si rem, de legat. 2.

- Sed & si legatarius esse putasset, valere confas] Ad hunc casum recte accommodabimus regulam, Plus valere, quod in re & veritate est, quam quod in opinione. Nam si hic opinionem spectari placeret, nullum esset legatum, quia quod legatarii est, inutiliter ei legatur, §. præc. Est autem regula ista ex earum genere, quæ ad certos duntaxat casus & actus pertinent: locum enim tantum in iis habet, in quibus error gerenti non obstat, quominus velit & pos-

sit id, in quo errat. Ut ecce, in casu proposito falsa testatoris opinio non impedit, quominus rem suam legare potuerit; neque etiam quominus velle eam legatam existimari debeat: nisi quis dicat, quotiescunque res sua legatario legatur, ideo legatum non valere, quia animus legandi desit. Quod verum non est: neque enim ideo tale legatum inutile, quia voluntatem legandi testator non habuit; sed quia voluntas ejus effectum sortiri non potest, cum quod aliquis jam est, id ejus amplius fieri non possit, §. præc. Hæc vero ratio cum cesset, si non legatarii, quod testator falso existimabat, sed ipsius testatoris res esse deprehendatur, cessare quoque debet ista dispositio. Quod & ipsum Justinianus non obscure significat, cum ita infert; quia exitum voluntas defuncti habere potest. Ejusdem generis exempla, atque ad eam eandem hanc regulam applicatam videmus in l. 4. §. 1. de man. vind. l. pen. §. qui ignorasset 4. de jur. & facti ign. In iis vero actibus, qui ab animo æstimantur & pendent, certumque propositum gerentis requirunt, cujusmodi sunt aditio & repudiatio hæreditatis, contraria regula probata est, placetque, plus valere, quod est in opinione, quam quod in veritate, l. 1. qui is. & l. seq. junct. l. qui hæreditatem 19. de acq. har. nimirum quia in his error impedit, quominus fiat, quod fieri vere poterat, si quis sciret, quod in re est: ac proinde quod verum est, procedere non finit. D. Hotomannus sic generaliter definit, in errore facti prævalere veritatem; in errore juris plus posse opinionem. Quod ego falsum esse puto. Nam etsi testator rem suam tanquam legatarii in jure errans legaverit, valebit haud dubie legatum: & contra si in facto errans rem legatarii legaverit tanquam suam, non valebit: ut proinde & in errore juris plus interdum valeat veritas, & in errore facti plus opinio.

TEXTUS.

De alienatione, & oppignoratio-
ne rei legatæ.

12. Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi: idemque divi Severus & Antoninus rescripserunt. Idem rescripserunt, eum, qui post testamentum factum prædia, quæ legatæ erant, pignori dedit, adimisse legatum non videri: & ideo legatarium cum hærede ejus agere posse, ut præ-

prædia à creditore luantur. Si vero quis partem rei legata alienaverit, pars quæ non est alienata omnino debetur: pars autem alienata ita debetur, si non adimendi animo alienata sit.

N O T A.

21. SI NON ADIMENDI ANIMO] Quod colligitur ex causa alienandi: nam si ea necessaria fuit, puta ex causa æris alieni, non creditur animo adimendi facta alienatio, l. 11. §. 12. *cod. 3.* si libera fuit, contra. Quomodo accipiendi textus in l. 8. *cod. 1. l. 15. de adim. leg. l. 1. & 3. de pecul. leg. & v. c.* aut si donaverit, nam in donationem non cadit istiusmodi distinctio, l. 18. *de adim. leg. l. 34. in fin. de aur. arg. l. 2.*

COMMENTARIUS.

1. Quibus ex rebus conjiciatur, utrum res legata adimendi legati causa alienata sit, nec ne.
2. Responsum quoddam Scævola cum aliis locis conciliatum.
3. Oppigneratione rei legata non videri legatum ademptum.

Pertinet hic locus ad *tit. seq. de adempt. leg.* est enim rei legatæ alienatio species tacite ademptionis: quoniam hoc ipso quod testator rem in alium transfert, recedere à priore voluntate videtur. Cæterum quia etiam legatum rei alienæ consistit, potest hic oriri voluntatis questio, an res adimendi legati animo alienata sit, nec ne; ut si non sit, legatum adhuc peti possit. Quod hic docet Justinianus.

1. Si non adimendi animo] Sed unde hunc animum aut contrarium colligimus? Ex causa nimirum alienandi; quæ si libera plane fuit, id est, si testator nulla necessitate compulsus rem alienaverit, puta donaverit, aut cum necesse non erat, vendiderit eam, animo adimendi in eum fecisse creditur, l. *rem legatam 18. l. legatum 24. §. 1. de adim. leg.* ac de hoc casu accipiendi textus in l. 8. *pr. de legat. 1. l. cum servus 15. de adim. leg. l. 1. & 3. seqq. de pec. legat. §. si quis ancillis 17. inf. item l. 6. de legat. 1.* Falluntur enim, qui putant, hac in re quicquam interesse inter legatum purum & conditionale. In quo errore etiam Mynsingerus est. Quod si causa alienandi necessaria fuit, id est, si testator rem legatam vendiderit urgente rei familiaris necessitate, hic contra creditur id animo adimendi legati ab eo factum non esse; & ideo legatum peti potest, nisi probetur, etiam in hac

necessitate adimere ei testatorem voluisse. Probatio autem mutæ voluntatis hic ab hæredibus, quamvis reis, exigitur, l. 11. §. *si rem 12. de legat. 3.* quoniam præsumptio pro legatario eodemque actore facit, quasi non videatur extinguendi legati causa alienare, qui etiam si maxime legatum valere velit, tamen alienare cogitur. Cæterum distinctioni propositæ non parum obstat videtur responsum Scævola in l. *prædia 27. §. libero, de instr. legat.* Patronus liberto, quem ex parte hæredem scripserat, per præceptionem fundum legavit cum instrumento, & his, quæ in eo fundo futura erant, cum moreretur. Respondet Iurisconsultus, sine distinctione etiam vinum in eo fundo repertum, quod vivus testator venderat, & cuius pretii partem tertiam acceperat, ad libertum ex causa præceptionis pertinere, nisi contrariam voluntatem hæredes approbent. At vero si alienatio extra causam necessitatis facta argumentum est mutæ voluntatis, dicendum erat, id vinum pertinere ad coheredes, nisi de contraria voluntate doceat libertus. Respondent nonnulli, in ea specie Scævola venditionem vini factam ante factum testamentum. Ego magis Ant. Fabro assentior, qui *lib. 1. conj. 6.* respondet, non debere videri adhuc alienatum vinum, quoad effectum ademptionis legati, quod nondum traditum est; & maxime cujus nomine venditori pretium nondum numeratum, aut eo nomine ei satisfactum est, *arg. l. quod vendidit 19. de cont. empr. §. vendit 41. sup. de rer. distr.* Plane pro qua parte pretium testator accepit, difficile dictu est, eam quaque partem legato præceptionis contineri: & ego dixerim, petentem pro ea parte exceptione summovendum esse.

Disi Scævus & Antonius rescripserunt] Neque responsum Celsi extat, neque hoc Imp. Severi & Antonini rescriptum. Fuisse tamen quod hic traditur, recepti juris, patet ex l. *rem legatam 18. de adim. leg. junct. l. fideicommissa 11. §. si rem, 12. de legat. 3.*

Qui prædia pignori dedit, adimisse legatum non videri] Pignoris datio etsi proprie alienatio non est, quippe cum res pignori data in dominio debitoris maneat, eique soluto debito restituenda sit; tamen pro specie alienationis habetur, l. *ult. de reb. al. non al.* Cæterum ipsum nomen pignoris satis indicat alienationis necessitatem: neque enim pignus dari solet, nisi ab eo, qui necessitate adductus est. Ut proinde recte & superiori sententiæ convenienter Imp. Severus & Antonius rescripserint, eum qui rem legatam oppignerat, adimendi animo hoc facere non videri; sive ut ipsi loquuntur, *non videri voluntatem suam circa legataris personam mutare*. Extat rescriptum in l. 3. *C. de legat.* Enim vero audiendum nihilominus hæredem existimem, si paratus sit ostend-

stendere animo adimendi rem à testatore pignori datam.

Cum hærede agere, ut prædia luanantur] Hoc est, ut hæres de suo tantam pecuniam creditori solvat, in quantam prædia obligata sunt, atque ita ea prædia obligatione liberata ac redempta legatario præstet, *d. l. 3. C. hoc tit.* quod tamen accipiendum est secundum distinctionem traditam sub §. *sed et si s. eod.*

Si vero quis partem rei alienaverit, &c.] Hoc omnino præcedentibus est consequens: nam quod juris est in toto quoad totum, idem etiam valere debet in parte quoad partem, *l. quæ de tota 76. de rei vind. l. 82. §. 3. eod.* Et ideo si pars tantum rei legatæ alienata sit, pars quæ non est alienata, semper debetur; *l. 6. l. 8. in pr. de legat. 1. quæ alienata est, debetur, aut non debetur, prout eam animo adimendi aut non adimendi alienatam esse constabit.*

TEXTUS.

De liberatione legata.

13. *Si quis debitori suo liberationem legaverit, legatum utile est: & neque ab ipso debitore, neque ab hærede ejus potest hæres petere, neque ab alio, qui hæredis loco sit. Sed & potest à debitore conveniri, ut liberet eum. Potest etiam quis vel ad tempus jubere, ut hæres petat.*

NOTÆ.

NEQUE AB HÆREDE] Nisi legatum personæ debitoris cohæreat, *l. 8. §. 3. de lib. leg.*

PETERE] Cum effectu scilicet quia petens exceptione doli repelli potest: ipso enim jure legato liberationis non dissolvitur obligatio, *dist. l. 3. §. 3.*

UT LIBERET EUM] Nempe per acceptilationem, *d. l. 3. §. 3. l. 23. eod.*

AD TEMPUS] Cujus legati quæ sit vis, discere ex *Pomp. l. 8. §. 1. eod.*

COMMENTARIUS.

1. *Liberationem debitori jam certo jure rectè legari.*
2. *Quis liberationis legata effectus.*
3. *Quis ejus legati, quo damnatur hæres ad tempus non petere.*

1. **Q**uod Titius mihi debet, id & Sempronio rectè lego, & ipsi Titio debitori meo. Illud legatum

est, quod dicitur nominis, de quo plura *inf. sub §. tam autem 21. eod.* hoc, quod appellatur liberationis, deque hujus legati effectu agitur in præsentī §. Respondet *tit. n. de lib. legat.* ubi variae hujus legati formulæ occurrunt, Is quoque qui chirographum debitori legat, liberationem legare videtur, *l. 3. §. 1. d. tit. fac. l. qui chirographum 59. de legat. 3. l. serv. cum 44. §. cum s. de legat. 1.*

Legatum utile est] Liberationem debitori posse legari, jam certum est, ait Jurisconsultus in *l. 3. pr. de lib. leg.* quæ verba arguunt, id aliquando controversum fuisse. Cui vero fuerit, significare videtur idem Jurisconsultus *l. 1. pr. eod.* ubi ait, debitoribus ea, quæ debent, rectè legari, licet domini eorum sint. Quippe nostrum propriè non est, quod est in credito, *l. 17. §. 2. l. 34. de aur. arg. leg. Boët in Top. Pecunia, quæ est in nominibus, non est nostra.* Ex eo enim suspicari licet, fuisse antea, qui negarent ipsi debitori, quod debet, rectè legari; quia scilicet nemini res sua legari potest: Sed eorum opinio merito explosa est: nihil enim quod debitoris sit, hoc legato contineri intelligitur, sed jus tantum quod creditor habet, seu obligationem debitumve remissum.

Neque ab ipso debitore] Legato liberationis non dissolvitur ipso jure obligatio, aut protinus ipso jure debitor liberatur: sed postea liberationis sibi legatæ fructum duplici ratione consequi; excipiendo, si debitum hæres petat; si non petat, ultro ex testamento agendo, ut liberetur, *l. 3. §. nunc. 3. l. quod mihi 22. l. legati 25. in pr. eod.* Quamobrem quod alibi dicitur hæredem petere non posse, *l. 2. §. 1. l. si quis 15. eod.* & hoc ipso in textu, id sic accipiendum est, non posse eum petere efficaciter: nam petentem exceptione doli mali repelli.

Neque ab hærede ejus, neque ab alio, qui hæredis loco] Qualis est bonorum possessor, & is, cui ex fideicommissio hæreditas restituta est. Interdum tamen effectus hujus legati intra personam solius debitoris consistit, veluti si quis ita dixerit, *Hæres meus à solo Lucio Titio ne petito*: vel, *À Lucio Titio, quamdiu vixerit, hæredem meum petere nolo.* Quoties enim legatum cohæret personæ legatarii, ad hæredem ejus non transit; sicut nec ullum aliud jus personale ad hæredem transmittitur, *l. 8. §. 3. l. Avrelus 20. eod. tit.*

Ad tempus jubere, ne hæres petat] Potest hæres damnari, ut ad certum tempus non petat. Cujus legati hic effectus est, ut hæres intra id tempus petens à debitore hæredeve ejus exceptione summoveatur. Cæterum debitor agere non potest, ut liberetur, *d. l. 8. §. 1.* nec per acceptilationem, quoniam acceptilatio in perpetuum obligationem tollit; nec pacto, quod exceptionem perpetuam parit, cum temporalem tantum ex testamento habeat. Ut au-

tem hæres paciscatur cum debitore, ne intra id tempus petat, intra quod testator peti vetuit, ne hoc quidem requirendum est, quia debitori inutile, nihil amplius in eum conferens, quam quod jam habet, exceptionem scilicet temporalem.

TEXTUS.

De debito legato Creditori.

14. *Ex contrario si debitor creditori suo quod debet, legaverit, inutile est legatum, si nihil plus est in legato, quam in debito: nihil amplius per legatum habet. Quod si in diem, vel sub conditione debitum ei pure legaverit, utile est legatum propter representationem. Quod si vivo testatore dies venerit, vel conditio extiterit, Papinianus scripsit utile esse nihilominus legatum, quia simul constitit: quod & verum est. Non enim placuit sententia existimantium, extinctum esse legatum, quia in eam causam pervenerit, à qua incipere non potest.*

NOTÆ.

14. *SI NIHIL PLUS IN LEGATO*] Nam ut legatum consistat, necesse est in eo aliquid utilitatis ab initio versari, *l. 29. de leg. 1. l. 2. §. 10. ad leg. Falc.* Alias non ex testamento agitur, sed ex prima obligatione, *ac si & in utraque* Schol. Th.

IN DIEM, &c.] Vel si alio quocunque modo accidat, ut plus sit in legato, quam in debito, *l. 28. & seqq. de leg. 1.* aut creditoris interfit, ex testamento potius agere, quam ex pristina obligatione, *l. 11. de lib. leg.*

QUIA IN EAM CAUSAM PERVENERIT] In hac sententia videtur & Paulus fuisse, *l. 82. eod. 2.* qui tamen alibi fatetur non esse, ut quod semel utiliter gestum est, duret, licet ille casus extiterit, à quo initium capere non potuisset, *l. 85. §. 1. de reg. jur.*

COMMENTARIUS.

1. *Quot modis accidat, ut plus sit in legato rei debite, quam in debito.*
2. *Taxatur Ant. Fabri nãmia confidentia.*
3. *Quando locus sit regula.* Quod semel utiliter constitutum est, durare, licet ille casus extiterit, unde incipere non potuisset, & quando locus regula contraria.
4. *Pauli à Papiniano dissensientis sententiam à Justiniana improbari.*

Jure C. & Inst. six esse, ut non sit plus in legato, quam in debito.

UT consistat legatum, necesse est in eo aliquid utilitatis aut commodi ab initio versari, quemadmodum sub §. 4. generaliter definivimus: ex quo judicandum de legato, quod hic proponitur, si quis creditori suo quod debet, legaverit; ut scilicet, si nihil utilitatis aut commodi ex eo legatarius capere possit, uti non potest; si nihil amplius est in legato, quam in debito, legatum non valeat: sin vero emolumentum quid contineat, aut quacunque ratione plus in legato sit, quam in debito, utile sit legatum, *l. si creditori 28. cum l. seq. de legat. 1. l. Maxim 66. de legat. 2. l. legati 25. sub fin. de lib. leg. l. 1. §. si quis 10. ad leg. Falcid.*

In diem vel sub conditione debitum pure legatur] Hæc exempli tantum causa proferuntur: nam longè pluribus modis, quam his duobus, accidit, ut plus sit in legato rei debite, quam in debito: & totidem modis sit, ut legatum sit utile. Videamus ergo, quot modis id fiat. Ut plus sit in legato, quam in debito, primum efficitur debiti representatione, puta si id quod sub conditione aut in diem debetur, pure legetur: sic enim fit, ut in legato plus sit tempore, *l. sin autem 29. de legat. 1. & hoc text.* Secundo si quod loco longinquiore aut minus commodo debebatur, legetur loco citiore aut commodiore: hic enim loco plus est in legato, quam in debito, *d. l. 29.* Tertio ut plus sit in legato, sæpe efficit nova actio ex testamento; nempe si ea vel efficacior sit vetere, vel plenior. Efficacior est, si vetus removeri poterat exceptione; quæ exceptio legato debito remissa creditori intelligitur, *d. l. 28. de legat. 1.* Plenior est, si vel diuturnior, ut si vetus actio est honoraria; ubi ideo legatum valet, quia honoraria actio sæpe temporaria ex testamento civilis est & perpetua, *d. l. 28.* vel alias uberior, ut est actio ex testamento, quavis alia actione stricti juris, propter incrementum usurarum & fructuum, *l. 3. l. usura 34. junct. l. videamus 38. §. si actionem 7. de usur. l. 2. C. eod.* proinde si id, quod ex stipulatu debebatur, legatum fuerit creditori, legatum utile est, *d. l. 28. §. 1.* Et generaliter toties valet hoc legatum, quoties creditoris interest ex testamento potius agere, quam ex pristina obligatione, *l. 11. de lib. leg.* Erratque adeo perspicue Westemb. cum negat, ex eo solo videri plus esse in legato, quam in credito, quod nomine legati pinguior actio sit. Sed & in eo nonnihil commodi est, quod speciei à debitore eodemque domino legatæ dominium statim in creditorem transeat, & pro sola actione personali etiam in rem habere incipiat, *l. 3. §. 2. de legat. 1.* Cæterum etsi hæc legata ob commoditatem novæ actionis sustentur; quia tamen

tamen hæreditatem non minuunt, neque ipsa minuantur lege Falcidia, nec in his creditoris legatarii fideicommitteri potest, *d. l. 28. §. 1. d. l. 3. §. 2.* Ubi vero commodum repræsentationis, pro modo istius commodi Falcidia inducitur, & fideicommissum valet, *l. 1. §. si quis 10. ad leg. Falcid. l. 2. de dot. præleg.* Si exceptio metuebatur, creditoris fideicommitteri potest, *l. 7. §. ult. de legat. 3.*

Propter repræsentationem] Id est, quia ex testamento præsentanti die debetur. Repræsentare est, ante diem aliquid præstare aut solvere, vel antequam aliquid debeatur, solvere. Sueton. Augult. *cap. ult. l. 1. §. 2. de dot. præleg. l. Publius 36. §. 1. de cond. & dem. Cicero Tiron. Dies promissorum adest, quem etiam repræsentat, si advenit.* Seneca Epist. ad Lucil. *95. Petis a me, ut id, quod in diem suum dixeram debere referri, repræsentem.* Gloss. *vet. repræsentare, & præstare min, repræsentatio, in præstatio.* Th. omnemque accelerationem significat, ut in illis Ciceronis, *repræsentare improbitatem lib. 10. ad Attic. repræsentare libertatem, 2. Philipp.* Sic Curtius *repræsentare consilium* dixit, pro ante diem exequi.

Papinianus scripsit, utile esse nihilominus legatum] Scilicet ut nihilominus id totum, quod debetur, jure legati peti possit: non ut in eo Falcidiæ adhuc locus sit, aut fideicommissum creditori impositum exigere liceat; utpote sublata jam utilitate repræsentationis, quæ sola legi & oneri locum facit, *l. 1. §. si quis 10. ad leg. Falcid. l. 7. §. ult. de legat. 3. l. 2. de dot. præleg.* Quod visum monere propter confidentiam Anton. Fabri, qui lib. 4. *conj. 12.* contra manifestam & auctoritatem juris & rationem affirmare ausus est, etiam in hoc nostro casu, cum dies venit aut conditio extitit, & Falcidiæ locum dari, & fideicommissum deberi. Falso nimirum ille contendit, cum dies aut conditio legatum facit, Falcidiam non in commodum repræsentationis duntaxat, sed in toto legato locum habere, legatariumque ratione totius legati fideicommissio gravari posse; temere id colligens ex verbis Papiniani in *l. 5. ad leg. Falcid.* eumque cum Paulo in *d. l. 1. §. si quis 10. eod. & Ulp. in d. l. 7. §. ult. de legat. 3. l. 2. de dot. præleg.* qui id diserte negant, nulla necessitate committens. Utique nec rationi convenit, ut Falcidiam patiatur legatarius creditor, aut fideicommissum præstet, qui ex legato præter commoditatem novæ actionis nihil consequitur, nullumque omnino commodum in re sentit, *fac. l. si creditori 28. §. 1. de legat. 1. l. 3. §. 2. de legat. 3.* Extat responsum Papiniani in *l. 5. ad leg. Falcid.*

Existimantium extinctum esse legatum, quia in eam causam, &c.] Hic iterum, ut *sup. §. 11.* occurrunt duæ regulæ contrariæ; quarum una definit,

Quod semel utiliter gestum est, durare, etiamsi ille casus extiterit, à quo initium capere non potuisset. Altera contra, *Negotium extinguatur, cum in casus postea incidit, unde incipere non poterat.* Hæ duæ propositiones, ut constat non possunt simul esse veræ simpliciter & in universum. Imo neutra earum perpetua est, aut vera in omnibus causis, *l. in ambiguis 85. §. 1. de reg. jur. l. pen. §. ult. de verb. obl.* In negotiis omni ex parte perfectis, id est, quæ nihil futuri ad consummationem desiderant, sine exceptione valet prior definitio, nunquam ea, quæ utiliter sic gesta & consummata sunt, infirmari ob eam causam, quod ille casus evenierit, à quo consistere non poterant. Idque & apud omnes nunc in confessio est, & semper constitit: exempla suppetunt *l. 8. de his qui sui vel al. jur. l. oratione 16. §. ult. de rit. nupt. l. donationes 31. in pr. de donat. l. pen. §. ult. de verb. obl.* Quod si negotii gesti jus adhuc pendeat, & ad plenam perfectionem ejus adhuc aliquid amplius desideretur, hic aliud pro conditione casus postea incidentis placet. Nam si quod postea intervenit, tale sit, ut impediatur, quominus negotium rectè ceptum ad finem producat, placet quod ante gestum est, resolvi: si non impedit, durare quod bene gestum est, exitumque suum sortiri. Ut ecce, testamentum, legata, fideicommissa, etiamsi ab initio utiliter constituta sint, non statim tamen ita planè perficuntur, ut nihil amplius ad consummationem voluntatis desideretur: reliquum enim adhuc est ut hæres ex testamento existat, ut legatarius legatum consequatur. Finge nunc, cum, qui testamentum jure fecerat, capite postea minutum esse, servum scilicet factum, aut deportatum, aut derogatum. Dicimus, irritum fieri testamentum; nempe quia superveniente servitute, deportatione, adrogatione, conditio personæ testatoris sic mutatur, ut testamentum habere non possit, ac ne hæredem quidem omnino, *§. 4. sup. quib. mod. test. inf. l. 6. §. irritum 1. & seqq. de injust. rupt. l. 8. §. 1. & seqq. qui test. fac. l. pen. §. 2. de bon. poss. sec. tab.* Finge, servo alieno quid legatum esse, eumque servum postea à testatore redemptum; dicimus similiter, legatum extinguatur, quia id quod accidit, impedit ne legatum exitum habere possit, *l. 3. §. ult. de his qui pro non script.* Ejusdem generis exempla occurrunt, *l. inter 33. §. sacram. de verb. obl. §. 2. inf. de innt. stip. §. pen. inf. de noxal. act. l. falsus 43. §. ult. de furs. l. pro parte 11. de sercis. l. si a me 11. de judic. l. huic scriptura 15. in fin. junct. l. seq. ad leg. Aquil.* Sed finge, testatorem post testamentum factum incidisse in furorem aliamve mentis abalienationem, aut amisisse facultatem audiendi loquendive, aut bonis ei interdictum; Hic contra dicimus: testamentum, quod antea rectè factum erat, nullo horum casuum infirmari: quip-

si: quippe quia nec furor interveniens, nec auditus sermonisve amissio, nec bonorum adempta administratio impedit, quominus testamentum exitum habeat, atque ex eo hereditas cæteraque relicta obtineantur, utpote statum & fortunas suas testator retinente, §. 1. & 2. *seqq. sup. quib. non est perm. fac. test. l. 6. §. 1. l. si cui 18. qui test. fac. fusc. Don. post. DD. vulg. in d. l. pen. §. ult. de Verb. obl.* Cæterum non idem omnes in omni ejusmodi specie sensisse apparet ex *l. existimo 98. de Verb. obl.* Atque in casu hic proposito, cum quis quod in diem aut sub conditione debebat, creditori suo purè legavit, & vivente testatore dies supervenit aut conditio extitit, Paulus in *l. debitor 82. de legat. 2.* apertè dissentit à Papiniano in *l. 5. ad leg. Falc.* Si demum jam mortuo testatore dies venerit aut impleta sit conditio, concedit Paulus durare petitionem legati: si vivo adhuc eo, ait legatum inutile effici, quamvis ab initio constitit: contra Papinianus, etiam si vivo testatore dies venerit, &c. utile esse hujusmodi legatum scribit, quia semel constitit. Paulus igitur ad jus hujus legati requirit, ut etiam antequam dies aut conditio existat, testator mortuus sit: Papinianus unum tantum hic tempus testamenti spectandum, atque ex eo de vi & jure relicti statuendum existimat, quod consentaneum videtur regulæ Catonianæ. Papiniani sententiam rejecta Pauli Justinianus hic amplexus est. Tota disputatio hujus §. quod Compositores ipsi non animadverterunt, hodie inutilis pene & supervacua videtur: vix enim est, ut legatum debiti jam non sit utile creditori, postquam Justinianus etiam actionem hypothecariam legatariis dedit, & jus taciti pignoris in bonis defuncti *l. 1. C. comm. de legat.* ut proinde uno tantum casu nunc accidere possit, ut legatum rei debiti nihil utilitatis contineat, videlicet quando legatarius creditor etiam extra causam legati jus pignoris habet, constitutum sibi jam ante vel à debitore, vel à lege, ut in specie §. proximè sequentis.

TEXTUS.

De dote uxori legata.

15. Sed si uxori maritus dotem legaverit, valet legatum: quia plenius est legatum, quam de dote actio. Sed si, quam non accepit, dotem legaverit, Divi Severus & Antoninus rescripserunt, si quidem simpliciter legaverit, inutile esse legatum: si vero certa pecunia, vel certum corpus,

aut instrumenta dotis in prælegando demonstrata sunt, valere legatum.

NOTA.

15. PLENIUS EST LEGATUM.] Propter representationem in dote pecuniaria, quæ annua, bima, trima die, *τριμυρῇ, διμυρῇ, ἑνμυρῇ*, id est, tribus annuis pensionibus reddebatur. Ulpian. *tit. 6. §. 5.* Hodie autem dos rerum mobilium annua die præstatur, *l. un. §. 7. C. de rei ux. act.* In legato immobilium etiam non est representatio. Ulpian. *d. loc. & d. l. un.* valet tamen legatum propter commoditatem novæ actionis, & in comment.

COMMENTARIUS.

- 1. Jure antiquo in relegatione dotis semper placuisse, quam in obligatione.*
- 2. An novo jure adhuc aliquid in ejusmodi legato commodi.*
- 3. Quid juris, si, qua non accepta est, dos aut simpliciter legata sit, aut demonstrata certa quantitate vel corpore.*

[I uxori maritus dotem legaverit] Exemplum legati rei debiti: proinde quid hic statuendum sit, discamus ex superiore regula, ut si plus sit in legato, quam in debito, legatum valeat; si nihil amplius, legatum sit inutile.

[Quia plenius est legatum, quam de dote actio] Hæc verba arguunt, veteres semper existimavisse, plus esse in legato, quam in obligatione dotis: ut proinde relegatio dotis non potuerit non jure veteri valere, *fac. tit. de dot. præleg.* Ut autem legatum plenius esset, faciebat aut utilitas representationis in dote pecuniaria, cujus repetitio dilationem habebat, ut annua, bima, trima die, *τριμυρῇ, διμυρῇ, ἑνμυρῇ*, id est, tribus annuis pensionibus, redderetur; legatum autem statim peti poterat, *l. 1. §. 2. l. 2. d. tit. Ulpian. tit. 6. §. 5.* aut commoditas novæ actionis: nam etiam cæteræ dotes statim reddebantur, teste Ulpian. *d. loc.* tamen dote prælegata hoc commodum sentiebat uxor, quod dominium rei dotalis statim ad eam redibat, actionemque in rem consequeretur, cum pro dote repetenda personalem tantum actionem rei uxoriæ haberet *arg. l. 3. §. 2. de leg. 7.* aut si dotem sibi reddi stipulata fuerat, quod pro actione ex stipulatu consequeretur actionem ex testamento, imitantem in plerisque naturam actionum bonæ fidei: per *l. si creditori 28. §. 1. de legat. 1.* Adhæc varix olim actioni de dote obiciebantur exceptiones & retentiones; sæpè etiam dos ducro mariti cedebat, *vid. Ulp. d. tit.*

d. tit. 6. l. 15. §. 1. sol. matr. l. un. S. r. accat. §. & seq. C. de rei ux. act. quibus locus non erat dote relegata. Justinianus vero jus & petitionem mulieris sic auxit, *d. l. un. §. 1. in reb. 30. C. de jur. dor.* ut non videam, quid commodi nunc ex relegatione dotis capi possit; nisi quod jure legati etiam res dotales mobiles statim reddendæ sunt, quarum alioqui præstatio anni dilationem ex constitutione Justiniani habet, *d. l. un. §. autem Verf. exactio.* Tentari tamen potest cum plerisque interpretibus, etiam post constitutiones Justiniani relegationem in universum utilem censi debere, propterea quod agenti ex testamento non potest obijci exceptio, quam vocant competentia. Tametsi enim non omnibus hæredibus mariti conventis actione de dote hoc beneficium competit; *l. sciendum 25. de re jud.* sufficit tamen, communii filio, qui patri hæres extitit, competere; *l. etiam filius 18. solut. matr.* atque ita aliquando legatum utile esse posse, & solidum obtineri, ubi alias in id tantum fieret condemnatio, quod reus facere posset.

Si quidem simpliciter inutile est legatum] Si dos uxori prælegata sit non designata certa quantitate aut certo corpore demonstrato, & dos nulla data sit, legatum inutile est: quia apparere non potest, quid aut quantum fuerit legatum. Neque hoc tantum in dote non accepta & simpliciter legata obtinet; sed etiam in omni simili legato incertæ rei aut quantitatis, *l. si sic legatum 75. §. 1. de legat. 1. l. legat. 25. sub fin. de lib. legat. fac. l. cum post. 69. §. gener. 4. de jur. dor.*

Si vero certa pecunia vel certum corpus, aut instrumenta] Veluti, *Centum qua in dotem accepi*; aut, *Fundum Tusculanum, mihi in dotem datum*, uxori do lego, aut, *Centum, qua instrumento dotalli conscripta sunt*, *l. 3. l. ult. C. de fals. ca. adject. leg.*

Valere legatum] *d. l. legat. 25. in fin. de lib. legat. d. l. 3. & ult. C. de fals. ca. adject. leg. d. l. si sic legatum 75. §. 1. in fin. de legat. 1.* Ratio aperta est, & expressa dictis locis; quia falsa demonstratio legatum non vitiat: de quo pluscula *inf. §. huc proxima 30. cod.* Eadem ratione si major quantitas legato comprehensa sit, quam in dotem accepta; valebit legatum etiam in id, quod acceptam excedit, *l. 6. de dot. pral.* Obstat tamen his, quæ diximus, videtur, quod Ulpianus scribit *l. 1. §. sed & si. 7. cod. tit. si quis ita legaverit, Centum, qua in arca habeo*, aut, *quia ille apud me deposuit*, & nihil in arca sit, aut depositum fuerit, nihil deberi; accommodans hoc ipsum ad casum dotis non acceptæ & prælegatæ. Sed rectè respondet Joan. Faber, referre utrum legetur certa quantitas, ut quantitas; an ut certum corpus aut species, veluti *Centum, qua in arca habeo*, *l. plane 34. §. sed hoc 4. l. sed si 51. de legat. 1.* Priore casu

falsam demonstrationem non nocere legato: posteriore idem juris esse, quod certo corpore, quod non extat, demonstrato, ut siquidem extet quantitas sic designata, legatum valeat; si non extet, inutile sit, *l. si servum 108. §. qui quinque 10. de legat. 1. l. omnia 32. §. species 5. de legat. 2.*

T E X T U S.

De interitu, & mutatione Rei
legatæ.

16. Sires legata sine facto hæredis perierit, legatario decedit. Et si servus alienus legatus sine facto hæredis manumissus fuerit, non tenetur heres. Si vero hæredis servus legatus sit, & ipse cum manumiserit, teneri eum, Julianus scripsit: nec interest sciverit, an ignoraverit, à se eum legatum esse. Sed & si alii donaverit servum, & is, cui donatus est, eum manumiserit, tenetur heres: quamvis ignoraverit, à se eum legatum esse.

N O T Æ.

16. SINE FACTO HÆREDIS] Sive naturali interitu, v. c. si servus legatus idipsum suam morte, ut Suet. in *Jul. c. ult.* defunctus sit; sive facto alieno: nisi mora hæredis intervenierit, *l. 3. 6. §. ult. l. 47. §. ult. de leg. 1. l. 23. de Verb. obl.* vide in comment.

LEGATARIO DECEDIT] Et hæres liberatur, ut & cæteri debitores; qui certam speciem debent, *d. l. 23.*

SINE FACTO HÆREDIS MANUMISSIS] *l. 35. de leg. 1.* hæc enim manumissio morti proxima est, *l. 32. de solut.*

NEC INTEREST SCIVERIT, &c.] *l. 112. §. cod. 1. l. 28. qui & à quib. man. l. 91. §. 2. de Verb. obl.* Ratio est in *l. 25. §. 2. in fin. ad Treb.*

COMMENTARIUS.

- Servi alieni, qui legatus sit, manumissione hæredem ita liberari, ut nec affirmationem debeat, & quid si res legata evicta sit.*
- Hæredem, qui servum proprium à se legatum vel ignorans manumiserit, obligatum remanere:*

*Et cur nominatim hoc pronuntietur de servo
heredis proprio.*

Hujus §. doctrina pertinet ad locum communem de liberatione debitorum, quæ contingit interitu rei debita. Sic enim in universum jus est, ut rei debita interitu, qui sine facto aut culpa debitoris contingit, obligatio extinguatur, ita ut nec ulla æstimationis petitio supersit, *l. si ex legati 23. de Verb. obl. l. in ratione 30. §. res tamen 6. ad leg. Falc. l. cum res 47. §. ult. de legat. 1.*

Si res] Id est, res certa, species, seu certum corpus, *l. non amplius 26. §. 1. de legat. 1. d. l. si ex legati de Verb. obl. d. l. in ratione §. certis ad leg. Falc.* idque ex prædicato, *perierit*, satis intelligitur, quod in res certas seu species solum cadit. Nam cum res incerta, puta homo generatim, aut centum aurei, legata aut in obligationem deducta est, nunquam dici potest res legata aut alias debita periisse: quoniam omnes homines generaliter & infinitè centum legato aut obligatione continentur: eoque fit, ut in his nullo rerum casu sive hæres siue quis alius debitor liberetur, *d. l. in ratione §. incerta ad leg. Falc. l. incendium C. si cert. pet.* Utrum autem certa species legata sit, an quantitas instar certæ speciei, veluti centum aurei, qui in arca sunt, nihil interest, *d. l. in ratione §. certis l. si certos 37. de Verb. obl.*

Sine facto heredis perierit] Sive naturali interitu, siue facto alieno, puta si servum legatum alius occiderit, *l. arbitrio 18. §. ult. de dol.* Nam si ipsius hæredis facto res perierit, non magis id legatario nocere debet, quam cæteris creditoribus, quæ facto debitorum contigerunt. Sed & si res naturali fato perierit, cæterum post moram ab hærede factam, hæredis ad detrimentum erit, *l. cum servus 39. §. 1. de legat. 1.* Certa enim est juris regula, mora interveniente perpetuari obligationem, ut post moram re perempta nihil secius teneatur debitor, quam si res adhuc extaret, *d. l. si ex legati de Verb. obl. l. nemo 82. §. 1. l. si servum 91. §. sequitur. eod. l. 5. de reb. cred.* de quo commodius infra in materia obligationum. Ait, *perierit*. Periisse non tantum res intelligitur, cum in rerum natura esse desit: verum etiam cum commercio exempta est, *§. 1. & 2. inf. de innt. stip. l. inter. 89. §. sacrum. de Verb. obl. l. si mihi 92. de solut.*

Legatario decedit] Hoc locis compluribus traditum, *l. non amplius 26. §. 1. l. Titia 36. §. ult. l. cum res 47. §. ult. l. si quis inquilinos 112. §. 1. de legat. 1. d. l. si ex legati. de Verb. obl.* atque ut superius diximus, jus est commune omnium debitorum, qui certam speciem debent.

Sine facto heredis manumissus] Etiam servi alie-

ni legati manumissione hæres liberatur, si nulla ejus culpa argui potest, *l. si hæres 35. de legat. 1. l. si servum 91. §. 1. & serv. fin. autem de Verb. obl. l. si mihi 92. de solut.* ubi Paulus hanc manumissionem aut morti similem esse; scilicet quia manumissione servus commercio eximitur. Quare nec æstimationem præstare hæres tenetur, quam præstare cogitur, cum res adhuc extat, eamque dominus non vult vendere, *§. 4. sup.* Quid si res legata non perempta, sed legatario evicta sit? Et siquidem ex causa pignoris evicta sit à creditore, hæres obligatus manet: nec interest, generaliter res legata sit, an una aliqua specialiter & certa: nam nec illo casu sufficit rem talem dare, qualis est; sed ita dare oportet, ut eam habere liceat, *l. qui concubinam 29. §. pen. de legat. 3. l. si à substituto 45. §. 1. eod. 1.* & hoc casu tenetur hæres rem obligatam nexu pignoris liberare, *§. 5. sup.* Sin autem evicta fuerit à domino, ut res aliena, hic interest, in genere res legata sit, an in specie: nam si in genere, & hæres rem unam aliquam ex eo genere dederit, quæ postea à domino evincatur, non liberabitur, ob eandem scilicet causam, quam modo dixi: si vero in specie, puta Stichus aut Pamphilus, sic distinguendum est, ut si testator eam rem tanquam alienam legaverit, teneatur hæres eam redimere aut æstimationem ejus dare, *§. 4. sup.* si tanquam suam, placet hæredem liberari, modo præstet rem talem, qualis apud testatorem fuit, *l. cum pater 77. §. & servus 8. de legat. 2.*

Hæres servus legatus. Et ipse cum manumiserit] Si hæres servum proprium à se legatum manumiserit, obligatus remanet, & tenetur in ejus æstimationem, perinde quasi occidisset; nec refert, sciverit, an ignoraverit, à se legatum esse, *l. si quis inquilinos 112. §. 1. de legat. 1. l. hæres 28. qui & à quib. man.* quippe etiam manumissione res interire intelligitur; quia definit esse in commercio: & nemo suo se facto obligatione liberare, alterique damnum asferre potest, *l. quidam 25. §. 2. in fin. ad Sc. Trebell. l. si servum 91. de Verb. obl.* Quod ergo dicitur, in *d. l. hæres, qui & à quib. man.* hæredem servum proprium, quem testator legaverat, manumittendo nihil agere, ad effectum liberationis, non ad effectum libertatis referendum; ut nihil agere dicatur, quia manumittendo non efficit, quominus obligatus maneat: quod etiam Accurs. observavit. Non obstat huic sententiæ, quod excusatur ignorantia ejus, qui servum indebitum sibi datum manumisit, *l. in summis 65. §. pen. de cond. ind.* nam indebiti conditio, utpote quæ ex bono & æquo introducta est, nihil revocare consuevit, præter iniquum lucrum, *l. pen. eod. tit.* Cur vero Justinianus hoc loco, & Jurisconsulti *d. l. si quis inquilinos §. 1. & d. l. hæres, nominatim*

nam loquatur de servo hæredis proprio? Nimirum quia hæres servum testatoris à se legatum aut per fideicommissum alteri relictum ne manumittere quidem potest, sicut nec quamvis aliam rem, quam restituere iussus est, alienandi potestatem habet, l. ult. §. 2. C. comm. de legat. Quin et si sub conditione servus testatoris legatus fuerit, licet pendente conditione pleno jure hæredis sit, placet tamen, libertatem ab hærede consequi non posse, generaliter 29. §. 1. qui & à quib. man. Sed quid est igitur, quod Paulus in l. si servum 91. §. 2. de Verb. obl. scribit, Julianum putasse, teneri hæredem, qui, cum nesciret, à se petittum codicillis aut restitueret, manumissus? nam libertate non procedente non potest dici manumissus. Responsum ipsum Juliani, quod extat in l. quidam 25. §. 2. ad sen. Treb. rem expedit. Non ait Julianus servum hæreditarium ab hærede legatum, aut quem nominatim hæres restituere rogatus est, posse manumissione hæredis liberum fieri: sed posse hæredem, qui hæreditatem restituere iussus est, servum, qui ex ea hæreditate sit, manumittere, ut tamen obligatus maneat, pretiumque servi fideicommissario præstet. Inter quæ multum interest. Nam cum servus hæreditarius certus specialiter legatus est, manifestum est testatorem velle hunc ipsum servum præstari, non æstimationem ejus. At in fideicommissis hæreditatis potest favore alicujus rei, quæ in ea hæreditate sit, alia interpretatio voluntatis recipi, quasi ad sensum testatoris nihil interest, utrum res ipsa, an æstimatio præstetur.

Sed & si alii donaverit, & is eum manumiserit, &c.] Hæres, qui servum proprium à se legatum alteri donavit, quamvis eum à se legatum ignoret, tamen si is, cui donatus est, eum manumiserit, tenetur in servi æstimationem, d. l. si quis inquilinos 112. §. 2. de legat. 1. Ratio eadem, quæ in specie præcedente; quia facta hæredis accidit, ut servus commercio sit exemptus; quod alteri damnum asserere non debet. Tantum hic non proxima, sed remota causa hæres est.

TEXTUS.

De interitu quarundam ex pluribus rebus legatis.

17. Si quis ancillas cum suis natis legaverit, etiamsi ancilla mortua fuerint, partus legato cedunt. Idem est & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fue-

rit cum peculio legatus, mortuo servo, vel manumisso, vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

NOTÆ.

17. IDEM EST, SI ORDINARIUM CUM VICARIIS.] Nam vicarii hic non considerantur, ut pars peculii ordinariorum, sed ut eorum conservi, ut & revera sunt, l. 9. d. 1. itaque etiam in hac specie duo sunt legata separata, l. 4. d. 1.

SED SI SERVUS CUM PECULIO, &c.] l. 1. d. 1. Ratio est, quia peculium accessionis locum obtinet, cujusmodi perempta re principali & ipsa extinguuntur, l. 2. d. 1. l. 178. de reg. jur.

IDEM EST, SI FUNDUS INSTRUCTUS] Quia nec hic duo sunt separata & principalia legata, sed unum rei principalis, alterum accessionis: spectanda tamen mens testatoris, l. 1. §. 1. l. 5. de instr. vel instrum. leg.

COMMENTARIUS.

1. Si ancilla cum suis natis legata sit, duo intelligi legata separata & æque principalia.
2. Idem esse, si servus cum vicariis suis legatus sit.
3. Secus, si servus cum peculio, aut pennis cum suis.
4. Aut si fundus instructus, vel cum instrumento.
5. Paulus cum Justiniano conciliatur.

Hoc §. & 3. seqq. docetur, quid juris sit, si rei legatæ vivo testatore vel decesserit aliquid, vel accesserit. Si aliquid decesserit, ita jus est, ut neque legatum extinguatur, nisi quod decessit, sit principale, reliquum accessionum: neque hæres teneatur supplere, quod decessit, sed præstatione ejus, quod superest, liberetur. Hæc res quatuor exemplis declaratur; legati ancillæ cum suis natis; servorum ordinariorum cum vicariis, hoc §. legati gregis, §. seq. legati peculii, §. 20. Cæterum, ut dixi, ita quod superest, legato cedit, si id quoque principaliter legatum sit, non si ut accessio ejus, quod decessit; nam perempta re principali legatum accessionis extinguatur: quod ostenditur hoc §. exemplo legati servi cum peculio; item fundi cum instrumento legati. Si quid accesserit, placet etiam illud legato cedere: cujus rei tria exempla proferuntur, legati gregis, cui post-

postea adjecta plura capita, §. seq. legati ædium, quibus adjectæ columnæ & marmora, §. 19. legati peculii, cui deinde aliquid accessit, d. §. 20. Late autem hic locus patet. Nam huc etiam pertinent fructus, usuræ, pensiones prædiorum, partus, foetus, alluvio, insula in confinio nata, & plura alia, quæ hic non tangit Justinianus, l. 8. l. quod in rerum 24. §. 1. & 3. l. cum servo 39. §. 1. de legat. 1. l. 10. l. si area 39. de legat. 2. l. sapi 16. cod. 3.

Partus legato cedunt] l. si ancilla 62. cum l. seq. de legat. 1. Poterat videri unum hic esse legatum principale, alterum, natorum scilicet, accessorium; quod etiam Servio visum fuit, qui ob id mortua ancilla negabat partum deberi. Sed revera liberi matris accessio non sunt: statim enim ut sunt editi, separatam plane habent existentiam: & ideo rectè Paulus scribit, duo hic esse legata separata, hoc est, æquæ principalia, l. 3. de pec. leg. & Celsus in l. si ancilla 62. de legat. 1. sententiam Servii ut falsam nec voluntati defuncti accommodatam rejicit. Ego quoque sententiam Jo. Fabri & Aretini falsam esse puto, & voluntati testatoris minimè consentaneam, qui existimant, si pecudes cum foetu legatæ fuerint, morte pecudum legatum foetus tanquam accessorium extinguí.

Idem est, si ordinarii cum vicariis] Hic eadem dubitatio occurrit, quæ in casu præcedenti: nam ut peculium servi accessio est, ita & servi vicarii, qui sunt in peculio ordinariorum, l. 17. de pecul. etiam horum accessio videntur; ac proinde his mortuis illos ex legato non deberi. Illud utique certum est, mortuo servo ordinario, qui cum peculio legatus est, peculii legatum ita extingui, ut nec vicarii, qui in ejus peculio sint, debeantur. Et sane fatendum est, servos vicarios accessionis locum obtinere, quatenus considerantur ut pars peculii ordinariorum: cæterum ex se non sunt, sed revera ordinariorum conservi, l. 9. de pec. leg. Atque ut tales considerantur in casu proposito, cum diserte cum ordinariis & ipsi legantur, ut hic quoque sint duo legata separata, & vicarii æque principaliter ut ordinarii legati intelligantur, l. 4. d. tit.

Sed si servus cum peculio] Servo legato cum peculio, & alienato vel manumisso, aut mortuo, legatum etiam peculii extinguitur, l. 1. de pec. leg. Cur tam varie? quia peculium accessionis locum obtinet: cujus conditionis quæ sunt, extingui solent, cum principales res peremptæ fuerint: ratio reddita à Cajo in l. 2. d. tit. Eadem ratione placet, & penultima cum vasis legata & consumpta, ne vasa quidem deberi, l. 2. l. 4. in pr. de pen. leg. Hoc tamen inter peculium & vasa penuria interest, quod peculium non est simplex & mera accessio, quæ necessario servum sequatur: quippe qui simpliciter servus legatus

sit, peculium legato non cedit, l. si legatus 24. de pecul. leg. Sed vasa penuria pura puta sunt accessio; & ideo penù simpliciter legata, vasa quoque, sine quibus rectè penus haberi non potest, legato continentur, l. 3. §. ult. l. 4. pr. de pen. legat.

Si fundus instructus, vel cum instrumento] Exemplum simile proxime præcedenti: ideo enim fundo cum instrumento legato & alienato etiã legatum instrumentum extinguitur; quia hic non sunt duo diversa & separata legata, sed unum rei principalis, alterum accessionis & sequelæ. Nam instrumentum fundi accessio est. Et siquidem sic aliquis legaverit, fundum cum instrumento, alienato fundo instrumentum peti non posse semper consistit, l. 1. §. 1. l. 5. de instr. vel instrum. leg. Cæterum an idem sit, si sic legaverit, fundum & instrumentum, aut fundum instructum, non satis convenit. Labeo lib. 1. pisthan. putat, inter omnes hæc scripturas nihil interesse, l. 5. de instruct. leg. Justinianus quoque hoc loco idem prædicat de legato fundi instructi & legato fundi cum instrumento. Denique & Paulus eadem duo, ut eandem vim habentia, cõjungit, d. l. 1. in pr. cod. tit. Verum idem Paulus in notis ad Labeonem d. l. 5. hanc scripturam, fundum cum instrumento, à cæteris diserte separat, sic ut dicat, ex illa scriptura, fundo alienato, nihil deberi: ex duabus reliquis posse instrumentum esse legatum. Eguinarius Baro existimat, Paulum cum Justiniano nullo modo conciliari posse? Hotomannus etiam secum pugnare, atque ex insita sibi cum Labeone similitudine, solo Labeonis redarguendi studio, contrarium respondisse. Verum ego, ut fatear, Paulum eo genere morbi laborasse, eoque correptum: aliquando non satis bona fide cum Labeone agere, ut vide-
re est in l. pen. §. 1. & 2. de acq. rer. dom. l. ult. de usuc. & fortassis sic etiam Labeonem ab eo tractari; in d. l. 5. non arbitror tamen aut secum eum pugnare, aut cum Justiniano. Labeo dixerat, inter superiores scripturas omnes, nihil interesse. Paulus ait, interesse: nam ex hac scriptura fundum cum instrumento, alienato fundo nihil deberi: ex his fundum & instrumentum, vel fundum instructum, posse instrumentum esse legatum. Quasi dicat, in hac specie, cum fundus cum instrumento legatus est, tam perspicuum est, testatorem instrumentum accessionis loco habuisse, ut alienato postea fundo frustra de mente testatoris, quod ad legatum instrumenti attinet, disputetur: quod ipse d. l. 1. §. 1. de instruct. leg. sic expressit, fundo cum instrumento legato & alienato, instrumentum non vindicabitur ex sententia defuncti. Cum autem fundum & instrumentum, aut fundus instructus, legatus est, licet regulariter etiam utroque; hoc casu legatum instrumenti pro accessorio habeatur, eoque alienato fundo legatum in-

strumenti

strumenti evanescat: tamen quia mens testatoris hic non tam plana ac perspicua est, quam in specie superiore, ideo admitti posse questionem voluntatis, & tentari fundo alienato nihilominus instrumentum, tanquam separatim atque æquè principaliter legatum, ex sententia testatoris deberi, eoque probato legatarium vincere. Non pugnat igitur secum Paulus, cum in *d. l. 1. in pr. ait*, sive cum instrumento fundus legatus sit, sive instructus, duo legata intelligi: nam in illa specie alterum semper accessorium est, in hac potest utrumque esse principale. Sed nec cum Justiniano; quippe qui quod regulare est, hic tantum proposuit: quod & fecit Labeo *d. l. 5.* quem idcirco explicari potius à Paulo, quam taxari oportuit. Ad hunc fermè modum hæc quoque componunt Cujac. Wesemb. post Carr. in *d. l. 5. aliter l. 30. ibid. Myns. Balduin. hic*. Quanto plenius sit legatum fundi instructi, quam fundi cum instrumento, docet Ulpian. *l. quasi sum 12. §. supellex 15. & §. sed si fundus 27. cum seqq. de instrum. vel instrum. legat.*

T E X T U S.

De grege legata.

18. Si grex legatus fuerit, & postea ad unam ovem pervenerit, quod superfuerit, vindicari potest. Grege autem legato etiam eas oves, quæ post testamentum factum gregi adjiciuntur, legato cedere Julianus ait. Est autem gregis unum corpus ex distantibus capitibus: sicut adium unum corpus est ex cohærentibus lapidibus.

N O T A E.

18. SI GREX LEGATUS, &c. QUOD SUPERFUE- RIT VINDICARI] Quamvis grex esse desierit, quæ ratio est dubitandi, *l. 22. de leg. 1.* Sed nimirum qui gregem legat, etiam singula capita, quæ in eo grege sunt, ut partes totius, legare intelligitur, per *l. 113. de reg. jur.* Aliud juris est in legato usufructu gregis, *l. ult. quib. mod. us. am.* quia usufructus rei mutatione extinguitur, *§. sup. §. gen. de usufr.*

U N U M C O R P U S.] De generibus corporum vid. *l. 30. de usurp. & usuc.*

C O M M E N T A R I U S.

1 Ratio dubitandi circa priorem speciem hujus §. & cur non idem in legato usufructu gregis, remissivè.

2 Ratio exempli posterioris.

3 Rege legato, si numerus ovium decreverit, tamen quæ supersunt, capita debentur, etiam si

unica tantum ovis reliqua sit, *l. si grege 22. de legat. 1.* quo loco Pomponius etiam dubitandi causam significat: quæ hæc esse poterat, quod rei legata interitu legatum extinguatur, *§. si res 16. sup. eod.* Et enim grex etsi neque accretione neque decrectione mutetur, sed idem maneat; *l. si cum 21. §. 1. de exc. jud.* tamen ubi decrevit usque ad numerum minorem decem, interuisse censetur, quia iste numerus gregem non constituit, *l. ultim. de oblig. l. ult. quib. mod. us. am. §. id. l. 65. §. 1. de leg. 2. Fabrot. ad Th. h. l. 79. de leg. 3.* Gregem autem legavit testator, non separatim singula capita, quæ aliud sunt, quam grex, *l. 1. in fin. de rei vind.* Dicendum est, cum, qui gregem legat, omnia capita, quæ in eo grege sunt, legare intelligi; atque ideo quicquid ex grege superest die legati cedente legatario deberi. Licet enim capita, quæ supersunt, pauciora sint, quam ut per se gregem constituent: tamen quotquot supersunt, pars sunt aut fuerunt illius gregis, qui legato est; ac proinde etiam legato continentur, *l. in toto 113. de reg. jur.* Nam nec area insula est: & tamen si in insula legata combusta sit, responsum est, aream adhuc vindicari posse, *d. l. si grege*. Nimirum quia area pars est aut fuit rei legata, id est, insula, *l. qui res 98. §. aream, de solut.* Nec est contrarium, quod traditur, in *l. ult. quib. mod. us. am.* usufructum gregis legatum, si in eum numerum pecus reciderit, quo grex constare non potest, perire. Aliud enim longe juris est in legato gregis, aliud in legato usufructu gregis. Diversitatis rationem alibi diligenter exposui sub *§. pen. sup. de usufr.*

Ad unam ovem] Quamvis enim unica hæc ovis gregem non constituat, id est, universitatem multorum capitum; est tamen unum ex capitibus illis, quæ gregem constituebant; ac proinde pars rei legata, *vide & l. peculium 63. §. 1. de leg. 2. l. si chorui 79. eod. Fabrot. ad Theoph. hic.*

Post testamentum gregi adjiciuntur] Exemplum contrarium, cum rei legata vivo testatore aliquid accessit. Cui grex legatus est, ad eum etiam omnia capita pertinent, quæ postea gregi adjecta sunt, *l. grege 21. de legat. 1.* Ratio est, quia testator non illum gregem, quantus tunc erat, sed plane quantuscunque erit, cum dies legati cedet, legasse intelligitur. In summa grex legatario crescit & decrescit. Eademque ratio legati armenti & equitum.

Unum corpus ex distantibus capitibus] Ut adium, sic etiam gregis unum corpus est: verum illud omnium, id est, connexum, atque expluribus partibus inter se cohærentibus constans; hoc dissociatum, constans ex pluribus corporibus distantibus, ut populus, legio, collegium, *l. in rem. 25. §. item quacunque §. de rei vind. l. rerum 30. de usuc.*

T E X T U S.

De ædibus legatis.

19. *Ædibus denique legatis, columnas
& marmora, quæ post testamentum fa-
ctum adjecta sunt, legato dicimus cedere.*

COMMENTARIUS.

Si area legata domus imposita sit, superficiem
simul cum solo deberi. Et quid si res legata
in aliam speciem mutata sit.

1 Aliud exemplum augmenti rei legata. Per co-
lumnas autem & marmora quælibet additamen-
ta intelligenda sunt, *l. cætera* 41. §. item 9. & seqq.
de legat. 1. Sed & si area legata domus imposita sit,
placet domum, hoc est, & solum & superficiem debe-
ri, ut diferte traditum est in *l. si area* 39. *de legat. 2.*
& *l. si servum* 44. §. *si area* 4. *de legat. 1.* ubi hæc
quidem additur exceptio, nisi testator mutavit volun-
tatem: sed exceptio illa confirmat, solo eo facto te-
statorum voluntatem mutasse non videri; ac proinde
in dubio aream cum superficie deberi. Quippe cui
superficies etiam alias jure accessionis cedit; ut res
aucta potius, quam mutata videatur, §. *cum in sua*
29. & seqq. *sup. de rer. div. l. qui res* 98. §. ult. & *serf.*
non est de solut. Non est contrarium, quod apud
Cajum scriptum est, si domo, quæ legata erat, destru-
cta aliam eodem loco testator ædificaverit, legatum
non deberi, *l. si ita legatum* 65. §. ult. *de legat. 1.* quia
destructione rei legata legatum interit, veluti si do-
mum legatam testator diruat, navem legatam dissol-
vat, *l. lana* 88. §. 2. *de legat. 3.* Nova autem domus
non debetur, quia non intelligitur legata; nisi aliud
testatorem sensisse fuerit approbatum. Magis obstat
locus Celsi in *l. si chorum* 79. §. pen. *de legat. 3.* & o-
mnino adversatur, nisi hæc Celsi verba, *quanquam*
tunc peti non poterat, per concessionem accipian-
tur. Ut sit hic sensus: quamvis ponatur is casus,
quo tunc, id est, stante ædificio legatum peti non po-
tuit, uti non potest, cum constet testatorem sic ædifi-
casse, ut nollet domum deberi; quæ exceptio est *d. l.*
servum 44. §. *si area*, *de legat. 1.* tamen nunc, id est,
ædificio destructo, posse aream peti: quia mutatio
voluntatis tantum in eo fuit, ac domus deberetur, ita
Duan. ad l. 8. *de legat. 1.* *Don.* 8. *comm.* 17. Quod
si res legata in aliam speciem mutata fuerit, si quidem
ea species ad præstam materiam redire non potest,
veluti si e manure statua, ex lana legata vestis, ex
materie legata navis facta sit, legatum intercidit, *l.*
quæsitum 73. §. *illud* 4. *d. l. lana*, *pr.* & §. 1. *de le-*
gat. 3. Si vero species, in quam res translata est, in

suum initium redigi potest, veluti si massa legata,
scyphi ex ea facti sint, placet consistere legatum, at-
que in hujusmodi materiam prævalere, *d. l. quæsitum*,
§. *illud*, *d. l. lana*, §. ult. *fac. §. cum ex aliena* 25. *sup.*
de rer. div. nisi tamen aut hic hæres probet testato-
rem à legato recessisse, aut illic legatarius probet non
recessisse; quomodo accipi debet Ulp. in *d. l. servum*,
§. *si pecula*, *de legat. 1.* ad *Don.* d. cap. 17. *Cujac.* 5.
ad *African.* in l. *qui usumfructum* 36. *de usur.* &
23. *obs.* 22.

T E X T U S.

De peculio.

20. *Si peculium legatum fuerit, sine
dubio quicquid peculio accedit, vel decedit
vivo testatore, legatarii lucro vel damno
est. Quod si post mortem testatoris ante
aditam hereditatem aliquid servus ac-
quisierit, Julianus ait, siquidem ipsi ma-
numisso peculium legatum fuerit, omne
quod ante aditam hereditatem acquisi-
tum est, legatario cedere; quia hujusmo-
di legati dies ab adita hereditate cedit:
sed si extraneo peculium legatum fuerit,
non cedere ea legato, nisi ex rebus peculia-
ribus auctum fuerit peculium. Peculium
autem, nisi legatum fuerit, manumisso
non debetur: quamvis, si viduus manumi-
serit, sufficit, si non adimatur: & ita di-
vi Severus & Antoninus rescripserunt.
Idem rescripserunt, peculio legato non vi-
deri id relictum, ut petitionem habeat pe-
cunie, quam in rationes dominicas im-
penderit. Idem rescripserunt, peculium
videri legatum, cum rationibus red-
ditis liber esse jussus est, & ex eo reliqua
inferre.*

N O T Æ.

SUFFICIT, SI NON ADIMATUR] Hoc enim
ipso, quod dominus peculium apud jam liberum fa-
ctum manere patitur, non obscure id ei donat, *l. 53. de*
pecul. l. un. C. de pec. ejus, qui lib. mer.

QUAM IN RATIONES DOMINICAS] Hoc
ideo,

ideo, quia quod dominus servo debet, verum debitum non est; quamvis peculium augeat, l. 6. §. 4. de pec. leg. 7. §. pen. de pecul.

COMMENTARIUS.

- 1 Cujus lucro vel damno sit, quod peculio legato seruo testatore accedit aut decedit.
- 2 Cur placeat, si seruo manumisso peculium legatum sit, etiam quod post mortem testatoris ante aditam hereditatem extrinsecus accesserit, legato cedere: si extraneo, non item.
- 3 Explicatur l. 8. §. ult. de pecul. legat.
- 4 Cur seruo testamento manumisso peculium non debeatur, nisi legatum sit: inter seruos manumissum sequatur, nisi ademptum fuerit.
- 5 Legato peculii non contineri, quod seruus domino expensum tulit.
- 6 Peculium legatum videri ei, qui rationibus reliquisque redditus liber esse iussus est.

Multa ex hoc §. discimus. Primum, cuius lucro vel damno cedat augmentum vel diminutio peculii legati: deinde seruo, qui peculium habet, manumisso, quem peculium sequatur: tum legato peculii an contineatur, quod expensum in rationes dominicas: postremo, qui rationibus reliquisque redditus liber esse iussus est, an peculium ei legatum intelligatur.

Accedit vel decedit seruo testatore] Peculium est instar universi alicujus patrimonii, in quo sunt corpora & nomina ac iura, seu credita & debita. Passim *tit. de pecul.* unde fit, ut facile & diminutionem & incrementum recipiat, l. *peculium* 63. pr. de legat. 2. Papyrius Fronto dicebat peculium simile esse homini: quippe nasci, crescere, decrescere, mori, l. *peculium* 40. de pecul. Ait, seruo testatore. Neque hic distinguitur, utrum ipsi seruo manumisso peculium legatum sit, an extraneo; neque etiam utrum ex rebus peculiaribus auctum sit peculium, an extrinsecus. Ratio est, quia quamdiu testator vivit, nullo casu dies legati cedit, id est, nihil dum deberi intelligitur.

Quod si post mortem testatoris, &c.] Si post mortem testatoris ante aditam hereditatem auctum fuerit peculium, hic interest, ipsi seruo manumisso peculium legatum sit, an extraneo: deinde si extraneo, utrum auctum sit peculium ex rebus ipsis peculiaribus, puta ex partu ancillarum, vel foetu pecorum; an quid aliunde peculio accesserit, puta ex operis aut quaestu servi, ex donationibus aut legatis. Si ipsi seruo manumisso peculium legatum sit, placet, omne augmentum legato cedere: si extraneo, incrementa ex rebus peculiaribus duntaxat; cetera non deberi, sed ad heredem pertinere, l. 8. §. ult. de pec. leg. & hoc nostro text. Rationem diversis juris mox audiemus.

Quia huiusmodi legati dies ab adita hereditate cedit] Ratio cur placeat in casu, quo ipsi seruo peculium legatum est, etiam id, quod jacente hereditate ex operis ejus vel ex alia re non peculiari accedit, ipsius lucro esse. Unde quoque simul intelligimus, cur in casu opposito penes heredem illud maneat. Nimirum sic in universum jus est, ut cum quaeritur, quantum sit in legato, id tempus inspicitur, quo dies legati cedit, l. 8. §. ult. de pecul. leg. id est, cum res legata deberi incipit, l. *cedere* 213. de verb. sign. neque enim ante ad legatarium quicquam pertinere potest. Proinde si ante diem legati cedentem quovis modo auctum fuerit legatum, etiam augmentum illud legatario debetur: si post diem cedentem; id solum, quod res ipsa ex se producit. Jam vero quando ipsi seruo manumisso peculium legatum est, tam peculii legati, quam libertatis dies ab adita demum hereditate cedit, l. 7. in fin. cum l. *seq. quand. dies legat.* quando autem extraneo; cedit statim à morte testatoris, sicut in ceteris omnibus legatis, exceptis conditionalibus & quæ ad heredem non transeunt, l. 2. cum 3. seqq. d. tit. l. *un. §. in notissimo* 5. & §. *seq. C. de cad. toll.* Consentaneum igitur omnino est, ut peculium legatum seruo crescat, eumque sequatur cum omni augmento usque ad aditam hereditatem: extraneo, augeatur quovis quidem modo usque ad tempus mortis testatoris; ceterum quod jacente hereditate extrinsecus accedit, heredis lucro sit. Quod tamen diximus, peculii legati diem extraneo cedere ex mortis testatoris tempore, ei aperte adversatur, quod ex Juliani sententia Ulpianus in l. *denique* 8. §. ult. de pecul. legat. scribit, si ipsi seruo peculium legetur, *tempus spectandum, quo dies legati cedit*: si vero extraneo, *mortis tempus*. Ergo in extraneo mortis tempus, non est illud, quo dies legati peculii cedit. Paucissimi sunt interpretes, qui hoc animadverterunt: & tamen locus iste cum aliis omnibus, quibus pro certo jure traditur diem legati cedere à tempore mortis testatoris, tam manifeste pugnat, ut sine incusatione Compilatorum pugna hæc sedari non possit. Quid ergo dicimus? Nimirum Ulpianum cum Juliano respondisse secundum jus suorum temporum, & senatusconsulta, quæ circa legem Papiam facta sunt, ex quibus dies legatorum non à morte testatoris, sed ab apertura tabularum cedebat, d. l. *un. §. 1. C. de cad. toll.* Quam ob causam etiam aliam hujus differentie rationem afferunt, petitam à conjectura voluntatis testatoris. Id vero antiqui juris vestigium oculos ac manus confarcinatorum fugisse.

Nisi ex rebus peculiaribus] Puta ex partu peculiarium ancillarum foetuve pecorum, d. l. 8. §. ult. de pecul. leg. Hoc enim cum accedit, ipsum peculium ex se augetur atque amplificatur; ut huiusmodi au-

gmentum etiam post diem legati cedentem contingens merito legatarium sequatur, arg. §. item ea 19, *Jup. de rer. div. l. 6. de acq. rer. dom.*

Peculium autem nisi legatum, &c. quāvis si inter vivos] Servo testamento manumisso peculium, nisi nominatim ei legatum fuerit, non debetur, *l. si legatus 24. de pec. leg.* At eum, qui inter vivos manumittitur, placet peculium sequi, si non adimatur, *l. si Stichum 13. de pecul. l. un. Cod. d. pecul. ejus qui lib. mer.* Quæritur ratio differentiae. Glossa ex Joanne hanc affert, quod inter vivos manumissus operas patrono debeat, in quarum compensationem peculium ei relictum credendum sit: libertus autem Orcinus neque hæredi neque ulli alii operas præstare teneatur. Schneidevvinus ex Jo. Fabro hanc, quod dominus servum, quem inter vivos manumittit, majori affectione prosequatur, quam quem testamento; ac proinde etiam majorem erga illum exercere intelligatur liberalitatem, quam erga hunc, cui libertatem in id tempus confert, quo rebus suis amplius uti non potest. Hinc esse, quod plus mereri dicatur, qui vivens dat elemosynam, quam qui moriens, &c. Sed quid nodum in scirpo quærimus? Peculium servo vindicta, verbi causa, manumisso relictum, eum neque ut compensatio operarum sequitur; quippe quas etiam adempto peculio præstaret; neque quia major putatur esse affectio domini erga servum, quem vindicta, quam quem testamento manumittit: licet enim hoc verum sit, tamen cum morientes longe simus liberaliores, quam viventes & adhuc valentes, liberalior quoque ac prolixior interpretatio convenit voluntati morientium, quam viventium, *l. in testamento 12. de reg. jur.* Denique & cum testamento & cum vindicta servus manumittitur, manumissio ipsa præter libertatem nihil ei tribuit: est enim manumissio non peculii datio, sed libertatis. Sed quod vindicta manumissum peculium sequi placet, si id ei non adimatur; hanc rationem habet, quod duplex in tali casu donatio est; una expressa, libertatis; altera tacita, minime tamen obscura, peculii. Etenim cum dominus manumissio peculium non adimit, sed id eum jam libertum sibi habere permittit, hoc ipso non obscure id ei donat ac concedit, cum si donatum nollet, posset adimere. Hoc vero in manumissum testamento quadrare non potest, qui non nisi post mortem testatoris libertatem consequitur, hoc est, eo tempore, quo qui libertatem dedit, peculium liberto relinquere non potest: & quia cum poterat, nominatim non reliquit, ideo id apud hæredem suum cum cætero jure manere voluisse censetur, *fac. d. l. Stichum 13. de pecul. d. l. un. de pecul. ejus qui lib.*

Petitionem pecunie, quam in res dominicas] Quamvis quod servus domino expensum tulit, id est, quod ei dominus debet, peculium servi augeat, veni-

atque in actionem de peculio §. l. 7. §. *pen. de pecul.* tamen quia verum debitum non est, nec ex ea causa actio servo competere potest, placet peculio legato id non contineri, *l. 6. §. sicut 4. de pecul. leg.* Quin etiam responsum est, si servo inter vivos manumisso peculium ademptum non sit, ac proinde concessum, tamen eum debitores peculiare convenire non posse, nisi mandatis sibi actionibus, *d. l. Stichum 13. de pecul.* adeoque verum videtur, quod Theophilus scribit, peculio legato, *τὸ ἐν ἀπορίῃ ὄντι καὶ ἐν τῷ μὲν, quā in promptu & in parato sunt*, duntaxat dominum legasse censeretur.

Et ex eo reliqua inferre] Ex eo solo, quod quis servum suum liberum esse iussit, si rationes reddidisset, peculium ei legatum defendi non potest: nam nec si vetuisset testator rationes ab eo exigi, peculium ei legatum censeretur, *l. dominus 23. §. 2. de pec. leg.* Cæterum si rationibus redditis reliqua, id est, quæ putatis rationibus domino eum debere compertum fuerit, de peculio solvere, aut certam summam hæredibus inferre iussus sit, ei quod in peculio superest, legatum intelligitur, *l. 8. §. interdum 7. d. sit.* Nam qui servum ex peculio, quod debet, aut partem peculii inferre iussit, non potest non videri de cætero aliter sensisse, *per l. quasitum 12. §. idem respondit 43. Servf. denique Neratius de instrum. vel instrum. legat.*

TEXTUS.

De rebus corporalibus & incorporalibus.

21. Tam autem corporales res legari possunt, quam incorporales: & ideo quod defuncto debetur, potest alicui legari, ut actiones suas hæres legatario præstet; nisi exegerit vivus testator pecuniam. Nam hoc casu legatum extinguitur. Sed & tale legatum valet; Damnas esto hæres meus domum illius reficere: vel illum are alieno liberare.

NOTA.

ACTIONES LEGATARIO PRAESTET] *d. l. 44. §. 6. d. l. 71. §. 2. cod. 1.* Sed & non expectata cessione actionum directarum utilibus suo nomine experiri potest, *l. 18. C. cod.*

COMMENTARIUS.

1 Legato nominis quid contingatur.

3 Ex-

2 *Extingui hoc legatum; si dum vivis testator, debitum exactum fuerit, aut etiam ultro solutum: & quare.*

3 *Admitti tamen hic probationem non mutatam voluntatis ex facti circumstantiis.*

4 *Quid juris, si cum debitum peti ceptum esset, testator inter moras iudicii, aut nondum facta solutione, decesserit.*

5 *Etiam facta legari posse, ut qui iussus est facere, parere debeat: & quibus conditionibus.*

Concludi hic videtur locus de rebus, quæ recte legentur. Duo autem sunt, quæ hoc §. docemur. Unum est, posse legari tam res incorporales, quam corporales. In textu trajectory est. Alterum, non solum res, quæ proprie & specialiter ita dicuntur, legari posse, sed etiam facta.

Quam incorporales] Non modo res corporales, ut fundus, ædes, homo, vestis, aurum, argentum, pecunia numerata, &c. legari possunt: sed etiam incorporales, ut usus, usufructus, servitutes prædiorum, pars hæreditatis aut bonorum liberatio, actio seu nomen debitoris. Et hoc est, quod Jurisconsultus ait, & corpora omnia & jura & servitutes legari posse, *l. cetera 41. in pr. de legat. 1.* Quid usu, usufructu, quid servitute legata legato continetur, explicatur propriis *tit. in 7.* quid legata parte hæreditatis, *l. 8. §. ult. de legat. 2. l. mulier 22. §. ult. ad sen. Treb.* quid parte bonorum, *l. 9. de legat. 2. l. non amplius 26. §. 2. l. si quis 27. de legat. 1.* De liberatione legata, & quid eo legato continetur, diximus sup. §. *si quis debitori 13.* agiturque de eo item tit. proprio in 7. Hic de legato nominis agendum est.

Quod defuncto debetur, potest alicui legari] Quod mihi debetur, & debitori meo recte lego, legatum dicitur liberationis, & tertio alicui. Veluti, *Centum, quæ mihi Sejus ex causa mutui debet, Titio do lego. l. si sic legatum 71. §. 1. & 2. l. non quocunque 82. §. pen. de legat. 1.* estque id legatum, quod passim nominis appellatur, *l. servum 44. sed et si 6. de legat. 1. l. 11. §. ergo 17. l. nomen 34. l. qui chirographum 19. de legat. 3. l. ex legato 18. C. de legat.* Qui chirographum legat, debitum quoque seu nomen aut actionem legare intelligitur, non tabulas solum, *d. l. servum §. cum §. de legat. 1. d. l. qui chirographum, eod. 3.*

Ut actiones legatario præstet] Legato nominis nihil amplius continetur, quam ut actiones suas hæres præstet, *d. l. servum §. sed & si, d. l. si sic legatum §. 2. l. legatum 105. de legat. 1.* Ex quo intelligere possumus, nomine legato neque pecuniam ab hærede posse exigi, neque periculo ejus nomen esse; sed cessione actionum, licet inanium, si forte debitor solvendo non sit, hæredem defungi: tunc tamen nullum esse tale legatum, si nihil debeatur, & vel eo

etiam casu, quo certam quantitatem testator expressit, veluti si dixerit, *Decem, quæ mihi Sejus debet, Titio lego, d. l. si sic legatum §. 2.* Atque olim quidem si nomen legatum fuerat, siue venditum aut donatum, nulla actio legatario venditori aut donatario prodita erat, quæ suo nomine cum debitore experirentur; sed expectandum iis erat, donec hæres aut creditor actiones suas mandaret: quibus mandatis, non suo, sed mandantis nomine, & procuratores in rem suam experiebantur. Postea vero his utiles actiones adversus debitores tribui cœperunt, quas suo nomine, non expectata cessione directarum, exercerent, *l. ex legato 18. C. hoc tit. l. 1. & l. 7. C. de hered. vel act. vend. l. si cum 16. in pr. de pact.* Quod ideo videtur constitutum esse, quia cessione actionum sæpe protrahebatur: & interdum nec cedi actio potest, ut in specie *l. 1. C. de obl. & act.*

Nisi exegerit testator pecuniam] Nominis legatum ita demum effectum habet, si debitum à vivo testatore exactum non fuerit; cæterum si testator post factum testamentum pecuniam à debitore exegerit, legatum extinguitur, teste Ulp., *d. l. si sic legatum §. 2. de legat. 1.* Quod hic confirmat Justinianus. Ratio hujus rei est, quia testator exacto debito, quod legaverat, ademisse legatum videtur; quemadmodum & ille, qui rem legatam postea alienavit, *l. si de commissis 11. §. si rem 12. & seq. de legat. 2.* Quia alia etiam ratione, eaque fortiore id hic efficitur, quam ubi res legata postea alienatur. Nam res tametsi alienata est, durat, legatumque consistere potest, licet res aliena facta sit: at cum nomen exactum est, extinguitur ipsa substantia debiti, *l. 1. c. de oblig. & act.* hoc est, illud ipsum, quod legatum est, perimitur, ne frustra desideraturus sit legatarius actiones sibi ab hærede præstari, quæ nullæ supersunt. Hæc differentia ratio indicatur, *d. l. fideicommissa §. ergo 13. & d. l. si sic legatum §. 2. nec absimile est, quod traditur, in l. 7. §. liberatio, de lib. leg.* legatum liberationis evanescere, si dum vivit testator, debitum exactum fuerit. Sed & si ultro, quod debebatur, solutum est, vel acceptione aliave qualibet ratione debitor liberatus, legatum nominis, sicut & liberationis, extinguitur, *l. si id 21. de lib. leg.* Enimvero etiam hic admittitur probatio non mutatæ voluntatis ex facti circumstantiis, *l. pen. §. ult. de adm. leg.* Finge, ideo nomen exactum esse, quia forte debitor ad inopiam vergebat, & pecuniam pro deposito testatorem habuisse; poterit legatum aut fideicommissum peti, quasi non hoc animo testator debitum exegerit, ut legatum adimeret, *d. l. fideicommissa §. ergo.* Petetur autem hoc casu legatum recta ab hærede: nam frustra etiam hic legatarius ageret cum hærede, ut actiones sibi cedantur. Quippe quæ debitore liberato nullæ supersunt. Similiter si debitor ultro

inationis; nam per exæquationem legatorum nihil derogatum voluntati testatoris, §. 2. *sup. cod. Welf.*

COMMENTARIUS.

- 1 *Quid prudentibus sit genus, quid species.*
- 2 *Definitionem hujus §. ad genera summa aut subalterna non pertinere, sed tantum ad genus infimum; nec tamen aliter, quam si species huic generi subjecta certam à natura habeant determinationem.*
- 3 *Si res generi legato subjecta natura determinata non sunt, legatum inutile esse, nisi testator res ex eo genere habeat: & num hoc etiam in fundo simpliciter legato obtineat.*
- 4 *Ubi utile est legatum generis, regulariter electionem esse legataris.*
- 5 *Vetus & speciosa inter genera legatorum circa potestatem eligendi differentia.*
- 6 *An istius differentia ratio adhuc habenda postquam legatorum omnium una caput esse natura.*
- 7 *Quibus casibus hæredis sit electio, etiam si testator id non exprefferit.*
- 8 *Electio in casu nostro non esse usquequaque liberam: & quid hic jure patrio.*

1 **I**n signis hic locus est, & difficilis. Illud primo notandum, genera à nostris dici ea omnia quæ sub appellatione communi plures res huic appellationi subjectas continent, etiam ea, quæ plerique Dialecticorum species esse ajunt, genera esse negant; cujusmodi sunt, verbi causa, homo, equus, bos: species autem nostris esse, quæ Dialectici vulgo vocant individua, & non esse species contendunt, ut Stichus, hic equus, hic bos. In quo nostri communem usum loquendi sequuntur; veluti cum dicunt, in mutuo recipi non eandem speciem, sed genus; pro quo in scholis dicerent, non idem numero, sed idem specie. Quinetiam ex sententia quorundam philosophorum revera quæ de individuis prædicantur, genera sunt, scilicet infima, individua ipsa species, nempe specialissimæ; atque adeo ab ipso etiam Aristotele sic appellantur, ut videre est l. 2. *philos. cap. 3. & lib. 2. cap. 4. item lib. 1. de part. animal. cap. 4.* Deinde non omne legatum generis valere. Interpretes primum & recte hinc removeant genera summa & subalterna, veluti si quis substantiam, corpus, aut animal simpliciter leget: quia in his ea est infinitas generis, ut rem levissimam ex eo genere, & vel minimam de mundo, ut loquuntur, hæres præstando liberaretur. Dein in genere infimo, quod, uti diximus, in scholis est infima species, recte distinguunt inter res huic ge-

neri subjectas, ut, si tales sint quæ certam determinationem habeant à natura, ut homo, equus, bos, earum rerum generaliter relictarum legatum valeat, l. 13. l. legato 37. in pr. l. si servus 108. §. 2. de legat. 1. l. hæres 25. §. si incerto 17. *fam. ercisc.* Si vero natura determinata non sint, ut fundus & domus, (quippe quæ non natura, sed destinatione hominis constituntur, l. 24. §. quod si, de legat. 1. l. locus 60. de Verb. sign.) in eo omnes consentiunt; ut si testator nullas ædes aut fundos habuerit, ex simplici harum rerum legato nihil debeatur, magisque derisorium tale legatum sit, quam utile, l. si domus 71. de legat. 1. l. cum post 69. §. gener. de jur. dot. l. ita stipulatus 115. in pr. de Verb. obl. utpote quod à superiore nihil aut parum utilitate distet; aut, quod magis puto, quia his rebus simpliciter legatis, nullisque à testatore relictis, tanta est incertitudo, ut nullo modo definiri possit, quantum præstari debeat, ac proinde similiter habendum, ac si corpus ignotum legatum sit, d. l. cum post, §. gener. Quod si testator fundos aut ædes habuerit, ædibus simpliciter legatis, omnes consentiunt, legatum esse utile, unasque ex his, quas testator reliquit, deberi; estque in eam rem textus apertus in d. l. si domus, in pr. At si fundum in genere legaverit, alii non magis hoc casu legatum valere putant, quam si nullos fundos testator habuisset: alii tam fundi legatum utile esse, quam domus, unumque ex fundis, quos testator regionibus distinctos habuit, præstandum. Pro illis facit, quod generaliter traditum est, fundo non demonstrato nec legatum ullum nec stipulationem esse, d. l. cum post, §. gener. d. l. ita stipulatus, in pr. pro his exemplum ædium legatarum, d. l. si domus, de legat. 1. quarum & fundi hætenus eadem ratio videtur, *argum. d. l. 24. §. pen. de legat. 1.* tum quod cum testator generaliter rem aliquam legat, dari jubet, de suis eum rebus sensisse existimandus sit, uti responsum est, si quis hæredem damnaverit vinum, oleum, frumentum dare, non adjecta quantitate, hoc legatum sic esse accipiendum, quasi testator legasset vinum, oleum, frumentum suum, & tantum, quantum ex his generibus habuit, l. 7. de trit. *Sin. ol. leg.* Cui sententiæ, quæ est Petri de Bellapert. in d. l. ita stipulatus, ego quoque accedo; quamvis contraria pluribus probata dicatur: quod tamen & ipsum incertum est, vel teste Gomezio & ipso contrariæ sententiæ assertore, 1. *resol. 12. num. 32. & 2. resol. 11. num. 9. consul. D. Don. in d. l. ita stipulatus, num. 13. & seqq.* ubi simul docet stipulationis & legati non eandem per omnia in proposito rationem esse: quod & verum esse vel ex sola collatione d. l. 7. de trit. *Sin. leg. & l. triticum 94. de Verb. obl.* apparet. Quinimo, etsi nullum fundum nullasve ædes testator habuerit, ex æquitate tamen juris Can. atque ex verisimili mente defuncti

sim-

simplex harum rerum legatum sustinendum esse, & pro modo facultatum ejus, dignitate ac charitate vel necessitudine legatarii statuendum, quales præstari debeant, post Archidiac. Panorm. Felin. & Alexandrum censet idem Gomezius d. l. num. 10. ac moribus quoque id receptum tradunt *Autum. confer. de droiſt. ad d. l. 71. Grot. 2. introd. 22.*

4 *Electio legatarii est*] Ubi utile est legatum generis, placet electionem non hæredi, sed legatario dari, ut hic scriptum est & in l. 2. §. 1. de opt. leg. Idemque est, si plures res disjunctim legatæ sint, veluti Stichus aut Pamphilus, l. plane 34. §. pen. de legat. 1. l. si is cui 19. C. Lucio 13. cod. 2. aut si ex duabus pluribus rebus nominatis una legata fuerit; puta si sic testator dixerit, *Ex duobus servis meis unum Titio do, lego, l. qui duos 20. de legat. 1.* Diversi autem casus sunt, qui proponuntur in l. si quis 32. §. 1. l. cum servis 39. l. scio 6. cod. Cæterum additur hic exceptio, *nisi aliud testator dixerit*. Ad damus & alteram, *nisi sermonem ad heredem direxerit*; nisi potius dicimus, hoc etiam verbis illis, *nisi aliud dixerit*, significari. Sed etsi testator aliud non dixit, magna tamen adhuc cautione, quod hic simpliciter definit Justinianus, in legato generis legatarii electionem esse, indiget.

5 Jure veteri etiam, cum genere legato, aut duabus rebus disjunctim, de jure eligendi quæritur, differentia erat inter genera legatorum. In legato vindicationis legatario, in damnationis hæredi, electio permittebatur: cujus differentia testimonia non obscura videmus in l. plane 34. §. pen. l. si à substituto 45. §. 1. l. si hæres 110. de legat. 1. d. l. si is cui. §. Lucio, l. si ita 43. §. ult. cod. 2. l. qui concubinam 29. §. 1. cod. 3. Hoc autem & voluntas testatoris exigere visa est, & ratio juris. Voluntas testatoris: quippe qui in legato vindicationis sermonem confert ad legatarium, ei dans, legans, eum sumere, capere, sibi habere jubens. In legato autem damnationis heredem alloquitur damnans, jubens eum dare aut facere. Ratio juris, quia is, cui per vindicationem res legata erat, non tantum eam actione in personam ex testamento petere poterat, sed etiam jus eam vindicandi habebat, & petendi actione in rem. Par autem est, ei electionem tribui, qui rem vindicare potest, quod significat African. l. si servus 108. §. 2. de legat. 1. ubi ait, ejus electionem esse oportere, cui potestas sit, qua actione uti velit. At cui per damnationem quid relictum erat, is eam rem vindicare non poterat, sed tantum in personam ex testamento agere, heredemque ut debitorem quasi ex contractu obligatum convenire, hujusmodi puta formula, *Ajo, te mihi servum dare oportere*; aut hæc, *Ajo, te mihi Stichum aut Pamphi-*

lum dare oportere. Itaque juris ratio postulabat, ut hic hæredi concederetur electio, exemplo cæterorum debitorum, quorum regulariter electionem esse in debito generis, aut pluribus rebus disjunctim promissis, constat, l. si quis agens 33. vers. huic autem, inf. de act. l. plerumque 10. in fin. de jur. dot. l. ubi autem 75. §. qui illud 7. de verb. obl. Quæritur vero, an hodie distinctionis istius ulla porro ratio habenda sit. Nam postquam Justinianus differentiam generum legatorum sustulit, legatæque omnia sic exæquavit, ut etiam ejus vindicandi, à quo jus eligendi pendere videtur, per d. l. si servus 108. §. 2. de legat. 1. ex omnibus concesserit; l. 1. C. comm. de legat. multis visum est, electionem legatarii factam perpetuam, neque ex modo legandi amplius æstimandam. Verum ego eorum sententiam veneror, qui negant, legatarium illam exæquationem ad effectum, de quo hic agimus trahi oportere: quippe quæ, ut supra quoque monui, sic semper accipienda sit, ut ne quid admittatur contra voluntatem testatoris. Utri autem electionem tributam testator velit, legatatione, an hæredi, non potest aptius declarare, quam cum jubet aut legatarium vindicare, aut heredem dare. Illic enim, cum verba executiva, ut loquuntur, ad legatarium dirigit, aperitissime significat, se eligendi quoque potestatem ei facere: hic vero cum eadem verba ad heredem refert, hoc ipso contra ostendit, se hæredis arbitrio permittere, quam rem velit, dare. Et igitur si ita testator legaverit, *Hæres meus damnatus esto hominem dare*; vel sic alternative, *Hæredem meum Stichum aut Pamphilum dare jubeo*: in his legatis dicimus, etiam nunc hæredi electionem concedendam, non obstante supra dicta exæquatione. Nihil enim magis rationi repugnat, quam ut ibi electionem tribuamus legatario, ubi eam testator tam manifeste permittit hæredi. Quamobrem nec vindicationem legatario ante dari oportebit, quam hæres declaraverit, quid ex genere, aut rebus disjunctim hoc modo legatis præstare velit. Atque hanc sententiam post *Gloss. Bart. & comm. DD. in l. Lucio 23. de legat. 2. & in l. legato 27. cod. 1.* probat Gomez., 2. var. resol. 11. num. 43. nec non summi viri *Covarr. in c. indicante, numer. 3. 2. de testam. Ant. Fab. 6. conj. 1. VVesembec. & Bachelor. hoc.*

Nisi aliud testator dixerit] Aliud dixisse testator intelligi debet, non tantum si expressis verbis hæredi electionem permiserit, l. servo 12. de opt. leg. l. hujusmodi 84. §. Stichum 9. de legat. 1. l. 12. in fin. cod. 2. verum etiam si verba legati executiva ad heredem direxerit, ut sit, cum quid per damnationem ab hærede legatur, ut jam dictum & demonstratum est. Plane enim, cum ex voluntate

testa-

testatoris tota hæc res æstimanda sit, parum inter-
est, verbis, an per modum legandi voluntatem suam
declaraverit. Sed etsi testator aliud non dixerit, op-
7 pus tamen hic est non una cautione. Nam neque ad
res omnes generaliter legatas definitio Justiniani
pertinet, & ad quas pertinet, in his electio legatarii
non est infinita. Sciamus igitur primum, definitio-
nem tantum pertinere ad eas res, quas ex eo genere
testator habuit: si nullas habuit, placere, hæredis
arbitrio potius rem permitti, quam legatario infinitam
electionem dari, de qua verisimile non est testato-
rem sensisse cum tam insigni onere hæredis, arg.
l. unum 67. §. si rem 8. de legat. 2. & quod de vino
certæ quantitates expresse traditum est *l. 3. de tritic.
vin. leg.* non est dubium, quin ad cæteras quoque res
pertineat; idemque dicendum sit, non solum si certa
quantitas, verum etiam si corpus in genere legatum
fuerit, puta servus, nec ullum servum testator reli-
querit. Id quod etiam ex eo efficitur, quia rei, quæ re-
statoris non fuit, vindicatio legatario competere
non potest: at illa cessante nulla electio, *d. l. si servus
108. §. 2. de legat. 1.* Deinde nec pertinere definitio-
nem ad res omnes, quas testator ejus generis habuit,
sed ad corpora tantum, aut species, non ad quantita-
tem: quippe quæ undecunque sumi & solvi potest:
*l. 4. de tritic. leg. l. Titia 35. §. 1. de aur. arg. leg. & qua
legata ut quantitate, nec actionis electio nec vindicatio est.* Sed & cum corpora genere legato conten-
ta certis finibus natura circumscripta non sunt, qua-
lia sunt, domus, navis, fundus, non legatarii, sed hæ-
redis electio est, qui rem unam, quam volet, ex his,
quas testator habuit, legatario dabit. De domo lega-
ta hoc aperte scriptum est in *l. si domus 71. in pr. de
legat. 1.* quapropter dubitandum non est, quin idem
obtineat, si navis simpliciter legata sit, aut fundus,
posito, quod nos putamus, fundi legatum valere, si
testator fundos habuit. Ratio est non ea, quam vulgo
afferunt, quod hæres præsumatur melius scire, de qua
re testator senserit; nam hæc ratio in hæredibus
extraneis, in impuberibus, furiosis, &c. locum non
habet; & si vera esset, hæredi indistinctè tribui debe-
ret electio: sed ne, si legatario hic electionem con-
cedimus, hæredem; supra quam credibile est testa-
torem voluisse, oneremus, quæ conjectura legis est,
*d. l. unum 67. §. si rem de legat. 2. Mantie. de conject.
ult. vol. lib. 3. tit. 1. n. 26.* Nam inter ædes & ædes,
inter navem & navem, inter fundum & fundum,
fieri potest ut nulla sit proportio, & major distantia,
quam inter Mantuam & Romam, inter viburnum
& cupressos: quam ob causam etiam his rebus
generaliter legatis, si testator nullas ejus generis
habuit, legatum inutile habetur. Estque hæc etiam
interp. nostrorum communis opinio, teste Gomez.
quam ipse & probat. 2. var. ref. 11. n. 9. Auctoritas

Pandectarum Florentinarum (in quibus hæc scri-
ptura est *in pr. d. l. si domus. Si domus alicui simpliciter
legata sit, cogentur heredes, quam vellet, domum ex his,
quas testator habuit, legatario dare.*) me aliquando
movit, ut etiam domo aut re alia ejusdem conditio-
nis indistinctè legata, putarem legatario electionem
competere: sed plus apud me nunc valet consensus
reliquorum omnium exemplarium, in quibus con-
stanter legitur, *cogentur heredes, quam domum vellet, &c.*
ob rationem allegatam: & scriptura Florentina ora-
tionem efficit duriores, In editione Holoandri le-
gitur, *cogentur heredes, quam domum volent, &c.* quæ
scriptura etiam certius, quam vulgata, hæredi ele-
ctionem tribuit. Postremo sciendum est, etiam, g
tunc cum legatario electio datur, non dari infinitam
& per omnia liberam, ut possit ex genere legato
quodcumq; velit, etiam optimum eligere; puta ver-
bi causâ, homine generaliter legato, actorem: sed
conclusam intra modum, ut ne optimum accipiat,
l. legato 37. de legat. 1. Unde apparet, veteres in tota
hac electione id semper egisse, ne immensum quid
tribueretur legatario, neve hæres nimis oneraretur.
Illud expeditum est, si de certo servo, aut re alia re-
stator senserit, nec appareat de qua, hæredis electio-
nem esse, *d. l. legato §. 1. fac. l. si quis 32. §. 1. l. locum
servus 39. §. scio 6. eod.* Secundum jus harum regio-
num sic in dubio, genere legato, circa electionem,
definiendum censet Grotius *lib. 2. manuduct. cap. 22.*
Si ejus generis, quod legatum est, res sint in bonis
defuncti, legatario electionem permittendam, si ve-
res istæ naturalem determinationem habeant, ut
equus, siue arbitrarium, ut domus, navis, Si au-
tem defunctus nullas ex eo genere res habuerit, aut
si res pondere mensurave constans simpliciter lega-
ta sit; tum hæredi permittendum unde velit, hujus
generis rem sumere & præstare: id enim voluntati
defuncti, cujus solius apud nos ratio habetur, maxi-
mè videri consentaneum. Cæterum neq; posteriore
hoc casu hæredem defungi pessimum dando; neque
priori illo legatarium posse optimum vindicare, ex-
tra quam si duæ tantum species istius generis in hæ-
reditate defuncti reperiantur.

T E X T U S.

De optione legata.

23. Optionis legatum, id est, ubi testator
ex servis suis vel aliis rebus optare legatarium
jusserat, habebat olim in se conditionem: &
idèd nisi ipse legatarius vivus optasset, ad hære-
dem legatum non trans mittebat. Sed ex con-
stitutione nostra & hoc in meliorem statum re-
formatum est, & data est licentia hæredi le-

T t t

gata-

gatarii optare servum, licet vivus legatarius hoc non fecerit. Et diligentiore tractatu habito, & hoc in nostra constitutione additum est, sive plures legatarii extiterint, quibus optio relicta est, & dissentiant in corpore eligendo: sive unus legatarii pluris hæredes sint, & inter se circa optandum dissentiant, alio aliud corpus eligere cupiente, ne pereat legatum, (quod plerique prudentium contra benevolentiam introducebant) fortunam esse hujus opinionis judicem, & sorte hoc esse dirimendum, ut ad quem fors pervenerit, illius sententia in optione præcellat.

NOTÆ.

13. Habebat in se conditionem] Σωτηρῶς: quod tamen à Theophilo additum non est, ut quidam falso tradunt.

Constitutione nostra] Extat in l. ult. C. comm. de legat.

Sorte esse dirimendum] Frequens admodum etiam apud veteres sortis judicium, l. 14. de judic. l. 5. fam. ere. l. 24. §. 14. de fideic. lib. ubi sc. animi judicio negotium explicari non potest: alias sortis res non committitur, l. 8. de pact. §. 1. sup. de satud. tut. l. 47. in fin. pr. C. de Episc. & Cler.

COMMENTARIUS.

1. Legatum electionis idem esse, quod optionis: diversum autem à simplici legato generis & alternativo.
2. Legatum generale & alternativum, quantumvis cum jure eligendi, non esse idem cum eo, quod optionis dicitur.
3. Optionis legatum habuisse olim in se conditionem, eamque coherentem persone legatarii, ita ut ad hæredes non transmitteretur.
4. Explicatur l. si sic legatum §. pen. de legat. 1. rejecta interpretatione Donelli.
5. Notatur inconsiderantia Bachovii.
6. In l. ult. C. comm. de legat. nihil cautum de jure optandi transmittendo: sed temerè diversos casus miseri.
7. Frequens fuisse apud veteres judicium sortis; qui & micatione digitorum usi.

Quidam putaverunt, aliud esse legatum optionis, aliud electionis; quod falsum esse, atque utroque vocabulo significari specialem ac solemnem electionem, manifestè apparet ex l. 1. de legat. 1. l. 1. l. 2. in pr. & §. ult. l. 4. l. si tibi 8. in pr. & pass. rit. de opt. vel elect. leg. Caterum legatum optionis seu electionis diversum esse à simplici legato generis aut alternativo, certum est, d. l. 2. in pr. & §. 1.

l. cum ira 9. §. 1. d. tit. Nec una inter hæc differentia est. Nam primum in legato optionis solemnitas est & expressa electio; in legato autem generis & alternativo inest quidem etiam electio, sed tacita & simplex, non solemnitas. Deinde optionis legatum semper relinquitur per vindicationem: generis aut alternativum sæpe per damnationem. Hinc est quod in legato optionis electio sit essentialis, atque ea, legata optione, non possit non esse legatarii: in legato autem generali & alternativo nonnunquam hæredi electio competit; vel quia expressè ei data est, vel quia forma legandi tacitè in eum collata. Præterea generis legatum purum est, ac proinde si antequam vindicet legatarius decesserit, ad hæredem transmittitur, l. nec semel 12. §. pen. quand. dies leg. ced. at optionis legatum habebat olim in se conditionem, scilicet si ipse legatarius optasset, ut hic ait Justinianus: eratque adeo jus hoc optandi merè personale, ut in hæredem transferri non posset. Ad hæc cui genus legatum est, ei optimum ex eo genere eligere non licet, l. legato 37. de legat. 1. ei autem licet; cui legata est optio, l. si quis 9. §. 1. de dol. mal. Grot. 2. manuduct. cap. 22. excepto casu speciali l. ult. §. 1. C. comm. de leg. Denique optio solemnitas numeratur inter actus legitimos, l. actus 77. de reg. jur. quo sanè referri non potest simplex, quæ legato generis inest, electio. Planè in d. tit. de opt. leg. occurrunt quidem etiam loci, in quibus tractatur, genere legato, cui arbitrium eligendi permittendum sit, ut in l. 2. §. 1. l. servo 12. l. si Pamphilo. 10. sed aliter fieri non potuit propter affinitatem, quam alterum legatum cum altero habet. Est enim in utroque electio: & in eo quoque conveniunt, quod semel duntaxat optare aut eligere licet, l. 5. de legat. 1. l. apud Aufidium 20. de opt. leg. fac. l. hujusmodi 84. §. Stichum 9. de legat. 1. l. statuliberum 11. in fin. eod. Idem in his, quod in utroque legata singulæ res quodammodo sub conditione legatæ intelligantur, l. 3. qui & à quib. man. quod res omnes, quarum aut genus aut optio legata, exhibendæ, l. 4. de opt. leg. l. 3. §. item si 6. ad exhib. Quin amplius, etiamsi in legato generis aut alternativo nominatim facultas eligendi legatario data sit, veluti si ita testator dixerit, Titio servum, quem voluerit, do, lego: vel, illud aut illud, utrum elegeris: puto tamen, nihilo magis optionem legatam; sed pro simplici legato generis aut alternativo hoc etiam habendum, arg. l. illud 19. de opt. leg. Propriè enim optio legata dicitur, cum ipsa electio, τὸ πρῶτον, legatur: veluti si dicat testator, Titio optionem servorum meorum do, lego: quo casu tres servos eligi posse rescriptum est, l. 1. eod. vel sic, Titius ex servis meis, quem volet, optato; vel, Ex scyphis meis, quem velit, eligito, sibi que habeto. Julianus in l. Pamphilus eod. verbum optionis in-

generaliore significatione accepit quo quavis electione.

³ *Habebat in se conditionem*] Σιωπηρῶς Veteres, ut hic commemorat Justinianus, credebant, legatum optionis in se habere hanc conditionem, si ipse legatarius optasset. Quæ quidem conditio etsi tacite inerat, cujus generis conditiones non solent facere legata conditionalia; l. conditiones 99. de cond. & dem. tamen quia ex voluntate testatoris videbatur proficisci, eandem vim atque effectum habebat, quam habent conditiones ceteræ, quæ ex testamento veniunt, scilicet ut legatum efficeret conditionale. Sed & ipsa conditio legati quasi personæ injuncta ab alio, quam à legatario ipso impleri non poterat, ut proinde jus eligendi in optionis legato personale esset, & vel ideo ad hæredem mortui ante electionem ⁴ legatarii transferri non potuerit. Non obstat l. si sic legatum 75. §. pen. de legat. 1. ubi sic scribit Ulpian. Si quis ita stipulatus, Stichum aut decem, utrum ego velim, legaverit, quod ei debebatur, tenebitur hæres ejus, ut præstet legatario actionem, electionem habituro, utrum decem an Stichum persequi malit. Nam, ut superius diximus, legatum generale aut alternativum, licet cum jure eligendi, non est idem aut ejusdem prorsus naturæ cum legato, quod in specie dicitur optionis. In legato hujusmodi, illud aut illud. utrum elegerit legatarius, est quidem etiam electio personalis, sed hætenus, ut servo aut filio cohæreat, l. si stipulatus 76. de verb. obl. non ut nullo electo, decedente legatario, post diem legati cedentem ad hæredem jus electionis non transmittatur: transmitti enim, expressè scriptum est à Paulo in l. illud 19. de opt. leg. nec ulla est inter tale legatum & ejusdem generis stipulationem differentia. Jam verò, si stipulatus fuero illud aut illud, quod ego voluero, mortuo me ante electionem in hæredes obligatio transit, ut idem Paulus respondet in d. l. si stipulatus 77. de verb. obl. Nec est admittendum, quod Donellus in d. l. existimat, obligationem transire, electionem non transire; quo nomine etiam reprehenditur à Bachovio hic: nam Donelli illam opinionem cum ipse locus satis refellit, tum perspicuè species paulò ante proposita ex d. l. si sic legatum §. pen. de legat. 1. nisi enim unà cum obligatione ipsum etiam jus eligendi, quod ex stipulatione testatori quaesitum erat, in hæredem ejus translatum fuisse ponamus, hæres cedendo actionem id jus transferre in legatarium non potuit: qui ppe quod nec ipse habuit. Inconsiderate autem Bachovius jus electionis ex contractu quaesitum in quaestione proposita distinguit ab eodem jure delato ex testamento, quasi illud non impediat conditione quominus ad hæredem transeat, hoc contra. Nam etsi verum & notissimum est, legatum conditionale, mortuo pendente conditione legata-

rio, intercidere: stipulationem autem sub conditione contractam mortuo ante conditionem stipulatione non extingui, sed spem obligationis transmitti in hæredem: §. sub conditione inf. de verb. obl. l. 4. l. 5. §. 2. quand. dies leg. l. is cui 42. de obl. & act. hæc tamen differentia non pertinet ad conditiones, quæ personis injunguntur: qualis sit omnino necesse est in memorata stipulatione, si eam conditionalem facimus, & nempe eadem, quæ in legato optionis, si ipse stipulator elegerit. Condicio omnis in personam certam collata personam non egreditur, deficitque, nisi in persona ejus impleta fuerit, l. qui heredi 44. l. si ita 69. de cond. & dem. Hinc jam opinor intelligimus, non temerè credendum iis esse, qui pro certo tradunt, apud Paulum in d. l. illud 19. de opt. leg. scriptum fuisse, transmitti non placuit; Tribonianum autem responsum Pauli ad jus novum & constitutionem Justiniani in l. ult. C. comm. de leg. accommodasse sublata negatione.

Ex constitutione nostra data est licentia heredi legatarii optare] Ubi Justinianus caverit, quod hic se cavisse dicit, ut legatum optionis ad legatarii, qui non optavit, hæredem transmittatur, non inyenio. Interpretes omnes intelligunt l. ultim. C. comm. de leg. & sanè ea, quæ mox sequuntur de dissensione plurium hæredum circa electionem sorte dirimenda, arguunt, eam constitutionem hic significari. Etenim, quod interpretes non animadvertunt, nihil amplius ea constitutione sancitur, quam ut si hæredes legatarii inter se de electione non conveniant, controversia sorte dirimatur: de jure verò optandi ad hæredes legatarii, ante electionem mortui, contradictionem juris veteris transmittendo planè nihil ibi cavetur. Imò verò constitutio sic scripta est, ut ex eo nihil aliud colligi posse videatur, quam quod etiam apud veteres jam olim sic obtinuerit, ut legata optione, si legatarius ipse non optasset, ad hæredes ejus jus optandi traduceretur. Memorat enim, inter veteres dubitatum fuisse, quid statuendum foret, si plures legatarii, quibus optio legata esset, vel unus legatarii plures hæredes circa electionem corporis dissentirent. Inepta profectò dubitatio, si electio in legato optionis merè personalis fuit, hoc est, ita personæ legatarii cohæsit, ut nec ad hæredes ejus transierit. Quid dicam, non habeo, nisi quod Tribonianus diversos casus temerè videtur miscuisse, & casum plurium legatariorum de electione disputantium inconsideratè confudisse cum casu plurium hæredum unius legatarii: quod & Bachovius existimato.

Optare servum] Quod de servo hic dicitur, exempli causa dictum intelligimus, atque ad rem quamlibet, cujus optio legata sit, pertinere, d. l. ult. C. comm. de legat. Sic passim videmus, in optionis legato tan-

rum servorum mentionem fieri; & Papinianus in l. actus 77. de reg. jur. servi optionem refert inter actus legitimos, non quod non idem fuerit in aliarum rerum optione legata: sed quia plerumque servorum potius, quam aliarum rerum optio legari solita erat: unde & de ea sæpius Jurisconsulti & consulebantur & scribebant, id quod manifeste apparet ex lectione totius tit. de opt. legat.

Sorte hoc esse dirimendum] Si plures legatarii, vel unus plures hæredes in oprando dissentiant, unus fortè qui obstat, constitui, cujus optionem cæteri ratam habeant, expresse cautum est d. l. ult. C. comm. de legat. Frequens autem admodum etiam apud veteres fuisse sortis & fortunæ judicium, ex variis Jurisconsultorum responsis elucet, l. sed cum 14. de judic. l. generaliter 24. §. quid ergo 17. de fideic. lib. quamquam vix, ubi negotium animi judicio explicari potest: de quo nos lib. 1. select. quest. c. 35. Utebantur antiqui & micatione digitorum. Varro, Micandum erit cum Græco, utrum ego illius numerum, an ille meum sequatur. Cicero 1. de offic. Sed quasi aut sorte aut micando victus, alteri cedat alter. Suetonius in August. Patrem & filium pro vita rogantes sortiri aut micare jussit. Quando autem & quibus casibus res dubia forti permittenda sit, ab hoc loco alienum est querere.

T E X T U S.

Quibus legari potest.

24. Legari autem illis solum potest, cum quibus testamenti factio est.

C O M M E N T A R I U S.

TRansit hic Imperator ad partem principalem, hujus tituli secundam, in qua agitur de personis, quibus legari potest. Sic autem initio definit, legari illis solum posse, cum quibus testamenti factio est. Non ait, qui testamenti factionem habent; quo soli propriè significantur, qui testamenti faciendi jus habent; ut ostendimus supra in §. testes autem de test. ord. sed cum quibus testamenti factio est, quo continentur etiam, qui ipsi testamentum facere non possunt, modo jus capiendi ex alieno testamento habeant. Quinam autem isti sint, docetur §. extraneis 4. prætit. De iis, qui capere non possunt, dictum est in hæredum institutione. Olim hac in parte nonnulla inter legata & fideicommissa, differentia fuit, poteratque quibusdam incapacibus fideicommissum relinqui, quibus legari non poterat, vel propter conditionem libertinitatis, vel propter leges Voconiam, Juliam, Papiam, aut similes, quibus capere, aut totum capere verabatur: quæ de re fortè uberius infra sub. tit. de fideic. hæ. Illud nunc sciamus, legibus istis & differentiis incapaci-

um sublati, nullum amplius hac in re discrimen inter legata & fideicommissa superesse.

T E X T U S.

Jus antiquum, de incertis personis.

25. Incertis verò personis neque legata neque fideicommissa olim relinqui concessum erat. Nam ne miles quidem incertæ personæ poterat relinquere, ut divus Hadrianus rescriptit. Incertæ autem personæ videbatur, quam incertā opinione animo suo testator subiciebat, veluti, si quis ita dicat, Quicumque filio meo filiam suam in matrimonium dederit, ei hæres meus illum fundum dato. Illud quoque, quod iis relinquebatur, qui post testamentum scriptum primi consules designati essent, æquæ incertæ personæ legari videbatur: & denique multæ aliæ hujusmodi species sunt. Libertas quoque incertæ personæ non videbatur posse dari; quia placebat nominatim, servos liberari. Sub certâ verò demonstratione, id est, ex certis personis incertæ personæ recte legabatur: veluti, Ex cognatis meis, qui nunc sunt, si quis filiam meam uxorem duxerit, ei hæres meus illam rem dato. Incertis autem personis legata, vel fideicommissa relicta, & per errorem soluta, repeti non posse, sacris constitutionibus cautum erat.

N O T Æ.

25. Incertis personis] Receptum tamen fuit, ut paupertatis, l. 24. C. de episc. & cler. civitatibus l. 26. ad SC. Treb. l. 22. de l. 1. corporibus & collegiis licitis, l. 12. C. de hæ. inst. l. 1. §. 15. ad Treb. relicta rata essent.

C O M M E N T A R I U S.

1. Exponuntur aliquot loci, ex quibus falso quidam colligunt, etiam jam olim hereditatem legatumve incertis personis relinqui potuisse.
2. De legatis relictis civitatibus, municipiis, collegiis, pauperibus.
3. Cur ejus, quod incertæ personæ relictum erat, per errorem soluti non esset repetitio.

Incertæ personæ olim neque hæreditas, neque legatum, aut fideicommissum relinqui poterat. Ulpian. tit. 22. §. 3. & tit. 24. §. incertæ Paul. 3. sent. 6. Ratio hæc erat, auctore Ulpiano d. tit. 22. §. 3. quoniam certum esse debet testantis consilium. Sic

enim verba legis duodecim, *Vti quisque legasset*, veteres interpretati sunt, uti quisque certo consilio ac solido iudicio statuerit, &c. At hæreditatem bonæ suæ, magno sæpè labore quæsitæ, relinquere incertæ personæ, tam certi consilii non est, ut potius species quædam dementiæ esse videatur. Non est contrarium, quod Marcianus scribit, tale legatum utile esse; *Illis, qui testamentum meum obsignaverint, hæres meus decem dato. l. si quis 14. de reb. dub.* nam quod futuris signatoribus seu testibus legatur, id non incertis, sed certis personis relinqui intelligitur: Etsi enim tunc incerti & testatori ignoti sunt, cum is privatim voluntatem suam scribit; tamen non possunt non esse certi eo tempore, quo propriè testamentum fieri dicitur, hoc est, cum solemnia peraguntur, quibus adhiberi testes nisi sciente testatore & rogante non possunt. Non obstat quoque *l. in tempus 62. §. 1. de her. instit.* agitur enim ibi expressè de institutione certæ personæ, quam & testator proprio nomine designavit: sed quia plures erant testatori eodem nomine amici, non apparebat, de quo sensisset: cuiusmodi in casu audienda est probatio voluntatis; & qui probare poterit, de se sensisse defunctum, admittendus, *arg. l. falsa 33. §. de cond. dem.* quamvis totam exceptionem illam, nisi ex aliis apertissimis probationibus fuerit revelatum pro qua persona testator senserit, responso Jurisconsulti adjectam à Triboniano nullus dubitem, *add. Ant. Fab. §. conj. 19.* Magis videtur ob stare *l. §. de reb. dub.* Respondet Donellus, proponi illic legatum aut fideicommissum relictum incertæ quidem personæ, sed ex certis tamen; quod etiam olim licuit, ut statim audiemus: quippe verba illa fideicommissi, *Siquis quis alius institutionem mihi impetraverit*, cum Juliano & Gajo sic interpretanda, si quis alius ex amicis, quorum testator mentionem non fecit. Alii putant; etiamsi quis alius curaverit testatorem restituere, non minus fideicommissum deberi, quasi pro beneficio, quod speratur, datum.

Porro ex hoc iure manavit, quod nec civitates, nec municipia aut collegia hæredes institui aut legatum capere potuerunt, *Ulpian. d. tit. 22. §. 4. Plinius lib. 5. epist. ad Calvisium; Nec heredem, inquit, institui, nec percipere posse rem publ. constat.* Cæterum postea ut hæc corpora legatum capere possent, permissum fuit, etiam tempore mediæ jurisprudentiæ, *l. si quis 32. in fin. l. si heres 73. §. 1. l. si quid 117. l. civitatibus 122. de legat. 1. l. cum senatus 20. de reb. dub. l. omnibus 26. ad Trebell.* A Nerua hoc primum introductum; post deinde à senatu, auctore Hadriano, diligencius constitutum fuit, *Ulp. tit. 24. §. civitatibus.* Paulus Maro id tribuit, *d. l. cum senatus.* In propriis nominibus facilis est auctorum lapsus. Tandem etiam concessum, ut civitates & municipes hæredes institui possent, *l. hæreditas 12. C. de her. inst.* quod

ætate Ulpiani & Pauli nondum obtinebat, ut liquet ex fragmentis ejusdem Ulpian. *tit. 22. §. 4. & d. l. omnibus ad Treb.* quibus locis hoc tantum traditur, fideicommissam hæreditatem municipibus restitui ex Senatusconsulto Aproniano. Eandem denique rationem habuit, quod legatum pauperibus relictum non valebat: quod nunc firmum ratumque omnibus modis habetur: daturque jus & nomen hæredis episcopis, æconomis, xenoni: nomen, ut sint hæredes; jus, ut debita exigant, creditoribus hæreditariis respondeant, pauperibus relictæ dividant, *l. id quod 24. l. si quis 49. §. 1. & seqq. Cod. de Episc. & Cler. Cyn. Bald. Salic. in d. l. id quod Bart. in l. §. de reb. dub. Tind. ad tit. Cod. de incert.*

Quam incerta opinio] Incertæ persona hic dicitur, quam testator animo suo incertæ & cæcæ opinionis subicit, id est, cum mens & cogitatio testatoris nullis certis finibus circumscripta tanquam in immenso atque infinito vagatur: nam si mens ejus certo numero personarum, quas omnes novit, terminetur, incertitudo personæ legatarii legatum non vitiat, ut exempla subiecta demonstrant.

Qui primi consules designati] Puto, hoc exemplum ad eum pertinere, qui vel ante candidatorum numerum constitutum, vel cum eos non nosset, incertissima opinione dixit, *Qui primi consules designabuntur.* Quod si è constituto jam candidatorum numero, quos testator novit, ei qui primus consul designatus fuerit, centum legaverit, magis est ut hoc legatum valeat, ut relictum uni ex certo personarum numero cum certa demonstratione.

Libertas quoque incerta personæ] Antea dixit, ne militem quidem legatum aut fideicommissum incertæ personæ relinquere potuisset, etsi militum testamenta nullis adstringebantur juris civilis subtilitatibus: cujus tamen generis unum hoc fuit, quod incertæ personæ legari non potuit. Aliam nunc subicit ejusdem juris ampliacionem, quod nec libertas, cujus summus alioqui favor semper fuit, incertæ personæ dari potuerit, addita ratione, *quia placebat, nominatim servos liberari*, quod videtur cautum fuisse lege Fusia Caninia. *Ulp. tit. 1. §. ult.*

Sub certa vero demonstratione] Ex certo personarum ordine aut numero cum certa demonstratione legari incertæ personæ etiam olim jus fuit, veluti; *Ex collegis meis, qui nunc sunt*, aut, *Ex cognatis meis, qui primus ad funus meum venerit*, aut, *qui fillam meam uxorem duxerit*, & heres meus illud dato. *Ulp. tit. 24. §. incertæ*, & notandum, in exemplo proposito demonstrationi expressè addi hæc verba, *qui nunc sunt*: alioqui incertæ adhuc foret demonstratio.

Pler errorem solus a repeti non posse] Hic locus confirmat id, quod ante diximus, ex subtilitate quadam juris civilis hoc esse, quod incertæ personæ legari

non potest: neq; enim ratio naturalis impedit, quominus, verbi causa, ei, qui filiam meam aliquando uxorem ducturus est, hæredem meum aliquid dare jubeam. Proinde ex hujusmodi relicto etiam olim nascebatur debitum naturale, id est, hæres extali voluntate naturaliter obstringebatur, quæ causa est, quod Imperatorum constitutionibus cautum fuerit, ne ejus, quod incertæ personæ legatum erat, soluti per errorem repetitio esset: quippe naturalis obligationis hic certissimus jure quoque civili effectus est, ut impediatur ejus, quod ex ea causa solum est, repetitionem, l. 13. l. si pœna 19. de cond. ind. l. 10. de obl. & act. Christin. vol. 4. decis. 50. n. 4. erratque adeo manifestè Pacius, hunc locum restringens ad legata quæ pietatis aut religionis intuitu relinquuntur: quo in errore Mynsing, non fuit, ut falso existimat Bachovius.

TEXTUS.

Jus antiquum, de posthumo alieno.

26. Posthumus quoque alieno inutiliter antea legabatur. Est autem alienus posthumus, qui natus inter suos heredes testatori futurus non est: ideoque ex emancipato filio conceptus nepos, extraneus erat posthumus avo.

NOTÆ.

26. Ex emancipato filio conceptus] Alienorum posthumorum diversa sunt genera, & varii gradus, v. Cujac.

COMMENTARIUS.

1. Posthumus esse similes incertis personis: ceterum non per omnia eodem jure cum his censerit.
2. Posthumi alieni qui, & eorum diversa genera.

QUI in utero sunt, sive posthumi, & tam alieni quam sui, in hæreditate legitima semper pro jam natis habiti sunt, & capaces hæreditatis sibi ab intestato delatæ, l. pen. de stat. hom. l. pen. de legat. 1. verum in hæreditatibus testamentariis & legatis nemo posthumus pro nato, initio habitus fuit, propter verba legis duodecim tabularum, *Utique legasset, &c.* quæ sic à prudentibus, ut etiam antea diximus, accepta sunt, uti quisque certo consilio ac judicio decreverit, &c. Cum enim posthumi omnes incertæ sint personæ, aut incertis personis similes, contra legem fieri visum est, si aut hæredes instituerentur, aut legatum iis daretur, quasi non solido consilio id à testatore factum esset, ignorante & annascituri sint, & quales nascituri, & quot nascituri. Paulatim tamen disputatione fori propter utilitatem & non sine magna ratione receptum, ut posthumi sui rectè hæredes instituerentur, & legatum ex testamento caperent, In posthumis ali-

nis interpretatione prudentium nihil mutatum: quæ de re fusius disputavimus sub §. 2. supra de exhar. lib. Non in omnibus tamen, eandem rationem posthumi alieni & cujusvis alius incertæ personæ fuisse, ex eo apparet, quod fideicommissum posthumo alieno utiliter relinquebatur, l. 5. in fin. de reb. dub. l. 2. de jur. Codic. cæteris incertis personis inutiliter. Et vero non est posthumus planè similis tali personæ, quam testator omnino incerta & ceca cogitatione animo suo subjecit: sed magis & quodammodo similis iis, quos nunquam vidimus, qui etiam hæredes institui possunt, §. ult. sup. de her. inst. Cæterum quod hic Justinianus ait, posthumo alieno jure antiquo inutiliter legari, ei obstat l. 6. de reb. dub. nam in calce præcedentis l. 5. proponitur quis rogatus hæreditatem restituere posthumo suo vel alieno; & mox continenter in l. 6. seq. posthumus hæres institutus, vel cui legatum relictum est. Respondeo, sunt loci isti diversorum auctorum; ac proinde necesse non est, ut quod in uno dicitur de posthumo vel suo vel alieno, cui hæreditas restitui jussa est, repetatur in altero, in quo simpliciter proponitur posthumus hæres institutus, aut legatum posthumum datum: nec illud etiam eo loco quaeritur, an cum posthumo, & cum quo testamenti factio sit, sed an & quando posthumus partem faciat.

Inter suos heredes testatori futurus non est] Posthumus suus & alienus sic inter se oppugnantur, ut suus posthumus dicatur, qui si vivo testatore nasceretur, in potestate ejus esset, primumque ab eo gradum in familia obtineret, uno verbo, qui nasceretur testatori suus hæres: qualis est is, qui in utero uxoris testatoris est, aut uxoris filii ejus præmortui, aut emancipati postquam uxor jam conceperat, §. pen. sup. de tutel. §. 2. tit. præc. Posthumi alieni omnes, qui si vivo testatore nascantur, aut in ejus potestate familiæ non nascuntur, aut non nascuntur proximo ab eo gradu; uno verbo qui sui aut inter suos non nascuntur. Horum autem diversa sunt genera & varii gradus. Primum posthumus alienus avo est nepos natus ex filio, etiam quem superstitem in potestate habebat: quamdiu enim filius in familia manet, nepos ex eo suus hæres avo non agnascitur, §. 2. sup. de exhar. lib. d. §. 2. præc. tit. §. 2. inf. de her. ab intest. At enim quia aliquando fieri potest, ut hic nepos posthumus suus hæres testatori agnascatur, puta si filius vivo testatore decesserit, pro suo hætenus habitus, atque ex formula Galli hæres institui potuit, l. Gallus 29. de lib. & post. Magis alienus posthumus est nepos conceptus ex filio emancipato, hoc text. in quo etiam ob causam jam dictam hujus tantum nepotis posthumi fit mentio: item qui in utero est uxoris filii, qui in adoptiva familia est, l. 1. §. si filius de vent. in poss. mitt. & qui nasci speratur ex testatoris filia,

lia; §. ult. *sup. de pat. pot.* Eadem porro ratione posthumus matri alienus est posthumus, puta si cæso utero extractus fuerit; l. 6. *de inoff. test.* & avia, qui in ventre est filia, aut uxoris filii: & adhuc magis alieni, qui nascituri sunt ex agnatis aut cognatis, l. *pen. de leg. 1. d. l. 6. de inoff.* Postremo alienissimi & maxime extranei, qui neque legitimi futuri sunt neque cognati, l. 6. *de vent. in poss. mitt.* Hos autem omnes Justiniani definitio complexa est.

T E X T U S.

Jus Novum, de personis incertis & posthumis alieno.

27. *Sed nec hujusmodi species penitus est sine justa emendatione relicta, quum in nostro Codice constitutio posita sit, per quam & huic parti medemur, non solum in hæreditatibus, sed etiam in legatis & fideicommissis: quod evidenter ex ipsius constitutionis lectione clarescit. Tutor autem nec per nostram constitutionem incertus dari debet: quia certo judicio debet quis pro tutela suæ posteritati cavere.*

N O T A.

27. *In nostro Codice constitutio*] Desideratur hæc Justiniani constitutio. Ex verbis autem hujus textus hoc constat Justinianum cavisse, ut incertitudo personæ, cui aliquid legatum est, non vitiet legatum, si vel in præsens, vel ex futuro eventu certitudo aliqua apparere possit.

C O M M E N T A R I U S.

Hujusmodi species sine justa emendatione] Dubium est, utrum in distinctè hoc referendum sit ad speciem de incertis personis, de quibus superius egit, an vero tantum ad speciem de alieno posthumis, cujus proximè meminit in §. *præc.* Sed rectè plerique interpp. sentiunt, Justinianum loqui in universum de specie incertarum personarum, quas hæcenus commemoravit, atque hoc dicere, constituisse se, ut & posthumis alieno & cæteris personis incertis, quas modo eventus postea demonstravit, legatum relictum valeat. Atque hoc ex eo satis intelligitur, quod scriptum est in §. *incertis* 25. incertis personis legari olim concessum non fuisse: quod stulto diceretur, si ne nunc quidem id concessum esset constitutione Justiniani. Habemus etiam certissima hujus rei argumenta in hoc ipso §. quæ in progressu indicabimus. Hoc tamen dubii adhuc relinquimus, quatenus scilicet jus illud, quod de incertis personis recessit, emendavit. Non enim dicit, sed id jus penitus sustulisse, sed non penitus reliquisse in emendationem. Ex verbis quidem Justiniani nihil hic colligere possumus, quam, hoc cum constitutio-

ne sua cavisse, ut incertitudo personæ, cui quid legatum est, non amplius vitiet legatum, si ulla ratione vel nunc, vel ex futuro eventu certitudo aliqua apparere possit. Sed tamen non semper id admittendum videtur. Quid enim si eventus inciderit in eas personas mortuo aut ignorante testatore, quibus verisimile non est specialiter eum legatarum fuisse? Finge, sic esse legatum, *Qui filiam suam filio meo collocaverit, ei hæres meus centum dato*: camque collocasse ignorante testatore qui inimicus testatori fuerit, qui pessimè de eo meritis, qui sit infamis aut vitæ flagitiosæ: non putarem, huic quiequam ex hujusmodi legato deberi, ne nunc quidem post constitutionem Justiniani. Certius vero de re tota constitui posset, si constitutio, ad quam hic relegamur, exaret: sed in Codice, quo nunc utimur, desideratur. Græcam fuisse verisimile est, omissamque à Latinis descriptoribus intercidisse.

Non solum in hæreditatibus] Ergo olim nec hæres institui incerta persona potuit: quod etiam diserte scriptum est ab *Vlp. tit. 22. §. 3.* De posthumis alieno etiam antea fideicommissum relinqui potuisse evincitur ex l. 2. *d. jur. cod. l. 5. §. ultim. de reb. dub.* Et hoc certum argumentum est, Justinianum non solum de posthumis alieno cavisse, sed de cæteris quoque personis incertis.

Et fideicommissis] De fideicommissis cautum propter personas incertas, §. *incertis sup. cod.* nam posthumis alieno etiam antea fideicommissum relinqui potuisse evincitur ex l. 2. *d. jur. cod. l. 5. §. ultim. de reb. dub.* Et hoc certum argumentum est, Justinianum non solum de posthumis alieno cavisse, sed de cæteris quoque personis incertis.

Tutor autem nec per nostram const. incertus dari] Hic iterum locus ostendit, verum esse, quod diximus Justinianum in constitutione cujus hic meminit, emendasse jus de personis in ea certis, non solum posthumis: male enim alioqui tutorem incertum exciperet. Quod autem exciperet tutorem incertum, atque in eo jus vetus conservari voluerit, l. *tutor. 20. de test. tut.* ad cautionem pupilli pertinet; quippe cujus interest, ne incerti aut ignoti, de quorum fide, diligentia ac moribus testatori constare non potuit, ad tutelam admittantur, maxime sine satisfactione, à qua tutores testamentarii immunes sunt: cui adde, quod in delatione tutelæ nullum lucrum vertitur, quod ea suscepta tutor consequatur.

T E X T U S.

De posthumis alieno hærede instituto.

28. *Posthumus autem alienus hæres institui & ante poterat, & nunc potest: nisi in utero ejus sit, quæ jure nostro uxor esse non potest.*

COMMENTARIUS

1. Quomodo accipiendum, quod hic ait Iustinianus, posthumum alienum etiam antea heredem institui potuisse.
2. Coniunguntur Alciatus & Bachovius, qui putant, huic loco deesse negationem.

ETSI, ut superius dixit, antea ita jus fuit, ut posthumum alienum inutiliter legaretur: nihilominus tamen, ut nunc hic ait, hæres institui is posthumus etiam ante potuit. Hoc autem non videtur convenire cum iis, quæ supra relata sunt de inutili institutione posthumi alieni, & de emendatione juris veteris etiam hac in parte à Justiniano facta. Tum si antea posthumus alienus hæres institui potuit, quid opus fuit addere, etiam nunc eum institui posse? An quia constitutione suâ jus vetus in eo confirmavit? nullo modo: proficetur enim expressè, se antiqui juris observationem circa incertas personas & posthumos alienos emendasse etiam in hæreditatibus, significans, sua demum illa constitutione effectum, ut etiam posthumus alienus rectè hæres instituat. Sed sciendum est, neutrum jure civili in persona posthumi alieni valuisse; si hæres institutus esset, si legatum ei datum: cæterum legatum etiam jure prætorio insuper habitum, cum eo jure institutio posthumi alieni, ut favorabilior, sustineretur, institutumque prætor adjuvaret dando ei bonorum possessionem secundum tabulas, *inf. de bon. poss. in pr. l. posthumus 6. de inoff. test. l. 1. §. si filius 12. de vent. in poss. mitt. l. 3. de bon. poss. sec. tab.* Quamobrem interpp. ferè omnes hæc verba Justiniani, *et ante poterat, et nunc potest*, sic acceperunt, ante poterat jure prætorio, nunc potest etiam jure civili, ex constitutione scilicet Justiniani, ut cum utrumque intelligi non possit de eadem juris specie, accipiatur de eodem juris effectui; cum parum referat ad vim tabularum, utrum hæreditas ex iis adiri, an bonorum possessio peti possit: quod ego verissimum esse arbitror. Neque obstat, quod Justinianus loquitur de hærede instituto, quod verbum est juris civilis: sic enim loqui eum necesse fuit, ut ostenderet differentiam institutionis legatorum, de quibus antea egerat. Et quid prohibet, quominus dicatur jure facta institutio, quæ jure prætorio sustinetur? Sanè Ulpianus in *d. l. 6. de inoff. test. l. 1. §. si filius 12. de vent. in poss. mitt.* cum de posthumo alieno loquens, eum heredem scriptum aut heredem institutum, natumque secundum tabulas habere scribit, nihil aliud significat, quam posthumum alienum jure prætorio rectè heredem institui. Quin etiam Paulus simpliciter respondet, hujusmodi institutionem jure fieri, *Titius 25. §. 1. de lib. & posth.* cujus species huc quoque pertinet, ut bene contra Cujasium observavit.

Ant. Faber 9. conj. 2. D. Bachovius tamen contra omnium exemplarium & Græcarum Institutionum fidem existimat, huic loco deesse negationem, & legendum, Posthumum autem non alienus, id est, suus: quod jam olim etiam tentavit Alciatus 9. parerg. 1. sed errare eos aperte ostendit subjecta exceptio, nisi in utero ejus sit, quæ jure nostro uxor esse non potest: quæ exceptio necessario intelligenda est de posthumo alieno, si eam accipias de posthumo, qui in utero sit ejus mulieris, quacum omnino nullum connubium est, ut sunt Vestales, Sanctimoniales seu Ascetrix, quæ perpetuam voverunt castitatem; si eam accipias de eo posthumo, qui ex ea muliere & testatore nasciturus est, quæ illius uxor esse prohibetur, propter cognationem puta, aut affinitatem, aut quia alii nupta: quippe quod ex his nascitur vivo testatore, in potestate ejus nasci non potest: estque turpis hujusmodi institutio, ipsoque jure non valet, l. 9. §. 1. de lib. & posthum. Jam vero stultissime exciperetur posthumus alienus, si id quod præcedit, ad posthumum alienum non pertinet, sed ad non alienum siue suum duntaxat, Mirorque adeo judicium Bachovii, qui hac exceptione etiam confirmari putat suam illam & Alciati emendationem. Cæteris Bachovii argumentis quivis facile occurrerit, qui modo hæc nostra attente legerit.

TEXTUS.

De Errore in nomine legatarii.

29. Siquidem in nomine, cognomine, prænomine, agnomine legatarii testator erraverit, cum de persona constat, nihilominus valet legatum. Idemque in heredibus servatur; & recte. Nomina enim significandorum hominum gratia reperta sunt: qui si alio quolibet modo intelligantur, nihil interest.

NOTÆ.

29. Cum de persona constat] Id est, dummodo certum sit demonstratione testatoris, de quo ille senserit. Et pari ratione quamvis testator erraverit in nomine proprio rei legatæ, veluti si fundum Cornelianum pro Semproniano nominaverit, utile est legatum & debetur Sempronio, *l. 4. de leg. 1.* Secus est si erraverit in nomine rei appellativo, puta, si cum vestem legare velleret, suppellectilem scripserit: quia rerum vocabula naturæ consona, publica & immutabilia sunt, *d. l. 4. l. 7. §. 2. de sup. leg.*

COMMENTARIUS.

1. Subtilius ac diligentius, quam passim, explicatur differentia nominum propriorum.
2. Cur error in nomine legatarii non vitiet legatum, cum de persona constat: & num. 5.

3. Nec errorem in nomine proprio rei legata vitare legatum: & cur vitiet error in nomine appellativo.
4. Quid si testator rem oculis subjectum alieno nomine appellaverit.

TRactationi de incertis personis ea de errore nominis, item de falsa demonstratione & falsa causa idem subungi videtur, quia hæc quoque quodammodo personam legatarii incertam reddunt. Pertinet huc titulus Pand. de cond. & dem. item tit. C. de falsi. ca. adj. leg. cum 2. seqq. ad quos vid. D. Tuld. & Perez add. Christin. vol. 4. decis. 49. Nos etiam quædam subtilius atque accuratius, quam illi fecerunt, explicabimus.

In nomine, cognomine, prænominis, agnomine] Hæc quatuor nomina etiam Imperator Gordianus distinctè expressit l. 4. Cod. de testam. Charisius Grammaticus sic scribit: *Propria nomina in quatuor species dividuntur, prænomen, nomen, cognomen, agnomen, ut Publius, Cornelius, Scipio, Africanus. Prænomen est, quod nomini preponitur, ut Publius. Nomen quod familie originem declarat, ut Cornelius. Cognomen, quod nomini subjungitur, ut Scipio. Agnomen, quod extrinsecus adjici solet, ut Africanus.* Hæc ille. Plura etiam ejusmodi apud Romanos videmus, ut Marcus Licinius Crassus Dives, Marcus Porcius Cato Sapiens, Quintus Fabius Maximus Allobrox, Lucius Cornelius Scipio Asiaticus. Charisius autem satis distinctè videtur rem ipsam explicasse. Prænomen erat nomen cujusque proprium; ut Marcus, Lucius, Paulus, Publius. Nomen totius gentis commune erat, hoc est, omnes, qui ex eadem gente erant, eodem nomine appellabantur, verbi causa, qui ex gente Cornelia, omnes Corneliæ, qui ex gente Valeria, omnes Valerii nominabantur. Cognomine singulæ familie in quaque gente distinguebantur, idemque omnium, qui ejusdem familie erant, cognomen erat; ut in gente Cornelia, qui ex familia Scipionum, Scipiones, qui ex familia Lentulorum, omnes Lentuli, &c. Agnomen dicebant, quod ab eventu aliquo dacebatur, ut Publ. Scipio ex Africa, Lucius ex Asia oppressa agnomen acceperunt, quanquam ejusdem essent familie, teste Cicerone pro Muren. quotamen loco non agnomen illud, sed cognomen vocatur. Idem lib. 2. de offe. Divitem Crassum, & libro de senect. Sapientem M. Catonis cognomen fuisse scribit. Apud nostros quoque tantum nominis, prænominis & cognominis mentionem fieri reperio, l. 1. de lib. & posth. l. hæres 2. §. 1. qui test. fac. l. 8. §. 2. seqq. Unde apparet veteres appellatione cognominis etiam agnomen complecti, etsi hæc interdum distinguant. Cicero l. 1. de invent. Nomen cum dicimus, inquit, cognomen quoque & agnomen intelligatur oportet. Non fuisse autem apud Romanos agnomina aut fre-

quentia aut necessaria, quippe quibus plerosque caruisse constat. At his tribus, prænominis, nominis cognomine perpetuò uti consueverant: ut L. Cornelius Sylla; C. Julius Caesar; M. Tullius Cicero. Theophilus hanc rem Græcis parum cognitam, ut potest, declarat, scribens, nomen esse τὸ ὀνόμαζον, prænomen, quod nomini præponitur, à majoribus vel benefactoribus assumptum. Hodie in toto orbe Christiano præter nomen familie sive cognomen hereditarium à parentibus aut amicis proprium nomen mutatur, quod nobis imponitur, cum Sacramento Baptismi initiamur, & in Ecclesiam recipimur.

[Cum de persona constat] Sive quis hæredem instituit, sive alicui quid legat, personam hæredis & legatarii demonstrare oportet. Demonstrantur personæ citra controversiam suo nomine, cæterum & aliis rebus demonstrari possunt, & si aliis demonstrantur, valet institutio & legatum perinde, ac si proprio nomine demonstratæ essent, l. quoties 9. §. si quis 8. de her. inst. l. 8. §. 2. de bonor. poss. seq. tab. l. 4. C. de test. & generaliter in omnibus partibus juris demonstrationis vice nominis fungitur, l. 6. de reb. cred. l. nominatim 34. de cond. & dem. l. 2. de lib. & posth. Cui jam & illud consequens est, ut si falsum nomen adjectum sit, errante in nomine testatore, nihilominus & institutio, & legatum valeat, perindeque habendum sit, quasi nomen omnino adjectum non esset; dummodo certum sit demonstratione testatoris, de quo ille senserit. Ut enim cætera omittantur, personam tamen necesse est ita demonstrari à testatore, ut certo appareat, quem ille intellexerit, d. l. quoties §. si quis. Pro non dicto enim est, aut pro non scripto, quod ita dictum scriptumve est, ut non intelligatur, l. 2. de his, quæ pro non script. hab. Finge ergo, hoc modo vel instituisse, *Corneliæ sororis meæ filius hæres esto; vel legasse, Corneliæ sororis meæ filio fundum illum do, lego: si soror unum tantum filium habeat, hic quia satis apparet, quem testator designavit, valet institutio & legatum. Idemque est, si sic dixerit, Cornelius sororis meæ Corneliæ filius hæres esto: aut, Cornelio sororis meæ Corneliæ filio centum lego: etiamsi ei non Cornelio, sed Sempronio nomen sit. Porro dum certa sit demonstratio, unde ea ducatur, nihil interest. Nam & sic rectè hæres nuncupatur indicio digiti, *Hic mihi hæres esto*, cum præsens est, qui ostenditur, l. nemo 58. de lhar. inst. Denique & sic quoque rectè demonstratur, *Cujus nomen in codicillis scripsero, ille mihi hæres esto*, l. no. de cond. inst. cujusmodi demonstrationes in legatis vel magis valere debent. Pari ratione etsi testator erraverit in nomine rei legatæ, veluti si fundum Cornelianum pro Semproniano nominaverit, utile est legatum, & debetur Sempronianus, si constet hunc legatum esse, l. 4. de legat. 1. Et convenienter*

si quis cum unum tantum servum haberet, dixerit, *Servum meum Stichum do, lego*, valebit legatum, licet servo *Davus*, non *Stichus*, nomen sit, *arg. §. seq.* Plane, si quis cum vestem legare vellet, suppellectilem scripserit, putans vestem appellatione suppellectilis contineri, placet, nec suppellectilem nec vestem deberi, quasi neutrum legatum sit, *d. l. 4. de legat. 1.* ubi Jurisconsultus differentie hanc rationem reddit, quod *rerum vocabula immutabilia sunt, hominum mutabilia*. Rerum vocabula vocat, quæ Grammatici appellativa; hominum, quæ illi propria, eo quod rei sive personæ tantum singulari designandæ causâ reperta sunt. Hæc mutabilia esse ait, quia scilicet privata sunt, & pro arbitrio singulorum & imponuntur, & mutantur; illa immutabilia, quia publica & communia, *l. Labeo 7. §. 2. de supellect. leg.* ut proinde error in his tolerabilis sit, in illis stultus & intolerabilis. Et est sane ingens inter hæc discrimen. Propria nomina omnia *ἱερὰ* constant, & ita ut pro arbitrio cuiusque privati, & citra considerationem naturæ rei imponantur: unde nec rei *ἑστάν*, sed tantum differentiam *ἰννοῦσθαι* indicant. Appellativa autem fere *φύσιν* constant, id est, à naturâ vim suam habere videntur, saltem prima, quæ sunt *ἀρχαῖα & στοιχεῖα*, id est, principia & elementa reliquorum. Sane Cratylus apud Platonem existimat, majorem quandam vim, quam humanam, prima rebus nomina imposuisse. Sed & flexa, etsi impositicia sunt, publica tamen & ipsa, sunt ac communia, & sive prudenter, sive temere & *ἑστάν* & *ἀντιμαρτυρεῖσθαι* imposita sunt, non sunt tamen arbitraria, ut ex singulorum opinione exaudiri debeant, sed ex communi usu. In summa eorum impositio naturæ consona habetur, nec minus hæc, quam prima, ipsam rei substantiam indicant. De illo quæsitum est, an non saltem valeat legatum, si res, cum oculis subjecta esset, à testatore demonstrata sit, ut alieno nomine eam appellaverit, veluti si, cum equus præsens esset, ita legavit, *Hunc bovem Titio do lego*. DD. comm. probant sententiam Accursii in *l. quæ extrinsecus 65. de verbl. obl.* existimantis, valere, atque equum deberi: quod tamen mihi minime consentaneum videtur ei, quod scribit Paulus *l. 3. de reb. dub.* cum, *qui aliud dicit, quam vult, neque id dicere, quod vox significat, quia non vult, neque id, quod vult, quia id non loquitur*: convenienter plane sententiæ sive Servii sive Celsi, non videri *quæquam* id dixisse, *cujus non suo nomine usus sit*, aut, quod idem valet, neminem videri sensitse, quod non dixit: quanquam Tubero plus hic tribuebat voluntati, *l. 7. §. 2. de sup. leg.* Quamobrem magis est, ut tale quoque legatum inutile haberi debeat, atque æque stultum ac derisorium, ut illa de quibus in *l. 4.*

de legat. 1. quod etiam Mynsingero verius videtur. Sane si quis charas librorum appellatione, aut contra, complexus esse dicatur, locus esse potest quæstioni voluntatis propter rerum affinitatem, *l. librorum §. 1. §. quod tamen 4. de legat. 3.* Quin etiam generaliter id admittendum putem, si aliquo colore usuve loquendi vocabulum, quo testator usus est, ad id, quod voluisse dicitur, extendi potest, *arg. l. 9. de test. vin. ol. leg.*

Significandorum hominum gratia] Ratio elegans. Si enim nomina in hoc inventa sunt, ut per ea commodius personæ designentur, profecto nec omisio nominis, nec error in nomine legatarii, si aliunde de persona ejus certo constat, legatum vitare debent: & recte Pedius nihil referre dicebat, proprio nomine res appelletur; ad digito ostendatur, aut vocabulis quibusdam demonstretur, quoniam vice mutua fungantur, quæ tantundem præstant, *l. 6. de reb. cred.*

TEXTUS.

De falsa demonstratione.

30. *Huic proxima est illa juris regula, falsa demonstratione legatum non perimi. Veluti si quis ita legaverit, Stichum servum meum vernam do, lego. Licet enim non verna, sed emptus sit: si tamen de servo constat, utile est legatum. Et convenienter, si ita demonstraverit, Stichum servum, quem & Sejo emi, sitque ab alio emptus, utile est legatum, si de servo constat.*

COMMENTARIUS.

1. *Regulam hoc loco traditam sic esse temperandam, nisi quid aliud legato obstat præter falsitatem demonstrationis: quod variis exemplis declaratur.*

Quod in errore nominis personæ legatarii, aut proprii vocabuli rei legatæ custoditur, ut etsi falso hujusmodi nomine testator usus sit, legatum tamen ob id non vitietur, modo de persona aut re aliunde constet, id etiam obtinet in demonstratione, hoc est, adjectione omni, quæ extra nomen personæ aut rei designandæ gratia adhibetur, ut etsi vel in persona legatarii, vel in re legata demonstranda aliquid erratum sit, tamen perinde legatum valeat, ac si nullus error intervenisset; dummodo constet, cui legare, aut quam rem legare testator voluerit, *l. demonstratio 17. in pr. & §. 1. l. falsa 33. cum l. seq. de cond. & dem.* Ratio est, quia nomen & demonstratio mutua vice funguntur, aut demonstratio vice nominis, *l. 6. de reb. cred. l. nominatim 34. de cond. dem.* Eoque respicit Justinianus in *pr. hu-*

pr. hujus §. cum ait, proximam esse superiori hanc juris regulam, *falsa demonstratione legatum non perimi*. Habet autem hæc regula suas nonnullas exceptiones, & in universum sic temperanda est, nisi quid aliud legato obstat præter falsitatem demonstrationis. Etenim si demonstratio certam rem aut summam indicet, sed circumscriptam certo loco, eaque res illo loco non reperiatur, inutile hoc esse legatum traditum est. Ut ecce, testator ita legavit, *Centum, quæ in arca habeo, Titio lego*. Si hæc in arca nulla sint, placet nihil deberi, quasi certum corpus, quod in rerum natura non est, legatum sit, l. si servus 108. §. qui quinque 10. de legat. 1. l. 1. §. sed & si 7. de dot. præl. junct. l. plane 34. §. 4. de legat. 1. prius enim esse debet, quod legatur, quam legatum valeat, aut dici possit falsa demonstratione non perimi, l. quibus 40. §. pen. de cond. & dem. Item si quis ita legaverit, *Quod mihi Titius debet, Sempronio lego*, sine adjecctione corporis aut quantitatis, neque Titius quicquam debeat, placet nullum legatum esse, non propter vitium demonstrationis, sed alia evidenti ratione, quia non apparet, quid quantumve legatum sit, l. si sic legatum 75. §. 1. de legat. 1. Et eadem igitur ratione inutile erit & hoc legatum, *Quod Titio debeo, ei lego*, si testator neque debeat, neque quantitas adjecta sit; quamvis si ita dixerit, *Decem, quæ Titio debeo, ei lego*, nec quicquam Titio debeatur, legatum sit inutile: quia sola falsa demonstratio legatum non vitiat, d. l. si sic legatum, §. 1. l. legavi 25. sub fin. de lib. leg. Sed & amplius licet quantitas adjecta sit, tamen ne sic quidem semper utile legatum in superioribus speciebus. Finge, testatorem ita legasse, *Centum, quæ Titio debeo, Sempronio lego*, constat, hoc legatum inutile esse, etiamsi verum sit, centum Titio deberi: quoniam debitor id quod ipse debet, alii quam creditori legare non potest. Quam ob causam nec si falsum erit, legatum valebit: nam quod inutile foret legatum detracto vitio demonstrationis, id adjecta vitiosa demonstratio utile efficere non potest, Finge iterum legasse hoc modo, *Titio centum, quæ mihi debet, lego*, cum Titius nihil deberet, responsum est, nihil hic item esse in legato, multumque ininteresse inter falsam demonstrationem & falsam conditionem sive causam, d. l. si sic legatum, §. 2. d. l. legavi; vers. quod si sic. Nimirum etsi hic centum verbo legata sunt, revera tamen nihil aliud legatum, quam liberatio: quo legato hoc continetur, ut si hæres petat, exceptione removeri, si non petat, ultro pulsari possit, ut debitorem liberet, l. 3. §. 3. de lib. leg. Neutri vero horum locus esse potest, ubi nulla est obligatio. Pari denique ratione si testator centum, quæ Titius ei debeat, legaverit Sempronio, dicendum erit, inutile esse legatum, si nihil Titius debeat, d. l. si sic legatum, §. 2, quippe

nec hic legantur centum, quæ hæres det, sed actio, quam præstet adversus Titium: hoc enim legato nominis continetur, ut hæres actiones suas præstet; nullas vero habere aut præstare potest adversus eum, qui nihil debet: quod Jurisconsultus in d. l. si sic legatum, §. 2. breviter his verbis significat, *Esse enim debitor debet*.

Stichum servum meum vernam] Exemplum falsæ demonstrationis. Est autem verna servus domini ex ancilla natus, *ὄνητος, ὄνητογενής*, Quod nomen Festus à vero deductum putat, quod id tempus duce natura futura est. Hinc vernaculus, ut vernacula lingua, *ἰννακῶλος*, id est, *ἰννακῶλος*. Cicero vernaculum crimen pro domestico; Cæsar 6. comment. vernaculas Pompeji legiones pro propriis dicit.

Stichum servum, quem à Sejo emi] Aliud ejusdem generis exemplum ex l. demonstratio 17. §. 1. de cond. & dem. ubi & aliud occurrit, veluti si ita servus demonstratus sit, *Stichum sutorem, Stichum cocum Titio lego*. Licet enim neque sutor, neque cocus sit, ad legatarium pertinere dicitur, si de eo sensisse testatorem appareat. Exempla autem hæc sunt falsæ demonstrationis adjectæ rei legatæ: idem vero etiam obtinet, si in persona legatarii designanda quid erratum sit aut falso demonstratum, puta circa corpus, vel artificium, vel officium; vel patriam, vel necessitudinem, vel affinitatem, dummodum de persona ejus constet, cui testator legaverit, d. l. 17. §. 1. l. falsa 33. & l. seq. eod. Quod tamen & ipsum semper sic accipiendum est, dum nihil amplius obstat legato, quam falsa demonstratio; non etiam error, qui obstat voluntati: qualis plerumque nascitur ex errore sanguinis. Nam si quis propter hanc opinionem aliquid alicui legaverit, ut sanguine conjuncto, qui non erat, legatum non valebit, arg. l. 4. & l. 7. C. de her. inst.

TEXTUS,

De falsa causa adjecta.

31. *Longe magis legato falsa causa adjecta non nocet: veluti eum quis ita dixerit, Titio, qui me absente negotia mea curavit, Stichum do, lego: vel ita, Titio, quia patrociniò ejus capitali crimine liberatus sum, Stichum do, lego. Licet enim neque negotia testatoris unquam gesserit Titius, neque patrociniò ejus liberatus sit, legatum tamen valet. Sed si conditionaliter enuntiata fuerit causa, aliud juris est: veluti hoc modo, Titio, si negotia mea curaverit, fundum meum do, lego.*

NOTÆ.

31. *Legato non nocet*] Quia ait Papinianus, ratio legandi legato non coheret, l. 72. §. 6. de cond. & dem. Id est, quia legatum constat etiam citra rationem adjectam legato, ideo falsa causa non nocet, quia vera quoque necessaria non est. At citra nomen aut demonstrationem legato non potest.

COMMENTARIUS.

1. Cur longe minus falsa causa legato adjecta nocere dicatur, quam falsa demonstratio.
2. Causam in futurum collatam siue modum huc non pertinere.
3. Qua ratione legato in proposito sustineatur.
4. Insigne huius juris temperamentum.
5. Qua in re conditio & modus conveniant, & discrepent.

Quod juris est, ait Gajus, in falsa demonstratione, hoc vel magis est in falsa causa, l. demonstratio 17. §. 2. de cond. & dem. Causa nostris dicitur causa præterita, seu ratio, propter quam aliquid datur aut fit, l. damus §. 2. de cond. ind. causa irritatrix, quam dialectici *απορρητικὴν* vocant, alias *απορητική*, occasio, causa impellens, dicitur. Igitur causa, id est, ratio legandi, etiam si falsa sit, legato non obest. Sed cur ait, longe minus falsam causam legato adjectam nocere, quam falsam demonstrationem? Euto idcirco, quia nomen & demonstratio cum legato coherent, adhibentur enim ad personam legatarii aut rem, legatam designandam: causa autem legandi à legato separata est, & sine ulla causa legari & potest & solet. Hanc differentiam indicat Papinianus l. cum tale 72. §. falsam 6. de cond. & dem. cum ideo ait falsam causam legato non obesse, quia ratio legandi legato non coheret. Causa, quæ in futurum confertur, modus appellatur, veluti, Centum lego ut opus exstruatur. &c. d. l. 17. §. ult. de cond. & dem. tit. C. de his que sub. mod. leg. Ea autem huc non pertinet: quia quod sub modo legatum est, perinde feceretur, ac si sub conditione relictum esset, l. si cui 92. de cond. & dem. l. 1. C. d. tit.

Legatum tamen valet.] Donare enim nihilominus testator voluit, aut saltem voluisse præsummitur. Quippe qui sciebat, se ob negotia sua gratis gesta, aut parocinim sibi præstitum nulla necessitate remunerandi teneri, arg. l. donari 82. de reg. jur. l. damus §. 2. l. in summa 65. §. 2. de cond. ind. Cum igitur gratuitam mereque voluntariam exercuerit liberalitatem, non debet hanc evertere falsitas occasionis, qua primum provocatus ad legandum fuit. Nam & si quis inter vivos ob hanc causam quid dederit, quod negotia sua adjuncta putabat, falsa licet pervasione, datum consistit, nec repeti potest, d. l. damus, de cond. ind. redditurque hæc ratio in d. l. in summa §. 2.

ead. quia qui dedit, donare voluit. Et vel magis igitur id valere debet in ultimis voluntatibus, argum. in l. testamenti 12. de reg. jur. Cæterum insigne huius juris temperamentum Papinianus addit l. tale 72. §. falsam, de cond. & dem. nisi hæres probeat testatorem legaturum non fuisse, si causam, quam adiecit, falsam esse scivisset. Verba Papiniani sunt, Sed plerumque doli exceptio locum habebit, si probeatur, alias legaturum non fuisse. Quasi dicat, etsi falsa causa adjecta legatum nunquam ita vitiat, quin summo iure peti possit, propter regulam de falsa causa: tamen plerumque fieri, ut petentem legatarium hæres summoveat exceptione doli mali, docens, testatorem solius causæ, quæ adjecta est, gratia legatum reliquisse, alias non fuisse legaturum: Id vero sæpe probatu non est usque adeo difficile. Quid enim si restatur aliquando apud amicos aperte dixerit, se, si verbi causa, Titius negotia sua non curasset nihil habere, cur ei quicquam relictum vellet; vel se facere non potuisse, quin egregium officium sibi à Titio præstitum legato aliquo remuneraretur; aliam legandi causam non habuisse; vel hoc unum se movisse, ut Titium legato honoraret, quia restitutio nem sibi à Principe impetrasset, alias nihil se illi legaturum fuisse. Denique quotiescunque probari potest, tanquam pro compensatione accepti beneficii legatum datum esse, locus erit exceptioni doli: quippe quæ omnibus obstat, qui non ex voluntate defuncti aliquid petunt, l. 3. §. ult. de adim. leg. l. 4. §. præterea 10. de dol. mal. exc. Et ideo si quis cum Titio quædam sua negotia peregre curando commisisset, atque existimans ea diligenter curata esse, centum eidem Titio legaverit, cum adiectione huius causæ, quam falsam esse & negotia illa neglecta hæres doceat; putarem hic etiam petenti legatario obstaturam doli mali exceptionem.

Conditionaliter enuntiata.] Si causa conditionaliter hoc modo enuntiata fuerit, Titio, si negotia mea curavit, fundum lego, causa legato ipsa conceptione coheret, & si falsa est, fit, ut voluntas legato desit, & legatum sit inutile, l. demonstratio 17. §. pen. de cond. & dem. nam conditiones, quæ in præsens aut præteritum tempus conferuntur, si falsæ sint, statim vi sua inanem & inutilem actum reddunt, §. pen. inf. de verb. obl. Itaque hoc casu legatum non debetur ipso iure; eoque nec exceptio adversus petentem desiderabitur. Conditioni affinis est modus; utrumque enim futurum aliquid spectat: nam si hac legandi formula testator utatur, Titio centum do. lego, ut mihi monumentum faciat, legatum est sub modo, d. l. demonstratio §. ult. si ita dixerit, Do lego si monumentum faciat, est conditionale. Effectu autem inter hæc multum interest: nam legatum sub modo relictum purum est, & statim peti potest, præstatur.

stira scilicet cautione de re restituenda, si modus non impleatur: sub conditione autem relictum non debetur ante eventum conditionis, & si conditio defecerit, extinguitur, l. 3. l. 4. C. de cond. insert. quanquam non omnium conditionum eventus perpetuo expectatur: nam si qua earum, quæ in non faciendo consistunt, collata sit in potestatem legatarii, desiderante eo statim representatur relictum, dum is caveat, nihil se ejus facturum, quod testator vetuit: si contra fecerit, rem una cum fructibus restitutum ei, ad quem jure civili deficiente conditione legatum pertinere potest. Quæ cautio, quod à Q. Mucio inventa est & composita, Muciana dicta: atque in hæreditatibus quoque locum habet, l. 7. l. 8. qui 18. de cond. & dem. Plura de conditionibus insertis D. Tuldæ. & Perez, ad tit. C. de fals. ca. adj. & 2. segg. Christin. vol. 4. decis. 49.

T E X T U S.

De servo hæredis.

32. *An servo hæredis recte legemus, quaeritur. Et constat, pure inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixerit. Sub conditione vero recte legatur servo, ut requiramus, an quo tempore dies legati cedit, in potestate hæredis non sit.*

C O M M E N T A R I U S.

Hujus & sequentis §. exiguus hodie usus est, servitute jam sublata. Proponuntur duæ quaestiones contrariæ, una hoc §. an servo hæredis recte legeretur. Altera §. seq. an recte legeretur domino servi hæredis instituti.

Pure inutiliter legari] Quod servo legatur, ipsi domino legari intelligitur, l. non minus 31. de her. inst. proinde si servo legeretur, vi ipsa hæredi à semetipso legatur, quod à juris ratione alienum est, l. & quidem 18. l. legatum 116. §. 1. de legat. 1. Ulp. tit. 24. §. 20. neque natura patitur, ut idem sibi & creditor sit, & debitor, quod fieri necesse est, si servo hæredis legari volumus: nam hæres hic & creditor sit, oportet, quia dominus legatarii, & debitor, quia hæres testatoris. Hinc quotiescunque accidit, ut creditoris & debitoris jura in eandem personam concurrant, confunditur obligatio, & necessario extinguitur: quia nemo sibi obligatus esse potest, l. sicut 75. de solut. l. 7. Cod. de pass.

Si vivo testatore de potestate] Utrum quod pure relictum est, valeat, nec ne, ex tempore facti testamenti æstimandum, juxta præscriptum regulæ Catonianæ, quæ quod legatum inutile foret moriente statim testatore, ex postfacto convalescere non patitur, l. 1. de reg. Cat. Atqui in proposito, si statim testator decedat, vires habere legatum non potest. Eadem ratione supra dictum est, cum res sua alicui legatur, quia hoc legatum ab initio non consistit, ideo non convalescere, etiamsi legatarius eam rem vivo testatore alienaverit, §. sed si rem 10. sup. eod.

Sub conditione vero recte] Quod legatum per conditionem suspenditur, id in incerto est aliquando valitum sit, nec ne, ut dici non possit tempore testamenti valere aut non valere: & ideo placet Catonis regulam ad legata conditionalia non pertinere, l. 4. de reg. Cat. quæ ob hoc amplius non pertinet ad legata, quorum dies non mortis tempore, sed post aditam hæreditatem cedit, l. 3. eod.

An quo tempore dies legati cedit] Dies legati sub conditione relictæ ante eventum conditionis non cedit, l. §. 2. quæ. dies. leg. id est, legatum sub conditione datum non ante deberi incipit, quam conditio extiterit, l. cedere diem 213. de verb. sign. atque ex eo demum tempore vires hujusmodi legatum capit, ut proinde etiam satis sit, cum conditio existit, rem in eo statu esse, ut possit vires capere; quemadmodum in proposito potest, si scilicet eo tempore servus non sit in potestate hæredis. Quod si tempore conditionis existentis ad huc in hæredis sit potestate, procul dubio legatum nullum est. Sed inquires, etiam in casu præcedenti contingere potest, ut die legati cedente servus non sit in potestate hæredis: potest enim ante mortem testatoris, ex quo tempore dies legati pure relictæ cedit, ab hærede manumitti aut alienari. Respondeo, quod attinet ad utilitatem legati puri, ita spectari tempus mortis, ut id tempus vi & potestate regulæ Catonianæ jungatur cum tempore testamenti facti, perindeque omnino habeatur, licet diutius testatorem vivere contingat, ac si statim testamenti facti tempore decedisset. Ex quo est, quod nec ad ulla legata regula pertineat, quorum dies non cedit tempore mortis, l. 3. de reg. Cat.

T E X T U S.

De Domino hæredis.

33. *Ex diverso, hæredem instituto servo, quin domino recte etiam sine conditione legatur, non dubitatur. Nam etsi statim post factum testamentum decederit testator, non tamen apud eum, qui hæres sit, dies legati cedere*

Iluu: 3

intelli-

intelligitur; cum hereditas à legato separata sit, & possit per eum servus alius heres effici, si prius, quam jussu domini adeat, in alterius potestatem translatus sit: vel manumissus ipse heres efficitur: quibus casibus utile est legatum. Quod si in eadem causa permanserit, & jussu legatarii adierit, evanescit legatum.

COMMENTARIUS.

Hæc species superiori contraria est. Ait, ei, cui servus hæres institutus est, etiam sine conditione recte legari, hac ratione, quia etiam si statim decessat testator, tamen hoc casu dies legati apud eum, qui heres sit, non cedit: innuens, legatum quidem cedere domino, ac proinde eo mortuo ante aditam hereditatem ad heredem ejus transmitti; sed non cedere apud heredem, ut in casu superiori, cum domino hærede instituto servo ejus legatur. Quippe dominum non recta per servum ejus heredem fieri, sed ita, si jussu ejus hereditatem adierit: posse autem fieri, ut servus institutus priusquam jussu domini hereditatem adeat, vel manumittatur, vel alienetur, atque ita vel sibi, vel alteri domino, cuius jussu adierit hereditatem acquirat, maneatque sic hæreditas à legato separata. Cum itaque hic legatum & hereditas decedente testatore statim in eandem personam non concurrant, neque ita necessario sequatur hereditatis cum legato confusio, ut superiore casu legati cum hereditate, placet legatum interim in suspenso esse; & siquidem servus antequam jussu domini hereditatem adierit, manumissus vel alienatus fuerit, utile esse legatum: si vero in eadem causa manserit, & jussu legatarii adierit, evanescere propter confusionem cum hereditate, quo fit, ut in eum casum deducatur, unde incipere non poterat. Eadem ratione responsum est à filio hærede patri etiam pure legari posse, l. à filio 25. *questum* 91. in *pr. de legat. 1.*

TEXTUS.

De modo & ratione legandi.

De ordine scripturæ.

34. *Ante heredis institutionem inutiliter antea legabatur; scilicet quia testamenta vim ex institutione heredis accipiunt, & ob id veluti caput atque fundamentum intelligitur totius testamenti heredis institutio. Pari ratione nec libertas ante heredis institutionem*

dari poterat. Sed quia incivile esse putavimus, scriptura ordinem quidem sequi, (quod & ipsi antiquitati, vituperandum fuerat visum) sperni autem testatoris voluntatem; per nostram constitutionem & hoc vitium emendavimus, ut liceat & ante heredis institutionem, & inter medias heredis institutiones legatum relinquere, & multo magis libertatem, cuius usus favorabilior est.

NOTÆ.

Sperni testatoris voluntatem] Quæ etiam juxta veterum sententiam totum in testamento facit, l. 35. §. 3. *de her. inst. l. 12. in fin. ad l. de leg. 1.*

Et ante heredis institutionem] Nam in actu continuo & unius temporis nihil *ὅτερον & ἄτερον* videri debet; manetque heredis institutio semper caput & fundamentum testamenti, sive sequatur sive antecedit. *Wesf.*

COMMENTARIUS.

1. *Veteres non satis idoneam rationem habuisse improban. di legata ante heredis institutionem relicta: & n. 2.*

Sequitur hujus tituli caput ultimum: in quo abolentur quædam juris veteris scrupulositates, quæ circa formam legandi observabantur; & nimirum hæc tres, quod ante heredis institutionem, quod post mortem heredis. quod pœnæ nomine legari non poterat.

Ante heredis institutionem] Olim si ab institutione heredis initium testamenti factum non esset, legata ante institutionem heredis relicta inutilia erant; veluti si quis in ordinando testamento ita primo loco dixisset, *Titio centum do, lego;* deinde loco secundo, *Sempronius mihi heres esto;* legatum hoc, ut præpostero ordine ante heredis institutionem relictum non valebat, *Ulp. tit. 24. §. ante 14. Paul. 3. sent. 6. §. 1.* Cujus rei rationem hanc affert *Ulp. quia potestas testamenti ab heredis institutione incipit.* Id est, quia per institutionem heredis demum vires, robur ac firmamentum testamentum accipit: ut proinde heredis institutio veluti caput ac fundamentum totius testamenti præcedere debeat: & quod ante relictum est, tanquam extra testamentum relictum videatur, *ἐκ τῆς τῆς ἀρχῆς*, ut ait Theophilus. Cæterum hæc ratio Justiniano tanti visa non est, ut propter eam ordo scripturæ necessario sequendus sit, sprete testatoris voluntate. Et merito. Sit enim institutio heredis caput & fundamentum testamenti, ex ea testamentum vires accipiat, uti revera accipit, l. *quod per manus, de jur. cod.* non ideo tamen legatum institutioni heredis præpositum.

perinde habendum; quasi extra testamentum relictum sit: quoniam cum unus continuus testandi actus sit, nihil in eo *ὁσπερ ὁσπερ* videri debet: & proinde siue antecedit legatum, siue institutionem hæredis sequatur, institutio semper manet caput ac fundamentum testamenti. Nec scio, an aliam rationem habeat, quod olim etiam ante hæredis institutionem fideicommissum dari potuit, Ulp. tit. 25. §. 6. *et tutor. §. ad certum, sup. qui test. tut. dar.* & quod licebat testamentum ordiri ab exhæredatione, l. 1. de hæ. inst. qua de causa Jurisconsultus ibi non simpliciter dicit, eum, qui testatur, ab hæredis institutione debere initium facere testamenti, sed plerumque debere.

[*Nec libertas hæredis institutionem*] Quasi dicat, quamvis libertatis magnus semper fuerit favor; tamen hac in re non plus licuisse circa libertatis dationem, quam cætera legata. Excipit Ulpian. testamentum inlicitis tit. 1. de libert. §. post mortem 15.

[*Et ipsi antiquitati*] Ipsi etiam veteres in plerisque potiorum rationem ducunt voluntatis, quam ordinis scripturæ. Cujus rei exempla passim occurrunt. Ut in l. 14. de pec. leg. l. cum pater 77. §. fidei 12. de legat. 2. l. 6. de solut. l. si idem 14. de legat. 2. & identidem pronuntiant, voluntatem testatoris in testamento totum facere, l. ex facto 35. §. rerum, de hæ. inst. l. si mihi 12. in fin. de legat. 1. At enim in hac specie, quæ non tam ab ordine scripturæ, quam à juris ratione dependere visa est, non sunt ausi idem definire. Quæ tamen profecto nimia fuit scrupulositas. Nam cum illud admitterent, ut fidejussor præcedere posset principalem obligationem, §. 3. inf. de fidejuss. nulla idonea ratio dari posse videtur, cur non etiam hoc receperint, ut legata præcedere possent institutionem hæredis. Neque enim magis fidejussio sine principali obligatione consistere potest, quam legatum sine hæredis institutione. Denique eum, ut antea diximus, actus testamenti sit continuus, in eo considerari non oportet, quid prius aut posterius fiat, cum totum illud, quod sit, unus sit unius temporis actus, l. hæreses 21. §. ult. qui test. fac. quod & D. Wesembecius notat,

[*Per nostram constitutionem*] Non extat alia, quæ hujus rei meminit, quam illa ad Mennam præfectum prætorio in l. ambiguitates 24. C. de testam. qua tamen nihil aliud cavetur, quam ut ne vitia in scribendo commissa imperitia tabellionum obsint testatoris voluntati. Unde plerique putant, & est verisimile, constitutionem, qua primum atque ex professo jus vetus abolitum est, desiderari. Cæterum quod Baro existimat, constitutione illa sic cautum fuisse, ut ordo, qui hic commemoratur, à testatore observari debeat, & tantum inversio ordinis in

scribendo à tabulario facta non vitiet testamentum, falsum esse, arguunt verba hujus textus, quæ manifeste indicant, Justinianum sua illa constitutione totam hanc rem arbitrio testatoris simpliciter permisisse, ut nihil intersit, veterem ordinem servare, an à legatis initiumumat.

[*Et inter medias*] Hoc etiam jure veteri licitum fuisse testis est Paul. 3. sent. 6. §. 1. Nostri notarii inceptam suam produnt, dum semper fere à legatis & fideicommissis testamentum incipiunt, quasi putent inverti rerum ordinem, si hæredis institutio, quæ tamen caput est & basis totius rei, primo loco scribatur, Gomez l. var. ref. 2. n. 5. Jac. Vervey. art. test. cap. 16.

T E X T U S.

De Legato post mortem hæredis, vel legatarii.

35. Post mortem quoque hæredis aut legatarii simili modo inutiliter legabatur: veluti si quis ita dicat, Cum hæres meus mortuus fuerit, do, lego. Item, Pridie quam hæres aut legatarius morietur. Sed simili modo hoc correximus, firmitatem hujusmodi legatis ad fideicommissorum similitudinem præstantes: ne in hoc casu deterior causa legatorum, quam fideicommissorum, inveniatur.

N O T Æ.

35. Quam fideicommissi.] Jam olim enim benignè receptum erat, ut fideicommissa post mortem hæredis relinquere liceret, l. 5. §. 1. de leg. 3. Ulpian. tit. 25. §. 6.

C O M M E N T A R I U S.

1. Cur post mortem hæredis aut legatarii legare non liceat.
2. Cur liceret in tempus mortis.
3. Legatum filio emancipato post mortem patris relictum conferri: cum pater morietur, non item.

Hæc item mera quædam subtilitas fuit, quod olim post mortem hæredis aut legatarii legare concessum non erat, testibus Ulpiano tit. 24. §. post mortem 15. & Paulo 3. sentent. 6. §. 4. quam ob causam hunc quoque juris articulum emendavit Justinianus.

[*Inutiliter legabatur*] Ulpian. d. loc. post mortem hæredis, inquit, legari non potest, ne ab hæredi hærede legari videntur: quod juris civilis ratio non patitur, & Paul. similiter d. loc. post mortem hæredis legari non potest: quia nihil ab hæredibus hæredi relinqui potest. Credo quia incertum est, quinam illi futuri sint; deinde quia mandare alieno hæredi non licet. In universum vero post mortem hæredi aut legatarii

Legatarii idèò legare non licebat, quoniam vetus erat regula juris, ut obligatio, quæ non cøperat à defuncto vel contra defunctum, in persona hæredis vel contra hæredem non inciperet, §. *post mortem* 12. *inf. de inut. stip.* Jam verò, si quod post mortem hæredis legatur, valere volumus, necesse est obligationem, quæ contra defunctum non incepit, adversus hæredem transire: si, quod post mortem legatarii, necesse est, ut obligatio, quæ à defuncto non incepit, ad hæredem ejus transeat. Cur igitur, inquires, fideicommissum post mortem hæredis relinqui potuit? Ulpian. *tit. 25. §. 6. Resp.* Benignè id receptum fuit, ut fideicommissum relinqui posset ab hæredis vel legatarii hærede, salvâ in cæteris superiore regulâ, l. 5. *de legat. 3.*

Cum hæres meus mortuus] Aut, Titio, cum mortuus fuerit, do, lego. Enimverò, quamvis post mortem legari non potuit, in tempus tamen mortis tam legatarii, quàm hæredis legatum conferri poterat, puta hoc modo, L. Titio, cum morietur, do, lego: vel, Hæres meus, cum morietur, damnas esto dare. Paul. d. loc. §. 5. *et Vlp. eod. l. si pecunia* 12. §. 1. *de legat. 2. l. hæres* 79. §. 1. *de cond. et dem. quemadmodum* & stipulatio in mortem promissoris aut stipulatoris utiliter concipiebatur, §. *ita autem* 14. *inf. de inut. stip.* Nimirum moriendi momentum vitæ attribuitur: quoniam viventes morimur, & mors, si non semel tota est, non est: unde fit, ut in tempus mortis collata obligatio, ante mortem in persona morientis incipiat, & cøpta ad hæredem transmittatur. Hinc etiam illud est, quod etsi filius emancipatus non tenetur conferre legatum post mortem patris ei relictum, l. *pen. de collat. l. nec emancipati* 15. C. *eod.* conferre tamen tenetur, quod ei legatum est, cum pater morietur: quia id non post mortem patris demum acquisivisse, sed moriente patre, manenteque adhuc vitâ, eum habuisse interpretamur. Constat autem, emancipatum juberi ea omnia conferre fratribus, qui in potestate manserunt, quæ moriente patre habuit, l. 6. C. d. *tit. Vlpian. tit. de poss. dand. §. 3. add. Cujac. 3. obs. 34.*

Pridie quam hæres aut legatarius morietur] Existimaverunt veteres, hoc legatum incidere in speciem præcedentem, & eum casum, quo post mortem hæredis aut legatarii legatur. Nam cum illud *pridie* ante mortem incertum sit, & non nisi postquam jam mortuus est hæres aut legatarius, sciri possit, quis ille dies fuerit, non magis hic obligationem ante mortem incipere posse crediderunt, quàm si expresse post mortem legatum esset. Quam ob causam stipulatio quoque hujusmodi, *Pridie quam moriar*, vel, *Pridie quam morieris*, dare spondes? inutilis erat, d. §. *post mortem inf. de inut. stip.* Ecce sollicitam veterum diligentiam.

Correximus] Ex constitutione Justiniani etiam post mortem hæredis aut legatarii legare licet, uti & stipulatio in tempus post mortem stipulatoris aut promissoris concepta ex ejusdem constitutione valet, l. *scrupulosam* C. *de contr. stip.* Idem alia constitutione antiqui juris regulam abrogavit, permittitque, actiones ab hæredibus & contra hæredes incipere, l. *un. Cod. ut act. ab hered.* Mutandi juris veteris hanc causam habuit, quod illud in pura puta subtilitate consistebat. Cur enim cum legatum in tempus mortis conferre liceat, non liceat in tempus post mortem, aut in ante diem mortis? Meræ subtilitatis est, momentum mortis vitæ in hac causa attribuere, atque hoc solo colore defendere legatum: aut propter illud verbum *pridie*, voluntatem testatoris infirmari.

Quam fideicommissorum] Nam fideicommissa etiam olim post mortem hæredis recte relinquebantur teste Ulpiano *tit. 25. §. 6. et in l. 5. §. 1. de legat. 3.*

TEXTUS.

Si pœnæ nomine relinquatur, admittatur vel transferatur.

36. Pœna quoque nomine inutiliter antea legabatur, & adimebatur, vel transferebatur. Pœna autem nomine legari videtur, quod cøercendi hæredis causa relinquitur, quo magis aliquid faciat, aut non faciat: veluti si quis ita scripserit; Hæres meus si filiam suam in matrimonium Titio collocaverit: vel ex diverso, Si non collocaverit, dato decem aureos Sejo: aut si ita scripserit; Hæres meus si servum Stichum alienaverit: vel ex diverso, Si non alienaverit, Titio decem aureos dato. Et in tantum hæc regula observabatur, ut quam plurimis principalibus constitutionibus significaretur, nec Principem agnoscere, quod ei pœnæ nomine legatum sit: nec ex militis quidem testamento talia legata valebant: quamvis aliæ militum voluntates in ordinandis testamentis valde observabantur: quin etiam nec libertates pœnæ nomine dari posse placebat: eo amplius nec hæredem pœnæ nomine adjici posse Sabinus existimabat: vetuti si quis ita dicat, Titius hæres esto: si Titius filiam suam in ma-

rimonium Sejo collocaverit, Sejus quoque hæres esto. Nihil enim intererat, qua ratione Titius coereretur, utrum legati datione, an cubæredis adiectione. Sed hujusmodi scrupulositas nobis non placuit: & generaliter ea, quæ relinquuntur, licet pœnæ nomine fuerint relicta, & adempta, vel in alium translata, nihil distare à cæteris legatis constituimus, vel in dando, vel in adimendo, vel in transfereundo: exceptis videlicet iis, quæ impossibilia sunt, vel legibus interdicta, aut aliàs probrosa. Hujusmodi enim testamentorum dispositiones valere secta meorum temporum non patitur.

NOTÆ.

Quod coercendi hæredis causa] Addit Ulp. d. loc. non ut quid ad alium pertineat, id est, non ut legatum facilius à legatario obtineatur. Itaque tale legatum, Hæres uxori meæ penum dato: si non dederit, centum dato, l. 1. de pen. leg. & si quæ similia, non est exemplum legati pœnæ: etsi enim & hic constringitur hæres, id tamen non fit hæredis puniendi, sed legati juvandi causa. Locus Africani in l. 1. de his, quæ pœn. caus. interpolatus videtur à Tribon.

Secta meorum temporum] Ratio, disciplina, justitia, l. ult. C. de pact. Alex. l. 2. Cod. ad leg. Jul. maj. Trajan. ad Plin. 10. §. 6. Igitur tale legatum, Hæres meus nisi mare ebiberit, aut, nisi uxorem prostituerit, centum Titio dato, nullius momenti est; quia pœnæ causa hæredi, quod impossibile aut turpe est, injungitur. At cum impossibilitas imponitur legatario, puta hoc modo, Titio, si mare ebiberit, &c. centum lego, valet legatum, & conditio hujusmodi pro non scripta habetur, ut §. propen. sup. de hæ. inst. quod notandum.

COMMENTARIUS.

1. Veteris juris, quod hic refertur, variae rationes.
2. Quid sit pœnæ nomine legare.
3. Abrogatio hujus juris cum causa abrogandi.
4. Interpp. plerosque circa hunc articulum errasse, eo quod non satis intellexerint, quid sit, pœnæ nomine legare.
5. Notatur Bachovii & Sutherlandi insignis error.

Tertia hæc species est, in qua jus verus circa formam legandi à Justiniano mutatum. Olim quod pœnæ nomine relictum erat, in ea causa fuit, ut quaecumque hoc esset, in totum non valeret, Ulpian. tit. 24. §. pœn. facit l. 1. d. cond. & demonstr. l. 2. d. his quæ pœn. nom. Jul. Capitolinus in Anton. Primus constituit, ne pœnæ causa legatum relictum maneret. Neque alia in hac re fideicommi-

forum, quam legatarum causa fuit, Ulp. tit. 25. §. 11. Hujus autem juris duplicem rationem fuisse Theophilus memorat. Primum, quoniam in hæredis arbitrium hoc legatum confertur: sic autem juris constitutio est, ut legatum in potestate hæredis poni non possit, l. senatus 43. §. pœn. de legat. 1. Deinde quia finis legandi hujusmodi legato obstat: quippe legata ex animo & benevolentia erga legatarium proficisci debere, non puniendi aut territandi hæredis causa relinqui: pœnæ verò causa quod legatur, non beneficentiæ erga legatarium exercendæ gratiæ relinqui; sed contra naturam legati odio hæredis, ut sit pœnæ, non præmium, non honos. Quin & tertia ejusdem juris ratio dari potest, quod scilicet per ejusmodi legata infringebatur libertas faciendi, quod jure cuique facere licet, & licere debet: quod & ipsum jus civile improbat, l. Titio 71. §. 2. de cond. & dem. atque hanc quoque rationem videtur significare Theophilus, cui ait hoc genus legati modum quandam præscribere hæredibus, καὶ δ' οὐ τοῦτο αὐτῶς ἀλλ' ἡ δόξα.

Adimebatur vel transferebatur] Exemplum sit; Titio centum do, lego. Titius filiam suam Sejo in matrimonium ne collocet. Si Titius filiam suam Sejo collocaverit, quod Titio legavi, non do, non lego: vel, quod Titio legavi, Sempronio do, lego.

Quod coercendi hæredis causa relinquitur] Vel etiam 2 quod coercendi legatarii causa adimitur aut transfertur, ut in exemplo modo proposito. Plenius aliquanto definit Ulpianus tit. 24. §. pœnæ 16. Pœnæ, inquit, causa legatur, quod coercendi hæredis causa relinquitur, ut faciat quid, aut non faciat, non ut quid ad alium pertineat: id est, non ut legatum, quod alicui relictum est, facilius à legatario percipiatur aut obtineatur. Quæ nos definitio docet, non omnem eum pœnæ nomine legare intelligi, qui coercendi hæredis gratiæ legat; sed eum solum, qui nullam aliam causam legandi habet, quam ut hæres coërceatur: quod diligenter notandum est, ut scilicet intelligamus, legatum pœnæ nomine non relictum videri, non solum cum hæres non constringitur ullo modo, sed etiam, cum constringitur aut coërcetur, sed alius rei gratiæ, legat scilicet, quod datum est, juvandi aut voluntatis testatoris confirmandæ.

Et in tantum hæc regula observabatur] Amplificat veterem regulam quatuor modis. 1. quod etiam Principes in eo, quod pœnæ nomine ipsis relictum erat, huic se juri subiciebant. 2. quod nec ex eo testamento militis hujusmodi legata debebantur. 3. quod ne libertas quidem pœnæ causa dari poterat. 4. quod placebat, nec hæredem

pœnæ causa adijci posse. Quibus & quintum adijci potest, quod nec fideicommissa, quorum longè laxior natura, quàm legatorum erat, pœnæ nomine dari poterant, *Vlp. tit. 25. §. pœnæ 11.*

Hujusmodi scrupulositas nobis non placuit] Justinianus etiam in hoc articulo juris veteris observationem, ut nimis scrupulosam abrogandam putavit, idque effecit constitutione eâ, quæ extat in *l. un. C. de his, quæ pœn. nom.* ut jam quæ pœnæ nomine relinquuntur, vel adimuntur, aut transferuntur, non minus valeant, quàm cætera, quæ jure relicta sunt. Et profectò nemini iniquum videri debet, cum, qui hæres instituitur aut legato honoratur, pro modo relicti à testatore gravari, aut constringi, ut aliquid faciat, quod possit facere, & honestè possit: præsertim cum voluntatem defuncti legis instar observari etiam veteres voluerint, *l. ex facto 35. §. rerum 3. de her. inst. Humanum tamen esse plerisque visum est, ut hæres ob justam ac probabilem causam saltem excusetur à pœna, Covar. in c. Rainaldus §. 1. n. 7. prod. de testam. Peregrin. lib. 3. d. jur. ffc. cap. 18. n. 108. Sand. lib. 4. tit. 6. def. 1.* Ex his verò perspicuum est, errare interpp. qui putant, jam tum tempore mediæ juris prudentiæ pœnæ nomine legare licitum fuisse, & Justinianum hîc intelligere jus quoddam antiquius eo, quod relatum est in Pandectas.

4. Causam errori præbuit, quod intellexerunt, quid sit, pœnæ nomine legare. Putant, tale legatum: *Hæres uxori meæ penum dato: si non dederit, centum dato*; quale legatum citra controversiam semper, valuit, *l. 1. de pœn. leg. l. 1. §. item si 18. ad leg. Falc. l. cum sine 19. quand. d. leg.* exemplum esse ejus, quod pœnæ nomine relictum est. Verùm ex definitione Ulpiani paulò ante à me relata atque illustrata facile apparet, hoc exemplum ad legata pœnæ causa relicta non pertinere: quippe in quo nihil proponitur relictum aut cautum odio hæredis, aut ob eam causam, ut hæres coërceatur: sed totum apparet relictum & cautum uxoris gratia. Manifesta igitur illa ignoratio est Lench. Neque necesse est, ut cum Cujacio tract. 5. ad African. in *l. 1. de his, quæ pœn. nom.* excipiamus de regula hanc speciem, *Hæres meus tale monumentum mihi edificato: si non edificaverit, centum Titio dato* *l. 6. l. in testamento 27. de cond. & dem.* nam ne hoc quidem legatum pœnæ nomine relictum dici debet ex superiore definitione, quod præcipuè testatoris causa relictum est, & quo hæres provocetur ad faciendum, quod testator sibi fieri voluit. Justius movere interpp. potuit, *d. l. 1. de his, quæ pœn. nom.* Sed jam docti omnes vident, locum istum esse interpolatum, Tribonianumque de suo hæc verba, *illicite vel probrosè*, responso Africani inseruisse, atque in calce item adjecisse ver-

bum talem, ut subserviret constitutioni Justiniani, quæ quidem sublato jure veteri permittit pœnæ causa legari, sed excipit, quæ illicita, probrosa, vel impossibilia sunt.

Impossibilia, vel legibus interdicta] Impossibilia, veluti si quis ita leget, *Hæres meus, nisi digito calum tetigerit*, aut, *nisi mare ebiberit*, Titio centum dato. Legibus interdicta & probrosa, veluti si ita leget, *Nisi amitam uxorem duxerit*, dato: Legibus interdicta & probrosa, veluti si ita leget, *Nisi amitam uxorem duxerit*, dato: vel, *Si parenti alimenta præstiterit: Si patrem ab hostibus redemerit*, dato, *l. conditiones 9. de cond. inst.*

Hujusmodi dispositiones valere secta meorum temporum non patitur] Merito hujusmodi dispositiones neque quidem valere patitur: quippe pœnæ locus dari non debet, ubi nullum delictum, nulla fraus aut culpa est, *l. aliud est fraus 131. de verb. sign.* Quæ verò culpa aut fraus in eo, qui non facit, quod vel natura impossibile est, vel legibus aut bonis moribus contrarium? Igitur hujusmodi legatum, *Hæres meus, nisi mare ebiberit, nisi matrem domo expulerit, centum Titio dato*, nullius momenti est; ut bene Glossa in *d. l. un. C. de his, quæ pœn. nom.* notat, & disertè scriptum est in *d. l. 1. Pand. cod.* Mirorque adeò judicium Balth. chovii in *Treutl. vol. 2. disp. 13. thes. 6. & Sutholti*, qui hoc à præceptore hausit, *dissert. 11. n. 59.* contententium, in proposito non vitiari legatum, sed vitiari illud ipsum, & non pro adjecto haberi, quod adjectum impossibile aut legibus interdictum est, arg. *§. impossibilis 10. sup. de her. inst. l. ab omnibus 104. §. 1. de legat. 1. l. 3. de cond. & dem. cum similib.* quibus locis traditur, conditionem impossibilem aut turpem legato adjectam legatum non vitare, sed ipsam vitiari & pro non scripta esse. Quis enim non videt, quantum intersit, utrum simpliciter quis centum leget sub conditione impossibili aut turpi, puta hoc modo, *Titio, si digito calum tetigerit, si uxorem suam prostituerit, centum do, lego*: an centum leget pœnæ causa, eo hæredi injuncto; quod impossibile aut probrosum est, veluti si ita dicat, *Hæres meus, nisi digito calum tetigerit, nisi uxorem suam prostituerit, centum dare damnas esto*? Illic legatum non vitiatur, sed favore ultimæ voluntatis ejusmodi conditiones detrahuntur aut remittuntur, ne legatario, cui nihil impurari potest, fraudi sit, quod non pareat conditioni, cui per rerum naturam aut leges parere non potest. Hic legatum nullius momenti est, non quia legato adjecta impossibilis aut turpis conditio: sed quia relictum est puniendi hæredis causa, si ipse conditioni non pareat, id est, non faciat, quod natura aut jure facere non potest. Hic inquam tale legatum inutile esse placet, ne puniatur, qui pœnam non meretur. Atque hanc esse mentem Justiniani ex hoc ipso locofatis intelligitur, cum legatis, quæ pœnæ nomine relicta

linquuntur, confirmatis, excipit ex eo genere, quæ impossibilia aut turpia sunt. Vidit tandem hoc etiam D. Bachovius, & verum esse confessus est in comment. ad hunc §.

TITULUS XXI.

D. Lib. 34. Tit. 4.

De Ademptione Legatorum, & translatione.

Continuatio. Quam variis modis ademptio legatorum fiat.

Dictum hætenus est de iis, quæ ad constitutionem legati pertinent: nunc, uti mos est Jurisconsultorum, exponitur, quomodo rectè ab initio constituta infirmantur. Id fit cum aliis modis, tum maxime ademptione aut translatione; de quibus etiam hic Justinianus solum agit. Est autem hæc facultas liberrima, ut quod testator semel alicui legavit, id ei adimere, aut in alium transferre possit; voluntasque defuncti ambulatoria est usque ad vitæ supremum exitum, l. 4. hoc tit. Ademptione legati vel ipso jure legatum extinguitur, vel ope exceptionis enervatur. Ipso jure legatum ademptum intelligitur, si testator declaraverit contrariam voluntatem: idque vel verbis; sive directo contrariis, dum testatur se adimere quod dedit; sive aliis quibuscumque, ex quibus aperte intelligatur, posuit illi eum prioris voluntatis: arg. l. Divi 13. eod. vel rebus & factis: veluti si legatum consulto induxerit, l. nihil interst 16. eod., aut rem legatam destruxerit, l. si ita 65. §. ult. de legat. 1. l. lana 88. §. 2. de legat. 3. aut in novam speciem transtulerit, quæ ad pristinam materiam reduci non possit, d. l. lana in pr. & §. 1. vel nulla necessitate adductus alienaverit, de quo actum tit. præc. §. si rem 12. vel denique si quis nomen debitoris sui alteri legatum exegerit, de quo sub §. tam autem 21. eod. tit. Ope exceptionis ademptio introducit, si quid intervenerit, ex quo mutata voluntas testatoris colligi possit, cum neque verbis, neque facto aliquo palam declaraverit se legatum adimere; veluti si graves inimicitie inter testatorem & legatarium intercesserint, nec reconciliatio secuta sit, hic petenti legatario obstabit exceptio doli ex nuda eaq; præsumpta contraria voluntate, l. 3. §. ult. junct. l. seq. hoc tit. Proinde omnino assentior Bartolo in l. si ita 14. de legat. 1. Angelo, Mysing. & Scherdt, hic, posse legatarium opposita exceptione doli subinvereri, etiamsi imperfecto testamento legatum ademptum esse proponatur: quippe cum hæc exceptio obstat omnibus, qui voluntate testatoris destituuntur, l. 4. §. præterea 10. de dol. mal. exc. l. militis 36. §. 3. de testam. mil. Præter hæc, quod hic non tangit Justinianus, legata etiam casu intercidunt, videli-

cet si testamentum, quo aliquid relictum est, rumpatur aut irritum fiat, l. filio 17. de injust. rupt. l. 8. §. pen. de inoff. test. l. si nemo 181. de reg. l. 1. C. de post. her. inst. Unde tamen hic exceptio est ex jure novissimo, nisi testamentum rescissum sic ex causa præteritionis aut exheredationis: quod cum incidit, sola institutio irrita esse jubetur, cætera autem capita rata manere, auth. ex causa C. de lib. præc. vid. sup. tit. de inoff. test. Porro eadem libertate, qua legatum adimitur, etiam in alium transferri potest, de quo in §. 1. seu parte hujus tit. altera.

TEXTUS.

De ademptione.

Ademptio legatorum, sive eodem testamento adimantur, sive codicillis, firma est. Sed § sive contrariis verbis fiat ademptio; veluti si quod ita quis legaverit, Do, lego, ita adimatur, Non do, non lego: sive non contrariis, sed aliis quibuscumque verbis.

NOTÆ.

Sive codicillis] Testamento confirmatis ipso jure, Ulpian. tit. 24. §. 27. fac. l. 43. de man. test. d. l. 26. de vulg. & pup. non confirmatis tuitione prætoris, opposita petenti doli mali exceptione, l. 4. §. 10. de dol. mal. exc.

Firma est] l. 17. C. de legat. Quippe voluntas defuncti ambulatoria est usque ad vitæ supremum exitum, l. 4. hoc tit.

Aliis quibuscumque verbis] Ut in l. 3. §. 8. l. 13. eod. vel si facto aliquo contrariam voluntatem declaraverit, cujusmodi exempla habes, l. 16. eod. l. 65. §. 2. de leg. 1. l. 88. eod. 3. §. 12. sup. tit. præc. Ope etiam exceptionis ademptio introducit ex nuda contrariæ voluntatis præsumptione, veluti si graves inimicitie inter testatorem & legatarium exortæ fuerint, nec reconciliatio secuta, l. 3. §. ult. l. seq. h. t.

COMMENTARIUS.

Sive eodem testamento] Meminit tantum ejusdem testamenti, propterea quod si aliud testamentum factum fuerit, hoc ipso legata priore

testamento relicta infirmantur, unaque cum testamento, in quo relicta sunt citra ullum alium revocationem corruunt. Et igitur quod priore scriptura testamento datum est, id posteriore adimi potest, *l. Divi 13. l. nihil prohibet 17. hoc tit. l. si quis 16. de vulg. & pup.* Atque adeo etiam statim & continenter, ut opinior, revocari; puta hoc modo, *Centum Titio do, lego: imo non do, non lego.* Neque obstat, quod traditur in *l. ubi 188. de reg. jur.* ubi pungnantia in testamento jubentur, neutrum valere: quod Græci reddiderunt *τα ἐν Διάθήκῃ ἀπὸ τῆς ἐναντιώσεως ἐκ τῆς πρώτης* quoniam regula ista procedit in perplexis atque inter se collidentibus: cujusmodi speciem habemus in *l. si Titius 16. de cond. inst.* non ubi prior scriptura per posteriorem corrigitur, commutatur, aut rescinditur, *d. l. nihil prohibet, & ibi Gloss. & Bart. hoc tit.*

Sive codicillis] Intellige testamento confirmatis, ut bene Martin. & Placent. teste Accurs. hic & in præfat. Nov. 159. vers. manifestum. Quippe cum codicillis testamento non confirmatis nihil directo dari potuerit, *l. libertatis 43. de man. test. §. præterea 10. inf. de fideic. her.* consequens est, & arguit *l. si quis 16. de vulg. & pup.* nec quod testamento datum erat, codicillis non confirmatis potuisse adimi; ita quidem certè, ut ademptio ipso jure valeret; nam quin petens legatarius per exceptionem doli hoc casu repelli potuerit, non est dubitandum, *l. 4. §. præterea 10. de dol. mal. exc.* Errat igitur & Accurs. ad. loc. & Bart. in *l. si ita 14. de legat. 1.* quorum ille contendit, ne confirmatis quidem codicillis ipso jure legatum adimi; hic contra ipso jure adimi codicillis etiam non confirmatis: quod tamen novo jure defendi poterit. Quoniam autem olim legata ab intestato dari non poterant, quæri non potuit, an ita data aliis codicillis potuerint adimi: sed huic quæstioni locus erat in fideicommissis. Hodie tamen etiam in legatis est, post eorum cum fideicommissis exæquationem: cumque dari legata codicillis & ab intestato possint, consentaneum est, posse etiam ipso jure similiter adimi: eoque jure utimur.

TEXTUS.

De translatione.

¶ 1. *Transferri quoque legatum ab alio ad alium potest; veluti si quis ita dixerit, Hominem Stichum, quem Titio legavi, Sejo*

do, lego: sive in eodem testamento, sive codicillis id fecerit: quo casu simul & Titio adimi videtur, & Sejo dari.

COMMENTARIUS.

A B alio ad alium] Ex Cajo *l. 5. hoc tit.* Potest vero & aliis modis translatio fieri. Paulus *l. 6. eod.* quatuor modos commemorat. Aut enim, inquit, à persona in personam transfertur; ad quem modum pertinet species hic proposita: aut ab eo, qui dare jussus est, transfertur, ut alius det: aut cum res pro re datur, pro fundo decem aurei: aut quod pure datum est, transfertur sub conditione Adjiciatur & quintus, cum quod prius sub conditione datum est, deinde pure legatur, *l. non ad ea 89. de cond. & dem.*

Hominem Stichum, quem Titio legavi, Sejo do, lego] Videtur hæc formula similis esse formulæ conjunctionis, quæ re fieri dicitur, cum disjunctim eadem res duobus legatur, qualis illa, *Titio hominem Stichum do, lego: Sejo eundem do, lego:* qua nil Titio adimi sed Sejo in eandem rem cum Titio vocari intelligitur, *§. si eadem tit præc.* nisi evidenter appareat, adimere testatorem, voluisse, *l. si pluribus 33. de legat. 1.* Sed diversæ omnino sunt hæc formulæ: & cum quis ita dicit, *Quod Titio legavi, id Sejo do, lego;* ex ipsa conceptione perspicue apparet, Titium & Sejum non conjungi in eandem rem, sed adimi Titio, quod ei legatum erat, & Sejo dari. Quam ob causam, etiam si persona legatarii non mutetur sed verbi gratia ita testator scripserit, licet ex continenti, *Stichum, quem Titio legavi, heres meus illi dato, si illud aut illud factum erit;* legatum sub conditione translatum videri responsum est, eo quod commemoratio- ne prioris legati posterius scriptum sit, *l. non ad ea 89. de cond. & dem.* Obstat tamen videtur, quod ex Juliano Ulpianus & Paulus referunt. in hac specie, *Ex qua parte Sejum institui; ex eadem parte Sempronius heres esto; Sejum & Sempronium conjunctim intelligi institutos, l. Julianus 15. in pr. de her. inst. l. triplici 142. in fin. de verb. sign.* Sunt qui in institutione hæredum sic jus esse arbitrantur, in legatis contra: quod ego falsum puto, & diversas esse formulas. *Stichum, quem Titio legavi, Sejo lego: & Stichum, quem Titio legavi, eundem Sejo lego:* illa enim aperte adimatur Titio, quod Sejo datur: hæc uterque in eandem rem manifestè conjungitur; cum idem utriusque legatur.

TITULUS XXII.

D. Lib. 35. Tit. 2. C. Lib. 6. Tit. 50. Nov.

De Lege Falcidia.

Ratio ordinis, & argumentum tituli.



Non disputatione de legatis omitti non debuit de lege Falcidia, qua novissime antiqua legandi licentia repressa, & modus legatorum constitutus est. Indicatur hic primum occasio hujus legis ferendæ; inde summa juris lege constituti proponitur. Tertio docetur, quo tempore visum sit spectari modum patrimonii in ponenda ratione legis. Postremo, quæ res ante rationem Falcidiæ deducantur, ostenditur, & quomodo porro in reliquo ratio legis ineat.

T E X T U S.

Continuatio. Ratio, & Summa hujus legis.

Supereſt, ut de lege Falcidia diſpiciamus, qua modus novissime legatis impositus est. Cum enim olim lege duodecim tabularum libera erat legandi potestas, ut liceret vel totum patrimonium legatis erogare: quippe cum ea lege ita cautum eſſet, uti quisque legasset suæ rei, ita jus esto: visum est hanc legandi licentiam coarctare: idque ipsorum testatorum gratia provisum est, ob id quod plerumque intestati moriebantur, recusantibus scriptis hæredibus pro nullo aut minimo lucro hereditatis adire. Et cum super hoc tam lex Furia, quam lex Voconia late sunt, quarum neutra sufficiens ad rei consummationem videbatur, novissime lata est lex Falcidia, qua cavetur, ne plus legare liceat, quam dodrantem totorum bonorum: id est, ut sive unus hæris institutus sit, sive plures, apud eum eosve pars quarta remaneat.

N O T Æ.

[Ipsorum testatorum gratia] Non singulorum; sed in genere, & quasi in abstracto consideratorum. Nam singulorum potius hæredum gratia leges hæ late, l. 71. hoc tit.

[Tam lex Furia, quam Voconia] Quarum illa cavebat, ne supra mille asses legare liceret. Ulpian. in fragm. princ. Hæc, ne quis census plus cuiquam legaret, quam ad hæredem perveniret. Cic. 3. in Verr. lib. hic add. Cujac.

[Sive unus, sive plures.] Hoc tamen sic temperandum est, ut procedat, si legata simpliciter ab omnibus relicta sint; aliud, si unus graveur nominatim, §. seq.

C O M M E N T A R I U S.

1. Occasio legis hujus ferendæ.
2. Exponuntur verba legis duodecim Tabb. uti quisque legasset suæ rei.
3. Quo aspectu leges Furia, Voconia, Falcidia testatorum gratia late dicantur.
4. Late esse hæc leges hæredum potissimum causa, non singulorum testatorum.
5. Quid à quo cautum lege Furia.
6. Quid à quo lege Voconia.
7. Quando à quo lata lex Falcidia, & quid in ea cautum.
8. Ad quæ vel statim, vel sensim virtus legis producta.

Lex duodecim Tabb. libera erat legandi potestas. Causa seu potius occasio rogandæ hujus legis. Lex duodecim tabb. licebat testatoribus universum patrimonium suum in legata consumere, nihil ut hæredi relinqueretur, præter onus & molestiam æris alieni. Sic enim ea lege simpliciter cautum erat, uti quisque legavisset, ita uti jus esset, l. verbis 120. de verb. sign. Hæc licentia cum testatores usi essent, eveniebat plerumque, ut suprema eorum judicia destituerentur, recusantibus scriptis hæredibus nullo suo aut quam minimo lucro hereditatem adire, atque aliena duntaxat gratia maximis sæpè oneribus in nimeque necessariis se implicare. Quod cum & ipsis testatoribus inutile esset, & publicè interesse existimaretur suprema hominum voluntates conservari, l. 5. test. quem aper. visum est ex usu esse reip. hæredes justo aliquo lucro ad adeundam hereditatem invitari, quo suprema morientium judicia retinerentur. Id quod ita commodè fieri posse creditum est, si libertas illa legandi intra certum modum ac finem cohiberetur, ut cum non totum patrimonium legatis exhaustum foret, esset aliquid videlicet, quod hæredes ex testamento caperent. Quæ res cum primum lege Furia, deinde Voconia reata esset, tandem lege Falcidia perfecta est.

[Uti quisque legasset suæ rei] Ita quoque verba legis duodecim referuntur in l. verbis 120. de verb. sign. Legasset suæ rei dictum pro super pecunia & re sua: quomodo auctor ad Heren. lib. 1. & Ulp. in fragm. tit. 11. §. testamento 13. legis verba referunt, quasi dictum esset, pro commodo & utilitate rei suæ; ut si dationis acquisitivæ positus, ut loquuntur Grammatici. Illud enim minimè convenit, ut hæc verba, rei suæ, non.

non ad verbum legasset, sed ad illa, *jus esto*, referantur, atque ita legamus, *Ita legasset, ita rei sue jus esto*: quod voluit Alciat. ad d. l. *verbis* & Baro hic. Primum quia verba illa, *ita jus esto*, absolute ponuntur. Deinde, quia etsi transitum in rem aliam habuerit, tamen nemo ita loqueretur, *ita jus esto illius rei*, sed *de illa re*. Denique non dicimus, si quis quid legaverit, *ita jus esto de re sua*, sed *de re ejus*, utentes pronomine demonstrativo, non reciproco; quia legans de se prius locutus non est.

3. *ipsum testatorum gratia*] Ait, leges Furiam, Voconiam, Falcidiam ipsum testatorum gratia latas, nescilicet, ut subiecti, voluntas eorum destituta testamento periret. Fortè etiam hæc ratio fuit, quod qui substantiam omnem legatis erogant, credibile sit errore ductos id facere, existimantes, plus se in bonis habere, quam habent, arg. l. *in fraudem*, qui & à quib. man. Quamquam autem etiam retenta plena legandi licentia, & secundum eam exhausto legatis patrimonio, legatarii adhuc facere possunt, ut voluntas servetur; quippe qui ne deserto testamento nihil consequantur, potius cum hærede paciscuntur partemque remittunt: §. 2. *ipsi in fin. eod.* tamen facilius hæredem inductum iri, ut hæreditatem adeat, legumlatores putaverunt, si jure suo & beneficio legis partem aliquam haberet, quam si beneficio legatiorum. Licet autem hinc intelligere, leges hæc rogatas non esse singulorum testatorum gratia, sed tantum in genere & quasi in abstracto testatores à latoribus consideratos, tanquam omnes ita affecti sint, ut malint partem legatariis detrahi, quam voluntatem suam in totum perire. Etenim singulorum testatorum favore si hæc leges introductæ essent, licuisset singulis, & verbi causa Titio testatori, huic suo favori repugnare, & testamento cavere, ne hæres aliqua harum legum uteretur: quod non licuisse certum est, sed contra etiam invito testatore, contra sententiam ejus, eoque prohibente, vim suam illas exercuisse, ut de lege Falcidia expressè traditum est, l. *quod bonis* 15. §. 1. & ult. l. *Titia* 86. in fin. hoc tit. convenienter capiti secundo ejusdem legis, quo nemini plus legare permittitur, quam doctantem bonorum, l. 1. in pr. vers. secundo eod. Hujus rei etiam fortissimum argumentum est, quod placet, in testamento militis legi Falcidiæ locum non esse, l. 7. C. eod. l. 12. C. de test. mil. Nam si ex voluntate testatoris induceretur, vel magis valere deberet in testamento militis, utpote cujus voluntati multo plus, quam cæterorum tribuitur. Illud enim planè à ratione juris nostri alienum est, quod cum Porcio Mynsingerus tentat, ideo in testamento militis cessare Falcidiam, quod hoc ipso, quod cautum est, ne legi Falcidiæ locus esset in testamento militis, cautum quoque intelligatur, ut hæres à milite institu-

tus, velit, nolit, hæreditatem adeat, compellente eum, si nolit, magistratu: & adhuc magis, quod illi magis placet, dum existimat cum Corasio, eo, quem miles hæredem instituit, repudiante, proximos qui ab intestato veniunt, legari præstatione obstringi. Et quid stulti quoque repudient? Denique ex eo quoque perspicue apparet, Falcidiam non induci ex voluntate, singulorum testantium, quod laudatur hæres, qui solida legata præstat, quasi plenioris officio fidei fungens, & apud quem plus valeat defuncti voluntas, quam beneficium legis, l. 1. & ult. C. hoc tit. l. 5. §. *si quis* 15. de don. int. vir. & ux. Porro ex his simul intelligimus, latas esse superiores leges in hæredum potissimum gratiam, & nominatim Falcidiam, de qua sola nunc quaeritur; quod etiam diserte traditum est in l. *pote* 71. hoc tit. ac proinde toto cælo errant, qui asserunt, hæc leges principaliter & potissimum introductas esse testatoris causa: secundum autem testatorem causa hæredis; quo in numero etiam D. Horomannus est.

Lex Furia] Primus C. Furius Tribunus plebis liberam illam legandi potestatem coangustavit, lege perlata, ne cui supra mille asses legare liceret, constituta quadrupli poena adversus eum, qui plus cepisset, Ulp. tit. 1. & Theoph. hic. qui tamen non asses, sed *volutas* habere, id est, aureos seu solidos. Et forte hæc eadem lex est, quam intelligit M. Tullius pro Corn. Balb. Tulit, inquit, *apud majores nostros legem C. Furius de testamentis*, sed tamen non ausim hoc certo affirmare; quia quid ea lege, quam memorat, cautum fuerit, non exprimit: atque ex solo Ulpiano & Theophilo discere possumus, quid lege Furia testamentaria, cujus hic meminit Justinianus, cautum tentatumque sit coercendæ licentiæ legandi gratia, videlicet, ne legare liceret ultra mille asses. Quam quidem re etsi modus aliquis legatis imponitur, finis tamen non fit legandi: & cum de singulis duntaxat legatariis lex caveret, facile evenire poterat, ut uno atque altero, itemque tertio legato hæreditas, præsertim non opulenta, tota absumeretur, atque hoc modo res ad vetus incommodum recideret.

Lex Voconia] Cum usu omnium rerum magistro compertum esset, lege Furia superius incommodum nequaquam esse sublatum, Q. Voconius tribunus plebis aliud remedium adhibendum esse existimavit. Igitur abrogata lege Furia ipse aliam tulit, ne quis census plus cuiquam legaret, quam ad hæredem hæredesve pervenerit, ut ex Verrina de prætura urbana intelligitur; ubi duo hujus legis capita memorantur, quorum altero coercitur mulierum hæreditates, altero cautum (quod etiam Theophilus scribit) ne plus haberet legatarius, quam hæres. Verum ne hac quidem lege finis legandi factus, cum & ipsa, de singulis tantum caveret legatariis. Quid enim si

numerus legatariorum tantus sit, ut in singulos singulis sextulis erogaris, una quoque tantum sextulas, & forte unus aureus hæredi relinquatur? Quis spectuli lucelli hereditatem alicujus cernat? Sed & lex illa de eo tantum cavebat, qui sensus esset: ei vero, qui census non esset, licebat per eandem legem plus legare, quam ad hæredem perventurum erat ut ex eodem loco Ciceronis intelligi potest.

Lex falcidia. Quæ & ipsa plebiscitum est. Lata est à Pub. Falcidio tribuno plebis, temporibus Augusti, Cn. Domitio Calvino & C. Asinio Pollione Coss. anno ab urbe condita DCCXLV. teste Dion. lib. 48. Hac demum lege certis terminis circumscripta est legandi licentia, dum non de singulis legatariis, sed de cunctis cavet, ne ultra dodrantem in legata consumatur, l. i. hoc tit. Quare, ut maxime legeretur multis, semper tamen quadrans totorum bonorum post hanc legem latam hæredis lucro cedat necesse est. Superiores igitur leges etsi modum legatis impaneabant, nullum tamen faciebant legandi finem: hæc & modum & finem fecit: quam ob causam & ipsa sola superioribus antiquatis recepta, atque in hoc usque tempus retenta est.

Ne plus legare. Lex Falcidia nominatim de legatis locuta videtur. Cæterum & ad alia producta est: & statim quidem, ut opinor, interpretatione prudentum ex legis sententia ad fideicommissa singularum verum. Neque enim persuadere mihi possum, id Primum factum Senatusconsulto Pegasiano centum demum annis post legem latam: quamvis ferè omnes sic sentire videam, motos §. sed quia §. seq. tit. vers. ex singulis. Nam cum utique hoc lex velit & caveat, ne minus, quam quarta pars bonorum hæredibus relinquatur, ut proinde directo ea pars nec auferri, nec minui à testatore potuerit, l. quod bonis 15. §. 1. & ult. hoc tit. quis credat, oblique id fieri potuisse, licitumque fuisse tam longo tempore, legis sententiam circumvenire, patrimonium fideicommissis onerando aut ex haurendo? Neque in d. vers. ex singulis. Expresse dicitur, retentionem quartæ partis ex singulis rebus per fideicommissum relictis permissam esse Senatusconsulto Pegasiano, sed simpliciter, permissam esse, non addito, quo jure permissa sit: quanquam etiam alia istius loci interpretatio est. Quin et si Tribonianus expresse hoc affirmaret, mihi tamen id suspectum foret. Sane in liberis nostris promiscuè, quantum ad hanc rem attinet, de legatis & fideicommissis singularibus tractatur, l. 5. l. si ratum 13. l. quod bonis 15. l. filiusfam. 18. & passim. hoc tit. l. 2. & l. 3. C. eod. Porro lex Falcidia producta etiam est ad donationes mortis causa, idque constitutione, l. 5. C. eod. l. 2. C. de don. mort. ca. Quod si quis dicat, etiam per mortis causa donationes fraudem legi fieri potuisse, is cogitet, ante hanc

constitutionem eandem rationem harum donationum & inter vivos fuisse: quippe sic donata placebat antea in computationem Falcidiæ non venire: propterea quod vivo testatore exabant ex bonis ejus; siquidem etiam quod mortis causa donabatur, *ἄντι τὸ πλὺ* statim transferebatur in donatium. Cæterum quoniam revocare hujusmodi donationem licebat, nec ante plena ac perfecta censebatur, quam mors inscure fuisset, l. non videtur 32. de mort. cad. don. ob hanc causam Severo visum est, id etiam quod ita donatum est, hæctenus in patrimonio computari, ut de eo quarta Falcidiæ nomine detrahi posset. At si fideicommissa omnimodo in bonis reliquantur, ut demum post mortem ab hærede præstentur. Exemplo donationum mortis causa admissa etiam est Falcidia in donationibus inter virum & uxorem, quæ morte confirmantur, l. in donationibus 12. C. hoc tit. propter fideicommissa quoque introducta est in testatorum successione. Quod à Divo Pio factum scribit Paulus in l. filiusfam. 18. hoc tit. Denique vis legis Senatusconsulto Pegasiano tracta est etiam ad fideicommissarias hereditates, de quo seorsum tit. seq.

Sive unus sive plures. Interest vero, utrum legata simpliciter ab omnibus hæredibus relicta sint, an ex pluribus hæredibus ex certis partibus institutis, aliqui nominatim gravati: illo enim casu sufficit, ut solida legata præstentur, dodrantem hereditatis ea non excedere: hoc casu non item, quia suæ quisque partis, ex qua institutus est, quadrantem habere debet. De quo §. seq.

Pars quarta remaneat. Nec solum hæres, si possidet quartam partem retinere potest, aut errore facti non retentam repetere, l. 1. §. si legatarium 11. hoc tit. l. 9. C. eod. sed etiam si non possidet, portionem suam à quovis possessore vindicare l. lineam 26. eod. Putat D. Cujacius, à Justiniano id primum constitutum esse, l. pen. C. eod. verum hoc vel eo refellitur, quod placet legata pro rata portione ipso jure per legem Falcidiam minui, l. in quantitate 73. §. ult. eod. vide. Ant. Finb. lib. 4. conject. 1. & lib. 6. c. 2.

TEXTUS.

De pluribus hæredibus.

1. Et cum quesitum esset, duobus hæredibus institutis, (veluti Titio & Sejo) si Titii pars aut tota exhausta sit legatis, quæ nominatim ab eo data sunt, aut supra modum onerata, à Sejo vero aut nulla relicta sint legata, aut quæ partem ejus duntaxat in partem diminuant: an quia is quartam partem totius hereditatis, aut amplius habet, Titio nihil ex legatis, quæ ab eo relicta sunt, retinere liceat,

ut:

ut quartam partem suae partis salvam habeat : placuit posse retinere. Etenim in singulis hæredibus ratio legis Falcidiae ponenda est.

NOTÆ.

1. *Exhausta, aut supra modum onerata*] Per legem Falcidiam delibari hæreditas potest, onerari aut exhauriri non potest. Cujac.

Placuit posse retinere] Ratio dubitandi, quod videri potest legi satisfactum, cum quarta pars apud alterum maneat illibata.

In singulis hæredibus] Ratio decidendi ex l. 77. eod. Nam cum lex omnibus & singulis hæredibus consultum velit, apparet legi non satisfieri, nisi singulis quoque hæredibus suæ cujusque partis quarta pars intacta servetur.

COMMENTARIUS.

1. *Cur dubitatum, an in specie hic proposita Falcidiae locum esset : & cur esse placuerit.*

2. *Quando in portionibus defectus ratio legis habeatur.*

LEge Falcidia potestas facta est patrifam. tantam pecuniam testamento dandi, legandi, quantam volet; dum ita detur, legatur, ut ne minus, quam quartam partem hæreditatis hæredes capiant. In uno hærede instituto res expedita est: nam si is solutus legatis quartam totius hæreditatis integram habet, legi satisfactum est; eaque portione contentus esse debet, sive semel ex toto asse institutus sit, sive ex pluribus partibus, ex una pure, ex altera sub conditione, ex una legatis onerata, ex altera illibata, l. 1. §. id quod 13. l. in ratione 11. §. pen. hoc tit. cujus rei ratio peti potest ex l. cum heres 52. §. 1. de acq. her. Manifesta quoque est legis sententia, ubi plures quidem hæredes, sed sine partibus omnes instituti sunt, aut legata simpliciter ab omnibus relicta. Sed quaesitum est, duobus aut pluribus hæredibus ex certis partibus institutis, si unius duntaxat portio nominatim onerata sit aut exhausta, an legi satisfactum videri debeat, si apud cohæredes pars quarta hæreditatis maneat intacta. Placuit autem satisfactum non videri, idque hac ratione, quod lex non de uno aliquo hærede caveat, sed ex æquo omnibus consultum velit, l. in singulis 77. eod. & hoc text. in fin.

Duobus hæredibus institutis] Testator cum non amplius quam centum in bonis haberet, duos hæredes, puta Titium & Sejum, utrumque ex semisse hæredes instituit. A Titio quadraginta aut quinquaginta legavit: à Sejo vero nihil, aut minus viginti quinque, ita ut apud Sejum quarta totius hæreditatis pars, vel etiam amplius, atque adeo semis integer maneat. Queritur, an mortuo testatore Titius integra quadraginta aut quinquaginta, quæ ab eo no-

minatim relicta sunt, legatariis solvere teneatur, an nihilominus quartam partem suæ partis possit retinere. Videri poterat legi Falcidiae satisfactum esse, cum quarta pars apud alterum maneat illibata; utique satis esse ad intentionem legis, hoc est, ad sustinendum testamentum, si vel unus suo quadrante contentus hæreditatem adierit. Placuit tamen in proposito Titium quartam partem ejus partis, ex qua institutus est, retinere posse. Quippe legem non simpliciter cavere, ut quarta pars hæreditatis salva maneat, sed nominatim ut hæredes quartam partem ex testamento capiant. Quibus verbis cum non uni alicui hæredi tantum, sed omnibus & singulis consultum velle intelligatur, apparet legi non satisfieri, nisi singulis quoque hæredibus suæ cujusque partis quarta pars intacta servetur. Et hoc est, quod dicitur, in singulis hæredibus rationem legis Falcidiae ponenda esse, l. in singulis 77. hoc tit.

In singulis hæredibus ratio legis ponenda] Hoc tamen ita est, si omnes, qui instituti sunt, hæredes extiterint: nam si quidam defecerint, in portionibus defectis non semper separatim ratio legis Falcidiae habetur; sed aliquando hæ confunduntur cum portionibus aliorum, qui hæredes extiterunt. In quo hæc distinctio probata est, ut si verbi causa ex duobus hæredibus institutis alter deficiat, à quo aut nihil, aut parum relictum erat, atque ita hujus portio vel substitutionis vel accretionis jure ad cohæredem, cujus portio onerata est, pervenerit, placeat legatarios per deficientem portionem adjuvari, videlicet ut integra legata præstentur, quæ non præstarentur, si is, qui defecit, hæres extitisset. Quod si pars, quæ accessit, exhausta sit, aut onerata; ejus vero, qui accessit, integra aut tantum delibata, tum perinde in deficientis portione ratio Falcidiae ponatur, ac si ad eum, qui suam portionem omisit, pervenisset. Extat hæc distinctio in l. quod si alterutro 78. hoc tit. eademque à contrario sensu colligi potest ex l. 4. C. de fideic. quamquam variasse Jurisconsultus apparet ex l. 1. §. si cohæredes 14. hoc tit. de cujus §. lectione vide Cujac. 4. obs. 35. Et hanc rationem habere videtur, quod is cujus portio onerata est, uti ex sua persona legata præstat, ita & ex sua persona tantum Falcidia utitur: qui vero suam portionem integram habet, legata præstat ex persona deficientis, cujus proinde jure eum uti æquum sit, arg. l. 10. l. qui in jus 177. de reg. jur. Indicatur hæc ratio non obscure in l. qui fundum 87. §. qui filium 4. l. 1. §. id quod 13. hoc tit. Cæterum in parte onerata, quæ defecta est, sententia superior sic accipienda ac temperanda, si cohæres deficientis testatori supervixerit, ut dici possit moriente testatore fuisse institutus. Nam si vivo testatore decesserit, quia isto modo fit, ut alter solus tempore mortis testatoris repe-

reperiatur institutus, ex sua parte pure, ex defectu, quasi sub conditione, quæ jam exiit, solida legata præstanda erunt, satisque tunc est, ut legi satisfiat, hunc alterum totius assis quadrantem consequi, auctore Juliano in *d. l. qui fundum*, §. 4. nam ut legata in ea specie repetita esse dicamus cum Cujacio 4. *obs.* 35. ratio decidendi, qua Jurisconsultus utitur, non finit; qui etiam diserte sententiam suam sic restringit, ut dicat, eam tunc procedere, cum cohæres vivo testatore decessit. Quod etiam Paulus non obscure significat in *d. l. 1. §. id quod 13.* sic enim ait, legata per oneratam deficientis portionem non augeri, si is omiserit hæreditatem, *add. Don. 8. comm. 23. Cujacius 4. obs.* 36. *et 15. obs.* 14. *et 25. obs.* 13. *Ant. Faber 4. conj.* 13. *et 18. conj.* 14. *et seqq.* mire variant, nec sibi constant. Est vero universæ superiori distinctioni locus in legatis uno eodemque testamento relictis; ad ea legata, quæ pater primis tabulis ab impubere, secundis à substituto reliquit, non pertinet: siquidem verus est juris regula, *In tabulis patris et filii unam Falcidiam servari*, *l. in ratione 11. §. quod vulgo 5. et pen. l. in duplicibus 79. d. l. qui fundum 87. §. ult. hoc tit.* quasi legata secundis tabulis relictæ primis sub conditione data videantur.

T E X T U S.

Quo tempore spectatur quantitas patrimonii, ad quam ratio L. Falcidiæ redigitur.

2. Quantitas autem patrimonii, ad quam ratio legis Falcidiæ redigitur, mortis tempore spectatur. Itaque (verbi gratia) si is, qui centum aureorum patrimonium in bonis habeat, centum aureos legaverit, nihil legatariis prodest, si ante aditam hæreditatem per servos hereditarios, aut ex partu ancillarum hereditariarum, aut ex fœtu pecorum, tantum accesserit hereditati, ut centum aureis legatorum nomine erogatis, heres quartam partem hereditatis habiturus sit: sed necesse est, ut nihilominus quarta pars legatis detrahatur. Ex diverso si septuaginta quinque legaverit, et ante aditam hæreditatem in tantum decreverint bona, (incendiis forte, aut naufragiis, aut morte servorum) ut non amplius quam septuaginta quinque aureorum substantia, vel etiam minus relinquatur, solida legata debentur. Nec

ea res damnosa est heredi, cui liberum est non adire hæreditatem: quæ res efficit, ut sit necesse legatariis, ne destituto testamento nihil consequantur, cum herede in portionem pacisci.

N O T Æ.

Solida legata debentur] Nempe si damnum circa rem aliam, quam quæ legata est, inciderit. Nam damnum circa rem ipsam seu speciem legatam contingens legatarium sequitur, hæresque interitus rei legatæ liberatur, §. 16. *sup. de legat. ex jure sc. communi omnium debitorum cetræ rei, l. 23. de verb. obl. add. l. 30. hoc tit. vñ vñ.*

Cui liberum est non adire hæreditatem] Neque enim legatarii aut fideicommissarii particulares hæredem cogere possunt, ut hæreditatem adeat, quod solis permissum fideicommissariis universalibus, propterea quod in hos etiam onera ex Sc. transferuntur, *l. 14. §. 5. et seqq. ad Sc. Treb.*

Ne nihil consequantur] *d. l. 73. in fin. pr. h. t.* Nam destituto testamento, id est, hæreditate ex testamento non adita, legata extinguuntur, *l. 14. C. de fideic.*

C O M M E N T A R I U S.

1. Exceptio regulæ hic proposita.
2. Eiusdem regulæ declaratio.
3. Hæredem à legatariis cogi non posse, ut adeat.

IN quantitate patrimonii exquirenda circa deductionem Falcidiæ visum est mortis tempore spectari exinde neque accessione legata augeri, neque decessione minui; sed incrementum omne, et damnum, quod jacente hæreditate contingit, hæredem sequi, *l. in quantitate 73. l. quod bonis 15. §. 3. in fin. l. cum quo 56. pr. hoc tit.* Cujus rei ratio est, primum quoniam hæres quartam partem ex bonis hereditariis habere debet: at ea proprie sunt, quæ tempore mortis cujusque inveniuntur. Deinde, quia legatorum dies ex tempore mortis testatoris cedit, hoc est, legata ex eo tempore deberi incipiunt, *l. un. §. 3. C. de cad. toll.* adde quod per legem Falcidiam legata ipso jure minuuntur, *d. l. in quantitate, §. ult.*

Nihil legatariis prodest, si ante aditam hæreditatem, etc.] Postquam placuit, à morte testatoris legata deberi pro eo modo patrimonii, qui tunc fuit, accessio ante aditam hæreditatem contingens legatariis prodesse non debet, *d. l. in quantitate d. l. in ratione 30. hoc tit.* Excipiendum tamen hic est, si quid accesserit ratione facti præcedentis aut obligationis à defuncto contractæ; veluti si debitoris, qui solvendo non erat, facultates post mortem creditoris amphatæ fuerint, aut conditio crediti tunc extiterit: nam istis modis

modis placet, ex postfacto uberiore videri fuisse hereditatem commodo legatariorum, l. cum quo 56. §. 1. eod. eandemque rationem habet, quod responsum est, si pater, cum quo ex contractu filii de peculio agi poterat, à creditore filii hæres institutus sit, & legis Falcidiae ratio ponatur, peculii quantitatem, non quod mortis, sed quod aditæ hereditatis tempore fuit, in quadrante patri imputari: d. l. cum quo, §. 1. l. si creditor 83. eod. quamvis peculio post mortem creditoris deminuto, juxta regulam spectetur tempus mortis, neque legatariis id noceat, quasi nihil intersit, peculium post mortem creditoris deminutum sit, an debitor pauperior factus, d. l. cum quo, in 2. pr. l. eo tempore 50. §. 1. de pecul. Quamobrem quod vulgo dici solet, eandem rationem esse damni & commodi, id intelligamus locum habere in iis, quæ primum emergunt & accedunt post mortem, veluti si quid accesserit hereditati ex fructibus, ex partu ancillarum, aut per servos hereditarios questum: hoc text. & d. l. in quantitate, d. l. in ratione 30. hoc tit. non in iis, quibus causam dedit præcedens factum, testatoris. Quinimo hæc, si subtilius res examinetur, non post mortem demum accedunt, sed omnino ad tempus mortis sunt referenda; quoniam ratione principii & fundamenti jam tum in bonis fuerunt: quemadmodum & servi, qui apud hostes sunt, post mortem testatoris reversi, quod ad Falcidiam pertinent, locupletiores faciunt hereditatem, l. servi 43. eod. ita ferme & Bachov. hic.

In tantum decreverint] d. l. in ratione 30. d. l. in quantitate. Sunt vero hæc sic accipienda, si damna circa res alias, quam quæ legata sunt, inciderint: nam si res ipsa legata perierit sine culpa hæredis, id non hæredi, sed legatariis nocet, secundum tenorem perpetui juris, quo traditum est, omnes debitores, qui speciem aliquam, id est, rem certam debent, liberari, si ea res ante moram sine facto eorum perierit, l. si ex legati 23. de verb. obl. l. 5. de reb. cred. Sciamus igitur, tunc periculo hæredis esse res hereditarias, cum res incerta legata est, veluti homo in genere, aut quantitas, puta centum aurei, decem modii frumenti. Hic enim etsi res omnes hereditariæ perierint, dici tamen nunquam potest, rem, quæ legata est, periisse, l. 11. C. si cert. pet. eleganter Mæcian. in d. l. in ratione 30. §. 2. & aliquot seqq. vid. sup. §. si res 16. de legat.

Cum hærede in portione pacisci] In fideicommissariis hereditatibus provisum est Senatusconsulto Pegasiano, ut si scriptus hæres nolit adire hereditatem, jussu prætoris adeat, & restituat. Hoc vero ³ beneficium neque legatariis, neque his, quibus singularæ res per fideicommissum relictæ sunt tributum est, l. si quis 17. si quis om. ca. test. l. nam quod 14. §. non omnis, & 2. seqq. ad Sc. Treb. quo loco Hemoge-

nianus etiam differentiae rationem reddit; nimirum nullam habere iniquitatem, quod fideicommissi hereditatis servandi causa hæres adire cogatur postquam Senatusconsulto Trebelliano cautum est, ut omnia onera hereditatis transferantur in eum, cui ex fideicommissio hereditas restituta est, l. 4. eod. tit. legati vero aut fideicommissi particularis causa hæredem compelli adire hereditatem æquum non esse; propterea quod in hos onera hereditaria transferri non possunt, neque admittendum est, ut quis alieni duntaxat emolumentum causa se æri alieno & litibus, vexationibus, aliisque molestiis implicare cogatur. Proinde hoc solum relinquatur, ut legatarii cum hærede in portionem paciscantur; quod illi facile facturi sunt, & potius aliquid remissuri, quam ut patiantur testamentum destitui, totumque quod legatum est, sibi perire, d. l. in quantitate, in fin. pr.

TEXTUS.

Quæ detrahuntur ante falcidiam.

3. Cum autem ratio legis Falcidiae ponitur, ante deducitur *es alienum*, item *funeris impensa*, & *pretia servorum manumissorum*: tunc demum in reliquo ita ratio habetur, ut ex eo quarta pars apud hæredem remaneat, tres vero partes inter legatarios distribuuntur, pro rata scilicet portione ejus, quod cuique eorum legatum fuerit. Itaque si fingamus, quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars singulis legatariis debet detrahi. Quod si trecentos quinquaginta legatos fingamus, actio debet detrahi. Quod si quingentos legaverit, initio quinta, deinde quarta detrahi debet. Ante enim detrahendum est, quod extra bonorum quantitatem est, deinde quod ex bonis apud hæredem remanere oportet.

NOTÆ.

3. Deducitur *es alienum*] l. 6. C. eod. id est, omne, cujus præstandi necessitate defunctus obstrictus fuit, l. 54. D. eod. Nam Falcidia detrahitur ex bonis: bona autem non intelliguntur, nisi quæ deducto ære alieno superfuerint, l. 39. §. 1. de verb. sign.

Si fingamus quadringentos] l. 73. §. ult. h. t. Legata ad contributionem dodrantis pro rata suæ cuiusque quan-

Quantitatis revocantur, l. 2. l. 6. §. 2. C. eod. Nor. Falcidiae locum non esse intestamento militis, l. 7. C. eod. ex novo jure nec in legato in pios usus relicto. Nov. 13. c. 12. *auth. similiter* C. eod. nec in ea re, quæ ita relicta, ne alienetur, *auth. sed et ea* C. eod. nec cum hæres inventarium facere neglexit, l. ult. §. pen. C. de jur. del. Nec cum testator expresse prohibuit hæredem beneficio legis uti. Nov. 1. c. 2. *auth. sed cum testator*, C. h. t.

COMMENTARIUS.

1. In bonis defuncti quæ numerentur, cum de lege Falcidia questio est.
2. An hæres, quod sibi à defuncto debetur, deducat; & quid si rogatus, ne id legatariis imputet.
3. Quibus casibus lex Falcidia cesset.

ANtequam summa constituatur, unde quarta Falcidiae deducenda sit, necesse est exquiratur, quid in patrimonio defuncti sit habendum: ex eo enim quartam hæres habere debet. Patrimonium cujusque dici scimus, cujusque facultates aut substantiam, sive quod quisque in bonis habet, l. nam quod 14. ult. l. cogi 16. ad Senatusconsultum Treb. Bona cujusque intelliguntur, quæ deducto ære alieno supersunt, l. subsignatum 39. §. 1. de verb. sign. Nimirum ergo in bonis seu patrimonio defuncti sciamus non numerari omnia, quæ cum moreretur, habuit, sed id solum, quod hæreditariis oneribus deductis superest. Cujusmodi onera sunt, æs alienum hæreditarium; funeris impensæ, & pretia servorum manumissorum: quæ omnia idcirco in ponenda ratione legis Falcidiae deduci placuit, uti hoc loco docetur. Cætera, quæ appellatione bonorum continentur, in patrimonio quantitate esse intelliguntur, si modo ejus naturæ sint, ut & ad hæredes certo mansuræ transeant, (nam contra est, si vel non transeant, ut actio injuriarum, ususfructus; l. 32. hoc tit. vel ita transeant, ut non sint mansuræ, Exempl. in l. 11. §. 1. & 2. l. statuli liber. 38. cod.) & ex iis hæres aliquid commodi percipere potuerit. Non enim computatur nomen inane, quod tantum ex eventu hæreditatem auget, l. Nefennius 22. §. pen. l. cum quo 56. §. 1. cod. neque debitum naturale nondum solutum, l. 1. §. id quod 15. cod.

Æs alienum] Primum in hanc deductionem venit æs alienum, id est, id omne, cujus præstandi necessitate defunctus obstrictus fuit, l. pater 54. hoc tit. Sed & æris alieni loco habetur, si quid est, cujus præstandi causa mortuo testatore ante aditam hæreditatem nata est, tanquam contractum ab hæreditate l. æris 39. cod. Illud quaesitum circa hanc deductionem, an etiam hæres, quod sibi à defuncto debetur, detrachere possit. Subtilitas rationis facere vi-

detur, ne possit: quippe cum additione hæreditatis confundatur obligatio, atque ita fiat, ut quod prius ei debebatur, deberi desinat, l. sicut 75. l. Stichum 95. §. 2. de solut. Sed nihilominus placuit deduci posse, l. 6. cod. hoc tit. idque ob hanc procul dubio causam, quoniam in ratione legis Falcidiae, cum de æstimatione patrimonii agitur, mortis tempus spectatur, quo tempore nondum est ulla actionum confusio. Hodie hoc amplius à Justiniano tributum hæredi, qui inventarium confecit, ut nec adita hæreditate actiones ejus confundantur, sed ut similem cum creditoribus extraneis fortunam habeat, l. ult. §. in computatione 9. C. de jur. delib. Quid si hæres rogatus sit, ne creditum legatariis imputet? Ratione doli mali exceptionis apud arbitrum Falcidiae voluntas defuncti servabitur l. si debitor 12. hoc tit. sic ut debito fini quadrantis compensato, superfluum æris alieni tantum dodranti detrahatur, l. quod bonis 15. §. cum fideicommissum 4. cod. Exemplum esto. *Quadraginta sunt in bonis: hæredi debita ducenta: legata trecenta. Hæres compensabit cum quadrante centum; reliqua centum de dodrante detrahet. Hodie de hoc supervacuo quaeritur: quoniam Falcidiae detractatio nominatim vetari potest. Nov. 1. cap. 2.

Impensa funeris] Ea est, quæ fit causa funeris, hoc est, ut funus ducatur, mortuus efferatur & sepeliatur, & sine qua neque funus duci neque mortuus sepeliri honeste potuisset. Quare etiam id, quod erogatum est in locum, in quem mortuus infertur, funeris causa impensum videri debet, l. & si quis 14. §. funeris 3. de rel. & sumpt. fun. l. 1. in fin. cum l. seq. hoc tit. Hæc autem impensa semper ex hæreditate deducitur, quæ etiam omne creditum solet præcedere, cum bona solvendo non sunt; l. pen. de relig. & sumpt. fun.

Pretia suorum manumissorum] Nec tantum eorum, qui testatoris proprii fuerunt, verum etiam quos hæres cum alieni essent, redimere & manumittere rogatus est, l. ejus 37. §. 1. cod. Aliarum quoque impensarum, quæ modo hæreditatis suscipiendæ causa factæ sint, deductionem permittit Justinianus, l. ult. §. in computatione 9. C. de jur. delib. Quæ sequuntur, interpretem non desiderant. Illud sciendum est, beneficium legis Falcidiae non esse perpetuum. Et jam olim etiam cessabat in testamento militis, l. 7. C. hoc tit. l. 12. C. de test. mil. item in dote mulieri relegata; propterea quod suam rem mulier recipere videtur, l. sed ususfructus 81. §. 1. hoc tit. in commodo tamen representationis legi paruisse locum, non dubito, arg. l. 2. in pr. de dot. præl. l. 1. §. si quis 10. hoc tit. Libertates quoque datæ per Falcidiam non minuebantur, l. si servus 33. cod. l. 8. §. quarta 9. de inoff. test. Hodie cessare creditur in legato in pios

usus relicto, *per auth. similiter, C. hoc tit.* quanquam in Nov. 131. c. 11. unde d. *auth. sumpta est*, hoc non dicatur absolute & contra sæpe judicatum, *Sand. lib. 4. tit. 7. de fin. 10. Christin. vol. 1. decis. 320. id fin. Fachin. 5. contr. 17.* si testator rem legatam veterit alienari, Nov. 119. cap. 12. unde *auth. sed & ea. C. hoc tit.* & in universum si prohibuerit expresse hæredem Falcidia uti. Nov. 1. c. 2. *auth. sed cum testator. C. hoc tit.* item si hæres inventarium facere neglexerit, *2. ult. C. de jur. delib.* Indignus etiam olim beneficio

legis Falcidiæ visus est, qui id egerat, ut fideicommissum intercederet: & qui non capienti rogatus erat restituere, per Senatusconsultum Plancianum quartam retinere non poterat, *l. beneficio § 9. pr. & §. 1. hoc tit.* Postremo qui sciens aut errore juris totum legatum solvit, nullam quartæ nomine conditionem habet, *l. 9. C. hor tit.* Circa detractionem Falcidiæ nihil apud nos servatur, alienum à jure Romano, *vid. Grot. 2. manduct. 23. Gudelin. lib. 2; cap. 11.*

TITULUS XXIII.

D. lib. 36. tit. 1. C. lib. 6. tit. 42. & 49. Novell. 39. 108.

De fideicommissariis hæreditatibus.

Ratio ordinis: tum quid sit fideicommissum.



Supra titulo de legatis §. 3. promisit Imperator, se separatim de jure legatorum & fideicommissorum tractaturum, ne scilicet permista utriusque juris tractatio rem ipsam redderet difficiliorem aut magis laboriosam. Exposito igitur jure legatorum, quæ ratione obligationis & tempore & jure antiquiora sunt fideicommissis, superest nunc, ut de fideicommissis instituatur disputatio; quod alterum est partitionis antepositæ membrum. Fideicommissum est, auctore Ulp. in *fragm. tit. 25.* quod non civilibus verbis, sed precativè relinquitur, nec ex rigore juris civilis proficiiscitur, sed ex voluntate datur relinquentis. Igitur sic recte definiveris, Fideicommissum est id omne, de quo quis suprema defuncti voluntate rogatus est, ut daret vel faceret.

TEXTUS.

Continuatio.

Nunc transeamus ad fideicommissa. Sed prius est, ut de hæreditatibus fideicommissariis videamus.

NOTÆ.

Fideicommissa] Fideicommissum est, quod non civilibus verbis, sed precativè relinquitur. Ulp. *tit. 25.* Legatum autem relinquitur legis modo, id est, imperativè, dato, capito, sumito, damnas esto dare. Idem *tit. 24.*

COMMENTARIUS.

1. Fideicommissi divisio: & summa eorum, quæ hic explicantur.

2. *Corpius de fideicommissis hæreditatis, quam singularum rerum agatur.*

Fideicommissum aut universale est, aut particulare seu potius singulare. Universale, quod hæreditatem vel totam vel partem ejus continet. Particulare, quo non hæreditas aut pars hæreditatis, sed res singulæ relinquuntur; quod proinde rectius dixeris singulare, aut speciale. De fideicommissis rerum singularum agitur proximè: de universalibus sive de fideicommissariis hæreditatibus hoc præsentis titulo; in quo Justinianus ostensa prius communi fideicommissorum origine & incremento, differtit de forma relinquendi fideicommissum hæreditatis ab hærede scripto, deque restitutione hæreditatis effectu; tum de Senatusconsultis Trebelliano & Pegasiano, ac mox de Pegasiani in Trebellianum transfusione: inde docet, qui restituere rogari possint. Ad extremum aliquid de suo adspersit, ad probationem fideicommissi in genere pertinens.

Prius est] Quemadmodum prius egit de hæreditibus instituendis & deferenda testamento hæreditate, quam de legatis testamento dandis, acquisitionem universalitatis, ut dignitatem, præponens acquisitioni rerum singularum, ita etiam hic prius agere voluit de fideicommissis universalibus, quæ vi & effectu idem sunt, quod hæreditas: postea de fideicommissis singularibus, quæ respondent legatis: de quibus alioqui prius dicendum fuerat juxta §. 3. de legat. Nam uti quoque monuimus in explicatione d. §. 3. exequatio legatorum & fideicommissorum, de qua illic agitur, ad fideicommissariam hæreditatem minimè pertinet; quoniam fideicommissarius restituta hæreditate hæredis loco habetur; sed

sed ad specialia fideicommissa duntaxat. Potest & hæc ratio dari, quod cum antequam de legatis differeret, egerit de deferenda directo hæreditate tum hæredem instituendo tum substituendo, recte quoque nunc atque ordine faciat, quod antequam disputet de fideicommissis rerum singularum, doceat quomodo hæreditas deferatur indirecto atque oblique, sive quomodo per fideicommissum hæredes substituantur. Vide quæ notavimus sub §. ult. per quas pers. cuique, acquir. & ad rubr. de vulg. subst.

TEXTUS.

Origo fideicommissorum.

1. Sciendum itaque est, omnia fideicommissa primis temporibus infirma fuisse: quia nemo invitus cogebatur præstare id, de quo rogatus erat. Quibus enim non poterant hæreditatem vel legata relinquere, si relinquebant, fideicommittebant eorum, qui capere ex testamento poterant. Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, iussit consulibus auctoritatem suam interponere. Quod quia justum videbatur & populare erat, paulatim conversum est in assiduam jurisdictionem; tantusque eorum favor factus est, ut paulatim etiam prætor crearetur, qui fideicommissis jus diceret, quem fideicommissarium appellabant.

NOTÆ.

1. Quibus non poterant hæreditatem] Quales præscripti, deportati, &c. exemplum habes apud Cic. lib. 1. in Verr. & ex parte, orbi, cælibes Ulp. tit. 22. §. 2. & sit. 15. cum seqq. item fœminæ ex lege Voconia. Hujus generis exempl. apud eundem 2. de finib.

Sed tantum pudore] Fide, religione, probitate. Id enim, qui tum pudor erat hominum, videbatur vinculum satis validum implendæ voluntatis defuncti.

Et populare] Th. ἡγάρεν τῷ δήμῳ. Plin. Paneg. non quia populare gratumque audientibus.

In assiduam jurisdictionem.] Ita tamen, ut extra ordinem ipsi magistratus de fideicommissis cognoscerent, non more usitato formulam & judicem darent, Ulp. tit. 29 §. 20, l. 178. §. 2. de verb. sign.

Prætor proprius] Claudius duos creavit. Suet. in Claud. c. 23. ex quibus unum Titius detraxit, l. 2. §. 31. de orig. jur. Cæterum prætor ad certam summam cognoscebat, de majore consules jus dicebant. Quint. lib. 2. c. 6. unde lucem accipit Ulp. d. loc.

COMMENTARIUS.

1. Ante D. Augusti tempora fideicommissa vim obligandi non habuisse: notato Myns.
2. Genera incapacium, & in his gratificandis fideicommissorum usus.
3. Lege Voconia mulieres hæredes institui non potuisse.
4. Accurata in hoc legis caput inquisitio.
5. Legem istam postea in desuetudinem abiisse.
6. De fideicommissis extra ordinem jus dici solitam, & quorum ea jurisdictio. n. 8.
7. Quod in l. 1. junct. l. 2. C. de leg. disponitur, non pertinere ad fideicommissa universalia.

Primis temporibus infirma] Olim ante D. Augusti tempora fideicommissa nullam vim obligandi habebant, sed eorum præstatio fide, religione, ac probitate pendeat ejus, qui rogatus erat. Nam quemadmodum quod precario alicui utendum conceditur, totum pendet à liberalitate & voluntate ejus, qui concessit, sine ulla necessitate obligationis: l. 1. & 2. de prec. ita nec ex precibus testatoris ququam invitum obstringi debere existimabant, non magis quam ex commendatione, l. 1. §. 2. de legat. 3. Nam quod potestati & arbitrio alicujus relinquitur, cujusmodi est quod rogatur, non inducit obligationem. l. in venditoris 13. C. de contr. empt. Mynsingerus primis temporibus sic interpretatur, ante legem duodecim tabb. s. vavissimo utens argumento, quod utique sub Numa Pompilio fideicommissa viguisse verisimile sit, utpote sub quo rege vel maxima vis fidei fuerit. Quæ insignis est ἀνισογονία. Sic enim ille difficit, ut videatur existimasse, jam ante urbem conditam decem viros legem tulisse, aut post legem latam regnasse Pompilium.

Quo capere ex testamento poterant] Duplex olim usus fideicommissorum fuit: unus in morientibus in peregrinatione, ubi sæpe eveniebat, ut testamentum facere non possent propter penuriam testamentum civium Romanorum: quæ res etiam usum codicillorum inexit, inf. de codic. in pr. alter in gratificandis incapacibus; cum scilicet hæres clam fidem accommodabat, ut incapaci restitueret. Quod fideicommissum tacitum dicitur, l. 103. de legat. 1. Gloss. Bas. Tacitum, σιγηδόν, ὃ ἐστὶν ἐξω τῷ ἀφαιρέσει, domestica cautione vel chirographo promissum, d. l. 103. l. 10. de his quæ ut indign. Incapacium autem 2 olim duo fuere genera: unum eorum, qui conditione personæ capere non poterant, quo in numero

erant proscripti, deportati, item dediticii & Latini Juniani, omnesque qui cives Romani non erant: alterum eorum, qui cives erant, sed propria & civili ratione aut nihil, aut non solidum, aut non ex omnium testamentis poterant capere; quales ex lege Voconia virgines, mulieres: ex lege Julia de maritandis ordinibus, coelibes, orbi. Quæ diligentius executus sum in explicatione principii *tit. de hered. inst.* Exemplum fideicommissi prioris generis incapacibus relictum in proscripto habemus apud Ciceronem *lib. 1. in Verr.* qui de prætura urbana dicitur; ubi de P. Trebonii testamento commemorat, qui cum Aulum fratrem proscriptum haberet, scripsit ut hæredes jurarent, se curaturos, ut ex sua cujusque parte ne minus dimidia ad fratrem proscriptum perveniret. Alterius generis apud eundem *lib. 2. de finib.* ubi refert, P. Sextilium Rufum, rogatum à Q. Fabio Gallo, ut omnis hæreditas ad filiam perveniret, eamque rem Rufum ad amicos detulisse. Idem *eod. lib.* memorandum fidei exemplum narrat de Sex. Peduceo, qui rogatus hæreditatem restituere uxori testatoris, cum sciret nemo, eum rogatum esse, ultro ad mulierem venit, eique nihil opinanti viri mandatum exposuit, hæreditatemque reddidit. Ostendunt hæc exempla, lege Voconia mulieres hæredes institui non potuisse, non uxorem à marito, non filiam à patre. Atque hinc porro hoc quoque certo colligitur, nec ad patris legitimam hæreditatem filias à lege admissas fuisse, multoque minus consanguineas ad successionem fratrum: ac proinde quod Paulus *lib. 4. sent. 8. de rogatione Voconia* scribit, esse ἀπαγορευμένην, quod pluribus confirmamus *inf. tit. de leg. agn. succ. §. 3.* Multorum lex Voconia scriptis celebrata est. Meminerunt Cic. *d. loc. & in orat. pro Corn. Balb.* Livius *lib. 41.* (in epitome Flori mendose legitur *Volumnius pro Voconia*.) Quint. *declam. 264.* Dio *lib. 56.* Gell. *lib. 17. cap. 6. & lib. 20. cap. 1.* Ascon. Pedian. in orat. de prætur. urban. Augustin. *lib. 3. de civ. Dei, cap. 21.* Latam esse eodem loco scribit Augustinus, inter secundum & postremum bellum Punicum: quod verum esse liquet ex eo, quod apud Ciceronem *lib. de senect.* M. Cato gloriatur se eam legem suasisse, cum jam natus esset annos LXX. sic enim legendum arbitror, non ut vulgo legitur, V. & LX. annos. Lata enim est, ut eodem loco indicitur, Q. Marcio Philippo iterum & Cn. Servilio Cæpione Cogs. quorum consulatus incidit in annum ab urbe condita 585. qui est à consulatu M. Catonis & L. Valerii Flacci 26. ut patet ex chronologia rer. Rom. Ubbonis Emmii. Legis duo fuere capita, forte etiam plura, quæ ignoramus. Nam & insipientiam legandi licentiam lege 12,

tabularum concessam, exemplo legis Furia, coërcuit, ut *tit. præc. demonstratum* est, & quod præcipuum est, sanxit, ne quis virginem neve mulierem hæredem faceret, auctore Cicerone *d. lib. 1. in Verr. Floro d. l. c. p. tom. ac ne filiam quidem, testibus Ascon. d. loc. & Augustino d. lib. 3. cap. 21.* Utrum autem simpliciter & à tota successione mulieres remotæ fuerint, an partem aliquam saltem per legem adhuc capere potuerint, incertum est. Et filias quidem certe non in totum exclusas fuisse, ostendit locus Ciceronis 2. *de finib.* ubi ait, amicos Sextilii, quem rogatum scribit hæreditatem restituere filia testatoris, censuisse, non plus filia dandum, quam posset ad eam lege Voconia pervenire. Lucium quoque Lentulum temporibus Augusti, cum adhuc vigeret lex Voconia, filiam suam ex parte hæredem scripsisse, intelligere licet ex *princ. inf. de codicill.* Dio vero *lib. 56. de fæminis* in universum refert, eas lege Voconia prohibitas κληρονομεῖν ὑπὲρ δύο ἢ ἡμισυ μισθῶν δαδίας, supra XXV. millia substantiæ. Ego, ut ut ad filias aliquid lege pervenire potuerit, non puto tamen, quod Dio scribit, ipsa lege Voconia cautum fuisse, argumento eorum, quæ ex Cicerone, Ascon. Floro, Augustino protulimus: sed postea legem, ut nimis rigidam, ita mitigatam, ut saltem partem aliquam mulieribus capere liceret, idque Dionem sic accepisse, quasi cautum à Voconio legis auctore, ut alias fieri solet. Illud tamen parum adhuc constat, quantam partem postea mulieribus percipere permisum. Quintilianus *d. declam. ait, lege Voconia cautum, ut ne mulieri plus quam semissem relinquere liceret*: sed hoc, ut in scholasticis exercitationibus fere fit, à Quintiliano confictum esse existimo cum Cujacio. Ipse autem Cujacius putat, lege cautum, ut ne quis census mulierem hæredem faceret ultra quadrantem, accommodans eo locum Dionis, quæ accipit de XXV. millibus sestertium; quippe quæ fuerit quarta pars bonorum ejus, qui census dicebatur, nempe qui centum millia sestertium possidebat, quod Asconius prodidit in *d. lib. 1. in Verr.* nam vetus ratio postea valde mutata fuit, auctisque civium opibus sestertii in locum assium surrogati videntur: siquidem initio, ut ex Livio & Dionys. Halicarn. constat, maximus census erat centum millium æris seu assium: quam summam æquant XXV. mille sestertii: quippe quorum singuli quatuor assibus postea æstimati sunt. Bachovius censet, locum Dionis rectius accipi de XXV. mille assibus, qui census initio quartæ classis fuit, & quarta census maximi pars. Interpret Dionis verit centum millia nummum: sed ille haud dubiè nummum pro asse accepit, quamvis perperam: sestertium enim nummum, non assem, dicimus, ut sit, illud constat,

stat, licet fideicommissum aliquod contra legem Voconiam aut similem relictum fuisset, ac proinde hæres nulla necessitate obstringeretur ad illud præstandum; veteres tamen existimasse, contra officium boni viri hæredem facere, fidemque violare, qui voluntati testatoris non pareret, ut perspicuum est ex eo, quod de Sext. Peduceo commemoravimus ex lib. 2. de finib. & quod Cicero eodem loco refert de Sextilio rogato omnem hæreditatem restituere filiae testatoris; Tenuit, inquit, Sextilius permagnam hæreditatem, unde si secutus esset eorum sententiam, qui honesta & recta emolumentis omnibus & commodis anteponebant, ne nummum quidem attigisset. Notatur & à Val. Maximo avaritia Corneliae, quod fideicommissa prædia filio Q. Pompejo publica quæstione prostrata non redderet, lib. 4. c. 2. in fin. Ex libris nostris manifestum est legem Voconiam postea planè in defervudinem abiisse, & jam tum sua ætate obliteratam fuisse testatur Gellius lib. 20. c. 1. Eo vero jure, quod post secutum est, nec licitum hæredi fuisse videtur, hæreditatem incapaci restituere: argumento est, quod favore si ei constitutum fuit, ut si hæres hujusmodi fideicommissio tacite fidem suam accommodasset, hæreditas ei auferretur & vindicaretur fisco, l. 1. l. 3. de jur. fisc. Ad fiscum quoque pertinuisse fideicommissum deportato relictum, constat ex l. 7. de legat. 3. Denique Ulp. tit. 25. §. fideicommissa. 5. cum generaliter definivisset, fideicommissum non aliis dari posse, quam quibus legari potest, solos mox excepit Latinos Junianos.

Gratia personarum motus] Igitur Augustus non confirmavit fideicommissa certa & perpetua lege, sed cum unum atque alterum fideicommissum confirmasset ob causas, quæ hic memorantur, consules demum auctoritatem suam interponere jussit, id est, consulibus cognitionem de fideicommissis singulis annis aut in singulis negotiis mandavit. Ait, *gratia personarum*. Ipse Augustus relictum à se fideicommissum L. Lentuli gratia, qui rogaverit, præstitit, inf. de codic. in pr. Poruit & eorum gratia moveri, ut, quibus fideicommissum relictum dicebatur, puta personæ sanguine aliave necessitudine defuncto conjunctæ, aut singulari eruditione aliisve raris animi dotibus præditæ.

Per ipsius salutem] Antiquissimum genus jurisjurandi, aut potius vehementioris asseverationis etiam sanctis viris usurpatum Genes. c. 42. 15. *ואני חַיָּה בְּפָנֶיךָ*, per salutem Pharaonis.

In asæduam Jurisdictionem] Ut jam non amplius cognitio de fideicommissis speciatim in singulis negotiis aut cotannis magistratibus mandaretur, sed ut perpetuo vi & potestate magistratus sui de fideicommissis omnibus jus dicerent, quanquam extra

ordinem, ut scilicet ipsi magistratus cognoscerent, non more judiciorum usitato formulam & judicem darent, Ulp. tit. 25. §. 10. unde fideicommissi persecutio extraordinaria dicitur, l. 178. §. 2. de verb. sign. Justinianus quidem, ut monuimus sup. §. 3. de legat. in eo quoque fideicommissa exæquavit legatis, ut iisdem ordinariis actionibus, quæ pro obtinendis legatis olim competeabant, quasque ipse postmodum pro legatis omnibus concessit, l. 1. C. comm. de legat. liceret persequi & fideicommissa, l. 2. C. eod. Verum hoc ad fideicommissa rerum singularium, duntaxat, sicut & universa exæquatio pertinet; et ratque perspicue Mynsingerus, dum id transfert ad fideicommissa hæreditatis.

Prætor proprius crearetur] Pomp. l. 2. §. capta. 32. de orig. jur. tradit, Claudium duos prætores creasse, qui de fideicommissis jus dicerent, ex quibus unum D. Titius detraxerit. Sveron. in Claud. c. 23. *Jurisdictionem*, inquit, de fideicommissis cotannis & tantum in urbe magistratibus delegari solitam in perpetuum, atque etiam per provincias potestatibus demandavit. Quod etiam Ulp. d. loc. confirmat, scribens, cognitionem de fideicommissis in provinciis fuisse præsidum provinciarum: item l. 5. C. de reb. cred. Prætoris fideicommissarii mentio fit in l. quæsitum 78. §. pen. de legat. 3. l. pen. in fin. quib. ad lib. proclam. l. si cui in pr. de cond. & dem. l. 2. C. qui pot. in pign. Neque tamen solius prætoris in urbe jurisdictione de fideicommissis propria tunc esse cæpit, sed ita partita est, ut prætor ad certam summam cognosceret, de majore consules jus dicerent. Fab. lib. 3. c. 6. Non debes, inquit, apud prætorem petere fideicommissum, sed apud consules: major enim prætoris cognitione summa est. Atque ita accipiendum quod Ulp. d. tit. scribit, cognitionem de fideicommissis Romæ esse consulum, aut prætoris, qui fideicommissarius vocatur.

T E X T U S.

De fideicommissio heredis scripti.

2. In primis igitur sciendum est, opus esse, ut aliquis recto jure testamento hæres instituat, ejusque fidei committatur, ut eam hæreditatem alii restituat: alioqui inutile est testamentum, in quo nemo hæres instituitur. Cum igitur aliquis scripserit, Lucius Titius hæres esto, potest adjicere, Rogo te Luci Titi, ut cum primum poteris hæreditatem meam adire, eam Cajo Sejo reddas, restituas. Potest autem quisque & de parte restituenda hæredem rogare: & liberum est vel pure, vel

*Vel sub conditione relinquere fideicommissum,
Vel ex certo die.*

NOTÆ.

2. *Recto jure testamento*] Scil. cum quis testamento fideicommissum vult relinquere: nam sine institutione hæredis testamentum consistere non potest, §. 34. *sup. de legat.* Cæterum potest & ab intestato fideicommissum codicillis relinqui, §. 10. *inf. eod.* *Recto jure*, id est, directo jure, Schol. Th. *ὁρθῶς, ἐξ ὁρθότητος*, sic rectum iudicium pro directo, l. 18. §. ult. *commod. recta vindicatio* pro directa l. 9. §. 2. *de acq. rer. dom.*

COMMENTARIUS.

1. *Qui cui à quo fideicommissum hereditatis rectè relinquitur.*
2. *Ex certo die aut in diem cur fideicommissum rectè datur, hereditas non item.*

Obligua acquirendæ hereditatis ratio iisdem illis rebus constat, quibus directam constare diximus *sup. §. ult. per quas pers.* videlicet de latione fideicommissi & delati susceptione. Deferre seu relinquere fideicommissum hereditatis possunt, qui & testamentum facere, l. 2. *de legat. 1. l. 1. in pr. & seqq. §. §. de legat. 3. l. 6. §. 3. de jur. codicill.* Relinqui iis potest, qui qualemque testamenti factionem habent, id est, vel passivam, ut loquuntur, *arg. §. legari 24. sup. de legat. l. 1. de legat. 1.* Neque ulla nunc est hac in parte differentia inter hæredum institutiones aullegata & fideicommissa, sive universalia sive specialia. Ab iis relinqui potest, ad quos hereditas nostra perventura est, sive directo sive oblique, sive ex testamento, sive ab intestato, sive jure civili sive jure honorario, §. *præterea 10. inf. eod.* In modo relinquendi nihil interest, utrum testamento relinquatur, an codicillis: at testamento à solo hærede instituto relinqui potest, codicillis etiam à legitimo. Susceptio utriusque factum & voluntatem desiderat, & hæredis fideicommissum restituentis, & fideicommissarii restitutum accipientis: de quibus omnibus, aut maxima eorum parte amplius in progressu.

Recto jure testamento hæres instituitur] Cum quis testamento fideicommissum vult relinquere, necesse omnino est, quod hic traditur ut testator directo aliquem testamento hæredem instituat, eumque roget, ut hereditatem alii restituat: quippe cum sine institutione hæredis testamentum consistere non possit, §. *ante 34. sup. de legat.* Utrum autem hæres institutus eodem testamento rogetur, an codicillis, nihil refert, §. 1. & 2. *inf. de codic. l. 8. eod.*

- Vel ex certo die*] Fideicommissio hereditatis hoc cum legatis & fideicommissis rerum singularum.

commune est, ut non tantum purè aut sub conditione, quomodo etiam directo potest hæres institui, verum etiam ex certo die aut in diem relinqui possit, sicut legata & singulæ res per fideicommissum, l. 1. & *pass. tit. de cond. & dem.* quamvis directo hereditas ita dari non possit. Nimirum diem hæredis institutioni adjectum pro supervacuo haberi placet, ne testator post tempus aut medio tempore, atque ita pro parte intestatus decedat, quod juris civilis subtilitas non patitur, §. *hæres 9. sup. de her. inst. l. 7. de reg. jur.* At in restitutione hereditatis hoc jus non offenditur, cum is, qui restituit, nihilominus hæres maneat, §. *seq.*

TEXTUS.

Effectus restitutionis hereditatis.

3. *Restituta autem hereditate, is quidem qui restituit, nihilominus hæres permanet: is vero, qui recipit hereditatem, aliquando hæredis, aliquando legatarii loco habetur.*

COMMENTARIUS.

Regula est juris antiqui, *Qui semel hæres extitit, non potest desinere hæres esse, l. ei qui 88. in fin. de her. inst. l. 7. §. sed quod 10. in fin. de minor.* quæ regula ex eo sumpta est, placet obligationem & actionem à persona ejus, cui aut adversus quem semel quaesita est, avelli non posse: de quo diligentius, De volente, præcipimus *inf. sub §. 1. de actionib.* Hoc igitur jure constituto consequens est, nec eum, qui rogatu defuncti hereditatem alii restituit, hæredem esse desinere, ac proinde ipsum nihilominus tanquam hæredem & experiri actionibus hereditariis & conveniri posse. Cæterum Trebelliano Senatusconsulto effectum est, ut restituta hereditate, is qui restituit, nudum tantum nomen hæredis retineat, atque ut agens exceptione hereditatis repelli, & conventus alios repellere possit, l. 1. §. 4. *ad SC. Treb.*

Aliquando heredis, aliquando legatarii loco] Loco heredis habebatur, si restituta esset hereditas ex Senatusconsulto Trebelliano; loco legatarii, si ex Pegasiano restitutio fieret, ut mox declarabit, & Ulpianus ostendit *tit. 2. §. 12.* Nam quod Giphanius scribit, fideicommissarium legatarii loco habitum, si pars tantum hereditatis ei restituta esset, falsum esse apparet ex §. *ergo 6. inf. eod.*

TEXTUS.

De Senatusconsulto Trebelliano.

4. *Et Neronis quidem temporibus, Trebellio Maximo, & Annæo Seneca Coss. Sena-*

natuſconsultum factum eſt, quo cautum eſt, ut ſi hæreditas ex fideicommiſſi cauſa reſtituta ſit, omnes actiones, quæ jure civili hæredi & in heredem competere, ei & in eum darentur, cui ex fideicommiſſo reſtituta eſſet hæreditas. Poſt quod ſenatuſconſultum prætor utiles actiones ei & in eum, qui recepit hæreditatem, quaſi hæredi & in heredem dare cepit.

COMMENTARIUS.

1. Cur in Catalogo conſulum non recenſeantur Trebellius & Seneca.

3. Quæ incommoda huic ſenatuſconſulto cauſam dederint.

3. Cur cum ſenatuſconſulta ſint pars juris civiliſ, ſenatuſ eum, cui reſtituta eſt hæreditas, heredem non fecerit, eive & in eum non dederit actiones directas.

4. Quid juris, ſi debitor hæredi, aut hæres creditori ſolverit poſt factam reſtitutionem.

Trebellio Maximo & Anneo Seneca Conſules] Hoc idem teſtatur & Ulpian. l. 1. ad Treb. Cæterum hic conſules non reperiuntur in Faſtis, ſeu indice conſulum? quare credendum eſt, eos non fuiſſe ordinarios ſive initio anni creatos, ſed ſuffectos in locum demortuorum aut remotorum: quippe, ut Dio lib. 43. & 48. reſert, anni conſulum ab hiſ duobus, qui primis duobus menſibus creati eſſent, nomen acceperunt; qui reliquis creabantur menſibus, in ſenatuſconſultis & auctoritatibus ſcribebantur; quod confirmat hic locus: cui ſimilis eſt in ſeq. nam neque Paſaſi & Puſionis faſti meminere: & in l. cum vero 26. §. ſubventam 7. de fideic. libert. ubi mentio ſit ſenatuſconſulti Rubriani, quod factum dicitur temporibus D. Trajani Rubrio Gallo & Cælio Hiſpone Coſſ. qui & ipſi in catalogo conſulum non recenſentur, ut ſuffectos eos fuiſſe oporteat. Igitur cum multi conſules Romæ ſub Imp. fierent per ſuffectionem, nemo ex ſuffectis in faſtos reſerebatur, ſed ſoli duo, qui anni initio magiſtratum auſpicati eſſent. Quamobrem excuſandus eſt Auſonius, qui in gratiar. act. ad Gratianum negat, Senecam conſulem fuiſſe.

Si hæreditas ex fideicommiſſi cauſa reſtituta ſit] In omni legato & fideicommiſſo ineſt hæc conditio, ſi hæres, à quo relicta ſunt, hæres extiterit; quod in fideicommiſſis ex reſtituendi verbo ſatis intelligitur. Qua de cauſa, ſi hæres aut adire hæreditatem noluerit, aut antequam adeat, mortuus ſit, aliæ ratione deſecerit, hic eveniet, ut deſtituto teſtamento, fideicommiſſum quoque pereat, uti cætera, quæ in teſtamento ſcripta ſunt, non adita hæreditate invita ſunt, l. 9. de

teſt. tunc. l. eam quam 14. C. de fideic. l. 13. §. quid ergo 3. l. ita tamen 27. §. quotiens 6. ad ſen Trebell. Cum autem hæredes, qui rogati erant hæreditatem reſtituere, aut metu litium, aut prætextu metus hæreditatem adire plerumque recuſarent: cumque eſſet æquiſſimum, eos onera ſubire, in quos jus fructusque transferretur, potius quam cuiquam fidem ſuam eſſe periculofam; ſenatuſconſulto Trebelliano dubitatio hæredum cum metu incommodi ſublata eſt, cautumque, ut quæ actiones in heredem competunt, darentur in eum, cui ex fideicommiſſo reſtitueretur hæreditas, quo magis in reliquum confirmarentur ſupremæ deſunctorum voluntates, l. 1. §. 2. & 3. eod.

Quæ jure civili] ſenatuſloquitur de transferendis hiſ actionibus, quæ jure civili hæredi & in heredem competunt: tranſeunt tamen ex ſenatuſ ſententia & actiones honorariæ, veluti actio ex conſtituto, ex jurejurando, & ſimiles: imò & cauſam naturalium obligationum tranſire placet, l. quamvis 40. l. ſi ejus 64. in pr. eod.

Ei & in eum] Quemadmodum ſenatuſ hæredibus ſubventum voluit in eo, quod actiones, quæ in heredem competeabant, dari voluit in fideicommiſſarium, ut poſſet hæres, ſi à creditoribus hæreditariis conveniretur, uti exceptione reſtitutæ hæreditatis; ita & ſubvenit fideicommiſſariis in eo, quod actiones, quæ hæredi competeabant fideicommiſſario dari voluit, cui ſoli ob hoc agendi efficaciter facultas competit; hæres autem agens per exceptionem à creditoribus hæreditariis repelli poteſt, d. l. 1. §. 4. Planè non ultra actiones ex ſenatuſconſulto tranſeunt, quam pro ea parte hæreditatis, quæ rogatu teſtatoris reſtituta eſt, §. 6. inſ. eod.

Prætor utiles actiones] Licet ſenatuſconſulta pars ſint juris civiliſ, ac proinde per ſenatuſconſultum hæres effici poſſit, ut efficitur ſenatuſconſultis Tertulliano & Orſiciano; eum tamen, cui ex fideicommiſſo reſtituta eſt hæreditas, ſenatuſ heredem non fecit, propterea quod jam alius jure civile per aditionem hæres factus locum obtinet, quem ſtricta juris ratio non patitur definire heredem eſſe: quæ eadem porro ratio efficit, ut nec directæ actiones ad fideicommiſſarium tranſire queant, ſed ut ſemel hæredi quaſitæ ſunt, ita perpetuò apud eum maneant, neque à perſona ejus poſſint ſeparari. Cum igitur actiones directæ non poſſint & apud heredem manere & ſimul pari jure fideicommiſſario aut in fideicommiſſarium dari, prætor ex auctoritate ſenatuſ utiles ei & in eum, tanquam hæredi & heredem, actiones dedit, ut hic ſcriptum eſt: conve-

nit: l. filiusfamilias. 12. §. ult. ad leg. Falc. & l. pen. in fin. hoc tit. Neque injuria fit, creditoribus hæreditariis, quod ad omnes eorum directæ mutantur in utiles: nam nova utilis, quæ succedit, ejusdem cum vetere potestatis est, eundemque effectum habet, l. prope de neg. gest. In summa Senatusconsulto Trebelliano hoc effectum est, ut actiones, quæ hæredi & in hæredem jure civili competunt, post restitutionem hæreditatis in persona hæredis inutiles sint, utque agens exceptione repelli, conventus alios repellere possit. Contra vero in persona fideicommissarii sint efficaces, ut is solus & agat efficaciter & conveniatur.

4. Sed quid si debitor post restitutionem hæreditatis hæredi solverit? aut quid si hæres post restitutionem factam solverit creditori? Poterit solum per conditionem indebiti repeti, l. si quis 64. in pr. eod. quippe cum post restitutionem inutilis plane atque inefficax per Senatusconsultum in persona hæredis obligatio fiat, & vineulum quoque æquitatis tollatur, ita ut nuda tantum civilis obligatio remaneat. Enimvero si hæres aut debitor solverint, eum scirent, se tutos esse exceptione, cassabit conditio, l. si non sortem 26. §. 3. de cond. ind. quoniam donare voluisse præsumuntur, l. cuius 53. de reg. jur.

T E X T U S.

De SC. Pegasiano.

5. Sed quia hæredes scripti, quam aut totam hæreditatem, aut penè totam plerumque restituere rogabantur, adire hæreditatem ob nullum vel minimum lucrum recusabant, atque ob id exstinguebantur fideicommissa: postea Vespasiani Augusti temporibus, Pegaso & Pusione Coss. Senatus censuit, ut ei, qui rogatus esset hæreditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permessa est. Post quod senatusconsultum ipse hæres onera hæreditaria sustinebat: ille autem, qui ex fideicommissis recipiebat partem hæreditatis, legatarii partiarum loco erat, id est, ejus legatarii cui pars bonorum legabatur: quæ species legati partitio vocabatur, quia cum hærede legatarius partiebatur hæreditatem. Unde quæ solebant stipulationes inter hæredem & partiarum legatarium interponi, eadem interponebantur inter eum, qui ex fideicommissis re-

cepit hæreditatem & hæredem, id est, ut lucrum & damnum hæreditarium pro rata parte inter eos commune esset.

NOTÆ.

Partiebatur hæreditatem] Id est, res hæreditatis: neque enim legatarius partiarum efficiebatur successor juris, ullæque actiones hæreditariæ ei, invecum dabantur.

COMMENTARIUS.

1. Quæ incommoda Pegasiano Senatusconsulto causam dederint.
2. Hoc Senatusconsulto vim legis Falcidia productam ad fideicommissa hæreditatis.
3. Discrimen legis & Senatusconsulti circa res, quæ impotentur.
4. An hoc demum Senatusconsulto Falcidia producta ad fideicommissa singularia.
5. Trebelliani & Pegasiani differentia.
6. Legatarius partiarum: & stipulationes partis pro parte.

T Amethi Senatusconsulto Trebelliano cautum erat, ut omnia onera hæreditaria in eum cui ex fideicommissis restituta esset hæreditas transferrentur, id tamen nondum sufficiebat ad invitandum hæredem ad adeundam hæreditatem. Quamvis enim nullum damnum post hoc Senatusconsultum hæredi adeunti & restituenti immineret, tamen ut est ingenium humanum, recusabant adhuc plerumque hæredes scripti adire hæreditatem alieni emolumentum causa, unde ipsi nullum aut exiguum lucrum percipere erant: atque ita fiebat adhuc, ut fideicommissum hæreditatis sæpè intercideret. Huic igitur incommodo occursum est Senatusconsulto Pegasiano, cautumque ut ei, qui rogatus esset hæreditatem restituere, perinde liceret quartam partem retinere, atque ex lege Falcidia delegatis conceditur.

Perinde &c. atque ex lege Falcidia] Quod lex Falcidia in legatis, illud ipsum valet Senatusconsultum Pegasianum in restituenda hæreditate. Quin potius hoc Senatusconsulto vis legis producta est ad fideicommissa hæreditatis. Justinianus orat. ad Senat. Pegasianum factum esse ait *ὅτι τὴν τῆς Φαλκιδίου μέμνηται* Atque hinc est, quod veteres etiam quartam hujus Senatusconsulti, quam nunc vulgo Trebellianicam vocant, non quartam Pegasiani, sed quartam Falcidiæ, aut commodum Falcidiæ perpetuo appellarint, ut videre est in l. coheredi 41. §. 3. de vulg. & pup. l. 2. §. ult. de jur. cod. l. 18. l. in ratione 30. §. tametsi

est 7. l. 47. §. 1. l. Titia 86. l. acceptis 93. ad leg. Falc. l. 2. l. 3. l. mulier 22. §. 2. l. si patroni 35. §. 2. l. deducta 58. §. 3. hoc tit. ad Senatuscons. Treb. l. 1. l. 10. l. 11. C. ad leg. Falc. Ulpian. tit. 25. §. 12. sup. quib. mod. test. inf. §. 3. Est tamen adhuc aliquod discrimen circa res, quas in hac quartam imputari placet. Nam in Falcidiam, quæ ex legatis deducitur, ea tantum imputantur, quæ jure hæreditario hæres capit: in quadrantem verò Pegasianum etiam ea, quæ hæres fiduciarius capit jure legati vel fideicommissi, aut implendæ conditionis causa, l. quod autem 74. l. id autem 76. l. in quartam 91. ad leg. Falc. Quæ differentia inde nata videtur, quod lex Falcidia ultra dodrantem legari vetat, ut proinde apud hæredem quarta pars non quarumlibet rerum, sed hæreditatis manere debeat: non prohibet autem senatus ultra dodrantem hæredis fideicommitteri: tum etiam, quod Falcidia voluntati testatoris subservit, quem verisimile non sit legatis patrimonium suum exhaustum voluisse, sed potius, opinioni ejus non respondere calculum facultatum: at Senatusconsultum manifestè testatoris voluntati adversatur, quæ hæc est, ut restitutâ hæreditate apud hæredem nihil præter ædum nomen hæredis remaneat. Planè nec pars ea prælegati, quæ à cohærede accipitur, hæredi fiduciario in quartam imputatur, l. 18. §. ult. hoc tit. l. Titia 86. d. l. in quartam 91. ad leg. Falc. l. filium 24. C. fam. etc. fortè quod verisimile non sit, testatorem, qui portionem cohæredis hæcenus imminuit, voluisse, ut alteri id in quartam partem ejus partis, quam restituere jussus est, imputaretur. Variant tamen in hac re interpretes: videlicet Don. 7. comm. 30. & 8. c. 26. Ant. Fab. 6. conjec. 3. 4. & 5. Cujac. 8. obs. 4. Fachin. 5. contr. 13. & 16. qui & alios citat. Bachov. in Treutl. vol. 2. disput. 13. thes. 30.

Ex singulis quoque rebus] Hinc plerique colligunt, ante Senatusconsultum Pegasianum non licuisse hæredi quartam partem de singulis rebus per fideicommissum relictis retinere, atque hoc demum Senatusconsulto legem Falcidiam productam etiam ad fideicommissa particularia: quod quamobrem mihi non probetur, & cur hoc jus antiquius Senatusconsulto existimem, exposui sup. tit. prox. in pr. Illa etiam ratio nunc me movet, quod utrumque Senatusconsultum circa idem subjectum versetur. Nam etsi non idem Senatusconsulto Pegasiano cautum est, quod antea cautum erat Senatusconsulto Trebelliano, de eodem tamen utroque cautum esse constat, videlicet de hærede rogato restituere hæreditatem, non de eo, qui oneratus sit fideicommissis particularibus. Verba Trebelliani referuntur in l. 1. §. 2. hoc tit. Igitur quartæ de singulis rebus per fideicommissum relictis detractio Pegasiano Senatusconsulto accepta ferri non debet, sed juri antiquiori, & ipsi legi Falcidie

ex interpretatione prudentum. Neque obstant verba hujus textus: quippe quibus hoc solum significari existimo cum Bachovio, ut si hæres & hæreditatem partemve hæreditatis restituere jussus est, & insuper ab eo particularia fideicommissa relicta sunt, non tantum quartam deducere possit ex fideicommissis hæreditatis, sed pro rata etiam ex particularibus relictis; quemadmodum eodem modo pro rata quoque detraheretur ex legatis, si quæ testator simul reliquisset, l. 30. §. 2. hoc tit. ad Senatuscons. Treb. Quis sit hujus disputationis fructus, intelliges ex iis, quæ n. 3. add. Vas. de success. resol. lib. 2. §. 1. D. Talden. comm. in tit. seq. c. 4.

Ipsæ hæres onera sustinebat] Trebellianum transferebat onera in fideicommissarium; retentionem autem nullam permittebat. Pegasianum retentionem quartæ partis concedebat; onera verò nulla transferebat, quasi sufficere hæredibus deberet, quod quarta pars ipsorum lucro cederet: ob cujus commodi perceptionem onera & judiciorum molestias subirent, nomina hæreditaria persequerentur, sic ut juxta erat ex lege antiqua 12. tabb. l. ea quæ 6. C. fam. etc. Igitur restituta ex Senatusconsulto Pegasiano hæreditate, id est, quarta ex auctoritate hujus Senatusconsulti contra voluntatem testatoris retenta, ipse hæres solus atque in solidum onera hæreditaria sustinebat, cessante videlicet Senatusconsulto Trebelliano; utpote cui locus non erat, nisi ubi secundum voluntatem defuncti hæres restituisset, §. seq.

Legatariis partiaris loco erat] Universalitatem alicui legari posse, id est, partem dimidiam, tertiam, aut quartam bonorum aut hæreditatis, docuimus sup. de legat. in pr. Neque tamen hunc legatarium, quem partiarium appellabant, fuisse successorem juris, utlasve actiones hæreditarias ei inve ullo datas, sed partem bonorum sibi legatam sine ullo incommodo obtinuisse: id quod verum esse, hic locus clarè ostendit: nam si actiones in hujusmodi legatarium transiissent, quemadmodum ex Senatusconsulto Trebelliano transeunt in eum, qui recepit hæreditatem, non magis opus fuisset interpositione stipulationum partis & pro parte, quarum hic fit mentio, inter hæredem & legatarium partiarium, quam inter hæredem, & eum, cui ex Trebelliano restituitur hæreditas.

Partitio vocabatur] Is, cui pars bonorum legata erat, legatarius partiaris dicebatur, atque hæc legatæ species partitio, Ulpian. tit. 24. §. 2. & tit. 25. §. 13. Meminit & Cic. 2. de legib. Rationem appellationis hanc esse ait Justinianus, quoniam cum hæredem legatarius partiebatur hæreditatem, id est, res hæreditarias seu universa bona; quomodo & hæreditas vendi dicitur: neque enim legatarius partiaris efficiebatur successor juris, ut jam dictum est.

Vnde quæ solebant stipulationes, &c.] Inter hæredem & legatarium partiarum solebant interponi stipulationes de lucro & damno communicando, propriè dicebantur partis & pro parte, §. seq. quippe hæres, sive quid deberet hæreditas, solvebat, si quid deberetur, idem exigebat: sed antequam hæreditatem adiret, stipulabatur à legatario partiaro, Si quid à me solutum sit, ejus te partem redditurum spondes? & vicissim alter ab hærede; Si quid exegeris, ejus partem mihi daturum spondes? Quæ stipulationes postea inter hæredem quoque, & eum, cui deducta quarta ex Senatusconsulto Pegasiano restituebatur hæreditas, interponi cœperunt, ut remedium harum stipulationum lucrum & damnum pro rata parte communicaretur: nam solus hæres hoc casu actiones & exercebat & excipiebat, vid. Paul. 4. sent. Ulp. tit. 25. §. 13. Theoph. hic.

TEXTUS.

Quibus casibus locus est SC. Trebell. vel Pegasiano.

6. Ergo siquidem non plus quam dodrantem hæreditatis scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utrumque actiones hæreditarie pro parte rata dabantur: in hæredem quidem jure civili: in eum vero, qui recipiebat hæreditatem ex Senatusconsulto Trebelliano, tanquam in hæredem. At si plus quam dodrantem, vel etiam totam hæreditatem restituere rogatus esset, locus erat Pegasiano Senatusconsulto: & hæres, qui semel adierat hæreditatem (si modo sua voluntate adierat) sive retinuerat quartam partem, sive retinere noluerat, ipse universa onera sustinebat. Sed quarta quidem retenta, quasi partis & pro parte stipulationes interponebantur, tanquam inter partiarum legatariorum & hæredem: si vero totam hæreditatem restitueret, emptæ & venditæ hæreditatis stipulationes interponebantur. Sed si recusabat scriptus hæres adire hæreditatem, ob id, quod diceret, eam sibi suspectam esse, quasi damnosam, cavebatur Pegasiano Senatusconsulto, ut, desiderante eo, cui restituere rogatus esset, jussu prætoris adiret, & restitueret

hæreditatem: perindeque ei & in eum, qui reciperet hæreditatem, actiones darentur, ac juris est ex Trebelliano Senatusconsulto: quo casu nullis stipulationibus est opus: quia simul & huic, qui restituit, securitas datur, & actiones hæreditariæ ei & in eum transferuntur, qui recipit hæreditatem: utroque Senatusconsulto in hac specie concurrente.

COMMENTARIUS.

1. An hæres, qui ultro totum quod rogatus est, restituit, solus onera subeat ex Pegasiano.
2. Stipulationes emptæ & venditæ hæreditatis.
3. Caput Senatusconsulti de coactione recusantis adire.

Non plus quam dodrantem] Senatusconsulti Pegasiani duo principalii capita fuere, quorum una cavebatur de hærede rogato totam hæreditatem aut plus quem dodrantem restituere; altero de eo hærede fiduciario, qui adire hæreditatem recusabat: nihil autem hoc Senatusconsulto cautum de hærede, qui ex voluntate defuncti quartam aut amplius habens ultro hæreditatem adiit. Itaque hoc casu restitutio fiebat ex Senatusconsulto Trebelliano, & pro rata actiones transferebatur in fideicommissarium sine ope stipulationum, Ulp. tit. 25. §. 11 qui 12.

Pro parte rata] V. c. Hæres rogatus quarta parte retenta reliquam hæreditatem restituere, fidem præstitit. Existit creditor hæreditarius, cui centum debentur: huic in 75. utilis ex Trebelliano adversus fideicommissarium actio datur: in reliqua 25. directam habet jure civili adversus hæredem.

Si modo sua voluntate] Nam si à prætore coactus adierat, transferebantur actiones omnes in fideicommissarium, ut cautum erat Senatusconsulto Trebelliano: de quo mox plura.

Ipse universa onera sustinebat] Ait, hæredem rogatum totam hæreditatem aut supra dodrantem restituere, si modo illa sponte hæreditatem adiisset, etiam si eam secundum voluntatem defuncti restituisset, id est, sine deductione quartæ, universa onera hæreditaria sustinuisse, atque ita nec hoc casu actiones in eum, qui recipiebat hæreditatem, post Senatusconsultum Pegasianum fuisse translatas: quod perquam absurdum videtur. Utique enim, propter commodum, quod hæres ex eo Senatusconsulto consequeretur, ut contra voluntatem defuncti quartam partem retinere posset, vicissim senatui visum est, ipsum solum onera hæreditaria sustinere; quo casu etiam necessariò cessat Senatusconsultum

Trebellianum, At ut hæres eo etiam casu, quo ultro voluntari defuncti parer, totumque quod rogatus est restituere, restituit, onera hæreditaria solus subeat, nulla ratio esse videtur? quippe cum hic non minus restitutio fieri possit ex Senatusconsulto Trebelliano, atque actiones ex eo transferri, quam cum hæres ex voluntate testatoris quartam integram habet, & reliquum restituit; quo casu actiones pro rata in fideicommissarium dari, in *pr. hujus §.* dictum est. Finge hæredem rogatum dextrantem restituere, cumque plenam fidem defuncto præstare malle, quam contra ejus voluntatem aliquid retinere potest. Senatusconsulti Pegasiani, Cur hoc casu non æquè fieri possit restitutio ex Senatusconsulto Trebelliano, & actiones pro dextrante transferri in fideicommissarium, quam cum ubi dodrantem restituere jussus est, & restituit, transferuntur pro dodrante? Diversi juris non alia fuisse videtur ratio, quam quod cum hæres salvum habet quadrantem ex judicio defuncti, Senatusconsulto Pegasiano uti non potest, etiam si maximè velit: nam ad hunc casum Senatusconsultum illud non pertinet, sed intacta hætenus prioris Senatusconsulti mansit auctoritas. At vero cum plus quam dodrantem rogatus est restituere, tum uti potest posteriore Senatusconsulto; quod in hunc casum prospexit, & prioris vim ac potestatem quodammodo sustulit. Quamobrem si is, qui beneficio Pegasiani juvari poterat, eo usus non sit, remisisse illud, atque in hoc hæredi fideicommissario gratificari voluisse censetur, ut tam oneribus hæreditariis obstrictus maneat, quam si detracta quarta reliquum duntaxat restituerit. Facit eo quod scribit Paulus, *4. sent. 3. §. ult.* qui totam hæreditatem restituit, cum quartam retinere ex Pegasiano debuisset, repetere eam non posse. Cæterum ut arbitror, aut summi juris ratio hoc efficiebat, aut quod magis puto, pertinuit ad eum casum, quo hæres, qui Pegasiano uti poterat, totam hæreditatem simpliciter restituit. Quod si enim nominatim testatus fuisset, velle se hæreditatem restituere ex Senatusconsulto Trebelliano actionum transferendarum causa, non video cur hoc admitti non debuerit. Imo restitutionem ita ex Trebelliano solitam fieri, expressè tradit Paul. *d. lib. & tit. §. 1.* & Modestinus. *l. qui totam 4. §. hoc tit.* quo tamen loco consultius putat, suspectam ut hæres dicat hæreditatem, coactusque à prætore restituat; quo & ipso casu ex Trebelliano restitutio fieri intelligitur, & actiones transferuntur: atque hoc etiam Cujacius observasse videtur, qui in *not. ad Paul.* scribit, eum qui totam hæreditatem restituere rogatus est, si Falcidiam omittat fidei explendæ gratia, vel ex Senatusconsulto Pegasiano restituere debere, interpositis emptæ & venditæ hæreditatis stipulationibus, vel quod expe-

ditius est, ex Senatusconsulto Trebelliano, aut vi prætoris ex Pegasiano coactus, nullis interpositis stipulationibus.

Quasi pars & pro parte] De quibus dictum §. *prac.* Nam ad exemplum partis & pro parte stipulationum, quæ de lucro & damno communicando interponi solebant inter hæredem & legatarium, partiarium, hac quoque in causa interponebantur inter hæredem & fideicommissarium, ut inter illum pro quadrante & hunc pro dodrante commoda & incommoda communicarentur, Ulpian. *tit. 25. §. 13. Paul. d. lib. & tit. in princ. Theoph. hic.*

Empta & venditæ hæreditatis] Cum tota hæreditas rogatu defuncti sponte restituebatur, emptæ & venditæ hæreditatis stipulationes interponebantur. Quales illæ stipulationes fuerint, nusquam diserte traditum est, nisi quadantenus apud Ulpian. *l. in illa 50. §. 1. de verb. obl.* ubi hæc ex parte emptoris profertur; *Quanta pecunia ad te pervenerit, dolore malo tuo factum est eritve, quo minus perveniat, subaudiendum, tantam dari spondes?* Ex quo cum Hotomanno suspicari licet, hanc ferè contrariæ stipulationis formulam fuisse? *Quantam pecuniam hæreditatis causa præstitero, solvero, tantam dari spondes?* Etenim inter emptorem & venditorem hæreditatis id agi constat, quod Ulpian. scribit *l. 2. de har. vel. act. vend.* ut neque amplius neque minus juris emptor habeat, quam apud hæredem futurum esset, effectu scilicet: neque enim vi istarum stipulationum actiones hæreditariæ in emptorem transferri potuerunt. At enimvero, ut non multo ante probavimus, potuit hoc casu & ex Trebelliano nominatim restitutio sic fieri, ut actiones transferrentur sine interveni hujusmodi stipulationum.

Si recusabat hæres scriptus] Alterum hoc principale caput Senatusconsulti Pegasiani fuit, ut si hæres recusaret adire hæreditatem, jussu prætoris adire & restituere cogeretur, *l. 4. l. 6. §. 2. l. 14. §. pen. & passim hoc tit. l. si quis 17. si quis om. ca. test. Ulp. tit. 25. §. 14.* At inquires, cum adire facti sit, ad quod nec servus à domino præcisè compelli potest, *l. 3. C. de har. inst.* quomodo ad id compelleretur hæres? Compelli præcisè posse, non existimo, sed contumaciam hæredis pro aditione habendam, *l. pen. §. 1. Cod. hoc tit.*

Quasi damnosam] Sufficit autem hoc ab hærede allegari: neque enim inquiritur, solvendo sit hæreditas, nec ne. Sed neque præscribitur hæredi cur metuat hæreditatem adire, vel cur nolit; cum variae sint hominum voluntates, quorundam negotia timentium, quorundam vexationem, quorundam æris alieni cumulum, tamen locuples videatur hæreditas, quorundam offensas vel invidiam, quorundam gratificari volentium his, quibus hæ-

reditas relicta est, sine onere tamen suo, d. l. 4. hoc tit.

Quo casu nullis stipulationibus est opus] Jussu prætoris adita & restituta hæreditate, ei & in eum, qui recepit hæreditatem, actiones dantur perinde atque si ex Trebelliano Senatusconsulto restituta fuisset, idque ut ita fiat, Pegasiano Senatusconsulto cautum esse scribit Ulp. d. l. 1. & §. Quamobrem nullis hic stipulationibus opus erit. Ut autem restituenti hoc casu prospectum, ne ullum damnum sentiat, ita vicissim omne commodum amittit, quod si cogi se passus non esset, vel beneficio Pegasiani, vel ex voluntate defuncti, percipere potuisset, d. l. 4. d. l. 14. §. qui compulsi 4. l. 1. §. 27. §. 2. & §. præceptum 14. hoc tit.

Vtroque Senatusconsulto concurrente] Nam quod hæres in ius coquebatur adire à prætore, id erat ex Senatusconsulto Pegasiano; quod actiones transferrentur in eum, qui recipiebat hæreditatem, ex Trebelliano.

TEXTUS.

Pegasiani in Trebellianum transfusio.

7. Sed quia stipulationes ex Senatusconsulto Pegasiano descendentes & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat; & nobis in legibus magis simplicitas, quam difficultas placet: ideo omnibus nobis suggestis tam similitudinibus, quam differentiis utriusque Senatusconsulti, placuit, ex ploso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissarie hereditates restituantur: siue habeat hæres ex voluntate testatoris quartam, siue plus, siue nihil penitus: ut tunc, quando vel nihil, vel minus quarta apud eum remanet, liceat ei vel quartam, vel quod ei deest, ex nostra auctoritate retinere, vel repetere solum, quasi ex Trebelliano SC. pro rata portione actionibus tam in heredem, quam in fideicommissarium competentibus. Si vero totam hereditatem sponte restituerit, omnes hereditaria actiones fideicommissario, & adversus eum competant. Sed etiam id, quod præcipuum Pegasiani Senat-

consulti fuerat, ut quando recusaret hæres scriptus sibi datam hereditatem adire, necessitas ei imponeretur totam hereditatem volenti fideicommissario restituere, & omnes ad eum, & contra eum transferre actiones. Et hoc transposuimus ad Senatusconsultum Trebellianum, ut ex hoc solo necessitas hæredi imponatur, si ipso nolente adire, fideicommissarius desideret restitui sibi hereditatem, nullo nec damno nec commodo apud heredem remanente.

NOTE.

Vel repetere solum] Solum scilicet errore facti, non juris, l. 9. C. ad leg. Falc. v. gr. Qui 100. in bonis habebat, 100. legavit. Hæres integra legata solvit. Si errore facti, credens eam esse quantitatem patrimonii defuncti, ut ex omissis legatis adhuc abunde sibi ad quartam Falcidiae superstitis, repetitionem habet: si errans in iure, non habet. Id est, si non ignorabat quantitatem substantiæ; putabat autem se quartæ retentionem non habere. Idemque juris est in restitutione fideicommissi, ut hinc.

Pro rata portione] l. 1. C. h. t. Onera tamen legatorum ad solum fideicommissarium spectant, l. 1. §. ult. D. eod. & ibi Accurs. DD. in l. 2. & ult. C. eod. nisi minus dodrante restituere hæres roperus sit: tunc enim pro eo, quod ultra quartam habet, etiam legatorum onera ad eum pertinent, l. 1. §. pen. eod. Gloss. & Dd. ubi sup.

Totam hereditatem sponte] Dum fidem obsequium defuncti precibus præbere desiderat, l. 45. ad SC. Treb. & pleniore officio fidei præstandæ fungi, l. 5. §. 15. d. de op. int. vir.

COMMENTARIUS.

1. Cur stipulationes ex Senatusconsulto Pegasiano descendentes cariose vise.
2. An hæres, qui non confecit inventarium, amittat quartam Senatusconsulti: & an testator deductionem huius quartæ vetare possit.
3. Duplex deductio juxta c. Rainutium.
4. Pro qua parte actiones transcant aut remaneant.
5. Explicatur l. 5. C. h. t.
6. Legatorum onera ad solum fideicommissarium pertinere.

TRansfunditur hoc loco vis omnis Senatusconsulti Pegasiani in Trebellianum, ut jam ex solo Senatusconsulto Trebelliano restituantur hereditas. Itaque hæres nunc quasi ex hoc Senatusconsulto quartam vel quod quartæ deest, retinere potest; ex eodem actiones pro rata communica-

END:

tur: si hæres adire & restituere nolit, ex hoc Senatus-consulto cogitur: restituta tota hæreditate sive sponte sive jussu prætoris, actiones omnes in fideicommissarium transeunt: nullusque jam amplius usus stipulationum, quarum antea meminit.

Ex Pegasiano Senatusconsulto descendentes] Stipulationis partis & pro parte, emptæ & venditæ hæreditatis non sunt Senatusconsulto Pegasiano primum introductæ, sed sunt antiquiores. Dicuntur autem hic ex pegasiano descendere, quia eo Senatusconsulto translatae sunt ad restitutionem hæreditatis, locum non habente Trebelliano. Horomannus hinc colligit, nominatim Senatusconsulto mentionem harum stipulationum factam fuisse.

1 Captiosas] Captiosæ fuerunt stipulationes emptæ & venditæ hæreditatis, itemque partis & pro parte, quia salve nihilominus hæredi & adversus hæredem actiones manebant. Neque enim ob harum stipulationum interpositionem cogeantur creditores fideicommissarium convenire, sed hæres lites excipiebat, & solum creditoribus a fideicommissario reperebat: sicut è diverso fideicommissario cum hærede agendum erat, ut quod à debitoribus exegisset, redderetur. Ob has difficultates & litium anfractus facile eveniebat, ut alter damnum pateretur, vel propter calumniam, vel propter inopiam alterius: quod cum ex Trebelliano restituitur hæreditas, commodè potest vitari. Nam quatenus hæreditas restituta est, carens hæres si conveniatur, exceptione restitutæ hæreditatis se tueri potest; & vicissim si ipse experiatur, eadem exceptione repellitur. Captiosas igitur hæc stipulationes Papinianus appellat, non quia calidæ aut argutæ, sed quia captioni & damno obnoxie, plenæque difficultatibus; quia captiosæ propter has stipulationes Senatusconsulti Pegasiani ambages, auctore Justiniano l. 2. C. de vet. jur. enuel. Captiosum enim nostris etiam id dicitur, quod alicui fraudi aut damno est, l. 5. de transact. l. 14. §. aliquando §. vers. unde quidam, quod met. ca. l. 6. §. si quid 10. que in fraud. credi. Recte igitur Theophilus reddidit *ἡνικαυτός*, id est, damnosus: neque casum video, cum Bachovio hæc ratio appellationis non placeat.

In legibus magis simpliciter] Laudat in §. cæterum 3. inf. de legit. agn. success. legem 12. tabularum, quod simpliciter legibus amicam amplexa sit in legitima agnatorum successione: Quod autem legumlatoribus in codendis legibus placere videmus, id etiam in earum interpretatione nobis sequendum est, vitandæque argutiæ, subtilitates, scrupulositates, obscuritates, distinctiones ac differentie nimie.

Senatusconsulto Trebelliano prestare] Quod planius erat, & citra captiosos circuitus ipso jure, quoad vim & effectum, transferebat id, quod non nisi per

stipulationes interpositas, longosque & captiosos ambitus Pegasianum exercebatur.

Vel quartam vel quod deest] Hinc interpretes quartam hanc dixere Trebellianicam. Veteribus autem nunquam alio nomine, quam Falcidie appellatur, ut ostendi sup. §. 5. nimirum quia Senatusconsulto Pegasiano non tam nova quarta introducta fuit, quam quarta Falcidie producta ad fideicommissa universalis. Ex quo porro intelligitur, appellatione quartæ Falcidie etiam proprie hanc quartam contineri, & proinde positis terminis habilibus, atque in dubio, ubi expressè nulla differentia constituta est inter quartam, quam hæres de singulis rebus detrahit, & quam retinere potest ex fideicommissio hæreditatis, quicquid de Falcidia jure nostro cautum est, ex æquo ad utramque partem pertinere. Veluti quod Justinianus constituit, ut hæres, qui inventarium facere neglexit, beneficium Falcidie amittat, l. ult. §. pen. Cod. de jur. de lib. item quod Falcidie locus non est, si testator expressè vetuerit hæredem ea uti. Nov. 1. cap. 2. Omnino enim verisimile est, Justinianum perpetuum omnium auctorum juris usum secutum, utramque quartam uno Falcidie nomine comprehendisse. Atque hoc si animadvertissent interpretes, nemo eorum repertus esset, qui ausus fuisset hoc negare. At nunc tanta frequentia in contrarium itum est, ut difficile dictu sit, utra sententia majori numero & rerum judicatarum auctoritate nitatur, vid. Ferrar. in form. libell. pro leg. rei sing. num. 5. Gom. 1. resol. §. num. 11. & 12. Euerh. in Top. à Falc. ad Trebell. loco 34. Gail. 2. obs. 138. num. 16. Clar. §. testam. quest. 62. Mantie. 7. de con. ult. vol. 11. & 12. Faehin. §. cont. 4. Perez. ad tit. C. de jur. del. num. 14. & C. ad Senatusconsult. Treb. num. 20. Christin. vol. 1. decis. 316. & vol. 4. decis. 25. §. 1. & 52. D. Talden. comm. in tit. prac. cap. 3. Apparet tamen ex allegatis, à Christineo sic fere usu receptum esse, ut etiam detractio quartæ Senatusconsulti expressè prohiberi possit, præterquam in liberis primi gradus, quos etiam apud nos obtinere refert Grot. 2. manud. 20. Intellige autem per liberos primi gradus non tantum filios, sed etiam nepotes, &c. quos nemo in suo ordine antecedit. Ob inventarium verò non confectum hæredem non amittere quartam Senatusconsulti. Et ita sæpissime judicatum Myns. 3. obs. 60. Gail. d. obs. num. 3. & 6. Decis. Cur. Holl. 3. add. citatos à Christin. d. decis. 1. num. 3. Jure Canonico liberis universali fideicommissio gravatis duplex detractio permixta est, legitimæ & Trebellianicæ, cap. Raimutus X. de testam. quod quam legibus civilibus incognitum est, vid. Cujac. 8. obs. 4. Hotom. illust. quest. 43. usum tamen etiam in foro civili per totum mundum receptum esse, & tanquam Evangelium praticari, testantur Bald. & Ias.

in auth. res quæ, C. comm. de legat. Castr. in l. jubemus 6. Cod. ad Senatuscons. Trebell. Christin. vol. 1. decis. 245. & dec. 315. eoque jure etiam nos utimur. Grot. 2. manuduct. 20. decis. Cur. Holl. 3. & 17. In cæteris, quod ad hunc juris articulum attinet, sequimur in his regionibus jus commune. Grot. d. loc. Gudel. lib. 2. de jur. nov. c. 11. ubi tamen dubitari posse scribit, an in locis in quibus hæredes instituti pro legatariis habentur, ut apud Gandavenses & Contracenses, admittenda sit Falcidiæ aut Trebellianicæ detractio: & magis existimat, admittendam non esse, arg. l. lex Falcidia 47. §. 1. ad leg. Falc.

Vel repetere solum] Solutum scilicet errore facti, l. error 9. C. ad leg. Falc. Repetitur autem hoc non beneficio Senatusconsulti; sed jure communi, quo ejus, quod per errorem quacunque ex causa solum est, omnibus repetitio conceditur. De quo diligentius suo loco.

Pro rata portione] Si pars tantum hæreditatis restitui jussa est, pro parte non restituta actiones apud hæredem remanent, pro restituta transeunt in fideicommissarium. Si tota hæreditas, aut integra aliquis hæredis portio, si hæres eam totam restituit, (sponte, an coactus nihil refert) transferuntur actiones omnes; si dodrantem retenta quarta ex Senatusconsulto, pro dodrante transferuntur, pro quadrante remanent, l. 1. C. hoc tit. Atque in hoc differt hæres fiduciarius ab eo, qui legatis oneratus est, qui solus cogitur respondere creditoribus. Dividuntur autem actiones pro competenti cujusque parte simul atque facta est restitutio, id est, si hæres verbo dixerit se restituere, aut per epistolam vel nuntium restituerit, quamvis fideicommissarius nondum nactus sit rem possessionem, l. restituta 37. l. facta 63. in pr. hoc tit. Quod autem etiam inponenda ratione Senatusconsulti deduci dicitur æs alienum, l. 5. C. eod. eo nihil aliud significatur, quam quod in constituenda summa bonorum ineatur etiam ratio æris alieni, idque de bonis deducatur, ut sciri possit, quantum æris alieni in fideicommissarium cum portione restituta transeat, quantum apud hæredem cum portione retenta maneat. Fingamus, quingenta in bonis esse; ex his centum deberi. Hic fideicommissario restituentur C.C. CLXXV. ac pro hac portione, id est, pro novem uncis, transferetur in eum onus æris alieni CXXV. retinebit hæres, pro qua parte ipse à creditoribus conveniendus erit. Sic enim omnino res transigenda est, postquam placuit actiones pro rata parte in utrumque dari. Quod non satis recte mihi explicuisse videtur Wesemb. & post eum Christini vol. 4. dec. 3. n. 5. Quamvis autem hæres fiduciarius pro parte sua onus æris alieni subeat, onera tamen legatorum ad solum fideicommissarium spectare, communiter placuit,

Accurs. in l. 1. §. ult. hoc tit. DD. in l. 2. & l. ult. C. eod. Tholosan. 42. syntagma. 31. n. 3. D. Tulden. comm. in hunc tit. cap. 4. Quæ sententia etsi Donello in d. l. 2. falsissima, mihi tamen vera videtur. Nam cum quarta pariter ex legatis & fideicommissis detrahat, l. 3. §. 2. eod. utique ex residuo dodrante, quem totum hæres restituit, legatariis satisfaciendum; alioqui non habiturus esset hæres quartam integram; nisi dicamus, hæredem nihilominus à legatariis recte pro sua parte conveniri, & quod solvit, à fideicommissario cum repetere debere, sibi que imputare, quod portionem de dodrante non retinuerit. Sed hoc in proposito dici non potest, quoniam auctoritate senatus dodrante, unde omnia legata præstanda sunt, restituta, actiones legatariorum in fideicommissarium transferuntur, qui conventus quod sibi detractum, legatariis pro rata imputabit, argum. l. 3. in pr. eod. Plane, si, antequam restitutio facta est, legatarii petant; puto, hæredem exceptione adjuvari non debere, cum, si solvat, hoc minus ex causa fideicommissi restituat, argum. l. ita tamen 27. §. qui ex Trebell. 7. in fin. eod. Quod si hæres minus dodrante restituere rogatus est, pro eo, quod ultra quartam habet: etiam legatorum & fideicommissorum specialium onera ad eum pertinere, certum est, l. 1. §. pen. eod. Salic. in d. l. 2. & l. ult. Cod. eod. Grot. 2. manud. 20. Myns. Schneid. hic Ad quem casum plerique cum Glossa etiam referunt dist. l. 2. Bachovius in not. ad Treutl. vol. 2. disp. 14. thes. 9. putat, hanc d. l. sententiam esse, quod fideicommissarius cogatur pati, ut tam de sua parte, quam de legatis quarta detrahat, cum concurrentibus legatariis de restituenda hæreditate agitur.]

Nec damno nec commodo] Quod merito placuit. Nam neque damnum ullum hoc casu sentire hæredem æquum est, propterea quod coactus contemplatione alterius adit; neque commodo aliquo frui debet, ne quartæ quidem, quoniam adit periculo alieno, l. 4. hoc tit. de quo etiam dictum §. proxime præced.

TEXTUS.

De quibus hæredibus & in quibus fideicommissariis supra dicta locum habeant.

8. Nihil autem interest, utrum aliquis ex æsse hæres institutus, aut totam hæreditatem, aut pro parte restituere rogatur; an ex parte hæres institutus, aut totam eam partem, aut partem partis restituere rogatur. Nam &

hoc

hoc casu eadem observari precipimus, quæ in totius hereditatis restitutione diximus.

COMMENTARIUS.

Sententia hujus loci satis plana est. Non tantum, qui ex asse institutus est & rogatus, aut totam hereditatem aut partem ejus restituere, potest vel ultrò adeundo & restituendo partem quartam, aut quod quartæ deest, retinere, remanentibus & migrantibus pro rata actionibus creditorum, vel suspensam hereditatem dicendo exonerari, totamque transferre in eum, qui adire cogit, l. cogi 16. §. si quis 4. hoc tit. verum etiam, si quis ex parte & verbi causa ex semisse hæres institutus sit, rogatusque partem illam restituere, potest quartam partem hujus partis, & in proposito sesquiunciam retinere, ut actiones hereditariæ pro rata remaneant & transeant. Potest & partem totam ultrò restituendo, aut adire recusando, prætorisque jussu adeundo, omnes actiones abs se remove & transferre in fideicommissarium. Denique qui partem partis, ex qua institutus est, restituere rogatur, potest similiter, si quartam partem suæ partis salvam judicio defuncti non habeat, quod ei deest, retinere; & recusans adire, desiderante fideicommissario cogi à prætore, ut adeat, totamque illam partem restituat cum omni onere & commodo ei adjuncto. Nimirum hic etiam locum habet vulgata regula, *Quod juris est in toto, quantum ad totum, idem juris est in parte, quantum ad partem*, l. que de tota 76. de rei vind. l. 3. pro derel. §. si rem 22. in fin. sup. de legat. Simile est, quod super §. 1. de leg. Falc. docuit, in singulis hæredibus rationem legis Falcidij poni.

TEXTUS.

De eo, quod hæres voluntate testatoris deducit, præcipitur.

9. Si quis unâ aliquâ re deductâ, sive præceptâ, quæ quartam continet (veluti fundo vel aliâ re) rogatus sit restituere hereditatem, simili modo ex Trebelliano Senatusconsulto restitutio fiet, perinde ac si quartâ parte retenta rogatus esset reliquam hereditatem restituere. Sed illud interest, quod altero casu, id est, cum deducta sive præcepta aliqua re restituitur hereditas, in solidum ex eo Senatusconsulto actiones transferuntur, & res, quæ remanet apud heredem, sine ullo onere hereditariis apud eum remanet, quasi ex legato ei

acquisita. Altero verò casu, cum quartâ parte retentâ rogatus est hæres restituere hereditatem, & restituit, scinduntur actiones, & pro quadrante quidem transferuntur ad fideicommissarium, quo quadrante remanent apud heredem. Quinetiam licet unâ aliquâ re deductâ aut præceptâ, restituere aliquis hereditatem rogatus sit, in quâ maxima pars hereditatis contineatur, æquè in solidum transferuntur actiones. Et secum deliberare debet is, cui restituitur hereditas, an expediat sibi restitui. Eadem scilicet interveniunt, & si duabus pluribusve rebus deductis præceptisve, restituere hereditatem rogatus sit. Sed etsi certa summa deducta præceptave, quæ quartam vel etiam maximam partem hereditatis continet, rogatus sit aliquis hereditatem restituere, idem juris est. Quæ autem diximus de eo, qui ex asse institutus est, eadem transferimus & ad eum, qui ex parte hæres scriptus est.

NOTÆ.

Unâ aliquâ re deductâ] Qui certa aliquâ re aut summâ deductâ rogatus est hereditatem restituere, similis est hæredi, cui ex re certâ instituto cohæres simpliciter datus; nam & illum & hunc pro legatario haberi placet, l. 1. §. ult. hoc tit. l. pen. C. de her. inst.

In quâ maxima pars hereditatis] Nam præteritum rei non mutationem juris; onera autem non patitur, nisi qui partem jure hereditario retinet, d. l. 30. §. 3. Quod si res deduci jussâ quartam partem non exæquat, poterit hæres quod deest, jure hereditario retinere, per l. 1. §. 16. eod.

Duabus pluribusve] Ratio, quia semper inspicitur, utrum qua pars jure hereditario hæredi attribuitur, an in rebus singulis.

Qui ex parte hæres] Ut si præcepta re aliquâ rogatus sit restituere, res illa apud eum sine onere remaneat.

COMMENTARIUS.

1. An & quatenus in casu proposito consumpta portione restituta legatariis, & credcores cum hærede agere possint.

Supra tit. de hered. inst. sub §. & si plures 8. docuimus, si quis solus ex re certa institutus fuerit, eum perinde hæredem fieri, omniumque bonorum hereditatem obtinere, ac si simpliciter

sine ullâ mentione rei scriptus esset, ex l. 1. §. si ex fundo, d. tit. l. cohæredi 41. §. ult. de vulg. & pup. At si plures instituti sunt, quidam ex re certa, alii simpliciter aut ex parte hæreditatis, tum eos solos hæredes effici, qui simpliciter aut ex quota scripti sunt; quia ex certa re aut summa, pro legatariis haberi, l. pen. C. de her. inst. nisi hæredes partis universæ defecerint: tum enim idem juris esse, ac si instituti in re singulari ab initio soli fuissent. Huic posteriori speciei similis est, quæ hoc loco proponitur, videlicet cum quis deducta certa re vel summa rogatus est hæreditatem restituere. Restituta enim in proposito hæreditate fideicommissarius instar cohæredis est, hæres instar ejus qui ex re certa institutus cohæredem habet scriptum simpliciter. Quamobrem recusante quidem fideicommissario hæreditatem recipere, solus qui rogatus est & adiit, hæres erit: at hæreditate recepta, jam solus fideicommissarius hæredis locum obtrinet, alter tanquam cohæres ex re certa vicem subit legatarii.

Vna aliqua re.] Quæ præced. §§. dicta sunt de scissione actionum hæreditariarum inter hæredem fiduciarium; qui parte aliqua, ex voluntate defuncti retenta reliqua hæreditatem restituit, & fideicommissarium Trebellianum, ea tunc obtinere hic docemur, quando quis rogatus est hæreditatem restituere retenta parte aliqua hæreditatis seu assis, sive, ut vulgo interpretes loquuntur, deducta quota. Aliud autem longe esse, si quis præcepta realiqua, veluti fundo, aut summa, puta centum aureis, restituere rogatus sit; quamvis ea res vel summa quartam partem vel amplius contineat. Nam etsi hic quoque similiter restitutio, ex Senatusconsulto Trebelliano fiat, actiones tamen nullas pro parte retenta, nullave onera hæreditaria apud hæredem remanere, sed hæc omnia transire ad fideicommissarium, hæredemque præceptum habiturum jure legatarii, id est, sine ullo onere hæreditario, quo constat legatarios non premi, l. si hæreditatem 32. mand. l. ult. C. de her. act. Mæcianus breviter & dilucidè rem totam proponit in l. si legatus 30. §. 3. hoc tit. Multum interest, inquit, utrum qua pars jure hereditarij retineatur, an vero in re vel pecunia: nam superiore casu actiones dividuntur inter hæredem & fideicommissarium; posteriore vero apud fideicommissarium sunt actiones. Hinc pertinet l. 1. §. ult. eod. Quod si hæres coactus à prætore adierit, etiam commodò præceptionis privabitur, l. ita 27. §. si præceptis 14. eod.

Quæ quartam continet.] Quod si res deduci jussa, quartam partem non exæquet, tum hæres vel ad supplementum agere poterit, vel quod quartæ defectu, jure hæreditario retinere. Gloss. & DD. hic arg. §. sed quia 7. hoc tit. l. 1. §. si hæres 16. eod. Æquum au-

tem tunc esse, ut hæres saltem pro ratione istius supplementi creditorum actiones excipiat, utique in subsidium censent Glossa in d. l. 1. §. ult. Cantuanc. & Myns. hic.

Ex Senatusconsulto Trebelliano.] Ante transfusionem Pegasiani in Trebellianum, si hæres non ultra dodrantem restituere jussus erat, restitutio fiebat ex Senatusconsulto Trebelliano. Hoc cum nostri dicunt, perpetuo significant, actiones pro parte transferri. Si amplius dodrante, restitutio fiebat ex Pegasiano. Quo casu actiones apud hæredem remanebant, & stipulationes interponebantur, secundum ea, quæ tradita sunt §. ergo 6. eod. Hodie remoto Pegasiano distinctè pro parte restituta actiones transeunt. In casu autem proposito etiam antea restitutio fiebat ex Trebelliano, l. 1. §. si hæres 16. eod. actionesque in solidum transferebantur; quoniam hæres, apud quem nulla pars jure hæreditario remanet, similis est legatario.

In qua maxima pars hæreditatis.] Finge, eum, qui quadringenta possidebat, rogasse hæredem, ut præcepto fundo, qui trecentorum erat, hæreditatem Titio restitueret. Hic etiam si fundus iste maximam partem hæreditatis, id est, dodrantem contineat, nihilominus tamen reliquo restituto in solidum actiones in Titium transferuntur. Neque enim pretium rei rationem juris mutat, aut efficit, quo minus res sit singularis. Cæterum hoc casu consumpta portione restituta, fideicommissario subveniendum esse hæredemque pro eo, quod ultra quartam habet, legatariis respondere debere, tradunt Cantuanc. & Myns. hic. Et multo ergo magis pro eadem quantitate tenebitur creditoribus; quippe quibus in subsidium, etiam pro tota ea parte, quam præcepit, teneatur, si hæreditas solvendo non sit, ut vult idem Mynsing. & Gothofr. in annot. marg. ad Schneid. quod etiam tanquam certum atque apud nos quoque receptum tradit D. Grot. 2. mand. cap. 20. Etsi autem, forte rationi juris veteris hæc non satis conveniunt, & fortassis nec novo, si fideicommissarius inventarium facere neglexerit, quo casu obligatur ultra vires receptæ hæreditatis; novo tamen juri consentanea videntur, ubi fideicommissarius inventarium ex præscripto Justiniani fecit, aut hæres à se factum ei cessit. Quorum alterutrum satis ei est ad exonerationem æris alieni, quatenus modum hæreditatis excedit, per ea, quæ habet Bart. in l. in ratione 11. §. quod vulgo 5. ad leg. Falc. num. 9. & 10. quamquam Bachovius putat, etiam si ipse fideicommissarius solvendo non sit, hæredem tamen in subsidium conveniri non posse, cum aliud remedium creditoribus paratum sit, & principè hoc, ut si putent, hæredem non esse solvendo, bonorum separationem petant.

Et secum deliberare debet] Cautius faciet, si jure deliberandi non utatur, sed novo beneficio inventarii, quod à Justiniano datum omnibus, quibus deliberandi potestas est de adeunda aut suscipienda hereditate, §. extraneis §. sup. de hered. qual.

Si duabus pluribusve] L. ita tamen 27. §. si præceptis 14. hoc tit. Quippe non multitudo rerum relictarum, sed modus relinquendi juris differentiam inducit, inspiciturque semper, utrum qua pars in hereditate seu jure universo heredi attributa sit, an in rebus singulis hereditariis. Mynsingerus imperitè rem hereditariam cum quota hereditatis confundit.

Sed & si certa summa] Huc ergò pertinet l. 1. §. 17. cod. quem locum perperam DD. comm. alio trahunt, nimirum ut probent, etiam retentà quartà parte hereditatis actiones legatorum in solidum in fideicommissarium dari: quanquam vera mihi videtur propositio.

Ad eum, qui ex parte] Pone, eum, qui quadringenta habebat, duos heredes instituisse, singulos ex semisse; alterumque rogasse, ut deducto fundo, qui centum valet, aut deductis centum, partem suam restitueret L. Titio. Titius receprà hereditate solus pro semisse actiones excipit, cum ubi partis dimidiæ hæres rogatus est, ut retentà parte quartà aut quadrante suæ portionis restituat, atque restituit, pro sextante obnoxius maneat.

T E X T U S.

De fideicommissio hæredis ab intestato.

10. Præterea intestatus quoque moriturus potest rogare eum, ad quem bona sua vel legitimo jure vel honorario pertinere intelligit, ut hereditatem suam totam partemve ejus, aut rem aliquam, veluti fundum, hominem, pecuniam, alicui restituat: cum aliqui legata nisi ex testamento non valeant.

N O T Æ.

10. *Intestatus moriturus*] Poterat dubitari, quia legitimi & honorarii heredes nihil à defuncto accipiunt, sed illos lex, hos prætor vocat: ejus autem, qui à defuncto nihil accipit, fideicommitteri non potest, l. 9. Cod. de fideicomm. Sed huic dubitationi occurrit Paul. l. 8. §. 1. de jur. cod. Ulpian. l. 1. §. 6. de leg. 3. Nimirum etiam his hereditatem tacitè à defuncto

relinqui, dum eos non excludit alios instituendo: quod pro jure suo facere poterat.

C O M M E N T A R I U S.

1. Ratio, cur etiam à legitimis & honorariis heredibus fideicommissum relinqui possit.
2. An fideicommissum à legitimo hærede relictum, successione propter repudiationem primi gradus agnati ad sequentem devoluta, debeatur.

Fideicommissum tam hereditatis, quàm singulari, non solum testamento, verum etiam codicillis relinqui potest. Quid ei observandum sit, qui testamento relinquere fideicommissum hereditatis velit, didicimus §. 2. sup. hoc tit. nimirum ut directo testamento heredem instituat, atque ab eo relinquat. Codicillis potest quidem & ab hærede testamentario relinqui, l. 3. §. 2. l. 8. in pr. de jur. Cod. Vlpian. tit. 25. §. 9. Cæterum potest & ab eo, qui ab intestato venturus est, sive legitimus sit, sive honorarius successor, d. l. 3. pr. d. l. 8. §. 1. Unde quamvis de instituto tantum hærede senatus loquatur, l. 1. §. 2. hoc tit. tamen ad legitimum quoque & honorarium per interpretationem consultum senatus extensum est, d. l. 1. §. 5. & §. 7. l. 6. §. 1. cod.

Intestatus moriturus] Dubitari potuit, an à successore legitimo aut honorario fideicommissum rectè relinquatur. Sic enim jus est, ut ab eo, qui nihil à defuncto accipit, nihil per fideicommissum relinqui possit, l. 9. Cod. de fideicomm. Legitimi autem heredes aut honorarii nihil à defuncto accipiunt, sed illos lex 12. tabb. ad hereditatem vocat, hos prætor ad bonorum possessionem. Verum hæc dubitatio facile tolli potest. Quamvis enim in casum non ademptæ hereditatis legitimi heredes à lege, honorarii à prætore vocentur: tamen cum defunctus eos testamento facto excludere potuisset aliis heredibus institutis, (salvâ utique portione liberis & parentibus debita) hereditatem ipsis tacitè relinquere videtur, dum non adimit, quod pro jure suo facere poterat. Atque hoc est, quod jurisconsultus significat in l. 1. §. sciendum 6. de legat. 3. cum ait, fideicommitteri eorum posse, ad quod aliquid perventurum est, vel dum ipsis datur, vel dum non adimitur: inquam sententiam eleganter Paulus l. 8. §. 1. de jur. cod. Idè, inquit, fideicommissa dari possunt ab intestato succedentibus, quoniam creditur paterfamilias sponte sua his relinquere legitimam hereditatem. Ex quo etiam hoc efficitur, neminem posse fideicommittere heredis ab intestato, nisi qui testamentum facere potest, l. 3. in pr. de jur. cod. Vlpian. d. tit. §. 3. Estque hoc juris explorati, eos, qui testamentum facere non possunt, nec codicillos posse, l. 6. §. 3. l. 8. §. 3. de jur. cod. De illo quæsitum est, si quis intestatus decedens ab eo, qui primo gradu ei succedere potuit, fi-

deicommissum reliquerit, si illo repudiante ad sequentem gradum devoluta sit successio, an fideicommissum debeatur. Negat Ulpian. d. l. 1. §. pen. de legat. 3. quod tamen idem affirmare videtur l. si Titio 61. §. 1. de legat. 2. & Julian. l. 3. d. jur. codi. Doctores vulgo cum Accurs. & Bart. ad d. 4. interesse respondent, utrum simpliciter hæredes ab intestato venientes gravati sint, an aliquis nominatim: illo casu fideicommissum à quolibet succedente deberi; hoc casu non deberi, nisi à cohæredè gravati portionem suam repudiantis; quoniam in portione accrescente similis est substituto, argum. dist. l. 3. de jur. Cod. junct. l. pater meus 29. §. 1. de legat. 2. add. Bart. in l. cum pater 77. §. cum existimaret 29. de legat. eod. quæ distinctio rationem habet. Anton. Faber 4. conject. 15. contendit, vitiosam esse lectionem d. §. pen. l. 1. de legat. 3. legendumque dempta negatione, fideicommissum debere. Mihi tam periculosa confidentia non placet.

Legata nisi ex testamento] Legatum olim non nisi testamento aut codicillis testamento confirmatis dari poterat; credo quia civilibus verbis atque imperativis legis modo relinquebatur. Ulp. tit. 24. fac. l. si ita 38. de cond. & dem. quibus tantum in testamento locus erat. Unde definitur legatum, donatio testamento relicta, l. 36. de legat. 2. Scilicet inconvenientis visum est pro imperio aliquid mandare ei quem non defunctus, sed lex hæredem facit. Probabile tamen est; legata codicillis ab intestato data, interpretatione plerumque adjuta, atque ut vim fideicommissi haberent, benigne receptum fuisse, arg. l. Scævola 76. hoc tit. Hodie autem postquam constitutione Justiniani confusa est legatorum & fideicommissorum natura, l. 2. Cod. comm. de legat. hanc etiam differentiam sublata esse tenebimus, & legata quoque ab intestato relicta directa valere, contra Joh. Fabrum, Angel & Giphani.

TEXTUS.

De fideicommissio relicto à fideicommissario.

11. Eum quoque, cui aliquid restituitur, potest rogare, ut id rursus alii, aut totum, aut partem, vel etiam aliquid aliud restituat.

COMMENTARIUS.

Non modò hæres de restituenda hæreditate aut parte ejus rogari potest, verum etiam fideicommissarius, ut vel totum, vel partem ejus; quod accepit, rursus alii restituat: atque in hac etiam restitutione placet actiones ex Senatusconsulto transferri in fideicommissari-

um, secundum l. 1. §. de illo 8. hoc tit. posse & cogi primum fideicommissarium, qui totam hæreditatem, cum suspecta diceretur, recepit, totam restituere, l. si patroni 55. §. 2. eod. Solus autem hæres beneficio legis Falcidiae utitur, id est, jus quartæ retinendæ habet, l. lex Falcidia 47. §. 1. ad leg. Falc. Etenim cum semel adita est hæreditas, omnis defuncti voluntas rata constituitur, d. l. 55. §. 2. Proinde cæteri, quatenus ceperunt, & rogati sunt restituere, fideicommissio obstringuntur. L. Lucius 78. §. hæres 11. hoc tit. similiter ut legatarii, à quibus fideicommissum relicum est, l. penales 32. §. si Titio 4. ad leg. Falc. Planè, si hæres, ut priori fideicommissario donaret, jure suo usus non sit, posse quartam fideicommissario detrahi, responsum est, l. 1. §. inde Neratius 19. hoc tit.

TEXTUS.

De probatione fideicommissi.

12. Et quia prima fideicommissorum cunabula à fide hæredum pendent, & tam nomen, quam substantiam acceperunt, ideo D. Augustus ad necessitatem juris ea retraxit. Nuper & nos eundem Principem superare contendentes, ex facto, quod Tribonianus vir excellentissimus; Quæstor sacri palatii, suggestit, constitutionem fecimus, per quam disposuimus, si testator fidei hæredis sui commisit, ut vel hæreditatem vel speciale fideicommissum restitueret; & neque ex scriptura, neque ex quinque testimonio numero, qui in fideicommissis legitimus esse noscitur, possit res manifestari; sed vel pauciores, vel nemo penitus testis intervenierit: tunc sive pater hæredis, sive alius quicumque sit, qui fidem hæredis elegerit, & ab eo restitui aliquid voluerit: si hæres perfidia tentus adimplere fidem recusat, negando rem ita esse subsecutam; si fideicommissarius ei iusjurandum detulerit, cum prius ipse de calumnia juraverit: necesse eum habere, vel iusjurandum subire, quod nihil tale à testatore audiverit, vel recusantem ad fideicommissi vel universali vel speciali solutionem coartari. Ne depereat ultima voluntas testatoris fidei hæredis commissa. Eadem observari censuimus etsi à legatario, vel fideicommissario aliquid similiter relicum sit. Quod si is, à quo relicum dicitur,

(Post)

(postquam negaverit) constiteatur quidem, aliquid à se relictum esse, sed ad legis subtilitatem recurrat, omnino solvere cogendus est.

COMMENTARIUS.

1. Quando dispositioni h. §. locus.
2. Non mutari constituta l. ult. §. ult. C. de codic. nec l. 23. C. de fideic.
3. Hæredem in specie proposita non posse iusjurandum referre.
4. Glossa in fine textus observatum.

Audivimus supra, fideicommissorum originem, nomen & substantiam à fide hæredum manasse. Hinc Justinianus argumentum sumit mirifici in fideicommissa favoris, ut quemadmodum ex sola fide hæredum ab initio pendeant, ita & sola religione hæredum quorum præsentium fidei aliquid commissum est, nunc consistent, nec ordinariam probationem desiderant. Constitutum hoc à Justiniano l. ult. C. de fideic.

Neque ex scriptura, neque ex quinque testium numero] Quando testator, contempta omni alia probatione scripturæ vel testium, fidei solius hæredis committit, ut aliquid præstes, placet Justiniano, fideicommissum ab hærede præstandum, idque sive neget hæres, fideicommissum à se relictum, & iusjurandum super ea re sibi delatum subire recuset, sive ultro fateatur, esse à se relictum sed dicat, se non teneri, quia non solenniter relictum sit, d. l. ult. Prius verbis constitutionis expressum est: alterum ex prioribus colligitur. Cur enim hæres jurare recusans fideicommissum solvere cogitur? Non aliam utique ob causam, quam quod recusatio iusjuranditacitam confessionem habet, l. manifesta 38. de jurejur. ut proinde multo magis fideicommissum cum obstringi oporteat confessione aperta. Quia autem & prior casus non nihil iniqui habere videtur, & utroque jus novum, ac contrarium ei, quod de numero testium in ultima voluntate adhibendo placitum est, continetur, ideo constitutionem suam adversus tacitas objectiones munivit. Si quis enim fortè objiciat, iniquum esse, ab hærede fideicommissum exigi citra ullam probationem, responderet, illud hac in re iniquum non esse, ubi hæres iusjurando sibi delato in sua causa constituitur testis & iudex, ut sit in ejus potestate, non teneri jurando se nescire quicquam relictum esse. Si quis dicat, in omni suprema voluntate ad minimum requiri quinque testes, l. ult. §. ult. Cod. de Codic. responderet, id justum esse, cum res per testes probanda est, ne quid falsitatis admittatur,

cujus nihil in specie proposita intui possit: quoniam testimonium ab ipso hærede, eodemque debitore, exigitur. Quod ergo traditum est in l. si veritas 23. Cod. de fideicommissis, cum similibus, ex imperfecta scriptura nihil deberi, hoc etiam nunc manet: & nisi de fide scripturæ, quam testator servari voluit, iusto numero testium constet, fideicommissum exigi non poterit: consule Mantia de conject. ult. volum. lib. 2. tit. 15. num. 5. Quia autem ratione motus ius hoc introduxerit Justinianus in calce constitutionis exponit.

Qui in fideicommissis legitimus] Hoc à Theodosio primum constitutum est, d. l. ult. Cod. de codic. Antea enim, cum numerus testium in codicillis definitus non fuerit, vel duos idoneos suffecisse arbitrator, argum. l. ubi numerus 12. de testib. de quo plenius sub §. ult. inf. de codic. Manet autem nunc etiam ius constitutum d. l. ult. §. ult. Cod. de codic. ut ex hoc loco intelligitur. Nam quod hic & d. l. ult. Cod. de fideicommissis. Justinianus sancit, tunc solum obtinet, cum defunctus rem, quam præstari voluit, fidei hæredis præsentis commisit: extra testamentum aut codicillos.

Cum prius ipse de calumnia juraverit] Id est, se non calumniandi seu vexandi, hæredemque religione urendi animo iusjurandum deferre: sed quia ita se rem habere sibi plane persuasum sit: quod iusjurandum licet alias in usu esse desierit: tamen in omni judicialis iusjurandi delatione, si exigatur, est præstandum, juxta l. iusjurandum 34. §. 4. de jurejur. Damhoud. prax. civil. c. 151. Merul. lib. 4. dist. 4. sect. 3. tit. 8.

Vel iusjurandum subire] Conditione iusjurandi in judicio delata regulariter reus jurare cogitur, aut referre, aut solvere, l. 9. Cod. de reb. cred. Manifestæ enim confessionis esse creditur, nolle jurare, aut iusjurandum referre, l. manifesta 38. de jurejur. At in proposito ne referre quidem hæres potest: quippe cum hic agatur non de eo, quod uterque scire potest, sed quod solus hæres, & cuius actor ignarus est: quo casu relationi non est locus, l. Marcellus 11. seq. rer. amot. d. l. iusjurandum in pr. de jurejur. & ita rectè Mynsing. Schneid. Wesemb. hic mirumque est, veteres interpretes in re tam manifesta variare.

Postquam negaverit] Hæc verba neque in ipsa constitutione Justiniani reperiuntur, & testibus Cujacio, Ruffardo, Hotomanno, Contio, Fabrot, desunt in veteribus codicibus, neque Theophilus ea agnoscit: & Jo. Faber quoque refert, se Bononiæ aliquot codices vidisse, à quibus aberant. Quare suspicari licet, glossa esse. Si vero retineantur, non ita accipienda sunt, quasi non alia conditione hæres in specie proposita fideicommissum obligetur,

quam si prius negaverit, & ad iusjurandum actus jurare recuset: sed ideo posita, quia hic casus solum verbis expressus fuit: ceterum simpliciter, quisquis confitebitur de fideicommissio obligabitur: neque enim pœnæ causa hic quicquam constitutum, ut hæredis inficiatio coarceatur; in qua falluntur DD. *comm. Bart. Salic. Castr. Siehard. ad d. l. ult. Mynsing. Schmid. hic sed totum voluntatis testatoris servandæ*

causa ut discretè scriptum est in extremo *d. l. ult. & tenent l. h. Fab. & las. in d. l. ult.* quos etiam ex facto consultus non attendit communi opinione, in respondendo secutus est quondam Curæ nostræ Coryphæus, Reinerus ab Amsterdam. Atque hæc sententia probatur etiam à Wesemb. *hic Donello in d. l. ult. nec alienus Mantica d. lib. 2. tit. 13.*

num. 5.

TITULUS XXIV.

De singulis rebus per fideicommissum relictis.

Continuatio, & argumentum tituli.



Actenus de fideicommissis universalibus, quibus scilicet hæreditas aut pars hæreditas relinquitur; quæ à legatis multum differunt: sequuntur nunc fideicommissa specialia, quibus relinquntur res singulæ, quorumque & legatorum eadem ex constitutione Justiniani natura est, idemque effectus: nam exæquatio illa legatorum & fideicommissorum, de qua agitur §. 3. *sup. de legat. & l. 2. Cod. comm. de legat.* ad sola fideicommissa particularia pertinet, ut demonstravimus in explicatione *d. §. 3. & pr. tit. præ.* Docet hic Imperator, à quibus fideicommissa singularum rerum relinqui, tum quæ res per ea relinqui possunt: postremo in genere, quibus maximè verbis fideicommissa relinqui solent.

TEXTUS.

Summa.

Potest tamen quis etiam singulas res per fideicommissum relinquere; veluti fundum, argentum, hominem, vestem & pecuniam numeratam; & vel ipsum hæredem rogare, ut alicui restituat, vel legatarium, quamvis à legatario legari non possit.

NOT. Æ.

Vel legatarium] Interdum & in contractibus fideicommissum constituitur, exempl. in *l. 26. pr. de pos. l. 77. de leg. 1.*

A legatario legari non possit] Hoc etiam ad jus vetus referendum. Ulpian. *tit. 24. §. 19.* Cajus *lib. 2. tit. 7.* Nam hodie hæc quoque differentia sublata; utique quod à legatario legatum est, valebit nunc jure fideicommissi, argum. *l. 2. Cod. comm. de leg.*

COMMENTARIUS.

1. *Cur olim à legatario legari non potuerit, & an hodie possit.*

Fundum, argentum, vestem, hominem] Hæc nomina generalia quidem sunt, verum specificè hic sumuntur: intelligitur enim certa species ex eo genere relictæ, *l. legata 37. de legat. 1.* Cæterum & si quis fundos suos omnes, omne argentum, vestem omnem, omnes servos per fideicommissum reliquerit, nihilominus tale fideicommissum speciale est, & simile legato.

Vel legatarium] Singulæ res per fideicommissum non solum ab hærede relinqui possunt, verum etiam à legatario. Possunt & ab hærede hæredis vel legatarii, *l. 5. §. 1. de legat. 3.* Idem juris est de fideicommissario etiam rei singularis, §. 1. *hoc tit. l. ab eo 9. Cod. de fideicommissis, & donatario mortis causa, l. cum pater 77. §. 1. de legat. 2. l. 8. §. 2. de transact.*

A legatario legari non possit] A legatario legari non posse, quamvis fideicommissa ab eo rectè dentur, discimus etiam ex Ulpian. *tit. 24. §. à legatario 19. & Gajo lib. 2. tit. 7. §. 3.* Cujus differentia hæc ratio esse videtur, quod legata verbis civilibus & imperativis relinquntur, quibus uti in eum solum liceat, quem universi juris successorem esse volumus & locum nostrum subire. Differit autem ita Justinianus, quasi hæc differentia etiam obtineret, quod etiam Giphano videtur, eo quod hæc differentia naturalis sit, quoniam nulla legandi à legatario formula dari potest. Ego vero à communi & recepta interpretum sententia non recedo, qui censent, etiam hanc differentiam una cum cæteris hodie sublata esse, legataque non minus, quam fideicommissa legatario relinqui posse, *per l. 2. C. comm.*

C. comm. de legat. Equidem concedo, non omnibus legandi formulis, cum à legatario legatur, locum esse: sed quod Giphanius ait, nullam dari posse, id nego. Per præceptionem hæredi à coheredibus duntaxat legari constat. Non video etiam, quomodo per vindicationem possit à legatarip legari. Etenim si testator, postquam ita legavit, *Titio fundum Tusculanum do, lego*, mox eundem fundum Sejo leget hac formula, *Sejo eundem fundum Tusculanum do, lego*, aut sic, *Sejus fundum Tusculanum sibi habeto*: aut conjunctio erit, aut ademptio. At damnationis formulæ hic usus esse potest, *Titius damnas esto partem dimidiam fundi, quem ei legavi, dare Sejo; Titium legatarium meum centum Sejo dare jubeo*. Nam & olim magna erat legatis per damnationem cum fideicommissis affinitas, & nonnulla verba communia, utriusque generis, ut jubeo, volo, impero, damno, *vid. inf. §. ultim.* Quin etiam sinedi modo à legatario recte legari, defendi potest, veluti si testator dicat, *L. Titius legatarius meus, damnas esto sinere C. Sejum sibi habere partem fundi, quem ipsi legavi*. Non obstat, quod Justinianus simpliciter scribit, à legatario legari non posse: nam præcedenti quoque titulo §. *præterea* 10. simpliciter scripsit, legata nisi ex testamento non valere. Omnes quippe §§. in quibus observat differentiam inter legata & fideicommissa, ex constitutione sua emendationem recipere voluit: quamvis separatim ita tractet, quasi differentiæ adhuc manerent; id quod se facturum antea testatus est §. 3. *sup. de legat.* quo permissio & similitudo noviter introducta, clarior esset & facilior.

TEXTUS.

Quæ relinqui possunt.

1. *Potest autem non solum proprias res testator per fideicommissum relinquerere; sed & hæredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, ut eam alicui restituat, quæ ei relicta sit: sed etiam de alia, sive ipsius, sive aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit: nam quod amplius est, inutiliter relinquitur. Cum autem aliena res per fideicommissum relinquitur, necesse est, ei, qui rogatus est, aut ipsam rem redimere & præstare, aut astimationem ejus solvere.*

COMMENTARIUS.

1. *Iam olim communia fideicommissis cum legatis.*
2. *Declaratio regulæ, Neminem posse rogari, ut plus restituat, quam ipse cepit.*

Multa etiam jam olim fideicommissis communia cum legatis fuere: quale est hoc, quod hic traditur de re, quæ testatoris propria, non sit, per fideicommissum relicta. Res, quæ, cum in commercio sit, testatoris propria non est, eam necesse est vel hæredis esse, vel legatarii aut fideicommissarii, vel tertii alicujus; quæ sola in hac tractatione plerumque aliena dicitur, ut notavimus §. 4. *sup. de legat.* Quemadmodum igitur non solum res testatoris legari potest, sed etiam hæredis; d. §. 4. ita sciamus, non solum rem testatoris, sed etiam hæredis per fideicommissum relinqui posse; & quod responsum est, valere hujusmodi legatum, etiamsi testator existimaverit rem suam esse, l. *unum* 67. §. *si rem* 8. *de legat.* 2. id ad hujus generis fideicommissum quoque pertinere. Contra quemadmodum res, quæ legatarii est, ei inutiliter legatur; §. *sed si rem* 10. *sup. de legat.* ita & fideicommissario rem, quæ ipsius sit, inutiliter relinqui. De legatarii aut fideicommissarii alteri legata quæri olim non potuit, quia ab his legari non licebat, sed tantum fideicommissum dari. Nunc vero etiam in legatis huic questioni locus est. Sed hoc præterit Justinianus; quippe cui hic sermo est de fideicommissis, non considerata legatorum cum his exæquatione. Ait, per fideicommissum relinqui posse etiam rem legatarii, aut fideicommissarii, à quo scilicet relinquitur, non cui relinquitur. Sed quid in proposito defunctus puraverit rem suam se relinqueret? Dicemus, nihilominus valere fideicommissum, eadem ratione, qua si res hæredis esset, valeret; *arg. d. l. unum* 67. §. *si rem* 8. *de legat.* 2. d. §. 4. *sup. de legat.* cum ibi notat. Porro illud quoque commune est, quod hic ait Justinianus, etiam rem cujuslibet alterius, quæ uno nomine in hoc argumento aliena dicitur, per fideicommissum relinqui posse: nam legari posse docuit d. §. 4. Denique illud etiam, quod eodem loco & plenius à nobis in commentariis relatum est, legatum rei alienæ non semper deberi, sed interesse, utrum testator sciverit an ignoraverit, esse alienam; atque illo demum casu, non hoc, valere legatum, nisi conjectura voluntatis aliud suadeat, sciendum est, ad fideicommissum quoque rei alienæ pertinere, l. 10. *Cod. de legat.*

Etiā de alia, sive ipsius] Legatarii sc, qui rogatur, aut fideicommissarii primi: nam per fideicommissum non modo reddendi onus imponi potest, sed etiam dandi. Ipsi vero fideicommissario rem suam inuti-

inutiliter relinqui existimo, arg. §. sed si rem 10. sub. de legat. & mutue exæquationis legatorum & fideicommissorum, quicquid contra disputer Bachovius.

Ne plus rogetur quisquam restituere] Hoc summam rationem habet. Ut enim liceat morientibus eam legem, quam velint, suis rebus dare; tamen hoc licere nemini debet, ut aut alium, cui nihil dedit, oneret, aut oneret quemquam supra id, quod ei reliquit, & disponat de alieno, l. 1. §. si is qui 37. ad sen. Treb. l. 1. §. sciendum 6. de legat. 3. l. filiusfa. 114. §. 3. de legat. 1. l. 9. C. de fideic. Hujus autem regulæ complures traduntur exceptiones: quæ tamen non tam exceptiones sunt, quam declarationes regulæ. Cujusmodi est, quod, si alicui centum legata sint, & is duplum post tempus restituere rogatus sit, placet valere fideicommissum etiam ultra summam legatam, quatenus intermedio tempore usuræ perceptæ eam excedunt, l. imperator. 70. §. 1. de legat. 2. Tale item est illud, quod qui acceptis centum rogatus si rem propriam, quamvis majoris pretii, & restituere, is agnito legato fideicommissio obstringitur: quoniam agnoscendo legatum non majoris rem suam æstimasse videtur, d. l. imperator. §. 1. in fin. Item hoc quod traditum est, si cui fundus legatus sit, atque is eum fundum restituere sit rogatus, & centum dare, valere fideicommissum, si legatarius interim centum ex fructibus perceperit d. l. filiusfa. 114. §. 3. de legat. 1. Denique etiam illud, quod duabus rebus disjunctim legatis, atque ea, quæ pretiosior est, restitui jussa, fideicommissum debeat, licet legatarius viliorẽm elegerit, propterea quod eam, quæ pluris erat, eligere potuisset, l. plane 94. §. 2. de legat. 1.

Redimere & præstare, aut æstimationem ejus solvere] Re aliena per fideicommissum relicta, is, qui rogatus est, vel redimere eam debet & præstare, vel si dominus eam non vendat, æstimationem ejus inferre, & petinde ac juris est in rei alienæ legato: l. non dubium 14. §. 2. l. qui quatuor 30. §. ult. de legat. 3. quod latius explicatum sup. §. 4. de legat.

TEXTUS.

De libertate.

2. Libertas quoque servo per fideicommissum dari potest, ut hæres eum rogetur manumittere, vel legatarius, vel fideicommissarius: nec interest, utrum de suo proprio servo testator roget, an de eo, qui ipsius hæredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat, (si modo ni-

hilex judicio ejus, qui reliquit libertatem, & perceperit) non statim extingitur fideicommissaria libertas, sed differtur, quoad possit tempore procedente, ubicumque occasio servi redimendi fuerit, præstari libertas. Qui autem ex fideicommissi causa manumittitur, non testatoris fit libertus, etiamsi testatoris servus sit, sed ejus, qui manumittit. At is, qui directo ex testamento liber esse jubetur, ipsius testatoris libertus fit; qui etiam Orcinus appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directo autem libertas tunc dari videtur, cum non ab alio servum manumitti rogat, sed velut ex suo testamento libertatem ei competere vult.

COMMENTARIUS.

1. Libertis Orcini, & numquid juris in eos familie.
2. Differentiam libertatis directæ & per fideicommissum data non tolli l. 2. Comm. de legat.
3. L. 68. de man. test. cum aliis locis conciliata.

ETIAM libertas per fideicommissum dari potest, & quidem largius, quàm directo, cum non tantum propriis servis, sed etiam alienis per fideicommissum libertas dari possit, modo vulgaribus atque evidentibus verbis voluntas testatoris exprimitur, teste Licinio in l. libertas 16. de fideicommiss. libert. Quod ait, non tantum propriis, sed etiam alienis, ex eo intelligitur, directo servis alienis libertatem dari non posse, quod etiam expressè rescriptum est in l. 9. §. de testam. man. Putaverit tamen quis, etiam in casu libertatis servo alieno directo datæ favore libertatis defendi ei posse fideicommissariam, arg. l. generaliter 24. §. si quis 10. l. de fideicommiss. libert. l. 10. §. ult. de testam. int. sed obitant memorati textus, & maxime l. 9. C. de testam. manum. quo loco rescribitur, nec hæredis servo directo libertatem dari posse. Quod si directo data saltem in vim fideicommissi valeret, id utique Imperatores consulti non dissimulassent, & in l. si servus 108. §. si servus 9. de legat. 1. tale legatum dicitur esse nullius momenti.

Vel legatarius vel fideicommissarius] Qui, si testatoris servus est, ab hærede eum rediment & manumittent; si modo quod à defuncto iis relatum est, agnoverint.

Aut legatarius] Quo casu legatarius accepto legato cogetur servum manumittere, etiam si fortasse minus sit in eo, quod accepit, quam in pretio servi, d. l. generaliter §. si quis 12. de fideicomm. libert. quia non pluris servum suum aestimasse videtur, l. sed si 36. ad leg. Falc.

Aut etiam extranei] l. 6. C. de fideicomm. libert. Cæterum legatarius alienum servum manumittere rogatus, non aliàs erit cogendus, quam si tanti possit redimere, quanti est id, quod ex judicio defuncti consecutus est, d. l. generaliter §. si quis.

Non statim extinguitur libertas] Si dominus servum suum, cui libertas per fideicommissum relicta est, vendere nolit, non idèò protinus fideicommissum extinguitur; sed expectanda est emendi oportunitas, d. l. 6. Cod. de fideicomm. libert. equidem existimatio hic præstari non potest, ut in casu §. præc. in fin.

Ejus, qui manumittit] Cui per fideicommissum libertas relinquitur, is ejus libertus efficitur, à quo manumissus est, l. 7. C. de fideicomm. libert. Cæterum hic manumissor jus patronatus in eo tantum acquirit, ut contra tabulas & ab intestato ad bona ejus venire possit: at non ut etiam operas ei possit imponere, aut impositas ab eo petere, l. qui ex causa 29. de bon. libert.

Ipsius testatoris] Directa libertas ipso jure statim ab adita hæreditate competit, l. 10. C. de testam. man. l. testamento 23. & l. 25. D. de man. test. l. quæro 32. §. ult. de testam. tut. Itaque is, qui directo testamento liber esse jubetur, testatoris libertus fit, ut hic ait Justinianus: quam ob causam libertus Orcinus appellatur, quasi *Orci libertus*, aut ejus, qui ad Orcum demissus est: *Acheronticus* à Cujacio, *Χαρωνιάδης* à Theophilo vocatur, eadem forma, qua *Orcini* senatores, quorum in Augusto c. 35. meminit Suetonius, à Plutarcho in *M. Antonio Χαρωνίτην* dicuntur. Orcinorum crebra in libris nostris mentio est, l. 3. §. 3. de legat. tut. l. 8. de har. inst. l. dominus 22. de pecul. leg. l. 1. alias 2. §. per contrarium de dot. præl. l. 2. de statim. lib. l. 4. §. hi qui 12. de fideic. lib. l. 10. C. de testam. man. l. 8. C. de jur. & fact. ing. Orcini etiam liberti efficiuntur, qui latitante hærede vel legatario rogato manumittere ad libertatem perducuntur, quique ob necem domini derecram præmium libertatis consequuntur, l. cum quasi 36. §. querendum 12. l. si is 49. de fideicomm. libert. l. 5. qui sine man. Igitur Orcini cum eum patronum habeant, qui esse desit, non malè dicuntur liberti nullius esse, l. 4. in pr. de bon. libert. Legimus tamen, Orcinos ad familiam testatoris pertinere, l. 3. §. 3. de legat. tut. libertos familiæ fieri l. si socius 48. de manum.

testam. liberos & cognatos jus patronatus in Orcino habere, l. un. §. sed etsi 7. Cod. de Latin. lib. toll. Qua de causa suspicari licet, quamvis familia plenum jus patronatus in Orcino non habuerit, quædam tamen jura ut in liberto habuisse. Porro hæc differentia etiam post constitutionem Justiniani, qua directo & per fideicommissum data exæquata sunt, l. 2. Cod. comm. de legat. retinenda est: quippe quam voluntas testatoris facit, & quæ tolli sine injuria ejus, qui à testatore rogatus est manumittere, non potest; cui alioqui eriperetur jus patronatus, quod defunctus eum habere voluit: in quo consentiunt omnes interpretes paucis recentiorum exceptis.

Quo faceret testamentum & quo moreretur] Hoc item traditur in l. Servius 35. de manum. testam. Neque obscuram rationem habet. Nam cum alieno servo inutiliter libertas directo ab initio detur, ex postfacto ea datio convalescere non potest, propter regulam Catonianam; & quamvis servo proprio data sit, si tamen is servus tempore mortis in aliena potestate est, vindicare libertatem nequit. Proindè quod apud Marcianum l. verum 58. de manum. testam. legimus, eum, qui liber esse jussus est, alienatum à testatore, si ante aditam ejus hæreditatem rursus hæreditarius factus sit, hæreditate adita ad libertatem pervenire, sic omnino accipiendum est, si superstiti testatore in potestatem redierit: nam jacente hæreditate, qui mortis tempore testatoris non fuit, hæreditarius fieri nequit. Planè, si servus testatoris, qui apud hostes sunt, libertas directo data sit, placet hos libertatem consequi, quando cumque ab hostibus reversi sint, licet neque testamenti neque mortis tempore testatoris fuerint, l. si servi 30. de man. test.

Velut ex suo testamento] *Ἀπὸ τῶν*, Protinus ex testamento: cum testator servum suum se mortuo simpliciter liberum esse jubet, nec ab alio libertatem dari mandat.

TEXTUS.

De verbis fideicommissorum.

3. Verba autem fideicommissorum hæc maxime in usu habentur: Peto, rogo, volo, mando, fidei tuæ committo: quæ perinde singula firma sunt, atque si omnia in unum congesta essent.

NOTÆ.


3. *Peto, rogo, &c.*] Hæc verba dicuntur precaria, & præcativa, opponunturque civilibus, directis & imperativis, vid. Ulp. tit. 25. Paul. 4. sent. Hodie autem de verbis laborandum non est, postquam Justinian. verbum omne, significans legitimum sensum testatoris, legare aut fideicommittere volentis, utile atque validum esse jussit, l. 2. C. comm. de leg.

COMMENTARIUS.

5. *Verba imperativa interdum vim habere precatorium.*

Recensentur hæc à Justiniano verba fideicommissorum maxime usitata, & quæ vulgaria dicuntur in l. libertates 16. de fideicomm. libert. nam crescente progressu temporis favore fideicommissorum longè plura recepta sunt, placuitque fideicommissum etiam aliis verbis relictum valere; veluti his, *cupio des, opto des, credo te daturum, exigo, desidero ut des, volo hereditatem meam Titio esse, scio, non dubito, te hereditatem meam restituaturum Titio.* l. etiam 115. l. & eo 118. de legat. 1. l. unum 67. §. ult. de legat. 2. l. Pamphilo 39. de leg. 3. Paulus 4. sent. 1. scribit, his omnibus verbis fideicommitteri posse, *Rogo, peto, mando, deprecor, cupio, injungo, desidero quoque & impero.* Quod Paulus impero quoque inter verba fideicommissi numerat, id non videtur convenire differentiæ, quam Ulp. tit. 24. & 25. facit inter legata & fideicommissa; legatum definiens, quod imperativè relinquitur; fideicommissum, quod præcativè: perinde enim hoc est, ac si diceret, legatum esse, quodcumque verbis imperativis, quæ aliàs directæ & civilia vocantur, relinquitur; fideicommissum, quod verbis præcativis sive precariis. Sed sciendum est, verba imperativa sæpè vim habere precatorium, quod ex objecto & voluntate te-

statoris æstimandum est. Etenim si sic dicat; *L. Titio heredi meo impero, ut ferrum meum Strichum manumittat*, procul dubio hic per fideicommissum libertas data intelligitur. Idemque est, si dixerit, *lubeo, aut heres damnas esto manumittere.* Similiter si imperaverit heredi, ut hereditatem aut rem aliquam restituat, valebit hoc jure fideicommissi, tanquam verbo precario relictum. Et cur minus eo verbo relictum valeat, quàm si dicat, *jubeo?* quod etsi directum est, Ulp. d. tit. 24. §. 3. l. 2. C. comm. de legat. vim tamen precarii habere constat, quotiens quid restitui jubetur; l. Lucius 88. §. quisquis 10. de leg. 2. l. Aurelius 28. §. ult. de lib. leg. aut minus etiam, quam *volo*; quod cum imperativum sit, tamen in fideicommissis est usitatissimum. Quod si ita dixerit, *Impero tibi heres, ut L. Titio centum des*, hoc jam non fideicommissum erit, sed legatum. Nihil enim interest, impero quis dicat, an *heredem meum dare jubeo*, aut: *heres damnas esto dare.* Ulpian. d. tit. 24. §. 3. Verba *relinquo & commendo* negat Paulus d. loc. ullam fideicommissi actionem parere. De Verbo *commendo* constat, l. 11. §. 2. de legat 3. l. 12. Cod. de fideicomm. libert. At ex verbo *relinquo* videtur fuisse petitio fideicommissi, l. Lucius 78. §. filiam 8. ad Sen. Trebell. Sed de eo nunc laborandum non est, postquam Justinianus omne verbum, significans testatoris legitimum sensum, legare vel fideicommittere volentis, utile atque validum esse jussit, l. 2. comm. de leg. Sæpè etiam, quod notandum est, ex conjectura voluntatis fideicommissum inducitur, cum verba fideicommissi non sunt, aut sunt fideicommissi inutilis, si sola spectantur: exempl. in l. ex facto 17. in princ. l. si quis 29. ad Trebell. l. cum proponebatur 64. l. peto 69. in princ. de legat. 2. l. 21. §. si quis ita 4. l. ult. §. 3. de legat. 3. Consultantur Masheac. epit. legat. lib. 1. c. 3. Chiflet. lib. 2. de jur. fideicomm. 18. & 20. Mantie. lib. 7. & 8. de conj. ultim. vol. D. Tulden. comm. in tit. præc. cap. 3.



TITULUS XXV.

D. Lib. 29. Tit. 7. Cod. Lib. 6. Tit. 36.

De Codicillis.

*Ratio ordinis. Codicilli unde dicti: eorum definitio, & divisio,
Summa tituli.*



Videri alicui poterit disputatio de codicillis non recte subiecta tractationi de successione ex testamento: quippe cum si codicilli tantum facti sint, succedatur ab intestato. Verum Justiniano, ut apparet, propositum hic maxime fuit agere de codicillis à testato factis, qui pars sunt testamenti, ejusque jus sequuntur. Sed & codicilli ab intestato facti speciem quandam testamenti exhibent, l. ab intestato 16. hoc tit. Codicilli dicti sunt parvi codices, id est, tabellæ ex codicibus aut ligno. Itaque quemadmodum testamentum codex appellatur, Juvenal. satyr. 10. *Codice servo Heredes vetat esse suos*, quia testamentum in codicibus tantum scribebatur sive tabulis grandioribus: ita voluntas suprema, minus solemnibus aut plena, codicilli, & aliquando numero unitatis codicillus: l. si ita 37. de cond. & dem. hoc tit. l. 14. Cod. de testam. propterea quod scribi solita erat in codicillis, id est, tabulis brevioribus & tenuioribus, ita factis, ut facile, quod cuique commodum esset, circumferri atque in sinu gestari possent. Est igitur codicillus *κατοχὴ σκευὴ*, à codice: quanquam obtinuit, ut etiam nuncupata imperfecta voluntas codicillus dicatur, l. 13. Cod. de sacrosanct. Eccl. l. ult. C. de bon. libert. l. ult. §. ult. C. de Cod. quemadmodum hæredi nuncupato dari dicitur bonorum possessio secundum tabulas, licet tabulæ nullæ sint, l. 2. Cod. de bon. poss. ser. tab. Codicilli igitur sunt supremæ voluntatis testatio minus solemnis: eorumque, ut & testamenti, duo sunt genera; scripti, in quibus voluntas scribitur; & non scripti, in quibus nuncupatur. Primum hic commemorat Justinianus, à quibus & quam ob causam usus codicillorum introductus comprobatusque sit: deinde modum ordinationis, & quæ res codicillis relinqui possint, ostendit.

TEXTUS,

Origo,

Ante Augusti tempora constat, codicillorum jus in usu non fuisse; sed primus Lucius

Lentulus, ex cujus persona etiam fideicommissa esse cœperunt, codicillos introduxit. Nam cum de cederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum D. Augustus voluntatem ejus impleisset; deinceps reliqui ejus auctoritatem sequuti, fideicommissa præstabant: & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebatum quoque, cujus tunc auctoritas maxima erat, & quæsisse, an posset recipi hoc, nec absonans à juris ratione codicillorum usus esset: & Trebatum suasisse Augusto, quod diceret, utilissimum & necessarium hoc civibus esse, propter magnas & longas peregrinationes, quæ apud veteres fuissent: ubi, si quis testamentum facere non posset, tamen codicillos posset. Post quæ tempora cum & Labeo codicillos fecisset, jam nemini dubium erat, quin codicilli jure optimo admitterentur.

NOTÆ.

[Codicillorum jus] Codicilli sunt supremæ voluntatis testatio minus solemnis, non in hoc comparata, ut testamentum sit, l. 1. l. 13. §. 1. hoc tit. Et, possunt quoque confici ab intestato, §. seq. Imperfecta igitur est definitio Græcorum Th. hic, Harm, lib. 5. tit. 7. §. 3. in Basil. lib. 36. tit. 1. *ἐπιτάφιος καὶ ἀποφύγιος* γράμματα ἀναπληρώσι; aut *δεδοτωρὶς καὶ ἀποφύγιος*, testamenti suppletio aut correctio.

[Jure optimo admitterentur] Eorumque recepta duo genera, scripti, in quibus voluntas scribitur; & non scripti, in quibus nuncupatur, l. 13. Cod. de SS. Eccles. l. ult. §. ult. Cod. hoc tit. quanquam obstat nominis ratio, v. Hotomann, & nostræ in comm.

COMMENTARIUS.

Lentulus, ex cuius persona etiam fideic.] Quod ait, à persona Lentuli & fideicommissorum & codicillorum usum cœpisse, non sic accipiendum est, quasi primus hic Lentulus fidei hæredis aliquid commiserit, aut primus fecerit codicillos: sed quod ille primus occasionem præbuit, ut fideicommissa, quæ antea nullo juris vinculo continebantur, rata esse cœperint, iisque hæredes obligari: tum, ut etiam codicilli, quibus antea nihil efficaciter dari poterat, recepti sine, & fideicommissa quoque codicillis relicta peti potuerint. Quis ille Lentulus fuerit, non constat, & parum refert.

Testamento confirmatis] Testamento scilicet, quod antea Romæ aut in Italia fecerat, cum in eo scripsisset, se ab hæredibus suis petere, ut si quid postea codicillis relicturus esset, id bona fide præstarent. Exemplum testamenti, quo futuri codicilli confirmantur, habemus apud Marcellum *l. ult. de fideic. libert.*

Quibus ab Augusto petiti] Indicio hoc est, Augustum testamento Lentuli hæredem institutum fuisse, saltem ex aliqua parte: & frequens erat illis temporibus, ut viri primarii Principem ex portione aliqua hæredem scriberent.

Deinceps reliqui] An reliqui testamento Lentuli Augusto cohæredes dati, ut vult Wesembec. Theophilum secutus? An potius alii aliorum codicillis rogati, ut ferè amant subditi exemplum Principis sequi? quod magis placet.

Et filia Lentuli legata, quæ jure non debebat] Non quia relicta incapacibus τῆς μὴ διωαρμῆδὸς λαμβάνειν, sed quia relicta codicillis, qui tunc temporis adhuc firmitudinem nullam juris habebant. Non est igitur hæc ratio, quod legata codicillis dari non poterant, in quo fallitur Wesembecius: sed quod nihil eorum, quæ codicillis, licet testamento confirmatis, scripta erant, valeret. Et præcedentia arguunt, legata hic positum pro fideicommissa. Plane postea receptum fuit, ut etiam legata codicillis testamento confirmatis dare liceret, *l. 2. §. 2. hoc tit. l. 8. §. ultim. cod.* Apparet autem ex hoc loco, filiam quoque Lentuli ex parte hæredem à patre scriptam fuisse, cum tamen eo tempore vigeret adhuc lex Voconia: quod argumento est, filias partem aliquam hæreditatis paternæ per legem capere potuisse, atque ex ea parte etiam directo hæredes institui: qua de re scripsimus fusius supra ad §. 1. de fideicomm. her. Nulla igitur causa est, cur, cum Horomanno pro filia restituamus filiam.

Convocasse sapientes viros Augustus, ut erat Princeps prudentissimus, non temerè aut inconsulto ir-

repentem in rempub. novum codicillorum usum confirmandum sibi putavit: sed prius explorare voluit iudicium & sententiam virorum sapientum: censerentne illi, posse hunc usum recipi salva ratione juris constituti; tum an in eo tam evidens & iusta civium utilitas versaretur, ut auctores sibi essent ejus moris comprobandi: exemplo suo docens, nihil novi juris sine consilio prudentum ac manifesta civium utilitate constituendum esse, juxta illud quod præclare ab Ulpian. dictum est, *in rebus novis constituendis evidens esse utilitas debet, l. 2. de const. princ.*

Vbi si quis testamentum facere non posset] Propter civium Romanorum, qui ad testimonium necessarii erant, penuriam. De facto epim loquitur, non de jure, uti Jurisconsultus in *l. 8. §. 2. hoc tit.* nam testamenti factio loco alligata non est, *Dd. comm. in l. 1. Cod. de SS. Eccles.* Cæterum & illud pallam est, eum qui testamentum facere non potest, nec codicillos posse, *l. Divi 6. §. 3. d. l. 8. §. 2. hoc tit.*

Cum & Labeo] Qui eodem tempore maximæ auctoritatis fuit, & à Trebatio institutus est, auctore Pomponio in *l. 2. §. post hunc 47. de orig. jur.*

TEXTUS.

Efficiens.

1. *Non tantum autem testamento factio potest quis codicillos facere, sed & intestatus quis decedens fideicommittere codicillis potest.* Sed cum ante testamentum factum codicilli facti erant, Papinianus ait, non aliter vires habere, quam si speciali voluntate postea confirmentur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat, eum, qui testamentum fecit, à voluntate, quam in codicillis expresserat, non recesisse.

NOTÆ.

1. *Sed & intestatus*] Codicillis ab intestato facti vicem testamenti exhibent, suisque ipsi viribus nituntur. Proinde quicumque intestati successores erit, etiam postea natus, codicillis relicta præstabit, *l. 3. l. 8. pr. & §. 1. l. 16. cod.* voluntas in hoc parata sit, ut testamentum esset, *l. 1. l. 13. §. 1. cod. l. 14. Cod. de testam.* non adjecta scilicet clausula codicillati, *l. prope. qui testam. fac. l. 41. §. 3. de vulg. & pup. l. ultim. §. 1. Cod. hoc tit.* Testamento autem

autem facto codicilli vires ex testamento capiunt, & jus ejus sequuntur, l. 3. §. ult. d. l. 16. cod. l. 1. Cod. cod.

Papinianus ait] l. 5. cod. & hæc Papiniani sententia receptissima erat Plinii temporibus, ut constat ex lib. 2. epist. 16.

COMMENTARIUS.

1. *Voluntatem in hoc paratam, ut testamento sit, ne jure quidem codicillorum valere, nisi adjecta sit clausula codicillaris.*
2. *Testamento facto codicillos quoscunque & quocunque tempore factos jus testamenti sequi.*
3. *Differentia inter codicillos confirmatos & non confirmatos: ceterum hodie sublata.*
4. *Quatenus ex his, quæ testamento cauta, mutare quid liceat.*
5. *Sententia extremorum verborum hujus §.*

Codicilli & ab intestato confici possunt & facto testamento. Ab intestato facti suis ipsi viribus nituntur, & vicem testamenti exhibent. Proinde quicumque intestati successor erit sive legitimus sive honorarius, etiam postea natus, codicillis relicta præstabit, l. 3. l. 8. in pr. & §. 1. l. ab intestato 16. hoc tit. Hoc unum exigimus, ut codicilli valeant, ne voluntas defuncti in hoc instituto sit, ut testamentum esset: quod eo pertinet, ut sciamus, eam voluntatem, quæ in codicillis valere potuit, si defunctus codicillos facere instituisse, non valere jure codicillorum, ut voluntatem intestati si in hoc parata sit ut testamentum esset. Neque enim ad validitatem actus civilis sufficit forma, si agentis deest intentio, ut bene D. Tilden. hic c. 2. Itaque si quis verbi causa codicillis scripserit hanc voluntatem suam esse testamentum, aut caverit, quæ sunt testamenti propria, nihil à legitimo peti poterit, l. 1. l. illud 13. §. 1. hoc tit. l. propen. qui test. fac. l. non codicillum 14. C. de testam. nisi adjecerit, velle se eam voluntatem, si jure testamenti non possit valere saltem vice codicillorum; quæ cautio vulgo clausula codicillaris dicitur, aut valere quacunque ratione poterit, sive, ut nunc fere, omni meliori modo, d. l. propen. qui test. fac. l. coheredi 41. §. 3. de vulg. & pup. l. 3. in fin. de test. mil. l. Titia 13. de inoff. test. l. Lucius 88. §. ult. de legat. 2. l. ult. §. 1. C. hoc tit. de cujus clausule vi ac potestate; & an clausula codicillaris à testatore omissa, quibusdam casibus subintelligi debeat; denique an præsumendum sit, ex stylo & consuetudine notarii eam clausulam adscriptam esse, an ex voluntate & scientia testatoris; vid. Mantis. de conject. ult. vol. lib. 1 tit. 9.

19. add. Gail. 2. obs. 114. Christ. lib. 3. de jur. fideic. Schneid. hic cap. de claus. codicil. & eruditissimum Joan. Decherum lib. 1. dissert. 8. num. 27. & seqq. Christin. vol. 4. decis. 32. Anton. Fab. Cod. suo. hoc tit. fere per tot. Testamento autem condito 2 codicilli quocunque tempore facti fuerint, ad testamentum pertinent, viresque ex eo capiunt, etiam si in eo confirmati non sint, l. 3. §. ult. d. l. ab intestato 16. hoc tit. denique infirmato testamento & codicilli concidunt, l. 1. Cod. cod. d. l. 3. §. ult. Illud interest inter codicillos testamento nominatim confirmatos & non confirmatos, quod illis relicta etiam directo jure valent, veluti legata, & libertates directo datæ; l. libertates 43. de man. testam. perindeque omnia habeantur ac si intestamento scripta essent, excepta causa hæreditatis, l. 2. §. 2. hoc tit. quo loco palam est Julianum agere de codicillis confirmatis. At quæ codicillis non confirmatis relicta sunt, sive verbis directis sive precariis, debentur jure fideicommissi, argum. d. l. 2. §. ult. l. illud 13. §. 1. hoc tit. l. Scævola 96. ad senat. Trebell. Illud enim dicere nolum, ea sola, quæ verbis precariis codicillis non confirmatis relicta sunt, valere: utque cum Ant. Fabro 25. conj. 15. potentius esse jus codicillorum, qui ante testamentum facti sunt, quam eorum, qui postea scripti, quasi in illis post rescriptum Imperatorum Severi & Antonini etiam quæ directo relicta sunt, jure fideicommissi valeant, in his nihil nisi precariis verbis utiliter relinquatur. Quod perquam mihi absurdum videtur. Sed non est, quod de his amplius laboremus: cum enim confusa nunc sit legatorum & fideicommissorum natura, l. 2. Cod. comm. de legat. dubitandum non est, quin legata codicillis etiam non confirmatis data directo nunc valeant.

Ante testamentum] Meminit tantum codicillorum factorum ante testamentum quoniam quin codicilli post testamentum conditum scripti etiam sine confirmatione valerent, non videtur fuisse dubitarum; cum quod quisque postremum cavet, id ratum esse velle satis constet. Fuit, quidem usitatum, ut etiam futuri codicilli testamento confirmarentur, ut apparet ex l. quedam 7. & l. seq. §. ult. l. Plantiana 18. de fideic. libert. l. 6. lult. Cod. cod. sed id fieri solitum majoris securitatis gratia: nam ad validitatem codicillorum specialem hanc confirmationem non fuisse necessariam patet ex l. 3. §. ultim. hoc tit. nisi ad hoc, ut legata & libertates datæ directo valerent. Illud queritur, quatenus codicillis posterioribus ex his, quæ testamento cauta sunt, mutare quid aut tollere liceat. Hæreditatem codicillis adimi non posse, tralatitium est. Quam ob causam nec conditio hæredi instituto codicillis ad-

ici potest. §. seq. At potest hæres testamento scriptus codicillis rogari, ut hæreditatem restituat, l. 2. *hoc tit.* Possunt & fideicommissa testamento relicta codicillis adimi: quinimo & legata, utique hærenus, & legatarius ex testamento agens repelli possit exceptione doli mali, arg. l. 4. §. præterea 10. de dol. mal. except.

Quam si speciali postea voluntate] Papinianus existimabat codicillos ante tabulas testamenti factos non aliter valere, quam si testamento, quod postea factum est, vel codicillis confirmarentur, aut prior voluntatis quocunque iudicio retineretur, l. 5. *hoc tit.* motus, ut credibile est, hac ratione, quod qui post codicillos à se factos testamentum facit, mutet causam successionis, transiens à causa intestati ad causam testati, Quo facto videtur codicillos istos revocare una cum voluntate habendi hæredem ab intestato.

Dari Severus & Antoninus contra] Contra sententiam Papiniani, qui exigebat, ut voluntas codicillis, expressa saltem novo aliquo iudicio retenta probaretur, Imperatores ergo ne illud quidem in proposito exigunt, sed retentam voluntatem interpretantur, quæ mutata non ostenditur; ut jam mutaræ voluntatis probatio incumbat hæredi, cum ex sententia Papiniani retentæ voluntatis probatio exigeretur ab eo, qui ex codicillis quid peteret; atque ut nunc præsumptio sit pro codicillis, cum antea contra esset.

Si appareat, cum. &c. Non recessisse] Hoc omnino sic accipiendum est cum clarissimo D. Tuldeno, cap. ult; hic. Achi scriptum esset, nisi appareat, cum, qui testamentum fecit, à voluntate, quam in codicillis expresserat, recessisse. Satis enim apparet non recessisse ex eo ipso, quod non apparet recessisse. Alioqui dici non potest, quid novi circa jus codicillorum rescripto Severi & Antonini introductum sit, cum ipsi Papiniano suffecerit, voluntatem codicillis declaratum quocunque iudicio retentam probari, ut bene disputat Anton. Fab. 15. conjec. 15. Similis loquendi formula in eodem sensu etiam apud veteres occurrit, ut in l. dotem 30. de jur. dot. l. generaliter 24. §. sed etsi 8. de fideic. libert. l. 8. §. 2. de novat. neque enim semper æque accurate auctores juris loquuntur. Estque hæc communis ususque recepta sententia, codicillos, nisi testamento postea facto revocati probentur, tacite confirmatos intelligi. Gloss. & Cart. in l. 5. hoc tit. Mant. lib. 1. de conjec. ult. vol. tit. 8. Myns. Schneid. Wesemb. hic. Toroque iudicio fallitur Horomannus, qui scribit, hoc iure nos uti, ut nisi retenta voluntas probetur, codicilli per testamentum revocati videantur.

T E X T U S.

Materia.

2. *Codicillis autem hæreditas neque dari, neque adimi potest; ne confundatur jus testamentorum & codicillorum: Siquid nec exhereditatio scribi. Directo autem hæreditas codicillis neque dari neque adimi potest: nam per fideicommissum hæreditas codicillis jure relinquitur. Nec conditionem hæredi instituto codicillis adjicere, neque substituere directo quis potest.*

N O T Æ.

2. *Hæreditas neque Dari*] l. 10. eod. l. 2. C. eod. l. 76. ad SC. Treb. neque confirmari, l. 2. §. ult. h. t. l. pen. §. 1. C. de nec. serv. her. quamvis cætera codicillis testamento confirmatis etiam directo dari possint, l. 3. de test. tut. l. 43. de man. test. l. 2. §. 2. h. t. Non obstant l. 77. de her. inst. l. 10. de cond. instit. Nam illis non proponuntur species hæreditatis codicillis datæ aut confirmatæ, sed datæ testamento, quod codicillis declaratur.

Neque adimi] Quæ testamento data aut lege debita, l. 4. C. de his qua ut indign. Hoc a superiori consequens est ex doctrina contrariorum, l. pen. §. 1. de cond. inst. l. 2. C. h. t. & ideo liberi codicillis frustra exheredantur. Hoc text. fac. l. 14. C. de testam.

Ne confundatur jus testam.] l. 7. Cod. eod. aliam rationem affert Papinianus l. 10. eod.

Per fideicommissum] Seu verbis precariis, l. 2. C. h. t. quo casu hæres scriptus aut legitimus quartam partem sibi retinere potest ex SC. sup. d. fideic. hered.

Nec conditionem adjicere] Neque detrahere: qui adjicit, in defectum conditionis de ademptione hæreditatis cogitat; qui detrahit, de pure danda, quæ prius in defectum conditionis data non erat, l. 6. h. t. l. pen. §. ult. de cond. inst.

C O M M E N T A R I U S.

1. *Hæreditatem codicillis dari aut adimi non posse nec & testamento confirmati sint: & quæ hujus juris ratio.*
2. *Regulam hanc intelligi de hereditate directo danda, non per fideicommissum. Et quid inter hæc intersit.*
3. *Consequens esse superiori regulæ, instituto hæredi codicillis neque conditionem recte adjici, neque detrahi, neque directo substitui.*

UT cætera omnia codicillis vel ac intestato factis, vel à testato, licet testamento non confirmatis, relinqui possint, maxime novo jure, post

post exæquationem legatorum & fideicommissorum; hæreditas tamen codicillis dari non potest, nec si testamento confirmati sint, l. quod per manus 10. hoc tit. l. 2. Cod. eod. l. Scaevola 76. ad senatusc. Trebell. & militis in hoc privilegium agnoscimus, quod codicillis hæredem facere possit, l. militis 36. de testam. mil. Datur enim hæreditas per institutionem hæredis aut substitutionem directam, quod solius testamenti proprium est, neque in ullum aliud actum sive inter vivos sive ultimæ voluntatis aut donationis mortis causa conferri potest, l. 7. Cod. hoc tit. l. licet 19. Cod. de pact. l. cum donationis 34. Cod. de transact. l. 5. Cod. de pact. conv. tam sup. dot. l. 4. C. de inut. stip. Non obstant species propositæ in l. affe 77. de her. inst. l. 10. de cond. inst. illic enim non proponitur hæreditas data aut confirmata codicillis sed data testamento, quod codicillis declaratur, aut purificatur, ut loquitur Baldus. Hoc autem posito, hæreditatem codicillis dari non posse, consequens est ex doctrina contrariorum, nec codicillis posse adimi, scilicet his, qui vel in testamento scripti sunt, vel ex lege sunt hæredes, l. pen. §. 1. de cond. inst. l. 2. C. hoc tit. l. 4. C. de his quib. ut indign. & ideo liberi codicillis frustra exhæredantur, fac. l. non codicillum 14. C. de testam.

Ne confundatur jus testamentorum] Et ne alioqui, quod absurdum & præposterum est, per codicillos, qui ex testamento vim sumunt, ipsum testamentum, quod vires per institutionem hæredum accipit, confirmari videretur, ut Papinianus disputat in d. l. quod per manus, hoc tit. Nimirum si hæreditas codicillis vel dari vel adimi posset, sequeretur, & confirmari testamentum & revocari per codicillos posse: denique idem posse, idem esse codicillos, quod testamentum. Cur ergo hæc distinguerentur? Cur diversum nomen inderetur iis rebus, quas vis ac potestas una sociasset? collectio Constantini in l. 7. C. hoc tit.

Directo autem hæreditas, &c. nam per fideicommissum] Quod totiens traditum est, hæreditatem codicillis nec dari nec adimi posse, sic accipitur, ut directo non possit dari, puta hæredo instituto aut substituto, d. l. 7. C. hoc tit. nec directo codicillis adimi, puta quæ aut testamento data est, aut lege debita, l. 4. C. de his quib. ut indign. Cæterum per fideicommissum seu verbis precariis etiam codicillis hæreditas jure relinquatur, l. 2. C. hoc tit. daturque & adimitur. Dari intelligitur ei, cui hæreditas restitui rogatur; adimi ei, qui rogatur restituere. Nam licet is ipso jure adhuc hæres maneat; manet tamen nomine tantum, effectu autem is hæres fit, cui hæreditas restituitur. Multum vero interest, utrum dicamus codicillis directo hæreditatem relinqui posse, an per fideicommissum duntaxat: nam directo relicta,

semper tota capitur ab instituto: relicta per fideicommissum non capitur à fideicommissario, nisi imminuta detractioe quartæ Falcidiæ, si is, qui rogatus est restituere, jure suo uti velit, qui pro ea parte etiam effectu tum hæres manet. Porro cum confirmatio quoque in speciem directæ dationis cadat, negat Jurisconsultus in l. 1. §. ult. hoc tit. hæreditatem testamento inutiliter datam posse codicillis quasi hæreditatem confirmari; sed tantum ex fideicommissum peti salva ratione legis Falcidiæ. Unde Justinianus secundum veteres leges sic definit, hæreditatem codicillis neque dari neque confirmari posse, l. pen. §. 1. C. de nec serv. her. inst.

Nec conditionem adjicere] Hæredi pure instituto conditio codicillis adjici non potest, l. Divi 6. in pr. hoc tit. quia scilicet conditione adjecta testator in defectum conditionis de ademptione hæreditatis cogitasse intelligitur, l. quidam 27. §. ult. de cond. inst. Quod si codicillis adjicere conditionem institutioni non licet, multo minus licebit detrahere, cum hoc casu pure hæreditas detur, quæ prius in defectum conditionis data non erat.

Neque substituere directo] Nam qui directo substituit, in defectum prioris hæredis alium hæredem instituit. Est enim species institutionis substitutio, l. 1. de vulg. & pup. Plane interdum directis verbis facta in codicillis substitutio ad fideicommissum, traditur benigna interpretatione, l. Scaevola 76. ad Trebell. In universum autem si constet, aliquem, qui testamentum non habebat, codicillos, non testamentum facere voluisse, in ea scriptura directa institutionis verba ex voluntate defuncti, quamvis clausula codicillaris adjecta non sit, in vim fideicommissi valere placet, perinde haberi, ac si legitimus hæres rogatus esset scripto in codicillis hæreditatem restituere, l. 13. §. 1. hoc tit. & ibi Barr. Bald. & alii, & in l. 7. de vulg. & pupill. eoque jure utimur.

TEXTUS.

Numerus & solennitas.

3. Codicillos autem etiam plures quis facere potest: & nullam solennitatem ordinationis desiderant.

COMMENTARIUS.

1. Cur cum plura testamenta unius hominis esse non possint, plures possint esse codicilli.
2. Codicillos non esse omnino sine aliqua solennitate ordinationis: quod tamen non pertineat ad confirmatos testamento.
3. Vtrum mulier in codicillis recte testis adhibeatur.

Non

NOtantur hic & aliæ differentiae inter testamentum & codicillos. Plura testamenta unius hominis esse non possunt, quamvis pluribus codicibus seu exemplis unum idemque testamentum fieri possit, §. *pen. sup. de testam. ord.* Nam cum unumquodque testamentum universam successionem contineat, si novissimam testatoris voluntatem servari placet, prius semper per posterius rumpatur necesse est, §. *2. sup. quib. mod. testam. inf.* Codicillos autem plures non modò pluribus exemplis quis facere potest, sed etiam diversos & diversarum rerum, l. *6. §. 1. hoc tit.* nec quicquam per posteriores de prioribus detrahitur, nisi sint contrarii, l. *3. Cod. eod.*

Nullam solemnitatem ordinationis] Existimo, hoc è veteris alicujus Jurisconsulti commentariis sumptum, qui ante Theodosium vixit, & fortè ex Marciano d. l. *6. §. 1. hoc tit.* Nam Theodosius quinque testes in codicillis requirit, atque ut uno eodemque tempore, hoc est, uno actionis contextu, coram iis negotium absolvatur, etsi in scriptis fiant, etiam testium subscriptionem desiderat, l. *ult. §. ult. Cod. hoc tit.* Quæ sanè declarant, codicillos nunc non omnino esse sine solennibus & subtilitate ordinationis, fac. l. *ult. Cod. de fideicomm. §. ult. sup. de fideicomm. her. & jejuna illa quorundam distinctio est inter so-*

lennitatem ordinationis & probationis. Nam solennitas omnis etiam in testamento non alia de causa, requiritur, quàm ut certo de voluntate defuncti constare possit. Enimverò in codicillis testamento confirmatis non puto necesse esse ea adhiberi, quæ à Theodosio præcipiuntur. Quippe quod his codicillis relictum est, perinde habetur, ac si ipso testamento relictum esset, l. *2. §. 2. hoc tit.* ut proinde ad horum relictorum vim solennitas testamenti sufficere debeat, *argum. l. asse 77. de her. inst. l. 10. de cond. instit.* atque etiam secundum ipsam constitutionem Theodosii. Quæsitum est, an etiam mulier in codicillis expresse prohibita est testimonium dicere. *Gloss. & DD. comm. in d. l. ult. §. ult. Cod. hoc tit.* *Grass. §. testamentum, quest. 57, num. 4. Myns. Schneid. hic.* Cæterum mihi non fit verisimile, ullos actus solennes adhiberi mulieribus apud veteres expediri potuisse: & Theodosius non qualitate & sexu, sed numero tantum testes codicillarios à testamentariis distinguit. Revisè ad ea, quæ scripti ad §. *testes 6. sub de testam. ord.* Apud nos codicilli, item ut testamenta passim confici solent coram duobus testibus & tabulario; *D. Coren. obs. rer. jud. 31. sect. pen. Grot. 2. introduct. 22. Grænev. de legib. abrog. hic.* Jusque & nomen testamentorum ac codicillorum fere confusum,

FINIS TOMI PRIMI.



ARNOLDI VINNII, J. C. IN LIBRUM TERTIUM INSTITUTIONUM IMPERIALIUM COMMENTARIUS

Academicus & Forensis.

TITULUS I.

D. lib. 38. r. 16. C. lib. 6. t. 55. & 58.

N. 118.

De hæreditatibus, quæ ab intestato
deferuntur.

Ratio ordinis, cum argumento tituli.



DE CURSUS omnibus supremæ voluntatis partibus,redit Imperator ad institutam de universitate bonorum acquirenda disputationem. Ex quatuor hujus generis acquisitionis modis, propositis §. *Ult. sup. per quas pers. cuiq. acq.* cum primo explicandum suscepit, per quem hæreditas nobis obvenit. Obvenire vero nobis dixit vel ex testamento, vel ab intestato. Quoniam igitur de hæreditate ex judicio defuncti acquirenda hæctenus solum tractavit, cujus semper prior & potior causa est; *l. 39. de acq. har. l. 89. de reg. jur.* quod reliquum est ad tractationem istam absolvendam, de hæreditate legitima, seu ea, quæ lege ab intestato deferretur, pertextere prius voluit, quam ad ceteros per universitatem acquirendi modos transitum faceret. Hæreditates, quæ ab intestato deferuntur, eadem passim & lege

deferri dicuntur, nomenque legitimarum hæreditatum sibi proprium fecerunt, licet testamentaria quoque hæreditas dici possit lege obvenire, *l. lege 130. de Verb. sign.* Sed illæ solæ hoc nomen occupaverunt, propterea quod immediate & proxime deferuntur à lege, & à lege sola absque voluntate defuncti; cum testamentariam non ipsa lex deferat, sed delatam à testatore confirmet duntaxat, *d. l. 130.* Hinc etiam hæredes legitimi & testamentarii passim opponuntur, *l. 2. §. 2. pro soc. l. 17. §. 1. l. in plurium 70. l. illud 77. de acq. har. l. 2. & 101. tit. de suis & legit. har.* Succeditur ab intestato vel ingenuis, vel libertis. De ingenuorum successione tractat priore loco: deinde de successione libertorum, & demum *tit. 8.* Hoc autem titulo solum agitur de successione descendentium sive liberorum, quorum in causa successionis legitimæ prima semper ratio habita. Cum autem varia sint liberorum genera, & pro varietate eorum varia quoque iura succedendi ab intestato, eo ordine hic proceditur, ut primi, & statim post descriptionem intestati prodeant, qui principem locum jure civili inter ipsos liberos obtinebant, aut potius soli in causa successionis liberi habebantur, sui sc. hæredes. Inde §. 9. transitur ad successionem emancipatorum. Postea §. *pen.* commemoratur mutatio juris circa liberos adoptivos. Ad extremum discrimen vetus ex masculis & foeminis descendendum tollitur. Quæ

Tom. II.

A

mutatio

mutatio jure novissimo in successione ab intestato facta sit No. 118. in unoquoque ordine succedentium; suo quoque loco indicabimus, ubi res id postulare videbitur: & denique totum illud jus accuratius tractabimus seorsum, adiectis institutis patriis; post explicationem tituli de success. cogn. qui hujus libri quintus.

TEXTUS.

Definitio intestati.

Intestatus decedit, qui aut omnino testamentum non fecit, aut non jure fecit; aut id quod fecerat, ruptum, irritumve factum est; aut si ex eo nemo hæres extiterit.

NOTÆ.

INTESTATUS DECEDIT] Ex Vlp. l. 1. de suis & leg. it. Intestatorum hæreditas nomen legitimarum sibi proprium fecerunt, propterea quod immediate à lege deferuntur, l. 130. de verb. sign. Impuberes quoque, furiosi, & prodigi suos successores ex lege habent, & ad hos etiam vox *intestatus*, licet minus proprie, refertur d. l. 1.

COMMENTARIUS.

1. An appellatio intestati etiam ad pupillum, furiosum, prodigum pertineat.
2. Appellatione rupti quid hic significetur.
3. Quando successioni ab intestato locus testamento irritato factum.
4. De testamento destituto.

Descriptio est intestati, cui similis Ulpiani in l. 1. pr. de suis & leg. A t, qui aut omnino testamentum non fecit. Testamentum non fecisse atque intestato mortuus esse dicitur non solum is, qui non fecit testamentum, cum facere potuerit: verum etiam is, qui cum civis Rom. esset, & sui juris, propter ætatem aliamve causam testari non potuit, ut pupillus, furiosus, prodigus, d. l. 1. pr. quamvis si quis capere velit verbum *intestatus*, non videantur hi proprie dici intestati: siquidem ubi habitus non est, non potest esse privatio. Sed cum duo tantum genera successuum jus civile agnoscat, ex testamento, & ab intestato; cui synonyma ex lege, & impuberes quoque, furiosi, & prodigi suos successores ex lege habeant, vox *intestatus*, ut forte minus proprie, ex sententia tamen legum accipienda fuit, non uique pro negatione *privante*, sed pro negatione, quæ à Philo sophis *negans* dicitur. Adde quod tamen ipsi non possunt, possunt tamen parentes iis testamentum facere. Successorum impuberum ab intestato mentio est in l. 4. §. 3. qui per. iur. l. 9. de reb. dub. l. 1. & l.

singulis 37. de vulg. & pup. l. 6. C. ad Tertyll. l. 10. C. de leg. her. Quamobrem dubitandum non est, quin recte sentiant, qui cum Bart. in d. l. 1. de suis & leg. Statuta de successione intestati loquentia ad supradictas quoque personas pertinere statuunt. Consule Forster. lib. 3. de her. qua ab intest. c. 4.

Non iure fecit] Puto quod legitimum numerum testium non adhibuerit, aliasve solennitates, quæ ad ordinanda testamenta necessario desiderantur, omiserit; aut quod liberos, quos in potestate habebat, hæredes non instituerit, aut exheredaverit, secundum ea, quæ tradita sunt libro superiore, tit. de exher. lib.

Ruptum] Rumpi testamentum proprie dicitur, cum testatore manente in eodem statu jus testamenti viciatur, §. 1. sup. quib. mod. test. inf. Ex duobus vero modis, quibus testamentum rumpi docemur, l. 1. de injust. rupt. test. d. §. 1. cum seg: unus tantum huc pertinet, agnatio sui hæredis: nam mutatione voluntatis testatoris aliud testamentum postea facientis, etsi prius quidem etiam rumpitur, tamen ei non succeditur ab intestato, sed hæreditas deferitur ex posteriori. Plane mutatio voluntatis, in qua testator subsistit, puta si tabulas testamenti inciderit, scripturam deleverit, cancellaverit, signa auulserit, intestatum eum facit, tit. de his qua in test. del. l. 1. §. pen. si tab. test. null. ext. l. pen. C. de testam. Relicto quoque testamento per querelam inofficiosi paterfa. intestatus fit: ac retrouersus perinde omnia habentur, ac si hæreditas nunquam adita esset, l. 6. §. 1. l. 21. §. 2. de inoff. test. l. ut liberis 17. Cod. de collat. idemque est, si petita bonorum possessio contra tabulas, d. l. ut liberis. De quo fortassis alibi diligentius.

Iritumve factum] Si testamentum irritum factum in speciali significatione accipimus, nempe pro testamento, quod per testatoris capitis deminutionem infirmatum est, quo modo fere accipi solet, cum opponitur testamento rupto; §. 4. & §. 5. sup. quib. mod. test. inf. l. 12. de injust. rupt. non video, quomodo id ad quæstionem propositam applicari queat: nam capitis deminutione testatoris, qualiscunque ea sit, non tantum irritum fit testamentum, quod antea factum est: sed per eam etiam persona testatoris in eum statum deducitur, ut simul jus testamenti faciendi amittat, atque adeo bona quoque ipsa, ut nec hæredem ab intestato habere possit. Quod si respicimus casum, quo capite minuti mutata iterum conditione bona & hæredem habere possunt, veluti si deporatus beneficium Principis restitutus sit, adrogatus sui juris iterum factus; atque ita decesserint non condito novo testamento: ne sic quidem pro intestatis habentur, saltem jure prætorio: nam restitui quidem testamentum etiam citra novam declarationem voluntatis convalescit, l. 6. §. pen. de injust. rupt.

rupt. si sui juris effecti, si codicillis aut aliis literis declaraverit, se eo testamento, quod ante adrogationem fecit, velle decedere; *l. pen. §. 2. de bon. poss. sec. tab.* ut proinde, si verba, uti dictum est, strictè accipimus, unus tantum casus relinquitur, qui huc accommodari possit, si is, qui sui juris postea effectus; voluntatem, quam irritam fecerat capitis deminutio, recenti aliquo iudicio non resciscitauerit. Quid si dicamus, de irrito additum propter ius civile, quo hereditas ex testamento, quod semel irritum factum est, nullo casu desertur? Sane causam non habet Bachovius, cur cautius Tribonianum loqui velit, quam locutus est Ulpianus in *d. l. i. de suis & leg. har.*

Nemo hæres existerit] Etiam id testamentum, ex quo nemo hæres exstitit, nullas vires habet, *§. 2. sup. quib. mod. testam. inf. l. 9. de testam. tut.* ac proinde non adita hereditate paterfamilias retroversus intestatus decessisse intelligitur, *l. 64. de Verb. sign.* Hoc autem casu in specie dicitur testamentum destitui aut deseri, *§. 7. inf. cod. §. 2. sup. de leg. Falc. l. ult. in fin. de cond. inst.* nonnunquam etiam irritum fieri, ut in *l. i. de injust. rupt. l. 20. cont. tabb. l. 50. de man. test.* & tamen ab irritio, strictius accepto vocabulo, distinguitur in *d. l. i. de suis & leg. har.* unde hic locus descriptus est. Itaque sine causa iterum Bachovius Tribonianum reprehendit, quod destitutum testamentum hoc loco separat ab irritio. In transitu observetur, etsi utroque modo fiat, ut intestatus decessisse quis intelligatur, & is, cuius testamentum post mortem deseritur, & cuius testamentum ipso adhuc vivo infirmatur; tamen in tempore deferendæ hereditatis & effectu succedendi insignem inter hunc & illum modum esse differentiam: quam videbimus in *§. cum autem 7. inf. cod. & §. proximus 6. tit. seq.*

T E X T U S.

Primus ordo succedentium ab intestato.

1. Intestatorum autem hereditates ex lege duodecim tabularum primum ad suos hæredes pertinent.

C O M M E N T A R I U S.

NON reperitur inter reliquias legis duodecim tabularum caput aliquod, quo, mortuo patrefamilias intestato, sui hæredes nominatim ad successionem vocantur. Ceterum non ambigo, quia proprio etiam capite & separatim de hac successione caverint decemviri, *arg. §. 2. sup. de her. qual. & diff. l. 3. C. de suis & legit. lib.* & quidem mox immediate post legem testamentariam: quod mihi non

obscurè ostendere videtur caput legis de successione agnatorum, quod extat apud Ulpianum in *fragm. tit. 26.* in hæc verba; *At si intestatus moritur, cui suus hæres nec exstabit, agnatus proximus familiam habeto.* Primum enim verba hæc, *At si intestatus*, arguunt, paulo ante cautum fuisse de successione testamentaria, confirmataque defunctorum voluntates, data cuique patris, libera testandi potestate; quæ legis illa particula est relata his verbis à Pomponio in *l. 120. de Verb. sign.* *Uti quisque legasset suæ rei, ita ius esset*, & plenius à Cicerone *2. de invent.* & Cornificio *1. rhetor. ad Herenn.* Deinde verba sequentia, *cui suus hæres nec exstabit*, aperte ostendunt, proximè præcessisse & interjectum fuisse inter hoc & illud de testamentis caput de successione ab intestato, & quidem quo sui hæredes primo loco vocati fuerint. Cur autem ad liberos suos hæredes duntaxat lex successionem hanc pertinere voluerit, alibi explicatum est, & fortassis nonnihil iterum de eo dicitur in sequentibus.

T E X T U S.

Qui sunt sui heredes.

2. Sui autem hæredes existimantur (ut supra diximus) qui in potestate morientis fuerint; veluti filius filiæve, nepos neptisve ex filio, pronepos proneptisve ex nepote, ex filio nato prognatus prognatave. Nec interest utrum naturales sint liberi, an adoptivi. Quibus connumerari necesse est etiam eos, qui ex legitimis quidem nuptiis, vel matrimonii non sunt progeneri, curiis tamen civitatum dati, secundum Divulium constitutionum, quæ super his positæ sunt, tenorem, hæredum suorum jura nanciscuntur. Nec non eos, quos nostra amplexæ sunt constitutiones, per quas iussimus, ut si quis mulierem in suo contubernio copulaverit, non ab initio affectione maritali, eam tamen, cum qua poterat habere conjugium, & ex ea liberos sustulerit, postea vero affectione procedente, etiam nuptialia instrumenta cum ea fecerit, & filios vel filias habuerit,

non solum eos liberos, qui post dotem editi sunt, justos & in potestate patris esse; sed etiam anteriores, qui & iis, qui postea nati sunt, occasionem legitimi nominis praestiterunt. Quod obtinere censuimus & si non progeniti fuerint post dotale instrumentum confectum liberi, vel etiam nati ab hac luce fuerint subtrahuntur. Ita demum tamen nepos neptisve, pronepos proneptisve suorum haredum numero sunt, si praecedens persona defierit in potestate parentis esse, siue morte id acciderit, siue alia ratione, veluti emancipatione. Nam si per id tempus, quo quis moritur, filius in potestate eius sit, nepos ex eo suus hares esse non potest. Idque & in ceteris liberorum personis dictum intelligimus. Posthumum quoque, qui si vivo patre nati essent, in potestate eius futuri forent, sui haredes sunt.

NOTÆ.

DIVALIUM CONSTITUTIONUM] l. 3. l. 4. C. de nat. lib. add. Nov. 89. c. 2.

NOSTRÆ AMPLEXÆ CONSTITUTIONES] l. 10. l. 11. C. de nat. lib. §. ult. sup. de nupt. add. Nov. 74. Nov. 86. c. 8. Huc etiam pertinent legitimati per rescriptum Principis, d. Nov. 89. c. 9.

POSTHUMI, &c. IN POTESTATE EIUS] Addendum, si nemo eos gradu precedat, §. pen. sup. de tutel.

COMMENTARIUS.

1. Legitimati an ad Feudi successionem admittantur
2. Cessare hodie edictum de conjung. cum emanc. lib.

Hic §. prolixus est, sed planus: continet enim repetitionem eorum, quæ iam ante diversis in locis tradita & illustrata sunt, maximè in §. ult. sup. de nupt. §. 2. de exhar. lib. §. 2. de har. qual. ut novam explicationem non inagnopere desideret. Sui haredes ita à nobis d. §. 2. de har. qual. definiti sunt, liberi defuncti, qui in potestate morientis fuerunt, & tempore delatæ hereditatis primum in familia defuncti gradum obtinent: quæ definitio modis omni-

bus perfecta est, ut patet ex hoc textu, *funt. §. 7. inf. cod. l. 6. de injust. rupt. l. 7. unde lib.*

Pronepos proneptisve] Ordo est, pronepos proneptisve, prognatus ex nepote nato ex filio: hoc est, ex nepote, qui non ex filia, sed ex filio susceptus sit: nam nepotes ex filia huc non pertinent; quia patris, non matris familiam sequuntur, l. familia 196. §. 1. de verb. sign. Pertinent quidem huc ex novo jure; sed de eo nondum tempus est dicendi.

Nec interest utrum naturales sint, an adoptivi] Per naturales intelligit ex iusto matrimonio natos: quam perpetuam naturalium liberorum significationem esse, cum opponuntur adoptivis, docuimus in d. §. ult. de nupt. Adoptivi in causa successionis ab intestato eadem conditione sunt, quo naturales, non veteri solum jure, l. 1. §. 4. de suis & legit. sed etiam novo, ex constitutione Iustiniani, qui jus succedendi ab intestato integrum conservavit etiam his, qui adoptivi sunt ab extraneo, l. pen. C. de adopt. Sed de horum successionem plura inf. §. 13. & 14.

Quibus connumerari &c.] Recenset hic duos modos, quibus liberi extra nuptias quaesiti, cæterum nati ex concubina, muliere libera, quam pater uxorem habere poterat, jus suorum haredum nanciscuntur ex suis vel anteriorum Principum constitutionibus; si cuius oblatus fuerint; si mater postea uxor ducta: & nimirum eos ipsos modos, quibus tradidit, liberos natos ex parentibus non conjugatis legitimos effici & in potestate patris, d. §. ult. de nupt. Idem jus concessum legitimatis per rescriptum Principis: qui modus confirmandæ paternæ originis postea accessit, Nov. 74. & 89. revise, quæ sup. ad d. §. ult.

Quod obtinere censuimus, etsi non progeniti] Cum constitutio Iustiniani in l. 10. C. de nat. liber. qua natos ex concubina, quæ procedente deinde affectione uxor ducta sit, patri suo legitimos fieri voluit, stricte à nonnullis accepta esset, quasi eo tantum casu legitimos eos fieri Iustinianus voluisset, quo ex matrimonio secuto quoque liberi nati forent, superioribus fratres & sorores, quod ex verbis constitutionis colligebant; Iustinianus nova & speciali constitutione mentem suam plenius exposuit, atque expressè iussit natos ante matrimonium etiam eo casu legitimos fieri, quo nulli liberi ex matrimonio postea contracto nati fuerint, aut nati ex hac sublatis. Extat constitutio in l. 11. C. de natur. lib. Hinc apparet, mendose legi textum, qui claudit d. §. ult. de nupt. & omnino restituendam esse lectionem sic, ut ex Hotomanno eam illic restituimus. Jure feudali ad feudi successionem soli videntur admitti, qui legitime nati sunt, exclusis omnibus legitimatis, lib. 3. Feud. tit. 26. vers. naturales. Vult. 1. feud. 9. Somsbec. de feud.

feud. lib. 1. pag. 9. n. 72. Hotomann. ad d. Serf. naturales: quamvis major pars interpretum excipiat legitimatos per subsequens matrimonium. Feudistæ post *Andr. de Ifern. in d. Serf. naturales. Curt. tract. feud. part. 1. 2. memb. 3. part. princ. num. 41. Zaf. de Feud. part. 8. D. Tulden. comm. hic cap. 13.* quo jure etiam nos utimur. Neostad. c. 5. de feud. Holl. success. n. 79. Distinguant quoque inter legitimatorem Principis simplicem, & quandol' rinceps nominatim ad feuda quoque liberos legitimavit, *Curt. d. loc. n. 39. Zaf. ibid. Borcholt. de Feud. cap. 7.* sed de hoc idem dictum sub §. ult. de nupt.

Ita demum nepos neptis &c. Quamvis semper filius, qui est in potestate, simul suus hæres sit: in persona nepotis & cæterorum descendentium sæpè contingit, ut in potestate sint adscendentium, nec tamen numerentur inter suos hæredes; puta si nepotem filius, pronepotem filius aut nepos præcedant. Nam ad jus sui hæredis non sufficit esse in potestate, nisi simul proximum à defuncto gradum obtineas, hoc est, nemo te in tuo ordine antecedit. Ideoque ut nepos, verbicaut, jus sui hæredis consequatur, necesse est primum filium de familia sublatum esse: tunc autem statim in patris sui locum succedit, & quasi agnoscendo jus sui hæredis in familia avi nanciscitur, de quo fufius sub §. 2. de exhar. lib. & §. 2. de har. qual. Disertè autem locutus est de nepotibus & neptibus ex filio, omittis consulto natis ex filia, quod hi uti extra familiam avi materni nascuntur, ita & manent matre sublata. Postea tamen vocati sunt ex constitutionibus, & ante agnatos admissi, §. ult. inf. eod. & plenissimo jure una cum filiis aut nepotibus ex filio suis hæredibus, *Noë. 118. c. 1.*

Sive alia ratione, & sicut emancipatione Sed hodie quoad effectum succedendi nepotes in potestate retenti in locum patris sui emancipati non succedunt, aut jus suorum hæredum consequuntur; verum filius nepotem ex se natum semper excludit, *d. Noë. 118. c. 1.* ut nec amplius locus sit edito de conjung. cum emanc. lib. Multoque magis obstabunt nepotibus ex se natis, quos dignitas de potestate patria exemit: quippe quibus jura suorum hæredum integra conservari voluit Justinianus, *Noë. 8. c. 2.*

Posthumi quoque Posthumi, qui vivo parente nati in ejus fuissent potestate, primumque gradum in familia obtinuerunt, suorum hæredum numero sunt, §. pen. sup. de tutel. sicut & in aliis ferè omnibus juris partibus, qui in utero sunt, pro jam natis habentur, quoties de eorum commodo agitur, *l. 7. & pen. de stat. hom.* De diversis posthumorum generibus tractatur sup. §. 1. & seq. de exhar. lib. & §. posthumo 26. de legat.

TEXTUS.

Quomodo sui heredes fiunt.

3. Sui autem heredes fiunt etiam ignorantes, & licet furiosi sint, heredes possunt existere: quia quibus ex causis ignorantibus nobis acquiritur, ex his causis & furiosis acquiri potest. Et statim à morte parentis quasi continuatur dominium; & ideo nec tutoris auctoritate opus est pupillis, cum etiam ignorantibus acquiratur suis heredibus hereditas: nec curatoris assensu acquiritur furioso, sed ipso jure.

NOTÆ.

3. *Etiam ignorantes* Nimirum quia ipso jure, *l. 1. 4. de suis & leg. fac. l. 1. §. 7. si quis om. ca. test.* cujus rei effectum cernere est in *l. 3. C. de jur. del.* Jure civili etiam inviti: cæterum prætoris beneficio jus abstinendi habent, §. 2. sup. de har. qual. Continuatur Dominium] *l. 11. de lib. & post. vid. sup. d. §. 2. de har. qual.* non tamen possessio, *l. 23. de acq. poss. facit l. 19. ex quib. ca. maj.*

COMMENTARIUS.

2. *An uti dominium, ita & possessio rerum hereditariorum suis heredibus continetur.*

HOc quoque loco inculcantur pleraque, quæ relata & explicata sunt §. 2. de har. qual. Ait *ignorantes*. Sui hæredes ipso jure, id est, sine ullo suo facto aut voluntate, sola juris potestate hæredes fiunt: & ideo non ut extranei, hereditatem adire dicuntur, sed hæredes existere, *l. 14. de suis & leg. har.* Quo jure posito consequens est, ut hæredes existant etiam ignorantes: atque hinc si quis ex suis hæredibus patri superstes decesserit, quamvis ignorans patrem decessisse, nihilominus tamen hereditatem patris, ut jam potestate juris quæsitam, ad quoscunque hæredes transmittit, *l. 3. C. de jur. delib.* Quinetiam inviti & nolentes hæredes fiunt, eaque de causa necessarij quoque hæredes appellantur, *d. §. 2.* cujus rei magnus jure civili effectus fuit. Cæterum jure prætorio beneficium abstinendi habent, *d. §. 2.* & tamen post abstentionem nihilominus hæredes manent, quoad multa effecta. Unde illud, non est si hærede, qui suum hæredem habet, licet abstinente se, *l. cum quasi 30. §. si et si 10. de fideic. libers.* Sed repete notata ad *d. §. 2.* quo loco etiam monuimus, jure harum regionum hæredes omnes esse voluntarios.

Et licet furiosi] *l. furiosus 83. de acq. har. l. ult. §. 2. C. de cur. fur.* Hoc autem & ipsum ex jure superiore necessario sequitur: quia, ut ait, quibus ex causis ignorantibus acquiritur, ex his omnibus acquiri potest & furiosis: quod & alibi traditum, *l. 12. de reb. cred. l. 24. de obl. & act.* eademque ratio & infantis & pupilli est, Paul. apud Ruffinum *1. deleg. succ.*

A morte parentum continuatur dominium] Suis non tam acquiritur hereditas, quā dominium continuatur, *l. 11. de lib. & posth.* Ob eam enim causam sui dicuntur, quod non alienarum, sed suarum quodammodo rerum heredes esse videantur: quippe suus heres patri vivo quasi cohæres & communium bonorum socius est, ut illo mortuo non novum acquirat dominium, sed quod prius ceptum erat, nunc plenum habere incipiat, *d. l. 18. d. §. 2. de har. qual.* cumque ipso mortis momento statim hæres exstat, *l. 1. §. qui sunt 7. si quis om. ca. test.* jaceret hereditas nunquam dici potest: pulcherrime **I** *Horom. 9. obs. 10.* Caterum non ut rerum hereditariarum dominium, ita & possessio suis heredibus continuatur: quoniam possessio cum facti sit, citra naturalem rei apprehensionem non acquiritur, *l. 1. §. 3. l. 3. in pr. l. 8. de acq. poss. l. 19. ex quibus ca. mai.* Et quod traditum est in *l. cum heredes 23. de acq. poss.* adita hereditate jura quidem omnia ad heredem transire, possessionem vero non transire, nisi naturaliter apprehensa sit; id non magis ad extraneos pertinet, quam ad suos heredes. Nam ut concedamus, existentiam in suis heredibus parem vim habere cum aditione in extraneis, majorem tamen vim ei inesse putare & fortius operari, valde absurdum est. Imo eandem prorsus vim habet aditio in heredibus extraneis, quam in suis immixtio. Mouere neminem debet, quod in *l. cum miles 30. ex quibus ca. mai.* apud Paulum scriptum est, possessionem defuncti quasi junctam descendere ad heredem: de effectu enim usucapiendi loquitur; quod quoad hunc effectum, qui sine possessione nullus est, *l. 25. de usuc.* ipsa simul possessio transire videatur, propterea quod tempora possessionis defuncti & heredis ita conjunguntur, ut usucapio nunquam interrupta videatur, *l. nunquam 31. §. pen. d. 111.* Alioqui contra jus expressum inferri posset, etiam hereditatem jacentem possidere, quoniam usucapio à defuncto cœpta etiam ante hereditatem aditam impleri potest, *l. ceptam 40. de usuc.* Illud nimis jejunum est, quod vulgo objicitur, dominium non acquiri sine possessione: nam hoc ad modos acquirendi, qui sunt ex jure gentium pertinet: in civilibus autem acquisitionibus non est perpetuum, *l. à Titio 64. de furt. l. 19. §. 1. quemad. seru. am. add. Vigl. ad d. §. 2. de har. qual. Gail. 2. obs. 129. Myns 3. obs. 98. Ant.*

Fab. C. suo de inoff. test. hesin. & Christin. Sol. & dec. 26. In Burgundia & tota ferè Gallia obtinet illud, *Le mort saisit le vif. Tiraquel. in isto tract. Chasjan. de success. rubr. 7. §. 1.*

Nec tutoris auctoritate] Hoc quoque consuetarium, ut & quod mox sequitur, ex eadem juris ratione est. In extranei hereditate contra observatur; quippe quam pupillus sibi delatam adeundo acquirere non potest sine tutoris auctoritate, *l. 9. l. pupillum 49. acq. har.* etiam si perspicuè lucrosa sit, neque ullum ab aditione periculum immineat, *l. 9. §. 3. de auct. tut. §. 1. sup. eod. tit.* Pupillis infantibus quomodo extranei hereditas acquiratur, cognoscis obiter ex *l. ser. & 65. §. 3. ad sen. Treb. l. 1. 18. C. de jur. delib.* tractatio non est hujus loci.

Nec curatoris assensu furioso] Imo nihil curatoris assensu furioso acquiri potest; ac proinde nec hereditas extranei: cum per rerum naturam fieri non possit, ut consensus alterius accomoderetur ei, cujus nulla voluntas est. Sed nec ipse curator nomine furiosi hereditatem jure civili adire potest. Plane potest, si velit, bonorum possessionem nomine furiosi agnoscere, *l. 1. de bon. poss. fur.* imo ex constitutione Justiniani etiam debet, ubi manifesta est furiosi utilitas, *l. ult. §. 3. C. de cur. fur.*

T E X T U S.

De filio post mortem patris ab hostibus reverso.

4. Interdum autem, licet in potestate parentis mortis tempore suus heres non fuerit, tamen suus heres parenti efficitur: veluti si ab hostibus quis reversus fuerit post mortem patris sui: jus enim postliminii hoc facit.

COMMENTARIUS.

Licet in potestate parentis, &c. non fuerit] Respicit ad id, quod dixit initio §. 2. suos heredes esse liberos, qui in potestate sunt, quo tempore parens moritur: unde hic excipit casum, quo filius ab hostibus captus post mortem patris revertitur. At enim si fictionem postliminii consideramus, nulla hic exceptio est: nam cum postliminium fingat, eum, qui ad suos reversus est, semper in civitate fuisse, secundum hanc fictionem etiam tempore mortis patris in potestate fuit. Verum Imperator excipiendo spectavit rei veritatem: revera enim suus heres non est, nec in potestate morientis patris, qui eo tempore in potestate est hostium. Sic & filius ejus, qui apud hostes decessit, invitum hereditati obligatur; quamvis suus heres dici non possit, ut ait Juris-

visconfultus; *l. 12. qui test. fac.* qui in potestate morientis non fuit: & tamen hic etiam in potestate & suus hæres est, ex lege Cornelia, quæ fingit, captum, ipso momento captivitatis mortuum & in civitate.

Qui enim postliminii] Imp. Dioclet. & Maxim. id fictioni tribuunt legis Corneliæ, *l. 3. C. de postlim. reu.* sed abusus est nomen legis Corneli. pro juris postliminii: nisi sit ἀναστρεψαμένη νόμον.

TEXTUS.

De memoria patris damnatæ ob crimen perduellionis.

5. *Per contrarium autem hoc evenit, ut licet quis in familia defuncti sit mortis tempore, tamen suus hæres non fiat; veluti si post mortem suam pater judicatus fuerit perduellionis reus, ac per hoc memoria ejus damnata fuerit. Suum enim hæredem habere non potest, cum fiscus ei succedat: sed potest dici, ipso quidem jure suum hæredem esse, sed desinere.*

COMMENTARIUS.

Causa superiori contrarius, quo scilicet sit, ut qui mortis tempore in potestate defuncti est, & proximum in familia gradum obtinet, suus tamen hæres non efficiatur: quod ait evenire, si pater post mortem suam perduellionis reus judicatus fuerit: quomodo & Ulp. hoc extulit *l. 1. § 3. de suis & leg. inter dum;* inquit, etiam filius suus hæres excluditur, si scio præiusto; ut puta si perduellionis fuerit damnatus pater post mortem suam. Basil. 45. tit. 1. in i. τὸν γυναικὶ κατὰ νόμον.

Post mortem] Speciale est in crimine perduellionis quod accusatio & cognitio cœpta etiam post mortem rei peragitur: nam reliqua ferè crimina mortalitate extinguuntur, aut potius criminum persecutio, *l. ult. ad leg. Jul. maj. tot. tit. C. si reus vel accus. mort.* Quid inter sit inter crimen majestatis & perduellionis demonstrabitur alio loco.

Memoria ejus damnata] Gravius & severius est, memoriam alicujus damnari, quam persecutionem criminis post mortem durare. Persecutio durat etiam in judiciis publicis peculatus, repetundarum, de residuis, *l. ex judiciorum 20. de accus. l. ult. ad leg. Jul. pecul.* At memoria rei damnatur in solo judicio perduellionis, lata in ipsum mortuum sententia, per quam quasi adhuc viveret, memoria ejus deleatur, *l. ult. C. ad leg. Jul. maj.*

Suum hæredem esse, sed desinere] Patre mortis suæ tempore nondum damnato, ac proinde libero & cive Romano decedente, filius non potest non suus hæres esse, cum, ut dictum est, statim à tempore mortis hæreditas suis hæredibus acquiratur: sed quia tempus sententiæ & securæ postea condemnationis retrotrahitur ac conjungitur cum tempore admissi criminis, fit ut jus suitatis extinguatur, aut potius potius habendum sit, ac si mortis tempore suus hæres non fuisset, & jam à die contracti criminis desisset esse in potestate, *arg. l. 15. §. donationes 31. §. ult. de don. l. ult. ad leg. Jul. maj.*

TEXTUS.

De divisione hæreditatis inter suos heredes.

6. *Cum filius filiaque & ex altero filio nepos neptisque existunt, pariter ad hæreditatem avi vocantur, nec qui gradu proximior est, ulteriorem excludit. Aequum enim esse videtur, nepotes neptesve in patris sui locum succedere. Pari ratione & si nepos neptisque sit ex filio & ex nepote pronepos proneptisqueve, simul vocantur. Et quia placuit, nepotes neptesve, item pronepotes proneptesve in parentis sui locum succedere, conveniens esse visum est, non in capita, sed in stirpes, hæreditatem dividere; ut filius partem dimidiam hæreditatis habeat, & ex altero filio duo pluresve nepotes alteram dimidiam. Item si ex duobus filiis nepotes neptesve existant, ex altero unus aut duo forte, ex altero tres aut quatuor; ad unum aut duos dimidia pars pertineat, ad tres vel quatuor altera dimidia.*

COMMENTARIUS.

1. *Quid sit in capita, quid in stirpes succedere.*
2. *Successionis in stirpe jure veteri usum tantum inter suos hæredes fuisse, & hujus successionis ratio.*
3. *Quatenus hac successio procedente tempore extensa.*

4. Cur in ea proximior ulteriorem non excludat.

5. Illustratur aliis quibusdam exemplis.

6. Etiam ubi soli sunt nepotes ex diversis filiis, in stirpes familiam eriscit.

Locus est notabilis, in quo agitur de ratione succedendi & divisione hereditatis inter suos heredes primi & sequentium graduum. Descriptus autem est ex Gaio lib. 3. instit. apud Rufin. tit. de legit. success. Omnis ab intestato successio aut est in capita aut in stirpes. In capita, ~~et omnium~~ succedi dicitur, cum in tot partes hereditas dividitur, quot sunt capita sive personae succedentium: in stirpes, ~~et quoties~~, cum pro numero stirpium secatur; ut qui sunt ex una stirpe, partem unam ferant, qui ex altera, licet pauciores aut unus tantum, partem alteram. Capita sunt personae unius aut plurium stirpium. Stirpes sunt generis origines; veluti filius est stirps nepotum; nepos stirpis pronepotum. In capita toties succeditur, quoties personae succedentium proprio jure & ex sua persona veniunt: in stirpes, cum veniunt jure representationis, id est, ex persona ejus, in cuius jus & locum successerunt. Et successionis quidem in stirpes jure veteri inter descendentes tantum eosque descendendum solos usus fuit, qui ex filiis progeniti aut nepotibus ex filio in avi aut proavi, de cujus successione agebatur, potestate & in familia proximi mortis tempore inventi essent, filiis puta aut nepotibus premortuis emancipatisve, l. 1. §. 4. de suis & legit. her. l. 2. C. cod. l. 8. §. quoniam 8. de inoff. testam. Ulpian. tit. 26. §. 1. Caj. lib. 2. tit. 8. §. 2. Etenim ratio succedendi in stirpes; ut ex citatis locis intelligere licet, tota est ex jure singulari suorum heredum; nec aliud fundamentum habet, quam quod filius, vivo etiamnum patre domini bonorum paternorum habitus fuit, l. 11. de lib. & posth. §. 2. sup. de her. qual. & jam heredes ~~et nepotes~~ quodque hinc filio e familia patris sublato statim nepotes ex eo in locum ejus & gradum succedunt, & jus sui heredis idem illud, quod pater ante habuit, quasi persona ejus induta in familia avi nascuntur, d. l. 1. §. 4. de suis & legit. §. 2. sup. de exher. lib. l. 13. de inoff. rupt. Hoc siquidem jure constituto, consequens omnino est, ut nepotes & deinceps ex masculis descendentes in successione avi ab intestato & ceterorum per patrem ascendentium in stirpes veniant, ut qui sunt ex una stirpe, licet plures numero, non amplius consequantur, quam parens eorum, cuius personam representant, laturus fuisset, & quam capiunt ex alia stirpe forte pauciores, d. l. 8. §. quoniam 8. de inoff. test. d. l. 2. C. de suis & legit. lib. 3. Ceterum postquam exemplo suorum heredum matris etiam & aviae hereditas liberis delata fuit, & denique liberorum omnium conditio in successione pa-

rentum exaequata, placuit & hic quoque eandem rationem in divisione hereditatis inter liberos primi & inferiorum graduum servari, §. ult. sub. fin. l. 9. C. de suis & legit. lib. Nov. 118. cap. 1. In linea quoque collateralis fratrum & sororum filii jure representationis seu in stirpes veniunt cum defuncti fratribus ex eadem nova Justiniani constitutione 118. c. 3.

Nec qui gradu proximior, ulteriorem excludit] Quem tamen excluderet, nisi ulteriorem placeret in locum patris succedere, & jure representationis quasi eodem gradu cum proximior existente ad successionem admitti. Haec autem verba declarant, quomodo accipiendum sit quod praecedit, *pariter ad hereditatem vocantur*, nempe non de aequalitate partium hereditatis, in quas succeditur, sed de pari ac aequali jure successionis, quod scilicet nepotes etiam locum patris ingressi, ut sui heredes, & ideo aequali jure & pariter sive simul cum patris suis ad successionem avi vocentur, l. 3. C. de suis & legit. lib. Quod autem in specie illic proposita etiam hereditas in partes aequales dividi debet, ex accidenti est, ubi nepos ex uno filio & alter filius soli concurrunt.

Et ex nepote pronepos proneptisve] Et pari item ratione si sit ex nepote pronepos proneptisve, & ex altero pronepote abnepos vel abneptis, simul vocabuntur. Nam jus representationis intra certum descendendum gradum conclusum non est, per l. 2. §. liberos 7. de conjung. cum emancip. lib. Nov. 118. cap. 1. Nec aliud hoc loco propositum Justiniano fuit, quam exemplis quae forte hic attulit, declarare, quomodo remotiores concurrentes cum proximioribus succedant: quae & communis est interpretum nostrorum sententia, *Sid. Gomez. 1. var. resol. cap. 1. n. 15. Schrad. de feud. part. 7. cap. 5. n. 41.*

In parentis sui locum succedere] Ratio successionis in stirpes; quae modo a nobis fuisse explicata est. Aut ex altero filio duo pluresve: quare &, si unus tantum sit filius, & ex altero filio sex nepotes, ille unus integrum semissem hereditatis, & tantum solus, quantum nepotes omnes habebit. Quod si plures sint filii, singuli tantum capiunt, quantum nepotes ex filio premortuo universi. Et convenienter, si duo aut plures sint nepotes ex diversis filiis, & ex alio nepote pronepotes, hi pronepotes universi non plus ferent, quam nepotum singuli. Quibus castibus mixta est successio. Observandum autem est, non minus neptes ex filio, quam nepotes in locum parentum succedere, d. l. 1. §. non minus 6. de suis & legit.

Item si ex duobus filiis nepotes] Exemplum simplicis successionis in stirpes, cum soli sunt nepotes ex diversis filiis: & hoc casu maxime est conspicua vis representationis, quae ex jure fuitatis primam traxit

maxit originem. Licet enim omnes hic pari gradu sint, ut proprio singuli jure succedere posse videantur: tamen postquam semel placuit, nepotes in locum patris sui demortui, aliave ratione exuti jure sui hæredes, succedere, non debuit hoc jus ex accidenti aliquo variari, puta ut soli nepotes ex diversis filiis & numero inæquales; seu pauciores cum pluribus ex hac vel illa stirpe concurrentes, in capita hæreditatem dividerent, l. 2. *C. de suis & leg. hered.* Quare sic in universum rectè definimus, descendentes ex masculis omnes, qui sunt diversarum stirpium, quantumvis ejusdem omnes gradus, in stirpes, non in capita succedere.

T E X T U S.

Quo tempore fuitas spectatur.

7. *Cum autem queritur, an quis suus hæres existere possit, eo tempore quarendum est, quo certum est aliquem sine testamento decessisse: quod accidit & destituito testamento. Hac ratione si filius exhæredatus fuerit & extraneus hæres institutus, & filio mortuo postea certum fuerit, hæredem institutum ex testamento non fieri hæredem, aut quia noluit esse hæres, aut quia non potuit, nepos avo suus hæres existet: quia quo tempore certum est intestatum decessisse patremfamilias, solus invenitur nepos: & hoc certum est.*

N O T Æ.

Destitutio testamento] Eo quod nemo hæres ex eo extiterit: quæ destitutio patremfam. ex eo tempore intestatum facit, l. 1. *de suis & leg.* Extra hunc casum idem semper est tempus mortis & delatæ hæreditatis.

Nepos avo suus hæres] Nec obstat, quod filius patri superstes fuit: quia filio non est delata hæreditas, utpote jam mortuo, quo tempore defertur ab intestato, d. l. 1. §. 8. *de suis & leg.* junct. l. 39. *de acq. har.*

C O M M E N T A R I U S.

1. & 3. *Quando quæstioni proposita locus.*
2. *Plura exempla huc pertinentia.*
3. *Removentur quæ hæc obijci posse videntur.*

1. **E**ti certum est, in causa successionis ab intestato primum locum obtinere suos hæredes, tractari tamen potest, quo tempore inspicendum sit, an ali-

Tom. II.

quis suus hæres existere possit, mortisne defuncti tantum, an etiam alias delatæ ab intestato hæreditatis. Enimvero hæc quæstio locum habere non potest, cum nullum testamentum defunctus fecit, aut non jure fecit: quo casu palam est, tempus mortis à tempore delatæ hæreditatis non separari: ac ne tunc quidem, cum testamentum factum est, sed vivo adhuc testatore vitiatum aut destructum; nam hic quoque necesse est, ut tempus delatæ hæreditatis cum tempore mortis, quo jam nullum erat testamentum, concurrat. At locum habet in casu testamenti destituti, hoc est, cum in irritum constituitur testamentum quod jure factum erat, post mortem testatoris, eo quod hæres scriptus ex testamento hæreditatem non adierit. Cumenim lex hæreditatem nemini deferat ab intestato, quamdiu ea ex testamento adiri potest; l. *quamdiu 39. de acq. har.* hic jam tractationi propositæ locus sit, utrum cum queritur, an ut quis tanquam suus hæres succedere possit, inspicendum sit tempus mortis testatoris, quo adhuc sua vis testamento constat, an tempus testamenti deserti, ut sufficiat vel eo tempore suum esse, quo hæreditas ab intestato deferri seu certum esse incipit, defunctum intestatum decessisse, neminemque ei ex testamento hæredem fore: quod posterius placuit, l. 1. §. *sciendum 8. de suis & leg. l. 6. in pr. vers. plane de injust. rupt. l. 7. unde lib. & hoc text.* Hinc ergo interdum evenit, ut suus hæres existat, qui eo tempore, quo is, de cujus hæreditate agitur, decessit, suus hæres non erat. Quæ res uno exemplo hic declaratur, videlicet si paterfam. testamentum facto decesserit, exhæredato filio, ex quo ei nepos erat, & post exhæredati mortem contingat institutum hæredem non esse: hoc enim casu nepotem avo suum hæredem existere: quo exemplo etiam utitur Ulpian. d. l. 1. §. *sciendum de suis & leg. & Papinian. d. l. 7. unde lib.* Aliud & simile habemus apud Theophilum, si filius exhæredatus, extraneo sub conditione instituto, pendente conditione decesserit, & postea defecerit conditio. Ulpianus d. l. 1. §. *sciendum*, etiam exemplum affert in filio sub conditione, quæ fuit in arbitrio ipsius, instituto, & mortuo non impleta conditione. In legitima quoque agnatorum successione hujus quæstionis usus est, cum disputatur, quo tempore spectanda proximitas, §. *proximus 6. seq. tit.*

Quod accidit & destituito testamento] Id est, cum ex testamento nemo hæres extiterit, vel quia hæres institutus hæres esse noluit, vel quia non potuit, ut statim sequitur: quæ destitutio ex eo tempore patremfam. tam intestatum facit, quam si aut nullo facto testamento, aut eo, quod factum erat, ante mortem evacuato decessisset, *sup. in pr. eod. d. l. 1. de suis & leg. har. l. 1. de injust. rupt. test.*

B

Si

3 *Si filius exheredatus, & extraneus hæres institutus, & filio mortuo*] Ait exheredatus; nam ut valeat testamentum, quo filius ipse non instituitur, exheredatum eum nominatum esse oportet, l. *propen. de lib. & post. sup. de exhar. lib. in pr.* Ait filio mortuo, deliberante fortè hærede instituto, d. l. 1. §. *sciendum de suis & leg. har. d. l. 7. unde liberi.* Necessè autem est, ut quæstioni locus sit, filium medio tempore decessisse; alioqui ipse deserto testamento suus hæres patri existeret, l. *filium 20. de bon. poss. corr. tab.* Hinc colligunt, per exheredationem non tolli jus familiæ: & recte, alioqui ipse nepos prorsus patris locum occuparet, atque ipso statim jure everteret testamentum avi, *Sid. nostra ad §. non solum 4. sup. de pup. subft.*

Aut quia non potuit] Puta quod antequam hæreditatem adiret, mortuus sit, aut cum sub conditione hæres institutus esset, conditio defecerit. Ad eunte igitur extraneo manet sepultum jus nepotis.

Nepos suus hæres existeret] Nec obstabit nepoti, quod filius exheredatus patri suo superstes fuit: quia filio non est deleta hæreditas; quæ ratio redditur in d. l. 1. §. *sciendum, de suis & legit.* significatur in l. 6. pr. *vers. plane, de injust. rupt. & d. l. 7. unde lib.* ac simul removel, quod objici posset, quanquam ejusdem potestatis est, in suis hæredibus successionem non esse, videlicet quia isti regulæ tunc locus est, quando quæstio est de nepote, ut suo hærede admittendo post delatam filio hæreditatem, d. l. 1. §. *sciendum.* An jure civili hodierno in descendantibus locus sit edicto successorio, difficilis & intricata quæstio est, quæ fusc tractatur à *Bart. Buld. Salic. Castr. in l. 3. C. unde liberi.*

T E X T U S.

De nato post mortem avi, vel adoptato à filio emancipato.

8. *Ex licet post mortem avi natus sit, tamen avo vivo conceptus, mortuo patre ejus, posteaque deserto avi testamento, suus hæres efficitur. Plane si conceptus & natus fuerit post mortem avi, mortuo patre suo, desertoque postea avi testamento, suus hæres avo non existeret: quia nullo jure cognationis patrem sui patris attingit. Sed nec ille est inter liberos avi, quem filius emancipatus adoptavit. Hi autem*

cum non sint sui (quantum ad hæreditatem) liberi, neque bonorum possessionem petere possunt, quasi proximi cognati. Hac de suis hæredibus.

C O M M E N T A R I U S.

1. *Species, & cur in ea filius non obstat nepoti, ante nepos non rumpat.*
2. *Conceptus & natus post mortem avi huc non pertinere, & quare.*
3. *De adoptato à filio emancipato.*
4. *Amplius de concepto & nato post mortem avi.*

Post mortem avi natus, tamen vivo conceptus] Aliud exemplum ad præcedentem tractationem pertinens, & quandam continens amplificationem; nempe si quis filio exheredato nunc prægnante decesserit, & filio deinde mortuo antequam partus ederetur, hæres institutus omiserit hæreditatem. Hic quoniam qui in utero sunt, cum de commodo eorum agitur, pro jam natis habentur; l. 7. l. *pen. de stat. hom. l. 7. de suis & legit.* placet hunc nepotem, licet natum post avi mortem, non minus quam si ante natus fuisset, avo suo ab intestato hæredem fore; neq; magis obstare nepoti filium, quam in casu præcedenti, propter eandem rationem, quia filio non est delata hæreditas, ut qui mortuus sit eo tempore, quo adhuc ex testamento adiri poterat. Cur vero hic nepos posthumus non rumpit agnascendo? Nimirum quia agnascendo is solus rumpit, quem tempore mortis nemo præcedebat. Hæc ad hunc ferme modum Jurisconsultus in l. 6. pr. *vers. plane, de injust. rupt.*

Plane si & conceptus & natus] Quod dictum est §. *præc.* nepotem avo suo hæredem existere posse, qui tempore mortis suus non erat, modo solus inveniatur tempore defuncti testamenti, hoc nunc sic restringit, ut dicat, id locum habere, cum tempore mortis nepos jam in rebus humanis fuit, aut saltem vivo avo conceptus. Cum Ulp. in l. 1. §. *sciendum, de suis & legit.* De nepote vero concepto post avi mortem ait, hunc nepotem, mortuo patre suo, non posse deserto testamento suum hæredem avo existere. Et addit rationem; Quia nullo jure cognationis patrem sui patris attingit. Ratio generalis, ex qua consequitur, nec posse eum ullo alio jure succedere, neque ut nepotem, neque ut cognatum ad bonorum possessionem admitti: quod etiam in calce expressum est, & pluribus locis apertissime traditum. Sed de eo videbimus postea.

3 *Quem filius emancipatus adoptavit*] Quem filius meus emancipatus adoptavit, nepos meus non est, *l. 26. de adopt.* ratio perspicua est, quia per emancipationem filius agnatus esse desit; & ita jus constitutum est, ut adoptati his tantum, quibus agnascuntur, cognati fiant, *l. 23. eod. tit.* ut mirum non sit, mortuo filio emancipato non posse adoptivum illum vel tanquam suum vel tanquam inter liberos hereditatem vel bonorum possessionem petere. Unde putaverit aliquis, hoc exemplum positum esse loco alieno. Sed videtur Justinianus qualiqui similitudine illustrare voluisse, quod dixerat de nepote concepto post mortem avi.

Cum non sunt sui] Vocem suam delendam esse Continus & Hotomannus existimant, propterea quod ante dixit, ne cognatos quidem esse, nedum liberos. Sed non placet nimia ista scrupulositas in examinandis verbis conditorum juris. Et cur vero vox ista retineri non posset? Per occasionem duntaxat, ut probet suos non esse, ne cognatos quidem esse ait: ceterum tota disputatio ex professo de suis hæredibus instituta est, ut ipse Justinianus testatur in extremo hujus §.

4 *Quantum ad hereditatem*] Recte quantum ad hereditatem: nam in aliis rebus, puta privilegiis, causis prohibendarum nuptiarum, jure patronatus, nepotes etiam post mortem avi concepti pro liberis habentur; & sunt sane sanguine conjuncti omnibus, qui avo fuerunt, aut ab eo descendunt, *l. 1. §. pen. de suis & legit.* Quod succedant in jus patronatus, docet Paul. *l. Paulus 47. §. 3. de bon. libert.* quo argumento admitti videntur & ad feuda, ad emphyteusin acceptam pro descendentibus, item ad jus retractus. *D. Tuld. comm. hic. cap. 4.*

Neque bonorum possessionem petere quasi proximi cognati] Sicut is qui post mortem avi concipitur, non vocatur ad legitimam avi hereditatem tanquam suus hæres, ita nec bonorum possessionem tanquam cognatus accipere potest: quia ut lex duodecim tabularum eum vocat ad hereditatem, qui moriente eo, de cujus bonis agitur, in rerum natura fuit, quo in numero etiam habetur qui vivo eo est conceptus; ita prætor proximitatis nomine bonorum possessionem pollicetur his, qui defuncto mortis tempore cognati fuerunt, *l. 6. cum 2. seqq. de suis & legit. l. 6. in pr. vers. plane, de injust. rupt. l. 1. §. si quis 8. unde cogn.* Quare quod dictum supra est, nepotem, qui tempore deserti testamenti solus & proximus invenitur, avo suum hæredem existere, hoc sic est intelligendum, si & remoto mortis tempore obstaculo, aut testamento non facto, & nemine eum tunc præcedente statim jus succedendi habuisset; quod habere non potest, qui moriente avo in rebus

humanis non est. Quod vero nepotes cognati appellentur etiam eorum, post quorum mortem concepti sunt, id Julianus scribit non proprie, sed per abusionem, vel potius *anaphoræ*, accidere, *l. 8. de suis & leg. har.* Pileus, ut refert Accursius hic, putavit, nunc etiam posse hunc nepotem suo jure succedere, ex *Noë. 118. c. 1.* sed contraria Joannis sententia pluribus probata est testibus *Joan. Fabr. & Angel. hic.* Sane id, *Noë.* nihil juvat opinionem Pilei, utpote qua tantum tollitur differentia sexus, gradus & potestatis, add. *Bachov. in Treutl. col. 2. Disp. 16. thes. 1. D. Tuldeß. in tit. C. de suis & legit. n. 4. & d. c. 4. ad hunc tit.* ubi tamen fatendum esse ait proposito Justiniani, qui omnia in hac successione ad simplicitatem naturæ redigere studet, maxime consentaneum esse, ut hoc quoque emendatum voluerit: ceterum cum id expresse non fecerit hujusmodi casu eveniente, opus esse remedio Principali, per *l. 2. de reb. eor. qui sub ius.*

T E X T U S.

De liberis emancipatis.

9. *Emancipati autem liberi jure civili nihil juris habent: neque enim sui hæredes sunt, qui in potestate morientis esse desierunt, neque ullo alio jure per legem duodecim tabularum vocantur. Sed prætor naturali aequitate motus, dat eis bonorum possessionem unde liberi, perinde ac si in potestate parentis tempore mortis fuissent: sive soli sint, sive cum suis hæredibus concurrant. Itaque duobus liberis existentibus, emancipato uno, & eo, qui tempore mortis in potestate fuerit, sane quidem is qui in potestate fuit, solus jure civili hæres est, & solus suus hæres: sed cum emancipatus, beneficio prætoris in partem admittitur, evenit, ut suus hæres pro parte hæres fiat.*

N O T Æ.

9. *JURE CIVILI NIHIL JURIS*] Emancipatio & sui hæredis & agnationis jus adimit, *l. 11.*

de suis & leg. l. 1. §. 8. ad SC. Tertull. leg. 7. de cap. min.

PRAETOR NATURALI AEQUITATE MOTUS] Quia nihilominus liberi manent, naturæ vinculum & jus sanguinis, l. 4. unde lib. & maxime, quia verum nihilominus est, ex masculis eos esse procreatos.

BON. POSSESSIONEM UNDE LIBERI] d. l. 4. & pass. unde liberi. Eadem ratione adductus dat testamento præteritis bonorum possessionem contra tab. §. 3. sup. de ex. lib.

COMMENTARIUS.

1. *Qua ratione motus & quo colore prætor emancipatis deferat bonorum possessionem unde liberi.*

Liberis emancipatis contingit capitis deminutio, per quam jus agnationis & familiæ amittunt, ut latè docetur lib. 1. Proinde cum nec sui hæredes sint, qui in potestate esse desierunt, nec agnati propter mutationem familiæ; vetus legitima hæreditas, quæ lege 12. tabularum suis dumtaxat hæredibus, & post hos agnatis defertur, ad eos non pertinet, l. 11. de suis & legit. l. 1. §. capitis 8. ad sen. Tertull. l. 7. de cap. minut. Cæterum quia nihilominus liberi manent, quia manet naturæ vinculum & jus sanguinis, l. 4. unde lib. l. 8. de reg. jur. & maxime quia nihilominus verum est ex masculis eos esse procreatos, prætor his succurrit, rescinditque capitis deminutionem, ut loquitur Jurisconsultus l. 6. §. 1. in fin. de bon. poss. hoc est, perinde emancipatos vocat, ac si capite minuti non essent, vique ipsa restituit iis jus suorum hæredum, dum eis defert bonorum possessionem unde liberi, atque in partem bonorum paternorum una cum suis hæredibus admittit. Sic & in ordinatione testamenti, eadem ratione adductus prætor, quod jus civile in suis tantum hæredibus requirebat, iussit liberos emancipatos vel hæredes institui vel exhæredari, data præteritis bonorum possessione contra tabulas, §. emancipatos, sup. de ex. lib.

Neque nullo alio jure] Lex duodecim tab. ad legitimam hæreditatem vocabat alios jure fuitatis, alios jure agnationis, alios jure patronatus. Quod ergo ait, liberos emancipatos neque suos hæredes esse, neque alio jure à lege vocari, planum ac perspicuum sensum habet, nec jure agnationis eos vocari, nec jure patronatus, quo vocantur patroni mortui liberi ejus ad legitimam hæreditatem liberti, inf. de succ. libert. ac proinde nodum in scirpo quærit Hotomannus, dum pro his verbis per legem duodecim tab. legendum existimat præter legem, &c.

Bonorum possessionem unde liberi] l. 4. & pas-

sim. si tab. test. null. ext. unde liberi, §. 1. inf. de bon. poss. Cæterum si quæ propria habent, his, qui in potestate manserunt, conferre debent, l. 20. §. 1. contr. tab. l. 9. l. 18. C. de collat. Ulp. lib. 2. inf. sit. apud Rufin. sit. de legit. success. Unde liberi autem dicimus præcise, pro, ex ea parte edicti, unde liberi vocantur, quod in cæteris quoque bonorum possessionibus usuvenit. Sic dicitur bonorum possessio unde legitimi, item unde cognati, & unde vir & uxor, d. §. 1. & seq. inf. de bon. poss.

In partem admittitur] Dimidiam scilicet: *nis rō hūmōr.* Theoph. Nam emancipati apud prætorem sunt loco suorum hæredum, sit. seq. in pr. d. §. 1. de bon. poss. & expressè scribit Justinianus, l. ult. §. 1. C. de legit. har. filium emancipatum in patris successionem sine ulla deminutione à prætore vocari. Hæc autem bonorum possessio etiam suis hæredibus ex abundanti proposita, d. §. 1. inf. de bonor. poss. l. 1. §. 6. unde liberi. Jure novissimo, etiam jure civili, emancipati succedunt. Nov. 118. cap. 1.

TEXTUS

Si emancipatus se dederit in adoptionem.

10. *At hi, qui emancipati à parente in adoptionem se dederunt, non admittuntur ad bona naturalis patris quasi liberi, si modo cum is moreretur, in adoptiva familia fuerint. Nam vivo eo emancipati ab adoptivo patre perinde admittuntur ad bona naturalis patris, ac si emancipati ab ipso essent, nec unquam in adoptiva familia fuissent. Et convenienter quod ad adoptivum patrem pertinet, extraneorum loco esse incipiunt. Post mortem vero naturalis patris emancipati ab adoptivo patre, & quantum ad hunc adoptivum patrem pertinet, æque extraneorum loco fiunt, & quantum ad naturalis patris bona pertinet, nibilo magis liberorum gradum nanciscuntur. Quod ideo sic placuit; quia iniquum erat, esse in potestate patris adoptivi, ad quos bona*

natu-

naturalis patris pertineant, utrum ad liberos ejus, an ad agnatos.

NOTÆ.

10. NON ADMITTUNTUR] Quia alium hi patrem habent, cui sui hæredes sunt jure civili, l. pen. C. de adoptr.

COMMENTARIUS.

1. Cur ad bonorum possessionem unde liberi non cogentur, qui à patre emancipati se adrogandos dederunt.
2. Cur ab adrogatione emancipati & iſſo patre naturali, jus liberorum recuperent, secus si post mortem ejus : & quid hic respectu patris adoptivi.

Quod dictum fuit, liberos emancipatos beneficio prætoris vocari ad bonorum possessionem unde liberi, id hic locus docet non esse perpetuum, & primum non pertinere ad eos, qui à patre emancipati se adrogandos dederunt, & quo tempore pater naturalis moritur, adhuc sunt in potestate & familia patris adoptivi, fac. l. ult. unde liberi. Deinde non pertinere omnino ad emancipatos à patre adoptivo, eum de illius successione quaeritur: quæ mox seqq. §§. plenius declarantur.

In adoptionem] Manifestum est, verbo generali significari hoc loco speciem adoptionis, quæ adrogatio dicitur: quippe quæ sola eorum est, qui sunt sui juris, §. 1. sup. de adoptr.

Non admittuntur] L. 4. unde lib. Etenim prætor hoc solum propositum fuit, ut succurreret emancipatis, quæ tales sunt, idque ratione quadam commiserationis, quæ in iis cessat, qui se dederunt in adrogationem, aliumque sibi patrem quaesiverunt, dum his satis consultum in familia adoptiva, in qua jus suorum hæredum & agnationis nascitur. Adhæc prætor emancipatos vocat inter suos hæredes, & tanquam suos, tit. seq. in pr. l. 6. §. 1. de bonor. poss. ratio autem non patitur, ut quis jus sui hæredis habeat in duabus familiis.

Quasi liberi] Id est, ex ea edicti parte, quæ prætor ad successionem ab intestato liberos vocat. Quod ideo expressit; quia etsi non admittuntur, ut liberi, admittuntur tamen alia parte edicti, quæ scilicet vocantur cognati, §. admonendi 13. inf. Illud satis constat, inter legitimos eos non admitti, quia jus agnationis per capitis deminutionem extinctum est.

Nam & iſſo eo emancipati ab adoptivo patre perinde admittuntur] Si liberi naturales emancipati

& adoptati iterum emancipati sint, prætor ex humanitate his restituit jus naturale liberorum, quod ademerat adrogatio, perindeque eos admittit ad bonorum possessionem patris naturalis, ac si semper sui juris mansissent, l. 4. unde lib. scilicet quia alioqui foret, ut spe omni destituerentur, atque excluderentur & à patris naturalis successione & adoptivi.

Quod ad patrem adoptivum pertinet, extraneorum loco] Jura enim adoptionis in eorum dissolvuntur emancipatione, ita ut & nomen liberorum emancipati à patre adoptivo amittant, & pater adoptivus post emancipationem pater esse desinat, l. 1. §. liberos 6. l. 4. unde lib. l. 2. §. objicitur 15. ad Tertul. denique nullum fere ex pristino jure retineatur vestigium, l. 13. de adoptr. Particula (fere) eo loco addita à Jurisconsulto, propterea quod filiam quondam adoptivam uxorem habere non possum, l. quin etiam 53. de rit. nupt.

Post mortem patris naturalis] In bonis patris adoptivi nihil juris habent, sive ante, sive post mortem patris naturalis ab adrogatione emancipati fuerint. Quod vero attinet ad successionem patris naturalis, interest, emancipati sint vivo adhuc patre, an post mortem ejus: nam priori casu jus liberorum per adrogationem amissum beneficio prætoris recuperant; posteriore casu non item, sed tertio demum loco invitantur ad bonorum possessionem unde cognati, §. 13. inf. eod.

Iniquum erat, esse in potestate patris adoptivi] Ratio cur ab adrogatione emancipati post mortem patris naturalis liberorum gradum non consequantur; ne alioqui in potestate adrogatoris sit, utri ad successionem ab intestato veniant, liberine, an agnati: quippe qui facere posset, ut succederet agnatus proximus non emancipando, ut non succederet, emancipando; atque ita jus hæreditatis ex alieno penderet arbitrio: quod regulæ juris non admittunt, l. illa institutio 32. de har. inst. Sed longius ista apologia petita est. Commodius hæc afferri poterat, ne jam delata aut quaesita aliis liberis aut agnatis hæreditas ex postfacto & accidentia auferatur: neque ulla hic fit injuria liberis, utpote qui & ultro se in adoptionem dederunt postquam à patre naturali emancipati fuere, & volentes iterum sunt emancipati à patre adoptivo.

TEXTUS.

Collatio filiorum naturalium & adoptivorum.

11. Minus ergo juris habent adoptivi filii, quam naturales. Namque natura-

les emancipati beneficio pratoris gradum liberorum retinent, licet jure civili perdant. Adoptivi vero emancipati & jure civili perdunt gradum liberorum, & à pratore non admittuntur: & rectè. Naturalia enim jura civilis ratio perimere non potest; nec quia desinunt sui heredes esse, possunt desinere filii filiaeve, nepotes neptesve esse. Adoptivi vero emancipati extraneorum loco incipiunt esse: quia jus nomenque filii filiaeve, quod per adoptionem consecuti sunt, alia civili ratione, id est, emancipatione, perdunt.

COMMENTARIUS.

Hic locus continet antithesin liberorum emancipatorum naturalium & adoptivorum, cujus explicatio petenda ex iis, quae dicta sunt sub §§. *prae. 9. & 10.* Summa hæc est; liberos naturales emancipatos jus liberorum & successionis ab intestato, quod amittunt jure civili, retinere jure prætorio: emancipatos vero ex adoptione nec à prætore liberorum numero haberi, ullo modo vocari ad successionem quondam adoptivi patris. Ratio, quia illi, etsi sui heredes esse desinunt, quod nomen civile est, non tamen desinunt esse liberi natura: hi plane extranei fiunt, jusque, & nomen liberorum adoptione quaesitum, emancipatione perdunt, l. 1. §. *liberos 6. l. 4. unde lib.* Regula, *Civilis ratio civilia jura perimere*, &c. plenissime à nobis explicata est sub §. *ult. de leg. agn. tut. & §. pen. de cap. dem.*

TEXTUS.

De bonorum possessione contra Tabulas.

12. Eadem hac observantur & in ea bonorum possessione, quam contra tabulas testamenti parentis liberis præteritis, id est, neque heredibus institutis, neque, ut oportet, exheredatis, prætor pollicetur. Nam eos quidem, qui in potestate mortis tempore fuerint, & emancipatos, vocat prætor ad eandem bonorum possessionem;

eos vero, qui in adoptiva familia fuerint per hoc tempus, quo naturalis parens moreretur, repellit. Item adoptivos liberos emancipatos ab adoptivo patre, sicut nec ab intestato, ita longe minus contra tabulas testamenti, ad bona ejus admittit: quia desinunt in numero liberorum ejus esse.

NOTÆ.

12. ET IN EA BON. POSSESSIONE] Non solum sc. in causa successionis ab intestato. Th.

EOS, QUI IN POTESTATE ET EMANCIPATOS] suis heredibus prætorius ex abundanti hoc beneficium datum, l. 1. *pr. cont. tab.* quemadmodum & bonorum possessio, unde liberi & suis & emancipatis pariter propolita. l. 1. §. *6. und. lib.*

COMMENTARIUS.

1. *Etiam suis heredibus propositam bonorum possessionem contra tabulas.*
2. *Communia utriusque bonorum possessionis.*
3. *Difficilius quem admitti ad bonorum possessionem contra tabulas, quam ab intestato.*

Prætor non tantum in causa successionis ab intestato liberis emancipatis succurrit, data iis bonorum possessione unde liberi: verum etiam testamento facto pollicetur præteritis bonorum possessionem contra tabulas: quæ bonorum possessio cum præcedenti illa tribus in rebus hoc loco comparatur.

Neque ut oportet exheredatis] Non enim quævis exhereditatio summovet liberos à bonorum possessione contra tabulas; sed quæ rite facta est: quæ vitiose, pro præteritione habetur, l. 8. §. 2. *de bon. poss. cont. tab. §. 3. sup. de exhered. lib.* Incautè D. Tuldenus *inf. tit. de bon. poss. c. 5. pro non recte aut vitiose*, dixit, inique. Nam qui dicunt *inique* se exheredatos, certum est, iis nullum remedium superesse, præter querelam inofficiosi testamenti. Eodem autem modo, quo jure civili testamento facto liberi sui heredes instituendi sunt, aut exheredandi, filii scilicet nominatim, filiae & nepotes saltem inter cæteros, voluit prætor institui aut exheredari etiam emancipatos, eoque neglecto decernit eis bonorum possessionem contra tabulas testamenti, §. *emancipatos, sup. de exher. lib.*

Eos, qui in potestate] Sive naturales sive adoptivos, l. 1. *in pr. cont. tab.* Licet enim bonorum possessio contra tabulas potissimum comparata sit emancipatorum gratia, quippe qui exheredari aliud reme-

remedium non habebant: eadem tamen & in potestate constitutis sive suis heredibus proposita, si neque instituti neque exheredati sunt, *d. l. 1. in pr.* quamvis horum præteritione testamentum vitietur, nulliusque momenti jure civili sit, *l. 1. de injust. rupt. test.* ut proinde ex abundanti hoc illis beneficium tribuatur, *fac. l. 2. C. eod. tit.*

² *Vocat ad eandem possess.*] Sequuntur nunc comparationes utriusque remedi à similibus. Prima similitudo in eo est, quod ut bonorum possessio unde liberi & suis & emancipatis pariter proposita est, ita & hæc bonorum possessio contra tabulas, *d. l. 1. in pr. junct. §. 6. cont. tab.* Secunda, quod sicut illa ab intestato non datur liberis, qui tempore mortis patris naturalis in aliena familia sunt, ita nec hæc eis detur contra illius tabulas: & eandem scilicet ob causam, quia alium patrem habent, cui sui heredes sunt jure civili, *l. pen. non procul à pr. C. de adopt.* Tertia, quod quemadmodum illa ab intestato non datur emancipatis à patre adoptivo, ita nec hæc contra tabulas testamenti patris adoptivi; quia non sunt amplius ex liberis, jure adoptionis per emancipationem soluto, *d. l. 1. §. 6. l. 3. §. 2. bon. poss. cont. tab.*

³ *Ita longe minus contra tab.*] *Adversus* à minori ad majus & difficilius. Qui non admittitur ad bonorum possessionem ab intestato, is non debet admitti ad bonorum possessionem contra testamentum: illud enim minus est; hoc majus, propter favorem testamenti, cujus relictio difficilius & non nisi gravi ex causa permittitur. Unde Justinianus, cum iis, qui adoptati sunt ab extraneo, reserret jus succedendi ab intestato: tamen testamento facto præteritos aut exheredatos à successione in totum repellit, *d. l. pen. C. de adopt. §. sed ea 14. inf. hoc tit.*

TEXTUS.

Unde Cognati.

13. Admonendi tamen sumus, eos, qui in aliena familia sunt, quive post mortem naturalis parentis ab adoptivo patre emancipati fuerint, intestato parente naturali mortuo, licet eà parte edicti, qua liberi ad bonorum possessionem vocantur, non admittantur, alia tamen parte vocari, scilicet, qua cognati defuncti vocantur. Ex qua ita admittuntur, si neque sui heredes liberi, neque emancipati obissent, neque agnatus quidem ullus inter-

veniat. Ante enim prætor liberos vocat tam suos heredes, quam emancipatos, deinde legitimos heredes, tertio proximos cognatos.

NOTÆ.

13. EA PARTE EDICTI, QVA LIBERIS] Neque ex capite altero unde legitimi. Illud, quia alium patrem jure civili habent: hoc, quia desierunt esse agnati.

QVA COGNATI] Etenim naturale jus cognationis fortius est, quam ut per actum civilem adoptionis periri possit, *l. 1. §. 4. unde cogn. §. ult. sup. de leg. agn. tut.*

NEQUE ADGNATUS ULLUS] Nam prætor totum agnatorum ordinem cognatis anteposuit, *l. 1. quis ord. in bon. poss. inf. de success. cogn. in pr.* Hodie autem liberi, de quibus hic agitur, non cognatis tantum, sed agnatis etiam omnibus præferuntur, sublato sc. agnationis & cognationis discrimine. *Nov. 118. c. 3. & 4.*

COMMENTARIUS.

1. Cur ab adoptione emancipati post mortem patris naturalis admittantur ut cognati, non admittantur ut liberi.

2. Hodie six esse hujus questionis usum.

Decernit hic Imperator, quomodo accipiendum, quod dictum est, liberos, qui emancipati à patre naturali se in adoptionem dederunt, & adhuc, cum is moritur, in adoptiva familia sunt, aut post mortem demum patris ab ea emancipati fuerint ad bonorum ejus possessionem non admitti: nempe non admitti neque ex capite edicti, quo vocantur liberi, quod ante quoque obiter monuimus, neque ex capite altero, quo vocantur agnati: sed admitti tamen, tertio scilicet loco in ordine cognatorum, inque eo cæteris cognatis jure proximitatis præponi. Cujus rei ratio hæc est; quia etsi jus & nomen liberorum per adoptionem amittunt, agnati quoque esse desinunt; cognationis tamen jura in familia patris naturalis semper retinent, utpote fortiora, quam ut per actum civilem adoptionis periri possint, *l. 1. §. 4. unde cogn. §. ult. sup. de leg. agn. tut.* Cur vero minus liberorum numero, quam cognatorum à prætore habentur, cum utrumque nomen æque naturale sit? Quia absurdum prætori visum est, suorum heredum loco esse patri naturali eos, qui alium patrem habent, cui sunt sui heredes jure civili. Nam sciendum est, emancipatos à prætore vocari non simpliciter ut libe-

ros; sed ut suos hæredes, quorum numero eos habet, *ut. seq. in pr.* proinde nomen liberorum propemodum civile esse, non utique vocis sono, sed intellectu juris prætorii. Hodie vix ullus esse videtur hujus §. usus. Nam cum Justinianus discrimen agnationis & cognationis sustulerit, & cognatos æque ac agnatos ad successionem ab intestato vocaverit secundum gradus cujusque prærogativam; *Nov. 118. cap. 3. & 4.* consequens est, liberos, de quibus hic agitur, non cognatis tantum, sed agnatis etiam omnibus, præferri.

Post mortem naturalis parentis] Minime mirum: nam emancipatio hæc potius augere debebat, quam minuere jus illud, quod ut cognati in bonis patris naturalis habebant, cum adhuc essent in familia adoptiva. Sane nisi bonorum possessio patris naturalis deferretur liberis tunc, cum adhuc sunt in familia aliena, non deferretur emancipatis post illius mortem: uti disseruimus *sup. §. 10.*

Nec agnatus ullus] Nam prætor totum agnatorum ordinem cognatis anteposuisse: & ideo licet remotiores sint agnati, cognatis tamen proximioribus præferuntur. Quod ultro videtur prætor dedisse juri civili, quo agnati soli vocantur, cognatis insuper habitis.

Ante enim prætor liberos, &c.] Hi sunt tres illi gradus successionum ab intestato, aut potius ordines succedendi, quos prætor fecisse legimus. Primus ordo est liberorum sive sui hæredes sint, sive emancipati. Secundus legitimorum: nam statim post liberos ad bonorum possessionem admittit agnatos. Tertius cognatorum: quos jure civili in totum exclusos vocat, deficientibus agnatis, *l. 1. §. 1. unde lib. l. 1. in pr. quis ord. in bon. poss.*

T E X T U S.

Emendatio juris antiqui. De Adoptivis.

14. *Sed ea omnia antiquitati placuerunt: aliquam autem emendationem à nostra constitutione acceperunt, quam super iis personis exposuimus, quæ à patribus suis naturalibus in adoptionem aliis dantur. Inveniemus etenim nonnullos casus, in quibus filii & naturalium successionem propter adoptionem amittebant, & adoptione facile per emancipationem*

soluta, ad neutrius patris successionem vocabantur. Hoc, solito more, corrigentes, constitutionem scripsimus, per quam definimus, quando parens naturalis filium suum adoptandum alii dederit, integra omnia jura ita servari, atque si in patris naturalis potestate permansisset, nec penitus adoptio fuisset subsecuta: nisi in hoc tantummodo casu, ut possit ab intestato ad patris adoptivi venire successionem. Testamento autem ab eo facto, neque jure civili, neque prætorio, ex hereditate ejus aliquid persequi potest, neque contra tabulas bonorum possessione agnita, neque inofficiosi querela instituta; cum nec necessitas patri adoptivo imponatur, vel heredem eum instituire, vel ex heredem facere, utpote nullo vinculo naturali copulatum: neque si ex Sabiniano Senatusconsulto ex tribus maribus fuerit adoptatus. Nam & in ejusmodi casu neque quarta ei servatur, neque ulla actio ad ejus persecutionem ei competit. Nostra autem constitutione exceptus est is, quem parens naturalis adoptatum susceperit. Utroque enim jure tam naturali quam legitimo in banc personam concurrente, pristina jura tali adoptioni servamus: quemadmodum si paterfamilias sese dederit adoptandum; quæ specialiter & singulatim ex præfata constitutionis tenore possunt colligi.

N O T Æ.

14. *NOSTRA CONSTITUTIONE*] *l. pen. C. de adopt.* cujus frequens in his libris mentio, *§. 2. sup. de adopt. §. 8. quib. mod. jus pat. pot. §. 5. sup. de ex lib. §. 1. sup. quib. mod. test. inf.*

AB INTESTATO AD PATRIS ADOPTIVI, &c.] Et tanquam suus hæres. At liberis hujus patris adoptivi frater non fit, nec eis succedit: quia jura le-

ita legitima in familia ejus non consequitur, *d. l. pen. §. 1.* Nec obloquitur sibi Just. cum ait, emancipatione talis filii jura adoptiva dissolvi, *d. l. pen. §. 2.* Nam hoc non de jure familiae aut patriae potestatis intelligi debet; sed de jure succedendi ab intestato, quod solum apud patrem adoptivum habebat.

TESTAMENTO AUTEM FACTO] Hinc apparet minus esse, habere jus succedendi ab intestato, quam aut testamentum nullum dicendi, aut everrendi per bonorum possessionem contra tabulas, aut querelam inofficiosa.

EX TRIBUS MARTIBUS] Ita quoque legitur in *d. l. pen. §. 3. C. de adopt.* & apud Th. Qui lectionem immutant, corrumpunt, non corrigunt locum, add. Cujac. in *l. ult. C. de decur.*

COMMENTARIUS.

1. Quamutatio quam ob causam circa successionem adoptivorum facta à Justiniano.
2. Notatur Bachovii oscitatio.
3. Collectiones Triboniani minime necessariae.
4. Sabiniano Senatufconsulto quid cautum.
5. Disputationem de successione adoptivorum hodie inutilem esse.

Hoc §. refertur & inculcatur jus novum, quod à Justiniano circa liberos adoptivos introductum est, *l. pen. C. de adopt.* & de quo actum *sup. de adopt. §. 2.* Summa huc redit Jus vetus ita fuit, ut non tantum qui adrogabantur, in potestatem & familiam patris adoptivi transirent; verum etiam qui filiam à patre naturali in adoptionem alii dabantur, sine ulla distinctione jus liberorum & suorum hæredum in familia naturali amitterent, novumque nanciscerentur in familia adoptiva. In adrogatione nihil mutatum, in adoptione non nihil, propter incommodum, quod ex veteri jure nasci poterat. Igitur in casu filii à patre naturali in adoptionem dati ita Justiniano placuit, ut si datus sit personæ extraneæ (qualis omnis, qui est extra lineam parentum) non transiret in potestatem & familiam hujus patris adoptivi, sed jus parentis naturalis salvum maneret, retineretur filius in illius familia nomen & jus sui hæredis; & porro quod huic consequens erat, ut impune à patre adoptivo testamento factò præteriri aut exheredari posset. Hoc uno tamen ei concessio, ut ab intestato huic patri succedat. Si vero datus sit personæ non extraneæ, sed avo materno putæ, aut nepos post emancipationem patris conceptus & editus avo etiam paterno, jus vetus integrum reliquit sine ulla innovatione.

Quia invenimus nonnullos casus] Usus videtur

plurativo pro singulari. Nam unus duntaxat casus reperitur, quo in adoptionem extraneo dati & patris naturalis & adoptivi hæreditate excidere poterant, vid. si post mortem patris naturalis ex adoptione essent emancipati: cujus etiam solius mentio in *d. l. pen.*

Ut possit ab intestato] Et quidem jure sui hæredis: hoc enim jus diferte hæctenus ei tribuitur *d. l. pen. §. 1.* Atque ita occurrit hic casus singularis, quo is qui in potestate non est, & tantum non extraneus, sui hæredis jus habeat, voceturque ad hæreditatem una cum defuncti liberis naturalibus & legitimis. Cæterum voluit Justinianus hanc adoptionem tantum prodesse adoptato ad solam successionem extranei patris adoptivi, non etiam ad consequenda jura legitima in ejus familia *d. l. pen. §. 1.* Quamobrem vix scio quid sibi velit Bachovius, qui pro limitatione hic addendum scribit ex *No. 118. c. 3.* concurrere hunc extraneum adoptatum tantum cum liberis ab uno latere conjunctis; quia cum utrinque conjuncti excludant consanguineos & uterinos. multo magis adoptatum excludere debeant, &c. Non puto, Bachovium tam profunde somniasse, ut, quamvis sic loquatur, existimaverit, liberorum quosdam esse ex uno latere conjunctos, quosdam ex utroque, & hos illis, ac proinde & adoptatis in successione parentis ex *d. No. præferri*: sed ut apparet ex *d. c. 3.* quod allegat, cogitasse de successione collateralium, & admonere voluisse, in ea successione adoptivos defuncti fratres ex *d. No. c. 3.* non plus juris habere posse, quam conjunctos ex uno parente tantum, quibus præferuntur conjuncti utrinque. Credibile quoque est, eum intellexisse liberos adrogatos: nam hi, de quibus hic agimus, liberis extranei adoptatoris fratres non sunt, nec eis succedunt prorsus. Utut sit, aut alienum est, quod Bachovius monet, aut fallitur.

Neque jure civili neque jure prætorio] Olim liberi adoptivi omnes, quia transibant in familiam patris adoptivi, quamdiu in eadem conditione manebant, non minus quam justis nuptiis quæsit, hæredes institui aut exheredari debebant: præteriti & jure civili testamentum nullum dicere poterant, & jure prætorio contra tabulas bonorum possessionem petere: exheredatis patebat querela inofficiosa testamenti, *§. 4. sup. de exher. lib. l. 1. in pr. cont. tab. §. 2. sup. de inoff. test.* quod Justiniani lege mutatum in adoptatis ab extraneo, velut consequens ei, quod voluit, eos non transire in adoptivi patris potestatem. Ergo ex d. constitutione impune hi præteriti vel exheredari possunt, nulloque remedio, siue civili siue prætorio, adversus testamentum adjuvantur, *d. l. pen. C. de adopt.* Non obloquitur sibi Justinianus, cum ait,

emancipatione talis filii jura adoptiva dissolvi, *l. pen. §. 2.* hoc enim non de jure familiarum aut patrum potestatis intelligi debet; sed de jure succedendi ab intestato, quod solum apud patrem adoptivum habebat.

3 *Cum nec necessitas imponatur patri adoptivo* Non satis bona collectio; Non est necesse hunc heredem instituere vel ex heredem facere: ergo nullo remedio contra testamentum uti potest. Nam nec mater nec avus maternus liberos, nec liberi parentes necesse habent heredes instituere aut exheredare, qui tamen præteriti aut exheredati testamentum per querelam inofficiosi impugnant. Sic nec illa consecutio necessaria est: Non est mihi naturali vinculo copulatus; ergo non est necesse eum heredem instituere, &c. quasi solo vinculo civili nemo adstringatur ad aliquem heredem instituendum, &c. quæ tamen vis adhuc hodie est adrogationis, ut in *fin. hujus §.*

4 *Ex Sabiniano Senatusconsulto ex tribus maribus* Quo Senatusconsulto quantum ex hoc loco conicere est, cautum fuit, ut qui unum è tribus alterius liberis maribus adoptasset, quartam partem ei bonorum suorum relinquere cogeretur, sicut ex constitutione Antonini Pii quarta relinquenda est adrogato impuberi. Ex eodem Senatusconsulto manifeste videtur, quod Justinianus commemorat in *l. ult. C. de decur. lib. 10.* ut qui tres mares haberet, si unum ex iis, qui decurio esset, in senatum maximum allegandum curaret, ei curiæ liberationem pareret: quod referendum inter privilegia *παλιν αὐδίας*. Meminit quoque hujus Senatusconsulti Justinianus in *d. l. pen. §. 3. C. de adopt.* Nihil agunt, qui hunc locum vel aliter explicant, ut Connan. 2. *comm. 15.* vel aliter legunt, & pro tribus maribus, ut etiam legitur apud Theophil. substituunt tribus maribus, ut *Alciat. 4. parerg. 3. tribus mancipationibus*, ut *Rasard. c. 6. de auct. prud. add. Cujac. in d. l. ult. C. de decur. Gothofr. ad d. l. pen. §. 3. C. de adopt.*

Præstina jura talis adoptioni servamus Propterea quod hoc casu concurrente naturali vinculo cum civili cessat metus superioris incommodi, ne scilicet adoptatus ab utriusque patris successione aliquando excludatur; qui sensus est *d. l. pen.* Jus vetus adoptionis plane nunc exolevit: neque enim adoptati aut liberorum aut agnatorum aut cognatorum jure hodie censentur, sed tantum pro alumni sunt: ut proinde tota disputatio de successione liberorum adoptivorum hodie sit inutilis: videbis quæ *sup. tit. de adopt.*

T E X T U S.

De descendentiis ex fœminis.

15. *Item vetustas ex masculis progenitos plus diligens, solos nepotes vel neptes, qui quæve ex virili sexu descendunt, ad suorum vocabat successionem, & jure agnatorum eos anteponebat: nepotes autem, qui ex filiabus nati sunt, & pronepotes, qui ex neptibus, cognatorum loco connumerans, post agnatorum lineam eos vocabat, tam in avi vel proavi materni, quam in avia vel proavia, sive paterna sive materna successionem. Divi autem Principes non passi sunt talem contra naturam injuriam sine competentem emendationem relinquere: sed cum nepotis & pronepotis nomen commune sit utriusque, tam qui ex masculis, quam qui ex fœminis descendunt, ideo eundem gradum & ordinem successionis eis donaverunt. Sed ut amplius aliquid sit eis, qui non solum natura, sed etiam veteris juris suffragiis muniuntur, portionem nepotum vel neptum, vel deinceps, (de quibus supra diximus) paulo minuendam esse existimaverunt; ut mixtus tertia parte acciperent, quam mater eorum, vel avia, fuerat acceptura, vel pater eorum vel avus paternus sive maternus, quando fœmina mortua sit, cujus de hereditate agitur: iisque licet soli sint, adeuntibus, agnatos minimè vocabant. Et quemadmodum lex duodecim tabularum, filio mortuo, nepotes vel neptes, pronepotes vel proneptes, in locum patris sui ad successionem avi sui vocat: ita & principalis dispositio in locum matris sue vel avia eos cum jam de-*

signata partis tertia deminutione vocat. Sed nos, cum adhuc dubitatio maneret inter agnatos & memoratos nepotes, quartam partem substantia defuncti agnatis sibi vindicantibus ex cujusdam constitutionis auctoritate, memoratam quidem constitutionem à nostro Codice segregavimus, neque inferi eam ex Theodosiano Codice in eo concessimus. Nostra autem constitutione promulgata, toti juri ejus derogatum est: & sanximus talibus nepotibus ex filia, vel pronepotibus ex nepte: vel deinceps superstitibus, adgnatos nullam partem mortui successionis sibi vindicare: ne hi qui ex transversa linea veniunt, potiores bis babeantur, qui recto jure descendunt. Quam constitutionem nostram obtinere secundum sui vigorem & tempora & nunc sancimus: ita tamen ut quemadmodum inter filios & nepotes ex filio antiquitas statuit, non in capita, sed in stirpes dividi hereditatem, similiter nos inter filios & nepotes ex filia distributionem fieri jubeamus, vel inter omnes nepotes & neptes, & inter pronepotes vel proneptes, & alias deinceps personas; ut utraque progenies matris vel patris, avia vel avi portionem sine ulla deminutione consequatur: ut si sortè unus vel duo ex una parte, ex altera tres aut quatuor extent; unus aut duo dimidiam, alteri tres aut quatuor alteram dimidiam hereditatis babeant.

NOTÆ.

15. ITEM VETUSTAS] Intelligit tum legem 12. tabb. tum jus prætorium: nam & prætor nepotes, &c. ex sexu muliebri demum vocabat in cognatorum ordine, post lineam agnatorum.

QUAM MATER EORUM] Ex. ca. Titius decessit relicto filio, & ex filia præmorta nepote: hic filius, quia juvatur prærogativa legis 12. aut si emancipatus est, suffragatione juris prætorii, bessellem hereditatis ex d. constitutione feret, nepos trientem reliquum, id est, tertia parte minus, quam mater latura fuisset.

VEL AVIA] Hic ponendum thema, quo quaeritur, de hereditate proavi materni inter filium & pronepotem natum ex nepte prognata ex filio aut filia.

VEL PATER EORUM] Adde *Vel mater. v. c.* Titia decessit relicto filio aut filia, & nepote nepteve ex filio filiave demortuis. Hic quia filio aut filia suffragatur SC. Orficianum *inf. 111. 4. pr. & S. 1.* nepos neptisve ex d. constitutione non aliter admittuntur, quam cum deminutione tertiæ partis.

QUARTAM PARTEM SUBSTANTIÆ] Hanc quartam adgnati sibi vindicabant, nepotibus ex filia solis existentibus, non quando concurrerant cum munitis suffragio juris veteris: memorati Principes quandam Falcidiam vocant.

SED IN STIRPES] Ut in locum parentum veniant, succedantque ad instar nepotum & pronepotum ex virili sexu.

SINE ULLA DEMINUTIONE] Quartæ scilicet agnatorum, quando non concurrunt liberi primi gradus aut nepotes ex sexu virili: nam tertiæ deductionem tributam iis, qui etiam juris veteris suffragatione nituntur, intactam reliquit, *l. ult. C. de suis & leg. lib.* ad quam hic se refert. Jure novissimo par liberorum omnium in successione ab intestato conditio. *Nov. 118. c. 1.*

COMMENTARIUS.

1. Qui descendendum lege 12. tabb. & à prætore ad successionem intestati vocentur.
2. Juri veteri derogatio qua ratione, & an sufficienti nitatur.
3. Planius & plenus, quam Vulgo, explicatur quatenus per *l. 4. C. Theod. de legit. hered. veteri juri derogatum.*
4. Quid insuper detractum, quid adjectum constitutione Justiniani *l. ult. C. de suis & leg. lib.*
5. Canticula & Mynsingeri error.

Hæc pars est hujus tituli postrema, in qua primum repetuntur ex vetusto jure differentia circa successionem descendendum ex masculis & foeminis: deinde ostenditur, quantum his differentiis detractum & de antiquo jure derogatum sit constitutione recentiorum principum, & postremo Justinianii. Locus est obscurus & ænigmaticus, à paucis intellectus,

etus, & ab his, qui eum intellexisse videntur, ita explicatus, ut tamen aliquid amplius desideres, & plus lucis. Plenius ergo & planius, si potero, rem totam explicabo.

Item Gellius] Intelligit tum legem duodecim tabularum, tum jus prætorium. Falluntur enim, qui putant, legem duodecim tabularum ad hæreditatem ab intestato vocasse tam natos ex filiabus, quam ex filiis, totumque illud discrimen, quod hic refertur, adscribunt mediæ jurisprudentiæ, inter quos Myns. Cantuanc. & Giphanius. Etenim palæ est, lege duodecim tabb. ex descendantibus eos solos ad hæreditatem vocari, qui sunt sui hæredes, atque his deficientibus ex transversa linea solos agnatos: eos vero qui tantum cognati essent, jus successionis ab intestato nullum ex ea lege habuisse. Nimirum Decemviri, ut dignitati & propagationi familiarum consulerent, ad eos solum successionem pertinere voluerunt, qui essent ejusdem gentis & familiæ. Quare cum nepotes ex filia non sint sui hæredes avo materno, sed patri, in cujus sunt potestate; & femina non suam aut patris, sed alienam, in quam nubit, familiam propaget; *l. 105. §. ult. de verb. sign.* non poterant hi nepotes ad successionem avi materni ullo modo venire, excludebanturque non tantum à filiis & filiabus defuncti, ab iisve, qui ex filiis essent progeniti; verum etiam ab agnatis ejus. Denique prætor emancipatos duntaxat inter suos vocabat, ut masculorum quoque progeniem: hosce autem nepotes, & ceteros ex sexu muliebri demum post lineam agnatorum, in tertio scilicet ordine, qui cognatorum est.

Quam avia vel proavia sive paterna sive materna] In avia aut proavia paternæ successionis nihil plus juris nepotes aut pronepotes ex lege 12. tabb. habent, quam habent in successione avi proavivæ, avivæ, proavivæ maternorum: non enim magis avia aut proavia paternæ sui hæredes aut agnati sunt, quam avo aut proavo materno, &c. cum nec filius matri sit, ob eamque causam nec ipse matri ex lege succedat; nec à prætore in primo ordine vocetur. Filii tamen aut filia mentionem non faciunt; quia his matris legitima hæreditas pridem delata fuerat Senatusconsulto Orficiano, non avia nepotibus, *inf. tit. 4.* & ideo rectè ait, nepotes pronepotesve atavia & proavia successionem à prætore admissos fuisse demum in linea cognatorum, quia nec post illud Senatusconsultum jus liberorum in ea successione habebant.

Disi autem Principes non passi sunt, &c.] Sequitur jam derogatio juris antiqui, quæ auctores habet Valentinianum, Theodosium & Arcadium, *l. 4. C. Theod. de leg. her.* quam parte aliqua mutilatam in Codicem suum retulit Justinianus *l. 9. C. de suis*

& leg. lib. Justitia derogationis duplici ratione commendatur. 1. quia inæqualitas illa juris inter descendentes ex masculis & feminis injuriosa in ipsam naturam; quomodo alibi naturæ accusatores appellat, qui differentiam inducant inter masculos & feminas, *l. 4. C. de lib. prat.* 2. quia nomen nepotum & pronepotum omnibus commune, & tam iis, qui ex feminis, quam qui ex maribus progeniti sunt, conveniens. Quorum tamen rationum, si liberè dicendum est, altera vera non videtur, altera minimè sufficiens. Nam quæ injuria est in naturam, si is, qui jus percipiendarum hæreditatum in sua familia habet, ut suus, aut agnatus, non admittatur eodem jure in familia aliena, ne duabus in familiis simul regnum teneat? Deinde si contra naturam non est, hoc prospicere, ut ne familiæ splendor ac dignitas minuatut aut pereat; sed consentaneum etiam juri gentium legibusque plurimarum bene ordinarum civitatum, dare operam, ut factæ testæ familiæ conserventur; non potest à ratione naturali alienum videri, si masculi potius atque ex masculis descendentes, propagatores & columnæ familiarum, quam feminae, in quibus familiæ intereunt, ad hæreditatem vocentur: quod & ipsum diligenter cautum reperitur legibus Mosais. *Num. 27. 8. Vid. Philon. de vit. Mos. 3.* Hinc jam sponte intelligitur, quam ficulneum argumentum sit alteram, quod à communione petitur nominis, ad inducendam juris æqualitatem inter eos, quos tam insignis consideratio disjungit. Sed videamus quid placitum Græcis Principibus.

Eundem ordinem & gradum successionis] Doinaverunt Imperatores eundem gradum successionis nepotibus & pronepotibus, de quibus hic sermo est, quem habent illi, qui succedunt ex lege duodecim tabularum, & qui vocantur à prætore: hoc est; voluerunt ex feminis prognatos non minus jus liberorum & successionis ad intestato habere, quam prognati ex masculis, ut sui hæredes habent ex lege 12. tabb. & liberi emancipati ex edicto prætoris unde liberi, ut cum his in successione concurrant. Addo, ut sequentia minore negotio percipiantur, ut concurrant etiam cum liberis primi gradus, patris scilicet & avunculis suis, in successione avia, quos jam temporibus Marci agnatis in successione matris præposuerat Senatusconsultum Orficianum. Cæterum portio horum nepotum aliquantum memoratorum Principum constitutione minuta fuit, ut mox audiemus.

Veteris juris suffragiis muniuntur] Jus vetus hic accipere debemus tum legem duodecim tabularum, quæ ex liberis suis duntaxat hæredes ad hæreditatem vocabat; tum edictum prætoris, quo ad bonorum possessionem ab intestato invitantur liberi eman-

emancipati: & denique Senatusconsultum Orficianum, quo, ut diximus, matris legitima hæreditas defertur filiis & filiabus. Latius enim tractatio hujus §. se extendit, quam spondet principium, plusque sensit, quam scripsit Justinianus, uti statim videbimus.

Ut minus tertia parte] Quamvis prædicti Principes nepotes neptelque ex seu fœmineo descendentes cum his, à quibus jure veteri in totum excluderentur, ad successionem ab intestato admiserint; noluerunt tamen, illos cum his æqualiter hæreditatem partiri, sed aliquanto plus habere eos, qui etiam juris veteris suffragationem nituntur, & nimirum illos triente minus, quam hos, consequi, d. l. 9. C. de suis & legit. quod datum reverentiæ juris veteris fuit.

Quam mater eorum vel avia] Casus pertinet ad successionem adscendentium marium, cum defunctus descendens unis pater, avusque aut proavus paternus, aliis avus proavusque maternus est: de fœminarum adscendentium successione mox subjicitur. Cum igitur de successione avi materni quaritur inter filium superstitem & ex filia demortua nepotes, hic filius, quia jure prærogativa legis duodecim tab. aut si emancipatus est, suffragio juris prætorii, besehem hæreditatis ex d. constitutione feret, nepotes trientem reliquum, id est, hi tertia parte minus ferunt, quam mater superstes latura fuisset: illa enim hæreditatem paternam æqualiter cum fratre suo divisisset: jam si de senisse, quem mater habitura fuerat, tertiam partem demahas, triens tantum nepotibus relinquitur, alter semis auctus accessione detracti sextantis besehem efficit. Similiter quando quaritur de hæreditate proavi materni inter filium & pronepotem natum ex nepte prognata ex filio aut filia, filius favore juris veteris altero tanto amplius habebit, quam hi pronepotes, qui pro senisse, in quem avia eorum vocata fuisset, trientem tantum accipiunt, id est, tertia parte minus. Nihil autem in successione proavi materni interest, nati sint pronepotes ex nepte, an ex nepote ex filia: nam quod ad stirpem attinet, aviam scilicet, filiam proavi, omnes ex sexu muliebri veniunt. Illud quoque non refert, utrum pari gradu, an impari sint descendentes ex sexu virilicam posteris ex sexu sequiore, remotiores, an propiores. Nam etsi ex filio tantum nepos sit aut pronepos ex nepote ex filio nato, sive suus sive emancipatus, & ex adverso nepos ex filia: illi nihilominus propter suffragationem juris veteris besehem totius hæreditatis auferent, hic non amplius triente.

Pater eorum, vel avus paternus sive maternus, quando fœmina mortua] Hic apparet, plus sensit Justinianum, quam hætenus scripsit. Nihil enim huc usque traditum est, quo id quod hic proponitur,

referri posse videtur. Nam initio locutus est tantum de descendantibus ex masculis, quos solus dixit à veteribus ut liberos ad hæreditatem vocatos fuisse, insuper habitis iis, qui ex fœmineo sexu descenderent. Deinde ait, hos cum illis admissos fuisse à Divis Principibus, cum deminutione tamen tertiæ partis, propter suffragationem juris veteris, qua juvantur qui ex viris progeniti sunt. Quamobrem quod hic scribit, ænigma videri poterat, nisi ante monuissim, id quod de juris veteris prærogativa dixit, ex mente ejus referendum esse etiam ad eos, quibus suffragatur Senatusconsultum Orficianum; quod collatum cum constitutione dd. Principum, sane vetus etiam est. Hoc Senatusconsulto vocantur liberi ad hæreditatem matris, & vocantur pleno jure absque partis ullius detractioe, exclusis in totum defunctæ agnatis. At vocantur liberi duntaxat primi gradus, filii sc. & filia: nepotes & deinceps ad successionem avia non vocantur, tit. 4. inf. in pr. & §. 1. sed hi demum cum istis admissi sunt eadem illa constitutione, cujus jam sæpè facta mentio: admissi vero cum deminutione item tertiæ partis, propterea quod filii & filia juris quoque veteris suffragio muniti erant, id est, Senatusconsulto Orficiano.

Pater eorum] Supple, vel mater. Casus enim est, in quo agitur de hæreditate fœminæ defunctæ dividenda inter liberos primi & secundi gradus. Pone igitur, hinc esse filium filiamve, illinc nepotem neptemve ex filio filiave demortuis, Senatusconsultum Orficianum hæreditatem ex assè attribuit soli filio aut filia, nepoti neptive nihil. Ex nova vero constitutione etiam nepos & neptis ad avia successionem vocantur, & simul cum filio filiave; ita tamen, ut pati debeant tertiam sibi detrahi de parte, quam integram pater eorum vel mater superstes habituri fuissent in materna hæreditate ex Senatusconsulto.

Vel avus paternus sive maternus] Casus quoque quaritur de successione fœminæ defunctæ inter liberos primi gradus & pronepotes proneptesve, qui tertio gradu sunt: supplendum igitur, *vel avia paterna sive materna*: nam hæ quoque superstitibus matri successissent ex Senatusconsulto. Ponamus ergo, cum filio aut filia superstitibus concurrere pronepotes proneptesve natos natasve ex nepote neptive nato natave ex altero filio aut filia demortuis. Hi pronepotes proneptesve in totum à successione proavia repelluntur Senatusconsulto. A Principibus autem una cum filio aut filia admittuntur: cæterum cum deminutione illa, quam diximus, partis avitæ: quod datum honori Senatus; ut sc. tertia minus consequantur, quam habituri fuissent avi aviave, qui si viverent, ex æquo cum fratre aut sorore maternam hæ-

hæreditatem partirentur. Sed quid dicendum in proposito, si hic nepos tantum sit, aut neptis, illinc pronepos aut proneptis, nulli autem liberi primi gradus? Rectè nimirum censet Hotomannus, nihil amplius hic laturos nepotes, quam pronepotes: sed æqualiter omnes, illos ad aviam, hos ad proaviæ hæreditatem ex principali dispositione admittendos esse: quia cum nepotes in successione aviam non magis jus liberorum ante constitutionem habuerint, quam pronepotes in successione proaviæ, sive legem antiquam consideres, sive edictum prætoris, sive denique Senatusconsultum Orficiatum, non possunt illi majorem sibi portionem vindicare, partemve aliquam detrachere pronepotibus ob juris ullius antiquioris suffragium, quo nomine tantum detractio illa à Principibus permissa est.

Licet soli sint, ad eumque, agnatos minimè Vocantur] Hoc non sic accipiendum est, quasi agnati hoc casu in totum fuerint exclusi, quod demum à Justiniano constitutum, ut ipse postea commemorat; sed non admissi soli & in solidum, ut jure antiquo. Liqueat enim ex constitutione, ut ea integra extat in Codice Theod. l. 4. de legitt. har. agnatos non penitus excludi, neque priore illo casu, cum avo aut proavo mortuo soli reperiuntur ex liberis nepotes aut pronepotes ex sexu muliebri descendentes, neque hoc posteriore, cum mortua avia aut proavia soli reperiuntur liberi secundi aut inferioris gradus: sed agnatos cum his nepotibus & deinceps admitti in quadrantem hæreditatis. Hoc enim est, quod in d. constitutione legimus, agnatos in casibus propositis in quandam Falcidiam, nepotes in dodrantem succedere. Cæterum hæc pars d. constitutioni detracta est à Triboniano inferente eam Codici Justiniano, l. 9. C. de suis & legit. propter l. ult. C. eod. qua quarta illa adempta agnati in totum repelluntur, ut postea iterum dicetur.

Et quemadmodum lex duodecim tabularum, &c. ita principalis dispositio, &c.] Dicendum erat, quemadmodum lex 12. tabb. filio mortuo nepotes & pronepotes vocat ad hæreditatem avi aut proavi paterni, & vocat in locum patris sui aut avi paterni, ut una cum superstitibus defuncti filiis aut filiabus succedant: ita ex dispositione principali, mortua filia, nepotes & pronepotes ex ea vocari ad successionem avi vel proavi materni, & vocari in locum matris suæ aut aviam maternam, ut simul succedant cum defuncti liberis superstitibus, sive suis hæredibus, quos solos decemviri, sive emancipatis, quos præterea admittit prætor: & quemadmodum Senatusconsultum Orficiatum filios tantum & filias vocat ad successionem matris, ita dispositionem Principum vocare etiam nepotes & pronepotes ad successionem aviam aut

proaviæ sive paternæ sive maternæ, & simul etiam cum liberis primi gradus: sed & in hoc & in superiore concursu detractio tertiam partis, quam diximus, pati.

Cum adhuc dubitatio maneret inter agnatos, &c.] Sequitur juris antiqui altera adrogatio, & augmentum juris, quod descendentes ex sexu muliebri accessit constitutione Justiniani l. ult. C. de suis & legit. lib. Ait, cum adhuc dubitatio &c. non quod jus dubium fuit; quippe cautum expressè l. 4. C. Theod. de legitt. har. Sed hoc vult dicere, cum adhuc agnati ex ejusdem constitutionis auctoritate (sic legendum, non iniquam quæ est d. l. 4. nepotibus ex feminis solis existentibus (nam cum concurrerant cum liberis, qui etiam jure veteri vocabantur, agnatis nullum jus erat) quartam hæreditatis partem sibi vindicare poterant, se hoc jus in totum constitutione sua abrogasse, quæ est d. l. ult. C. de suis & legit. lib. atque ob eam causam noluisse constitutionem prædictam suo Codici inseri, id est, noluisse inseri integram: nam utique detracta illa clausula, qua agnati in quadrantem vocabantur, inserta est. Confer. d. l. 4. C. Theod. de legitt. har. cum l. 9. C. Justin. de suis & legit. lib. Quartam igitur agnatorum tantum sustulit, deductionem tertiam reliquit.

Ne hic, qui ex transversa linea veniunt, potiores] Rectius dixisset, ne qui ex transversa linea veniunt, una cum iis, qui recta ex nobis descendunt, ad successionem admittantur, vel in partem aliquam duntaxat. Quanquam in eo nihil absurdi est, si collateralium aliqui ob jus agnationis præferantur in successione iis descendentes, qui non sunt de familia defuncti.

Non in capita, sed in stirpes] Postquam nepotibus ex filia & pronepotibus natis ex nepte nepoteve ex filia hoc jus datum est, ut in locum veniant parentum, succedantque ad instar nepotum & pronepotum ex virili sexu; non sine ratione, ut eodem modo hæreditatem dividant, sive soli sint, sed plures ex diversa stirpe ad hæreditatem avi vel proavi materni vocentur, sive cum filiis aliisve descendentes ex virili sexu concurrant, cum deminutione tertiam partis.

Ut utraque progenies matris vel patris, &c.] Non tantum igitur cum de successione masculi agitur, avi aut proavi paterni, nepotes & pronepotes etiam soli existentes agnatos excludent, quamvis hætenus nihil amplius dictum: sed etiam cum femina mortua proponitur, avia vel proavia sive paternæ sive maternæ: & in hac item successione nepotes aut pronepotes eodem modo hæreditatem dividunt, salvo liberis primi gradus, si cum his concurrant, jus deducendæ tertiam partis.

4 *Sine ulla deminutione* Hæc ita scripta sunt, ut non sine causa existimare quis possit, etiam liberis primi gradus & nepotibus ex sexu virili denegari tertie deductionem, quod etiam Canticula & Mynsing. pro certo tradunt. Cæterum nihil minus cogitasse Justinianum, patet tum ex sæpè memorata constitutione Principum, quam ita in Codicem suum retulit, ut nihil amplius ei detraxerit, quam particulam, qua in quadrantem vocantur agnati cum posteris ex sexu fœmineo, non concurrentibus cum illis liberis, qui etiam jure veteri veniunt, relicta illa parte, qua istis tertie deductio tribuitur, intacta: tum ex ipsius constitutione Justiniani, ad quam hic se refert, scilicet *l. ult. C. de suis & legit. lib.* quæ quidem correctoria illius Principum, sed quantam duntaxat tollit agnatorum. Jure novissimo par liberorum omnium in successione ab intestato conditio est, *Nov. 118. cap. 1. de quo accuratius inf. post tit. 5.*

TITULUS II.

D. lib. 38. t. 16. C. lib. 6. t. 58.

De legitima agnatorum successione.

Continuatio, & argumentum tituli.



Uetusque de primo ordine succedentium ab intestato, in quo sunt descendentes sive liberi, ex lege duodecim tabularum soli sui hæredes, *§. 1. tit. præc.* ex jure prætorio etiam emancipati, *§. 9. eod.* ex constitutionibus nepotes quoque & pronepotes ex sexu fœmineo, de quibus in *§. ult. eod.* Sequitur ordo secundus, qui agnatorum fuit: insitit enim Imperator vestigiis legis duodecim, quia nemo ex adscendentibus ad hæreditatem vocatur: non pater ad hæreditatem filii; quia si filius in potestate fuerat, nec habere poterat hæredem, cum patri omnia acquireret, & bona castrensia, quæ postea filio concessa, eo intestato mortuo occupabat pater jure peculii, *l. 2. de cast. pecul.* si emancipatus, pater huic & ille patri, ratione familiæ extraneus erat. Sed nec prætor patrem qua patrem, vocabat ante ordinem cognatorum, *l. 10. de suis & legit.* Aio, qua patrem: nam jure patroni vocabatur etiam ad hæreditatem legitimam, *d. l. 10.* Non mater, quia & ipsa filio eadem ratione extranea; & ideo à prætore quoque inter cognatos demum admissa fuit. De Senatusconsulto Tertulliano videbimus *tit. seq.* Hoc titulo primum descriptionem habemus agnatorum

tum naturalium tum adoptivorum: max. docetur qui ex his & quomodo succedant, & tum mares, tum fœminæ: hinc quo ordine vocentur; & postremo quæ ratione parens vocetur ad legitimam hæreditatem filii emancipati.

T E X T U S.

Secundus ordo heredum legitimorum.

Si nemo suus bares, vel eorum, quos inter suos bares prætor vel constitutiones vocant, existat, qui successionem quoquo modo amplectatur, tunc ex lege duodecim tabularum ad agnatum proximum pertinet hæreditas.

N O T Æ.

QUOS PRÆTOR VEL CONSTITUTIONES Scil. liberos emancipatos, & nepotes ex sexu fœmineo, quorum illos prætor, hos constitutiones vocant, *§. 9. & ult. tit. præc.*

C O M M E N T A R I U S.

Existat Nec speretur fore, ut existat. Nam quamdiu vel spes est futurum, ut suus hæres defuncto existat, tamdiu agnatis locus non est; puta si defuncti uxor prægnans sit, quæ suum hæredem paritura speratur: aut defuncti filius apud hostes sit, qui de captivitate reverti potest, *l. pen. §. 1. unde legit. fac. l. 2. in pr. de suis & legit. Ulp. tit. 26. §. 2.*

Tunc ex lege duodecim tab. ad agnatum proximum Dictum hoc paulo crassius. Nam lex 12. tabularum ex liberis eos solos ad hæreditatem vocat, qui sunt verè sui hæredes, hoc est, liberos defuncti legitimos, qui tempore mortis in potestate ejus erant, & proximum ab eo gradum in familia obtinebant; atque his non extantibus, statim loco proximo agnatos: sed postquam & alii tum à prætore tum constitutionibus admissi sunt & præpositi agnatis, lex duodecim, non nisi istis quoque deficientibus vim suam exercuit, agnatisque detulit hæreditatem.

Agnatum proximum In primo ordine sufficit, verbi causa, suum esse, nec gradus queritur: in secundo agnatum esse non sufficit: sed proximitatis sive graduum ratio habetur ex verbis legis duodecim,

cim, §. 5. *inf. hoc tit. l. 2. §. 4. de suis & legit. in duodecim agnatus proximus, familiam habeto.*

T E X T U S.

De agnatis naturalibus.

1. Sunt autem agnati (ut primo quoque libro tradidimus) cognati per virilis sexus personas cognitione conjuncti, quasi à patre connati. Itaque ex eodem patre nati fratres, agnati sibi sunt: qui & consanguinei vocantur: nec requiritur, an etiam eandem matrem habuerint. Item patruus fratris filio, & invicem is illi agnatus est. Eodem numero sunt fratres patrueles, id est, qui ex duobus fratribus procreati sunt, qui etiam consobrini vocantur. Quæ ratione etiam ad plures gradus agnationis pervenire poterimus. Ii etiam qui post mortem patris nascuntur, jura consanguinitatis nanciscuntur. Non tamen omnibus simul agnatis dat lex hereditatem: sed iis, qui tunc proximior gradu sunt, cum certum esse cæperit, aliquem intestatum decessisse.

N O T Æ.

I. LIBRO PRIMO] *sup. tit. de legit. agn. tut. in pr.*

PER VIRILIS SEXUS PERSON. CONJUNCTI] *Supple, nec capite minuti. §. ult. sup. d. tit. & generali quidem nomine agnatorum continentur etiam sui, l. ult. §. 3. de grad. & affin. l. 12. de suis & legit. In specie autem iis attribuitur, qui ex latere per virilem sexum conjuncti: & specialissime iis, qui sequuntur consanguineos, id est, fratres & patrueles l. 2. pr. de suis & leg.*

COMMENTARIUS.

1. Modestini locus in l. 5. unde legit. expositus.
2. Quod modis vocem agnatorum usurpetur.

3. Qui nostris consanguinei: & unde sic appellantur.

4. Prærogativa consanguinitatis sublata.

Cognati per virilis sexus personas] Eodem modo describit agnatos lib. 1. tit. de leg. agn. tut. & J. C. l. ultim. §. 2. de grad. & affin. nempe inter cognatos & agnatos hoc interest, quod inter genus & speciem, ut ait Paul. d. l. ult. §. 4. de grad. & affin. genus cognati, agnati species cognatorum. Cæterum nomen cognitionis non tantum generale est, sed etiam speciale, & proprium eorum, qui vel per feminei sexus personas conjunguntur, d. l. ult. §. 2. vel capitis diminutione jus agnationis amiserunt: quippe ad quos speciali & proprio designandos discernendosque ab agnatis necesse fuit, nomen generale atque utriusque commune coarctare & quasi proprium facere ejus speciei, quæ aliud nomen proprium non invenit: quod in aliis quoque nominibus sæpè usuenit, ut notavimus *sup. de adapt. §. 1.* eaque significatio frequentissima & in hoc argumento fere perpetua est. Alio autem sensu dixit Modestinus, in agnatis & cognatos contineri, in cognatis non utique & agnatos l. 5. unde legit. nimirum considerans, essentiam generis & speciei. Generis enim essentia tota inest in singulis speciebus: tota vero speciei essentia non est in genere: siquidem, ut Porphyrius cap. 4. scribit, ἀλλὰ πορὸς τὸν αὐτὸν ἀπορροῦν τὸ ἐν τῷ γένει, & ibid. τὸ ἐν τῷ γένει ἰσορροῦν τὸ ἐν τῇ specie. Adgnatorum quoque nomen modo generalius, modo specialius usurpatur. Generali significatione continentur etiam sui, d. l. ultim. §. 3. de grad. & affin. unde filius dicitur patri esse agnatus proximus, l. 12. de suis & legit. Specialiter vero agnati appellantur, qui ex latere sunt per virilem sexum conjuncti, ut in præsentī tit. Sed & ex his quidam nati sunt nomen speciale, vocatique consanguinei, ut fratres & forores eodem patre geniti: unde altera vocis restrictio, agnatique specialissime appellati, qui fratres sequuntur, l. 2. in pr. & §. 1. de suis & legit. l. 4. unde cogn. l. 6. §. 1. ad Tertyll. quam distinctionem media peperit jurisprudentia.

Qui & consanguinei vocantur] Fratres ἀδελφοί, id est, ex eodem patre nati, consanguinei nostris dicuntur. Gajus lib. 2. tit. 8. §. 1. l. 3. C. de legit. tut. l. 1. l. 6. C. de legit. hered. Hinc Virgilius 6. Æneid. soporem appellat *lethi consanguineum*, quem Homerus & Iliad. Κασσινῶν γενέσσιος. Græci ἀδελφῶν vocant, teste Theophilo. Dicuntur & στυγνοί. Sophocles in *Ajac.* τὸ θυμὸς ἐμὸς ἀδελφῶν, fratrem furiosi vocantes. Ita consanguineum interpretaberis l. 1. §. post suos 9. l. 2. in pr. de suis & legit.

legit. l. 1. §. pen. l. 6. §. 1. l. 7. ad Terryll. l. 1. C. ad Orific. l. 3. C. de legit. hared. Cassius consanguineos definit, qui sanguine inter se connexi sunt, *d. l. 1. §. pen. de suis & leg.* quæ definitio nimis lata videtur: nam & cæteri agnati atque adeo cognati omnes sanguine inter se conjuncti sunt. Quin etiam per jus sanguinis sola naturalis cognatio sæpè significatur: ut in *l. 2. unde cogn. l. 12. de manum. Synd. l. 23. de adopt. l. 8. de reg. jur.* Necesse igitur est propria quadam ratione fratres eodem patre progenitos isto nomine, alioqui communi, appellatos esse; fortassis quia hi eundem sanguinis auctorem immediate habent; & quod sanguinis origo magis ex patre æstimanda sit, quam ex matre: quippe cum etiam l'èripaterici, si Galeno & recentioribus quibusdam credimus, totum hoc ex patre æstimaverint. Jura igitur consanguinitatis à patre, ut ait Jurisconsultus *l. 4. unde cogn.* oriuntur: quæ de causa etiam non refert, eodem patre nati communem matrem habent, an diversas, *l. 1. C. de legit. har.* Hodie vero fratres jure solius consanguinitatis prærogativam non habent: sed qui ex utroque parente conjuncti sunt, præferuntur iis, qui conjuncti sunt ex uno duntaxat: nec qui ex eodem solum patre conjuguntur plus juris habent, quam qui eadem tantum matre nati. *Nov. 118. cap. 3. auth. itaque C. comm. de success.* ubi consanguinei appellantur in specie, qui tantum eundem patrem habent: opponuntur enim tam fratribus germanis, quam uterinis. Canonistæ verbo consanguinitatis usi sunt ad significandam omnem generis cognationem, *æ de consang. & affin.*

Fratres patruales, qui etiam consobriini] Agnatorum numero sunt & duorum fratrum filii, qui fratres patruales appellantur, & *πατερικοί*, consobriini: propriè enim, ut quidam putant, consobriini sunt duorum fororum liberi, ita dicti quasi consororini, *vid. inf. tit. 6. §. 4.* ubi hoc fusius explicabitur. Sed & deinceps cæteri virili sexu ab eodem orti in infinitum invicem agnati sunt; *l. 2. §. 1. de suis & legit.* Quemadmodum autem gradus numerentur, docebit nos idem *tit. 6. inf.*

Qui post mortem patris] Etiam qui post mortem patris nascuntur, jura consanguinitatis & agnationis habent, *l. ult. unde legit. l. 1. §. pen. de suis & legit.* Cæterum quod ad jus succedendi attinet, necesse est, ut moriente eo, de cujus successione queritur, in rerum natura fuerint, aut saltem vivo eo concepti, *l. 6. cum 2. seqq. de suis & legit. vid. sup. tit. 1. §. 8.*

Qui proximio gradu sunt, &c.] Legitima hæreditas tantum proximo defertur, *l. 2. §. 4. de suis & legit.* & dispersa sunt verba ipsa legis 12. tabb. *Aggnatus proximus familiam habeto.* Æstimatur autem proximus, ex tempore delatæ hæreditatis: quapro-

pter si nullum factum est testamentum, proximus intelligitur, qui tunc fuit, cum paterfam. moreretur; si factum est testamentum, qui tunc, cum certum esse cepit, ex eo testamento hæredem existere non possit. Sed hæc iterum & fusius *§. 5. & seq.*

T E X T U S.

De Adoptivis.

2. Per adoptionem quoque adgnationis jus consistit. Veluti inter filios naturales & eos quos pater eorum adoptavit. Nec dubium est, quin ii improprie consanguinei appellantur. Item si quis ex cæteris agnatis tuis, veluti frater aut patruus, aut denique is, qui longiore gradu est, adoptaverit aliquem, adgnatus inter tuos esse non dubitatur.

COMMENTARIUS.

ADgnatorum nomen civile est, *l. ult. §. 4. de grad. & affin.* uti & suorum hæredum. Proinde quemadmodum nihil interest, quoad jus suitatis, utrum naturales sint liberi, an adoptivi: *§. 2. præc. tit.* ita quoque quod ad jus adgnationis attinet, nihil refert, utrum natiuitate conjuncti sint, an adoptione. Nam & qui adoptatur, iisdem fit agnatus, quibus pater ipse agnatus fuit, legitimæque eorum hæreditatem consequitur, vel ipsi illius, *l. 2. §. 3. de suis & legit. l. 23. de adopt. Ulp. in collat. Rufin. tit. 16. Consanguineos & adoptio facit & adrogatio.*

Improprie consanguinei] Rectè: nam ex definitione Cassii consanguinei propriè sunt, qui sanguine inter se sunt connexi, *l. 1. §. pen. de suis & legit.* hoc est, ut nos interpretati sumus, qui eundem patrem sanguinis auctorem habent: adoptati vero etsi communem cum liberis naturalibus patrem habeant; sanguinis tamen paterni nexu cum istis copulati non sunt. Malè autem ad hoc probandum adducitur ab Hotomanno & Pacio *d. l. 23. de adopt.* quo in loco manifestum est jus sanguinis accipi non pro consanguinitate, sed pro mera cognatione naturali. Cæterum etsi adoptati propriè consanguinei non sunt, jus tamen consanguinitatis, & propter hoc legitimæ successione, cum aliis, qui sunt in familia, habent, *l. 1. §. ult. de suis & leg. l. 4. de adopt.* atque hujus effectus intuitu etiam fratres adoptivi consanguinei vocantur, *l. 2. §. sed & si 19. l. 7. ad Terryll.* Post con-

stitutionem Justiniani l. pen. C. de adopt. soli ex adoptivis jus consanguinitatis & agnationis in familia adoptiva nanciscuntur, qui adoptati sunt à persona non extranea.

[*Agnatus inter tuos non esse dubitatur*] Hotomannus *agnatus* legit in casu accusandi; quod parum refert. In vulgatis codicibus est *inter suos habedes*: sed illa lectio manifestè vitiosa est, & vox *habedes* omnino delenda: quam etiam ab antiquis omnibus codicibus abesse testatur Hotomannus. Cum eodem pro *suos* reposui *tuos*: quia contextus id flagitat.

TEXTUS.

De masculis & fœminis.

3. Ceterum inter masculos quidem agnationis jure hereditas, etiamsi longissimo gradu sint, ultro citroque capitur. Quod ad fœminas vero attinet, ita placebat, ut ipsa consanguinitatis jure tantum capiant hereditatem, si sorores sint; ulterius non capiant. Masculi autem ad earum hereditates (etiamsi longissimo gradu sint) admittantur. Qua de causa fratris tui, aut patrui tui filia, vel amita tue hereditas ad te pertinebat: tua vero ad illas non pertinebat. Quod ideo ita constitutum erat, quia commodius videbatur, ita jura constitui, ut plerumque hereditates ad masculos confluerent. Sed quia sane iniquum erat, in universum eas quasi extraneas repelli, prator eas ad bonorum possessionem admittit ea parte, qua proximitatis nomine bonorum possessionem pollicetur: ex qua parte ita scilicet admittuntur, si neque agnatus ullus, neque proximior cognatus interveniat. Et hæc quidem lex duodecim tabularum nullo modo introduxit: sed simplicitatem legibus amicam amplexa, simili modo omnes agnatos, sive masculos sive fœminas, cujuscumque gradus, ad similitudinem suorum indicem ad successionem ro-

cabat. Media autem jurisprudentia, quæ erat quidem lege duodecim tabularum junior, Imperiali autem dispositione anterior, subtilitate quadam excogitata præfatam differentiam inducebat, & penitus eas à successionem agnatorum repellerebat, omni alia successionem incognita, donec prætores paulatim asperitatem juris civilis corrigentes, sive quod deerat, implentes, humano proposito alium ordinem suis edictis addiderunt; & cognationis lineæ proximitatis nomine introducta, per bonorum possessionem eas adjuvabant, & pollicebantur his bonorum possessionem, quæ unde cognati appellatur. Nos vero legem duodecim tabularum sequentes, & ejus vestigia hac in parte conservantes, laudamus quidem prætores sue humanitatis non tamen eos in plenum huic causæ mederi invenimus. Quare etenim uno eodemque gradu naturali concurrente, & agnationis titulis tam in masculis, quam in fœminis aqua lance constitutis, masculis quidem dabatur ad successionem venire omnium agnatorum: ex agnatis autem mulieribus nulli penitus, nisi soli sorori, ad agnatorum successionem patebat aditus. Ideo nos in plenum omnia reducentes, & ad jus duodecim tabularum eandem dispositionem exequantes, nostra constitutione sancimus, omnes legitimas personas, id est, per virilem sexum descendentes (sive masculini generis sive fœminini sint) simili modo ad jura successionis legitima ab intestato vocari, secundum sui gradus prærogativam: nec ideo excludendas, quia consanguinitatis jura, sicut germanæ, non habent.

NOTÆ.

SIMPLICITATEM LEGIBUS AMICAM] *sup. §. 7. de fideic. har.* dicit sibi in legibus magis simplicitatem, quam difficultatem placere.

SIVE QUOD DEERAT IMPLENTES] *Th. διορθώσεις, ἢ καὶ τὸ ἐκδοῦν ἀναπληρώσεις, aut potius quod deerat implentes. Quod prætori familiare, l. 7. de just. & jure.*

COMMENTARIUS.

1. Quando consanguinitas ab agnatione distinguitur & quam ob causam coepta.
2. Fœmina agnata non consanguinea quo ordine vocatur à prætorè.
3. Quid per mediam jurisprudentiam intelligat Justinianus. Ubi quadam non vulgaris.
4. Veteris Jurisprudentiæ contra accusationem Justiniani defensio.

Locus verbosus. Narratur mutatio juris facta circa legitimam successionem fœminarum agnatarum, & revocatur jus vetustius. Lege duodecim tabb. fœminæ agnatæ juxta ac masculi, cujuscuq; gradus essent, ad legitimam agnatorum hæreditatem vocabantur: quod jus, cum mediæ ætatis consultorum interpretatione coangulatum esset, restrictumq; ad consanguineas, id est, sorores *ἰσυναγγεῖς*, exclusis remotioribus, quæ tantum à prætorè postea admittæ sunt nomine proximitatis in ordine cognatorum, Justinianus hic restituit. Hæc summa est.

Etiamsi longissimo gradu] Id est, ut plerique interpretati sunt, etiamsi decimo sint gradu, quo terminari putant legitimam agnatorum successionem rectene, an secus, videbimus infra §. ult. de success. cognat.

Ut ipsa consanguinitatis jure] Hoc est, fraternitatis. Nam ex quo hoc jus introductum est, consanguinitas coepta est distingui ab agnatione, & consanguinei ab agnatis ultioribus: & quia post consanguineas muliebris sexus personæ, licet agnatæ essent, non admittebantur, agnatos definierunt esse virilis sexus personas, l. 2. §. 1. de suis & legit. duoque quasi ordines ex uno facti l. 1. §. 2. d. l. 2. in pr. d. tit. l. 4. unde cogn. cum antea lex 12. tabb. omnes per virilem sexum cognatos uno agnatorum nomine appellasset, & proximos ex his sine ulla sexus aut consanguinitatis discretionem detulisset hæreditatem.

Quia commodius videbatur] Prudentibus visum fuit, utilius esse ac rationi magis consentaneum, ut hæreditates ad masculos potius, quam ad fœminas pervenirent: non tantum quia masculi reipub. magis profunt, dum aut bella gerunt, aut sacra faciunt, aut muneribus publicis funguntur, quam rationem

hic affert Theophilus; aut ne mulieres ditescerent, ac propter hoc elatæ æquarent se viris: verum etiam & potissimum, quia familiæ, quæ in fœminis intereunt, per mares conservantur & propagantur. Ac talis etiam scopus decemviris propositus fuit, dum solis agnatis hæreditatem detulerunt, exclusis cognatis omnibus non ejusdem *familij*.

Proximitatis nomine] Quia cognati non alio jure, quam proximitatis veniunt, & hoc ex edicto prætoris, verbum proximitatis factum est proprium juris prætorii, eoque cognati proprie designantur, non agnati, l. 3. l. 4. unde cognati. In suis hæreditibus nulla omnino servatur gradus prærogativa. In ordine vero agnatorum etsi proximitas etiam spectatur, dum agnati inter se conferuntur, ea tamen non spectatur, quando conferuntur cum cognatis: quippe quibus omnibus solo jure agnationis præferuntur, etiamsi ipsi longe sint remotiores.

Si neque agnatus ullus, neque proximior cognatus] Fœminas adgnatas secundo gradu remotiores, quæ jure civili in totum à successionem ab intestato repellebantur, postquam iis jus agnationis in ea causâ ademptum erat disputatione fori, prætor, ne in universum exclusæ manerent, in linea, quam tertiam ipse fecit, admisit, id est, nomine proximitatis vocavit ad bonorum possessionem unde cognati. Et vero nulla causa fuit, cur has minus in eo ordine admitteret, quam qui tantum cognati sunt. Ait, *neque agnatus ullus*. Non ait *proximior*, ut mox, cum de cognato loquitur: quia universus agnatorum ordo cognatis simpliciter præponebatur, sine consideratione gradus. Ait, *neque proximior cognatus*. Nam in successionem cognatorum, uti quisque proximior est, ita alterum excludit: nec prætor quicquam in deferenda hac bonorum possessione considerat præter solam proximitatem.

Media Jurisprudentia] Cujacius & Hotomanus, quos Pacius & Tuningius sequuntur, existimant, Imperatorem ita loqui, cum intelligat *romo sedem* seu leges quæ latæ sunt post duodecim tabulas, & videlicet legem Voconiam. Sed à vero longe abest hæc eorum opinio. Nam lex Voconia jam præcis temporibus in desuetudinem abierat, ut aperte testatur *Gell. lib. 20. c. 1*. Jus autem, quod hic media Jurisprudentia introduxisse dicitur, ætate Pauli & Ulpiani adhuc erat in viridi observantia. *Paul. 4. sent. 8. Ulp. tit. de legit. har. §. fœminas*. Ac diu etiam post obtinuit, adeoque duravit usque ad tempora Justiniani, qui demum post consulatum Lampadii & Orestis id sustulit, l. pen. C. de legit. har. Præterea, ut alibi ostendimus ex Cic. Afcon. Dion. Augustino: lex Voconia sanxerat, ne quis virginem neve mulierem hæredem faceret, ac nec unicam filiam. Quod si ita est, nullo modo referri ad legem

legem Voconiam potest, quod hic adscribitur mediæ Jurisprudentiæ. Nam si Voconius ne filias quidem ad hereditatem patris admittit, procul dubio magis removit sorores à successione fratrum: & si nec ex testamento feminas hæredes esse voluit, multo minus ab intestato; quippe plures semper tributum voluntati testatoris, *l. 12. sup. tit. 1. l. pen. §. 1. C. de adopt.* Fefellit haud dubie Cujacium idem, quod Hotomannum, nimirum locus Pauli *4. sent. 8.* ubi sic scribit; *Femina ad hereditates legitimas ultra consanguineas successiones non admittuntur, idque jure civili vel Voconia rogatione videtur effectum.* Cæterum lex duodecim tabularum nulla discretionis sexus agnatos admittit. Etenim ex hoc loco non magis colligere possis, rogatione Voconia effectum, ne feminæ ultra consanguineas ad legitimam successionem admitterentur, quam jure civili, hoc est, disputatione Jurisconsultorum; quæ juris pars, uti constat, communi nomine appellatur jus civile, *l. 2. §. 5. de orig. jur.* Disjuncta enim cum sit Pauli oratio, non minus hoc, quam illo posito, veritas ejus constabit. Ac proinde si verbis Justiniani fervientes mediæ jurisprudentiæ cum Theophilo interpretemur, *τὸ δὲ δωδεκάδελτον σφύς*, non magis nobis Paulus adversabitur, quam alios juvabit, qui Voconium plebiscitum intelligunt: videturque tantum Jurisconsultus usus esse hac disjunctione, ut sibi caveret; cum id quod de legitima consanguinearum successione, & reliquarum agnatarum exclusionem scribebat, alterutro quidem jure effectum sciret, utro autem effectum esset, in præsentia non occurreret, nec vacaret inquirere. Nos vero sine cunctatione juri civili adscribemus, quod tribunitiæ rogationi nullo modo tribui posse clare ostendimus; idque ex ipsius etiam sententia Pauli. Quippe cum in omnibus disjunctionibus à differente significetur, unum saltem verum esse. Et omnino sic sentio, jam diu antequam Voconius legem rogaret, quod factum esse inter secundum & tertium bellum Punicum, testatur Augustinus, *7. de civ. Dei c. 21.* prudentum auctoritate atque interpretatione legitimas feminarum successiones coercitas fuisse intra gradum consanguinearum. Postea autem lege Voconia feminas omnes penitus remotas fuisse & ab omni successione. Cæterum cum ea lex, ut nimis rigida, paulatim iterum in consuetudinem abiisset, revocatum denuo fuisse jus pristinum, non quod duodecim tabule, sed quod prudentum introduxerat interpretatio. Quæ interpretatio mediæ nomine jurisprudentiæ hic significatur.

Imperiali dispositioni anterior J. D. Wesembecius putat, mediæ jurisprudentiæ viguisse usque ad occupatam à Cæsaribus reipub. Sed malo cum Bachovio eam porrigere usque ad tempora translati

in Orientem imperii: tunc enim primum pleraque mutata sunt una cum forma reipub. & vetera instituta exolescere cœperunt. Priores vero Principes majorum institutis constanter inhæserunt, nec nisi parvis finis legibus stante adhuc reipub. latis, aut veterum consuetudini, derogarunt. Quin etiam major dignitas juri civili, hoc est, disputationi fori, accessit, ex quo Augustus constituit, ut consulti ex Principis auctoritate de jure responderent, legesque interpretarentur, *l. 2. circa fin. de orig. jur.* Quamobrem quod Justinianus hic ait de imperiali dispositione, id ad Imperatores refero Constantinopolitanos.

Laudamus prætorem suæ humanitatis] *ἐνδεκτικῶς*, more Græcorum: intelligitur enim ergo *velut* *suæ*. Theophilus in paraphrasi reddidit, *ἐπὶ αὐτῷ ὡς ἐφιδωθῶντος τὸς πατρὶως*. Ludat quidem prætores propter humanitatem. Græcis hæc locutio familiaris est. *Luc. 16. 8. ἐν ἡμεῖς ὁ κύριος. ὁ οὐκ ἐχόμενος ἐὰν δίδως.* Eadem reticentia est apud nostros, cum ajunt, *noxæ dedere, satis legatorum desiderare, l. 3. §. 2. ut in poss. leg. satis dotis fieri, 22. §. in eo §. sol. matrim.* Id est, nomine noxæ, nomine legatorum, dotis. *Cic. 9. in Verr. aliquid lucri vel accessionis dare*, i. e. nomine, vice accessionis. *Celf. lib. 2. laudatur Hippocrates artis & facultatis.*

Quare etenim &c.] Tota vetus jurisprudentia responderet, æquissimum esse, ut plus maribus tribuatur, quam feminis, propter onera, quæ domi militiæque soli mares sustinent, dum operantur, belligerunt, munia omnia reipub. obeunt. In bene constitutis civitatibus præcipuam semper familiarum & gentium rationem habitam fuisse, quarum dignitas cum sine opibus & pecunia retineri non possit, optimos quosque legislatores id operam dedisse, ut ad masculos fere hæreditates confluerent, ut solos generis ac nominis conservatores propagatoresque. Sexti Cæcilius Jurisconsultus etiam legem Voconiam revocandam censeret. Diceret, nihil sibi ea lege videri utilius: quippe quæ impotenti sexui præclusa sit via omnis perveniendi ad divitias; ne ditatus insolenter sese esset & insultet ipsis viris. Ideoque merito Marcum Catonem, illum familiæ Porciæ principem & cognomento Sapientem, se illius legis jactare suasorem, &c. Sed noster legislator more suo pro muliebri sexu, cui impense semper favet, declamitat, *l. pen. C. de legis. har. l. 4. C. de lib. præ.*

Nostri constitutione] Extat in *d. l. pen. C. de legis. har.* ubi similiter, ut hoc loco, legem duodecim tabularum prolixè commendat, ut ut quæ bene humano generi prospexerit. Cæterum ubi visum est, eam iterum incusat, veluti in *pr. seq. tit.* ubi eam hoc nomine reprehendit, quod nimis angustis terminis jura successionis concluderit. Tandem longissime ab ea recessit, sublata omni agnatorum prærogativa.

Secundum sui gradus praelegatam] Ita ut ex constitutione Justinianae foeminae omnes agnatae gradu proximiores agnatis masculis remotioribus praeferrantur. In quo plenius ipsis consuluit, quam praetor, qui agnatas remotiores consanguineis ne in ordine quidem agnatorum admittit, sed demum post omnes agnatos vocavit, ordine tertio inter cognatos & post cognatos proximiores. Ut autem hic utrumque sexum in suo ordine exaequavit Justinianus, ita d. Nov. 118. jura agnationis & cognationis.

TEXTUS.

De filiis sororum.

4. Hoc etiam addendum nostrae constitutioni existimavimus, ut transferatur unus tantummodo gradus à jure cognationis in legitimam successionem; ut non solum fratris filius & filia (secundum quod jam definivimus) ad successionem patruui sui vocentur: sed etiam germana consanguinea vel sororis uterina filius & filia soli, & non deinceps personae, una cum his ad jura avunculi sui perveniant: & mortuo eo, qui patruus quidem est sui fratris filius, avunculus autem sororis suae soboli, simili modo ab utroque latere succedant, tanquam si omnes ex masculis descendentes legitimo jure veniant, scilicet ubi frater & soror superstites non sunt. His etenim personis praecedentibus & successionem admittentibus ceteri gradus remanent penitus semoti, videlicet hereditate non in stirpes, sed in capita dividenda.

NOTÆ.

VEL UTERINAE FILIUS.] Ipsi fratres & sorores uterini jam ante editam d. l. per. translati fuere in ordinem legitimorum, l. ult. C. ad SC. Tertyll. quod repetitum postea l. ult. §. 2. Cod. de leg. hered.

SED IN CAPITA.] Ut puta duos fratres habui, quorum unus unum filium reliquit, alter duos; hereditas mea in tres partes dividetur, quarum singuli singulas fient, l. 2. §. 2. de suis & leg. Ulp. 111. 26. §. 3. Nec id abolitum d. Nov. 118. c. 7. §. 1. Utique in Oriente observatum constat. Harm. lib. 5. 111. 8. §. 21.

COMMENTARIUS.

1. Fratres germani.

2. Fratres uterini, eorumque & ex iis natorum in ordinem legitimorum translatio, novissimique juris crebra inculcatio.

IN calce superioris tit. descendentes ex foeminis transtulit in ordinem suorum: proxime praecedenti §. foeminis agnatis ultra secundum gradum jura successionalis legitimae restituit. Hic etiam cognatos aliquos ex tertio ordine accersitos transponit in ordinem agnatorum, sororum scilicet filios & filias, itemque avunculos defuncti, quos pariter cum agnatis ejusdem gradus vult succedere. Non quiescat, donec discrimen omne sexus, agnationis, cognationisque confuderit.

Addendum nostrae constitutioni] Duo sunt constitutionis supradictae, & scilicet l. pen. C. de leg. her. capita, quorum in priore foeminis agnatis, quocumque gradu sint, jus legitimae successionis datur, in altero sororum filiis & avunculis defuncti.

Unus tantummodo gradus] Tertius scil. In ulterioribus enim cognationis gradibus adhuc retinet ordinem antiquum, ut post agnatos demum cognati tertio gradu remotiores veniant. Ceterum Nov. 118. cognatis omnibus aequalia jura cum agnatis concessit.

Germana consanguinea, vel sororis uterina filius] *Ἀδελφὸς ἐκ ποταμῆς ἢ γυν. ἀποταμῆς υἱὸς*, sororis consanguineae vel uterinae filius. Theoph. sic in extremo §. praecedentis germanam appellat etiam quae ex eodem tantum patre nata est. Vulgo tamen creditur, fratres germanos proprie dici, qui eundem utrumque parentem habent. Terent. in Andr. Si te in germani fratris dilexi loco. Idem in Adelph. Omi. Ἀσchine, ὁ μὲν ἰσὶν ἡμεῖς. Magis id probat locus Ciceronis 1. de divin. Clodius cum sorore germana mesarium stuprum fecit. Ubi germana expressum videtur ad augendam gravitatem delicti; cum gravius nefas admittat, qui sororis ex utroque parente conjunctae stuprum infert, quam qui consanguineae tantum, aut uterinae. Nomen à germine deductum Festus scribit; *Germen*, inquit, est, quod ex arborum furculis nascitur: unde & germani, quasi ea ē stirpe geniti. Graecis dicuntur *ἀδελφοί* aut *ποταμῶν*. Podarces *ἀποταμῶν* & Proteisai. *Ἰλλυδ.* 13.

Vel sororis uterina] Fratres & sorores uterini qui dicantur satis notum est, nimirum qui geniti diverso patre prodierunt ex eodem utero, sive qui eandem habuerunt matrem duntaxat, *ἰσομήτεροι* seu *ἰσογάμοι*. Sic autem hic loquitur Imperator quasi ipsa soror uterina sit in numero legitimorum. Estne igitur? Jure antiquo sane non fuit, cum non sit agnata: & constat, eo jure filium fratris praemortui sororem defuncti uterinam exclusisse, agnatosque adeo omnes, quantumvis gradu remotissimos, ordine tā-

amen potiores fuisse solis cognatis. Sed sciendum est, ab ipso Iustiniano jam ante editam *l. pen. C. de leg. bar.* fratres & sorores uterinos translatos fuisse in ordinem legitimorum, *l. ult. c. ad sen. Terryll.* quod repositum postea *l. ult. §. 2. C. de leg. bar.*

Soli, & non deinceps] Solos nunc filios & filias sororis, qui in tertio cognationis gradu sunt, cum agnatis ejusdem gradus ad legitimam successionem vocat, non alteriores cognatos. *Nov. 118.* omnes pari jure, ut jam dictum est.

Avunculus autem sororis sua soboli] Finge igitur, esse defuncto, de cujus hereditate agitur, filium fratris, esse & filium sororis, præterea patrum & avunculum: hic cognati, filius sc. sororis & avunculus defuncti, una cum agnatis, fratris filio & defuncti patruo, ad hereditatem jure legitimo venient. In *d. Nov. us fratrum & sororum filii patris & avunculi defuncti etiam præferuntur.*

Frater & soror superstites non sunt] Hoc quoque mutatum jure novissimo, unaque cum fratribus & sororibus defuncti admissi germanorum fratrum & sororum filii & filiae jure representationis, ut in stirpes veniant, *d. Nov. 118. c. 3. Nov. 127. c. 1.* Eodem jure non solum fratres germani, sed etiam eorum demortuorum filii; præferuntur fratribus defuncto conjunctis ex uno latere tantum.

Succesorem admittentibus] Repudiantibus enim vel deficientibus primis succedunt & admittuntur proximi graduum sequentium. De quo sub *§. pen. inf. eod.*

Non in stirpes sed in capita] Ut hereditas in tot partes distribuatur, quot sunt hæredes: ut puta; duos fratres habui, quorum unus unum filium, alter duos reliquit: hereditas mea in tres partes dividetur, quarum singuli singulas ferent, *l. 1. 2. de suis & legit. Ulp. tit. 26. §. 3.* Ratio cur in capita divisio, hæc est, quod omnes, ut pari gradu sunt, ita suo quoque jure atque ex sua persona veniant, non jure representationis aut successionis in locum parentum: cum alioqui simul cum suis patris & avunculis admitti deberent, ut nepotes admittuntur ad hereditatem avi una cum filiis, & quemadmodum eos jure Novellarum admitti, & tunc in stirpes succedere jam diximus. An autem eodem jure fratrum filii, etiam cum soli sunt, in stirpes succedere debeant, quod Joannes voluit, an vero in capita, ut olim, quod Azoni placuit, videbimus *inf. sub. tit. 5.*

TEXTUS.

De proximis vel remotis.

§. Si plures sint gradus agnatorum, aperte lex duodecim tabularum proxi-

mum vocat. Itaque si (verbigratia) sint defuncti frater, & alterius fratris filius, aut patruus, frater potior habetur. Et quamvis singulari numero usa lex duodecim tabularum proximum vocet: tamen dubium non est, quin si plures sint ejusdem gradus, omnes admittantur. Nam & proprie proximus ex pluribus gradibus intelligitur: & tamen non dubium est, quin, licet unus sit gradus agnatorum, pertineat ad eos hereditas.

COMMENTARIUS.

Lex duodecim tab. proximum vocat] Hisce verbis; *Agnatus proximus familiam habeto. l. pronuntiatio 195. §. 1. de verb. sign. Ulp. tit. 26.* Voluit ergo lex, in ordine agnatorum servari gradus prærogativam, & solos proximos hereditatem capere: eaque causa est, cur inter agnatos semper in capita, non in stirpes, hereditas dividatur, *l. 2. §. 2. de suis & legit.*

Frater potior habetur] Nimirum quia frater secundo gradu est, fratris filius tertio: solum autem proximum lex vocat. Eadem ratione soror quoque defuncti consanguinea vincit, atque excludit alterius fratris defuncti filios, *l. 3. C. de leg. bar.* Cæterum, ut etiam dictum est *§. præced.* Iustinianus *Nov. 118.* concessit fratribus filiis beneficium representationis.

Si plures sint ejusdem gradus, omnes admittantur] Lex duodecim numero singulari proximum vocat, non quod, si plures sint pari gradu, neminem admitti voluit, quod esset ridiculum: sed quia dividere non potuit, quot quisque agnatos relicturus esset. Quod si ergo plures sint ejusdem gradus, ex mente legis omnes æqualiter admittuntur *l. 2. §. 2. de suis & legit.* Simili modo cum lex agnato proximo tutelā deferat, si plures sint eodem gradu agnati, pariter omnibus deferre intelligitur, *l. 8. l. 9. de legit. tut. §. ult. sup. de cap. dem.*

Proprie proximus ex pluribus gradibus] Proximus enim dicitur relative ad differentiam remotiorum, eumque significat proprie, qui inter plures diversorum graduum proximior est, *l. 1. §. 5. und. cogn.* Sed docet hic Imperator, verbum hoc captandum non esse; atque ex sententia legis, etiam si unus tantum gradus agnatorum sit, ad eos hereditatem pertinere: quemadmodum & Ulp. *d. l. 2. §. 4. de suis*

Et legit, qui sic eo loco scribit; Legitima hereditas tantum proximo deferitur. Nec interest, unus solus sit, an ex duobus prior, pluribusve, an duo pluresve ab eodem gradu venientes, qui vel ceteros antecedant, vel soli sint: quia & is proximus est, quem nemo antecedit: & is ultimus, quem nemo sequitur; & interdum idem primus postremusque, qui solus occurrit, add. l. 1. §. 1. unde cogn. l. proximus 92. l. proximi 155. l. in vulgari 162. de verb. sign.

T E X T U S.

Quo tempore proximitas spectatur.

6. Proximus autem, si quidem nullo testamento facto quisquam decesserit, per hoc tempus requiritur, quo mortuus est is, cujus de hereditate queritur. Quod si facto testamento quisquam decesserit, per hoc tempus requiritur, quo certum esse coeperit, nullum ex testamento heredem exiturum. Tunc enim proprie quisque intestatus decessisse intelligitur. Quod quidem aliquando longo tempore declaratur. In quo spatio temporis saepe accidit, ut proximior mortuo, proximus esse incipiat, qui moriente testatore non erat proximus.

COMMENTARIUS.

1. Tempus delata ab intestato hereditatis non semper unum esse & idem.

Cum queritur quo tempore spectandum, siue an quis suus sit, siue an proximus agnatus cognatusve, dicendum quidem est, semper spectari tempus delatae ab intestato hereditatis. Ceterum hoc tempus non semper unum est & idem. Interest enim utrum is, de cujus bonis queritur, nullo testamento facto decesserit, (quod tunc quoque intelligitur, cum aut non jure fecit, aut quod fecit ipso adhuc vivo eversum est) an facto jure testamento, quod demum post mortem ejus in irritum constituitur. Priori casu proximum enim accipi placet, qui tunc fuit, cum paterfam. moreretur; quia hic tempus delatae hereditatis cum tempore mortis coarctatur: posteriore eum, qui tunc est, cum testamentum deferitur: quia

mortuo patref. testamento facto, non ante hereditas ejus ab intestato deferri incipit, quam certum est, neminem ex eo testamento heredem exiturum, l. 2. §. 1. & 6. de suis & legit. l. 1. §. 6. & 7. unde cogn. Ulberius haec exposuimus sub §. 7. superioris tit.

*Tunc enim proprie quisque intestatus] D. Con-
tius legit; Tunc enim etiam proprie &c. quomodo
Ulpian l. 1. pr. de suis & legit. eum etiam, cujus ex
testamento hereditas adita non est, ait, non impro-
prie intestatum decessisse. Sed Justinianus tantum-
modo indicare voluit differentiam, quae sit in propo-
sito inter eum, qui testamentum non fecit, qui pro-
ximus intestatus moritur, & eum, qui fecit testamen-
tum, qui ex eo demum tempore, quo testamentum
ejus destitutum est, intestatus decessisse intelligatur.*

*Qui moriente testatore non erat proximus] Sit
species hujusmodi. Fecit quis testamentum, cum
haberet patrum & patrum filium; deliberante hæ-
rede scripto patruus decessit: mox hæres institutus
repudiavit hereditatem; patrum filius admittetur, l. 2.
§. 55. de suis & legit. quo loco quod Ulp. ait, inter-
dum ulteriorem agnatum admitti, ulteriorem acci-
pi constat, non qui ulterior sit, quo tempore admit-
titur, siue tempore destituti testamenti: sed ana-
phorice, qui erat ulterior cum patruelis moreretur.*

T E X T U S.

De successorio Edicto.

*7. Placebat autem, in eo genere per-
cipiendarum hereditatum successionem
non esse: id est, ut quamvis proximus, qui
secundum ea, quae diximus, vocatur ad
hereditatem, aut spreverit hereditatem,
aut antequam adeat, decesserit, nibilo
magis legitimo jure sequentes admittan-
tur. Quod iterum praeiores imperfecto
jure corrigentes, non in totum sine admi-
niculo relinquebant, sed ex cognatorum
ordine eos vocabant, utpote agnationis
jure eis recluso. Sed nos nihil perfectis-
simo juri deesse cupientes, nostra constitu-
tione, quam de jure patronatus humani-
tate suggerente protulimus, sancimus, suc-
cessionem in agnatorum hereditatibus
non esse eis denegandam: cum satis absur-*

dumerat, quod cognatis à pratore apertum est, hoc agnatis esse reclusum; maxime cum in onere quidem tutelarum & primo gradu deficiente sequens succedit; & quod in onere obtinebat, non erat in iure permissum.

COMMENTARIUS.

1. *Olim in legitimis hereditatibus successionem non fuisse, & quamobrem.*
2. *Quomodo accipiendum, quod dicitur, successionem non esse in suis heredibus: & num id postea mutatum.*
3. *Cur Imperatori visum, successionem in agnatorum hereditate admitti.*

Iure antiquo in legitimis hereditatibus non erat locus successioni, hoc est, proximo repudiante vel deficiente ad insequentem agnatorum gradum ex lege hereditas non transmittabatur. *Ulp. tit. 26. §. 4.* & ideo, fratre verbi causa decedente antequam adiret aut repudiaret hereditatem, fratris filius admitti non poterat. *Paul. 4. sent. 8.* Atque hoc est, quod scribit idem *Ulp. l. 2. in pr. de suis & leg. Si sint consanguinei, licet non adierint hereditatem, legitimus id est, agnatis remotioribus, non deferri.* Rationem huius juris suggerit *Paul. d. loc.* quia omnis successio proximiori deferatur, hoc est, quia lex 12. tabularum hereditatem deferat agnato proximo, & tantum semel, ut unica illa delatione potestate legis consumpta, gradus insequens, cui lex non deferat, legitimo iure admitti non possit. Nimirum sic primis deferabatur, ut in horum persona consisteret jus percipiendæ hereditatis. Quod si illi hereditatem omiserint, aut non adissent morte præventi, sequentibus gradibus non deferabatur, sed vacabat hereditas, eoque redibat ad fiscum, ut cætera bona vacantia. Quod jus Imperator hic abrogat data legitimis heredibus successionem exemplo cognatorum.

In eo genere In secundo scilicet ordine heredum, in quo vocantur agnati. Quanquam nec in suis heredibus successio est, teste *Ulp. l. 1. §. sciendum 8. de suis & leg.* ubi scilicet agitur de gradibus ejusdem lineæ, de filio & nepote ex eo; ut postquam filio semel delata est hereditas, nepoti ut suo heredi aut agnato non deferatur, *l. ult. C. unde lib.* alioqui constaret, nepotes in locum patris sui præmortui succedere, & una cum liberis primi gradus admitti ad hereditatem avi. Putant autem plerique etiam, *d. l. ult.* correctam esse per hunc §. aut certe per *Nov. 118. c. 1.* sed contrarium teste *Jasone* tenuerunt *Ultramontani* & *DD.* Bononientes, quorum sententia mihi videntur ex ratione juris communis verior.

Nihil magis legitimo jure sequentes Quid si plures sint eodem gradu agnati, & quidam ex his omiserint hereditatem, vel morte vel alia ratione impediti fuerint, quominus adirent? Reliquis, qui adierint, illorum portio accrescit: & licet decesserint, antequam accresceret, ad heredes tamen eorum pertinet, *l. 9. de suis & leg. §. ult. inf. de sem. Orific. Ulp. tit. 26. §. 4.*

Ex cognatorum ordine eos vocabans Edicto successorio, *l. 1. de success. edit.* Observabat autem prætor in eo ordine gradus prærogativam; v. c. Titius intestato decessit relicto fratris filio, itemque filio fororis, & alterius fratris nepote: repudiante hereditatem fratris filio, æpos alterius fratris ad hereditatem legitimam non admittitur; sed nec ut cognatus ad bonorum possessionem, quia obstat filius fororis cognatus proximior.

Adgnationis jure eis recluso Recluso dixit pro ocluso; ut & iterum postea, *hoc agnatis esse reclusum*, contra auctorem loquendi consuetudinem, quibus recludere est, quod clausum erat, aperire, reterare. *Virg. 8. Aeneid. Infernus reseret sedes & regna recludens*, *Horat. lib. 3. carm. od. 2. Virtus recludens immeritis mori Cælum*, &c. *Justinus* tamen *lib. 1. de pellicibus regis* loquens, dicit singula separatim recludi, pro ocludi. *In l. pen. C. de legitimis hered. recluditur* dixit *Justinian* pro *excluditur*, cum ait, *Germana ejus ab eadem successione recluditur*.

Constitutione nostra Constitutionis hujus de jure patronatus meminit etiam *inf. tit. 7. in pr.* & multis aliis in locis: sed desideratur. Hac autem constitutione inter alia hoc cautum, ut agnato proximo hereditatem sibi delatam repudiante, admitterentur ex eodem ordine gradus sequentes exclusis cognatis etiam proximioribus: atque ita auctius factum est jus agnatorum. Hodie vero nullus est hujus beneficii usus, postquam cognati per omnia agnatis exæquati, *Nov. 118. c. 4.*

Quod cognatis à pratore apertum Duas rationes affert Imperator, cur in agnatorum hereditatibus locum esse velit successioni. Prima est, quæ hic redditur, quia prætor eam admisit in ordine cognatorum, *l. 1. §. qui semel 6. & §. quibus 10. de success. edit.* & ut verum fatear, mixta quædam juris subtilitas est, quod proximior agnato deficiente ulterior admitti non possit.

Maxime cum in onere tutelarum Ratio altera, & argumentatio ab onere ad emolumentum. Si in onere tutelæ, quam ad cognatos ideo pertinere ipsa lex 12. tabb. voluit, quia eosdem vocavit ad hereditatem, successioni locus est, & proximior agnato vel mortuo vel capite minato, qui post eum est, in administratione succedit; *l. 3. §. pen. de leg. iur. justum* & æquum

Et æquum est, ut eodem modo deficiente priore, qui sequitur, emolumento potius hereditatis, juxta l. 10. de reg. jur.

TEXTUS.

De legitima patronorum successione.

8. *Ad legitimam successionem nihilominus vocatur etiam parens, qui contracta fiducia filium vel filiam, nepotem vel neptem, ac deinceps, emancipat. Quod ex nostra constitutione omnino inducitur, ut emancipationes liberorum semper videantur quasi contracta fiducia fieri: quum apud veteres non aliter hoc obtinebat, nisi specialiter contracta fiducia parens manumississet.*

NOTÆ.

EX NOSTRA CONSTIT.] l. ult. c. de emanc. lib. ubi imaginarias antiquæ emancipationis solennitates sustulit, salvo tamen jure patris manumissionis, ubi scil. nihilominus tanquam patronus ad legitimam hereditatem filii vocetur, d. §. 6. sup. quib. mod. jus pat. por. Sed hodie parens manumissor jure patroni in commodo hereditatis non amplius utitur. Nōv. 118. c. 2.

COMMENTARIUS.

1. *Filius f. a. heredem ab intestato non habuisse usque ad constitutionem Leonis & Anthemii.*
2. *Quo loco ex ea constitutione pater vocetur, & quo ex Nōv. 118.*
3. *Quo jure olim pater, ut pater, successerit filio emancipato.*

TRACTATUR hic de legitima successione parentis, non quatenus ut parens consideratur, sed quatenus ut manumissor patronus. Quo ordine pater filio olim successerit, non satis liquet. Illud constat, in filio f. a. hujusmodi questionem locum esse non potuisse jure illo veteri, quo filius omnia patri acquirebat. Ac licet postea exceptum fuerit peculium castrense, & paulatim etiam quasi castrense, permittumque filio f. a. in his bonis heredem sibi testamento instituire: jus tamen vetus hætenus patri conservatum fuit, ut si filius intestatus decessisset, bona ista pater jure peculii occuparet, l. 2. l. 9. de cast. pec. Hoc

igitur causa manebat adhuc eadem conditio bonorum castrensium, quæ reliqui peculii. Atque hucusque filio f. a. heredem ab intestato habere non potuit: sed habere posse demum cepit posterioribus temporibus, cum liberis concessa fuit proprietas bonorum maternorum & materni generis, & de veteri illo jure patri multa detracta sunt. Extat constitutio Leonis & Anthemii l. 4. c. de bon. qua lib. quæ res liberorum defunctorum primo eorum liberis deferantur: si nulli sint liberi, fratribus & sororibus: si hi quoque defint, tertio loco parentibus: nec ergo jam amplius tanquam peculium, sed ut hereditas. Eadem procul dubio ratio succedendi fuit & in bonis castrensis. Nam si bona adventitia, quorum usufructum tamen habebat, pater jure peculii occupare non poterat, omnino credibile est nec potuisse castrensia. Quod & ipsum satis aperte testatur Justinianus in princ. tit. quib. non est perm. fac. test. lib. 2. cum ait, si filiam, qui castrense peculium habent, intestati decesserint, nullis liberis vel fratribus superstitibus, id ad parentes eorum jure communi pertinere: jure communi, hoc est, jure hereditario ex posteriorum Principum constitutionibus: nam si jure peculii ad patrem pertineret, nemopatri præferri posset, nec cuiquam hereditario jure deferri. De quo in explicatione d. loc. fusius differimus. Novella 118. parentes sine discretionem sexus aut potestatis vocantur ad legitimam hereditatem in ordine secundo, cum quibus tamen simul admittuntur fratres ex utroque latere defuncto conjuncti. Ad filium vero emancipatum quod attinet, planum quidem est, patri manumissori legitimam intestati hereditatem delatam fuisse: at quo jure quoque loco successerit ut pater, non item. Habuisse patrem jus succedendi, patet, ex eo, quod præteritus suo jure de inofficiolo agere potuit, l. 1. §. ult. si a par. quis man. l. 1. de inoff. quod utique nemo potest, nisi qui jus succedendi ab intestato habet: & tamen jure civili heredem eum esse non potuisse, argumento est, quod eo jure ad hereditatem tantum sui hæredes, & his non existentibus agnati vocantur: pater autem neque suus est, neque agnatus filio emancipato. Dices, à prætore admissum ad bonorum possessionem. Ex quo ergo capite? unde legitimi, an unde cognati? Si unde legitimi, debuit excludere fratres & sorores, qui ad bonorum possessionem fratris sui emancipati ex alio capite venire non potuerunt, quam unde cognati. Sed etsi unde cognati dicas: adhuc tamen pater jure proximitatis præferri debuit defuncti fratribus. Atqui contra pater à fratribus exclusus fuit, l. 2. c. ad sen. Tertyll. Rursus si unde cognati dicas, mater una cum patre vocari debuit, & post Senatusconsultum Tertyllianum, ex quo mater ex capite unde legitimi vocata fuit, etiam patri or-

dine præferri, l. 2. §. ult. unde legis. At pater in petenda bonorum possessione matri prælatus fuit etiam post illud Senatusconsultum, l. 10. de suis & legitimis. l. 2. §. obijciuntur 15. ad sen. Tert. §. 3. inf. eod. tit. Ego sic existimo, patrem olim admissum fuisse ex capite unde cognati, cognatisque omnibus nomine proximitatis prælatum, & jure patris etiam matri: quod jus ei expressè reservatum fuerit Senatusconsulto, distamque l. 2. C. ad sen. Tertyll. à Triboniano interpolatam accommodatamque ad jura recentiora, & nominatim ad l. 4. C. de bon. quæ lib. & l. 11. C. comm. de success.

[Qui contracta fiducia, &c.] Id est, qui liberos ex pacto fiduciæ sibi emancipatos manumittit. Nam inventis ad usurpationem vetustatis in emancipatione liberorum imaginariis illis venditionibus & manumissionibus, de quibus in §. præterea 6. sup. quib. mod. jura pat. solv. solebat plerumque pater naturalis fiduciam cum emptore imaginario contrahere de liberis sibi remanipandis, quos ipse deinde manumittebat, eoque facto ipse pater in eos eorumque bona jura patroni consequebatur, tit. si à par. quis man. Cæteroquin omnis emancipatio fiebat contracta fiducia, hoc est, ea lege & fide saltem interposita, ut liberos sibi traditos, emptor manumitteret: qui ob id dicebatur fiduciarius, teste Gajo lib. 1. tit. 6. §. 3.

[Semper videantur quasi contracta fiducia fieri] Justinianus imaginarias illas antiquæ emancipationis solemnitates sustulit, l. ult. C. de emanc. lib. salvo tamen jure antiquo patris manumissoris, ut scilicet adhuc ad legitimam hæreditatem filii vocetur, cæteraq. jura patroni consequatur, perinde ac si contracta fiducia eum emancipasset. Parum autem subtiliter loquuti sunt Compositores, cum ajunt, emancipationem ex constitutione Justiniani semper intelligi fieri contracta fiducia: Cur enim, aut quomodo fieri videri volunt, quod penitus sublatum est? Jurē Novellarum parens manumissor jure patroni, quoad commodum hæreditatis, non amplius utitur, arg. Nov. 118. c. 2.

TITULUS III.

D. lib. 38. tit. 17. C. lib. 6. t. 56.

De senatusconsulto Tertylliano.

Argumentum hujus & sequentis tituli.



Hoc titulo docet Imperator, quando & quomodo mater ad liberorum suorum intestatorum legitimam hæreditatem vocetur: in sequenti, quando & quomodo illi matri intestatæ succedant.

TEXTUS.

De lege 12. Tab. & jure Prætorio.

Lex duodecim tabularum ita stricto jure utebatur, & præponebat masculorum progeniem; & eos, qui per fæminini sexus necessitudinem sibi junguntur, adeo expellebat, ut ne quidem inter matrem & filium filiamve ultro citroque hæreditatis capiendæ jus daret: nisi quod prætores ex proximitate cognatorum eas personas ad successionem bonorum, possessione unde cognati accommodata, vocabant.

COMMENTARIUS.

[Nequidem inter matrem & filium] Ait, lege duodecim tabularum ne inter matrem quidem & filium filiamve jus ultro citroque capiendæ hæreditatis concessum fuisse. Quod verum est. Nam lex ista duos duntaxat ordines hæredum ab intestato fecerat, suorum sc. hæredum, & agnatorum. Mater autem & liberi nec sui hæredes invicem sunt, nec agnati. Cognati quidem invicem sunt, sed cognati nulli à lege vocantur.

[Nisi quod prætores ex proximitate] Pro nisi utendum erat conjunctione discretiva, cæterum, aut sed: ne quis putet, ex præscripto legis quod prætores fecerunt. Sensus enim est, prætorem more suo rigorem legis antiquæ mitigasse, & quod poterat, matrem & liberos, qui hæredes invicem ex lege non erant, invicem sibi fecisse bonorum possessores, ad mutuam successionem eos vocando in ordine cognatorum, quem ipse solius proximitatis & sanguinis ratione introduxit & tertium fecit.

TEXTUS.

De Constitutione Div. Claudii.

1. Sed hæ juris angustia postea emendata sunt. Et primus quidem divus Claudius matri ad solatium liberorum amissorum legitimam eorum detulit hæreditatem.

COMMENTARIUS.

[Hæ juris angustia emendata] Hoc est, ipsi legi 12. tabb. postea derogatum est, & quod prætor facere non poterat, jus legitimæ hæreditatis etiam matri liberis datum Senatusconsultis: ac dehinc

CUM

cum antea demum post omnes agnatos à prætorè vocarentur ad bonorum possessionem, vocari cœpti sunt ordine secundo ex capite *Unde legitimi. l. 2. §. ult. unde legit.*

Primus D. Claudius] De Claudio nihil apud alios reperitur, quod quidem ad rem propositam facere videatur, nisi huc referas, quod Suetonius scribit, eum fœminis dedisse jus quatuor liberorum: quod etsi quid significet, obscurum est, opinor tamen, eum intelligere jus liberis succedendi, cujus hic fit mentio: quod quidem Claudius primus matribus dedit; cæterum non omnibus, verum iis duntaxat, quæ quater peperissent. Sæpe accipi non potest pro jure liberorum, quod olim à Principibus pro beneficio datum fuit orbis, ad evitandas pœnas legis Papiæ: quarum una erat, quod solidum capere non poterant: quod indicatur à Juvenale *satyr. 9.*

Jura parentis habes, propter me scriberis hæres, Legatum omne capis, nec non & dulce caducum.

Adulterum inducit Poëta, qui maritum hoc sibi beneficium debere ait, quod pœnas orbitatis lege Papiæ constitutas jam non patiatur, sed solidi capiendi jus habeat: quippe cum maritus ipse liberos ex uxore suscipere non posset, vicem ejus supplere, & inde liberos natos.

Ad solatium liberorum amissorum] Ut hoc quali-quali solatium luctum amissorum liberorum levaret: quomodo Pompon. *l. 6. de jur. dot.* patri succursum esse scribit, ut filia amissa dos ab eo profecta ei redderetur, ne & filix amissa & pecuniæ damnum sentiret. Hotomannus & Tuningius putant, per amissos significari eos, qui in acie ceciderunt.

TEXTUS.

Ad Senatusconsultum Tertullianum. De jure liberorum.

2. Postea autem Senatusconsulto Tertulliano, quod divi Adriani temporibus factum est, plenissimè de tristi successione matri, non etiam avix deferenda, cautum est: ut mater ingenua trium liberorum jus habens, libertina quatuor, ad bona filiorum filiarumve admittatur intestato mortuorum, licet in potestate parentis sit: ut scilicet cum alieno juri subjecta est, jussu ejus adeat hæreditatem, cujus juri subjecta est.

NOTÆ.

1. DE TRISTI SUCCESSIONE MATRIS] Itt ad quam summus mœror turbato ordine morte filii pervenit, ad eandem quoque luctuosa hæreditas perveniret.

LICET IN POTESTATE PARENTIS] *l. 6. C. ad SC. Tertyll.* Commodum tamen omne hæreditatis hoc casu acquirebat patri: hodie vero mater proprietatem, avus ususfructum habet, per *l. 6. C. de bon. qua lib.*

COMMENTARIUS.

Dei Adriani temporibus] Zonaras] *lib. 2. testat.* tur, hoc Senatusconsultum factum esse divo Pio auctore: quod & fasti confirmant, in quibus post Barbatum & Regulum consules ponuntur Tertyllus & Sacerdos; quo tempore jam annos viginti Antoninus Pius rei Romanæ præfuerat. Ergo divum Adrianum hic accipiemus non patrem, sed filium, Antoninum sc. Pium, qui jure adoptionis idem cum patre nomen fortitus est, & Adrianus quoque appellatus. Sic epistola vulgo Adriani dicta, qua pluribus unius rei fidejussoribus beneficium divisionis datum est, divo Pio tribuitur *l. si testamento 49. §. 1. in fin. de fidejuss.* Ob eandem rationem Adrianus quoque Trajani nomine sæpè appellatur. Cujac. hic.

Plenissimè de tristi successione] Plenissimè, id est, diligentissimè; accuratè enim de hac successione Senatusconsulto cautum, definitumque, qui cum matre concurrant, quos ipsa, vel qui ipsam excludant, quid matri faciendum incumbat. &c. *vid. l. 2. hoc tit. Tristi successione:* luctuosam hæreditatem appellat *l. ult. C. de inst. & subtit.* scilicet quia obvenit contra votum matris, quæ velit & optet liberos suæ superesse vitæ hospites & superstitēs.

Non etiam avix] Senatusconsultum Tertullianum matri tantum filiorum filiarumve hæreditatem detulit, non avix aut ulterioris gradus adscendenti- bus nepotum neptumve aut deinceps descendenti- um. Unde petenda ratio *l. 9. C. de legis. har.* quæ in successione intestatæ sororem præfert avix; nimirum consanguineam: nam ex edicto unde cognati aviam cum uterina, ut gradu parem, simul admissam fuisse non est dubitandum. Credibile autem est, ob juris veteris reverentiam tunc ultra primum gradum processum non esse: ulterius tandem progressus est Justinianus. *Nov. 118.*

Ingenua trium liberorum, libertina quatuor] Hoc quoque veterum legum venerationi datum videtur, quod Senatus non simpliciter matribus omnibus, sed quæ multos cives reipub. peperissent, prospexit: & nimirum ingenuis, quæ ter, libertinis civibus

Romanis, quæ quater enixæ essent, dummodo vivos & pleni temporis. Reliquæ ex Senatusconsulto succedunt, nisi jus liberorum à Principe consecutæ sint, *Paul. 4. sent. 9. in pr. & fin. Ulp. tit. 26. §. ult.*

Intestato mortuorum] Igitur necesse est, ut liberi defuncti, quorum de successione agitur, fuerint sui juris: nam qui in potestate sunt, jure antiquo nullo casu hæredem ab intestato habere potuerunt, ne in bonis quidem castrensibus, ut demonstravimus sub §. ult. *prac. tit.* Hodie vero id secus est: nam ex *Nos. 118.* mater proprio jure succedit, & vel sola, vel cum patre & fratribus defuncti, ut jam nullus amplius hujus Senatusconsulti usus sit.

Eicet in potestate parentis] Quominus mater ad hæreditatem ex Senatusconsulto admitteretur, non impediēbat, quod in aliena erat potestate, *l. 6. C. hoc tit.* quamvis hoc casu nihil admodum emolumenti ad eam perveniret, sed avo magis, cui commodum omne hæreditatis acquirerebatur, quam matri, confunderetur. At hodie usufructum tantum in proposito avus consequetur, mater proprietatem habebit, *per l. cum oportet C. de bon. qua lib.*

TEXTUS.

Qui præferuntur matri vel cum ea admittuntur.

3. *Præferuntur autem matri liberi defuncti, qui sui sunt, quive suorum loco sunt, sive primi gradus, sive ulterioris. Sed & filia sue mortue filius vel filia præponitur ex constitutionibus matri defunctæ, id est, ad ius sue. Pater vero utriusque, non etiam avus & proavus, matri auteponitur, scilicet cum inter eos solos de hæreditate agitur. Frater autem consanguineus tam filii, quam filia excludat matrem: soror autem consanguinea pariter cum matre admittebatur. Sed si fuerant frater & soror consanguinei, & mater liberis onerata, frater quidem matrem excluderat; communis autem erat hæreditas ex aequis partibus fratribus & sororibus.*

NOTÆ.

FRATER CONSANG. &c.] Tria dicit, 1. fratres defuncti consanguineos matrem exclusisse, 2. sorores

res consanguineas, si solæ, cum matre admittas, 3. si & sorores & fratres consanguinei, sorores cum fratribus admittas exclusâ matre.

LIBERIS ONERATA] Cujac, ad *Ulp. tit. ult. §. ult.* ostendit legendum esse *honorata*, Th. *ἐξ ὧν δίκονον τὰ δὲν. & inf. §. 5. κρησσοῖσιν. Cic. 1. Tuscul. Memellus ille honoratur quatuor filiis.*

COMMENTARIUS.

1. *Qui ex liberis filii defuncti matri præferantur.*
2. *Qui ex liberis filia defunctæ.*
3. *Qui ascendenti.*
4. *Qui laterali.*

Continet hic §. declarationem Senatusconsulti Tertylliani: doceturque primo quid juris sit, si cum matre defuncti existant liberi; deinde si pater aut avus paternus: tertio si fratres aut sorores.

Præferantur matri liberi defuncti] Quando cum matre concurrunt liberi defuncti sive primi sive ulterioris gradus, liberi matrem excludunt: idque si ve agatur de masculi, sive de feminæ successione, ut mox apparebit.

Qui sui, quive suorum loco] Hic necesse est casus ponatur, quo filius mortuus est: siquidem filia suos hæredes habere non potest. Ait autem Imp. matri defuncti præferri liberos, qui sui defuncto hæredes sunt, tum qui sunt suorum loco. Sui sunt etiam liberi adoptivi: cæterum hi post emancipationem matri defuncti non obstant, nec admittuntur, nisi fuerint ex liberis naturalibus, ut puta nepos adoptatus ab avo, *l. 2. §. liberi hoc tit.* Quid autem juris hodie, si adoptati ab extraneo? Non habent hi quidem jus suorum hæredum: sed tamen quia Justinianus expressè eis servavit jus successionis ab intestato, dicendum videtur, matri præferendos esse, *l. pen. §. 1. C. de adopt.* Quid si quis decesserit relicta matre & item filia, quam in adoptionem dederat? & quidem in adoptionem dati neque sui hæredes sunt patri naturali, neque suorum hæredum loco. Placuit tamen cessare Senatusconsultum, & simul admitti ad bonorum possessionem unde proximi cognati matrem & filiam, *l. 2. §. sed si §. hoc tit.* Suorum loco sunt primum liberi emancipati, quos sæpè diximus præterem suorum numero habere, eosque tanquam suos, vel cum suis hæredibus, vel solos bonorum patris possessores, facere. Deinde suorum quoque loco sunt ex constitutionibus Principum, & præcipuè Justiniani, nepotes & pronepotes ex filia: nam & hi inter suos & cum suis vocantur, *§. ult. sup. de bar. qua ab intest.* ut matri defuncti præferri debeant, cum in suis, aut qui suorum numero sunt, gradus non queratur, hoc est, nihil referat primi gradus sint, an ulteriorum, ut ipse Imp. hic docet.

Filia

Filia sua mortua] Casus, ubi de filia intestato mortuæ successione queritur. Ait *sua*, id est, quæ sui juris suæque potestatis fuerit: quomodo M. Tullius lib. 3. de repub. Est, inquit, *genus iniuste scriptus, cum iis sunt alterius, qui sui possunt esse*. Persius, *Vindicta postquam meus à pratore recessi*, & alioqui nec huic Senatusconsulto, nec successioni ab intestato omnino locus esse potest, ut notatum §. *præc.* Utique illud palam est, liberos suos hæredes matri non esse. Apud Wesembecium vox *sua* deest.

Filius & filia preponitur ex constitutionibus] L. 4. C. ad Senatusconf. Orfic. l. 11. C. de suis & legit. l. 3. & pen. C. Theod. de legis. har. Ut autem filius & filia matri præferrentur, nec inter eos & matrem divideretur hæreditas, constitutionibus opus fuisse. Ideo Hotomannus & Zachovius scribunt, quia pari jure niti videantur, mater suffragio Senatusconsulti Tertylliani, filius & filia Orficiæ & tamen in Orficiæ excluduntur consanguinei, qui in Tertylliano aut præferuntur aut cum matre concurrunt: unde si intestatæ mulieri consanguinei extant, & mater & filia, ad solam filiam ex Senatusconsulto Orficiæ hæreditatem pertinere rescriptum est ab Alexandro l. 1. C. ad Senatusconf. Orfic. Planè illud ex constitutionibus est, quod etiam nepotes neptesque admittantur & matri defunctæ præponantur, d. l. 11. C. de suis & legis. lib.

Pater vero utriusque, non etiam avus & proavus] Jam cum matre conferre incipit adscendentes alios, patrem, avum, proavum. Ait, patrem matri anteponi, patrem sc. naturalem: nam adoptivus matri non nocet, l. 2. §. objicitur 15. l. 3. hoc tit. Ait, *utriusque*, id est, & filii & filia intestato mortuorum, de quibus distinctè antea locutus erat. Summo ver autem matrem, si ve manumissor hæres pater existat, si ve non manumissor bonorum possessio competat, d. l. 2. §. objicitur l. 10. de suis & legis. Non etiam *avus & proavus*, neque avus neque proavus, ait Ulpianus in Tertylliano, matri nocent, quamvis fiduciam contraxerint, d. §. objicitur.

Cum inter eos solos] Scilicet, ajunt Hotomannus Wesemb. Pac. inter patrem & matrem: qui manifestus error est: pater enim semper & omnimodo matrem excludit. Referendum hoc omnino est ad proximè antecedens, nempe si mortuo jam ante patre defuncti inter avum aut proavum & matrem solos de hæreditate agatur: hoc casu significat Imperator, matrem potiorē esse: ast ubi simul pater superest, cui avus anteponatur, non item, verbi causa, nepos ab avo manumissus decessit patre & avo & matre superstitibus, hic avus manumissor, quia speciali jure tanquam patronus patris, id est, filio suo in potestate retento, præfertur, matrem quoque, cui præ-

ter obstat, propter patrem excludit, l. 5. §. *ut*. hoc tit. neque enim matri prodesse debet, quod avus patri anteponitur jure patroni. At patre mortuo si avus solus extet cum matre, avus etiam manumissor matri postponetur, d. l. 2. §. objicitur eod. Unde notant Jo. Fab. Proc. & alii, regulam, si *Vincō Vincētem te, multo magis Vincote*, non procedere, ubi non sunt pares termini: ego dicerem, ubi non meo jure te vincō, sed propter tertium. Non absimilis casus est, qui proponitur ab Ulp. d. l. 2. §. si sit consanguinea l. 8. eod.

Erater consanguineus excludat matrem, soror autem pariter, &c.] Hic cum matre conferuntur fratres & sorores, atque hæc tria docentur. 1. si fratres consanguinei cum matre defuncti existant, fratres esse potiores. 2. si sorores consanguinæ, siquidem solæ, cum his pariter matrem admitti. 3. si & sorores sint & fratres consanguinei, non prodesse matri, quod tunc sorores æquè ac fratres admittantur: neque enim ut matrem, ita & sorores à fratribus excludi. Porro cum fratres duntaxat & sorores hoc loco mariti objiciantur, existimandum est, cæteris à latere venientibus si ve agnatis si ve cognatis matrem præferri. Sed & quia consanguineorum tantum mentio fit, credibile est, fratres & sorores uterinos Senatusconsulto fuisse exclusos: cæterum Justinianus hos etiam cum matre admittit §. *si inf.* eod. Novella 118. totum hoc jus mutatum est, ut identidem monuimus.

Et mater liberis onerata] Probabilis est conjectura Cujacii in not. ad Ulp. tit. ult. pro *onerata* legendum existimantis *honorata*: ut enim verum sit, liberos matri esse oneri: tamen respectu Senatusconsulti Tertylliani, de quo hic agitur, non oneri, sed emolumento matri sunt. Conjecturam Cujacii Theophilus quoque juvat, qui vertit, *ἡ ἡὐτὴ δικάσιον παίδων*. & §. 5. eandem appellat *δικαίον παίδων καὶ οὐκ ἄλλων*. Cicero 1. Tuscul. Metellus ille honoratur quatuor filiis.

T E X T U S.

Jus novum de jure liberorum sublato.

4. Sed nos constitutione, quam in Codice, nostro nomine decorato, posuimus, matri subveniendum esse existimavimus, respicientes ad naturam, & præperium, & periculum, & sæpè mortem ex hoc casu matribus illatam. Ideoque impium esse credidimus, casum fortuitum in ejus ad-

matris detrimentum. Si enim ingenua ter, vel libertina quater non pepererit, immerito defraudabatur successione suorum liberorum. Quid enim peccavit, si non plures, sed paucos peperit? Et dedimus jus legitimum plenum matribus, sive ingenuis sive libertinis, etsi non ter enixa fuerint vel quater, sed cum tantum veleam, qui quave morte intercepti sunt, ut sic vocentur in liberorum suorum legitimam successionem.

COMMENTARIUS.

[Constitutiones, quam in Codice] Ea est l. 2. C. de jur. lib. qua matri jus legitimæ successionis omnimodo conceditur, licet ingenua tres, libertina quatuor liberos non pepererit.

[Impium esse credidimus] Non debet disputare adversus Senatuseonsultum, quo jura matrum adaugeta sunt: nec impium, sed plenum pietatis Amplissimi Ordinis consilium fuit; nimirum præmio aliquo matres invitare ad liberorum procreationem atq; educationem, & occurrere detestabili infantium exponendorum audaciæ: fortè & flagitiis aliis fœminarum obviam ire, quæ, qui tum temporis mores erant, frequenter abortionibus operam dabant: cuius rei testis nobis sit Juvenalis satyr. 6.

Sed jacet aurato & nulla puerpera lecto.

Tantum artes hujus, tantum medicamina possunt,

Qua floriles facit, atque homines in Centre necandas

Conducit.

[Quid enim peccavit] Cur non omiſſa omni disputatione pro imperio suo statuit, quod vult, & tribus verbis simpliciter matri jus legitimæ successionis dat? Senatus non fortunam, sed civitatis propagationem spectavit, uti & lex Papia Pomptia, quæ non modo calibes, verum orbos etiam pœna affecit, quamvis nil peccantes; cum nemo divinare possit, uxorem, quam ducit, infœcundam fore. Equo tamen animo hujusmodi ferenda sunt, & cedendum publicæ utilitati.

TEXTUS.

Quibus mater præponitur, & quibus cum admittitur.

5. Sed cum antea constitutiones jura legitima successionis perscrutantes, par-

tim matrem adjuvabant, partim eam pragravabant, nec in solidum eam vocabant, sed in quibusdam casibus tertiam ei partem abstrahentes, certis legitimis dabant personis, in aliis autem contrarium faciebant: nobis visum est, recta & simplici via matrem omnibus personis legitimis anteponi, & sine ulla deminutione filiorum suorum successionem accipere: excepta fratris & sororis persona, (sive consanguinei sint, sive sola cognationis jura habentes) ut quemadmodum eam toti alii ordini legitimo preposuimus, ita omnes fratres & sorores (sive legitimi sint, sive non) ad capiendas hereditates simul vocemus: ita tamen ut, si quidem sola sorores adgnata vel cognata, & mater defuncti vel defunctæ super sint, dimidiam quidem mater, alteram vero dimidiam partem omnes sorores habeant. Si vero matre superſtite, & fratre vel fratribus solis, vel etiam cum sororibus, sive legitima, sive sola cognationis jura habentibus, intestatus quis vel intestata moriatur, in capita ejus distribuatur hereditas.

NOTÆ.

5. CUM ANTEA CONSTITUTIONES] Vid. l. 1. l. 2. & pen. C. Ib. de legit. hered. Cujac, hic.

ANTEPONI, ET SINEULLA DEMINUTIONE] Superiores constitutiones jus matris minuebant admittis adgnatis in partem tertiam, quas constitutiones abrogat l. ult. C. h. t.

COMMENTARIUS.

[Partim adjuvabant, partim pragravabant] Ejusmodi extat constitutio Constantini l. 1. C. Theod. de legis. her. Adjuvat ea matrem, quia matri etiam non habenti jus liberorum desert etiam partem bonorum filii intestati detractam agnatis, à quibus antea in totum excludabatur. Vicissim pragravat, quia licet mater habeat jus liberorum, tamen agnatis proximis ultra consanguineos, patruo scilicet ejusque filio & nepoti, non ulterioribus, pari beneficio desert tertiam portionem detractam matri, quæ

quæ ex Senatusconsulto totum sola habitura fuisset. Eodem pertinet *l. 2. d. tit.* Gravabatur etiam mater jus liberorum habens, si thorum priorem secundo mutasset amplexu, proprietate ipsi adempta rerum filii defuncti paternarum, *l. pen. d. tit.*

[*In aliis contrarium faciebat*] Hoc est, ut illic detrahebant matri liberis honoratæ trientem, quem adspergebant agnatis: ita hic contrarium faciebant, trientemque detrahebant agnatis, quem adspergebant matri jure liberorum non honoratæ.

[*Matrem omnibus legitimis, & sine ulla diminutione*] Matres omnes jure liberorum honestantur *l. ult. C. de jur. lib.* Ex quo secundum sententiam Senatusconsulti Tertylliani mater, sive ter peperisset, sive non, agnatis omnibus secundo gradu remotioribus simpliciter præferenda fuerat, nisi obstitissent constitutiones, quibus jus matris liberis honestatæ minuebatur, agnatis, quos diximus, admissis in partem tertiam: quas constitutiones Justinianus hic abrogat, matrem omnibus agnatis sine ulla diminutione anteponebat.

[*Excepta fratris & sororis persona, sive consanguinei, &c.*] In Tertylliano fratres consanguinei matrem excludebant, mater uterinos, soror consanguinea cum matre pariter admittebatur. Justinianus etiam cum fratribus consanguineis matrem admisit, & cum matre etiam uterinos, *l. ult. C. hoc tit.*

[*Quemadmodum eam tota alii legitimo ordini*] Cum in eum modum jura matrum beneficio Justiniani aucta sint, ut legitimis omnibus, præter fratres, in totum exclusis, etiam si ter non pepererint, solæ succedant; ut cum consanguineis defuncti fratribus, à quibus antea excluderentur, quantumvis jus liberorum haberent, nunc admittantur, etiam si non habeant: putavit Imperator, matres haud iniquo animo pati debere, si uno in casu vicissim jus ipsarum minueret, & fratrum sororumque hæcenus auget, ut cum ipsa admitteret & uterinos.

[*Notamen ut, siquidem sola sorores*] Quæ sequuntur, pertinent ad modum succedendi, sive rationem distribuendæ hæreditatis inter matrem defuncti ejusque fratres & sorores. Constituit autem, ut si cum matre concurrant sorores solæ, sive consanguineæ sive uterinæ, duo feminales fiant, quorum unum mater, alterum sorores capiant: si fratres, sive soli, sive etiam cum sororibus, in capita hæreditas dividatur, totque partes fiant, quot sunt personæ succedentium, *d. l. ult. C. hoc tit.* Hæc iterum mutata sunt. *Nov. 118.* qua fratres & sorores omnes, ex uno tantum latere defuncto conjuncti, tam à matre, quam à fratribus utrinque conjunctis, excluduntur, mater cum his ex æquis partibus succedit.

TEXTUS.

De tutore liberis petendo.

6. Sed quemadmodum nos matribus prospeximus, ita eas oportet sua soboli consulere: scituris eis, quod si tutores liberis non petierint, vel in locum remoti vel excusati, intra annum petere neglexerint, ab eorum impuberum morientium successionem merito repellentur.

NOTÆ.

[*IMPUBERUM MORIENTIUM*] Disertè *impuberum*, ut & in *d. l. 10. C. de leg. har.* nam si puberes moriantur, mater ab eorum hæreditate non excluditur, *l. 3. C. hoc tit.* Nec qui filio puberi curatorem non petiit, excluditur, *d. l. 2. §. 29. αὐτὸς ὁ ἰατρὴ αἰνῇ* Modestini. *leg. 2. §. 5. qui pet. tut. l. 6. C. cod.*

COMMENTARIUS.

[*Ita eas oportet sua soboli consulere*] Matri onus tutelæ impositum non est: quia virile munus est, tutelam gerere: at petendi tutores negotium injectum, quod maternæ pietati maxime convenit. Quod si petere neglexerit, ut indigna à legitima hæreditate filii repellitur, *l. 2. §. 1. & 2. qui pet. tut. l. 2. §. si mater 23. & multis seqq. hoc tit.* ubi hic locus fuse explicatur.

[*Non petierint, vel in locum remoti*] Si mater, inquit Ulpian. non petierit tutores idoneos filiis suis, vel prioribus excusatis rejective non confestim aliorum nomina ediderit, jus non habet vindicandorum sibi bonorum intestatorum filiorum, *d. l. 2. §. si mater hoc tit.* idque etiam hodie adhuc obinebit, si mater nec tutorem petat, nec ipsa administrationem tutelæ suscipiat: quod matri concessum. *Nov. 118. cap. 5.* Sed hæc moribus obliterata. *Christin. Sol. 4. decal. 63. n. 7.*

[*Intra annum*] Quid ergo, si intra annum pupillus moriatur non petito tutore? an tum mater exculabitur à pœna: Non puto: quia requiritur, ut petat confestim, ubi primum potuit, id est, prætoris copiam habuit huic rei sedentis, *d. l. 2. §. si mater & confestim 43.* ubi Græci, *hujus rei sedentis, πρὸς τὴν διακρίσιν τῆς παραδεδωκυίας προσηύδατο.* Quod vero hic dicitur, & in *l. 10. 3. C. de leg. har.* si intra annum non petierit, sic accipio, ut nullo modo post annale spatium excusetur; nec si magnam causam non petendi habuerit, quæ usque ad annum eam excusaret, per *d. l. 2. §. confestim.*

[*Impuberum morientium*] Ex contrario ergo si puberes moriantur, quibus tutor penitus non est, mater ab eorum hæreditate non excludetur: quod & di-

& disertè rescriptum est in *l. 3. C. hoc tit.* & ideo in *del. 30. C. de legit. har.* expressè additur hæc restrictio, si impuberes moriantur. Quippe credendum, pubertem, qui testamentum facere poterat, intestato mori malentem, ultro matri injuriam remittere, & tacite velle ad matrem legitimam hereditatem pertinerè, per *l. 8. §. 1. de jur. cod.*

TEXTUS.

De vulgo quasitis.

7. Licet autem vulgo quasitus sit filius filiarum, potest tamen ad bona ejus mater ex Tertylliano Senatusconsulto admitti.

COMMENTARIUS.

Quemadmodum mater à patre admittitur ad liberorum etiam vulgo quasitorum bonorum possessionem, & vicissim liberi etiam vulgo quasiti ad bonorum possessionem matris ex capite unde proximi cognati, *l. 2. unde cognat.* ita & mater ex Senatusconsulto Tertylliano admittitur ad legitimam hereditatem filii filiarum, tam eorum, qui vulgo quasiti sunt, quam qui procreati ex iustis nuptiis, *l. 2. §. 1. hoc tit.* Et contra etiam vulgo quasiti ex Orficiano admittuntur ad legitimam hereditatem matris, *l. 1. §. 1. cod. §. pen. ult. seq.* Nimirum mater semper certa est, & in his Senatusconsultis matris & filiorum personæ naturaliter designantur, *l. 7. de cap. minur.* cumque vulgo quasiti patrem non habere intelligantur, à quo sunt agnationis & familiæ jura, nemo est, qui matri jure consanguinitatis aut agnationis hic obijci possit, *l. 4. und. cogn.* Atque hoc jure etiamnum utimur, add. quæ sub *§. 3. seq. ult.*

TITULUS IV.

D. lib. 38. t. 17. C. lib. 6. t. 57.

De senatusconsulto Orficiano.

TEXTUS.

Origo & summa senatus Consulti.

4. Per contrarium autem liberi ad bona matrum intestatarum admittuntur ex Senatusconsulto Orficiano, quod Orficio & Rufo Consulibus effectum est, divi Marci temporibus: & data est tam filio, quam filia, legitima hereditas, etiam si alieno juri subiecti sint, & præferuntur consanguineis, & agnatis defunctæ matris.

COMMENTARIUS.

Ege duodecim tabularum nec mater liberis, nec liberi matri ab intestato succedebant: nam duo duntaxat genera, lex agnoscebat, suos hæredes & agnatos, causammodi nec mater liberis, nec illi matri

sunt, ut dictum supra est in *pr. præc. ult.* Cæterum cum placitum esset hoc dare naturali conjunctioni, ut mater vocaretur ad legitimam successionem filii & filiarum; æquum erat, ut retro tantundem etiam concederetur liberis, ut scilicet & hi vicissim jus legitimæ successionis consequerentur in bonis matris: cum adeo liberorum conditio in causa successionis etiam potior esse debeat, propter naturæ simul & parentum commune votum, *l. 7. §. 1. unde lib.* Id effectum est Senatusconsulto Orficiano viginti ferme annis postea, quam matri legitima hereditas delata fuerat Senatusconsulto Tertylliano, ut ex Fastis colligitur. Cur matri tanto tempore ante consultum fuerit, quam liberis, causam ignorare me fateor.

Orficio Rufo Coss. D. Marci temporibus] In imperio Marci Antonini Philosophi & Commodi notantur hi Consules, Vettius, seu, ut alii, Velius Rufus, & Corn. Scipio Orfitus, anno ab urbe condita 930. qui vigesimus est à consulatu Flavii Tertylli, à quo Senatusconsultum Tertyllianum. *Lamprid. in Commod. Onuphr. in fast.* Moris erat illis temporibus, ut ex Imperatorum orationibus vel epistolis in curia recitatis, quasi in eorum sententiam Senatusconsulta fierent: unde sæpè eandem rem & Senatusconsultis tribui & orationibus videmus; quemadmodum etiam in proposito Gajus *l. pen. hoc tit.* oratione D. Marci (quem appellatione sacratissimi Principis designat) cautum scribit, ut matris intestatæ hereditas ad liberos pertineat.

Etiam si alieno juri subiecti] *d. l. pen.* uti ex contrario quoque mater: licet in potestate patris sit, admittitur ad bona liberorum. Et ergo uti mater filiarum ita & hi liberi iussu patris adibunt, *§. postea 2. ult. præc.* Matrem autem, de cujus successione queritur, sui juris fuisse, cum moreretur, oportet: alioqui si jus illorum temporum spectamus, hæredem ab intestato habere non potuit. Plane hodie post *Nov. 118.* etiam filii & filiarum intestati hæredes habent in adventitiis, quorum ipsis concessa proprietas.

Et præferuntur consanguineis] Filius & filia ex Orficiano pleniore jure vocantur ad hereditatem matris, quam ipsa ad illorum ex Tertylliano: illi enim vocantur cum prærogativa ante omnes, non modo agnatos, quos etiam in Tertylliano mater excludit, verum etiam ante defunctæ matris fratres consanguineos, cum in Tertylliano consanguinei defuncti præferantur matri: & quamvis v. c. ex duobus filiis alter adierit, alter repudiaverit hereditatem

tatem matris, tamen ad consanguineum aut agnatum defunctæ proximum pars repudiata non pertinet, sed accrescit alteri filio, l. 1. §. *sed si nemo* 9. hoc tit.

TEXTUS.

De nepote & nepte.

1. *Sed cum ex hoc Senatusconsulto nepotes & neptes ad aviam successionem legitimo jure non vocarentur, postea hoc constitutionibus Principalibus emendatum est, ut ad similitudinem filiorum filiarumque & nepotes & neptes vocentur.*

COMMENTARIUS.

Utrumque Senatusconsultum & Tertyllianum & Orficianum reverentia quadam juris veteris im primo gradu cognationis substitit: atque ut Tertyllianum soli matri filiorum & filiarum detulit hæreditatem, aviam ad hæreditatem nepotum neptumve non admisit, sic Orficianum similiter filios duntaxat & filias vocavit ad successionem matris, non etiam nepotes & neptes ad successionem aviarum. Nam quod Modestinus l. 8. unde cogn. respondet, nepotes, atque adeo etiam vulgo quæsitos, ad aviarum bona ab intestato admitti, ad edictum prætoris pertinet, quo deficientibus legitimis ad bonorum possessionem vocantur proximi cognati.

Constitutionibus Principalibus] Principes Valentinianus, Theodosius & Arcadius etiam nepotes & neptes vocarunt ad legitimam successionem aviarum, l. 4. C. Theod. de legit. bar. ut tamen tertia parte minus acciperent, quam pater eorum vel mater habituri fuissent. De quo diximus ad §. ult. sup. de her. qua ab intest. Novissimo jure in successione ab intestato descendentes omnes æquale jus habent, nec sexus, suitatis aut agnationis ulla amplius prærogativa est, Nov. 118.

TEXTUS.

De capitis deminutione.

2. *Sciendum autem est, hujusmodi successiones, quæ ex Tertylliano & Orficiano Senatusconsultis deferuntur, capitis deminutione non perimi, propter illam regulam, quæ novæ hæreditates legitimæ capitis deminutione non pereunt: sed illæ solæ, quæ ex lege duodecim tabularum deferuntur.*

COMMENTARIUS.

Regula juris est, novas hæreditates legitimæ capitis deminutione non perimi, l. 7. de cap. min. l. 11. de suis & legit. l. 1. §. capitis 8. hoc tit. Novas hæreditates appellat, quæ novo jure post legem 12. tabb. deferuntur vel ex constitutionibus vel ex Senatusconsultis, dd. ll. & l. 3. in fin. de hered. per. Capitis autem deminutionem minimam intelligi, manifestum est, scilicet quæ contingit salva civitate: nam libertate aut civitate amissa de successione quæri non potest, d. l. 1. §. capitis. Hujus regulæ rationem hanc Paulus affert d. l. 7. de cap. min. quod novis legibus & hisce Senatusconsultis hæreditates sic deferantur, ut personæ naturaliter designentur, id est, nomine naturali, puta matris aut filii filiarumve: quæ nomina ut naturalia sunt, ita post capitis deminutionem adhuc manent.

Illæ solæ, quæ ex lege duodecim tabb.] Propterea quod lege 12. tabb. hæreditas sic deferitur, ut personæ designentur civiliter, id est, civili nomine, suorum scilicet hæredum & agnatorum; quæ nomina cum civilia sint & qualitates, minima quoque capitis deminutione pereunt, §. ult. sup. de leg. agn. tut.

TEXTUS.

De vulgo quæsitis.

3. *Novissime sciendum est, etiam illos liberos, qui vulgo quæsi sunt, ad matris hæreditatem ex Senatusconsulto admitti.*

NOTA.

3. QUI VULGO QUÆSITI] Et hi matri quoque succedunt simul cum liberis legitimis, nisi mater sit illustris, & legitimam sobolem habeat: nati autem ex concubinato (sc. licito, *μη δὲ ἀφαιμωγίας*) pariter cum legitimis admittuntur etiam ad matris illustris successionem, l. pen. C. b. r. Nimirum mater semper certa est, & in his Scitis personæ naturaliter designantur.

COMMENTARIUS.

1. *Ex concubina natos meliore conditione esse, quam vulgo quæstos, & hos, quam natos ex damnato coitu.*

2. *Quid moribus hic receptum.*

Sicut mater ex Tertylliano succedit liberis etiam vulgo quæsitis, ita vicissim & vulgo quæsi matri succedunt ex Orficiano, l. 1. §. 2. hoc tit. propter rationem, quam paulo ante indicavi, & sub §. ult. præc. sit. Succedunt autem matri non tantum, cum soli sunt, sed simul etiam cum liberis ex justo matrimonio procreatis, nisi mater illustris sit, cui spurii non aliter ex constitutione Justiniani succedunt, quam si legitima soboles deficit, ne stirpis claritudo

ista labe & memoria maternæ infamiæ dedecoretur, *l. pen. C. cod.* Sed & præteriti de inofficioso matris testamento dicere possunt, *l. si suspecta 29. §. de inoff. test.* Inter patrem vero & spurios jus idem mutux successionis non est. Porro sciendum est, liberos naturales, id est, natos ex concubina, paulo meliore conditione esse, quam spurios seu vulgo quæritos, sive de successione matris quærat, sive de successione patris, & utrosque meliore, quam natos ex complexu damnato incestove. Naturales seu nati ex concubinato admittuntur una cum legitimis ad matris etiam illustis & per matrem adficientium successionem, *d. l. pen. C. hoc tit.* Denique & patri naturali ex jure novissimo in duas uncias una cum matre dividendas succedunt, nisi ille liberos legitimos vel uxorem reliquerit, quo casu alimentis contentos esse oportet. *NoV. 89. cap. 12. unde auth. licet, Cod. de nat. lib.* quorum neutrum pertinet ad *propositis*. Ex incesto aut damno legibus coitu procreari nihil ne ex matris quidam successione capiunt; ac ne alimenta quidem potendi jus habent. *d. NoV. 89. cap. ult. NoV. 74. cap. ult. auth. ex complexu, C. de incest. nupt.* quem tamen rigorem mitigavit æquitas juris Canonici, *cap. cum haberet, in fin. de eo qui dux. in uxor. quam adult. polh.* Sane nec putarem jus civile refragari, quominus magistratus, ex officio liberis hujusmodi, alias fame perituris, alimenta jubeat subministrari: nam & pater, licet incestuosus & impius, alendus est, quia pater est. *NoV. 12. cap. 2. vid. Palæot. de noth. & spur. cap. 41. cum seqq. Gail. 2. obs. 115. Christin. Vol. 1. decis. 198. & Vol. 4. decis. 64.* Mores hac in parte nonnihil a jure Romano discesserunt. D. Gudelinus *lib. 2. de jure noth. cap. 13. in fin.* scribit, moribus plerarumque regionum liberos naturales, seu natos ex illegitima conjunctione, ne ad matris quidem, aut parentum maternorum bona admitti; & nullibi in his provinciis ad duas uncias hæreditatis paternæ: quod posterius etiam tradit *VVames. cent. 1. conf. 42.* & post eum *D. Tulden. comm. in tit. 1. hujus lib. cap. 11.* Apud nos naturales, nec non ex his descendentes, non tantum matri, reliquisque maternæ linæ parentibus vel in totum vel ex parte succedunt, sed reliquis quoque per matrem conjunctis personis: quoniam respectu matris in causa successionis illegitimi idem juris, quod legitimi, habent, extra quam, si nati sint ex vetito aut nefario complexu; qui cum sobole sua ab omni successione remoti. Et vicissim materni naturalibus in partem dimidiam succedunt, videlicet matre mortua: partem autem alteram fiscus occupat tanquam vacantem. Quod si mater adhuc vivat, universa hæreditas ad fiscum devolvitur, quemadmodum & universa devoluta fuisset ad paternos, si defunctus legi-

time procreatus fuisset. Eorum, qui nati sunt *iz 2. quitoz quas*, ex damnato punibili legibus coitu, (quos vocamus *over VVonnen bastards*) hæreditatem fiscus sine distinctione totam sibi vindicat; quasi eorum, qui destituti sint omni cognatione, & tam materna, quam paterna, propter admissum a parentibus nefas, *vid. Gros. lib. 2. manu duct. cap. 28. in fin. & cap. 31.* ubi & jura quædam singularia commemorat, concessa quibusdam civitatibus.

TEXTUS.

De jure accrescendi inter legitimos heredes.

4. Si ex pluribus, legitimis heredibus quidam omiserint hæreditatem, vel morte, vel alia causa impediti fuerint, quominus adeant, reliquis, qui adierint, accrescit illorum portio: & licet ante decesserint, ad hæredes tamen eorum pertinet.

COMMENTARIUS.

Hic locus continet doctrinam omnibus legitimis successionibus communem; nempe si plures sint ejusdem ordinis & gradus, qui simul ad successionem vocentur, & eorum aliqui defecerint, portionem illorum cæteris, qui adierunt, accrescere. Ex quo discimus, jus accrescendi non modo locum habere inter hæredes testamentarios, verum etiam inter legitimos, sive sui sint, sive alterius generis hæredes. Quod si nullus eorum, qui pari gradu & proximi sunt, adierit, sequentibus ejusdem ordinis hæreditatem deferri docemur *§. pen. sup. de leg. agn. succ.*

Reliquis, qui adierint accrescit] *l. 1. §. si nemo 9. hoc tit. l. 9. de suis & legit.* unde totus hic locus descriptus est. Ratio est, quia nemo hæredem pro parte habere potest, aut diversi generis successores, puta hæredem legitimum & fiscum, illa autem ratio, quod nemo pro parte testatus, pro parte intestatus, decedere potest, adæquata non est, sed particularis, ubi ex pluribus testamento institutis alii adeunt, alii omittunt, aut pars aliqua vacat.

Licet ante decesserint] His verbis non hoc significat Imperator, portionem hæreditatis, quæ uni ex legitimis heredibus delata sit, mortuo eo antequam hæreditatem adeat, ad hæredes ejus pertinere, isque portionem deficientium accrescere: certum enim est, hæreditatem non aditā non transmitti, *l. unic. §. 5. C. de cad. toll. portionem autem accrescere portioni, l. si Titio 33. in fin. de usufr.* ut proinde nihil heredibus illius

illius legitimi hæredis, qui non adiit, accrescere possit: sed si decesserit, antequam ipsi accresceret; quod diserte expressit Marcian. d. l. 9. de suis & leg. hoc est, si decesserit postea quidem, quam portionem sibi ab initio delatam adeundo vel pro hærede gerendo acquisivisset, sed antequam cohæredes deficerent, eorumque portio ipsi deferretur & accresceret. Plane ad suos hæredes, qui ipso jure sine additione hæredes existunt, l. 1. 4. de suis & legis. & qui ex lege Theodosii hæreditatem non aditam transmittunt, l. un. C. de his qui aut. ap. tab. pars deficientis quoquo modo pertinebit.

TITULUS V.

De Successione cognatorum.

TEXTUS.

Tertius ordo succedentium ab intestato.

Post suos hæredes, eosque quos inter suos hæredes prætor & constitutiones vocant, & post legitimos (quorum numero sunt agnati, & hi, quos in locum agnatorum tam supradicta Senatusconsulta, quam nostra crexit constitutio) proximos cognatos prætor vocat.

NOTA.

PRAETOR VOCAT] Ad bonorum scil. possessionem: nam cognati hæredes jure civili non fiunt. Vide inf. in comm.

COMMENTARIUS.



Ex antiqua duodecim tabularum duos tantum hæredum ab intestato ordines fecit, suorum & agnatorum. Novæ leges & Senatusconsulta non addiderunt quidem ordinem novum, sed personas quasdam, quæ nec sui hæredes, nec agnati revera sunt, suorum hæredum & agnatorum numero esse voluerunt, atque in ordine suorum vel agnatorum una cum vere suis hæredibus aut agnatis ad hæreditatem intestati admitti. Inter suos hæredes novæ leges numerant, suisque per omnia exæquant liberos legitimatos, §. 2. sup. de har. ab intest. Inter eosdem quoque, & simul cum iis vocant nepotes & pronepotes ex sexu fœmineo, §. ult. d. tit. 1. In agnatorum ordinem Senatusconsulta transtulerunt matrem & liberos, Justinianus fratres & sorores uterinos, eorumque & sororum consan-

guinearum filios & filias, §. 4. sup. de leg. agn. success. l. pen. §. 1. C. de leg. her. Anastasius fratres & sorores emancipatos, §. 1. inf. hoc tit. Prætor vero tres succedentium ab intestato ordines fecit: primum liberorum; (non dixit suorum, quia ex liberis vocat etiam non suos) alterum legitimorum, in quo vocantur agnati & jura agnationis habentes ex posterioribus legibus, aut ex Senatusconsultis; l. 2. §. ult. & l. seq. unde legit. tertium cognatorum, in quo admisit omnes, quos sola sanguinis ratio vocat ad hæreditatem, licet jure civili deficiant, l. 1. in pr. l. 2. unde cogn. Item eos, qui quod prioribus ordinibus exclusi essent, ex nullo alio capite venire poterant, l. 5. d. tit. §. 2. inf. hoc tit. Tandem Justinianus cognatos omnes etiam hæredes legitimos fecit, adempta agnatis omni prærogativa. Nov. 118.

Proximos cognatos prætor vocat] In hoc ordine qui ad successionem vocantur, videlicet cognati, jure civili hæredes non fiunt: sed jure prætorio bonorum possesores; ac proinde pertinent ad tit. de bon. poss. inf. Possunt tamen etiam hoc loco considerari, quia prætor bonorum possesores pro hæredibus habet, & vi ipsa hæredes facit. Post Nov. 118. cognati jure civili succedunt, ut non magis quam agnati prætoris auxilio indigeant.

TEXTUS.

Qui vocantur in hoc ordine. De agnatis capite minutis.

1. Qua parte naturalis cognatio spectatur. Nam agnati capite deminuti, quique ex his progeniti sunt, ex lege duodecim tabularum inter legitimos non habentur, sed à prætore tertio ordine vocantur; exceptis solis tantummodo fratre & sorore emancipatis non etiam liberis eorum: quod lex Anastasiana cum fratribus integri juris constitutis vocat quidem ad legitimam fratris hæreditatem, sive sororis, non aequis tamen partibus sed cum aliqua deminutione, quam facile est ex ipsius constitutionis verbis intelligere. Aliis vero agnatis inferioris gradus, licet capitis deminutionem passi non sunt, tamen anteposit eos, & procul dubio cognatis.

COMMENTARIUS.

Porro jam declarare instituit Imperator, quinam illi sint, quos prator in ordine tertio proximitatis nomine vocat: & ad extremum successionem eorum determinat. Revocemus illos ad tres classes. Primum in eo numero ponit agnatos capite minutos, id est, minimam capitis deminutionem passos: nam media & maxima capitis deminutione interveniente jus omne successionis tollitur, l. 1. C. de her. inst. Igitur ut capite deminuti, hoc est, emancipati aut adrogati amittebant jus agnationis & legitimæ hereditatis, quæ lege 12. tabb. deferrebat, ita nec prator his dabat bonorum possessionem jure heredum legitimorum, l. 5. unde cogn. l. 1. unde legit. Ceterum quia jura naturalis cognationis & sanguinis minima capitis deminutione non pereunt, sed post eam salva adhuc & integra manent, §. ult. sup. de leg. agn. tut. l. 8. de reg. jur. prator qui tertia edicti parte, qua scilicet proximos cognatos vocat, tantum naturalem sanguinis conjunctionem spectavit, eadem parte recte etiam admisit capite minutos, scilicet post suos & legitimos, l. 1. unde legit. d. l. 5. unde cogn. Ut ecce, frater emancipatus ad fratris sui hereditatem jure civili propter capitis deminutionem non vocabatur, neque solus, neque cum fratribus integri capitis: unde nec jure honorario venire poterat ad bonorum possessionem ex edicto unde legitimi: sed tertio demum loco admitterebatur jure cognationis naturalis, quod capitis deminutione non perimitur.

Exceptis fratre & sorore emancipatis, &c. quos lex Anastasiana] Hæc lex Anastasii desideratur. Inserta sine dubio fuit priori Codici, quoniam hic legenda nobis commendatur: sed in Codice repetita prælectionis posita non est, propter l. ult. C. de leg. hered. ut opinor, qua plenius fratribus & sororibus emancipatis consulitur, & eorum quoque filiis ac filiabus jus legitimæ successionis datur. Anastasius enim solos fratres & sorores emancipatos vocaverat, & cum partis aliqua deminutione, nimirum ut fratres integri juris altero tanto amplius consequerentur, si fides Theophilo. Justinianus vero emancipatos cum reliquis fratribus succedere voluit æquo jure & sine ulla deminutione d. l. ult. §. 1. & 2. Itaque hic etiam §. per d. l. ult. correctus est: quippe quam post Institutiones jam compositas & editas promulgatam esse apparet ex eo, quod Imp. in ipsa lege mentionem Institutionum facit. Vestigium legis Anastasianæ extat in l. 4. C. de leg. tut.

Aliis vero agnatis, &c. anteposit eos, & procul dubio cognatis] Hoc expeditius procedit post Nov. 118. Pertinent etiam ad hanc classē, qui in adoptionem dati sunt à patre, aut qui cum sui juris essent, se adrogari siverunt: nam & isti jus agnationis ita amittunt, ut cognationis jus in familia naturali erga

omnes retineant; ac propterea etiam tertio hoc capite à pratore vocantur, l. 1. §. 4. unde cogn.

TEXTUS.

De conjunctis per foeminas

2. *Eos etiam qui per foemini sexus personas ex transverso cognatione junguntur, tertio gradu proximitatis nomine prator ad successionem vocat.*

COMMENTARIUS.

Hæc secunda classis est eorum, qui à pratore vocantur gradu seu ordine tertio, nimirum qui per muliebrem sexum ex transverso cognationis linea conjuncti sunt, quique agnationis jus, quippe quod à patre oritur, nunquam habuerunt, l. 2. & l. 4. unde cogn. Ait autem diserte ex transverso: quia qui sunt in linea recta, eos secundo capite prator vocat: quoniam his jus legitimorum heredum competit ex Senatusconsultis & constitutionibus, de quibus actum est superius.

Proximitatis nomine] Id est, cognatos, l. 3. d. l. 4. unde cogn. l. 8. de suis & leg. §. pen. & ult. inf. cod. In cognatione enim sola proximitas spectatur: agnati vero licet gradu remotiores, ordine tamen potiores sunt omnibus cognatis, qui jus legitimum non habent. Sed hodie potiores non sunt, ut sæpe dictum est.

TEXTUS.

De liberis datis in adoptionem.

3. *Liberi quoque, qui in adoptiva familia sunt: ad naturalium parentum hereditatem hoc eodem gradu vocantur.*

COMMENTARIUS.

Liberi in adoptionem dati jus cognationis in familia naturali retinent, l. 1. §. 4. unde cognati. Pertinent autem hi ad primam classē, eorum sc. qui jus agnationis per capitis deminutionem amiserunt, ut notavimus in fine §. 1. hoc tit. Quod si ab adoptivo patre emancipati fuerint vivo adhuc patre naturali, recipiunt gradum liberorum, l. 4. unde lib. & perinde admittuntur ad bona patris naturalis, ac si ab ipso emancipati essent, nec unquam fuisset in familia adoptiva, ut scilicet jam ex prima parte edicti veniant, qua prator liberos vocat, §. at hi. 10. junct. §. admonendi, sup. de her. qua ab intest. inf.

TEXTUS.

TEXTUS.

De Vulgo quæsitis.

4. *Vulgo quæsitos nullos habere adgnatos, manifestum est: quum adgnatio à patre sit, cognatio à matre; hi autem nullum patrem habere intelligantur. Eadem ratione ne inter se quidem possunt videri consanguinei esse: quia consanguinitatis jus species est adgnationis. Tantum ergo cognati sunt sibi, sicut & matri cognati sunt. Itaque omnibus istis ex ea parte competit bonorum possessio, qua proximitatis nomine cognati vocantur.*

NOTÆ.

4. **NULLOS HABERE ADGNATOS**] Quia adgnationis jus à patre oritur, quem nullum habent vulgo concepti, *d. l. 4. unde cogn. l. 23. de stat. hom.* Sed nec ex concubina nati jus adgnationis in familia patris habent, *l. 24. d. rit.* Imo ne cognationis quidem in causa successionis ab intestato, extra casum *auth. licet. C. de nat. lib.*

SICUT ET MATRI COGNATI] Leg. ut vet. Cod. *ex matre magnati. Th. dñi untiq̃s.*

COMMENTARIUS.

1. *Non magis natos ex concubina, quam vulgo quæsitos, jus agnationis habere.*

2. *Naturales & spurios ex eadem matre editos, & inter se & cum aliis per matrem conjunctis jus cognatorum habere; ex patris tantum latere junctos non item.*

3. *Natos ex damnato legibus coitu omnis successionis esse expertes.*

IN tertia classe eorum, qui nomine proximitatis vocantur, sunt vulgo quæsit; qui & ipsi inter se, & cum aliis per matrem à latere conjunctis jus agnationis habent. Aio, à latere: quoniam inter matrem ipsam & liberos, licet vulgo quæsitum sint, etiam legitimæ hereditatis capiendæ ultro citroque jus est ex Senatusconsultis & constitutionibus. Post *No. 218.* idem jus successionis inter se habent, quod parentes & liberi legitimi.

Nullos habere adgnatos] Ad spurium nullius hereditas, & ad nullum hereditas spurii jure agnationis pertinere potest: quoniam agnationis jus à patre oritur, quem nullum habere intelliguntur, qui vulgo concepti sunt, *l. 4. unde cogn. junct. l. cum legitima*

19. l. 1. vulgo 23. de stat. hom. Sed nec natorum ex concubina hereditas ad ullum jure agnationis pertinet: quia etsi patrem demonstrare possunt, jura tamen agnationis in familia patris non habent; quippe quæ nemo ex naturalibus liberis consequitur, nisi qui ex legitimo matrimonio natus est: ceteri omnes matrem sequuntur, *d. l. 19. l. 1. lex. 24. de stat. hom. Forster. tract. de her. qua ab int. circa fin. lib. 1.*

Ne inter se quidem possunt videri consanguinei] Argumentum à remotione generis ad remotionem speciei. Si vulgo quæsitum non sunt inter se agnati, nec erunt inter se consanguinei: quoniam consanguinitas est species agnationis. Etenim agnati omnes sunt, qui per virilem sexum conjunguntur: consanguinei soli fratres & sorores eodem patre nati. Quare si jure agnationis hereditas ad vulgo quæsitos pertinere non potest, nec poterit jure consanguinitatis, *l. 4. unde cogn.* Ex hoc autem loco apparet, consanguinitatem non esse ordinem per se, sed gradum in ordine agnatorum. Qua de re abunde supra *de leg. agn. succ.*

Cognati sunt sibi, sicut & matri] *L. 4. §. 2. de grad. & affin. l. 2. unde cogn.* An igitur liberi extra nuptias concepti, sive vulgo sive ex concubina, matri tantum & maternis cognati sunt, non etiam patri & paternis? Sunt sane: & naturalis hæc cognatio obstat, quominus pater filiam, frater sororem vulgo quæsitam uxores ducere possint, *l. 14. §. 2. l. & nihil 14. de rit. nups.* Ceterum in causa successionis ratione patris jus cognationis nec inter se, nec cum patre, aut conjunctis per patrem habent; quantumvis nati sint ex concubina: quanquam hos Justinianus patri succedere voluit in duas uncias, si nulli liberi legitimi nec uxor superfit, *auth. licet. C. de natur. lib.* quod tamen in his regionibus non observari, monuimus sub *§. pex. superioris tit.* Sic ergo habeto: Fratres naturales & spurii ex diversis matribus, quamvis geniti eodem patre, nec sibi invicem, nec legitimis genitorum liberis, aliisve per patrem conjunctis, succedunt. Contra vero etiam fratres illegitimi, sive ex concubina sive vulgo nati, ex eadem tamen matre, licet diversis patribus, geniti, invicem sibi jure cognationis succedunt, & item per matrem à latere conjunctis; & hi vicissim illis, *d. l. 1. unde cognat. & hic text.* dum tamen ex eo complexu orti non sint, qui jure accusari & puniri queat. Nam ex damnato & secundum leges, ut loquuntur, punibili coitu nati omnis successionis sive paternæ sive maternæ, tam ex testamento, quam ab intestato penitus sunt incapaces; nec ullum vel cognationis jus cum patre matre (quod est extra controversiam) nec inter se ipsi, aut cum aliis per patrem matremve à latere conjunctis habent. Quippe cujusmodi sobolem nec liberorum nomine censendam, nec eam, ex

qua nati appellatione matris, Justinianus constituit: proinde nec fraternitatis inter illos necessitudo esse videtur, quæ faciat successioni locum. Per c. ult. No. Coll. 7. 4. & c. ult. No. 89. Glossa comm. approbata in l. ult. C. de natural. lib. Cognol. in l. pen. C. ad Senatus cons. Orfic. Palat. de nob. & spur. cap. 43. Forster. tit. de success. eor. qui ex damnat. coit. conclus. 5. Anton. Fab. Cod. suo. lib. 6. tit. 33. decis. 3. 7. & 8. Fachin. 6. cont. 10. Diff. Christin. Sol. 1. decis. 198. & ibi citati. De jure patrio dixi sub §. penult. prac. tit.

TEXTUS.

Ex quoto gradu vel agnati vel cognati succedunt.

5. Hoc loco & illud necessario admonendi sumus, agnationis quidem jure admitti aliquem ad hereditatem, etsi decimo gradu sit, sive de lege duodecim tabularum queramus, sive de edicto, quo prætor legitimis hæredibus daturum se bonorum possessionem pollicetur. Proximatis vero nomine iis solis prætor promittit bonorum possessionem, qui usque ad sextum gradum cognationis sunt, & ex septimo à sobrino sobrinaque nato nata-

COMMENTARIUS.

1. Cur latius agnatorum successionem diffundi placuerit, quam cognatorum.
2. In obscuro esse, cur sexto potius, quam quo alio gradu successio cognatorum determinata, explorata ratione Mynsingeri & aliorum.
3. Supradictum discrimen sublatum esse No. 118.
4. Agnatorum successio an certo gradu terminetur, & an nobis jure item cognatorum. Et quid hic usus servet.

HOC §. determinatur successio eorum qui ex tertio capite unde cognati veniunt, & simul insinatur differentia, quæ hac in parte sit inter agnatos & cognatos.

1. *Agnationis jure etsi decimo gradu*] Nominis & familiæ propagandæ studium fecit, ut successio, quæ agnationis jure nititur, latius diffunderetur, quam quæ naturali duntaxat cognatione. Nec à prætore in infinitum producenda fuit successio jure civili incognita. Ait, *etsi decimo*. Hoc dicitur

torum: nam agnatorum successionem verius est nullo fine terminatam fuisse, ut mox audiemus.

Edicto quo prætor legitimis] Nam quibus jus civile legitimam deferret hereditatem, iisdem, etsi hæredes non extiterint, prætor, ut custos & minister juris civilis, etiam jure legitimi hæredis deferret bonorum possessionem; quamvis sexto gradu sint remotiores.

Usque ad sextum cognationis gradum] Inclusive, ut loquuntur, l. 1. §. 3. l. pen. unde cogn. Quid prætorem moverit, ut potius sexto gradu, quam quinto aut alio hanc successionem determinaret, difficile est dicere. Paulus 4. sent. 11. in fin. hanc rationem affert, quod in sexto gradu deficiunt nomina cognationis, quibus personæ proprie denotentur Mynsingerus, Hotomannus & Welembecius aliam afferunt, quia scilicet naturalis cognatio propter vitæ humanæ brevitatem ultra sextum gradum non producat. Sed hæc ratio, quod pace tantorum virorum dictum sit, perspicue inepta & falsa est. Tractatur enim hic non de successione adscendentium aut descendentium, sed eorum, qui ex latere veniunt, quos ultra sextum aut septimum gradum qui reperiri posse negat, eum necesse est sanæ mentis non esse. Et vero si natura ultra eum gradum neminem patiatur vivere, nec patietur ultra vivere agnatos. Cur ergo hos, licet longe remotiores sint, & jus civile & prætor admitti voluit? Equidem fateor, Paulum quoque dict. loco eandem illam rationem expressisse, & Modestinum quoque in l. 4. in pr. grad. & affin. Verum illi, ut credibile est, in hæc analogiam respexerunt maxime ad successionem superiorum & inferiorum, id est, eorum, qui sunt in linea recta, & transversa inæquali. Nam in transversa æquali, puta si ex duobus fratribus continua serie sobolem propagatam ponamus, vel vicesimo gradu inter se distantes reperias. De eo nemo dubitat, si Hotomannum exceperis, quin hodie, sublato per No. 118. agnationis & cognationis discrimine, intelligi debeat sublatum quoque esse discrimen termini successionis; quod pene etiam expressum est in calce cap. 3. d. No. 118. Gloss. Joan. Fab. Ang. Utesemb. hic. Forster. dict. tract. 3. cap. 9. Unum superest non satis expeditum, utrum quemadmodum sextus gradus terminus successioni cognatorum hic positus est, ita etiam decimus præfixus intelligi debeat successionis agnatorum; an vero hæc certo gradu non terminetur. Unde dependet decisio quæstionis, utrum ex novo jure cognati pariter & agnati tantum ad decimum usque gradum succedant; an vero etiam ultra eum. Ut dicamus, decimum gradum terminum successionis agnatorum hic constitutum, multa suadent. Primum enim cur decimi gradus mentionem Imperator facit, si etiam ultra decimum

nam agnati admittantur? Deinde cum utrumque dicat, agnatos succedere etiam qui in decimo gradu sunt, & cognatos usque ad sextum, ratio pati non videtur, ut dicamus, uno numero successionem terminari, altero non item. Postremo nisi finis aliquis successioni agnatorum statuatur, vix unquam ordini tertio, aut quarto, in quo sunt vir & uxor, locus futurus est. Hoc igitur posito, decimo gradu terminatam fuisse successionem agnatorum, dicendum est, æquato cum agnatis jure cognatorum *dict. No. 118.* utrosque jam ad decimum gradum admittendos esse, non ultra. Quod & vulgo receptum est, testibus *Joan. Fab. Ang. Porc. Mysf. Schneid. VVe-semb.* & apud nos servari tradit *Grot. lib. 2. introduct. cap. 30.* Sed in contrarium movet, quod supra Justinianus tradidit, jure agnationis hereditatem ultro citroque capi, etiam si longissimo gradu sunt, §. 3. *in pr. de leg. agn. success.* quod & mox ibidem repetit, & iterum §. *ultim. inf. de serv. cognat.* item quod *Ulpian. l. 2. §. 1. de suis & leg.* definit, agnatos esse cognatos virilis sexus, ab eodem ortos in infinitum: in qua definitione effectum & jus succedendi Jurisconsultum considerasse perspicuum est: ideo enim virilis sexus tantum meminit, ut significet, masculos solos, non etiam feminas agnatas, consanguineis remotiores, jus legitimæ successionis habere, §. 3. *sup. de leg. agn. success.* Et denique quod lex duodecim tabularum simpliciter & sine ulla determinatione gradus, si sui hæredes non extent, proximum agnatum familiam habere jubet. Nec difficilis responsio est ad ea, quæ pro communi sententia proferuntur. Nihil enim prohibet, quominus dicamus, exempli tantum gratia, hic decimi gradus mentionem fieri. Non enim eodem modo de agnatis & cognatis Imp. loquitur. De agnatis non loquitur determinative: sed ait, eos succedere, etsi decimo gradu sint, utens rotundo & certo numero pro incerto. De cognatis contra determinative: ait enim, eos succedere usque ad sextum gradum. Porro facile evenire potuit, ut defunctus vel nullo agnato relinqueret propter emancipationes, vel ut agnati in suo ordine non succederent, puta si proximus defecisset, §. *placebat 7. sup. de leg. agn. succ.* His jam consequens est, post *d. No. 118.* etiam cognatos ultra decimum gradum succedere debere, uti etiam *in fin. cap. 3. d. No.* omnes deinceps à latere cognati simpliciter & sine ulla determinatione vocantur. Quæ sententia Baroni quoque & Bachovio probatur, item *Gudicino lib. 2. de jur. No. c. 15. & Valent. Forstero d. tract. lib. 3. c. 10. in fin.* sed is in eo fallitur, quod ita etiam moribus receptum putat: contrarium enim testantur pragmatici illi omni exceptione majores, quos ante citavimus: & apud nos constat,

deficientibus cognatis decimi gradus bona defuncti ad fiscum devolvi, *Grot. 2. manud. 30.*

Sobrino sobrinaque nato nataque Bonorum possessio, ait. *Ulpian.* quæ ex hac edicti parte datur, cognatorum sex gradus complectitur, & ex septimo duas personas, sobrino & sobrina natum & natam, *l. 1. §. 3. unde cognit.* Propter has autem duas personas, quæ ex septimo veniunt, Paulus videtur septem gradus constituisse, *lib. 4. sent. 11. in fin.*

RATIO SUCCEDENDI

ab intestato ex jure novissimo.

De successione liberorum.

1. *Jure novell. liberos omnes, non habita natione familia, sexus, gradus cæteris omnibus in successione parentum præferri: & qua inde consecutaria.*
2. *Dua causa, in quibus alia persona cum liberis admittitur.*
3. *Quis succedendi in ordine modus.*
4. *De liberis legitimatis, illegitimis, & adoptivis, remissive.*

Succedentium ab intestato tres ordines Justinianus novissime fecit *No. 118.* Primus est descendenti-um sive liberorum defuncti. Hos voluit cæteris omnibus præferri, solosque admitti ad hereditatem parentum intestato mortuorum, & ita admitti omnes, ut neque sexus, neque familia, neque gradus ulla prærogativa esset: sed sive masculi sint, sive feminæ, sive ex masculis, s. ex feminis descendant; & sive suæ sint potestatis, sive sub potestate; primi sive inferiorum graduum, adscendentibus omnibus & lateralibus præponerentur, *d. No. 118. c. 1.* Ex quo primum intelligimus, liberos emancipatos in hac successione suis sic exæquari, ut illi jam non amplius indigeant auxilio prætoris. Etsi nihilominus ad acquirendam hereditatem, eamve ad quoscunque hæredes transmittendam, necessaria iis sit aditio, uti & iis, qui ex feminis descendant, ut bene doctissimus *Vigl. in §. sed hac, sup. de exhar. lib.* Deinde sic admitti, ut etiam patri, in cujus potestate defunctus fuerat, præferantur in iis bonis, quæ patri ex constitutionibus non acquiruntur; quod etiam expressisse *d. cap. 1.* cautum est. De pluribus autem gradibus liberorum sic statuit; vivos quidem liberos primi gradus ob stare nepotibus ex se natis in successione avi: illis autem mortuis, nepotes in locum eorum succedere & admitti ad successionem avi, sive solii sint, sive cum filiis defuncti, iisdemque thiis suis concurrant; ut jam olim juris fuit in nepotibus suis hereditibus, §. *cum filius 6. sup. de her. qua ab int.* Quid si filius emancipatus sit, nepos in potestate retentus? Dicendum est, filium solum excluso nepote admitti

admitti, ut nunc amplius locus non sit edicto *de conjugendis cum emanc. lib. arg. d. c. 1. quod & D. Gudelinus lib. 2. de jur. non c. 13. post. D. Wesemb. in par.* ad istud edictum, recte observavit: utut id negent *Cujac. ad hanc Nov. & Hotom. ad calcem tit. de har. qua ab int.* Duo tantum sunt casus, quibus parens superstes cum liberis ad certam partem jure singulari admittitur; pater in usufructum virilis partis bonorum, (quæ ex hæreditate materna ad filios emancipatos pervenerunt) *l. 3. C. de bon. matern. conjux inops in bona conjugis locupletis pro quarta aut virili usufructus eorum. Nov. 53. c. ult. Nov. 117. cap. 5. auth. præterea, unde Sir & ult. de quo plurcula D. Tuld. comm. de har. qua ab int. c. 14.* Cæterum neutrum horum jure patrio obtinet. Modus succedendi in hoc ordine talis est.

3 Nepotes siue soli sint, diversarum tamen stirpium, siue cum thiis suis concurrant, succedunt in stirpes; quoniam jure representationis semper veniunt, ut scilicet in parentis demortui locum succedant, non habita ratione, cujus sexus parens fuerit, aut an liberos in potestate habuerit, nec ne, *d. cap. 1. quod representandi jus etiam in pronepotibus, & deinceps cæteris locum habet, concurrentibus cum iis, qui sunt gradu proximiores. Per §. ult. sup. de har. qua ab intest.* Liberi vero omnes, qui ejusdem sunt stirpis & gradus, in capita succedunt, id est, viritim, ut æqualiter hæreditas inter eos dividatur, *d. c. 1. facit §. 6. & d. §. ult. de har. qua ab intest.* Sciendum autem est, Justinianum toto *d. cap. 1. Nov. 118.* loqui de solis liberis natis ex justo matrimonio; quibus tamen etiam ex æquati sunt in hac causa liberi legitimi, *§. 2. sup. d. tit. ubi diximus. Nov. 74. & 89.* De illegitimorum successione alibi tractavimus, *§. pen. sup. de Senatuscons. Orfic.* In successione adoptivorum sequendum, quod constitutum est *l. pen. C. de adopt. de quo non uno loco differimus sub tit. de hered. qua ab intest.* Sæpe etiam alibi monuimus, apud nos adoptionem in usu non esse, certe non tribuere jus liberorum, aut cognationis omnino, ut sub *rubr. de adopt. & sub tit. de exhar. lib.*

De successione parentum.

1. In hoc ordine quis succedendi modus; & antequam unde bona obveniant.

2. Qui pariter cum ascendentibus admittantur, & in quam partem.

Secundus ordo ascendentium est, siue parentum. Hi liberis defuncti non extantibus ad legitimam liberorum suorum hæreditatem vocantur hoc modo. Si nec fratres defunctus reliquerit, succedunt soli, & soli inter eos, qui sunt gradu proximi, *d. Nov. 118. c. 2.* Et si quidem ex eadem sunt linea, succedunt in capita: quippe in hoc ordine locum non habet re-

presentatio, *d. c. 2. auth. defuncto. C. ad sen. Terzyl.* Sin ex diversa, tanquam in stirpes, ut semissem unum paterni, alterum materni, licet impares numero, consequantur, *d. c. 2.* Nec attenditur, unde bona, aut major bonorum pars defuncto obvenit, à paterna linea, an à materna, per *d. c. 2. Versi si autem, Gudelin. lib. 2. de jure noviss. c. 14. Fab. Cod. suo, lib. 6. tit. 33. defin. 2.* Quod si cum ascendentibus inveniantur simul fratres ex utroque parente defuncto conjuncti, non soli parentes ad hæreditatem admittuntur, sed una cum horum proximis fratres & sorores superstitis: quæ successio in capita est, & hoc singulare habet, quod nec usufructus portionis fratribus delatæ parentibus, quorum in potestate sunt, acquiratur, *d. c. 2. Versi si vero.* Postea cum parentibus & fratribus germanis admissi etiam eorum fratrum demortuorum filii in stirpes, data his portione, quam pater eorum superstes accepturus fuisset, *Nov. 127. cap. 1. auth. cessante C. de leg. har.* Nepotes ex fratre non idem juris habent; neque fratres consanguinei tantum cum patre, aut uterini cum matre admittuntur, per *d. cap. 2. authent. defuncto C. ad Senatusconsult. Terzyl. ubi DD.* Sed nec fratrum germanorum filii soli cum parentibus ex *d. Nov. 127. luc.* cedunt; verum ita demum, si fratres concurrant. De parentibus illegitimis statuendum ex successione liberorum illegitimorum: de adoptivis ex jure veteri & *l. penult. Cod. de adopt.*

De successione lateralium.

1. Qui primi in hoc ordine: & qua ratione vocentur.

2. Utrum fratrum filii, quando soli sunt, in capita, an in stirpes, succedant.

3. Qui secundo loco veniant: & utrum fratres consanguinei & uterini concurrentes ex æquo in bona omnia defuncti fratris, an illi in paterna, hi in materna, succedant.

4. Qui quarta ratione postremo loco vocentur.

Tertius ordo collaterales habet, qui omnes ex *d. Nov. 118. c. 3.* veniunt remoto discrimine sexus, cognationis cognationisve. Hos inter primum locum obtinent fratres sororesque germani seu ex utroque latere conjuncti; cum quibus tamen admittuntur & fratrum eorum defunctorum filii jure representationis, ut tantum ferant quantum pater eorum habiturus fuisset: & quamvis soli sint, præferuntur tamen defuncti thiis, atque adeo fratribus ex uno tantum latere defuncto conjunctis, quemadmodum pater eorum, si vixisset, iisdem defuncti fratribus, & tam consanguineis, quam uterinis præferendus fuisset, *d. c. 3. auth. itaque C. cum de success.* Omnia contra rationem juris veteris, quo jure fratres, qui tantum consanguinei sunt, idem jus habent, quod germani;

germani; & ad patruos æque, ac ad fratrum filios legitima hereditas pertinet; nec non ad avunculos æque, atque ad filios sororum honoraria, l. i. §. *pem. unde cogn. Sid. sup. de leg. agn. succ. & de success. cogn.* Illud non satis expeditum est, num fratrum filii, quando soli existunt, in stirpes, an vero in capita ex jure novissimo succedere debeant. Accursius censuit, etiam tunc in stirpes succedere, Azio contra in capita. Uterque magnos habet propugnatores, quos vid. apud *Forster. §. de success. ab int. c. 3. Fachin. G. cont. 3.* Mihi semper probabilior visa est Azonis sententia: propterea quod juri veteri & constitutionibus quoque posterioribus consentanea est, §. *hoc etiam 4. sup. de l. agn. succ. l. 2. §. 2. de suis & leg. l. pen. & ult. §. 3. C. de leg. har. nec ostendi potest, Justinianū quicquā, quod quidem ad hanc causam attinet, innovasse. Nam quod Accursius, eumque secuti ajunt, constitutione Justiniani filios fratrum, jure representationis vocari, atque ex eo sic argumentantur; Qui jure representationis succedunt, illi non aliter succedere possunt, quam in stirpes, cum non amplius possint accipere, quam is, cujus locum representationis, accepturus fuisset, §. *cum filius 6. sup. de har. qua ab int.* At filii fratrum succedunt jure representationis, d. c. 3. *Nov. 118.* Ergo. Ad hoc respondeo, falsam esse istius argumentationis assumptionem, si in sensu diviso, de quo quaeritur, accipiatur, hoc est, quando fratrum filii soli succedunt. Nam Justiniani in d. c. 3. eo tantum casu jus representationis filii fratrum concedit, quando concurrunt cum patruis aut avunculis suis: quippe cum hoc casu ex sua persona succedere non possint; quoniam uno gradu remotiores sunt fratribus defuncti, quibus ne injuria fieri videatur, jus representationis introducendum fuit, ut in patris locum succederent, atque ex persona ejus vocarentur: quod necessarium non est, cum soli reperiuntur, ut propria ex persona succedere possunt. Non obstat exemplum nepotum, quos constat in stirpes semper succedere, sive succedant cum patruis, sive soli, quasi post constitutionem Justiniani eadem plane esset ratio filiorum fratrum, quæ jure veteri nepotum fuit, ut nimirum parentum suorum locum in succedendo perpetuo occupent. Nam hæc duæ species certo jure distinctæ sunt. In linea recta descendendum nunquam proximitas spectatur, d. §. *cum filius & §. ult. de har. qua ab int.* in linea collateralis perpetuo & sola, *sup. de leg. agn. succ. in pr. & in pr. de succ. cogn. l. 3. C. de leg. har.* unde unum tantum casum, eum quem diximus, excepit Justinianus. Atqui ajunt, fratris filii excludunt defuncti patrum, qui eodem gradu est, d. c. 3. hoc vero certum esse argumentum, eos non jure proximitatis, sed representationis, succedere. Respondeo, excludunt & fratrem ex uno tantum la-*

tere defuncto conjunctum, qui uno gradu est proximior; nec tamen inde sequitur, quod putavit Fachin. d. loc. eos hoc casu succedere jure representationis; non magis quam si dicam, filius & filia defuncti patrem & matrem excludunt, qui eodem gradu sunt, ergo succedunt jure representationis. Sed & frater ex utroque latere conjunctus praefertur fratri ex altero latere conjuncto duntaxat, qui tamen eodem gradu est, non tamen jure representationis. Quo igitur? Non alio, quam proximitatis; quia tertium non datur. Concludo igitur, fieri posse, ut aliqui pari gradu constituti jure proximitatis soli succedant, exclusi iis, qui eodem gradu aut etiam proximior sunt, si illorum jus sit potius, ut ex constitutione Justiniani est jus filiorum fratrum, tanquam descendendum, quam patruorum aut avunculorum, qui instar sunt ascendendum: & jus plenum si ve germanorum fratrum, & horum item filiorum, propter duplex sanguinis vinculum, quam consanguineorum tantum aut uterinorum. *Nov. 84. c. 1. §. 1.* Nec dicat quis, hoc jure posito magnam liberis fratrum inferri injuriam, si forte unus plures, alter pauciores reliquerit. Nam ubi fortuiti casus par in utramque partem ratio est, neuter ladi videtur, l. *6. pater. 12. C. de inoff. test.* Azonis sententia constitutionis Caroli Quinti in comitis Spirensibus confirmata est, anno 1529. probataque & Gallicanis Parliamentis. *Papon. lib. 21. tit. 1. arrest. 11. & 12. Maynard. lib. 6. decis. 92. num. 3. Costal. in l. 1. §. ultim. si pars har. pet. & plerisque aliis supremæ jurisdictionis curiis. Tessaure. decis. 162. Ant. Fab. Cod. suosit. de leg. har. desin. 1. Christm. vol. 1. decis. 194.* Atque ita quidem ego olim pro Azone. Cæterum postea dum singula d. cap. 3. *Nov. 118.* enucleatius exanimò, vereri coepi, ne non satis ex mente & sententia Justiniani. Sane verbis d. cap. 3. Azonis opinio minus convenire mihi visa, nisi cum Fachin. d. loc. eam sic limitemus, ut eo duntaxat casu procedat, quo fratrum filii ex propria persona veniunt: non autem quando vocantur ad exclusionem aliorum, qui alias aut cum iis concurrerent, aut eos ipsos excluderent: de quo nos opulenter *lib. 1. select. quæst. c. 30.* Post fratres germanos eorumque demortuorum filios admittuntur fratres consanguinei & uterini, & cum his eorum demortuorum filii in stirpes, d. *Nov. 118. c. 3. auth. post fratres C. de leg. har.* Atque hos ex æquo succedere in omnia fratris defuncti bona, sive ea paterna sint, sive materna, sive quaesita aliunde, magna causa est cur existimem; licet DD. comm. contra sentiant, & consanguineis paterna, uterinis materna assignent, aliunde quaesita demum æqualiter censeant distribuenda: uti & *Forster. lib. 8. cap. 8. Gomez. ad l. Tauri 8. num. 8. Gudelin. lib. 3. de jur. Nov. c. 15.* Nam primum bona cujusque unde-

cumque profecta unum & simplex patrimonium ejus constituunt, atque ex vera ratione juris successio fit in bona universa, æqualique jure succedentes æqualiter defunctum repræsentant: quæ eadem ratione plerique defendunt, parentes liberis suis, remota quæstione unde bona obvenierint, succedere. *Forster. lib. 7. cap. 2. num. 6. & seqq. Fachin. 6. cont. 4. Covarr. epit. de success. ab intest. num. 3.* Deinde Justinianus primo utrinque conjunctos simpliciter præfert conjunctis ex uno latere, ac mox post illos etiam hos indistinctè vocat. Quod si causa & origo bonorum spectaretur, vide quæ huic rei sint consequentia. Unum est, ut consanguinei cum germanis admittantur ad bona paterna, uterini cum iisdem ad bona materna. Secundum, ut admittantur, & multo magis, cum eadem distinctione bonorum, consanguinei & uterini cum fratribus germanorum filiis. Etenim in bonis, quæ v. c. à communi patre proveniunt, nihil operari potest aut debet concurrens in altero fratrum defuncti à matre cognatio, aut efficere, ut is ob eam causam præferri debeat conjuncto tantum per patrem, si unde bona obvenierint, non jus succedentium, consideremus: quemadmodum in feudis constat consanguineos à germanis non excludi. *Alvarot. in tit. de success. frat. §. in his vero lib. 2. Feud. tit. 11. Curt. tract. de feud. part. 3. n. 50.* Denique si defunctus nulla bona materna habeat, sed paterna duntaxat, uterinum hac ratione frater consanguineus in totum submovebit. Quæ quidem omnia & cum verbis & cum mente Justiniani in *d. c. 3. No. 118.* pugnare videntur, consanguineos & uterinos simpliciter & pari jure ad successionem intestati fratris vocantis. Communis opinio fundatur in *l. de emancipatis 13. §. 2. C. de legit. her. & No. 84. c. 1. §. 2.* Sed verissimum est, minimeque obscurum, quod etiam D. Gothofr. ad *d. l. 13.* notat, textus istos per hanc Novellam nostram abrogatos esse: quippe in quibus pater fratribus omnibus postponitur, nec tamen alio casu, quam cum pater adhuc vivit, & usumfructum consequitur, ex eadem matre nati in bonis, quæ à matre profecta sunt, consanguineis præferantur. Postremo veniunt ceteri collaterales, & tam ex uno latere, quam ex utroque cognitione juncti. Quo autem quisque proximior est, ita alterum excludit. Si plures sint ejusdem gradus, in capita familiam dividunt, *d. No. c. 3. in fin.* Unde duo colligimus, quæ diligenter notanda sunt. Unum est, quod qualitas duplicis conjunctionis sive plenioris sanguinis non consideratur ultra fratres eorumque filios: alterum, quod jus repræsentationis in hoc ordine fratrum filii terminant. De successione lateralium illegitimorum plene diximus sub *§. pen. de success. cognat.* De lateralibus adoptivis ad *§. 2. de legit. agn. success.*

Forma succedendi ab intestato apud Hollandos & Westfrisos.

1. *Quibus in oppidis & agris Scabinico olim jure, & in quibus Æsdomico circa successionem ab intestato usi.*
2. *Successio Scabinica qualis, & quo fundamento nitatur.*
3. *Juris Æsdomici ratio, & qualis ex eo jure successio.*
4. *Jus uniforme introductum constitutione polit. an. 1580. sed ab eo recessum an. 1599. ut jam iterum duplex apud nos sit succedendi ratio.*
5. *Communita utriusque juris in successione descendendum & ascendendum.*
6. *Uno ex parentibus defuncti, liberos non relinquentis, mortuo, quid juris apud meridionales, ubi viget constitutio politica.*
7. *Quæ circa successionem collateralium juxta d. constitutionem in universum tenenda.*
8. *Notatur in signis differentia inter jus Rom. & hoc nostrum, circa jus repræsentationis in linea transversa.*
9. *Quid si nec fratres nec fratrum filii aut nepotes extent: & quid si aliquid d. constitutione omissum, ex quo jure de eo statuendum.*
10. *Forma succedendi apud Septentrionales & Westfrisos ex placito de success. ab intest. edito anno 1599. si defunctus nec liberos reliquerit, & alterum tantum parentem superstitem habeat.*
11. *Decisio controversia cujusdam orta ex verbis finalib. art. 3. d. plac.*
12. *Quomodo successio collateralium juxta d. placit. procedat.*
13. *Quando & ad quæ fratrum pronepotes & deinceps, & quam in partem singuli vocentur.*
14. *Quando & quomodo patru, & avunculi, & his deficientibus ceteri.*
15. *Quomodo divisio fiat, si cum fratrum filii nepotes ex fratre concurrant.*
16. *Discrimen bonorum in nulla harum successionum attendi.*
17. *Quod d. placito definitum non est, ad cujus juris normam id exigendum.*
18. *Quando & quibus in bonis prædictæ constitutiones non obtinent.*

IN his regionibus duplex ratio succedendi ab intestato, eaque toto inter se cælo distans, usurpata quondam fuit; una ex jure Zelandico, quod nostri *Scabinicum* appellant; altera ex veteri jure Frisiorum, quod *Æsdomicum* sive *Afingicum* dicimus. Illo utebantur urbes & agri Hollandiæ meridionalis, quæ

quæ scilicet Rheno & Mosâ fluminibus concluditur, cujusque caput est Dorstracum: hoc in urbibus & agris trans Rhenum & Yssalam ad Aquilonem positus usitatum erat, videlicet in Noordhollandia, Kennemerlandia, Westfrisia, atque in tota etiam Rhynlandia, licet magna hujus territorii pars cis Rhenum sita sit ad Africum. Cæterum Hagacomitantes & Roterodamenses, quamvis ad plagam Yssalæ septentrionalem positi, Scabinico jure usi sunt.

² Juris Scabinici seu successionis Zelandicæ hoc fundamentum fuit, *'t Goedt moet gaen van daer't gekomen is*. Hoc est, bona eo redire debent, unde profecta sunt: quod tamen sic acceptum, ut liberi semper in locum parentum veniant una manus, ut scilicet non plus omnes accipiant simul, quam parens eorum habiturus fuisset. Hoc principio posito, graduum aut proximitatis ratio non magnopere habenda fuit; sed potius spectandum, unde bona ad defunctum per successionem pervenerint aut pervenire potuerint. Hinc est, quod si liberi non extarent, prima in successione causa, utriusque simul parentis erat; nimirum quia bona defuncti ab iis profecta censebantur, non quod primo essent gradu. Itendidem est, quod altero parente mortuo, nec superstes, nec fratres, nec ulli alii per eum defuncto juncti ad hæreditatem partemve ullam hæreditatis admittebantur, sed cognati parentis præmortui, etiamsi remotioris essent gradus. Hinc item est, quod utroque parente mortuo fratres germani in concursu cum consanguineis & uterinis, aut horum alterutris, duplici divisione utebantur. Ne plura commemorem, verum juris Scabinici schema nobis exhibet constitutio politica edita anno 1580. excepto, quod infinitam collateralium representationem ad fratrum nepotes & patruorum atque avunculorum filios restringit. Jus Æsdomicum contrario fundamento nritur, hoc nimirum, *'t Macste bloedt beurd bez goedt*: id est, proximus sanguine, proximus successione: ita tamen ut hoc jure nihilominus descendendum causa potior esset, quam ascendendum; atque ascendendum, quam lateralium. Cum ergo in unoquoque ordine solam hic proximitatem & gradum spectari placeret, hinc eveniebat, ut ne in liberorum quidem ordine representationi locus esset, sed filii excluderent nepotes, hi pronepotes, &c. ut nulla germanitatis, consanguinitatis aut uterinitatis haberetur ratio: ut patrum & avunculorum, amitarum & materum cum fratrum & sororum filiis in capita succederent, denique collaterales omnes, uti quisque gradu esset proximus. Plura qui hic nosse desiderat, adeat *D. Neofad. de pass. antenupt. obs. 2. D. Grof. lib. 2. manuduct. ad Jurispr. Batav. c. 28. Joham. Arn. Corvin. in erot. subj. tit. lib. 3. inst.* Ex duobus his tam dissimilibus ac difformibus succedendi

modis tandem jus simplex atque uniforme constitutum est, quod sine distinctione in locis omnibus hujus provinciæ servaretur. Id effectum AA. Ordinum constitutione politica, anno 1580. Cæterum cum ea constitutio propenodum in omnibus partibus sequeretur jus Scabinicum, illi autem, qui juri Æsdomico assueti erant, exceptis paucis, mediis Rhenum inter & Yssalam, adduci se non paterentur, ut à jure majorum, præsertim quatenus parentibus favebat, tam longè, quantum d. constitutio, recederent, concessum postea est his querentibus jus speciale, ex Æsdomico & Scabinico mixtum ac temperatum: quod factum anno 1599. constitutione sive placito de successi. ab intestato: in cujus placiti principio urbes & agri enumerantur, quibus petentibus hoc jus indultum est. Ex quo tempore iterum diverso jure in causa successionis ab intestato uti cœpimus; alio in oppidis & agris Hollandiæ meridionalis; alio in Noordhollandia & Westfrisia, illic eo, quod in commune sancitum est anno 1580. hic illo temperato, quod specialiter constitutum anno 1599. præterquam in pagis quibusdam & vicis, iis nimirum, quos nominatim hæc constitutio excipit.

Utroque jure in successione ab intestato prima causa est liberorum, in qua successione gradus non quaritur, sed cum liberis primi gradus succedunt & liberi gradus secundi aut inferiorum jure representationis seu in stirpes, ut tantam portionem accipiant, quantam parens eorum laturus fuisset, *art. 20. const. polit. art. 1. placit. de successi. ab intest.* in quo nihil dissonum à jure Romano; uti neque in eo, quod liberi, qui aliquid à parentibus acceperunt extra causam simplicis donationis, veluti ad subsidium matrimonii, ad mercaturam, aliamve negotiationem exercendam promovendamve, id fratribus consortibus in divisione hæreditatis conferre debent, *art. 29. d. constit. pol. l. pen. §. 1. C. de collat.* Igitur quod descendentes attinet, uno communi jure per totam Hollandiam & Westfrisiam utimur, scripto Romanorum per omnia consentaneo. Illud quoque in commune statutum & receptum est, ut deficientibus liberis defuncti, si uterque parens primi gradus, sive pater & mater adhuc vivant, hi soli ad universam liberorum suorum successionem veniant, & fratres quantumvis germanos, eorumque filios excludant, quos simul admittit Justinianus, *art. 21. d. constit. & art. 2. d. placis.* Altero vero parente mortuo jus variat. In omni autem successione, si fortè brevitas causa masculorum tantum mentionem faciemus, memento, me eorum appellatione etiam feminas cognatas complecti. In Hollandia meridionali, ubi antea mero jure Scabinico seu Zelandico utebantur, recepta est in omnibus partibus d. constitutio politica anno 1580. qua constitutio, quantum attinet casum pro-

positum, cautum est, ut altero à parentibus defuncti, de cuius successione agitur, mortuo, parens superstes à successione excluderetur, neu quis alius descendendum, rupto morte unius à conjugibus thoro, ad liberorum suorum successorem venire possit, *art. 22. & 26. de const. pol.* Uti si in cognatione paterna vel materna aut utraque reperirentur, avus & avia ambo adhuc superstes, hi defuncti thui ex eodem latere, eorumque liberis præferantur, *art. 25. d. constit.*

De successione collateralium juxta *d. constit. pol.* hæc ante omnia & in universum tenenda sunt. 7 Primum uno ex primi gradus parentibus defuncti, qui liberos non reliquit, mortuo, sicut parens superstes, alique per hunc parentem adscendentes, à successione remouentur, ita nec ullos laterales per eundem parentem superstitem defuncto conjunctos ad successorem ejus vel in totum vel ex parte venire posse. Secundo mortuo utroque parente, hereditatem tunc dividi in duas æquales partes, quarum alteram paterni, alteram materni ferant; nec considerari, utrum à parte patris, an à parte matris major pars bonorum abvenit. Tertio undantaxat parentum mortuo, totam hereditatem ad eos solos pervenire, qui ei, de cuius successione agitur, per illum parentem mortuum conjuncti sunt. Quarto hinc esse, quod mortuo patre & matre fratres & forores consanguinei, ceterique collaterales ex uno tantum latere defuncto conjuncti, admittantur solum dimidiata seu semiplena manu, ita ut ex utroque latere conjuncti primo semissem totorum bonorum sibi vindicent: deinde alter semis inter eosdem & ex uno latere conjunctos dividatur; qui iisdem contra, uno ex parentibus mortuo, plena manu veniunt, si defuncto conjuncti sint per parentem demortuum. Hæc ita comprehensa sunt declaratione super ordinat. de success. edita anno 1594. Postremo & illud sciendum, quanquam hoc nunc per totam Hollandiam observatur, jus representationis (quod est vetus jus Scabinicum) porrigi tantum in linea transversali ad fratrum & fororum nepotes, & patruorum atque avunculorum filios inclusivè. Ubi notanda insignis inter jus Romanum & hoc nostrum differentia. Nam jure Romano in linea collateralis soli jus representationis habent fratrum filii, nostro etiam fratrum nepotes, & patruorum atque avunculorum filii. Fratrumque præmortuorum filii & nepotes etiam tunc cum soli sunt, non in capita, sed in stirpes jure representationis succedunt. Inter ceteros autem laterales jus Æsdomicum servari, quo jure qui gradu proximior est, ulteriorem excludit, paresque gradu in capita succedunt, *art. 28. d. constit. pol.* Quod autem apud Roterodamenses duobus gradibus ulterius, quam dictum est, jus representationis

extenditur, ex speciali concessione est. Igitur vel utroque parente vel altero deficiente, fratribus & sororibus, & jure representationis filiis eorum ac nepotibus, deferitur hereditas; ut tamen in familia eriscunda, quod ad fratres & deinceps ex uno latere conjunctos attinet, servetur illud discrimen, cuius modo mentio facta, *art. 22. & seq. d. constit. pol.* Si nec fratres nec fratrum filii aut nepotes extent, tum hereditas, uti dictum est, in duas partes secatur, quarum unam laterales paterni accipiunt, alteram materni, *art. 27. d. constit.* Quod si contingat, adhuc avum & aviam simul, sive paternos sive maternos, in vivis esse, hi soli in eo latere, in quo reperuntur, heredes erunt. Sed avo atque avia aut alterutro eorum mortuo, succedunt patrui & avunculi, & jure representationis sive in stirpes etiam eorum filii. In cæteris & remotioribus gradibus jus Æsdomicum servari placet, hoc excepto, quod fratrum pronepotes & deinceps, quamvis quinto aut ulteriore gradu sint, tamen in successione præferantur avo, avia, & qui supra hos sunt adscendentibus: item patruis, avunculis, eorumque liberis. Cæterum in capita, non in stirpes hereditatem partiuntur, ut jam dictum est. Si quid incidere, quod non satis expressè per *d. constit. pol.* decisum videri possit, de eo non ex jure Romano, quod nominatim *d. constitutio* abrogat *art. 19.* sed secundum præcedentia theorematum, & porro ex jure Scabinico in locis, in quibus hoc usurpatum fuit, statuendum erit.

Apud Hollandos autem septentrionales & West-¹⁰frisos, qui ante simpliciter jure Æsdomico utebantur, hæc porro forma succedendi ex placito de success. ab intest. anni 1599. servatur. Mortuo uno ex primi gradus parentibus ejus, de cuius successione agitur, & qui nec liberos reliquit, parens superstes una cum fratribus defuncti, & fratrum filii ac nepotibus, per representationem ad intestati successionem admittuntur, *art. 3. de plac. de success. ab int.* Cumque jure Romano parentes cum fratribus defuncti vocentur in capita, *d. Nov. 118. c. 2.* hic parens superstes in semissem hereditatis venit, alter semis inter ceteros dividitur. Cæterum hic etiam cum parente superstitute admittuntur fratres ex uno latere, modo per parentem præmortuum, defuncto conjuncti, eorumque filii & nepotes; cum jure Romanorum soli concurrant fratres germani eorumque filii, non etiam nepotes, ut supra demonstratum. Quod si defunctus nullos fratres per parentem prædefunctum conjunctos habeat, tunc ad solum parentem superstitem tota successio pertinet, etiam si prædictorum fratrum liberi super sint, aut etiam fratres defuncto conjuncti per parentem superstitem duntaxat. Quod deficientibus fratribus germanis nihilominus cum parente superstitute admitti dicimus fratres ex uno parente conjun-

conjunctos, *aut ex præmortuo*, id quidem verbis finalibus *d. art. 3. placit. de succ. ab int.* parum convenire videtur: sed tamen lite super eare exorta inter patrem superstitem & fratrem defuncti ex præmortua matre, Curia provincialis secundum fratrem pronuntiavit; & appellatione quoque deinde interposita, sententia Curiae à supremo Senatu approbata est. *D. Coren. obs. rer. à sup. Sen. jud. 29.* Ceteri adscendentes demum post fratres eorumque filios & nepotes, uti quisque proximior est, vocantur, idque in capita, *art. 7. d. plac. de succ. ab intest.* Enimvero si defunctus non alios fratres aut fratrum filios nepotesve reliquerit, quæ ex uno tantum latere conjunctos, & ex altero latere avum aut aviam, aut his etiam remotiores adscendentes superstitibus habeat, hoc casu placet prædictos fratres, eorumque filios & nepotes jure repræsentationis succedere in unum semissem tantum: alter semis proximo memoratorum adscendentium attribuitur, si plures sint ejusdem gradus, viritim distribuendus, *art. 6. d. placit.*

Collateralium autem successio sic secundum *d. plac.* procedit. Si neque liberi nec primi gradus parentes extent, fratres fratrumque filii & nepotes (qui hic etiam cum altero parente superstitibus succedunt eo, quo supra diximus, modo) ad universa defuncti bona veniunt, videlicet fratrum filii & nepotes jure repræsentationis, *art. 4. de succ. ab intest.* Fratres germani eorumque filii & nepotes in concursu cum consanguineis & uterinis, gemina divisione, hinc consanguineis, illinc uterinis eorumque filiis & nepotibus, partem auferunt; *d. art. 4.* Quod si vel consanguinei tantum, vel tantum uterini, eorumque filii aut nepotes, cum germanis eorumve filiis aut nepotibus concurrant, tum duo semisses sunt, quorum alter inter fratres vel consanguineos vel uterinos, eorumve filios vel nepotes, & fratres germanos eorumve item filios aut nepotes, dividitur; alterum soli sibi habent germani eorumque liberi quos diximus, utpote qui ex hoc latere nullos alios cohæredes habent, *d. art. 4.* Si fratres germani eorumque liberi primi & secundi gradus deficiant; extent autem fratres consanguinei & simul uterini, aut item utrinque horum filii aut nepotes; hoc casu bona in duas æquales partes dividuntur; quarum una distribuitur consanguineis, & filiis eorum ac nepotibus in stirpes; altera uterinis eorumque item filiis ac nepotibus simili modo in stirpes. Quod si fratres, fratrum filii, aut filiorum filii, qui supersunt, omnes ex uno duntaxat latere defuncto conjuncti sint, tum hi fratres, sive consanguinei sive uterini, eorumque filii & nepotes, per repræsentationem in universa defuncti bona succedunt: nisi fortè avus aviave, aut supra hos alii adscendentes (defuncto per alterum latus juncti) supersint; quo casu placet memoratos fratres,

sive consanguineos sive uterinos, eorumque filios & nepotes, jure repræsentationis admitti in semissem hæreditatis duntaxat: in alterum semissem prædictos avum & aviam aviosve adscendentes pro virilibus portionibus venire, *art. 6. d. placit.* Post fratres omnes eorumque filios ac nepotes ad universam successione defuncti vocantur avus, avia & ceteri adscendentes jure proximitatis atque in capita: quod etiam locum habet, etsi ab una parte avus & avia, ab altera alter tantum supersit: atque ita porro in remotioribus adscendentibus pari gradu defuncto conjunctis, *d. placit. art. 7.*

Adscendentibus quoque cunctis deficientibus, tum proximi descendentes ex fratrum liberis secundi gradus, pronepotes fratrum scilicet & deinceps, qui quinto gradu aut ulteriore sunt, ad omnia bona defuncti veniunt, exclusis cunctis ceteris collateralibus. Succedunt autem non in stirpes, sed in capita; nec quaeritur, utrum progeniti sint ex defuncti fratribus germanis, an consanguineis uterinisve, *art. 8. ad plac.* Ac tametsi qualitas duplicis conjunctionis jure Romano ultra fratres eorumque liberos primi gradus non attenditur, hoc nostro tamen jure finitur demum in fratrum liberis gradus secundi. Post hos vocantur patruus & avunculus in capita, eorumque liberi primi gradus ex repræsentatione, succeduntque in omnia defuncti bona, sine inquisitione, utrum patruus aut avunculus per utrumque parentem patri defuncti juncti sint, an per alterum duntaxat, *art. 9. d. plac.* Si nec patruus nec avunculus extabunt, soli sanguine proximi ad hæreditatem in capita veniunt, nullo item discrimine habito, utrum cognatio procedat à fratribus utrinque, an ex uno latere duntaxat conjunctis. Et convenienter patruus magni & avunculus magni cum consobrinis æqualiter succedunt, *art. 10.* In successione collateralium repræsentationi locus non est, quando omnes, qui ad successionem vocantur, eodem aut pari gradu cognitionis defunctum contingunt, *art. 11. d. plac.* Ceterum si defunctus non alios propiores cognatos reliquerit, quam fratrum filios, & cum his item nepotem nepotesve alterius fratris, filio etiam hujus præmortuo, hoc casu fratrum filii succedunt in capita, nepotes fratris in stirpes seu jure repræsentationis, *art. 12.* Porro nulla in successione in locis commemoratis, ubi viget *d. plac. de succ. ab int.* attenditur, unde aut à qua parte bona profecta sint, neque utrum sint hæreditaria, an ex quaestu aut aliunde obvenerint, *art. d. plac. 13.* Postremo si quid incidens videri possit, *d. constit. de succ. ab intest.* non satis evidenter definitum, id non ad normam juris Aesdonici Scabinicive, aut constitutionis politicæ, (quippe quæ, quod ad successiones ab intestato in prædictis locis atinet, sublata est) sed ad rationem juris scripti Romanorum

noram dirigendum erit, uti nominatim cautum *art. 14. d. constit. de succ. ab int.* Illud etiam sciendum est, prædictas constitutiones DD. Ordinum non alias locum habere, quam si testamentis, pactis antenuptialibus, aliisve modis, expressis *art. 19. & 29. const. pol.* aliter cautum non probetur. Successionibus quoque feudalibus nihil istis constitutionibus derogatum est: proinde in feudis antiqua & propria natura succedendi etiam nunc sequenda erit, de qua tractatum scripsit D. Neostadius piæ memoriæ, supremæ apud nos Curie quondam Senator. *add. D. Hug. Grot. introduct. ad Jurispr. Bata. lib. 2. cap. 41.*

TITULUS VI.

D. lib. 38. tit. 10.

De gradibus cognationum.

TEXTUS.

Continuatio, & Cognationis divisio.

Hoc loco necessarium est exponere, quemadmodum gradus cognationis numerentur. Quare in primis admonendi sumus, cognationem aliam supra numerari, aliam infra, aliam ex transverso, que etiam à latere dicitur. Superior cognatio est parentum: inferior liberorum: ex transverso fratrum sororumve, & eorum, qui quæve ex his generantur: & convenienter patru, amite, avunculi, matertera. Et superior quidem & inferior cognatio à primo gradu incipit: at ea, que ex transverso numeratur, à secundo.

COMMENTARIUS.

1. *Causa, ob quas cognationum gradus nosse oporteat: & cur seriem generationum, gradus Jurisconsulti vocitent.*
2. *Qua serie gradus numerentur tum in cognationis linea recta, tum in laterali.*



On unam ob causam Jurisconsultus cognationum gradus nosse debet: nam & legitimæ hæreditates & tutelæ ad proximum quemque agnatum redire consueverunt, & edicto prætor proximo cuique cognato dat bonorum possessionem, *l. ult. in pr. de grad. & affin. &*

jure novissimo ab intestato tam ad hæreditatem, quam ad tutelam cognati omnes, id est, non tantum agnati, sed etiam cæteri cognati, servata gradus prærogativa, vocantur. *No. 118. c. 4. & 5.* Præterea lege publicorum judiciorum contra certi gradus cognatos inviti testimonium dicere non cogimur, *l. 4. de test. d. l. ult. de grad. & affin.* Sed & propter nuptias distinctio graduum cognationis cognoscenda est, maxime post jus Canonicum, quod hic diversa à jure civili dinumeratione uti coepit: quam differentiam, eo quod in causis matrimonialibus duntaxat etiam in foro Ecclesiastico servatur, supra exposui ad *§. 4. de nupr.* Primus autem & potissimus hujus disputationis usus jure civili in hæreditatibus cernitur: atque ob hanc causam ait Imperator, necessarium esse hoc loco exponere, quomodo gradus cognationum numerentur. Itaque proposita primum divisione cognationis respectu linearum, in quibus gradus collocantur, gradus ipsos deinde specialiter enumerat, eorumdemque numerandorum rationem hoc titulo ostendit. Gradus Jurisconsulti *γενεαλογικὰς* vocant ipsam generationum seriem, quod alii ab aliis, quasi gradibus quibusdam orientur. Gradus, inquit Paulus, dicti sunt à similitudine scalarum, locorumve proclivium, quos ita ingredimur, ut à proximo in proximum, id est, in eum, qui quasi ex eo nascitur, transeamus, *d. l. ult. §. gradus 10. de grad. & affin.*

Aliam supra, aliam infra, aliam ex transverso Linea graduum cognationis duplex est; una recta & perpendicularis, altera transversa sive lateralis: illa vel est superior, in qua sunt parentes, id est, omnes adscendentes; vel inferior, in qua liberi, id est, descendentes: hæc eorum est, qui ex latere veniunt, fratrum scilicet & sororum, & qui ex his generantur, item patruorum &c. Estque vel æqualis, in qua latera utrinque coeunt, quæ scilicet eorum est, qui pari gradu distant à communi parente: vel inæqualis, cum alter est remotior, ut patruus & fratris filius. Recta linea & sursum & deorsum initium capit à primo gradu: transversa autem incipit à gradu secundo, *l. 1. §. 1. l. si unum de grad. & affin. & hoc text. in fin.* Ut ecce, pater recta generat filium; filius recta generatur à patre: & ita deinceps adscendendo aut descendendo progrediendum, totidemque gradus numerandi, quot sunt generationes. Lateralis autem cognatio ex alio originem trahit, quam de cujus hæreditate agitur puta fratris ex patre aut matre, patru & avunculi ex avo & avia: nam frater, verbi causa, à fratre non generatur, sed ut ortu utriusque auctor est communis parens, ita & conjunctio eorum ab eo pendet. Itaque quamvis gradus semper numerentur per generationes, id tamen in cognatione laterali si serie nonnihil diversa. Etenim

eum à latere ad latus perveniri non possit, nisi per eum transeas, à quo veluti communi limite utrumque latus descendit, necesse est primum ut ab eo, de cuius cognatione quaeritur, ad communem cognationis auctorem, *ἐπὶ τὸ ἑνὸς συγγενεῖς αὐτοῦ πρῶτον*, ut Theoph. *de legit. agn. succ. in princ.* sursum progrediare, & inde rursus deorsum ad alterum; de quo & ipso quaeritur. Quamobrem si quaeratur, frater quoto gradu à fratre distet, primum ab uno fratre adscendendum est ad caput utriusque, patrem scilicet; deinde descendendum ad alterum fratrem, & comperiemus fratres duobus gradibus inter se distare: ut ecce, ego genitus à patre meo; hic habes unum gradum. Id. pater meus genuit Titium fratrem meum; hic habes alterum. Pari ratione, si quaeras quoto gradu patruus tuus tibi conjunctus sit, adscende primum ad avum vestræ cognationis communem limitem: deinde iterum descende ad ejus filium qui est patruus tuus, & reperies eum tibi conjungi tertio gradu cognationis. In remotioribus longiori circuitu opus est: eadem tamen proportio servatur: numeram enim generationes, & gradus numeraveris. Atque hæc est perspicua, germana, ipsique naturæ prorsus consentanea graduum numeratio.

T E X T U S.

De 1. 2. & 3. gradu.

1. Primo gradu est supra pater, mater: infra filius, filia. 2. Secundo gradu supra avus, avia: infra nepos, neptis: ex transverso frater, soror. 3. Tertio gradu supra proavus, proavia: infra pronepos, proneptis: ex transverso fratris sororisque filius, filia: & convenienter patruus, amita, avunculus, matertera. Patruus est patris frater, qui Græcis πατράδελφος appellatur. Avunculus est frater matris, qui Græcè μητράδελφος dicitur, & uterque promiscuè δεῖνα appellatur. Amita est patris soror, quæ Græcè πατράδελφη appellatur, Matertera vero matris soror, quæ Græcè μητράδελφη dicitur: & utraque promiscuè δεῖνα appellatur.

C O M M E N T A R I U S.

In his §§, nihil est quod interpretem desideret. Nomina Græca, quæ hic addita, non sunt apud Gajum l. 1. §. 3. & 2. seqq. de grad. & affn. & quædam et-

iam desunt, quæ aliter leguntur in aliis editionibus. Pro πατράδελφος & μητράδελφος apud Cujac. Hotoman. Cont. Wesemb. legitur πατρός & μητρός, quomodo & Theophilus habet. Illa autem πατράδελφη & μητράδελφη non agnoscunt: nec satis Græca sunt: quoniam Græci non solent composita efferre terminatione scæminina: & disertè Pollux in διομασικῶ scribit, τὸ πατρός ἀδελφῶν πατράδελφον, τὸ μητρός μητράδελφον appellari, Θεία & δεῖνα communia nomina esse constat, quibus promiscuè fratres & sorores tam patris quam matris appellantur. In calce §. 3. inter δεῖνα & appellatur, in nonnullis editionibus interpositum est, quæ etiam πτῶς, quod interferit etiam Theophilus, quamvis fortassis de suo, ut paraphrastes. Plane Polluci πτῶς est ἡ μητράδελφος. Hesychio & Suidæ δεῖνα, tam patris quam matris soror, sed apud hos legitur πτῶς. Fratris sororisque filii & filię speciale cognationis nomen apud Romanos non habent, l. ult. §. tertio 1. de grad. & affn. Apud Græcos habent, & eleganter fratris filius ἀδελφίδης, filia fratris ἀδελφιδῆ vocatur. Erasmus & Valla ἀδελφίδης patruelus vertunt: quo nomine rectè notantur à D. Giphanio. Æacus Plutonis ἀδελφίδης apud Lucianum, Jovis & Æginæ filius. Fratrueles. Gloss. gr. lat. ἀδελφίδης, fratrueles, fratris filius, vel fraternus.

T E X T U S.

Quartus gradus.

4. Quarto gradu supra abavus, abavia: infra abnepos, abneptis: ex transverso fratris sororisque nepos neptisve: & convenienter patruus magnus, amita magna, id est, avi frater & soror: item avunculus magnus & matertera magna, id est, avia frater & soror: consobrinus, consobrina, id est, qui quæve ex sororibus aut fratribus procreantur. Sed quidam rectè consobrinos eos propriè dici putant, qui ex duabus sororibus progengerantur, quasi consororinos: eos vero, qui ex duobus fratribus progengerantur, propriè fratres patruelus vocari. Si autem ex duobus fratribus filia nascuntur, sorores patruelus appellari. Adeos, qui ex fratre & sorore progengerantur, amitinos propriè

duci

dici putant. Amita tua filii consobrinum te appellant, tu illos amitinos.

NOTA.

4. QUIDAM RECTE CONSOBRINOS, &c.] Qui quæve ex duobus fratribus nati natæve sunt, fratres & sorores patruales propriè appellantur; qui quæve ex duobus sororibus, consobriini consobrinaeque, quasi consororini; qui quæve ex fratre & sorore, amitini & amitinae, l. 1. §. 6. l. ult. §. 11. b. tit. ubi tamen J Cti testantur hos omnes à plerisque communi appellatione consobrinos vocari.

COMMENTARIUS.

Hæc quoque sunt perspicua quoad rem ipsam. Illud tantum notandum, quod tum qui ex duobus fratribus, tum qui ex duobus sororibus, item qui ex fratre ex sorore nati sunt, propriis quidem nominibus distinguuntur, sed quorum plerisque vulgo promiscue utimur. Nam & qui quæve ex duobus fratribus nati natæve sunt, fratres & sorores patruales propriè appellari; qui quæve ex duobus sororibus, consobrinos consobrinæque, quasi consororinos; qui quæve ex fratre & sorore, amitinos & amitinas dici tradunt Gajus l. 1. §. quarto. 6. & Paul. l. ult. §. quarto 15. de grad. & affin. ubi tamen hos omnes à plerisque uno communi nomine consobrinos vocari testantur: quemadmodum apud Belgas quoque hi omnes dicuntur *Susterlingen*. quod respondet τῶν *consobrinini*. Et quamvis amitini nunquam inter se duo sint, quoniam qui alteri amitinus est, is ab eo consobrinus nominatur, ut in *fin. hujus* §. etiam Justinianus indicat: tamen ex sorore & fratre natos mutuo amitinos quoque dici significant. Ex quo hoc etiam apparet, consobrinorum nomen non posse restringi ad solos duarum sororum liberos: nam avunculi filium non alio noming propriè appellare possum, quam consobriini. In lege Pompeja de patriciis appellatione patruium videntur significari fratres & sorores consanguinei, matruelium uterini, l. 1. de parricid. nec enim potes illo loco patruelem & matruelem consobrinos interpretari cum Bachovio, tum quia non debent consobriini præponi patruo & avunculo; tum etiam, quia eodem loco post patruum & avunculum collocantur consobrinus & consobrina, ut bene observavit D. Cujac. 6. obs. 17. ubi refert, etiam Græcos patruelem interpretatos ἀμφότερον, fratrem sororemque consanguineos, matruellem ἀμφότερον, fratrem sororemque uterinos. Itaque & qui ex duobus fratribus orti sunt, fratres patruales rectè appellabimus, & ipsos quoque fratres consanguineos: illos, quod per patres conjungantur; hos, quod eundem patrem habeant. Idemque sentio de fratribus matruelibus.

TEXTUS.

Quintus gradus.

5. Quinto gradu supra atavus, atavia: infra atnepos, atneptis: ex transverso fratris sororisque pronepos, proneptis: & conveniēter propatruus, proamita; id est, proavi frater & soror: & proavunculus & promatertera, id est, proavia frater & soror: item fratris patruelis, vel sororis patruelis, consobriini & consobrina, amitini & amitina filius, filia: propior sobrino, propior sobrina. Hi sunt patrui magni, v-mita magna, avunculi magni, matertera magna filius, filia.

NOTA.

5. PROPIUS SOBRINO] Dicitur & propior sobrino, d. l. 1. §. ult. l. ult. §. 16. Vers. persona, eod. & propior sobrinus, l. 2. C. unde leg. Græci ἀμφότερον appellat in l. 2. C. comm. de success.

COMMENTARIUS.

Propior sobrino] Propior sobrino, sobrina, & propius sobrino, sobrinæ; item propior sobrinus, sobrina, & propius sobrinus, sobrina, rectè omnino do dicitur, l. 1. §. ult. l. ult. §. quinto. 16. Vers. persona, de grad. & affin. l. 2. Cod. unde leg. Paul. 4. sent. 11. Festus in verbo propius. Usitatus tamen est propior sobrino, pro quo Tacitus 12. annal. 64. dixit sobrino prior. Lepida, inquit, minore Antonina genita, avunculo Augusta, Agrippina sobrina prior, &c. parem sibi claritudinem credebat. Neque enim necesse est, ut cum Cujacio & Giphanio pro prior legamus propior; nam utrique voculæ eadem vis, ut bene Lipsius. Est autem propior sobrino, sobrina, patris ejus, de cujus cognatione quaeritur, consobrinus, consobrina, d. l. 1. §. ult. & l. 2. eod. cui vicissim ille est consobriini filius, d. l. 1. §. ult. & hoc text. Sic Lepida cum esset Germanico, patri Agrippinæ, consobrina, (nam ab Agrippina vocata est sobrina propior) Agrippina illi consobriini filia. Verum ut confusa est utrinque amitini & consobriini appellatio, ita factum arbitror, ut propiori sobrino ego etiam vocer propior sobrinus, l. 2. C. unde leg. Fest. d. loc. ubi ait, propius sobrino mihi esse consobriini mei filium & patris mei consobrinum.

TEXTUS.

T E X T U S.

Sextus gradus.

6. *Sexto gradu supra tritavus, tritavia: infra trinepos, trineptis: ex transverso fratris sororisque abnepos, abneptis: Et convenienter ab patruus, ab amita, id est, ab avi frater Et soror: ab avunculus, ab matertera, id est, ab avie frater Et soror: item propatruus, pro amita, pro avunculus, pro matertera filius, filia: item propius sobrinus, sobrinave filius, filia: item consobrinus, consobrina nepos, neptis: item sobrinus, sobrina, id est, qui quæde ex fratribus vel sororibus patruelibus, vel consobrinis, vel amitinis progeniuntur.*

C O M M E N T A R I U S.

[*Item propius sobrinus sobrina &c, filius filia*] Hæc verba omnino inducenda sunt, ut superflua. Et enim filii & filiae propioris mei sobrinus & sobrina, aut sunt mihi nepotes ac neptes consobrinus & consobrina, aut ipsi mihi sobrinus & sobrina: quorum utrorumque mox fit mentio. Hoc autem dempto cætera recte habent: neque aut plura demere cum Cujacio, aut ordinem mutare cum Hotomanno aut Wesembecio necesse est. Omnino enim male Gothofredus verba ista retinuit, illa autem, *item consobrinus, &c.* expunxit.

[*Item consobrinus, consobrina nepos, neptis*] Hotomannus ex Gajo l. 2. de grad. Et affin. sic restituit; *Item fratris patruelis, sororis patruelis, consobrinus, consobrina, amitinus, amitina nepos, neptis.* Nulla tamen necessitate: quoniam, ut supra notatum est, generaliter consobrinorum appellatione patruelos quoque & amitinos continentur.

[*Qui quæde ex fratribus patruelibus*] Sobrinorum nomina, ut patruelium & consobrinorum, inter se referuntur, ut qui mihi sobrinus est, ego ei vicissim sim sobrinus. Ne quis igitur ex hoc loco existimet, fratris patruelis, &c. filium sobrinum dici. Sententia enim Imperatoris hæc est, utrinque sobrinos dici eos, qui ex duobus patruelibus, ex amitino & consobrinis, ex duobus item consobrinis nati sunt: quos nos *achterfusters kinderen* vocamus. Hoc gradu propria cognationis nomina designant, l. ult. §. ult. de grad. Et affin.

T E X T U S.

Dereliquis gradibus.

7. *Haecenus ostendisse sufficiat, quemadmodum gradus cognationis numerentur. Namque ex his palam est intelligere, quemadmodum ulteriores quoque gradus numerare debeamus: quippe semper generata persona gradum adicit: ut longe facilius sit respondere, quoto quisque gradu sit, quam proprie cognationis appellatione quemquam denotare.*

N O T A.

7. *GENERATA PERSONA GRADUM ADICIT*] Id est, unaquæque generatio gradum facit. Itaque ex numero generationum constituendus erit numerus graduum. Jus autem Canon. alia denominatione utitur in linea transversa; quæ tamen in causis matrimonialibus duntaxat servatur, &c. ad sedem, & parentela. c. 35. q. 5.

C O M M E N T A R I U S.

[*Generata persona gradum adicit*] Quantum numerus generationum, tantumdem excrescit numerus graduum. Quippe unaquæque generatio gradum facit. Et ideo in quavis quaestione proposita videndum, quot inter utramque personam generationes extiterint, atque ex earum numero constituendus erit numerus graduum.

T E X T U S.

De gradibus agnationis.

8. *Adgnationis quoque gradus eodem modo numerantur.*

C O M M E N T A R I U S.

[*Ecce Hotomannus hunc locum sic interpretatur,* non quasi Justinianus dicere voluerit, agnationis gradus eodem modo numerari, sicut cognationis: tam enim agnatorum, quam cognatorum hætenus mentio facta: sed hoc, etiam agnationis gradus eadem, quam modo dixit, ratione crescere, nimirum ut semper persona generata adjiciat gradum.

T E X T U S.

De graduum descriptione.

9. *Sed cum magis veritas oculata fide, quam per aures animis hominum insigatur: ideo necessarium duximus, post nar-*

rationem graduum, eos etiam presenti libro scribi, quatenus possint & auribus & oculorum inspectione adolescentes perfectissimam graduum doctrinam adipisci.

COMMENTARIUS.

Rei cujusque cognitio certius ex oculorum sensu, quam aurium percipitur. Cujus rei rationem Aristoteles *αὐτὸς αἰσθάνων* hanc affert, quod aspectus per se ac vi sua, nulliusque alterius opera percipit; auditus vero per accidens & opera aliena. Sane quia quæ videmus in propinquo sunt, ideo ea nos magis afficiunt, quam quæ audimus, quæ absunt fere, & ideo non ita movent. Poëta in arte;

Segnius irritant animos demissa per aurem,

Quam qua sunt oculis commissa fidelibus.

Hoc Candaules credidit; & in Gyge cum amissione regni expertus est, quæ oculis hauriuntur, celerius ad animum accedere, quam quæ aurium via manant. Polyb. 12. *ὁ φθελμοὶ τῷ ὣταν ἀκροῖσται ἐπὶ μάρτυ-*

Præsenti libro scribi] Hæc graduum cognationis descriptio periit temporum injuria. Sed nullo negotio similis delineari & in tabula representari potest: quod cum etiam à plerisque factum sit, quorum commentarii in manibus candidatorum juris versantur, nobis nihil opus est, hic item tabulam aliquam exhibere.

TITULUS VII.

D. lib. 38. t. 2. C. lib. 6. t. 4.

De servili cognatione.

TEXTUS.

Illud certum est, ad serviles cognationes illam partem edicti, qua proximitatis nomine bonorum possessio promittitur, non pertinere: nam nec ulla antiqua lege talis cognatio computabatur. Sed nostra constitutione, quam pro iure patronatus fecimus, (quod jus usque ad nostra tempora satis obscurum atque nube plenum, & undique confusum fuerat) & hoc humanitate suggerente concessimus, ut si quis in servili constitutus consortio, liberum vel liberos habuerit, sive ex libera si-

ve ex servilis conditionis muliere: vel contra serva mulier ex libero vel servo habuerit liberos cujuscunque sexus; & ad libertatem his pervenientibus, ii qui ex servili ventre nati sunt, libertatem meruerint, vel dum mulieres libera erant, ipsi in servitute eos habuerint, & postea ad libertatem pervenerint, ut hi omnes ad successionem patris vel matris veniant, patronatus jure in hac parte sopito. Hos etenim liberos non solum in suorum parentum successionem, sed etiam alterum in alterius successionem mutuam vocavimus ex illa lege specialiter eos vocantes, sive soli inveniantur, qui in servitute nati & postea manumissi sunt, sive una cum aliis, qui post libertatem parentum concepti sunt: sive ex eodem patre, sive ex eadem matre, sive ex aliis nuptiis; ad similitudinem eorum, qui ex justis nuptiis procreati sunt.

NOTÆ.

LIBERUM VEL LIBEROS] *Liberum*, numero unitatis, & *sup. §. 2.* per quas perf. Satis erat dicere, *liberos habuerit*, l. 148. de Verb. sign.

SIVE EX ALIIS NUPTIIS] Vide comm. etiam Cujac. & Hotom. *qualicunque copulatione*. Sed tamen nati ex nefario & damnato coitu succedere nequeunt.

COMMENTARIUS.

Notant fere recentiores omnes, in plerisque que manuscriptis & in Græca paraphrasi hunc locum nullam novam inscriptionem habere; sed coherere titulo præcedenti: cujus etiam partem esse arguit collatio ordinum & graduum, quæ hoc eodem loco instituitur. Sed agerem ipsam videamus. Erimus autem tum in hujus, tum in sex proxime seqq. tit. explicatione solito breviores, ne nimium hoc opus excrescat curiosa translatione earum rerum, quæ nullum aut perexiguum usum nunc habeant.

Ait, neque edicti prætoris eam partem, qua bonorum possessio cognatis deferretur, neque legem ullam anti-

antiquam ad cognationes serviles pertinere. Ex *Ulpian. l. 1. §. 2. unde cogn. & Paul. l. ult. §. non paricimus §. de grad. & affin.* Quod sic intelligendum est, non pertinere edictum aut leges antiquas ad servorum cognationem etiam postquam manumissi sunt: nam quamdiu servitutem servant, nec successiorem habere possunt, nec ipsi alteri succedere, *l. 4. Cod. commun. de success.* neque novi juris quæ sequitur constitutio ad servos, quamdiu in servitute manent, pertinere potest.

Nec ulla antiqua lege talis cognatio] In causa videlicet successione, de qua hic agitur. Nam in nuptiis etiam jure antiquo servilis cognationis ratio habetur, nuptiisque impedimento est, si forte pater & filia, frater & soror, manumissi fuerint, *§. illa sup. de nupt. l. adoptivus l. 4. §. 2. & 3. de rit. nupt.* Quo loco etiam diversi juris ratio indicatur, hæc nimirum, quod in contrahendis matrimoniis naturale jus & pudor inspicitur. In successione autem naturalis servorum cognatio insuper habita fuit, *d. l. ult. §. non paricimus §. de grad. & affin.* Itaque si verbi causa, ancilla cum liberis, quos in servitute peremerat, manumissa fuerat, neque liberi ex Senatusconsulto Orficiano ad hæreditatem defunctæ matris, neque mater ex Senatusconsulto Tertulliano ad hæreditatem liberorum, & neque hæc neque illi ad bonorum possessionem ex parte edicti unde cognati proximi, vocabantur: licet inter matrem & vulgo quæsitos i vicem capiendæ hæreditatis & accipiendæ bonorum possessionis jus esset.

Sed nostra constitutione] Desideratur hæc constitutio. Epitomen ejus in membranis quibusdam Latine expressam, atque à se repertam, Cujacius exhibet *lib. 20. observ. 34.* in qua tamen epitome tantum jura patronatus deficiunt. Eodem loco representat ex Basilicis constitutionem Græcam, quam putat esse integram hanc Justiniani. Sane Græce scriptam fuisse testatur ipse Justinianus, *§. 3. seq. tit.*

Humanitate suggerente] Etsi servilis cognationis, quamdiu durat servitus, in causa successione ratio haberi non potest: potest tamen servitute sublata. Atque adeo plenum humanitatis est, tunc in hac etiam causa cognationem illam naturalem spectari.

Ut hi omnes ad successionem] Igitur hac constitutione Justiniani nati ex servis ancillisque, si parentibus manumissis ipsi quoque manumissi sint superstitēs, eis ab intestato succedunt, exclusi patronis, à quibus ipsi antea excludebantur.

Alterum in alterius successionem mutuum] Ita ut non solum parentibus, sed etiam ipsi manumissi fratres & sorores inter se succedant. Quod tamen ego sic accipiendum esse existimo, si, quod multis modis accipere potest, patronus deficiat. Nam li-

beris non extantibus, expresse statim patronum ad liberti intestati successionem ipse Justinianus vocat, idque eadem constitutione, quam hic significat, *d. §. 3. vers. sin autem, tit. seq.* Quamvis sane fratres patrono præferendos arguat, *l. 2. C. ad Senat. cons. Tertyll.* Sed non est eadem ratio patris & filii emancipati, quæ liberti proprie dicti & patroni: utique postquam fratres in successione patri prælati sunt, *l. 4. C. de bon. qua lib. l. ult. C. commun. de success.* ad quod jus Tribonianus *d. l. 1.* interpolando conformavit.

Si soli inveniantur.] Quare non modo qui nati in servitute postea manumissi sunt, inter se ab intestato succedunt, sed etiam cum aliis, qui post parentum libertatem nascuntur.

Si ex aliis nuptiis] Verbum *nuptiis* tollendum esse censent Cujac. Cont. Hotom. Giphani auctoritate quorundam manuseriptorum & Theophili, apud quem tantum est, *ἢν ἐκ διαφύων.* Ut horum verborum *sive ex aliis* hic sit sensus, sive ex alio & diverso patre, sive ex alia seu diversa matre. Sed contra hos insurgit Bachovius, & maxime in Cujacium. Ego in hac eorum lite Palæmon.

TEXTUS.

Collatio ordinum & graduum.

1. Repetitis itaque omnibus, quæ jam tradidimus, apparet non semper eos, qui parem gradum cognationis obtinent, pariter vocari: eoque amplius ne eum quidem, qui proximior sit cognatus, semper potiores esse. Cum enim prima causa sit suorum hæredum, & eorum, quos inter suos hæredes enumeravimus, apparet, pronepotem vel abnepotem defuncti potiores esse, quam fratrem aut patrem aut matrem defuncti: cum alioqui pater quidem & mater (ut supra quoque tradidimus) primum gradum cognationis obtineant, frater vero secundum, pronepos autem tertio gradu sit cognationis, & abnepos quarto. Nec interest, in potestate morientis fuerit, an non, quod vel emancipatus, vel ex emancipato aut femineo sexu propagatus est. Amotis quoque suis hæredibus, & quos inter suos hæredes

vocari diximus, adgnatus, qui integrum jus habet adgnationis, etiamsi longissimo gradu sit, plerumque potior habetur, quam proximior cognatus. Nam patru nepos vel pronepos avunculo vel matertera præfertur. Toties igitur dicimus, aut potio rem haberi eum, qui proximio rem gradum cognationis obtinet, aut pariter vocari eos, qui cognati sunt; quoties neque suorum heredum quique inter suos heredes sunt, neque adgnationis jure aliquis præferri debeat, secundum ea, quæ tradidimus: exceptis fratre & sorore emancipatis, qui ad successionem fratrum vel sororum vocantur: qui etsi capite diminuti sunt, tamen præferuntur ceteris ulterioris gradus adgnatis.

NOTA.

EXCEPTIS FRATRE ET SORORE EMANCI-
PIS.] Ex constitutione Anastasii §. 1. *sup. d. rit.* item sorore uterina & sororis consanguineæ sive uterinae filius & filiabus, §. 4. *sup. de leg. agn. succ.* Hodie adgnatorum & cognatorum jura confusa sunt, *No. 118.* ubi Just. tres novos ordines succedentium fecit. 1. Descendentium, qui reliquos omnes excludunt; in quo ordine graduum ratio non habetur. 2. Ascendentium; sed horum proximi tantum vocantur: & cum iis admittuntur etiam fratres ex utroque parente conjuncti; & horum quoque fratrum filii concurrentes cum fratribus, non autem si soli sint, ex *No. 127. 3.* Lateralium, quorum soli quoque proximi vocantur, nisi quod fratrum germanorum filii jure representationis simul cum patris & avunculis suis veniunt, & patris avunculisque defuncti, ejusque fratribus ex uno duntaxat latere conjunctis præferuntur, his jure plenioris sanguinis, illis jure quadantenus descendentium; quæ de supra explicatum est diligentius.

COMMENTARIUS.

Hic locus ad ea omnia, quæ hæcenus hoc libro tractata sunt, generaliter pertinet. Summa est, duas esse succedentium prærogativas, unam in ordine, alteram in gradu: illius autem quam hæc potio rem rationem esse; in tantum ut qui ordine præcedit, licet gradu sit posterior, præferatur ei, qui est posterior ordine, quantumvis gradu prior.

Proneporem vel abnepotem, &c. quam fratrem, patrem, matrem.] Conferuntur hic sui & qui suo

rum numero sunt cum legitimis; qui cum illis concurrere nunquam possunt, propter prærogativam ordinis suorum. Sed si sui inter se conferantur, hic qui gradu proximior est, puta filius, remotiorem, puta nepotem, non excludit. Nam jus representationis & successio in locum patris facit, ut nepos non videatur remotior.

Amotio quoque suis heredibus, agnatus etiamsi longissimo gradu, &c.] Agnati quoque & ceteri legitimi successores, collati cum cognatis, præferuntur non ex prærogativa gradus, sed ordinis: nam cognati demum tertio loco vocantur, *sup. de succ. cogn. in pr.* Verum inter agnatos ipsos spectatur prærogativa graduum; quoniam in hoc ordine representatio locum non habet, extra quam quod novissimo jure introductum est, *No. 118. c. 3.* si fratrum filii cum patris concurrant. Ceterum revolve, quæ tradita *s. de leg. agn. succ.* item de Senatusconf. Tertulliano §. 3. & seqq. quæ hic inculcare non lubet. Hodie agnatorum & cognatorum jura confusa sunt, *d. No. 118.* ubi Justinianus tres novos ordines succedentium fecit, unum descendentium, alterum adscendentium, tertium collateralium. Descendentes reliquos omnes excludunt; neque inter eos gradus prærogativa servatur. Cum adscendentibus admittuntur fratres ex utroque parente conjuncti eorumque filii, ceteri laterales ab iisdem excluduntur: inter ipsos autem succedunt tantum proximi, *d. No. 118. c. 2. & No. 127.* Lateralium quoque proximi solum vocantur, nisi quod fratrum germanorum filii jure representationis simul cum patris & avunculis suis veniunt, & patris avunculisque defuncti, ejusque fratribus ex uno duntaxat latere conjunctis præferuntur, his jure plenioris sanguinis, illis jure quadantenus descendentium; quæ de supra explicatum est diligentius.

TITULUS VIII.

D. lib. 38. t. 2.

De successione libertorum.

Ratio ordinis, & summa tituli.



Uc usque differit de successione ingenuorum: sequitur nunc de successione libertorum, id est, de jure succedendi in bonis libertorum. Vox enim successionis hic non active, ut in præcedentibus, sed passive accipitur, non qualibet succedit alii; sed qua ipsi liberti succedunt. Circa hæreditates libertorum miræ extitit juris varietas. Aliud lege 12. tabularum constitutum fuit; aliud prætores introduxerunt: quod autem postea lege Papia: postremo aliter hanc causam definivit Justinianus: quæ singula hic ordine referuntur & explicantur.

Textus

TEXTUS.

Qui succedunt. De lege 12. Tabb.

Nunc de libertorum bonis videamus.

Olimitaque licebat liberto patronum suum impune testamento praterire: nam ita demum lex duodecim tabularum ad hereditatem liberti vocabat patronum, si intestatus mortuus esset libertus, hærede suo nullo relicto. Itaque intestato mortuo liberto, si is suum hæredem reliquisset, Patrono nihil in bonis ejus juris erat. Et siquidem ex naturalibus liberis aliquem suum hæredem reliquisset, nulla videbatur querela: si vero adoptivus filius fuisset, aperte iniquum erat, nihil juris patrono superesse.

COMMENTARIUS.

1. Legem 12. tabb. non alio jure patronum censuisse, quam agnatorum.
2. Cur magis iniquum esset, patronum ab adoptivis excludi, quam patrem, fratrem &c.

Nam ita demum lex 12. tabb.] Argumentum ex contrariis, quo probat jure antiquo 12. tabb. licuisse liberto testato decedenti patronum impune praterire. Collectio hæc est; Lex 12. tabularum patronum nominatim vocat ad hereditatem liberti intestato mortui: ergo in bonis liberti testato mortui nullum jus patronum habere voluit, si videlicet testamento prateritis nihilve ei relictum sit.

Hærede suo nullo relicto] Intestato liberto mortuo lex duodecim tabularum primum suis hæredibus desert hereditatem: si hi non fuerint, tunc patrono. Ulp. l. 3. in pr. de suis & leg. & in fragm. tit. 27. & tit. ult. in pr. ubi sic scribit; Cuius Romani liberti hereditatem lex duodecim tabularum patrono desert, si intestato sine suo hærede libertus decesserit. Ideoque si testamento facto decedat, licet suus hære ei non sit, seu intestato, & suus hære ei sit, quamvis non naturalis, sed uxor, puta qua in manu fuit, vel adoptivus filius, lex patrono nihil præstat. Hinc vero apparet, legem non alio jure patronum censuisse, quam agnatorum, qui & ipsi ab intestato post suos hæredes vocantur, & testamento prateriri possunt. Quod autem primo loco & solum post suos hæredes patronum lex vocat, mirum non est; quoniam liberti agnatos non habent,

Si adoptivus filius, aperte iniquum] Patronum à liberti liberis naturalibus, id est, procreatis iusto matrimonio, excludi, indignum visum non est: at iniquum visum, eundem excludi etiam ab adoptivis & adscititiis. Cur vero inquis in patrono id minus ferendum fuit, quam in patre, matre, fratribus, sororibus reliquisque agnatis & cognatis, quibus omnibus filium adoptivum in hereditate ingenui præferri constat? Putat D. Hotomannus, prætorem ideo plus juris patronis in bonis libertorum concessisse, ne aliqui duras nimis conditiones libertis suis in præstanda libertate imponent, arg. l. 1. de bon. libert. Sed & illud duriusculum visum, posse patronum per quemvis hærede testamento liberti scriptum repelli. Cæterum erat hoc consequens liberæ testandi facultati lege duodecim tabularum civibus omnibus data.

TEXTUS.

De jure prætorio.

1. *Qua de causa postea prætoris edicto hæc juris iniquitas emendata est. Sive enim faciebat testamentum libertus, jubebatur ita testari, ut patrono partem dimidiam bonorum suorum relinqueret: & si aut nihil aut minus parte dimidia reliquerat, dabatur patrono contra tabulas testamenti partis dimidia bonorum possessio. Sive intestatus moriebatur, suo hærede relicto filio adoptivo, dabatur æque patrono contra hunc suum hærede partis dimidiæ bonorum possessio. Prodesse autem liberto solebant, ad excludendum patronum, naturales liberi, non solum quos in potestate mortis tempore habebat, sed etiam emancipati & in adoptionem dati, si modo ex aliqua parte scripti hæredes erant, aut præteriti contra tabulas bonorum possessionem ex edicto prætorio petierant. Nam ex hæredati nullo modo repellebant patronum.*

NOTÆ.

1. DIMIDIAM BONORUM] Non tamen admitterebatur patronus contra ea bona liberti, quæ in caltris quaesita, l. 3. §. 6. de bon. libert.

ÆQUE PATRONO DABATUR, & C. HONOR. POSSESSIO] Th. *agatur idem* contra tabulas. Sed aut somniavit, aut corruptus est. Qui enim contra tabulas liberto intestato mortuo?

SI MODO EX ALIQUA PARTE SCRIPTI] Hæc clausula pertinet ad datos in adoptionem.

EXHAEREDATI NULO MODO, & C.] Intel- lige, nisi per querelam testamentum, ut inofficio- sum, evertissent.

COMMENTARIUS.

PRÆTOR duo mutavit. Primum testandi licentiam in liberto coërcuit, iussitque libertum ita testari, ut patrono non minus parte dimidia bonorum relin- queret, data patrono partis dimidiæ bonorum contra tabulas possessione, si aut nihil, aut minus parte di- midia ei relictum esset. Cæterum quod hic simpli- citer scriptum est, id hanc habet exceptionem, nisi libertus liberos naturales, sive suos, sive emancipatos (nam liberi adoptivi jure prætorio non plus juris contra patronum habent, quam extranei) hæredes instituerit: quippe à quibus & non factio testamen- to patronus excluderetur. *Ulp. d. tit. ult. in pr.*

— *Sive intestatus relicto filio adoptivo*] Hoc alte- rum est, quod in hac causa mutavit prætor. Nam lex 12. tabularum etiam adoptivo filio suo hærede existente patronum in totum ab hæreditate liberti intestato mortui excluderat. Edicto vero prætoris ex parte dimidia admittitur.

Et in adoptionem dati] Liberi naturales in ad- optionem dati, quamdiu in familia adoptiva sunt, quasi liberi ad bona patris naturalis non admittun- tur, sed tantum ex ea parte edicti veniunt, qua vo- cantur cognati, §. *at hi 10. & §. 12. cum seq. sup. de har. qua ab int.* Patronum igitur excludere non potuerunt, nisi testamento hæredes scripti; ac pro- inde clausula sequens, *si modo ex aliqua parte scripti hæredes erant*, adjecta est.

Aut præteriti contra tabulas] Hoc ad solos e- mancipatos referri debet. Quippe cum bonorum possessio contra tabulas iis dari non soleat, qui tem- pore mortis ejus, de cujus successione agitur, in alie- na familia fuerunt, §. *eadem 12. sup. de har. qua ab intest.*

Exhæredati nullo modo] Sed quid si testamentum per querelam eversum fuerit? Dubitandum non est, quia liberi patronum excludant, cum res ad causam intestati redeat. Plura Bachovius hic.

TEXTUS. De Lege Papia.

2. Postea vero lege Papia adaucta sunt
jura patronorum, qui locupletiores liber-

tos habebant. Cautum enim est, ut ex bonis ejus, qui sestertium centum millium patrimonium reliquerat, & pauciores quam tres liberos habebat, (sive is testa- mento facto, sive intestatus mortuus e- rat) virilis pars patrono deberetur. Ita- que cum unum quidem filium filiamve hæ- redem reliquerat libertus, perinde pars dimidia debebatur patrono, ac si is sine ullo filio filiamve intestatus decessisset. Cum vero duos duasve hæredes reliquerat, ter- tia pars debebatur patrono: si tres reli- querat, repellatur patronus.

COMMENTARIUS.

1. Sestertium & sestertium an idem valeant.

Secunda hujus juris mutatio facta est lege Papia Poppæa. Tulere hanc legem nomenque ei dede- runt suffecti Coss. M. Papius Mutilus, Q. Poppæus Secundus, anno ab V. C. 761. Multa hujus legis fue- re capita. Fragmenta restituit notisque illustravit vir clarissimus D. Jacobus Gothofredus.

Qui locupletiores liberos] Hæc igitur lex ad li- bertos locupletiores solummodo pertinuit: in pau- perioribus antiquiora jura patronatus intacta reli- quit.

Qui sestertium centum millium] Locupletiores habuit, qui sestertium centum millium patrimonium habebant: pro quo præcise dixit Africanus rem cen- tum, l. *liberto 26. de bon. libert.* Hinc libertus cen- tenarius, qui rem centum millium habet, l. *si liber- tus 16. de jur. patron.* Etenim, ut docet Hotoman. lib. *de re numm.* duplex veteribus enuntiandi usus fuit, interdum plena oratione ut dicerent, verbi cau- sa, centum millia sestertium, quomodo hoc extulit Justinianus hic; interdum præcise, verbi causa, cen- tum sestertium, aut centum simpliciter: qua forma usus Africanus d. l. *liberto*. Ubi, per octoginta & centum, totidem sestertiorum millia eum intelligere, certum est. Quod autem Cantiuncula & Mynsi- gerus hic scribunt, atque in dictionario suo prodidit Calepinus, sestertium neutro genere, & in plurali nu- mero sestertia singula, significare & valere mille se- tertios nummos, secuti auctoritatem magni illius Budæi, qui hoc primus lib. *de offe* docuit, errorem esse Bachovius existimat, eoque nomine merito Bu- dæum ab Hotomanno d. lib. *de re numm.* reprehen- sum, Sed videtur mihi Bachovius valde oscitanter

Hotomannum inspexisse, qui hoc quidem docet & ostendit, sestertium neutro genere à probatis Latinæ rei auctoribus usurpatum non esse, nisi quod metri causa à Poëtis id factitatum; quod & jam antea observaverat Georg. Agricola *lib. 2. de pond.* Cæterum quod porro asserit Bachovius, sestertium neutro genere eadem significatione usurpari à Poëtis, quæ masculino à cæteris, & hoc quoque ex doctrina Hotomanni; in eo dupliciter errat: nam nec Hotomannus id docuit, sed Agricola; & verum non esse, contra Agricolam ipse Hotomannus demonstrat *cap. 22. de lib. de re numm.* ubi expresse scribit, sestertia à Poëtis dici solita non pro nummis sestertiis, sed pro mille nummorum summa, multis id confirmans auctoritatibus. Unus locus Juvenalis huic rei demonstrandæ sufficit. Is *satyra 4.* Crispini cujusdam gulam exagitans sic ait;

----Mullum sex millibus emit.

Æquantem sane paribus sestertia libris.

quod priore versu de minoribus sestertiis Poëta dixerat, sequenti de majoribus enuntiat: significat enim, totidem libras mullum istum pendidisse, quod sestertiis Poëticiis emptus fuerat, nimirum sex. In eo omnes conveniunt, quod ultra nongenta millia sestertiorum Romani non pronuntiaverint: sed cum ad mille millia ventum esset, adverbis numeralibus usos, ut dicerent, decies aut vicies sestertium præcise, pro decies aut vicies centena millia sestertium. Sed desino plura. Illud tamen adhuc obiter monendum, sestertium fuisse quartam partem denarii; denarium partem vicesimam quintam aurei; ac proinde aureum continuasse sestertios centum; idemque valere, centum millia sestertiorum in bonis habere, & mille aureos. De tota re nummaria plura & certiora, quam hæcenus habuimus, expectamus à D. Salmasio.

Pauciores quam tres liberos, & virilis pars patrono] Lex Papia patronum liberi centenarii seu locupletis, sive testato sive intestato mortui. in virilem ejus hæreditatis partem admittebat, si modo is pauciores quam tres liberos reliquisset.

Sine ullo filio intestatus] Reponendum omnino cum Ruffard. Cujac. Cont. Hotom. *testatus*. Theophilus; *in 2^o §. fin. condito testamento*. Nam liberto intestato & sine liberis defuncto solus & in solidum succedit patronus tam ex edicto prætoris, quam ex lege 12. tabb. *sup. in pr. & §. 1. Cujac. 3. obs. 13.*

Si tres repellebatur patronus] In hoc igitur differt lex Papia à jure prætorio, quod Patronus à Prætorio repellebatur, etiam si libertus unum aut duos tantum liberos reliquisset: lege vero Papia virilem hic partem patronus obtinebat. At si libertus tres aut plures liberos reliquerat, tunc sive testato sive in-

testato decessisset, patronus in totum etiam per legem Papiam summovebatur.

T E X T U S.

De constitutione Justiniani.

3. Sed nostra constitutio (quam pro omni natione Græca lingua compendioso tractatu habito composuimus) ita hujusmodi causam definivit: ut siquidem libertus vel liberta minores centenariis sint, id est, minus centum aureis habeant substantiam, (sic enim legis Papie summam interpretati sumus, ut pro mille sestertiis unus aureus computetur) nullum locum habeat patronus in eorum successione: si tamen testamentum fecerint. Sin autem intestati decesserint, nullo liberorum relicto, tunc patronatus jus, quod erat ex lege duodecim tabularum, integrum servavit. Cum vero majores centenariis sint, si hæc aes vel bonorum possessores liberos habeant, sive unum sive plures, cuiuscumque sexus vel gradus, ad eos successiones parentum deduximus, patronis omnibus modis cum sua progenie semotis. Sin autem sine liberis decesserint, siquidem intestati, ad omnem hæreditatem patronos patronasque vocavimus. Si vero testamentum quidem fecerint, patronos autem aut patronas præterierint, cum nullos liberos haberent, vel habentes eos ex hæredaverint, vel mater sive avus maternus eos præterierint, ita quod non possint argui inofficiosa eorum testamenta, tunc ex nostra constitutione per bonorum possessionem contra tabulas, non dimidiatam, ut antea, sed tertiam partem bonorum liberti consequantur; vel quod deest eis, ex constitutione nostra repleatur, si

quando minus tertia parte bonorum suorum libertus vel liberta eis reliquerit: ita sine onere, ut nec liberis liberti libertave ex ea parte legata vel fideicommissa præstentur, sed ad coheredes eorum hoc onus redundet. Multis aliis casibus à nobis in præfata constitutione congregatis, quos necessarios esse ad hujusmodi dispositionem juris perspeximus: ut tam patroni patronaque, quam liberi eorum, nec non qui ex transverso latere veniunt usque ad quintum gradum, ad successionem libertorum libertarumve vocentur, sicut ex ea constitutione intelligendum est. Et si ejusdem patroni vel patronæ, vel duorum duarumque pluriumve liberi sint, qui proximior est, ad liberti vel libertæ vocetur successionem: & in capita, non in stirpes dividatur successio: eodem modo & in iis, qui ex transverso latere veniunt, servando. Pene enim consonantia jura ingenuitatis & libertinitatis in successione fecimus.

NOTÆ.

3. NOSTRA CONSTITUTIO] Non extat: sed eam nobis ex Basilicis repræsentat Cujac. 20. obs. 34.

PRO MILLESESTERTIIS UNUS AUREUS] Cum antea unus aureus responderet tantum sestertii centum. Non igitur simpliciter legem Papiam interpretatur, sed emendat.

VEL FIDEICOMMISSA] Quæ certis personis præstantur ab his, qui petunt bon. possessionem cont. tab. l. i. de leg. præst. quod onus olim etiam patrono incumberebat, l. 4. de cond. & dem. l. 64. §. ult. ad Sc. Treb.

USQUE AD QUINTUM GRADUM] Mynsing. & Pac. putant hæc verba tantum ad eos referenda esse, qui ex latere veniunt, sed refelluntur ipso tenore constitutionis: πάντων καὶ πατρωνία, καὶ παῖδες αὐτῶν, καὶ ἑγγενοί, καὶ ἀπύκνοι: τῶν αἰ ἐως πέντε βαδμῶν κατόντες ἢ πατρωνίαν. Additurque καὶ μόναι id est, & soli: nam qui ex latere veniunt non admittuntur ad illam tertia partis bonorum successionem, ut mox

subjicitur: sed tantum ad successionem liberti intestato sine liberis mortui usque ad quintum gradum, nec hic ulterius patronorum liberi, ut iterum verba ostendunt; ἕως ἢ πέντε βαδμῶν οἱ ἐν πατρὶς τῶν ἐγγενοί: ἢ πάντων, καὶ οἱ κατόντες αὐτῶν κληρονομήτωσαν ἢ ἀπύκνοι.

QUI PROXIMIOR EST, & C. ET IN CAPITA] l. 13. §. 1. & seq. de bon. libers. Ulp. tit. 27. §. 1. & seq. Nimirum hic non quaeritur de hæreditate parentum patronorum, sed liberti; ad cujus successionem patroni eorumque liberi non veniunt jure suorum hæredum, sed agnatorum, l. 2. §. i. unde legit.

COMMENTARIUS.

Quoniam lex Papia nimium patronis tribuere videbatur, eo quod certis casibus hos etiam liberis liberis centenarii exæquaret: & jure prætorio libertus sine liberis decedens cogebatur semissem omnium bonorum Patrono relinquere: Justinianus utrique juri derogavit, causamque sic in summa definivit, ut in liberto minore centenario testato decedente, patronus nullum jus in successione ejus haberet. Sin autem centenario major decederet, sive testatus sive intestatus, tum si liberos reliquisset, & vel unum cujuscunque sexus, gradus aut conditionis, patronus excluderetur, nisi fortè testamento patris liberi essent exheredati. Si vero nullos liberos reliquisset, ab intestato patronus in solidum ut hæres esset, antiquo jure patronatus integro hoc casu servato: testamento vero facto, uti pro semisse, quem prætor patrono decreverat, trientem sine ullo onere obtineret: atque hoc succedendi jus non solum ipse patronus haberet; verum etiam eo mortuo liberi ejus, & his non extantibus patroni ex latere cognati usque ad quintum gradum: sic ut inter illos & hos proximior remotiorem excluderet, & in capita hæreditas divideretur.

Pro mille sestertiis unus aureus] Justiniani ætate cum multo minores essent hominum facultates, locupletes censebantur, qui centum aureos in bonis habebant, cum antea ex mille aureis hoc æstimaretur. Hotomannus putat, transposita esse nomina, & pro mille hic substituit centum, uti paulo ante pro centum, mille, quod probat Welembecius; ego in medio relinquo.

Sin autem sine liberis] Quid si adoptivos tantum reliquerit? Hotomannus censet, patronum & hoc casu lege Justiniani in totum excludi. Bachovius contra in partem patronum admitti; cujus sententia verior videtur arg. pr. hujus tit. in fin. & §. i. in pr. item constitutionis Græcæ, relatæ à Cujacio lib. 20. obs. 34.

Vel mater si ex ætate maternum] Quippe quorum præteritio pro exheredatione est, §. ult. sup. de exher.

lib. quod nec jure novissimo mutatum esse demonstravit sup. tit. de inoff. test. in pr.

Ex constitutione nostra repleatur] Intelligit haud dubie constitutionem l. omnimodo 30. C. de inoff. test. ut proinde hactenus eadem sit ratio legitimæ patronorum & liberorum.

Sine onere] Et ergo in hoc quoque exæquata jura patronorum & liberorum, ut ambo portionem debitam seu legitimam sine onere habere debeant: l. 22. C. de inoff. test. junct. hoc text. cum olim legatorum & fideicommissorum præstandorum onus, quæ liberis præteritis an exhereditatis relicta erant, patrono incumberet, l. 4. de cond. & dem. l. scijus 64. §. ult. ad Senatus. Trebell.

Usque ad quintam gradum] Pacius putat, hæc verba ad eos tantum referenda esse, qui ex latere veniunt, non ad liberos patroni, cum Mynsingero ad hunc loc. & §. 2. inf. de bon. poss. sed refelluntur verbis constitutionis Græcæ, relatæ apud Cujac. 30. obs. 34. ac proinde nullius momenti est argumentum petitum ex l. liberorum 220. de verb. sign.

Qui proximior est] Si unius pluriumve patronorum plures liberi sint diversi gradus, qui proximior est, in successione liberti præfertur, & plurium patronorum liberi non in stirpes, sed in capita succedunt, l. si libertus 23. §. 1. & seq. de bon. libert. Ulp. tit. 27. §. 1. & seqq. Non est huic contrarium, quod de liberis supra relatum est, eos parentum suorum locum occupare, inque stirpes, non in capita succedere: quippe hic non quantur de hæreditate parentum patronorum, sed liberti, ad cujus successione patroni eorumque liberi non jure suorum hæredum, sed agnatorum jure veniunt, l. 2. §. 1. unde legit. Hactenus ergo nihil novi Justinianus.

TEXTUS.

Quibus libertinis succeditur.

4. Sed hæc de iis libertinis hodie dicenda sunt, qui in civitatem Romanam pervenerunt, cum nec sint alii liberti: simul & Dedititii & Latini sublatis, cum Latinorum successiones nulla penitus erant: quia licet ut liberi vitam suam peragebant, attamen ipso ultimo spiritu simul animam atque libertatem amittebant: & quasi servorum, ita bona eorum, jure quodammodo peculii ex lege Junia Norbana manumissores detinebant. Postea vero Senatusconsulto Largiano cautum fuerat,

ut liberi manumissoris, non nominatim exhereditati facti, extraneis heredibus eorum in bonis Latinorum præponerentur. Quibus etiam supervenit divi Trajani edictum, quod eundem hominem, si, invito vel ignorante patrono, ad civitatem Romanam venire ex beneficio Principis festinarat, faciebat quidem vidum civem, Latinum vero morientem. Sed nostra constitutione propter hujusmodi conditionum vices & alias difficultates, cum ipsis Latinis etiam legem Juniam, & senatusconsultum Largianum, & edictum divi Trajani, in perpetuum deleri censuimus, ut omnes liberi civitate Romana fruantur: & mirabili modo quibusdam adjectionibus ipsas vias, quæ in Latinitatem ducebant, ad civitatem Romanam capiendam transposuimus.

NOTA.

4. DEDITITIIS ET LATINIS SUBLATIS] l. un. C. de ded. lib. tol. l. un. C. de Lat. lib. toll. §. sup. §. 2. de libertin.

COMMENTARIUS.

Olim non omnes libertini ejusdem erant conditionis: nam eorum qui manumittebantur, quidam cives Romani fiebant, alii Latini Juniani, aut dedititii, idque vel propter qualitatem domini manumittentis, vel modum manumissionis, vel ætatem aut personam manumissi: quod lib. 1. tit. de libertin. latius explicatum est. Itaque cum eum, quem hæredem vel ex testamento vel ab intestato habere volumus, necesse sit esse civem Romanum, satis apparet, ea, quæ de jure succedendi in bonis libertorum legibus prioribus & edicto cauta sunt, ad Latinos & dedititios non pertinuisse. Quod autem Justinianus monet, ea, quæ ipse de eadem re constituit, ad liberos Latinos & dedititios non pertinere, sublata jam tum Latina & dedititia libertate, parum subtile est.

Latinorum legitima successiones nulla] Neque testamentaria. Nam Latini nec testamentum facere, neque omnino hæredem habere poterant, sicut nec ipsi hæredes esse. Hæc enim omnia, jus testamenti faciendi, jus capiendæ hæreditatis, item hæredis habendi, propria erant civium Romanorum.

Quare nec intestati Latini decessisse dici poterant, *l. 1. in pr. de suis & leg.* Libertorum vero civium Romanorum ut testamentaria, ita & legitima successiones erant: nam eorum intestatorum hereditas primum suis heredibus deferrebat, deinde patronis, eorumque liberis, tanquam agnatis, quibus quæ defertur, in edicto prætoris in specie legitima dicitur, *sit. unde legit.*

Jure quodammodo peculii] Nam mortuo liberti Latino Juniano patronus bona ejus, non tanquam hereditatem, sed eodem jure ex lege Junia occupabat, quo dominus peculium servi, pater filii retinet. Unde si patronus cum liberis suis simul extraneos quosdam hæredes instituisset, bona hujus liberti dividebantur communiter inter suos & extraneos hæredes; quemadmodum peculium servi aut filii dividitur inter hæredes domini aut patris.

Extraneis heredibus eorum] Id est, extraneis heredibus manumissorum seu patronorum. Ut ecce; L. Titius, qui libertum Latinum habebat, decessit, liberis suis & quibusdam extraneis heredibus institutis: moritur deinde libertus, ex lege Junia una cum liberis Titii extranei scripti hæredes ad bona liberti veniunt. Ex Senatusconsulto autem Largiano soli veniunt liberi Titii. Tota via in hoc explicando decessit Hotoniannus, iis quoque, quæ paulo ante dixerat, manifestè contraria tradens. Meminit Justinianus Senatusconsulti Largiani in *l. un. C. de Lat. lib. toll. & No. 78. in pr.*

Divi Trajani edictum] Edicto divi Trajani cavebatur, ut Latinus Junianus, qui invito ignoranteve patrono jus civitatis Romanæ beneficio Principis adeptus esset, viveret quidem ut civis Romanus, moriens autem liberti Latini exitum faceret, id est, ut bona ejus, quasi peculii jure, ad patronum pertinerent. Hujus edicti mentio item fit in *d. l. un. in pr. & §. ult. C. de Lat. lib. toll.*

Sed nostra constitutio] Ea est *d. l. un. C. d. tit.* quæ, ut antea ingenuos omnes Antoninus civitate donavit, *l. in orbe 17. de stat. hom.* Ita Justinianus libertinos omnes civitate donatos exæquat. Novissimè libertinos omnes tantum non exæquavit ingenuis. *No. 78.*

TITULUS IX.

D. lib. 38. tit. 4.

De Assignatione Libertorum.

Continuatio.



Ic titulus moderationem continet proximè præcedentis. Nam quod generaliter ibi definitum est, patrono mortuo, ad liberos ejus, qui gradu proximi sunt, bona liberti ex æquo

pertinere, id hanc habere exceptionem hoc titulo docemur, nisi uni ex liberis libertum assignaverit, hoc est, testificatus fuerit, cujus ex liberis eum libertum esse velit, *l. assignare 107. de Verb. sign.* hoc enim casu is solus, cui facta est assignatio, pro patrono habetur, & in bona liberti succedit, reliquis libris assignatoris exclusis, *l. 1. in pr. hoc tit.*

T E X T U S.

An assignari possit, & quis assignationis effectus.

In summa (quod ad bona libertorum attinet) admonendi sumus, censuisse Senatum, ut quamvis ad omnes patroni liberos, qui ejusdem gradus sunt, aequaliter bona libertorum pertineant; tamen licere parenti, uni ex liberis assignare libertum, ut post mortem ejus solus is patronus habeatur, cui assignatus est; & ceteri liberi, qui ipsi quoque ad eadem bona, nulla assignatione interveniente, pariter admitterentur, nihil juris in his bonis habeant, sed ita demum pristinum jus recipiant, sed is cui assignatus est, decesserit nullis liberis relictis.

N O T A.

ASSIGNARE LIBERTUM] Assignare libertum est testificari, cujus ex liberis eum libertum esse velit, *l. 107. de Verb. sign.* id est, jus patronatus, quod alioqui pluribus competeret, uni peculiariter attribuere.

COMMENTARIUS.

Licere parenti] Et quidem soli. Nam jus assignandi libertum parenti manumissori Senatus dedit, *d. l. 1. hoc tit.* quod tamen arcte acceptum, ut liberi manumissoris libertum paternum, quantumvis à parente sibi assignatum, liberis suis assignare non potuerint; cum tamen in plerisque aliis causis jure manumissorum censerentur, *l. 8. eod.*

Ita demum pristinum jus recipiunt] Ad liberos, non ad hæredes extraneos jus patronatus assignatione quæsitum transmittitur; quod intelligitur ex verbis extremis Senatusconsulti relati apud Ulp. *d. l. hoc tit.* *Urique si ex liberis quis in civitate desisset, neque ei liberi ulli essent, ceteris ejus liberis, qui manumissus, perinde omnia jura servantur, ac si nihil*

nihil de eo liberto eade liberta in parens significasset.

T E X T U S.

De sexu assignati, & de sexu graduque ejus, cui assignatur.

1. *Nec tantum libertum, sed etiam libertam; & non tantum filio, nepotivæ, sed etiam filia neptivæ assignare permittitur.*

C O M M E N T A R I U S.

Sed etiam libertam] Hoc ex ipsis verbis Senatus-consulti planum est: quippe quo perpetuo tam libertæ, quam liberti fit mentio.

Sed etiam filia neptivæ] Senatus generaliter loquitur, si quis liberos in potestate haberet, sine discrimine sexus aut gradus. Itaque non minus filia neptivæ, quam filio vel nepoti assignari posse, intellectum est. Quin etiam præferri posse filio nepotem assignatoris, l. 3. §. 1. hoc tit. quippe cum hoc tantum requirat Senatus, ut liberi assignatoris in potestate sint, non etiam ut sint sui heredes. Perperam hæc omisit Theoph.

T E X T U S.

De liberis in potestate vel emancipatis.

2. *Datur autem hæc assignandi facultas ei, qui duos pluresve liberos in potestate habebit, ut eis, quos in potestate habet, assignare libertum libertamve liceat. Unde quarebatur, si eum, cui assignavit, postea emancipaverit, num evanescat assignatio? Sed placuit evanescere: quod & Julianus & alii pleris que visum est.*

C O M M E N T A R I U S.

Qui duos pluresve liberos in potestate] Cum assignare nihil aliud sit, quam jus patronatus, quod alioqui pluribus competere, uni propriè ac peculiariter attribueretur, in eum solum derivare, non est existimandum dubitatum fuisse, an is demum assignare possit, qui duos aut plures liberos habeat: aut si unum tantum quis habeat, an ulla tunc esse possit assignatio; neque iste hujus loci sensus est, sed hic, assignationem tantum posse fieri pluribus liberis vel uni ex pluribus in potestate constitutis, ut hinc removeantur emancipati. Nimirum quemadmodum lex 12. tabb. jus patronatus retineri voluit in familia,

ita etiam Senatusconsultum idem jus assignatione contractum finibus familiæ conclusit: idque ipsa verba Senatusconsulti indicant; & hic ipse locus.

Placuit evanescere] Non tantum emancipato facta assignatio nulla est, sed etiam facta ei, qui in potestate erat, emancipatione ejus evanescit: congruit l. 1. in fin. eod. De eo dubitatum, an si præter emancipatum duo existant in potestate, possit hoc casu patronus non tantum uni ex his, qui in potestate sunt, sed simul etiam emancipato assignare. Sed Modestinus respondit, magis esse ut possit. Igitur quod per se non haberet emancipatus, id per conjunctionem personam consequitur, uti in specie l. 9. eod. l. ult. de lib. & post. Quod si unus tantum sit in potestate, alter emancipatus, & utrique libertus assignetur, quæ assignatio in persona ejus, qui in potestate est, nulla est, ea propter emancipatum utilis fieri non debet: ita censeo cum Cujac.

T E X T U S.

Quibus modis aut verbis assignatio fit: & de Senatus Consulto.

3. *Nec interest, an testamento quis assignet, an sine testamento, sed etiam quibuscumque verbis patronis hoc permittitur facere, ex ipso SC. quod Claudianis temporibus factum est, Sabellio Rufo, & Asterio Scapula Consulibus.*

C O M M E N T A R I U S.

Assignari libertus potest & testamento & codicillis, & per modum contractus, aut donationis inter vivos vel mortis causa, quibuscumque verbis, epistola, chirographo, pure, sub conditione, denique nutu etiam, l. 1. §. 3. l. 7. eod. quod procul dubio ex verbo significasset, quo Senatus utitur, sumptum est: & ideo ait Justinianus, hoc patronis facere permissum ex ipso Senatusconsulto.

T I T U L U S X.

D. lib. 37. tit. 1.

De bonorum Possessionibus.

Ratio ordinis: bonorum possessio quid: argumentum tituli.

EX quatuor acquirendi per universitatem modis, propositis §. ult. sup. per quas pers. cuic. acq. primus & præcipuus expositus est, scilicet ratio acquirendæ hereditatis jure Civili tum testamento tum ab intestato delatæ.

Succedit nunc species acquisitionis ejusdem generis secunda, seu ea hereditatis acquirendæ ratio; quæ est ex jure prætorio per bonorum possessionem: de qua hoc titulo ex professo nunc Imperator tractat. Nam quod subinde etiam supra de jure prætorio disputatum est, id factum per occasionem, exigente hoc rerum affinitate. Bonorum possessio, finitore Ulpiano l. 3. §. 2. *hoc tit.* est jus persequendi retinendive patrimonii, siue rei, quæ cujusque, cum moritur, fuit. Non ergo bonorum possessio hic accipitur, uti possessio illa rerum singularum, quæ facti est, & corporalis detentionis, de qua *tit. ff. & C. de acq. poss.* sed tota juris est, & dominium tribuit: ut hæc duo præter nomen nihil commune habeant. Denique bonorum possessio vi ipsa nihil aliud est, quam hereditas, d. l. 3. in pr. & §. 1. l. 1. & l. 2. eod. l. 117. de reg. jur. unde Græcis dicitur *παρτεμία Αἰδοχία*. Tantum in tempore & modo acquirendi diversitas est. De fine bonorum possessionis, tum quam ea vim & unde habeat, primum hic exponitur: deinde species ejus eo ordine, quo edicto proposita fuerunt, recensentur; ac mox quibusdam remotis quedam transponuntur: ad extremum agitur de tempore & modo bonorum possessionis petendæ.

TEXTUS.

Cur introductæ bonorum possessiones; & quæ sit earum effectus.

Jus bonorum possessionis introductum est à prætore emendandi veteris juris gratia. Nec solum in intestatorum hereditatibus vetus jure eo modo prætor emendavit, sicut supra dictum est; sed in eorum quoque, qui testamento facto decesserint. Nam si alienus posthumus hæres fuerit institutus, quamvis hereditatem jure civili adire non poterat, cum institutio non valebat; honorario tamen jure bonorum possessor efficiebatur; videlicet cum à prætore adjuvabatur. Sed & is à nostra constitutione hodie rectè hæres instituitur, quasi & jure civili non incognitus. Aliquando tamen neque emendandi, neque impugnandi veteris juris, sed magis confirmandi gratia, prætor pollicetur bonorum possessionem. Nam illis quoque,

qui rectè testamento facto, hæredes instituti sunt, dat secundum tabulas bonorum possessionem. Item ab intestato suos heredes, & agnatos, ad bonorum possessionem vocat. Sed & remota quoque bonorum possessione ad eos pertinet hereditas jure civili. Quos autem solus prætor vocat ad hereditatem, hæredes quidem ipso jure non fiunt: nam prætor heredem facere non potest: per legem enim tantum, vel similem juris constitutionem hæredes fiunt, vel per Senatusconsulta, & constitutiones principales: sed cum eis prætor dat bonorum possessionem, loco heredum constituuntur, & vocantur bonorum possessores. Adhuc autem & alios complures gradus prætor fecit in bonorum possessionibus dandis, dum id agebat, ne quis sine successore moreretur. Nam angustissimis finibus constitutum per legem duodecim tabularum jus percipiendarum hereditatum prætor ex bono & equo dilatavit.

NOTÆ.

[BONORUM POSSESSIONIS.] Hæc secunda species est acquisitionis per universitatem earum quatuor, quæ proposita *sup. §. ult. per quas pers.* Bonorum possessio vi ipsa nihil aliud est, quam hereditas, l. 2. & §. 3. h. t. l. 117. de reg. jur. Græci *ἀγαθὴν Αἰδοχίαν* appellant, & *παρτεμίαν Αἰδοχίαν*.

[A NOSTRA CONSTITUTIONE.] Hæc constitutio non extat *fac. d. §. 26. sup. de legat.*

[IPSO JURE NON FIUNT.] Ipso jure hic idem valet, quod jure civili; ut & alibi §. 11. *inf. de act. §. 1. inf. de perp. & temp. act. l. 9. §. 1. usuf. qu. cau.* Igitur hæredes ipso jure non fiunt, id est, non fiunt jure civili hæredes, etsi adeant hereditatem aut pro hærede gerant. Alio sensu sui dicuntur ipso jure hæredes existeret.

[PER SENATUSCONSULTA.] l. 9. d. 1. *sup. de SC. Tert. & de SC. Orfic.*

[CONSTITUTIONES PRINCIPUM.] Exempl. habes §. 3. & 4. *sup. de leg. agn. succ. l. pen. & ult. C. de leg. hær.*

ALIOS COMPLURES GRADUS] Id est, ordines, *ut saepe alibi, l. 1. §. 1. unde liberi, l. 5. unde cogn. l. un. qui ord. in bon. poss.*

EX BONO ET AEQUO] Nam prator & alios successorum ordines fecit, & ordinum graduumque successionem admisit *tit. de success. eadit.*

COMMENTARIUS.

1. *Quomodo prator circa successiones ius ceteris emendavit.*
2. *Quanam bonorum possessiones juris civilis confirmandi gratia introductæ: & quàm utiliter.*
3. *Qui jure civili succedere possunt, si malint bonorario, heredes, an bonorum possessores efficiantur.*
4. *Cur prator heredem facere non possit.*
5. *Bonorum possessores si ipsa heredes esset, & jure pratorio dominium rerum singularium consequi: quod à plerisque minus bene perceptum.*
6. *Scopus pratoris in introducendis bonorum possessionibus.*

Emendandi juris ceteris gratia] Suprà didicimus, legem 12. tabb. successiones ab intestato tam angustis finibus conclusisse, ut intra suorum heredum & agnatorum ordinem consisteret. Postea verò multas personas, tum inter suos heredes, tum inter agnatos, vocatas à pratore, Senatusconsultis, constitutionibus. Pratorem etiam tertium ordinem fecisse, in quo omnes eos vocavit, qui naturali cognatione conjuncti. Hoc significat Justinianus, cum ait, pratorum bonorum possessiones introduxisse emendandi juris veteris causa. Emendavit enim laxando mitigandoque juris civilis rigorem, dum illo jure neglectis, liberis emancipatis, cognatisque, ad successionem viam aperuit. Ajo, jure civili neglectos: nam capere nominatim prohibitis prator non succurrit, ne directo, quod non potest, contra leges faciat, *l. non est 12. §. 1. hoc tit. l. 12. §. 4. de publ. in rem act.* Simili quoque correctione, & quadam velut impugnatione juris civilis usus est prator & in hereditatibus eorum, qui testati decesserunt, dando bonorum possessionem secundum tabulas posthumis alienis heredibus institutis, *l. 3. secund. tabb.* & contra tabulas liberis emancipatis prateritis *§. eadem 12. sup. de her. qua ab int. def.*

Si alienus posthumus] Quis dicatur suus, quis alienus posthumus; item cur alienus posthumus jure civili heres institui non poterit, neque legatum capere; diligenter exposuimus *lib. 2. sub. tit. de legat. §. posthumus 16. add. & quæ sub §. 2. supra de exher. liber.*

Honorario jure bonorum possessor.] *d. l. 3. sec.*

tab. l. 5. de inoff. test. Atque ad effectum hujus juris, & simul institutionis & legati, respiciens, dixit alibi, posthumum alienum etiam olim heredem institui potuisse, *§. posthumus 28. sup. de legat.* quod multis ibi argumentis confirmavimus.

Sed magis confirmandi gratia] Ait, quædam bonorum possessiones à pratore etiam confirmandi, id est, adjuvandi juris veteris gratia introductas: idque declarat duplici specie bonorum possessionis: quarum una ex testamento secundum tabulas, quam etiam rectè institutis heredibus prator polliceatur; altera ab intestato; eaque item duplex, unde liberi & unde legitimi; quarum ad illam etiam suos heredes, ad hanc etiam agnatos, & qui agnatorum jure censentur, invitet.

Heredes instituti] Heredi testamento rectè instituto scimus necessariam non esse bonorum possessionem secundum tabulas, cum adita hereditate jure civili heres fiat. Existimo etiam, pratorem ab initio bonorum possessionem secundum tabulas jure civili scriptas perfectasque pollicitum non esse, sed secundum eas duntaxat, quæ ipsius instituto scriptæ fuerant, quarum formam jus civile, quo solo hereditas deferretur, ignorabat, hoc est, quæ septem testium signis erant obsignatæ, *l. 2. C. sec. tab.* aut quæ jure civili ideo non valebant, quod vel familiæ mancipatio vel nuncipatio non intervenerat, vel testamentum ruptum irritumve factum fuerat. *Ulpian. tit. 23. §. si septem & tit. 28. §. etiam si l. posthum. 12. de injust. rupt. irrit. §. non tamen sup. quib. mod. test. infirm.* Cæterum progressu temporis jus pratorium crevisse, inolevisseque, ut etiam qui rectè heredes instituti erant, alique, qui jure civili hereditatem adeundo consequi poterant, ad majorem cautionem, puta ut remediis pratoriis uterentur, veluti interdicto quorum bonorum, *l. 1. quor. bon.* vel quia multis in rebus liberalius agitur cum bonorum possessoribus, quam cum heredibus, *l. 3. §. acquirere 7. hac tit. l. 1. & ult. qui adm. ad bon. poss.* bonorum possessionem peterent: edictumque postea plenius conceptum. Hotomannus putat, per bonorum possessionem etiam acquiri possessionem ipsarum rerum, qui manifestus error est: non enim magis agnoscendo bonorum possessionem rerum singularum possessionem adipiscimur, quam adeundo hereditatem, *l. 3. pr. §. 1. & 2. hoc tit. junct. l. cum her. 23. de acq. poss.* Sed & si quis res defuncti corporaliter possideat, cum tamen necesse est bonorum possessionem à pratore obtinere, ut in naturali rerum singularum possessione defendatur. *Wesemb. par. hoc tit. num. 8. D. Diod. Tuld. in comm. hic cap. 1.*

Suos heredes & agnatos] Suos heredes ad bonorum possessionem unde liberi, agnatos ad bonorum

rum possessionem unde legitimi. Licet enim his bonorum possessio non sit necessaria, (utpote qui etiam remota ea jure civili hereditatem obtineant) & ad spectu principalis scopi bonorum possessio unde liberi comparata sit emendandi juris civilis gratia, succurrendique liberis emancipatis, quos jus civile non agnoscit: §. *emancipati* 9. *sup. de her. qua ab int.* tamen suos etiam heredes prætor edicto complexus est: *l. 1. unde liberi* & agnatos quoque & ceteros personas legitimas vocavit *tit. unde legitimi*: nec quod iis concesserat, quos solus ipse vocat, denegasse illis videretur, quos vocat potentior: inque eo juris civilis se adiutorem præbuit. *Ὁὐκ ἔστι δὲ σωχρητὶς ὁ πρᾶτορ*, ait Theoph. & Theod. Hermop. ad *l. 117. de reg. jur.* ὁ πρᾶτορ ἐστὶν ὁ φιλαγαθός: *jus prætorium humanius est.* Hinc illustratur *l. 7. §. 1. de just. & jur. & §. prætorum sup. de jur. nat. gent. & civil.*

[*Solus vocat prætor*] Quid ergo si quis testamento hæres institutus aut agnatus proximus intestati, quos solus prætor non vocat, sed quibus liberum est vel hereditatem adire, vel ex edicto bonorum possessionem accipere, *l. 2. §. si duo §. sec. ab. hoc*, quam illo jure succedere maluerint? Hos etiam non heredes, sed bonorum possessores effici, ac proinde non directis, sed utilibus actionibus uti, rectè censet *Jo. Fab.* Quin amplius, nec suum heredem, qui secundum tabulas aut unde liberi accepit, existimo alias, quam utiles & prætorias actiones, exerciturum; directasque, quæ apud eum remanent, quia ipso jure hæres extitit, esse sine effectu, *arg. l. 7. sed quod Papinianus de minorib. l. ei qui § 8. de hered. instit.*

[*Prætor heredem facere non potest*] Heredem facere est justum plenoque jure Quiritum dominum facere, quod solius legis est, utpote quæ rebus omnium, tanquam regina & domina, præsidet: *l. 2. de legibus.* aut ejus, qui similem legi auctoritatem habet: qualem etiam habuit senatus, uti docet *l. non ambigitur 9. de legib.* & ostendunt Senatus-consulta Tertullianum & Orficianum; non prætoris, qui nudus fuit magistratus, *δικαιώδης non νομοδότης*: qui tamen tacite consentiente populo, hoc usurpavit, ut nonnulla, non quidem directo contra, sed tamen præter rationem juris constituti ex æquo & bono constitueret, quæ juris etiam auctoritatem obtinuerunt, *vid. not. sub. §. prætorum 7. sup. de jur. nat. gent.*

[*Loco heredum constituuntur*] Prætor successores suos, quos heredes facere non potuit, bonorum possessores appellavit, iisque utiles actiones dando effecit, ut vicem heredum obtinerent, imo vi ipsa ut heredes essent, *l. 1. 2. §. hoc tit.* Unde est, quod heredis appellatio etiam bonorum possessori absolute

tribuitur, & perpetuo appellatione hereditatis bonorum quoque possessio venit, *l. hereditatis 138. de verb. sign. l. in conditionibus 19. §. 2. de cond. & demonst. l. 1. §. bonorum 7. ad Senatusc. Treb. l. ultim. C. qui adm. ad bon. poss.* Sed & passim nostri bonorum possessores vocant successores honorarios, *l. sed & ejus 24. §. 1. fam. ere. l. sine 9. §. illud 6. de sn. terr. in jur. l. 10. ad Senatusc. Vell. l. 1. §. nec non 8. ut leg. nom. cau.* Cum ergo bonorum possessores jus heredum consequantur, etiam dominium eos consequi necesse est, & quidem rerum ipsarum seu proprietatem ipsam, uti hoc disertè traditum est ab *Ulp. l. 1. hoc tit.* dominium, inquam, non utique directum aut ex jure quiritiarium seu legitimum, sed utile sive bonitarium, aut si mavis, dominium prætorium: nam bonorum possessor hæres honorarius est; hæres vero dominum significat. Ita quem prætor secundo decreto in possessionem mittit, dominus etiam constituitur, *l. si finis 15. §. Julianus. 16. & §. postea 23. de damn. inf.* Perspicuum est igitur, eos errare, ut levissimè dicam, qui contendunt, prætorem nihil aliud tribuere bonorum possessori, quam rerum possessionem; quippe quæ nihil cum dominio commune habet, *l. 12. §. 1. de acq. poss.* imo quam nec tribuit prætor, & quæ nemini acquiritur, nisi qui eam naturaliter apprehenderit, *l. 1. passim de acq. poss.* Domini quoque possessionis, quale alii tantum successoribus honorariis tribuunt, merum commentum est. Clarissimus D. Tuldenus sic hæc explicat; hereditas, inquit, quia successio est in universum jus defuncti, statim ut adita est, tribuit dominium rerum hereditariorum. Non par vis, inquit, bonorum possessioni; quippe quæ tantum facultatem tribuit persequendi. Hæc ille. At enim vero si rem spectemus, par utrique & eadem vis: nam & bonorum possessio non minus quam hereditas, eademque ratione, quæ hereditas, successio est in universum jus defuncti, & ipsa quoque simul atque admissa est, dominium jure prætorio tribuit æque ac hereditas jure civili: textus sunt expressi & clari in *l. 1. l. 3. in 11. b. s.* Res hæc ideo minus rectè vulgo percepta est, quod in describenda tum hereditate tum bonorum possessione Jurisconsulti improprie locuti sunt, nec vero, sed tropico genere usi, nam neque hereditas proprie successio est, ut abundè demonstravimus sub *tit. de reb. corp. & incorp.* neque bonorum possessio potestas persequendi, sed utraque nihil aliud, quam universum patrimonium & jus alicujus defuncti, in quod & hæres succedens & bonorum possessor, ille scilicet adeundo, hic bona apud magistratum amplectendo, dominium rerum singularum statim nanciscuntur, ille civile, hic prætorium, & consequenter jus eas res persequendi, ille directis & civilibus, hic utilibus & honorariis actionibus.

Et alios complures gradus] Id est, ordines: est enim hoc nostris non infrequens, ut ordines successionum ab intestato gradus quoque appellent, l. 1. §. 1. unde liberi l. 5. unde cogn. l. un. quis ord. in poss. Unde etiam interpretes Novellarum, quod in textu Græco, Νο. 118. in pr. legitur, *ἡ δὲ ἡμεῖς ἐκ τῆς ἀδελφῆς ἀδελφῆς τῆς ἀδελφῆς τῆς ἀδελφῆς*, reddidit, tribus cognoscitur gradibus, id est, *ἀδελφῆς*: ut nihil causæ videam, quamobrem hoc carperit Bern. Sutholt, diff. 11. n. 42. Sunt autem intestati gradus seu ordines, præter enumeratos liberorum & legitimorum, nunc adhuc duo, cognatorum, & unde vir & uxor, d. l. 1. §. 1. & d. l. un.

Ex aquo & bono dilatare] Scopus hic prætori in introducendo jure bonorum possessionis propositus fuit, amplificare jus percipiendarum ab intestato hæreditatum, quod lex 12. tabb. familiæ finibus ita concluderat, ut suos tantum hæredes, & post hos, agnatos solos admitteret, atque ita admitteret, ut in eorum hæreditatibus successionem locum non daret, hoc est, ut proximo deficiente vel repudiante, infrequentis gradus agnatos non admitteret, §. placebat 7. sup. de leg. agn. success. Prætor autem & alios ordines fecit, ordinumque & graduum successionem admisit, de success. edict.

T E X T U S.

*De speciebus ordinariis. Jus
Vetus.

1. *Sunt autem bonorum possessiones, ex testamento quidem hæ: prima, quæ præteritis liberis datur, vocaturque contra tabulas. Secunda, quam omnibus jure scriptis hæredibus prætor pollicetur, ideoque vocatur secundum tabulas. Et cum de testatis prius locutus esset, ad intestatos transitum fecit. Et primo loco suis hæredibus, & iis, qui ex edicto prætoris inter suos hæredes connumerantur, dat bonorum possessionem, quæ vocatur unde liberi. Secundo legitimis hæredibus. Tercio decem personis, quas extraneo manumissori præferebat. Sunt autem decem personæ hæ: Pater, mater, avus, avia, tam paterni, quam materni: item filius, filia; nepos, neptis, tam ex filio, quam ex filia;*

frater sororve consanguinei vel uterini. Quarto cognatis proximis. Quinto tanquam ex familia. Sexto patrono patronaque, liberisque eorum & parentibus. Septimo, viro & uxori. Octavo cognatis manumissoris.

N O T Æ.

I. PRIMA, QUÆ PRÆTERITIS LIBERIS] l. un. quis ord. in bon. poss. Ulp. tit. 28. vid. sup. §. 3. de exh. lib. & D. de bon. poss. cont. tab.

DECEM PERSONIS] Ulpian. apud Licin. Rufin. tit. 16.

EXTRaneo MANUMISSORI] Id est, imaginario emptori, cui pater filium non contra facta fiducia mancipaverat. Cujac.

COGNATI MANUMISSORIS] §. pen. sup. de succ. liberr. Ulp. tit. 28. §. 6.

C O M M E N T A R I U S.

1. *Quo sensu bonorum possessio contra tabulas dicitur esse ex testamento, cum per eam succedatur ab intestato. Quod à paucis observatum.*

2. *Cur ea primo loco in edicto proposita.*

3. *Extraneum manumissor quis dicatur.*

4. *Quid per familiam significetur in ea, quam prætor quinto loco proposuit.*

HABEMUS hic catalogum veterum bonorum possessionum, earumque gradus, uti quæque edicto proposita fuit. Similis est apud Ulpian. tit. 28. §. in testat. 6. Percurramus singula.

Ex testamento quidem hæ.] Bonorum possessio, itidem ut jure civili hæreditas, deferretur aut testamento, aut ab intestato. Quæ testamento facto competit, ea duplex est, contra tabulas, & secundum tabulas; quarum hæc etiam ex testamento est, ita ut per eam etiam succedatur ex testamento: illa ex testamento non est, ne quis erret; cum enim detur contra testamentum, per eam testamentum oppugnetur atque evertatur, l. 1. in pr. de legat. præst. l. ut liberis 17. in pr. C. de collat. ex testamento esse dici non potest, neque per hanc bonorum possessionem ex testamento succedi: sed uti rescisso per inofficiosi querelam testamentum res ad causam intestati redit, l. 6. §. 1. l. cum qui 21. §. 2. de inoff. test. eodem modo, rescisso testamento per bonorum possessionem contra tabulas, liberi præteriti jure prætorio ab intestato succedunt, uti diserte scriptum est in d. l. liberis 17. C. de collat. Quamobrem quod hic Imperator etiam bonorum possessionem contra tabulas dicit esse ex testamento, certum est id improprie atque abusive ab eo dici, nec alio sensu, quam quod ea locum non habeat,

beat, nisi defunctus testamento facto decesserit; atque ob hanc solam causam contra tabulas bonorum possessio opponitur successioni intestati, meræ scilicet illi, seu cum nullæ tabulæ factæ sunt, l. 1. in pr. & §. recte autem §. unde lib. l. 4. C. de collat. non, inquam, ut successio ex testamento, sed ejus, qui facto testamento decessit. Quod idcirco monendum fuit, quia à paucis observatum.

Qua præteritis liberis] Præteritis liberis datur bonorum possessio contra tabulas patris aut cæterorum parentum per patrem conjunctorum, & C. de bon. poss. cont. tab. quæ species à nobis exposita est sub §. eadem 12. de har. qua ab int. & §. 3. sup. de exhar. lib. Sunt & aliæ species bonorum possessionis contra tabulas; veluti ea, quæ patrono præterito datur contra tabulas liberæ, §. 1. sup. de success. libert. item quæ datur patri adversus tabulas filii, quem emancipavit, l. 1. si apparent. quis man.

Secundum tabulas] Quod si hæres non scriptus testamento, sed nuncupatus sit, datur secundum nuncupationem, l. 2. C. de bon. poss. sec. tabb. Datur, si modo tabulæ recte factæ sint. Enimvero prætor non omnes hic solemnitates juris civilis desiderat, sed hoc tantum requirit, ut septem testium signis tabulæ signatæ sint. Secundum nuncupationem quoque non aliter dat, quam si testator voluntatem suam rite declaraverit. Illa autem contra tabulas & in edicto & primo loco proposita est, quoniam, si eo testamento, quo de agitur, liberi defuncti præteriti sint, ad hos prius contra tabulas pertinet, nec ante adscriptos hæredes pervenitur, quam liberi bonorum possessione contra tabulas exclusi sint l. 2. in pr. sec. tab. Quod si scripti præmature secundum tabulas impetrarint, ea sine re futura est, si liberi postea suo jure utantur. De quo plura scripsimus sub tit. de exhar. lib. ad calcem pr.

Unde liberi] Patre intestato mortuo datur liberis bonorum possessio, quæ unde liberi dicitur, introducta principaliter liberorum emancipatorum gratia, §. emancipati, sup. de har. qua ab int. sed interim tamen & suis hæredibus edicto proposita, l. 1. §. libertos und. lib.

Secundo legitimis hæredibus] Quæ dicitur Unde legitimi: & generaliter omnibus defertur, quibus lex aut senatus defert hæreditatem. Unde & mater, quæ ex Senatusconsulto Tertulliano venit, & liberi, qui ex Orficiano ad legitimam matris hæreditatem admittuntur, hanc bonorum possessionem petere possunt, l. 2. §. ult. l. 3. und. legit. vid. sup. de leg. agn. succ. & 2. tit. seq.

Tertio decem personis, quas extraneo manumissori] Extraneus manumissor patri manumissori opponitur. Est autem extraneus manumissor emptor & imaginarius seu pater fiduciarius, qui alium à

patre naturaliter venditum sibi, ter ipse manumissit, nullo fiduciæ pacto interposito, ut post tertiam mancipationem eum remanciparet. Huic enim tanquam patrono jure civili legitima hæreditas deferebatur, excluso patre naturali, cæterisque personis, quæ hic enumerantur, videlicet quæ sup. §. ult. de leg. agn. succ. & sub §. præterea. quibus mod. jus pat. pot. solu. quod prætor durum atque iniquum ratus emendavit. Hanc bonorum possessionem intelligit Modestinus, l. si ad patrem 10. de suis & legit. Ait decem personis. Totidem eademque personæ præferuntur fisco in iis, quæ à viro relicta sunt mulieri, si eum non eluxerit, l. 1. C. de sec. nupt.

Quinto tanquam ex familia] Ita legitur in vulgatis & apud Theoph. Cujacius reponit, cum quem ex familia. Alii aliter. Puto autem, familiam significari patroni, id est, hac bonorum possessione vocari patroni agnatos. Certe hos etiam ad successionem liberti admissos fuisse constat, l. 3. §. utique 9. de suis & leg. l. liberti 17. de bon. libert. ut vero non sit simile, eos hic esse omisos. Nec me movet, quod hac explicatione admissa invertitur ordo succedendi, cum patronus familia sua sit prior. Nam Tribonianus, cui propositum fuit tollere bonorum liberti possessiones, necesse non habuit accurate ordinem observare: quod fortassis nec ipse prætor fecit. Quod si hæc ad familiam liberti referri volumus, intelligendi erunt liberti quasi agnati. Ut verbi causa, si alter ex duobus fratribus manumissis filium genuerit, hic filius tanquam agnatus ad patrum sui bonorum possessionem admittatur. Sed vix est, ut hoc obtinuisse credam; cum utique tales personæ inter cognatos vocatæ fuerint.

Sexto patrono patronaque] Qui etiam in secundo ordine ex edicto unde legitimi venire possunt, l. 2. §. 1. l. 3. unde legit.

Septimo viro & uxori] Hæc septima bonorum possessio, unde vir & uxor dicta, viro & uxori defertur, excluso fisco, qui aliqui bona vacantia occuparet, l. un. & C. unde vir. & ux.

Octavo cognatis manumissoris] Probabilis hinc mihi videtur conjectura Bachovii, prætorem etiam separatim de bonorum possessionibus libertorum edixisse, easque similiter ut ingenuorum proposuisse tribus distinctis ordinibus, quorum in primo promiserit patronis eorumque liberis & parentibus, in secundo quasi agnatis eorum, in tertio cognatis.

T E X T U S.

Jus Novum.

2. Sed eas quidem prætoria introduxit jurisdictio: à nobis tamen nihil incuriosum prætermisum est: sed nostris consli-

tutionibus omnia corrigentes, contra tabulas quidem, & secundum tabulas bonorum possessiones admisimus, utpote necessarias constitutas: nec non ab intestato, unde liberi, & unde legitimi, bonorum possessiones. Quae autem in praetoris edicto quinto loco posita fuerat, id est, unde decem personae, eam pio proposito & compendioso sermone supervacuam ostendimus. Cum enim privata bonorum possessio decem personas praeponebat extraneo manumissori, nostra constitutio, quam de emancipatione liberorum fecimus, omnibus parentibus, eisdemque manumissoribus, contracta fiducia manumissionem facere dedit; ut ipsa manumissio eorum hoc in se habeat privilegium, & supervacua fiat supradicta bonorum possessio. Sublata igitur praedicta quinta bonorum possessio in gradum ejus sex tam antea bonorum possessionem induximus, & quintam fecimus, quam praetor proximis cognatis pollicetur. Cumque antea fuerat septimo loco bonorum possessio, tanquam ex familia: & octavo, unde patroni patronaeque, liberi & parentes eorum, utramque per constitutionem nostram, quam de jure patronatus fecimus, penitus evacuavimus. Cum enim ad similitudinem successionis ingenuorum libertinorum successiones posuerimus, quas usque ad quintum gradum tantummodo coarctavimus, ut sit aliqua inter ingenuos & libertinos differentia, sufficit eis tam contra tabulas bonorum possessio, quam unde legitimi, & unde cognati, ex quibus possunt sua jura vindicare, omni scrupulositate & inextricabili erro-

re istarum duarum bonorum possessionum resoluta. Aliam vero bonorum possessionem, quae unde vir & uxor appellatur, & nemo loco inter veteres bonorum possessiones posita fuerat, & in suo vigore servavimus, & altiore loco, id est, sexto eam posuimus: decima quoque veteri bonorum possessione, quae erat unde cognati manumissoris propter causas enumeratas merito sublata, ut sex tantummodo bonorum possessiones ordinariae permaneant, suo vigore pollentes.

NOTAE.

NOSTRA CONSTITUTIO.] Extat in l. ult. C. de emanc. lib. vid. sup. §. 6. quib. jus med. pat. por.

USQUE AD QUINTUM GRADUM.] Tam liberorum patroni, quam ex transverso conjunctorum, ut recte Cujac. & verba constitutionis ostendunt, d. §. 3. de succ. libert. à nobis relata. Errat igitur cum Mynding. Pacius in margine.

COMMENTARIUS.

1. Ex bonorum possessionibus retentis, prima quatuor quando necessaria, quando utiles tantum.
2. Hodie nullam harum trium, unde liberi, unde legitimi, unde cognati, necessarium esse: & six nullam earum utilem.
3. Septima & octava quare sublata. Ubi quaedam illustrantur ex constitutione Graca.
4. Solam unde vir & uxor jure novissimo necessariam.

Hoc §. removet quasdam species ex iis, quae praecedenti §. recensitae sunt, atque in earum locum quasdam transponit, quas servat, remotiores. Conjunctim autem hic numerat bonorum possessiones, tam quae testamento facto competunt, quam quae ab intestato, quas modò separatim & distinctè consideravit. Unde fit, ut verbi causa, bonorum possessio unde cognati, quae modo illi quarta fuit, hic sexta numeretur.

Utpote necessariae.] Ait, se quatuor primas bonorum possessiones, nempe contra tabulas, secundum tabulas, unde liberi, & unde legitimi, retinuisse; utpote quarum usus sit necessarius, aut certe, quod intelligendum est, utilis. Equidem bonorum

possessio *contratabulas* liberis emancipatis omnino necessaria erat; quippe qui jure civili pro extraneis habiti; adeoque adhuc hodie est, ut defendimus *sup. ad pr. & §. 2. de inoff. testam.* suis vero hæredibus præteritis neque olim fuit, neque nunc est necessaria. *Secundum tabulas* necessaria olim posthumo alieno hæredi instituto, nunc non est, *sup. eod. in pr.* Cæteris hæredibus testamento facto scriptis nec olim, nec nunc necessaria, sed utilis duntaxat: necessaria tamen, si quid solennitatis jure civili requisitæ desit. Cæterum tunc sæpe sine re aut effectu est, proximis ab intestato hæreditatem evincen-
tibus. *Ulp. tit. 28. §. ult. Unde liberi* non necessaria suis hæredibus; quippe qui ipso jure hæredes existunt: necessaria emancipatis: at hodie ne his quidem. Nam cum novissima Justiniani lege idem jus, in successione ab intestato emancipatis tributum sit, quod sui habent, *Nov. 118.* certe prætoris auxilio non amplius indigent; quamvis nihilominus ad acquirendam hæreditatem necessaria illis sit aditio. Sed neque bonorum possessio *unde legitimi* necessaria. Quippe cum agnati ex lege 12. tabb. cæteræ legitimæ personæ ex Senatusconsultis aut constitutionibus, quibus jus agnationis iis datum est, succedere possint, *l. 3. unde legit.* A prætore cuiquam jura legitimæ successionis data non legimus. Hodie hæc species una fere est cum *unde cognati*.

Unde decem persona] Hanc bonorum possessionem sponte evanescere necesse fuit, nullumque ejus usum relinqui, ex quo extranei manumissores, quibus ea decem memoratas personas præponebat, esse deficerunt. Desierunt autem postquam Justinianus emancipationem fieri voluit sola professione patris, apud competentem magistratum denuntiantis, se filium de manu sua ac potestate dimittere, omni venditionum & intercedentium manumissionum ritu sublato, *l. ult. C. de emanc. lib.* nam ex eo tempore non alius, quam pater naturalis filii emancipati manumissor existere potuit. Cessante igitur bonorum possessione *unde decem persona*, locum ejus occupare jussit bonorum possessionem *unde cognati*, quæ olim necessaria, hodie non est post juris agnatorum & cognatorum confusionem. *Nov. 118.* Itaque tres illæ bonorum possessiones, *unde liberi, unde legitimi, unde cognati*, nullam necessitatem, imo vix utilitatem ullam hodie habent, mutato ordine succedentium, sublataque veteri sexus, familiar, agnationisque prærogativa. Atque in hoc omnes fere consentiunt. *Christin. vol. 4. decis. 1.*

Tanquam ex familia, & unde patroni] Ait, se hæc duas bonorum possessiones, *Tanquam ex familia, & unde patroni, liberi que & parentes eorum*, sustulisse constitutione sua de jure patronatus. Hæc est eadem illa Græca constitutio, cujus superius

quoque aliquoties meminimus, & qua totam se causam successionis libertorum plene definivisse testatur, §. 3. *de succ. libert.* Non extat constitutio; sed epitomen ejus nobis ex Basilicis repræsentat Cujacius *lib. 20. obs. 34.*

Ad similitudinem successionis ingenuorum] Hujus loci non hæc sententia est, Justinianum in successione libertorum inter se, aut in successione cognatorum liberti (agnatos, ut sæpius jam dictum est, liberti nullos habent) eadem jura constituisse, quæ in successione ingenuorum: sed hæc, voluisse simili ratione, patronum ejusque liberos, parentes, agnatosque & cognatos, succedere liberto, qua succeditur ingenuis. Quod ex iis, quæ mox subjiciuntur, liquet. Ita quoque supra *d. §. 3. in fin. de succ. libert.* ait, (se bene concordantia jura ingenuitatis & libertinitatis in successione fecisse; cum tamen ibi tantum definiat rationem, qua patroni eorumque liberi & cognati succedant liberto).

Usque ad quintum gradum] Tam liberorum patroni, quam agnatorum, aut cognatorum ejus. Quod ostendit ipsa constitutio, in qua hæc legimus; *ἡς ὁ πῦρτος βαθμὴ οἱ ἐκ πλαγίης συγγενεῖς τῷ πατρὶνι, καὶ οἱ κατόντις αὐτῷ κληρονομήτωσαν τὸ ἀπὸ τοῦ τετοῦ.* Fal-
luntur igitur Mynsin. & Pacius, dum verba textus restringunt ad eos, qui ex transverso patrono juncti. In summa, hanc differentiam Justinianus esse voluit ingenuitatis & libertinitatis in successione, ut licet illæ laxius deferantur, hæc tamen intra quintum gradum liberorum & cognatorum patroni consisterent, *d. §. 3. de succ. libert.* in cujus §. sine ob hanc causam particula (*pene*) addita est.

Sufficit eis contra tabulas] Si libertus liberos non habens testamento suo patronum præterisset, aut minus parte dimidia bonorum reliquisset, datur edicto prætoris patrono contra tabulas liberti partis dimidiæ bonorum possessio, §. 1. *d. tit. d. succ. libert.* Justinianus pro dimidia tertiæ tantum partis dari voluit, *d. §. 3.* Ad hanc tertiæ partis bonorum successionem admittuntur soli patroni eorumque liberi, non etiam qui ex latere veniunt. Sed nec liberi admittuntur ultra quintum gradum. Utrumque hoc eadem constitutione expressum est: sic enim definit, ut in proposito tertiæ partis bonorum possessionem petere possint *ὁ πῦρτος καὶ πεντέωντος, ἢ παῖδες αὐτῶν, καὶ οἱ ἐκ πλαγίης κατόντις τῷ πατρὶνι καὶ μόναι οἱ περιττοὶ αὐτῶν κατόντις, ὁ ἐκ πλαγίης, ὅτε ἔχουσιν τὰς ἐκαστῶν τὴν ἀπὸ τοῦ τετοῦ.*

Unde legitimi, & unde cognati] Itaque liberto intestato sine liberis mortuo, patronus, liberi ejus, agnati & cognati ex iis aliorum agnatorum & cognatorum ordinibus admittentur.

Unde vir & uxor] Hanc servatam Justinianus proximo loco ab illa *unde cognati* collocavit, ag-
men=

4. menque ordinariorum claudere jussit. Est inter eas, quæ ab intestato promittuntur, sola etiam nunc necessaria. Illa alia successionis species est, per quam conjux inops ad partem vocatur, *urb. præterea, C. und. vir & ux.*

Unde cognati manumisorii] Quippe quibus sufficit generalis unde cognati, ut modo dictum est. Igitur sustulit Justinianus tres illas bonorum possessiones, quæ patrono ejusque liberis & parentibus, quæ agnatis patroni, quæ ejusdem cognatis, dabatur.

Sex bonorum possessiones ordinaria] Duæ factio testamento, contra tabulas & secundum tabulas; quatuor tabulis non extantibus, unde liberi, unde legitimis, unde cognatis, & unde vir & uxor. Dicuntur ordinariæ, quia certum habent in edicto ordinem, gradum & titulum, l. 1. quis ord. in poss. §. cum igitur 4. inf. hoc sit, quæ sequuntur sunt extraordinariæ.

T E X T U S.

Species extraordinaria.

3. Septima eas secuta, quam optima ratione prætores introduxerunt. Novissime enim promittitur edicto iis etiam bonorum possessio, quibus ut detur, lege, vel Senatusconsulto, vel constitutione comprehensum est: quam neque bonorum possessionibus, quæ ab intestato veniunt, neque iis, quæ ex testamento sunt, prætor stabili jure connumeravit: sed quasi ultimum & extraordinarium auxilium (prout res exigit) accommodavit, scilicet iis, qui ex legibus, Senatusconsultis, constitutionibusve principum, ex novo jure, vel ex testamento, vel ab intestato veniunt.

N O T A.

3. LEGE VEL SCTO] l. un. D. ut ex legib. scribis vel constit. bon. poss. Distinguitur etiam bonorum possessio in edictalem & decretalem, l. 1. §. 7. de succ. edict. l. 1. §. 4. unde lib. l. 30. §. 1. de acquir. her. illa ex ipso edicto sine decreto aut causæ cognitione postulanti datur, ac proinde de plano peti potest; quales natura sua omnes ordinariæ: hæc non ex solo edicto, sed interveniente decreto, &c. decernitur, l. 2. §. 1. quis ord. in bon. poss. l. 3. §. pen. h. 1. quales Carboniana aliæque extraordinariæ l. 1. & pass.

de Carbon. edict. l. 84. de acq. her. l. 14. §. ult. cont. tab.

COMMENTARIUS.

1. Extraordinariarum bonorum possessionum quasdam esse definitas, quasdam indefinitas; atque uniusque speciei exempla.

2. Bonorum possessionem, qua edictalis dicitur, & eamque decretalem, esse species re vera oppositas, contra comm.

PRÆTER sex illas bonorum possessiones ordinarias, quas sic appellari diximus, quia certo jure atque ordine, certisque personis, tum testamento factio, tum ab intestato deferuntur, haud secus ac ex legibus hæreditas, sunt etiam nonnullæ extraordinariæ, quæ extra certum illum ordinem quibusdam accommodantur. Harum autem quasdam definitæ sunt, hoc est, semel certis casibus ac personis propositæ, his ipsis causa cognita decernuntur: cujusmodi est ea, quæ ventri datur, *tit. de ventr. in poss. miss.* item Carboniana, quæ ex edicto Carboniano datur impuberi, qui filius esse negatur, dilato status judicio in tempus pubertatis, l. 1. & pass. de Carb. edict. hæc expresse ordinariæ opponitur in l. 3. §. pen. & ult. d. tit. 1. §. si quis, de legat. præst. Aliæ indefinitæ & vagæ, quæ variis ex causis, prout res & æquitas exigit, à prætore decernuntur. Huc pertinent species propositæ in l. Centre 84. de acq. her. l. 4. §. ult. cum l. seq. l. si duobus 14. §. ult. cont. tab. l. infanti 18. C. de jur. delib. l. 2. §. si quis 11. ad Terryll. Nonnulli huc etiam referunt bonorum illam possessionem præparatoriam querelæ inofficiosi testamenti, quæ liti ordinandæ causa conceditur, l. 6. in fin. & l. 7. de inoff. testam. Pertinet huc & ea bonorum possessio, quæ lege uti detur, senatusve consulto, aut constitutione, cautum est, l. un. ut ex legibus, &c. l. 3. unde legis. Exempla ex lege Papia, lege Cornelia, Senatusconsulto Aproniano, profert Scipio Gentil. 1. de jurisdict. 26. argum. §. 2. sup. de succ. liberis. l. omniibus, ad Senatusconf. Treb. l. 4. C. de postlim. rev. Cujacius & Hotomannus ex constitutione Hadriani, qua militis capite damnati ex delicto militari bonorum possessio deferretur cognatis militis usque ad quintum gradum, l. 2. de veter. success. l. 6. §. de injust. rupt. test. Hotomannus item aliud ex ejusdem Imperatoris constitutione, quæ in specie l. posthumum 12. d. tit. scriptis hæredibus deferretur bonorum possessio secundum tabulas, ut rem obtineant, quæ alioqui sine re futura erat. Peramiscuntur autem hæc bonorum possessiones per omnes superiores ordines, verbi causa, Carboniana datur impuberi, cui controversia sit, an sit ex liberis, si præteritus est, contra tabulas; si institutus, secundum tabulas: ab intestato, unde liberi, l. 1. & l. 3. de Carbon. edict. In libris nostris

bonorum possessio sic etiam distinguitur, ut quædam dicatur edictalis, quædam decretalis, *l. 1. §. decretalis 7. de succ. edict. l. 1. §. sed & 4. unde lib. l. cum quidam 30. §. 1. de acq. hered.* Doctores vulgo existimant, non esse hæc nomina diversarum specierum, sed attributa tantum, quibus una eademque specie bonorum possessio distinguitur; & edictalem dici, quatenus ex edicto prætoris mortui, ut loquuntur, competit: decretalem, quatenus à vivo prætoris conceditur; Sed eandem bonorum possessionem, quæ edictalis proposita & promissa, decretalem dici quatenus petita & agnita. Ita post *Accurs. Cyn. Bart.* aliosque veteres interpretes, *Sichard. ad rub. Cod. qui admod. ad bon. possess. num. 10. & seqq. Schneid. in §. seq. num. 7. Myns. hic ad rubr. num. 10. Menoch. rem. 1. ad pifc. post. num. 10. & seqq. Grass. §. bonorum possessio, quest. 3. Tuldén. comm. in hunc tit. cap. 3.* Sed videamus, an noni, quod magis arbitror, sint revera hæc distinctæ & oppositæ species, & falsa illa DD. opinio. Moveor primum eo, quod edictalis decretali opponitur, ut ordinaria extraordinaria, *l. 3. §. hac autem 14. & seq. de Carbon. edict. l. 5. §. 3. de leg. præst.* Deinde quod Jurisconsultus scribit, concessione Carbonianæ possessionis non impediri edictalem, *d. l. 1. §. 4. unde lib. & quod huic simile in d. l. 3. §. pen. de Carb. edict.* eum qui se filium dicit, non solum Carbonianam possessionem accipere debere, verum etiam ordinariam. Tertio quod decretalis expressè opponitur ei, quæ de plano agnoscitur, *l. 2. §. 1. quis ordo in bon. possess.* Quarto, quod in tempore petendæ edictalis dies omnes utiles, id est, quibus qualiscunque magistratus copia fuit, in decretali tantum dies sessionum, ut utiles, computentur, *d. l. 2. §. 1.* Quinto, quod decretalis cum effectu proprie non intelligitur delata, antequam decreta est: cui consequens est, quod nec repudiari possit, *d. l. 1. §. decretalis de succ. edict.* at in edictali tempora delationis & acquisitionis distincta sunt, ut in hereditate; ac proinde jus ejus petendæ repudiari potest, *d. l. 1. §. 1. & §. qui semel G. l. in plurium 70. de acq. her.* Hæc omnia, si quid video, clare ostendunt, DD. in explicatione hujus rei errasse, & memoratas bonorum possessiones vere esse diversas species, & quæ forma differant. Nimirum edictalem dici & esse, quæ postulanti datur ex ipso edicto sine decreto aut causæ cognitione, quæ proinde etiam de plano peti potest; quales natura sua sunt ordinariæ omnes: decretalem, quæ non ex folo edicto, sed interveniente decreto magistratus datur; seu quæ causâ cognita petenti adjudicatur, ac proinde sedente pro tribunali magistratu peti & decerni debet; *d. l. 2. §. 1. quis ord. in bon. poss. l. 3. §. pen. hoc tit.* quales natura sua Carboniana, aliæque extraordinariæ, *l. Centre 84. de acq. her. l. si duobus 14. §. ult. contr. tab.* Aio, natura sua: nam ex acci-

denti fieri potest, ut interdum de plano peti & concedi possit, quæ natura sua decretum requirit; atque ut in edictali propter contradictionem alterius aliquando opus sit causæ cognitione, *arg. l. 1. §. si ea 14. l. 7. §. 1. de Centre, in poss. mitt. l. 1. pr. l. 3. §. 4. de Carb. edict. l. 3. §. pen. hoc tit.* Atque ita ferme etiam doctissimi recentiorum interpretum Baro, Duar. Cujac. Hotom. Donell. Wesemb. Bachov.

TEXTUS.

De successorio Edicto.

4. Quum igitur plures species successionum prætor introduxisset, easque per ordinem disposuisset, & in unaquaque specie successionis sæpe plures extent dispari gradu personæ; ne actiones creditorum differrentur, sed haberent, quos convenirent, & ne facile in possessionem bonorum defuncti mitterentur, & eo modo sibi confulerent: ideo petenda bonorum possessioni certum tempus præfinivit. Liberis itaque & parentibus tam naturalibus, quam adoptivis in petenda bonorum possessione anni spatium, ceteris autem (agnatis vel cognatis) centum dierum dedit.

COMMENTARIUS.

Dispositis per ordinem bonorum possessionibus edictum prætor subjecit, quod successorium ex potissima parte appellatur. Duo enim sunt hujus edicti capita. Priore, quod principale est, prætor denuntiat, se inter eos, quibus bonorum possessio defertur, successionem permitturum, *l. 1. §. quibus 10. de success. edict.* Successio hæc duplex est, una ordinum, altera graduum. Ordinum dicitur, cum ordo personarum universus, quarum in petenda bonorum possessione prima causa est, illam omisit; veluti liberis omnibus omittentibus res ad agnatos redit, & his rursus eam repudiantibus ad cognatos: postremo ad virum & uxorem. Hi enim nunc sunt ordinis intestati, *§. 2. sup. eod. l. 1. §. 1. unde lib. l. 1. quis ord. in bon. poss.* quibus locis verba Jurisconsultorum à Triboniano circumcisa sunt. Vulgo hæc successio de ordine in ordinem appellatur. Potest & de capite in caput nominari, *l. 5. C. qui adm. ad bon. poss.* Graduum successio dicitur; cum iis, qui in ordine aliquo sunt gradu proximo, omittentibus, remotoris

TEXTUS.

De iure accrescendi iterum de successorio Edicto.

5. Et, si intra hoc tempus aliquis bonorum possessionem non petierit, ejusdem gradus personis accrescit, vel si nullus sit, deinceps ceteris bonorum possessionem perinde ex successorio edicto pollicetur, ac si is, qui precedebat, ex eo numero non esset. Si quis itaque de latam sibi bonorum possessionem repudiaverit, non quousque tempus bonorum possessioni prefinitum excefferit, expectatur: sed statim ceteri ex eodem edicto admittuntur.

COMMENTARIUS.

Non tantum in successione ex testamento locus est iuri ad accrescendi, verum etiam in successione ab intestato, tum legitima, §. ult. *sup. de Senatus-cons. Orfic.* tum honoraria. Ut docet hic locus, & l. 3. §. ult. cum 2. ll. seqq. hoc tit. l. un. Co. l. quand. non pet. part. §. id. Duur. 2. de iure accresc. 20. & 2. c. 18.

Non petierit] Si plures sint, quibus bonorum possessio competit, quorum unus admisit bonorum possessionem, ceteri non admiserunt, vel quod spreverint jus suum, aut tempore bonorum possessionis finito exclusi sunt, aut ante mortui, quam bonorum possessionem petierint, ei, qui admisit, ad crescent portiones, quæ ceteris competere, si petissent, d. l. 2. §. ult. & 2. seqq. Et accrescunt igitur portiones deficientium sine nova petitione aut agnitione, ut iure civili portiones hæredum deficientium sine nova additione accrescunt iis, qui pro sua parte hæredes extiterunt.

Deinceps ceteris] Qui vel in eodem ordine inferiori gradu sunt, aut his omnibus deficientibus, qui proximi sunt gradu in ordine sequenti. Nam edicto successorio non est locus, nisi inter personas diversi ordinis aut gradus. Illud notandum, successione ordinum prætorem admisisse etiam in una eademque persona, verbi causa, ut filius omnia bonorum possessione unde liberi, petere adhuc possit unde legitimi aut unde cognati, d. l. 1. §. sed & videndum in de success. edict. l. 2. unde legit.

Sed statim ceteri] Ut primum quis de latam sibi bonorum possessionem repudiavit, continuo ceteri admittuntur, non expectato tempore petitioni prefinito,

motioris gradus in eodem ordine personæ admittuntur. Quæ successio est de gradu in gradum; atque in solo ordine cognatorum, non etiam liberorum aut agnatorum, locum habet. Nam in liberorum ordine nulla est gradus prærogativa; agnatos vero remotiores proximis repudiantibus non quasi agnatos, sed quasi cognatos, prætor admittit, §. placebat 7. *sup. de leg. succ. eff. agn.* Sed enim cum eo loco Justinianus etiam in hæreditatibus graduum successionem inter agnatos, admisit, prætoris est, etiam in bonorum possessione eam inter illos admittere, arg. l. 3. unde legit. quamquam nunc hæc disputatio supervacua est, sublata prærogativa ordinis agnatorum. No. 118. Capite hujus edicti altero certum tempus petendæ bonorum possessioni præfinitur. d. l. 1. in pr.

In unaquaque specie successionis] Id est, ordine; ut in tribus illis, intestati, liberorum, agnatorum, cognatorum. Nam quarti, viri sc. & uxoris, nulli sunt gradus.

Plures dispari gradu] Gradus bifariam usurpatur; interdum pro ordine successionis ab intestato, l. 1. quis ord. in bonor. possess. l. 5. und. cogn. frequenter vero ut & hoc loco, pro ordine cognationis.

Ne actiones creditorum differantur] Edictum successorium præcipue quidem cognatorum inferiorum causa comparatum est; sed tamen ex parte id etiam creditoribus consulit, atque ipsi quoque defuncto: triplicique omnino de causa prætor est re esse putavit præstitueret certum & breve tempus ad bonorum possessionem petendam. Prima est, ut sciri posset, quando finito iure primorum graduum sequentes eam petere possent, nullove petente insequens ordo aut fiscus admitteretur. Altera, ne, si bona hæreditaria diu jacerent, creditoribus longior mora afferetur, quorum interest mature scire, utrum habeant, quem convenienter bona fisco sint delata. Tertia, ne creditores, si nemo inveniat, qui actiones excipiat, ad possessionem & distractionem bonorum procedant, quod defuncto ignominiosum, d. l. 1. in pr. & §. 1. de succ. edict.

Liberis & parentibus anni spatium] Largius tempus liberis & parentibus tributum est in honorem sanguinis, l. 1. §. largius 12. de succ. edict. Parentes quidem nullo proprio ordine aut capite ad bonorum possessionem vocantur: ceterum admittuntur vel ex capite unde legitimi, ut parens manu-missor, cui etiam contra tabulas datur, d. l. 1. §. pen. & mater, quæ ex Tertulliano venit, l. 2. §. ult. unde leg. vel ex capite unde cognati. Atque ex his omnibus causis intra annum bonorum possessionem petere possunt, d. l. 1. §. ult.

nito, *d. l. 1. §. quibus 10. de succ. edict.* Ex quo intelligimus, tum eum, qui semel noluit bonorum possessionem petere, jus ejus petendæ amississe, etiam si tempora largiantur; tum quod huc præcipue pertinet, repudiantibus primis, statim insequentibus tempus currere; quippe ad quos, illis repudiantibus bonorum possessio statim pertinere incipit, *d. l. 1. §. 6.*

T E X T U S.

Explicatio dicti temporis.

6. In petenda autem bonorum possessione dies utiles singuli considerantur.

C O M M E N T A R I U S.

Qui dies continui, qui utiles, qui sessionum. Et quando de plano prætor jus reddere dicatur.

Dies in jure nostro alii sunt continui, alii utiles. Continui, qui sine interruptione nullisque exceptis currunt: utiles illi duntaxat, quibus experundi sui juris potestas est, *l. 1. de div. & temp. præscr. l. 12. §. quidam 5. ad leg. Jul. de adul. & proinde hi neque ignorant, neque agere non valenti currunt. In hoc ergo negotio cum dies utiles solum considerantur, neque illud tempus numerabitur, quo quis nescivit bonorum possessionem sibi delatam esse, neque illud, quo a prætore eam postulare non potuit, *l. 2. pr. quis ord. in bon. poss.* Non enim semper prætoris copia est, *l. sed & si 26. pr. & §. 4. ex quib. ca. maj.* Duplicitèr vero prætor copiam sui facit: interdum pro tribunali quovis alio loco, ubi salva majestate imperii sui salvoque more majorum jus dicere constituit, *l. pen. de just. & jur.* Quibus diebus pro tribunali sedens postulationibus & cognitionibus occupatur, ii dies sessionum appellantur, *d. l. 2. §. 1. quis ord. in bon. poss.* Cum alio loco civibus se præbet, de plano jus reddere dicitur, *l. nec quicquam 9. §. 3. de offic. proc. l. 6. de accus.* suntque hæc nostris adversa, pro tribunali cognoscere, & de plano, *l. 1. §. abolitio 8. ad Turpil. l. unius 18. in fin. de quæst.* Quæcunque causæ cognitionem decretumque magistratus desiderant, pro tribunali, non de plano cognoscenda & expedienda sunt, *d. l. 9. §. 1. de off. proconf. l. omnia 71. l. ubicunque 109. de reg. jur.* Cum ergo, ut antea ostendimus, quædam bonorum possessiones sint, quæ decretum magistratus exposcunt, ob quam causam etiam decretales dictæ; quædam, quæ decretum causæ cognitionem non requirant, edictales appellatæ; & consequenter illæ tantum pro tribunali peti & dari, hæc verò etiam de plano possint: hinc fit, ut in his omnes dies, quibus quovis modo prætoris copia fuit, utiles numerentur, in illis sessionum duntaxat, *d. l. 2. §. 1. quis ord. in bon. poss.**

T E X T U S.

Quomodo peti debet.

7. Sed bene anteriores Principes & huius causæ providerunt, ne quis pro petenda bonorum possessione curet; sed quocunque modo admittentis eam indicium ostenderit, intra statuta tamen tempora, plenum habeat earum beneficium.

N O T A.

QUOCUNQUE MODO, &c. INDICIUM] Sufficit quaecunque indicium admittendæ bon. possessionis, *ciudè mors & aquas*, qualiscunque significatio, aut, ut est in *d. l. ult.* testatio amplectendæ hæreditatis. Magistratum tamen adire oportet, apud quem de voluntate nostra publice testemur, *d. l. ult.*

C O M M E N T A R I U S.

Vetus petitio bonorum possessionis solennis fuit, ut significat *l. 1. C. comm. de succ.* Solennitas certarum verborum conceptionem seu formulam habuit, quibus & peteretur, & petenti daretur. Tum etiam hic ritus erat, quod non apud quemvis magistratum peti poterat, nec cujusvis magistratus erat dare, sed solum prætoris in urbe, & præsidum in provinciis, *l. 2. §. 1. & seqq. quis ord. in bon. poss.* Utrumque hoc sustulit Constantius, exclusisque verborum inanum, ut ipse eas appellat, captionibus, constituit, ut satis sit eum, cui bonorum possessio delata est, quemvis judicem, & vel magistratum municipalem adire, atque apud hunc qualicunque voluntatis testatione interposita bonorum possessionem amplecti, *l. ult. C. qui adm. ad bon. poss.* Cæterum hoc ad extraordinarias bonorum possessiones, quæ non nisi causa cognita decernuntur, non pertinet: sed hæc etiam nunc prætorem & tribunal desiderant.

Sed quocunque modo admittentis, &c.] Magistratum tamen aliquem adire oportet; apud quem de voluntate nostra publice testemur: alioqui si nuda & simplex declaratio voluntatis privatim aut coram testibus facta sufficeret, agnitio bonorum possessionis nulla in re differret ab additione hæreditatis: & Constantius tantum necessitatem petitionis solennis & necessitatem prætoris aut præsidis adeundi in agnoscenda bonorum possessione sustulit, *d. l. ult. C. qui adm. ad bon. poss.* In hisce regionibus bonorum possessionis nullus usus est, sed videtur tantum additione sive agnitione hæreditatis civili. De Germa-

nia idem testatur Giphanius. De Gallia Baro & Bugnion. *lib. 5. leg. abrog. c. 17. in fin.* Apud quosdam adhuc locus esse dicitur bonorum possessioni unde *Gir & uxor*; apud nos tamen nunquam usurpata fuit. Quin contra non semel accidit, ut hscus, nemine ex consanguineis sese offerente, bona cum superstiti conjuge diviserit, *decis. supremi apud nos Senat. 7. Grot. 2. introd. 30. Aad. Christin. Sol. 6. decis. 62. n. 6. Gudel. lib. 2. de jur. noviss. c. 16. Zypa, not. jur. Belg. tit. unde liberi, Groenem. tit. C. unæ Gir & ux.*

TITULUS XI.

De acquisitione per adrogationem.

Continuatio.

Sequitur nunc species acquisitionis per universitatem, quæ inter hæc genera tertio loco collocata est §. ult. *sup. per quas pers.* nimirum acquisitio per adrogationem. Inter superiores autem illas & hanc hæc est differentia, quod per illas defuncti, per hanc viventis universa bona acquirimus. Estque hæc acquisitio necessarium consequens juris patriæ potestatis.

TEXTUS.

Est & alterius generis per universitatem successio: quæ neque lege duodecim Tabularum, neque Prætoris edicto, sed eo jure, quod consensu receptum est, introducta est.

COMMENTARIUS.

Cum jus hujus acquisitionis dependeat à jure antiquo patriæ potestatis, quæ potestas lege Romuliprimum introducta, à decemviris postea repetita est, ut ostendimus *sup. tit. de patr. potest.* ex lege potius seu legis sententia hanc acquisitionem descendere, quam moribus aut consuetudine receptam esse, dicendum videtur, *arg. l. 6. §. 1. de verb. obl. & sup. tit. de leg. patron. tut.* cum satis constet, eos qui adrogantur, tam jure legeque filiosfam. fieri, quam si ex patre matreque ejus familias nati sint. Dicitur quidem etiam patria potestas moribus recepta, *l. 8. de his qui sui vel al. jur.* sed duntaxat certo respectu, ut loco citato demonstratum est. D. Cujacius non ad modum acquirendi hæc refert, sed ad jus adoptandi seu adrogandi; quod exterum cum esset, populus Rom. receperit, sibi que adsciverit ex legibus theticis Græcorum. Sane nusquam proditum est, lege aliqua cautum, ut liceret civi Romano filium sibi adoptare. Quin singulæ adrogationes stante repub. per populi rogationem fiebant comitiis

curiatis: quod diligentius expositum *tit. de adopt.*

TEXTUS.

Quæ hoc modo acquiruntur. Jus Ventus.

1. Ecce enim cum paterfamilias sese in adrogationem dat, omnes res ejus, corporales & incorporales, quæque ei debite sunt, adrogatori antea quidem pleno jure acquirebantur, exceptis iis, quæ per capitis deminutionem pereunt; quales sunt operarum obligationes, & jus agnationis: usus etenim & usufructus licet bis antea connumerabantur: at tamen capitis deminutione minima eos tolli prohibuit nostra constitutio.

NOTÆ.

1. QUALES OPERARUM] Officialium scilicet, nam fabrilium obligatio capitis deminutione non perimitur: quippe quæ à quocumque cuicumque rectè solvuntur, *l. 2. §. 1. de op. lib.* Locus difficilis, quem Th. se explicaturum pollicetur, non explicat tamen, lapsu, ut credo, memoriæ: videtis Cujac.

NO STRA CONSTITUTIO] *l. pen. C. de usufr. vid. sup. §. pen. d. r.*

COMMENTARIUS.

1. Per adrogationem etiam possessionem acquiri adrogatori: & quare.

2. Operarum obligationes quæ hic intelligantur.

Omnēs res ejus] Qui se adrogandum dat, cum capite fortunas quoque suas, id est, omnia, quæ habet, transfert ad patrem adoptivum, *l. pen. §. 2. sec. tab. l. 15. de adopt.* adeo ut actiones etiam & nomina transeant sine ulla cessione, *hoc text.* quippe cessio, quæ alias ad actiones transferendas necessaria est, hic non est: quoniam hæc acquisitio universalis est, & quantum ad commoda attinet, successioni per omnia similis. Quinetiam non proprietas tantum, verum & possessio adrogatori acquiritur, *l. 16. de precar.* neque absurdum est, licet id Faber existimet, plus in eo tribui adrogatori, quam hæredi, ad quem et si adita hæreditate jura omnia transeunt, possessio tamen non pertinet, nisi eam naturaliter apprehenderit, *l. cum hæredes 23. de acq. poss.* Nam adrogatus, qui ante adrogationem suo nomine possidebat, adrogatione facta patris nomine possidere incipit, eumque statim possessorem ministerio suo facit, *arg. l. quod*

1. *quod meo 18. d. tit.* Non idem dici potest possessor mortuo, ac proinde nec de hærede: quod etiam Glossa intellexit, & Bart. in *d. l. 16.* ubi etiam hoc à simili colligit, si aliquis monasterium intraverit, ipso ingressu sine nova apprehensione monasterium acquirere rerum omnium possessionem: de quo amplius DD. in *auth. si quis mulier C. de Sacrosanct. eccles.* Atque olim quidem hæc omnia adrogatori acquirebantur pleno jure: Justinianus vero eandem moderationem hic servari voluit, quam adhibuit in acquisitione per liberos naturales, §. 2. *inf.*

2. *Quales sunt operarum obligationes*] Operarum sc. officialium: quod additum oportebat: nam fabricum obligatio capitis minutione non perimitur. Quod ut perfectius intelligatur, sciendum est, operarum duas esse species, officiales & artificiales. Officiales sunt, quas libertus patrono officii causa præstat: artificiales, quæ in artificio aliquo consistunt, puta fabricandi, pingendi, medicandi. Illæ non ab alio, quam à libertis, nec alii, quam patrono, deberi possunt: artificiales à quocumque cuicumque rectè solvuntur, *l. 9. §. 1. de oper. libert.* Hinc est, quod artificiales etiam in hæredem transeunt, officiales non item, *l. 6. l. 7. §. pen. eod.* quodque officialium obligatio adrogatione extinguitur. Hoc enim fieri necesse est, quandoquidem in persona adrogati durare non potest, nisi acquiratur adrogatori. At adrogator patronus non est, cui soli hæc operæ deberi possunt, ut dictum est. Planè jus obsequii non videtur capitis deminutione perimi, *arg. l. 10. §. 2. de in jus voc.*

Jus agnationis] Quæ jura agnationi tributa sunt, capitis deminutione pereunt, & ideo ad adrogatorem transire non possunt, veluti jus percipiendarum legitimarum hereditatum, *l. 7. de cap. minut.* §. 2. *sup. de Senatuscons.* Orfic. quanquam hoc ad eas tantum hereditates pertinet, quæ lege duodecim tabularum, non etiam ad eas, quæ novis legibus aut Senatusconsultis deferuntur, *d. l. 7. & d. §. 2. de quo dictum alibi.* Sed nec jus legitimæ hereditatis, quod patronus ut patronus habet, adrogatione ejus perimitur, *l. si libertus 23. l. patroni 30. de bon. libert.*

Usus & ususfructus] Olim usus & ususfructus etiam minima capitis minutione exstinguebantur, *l. 1. quib. mod. us. am Paul. 3. sent. 6.* eadem ferè ratione, qua operarum officialium obligatio: sed hoc suffulit Justinianus *l. pen. C. de usufr. Sid. sup. §. pen. de usufr.*

TEXTUS.

Jus novum.

2. Nunc autem nos eandem acquisitionem, quæ per adrogationem fiebat, coar-

etavimus ad similitudinem naturalium parentum. Nihil enim aliud, nisi tantummodo ususfructus, tam naturalibus parentibus, quam adoptivis, per filios familias acquiritur in iis rebus, quæ extrinsecus filiis obveniunt, domino eis integro servato. Mortuo autem filio adrogato in adoptiva familia, etiam dominium rerum ejus ad adrogatorem pertransit: nisi supersint alia persona, quæ ex constitutione nostra patrem in iis, quæ acquiri non possunt, antecedant.

COMMENTARIUS.

AD similitudinem naturalium parentum] Et rectè. Nam cum naturalibus parentibus eorum, quæ extrinsecus obveniunt, ususfructum tantum acquiri voluerit, proprietate filiis concessa, *l. 6. C. de bon. quæ lib. §. 1. sup. per quas pers.* ratio non patitur, ut plus juris tribuatur patri adoptivo.

Etiam dominium rerum] Etsi jam primorum Principum constitutionibus jus acquirendi per filiosfamil. nonnihil imminutum fuit: tamen in adventitiis æquè ac profectitiis bonis diu jus vetus patri servatum, atque hæcenus quoque in peculio castrensi & quasi castrensi, ut, tamen si vivente filio nihil juris in eo pater haberet, liceretque filio in his bonis hæredem sibi testamento instituere, tamen eo intestato mortuo patrem tam res castrenses, quam reliquas, jure peculii occuparet, adeo ut nullorum adhuc bonorum hæredem filius ab intestato haberet, *l. 2. de castr. pec.* Tandem secuta est major mutatio, & primo quorundam adventitiorum duntaxat, postremo eorundem omnium ususfructum tantum patri acquiri placuit, tributa filio earum rerum proprietate: darique ei sunt & in castrensis & in peculii adventitii proprietate hæredes ab intestato, primum liberi ejus, dein fratres, tertio loco parentes, *l. 3. l. 4. d. l. 6. C. de bon. quæ lib. l. ult. C. comm. de success.* Igitur quod hic ait Justinianus, mortuo filio adrogato in adoptiva familia etiam dominium bonorum adventitiorum adrogatori acquiri, non sic accipi oportet, acquiri ei jure peculii, alioqui nemo ei anteponeretur: sed acquiri jure hereditatis, ei delatæ post liberos & fratres defuncti. Hæc enim sunt illæ personæ quæ hic patrem dicuntur antecedere ex constitutione Justiniani, quæ est *l. ult. C. comm. de succ.* Fusius hæc explicata sunt *lib. 2. quib. non est perm. fac. test.* Nov. 118. ordo successionis mutatus.

TEXTUS.

T E X T U S.

Effectus hujus acquisitionis.

3. *Sed ex diverso pro eo, quod is debuit, qui se in adoptionem dedit, ipso quidem jure adrogator non tenetur, sed nomine filii convenitur: Et si noluerit eum defendere, permittitur creditoribus, per competentes nostros magistratus bona, quæ ejus cum usufructu futura fuissent, si se alieno juri non subjecisset, possidere, Et legitimo modo ea disponere.*

COMMENTARIUS.

1. *Actiones, quæ in adrogatum competeant, directo in adrogatorem non dantur: neque actionem de peculio ex ante gesto.*

2. *An adversus adrogatum directæ actiones salvæ maneant.*

IN hoc quoque dispar ratio est adrogatoris & hæredis, quod in hæredem etiam illæ actiones, quæ adversus defunctum competeant, directo dantur, in adrogatorem non dantur, quæ competeant in adrogatum. Neque enim ut hæres personam defuncti, ita & adrogator suscipit personam adrogati. Quod obligationes & actiones adrogatori acquirantur, id ei tribuitur juri patriæ potestatis, cujus juris hæc vis est, ut omnia patri per filium quærantur, non etiam ut filius contrahendo patrem obligare possit, præterquam de peculio: sed hoc specialem rationem habet, videlicet quia pater concedendo peculium, hoc ipso etiam jus contrahendi hæcenus ei permittere videtur, per l. 1. §. 5. de acq. poss. Atque hoc ipsum argumentum est, adrogatorem de peculio conveniri non posse ex ea obligatione, quam adrogatus, antequam adrogaretur, contraxit: quomodo accipienda l. in adrogatorem §. 2. de pecul. ut scilicet, sententia Sabini & Cassii, qui ex ante gesto actionem de peculio non dabant, Ulpiano probetur. Hoc ipsum ex eo quoque confirmatur, quod ipsius patris, qui actione de peculio conveniri potest, si filium non defendat, bona possideri jubentur, l. 7. §. si quis is. quib. ex caus. in poss. est. Ad hæc tempore contractus adrogatus erat adhuc sui juris, ut nec peculium habere potuerit.

Ipso jure adrogator non tenetur] Hæc verba ipso jure Cujac. & Pacius sic interpretantur, ipso jure prætorio: ego mera & stricta ratione juris, et ex causa, ut in §. actiones 19. inf. de act. Hoc enim significat, remanere personali actione teneri, nisi qui

contraxit, aut hæredem ejus: adrogatorem autem non contraxisse; neque personam suscepisse adrogati, hæredis instar.

Sed nomine filii] Ex æquo & bono: neque enim in fraudem & præjudicium creditorum adrogationes fieri permittendum erat. Et est æquissimum, ut parens adrogator, qui bona omnia tenet, filium defendat, aut si nolit defendere, patiatu creditores mitti in bona, quæ filii ante adrogationem pleno jure fuerunt. Illud quæsitum est, an actiones ipso jure adrogatione pereant, atque ex edicto de capite minutis restituantur, an salva maneat, directæque adhuc in adrogatum, in adrogatorem utiles dentur. Prius Bachov. placet hac ratione, quoniam omnia bona adrogati ipso jure acquiruntur adrogatori, saltem ex ratione juris veteris; vel potius quia capitis deminutione etiam minima quam adrogato contingere constat, subtilitate juris actiones pereunt, l. 2. de cap. min. Prior ratio nullius momenti est: nam cum in persona filiusfam. etiam si bona non habeat, & patri omnia acquirat, obligatio consistere possit; l. 39. de obl. & act. satis liquet, ob hoc solum obligationem in persona adrogati non tolli, quod bona habere definit. Ac ne illud quidem video, quæ ratione dici possit, actiones perire capitis deminutione adrogati: neque enim sola familiæ mutatio actionem perimere potest, nisi quid aliud interveniat, ut in emancipatione, per quam filius deducebatur in imaginariam servilem causam, l. 3. §. 1. de cap. min. In adrogatione vero nullæ venditiones aut manumissiones intercedebant. Probabilius itaque mihi videtur, in quæstione proposita actiones non ipso jure sublatas atque ex edicto restitutas fuisse; sed mansisse salvas & utiles, ex ante gesto in adrogatorem datas hoc effectu, ut aut creditoribus responderet, aut hoc eo non faciente pateretur eos mitti in bona, quæ filius habuit & transtulit: similiter ut in specie l. 7. §. pen. d. tit. neque aliud hic locus significat.

Cum usufructu fuissent] Hoc ideo ait, quia nunc solus usufructus parenti adrogatori quæritur, proprietate penes adrogatum manente, §. pra. Ait, legitimo modo disponere: de quo adi. tit. 4. quib. ex caus. in poss. est. & de reb. auct. jud. poss. item de curat. bon. dand.

T I T U L U S X I I.

De eo, cui libertatis causa bona addicuntur.

T E X T U S.

Accessit novus casus successionis ex constitutione divi Marci. Nam si ii, qui li-

bertatem acceperunt à domino in testamento, ex quo non aditur hæreditas, velint bona sibi addici libertatum conservandarum causa, audiuntur.

COMMENTARIUS.

Quartus acquirendi per universitatem modus, & postremus inter eos, qui propositi sunt §. ult. sup. per quas pers. est libertatum conservandarum causa bonorum additio. Hæc acquisitio neque lege antiqua introducta aut confirmata est, ut hæreditas; neque jure prætorio, ut bonorum possessio, neque consensu populi, ut adrogatio: sed ex constitutione D. Marci descendit, cui constitutioni causam dedit favor libertatis, l. 2. de fideic. lib. l. 6. §. 1. ult. C. de testam. man. Etsi autem is, cui bona libertatis causa addita sunt, neque hæres est, neque bonorum possessor: tamen quia in locum defuncti succedit, bonorum possessori assimilatur, l. 4. §. propen. de fid. lib. atque in eum tanquam in hæredem prætorium utiles actiones creditoribus dantur, l. 3. d. rit. Verba constitutionis D. Marci primum Justinianus refert; deinde exponit.

Qui libertatem acceperunt] Uberius sub disjunctione dixisset, *vel quilibet extraneus*; qua disjunctione utitur l. ult. in pr. C. de testam. man. & ita loquitur, quasi constitutio D. Marci eodem modo disjunctim locuta sit: quemadmodum etiam Jurisconsultus l. quod D. Marco so. §. 1. de man. testam.

Ex quo non aditur hæreditas] Fieri enim sæpe potest, ut hæres metuens æris alieni hæreditarii magnitudinem hæreditatem adire recuset, atque ita deserto testamento nihil ex eo, ac ne libertas quidem debeat, l. 2. C. de test. man. l. 1. C. de fideic. libert.

TEXTUS.

1. Et ita divi Marci rescripto ad pompilium Rufum continetur. Verba rescripti ita se habent: Si Verginio Valenti, qui testamento suo libertatem quibusdam adscripsit, nemine successore ab intestato existente, in ea causa bona ejus esse cœperunt, ut venire debeant, is cuius de ea re notio est, aditus rationem desiderii tui habebit, ut libertatum earum, quæ directo, quam earum quæ per speciem fideicommissi relicte sunt,

tuendarum gratia addicantur tibi, si idoneè creditoribus caveris de solido, quod cuique debetur, solvendo. Et ii quidem, quibus directæ libertas data est, perinde liberi erunt, ac si hæreditas adita esset: ii autem, quos hæres manumittere rogatus est, à te libertatem consequentur; ita ut si non alia conditione velis tibi bona addici, quam ut ii etiam, qui directo libertatem acceperunt, tui liberti fiant. Nam huic etiam voluntati tuæ, si ii quorum de statu agitur, consentiant, auctoritatem nostram accommodamus. Et ne hujus rescripti-
onis nostræ emolumentum alia ratione irritum fiat, si fiscus bona agnoscere voluerit, & ii, qui bonis nostris attendunt, sciant, commodò pecuniario præferendam esse libertatis causam, & ita bona cogenda, ut libertas eis salva sit, qui eam adipisci potuerunt, ac si hæreditas ex testamento adita esset.

NOTÆ.

1. POMPILIUM RUFUM] Putat Eguin. Baro servum, ad quem rescribit D. Marcus, prænomen sortitum esse manumissoris, & ad id tempus Justinianum respexisse.

NEMINE SUCCESSORE AB INTESTATO] Alias si destituto testamento is, qui ab intestato venit, hæreditatem amplectatur, libertates non debentur, l. 1. C. de fideic. lib.

TUI LIBERTI FIANI] A te libertatem accipiant, tanquam fideicommissariam. Wesf.

SI FISCUS BONA AGNOSCERE] Fisco quoque causa libertatis prælata, ut nec ille aliter ad bona vacantia admittatur, quam si & ipse libertates præster, d. l. 4. §. 17. de fideicom. lib.

COMMENTARIUS.

Pompilium Rufum] Hæc nomina non conveniunt servo, non magis quam *Gajus Sejus* l. 23. de manum. & ideo assentiri non possum Theophilo, asserenti, hunc Pompilium Rufum fuisse unum ex servis Verginii Valentis testamento manumissis. Ut

ut est, etiam extraneo libero homini ipsa constitutione D. Marci permitti bonorum additionem, ostendunt *d. l. 50. §. 1. de man. test. l. ult. C. cod.* quamvis potius ad extraneos productam colligas ex *l. 6. C. cod.*

Testamento libertatem adscripsit] Hoc rescriptum locum non habet, nisi libertates datae sint, Ait *adscripsit*. Quid si libertates dedit hærede testamento non scripto, sed nuncupato? placet, etiam hic constitutioni esse locum, *d. l. ult. C. de test. man.*

Nemine successore ab intestato] Explicatius dixisset, nec ex testamento, nec ab intestato: siquidem huic rescripto locus non datur, nisi cum nec ex testamento, nec ab intestato quisquam hæres est, *d. l. ult.* Nemo tamen ex hoc loco colligat, testamentariis hæredibus repudiantibus, si ab intestato hæres existat, libertates præstandas esse: certum enim est, destituto testamento, si is qui ab intestato venit, hæreditatem amplectatur, nec libertates deberi, *l. 1. C. de fid. lib. l. 14. C. de fideic.* Ut enim magnus sit libertatis favor, tamen tantum huic favori tribui non debuit, ut jus alteri quaesitum, legitimis nimirum hæredibus, auferatur.

Venire debeant] Si cui mortuo nemo hæres extet, qui creditoribus satisfaciat, bona ejus in ea causa sunt, ut possideri à creditoribus, aut recta constituta auctione vendi possint, *l. 8. quib. ex ca. in poss. l. 6. C. de bon. auct. jud. poss.* Ex quo intelligimus, hac constitutione etiam famæ defuncti consultum.

Addicantur] Addici igitur bona dicuntur, cum ab eo, qui jurisdictioni præest, causa cognita petenti attribuantur; qui proinde tanquam decretalis bonorum possessor constituitur.

Si idoneè caveris] Addici ita demum bona voluit, si idoneè creditoribus cautum fuerit de solido, quod cuique debetur, solvendo, *l. 2. l. 4. §. addici §. de fideic. lib. merito.* Ita enim favendum libertatibus est, ut ne alteri inferatur injuria. Quid est autem idoneè cavere? Satisdato utique, vel pignoribus datis. Sed tamen etsi fides habita fuerit promittenti sine satisfactione, placet, idoneè cautum videri, *d. l. 4. §. addic.* De solido autem, id est, de forte & usuris, *d. l. 4. §. de solido. 11.* Justinianus etiam pactionem de parte solvenda creditoribus admittendam censuit, *d. l. ult. §. 1. C. de testam. man.*

Quibus directam libertas data] Qui directam libertatem acceperunt, statim post additionem bonorum liberi fiunt; qui fideicommissariam, manumittendi sunt ab eo, cui bona addicta sunt. Itaque illi Orcini, hi liberti manumissoris efficiuntur. Plane qui bona sibi addici desiderat, ut mox sequitur, si non alia conditione velit sibi addici, quam ut etiam hi, qui directam libertatem acceperunt, ipsius liberti fiant, fient, si modo consentiant contenti fideicommissaria libertate: neque tamen dissensu quorum-

dam impeditur bonorum additio, sed quem patrum habere recusant, dominum habere coguntur, *d. l. ult. C. de test. man.*

Ac si hæreditas adita] Aut bonorum possessio admittitur decretave. Non igitur ex pactione, sed ex additione, quæ vicem additionis hæreditatis, aut agnitionis adjudicationisve bonorum possessionis obtinet. Illud notandum, loqui rescriptum in casu testamenti facti: nam ab intestato nemini libertas directo competere potest.

Si fiscus bona agnoscere] Bona eorum, quæ hæredem non habent, vacantia dicuntur, ea à quæ jure regali occupari, notissimi juris est. Verum in hoc argumento libertatis causa commodò fisci benignè prælata est, ut etiam si non sit, qui bona sibi addici petat conservandarum libertatum gratia, tamen fiscus non aliter admittatur, quam si & ipse libertates præstet, *d. l. 4. §. eadem 17. de fid. libert.* Enimvero si bona damnati vel debitoris sui fiscus occupet, cessat hæc constitutio: sic cum Accurs. accipio illud, *si alia ratione agnoscat*, in *d. §. eadem*.

T E X T U S.

Utilitas rescripti.

2. Hoc rescripto subventum est & libertatibus, & defunctis, ne bona eorum à creditoribus possideantur & veneant. Certè si fuerint hac de causa bona addicta, cessat bonorum venditio: existit enim defuncti defensor, & quidem idoneus, qui de solido creditoribus caret.

C O M M E N T A R I U S.

Indicatur hoc §. primum finis atque utilitas hujus rescripti: deinde ostenditur, non esse conjunctum cum injuria creditorum. Finis rescripti duplex est, ut libertates datae conserventur, qui principalis est; tum ut famæ defuncti consulatur, cui ignominiosum, bona sua à creditoribus possideri & distrahi: qua de re M. Tullius pro Quintio, & Justinian. §. 1. sup. quib. ex ca. man. & §. 1. de hæred. qual. Creditores injuria non afficiuntur: nam per bonorum ex hac causa additionem fit quidem, ut ipsi in bona defuncti ire & sibi consulere non possint: ceterum existit idoneus defuncti defensor, qui de solido, quod cuique debetur, solvendo caveat, ut justam quærimoniam causam nullam habeant. Ita enim in universum jus est, ut quoties alicujus defensor idoneus existit, creditores in bona ejus non mittantur, *l. 2. & pass. quib. ex ca. in poss. l. sed & ha. 35. §. 3. l. pen. de procur.* Legatis

riis ex hac causa nec cavendum est: quippe qui de-
stituto testamento nihil consequerentur.

T E X T U S.

3. In primis hoc rescriptum toties lo-
cum habet, quoties testamento libertates
datae sunt. Quid ergo si quis intestatus de-
cedens codicillis libertates dederit, ne-
que adita sit ab intestato hereditas? Fa-
vor constitutionis debebit locum habere.
Certè si testatus decesserit, & codicillis de-
derit libertatem, competere eam, nemini
dubium est.

4. Tunc enim constitutioni locum esse,
verba ostendunt, cum nemo successor ab
intestato existat. Ergo quamdiu incertum
erit, utrum existat, an non, cessabit consti-
tutio. Si vero certum esse coeperit, nemi-
nem existere; tunc erit constitutioni lo-
cus.

5. Si is, qui in integrum restitui potest,
abstinuerit hereditate, quamvis potest
in integrum restitui, potest admitti consti-
tutio, & bonorum addictio fieri. Quid
ergo, si post additionem libertatum con-
servandarum causa factam in integrum
sit restitutus? Utique non erit dicendum
revocari libertates: quia semel competi-
erunt.

N O T A E.

4. QUAMDIU INCERTUM] Ex Ulpian. l. 4. pr. de
fideic. libert.

5. QUI IN INTEGRUM RESTITUI POTEST]
Hic locus descriptus est ex d. l. 3. §. 1. & 2.

C O M M E N T A R I U S.

COnstitutio D. Marci nominatim loquitur de li-
bertatibus testamento datis. Cæterum & si quis
intestato decedens codicillis libertates dederit, neque
adita sit ab intestato hereditas, placuit, ad hunc quo-
que casum favorem constitutionis extendi, juxta id
quod dicitur, favores esse ampliandos, l. 2. de fideic.
lib. l. ult. C. de test. man. Quartus & quintus §§. de-
sumpti ex l. 4. pr. §. 1. & 2. d. ric.

T E X T U S.

Si libertates datae non sunt,

6. Hac constitutio libertatum tuenda-
rum causa introducta est. Ergo si liberta-
tes nullae sint datae, cessat constitutio. Quid
ergo, si vivus dederit libertates vel mortis
causa, & ne de hoc queratur, utrum in
fraudem creditorum, an non, factum sit,
idcirco velint sibi bona addici, an audien-
di sunt? Et magis est, ut audiri debeant,
et si deficiant verba constitutionis.

C O M M E N T A R I U S.

Favor rescripti à Justiniano etiam ad eum casum
trahitur, quo mortis causa libertates datae sunt,
vel etiam simpliciter inter vivos, ut statim valeant,
si creditores postea obstant, quod in fraudem suam
datas dicant. Quamvis enim verba constitutionis
hic deficiant, ex aequitate tamen & sententia ejus
hoc etiam admitti debere, & audiri eum, qui liber-
tatem accepit, si bona sibi addici velit, parato credi-
toribus idoneè cavere. Et igitur in proposito quæ
libertates ipso jure non valerent, conservantur bene-
ficio additionis bonorum.

T E X T U S.

De speciebus additis à Justiniano.

7. Sed cum multas divisiones ejusmodi
constitutioni deesse perspeximus, lata est à
nobis plenissima constitutio, in qua multa
species collatae sunt, quibus jus hujusmodi
successionis plenissimum est effectum, quas
ex ipsius lectione constitutionis potest quis
cognoscere.

C O M M E N T A R I U S.

COnstitutione Justiniani, quæ est l. ult. C. de test.
man. jus additionis bonorum à D. Marco intro-
ductum multis modis amplificatum est. Amplifi-
cationem Hotomannus quatuor his versibus com-
plectitur. 1. Jus postulandi annum esto. 2. Si plu-
res simul satisfacti postulent, in bona simul addi-
cuntur. 3. Eque, qui plus se prastaturum satisfac-
bit, potissimum jus esto. 4. Qui plus quam alter,
cui addicta bona sunt, intra annum offeret, altero
libertatem suam retinente, bona obtineat. Hujus
& superioris tituli hodie nullus usus est.

TITU-

TITULUS XIII.

Cod. lib. 7. tit. 24.

De Successionibus sublatis, quæ fiebant
per bonorum venditiones, & ex Se-
natusconsulto Claudiano.

TEXTUS.

Erant antepredictam successionem olim & alia per universitatem successiones: qualis fuerat bonorum emptio, qua de bonis debitoris vendendis per multas ambages fuerat introducta; & tunc locum habebat, quando judicia ordinaria in usu fuerant: sed cum extraordinariis judiciis posteritas usa est, ideo cum ipsis ordinariis judiciis etiam bonorum venditiones expiraverunt: & tantummodo creditoribus datur officio iudicis bona possidere, & prout utile eis visum est, ea disponere: quod ex latioribus Digestorum libris perfectius apparebit. Erat & ex Senatusconsulto Claudiano miserabilis per universitatem acquisitio, cum libera mulier, servili amore bacchata, ipsam libertatem per Senatusconsultum amittebat, & cum libertate substantiam. Quod indignum nostris temporibus esse existimantes, & à nostra civitate deleri, & non inseri nostris Digestis concessimus.

NOTÆ.

PER MULTAS AMBAGES.] Bona debitoris, postquam aliquamdiu celeberrimis in locis proscripta pependissent, ex edicto possideri jubebantur: dein magister postulabatur & creabatur, per quem distrahebantur, & emptori addicebantur; qui omnibus creditoribus de certa parte decidebat. Cic. *pro Quint.* & *6. ad Attic.* 1. Atque hæc bonorum distractio etiam decemvirali verbo sectio dicebatur. Fufius hæc Th.

QUANDO IUDICIA ORDINARIA.] Planius

dixisset, quando veterum judiciorum ordo servabatur, quam posteritas neglexit: quanquam quid hæc judiciorum diversitas ad rem præsentem faciat, non video; ac ne illud quidem, quid circa eam postea innovatum, nisi quod bonorum emptor defierit esse successor universi juris, & bona ita vendi cœpta, ut ex pretio eorum creditoribus satisficeret, *l. 6. & 9. C. de bon. aut. jud. poss.*

LIBERTATEM AMITTEBAT.] Post trinam denuntiationem domini. Th. denuntiationis meminit & Ulp. *tit. 11. §. 10.* Paul. *l. 27. de pos.* Tacitus autem denuntiationis non meminit, sed simpliciter ignorantis domini. Et fortè disputatione Ictorum hæc necessitas addita SCTo. Hodie libertatem non amittit sed verberibus castigatur servus, & dissolvitur ejusmodi conjunctio, *l. un. C. de SC. Claud. toll.*

COMMENTARIUS.

R Eferuntur hoc tit. duæ species acquisitionis per universitatem, quarum altera jam ante Justinianum in usu esse desit, alteram ipse sustulit.

Qualis fuerat bonorum emptio.] Si quis in jus vocatus potestatem sui non faciebat, neque defendebatur, ejus bona ex edicto possideri jubebantur: post deinde iis vendendis magistri constituebantur: & postquam aliquamdiu celeberrimis in locis proscripta pependissent, emptori uni ex creditoribus, aut cui extraneo addicebantur; qui bonorum emptor dicebatur, & omnibus in solidum satisfaciebat. Quod si diffidebat, ne paria facere posset, tum, antequam emeret, cum creditoribus de certa parte decidebat. Huc pertinet locus Cic. *6. ad Attic.* 1, ubi scribit, sine edicto non posse transigi de bonis possidendis, magistris faciendis, vendendis: hæc enim ex edicto & postulari & fieri solere: item illud ex oratione pra Quintio: *Cujus bona ex edicto possidentur, hujus omnis fama & existimatio cum bonis simul possidentur, de quo libelli in celeberrimis locis proponuntur: huic ne perire quidem cesset tacite obscureque conceditur: cui magistri sunt, & domini constituentur, qui qua lege & qua conditione pereat, pronuntient, &c.* Idem observatum fuisse, cum bona defuncti solvendo non essent, nec heredem reperirent, ostendit hic textus. Neque hæc ratio vendendi bona Pandectarum jure incognita est, *l. cum bona 16. l. Eufidius 29. de reb. aut. jud. poss. l. Imperator. 60. de pact. l. 9. de cur. fur. l. 4. C. de bon. aut. jud. poss.* Illud etiam olim non erat infrequens, ut bona alicujus damnati proscriptiq; sectoribus in auctione venderentur, qui, ut tradit Acom. *ad lib. 1. in Ferr.* spem lucri sui secuti bona condénatorum semel auctionabantur, & semel pecuniam arario inferebant: ac postea pro compendio suo singulas quasque res populo venditabant. Quo refert Hotomannus, quod Var-

10, lib. 2. de re rust. cap. 10. modos acquirendi legitimi domini enumerans, scribit; *Tum & cum in bonis sectione cuius publice venit.* Hæc bonorum distractio etiam decenvirali verbo sectio dicebatur; videturque successisse ignominiosa ista bonorum proscriptio in locum sectionis debitorum in patres, lege 12. tabb. introductæ: quam crudelitatem consensu publico postea erasam esse, & in pudoris notam poenam capitis conversam bonorum adhibita proseriptione, testatur Terrull. *Apol. cap. 3. Suffundere, inquit, maluit hominis sanguinem, quam effundere.* Add. Gell. lib. 20. cap. 1. Salmus. de mod. usur. cap. 18.

Per multas ambages] Ter creditores adire prætorem oportebat; primum ut liceret bona possidere: deinde ut liceret magistrum bonis constituere, qui in auctione divenderet: postremo ut legem dare bonorum venditioni, & cum emptore, cui addicerentur, de parte ejus, quod cuique deberetur, pacifici. Cæterum hæc fusius Theophilus.

Cum extraordinariis iudiciis] Quid hæc iudiciorum diversitas ad rem præsentem faciat, non video: uti nec illud, quid hic posterioribus temporibus innovatum. Sanè nihil in eo, quod creditores in possessionem bonorum mittuntur, & postquam ea per certum tempus possederunt, jus vendendi à prætore impetrare possint. Hæc ordinaria ratio procedendi etiam temporibus Ciceronis fuit, eademque in Pandectis, quo hic remittitur, sub tit. de reb. aut. jud. poss. & in Codice quoque relata est, l. 6. §. 9. C. eod. tit. Videntur mihi Compositores male ista inter se opposuisse, tanquam pugnantia, *permitti bona possideri*, & post certum tempus *uni ea universa vendi*. Plane quod Theoph. refert, bonorum emptorem hæredis seu bonorum possessoris loco habitum fuisse, id postea obtinuisse non puto; sed ita bona vendita, ut ex pretio creditoribus satisfaceret, defuisseque hanc acquisitionem esse universalem. Jure novissimo modus missioni creditur constitutus, ut jam missio non fiat in universa bona, sicut olim, tit. de reb. aut. jud. poss. sed tantum pro quantitate debiti. Nov. 87. c. 4. §. 1. unde auth. & qui jurat. C. de bon. aut. poss.

Libera mulier servili amore bacchata] Senatusconsulto libera mulier, quæ se alieno servo junxerat, domino servi cum bonis omnibus addicebatur. Meminit hujus Senatusconsulti Tacitus lib. 12. annal. ubi de rebus gestis sub Claudio tractans sic scribit; *Inter qua refertur ad patres de pana feminarum quæ servis conjungerentur: statuiturque, ut ignaro domino ad id prolapsa in servitute; si consensisset, pro liberta haberetur.* Ita locum ex Codice Farnesiano restituit Lipsius. Suetonius hoc ipsum decretum adscribit Vespasiano, ut, nisi erret Suetonius,

id repetitum fuisse necesse sit. Denuntiationis Tacitus non meminit. sed simpliciter ignorantis domini: unde licet existimare, necessitatem denuntiandi, ne cum servo consuetudinem haberet, (vid. Ulp. tit. 11. §. maxima 10. l. 27. de pos. l. un. C. de sen. Claud. toll. l. edicimus, C. Theod. de murileg. Theoph. hic. Pet. Fab. lib. 1. semest. 25.) disputatione Jurisconsultorum Senatusconsulto additam. Justinianus autem hoc Senatusconsultum fustulit, permisitque domino potestatem, si quid tale servus commisisset, eum castigandi, atque avellendi à muliere, simul denuntians, non impune laturum dominum, si hac potestate non utatur, d. l. ult. Cod. de sen. Claud. toll.

TITULUS XIV.

D. lib. 44. t. 7. C. lib. 4. tit. 10.

De Obligationibus.

1. Ratio ordinis.
2. Duo insignes errores notati.
3. Neque definitionem neque divisiones hic propositas continere omnem speciem obligationis.
4. Obligationum summa divisio.
5. Quid sit & quam vim habeat obligatio naturalis.
6. Explicatur l. 10. de obl. & act.
7. Quæ res faciant, ut tantum naturalis, non etiam civilis sit obligatio.
8. Non omnium naturalium obligationum eundem esse effectum jure civili, & quæ qualem habeant.
9. Obligatio mere civilis.
10. Obligatio mixta.



TRIA esse disciplinæ juris summa capita seu objecta didicimus §. ult. sup. de jur. nat. gent. & civ. personas, res, actiones. De jure personarum, id est, eo jure, quod cuique competit pro conditione & statu personæ, disputatum à titulo tertio usque ad finem libri primi. Rerum tractatio suscepta tit. 1. lib. 2. ubi diximus, rei appellationem in hac distinctione obsectorum, significari non tantum ea quæ domini nostri sunt, cæteraque jura in rem, quæ vindicari possunt: verum etiam jus ad rem, quod uno verbo dicimus obligationem: nec male eos facere, qui totius hujus argumenti tractationem ad duo capita revocant, dominium & obligationem, domini verbo omnia in rem jura complectentes. De dominio ejusque acquirendi modis actum hæcenus. De obligationibus earumque contrahendarum & distrahendarum ratione nunc sequitur. Quæ tractatio con-

vinatur usque ad tit. sextum libri 4. ubi initium fit disputationis de actionibus.

2 Duo igitur errores hic nobis vitandi sunt. Quorum unus eorum est, qui ita obligationes à rebus separant, tanquam ad tertium juris objectum, id est, actiones pertinerent: alter eorum, qui eas referunt ad objectum primum, quod est de jure personarum. In priore errore Theophilus est & vulgo interpp. qui existimant, hic initium fieri doctrinæ de actionibus, præmittique obligationes, ut actionum causas earumque matrès, ut loquuntur. Hoc autem falsum esse, vel ex uno hoc apparet, quod ista consideratione non magis obligatio ad actiones pertinet, quam dominium, quam cætera in rem jura, quam ipsum jus personæ: quippe quæ & ipsa singula suas actiones habent & pariunt, §. 1. & 2. §. 13. *inf. de act.* Alter error Vultej est, qui *lib. 1. disc. schol. cap. 16. & ad hanc rubr.* contendit, obligationes referendas esse ad jus personarum. Quem temere secutus est D. Anton. Matth. *Colleg. Inst. 2. dist. 3.* Utitur Vultejus duplici fere argumento. Primum est, quod obligatio personæ inhaeret. Atqui eadem ratione multo magis usum & usumfructum ad jus personarum referri oportebat. Sed quid certius est, quam ea omnia, quæ in bonis & patrimonio nostro sunt, ad tractatum rerum pertinere; nec solum res corporales, verum etiam incorporales, *sup. tit. de reb. corp. & incorp.* quo loco inter res incorporales, cum hæreditate, usufructu, servitutibus, numeratur etiam obligatio, ut res in bonis nostris & subiecta acquisitioni, *add. l. 49. de verb. sign.* Apparet vero, Vultejum obligationes tantum considerasse in relatione ad personam debitoris, cum præcipue hic considerandæ sint ratione creditoris, qui eas contrahendo sibi acquisivit, easque suo modo vendendo, donando, legando, in alium transferre potest: quæ ostendunt, obligationes à parte creditoris esse in commercio, quod de jure personarum, puta libertatis, civitatis, familiæ, nemo dixerit. Sed etsi obligationes considerentur ex parte debitoris, ut personæ ejus in hærentes, tamen ad jus personarum ne isto quidem respectu referri possunt. Jus enim personæ dicitur, quod personam afficit, quatenus persona est, id est, id jus, quo quisque in civitate censetur propter statum & qualitatem personæ suæ. Quid autem obligatio commune habet cum statu debitoris? Quis ita personas unquam distinxit, ut dixerit, quasdam personas esse obligantes, quasdam obligatas? aut hominum alios esse creditores, alios debitores? Nimirum obligatio etsi personam obligati afficit, non tamen afficit, quatenus consideratur ut persona, sed quatenus ut debitor. At debitor dicitur intuitu rei, quæ debetur. Neque enim hic finis summus est obligationis, ut personam nobis obligatam habeamus, sed ut rem in obligatio-

nem deductam consequamur, *l. 3. de obl. & act. l. stipulatio 38. §. alteri 17. de verb. oblig.* Quamobrem siue essentiam obligationum spectemus, siue objectum earum, siue finem ultimum, non alio referri possunt aut debent, quam ad eam disciplinæ nostræ partem, quæ est de jure rerum. Alterum argumentum Vultej tale est. Si obligatio ad jus rerum pertineret, uti dominium pertinet, tum ex obligatione quoque, uti ex dominio, competeret actio in rem: at actio ex obligatione in personam est: ergo ipsa obligatio ad jus personarum, non rerum, referenda. *Ποινην ἐκ τῆς & error perspicuus πινεν τοῖ ἐπὶ μανον.* Non enim ideo actio ex obligatione in personam esse dicitur, quia per eam aut personam, aut jus aliquod, quod in personam aut personæ sit, persequimur: (quippe semper persequimur rem aliquam externam, eam, quæ ex obligatione præstanda est.) Sed quia hæc actio in personam obligati dirigitur, & semper adversus eum locum habet, cum in rem actio cum re ambulet, & sequatur possessorem, *l. actionum 25. de oblig. & act.* Quinimo contra si obligatio jus esset personæ, actio, quæ de eo jure competeret, ad classem actionum in rem referenda esset, non ad eas, quæ in personam competunt: argumento actionum præjudicialium, quæ de statu & vero jure personarum competunt, quas in rem esse expresse scriptum est in §. *præjudiciales 13. infr. de act.* quanquam hoc etiam negavit Vultejus, quia vidit sententiæ suæ repugnare. Sed de his opulentiis suis locis §. 1. & d. §. 13. *inf. de act.* Hoc titulo primum docetur, quid sit obligatio: deinde dupliciter eà dividitur à causis efficientibus: postremo prima & præcipua ejus species subdividitur in quatuor species inferiores. Quoniam vero neque definitio, neque divisiones hic propositæ omnes species obligationum continent, sed ad eas duntaxat pertinent, quæ actionem, eamque efficacem, jure civili producant, & tamen illæ quoque, quæ vel non producant actionem, vel eam producant, quæ exceptione repelli potest, suum quendam usum & effecta jure civili habent, recte facturi videmur, si prius quam ad ea declaranda accedimus, quæ hic à Justiniano tradita sunt, naturam diversitatemque obligationum à capite repetitam explicemus. Omnis obligatio vinculum quoddam juris est, quo adstringimur ad aliquid præstandum. Cæterum cum ad hoc aliquando nos adstringat sola æquitas & ratio naturalis, interdum mera subtilitas juris, ut plurimum autem jus naturæ ac civile simul, pro hac juris varietate, obligatio in tres species recte dividitur, in puram naturalem, meram civilem & mixtam. Naturalis obligatio est naturæ & æquitatis vinculum, quo ita adstringimur ad aliquid dandum vel faciendum, ut nulla eo nomine sit actio jure civili. Dicitur naturalis non à natura, seu

3

4

5

seu

seu naturali instinctu nobis cum brutis animantibus communi, sed à natura humana, id est, recta ratione, quæ sola quod æquum est, dicitur. Itaque naturalis obligatio non est duplex, ut quidam opinati sunt; una, quæ sit ex jure gentium & humani generis propria; altera, quæ sit ex jure naturali omnium animantium communi, & in bruta quoque cadat, in quæ nec consensus nec intellectus cadit: sed una & simplex, quæ tota est ex jure gentium, ut ipsa æquitas, cujus vinculo sustinetur, l. *Stichum* 95. §. 4. de solut. quod etiam Paulus confirmat l. *tum amplius* 84. §. 1. de reg. jur. ubi ait, eum natura debere, quem jure gentium dare oportet. Hæc obligatio conscientias quidem hominum devincit, cum sit vinculum naturæ & æquitatis, d. l. 95. §. 4. de solut. d. l. 95. §. 1. de reg. jur. quo loco verbo oportet quædam necessitas moralis significatur: in foro tamen exteriori & jure civili eam efficaciam non habet, ut actionem aut exactionem producat: id quod ex enumeratione specierum, quæ ad hoc genus obligationis pertinent, liquere potest. Nam quod in l. 10. de obl. & act. l. *fidejussor* 16. §. 4. de fidejuss. dicitur, naturales obligationes non eo solo æstimari, si actio aliqua ex his competat: verum etiam si soluta pecunia repeti non potest, id non totum ad puras naturales pertinet, sed posterius duntaxat: pars autem præcedens ad mixtas, eas scilicet, quæ nascuntur ex contractibus juris gentium, & quæ ipsæ nonnunquam absolute naturales dicuntur, l. *debitor* 59. Vers. *videamus*, ad sent. Treb. l. *si ita stipulatus* 126. §. 2. Vers. *superest*, de Verb. oblig. nimirum quia tota essentia sua sunt ex jure gentium, l. 5. de iust. & jur. à jure autem civili præter nudam confirmationem nihil habent: quo tamen respectu cum etiam civiles sint, nomine civilium frequentius appellantur, propter auctoritatem juris civilis. Ut naturalistantum, non etiam civilis simul sit obligatio, facit aut qualitas conventionis, aut personæ paciscentis contrahentisve, aut qualitas personæ & negotii simul. Principio non omnis conventio obligationem civilem parit, sed illa duntaxat, quæ vel in proprium nomen contractus transit, vel cui præter conventionem alia subest obligandi causa, vel quæ legitima dicitur, aut quæ contractui incontinenter adjecta, l. 6. l. 7. in pr. §. 2. & 4. de pact. Ex cæteris, quæ solo placiti sine stant, nascitur duntaxat obligatio naturalis: quippe nudis pactis vim talem obligandi Romanæ leges tribuere noluerunt, ut ex iis etiam ultro agere liceret, d. l. 7. §. 4. de pact. l. 10. C. cod. l. *si tibi* 27. Cod. de collat. Plura dicemus infra sub §. ultim. Secundo facit qualitas personæ contrahentis, ut ex conventionem, quantumvis idonea, tantum naturalis obligatio oriatur; veluti si pupillus, intelligens quod agit, contraxerit sine tutoris auctoritate; l. *si pupillus* 127. de Verb.

oblig. l. 1. in fin. de negat. l. cum illud 25. §. 1. quando dies leg. Aut Servus, l. 14. de oblig. & action. l. 13. de cond. ind. aut is, cui bonis interdictum est, l. 6. de Verb. obl. Personæ & negotii qualitas simul, veluti si mulier intercesserit, filiusfamil. mutuum pecuniam acceperit, l. 16. §. 1. ad sent. Vell. l. 9. in fin. cum seq. de senat. Maced. Præter hæc etiam citra ullam conventionem sola officii & pudoris ratio naturalem obligationem inducit. Qualis est causa beneficii accepti. Unde obligatio ad *mutuum*, l. sed & si 25. §. consuluit. 11. de hered. per. per l. si pignore 54. §. 1. de furt. & quæ hujus species est, manumissio, unde operarum officialium debito naturalis, l. si non forte 26. §. libertus 12. de cond. ind. Ad hanc classem refero etiam eam, quæ oritur ex voluntate testatoris testamento minus solenni declarata: item eam, quæ hæres legatis oneratus tenetur ea integra præstare citra deductionem Falcidie, l. 2. Cod. de fideic. l. 5. §. si quis 15. de don. int. vir. & uxor. l. 1. Lukt. Cod. ad legem Falcid. Naturalium harum obligationum quædam in totum juris civilis auxilio destituuntur, quædam non omnino hujus auxilii sunt expertes. Prioris generis est obligatio beneficii accepti, in qua nulla necessitas præter illud honestatis naturalis vinculum, quo ad gratitudinem & remunerationem obstringitur is, qui beneficium accepit, si vir bonus haberi velit, ad exigendum autem vel retinendum obligatio nulla. Puto etiam, ipsum jus gentium pudori cujusque totum hoc reliquisse. Quippe alia est, ut ait Cicero pro Plancio, *debitio gratia*, alia pecunia: neque convenit beneficia fœnerari aut in calendario scribere. Quo etiam pertinent illa Senecæ 3. de benef. Cum res honesta sit, referre gratiam, desinis honesta esse, si necessaria est, id est, honestatis gradum excellentem amittit; quod sequentia indicant, Non enim magis laudabit quisquam gratum hominem; quam cum, qui depositum reddidit, aut quod debebat, citra iudicium solvit. Et mox: Non est gloriosius res gratum esse, nisi tutum est ingratum fuisse. Operarum tamen, quæ ex causa manumissionis patrono naturaliter debentur, obligatio hunc jure civili effectum habet, ut solutæ per errorem repeti non possint, d. l. 26. §. libertus, de cond. ind. Eiusdem fere conditionis est & obligatio testamenti minus solennis & ad integra legata præstanda: nam etiam quod ex his causis per errorem facti solum est, jure civili repeti potest, l. 7. C. de cond. ind. l. 9. C. ad leg. Falc. Similiter si is, cui bonis interdictum est, quid promiserit, adeo jure civili non tenet obligatio, ut ne fidejussores quidem admittat, quasi negotium nullum gestum sit, l. 6. de Verbor. obl. Tantumdem dici potest de transactione alimentorum Senat. consulto prohibita, l. eleganter 23. §. 2. de cond. ind. item de intercessione mulierum, nisi quod obli-

ratio hinc nata actionem parit, sed quam inefficacem reddit perpetua Senatusconsulti exceptio, *l. qui exceptionem 40. d. l. 9. C. eod.* Filius autem familias, qui mutuum pecuniam accepit, si pater factus solverit, non repetit, *d. l. 40. l. 9. in fin. de sen. Mac.* Ceteræ obligationes naturales, quæ ex conventionē descendunt, eosdem pene effectus, si unam dampneris actionem, jure nostro habent, quos habet naturalis & civilis simul. Ac de hujusmodi obligationibus potissimum agunt Jurisconsulti, cum ajunt aut negant, naturaliter quem obligari, ut videre est *d. l. 3. l. si pater 19. l. frater 38. l. quod pupillus 41. si quod 64. de cond. ind. l. 10. de obl. & act. l. 1. de novat. l. propen. de obl. & act. l. 5. §. 2. de solut. & similibus locis.* Effectus isti principales hi sunt, debiti hujus naturalis cum alio quovis compensatio, *l. 6. de compens.* ejusdem soluti per errorem retentio, *d. l. 10. de obl. & act. d. l. 19. de cond. ind. l. 1. §. id quod 17. ad leg. Falc. l. 3. C. de usur.* Præterea quod ita naturaliter debetur, constitui potest, *l. 1. §. pen. de pec. const.* item novari, *l. 1. in fin. de novat.* Potest & fidejussor huic obligationi accedere, *§. 1. inf. de fidejuss.* denique & pignus, *lib. 5. de pign.* Minus tamen efficacitatis est in obligatione pupilli sine tutoris auctoritate contracta: quippe quæ accessiones duntaxat recipit; principalia autem illa ut pupillo nocentia respuit; quo adspectu, quod pupillus ita promissit, ne natura quidem deberi dicitur, *d. l. 41. de cond. ind. d. l. 1. propen. de obl. & act.* Obligatio mere civilis est vinculum solius juris civilis, seu *ἑκαστοδικίου*, quo quis ita tenetur: ut summo jure in eum sit actio, sed quæ jure prætorio infirmetur, opposita perpetua exceptione. Hujus generis sunt omnes illæ, quæ sola juris subtilitate nituntur contra naturalem æquitatem; veluti si quis metu coactus, aut dolo inductus, aut errore lapsus aliquid promiserit; aut si post constitutam obligationem debitor cum creditore pactus sit, ne à se peteretur, *§. 1. & seqq. inf. de except.* Hoc genus obligationis propemodum sine re est, & exitu inutile, *l. 3. §. 1. de const. pec. l. nihil in- 10 tere 112. de reg. jur. l. 14. de compens.* Mixta obligatio seu naturalis & civilis simul, est vinculum æquitatis pariter & juris civilis, quo quis ita adstringitur, ut actio efficax in eum detur. Mixtam hanc obligationem vocamus, propterea quod eam & naturalis sustinet æquitas, & simul juris civilis firmat auctoritas. Unde etiam sola plenam præstandi necessitatem habet, actionemque & exactionem producit. Ex quo porro etiam hoc est, quod sola proprie & absolute obligatio in usu juris vocatur: quemadmodum & debitor is proprie intelligitur, à quo invito pecunia exigì potest, *l. debitor 108. de verb. sign. & ex adverso creditor, qui exceptione perpetua removeri non potest, l. 10. eod. tit. alii per abusivam, l. 16. §.*

4. de fidejuss. Denique hinc intelligimus, ad hoc genus obligationis tantum & definitiones & divisiones hoc titulo propositas pertinere. Est vero, quod ap- prime notandum est, mixta hæc obligatio aut ver- talis, aut præsumptive; qualis est obligatio judicati, & confessi; item jurisjurandi necessarii. Quippe res judicata pro veritate accipitur, *l. post 16. de rejud. l. 207. de reg. jur.* confessi in jure pro judicatis habentur, *d. l. 16. l. 1. de confess. l. un. C. eod.* jurisjurandi quoque aut potius sententiæ ex eo lata eadem fere vis est. Hujus generis etiam obligatio est, quæ dicitur literarum, *inf. de lit. obl.* Jam ad explicatio- nem textus accedamus.

TEXTUS.

Continuatio & definitio.

Nunc transeamus ad obligationes. Obligatio est juris vinculum, quo necessitate adstringimur alicujus rei solvenda secundum nostræ civitatis jura.

NOTÆ.

[OBLIGATIONIBUS] Th. & Accurs. putant hic initium fieri doctrinæ de actionibus. Sed perperam: nam non minus obligatores est incorporalis & ad secundum juris objectum pertinet, quam hæreditas, ususfructus, servitutes, *sup. de reb. corp. & incorp. & §. ult. de us. & hab.*

[JURIS VINCULUM] Omnis obligatio est juris vinculum: obligatio civilis, vinculum juris civilis: naturalis, vinculum æquitatis, *l. 95. §. 4. de solut. civilis mera, rigoris seu ἀνεκαστοδικίου inf. de exc. in pr.*

[NECESSITATE] Propter actionem, quam obligatio parit. Itaque nec obligatio naturalis huic pertinet, ex qua jure civili agi non potest, quamvis moralem necessitatem adjunctam habeat; veluti quæ ex nudo pacto nascitur, *l. 7. §. 4. de pact. junct. l. 84. §. 1. de reg. jur.* nec civilis nuda, quæ propemodum sine re est, & exitu inutilis, *l. 3. §. 1. de const. pec. l. 112. de reg. jur.*

COMMENTARIUS.

[Est juris vinculum] Recte *Vinculum*: quoniam qui nobis obligatus est, necessitate quadam præstationis tenetur, ut effugere non possit, nisi vinculo hoc soluto. Metaphora sumpta à vinculis corporeis. Concepta est definitio relatione facta ad personam debitoris, ita tamen, ut simul ostendat, quodnam hic sit jus creditoris. Sequentia formam obligationis subiecto, effectu & causa efficiente remota adumbrant.

[Necessitate adstringimur] Effectus. Obligatio (sic absolute nunc porro mixta vocabitur) se nper ad-

junctam habet necessitatē præstationis: quæ necessitas in eo consistit, ut nisi obligatus præstet id, quod debetur, jure judicioque experiri cum eo hoc nomine liceat, invitumque ad solutionem compellere.

Alicujus rei] Subjectum. Rei autem verbum generale est, & factum quoque comprehendit, *l. 1. in fin. de reb. cred.* Proinde sive in dando consistat obligatio, sive in faciendo, necessitas obligationis postulat, ut utrumque præstetur, *l. 2. de Verb. obl. §. ult. inf. eod. l. 3. de obl. & act.*

Solvenda] Solvi dicitur res in usu juris, cum debita præstatur, *l. solutam 49. de solut. l. si rem 9. §. 3. & seqq. de pign. act.* eaque solutione tollitur obligatio, *inf. quib. mod. toll. obl. in pr.* tamen si persona obligati tantum adstringi videtur, non res ipsa, nisi per consequentiam, aut nisi pignori nexa sit. Etenim obligationis non hæc vis est, ut aut corpus aliquod, aut servitute nostram faciat, aut ut per eam dominium aliudve jus in rem immediate consequamur: sed jus tantum ad rem tribuit, id est, personam nobis obstringit ad dandum vel faciendum, *l. 3. de obl. & act.*

Secundum nostram civitatis jura] Hæc verba referenda sunt ad totum illud, quod præcedit, *quo necessitate adstringimur alicujus rei solvenda.* Temperatur enim hac adjectione non, ut male Theophilus, potestas solvendi, sed necessitas: ut intelligamus adstringi nos non quibuslibet modis, non ex quavis causa, sed secundum jus civitatis nostræ: item necessitate non quavis, sed in qua insit ea cogendi ratio, quæ jure civitatis nostræ sit approbata. Quod si cum Theophilo verba hæc ad id solum, quod proxime præcedit, *rei solvenda,* referimus, fallam efficiamus sententiam, nimirum eum, qui non recte solvit, non esse obligatum. In eodem errore fuit & Accursius.

TEXTUS.

Divisio prior.

1. *Omnium autem obligationum summa divisio in duo genera deducitur: namque aut civiles sunt, aut pratoria. Civiles sunt, quæ aut legibus constituta, aut certo jure civili comprobata sunt. Pratoria sunt, quas prætor ex sua jurisdictione constituit; quæ etiam honorariæ vocantur.*

NOTÆ.

I. OMNIUM OBLIGATIONUM] Scilicet ad actionem producendam efficacium: de quibus solis etiam concepta definitio.

AUT JURE CIVILI COMPROBATAE] Prioris generis est obligatio literarum & verborum, pacti legitimi, furti nec manifesti, damni injuria dati, &c. hujus sunt omnes, quæ nascuntur ex contractibus juris gentium, *l. 7. de pact.*

PRÆTOR EX SUA JURISDICTIONE] Ex quibus scilicet actionem in personam dedit, §. 8. & seqq. *inf. de act.*

COMMENTARIUS.

AUT CIVILES AUT PRATORIA] Distributio obligationum à causis efficientibus remotis. Nulla enim est obligatio (vera scilicet & efficax, de qua sola hic disputatur) quæ non aut jure civili aut prætorio constituta vel recepta sit. Illud hic monendi sumus, cum civiles obligationes opponuntur naturalibus, appellatione civilium prætorias quoque contineri; sicut in universum, cum jus civile opponitur naturali, ejus appellatione etiam prætorium venit. Nam jus prætorium pars est juris civilis generaliter sumpti. §. 3. *sup. de jur. nat. gent. & civil.* At cum obligationes civiles prætorias opponuntur, per civiles intelligi eas duntaxat, quæ legibus aliæve parte juris civilis, quæ parem legibus auctoritatem habet, constitutæ aut confirmatæ sunt: quemadmodum cum in genere jus civile opponitur prætorio, id jus significatur, quod ex legibus, plebiscitis, senatusconsultis, decretis Principum, auctoritate prudentum descendit, *l. 8. de inst. & jur.* Similis huic est divisio actionum §. 3. *inf. de act.*

Constitutæ aut comprobatae] Sit igitur civilium obligationum hæc quædam subdivisio, quod earum quædam jure civili constitutæ sunt, quædam simpliciter approbatæ seu receptæ. Prioris generis sunt paucae, ex contractu obligatio literarum & verborum, *inf. tit. 22. & tit. 16. ex delicto,* qua tenetur fur nec manifestus, *arg. §. 4. inf. de noxal. act. junct. pr. inf. de perpet. & temp. act.* item is, qui damnum injuria dedit, cujus quadrupes pauperiem fecit, qui arbores furtim cecidit, *inf. tit. de leg. Aquil. & si quadrup. paup. fec. l. 1. arb. furs. cas.* Referunt huc vulgo & eas, quæ descendunt ex pactis speciali lege confirmatis, quæ dicuntur legitima, *l. 6. de pact.* quale verbi causa est pactum donationis; & pollicitatio dotis, *l. si quis 35. §. ult. C. de donat. l. 6. C. de dot. prom.* Illa quoque obligatio constitutione civilis est, qua tenetur is, cui ex Senatusconsulto Trebelliano restituta est hæreditas. In posteriore genere sunt innumerabiles, omnes nimirum illæ, quæ nascuntur ex contractibus juris gentium, *l. 7. de pact.*

Quas prætor ex sua Jurisdictione] Naturalem æquitatem secutus. Nam omnis obligatio prætoriana naturalis quoque est: à prætore autem introducta dicitur

citur ea, ex qua pretor in personam in foro civili actionem dedit. Cujusmodi est illa, qua pater & dominus tenentur ex contractu filii aut servi; qua constitutus pecuniam ei, cui constituitur; qua is, qui delulit iusjurandum juranti; item quæ ex furto manifesto, rapina, injuriis nascitur; cæteræque omnes, quibus qui obstrictus est, honoraria actione tenetur, *vid. inf. §. 8. & aliquot seqq. de act. & tit. quod cum eo, qui in al. pot. item §. 4. de nox. act. & §. ult. de leg. Aquil.*

TEXTUS.

Divisio posterior.

2. Sequens divisio in quatuor species dividitur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de iis, quæ ex contractu sunt, dispiciamus. Harum æque quatuor sunt species. Aut enim re contrahuntur, aut verbis, aut literis, aut consensu: de quibus singulis dispiciamus.

NOTÆ.

2. Aut enim ex contractu, &c.] Hæc divisio sumpta est à causis efficientibus proximis seu factis obligatoriis; sine quibus nulla aut jure civili aut honorario confirmatur, l. 37. de obl. & act. Accuratior est, quam illa aut Caji l. 1. aut Modestini l. 52. hoc tit.

Ex contractu] Contractus est conventio obligationem pariens citra speciale legis adminiculum. Hac definitione excluduntur tum conventiones liberatoriæ, tum pacta nuda & legitima; quorum illa obligationem non pariunt, hæc pariunt ob specialem confirmationem, l. 6. l. 7. §. 4. de pact. Labconis definitio l. 19. de verb. sign. particularis est: tam enim contractus sunt negotia ex uno latere obligatoria, ut mutuum & stipulatio, quam utrinque, ut venditio, locatio. Et quid notius illa *συνάλλαγμα* distributione in *μονόπλευρον* & *διπλόειρον*?

COMMENTARIUS.

1. Unde sumpta sequens hac divisio.
2. Rectene Aristoteles delictum speciem faciat *συνάλλαγμα*.
3. Præter quatuor ordinarias obligationum causas, quæ hic recensentur, esse & alias quasdam irregulares & extraordinarias.
4. Modestini obligationum divisio minus accurata in l. 52. de obl. & act.

1. Quid sit conventio sive pactio aut pactum in genere, & quomplex.
6. Quid pactum nudum, quod passim absolute pactum. Et cur ex eo jure civili non detur actio.
7. Pacta legitima & in continenti contractibus adjecta. Item n. 10.
8. An pacta ex continenti adjecta à parte actoris insint etiam in contractibus stricti juris.
9. De conventionione non nuda, qua uno nomine contractus. Ejus definitio, divisio, cum explanatione l. 19. de verb. sign.
11. Hodie etiam ex pacto actionem dari juxta scientia juris Canonici.
12. Explicatur subdivisio obligationum prima species.

A Ut enim ex contractu, &c.] *Ἐπιδημιῶν* seu secunda obligationum divisio à causis efficientibus proximis. Nulla enim est obligatio, quæ non ex causa aliqua, & regulariter quæ non ex facto aliquo obligati præcedente nascatur: nec ulla jure civili aut honorario confirmatur, quæ non propriis viribus consistat, ut loquitur Papinianus, id est, quæ non ex propria causa constituta sit, l. obligations 27. hoc tit. de obl. & act. Causæ seu facta obligatoria quatuor hic ponuntur à Justiniano, totidemque obligationis species his causis inter se distinctæ, contractus, quasi contractus, maleficium, quasi maleficium. Aristoteles 5. *ethic.* 2. uno verbo *συνάλλαγμα* hæc omnia comprehendit. Duo enim ille genera *συνάλλαγμα* facit, *ἐκείνη* & *ἀκείνη*, voluntaria & involuntaria: *ἐκείνη* appellat commercia; conventiones, contractus: *ἀκείνη*, maleficia & delicta. Verum enim vero si vox Græca *συνάλλαγμα* responderet verbo Latino commercii aut contractus, valde abusive delictum dicitur species *συνάλλαγμα*: ipseque Aristoteles cap. 5. ejusdem libri negat, correctionem delictorum ad justitiam *συνάλλαγμα* pertinere. Utut est, in jure nostro *συνάλλαγμα* tantum ad commercia refertur, l. 7. §. 2. de pact. l. Labeo 19. de verb. sign. commercium autem uno modo usurpatur pro conventionione & contractu; atque hæc à delictis perpetuo separantur. Unico tantum loco delictum appellatur contractus, non quidem involuntarius, sed malus, l. si rerum 52. de re jud. ubi Triphoninus scribit, actionem rerum amotarum ex malo contractu, aut, ut est in codice Florentino, ex male contractu eriri. Papinianus quoque verba Demosthenis in oration. contra Aristogitonem, *ἰπαιρδωμάτων ἰκυσίων, καὶ ἀκείνων ἀμαρτημάτων*, Latine reddit, delictorum, quæ sponte & ignorantia contrahuntur, coercitio. l. 1. junct. l. 2. de legib. Illud vero frequens apud nostros est, ut appellatione contractus & maleficii etiam quasi contractus & quasi maleficia

lesicia significantur, *l. 16. de neg. gest. l. contractus 23. de reg. jur. l. 1. l. 4. l. ex contractibus 49. hoc tit. §. 2. §. 10. §. rei 17. & seq. inf. de act. §. 1. inf. de perp. & temp. action.* Porro sciendum est, quatuor causas obligationis, quæ hic à Justiniano recensentur, esse quidem illas principales & ordinarias: cæterum esse præterea quasdam obligationes, quæ ex nulla quatuor istarum causarum proficiuntur, sed ex sola & singulari æquitate. Cujusmodi species obligationis est, quæ à Celso proponitur in *l. si & me & Titium 32. de reb. cred.* item ex qua ad exhibendum agitur, *l. 3. §. 3. ad exhib.* quam nullum omnino factum obligatorum præcedere constat. Item illa, qua in duplum obstringitur, qui rignum alienum ædibus suis bona fide junxit, *§. cum in suo 29. sup. de rer. div.* denique omnes illæ, ex quibus actiones in factum subsidiaz dantur, *§. ult. inf. de leg. Aquil. l. in rem 23. §. item quacunque §. de rei vind.* Sed nec omnis obligatio, quæ ex conventionione est, eadem est ex contractu, veluti quæ datur ex pacto legitimo, vel ex constituto. Quod mox perfectius intelligitur. Atque hanc ego causam esse arbitror, quod Gajus *l. 1. pr. hoc tit.* causas & fontes obligationum indicaturus, contractus & maleficii tantum meminit, cautionis gratia subjiiciens, eas, quæ extra hæc facta nascuntur, proprio quodam jure nasci ex varis causarum figuris. Sic ergo habendum, duo illa, contractum & maleficium, esse causas obligationum generales & ordinarias ac principes; esse tamen & alias nonnullas, sed quæ sint extraordinariæ & irregulares, ut nec certo nomine significari, nec certa regula comprehendendi possint. Videtur autem Gajus in *d. l. 1.* nomine contractus & maleficii etiam quasi contractum & quasi maleficium intelligere: quæ tamen cum singula propriè & distincte considerare volumus, à contractu & maleficio diversa esse, idem recte docet, *l. 5. eod. & ex eo Justinianus inf. tit. de obl. qua quasi ex contr. & de obl. qua quasi ex del.* Igitur pro quadruplici illa consideratione causarum quadripartita quoque est obligationis divisio. Extat alia obligationis ex causis distributio apud Modestinum. *l. obligamur 52. hoc tit.* sed minus accurata. Confundit enim eo loco Modestinus causas remotiores cum propinquis; nimirum causas juris & facti; causas, propter quas obligatio constituitur, cum jure, quod obligationem constituit, aut confirmat. Plura etiam vitia istius divisionis alii observarunt. Ego singula ad amissum examinare nolim: nam pinguius aliquando disputant Jurisconsulti.

De iis, qua ex contractu] Quid sit contractus, intelligi non potest, nisi prius in genere constet, quid sit conventio: est enim contractus species conventionis, *l. 1. §. 3. l. 7. de pact.* Conventio seu

pactio (idem enim hæc duo, & item pactum in genere sumptum, valent) est duorum vel plurium in idem, placitum & consensus, definitiore Ulpiano *d. l. 1. §. 2. de pact. l. 3. de pollic.* In idem, id est, in eandem rem, in hoc, ut aliquid fiat, aut non fiat, prout placuit. Conventionum duæ sunt species: aut enim ex publica causa sunt, aut ex privata, *l. 5. de pact.* De publicis tractare non est hujus loci. Privata conventio aut, nuda est aut non nuda, *d. l. 7. §. 1. 2. & 4. de pact. l. 10. Cod. eod. l. 15. de præscr. Verb.* Non nudam conventionem Doctores vulgo vestitam & pactum vestitum appellant, verbo magis quam sensu inconcinno. Nuda conventio est, quæ in nudis placiti & conventionis finibus stat, nec certum nomen habens, nec ullam obligandi causam præter conventionem, *d. l. 7. §. 2. 3. & 4. de pact. l. 27. C. de locat.* in libris nostris etiam pactum simpliciter & passim appellatur, *d. l. 7. §. 4. & seqq. l. 20. C. eod. l. 15. de præscr. Verb. d. l. 27. C. de locat. l. 2. Cod. de pact. conv. l. 5. C. de contr. stipul. l. 5. §. 2. de solut.* Appellatur pactum nudum, quia solum pactum est, nihil amplius, *l. 23. Cod. de pign.* nimirum eadem translatione, qua nudam vocem, nudam voluntatem, nudum consensum, nudam proprietatem, &c. dicimus. Græcis *ψιλον σύμφωνον*. Quod definiunt, *ἡνίκα μὴ περὶ τῶν αἰσθητῶν διδῶσι, ἀλλὰ μόνον οὐσίᾳ τῇ δόξῃ*. Hæc conventio eam vim obligandi jure civili Romanorum non habet, ut ex ea actio detur, *d. l. 7. §. 4. & seq. l. divisionis 45. de pact. l. 8. l. 15. de præscr. Verb. l. 10. l. 21. l. si certis 28. C. de pact. l. si ex apud 28. C. de transact. l. 3. de rer. perm. cum similibus.* Imo proverbii vice olim iactatum fuisse, *ex pacto actionem non nasci*, indicant Impp. in *d. l. 10. C. de pact. & d. l. 1. C. de pact. conv. tam. sup. dos. & ideo omnibus pactis stipulario subijci debet, ut ex stipulatu actio nasci possit, ut ait Paul. 2. sent. 22. §. ult.* Cæterum quæ pacta liberationis causa interposita sunt, jure prætorio exceptionem pariunt, *d. l. 7. §. 4. & seqq. l. 13. d. l. 28. C. eod. &c.* Nimirum conditores juris Romani hujusmodi conventionibus vim coactricem subtraxerunt, ut sola paciscentium fide staretur, honestius atque ad excitandum virtutis studium conducibilius esse existimantes, quædam relinquere hominum inter se spontaneæ fidei & probitati, quam omnia vinculis legum & necessitate adstringere. Quo pertinet locus Cornificii *lib. 2. ad Herenn. Pacta sunt, qua sine legibus observantur ex conventionione: que etiam juri prestare dicuntur.* Cui similis est apud Ciceronem *lib. 2. de invent.* Et explodendi, ut *ἀπολιτῶν*, qui negant, potestatem civilem constituere posse, ut non nisi sub certo modo & forma obligatio ex consensu noscatur. Qua de re uberius differimus in tractatu de pactis, quem nuper edidimus, c. 5. & 6. ubi

ubi etiam nova opinionum circa hoc argumentum monstra profligamus. Excipiuntur ex hoc genere pacta duo, quæ obligationem & actionem pariunt: primum illa, quæ manente simplici forma conventionis speciatim ad efficaciam obligationis sunt confirmata vel jure civili, quæ pacta dicuntur legitima; *l. 6. de pact.* quale est v. c. pactum donationis; *l. si quis 35. C. de donat.* item quo dos constituitur: ut *l. 6. C. de dot. prom.* vel jure pratorio, ut constitutum, & conventio de pignore, *l. 1. C. possim. de pec. const.* *l. si tibi 17. §. 2. de pact.* *l. 1. de pign. act.* Deinde & pacta bonæ fidei contractibus in continenti adjecta, quæ his contractibus tanquam pars eorum inesse creduntur, *l. 7. §. 1. de pact.* *l. 13. C. eod.* Unde etiam ex hujusmodi pacto actio ejus contractus, ejus in continenti interpositum est, competit, *l. fundi 79. de contr. empt.* *l. 6. §. 1. de act. empt.* *l. 11. C. de pact.* Cæterum hæc res non una indiget cautione & distinctione. Primum enim non quævis pacta huc pertinent, sed ea duntaxat, quæ sunt *ἐν τῇ ὁμοιότητι τῆς οὐκ ἀλλοτρίου*, secundum naturam contractus, aut quæ aliqua saltem ratione præstationes contractus, cui adji- ciuntur, tangunt aut contractum promovent, *d. l. 7. §. quinimo, C. seq. de pact.* *C. ibi comm. DD. l. pacta 72. de contr. empt.* Unde Jafon ait, pactum, quod est contra naturam contractus, non vestiri co- hærentia contractus. Deinde nec omnium contra- ctuum hoc commune est, ut pacta, quantumvis ex continenti adjecta, contractibus insint & actionem pariant: sed proprium contractuum bonæ fidei: neque tamen omnium ex æquo, sed maxime eorum, qui solo consensu itidem, ut pacta, constant, ut emptio, locatio, &c. quorum etiam contractuum exem- pla fere in hac disputatione proferuntur, ut vide- re est plerisque locis modo citatis. Qui autem con- tractus, cum sint bonæ fidei, solo consensu non con- sistunt, sed re perficiuntur, ut commodatum, depre- situm, iis pacta, quorum substantia in solo consen- su, tam facile inesse, & incorporari, ut sic loquar, non possunt: nec alia exempla pactorum, quæ hujusmodi contractibus insint, occurrunt, quam quæ de dolo, culpa aut casibus fortuitis præstandis inter- ponuntur, *l. §. interdum 10. commod. l. 1. §. sape 35. de pos. l. 23. de reg. jur.* præter exemplum de præ- statione usurarum in deposito irregulari, *l. Lucius 24. C. 2. seqq. de pos.* Quod attinet ad contractus stric- ti juris, Bachov. ad Treutl. *diff. de pact. thes. 10.* putat, distinguendum inter contractus, qui re fiunt, ut mutuum; & qui verbis, ut stipulatio. Pacta mu- tuo adjecta ad obligandum & agendum non prodes- se, propterea quod re obligatio contrahi non potest ultra id, quod datum est, *l. si tibi 17. in pr. de pacto, l. 11. §. 1. de reb. cred.* adhuc nullas in mutuo esse præ- stationes doli aut culpæ, & si qua de his pactio fiat,

eam esse extra naturam contractus: denique ob e- andem causam, & quia præterea stricti iudicii est, nec usuras ex mutuo citra stipulationem exigi posse, *d. l. 3. Cod. de usur.* Quod autem quibusdam casibus usuræ pecuniæ creditæ, aut frumenti vel hordei mu- tuo dati accessio ex nudo pacto debetur & peti por- est, *l. etiam 30. de usur. l. 5. C. l. 7. de naut. fen. l. 12. Cod. de usur.* id non ex eo fieri, quod in continenti hæc pacta adjecta sint, & proinde mutuo insint, sed quia speciatim & nominatim jura civili confirmata sunt: esse enim pacta legitima. Stipulationis vero diversam causam esse: licet enim & ipsa contractus sit stricti juris, & ideo non facile extensionem reci- piat, tamen quia verbis perficitur, magnamque in eo cum pactis affinitatem habet, *d. l. 7. §. quod fere 12. de pact.* facilius admissum esse, ut pacta in continenti facta stipulationibus contineri iisque in- esse intelligerentur, *argum. l. lecta 40. de reb. cred.* nec ob stare *l. quisquid 29. de verb. obl.* nam quod pacto stipulationi itatim subiecta placuit, id perinde habendum, ac si verbis stipulationis expres- sum esset. Quæ licet probabiliter à Bachovio di- sententur, verior tamen mihi videtur sententia Busii, in *d. l. 7. Donelli, in d. l. lecta, & in d. l. 23. C. de pact.* qui etiam stipulationem hinc re- gunt. Ne- que enim frustra est, quod ubi præterea regula traditur, pacta in continenti facta ex parte actionis inesse, nomi- natim additur *in bona fidei iudiciis, d. l. 7. §. quinimo, d. l. 13. de pact.* Quorsum enim hæc adjectio in bona fidei iudiciis, nisi ut intelligamus, in strictis iudiciis non idem juris esse. Sic cum dicitur, in bonæ fidei contractibus usuras ex mora deberi; *l. mora 32. §. 2. de usur.* hoc significatur deberi in bonæ fidei, non in stricti juris iudiciis, *l. 3. Cod. de usur.* Similiter cum dicitur, exceptiones inesse bonæ fidei iudiciis; *l. 3. de resc. vend.* hoc dici intelligimus, in his solum inesse, non etiam in strictis iudiciis: nam in strictis non veniunt exceptiones nisi nominatim contestata, *l. 9. l. ult. C. de except.* Et certe ineptum esset ac supervacuum, de bonæ fidei iudiciis nomina- tim addere, si pacta in continenti facta pariter ines- sent omnibus contractibus, quibus subiiciuntur. Nec ullum in libris nostris locum reperio, quo probari possit, pactum stipulationi appositum actionem pa- rere, aut legem stipulationi dare, actionemve ex sti- pulatu formare, ita stipulationi inesse, ut ad id quod pacto comprehensum est, ex stipulatu agi possit, pactum augere, informare, extendere verborum obliga- tionem. Paulus autem in *d. l. lecta, cum pactum subiectum stipulationi inesse dicit, non significat, id actionem parere, cum in casu illic proposito non id pacto agatur, ut quid detur, quod prius dari non de- buit; sed ut de eo, quod datum oportuit, aliquid remittatur; quale pactum ex parte creditoris valere ad*

agendum natura sua non potest. Alii nec mutuum hinc removendum putant, quorum sententiam late tuetur Gædd. *de cont. stipul. cap. 8. conclus. 2.* Nos fufius hæc exequimur in eo, quem modo dicebamus, tractatu de pactis, c. 2. & seq. Conventio non nuda sive veltita est; quæ puri placiti fines egreditur: quod ex duabus notis cognoscitur, si proprium nomen sortita est, vel si præter conventionem alia obligandi causa subsistat, id est, si negotium civile gestum sit, d. l. 7. §. 2. de pact. Hæc conventionis species uno verbo appellatur contractus. Et igitur contractum sic definitio; Contractus est conventio habens nomen speciale, aut eo deficiente civilem obligandi causam. Definitio tantum non iisdem verbis proposita d. l. 7. §. 1. & 2. Itaque duo sunt harum conventionum genera: unum earum, quæ speciale nomen habent, ex quo genere sunt emptio-venditio locatio-conductio, societas, mandatum, depositum, commodatum, pignus, & similes contractus, qui quod certum nomen habent, dicuntur contractus nominari, & obligationem actionemque certo jure producant, non utique propter nomen, quod extrinsecum quid est atque accidens; sed propter utilitatem commercii, cujus indicium est, quod certo ac proprio nomine appellantur; vel potius quia hæc conventiones ob frequentiore usum talem accepere vim ac naturam, quæ etiam si nihil specialiter dictum sit, ex ipso nomine suis intelligatur, D. Gros. 2. de jur. bell. & pac. 12. n. 1. Alterum genus est earum conventionum, quæ nomen quidem proprio carent, sed quibus præter consensum abest causa, ut hoc exprimit Jurisconsultus, d. l. 7. §. 2. Et hæc quoque conventiones obligationem & actionem pariunt. Causam definitio dationem vel factum causa lege, puta si quid tibi dedi aut feci ea lege, ut vicum mihi aliquid dares aut faceres, uti & Jurisconsultus d. l. 7. §. 2. ipse hoc explicat, & innumeris locis significatur, l. 5. per tot. l. 8. l. 15. de præscr. Verb. l. 6. l. si pro fundo 23. C. de transact. l. 6. C. de rer. perm. & simil. alias negotium dicitur, d. l. 15. de præscr. Verb. & negotium civile, l. 1. de æstim. act. id est, tale, quod constituit *ουλόμνημα*: unde obligatio & actio civilis; ne quis hic somniet de causa impellente aut finali, quæ pacificantes movet: nam talis causa etiam in nudis pactis est; ut, dabo tibi Stichum, tu, mihi Pamphilum: dabo tibi equum, tu mihi insulam facies: dabo tibi partem bonorum ut à lite discedas, l. 21. C. de pact. l. 28. C. de transact. Videamus autem ne definitio contractus à nobis proposita nimis lata sit. Nam Labeo in l. 19. de Verb. sign. contractum sic definit, ut dicat, esse ultro citroque obligationem, id est, negotium, unde ultro citroque obligatio nascitur: at nostra definitio etiam ea negotia complectitur, ex quibus unus tantum obligatur, qualia sunt mutuum

& stipulatio, quæ Labeo d. loc. expressè à contractu distinguit. Sed animadvertendum est, Labeonem eo loco non definire generaliter, quid sit contractus, aut quæ sit propria hujus verbi significatio, sed quid prætor eo verbo significet, cum hæc tria finitimæ significationis in edicto conjungit, actum, contractum, gestum. Nam cum hæc singula per se posita & vi sua generalia sint, apparet, Labeonem ea non ex propria significatione, sed ex sententia prætoris illa conjungentis distinguendo ad certas species referre, verbumque contractus ad eas species traducere contractuum, quæ mutuum obligationem pariunt. Nos vero hoc certo tenebimus, substantiam contractus in eo non consistere, ut ultro citroque obliget: sed non minus propriè si unus tantum alteri, quam si invicem contrahentes inter se ex conventionem obligentur, contractum dici obligationem, & negotium ipsum appellari & esse contractum: id quod satis ostendit vetus & recepta contractuum divisio, hoc text. & in l. 1. cod. proposita, item in l. 1. §. pen. de pact. Apparet autem ex disputatione Ulpiani, in d. l. 7. §. 1. 2. de pact. unde nostra contractus definitio sumpta est, neque pacta legitima, neque ea, quæ contractibus adiciuntur, contractus esse aut cum contractibus confundenda: sed esse & manere pacta nuda: quamvis enim communem vim obligandi cum contractibus habeant: tamen neque in proprium nomen transeunt, nec causam, cur dare aut facere debeas, ullam habent præter conventionem: utique si per se spectentur, illa sine adminiculo legis, hæc se juncta à contractu, in quo fiunt. Cæterum DD. hæc etiam pacta veltiverunt, alterum vestimento assentientis legis, alterum coherentis contractus: quippe qui nuda ea pacta sola appellant, quæ efficaciam obligandi non habent, & in terminis juris gentium manserunt. Quod etsi ratione non caret, tamen veteres omnem conventionem extra contractum, non alio nomine, quam nudi pacti simpliciter appellare solent, etiam quæ obligandi efficacitatem habent, l. 6. l. 7. §. 5. de pact. l. 10. l. 13. C. cod. l. etiam 30. de usur. l. 12. C. cod. l. 6. C. jur. act. Ufu jam pridem receptum esse constat, ut etiam ex nudo & simplici pacto actio detur, ita ut pacti nunc eadem vis sit, quæ stipulationis. Tantum meminimus, distinguendas esse promissiones serias, meditatae & utiles, ab inconsideratis, temerariis atque inutilibus, cum quis non dispositivè, ut loquuntur, nec serio, sed vel narrativè, vel per Jocum & aliud agens aliquid pronunciat, ut ex illis tantum, non ex his obligatio & actio nascatur. Et hoc etiam jure Canonico satis expressè cautum est c. 1. & c. 7. de pact. & videmus, pleraque etiam alia ad simplicitatem juris gentium hodie reducta. Connanus vir eruditione minime vulgari præditus existimat, ne jure quidem

dem gentium ex nuda conventione obligationem oriri, lib. 1. comm. c. 1. sed ei occurritur à D. Grotio lib. 2. de iur. belli & pac. c. 11.

12 *Aut re contrahitur aut verbis, &c.*] *Indivisius* primæ speciei, id est, earum obligationum, quæ sunt ex contractu sumpta à causis obligationem ex contractu proximè constituentibus : nam contractus quidam re perficiuntur, quidam verbis, quidam literis : id est, obligationem tum demum produciunt, cum vel res, vel certa verba, vel scriptura intervenierit : quidam consensu fiunt, id est, præter consensum quomodocumque declaratum ad sui perfectionem nihil desiderant. Itaque proposita divisio non sic accipienda est, quasi in ea obligationes, quæ consensu dicuntur contrahi, opponantur obligationibus, quæ non contrahuntur consensu : nullus enim contractus, nullave obligatio ex contractu sine consensu esse potest, l. 1. §. pen. de pact. sed ita, ut obligationibus, quæ non solo consensu fiunt, sed præter consensum rem, verba aut literas requirunt, oppositam intelligamus eam speciem, quæ solo consensu contrahitur, nihil amplius ad constitutionem obligationis desiderans. Denominatæ enim sunt hæ species ab eo, quod cuiusque proprium est, & in unamquamque eminet.


Aut literis] Hanc speciem obligationis videntur veteres comprehensisse sub ea, quæ re contrahitur ; quoniam ex literarum obligatione qui agit, pecuniam petit ut mutuam. Certè plurium, quæ ex contractu sint, illi non meminerunt, quam harum trium, re, verbis, consensu, l. 1. §. 1. l. 4. hoc tit. l. 1. §. 3. de pact. l. 8. §. 1. de fidejuss. l. 1. §. 1. de novat. Et tamen hanc obligationem jam tum in usu fuisse constat ex tit. C. de non. num. pec.

TITULUS XV.

D. lib. 12. t. 1. lib. 13. t. 6. & 7. lib. 16. t. 3. Cod. lib. 4. t. 1. 23. & 24. 34.

Quibus modis re contrahitur obligatio.

Continuatio. Quando obligatio dicatur re contrahi : & quæ obligationes huc pertineant.

 Oc titulo exponitur prima species obligationum, quæ non ex solo consensu nascuntur, sed demum cum aliquid ad conventionem accessit, illæ nimirum, quæ nascuntur ex contractibus, qui præter consensum rei, interventum ad perfectionem sui requirunt ; quæ obligationes ob id re contrahi dicuntur. Quid sit re obligationem contrahi, nulla certa definitione, sed

exemplis ostenditur. Rectius fecissent Compositores, si primum commoda aliqua definitione rem declarassent, ac tum singulas enumerassent species : nam utrumque ad genus aliquod & species ejus generis cognoscendas est necessarium. Nunc & insufficiens videtur enumeratio specierum, & difficilis est omissionum investigatio. Potest autem hæ obligatio sic describi ; Obligatio re contrahitur, cum datum aliquod aut factum ad consensum accedens obligationem inducit. Rem enim hic generaliter accipimus, ut & facta comprehendat. Neque vero obligationes illæ solæ huc pertinent, quæ ex contractibus nominatis, qui hic memorantur, mutuo, commodato, deposito, pignore, nascuntur ; sed etiam quæ ex contractibus innominatis : ex quibus omnibus obligationem non nasci constat, nisi datum aliquod aut factum ad conventionem accesserit, l. 1. §. 2. de rer. permut. l. 3. C. eod. l. 7. §. 2. de pact. l. 1. §. pass. de præscr. Verb. diserteque Paulus in d. l. 1. §. 2. de rer. permut. hac nota permutationem distinguit ab iis contractibus, qui nudo consensu perficiuntur, quod in permutatione res tradita demum initium obligationi præbet. Videri tamen possunt veteres propriè & in specie tunc obligationem re contrahi dixisse, cum res tradita vel in genere vel in specie reddenda est : ideoque solummodo quatuor illos hujus generis contractus nominatos, quorum id proprium est, mutuum, quo id agitur, ut res ejusdem generis, commodatum, depositum, pignus, quibus agitur, ut eadem species restituatur, huc retulisse, l. 1. §. 2. cum 2. seqq. de obl. & act. quod & Justinianus secutus sit. Conventio restituendi titulo & nomine contractus inclusa est.

TEXTUS.

De mutuo.

Re contrahitur obligatio, veluti mutui datione. Mutui autem datio in iis rebus consistit, quæ pondere, numero, mensurave constant ; veluti vino, oleo, frumento, pecunia numerata, ære, argento, auro, quas res aut numerando, aut metiendo, aut appendendo in hoc damus, ut accipientium fiant. Et quoniam nobis non eadem res, sed alia ejusdem naturæ & qualitates redduntur, inde etiam mutuum appellatum est : quia ita à me tibi datur, ut ex meo tuum fiat : & ex eo contractu

nascitur actio, quæ vocatur certi conditio.

NOTÆ.

RE CONTRAHITUR] Ex Cajo l. 1. de obl. & act. Recontrahi obligatio dicitur, cum datio aliqua aut factum ad consensum accedens obligationem inducit, l. 2. §. 3. de reb. cred. l. 1. §. 2. de rer. perm. l. 5. §. 2. & seqq. l. 8. in fin. de præscr. verb. & propriè, cum res tradita vel in genere, ut in mutuo; vel in specie, ut in commodato, deposito pignore, reddenda est.

PONDERE, NUMERO, &c.] Quoniam hæ res ita comparatæ sunt, ut aliæ aliarum vice fungantur, & mutuo tantundem præstent; quod non item contingit in aliis: quibus ideo in creditum ire non possumus, quia aliud pro alio invito creditori solvi non potest, l. 2. §. 1. de reb. cred.

CERTI CONDUCTIO] Mutuum contractus est *μὴ ἀλλοεργε*, cum solum obligans, qui mutuum accepit; ac proinde una tantum hinc nascitur actio, quæ appellatur certi conditio. Si stipulatio numerationi adjecta, non ex numeratione, sed ex stipulatione nascitur, l. 6. & 7. de novat. ejusdem tamen naturæ actio est, idemque nomen obtinet, *inf. tit. pr. l. 9. l. 24. de reb. cred.*

COMMENTARIUS.

1. Definitio mutui, ejusque definitionis per partes explicatio.
2. Materia mutui, & an panes ad numerum mutui rectè dentur.
3. Cur mutui datio duntaxat consistat in rebus consumptibilibus.
4. Emendationem D. Salmasii in l. 2. §. 2. de reb. cred. non videri necessariam.
5. Forma hujus contractus propria.
6. Singularia quæ hic recepta.
7. Finis & effectus, tum consequentia.
8. Debitorem non prohiberi eandem rem, quam accepit, in specie reddere.
9. Commodum æstimationis aucta, & incommodum diminuta ad creditorem pertinere.
10. In æstimatione ineunda, si debitor in eam condemnandus, cujus temporis aut loci ratio habeatur.
11. Speciale esse, quod nummi mutuo accepti etiam in alia forma & materia reddi possunt.
12. Aucto aut diminuto nummorum valore eos reddi oportere ea æstimatione, quæ est, cum solvantur, secundum comm.
13. Esse quidem de natura mutui, ut eadem bonitate res reddantur; de substantia non esse.
14. Etymon mutui.

15. *Duplexne sit, an una generalis certi conditio.*

Mutuum est contractus, quo res, quæ pondere, numero, mensura constant, alicui ita dantur, ut ejus fiant ea lege, ut is quandoque reposcenti creditori tantundem ex eodem genere reddat. Constituitur mutuum non solo ac nudo consensu, sed rem intervenire ac tradi oportet, puta pecuniam numerari &c. quod Paulus sic expresit, *mutuum non potest esse, nisi pecunia proficiascatur*. l. 2. §. 3. de reb. cred. Atque in tantum hoc obtinet, ut nec ultra, quam datum est, obligatio contrahi possit; veluti si tibi dederim decem, ut undecim reddas, non amplius quam decem condici poterunt, l. 11. §. 1. *ead. tit. l. si tibi 17. de pact.* Quod si simpliciter convenerit, ut tibi certam pecuniæ summam mutuo darem, hæc conventio mutuum non est, sed nuda pactio. nec nomen, nec *συνδαιγμα* habens, ac proinde nec eum, qui se daturum promisit, extra stipulationem jure civili obligat, *per Gulgat.* Planè, si pecunia apud aliquem jam sit, verbi gratia ex causa depositi, potest ea nuda voluntate transferre, & converti in causam mutui fictione brevis manus, l. 9. §. ult. de reb. cred. In hoc igitur causam efficientem & simul rei gerendæ formam communem cernere licet. Illud notandum, mutuum non semper accipi pro ipso contractu, sed sæpè etiam pro re mutuo data: quod etiam accidit deposito, commodato, pignori.

Quæ pondere, numero, mensura] Materia mutui sunt res, quæ pondere, numero, mensura constant, id est, quæ ex certo pondere, numero, mensura æstimantur, & hoc modo sunt in commercio, ut vinum, oleum, frumentum, pecunia numerata. Non autem res omnes, quæ appendi, numerari, &c. possunt: alioqui nihil ferè esset, in quo mutuum non consisteret: aliud scilicet est, pondus, numerum, mensuram habere; aliud, ex pondere, &c. constare. Glossa in l. 2. §. 1. de reb. cred. negat, panes ad numerum mutuo dari posse: quod alii contra simpliciter affirmant, sed rectè Bart. in d. l. 2. §. 1. sic distinguendum censet, ut si panes limitatam in civitate quantitatem habeant, id est, definitum pondus, possit in his mutuum consistere ad numerum: sin minus, non nisi ad pondus. Ideo autem in his rebus duntaxat mutui datio consistit, quoniam earum datione possumus in creditum ire, eo quod functionem eandem in genere recipiunt per solutionem, quam in specie; id est, quoniam hæ res natura ita comparatæ sunt, ut aliæ aliarum vice fungantur, ita ut re ejusdem generis soluta, non aliud, sed idem, quod creditum est, videatur redditum: quod secus est in cæteris rebus. Nullæ enim aliæ res tam sunt æqualis æstimationis, ut in suo genere solutæ, aliæ aliarum vice fungantur, & mutuo tantundem præstent: ideoque si non eadem

eadem res, quæ accepta est, sed alia ejusdem generis redderetur, aliud pro alio solveretur; quod non licet invito creditore. Ad hunc modum disputat Paul, in d. l. 2. §. 1. de reb. cred. Doctissimus Salmasius lib. de usur. cap. 1. textum emendat; & pro functionem recipiunt, reponit suffectionem recipiunt; ne bis idem dici videatur, cum idem sit, ut ait, solutio, quod functio. In quo, viro clarissimo assentiri non possum. Primum quia functionis verbum latius patet, quam solutionis, & ad omnia refertur, quæ vice mutua tantundem præstant, aut quorum alterum alterius vicem explet, l. 6. de reb. cred. etiam ubi nulla intervenit solutio: veluti cum pignoribus fungi dicimur in vicem satisfactionis, l. 7. de præt. stip. vel noxæ datione fungi, l. liber homo 37. §. 1. ad leg. Aquil. §. 2. Inst. de nox. act. Deinde quia Jurisconsultus ita ut ibi loquitur, loqui non potuit, nisi & quod acceptum in specie redditur, rectè dicatur sufficere. Sed in his non sunt positæ opes Græciæ. Forma hujus contractus propria consistit in ipsa mutui datione, sive dominii rerum in accipientem translatione. Idque adeo mutui proprium esse creditum est, ut etiam nomen ab eo acceperit. quod de meo tuum fiat, d. l. 2. §. 2. de reb. cred. Ex hoc autem intelligimus, & eum, qui credit, dominum esse oportere, & eo animo rem tradi accipique, ut is qui accepit, dominus fiat, d. l. 2. §. pen. l. in omnibus 35. de obl. & act. junct. l. si ego 18. §. 1. de reb. cred. Enimvero si debitorem meum jussero tibi dare pecuniam, aut si inter nos convenierit, ut pecuniam ex mandati causa debitam crediti nomine retineas, obligaberis mihi, quamvis meos nummos non acceperis. Item si lancem tibi vendendam dederim, ut nummis uteris, perinde mihi obligaberis, ac si vendidissem ipse, pretiumque tibi tradidissem. Admissa enim est in his omnibus fictio brevis manus, auctore Ulpiano in l. 21. §. 1. de reb. cred. Quanquam difficilior videtur Africanus in l. qui negotia 34. mand. vid. Cujac. tract. 8. ad African. Illud quoque utilitatis causa receptum, ut si v. c. nummi alieni crediti fuerint, iis bona fide consumptis mutuum confirmetur, & confictio nascatur: & generaliter, ut quod numeranti præstat pecunia translatio, hoc ea ab initio non translata præstet consumptio, l. 11. in fin. & 2. l. seqq. l. 19. §. 1. de reb. cred. l. 17. de solut. Finis est, ut is qui rem mutuo accepit, pro commodo suo ea uti, eamque consumere possit, atque ut aliquanto post rem ex eodem genere, & tantundem (quo æquè bonam quoque intelligimus) creditori reddat, d. l. 2. in pr. de reb. cred. l. 1. §. 2. de obl. & act. quod ipsum natura obligationis mutui continetur, licet de eo nihil nominatim convenierit, l. 3. de reb. cred. Ad effectum quod attinet, transit rei mutuo datæ dominium in debitorem cum obligatione restituendi rem ejusdem

generis. Unde est, quod rei, quam mutuo accepit, interitum non liberatur, §. 2. hoc tit. l. 1. §. 4. de obl. & act. nimirum duplici de causa: tum quia regulare est, ut res pereat suo domino: l. 9. C. de pign. act. tum quia mutui debitor, generis debitor est: genus autem nunquam perit, l. 11. C. si cert. pet. Creditori hoc nomine acquiritur actio, quæ vocatur certi conditio, hoc text. in fin.

Numerando, metiendo, &c. Quod si v. c. ob signatæ dentur custodiendæ, naturam cujusque corporis imitantur, & tum depositum est.

Ut accipientium fiant Quæ res mutuo dantur, in hoc dantur, ut accipientis fiant, l. 1. §. 2. de obl. & act. l. 2. de reb. cred. Cujus rei ratio est, quia nisi ea lege darentur, ne vi quidem illis liceret, quoniam usus earum sine consumptione planè nullus est.

Non eadem res In mutuo non hoc agitur, ut res eadem numero, quæ data est, reddatur, sicuti in commodato, deposito, pignore, sed alia ejusdem generis; seu, ut veteres loquuntur, mutuum damus non recepturi eandem speciem, sed idem genus, d. l. 2. de reb. cred. alioqui ex causa mutui nulla fieret alienatio. Secundum quod Ulpianus respondet, non alienari nummos, qui sic dantur, ut restituantur, l. qui sic 35. de solut. Quod tamen non eo pertinet, ut non liceat debitori eandem speciem, quæ accepta est, si fortè ea usus non sit, creditori restituere, atque eo modo se liberare, quasi hoc sit contra conventionem, ut putabat Azo; nam totum hoc solius debitoris gratia cautum intelligitur, ut scilicet ille re mutua utatur, si velit: sin autem usus non sit, nihil prohibet, quominus eandem reddat, dum reddat non deterior: sic enim vel maxime res ejusdem generis ejusdemque bonitatis redditur, quod solum hujus contractus obligatio exigit, Joan. Barr. in d. l. 2. n. 3. 245. n. 9. Don. n. 5. Porro dum res reddatur ejusdem generis, eademque bonitate, idque suo loco ac tempore, aut alias ante litem contestatam, quantacumque sit præsens æstimatio, debitor liberatur, ita ut æstimatio præcedentis temporis in questionem non veniat, sed & auctæ commodum & incommodum diminutæ, pertineat ad creditorem, per l. sinum 22. de reb. cred. quippe æstimatio extra rem est, magisque proficiscitur ex rerum copia aut inopia, quam bonitate, Don. ad d. l. 3. n. 5. & seq. At enim æstimatio, quia credita non est, pro re credita invito creditori obtrudi non potest, arg. l. 2. §. 1. l. 1. de ver. perm. DD. comm. in d. l. sinum. VVesemb. par. de reb. cred. num. 12. quamvis contrarium usus servet. Merul. lib. 4. dist. 4. sect. 3. tit. 1. c. 2. n. 22. Quod si tamen necesse sit condemnationem fieri in rei petitiæ æstimationem, qui fortè res præstari non possit, aut commutata præcedentis temporis æstimatio, quam æquum sit actorem consequi, in ea inunda

tempus litis contestatæ spectandum erit, & si mora facta sit, quantum æstimatio postea crevit, præstandum, d. l. *Quinnum l. ult. de cond. tritic. l. quæstioes* 59. de Verb. obl. l. 37. mandat. Specialem rationem in nummis mutuo acceptis habet, quod eos necesse non sit reddi in eadem forma aut materia, nisi creditor ex ea re damnum aliquod passurus sit, l. *creditorum* 99. de solut. arg. l. *quæ extrinsecus* 65. §. 1. de Verb. oblig. Quippe etiam tunc intelligitur idem genus nummorum redditum, cum v. c. pro aureis creditis tot argentei redditus sunt, qui eandem quantitatem efficiunt, puta pro una auro, qui valeat decem argenteos, totidem argentei probi & locabiles. Nam nummus non tam ex materia æstimatur, quam ex hominum instituto seu valore impositio. Id est, in nummis non tam inspicitur corpus, materia, numerus, qualitas, quam potestas, valor, seu æstimatio, l. 1. de contr. empt. ut proinde, qui aureum debet, non præcisè corpus hujusmodi debere intelligatur, sed potius ipsius valorem seu potestatem publica lege ei impositam. Sic accipiendum illud Senecæ 6. de benef. c. 5. *pecuniam dicimur reddidisse, quamvis numeravimus pro argenteis aureis, &c.* Cæterum ita demum nummos mutuo acceptosolvere in alia forma aut materia licet, si id fiat sine injuria creditoris: si damnum ex ea re passurus sit creditor, non licet, juxta responsum Pauli d. l. *creditorum* 99. de solut. Atque hinc pendet decisio nobilissimæ quæstionis, si post contractum æstimatio nummorum creverit aut decreverit, utrum in solutione facienda spectare oporteat valorem, quem habebant tempore contractus, an qui nunc est tempore solutionis: intellige si nihil de ea re expressè dictum sit, neque mora intervenierit. Car. Molinæus tract. de usur. n. 693. & seqq. Hotom. illustr. quæst. 15. Don. ad l. 3. de reb. cred. num. 10. & 11. contendunt tempus contractus inspicendum esse, id est, ea æstimatione nummos reddendos, non quæ nunc est, sed quæ initio fuit, cum dabantur. Nimirum nihil illi in pecunia numerata præter æstimationem considerandum putant, totamque nummi bonitatem in hac ipsa æstimatione consistere: ac proinde creditori non facere injuriam, qui eandem æstimationem, quam accepit, reddit: tantum enim reddere eum, quantum accepit, quod ad solutionem mutui sit satis. Itaque secundum horum sententiam, si 100. aurei mutuo dati sint, cum aureus valebat asses 50. reddantur autem, cum singuli valent asses 55. debitor reddens creditori aureos 90. aut in singulos aureos 50. asses reddit, quantum accepit, & liberatur: & vicissim si imminuta sit ad eundem modum aureorum æstimatio, non liberatur, nisi reddat aureos 110, aut in singulos aureos asses 55. Bartolus vero in l. *Paulus* 101. de solut. Bald. in l. *res in datam* 42. de jur.

dot. Castr. in lib. 3. de reb. cred. & DD. comm. ut videre est apud Boer. decis. 327. contra censent, spectandum esse in proposito tempus solutionis, id est, aucto vel diminuto nummorum valore, ea æstimatione reddi eos oportere, non quæ tunc fuit, cum dabantur, sed quæ nunc est, cum solvuntur, neque aliud statui posse sine creditoris aut debitoris injuria. Quæ sententia, ut mihi videtur, & verior & æquior est. Nam quod contrariæ sententiæ auctores unicuique urgent, in nummis non materiæ, sed solius æstimationis impositiæ atque externæ, quam ob id vulgè extrinsecam nummi bonitatem vocant, rationem ducunt, nummumque nihil aliud esse, quam quod publicè valet, vereor, ut simpliciter verum sit. Utique enim materia numismatis fundamentum est & causa valoris: quippe qui variatur pro diversitate materiæ: oportetque valorem hunc juxta aliqua proportionem materiæ respondere: neque in bene constituta republica nummo ea æstimatio imponi debet, quæ pretium materiæ, ex qua cuditur, superet, aut superet ultra modum expensarum, quæ in signanda pecunia sunt: quod ad singularum specierum valorem parum addere potest. *Id. Coëvar. de Ver. coll. numism. cap. 7. num. 7.* Sed hoc ad actus & præstationes privatorum non pertinet. Illud pertinet, quod si dicimus, creditis nummis nihil præter æstimationem eorum creditum intelligi, necessario sequitur, creditorem teneri in alia forma aut materia nummos accipere contra definitionem Pauli in d. l. 99. de solut. etiam si damnum ex eo passurus sit: nam qui recipit quod credidit, nihil habet quod conquerebatur. Sequitur & hoc, si contingat mutari nummorum bonitatem intrinsecam, id est, si valore veteri retento percutiantur novi nummi ex deteriore materia, quam ex qua cusi, qui dati sunt, puta si qui dati sunt, cusi fuerint ex puro auro, postea alii feriantur ex auro minus puro & mixto ex ære, debitorem restituendo tot mixtos & contaminatos, quot ille puros accepit, liberari cum insigni injuria creditoris: & contra interpp. pene omnium doctrinam, qui hoc casu solutionem faciendam esse statuunt ad valorem intrinsecum monetæ, qui currebat tempore contractus, testibus *Gail. 2. obs. 73. n. 6. & 7. Borcholt. de feud. ad cap. un. quæ sunt regal. num. 62.* Illud enim maximè in hac disputatione considerandum est, quoniam hic finis nummi principalis est, ut serviat rebus necessariis comparandis, auctore Aristotele 1. *Polit. 6.* quod mutata monetæ bonitate sive extrinseca sive intrinseca, pretia rerum omnium mutantur, & pro modo auctæ aut imminutæ bonitatis nummorum crescunt aut decrescant: quod ipsa docet experientia: eoque facit l. 2. C. de Ver. num. pot. lib. 11. Crescunt rerum pretia, si deterior materia electa, aut manente eadem materia valor auctus sit: decrescunt electu materiæ melioris.

aut si eadem bonitatis materiam manente valor immi-
natus fuerit. Fallitur enim imperitum vulgus, dum
sibi persuadet, ex augmento valoris aurei aliquid si-
bi lucri accedere. Hoc autem fundamento posito,
siquidem neutri contrahentium injuriam fieri volu-
mus, ita definiendum videtur, ut si bonitas monetæ
intrinseca mutata sit, tempus contractus, si extrinse-
ca, id est, valor impositivus, tempus solutionis in
solutione facienda spectari debeat. Atque ita sæ-
pissimè judicatum est. *Boër. decis. 327. Ann. Robert.*
lib. 1. rer. jud. c. ult. Myns. 4. obs. 1. Gail. d. obs. n.
6. & seqq. Borcholt. ad d. un. qua sunt regat. n. 58.
& seqq. Christin. Sol. 3. dec. 1. n. 2. D. Jac. Coren. dec.
Cur. sup. Holl. 23.

13 *Ejusdem naturæ qualitatibus*] Id est, ejusdem ge-
neris & eadem bonitate. *Luc. c. 6. vers. 34. δανίζε-
σθαι τὰ δανίσματα τὰ ἴσα.* Atque horum alterum, ut
res ejusdem generis reddantur, mutuo essentiale est,
l. 2. de reb. cred. alterum, ut eadem bonitate, natura
quidem mutui continetur, sed de substantia sive es-
sentia mutui non est, *l. 3. eod.* Itaque prius pacto mu-
tari non potest, quin in alium contractum res abeat.
Nam si hoc actum, v. c. ut pro oleo vinum, aut fru-
mentum pro vino redderetur, non mutuum, sed per-
mutatio est, *l. pen. C. de rer. perm.* sive contractus
Do ut des, *l. 1. §. 1. de praes. verb.* Posterius potest
salvo manente mutuo, ad cuius substantiam hoc so-
lum requiritur, ut debeat idem genus, *d. l. 2. arg. d.*
l. 3. junct. d. l. 5. §. 4. Quæ in contractibus sint sub-
stantialia, quæ naturalia, quæ accidentalia, ex com-
muni sententia tradit *Gab. Mudæus tract. de contr.*
empt. part. 5. n. 13. & seqq. Phil. Matth. ad l. 27. de
reg. jur. Bellon. 1. supput. c. 5.

14 *Ut ex meo tuum fiat*] Bella hæc Jurisconsulti in
d. l. 2. §. 2. allusio est, non vera hujus verbi origina-
tio, quod Varro *lib. 4. de Ling. Lat.* à voce Sicula *μῶ-
ν* deducit; *Si datur, inquit, quod reddatur, mu-
tuum est, quod Siculi μῶν.* Sed & hoc ipsum vi-
detur esse ex *μὴ* & *τὸ* pro *τὸν*. *Grot. Flor. spars.* De
quo plura *D. Salmasius lib. de usur. c. 1.* Cave autem
credas, quod idem ibidem asserit, in mutuo de meo
tuum non fieri: imo nisi de meo tuum fiat, non est
mutuum, *d. l. 2. & passim de reb. cred.* sed vid. no-
tata sub §. *ul. sup. quib. alien. lic. D. Cujac. 11. obs. 37.*
à mutatione potius dictum existimat, quod mutetur
hoc genere pecunia, cum pecunia, dum par quantitas
accipitur & redditur: quo etiam alludere videtur
Cic. in epist. quadam ad Q. Metellum his verbis;
Quod autem scribis pro mutuo inter nos animo;
quid tu existimes esse in amicitia mutuum, nescio.
Equidem hoc arbitror, cum par voluntas accipi-
tur & redditur. Sed & verbum *mutare* à Siculo
μῶν alium fecisse videntur Latini. *D. Salmasius*
d. loc.

Quæ vocatur certi condictione] Mutuum contra-
ctus est *μὴ ἀλλ' ὅς*, ex uno tantum latere obliga-
tionem pariens, non ultro citroque: nam is solus ex
hoc contractu obligatur, qui mutuum accepit, & ad-
versus hunc mutuanti datur illa actio, quam Justinia-
nus ait vocari certi condictionem. De hac condi-
ctione magna est, licet non adeo magni momenti,
questio, utrum scilicet specialis ea sit, an generalis;
id est, utrum condictione certi ex mutuo propriam &
distinctam naturam ab aliis certi conditionibus ha-
beat, an sit ejusdem naturæ in genere cum cæteris,
& cum his, ex quacumque causa competant, sub
communi genere conditionis certi contineatur.
Prius placet interpretibus Citramontanis, duplicem
certi condictionem statuentibus, unam specialem,
quæ competat ex causa mutui (addunt aliqui & eam,
quæ competit ex causa stipulationis, *inf. de verb. obl.*
in pr.) alteram generalem, quæ competat ex causis
& obligationibus cæteris, ex quibus certum debetur;
quam superiori, ut speciem diversæ naturæ, opponunt
Accurs. Bart. Castr. Faf. in l. 9. de reb. cred. §. 4. de obl.
ad f. & d. l. 9. de reb. cred. §. 5. §. 4. de obl.
& ad f. & d. l. 9. de reb. cred. §. 5. §. 4. de obl.
qui locus apertè osten-
dit, in genere unam esse certi condictionem, in quo,
quæcumque sit causa petendi, petitio omnis certi
conveniat, sive petatur ex mutuo, sive ex stipulatio-
ne, sive ex causa legati, sive ex causa furtiva, &c.
Quod si pro diversitate causæ agendi, quod medium
concludendi Bartolus vocat, condictionem certi
distinguere velimus, quod per me licet, tot erunt ejus
species statuendæ, quot sunt causæ agendi propriæ.
Putavit Bartolus, condictionis certi ex mutuo hoc
proprium esse, quod in ea instituenda speciali medio
concludendi utendum sit, videlicet quia mutuavi:
in cæteris vero speciebus, & condictione certi gene-
rali sufficere, si dicam me certum petere. Quod fal-
sum est. Utique enim cum, exempli gratia, centum
peto ex causa legati, utorque in eo condictione certi,
concludere debeo, quia mihi legata, ut actio, speciem
futuræ litis demonstrat, *arg. l. 3. C. de edend. Zaf. ad d.*
l. 9. de reb. cred. n. 9. & seqq. Don. ibid. n. 4. & seqq.
Gædd. de contr. stipulat. c. 11. conclusion. 2.

TEXTUS.

De indebito soluto.

1. *Is quoque, qui non debitum accepit*
ab eo, qui per errorem solvit, re obligatur,
datur.

daturque agenti contra eum propter repetitionem condictionis actio. Nam perinde ei condici potest, si apparet, eum dare oportere, ac si mutuum accepisset. Unde pupillus, si ei sine tutoris auctoritate indebitum per errorem datum est, non tenetur indebiti condictione, non magis quam mutui datione. Sed hac species obligationis non videtur ex contractu consistere; cum is, qui solvendi animo dat, magis voluerit negotium distrabere, quam contrahere.

NOTÆ.

1. PER ERROREM] Rectè per errorem: nam qui sciens se non debere solvit, non repetit, l. 1. §. 1. l. 26. §. 3. de cond. ind. propterea quod donasse censetur, l. 53. de reg. jur. Errorem an facti duntaxat intelligere debeamus, an etiam juri, & inf. de obl. qua. q. ex contr. §. 6.

AC SI MUTUUM ACCEPISSET] Quod Cajo sic expressit, eadem actione tenetur, qua debita res creditoribus, l. 5. §. 3. de obl. & act. Unde Cujac. 8. obs. 34. & par. C. de cond. ind. solutionem indebiti factam in iis, quæ pondere, numero, &c. constant, promutuum vocat. Quod si alia res solvantur, quibus in creditum non itur, promutuum non est: & agendum sola condictione indebiti.

NON VIDETUR EX CONTRACTU] Vid. inf. de obl. qua. ex. contr. §. 6.

COMMENTARIUS.

PER occasionem disputationis de mutuo subjicitur hic aliquid de indebito per errorem soluto, ut ex textu apparet. Habet enim solutio indebiti multa cum mutui datione communia, quæ congestit Cujacius 8. obs. 34. Duo hic referuntur, ut statim videbimus. Cæteroquin non est hujus loci proprium tractare de obligatione ejus, qui indebitam pecuniam quasi à debitore accepit: quippe quæ obligatio non est ex vero contractu, sed quasi ex contractu oritur, ut demonstrabitur suo loco. Planè, si quis dubitans nominatim hac lege solverit, ut si postea appareret esse indebitum, redderetur, hoc casu magis est, ut ex vero contractu accipiens obligetur.

Re obligatur] Requiritur enim ad hanc obligationem producendam, ut quid solutum sit, sive naturaliter datum & præstitum solutionis causa, tanquam debitum.

Condictionis actio] Id est, condicio indebiti.

Actio enim condictionis idem valet, quod condicio, l. si quis 24. de reb. cred. l. 7. de cond. ca. dat. §. 24. & seq. inf. de act.

Perinde ac si mutuum] Prima convenientia indebiti soluti cum mutuo ex duabus, quarum hic fit mentio. Sic Gajus in l. 5. §. 3. de obl. & act. scribit, eum, qui non debitum accepit, eadem actione teneri, quæ debitores creditoribus: ubi debitum & creditorum nomen strictè ad mutui duntaxat causam refertur. Enimvero & qui indebitum accepit, & qui mutuum, tenentur quidem eadem actione, quod attinet ad idem actionis genus: uterque enim tenetur condictione certi: cæterum pro causæ petendi diversitate sunt etiam hæ diversæ species condictionis certi, condicio ex mutuo & condicio indebiti: differunt enim mutuum & solutio indebiti ratione objecti: siquidem mutuum earum tantum rerum est, quæ pondere, numero, mensura constant: solvi autem per errorem quasi debita etiam quævis alia possunt, & soluta condici, quibus in creditum non itur. Quamobrem non satis causæ video, cur solutionem indebiti pro mutuum Cujac. vocet.

Unde pupillus, &c.] Altera indebiti soluti cum mutuo similitudo. Ut pupillus mutuum pecuniam sine tutoris auctoritate accipiendo non obligatur, l. 59. de obl. & act. ita nec accipiendo pecuniam indebitam; nisi solutione factus sit locupletior, l. 13. §. 1. de cond. ind. quod generale est, l. 5. de aut. tut. l. 4. §. 4. de del. exc.

Non videtur ex contractu] Ideoque melius à Gajo collocatur in earum classè, quæ quasi ex contractu nascuntur, l. 4. §. 3. de obl. & act. Sed & à Justiniano ob hanc causam infra in eodem ordine repetita est, l. 28. hujus lib. ubi nos etiam accuratius de ea disputamus.

TEXTUS.

De commodato.

2. Item is, cui res aliqua utenda datur, id est, commodatur, re obligatur, & tenetur commodati actione. Sed is ab eo, qui mutuum accepit, longè distat: namque non ita res datur, ut ejus fiat; & ob id de ea re ipsa restituenda tenetur. Et is quidem qui mutuum accepit, si quolibet fortuito casu amiserit quod accepit, veluti incendio, ruina, naufragio, aut latronum hostiumve incurso, nihilominus obligatus manet. At is, qui utendum accepit, saxe

qui-

COMMENTARIUS.

quidem exactam diligentiam custodienda rei prestare tenetur: nec sufficit ei, tantam diligentiam adhibuisse, quam suis rebus adhibere solitus est, si modo alius diligentior poterat eam rem custodire. Sed propter maiorem vim, maioremve casus, non tenetur, si modo non ipsius culpa is casus intervenerit: alioqui si id, quod tibi commodatum est domi peregre tecum ferre malueris, & vel incursum hostium praedonumve, vel naufragio amiseris: dubium non est, quin de restituenda eare tenearis. Commodata autem res tunc proprie intelligitur, si nulla mercede accepta vel constituta res tibi utenda data est: alioqui mercede interveniente locatus tibi usus rei videtur. Gratuitum enim debet esse commodatum.

NOTÆ.

2. ITEM IS, CUI RES, &c.] Ex Cajol. §. 3. de obl. & act.

RE IPSA RESTITUENDA] Quoniam qui commodato dat, rei proprietatem retinet, l. 8. & 9. commod. qui mutuo, rem facit accipientis.

QUI MUTUUM ACCIPIT, SI FORTUITO CASU, &c.] Tum quia res regulariter perit suo domino, l. 9. C. de pign. act. tum quia mutui debitor, generis debitor est, quod perire non potest, l. 11. C. si cert. per. nam genus non est quid materiale, sed intellectuale, quod passionem non recipit.

MODO ALIUS DILIGENTIOR] Continet hic locus descriptionem diligentiae summæ, cui opponitur culpa levissima, id est, cum quis alias mediocriter diligens, in eo peccat, quod vir diligentissimus vitare potuisset. In summa commodatarius præstat & dolum & omnem culpam: excipe species in d. l. 5. §. 30. & d. l. 18. in fin. prac. commod.

NULLA MERCEDE] Commodare enim officii est & humanitatis, l. 17. §. 3. commod. Petron. si ve ergo nobis vendis, quod peto, mercator paratus est: si ve quod humanitas est, commodas, effice, ut beneficium debeam. Mercede interveniente tollitur beneficium, tollitur gratia, quæ sunt vincula amicitiae, l. 1. §. ult. mand.

- 1 Quid sit commodare, & quid commodatum differat à precario.
- 2 Contractum quosdam esse pignoriæ, quosdam duntaxat, alios mediocriter.
- 3 Notatur duplex differentia inter commodatum & mutuum.
- 4 Dolum in omnibus contractibus præstari: casum fortuitum in nullo, & quid utrumque: tum an periculi nomine semper casus veniat.
- 5 Inter casus fortuitos non numerari, qui cum culpa conjuncti esse solent: & qui isti casus.
- 6 Quibus ex causis esset regula de casibus fortuitis non præstandis.
- 7 Culpa quid & quod duplex: plenius quam vulgo.
- 8 Quid culpa lata, qua & dolo proxima.
- 9 Quid culpa levis.
- 10 Quid levissima: ubi & alia minus trita.
- 11 Latam culpam non minus quam dolum in omnibus contractibus præstari, rejecta Zalsi distinctione.
- 12 Qui contractus dolum duntaxat recipiant: qui vero & culpam. Tum in quibus negotiis etiam officii debitor culpam præstet, & diligentiam.
- 13 Positiuos exactus, diligens, saepe pro superlativis, exactissimus, diligentissimus, in hac disputatione poni, & contra.
- 14 Consecutaria ex textu deducta.
- 15 Quando culpa à commodatario abesse intelligatur.
- 16 Commodatum proprie nullum nisi gratuitum.

Secunda species obligationis, quæ re contrahitur, ex quatuor, quæ hoc tit. recensentur, est obligatio commodati. Commodare est rem alicui gratis certo modo utendam dare. Est rem utendam dare; proinde non tantum res mobilis, sed etiam soli commodari potest, veluti fundus, ædes: nam & habitationem commodari posse placuit, l. 1. §. 1. commod. l. 17. in pr. de præscrip. verb. Quod autem utendum datur, ejus rei non dominium transfertur, sed usus tantum accipiendi ad tempus conceditur salva rei substantia & non tantum proprietatem rei commodatæ, sed etiam possessionem. l. 8. ff. h. t. Ex quo intelligimus, id quod usu consumitur, commodari non posse, nisi forte dicis causâ ad pompam vel ostentationem, l. 3. §. ult. l. 4. commod. Quanquam autem etiam in istiusmodi rebus hoc verbum usurpant, pro mutuo dare scilicet. Cicero Verrius. s. commodasti tritici modios sexaginta. Ut & mutuari pro commodato accipere. D. Salmas. cap. 7. de usur. Deinde etiam hoc, commodatarium eam

ipsam rem, quam accepit, finito usu restituere debere. Adijcimus *gratis*, quia nisi gratuito res utenda concedatur, commodatum non est, sed aliud genus contractus, *hoc text. in fin.* Denique consulto addimus, *certo modo*, ut hac nota commodatum (quod quidam etiam sic dictum putant, quasi cum modo datum) discernemus à precario, quo quidem & ipso res utenda datur & gratis, sed simpliciter, non ad certum usum: cujus rei hic effectus est, ut precarium statim, cum videtur, revocare liceat, etiam tunc cum ad certum tempus datum est: commodatum non liceat, nisi finito tempore utendi præscripto, *l. 1. l. 2. l. 12. de precar. junct. l. in commodato 17. §. 3. commod.* Et quia precarium nunquam transit in necessitatem obligationis, inde est, quod nec ulla jure civili eo nomine actio est, sed interdictum de precario introductum, *l. 14. de precar. l. 14. §. 11. de furt.* quod tamen cessat, cum quis de re sibi restituenda cautum habet, *l. 15. §. 3. de precar.* & tunc aget precario dans vel ex stipulatu, si stipulatione sibi caverit; vel præscriptis verbis, si pacto, *l. 2. §. 2. l. 19. §. ult. eod.* ubi vocatur condictio incerti, quia condicitor possessio rei precario rogata, *vid. l. 15. §. 1. l. qui exceptionem 40. §. 1. de condict. indeb.* Plane ipse commodatarius quovis tempore rem reddere potest; quippe cui licet non uti, & beneficio renuntiare.

Re obligatur] *Commodate* non est convenire de re utenda danda, quod nudum pactum est, sed utendam dare & tradere: unde satis intelligitur, si qua hic contrahitur obligatio, eam non solo consensu contrahi, sed re, *l. 1. §. 3. de obl. & act.*

Commodati actione] Directa scilicet. Potest enim ex hoc contractu etiam commodatario actio quæri adversus commodantem, quæ contraria dicitur, sicut in deposito quoque & pignore usu venit, item in mandato, negotiis gestis, tutela; de quibus infr. suis locis. Nimirum quod hic notandum est, contractuum quidam sunt *μονόπλευροι*, qui ex uno tantum latere obligant; quidam *διπλόπλευροι*, qui utroque; quidam mediæ inter hæc genera naturæ, ex quibus nec semper unus, nec semper uterque obligatur: quamvis & hi inter *διπλόπλευρους* numerentur, *sup. tit. de ass. tut. in princ.* Primi generis sunt mutuum & stipulatio, quorum ea natura est, ut & ab initio ex uno tantum latere obligent, eum scilicet, qui accepit aut promisit, nec ex postfacto conditionem mutant. Secundi generis sunt emptio, locatio, societas; ex quibus statim mutua nascitur obligatio. Estque in his par utriusque contrahentis in obligatione constituenda ratio. Intermedii generis sunt commodatum, depositum, pignus: qui contractus natura comparati sunt ad unum duntaxat obligandum, eum qui accepit videlicet; ut liquet ex fine principali contrahentium: neque ab initio dantem itidem ob-

ligant: sed sit tamen in his sæpe ex postfacto & accidenti, ut contra ille quoque, qui dedit, accipienti obligetur, veluti si accipiens in rem acceptam necessarias impensas fecerit, aut per causam rei damnum passus sit, quas impensas refundi damnumque ei sarciri æquum est, *l. in commodato 17. §. 3. l. in rebus 18. §. 2. l. pen. commod. l. si se servus 31. de pign. act. l. s. de pos.* Atque hinc actiones, quibus commodatarius, depositarius, creditor pignoratitius tenentur, ut scilicet rem, quam acceperunt, restituant, nomen directarum acceperunt: quæ vero ex contrario ipsis accommodantur de indemnitate eorum adversus commodantem, deponentem debitorem, contrariæ dictæ sunt. Unde *tit. commodati vel contra, depositi vel contra*, &c. Contrariæ actiones præter pecuniariam condemnationem ejus, quod agenti abest, nihil habent: quoniam in his de perfidia non agitur, sed tantum de indemnitate actoris: unde nec in litem in his juratur, nec damnatus ex ulla causa fit infamis, *l. s. de pos. l. 6. in fin. de his qui notant, infam. §. penult. infr. de pen. temere litigant.*

Ab eo qui mutuum accepit.] Notantur ex Gajo *l. 1. §. 4. de obl. & act.* duæ differentiæ inter mutuum & commodatum. Quarum prima est, quod is qui mutuum dat, rem facit accipientis: is vero qui dat commodato, proprietatem rei retineat, *l. 8. & seq. commod.* cui proinde eadem res in specie seu eadem eodem numero finito usu restituenda sit. Altera, quod is qui mutuum accepit, fortuita amissione ejus, quod accepit, non liberetur; cujus rei ratio sub *princ. hujus tit.* indicata est: commodatarius vero liberetur, si res sine facto ejus perierit, exemplo cæterorum debitorum, qui speciem aliquam debent, *l. 5. de reb. cred. l. si ex legati 23. de verb. obl.*

Sane quidem exactam diligentiam] Si res alienæ vel aliis debita peremptæ, deperditæ, aut deterior res apud nos factæ fuerint, quaritur, non incommutato tantum, sed in omnibus fere contractibus & negotiis, ad cujus id damnum pertineat. Quæstio diffusa & perquam difficilis, cujus sedes in *π* est *l. contractus 23. de reg. jur. l. 5. §. 2. commod.* In Institutis hoc potissimum loco tractatur. De eo inter omnes convenit, aliud in proposito statuendum esse, si dolo malo, aliud si culpa debitoris, aliud si casu fortuito quid eorum, quæ diximus contigerit. De dolo & casu facilis præceptio est, culpæ difficilior explicatio. Dolus est machinatio consulto ad nocendum alteri adhibita, *l. 1. §. 2. de dol. mal.* Eum omnes contractus recipiunt, sive, quod idem valet, in omni contractu dolus præstat, *d. l. 5. §. 2. commod. d. l. 23. de reg. jur.* Cujus definitionis hæc sententia est: Quicquid quovis in contractu dolo malo factum est à debitore, quo res periret, deterior fieret, aut deperderetur, detrimentum esse debitoris, perindeque cum

eum teneri, ac si nihil eorum accidisset. Adeo autem in omni iudicio doli præstatur, ut nec conventionem contrarium effici possit, videlicet ne doli præstetur, cum talis conventio sit contra bonos mores. Invitetque ad delinquendum, d. l. 23. de reg. jur. l. 1. §. illud 7. de pos. l. si unus 27. §. 3. & 4. de pact. Plane de præterito dolo pacisci licet, & actionem quæsitam remittere, l. 7. §. si paciscar. 1. d. l. 27. §. 4. de pact. Casus furtivi contraria definitio est: nam ut doli ab omnibus & in omnibus iudiciis præstatur, ita contra casus fortuiti nullo iudicio & à nemine præstari dicuntur, d. l. 23. de reg. jur. in fin. l. 6. Cod. de pign. act. ubi verba illa, in nullo bona fidei iudicio, adjecta non sunt ad excludenda iudicia stricti iuris, per l. 23. de verb. obl. l. 5. de reb. cred. sed addita propter eos contractus bonæ fidei, in quibus solius debitoris utilitas versatur, cuius generis est commodatum: nam si hic non præstatur casus, multo minus illic præstari debet, ubi solius creditoris commodum vertitur, quantumvis contractus sit stricti iuris, ut bene Don. ad d. l. 6. n. 21. casum fortuitum definimus omne, quod humano capto prævideri non potest, aut cui prævisio non potest resisti, l. in rebus 18. commod. lex conducto 15. §. 2. locat. d. l. 6. Cod. de pignor. act. Alio generali nomine casus & vis major dicitur, l. 13. in fin. de pign. act. l. si merces 25. §. vis major 6. locat. l. 1. §. 4. de obl. & act. item fatum & damnum fatale, l. 16. de rei vend. l. 5. §. 4. commod. l. 3. §. 1. naut. camp. stab. l. 2. in fin. de peric. & commod. rei vend. cum simil. Qui vero periculum dicit, is quidem plerumque etiam casum fortuitum intelligit, l. 4. l. 11. de reb. cred. l. 17. §. 1. 2. pen. de præscr. verb. l. 12. & 2. seqq. de peric. & commod. l. 1. C. commod. l. 9. C. de pign. act. Sed non semper. Nam interdum etiam periculo nostro res esse dicitur, in qua culpam præstare & maxime levissimam nos oportet, non etiam casum improvisum, l. 13. §. 1. de lib. ca. l. qui mercedem 40. locat. l. non ob eam 25. pro soc. l. 14. §. qualis 16. de furt. l. 1. §. sape 35. de pos. l. 3. pr. naut. camp. stab. & passim hæ phrales occurrunt, periculum custodia subire, periculo culpa vel negligentia subiaci, infringi, illigari, l. 1. §. 4. furt. ad naut. l. tutores 39. §. tutores 12. & l. seq. de adm. tut. d. l. 1. §. sape. de pos. Sed & appellatione casus interdum negligentia significatur. Cælius, scribens ad legem duodecim tabb. casu, inquit, id est, negligentia, l. 9. de incend. ruin. naufr. quæ interpretatione confirmatur l. capitalium 28. §. incendiarii 12. vers. nam fortuita, de pen. & ita cap. l. 5. §. 2. l. 1. §. 2. eod. Casus fortuiti varii sunt, veluti à vi ventorum, turbine, pluviarum, grandinum, fulminum, ætus, frigoris, & similibus calamitatum, quæ coelitus immituntur. Nostri vim divinam dixerunt, Græci *πῦρ βίαι* l. si merces 25. §. vis major, lo-

cat. item naufragia, aquarum inundationes, incendia, mortes animalium, ruinæ ædium, fendorum chasmata, incursum hostium, prædonum impetus, &c. fugæ servorum, qui custodiri non solent. Quæ species passim occurrunt, d. l. 23. de reg. jur. d. l. 5. §. 4. l. 18. commod. l. 15. §. 2. locat. d. l. 3. §. 1. naut. camp. stab. His adde damna omnia à privatis illata, quæ quominus inferrentur, nulla cura caveri potuit, l. ad eos 19. commod. l. si ea 31. de act. empt. l. sed de damno 41. locat. Ad casus autem fortuitos non sunt referendi illi casus, qui cum culpa conjuncti esse solent: cuiusmodi sunt furta, l. cum duobus 52. §. 3. pro soc. l. 14. §. 1. de peric. & commod. item incendia intrinsicè orta, l. 3. §. 1. de off. præf. §. l. 1. de peric. & commod. rei vend. Quamobrem qui rem furto amissam, vel incendio, verbi causa servorum negligentia orto, consumptam dicit, is diligentiam suam probare debet. Quod vero incendium in alienis ædibus obortum occupat ædes vicinas, aut quod fulmine excitatur, aut à grassatoribus vel incendiariis immititur, id inter casus fortuitos numerari debet, & id. Gail. 2. obf. 21. Sande, lib. 3. tit. 6. num. 9. Eachin. 1. contr. 87. Don. ad l. 6. Cod. de pignor. act. num. 6. & 3. seqq. Richard. ibid. num. 4. Moller. 4. semest. 31. D. Tuld. in comm. ad tit. de leg. Aquil. cap. 8. Porro regula de casibus fortuitis non præstandis proposita, certa & perpetua est: ubi nihil amplius debitori objicitur, quam casus fortuitus: cessat autem si aut mora casum præcesserit, aut debitor rei periculum in se ultro suscepit. Etenim moræ intervenientis hic effectus est, ut obligatio perpetuetur. Quod hanc habet sententiam; Si res debita post moram à debitore factam perierit, ipsius id detrimentum esse, perindeque eum perpetuo teneri, ac si res adhuc extaret, l. 23. de verb. oblig. l. nemo 82. §. 1. l. si servum 91. §. 3. eod. add. Christin. vol. 2. decis. 117. Conventio quoque in negotio gerendo interposita de casu præstando facit, ut debitorem damna fatalia sequantur, l. 1. §. si sape 35. de pos. l. 23. de reg. jur. l. 1. Cod. de pos. Medium inter duo illa extrema, dolum & casum fortuitum, culpa est. Hæc neque unius est generis, neque quævis à quovis debitore præstatur. Proinde quæstio de præstatione culpæ huc redit, primum ut norimus, quid sit culpa, & quotuplex sit tum quæ culpæ species quibus in contractibus præstentur. Culpam definitio omne factum inconsultum, quo nocetur alteri injuria. Facti nomine etiam quod omisium negligentive est, intelligimus: nam & non facere, quod facere oportet, culpa est, l. si servum 91. pr. de verb. oblig. sicut è contrario & negligentia adscribitur, quod temere & inconsulte quis agit. Dicimus factum inconsultum, ut culpam secernamus tum à dolo, tum à casu fortuito. A dolo, quia doli non est sine consilio & proposito nocendi, culpa est *ἀνευβουλήτος*. A casu

casu fortuito, quia quod inconsiderate & per negligentiam fit, humanitus vitari & prudenti ac diligenti consilio caveri potest; unde culpa alio nomine negligentia dicitur, §. seq. *hoc tit. l. 1. §. 1. si quoque s. de obl. & act. l. socius socio 72. pro soc. l. cedere diem 213. §. ult. de verb. sign.* Græcis ἀμέλεια. Damna autem fatalia nec consilio se regi patiuntur, nec humana prudentia averi possunt. Addimus injuria: nam quod jure permittente fit, non magis delictum est, quam id factum quod alii non nocet, *l. Gracchus, C. ad leg. Jul. de adul.* Species culpæ quod sint, & quid singulæ, in libris juris, quos habemus, expressio traditum aut explicatum non est: meminerunt tamen prudentes culpæ latæ, item levis, & levissimæ. Quamobrem tres hæc culpæ species, aut si mavis gradus, faciamus iisdem appellationibus inter se distinctas, latam, levem, levissimam: nam & ex adverso tot sunt species seu gradus diligentiae. Est enim diligentia quædam minima seu infima; est media, *ἡτοι ἀμέλεια*: est & maxima, quam Græci *μεγαλή*, item *ἀρετή*, & *ἀπερίσπυκτο* appellant. *vid. Scholiast. Harmenopol. lib. 6. tit. 2.* Latam culpam è regione opponimus infimo gradu diligentiae, ut sit omisso ejus diligentiae, quam omnes homines suis rebus adhibere solent; aut id factum in re aliena, quod nemo admitteret in re propria. Itaque in lata culpa est, qui non prospicit, curat, caver, quod omnes, qui modo sensu communi præditi sunt, provident, & intelligunt, se cavere aut curare debere, *dist. l. cedere diem §. ultim. l. late 223. de verb. sign. l. quod Neræa 32. de pos. l. penult. §. secundo, de jure & fact. ign.* veluti si quis noctu ædium ostia aut fenestras, per quas de plano intrari potest, apertas reliquerit; aut si quis rem fidei suæ commissam in loco publico aut eo, quo quisvis accedere potest, incustoditam jacere patiatur, credens, neminem venturum qui auferat. Hac eadem culpa peccat, si quis rem, quam vendere debebat, corrumpi passus sit, *l. mulier 22. §. 3. ad sen. Trebell.* item putator arboris, qui non proclamans ramum dejicit, eoque ictu prætereuntem interficit, *l. 7. ad leg. Corn. de sicar.* Alia exempla hujus culpæ habes in *l. 8. §. ultim. & l. 29. §. 3. mand.* In summa, quicunque non facit in re aliena, quod vel minimum diligens homo in sua faceret, cujus culpæ res est. Dicitur & culpa latior, *dist. l. 32. de pos. gravior, l. homo liber 54. §. de acquir. rer. dom.* Item lata, magna, crassa, supina, dissoluta negligentia, *l. magna 226. de verb. sign. l. 7. §. 2. de adm. tut. l. 7. §. 1. de susp. tut. l. 29. princ. mand. l. cum sex 55. de ad. e. l. 6. de jur. & fact. ignor.* & passim per periphrasin culpa dolo proxima, *l. 4. de mag. con. l. cum res 47. §. pen. de legat. 1. l. 8. §. 3. de precar. l. 22. §. 3. cum similibus.* Levem culpam opponimus diligentiae mediæ, ut intelligatur esse omis-

sio ejus diligentiae, quam hominum natura desiderat, id est, mediocris, & quam vulgo homines frugis suis rebus adhibere soliti sunt, *argum. d. l. 32. de pos. aut id admissum in re aliena, quod diligens paterfam. non committeret in re sua.* Eideo in jure nostro non exigitur ad consuetudinem hominis diligentissimi, sed ad eum modum, quo quis curat res proprias, *hoc text. l. 1. §. 4. de oblig. & act. l. hæredes 25. §. non tantum 16. famil. ercisc. l. 1. de tut. & rat. distr. l. 17. de jur. dot. l. socio 72. pro soc. l. 22. §. 3. ad Trebell.* modo ne nimium negligenter in suis quodque rebus versetur: nam in abstracto hoc magis consideratur, quam in concreto, relatione habita ad diligentiam talem, qualem communiter bonus & diligens paterfam. suis rebus præstare consuevit, non qualem unus è multis, sed qualem magna pars patrumfam. *l. quod saepe 35. §. si res 4. de contr. empr. l. 14. de pign. act. l. 11. de peric. & comm. rei vend.* Itaque levi culpa peccat, si quis verbi gratia non clausit fenestras altiores, quam ut de plano intrari possint, & fures admotis scalis ingressi fuerint: aut si incendium domesticorum negligentia exortum sit, quod adhibita consveta boni patrisfam. diligentia præcaveri potuisset, *l. 11. de peric. & commod.* Levi culpæ & imperitiæ fere annumeratur, *l. imperitia 132. de reg. jur. l. 8. §. 1. ad leg. Aquil. l. 9. §. pen. locat.* Puto autem, imperitiæ in artifice, seu qui peritiæ alicujus rei proficitur, pro levi culpa habendam, *l. 9. §. 5. l. 13. §. 5. locat. l. 12. de furt.* in aliis pro levissima. Denique huic culpæ obnoxius est, quicunque non providet, quodcunque à diligente providi potuit, *l. si putator 31. ad leg. Aquil.* Hæc species fere in usu juris sola significatur quoties verbum culpæ absolute ponitur, aut dolo opponitur, ut innumeris locis videre est, *l. 5. §. 2. commod. l. 23. de reg. jur. l. 11. de neg. gest. l. hæredes §. non tantum, fam. ercisc. l. 5. §. 3. de in lit. jur. l. 1. §. saepe 35. de pos. l. socius socio 72. pro soc. l. in rebus 17. de jur. dot. l. 5. l. 8. C. de pign. act. cum simil.* Levissimam culpam opponimus diligentiae summæ, ut sit omisso ejus diligentiae, quam vigilantissimus quisque atque attentissimus paterfam. suis rebus adhibet, *l. in rebus 18. commod. l. 1. §. 4. de obl. & act. l. 3. de peric. & comm. rei vend. §. 1. inf. de obl. qua quas. ex contr.* aut id commissum in re aliena, quod diligentissimus paterfam. omitteret. Quare hanc culpam qui præstat, non excusabitur, si eam rebus alienis diligentiam præstiterit, quam aut ipse aut plerique suis rebus adhibere solent, modo quis alius diligentior majori cura adhibita damnum, quod illatum est, vitare potuerit: nam ad exactissimam diligentiam hæc culpa dirigitur, *hoc text. d. §. 1. in fin. inf. de obl. qua quas. ex contr. d. l. 1. §. 4. de obl. & act. d. l. 18. comm. d. l. 72. pro soc. §. ult. inf. de societ.* Exempli gratia, non carebit culpa levis-

pa levissima si quis fenestras versus publicum, remotiores à locis, in quibus dormit familia, non munit clathris aut ferreis perticis. Levissimæ culpæ mentio fit *l. in lege 44. ad leg. Aquil.* passim per oppositum indicatur verbo diligentia aut custodia, quo summa & exactissima significatur, *d. l. 5. §. 2. commod. l. 23. de reg. jur. l. cum res 47. §. pen. de legat. 1.* Etsi vero non omnis culpa ejusdem gradus secundum hanc distinctionem æqualis est: nam qualitas facti & circumstantiæ semper augent aut minuunt culpam, ita ut in hominum actibus certis terminis circumscribi nequeat. Tamen ad cognitionem hujus materiæ poterit nobis sufficere trium graduum distinctio, ut bene ostendit Decian. *lib. 1. tract. crim. c. 6. & Per. Faber ad l. contractus, de reg. jur.* prudenterque notat D. Tuldenus, *comment. ad hunc tit. cap. 8.* cum varia hæc sint atque incerta, nimisque vaga, quam ut singula scientiæ & perpetuis regulis subjici possint, magisque ad prudentiam referantur & arbitrium iudicis: tamen generalibus his præceptis & definitionibus religionem iudicis sufficienter instrui posse, iisdemque arbitrium illius dirigendum. Restat nunc, ut videamus, qui contractus quam culpam recipiant. Lata culpa dolo comparatur, perindeque ut dolum in omni contractu hanc culpam præstari placet: non quod revera & facti genere dolum est: contrarium enim ostendit ejus definitio, & loci, in quibus à dolo aperte distinguitur, *l. 2. §. 3. ad Trebell. l. 7. ad leg. Corn. de sic. l. tutori 20. C. de neg. gest. l. 7. C. arb. tut.* sed quia prope fraudem ac dolum accedit, *l. si fidejussor. 29. mand. l. 7. §. 1. de susp. tut.* & doli ac malitiæ quasi consanguinea est: unde etiam passim culpa dolo proxima vocatur. Nam quod legimus, latam seu magnam culpam dolum esse; *l. quod Nerua 32. de pos. l. 226. de verb. sign. dolum accipi debere etiam latam culpam; l. 5. §. dolum 15. ut in poss. leg.* magnam negligentiam etiam in doli crimen cadere: *l. 1. §. ut quoque §. de obl. & act.* id ad communem juris effectum referendum est; quoniam lata culpa interpretatione juris dolum repræsentat, jure effectum doli patitur. Et quod Celsus scribit, eum, qui lata culpa peccat, fraude non carere, in eo respicit ad violentam præsumptionem, quæ jure pro explorata habetur. Explodenda enim est distinctio Zasir inter latam culpam ignaviæ & versutiæ, quamvis eam probet Myns. in *Suspensum, sup. de susp. tut.* nam versutiæ culpa quid aliud esset revera, quam dolus, quam malitiæ? Ex hac porro interpretatione est, quod quotiescunque contractus dolum recipere dicitur, verbo doli etiam lata culpa intelligatur, etiam in lege latæ culpæ mentio non fiat, adeoque etsi dolus notetur particulis taxativis, *solum, duntaxat, &c. l. 3. §. 1. naut. cap. stab. l. 5. §. 2. commod. l. 23. de reg. jur. l. 1. §. ult. de pos. l. 1. §. 1. si mens.*

fulf. mod. l. 8. §. 3. de prec. l. sercus 108. §. cum quidam. 12. de legat. 1. §. seq. hoc tit. cum similibus. Atque hoc etiam procedit in causis famosis, & nonnunquam etiam cum ex causâ delicti civiliter agitur ad pœnam, *l. 11. §. ult. de his qui norantur infam. l. 7. §. 1. de susp. tut. l. 1. §. 2. si is qui test. l. pen. de incend. ruin. naufr.* quibus locis refutantur, qui simpliciter negant in causis famosis & delictis latam culpam dolo comparari. Per *leg. 3. cum 2. seqq. de serc. corrupt. l. in surri 50. §. ult. de furt. add. quæ nos sub §. suspectus, de susp. tut. lib. 1. tit. ult.* Plane in causis criminalibus, & præsertim capitalibus, hæc comparatio sive doli & culpæ exæquatio locum non habet: sed in his placet dolum solum pro facto accipi, latam culpam pro dolo non haberi, ac proinde nec eodem modo coerceri, *l. 7. ad leg. Corn. de scar. nisi forte res sit mali exempli.* Quo casu punitur & qui nocendi animum non habuit, *l. 3. §. 2. d. tit. l. si quis 38. §. qui abortionis §. de pen.* Dolus, ut hoc obiter hic moneam, in criminibus significat malum propositum, quo proposito deficiente plerumque nec delictum est: veraque malitia in his requiritur. Ut verba quoque proprie ac naturaliter accipienda sint, non fide aut civiliter. Levis & levissimæ culpæ alia ratio est. Harum neutra in omnibus contractibus præstatur, sed in quibusdam duntaxat. Sunt enim quidam contractus, qui dolum, quo nomine nunc porro etiam latam culpam intelligi volumus, tantum recipiunt: sunt, qui præter dolum etiam culpam levem, quam deinceps usum juris sequentes culpam simpliciter appellabimus: sunt denique, in quibus præter dolum & levem culpam præstatur etiam culpa levissima; quod more veteribus usitato contrariæ rei præstatione, nimirum diligentia, indicabimus. In hac autem varietate hæc regula & distinctio jure communi comprobata est, ut, siquidem tale sit negotium, in quo ejus, qui quid suscepit, nulla versatur utilitas, aut in quo debitor officii est debitor, quale est depositum, tum dolus solus præstetur. Ubi vero utriusque contrahentium utilitas vertitur, ut in empto, locato, dote, pignore, societate, rerum communione, ibi præter dolum præstetur & culpa. Quod vero utilitatem ejus duntaxat, qui accipit, non etiam ejus, qui dedit, continet, quale plerumque est commodatum, in eo & culpa præstetur & diligentia, *l. 5. §. 2. l. 10. l. in rebus 18. commod. l. in navem. 31. circa fin. locat.* Quæ regula eadem distinctio accommodanda quoque est contractibus innominatis, *dist. l. 10. §. 1. commod. l. 17. §. 1. & 2. de præscr. verb.* item legatis ac fideicommissis, quatenus natura eorum id patitur, *l. sercus 108. §. cum quid 12. de legat. 1. junct. l. cum res 47. §. pen. eodem, l. mulier 22. §. 3. ad Trebell.* Quod vero ejus, qui precario rogavit, item agrimentoris dolum

tantum coercetur, id specialem rationem habet, *l. 8. §. 3. de precar. l. 1. §. 1. si mens. fals. mod.* ut & illud, quod placet nautas, caupones, stabularios in eo, quod receperunt, plusquam culpam præstare, *l. 3. §. 1. naut. caup. stab.* Cæterum prædicta distinctio ita obtinet, si nihil aliud nominatim convenerit, alioqui lex contractus servanda est, excepto si placuerit, ne dolus præstetur, *l. 23. de reg. jur.* Finge enim convenisse, ut in deposito culpa quoque præstaretur, aut in commodato dolus tantum; nec minus, nec plus, quam quod placitum est, præstabitur, *l. 1. §. si convenerit 6. de pos. l. 1. Cod. eod. l. 5. §. interdum 10. commod.* Possunt vero & sine conventionem iustæ causæ intervenire, ob quas placeat etiam officii debitorem culpam præstare. Veluti si officium sit publici muneris, ut tutela & cura, *l. 1. de tut. & rat. distr. l. 7. C. arb. tut.* aut si quis se negotio obtulit, veluti si depositarius, cum dominus rem secum ferre aut apud alium relinquere constituisset, eum ultero hortatus sit, ut apud se potius deponeret: quo casu non solum culpa, sed etiam custodia & diligentia in deposito præstanda, *l. 1. §. si sepe 35. de pos. Eodem numero & negotiorum gestor voluntarius & mandatarius quoque haberi potest, l. 11. de negot. gest. §. 1. in fin. inf. de obl. qua quasi ex contr. l. 23. de reg. jur. l. 13. l. in re 21. C. mand.* Hæc suis locis in progressu singulis in contractibus diligentius confirmabimus. Illud hic obiter notandum, non eodem sensu dici, præstare diligentiam, & præstare dolum, culpam, casum fortuitum. Cum enim diligentiam præstandam esse dicimus, eo significamus, diligentiam esse adhibendam: cum dolum, culpam, casum fortuitum, non adhibenda hæc, sed removenda esse, & debitorem propter hæc teneri. Figurata enim hæc locutiones sunt, præstare dolum, præstare culpam, præstare casum aut fatum, pro præstare damnum, quod dolo, culpa, fato contingit.

Exactam diligentiam] Quoniam commodatum solam utilitatem continet ejus, qui commodato accepit, consequens est distinctioni dictæ, *l. 5. §. 2. commod.* quod & eodem loco expressum est, à commodatario & culpam præstari & diligentiam, id est, in commodato venire culpam non modo levem, sed etiam levissimam: siquidem, ut supra demonstravimus, diligentia verbo culpe opposito in usu juris plerumque exactissima significatur. Gajus *l. in rebus 18. eod. in rebus commodatis*, inquit, *talis diligentia præstanda est, qualem diligentissimus quisque paterfamil. rebus suis adhibet.* Idem alibi ait, *eum, qui utendum accepit, exactissimam diligentiam custodienda rei præstare compelli, l. 1. §. 4. de obl. & act.* Justinianus exactam diligentiam dixit, sed eodem plane sensu, ut apparet ex eo, quod mox subjicit, non sufficere tantam diligentiam adhibere

commodatarius rebus commodatis, quantam suis rebus adhibet, modo res ab alio diligentius custodiri poterit. Sic Constantinus in *l. 21. Cod. mand.* exactum officium dixit, pro exactissimo. Ulpianus diligentem custodiam pro diligentissima, *d. l. 5. §. custodiam. s. commod.* Paulus diligentem patremfam. pro diligentissimo, *l. hæres 21. §. non tantum 16. fam. erc.* quemadmodum vice versa superlativas nonnunquam pro positivo ponitur: quod æstimandum ex natura contractus. Juriscomulti enim non semper eodem modo loquuntur. Quod si proponas, aliquem suam duntaxat gratiâ, quod interdum fit, commodasse, sponsa forte vel uxori, quo honestius culta ad se deduceretur, dolus solus præstabitur, ut in deposito, *d. l. 5. §. interdum 10. comm.* Quod si sua & commodatarii gratia, quod item fieri potest; culpa æstimatur, ut in pignore, dote, &c. *d. l. in rebus, in fin. pr. eod.*

Si modo alius diligentior] Hinc tria elicimus. 1. Et si commodatarius ad communem modum diligens in rebus suis eadem diligentia tractaverit res alienas: tamen hoc non sufficere ad eum excusandum, cum alius diligentior rem custodire potuisset. 2. Si commodatarius ipse sit summe diligens, nihil amplius ab eo exigi; quam ut eandem diligentiam, quâ suis rebus præstat, etiam adhibeat commodatis. Quippe cum major ab alio expectari non possit. 3. Si commodatarius ad communem modum diligens non sit, sed natura in suis rebus ignavior, licet aliquanto diligentius versetur in rebus commodatis, quam in suis, non eo tamen minus teneri eum actione commodati, si alius diligentius curando rem servare potuit.

Majores & casus non tenetur] Casus fortuiti nullo in contractu præstantur, *l. contractus, de reg. jur. l. 23. de verb. obl.* nec si solius debitoris utilitatem contineat; quale est commodatum, *l. 5. §. 4. b. in rebus 18. commod. l. 1. §. 4. de obl. & act.* De commodato tamen ob prædictam causam dubitari potuit; & videtur ad removendam istam dubitationem pertinere, quod præscriptum est *l. 6. C. de pign. act.* casus fortuitos nullo bonæ fidei iudicio præstari; nimirum ut intelligamus; nec commodatum hic excipi.

Si non ipsius culpa] Culpa abesse intelligitur si in re commodata usus sit juxta præscriptum in utendo modum. Itaque si alicui in hoc res commodata sit, ut eam peregre secum ferret, isque incursum hostium aut latronum vel naufragio rem amiserit, non tenebitur. At si cui, exempli gratia, quasi amicos ad cœnam invitaturus argentum commodaverit, is si id peregre secum portaverit, casum naufragii, impetum hostium, latronum, piratarum, præstare debet, *d. l. 18. comm. d. l. 1. §. 4. de obl. & act.* Si res commo-

data usu deterior facta sit, ita commodatarius non tenetur, si ea usus sit in eam rem, in quam utendam accepit, nec ulla culpa intervenierit, veluti si equus usque ad certum locum utendus datus in ipso itinere deterior factus sit sine culpa commodatarii, *l. 10. l. ult. commod.*

16 *Si nulla mercede*] Commodatum nisi gratuito non contrahitur. Commodare enim officii est & liberalitatis, *l. in commodato 17. §. 3. d. tit.* ubi Paulus beneficium illud appellat. Mercede interveniente tollitur beneficium, tollitur gratia; quæ sunt vincula amicitiae, *l. 1. §. ult. mand.* Cum igitur merces pro usu rei datur aut constituitur, non commodatum, sed locatio est: aut si non statim merces constituatur, nec tamen gratis res utenda detur, sed eo animo ut tantum mercedis nomine præstetur, quantum postea definiri placuerit, contractus innominati genus est, §. 2. *inf. locat. l. si polienda 22. de præscr. verb.*

T E X T U S.

De deposito.

3. Præterea & is, apud quem res aliqua deponitur, re obligatur, teneturque actione depositi: quia & ipse de ea re, quam accepit, restituenda tenetur. Sed is ex eo solo tenetur, si quid dolo commiserit: culpa autem nomine, id est, desidii ac negligentia, non tenetur. Itaque securus est, qui parum diligenter custoditam rem furto amiserit: quia qui negligenti amico rem custodiendam tradit, non ei, sed suæ facilitati, id imputare debet.

N O T Æ.

ACTIONE DEPOSITI] Directa: nam contrarium iudicium depositario datur ad consequendam indemnitatem, *d. l. 5. pr.*

CULPAE, &c. AC NEGLIGENTIAE NON TENETUR] Extra quam si convenerit, ut culpa quoque præstetur, aut ultro se deposito obtulerit, *l. 1. §. 6. & 35. depos.* quoties autem culpæ aut negligentia simpliciter mentio fit, levis culpa significatur, *l. 5. §. 2. commod. l. 23. de reg. jur. l. 1. §. 5. de obl. & act. l. 72. pro soc. cum simul.*

C O M M E N T A R I U S.

1 Quid sit depositum, & an etiam consistat in re immobilis.

2 An quemadmodum deponere quovis tempore

rem repetere, ita & depositarius eam pro arbitrio restituere possit.

3 Ad quid depositarius teneatur.

Tertia species obligationis, quæ re contrahitur, est ex deposito. Deponere est, rem alicui, qui gratis hanc operam suscipiat, custodiendam dare, *l. 1. depos.* In eodem significato utimur & verbo commendare, *l. Lucius 24. eod. l. commendare 186. de verb. sign.* Rem hic intelligimus, sive ea certa species sit, sive quantitas, puta pecunia numerata, *d. l. Lucius. & seq. §. 1. eod.* In quo depositum differt à commodato, *l. 3. §. ult. commod.* An vero, quemadmodum commodatum etiam rerum immobilium est, *l. 1. §. ult. dict. sit.* ita & depositum in his consistere possit, quaeritur. DD. comm. id negant, argumento sumpto ab etymologia nominis, quod à ponendo dictum, *dict. l. 1. depos.* tum quod nullum depositum rei immobilis exemplum in iure nostro extet: postremo quod cura rei immobilis in speciem mandati transeat, *argum. l. 5. §. sed si 4. de præscr. verb.* Intelligunt autem depositum non in genere, sed in specie dictum: nam in sequestrationem, quæ depositi quoque in genere sumpti species est, *l. 5. & seq. l. licet 17. depos.* quin etiam res immobiles veniant, nemo dubitat, *l. 7. §. ult. qui satis d. cog. arg. l. un. Cod. de prob. seq. pec. cap. 1. de sequestr. Clement. un. cod.* quod ipsum etiam superiora argumenta elevare videtur. Nam si res immobilis, de qua controversia est, recte deponi dicitur, cum ea à litigatoribus aut iudice sequestro collocatur, atque ex ea depositioni ei, qui vicerit, actio depositi sequestraria competit, cur non similiter res immobilis non litigiosa deponi dicatur, cum ea à domino alicui custodienda traditur, ut hic quoque in eum, qui id recepit, actio depositi detur, ut ut fortassis ea res depositi communis modum excedat, legemque mandati annexam habeat? *argum. d. l. 5. §. 4. de præscr. verb. l. Lucius 24. depos.* Addidi, qui gratis hanc operam suscipiat. Nam ut commodatum, ita quoque & depositum gratuitum esse debet: illic dans officium præstat, hic accipiens. Si merces promissa sit, depositum esse definit, & aut locatio est, aut incerti contractus genus, *l. 1. §. si venimenta, & §. seq. depos.*

Re obligatur] *L. 1. §. is quoque 5. de obl. & act.* Sola quippe conventio depositum non facit, sed rem poni apud alium oportet, eaque tradita initium obligationi præbet.

Teneturque actione depositi] Actione nimirum depositi directa. Nam contrarium iudicium depositario datur ad consequendum, quod sibi per causam & occasionem rei acceptæ abest, *l. 5. depos.* Potest vero is, qui deposuit, quovis tempore rem depositam repetere, & repetenti etiam ante tempus constitutum reddenda est, *l. 1. §. propen. & ult. cod.* At ex

contrario depositarius ante tempus statutum rem restituere volens officio suo non liberatur, nisi iustissima causa interveniat, l. 1. §. 2. eod. ut bene Castr. in dict. l. 1. §. 1. *propen. & pen. & Costal. ibid.* Vitiola enim est quorundam in hac re deponentis & depositarii comparatio. Etenim cum totum hoc negotium ex utilitate deponentis æstimeretur, etiam ad voluntatem ejus dirigendum est; quam sine incommodo depositarii mutat, si rem ante tempus definitum repetat: At non sine incommodo deponentis futurum est, si depositario permittamus officium, quod semel suscepit, contra legem contractus deponere. Ita ex adverso commodatum pro libitu quidem accipientis reddi, sed pro arbitrio dantis, repeti non potest, l. in commodato 17. §. 3. commod.

De eare restituenda] in specie. Qui enim rem custodiendam dat, nihil in alium transfert, sed aperte hoc agit, ut res sibi custodiatur, restituaturque reposcenti. Quare etiam, si nummi deponantur, eadem corpora restitui oportet: nisi forte nominatim convenierit, ut depositarius, si opus haberet, pecunia uteretur, & redderet tantundem: quæ res notos depositi terminos cegreditur, l. Lucius 24. cum ll. seqq. l. si sacculum 29. §. 1. depos.

Si quid dolo] In deposito nullum commodum est depositarii: quin onus potius est, rem alienam gratis custodire: ac proinde secundum regulam de eo solo tenetur, si quid dolo ejus perierit, l. 1. §. 2. commod. l. 1. §. ultim. l. si sine 20. depos. l. 1. §. is quoque s. de obl. & act. l. contractus, de reg. jur. Qui autem dolum dicit, latam culpam non excludit: quia ea pro dolo habetur, ut superius demonstravi. Itaque et si doli hic tantum mentio fit, sciendum tamen est, etiam latam culpam in depositi judicium venire, l. quod Nerſa. 32. depos. l. 1. §. is quoque s. de obl. & act. l. 1. C. depos.

Culpa nomine, id est, desidia ac negligentia] Quoties culpæ aut negligentia simpliciter mentio fit, levem culpam sive negligentiam his nominibus significari, §. preced. probatum est: quod hic locus confirmat, & unde desumptus est, l. 1. §. 5. de obl. & act. item. l. 72. pro soc. & §. ult. inf. de societ. Igitur depositarius culpam aut negligentiam levior non præstat, extra quam si in deposito convenierit ut ea quoque præstetur, l. 1. §. si conveneris 6. depos. aut si ultro se deposito obtulerit, d. l. 1. §. sape 35. eod.

Furtum amiserit] Furtum plerumque cum culpa patris, rem suam non bene custodientis conjunctum est: ideoque focius & venditor & creditor periculum furti præstant, l. cum duobus 52. §. 3. pro soc. l. 14. §. 1. de per. & com. rei vend. nisi doceant, culpam omnem abesse: quod aliquando fieri potest, l. 14. §. idem 6. de furt.

Sua facilitati id imputare] Hæc quoque ratio est, cur depositarius negligentia nomine non teneatur, quia qui negligentia amico rem custodiendam committit, de se queri debet, d. l. 1. §. 5. de obl. & act. & se ipsum accusare, qui homini adeo dissoluto & supino, ut ne mediocri quidem diligentia in curandis rebus propriis utatur, rem suam commisit. Scholiastes ad Harmenop. lib. 6. tit. 2. Utique ut ad suum saltem modum depositarius rem depositam curet, merito exigitur, l. quod Nerſa depos. Adde omnino quæ nos ad §. ult. inf. de societ.

TEXTUS.

De pignore.

4. *Creditor quoque, qui pignus accepit, re obligatur: quia & ipse de eare, quam accepit, restituenda tenetur actione pigneratitia. Sed quia pignus utriusque gratia datur, & debitoris, quo magis pecunia ei credatur, & creditoris, quo magis ei in tuto sit creditum: placuit sufficere, si ad eam rem custodiendam exactam diligentiam adhibeat; quam, si præstiterit, & aliquo fortuito casu rem amiserit, securum esse, nec impediri creditum petere.*

NOTE.

EXACTAM DILIGENTIAM] Exactam diligentiam hoc loco positam pro ea, quam vulgo homines frugi suis rebus adhibent, & quæ præstari solet in contractibus, qui utriusque gratia sunt, arguit ipsa Justiniani illatio. Tralautium autem est in ejusmodi negotiis non levissimam culpam, ut in commodato, sed levem duntaxat præstari, l. 1. §. 2. l. 18. in fin. pr. commod. l. 31. in fin. locat.

FORTUITO CASU] l. 6. C. de pign. act. Exclusio autem casus fortuiti non includit semper culpam levissimam: sed sæpe & hæc ipsa simul cum illo, ad quem proxime accedit, excludi intelligitur, l. 1. C. dot. l. 28. C. d. locat. l. 4. Cod. de peric. tut.

COMMENTARIUS.

1. *Pignoris varia significatio.*
2. *Etiā sola conventionione pignus contrahi: sed ut nascatur obligatio pigneratitia, traditionem intervenire oportere.*

3. Quando actio pignoratitia nascatur: & quid ea differat ab hypothecaria.

4. Ad quid creditor pignoratitius teneatur.

5. In actione pignoratitia leuem duntaxat culpam, non etiam levissimam, Genire, cum accurata remotione contrariorum.

1. Q Varta & postrema species obligationum, quæ re contrahuntur, ex pignore est. Pignus in jure nostro triplicem fere significationem habet. Nam & rem significat pro debito creditori obligatam, §. item Serviana 7. inf. de act. rit. π. & C. de distr. pign. & jus creditori in ea re constitutum, rit. qui pot. in pign. & quib. mod. pign. vel hyp. fo. 6. & denique contractum, quo jus illud constituitur l. 1. §. ult. de pact. l. 1. §. 2. commod. Contrahitur autem pignus non sola traditione, sed etiam nuda conventionione, quamvis traditum non sit, l. 1. de pign. act. hoc est, jus in rem creditori quaeritur simul ac placuit eam pignori obligatam esse, licet possessionem non acceperit: ejusque juris persequendi causa actionem in rem jure prætorio constitutam habet Servianam aut quasi Servianam, quæ etiam hypothecaria dicitur, l. pignoris 17. de pign. §. Serviana inf. de act. Ceterum ut obligatio pignoratitia constituatur, unde debitori actio sit adversus creditorem ad pignus soluto debito repetendum, rem prius tradi necesse est: atque hac consideratione pignus est contractus realis. Hinc intelligere licet, non agi hic de pignore legali, nec de pignore prætorio, aut judiciali, nec de eo, quod testamento constituitur; sed de conventionali duntaxat; adeoque de pignore propriè dicto, non de hypotheca; nam pignus & hypotheca sic ferè distinguuntur, ut pignus dicatur, cum possessio transit in creditorem, hypotheca cum res apud debitorem manet, l. 9. §. 2. de pign. act.

Re obligatur] Obligationi pignoratitiæ non constitutio pignoris, sed acceptio, causam præbet. Necesse quidem non est, ut res pignori obligetur, eam pignoris causa tradere creditori: potest enim pignus vel nudo consensu constitui, l. 1. de pign. act. At vero ut ex pignore obligetur creditor, id non efficitur, nisi re tradita acceptaque, l. 1. §. creditor. 6. de obl. & act. Cum enim hæc obligatio eo pertineat, ut res eadem, quæ pignori obligata est, restituatur, traditum esse prius oportet creditori, quam restituere possit.

Actioe pignoratitia] Directa scilicet; quæ datur debitori adversus creditorem, ut rem pignoratitiam, cujus possessio apud eum fuit, una cum fructibus restituat, l. debitor 40. §. ult. de pign. act. l. 1. cum 2. seqq. C. eod. & demum debito omni exsoluto intentari potest, d. l. 9. §. 3. eod. Creditori vero & hic contraria competit adversus debitorem, si forte is pignus recuperavit, aut in conventionione creditorem decepit, l. 3. d. l. 9. pr. eod. aut si creditor in rem pignoratitiam

necessarias impensas fecit, l. 8. eod. Ab actione igitur hac pignoratitia toto genere differt actio, quæ hypothecaria dicitur: quippe hypothecaria in rem est, daturque creditori ad pignus persequendum contra quemcumque possessorem, d. §. Serviana inf. de act. l. pignoris 17. de pign. At pignoratia est in personam, competitque debitori adversus creditorem & adversus hunc solum. Hypothecaria jure pignoris soluto expirat: pignoratitia tunc demum efficax est. Illa occasione juris creditori in re constituti à prætore datur: hæc ex contractu nascitur re pignoris causa tradita acceptaque. Veteres tamen abusive hypothecariam quoque pignoratitiam interdum appellabant, l. 3. §. 3. ad exhib. l. 13. de cond. ind. l. rem alienam 41. de pign. act. & aliis locis.

Sufficere si exactam diligentiam] Supra §. 2. hujus tit. hanc Regulam ex Ulpiano l. 5. §. 2. commod. tradidimus, In contractibus, qui utriusque contrahentis gratia fiunt, & dolum præstari & culpam. Culpam ex usu authorum juris interpretati sumus levem duntaxat, non etiam levissimam. Et vero nec ratio juris patitur, ut in negotiis, quæ ex utilitate utriusque contrahuntur, eandem à debitore diligentiam requiramus; quam præstaret, si ejus solius commodum ageretur: sed quemadmodum plus præstat, quam ille, cujus nulla versatur utilitas, ita minus ab eo exigendum, quam verbi causa à commodatario, qui beneficium accipit: quamobrem etiam Ulpianus hæc tam diligenter distinguit, eosque contractus, qui utriusque utilitatem continent, medios facit inter depositum, quod tantum dolum, & commodatum, quod etiam culpam levissimam recipit. Ex quo vel uno intelligimus, ubi vertitur utriusque utilitas, esse quidem, quod præter dolum, cujus appellatione etiam lata culpa venit, præstetur, quod tamen non sit culpa levissima: levis igitur tantum sit necesse est. Hoc idem planè confirmat Gajus l. in rebus 18. in fin. pr. commod. ubi disertè scribit, culpam in contractibus, qui utriusque gratia fiunt, non æstimari, sicut regulariter æstimatur in commodato. Ex numero contractuum, qui utriusque commodum spectant, & pignus est: eoque expressè refertur & ab Ulpiano, d. l. 5. §. 2. commod. & à Justiniano hoc ipso in loco, addito insuper quæ in re utriusque utilitas versetur, nimirum creditoris in eo, quod pecunia ei cautior est, debitoris, quod ei creditur, cum absque eo foret, ut non crederetur. Itaque sciamus, prædictam regulam ad contractum pignoris quoque pertinere, & secundum eam definiendum, quid in actione pignoratitia veniat: venire nimirum dolum & culpam, d. l. 5. §. 2. commod. l. 9. §. est præterea 5. de reb. aut. jud. poss. Hoc autem modo cum nostri simpliciter loquuntur, sub dolo latam culpam comprehendunt, culpæ nomine levem duntaxat intelligunt, ut superius abundè

abundè probatum est. Culpæ igitur in pignore æstimatione faciendâ non est, ut in commodato, ut etiam culpam levissimam, quæ summæ diligentie opponitur, creditor pigneratitius præstare compellatur, sed ut in empto, locato, dote, cæterisque ejusdem naturæ contractibus, ut levem tantum, *d. l. §. 2. d. l. in rebus 18. in fin. pr. commod.* Quod etiam non obscurè hic indicat Justinianus, cum ex eo, quod pignus utriusque gratia contrahitur, infert, sufficere, si creditor exactam rei custodiendæ diligentiam adhibeat. Hæc enim illatio arguit, Justinianum pignus confiderare, ut contractum medium inter commodatum, quod solus commodatarius, & depositum, quod solus deponentis utilitatem continet; ac proinde velle, ut etiam in præstationibus medium teneatur, & à creditore exigatur plus quidem, quam à depositario, minus autem, quam ab eo, qui utendum accepit, juxta receptam distinctionem, *d. l. §. 2. d. l. 18. circa fin. pr. commod.* Negotium tamen facessit, quod hic scriptum est de exacta diligentia, tum quod tantum excluditur casus fortuitus, ut etiam in *l. 13. §. ult. de pign. act. l. 19. C. de pign.* Quid quod iisdem locis traditum est, creditorem pignoris præter culpam & custodiam debere, atque adeo, quod exprimitur in *d. l. 13. §. ult. in actione pigneratitia culpam sentire, ut in commodato?* Respondeo, ex iis, quæ relata sunt, satis patet, plus præstandum esse in commodato, quam in pignore: & ideo hoc loco exactam diligentiam contra mentem Imperatoris non esse accipiendam pro exactissima, qualis à commodatario exigitur, quæ penè modum excedit, & qualem diligentissimus aliquis, & unus fortè è multis, suis rebus adhibet; sed secundum hujus contractus naturam pro diligentia statâ, id est, eâ, quam in suis rebus plerumque præstare solent diligentes & frugi patresfam. nihil enim amplius à creditore Paulus exigit *l. 14. de pign. act.* quanquam fatendum est, incommode hanc speciem diligentie exactam à Justiniano appellari, quod vim superlativi habet: consistit enim in medietate, non excedens modum, quem hominum natura, quæ mediocribus contenta est, desiderat. Quod autem tantum casus fortuiti excluduntur, ex eo non continuo sequitur summam atque exactissimam diligentiam à creditore præstandam esse, seu cum etiam levissimæ culpæ nomine teneri. Nam levissima culpa, quoniam, quod verbum ipsum indicat, vix culpa est, sæpè non consideratur, & cum casibus fortuitis, ad quos proximè accedit, & ipsa excludi intelligitur, ut in *l. 5. C. de pign. act. l. in judicio 28. C. de locat. l. 4. C. de peric. tut.* Unde etiam est, quod aliquando duo contractus, quorum in altero dolus & culpa levis, in altero etiam culpa levissima præstatur, si conjungantur, quasi utriusque eadem essent præstationes, ut in *d. l. 13. §. ult. de pign. act. l. contractum*

27. de reg. jur. Sed neque diligentia aut custodia culpæ opposita semper significat diligentiam summam aut custodiam plenam, qualem præstat commodatarius, sed interdum mediam, ut culpæ levi in non faciendo ex adverso respondeat, *l. quod sæpe 25. §. si res 4. de contr. empr. l. 10. §. 1. commod. d. l. 28. C. de locat.* eodemque modo custodia accipiendâ in *d. l. 13. §. ult. de pign. act. C. d. l. 19. C. de pignor.*

Aliquo fortuito casu] Nam casus fortuiti à nemine præstantur, *d. l. contractum de reg. jur. l. quæ fortuitus, C. de pign. act.* nisi culpa aut mora casum præcesserit, aut nominatim placuerit casum quoque præstari; de quo jam explicatum est sup. §. 2.

TITULUS XVI.

D. lib. 45. t. 1. C. lib. 8. t. 38.

De verborum obligationibus.

- 1 *Continuatio. 2. An Verborum obligationis plures causæ, quam stipulatio.*
- 3 *Pomponiana stipulationis definitio explicata: ubi & alia.*
- 4 *Usum stipulationum quam Varinus jure civili.*
- 5 *Stipulationem non habere certam & determinatam naturam: & quid inde.*

Exposita est prima species obligationum, quæ cum ex contractu sint, solo tamen consensu non consistunt, illæ nimirum, ad quas constituendas præter conventionem rem intervenire oportet. Reliquæ sunt ejusdem generis adhuc duæ, quarum altera certis verbis, altera literis ad consensum accedentibus constituitur: unde illa verborum, hæc literarum dicta. De verborum obligatione prius agitur, atque in ea explicanda & hic & proximè sequentes quinque tituli consumuntur. Literarum obligatio brevius perstringitur, *tit. 22.* Verborum obligatio, si Gajo *lib. 2. tit. 2* credimus, duobus olim modis contrahebatur, aut interrogatione præcedente, eamque subsequente responsione; aut interrogatione non præcedente, unoque tantum loquente aut promittente: cujusmodi duo profert exempla, dictionem dotis, & jusjurandum liberti ad operas & alia patrono præstanda. Verum in corpore juris nostri uno tantum modo contrahi verborum obligationem legimus, cum præcedit interrogatio, & sequitur congruens responsio, *hoc tit. in pr. l. 1. §. verbis 7. de obl. & act. l. obligamur 52. §. 2. eod. tit.* Neque alia causa hujus obligationis in toto hoc tractatu assignatur, quam stipulatio; quo nomine appellatur integra illa verborum conceptio, quæ interrogatione & responsione constat. Igitur verborum obligatio est ea, quæ nascitur

fitur ex stipulatione. Stipulatio est contractus constans interrogatione & responsione certis verbis conceptis. Stipulationem contractum esse, abundè probavimus in explicatione §. ult. sup. de oblig. Est autem *usvlt. de leg.* tantummodo, obligans respondentem. A Pomponio definitur *Verborum conceptio, quibus is, qui interrogatur, daturum facturumve se, quod interrogatus est, responderet, l. 5. §. 1. hoc tit.* Verum Jurisconsultus eo loco genus non expressit, quod nec semper necessarium; formam tantum seu differentiam posuit: perinde enim hoc accipiendum est, quasi dixisset, *stipulatio est contractus constans conceptione verborum, &c.* Verbis utimur in omnibus contractibus, sed excepta stipulatione ad substantiam contractus verba non pertinent. Deinde in cæteris contractibus sufficiunt quævis verba, nuda etiam & vulgaria; stipulatio solemnia & certo modo concepta desiderat. Ex quo rectè plerique colligunt, stipulationem esse contractum juris civilis. Nam etsi verborum usus omnium gentium communis est, & cum ratione juris gentium optimè convenit, ut quis ex consensu verbis declarato obligetur: tamen à simplicitate illius juris alienius est, ad substantiam alicujus actus exigere certam conceptamque verborum lingua nuncupandorum formulam: quod etiam Paulus non obscurè innuit *l. 1. locat.* facit item *l. si ita 128. §. 2. Vers. superest de Verb. obl. add. Joan. Gadd. de contr. & commis. stip. c. 2. concl. 1.*

4. Stipulationum usus jure civili maximus est; ne quis putet, hanc speciem conventionis frustra inductam esse. Quotiescumque enim, quod in multis causis est opus, sine re ac literis obligationem constitui volumus, necesse est ad obligandum promissorem, stipulationem adhibere: Nimirum leges Romanæ ex nuda conventionem neminem obligari voluerunt, ne qualecumque promissum, & sermo sæpe inconsultus magis, quam ex voluntate proficiens, necessitate juris promittentem illigaret, & litium quoque, ut opinor, præcidendarum causa; sed excogitata est conventio certo modo & forma concipienda celebrandaque, quam deliberati animi certum signum esse voluerunt, & ex qua certo jure actio competere; quam conventionem stipulationem dixerant. Itaque stipulationum usus non tantum utilis est, verum etiam necessarius in fidejussoribus constituendis, inf. de fidejuss. obligationibus novandis, *l. 1. & l. 2. de no. cat.* interdum: & in usuris, quas nobis præstari volumus, ut in strictis judiciis, *l. 3. C. de usur.* Sed & stipulationis vinculo cætera quoque conventiones & obligationes firmanur. Quod videre est tum in pactionibus nudis; quæ cum per se jure civili infirmæ sint ad producendam actionem, stipulatione muniendæ sunt, *l. divisionis 45. de pact. l. petens 27. C. eod. l. 3. & l. 4. C. de rer. perm.* Paulus 2 sent. 22. Omnib;

pactis, inquit, stipulatio subijci debet, *et ex stipulatu actio nasci possit.* tum etiã in contractibus juris gentium; ex quibus licet actio jure civili competat, tamen his etiam stipulatio utiliter accedit ut & firmior sit obligatio, & certior ratione præstationum, *l. 3. §. 1. de act. empt. l. 4. §. ult. de usur. l. quicquid 99. de Verb. obl.* Denique omnium fere negotiorum novissima parte subijci etiam stipulatio solet, *l. ita 134. §. 1. de Verb. obl. l. 7. §. quod fere 12. de pact.* Hinc fit, ut quæ omnium obligationum sunt communia, ea sub *tip. de Verb. obl.* tanquam in Pandectæ, tractentur, & stipulationi attribuantur. Quod nonnulli tradiderunt, stipulationem non esse contractum, qui per se consistat, sed alterius obligationis sive civilis sive naturalis accessionem & fulcimentum, per *l. 5. in pr. Vers. conventionales h. t.* id DD. communiter sic exprimunt, ut dicant, stipulationem non subsistere, quæ causam nullam præcedentem habet, propter quam adhibita sit. Et rectè. Nam cum stipulatio non habeat certam & determinatam naturam, ut contractus cæteri, sed ex variis causis, sæpè etiam ex injustis, interponatur, merito requiritur, ut, si eam valere volumus, de causa, propter quam interposita sit, constet; quod ex eo solo intelligi non potest, quod quis simpliciter dicatur stipulanti promississe. Enimvero in causa donationis, ut subsistat promissio, non est necesse antecedere aliquid actum donationis, sed satis est, stipulatione ipsa hoc agi, & promittentem votum liberalitatis habere, *l. hoc jure 19. de donat.* Illud tamen addendum, summo adhuc jure ex stipulatione sine causa nasci actionem, sed inefficacem eam reddi opposita doli mali exceptione, *l. 2. §. 3. de dol. mal. exc. l. si quis 36. hoc tit. Gloss. & Barr. in d. l. 2. §. 3. Gomez. 2. Var. resol. 11. n. 3.* quem perperam reprehendit *Suarez in annot.*

TEXTUS.

Summa.

Verbis obligatio contrahitur ex interrogatione & responsione, cum quid dari fieri ve nobis stipulamur: ex qua due proficiuntur actiones, tam condictio certi, si certa sit stipulatio, quam ex stipulatu, si incerta sit: quæ hoc nomine inde utitur, quod stipulum apud veteres firmum appellabatur, fortè à stipite descendens.

NOTÆ.

EX STIPULATU] Quæ in specie & proxime ex stipulatu dicitur, *l. 24. de reb. cred.* alibi actio incerti ex stipulatu, *l. 4. de usur.* Caterum generaliter & qu-

ex etiam rem certam ex stipulatu petentes, ex stipulatu agere dicimur, l. 83. §. 6. de Verb. obl. l. 42. pro soc. l. 28. de cont. empr. l. 14. C. de pact.

Si INCERTA SIT] Exempla incertæ stipulationis pete ex l. 75. de Verb. obl. Illa stipulatio incerta non est, *Triticum, quod in illo horreo est, dare spondes?* d. l. 75. fac. l. 30. §. 4. ad leg. Falc. l. 7. §. 1. de contr. empr. Itaque non leviter hic errat Th. Quod si id quod in obligationem deductum est, nullos certos fines habet, aut ad vilissimum deduci potest, stipulatio inutilis est; veluti si fundus sine demonstratione promissus l. 69. §. 4. de jur. dot. vinum, triticum sine designatione mensuræ, l. 94. & seq. l. 115. pr. h. t. Thalel. ad l. 1. C. de dot. prem. Harm. lib. 4. tit. 8. §. 44.

STIPULUM APUD VETERES FIRMUM] Hanc nominis rationem reddit & Paul. s. sent. 7. & probat Doctissimus Salmast. de usur. c. 6.

COMMENTARIUS.

1. Verbo stipulationis non interrogationem tantum, sed etiam responsionem, & ita totum contractum significari.
2. Etiam cum ex stipulatu agere dici, qui certum ex stipulatione petit: & quando incertitudo stipulationem vitiet.
3. Stipulationis vera originatione.

EX interrogatione & responsione] Verborum obligatio nascitur ex interrogatione & responsione l. 1. §. verbis 7. l. obligamur 52. de obl. & act. Nam duabus hisce partibus constat illa verborum conceptio, quæ uno nomine stipulatio à veteribus dicta est, l. 5. §. 1. hoc tit. non proprietate verbi, (nam stipulari is dicitur, qui interrogat; alter promittere, spondere: interrogatio autem sine responsione inutilis est) sed propter partium necessariam consequentiam, quia posita una, altera quoque intelligitur; quod etiam in plerisque aliis appellationibus usu venit, ut in emptione, locatione, mandato, donatione, &c. Græci interpretes *ἐμπόνη* reddiderunt. Harum autem partium quædam sunt communia; veluti ut & qui rogat & qui respondet, verbis id faciat, ut uterque alterum exaudiat & intelligat: quædam responsionis propria, veluti ut qui respondet, illico id faciat; ut respondeat convenienter interrogationi. Sed de his postea explicatius.

Dari fieri &c.] His verbis indicatur stipulationum materia, nimirum non solum res in stipulationem deduci, sed etiam facta: unde stipulationum quædam in dando, quædam in faciendo consistere dicuntur, l. 2. pr. hoc tit. §. ult. inf. eod.

Dua proficiuntur actiones] Justinianus hoc passim & recte observat, ut ad notitiam ejusque con-

tractus & obligationis etiam actiones adjungat, quibus id quod ex obligatione debetur, si sponte debitor non solvat, ab invito obtinere liceat. Præter duas illas actiones, quas hic Justinianus commemorat, quasque ait proficiisci ex stipulatione; datur & conditio triticaria; quippe quæ si causam excipias pecuniæ numeratæ, generalis est, l. 1. de cond. tritic.

Conditio certa] Hæc communem naturam habet eum ea, quæ competit ex mutuo, cæterisque obligationibus, ex quibus certum petitur, l. 9. l. si quis 24. de reb. cred. dixi plura sub pr. tit. præced.

Si certa sit stipulatio] Certa stipulatio hic non intelligitur ea, quam certo interpositam esse constat; de qua ambigitur: sed certa & incerta dicitur ratione rei in stipulationem deductæ, quæ res si certa sit, id est, si appareat ex pronuntiatione, quid, quale, quantumque sit in stipulatione, stipulatio dicitur certa: ubi autem hoc non apparet, incerta, l. stipulationum 74. & l. seq. hoc tit.

Ex stipulatu] Hoc verbum non significat causam generantem: nam & conditio certi ex stipulatione nascitur; quod hic expressum est, & res ipsa loquitur. Atque in genere etiam qui rem certam ex stipulatu debitam petit, rectè & naturaliter dicitur ex stipulatu agere, l. inter 83. §. si rem 6. hoc tit. l. quod si 42. pro soc. l. 14. C. de pact. l. prædia 28. de act. empr. sed denotat materiam, & est nomen actionis specialis. Unde explicandum tradit Ulpian. d. l. 24. de reb. cred. cum qui certum stipulatus est, ex stipulatu actionem non habere, sed conditione certi id persequi debere; nimirum non habere eum actionem quæ in specie & *ὑποκινῶς* ex stipulatu dicitur, & est actio ex stipulatu dicitur, & est actio ex stipulatu incerti, l. 4. pr. de usur.

Si incerta sit] Sed inquis, an non incertitudo stipulationem vitiat? Sanè aliquando. Interest enim, an res, quæ in obligationem deducitur, nullos certos fines habeat, ut si quis fundum stipulatur non adjecto nomine, vinum aut triticum sine designatione mensuræ, insulam ædificari non demonstrato loco; an ea certis finibus natura circumscripta sit, ut homo, equus, bos: illic stipulatio non consistit. l. triticum 94. cum seq. l. ita stipulatus 115. in pr. hoc tit. hic contra, *vid. sup. §. si generaliter 22. de legat.*

Quod stipulatum apud veteres firmum] Eandem hujus nominis rationem reddit & Paulus s. sent. 7. 5. quam & D. Hotomannus probat, & verissimam censeret doctissimus Salmastius lib. de usur. c. 6. Varro autem lib. 4. de lingua, cui ferè & Festus consentit, à *stipe* deducit. *Stipem* autem à *stipando* dictam scribit, eo quod veteres, cum ære gravi uterentur, acceptum majorem assium numerum, non in arca ponebant, sed in aliqua cella stipabant. Aliam hujus verbi Etymologiam apud Isidorum lib. 3. c. 24. reperio,

reperio; ubi scribit, stipulationem nomen invenisse à *stipula*. *Veteres enim*, inquit, *quando sibi promittebant aliquid, stipulam tenentes frangebant: quam iterum inungentes, agnoscebant sponsiones suas*: quod unde lumferit, nescio.

Forse à *stipite*] Stipes est fustis validus terræ defixus, teste Festo. Durior autem videtur hæc notatio, & falsam esse arguit syllabæ quantitas in uno brevis in altero longæ. D. Hotomannus legendum putat à *στῆτις*, id est, denso & spisso. Sed nihil mutò, cum & Theophilus legat *δὸς ὁ σπείχης*, à *stipite*. Probabilius est, stipulum dictum ex Græco *συνϕαλδὸς* & *συνϕαλδὸς*, quod Grammatici exponunt *σπείρον*, live *σπείρον*, *firmitum, solidum*. D. Salmas. d. loc.

TEXTUS.

De verbis stipulationum.

1. *In hac olim talia verba tradita fuerunt*; Spondes? Spondeo. Promittis? promitto. Fidepromittis? Fidepromitto. Fidejubes? Fidejubeo. Dabis? Dabo. Facies? Faciam. *Utrum autem Latina an Græca, vel qualibet alia lingua stipulatio concipiatur, nihil interest: scilicet si uterque stipulantium intellectum ejus lingua habeat: nec necesse est eadem lingua utrumque uti, sed sufficit congruenter ad interrogata respondere. Quinetiam duo Græci Latina lingua contrahere obligationem possunt. Sed hæc solemnia verba olim quidem in usu fuerunt: postea autem Leonina constitutio lata est, quæ solemnitate verborum sublata sensum & consonantem intellectum ab utraque parte solum desiderat, quibuscumque tandem verbis expressum est.*

NOTÆ.

UTRUM LATINA, AN GRÆCA] *l. 1. §. ult. cod.* & sic stipulatio usu facta est juris gentium: quod de acceptilatione traditur, *l. 8. §. ultim. de accept.*

HAEC SOLEMNIA VERBA] Quæ etiam directæ, *l. 10. C. de contr. stip.* civilia & legitima; quibus opponuntur vulgaria *l. 16. de fideic. lib.*

COMMENTARIUS.

1. *Ad substantiam stipulationis quam adhuc requirantur.*
2. *Consecutaria aliquot inde deducta.*
3. *Ut alia lingua, quam Latina, stipulatio fieri possit à Sabino inducitur Sideri*
4. *Moribus hodiernis stipulationum & pactorum jura ferè confundi.*

Olim non quævis verba vim adstringendæ obligationis habuere, sed ea demum, quæ solemnia erant & directa, atque à jurisconsultis in hanc rem concepta parataque: quod vel ex sola definitione stipulationis intelligere licet, quæ est apud Pomponium *l. 5. §. 1. hoc tit.* Etsi autem scrupulosa hæc verborum observatio à Leone postea sublata est, *l. 10. C. cod.* illud tamen ad vim atque substantiam stipulationis adhuc requiritur, ut fiat utroque loquente, ac proinde verba ex utraque parte interveniant, ut promittens respondeat congruenter interrogationi, idque sine notabili intervallo, & animo ac proposito contrahendæ verborum obligationis, *l. 1. pr. §. 1. & 2. l. inter. 83. §. 1. l. continuus 137. hoc tit. l. 7. §. quid fere. 12. de pact.* Itaque mutus ad verborum obligationem non pertinet: sed neque surdus; qui quamvis ipse loqui potest, alium tamen loquentem audire non potest, *l. 1. §. pen. & ult. de obl. & act. §. mutuum 7. inf. de inut. stip.* Præterea & illud hinc sequitur, stipulationem inter absentes contrahi non posse: sed nec posse in scriptis, licet partes præsentis sint; quamvis secus sentiat Wesembecius. Utitur ille arg. *l. optimam 14. C. hoc tit. & l. non figura 38. de obl. & action.* Verum neutra id, quod vult, probat: sed illa hoc tantum, præsumptionem esse pro instrumento, in quo scriptum est, omnia solemniter esse acta, stipulationemque ritè factam; *l. sciendum 30. hoc tit. §. si scriptum 16. inf. de inut. stipul. §. ult. inf. de fideic.* hæc, non minus valere, quod literis exprimitur, quam quod verbis nuncupatur. Sed sciendum est, hoc toties verum esse, quoties verba ad constitutionem actus necessaria non sunt: quemadmodum è converso cum scriptura ad essentiam rei requiritur, verba intervenisse non sufficit, *l. contratt. 17. C. de fid. instr.* Porro etiam hinc efficitur, nec eum obligari, qui sine verbis adnuit, *l. 1. §. 2. hoc tit.* ubi hoc quoque adjicitur, adnuentem tantum nec naturaliter obligari: sed hoc referendum est ad rationem juris civilis, quo jure propter defectum substantiæ obligationis ne quidem pro naturaliter obligato habeatur, qui adnuit tantum: Nam dubitandum non est, quin si quis interroganti serio adnuat, aut per literas respondeat, is jure naturæ obligetur. De congruentia interrogationis & responsionis dicemus sub *§. præterea 1. inf. de inut. stipul.*

stipul. Postremo actus stipulantis & promittentis etiamnum continuus esse debet, *l. continuus 137. princ. hoc tit.* Ceterum non omne intervallum excluditur, sed longiusculum, ut verisimile sit, ad alia negotia discessum esse, animumque contrahendi depositum, *d. l. continuus hoc tit. l. 12. princ. de duob. reis*, quo loco pro verbo *prolatus*, ut hoc obiter moneam, mihi dubium non est, quin legendum sit *Proculus*. His ita concurrentibus stipulationem contractam esse intelligimus, nisi ex circumstantiis, aut iis quæ acta sunt, probetur, non stipulandi, sed paciscendi animum partes habuisse, *l. 7. §. quod fere 12. de pact.*

Talia Verba tradita] Neque aliis verbis stipulatio contrahi poterat. Itaque si quis, verbi causa, ita interrogasset, *Centum dare polliceris? Curabis hoc fieri?* respondente altero, *Polliceor* aut *Curabo*, non contrahebatur verborum obligatio. Quin tanta erat olim in verbis stipulationum scrupulositas, ut etiam dubitatum sit, an valeret hæc conceptio, *Dabis? Quidni? l. 1. §. 2. b. r.*

Latina an Græcilingua] Certum est, Romanos in omnibus actibus civilibus, qualis etiam est stipulatio, solemnibus formulis, ac verbis, ut tum dicebantur, legitimis, usos fuisse; ac proinde non nisi Latinis. Sed cum stipulationis magnus esset usus, & plerumque aliis conventionibus, quæ quacunque lingua fieri solitæ erant, hæc annecteretur, propter utilitatem receptum fuit, ut & ipsa quoque quacunque lingua fieri posset: videturque primus Sabinus hoc induxisse, ut Græca lingua posset stipulatio concipi: postea vero sensim ad aliam quamvis linguam idem jus productum, *l. 1. §. ult. hoc tit.* Sic stipulatio usu facta est juris gentium: quod & de acceptilatione traditur, *l. 8. §. ult. de acceptil.*

Solemnitate Verborum sublata] Leo verborum solemnes formulas in stipulationibus sustulit, & quorumvis verborum oportunitatem admisit, *l. 10. C. hoc tit.* Illa tamen, quæ paulo ante memoravimus, post hanc constitutionem adhuc manserunt, & in vi obligandi, notissima pacti & stipulationis differentia.

4 Mores vero hodierni pactorum & stipulationum iura ferè confundunt: tam enim ex nudo pacto, modo senio & deliberato initum sit, obligatio & actio nunc nascitur, quam ex stipulatione, sive hoc ex jure pontificio, ejusve juris interpretatione invaluit, sive ex eo, quod posterioribus seculis grave visum fuit, etiam in nudis pactis fidem fallere. Itaque cum hodie stipulationis non major vis sit, quam cujuslibet pacti, nulla amplius est stipulationis necessitas, nec minus pacto, quam stipulatione & fidejussores constitui, & novatio fieri, & usuræ promitti poterunt. Verbo tamen stipulandi plerumque adhuc utimur, *vid. Gomez. 2. resol. m. 3. & 11. m. 3. Gudolin. lib. 3. de*

jur. no. c. 5. Christin. Col. 2. decis. 91. Grof. 3. manu duct. 1. D. Tulden. comm. hic c. 2.

TEXTUS.

Quibus modis stipulatio fit. De stipulatione pura vel in diem.

2. *Omnis stipulatio aut purè, aut in diem, aut sub conditione fit. Purè, veluti, Quinque aureos dare spondes? Idque confestim peti potest. In diem, cum adjecto die, quo pecunia solvatur, stipulatio fit; veluti, Decem aureos primis Calendis Martiis dare spondes? Id autem quod in diem stipulamur, statim quidem debetur: sed peti prius, quam dies venerit, non potest: ac ne eo quidem ipso die, in quem stipulatio facta est, peti potest: quia totus is dies arbitrio solventis tribui debet: neque enim certum est, eo die, in quem promissum est, datum non esse, priusquam is dies præterierit.*

NOTÆ.

PETI PRIUS, & C. NON POTEST] *l. 44. §. 1. de obl. & act. l. 42. b. r. l. 9. in fin. pr. de reb. cred. l. 213. de Verb. sign. quod respiciens Ulp. l. 41. §. 1. b. r. ait diem adjectum efficere, ne prælenti die pecunia debeatur: id est, ne debeatur plenè & efficaciter, non ita, ut & peti possit.*

ARBITRIO SOLVENTIS] Quoniam adjectio diei pro reo est, *d. l. 41. §. 1.* cui ob id liberum etiam ante diem solvere, & vel invito creditore, *l. 50. de obl. & act. l. 70. de solut. l. 38. §. 16. hoc tit.* nisi fortè dies creditoris gratia adjectus, *l. 17. de reg. jur. ut in l. 15. de ann. leg. l. 17. §. 3. de usur.*

COMMENTARIUS.

- 1 *Ex pura stipulatione quod statim agi posse dicitur, quomodo accipiendum, & expositum §. ult. inf. de inutil. stip.*
- 2 *Dies incertus quando conditionem facit: & quid hic intersit inter legata & stipulationem.*
- 3 *Quid si apponatur dies finiendæ obligationis causa?*
- 4 *Effectus obligationis in diem, & num quod in diem debetur, ante diem rectè offeratur creditori, licet accipere recusanti.*

§ *Utrum ante diem prorsus nulla sit actio, an statim una cum obligatione ipso jure actio nascatur, sed que intentata exceptione temporali remouenda sit.*

6 *Explicatio l. 73. de Verb. obl.*

7 *Formula quadam ejusdem efficacia, & alia notatu digna.*

Divisio stipulationis à diverso contrahendi modo quæ tamen non magis ad stipulationem pertinet, quam ad conventiones cæteras: nullus enim contrahens, nullaque conventio, quæ non fiat vel purè, vel in diem, vel sub conditione. Quanquam in deposito dies aut conditio adjecta nihil operetur, *l. 1. § si depositum 45. & §. seq. de pos.*

Idem *confestim peti potest*] Puræ stipulationis dies, ita nostri loquuntur, statim & cedit & venit, *l. cedere 215. de Verb. sign.* hoc est, id quod purè promissum est, confestim & debetur, & peti potest, *l. cum qui 41. §. 1. l. cum qui 50. §. qui ita 4. l. liber homo 119. §. 1. h. r. l. 14. de reg. jur.* Idque efficit certa juris ratio: quippe posita pura nec impedita obligatione, actionem poni necesse est, fatendumque, jus exigendi competere, *d. l. cedere d. l. liber homo §. 1.* Puram autem stipulationem ex re accipimus, non ex solis verbis; eamque intelligimus, cui nec conditio nec dies vel tacite insit: alioqui pura stipulatio interdum & ea dicitur, quæ verbis pura est, cum tamen re dilationem habeat, & tempus tacite complectatur; quæ huc non pertinet, *l. interdum 79. h. tit.* Non obstat definitioni propositæ quod scriptum est in §. *ult. inf. de inut. stip. cum, qui funiculum aut hominem stipulatus est, non posse continuo agere, nisi tantum spatium præterierit, quo traditio fieri possit.* Hoc enim non ad jus petendis, sed ad ejus, quod petitur, solutionem, & executionem obligationis, referendum est; ut non continuo urgeatur & compellatur debitor ad traditionem aut solutionem faciendam, sed dilatio ei aliqua indulgeatur ex humanitate, & tantum temporis spatium, intra quod traditio commodè fieri, pecunia confici & solutio expediri queat. Licet enim difficultas præstandi non moretur actionem, *l. continuus 137. §. illud 4. hoc tit.* atque adeo qui decem hodie dari stipulatus est, ex ratione juris non præmaturè agat, ac proinde nec in pœnam plus petitionis incidat, etiam si nondum finito stipulationis die petat; *d. l. liber homo §. 1. eod.* quia tamen spatium aliquod inter contractam obligationem & solutionis exactionem intercedere æquum est, atque incivile, statim cum sacco venire creditorem; *arg. l. quod dicimus 105. de solut. placet,* debitori contenti debitum, & parato solvere, modicum tempus ad solvendam pecuniam dari, nimirum id quod reis post condemnationem indultum est, ne deteriore conditione sit, qui ultro debitum a-

gnoscat, quam qui negat & convictus condemnatur, *l. judicatum 16. jud. sol. junct. l. si debitori 21. de judic. Don. ad l. 41. §. 1. hoc tit. n. 34. & seqq.* Cæterum DD. vulgo id judicem pro re nata, proque personarum & causæ qualitate, definire & moderari oportere statuunt, *arg. l. in fraudem 45. §. fiscalibus, 10. de jur. fisc. & sanè nec præcisè tempus judicati servare magistratus cogitur, l. 2. de re judic.* sed ex causa id vel arctare vel prorogare potest, *vid. Menoch. de arbitr. 2. cent. 1. cas. 27.* Dura autem nimis est Cujacii in *d. l. 41. & Tuzi Fabri disp. ann. 11. 23. sententia*, qui nullum laxamentum concedunt.

Cum adjecto die] Stipulatio in diem est, quæ fit adjecto die, quo pecunia solvatur. Diem hic certum accipere debemus, quoniam incertus conditionem facit, utique quoties incertum est, an exiturus sit; veluti in hac conceptione, *Dabis, cum Titius uxorem duxerit?* aut *cum Titius pubes factus erit?* *l. si dies 21. & l. seq. quand. dies leg.* Nam si illud duntaxat incertum, quando sit exiturus, certum autem, exiturum esse; veluti si quis ita stipulatus fuerit, *Dabis, cum moriar, aut cum morieris?* hujusmodi diem pro conditione non haberi, argumento est quod soluta ante diem mortis pecunia repeti non potest, *l. 16. cum 2. seqq. de cond. ind.* Equidem scio, in legatis hanc distinctionem observari, ut, si ita legetur, *Hares meus cum morietur, decem dato*, id legatum quasi incerto die adscripto pro conditionali habeatur, ac proinde ad hæredem legatarii vivo hærede defuncti non transeat. Sin vero ita, *cum ipse legatarius morietur*, hoc quasi post certum diem relictum transmittatur, *l. 1. §. 2. l. hæres 79. de cond. & dem. l. 4. quand. dies leg.* Sed non est talis legatis, *Hares meus cum morietur, Titio decem dato*, & stipulationis hujusmodi, *cum morieris, decem dare spondes?* eadem ratio. In legato adjectio illa, *cum hæres morietur*, conditionem ideo facit, quia per eam vis legati in incertum eventum suspenditur: quippe quod præ moriente legatario effectum sortiri non potest. In stipulatione vero hæc adjectio *cum morieris* nullam incertitudinem parit: nam etsi ante promissorem stipulator decesserit, hæredi tamen ejus debetur, *§. 4. inf. eod.* Unum etiam genus diei planè incerti contractum conditionalem non facit, nempe in hac oratione, *cum petiero, dare spondes?* quod ex proposito contrahentium intellectum est, quorum procul dubio in hujusmodi adjectione hæc cogitatio est, ut statim & sine mora, ubi petitum erit, solvatur, non ut obligatio differat in casum: ideoque si decessero prius, quam petiero, non videtur defecisse conditio, *l. 6. decem 48. h. r.* Sed nec dies certus adjectus simpliciter conventionem in diem facit; verum ita demum, si adjectus sit solutionis & actionis differendæ causa,

atque ut terminus à quo. Quod si apponatur dies, ut terminus ad quem, id est, finiendæ obligationis causa, puta hoc modo, *Usque ad Calendas dare spondes* aut, *Quoad vixam, dare spondes* ? pure contracta obligatio intelligitur : cæterum petendi post Calendas, aut hæredi petenti obstat exceptio pacti aut doli mali, l. obligationum 44. §. 1. de obl. & act. l. eum qui 56. §. quis ita 4. hoc tit. vide quæ sub. §. seq. Porro dies vel aperte adjicitur, ut in formulis usitatis, *Calendis Martiis, proximis nundinis, post biennium* : vel tacite stipulationi, verbis alioqui puræ, inest, propter vel loci adjectionem, vel qualitatem rei promissæ, ut in stipulatione operis faciendi, fructuum nasciturorum, l. 14. l. continuus 137. §. 2. & 3. hoc tit. §. loca inf. eod.

Statim quidem debetur [L. stipulatio 38. §. inter. 16. l. centesimis 46. hoc tit. l. cedere 213. de verb. sign.]. Atque hujus præsentis obligationis intuitu hujusmodi stipulatio pura interdum dicitur, ut & ejusdem generis legatum, oppositivè nimirum ad stipulationes & legata conditionalia, l. 9. §. 1. de novat. l. 79. de cond. & demonstr. Quid ergo est, quod Ulpianus in l. eum qui 41. §. 1. hoc tit. ait, *diem adjectum efficere, ne præsentis die pecunia debeatur* ? nimirum verbum debendi cum effectu eo loco Jurisconsultus accepit : ut sit sensus, diem adjectum efficere, ut ante diem non debeatur plenè & efficaciter, non ita, ut & peti possit : quod locus ipse satis evincit. Non negat igitur Jurisconsultus, diem stipulationis cessasse ; quod pugnaret cum manifesta ratione juris ; sed venisse negat. Etsi autem diei adjecti hæc vis est, ut ante diem agi non possit : alia tamen præsentis obligationis effecta sunt. Stipulatori hæc commoda offert, ut id debitum absolutum ante diem, quamvis per errorem, repeti non possit : l. 20. de cond. ind. ut possit novari & constitui, atque ita possit, ut etiam ante diem obligationis principalis peti possit, l. 1. & l. 5. de novat. l. 3. §. ult. & l. seq. de pec. const. In debitore hoc efficit, ut & ante diem vel invito creditore recte solvat, l. quod quis 50. de obl. act. l. quod certa 70. de solut. l. stipulatio 38. §. inter 16. l. continuus 137. §. 2. hoc tit. quod interpretandum ex l. 9. C. de solut. Nam cum diei adjectio pro re sit, non pro stipulatore, d. l. 41. §. ult. eod. medium tempus reo liberum esse debet ad solutionem : quæ etiam ratio redditur in d. l. stipulatio, & d. l. quod certa. Et vero quidni mihi liceat dilationi prome introductæ renuntiare ? per vulg. Et miror, adeo Cujacium in re tam aperta dissensisse, atque eo magis, quod sententiæ suæ firmamentum petit ex l. item 18. de pec. const. qui locus etsi solus esset, illum jugularet. Nihil sententiam Cajacii jurat l. si solutus 39. de solut. nunquam enim obtinebitur, importunum tempus esse id, quod diem adjectum antecedit. Postea

comperi, & Guiliel. Masium dissentire, lib. 1. singul. opin. cap. 4. cujus argumentis vel una hac responsione occurrere potest, nempe quod cuique jure facere licet, id ei licere etiam altero invito. Planè si apparet diem adjectum esse etiam creditoris gratia, aliud dicendum est ; veluti si quid certo loco dari promissum fuerit, l. 2. quod cert. loc. l. qui Roma 122. pr. hoc tit. facit l. 15. de ann. legat. l. 17. de reg. jur. Don. in d. l. 41. §. 1. num. 47. & seq. D. Talden. comm. hic cap. 12.

Peti prius, quam dies venerit Quod in diem debetur sive ex stipulatione sive ex alia causa, id ante diem peti, eo nomine agi, debitoremve conveniri, antequam dies venerit, non posse, innumeris locis proditum est, l. certis 9. in fin. pr. de reb. cred. l. quoties 21. de oper. libert. l. 7. l. 14. quib. ex cap. in poss. l. cedere 213. de verb. sign. l. obligationum 44. §. 1. de obl. & act. l. 14. l. qui hoc anno 42. l. interdatum 73. l. existimo 98. §. 1. hoc tit. cum similib. Atque hæcenus quidem interpp. omnes conveniunt, quod etsi dies adjectus non impedit, quominus obligatio statim oriatur, tamen efficiat, quominus statim agi possit. Cæterum non levis quæstio est, agitata Citramontanos inter & Ultramontanos, ut apparet ex Cyno & Saliceto in l. un. C. de act. ab hæred. circa explicationem horum verborum, *agere peti non posse* : utrum scilicet ea sic accipienda sint, ut nulla prorsus ante diem actio esse intelligatur ; an vero sic, ut ipso quidem jure una cum obligatione protinus nascatur actio, sed quæ ante diem cum effectu intentari nequeat, æque intentata exceptione temporis & plus petitionis submoveatur. Ego in hac quæstione posteriorem sententiam, quæ Citramontanorum fuit, probandam censeo cum Saliceto in d. l. un. & Gomez. 2. resol. 11. num. 21. Etenim posita causa obligationis proxima, præsentis videlicet obligatione, non potest non poni actio. Sed sunt alia hujus rei argumenta. Agenti ante diem dicitur obflare exceptio, §. temporales 10. inf. de except. At exceptio necessario præsupponit actionem. Qui ante diem agit, *præmature, male, & perperam* agere dicitur, l. un. in fin. quando dies us. leg. ced. l. liber homo 118. §. 1. hoc tit. l. 2. §. quis ita 6. de eo quod cert. loc. & tempore plus petere, §. si quis 33. inf. de action. Qui autem nullam omnino actionem habet, si quid moverit, is non *male agere, sed inutiliter* loquitur 43. §. pen. de adil. edict. nec plus petere, sed *nihil facere*, dicitur, d. l. un. in fin. Adhæc effectu nihil interesse, utrum stipulationi puræ factæ dies postea adjiciatur, an ab initio adjecto die stipulatio fiat, clare arguit d. §. temporales, inf. de except. & frigide contra disputat Don. ad l. 41. §. 1. num. 41. & 1. seqq. Denique si dies finiendæ obligationis causa, atque, ut loquuntur, adjectus per modum ter-

mini ad quem, adveniens obligationem & actionem ipso jure non tollit, sed hoc tantum efficit, ut per exceptionem actio elidatur; etiam adjectus differendæ obligationis & actionis causa, atque ut terminus à quo, efficere non poterit, ne statim obligatio & actio nascatur; sed hoc tantum, ut mora ante diem actio exceptione temporali excludatur. Non obstat quod ajunt, contractus & obligationes pendere à voluntate contrahentium, l. 5. C. de obl. & act. actus agentium non operari ultra eorum intentionem, l. non omnis 19. de reb. cred. ut proinde, cum debitoris intentio non sit, ut ante diem obligetur, nec creditoris, ut obliget, dicendum videatur, nec ante diem adjectum obligationem & actionem nasci. Nam voluntate contrahentium ratio juris publici mutari non potest, quo placuit, certis modis obligationem constitui & finire, inter quos non est tempus, l. obligation. 44. §. 1. de obl. & act. Deinde non hoc in proposito agunt contrahentes, ne statim nascatur obligatio, sed ut differatur obligationis executio. D. Bachov. hic. Magis obstat l. interdum 73. hoc tit. ubi Jurisconsultus, propositis aliquot speciebus stipulationum, quæ ex ipsa dilationem capiunt, subjicit, *tunc actionem incipere*, &c. Et mox, *non ante cedere diem*, &c. An dicimus, aliud juris esse, cum dies tacite inest, aliud cum aperte adjicitur; An potius exemplorum omnium, quæ in d. l. 73. confusim proponuntur, non unam eandemque esse rationem? Sane enim etsi stipulationes illic propositæ in eo omnes conveniunt, quod dilationem habeant, non eandem tamen habent omnes; sed aliæ ex tacita conditione, ut stipulatio operarum; aliæ ex conditione & die simul, ut stipulatio fructuum futurorum; aliæ ex die duntaxat, ut quod certo loco dari promissum est: secundum quæ nisi prædicta illa, *actionem incipere, diem cedere*, commode explicentur, in certissima juris principia impingatur necesse est. Sic ergo sentio, ex stipulatione in diem concepta statim & obligationem nasci, & simul actionem quoad habitum & actum primum: sed diem adjectum impedire seu suspendere actum secundum, id est, exercitium actionis & operationem: breviter, ipso jure etiam actionem competere, sed quæ intentata ante diem stipulatione comprehensum exceptione repelli possit. Quid interfit, actio ipso jure non competat, an quæ competit, per exceptionem removeatur, dicemus inf. sub tit. de except.

Ne eo quidem ipso die] Apparet igitur, in hoc genere dici debere, diem venisse, non cum dies stipulatione comprehensus venit; sed cum is dies venit, qui illum sequitur. Est enim is, quo primum pecunia peti potest: non is, in quem stipulatio collata, l. cedere diem 213. de verb. sign.

Totus arbitrio solvens] Tempus adjectum pro

reo, non pro stipulatore est, l. 41. §. 1. hoc tit. l. 17. de reg. jur. ideoque nisi partes adjecti temporis omnes præterierint, stipulator non recte agit: ut puta, qui hoc anno, aut hoc mense dari stipulatus est, is non recte petit, nisi omnibus partibus anni vel mensis præteritis, l. qui hoc 42. hoc tit. §. ult. inf. de inur. stip. Plane, si quis ita stipuletur, *hodie dare spondes?* puram esse hanc stipulationem Papinianus respondit: neque enim in proposito diem differendæ actionis insertum videri, sed quo præsens ostendatur esse responsum, l. liber homo 118. §. 1. cod. Sive autem hac formula concepta sit stipulatio; *Proximis Calendis Martiis, hoc biennio, proximis nundinis, dare spondes?* sive ita, *Ante Calendas, ante biennium, ante nundinas?* sive denique hoc modo, *Post Calendas, post biennium, post nundinas?* non prius recte peti potest, quam Calendæ, biennium, nundinæ præterierint; ut promissio semper in tempus finitum, non cæptum referatur, l. 13. l. 41. cum l. seq. l. cum qui 56. §. qui ita §. l. 138. cod. In diversis temporibus longissimum sequemur, sicut in summis sequimur minimam, l. 12. cod. Quod si simpliciter hoc modo, *Calendis Januariis dabis?* nisi primas accipimus, inutilis futura est stipulatio, d. l. 41. in pr. Qui certam summam in tribus terminis se soluturum promisit, in ea causâ à DD. habetur, ac si annua bima trima die promississet, id est, ut universa summa in tres pensiones annuas dividatur. Sed recte prudentissimus D. Tuldenus hoc ita demum probandum ait, si per relationem aut saltem ex consuetudine hoc actum appareat: alioqui judicem tempus arbitrarium habita ratione summæ & personæ promissoris.

T E X T U S.

De die adjecto perimendæ obligationis causa.

3. *At si ita stipuleris, Decem aureos annuos quoad vivam dare spondes? & pure facta obligatio intelligitur, & perpetuatur: quia ad tempus non potest deberi: sed bares petendo pacti exceptione submovebitur.*

N O T Æ.

3. DECIM ANNUOS] sive in singulos annos, aut quotannis. Quæ adjectio fieri intelligitur non differendi, sed multiplicandi causa. Eo autem omisso, confestim quidem adhuc decem peti possunt, sed semel tantum, l. 56. §. 4. b. r.

QUOAD VIVAM] Quid si hoc omissum? Tum effectus obligationis etiam post mortem durabit, l. 16.

S. i. cod. Legati autem annui ratio nonnihil diversa d. l. 16. §. 1. l. 4. l. 11. de ann. leg. l. 10. quand. dies leg.

QUIA AD TEMPUS] Nam quod alicui deberi cœpit, certis modis deberi definit, puta solutione, acceptatione, novatione, &c. nihil autem horum est tempus, *l. 44 §. 1. de obl. & act.*

FACTI EXCEPTIONE] Vel doli mali, propter illa verba, *quoad vi&etam*, quæ finiendæ obligationi adjecta, *d. l. 56. §. 4. d. l. 44. §. 2.*

COMMENTARIUS.

- 1 *Quid juris, si quis stipuletur decem quoad vi&et, non addito annua.*
- 2 *Quid si decem in singulos annos, omisso, quoad vi&et.*
- 3 *Quid, cum obligatio unius summa in plures pensiones dividitur.*
- 4 *Quibus rebus differat stipulatio in singulos annos à simili legato. Et quis istius differentia effectus.*
- 5 *Quid juris in casu hic proposito.*

Agitur hic de efficientia diei stipulationi adjecti in modum termini ad quem, id est, perimendæ obligationis causa, doceturque, ea conventionione non fieri, ut aut ab initio suspendatur obligatio, aut postea tempore ipso jure finiatur: cæterum stipulatorem post tempus petentem pacti conventi exceptione summoveri. Afferitur pro exemplo casus, quo quis annum quid stipulatur, quoad vivet. Nos vero, ut res planior fiat, tres casus distinguemus. Primus hic fit, si quis stipuletur decem, *quoad vi&et*, non addito, *annua* aut *in singulos annos*. In hac specie responsam est, decem confestim recte peti, quemadmodum si quis usque in Calendas dari stipulatus fuerit, etiam ante Calendas petere potest. Sed & obligationem perpetuari, ideoque & heredem illius, & hunc, post Calendas petere posse: cæterum petentes exceptione pacti conventi aut doli mali submoveri, *l. cum qui 56. §. qui ita, hoc tit. l. 44. §. 1. de obl. & act.* Utrum autem, qui decem, quoad stipulator vivet, dare spondit, intelligatur decem semel, quod Duarenio in *d. l. 56.* placet, an decem annua promississe, quod Donello *ibid.* & D. Tuldeno in *comm. hic, cap. 11.* & ego quoque verius puto, (certe usus loquendi hodierno magis convenit) ad id de quo nunc queritur, id est, an statim ex ea stipulatione agi possit, & semel constituta perpetuetur, nihil interest. Alter casus hic est, si ita stipulatio concepta sit, *Decem in singulos annos dabis*, & omisiss his verbis, *quoad vi&et ann.* Hic illud primum tenendum est, effectum nihil interesse, utrum quis decem in singulos annos, an decem annua, an decem quotannis aut singulis annis

stipuletur, uti nec in legato annuo refert, quibus ex his verbis utare, *l. 8. §. si in singulos 23. de transact. l. 12. §. non si sine quand. dies leg.* Deinde in hac stipulatione adjectionem annorum non efficere, quominus statim nascatur obligatio & actio, arg. *hujus §. 6. fac. l. 20. quand. dies leg. l. cum qui 56. §. 4. hoc tit.* ac proinde initio cujusque anni decem tantum pure promissa recte peti. Ratio est, quia annorum adjectio non differendi, sed multiplicandi causa facta intelligitur: idque ex eo apparet, quod nisi anni adjecti essent, intelligeremus, summam semel tantum deberi, non sæpius. Non idem juris est, cum quid promittitur hoc anno, hoc biennio, & semel: quoniam in re, quæ etiam anno non adjecto deberetur, non potest intelligi annus adjectus, nisi obligationis differendæ causa, *l. qui hoc 42. hoc tit.* Aliud quoque est, cum aperte obligatio unius summa in plures pensiones dividitur: veluti si centum à te stipulatus sim, & convenerit inter nos, ut eam divisitis trium annorum pensionibus præstares; hic primi anni pensio non nisi finito primo anno peti potest; eademque ratio est sequentium, *l. lecta 40. de reb. cred. l. 3. de ann. legat. l. si cui 49. de legat. 1.* Postremo annuam stipulationem unam esse & perpetuam, ita ut ad hæredes quoque obligatio transmittatur, *l. 16. §. 1. hoc tit. argum. l. 13. C. eod. Moller. 1. semestr. 48.* quamvis id negat Bart. arg. *l. sancimus 34. §. ult. C. de donat. C. de donat.* Nam, ut bene observaverunt Contius & Cujacius, in eo versiculo corrupte legitur, *vel adjiciatur tempus vi&et*; eo enim modo si legas, pugnabit ex diametro d. versiculus cum principio §. itaque omnino legendum *vel non adjiciatur*, ut Græci *lib. 47. prædicant.* Multum ergo differt stipulatio in singulos annos à simili legato. Legatum annuum multiplex est, *l. 10. quand. dies leg. l. 11. de ann. legat.* neque infinitum tempus habet, sed morte legatarii finitur, *l. 4. d. tit. l. 16. §. 1. hoc tit.* Sic enim jus est, cum annum aut in annos singulos legatur, ut primi quidem anni jam cœpti legatum purum habeatur, & defuncto post mortem testatoris legatario, ad heredem ejus legatum illius anni transeat, sequentium vero annorum legata conditionalia existimentur, iisque inesse videatur hæc conditio, si legatarius vivet, ejusque tantum anni legatum transmittatur quo legatarius vixit, *l. 4. l. 8. de ann. legat.* Unde etiam illud est, quod per singula legata excutitur persona legatarii, an jus capiendi habeat, *l. 11. d. tit.* Diversa omnia in stipulatione annua. Hæc una est, *d. l. 16. §. 1. hoc tit.* ut tamen sit plerumque pensionum diversis temporibus exigendarum & præstandarum, *l. si à colonis 68. de fidejuss.* Hinc fit, ut conditio stipulatoris semel tantum & initio contractus inspicatur, *l. senatus 36. §. ult. de mors. ca. don. l. si filiusfam. 78. hoc tit.*

Cujus differentia hic effectus, ut si verbi causa servus, cui annuum legatum est, primo aut altero anno post mortem testatoris consequatur libertatem, sequentium annorum legata sibi acquirat, *l. 12. §. 2. quand. dies leg.* quod secus esse dicemus in annua stipulatione, *d. l. si filiusfam. & d. l. senatus. §. ult.* Postremo, ut jam diximus, stipulatio in annos singulos perpetua est, nec morte stipulatoris finitur, *d. l. 16. §. 1. hoc tit.* Cur tam varie. Nimirum quia testator in legato annuo, etsi non adjecerit, *quoad si ser legataris*, soli tamen legatario consulere voluisse creditur, non heredi ejus. Præsumptio ex eo, quoniam legata vel ob meritum personæ legatarii, vel ob testatoris erga eum benevolentiam relinqui solent, *l. 9. cum seq. pro soc.* quorum neutrum in heredem legatarii, utpote quem testator non novit, cadere potest. At in conventionibus pro communi hominum affectu ea mens & cogitatio contrahentium esse putatur, ut qui sibi cavet, etiam heredibus cautum velle intelligatur, nisi contrarium probetur, *l. 9. de probat.* Plane, si causa obligationis cohæreat personæ stipulatoris, veluti si quid annui in alimenta alicui promissum fuerit, aut si medicus certam summam annuam stipuletur, *l. 10. §. 1. de ann.* dicendum est, tali stipulatione personam hæredis non contineri, ideoque si petat, doli mali exceptione posse submoveri. Tertius & postremus casus sit, qui hic proponitur, si quis stipuletur, decem annua, *quoad si ser*, sibi dari. Justinianus expresse ait hoc casu obligationem pure factam intelligi, atque etiam perpetuari, quoniam ad diem obligatio constitui non potest. Quamobrem, quod proprium est puræ obligationis, ex hac stipulatione similiter, ut ex superiore, confestim seu in initio cujusque anni recte agetur, nec morte stipulatoris finietur obligatio. Cæterum hoc inter hunc & præcedentem casum interest, quod hic hæredes stipulatoris petentes pacti conventi exceptione repellantur, propter verba illa, *quoad si ser*, quæ finiendæ obligationis causâ adjecta esse constat; *l. cum qui 56. §. 4. hoc tit. l. obligationum 44. §. 1. de obl. & act.* illic obligationis effectus etiam post mortem duret, *l. 16. §. 1. hoc tit.*

TEXTUS.

De Conditione.

4. Sub conditione stipulatio fit, cum in aliquem casum differtur obligatio, ut si aliquid factum fuerit, vel non fuerit, committatur stipulatio. Veluti, Si Titius consul fuerit factus, quinque aureos

dare spondes? *Si quis ita stipuletur*, Si in Capitolium non adscendero, dare spondes? *perinde erit, ac si stipulatus esset, cum moreretur, sibi dari.* Ex conditionali stipulatione tantum spes est debiti iri: eamque ipsam spem in heredem transmittimus, si prius quam conditio extet, mors nobis contigerit.

NOTÆ.

PERINDE AC SI CUM MORERETUR] In eo utraque hæc stipulatio convenit, quod ex neutra ante mortem agi potest: cæterum illa, *Si in Capitolium non adscendero*, conditionalis est, & obligationem differt: altera vero, *cum moriar*, in diem, quæ non differt obligationem, *l. 17. & seq. de cond. ind.*

IN HAEREDEM TRANSMITTIMUS] Ut existente postea conditione etiam hæres stipulatoris agere possit, *l. 57. h. t. fac. l. 8. de per. & commod. res vend.* Non idem est in conditionalibus legatis *l. 4. l. 5. §. 2. quand. dies leg.* Cur tam varie? Quia stipulationes etiam conditionales ex præsentii vires accipiunt, quamvis obligatio & petitio in suspensio sit, *l. 26. de stip. ser. l. 144. §. 1. de reg. jur.* Legata autem demum cum deberi incipiunt, *d. l. 4. & 5. l. un. §. 7. C. de cad. tell.* Unde & aliæ differentia, de quibus in *l. 42. de obl. & act. l. 27. qui & a quib. man. l. 78. h. t. l. 18. de reg. jur.*

COMMENTARIUS.

1. Quid sit conditio & quoruplex: tum qua conditiones inutilem stipulationem ab initio faciunt.
2. Etiam promissiones, quibus tacite conditio inest, pro conditionalibus esse.
3. In conditionibus arbitrariis quid juris.
4. De cautione Muciana, & an ea quoque locum habeat in contractibus.
5. Pendente conditione nihil dum deberi: & qua inde consequentia.
6. Insigne discrimen circa stipulationes & legata conditionalia.
7. An id discrimen quoque pertineat ad conditiones arbitrarias.

Hactenus dictum de stipulatione pura, & ea, quæ in diem: sequitur ea, quæ sit sub conditione. Conditio, ut alibi quoque definivimus, est adjectio, qua id quod dari aut fieri volumus, confertur in aliquem casum: ad quem modum etiam hic definitur. Itaque

Itaque duo hæc conditionem faciunt, dilatio, & casus, sive incertus eventus. Ac proinde quæ adjectiones obligationem non differunt, quales sunt, quæ ad præsens aut præteritum tempus referuntur, §. *pen. inf. eod.* & quas certum est omnimodo exituras esse; veluti si stipuler mihi dari, *si morieris*; *si Calendis solorietur*, l. 18. de cond. ind. l. *hæres* 79. de cond. & dem. l. 9. §. 1. de noſat. pro conditionibus non sunt habendæ. Enimvero quicquid adjectum rem in incertum eventum differt, id sive arbitratum est, sive fortuitum, sive mixtum ex utroque, stipulationem facit conditionalem, l. *centesimis* 46. §. 2. l. *quicquid* 99. §. 1. l. *à Titio* 108. l. *ita stipulatus* 115. §. 1. & 2. hoc tit. l. 2. l. 7. de cond. & dem. Atque hinc nata distinctio vulgo recepta, quod conditiones quædam sint casuales, quæ scilicet à solo casu dependent, veluti, *Si Titius consul factus fuerit, vel non fuerit*. Quædam potestativæ, quarum impletio in potestate reorum est, ut, *Si Capitolium adscenderis, vel non adscenderis*. Quædam mixtæ, partim fortuitæ, partim arbitrarie, ut, *Si Mariam uxorem duxeris*. Duæ omnino conditiones sunt, quæ inutilem conventionem ab initio efficiunt, conditio impossibilis in faciendum concepta, l. 7. hoc tit. §. *impossibilis, inf. de inut. stip.* & ea, quæ in arbitrium rei promittendi aperte collata est, l. 17. d. l. 46. §. *ult.* d. l. 108. §. *ult.* hoc tit. l. 8. de obl. & act. l. 13. C. de cont. empt.

² *Cum in casum differtur obligatio*] Atque ideo existente demum casu, in quem dilata est, dies hujus obligationis cedit, neque antea quicquam deberi intelligitur, l. *cedere* 213. de verb. sign. Differtur autem obligatio in casum non tantum conditione conventionis expressa, ut in exemplis hic propositis; sed etiam intellecta seu tacite comprehensa. Quod ex rebus ipsis intelligitur. Puta vel ex incerto tempore, veluti si dies incertus stipulationi adjectus fuerit, qui an extiturus sit, ignoretur, de quo dictum §. 2. vel ex demonstratione rei promissæ in futurum collata. Ut in hac conceptione, *Strichum, qui hoc anno tuus eris, dare spondes?* l. 6. de legat. 1. l. *nuper* 85. de legat. 3. item in hac, *quod patrem meum debere confiteris, dare spondes?* l. *qui Roma* 122. §. *Aggerius* 4. hoc tit. vel ex rei promissæ natura. Veluti cum promittitur res, quæ nondum est in rerum natura; utrum autem futura sit, pendet ex incerto naturæ aut juris eventu. Cujus generis est promissio fructuum, qui in fundo nascuntur, l. *interdum* 73. hoc tit. item promissio dotis, cui inest hæc conditio, si nuptiæ sequantur, l. 31. de jur. dot. Itaque has etiam conventiones, & si quæ sunt similes, sciamus conditionales esse.

Committatur stipulatio] Committi stipulatio dicitur existente conditione, sub qua stipulatio facta

est, ut jam ex ea agi possit, l. *ita stipulatus* 115. §. 1. & 2. l. *qui Roma* 122. §. *Aggerius* 4. h. s.

Si in Capitolium non adscendere] Jurisconsulti cum de conditionibus tractant, creberrime his exemplis utuntur, *Si in Capitolium adscenderis*, aut, *Si in Capitolium non adscenderis*. Quod ex consuetudine Romanorum fluxit, quia precaturi aut sacra facturi una cum Pontifice in sacram arceam scandebat. Horat. 3. *carm. ad Melpomenen*.

*Non omnis moriar, multa que pars mei
Vivabit Libitinum. Usque ego postera
Crescam laude recens, dum Capitolium
Scandet cum lactis Virgine pontifex.*

Tacit. lib. 14. *Exin Capitolium scandunt, Deosque tandem Generantur*. Plin. in paneg. *Tibi adscendenti de more Capitolium visum clamor, ut jam Principi occurrat*. Plura hujusmodi in veterum scriptis observavit D. Duar. 1. diff. 15.

Ac si stipulatus, cum moretur] In conditionibus arbitrariis, quæ in non faciendum sunt conceptæ, expectatur donec certum atque exploratum sit, fieri amplius non possit. Ut ecce, si hoc modo stipulatus fuero, *Si intra biennium Capitolium non adscenderis, dari spondes?* non nisi præterito biennio recte petant, l. *quicquid* 99. §. 1. hoc tit. Idem est, si conditio in dando posita sit, dummodo stipulatio à conditione incipiat. Veluti sit ita cautum, *Si Pamphilum non dederis, tantum dari spondes?* nam & hic responsum est, non ante committi stipulationem, quam si Pamphilus defisset posse dari, l. *ita stipulatus* 115. §. 2. eod. Dixi, si stipulatio dandi à conditione cœpit: nam si non à conditione, sed ab alia pactione cœperit, veluti si ita fuerit concepta, *Pamphilum dari spondes? si Pamphilum non dederis, tantum dari spondes?* committitur stipulatio simul ac debitor interpellatus facere potuit, neque fecit, d. l. 115. §. 2. His consequens est, si simpliciter sic fuerit concepta stipulatio, *Dabis, si in Capitolium non adscenderis?* post mortem demum rei promittendi stipulationem committi; quandoquidem tum demum certum esse cœpit, in Capitolium eum adscendere non posse, d. l. 115. §. 1. Quod si conditio non faciendi in personam rei stipulandi collata fuerit, ut in exemplo hic proposito, illius mors expectanda erit. Et itaque illo casu hæres promissoris demum conveniri poterit, hoc demum agere hæres stipulatoris. In legatis sub conditione non faciendi collata in potestatem legatarii aliud servatur, placetque desiderante legatario itatim representari legatum, dum is caveat, nihil se ejus facturum, quod testator fieri noluit; si contra fecerit, rem una cum fructibus restitutum: quæ cautio, quod à Q. Mucio inventa & composita est, Muciana dicta, l. 7. l. 18. l. *hæres* 79. §. 2. de cond. & dem. Quæ vero ratio est, quod hæc cautio in legatis

legatis & hæreditatibus admissa, in contractibus non item? nimirum quia voluntati testatoris satis fieri intelligitur, modo ne peccetur contra conditionem, quod solum testator creditur spectasse. In stipulationibus autem sine injuria promissoris admitti non potuit. Nam qui promittit sub hujusmodi conditione, *Si in Capitolium non adscendere* satis aperte hoc agit, ut ne ipse unquam conveniatur, sed demum ipse hæres: & eadem conditione in personam stipulatoris collata, ne stipulator unquam petere possit, sed, illo mortuo, hæres ejus: & alias quoque in ambiguo secundum promissorem interpretatio fit, & stipulatori imputatur, quod non apertius stipulationem conceperit, *l. qui quid 99. hoc tit.* Aliam rationem reddit Ant. Fab. 2. conj. 16. quod nisi hæ cautio inventa esset, legata sub conditione non faciendi intercederent; quam & olim Porcius attulit, & solidior rem esse nonnulli existimant. Sed hæratio in hæreditatibus valere potest; in legatis falsa est; quippe cum, ut ad hæredem legatum transferatur, sufficiat moriente legatario diem legati cedere, *l. ult. de cond. inst. Gomez. 2. resol. 11. n. 37. Cujac. 14. obs. 22.*

Ac si cum mereretur] Hoc magna indiget cautione. Nam similitudo harum cautionum. *Si Capitolium non adscendere, dare spondes?* & *Dabis, cum moriar?* in eo duntaxat consistit, quod ex neutra cum promissore agi potest ante mortem stipulatoris: cætera sunt dissimiles. Quippe prior illa conditionalis est; non actionem tantum, sed etiam obligationem differens; altera in diem, ex qua licet ante diem non recte agatur, præsens tamen obligatio est, *l. nam si 17. cum l. seq. de cond. ind.*

Tantum spes est debitum iri] Vis conditionis omnis hæc est, ut pendente ea nihilum debeatur, ea impleta perinde habeatur, ac si ab initio pure debitum fuisset; deficiente, quasi nulla unquam fuisset obligatio, *l. 16. de cond. ind. l. 26. de cond. inst. l. 5. §. 2. quand. dies leg. l. cedere 213. de Verb. obl. l. 8. de per. & com. rei vend. l. 11. §. 1. qui pot. in pignor.* Cum itaque pendente conditione necdum ulla obligatio nata sit, consequens est id, quod sub conditione debetur, ante eventum conditionis non recte solvi, ac proinde si pendente conditione solutum sit, repeti posse, *d. l. 16. l. 18. l. qui promisit 48. de cond. ind. l. stipulatio 38. §. interdum 16. hoc tit.* eademque ratione nec novari poterit, aut constitui, nisi hac lege, ut eadem conditio expectetur *l. 14. §. 1. de novat. l. id quod 19. de pec. const.* Hinc intelligitur, quantum interficit inter stipulationem in diem, & conditionalem.

Eamque spem in hæredem transmittimus] Si pendente conditione aut stipulatori aut promissori quid humanitus contingat, nihilominus in suspensio manet obligatio, atque existente postea conditio-

ne stipulatio committitur, ut aut hæres stipulatoris agere, aut hæres promissoris conveniri possit, *§. pen. inf. de inut. stip. l. si quis 57. hoc tit. l. in quantitate 73. §. 1. ad leg. Falc. fac. l. 8. de per. & commod.* Non obstat regula juris veteris, quæ vetabat obligationem ab hærede aut contra hæredem incipere. Nam conditio existens retrotrahitur ad tempus contractus; hoc est, ubi semel extitit conditio, perinde habetur, ac si ab initio sine conditione obligatio contracta fuisset, *l. 11. §. 1. qui pot. in pign. d. l. 8. de peric. & comm.* Cur ergo diversum jus sequimur in conditionalibus legatis, placetque mortuo ante eventum conditionis legatario ad hæredem ejus nec spem ullam transmitti; *l. 4. l. 5. §. 2. quand. dies leg. l. 11. §. fin. autem 7. C. de cad. toll.* Cur, inquam, cum tam ex causa legati conditionalis, quam ex simili stipulatione, spes sit debitum iri, non æque spes illa transmittitur in hæredem legatarii, atque in hæredem stipulatoris? Nimirum ideo, quia cum, beneficium suprema voluntate ob merita plerumque dari, aliamve ob causam solent, propter quam ad completum aliquem afficimur, *l. 9. pro soc.* existimandum est testatorem in legando personam tantum legatarii cogitasse, eique soli, non etiam hæredi ejus, qui incertus est, beneficium conferri voluisse. At in pactis & contractibus non tam ad personas paciscentium, quam ad rem familiarem respicitur, crediturque quisque eo animo esse, ut non tantum sibi, verum etiam hæredibus suis prospectum velit, *l. 9. de probat. add. Gomez. 2. resol. 11. num. 12. D. Thoden. comm. hic. cap. 7.* Adhæc contractus etsi conditionalis est, tamen ex præsentī vires accipit, *l. 26. de stip. sei §.* argumento est, quod jam ab initio hactenus personas contrahentium adstringit, ut alteri, invito altero, non liceat ab eo recedere, *l. 5. C. de obl. & act.* Unde quoque est, quod cum, qui sub conditione stipulatus est, etiam pendente ea placet creditorum humero in quibusdam causis haberi, *l. 10. l. conditionales 54. de Verb. sign. l. 4. de reb. auct. jud. poss. l. 9. §. 1. l. 11. §. 1. qui pot. in pign. l. filiusfam. 78. hoc tit. l. 16. de solut.* in quo item dissimilis causa est ejus, cui sub conditione legatum est, *l. is cui 42. de obl. & act. Cujac. in d. l. 10. de Verb. sign.* Enimvero quod hic simpliciter traditum est, ex conditionalī stipulatione quæ spes est debitum iri, eam ad hæredem stipulatoris transmitti, id plerique opinantur ad eas duntaxat condiciones pertinere, quæ à casu pendunt; arbitrarias autem morte ejus deficere, in cuius potestatem collatæ sunt, *argum. l. qui heredi 44. l. si expressum 109. l. à testatore 109. de cond. & dem. l. si ita 65. §. 1. de legat. 1. Gail. 2. obs. 2.* Verum ego putarem, in contractibus distinguendum esse inter ipsas condiciones arbitrarias, ut siquidem factum contineant coherens personæ, aut alias in ap-

ponendo persona solummodo spectata sit, earum implendarum jus ad heredem non transeat. At si talis sit conditio, quæ eodem modo ab heredem impleri possit, puta si in dando consistat, hic quia non videtur persona operare personæ spectata, dicam, jus implendæ conditionis, licet arbitrariæ, ad heredem stipulatoris transmitti. Nam cum hujuscemodi conditio per quemvis alium nostro nomine impleri possit, cur non & per heredem possit, qui eadem persona cum defuncto habetur? *l. ult. de cond. inst. fac. l. diem 27. §. 1. de recept. arb. l. si pradio 15. de in diem addit. l. 8. de per. & comm. rei vend. l. 2. Cod. de pact. int. empt. & d. Duar. in Scævol. num. 14. & seqq. Cujac. in l. si quis 57. hoc tit. D. Tulden. comm. hic, cap. 2.*

TEXTUS.

De loco.

§. Loca etiam inferi stipulationi solent, veluti, Carthagini dare spondes? Quæ stipulatio licet pure fieri videatur, tamen re ipsa habet tempus adjectum, quo promissor utatur ad pecuniam Carthagini dandam. Et ideo si quis Romæ ita stipuletur, hodie Carthagini dare spondes? inutilis erit stipulatio, cum impossibilis sit repromissio.

NOTA.

IMPOSSIBILIS REPROMISSIO] Cajus tamen *l. ult. §. 4. h. t.* casum proponit, quo etiam talis stipulatio utilis esse potest.

COMMENTARIUS.

Hujus tituli §. 2. cum de stipulatione in diem agemus, diximus, esse quasdam stipulationes, quæ licet verborum figura puræ sint, tamen ad stipulationes in diem factas referri debeant, propterea quod tacite tempus complectantur, atque ex re ipsa dilationem habeant: cujus generis etiam ea est, de qua hic agitur, cum locus stipulationi insertus est.

Re ipsa dilationem habet] Cum stipulamur quid dari certo loco, puta Carthagini aut Ephesi, stipulatio verbis pura ex re ipsa dilationem capit: inest enim tacite tempus, quo Carthaginem aut Ephesum perveniri possit: nam alioqui præstatio fit impossibilis, *l. cum quis 41. §. 1. l. interdum 73. l. continuus 137. §. 2. hoc tit. l. 2. §. qui ita 6. quod non 100. Quodnam vero tempus hic accipi oportet, docet inter nos docet Venuejus *l. continuus, §. 2. nimirum to-**

tam eam rem ad judicem, id est, virum bonum, remittendam esse, qui æstimet, habita ratione temporis *αὐτὸν τὸ ἴδιον ὁρίσθαι*, ætatis, sexus, valetudinis, quanto tempore diligens paterfam. conficere possit, quod facturum se promissit.

Si quis Romæ, &c.] Si quis Romæ stipuletur, *Hodie Carthagini dare*, inutilem esse stipulationem placet, *d. l. 2. §. qui ita, quod cert. loc.* optima ratione, quia tali stipulatione causa impossibilis continetur. Neque enim qui Romæ est, intra unum diem potest Carthaginem pervenire: nisi vero eo pervenerit, Carthagine dare non potest. Igitur impossibilitas præstationis inutilem in casu proposito stipulationem facit, perinde quasi impossibilis conditio adjecta sit, cujus adjectione stipulationem cæterosque contractus vitiari constat, *non solum 31. de obl. & act. l. 7. hoc tit. §. si impossibilis, inf. de inut. stip.* Diverso jure utimur in ultimis voluntatibus, in quibus placet conditionem impossibilem, aut spatium temporis ad dandum impossibile, pro non adjecta haberi, *l. 1. l. 6. de cond. inst. l. 3. cond. & dem. l. 12. §. 1. de legat. 1.* Diversitatis ratio alibi a nobis indicabitur, *d. §. si impossibilis.* Gajus *l. ult. §. si inter, hoc tit.* casum proponit, quo etiam stipulatio hæc Romæ facta, *Hodie Carthagine dare spondes?* valere potest, nempe si tam stipulator, quam promissor ante aliquod tempus suo quisque dispensatori notum fecerit, in eum diem futuram stipulationem, addito mandato ut alter daret, alter acciperet.

TEXTUS.

De conditione ad tempus præsens vel præteritum relata.

6. Conditiones, quæ ad præsens vel præteritum tempus referuntur, aut statim infirmant obligationem, aut omnino non differunt: veluti, Si Titius consul fuit: vel Si Mævius vivit, dare spondes? Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa, non morantur obligationem, licet apud nos incerta sint.

NOTÆ.

6. AD PRÆSENS VEL PRÆTERIT. TEMPUS] Conditiones ad præsens vel præteritum tempus relatæ vera conditiones non sunt, sed tantum *κατὰ τὸ*

ἀλη-

ἀγὰρ & figura verborum, l. 37. & 39. de reb. cred. l. 120. h. t.

NIHIL VALET STIPULATIO] Ex his verbis intelligitur, quomodo accipiendum, quod modo dixit, *statim infirmans obligationem*.

LICET APUD NOS INCERTA] Dummodo jam sint aut præterierint; ut si non à nobis, saltem ab aliis sciuntur, l. 38. de reb. cred. Nam in futuris, quæ & ipsa in rerum natura certa sunt, non rerum naturam, sed nostram intuemur incertam, l. 21. §. ult. de judic. quia futura nulli mortalium cognita Demosth. orat. de Rhod. lib. ἀδελον τὸ μέλλον ἀπὸ παντὶ ἀνθρώπου.

COMMENTARIUS.

In futuris inscientiam nostram inspicere, non rerum naturam; in presentibus & præteritis contra.

Conditionis proprium est, rem in aliquem casum, id est, in incertum eventum differre, §. 4. sup. Id autem fit, cum oratio in futurum confertur, non cum in tempus præsens aut præteritum; nam futura tantum incerta sunt; præsentia & præterita certa, etsi contrahentes varietatem ignorent. Et ideo placuit, sermonem ad præsens vel præteritum tempus relatum vim conditionis non habere; veluti, si quis dixerit, *Si Rex Parthorum vicerit, Si Cæsar victoria potitus est*. Sed in proposito aut statim obligationem perimi, aut omnino non differri. Perimi, si ita non sit, si Rex Parthorum non vivit, Cæsar non vicit: non differri, si ita sit, l. conditio 100. l. si ita 120. hoc tit. l. cum ad 37. cum 2. seqq. de reb. cred.

Conditiones, quæ ad præsens] Hæ orationes, *Si Titius consul factus, Si Marcus vicerit*, & similes, quæ ad præteritum aut præsens tempus referuntur, vi & potestate conditiones non sunt; quoniam obligationem non differunt, sed efficiunt, ut statim aut nihil debeatur, aut pure debeatur: nihil, si falsæ; pure, si veræ. Pugnant autem, pure deberi, & sub conditione. Appellantur tamen & ipsæ conditiones, quia figura & conceptione verborum tales sunt, ut significatur in l. Cornelius 69. de har. inst. l. itaque 39. de reb. cred. Licet ibi itaque hic uti eadem distinctione, qua Logici utuntur in relatis, ut dicamus, esse quasdam conditiones secundum esse, quæ scilicet vere tales sunt, & obligationem suspendunt, cujusmodi sunt, quæ in futurum confertur; quasdam secundum dici, quæ figuram duntaxat conditionis habent, vim & potestatem non obtinent, quales sunt, quæ ad præsens aut præteritum tempus referuntur: eodemque numero illæ quoque habendæ, quas certum est exituras esse, veluti si quis stipuletur sibi dari, *Si Titius morietur*, l. 9. §. 1. de no. cat. l. 17. cum seq. de cond. ind.

Aut statim infirmans obligationem] Modestinus, l. conditio 100. perimunt. Quod abusive dici constat. Nam si rem spectamus, falsum, id est, cum obligatio perimi non possit, quæ nulla est. Sed cum ignorantiam nostram spectamus, videtur obligatio suspendi, quia apud nos in suspensio est, utrum conditio extiterit, nec ne; cujus ipsius ignorantia ratione dicitur obligatio perimi aut infirmari, cum apud nos certum esse incipit, conditionem esse falsam.

Nihil valet stipulatio] Quod modo dixit, statim infirmari obligationem, id quomodo accipiendum sit, ex his verbis intelligitur, nimirum si hæc conditio, *Si Marcus viderit*, falsa sit, statim nihil valere stipulationem, seu obligationem non tenere, l. 37. de reb. cred.

Quæ per rerum naturam certa sunt] Dummodo jam sint aut præterierint, ut etiam ab hominibus, licet non omnibus, sciuntur, l. resciendum 38. de reb. cred. Unde apparet, non recte cum casu hic proposito comparari casum, sed et si 28. §. ult. de judic. & l. 3. si pars har. per. Nam quod in utero est, adhuc futurum est, ac nemo hominum scire potest, unusne, an plures, & quot in utero sint, & an nascituri sint: ut merito in eo inscientiam nostram intueri debeamus, non rerum naturam, cui alioqui etiam certa, quæ futura sunt, d. l. 28. §. ult. de judic. quanquam in specie illic proposita variasse Jurisconsultos, constat ex l. cum quidam 30. §. suum 6. de acq. har. & distingui etiam potest inter obligationem seu jus petitoris, quod ex eventu ejus rei, quæ in conditione est, solum pendet, de quo hic queritur; & petitionem, quæ in judicio instituitur, & probationem etiam ejus, quod accidisse dicimus, desiderat, de qua agitur in d. l. 28. §. ult. de judic. Nam & in terminis hujus §. si ad judicem itum fuerit, quamdiu is ignorat, vivatne verbi gratia Marcius, necne, sententiam secundum petitem aut promissorem ferre non poterit, licet per se verum sit & certum, valere aut non valere stipulationem. Nec tamen ideo Hotomanno assentior, qui putat, hujuscemodi stipulationem, *Si Marcus vicerit, dare spondes*? quamvis id per se verum sit, non pro pura habendam esse, sed pro concepta in diem. Puram enim eam esse ostendit hic locus, & l. conditio 100. hoc tit. siquidem pura dicenda est, quæ obligationem omnino non differt, id est, cujus dies & cessit & venit, l. cedere diem, de verb. sign. ac proinde si stipulator statim ex tali stipulatione agat, non repellatur exceptione, nec causa cadet, aut tempus ei duplicabitur, quasi perperam agat, & plus tempore petat: sed petenti terminus ad probandum à judice dabitur, ut recte *Joan. Faber* hic.

TEXTUS.

Quæ in stipulatum deducuntur.

7. Non solum res in stipulatum deduci possunt, sed etiam facta; ut si stipulemur aliquid fieri, vel non fieri. Et in hujusmodi stipulationibus optimum erit pœnam subicere, ne quantitas stipulationis incerto sit. Itaque si quis, ut fiat aliquid, stipuletur, ita adjici pœna debet, si ita factum non erit, pœnæ nomine decem aureos dare spondes? Sed si quædam fieri quædam non fieri, una eademque conceptione stipuletur quis, clausula huiusmodi erit adjicienda, si adversus ea factum erit, sive quid ita factum non fuerit, tunc pœnæ nomine decem aureos dare spondes?

NOTÆ.

7. SED ETIAM FACTA] *l. 2. pr. eod.* In facto consistere stipulatio dicitur, non tantum cum quid fieri cavetur, sed etiam cum non fieri, *d. l. 2. §. pen.* quanquam interdum distinguuntur, *l. 75. §. 7. eod.* Illa committitur exacto tempore, intra quod fieri poterat & debebat, quod promissum est, *l. 14. l. 72. l. 84. eod.* hæc, si quid factum sit contra quam cautum fuit, *d. l. 2. §. pen. l. 4. eod.*

OPTIMUM ERIT] Quia difficilis est incertæ rei æstinatio. Sen. 3. de ben. 6.

NE QUANTITAS STIPULATIONIS INCERTO] Cum quid fieri stipulamur, incertum stipulamur, *dict. l. 75. §. 7.* Ratio est, quia id in stipulationem venit, quod stipulatoris interest. *l. 68. l. 72. eod. l. 13. in fin. de re jud.* hoc autem est incertum, quoniam non in jure, sed in facto consistit, *l. 24. de reg. jur.* utpote continens id, quod nobis abest, quodque lucrari potuimus, *l. 13. rat. rem hab.* quod totum incertum ac probatu difficile. Huic autem incommodo occurri potest subjecta stipulatione pœnæ, *l. ult. de stip. prat.*

COMMENTARIUS.

1. Cum quid fieri stipulamur, cur incertum stipulari videamur.

2. In facti obligatione nunquam factum ita versum

ri, ut peti possit, sed id quod interest duntaxat.

3. Facta hic intelligenda nuda & simplicia, non qua in rei alicujus præstatione consistunt: tum quid hic juris hodie.

4. Id quod interest, incertum esse, & qua ratione.

5. Pœna stipulatione incertitudini obligationis occurrat.

6. An per subjectam pœnalem stipulationem præcedens noceatur obligatio.

INSIGNIS hic locus est propter stipulationes & obligationes faciendi. Non res tantum, sed etiam facta in stipulationem deduci posse constat: unde quædam stipulationes in dando, quædam in faciendo consistere dicuntur, *l. 2. hoc tit.* Cum quid fieri stipulamur, incertum stipulari videtur, *l. ubi 75. §. qui 7. eod.* non utique ob id tantum, quod priusquam quid fiat, incertum est, an fiat, aut si sit; incertum quale sit: sed multo magis, quia si promissor non faciat, per moram tacita quædam potestate juris inducitur novatio & obligatio in id quod interest, ejus quantitas est incerta, *l. si pœnam 68. eod.* & ideo utile est, stipulationi faciendi pœnam subicere: quod hic monet Justinianus, & Venulejus. *l. ult. de prat. stip.* Sed quoniam in hunc locum incidimus, age paulo plenius eum explicemus. In obligationibus faciendi ita jus est, ut licet ab initio & quamdiu fieri potest, quod promissum est, factum in obligatione versetur, unde etiam obligatio faciendi dicta; tamen nunquam ita, ut id peti possit: quippe ex stipulatione faciendi placet non ante agi posse, quam tempus illud præterierit, intra quod fieri debuit, & potuit; quod promissum est: sed eatenus tantum, ut promissor præstando quod promissit, liberetur. Postquam autem transit tempus, intra quod fieri poterat quod promissum est, exinde contineri incipit, solidumque deberi, id quod interest, *l. 14. l. stipulationes 72. l. si insulam 84. l. si quis 112. §. ult. hoc tit. l. 13. in fin. de re jud.* ut tamen quamdiu lis nondum contestata est, placeat promissorem, paratum præstare quod promissit, adhuc audiendum esse, & faciendi liberari, *d. l. si insulam*, nam hic etiam locum habet, quod de emendatione moræ à Celso adolescente scriptum memorat Ulpianus *l. si servus 91. §. 3. h. tit.* facultatem offerendi moræ amissam summo jure, ex bono & æquo recipi moræ purgatione. Cæterum ex factis ea tantum huc pertinere arbitror, quæ nuda sunt & simplicia, seu quæ in meris faciendi finibus consistunt, operamque hominis & membrorum corporis desiderant; qualia sunt, *Romam ire, tabulam pingere, insulam adificare, fossam fodere*; cujusmodi in hac disputatione exemplis etiam veteres utuntur. Hæc facta, inquam, hætenus tantum in obligatione

ligatione esse intelliguntur, ut faciendo debitor liberetur; peti nunquam possunt, sed id solum, quod interest; neque id statim, sed tum demum, cum transierit tempus, quo potuit fieri, quod promissum est. At si factum, quod in conventionem deductum est, in rei alicujus præstatione consistat, sive ad dationem, dominiæ aut juris alicujus translationem ordinetur, id magis pro datione, quam pro facto habendum putato, arg. *l. in conventionalibus* 52. §. 1. *hoc tit.* & rem ipsam, ad quam principaliter respicitur, peti posse. Neque enim dubitandum, quin si ex causa venditionis stipulatus sim rem mihi tradi, eam ipsam rem petere possim, *l. 11. §. 2. de act. empr.* Utrum autem ut hoc casu res peti potest, ita & præcisè præstanda sit, an solutione ejus, quod petitoris interest, liceat defungi, alibi fortassis tractabitur. In præsentia satis est nos scire, de quo genere factorum hic agatur, nimirum de nudis & puris, quæ extorquere ab invitis species quædam servitutis videatur. *Duar. in d. l. stipulationes* 72. *hoc tit.* Atque hæc communis quoque DD. sententia est, *vid. Christin. vol. 1. decis. 323.* Nostro hodierno jure in omnibus faciendi obligationibus promissorem præcisè cogi ad facti præstationem, tradit *Groen. 66. de legib. abrog. ad l. 13. de re jud. per. art. 276. & seq. Instr. sup. Cur. Holl. art. 14. & seqq. ampl. Instr. Cur. proxim.* Et sanè probant hi textus, posse factum in petitionem & condemnationem deduci, quin & facere recusantem in custodia aliquamdiu detineri; quod à Ratione juris Rom. alienum videtur. Utique tamen quia factum invito extorqueri non potest, si contumax esse perseveret, recurrendum tandem erit ad facti æstimationem: quod & iisdem locis expressum est.

Vel non fieri] Stipulatio in facto esse etiam illa dicitur, quæ continet, quod est in non faciendo; veluti, *Per te non fieri, quominus mihi ire agere liceat.* &c. *l. 2. §. pen. hoc tit.* quanquam hæc alibi, ut opposita, distinguuntur, *l. ubi. 75. §. quid 7. eod.* Hujusmodi vero stipulationes nunquam aliter committuntur, quam si quid factum sit contra quam tantum est, *d. l. 2. §. pen. l. 4. §. Cato. eod.* & ideo necesse est committi in id, quod interest: siquidem ejus, quod jam factum est, nomine nihil peti potest, nisi id, quod ob id factum abest stipulatori: id autem est, id, quod ejus interest, contra factum non fuisse.

Optimum erit pœnam subjicere] Stipulatio faciendi incerta est: quæ incertitudo cum non levia habeat incommoda, quo pacto ea incommoda vitari possint, utile visum est Imperatori hic monere. Incerta est hæc stipulatio, quia id in stipulationem venit, quod stipulatoris interest. Ratio reddita à Paulo in *l. stipulam* 68. *hoc tit.* Venire id quod interest & stipulatione faciendi contineri, satis antea probatum

est: quare hoc pro confesso nunc sumimus. At quomodo hæc ratione efficitur, ut stipulatio sit incerta? nimirum quia id ipsam quod interest, est incertum, *l. ult. si quis in jus voc.* quod etiam Paulus *d. l. 68.* vult intelligi. Est vero id quod interest incertum duplici ratione, ab eventu ipsius rei, & à probatione. Prior incertitudo indicatur definitione ejus quod interest. Sic enim definitur, ut sit, quod nobis abest, quodque lucrari potuimus, *l. si comm. 13. rat. rem. hab.* Ut ergo quid nostra intersit, hinc pender, si quid amisimus ob id, quod factum non est quod fieri debuit; aut si quid lucrari potuimus, si factum esset quod promissum est, quod quia factum non est, lucrati non sumus: totum vero hoc incertum est, quid hic amittamus aut lucremur; fierique potest, ut si non fiat quod promissum est, alias plus, alias minus amittimus, interdum etiam ut nihil: secundum quæ eadem quoque ejus, quod interest, æstimatio facienda: *l. si quis 13. in pr. de re jud. l. si quis stipulatus* 112. §. 1. *hoc tit.* Inde dictum, quatenus cuiusque intersit, in facto, non in jure, consistere, *quantum 24. de reg. jur.* Ratione quoque probationis incertum est id, quod interest: neque enim facile probatu est, habuisse nos aliquid & propter cessationem aut factum promissoris amisisse: item nos aliquid lucrari facere potuisse, si factum esset quod debuit, & quia factum non sit, ideo eo lucro nos excidisse. Cum autem id, quod in vero est, probari non potest, illud incommodum sequitur, quod id quod interest, ad minimam summam deducatur, *l. ult. de prat. stipul.* Huic ergo incertitudini atque incommodis si occurrere potest pœnam stipulationi subjiciendo, nemo non fatebitur, optimum esse, si quis ut fiat aliquid stipuletur, pœnam subjicere, ut si ita factum non erit, certa pecunia pœnæ nomine præstetur. Nam pœnæ stipulatio certa est & à re ipsa, & à probatione. A re, quia certa quantitas verbis ipsius stipulationis comprehensa est à probatione, quia non alia hic probatione opus, quam ut de stipulatione doceatur; quæ ipsa se ostendit, quid complectatur. Neque vero hic pœnam promissor effugiet paratus præstare quod interest: nam ex conventionem pœnæ modus statuitur, non ex taxatione ejus quod interest: nec amplius queritur, an & quanti intersit, sed an tantum pœnæ nomine promissum sit, *l. stipulatio* 38. §. *alteri* 17. *hoc tit.* §. *alteri* 18. *inf. de inut. stip.* Verissimum igitur est, quod mox sequitur apud Justinianum, stipulationem pœnæ subjectam stipulationibus faciendi efficere, ne quantitas stipulationis in incerto sit, & ne sit necesse actori probare quod sua intersit. Illud non ineleganter queritur, an per subjectam stipulationem pœnalem præcedens novetur obligatio: quod negamus, per *l. 10. §. 1. de pact. l. ita stipulatus* 115. *in fin. pr. l. qui*

Roma 122. §. 2. *hoc tit. l. si quis 41. cum seq. l. duo 71. pro soc. l. praeia 28. de act. empr.* Idque etiam certi ratione juris efficitur, quoniam poenae adjectione hoc agitur, ut magis incitetur debitor ad praestandum, quod promissit; creditor vero liberetur difficultate probandi ejus, quod sua interest factum suo tempore quod promissum est, non ut agendi, si velit, ex prior obligatione facultas ei adimatur. Atque ut maximè jure veteri interdum novatio contingerit, puta ut vult D. Donell. ad *d. l. ita stipulatus n. 31.* in calu hujus §. cum stipulationi faciendi subijcitur poenalis, per *l. obligationum 44. in fin. de obl. & act.* effectum tamen est constitutione Justiniani, ut non aliter nunc novatio fiat, quam si id nominatim convenierit, *l. ult. C. de novat.* Quamobrem utrumque in proposito debetur, & res aut id quod interest, & poena: quanquam alterum duntaxat peti potest, *l. 4. §. 1. ab eo 7. de dol. mal. exc. l. 10. §. 1. de pact. d. l. da stipulatus 115. hoc tit. l. si profundo 33. C. de transact.* Hoc amplius, qui poenam consecutus est, rectè adhuc petet, quod pluris sua interest, *d. l. praeia de act. empr. l. ult. §. ult. de eo per quem fact. erit, &c.* Quod si coercendo contemptui poena adjecta sit, vel conventioni inserta clausula, *rato manente pacto*, & res ipsa peti poterit, & praeterea poena, *l. si quis 30. de recept. l. 16. de transact. l. cum proponas 17. C. eod. D. Tulden. hicc. 4.* Monendi obiter sumus, stipulationem poenalem adjectam obligationi quantitas praesumi in fraudem usurarum factam, atque improbari quatenus poena legitimum usurarum modum excedit, *l. poenam 44. d. usur. l. cum allegas 15. C. eod. l. 13. §. ibid. 26. de act. empr. ad l. Papon. lib. 12. tit. 9. Charond. lib. 6. resp. 59. Imbert. enchirid. Verb. poena conventionalis.*

Clausula hujusmodi] Qua formula concipienda sit poenalis stipulatio, sive quid fieri stipulemur, sive quid non fieri, sive simul quaedam fieri, quaedam non fieri, ex hoc loco satis perspicuum est: adde tamen *l. cum quid 71. l. continui 137. §. pen. hoc tit.*

TITULUS XVII.

D. lib. 45. t. 2. C. lib. 8. t. 40. Nov. 99.
De duobus reis stipulandi & promittendi.

Continuatio. Reos olim appellatos omnes, quorum de re disceptabatur.



N duobus reis, quos Ulpianus *l. 7. §. 3. de lib. legat.* confesos appellat, si sequeremur regulas juris de iis, qui stipulati sunt, aut promiserunt, non erat, cur de his ageretur separatim. Nunc autem quia in his aliquid singulare est, quod à jure reliquorum stipula-

torum & promissorum longè dissidet, ideo quidnam id esset, proprio titulo exquiritur; quod & factum est in *π. & C.* Reus à re, id est, lite, dictus est, eoque nomine veteres utrumque litigatorem denotabant. Cicero *lib. 2. de orat. Reos appello*, inquit, *non modo eos, qui arguuntur, sed omnes quorum de re disceptatur.* Gallus Aelius apud Festum, *Reus est, qui cum altero litem contestatam habet, sive egit, sive cum eo actum est.* Pomponius *l. 5. de Verb. oblig. Conventionales* (stipulationes) *sunt, quae ex conventionione reorum fiunt.* Et quanquam usu nunc obtinuit, ut is solus, cum quo agitur sive unde petitur, reus dicatur, propter excellentiam scilicet, quia de re ejus praecipue judicio agitur, utpote cui soli imminet periculum condemnationis: tamen verbi proprietatem in quibusdam adhuc retinemus; nec solum reum promittendi, debendi, satisdandi; verum etiam stipulandi, credendi, satis accipiendi, dicimus, ut passim in tit. hujus argumenti.

TEXTUS.

Quibus modis duo rei fieri possunt.

Et stipulandi & promittendi duo pluresve rei fieri possunt. Stipulandi ita, si post omnium interrogationem promissor respondeat, Spondeo, ut puta cum duobus separatim stipulantibus ita promissor respondeat, Utrique vestrum dare spondeo. Nam si prius Titio sponderit, deinde alio interrogante spondeat, alia atque alia erit obligatio, nec creduntur duo rei stipulandi esse. Duo pluresve rei promittendi ita fiunt: Mavi, decem aureos dare spondes? & Sei eosdem decem aureos dare spondes? si respondeant singuli separatim, Spondeo.

NOTÆ.

UTRIQUE VESTRUM DARE SPONDEO] Igitur duo rei stipulandi sunt, qui eandem rem ab eodem in solidum stipulati sunt ea mente, ut quamvis solida singulis, una tamen omnibus debeat, §. *prox.*

SINGULI SEPARATIM SPONDEO] Aut spondemus *l. 4. hoc tit.* Duo ergo rei, promittendi sunt,

sunt, quorum singuli eandem rem eidem stipulanti in solidum promiserunt ea mente, ut quamvis solidum singuli, unum tamen omnes debeant, *l. 2. l. 3. §. 1. eod. & d. §. prox.* Sed hodie duo rei promittendi non sunt, nisi id specialiter actum sit, ut uterque in solidum teneatur, *auth. hoc ita C. hoc it.*

COMMENTARIUS.

- 1 *Duorum reorum stipulandi definitio, ejusque definitionis explicatio.*
- 2 *Duo rei promittendi qui, & in quo discrepent à fidejussoribus.*
- 3 *Orationis distributivæ & alternativæ hanc vim esse, ut cuilibet attribatur in solidum; copulativæ non item.*
- 4 *Jure nostrissimo non aliter duos reos debendi fieri, quam si id specialiter actum.*

ET stipulandi & promittendi] Qui stipulatur, reus stipulandi dicitur; qui promittit, reus promittendi, *l. 1. hoc titul.* Itaque reus stipulandi idem est, qui stipulator; reus promittendi, qui suo nomine alteri quid promittit. Ceterum ut duo rei fiant conjunctas eodem tempore aut modico intervallo stipulationes esse oportet, *l. 6. §. ultim. l. 12. pr. hoc tit.*

Stipulandi ita] Duos reos stipulandi hoc modo recte definierimus, qui eandem rem ab eodem in solidum stipulati sunt ea mente, ut quamvis solida singulis, una tamen omnibus debeatur. Etenim ut duo rei stipulandi fiant, hæc omnia concurrere oportet, ut uterque rem unam atque eandem stipuletur ut ab eodem, ut in solidum, ut ea mente, ut una utrique debeatur. Et igitur si res diversæ à duobus in stipulationem deductæ fuerint, si ve unam quidem rem singuli stipulentur, sed alter verbi causa à Sejo, alter à Sempronio; vel uterque ab eodem, sed ejus rei partes, non solidum; vel solidum, sed non ea mente, ut una res singulis debeatur, sed alteri puta res ipsa, alteri rei æstimatio: duo rei stipulandi non erunt, *hoc text. & §. seq. l. 2. l. 9. §. 1. & 2. l. 15. eod. l. 3. C. eod.*

Nam si primus Titio] Hoc tamen non ita præcisè accipiendum est, quasi duo rei stipulandi ita nunquam constitui intelligantur; cum singulis separatim interrogantibus promissor etiam separatim responderet: nam utique si hoc actum appareat, ut rei stipulandi fiant, quominus fiant, non putarem obitare hanc respondendi formam: sicut ex converso non obstat, quominus duo rei promittendi fiant, si hoc actum sit, quod singuli separatim rogati sunt & sponderunt, *l. 3. in fin. h. r.*

Duo rei promittendi] Vel ex definitione duorum reorum stipulandi intelligi potest, quinam sint & dicantur duo rei promittendi, nimirum quorum sin-

guli eandem rem eidem stipulanti in solidum promiserunt, ea mente, ut quamvis solidum singuli, unum tamen omnes debeant, *l. 2. l. 3. §. 1. hoc tit. §. 1. inf. eod.* Unum amplius hic exigimus, ut qui ita promittunt, promittant principaliter, quo correus distinguatur à fidejussore. Illud tenendum est, ad constitutionem duorum reorum non esse necesse, nominatum adjici, ut correi sint, aut ut solidum singulis debeatur, singulive solidum debeant; sed id ex forma etiam ipsius stipulationis æstimari: argumento est cum hic textus & *l. 3. & l. 4. eod.* tum quod aliqui frustra quaeretur, quod non semel quaeritur, an & quando duo rei constituti videantur. Finge, duos hoc modo stipulatos esse, *Cuilibet, vel utrique nostrum dare spondes?* aut *Quilibet vel uterque vestrum dabit?* Dicam, duorum reorum contrariam obligationem. Hæc enim vis est distributivæ, ut cuilibet attribuat actum in solidum, eadem nimirum, quæ & alternativæ, *l. 8. §. 1. de legat. 1.* Copulativa vero per se eam vim non habet. Unde si duo conjunctim decem stipulati sint, aut promiserint, singulis partes viriles debebuntur, aut singuli debebunt, nisi repetitum sit *eadem decem, hoc text. & l. 2. eod.* aut nominatim cautum, ut duo rei sint, seu ut singulis solidum debeatur, aut singuli solidum debeant, *l. 11. §. 1. & 2. eod.* Planè post constitutionem Justiniani *No. 99. cap. 1.* unde *auth. hoc ita C. hoc tit.* non aliter duo rei debendi (de correis credendi nihil novi constitutum) facti intelliguntur, quam si id specialiter actum sit, ut uterque in solidum teneretur: quod ideo fortassis Imperator constituit, quoniam ex sola verborum figura hanc rem discerni periculosum existimavit. *Gudelin. 3. de jur. nostriss. c. 11. & lib. 4. c. 7. Christm. Sel. 5. decis. 113. Gail. obs. 28. n. 6.*

TEXTUS.

De effectu hujuscemodi stipulationum.

1. *Ex hujusmodi obligationibus & stipulationibus solidum singulis debetur, & promittentes singuli in solidum tenentur. In utraque tamen obligatione una res vertitur: & vel alter debitum accipiendo, vel alter solvendo omnium perimit obligationem; & omnes liberat.*

NOTÆ.

1. **ET STIPULATIONIBUS**] Cujac. & Hotom., *stipulationibus*. Th. *καὶ τῶν ἐντεταμένων ἐκείνων* τῶν

ὁ ἀλλήλων ἐφ' ἑαυτῶν, & stipulantium singulis solidum debetur. Rectè.

VEL ALTER SOLVENDO] l. 3. in fin. h. t. vel acceptum rogando, d. l. 2. l. 16. de accept. novando seu alium debitorem dando, per l. 20. ad SC. Vell. jurando, l. 28. de jurei. non autem paciscendo: nisi aut socii sint, aut nominatim alter alteri quoque paciscatur, l. 21. §. ult. & 4. ll. seqq. de pact.

COMMENTARIUS.

- 1 Jure novissimo correis debendi competere beneficium divisionis. In foro tamen mercatorum hoc non observari.
- 2 Non solum solutione uni ex duobus reis credendi facta, sed etiam quodvis alio modo, qui vice solutionis sit, promissore ab uno liberato, totam tolli obligationem.
- 3 Uno ex duobus reis promittendi solvendo, acceptum ferendo, &c. omnes liberari: tum alia non protrita.
- 4 An correus, qui totum solvit, eo nomine adversus ceteros actionem habeat.

IN causa plurium reorum eisi respectu personarum, quæ plures sunt, plures quoque stipulationes & obligationes videri possunt, hoc text. l. 13. eod. tamen quoad rem in stipulatum deductam ac promissam, vique ipsa ac potestate, una est eademque & simplex obligatio, quæ in singulis in solidum activè & passivè consistit. Unde existunt duo obligationis duorum reorum propria, quæ hoc §. commemorantur.

Solidum singulis debetur, & singuli in solidum] Hoc primum est hujus obligationis proprium, quod & singulis reorum stipulandi solidum debetur, & singuli reorum promittendi solidum debent: ac proinde illi singuli solidum exigere, & hi singuli in solidum conveniri possunt, l. 2. l. 3. §. 1. hoc. tit. l. si rem 31. §. 1. de novat. Ceterum circa reos promittendi novella Justiniani constitutione de re promitt. 99. vetus jus hæcenus mutatum videtur, ut jam unus ex duobus debendi reis in solidum à creditore conventus petere possit, uti divisa actione pro parte tantum conveniatur, neque aliter cum effectu cum eo agi possit, quam si correus ejus vel absens sit, vel non solvendo, aut ille beneficio divisionis renuntiaverit. Sententia communis usque forensi recepta. Myns. Schneid. & hic. Gomez & Car. resol. 2. cap. 12. num. 1. Gail. 2. observ. 14. num. 5. Sichard. in l. 2. C. hoc tit. num. 5. Gudelm. & Christin. ubi supra. Grot. 3. introduct. 3. Moller. 5. semestr. 62. Ubi post Jafon. & Joan. Ronchegall. excipit, correos debendi testamento constitutos. Sunt tamen nonnulli ex recentioribus, qui putant, de Novell. perperam intel-

lectam, atque ab Imerio auth. hoc. ita C. hoc titul. positam esse alieno loco: non enim de correis debendi in d. Novell. agi, sed de mutuis fidejussoribus, quibus jure veteri beneficium divisionis, quod ceteri fidejussores habent, non competebat, l. 11. princ. eodem. Argumento utuntur inscriptione Græca, αἱ ἀλληλεγγύαι, qua voce non duo rei, sed mutui fidejussores significantur. Ego verum cum Cujacio existimo, eodem nomine à Græcis appellatos esse & correos simplices, eo quod & ipsi conditione obligationis quidam quasi fidejussores esse videantur, l. 1. vir uxori 17. §. ultim. ad sen. Vell. quod & Constantinus observavit in Lexico, & sententia ipsius Novellæ non obscurè confirmat. Planè, secundum generalem consuetudinem Antvverpiæ inter mercatores observatam, d. Novell. locum non habet in foro mercatorum, sed potest creditor alterum ex duobus reis in solidum convenire, & ad solutionem totius constringere. Decisione 49. Curia Hollandia.

Vel alter debitum accipiendo, vel alter solvendo] Alter reorum stipulandi accipiendo, alter reorum promittendi solvendo: quibus verbis breviter indicatur jus singulorum id obligatione tollenda, quod est alterum in hac obligatione singulare. Sed operæ pretium est, paulo latius ad hanc rem proponi, & in utroque reorum genere, quale id jus sit, separatim exquiri. Duobus reis stipulandi hoc in summa hic tributum est, ut singulis eorum jus sit, promissorem liberare; & liberare quibuscunque modis creditor, cui aliquid debetur, debitorem tuum potest. Et igitur si uni pecunia soluta sit, ex hac causâ promissor ab altero quoque hac obligatione liberabitur, hoc text. Sed & citra solutionem quicumque modi sunt, quibus actio aut ipso jure tollitur, aut per exceptionem submovetur, modo vim solutionis habeat, si quo ex his unus promissorem liberaverit, non à se tantum eum liberabit, sed à cæteris quoque, totamque tollit obligationem: veluti si promissori acceptum tulerit, l. 2. hoc tit. si novandi animo alium reum ab eo acceperit, l. si rem 31. §. 1. de novat. idemque est, si jusjurandum tulerit, l. in duobus 28. princ. de jurejurand. nam & jusjurandum loco solutionis cedit, l. jusjurandum 27. eodem titul. item si unus pecuniam sibi à promissore oblatam sine justa causa accipere recusavit, eaque postea sine culpa promissoris perditâ sit: per l. qui decem 72. princip. de solut. Paciscendo vero ne à promissore petat, correo non nocet; quoniam pacto non operatur ultra personas, inter quas interpositum est, nec remissio quicquam commune habet cum exactione, l. si unus 27. in fin. pr. junct. §. 4. vers. ante omnia de pact. His porro consequens est, quod traditur, l. 2. hoc tit. etiam unus ex reis stipulandi petitione totam tolli obligationem: quod sic explicatur in d. l. 31. §. 1. de novat. unum judi-

judicio petentem totam rem in litem deducere : & apertius in *l. 11. §. si e Senit 21. de legat. 3* unum ex pluribus reis credendi agendo occupare & totum consequi : ut proinde necesse sit jus alterius consumi. Hinc responsum est, si unus ex duobus reis stipulandi semel egerit, alteri promissorem offerendo, pecuniam nihil agere, *l. ex duobus 16. hoc tit.* Ex contrario quoque sic jus est in duobus reis promittendi, ut unus solvendo alteri proffit, *hoc text. l. 3. in fin. epd.*

- 3 Proinde & acceptum rogando, *l. 2. eod. l. si ex pluribus 16. de accept.* item novando seu alium debitorem dando, per *l. si pro uno 20. ad sen. Vell. ubi Cujac. 8. ad African.* & jurando, *l. in duobus 28. de jurejurand.* Non autem paciscendo, nisi forte paciscentis interfit, puta propter communionem, quia focii sunt, aut si nominatim quoque correo suo paciscatur *l. & haredi. 21. §. ultim. cum 4. ll. seqq. de pact.* Sed nec adversus unum ex correis debendi instituta petitione alter liberatur, utique post constitutionem Justiniani, *l. ultim. C. de fidejuss.* nam inter veteres de hac re non convenisse in eadem constitutione, cum Justinianus indicat, tum arguunt hi loci, *l. 1. §. si e apud 43. de pos. l. 8. §. 1. de legat. 1. l. amissi. §. 2. §. ultim. de fidejuss. l. reos C. eodem collati cum l. decem 116. illic, non enim sunt duo rei, de verb. oblig. l. si per imprudentiam 51. §. ultim. de eisd.* Illud semper constitit, unum ex reis promittendi non posse ex alterius persona compensationem objicere, *l. 10. hoc tit.* neque moram unius alteri nocere, *l. mora 32. §. ult. de usur.* id est, non efficere, quominus re postea perempta & teneatur, qui moram fecit, & liberetur, qui non fecit : quæ fusius explicantur ad D. Donello ad *tit. C. de duob. reis cap. 7. & 2. seqq.* Quid si unus ex pluribus debendi reis conventus integrum debitum creditori exsolvat, habebitne eo nomine adversus ceteros actionem? Si meram strictamque juris rationem sequimur, non habebit; etiam si ad solos correos totum creditum pervenerit, nisi creditor, quod facere cogitur, offerenti solutionem actiones suas cesserit : de quo consule Sichard, in *l. si divisio 13. C. locat.* Cæterum æquius & benignius est, ei qui ita solvit, etiam citra cessionem in correos actionem (subsidiariam negotiorum gestorum) accommodari, vel in solidum, si nihil ad eum pervenit, vel pro ea parte, quæ ad alios pervenit, *l. 2. C. hoc tit.* Ita visum interpretibus communiter, & sæpè judicatum est, testibus *Ant. Fabro C. suo hoc tit. defin. 1. Christin. Sol. 3. decis. 114. & Sol. 4. decis. 178.* contra quam tamen sententiam disputat idem *Ant. Faber. 11. conject. 6. & seqq.* Sanè *a. l. 2.* commodè accipi potest de correis focii, eo quod pecunia dicitur communiter mutuo accepta. Ex converso, an unus ex reis stipulandi, qui totum exegit, partem cum altero communicare cogatur, tractat *Bart. in l. reos 11. hoc tit. n.*

9. *Wesemb. parat. cod. n. 7.* Concludunt autem, non cogi, nisi vel focii sint, vel ita convenerit, vel natura obligationis & rei id ferat, *arg. d. l. 11. hoc tit. l. in lege 62. ad leg. Falcid. l. qui hominem 34. §. 1. de solut.*

T E X T U S.

De stipulatione pura, & de die & conditione.

2. *Ex duobus reis promittendi, alius purè, alius in diem, vel sub conditione, obligari potest : nec impedimento erit dies aut conditio, quo minus ab eo, qui purè obligatus est, petatur.*

N O T A.

2. *Vel sub conditione obligari potest*] Dummodo eadem res sit in cujusque persona, & causa eadem, *l. 9. §. 1. l. 15. eod.* ut tempus idem sit aut locus solutionis, non est necesse, *l. 7. d. l. 9. §. ultim. eod.* Obiter nota duos reos credendi & debendi etiam aliis contractibus constitui posse, denique & testamento, *d. l. 9. præc. l. 1. §. 43. & 44. de pos. l. 8. §. 1. de leg. 1. l. 5. C. si cerr. per.*

C O M M E N T A R I U S.

- 1 *Imparis causa susceptionem impedire duorum reorum obligationem : at quæ in modo, tempore, loco imparitas est, non impedire.*
- 2 *Duos reos credendi aut debendi etiam citra stipulationem constitui posse.*

DUO rei debendi ita constitui non possunt, ut res diversæ in eorum obligatione versentur, *l. si id 15. hoc tit.* nec ita ut imparem unius ejusdemque rei obligationem suscipiant, aut potius imparem causam, puta ut alter culpam præstet, alter non præstet, *l. 9. §. 1. eod.* At vero ut eodem modo uterque obligetur, necesse non est : sed potest alius purè, alius in diem vel sub conditione obligari, ut ex Florentino *l. 7. eod.* hic refert Justinianus. Nimirum ubi impar causa suscipitur, imparitas obligationis perpetuo durat : quæ vero à modo & tempore est imparitas, ea veniente die aut existente conditione tollitur, atque ita obligatio reduci potest ad paritatem : ita *Joan. Fab. & Cautiunc. hic.* Sed nec loci solutionis diversitas impedit, quo minus duorum rerum contracta obligatio & par ab utroque causa suscepta intelligatur, *d. l. 9. §. ult.* Obiter monendi sumus, duos reos credendi aut debendi non tantum verbis stipulationis constitui, quanquam id usitatus est, sed aliis quo-

quoque contractibus, & denique etiam testamento. Credendi, veluti, si duo eandem rem deponant, aut commodent, aut decem dent mutuo hac lege, ut is qui accipit, eorum singulis in solidum obligetur: quod in deposito indicat *Ulpian. l. 1. §. sed si duo 44. depos.* Testamento, si testator eandem rem eandemve summam duobus leget disjunctim, hoc modo, *Titio vel Maevio decem dato, arg. l. 8. §. 1. de legat. 1.* Debendi, veluti, si quis eandem rem apud duos deposuerit, utriusque fidem in solidum secutus; vel eandem rem duobus similiter commodaverit, *d. l. 9. in pr. hoc tit. in l. 1. §. si apud 43. depos.* Sic etiam ejusdem pecuniae mutuo datæ plures rei debendi fiunt, si omnes se constituent ejus pecuniae debitores, *l. 5. C. si cert. per. & testamento*, si ita scriptum sit, *L. Titius haeres meus, aut Maevius haeres meus, decem Sejo dato, d. l. 8. §. 1. de legat. 1.* nam exemplum, quo Papinianus utitur *d. l. 9. in fin. pr. hoc tit.* huc non pertinet, nisi eo casu, quo aperte testator voluit, ut singuli haeredes solidum debeant; quod ex initio ejus loci intelligitur, *add. Dom. ad hunc tit. c. 12.*

TITULUS XVIII.

D. lib. 45. t. 3.

De stipulatione Servorum.

TEXTUS.

An servus stipulari possit.

Servus ex persona domini jus stipulandi habet. Sed & hereditas in plerisque persona defuncti vicem sustinet: ideoque quod servus hereditarius ante aditam hereditatem stipulatur, acquirit hereditati, ac per hoc etiam herediposte facto acquiritur.

NOTÆ.

EX PERSONA DOMINI.] Servi jure civili pro nullis habentur, *l. 32. de reg. jur.* & quasi non sint, *l. propter. eod. Theod. Hermopol. lib. 7. tit. 6. οὐδ' αὖ πῶς πῶς νόμοις ἀποδυνάμει ἐστὶν τῶν ἐν δόξει ἔχειν, ἢ ὑπὸ τῶν.* Ceterum ex persona dominorum *χαρξαμελίζονται*, ut ait Theoph. id est, personantur, ut Gloss. Gr. Lat. Hinc est, quod etiam cum servis testamenti factio est, *l. 31. de her. inst. & sup. eod. tit.* & quod jus stipulandi habent, ut hic.

PERSONAE DEFUNCTI VICEM.] *l. 34. l. 61. de acq. rer. dom. & sup. §. 2. de her. inst.*

COMMENTARIUS.

Quod à servo aut cum servo gestum est, id ex persona servi valere jus civile non patitur: quippe quo jure servi pro nullis habentur, *l. quod attinet 32. de reg. jur.* Sed tamen ex persona dominorum astantur: quod eleganter Theophilus his verbis Græcè expressit, *Οἱ οὐκ ἔχουσιν ἀποδοῦναι ὅτις ἐν τῷ νόμῳ οὐκ ἔστιν ἀποδοῦναι χαρξαμελίζονται.* Ex quo est, quod etiam cum servis testamenti factio sit, ut & haeredes institui & legatum iis relinqui possit: de quo non uno loco *lib. 2. item quod jus stipulandi habent*, ut ex eorum stipulatione obligatio & actio domino acquiritur, perinde ac si ipse sibi stipulatus esset, & vox servi vox domini sit, sicut vox filii vox patris, *§. si quis 4. & §. post mortem 12. inf. de inur. stip.* Quæ tamen res non impedit, quominus inter servum, & qui cum eo contrahit, nascatur obligatio naturalis, *l. 4. de obl. & act.*

Hereditas in plerisque persona defuncti vicem.] Quoniam dixit, servum ex persona domini jus stipulandi habere, videri poterat, servum hereditarium inutiliter stipulari, utpote qui dominum non habet. Huic igitur objectioni occurrens ait, hereditatem jacentem personæ vicem sustinere & interim pro domino esse: quod etiam identidem à veteribus traditum est, *l. 13. §. 1. ad leg. Aquil. l. 15. de interr. in jure fac. l. mortuo 22. de fidejuss. l. hereditas 34. l. hereditas 61. de acq. rer. dom.* Ait, persona defuncti vicem sustinet, ut etiam supra *§. 2. de hered. inst.* & diserte Jurisconsulti in *l. non minus 31. §. 1. de hered. inst. l. in eo 33. in fin. & l. seq. de acq. rer. dom.* Pomponius tamen contra scripsit, hereditatem personam sustinere heredis, *l. noctatio 24. de noctat.* Sed hanc pugnam alibi tollimus sub *d. §. 2. de hered. inst.* Ait, in plerisque: nimirum quia quædam sunt, in quibus hereditas vice personæ fungi non potest, quæ proinde nec hereditati per servum hereditarium acquiri queunt: qualia sunt, quæ factum operamve personæ desiderant: hæc enim constat in rem inanimem, qualis est hereditas, non cadere. Hujus generis res est hereditas: et si enim servus hereditarius rectè hæres instituitur, tamen quia sine jussu domini hereditatem adeundo nihil agit, hæres expectandus est, *l. 10. §. 1. d. l. 61. de acquir. rer. dom.* Ejusdem generis est usufructus: usufructus consistere non potest, nisi sit persona, quæ fruatur, *d. l. 61. §. 2. quand. dies usus. leg.* & ideo servus hereditarius inutiliter usufructum stipulatur, *l. usufructus 16. hoc tit.*

TEXTUS.

Cui acquirat. De persona, cui stipulatur. De stipulatione impersonali.

TEXTUS.

1. *Sive autem domino, sive sibi, sive conservo suo, sive impersonaliter servus stipuletur, domino acquirit. Idem juris est & in liberis, qui in potestate patris sunt, ex quibus causis acquirere possunt.*

NOTA.

ET QUIBUS CAUSIS] Repetenda hic est distinctio peculii filiorumfam, tradita & explicata *sup. §. 2. per quas pers.*

COMMENTARIUS.

Servus stipulando domino acquirit, non tantum sibi domino dari stipuletur, verum etiam si sibi aut conservo suo: quinimo etsi impersonaliter seu indefinite non comprehensa persona, puta hoc modo, *Centum dare spondes? l. 1. l. 15. hoc sit.*

In liberis, qui in potestate] Filisfam, ex iis causis, ex quibus patri acquiritur, id est, ex causa profecticii peculii, item adventicii quoad usumfructum, stipulantis, eadem ratio est, quæ servi, patri ut ex his causis acquirat, propter jus scilicet potestatis, quod hæcenus simile herili, *l. stipulatio ista 38. §. si qui 6. & §. alteri 17. l. quodcumque 45. pr. & fin. de Verb. obl. inf. quod cum eo, qui in al. pot. in pr.* Repetenda hic est distinctio peculii filisfam, tradita & explicata *§. 1. sup. per quas pers. cuiq. acq.* Planè, si filius nominatim patri stipuletur, hoc casu etiam ex causa adventicii peculii patri in solidum acquireret: quippe quacumque ex causa ita stipulatur, patri acquirit, non sibi: per se enim sibi acquirere non vult, per patrem non potest. *Dom. ad d. l. 38. §. alteri, 17. n. 25.*

TEXTUS.

De stipulatione facti.

2. *Sed quum factum in stipulatione continebitur, omnimodo persona stipulantis continetur; veluti si servus stipuletur, ut sibi ire agere liceat: ipse enim tantum prohiberi non debet, non etiam dominus ejus.*

COMMENTARIUS.

Proponitur hic per modum exceptionis regulæ initio positæ, quod, cum servus factum in stipulationem deducit, idque (quod subaudiendum esse

exemplum subjectum ostendit) in suam personam confert, in hac stipulatione persona servi, non domini, consideretur. Cæterum revera nihilominus valet & subsistit hæc stipulatio ex persona domini: quippe cui obligatio & facti illius emolumentum quæritur; jusque servum jubendi facere, puta ire agere, pro commodo suo, & cui commissæ stipulatione actio in id, quod sua interest, competit. Itaque dicendum est, hæcenus tantum in hujusmodi stipulatione personam servi spectari, ut ipse solus, non etiam dominus ejus, ex mente promissoris facti illius exercitium habere debeat, *d. l. 38. §. si qui 6. & seq. de Verb. obl.* Atque hoc sensu alibi dictum est, ea quæ facti sunt, non transire ad dominum, *l. qui hæredi 44. pr. de cond. & dem.*

Ire agere liceat] In hac stipulatione non jus, sed factum versatur; ideoque persona servi tantum comprehensa intelligitur, ut is solus ire agere prohiberi non debeat, non etiam dominus ejus, *d. l. 38. §. 6. v. cum servo*, quanquam servus non ibit aget pro arbitrio suo, sed pro domini, cui illa stipulatione jus quæritur servum transmittendi. Quod si servus viam, vel iter, vel actum ad fundum domini stipuletur, etiam si servi, non domini persona comprehensa sit, domino jus eundi agendi acquireret: quoniam ea stipulatione non simplex factum, sed jus servitutis continetur, per *l. 17. hoc sit.*

TEXTUS.

De servo communi.

3. *Servus communis stipulando unicuique dominorum pro portione domini acquirit: nisi jussu unius eorum, aut nominatim alicui eorum stipulatus est: tunc enim soli ei acquiritur. Quod servus communis stipulatur, si alteri ex dominis acquiri non potest, soliaum alteri acquiritur: veluti si res, quam dari stipulatus est, unius domini sit.*

NOTA.

UNIUS DOMINI SIT] Aut si servitutem ad fundum stipuletur, cum unus duntaxat vicinum fundum habeat, *l. 7. in fin. l. 17. eod.*

COMMENTARIUS.

Servus communis sic omnium est, non quasi singulorum totus, sed pro patribus, utique indivisis, ut intellectu magis, quam corpore partes habeant.

Et ideo si quid stipulatur, vel quaque alia ratione acquirit, omnibus acquirit pro ea parte, qua domini sunt, verbi causa, si unus duas partes, alter tertiam duntaxat habeat, illi commodum stipulationis pro duabus partibus acquireretur, hunc pro una, *l. s. l. 7. hoc tit.* Sed tamen non est hoc perpetuum. Nam primum interest, utrum hoc modo servus communis stipuletur, *Dominis meis dare spondes?* an expressis propriis dominorum nominibus ita, *L. Titio & G. Sejo dare spondes?* nam priore quidem stipulatione partes dominicæ debentur, ex posteriore vero viriles. Quoniam dominorum vocabula pro demonstratione habentur, *l. si communis 37. hoc tit.* Sed & tres hi casus hic excipiuntur; si jussu unius ex dominis stipuletur; si uni tantum; si res in stipulationem deducta ad unum tantum pertinere potest: placeatque, his casibus uni illi acquiri in solidum, *d. l. s. cum aliquot seqq. l. 17. l. si ex re 28. §. 3. eod.* Est & quartus casus ejusdem naturæ, si stipuletur ex re unius, *l. si alienus 19. junct. d. l. 28. §. 1. eod.* Extra has causas sive sibi quid dari stipuletur, sive imperpersonaliter, pro partibus dominicis acquirit. Atque hæc etiam *αὐτὸς λόγος* ad eum servum transferenda sunt, in quo plures usumfructum habent; item ad hominem liberum & servum alienum, qui à pluribus bona fide possidentur, quatenus scilicet hi ex causa operarum suarum aut re fructuaria bonæ fidei possessorum stipulantur, *l. 19. cum l. seq. l. 24. l. 32. & l. seq. §. 1. eod. vid. sup. §. 4. per quas pers. cuiq. acq.*

[*Jussu unius*] Ac proinde hoc casu etiam si non nominatim ei, qui jussit, stipulatus fuerit, nihilominus tamen huic soli acquireret. Sunt enim hæc duo distincta membra, ejusdemque potestatis est stipulatio jussu unius facta, cujus facta uni nominatim citra jussu. Sed quid si jussu contempto stipuletur alteri nominatim? Apud veteres utri acquireret, dubium fuit: sed Justinianus *inf. §. ult. per quas pers. obl.* ait, se hanc controversiam decidisse pro eo, qui jussit. Extat constitutio ejus in *l. ult. C. per quas pers. nob. acq.*

TITULUS XIX.

De divisione stipulationum.

Ratio ordinis. Unde sumpta divisio hic proposita: eaque ad bimembrem revocata.



NECESSERÉ duz stipulationum divisiones. Quarum prima ducta est à diverso contrahendi modo; unde alix puræ, alix in diem, alix conditionales, *§. 2. sup. de Verb. obl.* altera à diversitate materiæ, rebus sci-

licet & factis, quæ in stipulationem deducuntur; unde alix dandi, alix faciendi, *§. ult. d. tit.* Proferatur hic & tertia ex *l. s. eod.* quod alix sint judiciales, alix prætorix, alix communes tam judiciales quam prætorix, alix conventionales: quæ tamen species non ideo sic distinguuntur, quod postrema à cæteris differt conventionem, sed quod origine & conventionis causa; ut appareat, distinctionem hanc sumptam esse à causis efficientibus. Nam etsi nulla est stipulatio, quæ non habeat conventionem: non omnes tamen ita habent, ut inde primum nascantur, sed solæ conventionales; unde etiam hoc nomen acceperunt. Potest hæc divisio commodè revocari ad bimembrem, ut dicamus, stipulationum quasdam esse necessarias, quasdam voluntarias. Necessarias, quæ invitis pro auctoritate prætoris aut judicis injunguntur; voluntarias, quæ concipiuntur ex voluntate atque arbitrio contrahentium; quæ veteribus dictæ sunt conventionales, eo quod ex sola conventionem partium fiunt, *d. l. s. pr. Verf. conventionales.*

TEXTUS.

Divisio.

Stipulationum alia sunt judiciales, alia prætorix, alia conventionales, alia communes tam prætorix, quam judiciales.

1. Judiciales sunt duntaxat, quæ à mero judicis officio proficiuntur: veluti de dolo cautio, vel de persequendo servo, qui in fuga est, restituendo de pretio.

NOTÆ.

Alia Judiciales, alia Prætorix] Ex Pomp. *l. s. de Verb. obl.*

Veluti de dolo cautio] Puta in actione in rem vel quod metus causa: nam judex in restituenda re, qua de agitur, cavere jubet dolum malum abesse, *l. 20. l. 45. de rei vind. l. 9. §. 5. & 7. quod met. ca.* & parere recusantem condemnat in id quod adversarii interest.

COMMENTARIUS.

- 1 *Usus stipulationum judicialium, & in his officium judicis.*
- 2 *Exempla harum stipulationum, & quadam non allegata in textu.*

Quæ à mero judicis officio] Meto, id est, solo. Quod additum in definitione, ut removeantur commu-

communes: nam pratorix etiam eo omisso satis excluduntur. Igitur judiciales stipulationes sunt, quæ à iudicis officio proficiuntur, seu quas iudex pro officio suo interponi jubet: ac proinde his locus non est nisi potest litem contestatam: nam tum demum iudex quis esse incipit, *l. un. C. de lit. cont. l. 2. C. de judic.* Officium iudicis scimus positum esse tum in eo, ut de re in iudicium deducta cognoscat, tum ut de ea re sententiam ferat, aut convictum condemnando, aut non convictum absolvendo, *l. qua de re 74. de judic. l. 9. C. cod. l. 1. de re jud.* Ergo si quis iudex lite contestata jubeat aliquid pro officio caveri, & parere recusantem condemnet in id, quod adversarii interest, aut reum absolvat, sciamus, hoc proficiisci ab officio iudicis, stipulationesque iussu ejus interpositas judiciales nominari, etiam si prator sit, aut alius magistratus, qui de causa cognoscit: quippe cum in eo non magistratus, sed iudicis pedanei partibus fungatur. Alio sensu, atque hoc loco, judiciales dicuntur in *l. 3. de præt. stipul.* nimirum, quæ propter iudicium interponuntur, ut id ratum sit; seu iudicii futuri stabilendi causa, ut iudicatum solvi, & ex operis novi nuntiatione; quæ species sunt pratoriarum. Stipulationum judicialium duæ species hic asseruntur, de dolo cautio in actione in rem vel quod metus causa: nam iudex in restituenda re, de qua agitur, caveri jubet, dolum malum abesse, *l. prætoria 20. l. si homo 25. de rei vind. l. 9. §. Julianus 5. C. §. ex hoc 7. quod met. ca.* item de servo persequendo & reddendo, qui in fuga est, *l. servo legato 64. §. ult. de legat. 1. l. item si 4. §. quod si homo 11. quod met. ca.* Sunt & multæ aliæ, veluti quæ interponuntur officio iudicis familiarie exciscendæ, *l. C. puto 16. l. heredes 25 §. contra 10. famul. excisc.* itemque officio iudicis addicti vindicationibus servitutum, *l. 7. l. 12. si servo. vind. & aliis actionibus.*

T E X T U S.

De pratoriis.

2. Pratorie sunt, quæ à mero pratoris officio proficiuntur; veluti damni infecti, vel legatorum. Pratorias autem stipulationes sic audiri oportet, ut in iis etiam contineantur adilitia; nam & hæc à jurisdictione pratoris veniunt.

COMMENTARIUS.

1. Unde cognoscant stipulationes pratoria, eorum usus & varia exempla.

2. Quibus in causis locus adilitiis, & mendam e textu sublatum.
3. Distinctio judicialium & pratoriarum; quæ alias nunc minus conspicua, ad usum fori hodiernum accommodata.

A Mero pratoris officio] A mero. Hoc ad judiciales excludendas supervacuum: sed additum hic itidem, ut excludantur communes. Ab officio pratoris proficiisci dicuntur, quæ à jurisdictione veniunt. Hoc ex eo cognoscemus, si extra iudicium cautio iungatur, & adversus recusantem procedatur remediis magistratus propriis, puta missione in possessionem bonorum ejus, aut denegatione jurisdictionis. Igitur quod hoc loco scriptum est, & *l. 1. §. 2. de stip. præt.* cautiones, quæ præstantur ex causa damni infecti & legatorum servandorum, stipulationes esse pratorias, id hinc intelligimus recte dici, quoniam extra iudicium iunguntur, & nisi caveatur, mittitur adversarius in possessionem bonorum ejus, qui non cavet, *l. 7. de damn. inf. tit. ut leg. nem. cau. C. tit. ut in poss. leg.* Similiter cautiones judicialium solvi, & ratam rem haberi, hinc cognoscimus esse pratorias, ut scriptum est in *l. 1. §. 1. C. 2. de præt. stip.* quia & ipsæ lite nondum contestata exiguntur, *§. si vero 5. inf. de satisfact. l. Pomponius 40. §. pen. de procur.* & qui illam præstare recusat, eum prator non admittit ad alienam defensionem, *§. 4. C. si inf. d. tit. qui hanc, ei denegatur alieno nomine agere volenti actio, §. 3. d. tit. l. mutus §. pena 4. de procur.* Ejusdem generis est & cautio fructuaria: nam si usufructus nomine non caveatur, denegatur petitio aut retentio usufructus, *l. 7. usufr. quemadmod. cau.* Plures recenset D. Cujac, in *l. 5. de verb. obl.*

Contineantur etiam adilitia] Adilitiæ sunt, quibus venditor cavet de morbis & vitiis rerum venalium, puta *rem morbosam non esse, servum fugitivum non esse, errorem non esse.* & de cæteris, quæ edicto ædilium curulium promittuntur, *l. 1. C. passim, de adil. edict. l. si ita quis 31. C. l. seq. de edict.* Hæc stipulationes omnes proficiuntur à mero ædilis officio, quia jubet ædilis eas interponi sine ullo iudicio ac nisi interponantur, venditorem non condemnat, sed actionem adversus eum dat ad redhibendum intra duos menses, vel quanti emptoris interfit, intra sex menses, *l. si venditor 28. de adil. edict.* in quo licet agnoscere ædilis, quatenus ædilis est, id est, magistratus & jus dicentis auctoritatem, *l. 1. de jurid.*

A jurisdictione pratoris] Vox pratoris abest à *l. 5. de verb. obl.* unde totus hic locus ad verbum descriptus est: & expungendam censeo cum Ruffard. Baron. Contr. Cujac. Hotom. Etenim adilitiæ stipulationes non possunt dici venire à jurisdictione

prætoris, cum veniant à jurisdictione ædilium; quod expressit Theophilus; sed quod de prætoris tanquam principali specie stipulationum honorariarum dicitur, id etiam ad ædilitias recte refertur, quoniam & hæ ab officio jus dicentis veniunt, communemque cum prætoris originem & causam habent, videlicet jurisdictionem magistratus. Neque aliud Justinianus hic, aut Pomponius in *d. l. 5. sentiunt*. Hodie hæc prætoriarum & judicialium stipulationum distinctio minus conspicua est, postquam judices à magistratu dari desierunt, idemque nunc judex, qui prætor seu magistratus. Distinguunt vero nunc interpp. inter officium judicis nobile, quod est judicis, quæ magistratus est, & quod vi jurisdictionis atque imperii sui exercet; & mercenarium, quod est ejusdem, quæ judex, & nudæ notionis, subserviens actioni institutæ. Itaque prætoriarum stipulationes etiam nunc sunt & dici possunt, quæ extra judicium aut ante litem contestatam interponi jubentur propter cogendi remedia, *l. 4. de jurid. judiciales*, quæ post litem contestatam institui judicii promovendi causa.

TEXTUS.

De conventionalibus.

3. *Conventionales, sunt quæ ex conventionione utriusque partis concipiuntur; hoc est, neque jussu judicis, neque jussu prætoris, sed ex conventionione contrahentium: quarum totidem sunt genera, quot (pene dixerim) rerum contrahendarum.*

COMMENTARIUS.

EX conventionione utriusque partis] Pomponius ex conventionione reorum, *l. 5. hoc est*. Ex conventionione autem sic accipe, ex conventionione sola: nam & ceteræ stipulationes ex conventionione partium constant: at non inde solum proficiuntur, sed prima earum causa est auctoritas jubentis. Unde existit & hæc differentia, quod prætoriarum stipulationes ex ipsis prætoris, conventionales ex mente contrahentium interpretationem accipiunt, *l. 1. §. ult. l. in prætoris 9. de prætor. stip.* & quod in prætoris, si quid addi, vel detrahi, vel mutari oporteat, id jurisdictionis prætoris sit; in ceteris contra, *in conventionalibus 52. de verb. obl. l. 1. §. ult. de stip. prætor.*

Quot rerum contrahendarum] Id est, obligationum seu negotiorum, quæ contrahi possunt. Et ideo necesse non fuit ullam conventionalium stipulationum exempli causa proferre, ut factum in superioribus, quæ non æque notæ & usitatæ. Illud (pene dixerim) tantum modestiæ causa additum videtur: nul-

lum enim omnino negotium inter homines contrahitur, super quo stipulatio non recte interponatur.

TEXTUS.

De communibus.

4. *Communes sunt, veluti rem salvam fore pupillo (nam & prætor jubet rem salvam fore pupillo caveri, & interdum judex, si aliter hæc res expediri non potest) vel de rato stipulatio.*

NOTÆ.

4. ET PRAETOR JUBET REM SALVAM] Et quidem regulariter: unde etiam hæc cautio inter prætorias numeratur, *l. 1. §. de stip. prætor.*

DE RATO STIPULATIO] Hæc est, quæ exigitur à procuratore alieno nomine actionem postulantem; quæ & ipsa prætorias fere est, *l. 1. §. 2. de stip. prætor.* Cæterum si in lite contestanda omissa sit, & postea, certum esse cœperit falsum esse procuratorem, recte judex hanc satisfactionem ab eo exigit, per *d. l. 1. C. de ord. jud.* Addit Pomp. *l. 5. de verb. obl.* & stipulationem duplæ; quia sc. venditor cavet rem & ratiorem non esse, & c. *l. 32. de evisc.* assidua dicitur *l. 31. §. 10. de adl. ed.* & hæc interdum jussu judicis interponitur, interdum imperio ædilis, *d. l. 5. de verb. obl.* Cautio hic legendus Th.

COMMENTARIUS.

1. Cur duas stipulationes hic propositas Ulpianus prætorias, & quo sensu quasdam communes appellet.
2. Rem pupilli salvam fore quando prætor cavere jubet, quando judex. Et Theophilus notat us.
3. Idem queritur de stipulatione rem ratam haberi.
4. An stipulatio dupla, & quando communis.

STipulationes communes sunt, quæ rebus ita exigentibus interdum auctoritate prætoris aut ædilis interponuntur, interdum jubente judice, *d. l. 5. in prætor. communes*. Hujus generis duæ hæc commemorantur, cautio rem pupilli salvam fore, & rem ratam dominum habiturum. Ulpianus *l. 1. §. 2. de stip. prætor.* Utamque hanc inter prætorias numerat, nimirum ex potiori, & eo, quod regulare est, rem æstimans. Quod & nos consideravimus *sup. §. 2.* Apud Pomponium *d. l. 5.* refertur tertia ejusdem generis, stipulatio duplæ: neque plures, quod sciam, quæ quidem communes eo, quo diximus, sensu appellantur, occurrunt. Longe enim aliter, atque hoc loco, communes accipiuntur ab Ulpiano *l. 1. de stip. prætor.* nimirum ex prætoris illæ, quæ & iudicii constituendi firmandique causa interponuntur, & simul cautio.

cautionales sunt; ut instar actionis habeant; quales sunt, quæ sunt iudicio sistendi causa, d. l. i. §. 3.

Rem salvam fore pupillo] Hæc stipulatio regulariter iussu prætoris interponitur nullo interveniente iudicio aut causæ cognitione; & ni caveat tutor pignoris captis aut multa indicta coercetur, *sup. de sat. d. tui. pr. junct. §. pen. l. i. de adm. tui. quorum nihil est iudicis; qui nudam duntaxat notionem habet, l. 5. de re jud. junct. l. 4. de iur. d.* Sed finge, debitorem pupilli conventum à tutore post litem contestatam demum inter moras iudicii cognovisse non satisfacisse tuto em, atque ad hanc exceptionem confutgere: utique audiendus erit, l. 3. C. de tut. qui sat. non ded. & officio iudicis injungetur stipulatio. Quippe quæ propria magistratus sunt & jurisdictionis, si de his principaliter agatur: ea si in iudicium per consequentiam, inciderint, ad iudicis cognitionem & officium pertinere incipiunt, l. 1. C. de ord. jud. Aperte autem hic lapsus est Theophilus, bonus aliqui & non contemnendus interpres; qui dum probare cupit, stipulationem rem pupilli salvam fore aliquando iudicalem esse, pro iudiciali attulit exemplum prætoris, ejus nimirum, quæ ante litem contestatam interponi jubetur ab eo, qui de ea re in jus additus est. Quo casu non potest non esse prætor, cum eo tempore nullum adhuc iudicium, nullus judex sit. Eundemque errorem mox iterum errat in explicatione cautionis de rato. Quod ideo monendum putavi, quia plerique decepti auctoritate viri satis habent, lectorem, tanquam in re explorata, ad eum remittere.

Si aliter hæc res expediri non potest] His verbis, hæc res, perspicuum est non intelligi cautionem, sed iudicium seu rem, de qua iudicio contenditur. Cautio enim semper per prætorem expediri potest, si ab eo postuletur: iudicium vero non semper, nisi iussu iudicis cautio interponatur.

Vel de rato stipulatio] Stipulatio de rato seu ratam rem haberi, ea est, quæ exigitur à procuratore alieno nomine actionem postulante. Hæc itidem regulariter iussu prætoris atque ante litem contestatam interponitur. Cæterum si in lite contestanda omiſsa sit, & postea certum esse cæperit, eum qui tanquam procurator expertus est, falsum procuratorem esse, recte postulante adversario hanc iudex satisfactionem ab eo exigit. Nam quod dicitur, in l. Pomponius 40. §. pen. de procur. lite semel contestata procuratorem ad cautionem ratihabitionis non compelli, id in re incerta, ubi de mandato non plene constat, & aliqua pro procuratore præsumptio est, locum habet, quo scilicet casu ante litem contestatam etiam reo invito cum cautione admitteatur, l. i. C. de procur. Neque obstat regula de exceptionibus dilatoriis, quales sunt procuratoris, post litem conte-

statam non opponendis, l. 4. C. de iur. d. l. 13. C. de procur. quippe quæ fallit, quando dilatoria eam vim habet, ut nullos reddat omnes actus iudicii. Cujusmodi inter alias est exceptio falsi procuratoris, l. licet 24. C. de procur. ubi Sichard. num. 2. & 3. Gail. 1. obs. 47. n. 2. Pomponius d. l. 5. de verb. obl. communium stipulationum numero adscribit & stipulationem duplicem; eamque ait vel ab iudice venire, vel ab ædilis edicto, id est, interdum iudicis iussu interponi, interdum imperio ædilis. Nam ut edictum ædilium publicum hic interpretemur, neque verba Pomponii patiuntur, quia illud non est unius ædilis, sed plurium; l. 1. & passim. de edil. edict. neque sententia; quod manifeste arguit præcedens definitio prætoriarum. Quando igitur hæc stipulatio communis? An cum ob evictionem interponitur? minime. Hæc enim petitur actione ordinaria, semperque judicialis est, nunquam ædilitia, *for. tit. de edict.* Sed est præter vulgarem illam ob evictionem & alia, quæ ob eas causas petitur, de quibus edicto ædilium cavetur, puta rem vitiosam non esse, morbosam non esse, &c. l. quia dicitur 32. de edict. stipulatio assensu ab Ulpiano appellatur, l. quod si nolis. 31. §. quia assensu 20. de edil. edict. De his rebus qui sibi duplicam promitti postulat, is adversario recusante aue agit ex empto præcise ad duplicem, qua parte judicialis est; aut redhibitoria, & hic est ædilitia, quia post litem contestatam nunquam interponitur. *Don. in d. l. 5. pr. n. 27. & 28.*

TITULUS XX.

C. lib. 8. t. 39.

De inutilibus stipulationibus.

Continuatio. Quot modis accadat, ut inutilis sit stipulatio.



ACTENUS visum, quomodo verborum obligatio recte contrahatur, stipulationesque utiliter concipiantur. Sequuntur contraria, ea videlicet, quæ stipulationem vitiant, eamque inanem atque inutilem reddunt.

Quarum quidem rerum tractatio etsi ad cæteras quoque conventiones & obligationes pertinet; non tamen hoc loco instituitur, ut in argumento communi; quippe cum, ut initio *tit. de verb. obl.* dictum est, stipulationes inventæ sint cæterarum conventionum & obligationum firmandarum gratia; & ideo fere novissima parte cujusvis negotii subjici soleant. Ut vitiosa sit atque inutilis stipulatio, multis modis accedit. Quædam enim inutiles sunt propter materiam seu rem in obligationem deductam:

ductam: quædam propter defectum causæ efficien-
tis, aut qualitatem personæ stipulantis promittentis-
ve; alia propter vitium formæ & adjectionum. Quæ
fere summa est eorum, quæ hoc tit. explicantur. Ex
his autem casus fit, ut stipulatio ipso jure sit inutilis,
ita ut nec actionem producat. Quibusdam etiam
modis fit, ut inutilis sit non ipso jure, sed ut ex ea
agens exceptione submovetur, *inf. de except.*

T E X T U S.

De his quæ sunt in commercio.

*Omnis res, quæ dominio nostro subji-
citur, in stipulationem deduci potest, si de ea
mobilis sit, sive soli.*

N O T A.

DOMINIO SUBJICITUR] Id est, subjici potest,
aut solet, *ἐν τῷ κυρίῳ εἶναι*. Th. verba enim in
disciplinis potentialiter accipiuntur.

C O M M E N T A R I U S.

Dominio nostro subjicitur] Id est, subjici potest.
Nam & ea, quæ nondum in dominium nostrum
pervenerunt, atque adeo quæ nondum sunt, in sti-
pulationem deduci possunt; veluti frumenta, quæ in
herbis sunt, fructus fundi, partus ancillæ, *l. interdum*
73. l. ubi autem 75. §. illud 4. de Verb. obl. §. ea quo-
que 7. sup. de legat.

Siue mobilis sit, siue soli] Potuit adjungi *siue ea*
corporalis sit, siue incorporalis: nam & jura in sti-
pulationem recte deducuntur, veluti usufructus &
servitutes prædiorum, *§. 1. sup. de usufr. §. ult. sup.*
de serv. præd. Quia etiam non modo res in sti-
pulationem utiliter deducuntur; verum etiam facta, ut
superius docuimus sub *§. ult. de Verb. obl.*

T E X T U S.

De his quæ non sunt.

*1. At si quis rem, quæ in rerum natura
non est, aut esse non potest, dari stipulatus
fuerit, veluti Stichum, qui mortuus sit,
quem vivere credebat, aut Hippocenta-
urum, qui esse non possit, inutilis erit sti-
pulation.*

N O T A.

I. AUT ESSE NON POTEST] Particula dis-
junctiva aut posita videtur pro conjunctiva, ut in-
terdum solet, *l. 53. de Verb. sign.* Nam v. c. fructus
juri recte in stipulationem deducuntur, *l. 73. de*
Verb. obl.

HIPPOCENTAURUM] Lucræ. *lib. 5. Sen. Epist.*
25. Cic. 2. de nat. Deor. Quæ, inquit, *Hippocenta-*
urum fuisse credat? Plinius tamen fuisse tradit *lib. 7.*
cap. 3.

INUTILIS ERIT STIPULATIO] *d. l. 1. §. 9. de*
obl. & act. adeo ut nec æstimatio debeat, nec pœ-
na eo nomine promissa committatur, *l. 69. l. 103. de*
Verb. obl.

C O M M E N T A R I U S.

1. Canones, qui observandi circa materiam stipu-
lationum: tum consecraria inde deducta.

2. Quid si in stipulatum adducta res, quæ esse de-
bit.

3. Quid si quæ nec est, nec unquam fuit: ubi de
Hippocentauris.

Hoc §. & seq. docetur, quibus modis fiat, ut in-
utilis sit stipulatio propter id; quod in eam de-
ductum est. Quæ res ut perfectius intelligatur duo
hi canones prius nobis observandi sunt. 1. Ut valeat
stipulatio, necesse esse, ut id quod in eam dedu-
ctum est, dari aut fieri per rerum naturam aut leges
possit. 2. ut intelligatur, quid illud sit, & quam uti-
litatem afferat stipulatori. Hinc jam apparet, duo-
bus modis in universum fieri; ut ratione materiæ
inutilis sit stipulatio, si dari fierive natura aut jure
non potest, quod promissum est, *l. si stipuler. 35. de*
Verb. obl. eoque pertinet regula juris *l. impossibiltum*
185. de reg. jur. si propter incertitudinem non potest
intelligi, quid sit, & quam habeat utilitatem, *l. cri-*
ticum 94. l. ita stipulatus 115. d. 111. Quando in sti-
pulatione faciendi hoc accedit, videbimus *inf. sub §.*
quod turpi 23. Rerum, quæ dari non possunt, tria
tere sunt genera; quæ non sunt in rerum natura nec
esse possunt; quæ commercio sunt exemptæ; quæ sti-
pulatoris sunt propriæ, *l. si id quod 9. & §. seq. de*
obl. & act. De primo genere agitur hoc §. de reliquis
§. seq. Incertitudinis, quæ stipulationem vitiatur, ex-
empla habemus in *d. l. criticum 94. & d. l. ita sti-*
pulatus 115. pr. de Verb. obl.

Quod in rerum natura non est] Primum genus
rerum, quæ dari non possunt, ac proinde inutiliter in
stipulationem deducuntur, earum rerum est, quæ non
sunt, nec esse possunt in rerum natura. Id iterum in
duas abit species. Nam harum rerum alia fuerunt,
sed desierunt esse; alia sine fuerunt quidem unquam.
Illarum numero sit, homo mortuus, ædes deustæ, *2*
&c. l. 1. §. si id quod 9. de obl. & act. l. homo 69. de
Verb. obl. Quod autem harum rerum stipulationem
inutilem esse dicimus, hoc eo maxime spectat, ut in-
telligamus, nec æstimationem earum deberi, *l. liber*
homo 103. de Verb. obl. §. 4. sup. de legat. nec pœnam
eo nomine promissam committi, *d. l. si homo 69. de*
Verb. obl. Plane, si res, quæ dari poterat, ab initio in
obliga-

obligationem deducta, culpa debitoris dari posse desierit, aut si is in re præstanda moram fecerit, placet creditorem eas res, quamvis extinctas, utiliter adhuc stipulari, l. *inter stipulantem* 83. §. *pen. eod.* quoniam culpa & mora debitoris obligationem perpetuant, l. *si ex legat.* 23. l. *si seruum* 91. §. 3. *eod.*

Hippocentaurum, qui esse non possit] Exemplum rerum, quæ ita non sunt, ut nec unquam fuerint, Cic. 2. de nat. Deor. Quis, inquit, Hippocentaurum aut Chimæram fuisse putat? Lucret. lib. 5.

Sed neque Centauri fuerint, neque tempore in
ullo

Esse queat duplici natura & corpore bino

Ex alienigenis membris compacta potestas.

Stoici apud Senecam Epist. 58. In rerum, inquit, natura quadam non sunt. Et hæc autem, quæ non sunt, rerum natura complectitur, quæ animo succurrunt, tanquam Centauri, Gigantes, & quicquid aliud falsa cogitatione formatum habere aliquam imaginem capiat, quamvis non habet substantiam. Plinius tamen lib. 7. cap. 3. testatur, Claudium Cæsarem scribere, Hippocentaurum in Thessalia natum eodem die interisse. Et nos, inquit, principatus ejus allatum illi ex Ægypto in melle vidimus. Cæterum ut hoc verum sit, tamen quia portentosa & monstra hæc sunt, etiam naturæ quodam peccato genita, eorum ratio nulla ducitur. Centauri, qui idem & Hippocentauri dicti, populi fuere Thessaliæ juxta Pelion montem, anteriore corporis parte (ut Poëta fabulantur) hominum, posteriore equorum effigiem referentes. Fabulæ occasionem præbuit, quod Centauri primi equitarunt, non sine horrendo vicinorum populorum spectaculo, à quibus primum conspecti equis insidentes, crediti sunt habere membra partim humana, partim equina. Item Indis occidentibus patrum nostrorum memoria evenit.

TEXTUS.

De his quæ non sunt in commercio.

2. Idem juris est, si rem sacram, aut religioſam, quam humani juris esse credebatur, vel publicam, quæ usibus populi perpetuo exposita sit, ut forum, vel theatrum; vel liberum hominem, quem servum esse credebatur; vel cujus commercium non habuerit, vel rem suam dari quis stipuletur. Nec in pendentem erit stipulatio ob id, quod publica in privatam deduci, & ex libero servus fieri potest, & commercium adipif-

ci stipulator potest: sed protinus inutilis est. Item contra, licet initio utiliter res in stipulatum deducta sit, sit tamen postea in aliquam eorum causam, de quibus supra dictum est, sine facto promissoris devenierit, extinguatur stipulatio. At nec statim ab initio talis stipulatio valebit, Lucium Titium, cum servus erit, dare spondes? & similia. Quæ enim natura sui dominio nostro exempta sunt, in obligationem deduci nullo modo possunt.

NOTÆ.

Humani juris esse credebatur] Et multo magis si sciebat eam humani juris non esse, arg. l. 31. de obl. & act.

Nec rem suam dari] l. 82. de verb. obl. l. 1. §. 10. de obl. & act. cui consequens est, nec pretium rei ex ea stipulatione deberi. Sed pretium rei meæ recte stipulor, & rem meam mihi restitui, d. l. 82.

Protinus inutilis] Protinus, id est, statim, & dicitur πρὸ τὸν χρόνον Huc pertinet regula, Quod in initio visum est, &c. l. 29. de reg. jur.

Licet initio utiliter] l. 51. l. 83. §. 5. de verb. obl. sunt hæc exempla regulæ, quæ definit, etiam ea, quæ recte gesta sunt, resolvī, si in eum casum inciderunt, à quo non poterant incipere, l. pen. §. ult. eod. l. 11. de serg. is.

Sine Facto promissoris] Secus est, si facto aut culpa promissoris res commercio exempta d. l. 83. §. 5. aut postquam moram in ea præstanda fecisset, l. 23. l. 91. pr. & §. 3. eod.

Quæ natura sui] Aliud juris est in his, quo per accidens non possunt acquiri, puta quia stipulatoris sunt, 31. de verb. obl.

COMMENTARIUS.

- 1 Genera rerum, quæ non sunt in commercio.
- 2 Etiam earum rerum, quarum nullum omnino commercium est, stipulationem prorsus inutilem esse.
- 3 Quid si stipulator sciat, rem non esse in commercio.
- 4 Quid si ille ignoret, promissor sciat.
- 5 Quando earum rerum, quæ secundum quid extra commercium, stipulatio utilis aut inutilis.
- 6 De stipulatione rei nostra.

7 *Ampliatio regula initio posita*8 *Ampliatio secunda.*9 *Quid si columna promissa facta alieno aedibus juncta.*10 *Dissensio ceterum circa casum, quo res initio recte promissa, deinde commercio exempta, postea rursus dari posse cepit.*11 *Restrictio ampliationis secunda.*12 *Ampliatio tertia, ejusque restrictio.*

Secundum genus rerum, quæ dari non possunt, est earum, quæ sunt quidem in rerum natura, sed non sunt in commercio hominum. Hujus autem generis quæ sunt, earum quædam conditione sua & absolute commercio exempta, ut res divini juris, publicæ, homo liber: quædam certo respectu: qui vel est in rebus ipsis, cum alioqui natura sua sint in commercio: quales sunt verbi causa columnæ, marmora ædificiis juncta: vel in personis contrahentium, puta si vel stipulator, vel promissor commercium non habeat, cum alii habeant. Sunt enim quædam quorundam hominum commerciis exempta, ut prædia Ecclesiæ habentia hæreticis, mancipia Christiana iisdem & Judæis, *l. si quis 10. C. de hæret. tit. C. ne Christ. mani. hæret.* Enim vero non omnia hæc stipulationem vitiant eodem modo, quædam nec vitiant, estque in singulis, quod seorsum considerandum.

2 *Si rem sacram, &c.* Quarum rerum nullam omnino commercium est, ex stipulationem deductæ perinde eam vitiant, ut illæ, quæ non sunt, nec esse possunt in rerum natura, *l. 1. §. si id quod 9. de obl. & act. l. si stipulator 35. l. inter 83. §. sacram. 5. l. liber homo 103. de verb. obl.* Quamobrem neque hoc casu magis, quam superiore, aut æstimatio debetur, aut poena promissæ peti poterit, *d. l. liber homo, l. si homo 69. cod. l. cum servum 39. §. ult. de legat. 1. §. 4. sup. de legat.* quod etiam hoc ipso satis significatur, quod ejusmodi stipulatio dicitur esse inutilis, idemque juris hic esse, quod foret, si res promissæ nec esse posset in rerum natura. Neque enim inutilis stipulatio dici potest, ex qua aliquid debetur, & maxime si pro re debeatur æstimatio. Diversum omnino est, si quis ædem sacram aut locum religiosum ædificari stipulatus fuerit: hic enim in stipulationem deducitur, quod & natura fieri potest, & jure facere licet, *l. stipulatio 38. §. ult. de verb. obl.*

3 *Quam humani juris esse credebat.* Eodem modo max, quem servum esse credebat. Ulti & §. præced. quem & servum credebat. Et similiter Gajus *l. 1. §. si id quod 9. de obl. & act.* An ergo si sciebat stipulator rem esse divini juris, hominem liberum esse, &c. valebit stipulatio? Quidam putaverunt, valere, saltem ad hoc, ut stipulator consequatur quod sua interest, ne frustra ea verba hic & apud Gajum expressa videan-

tur. Sed recte Weseembecius respondet, verba ista addita esse, propterea quod in ignorante major est causa dubitandi, an non saltem æstimatio, aut id quod interest, peti possit: in sciente enim vix esse potest; quoniam tum non modo ratione materia; verum etiam causæ efficientis, seu propter defectum consensus, harum rerum stipulatio nullus momenti est, arg. *l. non solum 31. de obl. & act.* & maxime si etiam promissor sciverit, *l. domum 57. §. ult. de contr. empr.* Sed quid si solus stipulator conditionem rei ignoret, promissor sciat, an non saltem propter dolum promissoris dabitur stipulatori actio in id, quod sua interest deceptum non esse? Adhuc dicendum videtur, non dari; siquidem in locis omnibus, ubi de stipulatione rerum, quæ in commercio non sunt, agitur, simpliciter pronuntiatur, inutilem eam esse & nullus momenti. Emptionis alia causa est: nam etsi nec emptio hominis liberi, loci sacri aut religiosi, hæcenus teneat, ut res ipsæ debeantur aut peti possint: tamen si hæc pro privatis aut profanis veneant, & inter ignorantes id fiat, aut duntaxat venditor sciat, emptor ignoret, placet emptionem eatenus saltem consistere, ut emptor actione ex empto vel pretium recipiat, vel consequatur, quod interfuit ejus, ne deciperetur, *l. 4. l. qui officii 62. §. 1. l. liberi 70. de contr. empr. §. ult. in f. de empr. & vend.* Plane, si ex causa onerosa stipulatio interposita sit, putarem cum Joan Fab. in casu proposito nomine doli adversus promissorem magi posse.

Quæ usibus populi Quæ in usu publico habentur. Additum ad differentiam eorum, quæ sunt in pecunia seu patrimonio populi aut Principis, *l. 6. l. pacta 72. §. ult. de contr. empr.* quæ quidem & ipsa publica dicantur, *l. quod in littere 14. de acq. rer. dom. l. bona 15. cum 2. seqq. de verb. signi.* nimirum propter personam possidentis: cæterum usu & jure, quo habentur, privata sunt atque in commercio, *l. 2. §. hoc interdictum 4. ne quis in loc. publ.*

Cujus commercium non habuerit Etiam earum rerum, quæ secundum quid extra commercium sunt, stipulatio inutilis; sed non semper. Inutilis, si vel propter rem impedimentum objiciatur, veluti si quis ea stipuletur, quæ ædibus juncta sunt: quoniam ea eximi & præstari Senatus vetuit, *l. cætera 41. de legat. 1.* Et igitur cum etiam hoc casu res ipsa non debeatur, nec debetur rei æstimatio, quæ promissæ non est, quod tamen non puto esse perpetuum, sed exemplo legati, harum rerum aliquando etiam ex stipulatione æstimationem peti posse, *d. l. cætera. §. si duobus 4.* vel propter personam stipulatoris, quod ille rei commercium non habet, veluti si Judæus mancipium Christianum dari stipuletur: hoc enim casu non magis utilis stipulatio, quam si res simpliciter atque in totum commercio exempta sit, hoc text. *l. mul-*

rum 34. de Verb. obl. Quod si stipulator commercium habeat, licet promissor non habeat, placet stipulationem valere, *d. l. 34.* quippe posteriore hoc casu præstatio rei non est promissori impossibilis. Nam et si ipse rem, quam promissit, habere, possidere non potest: nihil tamen prohibet, quominus eam sic compareret, ut non sibi habeat, sed statim ei præstet, cui jus est eam habere, *arg. l. aliud 71. de Verb. sign.* atque eadem hac ratione defenditur legatum rei, cujus hæres commercium non habet, modo legatarius habeat, *l. mortuo 49. §. sed Proculus 7. de legat. 2.* de quo plura scripsimus *ad S. non solum 4. sup. de legat.*

6 *Vel rem suam*] Tertium genus rerum, quæ dari nobis non possunt, sunt res nostræ: quod enim nostrum est, id nobis dari aut amplius nostrum fieri non potest, *§. sic itaque 14. inf. de act.* Nemo igitur rem suam sibi dari utiliter stipulatur, *l. nemo 82. de Verb. obl. l. 1. §. nec minus 10. de obl. & act.* Cui item consequens est, nec pretium rei ex ea stipulatione deberi. Sane rem nostram nobis restitui, tum etiam pretium rei nostræ nobis dari, utiliter stipulamur, *d. l. nemo.* Sed & rem furtivam dominum à fure recte stipulari placet, modo tanquam furtivam stipuletur, *l. fure 29. §. ult. de Verb. obl.* cujus rei ratio petenda ex *d. §. sic itaque, inf. de act.*

Nec in pendentis, &c.] Sequuntur aliquot ampliaciones, quæ tamen non pariter ad omnes superiores species pertinent. Prima significatur hoc vers. & apud Paulum *l. inter 83. §. sacram. Verb. quamvis sacra profana fieri, &c. de Verb. obl.* estque hæc, quod est res sacra profana, publica privata, homo liber servus factus sit, nihilomagus stipulatio vires habeat aut sumat, vetante niunim regula Catoniana, quod initio vitiosum est, tractu temporis convalescere. Quæ regula ad stipulationes quoque translata est, *arg. l. cetera 41. §. 1. de legat. l. quod initio 22. de reg. jur.* Ergo nec si stipulator postea rei commercium nactus fuerit, stipulatio convalescet; nec si sua res stipulatoris esse desierit, *hoc text.* nec si juncta ædibus postea fuerint separata, *d. l. cetera, §. 1.*

8 *Licet initio utiliter, &c.*] Ampliatio secunda. Non solum inutilis est stipulatio, in quam ab initio res, quæ commercio exempta sunt, aut alias dari non possunt, deducuntur, sed etiam si quid recte atque utiliter promissum postea in talem causam sine facto promissoris devenierit, placet stipulationem extinguere, & dissolvere obligationem, licet ab initio recte contracta sit; ut puta, stipulatus sum rem profanam aut Stichum mihi dari, ea res postea sacra, aut Stichus liber esse cepit sine facto promissoris, placet eum liberari, & satis esse, quod eventu præstatio facta sit impossibilis, *d. l. inter, §. sacram. Verb. nam & cum, l. is qui 51. de Verb. obl.* Suntque hæc exempla regulæ, quæ definit etiam ea, quæ recte gesta sunt, re-

solvi, si in eum casum inciderunt, à quo non poterant incidere, *l. 11. de servit. l. pen. §. ult. de Verb. obl.* vid. notata sub *§. ex contrario 14. sup. de legat.* Eadem ratione & stipulatio rei alienæ perimitur, si res antequam traderetur, ex alia causa jam facta sit stipulatoris: sed hoc ita, si utraque causa fuerit lucrativa, non si altera onerosa, *d. l. inter §. 6. l. omnes debitores 17. de obl. & act.* rationem diversi juris reddidi sub *§. si res 6. sup. de leg.* Quid si columna promissa facto alieno juncta sit ædibus? Non putarem, hoc casu stipulationem evanescere, *l. cetera 41. §. si duobus 4. de legat. 1.* De illo inter veteres non convenit si res initio recte promissa, deinde commerciis hominum exempta, rursus mutata conditione cepit dari posse, veluti si servus liber factus in servitutem reciderit, an obligatio, quæ semel sublata fuit, restituatur. Celsus censuit restitui, magisque esse, ut propter impedimentum interveniens cessasse videri debeat obligatio, quam penitus extincta fuisse. Sed hæc Celsi sententia admissa non est, crebriusque placuit, obligationem non restitui, nupote semel penitus sublatam: quemadmodum enim homo mortuus vitæ restitui non potest, ita nec in perpetuum extinctam obligationem posse resuscitari, *d. l. inter, §. sacram. Verb. nec revocamus l. qui res 98. §. arcam 8. de solut.* quibus locis etiam Celsi argumentis occurrunt. Eadem dissensio & circa servum legatum interim manumissum, & postea servum iterum factum, inter Celsum & alios fuisse videtur; *l. si chorus 79. §. ult. de legat. 3. junct. l. servus 27. §. 1. de adim. legat.* quos tamen locos distinctione conciliare nititur *Don. in d. l. inter, §. sacram. n. 8.*

Sine facto promissoris] *d. l. inter §. 5.* Additum ideo, quoniam si per promissorem factum sit, ut res dari posse desierit, veluti si servum promissum manumiserit, locum promissum religiosum aut publicum fieri passus sit, non extinguitur stipulatio, nec magis debitor liberatur, quam si servum promissum occidisset. Itaque ne dolus aut culpa ejus adversario noceat, cum res ipsa præstari non possit, præstabitur æstimatio. Idemque est, postquam debitor in re præstanda moram fecit, ea perempta aut commercio exempta sit: quoties enim aut culpa, aut mora debitoris intervenit, placet obligationem continuari, id est, ex eo tempore perinde perpetuo eum teneri, ac si res adhuc extaret, *l. 23. l. servum 91. pr. & §. 3. de Verb. obl.*

Lucium Titium cum servus erit] Ampliatio tertia. Rem commercio exemptam non tantum pure inutiliter stipulamur, sed etiam sub conditione, licet nominatim in eum casum nobis caveamus, si dari posse coeperit. Itaque improbatæ est etiam hujusmodi stipulatio, *illum, cum servus erit, dare spondes* item, *eum locum, cum in sacro profanus esse*

capere, dare spondes? nimirum quia nec presentis temporis obligationem recipit, & ea duntaxat, quæ natura sui possibilia sunt, in obligationem deduci possunt. Sed & mali omnis causa istiusmodi stipulationem detestamur, quoniam non solet ea mutatio contingere sine interitu civitatis, quod Paulus *d. l. inter. §. sacram.* & Pomponius *l. si in emptione 34. §. 2. de contr. empt.* declarant sub persona liberi hominis sub conditione promissi. Enimvero hæc ampliatio pertinet duntaxat ad stipulationes earum rerum, quæ absolute & natura sua commercio exemptæ sunt, ad eas res non pertinet, quæ cum per se sint in commercio, nunc tamen non sunt propter impedimentum aliquid extrinsecus accedens & temporarium. Etenim ea, quæ ædibus iuncta sunt, sub conditione stipulari non prohibemur, cum & sub conditionem legari possint, *d. l. cetera 41. §. 1. de legat. 1.* Sed nec pertinet ad stipulationem rei nostræ. Quippe & hanc sub conditione rectè stipulamur, ut stipulatio teneat, si tempore existentis conditionis nostra non sit, *l. si rem. 31. l. existimo 98. de Verb. obl. d. l. cetera 41. §. 1. de legat. 1. l. existimo 61. de contr. empt.* Neque enim quominus hoc fiat, aut regula Catoniana impedit, quæ ad conditionalia non pertinet; *d. l. cetera §. 1.* aut vitium rei, quod nullum est; potestque ea, mutato interim domino nobis præstari, nec incivile est hanc mutationem expectare. Non caruit tamen hæc sententia dubitatione, ut apparet ex *d. l. existimo de Verb. obl.* Illud ei adversari videtur, quod etiam conditionales stipulationes ex præsentī vires accipere traditur *l. ususfructus 26. de stip. ser. &.* & generaliter in omni stipulatione id tempus spectari, quo contrahimus, *l. filius sum. 78. de Verb. obl.* Sed hoc rectè dicitur, cum de persona stipulantis agitur, aut ejus, cui inde acquiritur: ad res, qui in stipulationem deducuntur, non pertinet. Ut enim statum capiat stipulatio, necesse est eum, qui stipulatur, sive purè stipuletur, sive sub conditione, stipulandi capacem esse: eademque ratio ejus, cui ex stipulatione acquiri volumus. At rei, quæ usibus hominum non exempta in stipulationem deducitur, præstatio & obligatio in eventum differri potest, ut ante illum eventum neque peti possit, neque quicquam debeatur, *l. cedere diem 213. de Verb. sign.* sed tantum spes sit, debitum iri, quam in heredem transmittamus, *§. sub conditione sup. de Verb. obl.*

TEXTUS.

De facto vel donatione ulterius.

3. Si quis alium daturum facturum-
de quia promiserit, non obligabitur, veluti si spondeat Titium quinque aureos da-

turum. Quod si effecturum se, ut Titius daret, sponderit, obligatur.

COMMENTARIUS.

1. Cur qui alium daturum, &c. promittit, neque ipse se, neque alium obliget.
2. De eo, qui se curaturum promittit, ut alius det.
3. Interdum qui factum alienum promittit, etiam sine expressione istorum Verborum obligari: & moribus hodiernis semper.

Qui alium daturum aut facturum promittit, neque ipse obligatur, neque alium obligat. Cur alium non obliget, ratio manifesta est, quia nemo ex contractu alterius obligari potest, *l. 3. C. de ux. pro mar.* Cur ipse non obligetur, duæ causæ sunt: una, quia non consentit, ut det aut faciat: altera, quia et si proponamus eum dare aut facere velle, tamen verbis id non promittit: quorum utrumque per se solum ex regulis communibus stipulationum satis est ad impediendam verborum obligationem. De se igitur quemque promittere oportet, si eum obligari volumus, *d. l. inter 83. in pr. de Verb. obl.* Sed an non saltem hætenus eum, qui alium daturum aut facturum promittit, obligari dicimus, ut curare debeat, ut ille alius det, aut faciat? Dicendum est, ne hætenus quidem eum obligari: alioqui stipulatio hæc non esset inutilis; sed factum alienum utiliter promitteretur, contra, quam in universum definit Hermogen. *l. secur. 65. de fidejuss.* & Ulpian. *l. stipulatio, 38. in pr. de Verb. obl.*

[Qui effecturum se] Aut se curaturum, ut alius det, *d. l. inter. 83. pr. eod.* quippe hac stipulatione non tam factum alienum, quam proprium promissionis continetur, qui ob id in tantum tenebitur, quantum ut alter daret, curaturum se promittit, per *l. si hæres 73. de legat. 1.* aut si promiserit curaturum se, ut alius aliquid faciat, tenebitur in id, quod stipulatoris intererit. Communiter receptum tradit Wesembecius, promissorem liberari, si omnem diligentiam adhibuerit ad rem conficiendam, nec profecerit, quasi hoc solum promississe intelligatur; ut proinde non aliter conveniri possit, quam si negligentia, aut culpa ejus arguatur, allegans *Bart. cons. 236. Boer. decis. 11. 16. Schurff. cons. 15. cent. 1.* textus tamen omnes indistinctè loquuntur, *Sid. D. Bronch. 4. assert. 40. Ant. Fab. Cod. for. de contr. stipulation. acfin. 10.* Interdum sanè qui factum alienum promittit, obligatur, quamvis verbis non exprimat, se effecturum aut curaturum, &c. quasi tacitè id actum videatur considerata qualitate negotii; veluti si quis promittat, certam personam pro se fidejussuram esse; *l. qui*

autem 14. §. 2. de pec. const. item si procurator, de cuius mandato dubitatur, promiserit, rem ratam dominum habiturum, tot. risul. rat. rem. hab. Estque posterior hæc stipulatio prætoria: ac proinde, ut reliquæ ejusdem generis, legem & interpretationem recipit de mente prætoris, l. in conventionalib. 52. de Verb. obl. l. 9. de stip. prat. Similia exempla occurrunt in l. stipul. 38. in pr. l. quotiens 81. l. inter 83. pr. de Verb. obl. in quibus omnibus promissor sub alieni facti promissione etiam de suo promittere intelligitur. Qui promisit, se facturum, ut decem dentur, ipse dari cogitur, nec liberatur dando ex promissione, l. si habes 72. de legat. 1. At qui curaturum se, ut decem dentur, promisit, placet eum liberari alium reum locupletem dando, l. ult. §. 1. de reb. cred. l. illa stipulatio 67. §. 1. de Verb. obl. Curare enim non tantum numerare est, sed etiam delegare alium, qui adnumeret. Facere dandi significationem in proposito habet. Cujac. ad d. l. 67. Nostri & multorum aliorum moribus, qui factum alienum promittit, tacite intelligitur promittere se curaturum aut effecturum ut alius det aut faciat. Crot. 3. introduct. cap. 3. Coris advers. tract. 3. cap. 3. n. 10. convenienter æquitati juris Canonici. Cōvar. in cap. quamvis de pact. in 6. p. 2. §. 5. n. 1. Cyprian. hic cens. Belg.

T E X T U S.

De eo in quem confertur obligatio,
vel solutio.

4. Si quis alii, quam ei, cuius juri subjectus est, stipuletur, nihil agit. Planè solutio etiam in extraneam personam conferri potest: veluti si quis ita stipuletur, mihi aut Sejo dare spondes? ut obligatio quidem stipulatori acquiratur, solvi tamen Sejo, etiam invito eo, rectè possit, ut liberatio ipso jure contingat: sed ille adversus Sejum habeat mandati actionem. Quod si quis sibi & alii, cuius juri subjectus non sit, dari decem aureos stipulatus est, valet quidem stipulatio. Sed utrum totum debeatur stipulatori, quod in stipulatorem deductum est, an vero pars dimidia, dubitatum est. Sed placuit, non plus, quam dimidiam partem ei acquiri. Et vero, qui juri tuo subjectus est,

si stipulatus sis, tibi acquiris: quia vox tua tanquam filii intelligitur in his rebus, quæ tibi acquiri possunt.

N O T Æ.

4. QUAM ET, CUIUS JURI SUBJECTUS] patri sc. aut domino, l. 38. §. 17. l. 45. de Verb. oblig. sup. de stip. serv. & inf. per quas pers. nob. obl.

NIHIL AGIT] Nec sibi acquiri, quia hoc actum non est; nec alteri, quia hoc repugnat fini omnium obligationum, d. l. 38. §. 17. & inf. eod. §. 18. l. 1. de obl. act.

ETIAM INVITO EO] Stipulatore sc. Cæterum hæc potestas adjecto solvendi, lite contestata intercidit. l. 16. de fidei. l. 57. §. 1. de solut. aut statu ejus in causam deteriore mutato, l. 38. d. 2. junct. l. 56. §. 2. de Verb. obl. nec ipse petere, nec novare, nec acceptum ferre potest: quia obligatio soli acquiritur stipulatori, l. 10. de solut.

VOX TUA TANQUAM FILII] Patris & filii persona penè eadem, l. ult. C. de impub. & al. subst. Est enim filius veluti portio patris. Arist. 1. magn. mor. 34.

QUÆ TIBI ACQUIRE POSSUNT] Non ergo si quid pater stipuletur ex causa castrensis peculii l. 39. de Verb. obl. aut si factum in personam filii conferat, l. 130. eod.

C O M M E N T A R I U S.

- 1 Qui alteri stipulatur, emit, conducit &c. nec sibi nec alteri obligationem acquirere.
- 2 Quæ cautiones hic adhibenda.
- 3 Antabellarii stipulando alteri acquirant: & quid juris hodie.
- 4 Quibus in causis admissum, ut alteri ex conventionem alterius utilis actio detur, præter casus n. 2.
- 5 Quid stipulatio solutione in alium collata tribuat stipulatori.
- 6 Quid adjecto solutionis causa.
- 7 Quid permittat promissori, & quem liberationi modum faciat.
- 8 Quid si adjectus status mutaverit.
- 9 Quid juris, si quis conjunctim sibi & alteri stipuletur, tum ratione reorum, tum adjecti.
- 10 An in contractibus locus sit juri accrescendi.
- 11 De patre stipulante filio scilicet quem in potestate habet, scilicet emancipato.

Quemadmodum nemo alium daturum facturumve promittens aut ipse obligatur, aut alium obligat; ita nec alteri stipulando aut sibi aut alteri obligationem acquiri, l. stipulatio 38. §. alteri 17.

de Verb. obl. l. 3. C. d. contr. stip. §. alteri 18. *inf. hoc tit.* Non sibi, quia hoc actum non est, nec persona ejus stipulatione comprehensa: non alteri, quia repugnat huius stipulationum & obligationum; utpote quæ ad hoc omnes comparatæ sunt, ut unusquisque acquirat sibi, quod sua interest: ut vero alteri detur, nihil interest nostra, d. l. stipulatio §. alteri. Neque hoc ad stipulationes tantum pertinet, sed ad cæteras quoque conventiones, §. pen. sup. per quas person. l. si ita 126. §. 2. & vers. respondit, de Verb. obl. l. solutum 11. §. pen. de pign. act. l. quo tutela 73. in fin. de reg. jur. In summa; ut Paulus scribit, *quæcumque gerimus, cum ex nostro contractu originem trahunt, nisi ex nostra persona initium sumant*, id est, ut nunc vulgo loquuntur, nisi in persona nostra radiceantur, *nam actum nostrum efficiunt*: & ideo, inquit, neque stipulari, neque emere, vendere, contrahere, ut alter suo nomine recte agat, possumus. l. quæcumque 11. de obl. & act. Verum hic cautiones quædam adhibende sunt. Primum enim quod dicitur, neminem stipulando alteri obligationem aut actionem acquirere posse, de persona extranea intelligendum est, & sic temperandum, nisi ille alter, in quem stipulatio confertur, fictione juris eadem persona cum stipulatore habeatur: quo in numero sunt tum ii, quorum in potestate sumus, tum hæredes nostri. Planè enim, quod servus domino, filiusfam. patri stipulatur, ejus obligatio & actio omnis domino aut patri acquiritur, *hoc text. in pr. d. l. stipulatio in §. alteri, l. quodcumque 45. de Verb. obl. sup. tit. de stip. serv. & inf. per quas pers. nob. obl.* Sed & hæredibus nostris paciscendo & stipulando quidvis acquirimus, d. l. stipulatio §. sed si 12. & §. 14. de Verb. obl. l. a & us 33. de pact. nec tantum cum nobis simul & hæredibus nostris stipulamur, sed etiam cum hæredibus solis; utique jure novo ut actio ab hæredibus incipiat, l. unic. C. ut action. ab hered. Deinde etsi ex aliena stipulatione non acquiritur alteri actio directa: sunt tamen quædam personæ, per quas ratione officii acquiritur alteri actio utilis. In hoc genere sunt, tutor, curator, actor civitatis: nam si tutor pupillo, curator adolescenti, actor civitati quid dari aut fieri stipulentur, placet, pupillo, adolescenti, civitati utilem actionem dari, l. §. penult. de pec. constit. In eadem causa est & procurator militis, l. si pecuniam 26. de reb. cred. item magistratus in cautione pro pupillo à tutoribus aut adrogatore exigenda. Et non solum magistratus ipse ex his causis pupillo recte stipulatur, sed etiam alium adhibere potest, puta servum publicum, aut si videtur, quemvis liberum hominem, qui idem pupillo stipuletur, l. 1. §. si magistratus 11. & §. exigere 15. de magistrat. cons. l. non aliter 18. de adopt. l. 2. & §. rem pup. sub §. for. Adhuc ex stipulatione procuratoris tribus ex causis domino utilis a-

ctio datur. 1. si ex re domini stipuletur, l. quod procurator. 68. de procurat. 2. si domino præsentem, l. si procuratori 79. de Verb. obl. 3. si utilitas id exigat, nec aliter domino res salva esse possit. Receptum id primum in contractu institutoris, l. 1. in fin. d. 2. de institut. act. inde eadem conditione translatum ad contractus procuratoris, l. 13. §. si procurator 25. de act. empt. l. §. de prat. stipulat. l. d. 18. §. ult. de damn. infect. Quæstum de tabulariis, seu, ut nunc vulgo appellantur, notariis publicis, an etiam hi civibus absentibus recte stipulentur, usque obligationem acquirant. Quod omnino negandum est, si quidem de jure civili Romanorum queratur: quippe quo jure nec servus publicus id potuit, nisi in duabus illis, quas dixi, causis, ac magistratu jubente stipulationem interponi. Si vero de jure hodierno, ubique ferè locorum invaluit error veterum interpretum, receptumque ut notarii aliis recte stipulentur, & stipulando actionem acquirant. De eo tamen nondum satis convenit, an ex hujusmodi stipulatione aliave conventionem notarii alteri absentis jus ali-quod acquiratur ante ratihabitionem, *vid. Tesaur. decis. 70. Fachin. 8. contr. 51. Christin. Sol. 3. decis. 34. & Sol. 4. decis. 177. & 209.* ubi etiam querit, an, persona quoque non publica alteri stipulari possit secundum dispositionem juris Canonici, *c. quoties cordis quæst. 7.* Sanè non obstat jus naturæ aut gentium, quominus alteri etiam extraneo recte quilibet stipuletur, ut ei volenti & promissum acceptanti obligatio & actio acquiratur. Imo id juri naturæ benè congruit, neque nihil mea interest per me alterum beneficio affici. *Grot. 2. de jur. bell. & pac. cap. 11. num. 18.* & ideo moribus horum temporum id passim obtinet. *Græneq. de legib. abr. ad §. 18. inf. hoc tit. & ibi. cit. Cyprian. cons. Belg. ad §. 3. sup.* Postremo etiam illud in quibusdam causis admissum est, ut alteri ex pactione & stipulatione alterius actio utilis queratur, si pactione adjecta sit actui naturalis; ut puta rem alienam, quam apud se quis habebat, alteri commodavit, aut apud eum deposuit ea lege, ut is eam domino restitueret; aut alienos nummos alicui dedit, ut domino solverentur: ex his causis placet domino utilem actionem commodari, depositi, conditionem dari, l. penult. C. ad exhib. l. si ita 126. §. 2. de Verb. obl. Item si quis suos nummos alieno nomine mutuus dederit velut alienos, ei cujus nomine dati sunt, condictio acquiritur, l. §. pen. de reb. cred. d. l. si ita §. 2. de Verb. obligat. Similia exempla sunt in l. 6. C. de cond. ind. l. 13. de pign. act. Postremo etiam affectioni personarum conjunctæ cum favore causæ hic aliquid tributum, l. Gajus 45. solut. matrim. l. 7. C. de pact. cons. rigorque juris posteriorum Imp. constitutionibus nonnihil mitigatus est, l. 3. C. de donat. qua sub mod.

Solutio etiam in extraneam personam] Quod verat regula juris alteri stipulari, in hanc sententiam verat, ne stipulando, alteri acquiratur. Cæterum si eo spectet stipulatio, & obligatio soli acquiratur stipulatori, jus autem sit promissori, etiam alteriolvere, quominus ad hunc effectum utiliter persona extranea inferatur, regula non prohibet. Atque hoc est, quod hic dicitur, solutionem etiam in extraneam personam conferri posse.

Mibi aut Sejo dare spondes] Conferri in alium solutio seu potestas alteri solvendi fieri promissori intelligitur, si quis disjunctim ita stipuletur, *Mibi aut Sejo decem dare spondes*? ac proinde utilis hæc stipulatio in utriusque persona censetur; in persona stipulantis ad acquisitionem obligationis, in persona adjecti ad solutionem, *l. cum qui 56. §. 2. l. ultim. §. 3. de verb. oblig. l. si mihi 23. de fidei. l. 9. l. 10. de solut.* Sed age consideremus separatim, quid hæc stipulatio tribuat stipulatori, quid Sejo adjecto, quid denique promissori: tot enim sunt, ad quos ea pertinere potest. De stipulatore hoc loco & *d. l. ultim. §. 3. de verb. oblig.* traditum est, ei soli ex hujusmodi stipulatione obligationem acquiri: & acquiritur citra dubitationem totius summæ in stipulationem deductæ, ut solida decem ei debeantur, non pars duntaxat. Neque enim quia decem duobus stipulatus est, ideo summa inter eos dividitur. Divideretur, si conjunctim stipulatus esset sibi & Sejo, de quo mox plura. Qui vero disjunctim decem sibi aut alii dari stipulatur, apertè stipulatur decem solida utrique; nec persona adjecti impedire potest, quominus in id totum, quod sibi quoque stipulatus est, obligationem & actionem acquirat. At ex contrario Sejo adjecto ex stipulatione proposita nihil debetur: quippe cui nihil ex conventionne aliena acquiri potuit. Itaque Sejus neque petere potest id, quod in stipulatum deductum est, neque promissorem ullo suo facto liberare, *l. 5. §. 1. de const. pec. l. 10. de solut.* non fidejussores aut pignora accipere, *l. si mihi 23. de fidejuss. l. 10. qui 33. de pign.* denique nec pecunia ei suo nomine constitui potest, *d. l. 5. §. 1. de pec. const.* Solummodo ad hoc utilis hæc stipulatio in persona Seji adjecti, ut solutam ex causa stipulationis pecuniam accipere possit, eoque facto promissor liberetur. Cum vero omnis adjecto solvendi facultas promissoris causa constituta sit, videndum etiam quid hic promissori tribuatur ad liberationem. Promissori in summa hoc tribuitur, ut etiam adjectoolvere possit, eaque solutione ipso jure liberetur, ut hic expressum est. Et quamvis partem solverit stipulatori, nihilominus tamen reliquum rectè dabit adjecto, *l. cum decem 71. pr. de solut.* Hoc amplius etiam invito & prohibente stipulatore solvendo adjecto liberatur; nimirum quia certam conditionem habet stipulatio, quam immuta-

re stipulatori non licet, *l. 12. §. pen. de solut. l. 16. de fidejuss.* Sed neque promissori ad solutionem obstat adjecti conditio. Stipulatus quis est sibi aut Stichum Sempronii servo dari: soli servo sine voluntate domini rectè solvitur, *l. 9. de solut.* Stipulatus quis est sibi aut pupillo placet promissorem etiam sine tutoris auctoritate pupillo solvendo liberari, *l. 11. d. rir.* Hoc ideo, quia dum adjecto solvitur, ipsi creditori solvi videtur, cum nihil intersit, jubeam te alicuiolvere, an ab initio stipulatio ita concepta sit, *l. si ita 59. eod.* Cæterum & solutionis verbum & certæ personæ adjectio apertè liberationi modum facit, quem excedere non licet, uti in mandatis accidit, *l. 6. mandat.* ut proinde facultas hæc duabus rebus contineatur, certo facto promissoris, ut solvat videlicet, & certa persona, in qua hæc veluti conditio impleri debeat: si quid horum servatum non fuerit, placet factum promissori ad liberationem non prodesse. Et primum igitur nihil agit promissor cum Sejo adjecto paciscendo, sive paciscatur Sejus se non petiturum, sive obligationem novare instituat, sive pecuniam promissori acceptam ferat, *l. 10. de solut.* Habet quidem acceptilatio vim solutionis, habet & novatio, omnisque conventio liberandi debitoris causa interposita, sed tum solummodo cum à creditore proficiuntur, cujus solius est debitorem liberare. Adjectus vero creditor non est. Deinde nihil agit promissor, si alii solvat, quam adjecto: nam neque personam adjecti, quæ à stipulatore electa & probata est, egredi potest: in tantum ut etsi persona servi adjecta sit, nec domino rectè solvatur, nisi ex voluntate servi, *l. 9. l. Stichum 95. §. nam si 7. de solut.* Ad rem nihil pertinet, quod quæcumque per servum acquiruntur, ea acquirantur domino: nam persona aliena hic non adjicitur, ut vel ipse quæquam vel alius per eum acquirat. Eadem ratione si pupilli vel furiosi persona adjecta sit, nec tutori vel curatori dando liberatur, nisi pecunia in rem eorum versa sit, *d. l. 95. §. 7.* & quia adjectus procuratori similis est, nec hæredi ejus rectè solvitur; quippe cum mandatum morte finiatur, *l. cum quis 55. de verb. obl.* Cæterum omnis adjecto solvendi potestas lite cum stipulatore contestata intercidit, *l. 16. de fideic. l. si quis 57. §. 1. de solut.* Hoc ideo, quia judicio nova contrahitur obligatio, & prioris novatio fieri intelligitur, prout actori commodum fuerit, *l. 3. §. idem scribis, de pecul. l. aliam. 29. de no&at.* Illud ex sententia contrahentium placuit, ut ita demum adjecto rectè solvatur, si in eodem statu maneat, quo erat, cum stipulatio interponeretur, quasi hæc conventio tacite stipulationi insit, *si in eadem causa maneat.* Itaque si vel in adoptionem se dederit, vel deportatus sit, aut servus factus, non rectè ei solvitur, *l. cum quis 38. princ. de solut.* Planè, si ad meliorem causam pervenerit, puta si ex servo liber, ex filiofam, tui juris factus fuerit

fuerit, dicendum est, adhuc ei solvi posse, *argument. d. eum qui 56. §. 2. de Verb. obl. add. Donell. l. 55. ad titul. ubi refellit Cujacium contra sentientem atque alios vellicantem*, ostenditque esse aliquid proprium ususfructus in specie, quæ proponitur à Papiniano in *l. Strichum, 95. §. qui ususfr. 6. de solut.*

Adversus Sejum habeat mandati actionem] Hoc idem traditur à Scævola in *l. Julianus 131. §. 1. de Verb. obl.* & ideo receptum est, quia alia actio deficit, & adjectus instar procuratoris est. Verum enim procuratorem non esse, imo ne procuratorem quidem esse satis constat, *l. 12. §. 1. & 2. seq. de solut.* Ceterum stipulator ut plurimum adjecto mandare solet, ut solutionem accipiat.

Si quis sibi & alii] Hac stipulatione recepta, *Mihi aut Titio dare spondes?* qua placet solutionem saltem utiliter in Titium conferri, quaesitum est, propter similitudinem conceptionis, num idem sufficiat conjunctim stipulando, *Mihi & Titio decem dari.* Sed diversa hic omnia constituta sunt tum in persona stipulatoris, tum in persona adjecti. Ad stipulatorem quod attinet, hoc interest inter priorem stipulationem & hanc posteriorem, quod ex illa tantum, quantum promissum est, stipulatori debetur, ex hac dimidium duntaxat, *l. si mihi 110. de Verb. obl. & hoc text.* Cur verotam variè: nimirum propter diversam vim orationis disjunctivæ & conjunctivæ: quippe hujus vis est, ut pro numero personarum summa stipulatione comprehensa dividatur, illius non item. Cum enim disjunctim quis stipulatur sibi aut Titio decem dari, non attribuit hanc summam pluribus, sed unitantum, si alteri non detur. Quæ autem summa unitributa est, ea non potest dici enumeratione personarum divisa. At cum stipulor conjunctim mihi & Titio decem dari, eodem tempore & simul stipulor eandem summam mihi & Titio: ut perinde sit, ac si dixissem, *Mihi & Titio simul decem dabis?* id est, mihi quinque, & Titio quinque. Atque hoc est, quod Julianus ait, una decem communiter in hac stipulatione comprehendi, *l. eum qui 56. præc. de Verb. obl. fac. l. cui. fundus 56. de cond. & dem. l. reos 11. §. 1. de duob. reis.* Hinc etiam efficitur, ut etiam si non pecunia, sed certum corpus stipulatione comprehensum sit, non amplius tamen quam pars debeatur, ut rectè censet Bachovius contra Hotomannum, *fac. d. l. si mihi 110. de Verb. obl.* Planè, si res in stipulatum deducta divisionem non recipiat, aut ejus sit conditionis, ut adjecto acquiri non possit, magis est, ut persona ejus pro supervacuo adjecta habeatur, *arg. l. 5. comm. præd. §. ult. sup. de stip. serv.* Quod etiam in emptione & venditione receptum est, sed alia ratione, nempe quia unum pretium pro re tota constituitur; & injuria afficeretur venditor, si res pro parte tantum vendita intelligeretur, *l. fundus 67. de cont.*

empt. De Titio adjecto nihil nominatim à veteribus definitum legimus. Ceterum hoc posito in hac specie, *Mihi & Titio decem dabis?* stipulatorem videri tantum quinque sibi stipulari, reliquum Titio, satis intelligitur, Titio nec ullam obligationem, utpote extraneo, acquiri, nec ei quicquam à promissore rectè solvi; cum non solutioni, sed obligationi persona illius applicata sit.

Non plus quam dimidiam partem] Uti ex stipulatione proposita obligatio in solidum stipulatori non acquiritur, ne quod extraneo inutiliter stipulatus est, partem ejus augeat: *l. si mihi 110. de Verb. obl.* ita nec in totum inutilis est, sed pro parte tantum, ne quod sibi utiliter stipulatus est, inutili adjectione vitietur, *l. 1. §. pen. eod. cap. utile, 7. de reg. jur. in 6.* Hinc vulgo colligunt jus accrescendi inter conjunctos non habere locum in contractibus, nisi aut causa onerosa aut res individua sit. *Gomez. 1. resolut. cap. 10. & ibi citati num. 1. & seqq.* Quod tamen insubtiliter dicitur. Nam de jure accrescendi non rectè disputatur, nisi actus in utriusque persona ab initio consistat, ut concurrentes singuli partem petere possint, uno autem deficiente totum ad alterum pertineat, ut sit, cum duo ad eandem hereditatem vocantur, aut cum duobus eadem res conjunctim legatur, *§. si eadem 8. sup. de legat.* At in contractibus persona conjuncti facit, ut actus aut pro parte nullus sit, aut ut perinde sit habendum, ac si omnino adjectus non esset, totumque negotium ad alterum solum pertineret, *add. Duar. lib. 1. de jur. accresc. c. 15. Bronchorst. 2. assert. 60. D. 88. anenb. de jur. accresc. c. 8.*

Qui tuo juri subiectus est] Interdum qui verbis stipulatur, vi ipsa sibi stipulari intelligitur, sibi quæ actionem acquirit: idque toties accidit, quoties stipulantis pecuniariter interest alteri dari: de quo dicemus *inf. sub §. sed et si 19.* Pertinent huc dominus & pater, qui filium in potestate habet, quos placet servo & filio rectè stipulari, *hoc text. l. dominus 39. l. eum qui 56. §. 3. l. quod dicitur 130. de Verb. obl. l. 2. C. de contr. stip.* nempe quia servo aut filio dari domini aut patris interest: quoniam quod servo aut filio ex illa stipulatione datum erit, id statim domino aut patri acquiritur. Ait, *Tuo juri subiectus.* Ergo si filio emancipato pater stipuletur, non idem probandum est, *l. si genero 26. C. de jur. dot.* Sed nec ipsi filio emancipato ex stipulatione patris obligatio ulla aut actio acquiritur, *d. l. si genero.* Nec obstat *l. quodcumque 45. §. 2. de Verb. oblig.* nam illud duntaxat ex eo loco rectè colligitur, quibus in causis pater filium emancipata stipulari potest, in his etiam huic filium rectè stipulari post mortem suam, ut utilis actio filium detur. At hoc tantum receptum in causa dotis, cum pater dotem & quidem à se profectam stipulatur reddi

si filix, cujus nomine data est, l. *Gajus 45. solut. marr. l. 7. C. de pact. conq.* Neque vero uteretur jurisconsultus exemplo filix, si pariter filio quoque emancipato, & quidvis liberis omnibus pater rectè stipularetur. *Donell. ad l. stipulatio ista 38. §. aliter. 17. n. 60. de Verb. obl.*

Vox tua tanquam filii Patris & filii, quem ipse potestate habet, eadem persona, eadem vox esse dicitur, §. *post mortem 12. inf.* sed observetur, hoc dici cum hac adjectione, cum per filium patri acquiritur, *hoc text.* Quod si pater filio stipuletur, quod consistat in persona filii, nec ad patrem redire possit, hic non eadem vox patris & filii habetur, nec magis utilis est stipulatio, quam si cuius extraneo stipulatus esset. Hinc improbata primum hæc stipulatio, si pater stipuletur factum, quod in personam filii conferatur, puta ut ei ire agere liceat, l. *quod dicitur 130. de Verb. oblig.* Deinde & illa, si stipuletur quidem filio id, quod juris sit, sed quod leges ei acquiri non permittunt, l. *dominus 39. cod. de hoc text.* veluti si quid stipuletur filio ex causa castrensis peculii, aut adventitii, quod patri nullo modo acquiritur: nam ubi ususfructus patri queritur, saltem usque ad quantitatem ususfructus eum actionem habiturum existimo; quia hætenus ejus interest.

TEXTUS.

De interrogatione & responsione.

5. *Præterea inutilis est stipulatio, si quis ad ea, quæ interrogatus fuerit, non respondeat, veluti si quis decem aureos à te dari sibi stipuletur, tu quinque promittas, vel contra: aut si ille purè stipuletur, tu sub conditione promittas, vel contra: si modo scilicet id exprimas, id est, si cui sub conditione vel in diem stipulanti tu respondeas, præsentis die spondeo. Nam si hoc solum respondeas, Promitto: breviter videris in eandem diem vel conditionem spondidisse. Neque enim necesse est in respondendo eadem omnia repeti, quæ stipulator expresserit.*

NOTÆ.

5. *Si quis decem, &c. tu quinque vel contra* Tota hæc verborum conceptio non est planè inutilis, sed pro ea summa duntaxat, quæ vel interrogationem

vel responsionem excurrit: quoniam cum in majori summa semper insit minor, hætenus quoque aptè responsum hic intelligitur, l. 1. §. 4. l. 83. §. 3. de Verb. obligat. Similiter si quis de una re interrogatus, promittat & eam & plures conjunctim; aut de pluribus conjunctim, ex his unam, placet promissorem saltem obligari in eam rem, de qua & interrogatus est, & respondit, d. l. 1. §. 1. d. l. 83. §. 4.

COMMENTARIUS.

- 1 *Interrogationis & responsionis congruentia unde estimanda.*
- 2 *Quid juris, si diversitas responsionis versetur circa rem aut quantitatem, & n. 4. & 7.*
- 3 *Quid si circa qualitatem seu formam stipulationis, & n. 6.*
- 4 *Ad quam speciem pertineat definitio l. 1. §. 3. in fin. de Verb. obl.*
- 5 *Quid si impersonaliter respondeatur.*

AD conficiendam stipulationem constituendamque obligationem verborum non satis est respondentem illico respondere, sed etiam necesse est, ut respondeat congruenter ad interrogationem: alioquin inutilis est stipulatio, auctore Justiniano in *pr. hujus §.* Interrogationis & responsionis congruentia non tam ex verbis, quam ex re & sententia verborum estimanda est. Nam qui idem respondet, de quo interrogatus est, & respondet eodem modo seu servata eadem qualitate interrogationis, congruenter respondere intelligitur, etsi non eadem lingua respondeat; veluti si Latinè interrogatus, respondeat Græcè, §. 1. *sup. de Verb. obl. l. 1. §. ult. eod.* Similiter qui stipulanti denarios ejusdem quantitatis aureos spondet, obligatur, ut qui aptè ad interrogatum responderit, l. *qua extrinsecus 61. §. 1. eod.* Sed & qui ita interrogatus, Dabis? responderet, quid ni? rectè respondisse intelligitur, & obligatio constituta, d. l. 1. §. 2. Denique non est necesse verba stipulatoris omnia in respondendo repetere, *hoc text. in fin.* Qui vero aut non idem respondet, aut respondet alio modo seu mutata forma aut qualitate stipulationis, is non intelligitur respondisse convenienter interrogationi, atque in ea causa est, ut non obligetur. Cæterum ad vim obligationis multum interest, utrum quis non idem respondeat, an alio modo: id est, utrum diversitas responsionis versetur circa rem aut quantitatem in stipulationem deductam, an circa stipulationis qualitatem. Cum in re ipsa dissentit responsio, non quidem quando respondetur plane aliud, veluti pro Sticho Pamphilus, (nam isto modo nullam omnino contrahi obligationem convenit) sed cum respondetur plus aut minus, placet non in to-

tum stipulationem esse inutilem, sed tantum quatenus plus aut minus est in responsione aut interrogatione; idque siue certa summa siue certa corpora in stipulatū deducta sunt. Itaq; si stipulanti mihi decem, tu viginti respondeas; aut ex contrario, si viginti stipulanti, respondeas decem; non in totum inutilis est stipulatio, sed pro ea summa duntaxat, quæ alterius vel interrogationem vel responsionem excurret: nam in decem utique & utroque casu obligationem contractam, diserte scribit Ulp. *d. l. 1. §. si stipulanti 4. de Verb. obl.* Similiter si quis de re una interrogatus promittat & eam & plures conjunctim, veluti si de Sticho interrogatus, Stichum & Pamphilum spondeat; aut ex converso de pluribus rebus conjunctim interrogatus, puta de Sticho & Pamphilo, unum ex his promiserit; non in totum vitatur obligatio, sed placet promissorem saltem obligari in eam rem, de qua interrogatus est, & respondit, *d. l. 1. §. sed si s. neque nova stipulatoris approbatio efficit, ut in totum hæc stipulationes valeant; & quatenus consistunt, etiam si hæc ea consistunt, l. inter. §. item si 4. eod. §. quoties 17. inf. eod.* At cum quis mutata stipulationis qualitate aliter respondet, quam interrogatus est; quod fit, cum vel simpliciter interrogatus respondet se daturum sub conditione vel in diem; vel sub conditione aut in diem interrogatus respondet pure, id est, sic ut expressè dicat se statim daturum: hic evenit, ut in totum nulla contrahatur obligatio, qua tamen in specie hæc exceptio probata est, nisi diversitas responsionis illico placuerit stipulatori. Videamus autem quam rectè hæc omnia dicantur. Illud extra controversiam est, si de decem interrogatus respondeas viginti, non esse contractam obligationem in viginti, quia de viginti interrogatus non es; quod significat Ulpian. *d. l. 1. §. 4. cum ait oportere congruere summam.* At quid si mihi illico placeat responsio tua? Ajo, nihilo magis te in viginti obligari: etenim natura stipulationis, quæ interrogationem præcedentem desiderat, non patitur, ut in id, de quo interrogatus non es, obligatio contrahatur, quantumvis promissio tua mihi placeat. De eo quaeritur, an ex hujusmodi stipulatione saltem tenearis in decem. Et ait Ulpianus *d. l. obligacionem saltem in decem esse contractam; idemque esse & si me viginti interrogante, tu decem respondeas.* Sed utrum hoc ita demum, si responsio tua mihi confessim placeat, ut quidam existimaverunt, an etsi non placeat? Ajo, etsi non placeat; hoc enim evidenter demonstrat ratio Ulpiani; *Licet enim, inquit, oportet congruere summam: attamen manifestum est, viginti & decem inesse:* quasi dicat, diversitas responsionis in decem hic nulla est, sed summa interrogationis & responsionis saltem in decem

optimè convenit: quod si verum est, frustra desideramus aliam stipulatoris approbationem, *fac. l. inter. 83. §. 3. de Verb. obl.* Idem multo magis dicendum est, si plures res conjunctim aut in interrogationem aut in responsionem deducantur: nam tunc plures sunt stipulationes invicem distinctæ, tot videl. quot sunt res expressæ: quarum stipulationum cum illæ utiles sint, in quibus ad interrogatum responsum est, per alias inutiles vitari non debent, *d. l. 1. §. 5. l. sci-re. 29. d. l. inter. 83. §. 4. l. quod dicitur. 86. eod.* Atenim Jurisconsultus *d. l. 1. §. 3. in fin.* sic generaliter definit; *Cum adjicitur aliquid, aut detrahatur obligationi, semper probandum est, utriusque esse obligationem, nisi stipulatori diversitas responsionis illico placuerit.* Nego, hanc definitionem ad eam speciem pertinere, cum stipulanti res plures aut pauciores spondemus, quam stipulatus est. Nam ubi plures sunt stipulationes separatæ, ibi una neque adjici alteri rectè dicitur, quia nunquam coherent; neque detrahi, quia prius in altera non fuit. Sed neque pertinet ad eam speciem, cum major aut minor summa promittitur, quam stipulatione comprehensa est: facis enim est, ad stipulationem idem respondere, de quo interrogatus est, etiam si in partem, (dummodo certam & divisam) non autem ad omnia respondeas, *l. 1. §. 4.* Quo igitur pertinet? Ad speciem illam alteram, cui & subicitur, cum scilicet responderetur mutata interrogationis forma, conditione aut die obligationi adjecta vel detracta; quo casu alias in totum vitaretur stipulatio, siue plus siue minus promittatur: quoniam neutiquam congrua illa responsio, quæ aliam formam & qualitatem obligationis facit. Ceterum quia hic circa rem ipsam nulla est in interrogatione & responsione diversitas, placet approbationem stipulatoris de qualitate responsionis efficere, ut post eam perinde habeatur, ac si ad interrogatum congruenter responsum esset; atque ut Jurisconsultus *d. loc. ait,* quasi alia contracta esset stipulatio: ex quo rectè etiam hoc colligitur, hanc approbationem efficere, ut id quoque, quod plus hic promissum est, debeatur. *D. Tulden. comm. hoc tit. cap. 2.* Condicio etiam tunc obligationi adjici aut detrahi intelligitur, cum quis de una re interrogatus, disjunctim plures promittit, aut de pluribus disjunctim interrogatus unam ex his. Ut ecce, si quis de Pamphilo interrogatus, Pamphilum aut Stichum respondeat, hic qui pure interrogatus est, obligationi adjicit conditionem, Pamphilum sub conditione spondens, si Stichum non dederit. Et ex converso si stipulare me Pamphilum aut Stichum, tu unum daturum te sponderis; hic obligationi conditionem detrahis, pure promittens quod ego sub conditione stipulatus sum, ac proinde utroque casu fit, ut stipulatio in totum sit inutilis, quia neutro responderetur servata stipulationis forma, *d. l.*

83. §. 2. d. l. 1. §. 3. In summis vero etiam hic, quod minus recte sponderi intelligitur, d. l. 83. §. 3. Fule Don. ad d. l. 1. §. 3. 4. 5. sed melius ad l. scire 29. eod. sub fin. Gomez. 2. resol. 10. num. 4. Hodie postquam vis pacti & stipulationis exæquata est, non usquequaque hujus subtilitatis ratio habetur.

Tu quinque promittas, vel contra] Ostendimus ex Ulpiano, l. 1. §. 4. de Verb. obl. cum quis majorem aut minorem summam spondet, quam de qua interrogatus est, non in totum vitari obligationem, sed valere saltem in summam minorem: quoniam hactenus apte atque ad interrogandum responsum est. Non est existimandum, id negare Imperatorem, cum hic ita proponit, *inutilem esse stipulationem, si quis ad ea, quæ interrogatus fuerit, non respondeat*; & ad hoc declarandum tali exemplo utitur, *Si quis decem à te sibi dari stipuletur, tu quinque promittas, vel contra*. Sufficit enim ad probandum quod proposuit, esse in hoc exemplo stipulationem, in qua ad interrogatum responsum non est, & hanc stipulationem hactenus esse inutilem: quod & verum est. At ex eo non sequitur, inutilem esse totam istam conceptionem, *Decem aureos mihi dare spondes? Quinque dare spondeo*. Nam cum in quinque, quæ manifestum est decem inesse, responso cum interrogatione conveniat, utique saltem in quinque etiam valere debet proposita stipulatio, juxta sententiam Ulpiani, & vel secundum hanc ipsam Justiniani propositionem. Auctorem Institutionum, quæ Gaji nomine inscribuntur, lib. 2. tit. de obl. §. 10, sive is Anianus fuit, sive quis alius, nihil moror. Plane alia ratio est contractuum onerosorum, in quibus quid vicissim præstandum est, veluti in emptione & locatione, ubi qui decem pro pretio aut mercede requirit, si quinque ei promittantur, pro dissentiente in totum habetur, ne præjudicium ei fiat, l. si decem 52. locat. Gomez. 2. resol. c. 10. n. 4. D. Bronch. 4. assert. 37.

Ille pure stipuletur, tu sub conditione promittas, vel contra] Exemplum stipulationis, quæ ideo inutilis, quæ respondetur mutata obligationis forma, adjecta scilicet aut detracta conditione: cujusmodi stipulationem prorsus inutilem esse paulo ante probavimus, nisi diversitas responsionis illico placeat, ex l. 1. §. 3. de Verb. obl. quamquam hoc omissum hic à Compositoribus, ut & alia, in quibus hoc genus discrepat à superiore. Sciamus igitur, alterum cum altero secundum quid tantum comparari.

Neque enim necesse est, &c.] Non est necesse, ut respondens verba stipulationis omnia repetat, sed simpliciter respondendo, *Spondeo aut Promitto*, responso ad universam conceptionem atque ad omnia interrogata refertur, §. quoties 17. inf. nam ut stipulator verba concepit, & quasi prævit, ita respon-

disse intelligitur. Quid si interrogatus *Dabis* ? respondeat impersonaliter, *Dabitur* ? Puta, recte atque ad interrogatum responsum videri debere, arg. d. l. 1. §. 2. de Verb. obl. neque obstat *ausb. si quando*, C. de const. pecun. ubi Justinianus cavet, ne obligetur de pecunia constituta, qui ita dicit, *Satisfes tibi*. Nam in constituto nulla præcedit interrogatio, ad quam verba ista referantur. *Alciat. 2. parerg. 18. Don. in l. 5. §. 1. n. 4. & seq. de Verb. obl.*

TEXTUS.

De his qui sunt, vel habent in potestate.

6. Item inutilis est stipulatio, si vel ab eo stipuleris, qui tuo juri subjectus est, vel si sis à te stipuletur. Sed servus quidem non solum domino suo obligari non potest, sed ne quidem ulli alii: filii vero familiarum aliis obligari possunt.

NOTÆ.

6. VEL AB EO, QUI TUO JURI] Ratio est, quia nemo sibi ipsi obligari potest, l. 11. de leg. 1. aut secum ipse agere, l. 16. de fur. Dominus autem & servus, pater & filius in iis, quæ juris sunt, & domino ac patri acquiri possunt, vice unius personæ funguntur, §. 4. sup. eod. fac. l. 7. de obl. & act. l. 4. de jud. Utique tamen naturalis saltem obligatio in proposito nascitur, §. 1. tit. prox. l. 38. de cond. ind.

FILIIFAM, ALIIS OBLIGARI POSSUNT.] Servi naturaliter tantum ex contractibus obligantur, l. 14. l. 43. de obl. & act. quia quod ad jus civile attinet, pro nullis habentur, leg. 32. de reg. jur. τῶν δούλων οὐκ ἔστι μετεσθία πολιτείαν. Liban. dec. 16. At filiifam. extra patrem & causam mutui etiam civiliter, ut reliqui cives, l. 39. de obl. & act. l. 57. de jud. l. ult. §. 2. de Verb. obl.

COMMENTARIUS.

Q Vi stipulatur ab eo, quem in potestate habet, cujusve ipse est in potestate, nihil agit: cujus rei ratio petenda ex eo, quod superius diximus sub §. 4. hoc tit. quod dominus & servus, pater & filius in iis, quæ juris sunt, & domino ac patri acquiri possunt, eadem persona censentur. Nemo enim sibi ipsi obligari potest, l. 11. de legat. 1. l. hares 21. §. 3. de fidejuss. Et quidem ad producendam obligationem civilem, de qua hic agitur, sive dominus à servo, sive pater à filio stipuletur, obligationem saltem natura-

lem nasci, argumento est, quod fidejussor acceptus tenetur, §. 1. *ut. seq. l. si quis 56. §. 1. de fidejuss.* Sed si servus à domino, filius à patre stipuletur, placet nec fidejussorem acceptum teneri, *d. l. si quis §. ult.* Et an igitur hoc posteriore casu ne naturalis quidem obligatio nascitur? Omnino, *l. si dominus 64. de cond. ind.* sed hic fidejussor acceptus ideo non tenetur, quia si qua sic hic esset fidejussoris obligatio, ea acquireretur domino aut patri.

Two juri subiectus] Igitur à sensu contrario pater à filio emancipato, aut filius emancipatus à patre si stipuletur, utilis est stipulatio. Idemque probandum est, si stipulatio ad bona filii castrensia pertineat; quippe cum in his filiusfam. vice patrisfam. fungatur, *l. 2. de sen. Mac. l. 4. de jud.* Et quidni idem quoque dicamus de bonis adventitiis, quorum plenam filius proprietatem habet? *arg. Nov. 117. cap. 1. & hodie simpliciter, quoniam idem; illa una cum veteris patris potestatis effectu exolevit.*

Filius vero familiarum aliis obligari possunt] Inter servum & filiumfam. hoc interest, quod servus non tantum domino, sed nec ulli alii ex contractu civiliter obligari potest, *l. serv. 14. de obl. & act.* Filius autem familias extra patrem & causam mutui tanquam patremfam. omnibus aliis obligatur, *l. filiusfam. 39. cod. tit. Sid. inf. tit. quod cum eo, qui in alien. potest.*

TEXTUS.

De muto & surdo.

7. Mutum neque stipulari neque promittere posse, palam est: quod & in surdo receptum est: quia & is, qui stipulatur, verba promittentis, & is, qui promittit, verba stipulantis audire debet. Unde apparet, non de eo nos loqui, qui tardius exaudit, sed de eo, qui omnino non audit.

COMMENTARIUS.

Cum stipulatio confici non possit, nisi utroque loquente, & altero interrogante, altero ad interrogatum respondente, palam est, neque mutum neque surdum ad verborum obligationem pertinere: non mutum, quia loqui non potest: non surdum, quia verba stipulantis audire, & proinde ad interrogata respondere nequit. Non enim sufficit ad hanc obligationem constituendam, per literas aut interrogari aut respondere, sed verba utrinque intervenire & lin-

gua nuncupari necesse est, *l. 1. pr. de Verb. obl. l. 1. §. pen. & ult. de obl. & act.* Enimvero quod mutus & surdus per se facere non possunt, ut aut stipulando sibi acquirant, aut promittendo obligentur, id efficere possunt per servum, si quid eorum illum facere jubeant, *d. l. 1. in pr. de Verb. obl.* Etenim quod servus stipulatur, id domino volenti recte acquirit, cui etiam nullo ejus jussu precedente acquireret, atque adeo invito, §. item, *Sobis sup. per quas person.* Si quid jussu domini promittat, placet dominum obligari quod jussu, *d. l. 1. in fin. pr. de Verb. obl. l. 1. quod jussu §. 1. inf. quod cum eo, qui in al. potest.* At quomodo jubeant? nutu, per nuntium, per epistolam. Qui surdus tantum est, etiam verbis jubere potest.

Qui omnino non audit] Scribit tamen alibi Justinianus, neminem tam surdum esse, quin audiat, si quis supra cerebrum ejus loquatur, *l. discretis 10. C. qui testam. fac.* Ego autem puto, commentum hoc esse, ut & alterum illud, quod idem eodem loco affirmat, fieri posse, ut is, qui surdus natus est, articulatam vocem edat, *Sid. Plin. lib. 11. natur. hic cap. 69.*

TEXTUS.

De furioso.

8. Furiosus nullum negotium gerere potest, quia non intelligit, quod agit.

COMMENTARIUS.

Verbis fieri stipulatio dicitur, non quod sine consensu solis verbis fiat, sed quod sine verbis non fiat solo consensu. Semper enim illud manere debet, nullam obligationem, quæ quidem ex contractu sit, sine consensu constitui, *l. 1. §. conventionis 3. de pact.* Proinde quicunque animum habent voluntatis & iudicii expertem, hi non magis ex stipulatu, quam ex quovis alio contractu obligari possunt. In hoc genere sunt furiosi, mente capti, prodigi, infantes. Furiosum nullum negotium contrahere aut gerere posse natura, manifestum est, *l. 1. §. furiosus 12. de obl. & act. l. si à reo 70. §. 4. de fidejuss. l. 5. de reg. jur.* Eas res facit, ut nec accedente curatoris auctoritate obligetur, *d. l. 5. de reg. jur.* Prius enim est, ut quid agi aut geri intelligatur, quam ut curator dici possit, quod agitur, aut geritur, probare. De furioso quod dicitur, id intelligendum est etiam ad mente captum pertinere, qui furore non corripitur; quoniam non alia ratione in furioso locum habet, quam quis mente caret, sive ut hic scriptum est, *quia non intelligit, quod agit.* In eadem causa cum furioso est & prodigus seu is cui

is cui bonis interdictum est, verum cum de eo obligando agitur duntaxat. In acquirendo enim dissimilitudo est. Quippe furiosus nullum negotium recte gerit, neque quo obligetur, neque quo obligationem sibi acquirat, *d. l. 1. §. 12. de obl. & act.* At prodigus stipulando aut aliter contrahendo sibi acquirere potest, licet promittendo non obligetur, non magis quam furiosus, *l. 6. de verb. obl.* neque alio pertinet comparatio furiosi aut prodigi in *l. furiosi 40. de reg. jur.* Obiter hic illud admonendi sumus, quod furiosus gessit in intermissione furoris, ratum haberi, neque nullum negotium antea recte gestum furore postea interveniente perimi, *§. 1. sup. quib. non est perm. fac. est. l. 9. Cod. qui test. fac. & ibi DD.*

TEXTUS.

De impubere.

9. Pupillus omne negotium recte gerit, ita tamen ut, ubi tutoris auctoritas necessaria sit, adhibeatur tutor: veluti si ipse obligetur: nam alium sibi obligare etiam sine tutoris auctoritate potest. Sed quod diximus de pupillis, utique de iis verum est, qui jam habent aliquem intellectum. Nam infans, & qui infantia proximus est, non multum à furioso distat: quia huiusmodi aetatis pupilli nullum habent intellectum. Sed in proximis infantia propter utilitatem eorum benignior juris interpretatio facta est, ut idem juris habeant, quod pubertati proximi. Sed qui in potestate parentis est impubes, ne auctore quidem patre obligatur.

NOTÆ.

INFANS] Infantem dicimus usque ad annum septimum, *l. 1. §. 2. de adm. tut. l. 18. C. de jur. del.* quia ætate plene absolvitur integritas loquendi. Macrobius *1. in. S. S. cap. 6. anno septimo plene absolvitur integritas loquendi.*

INFANTIAE PROXIMUS] Qui septennium egressus adhuc consistit intra annum decimum & dimidium, aut pupilla intra annum nonum & dimidium.

NE AUCTORE QUIDEM PATRE] *l. ult. §. 2. de verb. obl.* sicut nec ex contrario auctore patre sibi acquirere potest. Pupilli alia ratio, cujus è re est,

saltem tutore auctore obligari posse, cum ipse vicissim sibi alios obliget.

COMMENTARIUS.

- 1 *Gradu aetatis pupillaris, & quamdiu quis infans habeatur.*
- 2 *Proximus infantia quis dicatur, & quando ita appellari desinat, vocarique incipiat pubertati proximus.*
- 3 *Iterum de infante & infantia proximo.*
- 4 *De proximo pubertati; & an non saltem naturaliter sine tutoris auctoritate obligentur.*
- 5 *De obligatione puberum minorum 25. annis.*
- 6 *Cur placeat impuberem ne patre quidem auctore obligari.*

Pupillus omnia tutore auctore recte agit, quædam etiam sine eo. Tutore auctore tam se aliis, quam alios sibi obligare potest: sine tutoris auctoritate se quidem aliis non obligat, sed alios sibi, & in universum conditionem suam meliorem facere potest etiam sine tutoris auctoritate, *l. 9. de auct. tut.* qua de re dictum *lib. 1. tit. de auct. tut.* Cæterum quod ita generaliter alibi definitur, id hoc loco docemur non pertinere ad pupillos omnes seu cujuslibet ætatis; verum ad eos tantum qui jam habent aliquem intellectum. Quinam illi ex pupillis sint, postea intelligitur. Ætatis pupillaris tres sunt partes sive gradus. Est infans; est infantia proxima; est proximus pubertati. Infans dicitur, quasi tandi impos. Atque hæc duo idem valent, infans, & qui fieri non potest: sicut ex converso per eum, qui fieri potest, significatur infante major, *l. 1. §. 2. de adm. tut. l. 1. serv. co. §. pen. ad Trebell. l. 1. §. huic proximus 13. de obl. & act. l. mulier 70. de verb. obl. l. 6. rem pup. sal. for. l. §. de reg. jur.* At enimvero sciendum est, jure nostro infantiam non usu & naturali facultate loquendi, sed ætate æstimari. Is enim jure habetur & definitur infans, qui minor est septem annis, *l. infanti 18. Cod. de jur. delib. d. l. 1. §. 2. de adm. tut. l. 14. de sponsal.* Etsi enim qui septem annos nondum natus est, natura fieri potest, tamen jure id facere non posse existimatur; quoniam quid loquatur, non intelligit. Proximus infantia dicitur, qui septennium nuper superavit, *in præm.* septuennis. Macrobius *1. in. S. S. cap. 6. anno septimo plene absolvitur integritas loquendi.* Quando autem hoc nomine pupillus appellari desinat, & vocari incipiat pubertati proximus, non est satis exploratum; tum quia id jure expresse definitum non reperitur; tum quia in eo definiendo mire variant interpretes. Alii enim terminum proximitatis infantia faciunt annum duodecimum completum, *Per. Fab. ad d. l. 9. de reg. jur. Radvard. ad l. pupillum 121. cod.* Alii

annum decimum tertium, *Hotom. hic. Robert. 2. recept. l. 17.* Quibus pubertati proximus dici incipit, qui vel decimum tertium vel decimum quartum annum attigit. Cujacio, cui ad pubertatem semestris deest, *17. abs. 4.* Accursius ad hunc locum & in *l. 1. de novat.* censet, totum reliquum tempus, quod infantiam sequitur usque ad pubertatem, dividendum esse in duas partes æquales, ut qui consistat intra priorem, hic sit infantia proximus: qui hanc egressus consistat intra posteriorem, is dicatur proximus pubertati; quia revera huic sit proximior, quam infantia. Itaque pupilli proximum infantia eum haberi, qui septem annis major consistat adhuc intra annū decimum & dimidium: qui excessit, esse proximum pubertati. Pupillam autem infantia proximam eam esse, quæ infantiam egressa, consistat intra annum novum & dimidium: quæ eam ætatem excessit, esse pubertati proximam. Idem censent *Bart. & Castr. in d. l. 1. de novat.* communemque hanc esse sententiam testantur *Decius ad d. l. pupillum, de reg. jur. Vigl. in §. testes, sup. de test. ord. Gomez. 3. resol. 1. n. 57. Schneid. ad pr. sup. de auct. tut. n. 12. & seq.* Sunt denique, qui iudicis potestati & arbitrio hoc committendum existimant, ut is non tam ex ætate, quam captu & astutia impubertatis æstimet, quæ ætate vel infantia vel pubertati proximus sit habendus; ut & alias fieri consuevit in iis, quæ certo jure definita non sunt, *l. 1. §. ult. de jur. delib.* In qua sententia jam olim fuit *Joan. Fab. hic, & Salic. ad l. 7. C. de pen.* eamque probant *Dec. Vigl. citatis loc. Coraf. 6. misc. 23. Cozar. de matr. p. 2. c. 5. n. 7. Menoch. 2. arbitr. c. 57. n. 20. & seq. Goedd. de contr. stip. c. 7. n. 185. & seq. Philipp. Matsh. ad l. fere 108. n. 39. & seq. de reg. jur.* In hac autem varietate propius à vero abesse videtur opinio communis, quam etiam Gomez. ubi sup. in judicando & consulendo sequendam censet. Et vero cum tempus, quod infantiam sequitur usque ad pubertatem, in duas ætates divisum sit, in eam, quæ proxima est infantia, & quæ proxima pubertati, quarum in computanda altera retro, in altera porro eatur, hoc ipso & in illa terminus ad quem, & in hac terminus à quo satis jure definitur, nimirum iuxta temporis illius medietas.

3 *Infans & infantia proximus non multum à furioso* Infans in his, quæ animo & affectu geruntur, non multum à furioso distat, ut qui non magis intelligat, quod agitur, aut affectu acquirendi ducatur, quam furiosus. Proinde nec cum tutoris auctoritate quicquam gerere potest, nec contrahendo obligari, aut obligationem sibi acquirere. Illud tantum utilitatis causa receptum est, ut infans tutore auctore possit incipere possidere, iudiciumque infans in re, quæ facti magis, quam juris est, suppleatur auctoritate tutoris, *l. 1. §. 3. l. quamvis 32. §. ult. de acquir. possess.*

l. 3. C. eod. Don. 5. comm. 11. Quod de infante, idem etiam de infanti proximo hic dicitur, nullum eum habere intellectum: in *l. 9. de acq. bar.* dicitur nihil scire aut discernere: alibi non intelligere, quod agitur: *l. 1. §. huic proximus 13. de obl. & act. l. 6. rem pup. salv.* actum rei non intelligere, *l. 5. de reg. jur.* Caterum cum & hic, & iisdem illis locis proditum sit, eum qui infantia proximus est, & stipulari & promittere, & hereditatem adire, omniaque tutore auctore non minus recte agere posse, quam qui proximus sit pubertati, quantumvis id benigne receptum sit, comparatio hæc infantis & infantia proximi cum mica salis accipienda est, quod ille scilicet nullum omnino intellectum habeat, hic nullum perfectum; ille omnino non intelligat, quod agitur, hic non omnino. Nam si nec proximus infantia ullum intellectum haberet, ne tutore quidem auctore quicquam agere posset, neque illa interpretationis benignitas magis in hoc admittenda esset, quam in infante. Denique non alia ratione receptum est, ut septennio major idemque infantia proximus sponsalia contrahere, item sine auctoritate tutoris incipere possidere queat, quam quod ea ætas jam aliquem intellectum habere credatur, ut diserte testantur Jurisconsulti *l. 14. de sponsal. l. 1. §. furiosus, de acq. poss. l. quamvis 32. §. ult. eod. tit.*

Idem Furu, quod pubertati proximi Ut scilicet stipulando aut aliter contrahendo sibi obligationem acquirere, & cum tutoris auctoritate omnia recte gerere possint, *l. 5. de reg. jur.* Quod cum illis benigniter præstitum dicatur, *l. 1. §. huic proximus 13. de obl. & act. l. 9. de acq. bar. & hoc text.* sciamus, in aliis adhuc differentiam manere; veluti quod qui tam impubes est, ut adhuc infantia sit proximus, expers doli & injuriæ habeatur, quorum & poenæ capax est pubertati proximus, *l. pupillum 11. de reg. jur. l. 9. §. pen. ad leg. Aquil. l. 3. §. 1. de sepulch. viol. l. impuberem 23. de furt. l. 13. §. 1. de dol. mal. Gomez. 3. resol. 1. num. 57.* Et cum infantia proximus, cum remoto tutore de eo obligando agitur, in eadem plane causa cum infante & furioso, tanquam nullum intellectum habens, ponatur, de pupillo pubertati proximo quæri intelligitur, cum quæritur an non saltem pupillus ex contractu sine tutoris auctoritate initio naturaliter obligetur. De quaestione quid habendum sit videamus. Et posito eo, quod pupillus, qui pubertati proximus est, jam intelligere, quod agitur, velle & consentire natura potest, neminem dubitare oportet; quin ex conventionione sua naturaliter obligetur. At pupillum, qui ejus ætatis sit, actum rei intelligere, ac proinde consentire posse, satis probant hic textus & supra citati loci, in quibus hoc solo intuitu infantia proximus separatur à proximo pubertati, quod ille non intelligat, quod agitur, hic

hic intelligat; ille doli expers sit, hic capax. Nam quod generaliter de impuberibus omnibus Justinianus pronuntiat, nullum esse eorum animi iudicium, §. 1. *sup. quib. non est perm. fac. test.* id quidem recte etiam dicitur de pubertati proximis sed in re de qua ibi agitur, dispositione testamentaria; in qua merito majus & solidius iudicium requiritur, quam in ullam partem pupillaris ætatis cadere posse creditur. Sed & nonnullis locis expresse traditum est, pupillum (intellige semper adulto proximum) sine tutoris auctoritate contrahentem naturaliter obligari, ut in *l. cum illud 25. §. 1. quand. dies leg. l. si pupillus 21. ad leg. Falc. l. Stichum 95. §. 2. de solut.* Idemque & effecta huic obligationi jure civili tributa arguunt; veluti quod fidejussor acceptus pro eo, quod pupillus promisit, teneatur; *l. si pupillus 127. de Verb. obl.* quod præcedens obligatio, pupillo eam citra tutorem in se suscipiente, novetur *l. in fin. de novat.* Ex quo corrui distinctio eorum, qui eo demum casu pupillum sine tutore naturaliter ex contractu obligari statuunt, cum locupletior factus est. Nemo enim ex promissione sua, aut susceptione alienæ obligationis unquam fit locupletior. Deinde si ex gestu aut contractu sine tutoris auctoritate locupletior factus sit pupillus, non naturaliter tantum, sed etiam civiliter obligatur ex constitutione D. Pii, ut actio in eum, in quantum locupletior factus est, detur, *l. 3. §. pupillus 4. de neg. gest. l. 5. pr. & §. 1. de auct. tut.* de quo casu non potest intelligi *d. l. 127. de Verb. obl. ubi vid. Don. num. 11.* Quod vero id, quod pupillus ita debet, compensari aut solutum retineri non potest, non eam rationem habet, quod nulla vere hic subsit obligatio: sed quod personæ pupilli hoc tributum est, ne obligatio ei noceat. Plane, quoniam effectus naturalis obligationis, quæ ex conventionione nascitur, potissimum cernitur in jure compensandi & soluti retinendi, *l. 6. de compens. naturales 10. de obl. & auct.* in persona autem pupilli obligatio eundem effectum non habet; inde fit, ut pupillo sine tutoris auctoritate contrahente sic aliquando loquantur Jurisconsulti, tanquam ne natura quidem isto modo obligaretur, *l. quod pupillus 41. de cond. ind. l. pupillus 59. de obl. & auct.* habita inquam ratione personæ pupilli, in cujus gratiam & favorem propter debilitatem consensus obligationi vis omnis detracta est, quatenus ipsi nocere possit: non autem considerata conditione obligationis, quasi nulla omnino subesset: alioqui ne accessiones quidem admitteret, alitve prodesse aut nocere posset. Si quis adhuc scrupulus hæret, eum eximere poterunt, quæ de naturali obligatione disputamus *sup. ad rubr. de oblig. §. & tract. de pact. c. 14.* Multo magis promittendo jure naturali obligantur puberes minores 25. annis. Quippe qui si curatorem non habent,

etiam jure civili ex conventionione sua obligentur, ita ut captis necessaria sit in integrum restitutio. Enimvero si curatorem acceperint, consensum ejus adhibere debent, alioqui nulla jure civili ex eorum contractu obligatio nascitur, *l. 3. C. de in int. rest. min. cui è diametro ob stare videtur l. puberes 101. de Verb. obl.* nisi dicamus, verbum *suis* in *d. l.* generalem tantum respectum curatorum & adultorum, tanquam correlatorum, exprimere. Modestinus haud dubie Græce sic scripsit, *ἵσθησιν οἱ ἀνδρ. καὶ ἐκείνων*, &c. Quod autem quidam eum locum restringunt ad sponsalia aut nuptias, oppido quam ineptum est. DD. in *d. l. 3. & in d. l. 101.* mire variant in horum locorum conciliatione, *vid. d. c. 14. de pact.* Ubi num. 16. probo sententiam Tim. Fabri *annivers. disput. 9.* verba *d. l. 101. puberes sine curatoribus suis, &c.* sic interpretantis, absentibus curatoribus suis; puberes alibi versantes sine curatoribus, quos habent, &c. non utique sine eorum consensu, sed præsentia: ut intelligamus, hoc inter impuberes puberesque interesse, quod tutor in ipso negotio præsens esse, & statim auctor fieri, debeat; *l. 9. §. penult. de auct. tut.* curatoris autem consensus etiam postea accedens, atque ejus etiam, qui præsens non fuit, sufficiat.

Ne auctore quidem patre obligatur Absurdum videri potest, quod hic Justinianus & Jurisconsultus in *l. ult. §. 2. de Verb. obl.* tradunt, impuberem filiumfam. quamvis infante majorem ne auctore quidem patre obligari, cum pupillus ex quo fari posse coeperit, obligetur auctore tutore. Sed sciendum, tutoris & patris, pupilli & impuberis, qui in potestate est, dissimilem esse rationem. Pupillus non tutori, sed sibi acquirit, placetque eum etiam sine tutoris auctoritate contrahendo alios sibi obligare: quo fit, ut ad utilitatem pupilli pertineat, ut & ipse invicem saltem tutore auctore obligari possit: cum alioqui nemo facile cum eo contracturus sit. At qui in potestate patris est, non sibi, sed patri acquirit; non ad suam, sed ad patris utilitatem contrahit: ut proinde nunquam è re impuberis in potestate constituti esse possit, vicissim obligari. Ideoque cum pater auctor esse non possit, ut filius sibi acquirat, placet nec auctorem esse posse, ut filius obligetur. Quod si patri videbitur, è re sua esse obligari, ipse promittat. Plane, cum pater, non ut pater, sed ut legitimus administrator bonorum filii adventitiorum consideratur, auctoritatem filio impuberi accommodare potest, *l. si infans 18. in fin. Cod. de jur. delib. l. ult. §. si autem 4. in fin. C. de bon. qualib. &c.* Et ita utimur.

T E X T U S.

De conditione impossibili.

10. *Si impossibilis conditio stipulationibus adjiciatur, nihil valet stipulatio. Impossibilis autem conditio habetur, cui natura impedimento est, quominus existat; veluti si quis ita dixerit, Si digito cælum attigero, dare spondes? At si ita stipulatur, Si digito cælum non attigero, dare spondes? pure facta obligatio intelligitur, ideoque statim peti potest.*

N O T Æ.

CUI NATURA IMPEDIMENTO] Huic similis est, quæ legibus ac bonis moribus contraria, l. 15. de cond. inst. l. 26. & seqq. de Verb. obl.

SI DIGITO CÆLUM NON ATTIGERO] Hæc stipulatio non continet conditionem impossibilem, sed ἀνυπόθετον. Nam cujus affirmatio est impossibilis, ejus negatio est necessaria. Aristot. & Ep. cap. pen. consentiunt J. Cti, l. 7. & 8. eod.

C O M M E N T A R I U S.

I. *Cujus affirmatio impossibilis, ejus negatio necessaria.*

EX defectu causæ efficientis seu consensus contrahentium est, quod hic docemur, stipulationem nullius momenti esse, quæ concepta est sub conditione impossibili: nam qui sub conditione quid promittit, is se obligari non vult prius quam conditio extiterit; unde fit, ut si defecerit conditio constetque, jam amplius eam existere non posse, nihil actum aut promissum videatur. Idem ergo & maxime evenire necesse est, cum stipulatio facta est sub conditione impossibili; quippe quam jam nunc statim certum est defecisse, cum natura existere non possit. Neque hoc solum in stipulationibus, l. 1. §. item 11. de obl. & act. l. 7. l. stipuler. 35. de Verb. obl. sed in cæteris quoque conventionibus locum habet; siquidem in omni contractu & pactione voluntas contrahentium aut paciscentium spectanda, qui procul dubio nihil agi existimant, cū cōventioni apponitur ea conditio, quam sciant esse impossibilem, l. non solum 31. de obl. & act. Aliud juris est in ultimis voluntatibus, quarum favore impossibilis conditio sub colore mendii detrahitur, & pro non scripta habetur, l. 1. de cond. inst. Vid. sup. §. impossibilis 10. de har. inst.

Cui natura impedimento est] Impossibilis conditio proprie est, quæ in eum cælum confertur, cujus

eventus natura prohibetur. Cæterum & eam non inepte impossibilem dixeris, quæ turpis est, & legibus ac bonis moribus contraria: quoniam nec illud fieri posse credendum est, quod leges & boni mores fieri prohibeat, l. filius 15. de cond. inst. & sub tali quoque conditione facta stipulatio æque nullius momenti est, l. generaliter 26. cum seq. l. si stipuler 35. §. 1. l. stipulatio 61. l. continuus 137. §. cum quis 6. de Verb. obl. De turpi stipulatione separatim agitur inferius §. quod turpi 26. hoc tit.

Si digito cælum non attigero] Impossibilitas conditionis non ex re, quæ in ea est, sed ex eo, quod de ea re fieri debet, æstimanda est. Nam quod fieri debet, si per rerum naturam fieri non potest, conditionem habet impossibilem: si potest, possibilem: quod si etiam fieri non potest, quin eveniat, necessariam. Itaque hæc stipulatio, Si digito cælum non attigero, dare spondes? non continet conditionem impossibilem, ut prior illa in faciendum concepta, Si digito cælum tetigero: sed necessariam, & quam certum est extituram esse. Thom. in 4. distinct. 29. art. 3. q. 3. Nam cujus affirmatio est impossibilis, ejus negatio est necessaria, ex regula Dialecticorum. Aristot. de interp. cap. pen. Ex quo porro intelligitur, sola verborum figura hujusmodi stipulationes conditionales esse, revera non esse, sed puras, l. 9. §. 1. de verbat. ubi Jurisconsultus scribit, eum qui sub conditione stipulatur, quæ omnino extitura est, pure stipulari videri. Et vero absurdum esset, aut suspendi obligationem, aut petitionem differri ea conditione, quæ hoc ipso revera jam extitit, quod non potest non existere. Recte igitur hic ait Justinianus, si talis conditio inseratur stipulationi, Si digito cælum non attigero, pure contractam obligationem intelligi, & protinus ex ea agi posse. Consentiant Jurisconsulti in l. 7. & l. 8. de Verb. oblig.

T E X T U S.

De absentia.

II. *Item verborum obligatio, inter absentes concepta, inutilis est. Sed cum hoc materiam litium contentiosis hominibus præstabat, forte post tempus tales allegationes opponentibus, & non præsentibus fuisse vel se vel adversarios suos contendentes: ideo nostra constitutio propter celeritatem dirimendarum litium introducta est, quam ad Casarienses advocatos scripsi-*

scripsimus; per quam disposuimus, tales scripturas, quæ præsto esse partes indicant, omnino esse credendas, nisi is, qui talibus utitur improbis allegationibus, manifestissimis probationibus, vel per scripturam, vel per testes idoneos, approbaverit, toto eo die, quo conscribatur instrumentum, sese vel adversarium suum in aliis locis fuisse.

NOTA.

TOTO EO DIE, &c.] Igitur quod dicitur, factum negantis per rerum naturam probationem nullam esse, l. 23. C. d. t. non pertinet ad factum, quod tempore & loco circumscriptum est; cujus negatio per indirectum probari potest, d. l. 14. C. de contr. stip. Quintil. lib. 5. c. 6. & 7. Aristot. Rhet. ad Alex. c. 14.

COMMENTARIUS.

1. Explicatur l. 17. de donat. int. vir. & ux.
2. Summa constit. in l. 14. C. de contr. stip.
3. Probatio negatiua arctata loco & tempore.

Inter absentes concepta inutilis est] Si stipulatio conscribi non potest, ut aliquoties dictum est, nisi utroque loquente & altero alterum audiente, perspicuum est, absentem non magis, quam mutum aut surdum, stipulationem contrahere posse, l. 1. pr. de verb. obl. l. 3. C. hoc sit. Non adversatur Paulus in l. ea que 17. de donat. int. vir. & ux. ubi profert epistolam, qua continetur sponsio absenti viro ab uxore absente missa: intelligi enim debet stipulationem antea inter præsentem conjugem interpositam fuisse, ut est lex & conditio stipulationis, cujus inter præsentem interpositæ cautio literis illis uxoris contineatur. Absentes varie pro loco dicuntur: hic sunt, qui invicem audire non possunt, d. l. 1. de verb. obl.

Propter celeritatem dirimendarum litium] Cum ex eo, quod non nisi inter præsentem stipulatio fieri potest, occasionem litis caperent homines contentiosi, obijciendo, se vel adversarium suum, quo die stipulatio celebrata dicitur, absentes fuisse, nec satis expeditum esset, actorne stipulationem factam esse affirmans, partium præsentiam, an reus factam negans, suam vel adversarii absentiam probare deberet, Justinianus hujusmodi litium materiam constitutione sua amputavit, quæ extat in l. optimam 14. Cod. de contr. stip. Voluit fidem haberi scripturæ, idoneæ nempe ad probandum, qua continetur, partes præsentem fuisse, nisi qui contradicit, manifesto ostendat per

scripturam vel testes omni exceptione majores, se vel adversarium toto eo die alibi fuisse, vel, quod eodem recidit, aliqua ejus diei parte tam procul egisse, ut illo tempore in loco, quo instrumentum confectum dicitur, esse non potuerit. Itaque in hoc quidem utile est, locum & diem instrumento inferi. Debet vero illa probatio, sive per instrumentum sive per testes fiat, aliquanto potentior esse scriptura ex adverso prolata, ut judici fidem faciat. Per l. precibus 18. C. de probat. DD. ad d. l. optimam, C. de contr. stip.

Scripturas tales esse credendas] Id est, veras esse præsumendum. Quæ tamen præsumptio non est juris & de jure, ut loquuntur, cum adversus eam admittatur contraria probatio: sed juris tantum. Atque hanc pro instrumento præsumptionem interpretes appellant præsumptionem veritatis, eo quod verum esse præsumitur & creditur, quod in instrumento scriptum est, donec contrarium probetur. Est enim pro instrumento & alia præsumptio, quæ dicitur solennitatis. De qua inf. §. si scriptum 16.

Toto eo die, quo conscribatur instrumentum] Facti, quod tempore & loco circumscribitur, negatio probari potest; veluti si, quod me Lugduni promississe, aut mihi numeratum fuisse dicitur Calendis Januariis, id me promississe aut mihi numeratum esse negem, quia eo die Romæ fuerim. Nam quod dicitur, factum negantis naturali ratione probationem nullam esse, l. actor, 23. Cod. de probat. l. 10. Cod. de non num. pec. id verum est, quatenus solum negat, nec quicquam affirmat præterea. Quod si quis prius aliquid affirmet & probet, unde id, quod negat, per necessariam consequentiam colligatur, hac ratione etiam id, quod negat, probari videtur: quanquam ne sic quidem revera quicquam probat, quatenus negat, sed quatenus affirmat tantum. D. D. in d. l. actor. Cod. de probat. Duar. cap. 4. de probat. in post. comment. Donell. cap. 4. de probat. Quintil. lib. 5. cap. 6. & 7.

TEXTUS.

De stipulatione post mortem, vel pridie quam alter contrahentium moriatur.

12. Post mortem suam dari sibi nemo stipulari poterat, non magis quam post mortem ejus, à quo stipulabatur. Ac nec is, qui in alicujus potestate est, post mortem ejus stipulari poterat: quia patris vel domini voce loqui videretur. Sed & si quis ita stipuletur, pridie quam mori-

ar, *vel*, Pridie quam morieris, dare spon-
des? *inutilis erat stipulatio. Sed cum,*
ut jam dictum est, ex consensu contra-
hentium stipulationes valeant, placuit
nobis, etiam in hunc juris articulum ne-
cessariam inducere emendationem, ut, si ve-
post mortem, si ve pridie quam moriatur
stipulator, si ve promissor, stipulatio con-
cepta sit, stipulatio valeat.

COMMENTARIUS.

1. Cur stipulationes hic proposita olim pro inutili-
bus habita.
2. Qua ratione motus Justinianus jus vetus
mutavit.

1. Olim nemo stipulari poterat post mortem vel su-
am vel promissoris sibi dari: cujus rei hæc una
& vera ratio est, quod ita jus erat, ut obligationes
& actiones, quæ non cøperant à defuncto vel con-
tra defunctum, à persona hæredis vel contra eum
non inciperent: quasi in his nec defunctum repræ-
sentaret: eandemque ob causam etiam post mortem
hæredis aut legatarii inutiliter legabatur, §. *post*
mort. 25. *sup. de legat.* Exceptio hujus regulæ vide-
tur in mandato post mortem, l. 12. *in fin. cum l. seq.*
mandat.

Pridie quam moriar] Putaverunt veteres hæc
stipulationem, *Pridie quam moriar*, aut *Pridie*
quam morieris, dabis? incidere in speciem præce-
dentem, cum quis post mortem aut suam aut promis-
soris stipulatur, propterea quod illud pridie certo sci-
ri ac definiri non potest, nisi post reorum mortem.
Qua de causâ hujusmodi quoque legatum, *pridie*
quam hæres aut legatarius morietur, inutile esse
censebant, d. §. *post mortem. sup. de legat.*

Placuit nobis, in hunc juris articulum] Justinia-
nus scrupulosam hæc juris veteris subtilitatem su-
stulit constitutione sua, quæ extat in l. *scrupulosam*
11. C. *de contr. stip.* ut jam & stipulatio in tempus,
post mortem aut in aut ante diem mortis tam stipu-
latoris, quam promissoris, concepta valeat, & post
mortem hæredis vel legatarii, aut pridie quam mori-
entur, liceat legare. Idem alia constitutione in u-
niversum abrogavit regulam juris antiqui, voluitque
obligationes & actiones etiam ab hæredibus & con-
tra hæres incipere posse, l. *unic. C. ut act. ab hæ.*

2. In hujus juris mutatione ait se respexisse non ad con-
ceptionem verborum, sed ad sententiam & mentem
contrahentium, quasi qui stipulatur, post mortem su-

am sibi dari, non debeat existimari tam stultus, ut sibi
ipsi in id tempus stipuletur, sed hoc perinde sit acci-
piendum, ac si post mortem suam stipulatus esset hæ-
redi suo, in cujus persona quodammodo adhuc vive-
re videatur. Unde quidam putaverunt stipulatio-
nem pactam in tempus post mortem stipulatoris aut
promissoris veteribus ipso genere habitam fuisse pro
impossibili, eo quod nec dare mortuus nec accipere
possit. Sed hac ratione efficitur, ut & hæc quoque
stipulatio, *cum moriar*, vel *cum morieris, dabis?*
apud veteres inutilis fuerit, contra §. *ita autem* 14.
inf. eodem, & tale legatum, *Hæres meus post mor-*
tem suam Titio centum dato, utile, arg. eorum, quæ
notavimus ad calcem §. *locus. sup. de verb. obl. &*
ad §. impossibilis 10. *sup. de hæred. instit.*

TEXTUS.

De stipulatione præpostera.

13. Item si quis ita stipulatus erat, si
navis cras ex Asia venerit, hodie dare
spondes? *inutilis erat stipulatio, quia*
præpostere concepta est. Sed quum Leo
in clytæ recordationis in dotibus eandem
stipulationem, qua præpostera nuncupa-
tur, non esse rejiciendum existimaverit,
nobis placuit & huic perfectum robur ac-
commodare, ut non solum in dotibus, sed
etiam in omnibus valeat hujusmodi con-
ceptio stipulationis.

COMMENTARIUS.

Stipulationes hoc modo aut simili conceptæ, si na-
vis cras venerit, hodie dare spondes? præpostere
dictæ sunt: quoniam qui ita stipulatur, filiam vult
nasci ante matrem, id est, obligationem constitui
ante eventum conditionis; quod est *ὑστερον πρότερον*,
cum in omni stipulatione conditionali obligatio ex
eventu conditionis pendeat, §. 4. *sup. de verb. obl.*
Itaque hujusmodi conceptiones, ut fuitiles, & mani-
festam contradictionem implicantes, veteribus im-
probatæ sunt. Unde dubitatum est de stipulatione
concepta hoc modo, si Titius consul factus fuerit,
tum ex hac die in annos singulos dena dari spondes?
num & ipsa præpostere concepta videri debeat. Sed
præposteram non esse, indicat particula *tum*, quæ
refertur ad tempus existentis conditionis, ut tota ob-
ligatio & datio à conditione pendeat, licet retro ha-
bita

bita ratione præteriti temporis tunc cum conditio extiterit, dari oporteat, *l. hujusmodi 64. de Verb. obl.*

Si nācis cras ex Asia] Ita & Th. *ἰὰ τὴν ναὺς ἀπὸ τῆς Ἀσίας*. Et quamvis quidam codices non habeant verbum *cras*, eo tamen addito clarior fit præpositio. *Pac.*

Sed quum Leo inclite recordationis] Cum præposteræ stipulationes in dotibus à Leone admittæ essent, Justinianus exemplo Leonis provocatus, omnes hujus generis stipulationes valere statuit. Cumque ut valeant, necesse sit aut detrahare conditionem diemve, ut tota pura sit obligatio; aut præsentis temporis mentionem, ut tota sit conditionalis in diem: posterius Justiniano placuit; ut scilicet perinde valeant, quasi vel in diem vel sub conditione tantum conceptæ essent, ac proinde exactio usque ad diem aut conditionis eventum differretur, *l. præposteri. 25. C. de test.*

TEXTUS.

De stipulatione collata in tempus mortis.

14. *Ita autem stipulatio concepta, veluti si Titius dicat, cum moriar, dare spondes? vel cum morieris, & apud veteres utilis erat, & nunc valet.*

15. *Item post mortem alterius recte stipulamur.*

NOTÆ.

14. *CUM MORIAR, CUM MORIERIS*] Hæ formulæ semper probatæ fuerunt, *l. 45. §. 1. & pen. de Verb. obl. l. 17. de cond. ind.* etiam in legatis, *l. 1. §. 2. l. 79. §. 1. de cond. & dem. Ulp. tit. 24. §. 15.* scil. auctores nostri totum illud, quod mori dicitur, vitæ adscribunt, *l. 18. §. 1. de man. test. Cujac. 3. obs. 34.* qua de re olim quæsitum. *Gell. 6. c. 13.*

15. *POST MORTEM ALTERIUS*] In hac formula, *post mortem Titii dare spondes?* aperte cessat ratio, ob quam placebat stipulationem post mortem contrahentium conceptam non valere: ideoque nunquam improbata fuit.

COMMENTARIUS.

Auctores nostri ex sententia quorundam philosophorum (*vid. Gell. lib. 6. cap. 17.*) momentum moriendi vitæ potius, quam mori dandum censuerunt: cui consequens est, ut etsi quæ in tempus post mortem non recte conferuntur, recte tamen conse-

rantur in tempus moriendi. Unde hæ formulæ, *cum moriar*, vel *cum morieris*. *dare spondes?* semper probatæ fuerunt, *l. quodcumque §. 1. & pen. de Verb. obl.* uti & legatum hujusmodi, *cum hæres morietur*, *l. hæres 79. §. 1. de cond. & dem. Ulp. tit. de legat. §. post mortem 15.* Neque obstat hic regula juris veteris, quæ vetat actiones ab hæredibus & contra eos incipere: nam cum momentum moriendi non mori; sed vitæ attribuitur, obligatio & actio in casu proposito à defuncto aut contra eum incipere intelligitur, indeque ad hæredem transmitti: quemadmodum & conditiones quædam sunt, quæ extremo vitæ momento implentur, *l. ult. de cond. inst.* add. quæ scripsimus ad *§. post mortem 35. sup. de legat.* Hoc autem jure posito, posse quemque sibi stipulari, cum morietur, admittendum fuit, ut etiam qui in aliena potestate sunt, eodem modo sibi stipulari possint, ut obligatio acquiratur domino vel patri, in quorum erunt potestate, cum morientur, *l. quodcumque 45. §. 1. de Verb. obl.*

Post mortem alterius] Stipulatio quoque hoc modo concepta, *Post mortem Titii dare spondes?* nunquam improbata fuit: nimirum quia & hic cessat ratio, ob quam placebat stipulationes in tempus post mortem contrahentium conceptas non valere. Quæritur autem quid hic futurum sit, si stipulator ante Titium moriatur? Respondet D. Bachovius, spem debitum iri in hæredem stipulatoris transmitti, ut juris est in stipulatione conditionali, *§. 4. sup. de Verb. obl.* Ego vero didici, diem adjectum, quem certum est exiturum esse, etsi ignoretur quando, in contractibus conditionem non facere, neque hujusmodi stipulationes, *cum moriar*, *cum morieris*, *cum Titius morietur*, jure conditionalium censei, ut obligationem differant; sed eundem effectum habere, quem habent conceptæ in diem certum, ut statim in his dies obligationis cedat, & pecunia debeatur, sed peti tantum antequam dies veniat non possit, *§. 2. sup. d. tit. l. 79. de cond. & dem.* Itaque in proposito dicendum est, non nudam spem debitum iri ad hæredem stipulatoris transmitti; sed transmitti debitum ipsum, atque obligationem, quæ stipulatori statim quæsitæ fuit.

TEXTUS.

De promissione scripta in instrumento.

16. *Si scriptum in instrumento fuerit, promississe aliquem, perinde habetur, atque si interrogatione precedente responsum sit.*

COMMENTARIUS.

PRO instrumento duplex præsumptio est: una, quæ dicitur veritatis, propterea quod verum esse creditur, quod scriptum est, nisi contrarium manifestè doceatur, §. *item 11. sup. eod.* altera, quam appellant præsumptionem solemnitas; quoniam si de re aliqua, quæ certas solemnitates jure desiderat, scriptum sit in instrumento, eam intervenisse, etsi expressum non sit, gestam eam esse adhibitis iis solemnitatibus, quæ jure requiruntur, tamen hoc ipsum intelligitur, omniaque creduntur solemniter acta, l. *sciendum 30. de Verb. obl.* Veluti si scriptum sit in instrumento, promississe aliquem, perinde hoc haberi placet, ac si scriptum esset, interrogatione præcedente responsum esse, §. *Titia 134. §. 2. de Verb. obl. l. 1. C. de contr. stip. Paul. 5. sent. 7.* unde hic locus descriptus videtur. Item si scriptum sit, fidejussisse aliquem, præsumitur, id factum rite atque utiliter, interposita scilicet stipulatione, §. *ult. tit. seq.* Caterum adversus hoc quoque genus præsumptionis contrariam admitti probationem, verius est, l. *jurisgentium 7. §. quod si re 12. de pact. Donell. ad d. l. sciendum 30. de Verb. oblig.*

TEXTUS.

De pluribus rebus.

17. *Quoties plures res una stipulatione comprehenduntur, siquidem promissor simpliciter respondeat, Dare spondeo, propter omnes tenetur. Si vero unam ex his, vel quasdam, daturum se sponderit, obligatio iniis, pro quibus sponderit, contrahitur. Ex pluribus enim stipulationibus una vel quedam videntur esse perfecta: singulas enim res stipulari, & ad singulas respondere, debemus.*

NOTÆ.

17. *Propter omnes tenetur*] Sive universæ verbo colectivo in stipulatum deductæ sint, veluti, *Quadrigam illam dare spondes?* sive nominatim singulæ, veluti, *Stichum, Pamphilum & Erotem dabis?* ubi tot stipulationes sunt, quot species. Ratio est, quia indefinita responsio pro universali valet, §. *5. sup. add. l. 29. l. 86. de Verb. obl. l. 32. de cunct.*

Pro quibus sponderit] l. *83. §. 4. de Verb. obl.* Aliud est, si quis stipulante me Stichum aut Pamphilum disjunctim, unum se daturum respondeat, d. l. *82. §. 2.* quia ille similis est ei, qui stipulanti sub conditione purè promittit, *mutata forma* interrogationis, §. *sup. §. 1.*

Et ad singulas respondere] Quam sc. præstatione adstringi volumus: neque enim indiget hic locus emendatione Hotomanni.

COMMENTARIUS.

1. *Cur cum plures res nominatim in stipulatum deducuntur, dubitatum, an promissor simpliciter respondendo in omnes teneatur.*
2. *Interesse anrum plures res conjunctim an disjunctim in stipulationem decessa.*
3. *Hotomanni emanatio improbata.*

RES plures duobus modis una conceptione in stipulatum deducuntur: vel nominatim, ut verbis stipulationis singulæ exprimantur, veluti, *Stichum & Pamphilum dare spondes? Decem & quindecim dabis: Seruum fugitivum non esse, errorem non esse, furem non esse, spondes?* vel collectim, ut verbo uno generali sive communi res plures significentur, ut, *Summam illam, aut Acerum illum pecunia dabis? Quadrigam, aut Familiam, aut Leſticarios dabis?* Illic plures intelliguntur esse stipulationes, tot videlicet, quot sunt summae aut res in stipulatum deductæ; hic ut una conceptio, ita quoque stipulatio una, l. *scire 29. l. quod dicitur. 86. de Verb. obl. quia dicitur 32. de cunct.* Excipe speciem l. *Titia 134. §. ult. de Verb. obl.* De posteriore specie nullum dubium est, quin promissore simpliciter respondente, *Dabo*, obligatio rectè constituta sit. De priorè autem dubitari poterat, an una simplex & indefinita responsio promissorem in res omnes quæ expressæ sunt, obligaret: quoniam cum, uti dictum est, plures hic intelliguntur esse interrogationes, plures quoque responsiones ad perficiendam stipulationem requiri videntur. Sed placet unam & hic responsionem sufficere: quippe simpliciter respondendo, *Dabo*, ita promissorem respondere videri, ut stipulator verba concepit, & quasi prævit, §. *præterea sup. eod.* Itaque intelligendum est, etiam in una illa responsione plures esse responsiones. Exat apud Livium lib. 1. dedicationis Collatinorum hæc formula; *Deditioe eos populum Collatinū, urbem, agros, aquam, terminos, delubra, utensilia, diſena humanaque omnia, in meam populi que Romani diſionem? Deditimus.*

In iis pro quibus responderis] Nam ubi plures sunt stipulationes, illæ censantur perfectæ, ad quas responsum est: verbi causa, si ego stipuler Stichum & Pamphilum, tu unum ex his sponderis, teneris in hunc unum: quia ad unam ex duabus stipulationibus videris respondisse, l. *inter 82. §. 4. de Verb. obl.* Diverſa causa est rerum plurium disjunctim in stipulationem deductarum; veluti si stipulante me

Stichum

Stichum aut Pamphilum, tu unum te daturum sponderis : hic enim quia mutata qualitate stipulationis respondes, purè promittens, quod sub conditione stipulatus sum, vitiatur tota obligatio, *d. l. inter. §. 2. junct. l. 1. §. 3. egd.* In pluribus tamen summis hic quod minus est sponderi intelligitur, *d. l. inter. §. 3. dixi sup. §. praterca hoc tit.*

3 *Et ad singulas respondere debemus* Siquidem in res omnes, de quibus interrogati sumus, obligari volumus : alioqui si ad quasdam duntaxat responderetur, obligatio in his tantum contrahitur, ad quas responsum est ; in cæteris manet stipulatio imperfecta atque inutilis : quæ hujus loci sententia est, non usque adeo obscura ; ut probare non possim emendationem Hotomanni, qui sic legendum existimat, *non ad singulas respondere debemus.*

T E X T U S.

De pœna adjecta stipulationi,
alii dari.

18. *Alteri stipulari (ut supra dictum est) nemo potest. Invenit enim sunt hujusmodi stipulationes vel obligationes ad hoc, ut unusquisque acquirat sibi quod sua interest : Cæterum si alii detur, nihil interest stipulatoris. Planè, si quis velit hoc facere, pœnam stipulari conveniet, ut nisi ita factum sit, ut est comprehensum, committatur pœna stipulatio etiam ei, cujus nihil interest. Pœnam enim cum stipulatur quis, non illud inspicitur, quod intersit ejus, sed quæ sit quantitas in conditione stipulationis. Ergo si quis ita stipuletur, Titio dari? nihil agit. Sed si adjecerit pœnam. Nisi dederis, tot aureos dare spondes? tunc committitur stipulatio.*

N O T A.

NIHIL INTEREST STIPULATORIS Pecuniariter sc. Affectioni autem tantum tributum non est, ut propter eam extraneo obligatio acquiratur.

C O M M E N T A R I U S.

1 *Etiam inutili stipulationi pœnalem subjectam Galere.*

2 *Pœnam committi etiam ei, cujus nihil interest,*

3 *Quantacumque pœna promissa sit, tantam deberi,*

4 *Citramontanorum circa hunc articulum restrictio.*

Qui alteri dari aut fieri stipulatur, neque sibi obligationem aut actionem acquirit, quia sibi stipulatus non est ; neque alteri, quia hoc pugnat cum fine stipulationum, omniumque obligationum, quippe quæ ad hoc jure civili constitutæ sunt, ut unusquisque acquirat sibi, quod sua interest : ut vero alii detur, nihil interest nostra, *hoc text. & l. stipulatio 38. §. alteri 17. de Verb. obl.* In summa, qui alii dari stipulatur, nihil agit : quæ de re dictum copiosè adjectis aliquot cautionibus & praxi horum temporum sub *§. 4. sup. cod.* Cæterum quia sæpè ad actionem & votum nostrum pertinet, alteri, cui cautum volumus, dari, ostenditur hoc loco & apud Jurisconsultum ratio, quæ quod alteri stipulando recta consequi non possumus, id obliqua via consequamur, aut certè non minus nobis consulatur. Ea est, ut, si quis alteri dari aut fieri stipulatus, velit hoc fieri, pœnam stipuletur, si ita factum non erit, uti cautum est : sic enim futurum est, ut metu pœnæ promissor faciat, quod promissit, cum si id ita factum non sit, committatur pœnæ stipulatio etiam ei, cujus nihil interest.

Pœnam stipulari conveniet Tria hoc loco & *d. l. stipulatio, §. alteri*, de pœnali stipulatione statui animadvertere possumus. Primum pœnam utiliter nos posse stipulari etiam tunc, cum stipulatio, cui pœna subjicitur, jure non valet. Deinde pœnam existente conditione deberi & peti posse, etsi stipulantis non intersit id fieri, de quo cautum erat, & cujus non facti nomine subjecta erat pœnalis stipulatio. Postremo quantacumque pecunia pœnæ nomine promissa erit, tantam deberi. Quæ an verè omnia dicantur, videndum est. Adversus primum obijci potest, quod pœnæ stipulatio videtur pendere ex priore, cui subjicitur, ejusque esse accessio quædam & sequela, ideoque priore : non consistente & ipsa consistere non posse ; cum sine re principali accessione locus esse nequeat. Argumento esse, quod stipulatio pœnæ non committitur, quæ subjecta est stipulationi impossibili, aut rei turpis, *l. stipulatio 62. l. si homo 69. de Verb. obl.* Respondeo, verum non est, quod hic assumitur, pœnalem stipulationem esse accessionem prioris, sed æquæ atque illa principalis est, ut nihil prohibeat, quominus subjecta pœnalis stipulatio utilis sit, licet prior, cui subjicitur, sit inutilis ; cum nunquam una stipulatio, quæ per se utilis esse potest, per aliam inutilem vitietur, *l. 1. §. penult. eod. dem.* Quod vero impossibili aut turpi stipulationi subjecta pœnæ stipulatio & ipsa inutilis est, non ex eo fit, quod pœnalis stipulatio est accessio ejus, cui

subjicitur, sed quia hic eodem vitio, quo prior, laborat. Quippe subjecta impossibili & ipsa impossibilis habetur, turpi subjecta & ipsa turpis, utpote delicti invitandi causa subjecta. Neque vero pecunia dari potest, ut poena, ubi non praestat promissor, quod natura aut jure praestare non potest, *argum. l. aliud est frans 131. de Verb. sign. Donell. ad d. l. si homo de Verb. oblig.* Alterum quod hic discimus, est, quod poena committatur etiam ei, cujus nihil interest; intellige cujus nihil interest alteri dari aut fieri: utique enim poenam consequi interest stipulatoris, quam sibi non alteri stipulatus est. At, inquis, etiam ut alteri detur, potest nostra interesse, utique ex affectione; sic enim scribit Jurisconsultus in l. 7. de ser. export. *Beneficio officii hominem, hominis interest.* Respondeo, proprie id, quod interest, significat, quod nostra interest pecuniariter: sic enim definitur, *quantum nobis abest, quantumque lucrari possumus, l. 13. ratam rem hab.* Non lucrāmur, non consequimur, nisi quod pecuniam nostram & patrimonium augeat. Unde intelligimus, abusive dici interesse nostra, cum ex sola affectione interest: cui affectioni tantum jure tributum non est, ut propter eam extra neo obligationem acquiramus. Postremum est, quod quantacumque poena fuerit, tanta debeatur & peti possit. Hoc ex eo intelligimus, quod dicitur in poenali stipulatione non inspicere, quod intersit, sed quae sit quantitas & conditio stipulationis, hoc est, id solum, quanta pecunia in stipulatum deducta sit, & utrum conditio poenae extiterit, necne: quorsum, nisi ut si extiterit conditio, ea pecunia, quantacumque sit, praestetur? Igitur etsi duplo, triplo aut etiam quadruplo plus comprehensum sit stipulatione poenali, quam efficit id, quod alteri dari aut fieri debuit, valebit nihilominus stipulatio. Non enim uti poenis legitimis certus modus constitutus est, ut ne excedant quadruplum, *S. omnes 21. inf. de actionibus*, ita & conventionalibus: sed has unusquisque voluntate sua sibi imponit, dum pro commodo stipulantis quid, futurum esse paciscitur, *fac. S. ultim. sup. de Verb. oblig. l. ultim. de stipul. prat.* Non obstat quod constitutum est, ne promissor ultra duplum periculum subeat, *l. unic. C. de sentent. qua pro eo quod int. prof.* Quantumcumque enim est, quod in stipulatione poenali promittitur, simplum tantum est, non duplum, tripulum, &c. alterius rei, cum ad id quod interest, aut alterum simplum non referatur. *Donell. lib. de eo quod int. circa fin. & in d. l. stipulatio S. alteri n. ult.*

4 Ceterum hanc sententiam Citramontani existimant tunc solum procedere, cum poenali stipulatione certa quantitas expressa est; secus autem est, si, ut loquuntur, poena fuerit promissa per nomina multiplicativa, veluti *Tabulam mihi pingere spondes? Si non pinxeris, tripulum, aut quintuplum dare spondes?* Hic vo-

lunt, poenam reduci ad id, quod interest; quia manifeste ad priorem stipulationem fit relatio, neque aliud tripulum aut quadruplum &c. considerari potest, quam simpli ejus, quod in priorem stipulationem deductum fuit: itaque non posse ultra duplum exigi, per *d. l. un. C. de sent. qua pro eo quod int.* aut certe non posse ultra quadruplum poenam extendi, per *l. si dictum 56. de eisdem.*

Tunc committitur stipulatio] Id est, tunc committi potest, videlicet si non dederis. Nam committitur demum stipulatio conditionalis dicitur, cum conditio extiterit, & pecunia deberi coepta est, *S. sub conditione sup. de Verb. oblig.*

TEXTUS.

Si intersit ejus, qui alii stipulatur.

19. Sed & si quis stipuletur alii, cum ejus interesset, placuit stipulationem valere. Nam si is, qui pupilli tutelam administrare coeperat, cessarit administrationem contutori suo, & stipuletur rem pupilli salvam fore, quoniam interest stipulatoris fieri, quod stipulatus est, quum obligatus futurus sit pupillo, si male res gesserit, tenet obligatio. Ergo & si quis procuratori suo dari stipulatus sit, habebit vires stipulatio. Et si creditori suo quis stipulatus sit, quod sua interest, ne forte vel poena committatur, vel pradia distrabantur, quae pignori data erant, valet stipulatio.

NOTÆ.

19. CUM EJUS INTERESSET] *d. l. 38. §. 20.* Ratio perspicua, quia tum non tam alteri, quam sibi metipso stipulari videtur, *l. 118. §. ult. eod.* Ideoque & sibi actionem acquirit, non ei, cujus in personam stipulatio collocata.

SI MALE RES GESSERIT] Alii, *cessarit*, ut & apud Ulp. *d. l. 38. §. 20.* unde hæc transcripta.

OBLIGATUS FUTURUS SIT PUPILLO] Nam qui tutelæ administrationem contutori cedit, non liberatur periculo tutelæ, *l. 3. §. 2. de adm. tut.*

PROCURATORI SUO] Quia procuratori dari potest interesse stipulantis, puta quod procurator pecuniam pro eo expoluit.

COMMENTARIUS.

Cum ejus interesset] Cum dicimus, eum, qui alii dari stipulatur, nihil agere, duo dicimus, nimirum ex ejusmodi stipulatione neque ei, in quem collata

collata est, obligationem ullam acquiri, neque acquiri stipulanti. Prioris patris exceptiones nonnullas protulimus, & casus quosdam, quibus ex stipulatione aliena actio acquiritur ei, in cujus personam stipulatio collata est, in *explicatione* §. 4. *hoc tit.* Hic posterioris partis exceptio proponitur, & tres casus sive exempla proferuntur, quibus is, qui alteri dari stipulatus est, sibi actionem acquirit. Exceptio hic una & generalis est, nisi stipulantis interfit alteri dari, l. *stipulatio* §. 38. §. *si stipuler.* 20. de *Verb. oblig.* cujus exceptionis ratio perspicua & facilis est: quoniam cum nostra pecuniariter interest alteri dari, tum non tam alteri, quam nobismet ipsis stipulari videmur, *liber homo* 118. §. *ult. eod.*

Qui pupilli tutelam administrare] Exemplum primum. Qui tutelæ administrationem contutori cessit, rectè ab eo stipulatur rem pupilli salvam fore, d. l. *stipulatio* §. *si stipuler.* ubi Marcellus ait, valere hanc stipulationem, obligationemque parere stipulatori, quia stipulatoris interest fieri, quod stipulatus est: quippe qui periculum & exitum illius administrationis præstet. Etenim qui tutelæ administrationem contutori cedit, non liberatur periculo tutelæ, sed pupillo, si malè res geratur, obligatus manet, l. 3. §. 2. de *admin. tut.*

Si quis procuratori suo] Exemplum secundum. Si quis procuratori suo dari stipulatus est, valet stipulatio: ob eandem scilicet causam, qui procuratori dari potest interesse stipulantis, puta quod procurator pecuniam pro eo exposuerat, quam actione mandati restituere tenebatur.

Si creditori suo] Exemplum tertium. Si quis creditori suo dari stipuletur, rectè stipulatur, cum ejus interfit, puta ne vel pœna, sub qua pecuniam certa die debebat, committatur, vel bona distrahantur, quæ pignori dederat, & propter moram distrahi poterant, d. l. *stipulatio* §. *unde* 23. d. l. *liber homo* §. *ultim. eodem.* Sunt & aliæ personæ, per quas ratione officii placet etiam alteri actionem utilem acquiri, *vid. sup.* §. 4. *num. 2. eod.*

T E X T U S.

De pœna adjecta promissioni facti alieni.

20. *Vice versa qui alium facturum promisit, videtur in ea esse causa, ut non teneatur, nisi pœnam ipse promiserit.*

C O M M E N T A R I U S.

FACTI alieni stipulationem inutilem esse, & cur inutilis sit, audivimus *sup.* §. 3. *eod.* Caterum etiam hic remedium stipulanti in pœna paratum est,

qua adjecta si alius non dederit feceritve, committitur stipulatio, ex qua promissor suo nomine rectè convenitur. Licet etiam hic quanti ea res est stipulari, l. *stipulatio* 38. §. 1. & 2. de *Verb. oblig.* Sunt qui promissorem factum alienum sub pœna promittentem excusandum à pœna censent, si omnia humana expertus, ut is, de quo promisit, faceret, nihil promoveat. Sed assentior iis, qui contra sentiunt, *arg. l. sancimus* 26. C. de *fidejuss.* d. l. *stipulatio* §. 2. & *hujus text.* Quin ob hoc ipsum auxilio pœnæ uti leges suadent, quod alieni facti obligationem inanem reddit præstandi difficultas, ut adeo nec omnino culpa careat, qui promittit, quod prævidere potuit fortè præstitum non iri, *arg. l. 7. §. 1. qui satisd. cog.* atque ob hanc ipsam difficultatem promississe videtur id, quod in potestate sua habet, hoc est, pœnam, *vid. Fachin. 3. contr. 20. Diod. Tuld. in comm. hic cap. 5.*

T E X T U S.

De restipulantis futura.

21. *Item nemo rem suam futuram, in eum casum, quo sua sit, utiliter stipulatur.*

C O M M E N T A R I U S.

QUEMADMODUM stipulatio ab initio non consistit, si quis rem suam sibi dari stipuletur, & stipulatio rei alienæ evanescit, si ea res antequam tradere-tur, ex alia causa jam facta sit stipulatoris: §. 2. *sup. eod.* ita quoque & eadem ratione inutilis est stipulatio rei alienæ concepta in eum casum, quo nostra futura est: quia eo tempore agere, ut nobis detur, non possumus, §. *sic itaque* 14. *inf. de act.* & tralatitium est, actum in id tempus inutiliter conferri, quo purè inutiliter fieret, l. 4. C. de *don. ante nup.*

T E X T U S.

De dissensu.

22. *Si de alia restipulator senserit, de alia promissor, perinde nulla contrahitur obligatio, ac si ad interrogatum responsum non esset: veluti si hominem Stichum à te quis stipulatus fuerit, tu de Pamphilo senseris, quem Stichum vocari credideris.*

N O T Æ.

TU DE PAMPHILO] Hic non simplex in nomine error est, ut putat Schol. Th. sed etiam in re, quia nec de corpore constituit. Error vero in solo nomine,

mine, cum de persona aut re ipsa constet, de consensu nihil mutat, l. 32. de Verb. obl. §. 29. sub, de legat.

COMMENTARIUS.

1. Quando error consensui obstat, aut non obstat.
2. Quid si non ipso corpore, sed in materia rei erratum.

Sæpe jam dictum est, sine consensu utriusque contrahentium nullam obligationem ex contractu constitui, l. 1. §. 3. de pact. l. in omnibus 55. de obl. & act. Consensum non esse, etiam error arguit. Quid enim consensui tam contrarium est, quam error, qui imperitiam detegit? l. si per errorem 15. de iurisd. l. 2. de iudic. At enim non omnis error consensum non habet. Error aut est in nomine proprio personæ rei, de qua agitur; aut in persona ipsa; aut in re promissa; aut denique in causa promittendi. Primi generis, dum de persona & re ipsa constat, de consensu nihil mutat, l. si in nomine 32. de Verb. oblig. §. si quidem 29. sup. de legat. l. 4. C. de testam. In persona autem qui errat, puta Titio stipulanti promittit, quem putet esse Sempronium, omnino non obligatur, per d. l. 15. de iurisd. & d. l. 2. de iudic. fac. l. 9. pr. de her. inst. Non enim simplex hic in nomine error est, sed etiam in re, quia nec de corpore constat. Tantundem est, si erratum sit in re promissa, cum de alia stipulator, de alia promissor senserit; perindeque hic nulla contrahitur obligatio, ac si ad interrogatum responsum non sit, hoc text. l. inter 83 §. 1. l. continuus 137. §. 1. de Verb. obl. Quid tamen si non in ipso corpore error sit, sed in substantia rei, aut materia, verbi causa, si quod aurum putabatur, sit æs, aut quod vinum, ab initio acetum fuerit? placet hic valere stipulationem, l. si id. 22. eod. quamvis emptio non valeat, l. 9. in fin. cum l. seq. l. 14. in fin. de contr. empr. Nimirum stipulatoris, qui nihil vicissim præstat, consensum in corpore error in materia non impedit: emptor autem non potest videri consensisse in pretio; cum utique longè minoris æs, quam aurum, acetum, quam vinum, empturus fuisset. Planè si non in totum in materia erratum sit, etiam emptionem valere placet, ut in specie d. l. 14. de contr. empr. Quod si quis in causa promittendi erraverit, cum suo ipsius errore inductus putat se debere, quod non debet, & stipulanti promittit, hic summo quidem jure obligatus erit; sed si conveniatur, exceptione doli mali se defendere potest, l. si quis 36. de Verb. obligat.

TEXTUS.

De turpi causa.

23. Quod turpi ex causa promissum est,

veluti si quis homicidium, vel sacrilegium se facturum promittat, non valet.

COMMENTARIUS.

Stipulationes ex turpi causa interpositæ nullius momenti sunt; veluti si quid homicidii vel sacrilegii faciendi aut facti causa promittatur, l. generaliter. 26. & l. seq. l. si flagitii 125. de Verb. obl. Nec ea tantum, quæ apertè flagitiosa sunt, in stipulationem deduci non possunt: verum etiam quæ bonis moribus adversantur; veluti si de futura successione contrahitur, l. stipulatio 61. eod. l. ultim. C. de pact. l. 4. C. de inut. stip. Quinimo & si quis pecuniam promiserit, ne furtum aut eadem faceret, aut sub conditione, si non fecerit, adhuc dicendum, stipulationem nullius esse momenti; cum hoc ipsum flagitiosum sit, pecuniam pacisci, quo flagitio abstineas, l. jurisgentium 7. §. 3. de pact.

TEXTUS.

De morte contrahentium.

24. Cum quis sub aliqua conditione stipulatus fuerit, licet ante conditionem decesserit, postea existente conditione hæres ejus agere potest. Idem est & ex promissoris parte.

NOTA.

24. IDEM EST ET EX PATRE PROMISSORIS] Ut si pendente conditione promissori quid humanitus contigerit, hæres promissoris existente postea conditione conveniri possit, l. 17. de Verb. obl. sicut ex converso stipulatore ante conditionem mortuo hæres ejus agere, §. 4. sup. d. r.

COMMENTARIUS.

Hic locus à me expositus est ad §. sub conditione 4. sup. de Verb. obl.

TEXTUS.

Quando agi potest ex stipulatione.

25. Qui hoc anno, aut hoc mense dari stipulatus est, nisi omnibus partibus anni vel mensis præteritis, non rectè petet. Si fundum dari stipuleris, vel hominem, non poteris continuo agere, nisi tantum spatium præterierit, quo traditio fieri possit.

NOTA,

NOTÆ.

25. *Qui hoc anno*] Ex Pompon. l. 42. eod. & sup. §. 2. eod.

Non potest continuo agere] Hoc non ad jus petendi, d. §. 2. sed ad ejus, quod petitur præstationem & executionem obligationis referendum est: quia incivile statim cum sacco venire creditorem, l. 105. de solut.

COMMENTARIUS.


Duo hic docemur. Primum est, quod obligatione in diem constituta ante agi non possit, quam totus ille dies præterierit. Alterum quod etiam ei, qui purè quid stipulanti promissit, dandum sit aliquod spatium, intra quod rem tradere & solutionem expedire possit. De utroque dixi ad §. 2. sup. de verb. obl. l. 42.

TITULUS XXI.

D. lib. 46. t. 1. C. lib. 8. t. 41. Nov. 4.

De fidejussoribus.

Continuatio, & argumentum tituli.

bligatur quisque aut proprio nomine sive principaliter, aut nomine alieno sive accessorie, dum scilicet, pro alieno debito se ita obstringit, ut ei accedat manente principali obligato. Eorum, qui sic obligantur, tres sunt species, mandatores, pecuniæ constitutæ rei, fidejussores. Mandator est, cujus mandatu quis pecuniam credit certæ personæ, §. tua tantum 6. inf. de mand. Pecunia constitutæ reus, qui pecuniam debitam se soluturum constituit nudo pacto, §. de constituta 9. inf. de action. Fidejussor, qui quod alius debet, fide sua esse jubet, interposita stipulatione. Coniunguntur hi tres in l. ult. C. de const. pecun. & Nov. 43. atque in plerisque eodem jure habentur. Hoc loco agitur de fidejussoribus: qui titulus tractationi de verborum obligationibus ideo subjicitur quia fidejussores citra verba & stipulationem non constituuntur, l. 5. §. 2. de verb. obl. l. Blanditus 12. C. hoc tit. Inducitur hic primum obligationis fidejussoriæ finis: deinde obiectum, doceturque, quibus obligationibus fidejussor adhiberi possit, & porro permiste, quatenus obligetur, quaque forma constituatur.

TEXTUS.

Cur accipiuntur.

Pro eo, qui promittit, solent alii obligari, qui fidejussores appellantur: quos ho-

mines accipere solent, dum curant, ut diligentius sibi cautum sit.

NOTA.

Solent alii obligari] Accessorie videl. seu reo principali manente obligato: qualis est is, cujus mandatu pecunia creditur certæ personæ, §. 6. inf. de mand. item qui pecuniam debitam se soluturum constituit nudo pacto, §. 9. inf. de act. & maxime qui quod alius debet, fide sua esse jubet interposita stipulatione; de quibus solis hic agitur: coniunguntur, l. ult. C. de const. pec.

COMMENTARIUS.

- 1 *Fidejussoris obligationem esse accessionem principalis.*
- 2 *Fidejussor idem, qui & adpromissor, expromissor alius.*
- 3 *Sponsores, praedes, & ades.*

Pro eo, qui promittit, solent alii obligari] Intellige eo, qui promittit, eodemque reo principali manente obligato: alioqui & expromissor pro alio obligari rectè dicitur, qui novandi animo alienam obligationem in se transfert: qui tamen fidejussor non est, ut mox probabitur. Et igitur, cum fidejussor ita pro alio obligetur, ut nihilominus ille alius obligatus maneat, ex eo intelligimus, obligationem fidejussoris esse accessionem quandam alterius obligationis. Unde est, quod nostri sic passim loquuntur, ut dicant, fidejussorem accedere. Quod autem Justinianus ait, *pro eo, qui promittit*, exempli causa dictum est: nam constat, fidejussores omni obligationi accedere posse.

Qui fidejussores appellantur] A jussione & fide, ut apparet ex formulis, quas passim legimus. Dicuntur & adpromissores, l. 5. §. 2. de verb. obl. l. in omnibus 43. de solut. l. si vero 64. §. 4. solut. matr. quia scilicet ad id, quod alius debet, accedentes idem promittunt. Expromissores autem qui dicuntur, fidejussores non sunt, quia idem cum alio non promittunt, nec obligationi alienæ accedunt: sed expromissione fit novatio. Nam expromittere & expromissor in usu juris is dicitur, qui alienam obligationem in se suscipit liberato reo, aut eo nomine non obligato, cum tamen obligari deberet, l. 7. §. servus pactionis 8. de dol. mal. l. qui libertinus 37. in fin. de oper. libert. l. 4. de cond. ca. dat. l. 8. si cogeris 8. ad sen. Vell. l. ult. de senat. Maced. unde & à fidejussore passim distinguitur, l. ut res 53. de contr. empt. d. l. 37. in fin. de oper. lib. & interdum simpliciter reus nominatur, quia solus obligatur quia si reus

fi reus principalis, d. l. 7. §. *seruus*, de dol. mal. d. l. 64. §. 4. *solut. matr.* Veteres, quos nostri fidejussores postea dixerunt, appellabant *sponsores*, Cicero ad *Attic. lib. 1.* Tulliola, nostra deliciola, tuum munus flagitat, & me sponsores appellat. Et alibi; De negotio tuo, quod sponsores pro Pompejo, si Galba consponsor tuum redierit, &c. Species sponso- rum sunt, qui dicebantur *prædes*, & item, qui *vades*. *Prædes* dicti, teste *Ascon. Padiano Verr. 3. satutores locupletes pro re, de qua apud iudicem lites est.* Et *Festus*, *Pras*, inquit, est is, qui populo se obligat, interrogatusque à magistratu, an *pras* sit, ille respondet, *Pras*. In quem locum *Josephus Scaliger* sic scribit; *Festus* ait, *prædem* dictum esse, quod interrogatus à populo si *pras* esset respondebat, *Pras*, sup- ple, *Sum*. *Præfesse* antiquitus significat *presentem* esse, *παρὴν*. Unde superest participium *Præsens*. Quam notationem confirmat *Aufonius*, qui in *ludicro* *dramate* septem *Sapientum* de *Thalete* loquens, sic ait, *Spondere* qui nos, *noxa* quia *præfess*, & etat. Idem *Scaliger* apud *Varronem* s. de ling. sic legendum existimat; & *aque* *pras*, qui à magistratu interrogatus in publicum, an *præfess*; à quo, & cum responderet, dicitur *pras*. *Vades* autem dicti sunt, auctore *Varrone* d. loc. qui pro alio *vadimonium* promittunt, id est, *sensores* iudicio aliquem sitendi. Et si *fides* *Aufonio*, *vades* appellati, qui dabantur in rebus criminalibus; *prædes*, qui in causis civilibus. Sic enim ille in *monosyllab. idyll. 12.* Quis subit in penam capitali iudicio? & ar. Quid sitis fuerit nummaria, quis dabitur? *Pras*. Sed tamen quicumque pro altero *vadimonium* promittebat, etiam in re pecuniaria, *vadem* appellatum constat. *Sid. Hering.* de fidejuss. cap. 3. n. 43. & *veq. vati Claris.* *Salmaf.* lib. de mod. usur. c. 16.

Ut diligentius sibi cautum sit] Fidejussores & pignora sponsonum fideique sunt vincula & firmamenta, l. 9. in fin. de sup. leg. *Senec. de benef.* 7. 14.

T E X T U S.

In quibus obligationibus.

1. In omnibus autem obligationibus adsumi possunt, id est, si re, si re verbis, si re literis, si re consensu contracta fuerint. Ac nec illud quidem interest, utrum civilis, an naturalis sit obligatio, cui adjicitur fidejussor: adeo quidem, ut pro servo quoque obligetur, si re extraneus sit, qui fidejussorem à servo accipiat, si re ipse dominus in id, quod sibi naturaliter debetur.

N O T Æ.

I. IN OMNIBUS OBLIGATIONIBUS] l. 1. l. 2. l. 8. §. 1. l. 16. §. 3. b. 1. etiam si obligatio ex delicto oriatur, d. l. 8. §. 1. l. 16. §. ult. l. 70. §. ult. eod. utique si agatur civiliter: nam si criminaliter agatur ad coercionem corporalem, fidejussio inutilis est, arg. l. 13. ad leg. Aq. l. 22. C. de pæu. Textus autem in l. 1. cum seqq. de cust. reor. accipiendi de fidejussoribus, qui caveant de reo sistendo, non qui penam suscipiant delicti.

AN NATURALIS] l. 6. in fin. l. 7. l. 16. §. 3. b. 1. ut ut arctius hoc casu astringatur fidejussor, quam reus add. *Theoph.*

C O M M E N T A R I U S.

1. Fidejussorem pro omni obligatione ex contractu recte intervenire, excepta causa dotis.
2. Item pro obligatione ex delicto, quando civiliter agitur.
3. Quatenus in criminalibus recipiatur fidejussor.
4. Pro qua obligatione naturalis interveniens obligetur.
5. Quid si obligatio sit mere civilis.

O Bjectum fidejussionis seu materia, circa quam. Cum fidejussoris obligatio sit accessio alterius obligationis, necesse est statui aliquam obligationem, cui fidejussoria accedat; alioqui & hæc non tenebit, l. 6. in fin. l. fidejussor. 16. l. si sub 29. l. si quis 37. & pass. hoc tit. l. 6. de verb. obl. unde quoque est, quod is, qui solutionis gratia adjectus est, fidejussorem accipere non potest, scilicet quia reum principalem obligatum non habet, l. si mihi 23. eod. Caterum dum aliqua sit obligatio, non in totum improbatà jure civili aut prætorio, cujuscunque ea generis sit, tenet fidejussio, l. 1. l. 2. l. 6. §. ult. l. 7. l. 8. §. 1. & seqq. l. 16. §. 3. eod. Clarius hoc apparebit ex enumeratione singularum. Primum earum obligationum, quæ ex contractu aut quasi ex contractu nascuntur, fidejussorem recte accipi, nemini dubium esse potest. Quippe cum ex his pecunia debeatur, aut res pecunia æstimabilis. Una tantum species hic excipitur, obligatio, qua tenetur maritus ad dotem soluto matrimonio uxori restituendam: pro qua obligatione fidejussorem exigi aut accipi constitutiones vetant, ne causa perfidiæ in conjugio generetur, l. 1. & 2. C. de fidei. dor. dent. l. 1. Cod. Theod. de fidej. dor. quamvis recentiorum nonnulli fidejussorem à marito eo nomine ultro datum obligari contendunt. *Sid. Fachin.* 8. contr. 76. *Gail.* 2. obs. 84. *Ant. Fab. C. suo, d. tit. de fin. 1.* *Ant. Merend.* 6. contr. 13. *Christin. Col.* 3. decis. 141. Sed etsi ex delicto oriatur actio, nihilominus fidejussor interveniens obligatur, l. 8. §. sed & s. l.

l. si quis 56. §. ult. l. si a reo 70. §. ult. hoc tit. utique si ex hac civiliter agatur, & ad poenam pecuniariam: nam si agatur criminaliter & ad coercionem corporalem, inutilis est fidejussio; quoniam ejus poenae nemo succedaneus est, cujus nulla potest fieri reparatio, & ubi quod quis solvit aut sustinuit, nulla actione repeti, aut in priorem statum reponi potest. Nimirum æquum omnino est, fidejussori ejus, quod pro reo solvit, recuperandi causa actionem mandati dari, ne cui officium suum sit damnosum: at poenae corporalis nulla est restitutio; & quid proderit fidejussori, reum eandem poenam, postea subire? Postremo nemo contrahendo se ad poenam corporalem obligare potest: quoniam membrorum suorum nemo dominus videtur, *l. 12. ad leg. Aquil.* neque justitiae ratio patitur, eum, qui non deliquit, poenam hujusmodi sustinere, *l. sancimus 22. C. de pen.* Alia vero quaestio est, utrum reus criminis non usque adeo atrocis, qui nondum convictus est, neque satis evidentibus indicis urgetur, persona alias honesta, in carcerem protinus conjiciendus sit, ut ex vinculis causam dicat, an fidejussores hic recipi possint, non qui poenam delicti suscipiant, sed qui caveant, de reo sistendo, ut is molestiam carceris interim effugiat. Placet autem, hoc casu rem fidejussoribus committi posse, qui si reum non stiterint, certa pecunia multentur, quanta scilicet vel cautione vel decreto magistratus comprehensa est, aut ex consuetudine inferri solet: alioqui magistratus arbitrabitur. Quod si dolo fidejussorum fiat, ne reus exhibeatur, graviori animadversione extra ordinem coerceri possunt. In quam sententiam sunt textus in *l. 1. l. 2. l. 3. C. 4. de custod. C. exhib. reor. l. 6. §. 3. l. 12. Cod. de appell.* Porro non tantum obligationi civili, sed etiam naturali fidejussor adhiberi potest, hoc *text. l. in fin. l. 7. l. 16. §. 3. hoc tit.* licet hoc casu arctius & fortius adstringatur fidejussor, quam reus principalis. Cœterum hoc ita, si naturalis obligatio etiam vim aliquam jure civili habet: nam si ex earum genere sit, quæ juris civilis auxilio penitus destituuntur, nec fidejussor in eam accipi potest; veluti si pro eo, quod prodigus promissit, fidejussor intervenerit, *l. 6. de verb. obl.* Neque obstat, quod Marcellus scribit, eum, qui pro prodigo fidejussit, obligari, *l. 25. hoc tit.* Obligatur enim suo nomine duntaxat, non alieno; non ut fidejussor, qui accedat obligationi principali, quæ hic nulla est; sed ut principalis reus, & ratione suæ solius promissionis: quippe qui idem promittens, quod furiosus aut prodigus, in quorum persona sciebat obligationem non consistere, donare voluisse videtur. Itaque Marcellus verbo fidejubendi in proposito utens respexit tantum ad nudum fidejubendi actum, & promissionem, quæ de facto præcessit, licet citra ullum juris effectum, *d. l. 6. de verb. obl.* Ita

ferme & *Accurs. Bart. C. DD. Vulgo*: quanquam alii aliter: *Don. ad d. l. 6. in fin. R. & v. d. 2. var. 9. Robert. 2. recept. lect. ult. Cont. 2. lect. 3. I. yclum. 6. memb. 8.* Quid si obligatio sit mere civilis? Existimo, hoc genus obligationis, ut improbatum jure prætorio, & sine re, atque effectu inutile, *l. nihil interest 112. de reg. jur.* huc non pertinere. Etsi enim summo jure ex nuda civili obligatione agi potest: tamen cum & actio instituta opposita perpetua exceptione elidatur, & tale debitum neque solum per errorem retineri, neque constitui, neque compensari possit, *l. qui exceptionem 40. de cond. ind. l. 3. §. de pecun. const. l. 14. de compens.* frustra pro eo fidejussor intervenire videtur, *fac. l. si quis 37. hoc tit.* aut certe si fidejussio summo jure teneat, is qui fidem suam interposuit, conventus eadem exceptione, quæ reo principali competit, creditorem repellere poterit. Per *l. 7. §. 1. de except. Bart. in l. 1. n. 3. hoc tit. post Gloss. hic.*

[*Si ve literis*] Non adversatur, quod modo diximus, pro obligatione mere civili fidejussorem inutiliter intervenire. Etenim literarum obligatio pro mere civili habenda non est, sed pro mixta seu civili & naturali simul. Quippe mixta obligatio duorum generum est; una vere talis, altera præsumptive: qualis est obligatio judicati, item jurisjurandi ab actore iudice deferente præstiti: atque hujus generis etiam ea est, quæ literarum dicitur. Nam si quis chirographo suo confessus est, se pecuniam mutuam accepisse, ea confessio, post silentium biennii, auctoritate juris pro veritate habetur, perindeque is, qui confessus est, ex eo tempore tenetur, ac si revera ei pecunia numerata sit. De quo uberius *tit. seq.*

[*Utrum civilis*] Non civilis nuda, sed mixta, quæ actionem efficacem producit; quæ in usu juris civilis & absolute quoque obligatio vocatur. Idem autem hoc traditur apud Julianum *l. 16. §. 3. hoc tit.*

[*Pro servo quoque obligetur*] Servi ex contractibus naturaliter tantum obligantur, *l. 14. de obl. C. act.* At ita obligantur non modo extraneis, sed etiam domino, ut hoc loco docet Justinianus; potestque dominus in id, quod sibi naturaliter debetur, fidejussorem à servo accipere, *l. si a reo 70. §. 3. cod.* quamvis ex contrario pro eo, quod dominus servo naturaliter debet, fidejussor acceptus non teneatur, *si quis 56. §. 1. cod.* speciali scilicet ratione, quam indicavi *tit. præced. d. §. item inutilis 6.*

T E X T U S.

De herede.

2. Fidejussor non tantum ipse obligatur, sed etiam heredem relinquit obligatum.

COMMENTARIUS.

Satis notum est, obligationes & actiones, quæ ex contractibus veniunt, in hæredes quoque dari, §. 1. *inf. de perp. & tem. act. l. 11. l. ex contractibus 49. de obi. & act.* idque etiam si nulla in contrahendo hæredum facta sit mentio, *l. 13. C. de cont. stip.* Talis autem est obligatio, qua tenetur fidejussor; ac proinde non ipse tantum obligatur, sed etiam hæredem obligatum relinquit, *l. 4. §. 1. hoc tit. l. fidejussoris 24. Cod. eod.* Quod si principalis obligatio ex delicto descendat, tenebitur quidem hic etiam hæres fidejussoris, sed tam diu, quam vivit & tenetur is, qui deliquit: eo vero mortuo, ut fidejussor ipse, ita etiam hæres ejus liberatur, nisi forte ante rei mortem lis contestata fuerit, *d. §. 1. inf. de perp. & tem. act. l. omnes 26. l. sciendum 58. de obi. & act. l. pænalia 164. de reg. jur. l. 10. §. 2. & ibi Costal. si quis cant. jud. sist.* Nam quoties principalis obligatio in hæredes debitoris transit, toties etiam fidejussoria transit in hæredes fidejussoris: at principali sublata evanescit & fidejussoria.

TEXTUS.

Si fidejussor præcedat, vel sequatur obligationem.

3. Fidejussor & præcedere obligationem & sequi potest.

COMMENTARIUS.

ET præcedere] Etiam futuræ obligationis fidejussor accipi potest, *l. 6. §. ult. hoc tit.* ita tamen, ut præcedens fidejussoris obligatio tum demum vires capiat, cum & principalis obligatio, cujus illa accessio est, constituta est. Interim vero in pendenti esse obligationem fidejussoris, sciendum est, *l. non quemadmodum 35. de judic.* Neque fidejussorem ante conveniri posse, quam reus debeat, *l. fidejussor 57. hoc tit.*

ET sequi potest] In quo differt fidejussor à mandatore. Nam qui post creditam pecuniam mandat eam credendam, non obligatur, nisi simul suo periculo debitori inducias petat solutionis, *l. 12. §. si post 14. mandat.* Item à pecuniæ constitutæ reo, qui non sequitur, *l. 1. §. 1. de pec. constit.*

TEXTUS.

De pluribus fidejussoribus.

4. Si plures sint fidejussores, quotquot erunt numero, singuli in solidum tenentur.

Itaque liberum est creditori, à quo velit, solidum petere. Sed ex epistola divi Hadriani compellitur creditor à singulis, qui modo solvendo sunt litis contestata tempore, partes petere. Ideoque si quis ex fidejussoribus eo tempore solvendo non sit, hoc ceteros onerat. Sed si ab uno fidejussore creditor totum consequutus fuerit, hujus solius detrimentum erit, si is, pro quo fidejussit, solvendo non sit: & sibi imputare debet, cum potuerit juvvari ex epistola divi Hadriani, & desiderare, ut pro parte in se detur actio.

NOTÆ.

EX EPISTOLA D. HADRIANI] *l. 26. eod.* Beneficium hoc vulgo divisionis appellatur. Et cæteris quoque accessionibus datum est, *l. ult. C. de pec. const.*

HUJUS SOLIUS DETRIMENTUM] Poterit quidem quod solvit, repetere à debitore actione mandati: sed à creditore partem repetere non potest, nec adversus confidejssores ullam actionem habet, extra quam si tunc cum solvit, actiones sibi cedi à creditore curaverit, aut ea lege solverit, ut postea cederentur, *l. 17. l. 36. l. 39. eod. l. 2. l. 11. l. 14. C. eod.*

COMMENTARIUS.

- 1 Circa obligationem plurium fidejussorum nihil mutatum No. 29.
- 2 Beneficium divisionis quale sit, & quibus competat. Et num. 6.
- 3 Beneficium ordinis quale, & quid quibus tribuat: & alia remissæ.
- 4 Beneficium ordinis non pertinere ad fidejssores judiciales, &c.
- 5 Obligationem plurium fidejussorum non dividit ipso jure, sed ope exceptionis: & quid inter hac intersit.
- 7 Conditiones, sub quibus beneficium divisionis conceditur.
- 8 Quando opponi debeat exceptio divisionis, quando ordinis.
- 9 Quando locus exceptioni cedendarum actionum.
- 10 Renuntiatione superiora beneficia amitti.

Plures fidejssores ejusdem rei aut pecuniæ, quæ debetur, singuli in solidum tenentur, sive id nomen

minatum convenerit, five non convenerit, *l. 3. C. hoc tit.* Neque hoc jus mutatum est *Nôv. de res promittendis. 99.* unde *auth. hoc tit. C. de duob. res.* Recte enim vulgo recepta hæc sententia est, eam constitutionem, quæ de duobus reis est, ad fidejussores non pertinere. Nam cum plures rei promittendi ejusdem pecuniæ accipiuntur, dubitari potest, quamente id fiat, utrum sicut solidum verbis, ita re quoque promississe videantur; an obligationem pro numero personarum dividi existimaverint: cujus dubitationis causam sustulit Justinianus, cavens ne plures promittendi ejusdem pecuniæ aliter in solidum singuli obligentur, quam si nominatim id actum sit. At plurimum fidejussorum obligatio nullam talem dubitationem habet. Quippe cum horum singuli promittant id, quod reus habet, & quantum debet. Debet autem solidum. Tenentur ergo plures fidejussores singuli in solidum, & in solidum singuli conveniri possunt. Ceterum hoc beneficium epistola Hadriani Imperatoris illis tributum est, ut si quo tempore lis cum aliquo eorum contestatur, omnes solvendo sint, actio inter eos pro portionibus virilibus dividatur, *l. si plures 26. hoc tit. l. 3. C. eod.* Estque hoc, beneficium, quod vulgo *divisionis* appellatur: competitque non fidejussoribus tantum, sed cæteris quoque accesssionibus, puta pluribus, quorum aut mandatu eadem pecunia credita est, aut qui pro alio idem se soluturos constituerunt, *l. ult. C. de pec. confs.*

3 Vim beneficii mox latius explicabimus. Novissime & aliud beneficium fidejussoribus tributum constitutione Justiniani *Nôv. 4. cap. 1.* unde *auth. presente. C. hoc tit.* quod tale est, ut five unus five plures sint fidejussores, reus principalis prius conveniri atque excuti debeat, quam ad fidejussores perveniat, nec ante cum his efficaciter agi possit, quam si suum creditor à debitore consequi nequeat. Id autem accedit duobus casibus, si vel absit reus, vel non sit solvendo. Ceterum placet nihilominus priore casu fidejussori postulanti spatium temporis à iudice dari, intra quod reum absentem evocet: eo vero spatio elapsò, si non venerit reus, lis contra fidejussorem peragitur. Posteriore casu si reus præsens sit, aut evocatus venerit, tum si is solvendo non erit, quatenus solvendo non est fidejussor recte convenitur. Verum cum de eo prius constare debeat, reus ipse primum conveniendus & condemnandus est; deinde facultates ejus excutiendæ, bonæque, quæ erant, vendenda sunt. Hæc Justinian. *d. Nôv. 4. cap. 1.* Quod si debitor notorie non sit solvendo, excussio non est necessaria, secundum *Mysf. cent. 2. obs. 15. Gail. 2. obs. 127. n. 14. Menoch. consil. 662. num. 20. Vassq. illust. quest. p. 1. c. 40. num. 2.* Ubi communem dicit. Beneficium autem hoc humanitatis causa, ut superius, fidejussoribus, item reliquis acces-

sionibus datum, contra conditionem obligationis jurisque veteris constitutionem, quo jure liberum fuisse creditori constat, omisso principali reo fidejussorem convenire, *l. 3. l. 5. Cod. b. r.* Appellatur hoc beneficium alias *ordinis*, alias *excussionis*. Ordinis, propter ordinem conveniendi: excussionis, quia bona rei excutiuntur, ut sciatur, an solvendo sit, nec ne. An huic beneficio locus sit in foro mercatorio, vid. *Fachin. 8. cent. 53. Ant. Fab. C. suo, hoc tit. de fin. 3.* Suprema apud nos Curia aliquando censuit, non esse, *decis. 13.* An ei competat, qui fidejubendo simul se debitorem principalem constituit, *Gail. d. lib. 2. obs. 28. Schneid. ad hunc §. num. 11. Christin. Sol. 5. decis. 214. num. 46.* Illud constat, fidejussoribus judicio fitti, & judicatum solvi, exceptionem ordinis non habere: quippe hujusmodi stipulatione ex auctoritate prætoris interponuntur, ut judicium ratum sit; *l. 1. de stip. prat.* contra cujus mentem foret, differri executionem judicati, arg. *l. in conventionalibus 52. de verb. obl. Ant. Fab. C. suo, de fin. 3. hoc tit. Christin. Sol. 4. decis. 145. n. 7. & Sol. 4. decis. 179. n. 25.* Sed nec ille, qui pro naturaliter tantum obligato intervenit, hoc beneficio uti poterit, *Gail. d. obs. 27. num. 20.* Consule porro de beneficio ordinis *DD. in auth. presente, C. hoc tit. Gomez. 2. resol. 13. n. 14. Gail. 2. obs. 27. & seq. Hering. de fidejuss. c. 27. part. 1. Christin. Sol. 5. decis. 2. n. 14.*

Compellitur creditor à singulis] Etiam si in fidejussoribus accipiendis convenerit, ut singuli in solidum tenerentur. Quippe hæc conventio conditionem juris & constitutionem non mutat, postquam jure hoc fiat, ut inter fidejussores actio dividatur, *l. 3. in fin. C. hoc tit.* secundum quod Parisiis judicatum refert Papon. *lib. 10. tit. 4. arrest. 23.* Ceterum in hac divisione hoc primum notandum est, dividi obligationem inter plures fidejussores non ipso jure, sed per exceptionem duntaxat, *l. inter 20. eod.* Inter quæ multum interest. Nam si ipso jure obligatio divisa esset, id est, si singuli partes tantum viriles ipso jure deberent, in solidum nemo eorum conveniri posset, quantumvis forte aliqui non essent idonei. Quin etsi quis solidum solvisset, partem condicere, tanquam plus debito solutum, non prohiberetur: quod utrumque secus se habere, ostendit hic locus & *d. l. inter, l. si testamento 49. §. in fin. eod.* Deinde non aliter pluribus fidejussoribus auxilium divisionis indulgeri, quam si confidejussores sint; id est, si ut ejusdem summx, ita ejusdem quoque debitoris sint fidejussores: inter plures diversorum debitorum, licet ejusdem summx, fidejussores actionem non dividi *l. si à Titio 43. l. si plures 27. §. ult. eod.* Postremo hoc beneficium pluribus fidejussoribus eorum creditorum tantum dari, qui ipsi conventionis sua plures fidejussores acceperunt; pluribus si-

de iussoribus tutorum aut curatorum non competere
l. ult. rem pup. sal. for. ubi & ratio additur.

- 7 Solvendo sunt litis contestata tempore] Dux sunt conditiones, sub quibus beneficium divisionis fideiussoribus datur. Una est, si fideiussores non negent, se fideiussores esse. Inficiantibus auxilium divisionis dari non placuit, l. 10. §. 1. hoc tit. Altera, cuius hic fit mentio, est, si omnes fideiussores idonei, hoc est, solvendo sint, quo tempore lis contestatur, hoc text. l. inter 51. §. 1. eod. Quod placet, in hac respectari tempus litis contestatæ, id eo pertinet, primum ut sciamus, si quis è fideiussoribus eo tempore solvendo non sit, licet antea solvendo fuerit, id cæteris, qui solvendo sunt, non prodesse, sed, ut in textu dicitur, cæteros onerare. Deinde si omnes proponantur tempore litis contestatæ solvendo fuisse, & postea aliqui minus idonei esse cœperint, quamvis ante sententiam, eam rem ad onus ejus, qui solvendo est, non pertinere, d. l. inter 51. §. pen. Illud hic quaesitum est, quando exceptio divisionis opponenda sit, postulandumque, ut actio dividatur. Sed expresse rescriptum ab Alexandro est, id postulari solum ante condemnationem, l. 10. §. 1. C. hoc tit. Quo loco manifeste & illi refelluntur, qui negant, hanc exceptionem posse objici post litem contestatam, & qui ajunt, opponi posse etiam post sententiam, & d. Sol. in d. l. 10. §. 1. n. 5. S. i. c. n. 10. & seqq. Don. n. 2. & seqq. Ordinis vero & excussionis exceptio cum sit dilatoria, ante litem contestatam opponenda est, & d. Ant. Fabr. C. suo hoc tit. defin. 38. Fachin. 8. contr. 52. Christin. Sol. 5. decis. 214. & ibi citat. Dissentit tamen Gail. 2. obs. 27. n. 3. contendens, opponi eam posse usque ad conclusionem in causa: quanquam fateatur, omissam ex officio à iudice suppleri non posse, add. D. Jo. à Sande lib. 1. rer. jud. tit. 7. defin. 2.

- 9 Si ab uno fideiussore creditor totum &c.] Si unus ex pluribus fideiussoribus omissa exceptione beneficii divisionis solidum solverit, is quidem à debitoribus, quod solvit, actione mandati repetere potest, §. si quis 6. inf. eod. Cæterum si debitor solvendo non sit, sibi imputet, quod beneficio usus non sit: neque enim vel à creditore partem repetere potest, quia solidum ipso jure debuit, & humanitatem beneficii contempsit: neque ullam actionem habet adversus confideiussores: denique nec pignora persequi potest, quæ creditor obligata erant, l. us fideiussor. 39. hoc tit. l. 11. Cod. eod. Plane potest fideiussor conventus desiderare, ut à creditore sibi cedantur actiones adversus confideiussores & possessores pignorum; sed tunc, cum solvit, aut si ea lege solverit, ut sibi postea cedantur. Semel autem pecunia soluta, si in solvendo de cedendis actionibus nihil cautum sit, agere, ut cedantur, non potest, l. fideiussoribus 17. l.

cum is 36. l. ut fideiussor. 39. hoc tit. l. 2. l. 11. l. mandati. 14. C. eod. l. Modestinus 76. de solut. Quamquam sunt, qui & post solutionem cessionem recte fieri volunt; & ita fere nunc obtinere. Sande de act. cess. c. 7. n. 11. & seq. Groenove. de ll. abrog. ad d. l. 11. C. hoc tit. Dissimilis est causa mandatoris, quem etiam postquam solvit, placet agere posse adversus creditorem, ut sibi actiones suas cedat adversus debitorem & cæteros ejusdem obligationis reos, l. Papin. 28. mand. quippe mandator mandati actionem habet adversus creditorem, fideiussor non habet. Quod autem tutori, qui solvit, adversus contutores pro eorum parte utilis actio datur, id singulariter in tutoribus constitutum est favore pupillorum, l. 1. §. & si forte 13. de tut. & rat. distr. ac proinde non est producendum ad consequentiam. Enimvero exceptio cedendarum actionum etiam postquam unus ex fideiussoribus in solidum condemnatus est, ab eo opponi potest, l. si fideiussores 41. §. 1. hoc tit. quod ideo receptum, quia hæc exceptio non oppugnat sententiam, neque minuit jus victoris. S. i. c. h. ad l. 10. C. hoc tit. n. ult. De exceptione hujus beneficii vide citatos apud Christin. Sol. 4. decis. 179. n. 10. & seqq. Sol. 5. decis. 214. n. 51. & seqq. Illud postremo sciendum est, hæc fideiussorum beneficia, ut alia omnia, jure ita tributa esse, nisi his fideiussores expresse renuntiaverint: renuntiando, ut fere hodie fit, amitti. Licet enim unicuique juri pro se introducto renunciare, l. pen. C. de pact. Hinc cautio con- 10 sultorum creditorum usitata notariis in instrumentis fideiussionis, ut qui fideiussores accipiuntur, renuntient beneficiis ordinis, excussionis & divisionis, quo liberum sit creditori, quem velit, & quatenus velit, convenire.

TEXTUS.

In quam summam obligatur fideiussor.

5. Fideiussores ita obligari non possunt, ut plus debeant, quam debet is, pro quo obligantur. Nam eorum obligatio, accessio est principalis obligationis: nec plus in accessione potest esse, quam in principali. At ex diverso, ut minus debeant, obligari possunt. Itaque si reus decem aureos promiserit, fideiussor in quinque recte obligatur: contra vero obligari non potest. Item si ille pure promiserit, fideiussor sub conditione promittere pot-

est:

est: contra vero non potest. Non solum autem in quantitate, sed etiam in tempore minus aut plus intelligitur. Plus enim est, statim aliquid dare: minus est, post tempus dare.

NOTA.

UT MINUS DEBEANT, OBLIGARI POSSUNT] Vel minorem summam, quam quæ debetur à reo principali, vel alias in causam levio- rem, dicitur, l. 8. §. 7. & seqq. l. 34. hoc tit. cum simil.

COMMENTARIUS.

- 1 Fidejussorem arctius, quam reum principalem, obligari posse; durius non posse.
- 2 Acceptum in maiorem quantitatem, quamqua debetur, ne in debitam quidem obligari.
- 3 Transpositione Haloandri in l. 8. §. illud, hoc tit. evertit sententiam Ulpiani, falsamque efficit ejus definitionem.
- 4 Explicatur l. rogatus 33. mandat.
- 5 Constituitur & fidejussionis quam dūsimilis sit ratio.
- 6 Removetur obstaculum ex l. 1. §. si stipulanti, de verb. obl.
- 7 Media Bachosii sententia non improbabilis, & quid hodie ad questionem propositam respondendum.

1 CUM fidejussores accipiantur firmandæ principalis obligationis causa, nihil prohibet, quominus efficacius obligentur, fortiorque vinculo constringantur, quam reus principalis, veluti per instrumentum garantigiatum seu paratæ executionis, per hypothecam, per jusjurandum, per poenæ adjectionem, cum reus obligatus est simpliciter Jo. Fab. hic. Gomez. 2. resol. 13. num. 2. adeoque pro eo, qui naturaliter tantum obligatus est, fidejussorem recte intervenire placet quamvis hoc casu cum solo fidejussore judicio agi possit, cum reo non possit, §. 1. sup. eod. In causam vero duriorem accipi non potest, id est, ita accipi, ut fidejussor vel re, vel tempore aut causa plus debeat, quam reus principalis, hoc text. l. 8. §. illud 7. eod. quod DD. non ineleganter sic breviter exprimunt: *Fidejussor intensius obligari potest, extensius non potest.* Cæterum de illo non satis inter interpretes convenit, utrum fidejussor in maiorem summam acceptus, quam debet reus principalis, prorsus non obligetur, an saltem obligetur in summam concurrentem. Glossa & Bart. in d. l. 8. §. illud. omnesque fere interpretes veteres sentiunt, fidejussorem ita acceptum plane non

obligari: quorum sententiam sequuntur & defendunt Connan. 6. comm. 6. Horom. Bachos. in hunc §. Fachin. 8. contro. 51. Gædd. c. 4. de contr. stip. concl. 4. n. 65. & seqq. Tima. Fab. disp. 23. Ad major pars neotericorum & ex veteribus Petrus & Cynus, contra differunt, atque in proposito fidejussorem obligari volunt saltem usque ad debitam quantitatem. Cantuanc. Baro. Myns. Wesemb. Gifan. hic. Gomez. 2. resol. 13. n. 2. Duar. ad tit. de fidejuss. c. 3. Vasq. 1. illust. q. 40 Bronch. 4. cent. 53. Hering. de fidejuss. c. 24. n. 52. & seqq. quibus etiam accedit Dioid. Tulden. comm. hic c. 2. Prior sententia de jure mihi verior videtur. Sic enim in univ-
ersum de his, qui pro aliis fidejubendo interveniunt, definit Ulpianus d. l. 8. §. illud, hoc tit. eos, si in duriorem causam adhibiti fuerint, omnino non obligari, ut habent Codices vulgati omnes, & ipsum exemplar Florentinum. Latinis autem omnino non idem valet, quod neutiquam, plane, prorsus, penitus non: nisi cavillamur. Neque alio sensu à nostris usurpatur, ipsove Ulpiano, l. si non forte 26. §. indebitum 3. de cond. ind. l. 3. §. 2. in fin. de adm. tut. l. 4. §. sed enim 3. rem pup. fals. for. Quod si cum Haloandro pro omnino non restituas, non omnino; aut omnino non, dictum putes, pro non omnino; quasi dixisset Jurisconsultus, fidejussorem in duriorem causam acceptam teneri in eo tantum & quatenus reus ipse obligatus est; evertitur sententia illius loci, quæ generalis est; falsaque efficitur Jurisconsulti definitio in fidejussoribus omnibus in duriorem causam acceptis extra casum propositum. Nam certum utique est, fidejussores plane non obligari, qui in duriorem causam accipiuntur, extra quam si in maiorem summam accepti fuerint, puta si pure sponderint, quod reus sub conditione aut in diem debebat, vel si pure reus interrogatus fidejussor cum adjectione loci acceptus sit, sive quid aliud adjectum, quo conditio fidejussoris deterior fiat. Neque enim alia ratio est, cur Jurisconsulti passim tam solícite quærant, an & quando fidejussor in duriorem causam adhibitus videatur, quam quod eo casu, quo ita acceptus est, prorsus non obligetur; uti & simpliciter ubique respondent, eum non obligari, d. l. 8. §. illud, cum seqq. l. 16. §. 1. l. hi qui 34. l. si testamento 49. §. 2. l. si à reo 70. §. 1. & c. hoc tit. Accedit, quod Justinianus hoc loco omnes istas species cum ea, de qua quæritur, comparat, & eodem jure censere videtur: maxime vero quod responsum est, fidejussorem in duriorem causam acceptum contra juris formam acceptum intelligi, d. l. si testamento, in fin. ut proinde nulla in parte fidejussio, quacunque ratione deterior illa sit obligatione principali, valere possit. Nihil admodum pro contraria sententia facit, l. rogatus 33. mandat. Nam ut recte Gloss. & Bart. in d. l. 8. §. illud, Respondent, non quæritur

queritur illo loco, an & quatenus creditori obligetur fidejussor acceptus in maiorem summam, quam reus principalis debebat; sed an & quatenus actionem mandati habeat, qui in maiorem summam, quam rogatus erat, fidejussit, propterea quod videri potest fines mandati excessisse, de quo in §. *is qui, inf. de mandat.* neque ullum in *d. l. rogatus*. Verbum proponitur, ex quo colligere possis, in ampliorem summam, quam quæ debebatur, mandatarium intervenisse. Sed & responderi potest, dissimilem esse causam fidejussoris, qui præcedit obligationem, de quo in *d. l. rogatus*, agitur; & ejus, qui post constitutam obligationem intervenit. Nam antecedens fidejussio in suspenso est, eamque interpretatur & pro arbitrio limitat subsequens obligatio, sic ut ad illam quidem nihil possit addere, detrachere autem de ea aliquid aut deminueri valeat. Est enim præcedens fidejussio mandato non abfimilis, in quo hoc evenit, ut si verbi causa mandaverim tibi, ut ducenta crederes Titio, & tu centum tantum credideris saltem in id, quod numeratum est, actionem mandati adversus me habeas, eo quod nihil à te factum est contra legem mandati, cum feceris conditionem meam meliorem, *l. si ultra 22. C. mand. & ibi Salic. de fidejuss.* Non obstat *l. hætenus 11. §. 1. de pec. const.* Nam in constituto nuda tantum æquitas spectatur, multa que in eo admissa sunt, quæ fidejussoris obligatio respuit; veluti quod necesse non est, eum, cui constituitur, creditorem esse, *l. §. 2. d. tit.* quod aliud, quam quod debetur, constitui potest; & quod debetur, constitui in ceteriore diem, *l. 1. §. an potest s. l. 4. cod.* quorum nihil admittit fidejussio, *d. l. 8. §. illud & seq. l. 16. pr. l. sita 42. hoc tit.* Unde apparet, à constituto ad fidejussionem firmum argumentum duci non posse. Illud majoris momenti est, quod in majori summa vi ipsa & potestate inesse & minor intelligitur, *l. 1. §. si stipulanti 4. l. inter 83. §. 3. de verb. obl.* & quod ob hanc causam placet, si quis de decem interrogatus viginti respondeat, obligationem saltem in decem contractam esse; quia scilicet hætenus congruenter interrogationi responsum sit, *d. l. 1. §. 4.* Jam vero si maiore summa promissa, pro ea quantitate, quæ in interrogationem deducta est, utilis est stipulatio principalis, quasi hætenus apte responsum sit, nulla ratio dari posse videtur, cur ob eandem causam in totum vitari debeat accessoria fidejussoris Resp. Non ideo dicimus in totum vitari obligationem fidejussoris maiorem summam stipulanti creditori promittentis, quam reus debet, quia in totum ad interrogationem creditoris non apte respondet: sed quia durius eum creditor obligari voluit, contra naturam obligationis fidejussorix, quæ pro forma quodammodo requirit, ut ne durius obligetur fidejussor, quam principalis reus, *l. si testamento 40. in fin. hoc*

tit. D. Bachov. existimat interesse, utrum creditor maiorem summam à fidejussore stipulatus sit, quam reus debebat, an eandem, & fidejussor maiorem promiserit; veluti si cum decem reus revera deberet, creditor quoque non amplius, quam decem, stipulatus sit à fidejussore, & is viginti fide sua esse jufferit: illo casu in totum vitari fidejussionem, quoniam aliter & durius fidejussorem adstringere creditor voluit; hoc casu consistere pro quantitate debita. Quæ sententia rationem habet: quoniam cum creditor nihil amplius à fidejussore stipulatur, quam quantum reus debet, non potest proprie dici, fidejussorem adhibitum esse in duriores causam. Plane nunc in consulendo & judicando sequeretur sententiam posteriorem; non ob id solum, quam eam æquitas commendat; sed quia pactorum & stipulationum jura consula sunt, hodieque tam nudo pacto, quam stipulatione fidejussor constitui potest, ut nulla plane nunc sit stipulationis & constituti differentia. *Gomez. 1. Gar. resol. cap. 13. n. 2. Autumn. confer. du droit. hic.*

Accessio est principalis obligationis] Hinc fit, ut & ab initio nulla sit fidejussio, si nulla subest obligatio principalis, & ut sublata obligatione principali tollatur & accessoria fidejussoris, & ex communi scilicet natura omnium accessionum, *l. in omnibus 43. de solut. l. novatione 18. de novat. l. cum principalis 178. de reg. jur.* Deinde etiam hoc, quod hic docemur, ut etiam si subest aliqua obligatio principalis, fidejussor tamen accipi non possit in plus, quam principali obligatione continetur: siquidem quod amplius foret in obligatione fidejussoris, id esset accessio sine principali.

Nec plus in accessione] Si hoc axioma restringamus ad subjectam materiam, id est, ad obligationem accessoriam, verum est in universum in iis, qui pro aliis obligantur. At extra hanc causam nihil impedit, quominus plus pretii sit in accessione, quam in principali re, §. *si tamen 26. sup. de rer. div. l. cum aurum 19. §. perveniamus 13. & seqq. de aur. arg. leg. l. si in emptione 34. de contr. empr.*

Ut minus debeant, obligari possunt] Fidejussor in leviolem causam obligari potest, veluti in minorem summam, quam ea sit, quæ debetur; aut pro reo pure accepto, ex die vel sub conditione, *d. l. 8. §. illud, hoc tit.* aut si qua alia ratione levior fiat conditio fidejussoris. Exempla in *d. l. 8. §. antepen. & pen. l. hi qui 34. cod.*

Non solum in quantitate] Plus non ex quantitate æstimatur, sed etiam ex tempore; item ex loco adjecto & causa: quod pluribus atque ex professo explicatur, §. *si quis agens 33. inf. de actionib.*

TEXTUS.
De actione fidejussoris.

6. Si quid autem fidejussor pro reo sol-
verit, ejus recuperandi causa habet cum
eo mandati judicium.

NOTA.

6. MANDATI JUDICIUM] l. 10. §. 11. mand.
nempe si mandatum vel expresse vel tacite intervenie-
rit; alias negotiorum gestorum, veluti si pro ab-
sente fidejussit, l. 6. §. 2. l. 18. l. 20. §. 1. d. t. l. 6. C. eod.

COMMENTARIUS.

Fidejussor ejus nomine, quod pro reo solvit, man-
dati actionem cum eo habet, l. 10. §. fidejussor 11.
mandat. Sed enim hoc ita, si præcesserit mandatum,
id est, si rogatus à reo sit, ut fidejuberet, l. ex man-
dato 20. §. 1. d. tit. aut cum reus præsens esset, pas-
sus sit pro se fidejuberi, vel mandari ab alio, ut sibi
credatur. Nam & is, qui præsens hoc fieri patitur,
mandare intelligitur, l. 6. §. 2. l. qui patitur 18. man-
dat. l. 6. C. eod. Quod si vero pro reo absente quis
fidejussit, ei non potest competere actio mandati:
sed si ut negotium gerens intercesserit, negotio-
rum gestorum dabitur, d. l. 6. §. 2. d. l. ex man-
dato. §. 1. eod. Itaque fidejussor nunc mandati, nunc
negotiorum gestorum actionem habet, l. 4. hoc tit.
Quid si pro invito aut vetante donandive animo in-
tervenierit? Placet, hoc casu ne utilem quidem actio-
nem ei dari, d. l. 6. §. 2. l. si pro te 40. mandati.

TEXTUS.

Si fidejussor Græce accipitur.

7. Græce etiam fidejussor ita accipitur,
την ἐμὴν πίστιν καλέω ἐγώ. Sed & si dixerit,
οἶκω, sive βόλομαι, sed &, φημι, pro eo e-
rit, ac si dixerit, λέγω.

COMMENTARIUS.

ETIAM Græce fidejussor accipi potest, postquam
placuit non minus Græca aliave qualibet lingua,
quam Latina, stipulationem recte fieri, §. 1. sup. de
Verb. obl. l. 1. §. ult. eod. Descriptus hic §. est ex l. 8.
pr. hoc. tit. ubi concinnius sic legitur; Græce fide-
jussor ita accipitur; τὴν ἐμὴν πίστιν καλέω, λέγω, ἢ οἶκω,

ἢ οἶκω βόλομαι, sed & si φημι dixerit, pro eo eris, ac
si assixerit, λέγω. Atque ita etiam hic locus resti-
tuendus videtur. Sanè τὸ λέγω præcessisse, arguit
subsequens interpretatio τὴν φημι per idem verbum
λέγω.

TEXTUS.

Si scriptum sit, aliquem fidejussisse.

8. In stipulationibus fidejussorum,
sciendum est, hoc generaliter accipi, ut
quodcumque scriptum sit quasi actum, vi-
deatur etiam actum. Ideoque constat,
si quis scripserit se fidejussisse, videri omnia
solemniter acta.

NOTA.

8. VIDERI SOLEMNITER ACTA] l. 30. de
Verb. obl. nempe partes præsentis fuisse, & stipulatio-
nem ritè interpositam, citra quam fidejussor non con-
stituitur, l. 5. §. 2. d. t. l. 12. C. h. t. fac. §. 11. & 16.
tit. prac.

COMMENTARIUS.

Cum fidejussisse aliquem scriptum est, omnia ritè
acta creduntur, l. sciendum 30. de Verb. obl. ni-
mirum ut pro instrumento præsumtio est, verum esse,
quod in eo scriptum est: §. item Verborum 11. sup.
tit. preced. ita etiam si de re aliqua, ad cujus sub-
stantiam certæ solemnitates jure requiruntur, scrip-
tum sit eam intervenisse, etsi expressum non sit so-
lemnitates istas esse adhibitæ; tamen omnia sole-
mniter acta esse intelliguntur; veluti si scriptum sit
promisisse aliquem, creditor is ad interrogationem
præcedentem respondisse, §. si scriptum 16. tit. prac.
Eademque ratione si scriptum fuerit, fidejussisse ali-
quem, præsumitur id factum adhibitæ à creditore
præsentis stipulatione; quoniam de essentia fidejus-
sionis hoc est, ut stipulatio interveniat, l. 5. §. futu 3.
de Verb. obl. l. 12. C. hoc tit.

TITULUS XXII.

C. lib. 4. t. 30.

De literarum obligationibus.

TEXTUS.

Olim scriptura fiebat obligatio, quæ no-
minibus fieri dicebatur: quæ nomina ho-
die non sunt in usu. Planè, si quis debe-
re se scripserit, quod sibi numeratum non

est, de pecunia minimè numerata, post multum temporis, exceptionem opponere non potest. Hoc enim sapissimè constitutum est. Sic fit, ut & bodie, dum quaeri non potest, scriptura obligetur, & ex ea nascatur conditio, cessante scilicet verborum obligatione. Multum autem tempus in hac exceptione antea quidem ex principalibus constitutionibus usque ad quinquennium procedebat: sed ne creditores diutius possint suis pecuniis forsitam defraudari, per constitutionem nostram tempus coarctatum est, ut ultra biennii metas hujusmodi exceptio minimè extendatur.

NOTÆ.

QUAE NOMINIBUS FIERI DICEBATUR] Nomen faciebat creditor, qui in tabulas suas accepti & expensi nomen illius, cui pecuniam dabat mutuam, perscribebat. Id fiebat præsentem debitore, qui & ipse quoque in suas tabulas referebat, quod deberet: quæ tabulæ prolatae in judicio fidem faciebant debiti. Cic. *pro Rose. Comæd. Salmas. de usur. c. 6. & ad jus Attic. c. 29.*

NON SUNT IN USU] Nam posterior ætas syngraphis uti cepit, id est, cautionibus utriusque contrahentis manu subscriptis. Hotom.

POST MULTUM TEMPORIS] Post quinquennium, hodie post biennium, ut infra.

DUM QUERI NON POTEST] Vel conventus excipere de pecunia non numerata, l. 8. & 2. seqq. l. 14. C. de non num. pec.

PER CONSTITUTIONEM NOSTRAM] d. l. 14. C. de non num. pec.

UT ULTRA BIENNII METAS] Intra biennium autem tria remedia ad retractandam confessionem prodita: conditio cautionis sive chirographi, l. 7. C. eod. l. ult. C. de cond. ex leg. querela seu denuntiatio aut protestatio de non facta numeratione, l. 8. l. 9. C. de non num. pec. quam in scriptis fieri oportet, ut exceptionem perpetuam debitor consequatur, d. l. 14. §. ult. auth. seq. exceptio non numeratæ pecuniæ adversus creditorem intra biennium agentem, l. 3. l. 5. d. l. 8. d. l. 14. C. eod. quæ præter naturam aliarum onus probandi transfert in creditorem, l. 3. l. 10. C. eod. ubi ratio. Exacto autem bi-

ennio confessus, qui beneficio juris non est, necessitate solvendi adstringitur, d. l. 8. d. l. 14.

COMMENTARIUS.

- 1 Cautiones & confessiones debiti inutiles.
- 2 Quæ cautiones ad probationem tantum valeant.
- 3 Cautionem pecunia credita post biennium valere ad obligationem, antequam ad probationem quidem.
- 4 Remedia ad cautionem intra biennium retractanda: & cur excipiens de pecunia non numerata legetur probatione.
- 5 Recte obligatio hic proposita dicatur literarum, cum veteres eam numeraverint inter eas, quæ re contrahuntur: & alia quadam.
- 6 Obligationem, qua nominibus fieri dicebatur, obsolevisse: qualis illa? & alia quadam.
- 7 Confessum post biennium ita scriptura obligari, ut etiamsi postea probare velit pecuniam sibi numeratam non esse, non audiat.
- 8 Quibus argumentis Bartolus & DD. vulgo adducti dissentiant.
- 9 Confirmatio prioris opinionis.
- 10 Confutantur argumenta in contrarium prolata.
- 11 A quo tempore biennium currere incipiat: & alia notabilia.
- 12 Usus circa hanc exceptionem hodiernus.

Interdum literæ ad conventionem accedentes obligationem pariunt, quæ species obligationis tertio loco posita est in divisione earum, quæ nascuntur ex contractu, §. ult. sup. de oblig. Literarum obligatio est, cum quis scripto alteri mutuo consensu tradito confessus est, se ab eo certam summam mutuam accepisse, quam non accepit, nec intra biennium confessionem retractavit. Ut res hæc perfectius intelligatur, partes definitionis evolvemus. Exigimus, ut quis scripto confessus sit: remotis literis huic obligationi non est locus: quippe quæ alioqui non rectè diceretur literarum. Cæterum nihil refert, utrum quis chirographo confessus sit, an alio instrumento professionem debiti continente, etiamsi id à tabulario confectum sit. Gloss. in l. 3. C. de non num. pecun. Sichard. ibid. num. 8. Don. n. 12. cautio passim à nostris & præsertim in hoc argumento dicitur, l. 1. & 3. seqq. l. 8. C. d. tit. l. emptor. 47. §. ult. de pact. Exigimus ut scriptum mutuo consensu traditum sit creditori: nam sine conventionem nulla ex contractu obligatio, l. 1. §. 3. de pact. Exigimus professionem debiti, non cujusvis, sed mutui accepti: quod ut facilius intelligi possit, sciendum est, non cujuslibet chirographi aut cautionis hanc vim esse,

esse, ut confitentem obliget: sunt enim quædam cautiones & confessiones debiti planè inutiles, quales sunt, quæ causam debendi non continent; quas indiscretas vocant, cum scilicet quis confessus est se debere nulla nominatim expressa causa propter quam debeatur, *l. cum de indebito, 25. in fin. de prob. l. generaliter, 13. C. de non num. pec. C. si cautio. 2. de fid. instr. S. d. Andr. Gail. 2. obs. 13. Damhoud. prax. c. 175. num. 14. ubi notat, in emporiis inter mercatores ex consuetudine etiam ex obligatione non causata jus reddi solere, add. Groenev. d. ll. abrog. ad l. 25. §. ultim. de probat. Cæteræ, quæ certam debendi causam continent, utiles quidem sunt, sed non omnium una est vis idemque effectus. Etenim harum quædam ad probationem tantum & fidem rei gestæ valent, ad obligationem nunquam: quædam vim habent obligationis, nunquam probationis solius. Ad solam probationem valent confessiones debiti omnes, quæ non sunt de pecunia mutua. Placet hæc scripturas valere ad probationem: & merito placet, cum nihil æquius sit, quam unumquemque proprio testimonio acquiescere, confessumque stare suæ confessioni, *d. l. cum de indebito, in fin. de probat. d. l. generaliter. C. de non numer. pec. l. 11. §. 1. de interrogat. in jur. fac.* Sed enim probationem tantum habent, obligationem nunquam inducunt: argumento est, quod confessus ex chirographo suo conventus contra confessionem suam venire potest: placetque audiendum esse, si (quæ facultas nullis terminis definitur) paratus sit ostendere, se falso confessum, inque eam rem proferat idonea instrumenta: nam testes in hac probationis specie visum est admitti non debere, propter metum falsi, *d. l. cum de indebito, & d. l. generaliter.* Sola cautio & confessio pecuniæ creditæ & numeratæ obligationem inducit: contra vero ad probationem solam nunquam valet, ut ex iis, quæ sequuntur, perspicuum fiet. Pecuniæ autem appellatione etiam cæteras res intelligimus, in quibus mutuum consistit, *l. in contractibus 14. princ. C. de non num. pec.* Postremo exigimus, ut cautio emissæ silentio biennii confirmata sit: non enim continuo, ut quis scripto confessus est, se pecuniam mutuam accepisse aut sibi numeratam esse, literis obligatur: sed cautio intra biennium, ex quo emissæ est, ne ad probationem quidem, nedum ad obligationem valet, *l. 3. l. 10. C. d. tit.* At si intra id tempus confessionem non retractaverit, jam in eam summam, quam confessus est, planè obligatur, *hoc text. & passim, d. tit. C. de non num. pec.* Remedia ad retractandam intra biennium confessionem tria confitentur sunt prodita. 1. conditio sine causa, aut ob causam dati, causa non secuta ad repetitionem, chirographi, *l. 7. C. d. tit. l. ult. C. de cond. ex leg. 2. quere-**

la seu denuntiatio & protestatio de numeratione non facta: quæ denuntiatio scripto faciendæ, ut exinde exceptionem perpetuam debitor consequatur, *l. 8. C. seq. l. in contractibus 14. §. ultim. & auth. seq. C. de non num. pec. 3.* exceptio non numeratæ pecuniæ adversus creditorem intra biennium agentem, *l. 3. l. 5. l. 8. C. eod.* quæ exceptio præter naturam aliarum omnium onus probandi transfert in creditorem, *d. l. 3.* Ratio differentiæ significatur in *l. 10. C. eod.* quod facultate negandi reo concessa non debuerit ab eo exigere probatio, propterea quod negatio facti per rerum naturam directo probari non potest, *l. actor. 23. C. de probat.* Ad quam rationem accedit præsumptio pro confistente, ducta ex eo, quod frequenter accidit, scilicet cautionem expositam fuisse ante numerationem: cujusmodi præsumptio in cæteris causis cessat: quippe cautiones pecuniæ numeratæ & chirographa plerumque traduntur ante factam numerationem: & spe numerationis futuræ, qua ne frustrarentur, qui pecunia indigent, nihil non facere solent ad nutum creditoris, *Rebuff. ad constit. reg. de chirogr. & cedul. art. 2. num. 18. Christin. vol. 3. decis. 37. num. 1.* Adjuncta est exceptio non numeratæ pecuniæ generalis exceptio doli mali, *l. 3. C. de non num. pec.* vel in factum detracta doli mentione, *l. 9. C. eod.* atque his remediis confessum uti posse etiam adversus instrumentum garentigiatum, censet *Gomez. 2. resol. 6. n. 3.* quanvis in contrarium proclivior sit *Christin. d. decis. n. 13.* Exacto vero biennio convertitur vis cautionis in contrarium, omninoque confessus, qui beneficio juris usus non est, necessitate solvendi adstringitur, *hoc text. l. 8. l. 14. C. d. tit.* Hæc ergo obligatio rectè dicitur literarum, seu ex literis nasci, siquidem post biennium non amplius quæritur, an pecunia confessæ numerata sit, nec ne: sed scriptura auctoritate juris pro veritate habetur, sicut res judicata & jusjurandum, ut non tantum probet, sed etiam obliget confitentem. Planè veteres nullam literarum seu scripturæ, ut causæ alicujus obligationis, mentionem faciunt, ac ne iis quidem locis, ubi ex professio causas & genera obligationis recensent, *l. 1. §. 3. de pact. l. 1. §. 1. l. obligamur. 52. de oblig. & act. l. 8. §. 1. de fidejuss. l. 1. de novat.* sed opinor, eos hanc obligationem retulisse inter eas, quæ ex re nascuntur, propterea quod qui ex ea agit, pecuniam quasi creditam petit, & condicit tanquam ex mutuo, *l. 5. C. de non num. pec. & hoc text.* Rectius autem ex literis hæc obligatio esse dicitur: nam etsi in cautione adjicitur causa, nempe mutui accepti, & pecunia quasi credita petitur; tamen re nequit dici quis obligatus, nisi quatenus ei numeratum est, *l. 2. §. 3. l. 11. §. 1. de rebus cred.* ut proinde & quoniam nulla alia subest causa obligationis præter literas seu scripturam emissam, rectè dicatur literis obligatus;

neque enim si sine scriptura confessus esset, similiter obligaretur. *Donell. ad d. l. 8. num. 34. C. de non num. pec. Gudelin. lib. 2. de jure novissim. cap. 6.* Caveat autem quisque, ne temere inficietur chirographum suum aut numerationem confessam: nam mendacii convicto poenam dupli & amissionis ceterarum defensionum novissima Justiniani constitutio imponit; *auth. contra qui C. d. tit.* Nititur hæc obligatio civili quadam æquitate, quæ boni publici finem, ac judiciorum expediendorum facilitatem maxime spectat: eademque ferè ratione defenditur, qua usucapio & præscriptiones temporales, *l. 1. de usuc. l. ultim. pro suo l. 1. l. 3. C. de annal. except.*

- 6 *Qua nominibus fieri dicebatur*] Romæ olim moris fuit, ut unusquisque patefam, tabulas domi haberet, in quibus quicquid per singulos dies vel acciperet vel expenderet, perscribebat, ut Cicero in ea pro Cluent. demonstrat. De harum tabularum fide censores quinto quoque anno cives ad jusjurandum adigebant, teste *Dionys. Halicarn. lib. 4.* Atque hinc fidem in judiciis facere solebant, ut ex oratione pro Q. Roscio ostendit Hotomannus. Asconius autem Pædianus in *Verrin. 3.* scribit, nomina in tabulis dici consueisse titulos seu articulos debitorum. Itaque nominibus obligatio contrahebatur, cum in tabulis perscribatur, aliquem alicui certam pecuniam debere: neque aliud erat nomina facere, quam in tabulas referre, aliquid alicui deberi, quod tunc fiebat, cum pecunia præsens non numerabatur. Atque hinc est, quod obligationes seu debita appellantur nomina. Referi autem solebat non tantum in tabulas creditoris, verum etiam in aliorum quorundam: quæ tabulæ idcirco in judicium interdum afferebantur. Latius hæc explicat, & veterum testimoniis, præsertim Ciceronis, confirmat Hotomannus. Ego vero non puto, hujusmodi scripturam valuissè absolute ad obligationem, sed vim duntaxat habuissè probationis. Illud ex iis, quæ diximus, intelligitur, non tantum huc pertinuisse scripturam mensæ argentariæ, verum etiam privatorum codicum accepti & expensi. Majorem lucem expectamus à D. Salmasio in libro, quem præ manibus habet, de usuris Justinianeis.

Hodie non sunt in usu] Ætate Justiniani nomina in usu non erant: quippe translato Constantinopolin imperio consuetudo Græcorum recepta est, qui syngraphis utebantur, hoc est, cautionibus utriusque contrahentis manu subscriptis atque obsignatis. Posterior tamen ætas non *συγγραφαί*, sed *συμβόλαια* appellavit: Latini *instrumenta* & *cautiones*, voce generali ad chirographa quoque producta: qua de re consule doctiss. Salmas. *lib. de mod. usur. c. 10.*

- 7 *Dum queri non potest, scriptura obligetur*] Si confessus post biennium scriptura obligatur, consequens omnino est, eum necessitate rei solvendæ jam

adstringi, ut solutionem nullo modo evitare possit. Est enim hic certissimus obligationis effectus, ut qui secundum formam juris obligatus est, non aliter liberetur facto suo, quam si solvat aut satisfaciatur creditori, *inf. quib. mod. toll. obli. l. 9. §. 3. de pign. act.* Atque hoc etiam expressè rescriptum est in specie debiti proposita *l. 8. C. de non num. pec.* Quid ergo si debitor post biennium paratus sit probare, pecuniam sibi numeratam non esse, anne sic quidem audiendus erit? Accursius de quorundam veterum sententia putat, audiendum esse: quod & Bartolo & comm. DD. visum in *l. 3. Gl. 14. C. u. s. Gomez. 2. res. sol. G. n. 7. Moz. de contr. tit. de mutuo n. 9. Baroni Schneid. Bachof. Corvino in enchir. hic. D. Bronchorstio. 2. assert. 22. Ant. Perez. in d. tit. C. n. 14.* Moventur, quod exceptiones natura sua perpetuæ sunt, *l. 5. §. ult. de dol. mal. except.* & quod eum exceptione pecuniæ non numeratæ concurrat exceptio doli mali, *l. 3. C. d. tit.* quæ cum sine dubio perpetua sit, *d. l. 5. §. ult.* utique etiam biennium competere debeat, etiam si cessare dicamus exceptionem non numeratæ pecuniæ. Adhæc non sunt admittebdæ, ajunt, illicitæ exactiones, *l. 6. de off. præf.* Illicita vero & iniqua exactio est, si reus, probare volens, pecuniam sibi numeratam non esse, non audiatur. Postremo non potest biennii lapsus creditori adimere, nisi quod prius ex biennio habuit: at biennium solummodo tribuit debitori immunitatem probationis, *l. 70. eod.* Ergo nec lapsus biennii ei amplius adimere potest. Sed procul dubio verius est, debitorem nec probationem ultro offerentem post biennium audiri. Etenim posita obligatione, id est, necessitate solvendi, quæ ex literis, non ex re aut numeratione nascitur, omnino consequens est, eum debitorem audiendum non esse, qui chirographum quidem suum seu causam obligationis agnoscit, cæterum numerationem, quæ jam huc non pertinet, intervenisse negat, quantumvis ejus rei offerat probationem. Quod si probatio contra cautionem post biennium admitteretur, jam nec scriptura ad obligationem valeret, sed tantum ad probationem: nec novum hoc esset obligationis genus, quod ex literis nasceretur, sed ex re: denique nihil haberet cautio pecuniæ mutua, quod non est in cæteris, quæ non sunt de pecunia mutua, præter immunitatem probandæ exceptionis intra biennium oppositæ: qua parte etiam major vis est cæterarum cautionum, quam pecuniæ creditæ; ex quibus tamen obligationem literarum non nasci, inter omnes convenit. In summa, nulla esset revera literarum obligatio, nullus effectus scripturæ, nisi in probatione & fide faciendâ, ut uni ante biennium incumberet probatio, post illud tempus alteri; & consequenter expungenda esset hæc obligatio è catalogo verarum obligationum; cum verè

verè debitor appellari non possit, qui exceptionem perpetuam habet, *l. 66. l. 112. de reg. jur.* Loci juris in eandem sententiam manifesti sunt. In *l. assēs-ratio 10. C. de non num. pec.* traditur, querelam seu exceptionem non numeratæ pecuniæ definito legibus tempore non propositam evanescere: quod ad immunitatem probationis minimè restringi potest. In *l. 8. C. eod.* scriptum est, eum, qui cautionem exposuit, si intra biennium questus non est, omnimodo debitum solvere compelli. Idem expressum est in *l. 14. pr. C. eod.* ubi verbis disertissimis cavetur, ut post biennium nulla ullo modo querela de pecunia non numerata introducatur: ergo ne tunc quidem, cum reus probationem pecuniæ non numeratæ in se suscepit: quomodo & Græci hoc acceperunt. *Harmenop. lib. 2. tit. αὐτὸ ἀναγκυρ. num. 4. ὁ λέγων ὅτι ἐρίσαν ἀειθροῦς εἰ μὴ αὐτὸ διετίαι ἢ εὐαχθῶ, ἢ ἀλμαστύρηται σφιδάται, ἰδοὺ αὐτὸν ἐξ ἡ δικαιολογίας.* Hoc amplius in *d. l. 14. §. 3.* illud nominatim observari jubetur, ut ne liceat debitori, qui questus non est, post biennium creditori agenti offerre iurjurandum; cum tamen alias recusatio iurjurandi judicialis adversus recusantem, qui iuram recusandi causam non habet, pro manifesta confessione & probatione habeatur, *l. manifesta. 38. de iurejur.* adeoque facilius admittenda sit iurjurandi delatio, quæ a iur. testis & iudex in sua causa constituitur, ut rem uno verbo transigere possit, quam prolixa & adversus invitum susceptæ probationes, *arg. l. 1. & l. 2. d. tit.* His accedit & textus in *l. ult. C. de cond. ex leg.* ubi nominatim cavetur, ne cautio post statutum tempus condiciatur. Jam vero si cautio oblata probatione pecuniæ numeratæ post statutum tempus condici non potest, nulla ratio est, cur exceptio pecuniæ non numeratæ oblata probatione admitti debeat. Postremo uno tantum modo legimus exceptionem pecuniæ non numeratæ perpetuam fieri, mota scilicet intra biennium querelæ seu factæ protestatione, *d. l. 14. §. ult.* Argumenta, quæ in contrarium afferuntur, infirmiora sunt quam ut hanc sententiam convellere possint. Nam quod exceptiones dicuntur esse perpetuæ, id ad eas non pertinet, quæ etiam ultro à debitore per modum actionis proponi possunt. Exceptio vero doli, quæ cum illa pecuniæ non numeratæ concurrat, non est exceptio doli specialis, quæ adversus eum, à quo dolo decepti sumus, ut promitteremus, perpetua est; sed generalis, quæ cum aliis exceptionibus concurrens, illarum naturam & conditionem semper sequitur, *l. 2. §. & generaliter. s. de dol. mal. exc.* Planè, si debitor dolo se inductum dicat, aut vi coactum, ut confiteretur, aut dicis tantum causa numerationem intervenisse, cum aliud ageretur, aliud simularetur, etiam post biennium ex his causis exceptionem eum habere, nemo est qui ambigat, *Don. ad*

l. 8. C. de non num. pec. Aut. Fab. C. suo, eod. tit. de fin. 2. Porro non est iniqua exactio, ubi debitum petitur; nec iniquum, si rationem civilem spectamus, eum, qui proprio chirographo se debere confessus est, post silentium totius biennii hanc quasi contempti beneficii juris poenam luere, ut confessioni suæ literis testatæ omnimodo stare, & confessam pecuniam solvere cogatur. Quod ad tertium contrariæ opinionis argumentum responsum esto. Postremum in eos ipsos, qui illud afferunt, retorquebimus hoc modo. Quod biennium debitori tribuit, id lapsus biennii totum adimit: at biennium debitori non solum immunitatem tribuit probationis, sed maximè exceptionem non numeratæ pecuniæ, *l. 3. C. d. tit.* Ergo lapsus biennii utrumque adimit: quod & expressum est in *d. l. 8. l. 9. & d. l. 14. C. eod.* Hanc nostram sententiam jam olim amplexus est *Jo. Fab. hic.* aliique nonnulli citati à *Fachin. 2. controq. 81.* eaque nunc neotericis ferè probatur. *Duar. ad a. tit. Cod. cap. 4. Don. ad d. l. 8. num. 21. & seqq. Fachin. d. l. VV. semb. hic. Gudelin. lib. 2. de iur. noiff. cap. 6. Tuiden. in comment. hic cap. 3.*

Cessante verborum obligatione] Si cautio inter-
venerit, & simul interposita sit stipulatio, non nascetur quidem obligatio ex literis, sed ex stipulatio: cæterum eandem vim & pro reo, & contra eum habebit, quæ futura esset sine stipulatione, *l. 9. C. de non num. pec. §. 2. inf. de except.*

Ne ultra biennii metas] Tempus, intra quod exceptio pecuniæ non numeratæ opponenda, antea quinquennium fuit: pro quo Justinianus substituit biennium continuum, quod currere incipiat à tempore emissæ cautionis: ita tamen, ut hæc præscriptio non currat minoribus 25. annis, & majores, qui per justam absentiam querelam movere non potuerunt, adversus exceptionem amissam in integrum possint restitui, *d. l. 14. C. de non num. pec. junct. l. 2. C. in quib. ca. in int. rest. nec. non est, l. 1. in fin. ex quib. ca. maj.* In tempore proponendæ querelæ seu exceptionis dotis non numeratæ, quæ species exceptionis non numeratæ pecuniæ, diversum non nihil statutum *l. ultim. & auth. seq. C. de dot. caut. non num.* Datur querela & exceptio seu replicatio potius non numeratæ pecuniæ etiam creditori, apocha confessio, pecuniam sibi solutam esse, quibuscumque ex causis soluta dicatur, sed tantum intra triginta dies, *d. l. 14. §. 2.* Exactioribus autem tributorum, vestigalium aliarumque publicarum functionum, contra apochas factæ à collatoribus solutionis prorsus non datur, *d. l. 14. §. 1.*

Moribus nunc ferè receptum est, ut exceptio non numeratæ pecuniæ intra biennium tueatur debitoribus sine probatione, & creditor, qui intendit numeratam esse, intentionem probare cogatur; post biennium

nium vero audiat adhuc debitor eadem exceptione utens; ceterum hac conditione, ut ipse exceptionem probet, secus ad sententiam Accursii, Bartoli & aliorum, quos superius allegavimus. *Ant. Fab. Cod. suo de non num. pec. defin. 1. Christin. Sol. 3. decis. 37. Zang. de exc. p. 3. c. 12. n. 24. Grot. 3. manu. dicit. c. 5.* In Gallia receptum, ut debitor post biennium etiam iusjurandum creditori deferre possit. *Autumn. & Mornac. in d. l. 14. C. de non num. pec.* Secundum quod & Curiam Hollandiæ aliquando iudicasse refert *Groeneff. de ll. abrog. ad rubr. C. d. tit.* Eadem conditione auditur & creditor post triginta dies adversus apocham seu professionem pecuniæ solutæ, *Ant. Fab. d. tit. defin. ult.* Apud Gallos, quæ conditio est cæterarum cautionum, ut scilicet statim fidem faciant, transferantque onus contrariæ probationis in eum, qui cautionem exposuit, eadem est & cautionis pecuniæ creditæ, testib. *Imbert. 1. inst. forens. 35. Rebuff. ad const. reg. de chirogr. & cedul. recogn. art. 1. num. 28. & 68.* Idem de universo Belgio testatur *Gudelin. 3. de jur. notiss. c. 6. in fin.* sed procul dubio errat. Apud nos sanè idem quod in Gallia observatur: sed in nonnullis aliis harum regionum provinciis beneficium exceptionis, quod intra biennium ex causa mutui confessi jure communi competit, adhuc in usu esse, vel illud argumento est, quod huic beneficio & exceptioni non numeratæ pecuniæ plerumque in instrumentis & cautionibus pecuniæ creditæ reamitari solet: quam renuntiationem hunc effectum habere volunt, ut creditor necessitate probandæ numerationis in totum exoneretur, non ut non possit adhuc obijci exceptio, sed ut objecta etiam intra biennium sit sine privilegio: ita post Glossam in *l. 3. C. de non num. pec. D. Joann. à Sande lib. 3. rer. judic. tit. 2. defin. 1. D. Deckher. lib. 1. dissert. 6. n. 4.* qui etiam refert, Curiam Brabantie iudicasse, locum non esse exceptioni pecuniæ non numeratæ contra instrumentum publicum, neque etiam inter mercatores, inter quos summa vigere debet æquitas: licet quoad hoc dissentiat *Stracha de mercat. tit. quomod. in caus. merc. proced. num. 9. Farin. contr. jur. lib. 2. cap. 86.* quorum sententia de jure verior videtur *Christinæo d. Sol. 3. decis. 37. num. 16.* quamvis contraria obtineat, *Groeneff. d. loc. & ibi cit.* Notetur obiter *D. Grotii ad præm. unguis d. lib. 3. c. 5. Merul. l. 4. dist. 4. sect. 3. tit. 1. cap. 2. num. 3.* Illud hic monere non est extra propositum, ne diu frustrentur creditores; apud nos & in Gallia usu fori receptum esse, ut debitores initio litis cautiones suas vel agnoscere, vel negare cogantur; agnoscetes ut mox solvant & pecuniam consignent, (quod *nampisfare & nampisfement* vulgo appellant) recepturi postea, si nihil deberi constiterit; negantes, si mendacii convincantur, pœnam dupli sub-

cant, juxta *auth. contra qui. C. de non num. pec.* aut pœnam arbitrariam expectent, quod nunc magis in judiciis observari notat *Rebuff. ad præm. const. reg. gloss. 9. n. 6 & post eum Christin. d. decis. 37. n. 12.* & conservandi juris ficalis gratia traditur obligatio sive cautio procuratori generali. *Merul. d. loc.* Vid. circa hanc materiam *Imbert. lib. 1. inst. forens. cap. 35. & seq. Rebuff. ad const. reg. de chirogr. & cedul. recogn. in præfat. n. 44. & seqq. & DD. in auth. modo citata.*

TITULUS XXIII.

De obligationibus ex consensu.

Continuatio.

Sequitur postrema obligationum ex contratu species, obligatio ex consensu: quippe quæ ex quatuor propositis adhuc superest. Habeat quidem etiam cæteræ obligationes, quæ aut re, aut verbis, aut literis contrahuntur, in se consensum, utpote qui communis est omnium contratum spiritus, *l. 1. §. 3. de pact.* sed hoc amplius requirunt ad perfectionem contractus, & obligationis substantiam, ut res, aut verba, aut literæ cum consensu concurrant: obligationes autem, de quibus deinceps dicturi sumus, ex consensu esse ideo dicuntur, quia consensu loco perficiuntur & constant, nihilque desiderant præter mutuam contrahentium voluntatem. Solo consensu obligationem pariunt conventiones & contractus juris gentium quatuor, emptio-venditio, locatio-conductio, societas, mandatum; quæ singula singulis titulis explicabuntur.

TEXTUS.

Consensu fiunt obligationes in emptionibus, venditionibus, locationibus, conductibus, societatibus, mandatis. Ideo autem istis modis obligatio dicitur consensu contrahi, quia neque scriptura, neque præsentia omnimodo opus est: ac nec dari quicquam necesse est, ut substantiam capiat obligatio, sed sufficit, eos, qui negotia gerunt, consentire: unde inter absentes quoque talia negotia contrahuntur, veluti

per

per epistolam vel per nuntium. Item in his contractibus alter alteri obligatur in id, quod alterum alteri ex bono & equo prestare oportet, cum aliqui in verborum obligationibus alius stipuletur, alius promittat.

COMMENTARIUS.

- 1 *Quibus modis consensus declaratur.*
- 2 *Obligationum ex consensu pinguiorem esse naturam, quam obligationis verborum.*

Neque scriptura] Hoc dicit ad differentiam obligationis literarum, ad quam constituendam scriptura requiritur. Ceterum nec obligationes, quæ re aut verbis contrahuntur, magis scripturam desiderant, quam eæ, quæ consensu. Quod vero in his etiam scriptura sæpe adhibetur, id eo fit, ut facilius probari possit, quod actum est; non quod ad substantiam contractus, obligationisve constitutionem scriptura pertineat, *l. 4. de fid. inst. l. 4. de pign.* Totus hic locus ad verbum descriptus est ex Gajo *l. 2. de obl. & act.*

Neque presentia] Ut in conficienda stipulatione: nam quæ obligationes re aut literis contrahuntur, similiter partium presentiam non desiderant.

Ac nec dari quicquam necesse est] Ut in mutuo, commodato, cæterisque contractibus, in quibus res tradita demum initium obligationi præbet.

Sed sufficit, &c. consentire] Declaratur consensus aut certis indiciis, aut ex re factove aliquo colligitur. Indicia sunt, veluti verba, literæ, *l. 2. de pact. l. 4. pro soc.* item nutus: nam & nutu conveniri posse, argumento est, quod fideicommissa nutu relinqui possunt, quamvis non relinquuntur nisi ex voluntate, *l. nutu. 21. de legat. 2.* Facta intelligimus ea omnia, quibus intervenientibus præcedens conventio non potest videri non placere. Exemplum hoc esto: vendidit aliquis prædium meum me præsentem, nec tamen apertè consentiente: si pretium ex ea causa accepero, videbor ipse vendidisse, *l. 12. de edict.* Similia exempla habemus in *l. 6. §. 2. l. qui patitur. 18. mandat.*

Unde inter absentes quoque] Quoniam ad constituendam obligationem ex consensu præter conventionem & nudum contrahentium consensum nihil requiritur; ex eo colligit Justinianus cum Gajo *d. l. 2. de obl. & act.* huiusmodi negotia & obligationes etiam inter absentes contrahi posse, puta per epistolam aut nuntium. Est vero hoc intelligendum de nuda & simplici epistola nuntioque solo: alioqui & re contrahi obligatio per nuntium potest, veluti

mutui, commodati, missa per eum pecunia aut re. Similis collectio est in *l. 1. pr. mandat. l. 1. §. ult. de contr. empr.*

Alter alteri obligatur in id, quod ex bono & equo] His verbis indicatur alia proprietas contractuum, qui solo consensu perficiuntur, quod obligationem producant pleniorē & pinguiorem, quam ea est, quæ nascitur ex stipulatu: nimirum quod in istis contractibus alter alteri obligetur non in id modo, de quo convenit, aut dictum est, sed etiam in id omne, quod ex fide bona seu bono & æquo alterum alteri prestare oportet, quamvis de eo nihil cautum sit; cum ex stipulatione obligatio eatenus tantum nascatur, quatenus lingua nuncupatum est, *l. quicquid 99. de verb. obl.* Non est vero hoc contractuum, qui consensu fiunt, proprium quarto modo, sed ad cætera quoque iudicia bonæ fidei pertinet: nam in omnibus his placet tantum valere officium iudicis ex bono & æquo, quantum in stipulatione nominatim facta rei interrogatio, *l. 7. de neg. gest. l. Lucius 24. de pos. §. in bona 30. inf. de action.* quanquam hoc loco & apud Gajum *d. l. 2. de obl. & act.* videri potest per excellentiam quandam hæc qualitas solis tribui contractibus, qui consensu perficiuntur, eademque ratione his opponi stipulatio. De natura & differentiis iudiciorum bonæ fidei & stricti juris dicemus ex professo infra *sub §. actionum 28. de action.*

TITULUS XXIV.

D. lib. 18. & 19. t. 1. C. lib. 4. t. 38. & 40.

De emptione & venditione.

- 1 *Ratio ordinis. Emptionis origo & utilitas.*
- 2 *Emptionis definitio, cum explicatione singulorum partium.*
- 3 *Summa huius tituli.*

Explicatur ordine contractus, qui solo consensu perficiuntur, orditur ab emptione & venditione, specie huius generis contractuum nobilissima, & ad vitæ communis usum maximè necessaria, teste Paulo *l. 1. hoc tit.* ubi scribit, originem emendi vendendique à permutationibus coepisse: significans, ut ipse se declarat, difficultatem permutationis, & indigentiam humanam, cui permutatione rerum ægrè succurritur, causam esse, quod nummus inventus, & emptio introducta sit: quod etiam docet Aristot. *5. Ethic. 5.* ubi nummum ait hominum instituto factum esse *ἡμετέριον* & *ἀγένης* succedaneum & *οὐκ ἐκ φύσεως*; quasi sponsores futuræ indigentiae. Emptio-

- 2 Emptio venditio est contractus quo id agitur, ut pro certa pecunia uni danda alter rem accipiat. Appellatur hic contractus emptio & venditio, quia duobus hisce factis seu partibus constat, emptione & venditione, quæ iuncta unum contractum constituunt. Faciunt ejus, à quo pecunia est, emptio dicitur, ille emptor: ejus, à quo res proficitur, venditio, ille venditor. Notandum autem est, sic has partes esse unius contractus, ut tamen partes sint inter se distinctæ ac separatæ, ut una non possit esse altera; aliudque semper sit emere, aliud vendere; alius emptor, alius venditor, *l. 1. in fin. hoc tit. l. 1. pr. de rer. perm. mut.* Nam quod dicitur in *l. veteres 19. & seq. de act. empt.* veteres in emptione & venditione, sicut in locatione & conductione, his appellationibus promiscuè usos esse, id non hoc significat, usos esse una pro altera, ut malè meo judicio D. Vultejus; sed usos una, puta vel sola appellatione emptionis, vel sola venditionis, ad utrumque intelligendum, indicandumque totum contractum, ut passim in hoc argumento fieri videmus: scilicet quia unum sine altero nec esse, nec intelligi potest, ut est natura relatorum. *Connan. 7. comm. 6. Donell. ad rubr. C. hoc. tit. n. 4.* Non expressi in definitione, quod plerique faciunt, emptionem esse contractum mutæ præstationis, juris gentium, bonæ fidei, nominatum, consensu constantem; quoniam ex verbis definitionis satis intelligitur, præter consensum ad perficiendam emptionem nihil desiderari: cætera vero insunt generi, nullus enim contractus est ex iis, qui consensu fiunt, qui non sit *diπλάρογος*, bonæ fidei, juris gentium, nominatus: nam conventio de pignore, pactum donationis, constitutum, huc non pertinent; quia non sunt contractus. De cæteris hujus generis contractibus idem judicium esto. Res, quæ traditur, in hoc contractu dicitur merx; pecunia, quæ pro re datur, pretium, *d. l. 1. §. 1. sub fin. hoc tit.* Igitur circa hæc duo consensus in emptione versatur, circa pretium & mercem; illud ut venditori detur; hæc ut tradatur emptori: ex quibus substantia emptionis æstimanda & definenda fuit. Justinianus hoc titulo explicat, quomodo contractus emptionis & venditionis perficiatur tum sine scriptura, tum etiam, cum convenit, ut per scripturam fieret: inde de materia, forma, sine & effectu disputat, quanquam non nihil confusè. Postremo de rebus, quarum venditio non consistit.

T E X T U S.

De emptione pura. De pretii conventionem arrhis & scriptura.

Emptio & venditio contrahitur, simul atque de pretio convenerit, quamvis non-

dum pretium numeratum sit, ac ne arrha quidem data fuerit: nam quod arrha nomine datur, argumentum est emptionis & venditionis contractæ. Sed hoc quidem de emptionibus & venditionibus, quæ sine scriptura consensunt, obtinere oportet: nam nihil à nobis in hujusmodi emptionibus & venditionibus innovatum est. In iis autem, quæ scriptura conscribuntur, non aliter perfectam esse venditionem & emptionem constituimus, nisi & instrumenta emptionis fuerint conscripta, vel manu propria contrahentium, vel ab alio quidem scripta, à contrahentibus autem subscripta: & si per tabellionem sunt, nisi & completiones acceperint, & fuerint partibus absoluta. Donec enim aliquid deest ex his, & pœnitentia locus est, & potest emptor vel venditor sine pœna recedere ab emptione & venditione. Ita tamen impunè recedere concedimus, nisi jam arrharum nomine aliquid fuerit datum: hoc enim subsequuto, sive in scriptis sive sine scriptis, venditio celebrata est: is qui recusat adimplere contractum, siquidem est emptor, perdit quod dedit: si vero venditor, duplum restituere compellitur, licet super arrhis nihil expressum sit.

N O T Æ.

SIMULATQUE DE PRETIO CONVENERIT] *l. 2. §. 1. hoc tit. l. 1. §. 2. de rer. perm.* nisi aut conditionalis sit emptio, *l. 7. hoc tit. l. 8. de per. & com. rei vend.* aut eam in scriptis fieri placuerit, ut infra.

NISI ET INSTRUMENTA EMPTIONIS, &c.] Si privata sit scriptura, sufficit instrumentum propria contrahentium manu perscriptum esse, aut si scriptum ab alio, manu eorum confirmatum: si publica, non aliter instrumentum completum intelligitur, quam si à tabellione exceptum, partibus prælectum atque ab ipsis approbatum fuerit, *d. l. 17.*

QUI RECUSAT ADIMPLERE CONTRACTUM] Hoc est, qui recusat emptionem perficere, aut stare

placito emptionis & venditionis futuræ, d. l. 17. d. *vers.* Cum enim contractus perfectus est, & semel constituta obligatio, nullo modo alter invito altero recedere potest, l. 1. *Cod. de obligationib. & act. l. 3. Cod. de resc. vend. l. 1. & 2. C. quand. luc. ab emt. disc.*

COMMENTARIUS.

- 1 Quando emtio contracta intelligatur, & quid intersit inter perfectionem contractus & consummationem.
- 2 Re certa vendita diversam esse emptoris & venditoris præstationem: genere vendito non item.
- 3 Esse, qui negent, venditorem, licet facultatem tradendi habeat, præcise teneri rem tradere, sed præstando id, quod interest, defungi.
- 4 Præcipua hujus sententiæ firmamenta.
- 5 Verius esse, venditorem prædicto casu præcise teneri tradere.
- 6 Hujus sententiæ potissima fundamenta.
- 7 Respondetur ad argumenta pro contraria opinione adducta.
- 8 Arrham dari vel ut symbolum, vel ut cedat in partem pretii: & effecta utriusque.
- 9 Quando res in hoc contractu desinat esse integra: & duplex DE. error notatus.
- 10 Quando inter contrahentes actum intelligatur, ut contractus in scriptis fiat.
- 11 Quando negotium, quod scriptura fieri placuit, pro perfecto habeatur.
- 12 A contractu perfecto sine communi consensu recedi non posse, licet arrha inter venerint.
- 13 Accurata contraria opinionis confutatio.

UT primum de re & pretio convenit, emtio perfecta intelligitur, quamvis nec res tradita, nec pretium numeratum, nec arrha data sit, l. 2. §. 1. *hoc tit. l. 1. §. 2. de rer. perm. l. 8. de peric. & comm. rei vend. & hoc text.* Itaque in contractibus, qui consensu perficiuntur, distinguenda perfectio contractus à consummatione siue implemento. Emptionem & venditionem perficit solus consensus de re & pretio; consummat rei traditio & pretii numeratio; qui extremus est contrahentium finis. Simul atque autem emtio perfecta est, nascitur utrinque obligatio, teneturque emptor actione ex vendito, ut nummos, quos pretii nomine pro re vendita promisit, solvat; venditor actione ex empto, ut rem venditam tradat emptori, *ist. n. & Cod. de act. emt.* Est vero præstatio hæc emptoris & venditoris nonnihil diversa. Emptor enim nummos, quos pretii nomine præstat, venditoris facere cogitur: venditor vero tantum vacuum rei possessionem tradere: quæ res, si venditor do-

minus fuit, facit & emptorem dominum: si non fuit, evictionis tantum nomine venditorem obligat; neque enim cogitur venditor dominium rei in emptorem transferre, sed satisfacit obligationi, si præstet, habere licere, l. 11. §. 2. *l. servus 30. de act. empt. l. si ita 25. §. 1. hoc tit. l. 2. de rer. perm.* Hoc ideo tam varie, ut credibile est, ne usus hujus contractus impediat. Nam etsi venditor non præcise obligatur ad dominium rei venditæ in emptorem transferendum, tantundem tamen consequitur emptor tradita rei vacuæ possessione & evictione, re evicta præstita. At vero pretii, quod in pecunia numerata consistit, nullus est usus, nisi accipientis fiat. Adde quod pretium non in specie, sed in genere constituitur: generis autem debitores constat non liberari, nisi rem ex eo genere perfecte faciant accipientis, l. si à substituto 45. §. 1. *de legat. 1. l. qui concubinam 29. §. pen. de legat. 3. l. hæres 58. de test.* Quam ob causam & in venditore generis idem probandum crediderim, puta si quis in genere vendidit bovem aut equum, cum Bartolo in l. 2. *si cert. per. num. 7.* Illud non satis expeditum est, utrum venditor, si potestatem tradendi habeat, rem præcise tradere teneatur, an offerendo solutionem ejus, quod emptoris interest, defungi possit. Joannes Bulgarus, Azo, Hugolinus, teste Saliceto in l. 4. *C. de act. empt. censuerunt*, venditorem etiam tum, cum facultatem tradendi habet, non posse præcise compelli, ut tradat, sed solvendo interesse liberari. Consentiunt Alciat. ad l. un. *C. de sent. qua pro eo quod inter. Duar. de in lit. jur. n. 22. Don. ad d. l. 4. C. de act. empt. Fachin. 2. contr. 30. Gadd. de contr. stip. cap. 9. num. 65. & seqq.* Atque eo quoque inclinant Cobar. 2. *Var. resol. cap. 19. n. 1. Bachoz. in Treutl. vol. 1. disp. 28. thes. 2. Guælin. 3. de jur. nob. c. 7. Christini. vol. 3. decis. 54. n. 6. & decis. 61. n. 2. item decis. 75. n. 5. ubi refert*, etiam magni Senatum Mechliniensem secundum hanc sententiam sæpe pronuntiasse. Firmamenta hujus sententiæ præcipua hæc sunt. 1. In obligationibus faciendi ita in universum jus est, ut debitor liberetur solvendo id, quod interest, l. si quis 13. §. ult. *de re jud. l. stipulationes 72. pr. Ser. Celsus, de verb. obl. at talis est obligatio, qua tenetur venditor, arg. l. si rem 28. d. l. stipulationes, eod. tit. 2.* Non uno in loco traditum legimus, si res vendita non tradatur, in id quod interest, agi, venditorem non tradentem quanti intersit, condemnari, l. 1. l. 11. §. *idem ait 9. l. 12. de act. empt. l. 10. quib. mod. pign. folio 3.* Hoc amplius diserte scriptum est in l. 4. *C. de act. empt.* etiam tum venditorem, quanti emptoris interest, condemnandum, cum procacia ejus sit, quominus res tradatur. Atqui nulla procacia, nulla contumacia in eo est, qui facultatem tradendi non habet. 4. Non obscure electio venditori tribuitur, utrum con-

tractum perficere, hoc est, venditionem implere & rem tradere velit, an emptori, quod interest, persolvere, *l. contractus 17. C. de fid. instr.* Ceterum contraria opinio tantum non ubique in praxi recepta est, pluresque habet auctores, quibus & meum calculum addo, nimirum venditorem, cui potestas tradendi sit, teneri actione ex empto, ut rem ipsam tradat, nec solvendo emptori id, quod ejus interest, obligationi satisfacere. *Cyn. & Bart. in d. l. stipulationes, de verb. obl. item Bart. & Castr. ad d. l. 1. de act. empt. Bald. in d. l. contractus, C. de fid. instr. num. 14. Salic. in d. l. 4. C. de act. empt. Alex. Dec. Jas. ad l. o. si cert. pet. ex modernis Gomez. 2. resol. 10. n. 22. Olden. class. 4. act. 1. Mex. col. 4. de natur. empt. n. 26. & seqq. Ant. Fab. & conject. 17.* qui tamen, ut est inconstans, in alteram partem transit *decis. 85. error. 4.* sed in Cod. suo *tit. de pact. defn. 11.* refert, Senatum Sabaudiae secundum hanc posteriorem sententiam judicasse. Ita quoque decidunt *Rot. Genuens. decis. 214. Soar. in thesib. recept. sent. lit. V. Venditor, si facultatem. Pinell. in l. 1. C. de bon. matern. part. 3. num. 25.* Fundamenta hujus sententiae potissima sunt 1. rei aequitas, cui minime convenire videtur, ut emptor praecise teneatur pretium solvere, venditor autem contra non teneatur rem tradere; ut emptor rei periculum sustineat, rem tamen consequi non possit: denique ut propter fraudem venditoris, fidem conventionis adimplere, cum potest, recusantis, emptor probationi difficillimae ejus, quod interest, quod & ad exiguam summam plerumque deducitur, *l. ult. de stip. prat. adstringatur.* 2. Quod responsum est, tum non posse agi, ut venditor rem tradat, cum, quod multis modis accidere potest, tradendi facultatem non habet, *l. si cum fundum 68. §. ult. hoc tit.* Hinc enim à contrario recte colligitur, cum eam facultatem habet, agi posse, ut tradat. 3. Rescriptum Imp. in *l. o. C. de resc. vend.* Unde sic recte inferitur: Si emptor duplo pretii sibi oblato ab emptione recedere non cogitur; igitur nec oblata praestatione ejus, quod interest, utpote cujus aestimatio in venditionibus duplum excedere non potest, *l. un. C. de sent. qua pro eo quod int. prof.* 4. Probatur haec sententia omnibus iis juris locis, in quibus traditur, venditorem oportere in primis ipsam rem praestare; obligatum esse, ut praestet, rem habere licere; quod absque traditione possessionis fieri non potest, *l. 2. l. 3. l. 11. §. 2. l. servus 30. in fin. de act. empt. l. Labeo 45. in fin. hoc tit. l. 8. de evict.* 5. Adhuc apertius *l. bona fides 50. & l. si quis 46. de act. empt.* quarum in altera scriptum est, venditorem compelli rem tradere; in altera, cogi venditionem implere. Aliud autem est, implere contractum; aliud, id, quod interest, praestare, *l. contractus 17. C. de fid. instr.* 6. Apertissime loco Pauli, *1. sent. 13.* ubi sic scribit; Si id quod em-

ptum est, neque tradatur neque mancipetur, venditor cogi potest, ut tradat aut mancipet. 7. Idem confirmat textus in *§. 1. hoc tit.* ubi Justinianus expresse ait, emptione perfecta & pretium omnimodo solvendum & rem tradendam esse. Item alter in *§. 2. sup. de donat.* ubi eandem traditionis necessitatem, quae incumbit venditori, ad hujus exemplum donatori quoque imponit, ut fatendum sit, aut ei, qui donavit, necessitatem traditionis non incumbere, aut si fateamur incumbere, fateamur & incumbere ei, qui vendidit. 8. Postremo non posset venditor, si jure publico ei concessum esset, rem venditam, quam tradere potest, non tradere, modo pati velit se condemnari in id, quod emptoris interest, non tradens aut facultatem tradendi sibi adimens, dici frangere, cum pere contra-ctus fidem, ut in *l. 6. C. de hered. vend. l. 10. C. de act. empt.* Ad argumenta dissentientium non quæram operosas responsiones. Fefellit eos primum, quod 7 putaverunt, omnes obligationes faciendi esse ejusdem naturae, factaque nuda & simplicia, seu quae in meris faciendi finibus consistunt, qualia sunt, exempli gratia, Romam ire, tabulam pingere, insulam fieri, fossam fodere, similia esse iis, quae in rei alicujus praestatione & juris possessionisve translatione consistunt, quale est ejus, qui tenetur ex causa venditionis rem tradere: inter quæ multum interesse alii recte docent, *arg. l. in conventionalibus 52. §. 1. de verb. obl. l. qui res 98. §. mihi 6. de solut.* Nam prioris generis facta sunt ejusmodi, quae ut quis faciat, cogi non possit sine vi & inpressione; & ideo ne homini libero vis fiat, placet, in his debitorem non praecise ad faciendum, quod promisit, obligari, imo factum haecenus tantum esse in obligatione, ut faciendo debitor liberetur, peti nunquam possit, sed id solum, quod interest; neque id statim, sed tum demum, cum transierit tempus, intra quod fieri potuit, quod promissum est, ut hic post moram, quasi per speciem quandam novationis, in locum prioris obligationis succedat obligatio in id, quod interest, cujus jam praestandi necessitatem debitor evitare, & faciendo se liberare non potest, nisi ante litem contestatam, *l. 14. l. stipulationes 72. l. si insulam 84. l. servum 91. §. 3. de verb. obl.* At cum res aliqua tradenda est, non tam illud agitur, ut tradentis factum aliquod interveniat, quam ut in eum, cui res tradi debet, possessio transferatur; quod si facto ejus ipsius, qui ad tradendum obligatus est, non fiat, iudicis auctoritate poterit possessio advocari, atque in eum, cui res tradi debuerat, transferri. Per *l. qui restituere 69. de rei vind.* Dissimilitudo clarius apparebit ex paucis, quae subijcimus. Obligationes, in quibus nudi facti praestatio versatur, incertae sunt, *l. ubi autem 75. §. qui id 7. de verb. obl.* utpote in quibus id duntaxat, quod interest, (quod vel ex ipia pronuntiatione apparet

incertum esse) ita venit, ut cum effectu peti possit, uti paulo ante demonstratum. Obligatio autem venditoris certa est, quia non continet nudum factum, sed causam bonorum, l. 52. §. 1. d. tit. id est, certæ rei præstationem cum translatione domini aut juris usufructu, l. 80. §. 3. b. l. 3. l. 11. §. 2. l. servus 30. §. 1. de act. empt. Ponamus ergo, rem aliquam mihi pure venditam esse; hic dubium non est, quin eam ipsam rem quam emi, petere à venditore possim, & vel confestim, vel etiamnum post moram: ex quo porro efficitur, etiam judicem in eandem rem venditorem victum condemnare debere; non in æstimationem; ut sententia sit conformis libello, juxta l. ult. C. de fideic. libert. At ex mera faciendi obligatione nec statim agi potest, neque ad facti præstationem licet post moram, sed in id solum quod interest, quamvis promissor faciendū ante litem contestatam libereatur, l. si insulam 84. de verb. obl. Quamobrem non minus vere, quam eleganter mihi scribere videtur Favius in suppl. ad Conn. l. 7. c. ult. si factum, quod in conventionem deductum est, in rei alicujus præstatione consistat, sive ad dationem, domini ve aut juris alicujus translationem ordinetur, id magis pro datione, quam facto habendum esse, arg. l. in conventionibus 52. §. 1. junct. l. ubi 75. §. ult. de verb. obl. uti ex contrario datio ad factum ordinata pro facto magis habenda, veluti si ancilla procuratori in rem suam constituto manumittenda detur. Non obstant textus in l. 72. pr. l. 75. §. 7. de verb. obl. ubi fundum tradere cum aliis iisque puris factis conjungitur. Nam ex eo, quod facta omnia in eo conveniunt, quod per se divisionem non recipiant, aut quod per se nude considerata incerta sint, non recto intuleris absolutam convenientiam. Deinde & causa consideranda: potest enim & qui commodato aut precario rogat, rem sibi tradi stipulari, & à quovis possessore. Denique & restituere factum est, & tradere ex causa donationis, dotis, permutationis, &c. Secundo in eo decepti sunt contrariæ sententiæ auctores, quod existimaverunt, obligationem, qua tenetur venditor, esse alternativam, in qua constat, electionem esse debitoris, arg. l. contractus 17. C. de fid. instr. Nam obligatio venditoris non est alternativa à principio, sed successiva, ut scilicet teneatur in id, quod emptoris interest, si contractum implere, id est, rem tradere nequeat. Nam profecto si alternativa esset, & consequenter venditoris in ea electio, non peccaret, non frangeret fidem venditor, facultatem tradendi sibi adimens eandem rem alteri vendendo. Cur igitur qui hoc facit, crimen falsi committere dicitur? l. qui duob. 21. ad leg. Corn. de fals. aut certe stellionatus, si non dixerit mercem liberam esse? l. 3. §. 1. stellionat. Plane, si dolo aut frustratione venditoris fiat, quominus res tradatur, potest emptor ul-

tro omitta petitione rei agere, ut consequatur quod sua interest; taxandum non jurejurando actoris in litem, sed arbitrato judicis. Quo pertinet species l. 4. C. de act. empt. & in hanc quoque sententiam tandem concessit Bachov. not. in paratis, Wesemb. tit. de act. empt.

Argumentum est emptionis contractus] Sæpe arrhæ nomine aliquid dari ab emptore solet: sed quod ita datur, datur firmandi contractus gratia, & quo facilius probari possit convenisse de pretio, non quod sine arrharum interventu emptio non perficiatur, l. quod a-pe 35. pr. hoc tit. Datur autem arrha vel simpliciter, ut sit argumentum duntaxat & probatio emptionis contractus, veluti si annulus detur; vel ut simul postea cedat in partem pretii data certa pecunia, l. 11. §. 1. qui vina 6. de act. empt. l. ult. de leg. commiss. Cum arrha tantum ut symbolum data est, impleta emptione, id est, re tradita & pretio numerato, restituenda est emptori, utilisque in eam rem est actio ex empto, aut condictio sine causa, d. l. 11. §. 6. de act. empt. cum in certa pecunia, cedit in defalcationem pretii, nihilque repetitur; sed reliqua pecunia re tradita exsolvenda est, d. l. ult. de leg. commiss. Utroque autem casu hoc evenit, ut si postea placuerit emptionem esse irritam, id quod arrharum nomine datum est, emptor repetere possit vel actione ex empto, vel etiam condictione sine causa, d. l. 11. §. 6. de act. empt. junct. l. 2. C. quand. lit. ab empt. disc. Et cum ergo utroque casu etiam arrhis intervenientibus solo communi consensu ab emptione recedi possit, apparet, datione arrharum neutrum rem definire esse integram: constanter enim traditum est, solo consensu, licet mutuo, ab emptione, & similibus contractibus recedi non posse, nisi adhuc res sit integra, l. ab emptione 58. de pact. l. 1. & l. 2. C. quand. lit. ab empt. disc. §. ult. inf. quib. mod. toll. obl. Quando igitur res integra esse definit, ut solo consensu ab emptione recedi nequeat? nimirum cum aliquid præstitum est eorum, quæ ex natura contractus præstari debent, ut expressum est in d. l. 58. de pact. puta si vel venditor rem aut partem rei tradiderit, vel emptor pretium aut partem pretii, d. l. 1. & l. 2. C. quand. lit. ab empt. disc. & d. §. ult. inf. quib. mod. toll. obl. Ex quibus apparet, DD. vulgo duplici in errore versari: primum quod existimant, quando arrhæ dantur in nummis, qui postea in pretium imputentur, rem non amplius æstimari integram: deinde quod arrha data in argumentum contractus res sic integra maneat, ut vel uni liceat invito altero ab emptione discedere, emptori cum amissione arrharum, venditori cum duplicatarum restitutione. Quod perquam absurdum est, atque in certissima juris principia impingit. Sed de eo paulo post diligentius.

In iis autem, quæ scriptura conscribuntur] Potest

contractus emptionis ex voluntate & conventionem partium aliam naturam adfiscere, quam est ea, quam ex jure communi & gentium habet, ut scilicet ad vim & constitutionem obligationis scripturam intervenire necesse sit, cum absque tali conventionem foret, ut nudo & simplici consensu perficeretur; idque non in emptione solum, sed etiam in aliis causis usu venit, ut in permutatione, transactione, donatione quæ non excedit 500. solidos &c. *l. contractus 17. C. de fid. instr.* Quando autem id inter contrahentes actum intelligatur, diligenter observandum est. Etenim in scriptis contractum dicitur, non quoties de negotio in conventionem deducto scriptura confecta est, (quippe solent plerumque scripturæ confici, non ut robur & substantiam ex iis contractus accipiat, sed facilioris probationis gratia, & ad futuram rei memoriam) verum tunc demum, cum id factum est, ut non aliter contractus valeat, quam si in scripturam redigatur. Id vero actum intelligitur, ut recte Placentinus & Azo, non tantum cum nominatum & expressè convenit, ut non valeret contractus, nisi in scripturam redactus esset; verum etiam si simpliciter convenerit, ut in scriptis contraheretur, vel quod idem valet, si ab initio placuerit contractum in scriptis fieri: nam & hic non obscure id agitur, ut contractus non nisi scriptus valeat; neque ad hoc expressiorem conventionem requirit Justinianus in *d. l. contractus* Consentit *Gloss. hic, Cuspr. in d. l. contractus, Si- chard. ibid. n. 3.* Quæ etiam ratione si partes aut in ipso actu contrahendi, aut paulo ante contractum petierint, ut calamus afferretur, ut accerseretur notarius contrahendi & conficiendi instrumenti gratia, rem in scriptis geri, & sine scriptura nihil actum voluisse, censeri debent. Quæ sententia etiam rebus judicatis confirmata est, teste *Ant. Fab. C. suo de testibus, defin. 23. & de fid. instr. defin. 14.* quanquam dissentit *Salic. in d. l. contractus*. Et nonnulli alii, quos allegat. Et ut causæ serviat, probare videtur *D. Deckher. lib. 2. dissert. 13. num. 3.* At vero si, quod sæpe fit, post contractum initum, & conclusionem negotii, instrumentum de eo confectum fuerit, scriptus potius, quam in scriptis initus, contractus dicitur. Sicuti nec recte quis dixerit, testamenta nuncupativa, quod hodie frequentantur, per scripturam fieri, licet plerumque scribantur, quoniam ut scribantur, ad substantiam eorum non pertinet, *vid. sup. §. ult. de test. ord.* Sed etsi in contractu ineundo convenerit, ut de eo instrumentum conficeretur, ne sic quidem id actum intelligi debet, ut contractus in scriptis fieret, sed potius ut sine scriptura initus perfectusque ad futuram duntaxat rei memoriam describeretur. Quippe in dubio, si non appareat quid actum sit, credendum est, ad probationem potius, quam ad validitatem actus, scripturam intervenisse,

eum actus talis est, qui sine scriptura potest subsistere; *l. 4. de pignor. l. 4. de fid. instr. l. cum res 1. 2. Cod. de probat. & ibi Bald.* ut jure communi magis, quam speciali, contrahentes usi videantur, *l. Imperator 30. de reb. auct. jud. poss. alius l. 15. de priq. cred. Ant. Fab. dd. loc. DD. comm. in d. l. contractus, C. de fid. instr. Christin. Vol. 3. decis. 29. num. 15. & seq. Andr. Fachin. 2. contr. 97.*

[*Nisi & instrumenta emptionis*] Quoties placet, negotium scriptura confici, non ante id pro perfecto habetur, quam in scripturam redactum est, instrumentumque ejus negotii rite confectum. Si privata sit scriptura, sufficit ad completionem instrumenti, propria contrahentium manu id perscriptum esse; modo ne quod scriptum est, pro prima scheda & deletitia, in qua partes aliquid addi aut detrahi & deleri voluerint, habitum sit; tum enim ad perfectionem contractus requiritur, ut scheda illa in mundum redigatur. Quod si instrumentum non ab ipsis contrahentibus, sed ab alia persona privata scriptum sit, id pro completo habetur, cum utriusque contrahentis subscriptione confirmatum est. Si vero instrumentum sit publicum, puta conficiendum per tabellionem sive notarium, id non aliter completum intelligitur, neque vires ullas habet, quam si à notario exceptum perfectumque, partibus prælectum fuerit, atque ab ipsis approbatum, *hoc text. & d. l. contractus*. De requisitis instrumenti publici, & quæ de more inferi solent, vid. *Covar. pract. q. 20. Vve- lemb. parat. de fid. instr. Althuf. lib. 3. c. 43. n. 13. & seqq. cum ibi citatis.*

[*Donec aliquid deest, penitentia locus est*] Cum contractum in scriptis fieri placuit, scriptura ad substantiam contractus pertinere incipit: & ideo quamdiu instrumentum perfectum non est, obligatio non nascitur, & nihil dum actum intelligitur, quia de causa interim etiam penitentia locus est, licetque alterutri à negotio, quod institutum est, sine poena discedere. Ceterum hoc ita, nisi quid arrharum nomine datum sit. Quod cum factum est, placet quidem, adhuc sine mutuo consensu recedi posse; sed emptorem consilium mutantem, quod dedit, amittere; venditorem ejus, quod accepit, duplum restituere, *d. l. contractus, C. de fid. instr. & hoc nostro text.*

[*Si in scriptis siue sine scriptis venditio celebrata sit*] Id est, celebrari coepa sit; quam esse mentem Justiniani, ex eo intelligitur, quod ante dixit, penitentia locus esse, quamdiu aliquid deest ad perfectionem contractus. Hoc enim ipso aperte significat, cum contractus est perfectus, & nihil amplius ad constitutionem obligationis desideratur, penitentia locus non esse, nec posse ullo modo unum invito altero ab eo recedere. Ex ipsa constitutione Justiniani *d. l. contractus*. Id elucet clarius, *verb. super facienda empti-*

one. Item non procedente contractu. Item qui vendere pollicitus est. Quæ omnia manifeste ostendunt nec arrhis datis poenitentia locum esse, nisi contractu adhuc imperfecto. Putaverit autem forte aliquis, hoc non convenire cum eo, quod arrhæ dicuntur esse argumentum emptionis contractæ: ex eo enim sequitur, arrhas non dari, nisi contractu jam perfecto. Responsi. Verum est, arrhas plerumque quidem contractu demum perfecto dari solere: ceterum nihil prohibet, quominus & ante contractum dentur super facienda emptione ei, qui vendere pollicitus est, quæ sunt verba d. l. contractus. Et in ipso actu contrahendi, quamdiu adhuc contractui aliquid deest, ut est in hoc text. neque id tantum cum in scriptis res geritur, verum etiam cum sine scriptis. Neque enim statim inter partes de pretio convenit: accessionem quoque & finium definitio sæpe tractum temporis habet, & interim aliquid arrhæ nomine dari potest ab eo, qui de re emenda tractare coepit, ne quis alius facile prævertat. Concedunt omnes, si sine arrhis emptio celebrata sit, recedi à negotio sine communi consensu non posse: ceterum si arrhæ intervenerint, putant plerique, etiam tunc locum poenitentia dari, cum contractus jam perfectus est, & posse adhuc ab eo discedi hac conditione, si emptor discedere volens arrhas relinquat, venditor recedens reddat duplicatas. Quod minime ferendum est. Quid enim certius hac juris sententia, obligationi semel constitutæ renuntiare invito adversario non licere? l. 5. C. de obl. & act. Atque hoc vel maxime valet in contractu emptionis & venditionis, l. ab emptione ss. de pact. l. 1. & 2. Cod. quand. lic. ab empt. diss. Ulque adeo ut constitutum sit, nec ex relicto Principis ab emptione jure perfecta recedi posse, l. 3. C. de resc. vend. Non mutat hanc sententiam arrharum post contractum perfectum interventus, sed magis firmat: quoniam arrhæ non dantur infirmandæ emptionis causa, sed confirmandæ: dantur enim tunc in hoc, ut sint argumentum emptionis jam contractæ, hoc text. & l. quod sæpe 35. eod. Jam vero absurdissimum est, id quod ad confirmationem contractus datur, ad eversionem ejus flecti: & omnino falsum est, quod pro defensione contrariæ sententiaæ afferitur, datione arrharum hoc tacite agi intelligi, ut liceat alterutri ab emptione contracta recedere cum jactura arrharum aut duplicatarum restitutione. Neque interpretis est, hujusmodi tacita pacta sine auctoritate legum, & contra mentem atque intentionem contrahentium introducere. Non obstat, quod is, qui nominatim in rem aliquam sibi cavet, aliis beneficiis & remediis renuntiare videtur, per l. & habet. 15. §. 3. de precar. lult. C. de pact. cony. ram sup. cor. Id enim tunc obtinet, quando quis sua cautione sibi prospexit de re aliqua, in qua illi prospicitur jure sine cautione privata, ut ostendunt exempla

præd. ll. Locum autem non habet in pluribus cautionibus, quibus quis sibi privatum prospicit. Hoc enim cum sit, posterior cautio præcedentem obligationem magis confirmat, l. 4. §. si ex conventionione, de re jud. l. pradsa 28. de act. empr. Et sic etiam fit in proposito: nam qui emit, privata cautione sibi parat actionem ex empto; ac proinde nova cautione arrharum non debet videri à priorè obligatione recessisse, sed eam magis voluisse confirmare. Hanc sententiam non obscure probant Jo. Fab. hic, syn. & Bart. in d. l. contractus, certius confirmant Oldenaorp. class. 4. act. 2. Wesemb. par. n. 9. Don. ad. d. l. contractus, n. 12. & seqq. Diod. Tuldén. ad tit. C. quand. lic. ab empr. disc. n. 2. Christin. vol. 3. decis. 70. n. 2. & consuetudine receptam testatur Badius ad l. 35. in fin. hoc tit. in Gallia tamen contraria obtinet, teste Pacio in d. l. contractus, n. 12.

Qui recusat adimplere contractum] Id est, qui recusat institutam emptionem perficere, aut stare placito emptionis & venditionis saturæ; quod ex iis, quæ præcedunt, perspicuum est. *Adimplere* igitur hic positum pro *perficere*, ut contra *perficere contractum*, dixit pro *implere*, d. l. contractus, circa med. Ceterum cum proprie & distincte loqui volumus, emptionem perfici dicimus solo consensu in mercem & pretium, impleri harum rerum præstatione. Illud simplicem perfectionem & constitutionem obligationis significat; hoc finem ultimum contrahentium, numerationem pretii & rei venditæ traditionem.

T E X T U S.

De pretio certo vel incerto vel in arbitrium alienum collato.

I. Pretium autem constitui oportet: nam nulla emptio sine pretio esse potest. Sed & certum esse pretium debet: aliqui si inter aliquos ita convenerit, ut quanti Titius rem aestimaverit, tanti sit emptæ, inter veteres satis abundeque hoc dubitabatur, constaretne venditio, an non. Sed nostra decisio ita hoc constituit, ut quoties sic composita sit venditio: Quanti ille aestimaverit, sub hac conditione staret contractus, ut siquidem ille, qui nominatus est, pretium definierit, tunc omnimodo secundum ejus aestimationem & pretium persolvatur, & res tradatur, & venditio

ad effectum perducatur: emptore quidem ex empto actione, venditore ex vendito agente. Sin autem ille, qui nominatus est, vel noluerit, vel non potuerit pretium definire, tunc pro nibilo esse venditionem, quasi nullo pretio statuto. Quod jus cum in venditionibus nobis placuerit, non est absurdum & in locationibus & in condutionibus tradere.

NOTA.

1. NULLA EMPTIO SINE PRETIO] *l. 5. §. 1. l. 1. quemadmodum nec sine re, quæ veneat, l. 8. eod. Itaque non valet emptio donationis causa contracta, l. 38. l. 38. eod. nec cum dicis causa & à posterioribus res venditur uno nummo: quæ non vera, sed imaginaria venditio est, l. 55. eod. & donationis instar inducit, l. 46. locat. l. 3. l. 9. C. hoc tit. Denique nummus unus pretium non est, l. 10. §. ult. de acq. poss. emptionis autem substantia consistit ex pretio, l. 72. h. t.*

COMMENTARIUS.

- 1 Emptionis substantiam ex pretio consistere: & quid inde.
- 2 Pretium certum constitui oportere, & quando id constitutum intelligatur.
- 3 Emptionem non contrahi cum definitio pretii generaliter alieno arbitrio permixta est: secus si arbitrio certa persona.
- 4 Quid si res vendita sit eo pretio, quod duo partiti à partibus eligendi constituent.
- 5 Arbitratoris manifestam iniquitatem corrigi posse officio judicis.
- 6 Explicabitur l. in lege 24. in pr. locat. & alia quedam observatu digna notantur.

1 **Q**uemadmodum sine re, quæ veneat, nulla emptio intelligitur; *l. 8. hoc tit.* ita nec sine pretio, quod vicissim præstetur, emptio esse potest, *l. 2. §. 1. eod. l. 1. de rer. perm. l. pacta consenta 72. hoc tit.* ubi Papinianus ait, *emptionis substantiam consistere ex pretio.* Itaque non valet emptio, quæ donationis causa contrahitur, *l. cum in venditione 36. l. si quis 38. eod.* aut cum dicis causa: prætextu pretii quaesito, res venditur uno nummo, *l. si quis 46. locat.* quæ non vera, sed imaginaria venditio est, *l. nulla 55. d. l. si quis 38. hoc tit. l. imaginaria 16. de reg. jur.* Plane, si non id actum sit, ut totum pretium condonetur, sed res viliori pretio, licet donatio-

nis causa, vendita fuerit, placet valere venditionem; extra quam si hujusmodi venditio facta sit inter virum & uxorem, *d. l. 38.* In pretio duo desiderantur; unum, ut id certum sit; alterum, ut custodiatur in pecunia numerata. De priore tractatur hoc §. de posteriore §. seq.

Certum esse pretium debet.] Quamdiu pretium incertum atque indefinitum est, emptio imperfecta censetur, nec ulla nascitur obligatio. Itaque si emere volenti venditor sic dicat, *Habebis rem emptam, quanti postea aestimabitur,* nihil adhuc actum intelligitur. Enimvero si traditio secuta sit, volunt DD. comm. inde resultare contractum innominatum, quam sententiam probat *Fuchin. 2. contra §. 1. Busin l. 1. de rer. perm. contra Pinell. part. 2. rubr. de resc. vend. Gomez. 2. resol. 2. num. 9.* Quod ego in medio relinquo. Certum duobus modis dicitur, vel simpliciter, cum ab initio certa quantitas exprimitur, vel de quo constet per relationem ad rem certam; veluti si ita dicat venditor, *quanti tu emisisti, quantum pretii in arca habeo.* Nam licet hic pretium in præsentia occultum sit & apud contrahentes incertum, re tamen ipsa & in veritate certum definitumque est, *l. 7. §. ult. hoc tit.* Bene Justinianus, *Qua per rerum naturam certa sunt, non morantur obligationem, licet apud nos incerta sint, §. pen. sup. de verb. obl.* Quid ergo si venditor sic dixerit, *Res tibi erit emptæ iusto pretio, aut eo pretio, quod iustum declarabitur?* Adhuc imperfectum negotium videtur: quoniam & iusti pretii modus incertus est; quippe quod constitui non potest, nisi ex arbitrio boni viri, quod in mercibus una, & æquali forma non continetur. Ita post DD. comm. *Pinell. d. part. 2. n. 19. & seq. Gomez. d. loc. n. 9. Surd. decis. Mant. 82. n. 14. Fach. 2. contr. 1.* Assentior autem Surdo *d. decis. in fin.* & D. Tuldeno comm. *hic, cap. 4.* qui venditionem iusto pretio factam valere existimant in iis mercibus, quibus publice pretium constitutum est, ut sæpe panis, vini, frumenti, carni-um, aliarumque rerum ad victum quotidianum pertinentium pretium magistratus definit. Hoc enim casu partes per iustum pretium non aliud, quam illud ipsum, quod publice determinatum est, intellexisse videri possunt. Constat autem, etiam illud pro certo haberi, quod certum evadit ex relatione ad id, quod certum est. Et hinc infert *Gomez. d. loc.* valere venditionem vini, olei, tritici & similium rerum, factam eo pretio, quo communiter talis res vendatur in foro publico, tali die vel tempore.

Inter ceteros dubitabatur.] Dubitatum olim fuit, an valeret emptio definitione pretii collata in arbitrium alterius. Quidam id affirmabant, quasi res omnis in arbitrium boni viri rejecta censeri deberet; nec incertum videri, cujus definitio pendeat à tali

tali arbitrio, quod uno & perpetuo tenore constat. Alii id negare, hoc forte argumento nixi, quod pretia rerum æstimatione communi, non ex affectu singulorum, funguntur, *l. pretia 63. ad leg. Falc.* Fuisse denique, qui distinguendum existimabant, utrum electum esset arbitrium boni viri simpliciter, an vero nominatum arbitrium certæ personæ. Hanc quæstionem Justinianus hoc §. *¶ l. ult. C. eod.* ita decidit, ut si definitio pretii collata sit in arbitrium certæ personæ, puta hoc modo, *Fundus ille tibi emptus est, quanti Titius æstimaverit*, hac conditione staret emptio, si persona nominata pretium definiret. Quod si ille, qui nominatus est, vel noluerit pretium definire, vel non potuerit, forte jam mortuus, tum emptio nulla sit, quasi nullo pretio constituto. Illud autem semper constitit, in arbitrium unius ex contrahentibus definitionem pretii frustra conferri, *l. quod sape 35. §. 1. hoc tit.* ne scilicet in potestate ementis aut venditis sit, utrum debeant, an non debeant, *l. 7. in pr. eod. l. 13. C. eod. l. 2. §. 3. quod cert. loc. Pinell. d. part. 2. cap. 1. num. 6. Gomez. de resol. cap. 2. n. 19.*

Quanti ille æstimaverit] Arbitrator scilicet nominatum electus: nam si pretium alieno arbitrio generaliter permixtum sit, placet emptionem non contrahi, uti nec locationem, mercede in alienum arbitrium indefinite collata, *l. si merces 25. princ. locat.* veluti, *fundus tibi emptus est, quanti alii æstimabant*, aut *quanti vir bonus æquum putaverit*, non facta relatione ad judicem vel certam personam, arg. *d. l. ultim. C. hoc tit. Pinell. d. loc. num. 5.* Quid vero si emptio facta proponatur eo pretio, quantum constituent duo periti eligendi; alter ab emptore; alter à venditore? Consequens est superioribus, ut dicamus, emptionem non valere; quoniam ne hic quidem certa persona designatur; adeoque eadem hic incertitudo est, quam habet designatio justii pretii, vel pretii in arbitrium boni viri collatio: nam & hæc sic interpretaremur, ut eligeretur aliquis, qui neutri improbaretur, aut ut quisque eligeret unum, qui pretium statueret aut ipsi pretii modum. Quin fieri etiam potest, ut ipsi contrahentes circa electionem peritorum dissentiant: neque enim hæc peritia certum usque habet tenorem: Non obstat *l. 16. §. ult. de pign.* nam ibi negotium subsistit ex pacto pignoris. Ita pro Pinello *d. loc. num. 6.* contra Fachinæum 2. *contr. 1.* & sententiam communem disputat D. Tuldénus *comm. hic cap. 5.* communis tamen sententia in foro obtinet, ac consuetudine hujus seculi potissimum inter mercatores viget. *D. Paul. Buf. in l. 1. n. 8. de rer. perm.*

Omnimodo secundum ejus æstimationem] Hoc idem expressum est in ipsa constitutione Justiniani *l. ult. C. hoc tit.* Ergo etiam si Titius arbitrator mul-

to pluris aut minoris rem æstimaverit, quam valer, dicendum est valere contractum. Sane si arbitrium Titii tam pravum est, ut manifesta ejus iniquitas appareat, consentiens fere omnium opinio est, arbitrio boni viri iniquitatem corrigi posse. Quod sic accipiendum est, corrigi posse, non remedio aliquo restitutorio, sed officio judicis, quod actioni bonæ fidei subseruit, exemplo societatis. Ut enim, si partibus societatis definiendis arbiter electus partes manifeste iniquas constituerit, iniquitas arbitrii per judicem corrigitur instituta actione pro socio, *l. in proposito. 78. & seq. pro soc.* ita quoque si pretio declarando sumptus in contractu emptionis, aperte iniquum & nimis magnum definierit, & venditor illud petat, poterit judex, ostensa iniquitate, ex officio id moderari, propter clausulam ex bona fide. Ita *DD. comm. hic. & in d. l. ult. C. eod.* Quæ sententia cum sit æquitati planè consentanea, utique civiliter accipi oportet, quod hic ait Justinianus, omnimodo secundum æstimationem arbitratoris pretium solvendum esse, ut scilicet his verbis non excludatur officium judicis in corrigenda manifesta iniquitate, etiam si ea diutius nulli pretii non excedat: nam ad eam, quæ excedit, rescindendam speciale remedium competit, *l. 2. C. de resc. vend.* Inter quæ hoc interest, quod officium judicis locum non habet, nisi cum re adhuc integra agitur ex empto aut vendito ad implendum contractum: nam si juxta factam æstimationem res tradita sit & pretium solutum, officio judicis corrigi iniquitas non potest. Quod si ultra dimidium justii pretii alteruter læsus sit, hic locus est remedio rescissorio, *d. l. 2. Cod. de resc. vend. add. Buchov. comm. hic. & D. Tuldén. cap. 6.*

Pro nihilo esse venditionem] Igitur in proposito non recurritur ad arbitrium alterius, tanquam electum sit arbitrium boni viri. Idque etiam ante Justinianum in partibus societatis definiendis obtinuisse constat, *l. si contra. 75. pro soc.* Quin etiam Ulpianus generaliter respondet, non esse recedendum à persona ejus, cujus arbitrium insertum est, *l. si quis 43. de verb. obl.* Neque hic obstat, quod scriptum est, *l. in lege 24. pr. locat.* si in lege locationis comprehensum sit, ut alterius arbitratu opus approbetur, boni viri arbitrium comprehensum videri: nam istuc non contractus aut substantialis aliqua pars contractus in arbitrium alterius confertur, sed mercede pro opera constituta, & sic contractu jam perfecto, accidentale aliquid, nimirum qualitas seu approbatio operis, quod redemptor faciendum conduxit. In hujusmodi specie id actum merito intelligitur, ut arbitrium tale præstetur, quale viro bono convenit, ne alteri injuria fiat; & hoc bona fides exigit. Pari de causa si quid accidentale (nam essentialia non possunt) arbitrio alterutrius è contrahentibus permixtum sit, placet in viri

in viri boni arbitrium id collatum videri, ut actus sustineatur; qui frustraneus foret, si persona contrahentis tantum comprehensa intelligeretur; quippe in cuius potestate sit, non arbitrari, l. 7. pr. hoc tit. d. l. 23. locat. In testamentis, in quibus voluntates plenius interpretamur, l. 12. de reg. jur. hoc perpetuum est, ut legatum in alterius arbitrium collatum, in boni viri arbitrium collatum intelligatur; & si is, in cuius arbitrium collatum est, arbitretur, siue non arbitretur, semper utile sit, l. 1. de leg. 2. l. 3. §. 1. C. comm. de legat.

Et in locationibus] d. l. ult. C. hoc tit. Verba pene integra constitutionis Justiniani, quæ & hoc §. repetuntur, ad Gajum in l. merces 25. princ. locat. ap-
pinxit Tribonianus.

TEXTUS.

In quibus pretium consistat. Differentia evictionis & permutationis.

2. Item pretium in numerata pecunia consistere debet. Nam in ceteris rebus an pretium esse posset, valde quærebatur; veluti, an homo, aut fundus, aut toga, alterius rei pretium esse possit. Et Sabinus & Cassius etiam in alia reputabant, pretium posse consistere: unde illud, quod vulgo dicebatur, permutatione rerum emptionem & venditionem contrahi: eamque speciem emptionis & venditionis vetustissimam esse. Argumentoque utebantur Græco Poëta Homero, qui aliquam partem exercitus Achivorum vinum sibi comparasse ait permutatis quibusdam rebus, his verbis:

Νῆες δ' ἐκ Λήμνοιο παρέσσαν εἶον ἄγασαι.
ἔνθεν ἄρ' οἰνίζοντο καρνηκομόωντες Ἀχαιοί,
Ἄλλοι μὲν χαλκῷ, ἄλλοι δ' αἰθωνί σιδήρῳ,
Ἄλλοι ᾗ ῥίνοισι, ἄλλοι δ' αὐτοῖσι βόεσσιν,
Ἄλλοι δ' ἀνδραπόδεσσιν.

Hoc est.

Advecta è Lemno tunc vina fuere carinis,
Inde capillati sibi vina parare Pelasgi:
Ære micante alii, nitido pars altera ferro,
Pars bubululis tergis, ipsis plerique juvencis,
Pars quoque mancipiis.

Diverse schola auctores contra sentiebant; aliudque esse existimabant permutationem rerum, aliud emptionem & venditionem: alioqui non posse rem expediri, permutatis rebus, quæ videatur res venisse, & quæ pretii nomine data esse: nam utramque videri & venisse & pretii nomine datam esse, rationem non pati. Sed Proculi sententia, dicentis, permutationem propriam esse speciem contractus à venditione separatam, merito prævaluit: cum & aliis Homericiis versibus adjuvabatur, & validioribus rationibus argumentabatur. Quod & anteriores Divi Principes admiserunt, & in nostris Digestis latius significatur.

NOTÆ.

2. PERMUTATIONE RERUM EMPTIONEM CONTRAHIT] Permutatio instar obtinet emptionis, Unde in ædilitio edicto cum permutatum est, uterque & venditoris & emptoris loco habetur, l. 12. §. pen. de edil. edict.

ANTERIORES D. PRINCIPES] Diocletianus & Maximianus, l. pen. C. de rer. perm.

COMMENTARIUS.

- 1 Summa disputationis Pauli in l. 1. hoc tit.
- 2 Pretium in alia re, quam pecunia numerata, constitui non posse, ex sententia Proculi.
- 3 Excitantur argumenta, quibus Sabinus probare conatus est, permutationem rerum emptionem contrahi.
- 4 Usus pecunia signata per antiquum esse.
- 5 Quibus & quam validis rationibus Proculus demonstravit, emptionem & permutationem plane diversa esse.
- 6 Defenditur Sabinus & Cassii sententia.

Antiquissima ratio commutandi inutilia cum utilibus, & comparandi res necessarias, permutatio fuit: quæ cum duo hæc incommoda haberet, unum, quod non semper concurrebat, ut quod alter haberet, alter desideraret; alterum, quod etsi concurrebat, inæqualis tamen rerum esset æstimatio: invento tandem nummo, quo res ceteræ æstimarentur, & qui

men-

mensura esset omnium, his difficultatibus occursum est; ceperuntque homines res sibi necessarias comparare pretio earum in nummis seu pecunia numerata vicissim dato: quod genus commercii emptio & venditio appellatur, & secundum Nervæ ac Proculi sententiam à permutatione multum distat. Hæc summa est disputationis Pauli in *l. 1. hoc tit. & huius loci.*

In numerata pecunia] Alterum, quod in pretio desideratur, est ut illud consistat in nummis seu numerata & signata pecunia. In aliis rebus pretium non posse consistere, nec rebus utrinque intervenientibus emptionem fieri, ex sententia Nervæ & Proculi pridem placuit, *hoc text. l. 1. §. 1. eod. l. 1. de rer. perm. l. 9. C. hoc tit. l. pen. C. de rer. perm.* Enimvero si pretium ab initio in pecunia numerata constitutum fuerit, consentienti postea venditori etiam alia res in solum dari potest contractu non mutato, *l. 9. C. de res. vend. vend.* quippe circa formam & distinctionem contractuum initium, non exitum, spectamus, *l. 1. §. idem Pomponius 13. de pos.*

Sabinus & Cassius etiam in alia re] Sabinus & Cassius putabant, non tantum in pecunia numerata, verum etiam in quavis alia re pretium consistere posse, rerumque permutatione emptionem quoque & venditionem contrahi. Utebantur ad confirmationem sententiæ suæ hoc argumento; Si emptio & venditio jam tum in usu erat, cum nondum esset nummus, nihil obstat, quominus & post repertos nummos sine iis consistat, &c. Assumptionem probabant auctoritate Homeri, qui *lib. 7. Iliad. refert*, Græcos vinum ex Lemno advectum sibi comparasse ære, ferro, tergoribus, bobus, mancipiis, utens verbo *ἄλλοις ἀγορεύων, Vinum emere, mercari.* Alium locum ejusdem Poëtæ, & qui magis pro hac sententia facit, Paulus *l. 1. §. 1. hoc tit.* subministrat ex libro 1. *Odyss. circa finem.*

ἢν ποτὶ Λαέρτης πείρατο κτήματα ἰόντων.
id est, *quam* (Eurycleam ancillam) olim Laertes emerat possessionibus suis. Neiva vero & Proculus contra disputabant, pretium non nisi in nummis posse consistere, contractumque emptionis & venditionis à permutatione multum differre; quibus etiam ceteri fere assenserunt; argumenta eorum mox videbimus. Illud Sabini & Cassii ex Homero non putabant esse magni ponderis. Nam verbum *ἄλλοις ἀγορεύων* esse ambiguum, quod pro subjecta materia & ad permutationem & ad emptionem accommodari possit: & ideo apud Poëtam *d. loc.* ad permutationem potius, quam ad emptionem referendum; quod etiam Paulus notat *d. l. 1. §. 1. hoc tit.* Illa quidem,

πείρατο κτήματα ἰόντων,
Sabini opinione magis juvant: nam verbum *πείρατο* proprietate & vi sua non potest ad alium

contractum, quam ad emptionem referri: & tamen emptio ista sine nummis facta est, sive verba Homeri sic interpretere, *emir possessionibus aut facultatibus suis*, id est, *de suo*, sive ut alii, *emir & emptam præfecit facultatibus suis*, ut subaudiatur præpositio *in*: quoniam mox subjicit Poëta, pretium datum esse viginti boum. Sed tamen ne hoc quidem satis esse videtur ad probandum, emptionem ibi vera contractam fuisse: quippe cum Poëtæ, dum metro serviunt, verborum proprietatem sæpè negligere cogantur. Inspicienda semper est rei veritas, quam si sequimur, statuendum omnino videtur, emptionem & venditionem non esse, nisi nummi intervenerint, etiamsi dictum sit, me fundo meo emisse fundum tuum: & idco Plinius *lib. 33. c. 1.* ex Homero eandem rerum permutationem referens, quæ hic memoratur, improprie loqui credendus est, cum dicit, Græcos *Vinum* emptitasse *coriis boum*, &c. Illud ex antiquis historiis, adeoque ex ipsa historia Mosis *Genes. c. 23. & c. 42.* cum aliquot seqq. constat, usum nummi & signatæ pecuniæ antiquissimum esse, & Trojanis temporibus multo antiquiorem. Plinius *l. 7. c. 50.* scribit, Liberum Patrem primum instituisse emere & vendere. Qui Liber Pater temporibus Mosis fuisse dicitur multo ante bellum Trojanum quamquam primus numerorum auctor per Græciam celebratur Phædon Milesus, qui Homero longè recentior fuisse fertur; *Strabo lib. 8.*

Diversa schola auctores contra] Videlicet Nervæ & Proculus. Hi negabant, pretium rei venditæ in alia re consistere posse, quam in pecunia numerata, dicebantque, emptionem & venditionem diversam esse speciem contractus à permutatione. Sic vero illi argumentabantur. In contractu emptionis & venditionis hæc perpetuo distincta esse oportet, pretium & mercem: sicut enim aliud est emere, aliud vendere, aliud emptor, aliud venditor, ita & aliud pretium, aliud mercem esse. At in permutatione uti discerni non potest, uter emptor, uter venditor sit, ita nec utra res videatur venisse, utra pretii nomine data. Rationem autem non pati, ut dicamus, utramque & venisse & pretii nomine datam, *l. 1. §. 1. in fin. hoc tit. l. 1. de rer. perm.* Atque hæc Proculi & Nervæ sententia tandem obtinuit, & constitutionibus Principum comprobata est, *l. pen. C. de rer. perm.* Paulus in *d. l. 1. de rer. perm.* duas alias inter emptionem & permutationem differentias notat. 1. Quod venditor non cogitur rem emptoris facere, sed sufficit ei ob eversionem se obligare, possessionem tradere, & purgari dolo malo: itaque si evicta res non sit, nihil venditorem debere. At in permutatione utrinque rem accipientis fieri debere; ideoque rem alienam dantem nullam contrahere permutationem, *d. l. 1. pr. junct. §. 2.* Quod in emptione ex nuda con-

sentientium voluntate obligatio nascitur, in permutatione res demum tradita initium obligationi præbet, §. 2. *ejusd. l. congruit l. 3. C. eod.* sed utrumque hoc est à civili jure Romanorum.

Alis Homericis versibus] Puto, eos versus significari, quos Paul. *l. 1. §. 1. h. t.* citat ex *lib. 6. Iliad.* ubi Poëta refert, Glaucum centum boum arma aurea permutasse cum æreis Diomedis armis novem boum. Quo loco utitur verbo ἀνέχω, quod est proprium permutationis. Eosdemque versus in hanc sententiam etiam Theophilus citat. Sed profecto parum in utramque partem valere debet auctoritas Poëtæ, quem dici potest, dum metro servire cogitur, verborum proprietatem insuper habuisse.

Validioribus rationibus] Validissimum illud argumentum est, quod in contractu emptionis res & pretium distincta esse debent: quod nec Sabinus negabat: & tamen necessario inde sequi videtur, pro re non posse aliam rem ut pretium dari, sed opus esse pecunia signata: alioqui emptionem non esse, sed alium contractum. Atque hæc quidem ita pro Paulo Proculique & Nervæ sententia speciosè disputantur. Cæterum si quod res est, fateri, & liberè philosophari volumus, verior est illa Sabinii & Cassii, qui rebus etiam invicem permutatis ritè venditionem perfici dixerunt, eamque esse antiquissimam emptionis & venditionis speciem, quæ permutatione rerum contraheretur. Nam & in antiquis permutationibus, quantumvis citra nummum fierent, utique venditor ab emptore, pretium à merce distinguebatur: atque hoc tum ex rebus ipsis, quæ dabantur, tum ex animo & proposito contrahentium intelligi poterat. Qui animo rei suæ distrahenda permutabat, erat venditor; qui alienæ habenda, emptor. Æs, ferrum, aurum, argentum rude, pro pretio erant: sed & per boves quoque rerum æstimatio fiebat. Ita apud Homerum vinum, quod è Lemno in castra Achæorum advehebatur, merx erat, qui advehebant, venditores; Achæi autem emptores; pretium, quo vinum sibi comparabant, æs, ferrum, bubulæ pelles, boves, &c. Didymus in Homer. ἀνέχωτο οἶνον, ἀνέχοντο. Laërtes emptor Euryclææ, pretium viginti boves. Idem Poëta arma Glauco & Diomedis pretio æstimans dicit, ἵλαμ ἐκαστὸν ἀνέχον, hunc ἀνέχοντα habuisse. Quod si negamus, permutationem veteribus usitatam venditionis & emptionis nomine appellandam, cur hæc omnia in suis permutationibus distincta nominibus agnoscent, emptorem, venditorem, mercem, pretium, ἀνὴν ἀπέναντον φέρον; An nulla tunc temporis mercatura, nullæ res venales, nulli emptores aut venditores fuerunt? & cur non loco pecuniæ signatæ res alia, puta æris, argenti aut ferri rudis massa, aut quid aliud, quod in ἀντιδώσει detur pretio fungi queat, licet ex nummi usu certius hæc distincta? Est tamen spe-

cies aliqua permutationis veteribus etiam nota, ab emptione & venditione planè diversa, & in qua nullo modo discerni potest, uter emptor, uter venditor sit, utrum pretium, utrum merx; nimirum ubi quis non animo vendendi rem suam cum altero permutat, qui nec ipse rem alienam emptam velit; sed cum ita inciderit, ut huic res alterius, illius alteri placeat, si de commutando invicem convenerint, veluti si arma cum armis, chlamys cum chlamyde, fundus cum fundo fortè commutentur: quod genus permutationibus Græcis propriè ἀμοιβή, Gallis *troq.* Batavis *rupling* appellatur: quibus verbis emptionis & venditionis nomina minime conveniunt. Fusius in hanc sententiam disserit doctissimus Salmastius *lib. de usur. cap. 13.* & tanto judice in hac quæstione viacit schola Cassii & Sabinii.

TEXTUS.

De periculo, & commodo rei venditæ.

3. Cum autem emptio & venditio contracta sit, (quod effici diximus simul atque de pretio convenerit, cum sine scriptura res agitur) periculum rei venditæ statim ad emptorem pertinet, tametsi adhuc ea res emptori tradita non sit. Itaque si homo mortuus sit, vel aliqua parte corporis læsus fuerit, aut ades tota, vel aliqua ex parte, incendio consumpta fuerint, aut fundus vi fluminis totus vel aliqua ex parte ablatus sit, sive etiam inundatione aqua, aut arboribus turbine dejectis, longè minor aut deterior esse cæperit, emptoris damnum est, cui necesse est, licet rem non fuerit nactus, pretium solvere. Quicquid enim sine dolo & culpa venditoris accidit, in eo venditor securus est. Sed & si post emptionem fundo aliquid per alluvionem accesserit, ad emptoris commodum pertinet. Nam & commodum ejus esse debet, cujus periculum est. Quod si fugerit homo, qui venit, aut surreptus fuerit, ita ut neque dolus, neque culpa venditoris inter-

venerit, animadvertendum erit, an custodiam ejus usque ad traditionem venditor suscepit. Sanè enim si suscepit, ad ipsius periculum is casus pertinet: si non suscepit, securus est. Idem & in ceteris animalibus, ceterisque rebus intelligimus. Utique tamen vindicationem rei, & conditionem exhibere debet emptori: quia sanè qui nondum rem emptori tradidit, adhuc ipse dominus est. Idem etiam est de furti, & de damni injuria actione.

NOTÆ.

3. CUM SINE SCRIPTURA] Et purè: nam si sub conditione, non ante emptio perficitur, quam conditio impleta sit: & ideo interim periculum venditorem respicit, l. 7. h. t. l. 8. de per. & comm. rei vend. cui respectu periculi similis venditio vini, olei, &c. pretio in singulis amphoras aut metretas constituto, l. 35. §. 5. h. t.

PERICULUM REI VENDITAE] Id est, certæ speciei. Aliud est, si quis v. c. venderit decem boves in genere: nam genus perire non potest, l. 11. C. si cert. per.

EMPTORI TRADITA NON SIT] Dummodo culpa aut mora venditoris non intercesserit, l. 23. l. 91. §. 3. de verb. obl.

SINE DOLO ET CULPA] Emptio & venditio est contractus, in quo utriusque utilitas versatur. Itaque ex natura horum contractuum venditor non nisi dolum & culpam præstat, l. 5. §. 2. commod.

DAMNI INJURIAE] Ex lege Aquilia, & inf. lib. 4. tit. 3.

COMMENTARIUS.

- 1 Summa juris constituti de periculo & commodum rei vendita.
- 2 Quando emptio perfecta intelligatur: ex quo de periculo & commodum statuendum.
- 3 Periculi nomine plerumque quidem etiam casum fortuitum intelligi, sed non semper.
- 4 Quid si res vendita, qua pondere, numero, mensura constet.
- 5 Quid si vinum, quod veniit, degustatum sit, nondum ad mensum.
- 6 Conventionione naturam contractus immutari posse: & quid si culpa aut mora venditoris intervenierit.

- 7 Auctoritates & rationes, quibus evincitur, rei vendita periculum statim ad emptorem pertinere.
- 8 Occurritur argumentis auctorum contraria sententia, & explicatur l. 33. locat.
- 9 Quid juris apud nos ex constitutione Caroli V. 1529.
- 10 Venditorem levis duntaxat culpa, non etiam levissima nomine teneri, nisi custodiam rei in se suscepit.
- 11 Cur vindicatio rei & cetera actiones hic memorata ante traditionem emptori non competant, sed à venditore ei præstanda.

Introducitur hoc loco quaestio de periculo & commodum rei venditæ & nondum traditæ, ad utrum interim utrumque pertineat, ad venditoremne, an ad emptorem. Quaestio insignis, & quæ separatim propriis tit. in 4. & C. explicari meruit. Summa juris de hac specie constituti hæc est: Placet, simul atque emptio perfecta est, licet res nondum tradita sit, omne commodum, & vicissim omne periculum atque incommodum rei, quod sine facto venditoris contingit, emptorem sequi. Sententia innumeris locis tradita, l. 7. l. 8. de per. & comm. rei vend. l. 1. l. 4. l. pen. & ult. C. eod. l. quod sape. 35. §. si res 4. hoc tit. l. 5. §. ult. de resc. vend. cum similib. & hoc text. Quamobrem necessario sciendum est, quando emptio perfecta censeatur: tunc enim sciemus, cujus periculum aut commodum sit. Et quidem si pura est emptio, & sine scriptura negotium geritur, statim ea perfecta intelligitur, ut de pretio convenit: si in scriptis rem geri placuit, instrumento contractus ritè confecto; tunc enim obligatio constituta est, à qua sine communi consensu recedere non licet; sed hoc solum restat, ut partes fidem contractus impleant, emptor pretium persolvat, venditor rem tradat, ad quod ille actione ex vendito, hic actione ex empto compelli potest, de quo uberius explicatum est in pr. hujus tit. Quod si sub conditione emptio contracta sit, tunc ea perficitur, cum impleta fuerit conditio, l. 7. l. si quis 37. hoc tit. d. l. 8. de peric. & commod. Itaque ubi purè res venit, statim periculum & commodum ad emptorem respicit: ubi sub conditione, cum conditio extiterit: nam si defecerit conditio, nulla est emptio: pendente autem conditione quod damnum aut commodum cōtingit, ad venditorem pertinet; ut tamen si res adhuc extet, licet casu aliquo deterior facta, placeat hoc damnum emptoris esse: distinctio tradita in d. l. 8. de peric. & commod. rei vend. facit, l. 10. eod. l. 5. C. eod. Qui vero periculum dicit, is quidem plerumque etiam casum fortuitum intelligit, l. 4. l. 11. de reb. cred. l. si gratuitam 17. §. 1. 2. pen. de præscr. verb. l. 12. cum 2. h. seqq. de peric. & commod.

mod. l. 1. C. de Commod. l. 9. C. de pign. act. sed non semper. Nam interdum etiam periculo nostro res esse dicitur, in qua culpam præstamus, & maximè levisimam, non etiam casum improvisum, *l. 13. §. 1. de lib. caus. l. qui mercedem. 40. locat. l. non ob eam. 25. pro soc. l. 14. §. qualis 16. de furt. l. 1. §. sepe. 35. depof. l. 3. pr. naut. caus. stab. & passim hæc phrasæ occurrunt, periculum custodia subire; periculo culpa, negligentia subijci, adstringi, illigari, l. un. §. quod si 4. furt. adq. naut. caus. l. tutores. 39. §. tutores 12. & l. seq. de adm. tut. d. l. 1. §. sepe depof.*

In quæstione proposita prior significatio obtinet. In rebus, quæ pondere, pretio, mensura constant, veluti frumento, vino, oleo, argento, modo ea servantur, quæ in cæteris, ita ut simul atque de pretio convenierit, videatur perfecta venditio: modo ut etiam si de pretio convenierit, non tamen aliter videatur perfecta venditio (utique ratione periculi) quam si admensæ, appensæ, adnumeratæ sint. Est vero in his rebus probata hæc distinctio, ut si omne vinum, vel oleum, vel frumentum, vel argentum uno pretio seu aversione venierit, idem juris sit, quod in cæteris rebus, perfectaque emptio intelligatur, statim ut de pretio convenit. Quod si hæc non uno pretio, sed ita venierint, ut in singulas amphoras vini, in singulas metretas olei, in singulos modios frumenti, in singulas libras argenti, certum pretium diceretur, non prius, quantum ad periculum, perfecta videatur venditio, quam res hujusmodi adnumeratæ, admensæ, appensæve sint, quasi venditio sub hac conditione contracta sit: textus elegans in *l. quod sepe. 35. §. in his s. hoc tit. l. 2. C. de per. & comm. rei vend.* Ergo si quod damnum rei venditæ interea contigerit, ad venditorem, non ad emptorem, id pertinebit, quasi imperfecta adhuc emptio, *l. 1. de peric. & commod. d. l. 2. C. eod.*

Quid autem dicimus, si vinum degustatum sit, sed nondum admensum? Non poterit verum esse, quod dici solet, plenissimè videri venisse vinum, cum fuerit degustatum, atque ex eo tempore periculum ad emptorem spectare, *d. l. 1. de peric. & commod.* Id enim tunc rectè dicitur, cum singulatim emptæ sunt certæ vini amphoræ, perfecta quoque venditio est. Cui convenit, quod Paulus ait, aliam causam esse degustandi vini, aliam metiendi: gustum enim ad id tantum proficere, ut improbare liceat; mensuram vero non ut plus vel minus veneat, sed ut appareat, quantum ematur, *l. si in emptione. 34. §. alia causa. s. hoc tit.* Proinde facta etiam degustatione, cum nondum perfecta emptio est, periculum qualitatis, puta æoris, aut mucoris, non minus quam substantiæ, spectabit ad venditorem; quippe ad quem omne damnum pertinet, quod ante perfectam venditionem contingit. Planè, si emptor vina degustaverit, & male probaverit, jam tum fortè acida aut mucida, de se

queri debet, nec eo solo prætextu, quod nondum perfecta sit emptio, ea improbare postea poterit, quæ semel probavit, *l. si vina. 15. de peric. & commod. Sid. Gloss. & DD. in d. l. quod sepe. §. 4. & 5. hoc tit. & ad l. 1. §. 1. C. de peric. & commod. rei vend. Gomez. 2. Var. resolur. cap. 2. num. 32. Afflict. decis. 280. num. 4. & decis. 399. Ant. Capic. decis. Neap. 14. eleganter Anton. Fab. Cod. suo de per. & commod. rei vend. defin. 1. Christin. Vol. 3. decis. 74. Atque ita quidem, ut diximus, res se habet ex natura contractus. Cæterum sciendum est, naturam contractus posse immutari conventionione contrahentium, atque effici, ut & damnum, quod post perfectam emptionem contingit, non ad emptorem, sed ad venditorem pertineat; & quod ante perfectam emptionem contingit, pertineat ad emptorem, *l. 1. l. 10. de per. & comm. rei vend.* quippe contractus ex conventionione legem accipiunt, *l. contractus 23. de reg. jur.* Præterea regulam, secundum quam periculum post perfectam venditionem ad emptorem respicit: non sequimur, si res perierit aut deterior facta sit culpa venditoris; sed aliam communem omnium contractuum, in quibus utriusque utilitas versatur, ut dolum & culpam venditor præstet, *l. 5. §. 2. commod. d. l. 23. de reg. jur.* Pertinet huc species *l. 12. junct. l. 14. in pr. de peric. & commod.* Postremo & mora venditoris regulam mutat, facitque, ut periculo rei venditæ etiam post perfectum contractum venditor subijciatur, *l. 4. l. ult. C. eod. tit.* Sed hic vires recipit regula, si postea iterum offerente venditore emptor moram fecerit in accipiendo, *l. illud 17. d. 11. estque hoc jus commune omnium debitorum, l. 5. de reb. cred. l. si ex legati. 23. l. si servum 91. §. 3. de Verb. obl.**

Periculum rei venditæ ad emptorem statim pertinet Hoc constanter à veteribus traditum est, cum omnibus illis locis, quos superius in hanc sententiam allegavimus, tum etiam pluribus aliis, ut *l. 10. §. 1. l. 11. de per. & commod. l. 2. §. 1. l. 4. §. idem 4. de in diem addit. l. si ea res 31. de act. empt. l. ultim. de cond. ca. dat. l. 15. de jur. dot. l. 11. §. plane 9. & seq. quod si aut clam. l. solutus 39. de solut. efficiturque etiam his rationibus. 1. Quoniam casus fortuiti nullo bonæ fidei judicio præstantur, *l. 6. C. de pign. act.* imo in universum nullo judicio, *l. 23. de reg. jur. 2.* Quia ex natura contractuum, qui utriusque gratia sunt, venditor non nisi dolum & culpam in re venditæ præstat, *l. 5. §. 2. commod. 3.* Quia omnes debitores certæ rei liberantur, si ea res sine culpa eorum perierit, *l. si ex legati. 23. de Verb. obl. l. 5. de reb. cred. 4.* Quia ad quem pertinet commodum, is secundum naturæ regulam & incommodum ferre debet. Atqui illud pertinet ad emptorem, &c. Obijcitur tamen huic sententiæ*

l. 9. de pign. act. ubi Imp. consulti, si res pignori data casu perierit, utrius id detrimentum sit, debitorisne, an creditoris, respondent, pignus perire debitori, addita hac ratione, quia pignus in bonis debitoris maneat, quæ ratio hanc includit sententiam, ut necesse sit rem perire ei, qui rei dominus est. Hoc autem si verum esse fatemur, eadem ratione dicendum videtur, rem venditam & nondum traditam periculo venditoris interemisse, eamque non emptori perire, sed venditori, utpote qui rei dominus maneat usque dum tradita sit, *hoc §. in fin.* Respondeo, male ex *d. l. 9.* generaliter colligitur, rem semper perire suo domino: sed hoc rectè, perire suo domino, si idem dominus sit & creditor in ea re, id est, cui res ex obligatione restitui debet; uti accidit in re deposita, commodata, locata, item in re pignori data. Nam qui pignus dedit, is quidem habita ratione sortis debitor dicitur, sed in reperenda re pignoriata creditor est. In his inquam omnibus rectè dicitur, si res debita casu pereat, eam perire domino; nimirum quia idem est creditor, qui dominus: est autem regula certi & perpetui juris, si res debita sine culpa debitoris perierit, debitorem eo interitu liberari, *l. 5. de reb. cred. l. 23. de verb. obl.* At ex diverso, si idem qui dominus rei est, sit & debitor ejusdem rei, puta ex causa legati, stipulationis aut venditionis, semper adversario res perit, domino nunquam: quod efficitur ex eadem regula, secundum quam creditori res perit, etiam si dominus non sit; debitori non perit, quamvis idem sit dominus, *ad. loc.* Unus locus Africanus in *l. si fundus 33. locat.* turbavit summos viros, Cujacium tract. 81. ad African. Borcholt. Pulitium hic. ut contra tot expressos textus, & manifestam rationem juris, putarint & docuerint, periculum rei venditæ, usque dum tradita sit, ad venditorem pertinere. Ego vero nihil video apud Africanum, quod hanc sententiam juvet. Ait Africanus, *Si fundus venditus sit prius, quam sacuus traderetur, publicatus fuerit, tenetur venditor ex empto, ut pretium restituat.* Igitur in specie illic proposita res propriè non periit, sed venditori ablata adhuc extat. Hoc autem cum evenit tenetur venditor, actiones suas emptori præstare, *l. 14. pr. de furt. & in calce hujus §.* Quod si nullas actiones venditor habeat, aut, ut in casu *d. l. si fundus*, culpa sua inanes, ob hoc ipsum damnandus est, *l. quod sæpe §. 4. hoc tit.* utique ut pretium restituat, *d. l. si fundus.* Rectè autem DD. statuunt, in specie Africanum fundum publicatum debere intelligi ob culpam & delictum venditoris: nam ut forte injuria iudicis id factum sit, tamen contraria præsumptio est, debetque hoc factum potius venditori nocere, adversus quem sententia lata est, quam emptori, *l. si per si. de evict.* Cæterum quoniam culpa hæc non tendit directo ad

impediendam traditionem, placet hæcenus, saltem teneri venditorem, ut pretium restituat, non etiam ut id præstet, si quid pluris emptoris interfit, ut sit, cum res iudicio evicta est, *l. si in venditione 70. l. evicta 70. de evict.* Sed & si fundus usus publici gratia in specie Africani publicatus dicatur, nihilominus tamen æquum est, ut venditor pretium reddat, cum eo casu à fisco iterum tantundem accipiat. Hæc autem dispositio juris civilis circa periculum rei venditæ & necdum traditæ etiam apud nos quidem obtinet in venditione rei mobilis: sed an item rei immobilis venditæ ante traditionem coram magistratu loci ritè factam periculum æque ad emptorem spectet, dubitatur propter constitutionem Caroli Quinti, editam anno 1529. qua constitutione veratur, & pro nulla atque irrita habetur omnis alienatio rei immobilis, quæ facta non est coram iudice loci, ubi res sita, aut si sint bona feudalia, coram paribus Curia, *Grot. 2. introduct. cap. 5. paucis casibus exceptis, vid. Græneq. de ll. abrog. ad tit. 23. lib. 3. Instit.* Agitata fuit hæc quæstio incidenter apud Curiam Hollandiæ. Plerique censuere, Carolum Principem hæc sua constitutione etiam in hoc à jure communi recessisse, quod rei immobilis venditæ periculum interim ad venditorem, non ad emptorem pertinere voluerit: quanquam Senatus nihil definivit, sed propter opinionum varietatem amplius deliberandum censuit, *decis. Cur. Holland. 32. Græneq. d. tract. ad hunc §. memorat, Curiam postea judicasse, nihil juri scripto in eo de quo quæritur, per d. constitutionem Carolinam derogatum videri.*

Commodum ejus esse debet, cujus periculum est. Secundum naturam est, commoda cujusque rei eum sequi, quem sequuntur incommoda, *l. 10. de reg. jur.* Proinde cum omne incommodum rei venditæ, quod post perfectam venditionem contingit, ad emptorem pertineat, iustum & æquum est, ut vicissim ex eo tempore commoda quoque rei omnia emptorem sequantur, *l. 7. de per. & comm. rei vend. l. 1. C. eod.* veluti si quid postea fundo vendito accesserit per alluvionem, *hoc text. & d. l. 7.* item factus pecudum, partus ancillarum, *l. pen. C. de act. empt. l. 8. de evict.* fructus etiam jam maturi, *l. 13. §. si fructibus 10. l. qui pendentes 25. de act. empt. l. fructus C. eod.* mercedes ex operis, aut vecturis: pensiones ex locatione, *d. l. 13. §. item 13. de act. empt. add. Don. ad l. 1. C. de per. & comm. rei vend. Gomez. 2. resol. 2. n. 11. Coar. 1. de resol. & Christin. fol. 3. dec. 79.*

Quod si fugerit homo, &c. Non tantum si res vendita perierit aut deterior facta sit, damnum emptoris est; verum etiam si ex potestate venditoris exierit, ut tradere eam non possit; veluti si fugerit homo aut aliud animal, quod veniit, aut res quælibet surrepta amissæ fuerit. Est vero eadem hic pro-

bata distinctio, quæ in causa rei corruptæ aut peremptæ, videlicet ut si culpa venditoris tale quid evenit, venditoris detrimentum sit; si culpa venditor careat, emptoris, *l. quod sape 35. §. si res 4. h. t. l. si ea res 31. de act. empt. & hoc text.*

10 *An custodiam ejus usque ad traditionem*] In contractibus, in quibus utriusque versatur utilitas, cujus generis est emptio venditio, præstatur dolus & culpa, *l. 5. §. 2. commod. ac proinde etiam custodia & diligentia à venditore exigitur, non utique summa & exactissima, sed media, id est, talis qualem vulgo bonus & frugi paterfamilias rebus suis adhibet: quam si præstiterit, securus esse debet, d. l. quod sape 35. §. 4. hoc tit.* Non obstat *l. 2. in fin. aut l. 3. de peric. & commod.* quia ibi tractatur de rebus, quæ pondere, numero, mensura, constant, venditis; in quibus non semper nudus consensus venditionem perficit, *l. 1. §. 1. d. tit. d. l. quod sape §. 5.* Fusius hoc jam ante explicui. At enim vero speciali conventionione arctius venditor obligari potest, puta, ut præstet etiam summam diligentiam ac custodiam majorem, quam natura contractus desiderat, *l. contractus 23. de reg. jur.* quod tunc etiam agi intelligitur, cum venditor custodiam rei in se suscipit, id est, cum convenit, ut venditor custodiam præstet: alioqui nihil operatur illa conventio, cum, ut jam dictum est, mediocris custodia ex natura contractus etiam citra aliam conventionem præstetur. Itaque custodiam in proposito accipere debemus *quædam ex his quæ sunt* custodiam majorem, quam natura contractus desiderat, *fac. l. qui mercedem 40. locat.*

11 *Si non suscepit, securus est*] Suscepta rei venditæ custodia nihil venditorem excusat, præter casum & vim majorem: non suscepta excusatur, si sine dolo aut culpa ejus servus fugerit, res surrepta aut amissa sit, *d. l. quod sape §. 4. h. t. l. si ea res 31. de act. empt.* intellige hætenus, ut cum eo agi ex empto non possit, ut rem tradat, aut solvat interesse: nam ad alia adhuc tenetur, quæ sine incommodo suo præstare potest, ut mox audiemus.

Utrique tamen vindicationem, &c.] Quamvis venditor, cujus dolo, aut culpa, aut, in casu custodiæ susceptæ, levissima negligentia nihil factum est, re amissa aut surrepta hætenus securus sit, ut conveniri actione ex empto non possit, ut rem tradat aut præstet interesse; nihilominus tamen tenetur, ut actiones, quas habet, emptori cedat, atque in eum transferat, *d. l. quod sape 35. §. 4. hoc tit. l. si ea res 31. de act. empt. l. 14. pr. l. si vendidero 80. de furt. & hoc text.* ubi quatuor hujus generis actiones referuntur, vindicatio rei, coactio, actio furti, & damni injuria.

Vindicacionem & coactionem] Coactionem intellige furtivam, quæ venditori datur, cum res fur-

to ablata est. Neutra harum actionum alii competit, quam domino, ut videbimus *inf. §. 1. de act. & §. ult. de ob. quæ ex del.* & hæc causa est, quod emptori in proposito competere non possunt; quippe qui dominus non est, ut mox sequitur.

A hoc ipse dominus est] Venditor rei venditæ dominium retinet usque ad traditionem, *d. l. 14. pr. de furt. l. si ager. 50. de res vind.* adeoque in universum ita jus est, ut non nudis pactis aut contractibus, sed traditionibus dominia rerum transferantur, *l. 20. C. de pact.* Quinimo etsi res emptori tradita sit, dominium tamen a venditore non recedit, antequam ei satisfactum sit, *l. quo vendidit. 19. hoc tit. §. vendidit. 41. sup. de rer. distr.* ubi hoc à nobis explicatum est.

Idem est de furti & damni injuria actione] Non solum coactio rei venditæ ante traditionem furto oblata venditori competit, sed etiam poenalis actio furti: non quod hæc actio soli domino detur; sed quia rem non emptori, sed venditori surrepta proponimus: alioqui omnibus ea actio datur, quorum interest rem salvam esse, si videlicet his ipsis surrepta sit. Eritur enim hic solus venditor actionem furti habeat, eam quoque mandare emptori debet, *d. l. 14. pr. l. si vend. 80. de furt.* Damni injuria actio lege Aquilia constituta est, qua omne damnum per injuriam datum vindicatur. Hæc actio soli domino regulariter datur, & ideo venditori quoque in proposito competit, & emptori cedenda est. De damno injuria dato agitur *inf. lib. 4. tit. 3.*

TEXTUS.

De emptione conditionali.

4. *Emptio tam sub conditione, quam purè contrahi potest. Sub conditione, veluti, Si Stichus intra certum diem tibi placuerit, erit tibi emptus aureis tot.*

NOTA.

4. *TAM SUB CONDITIONE*] *l. 7. h. t. l. 8. de per. & comm. &c.* Potest & purè sic contrahi ut sub conditione resolvatur, *l. 4. eod. l. 6. C. de resc. vend.* quo etiam pertinent duæ conventiones in hoc genere maximè celebratæ, quarum altera additio in diem, altera lex commissoria dicitur, vid. *tit. de in diem addit. & tit. de leg commiss.*

COMMENTARIUS.

1. *Emptionem contractam sub hac conditione, si res*

res emptori intra certum tempus placuerit, Valere; non Valere indefinite ita contraham, si emptori placebit: & cur tam varie.

- 2 *De retractu consensuali & legitimo remissionis.*
- 3 *In diem additio & lex commissoria quomodo transignantur.*

Contractuum omnium hoc commune est, ut non purè tantum, sed etiam sub conditione iniri possint. At enim vero hujuscemodi conditio, si res intra certum diem placuerit, non temerè in ullo contractu, si venditionem exceperis, occurrit. In venditione autem frequens est: nemo enim facile aliquam rem emit, puta servum, equum, vinum, sine probatione & exploratione qualitatis rei. Igitur cum res ita veniit, ut esset empta tot aureis, si intra decem dies emptori placuerit, in mercem quidem & pretium consensus est; sed obligatio conditione suspenditur: quæ conditio in arbitrium emptoris pro certo tempore confertur, ut si intra tempus definitum res ei placuerit, emptio perfecta & obligatio constituta sit: si minus, nulla videatur obligatio fuisse. Itaque non est contrarium, quod placet hujusmodi emptionem non valere, *Quanti Vales; si placebit*, habebis emptum, l. quod sape. 35. hoc tit. l. 13. C. ead., ita enim totus contractus confertur in meram & liberam, nulloque tempore circumscriptam voluntatem emptoris: quod fieri non potest, ne semper in potestate sit emptoris, utrum obligetur, necne, l. 7. hoc tit. At in casu nostro arbitrium emptoris non est perpetuum, sed conclusum intra certum tempus. Adde quod his formulis, *Quanti Vales; si placebit*, in arbitrio & voluntate emptoris ponitur ipsa substantia contractus, vel quod de substantia est, quod inutiliter fieri constat, d. l. quod sape. 35. §. 1. & d. l. 13. In casu autem hic proposito, ubi de re & pretio jam convenit, non de substantia negotii aut parte aliqua substantiali arbitrium emptori datur, sed de rei in conventionem deductæ qualitate duntaxat, puta bonitate, colore, sapore, aut similibus accidentibus, quæ cum rei probatione, improbatione vel arbitrio contrahentium permitti possunt, Gomez. 1. Var. resol. 2. n. 15. Porro ut sub conditione emptio potest contrahi, ita & purè sic contrahi potest, ut sub conditione resolvatur: cujusmodi conventionum exempla occurrunt sub tit. C. de pact. int. empt. & vend. Hujus generis conventio est, cum ea lege res emitur, ut si intra certum tempus displicuerit, liceat reddere, l. 3. hoc tit. l. 6. C. de resc. vend. l. 4. C. de adil. act. adeoque valet etiam conventio, ut in perpetuum redhibitio fiat; quippe qua conventionem non perfectio contractus à voluntate suspenditur emptoris, sed resolutio, l. quod si nois. 31. §. si quid 22. de adil. edit.

Gomez. d. loc. & num. in fin. Ejusdem generis est & pactum de retrovendendo, ut venditori hæredive ejus quandocunque, vel intra certum tempus pretium referenti res vendita restituatur, l. 2. C. de pact. int. empt. & vend. ibi DD. Estque hoc pactum, seu potius jus eo pacto quæsitum, quod nunc vulgo retractus conventionalis dicitur, nimirum ad differentiam retractus gentilitii seu legitimi, cuius olim vix usus, nunc frequens. De utroque retractu ex professo scripsit vir Jurisconsultissimus D. Andr. Tiraquellus Legitimum nostro idiomate *Næsing* dicitur, quod jus quibus personis, in quas res, quibus in locis apud nos competat, docet D. Grot. 3. introduct. ad jurispr. Bat. c. 16. consule porro *Groenev.* de h. abrog. ad l. 14. C. de contrah. empt. & ibi laudatos. Duæ conventiones ex hoc genere præcipuè celebrantur, propriisque explicantur tit. in p. additio in diem, & lex commissoria. Additio in diem his verbis transigitur, *Ille fundus centum esto tibi emptus, nisi quis intra Calendas Januarias proximas meliorem conditionem fecerit, quo res à domino abeat*, l. 1. & passim de in diem add. Lex commissoria est, cum quid ita venditur, ut si ad diem pretium solutum non fuerit, res sit inempta, l. 2. & pass. de leg. comm. Utroque isto modo purè contrahitur emptio, & resolvitur sub conditione, nisi aliud disortè placuerit, veluti, si in additione id factum est, ut perficeretur emptio, nisi melior conditio offeratur, tunc enim emptio conditionalis est, l. 2. de in diem add. l. 1. & l. 2. de leg. comm. Sed de his opulentiùs, favente Numine, tractatu proprio.

TEXTUS.

De emptione rei, quæ non est in commercio.

5. *Loca sacra, vel religiosa, item publica, (veluti forum, basilicam) frustra quis sciens emit: quæ tamen si pro profanis vel privatis deceptus à venditore quis emerit, habebit actionem ex empto, quod non habere ei liceat, ut consequatur, quod sua interest cum deceptum non esse. Idem juris est, si hominem liberum pro servo emerit.*

COMMENTARIUS.

1. *Quarum rerum venditio rectè fiat, aut secus.*

2. *Quid*

2. *Quid juris, si uterque aut alteruter qualitatē rei ignoraverit.*

Sine re, quæ veneat, emptio intelligi non potest, *l. 8. b. 1.* Res hæc ut plurimum certa est; nonnumquam tamen & incerta; ut cum fructus futuri aut frumenta in herbis emuntur, *d. l. 8. l. fistulas 78. §. ult. eod.* cui non absimilis est quasi alex emptio, veluti cum captus piscium, vel avium, vel ferarum in venatione emitur. In quo genere quod capitur, emptoris commodum est, etiamsi decuplo pluris sit, quam pretium constitutum; si nihil inciderit, emptor constitutum nihilominus præstare cogitur, quia spei emptio est, *d. l. 8. §. 1. hoc tit. l. si factum 12. de act. empt.* Omnium autem rerum, quas quis habere, vel possidere, vel persequi potest, venditio recte fit: quas vero natura, vel gentium jus, vel mores civitatis commercio exemerunt, earum rerum nulla venditio est, *l. si in emptione 34. §. 1. hoc tit.* Ratio perspicua est, quoniam in venditione hoc agitur, ut dominium transferatur, *l. cum manu 80. §. ult. eod.* & utique saltem ad hoc obligatur venditor, ut præstet, rem habere licere, atque ut usucapiendi conditionem in emptorem transferat; quorum nihil in res commercio exemptas cadit. Est autem hic quoque locus omnium contractuum communis: nam quæ commercio exempta sunt, in obligationem non magis recte deducuntur, quam quæ non sunt in rerum natura, nec esse possunt, *§. 2. sup. de inus. stip.*

2. *Frustra quis sciens emit*] Si uterque contrahentium qualitatē rei non ignoret, aut si solus emptor sciat rem, quæ venit, non esse in commercio, emptio plane nulla est, *l. 6. l. si in emptione 34. §. 2. l. liberi 70. hoc tit.* Sed & talis emptio liberi hominis improbatæ est, *cum servus erit*: quamvis enim res futuræ emi possunt; tamen fas non est hujusmodi casus expectari, *d. l. 34. §. 2. & id. sup. d. §. 2. de inus. stip.* Illud quæritur, an si emptor sciverit qualitatē rei, venditor ignoraverit, pretium solutum condici possit? Bartolus in *l. cum lex 46. de fidejuss.* putat, condici posse, *arg. l. 11. §. ult. de act. empt.* quod etiam placet *Comenz. 2. resol. 2. num. 50.* contra *Angel. & Fabian. de monte.* Quid juris sit, si res vendita aut pars ejus sit consumpta, puta domus vel tota ex parte combusta, docet Jurisconsultus in *l. domum 57. per tot. hoc tit.*

Deceptus à venditore, &c.] Si locus sacer, religiosus, publicus, aliæ res, cujus commercium non est, pro profana aut privata ignoranti vendatur, placeat emptionem contrahi, *l. 4. eod.* sive venditor quoque conditionem rei ignoret, sive ille sciat, emptor ignoret solus, *l. liberi 70. eod.* Cæterum explicandum hoc est ex *Modestino in l. qui officii 62. §. 1. eod. & hoc text.* nimirum in proposito non ita tenere emptionem, ut res ipsa debeatur, aut emptor possit agere ex

empto, ut eam habere, tenere liceat, cum res, quæ extra commercium est, haberi, possideri nequeat: sed hæcenus tantum, ut si venditor sciverit qualitatē rei, emptor ignorans possit adversus venditorem ex empto experiri, ut consequatur quod sua interest, deceptum non esse: ut perinde hic ex dolo suo venditor obligetur, ac si rem, quæ in commercio sit, vendidisset, doloque fecisset, quominus eam tradere possit: neque enim actio de dolo hic desideratur, cum sufficiat ex empto; quippe quæ cum res ipsa præstari nequit, emptor in id, quod sua interest, experiri potest, *l. 1. l. 11. §. idem ait 9. de act. empt.* Quod si nec venditor qualitatē rei sciverit, æquum est, hæcenus saltem eum teneri, ut pretium, quod accepit, restituat, *arg. d. l. 11. §. ult. de act. empt. l. si fundus 23. locat.*

TITULUS XXV.

D. lib. 19. t. 2. C. lib. 4. t. 65. & lib. 11. t. 70.

De locatione & conductione.

Continuatio. Quid sit locatio, & in quibus differat ab emptione. Quotuplex sit, tum quæ res aut facta locationem recipiant.

SECONDA species contractuum, qui solo consensu perficiuntur, est locatio-conductio. Habet hic contractus magnam affinitatem cum emptione & venditione; ac pene totus hic titulus consumitur in explicandis utriusque contractus similitudinibus & differentiis. Locatio-conductio est contractus, quo id agitur, ut pro usu alicujus rei aut opera personæ certa merces præstetur. Itaque inter emptionem & locationem hæc differentia est, & quidem principalis, quod in emptione id agitur, ut dominium transferatur, id est, ut res tota cum omni jure ad emptorem transeat; in locatione, ut duntaxat usus rei concedatur conductori. Ex quo porro & altera nascitur, quod emptio titulus perpetuus esse solet, locatio temporalis. Quinimò non dominium modo apud locatorem remanet, *l. non solet 39. hoc tit.* verum etiam possessio; & conductor tantum in possessione esse & rem detinere dicitur, *§. 5. inf. de incert. l. 9. de rei vind. l. 3. §. cæterum 12. l. 9. de acq. poss. & passim alibi.* Unde constitutum est, ut si conductor finito tempore conductionis pertinaciter recuset rem conductam restituere, moras usque ad definitivam sententiam ne sciens, tanquam invasor rei alienæ, condemnetur & ad rem ipsam restituendam, & insuper ad præstandam rei æstimationem,

rem, l. pen. C. hoc tit. quod an praxis horum temporum observet, postea videbimus. Ostendit definitio, duo esse genera locationis: rerum unam, alteram operarum seu factorum. Locari possunt res omnes, quæ in commercio sunt, tam mobiles, quam soli, etiam incorporales, ut ususfructus & habitatio, §. 1. & pen. sup. de usu & habit. servitutis tamen prædii nulla locatio est, l. locare 44. hoc tit. Alienæ quoque rei locationem valere placet, sed hæcenus ut conductori ignorant locator obligetur in id, quod interest, si dominus conductorem frui non patiat, l. 7. l. ex conducto 15. §. pen. eod. Facta non omnia locationem recipiunt, sed ea solum, quæ mercede æstimari possunt & solent: qualia sunt, exempli causa, tabulam pingere, insulam ædificare, alique alio vehere, l. 5. §. 2. de præscr. verb. At verbi causa servum manumittere, tale factum non est, quod mercede æstimetur; & ideo si tibi decem dem, ut servum manumittas, non est locatio, d. l. 5. §. 2. cui accidit, quod contra finem huius contractus nulla ex hoc tuo facto utilitas ad me redit: ac proinde aliud est, si rem tuam pignori pro me obligaveris certa mercede accepta aut promissa, l. rogasti 19. §. 1. de præscr. verb. Opera agrimensoris beneficium reputatur, & quod rependitur, non merces, sed remuneratio & honorariū: & ideo veteres crediderunt, cum tali persona locationem & conductionem non esse, l. 1. si mens. fult. mod. dix. De opera advocati, medici, cæterisque, qui ingenio, eloquio, fide, gratia, operam nobis navant, idem statuentum.

T E X T U S.

Collatio emptionis, & locationis. De mercedis conventionione.

Locatio & conductio proxima est emptioni & venditioni, iisdemque juris regulis consistit. Nam ut emptio & venditio ita contrahitur, si de pretio convenierit: sic & locatio & conductio ita contrahi intelligitur, si merces constituta sit. Et competit locatori quidem locati actio, conductori vero conducti.

C O M M E N T A R I U S.

- 1 Communia emptionis & locationis.
- 2 In locatione operarum diverso respectu eundem & locatorem dici & conductorem.
- 3 Circa locationem agrorum quadam singularia

apud Hollandos constituta: & an dispositio l. pen. C. hoc tit. in praxi hodierna servetur.

Locatio & conductio finitima est emptioni & venditioni, iisdemque fere juris regulis continetur, l. 2. hoc tit. Nam ut sine re, quæ veniat, nulla est emptio, ita sine re aut opera, quæ locetur, nulla intelligitur locatio: ut emptio solo communi consensu de re & pretio interveniente perficitur, ita locatio perfecta habetur, si de usu rei & mercede convenierit. Merces respondet pretio, facultas utendi rei dominio. Quemadmodum pretium rei venditæ certum esse debet, saltem per relationem, ita & merces locationis. Sicut pretium emptionis in pecunia numerata consistit, ita & merces rei aut operæ conductæ. Ut nulla venditio est, quæ donationis causa fit, aut cum dicis gratia res venditur uno nummo, ita nec ulla conductio est, quæ donationis instar inducit, l. si quis 46. hoc tit. Ut illic, ita etiam hic ex bona fide omnia exquiruntur, nec dubitandum est, quin beneficio l. 2. C. de resc. vend. etiam locus fit in locatione & conductione. DD. comm. in d. l. 2. Denique interdum propter similitudinem vix emptio & locatio inter nosci possunt. Quæ omnia certius postea intelligentur.

Si merces constituta sit] Duplex hic indicatur convenientia locationis & conductionis cum emptione & venditione. Prima est, quod conveniunt causa efficiente, id est, quod nuda consentientium voluntate contrahuntur, nec aut literæ, aut rei alicujus præstatio ad constituendam obligationem desideratur, l. 1. hoc tit. Altera, quod ex parte conveniunt in materia: nam ut in emptione pretium constitui oportet, ita in locatione mercedem: inter quæ non alia differentia est, quam quod æstimatio totius rei, quæ fit in emptione, pretium dicitur; æstimatio usus rei, quæ in locatione fit, merces: quæ tamen quoniam nihil aliud est, quam pretium usus, & ipsa sæpe pretium appellatur, l. quod si 28. §. 2. l. ea lege 51. §. 1. l. insulam 58. pr. hoc tit. l. ult. de leg. Rhod. l. 10. in fin. de acq. pess. In locatione rerum immobilium etiam speciale nomen habet, & pensio dicitur, l. ex conducto 15. §. 4. l. sed addes 19. §. 1. §. si quis 6. l. quare 54. hoc tit. Utrum autem ut pretium rei venditæ, ita & merces locationis in pecunia numerata consistere debeat, an in aliis quoque rebus consistere possit, dicam inferius sub §. 2. hoc tit.

Locatori locati actio, conductori conducti] Uti in emptione simul atque de pretio convenit, emptori actio ex empto, venditori ex vendito competit, directæ utrinque, ita in locatione simul atque de mercede pro usu & opera convenit, competit locatori actio locati, conductori conducti, ambæ directæ. In contractu emptionis facile discerni potest, uter emptor,

uter venditor sit. In contractu autem locationis interdum dubites, uter locator, uter conductor dicendus. In locatione rerum res certa est: nam is semper hic locator est & dicitur, qui rem utendam dat; conductor, qui utendam accipit, & mercedem præstat. At in locatione operarum non tam facile id dignosci potest. Interdum enim qui operas præstat, & mercedem accipit, locator dicitur; is cui præstantur operæ, & qui mercedem dat, conductor, *l. sed addes 19. §. pen. l. item si 22 §. 2. l. qui operas 38. hoc tit. l. 1. de æstim. act.* Interdum contra locator is dicitur, cui mercedem danti operæ præstantur; conductor, qui accepta mercede operam præstat, *l. 11. §. pen. l. 13. §. 1. 2. & 3. d. l. sed addes 19. §. si quis 7. d. l. item si 22. §. 2. l. si merces 25. §. pen. & pass. hoc tit.* Sed dicendum est, in hac specie locationis diverso respectu eundem & locatorem & conductorem videri. Nam qui operam locare dicitur, ille idem dicitur conducere opus faciendum: & ex contrario, qui operam dicitur conducere, idem dicitur locare aliquid faciendum; ut conductor operis, idem sit operæ locator; & locator operis, idem operæ conductor: quam distinctionem subministrat *d. l. item si 22. §. 2. hoc tit. & d. l. 1. de æstim. act.* per opus autem intelligo quemvis fructum operæ. v. c. si quis se erudiendum locet magistro aut artifice, vel vehendum aurigæ. Ædium conductor specialiter inquilinus, agri colonus, operis redemptor, vectigalis publicanus vel manceps veteribus dicitur. Apud nos locatio agrorum non procedit sine intervenitu instrumenti aut publici aut privati, nec absque instrumento locationis ulli colonus jus est agro conducto frui. Extat de ea re constitutio Caroli Principis edita anno 1515 confirmata *artic. 30. ordin. polit.* Præterea scribit D. Grotius lib. 3. manu duct. ad Jurisp. Bart. c. 19. instrumento super locatione fundi non confecto, locationem non tantum nullius esse momenti, verum etiam colonum, hæredemve ejus aut conductorem, in jus vocatos, & contra domini voluntatem manentes in detentione & fruitione rei, usque dum lis contestetur, præterquam quod rem ipsam domino restituere, impensas refundere, damnum omne sarcire compelluntur, etiam multari in dimidiam partem pretii rei conductæ, quamvis postea parati sint dominum admittere. Quod si in detentione pertinaciter perseverent usque ad sententiam definitivam, tunc suæ quasi invasionis hanc pœnam pati, ut post restitutionem rei, damniq; re omnis & impensarum refusionem, in totius insuper rei æstimationem damnentur. Quæ quidem omnia etiam *artic. 35. de ordin. polit.* continentur. Sed in desuetudinem jam dudum abiisse, asserit Groeneweg. *de ll. abrog. ad l. pen. Cod. de locat.* Constitutio quoque Caroli hujus pœnæ non meminit, sed jubet in casu proposito conductores

severiter arbitrio judicis puniri aut multari, habita ratione qualitatis personæ & facti. A Zenone sane in genere constitutum est, ut conductores, qui finito tempore conductionis contra domini voluntatem usum rei conductæ retinent, atque in jus vocati rem domino petenti ante sententiam definitivam non restituant, cogantur præter rem ipsam etiam æstimationem rei victori domino tanquam invasores præstare. Cæterum in praxi Galliæ, & supremæ Curie Mechliniensis hoc non observari, conductoremque hoc casu teneri duntaxat ad damna & interesse, notat *Christin. Sol. 3. decis. 109. num. 2. & decis. 118. n. 5. & seqq. & Autumn. ad d. l. pen. C. de locat.* quamvis insuper etiam judicis arbitrio multari possit.

T E X T U S.

De mercede collato in arbitrium alienum.

1. *Et que supra diximus, si alieno arbitrio pretium permissum fuerit, eadem & de locatione & conductione dicta esse intelligimus, si alieno arbitrio merces permissa fuerit. Qua de causa si fulloni polienda curandave, aut sarcinatori sarcienda vestimenta quis dederit, nulla statim mercede constituta, sed postea tantum daturus, quantum inter eos convenerit, non proprie locatio & conductio contrahi intelligitur; sed eo nomine actio præscriptis verbis datur.*

N O T A.

FULLONI POLIENDA] Gloss. vett. *ἀλλυμνός, κιαπτία*. Officium fullonis est polire, curare, lavare, *l. 31. b. t. l. 48. §. 7. l. 82. de furt. l. 2. de cond. sin. ca. Plin. 25. c. 17.*

NON PROPRIE LOCATIO] Sed novum negotium à locatione separatum, proprium nomen non habens: & ideo hic recurrendum ad actionem præscriptis verbis, *l. 1. l. 2. & 3. junct. l. 22. de præscr. verb.*

C O M M E N T A R I U S.

1 Actio præscriptis verbis unde dicta.

[Alieno arbitrio pretium] Emptio & locatio in hoc quoque conveniunt, quod uti in illa pretium, ita

ita in hac merces in arbitrium certæ personæ, puta L. Titii, conferri potest: hoc scilicet effectu, ut siquidem Titius mercedem definiverit, contractus ratus habeatur; sin minus, nullius momenti sit, *l. si merces 25. pr. hoc tit. l. ult. C. de contr. empt.* Huc accommodanda sunt, quæ notamus sub §. i. *præc. tit.*

Nulla statim mercede constituta] Quemadmodum ad contrahendam emptionem opus est, ut pretium statim seu initio contractus constituatur, & quidem certum saltem per relationem; ita quoque ad contrahendam locationem necesse est, ut protinus constituatur certa merces: mercede initio non constituta, quasi deficiente parte hujus contractus essentiali, in aliud negotium res incidit. Et siquidem gratis usus rei concedatur, commodatum est: si gratis suscipiatur opera, mandati obligatio: si neutrum gratis fiat, sed ea mercede, quæ postea constituitur, contractus innominatus, *Factio, ut des.* Et ideo præscriptis verbis agendum est, *l. si tibi 22. de præscr. verb. §. 2. in fin. sup. quib. mod. re contr. obl. §. ult. inf. de mandat.*

Actio præscriptis verbis] Ad quam confugere necesse est, quoties deficiunt vulgaria atque usitata actionum nomina, aut contractus existunt, quorum nulla certa appellatio jure civili prodita, *l. 1. & 3. seqq. de præscr. verb.* Dicta est actio præscriptis, ut multis doctis viris placere video, ex eo, quod præscriptis verbis rem gestam demonstret, & eadem demonstratione vice nominis, quo caret, utatur. Quod & verissimum esse intelligi potest ex scripto Alexandri, quod est in *l. 6. C. de transact.* ubi Jurisconsultissimus Imperator hac ipsa circumlocatione actionem hanc describit: *Aut enim*, inquit, *stipulatio conventioni subjecta est, & ex stipulatu actio competit: aut si omissa verborum obligatio est, utilis actio, quæ præscriptis verbis rem gestam demonstrat, danda est.* Ob eandem quoque causam hæc actio dicitur in factum, *l. 1. & pass. de præscr. verb.* Et interdum plena oratione actio præscriptis verbis in factum, *l. Titius 24. d. 111.* Alia Francisci Hotomanni conjectura est.

T E X T U S.

In quibus rebus merces consistat.

2. Præterea, sicut vulgo querebatur, an permutatis rebus emptio & venditio contraheretur, ita queri solebat de locatione & conductione, si forte rem aliquam utendam sive fruendam tibi aliquis dederit, & invicem à te utendam sive fru-

dam aliam rem acceperit. Et placuit, non esse locationem & conductionem, sed proprium genus contractus. Veluti si cum unum bovem quis haberet, & vicinus ejus item unum, placuerit inter eos, ut per deos dies invicem boves commodarent, ut opus facerent, & apud alterum alterius bos perierit; neque locati, neque conducti, neque commodati competit actio: quia non fuit commodatum gratuitum, verum præscriptis verbis agendum est.

N O T Æ.

PLACUERIT INTER EOS] Et unus à sua parte conventionem impleverit, id est, bovem suum per deos dies commodaverit: nam si conventio placiti tantum sine stetit, nudum pactum est, ex quo jure nostro actio non datur, *l. 7. §. 2. & 4. de pact. l. 27. C. de locat. l. 3. C. de rer. perm.*

PRÆSCRIPTIS VERBIS AGENDUM] *d. l. 17. §. 3. de præscr. verb.* Ex quatuor autem generibus contractum innominatorum, quæ recenset Paul. *l. 5. d. r. Do, ut des; Do, ut facias; facio, ut des; facio, ut facias*, ad postremum videtur species proposita pertinere.

C O M M E N T A R I U S.

- 1 Non magis pretium seu mercedem locationis, quam pretium emptionis, in alia re consistere, quam in pecunia numerata.
- 2 Ad l. si olei 21. C. hoc tit.

E Tiam hic locus pertinet ad ostendendam affinitatem, quæ locationi cum emptione intercedit. Querebatur olim, an rerum permutatione emptio & venditio contraheretur; & pari de causa an mutuo rerum usu ad tempus concessio contraheretur locatio & conductio. Placuit autem, nec illic emptionem esse; quia pretium non intervenit: nec hic esse conductionem; quia non intercedit merces, *l. si congenerit 27. comm. disid. l. si gratuitam 17. §. 3. de præscr. verb.* Atque omnimodo credibile est, ob eandem rationem, ob quam illic negatur intervenire pretium, negari hic intercedere mercedem; nimirum quia nec pretium emptionis, nec merces locationis in alia re consistere potest, quam in pecunia numerata. Id quod efficere mihi videtur pretii & mercedis similitudo atque eadem plane utriusque ratio. U-

trumque enim æstimatio est, alterum rei totius, alterum temporanei usus: quæ tamen æstimatio & ipsa revera nihil aliud est, quam pretium, eoque nomine etiam frequenter à nostris appellatur, ut superius demonstravimus. Jam vero constat, res omnes æstimari pecunia; extra pecuniam rem unam æstimationem aut pretium alterius non esse, ac ne fungibilem quidem: ac proinde cum in utroque contractu aliquid æstimandum veniat, in emptione res ipsa, in locatione usus rei, ratio exigere videtur, ut non minus in hac, quam in illa, pretium nummarium intervenire oporteat: quod etiam multis auctoritatibus confirmari potest. Ulpianus in *l. si congeneris 23. comm. disq.* scribit, si inter socios convenit, ut alternis annis fructum perciperent, locationem non esse, propterea quod nulla merces intercesserit. Idem in *l. 1. si quis 2. de pos.* negat, locationem esse, ubi pecunia non datur. In *l. 5. §. 2. de præscript. verb.* emptio & locatio in eo convenire dicuntur, quod in utroque contractu pecunia intervenit. Facit huc *l. si merces 25. §. 1. de furr.* Quibus locis colonus partitarius opponitur colono vero, qui ad pecuniam numeratam conduxit. Postremo huc faciunt loci, in quibus simpliciter pecuniæ, nummorum, pretii mentio fit. Ut in *l. quod si 28. §. 2. l. si quis 46. l. si decem 52. l. insulam. 58. & pass. hoc tit. l. 1. in fin. mand.* Neque hic excipere quis potest, omnibus istis locis appellatione pecuniæ res quasvis, aut certe fungibiles etiam significari: nam pecuniæ verbum indubio numeratam & signatam pecuniam designat, *l. 7. §. 3. de senat. Maced.* Et cum rebus aliis opponitur, semper pro nummis accipitur: apparetque ex universa disputatione Jurisconsultorum, ideo eos mercedem pecuniariam in locatione exigere, ut habeat hic contractus propriam & distinctam à contractibus innominatis naturam. Unus maxime locus est, qui Corasium *libr. 2. misc. 11. Pinell. ad l. 2. C. de resc. vend. part. 2. rubr. cap. 3. num. 29.* aliosque recentiores movit, ut putarent, mercedem locationis in quavis re consumptibili consistere posse, videlicet *l. si olei. 21. C. hoc tit.* Sed dupliciter responderi potest; primum, cum Saliceto proponi in *d. l. 21. casum*, quo fundus nascatus est certa quantitate fructuum in eo fundo nascentium, olivetum scilicet certa ponderatione olei. Et si autem tale negotium à natura locationis, quæ pecuniam numeratam desiderat, non nihil recedit; tamen ex æquitate & communi contrahentium usu receptum videri, ut si res fructum ferens pro certa quantitate fructuum, quos ea res producit, tanquam mercede, utenda data sit, hujusmodi contractus pro locatione & conductione habeatur: & sunt hoc genus coloni non ab similes colonis partitarius, excepto eo quod coloni partitarii incertam quan-

titatem, puta tertiam aut quartam partem fructuum solvunt, & quasi societatis jus cum domino fundi habent, *l. si merces 25. §. 1. de furr. major. hoc tit.* Deinde responderi potest, vice pecuniæ seu mercedis aut pretii in pecunia constituti fructus vel aliam quantitatem ex pacto præstari posse salvo contractu, *l. 2. C. de resc. vend. l. sed addes 19. §. 3. l. & hac 35. in fin. hoc tit.* Atque ad ejusmodi casum *d. l. si olei.* pertinere. Et si enim fundus ibi proponitur locatus certa ponderatione olei, ex eo tamen non efficitur, necessario mercedem initio non fuisse constitutam in pecunia numeratam. Quippe non est novum, ut, quod postremum placuit, solum exprimatur, quasi quod maxime spectatum fuit. Idem responsum est *ad l. 8. & ad l. exceptio 18. C. eod.* Itasentiunt *Glossa. Bart. & comm. D.D. in d. l. 5. §. 2. de præscr. verb. & d. l. si olei, C. hoc tit. Gomez. 2. resol. 3. n. 3. Euchin. 1. controver. 82. Christin. sol. 3. decis. 109. n. 12.* ubi etiam arresto supremæ Curie Mechlin. hanc sententiam confirmatam refert, D. Tuldenus *comm. hic c. 4. cum D. Bussio ad l. 2. hoc tit.* distinguit inter locationem operarum & rerum, quasi illic merces in pecunia tantum, hic etiam in alia re constitui possit; quod etiam ante eos tentavit *Greg. Lopez. 1. ansma d. vers. 15.* distinguens inter locationem fruendi & faciendi. Sed hæc distinctio duplici vitio laborat 1. quod juxta eam etiam pro mercede domus locatæ res fungibilis solvi possit. 2. quod pro mercede fundi locati, etiam alterius generis fructus. Et cur igitur non item pro locatis operis aliud, quam pecunia?

Sed proprium genus contractus.] Si conveniret tantum, ut res ultro citroque utendæ darentur, nudum hoc pactum est, simile pacto permutationis: ex cujusmodi pactis nemini jure civili actio datur. Sed ubi causa subesse coepit, id est, ubi unus à sua parte conventionem implevit, *quod maxime* esse incipit seu contractus, & alter efficaciter obligatur, *l. juris gentium 7. §. 2. & §. 4. de pact. l. 3. C. de rer. permut.* quemadmodum in proposito si unus bovem suum per denos dies secundum conventionem ad opus faciendum concesserit. Accedit hic contractus prope ad locationem & commodatum propter usum rei, qui in his omnibus conceditur: sed tamen neque locatio est, quia merces non intervenit; neque commodatum, quia placuit, mutuum usum præstari: commodatum autem debet esse gratuitum, *§. 2. in fin. sup. quib. mod. re contr. oblig.* verum est species contractus innominati, ex quo civilis incerti actio, id est, præscriptis verbis competit, *l. si gratuitam 17. §. 3. de præscr. verb.* Ex quatuor autem generibus contractuum innominatorum, quæ recenset Paulus *l. 5. d. tit. Do, ut des; Do, ut facias; Facio, ut des; Facio, ut facias*, ad postremum videtur species proposita pertinere.

TEXTUS.

De Emphyteusi.

3. Adeo autem aliquam familiaritatem inter se videntur habere emptio & venditio, item locatio & conductio, ut in quibusdam causis queri soleat, utrum emptio & venditio contrahatur, an locatio & conductio: ut ecce de prædiis, quæ perpetuo quibusdam fruenda traduntur, id est, ut quamdiu pensio sive redditus pro his domino præstetur, neque ipsi conductori, neque heredi ejus, cuius conductor heresve ejus id prædium vendiderit, aut donaverit, aut dotis nomine dederit, aliode quocunque modo alienaverit, auferre liceat. Sed talis contractus, quia inter veteres dubitabatur, & à quibusdam locatio, à quibusdam venditio existimabatur, ex Zenoniana lata est, quæ emphyteuscos contractus propriam statuit naturam, neque ad locationem, neque ad venditionem inclinantem, sed suis pactionibus fulciendam: & si quidem aliquid pactum fuerit, hoc ita obtinere, ac si naturalis esset contractus: sin autem nihil de periculo rei fuerit pactum, tunc si quidem totius rei interitus accesserit, ad dominum super hoc redundare periculum: sin autem particularis, ad emphyteuticarium hujusmodi datum venire; quo jure utimur.

NOTÆ.

PERPETUO FRUENDA] Jus emphyteuticum natura sua perpetuum est, l. i. C. de off. com. sac. pal. l. i. & C. de loc. præd. c. 1. lib. II. ex conventionem tamen temporarium esse potest, l. ult. si ag. & c. modo ne ad modicum tempus constituitur, arg. l. i. §. de superfic.

ID PRÆDIUM VENDIDERIT] Caterum cum vendere cupit, domino prius offerre debet emendi prærogativam iuxta dispositionem l. 3. Cod. de jur.

emphyt. alioqui jure suo cadit. In donatione autem idem postulari non nisi inique potest. Plane inductio & honorarium (quod barbare laudemium) in omni alienatione necessaria, d. l. 3. circa fin.

LEX ZENONIANA] Originem autem à Zenone non trahit. vid. Hotom.

SICUTIDEM ALIQUID PACTUM] Pactiones in emphyteusi servandæ tam quæ sunt circa ipsam emphyteusim, quam quæ circa personam emphyteutæ, ejusque rejectionem, l. 2. Cod. eod. Si nihil aliud nominatim cautum, tum si emphyteuta triennium integrum pensionem solvere cessarit, jus suum ei adimi potest, d. l. 2. In Emphyteusi Ecclesiastica cessatione biennii jus amittitur, auth. qui rem C. de SS. Eccles.

COMMENTARIUS.

- 1 Contractus emphyteuticus quid, & cur dubitatum olim, pro emptione venditione, an pro locatione conductione habendus esset.
- 2 Origo hujus contractus & progressus, unde nomen emphyteuscos, & utrum etiam in adibus consistat.
- 3 Jus emphyteuticum ex tempore estimari, sed ex eo quod actum est.
- 4 Falli, qui in contractu emphyteutico solo consensu jus prædii transferri putant.
- 5 Præstationem canonis partem esse hujus contractus essentialem: & quando tempore emphyteuta, non solum canonem, jure suo cadat: aliaque in foro agitata.
- 6 Qua conditione emphyteuta jus suum vendere, aut aliter alienare possit. Et quid hic juris apud Batavos.
- 7 Contractum emphyteuticum esse vetustissimum, & quid à Zenone acceperit.
- 8 An ad substantiam hujus contractus scriptura necessaria.
- 9 Contractus censualis & emphyteuticus quomodo differant.
- 10 An emphyteuta similiter remissio canonis, ne conductori mercedis, in casu insolita sterilitatis præstanda.

Sunt quædam negotia, de quibus dubitatum fuit utrum pro emptione venditione, an pro locatione conductione habenda sint. Cujus generis duo Justinianus profert. Unum hoc §. alterum §. seq. Quod hoc §. proponitur, est contractus emphyteuticus, & tale: Dominus prædium suum alicui habendum & fruendum in perpetuum tradidit, certa pensione in singulos annos constituta, ea lege, ut quamdiu pensio domino solvetur, tamdiu neque ipsi colonos, neque iis, qui in

locum ejus successerunt, prædium auferri possit. Dixeris, hic esse venditionem, si spectes id quod agitur de re transferenda: hoc enim agitur, ut plenissimum jus utendi, & veluti dominium quoddam, in perpetuum transeat, quod & in heredem, & in alium quemvis liceat transferre: unde etiam ei cui hoc jus constitutum est, utilis in rem actio contra quemcunque possessorem competit, *l. 1. §. 1. si ag. sect.* Rursum dixeris, esse locationem, quia verum & directum dominium penes concedentem manet: item si spectes pensionem annuam: talis enim constituitur pro usu rei in locatione, cum in venditione unum pretium statuatur semel solvendum. Sed Zeno hanc disputationem fultulit, voluitque, hujusmodi conventionem propriam esse speciem contractus ac emptione & locatione distinctam.

- 2 *De prædiis, quæ trañuntur perpetuo fruenda*] Contractus emphyteuticus originem traxisse videtur ab incultis & sterilibus agris, qui quod colonum non reperirent, propter sumptus, quos in illorum cultura atque institutione, seu, ut nunc loquuntur, melioratione, fieri necesse erat, in perpetuum, aut certe ad longissimum tempus locari cœperunt, ut agri illi colerentur, & consecrarentur, idque modica pensione, quæ veri domini memoriam conservaret: quanquam postea etiam agri cultissimi & fertilissimi eadem conditione locari cœperint. Hi agri emphyteutici appellati sunt, & jus, quod coloni habent, jus emphyteuticum, atque uno nomine emphyteusis, à verbo Græco *ἐμψύχω*, quod Latinis est, *insero, implanto*. Dicuntur & agri vestigiales, à vestigali, id est, pensione seu canone, qui à possessoribus solvitur. Nam vestigal quemlibet redditum significat. Cicero in *paradox.* *Ex tenuis meo Vestigali aliquid etiam recun at.* Cæterum usu veterum fere soli agri publici ista conditione locati vestigiales appellantur, *l. 1. si ager. sect. 1.* Quasi situm est, an in ædibus quoque emphyteusis consistere possit. Nonnulli negant, quoniam lex institutionis, quæ est de originaria essentia hujus contractus in ædibus locum non habet. Sed verius est, etiam in ædibus tale jus constitui posse, *auth. si quas ruinas. Cod. de SS. Eccles. l. 15. §. si de Vestigialibus 26. de damn. infect.* Ait; *perpetuo fruenda*. Hinc jus emphyteuticum jus perpetuum appellatur, *l. 1. C. de offic. com. fac. palat. & emphyteutæ perpetuarii conductores, l. 1. §. 3. Cod. de locat. prad. civil. lib. 11.* quanquam hoc jus etiam ad tempus constitui potest, dum ne id modicum sit, *l. ult. si ag. sect. l. 1. §. 3. de superfic.* Cæterum ut emphyteusis constituta censeatur, id non æstimandum est ex tempore, sed ex ipsa conventionione, & ex eo, quod actum est. *Wesemb. par. hic. num. 8. D. Bronch. 2. assert. 67.* Nam locatio quantivis temporis non est modus transferendi dominii, *l. non solet 39. hoc*

111. D. Joan. à Sande lib. 3. tit. 6. defin. 10. circa fin. Sane non est assentiendum Cujacio, qui putat, locationes omnes, quæ lustrum egrediuntur, constituere jus emphyteuticium. Absurdum enim est, ei, qui ad sex septem annos conduxit, tribuere jus agendi in rem, & interdictio uti possidetis jus alienandi, servitutem imponendi, novum opus nuntiandi: quæ omnia emphyteutis concessa esse constat. Ait, *quæ traduntur*. Recte interpretes statuunt, ante traditionem prædii jus reale seu utile dominium in emphyteutam non transire, proinde nec actionem in rem ei antea competere, sed in personam tantum. Etenim conventionum & contractuum non hæc natura & vis est, ut rem aliquam aut jus aliquod immediate nostrum faciant, sed ut alium nobis ad aliquid dandum aut præstandum obstringant duntaxat, *l. 3. de obi. & act. junct. l. 1. traditionibus 20. Cod. de pact.* adeoque perspicue falluntur, qui existimant, peculiare esse in hoc contractu, ut solo consensu jus prædii transferatur, & in rem actionem colonus acquirat. Zeno quidem contractum emphyteuticum separavit ab emptione & locatione, & per se firmum esse voluit; sed non constituit, ut contra communem contractum & obligationum naturam ex eo dominium citra traditionem transiret.

5 *Quamdiu pensio præstetur*] Præstatio pensionis seu canonis pars est essentialis contractus emphyteutici, & argumentum reservati dominii, *l. 1. tit. in* cujus rei fidem etiam solvitur. Quamdiu autem canon suo tempore solvitur, non licet domino expulso emphyteuta agrum auferre. Quodsi emphyteuta per triennium canonemolvere cessaverit, tum is ju e suo volente domino cadit, nisi quid secus privata pactio suadeat, *l. 2. Cod. de jur. emphyt.* In emphyteusi Ecclesiastica cessatione biennii jus amittitur, *auth. qui rem. Cod. de SS. Eccles.* Enimvero si dominus post cessationem tanti temporis canonem elapsum sine protestatione receperit, renuntiassè caducitati videtur, per *l. pen. de leg. commiss. Guid. Pap. quest. 171. Clar. §. emphyteusis, quest. 10. Ant. Fab. Cod. suo hoc tit. defin. 16. Perez. in Cod. hoc tit. in fin. D. Gros. 2. introduct. 40.* Quinetiam etsi cum protestatione acceperit canonem futuri temporis, aut elapsum post tempus, quo res in commissum cecidit, nihil tamen hoc dominum juvat. *Clar. d. quest. 10. Fachin. 1. contr. 99. Christin. Sol. 3. decis. 122. num. 9.* Sed & celeri satisfactione ex æquitate juris Canonici etiam in emphyteusi civili moram purgati posse, arg. *cap. ult. x. de locat.* censet idem *Clar. d. §.* eoque jure nos quoque uti scribit *Gros. d. loc. & ita judicatum refert Coren. obs. 22.* quamvis communis sententia sit, emphyteutam privati moram purgare non posse. *Clar. d. loc. Scharhard. ad l. 2. n. 20. C. hoc* *111. Fachin. 1. contr. 98.* secundum quam judicatum refert

refert *Afflic. decis. 174. ad Christin. Col. 1. decis. 157.* Quæritur autem, an dominus emphyteutam propter Canonem triennio non solum propria auctoritate expellere possit. Quod omnino negandum est, per *l. non est singulis 176. de reg. jur. l. 7. C. unde vi. Sid. Clar. d. §. 9. 11. Sichard. d. loc. n. 16. Fachin. d. lib. 1. contr. 95.* loci, qui de expulsiōe loquuntur, intelligendi de expulsiōe legitima, quæ sit auctoritate iudicis. *Grot. lib. 2. intr. c. 40. Coren. obs. 5. Mornac. ad l. 2. C. de jur. emphyteut.*

- 6 *Vendiderit, aut donaverit*] Emphyteuta non solum possidendi & fruendi jus habet, sed etiam alienandi potestatem. Et vendendi quidem etiam cui velit: cæterum oblata prius domino eandem prærogativa; & alioqui jure suo cadit. Placet autem, dominum extraneo emptori præferri, dum intra duos menses à facta denuntiatione tantundem offerat, *l. 3. Vers. sed ne hac. C. hoc tit. de jur. emphyt.* Donandi vero vel cum alio permutandi etiam domino irrequisito. Utique tamen tenetur domino significare, donare se aut permutare velle, quo dominus novum emphyteutam accepto laudimio, quæ pars est quinquagesima pretii fundi, in possessionem admittat. Juxta *d. l. 3. in fin. & ibi Jas. col. 14. & seq. Sichard. n. 19. & seq.* Proxius hæc executio *lib. 2. select. quest. cap. 2.* Apud nos extra specialem conventionem, aut contrariam consuetudinem, passim usu servatur, ut emphyteuta jus suum etiam vendere irrequisito domino possit, *decis. Cur. Holland. 59.* sed habet dominus jus ~~emphyteutæ~~ seu retractus, eoque uti potest intra annum, ex quo scire cœperit, prædium esse alienatum. *Grot. 2. introduct. 40.* ubi etiam refert, quibusdam in locis observari, ut alienato jure aut per successionem transeunte, canon pro eo tempore duplicatus vice laudimii solvatur.

- Lex Zenoniana lata est*] Zeno *l. 1. C. hoc tit.* constituit, ut jus emphyteuticarium neque conductionis, neq; alienationis titulis adjiceretur, sed tertium hoc jus esset, ab utriusq; memoratorum contractuum societate separatum; & utq; conceptionem ac definitionem haberet propriam, justusq; esset ac validus contractus, ex quo in posterum actione propria emphyteuticaria, non ex empto aut conducto, amplius ageretur. Unde interpretes nostri inferunt, contractum emphyteuticum esse creaturam Zenonis; ac proinde non juri gentium, sed civili Romanorum attribuendum esse. Quod probare non possum. Etenim non ordine temporum, sed ratione hæc distinguui oportet. Quicquid enim ejusmodi est, ut ab aliquo excogitatum & institutum moveat omnium opinionem de se, quasi ad usum vitæ communis conducent, id juri gentium adscribi debet, vid. *sup. de jur. nat. gent.* ubi demonstramus, non omnia eodem modo & gradu ad jus gentium referri. In hoc

autem genere sunt etiam locationes perpetuæ; quippe quas non minus, quam temporales, omnes gentes sibi communes fecerunt. Emphyteusis vero nihil aliud est, quam in perpetuum vel bene longum tempus facta locatio. Sed nec illud verum est, contractum emphyteuticum esse creaturam Zenonis, ac ne illud quidem omnino, à Romanis originem habere. Sibylla Cumana antiquior est, per eam, quæ legimus apud Mosen *Genes. 47. Vers. 24. & seqq. Joseph. 2. antiq. Judaic. 4. Aristot. 2. Oeconom.* Zenonis autem lege nihil aliud effectum est, quam ut hic contractus, cum antea dubitaretur, emptione an locationi aggregandus esset, separatam ab utraque illa conventionem haberet naturam: Itaq; non novam contractus speciem Zeno fecit; sed eam, quæ sub emptione & locatione continebatur, quasi grana ex spicis excutiens, detexit, ut disputat *Coras. 1. misf. 21. num. 4.* Planè, si vera est communis DD. opinio, ex lege Zenonis ad constitutionem & substantiam contractus emphyteutici necessariam esse scripturam, (quæ opinio probari videtur verbis legis, *scriptura interveniente*) juri civili hic contractus adscribi potest; non utique mero, sed mixto, *arg. l. 6. de justit. & jur.* Sed multi tamen censent cum Glossa, non prohiberi fieri sine scriptis, licet dicatur fieri in scriptis. Et nimirum, Zenonem non ideo scripturæ mentionem facere, eamve requirere, quod sine ea nolit contractum subsistere: sed quia ad probationem rei gestæ in hoc contractu necessaria est; cujus alioqui fides decursu temporis, ad quod extenditur, vacillare potest, mortuis iis, qui testes adfuerant, *Consan. 7. comm. 12. Perez. C. hoc tit. v. 2.* Addunt alii, perpetuum non esse, quod duo ablativi absolute positi conditionem continent, seu, ut vulgo loquuntur, causam importent finalem, *§. 1. sup. de testam. mil. l. 24. eod.* Denique esse hunc contractum bonæ fidei, ad cujusmodi contractuum substantiam scripturam desiderari non sit credibile. Sed & usus communem opinionem reprobat, testibus *Bart. & Angel. in d. l. 1. hoc tit. Paris. lib. 3. conf. 177. num. 16. & seqq. Socin. conf. 169. num. 12. Roland. à Val. caus. 87. num. 1.* & nominatim de moribus nostris testatur *Grot. 2. introduct. 40.* Clarus tamen *d. §. emphyteusis, quest. 4.* negat, consuetudinem istam esse generalem, ac proinde melius ac tutius fore, ut in praxi adhæreamus opinioni communi; utique iis in locis, ubi contrarium consuetudine receptum non est: quod & supremam Curiam Mechliniensem aliquando censuisse refert *D. Christin. Col. 3. decis. 119. n. 5.*

Neque ad locationem neque ad conditionem inclinantem] Horum verborum non hic sensus est, post constitutionem Zenonis contractum emphyteuticum cum emptione & locatione nihil commune habe-

habere cepisse: sed cepisse esse specialem contractum, peculiarem & distinctam habentem naturam ab emptione & locatione; cum quibus antea confusus erat; atque ex hoc contractu nunc propriam competere actionem, non ut antea ex empto aut locato. Neque enim efficere Zenonem voluisse credendum est, quod efficere non potuit, ne scilicet contractus hic similitudinem quandam cum illis duobus retineret, & hactenus ad utrumque inclinaret. Simillimus, ut obiter hoc dicam, contractui emphyteutico est contractus censualis. Sed hoc interest, quod etiam verum & directum dominium in censuarium transferatur, cum illud in constitutione emphyteusios apud constituentem maneat. Itaque censum solvimus non ut emphyteuta, in recognitionem dominii de re aliena, sed de re nostra: & ideo qui censum recipit, jus caducitatis ob cessionem non habet. *Jo. Fab. ad hunc §. circa fin. Jaf. in l. 1. C. de jur. emph. n. 29. D. praef. in loc. ab emphyteusi ad cens. Clar. §. emphyteusis, q. 1. n. 1. Grot. 2. introduct. 46. Baro comm. hic. part. alt.*

Ac si naturalis esset contractus] Id est, haud secus, ac quilibet alius contractus propriam ac distinctam naturam habeas: ut enim ceteri contractus ex conventionione legem accipiunt: *l. 23. de reg. jur.* ita & contractus emphyteuticus suis passionibus fulciri potest, ut hic loquitur Justinianus; non tantum circa praestationem periculi; sed etiam circa durationem & caducitatem, id est, intra quod tempus emphyteuta canonem non solvens jus suum amittere debeat, *l. 2. C. de jur. emphyt.* Cujacius, Ferretus & Hotom. legunt, *ac si natura talis esset contractus*: quomodo & Theophilus legisse ex paraphrasi apparet: & recte sane, *ἡ γὰρ ἐν ἀρχῇ συμφωνήσασα φάνη διδόναι τῷ ἐνοικητῇ. Theod. Hermop. in l. 23. de reg. jur.*

Siquidem totius rei interitus] Nisi quid aliud nominatim cautum sit, rei totius interitus ad dominum pertinet, partis vero rei ad emphyteutam, qui hoc casu nihilominus integram pensionem praestare tenetur, *l. 1. C. eod.* Quapropter nec ob sterilitatem remissionem pensionis petere poterit. Neque est contrarium, quod eo casu in locatione pensio remittenda est, *l. ex condicto. 15. §. 2. & seq. locat.* Nam in locatione merces pro modo & quantitate fructuum, qui ex fundo percipi solent, constituitur: in emphyteusi autem canon non pro fructibus, sed in recognitionem dominii praestatur. Planè si etiam pensio emphyteutae imposita tanta sit, ut proportionem fructibus respondeat, puto, ei succurrendum esse, & tam ob sterilitatem pensionem remittendam, quam ob interitum partis rei minuendam arbitrio boni viri, quasi quaedam potius locatio, iusta mercede facta sit, quam initus contractus emphyteuticus. Nec movere nos debet, quod verba contractus non sonent locationem.

Semper enim in omnibus contractibus sequimur id, quod actum est: nec tam nomen conventionis inspicendum, quam natura & conditio negotii, quod geritur. *Clar. §. emphyteusis, q. 8. n. 7. & seq. Gail. 2. obs. 23. Ant. Fab. C. suo de jur. emphyt. defin. 36. Diss. Fachin. 1. contr. 89. D. Tulden. in Cod. de jur. emphyt. n. 4.*

TEXTUS.

De forma alicui facienda ab artifice.

4. *Item queritur, si cum aurifice Titius convenerit, ut is ex auro suo certi ponderis certaue forma annulos ei faceret, & acciperet, verbi gratia, decem aureos, utrum emptio & venditio, an locatio & conductio contrahi videatur. Cassius ait, materiae quidem emptionem & venditionem contrahi, operae autem locationem & conductionem. Sed placuit, tantum emptionem & venditionem contrahi. Quod si suum aurum Titius dederit, mercede pro opera constituta, dubium non est, quin locatio & conductio sit.*

COMMENTARIUS.

1. *Cur dubitatum in hypothesis proposita, utrum emptio contraheretur, an locatio.*
2. *Regula generalis, unde in hujusmodi casibus emptio & locatio dignoscantur.*

Afferet hic Justinianus aliud exemplum negotii, quo dubitatum, emptio-venditio contraheretur, an locatio-conductio: nimirum, si mihi cum artifice convenerit, ut certo pretio rem aliquam mihi efficeret ex sua materia, puta ut aurifex certi ponderis certaeque formae annulos faceret ex suo auro. Dixeris enim, hic emptionem contrahi, quia materia in perpetuum abalienatur. Rursus dixeris esse locationem propter operam artificis, quae & ipsa aestimatur: operae autem emptio esse non potest. Qua ratione Cassius non simplicem hunc contractum esse dicebat, sed duplicem, venditionemque & locationem in hoc negotio concurrere; & scilicet materiae atque in hypothesis proposita auri inalesti venditionem contrahi, operae & artificii locationem. Sed concinnius visum est, simplex hoc & unum negotium censei, tantumque emptionem & venditionem esse, *l. 2. b. 1.*

Pla-

Placuit, tantum emptionem & venditionem] d. 2. Si cum aurifex jam haberet annulos ex suo auro factos, mihi cum eo convenisset, ut eos certo pretio mihi daret, nemo dubitaret, emptionem & venditionem tantum contrahi. Quid autem in proposito refert, res jam facta sit ab artifice, an adhuc facienda, cum utrebique in pretio constituendo non materię solum, sed etiam artificii ratio habeatur; Sic vero in universum habendum est; Si quam rem nobis fieri velimus, veluti statuum, vel vas aliquod, aut annulos, vestem, tegulas, &c. ut nihil aliud quam pecuniam demus, emptionem esse, atque emptionem solum; quoniam nulla potest esse locatio, ubi corpus ipsum non datur ab eo, cui id fit: quemadmodum Sabinum respondisse Pomponius refert. *Sabinus 20. de contr. & empt.* Cui sententię convenit, quod Javolenus scribit, *l. si convenit. 65. d. tit.* totiens emptionem contractam intelligi, quotiens materia, in qua aliquid fit, imaturatur & alienatur. Id autem in casu proposito contingit auro. Non adversatur huic sententię Paulus in *l. item si 22. §. 1. hoc tit.* ubi ait; Cum insulam ædificandam loco, in sua impensa conductor omnia faciat, proprietatem quidem eorum ad me transferri, & tamen locationem esse; locare enim artificem operam suam, id est, faciendi necessitatem: quoniam cum aream meam do, ut in ea insula fiat, substantia & materia, in quam agit artifex, à me proficiscitur; *d. l. Sabinus in fin.* neque materiam, tigna, cæmenta hic emo, sed conduco operas artificis ad insulę constructionem, ut eam mihi omni re atque opere perfectam in meo reddat.

Quod si suum aurum dederit] *d. l. 2. l. in nāsem 31. hoc tit.* facit *l. scribit. 34. in pr. Gers. in aurifice. de aur. arg. mun. l. leg.* Nam totiens conductio aliquid rei intelligitur, quotiens materia, in qua aliquid præstatur, in eodem statu ejusdem manet, *d. l. si convenit. 65. de contr. empt.*

T E X T U S.

Quid præstare debet conductor.

5. Conductor omnia secundum legem conductionis facere debet: & si quid in lege prætermisum fuerit, id ex bono & æquo præstare. Qui pro usu aut vestimento, aut argenti, aut jumenti, mercedem aut dedit aut promisit, ab eo custodia talis desideratur, qualem diligentissimus paterfamilias suis rebus adhibet; quam si præstiterit, & aliquo casu fortuito eam

rem amiserit, de restituenda ea non tenetur.

N O T A.

EX BONO ET ÆQUO PRÆSTARE] Est enim hic contractus bonę fidei, in quo multa; quę nec dicta, nec cogitata fortè sunt, præstari æquum est, *§. 30. inf. de act. & sup. de obl. ex cons. add. l. 25. §. 3. l. 24. pr. h. t. l. 2. l. 17. C. cod.*

C O M M E N T A R I U S.

- 1 *Qua à conductore ex natura hujus contractus præstanda.*
- 2 *Conductorem regulariter legem duntaxat culpam, non etiam legisimam præstare.*
- 3 *Accurata ad ea, quæ in contrarium disputantur, responsio.*
- 4 *Exclusionem casus fortuiti non protinus induci præstationem culpę legisimam.*

Agitur hoc §. de præstationibus, quę conductori incumbunt, doceturque in hac re primum inspicere debere id, quod ut præstaret conductor, nominatim convenit; veluti si conveniret, ut etiam si quid vi majore accidisset, præstaretur: hic enim pacto standum esse Julianus respondit, *l. 9. §. Julianus 2. hoc tit.* Similia exempla occurrunt in *l. 11. §. 1. & ult. cod.* estque hoc commune omnium judiciorum bonę fidei, *l. 11. de act. empt. l. contractus 23. de reg. jur.* Quod si nihil convenit, tunc ea præstanda esse, quę naturaliter insunt hujus judicii potestate, in quod, cum sit bonę fidei, id omne venit, quod ex æquo & bono præstari oportet, etiam si de eo nihil dictum, aut fortè nihil cogitatum sit, *l. si in lege 24. & l. seq. §. 3. hoc tit. §. in bona 30. inf. de act.* unde post moram etiam usurę tardius illatarum pensio-nam à conductore præstandę, *l. quaro 54. cod. l. præses 17. C. cod.*

Secundum legem conductionis] Id est, secundum pacta conventa conductionis adjecta, quę legem & formam contractui dant, *l. 7. §. quin imo 5. de pact. d. l. 23. de reg. jur.* Nihil est apud juris auctores frequentius, quam ut legem contractus appellent formam, quam ex pactione adjecta contractus accipit, ipsamve pactionem, *l. qui fundum 40. l. comprehensum 60. l. si cum fundum 68. de contr. empt. l. si in lege 24. hoc tit. l. conditor 13. comm. præd. cum similib.*

Ex bono & æquo præstare] Ante omnia autem colonus curare debet, ut opera rustica suo quęque tempore fiant, nē intempestiva cultura fundum faciat deterio-rem. Præterea villarum curam agere debet, ut eas incorruptas habeat, *d. l. 25. §. 3. h. t.*

Inquilinus, ut in domo locata rectè verteretur, ex honesta non faciat cauponam, *l. 3. C. cod. Uterque*, ut pensiones suo quasque tempore solvat, *d. l. quaro §. 1. hoc tit.* Ni ita se gerat conductor, & pensionem præstet, impunè expelli potest, *d. l. quaro §. 1. l. 3. C. cod.* Plures alias causas, ob quas conductorem expellere jus est, refert Christin. *col. 3. decis. 115.* quamquam non omnes hodie obtinent, ut idem ibidem annotat. Illud hic tenendum est, quibus casibus conductorem expelli posse dicitur, non nisi ex auctoritate magistratus eum expelli debere. *Ant. Fab. C. suo b. 1. defin. 11.*

Qualem diligentissimus paterfamilias] Simile est, quod traditur in *l. si merces 25. §. pen. hoc tit.* Atenim locatio & conductio est contractus ex eorum numero, qui utriusque contrahentis utilitatem continent: in cujusmodi contractibus dolus duntaxat & culpa præstatur, juxta regulam traditam in *l. 5. §. 2. commod.* ubi nominatim etiam locationis fit mentio. Cum autem culpa præstari dicitur, eo verbo in usu juris non alia, quam levis culpa designatur, id est, ea, quæ mediæ diligentæ opponitur. Quod multis auctoritatibus probavimus sub *§. 2. sup. quib. mod. re contr. oblig.* & de hac tantum culpa dict. regulam intelligi debere ex eo patet, quod in contractibus, in quibus solius accipientis utilitas versatur, quale plerumque est commodatum, Jurisconsultus d. loco scribit, plus ab accipiente exigi, quam cum utriusque commodum vertitur: nimirum in hujusmodi contractibus præter culpam præstari & diligentiam; quo significat, in eo contractus, qui utriusque gratia fiunt, & commodatum discrepare; quod in illis duntaxat levis culpa præstetur, in hoc etiam levissima, quam more veteribus ustrato contrariæ rei præstatione indicat, diligentæ scilicet, intelligens eo verbo diligentiam specialem seu exactissimam. Ipsa quoque ratio hoc suggerit, levius agendum esse cum eo, qui mercedem pro rei usu præstat, quam qui gratuitum ejus usum habet. Quin ipsam etiam commodatarius placet culpam levem tantum præstare, secundum superiore regulam, si quando commodantis quoque contemplatione res commodata sit, *l. 2. in rebus 18. in fin. pr. commod.* Ex quibus perspicuè evincitur, conductorem regulariter levissimæ culpæ nomine non teneri, neque ab eo exigi, extra specialem conventionem, ut in *l. qui mercedem 40. hoc tit.* ut in re conductæ summam & exactissimam diligentiam præstet, sed securum eum esse oportere, si adhibuerit mediam, id est, eam, quam communiter frugi patresfam. suis rebus adhibere solent. Idem ex eo quoque confirmatur, quod passim nihil amplius quam culpam à conductore præstari legimus, *l. 9. §. 3. l. 11. §. 3. l. item quæritur 13. §. 1. l. in prædem 31. in fin. hoc tit.* quo postremo loco Alfe-

aus etiam pro ratione affert regulam probatam in contractibus, qui utriusque causa ineuntur: at culpa nomine absolute posito in usu juris culpa levis perpetuo significatur. Denique ut nullus dubitationi locus relinquatur, evidentissimè hoc ipsum ostendit, *l. 3. §. 1. naut. caup. stab.* quo loco Jurisconsultus conferens actiones locati & depositi cum honoraria, quæ ex edicto isto competit, utilitatem ejus, quæ ex edicto est, hoc nomine maxime commendat: quod in locato conducto culpa, in deposito dolus duntaxat præstetur: edicto vero omnimodo, qui recepit, teneatur, etiam si sine culpa ejus res perit aut damnum datum est, ita tamen, ut nec ille præstet casus fortuitos, seu quod damno fatali aut vi majore contigit. Igitur ex sententia Jurisconsulti is, qui recepit, præstat medium aliquid inter culpam & casum fortuitum, quod non præstat conductor: atqui hoc medium nihil aliud esse, fateri omnes debent, quam culpam levissimam. Quid ergo respondemus ad hunc textum? nimirum idem, quod interpretes vulgo, superlativum hoc loco positum esse pro positivo, verbum *diligentissimus* pro *diligens*; ut hoc verbum secundum subjectam materiam & naturam contractus explicandum sit, eoque hic significari intelligatur, non summa illa & penè modum excedens, sed media diligentia, quam communiter homines diligentes suis rebus adhibere consueverunt. Sic ex contrario positivus pro superlativo ponitur in *l. 5. §. custodiam 5. commod. l. hæredes 25. §. non tantum 16. fam. ercisc. §. 2. sup. quib. mod. re contr. obl. &c.* quod apparet ex collatione *l. in rebus 18. commod. l. 1. §. & ille 4. de obl. & act. §. 1. inf. de obl. que quasi ex contr.* Idem responderi potest ad *l. si merces 25. §. pen. hoc tit. arg. d. l. 3. §. 1. naut. caup. stab.* Nam quod alii respondent; casus esse speciales, qui hic & in *d. §. pen.* proponuntur, atque utroque loco agi de rebus, quæ natura sua, quasi damno maxime obnoxia, accuratissimam custodiam desiderant, altero etiam de conductoribus, qui operam quasi ultro offerunt, & ideo quoque levissimam culpam præstare tenentur, *arg. l. 1. §. sape 35. depos. admitti non potest.* Nam jumenta, columnæ, dolia, tigna, scrupulosam præ cæteris rebus curam, aut curiosam custodiam minimè requirunt: nec quilibet qui quodammodo operam suam offerre videtur, ad majorem diligentiam, quam natura contractus desiderat, obligatur, *d. l. 3. §. 1. naut. caup. stab.* sed locum hoc habet in artificibus, seu iis, qui alicujus rei peritiam profitentur; quorum idcirco imperitia culpæ levi annumeratur, cum in aliis sit levissima, *l. 9. §. pen. l. item 13. §. si gemma 5. hoc tit. l. 12. de furr. l. 8. §. 1. ad leg. Aquil.* nisi putamus, etiam eos, qui columnas aut tigna deportanda conducere solent, eodem nu-

mero haberi, quasi industriam certæ rei prosterentur, ut *D. VVesemb.*

Et aliquo casu fortuito *L. in iudicio. 28. C. eod.* Neque hoc proprium hujus iudicii est, sed commune omnium contractuum, *contractus 23. de reg. jur. l. 6. C. de pign. att.* Non obstat, quod alibi dicitur, rem locatam esse periculo conductoris, *l. 13. §. 1. de lib. caus. l. 14. §. qualis 10. de furt.* Nam illud intelligendum est de periculo & damno, cui culpa causam præbet: neque novum est, ut illæ etiam res periculo nostro esse dicantur, in quibus culpam præstamus; de quo uberius differui sub §. 3. *sic. præc.* Quod autem hic excluditur casus fortuitus, id non satis argumenti est, culpam levissimam à conductore præstari: nihil enim frequentius est jure nostro, quam ut posita præstatione doli & culpæ, quo verbo levis intelligitur, removeatur casus fortuitus; insuper habito, utrum eo amplius etiam levissima culpa præstetur, nec ne; utpote quæ raro præstetur, & vix culpa sit. Hinc jam judicari potest, an incendium & quando à conductore præstandum sit: in quo tamen mirifice variant & interpretes, & iudicum sententiæ: *vid. Gail. 2. obs. 21. Menoch. de arb. jud. quæst. 2. cas. 390. Mascard. lib. 2. de prob. in verb. incendium. Fachin. 1. cont. 87. Moller. 4. semestr. 31. D. Tulden. comm. in tit. de leg. Aquil. inf. c. 8. Christin. Sol. 3. decis. 112. n. 5. ubi plures citat.* Assentior autem iis, qui statuunt, inquilinum de incendio locatori teneri, nisi doceat de intelligentia sua in muniendo & custodiendo igne adhibita. *Fach. & Moller. de loc. p. l. 3. §. 1. de off. præf. sig. l. 11. de pec. & comm. rei vend. de quo nos opulenter lib. 1. sel. quæst. cap. 330.*

T E X T U S.

De morte conductoris.

6. Mortuo conductore intra tempora conductionis, hæres ejus eodem jure in conductione succedit.

N O T A.

6. MORTUO CONDUCTORE, & C. HAERES EJUS] *l. 10. C. b. t.* sicut nec ex contrario morte locatoris expirat locatio *l. 18. §. eod.* Hæres enim universi juris & onerum defuncti successor est, *l. 37. de acq. har.* Emptor autem vel legatarius stare locationi non tenetur, *l. 25. §. 1. l. 32. b. t. l. 120. §. ult. de leg. 2. l. 9. C. b. t.*

C O M M E N T A R I U S.

Emptor non tenetur stare locationi facta à venditore: & quid hodie.

Morte conductoris conductionem non expirare, sed hæredi quoque ejus intra tempora conductionis onus contractus incumbere, certi juris est, *l. 10. C. hoc tit.* & contra nec morte locatoris expirat: quippe hæres universi juris & onerum defuncti successor est, *l. hæres 37. de acq. har.* Ait autem Justinianus, hæredem eodem jure in conductione succedere: & Gordianus in *d. l. 10.* hæredi quoque onus contractus incumbere: quibus verbis non hoc significant, hæredes, pro eo tempore, quo contractus inter defunctum & superstitem stetit, actione locati aut conducti teneri: quanquam enim ita tenentur, *l. sed adiles 19. §. pen. hoc tit. l. cum conductorem 29. C. eod.* quippe omnes actiones ex contractibus venientes, etiam mandati & pro socio, *l. inter causas 26. pr. mand. l. nemo 35. & l. seq. pro soc.* in hæredes trans-eunt: sed hæredem succedere in ipsum jus conductionis, quæ mortuo conductore aut locatore non finitur: quod quidem regulariter etiam in aliis contractibus obtinet: sed secus est in iis negotiis, in quibus industria certæ personæ eligitur, ut in societate & mandato, quæ morte contrahentium finiuntur, ut docetur duobus tit. proximè seqq. particularis autem successor, emptor aut legatarius non tenetur stare locationi factæ ab auctore suo, *l. si merces 25. §. 1. l. qui funaum 32. b. t. l. 9. C. eod. l. nihil 120. §. ult. de legat. 1.* Cæterum ab hoc jure moribus nostris & pleræque Belgicæ recessum est, juxta tritum illud, *huer gaet soor koop. Grot. 3. introd. 19. Neostad. dec. sup. Cur 30. Gudelin. 3. de jur. nob. 7. add. vau. vau. Cræne& de legib. abrog. ad l. 9. C. b. t.* In hac urbe sequuntur jus commune: *statut. Leid. 74.*

TITULUS XXVI.

D. lib. 17. tit. 2. C. lib. 4. tit. 37.

De Societate.

Continuatio. Quid sit societas, & quarum rerum, quando & quomodo contrahatur.



Estia species contractuum, qui sola contrahentium voluntate obligationem inducunt, est societas. Societas est contractus, quo inter aliquos res aut operæ communicantur, lucri in commune faciendi gratia. Primum ut sit societas, necesse est aliquid mutuo conferri & communicari: nisi quid utrinque in commune conferatur, societas non intelligitur. Inde dictum, donationis causa societatem non contrahi vel-

un si alicui placuerit lucrum ex re sua factum alteri commune esse, qui de suo nihil conferat, *l. 1. §. 2. b. r.* Enimvero quæ res invicem conferantur, corporalesne utrinque, an illinc res, hinc opera, an etiam opera utrinque, ad societatem communicatione rerum contrahendam, nihil interest: nam & inter duos artifices societas coiri potest, ut quod ex suo artificio quæstus fecerint, inter eos commune sit, *l. si non fuerint 29. l. duo 71. eod.* Illud quoque nihil refert ad societatem ineundam, quantarum rerum societas instituat: nam & universorum bonorum societas contrahi potest, & partis bonorum: potest & negotiationis alicujus, quæ multas res partesque contineat: potest denique & unius rei, veluti si prædium communi consensu conducatur, ut fructus inde quæsti sint communes, *pr. hoc tit. l. 1. §. 1. Serum 67. eod.* Porro quod ex definitione satis intelligitur, societas est consortium voluntarium, ut à Papiniano vocatur, *l. cum duobus 52. §. Idem Papinian. 8. eod.* nisi enim consensu & tractatu de ea re habito communio suscepta sit, non est societas. Itaque socii non sunt, si qui aut casu in communionem inciderint, puta si legatum, donatio, aut hæreditas duobus communiter obvenierit, aut si res à duobus simul simpliciter emptæ sit, *l. ut sit 31. cum 3. l. seqq. eod.* Ex quibus locis cum Glossa & citatis in *add. ad Bart.* temperandum est, quod in *l. 2. commod.* Jurisconsultus ait, rem, quæ à duobus pariter emptæ est, cum societate communem esse; nempe si emptæ sit cum affectione & animo societatis: idemque præsupponendum in specie *l. 2. C. b. r.* quanquam Bartolus ad *dd. l.* quem sequitur Salicetus in *d. l. 2.* contrarium axioma proponit, videlicet eo ipso, quod res à duobus pariter emitur, societatem contrahi. Denique quod postrema verba definitionis indicant, non est satis ad contrahendam societatem, communionem consensu iniri inter aliquos, nisi in hunc finem communio instituat, ut lucrum inde in commune fiat. Quæ communio hunc finem non habet, societas dici non potest, ut maximè voluntate suscepta sit. Ut ecce, materæ duorum voluntate dominorum confusæ sunt: massa quidem hæc communis est, *§. si duorum 27. sup. de rerum div. s.* at non jure societatis. Res eadem simul à duobus simpliciter emptæ est, sit illa quidem amborum voluntate communis, sed ut modo dixi, citra societatem, *d. l. ut sit 31. b. r.* Convenit inter aliquos, ut lucrum non sit commune, sed unius tantum socii: placet, ita societatem contrahi non posse, quasi quæ contra finem, societatis constituitur, *d. l. si non fuerit 29. §. 2. eod.* De damno nihil adjeci, quia lucrum tantum sperant spectantque socii, damnum præter votum eorum accidit. Sed nec damni communio ad substantiam societatis pertinet: quippe quæ etiam ita constitui potest, ut unus

è locis damni sit expertus, ut postea intelligatur. Cum autem de communione eo, quo dixi, animo inter aliquos convenit, tum societas consensu contracta intelligitur, etsi nullius rei aut operæ collatio in præsentia fiat, *l. 2. de obl. & act.* Nec adversatur, quod scribit Modestinus *l. 4. b. r.* posse societatem coiri re & verbis &c. significat enim, societatem ita contrahi consensu, ut nihil intersit, verbis seu aperta conventionione, an tacite re seu facto aliquo consensus declaratur: add. quæ ex Cujacio notat D. Gothofr. *ad. d. l. 4.* Species societatis sumuntur à diversitate materæ: ac de eo hic primum agitur: deinde disputatur de pactionibus circa partes lucri & damni: postremo de vi & obligatione hujus contractus, deque modis, quibus dissociamur.

TEXTUS.

Divisio à materia.

Societatem coire solemus aut totorum bonorum, quam Græci specialiter κοινοβία appellant; aut unius alicujus negotiationis, veluti mancipiorum vendendorum, emendorumque, aut olei, aut vini, aut frumendi emendi vendendique.

NOTÆ.

[SOCIETATEM COIRE] Societas est communio consensu suscepta. Estque duplex, vel vitæ, quam uno verbo nuptias sive matrimonium appellamus; vel bonorum, quæ verbo generis in usu juris societas vocatur: de qua sola hic agitur.

[AUT TOTORUM BONORUM] In qua bona omnia præsentia continuo communicantur, actiones invicem cedendæ, quæ postea obveniunt, in commune redigenda, *l. 1. §. 1. l. 2. l. 3. l. 73. & seq. b. r.* Cum autem aliqui simpliciter societatem contrahunt, eorum duntaxat, quæ ex quæstu veniunt, coita esse videtur, non etiam, quæ beneficio alieno aut dono fortunæ, *l. 7. cum seqq. eod.*

[UNIUS NEGOTIATIONIS] Vel artificii, vel fundi in commune empti: in qua id solum, quod ex quæstu rei venit, cujus societas contracta est, lucrum commune est, *l. 52. §. 1. eod.*

COMMENTARIUS.

- 1 Species societatis subjectis distincta.
- 2 Quando universorum bonorum societas contrahitur intelligatur, ejusque effecta.

- 3 Moribus Belgii talem societatem inter conjuges constitui, & quidem ipso jure : unde & quid amplius in hac, quam in alia universalis.
- 4 Quae bona communicentur, si societas simpliciter coita sit.
- 5 Peculiaria quadam in societate omnium bonorum.

Societatis diversae sunt species & effectibus & subiectis distinctae, ut, l. 1. §. 1. l. 3. §. 1. l. 5. l. 7. cum aliquot seqq. l. si non fuerint. 20. & pass. hoc tit. Imperator autem hoc loco id tantum videtur ostendere voluisse, aliam esse societatem universalem, aliam particularem, ut vulgo distingui solet: quanquam minus accurata ea oppositio est. Pinguis à diversitate subiecti societas ita distribui potest, ut dicamus, aliam esse rerum & bonorum omnium, aliam universorum, quae ex quaestu veniunt, aliam partis bonorum tantum, aliam denique unius rei, puta certae alicujus negotiationis vel artificii, aut fundi in commune empti. In bonorum omnium societate bona omnia praesentia, id est, quae coeuntium sunt tempore contractae societatis, continuo communicantur, l. 1. §. 1. l. 2. hoc tit. actiones invicem sunt cedendae, l. 3. eod. quae postea obveniunt, judicio societatis communicanda, l. si societatem 73. & l. seq. eod. & quidem etiam omnia, id est, tam ea, quae beneficio alieno & dono fortunae obveniunt, quam quae ex opera sociorum queruntur, d. l. 3. §. 1. d. l. 73. eod. Hujusmodi autem societas tunc tantum contracta intelligitur, cum nominatim & specialiter omnium bonorum coita est, ad. h. Interdum tamen evenit, ut tacite quoque id actum videatur, veluti si fratres consortes post mortem patris, bonis indivisis, non paternis tantum, sed etiam ceteris, in quorum communionem inciderunt, lucris omnibus communicatis, vixerint, nec à se invicem rationes unquam exegerint. Haec autem omnia conjunctim requiruntur: nam si tantum paternae hereditatis fructus communicaverint, aut unus proprio nomine quid gesserit, sibi habuerit, universalis societas minimè contracta videbitur, nec quod aliunde quaesitum est, veniet in communionem, l. cum duobus 52. §. Papinianus 6. hoc tit. l. 4. C. comm. utriusque jud. Ant. Fab. Cod. suo, hoc tit. defin. 3. D. Tulden. comm. hic cap. 1. Moribus ferè totius Belgicae (Frissiam excipe, vid. D. Joan. à Sande rer. jud. lib. 2. tit. 5. defin. 3.) bonorum omnium communio & universalis societas inter conjuges ipso jure constituitur, nisi quid contra pactis antenuptialibus tantum sit: in qua societate etiam hoc amplius est, quam in alia universalis, quod etiam ea, quae post contractum matrimonium alterutri conjugum quaesita sunt, continuo inter eos communia fiunt, non expectata nova eorum

communicatione: scilicet quia lex hanc communio- nem inducit? vid. D. Neoflad. in not. ad obser. 9. cum alii focii, quamvis universorum bonorum, quae post contractam societatem acquirunt, sibi acquirant, ut tamen judicio societatis ea cogantur communicare, & quaesita in commune redigere, l. si societatem 73. & l. seq. hoc tit. Unde Paulus in l. 1. §. 1. eod. non ait, simpliciter inter socios omnium bonorum continuo communicari res omnes, sed res omnes quae coeuntium sunt, id est, quae tunc sunt, cum societatem coeunt. In societate universorum, quae ex quaestu veniunt, res coeuntium seu bona praesentia non communicantur, sed futura tantum, seu lucra postea obvenientia; neque tamen haec omnia, sed ea solummodo, quae ex quaestu quotidiano, id est, ex opera & negotiatione cujusque focii acquiruntur, puta lucrum, quod ex emptione, venditione, locatione, conductione, & similibus commerciis, aut ex causa artificii descendit. Quae vero alieno beneficio obveniunt, qualia sunt hereditas, legatum, donationes, ea extra hanc causam habentur, l. 7. & aliquot seqq. hoc tit. Talis societas contrahi intelligitur, cum aliqui simpliciter societatem coeunt, hoc est, saltem dicunt, sibi placere, ut inter ipsos societas sit sine designatione rerum, quarum societatem contrahi velint, d. l. 7. Fallitur autem D. Bachovius, dum putat, etiam in societate simpliciter hoc modo contracta bona ipsa coeuntium statim communicari: hoc enim non obscure pugnat cum d. l. 7. Et l. 1. §. 1. eod. disertè loquitur de societate omnium bonorum. Veteres autem non aliam bonorum aut fortunarum omnium societatem agnoscunt, quam quae nominatim ita contracta est: ut bene Baro hic. In societate omnium bonorum etiam illud peculiare est, ut si quid socius necesse habuit praestare ex obligatione honesta, atque adeo etiam aliena injuria coactus, id omnia in societatis rationem veniat, tametsi extra causam societatis id praestetur, l. cum duobus 52. §. ult. hoc tit. 59. §. 3. fam. ercisc. nec mirum, cum rursus omnia etiam quae ex lucrativa causa obveniunt, in commune sint redigenda. Quapropter si unus è sociis universorum bonorum quid erogaverit in honorem liberorum, honestè tamen & decenter, non profusè, in ve fraudem sociorum, id in societatem imputabitur; veluti si pater filium in studiis aluit, atque eo nomine quid honestè & bona fide erogavit, fac. l. qua pater. 50. fam. ercisc. Quid si filiam elocavit, & pro ea dotem dedit? Adhuc dixerim, societatis id commune onus esse, non solius patris, arg. l. 19. de rit. nupt. Rol. à Vall. cons. 91. Menoch. 2. de arb. jud. cap. 127. Fach. 8. consr. 4. Christin. Vol. 3. decis. 51. num. 9. Gothofr. ad l. 81. hoc tit. Bachov. ad Treut. Vol. 1. disput. 27. th. 8. Prius illud etiam admittit D. Tulden. comm. hic cap. 4. sed

de dote dissentit; propterea quod dos imputatur legitimæ, & conferenda est, ea autem, quæ studiorum causa filio subministrantur, non item, *d. l. so. fam. etc.* Sed quid hoc ad rem? Imo, cum filiam dotare pater teneatur, vel magis in dote id obtinere debet. Sic ea, quæ pater liberis emancipatis concedit, ut se exhibeant, familiam, quam instituunt, sustentent, conferuntur, *l. 1. in fin. C. de collat.* quæ tamen imputabit societati: & potest pater impendiis studiorum causa factis hanc legem dicere, ut post mortem conferantur. Hoc autem nihil ad socios. Planè feuda in hanc societatem non veniunt. *Bald. & Prap. in c. imperialem de prob. feud. al. per Fred. & in cap. 1. de inest. de re al. fact. Pres. Everh. conf. 53.* In reliquis societatibus id solum, quod ex quæstu negotiationis venit, aut rei, cujus societas contracta est, lucrum commune est: ex alia causa quæsitum ad communionem non pertinet, *l. cum duobus 32. §. cum duos. eod.*

TEXTUS.

De partibus lucri & damni.

1. *Et quidem si nihil de partibus lucri & damni nominatim convenerit, æquales scilicet partes & in lucro & in damno spectantur. Quod si expressæ fuerint partes, hæc servari debent. Nec enim unquam dubium fuit, quin valeat conventio, si duo inter se pacti sint, ut ad unum quidem duæ partes & lucri & damni pertineant, ad alterum tertia.*

COMMENTARIUS.

- 1 Summa disputationis hic proposita.
- 2 In impari rerum collatione, si de partibus nihil dictum sit, impares quoque constitutas intelligi; & reprehensi, qui secus sentiunt.
- 3 Ubi partes expressæ, qualiscumque collatio sit, conventionem servandam.

Omnia societas lucri in commune faciendi gratia coitur. Sed non semper lucrum fit, & sæpè etiam damnum. Hinc de partibus lucri & damni quærendum est, ut sciatur, quantum quisque & in lucro & in damno ferat. Summa hujus disputationis tribus hisce propositionibus continetur. 1. Si nihil nominatim convenerit, partes & in lucro & in damno æquales sunt. 2. Si partes expressæ fuerint, hæc servari oportet. 3. Si una tantum in causa pars expressa sit,

in altera, quæ omiſſa est, eadem pars servari debet.

Æquales sc. partes] Si partes expressæ non sint, id tacite actum intelligitur, ut æquales sint, *l. si non fuerint 29. pr. b. t.* quod sic vulgo & rectè acceptum est, ut pro vero habendum sit, cum ea quoque, quæ conferuntur, sunt æqualia: cæterum si inæqualis sit collatio, pro rata ejus, quod quisque contulit, partes fieri: æqualitatem enim hic intelligi debere non arithmeticam, sed geometricam, id est, analogam rebus collatis. Non placet hoc D. Connano, *lib. 7. 2 comm. 17.* neque D. Tuldeno *comm. huc cap. 5.* qui ita disputat, ut existiment, etiam in impari rerum collatione, si de partibus societatis nihil dictum sit, æquales partes pro numero sociorum tacite factas intelligi, non considerato eo quod quisque contulit; quasi ubi nihil speciatiim dictum est, communem duntaxat negotiationis fortunam spectasse, atque in eo acquievisse videantur, ut quisque damni & lucri tantundem haberet; scilicet jubente id etiam lege societatis atque amicitia, quæ ab æqualitate primum nata sit, & pates faciat etiam quos impares suscepit. Sed ut concedamus, hoc tacite actum videri in societate omnium fortunarum, aut simpliciter & sine designatione rerum contracta: tamen in societate unius alicujus negotiationis idem probandum non est. Nam, cum nihil æquius sit, quam ut quisque pro ratione sortis, quam in eam negotiationem contulit, lucrum sentiat, *l. 6. l. quidem. 80. b. tit.* hoc ipsum tacite quoque actum intelligi convenit, si nihil aliud dictum est. Bene Aristot. 8. *Ethic. ad Nicomach. in fin. & 3. Polit. 6. c. ἐν ζῆλον καὶ κοινῶν πλεονεκτημάτων οἱ συνδράκοντες πλείονα.*

Si expressæ fuerint partes, hæc servari debent] Ac proinde etiam si inæquales servari placuerit in collatione æquali, pactio servanda erit: & contra si æquales servari placuerit in collatione inæquali. Itaque cum sæpè non constet, an æqualis utriusque aut rerum aut operæ collatio facta sit, ut omnis de hac re controversia inter socios tollatur, rectè fecerint, si ipsi expressè partes societatis constituent. Videatur tamen quod hic simpliciter dicitur, aliqua indigere cautione, de quo sub §. *seq.* Quod si societas ea conditione contracta sit, ut partes postea constituerentur, ad boni viri arbitrium res redigenda est, *l. 6. hoc tit.* Sed & si arbitrio tertii alicujus partium definitio permittitur, arbitrium boni viri electum videtur, poteritque in manifesta iniquitate arbitrium personæ electæ per judicium bonæ fidei corrigi, *l. societatem 76. cum 4. ll. seq.*

Ut ad unum duæ partes, &c.] Hæc conventio ut ad unum duæ partes tam damni, quam lucri pertineant, ad alterum tertia, propter analogiam inæqualitatis partium in damno & lucro facile recepta est. Imo vix inæqualitatem habere videtur; quo-

niam

niam incertum est, lucrum an damnum ex communi negotiatione proventurum sit: neque enim semper favente Mercurio negotia procedunt,

TEXTUS.

De partibus inæqualibus.

2. De illa sanè conventionione quasitum est, si Titius & Sejus inter se pacti sint, ut ad Titium lucri duæ partes pertineant, damni tertia; ad Sejum duæ partes damni, lucri tertia, an rata debeat haberi conventio. Quintus Mucius contra naturam societatis talem pactiōem esse existimavit, & ob id non esse ratam habendam. Servius Sulpitius (cujus sententia prævaluit) contra sensit; quia sæpe quorundam ita pretiosa est opera in societate, ut eos justum sit conditione meliore in societatem admitti. Nam & ita posse coiri societatem, non dubitatur, ut alter pecuniam conferat, alter non conferat, & tamen lucrum inter eos commune sit: quia sæpe opera alicujus pro pecunia valet. Et adeo contra Quinti Mucii sententiam obtinuit, ut illud quoque constiterit posse convenire, ut quis lucri partem ferat, de damno non teneatur: quod & ipsum Servius convenienter sibi fieri existimavit. Quod tamen ita intelligi oportet, ut si in alia re lucrum, in alia damnum illatum sit, compensatione facta, solum quod superest, intelligatur lucro esse.

NOTÆ.

2. CONTRA NATURAM SOCIETATIS] Ut pote quæ æqualitatem tanquam jure quodam fraternitatis desiderat, l. 63. pr. eod.

SERVIVS SULPITIUS] l. 30. in fin. h. l.

OPERA ALICUIUS PRO PECUNIA] Idem intelligi debet de labore, de periculo navigationis & similibus, l. 29. §. 1. eod.

COMMENTARIUS.

- 1 Sulpitium in casu hic proposito non tam improbasse videri sententiam Mucii quam temperasse.
- 2 Improbatur eadem Mucii sententia simpliciter.
- 3 Notabilia quadam circa casum, quo ab uno pecunia, ab altero opera conferuntur.
- 4 Si convenerit, ut unus lucri sit particeps, damni immunis: & de leonina societate.

LUCRI duæ partes, damni tertia] Difficulus in societate cõmunda admissum est, ut partes lucri & damni difformiter constituerentur; veluti si convenerit, ut unus lucri partes duas, damni unam tantum, alter duas damni, tertiam lucri ferat. Nam Quinto Mucio hæc conventio displicuit, ut naturæ societatis, quæ æqualitatem desiderat, contraria; sed à Servio Sulpitio admissa est; cujus sententiam prævaluisse testatur Justinianus.

Quia sæpe quorundam ita pretiosa est opera] Hæc ratio arguere videtur, Sulpitium non tam improbasse sententiam Mucii, quam temperasse: nimirum quod Mucius simpliciter dixit, iniquam esse hanc pactiōem, naturæq; societatis contrariā, ut alter plus lucri, alter plus damni sentiat, id Servium existimasse verum non esse in omni societate: iniquā quidem eam cõventionem videri in simplici & æquali collatione rerum seu pecuniæ; quod etiam forte solum Mucius consideravit: at iniquam non esse, ubi unus pecuniam tantum, alter operam simul cum pecunia coasert: imo justum esse hunc meliore conditione in societatem admitti. Igitur ne quidem ex sententia Servii pactum de inæqualibus lucri partibus valebit, ubi æqualis est operarum & fortis collatio; sed tunc deum ratum est, cum inæqualis est collatio, & is, quem plus lucri ferre placet, etiam plus societati confert, sive pecuniæ, sive operæ aut industriæ: quod etiam evidenter probare videtur responsum Ulpian. in l. si non fuerint. 29. pr. hoc tit. Atque ita olim Azo contra Joannem disputavit; ejusque sententiam interpretes comm. ad hunc §. & in d. l. 29. sequuntur. Gomez. 2. var. resol. 5. num. 5. Wesemb. parat. hic, num. 7. Christin. vol. 3. decis. 51. Sed ut verum fatear, non possum huic sententiæ acquiescere. Nam primum rationis esse videtur, ut expressa conventio operetur ultra naturam ordinariam contractus, arg. l. contractus 23. de reg. jur. modo ne nimia inducatur inæqualitas, & quæ sapiat communionem leoninam. Deinde quia aperte huic sententiæ refragatur, quod simpliciter scriptum est §. præc. si partes expressæ fuerint, has servari debere: quod & de partibus æqualibus in collatione inæquali, & de parti-

bus

bus inæqualibus etiam ubi æqualis est collatio, omnino accipiendum est: quoniam in collatione inæquali, etiam si de partibus nihil convenerit, partes inæquales juxta ea, quæ dicta sunt, constitutæ intelliguntur. Atque hoc etiam probat textus §. *seq.* & l. *Mucius 30. in fin. eod.* Etsi vero hac ratione inducitur aliqua inæqualitas: non video tamen, cur non possit expressa conventionione id effici, cum non plane tollatur lucri communio, in qua consistit societatis substantia. Nec dubium est, quin societas æque ex parte donationis causa recte contrahatur, atque emptio-venditio, l. *si quis 38. de contr. empr.* Quare existimandum potius est, Servium in reddenda ratione suæ sententiæ respexisse ad id, quod plerumque evenit, ut scilicet unius opera sit pretiosior, & plus societati proffit, quam alterius; de quo tamen in singulis personis inquirendum non sit, cum ad æquitatem pacti, quod contra Mucium probat, defendendam sufficiat, id evenire posse, & frequenter etiam evenire: neque aliud sensisse Ulpianum, aut nimiam solum improbasse inæqualitatem d. l. 29. h. 1. Ut vero sit, usus hujusmodi conventiones sustinet, ut post Angel. Porc. & alios testatur *Wesemb. hic. & in par. d. loc. add. Menoch. 2. de arb. jud. cas. 125.*

Ut alter pecuniam] Etiam uno pecuniam, altero operam conferente societatem contrahi posse obtinuit, l. 1. C. *hoc tit.* & quidem ita, uti hic dicitur, ut lucrum inter eos commune sit. Quippe cum sæpe opera alicujus tanti sit, quanti pecunia est. Tritum est illud Plauti, *Asin. act. 1. 50. 3.*

Par pari datum hospitium est, opera pro pecunia, cui simile illud in l. 52. §. 2. eod. *pretium opera & artis est sacramentum, id est, circumsus.* Varro apud Non. *amusus est, aquamen, sacramentum.* In codice Hetrusco præpostero literarum ordine scriptum est *Selamentum*. Nimirum qui artem operamve præstat, non minus præstare creditur, quam is, qui pecuniam confert. Quod de opera dicitur, idem & de labore ac periculo navigationis, & similibus intelligi debet, d. l. *si non fuerint 29. §. 1. hoc tit.* Possunt igitur duo societatem sic coire, ut unus pecuniam conferat, unde merces emantur & negotiatio exerceatur; alter operam duntaxat, qui proficiscatur ad merces emendas, emat & vendat, ut sic deinde lucrum commune sit. Cæterum hæc collatio non uno modo fit: nam aut opera confertur cum solo pecuniæ usu, quo casu fors domino perit, & si salva est, domino salva est: aut opera confertur cum ipso dominio pecuniæ, quo casu qui operam impendit, particeps fit sortis. In prima specie comparatur cum opera non fors, sed periculum amittendæ sortis, & lucrum, quod ex ea probabiliter sperari poterat. In altera operæ pretium habetur quasi forti adjectum, & pro eo, quod valet, in ipsa forte partem habet, qui operam præstat,

ut eleganter *Grot. 2. de jur. bell. ac pac. 12. num. 24. Cobar. 3. var. resol. 2.* Atque hinc sumenda decisio quæstionis agitatæ apud interpretes in l. 1. C. *hoc tit.* utrum in hoc genere societatis pecunia collata communicetur, nec ne; & consequenter, utrum finita societate ea etiam inter socios dividenda sit, an is, qui consultat, eam præcipere debeat. Cui similis est altera, utrum in hujusmodi specie damnum pecuniæ amissæ commune sit, an ad eum solum hoc damnum pertineat, qui consultit pecuniam. De quo laborant *Gail. 2. obj. 24. n. 6. Fachin. 2. contr. 94. & 95. Christin. & vol. 3. decis. 51. num. 4. & vol. 1. decis. 207. n. 8. & seqq.*

Lucri partem ferat, de damno non teneatur] Ut si sociorum aliquis lucri sit particeps, immunis damni, præter naturam est societatis. Potest tamen ita conveniri sine injuria: nam secundum Cassium & Sabinum talis conventio iniqua non est, si tanti sit opera, quanti damnum est; id est, si tanti est illud, quod impenditur & perditur operæ, quanti est damnum acceptum, d. l. *si non fuerint 29. §. 1. hoc tit.* D. Grotius loco præcitato scribit, mixtum esse hujusmodi contractum ex societate & contractu avertendi periculi, quem asecurationem vocant; atque in eo ita servari æqualitatem, si tanto plus lucri ferat, quam alioqui laturus fuerat, qui in se damnum recipit. Ait Justinianus *lucri partem*, diserte *partem*. Nam talis societas coiri non potest, ut unus lucrum tantum, alter damnum aut damni partem sine lucro sentiat, d. l. 29. §. 2. quippe ita naturalis societati est lucri communio, ut sine ea nequeat societas consistere. Veteribus talis societas, ex qua quis damnum tantum, non etiam lucrum expectat, leonina dicitur d. l. 29. §. 2. appellatione proverbiali ducta ex Apologo Æsopi de leone, asino & vulpe. vid. Desiderium nostrum in *Chilind.*

In alia re lucrum, in alia damnum] Lucrum non particulatim æstimatur, sed in summa summarum, hoc est, id demum pro lucro reputatur, quod deducto omni damno atque impensis superest. Quemadmodum ex contrario damnum non intelligitur, nisi deducto omni lucro, l. 30. *hoc tit.* Itaque si inter duos inita sit negotiatio mancipiorum & boum, atque in illa damnum acceptum 100. aureorum, in hac lucrum factum 300. facta lucri & damni compensatione, reperietur superesse lucrum ducentorum, qui secundum legem societatis dividi debent.

TEXTUS.

De partibus expressis in una causa.

3. *Illud expeditum est, si in una causa pars fuerit expressa, (veluti in solo lucro,*

vel in solo damno) in altera vero omissa, in eo quoque, quod prætermissum est, eandem partem servari.

renuntiatur est, quicquid omnino post renuntiatam societatem acquiritur, soli conceditur.

COMMENTARIUS.

Quæ partes in causa lucri aut damni tantum definitæ sunt, eadem etiam in causa omiſſa tacite definitæ intelliguntur: verbi causa, si ea lege societas coita sit, ut ad unum duæ partes lucri, ad alterum una pertineret, tacite actum intelligitur, ut easdem partes & in damno agnoscant: & si convenerit, ut partes lucri æquales sint, tacite conventum intelligitur, ut damnum quoque pro æquis partibus commune sit. Idque locum etiam habet in societate conjugali, puta si pacto ante nuptiali placuerit lucra ex quæſitu obvenientia aequaliter communicari: nam tunc damna quoque uterque conjugum ex æquo ferre debet. *Verhard. consil. 197. Christin. vol. 3. decis. 51. num. 2.* Ratio hujus juris afferri hæc solet, quod id, quod generaliter dispositum est in uno correlativorum, etiam dispositum censetur in altero: sed parum, ut mihi videtur, subtiliter. Neque enim à natura relationum, sed à paritate rationis totum hoc pendet: quod etiam agnoscere videntur illi, qui non simpliciter, quod in uno correlativorum dispositum est, in altero quoque dispositum censerit tradunt, sed addito hoc temperamento, quando utriusque par ratio est. *Bald. in l. fin. Cod. de ind. Vid. toll. Jaf. in l. 1. Cod. de injus voc. Christin. d. l.*

TEXTUS.

Quibus modis societas solvitur.
De renunciatione.

4. *Manet autem societas eousque, donec in eodem consensu perseveraverint. At cum aliquis renuntiaverit societati, solvitur societas. Sed plane, si quis callide in hoc renuntiaverit societati, ut obveniens aliquod lucrum solus habeat; veluti si totorum bonorum socius, cum ab aliquo heres esset relictus, in hoc renuntiaverit societati, ut hæreditatem solus lucri faceret, cogitur hoc lucrum communicare. Si quid vero aliud lucrifaciat, quod non captaverit, ad ipsum solum pertinet. Et vero, cui*

COMMENTARIUS.

1. *Quam rationem habeat, quod placet vel unius sociis renuntiatione societatem solvi, adeoque tunc etiam, cum in perpetuum coita est.*
2. *Quibus ex factis renuntiatio tacite facta intelligatur.*
3. *Malitiosa renuntiatio quatenus cui noceat.*

Societas & mandatum in eo conveniunt, quod proprio quodam jure, & suis quibusdam modis solvantur, quos Justinianus, quoniam ab iis modis, quibus jure communi obligatio tollitur, remoti sunt, explicare voluit. In societate id facit hoc loco, in mandato ut. seq. Societas proprio jure solvitur quatuor fere modis; renuntiatione, morte, capitis minutione, egestate unius, *l. 4. §. 1. l. Serum G. §. ult. hoc tit.* quæ singula ordine latius declarabuntur.

Donec in eodem consensu] Tamdiu societas durat, quamdiu consensus partium perseverat, *l. 5. C. eodem.* Et siquidem rebus adhuc integris voluntate omnium ab instituta conjunctione discedatur, secundum communem legem de tollendis obligationibus, quæ consensu contrahuntur, invicem liberantur, *§. ultim. inf. quibus mod. toll. obl.* Sed illud proprium hujus contractus est, quod etiam postquam res integra esse desiit, id est, postquam jam collatio & communicatio facta est, ab eo recedi & vel unius voluntate potest: quomodo in specie dicitur societas dissolvi renuntiatione.

Cum aliquis renuntiaverit societati] Hoc in contractu societatis jure singulari receptum est contra regulas communes de dissolvendis obligationibus, *l. 5. C. de obl. & act. l. 3. C. de resc. vend.* Idque duplici de causa: primum quia socii officium invicem præstant, & accipiunt; deinde quia non bene convenit cum natura & conditione societatis, quæ rationem quandam & jus fraternitatis habere creditur, *l. Serum G. pr. hoc tit.* aliquem invitum retinere in communione; quippe cujus materia discordias inter non contentientes excitare solet, *l. cum pater. 77. §. dulcissimis 20. de legat. 2.* Adeo autem visum est ex natura esse societatis, unius dissensu totam dissolvi, ut, quamvis ab initio convenerit, ut societas perpetuo duraret, aut ne liceret ea rescilire invitis cæteris; tamen tale pactum, tanquam factum contra naturam societatis, cujus in æternum nulla coitio est, *l. nulla 70. hoc tit.* contemnere liceat, *l. 14. eod.* Nam quod Paulus scribit, *l. 1. eod.* societatem etiam in perpetuum coiri posse, nihil aliud significat, quam sine ulla

temporis præfinitione; aut donec socii vivant: quæ conventio non hoc operatur, ut non liceat abire, sed ut solo lapsu temporis non finiatur societas. Porro autem renuntiatione dissociamur aut voluntate aperta, aut tacita. Aperta, cum cæteris nuntiatur, ut res suas sibi habeant atque agant, *d. l. 63. in fin. eod.*

- 2 Tacita voluntas renuntiandi tribus his factis evidenter arguitur. 1. novatione actionis pro socio ab uno ex sociis facta, *l. actione 65. præc. eod.* quod etiam significat Ulpianus, cum dicit, societatem etiam ab actione seu ab interitu actionis distrahi, *d. l. 63. §. ult.* 2. actione pro socio ab uno adversus alios instituta distrahendæ societatis causâ, *d. l. actione, in pr. junct. §. pen. add. in i. Salicet. in l. 5. Cod. eod. 3.* eum separatim agere cœperint, & sibi quisque negotiari, *l. itaque 64. eod.* veluti si Typographi aliquot, qui antea communibus sumptibus libros imprimendos curabant, postea singuli domi suæ sibi imprimere cœperint, & commune impendium facere desierint, tacite renuntiassent societati intelliguntur.

- 3 Si quis callide renuntiaverit] Quævis renuntiationo quantumvis insidiosa, hætenus valet, ut renuntianti noceat, & liberet ab eo socios: at ex contrario non quælibet renuntiantem liberat à sociis, sed ea solum, quæ injuria caret. Injuriam autem renuntiationo habet, non tantum si callide & malitiose facta sit, cujus exemplum hic profertur: verum etiam, quæ facta sit absenti, quoad is scierit, *l. 17. §. 1. eod.* item si facta intemptive, id est, ante tempus conventum, (nisi ex nova causâ, *l. 14. & 2. seqq. eod.*) aut eo tempore, quo res in communem negotiationem cœmptas vendi non expedit, ita ut non privatim unus è sociis, sed societatis interfit eam non dirimi. Qui sic renuntiat, damni particeps, lucri expers manet, *d. l. 7. §. 1. l. actione 65. §. 3. 5. & 6. eodem.*

Veluti si totorum bonorum socius] Expresse mentionem tantum facit socii omnium bonorum, qui propter hæreditatem obvenientem renuntiat, ut & Jurisconsultus in *d. l. actione, §. 3.* quoniam ut commodum hæreditatis uni acquisitæ communicetur, extra causam societatis omnium bonorum aut specialem conventionem locum non habet, *l. 3. §. 1. l. 7. eod.*

Quod non capta verit] Si renuntianti, lucrum aliquod post renuntiationem obvenerit, quod in renuntiatione non spectavit captavitque, id communicare non cogitur: quia nec dolum in eo admisit, *d. l. actione, §. 3.*

Cui dolose renuntiatum est] Cui dolose renuntiatum est, is nihil ejus lucri, quod post renuntiationem aliunde quæsit, renuntianti communicare tenetur: quoniam avara & fraudulenta renuntiationo renuntiantem quidem à sociis non liberat; socios tamen liberat à renuntiante, *d. l. actione, §. 3.*

T E X T U S.

De morte.

5 Solvitur adhuc societas etiam morte socii: quia qui societatem contrahit, certam personam sibi eligit. Sed & si consensu plurium societas contracta sit, morte unius socii solvitur, et si plures supersint: nisi in cœunda societate aliter convenerit.

N O T A.

NISI, & CALITER CONVENERIT] Id est, ut uno mortuo nihilominus inter superstites societas continuaretur, *d. l. 65. §. 7.* Quamvis autem hæres in societatem non succedit, tenetur tamen actione pro socio ex obligatione antea nata, item ut bonam fidem præstet & acti etiam culpam in eo, quod ex antegesto pendet, *d. l. 65. §. 2. l. 35. & seq. eod.*

C O M M E N T A R I U S.

- 1 Cur visum, ut morte & vel unius è pluribus tota solvatur societas: & quo id pertineat. num. 3.
2 Ratam esse conventionem, ut mortuo uno, inter superstites societas perseveret.

ETIAM morte unius socii societas solvitur, *l. 4. §. 1. l. nemo 35. l. cum duobus 52. §. idem 9. l. adeo 59. l. verum 63. §. ult. l. actione 65. §. morte 9. hoc sit.* Et hoc genus distrahendæ obligationis societatis proprium est, recedens ab illo communi quo placet hæredem in eandem obligationem & idem jus, quod defuncti fuit, succedere, *§. ult. præc. tit. l. hæres in omne 37. de acq. har. l. hæreditas 62. de reg. jur.* sed admissum in societate ex natura hujus contractus; atque eadem ratione qua in mandato, quoque placet morte mandatarii solvi mandatum; nimirum quia in societate non tantum rei familiaris, ut fere in aliis contractibus, verum insuper etiam fidei & industriæ, quæ ad hæreses non transeunt, contemplatio versatur. Nam, ut in textu dicitur, qui societatem contrahit, certam personam sibi eligit, cujus scilicet fidem, industriam, res & facultates sequatur. Usque adeo autem morte socii dirimi societatem placet, ut nec ab initio pacisci possimus, ut hæres in societatem succedat, *d. l. nemo 35. d. l. adeo 59. hoc sit.* quasi & tale pactum naturæ societatis repugnet, ut quis invitatus socius efficiatur, cum non vult, *d. l. actione, §. societas 11. eod.* Exceptæ tamen sunt societates vectigalium, in quibus hujusmodi conventiones ob publicam utilitatem

litatem admittit: manetque hoc casu societas etiam post mortem, nisi forte is mortuus sit, cujus contemplatione potissimum societas coita, aut sine quo ea administrari non possit, d. l. adeo, §. 1. l. Verum 63. §. in her. §. eod.

Sed & si consensu plurium] Et si plures, quam duo, societatem coierint, & unus tantum ex his mortuus sit, totam tamen societatem dissolvi placet, id est, non tantum dissolvi quoad personam hæredis defuncti, sed ita, ut nec qui superiunt, societati obligentur, d. l. actione 65. §. morte g. hoc tit. Ratio est, quoniam cum plures societatem coeunt, alii aliorum contemplatione ad eam accedunt, ut proinde vel uno sublato amplius in societate manere nolle videantur.

² *Nisi in cœunda societate aliter convenerit*] Si in contrahenda societate inter plures nominatim convenerit, ut uno mortuo nihilominus inter eos, qui superstites futuri sint, societas maneat, rata est inter vivos & consentientes conventio, d. l. actione §. morte. Neque, quod putat D. Hotomannus, hanc conventionem Ulpianus improbat l. 35. l. cum duobus §. 2. §. idem g. l. adeo §. eod. Confundit Hotomannus duo dissimilia pacta; pactum, quo placet hæredem in societatem succedere, quod ab Ulpiano improbat; & pactum, quo inter plures societatem contrahentes cavetur, ut uno mortuo inter superstites societas continetur. Quod valere post Paulum in d. l. actione, §. morte, tradit Justinianus hic. Illud obiter monendi sumus, cum morte socii solvi dicitur societas, id non eo pertinere, ut hæres socii non teneatur actione pro socio ex ea obligatione, quæ stante societate nata est, aut ut non proponatur in eum actio, ut bonam fidem præstet, & acti etiam culpam in eo, quod ex antegesto pender; d. l. nemo §. 1. l. seq. d. l. Verum 63. §. in hæredem §. d. l. actione, §. morte, hoc tit. sed, ut intelligamus, hæredem neque socium esse, neque in ullam partem commodi aut incommodi, quod ex ea societate esse possit, in reliquum tempus vocari.

T E X T U S.

De fine negotii.

6. *Item si alicujus rei contracta societas sit, & finis negotio impositus est, finitur societas.*

C O M M E N T A R I U S.

SI societas certæ alicujus negotiationis causa inita sit, puta vini aut frumenti ad certam quantitatem

emendi vendendique, sine negotio imposito, id est, empto distractoque vino aut frumento, societas extinguitur, d. l. actione 65. §. item si 10. d. l. Verum 63. §. ult. eod. Sed in eo nihil proprium videtur societatis; utpote cui ea lex ab initio dicta sit. Idem est, si ad certum tempus contracta sit societas: nam exacto tempore ea expirat, fac. d. l. actione, §. item qui 6.

T E X T U S.

De publicatione.

7. *Publicatione quoque distrabi societatem, manifestum est, scilicet si universa bona socii publicentur: nam cum in ejus locum alius succedat, pro mortuo habetur.*

C O M M E N T A R I U S.

Q U O D Paulus, dicta l. actione, §. publicatione 12. hoc tit. unde hic locus desumptus est, dicit, publicatione bonorum socii distrabi societatem, hoc Modestinus & Ulpianus dixerunt, societatem solvi capitis deminutione, l. 4. §. 1. d. l. Verum 63. §. ult. eod. Intelligunt enim capitis deminutionem maximam & mediam, cum socius severitate sententiæ aut in servitutem redigitur, aut in insulam deportatur, quo casu bona damnati publicari solent, l. 1. de bon. damn. l. 8. §. 1. & 2. qui testam. fac. Poterat hæc species dissociationis etiam ad præcedens genus referri, ad eam videlicet, quæ morte socii contingit. Quibus enim libertas aut civitas adempta est, hi jure civili pro mortuis habentur: eoque pertinet, quod dicitur in d. l. Verum, §. ult. homines interire aut morte, aut maxima & media capitis deminutione. Sed & alia ratione ad sequens genus referri potest.

Alius succedat] Intellige fiscum, qui bona damnatis ablata occupat & sibi vendicat, l. ult. de bon. eor. qui ante sent. vel mort. sibi consco. &c.

T E X T U S.

De cessione bonorum.

8. *Item si quis ex sociis mole debiti prægravatus bonis suis cesserit, & ideo propter publica & privata debita substantia ejus veneat, solvitur societas. Sed hoc casu si adhuc consentiant in societatem, nova videtur incipere societas.*

NOTA.

8. BONIS SUIS CESSERIT] *dist. l. 65. §. 1.*
Hoc Modestinus dixit, egestate dissociari, *l. 4. §. 1. end.*

COMMENTARIUS.

Postremo etiam egestate unius socii societas solvitur, *l. 4. §. 1. hoc tit.* egestate scilicet extrema, id est, bonorum omnium, aut tantum non omnium amissione. Nam cum societas contrahatur bonorum in commune quærendorum causa, non magis bonis sublati societati locus esse potest, quam sublata persona socii. Amituntur bona aut civitate salva, veluti cessione, id est, si socius ære alieno oppressus bonis suis creditoribus cesserit, eaque à creditoribus distracta fuerint: *l. 3. de cess. bonor.* ac tum etiam societatem dirimi placet, *hoc text. & d. l. actione 65. §. 1. eod.* aut civitate una cum bonis amissa, ut in specie præcedente: nam publicatione bona amitti, ipsum verbum publicationis satis indicat: eaque consideratione illa quoque ad hanc rationem dissolvendæ societatis referri potest. Sed & decoctione bona amittuntur & pereunt. Cæterum decoctione sola societatem solvi negat Stracha *de decoct. part. 2. n. 47.* nisi ea ad manifestam egestatem socium redegerit, *arg. d. l. 4. §. 1. Quod & D. Tuld. probat comm. hic, cap. 8.* Non puto autem, quod hic traditur de dissolutione societatis ob amissionem bonorum, locum habere eo casu, quo nihil pecuniæ in societatem collatum est, aut quo ille, qui operam tantum contulit, bona salva civitate amisit, nisi forte ob bona amissa speratam operam præstare nequeat.

Si adhuc consentiant.] Nihil prohibet cum socio, qui bonis cessit, renovare societatem: quippe qui cum civis maneat, alia bona acquirere potest, vel operis suis vel alieno beneficio, *l. 6. de cess. bon.*

TEXTUS.

De dolo & culpa à socio præstandis.

9. Socius socio utrum eo nomine tantum teneatur pro socio actione, si quid dolo commiserit, sicut is, qui deponi apud se passus est; an etiam culpæ, id est, desidia atque negligentia nomine, quaesitum est. Prævaluit tamen, etiam culpa nomine teneri eum. Culpa autem non ad exactissimam diligentiam dirigenda est. Sufficit enim talem diligentiam communibus re-

bus adhibere socium, qualem suis rebus adhibere solet. Nam qui parum diligentem socium sibi adsumit, de se queri, sibi-que hoc imputare debet.

NOTÆ.

9. SOCIUS SOCIO] Ex Cajo *l. 72. h. t.* Actio pro socio ex utroque latere directæ est: nam utriusque socii par est conditio.

QUALEM SUIS REBUS ADHIBERE] Id est, mediam, qualem plerique patresfam. suis rebus adhibent, *l. 11. de per. & comm. rei vend. l. 35. §. 4. de contr. empt. l. 14. de pign. act.* Levem itaque culpam, non etiam levissimam socius præstat. Quod & ipsum convenit regulæ de contrahibus, qui utriusque gratia fiunt, *d. l. 5. §. 2. commod.*

DE SE QUERI] Eadem ratione utitur *sup. §. ult. quibus mod. re cont. obl.* ad excludendam culpam levem. Certior est illa, quam modo attulimus, quod in hoc contractu omnium versatur utilitas.

COMMENTARIUS.

- 1 Nullam Sideri probabilem rationem dubitandi, utrum socius doli duntaxat, an etiam culpa seu negligentia nomine obligetur.
- 2 Ad quem diligentia gradum culpa in judicio societatis exigenda.
- 3 Nodus Gordius, quem necit *l. 32. de pos. solutus.*
- 4 Fortior ratio, ob quam socius media præstatione diligentia obstringitur, quam qua hic in calce, affertur.

Hæc etiam sunt apud Gajum *l. socius 72. hoc tit.* cuius verba huc transfulerunt Compositores. Habet autem hic locus majorem difficultatem, quam vulgo interpretes opinantur. Illud constat, societatem esse ex numero eorum contractuum, qui utriusque contrahentis gratia fiunt, in quibus juxta regulam traditam in *l. 5. §. 2. commod.* (ubi nominatim quoque societatis mentio fit) & dolo & culpa præstat. Sed & illud certum est, appellatione culpæ, quoties ea absolute ponitur, aut dolo opponitur, levem perpetuo significari, latam culpam comprehendere nomine doli, *vid. sup. §. 2. quibus mod. re contr. obl.* Quapropter nulla videtur esse probabilis dubitandi causa, utrum socius doli nomine duntaxat, sicut depositarius; an vero etiam ob culpam seu desidiam ac negligentiam teneatur: quod tamen quaesitum esse ait hic Justinianus, & ex veteribus Ulpianus in *l. cum duobus 52. §. 2. eod.* Illa sane dubitandi ratio satis justa non est, quod locius propter suam partem causam

causam habet gerendi: siquidem hoc à culpa neminem excusare potest; sed tantum facit, ut culpa non æstimetur oppositu diligentiae summi gradus, id est, ne præstetur culpa levissima, *l. hæredes 25. §. non tantum 16. fam. erisc.* Fortassis ideo de eo dubitatum putaveris, quia ut in calce hujus §. & d. l. socius 72. dicitur, is qui pirum intelligentem socium sibi adscivit, de se queri, suæque id facilitati atque incuriæ imputare debet. Et sane hanc rationem Justinianus & Gajus alibi afferunt, tanquam ob quam placeat depositarium dolum tantum, non etiam culpam aut negligentiam præstare, *S. pen. sup. quibus mod. re contr. obl. l. 1. §. si quoque s. de obl. & act.* Verum iidem hoc loco, & d. l. socius, eo argumento utuntur, non ut probent, socium de dolo tantum teneri; sed ut probent, eum compellendum non esse ad præstandam exactissimam diligentiam, sive, quod idem valet, sufficere, si mediam diligentiam adhibuerit, & culpa, exigenda ad communem hominum modum, careat. Sed non est, quod in eo nos torquemus, cum alia & certa ratio sit, quæ manifeste efficiat, ut in societate non modo doli, sed etiam culpa præstetur; nimirum quia, ut jam diximus, commodum societatis ad omnes socios pertinet: quæ res etiam aperte socios separat à depositario, qui onus tantum sustinet, commodi nihil expectat. Cæterum in hoc posita non est tota hujus loci difficultas.

Qualem suis rebus adhibere solet] Didicimus, socium socio non modo eo nomine teneri, si quid dolo commiserit; verum etiam nomine culpæ ac delicti; atque in hoc distare socium ab eo, cui res custodienda data est, seu depositarium, qui dolum præstet duntaxat. Porro nunc docemur, ad quem gradum diligentiae culpa in judicio societatis examinanda sit; quod & ipsum dubio carere videtur, si in societate quoque regulam de contractibus, quæ utriusque utilitatem tangunt, servari placet, & culpæ nomine ex usu juris auctorem levem tantum accipimus, non etiam levissimam. Ait Justinianus, culpam in societate non ad exactissimam diligentiam dirigendam esse, sed sufficere talem diligentiam communibus rebus socium adhibere, qualem suis rebus adhibere solet. Quæ sunt ipsissima verba Gaii in d. l. socius 72. hoc tit. Hic vero nobis pene indissolubile nomen necit responsum Celsi in l. quod Nerva 32. de pos. ubi Jurisconsultus refert & probat, quod Nerva dixit, latiorē culpam dolum esse, scilicet vi & effectū, ut non minus, quam doli in deposito præstetur. Hujus autem culpæ reum esse ait, qui minus diligens est in rebus alienis, quam in suis, sive ut loquitur Jurisconsultus, qui non ad suum modum curam in deposito præstat. At nihil amplius Justinianus à socio exigere videtur: inter quem tamen & depositarium, hanc ipse differentiam antea constituit, quod

socius præter dolum etiam culpam & negligentiam præstet, depositarius non item. Et cujus igitur rei præstatio socium à depositario segregat? Non aliter videtur hic nodus expediri posse, quam si dicamus, Jurisconsultos aliquando eum, qui rem alienam aut communem negligentius habet, quam suam, ponere in lata culpa & proxima dolo, quam etiam præstet depositarius: aliquando vero id factum adscribere culpæ levi & negligentiae, quam præstet socius, depositarius non præstet. Illud Celsus facit in d. l. quod Nerva, de pos. hoc alii passim, ut Justinianus hic. Gajus in dict. l. socius 72. item Paulus l. hæredes 25. §. non tantum 16. fam. erisc. l. in rebus 17. de jur. dot. & Ulpianus l. 1. de tutel. & ration. distr. Sed animadvertendum est, Celsum expressè proponere ignavum aliquem & disolute negligentem, id est, talem, qui nec, ut ait ipse, ad eum modum diligens sit, quem hominum natura desiderat. Hunc ait, si ne ad suum quidem modum curam rei alienæ præstet, reum esse culpæ latioris, doloque proximum. Et merito; quoniam nullum hic aliud extremum dari potest. At extra hunc casum, in homine videlicet diligenti ad communem modum, seu bono aliqui & truci patrefam si quando is consuetam in suis rebus diligentiam in re aliena aut communi omiserit, levem culpam id reputabimus: atque omnino existimandum est, curam diligentis hominis considerari, quoties simpliciter ea diligentia in re aliqua ab aliquo exigitur, quam præstare solet in rebus propriis, *argum. d. l. quod Nerva, de pos.*

De se queri sibi que hoc imputare] Hæc ratio efficere videtur, ut ne media quidem diligentia à socio exigenda sit, per l. 1. §. si quoque s. de oblig. & action. & S. pen. sup. quib. mod. re contr. obligat. Sed in societate ea ratio ideo id non evincit, quia ex adverso alia est & fortior, ob quam justum sit socium præstatione mediæ diligentiae adstringi; nimirum quia in hoc contractu omnium versatur utilitas: tantum hoc efficit, ut à socio non sit exigenda diligentia summa atque exactissima, quam forte aliquis putet à socio præstandam esse, propterea quod ea societatis natura est, ut diligentiam quandam atque industriam sociorum desideret, quam ipsam etiam singuli in se suscipere & tacite promittere videantur.

TITULUS XXVII.

D. lib. 17. tit. 1. C. lib. 4. tit. 35.

De Mandato.

Continuatio. Definitio mandati, ejusque per partes explicatio: & alia scitu imprimis necessaria.

SUPEREST contractuum, qui consensu obligationem pariunt, species quarta & postrema, mandatum videlicet. Mandatum (quod à manu, quæ fidei symbolum est, dictum putatur) est contractus, quod aliquid gratuito gerendum committitur & suscipitur. Ajo gerendum; quoniam mandare non est quovis modo committere; sed committere aliquid gerendum: quo admonemur, commendare aliquem non esse mandare, cumque, qui simpliciter amicum commendat, non obligari, etiam si quid in eum propter commendationem istam collatum fuerit, *fac. l. si vero 12, §. cum quidam 12. hoc tit.* unde vulgo dicitur, verba aut scripta commendatitia non inducere obligationem mandati, *l. fidei commissa 18, §. 2. de legat. 3.* An & quatenus quis obligetur ex literis creditiæ vel commendatitiis, in favorem alterius scriptis, si earum contemplatione quid creditum sit, *vid. Gomez. 2. var. resol. 13. num. 5. Christin. vol. 3. decis. 34. n. 6. Gloss. & DD. in l. si literas, Cod. hoc tit. l. Lucius 24. de fidejuss. l. si vero 12, §. cum quidam 12. hoc tit.* Ajo committitur & suscipitur. Nam mandatum uno rogante, altero recipiente perficitur. Etenim mandatum verbi proprietate tantum designet factum mandantis; tamen pro toto contractu passim accipitur, & facto utriusque; veluti cum dicimus mandatum contrahi, mandatum gratuitum esse oportere, obligationes, actiones mandati, &c. quod & in aliis appellationibus observatur, ut in stipulatione, acceptilatione, fidejussione. Cur dixerim gratuito, exponam *inf. sub §. ultim.* Suscepto mandato statim ex consensu nascitur obligatio, & qui suscepit, susceptum consummare, & vicissim, qui mandavit, eum indemnem præstare debet; eoque nomine mandanti competit actio mandati directa. Mandatario contraria, *pass. p. & Cod. hoc tit.* Cum autem mandati obligatio consensu consistat, consequens est, posse & per nuntium & per epistolam mandatum contrahi; nec refert, quibus verbis interponatur, *rogo, an voleo, an mando, an quo alio, ex quo mandatum intelligatur, l. 1. pr. §. 1. & 2. eodem.* Quin interdum etiam tacite mandatum contrahi intelligitur, veluti si patiar aliquem pro me fidejubere, aut ab alio mandari, ut mihi credatur, *l. 6. §. 2. l. qui patitur 18. eod.* Præmittuntur hoc titulo varii fines & formæ mandandi: materia, effectus, contraria, accidentia, & affinia, dein sequuntur.

TEXTUS.

Divisio à fine.

Mandatum contrahitur quinque modis, sive sua tantum gratia aliquis tibi mandet, sive sua & tua, sive aliena tantum,

sive sua & aliena, sive tua & aliena. At si tua tantum gratia tibi mandatum sit, supervacuum est mandatum; & ob id nulla ex eo obligatio, nec mandati inter vos actio nascitur.

NOTA.

MANDATUM CONTRAHITUR] Ex Gajo *l. 2. h. 1.* Mandare est gratuito aliquid gerendum committere. *vide inf. in comm.*

COMMENTARIUS.

Mandatum varias recipit divisiones. Nam aliud est expressum, aliud tacitum, *l. 6. §. 2. l. qui patitur 18. hoc tit.* Ab objecto dividitur in generale, quod universa alicujus negotia continet, & speciale, quod quædam, aut unum tantum. Illud vulgo subdividi solet in generale simplex, & cum libera. De quo nonnihil diximus sub §. nihil autem 42. sup. de rer. d. & s. Hoc etiam pro conditione negotiorum, prout illa aut judicialia, aut extrajudicialia sunt, distinguere potest. Hic alia proponitur divisio, sumpta à fine, eaque quinquepartita, quod scilicet mandatum contrahatur vel mandantis tantum gratia, vel mandantis & mandatarii, vel aliena tantum, vel mandantis & aliena, vel mandatarii & aliena. Quæ eadem extat apud Gajum *l. 2. hoc tit.* Unde etiam sequentes §§. descripti sunt. In quibus singulæ istæ formæ exemplis illustrantur. Poterat hic addi & sexta species, quando trium personarum gratia mandatum intervenit, mandantis, mandatarii, & aliena, cujus exempla in *l. 8. §. 3. & 4. eod.*

At si tua tantum gratia] Quod mandatum solius mandatarii gratia interponitur, forma tantum extrema mandatum est, revera consilium potius, quam mandatum; & ideo vim obligandi non habet, *vid. inf. §. tua tantum. 6.*

TEXTUS.

Si mandantis gratia mandetur.

1. Mandantis tantum gratia intervenit mandatum, veluti si quis tibi mandet, ut negotia ejus gereres, vel ut fundum ei emereres, vel ut pro eo sponderes.

COMMENTARIUS.

1. An & quando valeat mandatum incerta rei.
Exempla primæ speciei, seu ejus mandati, quod solius mandatarii gratia intervenit, ex Gajo *d. l. 2. §. 1.*

§. 1. *hoc tit.* Apud Gajum pro eo, quod hic legitur, *spondere*, est *fidejuberere*: quod à Triboniano repositum existimat Hotomannus, cum veteres *spondere* dixerint, pro *fidejuberere*; quasi apud Gajum & alios ejusdem ætatis, ut Javolenum, Julianum, non sæpius *fidejuberere*, quam *spondere*, invenias. Locus hic

alioqui planus est. Enimvero occasione exempli mandati de fundo emendo, quaeritur an mandatum rei incertæ valeat, puta si quis generaliter mandaverit sibi emi servum aut equum; vel si quis mandaverit sibi emi fundum aut domum sine demonstratione possessoris loci, modi, aut magnitudinis. Et probandum, in prioris generis mandato non esse eam incertitudinem, quæ mandatum vitiet; in posteriore esse infinitam, quæ non patitur mandatum valere, *arg. l. cum post. 69. §. 4. de jur. dot. l. ita stipulatus 115. pr. de verb. obl. l. si domus 71. pr. de legat. 1. add. quæ disputamus sub §. si generaliter. 22. sup. de legat.* Planè si per relationem aut analogiam de modo prædii constare potest, puto mandatum consistere; veluti si mandavi domum emendam habitationi meæ; vel agrum, unde frumentum annuum victui meo suppetat. Illud constat, non obesse mandato, quod pretium rei emendæ statutum non est: intelligitur enim, iudicio mandatarii id relictum esse secundum æstimationem communem, *l. 3. §. 1. hoc tit. D. Tulden. comm. hic. cap. 2.*

TEXTUS.

Si mandantis & mandatarii.

2. *Tua gratia & mandantis; veluti si mandet tibi, ut pecuniam sub usuris crederes ei; qui in rem ipsius mutuaretur: aut si volente te agere cum eo ex fidejussoria causa mandet tibi, ut cum reo agas periculo mandantis; vel ut ipsius periculo stipuleris ab eo, quem tibi deleget in id, quod tibi debuerat.*

NOTÆ.

EX FIDEJUSSORIA CAUSA] Nam jure veteri fidejussor ante reum principalem conveniri potuit, *l. 5. C. de fidejuss.* quod mutatum Nov. 4. Commodum hic creditoris mandatarii in eo, quod iudicium cum reo instituitur periculo mandantis, cum absque mandato foret, ut electione rei fidejussor liberetur, *l. ult. C. de fidejuss.* ubi demum id jus abrogatur. Exemplum hoc est in *l. 22. §. 2. l. 45. §. ult. h. t.*

QUEM TIBI DELEGET] Hoc mandatum in

rem mandantis interponitur, quia bonum nomen facit creditor, qui delegatum admittit, propter novationem, *l. 26. §. 2. eod.* & in rem mandatarii, quia novus debitor ita substituitur, ut nihilominus ex mandato agi possit in id, quod minus ab illo servari potuit, *d. l. 22. §. 2. d. l. 45. §. pen.*

COMMENTARIUS.

SECUNDÆ SPECIEI, seu mandati, quod in rem mandantis fit & simul mandatarii, tria exempla hic proferuntur. Primum est, si mandem alicui, ut sub usuris pecuniam credat ei, qui eam in rem & utilitatem meam mutuaturus sit. Hic manifestum est versari mandantis commodum, & propter lucrum usurarum etiam mandatarii: habet hoc exemplum & Gajus in *l. 2. §. tua & mea. q. hoc tit.* Alterum exemplum est, si fidejussor, metueas ne ex causa fidejussoria conveniatur, mandet creditori, ut cum reo potius agat suo mandantis periculo. Commodum hic fidejussoris mandantis in eo, quod iudicio liberatur, cum alioqui agi cum eo ex causa fidejussionis potuisset, reo principali neglecto: siquidem jure veteri fidejussor ante reum principalem conveniri potuit, *l. 5. C. de fidejuss.* de quo alio loco dictum est. Commodum creditoris mandatarii in hoc, quod iudicium instituitur periculo mandantis, cum quo postea mandati agi potest in id, quod à reo servatum non erit: cum absque mandato foret, ut electione rei fidejussor liberetur secundum tenorem juris antiqui, *l. ult. C. de fidejuss.* ubi demum id jus ab Imperatore abrogatur: quod vix unus & alter animadvertit. Tertium exemplum est, si is, qui centum debebat, cupiens ea obligatione liberari, rogavit creditorem, ut ea centum suo mandantis periculo stipularetur à Titio, quem in hoc creditori deleget. Hoc etiam mandatum in rem utriusque interponi intelligitur: in rem debitoris mandantis; quia ea delegatione fit novatio, atque ex prioris causa debitor liberatur: in rem creditoris mandatarii, quoniam novus debitor ita substituitur, ut nihilominus ex sequenti mandato cum priore agi possit in id, quod minus ab illo servari potuit. Duo posteriora exempla sunt etiam apud Paulum *l. si mandavero 22. §. 2. l. si mandati 45. §. pen. & ult. hoc tit.*

TEXTUS.

Si aliena.

3. *Aliena tantum causa intervenit mandatum; veluti si tibi aliquis mandet, ut Titii negotia gereres, vel ut Titio fundum emeres, vel ut pro Titio sponderes.*

NOTÆ.

NOTE.

3. ALIENA TANTUM CAUSA] Particula taxativa tantum & apud Cajum bis expressa est d. l. 2. pr. & §. 2. eamque & Th. agnoscit, ut mirum sit Hotomannum & Pac. censere delendam, vel ideo, quod eam Cajus non habet.

UT TITII NEGOTIA GERERES &c.] In his exemplis etsi ab initio nihil interest mandatoris, tamen ex post facto ut intersit, fieri potest; nempe cum ex gestu tuo mandator Titio obligari cepit nomine negotiorum gestorum, l. 28. de neg. gest. Non obstat igitur l. 8. §. 6. h. s.

COMMENTARIUS.

1 Adversus speciem hic propositam qua difficultates moveantur.

2 Earum difficultatum remotio.

Afferuntur hic ex Cajo l. 2. §. 2. hoc sit. exempla tertiæ speciei, seu mandati aliena tantum gratia interpositi: quæ species difficultate non caret. Etenim explorati juris est, nemini actionem competere, nisi ei, cujus intersit, l. qui fundum 32. locat. §. alteri. 18. sup. de inut. stip. quod & nominatim in causa mandati cautum, l. 8. §. mandati. 6. hoc sit. ubi Ulpian. sic scribit; *Mandati actio tunc competit, cum cepit interesse ejus, qui mandavit: ceterum si nihil interest, cessat mandati actio: quatenus competit, quatenus interest.* Atqui ut Titii negotia gerantur, ut Titio fundus ematur, ut quis pro Titio fidejubeat, quæ sunt exempla hujus §. nihil interest mandantis: utique si Titius, qua Titius, & negotium, qua alienum, duntaxat consideretur: quo sensu alibi dicitur, nil interesse mea, Titio dari, d. §. alteri, l. stipulatio ista. 38. §. alteri. 17. de verb. obl. Et omnino fatendum est, eum, qui mandavit, actionem mandati non habere, nisi ipsius intersit. Sed respondemus, illud mandatum dici aliena tantum gratia intervenire, quod ut fiat, statim & ab initio nihil interest mandatoris: neque enim ut mandati actio aliquando competat, exigitur, ut mandatoris intersit, quo tempore mandatum interponitur, sed sufficit quancumque ex post facto incipere interesse. Ut ecce, possum tibi mandare, quod fieri mea initio nihil interest, ut Titii negotia geras; & competet mihi tecum actio mandati, ubi mea interesse ceperit, id est, cum ex gestu tuo Titio obligari cepero nomine negotiorum, l. si quis 28. de neg. gest. Mandavi tibi ut Titio pecuniam crederes, cum mea pecuniariter non interesset Titio credi; si non credideris, concedo nullam mihi tecum esse actionem mandati. At si tu mandatum meum secutus (neque enim necesse est te explorare, utrum mea in-

terit, necne) pecuniam credideris, quoniam jam ego tibi teneri incipio actione mandati contraria, tu quoque vicissim mihi teneberis directa, si non ex bona fide omnia gessisti, l. 6. §. si tibi. 4. hoc sit. Quod vero apud Ulpian. d. l. 6. §. plane. s. traditur, etsi mea non interfuit, quod tibi mandavi, tua tantum interfuit, mandati tamen actionem esse, si non esses facturus, nisi ego mandassem, de contraria mandati actione intelligendum est, quæ quibusdam casibus competit, etiam ubi nulla directa est, ut in specie l. si hereditatem 32. in pr. eod. Hæc mihi expeditio-
ra videntur, quam illa aliorum quod ab initio etiam huic formæ mandati implicatum est commodum & interesse mandantis; dici autem, aliena tantum gratia id interponi, non quia in proposito non simul interveniat causa mandantis, sed quia causa aliena hic principalis; vel ut alii, quia persona aliena duntaxat mandato comprehensa est: quam interpretationem vix admittit d. l. 6. §. 4. & respondere videtur particula taxativa tantum, quæ bis etiam apud Cajum expressa est d. l. 2. pr. & §. 2. ut mirer, Hotomannum & Pacium censuisse delendam vel ideo, quod eam Cajus non habet.

TEXTUS.

Si mandantis & aliena.

4 Sua & aliena, veluti si de communibus suis & Titii negotiis gerendis tibi mandet, vel ut sibi & Titio fundum emeret, vel ut pro eo & Titio sponderet.

COMMENTARIUS.

Exempla speciei quartæ item ex Cajo d. l. 2. §. 3. hoc sit. Locus hic interpretatione non eget.

TEXTUS.

Si mandatarii & aliena.

5 Tua & aliena, veluti si tibi mandet, ut Titio sub usuris crederes; quia si sine usuris pecuniam crederes, aliena tantum gratia intercedit mandatum.

COMMENTARIUS.

Exemplum speciei quintæ, sive mandati interpositi in rem mandatarii & alienam, quod ipsum apud Cajum est d. l. 2. §. 5. hoc sit. Mandatarii hic interest propter quæsum usurarum: alieni, propter usum pecuniæ. Incidit autem hæc species in eandem dubitationem

tionem, quam habet tertia superius proposita §. *alicui* 3. ubi dubitationem fultuli: & illinc igitur petere licebit, quod etiam hic respondeatur.

TEXTUS.

Si mandatarii.

6. *Tua tantum gratia intervenit mandatum, veluti si tibi mandet, ut pecunias tuas in emptiones potius prædiorum colloques, quam fœneres: vel ex diverso, ut pecunias tuas fœneres potius, quam in emptiones prædiorum colloques. Cujus generis mandatum magis consilium, quam mandatum est, & ob id non est obligatorium; quia nemo ex consilio mandati obligatur, etiamsi non expediat ei, cui mandabatur, cum liberum cuique sit, apud se explorare, an sibi expediat consilium. Itaque si otiosam pecuniam domi te habentem hortatus fuerit aliquis, ut rem aliquam emereres, vel eam crederes, quamvis non expediat eam tibi emisse, vel credidisse, non tamen tibi mandati tenetur. Et adeo hac ita sunt, ut quesitum sit, an mandati teneatur, qui mandavit tibi, ut pecuniam Titio fœnerares. Sed obtinuit Sabini sententia, obligatorium esse in hoc casu mandatum: quia non aliter Titio credidisses, quam si tibi mandatum esset.*

NOTÆ.

SI OTIOSAM PECUNIAM] Id est, sterilem, l. 7. de usur. seu vacuum, l. 28. de pos. l. 34. de præf. Verb. quæ domino nullum fructum affert, l. 13. §. 1. de usur.

UT PECUNIAM TITIO FœNERARES] Cum demonstratur persona, mandatum est, cum in definitè mandatur, consilium, ut & Placentino videtur.

COMMENTARIUS.

1 Mandatum quid differat à consilio.

2 Interdum mandatum solius mandatarii gratia interpositum consilii fines excedere.

3 Neminem ex consilio si fraus absit, teneri.

4 Applicatio l. 6. §. 5. hoc tit.

5 Si quis alicui suaserit, ut pecuniam certa persona credat, tale consilium instar mandati haberi.

6 Tollitur difficultas, quæ ex Verbis Justiniani oritur.

Quod mandatum solius mandatarii gratia fit, magis consilium, quam mandatum est. Differt enim mandatum à consilio. Mandatum pars quædam voluntatis est, ut quid fiat: consilium non est. Qui mandat, vult & urget, ut fiat, quod mandatum est. Qui dat consilium, consultoris arbitrio rem permittit, neque utrum fiat, necne, laborat. *Chrysostom. de virgin. d. 1. ὁ μὲρ συμβουλίας ἀφίησι τὴν ἀνάγκην κρείων ἐνταῦθα τῆς πρὸς αὐτὸν αἰτίσεως, ὥστε ἂν πεύεται τὸ συμβούλιον.* Proinde cum in specie proposita mandatoris nihil interfit, aut interesse possit, utrum alter mandatum ejus sequatur, nec ne, consuli potius, quam mandari videtur negotium, quod eum tantum, cui mandatur, tangit. Et licet hoc quoque nomen mandati habeat, vim tamen & effectum non habet, & revera species mandati non est, sed consilii, cujus nulla est obligatio, hoc text. l. 2. pr. & §. ult. eod. l. 6. §. plano s. l. Quintus 48. §. ult. eod. Plane potest mandatum solius mandatarii causa interpositum tale esse, ut excedat terminos simplicis consilii; & tunc etiam obligatorium est. Exemplum habemus apud Julianum l. si hæreditatem 32. pr. eod. Mandavit mihi aliquis, ut hæreditatem adirem, cavique insuper damnum præstari, cum aliter aditurus non essem: si adierim, & damnum sensero, erit eo nomine mihi cum eo actio mandati. Plura ejusdem generis exempla fingi possunt.

Quia nemo ex consilio mandati obligatur] Ex consilio dato neminem obligari placet, etiamsi id consilium non expediat ei, cui datum est; cum liberum sit unicuique, apud se explorare, an expediat, nec ne, sibi, consilium sequi, d. l. 2. §. ult. Caterum hoc ita, si à consilio absit dolus: nam si dolus & calliditas intervenerit, utique de dolo actio in eum competit, qui consilium fraudulentum, quo alteri nocitum est, dedit, l. consilii 47. de reg. jur. fac. l. 8. l. si legatarius 23. l. cum quis 31. de dol. l. 2. de proxen. Ut enim ex consilio nemo obligetur ad hoc, ut præstet eventum; fidem tamen præstare debet, & si fraudem adhibuerit, minimè excusandus est. Bene Cicero lib. 16. ad Atticum epist. 8. Qui consilium dat, inquit, fidem præstare tenetur: sed fidem tantum. Nam ut idem alibi, Si fraus absit, ex consilio nemo tenetur, & qui consulit, præter fidem nihil præstat. Cui simile est illud Ulpiani, consilii non fraudulentum nulla est obligatio, l. 47. de reg. jur. Itaque summa ratione a-

pud Dionem *lib. 52.* Agrippa monet Augustum, ne iis, à quibus consilium petisset, crimini duceret, si forte res fecius, quam illi existimassent, caderet, his ferè verbis: *Τὸς δ' ἀναστρέψας μὴ ἀπειθεῖς ποτὶ, μὴ ἀνιδῶν· τὴν γὰρ διαίτην αὐτῶν οὐκ ἀποτρεῖν, ἀλλ' ὅσα ἐπαύριον μίμνηται.*

Otiosa pecunia à prudentibus dicitur pecunia sterilis, *l. 7. l. 13. §. 1. de usur.* quæ in arca jaceret, nullumque domino suo fructum affert: cui opponitur occupata, id est, pecunia senebris, quæ usuram parit, *ἡρπῆς ἁρμῆς Demosth. ad Serf. Aphob.*

Hortatus fuerit, ut rem aliquam emeret. &c.] Quid ergo, si empturus aut pecuniam fœneraturus non fuisses, nisi ego mandassem? Ne sic quidem puto esse tibi necum in proposito actionem mandati; quamvis refragari videatur, quod Ulpian. *l. 6. §. plane s. hoc tit.* scribit, mandati actionem esse, si quid feceris mandatu meo, quod alias facturus non eras, etsi mea non interfuit. Nam si istud tam latè interpretamur, quam verba patiuntur, nemo fere erit, qui non obligetur ex consilio; cum semper is, cui consilium datum est, dicturus sit, se, quod facit, facturum alias non fuisse. Itaque Ulpiani responso accommodanda sunt exempla, non simplicis consilii, sed mandati, quale est in *l. si hereditatem 32. hoc tit. & simil.*

Ut pecuniam Titio fœnerares.] Aliud est, verbis generalibus quid consulere aut suadere alicui, puta verbi causa, ut pecuniam fœneret simpliciter; aliud cum designatione certæ personæ, veluti ut pecuniam credat aut fœneret Titio. Prius meri consilii est, quoniam hic res tota arbitrio consultoris relinquitur, id est, illud etiam, cui pecuniam credat; & ob id, si minus idoneo crediderit, de se queri, sibi que hoc imputare debet; consiliarii autem, si fraus non intercessit, excusandus. Posterius vim habere mandati placet, eo quod hic auctor tuus fidem suam pro persona designata interponere videtur, tu qui credis, fidem illius sequi, aliter non crediturus. Itaque si cum Titio verbi gratia, pecuniam mutuam à me peteret, aut pro alio petente fidem suam offerret, nollem autem aut debitorem eum habere aut fideiussorem, quod suspectæ mihi essent facultates ejus, tu consuluiſti & hortatus es, ut facerem, idoneum eum esse affirmans; hoc consilium tuum instar mandati est, atque ex eo, si quid secus mihi venerit, teneri te est æquissimum, propterea quod tuam hortantis & suadentis fidem secutus sum omnino, teque suatore & impulsore feci, quod alias nunquam fecissem; quamvis ut facerem tua non interfuit. Ait Justinianus, quæsitum esse, *an mandati teneatur, qui mandavit tibi, ut pecuniam Titio fœnerares.* At hoc verum mandati exemplum est, ejus scilicet, quod mandatarii & simul aliena gratia interponitur: idem enim valet, si mandem tibi, ut pe-

cuniam sub usuris Titio credas, sive ut fœneres; quod mandatum certo jure obligatorium est: neque de eo unquam dubitatum videtur, non magis quam de eo, quod aliena tantum causa intercedit, veluti si tibi mandem, ut pecuniam Titio credas sine usuris, *S. prac. junct. §. 3. sup. ead. l. 2. §. 2. & pen. eod.* Quamobrem suspicor, Justinianum abusum verbo mandandi pro consulendi aut hortandi, quo paulo ante usus est, dubitatumque an mandati teneatur, non qui ultro & sponte sua, alteri forte nihil tale cogitanti mandat, ut pecuniam certæ personæ credat, sed qui auditus & rogatus tale consilium dedit, hortatusque consultorem est, ut faceret, citra animum se obligandi; ut ratio juris videatur denegare actionem; quam tamen ex bono & æquo dandam secundum Sabini sententiam placuerit. Plane, qui simpliciter affirmavit, idoneum esse eum, cui pecunia mutua dabatur, non interveniente mandato aut consilio de credendo, mandati non tenetur, *l. 2. de proxenet. l. 7. §. ult. de dol. & ibi Costal. Gom. 2. resol. 13. n. 5.*

TEXTUS.

De mandato contra bonos mores.

7. Illud quoque mandatum non est obligatorium, quod contra bonos mores est: veluti si Titius de furto, aut de damno faciendo, aut de injuria facienda mandet tibi: licet enim pœnam istius facti nomine præstiteris, non tamen ullam habes adversus Titium actionem.

COMMENTARIUS.

- 1. Mandati rei inhonesta nullam esse actionem, quamvis nihil flagitiosi habeat.*
- 2. Ex delicto tam mandantem, imo & consilium dantem obligari, quam mandatarium.*
- 3. An qui mandavit hominem vulnerari, si occisus sit, teneatur pena homicidii remissæ.*

Materia seu objectum mandati sunt res licitæ & honestæ: turpium rerum & illicitarum nullum mandatum, nullaque in universum ex ullo contractu obligatio est, *l. 6. §. 2. hoc tit. l. nec prætermittendum 57. pro soc. l. generaliter 26. cum seq. l. si flagitii 123. de verb. obl.* Itaque si quis ædem sacram spoliandam, hominem vulnerandam, occidendam, furtum faciendum, &c. suscepit, neque pœnam, in quam propter flagitium, &c. impensas, in quas propter vulnus condemnatus est, in summa nihil man-

mandati iudicio consequi potest; propter turpitudinem mandati, & quia proprii delicti poenam praestat, *l. si mandavero 22. §. qui adem. 6. hoc tit.* Sed & si nihil flagitiosi mandetur, si tamen alias quod mandatur, inhonestum sit, nulla ex eo mandati actio est; veluti si adolescens luxuriosus mandet tibi, ut pro meretrice fidejubeas, & tu sciens mandatum susceperis, non habebis mandati actionem. Idemque obtinet, si mandaverit tibi, ut meretrici pecuniam credas; quia simile est ac si perdituro credideris, & adversus bonam fidem, *l. 12. si adolescens 11. eod. l. 8.*

2. pro empt. Plane, si Titius tuo mandatu aliquem occidit, aut vulneravit, aut contumelia affecit, etsi hic nulla ex contractu inter vos obligatio oritur, uterque tamen obligamini ex delicto: neque te, qui mandasti, excusat, quod Titius facinus perpetravit; neque Titium, quod tu mandaveris. Quin nec ipsis servis, qui mandatu dominorum deliquerunt, in atrocioribus ignoscitur, *l. 11. §. an ignoscitur. 7. quod si aut clam. l. si servus 20. de obl. & act. l. ad ea. 157. de reg. jur.* atque hoc in tantum procedit, ut tu parem cum Titio poenam sustineas, arg. *l. nihil interest. §. 1. ad leg. Corn. de sicar. l. 11. §. 3. de injur. l. 5. C. de accus. l. pen. C. si reus vel accus. mort. add. Clar. lib. 5. §. fin. q. 89. & ibi citat. cum citatis apud Baprist. Bajard. in annot.* Sed & consilium quoque in delictis eadem poena puniri, qua mandatum, communis sententia est; utique si datum sit ei, qui alioqui nihil commisisset, *Clar. d. §. fin. q. 89. CoVar. in Clem. si furiosus p. 2. §. 2. de homicid. Menoch. arb. jud. cas. 351.* Quæritur, an is qui mandavit hominem vulnerari tantum, si mandatarius eum occiderit, poena homicidii teneatur, vid. *Clar. d. q. 89. numer. 5. Menoch. arb. jud. cas. 352. numer. 2. CoVar. in d. Clement. p. 2. §. 1. n. 3. Fachin. 1. cont. 36. Christ. sol. 5. dec. 49.* ubi refert, negantium sententiam in iudicio contradictorio probatam Senatui Mechliniensium, qui mandatum tale poena extraordinaria puniverit. Illud convenit, in atrocioribus delictis etiam solum & simplex mandatum, hoc est, etsi non sequatur effectus, aut ad aliquem actum deventum sit, poena arbitraria coercendum esse. *CoVar. d. Clement. princ. p. 2. n. 9. Vers. sexto. Menoch. arb. jud. cas. 352. n. 6.* Hæc obiter indicavi: neque enim huius loci est, ea tractare latius.

TEXTUS.

De Executione mandati.

8. Is, qui exequitur mandatum, non debet excedere fines mandati: ut ecce, si quis usque ad centum aureos mandave-

rit tibi, ut fundum emeris, vel ut pro Titio sponderes: neque pluris emere debes, neque in ampliorem pecuniam fidejubere, alioqui non habebis cum eo mandati actionem: adeo quidem, ut Sabino & Cassio placuerit, etiamsi usque ad centum aureos cum eo agere volueris, inutiliter te acturum. Sed diversa schola auctores recte usque ad centum aureos te acturum existimant: quæ sententia sanè benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorum fundus emeretur, is utique mandasse intelligitur, ut minoris, si possit, emeretur.

COMMENTARIUS.

- 1 *Fines mandati qui excessit, actionem mandati non habere: quod exemplis illustratur.*
- 2 *An legati, aliiq̃e, qui mandatum à populo, &c. acceperunt, præcisè quod mandatum est, semper sequi teneantur.*
- 3 *Quis color Sabini & Cassi sententia hic relata prætatur.*
- 4 *Contrariam Neræ & Proculi merito prælatam, cum confutatione argumentorum Sabini.*
- 5 *Licet restanti valeat, quanti emptæ est, tamen mandatarium, quod ultra mandatum impendit, contrario iudicio consequi non posse.*
- 6 *Occurritur argumentis auctorum contraria sententia.*

Locus insignis de executione mandati. Mandatarius ad præscriptum agere, atque in exequendo mandato cavere debet, ne fines mandati egrediatur, aliudve faciat, quam quod ei mandatum est: alioqui tanquam non impleto mandato repetitionem impensarum contrario iudicio non habebit, quamvis ipse directo teneatur, *l. potest 41. b. r.* Ut ecce, mandavi tibi, ut domum Sejanam centum aureis emeris: si tu Titianam emeris, quamvis fortè majoris pretii, & tamen centum, vel etiam minoris, non videris implese mandatum, *l. 5. §. 2. eod.* Item si mandavero tibi, ut fundum meum centum venderes, tuque eum no-

naginta vendideris, egressus es mandatum: & ideo si fundum petam, non obstat mihi exceptio, nisi & reliquum mihi, quod deest, mandatu meo præstes, & indemnem me per omnia conserves, *d. l. §. §.* Similiter si tibi mandavero, ut pro me in diem fidejuberem, & que purè fidejusseris & solveris, interim non erit tibi mecum actio mandati, quia mandatum excessisti, *l. si mandavero 22. eod.* Idque est quod generaliter Paulus definit, diligenter fines mandati custodiendos esse: eum enim, qui excessit, aliud quid fecisse videri, *d. l. §. in pr.* Planè in finibus mandati constituisse videtur, qui fecit æquipollens, *in iudicio*, veluti si rogatus fidejubere pro Titio apud Mævium, mandavit creditori Mævio, ut Titio crederet, *§. ult. eod.* Hic introduci potest quæstio agitata in philosophia, an legatus aliusve, qui mandatum à populo, principe, aut duce exercitus accepit, præcisè id omne & solum, quod mandatum est, facere teneatur; an nonnunquam quædam etiam præter & contra mandatum, si videlicet ea aut videat, aut speret ei, qui mandavit, utiliora fore: quam quæstionem problematicè tractat Agellius *1. not. d. l. §. 13.* Nobis in ista excurrere non licet. Equidem arbitror, regulam Pauli de custodiendis mandati finibus, vel maximè locum habere in negotiis publicis & bello, corruptique atque dissolvi officium imperantis, si quis ad id quod facere iussus est, non obsequio debito, sed consilio non desiderato respondeat, ut ait Agell. *d. lac.* Cæterum æquum nihilominus videtur, ut ratio aliqua habeatur circumstantiarum, puta vel temporis, ne dum nova & longinqua mandat expectantur, occasio rei ex utilitate mandantis gerendæ elabatur; vel certitudinis successus; quo utroque nomine excusari potest factum Phœbidæ Lacedæmonii, qui missus in Olynthios injussu reipub. arcem Cadmeam occupavit consilio & ope Leontiadis Thebani: quod factum Agesilaum defensorem habuit, *Xenoph. lib. 5. hist. Græc.* fortè & ingenium ejus, qui imperavit, considerandum, facilisne sit & placidus, an Manlius aliquis, aut Posthumius: nam si tali præceptorum ratio reddenda sit, nihil faciendum monerem aliter, quam præceptum est. Illud Cæsaris est; *Alia sunt legati partes, alia Imperatoris. Alter agere ad præscriptum, alter libere ad summam rerum consulere debet. Cæs. comment. 3.* Sed de hoc fufius scriptores politici. *Vid. Besold. de legat. c. ult. & ibi citat. & inq. inq. Gifan. in præfat. comm. de imp. Just.*

Adeo quidem ut Sabino & Cassio, &c.] Posito generaliter recepto hoc jure, eum, qui aliud facit, quam quod mandatum est, non videri implere mandatum, quæri cœpit, quando idem aut aliud factum esse videretur, ut hinc judicari possit de actione mandati. Constitit autem dubitatio ferè in hac

specie, si quis, cum ei mandatum esset, ut ad certum usque pretium fundum emeret, vel ad certam summam pro Titio fidejuberet, fundum quidem emerit, cæterum plurius, vel pro Titio sponderit, sed in majorem summam. Et Sabino & Cassio placebat nullam hoc casu mandatario actionem mandati esse, etiam si ad summam mandato comprehensam tantum agere velit, paratus id, quod excedit, remittere: nec dubium, quin ideo, quod hic aliud factum putaverint, quam quod mandatum erat: quanquam & alio argumento utebantur, quod iniquum esse dicebant, uni dari actionem, alteri denegari: id autem in casu proposito contingere, si mandatum egresso actionem damus adversus mandantem: mandanti enim cum illo actionem non esse, *l. 3. in fin. hoc tit.* Sed Nervæ & Proculo contra visum est, in hujusmodi specie saltem ad summam mandato expressam mandatarium rectè agere, quasi hætenus non aliud, sed quod rogatus est, fecerit, mandatumque impleverit. Ut ecce, rogatus fundum emere centum aureis, eum emit centum & viginti: qui autem centum & viginti emit, eum verum quoque est centum emisit; cum unique majori summa semper inest & minor, *l. 1. §. si stipulanti 4. de verb. obl.* Itaque censuerunt, in hypothese proposta centum juxta mandatum impena, atque hætenus actionem mandatario rectè dari: quod amplius est, quia extra mandatum, pro inutiliter adjecto habendum: quæ sententia merito recepta est, *d. l. 3. §. ult. junct. l. 4. l. rogatus 33. h. 1.* Nec video, quid in contrarium valeat alterum Sabini & Cassii argumentum obscuriusculè à Paulo propositum *d. l. 3. in fin.* Nam si hæc eorum mens fuit, non esse mandati actionem cum eo, qui mandatum excessit; & ideo nec esse debere cum illo, apertè falsum assumunt. Nam pro certo jure traditum est, ei, qui mandavit, competere judicium mandati adversus eum, qui mandatum egressus est, licet huic non competat adversus illum, *l. potest. 41. eod.* Sed opinor, hoc eos sensisse, cum tu plurius fundum emisisti, quam ego mandaveram, puta centum & viginti aureis, cum de centum tantum mandassem, si ego in hujusmodi specie non rectè mandati tecum ago, ut mihi fundum tradas, quantumvis parato mihi refundere pretium mandato comprehensum, id est, centum aureos; vicissim æquum non esse, ut tibi contrario judicio mecum experiri liceat, ut fundum statuto pretio recipiam, quamvis tu paratus sis reliquum remittere. Cæterum in hac argumentatione manifestè vitiosa est illatio. Etenim nihil iniqui habet, ut ego teneam fundum recipere eo pretio, quo emptum eum mihi volui, licet procurator meus eum plurius emerit; qui etiam reliquo remissio mihi gratificatur. At iniquum est, teneri procuratorem, fundum, quem emit cen-

tum & viginti, mihi tradere centum duntaxat restituro, ad quam usque summam ut emeret, tantum mandaveram. In hac eadem specie de mandatario quaesitum est, non ab auctoribus juris, sed ab interpretibus, an si fundus tanti valeat, quanti emptus est, non possit mandatarius etiam id, quod amplius impendit, & nimirum etiam viginti illa, contrario iudicio repetere, non quidem mandati, sed negotiorum gestorum, tanquam extra mandatum utiliter impensa in rem & contemplatione mandantis. Visum id olim Martino fuit & Joan. Fabr. ex recentioribus Baroni, Myns. & Bronch. 1. miscell. 66. arg. l. 2. d. qua utiliter 45. de neg. gest. Sed rectius id mihi negare videntur Joan. Bulg. & Accursius; quoniam actio negotiorum gestorum competere non potest ei, qui gessit invito domino, l. ult. C. de neg. gest. Id autem fit in specie propoſita: nam qui fines mandati excedit, is, quatenus excedit, facit contra id, quod praescriptum est, & tantum non contra expressam prohibitionem mandantis: quippe eo ipso quod quis mandat rem sibi emi centum, prohibere intelligitur pluris sibi emi; quæ etiam voluntas modum & finem erogationi imponit, l. liberto 31. §. liberos 4. de neg. gest. Et vero si mandatorem ultra id, quod impendi voluit, obligari dicimus, manifesta ei fiet iniuria, aperiaturque fenestra improbis hominibus calidè excedendi fines mandati. Utque mea nihil refert, utrum quis actione mandati, an negotiorum gestorū experiri queat. An ergo credimus, Jurisconsultum, in d. l. 4. aut Justinianum, hoc loco actionem mandati usque ad statutum pretium duntaxat, idque ex humanitate secundum Proculi sententiam concedentes, in verbis ludere, atque in reliquum adhuc concedi voluisse actionem negotiorum gestorū? Aut Sabinum & Cassium, in totum denegantes actionem mandati, admisisse tamen actionem negotiorum gestorū? Argumentis auctorum contrariæ sententiæ facile occurri potest. Prætexitur æquitas, sed nullo colore. Nam mandatarius aut suo nomine pluris emit; & certum est, eum, quatenus definitum pretium excessit, nullam omnino actionem habere: aut nomine mandatoris; & hic non potest quidem mandator ultro conveniri, ut restituat totum, quod impensum est: cæterum si ipse cum mandatario agat, ut res tradatur, defendetur mandatarius exceptione, nisi totum, quod erogavit, restitatur. Quod si facta sit traditio? Et si quidem mandatarius rem tradens pretium pro ea datum indicavit, mandator hoc ipso, quod rem recipit, ratam habere emptionem videtur; quod perinde est, ac si, ut tanti emeretur, ab initio mandasset, per l. 12. in fin. de solut. l. semper 60. de reg. jur. cap. ratihabitionem; 2. eod. in d. Si vero pretium non indicavit, tenetur mandator, ubi resciverit, emptionem probare aut improbare, ea

probata totum pretium restituere, improbata rem ipsam. Ita ferme Angel. & Sylvest. hic, citato Saliceto, ad eundem modum distinguente in l. 3. hoc tit.

Quod si minoris emeris, &c. Qui rem aliquam minoris emit, quam ex mandato pluris emere poterat, non aliud facit, sed illud ipsum, quod ei mandatum est: nec ideo mandati fines excessisse videri potest, in d. l. 4. in fin. Nam qui certa summa rem sibi emi mandat, etiam minoris, si possit, eam sibi emi mandasse intelligitur. Itaque dubium nunquam fuit, quin hic ad eam summam, quæ impensa est, mandatarius actionem habeat, l. 5. §. ult. hoc tit. Non idem intelligi debet, si quis mandaverit certo pretio rem suam vendi, eaque minoris vendita sit, d. l. 5. §. 3. l. cum mandanti 12. C. eod. Idem dicendum esset, si pluris vendidisset: quippe multum refert, cauta mandantis melior fiat, an dædioris, l. 3. pr. d. l. 5. §. ult. eod.

TEXTUS.

De revocatione mandati.

9. Rectè quoque mandatum contrahitur, si, dum adhuc integra res sit, revocatum fuerit, evanescit.

COMMENTARIUS.

1. Quod mandatum revocatione mandantis solvatur, contra communes regulas receptum esse: & quare.

Mandatum itidem ut societas, non tantum solvitur communibus illis & ad omnem obligationem pertinentibus modis, de quibus tit. hujus lib. sed etiam propriis quibusdam & remotis à communi lege dissolvendarum obligationum: quos modos ideo Justinianus etiam hic tradere voluit, sicut tit. præc. perstrinxit modos finiendæ societatis proprios. Recensentur autem hic modi quatuor, quibus proprio jure mandatum solvitur; duo, quibus ex persona mandantis, revocatio & mors mandatoris; totidemque, quibus ex persona mandatarii, mors hujus ipsius & renuntiatio.

Si, dum adhuc res integra, revocatum [Si re adhuc integra consensu mutuo à mandato recedatur, solvitur mandatum jure communi, §. ult. inf. quib. mod. toll. obl. at ut sola voluntate & revocatione mandantis finiatur mandatum, l. 12. §. pen. l. 15. hoc tit. videtur esse præter regulam, traditam in l. 5. C. de ob. & act. neminem ab obligatione semel constituta adversario non consentiente recedere posse. Cur i-

gitor placet, mandatum hoc modo solvi? Nimirum quia is, qui mandavit, non obligatur ad hoc, ut quod semel mandavit, perfici patiatur. Cur enim quod sua causa susceptum est, prohibeatur repudiare? Aut opera atque officia oblato non uti? Nec habet, quod queratur mandataris, cuius nihil interest, si re adhuc integra revocatio facta sit. Quid ergo si facta sit postquam res integra esse desit, id est, postquam jam mandatario per causam mandati quid abesse coepit? Solvitur quidem nihilominus adhuc mandatum, ut, quod post à mandatario sit, intelligatur non fieri ex mandato: ceterum hic ex antegesto, aut gesto antequam sciret, mandatorem revocasse, actionem mandati habet, ut consequatur, quod ei propter mandatum abest, ne damno afficiatur, per *l. 15. l. inter 26. pr. hoc tit.* Illud etiam notandum est, revocationem mandati non tantum expresse fieri, sed interdum etiam tacite factam intelligi, ut in specie *l. pen. de reb. cred. & §. seq. in fin.*

TEXTUS.

De morte.

10. Item si adhuc integro mandato mors alterius interveniat, id est, vel ejus, qui mandaverit, vel illius, qui mandatum suscepit, solvitur mandatum. Sed utilitatis causa receptum est, si eo mortuo, qui tibi mandaverat, tu ignorans eum decessisse, executus fueris mandatum, posse te agere mandati actione: alioqui iusta & probabilis ignorantia tibi damnum afferet. Et huic simile est, quod placuit, si debitores manumisso dispensatore Titii, per ignorantiam liberto solverint, liberari eos: cum alioqui stricta juris ratione non possent liberari: quia alii solvissent, quam cui solvere debuerint.

NOTA.

LIBERARI EOS] Nam stricta quidem ratione, sed tamen ratione summa, *ἡ τοῦ φιλάνθρωπον*, id est, propter utilitatem, seu ex æquo & bono, *d. l. pen. de reb. cred. l. 11. in fin. de pos. l. 18. l. 51. de solut.*

COMMENTARIUS.

1. Proprium quoque mandati esse, quod morte &

tam mandantis, quam mandatarii extinguatur: & cur id visum.

2. At eo etiam casu mandatum finiatur morte mandatoris, cum mandasset quid fieri post mortem suam.
3. Quid sibi velit, quod additur, si integro adhuc mandato mors intergenerit.
4. Interdum mandatario post mortem mandantis implenti mandatum ex bono & æquo actionem dari: & quibus casibus.
5. Casus alius, & exemplum superioribus simile.

ETiam morte, & tam mandantis, quam mandatarii mandatum extinguatur, *l. inter 26. & l. seq. §. 3. l. mandatum 57. & l. seq. hoc tit. l. 15. C. eod. l. ult. de solut.* Et hoc quoque utrumque contra communem regulam juris, quia placet heredem in universum jus defuncti succedere. Sed nimirum natura mandati tacite continetur, ut ne mandatum personam egrediatur aut mandantis aut mandatarii: non mandantis, quippe quem sibi soli officiosum hanc operam ab amico præstari, & cui soli, ut amico, in eo gratificari mandatarium voluisse putandum est: non mandatarii, quia industria & fidei eorum persone in hoc electæ res commissæ sunt: quæ ratio expressa est in *cap. ult. x. de off. de leg.* significatur in *d. l. mandatum 57. hoc tit.* explicatur in *l. 9. de curat. fur. Cic. pro Rosc. Comed. Nemo enim mandat, nisi amico & fidei.* Itaque cum præstatio officii in mandato, & ratione ejus, cui præstatur, & ejus qui præstat, tota personalis sit, mirum videri non debet, mandati obligationem cum persona eorum expirare, *l. 8. §. 3. de lib. legat.* Videamus prius de mandatore. Igitur si mandator integro adhuc mandato decesserit, dicimus, mandatum solvi, ut jam nec is, qui mandatum suscepit, id mortuo mandatore implere teneatur, nec heredes mandatoris obligentur, ut patiantur eum mandatum exequi, *d. l. inter 26. & arg. l. seq. §. 3. hoc tit.* Ex quo intelligimus, neque illum, si mortuo mandatore mandatum executus fuerit, ullam adversus heredes mandatoris actionem habere, neque ex diverso, si executus non sit, heredes mandatoris agere posse, ut exequatur, aut id, quod eorum interest, præstet. De illo queritur, an mandatum morte mandatoris usque adeo solvatur, ut idem probandum sit, etiam si nominatim mandaverit quid fieri post mortem suam. Et in eo hæc distinctio communiter probata est, ut hujusmodi mandatum post mortem mandatoris non finiatur, sed omnino implendum sit, si tale sit, quod non nisi post mortem ejus impleri queat: veluti si cui funeris sui curam mandaverit, aut ut post mortem suam sibi monumentum fieret, aut heredibus suis fundus emeretur, *l. 14. §. 2. de relig. l. 12. §. ult. & l. seq. hoc tit.* Sin autem quod mandavit, eo vivo impleri

pleri potuit, mortuo eo mandatum extinguui; veluti si jufferit debitorem suum post mortem suam solvere Titio, *l. ult. de solut.* ejusmodi etiam causa hæredibus, ad quos tum res pertinet, non obstante mandato, integra servata intelligitur. Similiter ex converso mandatum solvi placet, si mandatarius re adhuc integra decesserit: & ob id hæredes ejus non tenentur, quod ille suscepit exequi; & licet sponte executi fuerint, actionem tamen mandati non habent, *l. si quis 27. §. 3. l. mandatum 57. hoc tit.* Cur vero in utraque specie additur, si re adhuc integra mors intervenierit? Non sane quod postquam res integra esse desiit, seu interesse cepit, morte alterutrius interveniente mandatum non solvatur, & adhuc libere perfici possit, quod cœptum est: sed quia obligatio mandati & actio ante mortem nata post mortem perseverat, *l. inter 26. fac. d. l. mandatum 57. & l. seq. eod.* Ut ecce, actio mandati statim competit, cum cœpit interesse, *l. 8. §. mandati 6. eod.* Et igitur sive mandatarius decesserit, quo tempore jam interesse cœperat mandatoris, puta cum jam ille eandem rem per alium explicare non poterat, sive decesserit mandator, cum res non amplius integra esset mandatario, quod forte jam sumptus ad negotium exequendum necessarios fecisset, actio mandati semel alterutri quæsitæ neutrius morte intercidit, *dd. ll.*

In ignorans eum decessisse executus fuerit Et si mandatum morte mandatoris extinguatur, & ideo secundum stricti juris rationem, quamvis mandatarius ignorans mandatore decessisse mandatum impleverit, agere mandati non potest: tamen utilitatis causa, sed ex bono & æquo, placet impleto per ignorantiam mandato actionem ei dari, *l. inter 26. l. si precedente 58. hoc tit.* quippe in hoc judicio de bona fide agitur, cui non congruit de apicibus juris disputare ut eleganter ait Ulpianus, *l. si fidejussor 29. §. quædam 4. eod.* Atque hoc ipsum etiam admittendum videtur in ignorantia juris, puta si mandatarius, quamvis non ignarus mortis mandatoris, errore juris per vasus id sibi incumbere, mandatum impleverit, arg. ejus, quod de hæredibus mandatarii simili errore mandatum exequentibus Papinianus respondit *l. mandatum 57. eod.* nam & alias; cum de damno vitando agitur, error juris nocere non solet, *l. 7. & 8. de jur. & fact. ign.* Illud hic quaeri potest, an si forte ad consummationem mandati adhuc aliquid desit, id recte absolvatur vel à mandatario post mortem mandatoris ei cognitam, vel ab hæredibus mandatarii post mortem illius. In quo hæc distinctio probanda videtur, ut siquidem ea, quæ agenda supersunt, cum prioribus connexa non sint, tum non liceat, mandatario aut hæredibus ejus reliqua implere: sin vero connexam cum negotio cœpto rationem habeant, tum illis liceat, imo incumbat, arg.

l. 5. §. si tutor. 5. l. tutorem 37. §. 1. de adm. tut. l. 13. de tut. & rat. distr. l. 3. §. pen. de contr. adm. tut. l. 11. Cod. arbitr. tut.

Alioqui justa & probabilis ignorantia] Justa & probabilis ignorantia nemini fraudi esse debet; atque in proposito ne juris quidem, per *l. mandatum 57. hoc tit.* ubi ignoscitur hæredibus mandatarii, iisq; actio conceditur, qui errore lapsi, non animo furandi, sed exequendi, quod defunctus suæ cura fecerat, mandatum impleverunt.

Huic simile est] Quod dixit de mandato consummato post mortem mandatoris per ignorantiam mandatarii, illud illustrat exemplo simili, nempe creditorum per ignorantiam solventium manumisso dispensatori creditoris mandantis; quos ex æquo & bono liberari placet; quamvis stricta ratione juris non liberentur, cum alii solverint, quam cui oportebat, *l. 11. in fin. de pos. l. penul. de reb. cred. l. si quis 18. l. dispensatori 51. de solut.* Quod ut intelligamus, tria hæc scire oportet. 1. dispensatorem dici servum pecuniis domini exigendis & administrandis præpositum, *d. l. pen. cred. de reb. d. l. 18. de solut. 2.* qui servum dispensatorem facit, eum intelligi suis debitoribus mandare, ut ei solvant, *fac. l. qui hominem 34. §. 3. de solut. 3.* qui servum dispensatorem manumittit, tacite mandatum revocare. Est vero liberatio hæc communis omnium debitorum, qui ignorantes mandatum revocatum esse, procuratori quondam creditoris solvere, *l. 12. §. 2. d. l. 18. d. l. qui hominem 34. §. 3. de sol.*

TEXTUS.

De renunciatione.

11. Mandatum non suscipere cuiuslibet liberum est: susceptum autem consummandum est, aut quam primum renuntiandum, ut per semetipsum, aut per alium eandem rem mandator exequatur. Nam nisi ita renuntietur, ut integra causa mandatori reservetur, eandem rem explicandi, nihilominus mandati actio locum habet; nisi justa causa interceperit aut non renuntiandi, aut intempestive renuntiandi.

COMMENTARIUS.

1 Cur mandatum solvi placeat tempestive renuntiatione: & quid si intempestive renuntiatio facta.

- 2 *Mandatarium præter dolum etiam culpam præstare. & qualem.*
 3 *Iusta causa interveniente excusari mandatarium, licet non renuntiaverit, aut non tempestive.*

PROponitur hic & explicatur secundus modus, quo ex persona mandatarii mandatum finitur, nempe renuntiatio. Ut ergo revocatione mandantis, ita ex contrario & renuntiatione mandatarii mandatum solvi placet. Quippe quod officii causam habet, non magis reluctanti extorqueri, quam invito obtrudi convenit: nec oportet quonquam difficilem esse in eo, in quo dispendium ejus nullum vertitur, *l. in creditoribus 38. de eisdem.* Quamobrem nec ab initio mandataris aliter obligari intelligitur, quam sub hac disjunctione, ut aut impleat mandatum, aut in tempore renuntiet, *l. si mandaverit 25. §. ult. l. si quis 27. §. 2. hoc tit. & pr. hujus text.* ut frustra objiciatur *l. 2. C. de obl. & act.*

Susceptum consummandum, aut quam primum renuntiandum] dict. l. 22. §. ult. a. leg. 27. §. 2. Quo probatur, quod modo diximus, mandatarium sub disjunctione obligari, ut aut officium susceptum exequatur, aut cum primum poterit, renuntiet. Renuntiatio aut tempestive fit, id est, ita ut integra facultas mandatori conservetur eandem rem aequè commode explicandi: aut intempestive, id est, eo tempore, quo jam mandator neque per se neque per alium idem negotium expedire potest. Renuntiatione tempestiva mandatum omnimodo solvitur, ut tamen actio comperat ex antequo. Intempestiva vero mandatarium non liberat, sed nisi iusta causa intercesserit, tenetur nihilominus actione mandati; non quidem ut mandatum præcise impleat, sed ut præstet, quod mandatoris interest impletum esse, *ad. l. & hoc text.* sicut in cæteris quoque obligationibus faciendi evenit, *l. si quis 17. §. 1. de re judic. §. ult. sup. de Verb. obl.*

2 Circa obligationem mandatarii incidere solet quaestio de dolo, culpa & diligentia, quid horum in mandato exequendo & rerum receptarum administratione mandataris præstare debeat. Dixeris, præter præstationem doli & culpæ latæ nihil à mandatario exigendum secundum definitionem *l. 5. §. 2. commod.* esse enim similem depositario, seu ei, qui rem custodiendam accepit: utrumque beneficii debitorem esse, & contemplatione alterius rem suscipere. Cæterum hanc definitionem in mandato sequi non licet propter eos textus, quibus expresse traditum est, mandatarium non tantum de dolo, sed etiam ob culpam teneri, *l. 8. §. ult. hoc tit. l. procuratorem 11. Cod. eod. l. contra. etus 23. de reg. jur. Modestinus. in collat. leg. Mosais. & Rom. tit. de depof.* certum autem est, verbo culpæ

absolute posito significari culpam levem. Plus dicimus, etiam culpam levissimam in judicio mandati venire. Sic enim diserte scriptum est in *l. a procuratore 12. C. hoc tit.* procuratorem dolum & omnem culpam præstare, solum casum improvisum non præstare. Ac ne quis putet, hoc pertinere duntaxat ad procuratores forenses, non ad omnem mandatarium, utique ad quemvis mandatarium & procuratorem pertinet, quod traditur in *l. in re 21. C. eod.* aliena negotia exacto officio geri, nec quicquam in eorum administratione neglectum ac declinatum culpa vacuum esse. Cui similis est locus apud Ciceronem in *orat. pro Rosc. Amerino*, ubi de iudicio mandati disserens, ait, in minimis rebus teneri mandatarium, si quid non modo malitiosius, verum etiam negligentius fecerit. Cur ergo in mandato recedimus à regula, quam in deposito servare placet? Nimirum ideo, quoniam, cum in negotio gerendo opus sit diligentia atque industria, & is, qui mandat diligentiam rei gerendæ convenientem exigere; & qui suscipit mandatum, hoc ipso industriam & diligentiam ad rem exequendam necessariam in se futuram recipere videtur. Quod deposito non convenit: nam ad aliquid custodiendum non diligentia aut industria, sed fide opus est duntaxat. Ex quo intelligimus, mandatarium comparandum esse non cum quovis depositario, sed cum eo, qui se depositum obtulit, quem omnem culpam præstare placet, non alia de causa, quam quod offerendo se de diligentia sua promittere videatur, *l. 1. §. sepe 35. depof.* Sunt qui de his præstationibus statuendum arbitrantur pro varia conditione mandati, qua modo mandantis, modo mandatarii, modo utriusque utilitatem spectat: quoniam vident, eam distinctionem in commodato probatam esse, *l. 1. §. 2. in fin. junct. §. interdum 10. & l. in rebus 18. in fin. pr. commod.* Nempe ergo, si his credimus, ubi mandatum solius mandantis gratia intervenit, dolum duntaxat, & culpa lata præstabitur; ubi utriusque gratia, etiam culpa levis; ubi solius mandatarii, etiam levissima. Sed profecto talis distinctio in mandato non cadit: neque quicquam mandato cum commodato hic commune est. Etenim mandatum solius mandatarii contemplatione interpositum etsi mandantem obligat, si dolum ejus intervenerit; *§. tantum 6. b. r.* mandatarium tamen non obligat illo modo; quippe cujus nulla obligatio esse potest, nisi quatenus negotium, quod gerendum suscepit, ad alium pertinet, *d. l. in re 21. C. b. r.* ut proinde cum de obligatione mandatarii circa prædictas præstationes quaeritur, mandataris tantum considerari debeat, ut rem alienam gerens; quomodo etiam consideratur in *d. l. in re*, & *passim in hoc arg.* Plane in iis, quæ actum commissum consequuntur, interdum

dum culpa aut fraude carere sufficit, *l. 8. §. ult. l. 10. l. 29. §. 4. hoc tit.*

Iusta causa intercesserit, &c.] Hoc admissio renuntiatione tempestiva mandatum solvi, consequens fuit, ut etiam propter intervenientem justam causam aut non renuntiandi, aut intempestive renuntiandi excusationes mandatarius allegans audiri debuerit. 3. Justa non renuntiandi aut omittendi mandati causa est, veluti si actiones in datario competituræ, inanes illi futuræ sunt, eo quod mandator solvendo esse desierit, ne forte mandatario pereat, quod impendit. Item inimicitia capitales, quibus intervenientibus nec mandatore credibile est amplius opera mandatarii uri velle, nec ab hoc exigi debet, ut eandem illi operam porro præstet. Non tempestive renuntiandi, adversa valetudo, aut similes casus, quibus impeditus tempestive renuntiare non potuerit, *l. sane 13. l. 24. & l. seq. eod.*

T E X T U S.

De die & conditione.

12. *Mandatum & in diem differri, & sub conditione fieri potest.*

C O M M E N T A R I U S.

Mandatum & in diem differri, & sub conditione contrahi potest, ut hic, & *l. 1. §. pen. eod.* & cum mandati obligatio mere à consensu pendeat, potest per nuntium quoque, vel per epistolam, mandatum fieri ac suscipi, *d. l. 1. pr. & l. 1. sed hæc*, & alia id genus, *sub rubr.*

T E X T U S.

De mercede.

13. *In summa sciendum est, mandatum, nisi gratuitum sit, in aliam formam negotii cadere. Nam mercede constituta, incipit locatio & conductio esse. Et (ut generaliter dicamus) quibus casibus sine mercede suscepto officio, mandati sive depositi contrahitur negotium; iis casibus interveniente mercede locatio & conductio intelligitur contrahi. Et ideo si fulloni polienda curandave quis dederit vestimenta, aut sarcinatori sarcienda, nulla mercede constituta, neque promissa, mandati competit actio.*

C O M M E N T A R I U S.

- 1 *Honorarii siæ salarii constitutione mandatum non vitari: nec tamen de ipso salario actionem mandati esse.*
- 2 *Factum de quota litis jure improbatum esse.*
- 3 *Operas liberales pretio nummario non aestimari.*
- 4 *In dubio præsumendum non esse, fullonem, &c. operam gratis suscipere.*

Mandatum originem ex officio atque amicitia trahit: ac proinde nisi gratuitum sit, nullum est. Quippe officio atque amicitia contraria est merces, *l. 1. §. ult. l. ita ut 36. §. 1. h. t.* alioqui videretur mandatarius καπηλεύει τὴν φιλαργυρίαν, beneficium cauponari. Enim vero gratiam referre amicitia bene convenit, gratuitamque operam remunerare, Quæ de causa mandatum esse non desinit si remunerandi causa honor intervenierit, *l. 6. pr. eod.* ubi Jurisconsultus figurate honorem appellat pecuniam remunerandi sive honorandi causa datam promissamve. Passim honorarium & salarium nominatur, *l. 1. in fin. pr. si mens. fals. mod. l. 1. §. in honorariis 10. de extraord. cogn. l. 7. l. qui mutuum 56. §. pen. hoc tit. l. 1. l. 17. C. eod.* & à mercede hoc differt, quod merces fere analogica sit operæ, seu ita constituatur, ut æstimationi operæ proportionem respondeat: honorarium autem est voluntaria operæ gratis præstitæ remuneratio. Et si vero honorarii sive salarii constitutio mandatum non vitiat, nec impedit, quominus mandati actio sit de iis omnibus, quæ mandati judicio peti potuissent, si salarium non intervenisset: *d. l. 6. in pr.* de ipso tamen salario mandati actio non est, sed extra ordinem peti solet, *l. 7. l. qui mutuum 56. §. pen. eod. l. 1. C. eod.* Utique autem ut peti possit salarium, promissum & conventum esse oportet, saltem nudo pacto: si nulum constitutum sit, nulla quoque eo nomine persecutio est: in tantum ut nec, si promissum sit, sed incertæ quantitatis, ulla adhuc sit aut extraordinaria salarii petitio, aut actio mandati, ut certum constituatur, *l. qui mutuum 56. §. pen. hoc. tit. l. 17. C. eod.* sed hic forte ad eos solos pertinet, qui familiaritatis causa operam præstant, non ad Advocatos, &c. per *l. 1. §. 10. & l. 4. de extr. cogn.* Certe hodie moribus nostris possunt Advocati & Procuratores forensoles (*mits overle verende declaratie van haere bevoegde vier scharen*) petere salarium quantumvis nulum pacti aut stipulati sint, dum tamen instructionem suam, quam curia dedit, non excedant. *Add. Guid. Pap. quest. 67. Papon. lib. 6. tit. 12. arrest. 1. & lib. 15. tit. de tut. arrest. 12. Garz. de expens. & mel. cap. 20. num. 15.* Illud obiter notandum, pactum

de quota litis, ut vulgo loqui amant, id est, cum Advocatus aut Procurator ex eventu litis certam quantitatem salarii nomine paciscitur, puta dimidiam aut tertiam partem victoriæ, improbatum esse, tanquam quod turpe atque adversus bonos mores sit, *l. 7. hoc titul. l. si contra 20. C. eodem. l. sumptus 53. de pact. l. 1. §. si cui 12. de extra. cogn. Don. post alios in d. l. si contra.*

Mercede constituta incipit locatio esse] Modo tale factum sit, quod locari soleat: qualia fere sunt, quæ mercede, eaque proportionata facto æstimantur, ut operæ mechanicæ. Nam operas liberales pretio nummario æstimari indignum est; ideoque nec cum iis, qui ingenio, patrocinio, fide, consilio operam impendunt, crediderunt veteres locationem & conductionem esse; & quicquid hic vel datum vel constitutum est, non merces, sed honorarium dicitur; de quo extra ordinem cognoscit prætor. Sed neque talis facti locatio est, unde nihil commodi pecuniarii ad alterum redit; veluti si pecuniam tibi dem, ut servum manumittas, non locatio & conductio est, sed contractus innominatus, *l. 5. §. 2. de præscr. verb.*

Fullo aut sarcinatori nulla mercede constituta, &c.] Id est, cum fullo aut sarcinator eam operam gratis & amicitie causa expresse susceperunt: alioqui non mandati actio, sed præscriptis verbis competit, *l. si tibi 22. de præscr. verb. §. 1. sup. de locat. Bacho.* ubi Cajus scribit, cum gratis ejusmodi operam fullo aut sarcinator suscipit, mandati obligationem esse: cum mercede data aut constituta, locationis conductionisque negotium geri: si neque gratis, neque protinus data aut constituta mercede, sed eo animo, ut merces postea constitueretur & daretur, esse contractum innominatum, ex quo in factum actio, id est, præscriptis verbis, detur. Talis autem animus utrinque præsumendus est, cum fulloni, sarcinatori, & similibus, qui manuum opera victum quaritant, & spe lucri eam suscipiunt, aliquid faciendum datur, nisi nominatim convenierit, ut gratis præstaretur, *fac. §. 1. sup. de locat.*

TITULUS XXVIII.

De obligationibus, quæ quasi ex contractu nascuntur.

TEXTUS.

Continuatio.

Post genera contractuum enumerata, disscipiamus etiam de iis obligationibus, quæ quidem non proprie nasci ex contra-

ctu intelliguntur: sed tamen quia non ex maleficio substantiam capiunt, quasi ex contractu nasci videntur.

COMMENTARIUS.

- 1 *Ratio ordinis.*
- 2 *Particulam quasi notam esse similitudinis, & simul impropriæ.*
- 3 *Falsos esse, qui putant, obligationem hic nasci ex tacita conventionione.*
- 4 *Non esse confundendum tacitum cum ficto, expressum cum vero.*
- 5 *Factum, unde hic obligatio nascitur, non male vulgo quasi contractum appellari: & quid sit.*

EXPOSITIS obligationibus, quæ ex contractu nascuntur, progreditur ordine Imperator ad eas, quæ nascuntur quasi ex contractu. Quippe quibus in quadripartita illa distributione, proposita *§. ult. sup. de oblig. secundum locum tribuit.* Ait, *quasi ex contractu.* Particula *quasi* & similitudinis nota est, & impropriæ: quamobrem recte dicemus, quasi ex contractu obligationem nasci, cum citra conventionem nascitur ex facto non turpi. Impropriæ notam, cum dico, citra conventionem: nam ex contractu nulla est obligatio sine conventionione, *l. 1. §. 3. de pact.* Similitudinem, cum dico, ex facto non turpi, id est, quod non cadit in speciem maleficii. Neque aliam rationem aut Cajus *l. 5. de obl. & act.* aut Justinianus *hoc tit.* reddunt, cur quasi ex contractu obligatio nasci dicatur. Sunt, qui etiam ex conventionione hic obligationem nasci tradant, non quidem expressâ, sed tacita: quod non probo. Nam quid refert, tacite seu re & facto aliquo consensus declaratur, an verbis & conventionione expressâ? Utiq; enim tacita conventio non minus vera conventio est, *l. 2. l. 4. §. ult. de pact.* atque ad actionem ex contractu producendam non minus efficax, quam verbis nuncupata. Quippe in omnibus contractibus, quod tacite inter contrahentes agitur, pro expresso habetur, *l. 3. de reb. cred. l. semper 34. de reg. jur.* Ita societas tacite contrahi potest, *l. 4. pro socio*, item mandatum, *l. 6. §. 2. l. qui patitur 18. mand.* locatio conductionis, *l. 13. §. ult. locat.* Denique conventio sæpe titulo contractus inclusa est, ut conventio restituendi in mutuo, commodato, deposito, pignore. Sed nec posse hic vel tacitam conventionem intervenire, intelligi ex eo patet, quod omnis conventio plurium est, *l. 1. §. 1. de pact.* hic autem ex facto unius fere obligatio oritur. Adde, quod quasi ex contractu inviti quoque & ignorantes obli-

obligamur, §. 1. *inf. hoc tit. l. 2. de neg. gest.* adeo ut ea obligatione etiam furiosi & pupilli teneantur, l. 3. §. & si §. d. tit. l. furiosus 46. de obl. & act. Postremo ausquam proditum est, ullum consensum hic vel tacite intervenire, sed obligationem ex re nasci, d. l. 46. in eam nos incidere, l. heredes 25. §. non tantum 16. fam. etc. utilitatis causa introductam esse, l. 5. de obl. & act. §. 1. *hoc tit.* Plane, si quis tacitum appellet, non quod simpliciter expressum non est, sed quod nec verum est, sed fictum, & contra naturam gestii auctoritate juris præsumptum; l. 3. in fin. cum l. seq. quib. ex cau. in poss. l. 13. in fin. *commod.* hoc sensu per me licet, obligatio quasi ex contractu veniens dicatur nasci ex tacita conventionem. Sed cavendum omnino est ab iis, qui nullum verum contractum agnoscunt sine expressa conventionem; nullam veram conventionem, quæ non eadem & expressa sit; confundentes expressum cum vero, tacitum cum falso & ficto. Factum, unde hic obligatio nascitur, cum interpretibus, contempta quorundam superstitione, quasi contractum appellamus. Nam etsi veteres non ita hic loquuntur, ut dicant, obligationem nasci ex quasi contractu, sed quasi ex contractu nasci: alia tamen multa, quæ ad aliarum rerum similitudinem inducta sunt, ea nota sic distinguunt; ex quibus hæc, quasi possessio quasi maritus, l. 32. §. pen. de don. int. vir. & ux. quasi Serviana actio, peculium quasi castrense. Nonnunquam appellatione contractus etiam quasi contractus comprehenditur, §. 1. *inf. de act. l. ex contractibus 49. de obl. & act. l. 23. de reg. jur.* & interdum absolute contractus vocatur, l. 16. de neg. gest. l. ult. in quib. ca. pign. largo scilicet modo & per abusionem, l. 3. in fin. cum l. seq. quib. ex cau. in poss. Sic autem non male quasi contractum definiemus, factum omne non turpe, quo aut is, qui fecit, alteri, aut alter ei, aut uterque alteri, sine conventionem obligatur. Hujus generis facta quinque hic recensentur, negotiorum gestio, administratio tutelæ, communionis rerum citra societatem susceptio, aditio hæreditatis, indebiti solutio.

TEXTUS.

De negotiorum gestione.

1. Igitur cum quis negotia absentis gesserit, ultro citroque inter eos nascuntur actiones, quæ appellantur negotiorum gestorum. Sed domino quidem rei gesta adversus eum, qui gessit, directa competit actio: negotiorum autem gestori contraria. Quas ex nullo contractu proprie

nasci manifestum est: quippe ita nascuntur istæ actiones, si sine mandato quisque alienis negotiis gerendis se obtulerit, ex qua causa ii, quorum negotia gesta fuerint, etiam ignorantes obligantur. Idque utilitatis causa receptum est, ne absentium, qui subita festinatione coacti, nulli demandata negotiorum suorum administratione, peregre profecti essent, desererentur negotia: quæ sane nemo curaturus esset, si de eo, quod quis impendisset, nullam habiturus esset actionem. Sicut autem is, qui utiliter gessit negotia, dominum habet obligatum negotiorum gestorum, ita & contra iste quoque tenetur, ut administrationis reddat rationem. Quo casu ad exactissimam quisque diligentiam compellitur reddere rationem: nec sufficit, talem diligentiam adhibere, qualem suis rebus adhibere solet: si modo alius diligentior eo commodius administraturus esset negotia.

NOTÆ.

ABSENTIS] Qui præsens patitur negotia geri, mandare intelligitur, l. 6. §. 2. l. 18. *mand.*

CONTRARIA] Ita dicta, quoniam contrariæ parti per consequentiam accommodatur ad minuendam ejus condemnationem, l. 5. *depos. l. 6. in fin. de his qui not. infam.*

AD EXACTISSIMAM DILIGENTIAM] fac. l. 21. *C. mandat. l. 25. §. 16. fam. etc. l. 24. C. de usur.* Tenetur ergo negotiorum gestor, non tantum si quid lata aut levi culpa peccavit; sed etiam, si quid vel culpa levissima: nullaque causa est, cur levius obligetur, quam depositarius, qui ultro se deposito obtulit, l. 1. §. 35. *depos.*

NEC SUFFICIT TALEM, &c.] His verbis perspicue significatur, etiam culpam levissimam à gestore præstari, arg. §. 2. *sup. quib. mod. de cont. obl.* ubi eadem præstatio & iisdem verbis imponitur commodatario. Interdum tamen dolus solummodo præstatur, ut in casu, l. 3. §. 2. *de neg. gest.*

COMMENTARIUS.

- 1 *Negotiorum gestionem esse factum natura media inter negotia, qua utrinque, & qua ab uno tantum latere sunt obligatoria.*
- 2 *Actio ex gesto directa cui datur, item cui contraria: & quid utraque contineat.*
- 3 *Dolino tantum, an etiam culpa, & cuius nomine gestor teneatur; accuratius, quam Cuiusgo.*

Prima species quasi contractus, negotiorum gestio. Ex Cajo l. 5. de obl. & act. Ait, cum quis negotia absentis gesserit. Videlicet sine mandato, aut ignorantia: nam si ex mandato gesserit, palam est, ex contractu nasci inter eos obligationem mandati. Si vero sine mandato gesserit, nascitur quidem & hic ultro citroque obligatio. Ceterum hæ actiones nascuntur ex contractu, qui nullus interpositus est: quia non geritur negotium invicem: sed quia nec maleficio est, alia negotia sine mandato administrare, nec dominus negotiorum quicquam deliquisse intelligi potest, quasi ex contractu hic obligatio oriri videtur, d. l. 5. de obl. & act. l. 2. de negot. gest.

Dolino directa competit actio] Monuimus in explicatione §. 2. sup. quib. mod. re contr. obl. esse quosdam contractus, qui ex uno tantum latere obligant, quosdam, qui ex utroque, nonnullos etiam esse naturæ intermediæ, ex quibus nec semper unus tantum, nec semper uterque obligetur. Hujus generis, præter contractus reales, quos illic enumeramus, commodatum, depositum, pignus, etiam mandatum est, & quasi contractus mandato similes, negotiorum voluntaria administratio, & tutela. Nam ut hi contractus & quasi contractus principaliter comparati non sunt ad obligandum eum, cuius res aut negotium est, ita nec ab initio ex his causis obligatur; sed ut obligetur, fit ex accidenti & per consequentiam, si quid alter de suo necessario aut utiliter impendit, alter autem statim tenetur, & directo, ex ipso contractu aut negotio. Hinc est, quod actio, quæ ex his causis domino proposita est, directa dicitur, & interdum principalis, l. in commodato 17. §. 1. commod. quæ adversus dominum, contraria; quoniam contrariæ parti per consequentiam accommodatur ad minuendam ejus condemnationem. Et in proposito igitur actio, qua negotiorum gestor tenetur domino, est & dicitur actio negotiorum gestorum directa; qua dominus per consequentiam tenetur gestori, cui per causam gesti quid abest, contraria.

Adversus eum, qui gessit] Ut gestionem reddat, & interdum non gesti, videlicet ejus, quod gerendum suscepit: nam novum inchoare non ha-

bet necesse, l. nam & Servius 12. §. 2. de neg. gest. Gestio obligatio duo continet. Restitutionem ejus, quod per occasionem negotii ad gerentem pervenit, l. 2. eod. exempla sume ex l. 5. §. 1. l. si quis 23. eod. & damni ejus, quod perperam gessit, præstationem: ceterum hic lucrum cum damno casu dato pensatur, l. 11. eod. In non gesto non tantum damni culpa aut negligentia dati ratio habetur, sed etiam lucri omissi: ad quod declarandum accommodatissimum exemplum est, quo & veteres utuntur, in debitore, qui creditoris sui negotia gessit, l. 6. §. ult. l. 7. l. de hereditio 35. eodem.

Negotiorum gestori contraria] Si modo utiliter negotium gessit: nam qui gessit inutiliter, actionem non habet, l. 2. eodem. Competit autem hæ actio, ut & ceteræ ejusdem naturæ, de indemnitate, l. 5. l. 6. in fin. de his qui not. inf. & in proposito duarum rerum nomine comparata est; nempe ut præstetur & quod abest ei, qui utiliter gessit, puta si de suo quid erogaverit, aut quid consecutus non sit, quod alias consequi potuisset; & quod ei abfuturum est, veluti si se in rem absentis alicui obligavit, d. l. 2. l. si quis 28. de neg. gest. l. ob negotium 18. C. eod.

Subita festinatione cuncti] Sed & sæpe homines eo animo peregre proficiscuntur, quasi statim redacturi, nec ob id ulli curam negotiorum suorum mandant: deinde novis causis intervenientibus diutius abesse coguntur, l. 5. in pr. Senf. idea, de obl. & act.

Dominum habet obligatum negotiorum gestorum] Cujacius, Hotomannus, Wesembecius legunt, *habet obligatum dominum negotiorum*. Et ita quoque Theophilus legisse videtur.

Ad exactissimam diligentiam] Secundum regulam traditam l. 5. §. 2. commod. non plus à negotiorum gestore exigendum videtur, quam à depositario; nimirum ut dolum præstet duntaxat, non etiam culpam, nisi dolo proximam; quoniam non magis gerentis in causa negotiorum gestorum, quam depositarii in deposito, commodum agitur: & tamen certi atque explorati juris est, non doli tantum nomine, sed etiam culpæ gestorem obstringi, l. 12. de neg. gest. l. tutori 20. C. eod. l. contractus 23. de reg. jur. Sed nimirum, ut superius quoque sub §. 2. sup. quib. mod. re contr. obl. & §. propen. prac. sit. monui, regula de dolo duntaxat præstando in negotio, in quo susipientis nulla veretur utilitas, vim suam perdit, cum quis se negotio & officio offert; quod qui facit, de diligentia sua quodammodo polliceri & recipere videtur. At hoc facit, qui de aliena negotia sua voluntate gerenda accedit. Quæ eadem ratione hoc amplius placuit, negotiorum gestorem non tantum eo nomine teneri, si quid consulto, lata aut levī culpa, peccavit, sed etiam si quid vel culpa levis-

levissima. Exigitur enim ab eo diligentia, eaque summa & exactissima, ut non excusetur talem diligentiam alienis negotiis adhibens, qualem suis rebus adhibere solet, si modo alius diligentior utilius negotia administraturus esset. Quibus verbis palam est significari, etiam culpam levissimam à gestore præstandam esse, cum eadem plane præstatio & iisdem verbis imponatur commodatario, quem sane etià ob levissimam culpam teneri constat, d. §. 2. *sup. quibus mod. re contr. obl. l. 1. §. ille 4. de obl. & att.* Hoc idem non obscure indicat l. *heredes 25. §. non tantum 16. sum. etc.* ubi Jurisconsultus scribit, cohæredem & collegatarium in re communi dolum quidem & culpam præstare, diligentiam autem non majorem, quam rebus suis: neque enim hos esse similes negotiorum gestori, ut summa ab iis diligentia exigi debeat: quoniam negotiorum gestor causam gerendi non habet, illi habent propter partem suam. Sed & quod scriptum est in l. 21. *C. mand.* aliena negotia exacto officio geri, nec quicquam in eorum administratione neglectum ac declinatum culpa vacuum esse, tam ad negotiorum gestorem, quam mandatarium pertinet, & vel magis ad illum, qui se ingerit, quam ad hunc, qui rogatus gerit. Iostremo nulla causa est, cur levius obligetur, qui se miscet rebus ignorantis, quam depositarius offerens se deposito. At hunc illa officii oblatio periculo depositi sic illigat, ut omnia præstet præter improvisos casus, sicut diserte scriptum est in l. 1. §. *sape 35. depos.* Dices, ita fore, ut nemo facile ad absentium negotia gerenda accedat; quod tamen ut fiat, ipsorum absentium interesse: nam si nemo sit, quia ea capessat, futurum esse, ut pereant. Resp. etiam interesse absentium, ne quis temere se negotiis eorum immisceat, & diligentiorum forte antevertat. Neque enim semper negotia aliena urgente necessitate suscipiuntur: cumque id sit, doli tantum nomine gestorem teneri placet, l. 3. §. *interdum 9. de neg. gest.* sed sæpe homines præpropere se alienis ingerunt, non affectione ducti ad negotia alioqui peritura accedentes, sed acti aut spe emolumenti, aut præpostera curiositate. Quo pertinet l. *culpa 36. de reg. jur.* ut vel inmaxime absentium utilitas in eo vertatur, ut quicumque se negotiis alienis nulla urgente necessitate immisceat, intelligant, nihil in eorum administratione omissum neglectumve impune fore. Interpretes communiter *post Gloss. hic.* statuunt, eo demum casu negotiorum gestorem propter culpam levissimam teneri, cum alius diligentior ad gerendum se obtulit: nimirum verba illa hujus textus, *si modo alius diligentior & c.* pro limitatione accipientes: quod non convenit sententiæ hujus loci, qui descriptionem quandam continet exactissimæ diligentiae, cui culpa levissima opponitur, *argum. §. 2. sup. quib. mod. re contr. obl.*

l. 1. §. & ille 4. de obl. & att. add. Paul. 1. sent. 4. l. 24. C. de usur.

T E X T U S.

De Tutela.

2. *Tutores quoque, qui tutela judicio tenentur, non proprie ex contractu obligati esse intelliguntur: nullum enim negotium inter tutorem & pupillum contrahitur. Sed quia sane non ex maleficio tenentur, quasi ex contractu teneri videntur. Hoc autem casu mutue sunt actiones. Non tantum enim pupillus cum tutore habet tutelæ actionem: sed & contraxit tutor cum pupillo habet contrariam tutelæ, si vel impenderit aliquid in rem pupilli, vel pro eo fuerit obligatus, aut rem suam creditoribus ejus obligaverit.*

COMMENTARIUS.

1. *Tutorem in rebus pupilli non tantum dolum, sed etiam culpam præstare.*
2. *Cur levem duntaxat culpam, non etiam levissimam tutor præstet.*

Secunda species quasi contractus, administratio tutelæ. Necessarii quoque rerum alienarum administratores, veluti tutores, quasi ex contractu obligari videntur: neque enim hi aut tutelam suscipientes, aut susceptam administrantes, cum pupillis ullum negotium contrahunt; multoque minus ea res speciem maleficii aut quasi malefici habet, l. 5. §. 1. *de obl. & att.*

Actiones mutue] Pupillo prodita est actio tutelæ directa, qua, finita tutela, l. 4. *de tut. & rat. distr.* tutorem convenire potest, ut rationem reddat administrationis suæ, & tam non gesti, quam gesti, atque ut reliqua inferat, l. 1. *d. tut. l. 7. l. 9. C. arbit. tut. l. 2. C. si tut. vel cur non gess.* Et quamvis in administratione tutelæ nulla versetur utilitas tutoris, placet tamen, tutorem in rebus pupilli non tantum dolum & culpam latam, sed etiam levem præstare, l. *contra. tut. 23. de reg. jur. d. l. 7. C. arb. tut.* quod rationum publici ad defensionem miseræ ætatis constituti suavit. Quicquid ergo vel dolo tutoris aut lata ejus culpa, vel etiam levi amissum, vel non acquisitum erit, cum conservari aut acquiri potuisset, hoc in tutelæ judicium veniet, d. l. 1. l. *cum tutor. 18. de*

tut. & rat. dist. d. l. 7. & l. 4. C. arb. tut. l. si tutoris 23. Cod. de adm. tut. l. 3. C. de peric. tut. Enimvero quoniam necessitas gerendi excusatione digna est, si tutor pro capto suo bona fide facit, quod potest, non majorem diligentiam ab eo requiremus, quam quantam suis rebus adhibere solet, hoc est, ut levem culpam præstet duntaxat, non etiam levissimam, d. l. 7. tut. & rat. dist. d. l. 7. C. arb. tut. l. a tutoribus 33. pr. de adm. tut. Frustra vero ex l. 4. C. de peric. tut. quæ ait, à tutore fortuitos casus non præstari, quidam eliciunt, tutorem teneri ex cæteris causis omnibus, atque adeo ex culpa quoque levissima, add. Pet. Fab. ad l. 23. de reg. jur. Vice mutua tutor cum pupillo, cujus tutelam gessit, habet contrariam tutelæ actionem, quæ, si vel impenderit quid in rem pupilli, sive aut se aut res suas pro pupillo obligaverit, & impensas recipiat, & ab obligationibus liberetur, l. 1. in pr. ult. de contr. tut. att. l. ult. C. eod. Hæc eadem mutatis personis ad curatores quoque & adutos transferenda sunt, l. 8. §. 1. de reb. eor. qui sub tut. l. 3. l. 4. l. 7. C. de arbitr. tut. cum similib.

TEXTUS.

De rei communione.

3. Item si inter aliquos communis res sit sine societate; veluti quod pariter eis legata donatave esset, & alter eorum alteri ideo teneatur communi dividundo iudicio, quod solus fructus ex ea re perceperit, aut quod socius ejus solus in eam rem necessarias impensas fecerit: non intelligitur ex contractu propriè obligatus esse, quippe nihil inter se contraxerunt: sed quia ex maleficio non tenetur, quasi ex contractu teneri videtur.

De hereditatis communione.

4. Idem juris est de eo, qui cohæredi familiae erciscundæ iudicio ex his causis obligatus est.

NOTÆ.

3. SINE SOCIETATE] Datur quidem iudicium communi dividundo etiam cum ex societate res communis est, l. 1. & 2. comm. dis. sed eo casu est ex contractu.

ET ALTER EORUM ALTERI] Principalis finis iudicii communi dividundo est, ut res dividantur & à

communione recedatur, §. 4. & 5. inf. de off. jud. d. l. 1. comm. dis. l. 1. fam. ercisc. tum ut utrique præstetur, quod alterum alteri præstare oportet lucri, damni, impensarum nomine, l. 3. d. 1. lucri, ut in l. 3. C. eod. §. 4. inf. de off. jud. damni ut l. 16. §. pen. l. 16. §. pen. l. 25. §. 16. fam. erc. impensarum, ut l. 18. §. 3. d. 1. l. 4. §. 3. comm. dis. & hoc text.

QUOD SOCIUS EJUS SOLUS] Observa socium dici etiam eum, qui rem cum alio communem habet extra causam societatis, puta collegatarium ejusdem rei, &c. sed ista societas voluntaria non est, sed necessaria.

COMMENTARIUS.

- 1 Communio inter aliquos constituta quarum rerum obligationem pariat.
- 2 Culpa in iudicio communi dividundo ad quam diligentiam dirigatur.

Tertia species, quæ quasi ex contractu obligationem producit, est communio rerum inter aliquos citra societatem suscepta. Rerum communio sic inter aliquos constituta, sive hæreditatis inter cohæredes, sive rerum singularum inter eos, quibus eadem res legata aut donata est, quive simul eandem rem emerunt sine affectione societatis, duarum rerum obligationem parit: nam & confortem ad rerum divisionem obligat, & in communione manenti præstationibus quibusdam, ad eam communione pertinentibus, implicat, l. item Labeo. 22. §. 4. fam. erc. l. 4. §. 3. comm. dis. Prima & præcipua hic obligatio est, quod confort, si sponte communione omittere nolit, compellatur ad divisionem iudicio divisorio: in quo hoc maxime agi constat, ut sua cuique parte adjudicata, à communione quam nec suscipere, nec retinere quisquam cogitur, l. 26. §. 4. de cond. ind. l. ultim. C. comm. dis. discedatur, l. 1. fam. erc. l. 1. comm. dis. §. quædam. 20. inf. de act. Divisio rerum qualis sit, quæ in ea adjudicatio, quæve mutua condemnatio, explicatur §. 4. & seqq. inf. de off. jud. Præstationes personales inducuntur vel lucri, vel damni, vel impensarum nomine, l. 3. comm. dis. Lucri, ut si quid ad unum è confortibus ex re communis pervenit, id cæteris communiceat, l. 3. C. eod. d. §. 4. inf. de off. jud. & hoc text. Damni, ut si quid damni in re communis datum aut factum est culpa aut negligentia unius, id cæteris proportionem cujusque sariat, l. 16. §. pen. l. hæredes. 25. §. non tantum 16. & §. item culpa. 18. l. inter cohæredes 4. §. quod ex fact. s. fam. ercisc. Culpa non ad exactissimam diligentiam dirigitur; quoniam qui rem cum alio communem habet, propter suam partem causam habet gerendi; & ideo non major diligentia ab eo exigitur, quam qualem suis rebus adhibere con-

suevit

luevit, d. l. *heredes* §. *non tantum*. Impensarum, ut si quæ ab uno in res communes factæ sunt, quas propter partem suam necesse habuit facere, ei à cæteris pro rata refundantur, *hoc text. l. 18. §. 3. d. heredes §. idem juris & seqq. fam.erc. l. 4. §. 3. comm. disq.* Quorum omnium consequendorum causa comparatæ sunt actiones inter hæredes familie eriscundæ, inter eos, quibus res una vel plures communes sunt, extra causam hæreditatis, communi dividundo, *tit. π. & C. fam.erc. & comm. disq.* Sive autem propter præstationes illas, sive propter divisionem rerum hæc judicia reddantur, semper quasi ex contractu proficiuntur.

T E X T U S.

De aditione hereditatis.

5. *Hæres quoque legatorum nomine non propriè ex contractu obligatus intelligitur, (neque enim cum hærede, neque cum defuncto ullum negotium legatarius gessisse propriè dici potest) & tamen quia ex maleficio non est obligatus, quasi ex contractu debere intelligitur.*

N O T Æ.

4. QUI COHÆREDI FAMILIÆ ERISC.] Quippe semota hæreditatis divisione, cætera sunt utrique iudicio cum altero communia, *l. 6. §. 11. comm. disq.*

5. HÆRES QUOQUE] Ex Cajo *l. 5. §. 2. de obl. & act.*

C O M M E N T A R I U S.

1. *Hæredem propriè quasi ex contractu obligari legatariis & fideicommissariis, non item creditoribus hæreditariis.*

Q Uarta species quasi contractus, aditio hæreditatis. Certum est, hæredem adeuntem hæreditatem nullum cum legatariis, quos fortassis ne novit quidem, negotium contrahere: sed & plus quam manifestum est, nullum in ea re maleficio esse. Restat ergo, ut ex hac causa quasi ex contractu obligetur. Nimirum cum quis hæreditatem sibi delatam amplectitur, simul iudicium defuncti agnoscere, seque oneribus, quæ ex voluntate defuncti subeunda sunt, subicere creditur, atque ita quodammodo cum legatariis contrahere, taciteque iis sese obligare videtur, *l. 5. §. 2. de obl. & act. l. 3. §. ult. & l. seq. quib. ex causis poss.*

Legatorum nomine] Hæres tunc propriè quasi ex contractu obligatur, cum non alia obligationis causa est, quam agnitio voluntatis defuncti. Itaque ex hac causa tantum tenetur creditoribus testamentariis, seu legatariis & fideicommissariis, *d. l. 5. §. 2. de obl. & act. & hoc text.* Atque his solis actio personalis, quæ in usu juris actio ex testamento dicitur, & quasi ex contractu nascitur, competit, *vid. sup. §. 2. de legat. & ibi not.* Creditoribus autem hæreditariis, id est, creditoribus defuncti, non tenetur quasi ex contractu & facto suo, sed ex ipso contractu & facto defuncti, qui obligationem & actionem, qua illis teneri coeperat, in hæredem suum transmittit. Hæ sunt obligationes & actiones hæreditariæ, eadem nimirum illæ, quæ competeabant adversus defunctum, & ex eadem causa. Inaudirum enim est, creditores hæreditarios actione ex testamento experiri. Ex legatis vero non est obligatio hæreditaria, sed obligatio hæredis; quamvis hæreditaria loco esse dicatur, *l. hæreditarium 40. de obl. & act.* Eadem obligationis ratio est & in legatariis & fideicommissariis, à quibus quid relictum est; eademque adversus eos actiones ejus rei obtinendæ causa constitutæ, *l. un. §. pro secundo 4. C. de cad. toll. l. 1. C. comm. de legat.*

T E X T U S.

De solutione indebiti.

6. *Item is, cui quis per errorem non debitum solvit, quasi ex contractu debere videtur. Adeo enim non intelligitur propriè ex contractu obligatus esse, ut, si certiore rationem sequamur, magis (ut supra diximus) ex distractu, quam ex contractu possit dici obligatus esse. Nam qui solvendi animo pecuniam dat, in hoc dare videtur, ut distrabat potius negotium, quam contrabat. Sed tamen perinde is, qui accipit, obligatur, ac si mutuum ei daretur, & ideo conditione tenetur.*

N O T Æ.

6. CUI QUIS PER ERROREM] Facti quidem etiam si subsit naturalis aliqua obligatio, quæ tamen destituta sit juris civilis auxilio, *l. 2. C. ad leg. Falc. l. 7. de cond. ind.* Cæterum etiam juris, si is, qui solvit, ne natura quidem qualis debitor est, arg. *l. 7. de cond. cau. dat. l. 32. §. 1. l. 19. l. 66. de cond.*

cond. ind. l. 3. de jur. & fact. ign. l. 1. pr. ut in poss. leg. cum simil.

QUASI EX CONTRACTU] Quia hæc res speciem negotii invicem gesti habet, *l. 33. de cond. ind.* Ceterum extra id, quod agitur, tacite hic obligatio nascitur, *l. 13. in fin. commod.*

PERINDE OBLIGATUR] *l. 5. §. 3. de obl. & act.* Ex bono scilicet & æquo *l. 14. l. 66. de cond. ind.* cum stricta ratione actus agentium non opereatur ultra eorum intentionem, *l. 19. de reb. cred.*

COMMENTARIUS.

- 1 Quando, qui sciens indebitum recipit, furti obstringatur.
- 2 Quæ requirantur, ut indebitum solvienti competat.
- 3 An ejus, quod errore juris solutum est, aliquando repetitio sit.
- 4 Sitne hæc obligatio ex vero contractu, an quasi.

Quinta & postrema species, unde obligatio quasi ex contractu proficiscitur, est indebiti per errorem solutio. Habet hæc species magnam cum mutuo affinitatem; quæ causa est, quod *sup. §. 1. quib. mod. re contr. obl.* statim post contractum mutui etiam indebiti soluti mentionem fecit: sed cum illic dicat, obligationem, qua tenetur is, qui indebitum accepit, ex contractu non consistere, tacite significat quasi ex contractu eum obligari: quod hoc loco apertius ostendit ex Cajo *l. 5. §. 1. is quoque §. 3. de obl. & act.* Res ita habet. Qui indebitum solvit, aut sciens ac prudens hoc facit: quo casu accipiens non obligatur, cessatque adeo repetitio, etiam si ea mente dedit, ut postea repeteret, *l. 1. l. si non fortem 26. §. 2. & 3. h. t. de cond. ind. l. 9. C. eod. l. cuius §. 2. de reg. jur. juxta l. 1. quod quis 50. h. t.* Aut dubitans; qui si nominatim solutioni hanc legem dicat, ut reddatur, si postea apparuerit esse indebitum, ex vero contractu accipientem obligat ad restitutionem, *l. 2. eod.* Si vero simpliciter solvat, quasi ex contractu: si quidem dubitanti æquè ut erranti repetitio datur, *l. ult. C. eod.* Aut denique, quod plerumque fit per errorem, seu ignorans se non debere; de qua specie passim agitur in *π. & Cod. de cond. ind.* estque eadem illa, in qua accipientem quasi ex contractu obligari hoc loco & *d. l. 5. §. 3. de obl. & act.* traditum est: quam recte, videbimus postea. In accipiente nulla erroris aut scientiæ distinctio est. Denique qui sciens indebitum recipit, etiam furti obstringitur, *l. quoniam 18. de cond. furt. l. falsus 43. in pr. de furt.* quod ita verum est, si creditorem se simulans alterum ad solvendum induxit: nam si pecuniam ultro sibi oblatam à debitore accepit, furtum non com-

mittit, arg. d. l. falsus. *Costal. post Bart. ad d. l. quoniam.*

Cui quis per errorem indebitum solvit] Ut in specie proposita solventi quæretur obligatio & soluti conditio, duò requiruntur; ut indebitum sit, quod solvitur; ut solvatur per errorem. Primum exigimus, ut sit indebitum: nam debiti soluti nulla repetitio est. Et quidem nemo dubitat, quin cesset repetitio, si id quod solutum est, & civili & naturali jure debitum fuit. Sed quid si alterutro tantum? Si tantum jure civili, id est, ex obligatione, cui deest vinculum æquitatis, ut summo quidem adhuc jure eo nomine actio competat, sed quæ per exceptionem perpetuam excludatur, placet locum esse repetitioni, *l. si non fortem 26. §. 3. l. qui exceptionem 40. l. ex his omnibus 54. hoc tit. de cond. ind.* Nimirum tale debitum tantum verbo ita dicitur, re autem debitum non est; quoniam jure naturali non debetur, adeoque nec jure civili verè deberi intelligitur, *l. 3. §. 1. de const. pec. l. nihil. 112. de reg. jur.* Naturale autem debitum in hac causa pro vero debito habetur, eoque etsi exigi non potest, solutum tamen, quamvis ab eo, qui etiam civiliter se obligatum putabat, non repetitur: sententia innumeris locis tradita, *l. 10. de obl. & act. l. 15. §. naturales de fideic. l. 3. §. ult. quod quisque jur. l. 13. l. 19. hoc tit.* Et vero cum etiam id, quod natura debetur, in compensationem veniat, *l. 6. de compens.* summa ratione denegatur quoque ejus soluti repetitio. Sed & si debitori detur exceptio perpetua, cæterum ex causa non tollente naturalem obligationem, adhuc dicimus, solutum per errorem non repeti. Hujus generis est exceptio rei judicæ: si quidem sententia judicis obligationem consensu constitutam perimere non potest: & ideo quod versus debitor absolutus solvit, repetere eum non posse, Julianus & Paulus responderunt, *l. 60. hoc tit.* Huc item plerique referunt exceptionem Senatus, Macedoniani; nam & filiusfamilii mutuam pecuniam Senatus. acceperit, & paterfamilii factus perperam solverit, non repetit; quoniam naturalis obligatio manet, *l. 10. de sen. Mac.* Assertur & alia ratio denegandæ in hac causa conditionis, *l. 40. hoc tit. l. 9. in fin. de sen. Mac.* sed ea non est generalis, ut apparet ex *d. l. 60.* Atque ego in hac specie omnino distinguendum puto inter errorem juris & facti, *juxta not. inf. num. 3. in fin.* Enimvero naturale debitum more veterum hic accipimus, quod ex ea obligatione naturali debetur, quæ civilis & efficacis obligationis effectus omnes habet, dempta una actione. Quod si naturalis obligatio jure civili improbata sit, aut destituta juris civilis auxilio; qualis est mulieris intercedentis, *l. 16. §. 1. ad sen. Vell. prodigi promittentis l. 6. de verb. oblig. pupilli, sine tutoris auctoritate contracta, licet hæc admittat ac-*

cessionem;

cessiones; ea non attenditur, & perinde repetitio datur, ac si quod ex ea causa solutum est, nullo jure debitum esset, *l. 9. C. ad sen. Vell. l. 41. hoc tit. l. 6. de Verb. oblig.* Eodem jure civili insuper habetur obligatio naturalis, quam inducit voluntas testatoris vel minus solemnis, vel legantis supra dodrantem bonorum. Cæterum hæc in errore juris effectum naturalis obligationis habet, *l. 7. C. ad leg. Falc. l. 7. C. hoc tit.* Error duplex est; facti unus, scilicet cum factum ignoratur, ex quo jus oritur; alter juris, cum factum scitur, sed quid jus hic tribuat, ignoratur, *l. 1. de jur. & fact. ign.* Unde quaesitum est, quomodo accipiendum, quod passim simpliciter & generaliter definitur, indebitum per errorem solutum repeti posse, de errore facti tantum, an etiam de errore juris. Veterum interpretum sententia est, si nulla subest naturalis obligatio, etiam ejus, quod per errorem juris solutum est, repetitionem esse: in quam sententiam & ipse concedo, cum *D. Zas. ad rubr. hoc tit. n. 5. Synchron. ad rubr. & l. 1. C. cod. Wesemb. par. cod. num. 9. Christin. Sol. 3. decis. 8. num. 3. Bachov. de act. disp. 4. thes. 17. Jo. Arn. Corvin. in Enchiridio, tit. quib. mod. re contr. obl.* Movet me primum hæc ratio, quod conditio indebiti ex bono & æquo datur, *l. hac conditio. 66. hoc tit. de cond. ind.* cui omnino consequens est, eam non nisi exceptione æquitatis ex adverso excludi posse. At quam æquitatem prætereundum poterit, quoque colore de iniquitate conditionis excipere, cui quid solutum est, quantumvis per ignorantiam juris, quod natura non debetur, sive quod causa debendi jure non valet, ut omnino non debeat, sive quod effectum non habet, ut accidit in mere civili debito? Nam cum tale debitum nullos veri debiti effectus habeat, non compensetur, *l. quacumque 14. de compens. accessiones non admittat, l. 3. §. 1. de pec. const. l. 7. de fidejuss.* cum prætor eo nomine in re aperta deneget actionem, in dubio non det nisi cum exceptione, quo ipso ostendit se id pro debito non habere: per *l. 9. de jurej.* quis credat, si id vel per errorem juris solutum sit, retineri posse? Ut ecce, si quis dolo malo aliquem induxerit, aut metu illato coegerit, ut promitteret, non possum adduci ut credam, solutum ex his causis retineri posse, atque improbitatem suam cuiquam prodesse, hoc solo prætextu, quod solvens in jure erravit, ignorans se adjuvari potuisse exceptione doli mali aut quod metus causa. Et ne videamur sine auctoritate loqui, textus in eam rem evidens est in *l. qui se debere 7. de cond. ca. dat.* ubi disertè Julianus post Nervam & Attilicinium respondet, pecuniam solutam ab eo, qui se debere putabat, cum exceptione doli mali se tueri potuisset, repeti posse, ac proinde solutam errore juris. Similes loci sunt in *l. cum is 32. §. 1. l. si fidejussor. 59. de cond. ind. l. 5. C. cod. l. qua*

fideicommissa. 79. de leg. 2. & apertissimus in l. 1. ut in poss. leg. in po. fac. item l. mandatum 57. mand. dat. Porro etiam me movet, quod in toto *tit. 5. de cond. ind.* quamvis prolixo, nusquam aut tantum errori facti repetitio tribuitur, aut errori juris denegetur, sed perpetuo tribuitur errori simpliciter, sive quod solutum est omnino non debeat, sive propter exceptionem perpetuam exigi non potest, *l. si non sortem 26. §. 3. l. qui exceptionem 40. l. ex his omnibus 54. cod.* ut vel hinc intelligere liceat errorem quidem, qualiscumque sit, repetitioni non obflare, sed obflare solventis scientiam, & quidem solam: quod luculenter probat tum *d. l. si non sortem §. 3. & l. 24. cod.* tum ratio, ob quam placet eum, qui sciens indebitum solvit, non repetere; nimirum quia donasse intelligitur, *l. cujus 53. de reg. jur. l. 7. C. de cond. ob ca. dat.* quod de eo, qui se solvendi adstrictum putat, dici non potest. Postremo illud me movet, & vel maxime, quod traditur in *l. 8. de jur. & fact. ign.* nemini in damnis amittendæ rei suæ ignorantiam juris nocere: ex eo enim perspicue evincere mihi videor, etiam id, quod per errorem juris indebitum solutum esse, condici posse: nam si hoc negamus; illud fateamur necesse est, errorem juris etiam in amittenda re sua cuique nocere, contra sententiam Papiniani in *d. l. 8.* Neque video quid ad hoc responderi sine cavillatione possit. Nam certè illa Neotericorum dissidentium responsio captiosa est, quod condicens non laboret de re amittenda, sed de amissa: si enim per errorem juris solvens ita rem suam amittat, ut nullam habeat repetitionem, utique juris error in damno amittendæ rei suæ ei nocet. Neque vero de tempore conditionis instituendæ quaeritur, sed factæ solutionis; negatque Papinianus errantem in jure rem suam amittere, videlicet sic, ut eam nunquam possit repetere: & quod idem Papinianus in *l. 7. cod.* definit, ignorantiam juris suum petentibus non nocere, id ad omnes pertinet, qui de damno vitant pollicantur. Neque huic obstat *l. 29. §. 1. mand.* nam illic proponitur species, ubi duo de damno vitando laborant, debitor, qui exceptione perpetua se juri poterat; & fidejussor, qui cum id non ignoraret, nihilominus tamen solvit: negaturque hoc casu fidejussori competere actionem mandati: de conditione autem nullum ibi verbum. Quod vero dicitur juris ignorantiam nocere, *l. 9. de jur. & fact. ign.* sic accipiendum est, non prodesse, lucto non efficere; cæterum nec damno. Cæterum meminisse oportet ejus, quod initio diximus, ita errorem juris non impedire quominus solutum condici possit, si nulla subest naturalis obligatio. Quod si is qui solvit, natura qualisqualis debitor est, quæ res simul justam retentionis causam accipienti tribuat, hoc sane casu juris inter & facti errorem distinguendum erit, ut alteri

denegatur repetitio, alteri concedatur. Ut ecce; cum essem filiusfam. mutuum pecuniam contra Senatusconsultum accepi, & paterfam. factus solvi: si per ignorantiam juris, non repetam; si per errorem facti, contra, *arg. l. qui exceptionem 40. de cond. ind. l. 9. in fin. cum l. seq. junct. l. ult. de sen. Mac.* Solvi legatum vel fideicommissum secundum voluntatem testatoris, sed minus solemnem: solvi integra legata non retenta quarta ex lege Falcidia; si errore facti, repetitionem habeo; si errore juris, non item; *l. 2. C. si ad v. sol. l. 7. C. de cond. ind. l. 9. C. ad leg. Falc.* Non equidem ideo, quod hic solus error juris mihi noceat, sed quod simul intercedens naturalis obligatio, quam inducit voluntas testatoris, per *l. 2. C. de fideicom. l. in testamento 38. de fideic. lib. l. 5. §. si quis 15. de don. int. vir. & ux.* justam facit retentionem. Atque ad hujusmodi aut similes casus accommodandi sunt alii loci Codicis, in quibus fortè aut errori juris denegatur repetitio, aut errori facti tantum tribuitur: ut in *l. 10. C. de jur. & fact. ign. l. 6. C. cond. ind.* Nam profecto ob hoc solum, quod ego in jure erravi, tu justam retinendi ejus, quod tibi nullo jure debetur, causam habere non potes: & hic melius est favere repetitioni, quam adventitio lucro, per *l. non debet 41. §. 1. de reg. jur.*

4 *Magis ex distractu, quam ex contractu*] Obligatio indebiti per errorem soluti non est ex contractu: nam omnis ex contractu obligatio est ex mutuo consensu & conventionem. At neque qui in solutum dat, eo animo est, ut accipientem sibi obliget; neque qui accipit, ut alteri obligetur: sed datur & accipitur obligationis, quæ subesse putatur, tollendæ causa. Verum, extra id quod agitur, tacitè hæc obligatio nascitur, *l. 19. in fin. commod.* nimirum ex consensu ficto & præsumpto, & ideo quasi ex contractu: nam & qui solvit, interpretatione juris existimatur eo animo esse, ut si indebitum sit, accipientem ad restituendum obliget; & qui accipit, ea conditione accipere, ut nihil alienum injuria retineat: quæ res speciem quandam contractus & negotii invicem gesti habet, *l. si in area 33. de cond. ind.* verum autem contractum non efficit, *l. non omnis 19. de reb. cred.* quod etiam ex eo intelligere licet, quod conditio indebiti non datur ultra, quam lucupletior factus est, qui accipit, *l. si non sortem 26. §. libertus 12. de cond. ind.* si vero ex contractu & conventionem descenderet, daretur in solidum. Illud paulo pinguius dicitur, accipientem obligari ex distractu: nam si esset ex distractu obligatus, ex quasi contractu non esset; quippe distractus & contractus nulla similitudo est: neque ex eo, quod verè & expressè agitur, hic nascitur obligatio, sed extra id tacitè inducitur, ut jam ostensum est. Ac ne illud quidem verum est, ullum hic intervenire distractum, cum nulla præcedat obligatio, quæ distra-

hatur: neque putandum, hoc Imperatorem sensisse, cujus mens satis plana est, hæc scilicet, eum cui indebitum per errorem solutum est, non obligari ex contractu; quoniam qui solvendi animo pecuniam dat, non hoc agit, ut accipientem sibi obliget, sed ut obligationem, qua se teneri falso putat, distrahat & dissolvat; & qui accipit, non ea mente esse, ut se obliget alteri, sed ut alterum, quem sibi obligatum existimat, ea obligatione liberet: quanquam neutrum revera fiat.

T E X T U S.

Quibus ex causis debitum solutum non repetitur.

7. *Ex quibusdam tamen causis repeti non potest, quod per errorem non debitum solutum sit: sic namque defnierunt veteres. Ex quibus causis inficiando lis crescit, ex iis causis non debitum solutum repeti non posse: veluti ex lege Aquilia, item ex legato. Quod veteres quidem in iis legatis locum habere voluerunt, quæ certa constituta, per damnationem cuique legata fuerant: nostra autem constitutio cum unam naturam omnibus legatis & fideicommissis indulst, hujusmodi argumentum in omnibus legatis & fideicommissis extendi voluit: sed non omnibus legatariis hoc præbuit, sed tantummodo in iis legatis & fideicommissis, quæ sacrosanctis Ecclesiis, & ceteris venerabilibus locis, quæ vel religionis vel pietatis intuitu honorantur, relicta sunt; quæ si indebita solvantur, non repetuntur.*

N O T Æ.

7. REPETI NON POTEST] Quasi solutum transactionis causa ad evitandum periculum dupli.

EX QUIBUS CAUSIS INFICIANDO] Hoc est, ex quibus actio adversus contententem in simplum datur adversus negantem in duplum, *l. 23. §. pen. ad leg. 14. §. 26. inf. de act. Paul. 1. sent. 19.*

I T E M EX LEGATO] Et tertio ex causa depositi miserabilis, *l. 1. §. 1. & seq. depos. d. §. 26. inf. de act.* Sed nec quod transactionis causa *l. 6. §. 1. de cond.*

cond. ind. aut dotis nomine datum est opinione debiti, repetitur, *l. 32. §. 2. eod.*

NON REPETUNTUR] Nam sublata falsa opinione, relinquitur pietatis causa, ex qua solum repeti non potest. Julian. *l. 32. §. 2. de cond. ind.*

COMMENTARIUS.

- 1 *Causa, ex quibus lis per inficiationem crescit.*
- 2 *Cur ex his causis & ceteris placuerit, indebitum per errorem solum repeti non posse.*
- 3 *Nonnulla alia causa, ex quibus indebitum errore solum non repetitur: & quid hic moribus nostris.*

Sunt quedam causæ, ex quibus indebitum per errorem solum repeti non potest: cujusmodi sunt illæ, in quibus lis seu actio per inficiationem crescit, hoc est, ex quibus actio adversus contentem in simplum datur, adversus negantem in duplum, *l. inde Neratius 23. §. pen. ad leg. Aquil. §. sed furti. 26. inf. de act. Paul. 1. sent. 19.* Crescit hoc modo lis per inficiationem tribus in causis, uno loco comprehensis à Justiniano *d. §. sed furti.* Primo in actione legis Aquiliæ de damno dato, *d. l. inde Neratius §. pen. l. item veniunt. 20. §. 4. de her. petis. l. §. 2. de ser. corr. Paul. d. loc.* Deinde in actione depositi miserabilis, id est, quod tumultus, incendii, ruiæ, naufragii causa factum est, *l. 1. §. 1. cum seqq. depof.* Postremo in actione legatorum, religionis aut pietatis intuitu relictorum, *d. §. sed furti.* Ex his causis si quis per errorem solvit, quod non debebat, ejus secundum definitionem veterum nullam repetitionem habet, *l. 4. C. de cond. ind. & hoc tit.* Cujus rei ratio perobscura est: nam manifesta æquitas reclamare videtur. Non habeo quod respondeam, nisi quod verisimile est, certis in causis receptum fuisse, ut interrogati in jure, si negarent, & mendacii convincerentur, in duplum irent: unde postea inductum ut qui ex his causis conventus solvisset, quantumvis indebitum, non repeteret; quasi simplum ideo solverit, ne inficiando periculum dupli subiret, & ita quasi transigendo hoc periculum a se amovere voluerit. Oportet vero causam aliquam subesse, verbi gratia, damnum esse datum, licet fortè non ab eo, qui convenitur, sed ab alio; legatum aliquod in pios usus relictum esse, licet fortè minus solemniter. Nam si nullum damnum datum sit, aut nihil relictum, puto, locum esse repetitioni: quod etiam interpretes notant. Excipiuntur & aliæ causæ, ex quibus indebitum per errorem solum non repetitur, ut causa dotis, & transactionis. Quod dotis nomine solum datum est, puta à matre aut

§. 2. de cond. ind. Similiter quod transactionis causa datur, licet res nulla media fuerit, non repetitur, ne lites resuscitentur, *l. in summa. 65. §. 1. eod. l. 2. C. de transact.* Excipiunt & causam judicati; sed malè; quoniam regula est de indebito soluto: at quod ex causa judicati solvitur, id vel maximè debitum est: quippe quod etiam ab invito exigi potest: ut mirum non sit, pecuniæ ex ea causa solutæ repetitionem non esse, *vid. Cujac. par. C. de cond. ind.*

Per damnationem] In legatis per damnationem relictis olim lis inficiatione crescebat. *Paul. 1. sent. 19.* quod in his legatis receptum fuisse videtur propter severitatem judicii testatoris, hæredem suum dare damnantis, haud secus ac judex reum convictum condemnat; quasi majori odio dignus sit, qui inficiatur, quod testator tam enixè voluit, & severe imperavit, quam qui legatum simpliciter datum negat.

Nostra autem constitutio] Constitutione Justiniani, quæ extat in *l. 2. C. comm. de legat.* legatis omnibus & fideicommissis eadem natura attributa est. Illa autem constitutio, qua jus, de quo hic agitur, ad legata & fideicommissa religionis aut pietatis causa relictæ coarctavit, non extat; & credibile est, Græcè scriptam intercidisse.

Religionis & pietatis] Religionis intuitu quid relinquitur ecclesiis, cœnobiis: pietatis intuitu xenodochiis, nosocomiis, orphanotrophiis, &c. Nostris moribus jus hoc §. constitutum exolevit, nulla que lis crescit inficiando. *Græcè &c. de leg. abrog. hic.*

TITULUS XXIX.

C. lib. 4. t. 27.

Per quas personas obligatio acquiritur.

Ratio ordinis

HUc usque expositæ sunt duæ illæ obligationum causæ, contractus & quasi contractus. Quoniam autem ex his causis non tantum per nosmetipsos & factio nostro obligationem acquirere possumus, sed etiam per eos, qui in potestate nostra sunt, vel revera, vel justa opinione nostra, de eo nunc conclusionis loco aliquid subjicitur, ad eundem modum, quo *sup. lib. 2.* disputationem de acq. rer. dominio concludit titulus *per quas pers. cuiq. acquir.* Unde etiam pleraque, quæ ad explicationem hujus loci pertinent, petere licebit: nam quod ad personas, per quas acquiritur, causam acquirendi, & rerum qualitate pertinet, domini & obligationis eadem ratio est.

T E X T U S.

De his qui sunt in potestate.

Expositis generibus obligationum, quæ ex contractu, vel quasi ex contractu nascuntur, admonendi sumus, acquiri nobis non solum per nosmetipsos, sed per eas quoque personas, quæ in nostra potestate sunt, veluti per servos & filios nostros: ut tamen quod per servos nostros nobis acquiratur, totum nostrum fiat: quod autem per liberos, quos in potestate habemus, ex obligatione fuerit acquisitum, hoc dividatur secundum imaginem rerum, proprietatis & ususfructus, quam nostra decrevit constitutio: ut quod ab actione commodum perveniat, hujus ususfructum quidem habeat pater, proprietas autem filio servetur, scilicet patre actionem movente secundum novellam nostram constitutionis divisionem.

N O T Æ.

QUOD AUTEM LIBEROS] Quod ad personas, per quas acquiritur, causam acquirendi, & rerum qualitatem pertinet, dominii & obligationis eadem ratio est.

PATRE ACTIONEM MOVENTE] Utpote qui non nudus sit fructuarius, sed simul etiam legitimus bonorum administrator. Filii tamen consensus quoque adhibendus, nisi adhuc in prima ætate sit constitutus, l. ult. § 3. C. d. s.

NOVELLÆ NOSTRÆ CONSTITUT.] d. l. ult. Novellam vocat, eo quod lata est priore Codice jam edito. In summa sic habet. Ex castrensi & quasi castrensi peculio filius sibi pleno jure actiones acquirat, ex profectimo pleno jure patri, ex adventitio sibi proprietatem, patri ususfructum.

C O M M E N T A R I U S.

Veluti per servos] Quemadmodum res ceteræ per servos nostros nobis acquiruntur, sic etiam obligationes, earumque jus integrum ac solidum ad dominum pertinet, l. i. & passim de stip. serv. & sup. eod. tit. ubi de hoc explicatum est.

Quam nostra decrevit constitutio] Theophilus dixit, discrevit. Intelligit autem hunc oportet. 6. C. de bon. qua lib. ubi ea omnia, quæ peculii adventitii nomine continentur, ita partitur, ut eorum ususfructum assignet patri, filio proprietatem. Peculii profectitii, castrensis & quasi castrensis quæ ratio sit, docetur §. r. sup. per quas pers. cuiq. acq. Unde summam illud intelligitur, ex castrensi & quasi castrensi peculio filium sibi pleno jure actiones acquirere, ex profectitio pleno jure patri, ex adventitio sibi proprietatem, patri ususfructum.

Secundam novellam nostram] Licet ex causa peculii adventitii filiosa, proprietatem quærat, patri tantum ususfructus, quod minus est: placet tamen, solum patrem actiones exercere & excipere, utpote qui non nudus sit fructuarius, sed simul etiam legitimus bonorum administrator. Adhibendus tamen est filii quoque consensus, nisi is in prima adhuc ætate sit constitutus, vel longè absit, l. ult. §. ubi autem 3. C. de bon. qua lib. quæ est illa novella constitutio, cujus hic meminit Justinianus. Novellam vocat, eo quod lata est priore Codice jam edito, qui solus tunc cum institutionibus scriberentur, pro Codice erat. Nam constitutiones emissæ post priorem Codicem, novellæ vocatæ sunt usque ad posterioris Codicis, cui insertæ sunt, editionem; quemadmodum nunc constitutiones promulgatæ post secundum Codicem, Novellarum titulo circumferuntur.

T E X T U S.

De bona fide possessis.

1. Item per liberos homines & alienos servos, quos bona fide possidemus, acquiratur nobis, sed tantum ex duabus causis, id est, si quid ex operis suis, vel ex re nostra acquirant.

De servo fructuario, vel usuuario.

2. Per eum quoque servum, in quo ususfructum, vel usum habemus, similiter ex duabus istis causis nobis acquiratur.

C O M M E N T A R I U S.

Etiam per eos, qui à nobis bona fide possidentur, sive liberi sint, sive servi alieni, item per servos, in quibus ususfructum habemus, obligatio nobis acquiratur: cæterum duabus duntaxat ex causis, ex operis eorum, & ex re nostra. Sed & hoc pluribus explicavimus sub §. de iis autem 4. sup. per quas pers. cuiq. acq.

Velut sum] Has voces à vetustis quibusdam codicibus abesse notat Accurs. & probabiliter debebuntur. Nam sanè usufructarius non idem jus habet, quod fructuarius, ut ex utraque prædicta causa acquirat. Constat enim ex operis servi, in quo nudum usum habemus, nobis non aliter acquiri, quam si operis ejus utamur, in re nostra, l. per servum 14. l. si ita 16. §. 2. l. servus 20. de usu & habit. §. id. sup. §. 3. eod. tit.

T E X T U S.

De servo communi.

3. *Communem servum pro dominica parte dominis acquirere certum est, excepto eo, quod nominatim uni stipulando, aut per traditionem accipiendo, illi soli acquirit; veluti cum ita stipulatur, Titio domino meo dare spondes? Sed si domini unius jussu servus fuerit stipulatus, licet antea dubitabatur: tamen post nostram decisionem res expedita est, ut illi tantum acquirat, qui hoc ei facere jussit, ut supra dictum est.*

C O M M E N T A R I U S.

Si servus communis sit plurium dominorum, quibus & quatenus acquirat, discas ex §. ult. sup. de stip. servo. & ibi notat.

Post nostram decisionem] Est l. ult. C. per quas pers. nob. acq. ubi veterum super re proposita controversiam decidens sic in summa cavet: Cum unus ex dominis servum stipulari jubet; & is nominatim alteri domino stipulatur, siquidem is, qui jussit servum stipulari, jussit specialiter, ut stipularetur sibi, seu suo jubentis nomine, statuit Justinianus, ut stipulatio acquiratur jubenti, ita & hoc casu plus valeat jussio, quam nominatio: sin autem is, qui jussit servum stipulari, simpliciter jussit, hoc casu vult obligationem acquiri nominato; ut hic nominatio plus valeat, quam generalis jussio; cujus distinctionis meminisse debuerat Tribonianus. Quod si simpliciter ab uno stipulari jussus, simpliciter quoque, id est, nullo dominorum nominato, stipulatus fuerit, hunc casum apud veteres jus centum habuisse indicat, ut tunc ei soli acquiratur, qui jussit.

TITULUS XXX.

D. lib. 4. t. 2. 3. 4. C. lib. 8. t. 42. 43. 44.

Quibus modis tollatur obligatio.

Continuatio. Quibus modis aut ipso jure, aut per exceptionem, tollatur obligatio.

Explicatum hætenus, quibus modis obligatio contrahatur: commodum nunc jungitur, quomodo rectè ab initio constituta distrahatur, ejusque nexu debitor liberetur, quanquam & differri hæc tractatio potuit, donec de obligationibus quoque quæ ex delicto, vel quasi ex delicto nascuntur, præceptum esset. Modi distrahendarum obligationum multi sunt, quorum alii ipso jure liberant, alii per exceptionem seu tutione prætoris. Ipso jure liberant solutio, acceptilatio, novatio, dissensus utriusque partis interdum, obligationis confusio, l. sicut 75. l. pen. de solut. l. 7. C. de pact. debiti oblatio & consignatio, l. 2. C. de solut. compensatio, §. in bonæ 30. inf. de act. duarum causarum lucrativarum in eandem rem & personam, concursus, l. omnes 17. de obl. & act. rei debite ante moram à debitore factam contingens interitus, l. si ex legati 23. de verb. obl. & si quæ sunt generis ejusdem. Per exceptionem liberamur testamento, pacto, sententia, jurejurando, tempore, &c. De liberatione per exceptionem dicitur inf. lib. 4. tit. de except. Hic tantum traduntur modi, quibus obligatio perimitur ipso jure, arque ex his duntaxat hi quatuor maxime celebres, solutio, acceptilatio, novatio, mutui consensus. Plerosque alios data occasione a libi interpretati sumus.

T E X T U S.

De solutione.

Tollitur autem omnis obligatio solutione ejus, quod debetur: vel si quis consentiente creditore aliud pro alio solverit. Nec interest, quis solvat, utrum ipse, qui debet, an alius pro eo: liberatur enim & alio solvente, sive sciente, sive ignorante debitore, vel invito eo solutio fiat. Item si reus solverit, etiam ii, qui pro eo intervennerunt, liberantur. Idem ex contrario contingit, si fidejussor solverit: non enim ipse solus liberatur, sed etiam reus.

N O T A.

QUIBUS MODIS TOLLITUR] Ipso scilicet jure, de liberatione per exceptionem dicitur lib. 4. tit. de except.

ALIUD PRO ALIO] *l. 17. C. de solut.* Invito autem creditori aliud pro alio solvi non potest, *l. 2. §. 1. de reb. cred.* Qui nummos in alia forma reddit, non videtur aliud pro alioolvere, arg. *l. 1. de cont. empr. l. 65. §. 1. de verb. obl. Sen. 8. de ben. 5. Pecuniam dicimur reddidisse, quamvis numeravimus pro argenteis aureis; &c.*

VEL INVITO EO] *l. 23. l. 40. l. 33. de solut.* quoniam & naturali & civili ratione licet conditionem alterius, quamvis ignorantis & inviti, facere meliorem, *l. 39. de neg. gest.*

COMMENTARIUS.

- 1 *Solutionis verbum quam late pateat, & quid in specie denotet.*
- 2 *Aliud pro alio invito creditore solvi non posse: consentiente autem posse. n. 8.*
- 3 *Quibus casibus aestimatio aut aliud pro re debita recte praestetur.*
- 4 *Ad justam solutionem requiri, ut solvatur simul & semel totum, quod debetur.*
- 5 *Confirmatur hac sententia adversus opinionem Alciati, etiam partis solutionem invito creditore admittentis.*
- 6 *Respondetur ad argumenta, quibus movetur Alciatus.*
- 7 *Interdum nec parte à volente creditore accepta pro ea parte liberationem contingere, & quando.*
- 8 *Licere unicuique pro debitore solvere, etiam ignorante & invito, ut ipso jure liberetur; cum remotione contrariorum.*
- 9 *Quid si creditor solutionem ab alio oblatam recuset accipere. Et quid si alius pro emphyteuta velit canonem solvere, quo is panam commississet.*
- 10 *Fidejussore simpliciter solvente utrum rem ipso jure liberetur, an per exceptionem.*

Tollitur omnis obligatio solutione] Primus modus, quo ipso jure obligatio tollitur, ex quatuor hic propositis, est solutio. Solutionis verbum & generale est & speciale. Generaliter acceptum ad omnem liberationem quocunque modo factam pertinet, referturque tunc non tam ad rei, quæ in obligationem deducta est, præstationem, quam ad ipsius obligationis, quæ quavis liberatione tollitur, substantiam, *l. solutionis 54. de solut. junct. l. liberationis 47. l. solutionis 176. de verb. sign.* Specialiter autem accepta vox solutionis unum tantum tollendæ obligationis modum denotat, naturalem scilicet, sive realem, ut nunc loquuntur præstationem ejus, quod debetur. Itaque contra in hac significatione solutio ad rem debitam refertur, quæ cum præstatur, solvitur, id est, liberatur eo nexu, quo cum ipso debitore quo-

dammodo tenebatur. Atque hoc modo accepta jungitur solutio à satisfactione, & omnibus iis modis, quibus citra numerationem aliamve naturalem rei debita præstationem liberatio contingit, *l. solutionis 49. l. satisfactio 52. l. prout 80. C. de solut. l. 2. §. 3. de pign. act. l. 4. §. 3. de re judic.* & in hac speciali significatione etiam accipitur hoc loco. Ait, *Omnis obligatio*, id est, cujuscunque ea sit generis, aut quomodoconque contracta: quod non item in alias omnes species liberationis eadit.

Ejus quod debetur.] Recte ejus, quod debetur: nam aliud pro eo, quod debetur, invito creditore solvi non potest, ut sequatur liberatio, *l. 2. §. 1. de reb. cred. l. eum 16. C. de solut.* veluti si pro pecunia debita certa species obrudatur creditori, vel pro specie debita offeratur alia species aut speciei debita aestimatio: vel si factum pro facto solvatur, *l. qui res 98. §. mihi 6. de solut.* Nummi quidem in alia forma reddi possunt, nisi hoc damnosum sit creditori, *l. creditorem 99. eod.* sed hoc casu non intelligitur aliud pro alio solvi, *vid. sup. not. ad pr. quib. mod. re contr. obl.* Sunt sane nonnulli casus, quibus placet debitorem posse aestimationem pro re debita præstare. Sed hi singulares sunt: quippe in quibus necessitas hoc exprimit; veluti si res debita post moram perit; *l. 8. de cond. furt.* aut extat quidem sed aliena est, & eam dominus non vendat, *l. si domus 71. §. 3. de legat. 1.* simileque rationem habet species *l. non amplius 26. §. 2. eod. tit.* Idem aliquando suadet & favor; ut in casu *d. l. si domus, §. 3. in fin.* At vero extra hujusmodi casus & causas aliud pro re debita dissentiente creditore non recte solvitur, nisi forte debitor eam facultatem aliunde acceperit. Veluti in causa noxali: ex qua cum solam damni aestimationem dominus debeat, per legem tamen noxæ deditione liberatur, *l. 6. §. 1. de re judic.* item in obligationibus faciendi; ubi sibi factum non est, quod fieri debuit, pecunia deberi incipit, sed tamen debitor ante litem contestatam faciendi liberatur; quoniam hanc potestatem ab initio ex conventionem accepit, *l. stipulationes 72. junct. l. si insulam 84. de verb. oblig.* Ad hæc sciendum est, ad justam solutionem requiri, ut solvatur simul & semel totum, quod debetur, utique si creditor desideret: natura enim obligationis postulat, ut eodem modo, quo quæque contracta est, dissolvatur, *l. prout 80. de solut. l. nihil 35. de reg. jur.* ac proinde non dissolvitur, nisi res inde debita ita præstetur, ut ab initio deberi cœpit: cœpit autem semel deberi tota, quæ obligationis conditio invito creditore mutari non potest. Sed quoniam hanc sententiam in dubium vocat & impugnat vir summi judicii & auctoritatis And. Alciatus in *l. quidam 21. de reb. credit.* contendens creditorem etiam partem debiti, quæ offeratur, cogendum accipere, alioqui moram eum facere, & peri-

& periculo rei oblata illigari; age paulo diligentius eam & explicemus & adstruamus. Ajo igitur, contra quam existimat Alciatus, debitorem non posse partem rei debitæ solvere invito creditore. Quod hanc habet sententiam, debitorem non posse partem debiti ita offerre, ut creditore recusante accipere, possit eam partem offerre & obsignare hoc effectum, ut vel oblatione mora ejus, si qua intercessit, purgetur, vel obsignatione pro parte, quam obtulit, liberetur: & quod idem fere valet, ajo, si debitor ejus, quod totum ex aliqua causa debet, partem creditori offerat, licere creditori eam partem non accipere impune, nullumque esse hujus obligationis effectum. Confirmat hanc sententiam præter id, quod modo attuli, de natura obligationis & jure creditori inde quaesito, quod respondetur *l. 3. fam. etc.* & quotidiana experientia docet, partium solutionem multa incommoda habere, & ideo damnosam esse creditori. Jam vero constat non posse cogi creditorem accipere, quod aliter offertur, quam obligatio contracta est, si ex ea re damnum aliquod metuat, *l. creditorem 99. de solut.* Consentiat auctoritas Modestini *l. tutor 41. §. de usur.* ubi discrete Jurisconsultus respondente, debitore solam partem debiti obsignante, non retardari totius debiti usurarum præstationem, nisi expressè cautum sit, ut liceret & partem ejus, quod acceptum est, solvere, ut in specie *l. lecta, de reb. cred.* Consentit & illud, quod Imp. rescribunt, *l. 9. C. de solut.* obsignatione totius debiti solenniter facta liberationem contingere. Postremo, ita jus esse commune, vel ex eo intelligitur, quod jure singulari favore libertatis receptum est, ut hæres cogatur per partes accipere pecuniam, quam servus pro libertate dare jussus est, *l. 4. §. 6. de status lib.* & quod in causis publicarum pensionum, quæ pro fundis patrimonialibus præstantur, propria quoque consideratione particularis solutio admittitur, dum tribus cotannis vicibus totæ exsolvantur, *l. penult. Cod. de collat. fund. patrim. lib. 11.* Non adversatur huic sententiæ, quod ratio compensationis pro parte obligationem tollit, *l. 5. C. de compens. l. 7. C. de solut.* Nam compensatio auctoritate legum vim justæ solutionis habet, id est, ejus, quæ facta est volente creditore, atque ipso jure pro soluto est, quoad concurrentes quantitates, ex eo tempore, ex quo utrinque pecunia deberi coepit, *l. 4. C. de compens. l. 4. l. 1. & seq. ff. eod.* Neque textus in *l. ult. quib. mod. pign. vel hyp. solv.* ibi enim agitur de debitore ex diversis causis obligato, atque ex una earum solidum, quod debet, offerente. Nos vero quærimus de uno debito & ex una causa. In contrarium quoque movit Alciatum, quod scriptum est in fine *§. 1. hoc tit.* id quod debetur, pro parte recte solvi: sed bene vulgo hoc sic accipitur, si creditor ad partis solutionem admittatur: & illud,

quod traditur *l. 2. §. 1. de verb. obl.* quasdam obligationes partium præstationem recipere, nimirum natura sua, ut pars rei in obligationem deductæ præstari & à creditore accipi possit; ad differentiam earum, quæ natura divisionem non admittunt, ad quas hæc disputatio pertinere non potest. Non omnia argumenta Alciati indigent refutatione: ipse textus in *l. quidem 21. de reb. cred.* quo præcipue movetur, nostram potius sententiam juvat: nam cum Jurisconsultus certum tantum casum proponat, quo creditor partem ejus, quod petit, accipere cogitur, nempe cum debitor de reliquo, quod an debeatur, non apparet, paratus sit iudicio contendere, hoc ipso satis significat, regulam esse in contrarium. Eademque sententia est *l. 8. si pars har. per.* Illud in confesso, nec parte à volente creditore accepta semper pro ea parte debitorem liberari; sed conditionem obligationis hic inspicendam esse. Si obligatio non solum naturæ rei dividua est, sed etiam conditione sua, veluti si res una aut conjunctim plures, quæ divisionem admittunt, promissæ sunt, liberatio pro parte contingit: sin minus, non nisi toto soluto, *l. 9. §. 1. l. si à cui 94. pr. de solut. l. 2. §. 1. de verb. obl.* Conditione sua divisionem non recipiunt, quamvis alioqui res natura sua dividuas continuant hæres; obligatio generis; alternativa; poenalis: in quibus omnibus placet debitorem partem rei solvendo pro ea parte non liberari, obstante nimirum conditione obligationis. In stipulatione poenæ hoc aperte efficit ipsa conditio, neque aliud sine manifesta injuria stipulatoris constitui potest, *l. 5. §. ult. de verb. obl. add. l. in executione 85. eod.* Ex duabus autem prioribus liberum quidem est debitori unam aliquam rem ex promissis solvere, non autem duarum rerum partes, quod alias evenire posset, *d. l. 2. §. 1. d. tit. d. l. 9. §. 1. de solut.* In acceptilatione hoc non metuitur, & ideo etiam in hoc genere pro parte accepto lata liberatio contingit, *l. qui hominem 17. de acceptil. d. l. 2. §. 3. de verb. obl.* An quod in idem debetur, etiam ante diem recte solvatur, dixi sub *§. 2. sup. de verb. obl.*

Consentiente creditore] Creditore consentiente etiam res alia pro alia recte solvitur, proficitque reo ad liberationem non minus, quam si eadem res soluta esset, *l. manifesti 17. C. de solut.* nempe creditori contento rem aliam pro debita accepisse satisfactum est. Satisfactio autem certo jure pro solutione cedit, *l. satisfactio 52. de solut.* Enimvero ita demum hic nascitur liberatio, si res soluta in solidum accipientis fiat, ut advocari non possit; alioqui & manet pristina obligatio, & manet pro solido, etiamsi pars tantum evicta fuerit, *l. si quis aliam 46. eod. t.* quod idem juris est in solutione ipsius rei debitæ, quæ propria

pria fuit debitoris, *l. si rem meam 20. l. cum quis 38. §. 2. l. qui decem 72. §. pen. cod.*

Nec interest, quis solvat, &c. Non tantum debitor ipse recte solvit; sed etiam alius pro eo, ut ista solutione non minus liberetur, quam si ipse solvisset, *l. manifestus 17. C. de solut.* Quinimo placet licere cuique pro debitore solvere etiam ignorante eo & invito, *l. solutione 23. l. si pro 40. l. solvere 53. cod.* adque naturalis simul & civilis ratio suavit, per quam licet conditionem alterius, quamvis inviti aut ignorantis, facere meliorem, *l. solvendo 39. de neg. gest. d. 4. solvere de solut.* Neque obstat, quod traditur in *l. invito 69. de reg. jur.* invito beneficium non dari. Nam hoc vel ad beneficia, quæ à legibus conceduntur, referendum est, quibus uti nemo cogitur, *l. pen. C. de pact.* Vel eo sensu hoc dictum accipimus, quo illud Lesbonici apud Plautum in *Trinum, act. 3. scen. 2.*

Nullum beneficium

Esse duco, quod quos facias non placet.

Item illa Seneca 2. de benef. 19. *Non est beneficium accipere cogi: Non est beneficium debere, cui nolis.* Et Theodoric regis apud *Cassiod. lib. 5. epist. 39.* *Non est defensio, qua præstatur invidiis. Suspectum est quod patiuntur nolentes &c.* & alibi: *Non est beneficium, quo l. præstatur invidiis: nec cuiquam videretur utile, quod adversa voluntate conceditur.* Similiter nec pro beneficio reputandum erit, invitum & repugnantem liberari. Plane, si consideremus animum benefacere volentis, & commodum, quod revera ad alium inde pervenit, non male beneficium etiam illud appellabimus, quod præstatur nolenti & invito. Sic Seneca 5. de benef. 20. *Non est, inquit, dubium, quin beneficium sit, etiam invito prodesse.* Idem *lib. 6. c. 23. & 24.* docet, beneficiorum maxima esse, quæ à parentibus accipimus, dum aut nescimus, aut nolumus.

Liberatur enim & alio solvente Et liberatur non ope exceptionis, sed ipso jure, perinde ac si ipse solvisset, ut ex hoc loco & præcitat. 11. intelligitur: efficitque hoc ipsum etiam manifesta ratio juris: nam cum creditor accipit, quod est in obligatione, necesse est, eam extingui, ipsoque jure liberari debitorem. Nec adversatur *l. 6. in fin. de dol. mal. exc.* alius enim casus ibi proponitur, atque ab eo, de quo hic quæritur, longe diversus, scilicet cum quis alii solvit, quam cui debebat. Igitur ad effectum liberationis, quæ debitori contingit à veteri obligatione, nihil interest, ipse solvat, an alius pro eo: nihil item, utrum alius solvat pro debitore sciente & volente, an pro ignorante, adeoque pro invito & vetante. Ad jus vero repetendi quod attinet, hoc interest, quod ejus, quod pro invito solvi, recuperandi causa nullam actionem habeam; quod solvi pro volente, repetere possim a-

ctione mandati; quod pro ignorante, actione negotiorum gestorum, *l. 6. §. 2. l. ex mandato 20. §. 1. l. si pro 40. mand. l. ult. C. de neg. gest.*

Ignorante debitore vel invito Si quid si creditor hoc casu solutionem ab extraneo oblatam recuset accipere, nonne audiendus erit? Minime quia nihil ejus interest, quis solvat. Et quod jure cuique facere licet, id etiam licet creditori invito. Non cogitur quidem præcise creditor accipere; nam nec ipso quidem debitore offerente cogeretur: sed quod debitor hic facere potest, idem potest & extraneus, pecuniam scilicet oblatam obsignare & deponere, quæ obsignatio pro solutione cedit, *l. 9. Cod. de solut.* Plane, si creditoris interit solutionem ab alio oblatam non recipere, puto recusantem audiendum esse: & ideo, quod quidam existimaverunt etiam emphyteutæ ad evitandam penam commissi prodesse solutionem ab alio etiam proprio nomine, quamvis nullo jure obstricto, factam, si forte solvens jus pignoris in re emphyteutica sibi conservare vellet, (quippe quod resoluta jure emphyteutæ & ipsum evanesceret, *l. lex & igitur 31. de pignor. argum. l. 12. §. 2. Vers. non solum, de usufr. & d. l. 31. de pignor.* simpliciter probandum non est; sed tunc demum, ubi dominus ultro eam solutionem admisit: nam si recuset accipere, non dubito; quin id jure faciat; quoniam per solutionem non ex voluntate emphyteutæ factam non recognoscitur dominus, ut oportet, ab ipso emphyteuta, neque potest quisquam conditionem alterius deteriorem facere, *l. solvendo 39. de neg. gest.* Ita sentio cum *D. Tuld. comm. hic, c. 1.* Plane, si res emphyteutica ad tertium pervenerit, qui canonem solvit tanquam emphyteuta, magis est, ut solutio vero emphyteutæ profit, adi *Jas. in l. 2. C. de jure emph. col. 20. quæst. 23. Tiraqu. de retract. gentil. §. 36. gloss. 2. num. 19. add. D. Bachov. lib. 5. de pign. c. 13. num. 30. & in Treutl. Vol. 2. disp. 29. th. f. 3.*

Qui pro eo intercederunt Ut puta fidejussores & mandatores. Sed & reliquæ accessiones liberantur, ut pignora & hypothecæ, *l. in omnibus 43. de solut.* Ratio perspicua est, quia sublata re principali etiam ea, quæ accessionis locum obtinent, intercedere necesse est.

Sed etiam reus Et igitur eodem quoque modo reus liberatur, solvente fidejussore, quo fidejussor solvente reo, hoc est, ipso itidem jure. De quo genere liberationis hic agitur. Interpretes vulgo id quidem admittunt, cum fidejussor expressè solvere dicit nomine rei: ceterum si solvat simpliciter, quasi suo tum nomine solvere intelligatur, contendunt, reum ipso jure obligatum manere & defendi dumtaxat per exceptionem doli mali, ne bis idem creditor consequatur, arg. *l. Papinianus 28. mandat.* Ego vero cum Giphano & Bachovio fidejussoris & mandatoris

atoris diversam in proposito causam arbitror. Nempe fidejussor ipsam obligationem rei principalis in se suscipit, dum quod alius debet, fide sua esse jubet; ac proinde si solvat fidejussor, ea solutio non potest non intelligi facta ejusdem obligationis nomine, quam idcirco tolli necesse est, & rerum quoque principalem ipso jure liberari, secundum hunc textum. *Ant. Fab. Cod. suo defin. 17. de fidejuss.* Mandati vero alia ratio est: hoc enim nihil commune habet cum contractu creditoris, qui verbi causa meo mandatu pecuniam credidit Titio. Itaque nisi ego expresse nomine Titii solvero, ratio suadet, ut Titius non liberetur ipso jure: quoniam meo nomine ex causa mandati solvisse intelligor: & ideo creditor adhuc actiones suas adversus debitorem mihi præstare & potest & debet, *d. l. 28. mand. l. Stichum 95. §. prope. de solutur.* quod secus est, si solutio facta sit a fidejussore, & in solvendo de cedendis actionibus nihil cautum, *l. fidejussoribus 17. l. cum in 36. l. ut fidejussor. 39. de fidejussor. l. Modestinus 76. de solut. cum similibus* *vid. sup. §. si plures 4. de fidejuss.*

T E X T U S.

De acceptilatione.

1. Item per acceptilationem tollitur obligatio. Est autem acceptilatio imaginaria solutio. Quodenim ex verborum obligatione Titio debetur, id si velit Titius remittere, poterit sic fieri, ut patiatu hac verba debitorem dicere: Quod ego tibi promisi, habesne acceptum? & Titius respondeat, Habeo. Sed & Grace potest acceptilatio fieri; dummodo sic fiat, ut Latinis verbis solet: Ἐχεις λαβὼν δυνάμια τόσα; ἔχω λαβὼν. Quo genere (ut diximus) tantum ea solvuntur obligationes, quæ ex verbis consistunt, non etiam ceteræ. Consentaneum enim visum est, verbis factam obligationem aliis posse verbis dissolvi. Sed & id, quod alia ex causa debetur, potest in stipulationem deduci, & per acceptilationem dissolvi. Sicut etiam quod debetur, pro parte recte solvitur; ita in parte debiti acceptilatio fieri potest.

N O T Æ.

1. PER ACCEPTILATIONEM] Quæ est verborum conceptio, quibus creditor, cui verbus quid promissum est, rogatus à debitore, an id, quod ita debetur, acceptum ferat, responder se acceptum ferre. Definitio Modest. *l. 1. de accept.* obscurior est.

C O N S E N T A N E U M V I S U M E S T] *l. 80. de solut. l. 35. de reg. jur.* Plane si quod ex alia obligatione debetur, acceptilatum fuerit, proderit id debitori ad exceptionem, *leg. 19. de accept.* Nam inutilis acceptilatio saltim vim pacti habet, *d. l. 8. pr.*

C O M M E N T A R I U S.

- 1 *Explicatur Modestiana acceptilationis definitio.*
- 2 *Trahitur alia plenior & planior.*
- 3 *Acceptilationem non videri recte dici speciem stipulationis.*
- 4 *Solutionis & acceptilationis communia & propria. & n. 7.*
- 5 *In forma acceptilationis qua consideranda.*
- 6 *Materia seu objectum.*

ETIAM acceptilatione ipso jure tollitur obligatio. Acceptilatio definitore Modestino, est liberatio per mutuam interrogationem, qua utriusque contingit ab eodem nexu absolutio, *l. 1. de accept.* Sed hæc Jurisconsulti definitio dura plerisque & absurda videtur; neque sane immerito. Nam primum in acceptilatione uterque alterum mutuo non interrogat, sed debitor duntaxat interrogat creditorem; deinde nec uterque per acceptilationem liberatur, sed solus debitor, qui & solus obligatus est. Sunt, qui hanc definitionem Modestini, propter illa verba, *per mutuam interrogationem*, accipiendam existimant non de quavis acceptilatione, sed de ea tantum, quam præcedit novatio & stipulatio Aquiliana; quoniam hæc species sola mutua interrogatione consistit, in stipulatione Aquiliana debitor interrogetur, in subsequente acceptilatione vices commutatur, & interrogetur creditor: nec obstat quod distinctæ sunt species, stipulatio Aquiliana, & acceptilatio, quæ illam perimit: ut enim verbo stipulationis Aquilianæ & acceptilatio, quæ eam sequitur, significatur; *l. 5. l. 15. de transact. l. 3. Cod. eod.* ita acceptilationis verbo plerumque & eam, quæ præcessit, stipulationem adsignificari. Cujac. *1. obs. 36. Horom. 3. obs. 18.* Cæterum probabilius meo quidem judicio dicemus, Jurisconsultum abusive mutuam interrogationem appellasse, quæ in se quidem una est, sed mutuam habet & subsequentem responsum, tanquam partem præcedentis interrogationis; ut definitio generaliter concepta, & in exorsu tractationis de acceptilationem

proposita, ad utramque speciem referatur, & tam simplicem, quam eam, quæ sit præposita stipulatione Aquiliana, complectatur. Quod autem Modestinus ait, per acceptilationem contingere utriusque ab eodem nexu absolutionem, id non passive in persona utriusque accipi debet, sed passive in persona debitoris, active in persona creditoris; ut hæc sit sententia, acceptilatio est liberatio, qua debitor absolvitur, & creditor absolvit, ab eodem nexu, quo debitor necitur, & creditor necitur. Plena & magis perspicua definitio hæc est, Acceptilatio est verborum conceptio, quibus creditor, cui verbis quid promissum est, rogatus à debitore an id, quod ita debetur, acceptum ferat, respondet, sese acceptum ferre liberandi ejus causa. Est verborum conceptio, quoniam verbis transigitur; id est, interrogatione & responsione certis verbis conceptis, quæ liberationi conveniant, l. 1. c. de accept. qualia veteribus promiscue usurpata sunt hæc, *acceptum ferre, acceptum facere, acceptum habere*, l. 6. l. 7. l. 13. §. 1. & deinceps, §§. & h. seqq. eod. Hinc autem intelligimus, acceptilationem non fieri nudo consensu: fieri autem ac liberare sine solutione. In quo differt ab apocha, quæ debitorem non liberat, nisi pecunia verè soluta sit, l. si accepto 19. §. 1. eod. Reliqua definitionis materiam & finem indicant, remouentque hinc stipulationem, quæ quidem & ipsa verborum conceptio est, sed ad obligandum, non ad liberandum, comparata. Scio, nonnullos acceptilationem speciem facere stipulationis, quibus stipulatio duplex est, una obligatoria, altera liberatoria. (D. Tuldenus dissolutoriam vocat) argum. l. finis 27. §. 2. de pact. Sed neque veterum usus, neque fini stipulationis, neque notationi verbi convenit, distractum nomine stipulationis appellaret & verba hæc Jurisconsulti in d. l. 27. §. 2. *Sicut tollitur stipulatio per stipulationem*, non sunt accipienda de acceptilatione, sed de stipulatione novandi causa interposita. Addit enim, *si hoc actum est*. Quæ verba auctores nostri usurpare solent, cum de novatione, non cum de acceptilatione tractant, l. 2. l. 6. & pass. de negot. ita & D. Cujac, in d. l. 27. §. 2. de pact.

4 Imaginaria solutio.] Solutio naturaliter obligationem resolvit; acceptilatio civiliter, l. pen. de solut. nam in solutione debitor aliquid re ipsa & actu præstat, in acceptilatione nihil: sed tamen quasi præstitit, liberatur, & acceptilatio solutioni comparatur, l. 7. §. 1. de lib. leg. adeoque imaginem solutionis gerit: nam qui accepto fert, ita debitorem liberat, quasi sibi solutum esset: unde acceptilatio exemplo solutionis liberare dicitur, l. 5. de accept. & veluti soluisse videri, cui accepto latum est, l. 16. eod. Pertinet autem hæc comparatio ad effectum liberationis, non ad potestatem liberandi. Etenim in solutum ac-

cipiendo tam extraneus quisvis, qui modo potestate creditoris in eo utatur, quam ipse creditor, debitorem liberat, l. 12. l. 14. §. 1. de solut. & contra debitor liberatur, non modo si ipse solvat, sed etiam si quisvis alius pro eo, quamvis ignorante & invito, ut dictum pr. hujus tit. At vero acceptilatione nemo debitorem liberare potest, præterquam ipse creditor, nemo liberari, nisi ipse debitor per se: adeo ut nec pupillus per tutorem, nec dominus per procuratorem, licet interposito speciali mandato, liberentur aut liberent, l. 13. l. tutor. 10. l. pen. de acceptil. quoniam scilicet actus legitimi solennitas per alium peragi non potest, l. nemo 123. junct. l. actus 77. de reg. jur. Atenim quo recta nequit, eo obliqua via pervenitur adhibito remedio novationis. Videlicet ut tutor pupilli, aut procurator, speciale mandatum habens, domini obligationem novatione in se transferat, translatamque deinde suo nomine acceptam ferant aut rogent, d. l. 13. §. tutor. & cave aliud colligas ex l. 7. eod. Cujac. 15. obs. 16.

Grace potest fieri.] Forma acceptilationis est illa, quam supra exposui, verborum conceptio, ad liberandum comparata. Itaque & verba intervenire necesse est, & talia, quæ liberationi convenient. Et olim quidem hic actus, ut pote civilis & legitimus, civilibus duntaxat & legitimis verbis, ac proinde non nisi Latinis, explicari potuit: sed postquam utilitatis causa receptum fuit, ut acceptilatio etiam cum peregrinis & juris civilis incapacibus recte interponeretur, illud quoque admittendum fuit, ut interponi posset etiam peregrina lingua. Quod significat Ulpianus l. 8. §. ult. de accept. Ubi ait, *hoc jure nos uti, ut juris gentium sit acceptilatio*, id est, ut etiam ii, qui cives non sunt, accepto rogent & ferant: Unde mox, & ideo puto, inquit, & Grace posse acceptum fieri dicens hoc consequens ab illo antecedente. Atque hoc in acceptilatione haud dubie exemplo stipulationis inductum, quæ & ipsa antea Latinis tantum verbis concipiebatur: sed usu ejus peregrinis communicato, obtinuit, ut etiam lingua peregrina, id est, quavis alia, quam Latina, fieri posset; dummodo sensus congrueret, & uterque vel per se vel per verum interpretem linguam intelligeret, l. 1. §. ult. de verb. obl. §. 1. sup. eod. In forma acceptilationis illud observandum, ne concipiatur in diem aut sub conditione, alioqui nullius momenti erit. Quippe quæ exemplo solutionis liberare solet, l. 4. & l. 5. de accept. & actus est legitimus, cujus generis actus per temporis vel conditionis adjectionem vitiantur, l. actus 77. de reg. jur. Plane quod in diem aut sub conditione debetur, pure acceptum ferri potest, quamvis eadem illa huic acceptilationi tacite insint, ac proinde non prius valeat, quam si conditio extiterit aut dies venerit. Sed novum non est, ut ea non expressa non noceant, quæ aperte

aperte comprehensa vitium afferunt, *l. 12. de accept. d. l. actus 77. de reg. jur. l. expressa 195. cod.* Eleganter hæc explicat D. Brissonius *lib. 2. de solut. tit. de acceptil.*

6 *Qua Verbis consistunt, non etiam cætera*] Materia siue res, quæ in acceptilationem deduci potest, est debitum verbis antea contractum. Primum ut valeat acceptilatio, debitum esse oportet, quod acceptum rogatur & fertur: si aliud, quam quod debetur & revera est in obligatione, acceptum rogatum aut latum fuerit, acceptilatio inutilis est, nec inde liberatio nascitur, *l. 6. in fin. l. 13. §. 2. & §. cum qui 5. cod.* & hoc est, quod definitur in *l. 14. cod.* nisi consentiat acceptilatio cum obligatione, & nisi verum sit, quod in acceptilatione demonstratur, imperfectam esse liberationem; videlicet propter defectum materiæ, cui acceptilatio seu liberatio applicetur: de quo vid. D. Joan. Wames. *cent. 1. cons. 73. n. 13.* Præter debitum autem si quid amplius adjiciatur, non vitiat quidem acceptilatio, sed adjectum nullius est momenti, *l. 13. cod.* Secundo id debitum solum acceptilatione perimi potest, quod verbis contractum est, non alia obligatio: siquidem naturæ convenit, eodem genere unumquodque dissolvi, quo colligatum est: & ideo cum acceptilatio verbis conficiatur, consentaneum, solas verborum obligationes acceptilatione posse tolli, *l. 8. §. 3. cod. l. nihil. 35. de reg. jur. l. prout 80. de solut.* Plane, si, quod ex alia obligatione debetur, accepto latum fuerit, etsi hoc debitori ipso jure ad liberationem non proficit, pacti tamen conventi vel doli mali exceptione se tueri poterit, *l. si acceptilatio 19. de accept.* nam inutilem acceptilationem saltem vim pacti habere placuit, nisi quid aliud impediatur, *l. 8. pr. cod.*

Quod ex alia causa debetur, potest in stipulat. deduci] Etsi debita, quæ non ex verborum obligatione veniunt, acceptilatione directo tolli nequeunt, oblique tamen possunt, remedio novationis & stipulationis Aquilianæ, per quam in verborum obligationem prius convertantur, ut obligatio jam verbis constans mox verbis itidem dissolvatur: de quo mox plura.

Pro parte recte solvitur] Intellige, consentiente creditore; quæ de re abunde dictum in exegeſi *pr. hujus tit.*

7 *Pro parte debiti acceptilatio fieri*] Dum debitum sit, totum an pars accepto feratur, ad acceptilationem nihil interest, *l. 9. l. 10. l. 13. §. 2. de accept.* & pro parte accepto lata contingit liberatio, quamvis alias obligatio conditione sua divisionem non admitat, *l. qui hominem 17. cod.* quod in solutione contra est, *l. 2. §. 1. de verb. obl. l. 9. §. 1. de solut.* discriminis rationem superius indicavi. Illud monere plane supervacuum est, si res in stipulationem deducta natura sua divisionem non recipiat, veluti servitus

prædii, acceptilationem in partem nullius esse momenti, *d. l. 13. §. 1. de acceptil.*

T E X T U S.

De Aquiliana stipulatione & acceptilatione.

2. *Est autem prodita stipulatio, quæ vulgo Aquiliana appellatur, per quam contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renovat omnes obligationes, & à Gallo Aquilio ita composita est;* Quicquid te mihi ex quacunque causa dare facere oportet oportebitve, præsens in diemve, aut sub conditione: quarumcunque rerum mihi tecum actio est, quæque adversus te petitio, vel adversus te persecutio est eritve; quodve tu meum habes, tenes, possides, dolove malo fecisti, quo minus possideas: quanti quæque earum rerum res erit, tantam pecuniam dari stipulatus est Aulus Agerius, spondit Numerius Nigidius. Quod Numerius Nigidius Aulo Agerio spondit, id haberetne à se acceptum Numerius Nigidius Aulum Agerium rogavit. Aulus Agerius Numerio Nigidio acceptum fecit.

COMMENTARIUS.

C Aquilius Gallius, homo Jurisconsultissimus, cujus in formulis concipiendis singularis quædam prudentia extitit, ut constat ex ea de dolo malo, quam Cicero *3. offic.* everriculum omnium malitiarum appellat, & ea de posthumo nepote, vivo adhuc filio, hærede instituendo, *l. Gallus 29. de lib. & postb.* stipulationis formulam prodidit, in quam quæ non verbis contractæ essent obligationes translata, acceptilatione deinde perimerentur: quæ stipulatio ab Auctore suo Aquiliana dicta est.

Renovat omnes obligationes] Et sic via est actio, per quam usus acceptilationis, per se alioqui an-

gustus, & intra verborum obligationes consistens, dilatetur. Stipulationis Aquilianæ frequens olim usus fuit in transactionibus, *l. 2. l. 4. l. 5. l. 15. de transact. l. 3. l. 4. C. eod.* Apud nos autem supervacua est: quoniam moribus hodiernis, ut alibi diximus, stipulationum solennitas exolevit, pactaque nuda eandem vim habent, quam stipulatio.

Ita composita est] Exhibetur hic ex Florentino *l. 18. §. 1. hoc tit.* formula stipulationis novantis, uti ea ab Aquilio concepta est: sic autem est concepta, ut nobis præbeat certissimum anxie veterum in cautionibus componendis diligentia argumentum, in qua ne quid omissum videretur, multa ex abundantia sunt adjecta. Verba obiter excutiemus.

Quicquid te mihi ex quacunque causa] Causa negotium significat & obligationem, latiusque patet contractu: nam & ad eas obligationum species pertinet, quæ ex maleficio vel quasi ex maleficio proficiuntur, *l. 9. de reb. cred.*

Dare facere] Sine conjunctione hæc proferri solent, ut pleraque alia, veluti *uti frui, ire agere, dare legare*, &c. innuunt autem, omnem obligationem vel in dando vel in faciendo consistere.

Oportet oportebit, præsens, in diem, &c. aut sub conditione] Verbo *oportet* præsens tantum debitum demonstratur, *l. si stipulatus 76. §. 1. de Verb. oblig.* verbo *oportebit* etiam quod in diem aut sub conditione debetur; utrumque enim comprehendit, *l. 8. de Verb. sign.* Hoc autem verbum *oportet* non ad facultatem iudicis, qui potest vel pluris vel minoris condemnare, sed ad veritatem refertur, *l. 37. de Verb. sign.*

Tecum actio, petitio, persecutio] Actio in personam est, petitio in rem, persecutio ad extraordinarias magistratuum cognitiones pertinet, *l. pecunia 178. §. 1. de Verb. sign.* Sensus ergo est, quicquid actione in personam consequi, vel vindicare, vel magistratu cognoscente extra ordinem persequi potes.

Quoad te tu meum habes] Hæc abundantia ex superioribus enim satis intelligi poterant, cum suum cuiusque sit, cuius vendicandi jus habet, *l. Quintus 27. §. 2. de aur. arg. leg.*

Habes, tenes, possides] Tenere ad factum refertur, possidere etiam ad jus. Habere dicimur & jure domini & jure possessionis & mera detentione, *l. habere 188. de Verb. sign. l. stipulatio 38. §. hac quoque 7. & 2. seqq. de Verb. obl.* quanquam hæc distinctio non est perpetua.

Dolo & malo fecisti, &c.] Dolus enim pro possessione est, semperque possidere intelligitur, qui dolo fecit quo minus possideat, *l. purem 170. l. ad ea 175. §. 1. de reg. jur.* Cætera per se satis plana sunt.

T E X T U S.

De novatione.

3. *Præterea novatione tollitur obligatio; veluti si id, quod tibi Sejus debebat, à Titio stipulatus sis. Nam interventu novæ personæ nova nascitur obligatio, & prima tollitur, translata in posteriorem: adeo ut interdum, licet posterior stipulatio inutilis sit, tamen prima novationis jure tollatur: veluti si id, quod tu Titio debes, à pupillo sine tutoris auctoritate stipulatus fuerit. Quo casu res amittitur. Nam & prior debitor liberatur, & posterior obligatio nulla est. Non idem juris est, si à servo quis fuerit stipulatus: nam tunc prior perinde obligatus manet, ac si postea nullus stipulatus fuisset. Sed si eadem persona sit, à qua postea stipuleris, ita demum novatio fit, si quid in posteriore stipulatione novi sit, forte si conditio aut dies aut fidejussor adjiciatur aut detrahatur. Quod autem diximus, si conditio adjiciatur, novationem fieri, sic intelligi oportet, ut ita dicamus factam novationem, si conditio extiterit: alioqui si defeceris, durat prior obligatio. Sed cum hoc quidem inter veteres constabat, tunc fieri novationem, cum novandi animo in secundam obligationem itum fuerat, per hoc autem dubium erat, quando novandi animo videretur hoc fieri, & quasdam de hoc presumptiones alii in aliis casibus introducebant, ideo nostra processit constitutio, quæ apertissime definivit, tunc solum novationem prioris obligationis fieri, quoties hoc ipsum inter contrabentes expressum fuerit, quod propter novationem prioris obligationis convenerunt: alioqui*

Et manere pristinam obligationem, Et secundam ei accedere, ut maneat ex utraque causa obligatio, secundum nostram constitutionis definitionem, quam licet ex ipsius lectione apertius cognoscere.

NOTÆ.

3. NOVATIONE TOLLITUR OBLIGATIO]

Sed ita, ut in locum sublata nova substituitur, l. 1. de novat. Fit autem hæc conversio verbis seu stipulatione, d. l. 1. §. 1. l. 2. l. 5. & pass. eod.

INUTILIS SIT] Non ratione formæ, sed effectus, ut exemplum subiectum declarat. Eadem ratione si expromissor non sit solvendo, prior tamen obligatio tollitur; etiam in casu delegationis: quia bonum nomen facit creditor admittens delegatum, l. 26. §. 2. mand.

COMMENTARIUS.

1 In novatione qua necessaria, & an aliter, quam per stipulationem præcedens obligatio novatur.

2 Vera novationis effectus.

3 Quot modis novatio fiat: ubi & de delegatione.

4 De novatione, qua fit per litis contestationem: & quantum hæc differat à vera & voluntaria.

5 Quis effectus, si quis quod alius debet, à pupillo stipuletur sine tutoris auctoritate: & cur diversum si à seruo.

6 Si ab eodem debitore quis stipuletur, quando novatio fieri intelligatur.

7 Quid novus juris à Justiniano constitutum circa novationem: ubi multa notabilia.

NOVATIONE quoque ipso jure obligatio tollitur; sed ita, ut in locum sublata alia nova substituitur: est enim novatio, prioris debiti in aliam obligationem conversio, l. 1. de novat. Fit hæc conversio verbis seu stipulatione, d. l. 1. §. 1. l. 2. l. 5. 6. 7. l. 11. & pass. eod. l. 1. l. 3. l. 7. l. ult. C. eod. l. 6. C. si cert. per. Ac proinde in novatione hæc sunt necessaria; obligatio vetus, obligatio nova, & stipulatio, per quam illa in hanc transferatur. Vetus obligatio, qualiscunque est, aut quomodocunque contracta, verbis novari potest, l. 1. l. 2. de novat. nec metuentium hic est ne obstat regula juris de dissolvendis obligationibus, l. nihil ff. de reg. jur. Nam in novatione solutio quædam est, & quasi naturalis præstatio, l. 8. §. 1. ff. ad Sc. Vall. qualis est, cum pro eo

quod debetur, præstatur aliud volenti creditori, l. 17. C. de solut. Nova quæ constituitur obligatio utrum civiliter teneatur, an naturaliter, ad novationem nihil interest, d. l. 1. in fin. de novat. de quo plura in explicatione textus. Stipulationem cum exigimus, hoc significamus, sola stipulatione præcedentes obligationes novari, non etiam nudis pactis, ac ne contractu quidem alio, veluti mandato, ut ex memoratis textibus apparet, & bene post alios defendit Gæd. de contr. stip. c. 5. concl. 8. n. 90. & seqq. adversus Bartolum in d. l. 1. in contrarium adducentem l. si mandatu 45. §. ult. mand. Tantum in contractibus, quæ solo consensu perficiuntur, hoc accidit, ut & nudus consensus contractum dissolvat, & alium ejusdem generis constituat, l. 7. §. adeo, de pact. l. pactu 72. de contr. emt. Hodie sane etiam simplicibus pactis novationes fieri solent, adeoque frequentius, quam per stipulationem, utpote cujus solennitas pene exolevit, uti post DD. in l. singulari 15. de reb. cred. tradunt Wesemb. hic, Gudel. lib. 3. de jur. noviss. c. 12. Præter hæc & animus novandi exigitur; nec enim aliter fit novatio, quam si hoc agatur, ut prior obligatio novetur, l. 2. in fin. l. 6. l. 8. §. 2. & ult. l. 28. de novat. l. 3. C. eod. de quo item fufius postea. Effectus novationis est, ut nova obligatione constituta, ut prior perimatur, d. l. 1. eod. quæ res facit, ut etiam incommoda omnia, quæ prioris obligationis fuerint, simul evanescant, qualia sunt hæc: mora facta periculum interitus rei debita; pœna veteri obligatione promissa; usuræ ex eadem causa debita; privilegium, quod prioris actionis fuit; pignora denique & fidejussores, l. 8. l. si creditor. 15. l. novatione, 18. l. emptor. 27. l. aliam. 29. de novat. l. in omnibus 43. de solut. Planè, si pignora prioris obligationis in novatione repetita fuerint, placet creditori manere ordinem & prærogativam temporis, ut in his præferatur posteriori creditori, id est, cui eadem pignora postea, licet ante novationem, obligata sunt, l. 5. qui pot. in pign. & ibi Bart. Mys. l. obs. 59. Gail. 2. obs. 30. n. 10. Potest autem novatio dupliciter fieri; vel manente eodem debitore; vel persona debitoris mutata: priore casu novi aliquid adici debet, ut novatio facta intelligatur, hoc text. vers. Sed si eadem persona: posteriore novatio fit, quoties liberato priore debitore alius, qui expromissor appellari solet, ut notatum sub tit. de fidejuss. locum ejus subit; veluti si Titius novationis causa promittat Sempromio, quod ei Sejus debet, five id sua sponte Titius faciat, & vel ignorante vel nolente debitore; l. 8. in fin. de novat. five debitoris mandatu, quæ species novationis delegatio dicitur per metonymiam causæ, siquidem delegare hic est vice sua alium reum dare creditori, l. 11. eod. quæ delegatio inter delegatorem quidem & delegatum nudo consensu fit, l. delegare.

legare. 17. eod. sed non perficitur, id est novatio debiti non fit, nisi stipulanti creditori is, qui delegatus est, promiserit, *l. 1. C. eod. Gail. 2. obs. 30. n. 8. Christin. Col. 4. decis. 180. num. 4. & S. D. Tulden. comm. hic. c. 8.* Porro sciendum est, agi hoc loco de novatione, cui hoc nomen per excellentiam & absolute tribuitur. Est vero præter hanc, quæ stipulatione fit, & alia, quam inducit litis contestatio, *d. l. 1. §. 1. l. aliam. 29. eod. l. 3. C. de usur. rei jud.* nam & iudicio contrahitur, & velut nova inducitur obligatio iudicati, *l. 3. §. idem scribit. 11. de pecul.* Atque hæc quoque fit vel manente eodem reo, puta si ille ipse litem contestetur & suo nomine suscipiat, vel persona rei mutata, si alius pro reo iudicium accipiat, sive mandatu illius, quæ species est delegationis, *d. l. 1. §. 1. de novat.* sive reo ignorante aut etiam nolente, *l. solutione 23. de solut.* Cæterum hæc species novationis superiori longè dissimilis, & secundum quid tantum dicitur novatio fieri per litis contestationem, quatenus scilicet actio in iudicium deducta novas quasdam assumit qualitates; veluti quod quæ tempore aut morte peritura fuisset, iudicio inclusa salva manet, & ad hæreses transmittitur, *l. omnes 26. de obl. & act. §. 1. inf. de perp. & temp. act.* & quia reo condemnato nova accedit actio iudicati, priore multo unior, *l. post rem. 16. de re jud. l. 3. C. de usur. rei jud.* At enimvero per litis contestationem vel sententiam vetus actio non consumitur: per text. in *l. fidei iussores 41. §. 1. de fidei iuss. l. qui servum 20. de interr. in jur. l. 2. C. de iur. arg. l. qui iurasse 26. §. ult. l. 27. l. 28. §. 1. de iur. iur. junct. l. eum qui 30. in pr. eod. junct. l. 2. eod. l. 8. C. de reb. cred. & d. l. post rem. de re jud.* Et hinc est, quod commoda quoque prioris actionis creditori salva manent, *l. 8. §. 3. de fidei iuss. l. 13. §. 4. de pign. l. aliam 29. de novat. fac. l. non solet. 86. & seq. de reg. jur. Christin. Col. 4. decis. 180. n. 2.* Interpretes vulgo has novationis species sic distinguunt, ut eam, quæ per stipulationem fit, voluntariam appellent, quæ iudicio accepto, necessariam: cujus distinctionis fundamentum est in *d. l. aliam 29. de novat.*

Interfuit novæ personæ] Non quæ alienæ obligationi accedat adpromittendo; sed quæ alienam obligationem in se transferat expromittendo. Per adstipulationem & adpromissionem fidei iussor intervenit; novatio per extipulationem & expromissionem: unde per hanc prior obligatio extinguitur.

Licet posterior stipulatio inutilis] Non ratione formæ, sed effectus, ut exemplum subiectum declarat. Similiter etsi expromissor non sit solvendo: præcedens tamen obligatio tollitur, etiam in casu delegationis: quoniam, ut ait Paulus, bonum nomen promissoris fecisse videtur creditor, qui admisit debitorem delegatum, *l. inter. 26. §. 2. mandas.*

A pupillo sine tutoris auctoritate] Pupillum sine tutoris auctoritate contrahentem non obligari iure civili, nisi in quantum factus est locupletior, constat, *l. 5. l. 9. de auct. tut.* Attamen si ejus ætatis sit, ut intelligat quod agitur, naturaliter saltem obligatur, ut demonstravimus *sup. ad §. pupillum 9. de inur. stip.* & ideo, quod huic consequens est, si pupillus sine tutoris auctoritate, quod alius debet, stipulanti creditori novandi animo promiserit, prior obligatio iure novationis tollitur translata in posteriorem naturalem: quippe sufficit ad novationem, quod posterior obligatio vel naturaliter teneat, *l. 1. in pr. & §. 1. de novat.* Neque est contrarium, quod Paulus scribit in *l. novare 20. §. 1. eod.* pupillum sine tutoris auctoritate non posse novare: neque enim hoc nos dicimus, posse pupillum, quod sibi ex aliqua causa debetur, in aliam obligationem absque tutoris auctoritate transferre, atque ita fortè conditionem suam facere deteriore; quod negat Paul. *d. loco*: sed hoc, pupillo sine tutoris auctoritate expromittente novari obligationem alienam eo effectu, ut prior debitor liberetur; quamvis sequens pupilli obligatio creditori inutilis sit, quia ad agendum inefficax: nimirum sibi imputare creditor debet, quod alienam obligationem in pupillum transtulerit, quem sciebat aut scire debebat, non aliter ex contractu civiliter obligari, quam interposita tutoris auctoritate, per *l. qui cum alio. 19. de reg. jur.*

Et posterior obligatio nulla est] Non simpliciter nulla: nam utique naturaliter tenet, *l. 1. in fin. de novat.* sed nulla dicitur, tum quia ad agendum inutilis, tum quia ne naturalis quidem obligationis effectus habet, quæ quidem pupillo nocere possint; qualia sunt, jus compensandi, soluti retinendi; quo etiam intuitu, quod pupillus sine auctoritate tutoris promiserit, ne natura quidem deberi interdum dicitur: *l. quod pupillus 41. de cond. ind.* quamvis revera naturaliter debeatur, & incommoda ejus obligationis ad alios pertineant: qua de re uberius sub *§. pupillum de inur. stip.* Quod si nulla hic succederet obligatio, nulla etiam intelligeretur novatio fieri, sed prior obligatio maneret in suo statu, *d. l. 1. per tot.*

Non idem juris est, si a servo] Non quia servus ex contractu suo, si consensum spectemus, non obligetur naturaliter, *l. 13. de cond. ind. l. 14. de obl. & act.* sed quia iure civili non est idoneus expromissor, & omnino novationis, extra causam peculiarem, incapax, *l. 30. §. 1. de pact. l. ult. h. 1.* Sunt enim quædam causæ, quas jus civile ita in servo improbat, ut si cum eo intervenerit, ne intervenisse quidem videatur; ac proinde nec dominum obligent de peculio, & pecunia ex his causis soluta repeti possit: cujusmodi sunt: si servus pro libero se gerens iudicio conventus & condemnatus sit; si in arbitrium compromiserit;

l. 3. §. si seruum 8. de pecul. si cum conveniretur, jus jurandum adversario detulerit; l. 5. §. 2. d. rit. si pro alio fidejusserit rem peculiarem non gerens; l. 3. si filiusfamilias, s. eod. tit. l. servus 19. & seq. de fidejuss. & denique si expromiserit, aut alias obligationem non peculiarem novaverit, l. in persona. 30. §. 1. de pact. l. ult. de novat. Quinetiam quibusdam visum est, nec peculiarem obligationem servum novare posse, extra quam si liberam habeat peculii administrationem, ac ne tunc quidem expromissorem accipiendo debitorem peculiarem liberare: quæ sententia probari videtur l. ult. de novat. junct. l. servus 16. eod. l. fugitivus 19. de solut. & facit l. servus 20. cum l. seq. de jurejur.

6 *Si eadem persona sit, à qua postea stipuleris. &c.]* Sententia hujus loci hæc esse videtur, si idem debitor sit, à quo postea stipuleris, & præcedens obligatio verbis quoque contracta, non aliter novationem fieri, quam si posteriore stipulatione aliquid novi comprehensum fuerit, conditio, aut dies, aut fidejussor adjectus, detractusve. Nam neque si alia persona intervenerit, hoc desideratur, neque si debitum prius ex alia causa descendat; quantumvis cum eodem debitore stipulatio postea sit, modo animus novandi adsit. Neque enim dubito, quin si decem à te stipulatus sim, quæ mihi verbi gratia ex causa mutui debebas, & tu promiseris, obligatio ex numeratione nata novetur & transferatur in obligationem verborum; utique si de jure veteri quærat, arg. l. 6. & l. 7. de novat.

Si conditio aut dies.] Stipulatio etiam novationis causa non tantum purè, verum etiam sub conditione aut in diem concipi potest. Potest & quod sub conditione aut in diem debetur, purè novandi causa promitti; quo effectus, docebunt textus in l. 5. l. 8. §. 1. l. quoties 14. per tot. l. novatio 24. l. si rem 31. de novat. l. Julian. 60. §. 1. de cond. ind. Late & eleganter D. Brissonus lib. 2. de solut. tit. de nov.

Dubium erat, quando novandi anima.] In omni quidem novatione etiam jure veteri animus novandi requirebatur, id est, nulla intelligebatur novatio fieri, nisi id actum esset, ut præcedens obligatio novaretur, l. 2. in fin. l. 8. pr. §. 2. & ult. l. fundum 28. de novat. l. 3. C. eod. Caterum dubium erat, quando id actum videretur, & novandi animo in secundam obligationem itum: quo in dubio veteres decurrebant ad conjecturas & præsumptiones: si nihil erat, ex quo animus novandi colligi posset, expressam requirebant conventionem, l. si usum fructum 58. de verb. oblig. Vid. D. Ant. Fab. 3. conj. 3 Justinian, vero, ut materiam litium præcideret, in universum definivit, non aliter novationem prioris obligationis fieri, quam si hoc ipsum inter contrahentes expressum fuerit, si novandi animo & prioris obligationis tollendæ causa posteriorem interponere:

alioqui & manere pristinam obligationem, & secundam ei accedere, l. ult. C. de novat. quæ est illa constitutio, cujus hic meminit. Nihilominus tamen plerique adhuc admittendum censent, ut ex conjecturis urgentibus & manifestis novatio inducatur, utique si non ipso jure, saltem per exceptionem: eaque sententia, licet verba constitutionis refragari videantur, multis in locis recepta est, ut rationi consentanea. Quid enim, si posterior obligatio quadam repugnantia elidat priorem? & potius est, ut dicamus, Justinianum eas duntaxat conjecturas tollere voluisse, quas in universum veteres constituerant: quod genus sæpè fallit, vid. Gail. 2. obs. 30. num. 1. & seqq. Christm. Sol. 4. decis. 180. num. 9. & seqq. Tulden. comm. hic cap. 7. ubi etiam testatur, legem illam Justiniani in Gallia usu abrogatam esse, Bartolus quoque in l. delegare 11. de novat. existimat, eam non pertinere ad delegationem; quem sequuntur Zaf. in l. 15. num. 11. de reb. cred. Gail. d. loc. num. 9. VVesemb. parat. de novat. num. 8. Curia Holland. dec. 38. Et sane illa legis verba, *Vel aliam personam adhibuerit, vel mutaverit*, commodè de persona fidejussoris explicari possunt, add. Bachov. ad Treutl. Sol. 2. disp. 29. r. 6.

Ut maneat ex utraque causa obligatio.] Sicut jure veteri ubi novandi animus non intervenerat, duæ obligationes censebantur, l. 2. in fin. de novat. Cujus rei effectus est, quod creditor ex utraque obligatione agere possit; & quod in una deest, per aliam suppleatur: item quod etsi posteriori obligationi adjecti sint novi fidejussores, non ob id tamen liberentur, qui pro priore intervenerant. Gail. d. loc. n. 5. & 6. Plane si ex una obligatione solum erit, altera quoque continuo tolletur, quia sunt obligationes unius rei, l. 8. §. ult. de novat.

TEXTUS.

De contrario consensu.

4. *Hoc amplius ea obligationes, quæ consensu contrahuntur, contraria voluntate dissolvuntur. Nam si Titius & Sejus inter se consenserint, ut fundum Tusculanum emptum Sejus haberet centum aureis; deinde re nondum sequuta (id est, neque pretio soluto, neque fundo tradito) placuerit inter eos, ut discederetur ab ea emptione & venditione, invicem liberantur. Idem est in conductione & locatione, & in omnibus contractibus, qui*

ex consensu descendunt, sicut jam dictum est.

NOTA.

RE NONDUM SECUTA] Id est, si nihil dum præstitum sit eorum, quæ ex contractu præstari debent: Neque enim ut retro tradatur, quod jam datum est, nudo pacto obligatio constitui potest, *d. l. 58. in fin. de pact.* Vide infr. comment.

COMMENTARIUS.


- 1 *Omnem naturalem obligationem ipso jure tolli nudo consensu.*
- 2 *Eodem modo re integra tolli & civiles nudi consensus, & honorarium pignoris.*

Quædam obligationes ipso jure dissolvuntur solo & nudo partium consensu. Quo in genere est omnis obligatio naturalis, tum civiles eæ, quæ solo consensu continentur. De naturali obligatione traditum est, eam justo pacto ipso jure tolli, *l. Stichum 25. §. naturalis 4. de solut.* quod nihil aliud est, quam tolli nudo consensu. Justum enim pactum, sicuti justam conventionem dicimus, quod æquum est, atque honestum, nec improbatum legibus, nudum tamen, *l. pactum 40. §. 1. l. epistola 52. §. 2. de pact.* Et hoc consentaneum est regulæ juris traditæ *l. nihil tam naturale 35. de reg. jur.* Quamvis enim naturalis obligatio etiam ex aliis causis, quam consensu nascatur, solo tamen æquitatis vinculo sustinetur, quod contrariæ conventionis æquitate dissolvitur, *d. l. Stichum §. 4. de solut.* Non advesatur *l. si unus 27. §. 2. de pact.* quoniam ibi non quæritur de nuda naturali obligatione per pactum tollenda, sed de pacto priore, quo exceptio quæsitæ erat, per posterius elidendo, quo redeat prima conditio & status obligationis, actionique vis pristina restituitur, *vid. inf. sub tit. de replicat. in pr.* De civilibus nudi consensus obligationibus contraria definitio est, eas omnes, ut nudo consensu contrahuntur, ita & contratio eodem nudo consensu dissolvi, *l. 3. l. 5. §. 1. de resc. & vend. dummodo rebus integris à contractu abeat, l. 7. §. adeo 6. l. ab emptione 58. de pact. l. 1. l. 2. C. quand. lic. ab empt. disc.* in quo & ipso regulam naturæ de tollendis obligationibus veteres secuti sunt, *l. prout. 80. de solut. d. l. 35. de reg. jur.* Nam et si hujus etiam generis contractus obligationem civilem, id est, efficacem ad agendum producant, quæ videatur pacto ipso jure

tollī non posse: tamen quia obligatio ista nudo & mero consensu constat, totaque est ex jure gentium, utpote à jure civili præter approbationem nihil habens, quod extrinsecum quid est & accidentarium; ideo sublato hoc consensu per pactum sive voluntatem contrariam, tota obligationis substantia evanescit, ut nihil amplius supersit, in quo actio fundetur; eadem videlicet ratione, qua nulla subesse obligatio intelligitur, si res tradita in contractu reali animo recedendi reddita fuerit. Et secundum hæc rectè defenditur etiam, obligationem pignoris, quæ jure prætorio constituitur nuda conventionione, *l. 1. de pignor. act.* contraria eaque nuda conventionione ipso jure dissolvitur, licet obflare videatur *l. si tibi. 17. §. 2. de pact.* sed ea loquitur de pacto, quo remittitur debitum principale, non de eo, quod directo tendit ad dissolutionem pignoris, *vid. Neguz. tract. de pign. part. 6. memb. 3. n. 3. Bachov. lib. 5. de pign. cap. 6. & in comm. ad tit. de pact. c. de pact. resolut.* De furto & injuriis lex 12. tabularum pacifici permittit: quæ causa est, quod actiones quoque furti & injuriarum per pactum ipso jure tolluntur, *d. l. si tibi. §. 1. de pact. junct. l. 6. l. 7. §. si paciscar. 14. in fin. eod.*

Contraria voluntate] Id est, contraria conventionione, seu utriusque partis consensu, *l. 1. Cod. quand. lic. ab empt. disc.* unius enim voluntas ad dissolutionem obligationem non valet, *l. 5. C. de obligat. & act. l. 3. Cod. de resc. & vend.* utique jure communi: nam quod mandatum & societas etiam unius voluntate dissolvantur, id proprio quodam jure in his contractibus receptum est, ut suis locis demonstravimus.

Re nondum sequuta] *L. 7. §. adeo. 6. de pact. l. 3. l. 5. §. 1. de resc. & vend.* quod alibi dicitur, re adhuc integra, *l. ab emptione 58. de pact. l. 1. & l. 2. Cod. quand. lib. ab. empt. disc.* id est, si nihil dum præstitum sit eorum, quæ ex contractu præstari debent; veluti in exemplo proposito, si neque res à venditore tradita, neque pretium ab emptore solutum sit. Nam si quid horum intervenerit, consensu amplius negotium resolveri nequit, nisi simul restituantur, quæ prius tradita erant: neque enim ut retro tradantur nudo pacto, obligatio constitui potest, *d. l. ab. emptione in fin. de pact.* Arrharum vero aut fidejussorum interventus non efficit, quominus res integra maneat, nudoque adhuc consensu possit ab obligatione recedi, *l. 3. de resc. & vend. l. 11. §. is qui 6. de act. empt. l. 2. C. quand. lic. ab empt. disc.*



ARNOLDI
VINNII, J. C.
IN
LIBRUM QUARTUM
INSTITUTIONUM
IMPERIALIUM
COMMENTARIUS
Academicus & Forensis.

TITULUS I.

D. lib. 47. tit. 2. C. lib. 6. t. 2.

De obligationibus, quæ ex delicto
nascuntur.

*Continuatio. Delictum quid, &
quotuplex.*



X quatuor causis obligatio-
num, propositis §. ult. sup. de
oblig. duæ superiore libro tertio
expositæ sunt; contractus &
quasi contractus; duæ reli-
quæ, maleficium videlicet &
quasi maleficium, partem quar-
ti & ultimi occupaverunt. Ma-
leficium species est delicti. Delictum est omne factum
illicitum, quod lege humana poenam meretur. Est
que vel publicum, quod ad læsionem reipub. directo
tendit, & publicè in exemplum vindicatur, de quo
genere est tit. ultimus hujus lib. vel privatum, quo
offenduntur singuli, quibus inde obligatio & actio
pecuniaria. Publica delicta propriè crimina; priva-
ta, maleficia appellantur: quanquam verbum cri-
minis ad delicta privata quoque pertinet, quatenus

scilicet & illa considerantur, ut societatem civilem
& statum publicum turbantia; quod contingit sanè
per consequentiam; & ideo extra ordinem etiam cri-
minaliter de his agi potest, l. ult. de prius. del. l. ult.
de furt. l. ult. de injur. Sed judicia criminalia huc
non pertinent: quippe in quibus non persequimur
forensi aut civili actione, quod nobis, quibus noci-
tum est, ex ea causa debetur: sed extra ordinem ad
vindictam agimus, poenamque, pro modo admissi
arbitrio cognoscentis statuendam, sive corporalem
sive pecuniariam, quæ fisco applicetur.

TEXTUS.

Continuatio & divisio obligationum
ex delicto.

*Quum sit expositum superiore libro de
obligationibus ex contractu, & quasi ex
contractu, sequitur, ut de obligationibus
ex maleficio, & quasi ex maleficio dispi-
ciamus. Sed illa quidem, ut suo loco tra-
didimus, in quatuor genera dividuntur:
ha vero unius generis sunt: nam omnes ex*

re nascuntur, id est, ex ipso maleficio, veluti ex furto, rapina, damno, injuria.

NOTÆ.

[**QUÆ EX DELICTO**] Scilicet privato, unde læso obligatio & actio pecuniaria, sive civilis. Nam judicia publica aut persecutiones criminales huc non pertinent.

[**FURTO, RAPINA, DAMNO, INJURIA**] Quadriga delictorum privatorum, ex Cajo l. 4. de obl. & act. Reliqua de quibus lib. 47. D. ad hæc quatuor referri possunt.

COMMENTARIUS.

- 1 Quo sensu maleficia omnia dicantur ex re nasci.
- 2 Summa hujus tituli.

HÆ unius generis sunt: nam omnes ex re nascuntur] Ita quoque Cajus l. 4. de obl. & act. Obligationum, quæ ex contractu descendunt, quatuor sunt species, causis efficientibus distinctæ: nam aut re contrahuntur, aut verbis, aut literis, aut solo consensu, §. ult. sup. de oblig. Quæ vero ex maleficio oriuntur, si causam efficientem spectamus, omnes unius generis sunt: nam hæc omnes re tantum consistunt, id est, ipso maleficio, d. l. 4. Ut ecce, qui verbis aut scriptura confessus est futurum se fecisse; aut in furtum nuda voluntate consensit, non teneatur furti; sed ut teneatur necesse est contractatio interveniat, l. si quis 52. §. neque 19. de furt. Similiter si quis verbis aut literis confessus est, se injuriam alicui fecisse, non tenetur injuriarum; sed ut teneatur, oportet intervenisse contumeliam, l. si unus 27. §. 2. de pact. ubi Jurisconsultus ait, actionem injuriarum non ex pacto nasci, sed ex contumelia. Utut ergo injuria etiam verbis & scriptura fieri dicatur, l. 1. §. 1. l. 5. §. si quis 9. & seq. de injur. l. un. C. de famos. libell. tamen illa hic non attenduntur, ut causæ obligationis, sed ipsum maleficium duntaxat & contumelia, quæ iis inhaeret: unde actio omnis, quæ ex maleficio descendit, ex facto esse dicitur, l. actionum 25. §. 1. de oblig. & act. Illud quoque dissimile est, quod ad constituendam ex contractu obligationem requiritur mutuus consensus: ex delicto autem obligamur nolentes & inviti.

[**Furto, rapina, damno, injuria**] Eadem genera maleficiorum; nec plura enumerat Cajus d. l. 4. nimirum reliqua ad hæc quatuor referri possunt. Porro horum singula singulatim & suis quæque titulis explicantur. De furto ex professo hoc titulo, quamvis generaliter conceptus sit, agitur, doceturque quid illud sit, & quotuplex; quæ ejus poena, quæ causa ef-

ficiens, materia, & forma; quando quibus in rebus & à quibus committatur; quis sit effectus; quæ inde actiones, quibus contra quos, & cujus rei gratia dentur.

TEXTUS.

Definitio furti.

1. *Furtum est contrectatio fraudulosa, lucri faciendæ gratia, vel ipsius rei, vel etiam usus ejus, possessionisve: quod lege naturali prohibitum est admitttere.*

COMMENTARIUS.

- 1 Furtum non fieri sine contrectatione: & quid inde: tum quis contrectare dicatur.
- 2 Furem non esse, nisi qui fraudulentè rem alienam contrectet.
- 3 Non item qui non lucrandi animo.
- 4 Quid si urgente fame esculenta ablata, &c.
- 5 Furtum fieri non intelligi, nisi sit qui possideat.
- 6 Furtum per se & natura turpia esse.

Auctor hujus definitionis est Paulus l. 1. §. ult. hoc tit. de furt. Idem lib. 2. sent. tit. 31. furem sic definit; Fur est, inquit, qui dolo malo rem alienam contrectat.

[**Contrectatio**] Furtum sine contrectatione fieri non potest. Contrectare, est rem manu tractare & loco movere, l. 3. §. si rem 18. de acq. poss. l. thesaurus 15. ad exhib. Ex quo primum intelligimus, furtum non nisi in rebus corporalibus iisque mobilibus admitti §. 2. sup. de usuc. in fin. Deinde furtum non fieri verbis aut scriptura, solove consilio aut cogitatione furti faciendi, l. 1. §. 1. l. si quis 52. §. neque 19. h. t. Et consequenter furem nondum esse, qui tantum conclave intravit furandi causa, l. vulgaris 21. §. qui furti 7. eod. nec illum statim esse, qui inficiatur depositum; sed ita si intervertendi causa amoverit, occultaverit, d. l. 1. §. 2. l. inficiando 67. eod. d. l. 3. §. si rem 18. de acq. poss. Plane, etiam sine ablatione, sola contrectatione furtum committi potest; d. l. vulgaris §. item si 8. h. t. Neque is solum furtum facere & rem contrectare intelligitur, qui eam surripit & domino auferit, sed & qui rem aut pecuniam, quam à domino accepit alteri dandam solvendam, vel partem ejus rei pecuniave, in suos usus convertit, l. si quis 52. §. Julianus 16. eod. l. 7. C. eod. aut qui re prius ex voluntate Domini accepta utitur, cum usum nullam habeat, aut aliter utitur, quam ex lege contractus debuit, de quo plenius inf. sub §. furtum 6. Per interpretationem etiam ille contrectare intelligitur,

tur, quo præfente indobitum ei, quem delegavit, solvitur, *l. falsus 43. §. 2. cod.*

2 **Fraudulosa**] Fraudulosa contrectatio est, cum quis rem alienam contrectat sciens dolo malo. Suam rem, quatenus sua est, nemo fraudulenter contrectare potest, *vid. inf. §. aliquando 10.* Sed & si cum esset aliena, suam quis esse existimaverit, fur non est, licet in jure, non in facto, erret, *l. sed & si 25. §. scire 6. de har. pet. §. 2. sup. de usuc. ex voluntate enim & proposito maleficia æstimantur, l. qui injurias 53. b. t.* Denique furtum sine animo & affectu furandis id est, rem intervertendi domino, non committitur, *§. placuit 7. inf. cod.* cui non est contrarium, quod Pomponius scribit, eum qui saccum cum pecunia surripuit, furti etiam sacri nomine teneri, quamvis sacci surripienti animum non habeat, *l. qui saccum 77. cod.* Nam etsi in hujusmodi specie principale propositum non est, saccum furari: tamen per consequentiam, quo scilicet commodius pecunia auferri queat, etiam saccus animo surripienti ablatus intelligi debet. Illud quoque hic tenendum est, fraudis mentionem etiam ideo fieri, ut discernatur furtum à rapina, actus clandestinus à violento, *καπη γὰρ ἐστὶν ἡ λαιψία καὶ τὸ ἀπορτίεσθαι λαψίς. Proc. in Parmen. Plat.* Nam etsi generali significatione & vis fraudem & dolum habet; *l. 2. §. doli si bon. rapr.* specialiter tamen fraudis appellatione ea injuria significatur, quæ occultè fit & clanculum, cum vis sit aperta: quo pertinet illud Ciceronis, *fraudem Sulpecula, Sim leonis esse.*

3 **Lucrifaciendi gratia**] Hæc verba causam finalem continent, & præcipue furtum à cæteris maleficiis separant, *l. 8 §. 2. arb. furt. Cas.* Etenim in distinctione delictorum non tam factum consideratur, quam faciendi causa, id est, propositum & intentio delinquentis. Itaque si quis rem alienam contrectet, non hoc animo, ut lucrum inde faciat, quamvis sciens, dolo malo, id factum in aliud genus delicti cadit; si contumeliæ causa, injuria est; si nocendi tantum gratia, damnum, quod vindicatur lege Aquilia, *l. Serum 39. l. qui injuria 53. b. t. l. §. ult. l. 41. ad leg. Aquil.* A lucri studio, ac proinde etiam à crimine furti, & ille alienus esse videtur, qui urgente fame esculenta aufert, ut inedia succurrat, *cap. 3. n. de furt. c. 26. de consecrat. dist. 5.* quemadmodum nec illud pro furto habetur, si viator equum, quo vehitur, reficiat & pascat in gramine aut viridi sylva secandum viam, dummodo id faciat sine aliqua vastatione, *lib. 2 feud. tit. de pac. ten. & ejus viol. §. ult.* cui simile est, quod viatori permittit Moses *Deut. c. 23. Vers. pen. & ult.* & Plato 8. *de legib. add. Co. Var. in cap. peccatum de reg. jur. in 6. p. 2. §. 1. n. 3. & Grot. 2. de jur. bell. & pac. cap. 2. num. 6. Nov.* Illud sciendum est, ut maxime res contrectetur frau-

dulenter & lucri faciendi causa, furtum tamen subtili ratione juris non aliter fieri intelligi, quam si sit, qui possideat. Hinc enim est, quod negatur furtum fieri rei hæreditariæ ante aditam hæreditatem, vel post aditam, antequam hæres possideat; nisi res pignori data, aut commodata, aut ususfructus alienus, *l. 1. §. Scabola 15. si is qui test. lib. l. 14. §. si res 14. l. hæreditaria 68. cum 2. ll. seqq. hoc tit. l. 2. & l. ultim. expil. hæred.* Efficit hoc inquam subtilis juris ratio, quasi non sit, cui fiat. Neque tamen impunè fert, qui hujusmodi rem surripuit; nam præterquam quod ad exhibendum cum eo agi potest, & hæres rem vindicare, tenetur crimine expilatæ hæreditatis, *d. l. 2. expil. hæred.* Illud ad minuendum furtum non facit, quod quis fortè aliquid in via jacens lucrandi animo sustulit, ignorans cujus sit, *l. falsus 43. §. 4. hoc tit. l. D. Tulden. comment. hic. cap. 8.*

Vel ipsius rei, vel usus possessionis &c.] Hoc est, ea gratia, ut quis lucrum faciat vel totius rei, quam contrectat, vel usus ejus aut possessionis duntaxat: nam ipsa contrectatio tantum corporis est: exempla furti usus rei sunt in *§. furtum 6. possessionis, §. aliquando 10. inf. l. furti & am 74. b. t.*

Lege naturali prohibitum] Furtum non ut naturæ cum filia ut sorore adoptiva more aut instituto civitatis, sed per se & natura turpe ac flagitiosum est, sicut homicidium, adulterium, aliaque id genus fœda, *l. probrum. 42. de Verb. sign.* ad quod demonstrandum nihil opus est vel auctoritate vel ratiocinatione. Natura ipsa hoc omnium mentibus ingeneravit, nefas esse alteri detrahare sui commodi causa. Cicero *lib. 3. offic. illud natura non patitur, ut aliorum spoliis nostras facultates, copias, opes augeamus.* Quod vero apud quasdam gentes furta licita atque impunita fuere, veluti apud Ægyptios & Lacedæmonios, de quibus testatur *Gell. lib. 11. cap. 14.* id rationem communem non mutat; neque ex unius aut alterius populi institutis de jure naturæ sive gentium judicandum est: de quo latius disserui *sub. tit. lib. 1.* Sed nec illi ipsi, quos diximus, Ægyptii aut Lacedæmonii furta simpliciter permiserunt aut probarunt, tanquam rem omnibus & per se licitam. Verum Ægyptiorum legislator, cum existimaret fieri non posse, ut omnes à furto abstererent, viam quaesivit, qua domini res sublatae statim & sine magno damno recuperarent. Nam qui furtis operam dare vellent, jus sit nomen suum profiteri apud furum Principem, atque ad eum surreptas è vestigio referre, quæ deinde dominis ita restituerentur, ut prius taxatione facta, quartam partem pretii earum pro redemptione persolverent, quasi pœnam negligentiae. *Diod. Sicul. lib. 1. biblioth. cap. 18.* Lycurgus autem, qui Lacedæmoniis leges tulit, non promiscue omnium rerum furta permisit, sed tantum edulium; neque omnibus

furari, sed junioribus duntaxat; quos furum sibi alimenta comparare voluit, ut acuerent industriam, discerentque à pueris, noctu vigilare, interdum fallere, insidias struere, exploratores habere: quoniam deprehensos verberibus cædi jubebat: ita adultos bello utiliores fore existimans, teste Xenophonte *lib. de repub. Lacedam.*

TEXTUS.

Etymologia.

2. *Furtum autem vel à furvo, id est, nigro, dictum est, quod clam & obscure fiat, & plerumque nocte: vel à fraude; vel à ferendo, id est, auferendo: vel à Græco sermone, qui φῦρας appellant fures. Imo & Græci δὲ τὸ φῦρεν φῦρας dixerint.*

COMMENTARIUS.

TRaditur hic quadruplex furti Etymologia ex l. 1. *pr. hoc tit.* nimirum quod furtum dictum sit vel à furvo, vel à fraude, vel à ferendo, vel ab antiquo Græco verbo φῦρας. Prima notatio Labeonem quoque auctorem habet, qui ut Paulus refert in d. l. 1. furtum à furvo, id est, nigro, ideo dictum ait, quod clam & obscure fiat, & plerumque nocte: quod etiam Nonius *lib. 1.* confirmat auctoritate Varronis, quem scribit furem ex eo dictum tradidisse *lib. 14. de rer. dīc.* quod furvum atrum appellaverint, & fures per obscuras noctes atque atras facilius furentur. Servius quoque in *lib. Æneid.* ad illud Virgilii, *Hic furto feci* & *idus instat*, notat, fures ideo dictos, quod furvo, id est, nigro tempore furta committunt. Secundæ auctor est Sabinus, d. l. 1. quæ mihi videtur minus concinna. Tertia, quod à ferendo, id est, auferendo fures dicantur, cum re optimè convenit. Postrema, quod fur à verbo Græco φῦρας per affinitatem literarum dictum sit, placet Gellio *lib. 1. cap. 18.* ubi tantum non carpit Varronem, quasi memoria lapsus, quod furem dictum scripsit à furvo.

TEXTUS.

Divisio.

3. *Furtorum autem duo sunt genera; manifestum, & nec manifestum. Nam conceptum & oblatum species potius actionis sunt furto coherentes, quam genera furtorum, sicut inferius apparebit. Ma-*

nifestus fur est, quem Græci ἐν αὐτοφάγῳ appellant: nec solum is, qui in ipso furto deprehenditur, sed etiam is, qui eo loco deprehenditur, quo furtum fit: veluti qui in domo furtum fecit & nondum egressus januam deprehensus fuerit: & qui in oliveto olivarum, aut in vineto, uvarum furtum fecit, quamdiu in eo oliveto aut vineto deprehensus fuerit. Imo ulterius furtum manifestum est extendendum, quamdiu eam rem fur tenens visus vel deprehensus fuerit, siue in publico, siue in privato, vel à domino, vel ab alio, antequam eo pervenerit, quo deferre vel deponere destinasset. Sed si pertulit, quo destinavit, tametsi deprehendatur cum re furtiva, non est manifestus fur. Nec manifestum furtum quid sit, ex iis, quæ diximus, intelligitur: nam quod manifestum non est, id scilicet nec manifestum est.

NOTA.

QUAM GENERA FURTORUM] quamvis Paulus hæc inter genera furtorum referat, *lib. 2. sent. 31.*

COMMENTARIUS.

- 1 Genera furtorum, tum quæ olim, tum quæ secundum praxin hodiernam.
- 2 Furis manifesti descriptio.
- 3 Quid furtum nec manifestum.

Furtorum tantum duo sunt genera, manifestum & nec manifestum, l. 2. *eod.* nam, ut hic indicatur, & latius explicatur, §. *seq.* conceptum & oblatum non sunt genera furti, sed species actionis furto coherentes: neque inter duo illa genera reperitur medium; quamvis fieri possit, ut ejusdem rei utrumque furtum committatur, diverso scilicet tempore & actione, l. *culgaris 21. pr. Gers. et si eod.* Plane furtum varie subdividi potest; veluti quod aliud sit diurnum, aliud nocturnum; aliud domesticum, aliud non domesticum. Discernuntur & à cæteris furibus abigei, balnearii, sacularii, directarii; atque atrocius extra ordinem puniuntur, *tit. de abig. & de fur. baln. l. 7. de*

l. 7. de extraord. crim. Peculatores, sacrilegi, plagarii, puniuntur legibus publicorum iudiciorum, §. 9. & 10. inf. de publ. jud. Ex praxi Galliae & harum regionum furtum dividitur in simplex & qualificatum. Simplex est, cui nullum aliud crimen aut circumstantia aggravans adhaeret. Qualificatum contra Vid. Damhoud. prax. crim. c. 110. de furt. Baron. comment. hic. part. ult.

2. *Manifestum fur est*] Descriptio furis & furti manifesti; ex qua discimus, furem manifestum censerim primum eum, qui in ipso facto seu actu furandi deprehenditur: tum eum etiam, qui deprehenditur in loco, ubi sit furtum: postremo & eum, qui quantumvis locum egressus, deprehenditur cum re furtiva, antequam eam pertulit, quo perferre destinaverat. Desumpta hæc descriptio est ex l. 3. & 2. seqq. de furt.

Εἰ αὐτοφώρῳ ἀρπάζῃ] Hoc est, αὐτοφώρῳ, in ipso furto, *ἐν αὐτῇ τῇ φαρῇ*, scil. ἀλόγῳ deprehensum in admissio Papinianus appellat, l. 8. de praeser. Verb. Paulus de eo, qui cum furto deprehenditur, hoc explicat, d. l. 3. in pr. sed plenius Hesychius, *ἐν αὐτοφώρῳ*, inquit, ὁ φανερῶς καὶ ἀνεπιφύκτως, ἢ ἐν αὐτῷ τῷ κλέμῳ ἀρπάζῃς ἐν κτήρει αὐτοῦ. Ultrapatur & de deprehensis in alio quolibet facto aut crimine, ut Novell. Leonis *ἐν αὐτοφώρῳ ἀλόγῳ μίση*.

Visus vel deprehensus] Non solum prehensio, sed etiam visio furem manifestum facit, utique cum ad eum comprehendendum accursus est, isque adjecto furto effugit, l. 7. §. 1. & 2. eod. Servius in illud Virgilii *Ecl. 3. Non ego te vidi*: manifesti, inquit, eum furti arguit, dicendo, *vīdi*.

Vel à domino vel ab alio] Nihil refert, à quo fur deprehendatur, utrum ab eo, cuius res est, an à vicino, aliove quolibet transeunte, l. 3. §. 1. l. 7. §. ult. eod. Itaque quod de procuratore furtum mihi facientem deprehendente proponitur, l. si quis 24. §. 2. de usur. id exempli tantum causa prolatum intelligendum est. Neque hac ratione fit, ut alteri per alterum obligatio acquiratur contra regulam juris, §. 4. & §. alteri 18. sup. de inut. stip. nam deprehensio, cuiuscunque ea sit, delictum tantum qualificat.

3. *Nec manifestum furtum quid sit, &c.*] Nec manifestum furtum quid sit, ex manifesti, tanquam contrarium ex contrarii sui definitione, intelligitur, l. 8. hoc tit. Sed & aperte illud definitur vers. proxime præced. ubi Iustinianus ait, eum, qui rem pertulit, quo destinavit, tametsi cum re furtiva deprehendatur, non esse furem manifestum. Quomodo & Jurisconsultus l. 5. §. 1. eod. idque sic à Paulo explicatur, l. 4. eod. si eo pertulit, quo destinavit eo die manere cum eo furto. Quare etsi postero die iterum rem auferat, & dum alio perfert, deprehendatur, non erit fur manifestus. Belle in hanc sententiam Massurius apud Gellium lib. 11. cap. 18. *Manifestum*, inquit, furtum

est, quod deprehenditur, dum sit. *Faciendi finis est, cum perlatum est, quo ferri cæperat.*

TEXTUS.

De furto concepto, oblato, prohibito, non exhibitio.

4. *Conceptum furtum dicitur, cum apud aliquem testibus presentibus furtiva res quesita, & inventa sit: nam in eum propria actio constituta est, quamvis fur non sit; quæ appellatur concepti. Oblatum furtum dicitur, cum res furtiva ab aliquo tibi oblata sit, eaque apud te concepta sit; utique si ea mente tibi data fuerit, ut apud te potius, quam apud eum, qui dedit, conciperetur. Nam tibi, apud quem concepta sit, propria adversus eum, qui obtulit, quamvis fur non sit, constituta est actio, quæ appellatur oblato. Est etiam prohibiti furti actio adversus eum, qui furtum quærere testibus presentibus volentem prohibuerit. Præterea pœna constituitur edicta pratoris per actionem furti non exhibitæ adversus eum, qui furtivam rem apud se quasitam & inventam non exhibuit. Sed hæc actiones, scilicet concepti, & oblato, & furti prohibiti, nec non furti non exhibitæ, in defuetudinem abierunt. Quum enim requisitio rei furtivæ hodie secundum veterem observationem non fiat, merito ex consequentia etiam præfate actiones ab usu communi recesserunt: quum manifestum sit, quod omnes, qui scientes rem furtivam susceperint, & celaverint, furti nec manifesti obnoxii sunt.*

COMMENTARIUS.

1. *Vetus inquirendi furti ratio cum lance & licio.*

Conceptum furtum, item oblatum, non tam effe genera furti, quam species actionum furti coherentes, didicimus §. *prac.* quamvis Paulus 2. *sent.* 31. & Cajus 2. *Inst.* 11. etiam hæc inter genera furtorum numerent. Idemque habendum de duobus reliquis, quorum hic fit mentio, prohibito scilicet, & non exhibitio.

Furtiva res quaesita & inventa] Is, apud quem
testibus adhibitis res quaesita & inventa erat, quam
vis fur non esset, tenebatur actione furti concepti.
Paulus d. loc. Concepti, inquit, actione n̄ tenetur,
apud quem furtum quaesitum & inventum est. It.
Concepti is agere potest, qui rem concepit & inve-
nit.

Propria actio constituta] In triplum, ut testatur Gellius *lib. 11. cap. 18.* ubi scribit, ea furtiva, quæ per lancem & licium concepta essent, perinde ac si manifesta forent, duodecim tabulis vindicata; post vero tripli poenam ordinario jure constitutam.

Oblatum furtum] Oblati furti is tenebatur, five fur, five alius quis, qui rem furtivam alii obtulerat, ne apud se deprehenderetur, atque ita poenae turpitudinem effugeret. Hic ei, apud quem res concepta erat, propria adversus eum, qui obtulerat, actio dabatur, quæ dicebatur oblati; cuius vis in tripulum item erat, ut testantur Gellius & Paulus iisdem locis.

Prohibiti furti actio] Prohibiti furti actione tenebatur, qui furtum apud se testibus presentibus investigari prohibebat. Furti non exhibiti, qui rem furtivam apud se quaesitam & inventam non exhibebat. Utraque igitur hac actio pendebat ex furto concepto.

In defuerudinem abierunt] Quatuor superiores
actionum species tempore Justiniani dudum obso-
leuerant, & ideo nullam earum mentionem in Pan-
dectis fieri voluit.

*Requisitio rei furtivæ secundum ceteram obser-
vationem*] Ratio inquirendi furti cum lance & licio
vetustissima est, utpote ex lege duodecim tabularum.
teste Gellio *d. loc. & lib. 16. cap. 10.* Ex Festo autem
discimus, lance & licio apud antiquos dici, quod quis
furtum ibat querere in domo aliena, licio cinctus in-
trabat, lancemque ante oculos tenebat propter ma-
strumfam, aut virginum præsentiam. Quod sumptum
videtur ab infamis Atheniensium. Nam & Plato
lib. 12. de legibus, sic scribit; *φωρεὶ δ' ἂν ἰδίῳ τοῦ
πατρὸς, ἰσχυρῶς γυμνὸς ἢ χιτῶνισσιν ἔχων ἀλφειὸν*, &c. *ἔτο
φωρεῖ.* Id est, si quis furtum apud quempiam velit
querere, is id faciat nudus aut licio habens, & dis-
cinctus. Nudi ædes suspectas ingrediebantur, ami-
cti tantum simplici cincticulo, quod hic veteres lici-
um vocant, ne quid forte vestibus conditum infer-
rebat, domoque ædium falsum crimen obesse
posset. Hanc autem furti investigandi rationem

jam suo tempore sublatam fuisse, refert Gellius *l. cap. 10.* ut verisimile sit, in locum ejus successisse, quod hic scribit Justinianus, ut testibus adhibitis furtum in domo aliena quaereretur: quod tamen & ipsū, ut durum atque inhumanum, quoniam hoc modo secreta cujusque hominum nimis curiositati panduntur, postea exoleverit.

Furti nec manifesti obnoxii sunt.] Quid si rei criminis plene convinci non possint, adsint autem non levia suspectæ & celatæ rei furtivæ indicia? Admittetur hodieque ejus rei inquisitio in ædibus alienis, sed auctoritate publica, missis executoribus justitiæ, non eo, cui furtum factum dicitur. *D. Tulden. comm. hic, cap. 13. post D.D. commun.*

T E X T U S.

Pœna.

5. *Pœna manifesti furti quadruplex est, tam ex servi, quam ex liberi persona: nec manifesti, dupli.*

NOTA.

5. TAM EX SERVI, QUAM EX LIBERI] Hoc dicit respiciens ad pœnam furti manifesti ex lege 12. tab. qua servi saxo præcipitabantur; liberi verberibus cæsi addicebantur ei, cui furtum factum esset, *Gell. 11. cap. 18.* Prætores autem id furtum quadruplo lui voluerunt, nulla facta distinctione inter liberos & servos, convenit *cap. 3. Exod. c. 5. Dent.*

COMMENTARIUS.

- 1 *Furta varie multata, etiam apud Romanos, à*
decemviris, à pratoribus, & n. s.
- 2 *Procedente tempore etiam criminaliter fur-*
ti agi ceptum: & tandem civiliter agi desu-
tum.
- 3 *Qua furti pena ex constitutionibus Frederici &*
Caroli Imp. & quomodo nunc fere fures ple-
stantur.
- 4 *Ostenditur, non pugnare cum justitia attribui-*
trice, quod fures interdum etiam morte affi-
ciantur.

Pœna furti nec una apud omnes, nec eadem semper apud Romanos fuit. Nam alii pœna pecuniaria tantum; alii flagellatione, alii fustigatione; alii effossione oculorum, aut alicujus membri amputatione, alii gravius etiam, adeoque morte furti multarent, *vid. Alex. ab Alex. 6. gentil. dier. 10. Bodin. 6. de repub. 6.* Decemviri fures manifestos verberibus

affectedos in servitutem tradi jufferunt ei, cui furtum factum esset: servos furti manifesti prenos cædi, & è saxo præcipitari; furtis autem non manifestis tantum pecuniariam poenam dupli imposuerunt: quorum in altero severitatem Draconis, qui furti omnia capite plestebat, in altero Solonis lenitatem, qui ea dupli tantum poena vindicabat, secuti videntur. *Gell. lib. 11. cap. 19.* Cæterum prætoribus poena illa furti manifesti adhuc nimis acerba visâ fuit: itaque eam in pecuniariam quadrupli mutaverunt: dupli fures non manifestos intactam reliquerunt. Procedente vero tempore etiam criminaliter furti agi ceptum est, & vindicta publicæ causâ extraordinaria animadversione fures coerceri, poenam statuente judice pro qualitate circumstantiarum: eaque persecutio criminis jam tempore mediæ jurisprudentiæ frequentiore in usu erat, quam actio furti civilis, *l. ult. hoc tit.* Moderamen autem attulit Justinianus novissima sanctione, qua cavit, ne pro furto vel mors, vel ullius membri abscissio infligatur; sed ut aliter fures castigentur, puta poena pecuniaria, vel exilio, vel simili, quam constitutione sua non excepit. *Nov. 134. cap. ult. auth. sed novo. C. de serv. fugit.* Posterioribus vero sæculis civilis furti actio, poenæque pecuniariæ, quæ ei, cui res ablata erat, applicabantur, in totum abolitæ sunt. Cæterum severius furta vindicari placuit, propter crescentem hominum audaciam furtorumque frequentiam, ad quæ coercenda poenæ antiquæ jam non amplius sufficere videbantur. Erat Frederici Imperatoris constitutio *lib. 2. Feud. tit. de pac. ten. & ejus viol.* qua jubet eum, qui quinque solidos aut rem ejusdem valoris furatus fuerit, laqueo suspendi, eum vero, qui minus furtum commiserit, scopis & forcipe excoriari & tundi, sive, ut Hotomannus legit, tonderi, *§. ult. dict. tit.* eamque poenam idem Imperator confirmare videtur *ead. lib. Feud. tit. de pac. ten. inter subdit. §. injuria seu furtum.* Quod autem plerique Fredericum loqui putant non de simplici furto, sed seditioso, id est, eo, cum quo concurrat & crimen violatæ pacis, argum. rubricæ. vid. *Lut. Gomez. ad §. ex maleficiis 18. num. 3. 4. & §. inf. de act. Clar. §. furtum. n. 7. Schneid. in §. ult. hoc tit. num. 6.* id vix confutatione dignum videtur. Quid enim commune habet furtum cum violatione pacis? Sed & violatio pacis publicæ per se crimen capitale est, neque in eo locum habet distinctio, quam Fredericus facit. Recentior est constitutio Caroli Quinti, qua cavetur, ut fures, præsertim non manifesti, neque magnæ rei, & semel duntaxat furti convicti, lenius, iterum & tertio convicti gravius & capite puniantur; habita tamen ratione sexus, ætatis, &c. *art. 157. §. seqq. const. imp. caus. crim.* Atque hanc Caroli Imperatoris constitutionem mores hodierni fere sequuntur. Prima enim vice nunc virgis fures cædi

solent: iterum patrato facinore acius castigantur, atque insuper tergis eorum stigma inuritur, ut hoc sit eis canterium emendationis vitæ: denique tertio convicti, in patibulum attolluntur, ut vitam, quæ flagris, aut alia etiam graviore coercitione emendari non potuit, recte finiant. Qui tamen ordo animadversionis nonnunquam mutatur, circumstantiis judicem aliter moventibus. *Gomez. ad. d. §. ex maleficiis. num. 4. Chassan. ad consuet. Burg. rubr. 1. §. 1. & vers. simplex. num. 2. Clar. d. §. furtum. num. 12. Cossar. 2. resol. 9. num. 7. & 10. num. 2. Damhead. prax. crim. cap. 110. num. 28. & seq. Gudelin. §. de jur. nov. 19.* Privatis tantum relicta est ejus, quod surreptum est, judicio civili persequendi facultas. Sunt, qui hæc poenas, præsertim capitalem illam laquei, ut duras nimis, & proportionem poenæ ad delictum longe excedentes, in totum damnant, negantque, justitiæ attributicis rationem pati, ut puniatur morte, qui in rebus duntaxat externis alteri nocuit, maxime cum etiam lex divina Hebræis per Moysen data non majore poena, quam pecuniaria, fures plesti jubeat *Exod. cap. 22.* Verum respondent alii, nos legibus poenalibus Mosaicis, utpote politicis, non teneri, utique quoad gradus poenarum observandos, quibus delicta coercantur: satis esse si leges nostræ congruant ad hanc regulam, ut maleficia puniantur; gradus poenarum permittendos esse legum conditoribus: quibus proinde fas sit, severius delicta punire, atque ea quoque, per quæ fortunæ tantum bonis nocetur, capite plestere, si viderint publice id expedire, neque mitiore ratione cives à flagitio deterri posse. Illam vero proportionem, quæ debeat esse culpam inter & poenam, non spectare absolute & nude materiam delicti, sed habere respectum ad hunc finem, ut in quieto sit vita communis, & imperturbata maneat civium inter se societas. Quare si talis sit poena, cujus metu cives à delinquendo non videantur revocari posse, eam proportionatam non esse, quamvis alias per se & ratione damni, quod illatum est, satis sit gravis. Neque enim proportionem hanc exigere, ut materia poenæ examullum respondeat materiæ culpæ, hoc est, ut bonum, quo poena privat, nonnunquam excedat bonum illud, quo delinquens privavit proximum suum: sed æstimandum esse ex fine, publico scilicet bono, & transgressione legis atque inobedientia. Idque etiam Aristotelém docere *2. polit. cap. ult.* ubi ait, legislatores in puniendis delictis sæpe respicere *αὐτὸς τὸ οὐκ ὀρθόν*, id est, ad id, quod publice expedit. Et intellexisse Claudium Saturnium in *l. aut facta 16. in fin. de pen.* ubi scribit supplicia exacerbari oportere, quoties nimium multis grassantibus exemplo opus est: in quam sententiam etiam dissertit Cæcilius apud Gell. *lib. 20. cap. 1.* ubi ait, acerbiterat ulciscendi maleficii plerumque bene atque

caute vivendi esse disciplinam. Postremo neque furta quælibet hodie morte puniri, sed ea duntaxat, quæ vel enormia sunt, aut conjuncta cum vi publica, vel quæ sæpius perpetrata leviori animadversione corrigi non potuere. *Cosar. 2. res. 9. n. 7. Dan. Moll. 1. semestr. 37. num. 5. & seg. Vvesemb. par. de fur. in fin. latè Lud. Molin. de just. & jur. rom. 3. tract. disp. 2. Perez. in C. de furt. n. 15. & segg.*

Tam ex servis, quam ex liberi persona] Respicere videtur ad pœnam furti manifesti ex lege 12. tabularum. Nam ea pro conditione personæ ejus, qui furtum fecisset, diversa erat; servi è saxo præcipitabantur; liberi verberibus cæsi addicebantur ei, cui furtum factum esset, ut ex Gellio supra retulimus. At prætores mutata legis pœna, & pecuniaria quadrupli furto manifesto imposita, id furtum quadruplo lui voluerunt, nulla facta distinctione inter liberos & servos; ut scilicet nomine servi furis manifesti dominum pœnali in quadruplum actione convenire liceret, non quidem pure & directe, ut homo liber convenitur ex maleficio proprio, sed judicio noxali, *inf. tit. de nox. act.* Quod si quis furti à servo commissi criminaliter agere velit, ipse servus conveniendus est.

TEXTUS.

Quomodo furtum fit; De contrectatione.

6. *Furtum autem fit, non solum cum quis intercipiendi causa rem alienam amovet: sed generaliter cum quis alienam rem invito domino contrectat. Itaque sive creditor pignore, sive is, apud quem res deposita est, ea re utatur; sive is, qui rem utendam accepit, in alium usum eam transferat, quam cujus gratia ei data est, furtum committit: veluti si quis argentum utendum acceperit, quasi amicos ad cœnam invitaturus, & id peregre secum tulerit: aut si quis equum gestandi causa commodatum sibi, longius aliquo duxerit: quod veteres scripserunt de eo, qui in aciem equum perduxisset.*

NOTÆ.

6. *IN ALIUM USUM TRANSFERAT*] Vel etiam alii utendum concedat. Species enim lucri est

ex alieno largiri, & beneficii sibi debitorem acquirere, *d. l. 54. §. 1.*

QUI IN ACIEM] Cujacio legendum videtur, *Qui in Ariciam acceptum equum longius perduxisset*, ex Valerio & Symmacho, *dd. loc.* quanquam constans est hæc lectio, *in aciem*. Theoph. *eis magis & liv.*

COMMENTARIUS.

1 *Quid moribus horum temporum circa hunc §. observetur.*

Furtum fieri intelligitur non tantum si quis rem alienam clam domino amoveat, ipsius rei intervertendæ causa; verum etiam si quis id faciat, solius usus rei in lucrum suum transferendi gratia; adeoque non amovendo tantum, sed etiam aliter contrectando furtum committitur, nempe si quis ea re, quam voluntate domini apud se habet, non ex voluntate domini utatur. In summa, ut Sabinus ait apud Gellium *lib. 11. c. 18. Qui alienam rem attrectavit, cum id se invito domino facere judicare deberet, furti tenetur.*

Si cre. stor pignore, &c.] Pignus non ad utilitatem, sed ad securitatem datur, *§. ult. sup. quib. mod. re contr. obl.* depositum custodiæ causa, non usus, *tot. tit. de pos.* Itaque si creditor pignore, is apud quem res deposita est, ea re utatur, furtum committi intelligitur. Idem est, si commodatarius in alium usum, quam in quem accepit, rem commodatam transferat; & magis idem, si quis pecuniam, quam ad alium perferendam accepit, convertat in usus suos, *l. qui jumenta 40. l. si pignore 54. l. qui re 76. hoc tit. l. 7. C. eod.* Sed & eum, qui quid utendum accepit, si id alii commodaverit, furti obligari traditum est; nec quem movere debere, quasi hic nihil lucri sui causa faciat: speciem enim lucri esse ex alieno largiri & beneficii sibi debitorem acquirere. Unde eum quoque furti teneri, qui ideo rem amovet, ut alii donet, *d. l. si pignore. §. 1.*

Veluti si quis argentum, &c. aut equum gestandi causa] *l. 5. §. quinimo 8. commod. d. l. 40. hoc tit. Gell. lib. 7. c. 15.* Memorabile est, quod refert Val. Max. *lib. 8. cap. 2. & Symmach. 7. epist. 69.* furti quendam damnatum esse, quod equo, cujus usus illi usque Ariciam commodatus fuerat, posteriore ejus municipii clivo vectus esset. Quod tamen mihi perquam durum videtur: neque puto criminaliter ex hujusmodi causis agi potuisse. Sane pœna corporalis, quæ nunc fures afficiuntur, tantum locum habet in amotione rei è loco, in quo dominus eam posuerat, non etiam cum alias ignorante domino contrectata est, puta à creditore, aut depositario, pignore aut re deposita utentibus, aut à commodatario exceden-

dente præscriptum utendi modum. Excipit D. Tuldenus *comm. hic, cap. 2.* fraudem publici tabularii: & merito. Moribus horum temporum creditor aut depositarius re pignorerata aut deposita utentes, aut commodatarius re commodata aliter, quam utendam accepit, furti actione, quæ soli fisco nunc competit, non tenentur, sed tantummodo actione civili in id, quod ejus, qui pignori dedit, deposuit, aut commodavit, interest, id factum non esse. *Zypa, not. jur. Belg. de furt. vers. pen. Autum. confer. du droit, in l. qui jumenta 40. hoc tit. Groene & G. d. H. abrog. hic.*

T E X T U S.

De affectu Jurandi.

7. *Placuit tamen, eos, qui rebus commodatis aliter uterentur, quam utendas acceperint, ita furtum committere, si se intelligant id invito domino facere; eumque, si intellexisset, non permissurum: at si permissurum credant, extra crimen videri: optima sane distinctione; quia furtum sine affectu furandi non committitur.*

N O T A.

SINE AFFECTU FURANDI] *l. 37. de usuc.* Furtum non committitur *χωρὶς καὶ αὐτῷ ἀσθενῶντος*, Pfell. cum factio etiam animum furis exigit, *l. 41. ad leg. Ag.* nec tam factum quaeritur, quam faciendi causa, *l. 39. eod.* Nam maleficia ex proposito delinquentis æstimantur, *l. 53. eod.*

C O M M E N T A R I U S.

I Species quedam notabilis.

Cum furtum sine animo & affectu furandi, *χωρὶς καὶ αὐτῷ ἀσθενῶντος*, non committatur, *l. furtum 37. de usuc.* neque tam factum quaeratur, quam faciendi causa: *l. Verum 39. hoc tit.* recte dictum est eum, qui putavit se voluntate domini rem attingere, non esse furem. Qui enim dolo facit, qui putat dominum consensurum fui, sive falso id, sive vere putet? Is ergo solus fur est, qui attraxit, quod invito domino se facere scivit, *l. inter omnes 46 §. recte 7. eod.*

Rebus commodatis aliter uterentur] Idem est, si quis utatur re, quæ utenda quidem data non est, sed custodiæ aut pignoris causa tradita, existimans se id facere domino non invito, *l. qui re 76. eod.* Sed quid dicendum, si quis rem aliquam usus sui causa ex

adibus alienis amoverit hoc obtentu, quod dicat se putasse dominum id permissurum fuisse? Equidem si vir sit integræ famæ, & justam causam hujus opinionis habeat, puta quæ mutua amicitia, necessitudine, familiaritate nitatur, dixerim nec hunc furem habendum esse, cum *Joan. Fab. & Ang. hic*, per text. generalem in *d. l. inter. 46. §. recte, hoc tit.* alias suspitione furti & gravi præsumptione onerabitur, *arg. l. qui cas 48. §. 3. eod.* Nam ut recte ait Bald. in *l. 6. C. de dol.* in his, quæ sunt de genere prohibitorum, semper dolus præsumitur. Quæ sententia etiam communi calculo comprobata est, in *l. 5. C. de injur.* Et ideo ne domini quidem attestatio, profitentis consensu suo rem amotam esse, furem liberabit, utpote quæ pretio aut precibus emendicata creditur, nisi accedant idoneæ in contrarium conjecturæ. Cæterum hoc tunc locum habet, cum furti criminaliter agitur: nam privatam sui juris persecutionem unusquisque remittere potest. Ita post *Bart.* in *d. l. inter. §. recte, hoc tit. & DD. in l. transigere, C. de transact.* concludit Gomez, *3. resol. 5. n. 2.*

T E X T U S.

De voluntate Domini.

8. *Sed & si credat aliquis invito domino se rem commodatam sibi contrectare, domino autem volente id fiat, dicitur furtum non fieri. Unde illud quaesitum est, quum Titius servum Mævii sollicitaverit, ut quasdam res domino surriperet, & ad eum perferret, & servus id ad dominum pertulerit: Mævius autem dum vult Titium in ipso delicto deprehendere, permiserit servo quasdam res ad eum perferre; utrum furti, an servi corrupti judicio teneatur Titius, an neutro? Et cum nobis super hac dubitatione suggestum est, & antiquorum prudentium super hoc alterationes perspeximus, quibusdam neque furti, neque servi corrupti actionem præstantibus, quibusdam furti tantummodo: nos hujusmodi calliditati obviam euntes, per nostram constitutionem sancimus, non solum furti actionem, sed &*

servi corrupti contra eum dari. Licet enim is servus deterior à sollicitatore minime factus est, & ideo non concurrant regula, quæ servi corrupti actionem introducunt: tamen consilium corruptoris ad perniciem probitatis servi introductum est, ut sit ei pœnalis actio imposita, tanquam si re ipsa fuisset servus corruptus: ne ex huiusmodi impunitate & in alium servum, qui facile posset corrumpi, tale facinus à quibusdam perpetretur.

NOTÆ.

§. SI CREDAT INVITO, & C. DOMINO AUTEM VOLENTE] Pomponius l. 46. §. pen. eod. ait furtum quidem fieri: sed negat hoc casu furti agi posse; quia dominus in usum consensuens re ipsa fraudatus non est, arg. l. 145. de reg. jur.

NEQUE SERVI CORRUPTI] Quippe quæ ei tantum à prætoribus proponitur, cujus servus persuasionem alterius corruptus est, l. 1. de serv. corrupt. quod hic factum non est.

PER NOSTRAM DECISIONEM] l. 20. de furt. ubi vel conatum tam improbum sollicitatoris vult puniri, proque furto & corruptione haberi.

TANQUAM SI RE IPSA, & C. CORRUPTUS] Si autem servus re ipsa corruptus fuisset, in duplum, quanti ea res est, in corruptorem iudicium daretur, l. 1. de serv. corrupt.

COMMENTARIUS.

1. Eum, qui rem alienam, licet insuper habente domino, fraudulenter contrectat, re vera furtum facere: furti tamen non obligari.

2. Cur dubitatum, utrum sollicitator servus in hypothese proposita actione furti aut servus corrupti teneretur, necne.

Q UOD hic ait Justinianus furtum non fieri, etiam si quis credat se rem invito domino attrectare, cum id faciat domino volente, id non de facto ipso, sed de pœna facti accipiendum est, videlicet in proposito non eo effectu furtum committi, ut is, qui contrectavit, pœnali actione furti teneatur. Neque enim negari potest, quin revera furtum faciat, & peccato conscientiam obstringat, qui rem alienam lucrì sui causa fraudulenter contrectat, etiam si illo ignorante dominus id insuper habeat. Quod & Pomponius fa-

tetur l. inter 46. §. pen. hoc tit. Cæterum negat eum hoc casu furti obligari, id est, furti cum eo agi in foro civili posse: quoniam dominus, qui eum uti voluerit, etiam si id fur ignoret, re ipsa fraudatus non sit, arg. l. nemo 145. de reg. jur. Sunt vero & alii casus, quibus licet furtum committatur, actio tamen furti certis de causis à magistratu denegatur, vid. l. 1. in fin. ver. amot. l. servus 17. l. si libertum 89. hoc tit. §. hi qui 12. inf. eod.

Unde illud quaesitum, & c.] Quoniam placet, furti non obligari eum, qui rem alienam contrectat, si id faciat domino volente, licet hoc ipse ignoret, quaesitum inde est, an furti teneatur, qui servum alienum sollicitavit, ut res aliquas domino furriperet, & ad se perferret, si dominus per servum ejus rei certior factus permiserit servo res quasdam ad sollicitatorem perferre, quo eum in delicto deprehendat. Quibusdam visum est furti actionem non magis hoc casu competere, quam superiore: quia cui volenti furtum factum est, furti agere non potest. Aliis vero contra; quoniam voluntas ista non seria fuit, sed simulata, ut fur deprehenderetur. Simul illud quoque quaesitum, an suavor iste seu sollicitator in proposita hypothese teneatur actione servi corrupti, quæ in duplum quanti ea res est, à prætoribus proponitur adversus eum, cujus persuasionem servus corruptus aut deterior factus est, l. 1. de serv. corrupt. Veteribus placuit non teneri, quia prætor de eo tantum loquitur, à quo servus persuasus & corruptus est: in proposito autem suavis se quidem sollicitatorem, pravumque consilium servo dedisse; at non persuasisse & fecisse deteriorem; proinde nec esse, quod hic æstimari & duplicari possit. Cæterum Justinianus l. si quis 20. C. hoc tit. non attenta disputatione veterum censuit, vel conatum tam improbum sollicitatoris puniendum esse, proque furto & corruptione habendum: nam etsi is conatus revera effectum non habuit, habuisse tamen opinione perniciosi suavoris, atque esse rem pessimi exempli; ut hic, & d. l. 20. latius differit. Quantum igitur hoc casu iudicio servi corrupti postulabitur? Quantum scilicet deberetur, si revera servus corruptus fuisset.

TEXTUS.

Quarum rerum furtum fit. De liberis hominibus.

9. Interdum etiam liberorum hominum furtum fit; veluti si quis liberorum nostrorum, qui in potestate nostra sunt, subreptus fuerit.

COMMENTARIUS.

Sil filiusfam. subreptus sit, palam est, patrem habere furti actionem, inquit *Ulp. l. 14. §. si filiusfam. hoc tit.* Cujus rei ratio ex jure antiquo Quiritum sumenda est, quo filius instar servi in patris manu, potestate, ac ditione erat: unde etiam liberi, qui in potestate sunt, vendicari potuerunt, hac adjecta clausula, *Ex lege Quiritium l. 1. §. 2. de rei vend.* Ob furtum igitur filiusfam. tripliciter agi poterit. Judicio criminali extra ordinem, *l. ult. hoc tit.* judicio publico legis Fabiæ de plagiariis, *l. ult. C. ad leg. Fab. de plag.* & civiliter in duplum aut quadruplum. Quoniam autem in libero homine nulla æstimatio corporis fieri potest, *l. 1. §. sed cum s. de his qui effud.* multiplicabitur hic secundum interpp. id quod patris intererit. Mater filii surrepti actionem non habet, quia nec in potestate eum habet, *l. mater 38. hoc tit.* Sed nec patri datur conditio, utpote quæ non nisi vero domino competit, *l. 58. §. 1.*

TEXTUS.

Dere propria.

10. Aliquando etiam sua rei furtum quis committit; veluti si debitor rem, quam creditori pignoris causa dedit, subtraxerit.

NOTA.

10. QUAM CREDITORI PIGNORIS CAUSA] *l. 12. §. 2. d. l. 19. §. pen. l. 79. de furt.* Minus autem proprie hic dicitur debitor rei suæ furtum facere, eum eatenus tantum faciat, quatenus id, quod in ea re creditoris est, intervertit. Rei enim nostræ furtum facere non possumus. *Paul. 2. sent. 31. Aristot. s. Eth. ult.*

COMMENTARIUS.

Qui rem pignori dat, eamque surripit, furti actione creditori tenetur, *l. itaque 12. §. 2. l. in actione 9. §. pen. l. si debitor 79. l. creditor 87. hoc tit.* Furtum autem rei pignoratæ dominus non tantum tunc facere videtur, cum possidenti sive tenenti creditori aufert; verum & si eo tempore abstulerit, quo non possidebat, ut puta si rem pignoratam vendidit: nam & hic furtum eum facere, sæpissime responsum est, *d. l. in actione 19. §. ult. l. si quis 66. in pr. cod. l. 6. Cod. pro empt.* Caterum minus proprie hic dicitur debitor rei suæ furtum facere, cum eatenus tantum faciat, quatenus id, quod in ea re creditoris est, intervertere conatur. Rei enim nostræ furtum facere non possumus. *Paul. 2. sent. 21. Aristot. s. Eth.*

ult. Neque hæc species ad rigorem nostri temporis pertinet.

TEXTUS.

Qui tenentur furti. De eo cujus ope, consilio, furtum factum est.

11. Interdum quoque furti tenetur, qui ipse furtum non fecit: qualis est is, cujus ope & consilio furtum factum est. In quo numero est; qui tibi nummos excussit, ut alius eos raperet; aut tibi obstiterit, ut alius rem tuam exciperet; aut oves tuas, vel boves fugaverit, ut alius eas acciperet. Et hoc veteres scripserunt de eo, qui panno rubro fugavit armentum. Sed si quid eorum per lasciviam, & non data opera, ut furtum admitteretur, factum est, in factum actio dari debet. At ubi ope Maxii Titius furtum fecerit, ambo furti tenentur. Ope & consilio ejus quoque furtum admitti videtur, qui scalas forte fenestris supponis, aut ipsas fenestras vel ostium effringit, ut alius furtum faceret; qui ve ferramenta ad effringendum, aut si alas, ut fenestris supponerentur, commodaverit, sciens, cujus rei gratia commodaverit. Certe qui nullam operam ad furtum faciendum adhibuit, sed tantum consilium dedit, atque hortatus est ad furtum faciendum, non tenetur furti.

NOTÆ.

UT ALIUS EOS RAPERET] Dummodo & raperit: nam si nummi perierint, & ad neminem pervenerint, damni injuriæ actio datur, *d. l. 27. §. 21. ad leg. Aq.*

IN FACTUM ACTIO DARI DEBET] *d. l. 50. §. ult.* prætoriam scilicet aut si pecora præcipitata sunt, in factum civilis, sive utilis actio damni injuriæ quasi ex lege Aquilia, *d. l. 27. §. 21. ad leg. Aq. l. 51. de furt.*

VEL IPSAS FENESTRAS, &c.] *l. 50. §. pen. l. 54. §. pen. cod.*

COMMENTARIUS.

- 1 Verba ope consilio, separatimne accipienda, an conjunctim.
- 2 Explicatur homonymia Verbi consilium, & effectum secundum singula significata indicantur, & n. 3.

Nonnunquam & ille furti tenetur, qui ipse furtum non fecit, id est, rem ipse non contrectavit; veluti is, cujus ope, consilio, furtum factum est; in quem prodita est hæc formula, *ope, consilio tuo, furtum factum esse ajo, l. si servus 27. §. si quis 21. ad leg. Aquil.* Illud satis expeditum non est, verba hæc, *ope, consilio*, separatim accipienda sint, an conjunctim. Nam Paulus respondet separatim accipienda, idque convenienter sententiæ Labeonis, quod aliud sit factum ejus, qui ope, aliud ejus, qui consilio furtum facit, *l. sape 12. §. ult. de Verb. sign.* Idem quoque Ulpianus non obscure indicat *l. si quis 52. in pr. & §. neque Verba 19. hoc tit.* ibi, *opem ferre, vel consilium dare.* Et clarius in *l. 6. de condict. furt.* qui etiam alibi hæc sic distinguit, *Consilium*, inquit, *dare videtur, qui persuadet & impellit atque instruit consilio ad furtum faciendum. Opem fert, qui ministerium atque adiutorium ad surripientis res præbet, l. in furti 50. §. pen. hoc tit.* Secundum quæ actione furti tenebitur non solum cujus ope & consilio simul furtum factum est; sed etiam is, qui vel consilium tantum dedit, vel tantum opem tulit, *d. l. 6. de condict. furt.* Verum ex adverso conjunctim potius utrumque factum accipiendum esse, neque alterum absque altero furti quempiam obstringere, multis locis significari videtur, uti in *l. qui servus 36. in fin. pr. l. in furti 50. §. 1. hoc tit. l. si servus 27. §. si quis 21. ad leg. Aquil.* atque ab ipso adeo Paulo in *d. l. sape 12. §. ult. de Verb. sign.* cum ait, post veterum auctoritatem eo perventum esse, *ut nemo ope videatur fecisse, nisi & consilium malignum habuerit, nec consilium habuisse nocere, nisi & factum fuerit.* Denique hoc ipso loco in calce §. nostri, ait Imperator, furti non teneri eum, qui tantum consilium dedit atque hortatus est ad furtum faciendum. Sic sentio, utrumque factum leorsum ad obligationem furti sufficere, vel inquam consilium dare, vel opem ferre: neque enim ex eo, quod hæc verba, *ope consilio*, sape conjunctim proponuntur, aut in hypothesi utrumque factum concurrit, protinus sequitur, furti non aliter agi posse, quam si utrumque concurrat: neque ea aut Pauli in *d. l. sape*, aut Justiniani hoc §. sententia est, ut planum fier explicata homonymia, quæ est in verbo *consilium*. Triplex vero hujus verbi in re proposita usurpatio est. Nam aliquando generaliter verbo consilii significatur malitiosum propositum seu animus dolosus: quo

sensu nemo dici potest ope furtum facere sine consilio, *l. in furti 50. §. 2. l. si pignore 54. §. pen. hoc tit.* verbi gratia, qui furi scalas commodavit, ignorans cujus rei gratia commodato peterentur, furti non tenentur: atque hoc est, quod sibi vult Jurisconsultus *d. l. sape in fin. de Verb. sign.* Nonnunquam consilium usurpatur pro simplici suasionem seu monitione, veluti si quis de paupertate conquerentem hortetur, ut furto sibi pecuniam quærat: cujusmodi simplex consilium furti neminem obligat, quantumvis furtum secutum sit: quod significat Justinianus in fine hujus text. Tertio consilium strictius accipitur, ut sit idem quod persuasio, impulsio, simulque instructio ad furtum faciendum; quale est, exempli causa, si quis furi rationem penetrandi in ædes, locumve, ubi pecunia reposita est, commonstret; in quo significatu consilium opponitur operæ, quæ actum proximè ad furtum directum, auxiliumque, quod in ipso furto præstatur, designat, *d. l. in furti §. pen.* Hæc consilii species, etsi nullum porro ministerium seu opera accedat, consulentem obligat; utique si alter consilium datum secutus furtum commiserit: nam si ille relicto consilio à furto abstinuerit, verius est, nec eum, qui tale consilium dedit, furti obstringi, *arg. l. qui servus 36. pr. l. si quis 52. §. neque 19. h. t. d. l. sape §. 1. in fin. de Verb. sign.* quo loco, quod notandum est, Jurisconsultus primum voce consilii intelligit malignum propositum & scientiam opem ferentis, mox persuasionem atque instructionem ad furtum faciendum; uti & in *pr. ejusd. §. 1.*

Qui tibi nummos excussit, &c.] l. si quis 52. §. si quis 13. hoc tit. Sabinus hoc casu etiam in factum dari posse actionem ait, *l. si servus 27. §. si quis 21. ad leg. Aquil.* Idem Sabinus apud Gellium *lib. 11. c. 18.* refert, furem esse hominis judicatum, qui cum fugitivus præter oculos domini fortè iret, obtentu togæ, tanquam se amiciens, ne videretur à domino, obstitisset.

Qui panno rubro] l. in furti 50. §. ult. hoc t. Tauros & boves rubicundi coloris adpectu excitari & furorem eis acui, scribit Seneca *lib. 3. de ira.* Ovid. 12. *Metam.* eoque alludit Cicero *lib. 2. de divin.* cum quærit, an taurus is, cujus cor in sacrificio non erat inventum, conspecta Cæsaris purpura sic expaverit, & terrore exanimatus sit, ut repente cor amiserit.

Per lasciviam] Si quis hoc furti faciendi causa, sed per petulantiam quid eorum, quæ dicta sunt fecerit, non actione furti, sed in factum tenetur, d. l. in furti §. ult. Quod si res ita perierit, ne ad aliquem perveniret, utilis actio damni injuriæ quasi ex lege Aquilia datur: neque hic distinguitur, furti faciendi animo, an per lasciviam quid factum fuerit, *l. si servus 27. §. si quis 21. ad leg. Aquil. l. nam & 51. hoc tit.*

COMMENTARIUS.

Qui scalas fenestris supposuit] Qui vel ostium effregerit, vel ferramenta sciens commodaverit ad effringendum ostium vel armarium, vel scalam supposuerit, vel sciens commodaverit ad ascendendum, licet nullum ejus consilium principaliter ad furtum faciendum interveniret, tamen furti actione tenetur, *l. si pignores 4. §. pen. hoc tit.*

Tantum consilium dedit atque hortatus est] Quod ante diximus, ob simplex consilium aut hortationem ad furtum faciendum furti actionem non dari, etiam si furtum secutum fuerit, id verum esse, perspicue ostendit hic noster textus: quem proinde male nonnulli sic limitant, nisi furtum fuerit secutum: nam si furtum secutum non sit, nec is, qui furem consilio instruxit, aut instrumenta ad furtum faciendum sciens commodavit, furti tenetur: quippe ubi nulla contrectatio intervenit, furtum intelligi non potest. Hodie in universum mitius, quam fures, puniuntur, quorum ope, consilio, furtum factum est. Neque enim in caput aut corpus eorum seditur, nisi in ipso actu furandi auxilium furibus praestiterint, ut hic docent interpretes.

T E X T U S.

De his qui sunt in potestate. Et de ope ac consilio extranei.

12. *Hi, qui in parentum, vel dominorum potestate sunt, si rem eis surripiunt, furtum quidem faciunt, & res in furtivam causam cadit, nec ob id ab ullo usucapi potest, antequam in domini potestatem revertatur: sed furti actio non nascitur; quia nec ex alia ulla causa potest inter eos actio nasci. Si vero ope & consilio alterius furtum factum fuerit, quia utique furtum committitur, convenienter ille furti tenetur: quia verum est, ope & consilio ejus furtum factum esse.*

N O T A.

SED FURTI ACTIO NON NASCITUR] Quia pater & dominus privatae animadversionis jus habent, *l. 17. de furs.* vel quia non magis cum his, quos in potestate habemus, quam nobiscum ipsi agere possumus, *l. 16. eod.* nisi filius habeat castrense peculium, *l. 4. de judic. l. 52. §. 5. de furs.*

- 1 *Cur servi & filii furtum nobis facientes furti non teneantur.*
- 2 *Quid si filius castrense peculium habens patri furtum fecerit, aut pater illi.*
- 3 *Furtorum domesticorum coercitio vetus & hodierna.*

Servi & filii nostri furtum quidem nobis faciunt, ipsi autem furti non teneantur. Cujus rei duplex affertur ratio: tum quod dominus & pater in servum & filium privatae animadversionis jus habent, *l. servi 17. h. t.* qua eadem ratione placet, nec libertum patrono, nec mercenarium patrifi. furtum facientes actione furti conveniri posse, *l. si libertus 89. eod.* tum quod non magis cum his, quos in potestate habemus, quam nobiscum ipsi, agere possumus, *l. nec cum 16. eod.* Et domino quidem nulla unquam cum servo actio esse potest: at potest aliquando patri lis esse cum filio, quem in potestate habet, nempe si filius castrense habeat peculium, atque ex ea causa conveniatur, *l. 4. de judic.* Quid ergo si filius castrense peculium habens furtum patri fecerit? Defendi potest, utili actione eum teneri, cum habeat, unde satis faciat, *l. si quis 52. §. sed si hoc t.* Ex converso quoque si pater rem castrensis peculii filii subtraxerit, furti patrem teneri, responsum est, *d. l. 52. an autem 6.* quod tamen, ut recte plerique movent, accipiendum erit de utili in factum actione: neque enim ulla actio famosa, qualis est furti, filio adversus patrem datur, *l. 5. de obseq. par. praest.*

Nec ab ullo usucapi potest] Et si ex causa furti, à servo aut filio facti, domino aut patri actio non conceditur; tamen quia furtum revera factum est, res vitio furti afficitur; ac proinde usucapi non potest, antequam vitium purgetur: quod fit, cum in potestatem domini reversa est, *§. 2. & seq. sup. de usucap.*

Si vero ope & consilio] *l. qui servi 36. §. 1. h. t.* Et hoc quoque consequens est ei, quod dixit verè, in proposito furtum fieri. Pari ratione si quis uxori res mariti subtrahenti opem consiliumve accommodaverit, furti tenetur, etsi illa non tenetur, sed rerum amotarum, *d. l. si quis 52. pr. junct. l. 1. & 2. de act. rer. amot.* Furta domestica, puta famulorum aut mercenariorum, qui apud nos degunt, licet graviores poenam, quam alia mereri videantur propter perfidiam & difficultatem ab iis cavendi; tamen leges, praesertim si viliora sunt, publice ea vindicari vetant, *l. perspicendum 12. §. 1. de pen.* nimirum quoniam antiquitus coercitio eorum permixta erat ipsi patrif. Sed quoniam privata illa emendatio hodie ab usu recessit, non minus severe hæc, quam cætera furta, publi-

publicè nunc vindicanda cenſeo cum D. Tuldeno
comm. hic c. 3. in fin. add. Græneſq. d. ll. abrogand.
hic.

T E X T U S.

Quibus datur actio furti.

13. Furti autem actio ei competit, cuius
interest rem ſalvā eſſe, licet dominus
non ſit. Itaque nec domino aliter com-
petit, quam ſi ejus interſit rem non perire.

C O M M E N T A R I U S.

- 1 Temperatio regula à Juſtiniano hic tradita.
- 3 Remotio eorum, quæ huic loco obſtare videntur.

Docet hic Juſtinianus, cui competat actio furti,
& primum generaliter definit, actionem hanc
competere omnibus, quorum intereſt, furtum factum
non eſſe: mox quaſi hoc ampliāns, ſubjicit, idem et-
iam obtinere, quamvis dominus non ſit, cui res ſur-
repta eſt, denique nec ipſi domino aliter furti actio-
nem competere, quam ſi ejus interſit rem ſalvā eſſe:
1 quæ omnia indigent explicatione. Ad definitio-
nem quod attinet, illa ſic temperanda eſt, ſi interſit
ex honeſta cauſa, l. 10. cum ſeq. b. t. Neque enim
furi aut malæ fidei poſſeſſori, quamvis eorum interſit
rem non ſurripi, actio furti datur; cum nemo ex im-
probitate ſua actionem conſequi debeat, l. itaque 12.
§. 1. l. cum qui. 14. §. 3. & 4. l. qui re. 76. §. 1. eod.
Ab Ulpiano tamen unus caſus proſertur, quo fur fur-
ti agere poteſt, l. qui ſas 48. §. ſi ego 4. eod. Illud
in univerſum hic tenendum, ſufficere ad actionem
furti, quod tunc interſit; cum furtum fieret, licet eo
tempore, quo agitur, non ampliùs interſit, ut docet
Juſtiſconſultus l. inter omnes 46. in pr. eod. Quod
vero addit Juſtinianus, licet dominus non ſit, ei
2 multa obſtare videntur. Primum quod emptori, cui
res nondum tradita eſt, actio furti denegatur ſolum
ob hoc, quod dominus non eſt, §. 3. ſup. de empt. d.
l. 14. in p. junct. l. ſi vendidero 80. b. t. cum tamen
conſtet, emptoris etiam hic intereſſe; quippe ad
quem perfectæ emptione, licet res nondum tradita ſit,
omne damnum pertineat, d. §. 3. de empt. Deinde
etiſi creditoris intereſt habere idoneum debitorem,
ſcribit tamen Cajus, creditorem ob rem debitoris
ſurreptam furti agere non poſſe, quamvis aliunde
credutum ſervare nequat, l. interdum 49. b. tit. De-
nique traditum eſt, nec eum, cui ex ſtipulatu vel te-
ſtamento res aliqua debetur, ea ſurrepta actionem
furti habere, quamvis ejus interſit, l. u cujus 85. in
fin. eod. Cæterum ad hæc reſpondemus, quod di-

citur, actionem furti dari iis, quorum intereſt, etiſi do-
mini non ſunt, id non pertinere ad omnes, quorum
quolibet modo intereſt, rem ſalvā eſſe, aut ſurripi;
ſed ad eos duntaxat, quorum culpareſ ſurrepta eſt,
cum eam ex voluntate domini ſuo periculo tenerent,
veluti ex cauſa commodati, locati, pignoriſve acce-
pti, d. l. 14. §. an pater. 10. & multis ſeqq. hoc tit.
Atque hoc perſpicuè etiam docet Paulus d. l. u cu-
jus 85. in pr. eod. Poſtremo quod Juſtinianus ait,
nec domino actionem furti competere, niſi interſit
rem non perire, in eo reſpicit ad caſus jam dictos, &
qui tractantur §§. proximè ſeqq. quibus ſcilicet do-
minus actionem ex contractu ad rem ejusve æſtima-
tionem conſequendam adverſus alios habet. Nam
extra hujusmodi caſus ſolum dominium vicem ob-
tinet ejus, quod intereſt, ut oſtendit l. ſi vendidero
80. pr. hoc. tit. ubi venditori, re ante traditionem
ſurrepta, actionem furti competere Papinianus ſcri-
bit, quoniam ejus interſit duplici de cauſa, vel ideo,
quod adhuc dominus eſt, vel quia ad præſtandas
actiones tenetur.

T E X T U S.

De pignore ſurrepto Creditori.

14. Unde conſtat creditorem de pignore
ſurrepto furti actione agere poſſe, etiam ſi
idoneum debitore habeat: quia expedit ei
pignori potius incumbere, quam in perſo-
nam agere: adeo quidem, ut quamvis ipſe
debitor eam rem ſurripuerit, nihilominus
creditori competat actio furti.

N O T A.

PIGNORI POTIUS INCUMBERE] l. 1. §. de
reg. jur. Unde etiam creditori actio furti competit,
etiam ſi culpa ejus abſit, aut debitor ſolvendo ſit, d. l.
12. §. ult. adeoque licet ipſe debitor rem ſurripuerit,
§. 10. ſup. eod.

C O M M E N T A R I U S.

- 1 Quibus de cauſis creditori in propoſito furti ac-
tio detur: & quid interſit, adverſus domi-
num, an extraneum expectatur.

IN numero eorum, quorum intereſt rem non ſurripi,
& qui ex ea cauſa furti actionem habent, quamvis
non ſint domini, in primis creditor eſt; non quidem
ſi ſurrepta ſit res quævis debitoris, ſed ſi ea, quæ pi-
gnori data erat: nec reſert, debitor ipſe eam ſurripue-
rit, an extraneus, l. itaque 12. §. ult. l. cum qui 14.
§. 5. & 6. & 7. qualis 16. l. in actione 19. §. pen. &
ult.

ult. l. interdum 49. hoc tit. Duplici vero respectu ac ratione hic interest creditoris, actioque furti ei datur; tum quia ad rem, si culpa ejus surrepta est, restituendam tenetur actio pigneratitia, *d. l. cum qui §. idem scribit. 6.* tum quia etiam si culpa ejus non inter- venerit, tamen alia de causa adhuc ejus interest; quoniam expedit ei, pignori potius incumbere, quam in personam agere, juxta *l. plus cautionis 25. de reg. jur.* Itaque creditori omnimodo furti actio competit, nimirum etsi culpa ejus absit, aut debitor solvendo sit, *d. l. itaque §. ult.* eoque amplius licet ipse debitor rem surripuerit: de quo dictum *sup. §. aliquando 10.* Quamvis autem in proposito creditori æquè adversus dominum atque extraneum actio furti detur; tamen hoc interest, quod creditori contra extraneum agentis duplatur æstimatio ipsius pignoris: agenti vero contra dominum summa pecuniæ debitæ cum usuris, *l. creditor 87. eod.* Item quod priore casu quicquid percepit creditor, debito imputare, & quod excedit, restituere teneatur: posteriore, quod ipse debitor furti actione præstitit, creditoris lucro cedat, *l. si pignore 22. de pign. act. l. 12. §. 1. de distr. pign. l. creditor. 15. pr. hoc tit.*

TEXTUS.

25. Item si fullo polienda curandave, aut sarcinator sarcienda vestimenta mercede certa constituta acceperit, eaque furta amiserit, ipse furti habet actionem, non dominus; quia domini nihil interest eam rem non perire, cum judicio locati à fullone aut sarcinatore rem suam persequi possit. Sed & bonæ fidei emptori surrepta re, quam emerit, quamvis dominus non sit, omnino competit furti actio, quemadmodum & creditori. Fulloni vero & sarcinatori non aliter furti actionem competere placuit, quam si solvendo fuerint, hoc est, si domino rei æstimationem solvere possint. Nam si solvendo non sint, tunc quia ab eis suum consequi non possit, ipsi domino furti competit actio: quia hoc casu ipsius interest, rem salvam esse. Idem est &, si in parte solvendo fuerit fullo aut sarcinator.

COMMENTARIUS.

- 1 *Discrimen circa actionem furti inter fullonem & ceteros conductores, item creditorem.*
- 8 *Cur bonæ fidei emptoris duntaxat hic fiat mentio.*

Etiam is, qui conduxit, furti actionem habet, sed ita si culpa ejus res surrepta sit, *l. cum qui 14. §. quod si 12. hoc tit.* nam tunc etiam conductoris interest rem non surripri, propterea quod judicio locati tenetur in rei æstimationem: neque, ut creditor, restituere cogitur, quod actione furti consecutus est, *l. 6. locat.* At si sine culpa conductoris res surripatur, solus dominus actionem furti habet, utpote cujus tunc solius interest, actione locati eo casu deficiente, *d. l. cum qui §. idem scribit 6.* Fullo autem semper agit, quoniam custodiam præstare debet, *§. seq. l. itaque 12. pr. eod.* id est, fullo furti actionem habet, etiam si sine culpa ejus res furto amissa sit, modo ne casu, quem præcavere non poterat: nimirum fullo, non ut regulariter alii conductores, levem tantum culpam præstat, sed ut illi, qui operam offerunt, etiam levissimam, seu, ut nostri loquuntur, & culpam & diligentiam. De sartore idem habendum: repetere quæ notavimus *sup. ad §. pen. de locat.*

Bonæ fidei emptori surrepta, quem emerit.] Atque emptam ab eo, quem dominum esse putabat, acceperit: nam antequam res tradita est, furti actio emptori non competit, *d. l. 14. pr. h. tit.* Consulto autem bonæ fidei emptoris tantum hic fit mentio; quoniam ei, qui titulo lucrativo possidet, placet furti actionem non dari: cum non ejus, qui lucrum facturus, sed qui damnum passurus est, interesse videatur, *l. ejus rei 71. §. 1. eodem.* Hinc igitur temperanda *d. l. itaque §. 1. h. t.*

Omnino competit.] In aliis est, omnimodo, nempe sive solvendo sit bonæ fidei emptor, sive non sit: Cuiusmodi nam emptoris semper interest, propter pretium, quod ei abest. In fullone autem & sartore id secus esse, mox docetur. Quanta igitur hic æstimatio faciendæ? Responsum est, si dominus cum bonæ fidei emptore concurrat, emptori duplo, quanti ejus interest, æstimari, domino autem duplo, quanti res est, *l. furti 74. hoc tit.* Putarem autem, non concurrente domino, emptori ipsius pretium rei duplari.

Non aliter, quam si solvendo.] Fulloni & sarcinatori cæterisque conductoribus actio furti non aliter competit, quam si solvendo sint. Nam ut Ulpianus ait, qui non habet, quod perdat, ejus periculo nihil est, *d. l. itaque 12. eod.* Solvendo autem esse nemo intelligitur, nisi qui solidum solvere potest, *l. solvendo 114. de verb. sign.*

T E X T U S.

Dere commodata.

16. *Quæ de fullone & sarcinatore diximus, eadem & ad eum, cui commodata res est, transferenda, veteres existimabant. Nam ut ille fullo mercedem accipiendo, custodiam præstat, ita is quoque, qui commodatum utendi causa accepit, similiter necesse habet custodiam præstare. Sed nostra providentia etiam hoc in nostris decisionibus emendavit, ut in domini voluntate sit, siue commodati actionem adversus eum, qui rem commodatam accepit, movere desiderat, siue furti adversus eum, qui rem surripuit; & alterutra earum electa, dominum non posse ex pœnitentia ad alteram venire actionem: sed si quidem furem elegerit, illum qui rem utendam accepit, penitus liberari: sin autem commodator veniat adversus eum, qui rem utendam accepit, ipsi quidem nullo modo competere posse adversus furem furti actionem: eum autem, qui pro re commodata convenitur, posse adversus furem furti habere actionem. Ita tamen, si dominus, sciens rem esse surreptam, adversus eum, cui res commodata fuerit, pervenit. Sin autem nescius & dubitans rem esse surreptam, apud eum commodati actionem instituerit: postea autem re comperta voluerit remittere quidem commodati actionem, ad furti autem actionem pervenire, tunc licentia ei concedatur & adversus furem venire, obstaculo nullo ei opponendo: quoniam incertus constitutus movit adversus eum, qui rem utendam accepit, commodati actionem: nisi domino ab eo satisfactum fuerit: tunc etenim omnino*

furem à domino quidem furti actione liberari; suppositum autem esse ei, qui pro re sibi commodata domino satisfecit: quum manifestissimum sit, etiamsi ab initio dominus actionem commodati instituerit, ignarus rem esse surreptam, postea autem hoc ei cognito, adversus furem transierit, omnino liberari eum, qui rem commodatam acceperit, quemcumque causa exitum dominus adversus furem habuerit: eadem definitione obtinente, si ve in parte, siue in solidum solvendo sit is, qui rem commodatam acceperit.

N O T Æ.

IN NOSTRIS DECISIONIBUS] Scriptæ sunt à Justiniano post priorem Codicis editionem 50. leges, quas decisiones appellavit, propterea quod maximas quasque veterum controversias dirimunt. Harum una est, quam hic significat, *l. ult. C. de furt.* cuius hæc est summa. Dat in proposito Justinianus domino optionem, ut is pro libitu suo vel iudicio commodati commodatarium convenire, vel contra furem furti agere possit. Cæterum electione semel facta, non liceat variare, nisi ex causa ignorantie, idque ante factam solutionem. Electo fure, ut commodatarius liberetur, commodatario electo, huic ut fur obnoxius fiat.

REM ESSE SURREPTAM, &c.] Cujac. *rem non esse surreptam apud eum, commodati actionem, &c.* & ita legitur in *d. l. ult.*

QUEM CUMQUE EXITUM DOMINUS HABUERIT] Id est, siue contra furem agens vicerit, siue victus sit, aut fur non fuerit solvendo. Th.

C O M M E N T A R I U S.

HOC admissio, furti actionem competere omnibus, quorum periculo res alienæ sunt, etiam commodatario surrepta re commodata eadem actio danda fuit: quippe ad quem periculum illud vel magis pertinet, quam ad creditorem pignoratitium aut simplicem conductorem; cum hic culpam duntaxat levem, ille etiam levissimam præstet, *l. s. §. 2. commod. §. 2. sup. quib. mod. re contr. obligat.* unde commodatarius in eadem causa cum fullone hic ponitur. Atque hoc etiam constanter à veteribus traditum est, *d. l. s. in fin. & 2. l. seqq. commod. l. eum qui 14. §. si res 14. cum*

17. cum §. seqq. hoc tit. l. si uxori 18. rer. amot. quod tamen ab iis sic acceptum fuit, si commodatarius solvendo esset, arg. l. itaque 12. pr. hoc tit. Justiniano autem visum est, non debere commodatario, qui gratuitum usum habet, idem jus hic concedi quod illis tribuitur, qui pro usu rei mercedem præstant, aut pro mercede operam. Cumque inter veteres non satis conveniret; an si furti tempore commodatarius solvendo esset, postea vero fortunis exueretur, actio furti ad dominum migraret, nec ne; tum etiam utri danda foret actio, dominone, an commodatario, si hic ex parte tantum solvendo esse comperiretur: hanc simul contentionem sustulit. Itaque optionem actionis dedit domino, ut is pro libitu suo vel iudicio commodati commodatarium convenire, vel contra furem furti agere posset. Cæterum electione semel facta, non liceret variare, nisi ex causâ ignorantie, idque ante factam solutionem: electo fure, ut commodatarius liberaretur; commodatario electo, huic ut fur obnoxius fieret, l. ult. c. b. r.

T E X T U S.

De re deposita.

17. Sed is, apud quem res deposita est, custodiam non præstat; sed tantum in eo obnoxius est, si quid ipse dolo malo fecerit: qua de causa, si res ei surrepta fuerit, quia restituenda ejus rei nomine depositi non tenetur, nec ob id cujus interest rem salvam esse, furti agere non potest: sed furti actio domino competit.

N O T A.

FURTI AGERE NON POTEST] Nisi conveniret, ut culpam quoque præstet, §. pen. tit. seq. aut se deposito obtulerit, arg. l. 1. §. 35. depos.

C O M M E N T A R I U S.

1 Probatur D. Cujacii interpunctio l. 2. §. 23. & 24. Si bon. rapt.

R E deposita surrepta placet, domino, non depositario, actionem furti dari, l. eum qui, 14. §. hoc tit. Et merito placet: neque enim interest depositarii, rem non surripere, qui præter fidem nihil præstat, §. pen. sup. quib. mod. re contr. oblig. Quod si dolo ejus furtum factum sit, jam quidem ejus interest, quia tenetur actione depositi: sed nihilo magis actionem furti habet: quoniam nemo ex dolo & improbitate sua actionem consequitur, l. itaque, 12. §. 1. d. l. eum

qui §. 3. hoc tit. Quid vero si convenerit, ut culpam quoque præstet, aut quid si deposito se obtulit, pretiumve depositionis, quasi honorarium, acceperit? Ratio juris postulare videtur, ut hic ipsi depositario actionem furti denius, eo quod his casibus rem suo periculo tenet, d. l. eum qui §. qualis 16. eodem §. furti, 15. sup. cod. cumque id etiam satis manifestè evincat §. pen. tit. seq. omnino verum esse existimo, quod Cujac. ibi notat, locum Ulp. in d. l. 2. §. & generaliter 23. & §. seq. 24. Si. bon. rapt. mendolum esse; nimirum perperam principium d. §. 24. separari à fine §. præcedentis, cum quo jungendum erat, & sic legendum; Nam & furti actionem habeo, si in re deposita culpam quoque repromisi, & pretium depositionis, non quasi mercedem, accepi: hic demum novum §. inchoandum; Utilem dicendum est, &c.

T E X T U S.

An impubes furti teneatur.

18. In summa, sciendum est, quæsitum esse an impubes rem alienam amovendo furtum faciat. Et placuit, quia furtum ex affectu furandi consistit, ita demum obligari eo crimine impuberem, si proximus pubertati sit, & ob id intelligat se delinquere.

C O M M E N T A R I U S.

- 1 Ex impuberibus solos pubertati proximos, delictis & pœna capaces esse.
- 2 Qua concurrere debeant, ut impuberes pœnam ex delicto sustineant.
- 3 Capite plectendos non esse, nec legibus de adulteris teneri.

Q Uod hic traditur, quæsitum esse, an impubes rem alienam amovendo furti obligetur, id de aliis quoque delictis & criminibus omnibus quæsitum est. Et quoniam maleficia ex voluntate & proposito delinquendi æstimantur, l. qui injuria 53. hoc tit. cap. illud relatum 15. q. 1. non possunt videri delinquere, ac proinde nec pœnis legum delicta vindicantium obnoxii esse debent infantes, l. impuberem 23. hoc tit. l. 5. §. penult. ad leg. Aquil. l. infans 12. ad leg. Corn. de sicar. Clem. un. de homicid. Sed nec infantie proximi: quippe quos non minus, quam infantes, innocentia consilii tueri debet, arg. §. pupillus 9. sup. de inut. stip. Gomez. 3. resol. 1. n. 57. quod certius apparebit ex sequentibus: Sade in ætatem pubertati proximam uti dolus & culpa cade-

re potest, ita & impuberes, qui hujus ætatis sunt & doli capaces, delinquere possunt, & ad pœnam ex delictis obligantur, *hoc text. l. pupillum 111. de reg. jur. l. impuberem 23. hoc titul. l. 2. §. 19. Si bonorum rapt. l. 5. §. penult. ad leg. Aquil. l. excipiuntur 14. de senat. Silan. l. 3. §. 1. de sepulcr. Viol. cap. 1.*

2. *¶. de delict. puer.* Duo vero hæc concurrere debent, ut impuberes infantiam egressi ex delicto pœnam sustineant; ut non procul absint à pubertate; ut doli sint capaces; nam hoc ex illo non præsumitur, ut rectè docet Boër. in add. ad Decium in *l. ferre. 108. de reg. jur.* Atque huc accommodari potest locus Apuleji *apol. 2.* ubi in hujusmodi pueros his verbis declamat; *Sed enim malitia præcoci puerum quis non adversetur atque oderit? cum viæeat sicut monstrum quoddam prius robustum scelere, quam tempore, ante nocentem, quam potentem. Viridi pueritia cana malitia? Vel potius hoc magis noxium, quod cum venia perniciosus est: & nondum pœnam injuria sufficit.* Sed & delictum tale esse debet, quod in facto, non in omissione aut nuda negligentia consistat, *l. 2. C. si ad v. del. Gomez. d. resol. n. 59.* item quod jus commune seu naturale violet, non merum civile aut positivum, *cap. 2.*

3. *¶. de del. puer.* Postremo ut hæc concurrant, tamen puerum pœna capitali, quamvis grave crimen admiserit, plectendum non esse, sed mitiore, quæ intra supplicium mortis consistat, censent interpretes, *Gomez. d. loc. num. 63.* quippe mobilem adhuc & incerti tenoris animum non nisi in emendationem puniri debere, ac proinde etiam sine amputatione membri, *Clar. §. ult. quæst. 60.* quanquam alii judicis arbitrio hoc committunt: quod in adultis minoribus 25. annis facilius admiserim, per *l. auxilium 37. §. 1. de minor. Gomez. d. loc. num. 62. & seq.* Illud generaliter tenendum, impuberem, quantumvis pubertati proximum, non teneri legibus, quæ adulteria aut stupra, aliæque carnis delicta puniunt, *l. si minor. 36. ad leg. Jul. de adult. Gomez. d. resol. num. 59.* ubi refellit eos, qui excipiunt impuberem præcoci in Venerem vigore. Quod enim Canones circa matrimonium favorabiliter constituerunt *cap. fin. de despons. impuber.* id transferendum non esse ad exacerbandas pœnas juris civilis, add. *D. Tulden. in C. si ad v. del. & comm. hic cap. 6.*

TEXTUS.

Quid veniat in hanc actionem: Et de affinibus actionibus.

19. Furti actio, siue dupli, siue quadrupli, tantum ad pœnæ persecutionem pertinet. Nam ipsius rei persecutionem habet

dominus, quam aut vindicando aut condicendo potest auferre. Sed rei vindicatio quidem adversus possessorem est, siue fur ipse possidet, siue alius quilibet. Condictio autem adversus furem ipsum, hæredemve ejus, licet non possideat, competit.

NOTÆ.

19 TANTUM AD PŒNÆ PERSECUTIONEM] *§. 18. inf. de act. l. 7. §. 1. de cond. furt.* Potest & criminaliter furti agi ad pœnam corporalem furi infligendam, *l. ult. de furt.*

EXTRINSECUS] Id est, aliunde. Furti actio pœnam persequitur legitimam, conditio rem ipsam; quæ res facit, ut altera alteram non consumat, *l. 7. §. 1. de cond. furt.*

FUREM HÆREDEMVE EJUS] Quia conditio furtiva rei habet persecutionem *l. 7. §. 2. de cond. furt.* At furti actio in hæredem non datur, quia pœnalis est ex maleficio; cujusmodi actiones in hæredem non dantur, nisi lis cum defuncto contestata fuerit, *§. 1. inf. de perp. & temp. act.*

COMMENTARIUS.

- 1 An furti actio civilis concurret cum criminali.
- 2 Vindicatio & conditio rei furtivæ cur soli domino competant.
- 3 Adversus quos hæ actiones dentur.
- 4 Cur conditio in hæredem detur, cum actio furti non detur.
- 5 An hæres condictione furtivæ teneatur in solidum.

ACTIO furti siue manifesti siue nec manifesti mere pœnalis est, id est, solius pœnæ persecutionem continet, ita ut extra duplum aut quadruplum adhuc res ipsa restituenda sit, *§. ex maleficiis 18. inf. de action.* Estque ad eam rem recuperandam, duplex actio domino prodita, vindicatio & conditio; quarum altera quidem alterius electione consumitur, sed neutra earum consumitur per actionem furti, receptaque re nihilominus salvæ est furti actio, *l. si pignore 54. §. cum furti, 2. hoc titul. l. 7. §. 1. de condit. furti.* Illud quæritur, an is, qui furti civiliter egit, & pœnam consecutus est, posset adhuc extra ordinem criminaliter agere ad pœnam corporalem furi infligendam. Et verius est, non posse, sed altero judicio alterum consumi; *l. interdictum 56. §. 1. hoc titul.* Neque obstat *l. unic. C. quando civil. action. crimin. præjud.* Nam regula *d. l. unic.* pertinet ad actiones civiles rei per-

persecutorias, cum quibus ex eodem facto criminales concurrunt: item ad publica judicia, quæ omnibus patent, & concurrunt cum ex eodem facto poenalis civilibus, *vid. Cujac. 20. observ. 26. Beseold. ad tit. de furs. quest. 7. diss. Gomez. 3. resolut. 5. n. 4. add. Christin. Sol. 4. decis. 201.* Illud certum est, poenam corporalem non impedire, quominus fur hæresve ejus ad rem restituendam efficaciter conveniri possint, *Beseold. d. quest. 7.*

Habet dominus] Furti actio datur omnibus, quorum interest furtum factum non esse, *§. furti. 13. sup.*

- 2 At rei furtivæ persecutio soli domino competit, sive de vindicatione quaratur, sive de condictione furtiva: nam & hæc, ut illa, jure domini duntaxat datur, *d. §. ex maleficio 18. inf. de action. l. 1. l. 10. §. ultim. de condict. furt.* Quod solus dominus rem surreptam vindicare potest, mirum non est; cum nemo actionem in rem habeat, nisi qui dominus sit, *l. in rem. 23. de rei vend. l. act. 25. de obl. & act. §. 1. inf. de act.* Quod autem domino adversus furem datur etiam condictio rei, id contra rationem juris receptum est odio furum. Nam regulariter suam rem nemo condicere potest, *l. ult. in fin. usufr. quem cuq. §. itaque 14. inf. de action.* Sed cur non datur ei, cujus interest, dominus non sit? Quoniam ejus solius est rem repetere, cujus ea prius fuit. Non fuit autem, nisi domini.

Rei vindicatio adversus possessorem] Quemcumque, sive fur sit, qui possideat, sive alius: nam in rem actio semper adversus eum est, qui rem possidet, *l. actionum 25. de obligat. & action. §. 1. inf. de action.*

- 3 *Adversus furem*] Condictione furtiva nunquam alius tenetur, quam fur ipse hæresve ejus, *hoc text. l. 5. de cond. furt.* Furem autem verum accipimus, id est eum, qui ipse furtum fecit & rem contrectavit, *d. l. 5.* nam is, cujus ope consiliove furtum factum est, tenetur quidem etiam furti, sed quia rem non contrectavit, non tenetur condictione, *l. 6. de condict. furt.* Placere si res aliter adversus furem salva esse non potest, placet etiam eum, qui opem tulit, condictione teneri, nimirum in subsidium, *l. sape 53. §. ultim. de verbor. signif. & ibi Aiciat.*

Hæredemve ejus, licet non possideat] Rei vindicatio adversus omnes competit, qui rem possident, sed adversus eos solos. Itaque nec adversus furem hæredemve ejus aliter competit, quam si possideant. Condictio autem furtiva etiam in eum datur, qui non possidet, sed adversus furem tantum hæredemve ejus, *hoc text. l. 1. de cond. furt. l. 1. de priv. delict.*

- 4 Quod condictio etiam in hæredem furis datur, in eo quoque differt ab actione furti, quam constat in hæredem non transire, nisi lis cum defuncto contestata sit, *§. 1. inf. de perp. & tempor. action.* Cur vero

tam variè? neque enim minus condictio rei furtivæ ex causa maleficii descendit, quam actio furti, *l. 2. l. 3. l. 5. & l. 9. de cond. furt. l. si ambo. 10. §. 2. de compens. l. 3. §. pen. de pecul. l. mulier. 21. §. pen. de act. rer. am. l. cessat. 36. de oblig. & action.* Nimirum quia una rei persecutoria est, altera poenalis: id est, quia condictio furtiva tantum comparata est ad perfequendum id, quod ex patrimonio nobis abest; furti actio ad puniendum ipsum maleficiam, *l. 7. §. 2. de cond. furt. junct. d. §. 1. inf. de perp. & temp. action.* Sicenim legis Aquiliæ actio negatur in hæredem transire, non quia ex delicto est, sed quia poenalis, transitura utique, si ultra damnum datum lis nunquam æstimaretur, *§. his autem 9. inf. de leg. Aquil.* Estque hujus rei etiam evidens hoc argumentum, quod regula de actionibus, quæ in hæredem non dantur, concepta est de iis, quæ poenales sunt ex maleficio, *d. §. 1. inf. de perp. & temp. action. l. hac actio. 13. de serv. corr. l. 1. de priv. del. l. sicuti 38. l. poenalis 164. l. pupillum 111. §. 1. de reg. jur. & simil.* An igitur condictione ex causa furtiva tenebitur hæres furis in solidum? Sic sentio. Nam præterquam quod hoc disertè responsum est in *l. 9. de cond. furt.* moveor eo quod nunquam actio in hæredem absolute dari dicitur, cum non datur in solidum: cum autem eatenus tantum datur, quatenus ad eum pervenit, aut hoc adjicitur, aut dari simpliciter negatur, *a. §. 1. inf. de perp. & temp. act. d. §. his autem 9. inf. de leg. Aquil. l. 5. de calumn. l. 1. in fin. l. 3. de si. l. in hæredem 26. de dol. l. 1. de priv. del. l. 2. §. ultim. si bon. rapt. l. Julianus 16. de judic. l. 13. de serv. corr. l. 9. §. 1. quod fals. sut. l. inde Neratius 23. §. hanc actionem 8. ad leg. Aquil. l. 3. §. penult. si mens. fals. mod. l. in honorariis 35. de oblig. & action. l. sicuti 38. l. pupillum 111. §. 1. de reg. jur. & sexcentis aliis locis.* Dicitur sane, aliquando actiones ex delicto venientes in hæredes non dari, nisi quatenus ad eos pervenit, nec adjicitur, poenales, ut in *l. un. C. ex del. defunct.* Sed istæ definitiones, utpote ex eo, quod plurimum & terè semper fit, conceptæ, sic accipiendæ sunt, si agatur de eo, quod defunctus deliquit, sive ad poenam: atque hæc communis est DD. sententia. Dissent. Cujac. 7. observ. 37. & 13. obs. 39. Vultei, hie. Lyclam. 1. membr. 18. & lib. benedict. passim. Quorum argumentis occurrimus sub *§. 1. inf. de perp. & tempor. act.* Adde. Anton. Fabr. 4. conject. 1. Do. nel. ad d. l. un. C. ex del. defunct.

TITULUS II.

D. lib. 47. t. 8. C. lib. 9. t. 33.

De vi bonorum raptorum.

*Continuatio. Violentia varia genera,
& de qua hic agatur.*

SECUNDA species delicti privati rapina dicitur; inter quam & furtum hoc interest, quod furtum est clandestina rei alienæ ablatio, rapina violenta. Est vero hoc crimen tanto gravius furto, quanto vis magis est adversus bonos mores, magisque turbat quietem publicam, quam clandestina rerum amotio. Qua de causa etiam legibus publicorum judiciorum rapina vindicatur, videlicet lege Julia de vi publica, & lege Julia de vi privata, l. 2. §. 1. hoc tit. Inferibitur hic titulus de vi bonorum raptorum. Subaudi actione. Quod in quibusdam libris etiam exprimitur. Sciendum autem est, neque vim omnem unius esse generis, neque uno coerceri modo. Interpretes vulgo quintuplicem eam faciunt, turbativam, inquietativam, compulsivam, expulsi-
vā, & ablativam. Nos inquietativam, quam vocant, sub turbativa comprehendimus. Turbativa est, cum possessor in possessione manens impeditur re sua libere uti, sive id fiat manu & corpore, sive opere, facto: illic adversus turbantem comparata sunt interdicta duo, *ut possidetis* in rebus soli, *ut rubi* in rebus mobilibus: hic interdictum quod *vi aut clam*. Compulsiva vis est, cum quis minis iustoque metu illato alium compellit ad aliquid gerendum, tradendum, aut alienandum; quæ vis edicto quod *metus causa* coercetur. Expulsiva est, cum quis de possessione alicujus rei dejectus. Adversus quam comparatum est interdictum unde *vi*. Et præterea vindicatur hæc vis etiam sacris constitutionibus, item legibus Julii de vi publica & privata, §. recuperanda *6. inf. de interd.* Ablativa vis (de qua hic agitur) est, quando per vim alicui res eripitur; quæ & ipsa iisdem legibus, quibus expulsiva, coercetur, d. l. 2. §. 1. hoc tit. & præterea ei, cui res erepta est, privata actio proposita vi bonorum raptorum; quæ sola hujus est loci. Justinianus primum originem hujus actionis commemorat; deinde quid in eam veniat, adversus quos & quibus detur, ostendit.

TEXTUS.

Origo hujus actionis, & quid in eam veniat.

Qui vires alienas rapit, tenetur quidem etiam furti, (quis enim magis alienam rem invito domino contrectat, quam qui vi rapit? ideoque recte dictum est, eum improbum furem esse) sed tamen pro-

priam actionem ejus delicti nomine Praetor introduxit, quæ appellatur vi bonorum raptorum: & est intra annum quadrupli, post annum simpli. Quæ actio utilis est, etiamsi quis unam rem, licet minimam, rapuerit. Quadruplum autem non totum pœna est, sicut in actione furti manifesti diximus; sed in quadruplo inest & rei persecutio: ut pœna tripli sit, si ve comprehendatur raptor in ipso delicto, si ve non. Ridiculum enim esset, levioris conditionis esse eum, qui vi rapit, quam qui clam amover.

NOTÆ.

QUI VI RES ALIENAS RAPIT.] Fur sine vi subtrahit & clam aufert, l. 59. de furt. l. 9. C. cod. raptor vi & palam deripit. Rapi enim sine vi non potest, l. 3. §. 5. de incendi. ruin. Plaut. Epid. act. 1. scen. 1. Th. Minus jam furtificus sum quam antehac. Ep. Quid ista? TH. Rapio prepalam.

TENETUR ETIAM FURTI.] Et quidem etiam in quadruplum, si in ipso delicto deprehensus sit, l. 52. §. ult. l. 80. §. 3. de furt. Alias in duplum, l. 1. l. 88. cod. quanquam vi bon. rapt. semper in quadruplum.

RIDICULUM LEVIORIS CONDITIONIS, &c.] Gravioris enim delicti asperior pœna esse debet. Sed & legibus publicorum judiciorum rapina vindicatur, legibus Julii de vi publica & privata, d. l. 2. §. 1.

COMMENTARIUS.

1. An furti actione electa servetur eadem distinctio in rapina & pœna rapina, quæ in furto.
2. Quando levius ducitur, quod palam, quam quod clam committitur.

Tenetur etiam furti.] An igitur furti actione electa eadem distinctio & in rapina & in pœna rapina servabitur, quæ in furto in specie sic dicto, ut scilicet raptor manifestus, seu in ipso delicto deprehensus, quadrupli & nec manifestus dupli pœnam sustineat? Id quidem & ratio suadet, & satis perspicue significari mihi videtur in l. si quis 52. §. ultim. l. si vendidero 80. §. cum raptor. 3. de furt. & denique ex eo evincitur, quod hoc loco, & l. 2. §. ceterum 10. & §. penult. hoc tit. simpliciter traditum est, eum, qui vi rem alienam rapuit, etiam furti teneri. Quod autem in l. 1. hoc tit. & l. si quis egerit 88. de furt. tan-

tantum mentio sit actionis furti nec manifesti, ex eo non protinus concludendum est, furti manifesti cum raptore nunquam agi posse. Nam vel ideo id factum dici potest, quoniam furti nec manifesti actio semper competit, etiam adversus raptorem manifestarium, (nemo enim prohibetur experiri actione mitiore) vel quia in sola furti nec manifesti actione locum habet, quod illic docent Jurisconsulti, si quis in duplum egerit, ei adhuc superesse actionem vi bonorum raptorum in id, quod in hac amplius est. Sunt qui putant cum raptore, ut cum fure manifesto, semper in quadruplum agi posse; quasi raptor non possit non esse manifestarius. Quod refellit *l. si quis 52. §. ult. de furt.* ubi Jurisconsultus & exemplum proponit raptoris non deprehensi, videlicet si quis rapuerit ex arboribus, in quibus nemo erat; & eum de bonis quidem raptis in quadruplum posse conveniri scribit; sed furti non, nisi nec manifesti. Sed nec conspectio furem aut raptorem manifestum facit, verum apprehensio, aut ad apprehendendum concursio & acclamatio; *l. 3. l. 7. §. 1. & 2. de furt.*

Improbium furem esse] Id est, αὐαδής, αὐαχών, impudentem, audacem, atrocem. Chrysostomus in *Matth. hom. 53. ὁ δὲ κλέπτης ὁ ἀρπύζων χεῖραν*. Et sane is, qui rapit, fur est improbius atque impudentior, quam qui clam amovet; cum hic celet suum delictum, ille publicet, & crimen etiam publicum admittat, *l. 2. §. ceterum 10. §. si in re deposita 24. hoc tit.* quanquam aliud iudicium Aristoteli in *Rhetor. ad Alex. cap. 12.* ubi hæc legimus, δεινότερόν μοι δοκεῖν οἱ κλέπτης ἢ ὁ ληΐζόμενος ποιεῖν. οἱ μὲν γὰρ λαθροῦντες, οἱ δὲ φανεροῦς τὴν χεῖρα πᾶσι μὲν ὄντων.

Propriam actionem] Etiam speciali edicto contra ea, quæ vi committuntur prætor consuluit, *d. l. 2. §. 1.* scilicet ut innotesceret, prætorem quoque curam agere reprimendæ improbitatis hoc genus hominum, tum ut raptores pluribus actionibus conveniri possint, *arg. l. 3. §. 1. nauis, camp. stab. junct. §. itaque, infr. de action.*

Intra annum quadrupli] *d. l. 2. §. in hac actione 17.* Nimirum actio hæc honoraria est, & ideo, ut ceteræ ejusdem generis pœnales, anno finitur, *l. in honorarius 35. de obl. & act.* speciale enim est, quod actio furti manifesti, quæ & ipsa ex prætoris jurisdictione proficiscitur, perpetuo competit, vide *infra, de perp. & temp. act.*

Unam rem, licet minimam] *d. l. 3. §. Gellius 17.* Quippe non rei aut æstimationis pecuniariæ, sed atrocitatis facti ratio ducitur. Cur ergo ob rem modicam non placet dari actionem de dolo, *l. 9. §. ult. cum 2. ll. seqq. de dolo*? Quoniam actio de dolo extraordinarium remedium est, comparatum ad rescindendum, quod jure civili ratum est: non putavit præ-

tor, ob rem minimam contractum jure validum rescindi debere.

In quadruplo inest & rei persecutio] Actio vi bonorum raptorum in quadruplum à prætorè proposita, non est mera pœnalis, sed mixta: quippe in quadruplo etiam ipsius rei persecutio continetur, ut pœna tantum sit tripli, *§. si autem 19. infr. de act.* In quo distat hæc actio ab actione furti, quæ tantum pœnæ persequendæ causa comparata est, sive manifesti agatur in quadruplum, sive nec manifesti in duplum, *§. ex maleficiis 18. infr. de action. §. ult. tit. præc.*

Si se comprehendatur raptor, &c.] His verbis Imp. perspicue duo genera raptorum facit, ut alii sint manifesti, alii non manifesti; uti & Ulp. in *l. si quis 52. §. ult. de furt.* Ceterum in hac actione pœna pro qualitate rapinæ non variatur, sicut in actione furti alia pœna est manifesti, alia nec manifesti, sed in omnes ereptores pœna est eadem.

Ridiculum est] Atqui raptor tantum triplo mulatur, fur manifestus quadruplo. Præterea actio de bonis raptis annua est, furti perpetua. Resp. Sufficit ad defensionem hujus loci, quod raptores in delicto comprehensi eadem etiam actione teneantur, quæ fures manifestarii: ex causa autem delicti non manifesti gravius semper puniuntur raptores, quam fures.

Qui si rapit, quam qui clam amovet] Eadem ratione Jurisconsultus in *l. 2. §. si in re 24. hoc tit.* furem cum raptore conferens factum furis extenuat, raptoris exaggerat; quoniam scilicet fur celat suum delictum, raptor publicat, quæ impudentia crimen auget. Quod autem aliquando levius ducitur, quod palam committitur, quam quod clam, id tunc locum habet, cum factum clandestinum, vel plus flagitii, vel plus periculi habet, vel conscientiam doli magis arguit, ut in specie *l. ult. de rit. nups. & l. non existimo 54. de adm. tut.* quod hic dici nequit.

TEXTUS.

Adversus quos datur.

1. Ita tamen competit hac actio, si dolo malo quis rapuerit. Nam qui aliquo errore ductus, rem suam esse existimans, & imprudens juris, eo animo rapuerit, quasi domino liceat etiam per vim rem suam auferre à possessoribus, absolvi debet. Cui scilicet conveniens est, nec furti teneri eum, qui eodem hoc animo rapuit.

puir. Sed ne dum alia excogitantur, inveniat via, per quam raptores impune suam exerceant avaritiam, melius Divilibus constitutionibus pro hac parte prospectum est, ut nemini liceat vi rapere vel rem mobilem, vel se moventem, licet suam eandem rem existimet. Sed si quis contra statuta Principum fecerit, rei quidem suæ dominio cadere: sin autem alienares sit, post restitutionem ejus, etiam estimationem ejusdem rei prestare. Quod non solum in mobilibus rebus, quæ rapi possunt, constitutiones obtinere censuerunt, sed etiam in invasionibus, quæ circa res soli sunt: ut ex hac causa ab omni rapina homines abstineant.

NOTA.

REI SUAE DOMINO CADIT] Qui rebus suis manum injicit, dominium earum amittit. Qui rebus alienis duplum restituere cogitur. Creditor, qui rem debitoris sibi debitam occupat jus crediti amittit. l. 13. quod met. ca.

COMMENTARIUS.

- 1 Qua pena afficiantur, qui sine dolo malo rem rapiunt, aut invadunt.
- 2 Pœnam rapina, quæ privatis applicatur, exolevisse: & an non etiam alia, de quibus hic agitur.

Quemadmodum furti nemo tenetur nisi qui quid amovit dolo malo, & lucri faciendi causa, ita nemo tenetur vi bonorum raptorum, nisi qui dolo malo rapuit. Proinde si quis cum crederet se rei dominum esse, eam per vim possessori eripuerit, existimans, licere domino quovis modo rem suam à possessoribus auferre, hoc judicio de vi bonis raptis non tenetur, l. 2. §. hac ratione 18. hoc tit. sed nec furti tenetur, hoc text. Cæterum aliis pœnis obnoxius est, ut statim audiemus.

Imprudencia juris] Secundum hoc explicandum est, quod Jurisconsultus in d. l. 2. §. hac actione, simpliciter scribit, si quis suam rem rapuit, vi bonorum raptorum non teneri; nempe si id sibi licere crediderit errans in jure; nam à dolo quævis vel fatua causa

excusat, gloss. Bart. Jas. & DD. in l. unic. si quis jus dic. non obtemp.

Sed ne dum talia excogitantur] Bene ac prudenter constitutum est, ut sine vi & tumultu cives cum civibus contendant, nihil manu, nihil proprio agant impulsu; sed si quis putet se habere aliquas petitiones, ut actionibus, non vi experiatur, & per judicem, quod suum esse dicit, reposcat. Nam si cuivis privato permittatur id, quod suum esse, aut sibi deberi putat, vi & auctoritate propria occupare, in eoque sibi jus dicere, viacula quietis publicæ dirumpi necesse est, civesque ad rixam & arma quotidie procedere, l. non est 176. de reg. jur. Itaque et si is, qui sine dolo rem rapuit, suam esse putans, non tenetur in quadruplum actione vi bonorum raptorum, aliter tamen eum multari placuit, & siquidem dominus fuit, dominio rei suæ cadere; si non fuit dominus, post restitutionem rei etiam estimationem ejus vini passio prestare, hoc text. Creditor qui rem debitoris neglecto juris ordine temere occupat, jus crediti amittit, l. extat 13. quod met. caus. l. pen. ad l. Jul. de vi privar. atq; hic insuper etiam vi bonorum raptorum, l. 3. C. hoc tit. & publico judicio legis Juliæ de vi privata tenetur, l. ult. ad leg. Jul. de vi priv.

In invasionibus] l. si quis 7. C. unde vi. Solæ res mobiles amoveri, subtrahi, rapi possunt: qui autem rem immobilem seu prædium vi occupat, invasor & invadere dicitur. Pœna rapinæ legitima, quæ privatis adscribitur, exolevit, sicut & furti, cujus qualificati rapina est species. Nunc enim tantum criminaliter rapinæ agitur ad vindictam publicam, & enormior violentia etiam morte punitur. De pœna l. si quis in tantam 7. C. unde vi. Et similitum re-scriptorum, inter interpretes non convenit. Nam eam communi totius Christiani orbis usu antiquatam esse testatur Coëar. 3. resol. 16. num. 7. post Specul. tit. de restit. spol. §. 1. & Guilielm. Benedict. in cap. Rainutius 2. de testam. Gutier. pract. quæst. lib. 1. quæst. 77. Sarmientus quoque 2. select. interp. 13. n. 7. refert, se nunquam vidisse pœnam illius legis praticari, aut remedium illud intendi. Contrarium tradit Menoch. recup. poss. remed. 9. num. 8. qui censet, in praxi eam dispositionem omnino servandam esse: neque enim solo non usu leges abrogari. Sane in foro nostro et si nemo est, qui de contrario usu testetur, tamen plerique arbitrantur, rigorem talium constitutionum sectæ & praxi nostrorum temporum non convenire, quod etiam notat Christin. vol. 3. decis. 15. n. 10. & Græneff. de legib. abrog. hic.

TEXTUS.

Quibus datur.

2. Sane in hac actione non utique expectatur

pectatur rem in bonis actoris esse. Nam si rem in bonis sit, si rem non: sit tamen ex bonis sit, locum hac actio habebit. Quare si rem locata, si rem commodata, si rem etiam pignoratam si rem deposita sit res apud Titium sic, ut intersit ejus eam rem per vim non auferri, (veluti si in deposita re culpam quoque promissit) si rem bona fide possideat, si rem usumfructum quis habeat in ea, vel quid aliud juris, ut intersit ejus non rapi, dicendum est, ei competere hanc actionem, non ut dominium accipiat, sed illud solum, quod ex bonis ejus, qui rapinam passus est, quod ex substantia ejus ablatum esse proponatur. Et generaliter dicendum est, ex quibus causis furti actio competit in re clam facta, ex iisdem causis omnes hanc habere actionem.

NOTA.

2. SIVE DEPOSITA, &c. SICUT INTEREST] Locus Ulp. in d. l. 2. §. 23. & 24. cod. male inter punctus est, perperamque principium §. 24. separatur a fine §. præcedentis. Sic enim omnino legendum; Nam & furti actionem habeo si in re deposita culpam quoque repromissit, vel pretium depositionis non quasi mercedem accepi. Hinc de nam novus §. inchoandus; Utilius dicendum est, &c. Cujac.

COMMENTARIUS.

1. Ex bonis esse qua hic dicantur.

2. Explicatur locus obscurus Ulpiani.

V I bonorum raptorum agit, qui in eum qui clam amovit, furti agere potest, id est, is, cujus interest; neque solum dominus rei, qui eam in bonis habuit, sed etiam bonæ fidei possessor, fructuarius, commodatarius, creditor, conductor, & interdum depositarius, si videlicet culpam quoque in re deposita repromissit; Horum omnium interest rem, quam tenent aut possident, non rapi: quoniam vel commodum ex re capiunt, vel eam salvam & incolumen præstare debent, l. 2. §. in hac actione 22. hoc tit. junct. §. furti 23. & 2. segg. tit. præc.

Sive ex bonis] Ex bonis esse hic ea dicuntur, quorum, cum aliena sint, vel emolumentum vel usus, vel periculum ad nos pertinet, ut ex text. & d. l. 2. §.

22. In bonis ea, quæ jure civili aut gentium ita bonis acquisita sunt, ut ea alienare possimus. Alibi hæc verba, in bonis latius accipiuntur, l. bonorum 49. de verb. sign. l. rem in bonis §. 2. de acq. rer. dom. Non nunquam promissæ utrumque dicitur, & idem valet, in nobis, & ex bonis, l. 1. de usufr. legat.

Non ut dominium accipiat, &c.] Obscura est hujus loci sententia. Apud Ulp. l. 1. §. in hac actione 22. h. r. unde totus hic §. descriptus est, sic legitur; dicendum est, mihi competere hanc actionem; non ut dominium accipiamus, sed illud solum ex bonis meum, hoc est, ex substantia mea, res ablata esse proponatur. Quorum verborum hic sensus esse videtur, competere mihi, cujus ex bonis res est, actionem vi bonorum raptorum, non utique ut jure domini agere possim, sed tantum ut proponam, ex substantia mea rem ablatam esse, verbo substantiæ largius accepto, quasi ex bonis meis etiam illud ablatum videatur, cujus æstimationem domino præstare debeo.

TITULUS III.

De lege Aquilia.

D. lib. 9. t. 2. C. lib. 3. tit. 35.

Continuatio, & summa tituli.



ERTIA species delicti, ex quo civilis actio oritur, est damnum injuria datum. Damnum generaliter significat omnem detractionem & diminutionem rei alienæ, si illa lucricausa fiat, si nullius lucricausa, & si rem salvis rebus, si rem peremptis aut corruptis; Nam damnum ab ademptione, & quasi diminutione patrimonii dictum est, l. 3. de dam. infect. Hoc autem loco damnum in specie accipitur pro eo, quod contingit cum interitu aut corruptione rei, & proinde sine lucro damnum dantis, puta si quis servum alienum aut pecudem aliudve animal occiderit, aut vulneraverit, aut quid alienum offerit, ruperit, fregerit injuria, seu non jure, aut, quod idem valet, culpa, §. 2. & 3. infr. Atque hoc damnum est, quod vindicatur lege Aquilia; cujus legis tria capita fuerunt, quorum primum & postremum hoc titulo explicantur, secundum in desuetudinem abiit. *l. 1. de Aquil. o. quod ut.*

TEXTUS.

Summa. Caput primum.

Damni injuria actio constituitur per legem Aquiliam. Cujus primo capite cautum est, ut si quis alienum hominem, alienamve quadrupedem, qua pecudum

numera

*mala relatio et fectio
diminuit præcipiti 2.
fieri patrimonii d. f.
in defensione fac
endor, sed absq. m
fione rei, hanc p
Antor d. rupto dam
de L. Aquil. o. quod ut.*

numero sit, injuria occiderit, quanti ea res in eo anno plurimi fuerit, tantum domino dare damnetur.

NOTE.

DAMNI INJURIAE] Damnum generaliter significat omnem deminutionem rei alienæ, &c. l. 3. de *amn. inf.* Hoc autem loco in specie accipitur pro eo, quod contingit cum interitu aut corruptione rei, & proinde sine lucro damnum dantis.

TANTUM DOMINO DARE] d. l. 2. pr. In lege Aquilia videtur scriptum fuisse, *tantum as dare ero damnas esto*, arg. l. 11. §. 6. eod. ero tenuiter, id est, domino, ut in Florent. & Gloss. Græc. Lat. in *dominus*. Cujac. 27. obs. 11.

COMMENTARIUS.

I Si liber homo occisus sit, & de damno sarciendo agatur, quid juris, & potissimum hodie.

Damni injuria] Legendum videtur, *damni injuria*, l. impuberem 23. de furt. l. si servus 27. §. si fur num. 10. & seq. l. quemadmodum 29. §. item Labeo 3. hoc tit. Cic. pro Q. Rosc. lite contestata, *judicio damni injuria constituto*. Præcise videlicet, pro, *damni injuria dati*. Haud scio tamen an posteriores Jurisconsulti Græci homines *damni injuria* dixerint in genitivo, pro ex injuria, ut cum dicimus, *damnum incendii vel naufragii*, pro ex incendio vel naufragio.

Alienum hominem alienamque quadrupedem, quæ pecudum numero] Primum legis caput animalia pretiosiora, hoc est, ad rationem rei familiaris magis utilia ac fructuosa complectitur, servis ex æquans quadrupedes, quæ pecudum numero sunt; & tantum ad damnum gravius, id est, ex cæde datum, pertinet, l. 2. b. t. Occiso homine libero non agitur ex lege Aquilia; quia liberi corporis nulla est æstimatio: sed legi Cornelie locus est, si dolo occisus: si culpa; poena lenitur, l. 1. §. 3. de sicar. Cæterum si de damno sarciendo civiliter discipetur, teneturis, qui injuste occidit, solvere impensas funeris, & si quæ factæ sunt in medicos, iisque, quos occisus alere ex officio solebat, puta liberis, uxori, parentibus dare tantum, quantum illa spes alimentorum, ratione habita ætatis occisi, valebat. Gort. lib. 3. introd. c. 33. Sic Hercules legitur Iphiti à se occisi liberis multam pependisse, quo facilius expiaretur. Atque ita censuit Senatus Dolanus apud Joan. Grell. decif. 25. & Card. Puteus lib. 3. decif. 280. Sed & Cujac. 14. obs. 4. exemplo Hadriani & Const. Porphyrogenetæ probat, novum non esse, ut pars bonorum addicatur oc-

cisi liberis, vel patri, vel uxori, maxime si paupertate premantur, quamvis cædes citra dolum facta, injuste tamen. Michaël Ephesus ad 5. Nicom. Arist. scribit, eum ipsum, qui cæsus est, quodammodo capere, quæ uxor aut liberi, aut cognati ex bonis homicidæ ferunt. Idque in Gallia obtinere, usque ad modum lucri amissi testatur Costal. ad l. 3. si quadr. paup. fec. add. Gomez. 3. resol. 3. num. 17. Grot. 2. de jur. bell. 17. num. 12. & seq. Tuld. ad iit. 5. cap. 3. Christin. Vol. 2. decif. 35. num. 10. Libero homine vulnerato aut mutilato quid juris sit, videbimus inf. §. cap. 3.

Quæ pecudum numero sit] Ita quoque Cajus in d. l. 2. §. 2. hoc tit. quamobrem recte mihi admovere videtur Hotomannus in principio d. l. 2. mendose legi, *Quadrupedem vel pecudem*, legendum enim esse, *quadrupedemque pecudem*.

In eo anno plurimi] Primo legis capite qui hominem aut pecudem injuria occidit, quanti ea res, eo anno plurimi fuit, damnatus, d. l. 2. in pr. de quo plura infr. §. huius autem.

TEXTUS.

De quadrupede, quæ pecudum numero est.

1. Quod autem non præcise de quadrupede, sed de ea tantum, quæ pecudum numero est, cavetur, eo pertinet, ut neque de feris bestiis, neque de canibus cautum esse intelligamus; sed de iis tantum, quæ gregatim proprie pasci dicuntur, quales sunt equi, muli, asini, oves, boves, capra. De suis quoque idem placuit. Nam & suis quoque pecudum appellatione continentur: quia & hi gregatim pascuntur. Sic denique & Homerus in Odyssea ait, (sicut Ælius Marcius in suis institutionibus refert)

Δίης τέτρα οὐσίσι παρήμενον, οἱ δὲ νέμοντι αἱ
Πάρ Κόρακ & πίτην, δὴ τῇ κρήνῃ Ἀγεῖδον.

Hoc est,

Assidet is suis, quorum grex magnus in agris
Pascitur, ad Coracis saxum, fontemque Arethusam.

COMMENTARIUS.

I Cur dubitatum de suis, an pecudum numero sint.

Pecudum

Pecudum numero esse ea animalia proprie intelliguntur, quæ gregatim pascuntur, id est, in grege pastoris imperio subiecto; ut equi, asini, muli, boves, oves, capræ. Itaque canes in pecudum numero non sunt, multoque minus feræ bestię, veluti ursi, leones, pantheræ. Enimvero camelus & elephanti, licet feræ naturæ sint, ad primum tamen caput pertinent, propterea quod jumentorum operam præstant, *dist. l. 2. §. 2.*

De suisbus idem placuit] An sues pecudum appellatione contineantur, dubitatum fuit. Dubitandi quæ causa fuerit, haud facile dixerim. Hotomannus hanc assertit, quod sues non ut reliquæ bestię, gramine & viridibus pabulis commode alantur, (sed ut Varro & Columella tradunt) maxime faba, hordeo, glande, & cætero frumento indigent; & si rure sint, tamen caducis arborum haccis, & effosis lumbricis & radiculis potius, quam gramine, vescuntur. Aliis probabilius videtur, ideo de suisbus dubitatum, quoniam sues neque operam hominibus præstant, putagestando, arando, ut equi, muli, asini, boves; neque lacte aut lana profunt, ut vaccæ, oves, capræ. Ut ut sit, placuit etiam sues pecudum numero haberi, quia & ipsi gregatim sub imperio pastoris pascuntur, *d. l. 2. §. 2. hoc tit. l. legatus 65. §. pecoribus 4. de leg. 3.* Ubi Marcianus Jurisconsultus auctoritate Homeri hanc sententiam confirmat. Locus est apud Poëtam *Odyss. 13.* ubi Minerva Ulyssē in patriam ex longo errore reductum monet, ut non recta domum ad uxorem & procos introeat: sed prius ad Eumæum subulcum adeat, à quo de rebus omnibus interea edoceatur, dum ipsa Telemachum filium reducat. Quo eodem loco leguntur versus, quos post Marcianum hic citat Justinianus.

TEXTUS.

De injuria.

2. Injuria autem occidere intelligitur, qui nullo jure occidit. Itaque qui latronem insidiatorem occidit, non tenetur: utique si aliter periculum effugere non potest.

COMMENTARIUS.

1. Qui hac actione non teneantur.

Qui nullo jure occidit] Injuriam hic accipere non oportet, non quemadmodum circa injuriarum actionem, contumeliam quandam, sed quod non jure factum est, seu damnum culpa facientis datum, *l. 5. §. 1. hoc tit. & nimirum quodcumque prævideri potuit, nec provisum est, l. si putator 31. l. 44. cod.* Ex quo intelligimus, eum, qui occidit, aut alias damnum de-

dit, hac lege teneri, etiam si animum nocendi non habuit, *d. l. 5. §. 1.* Deinde teneri hac lege omnes, quorum culpa vel levissima damnum datum esse arguitur, *l. in lege 44. cod.* Postremo non teneri eos, qui vel culpæ capaces non sunt. Qualis est furiosus, infans & impubes infantie proximus, *d. l. 5. §. 2.* vel quorum factum à culpa abest; veluti si non fuit in potestate ejus, qui damnum dedit, non facere puta, si ab alio impulsus damnum dederit, *l. 7. §. 3. l. si ex plagis 52. cod.* vel si jure suo id fecit, puta furem nocturnum aut diurnum telo se defendentem, vel aggressorem, aut taurum irruentem occiderit, *hoc text. l. 4. d. l. 5. cod.* aut si quis casu alium læsit, quem divinare non potuit. Aut si in eo, qui læsus est, culpa sit, cur sit læsus, *Sed. infr. §. 4. & 5.* Plerique putant, nec culpam, quæ in omittendo seu negligendo consistit, ad legem Aquiliam pertinere, quoniam lex factum exigit. *Covar. de spons. part. 2. c. 6. §. 8. m. 13. Donell. 16. com. c. 7.* Alii putant, hoc nomine utilem saltem actionem competere, *l. 8. l. si ferus 27. §. si fornicarius 9. & ibi Buf. hoc tit.* quod veram est, si negligentia circa factum aliquod antecedens causam damni præbuit. Ita opiniones conciliat D. Tuldenus *hic c. 7.*

Qui latronem insidiatorem] Adversus periculum naturalis ratio permittit se defendere, *d. l. 4. hoc tit. l. 5. l. 45. §. 4. h. etiam tit. & quod quis ob tutelam corporis sui fecit, jure fecisse existimatur l. 3. de just. & jur.* Quamobrem si servum aggressorem aut latronem insidiatorem mihi occidero, securus ero; sed & si alium quemcumque ferro se petentem quis occiderit, non videtur injuria occidisse, *d. l. 4. & l. 5. cod.*

Si aliter periculum effugere] Vim nobis illatam vi repellere licet: cæterum ita, si aliter periculum vitari non potest, *l. scientiam 45. §. pen. cod.* Itaque si quis, cum posset intentantem periculum apprehendere, occidere maluit, injuria fecisse videtur, *d. l. 5.* Nec ultio permittitur, sed defensio, quæ ita excusata est, si in defendendo servata sit moderatio inculpatae tutelæ, *l. 1. C. unde vi.* Cuncta exequi, quæ ad materiam defensionis pertinent, non est hujus loci.

TEXTUS.

De casu dolo & culpa.

3. Ac ne is quidem hac lege tenetur, qui casu occidit, si modo culpa ejus nulla invenitur. Nam aliqui non minus ex dolo, quam ex culpa quisque hac lege tenetur.

COMMENTARIUS.

Non minus ex dolo, quam ex culpa] Inversio est; dicere voluit, non minus ex culpa, quam ex dolo occidentem teneri: nam de dolo minor est dubitatio.

Similis verborum trajectio occurrit in *pr. supra de hered. instit.* apud Ulpianum *l. juris gentium 7. §. pactorum 8. de pact. l. 3. §. 2. de incend. ruin. naufr.* apud Callistratum *l. solidum 85. de solut.*

T E X T U S.

De jaculatione.

4. Itaque si quis, dum jaculis ludit, vel exercitatur, transeuntem servum tuum trajecerit, distinguitur. Nam si id à milite in eo campo, ubi solitum est exercitari, admissum est, nulla culpa ejus intelligitur; si alius tale quid admiserit, culpa reus est. Idem juris est de milite, si in alio loco, quam qui ad exercitandum militibus destinatus est, id admiserit.

De putatione.

5. Item si putator ex arbore ramo dejecto servum tuum transeuntem occiderit, si prope viam publicam aut vicinalem id factum est, neque proclamavit, ut casus evitari posset, culpa reus est; sed si proclamavit, nec ille curavit precavere, extra culpam est putator. Aequè extra culpam esse intelligitur, si seorsum à via forte, vel in medio fundo cadebat, licet non proclamavit: quia in eo loco nulli extraneo jus fuerat versandi.

De Curatione relicta.

6. Præterea si medicus, qui servum tuum secuit, dereliquerit curationem ejus, & ob id mortuus fuerit servus, culpa reus erit.

De imperitia Medici.

7. Imperitia quoque culpa adnumeratur; veluti si medicus ideo servum tuum occiderit, quia male eum secuerit, aut perperam ei medicamentum dederit.

De imperitia & infirmitate mulionis, ait equo vecti.

8. Impetu quoque mularum, quas mulio propter imperitiam retinere non potuit, si servus tuus oppressus fuerit, culpa reus est mulio. Sed & si propter infirmitatem eas retinere non potuerit; quum alius firmior eas retinere non potuisset, æque culpa tenetur. Eadem placuerunt de eo quoque, qui cum equo verberetur, impetum ejus aut propter infirmitatem, aut propter imperitiam suam retinere non potuerit.

N O T Æ.

LICET NON PROCLAMAVIT] Quoniam divinare non potuit, an per eum locum aliquis transiturus esset. Quod si etiam per locum privatum vulgo iter fiat, de culpa agi poterit, *d. l. 31.*

6. QUI SERVUM SECUIT] Quamvis bene *l. 18. cod.* Solebant olim medici venas incidere, & ægris sanguinem mittere. Cic. *Pisoniana.*

7. SI MEDICUS] *l. 7. in fin. & d. l. 8. pr. cod.* quam eventus mortalitatis medico imputari non debet, *l. 7. §. 7. de off. ref. & extra culpam esse intelligitur, τὸν δὲ μὴ τὸν πῦρ & τὰς ἰατρικὰς συνδέσεις Alex. Aphrod. in 1. Top. Arist.*

PERPERAM EI MEDICAMENTUM] ἀμαδῆς ἢ ἀσέβητος, ut Hippocr. *de pharm. purg.* imperite, temere, inconsiderate.

COMMENTARIUS.

1. Quod de militibus in loco exercitii se exercentibus hic dicitur, id etiam ad paganos certo loco se exercere solitos pertinere.

2. Medicorum culpam raro nunc in judicium vocari.

Afferuntur hic varia exempla hominis occisi, & damni dati citra dolum & animum nocendi, & fere culpa levissima. Nam ut antea dictum est, per legem Aquiliam non solum dolus, sed etiam culpa vindicatur, ita ut ne levissima quidem hic excusationem habeat, *l. in lege 44. hoc tit.* & recte: nam cum potior semper sit causa ejus, qui damnum patitur, quam qui dat, æquum est, damnum quacunque culpa datum sarciri ab eo, qui dedit.

A milite in eo campo] Duæ circumstantiæ in proposito efficiunt, ut factum à culpa abist & Aquilia cesset; locus exercitationi destinatus, & persona se in eo loco exercitantis. Altero autem horum deficien-

fiiente Aquilæ locus est. Qua de causa si vel paganus in loco exercitationi militum constituto jaculans servum transeuntem occiderit, sive miles extra campum jaculatorius, uterque Aquila tenebitur, *d. l. 9. §. ult. hoc tit.* Quid vero dicemus de conventiculis sagittariorum ex paganis, qui certo loco collineando ad scopum certare solent? Et quamvis hi milites non sint, tamen si quis eorum die & loco solito se exercens, intempestive per eum locum transeuntem transfixerit, extra culpam esse respondit *Wamess. cent. 2. cons. 51. fac. Grot. 3. juriss. Bat. c. 33.* Plane si consulto ictum in transeuntem direxerit, aliud juris est, *d. l. 9. §. ult. & ibi gloss.*

Si putator ex arbore dejecto ramo] Arborem putare, factum plane licitum est: ceterum in dejectione rami amputari culpa esse potest. Quod ex loco, in quo putatur arbor, æstimandum est. Nam si is locus sit prope viam publicam aut vicinalem, aliamve per quam vulgo iter sit aut unicuique transire jus est, & frondator seu is, qui arbores amputat, ramum in eum locum, quantumvis privatum, sive proclamatione dejiciens servum prætereuntem occiderit, culpæ obnoxius est: si vero proclamavit nec alter curavit casum evitare, extra culpam est. Similiter extra culpam esse intelligitur, si in eum locum dejecerit, in quo nulli extraneo versandi jure erat, quavis non proclamaverit: quoniam divinare non potuit, an per eum locum aliquis transiret, *d. l. si putator 31. hoc tit.* Via publica est, quæ Græcis *ἄστυς*, regia dicitur, Romanis prætoria & consularis, item militaris. Vicinalis, quæ in vicos ducit; quæ & ipsa fore publica est, *l. 2. §. 22. ne quid in loc. publ. Sic Flacc. de cond. agr. Suet. Aug. 49. Th. hic.*

Si medicus qui servum tuum secuit] Qui medicus servum alienum secuit, etsi bene secuit; (venæ sectionem seu incisionem intellige) tamen si susceptam ejus curationem dereliquit, & servus ob id mortuus sit, culpæ reus intelligitur, *l. 8. hoc tit.* Nimirum qui susceptam curationem deferuit, causam mortis præbuisse videtur.

Imperitia quoque culpa, &c.] Imperitia alicujus rei per se culpa non est, sed in eo, qui peritiam aut artificium aliquod proficitur, culpæ adscribitur; si quid circa ea, quæ ad illud artificium pertinent, per imperitiam commissum sit, *l. 9. §. pen. l. item quaritur 13. §. si gemma 5. locat. l. si servum 27. §. si calicem 29. hoc tit.* eoque pertinet *l. imperitia 132. de reg. jur.* Itaque si medicus servum tuum imperite, *ἁμαρτύνων ἀσθενείας*, secuerit, vel medicamento perperam usus mortem attulerit, hac lege tenebitur, *l. 7. in fin. & l. seq. in pr. eod.* Homicidii crimen est in hominis salute peccare, ait *Cassiod. 6. Var. 29.* Diligenter autem considerandum est, ne, quod vi morbi contigit, id medici imperitiæ aut cul-

pæ adsignetur: nam eventus mortalitatis medico imputari non debet, sed tantum quod commisit per imperitiam, *l. 6. §. secus 7. de off. pref. & extra culpam esse intelligitur, ὅταν ἡ μὲν τοῦ νόθου ἡ ἰατρικὴ βλάβη τις Alex. Aphrod. in 1. top. Arist.* Culpa medici raro in judicium vocatur: quoniam, ut ille dicebat, errata medicorum terra occultat: beneficia autem sol illustrat. Et Plinius alicubi scribit, soli medico hominem occidere impune esse. *Papon. 23. tit. 8. art. 1.* refert, medicum, qui fortiorem solito potionem ægrotanti præbuerat, impune quidem pro ea vice arreto Parisiensi dimissum fuisse, sed cum interminatione severæ animadversionis, nisi in posterum ab hujusmodi remediis temperaret, *add. Græc. de li. abr. hic.*

Impetu quoque mularum, &c.] Mulio cujus ob imperitiam vel infirmitatem impetu mularum servus alienus obrutus est, hac actione tenetur. Idem juris est in persona ejus, qui impetum equi, quo vehabatur, propter imperitiam vel infirmitatem retinere non potuit. Neque iniquum est infirmitatem culpæ adnumerari. Quippe cum nemo temere affectare debeat, in quo vel intelligit vel intelligere debet, infirmitatem suam alii periculosam futuram, *l. 8. §. 1. eod.*

TEXTUS.

Quanti damnum æstimetur, & de heredibus.

9. His autem verbis legis, Quanti id eo in anno plurimi fuerit, illa sententia exprimitur, ut si quis hominem tuum, qui bodie claudus, aut mancus, aut luseus erit, occiderit, qui in eo anno integer, aut pretiosus fuerit, non tanti teneatur, quanti bodie erit, sed quanti in eo anno plurimi fuerit: qua ratione creditum est pœnalem esse hujus legis actionem; quia non solum tanti quisque obligatur, quantum damni dederit, sed aliquando longè pluris. Ideoque constat, in heredem eam actionem non transire, qua transitura fuisset, si ultra damnum nunquam lis æstimeretur.

COMMENTARIUS.

Quanti id eo in anno plurimi] Hæc clausula æstimationem habet damni, quod per eandem datum est.

est. Tenetur itaque qui servum occidit, non quanti is erat, cum occideretur, sed quanti eo anno plurimi fuit, *l. ait. l. 21. inde Neratius 23. §. Idem Julianus 3. b. s.* ubi Ulpianus scribit, hominis occisi æstimationem ad id tempus referri, quo eo anno plurimi fuerit, repetitis ex die vulneris trecentis sexaginta quinque diebus. Quippe annum retrorsus numerari, ex quo quis occisus est. Et ideo si pretioso pictori pollex fuerit præcisus, & intra annum quo præcideretur, fuerit occisus, posse dominum Aquilia agere, pretioque eo æstimandum, quanti fuit prius, quam artem cum pollice amisisset. Si mortifere vulneratus sit servus, deinde post, etiam longiori tempore interjecto, mortuus sit, secundum Julianum inde annum numerari præcet, ex quo vulneratus est, licet Celsus contra senserit *d. l. ait lex. 21. §. 1.*

Pænalem esse huius legis actionem] Actio legis Aquiliæ pænalis est. Nam etsi interdum lis ultra damnum datum non æstimetur, veluti si res intra annum depretiata non sit, tamen ad hoc, ut pænalis habeatur, sufficit posse præsentem æstimationem exuperari, & pœnā generaliter in damnosos statutam esse.

In heredem non transire] Constat hanc actionem hæredi dari: sed in heredem non datur, cum sit pænalis; nisi fortè ex damno locupletior hæres factus sit, *d. l. inde Neratius 23. §. hanc actionem s. hoc tit.* aut lis cum defuncto fuerit contestata, *§. 1. inf. de perp. & temp. act.*

Qua transiura fuisse] Ait, actionem legis Aquiliæ in heredem non transire, non quia ex delicto est, sed quia pænalis; transiuram, si pænalis non esset. Itaque hic locus apertè confirmat eorum sententiam, qui existimant, actiones non pœnales, etiam si ex delicto veniant, in heredem dari de quo latius alibi, *§. ult. supr. de obl. qua ex del. & infr. §. 1. de perp. & temp. act.* Hodie actio legis Aquiliæ pænalis non est: nam solum eatenus ea nunc utimur, ut damnum injuria datum persequamur; non etiam quanti plurimi supra id res in eo anno aut in diebus 30. proximis fuit: & quando aliquid propter occasionem conjugis vel parentis, vel propinqui adjudicatur, id potius ejus qui agit indemnis servandi, quam coercendi adversarii causa fieri existimatur, *Gudeli. de jur. nob. lib. 3. c. 13. Grot. 3. introd. 32. & 34. Græneq. de ll. abrog. hic.*

TEXTUS.

Quid æstimatur.

10. Illud non ex verbis legis, sed ex interpretatione placuit, non solum perempti corporis æstimationem habendam esse secundum ea, qua diximus, sed eo amplius,

quicquid præterea perempto eo corpore damni nobis illatum fuerit, veluti si servum tuum heredem ab aliquo institutum ante quis occiderit, quam is jussu tuo hereditatem adierit: nam hereditatis quoque amissa rationem esse habendam constat. Item si ex pari mularum unam, vel ex quadrigis equorum unum quis occiderit, vel ex comædis unus servus occisus fuerit, non solum occisi sit æstimatio, sed eo amplius id quoque computatur, quanti depretiati sunt, qui supersunt.

NOTA.

DEPRETIATI SUNT] Utitur eo verbo Paul. *d. l. 22. §. 1. Tertull. ad Nation, cap. 10. Gloss. Lat. Gr. depretiati, ἰατρίαν δίδωμι.*

COMMENTARIUS.

Non ex verbis legis, sed ex interpretatione] Lex de æstimatione perempti corporis tantum locuta videtur: cæterum illud quoque damnum in æstimationem venire placet, quod occasione perempti corporis in re alia patitur: quod variis exemplis illustratur, *l. ait lex. 21. §. ult. cum ll. seqq. hoc tit.* Ait autem Justinianus id per interpretationem placuisse, nimirum quia legislatorem id quoque voluisse prudentes existimaverunt: non enim tam ex scripto & sententia hæc controversia nata videtur, quam ex scripti ambiguitate: ut bene Hotoman. *hic.* & ideo de hoc quoque damno directam ex lege actionem competere verius est, *vid. §. ult. inf.*

Quicquid præterea damni] Quicquid præterea extra rem principalem nostra interest, *d. l. ait lex. 21. §. ult.* Nam omnia commoda, quæ intra annum, quo verbi causa servus interfectus est, pretiosiores hunc servum facerent, ad æstimationem ejus accedunt, *d. l. inde Neratius 23. §. in summa. 6. eod.* Damnum autem intellige pecuniarium: nam affectionis ratio non habetur. Ut ecce si filium tuum naturalem quis occiderit, quem tu magno emptum velles, non pluri æstimabitur, quam quanti omnibus valet. Quippe pretia rerum non ex affectu nec utilitate singulorum, sed communiter funguntur, *l. si servum 33. hoc tit. l. pretia. 63. ad l. Falcid.*

Si servum tuum heredem] Si servus hæres institutus, antequam jussu domini hereditatem adiret, occi-

occisus sit, etiam hereditatis amissæ damnum in æstimationem venit, d. l. inde Neratius 23. b. 1.

Item si ex pari mularum] l. proinde 22. §. 1. eod. Ubi Paulus scribit, etiam causas corpori coherentes æstimari. Itaque si quis ex comædis, aut symphoniæis, aut gemellis, aut quadrigæ, aut ex pari mularum unum vel unam occiderit, non solum perempti corporis æstimationem faciendam esse, sed & ejus rationem haberi debere, quo cætera corpora depretiata sunt.

T E X T U S.

De concursu hujus actionis & capitalis.

11. *Liberum autem est ei, cujus servus occisus fuerit, & ex judicio privato legis Aquiliæ damnum persequi, & capitalis criminis eum reum facere.*

C O M M E N T A R I U S.

SI dolo servus occisus sit, non tantum privato judicio legis Aquiliæ dominus agere potest: sed etiam publico legis Cornelie de sicariis, l. inde Neratius 23. §. si dolo 9. hoc tit. l. 3. c. eod. nam lex Cornelia non distinguit cujus conditionis homo occisus sit, l. 1. §. 2. ad l. Corn. de sicar. Addit Ulp. in d. l. inde Neratius §. si dolo. si lege Aquilia dominus egerit, non ob id tamen præjudicium fieri legi Cornelie; scilicet, quo minus quod privato judicio judicatum erit, publico retractetur, l. unie. quando. act. ci & crim. Alio sensu Paulus in l. 4. de publ. jud. dicit, in actione legis Aquiliæ, cæterisque privatis judiciis, in quibus de re familiari agitur, evenire interdum, ut præjudicium judicio publico fiat; nimirum non sic, ut agi amplius non possit, sed ad probationem delicti quod attinet, ut judicium privatum, ante finitum, urgeat aut juvet reum in executione criminis.

Capitalis criminis reum facere] Modo, ut diximus, dolo malo homo occisus sit. Nam in lege Cornelia dolus tantum pro facto accipitur, nec in hac lege lata culpa pro dolo habetur, l. 7. ad leg. Corn. de sicar. add. Schneid. §. injuria. 2. n. 11. supr. & ad hunc §. n. 1. De libero homine occiso, si de damno faciundo agatur, dixi sub pr. hujus tit.

T E X T U S.

Caput secundum.

12. *Caput secundum legis Aquiliæ in usu non est.*

C O M M E N T A R I U S.

SECUNDUM hujus legis capitulum jam tempore mediæ jurisprudentiæ in defuetudinem abierat, ut testis est Ulpianus in l. si servum 27. §. 4. hoc tit. Quid autem hoc capite cautum fuerit, cum id nusquam proditum sit, haud temerè dixerim: neque de eo laborandum. Qui otio abundant, talia sibi negotia fumant. Cujacio videtur, pertinuisse ad interceptam nobis utilitatem quandam, re nostra illæsa.

T E X T U S.

Caput tertium, quod damnum vindicatur.

13. *Capite tertio de omni certo damno cavetur. Itaque si quis servum, vel eam quadrupedem, quæ in pecudum numero est, vulneraverit; sive eam quadrupedem, quæ in pecudum numero non est, veluti canem, aut feram bestiam, vulneraverit, aut occiderit; hoc capite actio constituitur. In cæteris quoque omnibus animalibus, item in omnibus rebus, quæ anima carent, damnum per injuriam datum hac parte vindicatur. Si quidem usum, aut ruptum, aut fractum fuerit, actio ex hoc capite constituitur; quanquam poterat sola rupti appellatio in omnes istas causas sufficere. Ruptum enim intelligitur, quod quoquo modo corruptum est. Unde non solum fracta, aut usta, sed etiam scissa & collisa, & effusa, & quoquo modo perempta atque deteriora facta, hoc verbo continentur. Denique responsum est, si quis in alienum vinum aut oleum id miscuerit, quo naturalis bonitas vini aut olei corrumpatur, ex hac parte legis Aquiliæ eum teneri.*

N O T A.

13. C A P I T E T E R T I O] Verba capituli tertii referuntur ab Ulp. l. 27. §. 5. eod. ejusdemque l. §. 6. & deinceps fusè explicantur.

COMMENTARIUS.

1. *Caput tertium legis Aquiliæ declaratur variis exemplis.*
 2. *Quid juris si liber homo vulneratus: & quid eo casu hodie.*

Tertio capite ait eadem lex Aquilia; *Ceterarum rerum, præter hominem & pecudem occisos, si quis alteri damnum faxit, quid ufferit, fregerit, ruperit injuria, quanti ea res erit in diebus triginta proximis, tantum as domino dare damnas esto.* l. si seruum 27. §. tertio s. hoc tit. Si quis igitur non occiderit hominem vel pecudem, sed ufferit, fregerit, ruperit, sine dubio ex his verbis legis agendum erit. Proinde si facem seruo meo objeceris, & cum adußeris, teneberis mihi. Idem est si loris, vel virgis, vel pugnibus, vel telo cecideris, ut corpus ei scinderes vel tumorem faceres, d. l. 27. §. 17. Item si quis mulum meum plus justo oneraverit, & aliquid membri ruperit, d. l. 27. §. 23. Sed & si arbutum meum vel villam meam incenderis, Aquiliæ actionem habeo, d. l. si seruum §. item si 7. Neque si quis vinum effuderit, spurcaverit, vitiaverit, vestimentum sciderit, inquinaverit, milium aut frumentum meum in flumen effuderit, ex hoc capite tenetur, d. l. 27. §. cum eo. 15. & §. si quis 18. cum §. seq. eod. Hac quoque actione ex hoc capite de omnibus animalibus læsis agendum est, quæ pecudes non sunt, puta de cane. Sed & de apro & leone, cæterisque feris & avibus idem erit dicendum, l. quemadmodum 29. §. hac actione 6. eod. In summa hoc capite servorum & pecudum vulnera, reliquorum animalium vel vulnera vel cædes, omnium denique rerum animatarum corruptiones, in judicium vocantur. Liber homo vulneratus directam ex hoc capite actionem non habet: quoniam dominus membrorum suorum nemo videtur. Sed tamen utilem actionem ei dari placet, in qua non corporis, quod nullam æstimationem recipit, sed operarum cessantium & impendiorum æstimatio fiet, §. liber homo 13. eod. quam æstimationem etiam pater utili legis actione persequi potest, ob vulnus inflatum filiosam, l. 7. eod. l. cum duobus 52. §. socium 16. pro soc. Cujac. 21. obs. 20. add. Grot. 3. introd. c. 34. Moribus harum regionum etiam dolorum & deformationis corporis, si quando id petitur, æstimatio fit, quamvis propriè hæc pecunia sarciri non possunt, neque juri Romano id conveniat, l. ult. de his qui de fec. l. 3. si quadr. paup. Grot. d. loc.

Rupum intelligitur, quod quoquo modo corruptum Verbum *ruperit* ferè omnes veteres sic intellexerunt, *corrupterit*. Itaque rupti appellatione continentur & ulla & fracta, & scissa & collisa, & effusa & quoquo modo vitiata, deteriora facta, aut præempta. Neque obstat quod lex distinctionem hæc

tria exprimit, ufferit, fregerit, ruperit. Nam, ut Celsus dicebat, non est novum, ut lex specialiter quibusdam enumeratis generale subijciat verbum, quo specialia complectatur, d. l. si seruum 27. §. inquit 13. cum 3. §. §. seqq.

TEXTUS.

De dolo & culpa.

14. *Illud palam est, sicut ex primo capite demum quisque tenetur, si dolo aut culpa ejus homo aut quadrupes occisus occisus fuerit, ita ex hoc capite, de dolo aut culpa, & de cætero damno quemque teneri: ex hoc tamen capite, non quanti in eo anno, sed quanti in diebus triginta proximis res fuerit, obligatur is, quidamnum dederit.*

COMMENTARIUS.

[*Si dolo & culpa*] In hac quoque actione; quæ ex hoc capitulo oritur, tam culpa quam dolus puniuntur. Ideoque si quis in stipulam suam vel spinam comburendæ ejus causâ ignem immiserit, & ulterius evagatus & progressus ignis alienam segetem vel vineam læserit, requiremus, num imperitia ejus aut negligentia id accidit. Nam si die ventoso id fecit, culpæ reus est. Nam & qui occasionem præstat, damnum fecisse videtur. In eodem crimine est & qui non observavit, ne ignis longius procederet. At si omnia, quæ oportet, observavit, & subita vis venti ignem longius produxit, caret culpa, l. qui occidit 30. §. pen. h. t.

[*Quanti in diebus triginta*] Hoc capitulo, quanti res fuerit triginta diebus proximis, tanti lis æstimatur, d. l. si seruum §. tertio s. eod. qui excessus præsentis æstimationis hic pro pœna est: quæ levior in hoc capite, quam in primo, tanquam in delicto levior.

TEXTUS.

Quanti damnum æstimetur.

15. *Ac nec plurimi quidem verbum adjicitur. Sed Sabino rectè placuit, perinde habendam æstimationem, ac si etiam hac parte plurimi verbum adjectum fuisset: nam plebem Romanam, qua Aquilio tribuno rogante hanc legem tulit, con-*

sentam fuisse, quod primaparte eo verbo
usa esset.

COMMENTARIUS.

Hæc verba, *quanti in diebus triginta proximis fuit*, etsi non habeant plurimi, sic tamen accepta sunt, *quemadmodum* 29. §. ult. hoc tit. nimirum ut vox plurimi in primo capite posita, in tertio repetita intelligatur: & alioqui incerta esset damni ex hoc capite aestimatio.

Aquilio tribuno rogante hanc legem tulit. &c. Rectius dixisset *Legem iussit*, & mox, *eo verbo usus esset*, ut hic notat Hotoman.

TEXTUS.

De actione directa, utili & in
factum.

16. *Caterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum, qui alio modo damnum dederit, utiles actiones dari solent; veluti si quis hominem alienum, aut pecus ita incluserit, ut fame necaretur: aut jumentum ita vehementer egerit, ut rumpere-
tur: aut pecus in tantum exagitarerit, ut præcipitaretur: aut si quis alieno servo persuaserit, ut in arborem adscenderet, vel in puteum descenderet, & is adscendendo aut mortuus, aut aliqua parte corporis latus fuerit; utilis actio in eum datur: sed si quis alienum servum aut de ponte, aut de ripa in flumen deiecerit, & is suffocatus fuerit, eo quod projecit, corpore suo damnum dedisse non difficulter intelligi potest: ideoque ipsa lege Aquilia tenetur. Sed si non corpore damnum fuerit datum, neque corpus latus fuerit, sed alio modo alicui damnum contigerit, quum non sufficiat neque directa, neque utilis legis Aquilia actio, placuit, eum, qui obnoxius fuerit, in factum actione tene-*

ri: veluti si quis misericordia ductus alienum servum compeditum solverit, us fugeret.

NOTÆ.

16. **SI QUIS PRÆCIPUE CORPORE SUO]** Directa legis actio ita demum conceditur, si quis corpore suo damnum dederit, *l. 51. eod.* Directa actio hic intelligitur, quæ ex verbis legis eoque, quod scriptum est, descendit.

QUI ALIO MODO, & C. UTILES ACTIONES] Quæ eadem & in factum; ceterum civiles *l. 7. §. 3. & 6. l. 9. eod.* Actio, quæ inducitur per interpretationem & extensionem aliquam, tanquam ex mente legislatoris, non directa, sed utilis dicitur: quanquam vi & effectu à directa nihil differt, *l. propen. de neg. gest.* Sic patri nomine filii, bonæ fidei possessori, item libero homini suo nomine utilis actio legis Aquiliæ datur. Directam habere non possunt, quoniam in lege domini tantum mentio fit, *l. 7. l. 11. §. 8. l. 13. hoc titul.*

ALIENUM SERVUM DE PONTE] Si quis de ponte aliquem præcipitaverit, Celsus ait sive ipso ictu perierit aut continuo submersus est, aut lassatus vi fluminis victus perierit, lege Aquilia teneri: quemadmodum si quis puerum saxo illisisset, *d. l. 7. §. pen.*

IPSA LEGE AQUILIA] Ex ipsis verbis legis Aquiliæ, ut directa in eum actio competat, ut rectè interpretatur Theoph.

NEQUE CORPUS LAESUM] Ubi corpus integrum manet, neque ex verbis legis directa, neque ex sententia utilis actio competit: ac proinde subsidaria in factum opus est, *l. 33. in fin. h. t. l. 7. §. 7. de dolo.* quæ à prætore defectum legis supplente datur, *l. 11. de præscr. verb.*

MISERICORDIA DUCTUS] *d. l. 7. §. 7. de dolo.* Intempestiva misericordia damnosa est. Similiter actione in factum teneretur, qui fumo facto apes fugaverit vel etiam necaverit, *l. 49. eod.* Apes fumo abigi & necari notissimum est. Fabrot.

COMMENTARIUS.

1. Directa actio quat modis dicatur.
2. Actio utilis quid: & qua ratione, quando, à quibus introducat.
3. Directam actionem esse, tam quæ ex sententia legis descendit, quam quæ ex verbis: utilem, quæ tanquam ex sententia per interpretationem extensionem in factum, cui nec oratio nec sententia convenit.
4. Utilem, quæ tanquam ex sententia legis, & ipsam interdum in factum appellari.

Ut

UT hic locus plenè intelligatur, sciendum est, non uno semper & ejusdem oppositionis intuitu nomen actionis aut directæ aut utilis à veteribus usurpari. Nam primum directæ actio dicitur principalis opposita vel præparatoriæ, puta actioni ad exhibendum, *l. 3. §. ibidem 13. l. si quis, 12. ad exhiben.* vel contrariæ, ut actio directæ commodati, depositi, pignoratitia, &c. vide nostra ad §. 2. *sup. quibus modis re contr. oblig. §. 1. sup. de obligat. qua quasi ex contr. act.* Deinde actio ordinaria ex delicto, opposita noxali, directæ quoque vocatur, §. *omnis i. inf. de nox. action.* Postremo directæ actio dicitur ad differentiam actionis utilis: quæ consideratio hujus loci propria est. Utilis actio sic in universum describi potest, quod sit actio, quæ deficiente stricta juris ratione ex æquitate introducit. Id vero fit bifariam: vel interpretatione jurisconsultorum; vel etiam jure expresso, tum prætorio, tum etiam civili æquitatem sectante. Actiones prætoriæ in relatione ad jus civile strictum, omnes dicuntur utiles, tametsi apertè verbis edicti proposita sint, §. *namque 4. inf. de action. l. iur. 16. §. ult. de pign. act. l. electio. 26. §. 2. de nox. act. l. 1. de suspensio. l. ult. C. quib. ex ea. maj.* Quamquam si jus prætorium absolute spectamus, quædam actiones hoc jure proditæ directæ, quædam utiles appellari possunt: directæ, quæ ipsis edicti verbis proponuntur: utiles, quas verbis cessantibus prudentum interpretatio induxit, *l. pen. §. ult. de his qui de. vel off.* ut apparet ex *l. nec quasi 70. de rei vind. l. 1. l. si Titio 22. de pignor. l. in eum 19. in pr. de instit. act. l. 5. §. pen. de pec. const. l. 1. C. de precar.* Sed & jus civile nonnunquam verbis expressis utiles tantum actiones tribuit, nimirum quoties ratio juris impedit, quominus directæ dentur; veluti si directæ jam sint apud alium. Nam ratio juris non patitur, ut aut apud duos simul directæ sit actio, aut ab eo, cui illa semel competere cœpit, avulsa in alium transferatur. Hinc est, quod ei, cui nomen venditum, legatum, donatumve est, non directæ, sed utilis actio rescriptis Impp. datur, quia scilicet ex ratione juris directæ pene venditorem, heredem, donatorem manet, *l. si cum 16. de pact. l. 1. C. de obl. & act. l. ex legato 18. C. de legat.* Pari de causa, quia ratio juris civilis non patitur, ut nostra conventionem alteri actionem queramus, quibusdam casibus hic utilis actio constitutionibus introducta est, *l. 3. C. de don. qua sub mod.* His autem casibus, & si qui sunt similes, demptis, actio directæ dicitur, quæ ex verbis legis, eoquo, quod rescriptum est, descendit. Scriptum autem etiam illud & verbis comprehensum intelligi oportet, quod voluisse legislatorem constat, etiam si id verbis apertè expressum non sit. Ut ecce, lege Aquilia, qui damnum dedit, expressè jubetur ejus damni æstimationem præstare. Illud non exprimitur, damnum

tanti æstimaandum, quanti interfit damnum datum non esse. Cæterum quia damnum sarciri lex voluit, ex voluntate legis hoc sic acceptum est, quasi scriptum esset, ejus omnis, quod interest, æstimationem fieri debere: ac proinde etiam ejus nomine quod extrinsecus interest directæ ex lege actio competit, ut notavimus ad §. *illud. 10. sup. eod.* At vero ubi longius proceditur, atque ex scripto & sententia controversia orta, actio inducitur per interpretationem, & extensionem aliquam, tanquæ ex mente legislatoris: ea non directæ, sed utilis est; quanquam vi & effectu juris à directæ non differt, *l. propen. de neg. gest.* Quod si & verba & sententia legis deficiunt, hic prætor defectum legis, utilitate id exigente, supplere solet reddendo actiones in factum, *l. quia actionum 11. de præsc. Verb.* Quæ omnia exemplis in textu illustantur. Illud etiam hic obiter notandum, appellatione actionis in factum nonnunquam significari actionem illam utilem, quam ex sententia legis per interpretationem induci diximus: ut videre est in *l. qua actione. 7. §. proinde 3. l. item §. 9. in pr. l. item Mela. 11. §. sed si §. l. quemadmodum 29. §. pen. hoc tit.* Proprie autem eo nomine designari actionem ab illa utili distinctam; quæ scilicet id factum persequitur, cui nec oratio nec sententia legis convenit, *d. l. 11. de præsc. Verb. l. si ferum 33. §. 1. hoc tit. l. 7. §. idem Labeo 7. de dol. & hoc tit. in fin.* Illa in factum civilis, hæc in factum prætoria dicitur, & tota subsidiaria est.

Si quis corpore suo] *Add. l. si a vuln. et si. in pr. hoc tit.*

Qui alio modo damnum dederit, utiles actiones] Quæ eadem & in factum, cæterum civiles, *l. qua actione 7. §. 3. & Celsus 6. l. item §. 9. fere tot. per tit. eod. em.* Sic patri nomine filii, bonæ fidei possessori, item libero homini suo nomine utilis Aquiliæ actio datur. Directam enim habere non possunt, quoniam in lege domini tantum mentio fit, *d. l. qua actione in pr. l. item Mela. 11. §. sed si §. l. liber homo 13. pr. eodem.*

Neque corpus lasum] Lex Aquilia de corpore perempto aut corrupto loquitur. Itaque ubi corpus integrum manet, neq; ex verbis legis directæ, neque ex sententia utilis actio competere potest: & proinde subsidiaria in factum opus est, secundum ea, quæ jam dicta sunt, *l. 11. de præsc. Verb. l. si ferum 32. in fin. hoc tit. l. 7. §. idem Labeo 7. de dolo.*

TITULUS IV.

De injuriis.

D. lib. 47. 10. C. lib. 9. t. 35. & 36.

Continuatio: & argumentum tituli.

Quar-

Quarta species delicti, unde obligatio & actio inter privatos nascitur, est injuria seu contumelia. Quæ quid sit, quomodo & quibus fiat, tum qua pœna vindicetur, quæ circumstantiæ eam augeant aut minuant, & denique quomodo aboleatur, hic docebitur.

T E X T U S.

Verbum injuria quod modis accipitur.

Generaliter injuria dicitur omne, quod non jure fit: specialiter, alias contumelia, quæ à contemnendo dicta est, quam Græci ἀδικία appellant: alias culpa, quam Græci δόλην dicunt, sicut in lege Aquilia damnum injuria datum accipitur: alias iniquitas & injustitia, quam Græci ἀνομία & ἀδίκηον vocant: cum enim prætor vel judex non jure contra quem pronuntiat, injuriam accepisse dicitur.

N O T Æ.

GENERALITER INJURIA.] Ex Paulo apud Rufin. tit. & Ulpiano l. i. h. t. ubi J. C. ait, injuriam ex eo dictam, quod non jure fit. August. Confess. 3. cap. 8. Si ve per contumeliam, si ve per injuriam.

CUM JUDEX NON JURE CONTRA QUEM PRONUNTIAT.] Si judex iniquè sententiam dixerit, quamvis per imprudentiam aut errorem, l. 51. de edict. eum, qui sententia læsus est, injuriam passum dicimus, d. l. i. h. t. Judex autem injuriam facit, non is, secundum quem judicatum est. Aristot. 1. magn. mor. 34.

C O M M E N T A R I U S.

Omne quod non jure fit.] Quicquid non jure fit, generali verbo injuria dicitur, l. i. hoc tit. ubi Ulpianus ait, injuriam ex eo dictam, quod non jure fiat. Itaque omne factum, quo nocetur detrahiturque quid alteri temere immeritove, id in genere injuria dicitur; eaque vox tam latè patet, quam injustitia. Est enim effectus injustitiæ, quæ in affectu & habitu animi consideratur. Cicero in paradox. Quocumque aspersisti, ut furia, si tua tibi occurrunt injuria, quæ te respirare non sinunt. Injuria, id est, actiones injustæ, flagitia, peccata. Injuriæ, sic generaliter dictæ, Justinianus tres species hic commemorat, uti & Jurisconsultus in d. l. i. contumeliam, damnum culpa datum, iniquitatem sententiæ; qui-

bus tamen genus propositum non exhauritur. Sed de eo unusquisque pro arbitratu existimet. Adeundus omnino Aristot. lib. 5. ethic.

Specialiter alias contumelia.] Speciatim injuria primum pro contumelia accipitur, ut in hoc tit. l. 5. §. 1. ad l. Aquil. l. si unus 27. §. 2. de pact. ubi Paulus scribit, actionem injuriarum nasci ex contumelia. In hoc significato injuria sic ab auctore librorum ad Herennium definitur. *Injuria est, quæ aut pulsatione corpus, aut confectio aures, aut turpitudine sitam alicujus violat.* Ego sic; Injuria est omne dictum factumve ad contemptum, infamiam aut dolorem alterius directum.

A contemnendo.] Contumelia à contemptu, Seneca quoque auctore, dicta est: quia nemo nisi quem contempsit, tali injuria notat.

Alias culpa, sicut in lege Aquilia.] Lex Aquilia injuriæ verbo vel maxime dolum malum intelligit: ceterum eodem verbo & culpam comprehendit, atque id quoque, quod per imperitiam aut imprudentiam factum est, injuria factum existimat. Quod Aristoteles non ἀδικίαν, sed ἀμαρτία appellaret: & ita fortè legendum; quia id nomen locum habet etiam ubi dolus abest. Atque hæc est secunda injuriæ species.

Non jure contra quem pronuntiat.] Tertio circa judicia injuriam pro iniquitate accipimus. Nam si judex iniquè sententiam dixerit, eum qui sententia læsus, injuriam passum esse dicimus. Quanquam autem litigatori injuria fieri dicitur non tantum, cum judex dolo malo aut largitione corruptus perperam pronuntiat, sed etiam cum per errorem aut imprudentiam, l. si per si. de edict. Effectu tamen juris inter hæc facta multum interest; & alterum vere maleficium est, alterum propriè non est, sed quasi maleficium; ἀμαρτία utique: de quo vide pr. tit. seq. Illud huic loco contrarium non est, quod apud Paulum in l. penult. de just. & jur. legimus, Prætores quoque jus reddere, cum iniquè decernit. Nam, ut ipse illud explicat, dicitur hoc relatione facta non ad id, quod prætor fecit, sed ad illud, quod prætores facere convenit; si ve nomine relato ad id quod videtur, non quod est; πρὸς τὸ πρᾶξιμον non πρὸς τὸ ὄν.

T E X T U S.

Quibus modis injuria fit.

1. *Injuria autem committitur, non solum cum quis pugno pulsatus, aut fustibus cæsus, vel etiam verberatus erit; sed & si cui convitium factum fuerit; si ve cujus bona quasi debitoris, qui nihil deberet,*

possessa fuerint ab eo, qui intelligebat, nihil eum sibi debere: vel si quis ad infamiam alicujus libellum aut carmen (aut historiam) scripserit, composuerit, ediderit, dolove malo fecerit, quod quid eorum fieret: sive quis matrem familias, aut prætatum prætata mve adfectatus fuerit: sive cujus pudicitia attentata esse dicitur: & denique aliis plurimis modis admittere injuriam manifestum est.

NOTA.

MATREM FAM. AUT PRÆTEXTATUM, &c.] Budæus in l. ult. de senat. erat autem prætexta puerile vestimentum, l. 23. §. 2. de aur. & arg. leg. & ingenuitatis insigne, τὸν βολοὶ δὲ γυναικας, Philostrat. in Herode.

COMMENTARIUS.

- 1 Re quot modis injuria fiat.
- 2 Convitium quid, & an citra id verbis injuria fieri queat.
- 3 An & quando veritas convitiis excuset injuriantem.
- 4 An cum releset præfatio honoris.
- 5 Injuriam verbis factam an verbis liceat repellere.
- 6 Famosi libelli quam varia pœna.
- 7 Si inventor auctorem indicaverit.
- 8 Pœna capitali l. un. C. de famosi libel. quando locus.
- 9 Adfectari cur injuriosum.
- 10 Sermo prætextatus.
- 11 Cur injuriosa attentatio pudicitia.

Interpretes vulgo injuriam in duo genera dividunt, in realem & verbalem: eam, quæ scripto fit, alii ad realem referunt, alii, & frequentius, ad verbalem: quod & Labeo fecisse videtur, l. 1. §. 1. hoc tit. & nos sequemur. Itaque dicimus, omnem injuriam aut re fieri, aut verbis, vel lingua scilicet nuncupatis, vel scripto expressis.

Cum quis pugno pulsatus] Propriè injuria realis est, quoties manus inferuntur, d. l. 1. §. 1. Sed & illa realis censetur, quæ citra illationem manuum aut lationem corporis inferuntur, re aut facto aliquo, quod ad contumeliam alterius pertinet: veluti si quis vexandi causa aliquem in jus vocari curaverit, l. injuriarum 13. §. 3. eod. aut domum absentis debitoris si gnaverit sine auctoritate judicis, l. si injuria 20. eod. cui simile, quod hic proponitur de bonis quasi debi-

toris possessis: item si quis ad invidiam nobis concitandam mœoris indiciis publicè utatur, puta lugubri aut squallida veste, aut si demittat barbam, submittatve capillos, l. item apud 15. §. generaliter 27. l. vestem 39. eod. Cujac. d. obs. 5. & alia hujusmodi quæ vel gestu ad infamiam aut contumeliam alicujus composito fiunt, ὅς τις γὰρ ἂ μόνον ἢ ἐν λόγῳ, ἀλλὰ καὶ ἢ καὶ πᾶσι ἔργον ἀποχρῶν. Eustath. ad Odiss. 6. adde Damhard. prax. crim. c. 140. Thessaur. dec. 229.

Convitium factum] l. item apud 15. §. ait prætor. 2. & seqq. hoc tit. l. 5. C. eod. hæc injuria verbalis est. Convitium auctore Ulpiano dicitur vel à concitatione, vel à conventu, hoc est, à collatione vocum. Nam cum in unum complures voces conferuntur, id convitium appellari ait, quasi convocium. Atque ex eo apparere, non omne maledictum convitium esse, sed id solum quod cum vociferatione dictum est, sive unus sive plures in cœtu dixerint: quod autem non in cœtu nec vociferatione dicitur, convitium non propriè dici, sed infamandi causa dictum, d. l. item apud §. convitium 4. & §. ex his 11. cum seqq. Veram hæc etymologiam & definitionem Jurisconsulti reprehendit Laur. Vall. 6. elegant. 52. negans, usquam apud probatos auctores reperiri hanc differentiam custoditam inter convitium & maledictum. Inter quæ (si qua est) hanc fore ait, quod convitium est maledictum contumeliosum; nec utique vociferatione semper convitium fieri. Idque probat primum auctoritate Quintiliani & Ciceronis: cujus verba in oratione pro Cælio hæc sunt; Maledictio nihil habet propositi præter contumeliam, quæ si petulantius iuratur, convitium; si facetus, urbanitas nominatur. Atque ita quoque vox convitiis usurpatur in l. 1. C. h. t. Quicquid sit, etiam verbis citra convitium injuriam fieri posse constat: veluti, si quis non debitorem quasi debitorem appellaverit, d. l. item apud 15. §. si quis 33. eod. aut si quis puellam blandis verbis sollicitet ad stuprum, d. l. item apud §. appellare. 20. Tria ferè hic queri solent. Primum est, an veritas convitiis excuset injuriantem. Interpretes vulgo respondent, excusare, si id, quod objicitur, tale est, ut publicè intersit illud sciri; veluti si quis latro, homicida, adulter, sacrilegus appelleretur: eoque pertinere responsum Jurisconsulti in l. cum quis 18. in pr. hoc tit. ubi ait, eum, qui nocentem infamavit, non esse bonum & æquum condemnari. Pecata enim nocentium nota esse oportere & expedire. Hoc autem vel maxime procedet, si infamaverit apud magistratum: quoniam tum omnino præsumitur fecisse, ut super objecto crimine, quod tamen utique probare debet, inquisitio institueretur. Alias si ex circumstantiis animus injuriandi adfuisse arguatur, veluti si in rixa id fecerit odio impulsus, petulantiam istam impunitam relinqui non debere, l. 3. C. de off.

off. rect. proq. Sin autem quod obijcitur innotescere nihil interest, puta si alter poenam delicti sui sustineat, aut si vitium naturale obijcitur, claudus aliquis, luscus aut gibbosus vocetur, veritatem convitii non excusare, quominus animo injuriandi id factum praesumatur: contrarii tamen probationem hic admittendam, *arg. l. 5. C. cod. de ferme Gomez. 3. res. 6. num. 2. Myns. 4. obs. 4. Gail. 2. obs. 99. Cod. arr. 1. res. 11. n. 6. & 7. Clar. lib. 5. §. injuria. n. 15. Vvesemb. parat. num. 8.* Atque hanc distinctionem passim in judicando servari tradit *Christin. Vol. 4. dec. 202. n. 32. add. D. à Sande lib. 5. tit. 8. def. 7.* Alterum est, an injuriantem releveret praefatio honoris aut protestatio non animo injuriandi: veluti si quis dicat, tu es mendax, absit dicto contumelia, aut salvo honore tuo. Communis sententia est, non relevare, quia protestatio contraria facto nihil operatur: atque ita etiam pronuntiari solet, *vid. Gail. 2. obs. 101. num. 1. Guid. Pap. decif. 465. in fin. Cod. arr. 1. resolut. 11. num. 1. Clar. lib. 5. §. injuria. 13. Ant. Fab. Cod. suo. hoc tit. decif. 1. num. 3.* Tertium est, an verbis factam injuriam verbis retundere liceat. Vulgo placet licere. Quippe ignoscendum ei, qui se ulciscitur provocatus, *arg. l. qui cum 14. §. si libertus 6. de bon. liber.* Ceterum non quibuscumque verbis injuriam illatam repellere fas est, non iis quae ad vindictam tendunt, sed tantum quae pro defensione honoris proferuntur, ad removendum crimen obiectum: puta, qui vocavit aliquem latronem aut furem, ei non licet ea crimina retorquere, ut dicat, tu ipse es latro aut fur; quoniam hoc tendit ad vindictam: at impunè dici poterit, tu mentiris, cum hoc tendat ad defensionem honoris & innocentiae, *vid. Myns. cent. 5. obs. 17. Gail. 2. obs. 100 Tulden. in Cod. hoc tit. n. 4.*

Si de cujus bona quasi debitoris Quia cujus bona ex edicto possidentur, ejus fama & existimatio cum bonis simul possidentur, *ut ait Cicero pro Quinct.* Est autem haec injuria realis: cui similis species est quae proponitur in *l. si injuria 20. h. t.* Ait, *ab eo qui intelligebat*, nam injuria, ut in hoc argumento accipitur, non fit sine proposito & affectu facientis, *l. 3. §. 1. hoc tit.*

Ad infamiam alicujus libellum, aut carmen Ad injuriam verbalem, cum plerisque, retulimus etiam eam, quae scriptura fit: cujus species atrocissima, est famosus libellus, sive, ut veteres locuti sunt, malum carmen. Nunc vulgo Pasquillus vocatur ex eo, quod Romae ad truncam Pasquini cujusdam statuam hujusmodi scripta affigi soleant. Poena mali carminis ex lege duodecim tabularum capitalis fuit. Ut apparet ex loco Ciceronis 4. *de republ.* quem citat Angustinus 2. *de civ. Dei. cap. 9. Nostra*, inquit, XII. tabula, cum per paucas res capite sanxissent, in his

hanc quoque sancientiam putaverunt, si quis carmen condidisset, quod infamiam faceret, flagitium & alteri. Praclare. *Judiciis enim ac magistratum disceptationibus legitimis propositam sitam, non Poetarum ingenii, habere debemus: nec probrum audire, nisi ea lege, ut respondere liceat. & judicio defendere.* Sed poena capitis postea sublata videtur: nam lege Cornelia auctor famosi carminis infestabilis esse jubetur, *l. 5. §. si quis 9. hoc tit.* ubi Ulpianus scribit, *Si quis librum ad infamiam alicujus pertinentem scripserit, composuerit, ediderit, a se malo fecerit, quod quid eorum fieret, etiam si alterius nomine ediderit, vel sine nomine, de ea re injuriarum agere licere, & si condemnatus sit, qui id fecit, infestabilem ex lege esse juberi.* Novissime id iterum capite sancitum posteriorum Principum constitutione, quae extat in *l. unic. C. de famos. libell.* qua constitutione eadem poena etiam is plecti jubetur, qui libellum inventum, quem abolere debebat, in notitiam aliorum protulit. Quid ergo, si auctorem indicavit? Idem adhuc dicendum censet Salicetus in *d. l. un.* quem sequitur *Schneid. hic num. 5.* non quod auctorem edens puniatur, quasi ipse auctor sit; sed ob delictum proprium. Quippe utrumque flagitiosum esse, & componere famosum libellum & publicare. Verum hoc aliis displicet, & merito. Nam illum demum lex punit, quem auctorem esse praesumit. Indicanti vero auctorem etiam praemium alibi decernitur, *l. 5. §. ult. hoc tit.* ita ut hoc recte factum compenset invidiam non aboliti scripti: cum nec convinci auctor possit, si scriptum aboleretur: ut disputat *D. Tuld. hic cap. 3.* Ceterum tum demum poena capitis praedicta constitutione imponitur, si in libello capitale aliquod crimen obijcitur ad creandum alicui periculum. Tunc enim talioni locus est, ut eadem animadversione coerceretur auctor, qua coerceri meretur crimen illud, quod in libello obijcitur. Alias vero mitius & poena extraordinaria hoc genus petulantiae vindicatur, secundum *Gloss. Petr. Cyn. Salic. Angel. in d. l. unic. Joan. de Plat. & Schneid. hic, Gomez. 3. res. 6. n. 1. Christin. Vol. 4. decif. 202. num. 36.* Quod autem D. Wesemb. in *add. ad Schneid.* notat, pro famoso libello eam solum scripturam haberi, in qua obijcitur speciale, certum & capitale crimen, puta latrocinii, caedis, adulterii; sin autem nullum tale crimen obijcitur, sed ad contumelia aliqua, qua existimatio laeditur, ut si quis spurcius in scripto nominetur; aut in genere criminis arguatur, veluti si appelletur flagitiosus, scelestus, nebulo, &c. libellum famosum non esse, sed simplicem scriptam injuriam: id, si quidem vim rerum nominumque spectes, perperam dicitur. Non male autem, si consideres, quod hodie auctor libelli non aliter capite punitur, quam si certum & capitale crimen obij-

ciat. Jus Canonum hanc pœnam mutavit in flagellationem rei atque excommunicationem, *cap. 1. & 3. cap. 5. quæst. 1.* Atque hodie generali consuetudine pœna famosi libelli capitalis esse desit. *Clar. §. fin. quæst. 68. num. 25. & Bajard. in add. ibid. num. 41. & sep. Zypæ, not. jur. Belg. Groenew. de ll. a. hrag. C. de fam. libell. Perez. ibid. in fin.*

Qui matremfam. aut prætextatam prætextatam & affectatam] Affectatur, qui tacitus frequenter
9 sequitur. Assidua enim frequentia quasi præbet nonnullam infamiam. *Ulp. l. item apud is. §. aliud 22. hoc tit.* Quibus verbis meo iudicio Jurisconsultus significat, affectationem propterea turpem esse, quia videtur quis quasi scortum sectari. Nam & hodie quoque solent homines improbi, dum sugillare volunt matronæ aut puellæ opinionem, in publico eis adambulare, quasi scortum ad locum constitutum sectantes. Materfamilias dicitur quælibet mulier honesta, siue nupta sit, siue vidua, *l. pronuntiaturum. 46. §. 1. de Verb. sign.* Prætextati dicebantur, qui prætexta adhuc & bulla utebantur. Quod fiebat usque ad annum decimum septimum. Quo tempore togam virilem sumebant, deposita prætexta puerili. Ut meminit Cicero in *proœmio Laliæ*. Hinc ætas prætextata Gellio *lib. 1. noct. cap. 23.* mores prætextati Juvenali *satyr. 2.* sermo prætextatus, qui aliis est sermo aperte obscœnus *Sueton. in Vespas. Macrobi. 1. Saturnal.* Aliis qui nihil obscœnitatis habet. Prætextatum enim sermonem quidam ab eo dictum putant, quod prætextatis nefus sit obscœno verbo uti. Alii dicunt, quod nubentibus depositis prætextis à multitudine puerorum obscœna clamentur, auctore Festo. Vide Budæum ad *l. ult. de senat. Joan. Britan. in d. satyr. 2. Gers.* Sic prætextatos referunt *Artaxata mores*. Prætextatæ etiam puellæ dicebantur ingenuæ & innuptæ, à prætextis, quas nubentes deponerant.

Pudicitia attentata] Attentari pudicitia alicujus dicitur, cum id agitur, ut ex pudico impudicus fiat; & qui attentat, injuriam facit, atque hac actione tenetur *l. 2. §. ult. cum l. seq. hoc tit.* Ut ecce si quis puellam aut matronam sollicitet ad stuprum, injuriæ mei facit. Hoc enim ipso significat, se jam opinionem aliquam de inconstantia morum ejus concepisse. Prætor appellandi verbo usus est, ut apparet ex *d. l. item apud. §. appellare 20. & §. aliud 22.* Appellare, ait ibi Jurisconsultus, est blanda oratione alterius pudicitiam attentare. Quod quidem non est conviti-um facere, sed alia verbalis injuria.

TEXTUS.

Qui & per quos injuriam patiuntur. De parente & liberis, viro & uxore, focero & nuru.

2. Patitur autem quis injuriam non solum per semetipsum, sed etiam per liberos suos, quos in potestate habet: item per uxorem suam; id enim magis prævaluit. Itaque si filia alicujus, quæ Titio nupta est, injuriam feceris, non solum filia nomine tecum injuriarum agi potest, sed etiam patris quoque & mariti nomine. Contra autem si viro injuria facta sit, uxor injuriarum agere non potest. Defendi enim uxores à viris, non viros ab uxoribus, æquum est. Sed & focer nurus nomine, cujus vir in ejus potestate est, injuriarum agere potest.

COMMENTARIUS.

Patitur quis injuriam non solum directo per se, sed etiam oblique per alias personas. Per alios patiuntur, pater per liberos, quos in potestate habet; dominus per servos; maritus per uxorem; focer per nurum, cujus vir in potestate ejus est. Etenim ad nos quoque spectat injuria, quæ iis sit, qui vel potestati, vel affectui nostro subiecti sunt, *l. 1. §. 3. hoc tit.* Injuria funeri testatoris vel cadaveris post aditam hæreditatem facta, hæredi quodammodo facta censetur. Semper enim hæredis interest defuncti existimationem purgare. Idemque est, si fama ejus, cui hæredes existimus, lacessatur. Si vero id ante aditam hæreditatem fiat, magis hæreditati fieri videtur, & sic hæredi per hæreditatem acquiritur, *d. l. 1. §. 4. & §. quoties 6.*

Per liberos quos in potestate] Hic immediate ipsi liberis fit injuria, & mediata per liberos patri; qui & suo & liberorum nomine injuriarum agit. Nam & ipsi quoque filio injuria fieri dicitur, persecutio tamen injuriæ patri tantum datur, non filio; nisi pater aut præsens non sit, aut sit vilis abjectæque conditionis persona, *l. sed sit 17. §. ait prætor 10. cum §§. seqq. l. pater 41. hoc tit. l. 2. C. cod.* addo tertium, nisi pater præmortuus sit. Itaque quod dicitur, in *l. 1. §. ult. cod.* filiafam. actionem competere, sic accipiendum est, ut tamen solus pater eam suo jure exerceat. Quod ex eo etiam

etiam intelligitur, quod pater illatam filio injuriam remittere & condonare potest, *d. l. sed si 17. §. plane 12.* Plane ex lege Cornelia pater injuriarum non agit, sed ipse filius; patri autem prætoria actio competit, *l. 5. §. illud 6. & seq. eod.* Usque adeo autem injuria, quæ liberis nostris sit, ad nos pertinere intelligitur, ut etiam si illi ultro quid injuriosum patiantur, adhuc tamen nostro nomine eam injuriam persequi nobis liceat, *d. l. 1. §. usque s. l. si quis 26. eod.*

Per uxorem] Etiam per uxorem injuria intelligitur fieri marito. Et ideo non tantum uxor, si sui juris est, injuriam sibi factam exequi potest; sed etiam maritus suo nomine agere, tanquam per latus uxoris sibi quoque simul injuria illata sit, *l. 1. §. ult. l. non solum 11. §. quamquam 7. l. cum qui 18. §. 2. eod.* quod in sponso quoque & sponsa receptum est, *l. item apud 25. §. sponsum 24. eod.*

Filia alicujus, quæ Titio nupta] Hic igitur ex una injuria tribus personis actio nascitur, Titio marito, uxori Titii, & patri uxoris, neque ullius actio per alium consumitur, *d. l. 1. §. ult.*

Uxor injuriarum agere non potest] Si viro facta sit injuria, uxor non agit, *l. 2. eod.* Cujus rei causa hæc esse videtur; quia uxores virorum, non contra viri uxorum dignitatem participant, *l. 8. de senat.* Quare qui uxoris dignitatem violat, simul mariti dignitatem, quæ in ea inest, violare intelligitur: non contra: *ὁν ὁ ὠνὴς ἐν κερὰν τῶν ἄνδρῶν. Paul. ad Ephef. c. 5. vers. 23.* Plane si injuria marito facta directo quoque tendat ad contumeliam uxoris, veluti si quis maritum appeller lenonem uxoris suæ, hoc casu etiam uxori actionem competere statuunt interpretes.

Sed & socer, &c.] Itaque nomine injuriæ factæ filiam, nuptæ filiosam, quatuor personæ actionem habebunt; illa ipsa, pater ejus, & maritus & socer. Per hunc text. contra quem socero actionem deneget *D. Tulden. c. 9.*

TEXTUS.

De servo.

3. Servis autem ipsis quidem nulla injuria fieri intelligitur, sed domino per eos fieri videtur: non tamen iisdem modis, quibus etiam per liberos & uxores; sed ita quum quid atrocius commissum fuerit, & quod aperte ad contumeliam domini respicit; veluti si quis alienum servum atrociter verberaverit; & in hunc casum actio proponitur. At si quis servo convi-

tium fecerit, vel pugno eum percusserit: nulla in eum actio domino competit.

COMMENTARIUS.

DUO hic docemur, 1. servis, qua servis, non intelligi injuriam fieri; adeo contemptos & pro nullis habitos apud Romanos fuisse. Proinde si servo convitium factum sit, aut pugnus impactus, ne domino quidem actionem injuriarum competere convenit, *l. item apud 15. §. itaque 44. hoc tit. 2.* si quid atrocius in servum admissum fuerit, & quod aperte ad contumeliam domini respiciat, dominum suo nomine injuriarum agere posse, quasi hic non servo, sed ipsi domino injuria illata sit, *d. l. item apud §. si quis 15.* Ex quibus efficitur, leviozem injuriam servo factam, veluti si leviter percussus sit, vel male dictum ei leviter, ad sugillationem domini factam non videri; alioqui utique domino actio daretur, *d. l. item apud 15. junct. §. 44.* Deinde ne atrociozem quidem vindicari, nisi appareat eam servo factam in contumeliam domini. Et hoc quidem efficit summi juris ratio, quo servi pro nullis habentur. Caterum prætor, ut passim, ita hic quoque æquitatem secutus, graviozem injuriam, licet servo factam, & citra contemplationem domini, inultum non relinquit. Et esset sane perabsurdum, inultum prorsus manere, si quid atrocius privato odio & libidine in servum sit designatum. Igitur hoc casu dominus injuriam servo factam persequetur nomine servi, *d. l. item apud §. prætor 34. cum seq. & §. prætor 43. cum seq.*

TEXTUS.

De servo communi.

4. Si communi servo injuria facta sit, æquum est, non pro ea parte, qua dominus quisque est, estimationem injuriæ fieri, sed ex dominorum persona, quia ipsis sit injuria.

NOTA.

4. **EX DOMINORUM PERSONA**] Per enim absurdum esset duobus impari dignitate præditis parem injuriam interpretari, veluti si unus sit senator, alter persona humilis, *§. 2. inf. eod.* Nec obstat *l. 16. eod.* vide plura in comment.

COMMENTARIUS.

OB injuriam servo communi factam singulis dominis pro ratione dignitatis ipsorum actio datur.

Cujus rei summa æquitas est: nam quod in disjunctis valet, etiam in conjunctis valere par est. Denique si ubi major est dignitas, ibi major & atrocior injuria inferitur, §. *atrox 9. infr. eod.* iniquum esset, duobus itupari dignitate præditis parum injuriam interpretari. Quod si alterius injuria major est, (cum forte is senator sit, alter persona humilis) majorem quoque poenam statui oportet. Neque obstat, quod ex Pedio Paulus refert in *l. sed non 16. eod.* non esse æquum in casu proposito pro majori parte condemnationem fieri, quam pro qua quisque dominus est; quoniam ibi non quaeritur, utrum ex persona dominorum injuria æstimanda sit, an pro portione dominica; sed utrum id, quod in fine legis præcedentis dictum erat, omnes dominos actionem habere, sic accipiendum sit, ut omnes habeant in solidum, an pro parte dominica duntaxat; & responderetur, actionem quidem omnes habere, sed non pro majore parte, quam pro qua domini sunt. Ex quo minime efficitur, in æstimanda ea portione, personam & qualitatem dominorum non simul spectari: imo verba Pauli contra contrarium arguunt, cum portiones officio judicis æstimari dicit.

T E X T U S.

De servo fructuario.

5. *Quod si ususfructus in servo Titii est, proprietatem Mævii, magis Mævio injuria fieri intelligitur.*

C O M M E N T A R I U S.

Si servo injuria facta sit, in quo unus proprietatem, alter ususfructum habet, magis est ut proprietario injuria facta intelligatur, quam ei, qui habet ususfructum, d. l. *item apud, §. antepen. eod.* Quod enim ususfructus alienus est, id non efficit, quo minus res tota adhuc nostra esse dicatur, *l. recte 25. de Verb. sign.* sed hoc obtinet in re dubia servoque atroci injuria affecto. Nam si aperte in contumeliam ususfructuarii verberatus sit, ususfructuario injuriarum actio datur, d. l. *item apud §. pen. eod.*

T E X T U S.

De eo qui bona fide servit.

6. *Sed si libero homini, qui tibi bona fide servit, injuria facta sit, nulla tibi actio dabitur, sed suo nomine is expediri poterit, nisi in contumeliam tuam pulsatus sit. Tunc enim competit & tibi inju-*

riarum actio. Idem ergo est & in servo alieno bona fide tibi serviente, ut toties admittatur injuriarum actio, quoties in tuam contumeliam injuria ei facta est.

C O M M E N T A R I U S.

Si is, qui nobis bona fide servit, injuria facta sit, siquidem liberi sunt, nulla nobis actio competit; sed ipsi suo nomine experiri possunt: si servi alieni, dominus injuriarum agit. Sed & hic si in contumeliam nostram pulsati sunt, non domino, sed nobis actio datur, d. l. *item apud, §. antep. & pen. eod.* His consequens est, ut si famulo, mercenario, procuratori, vel subdito alicujus injuria facta sit, dominus ex hac injuria non aliter agere possit, quam si in ejus contumeliam illata sit, verbi causa, mandata ejus exponentibus vel exsequentibus. *Gomez. 3. resol. 6. n. 6. Schneid. hic, num. 2. Tulden. cap. 9.*

T E X T U S.

Poena injuriarum ex l. XII. Tab. & ex jure Prætorio.

7. *Pœna autem injuriarum ex lege 12. tabularum propter membrum quidem ruptum talio erat: propter os vero fractum nummaria pœna erant constituta, quasi in magna veterum paupertate. Sed postea prætores permittebant ipsis, qui injuriam passi sunt, eam æstimare, ut judex vel tanti reum condemneret, quanti injuriam passus æstimaverit, vel minoris, prout ei visum fuerit. Sed pœna quidem injuria, quæ ex lege 12. tabularum introducta est, in desuetudinem abiit: quam autem prætores introduxerunt, (quæ etiam honoraria appellatur) in judiciis frequentatur. Nam secundum gradum dignitatis, viteque honestatem, crescit aut minuitur æstimatio injuriæ. Qui gradus condemnationis & in servili persona non immerito servatur, ut aliud in servo actore, aliud in mediocris homine, aliud in vilissimo vel compedito jus æstimationis constituatur.*

NOTA.

IN DESUETUDINEM ABIIT] Cujus desuetudinis causa fuit Neratius, homo insigniter improbus, qui viginti quinque assibus datis pro oblectamento habebat os liberi hominis depalmare. Gel. d. loc.

COMMENTARIUS.

- 1 *Qua quarum injuriarum poena ex lege 12. tabb.*
2 *Instituto pratorum quomodo injuria vindicantur.*

[N]juriae & legibus coercerentur & edicto pratoris. Lex antiqua XII. tabularum de omni injuria nominatim cavet, de carmine seu libello famoso; de membro rupto, de osse fracto, deque ceteris injuriis omnibus, quae vel verbis fiunt, vel manu extra membri ossisve ruptionem, ut constat ex Gellio lib. 20. noct. 1. & Paulo lib. 5. sent. 4. De poena famosi libelli dictum superius §. 1. hoc tit. Ob membrum ruptum lex poenam talionis constituit: ob os fractum pecuniariam; uti & ob reliquas injurias leviores; quas quinque & viginti assibus sanxit: nam atrociores, ut de osse fracto, impensiore damno vindicasse, pecuniario tamen, idem eodem loco Gellius testatur. Cui & Justinus consentit: sed neuter summam exprimit. Putat Hotomannus, hujusmodi injuriam in homine libero trecentis assibus; in servo centum & quinquaginta vindicantur: alii tot sestertios poenae fuisse autumant. Sed nos est quod de eo solliciti sumus; quoniam poenae legis duodecim diu exoleverunt, aliaque poena à pratoribus substituta est, de qua mox videbimus. Ceterum & lex Cornelia, quae manu fiunt, injurias coercet, & d. §. seq.

[T]alio erat] Talio similem seu reciprocam peremptionem significat. Impp. dixere reciprocam poenam, l. 3. C. Theod. de exhib. reu. Itaque per talionem parem vindictam lex permittit: quod etiam legi Moisaicae consentaneum est. Exod. 21. Levit. 24. Dent. 19. Joseph. antiq. 4. cap. 6. Inestatur hanc poenam, ut inquam nimisque acerbam & cujus executio ne procedere quidem possit, Phavorinus Philosophus apud Gell. d. l. 20. cap. 1. Cui occurrens Sextus Caecilius ait, necesse non fuisse, ut reus talionem pateretur, nisi eam ipse elegeret; quippe qui ex lege facultatem paciscendi habuerit. Sed & talionem ipsam, si reus depacisci noller, & acerbiter talionis metueret, ad aestimationem pecuniariam arbitrio judicis redigi necessario solitam: Nam si reus, qui depacisci noluerat, judici talionem imperanti non parebat, aestimata lite in pecuniam damnatum; atque ita si reo & pacio gravis & acerbata talio visa fuerat, severitatem legis ad pecuniam multam rediisse. Verba legis haec sunt: Si membrum rupis, ni cum eo pa-

cit, talio esto. Testibus Gellio d. loc. & Festo in verbo Talio.

[P]ropter os fractum] Singula ossa membrum non constituunt. Nam verbi gratia caput, quod unum membrum numeratur, complura & varia ossa habet. itaque os frangi etiam sine membri ruptione potest.

[N]ummaria poena] Uti & ob ceteras injurias minus atroces: sed poena ossis fracti longe gravior erat, quam reliquarum, quae tantum viginti quinque assis fuit, ut supra demonstravimus.

[I]n magna veterum paupertate] His verbis Tribonianus innuere videtur, poenas illas nummarias non fuisse valde graves: Ceterum magnas satis veteribus visas in magna rei nummariae penuria. Unde D. Tuldenuus se aliquando respondisse refert, multas, quae antiquis urbium Belgicae constitutionibus adversus percutientes aut vulnerantes aliquem diriguntur, hodie non obtinere. Nam apud majores nostros ut aliarum rerum beatam & facilem copiam, ita nummorum longe quam hodie minorem fuisse. De maximo veterum Romanorum sub Servio Rege censu vid. Halicarnass. lib. 1. Gell. lib. 11. c. 1. Plin. lib. 18. cap. 3.

[S]ed postea pratores] Injuriarum poena instituto pratorum prius ei, cui facta est, deinde arbitrio judicis aestimanda permittitur: ut scilicet is, qui injuria est affectus, ita dicat, *Injuriam mihi factam centum aureis aestimo.* Judex deinde moderetur & refrænet taxationem actoris. Hac poena recepta legitima ab usu recessit. Q. Labeo apud Gellium d. l. 20. cap. 1. refert, fuisse quendam Lucium Veratium, hominem insigniter improbum, qui pro oblectamento habebat os hominis liberi manus suae palma verberare: eum secutum servulum crumenam assumptam plenam portitantem, & quemcumque depalmaverat ei numerari statim secundum XII. tabb. 25. asses jubebat. Propterea, inquit, pratores hanc poenam abolescere & relinqui censuerunt, injuriisque aestimandis recuperatores se daturos edixerunt.

[S]ecundum gradum dignitatis & itaque honestatem] Aestimatio injuriae pro ratione personae, cui facta est, elationem submissionemve accipit. Idque in persona servi quoque locum habere tradit hic Justinianus. Nimirum injuriam etiam servo factam pro honestate aut utilitate muneris, cui à domino prepositus est, aut vitae morumque, pluris aut minoris aestimari: majorem enim domino injuriam fieri intelligi in servo bonae frugis, in dispensatore, quam in male noto, in mediastino, aut quali qualis, l. item apud 15. §. itaque 44. hoc tit.

TEXTUS.

De lege Cornelia.

8. Sed & lex Cornelia de injuriis loquitur, & injuriarum actionem introduxit, qua competit ob eam rem, quod se pulsatum quis verberatumve, vel domum suam vi introitam esse dicat. Domum autem accipimus, siue in propria domo quis habitet, siue in conductâ, siue gratis, siue hospitio receptus sit.

COMMENTARIUS.

1 Ex lege Cornelia criminale quidem injuriarum iudicium, sed non publicum constitutum fuisse.

TRes sunt causæ, ex quibus etiam lex Cornelia actionem injuriarum dedit, quod quis pulsatus verberatusve, domusve ejus vi introita sit, *l. s. hoc tit.* Nam et si actio prætoriam ad omnes injurias pertinebat, tam quæ manu, *l. 7. §. 1. & 2. cod.* quam quæ verbis fiunt, eam tamen non nisi civiliter instituere licebat: Ex lege autem Cornelia criminale iudicium constitutum est; quanquam postea receptum, ut ex ea lege civiliter quoque agi possit, *l. constitutionibus. 37. §. 1. cod.* Publicum fuisse iudicium quidam putant, sed hoc refellit *l. licet 42. §. 1. de procur.* & quod generaliter traditum est in *l. 7. C. hoc tit.* causam injuriarum non publici iudicii, sed privati querelam continere; ideoque nec inter publica iudicia vel in *l. 1. de publ. iud.* vel in *tit. ult. hujus libri* numeratur. Utique ex eo quod in *l. 12. in fin. de accus.* mentio sit legis Corneliæ injuriarum, non continuo evincitur, iudicium illud publicum fuisse, executionemque injuriæ, tanquam delicti publici, patuisse omnibus; quod est proprium iudiciorum publicorum. Legem hanc tulisse videtur L. Cornelius Sylla, quo tempore rempub. constituebat bello civili & cædium impunitate ac proscriptione jactatam.

Pulsatus vel verberatus] O filius scribit, verberare esse cum dolore cedere, pulsare, sine dolore, *d. l. 5. §. 1. hoc tit.* Latine autem linguæ consuetudinem qui spectat, facile observabit, differentiam illam non perpetuo servari.

Domum autem accipimus] In lege Cornelia domus nomine etiam conductâ & precaria & hospitalis intelligitur, *d. l. 1. §. 2.* unde hæc descripta sunt. Denique ad donos omnes lex pertinet, in quibus quis non momenti causa inhabitat, licet ibi domicilium non habeat: tantum enim ad meritoria vel stabula non pertinet, *d. l. 5. §. si sament. 5. cod.*

TEXTUS.

De æstimatione atrocis injuriæ.

9. Atrox injuria æstimatur vel ex facto, veluti si quis ab alio vulneratus sit, vel fustibus cæsus; vel ex loco, veluti si cui in theatro, vel in foro, vel in conspectu prætoris injuria facta sit; vel ex persona, veluti si magistratus injuriam passus fuerit, vel si senatori ab humili persona injuria facta sit, aut parenti patronove fiat à liberis vel libertis. Aliter enim senatoris & parentis patronique, aliter extranei & humilis personæ injuria æstimatur. Nonnunquam & locus vulneris atrocem injuriam facit, veluti si in oculo quis percussus fuerit. Parvi autem refert, utrum patris familias, an filiofamilias talis injuria facta sit: nam & hæc atrox injuria æstimabitur.

COMMENTARIUS.

1 *Pena injuriæ magistratus officiali aut apparitori facta, quatenus extendatur ex sententia interpp.*

Injuria quædam levis est, quædam atrox. Quæ sit injuria levis, ex descriptione atrocis simul intelligitur. Atrocem injuriam accipimus quasi contumeliosiore & majorem, *l. 7. §. atrocem 7. hoc tit.* eaque vel specie talis est, reque ipsa & facto; vel ex circumstantiis, loco, tempore, persona tum facientis, tum patientis, talis habetur, quanvis per se atrox non sit, *d. l. 7. §. ult. cum ll. seqq.* Atque ex his causis injuriæ æstimatio augeri potest, & poena iudicis arbitrio exasperari. Exemplis res illustratur in textu.

Vel ex facto] In æstimanda atroci injuria primum factum perpenditur, veluti si vulnus illatum sit, si quis fustibus cæsus, aut cui os percussum, *d. l. 7. in fin.* vel si vestimenta scissa, aut insigne alicui convitium factum, &c. *l. 9. fere per tot. cod.* Itaque pro atroce & illa habenda, quæ sit malo carmine. *Liban. orat. 2. ad Theo.*

Vel ex loco] Secundo æstimatur atrocitas injuriæ ex loco, in quo sit, veluti si in theatro alicui injuria fiat, quantumvis per se non atrox. Nam in tanta celebritate vel qualiquali contumelia aliquem afficere, facinus est indignissimum. Idem ergo dicendum est de foro

De foro & similibus locis, *h. text. & d. l. 9. §. 1. eod.* & denique si injuria facta sit ludis aut in conspectu magistratus; quæ ad circumstantiam temporis referuntur in *d. l. 7. §. ult. eod.*

Vel ex persona] Postremo & personæ reverentia atrocem injuriam facit; veluti si ei inferatur, qui est in sacerdotio, & dignitatis habitum atque ornamenta præfert; *l. 4. C. hoc rit. vel si liberi aut liberti parentem patronumve injuria afficiant; vel de plebe aliquis Senatorem, virumve ob sapientiam & virtutem venerabilem; aut si magistratui injuria fiat, hoc text. & d. l. 7. §. ult.* Tertullianus de anima: *Gravis injuria in præsidem est, cum officia pulsantur: plus caditur qui jubet, quando nec qui obsequitur, excusantur.* Hanc autem injuriam etiam capitali poena posse compesci, censent Decius in *c. ex literis. 2. de confit. Menoch. de arbitr. c. 26.* quanquam alii interesse putant, utrum magistratui, ut coarbitet, an quia utrum magistratus, id est, ad turbandam administrationem officii, aut in ultionem condemnationis rite per eum irrogata, aut ad seditionis initium incitamentumque quis injuriam inferat: id enim in seditionem cadere aut in legem Juliam de vi publica, cujus poena est deportatio, *l. 1. qui dolo 10. per tot. ad l. Ful. de vi publ. quibus assentior. Vide Tulden. tit. C. de poen.* Offendens apparitorem sive principis, sive senatus, sive alterius domini aut judicis inferioris, gravissime puniendus est, quod ea res ad publicam utilitatem tuendamque magistratuum jurisdictionem pertinet. Sed tamen ex causa aliter atque aliter statui solet, vid. *Ant. Fabr. Cod. suo, hoc tit. de finit. &*

quod dictum est, poena reo imponitur. Sin autem criminaliter, officio judicis extraordinaria poena reo irrogatur. Hoc videlicet observando, quod Zenoniana constitutio introduxit, ut viri illustres, quique super eos sunt, & per procuratores possint actionem injuriarum criminaliter vel persequi, vel suscipere, secundum ejus tenorem, qui ex ipsa manifestius apparet.

COMMENTARIUS.

1. *Actionem ad palinodiam, jure civili incognitam, civilem esse, non criminalem.*
2. *In actione criminali poenam extra ordinem constituit. Civilis electa hanc consuevit, & contra.*
3. *Civiliter contentus qua ratione infamiam effugiat. Ubi quadam consuetudine recepta.*

Quemadmodum de furto, aliisque maleficiis, non tantum civiliter agi potest, sed etiam criminaliter; *l. ult. de furt. l. ult. de pris. del.* ita etiam de quavis injuria, *hoc text. & l. ult. eod.* In actione civili postulat actor, ut reus in tantam summam condemnatur, quantum ipse injuriam æstimat. Cæterum judex eam æstimationem moderari potest, si forte modum excedere actor videatur, nec ex vero rem metiri, sed, ut plerumque fit, ex nimio amore & opinione sui, nebulam hic etiam objiciente iracundia, *§. poena 7. supr. eod.* Hæc autem poena uti pecuniaria est, ita ipsi applicatur atque adjudicatur actori. Et ideo hæc actio opposita criminali civilis dicitur, quamvis prætoria sit ratione causæ efficientis. Porro quoniam opinione vulgi convitiis, maledictis atque exprobrationibus honor & fama alterius lædi creditur, & per revocationem opprobrii restitui, ex hoc errore nata videtur actio ad palinodiam seu recantationem, quæ cum actione injuriarum, quæ multa pecuniaria petitur, nunc ex more seu stylo conjungi & cumulari solet: Nam jure civili Romanorum ea actio incognita est. *Vir clarissimus Anton. Matt. ff. ad hunc tit. cap. 3. num. 7.* Criminales hanc esse actionem contendit. *Marant. part. 4. dist. 1. n. 10.* Sed falso. Neque enim in hoc instituitur, ut vel corpori poena infligatur, vel quicquam applicetur fisco: sed tantum, ut honori & existimationi ejus, qui læsus est, consulatur, & alioqui cumulatio ista non admitteretur. *Mysf. 2. obs. 98. Gail. 1. obs. 65. VVarmf. 1. pract. tit. 47. obs. 8.* Criminali actione poscitur

Tom. II.

O

vir

TEXTUS.

De judicio Civili & Criminali.

10. *In summa, sciendum est, de omni injuria eum, qui passus est, posse vel criminaliter agere, vel civiliter. Et si quidem civiliter agatur æstimatione facta, secundum*

vindicta in exemplum publicum, atque extra ordinem ex causa & persona arbitrio judicis poena constituitur, reusque coercetur vel in corpus, vel irrogatione multæ, non parti, ut sit in judicio civili, sed fisco applicandæ, hoc text. d.l. ult. eod. Utrum autem ex his persecutionibus actor elegerit, una alteram consumit: Quia utraque ad eundem finem, id est, ad vindictam comparata est, l. 6. l. 7. §. 1. eod. l. unic. C. quando c. act. crim. & ibi Bart. num. 2. Gail. d. obs. num. 1. Marant. d. distin. n. 5. Matth. d. loc. n. 8. Sed & utroque judicio condemnatum sequitur infamia, l. 7. in pr. l. 1. l. 4. §. ult. de his qui not. inf. l. non damnatos 18. Cod. eod. Quam tamen evitare reus civiliter coactus poterit, si curet, ut per procuratorem defendatur, l. 6. §. 2. d. tit. fac. ratio in l. 1. C. de sent. & intell. Addunt vulgo interpretes, si ante sententiam definitivam aut utique ante litem contestatam æstimationem injuriæ solverit, aut actor nolente recipere, apud acta deposuerit, arg. l. si reus 73. de procur. Gail. 2. obs. 102. num. 12. & obs. seq. per tot. VVurmser. d. tit. 47. obs. §. n. 7. VVesemb. parat. de his qui not. infam. n. 9. Christin. Sol. 4. decis. 202. num. 26. Quod nescio an juri nostro consentaneum sit. Nam textus in d.l. si reus, de procur. commode accipi potest de iis, qui tantum damnati infames fiunt, non etiam qui & pacti, ut in causâ injuriarum, cum etiam plus sit solvere, quam pacisci, arg. l. 4. §. ult. cum lege seq. junct. l. 7. de his qui not. inf. Illud quoque non ex ratione juris, sed consuetudine receptum est, ut iudex ex causâ sententia sua honorem condemnato conservare possit. Gail. 1. obs. 65. n. 6. VVesemb. conf. 22. num. 26. Marq. Freher. de existim. lib. 3. cap. 8. & seq. Christin. Sol. 4. num. 20. decis. 202. Equidem non ignoro, juris esse, ut gravior poena ultra legem imposita existimationem conservet, quasi sententia de existimatione transactum sit, l. quid ergo 13. §. pen. de his qui not. infam. l. 4. C. eod. Ceterum si sententia poenam ordinariam non excedat, valet legis auctoritas, l. 1. §. quoniam 4. ad SC. Turpill. & regula tradita in l. non poterit 63. de furt. Zas. in l. acta 45. §. de amplianda, de re judic. Donell. 18. comm. 8.

[Viri illustres & per procuratores.] Ad actionem civilem quod attinet, agere quis injuriarum & per se & per procuratorem potest, l. non solum 11. §. 2. hoc tit. criminaliter non potest, nisi per se propter inscriptionem in crimen. Ceterum Zeno constitutione sua illustribus veluti consulibus & patriciis, & superillustribus personis, specialiter permisit, ut injuriarum judicium per procuratorem etiam criminaliter vel suscipere vel movere possint, l. ult. C. hoc tit. De consuetudine autem Belgii in causâ injuriarum procuratores indifferenter admitti testatur Christin. Sol. 4. decis. 202. n. 7. Busf. in l. licet 42. §. 1. de procur.

TEXTUS.

Qui tenentur injuriarum.

11. Non solum autem is injuriarum tenetur, qui fecit injuriam, id est, qui percussit; verum ille quoque tenetur, qui dolo fecit injuriam, vel qui procuravit ut cui mala pugno percuteretur.

COMMENTARIUS.

Actio injuriarum non solum adversus eum datur, qui re ipsa injuriam fecit, verum adversus eum quoque, qui subornavit aliquem, ut faceret, l. non solum 11. pr. hoc tit. puta, mandando, instigando, consilium dando, d. l. 11. §. 2. add. que notamus ad §. illud 7. super. de mand.

TEXTUS.

Quomodo tollitur hæc actio.

12. Hæc actio dissimulatione aboletur, & ideo si quis injuriam dereliquerit, hoc est, statim passus ad animum suum non revocaverit, postea ex poenitentia remissam injuriam non poterit recolare.

COMMENTARIUS.

- 1 Remissa injuria adhuc peti posse impensas, &c.
- 2 Cur dissimulatione injuria aboletur.
- 3 An idem obtineat & in reali injuria.
- 4 Plures species tacite remissionis inter eas non esse communionem cana dominica.
- 5 Annus in actione injuriarum utilisne intelligendus, an continuus: & ex quo tempore currat.
- 6 Actionem injuriarum ex lege Cornelia perpetuam esse.

Injuriarum actio tollitur remissione injuriæ. Eaque vel expressa, puta si quis cum adversario paciscatur de lite, aut transigat: quod in actionibus, quæ ex contractu proficiuntur, facere licet etiam absque infamix nota, l. 7. hoc tit. atque hoc modo ipso etiam jure hæc actio tollitur, l. si tibi. 17. §. 1. l. si unus 27. §. 2. de pact. l. sed si 17. §. si ante. 6. hoc tit. Quin & absente atque ignorante adversario injuriam remitti posse censent juris nostri interpretes. Ceterum remissa injuria, nihilominus peti possunt impensæ curationis.

rationis & pretium intermissarum operarum, si forte vulnus illarum membrum aut os fractum. Quippe quæ ob damnum, non ob contumeliam debentur, *l. item apud 15. §. si quis 46. eod. Clar. lib. 5. §. fin. q. 58. n. 38. Coar. 2. ref. 10. n. 7. Gom. 3. ref. 3. n. 37.* Vel tacita, veluti si quis sine ullo offensæ aut cominoti alienative animi indicio injuriam excepit, ut hic docet Justinianus ex Ulpiano in *d. l. 11. §. 1. hoc tit.*

2. Ubi Jurisconsultus ait, injuriarum actionem ex bono & æquo esse, & dissimulatione aboleri, si quis injuriam illatam statim ad animum non revocaverit. Quibus verbis significat, dissimulationem esse speciem quandam condonationis & remissionis injuriæ; iniquum autem esse repeti, quod semel remissum est. Et profecto cum actio injuriarum non persequatur damnum aliquod pecuniarium, sed tantum ad vindictam tendat, is qui dissimulat nec ad animum injuriam revocat, eam insuper habere videtur, & tacite condonare ac remittere: atque hinc est, quod clausula hæc libello inferi solet, quod actor injuriam sibi factam ad animum revocaverit. Hoc autem obtinere quidam volunt in injuria verbali duntaxat. In reali vero, puta si vulnus inflictum, si quis sultibus cæsus, conjecturam illam non sufficere. *Tulden. hic cap. ult.*

4. Dissimulationis quoque & tacite remissionis species quædam videtur, si quis cum eo, à quo injuria affectus est, familiariter postea fuerit conversatus. *Clar. §. injuria n. 10. Damhoud. prax. crim. c. 136. n. 10.* Utique si sponte & motu proprio. Nam verbi causa, si ad commune convivium vocatus cum adversario venerit, non ideo censetur remissa injuriarum actio. Sicut nec communione cœnæ dominicæ, uti definivit Curia Frisæ, teste *D. Joan. à Sande lib. 5. tit. 8. de fin. 12. Ant. Matth. ff. ad h. tit. n. 15.* quem vide, *Naj. 149.* Item si injuriam passus lite non instituta decesserit; nam ideo hæredi ejus non datur, cum cæteræ actiones pœnales etiam hæredibus competant, *l. injuriarum 13. in pr. hoc tit. §. 1. infr. de perp. & temp. act.* Et denique si tempus instituendæ huic actioni præfixum elabi passus sit, annum nimirum unum, *l. sed si 17. §. si ante. 6. in fin. hoc tit. l. 5. C. eod.* Utrum autem hic annus continuus sit, an utilis, ambigitur. Continuum intelligi debere communis DD. schola existimat, *Clar. d. §. injuria n. 9. Myns. 5. obs. 7.* quæ sententia etsi usu forensi recepta est, de jure tamen verior videtur eorum, qui utilem accipiunt, per text. in *l. item si 14. §. in causa 2. quod met. ea.* & facit quod in cæteris prætoriiis annalibus annus utilis intelligitur, ut constat ex edictis, quibus proponuntur. Dicitur autem tempus utile tum ratione decursus, ut in eo non computentur dies, quibus experiundi aut judicis adeundi potestas non est; *l. 1. in fin. de divers. & temp. præscr. l. 3. §. ult. de accus.* tum ratione initii, quod non incipiat currere

ignoranti aut experiiri impedito, *d. l. 1. de div. & temp. præscr. l. 2. quis ord. in bon. poss.* atque hoc saltem respectu utilem hic annum accipiendum, qui à die scientiæ demum curat: contra *Oldend. class. 7. act. 10. Schneid. ad §. sed & 8. hoc tit.* & alios quosdam rectè docent *Gail. 2. obs. 105. Myns. 1. obs. 7. n. 7. Fachin. 9. cont. 8. Christin. Col. 4. decis. 202. n. 8. 9. & 10.* Plane, quod dicimus, actionem injuriarum anni spatio finiri, id tantum pertinet ad actionem prætoriam: nam eam, quæ ex lege Cornelia injuriarum competit, verius est, perpetuam esse, uti sunt & cæteræ, quæ ex legibus & jure civili descendunt, *infr. de perp. & temp. actio. in pr. Clar. d. §. injuria. n. 9. Marant. part. 4. distinct. 1. n. 59. Fachin. 9. contr. 7.* quod etiam rerum judicatarum auctoritate confirmatur. *Myns. 1. obs. 8. & 4. & 5. obs. 7. Gail. 2. obs. 105. Wurmser. tit. 47. de injur. obs. 8. 1. decis. Cur. Holl. 13. D. Joan. à Sande lib. 5. tit. 8. de fin. 3.* Non obstat huic sententiæ *l. 5. C. hoc tit. ult.* Nam illa non de omni injuria loquitur, sed de verbali duntaxat: quo nomine constat ex lege Cornelia injuriarum agi non posse.

TITULUS V.

D. lib. 9. t. 3. lib. 47. t. 5.

De obligationibus, quæ quasi ex delicto nascuntur.

Continuatio. Quid sit quasi maleficium & unde ita dictum.



Quarta & ultima obligationis causa est quasi maleficium: de quo exponendi hic solus locus superest. Quasi maleficium est omne factum, quo quis propriè quidem dici non potest deliquisse, sed tamen quod maleficium est proximum. Etenim ut quædam sint negotia, quæ licet revera contractus non sint, tamen ad fines contractuum proximè accedunt, & ideo quasi contractus nominantur; ita quædam etiam sunt facta, quæ quamvis propriè in speciem aliquam delicti non cadant, tamen similitudine quadam ad delicta propius accedunt, quam ad contractus; quæ ideo nostri quasi maleficia & quasi delicta appellaverunt: quorum quatuor species hoc tit. proponuntur & explicantur.

TEXTUS.

Si judex litem suam fecerit.

Si judex litem suam fecerit, non propriè ex maleficio obligatus videtur; sed

quia neque ex maleficio, neque ex contractu obligatus est: Et utique peccasse aliquid intelligitur, licet per imprudentiam: ideo videtur quasi ex maleficio teneri, Et in quantum de eare æquum religioni judicantis videbitur, pœnam sustinebit.

COMMENTARIUS.

1. *Cur judex per imperitiam male judicans non a-
quẽ ex delicto obligetur, ac medicus male cu-
rans: Et circa hoc mores hodierni.*
2. *Cui adversus quem, qua de re, ex hac causa
actio detur.*
3. *Dolus iudicis quomodo puniatur.*

Species quasi maleficii, & prima ex iis, quæ hoc ti-
tulo proponuntur, est, si judex malè per impruden-
tiam judicaverit: quo etiam hoc factum refert Cajus,
l. 5. §. si judex, 4. de obl. & act. l. ult. de extr. cogn.
unde ad verbum hic locus descriptus est. Ajo, per im-
prudentiam; nam dolo malo interveniente verum id
delictum est. Dices, & per imprudentiam sive impe-
ritiam aliquem lædere verum esse delictum; quippe
cum sit culpa; ideo enim medicum malè per imperi-
tiam secantem aut curantem ex vero delicto obligari
& teneri lege Aquilia, §. *imperitia, 7. supr. de leg.*
1. *Aquil.* Cur igitur non item dicimus judicem perpe-
ram per imprudentiam judicantem ex vero delicto
obstringi, sed tantum quasi ex delicto? Nimirum quia
medici periculosam imperitiam delicto subijcit teme-
raria professio scientiæ: judex autem non professione
jurisprudentiæ censetur, sed publica auctoritate con-
stituitur, etiam invitus. Etenim imperitia per se cul-
pa non est: sed in eo, qui peritiam alicujus rei profi-
tetur, in ea re culpa adscribitur, *l. 2. §. penult. Litem
quæritur, 13. §. si gemma, 5. locat.* Denique casus
hic separatus est à lege Aquilia, qua damnum corpori
datum duntaxat coercetur, §. *ult. supr. de leg. Aquil.*
Moribus hujus ævi neque errata medicorum in judi-
cium vocari solent, ut alibi quoque notavimus; neque
judex ex sententiæ sine dolo malo tantum per imperi-
tiam prolata tenetur: sed iniquitati sententiæ occur-
rendum est remedio appellationis: testis *D. Tulden.*
*hic cap. 1. Et Joseph. Ludovic. dec. 1. n. 50. Baro-
comment. part. ult. Bugnon. lib. 1. de leg. abr. Sa-
tyr. 2. Et 124. add. Papon. lib. 16. tit. 2. arest. 121
13. 14.*

Litem suam fecerit Judex suam facere judex ma-
le judicando ideo dicitur, quia periculo litis se ob-
stringit, causamque ejus, secundum quem pronuntia-
tum est, suscipere cogitur, & quasi suam defendere.

In summa, quia ex iudice fit reus. Cicero 2. *de orat.*
Quid, si cum pro altera dicas, litem tuam facias?
&c.

Licet per imprudentiam Judex male judicando
litem suam facit, non tantum cum dolo malo inique
decernit, sed etiam cum imprudenter; sed illo casu ex
vero, hoc ex quasi delicto obligatur, *d. l. 5. §. si judex,
4. de obl. & act. l. ult. de extr. cogn. l. filiusum, 13.
§. 1. de judic.*

Æquum religioni judicantis Judex, qui per im-
prudentiam male judicavit, tenetur quasi ex maleficio
actione in factum, & in id, quod ob eam æquum
judici videbitur, condemnatur salva existimatione,
d. l. ult. de extr. cogn. Hæc actio iis constituta est,
qui ea sententiæ læsi sunt; proinde actori si reus in-
iuste absolutus est; reo, si injuria est condemnatus:
quod ex fine hujus actionis intelligitur, quippe quæ
comparata est damni sarcienti causa: aliis autem
sarciri non potest, quam quibus datum est. Ei, qui re-
medio appellationis utitur, quod hodie in casu pro-
posito necessarium est, non est æquum adversus judi-
cem, à quo appellavit, hanc actionem dari. Dolus ju-
dicis ut verum & infame delictum severius vindica-
tur: nam qui *τὸν χῆρον μάκρον δέσσει*, largitione,
odio, vel gratia depravatus iniquum sententiam di-
xisse arguitur, & famæ dispendium patitur, & veram
litis æstimationem ei, quem læsit, præstare cogitur,
*l. filiusum, 13. §. 1. de judic. l. ultim. C. de pen. jud.
qui mal. jud.* Acceptio pecuniæ etiam reum legis Ju-
liæ repetundarum facit, *l. 3. Et 4. de leg. Jul. rep.*

T E X T U S.

**De dejectis, vel effusis, & positis aut
suspensis.**

1. *Item is, cujus ex cœnaculo, vel proprio
ipsius, vel conducto, vel in quo gratis habi-
tat, dejectum effusumve aliquid est, ita ut
alicui noceret, quasi ex maleficio obligatus
intelligitur. Ideo autem non propriè ex
maleficio obligatus intelligitur, quia ple-
numque ob alterius culpam tenetur, aut
servi aut liberi. Cui similis est is, qui ea
parte, qua vulgo iter fieri solet, id positum
aut suspensum habet, quod potest, si cecide-
rit, alicui nocere. Quo casu pœna decem
aureorum constituta est. De eo vero, quod
dejectum effusumve est, dupli, quantum*

damni

damni datum sit, constituta est actio. Ob hominem vero liberum occisum, quinquaginta aureorum poena constituitur. Si vero vivat, nocitumque ei esse dicatur, quantum ob eam rem aequum judici videatur, actio datur. Iudex enim computare debet mercedes medicis praestitas, cateraque impendia, quae in curatione facta sunt: praeterea operas, quibus caruit aut cariturus est, ob id quod inutilis est factus.

NOTAE.

OB ALTERIUS CULPAM] Habitator suam suorumque culpam praestare debet, *l. pen. d. tit.*

POENA DECEM AUREORUM] Adversus eum qui posuit aut posuit patitur, actio in factum in decem aureos datur, *d. l. s. §. 6.* quae actio popularis est, id est, cuius est populo conceditur, *d. l. s. §. ultim.*

JUDEX COMPUTARE DEBET MERCEDES] Cicatricum autem & deformitatis nulla fit aestimatio, *d. l. s. pr. §. 6. l. s. §. s. l. ult. eod. tit.*

COMMENTARIUS.

Secunda species quasi maleficii est, non praecavere ne quid à domesticis temere ex coenaculo aut adibus deiciatur aut effundatur, quod transentibus nocere possit, *l. s. §. is quoque pen. de obl. & att.* Unde si quid dejectum effusumve alicui nocuit, constituta est à praetore actio adversus eum, qui in eo coenaculo habitat, unde is casus prodit, *l. i. & pass. de his qui dej. vel effud.*

Vel proprio ipsius vel conducto. Utrum coenaculum proprium, aut conductum, aut gratuito concessum sit, nihil interest. Nam haec actio in eum datur, qui inhabitat, cum quid dejecerit vel effunderet, non in dominum aedium. Habitare autem dicimus vel in suo vel in conducto vel gratuito. Hospes plane non tenebitur: quia non ibi habitat, sed tantisper hospitatur: sed is tenetur, qui hospitium dederit. Multum autem interest inter habitantem & hospitem, inter domicilium habentem & peregrinantem. Si plures in eodem coenaculo habitent, unde dejectum est, in quemvis haec actio in solidum dabitur. Sed si cum uno actum fuerit, ceteri liberabuntur, *d. l. i. §. pen. & ultim. l. 23. & 4. de his qui dej. vel eff.* Si de navi dejectum sit, dabitur utilis actio in eum, qui navi praepositus est, *l. pen. §. ult. eod.*

Dejectum effusumve] In eum scilicet locum, quo

vulgo iter fit, vel in quo constituitur. Quod merito praetor edixit. Quippe cum publice interfit, sine metu & periculo per itinera commeari. Ad secreta igitur loca hoc edictum non pertinet: ceterum nihil interest, utrum publicus locus sit, an privatus, dummodo per eum vulgo iter fiat, *d. l. i. in pr. §. 1. & 2.*

Ideo non proprie ex maleficio] Cujus ex adibus quid dejectum est, quod alicui nocuit, is proprie dici non potest ex maleficio obligatus: quia plerumque ob factum & culpam alterius tenetur. Sed tamen quoniam non creditur prospexisse & cavisse quod prospicere & cavere debebat, ne quid à domesticis, quorum etiam culpam praestare debet, *l. penult. §. 2. eodem titul.* deiceretur, peccasse aliquid intelligitur, & ideo quasi ex maleficio tenetur.

Positum aut suspensum] Tertia species quasi maleficii est, eo loco per quem vulgo iter fit, aliquid positum aut suspensum habere, cujus casus praetereuntibus aut in eo loco consistentibus nocere possit, *l. s. §. is quoque s. de oblig. & att.* Et adversus eum, qui posuit, aut positum patitur, puta inquilium vel dominum, actio in factum in decem aureos datur, *l. s. §. prator ait & cum seqq. de his qui dejec. vel effud.* Quae actio popularis est, id est, cuius est populo conceditur, *d. l. s. §. ult.* Nam privata esse non potest, quoniam competit, cum nondum cuquam nocitum est.

De eo, quod dejectum, dupli] De dejecto aut effuso ita ut alicui noceret, constituta est ei, cui nocitum est, actio in duplum damni dati, *l. i. in pr. d. tit.* Haec igitur actio gravior est, quam civilis ex lege Aquilia, quae non nisi adversus inficentem in duplum datur, *§. sed furti 26. in fin. de act.* nimirum praetor securitati viarum & locorum publicorum sic melius prospectum iri existimavit. Datur adversus habitantem, ut supra dictum est: cui rursus consultus actione in factum adversus dejectorem, *l. s. §. cum autem 4. de his qui dej.*

Ob hominem liberum occisum 50. aureorum] Cuius ex coenaculo dejectum quid hominem liberum occidit, in eum iudicium 50. aureorum datur, *l. in pr. d. tit.* Damni aestimatio hic non fit in duplum: quia in homine libero nulla corporis aestimatio fieri potest, *d. l. i. §. sed cum s. eod.* eaque de causa actio ex parte edicti popularis quoque est, & pecunia litem occupanti attribuitur, *d. l. s. §. hoc autem s. eod. junct. l. 12. de verb. sign.*

Si viset nocitumque ei esse dicatur] Haec verba edicti, si viset nocitumque ei esse dicatur, non pertinent ad damna, quae in rem hominis liberi facta sunt, si forte vestimenta ejus, vel quid aliud scissum ruptumve est: sed ad ea, quae in corpus ejus admittuntur, *d. l. i. §. hac autem 6.* puta si vulneratus sit, aut membro aliquo mutilatus: quo casu quantum aequum judici videbitur actio datur, *d. l. i. in pr.* quae

lato perpetua est, aliis experiri volentibus annua, d. l. s. §. hac autem s. In litis aestimatione computantur sumptus curationis & operarum amissio: nam cum hujus damni causam dejector attulerit, æquum est, ut id quoque in rationem inducatur, l. ult. d. rit. Poena dupli, & 30. aureorum, ob hominem liberum occisum exolevit: vid. Græneff. de legib. abrog. hic, & ibi citatos: & adde, quæ notamus sup. ad pr. n. 2. Et §. his autem 2. item ad §. capite tertio n. 2. de leg. Aquil.

T E X T U S.

De filiofam. seorsim habitante à patre.

2. Si filiusfamilias seorsum à patre habitaverit, & quid ex cœnaculo ejus dejectum effusumve fuerit, sive quid positum suspensumve habuerit, cujus casus periculosus est, Juliano placuit, in patrem nullam esse actionem, sed cum ipso filio agendum esse. Quod & in filiofamilias judice observandum est, qui litem suam fecerit.

N O T A.

2. IN PATREM NULLAM ESSE ACTIONEM] Neque de peculio, neque noxalem, l. s. §. pen. in fin. de oblig. Et act. De peculio ideo non datur; quia hic non ex contractu, aut quasi ex contractu, sed quasi ex maleficio filius obligatur, l. 1. §. 7. de his qui effud. l. 38. de reg. jur. Noxaliter autem cum patre nunquam agitur, §. ult. inf. de nox. act.

C O M M E N T A R I U S.

1 Cur in proposito in patrem de peculio actio non detur, Et n. 2.

SI ex filiisfamilias seorsum à patre habitantis cœnaculo quid dejectum effusumve fuerit, sive is positum suspensumve quid habuerit, cujus casus nocere possit, non in patrem, sed in ipsum filium judicium datur, l. s. §. in quoque penult. de obligat. Et actio. In patrem de peculio ideo non datur, quia in specie proposita non ex contractu aut quasi ex contractu, sed quasi ex maleficio filius obligatur, l. 1. §. si filiusfamilias 7. de his qui dejec. neque enim vel ob maleficiū vel ob quasi maleficiū filiisfamilias. ullo modo cum patre agi potest, non actione noxali, §. ult. infr. de noxal. act. non de peculio, l. in penalibus 38. de R. J. Quippe pater filio peculium concedens præsumitur quidem velle ex facto filii pro modo peculii obligari: cate-

rum non ex delicto aliove facto, quod poenam mereatur. Plane, si judicio cum filio actum sit, isque incertam summam condemnatus, jam pater quoque actione judicati de peculio conveniri potest, etiam ejus actionis nomine, ex qua ante condemnationem filii de peculio actionem pati non potuit, l. 3. §. idem scribit 11. de pec.

Quod & in filiofam. judice] Filiisfamilias judex si litem suam fecerit, non pater: sed ipse actione in factum tenebitur, l. filiusfamilias. is. de judic. Cujus rei eadem ratio, quam superius dicebamus: quoniam actio de peculio tum demum in patrem datur, cum filius ex contractu obligatus est: hic autem quasi ex delicto tenetur, ubi scilicet temere & imprudenter pronuntiavit. Quod si dolo malo, multo minus tenebitur pater, quia verum hoc delictum est. Quod autem Ulpianus scribit, in d. l. filiusfamilias. qui litem suam fecit, in tantam quantitatem pecuniæ teneri, quæ tunc in peculio fuit, cum sententiam dicebat, id quam rationem habeat, fateor me ignorare. Consuli tamen poterunt Accurs. ad d. Cujac. 13. obs. 18. Ant. Fab. in rationalib.

T E X T U S.

De damno aut furto, quod in navi, aut caupona, aut stabulo factum.

3. Item exercitor navis, aut caupona, aut stabuli, de damno aut furto, quod in navi, aut caupona, aut stabulo factum erit, quasi ex maleficio teneri videtur: si modo ipsius nullum est maleficiū, sed alicujus eorum, quorum opera navem, aut cauponam, aut stabulum exercet. Cum enim neque ex maleficio, neque ex contractu sit adversus eum constituta hic actio, & aliquatenus culpareus est, quod opera malorum hominum uteretur, ideo quasi ex maleficio teneri videtur. In his autem casibus in factum actio competit; quæ bare di quidem datur, adversus bare dem autem non competit.

N O T A.

3. [ITEM EXERCITOR NAVIS] Ex Cajo l. 6. §. ult. de obl. Et act. Pertinet huc pars altera edicti

nautæ, caupones, stabularii. &c. cujus initium *l. pen. §. ult. d. r.*

DE DOLO] *d. l. §. §. ult.* Cujac. & Hotom. de damno, auctoritatem Flor. codicis secuti, & sententiam.

CAUPONA AUT STABULO] Apparet stabulum hic non accipi pro caupona aut diversorio, ut alias sæpe; sed pro loco, ubi jumenta stabulantur, *l. §. naut. caup. stabul. pro quæsi p. xtiwv.*

COMMENTARIUS.

DE damno & furto, quod in navi, caupona, stabulo factum est, duæ actiones edicto prætoris constitutæ sunt adversus eos, qui navem, cauponam, stabulum exercent; quarum una est ex contractu, altera quasi ex maleficio. Prior est de iis, quæ nautæ, caupones, stabularii à vectoribus aut hospitibus in vecta aut illata salva fore receperunt. Constituta est in id, quanti ea res est, quæ salva non restituitur, *l. r. naut. caup. stab.* Ex eadem causa est & actio civilis ex locato aut conducto aut depositi: nec tamen inde otiosa est actio honoraria: quippe quæ etiam tunc locum habet, cum damnum datum est aut res perit sine culpa ejus qui recepit, modo ne fato aut vi majore, *l. §. §. r. d. r. r. r.* quo loco & *d. l. §. §. r. r.* etiam ratio redditur, cur hic actio gravior, quam in cæteris constituta sit; nempe ut innotesceret prætoris curam agere reprimendæ hoc genus hominum improbitatis. Hæc actio cum ex contractu descendat, huc non pertinet: ad eam referendæ sunt interpretationes veterum sub *d. r. r. naut. caup. stab.* usque ad *l. pen. §. ult.* Altera actio est ex quasi maleficio, si damnum aut furtum factum sit ab iis, quorum opera nautæ, caupones, stabularii utuntur, *l. §. §. ult. de obl. & act. d. l. pen. §. ult. naut. caup. stab.* quæ huc pertinet. Constituta est adversus easdem personas & de iis similiter, quæ in navem, cauponam, stabulum illata sunt. Ex quasi maleficio ideo esse, dicitur, quia species culpæ habetur, malorum hominum uti ministerio, *d. l. §. utrim. de oblig. & action. & hoc text.* Quare si quid eorum factum sit à vectoribus aut viatoribus quorum opera exercitor non utitur, hæc ex quasi delicto actio locum non habet, *d. l. ult. §. 2. naut. caup. stab.* Sed prior illa ex contractu, *l. §. §. ultim. l. 2. l. 3. in præd.* penaliter est in duplum, *l. ult. §. r. r.* quia prætor utilitatem hic etiam publicam spectavit, dum prospicit securitati iter facientium. Cæterum poena hæc dupli exolevit, ut & cæteræ similes.

Caupona aut stabulo] Stabulum pro diversorio seu caupona aut *παροδία* vel *καταδύμν* sæpe accipi satis notum est. In hoc autem edicto, ubi prætor stabularios à cauponibus distinguit, significat locum, ubi jumenta stabulantur, *l. §. ff. de titul. ταπειν. xtiwv, in παροδία, καταδύμν,* cujusmodi stabula ferè

cauponis adjuncta sunt, & utraque ab uno exercentur.

In his casibus in factum actio] Hoc etiam ad casus præcedentes pertinet: nam quasi maleficia omnia subsidiariis in factum actionibus vindicantur.

Hæredi quidem datur] *d. l. ult. §. r. & ult. naut. caup. stabul.* commune autem hoc est omnium actionum poenalium, quod hæredibus quidem datur, sed adversus hæredes non competant: neque enim æquum esset hæredem ex delicto defuncti poenam sustinere, vid. *infr. §. r. de perp. & temp. action.*

TITULUS VI.

D. lib. 44. t. 7. C. lib. 4. t. 10.

De actionibus.

TEXTUS.

Supereſt, ut de actionibus loquamur.

COMMENTARIUS.

- 1 Ratio ordinis & continuationis.
- 2 Error veterum interpretum, notatus.
- 3 Actio ut consideranda, quatenus tertium juris obiectum constituit.
- 4 Ex quo jure actiones proficiantur, accurata dissertatio.
- 5 Actionis nomen quam late pateat.
- 6 Quot modis usurpetur à nostris: & qua significatio huc pertineat.

Supereſt] Transitiō hæc imperfecta est, carens epologo præcedentium membrorum. Unde natus error interpretum, qui crediderunt, Imperatorem respicere ad tractationem proximè præcedentem de obligationibus. Quod non ita est. Potuisset sane Tribonianus perfecta transitione uti, ut fecit initio lib. 2. & hujus item quarti: atque hic locus id vel maxime desiderabat propter longam, quæ intercessit, antecedentium partium explicationem. Sed tamen ratio ordinis & continuationis partis sequentis non usque adeo obscura est, quin facile ab homine non nimis luscitioso pervideri queat. Et nimirum respicit Imperator tum ad partitionem propositam in calce tituli *de jur. nat. gent. & civ.* qui secundus est libri primi hujus operis, quo loco totius juris nostri tractationem ad tria capita, quæ totidem sunt obiecta hujus disciplinæ, revocavit, quorumque primum ad personas pertinere dixit, alterum ad res, tertium ad actiones; tum ad transitionem, quam facit in ingressu libri

libri secundi. Nempe quo ordine partes istas summas proposuit, eodem, quod ratio methodi exigit, deinceps singulas explicare instituit. Igitur cum primus locus in ista partitione, & merito quidem, tributus esset personis, etiam primo loco, hoc est, reliqua parte libri primi de personis disputatum est, hoc est, de eo jure, quo quisque in civitate pro statu ac conditione personæ suæ censetur. De rebus, hoc est, quod cujusque in rebus externis proprium est, aut ei debetur, sive de dominio ceteroque jure in rem, & de obligationibus, quas & ipsas ad eandem illam partem pertinere probavimus in explicatione *tituli de obligat.* tractatum libro secundo & tertio, itemque nonnulla parte libri quarti, usque ad præsentem locum; quibus locis simul nobis explicati sunt modi ac rationes rerum atque obligationum, tum acquirendarum, tum amittendarum. Expositis ergo ex tribus membris propositis prioribus duobus, superest adhuc tertium & postremum, actiones videlicet, cujus partis tractatio hic jam suscipitur. Hinc vero perspicuum est, errare, quod diximus, interpretes veteres & cum iis Mynsing, qui initium doctrinæ de actionibus fieri existimant *lib. præd. tit. de obligat.* Atque hoc loco eandem continuari, quasi illic de causa actionum tractetur, quæ sit obligatio; hic de effectu obligationis, quæ sit actio; illic de matre, ut loquuntur, hic de filia. Nam nec obligatio causa est omnium actionum, sed earum duntaxat, quæ in personam sunt; & ut esset, tamen ratio obtinendi ejus, quod nobis debetur, à vinculo, quo se debitor adstringit, argumento & materia separata est. Et enim quod omnino notandum est, actio in proposita disputatione non tam consideratur, quatenus cujusque est, dependens ex jure quæsitio; & in bonis nostris computatur, *l. bonorum 49. de verb. sign.* ad idem plane objectum referri debet, quo referuntur dominium & obligatio: quam quatenus est via sive medium, per quod ad id, quod nostrum est, aut nobis debitum, si ultro non præstetur, pervenitur & aufertur invitis; uno verbo, quatenus consideratur ut instituenda exercendaque in judicio, ut rectè Timæus Fab. *disp. de action. thes. 1.* Vix interpretem inveneris, quin hic

4 in vestibulo quæsiturus sit, ex quo jure actiones proficiantur, ex jure gentium, an ex jure civili, id est, utrum causa actionum remota jus gentium sit, an jus civile. Quæstio minime obscura: Sed nimirum nihil tam clarum atque perspicuum est, quod semper & ab omnibus videatur. Certum est, leges, magistratus, eorumque imperia juris gentium esse: quippe sine quibus nulla unquam gens, aut vixit, aut vivere potuit: adeoque ipsa naturalis ratio omnes docet, sine publica auctoritate nullam hominum societatem consistere posse. Hujus autem publicæ au-

thoritatæ bona pars est in persecutionibus judicialibus, quæ civilibus, quæ criminalibus. Ad hæc inter omnes constat, dominia rerum atque obligationes, quæ causæ sunt actionum proximæ, originem ex jure gentium trahere: trahunt ergo & actiones sive judicia, id est, ea remedia & rationes, quibus, quod vel dominii nostri sit, si id sponte is, qui possidet, non restituit; vel quod in obligationem à nobis deductum, si id debitor non præstet, obtinere liceat. Nam certè frustra sis, si id voluntati permittatur & arbitrio possessoris aut debitoris; aut, quod restat, cixis, tum multibus, eardem porta patefiet, civis in civenum amabitur cum intereactione civitatis, si domino aut creditori licere velimus rem suam aut sibi debitam per vim occupare propriaque auferre auctoritate. Non puto autem, quemquam esse, qui juri gentium adscripturus sit ea, quibus concessis necesse sit hominum societatem everti. Præclare Theodoricus Rex apud Cassiodorum *lib. 4. Var. epist. 10. Fædum est*, inquit, *jura publica præsentis odii licentiam dare: nec ad arbitrium proprium judicandus inconsultus fenerator animorum: & statim; hinc est, quod legum reperta est sacra reverentia, ut nihil manu, nihil proprio ageretur impulsu. Quid enim à bellica confusione ex tranquilla distabit, si per vim litigia terminentur? fac. l. non est singulis 176. de reg. jur. l. extat. 13. quod met. ca.* Hæc etsi verissima sunt & clarissima, non paucis tamen, iisque etiam, quorum multis aliis in rebus perspicientia ac solertia commendatur, hic cæcitare contingit, ut temere atque inconsiderate contendat, actiones omnes & forma & origine esse juris civilis. Quid ergo est, quod eos transverlos agit? Primum quod apud Pomponium in *l. 2. §. his legibus 6. de orig. jur.* scriptum est, ex legibus duodecim tabularum compositas esse actiones, quibus inter se homines disceptarent. An igitur totis trecentis annis ante nemo cum alio agere in urbe potuit? aut quia manu regia pleaque terminabantur, nulla petitio, nulla imploratio fuit necessaria? Sed quis non videt, Jurisconsultum loqui de forma actionum accidentali, & juris Romæ propria? quam scilicet à prudentibus acceperunt compositis certis ac solemnibus formulis. Secundo, quod actiones passim civiles dicantur. Quid tum? Et obligationes ita passim appellantur; quas utique juris gentium esse nemo ibi inficias; quin & condici jure gentium res dicitur in *l. rerum 25. de action. rer. amet.* Tertio quod naturalis obligatio tantæ efficaciac non esset, actionem producat: quasi vero quod non producat, non sit à jure civili. Et tamen non una hic exceptio est. Postremo quoniam deportati agere non possunt, qui tamen ea, quæ sunt juris gentium, retinent. Ineptè. Nam id tantum obtinet in imperio ejus civitatis, in qua damnati sunt. Sed nec patriam

patriam potestatem retinent, nec tutelam, nec jus testandi, nec jus succedendi ex testamento aut ab intestato: quæ tamen omnia ex jure gentium manere, & considerata generali atque essentiali forma juris gentium manere, suis locis offendimus; quamvis propter adjectam à jure civili qualitatem & determinationem usus rectè dicantur esse juris civilis, ut & actiones: per *l. 6. de just. & jur.*

- 5 *De Actionibus*] Nomen actionis latissimè patere vulgo notum est, ac comprehendere omnem omnino viventis operationem, quæ passioni opponitur: denique & oratorum & histronum & fabrorum actionem esse dicimus. Sed ne quis erret in varia hujus verbi significatione, quam habet etiam tunc cum ad usum forensem restringitur, sciendum primum est, nunquam verbo agendi, cum ad judicia refertur, ita usos esse veteres, ut eo verbo significarent, quod ducere, trahere. Agere enim illi perpetuo dicunt cum aliquo, nunquam agere aliquem: agere judicio, agere interdicto, quod non significat aliquem ducere aut trahere, sed idem est quod tractare cum aliquo judicio, interdicto cum aliquo contendere; nec reum dicunt, qui agitur, sed cum quo agitur. Quapropter non est audiendus Theophilus, qui actionem ab eo dictam scribit, quod improbos & perfidos ad judicia agamus. Quadruplex autem fere hujus vocis in jure usus est. Primum latissimè accipitur, & nomen actionis prædicatur de lite omni & causa, sive ea civilis sit, sive criminalis, in qua alias fere utimur verbo accusationis, *l. penult. si ex nox. caus. ag. ultim. de prius. delict. l. 1. de crimin. stell. l. 8. de accus. l. 4. Cod. de edendo, rubr. Cod. quando. ci. act. crimin.* Secundo minus quidem latè quam in significatione præcedenti, sed ratione sequentium adhuc latissimè, ut appellatione actionis comprehendantur causæ omnes pecuniariæ, sive judicia omnia civilia, non ordinaria tantum, verum etiam extraordinaria, interdicta, præjudicia, persecutiones, stipulationes prætoriarum, quæ actionis instar obtinent, ut damni infecti & legatorum, &c. in summa imploratio etiam nobilis officii judicis, ut nunc loquuntur: *l. actionis 17. de oblig. & act. l. actionis 34. l. pecunia 178. §. 2. de Verb. sign.* Tercio pro genere communi actionum in rem & in personam, *l. actionum 25. ff. de obl. & act. §. 1. infr. hoc tit.* strictius tamen, ut interdicta, præjudicia, cognitiones & stipulationes prætorias contineat, *l. sed & ha. 35. §. 2. l. non solum. 39. de procur. d. l. 178. §. 2. de Verb. sign.* Quarto & postremo strictissimè atque angustissimè, ut solam denotet actionem in personam, *l. actio. 28. hoc tit. d. l. 178. §. 2. de Verb. sign.* ac tum fere opponitur petitioni, qua actio in rem significatur, ut in formula stipulationis Aquilianæ, §. 2. *supr. quib. mod. obl. toll. l. & uno 28. §. 1. de acceptil.* Ex his autem significationi-

bus eam, quæ secundo loco posita est, huc pertinere ostendit supra dicta divisio, in qua actio constituitur tertium totius juris privati objectum. Cognata vocabula sunt, petitio, persecutio, formula, lis, causa, controversia, conventio, judicium: nam & vox judicii pro actione sæpe sumitur: ut videre est in *l. 1. & pass. ff. & C. fam. ercisc.* & prætor promiscuè nunc judicium se daturum pollicetur.

T E X T U S.

Definitio.

1. *Actio nihil aliud est, quam jus persequendi in judicio, quod sibi debetur.*

N O T A.

1. *JUS PERSEQUENDI*] Auctor hujus definitionis Celsus *l. 51. hoc tit.* Cæterum actio quatenus tertium juris objectum constituit, magis considerari debet, ut via & medium, per quod ad id, quod nostrum est, aut nobis debitum pervenitur, quam quatenus est jus, aut ex jure nobis quæsito dependet; qua consideratione cum rerum nostrarum pars sit, ad secundum objectum referri debet, *l. 49. de Verb. sign.*

C O M M E N T A R I U S.

- 1 *Jus in hac definitione quid significet.*
- 2 *Refutatur Horum, qui formulam interpretantur.*
- 3 *Neminem posse quod sibi debetur, propria occupare auctoritate.*
- 4 *In jure fieri quæ dicebantur, quæ in judicio.*
- 5 *Repetitur res ab origine.*
- 6 *De quibus causis magistratus ipsi ex officio cognoscere soliti: in quo plerique hallucinantur.*
- 7 *Romam olim commune fuisse forum: nunc autem metropoles idem jus non habere.*
- 8 *Commune forum esse & locum domicilii: tum quod tempus hic inspicendum.*
- 9 *Mos passim receptus.*
- 10 *Proprium forum quæ tribuant: & quid mutatum moribus.*
- 11 *Actionem in rem etiam in loco domicilii possessoris moveri posse: contra Donell.*
- 12 *Eum, qui per se competens non est, posse ex accidenti competentem fieri, & quibus ex causis.*
- 13 *Definitionem hanc etiam competere actioni in rem.*
- 14 *Item actionibus popularibus: quæ quid sint, simul docetur.*

15 *Item actioni injuriarum, & petitioni usurarum.*

Actio nihil aliud est, quam jus] Auctor hujus definitionis est Celsus: in *l. nihil aliud* 51. ff. hoc rit. Generis loco jus ponitur: quod vocabulum cum verbis faciendi jungitur in perpetuo usu juris: adeoque apud omnes Latine loquentes significat potestatem jure publico tributam; veluti cum dicimus, jus testandi, jus stipulandi, jus retinendi, jus eundi, agendi, utendi, fruendi, &c. Neque alia hoc loco querenda huic verbo significatio est. Et male omnino Hotomannus formulam interpretatur. Etsi enim quandoque, actiones cum dicunt Jurisconsulti, formulas earum intelligunt; atque ut hoc etiam largiar, cum prator se actionem daturum pollicetur, formulam eo nomine significat: nullo tamen modo dici potest, aut jus agendi formulam esse, aut in hac definitione actionem ut formulam considerari. Formula à pratore impetranda est: actio, ut quisque contraxit, statim ei competit: & dominus amissa possessione jus agendi habet statim, id est, etiam antequam prator adeatur: & quis non videt, actionem in proposito considerari, ut in persona creditoris radicata est, non ut actu in judicium deducta? atque ut maxime ut jam actu intentatam consideres, formula tamen proprie dici non potest, non magis quàm emancipatio, manumissio, adoptio, aditio hereditatis, &c. quæ formulæ non erant, sed actus legitimi, qui per certas formulas & verborum conceptiones expediebantur, *l. actus* 77. de Reg. Jur. Adhæc nihil eorum formulæ convenit, quæ prædicantur de actione; ut cum actio nasci dicitur, acquiri, ipso jure competere, alienari, mandari, cedi, &c. ad heredem transire, ab heredibus incipere, successione confundi, plures actiones concurrere, una electa alteram consumi, dividi inter fideiussores, & id genus sexcenta alia. Nec ut actionem, ita formulam in rem, in personam, civilem, prætoriam, perpetuam, temporalem, famosam, hereditariam, &c. recte dicimus. Quamobrem nec auctorem hujus definitionis Celsum arbitror de formula cogitasse: quamvis temporibus hujus Jurisconsulti qui sub Trajano & Hadriano floruit, formulæ adhuc in integro usu essent. Plane de sententia Justiniani, qui formulis jam dudum sublatis, definitionem eandem nihilominus retinuit, nulla potest esse dubitatio.

Persequendi in judicio] His & sequentibus verbis differentia continetur, & genus positum restringitur. Verbum persequi notissima significationis est, nec obscura, quæ in eo, translatio. Sumitur autem hoc loco generalius, cum olim in specie cognitiones extraordinariæ persecutiones dicerentur, *l. 178. §. 2. de Verb. sign.*

3 *In judicio*] His verbis indicatur, neminem sibi jus

dicere posse, aut privata, quod sibi debetur, occupare auctoritate: sed si quis putet, se habere actionem, legitimo judicio cum cum adversario experiri debere, atque actionem suam proponere apud magistratum sive judicem, qui cognoscendis & componendis civium controversiis publica auctoritate constitutus est, *l. extat. 13. quod met. ca.* & simul docemur, non quamvis interpellationem aut conventionem actionem dici, sed eam, quæ sit apud competentem judicem ex ratione ac præcepto legum & justitiæ. Cæterum quo res tota plenius intelligatur, duo adhuc nobis explicanda sunt. 1. quid hæc verba *In judicio* significant, 2. quis dicatur iudex competens. Primum quod attinet, diversa veteribus sunt, *In jure & in judicio*. In jure fieri dicebant ea, quæ fiebant apud magistratum, antequam ad judicem iretur, vel quæ tota peragebantur apud prætorem, veluti ea, quæ cognitionis erant extraordinariæ, & cautiones, quæ à prætore postulabantur, puta damni infecti, vel legatorum: in judicio ea proprie, quæ expediebantur post litem contestatam apud judices datos sive pedaneos. Actio in jure à prætore dabatur, apud judicem recuperatoresve in judicio exercebatur. Cæterum mutato veteri procedendi ritu, ex quo ipsi magistratus judicare jussi sunt, *l. 2. C. de pedan. jud.* perexiguus hujus differentię usus esse cœpit: nisi quis putet, adhuc dici debere in jure fieri, quæ sunt ante litem contestatam, & prætor ipse olim explicabat; in judicio, quæ postea fiunt, licet apud eundem magistratum omnia expediantur. Operæpretium est, rem ab origine repetere. Initio quidem prætorem ipsum, utpote juri dicundo civiumque inter se controversiis disceptandis ac judicandis creatum ac constitutum, causas privatas omnes plene cognovisse & judicasse, verisimile est. Verum postea, & primo quidem propter graves occupationes, procedente vero tempore fortassis etiam ob dignitatem magistratus, obtinuit & paulatim in ordinariam jurisdictionem versum est, ut prætor aditus non ipse judicaret, sed præparatoriis quibusdam apud eum tractatis, quæ in jure fieri dicebantur, actionem & formulam daret, litigatoresque ad privatos remitteret, qui notionem & judicium susciperent, Horum judicum varia fuere nomina. Dicuntur judices dati, delegati, pedanei, speciales, additi, selecti, disceptatores, recuperatores, in judiciis bonæ fidei etiam arbitri: de quorum nominum ratione consulatur *Scip. Gent. 2. de jurisd. 8. Coras. 3. misc. 18. Duar. de jud. cap. de jud. dat. Sigon. 2. de antiq. jur. civ. cap. 18. & seq.* Nullam vero jurisdictionem hi judices habebant, sed nudam duntaxat notionem, hoc est cognoscendi tantum, & judicandi potestatem sine imperio aut jure sententiæ exequendæ; & simul sententiam dixissent, judices esse designabant, *l. s. l. 15. l. judex ss. de re jud.* Apud hos judicium

dicium exerceri proprie dicebatur, & ipsi specialiter iudices appellari & à magistratibus separari solent, *d. l. 15. §. 1. de re jud. l. 2. de reg. jur. l. 1. §. 1. l. 3. de jurisd.* Usque adeo verò hæc ratio dandorum iudicium invaluerat, ut vix ipse prætor iudicium unquam susciperet, & si fides Duareno *lib. 1. disp. 13.* ac potuerit quidem prætor ipse de causis quibusvis cognoscere. In quam sententiam affert *l. 4. de iur. dat. l. ult. de off. prætor. l. 8. §. 9. de off. præf. l. C. de pedan. jud.* Alii tamen id arbitrarium fuisse existimant, argumento legis, quam inter suas, atque, ut credibile est, ad morem suorum temporum respiciens, M. Tullius refert in hæc verba: *Furia disceptator, qui privata iudicet, iuicari se jubent, prætor esto.* Quod in medio relinquimus. Illud constat, exceptas fuisse nonnullas causas, de quibus ipsi magistratus ex officio cognoscebant, non iudicem dabant; quæ cognitiones prætorias, & extraordinarias dicebantur, propterea quod præter morem iudiciorum ordinarium atque usitatum, sine solemnibus & strepitu iudicii, sine formula, hæc causæ expediebantur & disceptabantur à prætore ipso: cujusmodi causæ sunt cognitio de honorariis advocatorum, medicorum, professorum liberalium artium, *l. 1. de exer. cogn. persecutio fideicommissi, l. 178. §. 2. e verb. sign. Ulp. tit. 25. §. 10.* petitio liberorum, qui in potestate sunt, *l. 1. §. 2. de rei vind. restitutio in integrum ex edicto de minoribus, l. 13. §. 1. l. 24. §. ult. de min.* Cujactus *par. Cod. ubi constat.* & Scip. Gent. *d. loc.* huc item referunt causas status sive præiudicia. Rectene an secus, ambigo. Nam præiudicia in *d. l. 1. §. 2. de rei vind.* aperte separantur à cognitione prætoria. *Et in his causis partes ad iudicem mitti dicuntur, *l. 8. §. 1. §. 2. l. 9. de lib. ca.* passimque iudicis liberalis causæ, qui de libertate cogniturus est, mentionem fieri videmus, ut in *l. 7. §. 1. §. ult. l. 41. §. 1. de lib. ca. l. servus 34. §. ult. vers. quid ergo, de statulib. l. 7. §. 1. in fin. de hered. pet.* Plautus recuperatorum semper meminit in *Rud. & Bacch.* & Sueton. in *Vespas.* refert, Flaviam quandam Domitillam ingenuam & civem Romanam recuperatorio iudicio pronuntiatam. Nec multum movet, quod traditum est in *l. non distinguemus 32. §. 1. de liberali 7. de recept. arbitr.* causam liberalem majores iudices poscere, quam sint compromissarii, vel quia etiam iudices à prætore delegati majores sunt arbitris: qui constituuntur mera conventionione privata: vel quia Jurisconsultus non simplicem cognitionem & decisionem causæ considerat, quæ sola pertinet ad officium iudicis dati: sed totam causæ tractationem, & in hac etiam partes prætoris, qui lite primum apud se contestata formulam ipse concipit & iudicium iudicemque constituit. Atque his insuper argumentum præbet *l. 1. C. de off. prætor. ubi.* Constantinus causam liberalem propriam

facit prætoris, quod frustra fecisset, nisi antea fuisset iudicii ordinarii, *add. Reç. 3. Var. 10. Hotoman. 6. obs. 6.* Sed nec interdicta huc pertinent, ut constat ex *orat. pro Cacin.* item ex *l. 1. §. 2. si ventr. nom. mul. in poss. l. 1. in pr. ne vis fiat ei, qui in poss. l. 1. in pr. de vi & vi arm.* quibus locis manifeste refelluntur, qui negant, ex causâ interdicti formulam aut actionem datam fuisse. Postea ratio iudiciorum mutata est, & adjuncta causarum omnium cognitio ipsis magistratibus: extra quam si vel occupationibus publicis vel multitudine causarum ipsi cognoscere impediantur, *l. 2. C. de ped. jud.* aut ea negotii sit vilitas, ut non admodum notionem magistratus requirant, *l. ult. C. dict. tit.* quo respiciens Justinianus, ait, iudicia omnia suo tempore extraordinaria fuisse, *S. ult. inst. de interd.* In iudicio igitur sic nunc interpretabimur apud prætorem sive magistratum, quidum jus dicit ac reddit, recte iudex appellatur, & cui soli nunc iudicandi munus incumbit. Alterum quod hic explicandum erat, est, quis sit iudex competens: neque enim promiscue apud quemvis iudicem quævis actio institui potest, sed apud eum solum, cujus de ea re, qua de agitur, notio est, qui uno verbo competens appellatur. Competentia hæc æstimatur, ex quibus forum sortiri dicimur. Forum duplex: commune unum, alterum proprium seu speciale. Commune forum olim fuit Roma, quæ idcirco veteribus dicta est communis patria, *l. Romæ ad Munic.* Nam omnes qui Romæ inventi essent, ibi conveniri poterant, ibi se defendere debebant, nisi jus haberent revocandi rem ad domicilium proprium, *l. 2. §. omnes 4. §. seqq. l. non alias 24. de iudic.* sed moribus hodiernis regie urbes seu metropoles, seu istud communis fori non habent. Commune forum item recte dixeris, in quo quisque conveniri potest quacunque ex causa: quale forum tribuit locus domicilii: & est notandum, circa locum domicilii non tantum inspicere locum, in quo reus habitat tempore movendæ actionis, sed etiam in quo habitabat tempore contractus, *l. 2. Cod. de iur. iur.* quem locum male Cyn. Salic. & Sich. restringunt ad casum, quo quis in loco domicilii contraxit: quia ita conveniretur ex capite contractus, non domicilii, de quo ibi disertè agitur, & locus contractus forum tribuit, etiam si quis nunquam ibi domicilium habuerit. Atque ratio huius juris satis manifesta est, quia cum statim actio ex contractu nascatur, & jus conveniendi reum in loco domicilii creditori quærat, cum quo forte alias non contraxisset, jus illud creditori factio debitoris adimi non debet. Moribus in Belgio & aliis regionibus dudum invaluit, ob summam difficultatem, quæ sæpe est, sequendi debitores externos, ut ii quovis loco deprehensi detineri iudicioque sisti queant. *Gudel. lib. 4. 10. cap. 2. laze Pock. in tractat. de jur. sistend. Pro-*

primum forum est, quod præter commune tribuunt causæ singulæ; veluti in actionibus in personam forum tribuit locus, in quo contracta est obligatio, *l. omnem 20. de judic.* quod tamen puto sic accipiendum, si reus ibi reperitur; per *l. 2. §. 4. l. 19. in pr. & §. 1. l. argentarium 45. de judic.* textus est in *cap. 1. §. contrahentes de for. comp. C. de ar. pr. quæst. 10. num. 3. Si. hard. & Vultejus in l. 2. Cod. de jurisdict. Anton. Fab. Cod. suo, ubi cons. qui cert. loc. defn. 4. & siquidem in contrahendo dictum non sit, quo loco rem præstari oporteat, is locus contractus intelligitur, in quo res gesta est, *dict. l. 19. §. 1. act. l. 45.* Sin autem expresse cautum ut alio loco, quam in quo negotium gestum est, res præstetur, hic locus accipiendus, tanquam re ibi contracta, *l. 3. de reb. act. jud. possess. l. contraxisse 21. de obl. & act.* In Francia & his regionibus non inspiciamus locum contractus, nec solutionis, sed domicilii debitoris, juxta *l. exigere 65. de judic.* sic ut *l. hares 21. de jud. l. 3. de reb. act. jud. poss. l. 21. de obl. & act.* non sint receptæ, secundum ea, quæ tradit Imbert. & alii allegati*

11 à Christin. *Sol. 2. decif. 164.* In actionibus in rem speciale forum tribuit locus, in quo res sitæ sunt. Est enim constans hæc fere omnium interpretum sententia usque forensi non dubio recepta, posse pro arbitrio petitoris actionem in rem moveri vel in loco domicilii possessoris, ut foro actionum omnium communi, vel in loco, ubi res, de quibus contenditur, constitutæ sunt. Per text. non obscurum in *l. 3. C. ubi in rem act. fac. l. un. C. ubi de hered.* quanquam Gudelius notat, praxin illud maxime observare, ut ibi duntaxat actio in rem intendatur, ubi res sita est, *lib. 4. cap. 2.* Unus fere Donellus noster *lib. 17. comm. 27.* ab hac sententia recessit, contendens, in actionibus in rem nullam domicilii rationem haberi, sed unum tantum esse forum rei, locum sc. in quo sunt constitutæ: ibi reum conveniendum esse, ibi se defendere debere: conventum in loco domicilii non cogi judicium pati. Quo & ipse aliquando inclinari propter *l. quod legatur 38. de judic.* Sed non dubito nunc, quin quod Jurisconsultus ibi proponit de re legata, speciale sit, eo quod legatario sufficere debeat, si hæres à quo legati præstandi necessitas non cæpit, eo in loco ubi res est, offerat solutionem, de qua etiam & ipsa præstatione præcipue Jurisconsultus tractat. Quod Donellum præterea movet, facile evenire posse, si possessor in loco domicilii conventus jubeatur rem restituere; ut nova lite pro executione rei opus sit: non usque adeo magni momenti est. Nam præterquam quod magistratus omnes inferiores mutuam sibi operam præstare debent, considerare debuit Donellus, non esse ex ratione juris Romani in judiciis realibus ordinariam hanc procedendi atque exequendi viam, ut possessori resti-

tuere jusso, nec parenti res ipsa manu militari auferatur, sed ut damnetur quanti in litem actor juraverit, *l. ejus rei 46. cum seq. de rei vind. l. 1. §. de in lit. jur.* Quæstiones criminum ubi exerceantur docet *l. 1. l. 2. cum auth. seq. C. ubi de crim.* Illud obiter adjicio, posse eum, qui per se competens non est, ex accidenti competentem fieri, idque vel propter judicium jam cæptum, vel propter prorogationem jurisdictionis. Cæpti judicii hæc vis est, tum ut actorem mutæ petitioni seu reconventioni, ut nunc in foro loquimur, obnoxium reddat, hoc est, ut mutuas rei actiones ibi excipere cogatur, ubi ipse litem movit, tametsi prius ibi conveniri non potuisset, *l. 22. de judic. l. 14. C. de sent. & interl.* tum ut litigatores retineat in judicio conjuncto. Conjuncta autem judicia hic in re habita sunt possessionis & proprietatis; ac de his ita cautum; Quo in loco prius de possessione actum est, etiam de proprietate agi debere, quamvis rebus integris ibi conventus judicium excipere non cogeretur, ne causæ continentia dividatur, *l. nulli 10. C. de jud.* Moribus tamen disjunctos cernimus istarum causarum judices: quippe interdicta possessoria in conciliis provincialibus solent tractari: quæstiones vero proprietatis apud cujusque loci magistratum. Gudelius *lib. 4. c. 2.* ubi de foro competente late & eleganter disputat. *ars. 19. instr. supr. Holland. cur.* Prorogatur jurisdictio, cum alius judex, quam cujus notio est, ex conventionione aditur, *l. 18. de jurisd. l. 1. de judic.* de quo consule *DD. ad d. l. 1. & c. si diligenti. x. de for. com. Christin. Sol. 2. dec. 160.*

Quod sibi debetur] Hotom. 3. *obs. 17.* addit, *et quod suum est;* ne definitio angustior sit definitio: quippe quæ alioqui actioni in personam duntaxat competere videatur, non etiam actioni in rem, per quam rem nostram petimus, non nobis debitam. Et verum quidem est, proprie ea, quæ nostra sunt, dici non posse nobis deberi, *l. Quintus Mucius 27. §. 2. l. scribis 34. in pr. de aur. arg. leg.* Sed quid prohibet verbum debendi laxius accipere, ut debere quisque dicatur, quod jure præstare tenetur, quamvis factio suo ad id se non obstrinxerit? Convenit certe hoc & partitioni juris initio propositæ, & præsentis instituto Justiniani, ut divisio in continenti subjecta clare ostendit. Nec deest veterum auctoritas: nam & Ulpian. in *l. pecunia 178. §. ult.* scribit, hoc verbum *Debitur*, omnem omnino actionem comprehendere. Plane persecutio criminalis huc non pertinet, quæ quisque non quod sibi debetur, persequitur, sed, quod vigor publicæ disciplinæ postulat, vindictam criminis, *l. 9. §. quos illicite, de publican.* Quæritum de actione populari & injuriarum. Sed puto verba definitionis etiam ad actiones has commode applicari posse. Populares actiones sunt definitore Paulo in *l. 1. de popul. act.* quæ jus suum populo tuentur: ni-

in iurum summus ac præcipuus harum actionum finis est, ut publicæ utilitati & securitati consulatur, l. 1. §. de his qui effud. vel de j. quam ob causam etiam pariter propositæ sunt, nisi quod in iis, quæ simul continent interesse alicujus privati, is, cuius interest, præferatur, l. 3. §. 1. de popul. act. l. 3. in pr. de sepul. viol. Poena, quam persequuntur, regulariter actoris lucro cedit; qui ob id etiam, postquam litem contestatus est, inter creditores numeratur, l. 12. de verb. sign. fisco ut applicetur, rarum & singulare: ac tunc præmii loco pars aliqua datur actori, l. 25. §. ex hoc edito, de Senatusc. Syllan. l. ult. de term. mor. Caterum quia hæ actiones ita propositæ sunt, ut ejus demum, qui eas occuparet litem contestando propriæ fierent, eique soli poena præstaretur, inde est, quod qui habet actionem popularem, non intelligitur esse locupletior, neque pro creditore habetur, antequam litem contestatus est, l. pen. §. 1. de pop. act. junct. l. 12. de verb. signif. Sed enim cum hæ actiones privatam pecuniæ persecutionem habeant, unique consideratæ quatenus jam occupatæ vel etiam occupandæ per litis contestationem, ad definitionem pertinent. Idque menti Justiniani omnino conveniens est, qui & sup. tit. præced. §. 1. & infr. hoc eod. tit. §. 10. populares aliquot actiones proponit. Eadem fere ratio esse videtur & actionis injuriarum. Hæc ante litem contestatam in bonis nostris non computatur, l. injuriarum 28. de injur. scilicet quia si quis de ea litem non contestatus decesserit, perinde est, quasi nullam unquam actionem habuisset, utpote quæ nec illi profuit vivo, nec hæredibus ejus prodest, ad quos non transmittitur, §. 1. inf. de perp. & temp. act. l. 13. de injur. Usurarum petitio propriam rationem habet; nec tamen eam hinc excludimus. Nam quod usuræ dicantur peti non posse jure obligationis aut actionis, sed officio judicis in bonæ fidei judiciis ob moram præstari; l. qui per 49. §. 1. de act. empt. l. 4. C. de pos. id non significat, usuras non deberi, aut nullam usurarum nomine actionem esse, sed non deberi principaliter, nec esse propriam actionem, qua principaliter petantur, sed fortis duntaxat, qua mota & ipsæ per consequentiam officio judicis veniant.

TEXTUS.

Divisio prima.

2. Omnium autem actionum, quibus inter aliquos apud judices arbitrosve de quacunque re queritur, summa divisio in duo genera deducitur. Aut enim in rem sunt, aut in personam. Namque agit unusquisque aut cum eo, qui ei obligatus

est, vel ex contractu, vel ex maleficio: quo casu prodita sunt actiones in personam, per quas intendit, adversarium ei dare aut facere oportere, & aliis quibusdam modis. Aut cum eo agit, qui nullo jure ei obligatus est, movet tamen alicui de aliquare controversiam: quo casu prodita actiones in rem sunt: veluti si rem corporalem possideat quis, quam Titius suam esse affirmet, possessor autem dominum ejus se esse dicat: nam si Titius suam esse intendat, in rem actio est.

NOTÆ.

2. JUDICES ARBITROSVE] Judicum nomine intelligit judices addictos actionibus stricti juris; arbitrorum addictos judiciis bonæ fidei, l. 15. de re jud. l. 7. de leg. Jul. rep. quanquam & arbitri ex compromisso sumpti huc pertinent, l. 1. de rec. arbitr.

QUO CASU PRODITAE ACTIONES IN REM] Actio in rem est, per quam rem nostram, quæ ab alio possidetur, l. 25. h. t.

QUAM TITULUS SUAM ESSE] Actio in rem de re corporali, quæ xat' exclud' dicitur rei vindictio tit. D. & C. de rei vind. soli competit vero rei domino, l. 29. eod. Utilis tamen emphyteutæ & superficiario datur, l. 1. §. 1. si ag. sect. l. 74. de rei vind.

POSSESSOR DOMINUM SE DICAT] Aut utique neget petitorum dominum esse: nam ut contra vindicet, non est necessarium, §. 4. inf. de interd. l. 4. C. edend.

COMMENTARIUS.

1. Divisionem hic propositam non à materia, sed à causa efficiente sumptam esse.
2. Indicatur causa efficiens seu jus, unde actio & in rem & in personam manat.
3. Persona ad constituendum judicium necessaria.
4. Quam varie nomina hæc judex & arbiter, accipiantur, si se conjunctim si se per se posita.
5. Arbitratores, quos vocant, huc non pertinere respecta vulgata distinctione.
6. Disputatio accurata adversus eos, qui mancam esse hanc divisionem contendunt, unoque membro, mixtarum scil. actionum, mutilata.

- 7 *Nec actiones, quæ dicuntur in rem scriptæ, tertiam speciem constituere.*
- 8 *Actio in personam quid; cui adversus quem datur.*
- 9 *Quo efficitur creditor nomen alienæ.*
- 10 *Actionem in rem cum domino ambulare, eaque teneri notissime possidentem.*
- 11 *Actione in personam quid petatur: ubi & insigne discrimen inter hanc & illam in rem circa causam libello complectendam.*
- 12 *Actiones in personam, quæ nec ex contractu nec ex maleficio originem trahere videntur.*
- 13 *Formula in actionibus in personam usitata, & quali locus, cum agitur ex obligatione facienda.*
- 14 *Formulam, quæ adversarium dare aut facere oportere intendimus, non convenire omnibus actionibus in personam.*
- 15 *Actio in rem quid sit, unde nascatur; & cui competat principalis illa, quæ de hic agitur.*
- 16 *Quæ petitori in hac actione probanda ad fundandam intentionem: & primum de dominio.*
- 17 *Necesse esse ad fundandam actionem, ut huius, cum quo in rem agatur, possideat. Quam late verbum possessionis hic accipiatur. Aliæque non passim obvia.*
- 18 *Possessorem non compelli, ut contra vindicet, dñ. fertatio adversus D. Contium.*
- 19 *Petitio huius actionis propria: & qui exitus.*

Proponuntur hoc tit. quinque aut sex actionum divisiones, quæ naturam, causas, vim & proprietatem singularum velut in tabella exhibent. Quæ hoc §. proponitur, summa dicitur eodem sensu, quo sæpe alibi à nostris, ut in *l. 3. de stat. hom. l. 1. de rer. div. §. 1. inf. de interd.* quia inter multas prima & potissima est. Ratio divisionis ab objecto sive materia petita prima fronte videtur: id enim verba hæc, in *rem* & in *personam*, præ se ferunt. Nos tamen à causa efficiente potius eam ductam arbitramur, hoc est, à jure, quod quis circa rem habet: id quæ confirmat tum hic ipse locus, tum *l. actionum 25. ff. eod.* unde magnam partem, quæ hic traduntur, hausta sunt: ac mox res tota clarius apparebit. Non igitur ideo, inquam, actio in rem dicitur, quia in ea res petatur; actio in personam, quia petatur persona: una enim actionum omnium materia est res, quæ petitur, sive in personam agatur, sive in rem. Et si quando contingat, ut servus petatur, non petitur, ut persona, sed ut res cæteræ, quæ nostræ sunt, aut nobis debentur. Sed nec ideo actio in personam dicitur, quia ea qui agit, personam conveniat; actio in rem, quia conveniatur res ipsa; quod natura fieri non potest: Nam quod Jurisconsulti ita aliquando loquantur ut

dicant, rem conveniri, non personam, abusivum est, & specialem præterea rationem in causis, de quibus loquuntur, habet, veluti in *l. 7. de publican.* item *l. 19 de jur. fisc.* Quorum illa prædia conveniri dicuntur ex causa vectigalium, non personæ; ut intelligamus, onera ista prædiorum esse, non personarum; ac proinde quasi à prædiis exigi atque à possessoribus eo nomine conventis præstanda esse, sine consideratione temporis, quo possederunt. In altera Papinianus negat, pecuniæ publicæ, quam quis à debitore suo in solidum accepit, revocatæ, usuras præstari, eo quod res, non persona convenitur; quod sic explicatur, in *l. 5. C. de priv. fisc.* quia fiscus jure extraordinario privilegii sui rem aufert, non cum obligato ex contractu aliquo sceneratitio agit. At cum utraque actione & res petatur & persona conveniatur, qui sit, quod una in rem nomen acceperit, altera in personam? Dicam statim: prius enim causa efficiens utriusque indicanda est, unde potissimum, ut ante dixi, sumpta ratio divisionis. Omnis actio procedit ex jure aliquo, quod quis circa rem habet, tanquam à causa efficiente proxima, & ita idem variatur pro juris istius diversitate. Quemadmodum autem hoc jus in universum duplex est; unum in re, alterum ad rem: ita quoque duæ in universum diversæ actionum species inde manarunt, sive duo remedia ad jus illud iudicio persequendum. Jus in re, quod obiter hic inculcandum, multiplex, dominium tum directum tum utile, usufructus, servitutes, pignus, jus possessionis. Jus ad rem unum est, obligatio scilicet sive creditum. Ex jure, quod quis in rem habet, proficiscitur actio in rem, pro diversa quidem qualitate istius juris diversi quoque generis, sed id ad rem propositam nunc nihil facit. Obligatio actionem in personam parit. Illa in rem dicitur, quia domino quod datur, rem perpetuo sequitur, atque ut persona hic conveniatur, hoc est, possessor, tamen non convenitur propter se, propter rem possessam. Hæc autem in personam dicta est, quia ut persona hic convenitur, ita convenitur propter se, quia se obligavit, non propter rem petitam. Quod tamen non sic accipiendum est, quasi qui ex obligatione agit, non hoc agat, ut rem quæ in obligationem deducta est, consequatur: sed sic, quod actione in personam quisque tenetur ob hoc solum, quia verbi causa promisit, se daturum esse; & hoc sive rem habeat, sive non habeat; cum actione in rem propria propter hoc solum teneatur, quod rem possidet, nec compellatur in rem actionem pati, si rem defendere nolit, aut sine dolo possidere deserit, *l. fin. autem 27. §. 1. l. ult. de rei vind.*

Quibus inter aliquos apud iudices] Tribus his verbis breviter comprehenduntur tres illæ personæ, quæ ad constituendum iudicium necessario requiruntur, actor, reus, iudex. Actor & reus litigatores sunt,

sunt, inter quos res agitur, & quorum ille est, qui litem intendit, hic, qui excipit. Græci *ἀδύνατοι* appellant, & more Græcorum nostri aliquando partem fugientem, l. 2. C. de jureju. prop. cal. l. 13. §. 2. C. de judic. Judex, apud quem res agitur, qui idem causam cognoscit, & litem auctoritate sua dirimit. Unde judicium non male definitur legitima rei controversiæ inter actorem & reum apud judicem tractatio, in eum finem instituta, ut lites publica auctoritate sopiantur.

- 4 *Judices arbitrosque* Nomina hæc judex & arbiter non eodem semper modo accipiuntur, nec per se posita, nec conjuncta, ut hoc loco. Utrumque autem vel proprie accipitur, vel improprie. Judex proprie dicitur, qui ita judicat, ut in eo munere publico fungatur. Etenim judicandi munus publicum est, l. quippe 78. ff. de judic. l. ult. §. judicandi, de mun. & hon. Atque hinc judices omnes dicuntur habere notionem, id est, potestatem cognoscendi jure publico constitutam, l. 5. de re jud. Improprie judices dicuntur arbitri, qui ex consensu litigatorum & compromisso sumuntur: quippe consensus privatorum judicem facere non potest, l. 3. Cod. de jurisd. Appellantur autem judices propter affinitatem, quam cum veris judicibus habent, eo quod partibus judicis fungantur, & arbitria ad similitudinem judiciorum redacta sint, l. 1. l. 12. §. 2. de rec. arbitr. l. pen. ff. l. 14. Cod. de judic. ac tamen si sententiæ eorum executioni mandari non soleant, effectum tamen aliquem habent vi stipulationis pœnalis. Arbitri proprie & plerumque dicuntur iidem illi, quos diximus, judices voluntarii & compromissarii. Non est tamen infrequens ut veri quoque judices arbitri dicantur, ut plurimum autem illi, qui ex bonæ fidei judicio cognoscunt, & maxime in judiciis divisoris familie eriscundæ & communi dividundo: unde & judicia ipsa arbitria, l. 24. de pos. l. arbitrium 43. l. ult. ff. l. 15. l. 17. C. famil. erisc. l. 18. ff. l. 3. Cod. comm. divid. l. pro facio 38. ff. pro soc. Sic autem appellati sunt hujus generis judices, propterea quod libera iis potestas permittitur arbitrandi æstimandique, quantum alterum alteri ex bona fide præstare oporteat. De quo pluscula ad §. 28. & 30. inf. Præterea nomen judicis etiam tunc cum proprie usurpatur, aliquando generaliter accipitur, ut eo contineantur omnes, qui cognoscendi & judicandi potestatem habent, sive eam habeant jure magistratus, aut vi alicujus jurisdictionis, l. 1. de judic. tot. tit. Cod. de jurisd. omn. jud. 6 *tit. ff. & Cod. de reb. aud. jud. possess. sine jure nudæ* notionis, ut judices pedanei; aliquando specialiter pro pedaneis judicibus duntaxat, hoc est, iis, qui dati sunt à magistratibus, aliisve, qui suis dandi judicem habent: in qua significatione etiam passim hoc verbum sumitur, non tantum cum oppositum verbo ma-

gistratus, sed etiam cum per se & absolute ponitur, l. 1. & 3. de jurisd. l. 12. §. 1. l. in præstatu 77. de judic. l. 15. l. judex 55. de re judic. l. 2. de reg. jur. Cujus tamen distinctionis non tantus est hodie usus, quantus olim fuit; cum judicis passim dandi licentia nunc sublata sit, l. 2. Cod. de pedan. jud. Est & tertia hujus vocis significatio adhuc magis specialis, quæ ex adjuncto cognosci potest, veluti cum hæc duo conjunguntur, judices arbitrive & maxime cum additur, a magistratu dati, ut in l. 15. de re jud. l. 7. de leg. Jul. x. p. Quod cum sit, judicis nomen in specie accipitur, restringiturque ad certos tantum judices, quos quidem à magistratu, sed in judiciis stricti juris, potestate judicandi certa formula, quam excedere non liceat, circumscripta. Sicut per nomen oppositum arbitri judices item veros tunc intelligimus, sed qui additi sunt bonæ fidei judiciis, aut etiam arbitrariis, l. 14. §. 4. quod met. caus. minime autem tales, ad quos ex compromisso itur. Hoc vero vel ex uno loco Senecæ intelligere licet, qui 3. de benef. sic scribit; *Melior videtur conditio causa bonæ, si ad judicem, quam si ad arbitrum mittatur, quia illum formula includit, & certos, quos non excedat, terminos ponit, hujus libera & nullis restricta vinculis religio est.* Plane, cum simpliciter hæc voces, judex & arbiter, junguntur, nec aliud exprimitur, unde diversum colligi possit, utramque vocem proprie posse accipi constat, ut cum Jurisconsultus in l. 9. ff. de re jud. scribit, furioso sententiam à judice vel arbitro dici non posse; unde & de hoc ipso loco judicandum. Atque ut forte Justinianus de arbitris ex compromisso sumptis non cogitaverit, non eo tamen minus huc pertinent, ubi de actione instituenda quæritur: Nam & apud eos eadem omnia hic servantur, quæ apud veros judices, nec aliter arbitria eorum rata sunt, quam si ordine judicario, id est, causa more judiciorum agitata & cognita, ad sententiam ferendam processerint, l. 1. de rec. arb. Enimvero nihil huc pertinent arbitratores, quos vocant. 7 Quippe qui non ut judices adhibentur ad controversiam sententia sua decidendam; sed ut nudi mediatores interveniunt in actibus extrajudicialibus & contractibus, cum de re aliqua inter ipsos contrahentes non convenit; veluti si in contractu societatis partes sociorum, qui emptione pretium, in locatione merces, in arbitrium certæ personæ conferatur, l. 75. cum seqq. pro soc. l. ult. Cod. de contr. empr. nullus autem locus dari potest, quo lis aliqua decisa arbitratoris interventu dicatur. Et commentitia est, prorsusque aliena à ratione juris civilis interpp. distinctio, qui duo arbitrorum genera faciunt, arbitros & arbitratores, quorum illi tanquam judices servato ordine judiciorum procedant, hi sine solemnibus litem amice ex æquo & bono componant, ut post Coras.

4. *misc.* 4. 18. bene ostendit Bach. *ad tit. ff. de rec. arbitr. cap. 1. num. 2.* ulu tamen interpp. distinctio inavaluit. *Gail. 1. obs. 150. Merul. lib. 1. tit. 7.*

In duo genera] Ita & Ulpian. in *l. 25. hoc tit.* Ad-
dendum plerique putant & tertium genus, ex §. 20.
inf. cod. actiones scil. mixtas, cujusmodi sint actio
familix erciscundx, communi dividundo, & finium
regundorum, quas expressè dicto loco Justinianus
ait mixtam causam obtinere tam in rem, quam in
personam; item petitio hæreditatis, quæ & ipsa mix-
ta dicitur, in *l. 7. Cod. de her. pet.* junctaque tribus
præcedentibus quadrigam illam mixtarum tam in
rem quam in personam actionum efficit, de qua *Cu-
jac. par. Cod. fin. reg.* At enim vero, si hoc ita est, di-
gnus sane reprehensione fuerit Tribonianus, qui sum-
mam omnium actionum divisionem se proponere
professus, eam uno membro mutilatam proponit, hoc
est, pro trimembri bimembrem facit, uno membro o-
misso, quod ad perfectionem totius non minus, quam
dæo illa, quæ posita sunt, pertineat: Nec accipio re-
sponsum quorundam, qui fatentur quidem, rectius
Tribonianum facturum fuisse, si vel una divisione
species omnes complexus esset, vel statim tertiam
subjecisset; sed cum de re ipsa constet, & tertia illa
species proposita sit in *dict. §. 20.* leges divisionis &
methodi insuper habendas. Hæc enim responsio, ut
aliquid pro Triboniano facere possit, si quid ab eo mi-
nus recte factum, tamen nihil adfert pro defensione
Ulpiani, qui itidem duo duntaxat actionum genera in
d. l. 25. ponit & explicat, in rem, quæ (inquit) dici-
tur vendicatio, & in personam, quæ condictio appel-
latur: transitque deinde ad alia, miscelli generis nulla
facta mentione: vitiose omnino, si præter duo ista ge-
nera, quæ proponit, adhuc tertium genus actionis su-
per sit ab utroque distinctum. Ego sic sentio, veteres
plura actionum genera, quam duo illa, quæ hic pro-
posita sunt, non agnovisse, easque quæ mixtæ aut
mixtam causam obtinere certo respectu dicuntur,
comprehendisse sub simplicibus, atque annumerasse
ei species, ad quam principaliter & ratione originis
pertinent. Proinde quia tria ista judicia, familix erciscundæ, communi dividundo, & finium regundorum,
origine sua & essentia sunt actiones in personam, sine
solum & effectu quædam ex natura actionum in rem
participant, inter actiones in personam numeraverunt,
l. 1. fin. reg. ut & ipse Justinianus in *l. 1. §. 1. Cod. de ann. except.* Petitionem autem hæreditatis inter actiones in rem, *l. 25. §. antepen. de her. pet. l. 1. l. 27. §. 3. de rei vind.* ob causam nimirum contrariam. Id vero ita esse, non aliunde certius constare potest, quam ex conjunctione, *dict. l. 1. fin. reg.* cum *dict. l. 1. §. antepen.* Nam in *dict. l. 1.* Paulus sic diserte scribit, *Actio finium regundorum in personam est, licet pro rei vindicatione sit.* Quod nihil

aliud est, quam si diceret, non eo minus actionem finium regundorum personalem censeretur debere, quod comparata sit quasi loco vendicationis, quodque proprietatis controversiæ cohæreat, ut loquitur Constantinus in *l. 3. Cod. eod.* & quod per eam, rem nostram, quæ intra fines nostros sit, consequamur; qui effectus est rei vendicationis: quia nihilominus verum sit, eam ex obligatione descendere, darique adversus eum solum, qui nobis sit obligatus. Quod quidem manifestum est, si quis de vicini maleficio queratur, veluti quod arbores terminales extirpavit, vel alias sciens fines suos protulit. Sed & si forte antiqui limites inveniri non possunt, vel non satis evidenter cujusque agrum distinguant, ita ut novi sint constituendi pro mensura cujusque agri, aut adjudicatione, & condemnatione, controversia dirimenda, *l. 2. l. 3. fin. reg. §. pen. infr. de off. judic.* ex obligatione tamen adhuc agitur, quam finium confusio & perturbatio parit. Idemque judicandum de actionibus familix erciscundæ & communi dividundo. In quibus etiam res est certior. Nam in his de dominio aut proprietate nulla est quaestio, nec quid restitui postulat, sed ut res dividatur, & recedatur à communione. Quin etiam possidenti ultro dantur, *l. 1. §. 1. fam. ercisc.* Ex contrario in *dict. l. 25. §. antepen.* sic Ulp. *Petitio hæreditatis et si in rem actio sit, habet tamen præstationes quædam personales.* Quasi diceret; Petitio hæreditatis in rem actio est, quia non ex obligatione aliqua nascitur, sed per eam rem nostram petimus, quæ ab alio possidetur; ita tamen in rem, ut exitu quædam communia habeat cum actionibus in personam, nempe præstationes istas, quarum meminit, pretiorum & pecuniarum à debitoribus hæreditariis exactarum: hæc enim non efficere, quominus in rem sit & dici debeat, quia talis est principaliter, per se & origine sua. Quamobrem ferre non possum, quod Bachovius contendit, actiones hæc etiam ratione essentiarum suarum & originis mixtas esse; quia nascantur ex duplici eoque diverso principio, dominio sc. & obligatione: nam præterquam quod hoc à mente veterum longe alienum est, (cur enim illi petitionem hæreditatis actionem in rem esse dicerent, actionem autem finium regundorum in personam, si illa æquè in personam, hæc æquè in rem esset, atque utraq; essentiali origine tam in rem quam in personam?) non caret etiam implicatione contradictionis. Et fateatur quidem hoc ipse Bachovius; cæterum se inde expedire conatur posito pro diversitate objecti diverso quoque principio & causa agendi. Cum itaque duplex sit objectum petitionis hæreditatis, hæreditas ipsa, & præstationes, quas diximus, personales, quatenus illa petitur, actionem istam ait in rem esse, utpote quæ nascatur ex jure domini, eique soli competat, qui se hæredem, id est, hæreditatem suam, esse in-

se intendit : quatenus vero eadem actione hæres petit, sibi præstari pretia rerum venditarum, cave, quæ à debitoribus hæreditariis exacta sunt, esse eam in personam, atque ex contrario principio, jure scilicet obligationis, oriri. Simili modo cum actio, verbi causa communi dividundo, duplex quoque objectum habeat, divisionem rei communis, & mutuas quasdam item præstationes, fructuum, impensarum, damni dati; *l. 3. §. 3. comm. divid.* ait, quatenus propter divisionem rerum agitur, actionem hanc in rem esse, quatenus propter alias causas, in personam : unam autem actionem mixtam, in qua producenda quæ diversæ causæ distinctim & æqualiter concurrant, dominium & obligatio. Ego vero non dubito, quin totum hoc falsum sit : quia sic non una actio, sed duæ omnino diversæ & distinctæ pro diversis rebus obtinendis constituuntur ; quod veterum nemini in mentem venit. Sed, quod ante dixi, petitio hæreditatis natura & essentia sua actio in rem est ; quod & nomen ipsum satis arguit, *l. 28. ff. h. tit.* Præter naturam autem actionum in rem accidit in hac actione, quæ de universitate est, ut in eam quoque veniant quædam præstationes personales, non proprie ex præcedente aliqua obligatione, qua factio suo se obstrinxerit possessor hæreditatis ; quem constat quasi rem suam gerentem nemini se obligare voluisse ; *l. 14. §. 1. comm. divid.* sed quarum nomine is, qui petitione hæreditatis convenitur, perinde ac quisque, qui se obligavit, tenetur : hoc est, etiamsi, exempli gratia, pecuniam exactam non possideat, nec dolo possidere desierit, *l. 20 §. ult. de har. per.* & omnino ut debitor generis, non speciei : atque hoc demum respectu mixta personalis hæc actio dicitur in *l. 7. C. de har. per.* Contra actiones familiæ eriscundæ & communi dividundo in personam sunt, non descendentes ex dominio simul & obligatione, sed ex obligatione duntaxat, quam una parit rerum suscepta communio, quæque non minus socium obligat ad patiendam rerum divisionem, adjudicationesque & condemnationes, quam ad præstationes lucri, damni, impensarum, manentem in communione. Tantum quia consortes de re sua agunt, hoc est, parte sua instar eorum, qui rem vendicant, ideo dicuntur hæ actiones mixtam causam obtinere videri, tam in rem, quam in personam, *d. §. 20. inf.* De actione finium regundorum expresse testatur Paulus, in *l. 1. fin. reg.* in personam eam esse, licet & ipsa certo respectu pro actione in rem sit, ut initio diximus. Minus autem ferendi sunt, qui actiones, quæ in rem scriptæ dicuntur, qualis verbi causa est actio quod metus causa, *l. 9. §. ult. quod met. ca.* aut personales non esse contendunt, aut esse mixtas non dissimili sensu, quam quo superiores. Nam actionem quod metus causa in personam esse, expresse traditur in *§. præsertim 21.*

inf. cod. & palam est, eam esse ex obligatione, obligationem ex maleficio, quod facinus appellatur in *l. 14. §. quod si 11. quod met. ca.* quod autem scripta in rem dicitur, non hanc habet significationem, eam in rem esse, nascive ex aliquo jure, quod quis in rem habet, ut proinde rem & propter rem possessorem sequatur : sed indefinite de eo, quod metu gestum est, conceptam esse sine designatione personæ, ad quam verba actionis dirigantur, ut hoc explicat Ulp. in *d. l. 9. §. 1. & ult.* atque ex usu veterum in hujusmodi orationibus observarunt viri eruditi. *Duar. ad l. 7. §. præsertim, ff. de pact. & ad tit. quod met. ca. cap. 3. Donell. hoc loco, & 15. comm. 38.*

Cum eo qui obligatus] Descriptio actionis in personam exprimens definitionem, quæ traditur in *l. actionum 25. ff. hoc tit.* ut sit actio, qua cum eo agimus, qui obligatus est nobis ad faciendum aliquid vel dandum. Quæ definitio clare ostendit, cui & adversus quem hæc actio comperat, & quid per eam petamus. Nimirum cum causa hujus actionis sit obligatio. Obligatio autem inter duos intercedat, inter eum, qui obligatum habet, & qui obligatus est ; quorum ille creditor, hic debitor dicitur, sponte hinc satis intelligimus, dari hanc actionem ei, qui alium obligatum habet, in eum, qui obligatus est. Et notandum, quod hæc actio & eidem semper & adversus eundem detur. Quod adversus eundem semper locum habeat, ut scribit J. C. in *d. l. 25.* mirum non est : neque enim obligatio à persona debitoris separari, aliussve debitor invito creditori substitui potest. Verum obligatio debitorem sequitur, ut lepra leprosum *Interpp. hic.* Sed & quod eidem semper detur, nec alii, quam primo creditori, ex eadem ratione itidem est ; nam nec obligatio ab eo, cui primo acquisita est, avelli potest, sed in persona ejus perpetuo hæret ; ac proinde & actio, quæ ex ea obligatione nascitur. In summa obligationes atque actiones personales ita comparatæ sunt, ut in persona utriusque contrahentium eas radicari oporteat ; adeo ut nec ab initio expressa conventionione fieri possit, ut vel alius obligetur, vel alteri obligatio aut actio acquiratur, *§. 3. 4. & 18. de inut. stip. l. stipulatio 38. §. alteri 17. sup. de V. O. l. 11. de obl. & act.* licet posterius hoc suas habeat exceptiones, de quibus dictum. *§. 19. supr. dicto tit.* At enim vero etsi ex ratione juris creditor nomen alienare non potest hoc effectu, ut actio vel obligatio ad eum modum transferatur, quo res corporales, & quæ domini nostri sunt à nobis transferuntur, receptum tamen est, ut possit nomen & actionem vendere, aliove modo transferre hoc effectu, ut, verbi causa ex vendito conveniri possit, ut actiones suas cedat, quo facto emptor procurator in rem suam constituitur, manentibus directis actionibus apud venditorem, cujus nomine eas in rem suam exerceat.

Sed & non cessis actionibus placuit emptorem suo nomine utilibus experiri posse. Quod benigne constitutum est, quo plenius emptori cæterisque consuleretur *l. 16. ff. de pact. l. 5. l. 8. C. de hered. vel act. vend. l. 18. C. de legat.* de quo fusc & subtiliter discit ferit Bachov. de action. disp. 4. thes. 2. & 3. In actione in rem utrumque contrario modo se habet: nam cum ea non ex alia causa nascatur, quam ex dominio aut simili in rem jure; hoc autem jus à domino una cum re ipsa totum ac directum in alium transferri queat: inde necessario evenit, ut non semper itidem, sed ei semper qui novissimè rei, de qua queritur, dominum nactus est; in rem actio, & quidem directa detur. Similique modo cum res, quam hac actione persequimur, ad alium atque alium possessorem transire, atque ut Jafon hic loquitur, per mille manus ambulare possit, accidit quoque, ut actio in rem non semper adversus eundem locum habeat, sed adversus quemcumque, qui quo tempore agit, rem possidet, *d. l. 25.* atque hinc etiam oritur formularium & intentionum diversitas; nam formula actionum in rem absolutè concipitur sine designatione certæ personæ; *Ajo, hanc rem ex jure Quiritium meam esse*: in personalibus autem relata est & directa in personam rei; *Ajo, te mihi centum dare oportere*. Petimus autem hac actione, quod nobis ex obligatione dandum vel faciendum est: quod & ipsum quoque definitione superiore continetur. In obligationibus faciendi petitur id, quod interest; in actionibus generalibus, pro socio, negotiorum gestorum, tutelæ, ratione administrationis & reliqua. Non sufficit vero ut actor generalem proximam causam actionis intentione sua complectatur, puta quod reus ei obligatus sit decem dare, aut obligatus sit ex contractu aut quasi: sed addenda causa propria; *Ajo, te mihi dare oportere decem, quia tibi dedi mutua*. In actionibus in rem sufficit causam communem dicere, hoc est, se dominum esse, etsi non adjiciat ex donato, legato aut simili causa. Ratio varietatis hæc est, quod qui se dominum dicit, satis dicit de jure suo, unde scire possit adversarius, utrum sibi expediat contendere, nec ne. At in actione in personam nisi causa obligationis propria exprimitur, nihil de eo reus statuere potest. Plane nomen actionis libello complecti nihil necesse est, cum id appositæ certæ & convenienti agendi causa ex ipsa narratione satis intelligatur, *add. Guil. r. observ. 61. Schneid. hic num. 110. & seqq. Don. ad l. 3. C. de edend.*

Vel ex contractu vel ex maleficio] Subaudi, vel quasi ex contractu, vel quasi ex maleficio. Nihil enim frequentius est, quam ut appellatione contractus etiam quasi contractus, appellatione maleficii etiam quasi maleficio comprehendatur, *S. 10. §. 18. & seq. inf. hoc tit. §. 1. inf. de perp. & semper. actum.*

l. 16. de neg. gest. l. ex contrahibus 49. de oblig. & act. Atque hæc quidem sunt causæ principales, ex quibus obligatio atque actio in personam oritur: sed tamen non sunt solæ. Occurrunt enim quædam actiones, quæ etsi in personam sunt, tamen nec ex contractu nec ex maleficio originem trahunt, sed ex sola æquitate dantur, quales iust in factum subsidiariæ, *S. ult. supr. de leg. Aquil. l. 23. §. item quæcumque l. cum autem 51. de rei vindic.* Hujus generis item est actio de tigno juncto in duplum, adversus eum qui bona fide junxit, *d. l. 23. §. penult. l. 7. S. cum in suo 10. de acq. rer. com.* Item quæ datur in specie *l. 5. §. me & Titium 32. de reb. credit.* & condictio sine causa aut ex injusta causa, quæ tenetur possessor malæ fidei nomine consumptorum fructuum, *l. 3. C. de condit. ex leg.* Sed neque actio de peculio proprie dici potest descendere ex contractu, quia dominus aut pater revera nihil contraxerunt. Ad exhibendum quoque actio personalis esse dicitur, *l. 3. §. 3. ad exhibend.* quam tamen nec ex contractu, nec ex maleficio, nec ex simili aliquo facto obligatorio nasci constat: sed dari tantum ob summam æquitatem conjunctam cum utilitate publica & civili, quia scilicet quisque tenetur præstare, quod illi nullo modo noceat, alteri etiam profit ad obtinendum quod sibi debetur, *l. 2. §. 5. inf. de acq. pluv. arc.* Pulchre Oldend. *Class. act. r. quæst. 2.* Porremo nec omnis obligatio aut actio, quæ ex conventionione est, ex contractu descendit; veluti quæ nascuntur ex pactis legitimis: atque hæc fortassis causa est, cur Cajus, in *l. 1. pr. hoc tit.* fontes obligationum indicans, cum contractus & maleficii mentionem fecisset, reliquas dicat nasci proprio quodam jure ex variis causarum figuris: revivisse quæ notamus *supr. ad §. ult. de obl.*

Dare aut facere oportere] Verba sunt vulgaris & usitata in actionibus in personam formulæ; in qua verbum dare domini translationem significat, *S. 14. inf. l. ubi autem 75. §. ultim. de V. O. l. 25. §. 1. de contr. empt.* facere, nudum factum, ut insulam adificari, rem tradi, *l. 28. l. 7. 2. in pr. d. l. 75. §. 7. de V. O.* uti & in divisione stipulationum, *l. 2. pr. d. titul. §. ultim. Instit. eadem.* Ait dare aut facere disjunctim, sicut etiam in *S. 15. inf.* quo tamen non hoc significat, intentionem formulæ actionum in personam duplicem esse oportere, quasi necesse sit utrumque semper oppositum uno axioma disjunctim disponi, formulamque hoc modo concipi, *Ajo te mihi dare aut facere oportere*: sed duas esse diversas harum actionum formulas, quarum una intendamus adversarium dare, altera facere oportere, prout vel addandum vel ad faciendum obligatus est. Putaverit fortasse quispiam, cum ex faciendi obligationibus nunquam agi possit ad factum ipsum, sed id tantum, quod interest, in actionem deduci, *l. 13. §. 1. de re judic. d.*

dec. d. l. 72. in fin. pr. de V.O. §. ultim. instit. sup. eodem titul. fieri non posse, ut unquam tali formulæ locus sit, qua facere oportere intendatur: nam præstare, id quod interest, non esse facere, sed dare, ut quidem hoc loci verba ista accipienda sunt. Sed rectè dicemus, hac formula *Ajo refacere oportere*, nudam contineri intentionem actoris, quæ litem contestatam præcesserit. Utique enim quod promissum erat, significandum fuit, atque apud prætorem proponendum: & quia fieri poterat, ut reus promissum negaret, haud dubiè à prætore quoque insertum fuit formulæ, hoc fortè modo, *si paret Mæcium facere debuisse, nec fecisse, quanti interest, condemnetur*: prætore ex hypothesi facti promissi & probati dirigente jussione de condemnando non in ipsum factum, sed in id, quod interest. Potest & mixta hic admitti formula, *dare facere*, ut dare accipiamus tanquam subrogatum *refacere*, & ad id quod interest, referatur.

16 *Aliis quibusdam modis*] Id est, aliis agendi formulis: Nam illæ, quibus intendimus adversarium dare aut facere oportere, non conveniunt omnibus actionibus in personam, sed plerisque & maximè quibus dare, ius, quæ in specie dicuntur conditiones: sunt vero & aliæ aliis in personam actionibus accommodatæ, quibus nec ut quid nobis detur, propriè, nec ut fiat, petimus; sed quibus verbi causâ intendimus adversarium tradere aut restituere oportere, ut in actione commodati, depositi, pignoratitia. Neque enim arbitror, verbum faciendi in hac formula, *Ajo refacere oportere*, tam latè accipi posse, ut eo contineatur etiam rei traditio aut restitutio; alioqui hujus formulæ usus quoque esset in rei vindicatione. Sed ut ante dixi nudum factum significat: quod commemoratur quidem ab eo, qui agit ex obligatione faciendi, tanquam quod præstari oportuit; sed intentio tantum dirigitur in id, quod interest, quod secus est in actionibus modo commemoratis. Et ex diverso cum is, qui rem commodat, deposit, oppignerat, dominus maneat certum est, nec contrariæ formulæ locum esse, neminemque posse per actionem commodati, depositi, pignoratitiam, intendere dari sibi oportere. Sed & in actionibus divisorii, quas personalibus veteres annumerant, alia formula principalis intentionis fuit, §. *quadam 20. inf. eodem*. Quamobrem rectè opinor Theophilum verba Justiniani & aliis quibusdam modis reddidisse, *ἢ ἰστέως ἢ ἁλότως διωτὸν ἡντιὸς τὸν ἀγῶνυλῶν*. Sed & aliis modis talis actio intentari potest. Durum certè est verba ista referre ad illa remotiora ex contractu vel ex maleficio, quasi cæteras obligationum causas indicent præter contractus & maleficia, *and. Bachov. hic & disp. 4. de thes. 1.*

17 *Quæ nullo jure obligatus*] Sequitur descriptio

actionis in rem, exprimens adjuncto exemplo rursus definitionem ejusdem actionis traditam in *l. 25. ff. hoc titul.* ut sit actio per quam rem nostram, quæ ab alio possidetur, petimus: & semper adversus eum est, qui possidet: unde nullo iterum negotio intelligi potest, cui & adversus quem hæc actio detur, & quid petat. Ait, *nullo jure*, id est, neque ex contractu, neque ex maleficio, aliove facto aut jure, cujus vi persona ejus, qui in rem actione convenitur, afficiatur: ut intelligamus, non esse inter personam ejus, qui in rem agit, ejusque cum quo agitur, affectionem relationis, qualis est inter creditorem & debitorem propriè dictum: sed actioni in rem locum facere solam rem possessionem, non vinculum aliquod personale.

Quo casu prodita sunt actiones in rem] Cum non ex obligatione, sed alia ex causâ, jure scilicet in re, iudicio experimur, non in personam, sed in rem actio est, cujuscunque generis jus illud sit, sive dominium directum aut utile, sive servitus, sive possessio, sive pignus. Etsi enim dominium ut principale jus in re, præcipua est actionis in rem causâ, & ideo quæ inde nascitur actio, per antonomasiam actio, in rem & rei vindicatio absolute dicitur, ut in dubio quoque ubi actionis in rem mentio sit, hæc ipsa intelligatur, *titul. ff. & C. de rei vindic.* Non est tamen causâ actionum in rem sola, ut apparet ex §. qui proximè sequuntur, nisi fortè appellatione domini, latius sumpto vocabulo, cætera quoque jura in rem comprehendas. Hoc §. una tantum in rem actio proponitur, eaque civilis ac directa, & scilicet principalis illa, quæ non alii competit, quam vero rei domino, *l. 23. ff. de rei vind.* Igitur emphyteutæ & superficiario, qui veri domini non sunt, non datur: at his datur in rem utilis, *l. 1. §. 1. si ag. & est. l. 74. de rei vind.* Nimirum propter aliud jus, quod in re habent; quod sive dominium utile, sive jus dominio proximum appelletur, parum refert. In hac autem utili actione mutato nomine petitoris & rei petiti eadem omnia obtinent, quæ in directa.

Rem corporalem possideat, quam Titius suam 18 esse, &c.] Ad fundandam actionem in rem duo extrema ponenda & probanda sunt; à parte actoris dominium; à parte rei conventi possessio; id quod ostendit tum hic locus, tum *l. 25. in princ. ff. eod. l. 27. in pr. junct. l. 36. & ultim. ff. de rei vind.* Primum, quod hic intendit actor & probare debet, esse dominium esse: etenim causâ petendi, in actione in rem tota fundata est in jure domini, ex quo & formula in hunc modum concipiebatur, *si paret, rem petitoris esse*. Atque hoc quidem dubio omni caret. Illud dubitationem habet, an ad hoc, ut in iudicio in rem actor obtineat, necesse sit, ut tempore litis contestatæ dominus sit, an vero sufficiat, ante sententiam dominium ei supervenisse. Jure Cano-

num res definita est, nimirum possessorem nihilominus condemnandum esse, *cap. Abbate x. de re jud. in 6.* At quaeritur de jure civili. Ego cum Joanne Fabro existimo, ex ratione juris civilis nova hic opus esse interpellatione, per expressi. text. in *l. 23. ff. de judic.* qui locus non patitur, ut dicamus, tempus, quo dominium supervenit, victione juris retrahere ad tempus impetratae actionis aut suscepti judicii: & bene idem Faber judicat, non procedere argumentum a reo, qui post litem contestatam possidere coepit, ad actorem, qui post id tempus dominus factus sit; nam ex parte actoris potissimum judicium fundatur & res in judicium deducitur: non potest autem dici, in judicium deductum esse id, quod demum post acceptum judicium actor acquisivit, ac proinde nec potest iudex datus in hac specie procedere ad condemnationem; sed nova formula à prætore impetranda, novumque constituendum judicium est. *d. l. 23. junct. l. 18. ff. comm. dis.* Plane, ubi apud ipsos magistratus judicium instituitur, quod post *l. 2. C. de pe. l. jud.* ferè necessarium fuit, nihil vetat, quominus sine ambagibus, recta & eodem judicio, lis decidatur, & possessor in hujusmodi casu condemnatur. Et cur vero absolveretur mox alio judicio ab eodem condemnandus? Contingatio certè domini in persona actoris præcisè requiritur: nam si is post litem contestatam dominus esse desierit, & in eadem causa manserit, usque ad tempus ferendæ sententiæ, reus omnino absolvendus est, utpote cessante causa agendi, ejus non minus tempore sententiæ, quam quo lis contestatur, ratio habetur: per *l. 7. §. ultim. ff. ad exhib. ita & Jaf. hic num. 69.* ex communi DD. sententia. Alterum, quod ad instituendam & fundandam actionem in rem necessarium esse diximus, est, ut is, cum quo agitur, possideat. Nam cum hac actione agens rem sibi ut domino restitui postulet, & secundum naturam hujus actionis, quæ arbitraria est, officio quoque judicis contineatur, ut is prius, quam sententiam ferat, jubeat rem restitui; §. *præterea 31. inf. eodem.* non potest aut debet hoc ab eo peti, aut is juberi restituere, qui restituendi potestatem non habet: nemo autem habet, nisi is, qui rem petitam possidet. Sufficit vero ad reum condemnandum, possidere eum, quo tempore res judicanda est, et si non possidebat, cum lis contestaretur, *l. 27. §. 1. de rei vind.* Possessionem autem hic latius accipimus, ut eo verbo etiam contineantur nudi detentatores, id est, qui corpore tantum rem tenentes ejus restituendæ facultatem habent; quales sunt, apud quos res deposita, aut quibus commodata est, aut qui conduxerunt, &c. *l. 9. ff. de rei vind.* Sed nominato auctore non coguntur, qui alieno nomine in possessione sunt, actionem excipere, *l. 2. C. ubi in rem act.* Interpretatione juris pro possessore quoque habetur, qui se liti obtulit, ju-

diciumque accepit decepto petitore, *l. 7. l. 25. & seq. ff. de rei vind.* item is, qui dolo fecit, quominus possideat, *l. 22. l. 17. §. 3. l. 36. d. rit. l. 25. §. 8. de hered. pet.* De quo res postulat, ut plura dicamus, & simul quid juris, si dolo non intervenierit. Sireus, cum jam lis contestata esset, possessionem amiserit, si quidem sine dolo malo aut culpa, absolvendus est, eoq; pertinet *d. l. 27. §. 1.* si culpa sua, pati debet aestimationem; ita tamen, ut audiendus sit, si desideret, ut adversarius actiones suas cedat, *d. l. 16. §. 1. junct. l. 63. eodem titul.* si dolo vel fraude, damnandus est, quantum adversarius in litem juraverit, nec auditur desiderans actiones sibi præstari, *l. 68. & l. seq. eodem.* Non est autem dubitandum, quin iudex perinde hic procedat, ac si is, unde petitur, adhuc verè possideret, scilicet ut, quæ natura est hujus judicii, primum jubeat rem restitui, & si non restituatur, tum sequatur ea, quam dixi, & eodem judicio, condemnatio: postquam placuit dolum pro possessione esse, & pari in omnibus jure utrumque censei, eum, qui quid habet vel possidet, & cujus dolo factum sit, quo minus possideat, *l. 131. l. parem 150. l. ad ead. 157. §. 1. de Reg. jur. facit l. 20. §. ultim. de hered. pet.* Proinde tantum non nugæ agunt, qui nova hic instantia & judicio opus esse contendunt hoc solo argumento, quod adversus eum, qui dolo possidere desit, non directæ sed utilis actio detur, *l. 3. §. ult. de alien. jud. mtr. ca.* Equidem fateor, id ita esse, cum ante litem contestatam dolo possessio amissa est: ubi vero semel judicio inclusa est actio, uti cæpta est, ita eam peragi oportet, nec petitori nocere debet doli factum possessoris. Porro cum superiores regulæ & si quæ sunt generis ejusdem, simpliciter & indistinctè definiant, dolum pro possessione esse, eumque qui dolo possidere desit, condemnandum perinde quasi adhuc possideret; ex eo rectè colligitur, non tantum eum, qui post litem contestatam dolo possidere desit, pro possessore haberi, sed eum etiam, qui ante litem contestatam similiter per fraudem possessionem transtulit; ac proinde hunc quoque judicio in rem conveniri posse: quæ collectio firmatur ex *l. in rem. 23. §. pen. de rei vind. l. 1. §. ult. de tign. junct. l. 9. pr. ad exhib.* item ex eo quod Cajus in *l. qui petitorio 39. d. rit. de rei vind.* scribit, eum, qui in rem acturus est, dispicere debere, an is, cum quo experiri vult, possidet vel dolo possidere desierit. Atque ut nullus dubitationi locus relinquatur, textus in hanc rem expressus est in *l. 27. §. 3. §. de rei vind.* Quia vero revera is, cum quo hic actio instituitur, non possidet, sed juris tantum interpretatione pro possessore habetur, hæc consideratione utilis hæc actio dicitur, *l. 3. §. ultim. de alien. jud. mtr. ca.* Unicum est, quod hic objici possit, & quo moti Jaf. & Zasius in contrarium abierunt, nimirum si cum eo, qui ante litem

con-

contestatam dolo desinit possidere, actio in rem institui posset, frustra videri introductam à prætorè actionem in factum edicto *de alien. jud. mut. ca. fact.* Verum hæc obiectio levior est, quam ut tantos viros turbare debuerit: nam edictum illud non tantum pertinet ad translationem possessionis, eludendæ actionis in rem causâ factam, sed generaliter ad omnem alienationem, quæ data opera fit in fraudem nostram, ut elusoria efficiatur actio, qualiscumque ea sit, qua metus erat nos experturos esse, *l. 4. §. 2. l. 8. §. 9. & 10. de alien. judic. mut. ca.* Nihil vero absurdum est, si dicamus, utile iudicium rei vindicationis cum actione ex edicto concurrere, ut in arbitrio actoris sit, utra actione experiri velit. Quinimo hoc discretè satis traditum est in *l. 3. §. ult. d. tit.* Tantum JC. electionem actoris ita moderatur, ut si is, cum quo ex edicto agi potest, paratus sit utile iudicium pati, deneganda sit in eum actio ex edicto, sc. quia ea oblatione fiat, ut actoris nihil intersit. Ex contrario vero concedendum non est, ut utile iudicium in rem defugere possit, qui paratus sit suscipere actionem ex edicto.

Possessor autem dominum ejus se esse dicat] Priscis temporibus ita moris fuit, ut cum actor vindicaret, rem suam esse, tum possessor contra vindicaret, ut constat ex antiquis formulis; qualis est illa, quam profert Cicero *pro Muræna. Fumus Sabinus meus est. Imo meus*: cui similis illa apud Plautum in *Rudent. Hunc meum esse dico. Et ego item ajo esse meum*, vid. Boet. in *Top. Cic. Cell. 20. Noct. Att. 10. Brisson. lib. 5. de form.* Sive autem contraria illa possessoris vindicatio olim necessaria fuerit, sive in τὸ πλῆν, honestatis fortè causa usurpata, certum est, posterioribus temporibus ad defensionem rei nihil desideratum fuisse præter simplicem negationem & contradictionem qualemcumque. Ita enim jure, quo nunc utimur, cautum est, ut actore non probante intentionem suam reus, quamvis nihil ipse præstiterit, absolvatur, inque suo loco possessio maneat; *l. 4. C. de edend. l. ult. C. de rei vind. §. 4. inf. de interd.* ac ne ad hoc quidem possessor compelli possit, ut vel titulum possessionis suæ edat: *L. 11. C. de per. her.* cum tamen, qui titulum possessionis suæ dicit, non continuo dominium sibi asserat: constetque, iudicium rei vindicationis etiam consistere & peragi, cum in confesso est, reum non possidere affectione domini, sed alieno nomine in possessione esse, *l. 9. ff. de rei vind.* Absurdum autem est, exigere à reo, ut quid dicat, quod aut apertè falsum sit, aut probare non cogatur, & quo non probato nihilominus obtineat, si suam intentionem actor non impleverit. Denique nihil interest actoris, reum contra vindicare? Minimè igitur ex eo, quod Imp. exemplum hoc loco forte profert mutæ vindicationis, inferenda est juris aliqua necessitas, quasi ad defensionem possessoris o-

minino necesse sit, ut is contra vindicet, & se dominum rei ejus, quæ petitur, esse contendat: & vulgatum est, verba narrative posita non censeri dispositiva, quando in iis principaliter se legislator non fundat, ut notatum supr. *§. 4. de mil. test.* quod hic non fit. Hæc vera est hujus loci & genuina interpretatio, non spuria depravatio, ut eam appellat Ant. Contius *1. dist. 12.* stolidi alicujus ostentatoris. Deridet Contius, ut ineptum atque ab ignaro artis dialecticæ profectum, hoc enthymema; Si actore non probante reus absolvitur, non cogitur reus contra vindicare: ipse vero sic ex contrario ratiocinatur; Si actore probante reus condemnatur, debet reus contra vindicare. Atqui hoc enthymemate non tollitur necessitas consequentiæ, quæ est in superiore. Illud enim nihilominus manet, actore non probante nihil nocere reo, quod contra non vindicaverit: nec aliter falsitatis convinci connexio partium in præcedente illo axiomate potest, quam si ostendatur, reum, qui contraria vindicatione usus non est, protinus condemnandum esse, licet de intentione sua nihil probaverit petitor. Ad hoc nec Contius dicere ausus sit: quin ipse tacitè contrarium fatetur, dum inde reo necessitatem contra vindicandi imponit, quia fieri possit, ut actor probet: ex quo quidem efficitur, prodesse reo quod initio litis contra vindicet, minimè vero ad instituendam actionem non sufficere simplicem rei inficiationem & contradictionem. Et tamen etiam hoc ipsum, quod contendit Contius, falsum esse non dubito, & possessorem, qui simpliciter negavit actorem dominum esse, non minus audiendum, si impleta intentione petitoris, se dominum esse probare velit, quam si initio contra vindicasset, *arg. l. 9. C. de except.* Utique nihil hic fit contra regulas, quæ sunt de exceptionibus in principio litis contestandis. Nam si possessor licet simplici inficiatione usus, admittatur ad confutandas petitoris probationes, atque ut contra se dominium esse ostendat, non admittitur ad allegandum aut improbandum aliud, quam quod in ingressu litis dixerat, actorem dominum non esse, cum ejusdem rei duo in solidum domini esse non possint, *l. 5. §. ult. comm. d. §.* Cum autem actoris probationibus per contrarias rei elisis perinde habeatur, ac si nihil probatum esset, hac unum relinquitur, ut reus absolvatur. Plane si possessor non tantum absolvi se, sed dominum etiam declarari velit, rectè faciet, & mori iudiciorum antiquo convenienter, si initio in lite contestanda dominum se esse dicat & contra vindicet, *arg. l. 18. comm. d. §.* Quæ sit petitio hujus actionis propria, ex his, quæ dicta sunt, sponte intelligitur: cum enim hæc actio sit, per quam rem nostram petimus, *l. 25. de oblig. & act.* prius est ut actor intendat rem suam esse, quæ ab alio possidetur; sic deinde eam petat, id est,

restitui sibi à possessore postulet: ac utrumque officio iudicis probato dominio convenienter intentioni & petitioni suæ consequitur: nam & dominum eum esse iudex pronuntiat, remque ei restitui jubet cum fructibus & omni causa, l. 20. l. 35. §. 1. ff. de rei vind. Quod si possessor restituere iussus non paret, sequitur illa sententia; qua condemnatur, quanti ea res est iurejurando actoris æstimata, quandoque etiam manu militari possessio ab eo transfertur, l. 46. l. 68. d. tit.

T E X T U S.

De actione confessoria, & negatoria.

3. *Æque si agat quis jus sibi esse fundo fortè vel adibus utendi fruendi, vel per fundum vicini eundi agendi, vel ex fundo vicini aquam ducendi, in rem actio est. Ejusdem generis est actio de jure prædiorum urbanorum; veluti, si quis agat jus sibi esse altius ades suas tollendi, prospiciendive, vel projiciendi aliquid, vel immittendi tignum in vicini ades. Contra quoque de usufructu, & de servitutibus prædiorum rusticorum, item prædiorum urbanorum, invicem quoque prodita sunt actiones: ut si quis intendat, jus non esse adversario utendi fruendi, eundi agendi, aquamve ducendi; item altius tollendi, prospiciendive, vel projiciendi, immittendive; istæ quoque actiones in rem sunt, sed negative. Quod genus actionis in controversiis rerum corporalium proditum non est. Nam in his is agit, qui non possidet; ei vero, qui possidet, non est actio prodita, per quam neget rem actoris esse. Sane uno casu, qui possidet, nihilominus is actoris partes obtinet; sicut in latioribus Digestorum libris opportunius apparebit.*

N O T Æ.

3. *ALTIVS ADES SUAS TOLLENDI*] Alti-

us edificatur jure servitutis à vicino inpositæ & edificanti quæsitæ, ubi lege civitatis intra certum modum cohibita est edificandi licentia, & vicinus edificanti concessit formam præscriptam excedere: atque hoc casu actio est confessoria. Cæterum jure libertatis, & negatoria agitur, l. 8. C. de servit.

SED NEGATIVÆ] Passim negatoriz. Actio negatoria proposita est neganti se servitutem debere: confessoria servitutem sibi asserenti, tit. usuf. pet. & sit. si serv. vind. quod magis ex re petita, quam ex figura orationis æstimandum.

PRODITUM NON EST] Quoniam in controversiis rerum corporalium qui negativè agit, de alieno jure, non de suo agit; qui negat rem possidentis esse, non continuo evincit suam esse, l. 15. de except. rei jud.

EI QUI POSSIDET, NON EST ACTIO PRODITA; &c.] De re corporali nunquam in rem actio ultro possidenti datur: quippe cui sufficit, quod possideat, l. 1. §. 6. uti poss. Secus est in servitutibus, quarum usus in alieno est.

SANE UNO CASU] Ita quoque Theoph. alias, non uno casu. Goveanus, Sane hoc uno casu, id est, in controversiis servitutum: quomodo & in duobus codicibus Th. & in ἑνὶ καὶ δύο καὶ Fabrot.

COMMENTARIUS.

- 1 Rerum incorporalium nomine duplicem actionem computatam esse, confessoriam & negatoriam, utramque in rem.
- 2 An hæ actiones etiam pro alio jure dentur, quam pro servitutibus.
- 3 Actiones hæc non ex figura verborum, sed ex sententia, & re petita æstimandas.
- 4 Quæ pro Triboniano & contra afferantur, ut ostendatur, bene vel malè cum inter formulas confessorias hanc ponere, Ajo mihi jus esse ades meas altius tollendi: & contrariam inter negatorias.
- 5 Accurata demonstratio dari aliquod jus altius tollendi, quod ei, qui altius tollit, jure servitutis constituta competat.
- 6 Actionem negatoriam de rebus corporalibus proditam non esse, & quare.
- 7 Cur eadem prodita in rebus incorporalibus.
- 8 Cur in rebus corporalibus actio ultro possessori non detur. Hotomanni correctio & disputatio confutatur.
- 9 Frustra esse omnes, qui unicum illum casum, de quo in hujus §. calce, quarunt.

Æ *Quæ si agat quis*] Respicit ad id, quod dixit §. præcedenti, Velut si rem corporealem possideat quis

quis, &c. quasi dicat, etsi modo de actione in rem verba faciens rei corporalis mentionem habui, sciendum tamen est, etiam rerum incorporalium nomine, quæ nostræ sunt, actionem in rem comparatam esse, nempe de usufructu & cæteris servitutibus. Et observandum est, quod in hoc genere rerum non una tantum actio prodita sit, ut in controversiis rerum corporalium, sed duæ diversæ, una servitutem sibi competere asserenti, altera neganti servitutem ad alium pertinere: qua servitus asseritur confessoria; qua ad alium pertinere negatur, passim negatoria à prudentibus vocatur, *l. 2. ff. si serv. vind.* interdum negativa, *l. 5. si usufr. per. & à Justiniano hoc textu.* Ambæ in rem, utpote quibus rem nostram petimus, aut servitutem vendicando aut rei nostræ persequendo libertatem. Hinc & duplex horum tit. *si usufr. per. vel ad alium pert. neg. si servitus vind. vel ad al. pert. neg.* inscriptio, & concepta iis verbis, quibus actio in rem significatur, scilicet petitionis & vindicationis, *l. 25. & l. 28. de obl. & act.* Servitutum quædam sunt personarum, ut usus & usufructus, quædam rerum sive prædiorum, *l. 1. ff. de servit.* & quæ prædiorum sunt, earum quædam prædiorum urbanorum, quædam prædiorum rusticorum. Sed de servitutibus ipsis tractare aut de earum constitutione, non est hujus loci: pertinet ea tractatio ad secundum juris objectum, actumque de iis *supr. lib. 2. tit. 3. & 2. seqq.* Quod vero exempla singulorum generum hinc profuerunt, ut id eo tantum sit, ut intelligamus, de omnibus actiones in rem quas diximus competere: nec est de eo ulla controversia. Verum illud queritur, an non præter servitudes, quæ solæ hic commemorantur, sint alia quædam jura, quorum tuendorum causa similiter ut pro servitutibus actio confessoria aut negatoria jure nostro comparata sit; veluti ut quis jurisdictionem sibi asserat, aut ad alium pertinere neget. Et bene Vaud. *l. 1. var. quæst. 27.* probat, non esse. Nam si plura sunt harum actionum habilia objecta, cur solæ nominantur servitudes? aut cur confessoria & negatoria, ut usufructus & servitutum actiones propriæ, à Jurisconsultis proponuntur? *l. 1. l. 4. fere per tot. si serv. vind. l. 5. si usufr. per.* quibus in locis observare licet, hæc, ut *l. 1. de usufr. & l. 1. de acq. servit.* sæpe inter se permutari, actio confessoria aut negatoria, & actio de servitutibus. Infantiam suam produnt in rebus ad formam ac constitutionem reip. Romane pertinentibus, qui putant, potuisse etiam magistratus populi Romani hujusmodi actione aliqua, saltem utili, suam sibi defendere & vendicare jurisdictionem: nam ut actio nobis competat, necesse est rem, quam petimus in bonis nostris esse, *arg. l. rem. 52. de acq. rerum dom.* id est, vel nostram esse, vel nobis debitam, *l. bonorum 49. de verb. sign.* quod & ostendit actionis definitio, ut ea à nobis explicata est. Jurisdictio autem non

erat res magistratuum propria aut pars eorum patrimonii: sed ex concessione tantum principis aut populi magistratus omnes nec ultra annum eam exercebant, ut ridiculum sit existimare, pro ea sibi tuenda actionibus experiri potuisse. Plane hodie, postquam jurisdictio facta est patrimonialis, possunt actiones de servitutibus ad eam quoque vendicandam accommodari per extensionem, ut principes, comites, sive alii, qui cum territorio jurisdictionem perpetuam habent, pro ea sibi asserenda utili confessoria experiantur contra eos, qui exercitationem ejus impediunt; quæ & communis est Interpp. sententia, teste Soarez *recept. sent. n. 32. adde Gail. 2. obs. 66. Schneid. hic n. 11.* Illud monendi sumus, nomina harum actionum non tam ex conceptione verborum intentionis, quam ex re petita & eo quod effectu intenditur, nata esse. Nam ut ex definitione utriusque actionis constat tradita in *l. 2. §. 1. si serv. vind.* & exemplo proposito in *l. 4. §. competit. 7. cod. tit.* quisquis intendit servitutem sibi competere, confessoria utitur, & affirmativa ejus intentio habetur, etsi oratio verbis negativa est; & qui vi ipsa negat, rem suam servire, agit negatoria, etiam si verbis affirmantibus intentio concepta sit. Intendit ergo aliquis habere se jus altius tollendi invito vicino, negatoria utitur, etsi oratio affirmativa est, quia re ipsa negat, servitutem se vicino debere, sive vicino jus esse prohibendi, quo minus ædes altius tollat: quo modo si concipiatur formula, etiam verbis negativa erit. Ex contrario, agit aliquis, jus vicino non esse ædes suas altius tollere, hic agit confessoria, ut maximè utatur verbis negantibus, quia servitutem sibi competere contendit, sive jus sibi esse prohibendi ne vicinus altius ædificet, quæ intentio, etiam figura orationis, affirmativa est, *d. l. 4. §. 7.* Atque hoc quidem est in dictis formulis perpetuum, ubi nulla lege civitatis libertas ædificandi circumscripta est: quod si certa altitudo publicè constituta sit, supra quam ædificare invito vicino non liceat, eveniet nonnunquam, ut & prior formula, uti verbis affirmata est, ita & re ipsa sit, & vendicandæ servituti per confessoriam accommodata: & contra posterior, ut verbis negat, ita & sententia verborum negatoriam contineat, qua servitus negetur, asseratur libertas, ut mox clarius apparebit.

[*Jus sibi esse altius ædes suas tollendi*] Si verum est, quod modo diximus, utrum actio pro confessoria aut negatoria habenda sit, magis ex sententia verborum & re petita æstimandum esse, quam ex orationis figura, videri potest Tribonianus deceptus formularum conceptione hic aliquid turbasse, ac per incuriam formulam hanc, *Ajo mihi jus esse altius ædes meas tollendi*, cum aliis formulis confessoriarum conjunxisse, quibuscum nihil commune habet, præter externam verborum formam. Et contra paulo post

post actionem, per quam intendo, jus non esse vicino altius tollendi, eodem errore, quia verbis negativa est, conjunxisse cum negatoriis. Nam secundum ea, quæ diximus, ut prior illa vi ipsa negatoria est, quia qui ea utitur, nullam servitutem sibi vindicat, sed effectu negat, se alteri servitutem altius non tollendi debere: ita contraria, qua agens negat, vicinum jus habere altius tollendi, effectu est confessoria, quia servitutem istam suis ædibus à vicinis deberi contendit. Et quidem video, Tribonianum hoc nomine à Glossa & Hotomanno reprehendi, nec non novissimè à Bachovio, qui eo amplius *quædam* istud Triboniano potius condonandum contendit, quam admittendas esse inanes quasdam conjecturas, quæ pro defensione Triboniani afferuntur excogitantur, que ad formandum jus aliquod altius tollendi, quod quis vi servitutis sibi constitutæ confessoria vindicare possit: aut contra quo quis jure libertatis ædium suarum negatoria agat, jus esse vicino tollere ædificium suum. Et sane species, quæ à Glossa proponitur, exemplum manifestum esse negatoriam, nempe si cum vicino cum esset in quasi possessione juris, ne ego altius ædificatum habeam, agam, jus mihi esse altius ædificatum habere, quam palam est, non servitutis, sed libertatis vindicationem esse, *l. 8. C. de servit. l. 9 ff. de serv. prad. urb. l. 4. §. competis. 7. si serv. vind.* Fatendum quoque est, non quadrare exemplum quod profert Dynus & post eum Jason *hic n. 43.* Si oneris ferendi causa servitus imposita sit, & vicini ædibus, quæ serviunt, collapsis, alter agat, ut denuo extruantur & in eam altitudinem paries erigatur, ut secundum legem impositæ servitutis recipiendo oneri nostrarum ædium sit idoneus. Hoc enim exemplum est vindicationis diversi generis servitutis, nempe oneris ferendi, quam vindicando simul consequimur, ut vicinus ædes reficere cogatur. Simili quoque in errore versari fatemur eos, qui exemplum confessoriarum de hac servitute periri posse putant ex *l. 17. §. 2. de serv. prad. urb.* & nimirum tale; Si cum mea interesset vicini ædes altius tolli, fortè ut per repercussionem lumen in meas ædes depressiores devolveretur, vicinus mihi cesserit servitutem altius tollendi, & postea cum eo experiar ut altius tollat: nam & hoc æquè alienum est. Ut enim formulæ confessoriarum, de qua agimus, locus sit, querenda species servitutis non ab eo debita, de cujus ædium sublatione agitur, & qui ob id ipse cogi potest suas ædes altius tollere ad commodum vicinarum, (quanquam dari talem servitutem posse non existimo per *l. 15. §. 1. de serv.*) sed ei ipsi debita, qui tollit; ac proinde qui ad suum commodum id facere possit invito vicino; eoque non patiente servitutem sibi competentem vindicare hac formula, *Ajo mihi jus esse ædes meas altius tollendi: aut licere aliis tolleres.* *l. 2. de serv.*

prad. rust. l. 7. §. 1. comm. prad. Denique fateor, si pactione aliqua libertatem ædificandi mihi ademerò, eaque contrario pacto mihi rursus concessa sit, ne sic quidem jure servitutis mihi posteriore pacto constitutæ intendere me posse, licere mihi altius ædes meas tollere. Quippe cum posteriore pacto non nova mihi servitus à vicino constituitur, sed quæ illi à me constituta erat, remittitur; ut jam res mea redeat in libertatem naturalem, de qua si experiar, agam quidem, jus esse mihi altius ædificare, sed jure rei meæ, quæ jam amplius non serviat, ac proinde actione negatoria, *d. l. 2. §. 1. C. d. l. 4. §. 7. si serv. vind. junct. l. 8. C. de servit.* Idemque dicendum esse, si vicinus, quod juris contra me longa quasi possessione sive præscriptione quæsierat, postea remiserit. Et hætenus quidem nihil rectè pro Triboniano. Sed est aliud, cujus paulo ante mentionem feci, quod ad defensionem ejus adferri potest, non in vana aliqua conjectura positum, sed subnixum manifesta auctoritate conditorum juris, quam frustra conatur eludere Bachovius, ut fusè probavimus in exegi, *§. 1. supr. de serv. prad.* quamobrem hic erimus breviores. Quicquid ergo dicat Bachovius, dari aliquod jus altius tollendi, quod ei, qui altius tollit, jure servitutis constitutæ competat, patet ex Cajo *l. 2. de serv. prad. urb.* qui eo loco disertè dicit jus altius tollendi esse jus urbani prædii, atque hoc ipsum jus, ut servitutem diversi generis, segregat à jure non extollendi. Idem facit Paul. *l. 1. d. tit. C. l. 7. §. 1. comm. prad.* item Nerat. *l. 2. de serv. prad. rust.* ubi apertissimis verbis rustici prædii servitutem esse pronuntiat, *licere aliis tollere C. officere pratorio vicini.* Loquitur Jurisconsultus suo arbitratu, ex loco prædium rusticum appellans ædificium, quod ruri est, non considerato juris effectu, cujus aliqui consideratione etiam ædificia, quæ in agris sunt, pro urbanis prædiis haberi solent, *l. 1. comm. prad. l. urbana. 198. de verb. sign.* quod ad rem præsentem nihil pertinet, & alibi explicatum est, Accedit, quod in *l. 1. C. de servit.* rescriptum ab Antonino est, servitutem altius sublatum habendi sive contra veterem formam ædificiorum ædificandi longa possessione acquiri posse. Quæ constitutio evertit commentum Bachovii, negantis jus altius tollendi servitutem dici posse, nisi quatenus relatio sit ad vicinum, qui altero altius ædificante, ipse contra ædificare & luminibus ejus officere jure constituta servitute non potest, ut supradicto loco pluribus ostensum est. Hoc igitur posito, dari ejusmodi aliquam servitutem, restat, ut exempla proferamus. Ea nobis suppeditant, *l. 11. de serv. prad. urb. l. 1. l. pen. §. 1. C. de adif. priu. l. 1. C. de servit. l. 14. de serv. prad. urb. Tacit. lib. 15. annal. Strabo lib. 5. Aurel. Victor in epitom.* quibus omnino adde Per. Fab. ad *l. domum suam* *§. 1. de reg. jur.* Hi loci atque auctores

audtores nos docent, ædificiorum altitudinem olim restrictam fuisse ad certum modum, & in plerisque civitatibus, & ipsi etiam urbibus, Roma & Constantinopoli; quem modum excedere ædificando non liceret: deinde etiam, non potuisse dominum in area sua ædificare, nisi intermisso legitimo spatio à vicina insula, ut testatur Papin. *d. l. 14.* Utrumque autem in vicinorum gratiam; illud propter discrimen ac periculum ruinæ, quod non minus vicinum, quam dominum ipsum tangit; hoc, ut saltem tantum luminis, quantum distantia illa afferebat, vicini haurire & cælum videre possent: notum enim est, quo magis distat à vicino paries, eo minus in eo ædificantem luminibus vicini offencere: fortassis etiam propter metum incendi, quæ in una domo orto contigux quoque faciliè corripiuntur. Cohibita igitur lege civitatis intra certum modum ædificandi licentia, & ea, qua dixi, gratia, jus altius tollendi alias libertatis esse potuit, non raro item contra, impositæque à vicino & alteri quæsitæ servitutis: sicuti & nunc esse potest, sicubi locorum certa ædificiorum forma altitudoque publicè constituta est, supra quam ædes extollere invito vicino non liceat. Nam si forma præscripta non exceditur, hætenus liberè & jure rei suæ quisque ædificat; potestque id facere etiam cum incommodo vicini, eoque obnitenste: uti jure gentium ædificare quisque potest in infinitum, cum nulla ædificiorum forma definita est, *l. 9. l. 11. de serv. præd. l. 8. Cod. de servit.* nimirum in suo facere quisque, quod lubet, potest, dum in alienum nihil immittat, *l. 8. §. 5. si serv. vind.* Proinde si quis hic, prohibitus à vicino ad modum præfixum ædificare, intendat contra prohibentem, jus sibi esse altius ædificandi, si ædes suas hætenus liberas esse contendit, negans, servitutem se debere, utiturque ex definitione *l. 2. §. 1. d. rit.* actione negatoria, non confessoria: ut fatendum sit erravisse Tribonianum, si credidit pro vindicando jure altius tollendi confessoria agi, si jus illud aut plane liberum sit, aut restrictum quidem ad certum modum, sed intra quem agens consistere volet. Sed ponamus, ædificantem definitam legè municipali formam sive altitudinem non custodire: hic jam reperiemus exemplum & actionis confessoria de servitute altius tollendi, & negatoria de servitute contraria non extollendi. Nam si vicinus mihi concesserit jus, invito se supra eam altitudinem ædes meas tollendi & offendi luminibus suis, hoc jus servitus erit, qua pati debeat, quod prius pati jure publico non cogebatur, altius me ædificare cum incommodo suo: quod pati utique servitutis est, *l. 15. §. 1. de serv.* & proinde, si me impediatur, quominus altius ædificem, hic locus erit actioni confessoria, qua intendam, jus mihi esse ædes meas altius tollere: quam servitutis vindicationem esse in specie proposita dico, cum ex jure im-

positio cum vicino agam, contendamque, eum hanc mihi servitutem debere, ut cogatur altius ædificantem pati. Ex contrario si vicinus nullum mihi jus cesserit, atque ego nihilominus supra statutum modum ædificare incipiam, hic jam locus erit negatoria, qua vicinus intendat, jus mihi non esse invito se ædes meas extollere: quæ libertatis vindicatio, non servitutis est; cum hac intentione servitus hæc mihi deberi negetur, vicini ædes hætenus liberæ esse dicantur, ut me altius ædificantem non cogatur pati. Simile exemplum fingi potest, si certum aliquod spatium jure publico definitum sit, quod in ædificando intermittatur à vicini insula, *juxta l. 14. de serv. præd. urb.* Atque his casibus etiam servitutis, quam quarimus, locum obtinet longi temporis consuetudo, ut scriptum est in *l. 1. C. de serv.* His autem, quæ diximus, non obstat, quod prius confessi sumus, si libertas adempta sit pactione, puta quia inter me & vicinum convenerat, ut ad certam duntaxat altitudinem ædificarem, & idem vicinus mihi postea concesserit ædificare altius, non novam hic mihi servitutem constitui, sed constitutam pacto posteriore remitti, renique meam sic redire in pristinam libertatem: cum enim lege potestas naturalis libere ædificandi sublata est, licet unus è vicinis mihi cesserit jus altius ædificandi, quam invito eo per legem liceat: manet tamen res mea affecta eadem conditione & qualitate respectu cæterorum vicinorum, quorum interest ædes meas altius non tolli: nisi ponamus, omnes simul cessisse, quo casu concedam liberas eas fieri. Ad hujusmodi igitur statuta, facta in gratiam vicinorum, interpositasque contrarias pactiones, aut ad longi temporis in contrarium usum, si Tribonianus, respiciens formulam, qua quis intendit, jus sibi esse ædes suas vicino invito altius tollere, confessorii adscripsit, & contrariam negatorii, nullus error ei objici potest: Addimus semper *vicinorum gratis.* Nam si quid præcise constitutum sit non habita ratione vicinorum, sed ornatus tantum publici causa, locum habet regula, pactis privatorum juri publico derogari non posse, *l. 38. de pact. cum simil.* Vidit hoc primus Jo. Faber; diligentius exposuere Zas. Bar. Don. & novissime Christoph Riccius in *præfess. Sind. jur. c. 14.* Si cui tamen adhuc scrupulus hæret, eximent ea, quæ scripsimus supra memorato loco.

Quod genus actionis in controversiis rerum corporalium prodictum non est.] Actiones in rem de rebus incorporalibus sunt duorum generum, confessoria & negatoria; de rebus corporalibus generis unius, omnes scilicet confessoria: quanquam in harum rerum vindicatione verbo *confessoria* non utimur, quia nulla in iis est actio negatoria. Differentia manavit ex hoc principio, quod quicumque judicio cum aliquo experiri vult ad rem aliquam obtinendam,

eum de suo jure, non de alieno agere oporteat, *l. 5. si usufr. per.* id est, ita agere, ut dicat, aliquid esse suum, non autem simpliciter neget, esse alienum: nec refert, de re corporali agatur, an de incorporali, servitute, aut rei nostræ libertate. Estque in promptu hujus rei ratio: nam qui alienum esse negat, nihil hac intentione jus suum promovet; cum si res adversarii non sit, non continuo sequatur, eam esse agentis, & fieri possit, ut sit neutrius. Rerum autem corporali-um ea natura est, ut qui rem, quam petit, adversarii esse negat, non ideo affirmet, hic quicquam suum esse: unde est, quod inutilis hic sit agentis negatio, ut agentis non de jure suo, sed alieno duntaxat. In servitutibus vero contra est: nam qui servitutem se debere negat, hac inficiatione vi ipsa simul aliquid suum esse affirmat, id est, rem suam liberam esse, *l. 4. §. 7. si serv. vind.* & proinde de suo jure, non alieno, agit, ut est in *d. l. 5. si usufr. per.* quæ res facit, ut negatio in his rebus agenti inutilis non sit. Et negatoria igitur actio ipsa quoque in servitutibus admittitur; non ut negans, sed ut affirmans, & ut confessoria, idque exemplo quoque rerum corporali-um.

7 *Nam in his agit, qui non possidet*] Ratio declarans id, quod proxime dixerat, actionem negatoriam in controversiis rerum corporali-um proditam non esse: quia scilicet sic comparatum est, ut in his solus agere possit is, qui non possidet, cui actionem negatoriam dari natura rerum non patitur. De quo plura paulo post. Indicatur autem hic alia controversiarum de rebus corporali-um & incorporali-um differentia; nimirum quod in istis is solus agere possit, qui non possidet: in his is etiam, qui sit in possessione. Videamus quam recte. Si rem corporalem possidenti in rem actionem dari volumus, ea aut confessoria erit, aut negatoria. Ut confessoria possessori detur, ne natura quidem hujus actionis admittit: quippe per quam petimus, ut res, quam nostram esse asserimus, nobis restituatur. Hæc vero intentio nullo modo potest convenire possessori. Ridiculum enim est petere, quod habeas, aut quid restitui ab eo, qui non habeat, ac proinde restituere non possit. Contradictionem quoque implicat, si quis intendant, se possessorem esse, & nihilominus rem sibi restitui postulet ab adversario. Quod si contendat, rem non esse penes adversarium, & tamen ab eo sibi velie restitui, cum ipsa rerum pugnat natura, per quam fieri non potest, ut quis restituat, quod non habet. Negatoria quomians possessori detur, natura impedimento non est: nihil enim prohibet actionem ultro possessori dari: adversus turbatorem, eumve, quem sibi possessionis controversiam facturum metuit, ne inquietetur, exemplo negatoriarum de servitutibus, *l. 5. §. ult. si usufr. per.* seu tamen ne hæc quidem possessori rei corporalis prodita est, quia visa est non necessaria, & sufficere possessori ad

securitatem, quod possideat, *l. 1. §. 6. uti possid.* Plane, ad evincendum rem suam esse, quod quavis actione in rem agens effectu intendit, tam possidenti rem corporalem, quam non possidenti, inepta & inutilis est negatoria: quia nemo se dominum esse, aut rem suam esse vincit, propterea quod negat esse adversarii, ut dictum est supra. In rerum incorporali-um sive servitutum & libertatis vindicatione omnia contrario modo se habent; nam nec minus is, qui est in possessione servitutis, de servitute confessoria agere potest, quam is, qui non est in possessione: & contra is non minus, qui est in possessione libertatis, de jure suo experiri negatoria potest, quam si non sit. Et hoc est, quod Ulp. scribit, in servitutibus posse eundem & possessorem juris & petitorum esse, *l. 6. §. 1. si serv. vind.* quod & traditur in *l. 8. §. 3. d. rit. l. 5. §. ult. si serv. per.* Nascitur hæc diversitas ex eo, quod rerum corporali-um possessio ita comparata sit, ut nemo eam possessori, dum rem suam tenet, nisi per vim, intervertere possit: ut adeo supervacuum sit, actionem ei ultro dari, cum ad securitatem hoc ipsi sufficiat, quod possidet, *d. l. 1. §. 6. uti possid.* Rerum vero incorporali-um sive servitutum possessio consistit in nudo nostro usu & alterius patientia: estque is usus non rei nostræ, quam penes nos aut in potestate nostra habemus, sed alienæ, & plerumque in alieno, ut facile sive scientibus sive ignorantibus nobis hic usus impediri possit. Actus mihi constitutus est in prædio alieno; patiente domino fundi aliquamdiu usus sum servitute, qui usus possessorem me facit, *l. 3. de usufr. l. ult. de serv.* potest tamen dominus fundum suum occludere, cum videtur, & hunc mihi usum servitutis impedire. Tignum immissum habeo in parietem vicini. Ego sum possessor, *l. 8. §. 3. si serv. vind.* totum tamen hoc in potestate vicini est, qui quoties vult, efficere potest, ne tignum immissum habeam, vel sciente vel ignorante me tignum præcidendo vel diruendo parietem. Hæc autem res cum faciat, ut effectu nec servitutem possidere videar, certe non ita possidere, ut mihi sufficiat, quod possideam, qui non eo magis sum securus, ideo merito hæc actio necessaria visa est, qua consequar servitute utendi securitatem, *l. 5. §. ult. si usufr. per.* Eadem libertatis, cujus nomine negatoria agitur, ratio est: nam & libertatis rei nostræ possessio nudi usus est, & in patientia alterius sive vicini, qui ea nos uti libere patitur: quam patientiam etsi aliquando præstitit, potest tamen, cum vult, non præstare, & nos vel scientes vel ignorantes in hac possessione turbare usurpando servitutem. Quia igitur nec hic possidenti ad securitatem sufficit, quod possideat, prodita est ei actio negatoria, qua ultro judicio experiat, libertatemque rei suæ asserat, hoc effectu, ne in posterum inquietetur, ut loquitur Ulp. *in d. l. 5. §. ult. si usufr. per.* Notandum autem, etsi possessor juris ultro actio-

nem moveat, lite tamen instituta, eum, qui non possidet, petitoris partes & onera sustinere, commodum autem possessoris frui, qui est in possessione, ut maxime actionem ipse instituerit, l. 8. §. 3. *si per & vna.* & ideo frustra hic nobis obijci, quod à veteribus constanter traditum est, non posse inter litigatores aliter litem expediri, quam si alter petitor, alter possessor sit, l. inter 62. de judic. l. 1. §. 3. *uti possid.* §. 4. *infr. de interd.* Ut redeam ad proposita verba textus: Ait Justinianus, in rebus corporalibus eum agere, qui non possidet. Quid ergo hoc ad probationem ejus, quod prius dixerat, actionem negatoriam in controversiis rerum corporalium proditam non esse? Hoc nimirum, ut si aliqua de his rebus actio negatoria alicui accommodari possit, non possit tamen non possidenti. Jam vero in istis rebus si quis agat, eum solum jure agere, qui non possidet. Ex quo ipse vult intelligi, actionem negatoriam in rei corporalis vindicatione locum non habere, sed confessoriam duntaxat. Et potest etiam revera quisque hoc per se intelligere, posito eo, quod in rebus corporalibus is solum recte agat, qui non possidet. Etenim si dari aliquam in proposito actionem non possidenti volumus, ea non alia esse potest, quam per quam rem suam petat, ac proinde quam & suam esse intendat: nam si neget, suam esse, in se telum torquet: si neget, esse adversarii, nihil hoc ad probationem ejus, quod intendit, rem scilicet suam esse. Relinquitur ergo, ut non possidenti non alia actio in lite de re corporali accommodari natura possit, quam confessoria.

Ei vero qui possidet, non est actio prodita, per quam neget rem auctoris esse. Hæc pars aperte per adversativam à præcedenti distinguitur, tanquam diversum continens. Quid ergo illud est? Nempe hoc. In priori parte enuntiati dixit, in controversiis rerum corporalium eum agere, qui non possidet: ex quo solo intelligi voluit, actionem negatoriam huic accommodari non posse: ideo vero non posse, quia natura rerum non patitur talem actionem ad rem suam petendam non possidenti dari. Nunc ei item, qui possidet, eandem actionem detrahit: sed ita loquitur, ut non obscure indicet esse id ex alia causa, quam ea, ob quam qui non possidet, hac actione agere nequit: non enim naturam obitare, quominus possidenti detur actio adversus turbatorem, qua neget rem ejus esse, & sic quiescere eum per judicem jubeat, quomodo agitur interdicto, l. 1. §. 4. & 6. *uti possid.* sed tamen possessorem rei non ita agere, quia talis actio jure ei non sit prodita. Cur autem prodita non sit, jam ante explicatum est. An ergo dabitur confessoria? minime. Neque hoc ex eo, quod possidenti tantum detrahit negatoriam, contra mentem Justiniani colligendum est; cui solum propositum, probare negatoriam actionis in controversiis de re corporali nullum esse u-

sum. Ex his jam satis patere arbitror, causam nullam esse, cur quæ certo hic scripta sunt, mutemus, aut vel latum unguem recedamus à constanti librorum omnium lectione. Theophilus in paraphrasi sic locum Græce reddidit, *τὴν γὰρ ἀγωγὴν ἐξ ἰδίου ἐν τῇ ἐμῇ.* An ideo, quia paraphrastes verba illa, *per quam neget rem auctoris esse*, non expressit, sed simpliciter & generaliter scripsit, actionem in rem ei, qui possidet, proditam non esse, prorsus locus hic mutilandus & verba ista detrahenda sunt? Nam etsi non detrahas, recta tamen & vera est loci sententia, licet, si demas, apertior. D. Hotomannus, cui tota periodus suspecta est; locum censet restituendum hoc modo: *Ei vero, qui non possidet, non est actio prodita, per quam neget rem alterius esse*, aut forte *auctoris*. Sed nulla, ut ego quidem existimo, necessitate: nam & particulæ adversativæ vero sua vis constat retenta lectione communī, ut paulo ante demonstravimus, & verum est, actionem negativam possidenti non esse proditam, cum sit nulla, teste *Ulp. l. 1. §. 6. uti possid.* Ipse Hotomannus dum colorem inferendæ negationi quærit, imprudens quod dictum in Justiniano culpaverat, mox laudat, ut præclare dictum ab Ulpiano. Frustra autem pro voce *auctoris* substituas *alterius* vel *auctoris*; cum ex verbis Justiniani præcedentibus, & antithesi, qua auctorem opponit ei, qui possidet, perspicuum sit, auctoris verbo hic intelligi eum, qui non possidet; non qui nunc actor sit, sed qui, si hoc casu ageretur, actor esse deberet. Sic ergo adstructa hujus loci lectione & sententia, videamus, an recte & legibus argumentandi convenienter hic disputet Justinianus: nam hoc quoque ab Hotomanno negari video. Sic concludit: Controversia omnis, quæ de rebus corporalibus actione in rem movetur, aut movetur ab eo, qui rem non possidet, aut ab eo, qui possidet. Neutro autem in genere locum habet negatoria actio: Ergo in totum in his controversiis locum non habet. Bene, si quid unquam. Probatio enim est ab enumeratione partium, quarum à singulis in assumptione removetur actio negatoria. Quod ad efficiendum id, quod proposuerat, firmum & satis est. Quamobrem mirari satis non possum, D. Hotomannum, qui scribit, hæpe se tentasse, aliosque etiam artifices se peritiores adhibuisse, quo hanc Justiniani ratiocinationem revocaret ad aliquem argumentationis formam, ex qua vera sententia eliceretur; sed non profecisse hilum. Sic enim ille omnino existimat, in priore parte assumptionis Justinianæ, quæ hæc est, *nam in his agit, qui non possidet*, subaudiendum, *negatoria vero semper possessori datur*. Ut sit hæc collectio, *Negatoria semper datur possessori: In controversiis rerum corporalium semper agit is, qui non possidet. Quare in istis controversiis non est prodita actio negatoria*. Fatemur,

hujus syllogismi propositionem falsam esse: sed negamus, Justinianum sic argumentari, aut in argumentatione ejus subaudiendum, quod Hotomannus existimat: rectam enim esse sine illo, abunde probavimus.

9 *Sane uno casu*] Frustra sunt omnes, qui unum hunc casum aut adhuc querunt, aut se invenisse putant: neque existimo, Justinianum ad querendum unum casum, quem tribus verbis indicare poterat, lectorem ablegare voluisse ad latissima volumina Pandectarum. Quare cum Donell. & Wesemb. legendum hoc loco arbitraret, *Sane non uno casu*, &c. veluti in probandis exceptionibus, aut si possessor fiducia causæ suæ ultro onus probandi in se suscepit, l. circa eum 14. l. in exceptionibus 19. de prob. & si qui sunt similes. Quod etiam verbis Justiniani convenientius est: quippe qui non ait, possessorem rei corporalis aliquo casu agere aut actorem esse, sed partes actoris, id est, onus probandi sustinere. Id vero non uno casu, sed pluribus accidit. Denique hoc eodem modo locum hunc in quibusdam exemplaribus legi, testis est Æmilius Ferretus. Alii, *Sane hoc uno casu*, cū in 3. mōd. Justin. Theoph.

T E X T U S.

De actionibus Prætoriiis realibus.

4. *Sed ista quidem actiones, quarum mentionem habuimus, & si quæ sunt similes, ex legitimis & civilibus causis descendunt. Alia autem sunt, quas prætor ex sua jurisdictione comparatas habet tam in rem, quam in personam: quas & ipsas necessarium est exemplis ostendere. Ut ecce, plerumque ita permittit prætor in rem agere, ut vel actor dicat se quasi usufrucipisse, quod non usufruciperit: vel ex diverso possessor dicat, adversarium suum non usufrucipisse, quod usufruciperit.*

C O M M E N T A R I U S.

1 *Divisionem hic propositam æque principalem esse, ac superiorem: & unde sumpta.*

2 *Legitimum quid proprie, & quid latius in usu juris.*

3 *Prudentum non fuisse, actiones dare.*

4 *Non omnes actiones, quæ edicto prætoris proponuntur, esse prætorias.*

[Insinuatur hic alia actionum divisio, sumpta à causis efficientibus remotis, jure civili scilicet, & jure prætorio: quæ æque principalis est, atque superior illa à causis proximis: nam omnes omnino actiones, sive in rem sint, sive in personam, aut civiles sunt, aut prætorias, quæ passim etiam honorariæ appellantur, l. actionum 25. §. ult. de obl. & act. Ad eundem modum atque ex iisdem causis dividuntur obligationes sup. cit. de obl. §. 1. quæ divisio in illo tractatu non ut hic, secundo, sed primo loco proponitur, & deum post eam altera à causis efficientibus proximis. Quippe in hujusmodi partitionibus parum refert, unde incipiat.

Ista actiones, quarum mentionem habuimus] Palam est Justinianum his verbis non intelligere genera ipsa actionum, quæ ante nominavit, sed certas species horum generum antea expressas, vid. vindicationem rei corporalis, & de servitutibus confessionariam & negatoriam. Actionum in personam speciem nullam expresit: itaque nec his verbis illarum aliqua significatur: sed contineri possunt iis, quæ proxime sequuntur.

Et si quæ sunt similes] Similes sunt ex actionibus in rem, petitio hereditatis, l. 1. 2. 3. de her. per. confessionaria & negatoria de servitutibus aliis, quas supra commemoravit: ex actionibus in personam illæ, quæ eandem originem & causam remotam habent; nimirum quæ competunt ex obligationibus jure constitutis aut approbatis: quæ cum innumeræ sint, supervacuum putavit, aliquas exempli causa proponere.

Ex legitimis & civilibus causis] Legitimum proprie dicitur, quod ex lege, id est, ea parte juris, quæ proprie lex appellatur in divisione juris civilis, §. lex est, sup. de jur. nat. gen. Sed in usu juris latius accipi solet, ut eo nomine etiam id significetur, quod est ex aliqua parte juris civilis, quæ legis vim habet, puta plebiscitis, Senatusconsultis, constitutionibus Principum, l. 6. de pact. l. 7. de cap. min. l. 3. §. pen. pro soc. l. 14. §. ult. de præsc. verb. l. 25. §. ult. l. 3. unde legit. Itaque actiones, quæ ex istis causis descendunt, omnes sunt civiles & legitimæ. Quod addit & civilibus, eo comprehendere voluisse videtur etiam actiones, quæ competunt ex obligationibus, quæ à jure civili præter confirmationem nihil habent, & nimirum quarum causæ eædem, quæ & obligationum, contractus scilicet juris gentium omnes, & quasi contractus, de quibus egit supra in argumento obligationum, arg. §. 1. de oblig. Consulio inter causas actionum civiles non numeravi interpretationem prudentum: quippe ex qua parte juris nullæ unquam actiones datæ sunt, aut dari potuerunt. Neque enim prudentum fuit actionem constituere, sed an data esset lege, interpretari, & eam, quæ data erat, ostendere,

l. 2. §. deinde C. & S. ita in civitate l. 2. de orig. jur.
A prudentibus quidem & tota ea pars juris civilis profecta est, quæ dicebatur legis actiones: cæterum ea non actionum constitutionem, sed ex actionibus constitutis agendi formulam, continebat, ut aperte declarat *Pompon. d. loc.* Hoc obiter monere volui propter eorum errorem, qui putant, eam fuisse auctoritatem prudentum, ut ipsi etiam ex causa aliqua actionem dare & constituere potuerint.

Ex sua jurisdictione] Id est, ex suo edicto, ut passim alibi jurisdictionis pro edicto, *l. 1. §. pen. de postul. l. 7. de jurid. & simil.* nam edictum pars erat jurisdictionis prætoris, *l. 2. §. cod. 19. de orig. jur.* Enimvero non est argumentum actionis prætoris, quod prætor dicat edicto suo, *actionem dabo.* Solebant enim prætores etiam actiones civiles edictis monitoriis proponere. Exemplo sit actio commodati, *l. 1. commod.* sed ex duntaxat prætoris sunt, quas ipsi prætores ex jurisdictione sua introduxerunt: quod ab iis æquitate postulante ut plurimum factum est, cum actiones civiles deficerent.

Necessarium est exemplum ostendere] Necessarium non absolute, sed cum adjuncto, si velimus id, quod dictum est, recte intelligere. Quanquam autem longe plures sunt actionum prætoriarum species, quam quæ à Justiniano postea proferuntur: tamen ad rem, quam proposuit, declarandam, omnes recensere non existimavit necessarium.

Ut ecce] Inducantur hic prætoriarum in rem actionum species duæ, Publiciana, & rescissoria, quæ postea latius & separatim suis singulis paragraphis explicantur, *§. 4. & 5.*

Actor dicat, se quasi suscepisse] Hæc intentio est Publicianæ: illud, quod sequitur, *et dicat, adversarium suum non suscepisse*, pertinet ad rescissoriam. Illic fingitur dominium quaesitum, quod revera quaesitum non est: hic contra fingitur retentum, quod revera juxta rationem juris civilis est amissum.

Ex diverso possessor dicat] Verbum *possessor* expungendum videtur: nam possessori nunquam ultro actio datur; & constat, de actore in utroque exemplo hic agi: nisi possessorem interpretemur, non qui nunc possidet, sed qui olim possessor fuit. Utique id malim, quam cum *Russard. Cujac. Hotom.* pro *possessor*, dicat *adversarium suum*, &c. legere *possessorem*, dicat *adversarium suum non suscepisse*. Id est, dicat, possessorem eundemque adversarium suum non usufructu. Quis enim ferre posset in oratione profa tam inepte affectatam trajectionem verborum, tamque duram & inconcinnam constructionem?

T E X T U S.

De Publiciana.

5. Namque sicui ex justa causa res aliqua tradita fueris (veluti ex causa emptionis, aut donationis, aut dotis, aut legatorum) & necdum ejus rei dominus effectus est; si is ejus rei possessionem casu amiserit, nullam habet in rem directam actionem ad eam persequendam: quippe ita prodita sunt jure civili actiones, ut quis dominium suum vindicet. Sed quia sane durum erat, eo casu deficere actionem, inventa est à Pratore actio, in qua dicit is, qui possessionem amisit, eam rem se suscepisse, quam usu non cepit, & ita vindicat suam esse. Quæ actio Publiciana appellatur, quoniam primum à Publiciaproptore in edicto proposita est.

N O T Æ.

NECDUM DOMINUS EFFECTUS] Propterea quod rem à non domino acceptam nondum usufructu. Nam si res usufructu sit, actio honoraria ei necessaria non est, cum habeat civilem, *d. l. 1. §. 1.* quanquam si nihilominus honoraria agere sub qualitate bon. fid. possessoris malit, hoc ei permittendum. *Mys. n. 28.*

DIRECTAM ACTIONEM] Id est, quæ jure civili prodita sit: nam jure civili in rem actio soli domino competit, *l. 23. de rei vind.*

DURUM ERAT] Iniquum prætori visum extraneum quemlibet vel injustum possessorem potiorum esse eo, qui rem ex justa causa & bona fide nactus, ejus possessionem casu amisisset. Dixi *extraneum*, quia justis dominis exceptio merito Publicianæ obijcitur, *l. pen. & ult. de publ. in rem act.* Cujac.

C O M M E N T A R I U S.

- 1 *Iusta causa qua hic accipienda.*
- 2 *Cur ut Publiciana competat, necesse sit rem traditam esse: & num aliquando ei competat, cui necdum tradita fuit.*
- 3 *An & de rebus incorporalibus. Ubi & de bona fide &c.*
- 4 *An Publiciana etiam vero domino detur, & an cum rei vindicatione cumulari possit.*
- 5 *Cur requiratur, ut amissa sit possessio & amissa casu.*
- 6 *Causa hujus actionis introducenda.*

7 *Qua sit & qualis in hac actione petitoris intentio.*

8 *Adversus quem detur: quid ei obstat: tum quis ejus existat.*

PROponitur hic actio in rem Publiciana, sic dicta à prætore Publicio, qui primus eam introduxit, ut hic in extremo testatur Justinianus. Porro hæc distincte de hac actione complectitur; quæ ex causa cui competat; quo jure introducta; & quæ causa ejus introducendæ; quid in ea actor intendat. Adversus quem competat, quod præcipue notandum erat, hic prætermisum est: quod tamen nos etiam breviter, explicatis cæteris, attingemus.

Si res aliqua] Nempe aliena, ut est in edicto, *l. 1. hoc tit. de Publ. in rem act.* Hic autem illud addi necesse non fuit, quia postea satis indicatur illis verbis, *& nec dum ejus rei aominus effectus est.* Quod non aliter contingit, quam si is, qui tradidit, dominus non fuit: alioqui enim traditione statim dominus efficeretur, qui accipit, §. *per traditionem 40. sup. de rerum divif.*

1 *Ex iusta causa*] Justam causam accipimus eam, ex qua re à vero domino tradita statim dominium in accipientem transiret, *l. 13. eod. in pr.* Quod intellectum ex eo, quod sequitur in edicto, *& nondum usucapum petet, d. l. 1. eod.* Hæc enim verba declarant Publicianam proponi de eo, quod traditum in ea causa sit, ut usucapi possit: non potest autem res usucapi, nisi tradita sit ex iis causis, ex quibus dominium transferretur, si dominus esset, qui tradit, *sup. de usucap. in pr.* Causæ pluribus indicantur *d. l. 1. §. ult. & aliquot ll. seqq.* Hic tantum exempli loco quatuor proferuntur, emptio, donatio, dos, legatum. Igitur nulla ex his causis præcedente cessabit Publiciana. Sed quid si justo errore facti causa subesse putetur, quæ non sit, veluti si quis emerit à furioso, quem sanæ mentis putabat? Probarem distinctionem Accursii in *l. 7. §. 2. hoc tit.* ut ex hujusmodi emptione contra furiosum quidem ipsum eundemque venditorem Publiciana non detur, per *l. 2. §. si a furioso 16. pro empt.* detur tamen contra extraneum, *d. l. 7. §. 2.*

2 *Tradita fuerit*] Ut Publiciana competat, exigatur ut res tradita sit, *d. l. 1. d. l. 7. §. pen. & ult. eod.* quod hanc rationem habet; quoniam antequam res tradita est, nemo se dominum factum prætereendere potest: cum non nudis conventionibus, sed traditionibus, dominia rerum transferantur, *l. traditionibus 20. de pact.* Cæterum hoc ad eas tantum species pertinet, in quibus ad dominium acquirendum traditio aut possessionis apprehensio opus est: nam quibus ex causis dominium adipiscimur etiam antequam possessionem nacti sumus, ex his etiam

antea Publicianæ xperi licet, ut diserte responsum est de eo, cui ex Trebelliano restituta est hæreditas, *l. 12. §. 1. hoc tit.* item de domino, cujus servus, cum in fuga esset, rem à non domino emit, *l. si servus 15. eod.* quibus casibus cum usucapio procedere non possit, *l. sine 25. de usucap.* apparet, prætensionem domini per usucapionem quæsitam non esse hujus actionis requisitum essentiale: ac proinde non esse perpetuum, quod quidam tradunt, Publiciana neminem agere posse, nisi qui sit in conditione usucapiendi, licet secus existimet D. Bachov. *disput. 3. de act. thes. 18.* Sed & hoc falsum esse existimo, quod unquam petitor hanc actionem instituens expresse intendat aut prætendat se usucepisse. De quo plura inferius. Porro & de usufructu & de servitutibus per traditionem constitutis Publiciana datur, *l. 11. §. 1. hoc tit.* In his autem pro traditione est usus ejus rei & servitutem constituentis patientia, *l. ult. de serv.* Plane, si quæ res sit, cujus alienatio aut usucapio jure est prohibita, de ea, ne si ex justa causa tradita sit, Publiciana competat, *l. 9. §. pen. d. l. 12. §. 4. eod.* Etenim si tantum ideo res usucapi non potest, quia non possidetur adversus dominum, ut accidit in prædiis vectigalibus & superficiariis, potest huic actioni esse locus, *d. l. 12. §. 2. & 3.* Quid enim impedit, quominus possessor rei emphyteuticæ aut superficiei usucapiat adversus eum, qui tale jus constitutum habet. Azo *in summ. ad hunc tit. n. 15.* Illud etiam, quantum hic omisum est, exigitur, ut res accepta sit bona fide, id est, ut accipiens putaverit, eum, à quo accepit, dominum esse, aut jus transferendi habere, *l. bona 109. de verb. sign.* In emptore hoc amplius requiritur, ut & bona fide rem emerit, sicut & in usucapione, *l. 7. §. pen. & ult. hoc tit. l. 2. pr. pro empt.* de quo explicatum *sup. de usuc. in pr. Mynsing. hic. n. 25. Schneid. n. 41.*

Nec dum ejus rei dominus effectus] Propterea quod rem à non domino acceptam nondum usucepuit, *l. 1. §. 1. hoc tit.* ubi Ulp. ait, si res usucapta sit, actorem habere actionem civilem, nec desiderare honorariam. Quid ergo, si dominus, cum difficilis esset, ut fere solet, domini probatio, hac actione uti mallet, quam rei vindicatione civili, licebitne id vero domino? Putarem licere, utique sub qualitate bonæ fidei possessoris, cum *Mynf. num. 28. Oldendorp. class. 3. action. 3.* Sed & ex quo usus fori cumulationem actionum admittit, eodem libello Publicianam cum rei vindicatione disjunctam proponi, & rem peti jure domini vel quasi domini posse, recte defenditur; cum hæ actiones affines magis sint aut diversæ, quam contrariæ: nam is, cui Publiciana competit, præsumptive dominus est, & falsum esse, quod remedia prætorien denegentur iis, quibus jure civili consultum est, ostendunt bonorum possessiones unde liberi,

beri, contra & secundum tabulas. Belle *Bachov. disp. 3. de act. thesib. 17. Gomez. Mysing. & Schneid. hic, Gail. 1. obs. 62. n. 5.*

Possessionem casu amiserit] Et amissam possessionem esse oportet, quoniam in rem actio nunquam ultro possidenti datur: quippe cui sufficit, quod possideat, *l. r. §. penult. uti possid. & amissam casu*: nam qui facto & voluntate sua possessionem amisit, puta rem vendendo, permutando, & donando, ejus recuperandæ actionem non habet. Ex his, quæ hætenus dicta sunt, intelligi potest, quæ ex causa cui Publiciana competat: nimirum competere agenti de re, quam ex justa causa sibi traditam bona fide accepit, & cujus nondum dominus effectus possessionem casu amisit.

Nullum in rem directam] Actionem directam hic vocat, quæ jure civili prodita est, ut apparet ex ratione subjecta, & oppositione Publicianæ, quæ inventa est à prætore. Quod non est novum: nam actiones honorariæ omnes, ad jus civile relatæ, utiles sunt, licet earum inter se oppositarum quædam directæ, quædam utiles dicantur, prout aut verbis edicti propositæ, aut per interpretationem & extensionem edicti introductæ. De quo pluribus disserui sub §. *ult. sup. de leg. Aquil.*

Durum erat eo casu deficere actionem] Introducendæ hujus actionis causa fuit difficultas probandi dominii. Quippe quod non statim transit in eum, qui rem, licet ex justa causa sibi traditam, accepit, nisi & is, qui tradidit, dominus fuit: quod perquam difficile probatu est: & tamen eo non probato, necesse est petito rem civili in rem actione experientem succumbere. Cum itaque prætori iniquum videretur, quemvis vel injustum possessorem potior rem esse eo, qui rem ex justa causa & bona fide nactus, ejus possessionem casu aliquo amisisset; ipse ex humanitate actionem introduxit, quæ in hoc casu sub colore quodam dominii vinceret is, cui justa rei possessio semel quæsitæ esset, quamdiu in eo nulli alii fieret injuria. Hinc intelligimus, & quo jure hæc actio introducta sit, & quæ ejus introducendæ fuerit causa.

Eam rem se usucapisse] Hic indicatur, quid petitor hac actione intendat, nimirum se rem, quam petit, usucapisse. Quæ tamen intentio non ad verba exigenda est, sed ad effectum & sententiam verborum: quoniam sic agitur, quasi actor usucapisset. Nimirum non dicet actor expresse, se usucapisse, quod falsum est, & constitutioni hujus actionis contrarium: sed quod ad omnem actionem recte instituendam pertinet, causam actionis intentione sua complectetur. Dicet, se rem, quæ agitur, bona fide emisit à L. Titio, & ab eo traditam bona fide accepisse; petere se, ut sibi restituatur. Hoc autem qui dicit, ut ipsa intendere videtur, se usucapisse, quia idem

petit, & jure prætorio consequitur, quod peteret & consequeretur jure civili, si rem usucapisset. In causis, ex quibus, & qui possessionem nondum nactus est, Publiciana agere potest, dicet actor, rem sibi à L. Titio legatam, aut eam in hæreditate L. Titii fuisse, quam aut ipse crevit, aut restitutam sibi ex Senatusconsulto obtinet, *l. 12 §. 1. l. 15. hoc titul.* Quibus casibus cum Publicianæ locus sit usucapione non inchoata, dominium quasi usucapione quæsitum fingi aut prætendi non potest. Restat, ut videamus, quod hic commissum est, adversus quem hæc actio detur. Datur Publiciana, ut cæteræ in rem actiones adversus possessorem: sed ita, nisi is possessor pari jure & æquitate natus. Itaque non datur Publiciana adversus eum, qui possidet justo titulo. In quo tamen hæc distinctio placuit, ut si duo rem emerint, siquidem ab eodem non domino, potior habeatur, cui priori res tradita est; utpote in quem prius translatus est jus omne, quod in re, qui tradidit, habuit; sin à diversis non dominis, melior sit causa possidentis, & juncta titulo possessio fortior ducenda titulo nudo, *l. 9 §. si antebus 4. hoc tit.* Quod si neuter possideat, & agatur contra tertium possessorem injustum, tuendus sit is, cui primum res tradita, sive ab eodem non domino emerint, sive ab alio atque alio quæ species est, quam tractat Neratius *l. si ea 31. §. ultim. de action. empr.* ut recte censent vulgo DD. *Oldend. d. class. 3. action. 3. Schneid. ad §. præc. num. 28. & seq. late & subtiliter Bachov. assput. 3. de act. thesib. 21. & 22.* De illo quaeritur, an Publiciana detur contra eum, qui pro hærede possidet. Decisio quaestionis pendet ex eo, an is, qui pro hærede possidet, usucapere possit, nec ne: quia de re disputamus sub §. *durissima 7. sup. de usuc.* In universum autem justus dominus exceptio merito Publicianæ obstat. Quoniam semper plus juris in re sua habet dominus, quam quilibet, quantumvis justissimus possessor, qui dominus non sit, *l. penult. & ult. hoc tit.* Cæterum quæ vendicanti domino obstant, quominus possessorei rem restituere debeat, eadem & possidenti ac Publiciana convento obstant, quominus retineat, *l. si à Titio 72. de rei vind. l. si quis 24. de exc. rei jud. ad. D. Donell. hic, num. 15.* Exitus hujus actionis idem, idemque in ea officium judicis circa rei & fructuum præstationem, cujusmodi hæc in rei vindicatione civili: de quo scripsimus ad §. 1. *sup.*

TEXTUS.

De rescissoria.

6. Rursus ex diverso, si quis cum reipublica causa abesset, vel in hostium potestate esset, rem ejus, qui in civitate esset, ut

juce-

suceperit, permittitur domino, si possessor reipublice causa abesse desierit, tunc intra annum rescissa usucapione eam rem petere, id est, ita petere, ut dicat, possessorem usu non cepisse, & ob id suam rem esse. Quod genus actionis quibusdam & aliis simili aequitate motus prætor accommodat, sicut ex latiore Digestorum seu Pandectarum volumine intelligere licet.

COMMENTARIUS.

- 1 Actionem, quæ hic proponitur, & rescissoria in specie dicitur, esse Publiciana quodammodo contrariam.
- 2 Quibus ex causis hæc actio à prætore detur, & jusque introducenda causa.
- 3 Restitutio adversus eum, qui absens usucepit rem in civitate manentis: ubi & alia.
- 4 Quomodo accipiendum quod accitur, contra non valentem agere præscriptio non currit.
- 5 Commentum esse quod de publici judicio rescindenti & rescissorio, interpp tradunt: ut & illud, quod de duplici tempore.
- 6 Actoris in actione rescissoria intentio.
- 7 Restitutio adversus eum, qui præsens rem absentis usucepit.
- 8 An ex sola causa ignorantia restitutio danda adversus usucapionem.

Hoc loco proponitur actio in rem prætoriam, quæ in usu juris nostri specialiter rescissoria appellatur, l. nec non 28. §. ult. ex quib. ca. maj. l. ult. C. eod. l. nullo 24. C. de rei vind. l. ab hostibus 18. C. de poss. re. Nomen ex re inditum, quia per eam rescinditur, quod jure civili ratum est, l. in honorariis 35. in fin. pr. de obl. & act. Hæc actio superiori quodammodo contraria est: nam actione Publiciana agitur de re non usucapta, quam actor in effectu contendit usucaptam. Hic è converso de re usucapta, quam actor non usucaptam intendit. Illic loco domini habetur, qui dominium nondum acquisivit: hic pro non domino, qui revera dominus factus est jure civili. Pertinet huc edictum de restitutione majorum 25. annis, quod extat in l. 1. quibus ex ca. maj. qua parte scilicet prætor eos, quorum res usucapta est, certis ex causis in integrum se restitutum pollicetur. Causas duas expressit, clausula edicti prima absentiam necessariam ejus, cujus res usucapta est; secunda absentiam qualemcunque ejus, qui usuce-

pit. Postremo adjecit clausulam generalem, quæ idem promittit quavis ex causa, quæ ipsi iusta videbitur. Itaque duobus potissimum casibus majoribus contra usucapionem succurrit data actione rescissoria; si res absentis usucapta sit ab eo, qui in civitate mansit; si res in civitate manentis usucapta sit ab eo, qui abfuit. Quod posterius hic tantum tangitur: prioris autem partis, cujus & frequentior usus, & major utilitas, cognitio ex latiore Digestorum volumine peti jubetur. Introducendæ hujus actionis hanc causam prætor habuit, quod iniquum ei visum fuit, aut necessariam justamve absentiam nocere absentis, aut qualemcunque alterius absentiam nocere alteri, l. item ait 21. d. tituli. Quæ porro ad vim & naturam hujus actionis pertinent, hic aut intacta, aut minus perspicua, indicata discas mox ex commentario.

Cum reipub. causa abesset] De eo, qui absens usucepit, ita loquitur Justinianus, quasi eum oporteat necessaria aliqua aut probabili de causa abfuisse: quod tamen secus esse, dicimus ex edicto, cujus in secunda clausula, quæ hunc casum continet, prætor non distinguit, quæ ex causa quis abfuerit, necessarie aut probabili, an plane voluntaria. Quod & diserte Ulp. notavit l. item ait 21. §. 1. hoc tit. ex quib. ca. maj. Et verò si ne justissima quidem absentia prodest absentis ad usucapionem retinendam; absurdum sit, ei prodesse absentiam plane voluntariam, malitiosam puta aut animi causa susceptam. Illud observandum est, tum demum ex hac parte edicti restitutionem dari, si defensor absentis non exstitit: nam si procurator fuit, aut amicus, qui se ultro defensionem obtulit, non debere eum inquietari: & hoc amplius, ne aliter quidem edicto in casu proposito locum sit, quam si aut amici absentis de defendendo eo interrogati defensionem non suscipiant, aut nemo sit, qui interrogari potest, d. l. item ait 21. §. pen. & l. seq. eod. Novissime autem à Justiniano cautum, ut licet defensor absentis nullus existat, tamen integrum sit præsentis, usucapionem interrompere, adito iudice, & diligentia sua apud eum contestata, l. 2. C. de annal. exc. Itaque ex hac parte edicti restitutio dari desit.

In hostium potestate] Ut hic procedat usucapio, ponendi termini habiles, nempe si servus aut filius ejus, qui captus est, rem ex causa peculiari teneant: hoc enim casu domini aut patris captivitas impedimento non est, quominus ea res usu acquiratur, l. ait prætor 23. §. 3. hoc tit. l. iusto 44. §. ult. de usuc. Cæterum extra hanc causam captivus per servum aut filium possessionem acquirere non potest, ac proinde nec usucapere: sed possessio atque usucapio inchoata captivitate interruptitur, in tantum ut nec possim-

nio restituatur, *l. denique 19. hoc tit. l. si is is, in pr. de usucap.*

Usuceperis] Potest igitur & absens usucapere rem presentis, & ejus quidem, qui contra absentem agere non potuit, *l. item ait 21. §. 1. & deinceps, l. seq. hoc tit.* Atqui vulgo traditur, contra eum, qui agere non potest, prescriptionem non currere, *l. 1. in fin. C. de annal. exc. l. in rebus 30. Vers. omnis, C. de jur. dot. l. 1. in fin. C. de bon. matern.* Respondent interpretes, distinguendum esse inter impedimentum juris & facti. Juris quidem impedimentum efficere, ne prescriptio currat aut impleatur. Exempli in *d. l. 1. C. de ann. exc. d. l. in rebus, C. de jur. dot. l. 7. §. 4. C. de praes. 30. ann.* Facti vero, quale est, quod hic objicitur, non item. Itaque opus esse restitutione: & recte: quippe rationi consentaneum est, ut ubi jus ipsum impedimentum agendi objicit, ibi quoque sistatur cursus usucapionis ipso jure: at singulorum factorum, quæ idem impedimentum afferunt, rationem habere jus non potest.

Permittitur domino] Veteri scilicet, cujus res jure civili usucapta est. Hunc dominum vocat, vel respectu præteriti temporis, vel potius, quia à prætoris rescindente usucapionem adhuc pro domino habetur.

Intra annum rescissa usucapione] Actio hæc, licet rei persecutoria sit, anno tamen eam finiri placuit, quia contra jus civile datur, *l. in honorarius 35. in fin. pr. de obl. & action.* Annum intellige utilem, *l. 1. §. 1. hoc tit. l. ab hostibus 18. C. de poss. res.* pro quo tamen Justinianus substituit quadriennium continuum, *l. ult. C. de temp. in int. rest.* Quod autem ait, permitti domino rescissa usucapione rem petere, & Paulus, *d. l. 35.* hanc actionem dari rescissâ usucapione, id non sic intelligendum est, quasi duplici judicio hæc res expediatur, decretumque ali-quod antecedit, quo prætor rescindat usucapionem, ac tum demum hanc actionem det, quia petatur res restitui. Sed ideo hoc dicitur; Quia prætor, dum hanc actionem concedit, simul vi ipsa usucapionem rescindit: quoniam permittit veteri domino sic agere, ut petat rem sibi à possessore restitui, perinde ac si nulla usucapio intervenisset, *l. 1. §. 1. sed et si. 20. si feria. 7. l. nec non. 28. §. penult. hoc tit. l. ult. C. eodem l. nullo. 24. C. de rei vindic.* Quibus ex locis manifestè apparet, rescissionem usucapionis in ipsa datione actionis consistere, prætoremque dici restituere, cum actionem rescissoriam petenti concedit: ac proinde uno simplici que judicio rem totam explicari, *fac. l. §. 3. & 4. quod met. ca. l. 1. §. 1. de dol. l. 2. §. 1. de cap. minut. l. 1. de alien. jud. mut. ca. l. ult. ad SC. Vellej.* Hoc & Gomezius *hic n. 8. & ult.* odoratus est: sed explicare non potuit, aut solidè confirmare communem DD. opinionem, secundum quam

duplex judicium hic necessarium, unum rescindens, alterum rescissorium; ac proinde & duplex libellus, duplex litis contestatio, & duplex pronuntiatio, decretum scilicet magistratus, quo rescindatur usucapio, & sententia judicis, quo res restitui jubeatur. *Per. de Bellapert. 10. Fab. Jaf. Myns. Schneid. hic Odd. de restit. quæst. 33. art. 1. Mauri. de restit. c. 4.* Quæ opinio erronea est, & à ratione juris nostri valde aliena, ut ex iis, quæ modo diximus, perspicue patet; in foro tamen recepta, ut sic utrumque remedium cumulari, id est, eadem utrumque opera peti & obtineri soleat, *Odd. part. 1. q. 33. art. 5. Myns. 2. obs. 25. Oldend. class. 6. action. 8.* Error hic natus videtur ex ignorantia ordinis judiciarii, qui apud veteres fuit; ubi quidem in omnibus fere actionibus occurrebat species quædam duplicis judicii, dum quædam apud prætorem seu magistratum tractabantur, quædam apud judices datos; Cæteroquin revera unum tantum erat judicium: ideoque unus tantum libellus, una litis contestatio, una sententia desiderabatur. Nempe apud prætorem non instituebatur judicium, sed à prætoris constituebatur, data actione & judice, qui de re cognosceret: unde nec illa, quæ apud prætorem fiebant, in judicio fieri dicebantur, sed in jure: de quo fusius ad *pr. hujus tit.* Præcedens error secum traxit & alium de duplici tempore; uno, intra quod utendum sit remedio rescindenti; altero, intra quod petenda & instituenda actio rescissoria. Illud volunt; intentari posse intra quadriennium continuum, hanc finiri anno utili. Donellus, perpetuam esse. Sed ut una & simplex hic est actio, ita & unum tempus, intra quod ea peti & institui debet, annus olim utilis, nunc quadriennium continuum, computandum à tempore, quo absens reverlus est. Illud singulare, quod hoc tempus etiam finiendæ actioni constitutum est, *l. ult. C. hoc tit. junct. l. ult. §. ult. C. de temp. in integ. rest.*

Ut dicat, possessorem usu non cepisse] His verbis significatur actoris in hac actione intentio. Ut autem id actione præcedenti, ita hic quoque intentio non ad verba, sed ad vim effectumque verborum erigenda est, quoniam sic agitur, ut effectus res usucapta non videatur. Puta non dicet petitor, possessorem rem, quæ petitur, usu non cepisse; quod & aperte falsum est, & perinde quasi negaret, adversarium dominum esse: cujusmodi formulæ in rerum corporalium vindicatione proditæ non sunt, *§. 2. sup. eod.* sed causam exprimet, ex qua actio ei jure constituta sit: dicet, adversarium absentem rem usucepisse, cum ipse interea ejus nomine agere cum vellet, & usucapionem interrompere, non potuerit. Itaque petere se, ut sibi restituatur. Prætorum quoque verisimile est verba edicti secutum hoc modo judicium concepisse; *Si paret, eam rem qua de agitur, à possessore*

absente per statutum tempus possessam esse, cum interea petitor ejus nomine agere cum conaretur, non potuerit, tum si ea res petitori non restituatur, possessor damnetur.

7 *Quibusdam & aliis*] Veluti absenti, cujus res usucapta sit ab eo, qui in civitate mansit: quæ causa restitutionis prima parte edicti expressa est: & sola nunc etiam utilis, cum ex causa superiore jure novo restitutio non detur, *l. 2. C. de annal. exc.* Non omnibus vero absentibus hac parte succurritur, sed iis duntaxat, quorum absentia aut necessaria fuit, *l. 1. §. 1. in pr. l. 3. cum seqq. l. reipub. 36. l. non vere. 42. hoc t. aut voluntaria quidem, sed iusta & probabilis, qualis est studiorum causa, & similes. Hoc ex generali & postrema edicti clausula, l. sed & §. 26. §. pen. & ultim. cum duabus ll. seqq. Illud tamen inter hæc interest, quod in necessaria & repentina absentia non nocet, quod quis procuratorem domi non reliquerit; in voluntaria aut ante prævisa absenti non succurritur, nisi procuratorem reliquerit, isque procurator non egerit, aut interim defectus sit, *d. l. 26. §. ult. l. nec non. 28. in pr. eodem.* Quippe priore casu nihil est quod absentibus imputetur: posteriore objici eis potest, quod de rebus suis componendis ante discessum potuerint & debuerint cogitare, *d. l. 26. §. 1.* Hoc eodem edicto succurritur & creditoribus; qui actionem ex his causis amiserunt, *d. l. 1. §. 1. l. Julian. 17. §. 1. l. si quis 41. eod.* sed hoc casu actio restitutoria in personam est.*

Similis aqutate motus] Quæsitum hic est, an sola ignorantia iusta & sufficiens causa sit, ob quam ex postrema edicti clausula danda sit restitutio adversus usucapionem aut præscriptionem. Ego puto non esse, *arg. l. ult. in fin. ibi; nulla ignorantia vel scientia expectanda. C. de præsc. long. temp. l. 3. & 4. C. de præsc. 30. ann. l. unic. C. de usuc. transf.* Nam cum sufficiens tempus præstitutum sit intra quod quisque in res suas inquirat, easque sibi asserat, post illud tempus restitui postulans ex sola causa ignorantie, id est, ea, quæ conjuncta est cum desidia & negligentia, audiri non debet. Denique si ex hoc solo capite restitutio admittatur, jus de usucapionibus & præscriptionibus constitutum non assequitur finem suum, nunquam finis erit litium, semper dominia in incerto, contra *l. 1. de usucap. VVesembec. parat. hoc tit. n. 10. Pinell. in auth. nisi tricennale. C. de bon. mat. diss. comment. D. D. Coëar. in c. possessor. de reg. jur. in 6. pag. 3. § 3. Gail. 2. obser. 19. de præscriptione tamen 40. annorum adhuc contenditur: videtis And. Fachin. 1. contr. 69. Ant. Fabr. Codic. suo tit. si advers. usuc. & tit. de temp. in intr. restit. Pinell. in d. auth. n. 58.*

TEXTUS.

De Pauliana.

7. *Item si quis in fraudem creditorum rem suam alicui tradiderit, bonis ejus à creditoribus possessis ex sententia præsidis, permittitur ipsis creditoribus rescissa traditione eam rem petere, id est, dicere eam rem traditam non esse, & ob id in bonis debitoris mansisse.*

NOTÆ.

7. *IN FRAUDEM CREDITORUM*] Et eventum fraus habuerit, *l. 10. §. 1. l. 15. qua in fraud. cred.* & simul is, qui accepit, fraudis conficius fuerit, *l. 1. l. 6. §. 8. eod.* In causis tamen lucrativis etiam in eum, qui fraudem ignoravit, hanc actionem dari placet, quatenus locupletior factus est, *d. l. 6. §. 12.*

RESCISSA TRADITIONE] Unde tam actionem Paulianam, quæ rescissoria est traditionis, quam superiorem illam usucapionis rescissoriam, actionem in rem esse, & ad exemplum vindicationis dari, contendunt Cujac. & Fabrot.

COMMENTARIUS.

- 1 *Agitur hic de actione, quæ Pauliana dicitur; sicut ea non in rem, sed in personam fit.*
- 2 *In personam esse, multis argumentis evincitur.*
- 3 *Dari hanc actionem creditoribus, si se ante si se post missionem in bona, res in fraudem eorum alienata sit: interdum & in rem competere: quæ tamen huc non pertineat.*
- 4 *Quæ concurrere debeant, ut Pauliana sit locus.*
- 5 *Verborum edicti, Quod fraudationis, &c. explicatio.*
- 6 *Edictum non pertinere ad eos, qui id agunt, ne acquirant, ubi quedam notabilia.*
- 7 *Quando primum creditores Pauliana experiri possint. D. Joan. Deckher. notatus.*
- 8 *Qualis hic sit rescissio & restitutio.*
- 9 *Intentio creditorum in actione Pauliana.*
- 10 *Dari hanc actionem intra annum utilem, quo primum experiundi potestas fuit.*

Tertia species actionis prætorie hic proponitur, Pauliana dicta, quæ datur creditoribus ad revocanda ea, quæ in fraudem eorum alienata sunt, *l. si deamus 38. §. in Fabiana 4. de usur.* atque huc pertinent *tit. 7. qua in fraud. cred. & C. de re & huius qua in fraud. cred.* Hanc autem actionem Glossa & ple-

plerique interpretes non in rem, sed in personam esse opinantur; hic autem exponi inter pratorias in rem, & subijci rescissoriae tantum propter similitudinem, quam cum illa habet, quod uti per illam usucapio, ita per hanc traditio rescindatur, atque ita utraque contra jus civile detur. Quod ego verissimum puto: & Theophilum arbitror, qui Paulianam hic nominat, sed eam in rem esse dicit, deceptum à Triboniano inconsiderate, & tantum ob similitudinem, quam dixi, hanc etiam explicante inter actiones in rem.

Etenim in rem eam non esse, primum ex eo vincitur, quod creditores non vendicant, aut intendunt, rem suam esse, ut in actionibus superioribus: sed aiant, rem in bonis debitoris mansisse, quorum possessio eis data est. Deinde ex eo quoque, quoniam cum actionis in rem proprium sit, ut sequatur ejus rei possessorem, quamvis cum actore nihil contraxerit, aut nihil in eum deliquerit; si quis autem non possidet, non teneatur, *l. actionum 25. de oblig. & act.* utrumque contra est in actione Pauliana: nam & is, qui possidet, quod in fraudem creditorum alienatum est, hac actione non tenetur, nisi & fraudis particeps fuerit, aut rem ex lucrata causa acceperit, *l. i. l. is qui 9. & l. seq. hoc tit. l. pen. C. eod.* ut hic non sola possessio, sed aliud factum possessoris spectetur. Et è converso, qui non possidet, nec dolo malo desit possidere, tenetur. Datur enim hæc actio non solum hæredi, sed etiam in heredem similesque personas, & qua tales, *d. l. 10. §. ultim.* quod non minus, quam prius illud, à natura actionis in rem abhorret, quæ rem semper sequitur, & propter rem ejus possessorem, *l. 2. C. si un. ex plur. hered.* Cum itaque in rem non sit, relinquatur, ut sit in personam, *§. 1. sup. cod. d. l. actionum de oblig. & act.* Et hoc verum esse vel ex hoc uno intelligimus, quod hæc eadem actio in factum passim appellatur, *d. l. 10. l. 14. hoc tit. l. pen. C. eod.* quo nomine quæ appellantur, omnes in personam sunt, vid. *Bachov. diss. 3. de action. thes. ult.* Accedit exemplum actionis Favianæ, quam non in rem, sed in personam esse disertè testatur Ulp. *l. 1. §. hac actio. 26. si quid in fraud. patron.* Erit igitur & Pauliana in personam; cum utraque ex eadem causa detur; Faviana, si quid in fraudem patroni; Pauliana, si quid in fraudem creditorum alienatum sit. Sed quid verbis opus est? Jurisconsultus in *l. videamus 38. §. in Faviana. 4. de usur.* palam inter actiones, quæ in personam sunt etiam Paulianam numerat. Nam cum initio proposuisset videndum, quando in actionibus in personam etiam fructus veniant, mox varus ejus generis exemplis adductis inter ceteras in personam actiones Paulianam quoque, per quam quæ in fraudem creditorum alienata sunt, revocantur *d. §. 4. recenset*, & quidem conjunctim cum Faviana, quam in

personam esse constat. At inquires, si Pauliana in personam est, erit etiam ex obligatione, *§. 1. sup. cod.* Unde ergo obligatio? Ex maleficio, inquam, & ejus nimirum, cum quo agitur, sive is fraudis particeps fuit, sive non fuit. Nam & qui ab initio dolo caret, improbe facit, si, postquam cognovit, rem in fraudem creditorum alienatam esse, eam tamen, & tantum lucri sui causa, retinere tentet, per *l. metum. 9. §. ult. l. item si 14. §. 3. quod met. caus.* Frustra se fatigat Bachov. *hic & diss. 3. de act. thes. pen.* dum probare conatur, actionem Paulianam in rem actionem esse: add. *Don. hic num. 7. & seqq. Ant. Fab. conj. 16.* Illud hic notandum est, quod actio Pauliana competat, sive quid alienatum sit in fraudem creditorum, antequam creditores in bona mitterentur; sive alienatio facta sit, postquam jam in possessionem bonorum debitoris missi sunt, quorum quidem prius negat D. Joan Deckher. *1. diss. 10. n. 27.* Sed perspicuè refellitur per *l. 15. & l. 17. §. 1. hoc tit.* Posteriore autem casu evenire potest, ut etiam in rem actio creditoribus competat pignoris persequendi gratia. Nam si creditores in possessionem iussu magistratus missi etiam in possessionem venerint, constituitur creditoribus in bonis debitoris pignus, quod in usu juris dicitur prætorium, *l. non est mirum 26. §. 1. de pign. act. l. ult. C. de prat. pign.* cujus pignoris, si creditor fortè possessionem amiserit, persequendi causa actionem in rem & olim habuit, & nunc habet: olim certo jure, si possessionem sine culpa sua casu aliquo amisisset; nunc etiam, etsi culpa sua possessione cecidit, *d. l. ult. C. de prat. pign.* Verum hæc actio huc non pertinet, ut putat D. Donellus; quippe qua agenti necesse non est dicere rem in bonis debitoris mansisse: nam alienatio non extinguit jus pignoris, *l. distrahis. 14. & l. seq. C. de pign.* Sed neque species est Paulianæ, ut quidam putaverunt, quia datur adversus quemcumque possessorem: sed est species quasi Servianæ seu hypothecariæ, per *d. l. ult. C. de prat. pign. & arg. l. 9. hoc tit.* nam in casu illic proposito possessionem jure pignoris avocantem secundus emptor non excluderet, cum tamen excludat agentem Pauliana.

In fraudem creditorum] Ut hæc actio ex edicto competat, requiritur, ut quid alienatum sit in fraudem creditorum. In fraudem autem alienatum hic accipimus, si & animum fraudandi debitor, & eventum fraus habuerit; nam si alterutrum desit, & vel propositum fraudandi nullum fuerit, quod putaverit debitor, se solvendo esse, vel creditores re ipsa & eventu fraudati non sint, huic actioni non est locus, *l. ait prator. 10. §. 1. l. si quis 15. hoc tit.* Hoc amplius cessat hæc actio & revocatio, nisi & is, qui accepit, fraudis conficius fuerit, *l. 1. l. 6. §. hoc editum 8. d. l. ait prator. §. 2. eod.* Cæterum hoc sic acceptum est, si quis rem accepit ex causa onerosa; nam in causis lu-

erativis placuit detrahi mentionem scientiæ, & hæc-
nus utique in eum, qui fraudem ignorans accepit, ac-
tionem dari, quatenus locupletior factus est, l. 6. §.
simili modo 11. eod. l. pen. C. eod. Plane, qui debi-
tam pecuniam recipit antequam bona debitoris pos-
siderentur, quantumvis non ignorans, eum solvendo
non esse, in hoc edictum non incidit; quia sibi vigi-
lavit, d. l. 6. §. apud Labeonem 6. & seq. Porro quan-
do & quatenus solutum uni ex creditoribus ab aliis
potiori vel æquali jure nitentibus revocari possit, &
de sententia l. pen. hoc tit. l. 6. §. 2. de reb. aut. jud.
poss. aliarumque eodem pertinentium, vid. Barr. in
d. l. pen. Per. Fab. ad l. generaliter. 78. de reg. jur.
Ant. Fab. conj. 14. Gush. l. obs. 25. n. 14. & seqq.

5 *Ali cui tradiderit*] Edictum generalibus verbis
conceptum est, *Quæ fraudationis causa gesta erunt,*
&c. quæ verba latissimè patent, continentque quic-
quid quodcumque modo fraudis causa factum est. Ita-
que quaecumque id fuerit, hac in factum actione re-
vocatur, si rem alienaverit debitor, puta vendiderit,
donaverit, pro derelicto habuerit, usufructu passus sit, u-
suum fructum aut servitutem non utendo amiserit; si ve-
re acceptilatione aut pacto debitorem liberaverit, aut
data opera ad iudicium non adfuerit, vel litem mori
passus sit, vel à debitore non petiit, ut tempore libera-
retur. Sed & si pignora liberavit, vel quem alium in
fraudem creditorum præposuit, vel ei exceptionem
præbuit, aut se obligavit fraudandorum creditorum
causa, vel quocumque denique modo aliquid fecit, ut
defineret habere, quod habebat, ad hoc edictum per-
tinet, l. 1. cum 4. seqq. l. 10. §. si cum 12. & seqq. l.
14. & passim deinceps, hoc tit. Plane ille in ea causa
non est, ut edicto locum faciat, qui id agit, ne acqui-
rat, quod acquirere potest, puta qui legatum aut hæ-
reditatem sibi delatam repudiat: nam edictum ad eos
pertinet, qui quid de bonis suis deminuunt, non qui
id agunt, ne locupletentur, l. 6. pr. §. 1. & aliquot
seqq. eod. l. non fraudantur. 134. de reg. jur. fuc. l.
5. §. 13. & seq. de don. int. vir. & ux. D. Diad. Tul-
den. in C. hoc tit. num. 4. Late & eleganter D. We-
semb. conf. 17. n. 42. & seqq. Atque hinc est, quod
nec suus hæres se abstinens edicto locum facit, l. 3. C.
hoc tit. multoque minus præteritus aut exheredatus,
qui non queritur de inofficioso, aut non agit ad sup-
plementum legitimæ, per l. 1. §. sed si 8. si quid in
fraud. patr. An ad legitimam petendam filius cogi
possit, dubitatur: sed verius est compelli non posse,
arg. d. l. 6. §. 2. l. patrem. 19. hoc tit. d. l. 1. §. sed si
8. si quid in fraud. patr. Jo. Gutier. in repet. cap.
quævis 2. de pact. in 6. n. 24.

Bonis ejus possessis] Id est, postquam creditores à
magistratu in possessionem bonorum debitoris missi
sunt. Nam hæc actio demum competit post possessio-
nem, excussionem & distractionem bonorum; nec a-

liter, quam si ex bonis distractis creditoribus satisfieri
nequeat, l. pen. C. hoc tit. de quo fuse Schneid. n. 59.
& seqq. Sententiam hujus loci corrumpit D. Jean.
Deckherus ubi supra. Nam vitiosè planè & per fal-
laciæ compositionis & divisionis hæc textus verba
bonis ejus possessis, ita accepit, ac si significarent, pro
iis demum bonis revocandis hanc actionem compo-
nere, quæ debitor alienavit, postquam jam bona pos-
sessa erant, & hinc probat, Paulianam non competere
de rebus ante missionem in bona alienatis. Perperam
inquam, quoniam verba ista non ad tempus factæ alie-
nationis, sed intentandæ hujus actionis referenda
sunt: per l. si quis 15. l. omnes 17. §. 1. hoc tit. junct.
l. pen. C. eod.

Ipsis creditoribus] Plerumque curator bonorum
hic constitui solet, tit. de cur. bon. dand. cui tum hæc
actio exercenda datur, l. 1. hoc tit.

Rescissa traditione] Sic intelligo, ut §. præc. di-
ctum est, vi ipsæ restitutionis in integrum & iudicii
constituti. Rescinduntur autem hac in factum actione
& in pristinum statum restituuntur omnia, quæ in
fraudem creditorum facta sunt, perinde ac si nihil eo-
rum factum esset. Itaque non dominia solum revo-
cantur & res ipsæ, verum etiam obligationes, actiones,
fructus, accessiones, cæteraque commoda resti-
tuuntur, quæ creditores habuissent, si nulla alienatio
aut liberatio intervenisset, l. 1. §. 1. l. air prator. 10. §.
per hanc 19. & 3. seqq. l. hac in factum 14. l. omnes
17. l. ult. §. non solum 4. hoc tit. l. videamus §. in
Fabiana 4. de usur.

Dicere, traditam non esse] Non disertè ac no-
minatim, quasi his ipsis verbis formula intentionis
concipienda: sed dicere & intendere effectum & rebus
ipsis, ut in actionibus superioribus. Sic enim hic a-
gunt creditores, quasi revera res nunquam tradita sit.
Adversus quos hæc actio detur, satis ex iis, quæ supe-
rius dicta sunt, intelligitur. Ex sententia Venuleji et-
iam adversus ipsum fraudatorem datur, l. ult. §. ult.
hoc tit. Datur intra annum, l. 1. l. 10. eod. nimirum
quia velut superior illa contra jus civile introducta est,
vel quia naturam actionis pœnalis habet. Post an-
num tamen de eo adhuc competit, quod ad eum per-
venit, adversus quem actio movetur, d. l. 10. §. pen.
Annum intelligimus utilem, quo primum experiri-
di potestas fuit, d. l. 10. in pr. Itaque annus hujus a-
ctionis computabitur ex die venditionis bonorum,
factæ scilicet à creditoribus decreto magistratus, l. 6.
§. ult. d. l. 10. §. annus 18. eod. Anre enim agi non
potest, & non valenti agere præscriptio non currit,
l. 1. §. ult. C. de annal. exc. Joan. Fab. n. 17. Myns.
n. 63. Schneid. n. 83. Inconsiderate igitur nonnulli
textus istos retulerunt ad diem alienationis factæ à
debitore, inter quos & D. Wetemb. par. hoc titul.
num. 12.

T E X T U S.

De Serviana & quasi Serviana, seu hypothecaria.

8. Item Serviana & quasi Serviana (quæ etiam hypothecaria vocatur) ex ipsius prætoris jurisdictione substantiam capiunt. Serviana autem experitur quis de rebus coloni, quæ pignoris jure pro mercedibus fundi tenentur. Quasi Serviana autem est, quæ creditores pignora hypothecæve persequuntur. Inter pignus autem & hypothecam (quantum ad actionem hypothecariam attinet) nihil interest: nam de quare inter creditorem & debitorem conveniret, ut sit pro debito obligata, utraque hac appellatione continetur. Sed in aliis differentia est. Nam pignoris appellatione eam propriè rem contineri dicimus, quæ simul etiam traditur creditori, maxime si mobilis sit. At eam, quæ sine traditione nuda conventionione tenetur, propriè hypotheca appellatione contineri dicimus.

N O T Æ.

QUÆ PIGNORIS JURE.] Scilicet tum ea, de quibus nominatim convenit, ut pro mercede fundi essent obligata, §. 3. in fin. inf. de interd. tum fructus in fundo conducto nascentes; quæ tacitè intelliguntur pignori esse domino fundi, l. 7. in quib. caus. pign. tac. In prædiis quidem urbanis eo jure utimur, ut etiam investita & illata ab inquilino citra conventionem pignori sint; in rusticis autem prædiis contra observatur, l. 4. d. r. l. 4. de pign.

QUÆ SIMUL TRADITUR, &c.] l. 9. §. 2. de pign. act. l. 238. §. 1. de verb. sign. quam differentiam etiam Græci ponunt inter εἰς ὅρα, & ὑποθήκη.

COMMENTARIUS.

1 Causa introducenda actionis hypothecaria.

2 Qualis sit hac actio, quibus, adversus quos, quo exitu detur.

3 Quarum rerum probatio creditori pignus persequenti incumbat.

- 4 Necesse non esse ut creditor probet, rem in dominio debitoris fuisse, dummodo probet fuisse in bonis ejus.
- 5 Differentia juris veteris & novi circa hanc actionem, quando alius, quam debitor, pignus possidet: tum quid hic juris apud Batos.
- 6 Nomina Serviana & quasi Serviana unde Hypothecaria nomen commune: differt à pignoratitia.
- 7 Edictum quibus Serbis à Servio conceptum.
- 8 Quæ res coloni pro mercede pignoris jure tenentur.
- 9 Investita & illata in prædium urbanum tacitè pignori esse; in rusticum importata pignori non esse, nisi id expresse congenerit.
- 10 Actioni hypothecaria locum esse in omni genere pignoris. Constitutio Caroli V. ann. 1529.
- 11 Inter pignus & hypothecam nihil interesse, quantum ad actionem hypothecariam: nisi fortè in eo, quo tantum Noë. 4. c. 2.
- 12 Inter pignus & hypothecam quid propriè intersit secundum usum juris. Veteres pro hypotheca verbo Latino fiducia usos videri.

AD extremum proponitur hic actio in rem de pignore, quæ item jure honorario utilitatis causa comparata est, l. si res 17. §. 2. de pign. Nam jure civili nulla actio consuebatur iis, quibus res debitorum obligata erant, cum possessio earum apud alium esse cœpisset. Hoc igitur cum prætor Servio durum videretur, ipse actionem de pignore seu hypotheca quibusdam in causis introduxit, quæ postmodum eadem æquitate suadente prudentum interpretatione producta est etiam ad alias causas & species pignoris. Actio hæc in rem est, l. pignoris 17. de pign. l. pignoris 18. Cod. constituta creditoribus pignoris persequendi causa, ut hic declaratur. Unde intelligimus, competere eam adversus omnes, qui pignus possident, aut dolo malo possidere deserunt, l. si fundus 16. §. in indicatione 3. de pign. Exitus actionis hic, ut qui convenitur, necesse habeat, aut creditoribus agentibus solvere, aut rem, de qua agitur, restituere: alioqui quanti ea res est, condemnatur, d. l. si fundus. §. 3. Duo autem creditori pignus persequenti probanda sunt. 1. se jus pignoris in re, de qua agitur, habere. 2. possessionem ejus rei esse penes eum, qui convenitur. Ad primum quod attinet, si creditor cum ipso debitore experiat, sufficit ei ad fundandum jus pignoris probare, quod debitor possideat: quoniam inter contrahentes ipsos etiam alienæ rei pignus consistit, neque debitor questionem dominii referre potest, per l. in rem alienam 21. in fin. de pign. act. Si vero agatur contra tertium possessorem, probandum est, rem in bonis debitoris fuisse;

aut in casu generalis hypothecæ; postea ad eum pervenisse, l. *¶ qua nondum* 15. §. 1. de pign. Nec interest, possessor causam habeat, an non habeat; & cum habet, utrum lucrativa sit, an onerosa. Nam jus pignoris non fundatur, nisi res fuerit in bonis debitoris: cumque hypotheca propriè titulum non præbeat, & creditor jure debitoris nitatur, oportet creditorem potentiori jure munitum esse, quam possessorẽ. Illud probare necesse non est, debitorem rei dominum fuisse, sed quemadmodum dixi, fuisse in ejus bonis, seu iusto titulo & bona fide ab eo possessam: quoniam pro probato succumberet possessor debitori agente Publiciana, eo probato etiam iucumbere debet creditore agenti hypothecaria, arg. l. *si ab eo* 18. de pign. Hæc fusius tractantur à Jo. Fab. Angel. Jus. Zas. Schneid. ad hunc §. Cyn. & Salic. ad l. cum res C. si res alien. pign. N. Gus. de pign. 8. memb. 3. n. 6. & seqq. Secundum expeditum est; quippe hoc omnium actionum in rem est proprium, ut eo tempore, quo moventur, ad litem fundandam ream possidere oporteat. Olim si alius, quam debitor, pignus possidebat, non tenebatur creditor ipsum prius debitorem personali actione convenire, & sic deinde illo non solvente demum pignus à possessore persequi: sed in arbitrio creditoris erat, adversus utrum prius experiretur, l. *distrahitur* 14. l. *persecutione* 24. C. de pignor. l. ult. C. de obl. & act. Tantum hoc requirebatur, ut si debitor præsens esset, prius denuntiationibus conveniretur, id est, legitimè interpellaretur, ut solveret, ac tum illo non solvente ad possessorẽ pignoris veniretur, l. 10. C. d. tit. Justinianus autem à creditoribus plus exegit, constituit enim, ut si debitores præsentis sint, non tantum denuntiationibus conveniantur, sed etiam iudicio, nec prius ad pignorum possessorẽ perveniat, quam excussis debitoris, & fidejussorum, si qui sint, facultatibus. Nov. 4. c. 2. unde auth. sed hodie, C. de obl. & act. & auth. hoc si debitor, C. de pign. Id jam olim in fisco pignus legale vendicante humanitatis causa placuerat, l. *Moschis* 47. de jure fisc. ad cujus exemplum in conventionali pignore idem cavisse videtur Justinianus. Quod si debitor aut hæres ejus pignus possideat, tum adhuc nullus ordo servatur, & liberum etiamnum creditori est, omiſsa actione personali pignus persequi. d. Nov. 4. c. 3. Verſ. contra principales, l. *persecutione junct. pr. auth. seq. hoc si debitor*. C. de pign. & secundum hoc sæpe à supremis Curiis iudicatum testatur *Christin.* vol. 4. decis. 151. n. 9. & seq. Apud nos jus vetus reductum placito anni 1564. quo expressè derogatur d. Nov. 4. cap. 2. & d. auth. hoc si debitor. Potest itaque hodie creditor vi istius placiti statim tertium possessorẽ convenire, & pignus persequi, omisso debitore principali ejusq;

fidejussoribus, nec prius facultates eorum excutere tenetur, *vid. dec. 4. Cur. Holland.*

Serviana & quasi Serviana, quæ etiam hypothecaria] Duplex igitur de pignore in rem actio est Serviana, dicta ab auctore eadem analogia, qua Publiciana; & quasi Serviana, sic dicta, quia ad exemplum Servianæ introducta est; unde & utilis Serviana dicitur, l. 1. in pr. & §. 2. de pign. l. 1. C. de precar. Hæc eadem, ut hic traditur, etiam hypothecaria appellatur, à re scilicet & nomine communi: quod nomen etiam Servianæ competit; sed cum hæc nomen proprium haberet, illa, quod commune est, sibi proprium fecit. Nonnunquam tamen appellatione Servianæ & quasi Serviana seu hypothecaria omnis significatur, l. 3. l. si ab eo 18. de pign. l. si creditor 28. de pign. action. l. ult. C. de oblig. & act. Ab actione hypothecaria toto genere differt actio, quæ pigneratitia propriè dicitur, utpote quæ non in rem, sed in personam est, nec creditori competit, sed debitori adversus ipsum creditorem, ex contractu obligatum ad pignus, quod accepit, soluto debito restituendum; de qua *¶* C. Cod. de pign. act. §. ult. quib. mod. re cont. obl. Abusivè tamen veteres quandoque hypothecariam quoque pigneratitiam vocant, ut observare licet l. 9. in fin. quib. mod. pign. solv. l. rem alienam 41. de pign. act. l. 3. §. 3. ad exhib. l. 13. de cond. ind. l. duobus 19. de exc. rei jud. & aliis locis: *vid. nostra add §. ult.*

Et prætoris jurisdictione] Atqui quasi Serviana à prætore introducta non est, sed Jurisconsultorum ingenii excogitata & instituta ad exemplum ejus, quæ à prætore comparata & in edicto proposita fuit. Respondemus, etiam eas actiones, quæ ad imitationem edicti à prudentibus composita sunt, prætorias censeri, propterea quod causam & initium à jurisdictione prætoris acceperunt.

De rebus colonum] Dubium non est, quin ea actio de pignore, quæ verbis edicti proposita fuit, Serviana propriè vocetur. Unde existimare licet, prætorẽ nominatim tantum de rebus colonorum, pro mercede locationis obligatis, locutum, edictumque ad hunc modum conceptum fuisse; *Quod à colonis oppigneratum mercedis causa ad alterum pervenerit, ejus rei creditoribus actionem dabo.* De rebus inquilini similiter obligatis actio verbis edicti proposita non fuit: itaque cum de his rebus agimus, non propriè Serviana experimur, sed quasi Serviana, quæ est ex edicti productione.

Quæ pignoris jure pro mercedibus] Relativum quæ hic non demonstrat; sed distinguit: quippe hac adjectione non illud significatur, res omnes coloni pro mercede fundi locatori esse obligatas, sed de his, quæ obligatæ sunt, Servianam competere. Jam autem constat, non omnes res coloni pro mercede pignori

gnoris jure teneri; sed primum fructus in fundo conducto nascentes; qui quidem etiam tacite citra ullam conventionem pignori esse intelliguntur, l. 7. in quib. caus. pign. tac. l. 3. C. eod. Deinde ea, & sola, de quibus nominatim convenit, ut pignori essent, §. ad perscenda 3. in fin. inf. de interd. nam nec investita, inducta, aut illata in prædium rusticum, aliter pignori sunt fundi domino, quam si expressa conventio intercesserit, l. 4. C. d. l. 7. d. tit. l. 5. C. eod. Qua in re distat conductio prædii urbani à conductio rusticum: nam in urbanum prædium illata placeat pignori esse locatori, etiam si nihil nominatim convenierit, l. 4. de pact. C. d. l. 4. in quib. caus. pign. tac. Cujus differentie ratio si quaeratur, ea sumenda est ex moribus populi Romani. Solebant in prædiis rusticis nata pro mercede obligari, in urbanis investita, l. si servus 61. §. locat. 8. de furt. quod autem erat in more positum, ut alias sæpe, in jus paulatim transiit, & pro dicto habitum est, sicut dictum non esset. Scio, veteres interpretes aliter sentire, atque arbitrari, etiam in inductis atque illatis in prædium rusticum tacite sive citra pactionem expressam pignus pro mercede constitui, si modo voluntate seu scientia domini illata sint, quod nec ipsum in illatis in urbanum prædium exigatur. Laudant in hanc sententiam constitutionem Alexandri, quæ extat in l. 1. C. de locat. Sed merito hæc sententia à recentioribus rejecta est, nihilque eam juvat d. Alexandri constitutio, qua sola nititur. Nam voluntatis nomine in ea constitutione adsignificatur expressa conventio, quemadmodum etiam in l. Pomponius 5. §. 1. in quib. ca. pign. tac. Quorum enim exigamus, ut voluntate domini illata sint, nisi, simul ut pignori essent, pactio aliqua inter eum & colonum interposita fuerit? Sed & voluntate domini illata sic rectè accipi possunt, si dominus locaverit fundum hac lege, ut aliqua in eum fundum inferrentur. Qui autem hanc legem locationi dixit, vi ipsa & per consequentiam pactus esse intelligitur, ut quæ ex pactione importarentur, pignoris loco teneantur. Ita ferme Connan. 4. comm. 16. Fort. Garz. ad d. l. 5. Duar. Cujac. ad l. 4. de pact. Don. de pign. c. 4. Bach. 1. de de pign. c. 11. D. Tulden. in tit. C. in quib. ca. pign. tac. n. 3. Christ. Sol. 3. dec. 110. C. Sol. 4. dec. 155.

10 Qua creditores pignora persequuntur] Quasi Serviana seu hypothecaria datur de reliquis rebus pignori obligatis: & in quovis genere pignoris locum habet. Itaque competit non tantum de pignore conventionali, sed etiam de legali: quale verbi causa habent pupilli & adolefcentes in bonis tutorum & curatorum, l. pro officio. 20. C. de adm. tut. fiscus in bonis debitorum fisci, l. 1. l. 2. C. in quib. ca. pign. tac. uxor in rebus mariti in causa dotis, l. un. §. 1. C. de rei ux. act. legatarii in rebus hæredita-

riis, l. 1. C. comm. de legat. item de pignore prætorio & judiciali, l. 2. C. de prat. pign. item de eo, quod testamento constitutum est, l. non est mirum 26. de pign. act. denique & de pignore tacito, l. 4. l. 7. in quib. ca. pign. tac. l. 4. de pact.

Inter pignus & hypothecam, quantum ad actionem hypothecariam] Inter pignus & hypothecam tantum nominis sonus differt, ait Marcian. l. 5. §. 1. de pign. id est, diverso & discrepante sono idem significant. Addit hic Imp. quantum ad actionem hypothecariam attinet, quod etiam sensisse Marcianum arguit inscriptio d. l. 5. quæ est, ad formulam hypothecariam. Quorum hæc restrictio pertineat, mox indicatur.

Inter creditorem & debitorem convenis] Additum hoc exempli causa; multa enim sunt genera pignorum, quæ constituuntur sine conventionem, ut jam intelleximus. In conventionali pignore hoc jure in toto Belgio utimur, ut nullum prædium speciali hypotheca affici queat, nisi coram magistratu & judice, sub cujus jurisdictione situm, pignus constituitur scriptura in fidem rei gestæ confecta, juxta placitum Caroli quinti ann. 1529. Jo. Deckher. lib. 1. diff. 10. n. 34. add. art. 35. Ordin. Polit. aut si feudale sit prædium, coram Paribus Curie, Neofad. de feud. c. ult. n. 26. Grof. lib. 2. introd. c. 42. Plane ad constituendam generalem hypothecam sufficit, coram quovis hujus regionis judice bona sua apud acta publica obligasse, d. art. 35. Grof. d. lib. 2. c. 48.

Utraque hac appellatione continetur] Sensus est, Quæcumque res sit, sive mobilis, sive immobilis, sive tradita, sive non tradita, quæ pro debito obligata est, ea utroque hoc nomine, pignoris videlicet & hypothecæ, promiscuè in actione hypothecaria designari solet. Quippe quæ actio, & si quod commodum ei adheret, creditori competit, tam pro pignore propriè dicto, cujus scilicet amissa sit possessio, quam pro hypotheca; ita ut effectus juris non differant. Ex hoc dictum est ab Ulpiano, pignus contrahi non sola traditione, sed etiam nuda conventionem, etsi traditum non est, l. 1. de pign. act. Sane quod novissimo jure constitutum est, ut debitor prius conveniatur & facultates ejus exequantur, & sic denum, si repertum sit, debitorem non esse solvendo, ad pignoris possessionem perveniatur; Noë. 4. cap. 2. id plerique putant tantum locum habere in hypotheca, non in pignore propriè dicto, cujus scilicet possessio ab initio ex conventionem penes creditorem fuit, & postea fortè amissa: sed hoc casu adhuc statim & recta possessionem pignoris avocari posse: quæ sententia non caret ratione. Neguf. de pign. part. 8. memb. 1. n. 18.

Pignoris appellatione eam propriè rem, &c.] si significacionem & proprietatem verborum spectamus, aut potius usum juris, inter pignus & hypothecam

theam hoc interest, quod pignus propriè dicitur, cum simul res traditur creditori, Græcis *ἐνυποθήκη*, & præsertim si sit mobilis: hypotheca autem cum res sine traditione nuda conventionione obligationi subijcitur. In pignore id nostri sumpserunt à notatione & origine verbi, utpote quod dictum sit à pugno, ut sit res, quæ traditur manu, ac velut pugno: *l. plebs 238. §. 1. de Verb. sign.* Unde maximè id dicitur de re mobili, in quam solum cadit, ut manu capiatur: sed propter traditionem translatum ad res omnes etiam immobiles, quarum possessio itidem creditori tradita sit. Hypotheca autem verbum Græcum est, quod posterior ætas usu Latinum fecit, dictum *ὑποθήκη*, quod est *supponere*, id est, pignori opponere, *fiduciare*: ut appareat, verbum generale esse, eoque significari utramque speciem rerum pignori oppositarum, tam quæ traditæ sunt, quam quæ non sunt traditæ. Sed quod in aliis innumeris accidit, ut modo generis, modo speciei ei generi subiectæ significationem habeant, id etiam fit in verbo hypothecæ, quod cum per se generale sit, tamen plerumque ad certam speciem contrahitur, ut ea appellatione intelligatur species pignori contraria, id est, res, quæ sine traditione nuda conventionione tenetur, & maximè immobilis: idque intelligi necesse est, quoties hypotheca à pignore distinguitur. Hæc verborum differentia etiam traditur in *l. si rem 9. §. proprie 2. de pign. act.* Veteres Consulti verbo *hypotheca* usi non videntur, sed Latino *fiducia*. Cujus rei argumentum est, quod in iis, quæ manum Triboniani elapsa ad nos pervenerunt, ubi de materia pignoris agitur, nusquam nomen hypothecæ occurrat, sed *fiduciæ* duntaxat, ut videre est apud Paulum in libris receptarum sententiarum, *lib. 1. tit. 9. lib. 2. tit. 5. lib. 3. tit. 6. de legat. lib. 5. tit. 16. in fin.* sicut nec actionis hypothecariæ ullibi in his mentio extat, sed *fiduciariæ*, *judicii* & *actionis fiduciæ* tantum: ut apud eundem Paul. *d. lib. 2. tit. 13.* Modestinus apud Licinium Rufinum in *collat. leg. Mosai. & Rom. tit. de deposit. Sed & in cæteris quoque partibus juris ista regula (de culpa præstanda) custoditur: sic enim *& in fiducia judicio, & in actione rei uxoria & dolus & culpa deducitur.* &c. Papinianus apud eundem *tit. de atroc. injur. Per hominem liberum noxa deditum si tantum acquisitum sit, quantum damnum dedit, manumittere cogendus est à Prætoro, qui noxa deditum accepit, sed fiducia judicio non tenetur.* Fuit vero & hoc ipsum *fiduciæ* verbum generale, eoque tam pignus, id est, *ἐνυποθήκη*, quam *ὑπόθεσις* significabatur. Cic. in *Topic. Si tutor fidem præstare debet, si socius, si cui mandatus, si qui fiduciam accepit, debet & Procurator.* Paul. *d. tit. 13. Debitor distractis fiduciis à creditore de superfluo adversus eum habet actionem.* Sed usus item spec-*

ciale fecerat contraxeratque ad obligationem immobilium. Paul. *de lib. 2. tit. de modo, id est, spatio: Hæredibus debitoris adversus creditorem, qui pignora vel fiducias distraxit, nulla actio datur.* &c. Idem alibi: *Rem legatam testator si postea pignori vel fiducia dederit, &c.* id est, pignori vel hypothecæ. Hæc & Clariss. Salmasi, *lib. de mod. usur. c. 14.*

T E X T U S.

De actionibus Prætoriiis personalibus.

9. *In personam quoque actiones ex sua jurisdictione propositas habet prætor, veluti de pecunia constituta: cui similis videbatur receptitia. Sed ex nostra constitutione (cum & si quid plenius habebat, hoc in actionem pecuniæ constitutæ transfusum est) & ea quasi supervacua iussa est cum sua auctoritate à nostris legibus recedere. Item prætor proposuit actionem de peculio servorum, filiorumque familiarum; & eam, ex qua queritur, an actor juraverit; & alias complures.*

N O T Æ.

9. RECEPTITIA] Hæc actio civilis erat verbis solemnibus composita, & tantum in argentarios dabatur; cæterum de re quacumque etiam ante non debita: actio autem constitutoria, quæ honoraria est, dabatur contra omnes quidem, qui constituisent; sed tantum de rebus, quæ pondere, numero, mensura constant; & non nisi debito constituto, *l. 2. C. de const. pec. add. Salmasi, de mod. usur. cap. 16.*

IN ACTIONEM PECUNIÆ CONSTITUTÆ] Actionis receptitiæ vis omnis à Justiniano transfusa est in constitutoriam, excepto eo, quod non constituitur nisi debitum, et si recipiebatur & non debitum, *d. l. 2.*

COMMENTARIUS.

1. *Recipere quid: actio receptitia.*
2. *Actionis receptitiæ & constitutoria discrimina: & præcipua causa.*

H Actenus actiones prætoricæ in rem: subijciuntur deinceps, ut erat propositum, ejusdem originis actiones

actiones in personam. Actionum prætiorum in personam quædam velut ex contractu & negotio gestis proficiantur, quædam ex maleficio, aut quasi ex maleficio: ac utriusque generis multæ & variæ sunt species causis efficientibus proximis distinctæ: neque enim hoc loco omnes, sed pauca tantum proponuntur, exempli videlicet gratia: ac primum velut ex contractu hæ tres, de constituta pecunia, de peculio, ex iurejurando.

Cui similis videbatur receptitia] Actioni de pecunia constituta similis fuit vetus actio receptitia, sic dicta à verbo *reipere*, quod inter alia significat in se aliquid suscipere & polliceri: nam passim apud Classicos auctores invenies, *reipere in se, ad se*, & simpliciter *reipere*, dictum pro aliquid facturum promittere; & videtur maiorem etiam vim hoc verbum habuisse, quam *promittere* Cicero Licinio Crasso; *Velim existimes, me ea, quæ tibi promitto, ac recipio, sanctissime esse observaturum*. Hæc autem receptitia actio tantum ad trapezitas sive mensarios aut argentarios pertinebat, apud quos, ut tum moris erat, pecuniæ & res civium Romanorum deponebantur. Itaque si mensarius extra stipulationem recepit, se certo die soluturum, quod hic vel ille apud se deposuisset, hoc conventionis genus receptum dicebatur, & actio, quæ ex ea re competeat, receptitia sive pecuniæ receptæ.

Nostra constitutio] Extat in *l. 2. C. de const. pec.* Quantum autem ex hac constitutione Justiniani intelligere licet, hæc inter actionem receptitiam & constitutoriam discrimina fuerunt: illa civilis erat, verbis solennibus composita, hæc prætoriam: illa tantum contra argentarios dabatur, hæc contra omnes, qui constituerent: in illam etiam veniebat, quod non erat debitum, in hanc non nisi debitum: illa in quibuscunque rebus, hæc in iis tantum, quæ pondere, numero, mensura constant, locum habebat, in quibus & consistebat mutuum. Cujus differentia hanc fuisse causam putat eruditissimus Salmasius *lib. de mod. usur. cap. 16.* quod olim mensarii auctionibus præerant, pretia rerum veaditarum colligebant, ac redigebant: apud eos cujusque generis res deponebantur, quia publicæ fidei erant quasi sequestres. Idcirco & promittebant, se soluturos aut reddituros pro aliis res quascunque mobiles vel immobiles. Cæterum Justinianus sublata receptitia, unam esse voluit actionem adversus omnes constituentes, & de omnibus rebus constitutis, eam, quæ de pecunia constituta appellatur, quod & ad agendum esset commodior, & verbum *pecunia* omnibus rebus conveniret, *l. pecunia 178. de verb. sign.*

Si quid plenius] Hoc tamen excepto, quod non constituitur, nisi debitum, etsi olim in receptitiam veniebat & quod non fuerat debitum, *d. l. 2. C. de const. pecun.*

Et alias complures] Cujusmodi sunt, quod iustus exercitoria, institutoria, tributoria, de in rem verso; quæ etiam explicantur *sic, proximo*.

T E X T U S.

De constituta pecunia.

10. De constituta autem pecunia cum omnibus agitur, quicumque vel pro se, vel pro alio soluturos se constituerint; nulla scilicet stipulatione interposita. Nam aliqui si stipulanti promiserint, jure civili teneantur.

COMMENTARIUS.

- 1 *Actionis de pecunia constituta introducta causa.*
- 2 *Singulare in hac actione.*
- 3 *Qui quibus ex causis hac actione teneantur.*
- 4 *Constituti & fidejussionis convenientia & dissimilitudo.*

ACTIO de pecunia constituta edicto prætoris introducta est ex hac causa, si quis nudo pacto constituerit, se soluturum, quod ante debitum fuit, *l. 1. §. 2. de const. pec. l. 2. C. eod.* Ex hac causa jure civili actio non competit: quippe quo jure ex nuda conventionione, quantumvis geminata aut obligationis antecedentis confirmandæ gratia interposita, actio non datur. Prætor autem constituta ex consensu facta custodienda putavit, motus naturali æquitate: quoniam ut Ulpianus ait *d. l. 1. in pr. grave est fidem fallere*. Grave scilicet in hac specie maxime, ubi quod jam ex aliqua præcedenti causa debetur, nova conventionione stabilietur ac confirmatur: nam nisi debitum sit, quod constituitur, prætor actionem non dat. Illud in hac actione, ut singulare observandum est, quod ea edicto proponitur non statim, sed sub conditione, si appareat, eum, qui constituit, neque solvere, neque fecisse, neque per actorem stetisse, quominus fieret, quod constitutum est, *l. si duo 16. §. 1. & seq. 6. sed & si 17. & l. seq. de pec. const.* Ex quo simul intelligimus non amitti actionem actori, si moram fecerit in accipiendo; quod ratio juris civilis non patitur; sed ei ab initio nec datam videri, si per eum steterit constituti die, quominus oblatum acciperet. Nimirum prætori novam actionem præter regulam juris inducenti visum est, eam sic proponere, ut quam mitissime cum reo ageretur, & quæcunque culpa posset actori in accipiendo objici, ne actio daretur.

Pro se vel pro alio] Is solus actione constitutæ pecuniæ tenetur, qui quod ante debitum fuit, consti-

suit, l. 1. §. 1. & passim deinceps, l. 5. §. 2. l. item illa 18. §. 1. hoc tit. de pec. const. A quo autem debitum sit, utrum ab eo, qui constituit, an ab alio, nihil interest, d. l. 1. §. 2. l. 2. C. cod. Sed nec illud refert, qua ex causa, quove jure debitum sit, dum aut utiliter peti possit, aut naturaliter debeatur, l. 1. §. debitum 6. C. deinceps, l. 3. §. 1. cod. Hoc amplius, etsi quis constituit aliis, quam creditoribus, modo pecunia debita sit, valebit constitutum; nihil enim prætor adjecit, d. l. 1. §. 2. Postremo & aliud, quam quod debetur, constitui potest, & quod debetur, constitui citiore die, aut alio loco, quam quo dari oportet, d. l. 1. §. an potest 5. l. 4. l. 5. in pr. cod. Id quod sub conditione debetur, sive pure sive in diem constituatur, eadem conditione suspenditur, ut existente conditione valeat, deficiente utrumque pereat. Sed is, qui pure debet, si sub conditione constituit, in hunc esse utilem, id est, efficacem, actionem, Pomponius censuit, l. id quod 19. pr. C. §. 1. cod.

Nulla stipulatione interposita] Actioni constitutorie tunc locus est, cum quis nudo pacto se soluturum constituit. Nam si stipulatio intervenierit, actio honoraria non desideratur, cum sit civilis ex stipulatu. Illud sciendum est, constitutum priorem obligationem non innovare, sed ei accedere, eumque etiam, pro quo alius constituit, adhuc obligatum manere, l. ubi quis 28. cod. Quæ species constituti multa habet cum fidejussione communia. Veluti quod liberato priore seu principali debitore, liberetur & pecuniarum constitutæ reus, l. in omnibus 43. de solut. quod ei beneficium ordinis & excussionis non minus, quam fidejussori tributum est. Nov. 4. cap. 1. & si plures sint pecuniarum pro alio constitutæ rei, quod his etiam competit beneficium divisionis, l. ult. C. hoc tit. Ceterum & in multis discrepant: nam constitutum nudo pacto perficitur, fidejussio stipulationem requirit; constitui potest etiam aliud, quam quod debetur, & alii, quam creditori; & quod ultiore die debetur, constitui citiore. Quorum nihil admittit fidejussio, ut docuimus sup. de fidejuss. sub §. fidejussores 5. quo loco etiam monuimus, hodiernis moribus constitutum à fidejussione vix discerni posse, sublata videlicet pacti & stipulationis differentia. Olim quoque apud Græcos, qui stipulationum firmamenta pactioibus suis non adhibeant, nullum hac in parte discrimen fuit inter *ἀποχρηστὸν* & *ὑποθήκην* communem.

TEXTUS.

De peculio.

II. Actiones autem de peculio ideo adversus patrem dominumve comparavit prætor, quia licet ex contractu filiorum

servorumve ipso jure non teneantur, æquum tamen est, peculio tenus (quod veluti patrimonium est filiorum filiarumque, item servorum) condemnari eos.

NOTÆ.

IPSO JURE NON TENEANTUR] Filiusfam. patrem civiliter non obligat, nec servus domanium, l. 8. de resc. vend. l. 8. §. ult. de accept.

VELUTI PATRIMONIUM] l. 32. in fin. pr. de pecul. Peculium autem filiisfam. hic profectitium tantum accipimus, l. 18. in fin. de cast. pec. l. 6. C. de ben. qua lib.

COMMENTARIUS.

- 1 Causa introducenda actionis de peculio.
- 2 Hanc actionem non in rem, sed in personam esse.
- 3 An actio de peculio, qua adversus patrem datur, specie differat ab ea, qua tenetur filius.
- 4 Cujus peculii nomine pater ex contractu filii recte conveniatur.
- 5 Actione de peculio non consumitur obligationem, qua cum filio aut servo contracta.
- 6 Ex delictis actionem de peculio non dari.
- 7 Causa, ex quibus servus dominum, filius patrem de peculio non obligant.

ETiam actiones, quæ de peculio ex contractu filiisfam. aut servi adversus patrem aut dominum dantur, sunt actiones in personam prætorie. Nam jure civili nemo ex alterius contractu obligatur, l. 1. C. ne ux. pro marit. l. 1. C. ne fil. pro patr. l. pen. C. quod cum eo qui in al. pot. Sed prætori æquum visum est, ex contractu servi aut filii patrem & dominum, ad quos emolumentum contractus pertinet, saltem hætenus obligari, quatenus causa contrahendi, id est, peculium, filio aut servo concessum pateretur: ne scilicet qui bona fide cum servis & filiis contraherent, quos peculium habere scirent, circumvenirentur. Nam pater & dominus hoc ipso quod peculium filiis & servis concedunt, de eo se tacite obligare videntur, & simul servo & filio etiam jus contrahendi pro modo & quantitate peculii concedere, argum. l. 1. §. item 5. de acquir. poss. l. 1. si à par. quis man. ut proinde qui cum servo aut filio contrahit, etiam domini & patris personam spectare, & eorum quoque fidem quodammodo sequi videatur. Porro ut hic locus ostendit, actio de peculio non est actio in rem, sed in personam. Quippe quæ non nascitur ex ullo jure, quod quis in re habet, sed ex obligatione, uti passim legimus.

legimus dominum & patrem de peculio obligari. Obligantur autem non ex persona, sed ex persona servorum & filiorum, propter eam causam, quam modo allegavimus. Plane in hoc actio de peculio naturam actionem in rem imitatur, quod peculium ea sequitur, veluti si servus cum peculio alienatus sit, *l. & ancillarum 27. §. 2. de pecul.* actionis enim in personam natura hæc est, ut semper adversus eundem locum habeat, *l. actionum 29. de obl. & act.* Ceterum hoc ideo placuit, quia pater peculium dominum teneri voluit, & tantum peculio tenus.

Actioes] utitur numero multitudinis, quia tot sunt actiones de peculio, quot sunt rationes contrahendi, ut actio ex empto de peculio, ex vendito de peculio, mandati, commodati, depositi, &c. de peculio.
 3. *Quæsitum* autem est, an actio, quæ de peculio adversus patrem datur, sit diversa ab ea, quæ contra filium competit, ut quemadmodum duo hic sunt debitores, *l. si quis 44. de pecul.* ita & duæ sint distinctæ actiones; an vero una sit eademque actio. Et certum est, numero quidem hæc actiones differre: at non videntur differre specie, sed actio de peculio cum altera illa esse eadem specie actio, novam saltem qualitatem habens. Etenim actio de peculio non est propria aliqua actio, sed alterius actionis, puta mandati, depositi, ex empto, adjectio; prorsus ut actio noxalis non est propria actio, specie distincta ab ea, quæ directo ex delicto competit, sed tantum actionis ex delicto adjectio; quanquam novam habet qualitatem, *vid. inf. tit. 8.*

De peculio] Peculium servi simplex est & unius generis, totum in domini, a quo profectum est, potestate: unde & sine exceptione dominus de peculio tenetur. Peculium vero filisfam. multiplex & non unius naturæ. Genera ejus singula distincte exposita sunt *sub tit. 9. lib. 2.* Ex ea autem distinctione intelligere licet, patrem non de omni peculio recte conveniri, sed de profectio tantum, quod solum totum in potestate habet. Et quidem de castrensi aut quasi castrensi ideo pater non cogitur actionem de peculio pati, quia in hoc genere peculii pater jus nullum habet, sed ipse filius locum ac jus patrisfam. in eo obtinet, *l. ex castrensi 18. in fin. de cast. pecul. l. 30. C. cod. l. 2. de sen. Mac.* De peculio adventitio olim quidem similiter, ut de profectio in patrem actio comperebat: sed postquam Justinianus adventitii peculii proprietatem filio concessit, & pater tantum usufructuarius hujus peculii & legitimus administrator factus est, desinit ex contractu filii de hoc peculio conveniri posse, *l. 6. & l. ult. C. de bon. qual. lib.* multo minus igitur conveniri poterit eo casu, quo filius plenam peculii adventitii proprietatem habet. Costalius post *Barrol. in l. 1. de pecul. Christoph. Vol. 7. decif. 29. n. 2.*

Adversus patrem & dominum] Ita ut nihilominus salva maneat obligatio, quæ cum filio aut servo contracta est. Quæ res hanc vim habet, ut si cum patre actum sit, adhuc civilis actio contra filium supersit, *l. si quis 44. de pecul.* si cum domino, servus adhuc naturaliter obligatus maneat hoc effectu, ut & fidejussor ejus obligationis accipi possit, & pecunia à manumisso soluta non repetatur, *l. eo tempore 50. §. 2. cod. l. 14. de obl. & act.* Itaque quod dicitur, in *dict. l. si quis*, eum qui cum filiofa. contrahit, duos habere debitores, filium in solidum, & patrem de peculio, idem de eo quoque, qui cum servo contrahit, dici potest, nimirum etiam hunc duos habere debitores, dominum de peculio, servum in solidum: sed hoc interest, quod cum filio etiam agi potest, cum servo non potest: quæ de causa Jurisconsultus in *d. l. si quis*, filisfam. tantum meminit. Illud per se planum est, pro eo, quod actor à patre aut domino actione de peculio consecutus est, minui filii & servi obligationem: ut & illud, si filius conventus pecunia alicunde quæsitæ solverit, etiam patrem liberari.

Ex contractu] Additum hoc consulto ad remota maleficia & quasi maleficia: nam ex delictis causisque poenalibus actio de peculio non datur, *l. 1. §. si filiusfam. 7. de his qui de jec. l. ex poenalis 58. de reg. jur.* Cui non obstat, quod filio ex poenali causa convento & in certam summam condemnato, pater tenetur actione judicati de peculio. Nam hic pater non convenitur ex delicto filii, sed velut ex contractu. Quippe etiam iudicio cum filio contrahitur, sicut stipulatione, *l. 3. §. idem scribit 11. de pecul.* Sed nec ulla alia actione ex delicto filii pater conveniri potest: dominus autem ex delicto servi alia tenetur, nempe actione noxali, *inf. tit. 8.* Cæterum verbo contractus & quasi contractum hic intelligere debemus, puta tutelam, negotia à filiofam. aut servo gesta, quorum nomine etiam de peculio adversus patrem & dominum actio est, *l. ex facto 51. de pecul. l. 14. de neg. gest. l. ex contractibus 49. de obl. & act. l. 1. C. quod cum eo.* Neque hoc novum est, ut quasi contractus absolute contractus vocetur, *l. sed & cum 16. de neg. gest. l. ult. in quib. ca. pign. tac. d. l. ex contractibus, de obl. & act.* Illud obiter notandum, esse quosdam contractus & causas, ex quibus servus & filiusfam. dominum aut patrem de peculio non obligant. Dominum placet non teneri ex his quatuor; si servus fidejusserit; si liberum se mentitus judiciam suscepit; si compromiserit; si jusjurandum detulerit, *l. 3. §. si filiusfam. 5. & §. si servus 8. cum seq. l. 5. §. 2. de pecul.* Pater autem ex una tantum causa non tenetur, nempe si filius mutuam pecuniam acceperit; idque propter Senatusconsultum Macedonianum, quod vetuit, ex hac causa actionem aut in fili-

um aut in patrem dari. De quo plucula suo loco in fin. sit. seq.

Ipso jure] Ipso jure idem hic valet, quod jure civili, uti & in §. 1. inf. de perp. & temp. act. l. 9. §. 1. usufr. quemad. cau. l. 1. §. ult. de superfic. Hæc igitur hujus loci sententia est, ideo actionem de peculio ex contractu filiorum & servorum adversus patrem & dominum comparatam à prætorè, quia hi non teneantur eo nomine jure civili, & tamen æquum sit teneri eos peculiotenus. Potest & locus sic explicari, ut ipso jure dictum intelligamus pro mera & stricta juris ratione.

Quod veluti patrimonium] Hæc ratio non concludit, nisi factum patris & domini simul respicias, qui peculium, ejusque ceu patrimonii cujusdam administrationem filius & servis concesserunt.

Condemnari eos] Deducto tamen, quod iis naturaliter debetur, l. pen. C. quod cum eo, l. 5. §. ult. l. 9. §. 2. & 7. de pecul. ubi Ulpianus ait, peculium deducto eo, quod domino debetur, computandum esse; quia prævenisse dominus, & cum servo egisse videatur. Item si quid his debetur, qui sunt in ejus potestate. Actionis de peculio apud nos nullus usus est.

TEXTUS.

De actione in factum.

12. Item si quis postulante adversario juraverit, deberi sibi pecuniam, quam peteret, neque ei solvatur, justissime accomodat ei tal. m actionem, per quam non illud queritur, an ei pecunia debeat, sed an juraverit.

COMMENTARIUS.

- 1 Qualis sit actio, quæ ex jurejurando datur, non sane aliquam vetus.
- 2 In personam eam esse, quæcumque ex causa juratum sit.
- 3 De quo genere jurejurandi hic tractetur.
- 4 Quam ob causam hac actio à prætorè introducta, cuius adversus quem, quo effectus datur.

Inter actiones, quæ à prætorè proditæ in personam sunt, numerantur hoc loco & actio ex jurejurando. A prætorè hanc actionem introductam esse, non constitutam jure civili, apparet ex eo, quod jure civili nulli actio datur, nisi ei, cui quid debetur: nec satis est, in judicio dicere, sibi quid deberi, nisi & is, qui dicit, probet. Non probat autem qui jurat; utique non proprie & vere. Cur autem prætor hic actionem

constituerit, paulo post audiemus. In personam est, utpote proficiscens ex conventionione, l. qui jurasse 25. §. ult. de jurejur. Proinde talis etiam tunc, cum in actione in rem juratum est. Sed quoniam in universum parum liquet, qualis sit hæc actio, (nam & veterem hic actionem dari legimus, l. si duo 13. §. 3. & seqq. eod. l. 7. §. si petenti 7. de public. in rem act. & utilem interdum, l. sed si 11. §. ult. l. quod si 29. de jurejur. sæpe etiam & passim in factum) diligentius inquirendum est, quid de ea re habendum sit. Ego sic sentio, verbis hæc actiones distinguere; cæterum re ipsa unam tantum esse, eamque ex solo jurejurando nasci, certe una hac causa & defensione niti, quia juratum est. Porro hanc eandem modo in factum, modo utilem à Consultis vocari, modo sub appellatione veteris actionis intelligi. Dicitur actio in factum, qualis dari solet, cum dedi aut feci quid, ut visum dares aut faceres: juravi enim, te deferente, ea lege, ut dares aut faceres, quod peto, d. l. 11. §. 1. l. 8. C. eod. junct. l. 1. & 2. de præf. verb. Dicitur utilis, propterea quod cum conventio hic aperta non sit, non potuit dari ex jurejurando actio præscriptis verbis seu in factum civilis; sed datur in factum prætoriam, id est, utilis. Dicitur denique & vetus actio juranti dari, sed verbo magis, quam re; nimirum ob veterem causam, quam initio obtendere ad existimationem actoris non nihil pertinet. Cæterum revera novæ causæ intentione nititur, quæ non aliunde nascitur, quam ex jurejurando: quapropter etiam in hac solum consistit; ejus proprium est, ut non aliud quærat, quam an juratum sit, omiſſa quæſtione, an ex priorè causa debeatur, l. 5. §. 2. l. 9. §. 1. de jurejur. Et hoc est, quod Paulus scribit, in l. eum qui 30. eod. hoc iudicio, in quo de jurejurando agitur, non principalem causam exerceri, sed jusjurandum actoris conservari. Plane juramentum prælitum non impedit, quominus adhuc vetus actio intentari possit, d. l. eum qui, sed nemo, qui sapit; necessitati probandi ultro se subijcit. Oldend. class. 1. act. 9. in aff. rem. Don. c. 8. ad tit. de jurejur. Proficiscitur hæc actio ex conventionione, l. sed & si 25. & l. seq. in fin. eod. cui consequens est, in personam eam esse, non in rem, etiam tunc cum quis in actione in rem juravit, rem, quam petebat, suam esse. Nam cur hic quoque non sit actio in personam, cum sit pariter ex jurejurando, id est, ex conventionione, ejus generis actiones omnes in personam sunt, nulla in rem? Neque obstat, quod petitor, qui deſerente poſſeſſore juravit, rem suam esse, ex hac parte edicti agens, intendit, rem suam esse, ut juravit; quæ intentio est actionis in rem. Nichilominus enim in personam agere intelligitur hoc ipso, quod agit propter jusjurandum: ideoque & hic actio in factum dari dicitur, quæ utique in personam, l. 11. §. 1. eod. Denique illud constat, non dari eam ad-

versus

versus quoscunque possessores, ut natura est actionum in rem, sed adversus eum duntaxat, qui jusjurandum detulit, eosve, qui in locum ejus successerunt, l. 9. §. ult. & l. seq. eod. & ideo quamvis alii hic utilem in rem dari censent, per d. l. 11. §. ult. effectum tamen juris nihil interesse fatentur, in personam, an in rem hic agi dicamus. Donellus existimat, tractari solum hoc loco de jurejurando, quo res transigitur nulla interveniente sententia, & nimirum de jurejurando voluntario, quod iudicio nondum coepto seu ante litem contestatam ex conventionem auctori deferretur. Nam ibi sententia intervenit, actionem ex jurejurando non dari, sed locum esse actioni iudicati duntaxat; videlicet cum jusjurandum auctori deferretur post litem contestatam; si ve a reo approbante iudice, quod proprie vocatur iudiciale; si ve a iudice in causa dubia, & laborante inopia probationum, etiam reo invito, secundum l. admonendi 31. de jurejur. l. 3. C. eod. quod jurisjurandi genus dicitur necessarium. His enim casibus iudicem praestito jurejurando, quasi re satis probata, secundum eum sententiam ferre, qui juravit, l. jusjurandum 24. §. ult. d. l. admonendi eod. De jurejurando necessario assentior: quippe quod in eum finem, ut inde actio nascatur, non deferretur: ceterum iudiciale etiam huc pertinet arbitror, atque ex eo quoque actionem dari, licet sententia secuta sit; scilicet praeter actionem iudicati. Nam non est novum, ut ad idem obtinendum plures actiones dentur. Itaque non obstat l. 34. §. ult. de jurejur. & omnino ex iudiciali etiam actionem dari, evincitur ex l. 8. C. de reb. cred. l. 2. pr. & l. 1. §. ult. l. 30. §. 3. de jurejur. Atque in d. l. 34. §. 7. eod. petitori, cui relatum est jusjurandum, si jurare recuset, denegatur actio. Ubi de jurejurando iudiciali agi, arguit relatio, cui in voluntario non est locus, l. 17. pr. eod. Os & al. l. Hiling. in Don. lib. 24. C. 18. E. Mudam ad hunc §. m. 3.

Postulante adversario] Id est, conditione jurandi ab adversario delata. Nam si quis juret, nemine ei jusjurandum deferente, praetor id jusjurandum non tueretur, quasi sibi juraverit. Et alioqui facillimus quisque ad jusjurandum decurrens oneribus probationum se liberaret, l. 3. de jurejur.

Juraverit] Aut cum jurare paratus esset, remissum ei fuerit jusjurandum. Nam remissi eadem vis, quae praestiti, l. 1. §. ult. l. 9. §. 3. eod. l. 1. l. 8. Cod. eodem. Remittit autem, qui deferente se, eum paratus esset adversarius jurare, gratiam ei fecit, contentus voluntate suscepti jurisjurandi, l. 6. eod.

Justissime accommodat ei talem actionem] Justissimum ideo, quia ad religionem jurisjurandi accedit deferentis conventio & consensus, qui dum jusjurandum auctori deferret, hoc dicere videtur, si auctor juraverit, paratum se stare iurijurando, id est, praestare

quod petitur. Hinc illa, jusjurandum servari propter religionem & conventionem, l. sed & si 25. & l. seq. §. ult. eod. item speciem transactionis continere, l. 2. eod. id est, jurejurando negotium quasi transigendo inter litigatores decidi, l. admonendi 31. eod. l. quod si 21. de dol. Accedit ad conventionem & utilitas publica, quo scilicet major sit facultas litium expediendarum, l. 1. eod. Constituta est igitur actio ei, qui juravit, quid sibi deberi, aut suum esse, adversus eum, qui jusjurandum detulit: & constituta optimo jure. Sicut autem auctori juranti actio ex jurejurando jure praetorio competit, ita ex contrario, si auctore deferente juraverit reus se nihil debere, datur reo jurisjurandi exceptio: de qua inf. sub tit. de except. §. 4.

Sed an juraverit] *διὰ τὸ οὐκ ἔχειν τὴν ἀπόκ.* Data igitur jurejurando vel remissa non aliud quaeritur, quam, an juratum sit, an parato jurare jusjurandum remissum, insuper habita quaestione, an debeatur; quasi id satis probatum sit jurejurando, d. l. 5. §. 2. l. 2. §. 1. eod. l. post rem 56. de re judic. l. si quis 11. in fin. C. de jur. ubi ejus rei haec ratio redditur, ne repetita litem finis negotii alterius causae fiat exordium. Et omnino qui adversarium jurare patitur, iis omnibus allegationibus renuntiasse intelligitur, quae ante jusjurandum praestitum obijci, jurisque jurandi praestationem impedire aut remorari potuissent. Utique tamen salvae manent exceptiones omnes, quae etiam in causa iudicati obijci potuissent, l. cum qui 30. §. ult. eod. Ant. Fab. C. suo, eod. tit. de fin. 11. An jusjurandum praetextu aliquo, si ve inventionis novorum instrumentorum, si ve perjurii, tractari queat, & num poena aliqua pejeranti legibus civilibus constituta sit, disputare non est hujus loci. Consulantur DD. in l. 1. l. 2. & l. ult. C. de reb. cred. & jurejur.

TEXTUS.

De actionibus poenalis.

13. Poenales quoque actiones praetor pene multas ex sua jurisdictione introduxit: veluti adversus eum, qui quid ex albo ejus corrupisset: & in eum, qui patronum vel parentem in jus vocasset, cum id non impetrasset: item adversus eum, qui vi exemerit eum, qui in jus vocaretur, cujusve dolo alius exemerit: & alias innumerabiles.

NOTAE.

13. QUI QUID EX ALBO] In eum, qui album praetoris jurisdictionis perpetuae causa propositum

corrupti, iudicium popolare 50. aureorum datur. In Pand. Flor. legitur 500. aureorum, l. 7. de iurisd. Prætorum edicta in tabulis dealbatis conscripta proponebantur, ut unicuique legendi potestas esset.

CUM ID NON IMPETRASSET] l. 4. §. 1. & deinceps l. 5. cum 3. seqq. de in ius voc. inque eum quinquaginta quoque aureorum iudicium datur, l. pen. & ult. eod.

QUI VI EXEMERIT] Adversus hunc datur actio in id, quanti ea res erit ab actore æstimata, l. 1. l. pen. & pass. ne quis eum, qui in ius voc. &c.

COMMENTARIUS.

- 1 Quale iudicium edicto constitutum in eum, qui album corrupti: & quid hoc loco sit album.
- 2 Quid edictum perpetuum, quid temporale: & cur illud corrumpens actione populari teneatur: non item, qui hoc: & utrum pœna fisco applicetur, an litem occupanti.
- 3 Qui in totum, & qui sine venia in ius vocari edicto prohibeantur: qui sine venia vocatis, qua actione teneatur.
- 4 Quæ causa prætorē moverit, ut patronum & parentem nisi venia impetrata vocari noluerit: problematicæ.
- 5 Mores hodierni circa utramque partem edicti, & circa alteram interpretum extensio.
- 6 Quale iudicium constitutum in eum, qui in ius vocatum vi exemerit. Hodie vix huic locum esse.
- 7 Recensentur pleraque alia actiones prætorie penales.

HABUIMUS exempla quædam prætoriarum in personam actionum, quæ velut ex contractu ac negotio gesto proficiscuntur, reique persecutionem continent. Sequuntur nunc exempla aliquot earum, quæ quidem & ipsæ prætorie sunt & personales, sed ex delicto veniunt, & pœnæ persecutionem habent; ut actio de albo corrupto, de patrono aut parente sine venia in ius vocato, de in ius vocato vi exempto.

Pœne multarum] Pro pœne videtur legendum bene, id est, valde: nam bene particula veteribus sæpe est augmentum, ut bene doctus, bene magnus, bene longus. Cicero lib. 2. de Orat. Habetis sermonem bene longum. Idem in Rull. Adolescens non minus bene numeratus, quam capillarius. Oppius lib. 5. Cum bene magnam multitudinem telorum iniecerint. Et mox; cum bene magnam partem muri consum-
fissent.

- 1 Qui quid ex albo] Exemplum primum actionum penaliū ex iurisdictione prætoris introductarum,

actio albi corrupti. In eum, qui album prætoris corrupti, iudicium popolare quinquaginta aureorum datur, l. 7. in pr. de iurisd. Codex Florentinus & nonnullæ antiquæ editiones habent, quingentorum aureorum. Quod D. Cujacio lib. 10. obs. 10. & quibusdam aliis magis probatur, propter gravitatem delicti. Quamquam vix est, ut tantæ pecuniæ pœna conveniat iudiciis popularibus. Hodie pro arbitrio iudicis multari solet. Busf. add. l. 7. Album hoc loco significat tabulam gypsatam, in qua edictum per scriptum proponebatur palam, ut unicuique legendi potestas esset. Cum autem duplex edictum sit; unum perpetuum, quod per universum prætoris imperium permanet, & in omnibus obtinet causis; alterum temporale & paucorum dierum, quod ad causas singulas & oborta negotia accommodatur; quale est citatorium & peremptorium: l. ad peremptorium 68. cum 11. seqq. de iudic. sciendum est, pœnale hoc iudicium constitutum adversus eos tantum, qui quod jurisdictionis perpetuæ causa propositum est, corru-
perunt; non in eos, qui quid corrumperunt ex edicto temporali, quod prout res incidit proponitur; d. l. 7. de iurisd. Illi auctoritatem magistratus violant, & ideo ipsam quodammodo tempus civisque universos lædere videtur: unde quoque est, quod hoc casu popolare iudicium prætor proposuit, id est, unicuique ex populo eo nomine actionem concessit, d. l. 7. Hi tantum privatos offendere intelliguntur, nimirum eos solos, quorum gratia edictum propositum erat: & proinde sufficit, hos ipsos injuriam sibi factam privata actione persequi posse. Dissent. Gomez. hic n. 15. cujus sententia praxi horum temporum magis convenire videtur. Ait, corrupisset, scilicet dolo malo: nam quod quis per imperitiam, rusticitatem, aut casu fecit, ad hoc edictum non pertinet, d. l. 7. in pr. & §. doli. 4. Tenetur vero hoc edicto non tantum qui corrupti, sed etiam qui sustulit, aut corrumpi tolli mandavit, d. l. 7. §. ultim. Quæritur autem, cum actio ex hoc edicto popularis sit, utrum pœna fisco applicanda, an privato litem occupanti. Sed verius est, litem occupantis lucto eam cedere. Per l. 12. de verb. sign. & ita post DD. comment. Gomez. hic n. 29. Schneid. n. 28.

Qui patronum vel parentem in ius vocasset.] Alterum exemplum actionis prætorie pœnalis de patrono aut parente sine venia in ius vocato. Quædam personæ sunt, quæ in totum in ius vocari prohibentur; quædam quæ vocari prohibentur sine venia prætoris. In totum vocari prohibentur magistratus, qui imperium habent; item omnes, qui necessaria aliqua occupatione, sive privata, sive publica aut religiosa, distinentur, l. 2. cum 2. 11. seqq. de in ius voc. sed hæc prohibitio temporalis est, finitoque magistratu aut negotio expirat. Sine permissu suo præ-
tor

et vocari prohibet parentum, patronum, patronam, liberos, parentes patroni, patronæ: atque in eum, qui adversus hanc partem edicti fecerit, pœnale judicium quinquaginta aureorum parenti, patrono, &c. constituit, *l. 4. cum aliquot seqq. l. pen. & ult. d. tit. l. 1. 2.*

4. *3. c. cod.* Causam huic edicto dedisse existimant veterem judiciorum Romanorum morem: sic enim jus fuisse olim, ut qui in jus vocabantur, inviti cogentur ire, alioqui vi adhibita & injecta manu reluctantes in jus trahere liceret: quod filio in patrem, liberto in patronum sine veniæ petitione permittendum non fuerit, ita fere *Duar. l. 1. disp. 1. 1. Rædar. cap. 5. ad l. 12. rabb. Cujas. 10. obs. 10. Hotom. Don. Vult. ad hunc §.* qui omnes pro certo tradunt, jure Romano veteri vocationem in jus fieri solitam fuisse non tantum sine ullo apparitore, præceptove judicis, sed passim etiam liquisse adversario vocatum, ni confestim iret, vocantemque sequeretur, aut satis vel cautum daret, se certo die affuturum, testibus adhibitis ducere, trahere, obortoque, ut loquuntur, collo in jus rapere. Sunt tamen, quamvis pauci, qui adduci non possunt, ut credant, violentiam illam ductionem simpliciter & in quosvis permissam fuisse. Quid enim ajunt, tam alienum à disceptationibus civilibus, quam judiciorum omnium exordium fieri ab impressione & violentia? Nec vero illa, quæ sunt apud Comicos, *In jus ambula*; Item *In jus eamus*; & apud Plinium Paneg. *In jus veni: sequere ad tribunal.* Manus arguere injectionem. Illa quidem arguere, quæ legimus in *Eunucho*; *In jus ducio.* In *Anularia.* *Ad prætorem terapiam.* In *Rudent.* *Rapio oborto collo.* Item apud Horatium *1. satyr. 9. Rapio in jus.* Sed Horatium aperte loqui de vadimonii defertore: Comicos autem fere agere de lenonibus; quod genus hominum contemptum & vilissimum habebatur. In hujus tantum generis homines, aut ejusdem vilitatis, in desertores vadimonii, aut latitantes, si in publico occurrissent, violentiam istam impune exercere potuissent. Non ob stare huic sententiæ edictum, *Ne quis eum, qui in jus vocabitur, veximet.* Nam & eum, qui sequitur, aut sequi paratus est, vi eximi posse, ne eat. Nec verbum *Ducere*, quo utitur Jurisconsultus in *l. 5. §. 1. qui satisd. cog.* hoc enim de volentibus proprie dici; ut in illo Senecæ, *Fata volentem ducunt, nolentem trahunt.* Quod autem parentes & patroni sine permisso patris à liberis & libertis in jus vocari vetantur, id non hanc habere rationem, quod vetus in jus vocatio vim adjunctam habuit, vocatusque, si ire recusaret, manu injecta trahi potuit; quod filio & liberto sine veniâ permittendum non fuerit, propter reverentiam parenti & patrono debitam: sed quia hoc ipso, quod filius patri, libertus patrono diem dicunt, propriaque auctoritate eos in jus ire jubent, contra reverentiam

& pietatem faciunt. Et quis denique, ajunt, non indignetur, qui audiat, facinus tam indignum à prætorē permitti, ut filius patrem, libertus patronū manu injecta in jus rapiat? aut quomodo filius aut libertus id citra impietatem petere possunt? His ergo rationibus moti existimant, edictum de in jus vocando pertinere non ad violentam aliquam raptionem, sed ad simplicem vocationem ac denuntiationem; raptionisque violentiam non in quosvis cives, sed tantum in personas viles, & desertores vadimonii exercitam fuisse. Sententia est D. Joan. Vaudi *lib. 2. quæst. 26.* & Bachovii *ad tit. de in jus Voc. eamque juvare videtur textus in l. 11. l. 16. l. 18. & seq. l. 21. d. tit. l. 2. §. 1. si quis in jus Voc. non ser.* ubi Paulus scribit, eum, qui in jus vocatus non irit, à competente iudice multari; & si actoris nihil interest, adversarium suo tempore venisse, pœnam à prætorē remitti. In his regionibus ea pars edicti, quæ est de magistratibus in jus non vocandis, non observatur: sed possunt magistratus, omnesque, qui publico aliquo munere funguntur, æque ac quivis privatus in jus vocari, *art. instruct. Cur. Holl. §. 12. & 38. Buf. Mornac. & Autumn. ad l. 2. de in jus Voc. Zypa. not. jur. Belg. cod. vers. magistratus.* Caterum in causis, quæ ad officium eorum pertinent, ratio citandi nonnihil diversa. De qua vide *Merul. lib. 4. disp. 4. sect. 1. tit. 3. cap. 4.* Altera vero pars de parentibus sine venia non vocandis etiamnum hodie obtinet, quamvis ex auctoritate & jussu magistratus per apparitores viatoresve vocatio nunc peragatur. Dixi, jussu magistratus: nam etsi apud nos in inferioribus tribunalibus apparitores sive nuntii nullo speciali iudicis mandato interveniente, nec libello supplicis exhibito, (uti fit in Provinciali & suprema Curia) ad solam petitionem actoris vocationem exequantur: id tamen faciunt, quasi ex tacito & generali magistratus mandato, *Gudelin. lib. 4. de jur. no. off. cap. 5. Merul. d. sect. 1. t. 4. cap. 12. Christin. Sol. 2. decis. 154. Perez. C. de in jus Voc. n. 3.* Enimvero venia in prima instantia semel impetrata, eam repetere in secunda non est necesse. Interpretes hanc edicti partem etiam ad alias personas extendunt. 1. At parentes spirituales, quos vocant, id est, eos, qui agere volentem de sacro fonte Baptismatis levaverunt. *Alex. Castr. & alii in l. generaliter 13. de in jus Voc. Schneid. post Angel. Jus. hic. num. 42. Christin. Sol. 2. decis. 90. num. 7.* quod mihi videtur superstitionem sapere. 2. Ad socrum, socrum, vitricum, novercam, qui jure nostro parentem loco sunt genero, nurui, privigno, privignæ. *DD. commun. d. l. generaliter.* Fulgosus tamen & post eum *Alex. de loc. de vitrico & noverca dissentiant;* & D. Merula *d. sect. 1. tit. 4. cap. 12.* tradit, more nostri fori vitricum & novercam posse sine venia in jus vocari. Videndum an non probanda sit

distinctio Jasonis hic n. 75. inter affinitatem durantem & dissolutam, cum D. Diod. Tuldeno *comm. ad tit. de pen. tem. litig. infra cap. 5. 3.* Ad præceptorem, quia & hic discipulo suo parentis loco sit. *Memoch. 2. arb. jud. quæst. ult. Alciat. in l. 1. C. de in jus soc. num. 8.* Verum alii hoc improbant. *Duar. cap. 4. de in jus soc. Jaf. hic n. 78. Alex. in d. l. generaliter.* Plerique tamen horum distinguunt inter citationem verbalem & realem, ut in illa venia impetratione non sit opus, in hac contra. Sed hoc admisso, præceptorem verbaliter sine venia citari posse, fatendum est, editum, secundum verum ejus sensum, de quo supra, ad præceptorem non pertinere. Quod si secundum mores hodiernos de reali citatione disputemus, quæ in causis civilibus rarissime locum habet, & non nisi ad commissionem judicis fieri potest, tanto minus hodie ista distinctio utemur, Considerandum vero, an inter ipsos præceptores non sit admittenda distinctio, separandusque à qualiqui præceptore operam leviter locante is, qui simul & educator, vitæque & morum formator sit, qualem veteres, teste Juvenale *satyr. 7. sancti volvere parentis esse loco. 4.* Ad universitatem & civitatem. Nam ex communi opinione non potest civis cujusque universitatis aut civitatis sine venia in jus vocare universitatem aut civitatem suam; quoniam non minus patriæ suæ quisque, quam parentibus, debet. *Grammat. conf. c. 40. Vis. opin. 119. lib. 2. Schneid. hic post Ang. Jaf. n. 44.* Contrarium tamen censuit aliquando Curia Mechlin. teste Christin. *Vol. 2. decis. 90. n. 8.* Postremo sunt, qui nec dominum feudi à vasallo sine permisso judicis impune in jus vocari posse contendunt: inter quos & Merula noster *d. c. 12.* Sed communis opinio contrarium tenet. *Mysf. 4. obs. 92. Gail. de pignor. c. 15. n. 6. D. Præf. Eserb. in locis legal. à liberto ad Vasall. in fin. Schneid. hic n. 45. Grot. 2. manuduct. cap. 41. in calce.* Plane, si dominus feudi simul sit & dominus territorii, non poterit à vasallo sine venia vocari, non quia vasallus, sed quia subditus, cui utique dominum eundemque Principem suum in jus vocare sine petitione veniæ licere non debet. *Gail. d. cap. 15. Rol. à Vall. conf. 18. lib. 2. Alciat. ad l. 2. C. de in jus soc. Arnold. de Reyg. in addit. ad d. obser. Mysf. 92.*

6 *Qui si exemerit eum*] In eum, qui vocatum in jus vi exemerit, cujusve dolo alius exemerit, pœnale iudicium à prætore constitutum est, l. 1. *C. pass. ne quis eum. &c.* Pœna autem longe alia est, quam superiorum; nam æque definita est, & admodum magna esse potest. Litis enim æstimationem cogitur exemptor solvere l. *pen. cod.* ubi Jurisconsultus ait, in eum, qui vi exemit, in factum iudicium dari; quo non id continetur, quod in veritate est, sed quanti ea res est ab actore æstimata, de qua controversia est.

Quod additum est, ut appareat, etiam si calumniator quis sit, tamen hanc pœnam eum persequi. His autem verbis non significatur, actorem in litem juraturum; sed eam rem æstimaturum, quam petebat: ut exemptor, etiam si res non deberetur, tamen ejus æstimationem solvat. Hodiernis moribus vix est ut huic iudicio sit locus.

Et alias innumerabiles] *Υπεβολικῶς*, pro multis & Variis: veluti contra eum, per quem factum erit, quo minus quis in jud. sistat; de dejectis vel effusis; de suspensis vel positis; contra nautas, caupones, stabularios; *sup. tit. prac.* contra calumniatores in quadruplum; §. 25. *inf. cod.* item contra mentis, *ff. si mensimod. &c.*

TEXTUS.

De præjudicialibus actionibus.

14. *Præjudiciales actiones, in rem esse videntur: quales sunt, per quas quaritur, an aliquis liber, an libertus sit, vel servus, vel de partu agnoscendo. Ex quibus ferre una illa legitimam causam habet, per quam quaritur, an aliquis liber sit: ceteræ ex ipsius prætoris jurisdictione substantiam capiunt.*

NOTÆ.

14. *PRAEJUDICIALES ACTIONES*] Præjudicia sive actiones præjudiciales recte definiuntur à Th. formula sola intentione constantes, quæ condemnationem non habent. Nihil enim hic petitur restitui, sed tantum ut talis declaretur actor, qualem se esse contendit.

UNA LEGITIMAM CAUSAM] Utpote quæ ex lege 12. tabb. descendit, l. 2. §. 24. *de orig. jur.*

CAETERAE EX IPSIUS PRAETORIS] De partu tamen agnoscendo quædam, cauta sunt SCtis. l. 1. l. 3. §. 1. *de lib. agnos.*

COMMENTARIUS.

- 1 *Præjudicialium actionum definitio: earum genera & unde sic appellantur.*
- 2 *Cur actionibus in rem annumerentur.*
- 3 *De libertate inter quos agatur.*
- 4 *Inter quos vertatur quaestio de ingenuitate.*
- 5 *Actio de partu agnoscendo, cui adversum quem quo effectu detur.*
- 6 *Actio de jure familia inter patrem & filium.*
- 7 *Quid hac differat ab illa de parte agnoscendo.*

Duo.

DUobus generibus actionum constitutis, uno in rem, altero in personam, eorumque causis, quantum instituto convenire visum est, expositis occurrit Imperator tacitæ objectioni, quæ effici videtur deesse aliquid superiori divisioni, ac proinde eam vitiosam esse. Objici enim potest, actiones præjudiciales utique etiam actiones esse, uti nominantur; has autem actiones divisione illa non contineri; quippe quæ neque in personam, neque in rem esse videantur. Non esse in personam, ex eo apparere, quia non dantur adversus eum, qui nobis obligatus est ad dandum aliquid vel faciendum; quod est proprium actionum in personam, *l. actionum 25. de oblig. & act.* Non in rem, ex eo, quia actione in rem id agitur, ut res nostra, quæ ab alio possidetur, nobis restituatur: nullam vero hujusmodi restitutionem peti aut fieri in actionibus præjudicialibus. Imperfectam igitur esse divisionem, quæ hoc genus actionum non completatur. Hanc objectionem Justinianus tacite hic removet, docens, etiam actiones præjudiciales ad superiorem divisionem pertinere; & nimirum eas videri esse actiones in rem: quam rectè, videbimus inferius. Præjudiciales actiones sunt, quibus inter aliquos agitur de alterutrius statu, dum aut unus alterius statum oppugnans in eo aliquid juris sibi vendicat; aut alter adversus alterius oppugnationem statum suum sibi defendit. Omnis autem de statu controversia aut est de libertate, aut de ingenuitate, aut de jure familiæ: unde totidem quoque actionum præjudicialium genera: unum de libertate, in quo quaeritur, utrum quis liber sit, an servus: alterum de ingenuitate, in quo quaeritur, utrum quis liberus sit, an ingenuus: tertium jure familiæ, in quo quaeritur, utrum quis sit filius, an non sit: quæ generatim hic proposita sunt. Dicuntur hæ actiones præjudiciales, & uno verbo præjudicia, *l. quoties 18. de prob. l. ult. si ingen. esse dic. l. 3. §. 2. de agn. lib. l. 1 §. 2. de rei vind. l. actionis 37. de obl. & act.* ducto nomine non ex eo, quod aliis causis præjudicium quandoque adferant, aut quia harum judicium præcedere debeat: hoc enim commune est cum aliis multis actionibus, quæ tamen non dicuntur præjudiciales, uti videre est in *l. Papinianus §. §. pen. de inoff. test. l. per minores 4. de judic. l. fundum 16. l. fundi 18. l. rei 21. de except. l. 5. in fin. de hered. petit. l. ult. C. eod.* sed ex fine harum actionum proprio, quia etiam præjudicii aliis rebus faciendi causa ex professo instituantur, atque ut instituuntur, ita & sine exceptione omnibus faciunt, etiam inter alias personas, inter quas postea de eodem statu quaestio incidit, *l. antepen. de stat. hom.* quamvis aliàs res inter alios judicata aliis non noceat. Exempla habemus in *l. 1. §. ult. l. 2. l. 3. pr. de agnos. lib.* In his actionibus uterque & actor & reus esse potest: cæterum is actoris partes

sustinet, eique incumbit probatio, qui ad judicium provocavit, *l. generaliter. 12. de except. l. circa 14. de probat.*

In rem esse videntur] Actiones præjudiciales ex parte excellentiore non malè in rem esse dicuntur: quoniam his omnibus qui agit, aliquid suum vindicat & asserit; dominus servum suum in servitutem; servus libertatem; patronus jus patroni; liberus ingenuitatem; pater jus patris; filius jus filii. Sed non per omnia in rem sunt, ut illæ, quæ propriè ita dicuntur; & ideo ait, *videntur*. Nam ex duobus finibus, cæteris propositis, priorem tantum præ se ferunt; nempe ut talis declaretur actor, qualem se esse contendit. Nulla hic petitur restitutio, cujus condemnatio sequatur, ut sit in actionibus in rem propriè sic dictis, *l. 9. l. qui restitute. 68. de rei vind.* quod etiam intellexit Theophilus, cum præjudicium dicit esse formulam sola intentione constantem, quæ condemnationem non habeat. Cæterum statu adversarii sententia judicis semel constituto, actor præjudicium paratum habet, quo consequatur commoda, quæ ex statu nascuntur tribuunturq; domino, patrono, patri, filio: quæ commoda qualia sint, satis notum est. D. Herm. Vulteius *hic & discept. scholast. 3.* contendit, præjudiciales actiones, contra quam hic scriptum est, in personam esse, non in rem: sed argumentis parum solidis, & quæ vel mediocriter in jure versati facile confutare poterunt: qui volet, adeat D. Bachov. in *Trentl. vol. 2. disp. 26. thes. 4.* ubi ex professo Vultejum refellit.

An aliquis liber] Prima præjudicialis actio de libertate, quæ eadem & causa liberalis, & liberale judicium dicitur, *tit. x. & C. de lib. caus.* De libertate agitur inter duos, quorum unus eum, cum quo agit, servum suum esse dicit; alter contra servum se esse negans, liberum se esse contendit. In domino ultro agente actionem agnoscas confessoria similem; in servo in libertatem proclamante similem negatoria, *l. 7. §. ult. l. 10. de lib. caus.*

An liberus sit] Secunda actio præjudicialis, in qua quaestio ingenuitatis vertitur. De ingenuitate agitur inter eos, quorum unus alterum liberum suum esse dicit, seque ei patronum esse: alter se ejus liberum esse negat, seque aut ingenuum plane esse, aut ab eo, cum quo agitur, ingenuum esse contendit. Prior jus patronatus sibi vendicat actione velut confessoria; alter ingenuitatem negativa: atque alterutro agente præjudicium redditur, *l. circa. 14. l. quoties 18. de probat. l. ult. si ingen. esse dic.* Quaestum est, an contra vasallos nostri temporis, qui nolunt dominum recognoscere, utile hoc præjudicium detur. Negant 10. Fab. Zaf. Schneid. *hic n. 20. & DD. comm.* Alio autem pacto domino consuli a-

junt; quippe qui feudum, tanquam commissum, auferre potest.

De partu agnoscendo] Tertia præjudicialis, in qua quæritur de jure familia; non utique quolibet, sed de jure filii. Hujus generis duæ sunt species: una, quæ hic proponitur, de partu agnoscendo; qua agitur inter uxorem & maritum de partu mulieris agnoscendo pro partu legitimo, & eo, qui sit ex marito; quod cum quæritur, vi ipsa hoc quæritur, an partus sit filius & in potestate: altera, qua agitur in patrem & filium; in qua & ipsa idem illud quæritur, & apertè, an quis sit filius & in potestate, nec ne. De partu agnoscendo datur mulieri soluto matrimonio, contententi partum legitimum esse editumque ex eo, qui maritus fuit, adversus maritum partus controversiam facientem, sive quod neget uxorem suam fuisse, sive quod ex se prægnantem, *l. 1. §. quemadmodum 11. de agn. & alend. lib.* Itaque in hac controversia intendit mulier, se & uxorem, puta Lucii Titii, fuisse, & ex eo prægnantem: petit, ut ita pronuntietur, quo & maritus partum pro suo agnoscat, agnitum pro justo filio habere atque alere cogatur, *d. l. 1. §. pen. & ult.* Competit autem hæc de partu actio, sive post divortium partus edatur, sive constante adhuc matrimonio editus sit, *l. 2. §. 1. d. tit.* Sed etsi edatur post mortem mariti, de agnoscendo eo cum avo agi potest, *d. l. 3. §. 2.* Illud hic sciendum est, permitti mulieri, intra triginta dies post divortium denuntiare marito se ex illo prægnantem esse, *d. l. 1. §. 1.* qui si nec ipse, nec alius ejus nomine, responderit, non esse ex se prægnantem, etiam sine judicio partum agnoscere, & pro suo alere cogitur: quamquam non ideo partus illi filius & suus hæres efficitur, *d. l. 1. §. pena. 4. & §. antepen.* Quæ res facit, ut de eo judicio possit experiri, non quidem cum matre, sed cum filio. Altera ejusdem generis actio est, qua agitur inter duos, quorum unus se patrem dicit, alter negat: aut contra, unus se patrem negat, alter eum esse contendit. Pater si filium suum esse dicit, qui se filium ejus esse negat, agit præjudicio cum filio, ut is filius suus pronuntietur: quod præjudicium intelligit Ulpianus *l. 1. §. 2. de res vind.* Vice versa, si quis pro filio non agnoscat, qui se filium dicit, huic præjudicialis actio est adversus patrem, qua perat, ut talis pronuntietur, & pro tali agnoscat: quæ actio etiam matri pro filio datur, *l. 2. §. 1. de agnos. & alend. lib.* Sed & neganti aliquem filium suum esse aliquando actione opus est, ut id ita esse declaratur; vel uti cum partus ex uxore editus est, & cum illa denuntiasset se esse prægnantem, maritus non negavit. Hic enim etsi in re dubia partus pro filio habetur & alendus est, tamen non ideo filius efficitur & suus hæres, quod facit sententia pro partu lata, *d. l. 1. §. ult. de agnos. & alend. lib.* sed veritati adhuc locus superest & post-

quam verè constitit filium non esse, cessat exinde alendi necessitas, *d. l. 1. §. Julianus 12. & §. antepen.* Dubium vero non est, quin hic neganti actio in eam rem detur: & quæ datur, ipsa itidem sit præjudicialis, utpote quæ omnia habeat, quæ præjudicii propria esse diximus. Et ex diverso si quis pro filio habitus neget se filium esse, non est dubitandum, quin similiter illi actio in eam rem danda sit, sicut ei datur, qui se negat esse patrem, ne ea quæ sunt filii, præstare cogatur. Ex his intelligi potest, longè diversam esse hanc actionem à priori illa de partu agnoscendo. Nam hic inter patrem & filium controversia est; illic inter uxorem & maritum. Illa de partu soli matri adversus maritum datur, non marito adversus matrem. Hæc tam filio adversus patrem, quam patri adversus filium. Illa datur matri solum affirmanti partum justum esse, & mariti filium, neganti non item. Hæc sic patri datur adversus filium, ut detur & affirmanti filium suum esse eum, cum quo agitur, & contra etiam neganti: atque ex contrario filio quoque in utramque partem datur. Denique in hac non quæritur, an quis sit filius ex causa justæ partus; sed ex quavis causa, qua quis jure civili justus filius efficitur. Hoc præjudicium utiliter etiam fratribus aliisque cognatis dari, ut quis frater vel cognatus, vel de nobili familia pronuntietur, & consequenter nomen, arma & insignia familiae ferre; feudaque & alias successiones sperare possit, cum *Bart. Spec. Fas. Zas.* concludit *Schneid. hic n. 34.* Duo priora nobis incognita sunt, quia servos aut liberos non habemus.

Una legitimam causam habes] Ex præjudicialibus actionibus una illa, quæ liberalem causam continet, civilis est legitima; utpote quæ ex lege 12. tabularum haud dubie descendit, quamvis nonnulla etiam à prætore circa hoc judicium constituta sunt, ut patet ex inscriptionibus responsorum sub *tit. de lib. caus.* reliquæ ex jurisdictione prætoris veniunt: quædam tamen circa actionem de partu agnoscendo cauta sunt Senatusconsultis, *l. 1. l. 3. §. 1. de agnos. lib.*

TEXTUS.

An res sua condici possit.

14. Sic itaque discretis actionibus, certum est, non posse actorem suam rem ita ab aliquo petere, Si paret, eum dare oportere. Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut ejus fiat: nec res quæ jam actoris est, magis e-

jus fieri potest. Plane odio furum, quo magis pluribus actionibus teneantur, effectum est, ut extra pœnam dupli aut quadrupli, rei recipienda nomine fures etiam hac actione teneantur, Si appareat eos dare oportere : quamvis si adversus eos etiam hac in rem actio, per quam rem suam quis esse petit.

COMMENTARIUS.

- 1 *Vix esse, ut hodie perperam agere dicatur, qui rem suam sibi dari petit.*
- 2 *Difficile expeditu esse, quomodo furi res condici possit, seu cum eo sic agi, ut intendamus, eum rem nostram nobis dare debere.*
- 3 *Conditionem furtivam etiam in commodum domini introductam : & in quo istud commodum consistat.*

CONFIRMATA divisione actionum in rem & in personam, aliquid subjicit, quod ad vim divisionis pertinet; certè olim pertinuit, cum adhuc formulæ in usu essent. Didicimus, actione in rem sic quemque experiri, ut dicat, rem, quæ ab alio possidetur, suam esse; actione in personam ita, ut dicat, adversarium dare aut facere oportere, §. 1. *sup. cod.* quamquam quædam actiones personales sunt, quibus hæc formula propriè non conveniat, seu in quibus propriè nec dari nec fieri intendatur. Ex hac autem formularum oppositione inferit, non posse eum, qui rem suam ab aliquo petit, hac intentione uti, *Ajo, te mihi dare oportere* : propterea quod verbum *dare*, cuius alias latior significatio est, in hac formula significet, dominium transferre : & dari demum id intelligatur, quod ita datur, ut ejus, cui datur, fiat : quod autem alicujus est, id amplius ejus fieri non posse, §. *sed si rem 10. sup. de legat.* quo etiam pertinet, quod aibi traditur, licet ex pluribus causis idem nobis deberi possit, tamen ex pluribus causis idem non posse nostrum esse, l. 14. §. 2. *de exc. res jud. l. non uti 10. de reg. jur.* Sic item in stipulationibus verbum dandi strictè accipitur, l. *ubi autem 75. §. ult. de verb. oblig.* indeque est, quod nemo rem suam sibi dari utiliter stipulatur, l. *nemo § 2. d. tit. §. 2. sup. de iunt.*

1 *stip.* Cæterum hodie vix est, ut perperam agere dici possit, qui rem suam sibi dari petit, postquam formulis sublati visum est sufficere, actionem, modo aptam rei & negotio congruentem, verbis quibusvis commodis, & id, quod intenditur, utcumque exprimentibus, concipere, l. *un. C. de form. & imp. subj.*

maximè cum apud omnes auctores Latinos dare etiam pro restituere & tradere usurpetur. Et bene observavit D. Hotoman, id quod hic Justinianus tradit, ita in actione in rem formulam judicii concipi non posse, *Si paret, Lucium Titium dare oportere*, ad illorum temporum rationem referendum esse, quo formulæ adhuc in usu fuerunt, utpote descriptum ex commentariis veteris alicuius Jurisconsulti, add. *Præf. Everhard. cons. 47. n. 6. Greg. Tholosan. 43. syntagm. cap. 2. D. Talden. C. de form. & impetr. num. 2. Christin. vol. 2. decis. 146. Merul. lib. 4. dist. 4. sect. 3. tit. 1. cap. 2.* ubi tradit, libellos sive conclusiones nunc formari secundum morem & stylum cujusque curiæ aut fori, ubi lis est : secus conceptas ab auditoribus explodi, & à judice rejici solere. Formulæ conclusionum, apud nos usitatæ, in manibus omnium versantur, bonamque earum partem congestit D. Merula d. tit. c. 2. Plures auctor libri, cui titulus, *het nieu Verbeterde ende Vermeerderde Papegay.*

Plane odio furum] Exceptio superioris regulæ. Una in causa receptum est contra superiorem definitionem, ut quis rem suam ab aliquo petens hac formula judicii experiri possit, *si paret, eum dare oportere*; nempe in re furtiva adversus furem, l. 1. & *passim de cond. furt. Ulp. l. ult. in fin. usufr. qu. cau.* breviter regulam cum exceptione sic expressit; *nemo rem suam ipsi furi condicere potest.* Cur hoc in causa furtiva contra regulam receptum sit, docet hic Justinianus, nimirum propter odium furum, ut pluribus actionibus tenerentur. Illud autem vix est, ut expediti queat, quomodo furi res condici potest, id est, sic cum fure agi, ut intendamus, eum, quod nostrum est, dare nobis oportere? Utique eo sensu, quo verbum dare in formula proposita accipitur, nempe pro dominium transferre: fieri enim non magis hic potest, ut quod meum est, mihi detur & amplius meum fiat, aut ut dare vel dominium transferre possit, qui dominium non habet, quam si res condicatur alii & ex alia causa. Quomodo igitur fur, qui dominus non est, domino, cui soli conditionem furtivam competere constat, l. 1. *de cond. furt.* rem dare poterit? Quod si hoc impossibile est, uti profecto est, absurdissimum videtur, quod hic traditur, furem sic conveniri posse, ut dare jubeatur, & dominium rei, quod non habet, transferre in actorem, eundemque rei petitiæ dominum. Nodus hic indissolubilis est, nisi dicamus, in cæteris conditionibus verbum dandi propriè & strictè acceptum, eoque intellectam tantum domini translationem; in conditione autem furtiva idem verbum laxius & impropriè sumptum, ut eo vi ipsa significaretur rei restitutio: quod & gloss. hic innuit, & facit l. *scire 19. §. 1. de verb. oblig.* Cæteroquin non video, quæ ratio dari

dari possit, cur ex causa furtiva placeat eum rectè agere, qui rem suam sibi dari intendit; ex cæteris autem causis ita perperam agi. Plane furi non tantum ex causa furtiva, sed & ex aliis quoque causis res condici potest: quod interpretes vulgo sic exprimunt, ut dicant, conditiones omnes contra furem degenerare, *fac. l. ult. in fin. usufr. qu. cau. l. si urbanas. in fin. de cond. indeb. junct. l. 11. §. 1. eod. l. si procuratori 14. in fin. de cond. caus. dat. l. 6. §. pen. l. rerum 35. de act. rer. amot. Gomes. hic n. 28. post Accurs. Jo. Fab. Ange. Jaf. In eadem causa cum furibus sunt & scriptores cæterique violenti possessores; nam & ei, qui vi aliquem de fundo deiecit, fundus condici à domino potest, *l. 1. in fin. cum l. seq. de cond. trit. & 16. Donell.**

Quo magis pluribus actionibus] In hoc cernitur odium furum. Nam ut actori commodum est, plures habere actiones, ita incommodum reo pluribus actionibus conveniri posse, maximè si quarundam vi & potestate fortius & efficacius teneatur. Itaque etsi adversus furem præter actionem furti poenalem esset & in rem actio, per quam dominus rem sibi surreptam à possidente vindicari poterat intendendo rem suam esse: placuit tamen, adhuc aliam eamque commodiorem ac pleniorẽ adversus furem ejusque heredem domino dari, qua quidem & ipsa rem persequeretur, sed eam condicendo, id est, intendendo eam sibi dari oportere; quæ actio veteribus dicta est conditio furtiva, *§. ult. sup. de oblig. qua ex del. l. 1. & tot. tit. de cond. furt.* Commodum conditionis duplex. Primum in eo, quod etsi tam conditio hæc, quam rei vindicatio soli domino datur, tamen hoc interest, quod in vindicatione is, qui agit, probare debet se dominum esse; in conditione satis est, si se dominum esse dicat. Neque enim furi permittendum, ut referat quæstionem dominii. Sed & absurdum esset, ab eo, qui intendit, rem sibi dari oportere, quod facit, qui conditione experitur, probationem: dominii exigere. Quod autem soli domino conditio dari dicitur, id non alio pertinet, quam ut excludantur ii, quibus furti actio competit ob hoc solum, quod eorum interest, furtum factum non esse: in quo numero sunt commodatarius, conductor, creditor pigneratitius, *§. furti 13. cum seqq. sup. de obl. qua ex del.* Alterum positum in eo, quod rei vindicatio non nisi adversus possessorem cumve, qui dolo malo possidere desit, detur; conditio autem furtiva adversus furem competat, etiam si non possideat, nec dolo desierit possidere, *§. ult. sup. d. tit.* quamvis enim furtum sine dolo non committitur, potest tamen possessio rei furtivæ sine dolo, imo & sine culpa furis, amitti. Hinc porro est, quod conditio etiam re precepta locum habeat, nec rei interitu fur liberetur, *l. 8. l. ult. de cond.*

furt. l. 2. C. eod. & ibi post Bart. Baldum, Salicetum, Don. num. 19. Tulden. ad d. tit. C. num. 3. Christin. Vol. 3. decis. 12. num. 2. Nimirum ut ajunt Jurisconsulti in *d. l. 8. §. 1. & d. l. ult. de cond. furt.* fur perpetuo moram facere intelligitur: moræ autem hæc vis est, ut obligationem perpetuet, id est, efficiat ut debitor perinde perpetuo teneatur, atque si res adhuc extaret, *l. 8. de reb. cred. l. si sercum 91. §. sequitur 3. de verb. oblig.* Idem vero effectus moræ non est adversus possessorem, sed qui rem sine dolo possidere desit, ut maximè ei possit obijci culpa, quod monitus aliquando rem non restituerit, vindicatione non tenetur, *l. qui petitorio 36. de rei vind.* Plane mora judicialis etiam in vindicatione possessori nocet, puta si res possessa post litem contestatam perierit, sed ita si petitor rem acceptam distracturus fuerat, *l. item si 15. §. ult. d. tit.* alioqui placet etiam eum, qui post litem contestatam possessionem sine dolo aut culpa amisit, absolvendum esse, *l. fin. autem 27. §. 1. eod.* vide quæ nos *supr. ad §. 2. hujus tit.* Porro ex prædictis apparet conditionem furtivam non magis in odium furis, quam in favorem domini introductam esse.

TEXTUS.

De nominibus actionum.

15. Appellamus autem in rem quidem actiones, vindicationes: in personam vero actiones, quibus dare aut facere oportere intenditur, conditiones. Condicere enim est denuntiare, prisca lingua. Nunc vero abusive dicimus, conditionem, actionem in personam esse, qua actor intendit dari sibi oportere. Nulla enim hoc tempore eo nomine denuntiatio fit.

NOTÆ.

CONDITIONES] Quædam tamen actiones in personam hoc nomen sibi velut proprium fecerunt, *l. 36. hoc tit.* ut conditio certi, indebiti, sine causa, ob causam dati, triticaria, ex lege, &c.

CONDICERE EST DENUNTIARE] Donat. *ad Pherm. act. 1. scen. 2.* Festus, *Conditio in diem certam est ejus rei, qua agitur, denuntiatio.* Significat autem denuntiationem mutuam, seu utriusque litigantium: Condicere enim est simul dicere, & dicem in commune dicere, quo in judicium veniatur.

COMMENTARIUS.

1. Vindicare quid, lvs Sindiciarum: Sindicia, & alia.

2. Quid

- 2 *Quid veteribus sit condicere, & cur inde actio in personam dicta conditio.*
 3 *Pro veteri condictione quid postea institutum, & quid hodie.*

HAtenus in superiore divisione actionum in rem & in personam de re ipsa dixit, quæ his generibus continetur. Nunc admonet de nominibus ipsorum generum, ut si quando nomina in libris juris occurrant, ut passim, sciamus quæ species ex superioribus significetur, ad quas deinde jus de singulis ante traditum accomodemus. *Appellamus*, inquit, *in rem actiones vindicationes in personam vero condictiones*. Eadem sententia Ulpianus in *l. actionum 25. de obl. & act. actionum*, inquit, *duo genera sunt, in rem, qua dicitur vindicatio, & in personam, qua conditio appellatur*. Pertinet vero hoc ex æquo ad omnes utriusque generis species. Neque enim solum actio, qua rem domini nostri petimus, vindicatio dicitur; sed etiam illæ, quibus cætera in rem jura, veluti ususfructus, servitutes, pignora, persequimur, *l. 1. & passim si usufr. per. & 111. si serv. vind. l. ult. de pign. act. l. si fundus 16. §. in vindicatione de pign.* Et contra omnis in personam actio conditio dicitur: quanquam nonnullæ hujus generis hoc nomen sibi velut proprium fecerunt, *l. cessat. 36. de obl. & act.* ut conditio certi, indebiti, sine causa, ob causam dati, ex lege, &c.

Vindicationes] De origine hujus nominis non constat. Probabile quidem multis videtur, quod Hotoman. existimat, *vindico* verbum esse compositum à vim & dico, quemadmodum *judico*, auctore Varone *lib. 4. de ling. lat.* concretum ex jus & dico: nam olim in vindicationibus manus conferi & vim quandam adhiberi solitam, quam Cicero in *Orat. pro Cæcin.* quotidianam, A. Gell. *lib. 20. noct. 10.* festucariam appellat, quia festuca fieri solebat. Cæterum non sine causa de eo ambigitur, propter vindictæ verbum, quo etiam ultio significatur, & maxime, quia non vim dicere, sed vim facere dicimus. Sed non est, quod de ratione nominis laboremus, cum de significatione constet. Vindicare enim rem aliquam nihil aliud est, quam aliquid sibi asserere & suum esse dicere, sive id dominium sit aut aliud jus, sive possessio, quam in re habemus, & nobis defendimus. Et cum olim mutux essent vindicationes, *vid. sup. §. 1. sub fin.* necessario eveniebat, ut in omni controversia proprietatis simul ipsa quoque possessio dubia & controversa efficeretur, ac proinde priusquam judicium perageretur & principalis quaestio de proprietate terminaretur, sententia ferenda esset super possessione. Quæ controversia dicebatur *lis vindiciarum*, & uno verbo *vindicari*, à vindicando, & numero quoque singulari *vindicari*, auctore Servio Sulpitio apud Fest. in voce

vindicari, ubi Festus ait, Servium dixisse, *vindicari* esse cum de aliqua re controversia est, ab eo quod *vindicatur*. Fiebant autem vindiciæ correptione manus, & quidem ex duodecim tabulis in re atque loco præsentis apud prætorem; postea autem in agrorum controversiis in gleba ex agro, de quo litigabatur, in jus allata; in qua Gellius *20. noct. 10.* scribit litigantes tanquam in toto agro vindicare solitos fuisse. Hinc vero apparet, litem vindiciarum non pertinuisse tantummodo ad quaestionem de momentanea possessione, quam nunc vulgo recedentiam vocant, licet id pro certo tradunt DD. Budæus & Hotomanus; sed eo verbo veteres significasse controversiam de toto negotio, seu de possessione simul & proprietate. Quod etiam evidenter ostendit locus Asconii in *orat. 3. Verrin.* quem ideo adscripsi. *Lis vindiciarum est*, inquit ibi Asconius, *cum litigatur de ea re apud prætorem, cujus incertum est quis debeat esse possessor. Et ideo qui eam tenet, satius est pro prada litem vindiciarum adversario suo, quo illi satisfaciat, nihil se deterius in possessione facturum, de qua iurgium est.* Rursus sponsione ipse provocatur ab adversario certa pecunia aut affirmationis, quam amittat, nisi sua sit hereditas, de qua contendit. Putaverunt, verbo vindiciæ, significari ipsam possessionem. Quod ego, uti à verbi proprietate nimis alienum est, ita falsum esse arbitror. Neque illa, quæ apud Livium & alios legimus, *postulare vindicias, dare vindicias*, hoc probant. Nam postulare vindicias ille dicitur, qui petit, ut secundum te vindiciæ dicantur; dare, qui in lite vindiciarum secundum aut contra aliquem pronuntiat: quemadmodum litem dare secundum aut contra aliquem dicimus, pro secundum aut contra aliquem judicare. Denique dicere possessionem, non dicitur, sed bene, dicere vindicias, locutione scilicet figurata, pro dicere sententiam in lite vindiciarum. Sane veteres etiam res ipsas de quibus controversia erat, & glebas quoque, quæ ex agro sumptæ in jus afferbant, nonnunquam vindicias appellant, sed per metonymiam subiecti. Nam in re controversa fiebant vindiciæ, & in glebis tanquam in agro vindicabatur, ut ex Gellio jam audivimus: qui hoc ipso simul nos docet, quid propriè sit vindicare, nimirum rem aliquam sibi asserere & suam esse dicere. Hodie constat, vindicationes dici actiones in rem de proprietate, omnique jure, quod quis in re habet: de quibus jam antea explicatum est.

Condicere est denuntiare] Quod Justinianus hic ait, condicere, prisca lingua esse denuntiare, id etiam Festus in ea voce notat. *Condicere*, inquit, *est dicendo denuntiare: & conditio est ejus rei, qua agitur, denuntiatio.* Donat. in illud *Phorm. act. 1. scen. 2. & tibi scribam dicam: à denuntiatione* inquit, *in personam: ne diceret, non mihi denuntia-*

Pr. Theophilus tradit, priscis temporibus meris fuisse, ut is, qui cum aliquo litem habebat, adversario suo denuntiaret, ut hoc vel illo die ad iudicium accipiendum & litem persequendam adesset. Sed ex his nondum intelligitur, quid veteribus sit condicere, multoque minus, quam rationem habeat, quod inde actio in personam dicta sit conditio. Itaque sciendum est, verbo condicere non significari unius actoris denuntiationem, sed denuntiationem mutuam & utriusque litigantium. Nam condicere valet, simul dicere, & diem in commune dicere, quo in iudicium veniatur, ut Festus quoque hoc verbum interpretatur: & hinc idem verbum translatum etiam ad alia, quæ communi & mutua denuntiatione certi temporis & loci inter aliquos dicuntur, statuanturque ut fiant: ut condicere cenam, pro denuntiare alicui ut adsit: & vice versa denuntiare & promittere te adfuturum. Cic. ad Lentul. *Crassus cum mihi condixisset cenam. cenavit apud me in mei generi Crassipedis horis.* Sueton. in Tib. Sexto Claudio libidinoso ac prodigo *seni cenam ea lege condixit, ne quid ex consuetudine immutaret aut demeret.* Ita autem moris olim fuit, ut qui litem vellet intendere, is adversario suo denuntiaret, ut in ius veniret: qui aut ire, aut sponso rem dare compellebatur, fore, ut constituto die se iudicio sisteret: quæ res vadatio dicebatur, & ante litem contestatam fiebat. Constituto deinde à Prætoris iudicio, diem committendi iudicii simul dicebant, id est, communi consensu constituebant invicem denuntiando; actor denuntiando reo, quo die vellet eum in iudicium venire; reus denuntiando actori se eo die affuturum: idque uno verbo dicebant diem condicere; & hinc conditio, mutua illa denuntiatio. Quia vero ad hanc rem ferè tertium sive perendinum diem sumere solebant, inde natum nomen comperendinationis. Nemo hoc planius exponit Asconio, qui *Verrina 2.* sic scribit: *Comperendinatio est ab utroque litigatoribus in vicem sibi denuntiatio in perendinum diem. Nam cum in rem aliquam agerent litigatores, & pœna se sacramenti peterent, pœnebant iudicem, qui datur post tertium diem: quo dato, deinde inter se in perendinum diem, ut ad iudicium venirent, remuntiabant.* Atenim cum hæc sive conditio sive denuntiatio, sive comperendinatio omnibus in iudiciis fieri soleret, sive in rem, sive in personam ageretur, quæ causa est, quod sola actio in personam nomine conditionis designata sit? Credibile omnino est, cum ex duabus istis actionum speciebus una certum & proprium nomen invenisset, alteram quia proprio carebat, nomine generis appellatam, more loquendi communi & juris auctoribus maxime usitato. Itaque cum actio in rem speciale & proprium

haberet nomen vindiciarum sive vindicationis, actioni in personam nomen utriusque iudicii commune relictum fuisse. Prolixius hæc exequitur D. Hermannus.

Nunc vero abusive dicimus conditionem] Rectè abusive: quia non est in re, quod verbo significatur. Abusus autem hac ratione defenditur, quod primo actio in personam ejusmodi conditionem habuit, à qua proficeretur. Re sublata mansit nomen, quod initio actioni fuerat; quemadmodum & in aliis plerisque rebus priscis adhuc appellationibus utimur, quantumvis usu rei exoletis.

Nulla hoc tempore denuntiatio] Justiniani ætate vetus illa conditio & solennis illa ad iudicium denuntiatio obsoleverat. Sustulere eam Imp. Arcadius, Honorius & Theodosius; quorum constitutio extat in *l. si quis 6. Theod. de denunci. vel edict. rescript.* Novella autem Justiniani lege certum tempus hanc in rem constitutum: oblato enim libello citatorio viginti dierum inducias reo indulgeri voluit, ut secum interim deliberet, cedere, an contendere malit, *auth. offeratur. C. de lit. contest.* Nos hoc jure nunc utimur, ut executor vocato diem dicat, & moderatum tempus ad deliberandum concedat, prout res, persona vocati, locus, ceteræque circumstantiæ desiderare videntur. *D. Merul. lib. 4. dist. 4. sect. 1. tit. 4. c. 14. Gail. 2. obs. 74. n. 26. & seqq. Gudel. lib. 4. de jur. nov. c. 5.*

TEXTUS.

Divisio secunda.

16. Sequens illa divisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt.

COMMENTARIUS.

1 Quid hic vocetur rei persecutio, quid pœnæ; & usus hujus divisionis.

PROponitur hic alia actionum divisio sumpta ab objecto; quippe quæ docet, quid quaque actione petatur. Divisio hæc est, quod quædam actiones rei persequendæ gratia comparatæ sunt, quædam pœnæ, quædam tam pœnæ quam rei, & ob id mixtæ. Quæ horum alterutrum aut utrumque contineant, sequentibus aliquot §§. exponit Justinian. Illud non exponit, quid hic vocetur rei persecutio, quid pœnæ; cujus tamen explicatio ad illustrandam divisionem vel maxime facit. Sed quod hic omissum est, docebit nos definitio rei persecutoriarum à Paulo tradita, *l. in*

l. in honorariis 35. de obl. & att. Illic enim sic Jurisconsultus scribit; *illa (actiones) rei persecutionem continent, quibus persequimur, quod ex patrimonio nobis abest.* Opponit Jurisconsultus persecutionem ejus, quod ex patrimonio nobis abest, persecutioni pœnæ. Itaque ex contrario definimus, illas actiones pœnæ persecutionem habere, quibus persequimur, quod ex patrimonio nobis non abest. Ex patrimonio nobis abesse dicuntur hæc quatuor; quod est in patrimonio nostro, sed ab alio tenetur; quod esse desit, sed ex obligatione nobis restituendum est; quod nobis debetur ex contractu; quodcumque ejus, quod nobis abest, æstimationem continet, qualis est æstimatio, quæ sit ex jurejurando in litem, *l. 1. l. 8. de in lit. jur.* item pœna conventionis promissæ, quæ & ipsa caveri solet loco ejus, quod interest, *S. ult. de verb. obl. l. ult. de prat. stip.* Quare quæcumque sunt actiones, quibus horum aliquid persequimur, eas dicemus esse rei persecutorias; quod ipsum etiam species subjæctæ declarant. Et rursus ex contrario, quæ alicujus rei ex superioribus persecutionem non habent, eas dicemus esse pœnales. In summa, rei nomine hoc loco continetur, quicquid est extra pœnam legitimam: pœnæ nomine ea duntaxat, quæ jure certo constituta est. Hinc jam non difficile erit judicare, quæ sint actiones alterutrius generis, aut mixtæ. Usus divisionis propositæ præcipuus & hujus loci proprius est, ut intelligamus, quid quaque actione peti oporteat. Est vero & secundarius, ut dignoscatur, quæ actiones sint perpetuæ, quæ temporales; quæ in hæredes dentur, quæ non dentur: de quo infra sub *ris. de perp. & temp. act.*

T E X T U S.

De rei persecutoriis.

17. *Reipersequenda causa comparata sunt omnes in rem actiones. Earum vero actionum, quæ in personam sunt, ea quidem, quæ ex contractu nascuntur, ferè omnes rei persequenda causa comparata videntur: veluti quibus mutuam pecuniam, vel in stipulatum deductam, petit actor: item commodati, depositi, mandati, pro socio, ex empto, vendito, locato, conducto. Plane si depositi agatur eo nomine, quod tumultus, incendii, ruina, naufragii causa depositum sit, in duplum actionem prator reddit, si modo cum ipso, apud*

quem depositum sit, aut cum hærede ejus de dolo ipsius agitur: quo casu mixta est actio.

N O T A.

17. *Quæ ex contractu nascuntur* Illæ omnes rei persecutionem continent, quibus persequimur, quod ex patrimonio nobis abest, *d. l. 35. h. s.* Ex patrimonio nobis adesse dicitur. 1. quod est in patrimonio, sed ab alio tenetur. 2. quod esse desit, sed ex obligatione restituendum. 3. quod nobis debetur ex contractu. 4. quod ejus, quod nobis abest, æstimationem continet: quo etiam refero pœnam conventionis promissam, *S. ult. sup. de verb. obl.*

C O M M E N T A R I U S.

1. *Actiones in rem omnes rei persecutoria.*
2. *An personalium ex contractu alia mixta, quam illa ex deposito miserabili.*
3. *Cur hac excepta: & cur in hæredem tantum ex proprio dolo detur.*

*O*mnēs in rem] Actiones in rem omnes comparatae sunt rei persequendæ gratia; quippe quibus omnibus sine exceptione persequimur, quod ex patrimonio nobis abest, videlicet rem nostram, aut ad jus nostrum pertinentem, quæ ab alio tenetur. Non obstat, quod in his actionibus ob contumaciam non restituentis in litem jurari solet, *l. qui restitueret 68. de rei vind. l. 5. de in lit. jur.* & quod hoc jurejurando contumacia punitur, cum actori permittatur rem æstimare etiam ultra rei pretium, *l. 2. l. 8. d. lit.* Nam hæc ipsa pœna nihil aliud est, quam æstimatio ejus quod actori abest; non illa quidem, quæ res omnibus vulgo tanti sit: sed tamen quam actor dicit rei suæ, quem æquum non est cogi suo pretio rem suam æstimare, *d. l. 8. de in lit. jur. l. 9. de act. rer. amor.* Atque ut hæc æstimatio reo pœna sit, tamen ea non petitur actione, sed officio judicis, quod actioni subservit, ex accidenti imponitur: actor autem nihil amplius quam rem suam petit; & illa quoque ipsa æstimatio actori est rei suæ persecutio, utpote qui ultra id quod ei abest, nihil consequitur, si spectamus pretium, quo rem suam æstimat: quod sanè exquisitum est, arbitrio domini definiti, *d. l. 8. de in lit. jur.* Ita ferme & DD. vulgo.

Quæ ex contractu ferè omnes rei persequenda Actiones quoque in personam, quæ ex contractu nascuntur, rei persecutoriae sunt: quoniam & his nihil aliud persequimur, quam quod nobis abest. Particulam autem ferè addidit propter actionem depositi miserabilis, quam & ipse mox excipit, & mixtam

nam esse dicit. Fortassis & propter actionem legati pii, quæ etiam quandoque mixta est, licet ex quasi contractu veniat, §. *Si autem* 19. *inf. eod.* Excipiunt nonnulli & actionem redhibitoriam, quæ dicitur interdum in duplum condemnationem habere, *l. redhibitoria* 45. *de adil. edict.* sed perperam, meo iudicio: nam duplum ea actione non tam ut pœna petitur, quam quod in venditione Mancipiorum & animalium duplum à venditore repromitti solet, *fac. l. cum autem* 23. *S. si servus* 4. *d. titul.* Sic actio qua dupla petitur nomine evictionis, non pœnæ, sed rei persequendæ causa instituitur; quia ex stipulatione duplæ competit, *l. 2. & pass. de evict. l. quod si nolis* 31. *S. quia asfidua* 30. *de adil. edict.*

Tumultus, incendii, &c.] In eum, qui tumultus, incendii, ruinae, naufragii causa depositum inficiatus erit, ejusve hæredem fraudulentum, actio in duplum à prætoris redditur, *l. 1. §. 1. de pos.* Merito has causas deponendi à cæteris segregavit prætor: primum quoniam in aliis casibus spatium deliberandi datur, cui res committenda sit: in his autem trepidatio nullum tempus ad deliberandum concedit: deinde quia aliis in casibus perfidia nihil eximium habet præter cæteras: hæc vero singularis est, & majore odio digna, quod ubi misericordia opus est, crudelitas adhibetur, & calamitas calamitati imponitur, *d. l. 1. §. 2. & seqq. de pos. l. 1. & passim. de incend. ruin. naufr.* Diximus autem, in eum, qui inficiatus erit; quoniam hæc in duplum actio non nisi adversus inficiantem & fallentem fidem datur: nam in contententem tantum in simplum actio est, *d. l. 1. §. hac autem* 4. *de pos. §. sed furti* 28. *inf. hoc tit.*

Aut cum hære de ejus de dolo ipsius] De dolo ipsius, hæredis scilicet. Hac enim adjectione Justinianus significare voluit, actionem depositi miserabilis tum demum in hæredem in duplum dari, cum ille ex dolo & inficiatione propria convenitur, non etiam si cum eo agatur ob dolum defuncti: nam tunc in hæredem in simplum duntaxat hoc iudicium datur, *d. l. 1. §. 1. l. 18. de pos.* Non obstat, quod passim traditur, actiones ex contractibus venientes in hæredes in solidum dari, licet ob dolum eorum, quibus successerunt, conveniantur, *l. 12. l. ex contractibus* 49. *de obl. & act. l. ad ea* 157. *§. ult. de reg. jur. cum simil.* Nam illa definitio ad actiones pœnales non pertinet, sed ad eas tantum, quæ sunt rei persecutorie: & aliud est, dari in solidum; aliud, dari in duplum.

TEXTUS.

De pœnæ persecutoriiis.

18. *Ex maleficiis vero prodita actiones, alie tantum pœnæ persequende causa com-*

parate sunt: alia tam pœna, quam rei persequenda; & ob id mixtae sunt. Pœnam tantum persequitur quis actione furti: si ve enim manifesti agatur, quadrupli, si ve non manifesti, dupli, de sola pœna agitur: nam ipsam rem propria actione persequitur quis, id est, suum esse petens, si ve fur ipse eam rem possideat, si ve alius quilibet. Eo amplius adversus furem etiam condictio est rei.

De mixtis, hoc est rei & pœnæ persecutoriiis.

19. *Vi autem bonorum raptorum actio mixta est, quia in quadruplo rei persecutio continetur: pœna autem tripli est. Sed & legis Aquiliæ actio de damno injuria dato mixta est: non solum si adversus inficiantem in duplum agatur, sed interdum & si in simplum quisque agat; veluti si quis hominem claudum aut luscum occiderit, qui in eo anno integer & magnipretii fuerit: tanti enim damnatur, quanti is homo eo in anno plurimi fuerit, secundum iam traditam divisionem. Item mixta est actio contra eos, qui relicta sacrosanctis Ecclesiis, vel aliis venerabilibus locis, legati vel fideicommissi nomine dare distulerint, usque adeo ut etiam in iudicium vocarentur. Tunc enim & ipsam rem vel pecuniam, quæ relicta est, dare compelluntur, & aliud tantum pro pœna: & ideo in duplum ejus fit condemnatio.*

NOTÆ.

18. ALIÆ TANTUM PŒNÆ PERSEQUENDÆ] Paul. *l. 35. hoc tit.* persecutionem ejus, quod ex patrimonio nobis abest, opponit persecutioni pœnæ. Itaque illæ actiones pœnæ persecutionem habent, quibus persequimur quod ex patrimonio nobis

non abest, uno verbo quibus persequimur poenam legitimam.

SI ADVERSUS INFICIENTEM] Actio damni injuria ex lege Aquilia inficiatione crescit in duplum, *S. ult. sup. de obl. qua quas. ex contr.*

COMMENTARIUS.

- 1 Pro mere poenalibus esse & certa quantitatis poena persecutorias.
- 2 Qua quibus exceptis mixta.
- 3 Pro poenalibus qua habeantur, cum à parte actoris poenales non sint.

EX maleficiis actiones quæ sunt, omnes persecutionem poenæ habent; sed quædam ex his poenæ solius, pleræque autem poenæ simul & rei; quæ proinde mixtæ sunt. Duæ tantum excipiendæ, conditio furtiva, & actio rerum amotarum, quæ solius rei persecutionem continent, *l. 7. §. 1. & 2. de cond. furt. l. si mulier 21. §. pen. de act. rer. am.*

Penam tantum actione furti] Actio furti sive manifesti sive nec manifesti solam poenam persequitur, *S. ult. sup. de obl. qua ex del. d. l. 7. §. 1. de cond. furt.* Ejusdem generis est & actio injuriarum; quippe qua nihil, quod nobis abest persequimur, sed tantum vindictam criminis, *l. 7. §. 1. de injur.* Pro pure poenalibus habendæ etiam sunt, actio de albo corrupto *l. 7. de jurisd. §. poenalis 12. sup. hoc tit.* actio de parente aut patrono sine venia in jus vocato, *d. §. 12. l. pen. & ult. de in jus voc.* item actio de suspensio & posito *§. 1. tit. prac. l. §. S. prator 6. de his de jec.* denique omnes illæ, quibus non persequimur duplum, triplum aut quadruplum, sed certam poenæ summam delicto simpliciter impositam, sine consideratione alterius rei, veluti 50. aureos.

Ipsam rem propria actione persequitur quis] Eam vel vindicando à quocunque possessore, vel condicendo furi ejusve hæredi, *S. ult. sup. de obl. qua ex del.* ubi hoc latius explicatum est;

Vi bonorum raptorum actio mixta] In actione vi bonorum raptorum quadruplum non est totum poena, ut in actione furti manifesti; sed in quadruplo continetur & rei persecutio, ut poena tantum sit tripli, *sup. vi bon. rap. in pr.* ac proinde mixta est hæc actio.

Legis Aquilia actio] Actio quoque legis Aquiliæ de damno injuria dato mixtam causam obtinet, seu partim rem, partim poenam persequitur, sive adversus contententem agatur in simplum, quo casu res æstimatur quanti plurimi eo anno aut diebus 30. proximis fuerit, *S. his autem 9. & 14. sup. de leg. Aqu.* sive adversus inficientem, quo casu lis crescit & in duplum actio redditur, *l. inde Neratius 23. §. pen. ad*

leg. Aqu. §. ult. sup. de obl. qua ex contr. Sed & cæteræ quoque actiones ex maleficiis præter furti & injuriarum, certæque quantitatis poenæ persecutorias, quæ mere poenales sunt, & conditionem furtivam rerumque amotarum actionem, quæ sunt rei persecutoria, omnes sunt mixtæ, id est, rei simul & poenæ persequendæ causâ comparatæ. Veluti actio servi corrupti *l. 14. §. in hac actione 5. de serv. corrup.* quod metus causâ, *l. item si 14. §. sed & si 9. & 2. seqq. quod met. ca. de calumnia, l. 5. §. 1. de calumn.* tripli & quadrupli ob majores sportulas exactas, *S. 24. & seq. inf. &c.* denique & illæ, quæ quasi ex maleficio nascuntur, similiter mixtæ fere sunt, ut intelligi potest ex his, quæ de hoc genere tradita sunt *sup. de obl. qua qu. ex del.* Illud sciendum est, quasdam esse actiones, quæ pro poenalibus habeantur, & ideo in hæres non dentur, licet à parte actoris poenales non sint. Nam quoties actio factum punit & in dolum tantum concepta est, poenalis habetur, eoque nec adversus hæres datur, quamvis proposita sit ei, cui eo facto quid absit, atque ita rei persecutionem contineat, *l. 9. §. 1. quod fals. iur. de quo diligentius differimus inf. de perp. & temp. action. §. 1.*

Relicta sacrosanctis Ecclesiis] Ex quasi contractu actiones omnes rei persecutionem habent, utpote quarum nulla ultra id quod abest, persequimur, ut licet intelligere ex generibus harum actionum, quæ exponuntur *sup. de obl. qua qu. ex contr.* Una actio ex hoc genere huic excipitur, nempe actio ejus legati & fideicommissi nomine, quod relictum est Ecclesiæ aut aliis venerabilibus locis; puta nosocomiis, xenodochiis, orphanotrophiis, &c. *tit. C. de Episc. & Cler.* Hæc actio duobus casibus mixta est, & constituta in duplum, si reus inficiatus erit; si tamdiu solvere distulerit, dum in jus vocaretur, *S. sed furti 26. inf.* Scholiastes Theoph. & μόνον ἐξ ἀρίστων, ἀλλὰ καὶ ἐξ ὑπερρίστων, ἢ διπλῶς εἰσάγειται. τὸ πο εἰρηται βίβ. α. καὶ τ. γ. διατ. μ. hoc est, *l. 45. C. hoc tit.* in editione Gothofr. & Pacii est *l. 46.*

TEXTUS.

De mixtis id est, tam in rem, quam in personam.

20. Quædam actiones mixtam causam obtinere videntur, tam in rem, quam in personam: qualis est familia erciscunda actio; quæ competit cohæredibus de dividenda hæreditate. Item communi dividundo; quæ inter eos redditur, inter quos aliquid commune est, ut id dividatur.

Item finium regundorum actio, qua inter eos agitur, qui confines agros habent. In quibus tribus judiciis permittitur judici, rem alicui ex litigatoribus ex bono & aequo adjudicare: & si unius pars pragravari videbitur, eum invicem certa pecunia alteri condemnare.

NOTÆ.

[**QUAE COMPETIT COHAEREDIBUS**] Tres hæ actiones familiæ erciscundæ, communi dividundo, finium regundorum, ex lege 12. tabularum descendunt, *l. 1. fam. erc. l. ult. fin. reg.* quæ ideo constitutæ, ut communio, cujus materia discordias excitare solet, *l. 77. §. 20. de l. 2. tollatur. Pac.*

[**QUI CONFINS AGROS HABENT**] Ut fines regantur. Regi fines dicuntur, quoties unusquisque ager propriis finibus terminatur.

[**IN QUIBUS TRIBUS JUDICIIS**] Quid judicem in unoquoque horum judiciorum sequi oporteat, explicatur plenius *inf. §. 4. & 2. seqq. de off. jud.*

COMMENTARIUS.

- 1 *Quo sensu & quam ob causam actiones hic propositæ dicantur mixtæ.*
- 2 *Judicium fam. ercisc. inter quos reddatur, & quid contineat.*
- 3 *Inter quos qua de re agatur communi dividundo.*
- 4 *Inter quos finium regundorum, & cujus rei gratia.*

PER occasionem, quod proxime dixerat de actionibus mixtis, subjicit tres alias actiones, quas & ipsas mixtas videri ait, videlicet, familiæ erciscundæ, communi dividundo, finium regundorum; sed quæ longe diversi sunt generis, longeque aliam ob causam mixtæ dicuntur, quam dicuntur illæ, quæ tertium membrum superioris divisionis constituunt: non enim ideo has actiones mixtam causam habere dici, quod, ut superiores illæ, conjunctim rei & pœnæ persecutionem contineant, cum omnes rei tantum persequendæ gratia comparatæ sunt; sed quia partim in rem esse videntur, partim in personam. Ex quo simul illud intelligimus, hæc eadem judicia alio quoque sensu hic nuxta vocari, quam quo mixta appellantur in *l. actionis 37. §. 1. de obl. & act.* & alibi duplicia, *l. 2. §. 1. comm. dis.* nimirum, quod in iis uterque ex litigatoribus duplicem personam sustinet, actoris vi-

delicet & rei *l. in tribus 13. de jud. l. judicium 10. fin. reg. l. inter cohæredes 44. §. qui familia 4. fam. erc.*

Mixtam causam obtinere videntur tam in rem] In rem esse videntur, quia in his quisque de re sua agit ad instar ejus, qui vindicat. In personam ideo, quia dantur adversus eum, qui propter communionem aut terminorū confusionem nobis obligatus est. Notandum autem, quod non simpliciter ait has actiones mixtam causam obtinere, tam in rem quam in personam; sed obtinere videri. Nimirum, quia id præ se ferunt. Revera autem sunt actiones in personam omnino: quippe quæ tales origine & essentia sua, quamvis fine & effectu nonnihil eum actionibus in rem commune habeant, *l. 1. fin. reg. l. 1. §. 1. C. de ann. exc.* quod fusius à me expositum, *sup. §. 1. hoc tit.*

[**Qua competis pro hæredibus de dividenda hæreditate**] Judicium familiæ erciscundæ est, quod inter cohæredes redditur de dividenda hæreditate, hoc est, quo hæres agit adversus cohæredes suos, ut res hæreditariæ, prius indivisæ, dividantur, & à communione discedatur, *l. 1. fam. ercisc.* Estque hæc princeps hujus judicii causa, sed non sola: nam & præstationes quasdam personales continet, quibus hæres hæredi propter communionem rerum est obnoxius, *l. item Labeo 22. §. penult. d. tit.* Ubi Ulpianus ait, judicium familiæ erciscundæ ex duobus constare, id est, ex rebus atque præstationibus, quæ sunt actiones personales. Rerum divisio qualis sit, tum quæ in hac divisione adjudicatio & quæ vice mutua condemnatio, quorum mentio fit in extremo hujus §. declaratur in §. familia 4. *inf. de off. judic.* Præstationes personales inducuntur aut lucri aut impensarum nomine, quæ quidem res in re communi inciderunt. Lucri, ut si quid ad unum ex hæredibus pervenit ex re communi, id cæteris hæredibus communiter, *l. inter 44. §. 2. & 3. fam. ercisc. l. 3. C. eod. d. §. 4. inf. de off. jud.* Damni, ut si quid damni in rebus hæreditariis datum factumve est culpa aut negligentia unius, id cæteris proportionem ejusque sarciat, *l. hæredes 25. §. non tantum 16. & §. item culpe 18. fam. erc. cujus exempla 7. l. & puto 16. §. pen. l. inter 44. §. quod ex facto §. eod.* Impensarum, ut si quæ ab uno hærede in res hæreditarias factæ sunt, quas propter partem suam necesse habuit facere, ei à cæteris pro rata refundantur, *l. his consequenter 18. §. sumptuum 7. eod.* Eodem referimus, si unus pecuniam à defuncto sub pœna aut pignoris debitam solverit, *d. l. hæredes. §. idem, juris 13. & seq.* Inducuntur hæc genera in commune, *l. quibus casibus 34. pro soc.* in judicio cum manu dividendo, *l. 3. comm. dis.*

Communi dividundo, qua inter eos redditur in-

ter quos aliquid commune est, ut id discedatur] Communi dividendo iudicium est, quod inter eos redditur, inter quos res una aut plures extra causam hæreditatis communes sunt: neque enim interest, communes sint ex societate, an sine societate, *l. 1. & l. 2. comm. dis.* Finis hujus iudicii item duplex; unus, ut recedatur ab harum rerum communione; alter, ut utrinque præstetur, quod alterum alteri præstare oportet, lucri, damni, impensarum nomine. Nam & hoc iudicium iisdem rebus constat, quibus superius, rerum communium divisione, & præstationibus iisdem personalibus, *l. 3. comm. dis.* In divisione rerum eadem quoque adjudicatio & condemnatio, *S. eadem §. inf. de off. jud.* quippe semota hæreditatis divisione cætera sunt utrique iudicio cum altero communia, *l. 6. §. cetera l. 11. comm. dis.*

Finium regundorum inter eos agitur, qui confines agros habent] Finium regundorum iudicium est, quo inter eos agitur, qui confines agros habent, ut fines regantur, id est, ad suam normam & certitudinem redigantur; & quod intra istos fines quisque habet, id totum retineat; si quid amplius, id confini restituatur, *l. 4. pr. l. 8. in pr. & §. 1. fin. reg.* Sed & si fines commode dirigi non possunt vel propter loci inæqualitatem vel propter veterum limitum incertitudinem, permittitur iudici aliis finibus evidentioribus agros distinguere. Quo casu quia necesse est partem aliquam ex unius agro detrahi & alterius agri domino adjici, ideo res transigitur adjudicatione & condemnatione, *l. 2. §. 1. l. 3. & l. 4. eod. tit. §. pen. inf. de off. jud.*

Ex bono & aequo adjudicare] Quid iudicem hic in unoquoque horum iudiciorum sequi oporteat, explicatur plenius *inf. de off. jud. §. si familia 4. & 2. seq. de off. jud.*

T E X T U S.

Divisio tertia.

21. Omnes autem actiones vel in simplum conceptæ sunt, vel in duplum, vel in triplum, vel in quadruplum: ulterius autem nulla actio extenditur.

COMMENTARIUS.

I An ulla actio plus quam quadruplum persequatur.

Tertia hæc actionum divisio est, sumpta & ipsa ab objecto; sed superiori dissimilis in eo, quod illa explicat, quid quaque actione petatur, resne sola, an poena tantum, an utrumque simul; hæc, quantum peti oporteat, & quousque in poena supra id, quod

nobis abest, petendo progredi liceat. Maximi autem actoris olim intererat scire quid & quantum petere deberet, propter periculum plus petitionis, *S. si quis agens 33. inf. eod.* Ait Justinianus, actiones omnes vel in simplum conceptas esse, vel in duplum, vel in triplum, vel in quadruplum: ultra quadruplum autem nullam actionem extendi. Quid ergo, nullane actione plus quam quadruplum persequi possumus? Si quis sciens tignum vitiosum aut pecus morbosum vendiderit, responsum est, omnia detrimenta, quæ ex ea emptione emptor traxerit, venditorem præstaturum, *l. Julianus 13. in pr. de att. empr.* Si quis clavum à navi abstulit, ut naufragium fieret, cautum est Senatusconsulto; ut is omnium rerum nomine teneatur, *l. 3. §. ult. de inc. ruin. naufr.* Si servus hæres institutus ante aditam hæreditatem occisus sit, etiam hæreditatis æstimationem fieri, traditum est in *l. inde Neratius 23. in pr. ad leg. Ag. §. illud 10. sup. eod.* Atqui in his omnibus litis æstimatio longe excedere potest quadruplum pretii ejus rei, in qua aut per quam damnum datum est. Respondemus; Quod dicitur, nullam actionem extendi ultra quadruplum, id intelligendum esse de quadruplo ejus, quod culpa adversarii actori abest; id vero quod abest, & non interesse actoris, etsi interdum longe & vel decuplo pluris æstimetur, quam quanti valebat corpus, in quo vel per quod damnum datum est, simplum tamen semper est respectu universi damni, quod actor sensit: & ideo quantacunque hæc sit æstimatio, non in duplum, triplum, &c. actio concipitur, sed tantum in simplum, nempe id non solum, quod actori per culpam rei abest. An in poena conventionali quadruplum excedi possit, tractavimus supra *ad §. alteri 18. de in ius. stipul.*

T E X T U S.

De actionibus in simplum.

22. In simplum agitur, veluti ex stipulatione, ex mutui datione, exemplo, vendito, locato, conducto, mandato, & denique ex aliis quam plurimis causis.

COMMENTARIUS.

I N simplum sunt omnes actiones, quæ rei persecutionem continent; utpote quibus unum & simplum, quod nobis abest, persequimur. Itaque & si quæ sit actio ex delicto, quæ rei persecutionem habeat, ea quoque in simplum erit, ut condictio furtiva & actio rerum amotarum. Sed & ex iis, quæ poenæ persecutionem continent, nonnullæ sunt in simplum, vel

uti actio ex lege Aquilia extra causam inficiationis aut moræ, §. *si bonorum* 19. *sup. eod.* item actio ex edicto, ne quis eum, qui in jus voc. *l. pen. §. 1. hoc tit.* Et si quæ sunt aliæ, in quibus aliquid ultra veram æstimationem rei & quod actori revera abest, præstandum. Denique & ex pœnalibus illæ in simplicum sunt, in quibus certæ pecuniæ summa simpliciter lege comprehensa est sine mentione dupli, tripli aut quadrupli, ut non ex comparatione alicujus simpli amplius quid pœnæ nomine constituatur, ut cum pœna constituitur in decem, viginti aut quinquaginta aureos, *l. 7. de jurid. l. penult. de in jus vocat. l. §. 5. ait prætor. 6. de his qui dejec. l. pen. C. de serv. fug.*

Veluti ex stipulatione] Quid si duplum, triplum, aut quadruplum in stipulationem deductum sit? *l. si dictum 56. de eisd.* Dicendum videtur, actorem id, quod sua interest, tanti æstimantem, adhuc in simplicum agere, & rem solam, non pœnam persequi,

T E X T U S.

In duplum.

23. *In duplum agimus, veluti furti nec manifesti, damni injuriæ ex lege Aquilia, depositi ex quibusdam causis. Item servi corrupti, quæ competit in eum, cujus hortatu consiliove servus alienus fugerit, aut contumax adversus dominum factus est, aut luxuriose vivere cœperit, aut denique quolibet modo deterior factus sit. In qua actione earum etiam rerum, quas fugiendo servus abstulerit, æstimatio deducitur. Item ex legato, quod venerabilibus locis relictum est, secundum ea, quæ supra diximus.*

C O M M E N T A R I U S.

Quinque actiones recenset, quibus in duplum agitur, furti nec manifesti; damni injuriæ ex lege Aquilia, depositi ex quibusdam causis, servi corrupti, ex legato, quod venerabilibus locis relictum est. Non exponit in eodem omnes modo in duplum sint, nec ne: Quia hoc loco tantum ei propositum est, ostendere, omnes in duplum esse. Differentiæ indicantur aliis locis, §. *ex maleficiis* 18. & *seqq. sup. §. sed furti 26. inf. eodem.*

Depositum ex quibusdam causis] Quæ comprehensa sunt edicto, nempe tumultus, incendii, ruina,

navfragii. l. 1. §. 1. de pos. §. rei persequenda 17. inf. sup. hoc tit.

Quæ competit in eum cujus hortatu] Actio servi corrupti in duplum constituta est in eum, cujus hortatu, consilio, opera, servus quolibet modo deterior factus est, *l. 1. cum seqq. de serv. corr.* Justinianus hoc addit, ut etiam solus conatus & nuda voluntas corrumpendi puniatur, *l. si quis 20. C. d. sit. §. sed et si 8. sup. de obl. qua ex del.* Venit in hoc judicium etiam earum rerum æstimatio, quas tecum servus abstulit. Duplatur enim omne damnum, *l. in hoc 10. eod.* De filio filiave familias corruptis utilis actio competit officio judicis æstimanda: quoniam interest nostra, animum liberorum nostrorum non corrumpi, *l. ut tantam 14. §. 1. eodem.*

T E X T U S.

In duplum.

24. *Tripli vero agimus, cum quidam majorem vera æstimatione quantitatem in libello conventionis inserunt, ut ex hac causa viatores, id est, executores litium amplio rem summam sportularum nomine exigerent. Tunc enim id, quod propter eorum causam damnum passus fuerit reus, in triplum ab actore consequetur; ut in hoc triplo etiam simplicum, in quo damnum passus est, connumeretur. Quod nostra constitutio introduxit, quæ in nostro Codice fulget, quam procul dubio certum est, ex lege condictitia emanare.*

C O M M E N T A R I U S.

Una actio in triplum hic commemoratur, lege Justiniani constituta adversus eos, qui majorem summam vera æstimatione in libello conventionis inserunt dolo malo, quo viatores, id est, apparitores seu litium executores, §. *seq. inf. l. §. ne tamen 13. de reb. cor. qui sub tut.* majores sportulas consequantur. Constitutio hæc Justiniani temporum injuria interdidit.

Libello conventionis] Libellus conventionis dicebatur id scriptum, quo actor petitionis suæ rationem & speciem futuræ litis in judicio exprimebat, qui libellus postea ad absentem per oratorem mittebatur.

Amplio rem summam sportularum] Sportulas appellat

appellat mercedes five salaria executorum, quæ Græcis *ὀφείματα*, ut plane constat ex l. omnes 33. §. executoribus. s. C. de Episc. & Cler. l. in sacris 12. de prox. sac. scrip. lib. 12. l. ult. C. de fruct. & lit. exp. Quanta portio pro sportulis constituta fuerit, incertum est. Illud ex hoc ideo intelligimus, pro modo quantitatis petite ad certam summam & à reo exigibilis. Quod de consuetudine non amplius observari notum est *Gudelin. lib. 4. cap. 5. in fin.* De sportulis earumque vario usu vid. *Fr. Juret. in not. ad Symmach. lib. 4. epist. 55. & Bachov. ad hunc §.*

In triplum ab actore.] Datur hæc actio rei in minorem summam, quam quæ petita fuit, condemnato, adversus actorem, qui plus libello comprehendit, quam ei debetur, ut viatores hac occasione plus etiam sportularum nomine exigent. Triplatur autem quod supra constitutum modum sportularum, per hanc occasionem exactum est, sed ita, ut in triplo etiam illud ipsum contineatur. Pœnam hanc primus Justinianus in proposita specie introduxit: nam jure veteri, qui plus quovis modo petissent, causa cadebant, id est, rem amittebant, §. si quis 33. in pr. & fin. inf. eod.

Quam procul dubio certum est ex lege condictionis emanare.] Locus hic procul dubio mendosus est, & sic cum Ruffard. Cond. Cujac. qui etiam ad libros veteres provocant, restituendus; Ex qua procul dubio certum est ex lege condictionis emanare. Ut sit sensus, hanc in triplum actionem ex constitutione Justiniani, esse condictionem ex lege, five ejusmodi actionem, quæ conditio ex lege dicitur. Nam quoties nova lege obligatio introducitur, nec cavetur qua actione experiendum sit, ex lege agitur, l. un. de cond. ex leg. Atque hoc modo Theophilum quoque apud Justinianum legisse, ex paraphrasi ejus apparet.

TEXTUS.

In Quadruplum.

25. Quadrupli autem agitur; veluti furti manifesti; item de eo, quod metus causa factum sit: deque ea pecunia, qua in hoc data sit, ut is, cui datur, calumnia causa negotium alicui faceret, vel non faceret. Item ex lege condictionis nostra constitutio oritur, in quadruplum condemnationem imponens iis executoribus litium, qui contra nostra constitutionis normam à reis quicquam exegerint.

CALUMNIAE CAUSA NEGOTIUM.] l. l. 3. de calumniar. Et hæc item actio mixta est conjunctim pœnam & rem persequens, l. 5. §. 1. d. tit. Est autem negotium alicui facere calumniae causa, judicio calumnioso aliquem vexare. Quint, lib. 5. cap. 12.

EX LEGE CONDICTIONIS NOSTRA CONSTITUTIO.] Leg. Ex lege condictionis ex nostra constitutione oritur. Ex lege condictionis actio ex lege. Quomodo & Theoph. hunc interpretatur. Hanc actionem & ipsam mixtam esse apparet ex Nov. 124. cap. 3.

COMMENTARIUS.

Recesentur hic quatuor actiones, quæ sunt in quadruplum, furti manifesti, quod metus causa de causa, de calumnia, adversus executores litium, qui plus constituto sportularum nomine exegerint. Ad damus & quintam, vi bonorum raptorum. Prima actio mere pœnalis est, reliquæ mixtæ, ut in quadruplo comprehendatur etiam ejus, quod abest aut intetere, persecutio.

De eo, quod metus causa.] Quod metus causa gestum est, prætor ratum non habet, & hoc amplius, si, quod ex ea causa aberit, arbitrio judicis non restituatur, in quadruplum judicium pollicetur, l. item si 14. & §. 1. quod met. ca. Quadruplatur id omne, quod restitui oportet, sic tamen ut in hoc quadruplo & simplum insit. Quippe mixta est hæc actio, non solius pœnæ persecutoria, l. 14. §. sed & §. 9. cum §. seqq.

Ut calumnia causa negotium alicui faceret.] Negotium alicui facere calumniae causa, est, judicio calumnioso aliquem vexare. In eum, qui ut calumniae causa negotium faceret, vel etiam ut non faceret, pecuniam acceperit dicitur, actio in quadruplum ejus pecuniæ, quam accepit, competit, l. l. 3. de calumniar. Et hæc item actio mixta est, conjunctim pœnam & rem persequens, l. 5. §. 1. d. tit.

Item ex lege condictionis nostra constitutio.] Hujus etiam loci lectionem vitiosam esse certum est. Apud Justinianum haud dubie ita scriptum fuit. Item ex lege condictionis ex nostra constitutione oritur, &c. Ex lege condictionis, id est, condictionis actio ex lege, quæ ex constitutione Justiniani oritur in facti specie hic proposita: quomodo hunc etiam locum Theophilus interpretatur.

In quadruplum imponens executoribus litium.] Constitutio, ejus meminit §. præcedenti, actori, cujus fraude factum, ut executor plus debito exigeret, tripli pœnam imponit: illa, cujus hic mentio, in executores directa est, qui ipsi in exigendis sportulis summam definitam dolo malo exceperunt, data actione in quadruplum, quam & ipsam mixtam esse apparet

paret ex *No. 124. cap. 3.* ubi Justinianus constituit, ut simplum reddatur ei, qui damnum passus est, triplum autem inferatur exario. Quod quidam tradunt, etiam hodie, ubicunque lege vel decreto Curiae nuntiis & apparitoribus certa summa pro sportulis constituta, si quid ultra exegerint, hac in quadruplum actione conveniri posse, constat, usu non observari,

TEXTUS.

Subdivisio actionum in duplum.

26. *Sed furti quidem nec manifesti actio, & servi corrupti à ceteris, de quibus simul locuti sumus, eo differunt, quod hæ actiones omnimodo dupli sunt: at istæ, (id est, damni injuriæ ex lege Aquilia & interdum depositi) inficiatione duplicantur: in consistentem autem in simplum dantur. Sed illa, quæ de iis competit, quæ relicta venerabilibus locis sunt, non solum inficiatione duplicatur, sed etiam si distulerit relictæ solutionem, usque quo jussu magistratuum conveniatur. In consistentem vero, antequam jussu magistratuum conveniatur, solventem, simpli redditur.*

Subdivisio actionum in quadruplum.

27. *Item actio de eo quod metus causa factum sit, à ceteris, de quibus simul locuti sumus, eo differt, quod ejus natura tacite continetur, ut qui judicis jussu ipsam rem actori restituat, absolvatur: quod in ceteris casibus non est ita, sed omnimodo quisque in quadruplum condemnatur: quod est & in furti manifesti actione.*

NOTÆ.

26. OMNIMODO DUPLI] Id est, si reus fateatur, siue inficietur. Th.

IN CONSISTENTEM IN SIMPLUM] Potest itaque hic reus evitare pœnam confitendo.

27. UT QUI JUSSU JUDICIS] In actione quod metus causa reo convento pœnam evitare con-

ceditur rem, de qua agitur, arbitrio judicis ante sententiam restituendo, l. 14. §. 1. quod met. caus.

COMMENTARIUS.

1. Actiones omnes apud nos videri rei persecutorias.

NOTATUR hic nonnulla differentia, quæ est inter actiones pœnales, tum quæ sunt in duplum, tum quæ in quadruplum. Non omnes enim simpliciter, & omnimodo in duplum aut quadruplum conceptæ sunt, sed quædam conditionaliter, & ita, ut reo pœnam evitare liceat. Omnimodo in duplum sunt actio furti manifesti, servi corrupti, & si quæ sunt aliæ simpliciter in duplum constitutæ; quippe quæ omnes ita constitutæ intelliguntur, ut semper & statim pœna exigì possit, nec dupli condemnatio evitari. Non statim & simpliciter in duplum sunt, actio legis Aquiliæ, depositi miserabilis, de legato venerabilibus locis relicto: namque hæ ab initio & in consistentem placet in simplum tantum dari, duplicari autem inficiatione, postremam etiam frustrationem & dilationem solutionis, usque dum reus judicio conveniatur, hoc text. §. Si autem sup. eod. Omnimodo in quadruplum sunt actio furti manifesti, vi bonorum raptorum, de calumnia, de sportulis adversus executores litium, &c. Una tantum ex hoc genere excipitur, actio quod metus causa, in qua reo convento pœnam evitare conceditur, rem, de qua agitur, arbitrio judicis ante sententiam restituendo. Quod si reus judici subenti rem restitui non pareat, hanc contumaciæ suæ pœnam patitur, ut in quadruplum condemnatur, hoc text. §. item actio, l. item si 14. §. 1. & 4. quod met. ca.

Est & alia, & quidem inter pœnales omnes, differentia, quod scilicet quædam sint mere pœnales, quædam mixtæ; sed illa superius explicata est §. ex malef. 18. & seq. h. 1. Apud nos omnes actiones sunt rei persecutoriæ & in simplum conceptæ, quia pœnæ pecuniariæ, quæ privatis litigatoribus applicabantur, exoleverunt, & solus fiscus pœnas ob vindictam publicam persequitur judicio criminali. Privatis tantum potestas est ejus, quod sibi abest persequendi judicio civili. Jo. Imberr. in ench. rid. jur. script. Baro ad tit. sup. de obl. quæ ex del. comm. part. 2. Gudelin. de jur. no. 3. c. 13. Groëneq. de ll. abrog. ad rubr. C. de pœn. & ibi laudat. Excipienda tamen videtur actio injuriarum, quæ ex more fori nunc duplex emenda petitur, honorabilis & profitabilis, ut loquuntur. Vid. sup. ad §. 10. de injur.

TEXTUS.

Divisio quarta de actionibus bon. fid.

28. *Actio num autem quadam bona fidei sunt, quadam stricti juris. Bona fidei sunt hæc: ex empto, vendito; locato, conducto; negotiorum gestorum; mandati; depositi; pro socio; tutela; commodati; pignoratitia; familia erciscunda; communi dividundo: præscriptis verbis, quæ de æstimate proponitur, & ea quæ ex permutatione competit; & hereditatis petitio. Quamvis enim usque adhuc incertum erat, inter bona fidei judicia connumeranda hereditatis petitio esset, an non: nostra tamen constitutio aperte, eam esse bonæ fidei, disposuit.*

NOTÆ.

28. *QUAEDAM BONÆ FIDEI*] Id est, liberæ potestatis iudicis, conclusæ tamen intra regulam bonæ fidei. Cic. in Top. & 3. de off. Sen. 3. de benef. & 2. de Clem.

QUAEDAM STRICTI JURIS] Strictæ, stricti iudicii, l. 5. ult. de in lit. iur. in quibus potestas iudicis formulæ adstricta est. Sen. 2. de Clem. Clementia liberum arbitrium habet, nec sub formula, sed ex æquo & bono iudicat.

BONÆ FIDEI SUNT HÆC] ὁσαυτῶν. Unde intelligimus & omnes quæ hic enumerantur, esse bonæ fidei, & solas. Cæteræ sunt stricti juris, utique si non sint arbitrariæ. De quibus infra, §. 31.

PRAESCRIPTIS VERBIS] Non omnes, sed illæ duæ duntaxat, æstimatoria, & ex permutatione, propter affinitatem, quam habent cum emptione, l. 1. de æstim. act. l. 1. de contr. empt.

NOSTRA CONSTITUTIO EAM ESSE BON. FID.] l. ult. C. de per. har. Ratio est, quia petitio hereditatis, etsi actio est in rem, habet tamen quasdam præstationes personales, l. 25. §. prope. D. eod. propter quas ad naturam actionis negotiorum gestorum accedit, & mixta personalis dicitur, l. 7. C. eod.

COMMENTARIUS.

- 1 Removetur duplex contra propositam divisionem objectio.
- 2 Actiones bonæ fidei quæ, & unde sic distæ.
- 3 Quæ actiones stricti juris, & unde sic appellata.
- 4 Multa & insignes horum generum differentia: & an quæ earum adhuc maneant.

5 Bona fidei nullas esse præter eas, quæ hic recensentur.

6 Actio finium regundorum cur hic omissa.

7 Cur duæ præscriptis verbis, æstimatoria, & quæ ex permutatione competit, bona fidei.

8 De petitione hereditatis cur dubitatum.

DUæ procedentes divisiones ostenderunt, quid & quantum petere liceat, pro ea quantitate, quæ aut conventionem aut certo jure definita est. Proponitur hic alia, quæ docet, quid quantumcumque amplius petere liceat pro potestate & officio iudicis, nulla conventionem aut certo jure definitum; quod potissimum in fructibus, usuris, & reliquis accessionibus rei petitæ cernitur.

Quadam bona fidei, quadam stricti juris] Divisio hæc duplici vitio laborare videtur. Primum, quod hic aliquæ actiones statuuntur, quæ non sint bonæ fidei, sed stricti juris: deinde quod in hac divisione omittuntur actiones arbitrariæ, quæ tamen tertiam & distinctam à duabus, quæ hic proponuntur, speciem constituere videntur, §. præterea 31. inf. eod. Quod quædam actiones dicuntur esse stricti juris, id non videtur convenire constitutioni Constantini in l. placuit. C. de iudic. ubi magis ait placere, in omnibus rebus præcipuam esse iustitiæ æquitatisque, quam stricti juris, rationem. Si id placet in rebus omnibus, utique & in omnibus actionibus. Repugnare etiam videtur, quod generaliter constitutum est in l. 4. Cod. de obl. & act. bonam fidem in contractibus considerari æquum esse. Nam in contractibus omnibus bona fides spectatur, etiam in actionibus omnibus, certe iis, quæ ex contractu proficiuntur, pariter bona fides spectanda. Cæterum neutrum propositæ divisioni obstat. Non primum, quia in d. l. placuit. Juris verbū jus constitutum significat, quomodo dicimus, jus gentium, jus civile. Hoc jus si summum est, seu, ut in constitutione nominatur, strictum, id est, si verbis tantum nititur contra sententiam & rationem legis, nunquam sequimur, sed æquitatem, id est, mentem & sententiam legislatoris. Atque hoc sensu concedimus, nullas esse actiones stricti juris. At cum dicimus, quasdam actiones esse stricti juris, verbo juris potestas significatur, uti & alibi sæpe: nec aliud est, quasdam actiones esse stricti juris, quam quasdam esse strictæ seu adstrictæ potestati iudicis: sicut ex contrario nihil aliud est, actiones quasdam esse bonæ fidei, quam quasdam esse liberæ potestatis iudicis, qui æstimare possit, quicquid est ex bona fide, §. in bona. 30. inf. eod. Erratque adeo Theophilus, & cum eo Pacius in analysi sua, dum putant, quasdam actiones stricti juris ideo dici, quod in his iudex τὸ ἀπὸ τοῦ δικαστοῦ, summum & strictum jus, sequatur. Ad alterum, quod ex l. 4. C. de obl. act.

ob-

objicitur, respondeo, in omnibus quidem contractibus spectari bonam fidem: sed non spectatur in omnibus eodem modo. In contractibus & actionibus stricti juris etiam bona fides spectatur, sed secundum communem quandam æquitatis regulam, hætenus videlicet, ne dolus approbetur, neve quid juris subtilitas adversus bonam fidem æquitatemque valeat, *l. dola. C. de inutili stipul. l. si quis 36. de verb. obl.* At bonæ fidei actiones non ex eo nomen acceperunt, quod in his communi quodam respectu consideretur bona fides & æquitas, sive quod in his non præstetur, quod sit contra bonam fidem, quamvis id fortè subtilitate juris præstandum videatur: sed quod in his summa desideretur æquitas, res tota æstimetur ex bona fide, & religioni judicantis permittatur per omnia. Planius & certius hæc intelligentur postea. Sed esto, inquis; illud tamen vitium divisio habet, quod imperfecta & manca est, ut quæ ex tribus actionum generibus inter se distinctis duo tantum posuit, tertium actionum arbitrariorum omisit. Resp. Esset imperfecta hæc divisio, si Imperator in duobus generibus, quæ hic proponuntur, constitisset, nec mox adiecisset tertium. Nunc autem cum statim & continentur unoque ductu divisionis tertiam illam speciem subjiciat, *§. præterea 31. inf.* perinde id haberi debet, ac si tres species eodem loco proposuisset, & divisio tripartita censeretur. An autem actiones arbitrarie revera constituant novam speciem, & à duabus, quæ hic ponuntur, plane diversam, videbimus sub *d. §. præterea*.

Actiones bonæ fidei sunt, in quibus libera potestas judici permittitur æstimandi inter litigatores, quid alterum alteri ex bona fide præstare oporteat. Descriptio totidem pene verbis expressa *l. 2. §. 3. l. 5. pr. de obl. & act. §. in bonæ 30. inf. eod.* Duo itaque sunt, quæ judicium bonæ fidei constituunt, libera potestas æstimandi arbitrando judici tributa, & hæc ipsa potestas intra modum & regulam bonæ fidei conclusa. Ex libera potestate est, quod hæc eadem judicia passim arbitraria vocantur, & judex in his datus arbiter. Ex bona fide, quod appellantur judicia bonæ fidei: nempe nomen ex re natum: quia in his judiciis omnis æstimatio & condemnatio judicis est ex bona fide, seu in id, quod ex bono & æquo quemque præstare oportet. Putat D. Hotomannus, causam & originem nominis esse ex ipsa formula, eo quod prætor in his judiciis ita jubeat judicari, ut adderet, ex bona fide, ut judicat Cicero in *Top. & lib. 3. de offic.* Sed ut hæc sit causa proxima, atque ut hinc etiam nomen translatum ad contractus quippe qui & ipsi non minus, quam actio ex his descendens, bonæ fidei appellantur, *l. ex empto. alias l. emptorem §. ult. de act. empt. l. mora. 32. §. 2. de usur. l. eum qui. 22. de donat. l. in bonæ. 13. C. de pact. l. 3. C. de reb. cred.*

& aliis locis: oportet tamen superiorem aliquam causam esse, ob quam prætor in quibusdam judiciis liberam judici potestatem faceret, clausulamque illam ex bona fide adjiceret, in aliis vero judicem adstringeret formulæ. Atque ego omnino existimo, causam hanc accersendam à natura & conditione ipsorum contractuum: nimirum quoniam quidam contractus ita comparati sunt, ut in his interpretandis æquum sit laxiorem judici potestatem tribui; quidam ita, ut certis terminis eorum interpretatio sit circumscribenda. Prioris generis sunt contractus mutue præstationis, in quibus uterque & obligatur & obligatur. Posterioris, ubi unus tantum obligatur, & unus obligatur, *arg. tit. de obl. ex cont. in fin.* Etenim ubi uterque alteri obligatur, ibi ex re utriusque est, & ex voto communi, non tam quid lingua nuncupatum sit, quam quid æqui bonique ratio utrinque postulet, spectari. Cum autem unus tantum obligatur, non est admittenda tam laxa interpretatio, puta ut etiam quid præstetur, de quo non expresse convenit, aut quod natura contractus non continetur, ex definitione, *l. quicquid 99. de verb. obl. l. 3. de reb. creditis.* Ex hac inquam diversitate contractuum procul dubio est, quod prætor quoque in actionibus ex contractu venientibus aliter atque aliter formulam judicii concipiebat, modo laxius adjecta clausula ex bona fide, ut in actionibus descendantibus ex contractu utrinque obligatorio; modo angustius & stricte, ut in actionibus, quæ proficiuntur ex contractibus *μονοπλάγεις*; veluti ex mutuo, pro mutuo, stipulatione, &c. hoc idem & Theod. Hermopol. sensisse arguunt verba ejus, quæ legimus *lib. 80. titul. 4. ἐπὶ τῶν κατὰ τὴν μονοπλάγιον*, et quæ hujus rei etiam hoc argumentum, quod idem actionum discrimen, & res ipsa etiam nunc manet, quamvis formulæ & impetrationes actionum sublatae sint: nimirum quia formulæ sublatis nihilominus prima causa discriminis, eadem conventionum diversitas, mansit. Porro bonæ fidei esse eas actiones omnes & solas, quæ ex contractibus *διπλοπλάγεις* veniunt, ostendit cum actionum bonæ fidei definitio, tum specierum hujus generis apud Justinianum collectio. Reliquæ, si non sunt arbitrarie, sunt stricti juris, sive ex contractu, sive ex delicto descendant. Ex his simul intelligi potest, quæ sint actiones stricti juris, nimirum illæ, in quibus potestas judicis formulæ adstringitur, seu iis rebus, in quas prætor jubeat condemnationem fieri. Sic enim, verbi causa, in his actionibus formulam judicii concipiebat, *si paret, Macsimum sempronio centum ex stipulatu debere, tum Macsimum damnetur.* Hæ inquam actiones dictæ sunt stricti juris, item stricti judicii, quia in his judex non plus poterat, quam formula exprimebat: quæ de causa nec judicium in his dato nomen arbitri convenit, nec judicio

nomen arbitrii. Quod discrimina respiciens Seneca lib. 3. de benef. Melior, inquit, videtur conditio causa bona, si ad iudicem, quam si ad arbitrum mittatur: quia illum formula includit, & certos, quos non excedat, terminos ponit: huius libera, & nullis restricta vinculis religio est. Idem Seneca lib. 2. de Clement. ad hanc iudiciorum differentiam alludens, Clementia, inquit, liberum arbitrium habet, nec sub formula, sed ex bono & aequo iudicat. Ex hoc autem fonte, quod iudex in bonæ fidei iudiciis omnia libere ex æquo & bono æstimat, in strictis formulam præcisè sequi tenebatur, natæ sunt multæ & insignes horum generum differentię, quæ certo iure nunc comprehensæ sunt, & Jurisconsultorum disputationibus notatæ. Bonæ fidei iudiciorum propria sunt maximè hæc. 1. Quod in his iudiciis etiā ea veniunt, de quibus præstantis nihil convenit, si ut præstentur, ratio bonæ fidei exigat; veluti ut venditor evictionis nomine duplicem promittat, cæteraque, quæ sunt mortis & consuetudinis, l. quod si nolis. 31. §. quia assidua 20. de adil. edit. item incommoda reticentia aut dissimulatione unius alteri illata; verbi causa, si venditor celet emptorem vitium aliquod, aut quid aliud, quod scire emptoris interest, aut si fallendi causa obscurè loquatur, aut maliciosè dissimulet, non evitabit actionem ex empto, quæ bonæ fidei est, sed in id omne, quod emptoris interest, condemnabitur; l. §. 1. l. Julianus 17. pr. l. si sterilis 21. §. 1. l. in venditione 41. de act. empt. l. ea qua 43. §. ult. de contr. empt. l. 1. §. 1. & pass. tot. tit. de adil. edit. nempe in iudicio bonæ fidei semper dolus malus præstatur, etsi nominatim cautum non sit, eum abesse abfuturumque esse, l. 6. in fin. de act. empt. d. l. ea qua 43. l. si cum fundum 68. §. 1. de contr. empt. tantumque valet officium iudicis, quantum in stipulatione nominatim facta ejus rei interrogatio, l. 7. de neg. gest. 2. Quoniam dolus malus naturæ contractuum bonæ fidei maximè contrarius est, l. 3. §. ult. pro soc. l. 5. C. de resc. vend. ideo si quid in his contractibus gestum sit ab initio dolo malo, id ipso iure non valet: ut puta nulla est venditio, si quis in hoc circumscriptus sit, ut venderet, l. eleganter. 7. de dol. mal. Ipso iure nullius momenti est societas, si dolo malo, aut fraudandi causa inita sit, l. 7. §. ult. pro soc. l. in causa. 10. §. 1. de minor. Et hoc est, quod vulgo interpretes tradunt, ubi dolus contractui bonæ fidei causam dat, contractum ipso iure nullum esse, nullamque ex eo actionem nasci. Secus autem est in dolo incidentis; qui purgatur actione ipsius contractus, aut exceptione, si conveniatur, qui dolum passus est, l. 13. §. 4. & seqq. de act. empt. l. 2. C. eod. d. l. & eleganter §. 3. de dol. mal. qua de re consule Bachovium disp. 6. de act. thes. 18. & seq. ubi

tamen sententiam communem restringit ad contractus, qui solo consensu constant, quasi in cæteris interveniens rei impediatur, quominus actus sit ipso iure nullus. De metu non idem, quod de dolo, statuentum, apparet ex verbis edicti de eo, quod met. caus. & textu expresso in l. 4. & s. C. de his qua si met. caus. de quo item adi Bach. d. loc. & nostra lib. 2. sel. quest. 12. 3. Quæ ex causa contractuum bonæ fidei non liberetur debitor rem reddens deteriolem, sed adhuc integra adversus eum vetus actio maneat, l. 3. §. 1. commod. l. 1. §. si res 16. de pos. 4. Quod in bonæ fidei iudiciis post moram etiā accessiones officio iudicis præstentur, in pecunia usuræ, in cæteris rebus fructus. De usuris diserte hoc traditum est in l. mora 32. §. 2. de usur. Ergo de fructibus idem dicendum: quoniam si ideo usuræ in bonæ fidei contractibus ex mora præstantur, quia vicem fructuum obtinent, ut disputat Jurisconsultus in l. usura 34. de usur. fructuum quoque eandem conditionem esse oportet, fac. text. in l. 3. in pr. eod. nam actio ex testamento in his, quæ ex mora præstantur, imitatur naturam actionum bonæ fidei, d. l. usura de usur. l. 3. C. in quib. caus. in int. rest. s. Quod in iudiciis bonæ fidei necesse non est exceptionem initio litis contestari, sed satis sit quandoque, ante rem iudicatam exceptionem objici, qua deinde probata officio iudicis convenit, reum absolvere. Non est hic contrarium, quod dicitur, ultra id, quod in iudicium deductum est, excedere potestatem iudicis non posse, l. ut fundus 18. comm. disid. Nam in bonæ fidei iudiciis vi ipsa & potestate iudicii exceptiones in iudicium deduci intelliguntur, cum in his iudex iudicare jubeatur ex æquo & bono: idque veteres significant, cum ajunt, exceptiones inesse bonæ fidei iudiciis, his contineri, & si non excipiat, satis per officium iudicis consuli, l. 3. de resc. vend. l. sed si ideo 21. in fin. sol. matr. l. huiusmodi 84. §. qui servum 5. de legat. 1. l. plane 38. l. ult. de har. petis. In iudiciis stricti juris omnia hæc contra se habent. In his enim ea demum præstantur, de quibus nominatim convenit, nihil amplius, l. quicquid. 59. de verb. obl. nisi sit, quod natura negotii contineatur, l. 3. de reb. cred. l. indebiti. 15. de cond. ind. Quæ de causa in strictis iudiciis non veniunt ea, quæ sunt moris & consuetudinis: per d. l. quod si nolis. 31. §. quia assidua. 20. de adil. edit. Ubi non expressè clausula de dolo stipulationi inserta est, vel separatim de dolo cautum, deficit actio ex stipulatu, & de dolo agendum est, l. & eleganter. 7. §. 3. in fin. de dol. mal. Subsistit ipso iure stipulatio, & semper excipiendum est, si ve dolus causam contractui dederit, si ve incidit, l. si quis 36. de verb. obl. l. dolo. C. de inut. stipul. In re deteriore facta, quæ ex contractu stricti juris, veluti ex stipulatu, debita fuit, placet promissio-

rem eam præstando vetere actione liberari, & si quid dolo in ea fecit, teneri actione de dolo, *d. l. 7. §. 3. de dol.* De usuris jus certum est, has in stricti juris contractibus ex mora non deberi, cum ut debeantur ex mora, id bonæ fidei iudiciis tantum tribuatur, *l. mora. 32. §. 2. de usur. l. 1. C. de pact. int. empr. & vend.* Sed & diserte traditum est, in strictis iudiciis contra vinculum stipulationis usuras peti non posse, *l. Titius 24. de præsc. verb. l. 3. C. de usur.* Quare nec post litem contestatam in his iudiciis currere incipient, *l. 1. C. de cond. ind.* Nam quod dicitur, *l. lite. 35. de usur.* lite contestata usuras currere, id non hanc habet sententiam, usuras post litem contestatam incipere currere seu incipere deberi, sed debitarum cursum lite contestata non retardari, deberi cæptas post litem contestatam perseverare, *l. 1. C. de judic. de quo dubitari poterat, propterea quod novatione facta usuræ non currunt seu cursus usutarum sistitur, l. novatione. 18. de novat.* litis autem contestatio novationem quandam inducit, *l. delegare. 11. §. 1. l. aliam 29. de rit. l. 3. §. idem scribit. 11. de pecul.* Sed responsum est, aliam esse causam novationis voluntariæ, aliam iudicii accepti: quoniam nemo actionem exercens conditionem suam deteriorem facit, *d. l. aliam add. Don. hic n. 31. Perez. ad tit. C. de usur. n. 22.* De fructibus in strictis actionibus hoc observatur, ut si quis actionem habeat ad consequendum, quod ejus non fuit, veluti ex stipulatu fructus non consequatur, etiam mora facta sit: post acceptum autem iudicium etiam fructuum ratio habeatur, quia omnis causa restituenda est, *l. videamus 38. §. si actionem. 7. de usur.* In iis autem actionibus, quibus repetimus, quod nostrum fuit, cujusmodi sunt conditiones earum rerum, quæ à nobis perfectæ sunt, ut conditio ob causam datorum, conditio indebiti, sine causa, &c. fructus ex quo primum tempore res accepta est, una cum re restituendi sunt ex ipsius negotii natura & quasi lege, *l. indebiti. 15. de cond. ind. d. l. videamus §. 1. & aliquot seqq. Don. de fructib. c. 1.* Plane in actione ex testamento, quæ natura sua stricti juris est, *l. 5. in fin. cum l. seq. de in lit. jur.* favore ultimæ voluntatis placuit usuras & fructus venire ex mora, ad instar bonæ fidei iudiciorum, *l. 3. l. usura 34. de usur. l. 3. C. in quib. ca. in int. rest.* Denique in strictis iudiciis necesse est exceptionem initio litis contestari, & vel à reo agnoscente intentionem actoris statim probari, vel à dubitante tantisper omissam, donec actor intentionem suam probavit, antequam sententia feratur, *l. 9. C. de præsc. long. temp. l. 8. & l. 9. C. de exc.* Non contestatam postea obijcere non licet: de quo fusius alibi. Sunt & alia horum generum differentia, veluti quod in bonæ fidei iudiciis præstentur etiam fructus percipere eo tempore, quod iudicatis datur; in strictis autem hoc tempus à fructuum perce-

ptione immune sit, *l. 3. pr. & §. 1. de usur.* Quod in illis in ineunda rei deperditæ estimatione tempus rei iudicatæ spectetur: in his tempus litis contestatæ, *l. 3. §. 2. commod.* Quod in illis juretur in litem, in his non item, nisi in casu singulari, *l. 5. pr. & §. ult. cum l. seq. de in lit. jur.* Proferuntur præterea & alia quædam ab aliis differentia, quas ideo prætermitto, quia non usque adeo explorati juris sunt. Apud nos tota hæc iudiciorum distinctio generali consuetudine pene deleta est, & genera actionum sic confusa, ut omnes vi & effectu nunc videantur esse bonæ fidei. Illud tamen discrimen adhuc manet, quod quamvis usuræ in bonæ fidei iudiciis debeantur ex mora, in strictis tamen non debeantur, nisi à tempore litis contestatæ. Fructuum autem, quorum causam favorabilis, in utroque genere eandem esse præstationem accepti: quod sanè in Gallia expressè sancitum. Imbert. in enchirid. verb. exactione antieat. Rebuff. ad cons. Reg. tom. 3. tract. de fruct. art. 1. add. Baro. inf. de off. jud. comm. part. alt. Gudelin. 3. de jur. noviss. cap. 13. Groenew. de legib. abr. ad h. §.

Bona fides sunt hæc ex empto, & vendito, &c.] Observandum est, quod non ait, *Bona fides sunt, & veluti ex empto, & vendito, &c.* ut fit, cum exempli gratia quædam proferuntur: sed *id est hæc, Bona fides sunt hæc, ex empto, & vendito, &c.* quæ sequuntur: indicans, se eas omnes, quæ sint hujus generis, ex professio recensere. Ex eo enim intelligimus, non tantum actiones omnes, quæ hic enumerantur, esse bonæ fidei, sed etiam præter has bonæ fidei nullas esse: cæterasque, si arbitrariæ non sint, de quibus §. præterea 31. esse stricti juris. Et igitur in hoc numero sunt actio ex stipulatu, ex testamento, *l. 5. §. ult. & l. seq. de in lit. jur.* ex causa donationis, *l. cum qui 22. de donat.* conditio indebiti, *l. 1. C. de cond. ind.* & conditiones reliquæ. Item actiones pœnales ex maleficiis, & generaliter omnes, quæ hic non nominantur. Non obstat, quod nonnullæ actiones, quarum hic mentio non fit, dicantur oriri aut introductæ esse ex bono & æquo: ut conditio indebiti, *l. pen. de cond. ind.* actio funeraria, *l. & si quis 14. §. hac actio. 6. de relig.* actio injuriarum *l. 11. §. 1. de jurejur.* item actio præscriptis verbis de precario, *l. 2. de precar.* Nam actiones bonæ fidei non ideo ullæ dicuntur, quia initium eas constituendi sit ex bono & æquo: sed quia, ut supra diximus, in his omnia ex bona fide iudicantur, tam quæ præstanda sunt, quam quæ non sunt præstanda: quod non fit in aliis, quam quæ hic commemorantur. Plane actio funeraria inter bonæ fidei iudicia numerari videtur *d. l. & si quis §. idem Labeo 13. de relig.* ubi Ulpianus ait, iudicem hic solutius æquitatem sequi, cum hoc ei natura actionis indulgeat: nam in strictis iudiciis iudex non solutè iudicat, sed adstringitur formulæ: ut proinde existi-

mem,

mem, actionem funerariam inter judicia bonæ fidei computandam. Sed nego, eam hic prætermittam esse: numeratur enim inter bonæ fidei judicia actio negotiorum gestorum; cujus actio funeraria species quædam est aut adjectio, *arg. l. 1. d. l. & si quis §. sed interdum 7. §. fortassis 9. §. si quis 11. & d. §. idem Labeo 13. de velig.* Illud enim in universum tenendum est, actiones, quæ hic enumerantur, ita solas bonæ fidei censendas, ut illæ duntaxat excludantur, quæ plane sunt diversi generis; non etiam illæ, quæ adjectitiis tantum qualitatibus ab aliis distinguuntur, aut sub enumeratis tanquam species sub genere comprehenduntur. Nullum certe dubium est, quin nomen bonæ fidei tam conveniat actionibus contrariis, negotiorum gestorum, mandati, depositi, commodati, tutelæ, pignoratitiæ, quam directis ex iisdem causis: & quin per enumeratas non solum directæ intelligantur, sed etiam quæ ex similibus causis sunt utiles, veluti negotiorum gestorum adversus curatorem, *l. 3. C. de transact.* Eademque ratione & actionem protectionis, & bonorum possessoriam hereditatis petitionem, & petitionem hereditatis fideicommissariam, recte dicimus esse actiones bonæ fidei, *arg. l. 1. §. pen. de eo qui protut. l. 1. de poss. her. per.* Eo amplius & actio exercitoria & infortoria ex contractu bonæ fidei cum magistro navis aut institore inito, item de peculio ex eadem causa bonæ fidei censendæ. Postremo eodem numero habenda & actio emphyteuticaria, quia olim ex vendito aut locato erat: nam Zeno contractum emphyteuticum à venditione & locatione separando vim ejus veterem non minuit, sed auxit, *l. 1. C. de jur. emphyt. fac. §. 2. sup. de locat.*

Ex empto vendendo] Actiones omnes ex contractibus nudi consensus bonæ fidei sunt, ut ex empto, vendito, locato, conducto, pro locio, mandati: quibus etiam hæc qualitas aliquando per excellentiam tribuitur, *sup. tit. de obl. ex cons. l. 2. de obl. & act.*

6 *Familia erciscunda communi dividundo*] Alibi passim tria hæc judicia propter similitudinem, quam habent, conjunctim proponuntur, familiæ erciscundæ, communi dividundo, finium regundorum. Hic autem finium regundorum consulto prætermittum; quia hoc judicium à cæteris in eo discrepat, quod causam continet bonæ fidei judicii. Nam illa familiæ erciscundæ & communi dividundo oriuntur ex negotio communi gesto, & quasi ex contractu. In finium autem regundorum judicio solus sibi rem gerit, qui convenitur, magisque ex delicto aut quasi ex delicto hæc actio esse videtur, quam quasi ex contractu: qua de causa etiam obligatio, unde hæc actio nascitur, omissa est, *tit. de obl. qua quas. ex contr.* Est igitur aut stricti juris, aut, quod magis probò cum *Ant. Fab. dec. 94. err. 1. arbitria*: quoniam pro ven-

dicatione est *l. 1. fin. reg. Fac. l. 4. §. 3. eod.* & quod nomen arbitri in questione finium usurpatur.

Qua de æstimate proponitur. & qua ex permutatione] Ex actionibus præscriptis verbis duæ tantum hic proponuntur, quæ sint bonæ fidei, actio æstimatoria, & quæ ex contractu permutationis competit. Unde recte vulgo interpretes concludunt, cæteras præscriptis verbis esse stricti juris. Cur duas illas placeat esse bonæ fidei, singularis ratio est, quam suggerunt *l. 1. de æstim. act. l. 1. de contr. empt.* In illa refert Ulpianus, dubitatum fuisse, cum res æstimata vendenda datur, utrum hæc conventio esset venditio, an locatio, an denique mandatum: qui contractus omnes cum sint bonæ fidei, merito quæ hic dubitationis tollendæ causa introducta est actio præscriptis verbis, bonæ fidei censi debet. In hac ostendit Paulus, tantam esse inter emptionem & permutationem affinitatem, ut Cassius & Sabinus existimaverint, permutatione rerum etiam emptionem & venditionem contrahi, & rem unam pretii, alteram mercis loco fungi: quæ rationes in aliis articulis, ex quibus nascitur actio præscriptis verbis, locum non inveniunt: videbis *D. Bacho. disp. C. de act. thes. 8.*

Hereditatis petitio] Petitio hereditatis, cum ea sit actio in rem, *l. 25. §. prope. de hered. petis. l. 1. de rei vind.* non videtur convenire hæc qualitas, ut reputetur actio bonæ fidei: siquidem qualitas illa propria est actionum in personam, & earum ferè, quæ ex negotio mutuo gesto nascuntur: quale nullum geritur inter heredem & possessorem hereditatis. Atque haud dubiè hac ratione moti nonnulli veterum eam à classe judiciorum bonæ fidei removerunt. Sed alii nihilominus eam inter bonæ fidei judicia numerandam esse censuerunt, propterea quod in judicio petitionis hereditatis res ad negotiorum gestorum naturam proximè accedit. Constat enim, possessori hereditatis committi rerum hereditariarum administrationem; unde fit, ut licet petitio hereditatis sit actio in rem, multas tamen habeat præstationes personales, ut putæ eorum, quæ à debitoribus exactæ sunt; item pretiorum rerum venditarum: item eorum, quæ possessor creditoribus solvit, vel in hereditatem impendit, *d. l. 25. §. antepen. l. item veniunt. 20. l. plane. 38. de hered. pet.* quæ omnia quodammodo actione in personam, & veluti ex negotio gesto repeti videntur: unde etiam mixta personalis hæc actio appellatur, *l. 7. C. de pet. her.* posteriorem sententiam, quæ etiam plurimum esse videtur, & jam ante recepta, *arg. d. l. 38. de her. pet.* confirmavit Justinianus *l. ult. C. eod.*

TEXTUS.

De rei uxoriæ in ex stipulatu actionem transfusa.

29. *Fuerat antea & rei uxoria actio una ex bonæ fidei judiciis: sed cum plenior rem esse ex stipulatu actionem invenientes, omne jus, quod res uxoria antea habebat, cum multis divisionibus in actionem ex stipulatu, qua de dotibus exigendis proponitur, transtulerimus, merito rei uxorie actione sublata; ex stipulatu actio, qua pro ea introducta est, naturam bonæ fidei iudicii tantum in exactione dotis meruit, ut bonæ fidei sit: sed & tacitam ei dedimus hypothecam. Preferri autem aliis creditoribus in hypothecis tunc censuimus, cum ipsa mulier de dote sua experiatur, cujus solius providentia hoc induximus.*

NOTÆ.

SED ET TACITAM HYPOTHECAM.] Quætor singularia hic à Justiniano constituta. 1. ut actio ex stipulatu mulieri detur, quamvis nulla stipulatio de dote reddenda interposita. 2. ut actio illa in hoc casu sit bonæ fidei. 3. ut adjunctam habeat hypothecam bonorum mariti, d. l. unic. §. 1. 4. ut ex hac causa mulier præferatur omnibus aliis creditoribus, quamvis antiquiorem hypothecam habentibus, d. ult. C. qui pot. in pign. Nov. 27. c. 3. & 4.

Cujus solius providentia.] His verbis excluduntur tantum hæredes mulieris extranei, d. l. un. §. 6. Etenim privilegium dotis ad liberos transit, d. l. ult. Vers. exceptus. Nov. 91.

COMMENTARIUS.

- 1 Soluta matrimonio quis qua actione dotem olim repetebat: & quid hic nobis à Justiniano.
- 2 Actio ex stipulatu quam ob causam plenior & iusta quam rei uxoria.
- 3 Singularia, qua circa actionem de dote ex stipulatu Justinianus constituit.
- 4 Iniquum plerisque visum, mulierem præferri expressam anteriorem hypothecam habentibus: & quid hic juris apud nos.
- 5 An liberi idem privilegium habeant, quod mater.

Soluta matrimonio dotis repetitio est, nisi convenit, ut mortua in matrimonio muliere dos remaneat apud maritum, l. 12. de pact. dot. Si mulier suo nomine dotem dederit, ipsi soli repetitio competit, l. un. §. accedit. 13. C. de rei ux. act. Idem est, si extraneus nomine mulieris, nisi statim stipulatus aut pactus sit dotem sibi reddi, l. 9. in fin. C. de pact. tam sup. dot. Profectitiam pater adjuncta filiae persona petit, l. 2. §. 1. solut. matr. ipsa sola, si emancipata est, l. si pater. 44. cod. l. pater. 71. de exher. Mortua in matrimonio filia, sive emancipata sive in potestate, solus pater jus petendi habet, l. 5. in pr. & §. 1. l. 6. de jur. dot. l. 21. solut. matr. l. 4. C. cod. Patre mortuo dotis exactio filiae manet, eaque mortua ad hæredes ejus transmittitur, d. l. un. §. 4. & 6. Dotem adventitiam filia emancipata petit sola, filias cum patre; mortua filia apud maritum remaneat, nisi, ut redderetur, convenerit, d. l. un. §. accedit. 13. Quod si pater dotem sibi reddi stipulatus sit, patris solius actio propria est, d. l. un. §. & hoc 14. Pro repetenda autem dote duplex jure veteri actio mulieri compete-
bat, actio rei uxoriae, atque insuper actio ex stipulatu, si quando dotem sibi reddi stipulata fuerat: illa erat bonæ fidei, & proinde laxior; hæc stricti juris, sed firmitior, multisque in rebus plenior & utilior, quæ causa est, quod Justinianus priorem sustulit, & quod in ea melius erat, transtulit in actionem dotis ex stipulatu, d. l. un. C. de rei ux. act. ubi constituit, ut quamvis mulier dotem sibi reddi stipulata non fuerit, aut stipulata sit inutiliter, nihilominus perinde habeatur, atque si stipulatio revera & utiliter intervenisset, utique ex hac causa actio ex stipulatu, quæ jure communi stricti iudicii est, bonæ fidei sit. Adjecit & de hypotheca, ne quid hic deesset mulieri ad omnem cautionem, in pr. §. 12. d. l. un.

Una ex bonæ fidei judiciis.] Antiqua rei uxoriae seu de dote actio naturam bonæ fidei obtinebat, l. sed & si 21. de solut. matr. ubi Ulpianus ait, doli exceptione inesse de dote actioni, sicut in cæteris bonæ fidei judiciis. Ex Cicerone quoque in Top. & lib. 3. de off. discimus, in hujus actionis formula hæc verba usurpata fuisse, Quantum aequius melius. Cujus etiam vestigia existant in l. pen. §. ult. sol. matr. l. si cum §. 2. de solut.

Plenior em esse ex stipulatu.] Actionem ex stipulatu ideo plenior em fuisse dicit, quia non nihil habebat præcipui, & quædam commoda, quæ non erant in actione rei uxoriae. Nam si mulier dotem sibi reddi stipulata erat, non erat locus edicto De alterutro, dotemque simul & legatum sibi à marito relictum petere poterat, cum absque stipulatione alterutrum tantum ex edicto consequeretur, præsumente auctore edicti, legatum in pensionem dotis relictum, d. l. un. §. 3. C. de rei ux. act. Sed & quæ actioni rei uxoriae obstabant exceptiones & retentiones, ob mores, ob res amotas, & donatas, & impensas, l. rei. 15. §. 1. solut. matr.

ut. matr. non obstant muliere agente actione ex stipulatu, d. l. un. §. taceat. s. Adhæc, stipulatione non interposita, dos adventitia, mortua in matrimonio muliere, apud maritum remanebat; actio autem ex stipulatu ad hæredes mulieris transmittabatur, *d. l. un. §. maneat. 4. & §. illo. 6.* Postremo rebus fungibilibus in dotem datis etiam hoc commodum erat actionis ex stipulatu, quod data quantitas hæc actione statim exigi poterat, & restituenda erat, cum in actione rei uxoriæ quantitatis repetitio dilationem haberet, ut demum annua, bima, trima die redderetur, *d. l. un. §. cum autem. 7.*

3 *Tacitam ei dedimus hypothecam*] Quo plenius & certius mulieribus de dote consultum esset, hoc etiam Justinianus constituit, ut actio dotis ex stipulatu, quam pro rei uxoriæ actione introduxit, adjunctam haberet hypothecam omnium bonorum mariti, *d. l. un. §. 1. & tandem, ut in omnem eventum securæ essent, etiam in hac ipsa hypotheca privilegium hoc dedit, ut in ea mulieres omnibus aliis creditoribus præferantur, quamvis tempore prioribus, sive hypothecam tempore antiquiorem habentibus, l. ultim. C. qui pot. in pign. adeoque, quod contextus legis, & illa sexus muliebris miseria, evincit, perspicueque apparet ex Nov. 97. c. 3. & 4. ut præferantur creditoribus non tacitam tantum, sed etiam expressam hypothecam anteriorem habentibus: quomodo & Doctores Ultramontani constitutionem Just. interpretati sunt: & noviss. Ant. Mer. 3. contro. 9. Sed quoniam hoc privilegium aperte iniquum est, utpote auferens mihi jus, quod mea mihi opera & cautione acquisivi, cæteri omnes æquissima interpretatione maluerunt hoc sic temperare, ut iis tantum creditoribus noceat, qui tacitam itidem, ut mulier, & lege constitutam hypothecam habent, non etiam iis, qui habent antiquiorem expressam, id est, eam, de qua sibi ipsi aperta conventionem prospexerunt. Ita comm. DD. in d. l. ult. C. qui pot. in pign. & ad hunc §. ut videre est apud Jaf. Zaf. Gomez. hic. Neguf. de pign. p. 5. memb. 2. n. 23. Covar. 1. res. 7. n. 1. & secundum hoc temperamentum passim judicari solet, testib. Schneid. n. 58. Ant. Fab. Cod. suo. qui pot. in pign. def. 16. Christin. Vol. 4. dec. 119. n. 8. Gail. 2. obs. 25. n. 10. ubi disertè ait, suo tempore ab hac opinione in Camera Imperiali nunquam recessum fuisse: quanquam contrarium judicium Camera assert Myus. 4. obs. 23. Apud nos, sicut pleraque alia jura, quæ de dote constituta sunt, locum non habent, ita nec ea, quæ de tacita hypotheca constituit Just. Contendunt tamen nonnulli, si per pacta dotalia excludatur bonorum communio, vel constituitur, ut uxor sua bona recipiat, quæ contulit, tunc locum esse juri civili, & tunc etiam legalem hypothecam in bonis dotalibus locum habere, ut nempe in iis mulier præferatur, Cæ-*

terum quo modo, hic res se habeat, discas ex Neofad. de pact. amtempt. obs. 9. 10. 21. Grof. 1. introd. c. 5. & 2. introd. c. 12. Antverpiæ jus civile & privilegia dotis servantur sine ullo pacto.

Cum ipsa mulier experiatur, cujus solius providentia] His verbis non excludit liberos mulieris, sed alios, qui dotem pro muliere dantes eam sibi reddi stipulati aut pacti sunt; itemque hæredes mulieris extraneos, ad quos actionem dotis ex stipulatu mortua muliere transire voluit, *d. l. un. §. illo 6. C. de rei ux. act.* Liberis autem eandem prærogativam, quam matri dedit, servari jussit, tanquam si mater adhuc viveret, *d. l. ult. Vers. exceptis. C. qui pot. in pign. & Nov. 91.* Itaque rectè DD. comm. in d. l. ult. & cum iis Gomez. in l. 50. Tauri. Christin. Vol. 4. dec. 160. n. 15. concludunt, liberos eosdemque hæredes mulieris, idem privilegium prælationis habere, quod haberet mater eorum si viveret; licet id aliis hæredibus non competat, *diff. Ant. Fab. 8. conj. 13. cui occurratur à Bachov. lib. 4. de pign. c. 13. n. 2.*

T E X T U S.

De potestate judicis in judicio bon. fidei, & de compensationibus.

30. *In bona fidei judiciis libera potestas permitti videtur judici ex bono & equo aestimandi, quantum auctori restitui debeat. In quo & illud continetur, ut si quid invicem præstare auctorem oporteat, eo compensato, in reliquum is, cum quo actum est, debeat condemnari. Sed & in stricti juris judiciis ex rescripto divi Marci, opposita doli mali exceptione, compensatio inducebatur. Sed nostra constitutio easdem compensationes, quæ jure aperto nituntur, latius introduxit, ut actiones ipso jure minuant, sive in rem, sive in personam, sive alias quascumque; excepta sola depositi actione; cui aliquid compensationis nomine opponi, sanè iniquum esse credimus: ne sub prætextu compensationis depositarum rerum quisquis ex actione defraudetur.*

30. LIBERA POTESTAS PERMITTI JUDICI] Hinc est quod bon. fid. judicia passim appelluntur arbitria, & judices additi arbitri. *l. 2. 4. de pos. l. 43. l. ult. fam. erc. l. 15. l. 17. C. eod. l. 18. comm. d. 6. l. 38. pro soc. Cic. & Sen. ubi sup.*

IN RELIQUUM DEBEAT CONDEMNARI.] Aut si nihil reliquum absolvi, *l. 4. l. 11. C. de compens.* Nam compensatio est debiti & crediti inter se contributio, *l. 1. D. eod.* Unde Græcis *ἀντιτάξις* dicitur.

OPPOSITA DOLI MALI EXCEPTIONE] Quæ initio litis contestanda erat. In bon. fid. vero judiciis admittebatur compensatio ipso jure, & citra exceptionem propriè dictam.

NOSTRA CONSTITUTIO] Extat in *l. ult. C. de compens.*

COMMENTARIUS.

- 1 *Causa liquida.* Non liquidi ad liquidum cur non admissa compensatio.
- 2 *Compensatio ipso jure actiones minui.* Quid hoc? quæ inde utilis? & quid si quis compensatione usus non fuerit.
- 3 *Rerum consumptibilium duntaxat compensationem.*

EX eo, quod in bonæ fidei judiciis libera potestas judici est, omnia æstimandi ex æquo & bono, in strictis non item, natæ quotquot sunt inter hæc judicia differentiz. Inter has & illa olim erat, quod in bonæ fidei judiciis admittebatur compensatio à judice sola æquitate judicii, idque citra exceptionem propriè dictam, seu ipso jure. In judiciis autem stricti juris reus, cui quid vicissim ab actore debebatur, necesse habebat id propria actione petere usque ad scriptum D. Marci, ex quo & in strictis judiciis potestas compensandi admissa est, opposita doli mali exceptione. Cæterum constitutione Justiniani jus compensandi latius introductum, atque ipso jure admissum, modo causa, ex qua compensatio objicitur, liquida sit, in actionibus omnibus, & tam in rem, quam in personam, duabus tantum exceptis, quibus in totum noluit compensationem opponi, actione depositi, & omni actione, qua possessio rei alienæ perperam occupatæ repetitur, *l. ult. C. de compens. l. pen. C. de pos.*

Eo compensatio in reliquum] Hæc effectum compensationis indicant: nimirum compensatio cum sit debiti & crediti inter se contributio, *l. 1. de compens.* si compensato eo, quod invicem debetur, nihil superfit utrinque, quod debeatur, absolvi reus debet; sin superfit, quod reus debeat, in id solum, quod reliquum est, condemnari. Unde compensatio utrinque

pro soluto haberi dicitur, usque ad concurrentes quantitates, quæ invicem debentur, *l. 4. C. eod.*

Opposita doli mali exceptione] Itaque post scriptum D. Marci manebat adhuc illa inter judicia bonæ fidei & stricti juris differentia, quod in his compensatio inducebatur ope exceptionis, quæ proinde initio litis contestanda erat, non contestata frustra postea objiciebatur. In illis autem compensatio admittebatur ipso jure & citra ullam exceptionem propriè dictam; quod quale sit postea audiemus.

Qua aperto jure nituntur] Id est, quæ ex causa liquida objiciuntur. Causam liquidam interpreta-
mur, cum apertum est jus debitoris, qui sibi vicissim quid deberi intendit. Id ita fit, si causa debendi & justa est & vera, & talem esse vel in præsentia constet confessione adversarii, vel celeriter & expedire probari possit. *Cacheran. decis. Pedemon. 229. n. 13. Menoch. 2. arb. cent. 1. cas. 14.* ubi in hac re judicis arbitrio nonnihil tribuendum existimat. Non liquidi cum liquido compensationem admitti, Justinianus noluit, sed tum alii judicio rem reservari jussit, ne creditori fiat injuria, si debitori, qui initio tacuit, postquam jam convictus aut pene convictus est, permittatur confugere ad defensionem compensationis, ex causa, de qua non liqueat & quæ altiore indaginem requirat, *d. l. ult.* vide tamen *Christin. sol. 1. dec. 231. sol. 3. dec. 38. n. 8.* Sane & si causa, ex qua compensatio objicitur, liquida non sit, si tamen reus initio litis compensationem per modum exceptionis opponat, eamque contestetur, audiendus est: nam ad hunc casum constitutio non pertinet, ut bene *Don. hic Zanger. part. 3. de exc. c. 8. n. 104.* quorum argumentis nihil solidi ab aliis reponitur: add. quæ nos *lib. 1. select. quæst. c. 50.*

Actiones ipso jure minuant.] Hoc non ita accipiendum est, quasi debitor liberetur compensatione sine facto suo, id est, non opposita defensione compensationis: nam cum judex divinare non possit, an actor vicissim quid debeat, à reo utique hoc allegandum est, petendumque ut compensatio admitatur: quæ tamen allegatio propriè exceptio non est, licet ita vulgo appelletur; nam allegandæ compensationi quævis tempora idonea sunt ante executionem judicati; *l. 2. C. eod.* sed species defensionis, quæ actoris intentionem repellit negatione juris, qualis est allegatio solutionis, acceptilationis, novationis, &c. *vid. inf. tit. de except.* Sed ita, opposita & admissa compensatione statim ipso jure actionem tolli aut minui, reumque retroversus ipso jure usque ad concurrentem quantitatem liberatum intelligi, ex quo utrinque deberi cæpit, *l. 4. C. eod.* Quod nosse, cum ad alias res apprimè utile est, tum ad accessiones rerum debitarum, quæ ex eo tempore sublatæ esse

esse intelliguntur, puta fidejussores, pignora, usurae, *l. 4. ff. d. l. 4. l. in vicem 12. C. eod.* Itaque cum alter pecuniam gratuitam, alter sua usuris debet, concurrentis utriusque quantitatis usurae non praestantur, *l. cum alter. 11. eod.* Quaecumque autem vis est compensationis, ea constituta est debitori, qui compensatione usus est, *l. 2. l. 5. eod.* sin minus, salva ei manet vetus petitio; nec creditor, qui totum petit, male petiisse videtur. Unde iudicatum est interim etiam, actionem à creditore alii cedi posse eo effectu, ut quae cedenti poterat obijci compensatio, ea obijci non possit cessionario, utrique causam onerosam habenti & actione utili suo nomine experienti, *Christin. fol. 1. decis. 252. Ant. Fab. Cod. suo. de compens. defin. 3. fac. l. 4. §. 28. 29. C. 31. l. 5. Spen. de dol. mal. except.* adde eund. *Ant. Fab. 12. Conject. 9. Nay. iur.*

Sic in rem sive in personam] Ponendi tamen sunt termini habiles, nempe si res, de quibus compensandis & inter se contribuendis agitur, compensationem & mutuam contributionem admittant. Tales autem sunt illae, quae pondere, numero, mensura constant: quod vel ipsum nomen compensationis indicat, quo nihil aliud significatur quam debitae invicem pecuniae aut quantitatis contributio, & aperte ostendit *d. l. 4. C. de compens. fac. text. in l. 18. de pign. act. l. 22. de compens.* Denique si in aliis rebus, quam quae functionem in genere recipiunt, compensatio admittatur, aliud cum alio compensari poterit: quod non magis licet, quam aliud pro alio invito creditore solvere: quippe cum compensatio non alia de causa debitorem liberet, quam quia pro solutione est, *d. l. 4. C. de comp. junct. l. 2. §. 1. de reb. cred.* Cum itaque quantitatis tantum cum quantitate seu pecuniae cum pecunia compensatio sit, consequens omnino est, neque speciem reo debitam cum pecunia ab eo petita, neque pecuniam illi debitam cum specie ab eo petita compensari posse, multoque minus speciem cum specie: & quod Justinianus generaliter hic constituit, compensationem in omnibus actionibus opponi posse, sic perpetuo erit accipiendum, ut in actionibus tum in rem tum in personam, quibus certa species petitur, ita demum compensationi locus sit, si pro re pecunia praestari debeat, ut accidit, cum re dolo aut culpa debitoris amissa aut deteriore facta aestimatio ejus deberi coepit. Quod & vulgo recte probatum est, ut alibi demonstrabimus: nam & huic argumento proprium destinavimus tractatum. Duo omnino sunt, quibus agentibus compensatio obijci non potest, fideus & res publica: sed certis duntaxat in causis ad publicam utilitatem pertinentibus; quae comprehensa sunt *l. 3. C. de compens. l. auferitur 26. §. ut debitoribus s. de jur. fide. l. ob negotium 20. ff. de compens.*

Excepta sola depositi actione] Quam ideo exce-

pisse videtur, ne mora ulla interponeretur reddendi depositi, quod solius custodiae causa datur, donec visum erit deponenti repetere. In *l. ult. C. de compens.* excipit actionem, quae possessio rei alienae perperam occupatae repetitur; quae sanè species nullam aut retinendi aut compensandi probabilem causam habet. Cujacius excipit & actionem commodati, per *l. ult. C. commod.* ubi dicitur, praetextu debiti restitutionem commodati, id est, rei commodatae, non probabiliter recusari: sed hoc non obstat, quo minus dicamus, iisdem conditionibus, de quibus supra, locum esse compensationi etiam in actione commodati, *Don. hic num. 10.*

T E X T U S.

De actionibus arbitrariis.

31. *Præterea actiones quasdam arbitrarias, id est, ex arbitrio judicis pendentes, appellamus; in quibus nisi arbitrio judicis is, cum quo agitur, actori satisfaciatur, veluti rem restituatur, vel exhibeat, vel solvat, vel ex noxali causa servum dedat, condemnari debeat. Sed istae actiones tam in rem, quam in personam inveniuntur. In rem; veluti Publiciana, Serviana de rebus coloni, quasi Serviana, quae etiam hypothecaria vocatur. In personam; veluti quibus de eo agitur, quod vi aut metus causa, aut dolo malo factum est. Item cum id, quod certo loco promissum est, petitur. Ad exhibendum quoque actio ex arbitrio judicis pendet. In his enim actionibus, & ceteris similibus, permittitur judicis ex bono & aequo, secundum cujusque rei, de qua actum est, naturam, aestimare, quemadmodum actori satisfieri oporteat.*

N O T A.

EX ARBITRIO JUDICIS PENDENTES] Nam si reus arbitrio judicis paret, absolvitur: si non paret, condemnatur, & plerumque gravius atque in aliud, quam quod facere jussus erat, *l. 14. §. 1. quod met. ca. l. 46. C. seq. de rei vind. l. 5. l. 8. de in lit. jur.*

VEL EX NOXALI CAUSA.] Puta si adversus dominum noxaliter agatur ea actione, quæ & ipsa arbitraria esset, si cum domino ageretur directo: puta quod metus causa, aut de dolo. *Don. num. 12.*

QUOD CERTO LOCO.] Hæc alia longe ratione arbitraria dicitur, quam ceteræ: quippe quæ originæ suæ est stricti juris; sed ex accidenti, quod alio loco intendatur, sit arbitraria: & ideo sic appellatur, quia arbitrio iudicis æstimandum permittitur, quanti litigatorum interfit, potius solvi loco constituto, *l. 2. quod cert. loc. §. 33. Vers. loco plus petitur, inf. cod.*

COMMENTARIUS.

- 1 *Actiones arbitrarias constituere tertium genus plane diversum à superioribus.*
- 2 *Ex quo fit, quod actio de eo quod certo loco arbitraria, &c.*
- 3 *Ceterarum arbitrariarum natura: & ratio nominis.*
- 4 *Hoc in genere duplicem intervenire sententiam: mores hodierni.*
- 5 *In ea quod certo loco una sententia rem transigit.*
- 6 *Recte noxales inter arbitrarias numerentur: saltem interdum.*
- 7 *Inter arbitrarias esse & rei vindicationem, & confessoriam, &c.*
- 8 *Actiones quædam arbitraria hic non nominata.*
- 9 *Bona fidei & arbitrariarum discrimen.*

Interpretes vulgo existimant, non proponi hic novum & tertium actionum genus, quod sit distinctum à superioribus, & earum, quæ neque bonæ fidei sint, neque stricti juris. Sed actiones arbitrarias ad unum è duobus istis generibus referendas: esse enim ex eo genere, quæ stricti juris appellantur, seu esse speciem actionum stricti juris, ac proinde bipartita illa divisione, quæ proponitur *§. actionum 28. sup.* contineri. *Perez. & Corbin. in erotematibus.* Nos autem contra putamus, actiones arbitrarias tertium genus constituere plane sejunctim à superioribus, ut quæ sunt hujus generis, neque sint bonæ fidei, neque stricti juris. Tale utique hoc genus aperte statuit Justinianus, cum ait *præterea esse quasdam actiones, quas arbitrarias appellamus.* Nam illud *præterea* non aliud valet, quam præter superiores; ut intelligamus, præter modo memoratas actiones bonæ fidei & stricti juris esse & tertium genus earum, quæ dicuntur arbitrariæ. Quod si veterum auctoritas quæritur, non obscure Marcianus in *l. 5. de in lit. jur.* actiones arbitrarias ab utraque superiore specie sejungit. Nam cum initio dixisset, in actionibus in rem & ad

exhibendum & in bonæ fidei judiciis in litem jurari, subjicit in calce per adversariam, *Plane interdum & in actione stricti judicii in litem jurandum.* Aperte declarans, actiones in rem & ad exhibendum, quas à bonæ fidei judiciis antea distinxerat, nec stricti juris esse; sunt autem hæc arbitrariæ, ut mox audiemus. Sed & Papinianus tria hæc genera distincte posuit, & multo etiam apertius in *l. 3. §. 1. de usur.* ubi ita scribit, *In his quoque judiciis, que non sunt arbitraria, nec bona fidei, post litem contestatam actori causa præstanda est.* Et igitur ex sententia quoque Papiniani tria hæc judicia plane diversa sunt, arbitraria, bonæ fidei, & quæ neutrum horum sunt, quæ dicuntur stricti juris. Quid quod arbitrariæ actiones propius accedunt ad naturam bonæ fidei actionum, quam ad actiones stricti juris: nam & in arbitrariis permittitur iudici facultas æstimandi ex æquo & bono, quemadmodum actori satisfieri oportet, in *fin. hujus §.* & in his similiter ut in bonæ fidei judiciis juratur in litem, *l. 5. de in lit. jur.* ut si alterutri speciei aggregandæ sint, potius referendæ videantur ad classem judiciorum bonæ fidei, quam stricti juris: quod tamen & ipsum admittendum non est: & neutra harum qualitatū usquam actionibus in rem tribuitur, quæ tamen magnam partem arbitrariarum constituunt, ut vel bonæ fidei dicantur vel stricti juris: quippe quæ qualitates non aliis actionibus, quam quæ in personam sunt, competunt, & maxime iis, quæ ex conventionibus descendunt. Illud autem, quod ajunt, actiones arbitrarias natura sua & origine esse stricti juris, ex accidenti autem esse, quod in his arbitrio iudicis condemnatio fiat, falsum est; præterquam in actione de eo, quod certo loco; quæ à cæteris toto genere distat, ut paulo post apparebit.

Ex arbitrio iudicis pendentes.] Actiones arbitrariæ sunt, quæ ex iudicis arbitrio pendunt; unde & nomen acceperunt. Et pendunt quidem omnes ex arbitrio iudicis, sed non omnes eodem modo: longeque alia ratione actio de eo, quod certo loco dari oportet, arbitraria atque ex iudicis arbitrio pendere dicitur, quam reliquæ, quæ idem nomen habent. Nimirum ut duæ sunt causæ inter se diversæ, ob quas actio dicitur arbitraria, ita etiam duo sunt actionum arbitrariarum genera iisdem causis inter se distincta. Nam quædam ex eo arbitrariæ dicuntur, quod in iis tota condemnatio ex arbitrio iudicis pendet. Quo in genere sunt actiones, quæ sunt de eo, quod certo loco dari oportet, sive ex causa stipulationis, sive quia ita cautum testamento, vel quia mutua pecunia sic data, ut certo loco redderetur, *l. 1. §. 1. 6. de eo quod cert. loc.* Ex his enim causis cum alio loco agitur, permittitur arbitrio iudicis æstimandum, quanti litigatorum interfit, constituto potius loco solvi, quam eo, in quo agitur: ut si rei interfit, minuat; si actoris, au-

3 *g*atur condemnatio, l. 2. pr. & S. ult. d. tit. l. un. C. ubi cono. qui cert. loc. Formula iudicii hæc fuit; *Si paret, Titium decem Capua dare oportere, neque in eo loco pecuniam suo tempore solvisse, iudex, arbitratus tuo condemna.* Hujus generis arbitraria natura sua & origine sunt stricti juris, sed ex accidenti, quod alio loco intentantur, quam in quo dari debuit, novam qualitatem induunt, quæ ex strictis eas arbitrarias facit. Cæteræ quæ arbitrariæ dicuntur, diversam naturam & rationem nominis habent. Hæ enim ideo sic appellantur, quia earum hoc proprium est, quod in iis, antequam procedatur ad sententiam definitivam, ad condemnationem vel absolutionem, iudex tanquam arbiter honorarius, interloquitur, jubens reum aliquid facere convenienter naturæ actionis institutæ; ex quo porro jussu seu arbitrio pendet actionis exitus, absolutio scilicet aut condemnatio. Nam si huic arbitrio reus paret, absolvitur; si non paret, condemnatur; & quidem gravius atque in aliud, quam quod facere justus erat, in poenam contumaciæ. Ut ecce in actione quod metus causa, probato metu, jubetur reus rem, quæ metu extorta dicitur, restituere: si jussui iudicis non paret, condemnatur in quadruplum, l. item si 14. §. 1. & deinceps, quod met. caus. Id iudicio rei vindicationis, probato dominio, jubetur possessor rem item restituere: si per contumaciam non restituit, aut dolo fecit, quominus restituere possit, condemnatur quanti adversarius in litem juraverit, l. ejus rei 46. cum l. seq. de rei vind. l. 5. l. 8. de in lit. jurand. Idem fit in actione ad exhibendum, si jussus exhibere non exhibeat, l. 3. §. 2. ad exhib. Formula iudicii in rei vindicatione talis fuit, ut ex Cic. 4. in Verr. discimus; *Si paret, rem, qua de agitur, Titii esse, & ea res arbitrio tuo non restituatur, iudex, condemna.* 4 Condemna scilicet in aliud, & tanti, quanti res æstimata erit jurejurando actoris. Itaque in posteriore hoc genere duplex sententia intervenit; una interlocutoria, jussus seu arbitrium de restituendo vel exhibendo; altera definitiva litem terminans absolutione aut condemnatione, prout reus præcedenti arbitrio paruerit aut non paruerit, quæ veteribus absolute sententia dicitur. Atque, ut ante diximus & probavimus, ubi reus est contumax, in aliud & gravius quid condemnatio fit, quam quod arbitrio continetur, puta vel in quadruplum, ut in actione quod metus causa, vel in id, quanti res æstimata fuerit jurejurando actoris, ut in cæteris hujus generis. Nam quod aliquando etiam in casu contumaciæ ultra non proceditur, sed arbitrium transit in sententiam definitivam, & mandatur executioni, l. qui restituere 68. de rei vind. extraordinarium est, arg. l. finita 15. §. ubi autem 23. de damn. inf. l. 1. §. 4. si sentr. non mul. in posses. quanquam moribus nostris

convenit; quibus semper in rem petitam fit condemnatio & executio. Sed neque arbitrium præcedit, aut possessor victus jubetur interloquente iudice rem restituere: verum statim definitive condemnatur, art. 172. Instruēt. Cur. Holl. Merul. lib. 4. dist. 4. sect. 5. tit. 7. cap. 1. In priore autem genere res una sententia transigitur, ut in aliis fere actionibus, id est, nullo jussu iudicis præcedente, ex quo sententia pendeat. Arbitratur quidem iudex & in actione de eo, quod certo loco, sed tunc, cum profert sententiam, nec tam quid reus faciendum habeat, quàm quid ipse pronuntiandum ac postea exsequendum. Non obstat, quod ait Ulpian. l. 4. §. 1. de eo quod cert. loc. interdum iudicem, qui ex hac actione cognoscit, cum sit arbitraria, absolvere reum debere, cautione ab eo exacta de pecunia ibi solvenda, ubi promissa est. Nam hoc singulare est, & extra casus illic propositos vix locum habet; neque jubetur ea cautio interponi per modum arbitrii aut jussus, cui si non pareatur, reus gravius condemnatur, sed ad postulationem ipsius rei mero iudicis officio, æquitatem ante oculos habentis; efficitque tantum, ut actor remittatur ad locum constitutum. Ant. Fab. dec. 90. err. 2. Hæc notanda fuerunt, propterea quod Justinianus species five exempla utriusque generis confusim proposuit.

Nisi arbitrio iudicis satisfaciatur] Ita hic loquitur, quasi omnium actionum arbitrariarum hoc commune sit, quod in iis iudex prius quam sententiam ferat, arbitretur five jubeat reum aliquid facere: quod tamen quarundam duntaxat est proprium, & non pertinet ad actiones arbitrarias, quæ sunt de eo, quod certo loco, ut superius demonstratum est.

Vel ex noxali causa] Inter actiones arbitrarias 6 numeratur hic & actio noxalis, id est, ea, quæ ex maleficio servi adversus dominum competit, ut is damnatus aut litis æstimationem sufferat, aut servum noxæ dedat, inf. de noxal. aff. In quo quidam putant, iterum errare Tribonianum: nam actiones noxales inter arbitrarias referri non posse; quoniam in his neque condemnatio arbitrio iudicis committitur, ut in actione de eo quod certo loco; neque arbitrium aliquod iudicis interponitur, unde pendeat sententia, ut in cæteris: sed iudici præscribitur jure, quam sententiam ferat: nimirum ut postquam probatum est, servum noxiam commississe, dominum condemnet in decem, aut servum noxæ dedere. Quod cum statim & conjunctim facere jubeatur, iudici hic adimi omnem arbitrii interponendi facultatem, cui parendo liceat condemnationem evitare. Nos tamen excusare Tribonianum malumus, hoc scilicet colore, quasi non ideo actiones noxales inter arbitrarias numeraverit, quod putarit, eas semper esse arbitrarias,

sed quia tales sunt interdum. Et sane ita res habet, (quicquid in contrarium disputet *Ant. Fab. decis. 92. err. 5. § 7.*) interdum noxalis actio non est arbitraria, interdum talis est. De quo sic habendum. Ex quibus causis directa, seu ea, qua dominus ex suo maleficio convenitur, arbitraria non est, ex iisdem causis nec noxalis arbitraria erit: & contra, quo ex causa directa est arbitraria, ex eadem causa noxalis quoque talis erit. Etenim actio noxalis non est propria species actionis, sed actionis ex delicto adjectio, cujus adjectionis hic tantum effectus est, ut liceat domino deditione corporis, quod deliquit, evitare litis estimationem, *l. 1. de noxal. act.* Et cum igitur actiones hæc, furti, vi bonorum raptorum, legis Aquiliæ, injuriarum, si ex maleficio domini adversus dominum agatur, arbitrariæ non sint, nec arbitrariæ erunt, si dominus his noxaliter conveniatur nomine servi. Ratio est, quia in noxali actione eadem domini condemnatio est, quæ in directa, nisi quod in noxali hæc disjunctio est, ut dominus solvat, aut servum noxæ dedat: at hoc fit simul & conjunctim nullo præcedente de noxæ deditione arbitrio. Ex diverso cum actio quod metus causa & actio de dolo sint arbitrariæ, cum adversus aliquem directo & nomine suo intenduntur, etiam arbitrariæ erunt, cum intentantur nomine servi noxaliter; quod fieri posse constat, *l. quod diximus 16. quod met. ca. l. 9. §. penult. de dol.* Tantum arbitrium judicis, quod in actione directa continet solummodo jussum de re restituenda, in noxali adjunctum habebit jussum de servo noxæ dedendo, sub disjunctione, ut dominus rem restituat, vel servum noxæ dedat, ut si neutrum horum fecerit, sequatur condemnatio, qualis in actione directa. Ita & *D. Duar. de in lit. jur. num. 47. D. Donell. hic. num. 12.*

Veluti Publiciana, Serviana] Duas profert species actionum in rem, Publicianam & Servianam seu hypothecariam; quas arbitrarias esse declarat. De hypothecaria etiam est textus in *l. si fundus 16. §. 2. de pignor.* An igitur hæc solæ in hoc genere sunt arbitrariæ? Nequaquam. Nam vel maxime arbitraria centenda est actio in rem civilis sive reivindicatio; quippe in qua præcipue arbitrium judicis de re restituenda locum habet, & re non restituta ea, quam supra diximus, in juratum litis estimationem condemnatio, *l. ejus rei 46. cum l. seq. de rei vindic. l. 5. §. 1. 8. de in lit. jur. l. ultim. de fidejuss.* nisi quod interdum, & extra ordinem nimirum, ipsum arbitrium executioni mandatur, & res possessori aufertur. Juxta *l. qui restituere 68. de rei vindic.* quod enim Ulpianus ibi ait de re æstimanda jurejurando in litem, eo casu, quo reus dolo fecit, quominus rem restituere possit; id non ita accipiendum est, quasi hoc

solo casu locus esset jurejurando in litem; sed quod isto casu jusjurandum illud sit necessarium, cum in casu prius posito, ubi res penes contumacem est, possit etiam non jurari, & desiderante actore res auferri manu militari. Sed & si quæ sunt aliæ in rem actiones, sive civiles, ut confessoria & negatoria; sive prætoriarum, ut rescissoria; omnes arbitrariæ habendæ; quoniam omnes eandem æquitatem arbitrii & restitutionis admittunt, eundemque exitum condemnationis habent, ut significatur regula generali tradita in extremo *d. l. qui restituere*. Itaque male nonnulli hinc remouent ipsam rei vindicationem, eamque collocant inter actiones stricti juris; quod vel ex sola formula hujus judicii intelligi potest. In summa, omnes in rem, arbitrariæ excepta petitione hereditatis, quam placuit esse bonæ fidei: & ideo licet & ipsa eadem recipiat, quæ reliquæ in rem; tamen non dicitur arbitraria, quia bonæ fidei potestate hoc habet, non arbitrii conditione, à qua sola dicuntur actiones arbitrariæ.

Quod metus causa aut dolo malo] Actionem quod metus causa arbitrariam esse, etiam Ulp. scribit in *l. item si 14. §. hæc autem actio 4. quod met. ca.* Idem de actione de dolo tradit *Paul. in l. arbitria 18. de dol.*

Quod certo loco] Hæc actio cur arbitraria dicatur, & quantum à cæteris distet, superius expositum est.

Ad exhibendum] Actionem ad exhibendum esse ex numero arbitrariarum, palam est: quoniam in ea quoque fit idem, quod in superioribus. Nam postquam actor docuit, sua interesse rem exhiberi, jubetur reus exhibere: nisi exhibet, condemnatur, quanti actor in litem juraverit, *l. 3. §. 2. ad exhib. l. 2. §. 1. l. 5. in pr. de in lit. jur.* Juratur autem hic non quanti æstimeretur ex effectu res, quæ exhiberi postulatur, sed quanti damnum, quod negata exhibitione oritur.

Et carens similibus] His verbis significat, non eas solas actiones, quas nominavit, arbitrarias esse, sed esse plures hujus generis, quæ hic recensitæ non sunt. Ex actionibus in rem in numero arbitrariarum tantum posuit duas prætorias, Publicianam & hypothecariam, sed addita particula *Veluti*, ut intelligeremus, præter eas, quas memorat, & alias ex eodem genere arbitrarias esse; nos autem tales ostendimus, quotquot sunt in rem, sive civiles sint sive prætoriarum. Ex iis, quæ sunt in personam, præter eas, quæ hic nominantur, arbitraria est actio rerum amotarum, *l. 8. §. 1. de act. rer. amot.* Ejusdem quoque generis est actio Calvisiana, *l. 5. si quid in fraud. patr.* item Pauliana, *arg. l. 8. l. 10. §. Et fructus 20. qua in fraudem cred. Ant. Fab. decis. 93. err. 5. § 6.* Actio ex edicto de publicanis, *l. 1. in pr. l. 5. de publican.* Denique arbitrariæ habendæ quotquot sunt in personam

sonam ad restituendum, dum non sint bonæ fidei. Plane in actionibus quoque bonæ fidei, quæ sunt ad restituendum, quales sunt, commodati, depositi, locati, pignoratitii, eodem modo quo in arbitrariis, res transigi solet, ut prius interponatur arbitrium de re restituenda, & nisi arbitrio paritum sit, jurejurando actoris lis æstimetur, l. 3. §. 2. commod. l. 1. §. in depositi 26. de pos. l. 5. l. 8. de in lit. jur. Sed tamen non ideo dicendæ sunt arbitrariæ: quoniam id non sola conditione arbitrii, ut illæ quæ arbitrariæ appellantur, sed potestate bonæ fidei habent; quæ cum omnem speciem æquitatis complectatur, etiam hanc ipsam restitutionis & arbitrii continet. Arbitrariæ vero hanc unam fere speciem æquitatis habent, ut arbitretur primo iudex fieri, quod conveniat naturæ actionis institutæ; post deinde condemnet, si arbitrio non pareatur. Atque hinc explicandum, quod est in extremo hujus §. *permittitur iudici ex bono & aequo, &c.* Natura actionum bonæ fidei satis prolixa est. *Costal. in l. 7. de eo quod certo loco.* Inter arbitrarias perperam *Pacius in not. & D. Perez. in erroribus*, collocant actionem redhibitoriam. Magis enim est, ut hæc bonæ fidei sit, l. 11. §. 3. de act. empt. ubi diserte Jurisconsultus ait, redhibitionem iudicio empti contineri.

TEXTUS.

Quinta divisio, de incertæ quantitatis petitione.

32. Curare autem debet iudex, ut omnino quantum possibile ei sit, certam pecuniæ vel rei sententiam ferat; etiamsi de incerta quantitate apud eum actum est.

NOTÆ.

32. QUANTUM POSSIBILE EST] Interdum enim natura rei id non patitur; veluti si plures res disjunctim, vel generaliter promissæ petantur: nam iudex non potest electionem, quæ hic reo competit, ei adimere in unam certam rem eum condemnando.

DE INCERTA QUANTITATE] Puta de eo, quod interest, cujus quantitas est incerta, §. ult. sup. de verb. obl. l. 68. cod. l. 24. de reg. jur.

COMMENTARIUS.

1 Cur placeat sententiam sine certa re aut quantitate prolatam non valere.

2 Certitudo sententia unde metienda.

3 Quibus casibus fiat, ut certa sententia ferri nequeat.

4 Etiam in petitione incerta certam debere ferri sententiam.

PRæceptum generale, pertinens ad omnes actiones & judicia, sive bonæ fidei aut arbitraria, sive stricti juris, & sive certa quantitas petita est, sive incerta. Nam semper ita iudex pronuntiare debet, ut sententia sua finem liti imponat & controversiam dirimat, l. 1. de rei jud. Et si autem hoc semper fit cum reus absolvitur, non fit tamen semper cum condemnatur, nisi condemnetur in certam rem aut quantitatem, sive, quod idem valet, nisi certa sententia feratur. Etenim cum ex conceptione sententiæ non apparet, quid quantumque præstandum sit, de quo quærebatur, tantum abest, ut tollatur controversia, ut ea etiam augeri possit. Et ideo merito placuit, hujusmodi sententiam ipso jure nullam esse, nec rei judicatæ auctoritate censeretur, l. penult. & ult. C. de sentent. qua fin. cert. quant. Don. num. 2. & seq. Schneid. num. 22. Myns. num. 3. & comm. DD. hic. Enimvero certitudo sententiæ non ex eo solo metienda, quod iudex certam rem aut quantitatem in condemnatione verbis expresserit; sed etiam ex eo, quod se referat ad certum locum aut tempus, vel ad quantitatem antea determinatam, vel denique ad certum instrumentum, veluti si dicat, *Solve quod petitum est*, referens se ad certam partem actorum, atque ex actis constet, quid quantumve petitum, aut *Solve quod illis codicillis continetur*, cum codicilli in iudicio essent prolatis, l. 5. §. 1. & ibi DD. l. in sententiis 59. §. 1. de re jud. l. pen. C. de sent. qua fin. cert. quant. Christ. Sol. 4. decis. 94. num. 10. Sed et si dixerit, *Solve quod debes*, nec ad certam partem actorum se expresse retulerit, nihilominus tamen plerique existimant valere sententiam, & ex ea parte actorum, quæ probationes continet, certitudinem recipere, quasi tacite ad eas se retulerit eas approbans pronuntiando, atque ita restringunt *text. in l. quid tamen 21. §. 3. de rec. arb.* Sin vero id ex actis probatoriis non appareat, tunc hujusmodi sententiam non valere, etiamsi certa quantitas libello comprehensa sit: nam cum jus vetet ex assertionem partis sententiam ferri, credibile non esse, iudicem se eo referre voluisse, *Sid. Zas. in l. 5. §. 1. de re jud. Myns. hic, n. 12. Schneid. n. 24. Marhefian. sing. 141.* & qui omnium accuratissime distinguit, *Pet. Barbof. ad tit. ff. solut. matr. p. 5. rubr. n. 47.* Et ergo notandum nunquam sententiam à libello recipere interpretationem, nisi ad eum expresse habita sit relatio.

QUANTUM POSSIBILE EST] Hoc ideo addit, quia interdum rei petitiæ natura non patitur, ut certa sententia ferri possit; atque eo casu procul dubio incerta valere

lere debet; veluti cum plures res disjunctim vel generaliter promissæ petuntur. Cum enim in his rei petitiæ præstatio pendeat ex electione debitoris, §. seq. *vers. huic autem, & seq.* non potest iudex hanc ei adinere in unam rem certam eum condemnando. Idem admittendum esse, & sententiam incertam valere, censent DD. in actione universali, qualis est petitio hæreditatis, & actio familiæ erciscundæ; item & maxime quando super accessionibus, puta fructibus & expensis petitis, sententia fertur, eoque jure utimur. *Christin. d. decis. 94. num. 11. Sid. plene lo. Fab. hic. n. 12. & seqq.* Non idem est in actionibus generalibus, puta tutelæ, pro socio, negotiorum gestorum. In quibus quidem incerta petitio admittitur, sed quia in his res ante sententiam declarandæ sunt, juxta l. 2. C. de judic. *Christin. d. loc. n. 6.* certa hic sententia ferri debet. Quod quomodo procedat, post *Ioan. Fab. & Plat.* docet *Schneid. hic. n. 14. & n. 30.* Excipit Accursius & judicia noxalia; sed eo nomine merito reprehenditur: quoniam facultas noxæ dedendi est à lege, l. 6. §. 1. de re jud. quod & ipse alibi agnoscit, §. 1. inf. de off. jud.

Etiamsi de incerta quantitate] Additum potissime propter obligationes faciendi, in quibus si factum non sit, quod fieri debuit, obligatio & petitio est in id quod actoris interest, l. si quis 13. §. 1. de re jud. l. si penam 68. l. stipulationes 72. de verb. obl. §. ult. sup. eod. tit. Hoc igitur vult Justinianus, etsi id, quod interest, petatur, cujus quantitas incerta est; d. l. si penam, de verb. obl. l. quatenus 24. de reg. jur. nihilominus tamen certam sententiam ferendam; ut iudex prius cognoscat, quanti interest actoris, & quantum id esse cognoverit, tantum sententia sua complectatur, in eamque summam reum condemnet, quod etiam fieri debere satis aperte præcipitur in l. un. C. de sent. qua pro eo quod int. Nec est metuendum, ne hic iudex videatur reum in aliam rem condemnare, quam quæ petita est, contra quam cautum l. ult. C. de fideic. lib. Nam quemadmodum scite à veteribus dictum est, eum, qui frumentum ex spicis excutit, non novam speciem facere, sed eam, quæ est, detegere; l. adeo §. cum quis 7. in fin. de acq. rer. dom. ita & iudex, cum certam summam dicit ejus, quod interest, non aliam rem dicit, sed eam, quæ petita est, & quam actor intelligi voluit, explicat, ita *Don. hic. n. 5.* Vulgo autem respondent, incertum & certum esse qualitates, quæ non faciunt dissimilitudinem inter libellum & sententiam, *Myns. hic. n. 4.* Porro & alias, quamvis incerta sit petitio, certa tamen sententia, quoad fieri potest, ferenda est, ut in actionibus generalibus, veluti pro socio, tutelæ, negotiorum gestorum, uti jam ante dictum est. In actione quoque arbitraria de eo, quod certo loco, & quodammodo etiam in actionibus bo-

næ fidei, atque adeo in cæteris quoque arbitrariis, incertum in petitionem deduci videtur, propterea quod in his omnibus iudici permittitur ex bono & æquo æstimare, quemadmodum actori satisfieri oporteat: sententia tamen semper certa esse debet.

TEXTUS.

De pluris petitione.

33. Si quis agens intentione sua plus complexus fuerit, quam ad eum pertineat, causa cadebat, id est, rem amittebat; nec facile in integrum restituebatur à prætore, nisi minor erat 25. annis. Huic enim sicut in aliis causis, causa cognita succurrebatur, si lapsus juventute fuerat: ita & in hac causa succurri solitum erat. Sane si tam magna causa justî erroris interveniebat, ut etiam constantissimus quisque labi posset, etiam majori 25. annis succurrebatur; veluti si quis totum legatum petierit, post deinde prolati fuerint codicilli, quibus aut pars legati adempta sit, aut quibusdam aliis legata data sint; quæ efficiebant, ut plus petisse videretur petitor, quam dodrantem; atque ideo lege Falcidia legata minuebantur. Plus autem quatuor modis petitur, re, tempore, loco, & causa. Re, veluti si quis pro decem aureis, quæ ei debebantur, viginti petierit; aut si is, cujus ex parte res est, totam eam, vel majorem partem, suam esse intenderit. Tempore, veluti si quis ante diem vel ante conditionem petierit. Qua enim ratione qui tardius solvit, quam solvere deberet, minus solvere intelligitur, eadem ratione qui præmature petit, plus petere videtur. Loco plus petitur, veluti cum quis id, quod certo loco sibi dari stipulatus est, alio loco petit sine commemoratione illius loci, in quo sibi dari stipulatus est. Verbi gratia,

si is, qui ita stipulatus fuerit, Ephesi dari spondes? Roma pure intendat, sibi dari oportere. Ideo autem plus petere intelligitur, quia utilitatem, quam haberet promissor, si Ephesi solveret, adimit ei pura intentione. Propter quam causam alio loco petenti arbitraria actio proponitur; in qua scilicet ratio habetur utilitatis, quae promissori competitura fuisset, si illo loco solveret, quo se soluturum spondit. Quae utilitas plerumque in mercibus maxima invenitur; veluti vino, oleo, frumento, quae per singulas regiones diversa habent pretia. Sed & pecunia numerata non in omnibus regionibus sub iisdem usuris foenerantur. Si quis tamen Ephesi petat, id est, eo loco petat, in quo ut sibi detur, stipulatus est, pura actione recte agit. Idque etiam prator demonstrat, scilicet quia utilitas solvendi salva est promissori. Huic autem, qui loco plus petere intelligitur, proximus est, qui causa plus petit: ut ecce, si quis ita à te stipuletur, Hominem Stichum, aut decem aureos dare spondes? deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, utrum pecuniam, an hominem solvere malit. Qui igitur pecuniam tantum, vel hominem tantum sibi dari oportere intendit, eripit electionem adversario, & eo modo suam quidem conditionem meliorem facit, adversarii vero sui deteriore. Quae de causa talis in ea re prodita est actio, ut quis intendat hominem Stichum aut aureos decem sibi dari oportere, id est, ut eodem modo peteret, quo stipulatus est.

Præterea si quis generaliter hominem stipulatus sit, & specialiter Stichum petat; aut generaliter vinum stipulatus sit, & specialiter Campanum petat; aut generaliter purpuram stipulatus sit, deinde specialiter Tyriam petat; plus petere intelligitur, quia electionem adversario tollit, cui stipulationis jure liberum fuit, aliudolvere, quam quod peteretur. Quinetiam licet vilissimum sit, quod quis petat; nihilominus plus petere intelligitur: quia saepe accidit, ut promissori facilius sit, illudolvere, quod majoris pretii est. Sed hæc quidem antea in usu fuerant; postea vero lex Zenoniana & nostra rem coarctavit. Et si quidem tempore plus fuerit petitum, quid statui oporteat, Zenonis divæ memoriæ loquitur constitutio. Sin autem quantitate, vel alio modo plus fuerit petitum, id omne, si quod forte damnum ex hac causa accideret ei contra quem plus petitum fuerit, commissæ tripli condemnatione, sicut supra diximus, puniatur.

NOTÆ.

VEL ANTE CONDITIONEM] Quæ modo efficiat, ut ante debeatur aliquid, quo dici possit ante agendo plus peti; veluti si quis dare promiserit, si morietur. Alias pendente conditione petens, non male aut perperam agere dicitur, sed nihil agere, *l. un. in fin. quand. di. usus. leg. l. 36. de solut.*

ARBITRARIA ACTIO PROPONITUR] Quæ quam ob causam introducta sit, docet Cajus *l. 1. de eo quod certo loc.*

RATIO UTILITATIS, QUÆ PROMISSORI] Pluris petitio hic æstimatur ex damno promissoris, cui pura intentione adimitur utilitas, quam habiturus esset, si eo loco solveret, in quo se soluturum promissit.

QUIA UTILITAS SOLVENDI SALVA PROMISSORIS] Id est, ratio utilitatis, quæ promissori competitura fuisset, si alio loco solveret, non habetur: nam cum eo loco convenire, quo dari promissit, ejus nihil interest ratione loci. Fabrot,

SPECIALITER TYRIAM] Quæ nobilior est. Strabo *lib. 16.* Plin. *lib. 5. cap. 10. & lib. 21. cap. 8.* Eustath. *ad Odys. 15. ἡ τιμωρία γὰρ ἡ Τυρία με-
γίστη.*

COMMENTARIUS.

- 1 *Qui ante conditionem petit, eum nihil consu-
mere.*
- 2 *Pœna à Zenone constituta in eos, qui tempore
plus petunt; à Justiniano in eos, qui alio
modo.*
- 3 *Quid nunc fere in praxi circa hac observetur.*

Superius admonuit judicem officii sui in ferenda sententia. Hic actorem instruit ad actionem recte instituendam, formandumque libellum petitorium. Summa disputationis huc redit, ut petat actor, quod sibi debetur; ut petat, quantum sibi debetur; ut petat ex ea causa, ex qua debetur. Si secus fecerit, placet, interdum petitionem ei nocere, interdum non nocere. In quo tamen ab observatione juris veteris procul recessum, ut postea intelligemus.

Causa cadebat] Ut discerent omnes jus suum diligenter explorare, nec temere aliis creare molestiam, placebat olim, eum, qui plus quam sibi deberetur, petierat, graviter multari, remque totam amittere, ut passim ex Cicerone intelligi potest, præsertim ex oratione pro *Q. Roscio Comodo, fac. l. 1. de int. in jur. l. si pater 36. de solut.* Hinc illud apud Plautum in *Mossellaria*: *Velim quidem hercle ut uno nummo plus petat.* Id veteres dicebant *causa cadere*, item formula *cadere* aut *excidere*, ut ex eodem Cicerone, *1. de orat. Sueton. in Claud. c. 14. Senec. epist. 48. Quintil. lib. 7. Inst. orat. discimus.*

Nec facile in integrum restituebatur] Adversus amissionem causæ ob pluris petitionem nemo à prætore restituebatur, nisi ex iis causis, quæ jure communi etiam in aliis rebus in integrum restitutionem præbebant. Quarum duæ hic proferuntur, ætas personæ plus petentis, & justa errandi causa. Faciliores aliquando principes fuerunt: nam de Claudio refert Suetonius *d. loc.* solitum eum fuisse restituere ex bono & æquo actiones iis, qui apud privatos judices plus petendo formula excidissent.

Nisi minor erat viginti quinque annis] Minori, qui errore ætatis & juvenali temeritate plus petendo causa ceciderat, prætor causa cognita subveniebat per restitutionem in integrum ex edicto generali de minoribus, *l. 1. & passim, de minoribus.*

Etiam majori] Ex illa parte edicti de majoribus restituendis; *Item si qua alia mihi causa justa esse videbitur, in integrum restituam, l. 1. in fin. ex quib. ca. maj.* Iusti erroris, & qui ob id merito et-

iam in majoribus excusetur, causa est in hæc specie; Titio centum testamento legata sunt, deinde viginti codicillis adempta. Titius codicillorum ignarus tota centum ex testamento petit. Item in hac; Testator dodrantem bonorum in testamento Sempronio legavit; post deinde in codicillis nonnihil legavit Titio, Sempronius, qui nihil de codicillis audierat, dodrantem integrum ex testamento petit. Iustus in utraque specie error est, & cui ignolci oporteat, propterea quod ex alieni facti nascitur ignorantia, *l. ult. pro suo.* Alludit huc Seneca *epist. 48.* *Quid enim aliud agitis, inquit, cum eum, quem interrogatis, in fraudem inducitis, quam ut formula cecidisse videatur? Sed quemadmodum illum prætor, sic eos Philosophia in integrum restituit.*

Atque ideo lege Falcidia legata minuebantur] Rectior erit sententia, si legamus, *ideo quod lege Falcidia, &c.* quippe ratio cur in proposito petitor plus petiisse videatur, quam dodrantem, hæc est, quod lege Falcidia legata ipso jure minuantur. Ut bene observavit D. Hotom.

Plus autem quatuor modis] Pœnæ plus petitionis non solum locus erat, cum quis re aut quantitate plus petiisset, sed etiam cum quavis alia ratione, puta tempore, loco aut causa seu modo. Paulus *1. sent. 10.* *Causa cadimus, inquit, aut locos aut summa, aut tempore, aut qualitate. Loco, si alibi: summa, si plus quam damus, petimus: tempore, petendo ante tempus: qualitate, ejusdem speciei rem meliorem postulantes.* Hæc quatuor species plus petitionis plenius hoc loco explicantur à Justiniano.

Re veluti si quis pro decem aureis, &c.] Re plus petere dicitur, qui majorem vel summam pecuniæ, vel partem rei, quam quæ sibi debetur, petit.

Tempore veluti si quis ante diem vel conditionem] Plus quam debetur, sine controversia petit, qui ante diem petit. Nam quod in diem promissum est, etiam ante diem debetur; ut hic subsit debitum, quod peti possit, & præmature petendo amitti, *§. 2. sup. de verb. obl. l. cedere 213 de verb. sign. junct. §. temporales 10. inf. de except.* Sed quod additur, etiam eum plus petere, quam debetur, qui ante conditionem petit, incaute & perperam adjectum videtur. Etenim cum conditio suspendat obligationem, ita ut pendente ea nihil dum debeatur, *§. sub conditione, sup. de verb. obl. d. l. cedere & de verb. sign. l. 8. de pet. & com. rei vend.* Quomodo dici potest plus debito petere, qui ante conditionem petit, hoc est, eo tempore, quo nondum ulla nata est obligatio? Quod si ante conditionem agendo nemo plus debito petere intelligitur, consequens est, neque pœnam plus petitionis ad eos, qui ante conditionem petunt, pertinere. Et res ita habet. Qui ante tempus petebat, ideo rem consumebat, quia in iudicium eam deduxisset, *d. §. remporalet,*

goyales inf. de ext. At pendente conditione cum nihil sit, quod debeatur, nihil quoque est, quod in iudicium deduci, & deducendo consumi possit. Et ideo veteres eum, qui pendente conditione petit, non male aut perperam agere dicunt, ut eum, qui petit ante diem, sed nihil agere, *l. un. in fin. quand. dies usuf. leg. ced.* & diserte nihil consumere, *l. si pater 36. de solut.* An igitur putamus, hæc latuisse Tribonianum? Potius est, ut dicamus, eum per conditionem intellexisse non eam, quæ vere conditio est, scilicet, quæ an extitura sit, incertum est, & qua proinde pendente nihil debetur: sed eam, quam veteres minus proprie conditionem vocant, nimirum, quam certum est omnimodo extituram esse, veluti, si quis, si morietur, vel cum morietur, dare promiserit, & stipulator vivo promissore agat. Nam tali sub conditione quod promissum est, pendente quoque ea debetur, *l. nam si 17. cum l. seq. de cond. ind. l. 9. §. 1. de novat.* Et igitur, *ante conditionem*; intellige, *qua modo efficitur*, ut ante debeatur aliquid, quo dici possit, ante agendo plus peti, quam debeatur.

Qua enim ratione qui tardius] Si minus in tempus cadit, etiam plus cadere intelligitur: nam contrariorum sunt contraria consequentia. Constat autem, eum, qui tardius solvit, minus solvere; quoniam emolumentum intermediæ temporis adimit creditor. Sequitur ergo, ut, qui solvit celerius, plus solvat: quemadmodum veteri proverbio dicitur, *Bis dat, qui cito dat*: & qui celerius petit, plus petat: quoniam reliqui temporis commodo, quantum in se est, debitorem privat.

Loco plus petitur] Plus etiam petere intelligitur, quæ quod certo loco sibi dari stipulatus erat, alio loco pure petit. Quæ pluris petitio æstimatur ex damno promissoris, cui pura intentione adimitur utilitas, quam habiturus esset, si eo loco, solveret, in quo soluturum spondidit.

Bona pure intendat sibi dari] Pure intendere sibi dari oportere hic dicitur, qui intendit sibi dari oportere sine commemoratione loci, in quo dari sibi stipulatus est, & omiſſa arbitrii formula, qua iudici permittatur facultas æstimandi ex bono & æquo, quantum promissor solvere debeat. Nam pura intentio hic actioni arbitrarie regione opponitur.

Alio loco petenti arbitraria actio] Alio loco, quam in quem sibi dari quisque stipulatus esset, non videbatur agendi facultas competere: Sed quia iniquum erat, si promissor ad eum locum, in quem daturum se promississet, nunquam accederet, quod vel data opera faceret, vel qui aliis locis necessario distingeretur, non posse stipulatorem ad suum pervenire: ideo visum est, in eam rem actionem utilem sive arbitriariam comparare, *l. 1. de eo quod cert. loc.* Hac ratione & auctori consilium, data alibi agendi facultate,

nec reo sit injuria; cui alibi conventio arbitrio iudicis salva præstatur utilitas loci constituti. Illud hic obiter monendi sumus, quod passim dicitur, eum, qui certo loco dare promissit, posse quolibet alio loco arbitraria actione conveniri, sic accipiendum, ut supponentur termini habiles, id est, modo locus sit idoneus, qualis est locus domicilii & contractus, & qui forum tribuat, *l. bares 19. §. 1. & deinceps de jud. l. contraxisse. 21. de O. & A. Cassal. ad l. 1. de eo quod cert. loc. Perez. in C. 1. cod. n.*

Qua utilitas plerumque in mercibus] Constat, varia esse rerum pretia per singulas civitates regionisque; maxime vini, olei, frumenti. Pecuniarum quoque licet videatur una & eadem potestas ubique esse; tamen aliis locis facilius & levioribus usuris pecunia invenitur, aliis difficilius & usuris gravioribus, *l. 3. de eo quod cert. loc.*

Proximus est, qui causa plus petit] Verbum causa variam admodum in jure civili significationem habet, & quæ facilius intelligitur, quam exprimitur. Hic autem significat modum seu qualitatem obligationis, *l. obligationum 44. in pr. & §. 3. de oblig. & act. Paul. 1. sent. 10.* Qui autem causa plus petit, idem terè peccat, quod is, qui plus petit loco. Nam quemadmodum, qui alibi petit, quam ubi debetur, loci utilitatem adimit debitori: ita qui causa plus petit, promissori adimit utilitatem electionis.

Hominem strichum aut decem aureos] Duæ sunt species plus petitionis ratione causæ: quarum altera hic proponitur, cum ex pluribus rebus disjunctim promissis una aliqua certa petitur: altera mox subiicitur, cum, genere promissio, petitur certa species. In utraque autem specie eadem ratione plus peti intelligitur, nimirum quia reo aufertur electio, quæ in utroque genere obligationis ei competit.

Promissoris electio est] In disjunctivis obligationibus, id est, cum illa aut illa res promittitur, rei electio est, *l. plerumque 10. in fin. de jur. dos.* Et ideo qui electionem sibi non constituit, incertum stipulari dicitur, *l. ubi autem 75. §. qui illud. 8. de verb. obl.*

Generaliter hominem stipulatus] Sicut in promissione alternativa electio reo tribuitur, ita & in promissione generis, *l. cum is 32. in fin. de cond. ind. l. fideiussorem 52. mand. l. ex pluribus 106. de verb. obl.* ut proinde eadem ratione plus petere dicatur, qui genere promissio certam ex eo genere speciem petit, qua is plus petere dicitur, qui, pluribus rebus disjunctim promissis, unam earum petit simpliciter.

Et specialiter Campanum petat] Theophilus scribit, vinum Campanum omnium aliorum esse pessimum: cum tamen Cajus & Ulpianus ejus exemplum pro eo, quod optimum est, adducant, *l. stipulatus 110. in fin. 74. & l. seq. §. 2. de verb. obl.* uti hic etiam Justinianus; quod vel puer viderit. Scriptores quoque

que cæteri vina Campana inter generosissima numerant: qualia sunt illa carminibus Horatii celebrata, *Cæcubum, Muscicum, Falerium, Formianum, Calenum*. De regione Campaniæ Italici Florus lib. 1. c. 16. ita scribit; *Omnium non modo Italia, sed terrarum orbe pulcherrima Campania plaga est. Nil mollius celo: his floribus gervat. Nihil uberius solo: ideo Liberi Cereisque certamen dicitur*. Et paulo post; *Hic amicti sitibus montes, Gaurus, Falerinus, Massicus, & pulcherrimus omnium Vesuvius*. Eadem ferè de ora Campaniæ habet Plin. lib. 3. c. 5. unde videtur Florus sua descripsisse.

Tyriam] Purpuram omnium pretiosissimam, teste Strabone, lib. 16. add. Plin. lib. 5. c. 19. & lib. 21. cap. 8. Puniceam purpuræ colorem procreat Africa, id est, quasi violaceum: Tyros autem rubeum, auctor Vitruvius lib. 7. c. 17.

Licet Silisimum sit] In pluris petitione, ratione causæ, plus non tantum æstimatur ex pretio & valore rei, sed etiam ex facultate solvendi, & quod addendum, ex affectione quoque debitoris. Sæpè enim homines certis rebus aliter atque aliter afficiuntur.

Sed hac quidem antea] Quibuscumque modis ex quatuor, quos Justinianus exposuit, plus petitiū esset, ea olim erat pœna plus petitionis, ut actor causa caderet. Sed postea ab hac pœna recessum est, & in eos, qui tempore plus peterent, alia pœna constituta à Zenone; in eos, qui aliò modo, à Justiniano. Quid à Zenone cautum fuerit, exponitur *inf. de except. §. temporales* 10. nimirum ut adversus eum, qui ante tempus petiit, duplicentur induciæ temporis, & ut his finitis non ante reus actionem suscipere cogatur, quam impensæ prioris litis ei fuerint refusæ. Constitutio ipsa desideratur. Epitomen ejus ex Basilicis e-runt Cujac. lib. 12. obs. 21. Adversus cæteros Justinianus hanc pœnam se statuere ait, ut, si quid ex pluris petitione damni senserit adversarius, id petitor triplo compenset. Justiniani quoque hæc constitutio intercidit, & ideo multa hic nobis incerta relinquuntur. Refert se hic ad §. *tripli. 24. sup. hoc tit.* ubi nominatim agit de eo, qui majorem debita quantitatem petit, idque dolo malo, ut viatores majores exigent sportulis: hic autem loquitur, ut videatur velle pœnam triplicem, etiam extra causam doli, obtinere, eademque pœna multari eos quoque, qui loco & causa plus petunt, ut hic tripliciter omne damnum, quod reo per causam injustæ petitionis illatum est. In praxi neutra prædictarum constitutionum observatur, quo facilius earum jactura est. In toto enim Belgio, Gallia, aliisque regionibus eo nunc jure utuntur, ut si quantitate, aut summa, plus petitiū sit non dolo malo, puta pro quinquaginta, quæ liquido debentur, centum, reus si nihil obtulerit, condemnatur in omnes litis expensas; idque propter moram, cum partem, quam se de-

bere non ignorabat, offerre debuerit. Si vero reus partem debitam offerat; actor in lite perseverans reo in expensas condemnatur. Quod si certum corpus, quod nostri speciem, Philotopi individuum appellant, petitiū sit, veluti fundus, & pars injustè possessa non offeratur, impensæ, quasi in mutua victoria compensantur. Idemque est, si debitum non sit liquidum: nam tunc debitori imputari non potest, quod certam quantitatem non offerat. Si loco plus petatur, ita absolvitur reus, ut saluum jus actori maneat conveniendi reum in loco constituto, & in expensas illius instantiæ actor condemnatur, juxta l. *properandum* 13. §. *scdæ autem* 6. *C. de judic.* Idem est, si ante tempus agatur, aut si, quod sub disjunctione debetur, petatur simpliciter. Nam & hic soler judex reum ab observatione judicii absolvere cum expensis, salva facultate actori conveniendi reum, cum dies venerit, vel petendi disjunctim, quod simpliciter petitiū fuerat. *Rebuff. ad const. Reg. proæm. tom. 1. n. 53. Imbert. lib. 2. Inst. forens. cap. 151. Papon. lib. 8. tit. 1. arrest. 2. & 3. Ant. Fab. Cod. suo. de plus pet. defin. unic. Tuld. & Perez. C. eod. Christian. Col. 1. decis. 266. & Col. 2. decis. 157. ubi plures alleg. add. Cæsar. lib. 1. & ar. ref. cap. 2. n. 5. Menoch. de arb. jud. lib. 2. cent. 2. cas. 177. ubi latè tractat, quæ sit iusta litigandi causa, ut in lite succumbens excusetur ab expensis.*

TEXTUS.

De minoris summæ petitione:

34. *Si minus intentione sua complexus fuerit actor, quam ad eum pertineat, veluti si quum ei decem aurei deberentur, quinque sibi dare oportere intenderit; aut si quum totus fundus ejus esset, partem dimidiam suam esse petierit, sine periculo agit: in reliquum enim nihilominus judex adversarium eodem judicio ei condemnat ex constitutione divæ memoriæ Zenonis.*

COMMENTARIUS.

Minus non quatuor modis, ut plus, sed uno tantum, nempe repetitur; ut exempla hic proposita declarant. Ac de loco quidem & causa manifestum est: de tempore vero dubitari possit. Nam si tempore & plus peti & minus solvi potest; ut superius diximus: videtur etiam & minus peti & plus solvi eodem modo posse. Sanè si plus petis, qui ante-

tem-

te tempus petit, plus etiam solvit, qui ante tempus solvit. Quin etiam dialectica ratione disputari posset, si minus solvit, qui post tempus solvit, minus etiam petere, qui post tempus petit. Sed hæc locutio neque in communem sermonis consuetudinem, neque in usum fori & judiciorum cadit: quoniam neque quicquam nisi post tempus exactum debetur: & id ipsum nonnunquam longo post intervallo petitur.

Sine periculo agat] Qui minus petit, quam sibi debetur, etsi non tantum petit, quantum debetur, petit tamen quod sibi verè debetur: & quia minus petendo nulla sit reo injuria, ideo nulla quoque hujus petitionis poena est; licetque actori comperto errore suo actionem postea mutare, & totum quod debetur, petere. Nam & alias cuilibet liberum est ab initio actionem dividere, partemque petere, salvo jure reliquum postea petendi.

Eodem judicio] Quomodo hoc accipiendum sit, videbimus §. seq.

Ex constitutione Zenonis] Epitome constitutionis Zenonianæ, qua Justinianus ait, potestatem judici permitti in casu proposito, etiam in reliquum quod sibi apparebit deberi, reum eodem judicio petenti condemnare, prodita est à Cujacio lib. 12. obs. 37. quæ novis in editionibus est, l. 1. C. de plus pet. Constitutionem ipsam non habemus.

T E X T U S.

Si aliud pro alio petatur.

35. Si quis aliud pro alio intenderit, nibileum periclitari placet, sed in eodem judicio cognita veritate, errorem suum corrigere ei permittitur; veluti si is, qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

N O T A.

35. IN EODEM JUDICIO] His verbis non tam denotatur iudicii unitas, quam negotii apud eundem judicem sine nova interpellatione (quod olim necessarium erat) continuatio: propriè enim iudicium ibi esse dici nequit, ubi nova exigitur actionis editio & litis contestatio, Bachov.

C O M M E N T A R I U S.

- 1 Quid sit emendare actionem, quid mutare.
- 2 Quamdiu emendare vel mutare actionem liceat.

3 Praxis horum temporum.

Si quis aliud pro alio petat] Qui aliud pro alio petit, puta pro Sticho Erotem, constat, eum non petere quod debetur, & tamen placet nec hanc petitionem ei nocere, quo minus cognita veritate errorem suum, & quidem eodem item judicio corrigere possit. Idemque placet, si quis ex alia causa petat, quam ex qua debetur, puta ex testamento, cum debeat ex stipulatu: quo casu, cum idem petatur ex alia tantum causa, nequaquam dici potest quod Theophil. scribit, etiam hic aliud pro alio peti: & magis est, ut dicamus, Justinianum plus sensisse quam scripsisse. Illud semper tenendum est, sumptus licit, quos ob vitium petitionis reus facere coactus fuit, actorem ei reddere oportere.

Errorem suum corrigere] Potest igitur actio semel edita postea corrigi aut mutari. Idque etiam jure veteri obtinuit. Extat de ea re constitutio Severi & Antonini in hæc verba; *Edita actio speciem futuræ litis demonstrat, quam emendari aut mutari licet, prout edicti perpetui monent auctoritas, vel jus reddentis decernit æquitas*, l. 3. C. de edend. Emendatur actio, cum mendum vel error tollitur, aut defectus suppletur, salva manente principali substantia conclusionis. Mutatur, cum repudiata vetere instituitur nova, veluti si actor aliud pro alio, aut idem ex alia causa petere instituat. Perez. C. de edend. n. 7. Sed adjectæ sunt rescripto duæ conditiones, dum id ita fiat, ut edicti perpetui monent auctoritas; & ita, ut jus dicentis decernit æquitas. Edicti perpetui monitio hæc, ut edatur actio, quaecumque quis experiri velit: proinde si quis nova experietur, etiam hanc edi oportet, novumque reo spatium ad deliberandum dari, cedere, an contendere malit, l. 1. de edend. Jus dicentis æquitas hoc exigit, ut emendatio illa sive mutatio sine damno adversarii fiat: ideoque qui temerè adversarium suum in jus vocavit, is ei viatica & sumptus prioris litis reddere tenetur, l. cum qui. 79. de judic. Don. in d. l. 3. C. de edend. num. 3. & seqq. D. Perez. d. loc. Illud quaeritur, quamdiu actionem editam emendare vel mutare liceat, utrum litem contestatam tantum, an vero etiam postea. Ego puto, jus actori & nunc esse & olim fuisse actionem emendandi vel mutandi, non solum ante, de quo inter omnes convenit, sed etiam, quod plerique negant, respectu mutationis, post litem contestatam, per l. fidejussor. 32. de neg. gest. l. cum indebitum. 57. §. 1. de cond. ind. l. 4. §. ult. de nox. act. l. cum fundum. 18. §. 1. und. Si. Eaque haud dubiè est etiam sententia Imperatorum in d. l. 3. C. de edend. & Justiniani hic. Caterum jure veteri eo casu opus erat alio judicio novaque interpellatione, l. non potest. 23. de judic. l. ut fundus 18. com. d. l. id. Jure autem novo actori etiam post li-

tem contestatam permittitur corrigere errorem suum, & mutare libellum petitionis in eodem iudicio, ut hic disertè cautum est, *Don. ubi sup. n. 17. Perez. d. loc. n. 7.* quanquam existimo, his verbis non tam iudicii unitatem denotari, quam negotii apud eundem iudicem sine nova in jus vocatione continuationem: ut in hoc saltem novum jus distet ab antiquo, quo nova interpellatio desiderabatur, & prætor de integro adeundus erat, ut aliud iudicium daret. Sanè non video, quomodo alioqui rectè defendi possit, idem iudicium ibi esse, ubi nova litis exigitur contestatio. Quod quidem negari non potest. Nam si reus post novam actionem editam & inducias ad deliberandum denovo concessas ad contradicendum venerit, utique contradictione sua novam litem facit: ut etiam dissentit Bachovius hic. Interpretum in *l. 3. C. de edend. & ad hunc §.* communis sententia est, libellum quidem emendari posse, usque ad sententiam definitivam; mutari autem non posse, nisi usque ad litem contestatam: atque adeo ne partium quidem consensu; quoniam litis contestatio & alii actus substantiales iudicii partium consensu tolli non possunt. Quæ sententia usu forensi recepta dicitur. *Gail. l. obj. 74. n. 4. & seqq. Merul. lib. 4. dist. 4. sect. 3. tit. 1. cap. 5. & 6. Christin. Sol. 2. decis. 88. num. 11.* quanquam de fori nostri usu contrario testetur *Groëne & de ll. abrog. hic.* Plane, si probari potest, per ignorantiam advocati in concipienda conclusione erratum esse, etiam mutatio usque ad sententiam permitti solet; sed non nisi ad postulationem litigatoris impetrata restitutione in integrum, & cum refusione expensarum, *Merul. d. cap. 6. Christin. Sol. 2. decis. 104. add. Groëne & d. loc. & ad tit. C. de error. ad vocat.*

TEXTUS.

Divisio sexta. de peculio.

36. Sunt præterea quedam actiones, quibus non semper solidum, quod nobis debetur, persequimur, sed modo solidum persequimur, modo minus. Ut ecce, si in peculium filii servive agamus. Nam si non minus in peculio sit, quam persequimur, in solidum dominus, paterve condemnatur: si vero minus inveniatur, eatenus condemnatur iudex, quatenus in peculio sit. Quemadmodum autem peculium intelligi debeat, sua ordine proponemus.

COMMENTARIUS.

Redit hic Imperator ad institutum, quod interrupit, *§. curare. 32. sup.* proponitque ad extremum adhuc unam divisionem, quæ ad effectum actionis pertinet, & declarat, quantum ex unaquaque actione sperare liceat. Divisio hæc est, quod quedam sunt actiones, quibus solidum quod nobis debetur, consequitur; quedam, quibus modo solidum, modo minus. Quo minus semper solidum consequamur, aut peculium facit, cuius ad modum actio constituta est; quod explicatur hoc §. aut beneficium reo tributum, ut in id tantum teneatur, quod facere potest; cuius generis actiones quedam proferuntur *§§. seqq. & ult.* aut mutua creditoris obligatio; de quo *§. seq. Vers. propter retentionem & §. pen. eod.*

Si in peculium filii servive]. De peculio actio proposita est ex contractu filiorum familias & servorum adversus patrem & dominum, *§. actiones 10. sup. eod.* Hac actione non semper solidum consequimur: quia adjectio illa de peculio significat, constitutam illam esse, quatenus est in peculio, ut siquidem non minus sit, quam persequimur, in solidum dominus & pater condemnentur: si vero minus inveniat, quatenus in peculio sit, *d. §. actiones & præerea. 4. tit. seq.* Quid in peculio servi filiiive habendum, item de quo peculio actio adversus patrem constituta contractu filii, alibi expositum est.

TEXTUS.

De repetitione dotis.

37. Item si de dote in iudicio mulier agat, placet, eatenus maritum condemnari debere, quatenus facere possit, id est, quatenus facultates ejus patiuntur. Itaque si dotis quantitati concurrant facultates ejus, in solidum damnatur, sin minus, in tantum, quantum facere potest. Propter retentionem quoque dotis repetitio minuitur. Nam ob impensas in res dotales factas, marito quasi retentio concessa est; quia ipsa jure necessariis sumptibus dos minuitur, sicut ex latioribus Digestorum libris cognoscere licet.

NOTÆ.

QUATENUS FACULTATES.] Facere posse civili ratione hic dicitur, qui de suo præstare potest honestè, deducto scilicet eo, quod illi satis sit ad victum quo-

quotidianum & alimenta, l. 29. in fin. l. 50. de re jud. l. 6. de cess. bon. l. 173. de reg. jur. & in eo tempus rei jud. spectatur, l. 15. sol. matr.

OB IMPENSAS] Olim non modo necessarias, sed etiam utiles, l. 1. cum seqq. de impens. in res dot. Hodie retentio permittitur ob necessarias impensas duntaxat, l. un. §. 3. C. de rei ux. act. Qualis hæc fuerit retentio, tum quæ sint istæ impensæ, cognosce ex l. 5. de imp. in res dot. l. 56 §. ult. de jur. dot.

COMMENTARIUS.

- 1 Beneficium competentia quibus quas ob causas detur.
- 2 Quibus personis præter maritum in causa dotis idem beneficium tribuitur.
- 3 Rei dotalis retentio quibus ex causis marito olim concessa: & quid hic notæ à Justiniano.
- 4 Ex quibus causis reo detur retentio extra causam dotis.

1 Sunt quædam personæ, quibus humanitatis causa tributum est, ut ne convenientur in solidum, sed in id tantum, quod facere possunt: quod beneficium vulgo vocant privilegium & exceptionem competentia. Tribuitur hoc beneficium partim ob causam, ex qua agitur, partim ob personam rei, cum qua agitur. Ob causam soli donatori ex causa donationis convento, §. seq. in fin. Ob personam rei variè, ob necessitudinem & conjunctionem personarum, unde parenti, liberis, fratribus, marito, uxori, lociis, &c. Ob solam reverentiam reo debitam, unde patrono: ob meritum in tempore, unde militi, qui sub armata militia stipendia meret, l. 6. litemmiles 16. de re jud. Denique ob solam commiserationem: unde ei, qui bonis suis cessit, tribuitur, §. ult. inf. eod. & interdum filio emancipato, l. 2. quod cum eo qui in al. pot. l. & exheredatum 49. de re jud.

2 Si de dote mulier agat] Eleganter Theod. Hermop. ad l. 173. de R. I. 'Αἰχμῆται ὁ νόμος παρρησιασθέντες τῇ χρείᾳ καὶ πάλω συκοφαντοῦν τὸν βίον, παντὶς δότι μνηστῆρος τὸν ἴδιον αὐτοῦ. Non autem marito tantum adversus uxorem, sed etiam uxori adversus maritum hic honos habetur, ut non ultra facultates damnetur. Idem tribuitur & patri mariti seu uxoris focero de dote convento, l. patronus 17. l. non tantum 20. cum l. seq. de re jud. l. rei judicata 15. in fin. & l. seq. solut. matr. Et ex diverso idem quoque honos habetur patri uxoris, si ex promissione dotis à genere conveniatur, l. ex diverso 17. solut. matr. nisi jam dissolutum sit matrimonium, l. sicut 21. cum l. seq. de re jud. Quod autem ait, si de dote mulier agat, exempli tantum causa dicitur. Nam non fo-

lum maritus, cum ex causa dotis ab uxore convenitur, hoc beneficium habet; sed etiam cum ex aliis contractibus; d. l. non tantum de re jud. nisi soluto matrimonio contraxerit cum ea, quæ olim uxor fuit, l. divorso 35. de neg. gest. Atque hoc jure etiam nunc utimur. Zypæ. not. jur. Belg. de jur. dot. in fin.

Propter retentionem] Diximus, mutuam creditoris ejusdemque actoris obligationem etiam nonnunquam efficere, ne reus in solidum condemnatur. Id consequitur non tantum per compensationem propriè dictam, cum quantitates utrimque debita compensantur: de quo §. pen. inf. sed interdum etiam per retentionem, cum fundus aut alia species ab eo petitur, & vicissim actor ei pecuniam debet. In causa dotis tribuebatur olim marito variis de causis rei dotalis retentio, ob res uxori ab ipso donatas; ob res ab uxore amotas; propter liberos; ob impensas in rem dotalem factas, non modo necessarias, sed etiam utiles. Justinianus autem, sublata ex omni alia causa retentione, solam reliquit eam, cujus hic fit mentio, nempe quæ fit ob impensas necessarias, l. un. §. taceat. §. C. de rei ux. act. Qualis hæc fuerit retentio, & quæ sint istæ impensæ, cognosce ex l. 5. de imp. in rem dot. l. si is qui 56. §. ult. de jur. dot. Extra dotis retentio reo tribuitur ex his & similibus causis; si rem, quæ petitur, alii pignori obligatam, pecunia sua liberaverit, l. quib. mod. pign. solv. si pignus in aliquam summam nominatim acceptum, pro alia summa, quam eidem postea sine pignore credidit, retineat, l. §. C. etiam ob chir. pec. pign. ten. Item si rem alienam, quæ petitur, sumptus fecerit, secundum distinctionem alibi traditam: vid. l. in summo 38. l. sumptus 48. de rei vind. l. si in area 33. de cond. ind. §. ex diverso 30. cum aliquot seqq. sup. de rer. div. s. Materiam retentionis distinctè tractat Ioan. Fab. in d. l. un. C. etiam ob chir. pec. & Costal. in l. in rebus 18. §. possunt. commod. add. Papin. lib. 6. art. 4. arr. 21. Rebuff. ad l. non potest. 117. de verb. sign.

TEXTUS.

De actione adversus parentem, patronum, socium, & donatorem.

38. Sed & si quis cum parente suo, patronove agat; item si socius cum socio iudicio societatis agat; non plus actor consequitur, quam adversarius ejus facere potest. Idem est, si quis ex donatione sua conveniatur.

NOTÆ.

38. SOCIUS CUM SOCIO] d. l. 16. Quia socii

inter se quodammodo fratres sunt, *l. 63. pro soc. tit. in
γὰρ ἀδελφοὶ* Th. Hermopol. ad *l. 173. de reg.
jur.*

COMMENTARIUS.

Cum parente suo patrono &c.] *l. sunt quidam 16.
& l. seq. de re jud.* Parenti hoc tributum cum
propter conjunctionem, tum propter reverentiam,
quam parenti liberi debent: ac proinde & matri idem
concedendum. *Gulier. 2. pract. q. 28. n. 2.* Patrono
datur ob solam reverentiam, quam ei debet libertus,
l. 9. de obs. par. & patr. Addunt & hanc rationem
DD. quod filius & libertus parentem & patronum
inopem alere teneantur. Unde ex contratio quo-
que statuunt, nec liberos à parente ultra quam face-
re queunt, conveniri posse. Sed & liberis & paren-
tibus patroni idem beneficium datum est, *l. patronus
17. de re jud.*

Item si socius cum socio judicio societas] Igitur
socio omnium bonorum semper & omnimodo hoc
beneficium competit, uti parenti, patrono, conjugi,
d. l. sunt quidam. Non omnium bonorum socio,
cum convenitur judicio societatis, *l. verum 67. in pr.
pro soc.* Quo loco etiam indicatur ratio, ob quam
placet socium hoc privilegio frui; nimirum quia so-
cii inter se quodammodo fratres sunt. Quod si so-
cii ob imaginem fraternitatis hoc privilegium in-
dultum, multo magis veris fratribus idem conceden-
dum: cum etiam fratri inopi alimenta debeat. *Tes-
saur. decis. 119. Christin. vol. 3. dec. 143. num. 2. D.
Tulden. comm. hoc tit. c. 19.* Plane non alias socius
hoc beneficium juvatur, quam si confiteatur, se socium
esse: Negantem, se socium, placet, in solidum con-
demnari, *l. si unus 67. in fin. pro soc. l. sed hoc 22. §. 1.
de re jud.* Nostri & Gallorum moribus nulla frater-
nitatis inter socios habetur ratio, sed sola spectatur
rerum communio, conventique in solidum conde-
mnantur, *Gothofr. in l. 16. de re jud. Granev. de ll.
abrog. hic.*

Ex aonatione] Is quoque, qui ex liberalitate sua
convenitur, in id tantum, quod facere potest, conde-
mnatur, *l. Disius 28. de reg. jur.* & quidem is solus
deducto ære alieno, *l. inter eos 19. §. 1. de re jud.* Pin-
guis enim donatori succurrere debemus, quam qui
verum debitum solvere compellitur: ne liberalitate
sua inops fieri periclitetur, *l. ex hereditate 49. cum
l. seq. eod.* Et ita utimur, *consult. JC. Bat. pag. 1.
conf. 269.* quamvis in Gallia nec hoc observetur.
Eugen. de ll. abrog. lib. 1. satyr. 12.

TEXTUS.

De compensationibus.

39. Compensationes quoque opposita

plerumque efficiunt, ut minus quisque
consequatur, quam ei debeatur. Nam
ex bono & aquo habitat ratione ejus, quod
invicem actorem ex eadem causa prestare
oportet, poterit judex in reliquum eum,
cum quo actum est, condemnare, sicut jam
dictum est.

COMMENTARIUS.

Etiam per compensationem reus consequitur, ne
in solidum damnetur. Compensatio tunc pro-
priè est, cum res, quæ numero, pondere, mensura
constant, utrimque debentur; ut ostendimus ad §.
in bona 30. sup. eod.

Compensationes opposita] Et si compensatio ipso
jure actionem minuit, tamen in judicio opponenda
& alleganda est, ut judex sciat, esse, quod vicissim
debeatur, ejusque in condemnatione rationem habe-
at. Hæc vero allegatio propriè exceptio non est, sed
nuda defensio, quam DD. vulgo exceptionem inten-
tionis & facti nominant, qualis est, si quis se solvisse
aut sibi accepto latum dicat: quod latius explicui ad
d. §. in bona.

Plerumque] Hæc particula fortè adjecta est pro-
pter causam depositi, vestigialium, tributorum &c. in
quibus compensationi non est locus, *l. 3. & l. ult. C.
de compens.* Fortassis etiam, quia liquidi tantum cum
liquido compensatio admittitur: quod autem ex causa
non liquida compensandi gratia objicitur, alii judi-
cio reservandum, nisi initio litis per modum excep-
tionis objiciatur, *d. §. in bona l. ult. C. de compens.*

Ex eadem causa] Hæc verba Theophilus non a-
gnoscat. Et sane etiam, quod ex diversâ causa de-
betur, compensari posse constat, *passim tit. ff. & C.
de compens. Paul. 2. sent. §.*

TEXTUS.

De eo qui bonis cessit.

40. Cum eo quoque, qui creditoribus
suis bonis cessit, si postea aliquid acquisie-
rit, quod idoneum emolumentum habeat,
ex integro in id, quod facere potest, credi-
tores experiuntur. Inhumanum enim
erat, spoliatum fortunis suis in solidum
damnari.

NOTÆ.

40. QUI BONIS CESSIT] Ex Ulpiano l. 4. de cess. bon.

IDONEUM EMOLUMENTUM] Non modicum, sed quod alicujus momenti sit, quo prætor moveri possit, l. 6. l. 7. eod.

EX INTEGRO] Id est, ἐξολοκλήρῃ, de integro, rursus, denuo, non is ὁλόκληρον, in solidum.

COMMENTARIUS.

1 Quid sit facere posse, & quid hoc reo tribuat.

2 Quibus rebus deductus id æstimetur.

3 Quale sit hoc beneficium, personas, an rei coherens.

Hic iterum proponitur species, ubi beneficium reo datum facit, ut actor solidum non semper conlequatur. Omnis debitor, qui non habet exceptionem competentia, solidum quod debet, solvere compellitur; si nequit, in carcerem ire volente creditore cogitur, nisi bonis cedere malit, l. 1. C. qui bon. ced. nam bonorum cessione pœnam carceris evitare potest, utique si sua non malo more amisit, prodegit aut fraudulenter alienavit, l. si quis dolo § 1. de re jud. l. verum 63. §. hoc quoque 7. pro soc. add. Gomez. 2. res. 11. num. 52. & ad l. Taur. 79. num. 2. Ben. Stracch. de merc. traff. de costorib. part. 3. n. 9. Cæterum non uti carceri, ita & obligatione debitor bonis cedens liberatur, ac proinde si postea facultates aliquas, quas modo alicujus momenti sunt, iterum acquisierit, denuo efficaciter conveniri potest: sed jam ita, ut non in solidum, quod amplius debet, sed solum in quantum facere potest, damnetur, l. 4. l. 6. & 7. de cess. bon. Beneficium ei tributum ex sola commiseratione, ut in extremo hujus §. indicat Justinianus. De materia cessionis latè disputare non est hujus loci: videndi DD. ad tit. ff. & C. eo pertinentes. Schneid. bic. Damhoud. prax. civ. cap. Pet. Greg. 22. synt. §. aliquot seqq. Afflict. decis. 348. & seq. Tessaure. decis. 36. & 182. Christin. vol. 4. decis. 123. ubi plurimos citat, qui ex professo hanc materiam tractant. Cæterum antequam hinc abeamus, quærendum est, quale sit hoc beneficium, quod competentia vocant, & cujus toties jam facta mentio. Id autem planum fiet, si cognoverimus quid sit facere posse, quibus rebus & unde deductis id æstimandum, sitne beneficium personarum, an causæ. Facere posse civili ratione hic dicitur, qui de tuo præstare potest honestè, deducto videlicet prius eo, quod illi satis sit ad victum quotidianum & alimenta, l. inter eos 19. in fin. l. cum ex causa. 30. de re jud. l. 6. de cess. bon. l. in condemnatione. 173. de reg. jur. & in eo tempus rei judicatae spectatur, l. 15. sol. matr. Non modo igitur quibus hoc

beneficium competit, si solvendo non sunt, in carcerem detrudi non possunt, aut cogi, ut bonis cedant: sed ne totum quidem, quod habent, iis extorquendum, ne aut turpiter mendicare aut malis artibus victum quærere cogantur. Sed & in definiendo victum & alimentis ratio dignitatis vel conditionis personarum habenda; cum lautiori cibo nobilem vesci, quam rusticum oporteat, & alius illi, quam huic cultus corporis conveniat. De quo Tiraq. de nobilitat. c. 20. n. 143. & seq. Coder. de process. p. 2. c. 3. n. 125. & seqq. Utrumque contra est, cum hoc beneficium cessat, quippe omnium actionum sine hoc beneficio hæc conditio est, ut quamvis reus solvendo non sit, solidum tamen præstare compellatur, aut de suo, aut si id non potest, aliunde, unde solvat, sumere, aut postulante creditore in carcerem ire; nisi paratus sit bonis cedere, l. 1. C. qui bon. ced. Atque ut creditor parcat carceri; omne tamen quod habet, condemnato aufertur potest, ut nihil ei, ne ad victum quidem, relinquitur; de quo vide Christin. vol. 4. decis. 123. num. 15. & ibi alleg. Hoc quod ita quemque facere posse dicimus, aliter in donatore æstimatur, aliter in cæteris. In donatore, deducto ære alieno: in cæteris, etiam non deducto: pinguius enim donatori succuri placuit, quam veris debitoribus, l. sunt. qui 16. l. inter eos 19. in pr. & §. 1. l. & exheredatum 49. de re jud. l. 12. de donat. Inter eos, quibus ex simili causa debetur, occupantis conditio melior; nec deducitur, quod ejusdem conditionis hominibus debetur, d. l. inter eos ubi vid. Don. Denique si actor eadem paupertate, qua reus, prematur, non juvabitur reus hoc privilegio: quoniam in pari momento miserationis præponderat rigor juris, magisque debitorem, quam creditorem, egere convenit. Zas. ad l. 12. & seqq. solut. matrim. n. 20. Coler. part. 2. cap. 3. n. 121. D. Teld. comm. in hunc. tit. cap. 19. Beneficium hoc personale est; non causæ, sed personæ cohærens: & ideo nec in hæredem transit, præterquam quod in actione dotis datur filiis mulieris, qui patri hæredes extiterunt, l. 12. & seq. l. etiam filius 18. solut. matr. l. 24. & seq. de re jud. add. Pet. Fabr. ad l. Disius 28. de reg. jur. Gomez. in l. Tauri. 50. & tres seqq. n. 49. Neque fidejussori tribuitur, quamvis ita fiat, ut nec debitori hoc beneficium profit; quippe quum fidejussor totum, quod præstitit, à reo principali repetere possit, l. & si fidejussor. 24. de re judic. Neque hoc iniquum aut absurdum est: quoniam relatio, quæ est inter creditorem & debitorem principalem, & propter quam beneficium tribuitur, non est inter creditorem & fidejussorem, nec rursus inter hunc & debitorem principalem. Quid quod debitor, dando fidejussorem, tacitè exceptioni competentia renuntiare videtur? utique enim hoc agimus fidejussorem accipientes, ut in omnem eventum no-

bis cautum sit, §. ult. inf. de replicat. Licet autem jure novo reus principalis prius conveniri & excuti debet, quam ad fidejussores perveniat; tamen quod creditor à reo consequi non potuit, rectè exiget à fidejessore: quoniam eodem jure non electione & litis contestatione, sed demum solutione obligatio perimitur, l. ultim. C. de fidejussor. Don. ad. d. l. 24. de re judic. Bacho. hic. fuse Hering. de fidejussor. cap. 27. part. 4. n. 80. & seqq. Alia causa est defensoris, cujus in omnibus rebus eadem causa esse debet, quæ domini foret, si cum ipso ageretur, l. alia causa. 14. solut. matrim. l. verum. G. §. 1. pro soc. l. minor. st. §. 1. de proc.

TITULUS VII.

D. lib. 14. t. 5. C. lib. 4. t. 16.

Quod cum eo, qui in aliena potestate est negotium gestum esse dicitur.

Continuatio, & summa tituli.



Ure civili nemo ex contractu alterius obligatur, ne is quidem qui contrahentem in potestate habet, §. actiones 10. tit. prac. Nam etsi jus potestatis facit, ut servus domino, filius patri obligationem & actionem acquirant: non efficit tamen ex contrario, ut pater & dominus ex contractu filii aut servi obligentur, atque alteri actio adversus eos acquiratur. Cæterum hunc juris rigorem quibusdam in casibus prætor ex æquitate relaxavit, introductis certis actionibus, vel potius actionum qualitatibus, quibus dominus & pater ex contractibus filii aut servi conveniri possunt. Hujus generis sex hoc tit. proponuntur, quod jussu, exercitoria, institoria, tributoria, de peculio, de in rem verso. Sub finem adjicitur casus, quo ex contractu filii pater non obligatur, cum ex eadem causa ex contractu servi obligetur dominus.

TEXTUS.

Scopus & nexus.

Qui tamen superius mentionem habuimus de actione, qua in peculium filiorum servorumq. agitur, opus est, ut de hac actione & de cæteris, quæ eorundem nomine in parentes dominosve dari solent, diligentius admoneamus. Et quia sive cum servis negotium gestum sit, sive cum iis, qui in potestate parentum sunt, eadem ferè jura

servantur, ne verbosa fiat disputatio, dirigamus sermonem in personam servi, dominiq. idem intellecturi de liberis quoque & parentibus, quorum in potestate sunt. Nam si quid in his propriè servetur, separatim ostendemus.

COMMENTARIUS.

Superius mentionem habuimus] §. actiones 10. prac. tit. ubi obiter egit de actione de peculio; quam nunc plenius, ut & cæteras, quæ ex conventionibus filiorum & servorum adversus patrem & dominum dantur, hoc tit. explicat.

Ferè eadem jura servantur] Merito adjecit particulam ferè. Nam primum servi ipsi ex contractibus civiliter non obligantur, §. item inutilis 6. sup. de inutil. stip. l. 14. de obl. & act. filii autem familias obligantur, & cum iis agi, tanquam patribus. potest, l. filiusfam. 39. d. tit. Deinde servus mutuam pecuniam accipiens obligat dominum de peculio: filius ex ea causa patrem de peculio non obligat, propter Senatusconsultum Macedonianum, §. pen. inf. eod. Præterea si servus fidejusserit rem peculiarem non agens, si liberum se mentitus judicium acceperit, compromiserit, jusjurandum detulerit, ex his causis actio de peculio in dominum non datur. Diversum est in filiofamilias, l. 3. §. filiusfam. 5. & seqq. l. 5. §. 2. de pecul. Postremo quia servi peculium simplex est & unius generis, totum in domini, à quo profectum est, potestate, dominus ex contractu servi sine distinctione tenetur: pater autem non de omni peculio tenetur, sed de eo tantum, quod ipse totum in potestate habet, cujusmodi hodie solum est profectitium; de quo plura scripsimus ad d. §. actiones sup. titul. In cæteris omnibus eadem omnino jura ex negotio gesto cum servis & filiisfam. De servis autem quæ tractantur, satis constat, usum hodie non habere.

TEXTUS.

De servis quod jussu.

1. Si igitur jussu domini cum servo negotium gestum erit, in solidum prætor adversus dominum actionem pollicetur: scilicet quia is, qui ita contrahit, fidem domini sequi videtur.

COMMENTARIUS.

Si jussu domini cum servo negotium gestum est, merito adversus dominum actio quod jussu datur, atque

neque adeo in solidum: nam quodammodo cum eo ipso contrahitur, qui jubet. *Ulp. l. 1. in pr. quod juss.* Ait Jurisconsultus quodammodo: verè enim non cum domino, qui jussit, sed cum servo contrahitur: & alioqui cessaret actio quod jussu: ut accidit, cum domino servi tantum ministerio utitur, ipse autem contrahit; veluti si mutuam pecuniam accepturus eam servo numerari jubeat; quo casu quod jussu non competere, sed domino condici, scriptum est in *l. ult. quod juss. fac. l. qui autem 24. cum l. seq. de pec. const.* Sic ibi pater in contrahendo filii nudo ministerio utitur, ipse solus, non filius obligatur, *l. 4. C. hoc sit. d. l. ult. quod juss.* At si filius jussu patris contraxerit, uterque tenetur, pater quod jussu, filius directo, *l. pen. cod. l. 2. §. sed utrum 4. de minorib.* Jussum autem domini hic accipere debemus, siue jusserit, siue mandaverit, siue ratum habuerit, aut servi chirographo subscripserit, *l. 1. §. 1. 2. 4. & 6 quod juss.*

TEXTUS.

De exercitoria & institoria actione.

2. Eadem ratione prator duas alias in solidum actiones pollicetur; quarum altera exercitoria, altera institoria appellatur. Exercitoria tunc habet locum, cum quis servum suum, magistrum navi praposerit, & quid cum eo, ejus rei gratia, cui prapositus erit, contractum fuerit. Ideo autem exercitoria vocatur, quia exercitor is appellatur, ad quem quotidianus navis quasi pertinet. Institoria tunc locum habet, cum quis tabernæ forte, aut cuilibet negotiationi servum suum praposerit, & quid cum eo, ejus rei causa, cui prapositus erit, contractum fuerit. Ideo autem institoria appellatur; quia qui negotiationibus praponuntur, institores vocantur. Istas tamen duas actiones prator reddit, & si liberum quis hominem, aut alienum servum navi aut tabernæ, aut cuilibet negotiationi praposerit; scilicet quia eadem aequitatis ratio etiam eo casu intervenireat.

NOTA.

CUM QUIS TABERNÆ] Taberna hic est ig-

γαστήρ, statio, officina. Gloss. juris, taberna. ἱππογάριον. Hinc tabernarius *l. 5. §. 7. de inst. act.* id est, ἱππογάριος. Gloss. Gr. Lat.

COMMENTARIUS.

- 1 Cum magistro & institore ipso etiam directo agi posse: quoniam in praxi hoc non receptum.
- 2 Si plures exercent, singulos in solidum teneri: sed apud nos hoc non obtinere.
- 3 Exerctores non habere actionem adversus contrahentes cum magistro aut institore.
- 4 In contractibus cum propositis incunctis diligenter observandam legem propositionis: ubi multa notabilia.

SI quid cum servo, quem dominus magistrum navi praposuit, contractum sit ejus rei causa, cui prapositus est, ad eam rem actio adversus dominum edicto prætoris constituta est, quæ exercitoria appellatur, *tir. ff. & C. de exerc. act.* Similiter si quid cum servo quem dominus tabernæ aut cuilibet alii negotiationi præfecit, ejus rei gratia gestum sit, in domino eo nomine actionem prætor pollicetur, quæ dicitur institoria, *tir. ff. & C. de inst. act.* Illa à præponente qui exercitor dicitur, nominata est; hæc à præposito seu institore propter commoditatem sermonis. Utraque eandem æquitatis rationem habet, quam superior illa quod jussu, nimirum quia voluntate domini negotium gestum, ac proinde cum eo ipso quodammodo contractum intelligitur, *§. ult. inf. cod. l. si institorem 29. de reb. cred.* unde merito etiam in solidum utraque proposita est.

Ad quem quotidianus navis quasi] Exercitor dicitur, ad quem omnes obventiones & redditus navis pertinent, siue is dominus navis sit, siue à domino navem per averfionem conduxerit, *l. 1. §. ad exercitorem 15. de exerc. act.* Magistrum autem navis accipere debemus, cui totius navis cura mandata est, maxime quidem cui ab exercitore, sed tamen etiam cui ab institore, *d. l. 1. §. 1. junct. §. magistrum 5. ubi etiam ratio hujus rei redditur.*

Institores vocantur] Institor, auctore Ulpiano, ex eo appellatus est, quod negotio gerendo instet: nec multum refert, inquit, tabernæ sit prapositus, an cuilibet alii negotiationi, *l. 2. de inst. act.* puta rebus emendis, locandis, permutandis. Ubi declarant exempla *l. 5. cod.* Quamvis autem procurator qui mutuis accipiendis pecuniis prapositus est, proprie institor non sit, placet tamen, adversus eum, qui praposuit, utilem ad exemplum institoria actionem dari, *l. pen. cod. l. 1. §. C. cod.*

Et si qui liberum hominem] *L. 8. §. cujus am-*
tem

sem 4. de exerc. act. l. 7. §. 1. & 2. l. 8. de inst. act. quibus locis traditur, nihil interesse ejus conditionis sit, qui navi aut tabernæ præponitur, masculus an femina; paterfamilias an filiusfamilias, pupillus an adultus aut ætate major; homo liber, an servus præponentis, an alienus. Ex converso quoque parvi referre traditum est, quis præposuerit, d. l. 1. §. parvi autem 16. d. l. 7. §. 1. l. 1. 2. & ult. C. eod. Nam & si is qui in potestate aliena est, ejus voluntate navem aut tabernam exerceat, & quid cum eo quem magisterio navis aut tabernæ præposuit, gestum sit, in eum, cujus in potestate est, judicium datur, d. l. 1. §. si is qui 19. de exerc. act. & si mulier sit, quæ navem aut tabernam exerceat, tenebitur & ipsa ex contractu eorum, quos præposuit: nec juvabitur Senatusconsulto; quoniam in obligationibus principalibus viro comparatur, d. l. 1. §. parvi autem 16. de exerc. d. l. 7. §. 1. de inst. act. l. 4. C. eod. nec sunt contractus hujusmodi alieni, sed ipsius mulieris. Græci in Basilic. 53. ἐὰν γὰρ ἀνδρὶς ἐστὶ τὸν πλοῦν κατασκευάσας ἀλλ' αὐτῆς τὴν ναυαρχίαν. Enimvero pupillus ex præpositione ut obligetur, necessaria est tutoris auctoritas, d. l. 1. §. parvi autem, l. 9. de inst. act.

Eadem aqutatis ratio] Condicio personæ præpositi non debuit impedire humanitatem prætoris. Nam sive servus sive homo liber administrationi alicui præponatur, semper is, qui cum præponit, eo animo esse intelligitur, ut velit in ea administratione factum præpositi præstare, ne contrahentes, qui præponentis magis quam præpositi fidem sequuntur, decipiantur: estque hoc æquissimum, ut quorum ex contractu commoda publice percipimus, eorum quoque in eadem causa facta agnoscamus, l. 1. in pr. §. 2. & 4. de exerc. act. l. 1. de inst. act. quamquam summo jure hæc causæ ad actionem adversus alium, quam cum quo revera contractum est, acquirendam non sufficiunt. Plane cum quaeritur, adversus quem actio detur, interest homo liber an servus sit, cum quo ut magistro aut institore contractum est. Nam servus ex contractu civiliter non obligatur, neque judicio agi cum eo potest. l. 6. C. de jud. l. 14. de obl. & act. & ideo solus dominus hic conveniendus est actione exercitoria. Si liber sit, uterque tenetur, & qui præposuit, & qui præpositus est; habetque creditor electionem, utrum cum magistro aut institore directo agere, an cum iis, qui eos præposuerunt, exercitoria aut institoria experiri velit, l. 1. §. est autem 17. & §. pen. de exerc. act. l. 6. §. ultim. nant. caup. stat. Nec obstat l. ult. de inst. act. ex qua quidam adstruxerunt, institores ipsos ex negotio institutorio nomine gesto non teneri nec conveniri posse: nam, ut recte plerique respondent, non proponitur in specie d. l. ult. institutor, qui cum aliquo contraxit, aut se institutorio nomine obligavit, sed qui tantum professus est,

esse penes mensam præponentis certam summam pecuniæ: ex cujusmodi nuda descriptione, ad fidem mensæ protestandam, om credit van de tafel te ontaerhouden, mirum non est, si post mortem præponentis conveniri non possit. Costal. in d. l. ult. & ad l. 1. §. est autem. 17. de exerc. act. Ubi tamen refert, aliud placuisse Curia Parisiensi, eamque censuisse, institores non recte conveniri ex iis contractibus, quos nomine institutorio inierunt, sed in dominos actionem esse intendendam, nisi domini eos, qui pro se gesserunt, pro institutoribus non habent. Quæ sententia etiam in praxi recepta est. Christin. vol. 3. decis. 53. n. 9. add. D. Coren. obs. 26. re à sup. sen. Holl. jud. unde Angelus in l. eandem, de duobus reis, ait, quod factores licet mille literis se scribant debitores, non propterea possunt conveniri, quod videntur scribere factorio nomine. Similia & Decius 2 conf. 150. Si plures navem aut tabernam exerceant, placet singulos in solidum conveniri posse: ne in plures adversarios distringatur, qui cum uno contraxerit, l. 1. §. ult. l. 2. 3. & 4. de exerc. act. l. habebat 13. §. ultim. & l. seq. de inst. act. Sed hoc apud nos receptum non est, ut mercatura noxium: sed singuli pro portionibus executionis tantum conveniri possunt Grot. lib. 3. cap. 1. & 2. de jur. bell. cap. 11. n. Groenew. de ll. abrog. hic. An igitur & ex contrario navem aut tabernam exercenti actio constituta est adversus eos, qui cum magistro aut institore contraxerunt? Minime. Neque enim eodem auxilio indigent, cum actione ordinaria, puta mandati, locati, negotiorum gestorum, cum magistro aut institore agere possint, l. 1. §. sed ex contrario 18. de exerc. act. l. 1. de inst. act. Plane, si ab his rem suam servare nequeant, ex æquitate illis succurri solet etiam contra eos, qui cum magistro aut institore contraxerunt, d. §. sed ex contrario. l. 1. de exerc. act. l. 2. de inst. act. Qui autem magistratum aut institorem in potestate habet, actiones ex contractibus eorum sibi quaeritas exercet. Illud porro animadversione dignum est, quod non ex omni causa ex contractu magistrati aut institutoris obligetur, qui eos præposuit: sed ex eo duntaxat negotio, quod gestum est ejus rei gratia, ad quam præpositi sunt, ut in hoc text. dicitur, & exemplis declaratur ab Ulpiano in d. l. 1. §. non autem 7. & seqq. de exerc. act. l. 5. §. non tamen 10. & seqq. de inst. act. Proinde in contractibus cum institutoribus aliisve officio alicui præpositis ineundis lex & forma præpositionis diligenter observanda est, d. l. 1. §. igitur 12. de exerc. act. l. sed si 11. §. conditio 5. de inst. act. adeoque ipsum genus commissionis vel officii expendendum, & persona quoque ejus, cum quo contrahitur, examinanda, l. qui cum alio, de reg. jur. Costal. in l. 5. §. non tamen, de inst. act. Quid dicemus si præpositi mutuas pecunias sumpe-

sumperint? Si mandatum habeant de mutuis pecuniis accipiendis, res expedita est. Si non habent, caute creditoribus agendum. Utique præpositio ad ea quoque extenditur, quæ sæpe incidenter & per consequentiam rei principaliter commissæ veniunt. Unde si verbi gratia navis reficienda aut instruenda sit, & magister in eam rem pecuniam mutuetur, actio in exercitorem dabitur, neque creditor adstringetur ad hoc, ut ipse curam reficiendæ navis suscipiat, probetve, pecuniam in refectionem erogatam esse, l. i. §. quid si s. l. ult. de exerc. act. Cæterum non alias utiliter aget, quam si concurrant illa omnia, quæ exigit Africanus in d. l. ult. & Gloss. & DD. ibidem. Summa est, si cum crederetur pecunia, navis in ea causa fuerit, ut refici deberet: si ea lege credita, ut in refectionem navis impenderetur: si creditor sciverit, eum, cui credidit, magistrum ei navi præpositum: si non majorem summam crediderit, quam ad eam rem esset necessaria: postremo si in eo loco crediderit, ubi id, propter quod pecunia creditori, comparari potest. Eademque fere dicenda, si quis in hitori pecuniam crediderit, & de actione in hitoria adversus dominum danda queratur, d. l. ult. §. ult. eoque jure etiam hodie utimur. *Christin. Sol. 3. decif. 33. n. 2.* eleganter & præfice *Jo. Fab. hic, n. 8. & seq. Foller. ad Marant. part. 4. dist. 22.* adde quæ nos ad *Pet. Peck. in tit. rei naut. ad d. l. ult.* Moribus harum regionum, ex contractu uxoris palam negotiationem exercentis, maritus obligatur, sed & uxor quoque tenetur, uti sæpissime judicatum testatur *Christin. Sol. 3. decif. 27.* Non idcirco tamen minus in intercessionibus beneficio Scti utitur. *Neostad. obs. rei judic. 18. add. Sand. lib. 2. tit. 4. def. 3. & 4. Grot. i. intro. c. 5.* Quod autem, qui aliquam uxorem ducit, simul omnia ejus debita in se trahit, id non ideo fit, quia contractus uxoris maritum obligat, sed quia matrimonium parit communionem totius æris alieni, cujus partem dimidiam velut debitum proprium vir exsolvere cogitur, alteram dimidiam tanquam administrator totius familiæ, ac proinde & negotiorum uxoris. *Gud. lib. 3. cap. 11.*

T E X T U S.

De tributoria.

3. Introduxit & aliam actionem prætor, quæ tributoria vocatur. Namque si servus in peculiari merce, sciente domino negotietur, & quid cum eo ejus rei causa contractum erit, ita prætor jus dicit, ut quicquid in his mercibus erit, quodque inde receptum erit, id inter dominum, si quid

ei debebitur, & ceteros creditores pro rata portione distribuatur. Et ideo tributoria vocatur, quia ipsi domino distributionem prætor permittit. Nam si quis ex creditoribus queratur, quasi minus ei tributum sit, hæc ei actionem accommodat, quæ tributoria appellatur.

N O T Æ.

QUIA IPSI DOMINO DISTRIBUTIONEM] Ipse dominus tribuendi facultatem habet ex prætoris edicto, l. ult. eod.

QUAM OPORTUERIT] Hæc actio dolum malum coërcet domini, l. 7. §. 2. eod. id est, propter iniquam distributionem datur: cogiturque dominus per hanc actionem in medium asserre, quicquid mercium occultaverit. Th.

C O M M E N T A R I U S.

P R O P O N I T U R hic quarta actio ex contractu servi in dominum à prætore comparata, quæ tributoria vocatur, id est, distributiva sive contributiva. Nam si quid cum servo in peculiari merce sciente domino negotiante contractum sit, jubetur dominus quod ex ea merce & quod eo nomine receptum est, æquabiliter inter creditores tribuere seu partiiri; in quam partitionem & ipsa quoque, si quid ei debetur sive mercis nomine sive alia ex causa, admittitur, l. 1. l. 5. §. per hanc actionem, & seqq. de tribut. act. Si autem dolo malo ejus factum sit, quominus ita tribueretur, tributaria in eum datur, ut quantum minus tributum sit, quam debuerit, præstet. Itaque hæc actio tantum dolum malum domini coërcet, si videlicet malitiose in distribuendo versatus sit, merces penes se retinuerit, aut sciens prudens perire sit passus. Quod si tribuere nolit, potest evitare actionem mercibus cedendo, l. 7. §. 1. & deinceps, eod.

Scienti domino negotietur] Dominus peculium servo concedens hoc ipso etiam jus contrahendi servo concedere intelligitur, l. 1. §. item acquirimus s. de acq. poss. Cæterum hæc voluntas paulo generalior & aliquanto remotior est à singulis contractibus: quia de causa in actione de peculio æstimatio peculii fit deducto eo, quod domino debetur, ut audiemus §. seq. At in casu proposito voluntas domini propius ad negotium accedit: exigitur enim ut saltem non nolit, id est, sciat & patiatu servum in merce peculiari negotiari, l. 1. §. 1. & 2. de tribus act. Et ideo in actione tributaria placet, dominum privilegi-

um deductionis non habere, sed æquali jure cum cæteris creditoribus in tributum vocari, *d. l. 1. in pr. add. l. 1. §. licet autem 20. l. 6. de exerc. act.*

T E X T U S.

De peculio & de in rem verso.

4. Præterea introducta est actio de peculio, deque eo, quod in rem domini versum erit, ut quamvis sine voluntate domini negotium gestum erit, tamen si ve quid in rem ejus versum fuerit, id totum præstare debeat; si ve quid non sit in rem ejus versum, id eatenus præstare debeat, quatenus peculium patitur. In rem autem domini versum intelligitur, quicquid necessario in rem ejus impenderit servus, veluti si mutuatus pecuniam creditoribus ejus solverit, aut adificia ruentia fulserit, aut familia frumentum emerit, vel etiam fundum, aut quamlibet aliam rem necessariam mercatus erit. Itaque si ex decem puta aureis, quos servus tuus à Titio mutuo accepit, creditori tuo quinque aureas solverit, reliquos vero quinque quolibet modo consumpserit, pro quinque quidem in solidum damnari debes; pro cæteris vero quinque eatenus, quatenus in peculio sit. Ex quo scilicet apparet, si toti decem aurei in rem tuam versi fuerint, totos decem aureos Titium consequi posse. Licet enim una sit actio, qua de peculio, deque eo, quod in rem domini versum sit, agitur; tamen duas habet condemnationes. Itaque judex, apud quem de ea actione agitur, ante dispicere solet, an in rem domini versum sit: nec aliter ad peculii estimationem transit, quam aut nihil in rem domini versum intelligatur, aut non totum. Cum autem quaritur, quantum in peculio

sit, ante deducitur, quicquid servus domino, civi, qui in potestate ejus sit, debet; & quod superest, id solum peculium intelligitur. Aliquando tamen id quod ei debet servus, qui in potestate domini sit, non deducitur ex peculio, veluti si in ipsius peculio sit. Quod eo pertinet, ut si quid vicario suo servus debeat, id ex peculio ejus non deducatur.

N O T E.

4. QUAMVIS SINE VOLUNTATE] Nam si domini voluntate, potest quod jussu agi, *l. 5. §. 2. de in rem vers.*

QUICQUID NECESSARIO] Vel utiliter, *l. 5. §. 2. eod.* quod autem magis ad voluptatem pertinet, non videtur versum. Hoc igitur dominus sine rei detrimento patietur auferri, *l. 3. §. 4. eod.* Locum hunc fuse explicat Ulpianus *d. l. 3. d. l. 5. l. 7. l. 10. eod.*

LICET ENIM UNA SIT ACTIO] Hujus loci hanc esse sententiam puto, non tantum singulis actionibus separatim, aut de peculio, aut de in rem verso, agi posse: sed etiam conjunctim, ut simul utrumque caput una formula ita, ut proponitur, in judicium deducatur. Eamque formam agendi esse commodissimam, ut mox ostenditur. Cæterum actio de in rem verso, non minus sola & per se institui potest, quam illa de peculio, *l. 1. pr. §. 1. l. 1. d. 19. in fin. de in rem vers. §. seq. & Sult. inf. eod.*

DUAS HABET CONDEMNATIONES] Quando scilicet, actioni de peculio illud emblemata de in rem verso adjicitur. Altera enim scorsum & simpliciter intentata ad alteram ex eadem causa non datur regressus, arg. *l. 9. §. 1. de trib. act. & §. seq. inf. eod.*

ANTE DEDUCITUR, &c.] Naturalia debita spectamus in peculii deductione, *l. 5. §. ult. l. 9. §. 2. & 3. l. 11. §. 1. de pecul.* quemadmodum ex contrario quod dominus servo debet, peculium auget, *l. 17. eod.*

C O M M E N T A R I U S.

1. Notatur & refutatur error eorum, qui putant, actionem de peculio, & eam de in rem verso, non esse duas distinctas actiones.

P RÆTER superiores quatuor sunt adhuc actiones duæ, edicto item prætoris ex contractibus servorum adversus dominum præditæ, quæ explicantur hoc loco, actio de in rem verso, & actio de peculio: quarum illa ob commodum, quod ex contractu servi ad dominum pervenit, constituta est; hæc ob domini volun-

voluntatem, uti & præcedentes; quanquam non ubique idem genus voluntatis intervenit, & ideo nec quæ hujus generis sunt, eundem effectum adversus dominum habent, *l. 1. §. licet autem 20. in fin. l. 6. de exerc. act. l. 1. per tot. de tribut. act. junct. l. 1. §. item acquirimus s. de acq. poss.*

Et quomodo sine voluntate domini] Actio de peculio dicitur dari ex negotio sine voluntate domini gesto, non quod nulla omnino voluntas domini præcedat: nam, ut sæpe alibi diximus, qui peculium servo concedit, hoc ipso ei etiam jus contrahendi tacite permittere intelligitur, per *d. l. 1. §. item acquirimus s. de acq. poss.* sed respectu actionum præcedentium, quæ ut competant, requiritur vel voluntas aperta, ut in actione quod iustu, exercitoria & institutoria, vel præter generalem concessionem peculii saltem scientia domini & patientia, ut in tributoria, cum de peculio dominus obligetur, etiamsi nesciat, servum de rebus peculiaribus contrahere. Unde etiam est, quod licet illa quod iustu, item exercitoria & institutoria, in solidum dominus teneatur, in tributoria quod sibi debetur non deducatur; de peculio tamen non teneatur, nisi pro modo peculii, & cum jure deducendi, quod ipsi servus debet.

Sive quid in rem ejus versus] Dominus de eo, quod servus sine voluntate ejus contraxit, quatenus in rem ejus versus est, in solidum tenetur actione de in rem verso; idque sive habeat servus peculium, sive non habeat, aut non tantum habeat, quantum acceptum est. Nam etiam ubi cessat actio de peculio, de in rem verso locum habet, *l. 1. in pr. & §. 1. de in rem vers.*

Quicquid necessario in rem ejus, &c.] Ostendit exemplis, quid quando in rem domini versus intelligatur. Et quidem quicquid servus necessario in rem domini impendit, id omne citra controversiam in rem ipsius versus intelligitur, *l. 3. §. 1. l. 5. l. 6. eod.* Sed tamen & quod utiliter gessit impenditve, in eadem causa est, *l. 5. §. 2. & passim, tit. eod.* nisi quod in non necessariis non amplius in rem versus intelligatur, quam est verum ipsius rei pretium; cum in necessariis spectetur pretium conventum, *d. l. 5. in pr. eod.* Ut ergo generaliter dicam, toties de in rem verso actio competit, quoties procurator mandati, aut negotiorum gestor negotiorum gestor actionem habet: quotiesque servus ita impendit, ut dominus rem suam aut meliorem haberet, aut non deteriore, *d. l. 3. §. 2.* Quod vero in voluptariam causam impensum est, non videtur versus: nam nec procurator hoc imputaret: & non debet dominus ex eo onerari, quod ipse facturum non esset, *d. l. 3. §. sed si mutua. 4.* Plane impensæ honestæ & consuetæ dominum de in rem verso obligant, *l. 7. §. 3. eod.*

Licet enim una sit actio] Ita hoc loco disputat Justinianus, quasi actio de peculio & actio de in rem verso non sint duæ distinctæ actiones, sed una tantum, quæ habeat duo capita duasque condemnationes. Unde quidam existimaverunt, actionem de in rem verso non esse propriam formulam & per se constantem, sed accessionem & appendicem duntaxat actionis de peculio institutam & exemptitiam. Proinde creditorem, qui de in rem verso agere instituit, de peculio actionem postulare oportere, ita ut simul illud emblemata de in rem verso adjici postulet. *Hotom. Tunning. hic.* Quidam vero actioni de peculio etiam inesse adjectionem de in rem verso, nec actionem de in rem verso per se exerceri, nisi cum deficit actio de peculio, *D. Cujas. hic, Duar. in tit. de in rem vers.* Neutri bene, meo quidem judicio. Nam, ut ego existimo, actio de in rem verso tam propria & per se constans formula est, quam ea de peculio: potestque non tantum cum actio de peculio deficit, sola & per se institui, veluti cum peculium servo sine dolo malo ademptum est, aut morte servi peculium extinctum, annusque, intra quem de peculio agi poterat, finitus; quibus casibus hæc actio etiam necessaria est: *l. 1. §. 1. l. 14. l. filiusfam. 19. in fin. de in rem vers.* sed etiam tunc, cum simul de peculio competit, *§. seq. in fin. & §. ult. l. 1. hoc tit. d. l. 1. in pr.* Et cur tandem quæso non liceat mihi, si velim, de in rem verso seorsum agere, quamvis & de peculio experiri queam? Cum autem simpliciter de peculio agitur, negamus, clausulam illam de in rem verso de peculio actioni inesse aut pro adjecta haberi. Estimatur quidem tunc quoque quod in rem domini versus est, sed tanquam servo debitum, ut tanto plus in peculio esse censeatur. Uti docet *d. l. 1. §. ult. & d. l. 19.* At in condemnatione seorsum ejus, quod versus est, ratio non habetur, sed universi peculii, sic ut de toto deducatur, quod servus domino debet. Quod secus est, si adjecta fuerit clausula de in rem verso, ut docemur hoc text. Et ex contrario si simpliciter de in rem verso actum sit, peculii nulla ratio habetur, sed ejus tantum, quod in rem versus est. Quid igitur est, quod Justinianus hic ait, unam esse actionem, quæ de peculio, deque eo, quod in rem versus sit, agitur? Nimirum ostendere voluit, non tantum singulis actionibus separatim aut de peculio aut de in rem verso agi posse, sed etiam conjunctim, unaque actione, ut caput simul utrumque ita, ut proponit, in judicium deducatur: eamque agendi formam esse commodissimam: propterea quod tunc utriusque rei ratio habeatur, & prius dominus damnetur in solidum ejus, quod in rem ipsius versus esse probatum fuerit; de quo non deducit, quod sibi debet: & si illud non sufficiat, tum porro damnetur, quatenus est in peculio, salvo beneficio deductionis. At seorsum altera intentata ad alteram

ram ex eadem causa regressus non datur. Per l. p. §. 1. de trib. & §. seq. hoc tit.

Ante deducitur quicquid servus domino, &c. debet] Quemadmodum quod dominus servo debet, peculium auget, l. si servus 17. in fin. de pecul. ita ex contrario quod servus domino debet, peculium minuit, atque extra peculium reputatur, quasi dominus praevenit & cum servo egerit. Idemque est, si quid servus debeat iis, qui in potestate domini sunt, quoniam hoc quoque domino debetur, l. s. §. ult. l. p. §. 2. & 3. d. tit. Unum excipitur, si servus ordinarius quid debeat vicario suo, quod ideo placet de peculio ordinarii non deduci, quia ut ipse, vicarius, ita & peculium ejus in peculio ordinarii est, d. l. si servus. Ordinarius vicarii veluti dominus est, vicarius δὲ υἱός αὐτοῦ. Gloss. Græc. Lat.

TEXTUS.

De concursu dictarum actionum.

§. Ceterum dubium non est, quin is quoque, qui jussu domini contraxerit, cuique institoria vel exercitoria actio competit, de peculio deque eo, quod in rem domini versum est, agere possit. Sed erit stultissimus, si omissa actione, qua facillime solidum ex contractu consequi possit, se ad difficultatem perducatur probandi, in rem domini versum esse, vel habere servum peculium, & tantum habere, ut solidum sibi solvi possit. Is quoque, cui tributoria actio competit, aequè de peculio, & de in rem verso agere potest. Sed sane huic modo tributoria expedit agere, modo de peculio & de in rem verso. Tributoria ideo expedit agere, quia in ea domini conditio præcipua non est. Id est, quod domino debetur, non deducitur, sed ejusdem juris est dominus, cujus & ceteri creditores: at in actione de peculio ante deducitur, quod domino debetur: & in id, quod reliquum est, creditori dominus condemnatur. Rursus de peculio ideo expedit agere, quod in

bac actione totius peculii ratio habetur: at in tributoria, ejus tantum, quo negotiatur. Et potest quisque tertia forte parte peculii, aut quarta, vel etiam minima negotiari: majorem autem partem in prædiis, aut fœnebre pecunia habere. Prout ergo expedit, ita quisque vel hanc actionem, vel illam eligere debet. Certe qui potest probare, in rem domini versum esse, de in rem verso agere debet.

NOTÆ.

DOMINI CONDITIO PRÆCIPUA NON EST] In tributorio judicio non melior conditio domini, quam cæterorum creditorum, l. 1. de tribu. act.

ANTE DEDUCITUR, QUOD DOMINO DEBITUR] Nam in actione de peculio dominus habet privilegium deductionis, d. l. 1. & §. 4. sup. eod.

IN HAC ACTIONE TOTIUS PECULII] In actione de peculio totius peculii: in tributoria ejus duntaxat partis, de qua negotium est, ratio ducitur, l. 11. de trib. act.

AUT FŒNEBRE PECUNIA] Ergo locum non habet institoria in fœnebre pecunia Pac.

DE IN REM VERSO AGERE DEBET] Id est, expedit ei potius de in rem verso agere, quam tributoria, propter solidi condemnationem. Theoph.

COMMENTARIUS.

Locus hic planus est. Docet, ex uno eodemque negotio & contractu servi plures actiones concurrere & simul competere posse. Ut ecce, si servus peculium habens negotiationi alicui præpositus sit, & quid in utilitatem domini verterit, locus est & actioni institutorie, & de peculio, & de in rem verso. Cujus rei hæc ratio est, quod hæ actiones non sunt actiones propriæ & per se constantes, sed tantum actionis ex contractu adjectiones. Exempli gratia, si quid institutor vendiderit, pecuniamque in rem domini converterit, una tantum revera actione dominus tenetur, videlicet ex empto; sed trifariam ex ea causa conveniri potest, ex empto institutoria, ex empto de peculio, ex empto de in rem verso. Concurrunt vero hæ actiones non cumulative, ut loquuntur, ut pluribus vel simul vel successive uti liceat, sed elective, ut liceat unam eligere experiundi gratia: una autem electa seu in judicium

dicium deducta alie consumuntur, quoniam omnes ex uno eodemque negotio descendunt, l. 2. §. 1. de tribus. aff. l. 4. §. ult. hoc tit. Plane de peculio de- que eo, quod in rem versum est, simul agi potest, sed una iudicii formula caput utrumque complectente, ut superius dictum est.

Sed erit stultissimus] Quoniam unius harum actionum electione ceteræ perimuntur, atque inter has alie aliis sunt uberiores aut commodiores, monet creditorem, ut in eligendo cautionem adhibeat, simul eum docens, quænam illæ sint, quibus plenius aut facilius suum consequi possit: quod lectione, non interpretatione indiget.

T E X T U S.

De filiisfamilias.

6. *Quæ diximus de servo & de domino, eadem intelligimus & de filio & filia, & nepote & nepte, & patre avove, cujus in potestate sunt.*

C O M M E N T A R I U S.

Hoc idem in principio hujus tit. monuit, promittens, si quid proprie in patre & filio observaretur, id separatim se indicaturum; cujus rei unum exemplum mox §. seq. adducit: nos plura ejusmodi notavimus ad d. pr.

T E X T U S.

De Senatus Conf. Macedoniano.

7. *Illud proprie servatur in eorum persona, quod Senatusconsultum Macedonianum prohibuit mutuas pecunias dari eis, qui in potestate parentis sunt; & ei, qui crediderit, denegatur actio tam adversus ipsum filium filiamve, nepotem, neptemve, (sive adhuc in potestate sint, sive morte parentis, vel emancipatione sua potestatis esse coeperint) quam adversus patrem avumve, sive eos habeat adhuc in potestate, sive emancipaverit. Quæ id eo Senatus prospexit, quia sæpe onerati & re alieno creditarum pecuniarum, quas in luxuriam consumeabant, vitæ parentum insidiabantur.*

C O M M E N T A R I U S.

1 *Scopus Senatusconsulti. An hodieque ei sua via constet. An ei filius renuntiare possit. An in foro anima se ejus auxilio tueri.*

Filiusfa. ex contractu suo & ipse obligatur, l. filiusfa. §. 2. de obl. & aff. & patrem obligat de peculio, §. actiones 10. sup. de actionibus, l. 3. §. filiusfa. & deinceps, de pecul. Una tantum causa excipitur, ex qua placet nec ipsam nec patrem ejus obligari, nempe si pecuniam mutuam acceperit: quod effectum est Senatusconsulto Macedoniano; cujus sententiam breviter hic complectitur Justinianus,

Senatusconsultum Macedonianum prohibuit] Hoc Senatusconsultum auctoritate Vespasiani factum refert Suetonius in ejus vita cap. 11. *Auctor, inquit, Senatus fuit Vespasianus decernendi, ne filiorum fa. fœneratoribus exigendi creasti; jus unquam esset, hoc est, ne post patris quidem mortem.* Tacitus autem lib. 11. annal. id Claudio tribuere videtur, dum ait, eum coërcuisse sævitiam creditorum, ne in mortem parentum pecunias filiusfa. fœnori darent.

Mutuas pecunias dari] Duo hic notanda. Primum num eum solum contra Senatusconsultum facere, qui mutuum filiofa. dedit, non qui alias contraxit, puta vendidit, locavit; modo ne quid factum sit in fraudem Senatusconsulti, l. 3. §. is autem 3. de Senatus. Mac. Deinde solum pecuniæ numeratæ dationem Senatusconsulto prohibitam: ceteras autem res omnes utiliter filiofa. mutuo dari, nisi & in his fraus Senatusconsulto quæratur, l. 7. §. mutui 3. d. tit. Illud non refert, utrum pecunia sub usuris mutuo data sit, an sine usuris, d. l. 7. §. siue autem 2. quamvis senatus præcipue prohibeat filiusfa. fœnerari, l. 1. d. tit. l. 3. C. eod. Plane ejus pecuniæ repetitionem non impedit Senatusconsulti auctoritas, quæ filiofa. studiorum vel legationis causa alibi diligenti ad necessarios sumptus suppeditatur, modo ne excedat eam quantitatem, quam pietas paterna non denegaret, d. l. 7. §. quod dicitur 13. l. 3. C. eod. Et in universum cessat Senatusconsultum, si pecunia in rem patris versa, d. l. 7. §. proinde 12. aut voluntate patris credita sit, d. l. 7. §. interdum 11. l. 12. eod. l. 2. l. ult. C. eod.

Qui in potestate parentis] Sine discrimine sexus aut gradus, l. 2. §. 2. l. 14. eod. nec refert, frugi sit filiusfa. an non; magistratus, an privatus: nisi castrense aut quasi castrense peculium habeat; ad cujus quantitatem placet cessare Senatusconsultum; quia in eo vice patrisfa. fungitur, l. 1. §. ult. l. 2. eod. In filiofa. sub armata militia militante in totum cessat, l. ult. §. ult. C. ad senat. Maced.

Denegatur actio] Nempe si contra Senatusconsultum factum esse appareat. Quod si de eo ambi-

gatur, exceptio adversus actionem dabitur, l. 1. de Senatusc. Mac. junct. l. 9. de jurej. quæ est illa à Jurisconsultis toties usurpata exceptio Senatusconsulti Macedoniani.

Vel emancipatione sua potestatis esse caperint] Cum scilicet pecunias mutuati essent, quo tempore adhuc in potestate erant. Nam vetat Senatusconsultum pecuniam credi filiofa, cæterisque liberis, qui in potestate sunt, hoc. text. d. l. 1. l. 1. q. eod. non vetat credi jam emancipatis aut aliter sui juris vivo adhuc patre effectis, l. 3. §. ult. eod.

Quæ ideo Senatus proplexit] Non sine gravi causa Senatus cavet, ne cui qui filiofa. mutuam pecuniam dedisset, actio petitiõe daretur. Nam hoc modo dum creditores à datione pecuniarum deterrentur, prædicitur filiisfam. materia luxurie & occasio contrahendi æs alienū, quo cum opprimi cœperunt, verendum amplissimus ordo existimavit, ne ad præmaturum atq; improbum successionis & mortis paternæ votum impellantur, d. l. 1. & hoc text. Simile est apud Ciceronem in defensione Sexti Roscii. D. Tuldenus in comm. ad hunc tit. cap. ult. quærit, & de eo aliquando dubitatum scribit, an etiam hodie secundum mores harum regionum vis sua Senatusconsulto constet. Et putat constare, sed certis tantum casibus, quoties scilicet creditor sciens in luxum pecuniam dedit, aut ea lege, ut post mortem patris redderetur cum fœnore. Extra hos casus, qui perpetuam æquitatis rationem habeant, Senatusconsultum mansuetudini morum & humanitati nostrorum temporum non convenire. Illud etiam tractatum est, an filiusfa. se hujus Senatusconsulti auxilio tueri possit in foro conscientiæ. Wamefius cent. ciq. 2. conf. 99. Tuldenus ad tit. C. ad Senatusc. Mac. num. 4. respondent, in judicio animæ filiumfa. utentem exceptione Senatusconsulti tutum non esse, nisi creditor ipsi pecunias ad profusionem & luxum sciens subministraverit. Ad quem ferme modum & Covar. ad cap. quamvis, de reg. jur. in 6. p. 2. §. 3. n. 5. qui illud quoque ibidem quærit, an filiusfa. exceptioni Senatusconsulti renunciare valeat. Et recte cum DD. comm. concludit, non posse. Quid si renuntiatio juramento corroborata sit? Putat idem Covar. eod. loc. tunc validam esse renuntiationem. Sed hoc vix est, ut ex ratione juris civilis defendi possit. Unus Zasius lib. 2. sig. resp. cap. 28. etiam injuratum renuntiationem valere censuit; non utique ut filius renuntiatione sua patri præjudicet, sed sibi. Quam sententiam judicio supremi Senatus Mechliniensis comprobata refert Christin. Vol. 3. decis. 35. num. 10.

T E X T U S.

De actione directa in patrem vel filium.

8. Illud in summa admonendi sumus, id quod jussu patris dominive contractum fuerit, quodque in rem ejus versum erit, directo quoque posse à patre dominove condici, tanquam si principaliter cum ipso negotiū gestum esset. Et quoq; qui exercitoria vel institoria actione tenetur, directo posse condici placet, quia hujus quoq; jussu contractum intelligitur.

C O M M E N T A R I U S.

Cui quod jussu vel de in rem verso, item cui exercitoria vel institoria competit, is etiam directo patri & domino condicere potest, l. si institorem 29. de reb. cred. l. si quis 17. §. ult. de inst. act. l. ult. pro soc. Quod ego prudentum auctoritate introductum arbitror, qui postquam à prætore obliqua agendi ratio constituta esset, etiam directam admiserunt, hoc colore, quasi cum ipso patre aut domino res gesta sit, hoc text. & d. ll. Hodie obliquæ istæ actiones, seu potius actionum adjectiones, quod jussu, tributoria, de peculio, de in rem verso, usum non habent; quoniam neque servos ullos habemus, neque liberi nostri eo jure apud nos sunt; quo apud veteres fuerunt. Tenemur quidem ex contractibus institorum nostrorum aut alias præpositorum, sive liberi nostri sint sive extranei, sed soli & directo, sicut supra quoque monuimus: ut proinde nec exercitoria nec institoria in usu amplius sit; quamvis nomina adhuc frequententur: ut merito hunc Titulum magna parte contrarium moribus nostris notet Christin. Vol. 3. decis. 34. post Bernard. Autum. in collat. jur. Gallici cum Rom. C. hoc tit.

T I T U L U S VIII.

D. lib. 9. t. 4. C. lib. 3. t. 41.

De noxalibus actionibus.

Continuatio.

Superiore titulo actum de judiciis, quæ in dominos dantur ex servorum contractibus: nunc agitur de iis, quibus domini tenentur propter eorum delicta. Nam servi non solum

solum contrahendo dominos obligant; sed etiam delinquendo. Ex delictis privatis (publica enim huc non pertinent) duplex actio est: nam & extra ordinem criminaliter eo nomine agi potest, & civiliter, *l. ult. de del. priv. l. ult. de furt. l. ult. de injur.* Criminaliter ex delicto servi cum domino non agitur, sed in ipsum servum cumque solum accusatio & vindicta criminis dirigitur: nisi forte jubente domino deliquit; quo casu etiam dominus tenetur, sed ex delicto proprio, ut quilibet alius, cujus mandatu flagitium aliquod perpetratum est, uti notatum sup. ad §. *illud. 7. de mand.* Civiliter vero seu pecuniarie cum solo domino agi potest: & siquidem iussit dominus servum delinquere, aut cum prohibere posset non prohibuit, in solidum obligatur, perinde ac si ipse deliquisset: si vero ignoravit, aut cum sciret, prohibuit, sed frustra, noxalis actio in eum datur; cujus hæc vis est, ut si damnatus fuerit, liceat ei deditio-
ne corporis, quod deliquit, evitare litis æstimationem, *l. 1. cum 3. seqq. hoc tit.* De peculio ex delictis prodita non est, sicut nec ex contractibus noxalis, *d. l. 1. l. ex penalibus §. de reg. jur.*

T E X T U S.

De servis. Summa.

Ex maleficiis servorum, veluti si furtum fecerint, aut bona rapuerint, aut damnum dederint, aut injuriam commiserint, noxales actiones prodite sunt, quibus domino damnato permittitur, aut litis æstimationem sufferre, aut ipsum hominem noxa dedere.

C O M M E N T A R I U S.

Ex maleficiis] Nomine maleficii & quasi maleficii hic accipiemus, quemadmodum supra contractus appellatione & quasi contractus continetur.

Veluti si furtum fecerint] Noxales actiones appellantur, quæ non ex contractu, sed ex noxa atque maleficio servorum adversus dominos instituuntur, *l. 1. hoc tit.* veluti si furtum fecerint, bona rapuerint, damnum dederint, injuriam intulerint, aut qua alia ratione deliquerint: nam exempli tantum causa quatuor istæ delictorum species nominantur. Plane delicta seu noxas accipere debemus privatas; nam ad eas noxas, quæ publicam exercitationem habent, hæc actio non pertinet, *l. quid sit. 17. §. noxas. 18. de adil. edict. l. hac stipulatio. 200. de verb. sign.* Hinc autem apparet, actiones noxales non esse proprias & per se

consistentes actiones, sed actionum ex delicto adjectiones, sicut actio de peculio adjectio est actionis ex contractu.

Aut litis æstimationem] Sola litis æstimatione obligatione est: nam noxæ delendi potestatem dominus à lege accipit, *l. 6. §. 1. de re jud.* unde intelligimus, non esse necessarium ut in judicio noxali aut actor disjunctivè petat, aut judex disjunctivè sententiam pronuntiet; quamvis ita & pronuntiare usitatum, *§. 1. inf. de off. jud.* & peti consultum; ne, dum simpliciter litis æstimationem petimus, videamur arguere scientiam domini, & malè agere.

T E X T U S.

Quid sit noxa & noxia.

1. Noxa autem est ipsum corpus, quod nocuit, id est, servus: noxia ipsum maleficcium, veluti furtum, rapina, damnum, injuria.

C O M M E N T A R I U S.

Non omnino abs. re est, ut plerique clamitant, quod hic tradit Justinianus, vocabulo *noxa* significari auctorem maleficii servum. Nam etsi passim non minus noxa, quam noxia, pro ipso maleficio usurpatur; *l. 1. l. 2. §. 1. l. si quis 14. de nox. act. l. si quid sit. 17. §. noxas. 18. de adil. edict. cum simil.* negari tamen non potest, quin aliquando veteres noxæ appellatione etiam ipsum servum, qui deliquit, intelligant: veluti cum dicunt, dominum habere noxam dedenda facultatem, *l. item. Geniunt 20. §. item 5. de har. pet. l. 6. §. 1. de re jud. item noxam dedere l. 1. in fin. pr. de his qui de jec. §. 1. inf. de off. jud.* Neque enim aliud est noxam dedere, quam dedere servum noxiosum. Servius ad illud Virgilii *Æneid. 1. Unius ob noxam. &c.* Quidam noxa, quæ nocuit, noxia, id quod nocitum accipiunt. Plane cum dicunt noxæ dedere, noxa maleficcium significat: est enim imperfecta illa locutio, & vetusta consuetudine subaudiendum, *nomine* ut noxa sit genitivi casus: eadem forma dicimus, cavere damni infecti, satis legatorum considerare, *l. 3. §. 2. ut in poss. leg. &c.* nisi noxam pro poena accipimus, ut noxæ dedere idem valeat, quod, dedere pro poenâ noxæ, nam & in noxam, & ad noxam, dedere, legimus, *l. 1. §. cum arietes 11. si quadr. paup. fec. l. si in re. 19. §. ult. hoc tit.* & veteres glossæ Phloxeni noxæ deditum interpretantur *ἐκδοσις*; eis, teste Salmasio, *lib. de mod. usur. pag. 888.*

T E X T U S.

Ratio harum actionum.

2. Summa autem ratione permissum

est, noxæ deditio fungit. Namque erat iniquum, nequitiam eorum ultra ipsorum corpora dominis damnosam esse.

COMMENTARIUS.

Sicut durum atque acerbum videtur, ei, qui damnum passus est, nulla ex parte satisfieri: ita & iniquum visum, dominum ex maleficio servi in plus teneri, quam ut noxæ eum dedat, l. 2. in pr. h. tit.

TEXTUS.

Effectus noxæ deditiois.

3. Dominus, noxali iudicio servi sui nomine conventus, servum auctori noxæ dedendo liberatur: nec minus in perpetuum ejus servi dominium a domino transfertur. Sin autem damnum ei, cui deditus est servus, resarcierit quasita pecunia, auxilio prætoris invito domino manumittetur.

NOTA.

3. INVITO DOMINO MANUMITTETUR] Singularis modus adipiscendi libertatem invito domino. De homine libero noxæ dedito idem tradit Papinianus apud Resin. tit. de atroc. injur.

COMMENTARIUS.

Dominus servum noxæ dedendo liberatur ab æstimatione lris, servique dediti dominium in perpetuum ab eo discedit; quamvis non statim pleno jure migret in eum, cui deditus est: nam noxæ deditio Quiritarium dominium non transfert, sed bonitarium tantum, hoc est, facit, ut deditus in bonis esse incipiat ejus, cui deditur, l. electio. 20. §. ult. hoc tit. l. 2. in fin. si ex nox. ca. ag. Sed hac distinctione non amplius utimur, l. un. C. de nud. jur. Quir. toll.

Sin autem damnum] Singularis modus adipiscendi libertatem invito domino. Servus invito domino libertatem consequi non potest, quantumcumque pecuniam offerat: in proposito tamen placet, eum posse, servumque noxæ deditum, si quasita aliunde pecunia damnum sarcierit, auxilio prætoris, invito domino, cui deditus est, manumitti. Cujus ego rei hanc esse rationem puto, quod causa servitutis apud hunc dominum est damnum, quod ei datum est: quæ causa cum cesset oblata damni æstimatione, cessare etiam debet effectus.

TEXTUS.

De origine harum actionum.

4. Sunt autem constitutæ noxales actiones aut legibus, aut edicto prætoris. Legibus, veluti furti ex lege 12. Tabularum, damni injuria ex lege Aquilia. Edicto prætoris, veluti injuriarum, & vi bonorum raptorum.

COMMENTARIUS.

Hic locus confirmat, quod supra diximus, actiones noxales ab actionibus ex delicto non differre specie, sed tantum qualitate adjuncta, cujus is effectus est, ut servum noxæ dedere liceat.

Veluti furti] intellige nec manifesti in duplum. Nam furti manifesti actio non legitima, sed honoraria est, inf. de perp. & temp. act. circa fin. pr. Accurs. Continus, Cujac.

TEXTUS.

Qui conveniuntur noxali actione.

5. Omnis autem noxalis actio caput sequitur. Nam si servus tuus noxam commiserit quamdiu in tua potestate sit, tecum actio est. Si autem in alterius potestatem pervenerit, cum illo incipit actio esse. At si manumissus fuerit, directo ipse tenetur, & extinguitur noxæ deditio. Ex diverso quoque directæ actio noxalis esse incipit. Nam si liber homo noxiam commiserit, & is servus tuus esse caperit, (quod quibusdam casibus effici primo libro tradidimus) incipit tecum esse noxalis actio, quæ ante directæ fuisset.

COMMENTARIUS.

1 Cum servus ex contractu ne quidem post manumissionem conveniri queat, cur placeat, cum manumissum ex delicto directæ actione teneri.

Noxalis actio caput sequitur] Iisdem verbis hæc regula effertur in l. qui ex pluribus 20. hoc tit. Plerumque autem dicitur, Noxæ caput sequitur l. ult. eod. l. 1. C. eod. l. rem mihi 21. in fin. commod. l.

1. §. si apud 18. depof. l. 1. in fin. de priu. del. l. quod dicitur 18. de furt. l. 4. C. an ser. pro suo fact. Id est, noxa aut potius noxalis obligatio & actio cum capite nocentis ambulat, comitaturque auctorem noxæ servum, quocumque eat & ad quemcumque perveniat. Unde in venditionibus servorum hæc clausula adjici solita erat, eos noxios solutos esse l. 1. §. 1. & pass. de adil. ed. hoc est, in ea causâ, ut dominus eorum nomine judicio noxali conveniri possit.

Si manumissus fuerit] Huic etiam casui accommodatur regula, Noxa caput sequitur l. 1. §. si apud 18. depof. l. 4. C. an ser. pro suo fact. Cæterum quia manumissus ipso judicio conveniri potest, cessat actio noxalis, & cum eo directo agitur, perinde ac si, quo tempore deliquit, liber fuisset, l. quod ab alio 15. de cond. furt. d. l. 4. C. an ser. pro suo fact. At enim cum servus ex contractu servitutis tempore inito ne quidem post manumissionem conveniri queat, l. 1. l. 2. & s. C. d. tit. excepto casu speciali l. 5. C. eod. cur placet, ex delicto tempore servitutis commisso manumissum directè conveniri? Non sane quia obligatio ex delicto, quæ ante naturalis erat, post manumissionem incipit esse civilis; ut putant D. Hotomann. & Tuning. nam & ex contrahibus servi naturaliter obligantur, l. 14. de obl. & act. Sed quia delicta domino ignorante & nolente committuntur, atque in invitos & ignorantes, ut proinde hinc nata obligatio personæ ipsius servi plane inhæreat, servumque æque ac liberum pœnæ subijciat, quæ etiam ipsi servo irrogatur, cum de coërcitione corporali quaeritur. Tantum obstat conditio servi, quominus pecuniario & civili judicio cum eo agi possit; quod obstaculum manumissione removetur. Contractuum vero dissimilis ratio est. Nam servus peculium habens voluntate domini contrahere intelligitur: quippe cui dominus peculium concedendo etiam jus contrahendi tacite concedit, ut qui cum servo contrahit, non tam servi, cum quo scit nullam sibi actionem esse posse, quam domini personam spectare videatur.

Si liber homo] Hoc exemplum superiori contrarium est: nam ut illic actio noxalis ex postfacto incipit esse directæ; ita hic directæ fit ex postfacto noxalis. Nimirum semper actiones ex delicto venientes cum capite ambulant, l. 7. §. 1. de cap. min. l. 2. in fin. de priu. del.

TEXTUS.

Si servus Domino noxiam commiserit, vel contra.

6. Si servus domino noxiam commiserit, actio nulla nascitur. Namque inter

dominum & eum, qui in potestate ejus, nulla obligatio nasci potest. Ideoque si in alienam potestatem servus pervenerit, aut manumissus fuerit, neque cum ipso, neque cum eo, cujus nunc in potestate sit, agi potest, unde si alienus servus tibi noxiam commiserit, & is postea in potestate tua esse coeperit, interdicitur actio: quia in eum casum deducta sit, in quo consistere non potuit. Ideoque licet exierit de tua potestate, agere non potes: quemadmodum si dominus in servum suum aliquid commiserit, nec si manumissus aut alienatus fuerit servus, ullam actionem contra dominum habere potest.

COMMENTARIUS.

Quod dictum est, ex maleficiis servorum noxales actiones proditas esse, noxamque sequi caput nocentis, eumque manumissum quoque teneri, id ita se habet, si servus extraneo noxiam commiserit, secus autem si domino: nam hic jus potestatis facit, ut nulla ab initio nascatur actio, l. 1. C. hoc tit. l. ult. C. an ser. pro suo fact. ubi facere Diocletianus & Maximinianus jubent, dominum servum domi convenire, id est, verberibus castigare.

Et ideo si in alienam potestatem] Confectarium ex præcedenti. Nam ex eo, quod ob noxam à servo in dominum commissam nulla actio nascitur, hoc necessario sequitur. Neque enim potest actio, quæ nata non est, servum auctorem noxæ sequi, aut post ejus alienationem vel manumissionem demum nasci, d. l. ult. C. an ser. pro suo fact. d. l. 1. C. hoc tit. l. quod dicitur 18. de furt.

Unde si alienus servus] L. si alienus 37. hoc tit. d. l. ult. C. an ser. pro suo fact. Regula de extinctione obligationis postquam in eum casum incidit, à quo incipere non potest, à me exposita est ad §. ex contrario 14. sup. de legat.

Interdicitur actio] Legendum haud dubie intercidit, cum Russardo, Cujacio, & Hotomanno. Theophilus reddidit *ἀνεκίνηται*, id est, *extinguitur*: quo verbo in eadem re utitur Triphonin. d. l. si alienus 37. hoc tit.

Licet exierit de potestate] Quoniam actio semel extincta non restauratur, d. l. ult. & d. l. alienus l. qui res 37. §. aream 8. de solut.

Si dominum in servum suum] Hoc eandem rationem habet: quia scilicet nulla ex ipso facto nata fuit actio.

TEXTUS.

De filiisfam.

7. *Sed veteres quidem hoc in filiis familiarum masculis & foeminis admiscere: nova autem hominum conversatio hujusmodi asperitatem recte respuendam esse existimavit, & ab usu communi hoc penitus recessit. Quis enim patiatur, filium suum; & maximè filiam, in noxam alii dari, ut pene per filii corpus pater magis, quam filius periclitetur: cum in filiabus etiam pudicitia favor hoc bene excludat. Et ideo placuit, in servos tantummodo noxales actiones esse proponendas: quum apud veteres legum commentatores invenimus sæpius dictum, ipsos filios familiar. pro suis delictis posse conveniri.*

NOTÆ.

7. IN NOXAM ALII DARI, UT PENE PER FILII CORPUS] Cujac. ex lib. Set. dare, ut pene per corpus pater magis, &c. quomodo & Th. legisse videtur.

PRO SUI DELICTIS CONVENIRI] Etiam pecuniarie, ad. 11. Quin in patrem etiam post condemnationem actio iudicati de peculio datur: l. 3. §. 11. de pecul.

COMMENTARIUS.

ApuD veteres non minus filiorum filiarumque familias noxæ deditio, quam servorum perimittebatur: nam patri non minor in liberos, quam domino in servos potestas erat. Sed postea illud displicuit, diu tamen ante tempora Justiniani, ut alibi probavimus, l. 33. & seqq. b. t. l. 1. §. 7. de his qui effud. l. 5. §. pen. de obl. & act. Paul. 2. sent. 31. Papin. apud leg. Mos. & Rom. parsatorem tit. 2. Rationes displicentiae variae hic afferuntur. Prima sumitur à miseratione liberorum, qui ita in servitutem alii tradebantur; cui adjungitur alia à favore pudicitiae, tangens præcipue sexum foemineum. Tertia ducitur à miseratione patris: quo facit l. 8. in fin. quod met. ca. Chrysost. hom. 39. in Genes. 29. ἵνα πῶς πατέρα ἀνέλεον πατέρας ἐπὶ τοῦ παιδὸς πτωχεύειν ἰδεομεν, &c.

Scitis sæpè patres optare penam pro liberis sustinere. Postrema ex eo, quod ipsi liberi ex delictis suis pecuniarie quoque conveniri possint: qui si condemnati fuerint, iudicatum facere tenentur. Quin etiam in patrem quoque post condemnationem actio iudicati de peculio datur, l. 3. §. idem scribit 11. de pecul. l. 1. si 35. de pecul. Actionum noxalium hodie nullus usus est, quoniam servos non habemus.

TITULUS IX.

D. lib. 9. t. 1.

Si quadrupes pauperem fecisse dicatur.

Nexus.



N numero actionum noxalium est & actio de pauperie: nam quemadmodum superiores ob noxam servi, ita hæc ob noxam animalis in dominum datur, ut aut damnum faciat, aut corpus, quod nocuit, noxæ dedat.

TEXTUS.

De actione, si quadrupes ex L. XII. Tab.

Animalium nomine, quæ ratione carent, si qua lascivia, aut pavore, aut feritate pauperiem fecerint, noxalis actio lege 12. Tabb. prodita est: quæ animalia si noxa dedantur, proficiunt reo ad liberationem: quia ita lex Tabularum scripta est, ut puta, si equus calcitrosus calce percusserit, aut bos, cornu petierit. Hæc autem actio in iis, quæ contra naturam moventur, locum habet. Caterum si genitalis sit feritas, cessat actio. Denique si rursus fugerit à domino, & sic nocuerit, non potest quondam dominus conveniri, quia desit dominus esse, ubi fera evasit. Pauperies autem est damnum sine injuria facientis datum. Nec enim potest animal injuriam fecisse dici, quod sensu caret. Hæc quidem ad noxalem pertinent actionem.

NOTÆ

NOTÆ.

AUT FERITATE] Non naturali, sed qua contra naturam generis sui animal motum pauperiem dedit, *l. 1. §. 7. h. t. ἐξ ἡνικα τὸ πούρος. Arist. 7. Eth. 7.*

ITA LEX 12. TAB. SCRIPTA] *de. r. in pr.* Legis etiam Solonix de pauperie meminit Plutarch. in Solon. vide & Levit. 21. *vers. 28. & seqq.* Plat. *1. de legib.*

CONTRA NATURAM MOVENTUR] Quod si culpa aut instigatu hominis fera damnum dederit, damni injuriæ agetur, *d.l.1. §. 4. & 3. seqq.*

SI GENITALIS SIT FERITAS] Id est, ge-
nuina & naturalis, d. l. l. §. 10.

COMMENTARIUS.

A Nimalium nomine] In rubr. hic & in 7. quadrupedum tantum mentio fit. Nimirum lex 12. tabb. nominatim de quadrupedibus scripta fuit, quæ ferè solæ nocere solent. Placuit tamen, utilem actionem dari, etsi non quadrupes, sed aliud animal pauperiem fecit, l. 4. hoc tit. Porro quadrupedum quædam sunt pecudes, nimirum quæ gregatim pascuntur, quædam non pecudes, §. 1. & §. capite 13. sup. de leg. Aquil. Rursus non pecudum, quædam sunt ciures, mansuetæ, domesticæ, aut canes, feles, l. 2. §. 2. ad leg. Aqu. quædam feræ bestię, in quibus genitalis est feritas, ut ursi, apri, leones, l. 1. §. in bestijs 10. hoc tit. d. l. 2. §. 2. ad leg. Aqu. Ad solas autem pecudes, aut utique ad quadrupedes mansuetas tantum hæc actio pertinet. De feris tamen bestiis utilis datur, §. 1. inf. cod.

Ανταγορε] *Alias ferore*, Theophil. πρῶτο-
τον.

Ausferitate] Non naturali, sed qua contra naturam generis sui mota damnum dederunt: nam motus in animali non nisi qui contra naturam est, huic actioni locum facit, ut mox sequitur.

Noxalis actio] Id est, ita de pauperie, ut, siquidem is, cum quo agitur, damni æstimationem præstare velit, animal retinere possit; si vero noxæ dedere malit, liberetur, *l. i. cod.*

Quia ita, 12. tab. scripta } Et ideo ita scripta ;
quoniam iniquum erat, ferociam horum animalium
ultra corpora ipsorum dominis damnosam esse, *arg.*
§. 2. tir. prac. Sanè ex causa etiam gravius coërceri
dominus poterit, velut si sciens vitium animalis, id
passus sit vagari sine custode.

Quæ contra naturam morientur] Id est, contra naturalem mansuetudinem omnium ejus generis animalium, & quasi ex contracto quodam vitio, ut exempla equi calcitrosi, & bovis cornu petere soliti ostendunt: aliqui culpa aut instigatu hominis damnum datum credendum est, & lege Aquilia vel in

factum agendum, l. 1. §. itaque 4. cum 3. §§. seqq.
hoc tit.

Si genitalis sit feris. Id est, nativa Gell. lib. 4. cap. 1. Ajunt Tribatium ex edito apposuisse. si ea mulier a principio genitalis in sterilitate effer. Et igitur actio de pauperie ob damnum a feris bellis illatum non conceditur, l. 1. §. in bestiis 10. b. 1.

Denique si rursus fugerit] Si fera nocuit, postquam fugisset, ideo de pauperie non competit, quia nullus erat, cum damnum daret: Idem est, si fugerit, postquam nocuisset; quia instar servi manumissi est, nec dedi, quæ evasis, fera potest. Sed & si adhuc in Potestate sit, tamen de pauperie in dominum non datur; quia cessat hæc actio, ubi genitali feritate animal nocuit, *l. 1. §. in bestis 10. hoc tit.* Cæterum postremo hoc casu, & si non directa, utilis tamen de pauperie competit, *§. 1. inf. eod.*

Quod sensu caret } Id est, non sentit aut intelligit
se delinquere, quod rationis usu caret. Nam sensum
utique & animam sentientem etiam animalia bruta
habet. Sed & injuriam facere dici possunt, eo scili-
cet sensu, quo & jure uti dicuntur, *sup. de jur. nat.*
gent. & civ. Unde si arietes commilerunt, & alter
alterum occidit, inter provocantum ceu injuriam in-
ferentem, & provocatum ceu injuriam illatam repel-
lentem, distinguitur, *l. 1. §. cum arietes 11, hoc tit.*
Sed, Gros. 1. de jur. bell. c. 2. m. 3.

TEXTUS.

De actione adilitia, concurrente cum
actione de pauperie.

1. *Ceterum sciendum est, adilitio edito prohiberi nos canem, verrem, aprum, ursum, leonem ibi habere, qua vulgo iter fit: & si adversus ea factum erit, & notitum libero homini esse dicatur, quod bonum & equum judici videtur, tanti dominus condemnnetur: Ceterarum vero rerum, quanti damnum datam sit, dupli. Præter has autem adilitias actiones, & de pauperie locum habebit. Nunquam enim actiones, præsertim pœnales, de eadem re concurrentes, alia aliam consumet.*

NOTÆ.

URSUM, LEONEM] Aliave id genus animalia,
quæ noceant, *l. 41. d. 5.*

BT DE PAUPERIE] Utilis sc. ut supra diximus.
Ccc 3

mus. Utilis item datur, cum non quadrupes, sed aliud animal damnum dedit, *l. pen. b. r.*

COMMENTARIUS.

1. An nomine damni à cane dati directæ de pauperie competat: & quadam usu nunc recepta.

Edicto adilitio vetitum est, ibi canem, verrem, aprum, lupum, aliudve id genus animal, quod nocere solet, habere, qua vulgo iter sit, *l. bi enim 40. §. 1. cum 2. ll. seqq. de adit. edict.* ubi verba edicti referuntur.

Necisum libero homini] Ob vulnus ab animali nocere solito in via publica homini libero inflictum actio ex edicto in bonum & æquum conceditur, *l. qua vulgo. 41. d. tit.* scilicet ut non deformitatis ratio habeatur, cum liberum corpus æstimationem non recipiat: sed impensarum in curationem factarum, & operarum amissarum, quasque amissurus qui esset inutilis factus, *l. 3. hoc tit.* Quod si liber homo ex ea re periiit, ducentorum solidorum iudicium datur, *d. l. qua vulgo.*

Caterarum rerum, quanti damnum datum, dupli] Ob damnum à fera bestia aut vitioso animali aliter, quam homine libero vulnerando in via publica datum, in duplum actio datur, *d. l. qua vulgo.*

Et de pauperie competat] Utilis scilicet. Nam ut ante dictum est, directæ non competit de damno dato à fera bestia: sed nec utilis tunc aliter locum habet, quam si vera, quæ nocuit, adhuc in potestate sit. An nomine damni à cane dati directæ de pauperie competat, dubitatum est, propterea quod Solon in lege, quam de animalium brutorum pauperie tulit, nominatim canis mentionem facit, auctore Plutarcho; & similiter Plato *lib. 11. de legib.* Verisimile autem est, decemviros à legibus Atheniensium suam sumpsisse. Quod ego in medio relinquo: quoniam effectu juris nihil interest, utilem an directam competere dicamus, ut in specie *l. 2. §. 1. hoc tit.* Si pecus secundum naturam suam agendo damnum dederit, puta agrum alienum depastum sit, non agitur de pauperie, sed propria actione de pastu pecoris, quæ & ipsa noxalis est; & simul cum de pauperie prodita lege *11. tabb. Paul. 1. sent. 15. l. qui servandorum 14. §. ult. de præscr. verb.* Hodie noxæ deditio non usurpatur, sed damnum datum æstimatur arbitrio iudicis. *Wesemb. par. hoc tit. n. 6. Badius. l. 1. §. plane. 11. ff. hoc tit.* Grotius tamen *lib. 3. introd. c. 38.* simpliciter jus Romanum refert, quasi noxæ deditio etiamnum posita sit in arbitrio domini: quod & Croënev. *de ll. abrog. hic* affirmat. Invaluit quoque, contra jus civile Rom. *l. Quintus 30. §. 1. ad l. Aq.* ut pecus in alieno agro deprehensum includere liceat, quoad domino pascu-


orum satisfiat. *Wesemb. d. loc. Baro. Tuning. hic. Grot. d. loc.*

Nunquam actiones, præsertim penales] Hoc idem traditur in *l. pen. de obl. & act. l. nunquam 130. de reg. jur. l. 2. de præ. delict.* De concursu plurium actionum longa & perplexa, neque hujus loci dispositio est: adeantur *Pet. Fab. ad l. nemo 43. §. 1. & d. l. nunquam de reg. jur. Don. lib. 21. comm. 3. Hostom. illust. quæst. 29. Tim. Fab. diss. annuæ. 28. Bachov. hic.* qui istam materiam ex professo & plenè tractaverunt.

TITULUS X.

De iis per quos agere possumus.

Ratio ordinis.

 Ræcedentes tituli nos docuerunt, quibus actionibus quis alieno nomine conveniri possit. Non incommode nunc subjicitur de personis, per quas agere cuique, itemque intendere aut excipere liceat.

TEXTUS.

Per quos agere liceat.

Nunc admonendi sumus, agere posse quemlibet hominem aut suo nomine, aut alieno. Alieno, veluti procuratorio, tutorio, curatorio, cum olim in usu fuisset, alterius nomine agi non posse, nisi pro populo, pro libertate, pro tutela. Præterea lege Hostilia permissum erat, furti agere eorum nomine, qui apud hostes essent, aut reipublicæ causa abessent, quive in eorum ejus tutela essent. Sed quia hoc non minimam incommunitatem habebat, quod alieno nomine neque agere, neque excipere actionem licebat, cæperunt homines per procuratores litigare. Nam & morbus & atas & necessaria peregrinatio, itemque alia multa causæ sæpè hominibus impedimento sunt, quominus rem suam ipsi exequi possint.

NOTÆ.

PRO POPULO] Pro populo agebat actor, syndicus, *omnesque*, quoniam universi agere non possunt.

PRO LIBERTATE] Quia servo jus non erat lege agendi: quam ob causam assertor constituebatur. Livius lib. 3. Assertor est vindex alienæ libertatis. Don. in And. act. 2. scen. 1.

PRO TUTELA] Id est, nomine tutorio pro pupillo; quippe qui propter ætatem ipse in iudicio consistere non potest.

COMMENTARIUS.

Alterius nomine agere non posse] Antiquitus alieno nomine agere non licebat. Nam actiones omnes legitimæ erant, id est, certis ac solemnibus formulis constabant, l. 2. §. deinde 6. de orig. jur. quas proinde suo quemque nomine & præsentem proponere oportebat. Cujus rei arg. est caput illud in duodecim tabulis, cujus meminit Gell. lib. 20. cap. 2. Si morbus dicitur & vitium escit, qui in jus vocatus, jumentum dato, si colet, arceram & sternito. Sed postquam actus contentiosæ jurisdictionis qualitatem illam, ex qua olim legis actiones æstimabantur, amiserunt, coeperuntque per procuratores exerceri, soli actus jurisdictionis voluntariæ, quales sunt adoptio, emancipatio, manumissio, nomen vetus legis actionum & naturam retinuerunt, ut alieno nomine expediri nequeant: eo quæ refero l. nemo 123. de reg. jur. add. quæ scripsimus ad §. sed & si §. sup. quib. mod. jus pat. pot. solv.

Nisi pro populo, pro libertate, pro tutela] Hæ causæ necessariæ exceptæ: quoniam nec universi agere possunt, nec servo jus erat lege agendi; quam ob causam assertor constituebatur, tor. tit. C. de assert. toll. Pupillus autem propter ætatem in iudicio consistere non poterat.

Pro tutela] Id est, pro pupillo nomine tutorio. Quod ideo moneo, ne quis hunc locum cum Theophilo interpretetur de duobus inter se de tutela contententibus, uter ipsorum tutor esse debeat: quod est ineptissimum.

Lege Hostilia] Pacius in notis marginalibus ait, hanc legem tulisse A. Hostilium consulem cum A. Attilio anno ab urbe condita 580. quo auctore, nescio.

Non minimam incommoditatem] Usus procuratorum perquam necessarius est, ut, qui rebus suis superesse vel nolunt, vel non possunt, vel non satis commodè possunt aut honestè, per alios possint vel agere vel actionem excipere, l. 1. §. 2. de procur.

Nam & morbus & atas, &c.] Hujusmodi impedimenta usum procuratorum initio introduxerunt, l. 1. §. 2. de procur. quo tamen semel recepto etiam extra causam necessitatis aut impedimenti per procuratores his inferri vel suscipi coepit.

TEXTUS.

Quibus modis procurator constituitur.

1. Procurator neque certis verbis, neque presente semper adversario, imo & plerumque eo ignorante, constituitur. Cui cumque enim permiseris rem tuam agere, aut defendere, is tuus procurator intelligitur.

NOTÆ.

1. PROCURATOR] Procurator dicitur, quisquis aliena negotia mandatu domini administrat, d. l. 1. pr. & §. 1. sed ad propositam materiam pertinent soli procuratores forenses.

NEQUE CERTIS VERBIS] d. l. 1. §. 1. id est, non verbis solemnibus, aut conceptis, sed nudis. Paul. 1. sent. 3.

CUI CUMQUE PERMISERIS] Dummodo procurator esse non prohibeatur, §. ult. inf. de except. Pac.

IS TUUS PROCURATOR INTELLIGITUR] Specialiter tamen procurator à reo datus, defensor dicitur; quem actor constituit, procurator, sit. de proc. & defens. qui sine mandato causam alterius defendit, idiomatice defensor dicitur, l. 28. l. 40. §. 2. l. 1. &c. de tit.

COMMENTARIUS.

1. Quale sit officium, & qua potestas procuratoris, maxime hodie.

Procurator in usu juris dicitur, qui aliena negotia mandatu domini administrat. Nec is tantum, qui administrat forensia & judicialia, sed etiam, qui alia quævis extra iudicium, l. 1. in pr. & §. 1. de proc. Sid. sup. titul. de mandat. sed de hoc genere nunc non quaeritur. Soli illi ad propositam tractationem pertinent, qui quod alienam litem procurant, procuratores ad lites vulgo appellantur.

Neque certis verbis neque presente adversario] d. l. 1. §. 1. Hic autem locus iudicio est, olim certam fuisse formulam verbis quibusdam solemnibus conceptam, qua procuratores presentibus adversariis constituerentur.

Rem tuam agere aut defendere] Specialiter tamen procurator à reo datus defensor dicitur; quem vero actor constituit, procurator, nomine generis ad speciem oppositam contracto, rubr. de procur. & def. Specialissime autem defensor cum denotat, qui si

ne mandato absentis defensionem suscipit §. si vero
s. tit. seq.

Jure Romano procuratoris officium privatum fuit: quod & nemo subibat invitus, l. inestus 17. C. de proc. & quivis mandatu domini exercere potuerat, l. 1. eod. utique si non expressè procurator esse prohiberetur, §. ult. inf. de exc. At moribus hodiernis procuratorum munus publicum est, cum in unoquoque foro certæ personæ designentur juramentoque adigantur, quæ solæ id munus obeant, singulorumque negotia exemplo advocatorum suscipere cogantur. Quod tuendæ forensis dignitatis causa institutum est, ne scilicet rerum forensium omnino imperiti negotia privatorum apud magistratum defendant, arg. l. 1. de postul. Bart. hic comm. part. ult. & sup. de mand. Gail. 1. obs. 47. Merul. lib. 4. dist. 7. tit. 17. Gudelm. lib. 4. de jur. no. cap. 4. Christin. Sol. 2. de off. 107. Zypæ. not. jur. Belg. de procur. qui eodem loco etiam accuratè docet, quibus rebus advocati & procuratoris munia discrepent. Quæ sit potestas cujusque procuratoris, ex forma mandati simulque ex mente domini æstimandum est. Aliquando enim plus videri potest mandatum, quam expressum: ut ecce, ei, cui mandatum est, in rem agere, censetur quoque, si res mobilis est, mandatum, ut agat ad exhibendum, l. ad rem. §6. de procur. Nam in universum cui aliquod negotium mandatum est, cuncta simul concessa videntur, sine quibus illud negotium explicari non potest, l. 2. & ibi DD. de jurisdic. Item procurator ad agendum datus, poterit quoque dominum in mutua petitione, quæ fortè à reo adversus eum fiet, defendere; quoniam quicumque nomine alieno agit, hoc ipsum etiam cavere debet, l. servum 33. §. ait prætor. de procur. Ludoëic. Rom. singul. 115. Ex contrario quamvis generale sit mandatum, tamen eo non intelliguntur contineri, quæ verisimile est non facile quempiam mandaturum fuisse; cujusmodi sunt causa famæ, transactio, delatio jurisjurandi, & similia, quæ idcirco dicuntur speciale exigere mandatum, l. non solum 39. §. ult. l. mandato. 60. eod. tit. cap. qui ad agendum. x eod. in 6. & ibi Glossa. Wesemb. par. de procur. n. 7. & 11. Merul. lib. 4. dist. 3. tit. 17. cap. 3. & 4. Gudelm. lib. 4. de jur. no. cap. 4.

TEXTUS.

Quibus modis tutores vel curatores constituuntur.

2. Tutoris & curatores quemadmodum constituantur, primo libro expositum est.

COMMENTARIUS.


Tutores & curatores aliis modis, quam procuratores, constituuntur, nimirum aut testamento à parentibus, aut lege, aut à magistratibus, quibus id specialiter permittum est, ut suis locis expositum est, lib. 1. tit. 13. & seqq.

TITULUS XI.

De satisfactionibus.

D. lib. 2. t. 8. c. lib. 2. t. 57.

Continuatio. Cautio quotuplex.

Uoniam alieno nomine sine satisfactione agi non potest, multoque minus actio alieno nomine suscipi, non intempestivè tractatio de satisfactionibus superiori subijcitur. Videamus igitur, quid sit satisfactio. Cautio alia dicitur nuda, quæ est promissio securitatis sine pignore aut fidejussore: cui si jusjurandum accedat, dicitur juratoria, §. 2. inf. eod. alia idonea, quæ satisfactio vocatur: & sit vel pignoribus datis, vel fidejussoribus, l. promissor. 21. §. 2. de const. pec. frequentissimè tamen ea, quæ sit datis fidejussoribus, in specie satisfactio appellatur, l. 1. qui satisfactio. l. 3. C. de verb. sign. & quoties lex aut prætor satisfactionem desiderant, regulatè fidejussoribus datis cavendum est, l. 7. de stip. præst. quamquam nonnunquam & pignora admittuntur, l. 1. §. jubet. 9. de collat. l. 2. §. 3. quod legat. Finis satisfactionum & cautioum, de quibus hoc tit. agitur, hic est, ut judicium, eaque, quæ in judicio usque ad sententiam aguntur, tanto magis rata sint, effectumque suum consequantur.

TEXTUS.

De judicio personali.

Satisfactionum modus alius antiquitati placuit, alium novitas per usum amplexa est. Olim enim si in rem agebatur, satisfactio dare possessor compellebatur, ut, si victus esset, nec rem ipsam restitueret, nec litis æstimationem, potestas esset petitori aut cum eo agendi, aut cum fidejussoribus ejus. Quæ satisfactio appellatur judicatum solvi. Unde autem sic appelletur, facile est intelligere. Namq. stipulabatur quis, ut solveretur sibi, quod fuisset judi-

ratum. Multo magis is, qui in rem actione conveniebatur, satisdare cogebatur, si alieno nomine iudicium accipiebat. Ipse autem qui in rem agebat, si suo nomine petebat, satisdare non cogebatur. Procurator vero si in rem agebat, satisdare jubebatur, rem ratam dominum habiturum. Periculum enim erat, ne iterum dominus de eadem experiretur. Tutores vero & curatores eodem modo, quo procuratores, satisdare debere, verba edicti faciebant. Sed aliquando bis agentibus satisfactio remittebatur. Hac ita erant, si in rem agebatur.

N O T Æ.

SATISDACTIONUM] Satisdare proprie est fideiussoribus datis cavere, *l. 1. qui satisd. cog. l. 3. C. de verb. sign. l. 7. de prat. stip.*

S. 1. ALIENO NOMINE JUDICIUM ACCIPIEBAT] Quoniam nemo alienæ litis defensor idoneus sine satisfactione, *l. 46. §. 2. l. 53. de procur. Ceterum & de rato cavere debebat, l. 40. §. 2. d. 1.*

SATISDARE JUBEATUR, REM RATAM, &c.] Nempe ubi de mandato domini non satis liquide docere poterat, arg. *l. 3. §. 2. ut in poss. leg. l. 1. C. de proc.* neque enim, qui mandatum domini ostendit, supervacua cautione onerari debet, *d. l. 1. C. de procur.*

C O M M E N T A R I U S.

1. Procuratorem, de cuius mandato constat, non cavere de rato.

2. Sed neque tutorem, quem talem esse constat.

Antiquitati placuit] Antiqui hujus juris vestigia non pauca nobis in *ant.* reliquerunt Compositores, uti ex iis, quæ sequuntur, apparebit. Proponitur autem hoc jus sub triplici distinctione, actionis in rem & in personam, rei & actoris, personarum principalium & pro his iudicio intervenientium.

Satisdare possessor compellebatur] Olim in actione in rem possessor satisdare iudicatum solvi cogebatur, *l. 8. & alib. jud. solv. l. si cum 33. de fidei.* Patet etiam ex *l. 1. C. uti poss.* si possessor non cavisset, possessionem in adversarium translatam fuisse; nimirum quia periculum erat, ne rem faceret dete-

riorem: qua de causa res mobilis nonnunquam sequestrari & apud officium deponi solebat, *l. 7. in fin. qui satisd. cog.*

Nec rem ipsam, nec litis æstimationem] Hic locus confirmat, quod *sup. de act. §. præterea 31.* asseruimus, etiam civilem actionem in rem arbitrariam fuisse, id est, in ea quoque hoc observari solitum, ut primo possessor juberetur rem restituere, post deinde si non restitueret, condemnaretur in litis æstimationem.

Cum eo, aut cum fideiussoribus] Itaque contra quam Hotomannus existimat, reo condemnato, nec solvente, non tantum in fideiussores, sed etiam in ipsum reum agi ex hac stipulatione potuit; licet hic propria quoque actione, iudicati videlicet, teneretur.

Judicatum solvi] Hæc stipulatio, auctore Ulpiano *l. 6. jud. solv.* tres clausulas in unum collatas habet, de re iudicata, de re defendenda, de dolo malo. Atque ex omnibus his causis committitur, *l. 3. §. si reus 8. l. 5. §. 2. l. cum quærebatur 13. l. ex clausula 17. eod.* Prima autem clausula omnium potissima est: & ideo inde nomen accepit.

Multo magis si alieno nomine] Olim qui in rem iudicium alieno nomine suscipiebat, multo magis, quam reus, satisdare cogebatur: quoniam nemo alienæ litis defensor idoneus est sine satisfactione, *l. qui proprio 46. §. 2. l. non videtur 53. de procur.* Sed & præter solitam satisfactionem iudicatum solvi etiam de rato cavere debebat, *l. Pomponius 40. §. 2. d. 1. tit.*

Ipse autem qui in rem] Olim qui in rem suo nomine agebat, satisdare non cogebatur. Quippe in cuius persona satisfactio iudicatum solvi locum non habebat, cum actor non damnetur: neque ferendum erat, ne is, qui ultro litem intendit, moras neceret, litemve non persequeretur.

Procurator vero si in rem] Ait, procuratorem actoris satisdare solitum fuisse rem ratam dominum habiturum. Falsa propositio, si de vero procuratore, seu eo, qui speciale mandatum domini profert, accipiat, *l. 1. C. de procur. l. 3. §. 2. ut in poss. leg. fac. l. si procurator 65. de procur. l. 1. in pr. C. de satisd.* Nam stultum esset cautionem de rato exigere ab eo, qui mandatum domini ostendit; nec minus iniquum, ubi nullum periculum est, ne dominus iterum agat, procuratorem superflua cautione onerari. At, inquis, qui mandatum non habet ad agendum, pro alio non admittitur, quamvis de rato cautionem offerat, nisi admodum raro, *d. l. Pomponius, §. ult. de proc.* Quomodo igitur defendimus enuntiationem Justiniani? Nimirum inter eos, quos procuratores esse aut non esse constat, sunt interdicti, qui se procuratores esse dicunt, & de mandato domini aliquam

saltem

itaque fidem faciunt, quamvis de eo satis liquide docere non possint; ac de his solis dicimus textum hunc intelligendum esse, *arg. l. 3. §. 2. ut in poss. leg. l. 1. C. de proc.* quibus locis perspicue distinguitur inter eum, cui mandatum esse constat, & de quo dubitatur, ut ille ad agendum alieno nomine admittatur etiam sine cautione, hic non aliter, quam si de rato caveat. Eadem quoque conditione admittuntur & sine mandato personæ conjunctæ, *d. l. Pomponius, §. ult. de proc.* item procurator universorum negotiorum, *l. 5. §. qui procuratorio l. 8. de no. op. nunc.*

Tutores & curatores eodem modo] Ait tutorum & curatorum eandem in satisfaciendo conditionem fuisse, quæ procuratorum fuit: sed aliquando his agentibus satisfactionem remissam. Hæc quoque sententia falsa est. Nam cum magis tutores, quos tales esse constat, de rato cavent, quam procurator, quem talem esse certum est, *l. Vulgo 23. de adm. tut.* ejusque rei perspicua ratio, quam etiam Jurisconsultus *d. loc.* affert, quia non minus tutor, quam procurator, rem in judicium deducit, ut metuendum non sit, ne pupillus iterum experiat. Tunc solum cautio præstanda, cum dubitatur, an quis tutor sit, vel an adhuc duret tutela, *d. l. Vulgo*. Quod & in procuratore, cum de mandato dubitatur, obtinere paulo ante diximus. Itaque covertimus potius propositionem cum Ulpiano in *d. l. Vulgo*, dicamusque, tutores & curatores de rato non cavere. Adjecta hac declaratione ex eodem Ulpiano, ut, si dubitetur, an quis tutor aut curator sit, tum cautio jure exigatur.

Verba edicti] Videtur intelligere caput edicti, quod recitat Ulpian. *l. servum 33. §. ait prator. de procur.* ubi qui alieno nomine actionem postulat, jubetur cavere, se eum, cujus nomine agere instituit, defensurum, si quid vice mutua ab eo reus petat, & simul eum, ad quem ea res pertinet, ratam rem habiturum. Sed ut pars illa edicti non pertinet ad procuratorem speciale mandatum habentem, quippe quem constat de rato non cavere, ita nec ad tutorem pertinet, qui idem jus habet: ac tametsi altera illa cautio de defendendo eo, cujus nomine agitur, etiam à procuratore speciale mandatum habente præstanda sit; tamen tutores & curatores ne illa quidem satisfactione onerari placuit, *l. ult. §. 3. C. de adm. tut.* Sed de eo hic non queritur.

TEXTUS.

De judicio personali.

1. Si vero in personam, ab actoris quidem parte eadem obtinebant, quæ diximus in actione, qua in rem agitur: ab ejus vero parte, cum quo agitur, siquidem alie-

no nomine aliquis interveniret, omnimodo satisfaceret, quia nemo defensor in aliena re sine satisfactione idoneus esse creditur. Quod si proprio nomine aliquis judicium accipiebat in personam, judicatum solvi satisfacere non cogebatur.

NOTÆ.

1. SIQUIDEM ALIENO OMNIMODO SATISFACERET] Judicatum scilicet solvi, *l. 5. §. ult. quib. ex caus. in poss. Omnimodo*, id est, etiam si mandatum habeat, *l. 21. rat. in rem hab. l. 1. in fin. C. de satisf. d.*

NEMO DEFENSOR IDONEUS] Regula passim tradita. Defensor idoneus, id est, *in rem hab. l. 1. in fin. C. de satisf. d.* locuples, *l. 1. §. 1. de no. op. nunc.*

COMMENTARIUS.

Ab actoris parte eadem obtinebant] Itaque qui in personam agebat, siquidem suo nomine, non satisfacere, sed in alieno, satisfacere, rem ratam haberi, *l. servum 33. in fin. de procur.* nisi de mandato constaret: nam ubi mandatum apparet, non est necessaria satisfactio de rato, ut supra probavimus.

Ab ejus parte, cum quo agitur] Jure antiquo qui in actione personali defensionem alterius suscipiebat, satisfacere cogebatur judicatum solvi, *l. 5. §. ult. quib. ex caus. in poss.* & uti est in textu, omnimodo, id est, sive mandatum non haberet, sive haberet: quod etiam expressum in *l. 1. in fin. C. de satisf. d. l. ne satisfactio 21. rat. in rem hab.* & satis intelligitur ex generali regula passim tradita, quod nemo alienæ rei defensor idoneus est sine satisfactione. Rationem hanc esse arbitror, quod susceptio judicii species quædam est delegationis, *l. 11. §. 1. de no. op. nunc.* facitque, ut subtilitate juris reus liberatus videatur. Ut proinde merito qui in locum rei succedit, & dominus litis efficitur, hac cautione oneretur, etiam si mandatum habeat, ne invito actori alius reus objiciatur. Et inde est, quod stricta ratione juris in procuratorem sententia fertur, & actio judicati datur: quamvis ex æquitate prætor actionem in eum denegat, & in reum, cujus revera negotium gestum est, concedit, *l. 4. de re jud.*

Quod si proprio nomine] Qui suo nomine actionem in personam suscipiebat, judicatum solvi satisfacere non tenebatur. In actione in rem contra erat. Differentiæ ratio hæc redditur, quod in actione in personam reus non æque condemnationem evitare potest, quam in actione in rem, quippe mora obligationem perpetuat; at eandem vim adversus possessorum non habet; quem placet absolvi etiam si post-

litum

litem contestatam possidere rem defierit, modo dolo & culpa careat, *l. sin autem 27. §. 1. de rei vind. de quo plura scripsi ad §. sic itaque 14. in fin. sup. de act.*

T E X T U S.

Jus novum. De Reo.

2. *Sed hodie hac aliter observantur. Sive enim quis in rem actione convenitur, sive personali suo nomine, nullam satisfactionem pro litis aestimatione dare compellitur: sed pro sua tantum persona, quod in judicio permaneat usque ad terminum litis. Vel committitur sua promissioni cum jurejurando, quam juratoriam cautionem vocant; vel nudam promissionem, vel satisfactionem pro qualitate personae suae dare compellitur.*

N O T A.

2. PRO LITIS AESTIMATIONE] *ἡ δὲ ἀξιολογία* & *ἡ ἀξιολογία*, id est, judicatum solvi satisdare non cogitur: quæ satisfactio ab eo, qui in rem judicium accipiebat, exigebatur.

C O M M E N T A R I U S.

Hodie qui suo nomine quacunque actione convenitur, satisdare de litis aestimatione non cogitur. De litis aestimatione dixit pro judicatum solvi, quæ olim ab eo, qui in rem judicium accipiebat, exigebatur.

Sed pro sua tantum persona] Cujusvis judicii reus principalis de exitu litis expectando vel satisdare, vel jurare, vel repromittere tenetur. Juratoriae cautioni committuntur pauperiores, ut jurent scilicet se facturos, quod alias, fidejussoribus datis, promittere debuissent; simul & hoc, se idoneos fidejussores reperire non potuisse, *auth. generaliter, C. de Episc. & Cler.* Personæ quoque illustres non satisdant, sed jurant, *l. quoties 17. C. de dign. lib. 12.* A reliquis exigitur satisfactio, exceptis iis, qui immobilia possident, *l. sciendum 15. qui satisd. cog.* quos nec jurare teneri arbitror; alioqui quis locus esset nudæ repromissioni, quæ hoc loco & in rubr. *qui satisd.* opponitur cautioni juratoriae? Et igitur statuitur nudæ possessoris immobilium promissioni. Interpretes in *l. 1. & d. l. sciendum, d. tit.* fere censent, possessionem teneri ea bona simul hypothecæ obligare. Quod

mihî à mente Jurisconsulti in *d. l. sciendum*, valde alienum esse videtur. Quin cautio pignoratitia non minus idonea, imo aliquando utilior est, quam fidejussoria.

Usque ad terminum litis] Hæc igitur cautio plus continet, quam vetus illa judicio sisti. Nam illi satisfit, si reus judicio exhibeatur, neque necesse est litis exitum expectare. Huic vero non satisfit, nisi terminus litis expectetur. Alia cautio est, quæ novissimo jure in executorem litis exponitur de contestanda lite intra duos menses, *auth. libellum, C. de lit. cont.*

T E X T U S.

De Procuratore actoris.

3. *Sin autem per procuratorem lis vel infertur, vel suscipitur; in actoris quidem persona, si non mandatum actis insinuatum est, vel præsens dominus litis in judicio procuratoris sui personam confirmaverit, ratam rem dominum habiturum, satisfactionem procurator dare compellitur. Eodem observando & si tutor vel curator, vel alia tales personæ, quæ alienarum rerum gubernationem receperunt, litem quibusdam per alium inferunt.*

N O T A.

VEL ALIAE TALES PERSONAE] Intellige syndicos vel actores municipiorum aut corporum.

LITEM PER ALIUM INFERANT] Puta vel per procuratorem, *l. 11. C. eod.* vel per actorem quem ipse tutor aut curator ex sua persona constituere possunt, *leg. un. C. de act. à tut. seu cur. dand.* ipsi vero per se agentes non satisdant. *l. 23. de adm. tut.*

C O M M E N T A R I U S.

In actoris persona] Qui ad agendum alieno nomine admitti postulat, siquidem mandatum probet, vel præsens domini habeat auctoritatem, satisdare non cogitur rem ratam dominum habiturum, *l. 1. C. de satisd. l. si procuratorem 65. de proc. l. 1. C. eod. l. 3. §. 2. ut in poss. leg. l. ne satisfactio, 28. rat. rem hab.* sin minus, sine satisfactione non admittitur. Sed, nec omnes, qui mandatum ad agendum non habent, oblata cautione de rato admittuntur, sed solæ personæ conjunctæ, *l. sed & hæc 35. l. Pomponius 40. §. ult. de proc.* item procurator omnium bonorum, *l. 5. §. §.*

procurator 18. de nov. op. nunc. eademque conditione admittitur, cui a mandatum sit, vel non sit, dubitatur, d. l. 3. §. 2. *ut in poss. legat. d. l. 1. C. de proc.* & secundum hæc temperandi textus generales in l. *seruum*, §. *ait prator*, l. *non solum* 29. §. 1. *de proc.*

Eodem observando & si tutor & vel curator, &c. litem per alium inferunt] Puta vel per procuratorem à pupillo vel adulto constitutum tutore vel curatore interveniente, l. 11. C. *de proc.* vel per actorem, quem ipse tutor vel curator ex sua persona constituisse possunt, l. *un. C. de act. à tut. sem cur. dand. §. ult. sup. de curat.*

T E X T U S.

De Procuratore rei præsentis.

4. *Si vero aliquis convenitur, siquidem præsens procuratorem dare paratus est, potest vel ipse in iudicium venire, & sui procuratoris personam per iudicatum solvi satisfactionem solemnī stipulatione firmare; vel extra iudicium satisfactionem exponere, per quam ipse sui procuratoris fidejussor existat pro omnibus iudicatum solvi satisfactionis clausulis. Ubi & de hypotheca suarum rerum convenire compellitur, sive in iudicio promiserit, sive extra iudicium caverit, ut tam ipse quam heredes ejus obligentur. Alia insuper cautela, vel satisfactione propter personam ipsius exponenda, quod tempore sententiæ recitandæ in iudicium veniet, vel si non venerit, omnia dabit fidejussor, quæ in condemnatione continentur, nisi fuerit provocatum.*

COMMENTARIUS.

De eo, qui nomine rei iudicio intervenit, duplex tractatio est. Prima de procuratore rei, id est, eo, qui mandatum defendendi habet. De quo agitur hoc § altera de eo, qui mandatum non habet, & in specie defensor dicitur. De quo §. seq.

Potest & vel ipse in iudicium venire, &c.] Superius dictum est enim, qui alienæ litis defensionem suscipit, teneri omnino satisfacere iudicatum solvi. Hic proponitur modus, quo reus procuratorem suum ab hoc onere liberare valeat; nimirum si ipse pro pro-

curatore suo vel in iudicio vel extra iudicium eam cautionem exponat, atque procuratoris sui existat fidejussor.

Pro omnibus iudicatum solvi clausulis] Nempe tribus illis, de re iudicata, de re defendenda, de dolo malo, l. 6. *jud. solvi*.

Ubi & de hypotheca suarum rerum convenire compellitur.] Legendum omnino, ubi & hypotheca rerum suarum cedere compellitur. Nempe quoniam ipse reus principalis hic fidejussor est, qui etiam alias tenetur, præter satisfactionem hoc amplius ab eo exigitur, ut etiam bona sua hypothecæ obliget, quo certius actori cautum sit.

Alia insuper cautela. &c.] Duplicem igitur cautionem in proposito reus præstat, unam pro persona procuratoris sui, alteram pro persona sua. In illa ipse fidejussor est in hac, qua promittit, se tempore recitandæ sententiæ in iudicium venturum, fidejussor non est, nec esse potest, sed alium fidejussorem dat, qui identj adpromittat.

Propter personam ipsius exponenda] Non à procuratore, ut male nonnulli: sc. *Accurs. & Curt. Theoph. interpretes*, sed ab ipso reo, à quo manifeste tam hanc, quam superiorem cautionem exigit Justinianus. *Fabrat.* Nec minus aperte Theophilus, paraphrastes Græcus. Nam verba illa, à *procuratore*, non sunt Theophili, sed emblemata Curtii interpretis Latini. Quod mirum est in editione Theophili non animadvertisse D. Gothofredum.

Omnia dabit fidejussor] A reo in causam propositam datus. Theophilus, *πάντα ἀποδίδωμι αὐτῷ; ἢ τοῖς ἑξῆς*, vel ipse, vel fidejussor. Et ita *Cujac. in not. post.*

T E X T U S.

De procuratore rei absentis.

5. *Si vero reus præsto ex quacunque causa non fuerit & alius velit defensionem ejus subire, nulla differentia, inter actiones in rem vel personales introducenda, potest hoc facere: ita tamen ut satisfactionem iudicatum solvi pro litis estimatione præstet. Nemo enim secundum veterem regulam (ut jam dictum est) alienæ rei sine satisfactione defensor idoneus intelligitur.*

COMMENTARIUS.

Ad agendum alieno nomine sine mandato nemo admittitur, præterquam paucis casibus, quos su-

pra memoravimus. At defensionem alterius susci-
pere nemo vetatur, qui modo paratus sit satisfatio-
nem judicatum solvi pro litis aestimatione prestare,
l. un. c. de satisf. d. Cur tam varie? Nimirum huma-
num est, atque ideo publice expedit, absentes à qui-
buscunque posse defendi, *l. servum 33. §. 2. de proc.*
nulla vero aut humanitatis aut ratio publicæ utilita-
tis suadet, ut cuius permittendum sit, alieno nomi-
ne agere. Sed & multum interest rei, ne convenia-
tur à falso procuratore, quoniam dominus iterum ex-
periri potest: nihil autem interest actoris, à quo reus
defendatur, modo idonea satisfatio ea, quam dixi-
mus, praestetur. Ex quo porro etiam hoc est, quod
defensor statim atque cavit, dominus litis efficitur
etiam ante litis contestationem, *l. Titius 76 de pro-
cur. & in ipsam actionem judicati datur, l. Plautius 61.
d. tit. l. 4. de re jud.*

T E X T U S.

Unde hæc forma discenda.

6. *Quæ omnia apertius & perfectius
quotidiano judiciorum usu in ipsis rerum
documentis apparent.*

Ubi hæc forma observanda.

7. *Quam formam non solum in hac
regia urbe; sed etiam omnibus nostris pro-
vinciis (et si propter imperitiam forte a-
liter celebratur) obtinere censemus: quum
neceffe sit, omnes provincias caput omni-
um nostrarum civitatum, id est, hanc re-
giam urbem, ejusque observantiam, se-
qui.*

N O T Æ.

6. JUDICIORUM USU] *Ulus est omnium re-
rum optimus magister.*

7. NON SOLUM IN HAC REGIA URBE]
Constantinopolim intellige, quæ etiam nova Roma
appellata est, quod in eam imperii sedes translata.
Græci πόλις νεγέτσην, πόλις βασιλεύουσα. Appel-
lant. Bylantium ante dicta fuit.

C O M M E N T A R I U S.

1. *Hodiernus satisfationum modus & usus.*

Hæc non indigent interpretatione. Cicero lib.
1. de offic. Nec medici, nec imperatores, nec ora-
tores, quamvis artis præcepta perceperint, quic-
quam magna laude dignum sine usu & exercita-


tione consequi possunt. *Ulus satisfationum hodie
perexiguus, præterquam adversus debitores extra-
neos, quos detinuimus, qui alias etiam coguntur
domicidium in territorio, ubi agitur, eligere. Actor
non de alia re cavet, quam de aestimatione sumptu-
um litis, reo forte vincenti repensanda; adeoque ad
nullam cautionem tenetur, si domicilium sub juris-
dictione judicis, apud quem agitur, habeat, vel et-
iam bona immobilia possideat. Procurator sine man-
dato ad litigandum non admittitur, nisi arcto san-
guinis aut affinitatis vinculo ei, pro quo intervenit,
conjunctus sit; quo casu admitti solet, cum cautione
de rato. Defensor idoneum mandatum exhibens
judicatum solvi satisfacere non tenetur, *vid. Gloss. 10.
Fab. hic Tuldem. cap. 2. & 3. Merv. lib. 4. distinct. 3.
tit. 13. cap. 1. & deinceps, & sect. 3. tit. 5. cap. 1. We-
semb. qui satisf. cog. num. 6. Gudelm. lib. 4. de jur.
no. cap. 4. & 5. Christm. vol. 2. decis. 145. & ibi
cit. & Noy. vñ. Grænev. d. 11. abrog. hic per tot.**

TITULUS XII.

C. lib. 4. t. 11.

De perpetuis & temporalibus Actio-
nibus, & quæ ad hæredes & in hæ-
redes transeunt.

Continuatio.

 VONIAM actio alicui constituta non
semper durat, sed actiones certo temporis
spatio terminatæ sunt; neque etiam omnes,
quæ in defunctum competeabant, æque in
hæredes dantur; & aliquando nec hæredi datur, quæ
competebat defuncto: non abs re est, quod hic titu-
lus superioribus subjicitur ad transactionem de ac-
tionibus concludendam.

T E X T U S.

De perpetuis & temporalibus
actionibus.

*Hoc loco admonendi sumus, eas quidem
actiones, quæ ex lege Senatusve consulto,
sive ex sacris constitutionibus profisciscun-
tur, perpetuo solere antiquitus competere,
donec sacra constitutiones tam in rem,
quam in personam actionibus, certos fines
dederunt: eas vero, quæ ex propria præ-
toris jurisdictione pendent, plerumque
intra annum vivere: nam & ipsius præ-*

toris intra annum erat imperium. Aliquando tamen & in perpetuum extenduntur: id est, usque ad finem constitutionibus introductum: quales sunt ea, quas bonorum possessori, ceterisque, qui baredis loco sunt, accommodat. Furti quoque manifesti actio, quamvis ex ipsius pratoris jurisdictione proficiatur, tamen perpetuo datur. Absurdum enim esse existimavit anno eam terminari.

NOTÆ.

PRÆTORIS INTRA ANNUM ERAT IMPERIUM] Prætores in annum creabantur. Liv. 31. Tac. ann. 1. Prætorum anniversariorum edicta erant annua, quæ quisque proponebat initio magistratus sui ex lege Cornelia. Dio. 36.

QUAS BONORUM POSSESSORI] Bonorum possessor & fideicommissarius Trebellianus proharedes sunt. Fabrot.

COMMENTARIUS.

1. *Restene intra actiones pratorias numeretur fideicommissaria hereditatis petitio.*

EX lege, &c.] Actiones, quæ ex lege, Senatusve consulto, aut ex principum constitutionibus proficiscebantur, olim perpetuo solebant competere: nimirum cum legis & similium juris constitutionum vis esset perpetua, consentaneum videbatur, actiones ex his juris partibus perfectas nullo tempore finire.

Donec sacra constitutionibus actionibus certos fines dederunt] Quod publicæ utilitatis causa constitutum est, ut litium aliquis esset finis, tandemque aliquando possessores & debitores securi forent, arg. l. 1. de usuc.

Certos fines dederunt] Ut scilicet actiones triginta & ad summum quadraginta annorum præscriptione excluderentur, l. 3. & 4. C. de præscr. 30. ann. l. 1. §. 1. C. de ann. exc. quod tempus nunc abusive perpetuum dicitur. Paucae sunt, quæ demum 40. annorum spatio finiuntur. Tantum tempus durat actio hypothecaria, sed uno duntaxat casu, videlicet cum ipse debitor hæresve ejus obligatæ possessioni incumbunt, l. 7. §. 1. Cod. de præscr. 30. ann. l. 1. §. 1. in fin. Cod. de ann. exc. Nam extranei possessores bona fide possidentes decem aut viginti annorum, mala fide tenentes 30 annorum præscriptionem opponere possunt, l. 1. & 2. C. si ad q. cred. præscr. d. l. 7. in pr. C. de præscr. 30. Annor. Tuld. ad d. tit. C. Christin. Sol. 4. decis. 81. num. 9. quanquam & ubi bona fide possidetur 30. annorum

spatium requiri, Senatus hujus provinciæ judicavit; decis. Cur. Holl. 8. Ad hæc actiones omnes judicio semel inclusæ non nisi 40. annorum præscriptione excluduntur, d. l. 1. §. 1. in fin. C. de ann. exc.

Tam in rem] Actiones in rem non minus quam actiones in personam olim perpetuæ fuerunt: utraq; autem nunc eodem temporis spatio, id est, triginta annis terminantur. Neque enim illæ, quæ in rem sunt, simplici exceptione temporis decem annorum inter præsentem, viginti inter absentes excluduntur, sed propter possessionem alterius conjunctam cum titulo & bona fide, & tanto tempore continuatam, prioris domini jus exstinguitur, & alteri dominium rei possessæ jure civili acquiritur.

Quæ ex pratoris jurisdictione pendunt] Ait actiones quæ ex jurisdictione prætoris veniunt, plerumque unum duntaxat annum durare, & subjicit pro ratione, quod prætoris edictum, unde proficiuntur, diuturniorem vim non habet. Quæ ratio si bona est, dicendum erat actiones prætorias non plerumque, sed semper anni spatio finire; & credibile quoque est, initio nullas diuturniorem vim habuisse, quam habebat ipsum edictum, ex quo descendebant: sed postea nonnullas cœpisse perpetuò competere, postquam non tam prætorem, quam præturam spectari placuit atque ex edictis, maxime quæ evidens commendabat æquitas, perpetuo jus dici. De quo vid. Afcon. in orat. Cic. pro Cern. Balbo, & Augustin. de legib. pop. Ro.

Aliquando in perpetuum extenduntur] Imo sæpe. Nam honorariæ actiones omnes, quæ rei perfectionem continent, veluti Publiciana, de constituta pecunia, ex jurejurando, exercitoria, institoria, de peculio, &c. perpetuæ sunt, id est, 30. annos durant, nisi sit quæ rescindat quod jure civili ratum est, l. in honorariis, l. 35. de obl. & act. Sed & ex poenalibus quædam perpetuo competunt, ut mox audiemus.

Bonorum possessori ceterisque, qui heredis loco.] Significat duas hæc in rem actiones de universitate, possessoriæ hereditatis petitionem, & fideicommissariam hereditatis petitionem. Has actiones ait esse perpetuas, licet jure prætorio constitutæ sint. Perpetuas esse constat, priorem quoque, prætoriam utpote, prodatam bonorum possessoribus, quos prætor velut hæres facit, l. 1. de poss. har. per. Sed altera illa, quæ preponitur iis, quibus ex fideicommissio restituta est hereditas, non videtur esse juris prætorii, sed actio civilis, quippe iis competens, qui pro hæredibus sunt ex Senatus consulto. Nisi distinguendum putamus inter petitionem hereditatis & actiones hereditarias, arg. l. 1. de fid. har. per. Sed dixerim potius, eo loco jus civile in specie per excellentiam accipi pro jure antiquo legis 12. tabularum, & opponi petitionem hereditatis civilem petitioni fideicommissariæ

NOTÆ.

missariæ, non ut actioni prætoris, sed ut novo jure civili introductæ, nimirum Senatusconsulto Trebelliano. Nam minime novum est, ut hoc sensu jus civile opponatur iis juris partibus, quæ postea accesserunt, puta Senatusconsultis aut principum constitutionibus, §. 4. & 6. *sup. de fideic. hered. §. 3. sup. de testam. ord.*

Furti quoque manifesti actio] Actiones prætoris pœnales regulariter tantum intra annum dantur, *l. in honorariis 35. de oblig. & act.* Excipitur actio furti manifesti, quæ, quamvis & ipsa prætoris sit & pœnalis, perpetua tamen est. Quod hanc forte rationem habet, quia non primus prætor pœnam furtibus manifestis constituit; sed eam, quæ lege 12. tabb. constituta erat, mitigavit, atque ex corporali fecit pecuniariam, *vid. sup. §. pœnas. de obl. quæ ex del.* Actio quoque de furto aut damno in navi, caupona aut stabulo facta, item actio adversus publicanos, quamvis & hæ prætoris sunt & pœnales, perpetuo tamen competunt, *l. ult. §. ult. naut. camp. stab. l. sed & hi 13. §. ult. de publican.* Judicia criminalia regulariter viginti annis finiuntur *l. 12. C. ad leg. Corn. de fals.* sed ea huc non pertinent.

TEXTUS.

De actionibus quæ in heredes transeunt vel non.

1. Non autem omnes actiones, quæ in aliquem aut ipso jure competunt, aut à prætore dantur, & in heredem aque competunt, aut dari solent. Est enim certissima juris regula, ex maleficiis pœnales actiones in heredem rei non competere; veluti furti, vi bonorum raptorum, injuriarum, damni, injuriæ. Sed heredibus hujusmodi actiones competunt, nec denegantur; excepta injuriarum actione, & si qua alia similis inveniat. Aliquando tamen etiam ex contractu actio contra heredem non competit; veluti cum testator dolo se versatus sit, & ad heredem ejus nibil ex eo dolo pervenit. Pœnales autem actiones, quas supra diximus, si ab ipsis principalibus personis fuerint contestate, & heredibus dantur & contra heredes transeunt.

1. AUT IP SO JURE] Id est, jure civili, ut §. 10. *sup. de act. l. 9. 1. usufr. quem cau. Th. à dñi §. m. l. iux.*

EXCEPTA INJURIARUM ACTIONE] Quia vindictæ magis, quam pecuniæ persecutionem habet, *l. 2. §. 4. de collat.*

ALIQUANDO EX CONTRACTU ACTIO, &c.] Sensus hic esse videtur, etiam aliquando ex contractu actionem adversus heredem non dari, cum testator dolo se versatus est, & nihil ad heredem ejus ex dolo pervenit, contra regulam *l. 12. l. 49. de obl. & act. l. 152. §. 3. de reg. jur.* De deposito miserabili hoc plerique putant accipiendum, *l. 1. §. 1. de pos.*

FUERINT CONTESTATÆ] *l. 26. l. 58. de obl. & act. l. 139. l. 164. de reg. jur.* quod ex eo est, quia judicio accipiendo nova contrahitur obligatio judicati, *l. 3. §. 3. de pecul.*

COMMENTARIUS.

1. Actiones omnes, quæ rei persecutionem continent, & heredibus & in heredes dari, etiam si qua ex delicto.
2. Ostenditur perspicue, conditionem furti & am. & actionem rerum amotarum, contra heredes etiam dari in solidum.
3. In heredem non dari ullam pœnalem, licet ex contractu.
4. Actiones, quæ pœnales habeantur, quamvis nihil amplius persequantur, quam quod abest.
5. Cur actiones pœnales in heredes non dentur, cum dentur heredibus.
6. Cur actio injuriarum ne heredibus quidem detur.
7. Quibus casibus ex contractu actio non competat in heredem; ad quem ex dolo defuncti nihil pervenit.
8. Actiones omnes judicio inclusas perpetuari; & quid hic juris hodie.

ACTIONUM quædam & heredibus & contra heredes dantur: quædam heredibus quidem, sed non contra heredes: quædam denique neque heredibus, neque contra heredes. Et heredibus & contra heredes dantur, quæcunque rei tantum persequendæ causâ comparatæ sunt: nisi quod actio in rem tantummodo respectu possessionis in heredem datur: quippe quæ possessorem semper sequitur, *l. si in rem 42. de rei vind. l. actionum 25. de obl. act.* Dum autem actio præter rei persecutionem nihil continet, non distinguimus in proposito, utrum ea sit ex contractu an ex maleficio: sed utroque casu, non minus

in hæredes, quam hæredibus actionem dari contendimus: & quidem in hæredes in solidum: hoc enim semper intelligendum est, cum simpliciter dicitur actio in hæredem dari. De actionibus quæ ex contractu descendunt, res est expedita, *l. 1. §. 1. de iur. tit. C. de hæred.* adeoque passim veteres definiunt, actiones ex contractibus venientes, licet delictum quoque versetur, in hæredes in solidum dari, *l. 7. §. 1. de pos. l. 12. l. ex contractibus 49. de obl. & act. l. ad ea 157. §. ult. de reg. jur.* De iis vero, quæ rei persecutoriæ sunt ex delicto, quales esse constat conditionem furtivam & actionem rerum amotarum, *l. 7. §. 2. de cond. furt. l. mulier 21. §. pen. de act. rer. amot.* ambigitur, non utique an hæredibus aut contra hæredes aliquatenus dentur, sed an dentur contra hæredes in solidum. Nam hoc negat *Cujac. 7. obs. 37. & 13. obs. 39. Lyclam. 1. membran. 18. & lib. benedict. passim.*

Ego vero existimo, etiam his actionibus hæredem teneri in solidum. Moveor primum eo, quod hæ duæ actiones absolute dicuntur dari in hæredem, *l. 2. l. 7. §. 2. de cond. furt. §. ult. sup. de obl. qua ex del. l. 6. §. 4. de act. rer. amot.* Ex eo enim colligo dari eas adversus hæredem furis aut mulieris in solidum. Nam quotiescunque actio simpliciter in hæredem dari dicitur, toties intelligitur dari in solidum: cum vero in solidum non datur, sed quatenus ad hæredem pervenit, aut hoc adjicitur, aut dari simpliciter negatur. Ut patet ex *l. Julianus 16. de iudic. l. inde Neratius 23. §. hanc actionem. §. ad l. Aquil. l. hac actio 13. de serv. corr. l. 9. §. 1. quod fals. tut. l. 3. §. pen. si mens. fals. mod. l. 1. de priv. del. l. 2. §. ult. & l. on. rapt. l. in honorariis 35. de obl. & act. l. pupillum 111. §. 1. de reg. jur. §. huius autem. sup. de leg. Aq. §. ult. de obl. qua quasi ex del. item hoc text. & innumeris aliis locis. Secundo, quia regulæ earum actionum, quæ in hæredes non dantur, de pœnalibus ex maleficio conceptæ sunt, *l. 1. de priv. del. l. sicut 38. l. pupillum 111. §. 1. de reg. jur. l. inde Neratius. §. hanc actionem. ad leg. Aquil. & hoc text. l. pen. de op. no. nunc.* Hinc enim evincitur, si quæ sunt ex maleficio non pœnæ, sed rei persecutoriæ, eas in hæredem dari: quoniam contrariorum contraria sunt consequentia. At conditio furtiva & actio rerum amotarum non pœnam, sed rem persequuntur, ut jam probavimus. Et secundum hæc Imperator in *§. huius autem 9. sup. de leg. Aq. negat*, actionem legis Aquilæ in hæredem transire, non quia ex delicto est, sed quia pœnalis, addens, transituram eam fuisse, si ultra damnum datum nunquam lis æstimeretur. Dicitur sane nonnunquam, actiones ex delicto venientes adversus hæredes non dari, nisi quatenus ad eos pervenit, nec adjicitur, ut in *l. un. C. ex del. def.* Sed quid prohibet huiusmodi definitiones ex eo, quod plurimum & fere semper fit, conceptas sic*

accipere, si agatur de eo, quod defunctus deliquit, id est, ad pœnam? At in conditione furtiva & actione rerum amotarum de delicto aut pœna delicti non agitur, sed tantum de eo, quod ex patrimonio nobis abest, nec quicquam amplius persequuntur, *l. 7. §. 2. de cond. furt. l. si mulier 21. §. pen. de act. rer. am.* Jam vero ob hoc solum actio pœnalis non habetur, quod constituta est adversus eum, ad quem ex delicto defuncti nihil pervenit, nisi & factum puniat, & in dolum concepta sit, *l. 9. §. 1. quod fals. tut.* de quo amplius postea. Postremo movet me locus expressus in *l. 9. de cond. furt.* ubi diserte J. C. ait, in conditione ex causa furtiva hæredem, non pro parte quæ pervenit, sed in solidum teneri; si vero plures sint hæredes, singulos pro partibus hæreditariis. Quod si hoc obtinet in conditione furtiva, procul dubio etiam in actione rerum amotarum locum habet, cum aperte testetur Paulus, in *l. 6. §. item hæres 1. de act. rer. am.* ex causa rerum amotarum teneri hæredem mulieris perinde ac tenetur hæres conditionis nomine ex causa furtiva; ac proinde quod rescribunt Imp. in *l. ult. C. rer. amot.* actionem rerum amotarum adversus hæredes dari non in solidum, sed in quantum ad eos pervenit, necessario sic accipiendum est, in quantum ad eos pervenit de hæreditate, non autem de rebus amotis; ut si plures sint hæredes, non singuli in solidum tenentur, sed universi, singuli autem pro ea parte, pro qua hæredes extiterunt; secund. *d. l. 9. de cond. furt.* aut si cum Ant. Fabro. 4. conj. 1. de rebus amotis rescriptum intelligi volumus, supponendum erit, totum ad hæredes pervenisse, non ad unum alium, sed ad singulos pro parte. Quæ actiones hæredibus competant, in hæredes autem non dentur; tum quæ neque hæredibus neque adversus hæredes competant, docebit nos textus, ad cuius explicationem tempus est ut accedamus.

Aut ipso jure] Ipso jure aliquando idem valet, quod jure solo, siue aliquo facto nostro, veluti cum sui hæredes dicuntur ipso jure hæredes existere: aliquando idem, quod jure civili, non jure prætorio, ut in *§. actiones 10. sup. de act. l. 9. §. 1. usufr. qu. cau. & hoc loc.* Itaque ipsum jus hic excellentiam notat.

Ex maleficiis pœnales] Actiones ex maleficiis pœnales hæredibus dantur; at in hæredes non competunt. Ait, *pœnales ex maleficiis*, uti & alibi regula concepta est, *l. 2. de priv. del. l. sicut 38. l. pupillum 111. §. 1. de reg. jur.* Quid ergo si quæ sit pœnalis ex contractu? Et hic idem juris esse evincit actio depositi miserabilis; quæ in eum, qui tumultus, incendii, ruinæ, naufragii causa depositum inficiatur, in duplum constituta est, in hæredem vero ex dolo defuncti in simplum, *l. 1. §. 1. l. de eo 18. de pos.*

pos. Plane huc non pertinet actio, qua petitur poena conventionis promissa: nam poenam stipulamur loco ejus, quod interest, §. ult. *sup. de verb. obl. vid. §. sequent. 16. sup. de act.* Excludit autem regula eas, quæ sunt ex maleficio rei persecutoria, quas etiam adversus hæredes dari paulo ante probavimus. 4 Illud ignorandum non est, esse quasdam actiones, quæ poenales habentur, quamvis nihil amplius, quam quod abest, persequantur, de quibus hæc notio tenenda. Quoties actio factum punit, & in dolum concepta est, constituiturque adversus eum, ad quem ex dolo res non pervenit, quamvis proposita sit, cui eo facto quid abest atque ita à parte actoris rei persecutionem contineat; poenalis tamen habetur ob vindictam delicti, quam eo amplius persequitur: ac proinde in hæredem non datur, l. 9. §. 1. *quod fals. tur.* Talis est actio de dolo, l. in hæredem 26. *de dol. mal.* item ea quæ adversus falsum tutorem datur, d. l. 9. §. *quod fals. tur.* Talis quoque est adversus mentorem, qui falsum modum dixit, l. 3. §. *pen. si mens. fals. mod.* item quæ proponuntur in l. 7. §. ult. *de trib. act. l. 1. §. ult. ne quis fiat ei, qui in poss. miss. l. 1. §. ult. de eo per quem fact. erit. quo min. quis in jud. l. pen. §. 1. ne quis eum, qui in jus voc. l. 4. in fin. l. 6. §. 7. de alien. jud. mut. ca.* ubi actio in factum ex illo edicto dicitur pertinere ad rei persecutionem; nimirum quia actor per eam id tantum quod sibi abest, persequitur: à parte autem rei revera poenalis est, quia factum punit, & in dolum concepta est. At cum hæres in universum jus defuncti succedat, & regulariter tam in incommoda, quam in comoda, quæ ratio est, quod in proposito tantum commodum actionum poenalium ad hæredes transire placet, in commodum autem earum ad eos non pertinere? Nimirum quia æquum visum est, poenam ex hac successione excipere, ne ibi poena sit, ubi noxia non est, l. pen. *de op. no. nunc. l. sicut 38. de reg. jur. l. sancimus 22. C. de pen.* Illud æquissima ratione placuit, turpia lucra etiam hæredibus esse extorquenda: ideoque actiones, quamvis poenales, eatenus saltem in hæredes dandas esse, quatenus ad eos pervenit, ne ex delicto defuncti lucrum sentiant, l. 5. *de column. l. 16. §. ult. & l. seq. quod mer. caus. l. in hæredem 26. de dol. l. nn. C. ex del. def. cum similib.*

6 *Excepta injuriarum actione*] Actio injuriarum neque hæredibus, neque in hæredes datur, l. injuriarum 13. *in pr. de injur.* Quod non datur in hæredes, hoc commune habet cum cæteris poenalibus: quod hæredibus non datur, ejus proprium est, & hanc rationem habet: quod in ea non principaliter de damno faciendi, sed de contumelia vindicanda agitur, l. 7. §. 1. *ead.* quam vindictam, si injuriam passus lite non instituta decesserit, tacite remissile intelligitur: de quo dixi ad §. ult. *sup. de injur. &*

hinc est, quod actio injuriarum in bonis nostris non computatur, antequam litem contestemur, *in injuriarum 28. eod.*

Si qua alia similis] Similes habes in l. pen. *de in jus voc. l. pen. §. ult. ne quis eum qui in jus voc. l. 4. de calumn. l. 7. C. de reg. don.* Huc etiam referri potest querela inofficiosi testamenti: nam & hæc injuriam ex hæredato aut præterito illatam quasi ulciscitur. *Nov. 115. cap. 5. & non nisi præparata ad hæredes transit, l. 6. §. ult. cum l. seq. de inoff. test.*

Aliquando etiam ex contractu actio in hæredem non competit] Puto, intelligi actiones ex contractu, quæ ob delictum concurrens ex parte rei poenales habentur, eo quod factum puniunt & in dolum conceptæ sunt: quales sunt: actiones in factum adversus falsum tutorem, & adversus mentorem, qui falsum modum dixit: item actio tributoria quæ dolum domini coërcet maleficiosè in distribuendo versati: nam hæ actiones licet ex contractu sint, tamen in hæredem rei, quia hac parte poenales, non dantur, nisi de eo quod ad eum pervenit, l. 9. §. 1. *quod fals. tur. l. 3. §. pen. si mens. fals. mod. l. 7. §. ult. de trib. act.* Alias ex contractibus successores ex dolo eorum, quibus successerunt, non tantum in id, quod pervenit, sed in solidum tenentur, l. 12. *l. ex contractibus 49. de obl. & act. l. ad ea. 157. §. ult. de reg. jur. l. 7. §. 1. de pos.* ubi Jurisconsultus cum dixisset, actionem depositi ex dolo defuncti in solidum in hæredem dari, hanc rationem subjicit, *quamquam enim, inquit, alias ex dolo defuncti non solum teneantur, nisi pro ea parte, quæ ad nos pervenit: tamen hic dolus ex contractu rei quæ persecutione descendit, ideoque in solidum hæres tenetur; plures vero pro ea parte, quæ quique hæres est, qui locus sententiam nostram mire confirmat.* Ex his autem apparet, insigniter errare Theophilum; qui pro exemplo adducit actionem depositi, quam ex dolo defuncti negat in hæredem dari, si nihil ex eo dolo ad eum pervenit; contra tot expressos textus. Nec excusari potest hoc obtentu, quod intellexerit actionem depositi miserabilis. Nam & hæc actio ex dolo defuncti in hæredem datur, etsi nihil ad eum pervenit: & quamvis non in duplum, in solidum tamen; quoniam utique simplum solidum est, & poena alterum tantum, l. 1. §. 1. *l. de eo 18. de pos.*

Veluti] Hanc particulam Cujac. & Pac. auctoritate quorundam Codicum delendam censent: quod mihi non videtur necessarium, cum & retenta ea constet, & recta sit loci sententia.

Fuerint contestata] Omnes actiones, quæ morte aut tempore pereunt, si semel inclusæ judicio fuerint, quod sit litis contestatione, salvæ permanent, l. omnes 139. *de reg. jur.* Morte dicuntur perire poenales, proptereaque in hæredes rei non dantur, licet actiõe

active transeant : at lite contestata & active transeunt & passive, l. omnes 26. l. sciendum § 8. de obl. & act. l. penultima 164. de reg. jur. l. un. C. ex del. def. quod ex eo est, quia iudicio accipiendo nova contrahitur obligatio iudicati, l. 3. §. idem scribit 11. de pecul. Postea constitutionibus placuit, poenæ persecutionem transmitti, si modo reus vivus conventus fuerit, quasi lite cum eo contestata, l. 33. de obl. & act. Apud nos poenales actiones nullæ sunt, si injuriarum actionem excipias ; quoniam, ut sæpe alibi diximus, poenæ legitimæ, quæ privatis litigatoribus applicabantur, exoleverunt. Cæterum hæres ex delicto defuncti, etiam si lis à defuncto contestata non sit, tenetur non id tantum, quod ad eum ex delicto defuncti pervenit, secundum scita juris civilis, sed damnum à defuncto datum sarcire cogitur, quatenus facultates defuncti patiantur: quod cum jure Canonico primum cautum esset, c. in literis de rapt. c. ult. de sepult. propter æquitatem etiam in foro civili receptum videtur. Joh. Fab. hic Coar. lib. 3. ref. 3. n. 7. Imbert, in enchirid. Papon. lib. 24. arrest. 111. arrest. 3. & ult. De quo plura Christ. Vol. 3. dec. 22. n. 2. & seqq. add. Grenet & d. 11. abrog. ad tit. C. ex delict. defunct. in quant. hered.

T E X T U S.

Si pendente iudicio, reus auctori
satisfecerit.

2. *Supereſt, ut admoneamus, quod, ſi ante rem judicatam is, cum quo actum eſt, ſatisfaciat auctori, officio judicis convenit eum abſolvere; licet in ea cauſa fuisset iudicii accipiendi tempore, ut damnari deberet: & hoc eſt, quod antea vulgo dicebatur, omnia iudicia abſolutoria eſſe.*

N O T Æ.

2. *CONVENIT EUM ABSOLVERE*] Quod Th. interpretatur, liberatum ab actione dimittere. Alii, officio judicis convenire, ut etiam sententia sua eum absolvat: quod & ratio juris exigere videtur, l. 1. de reg. jur. & reo utilius est propter exceptionem rei iudicatæ.

OMNIA JUDICIA ABSOLUTORIA] Locus singularis.

COMMENTARIUS.

Quemadmodum debitorem ante acceptum iudicium bonam fidem agnoscentem & paratum

solvere dimitti placet, eique diem dari, cum competentem cautionem ad solvendam pecuniam: l. si debitori 21. de iudic. l. ex iudicat. 17. jud. sol. ita etiam æquum est audiri eum, qui post acceptum iudicium ante rem iudicatam satisfactionem offert, modo id omne offerat, quo jus auctoris deteriorius factum est, & in quod alias fieret condemnatio, fac. l. si reus 73. de proc. l. 5. de publ. & sect. l. ult. que in fraud. cred.

Eum abſolvere] Hæc verba duplicitem admittunt interpretationem: vel ut simpliciter reus satisfaciens dimittendus sit ab instantia, & liberandus molestiis judicialibus, quomodo Theoph. & Hotom. interpretantur: vel ut absolvendus sit etiam sententia iudicis: quod posterius & rationi juris magis convenire videtur, cum iudici incumbat aut damnare reum aut abolvere, l. 1. de re iud. & reo longè utilius est, quoniam alias non haberet exceptionem rei iudicatæ.

TITULUS XIII.

D. lib. 44. t. 1. C. lib. 8. 36.

De exceptionibus.

Ratio dispositionis. Omnem reum ad defensionem suam vel inficiationem uti, vel depulsionem: & quid utraque. Quid si exceptio: unde hoc nomen natum: & alia observatu digna.



Uicquid in iudicium deducitur, aut actio est, aut exceptio; actio à parte auctoris, cujus in omni iudicio sunt partes primæ; exceptio à parte rei, cujus sunt secundæ. De actionibus hætenus quaesitum est: de exceptionibus adhuc cognoscendum: & quidem de his solis: nam præter has, si ab actione discesseris, nulla alia res in iudicium principaliter deducitur. Id quod ita liquere poterit. Omnis reus, qui iudicio contendere paratus sit, ad defensionem suam aut inficiationem utitur, aut depulsionem. Inficiatio est, cum negat, ullam auctori esse actionem de eo, quod petitur. Ea vero aut simplex est, aut cum novi facti affirmatione conjuncta. Simplex, cum reus simpliciter negat, id factum quo nomine agitur, puta, mutuum pecuniam, quæ ab auctore petitur, sibi datam esse. Cum affirmatione novi facti conjuncta, cum confitetur quidem, actionem aliquando auctori competiisse, sed eam nunc ei competere negat, utpote novo aliquo facto postea amissam: exempli gratia; si auctorem dicat ideo agere

non posse, quia actio ipso jure sublata sit, puta solutione, accupulatione, rei interitu. Simplex inficiatio aperte nihil in iudicium deducit, neque ulla hic neganti incumbit probatio: tantum quaeritur de actione & intentione actoris, quæ in dubium vocatur; id est, solum tractatur in iudicio, an verum sit, quod actor in propriam intentionem deduxit: nec de alicujus exceptionis vi à reo oppositæ disputatur: ac probante actore reus condemnatur; non probante, simpliciter absolvitur. *Covar. in c. possessor. mal. fidei. de reg. jur. in 6. p. 1. relicta, in 1. n. r. Wes. par. hoc tit. n. 2.* In conjuncta autem affirmatio illa novissimè haud dubiè in iudicium deducitur, ac proinde à reo probanda est, *l. 1. C. de prob.* sed deducitur per consequentiam duntaxat: principaliter enim eo spectat, ut ostendatur, vere negare reum, actionem actori competere. Depulsio est, cum reus de actione actoris confitens tam in jure, quam in facto, ea defensione utitur, quæ actionem removeat. Hæc defensio in usu juris exceptio appellatur. Si quis hic mihi Rhetorum libros adire velit, poterit fortassis nonnihil lucis etiam inde sibi ad hæc melius intelligenda sumere. Exceptio igitur est defensio rei, quæ actioni, alioqui jure constitutæ, opposita, hanc ipsam æquitatis ratione excludit; hic in *pr. l. 12. de dol. mal. exc. l. 2. h. r.* Exceptio omnis rectè defensio dicitur, utpote comparata defendendorum reorum causâ, *h. r. in pr.* At non omnis defensio exceptio est, sed ea tantum, quæ actionem jure constitutam repellit. Quæ vero allegationes ostendunt, actionem ipso jure sublatam esse, veluti cum debitor solutionem allegat, defensiones dici possunt, exceptiones non possunt. Pugnantis sunt jurisconsultis, liberari ipso jure & liberari per exceptionem, *l. qui servum 34. §. 1. de oblig. & act.* quanquam usu interpretum jam obtinuit, ut omnis generis defensio, quæ modo agentis intentionem repellit sive juris sive facti negatione, exceptio dicatur. Unde DD. exceptiones alias esse juris tradunt, alias facti & intentionis. *Myns. ad rubr. hic n. 12. Greg. Thol. 21. synt. 17. n. 5. Sid. Covar. d. loc. n. 4. & 5.* Sed quomodo reus exceptione utetur ad excludendam actionem? Id indicant verba definitionis, si exceptio actioni opponatur; unde passim legimus, exceptionem opponi, objicere, ob stare, exceptione occurrere, &c. Etenim omnis defensio exceptionis in facto rei posita est, omiſſa ad liberationem reo non prodest. De tempore opponendæ exceptionis dicemus inferius. Nomen exceptionis natum ex formula iudicii, quod sub exceptione dabatur: sic enim prætor subdicebat, *nisi, si non, extra quam si*, illud aut illud factum erit; aut si quæ particulæ eandem vim habent. Atque hinc item factum, ut exceptio omnis conditio appellaretur, *l. exceptio. 22. hoc tit.* ubi quæ extat definitio exceptionis, à conceptione

sumpta est, sicut *[I]p. in l. 2. eod.* ab effectu & utendi modo & *Duar. ad l. 7. §. 2. de pact. Cujac. 5. obs. 34. P. Fab. ad l. 154. de reg. jur.* Sed & exceptio omnis præscriptio dicta: & inde Græcis *παράγραφος l. pen. h. r. l. 8. l. pen. & ult. & in rubr. C. eod. l. judicati. 29. de exc. rei jud. l. si debet. 91. de solut. cum similib.* de cujus verbi ratione conf. *Ale. de quinq. ped. præscr. Don. in rubr. C. h. r. n. 15. Raskard. 1. de præjud. 8. Pet. Fab. 1. semestr. 21.*

T E X T U S.

Continuatio. Ratio exceptionum.

Sequitur, ut de exceptionibus dispiciamus. Comparata autem sunt exceptiones defendendorum eorum gratia, cum quibus agitur. Sæpè enim accidit, ut licet ipsa persecutio, qua actor experitur, justa sit, tamen iniqua sit adversus eum, cum quo agitur.

N O T Æ.

U T D E E X C E P T I O N I B U S] Exceptio est defensio rei, quæ actioni, alioqui jure constitutæ, opposita, hanc ipsam æquitatis ratione excludat, *l. 2. h. r.* alias præscriptio dicitur, *lib. 8. C. tit. 35.* Græcis *παράγραφος*.

J U S T A S I T] Inspecta scilicet stricta ratione & rigore juris: iniqua autem, inspecta summa ratione & naturali æquitate. Quæ autem allegationes ostendunt actionem ipso jure sublatam esse, veluti cum debitor solutionem allegat, exceptiones propriè non sunt, sed aliæ species defensionum.

C O M M E N T A R I U S.

D E F E N D E N D O R U M E O R U M G R A T I A] Unde vulgo notant, exceptiones esse juris naturalis & gentium, cujus scilicet juris defensio est, *VVes. par. hoc tit. n. 8.* Ob eandem causam nonnulli consent, verbum excipere translatum esse ab armis militaribus ad forensia, puta clypeo aut scuto, quibus tela in nos directa excipimus & retundimus. Non malè fortassis, sed non ex usu auctorum juris.

I p s a p e r s e c u t i o j u s t a s i t] Non continuo, si actio justa sit, id est, ipso jure comparata, seu summo jure constituta, justa est in eum, qui cum agitur: verbi gratia, si quis dolo inductus stipulanti promiserit, is quidem subtilitate juris ex promissione sua obligatur: sed quoniam per machinationem adversarii obliga-

tus est, iniquum est, eum condemnari, ac proinde contra agentem exceptio doli ei proposita est, ne cui dolus suus per occasionem juris civilis contra naturalem æquitatem profit, *l. 1. §. 1. de dol. mal. exc.* Quod si nulla subfit actio jure civili constituta, vel quia reus dicit, nullam unquam auctori competiisse, vel eam quæ fuit, ipso jure sublatam, hæc allegatio exceptio propriè non est, sed alia species defensionis, ut jam ante ostendimus.

T E X T U S.

Exempla. Quod metus causa, de dolo, in factum.

1. Verbi gratia, si metu coactus, aut dolo inductus, aut errore lapsus stipulanti Titio promissisti, quod non debueras promittere, palam est, jure civili te obligatum esse, & actio, qua intenditur, dare te oportere, efficax est: sed iniquum est, te condemnari. Ideoque datur tibi exceptio, quod metus causa, aut doli mali, aut in factum, composita ad impugnandam actionem.

N O T Æ.

[JURE CIVILI TE OBLIGATUM] Id est, subtilitate juris civilis, *d. l. 36. de verb. obl.* Dolus metusve adhibitus, non impedit, quo minus actio nascatur, *l. 5. C. de inut. stip.* Verum enim utique est alterum stipulatum esse, & te promississe, atque ita contractam verborum obligationem.

[DATUR TIBI EXCEPTIO] *d. l. 36. d. l. 5. & tot. tit. de dol. mal. & met. exc.* & ita eventu inspecto inanis efficitur actio opposita exceptione, *l. 112. de reg. jur.*

C O M M E N T A R I U S.

1. Cur qui metu coactus promissisti ipso jure obligetur.
2. Quaritur idem de eo qui dolo inductus.
3. De quo genere erroris hic locus accipiendus.
4. Exceptio in factum qualis, & unde.

Illustrat exemplis, quod dixit sæpè accidere, ut actio, qua quis experitur, summo jure teneat, sed iniqua sit adversus eum, cum quo agitur. In universum autem id accidit dupliciter, vel quia postea vinculum æquitatis tollitur, ita ut tantum superfit solius vinculum juris civilis; quod quidem ita nos astringit, ut summo jure in nos sit actio, sed quæ propter defectum

æquitatis sit inefficax ad condemnationem, si exceptio opponatur.

[Metu coactus] Qui metu coactus aliquid promittit, ipso jure obligatur propter consensum; quia voluntas, licet coacta, voluntas tamen est, *l. si mulier. 21. §. pen. quod met. ca.* nimirum utrum quid voluntarium sit, an involuntarium, ex eo tempore æstimatur, quo geritur. Jam vero illud, quod eligitur, quo tempore metus infertur, respectu majoris mali, quod vitatur, boni rationem habet, & ea consideratione objectum est voluntatis: de quo conf. *Aristot. 3. eth. 1.* Caterum naturaliter obligatus dici revera non potest ob defectum vinculi æquitatis: quoniam consensus & voluntas ista non fuit libera; neque promississet aut voluisset extra metum majoris mali positum. Atque hinc explicandi loci, in quibus traditur vim atque metum consensui esse contrarium, *l. nihil. 116. de reg. jur. cum simit.*

[Dolo inductus] Etiam qui dolo inductus stipulanti promittit, quod alias non promississet, subtilitate juris obligatur; quia utique verum est, eum promississe: sed & hæc obligatio naturali æquitatis vinculo destituitur propter dolum & machinationem stipulatoris aliud agentis, aliud simulantis, *l. si quis 36. de verb. obl. d. l. 1. §. 1. de dol. mal. exc.* Circa dolum, qui causam contractui præbet: videlicet si quis in hoc circumscriptus sit, ut contraheret, cum alias contrahiturus non fuisset, recepta est vulgaris distinctio inter contractus bonæ fidei & stricti juris, quod illi hoc casu ipso jure nullius momenti sint, *arg. l. 7. in pr. de dol. l. in cause. 10. §. 2. de minor.* hi ipso jure subsistant, & actionem producant, ut proinde hic semper excipiendum sit, sive dolus causam contractui dederit, sive inciderit, *d. l. si quis 36. de verb. oblig. l. 5. C. de inutil. stipul.* de quo prolixè *Bachov. disp. 6. de act. thes. 17.*

[Errare lapsus] Quod hic dicitur, etiam eum, qui errore inductus stipulanti promittit, jure civili obligari, sed non videtur convenire cum eo, quod passim traditur, eos, qui errant, non consentire, consensui nihil magis esse contrarium errore, *l. non consentiunt. 15. de jurid. l. 2. de judic.* Nam si consensu nullus contractus ac ne stipulatio quidem consistit, *l. 1. §. 3. de pact.* Resp. Error non est unius generis. Si in persona aut re promissa erratum sit, cum de alia stipulator, de alia promissor sentiret, fateor, nullam contrahi obligationem, quia talis error consensum non habet. At error in causa promittendi, de quo hic agitur, non omnino consensu destituitur, & ideo summo jure hic nascitur obligatio, *d. l. si quis 36. de verb. obl. l. Julian. 7. de dol. mal. exc. Vid. nos. ad §. si de alia. 22. sup. de inut. stip.*

[Efficax est] Per se scilicet ac vi sua, hoc est, si pura esset, neque exceptione corrigeretur. Jam autem

exceptio efficit, ut ad condemnationem sit inefficax, *l. nihil interest. 112. de reg. jur.*

Exceptio quod metus causa] Exceptio quod metus causa in rem scripta est, *si in ea re nihil metus causa factum est*: ut non inspiciamus, an is, qui agit, metus causa fecerit, sed an omnino metus causa factum sit in ea re à quocumque, non tantum ab eo, qui agit, *l. 4. §. pen. de dol. mal. excom.*

Aut doli mali] Exceptio doli mali personam complectitur ejus, qui dolo fecit. Itaque in hac exceptione specialiter exprimendum est, de cujus dolo quis queratur non in rem, si in ea re nihil dolo malo factum est: sed sic, *si in ea re nihil dolo malo actoris factum est l. 2. §. 1. d. l. 4. §. pen. de except. dol. mal.*

In factum] In factum hæc exceptio dicitur nomine generali, quia variis modis accidere potest, ut error interveniat; quæmodum & actiones, quæ proprio nomine carent, in factum appellari solent, ut illæ, quæ dantur ex contractibus innominatis, item utiles, & præcipue subsidariæ, de quibus explicatum *§. ult. sup. de leg. Aquil.* Et sicut ob qualitatem personæ, quæ convenitur, in factum agendum; quo casu adversus alium est actio de dolo; *l. non debet 11. §. 1. de dol.* ita agente hujusmodi persona, quo casu adversus alios exciperetur de dolo, in factum excipiendum est, *l. 4. ad versus 16. de dol. exc.* Opponitur autem hoc loco exceptio in factum exceptioni doli mali non generali, sed speciali, quæ nascitur ex eadem causa, ex qua actio de dolo, nempe ex dolo inter initia adhibito, *l. 5. C. de inur. stip.* sive ut est in textu nostro, si quis dolo inductus stipulanti promiserit. Nam generalis exceptio doli, sicut cum aliis exceptionibus omnibus, ita & cum hac in factum, concurrit; quoniam datur ex omni causa ob quam id, quod petitur, exceptione elidi potest, quamvis inter initia nihil dolo factum sit. Ut in summa exceptio doli generalis toties competat, quoties actor per occasionem juris civilis æquitatem naturalem infringere conatur, *l. 1. §. 1. l. 2. §. & generaliter. l. 1. 4. §. pen. l. 7. l. 12. de dol. exc. l. si quis 36. de Ver. obl. l. 5. C. de pact. cum similib.*

TEXTUS.

De non numerata pecunia.

2. Idem juris est, si quis quasi credendi causa pecuniam à te stipulatus fuerit, neque numeraverit. Nam eam pecuniam à te petere posse eum, certum est: dare enim te oportet, quum ex stipulatione tenearis. Sed quia iniquum est, eo nomine te con-

demnari, placet, exceptione pecunia non numerata te defendi debere: cujus tempera nos (secundum quod jam superioribus libris scriptum est) constitutione nostra coarctavimus.

NOTÆ.

1. **CUM EX STIPULATIONE TENEARIS**] Igitur quod Paulus respondet, te nondum obligatum esse, *l. 30. de reb. cred.* de exitu intelligendum est, cum habeas exceptionem peremptoriam.

EXCEPTIONE PECUNIAE NON NUMERATAE] *l. 2. §. 3. de dol. mal. exc.* Hinc patet exceptionem hanc non modo actioni ex chirographo opponi posse, sed etiam actioni ex stipulatu.

CONSTITUTIONE NOSTRA COARCTAVIMUS] Exceptio non numeratæ pecuniæ cum antea quinquennis esset, à Justiniano facta est biennis, *sup. de lit. obl.*

COMMENTARIUS.

Qui quasi credituro stipulanti pecuniam spondit, jure civili obligatus est; sed adjuvatur exceptione non numeratæ pecuniæ, *l. 2. §. 3. in fin. de dol. exc.* ubi Ulp. ait, ei, qui crediturus pecuniam stipulatus est, nec credidit, etsi certa fuit causa stipulationis, quæ tamen aut non est secuta, aut finita est, nocere pecuniæ non numeratæ exceptionem. Unde patet, hanc exceptionem non tantum actioni ex chirographo, sed etiam actioni ex stipulatu opponi solebant: quippe creditores pecuniam sæpe stipulari prius, deinde stipulationis implendæ causa adnumerare; qua ratione una ex stipulatu nascebatur obligatio, *l. 6. §. 1. & l. seq. de noq.*

Cujus tempera] Exceptio non numeratæ pecuniæ cum antea quinquennis esset, à Justiniano biennis tantum facta est, *sup. tit. de lit. obl.* ubi fusè de hac exceptione differimus.

TEXTUS.

De pacto.

3. Præterea debitor si pactus fuerit cum creditore, ne à se pecunia peteretur, nihilominus obligatus manet; quia pacto convento obligationes non omnino dissolvuntur: qua de causa efficax est adversus eum actio, quam actor intendit, si paret

cum dare oportere : *sed quia iniquum est, contra pactiōem eum condemnari, defenditur per exceptionem pacti conventi.*

COMMENTARIUS.

Species exceptionū, quæ præcesserunt, jam à principio nascuntur in re contrahenda ; quæ sequuntur, ex causa postea interveniente emergunt.

Nihilominus obligatus manet] Qui cum creditore pactus est, ne à se pecunia peteretur, is nihilominus ipso jure obligatus manet : nam ut pacti nudi ea vis non est, ut ullam civilem obligationem pariat, ita nec eam, quæ constituta est, sive re, sive verbis, ipso jure tollere potest, l. 7. §. *sed cum 4. l. si unus* 27. §. 2. de pact. l. 5. l. 10. & l. 13. C. eod. Plane nudi consensus obligatio, ubi res adhuc integra est, pacto convento tollitur etiam ipso jure, §. ult. sup. quib. mod. toll. obl. ubi ejus rei ratio à me exposita est.

Sed quia iniquum est] Quamvis debitor, qui pactus est, ne à se pecunia peteretur, non liberatur jure civili, liberatur tamen interventu prætoris, qui vel actionem denegat, si de pacto conflet ; vel si non conflet, addit exceptionem, *extra quam si pactum sit, ne pecunia petatur* : quo apud judicem datum probato, debitor absolvitur, effectuque idem consequitur, quod liberati ipso jure : eoque pertinet l. *nihil interest*, 112. de reg. jur.

TEXTUS.

De jurejurando.

4. *Æquè si debitor creditore deferente juraverit, nihil se dare oportere, adhuc obligatus permanet : sed quia iniquum est de perjurio queri, defenditur per exceptionem jurisjurandi. In iis quoque actionibus, quibus in rem agitur, æquè necessaria sunt exceptiones ; veluti si petitor deferente possessor juraverit, eam rem suam esse, & nihilominus petitor eandem rem vindicet. Licet enim verum sit, quod intendit, id est, rem ejus esse : iniquum tamen est, possessorem condemnari.*

NOTA.

4. JURAVERT] Aut cum jurare paratus esset, remissum ei fuerit jusjurandum, l. 2. §. 1. de jurejur.

JURAVERT REM SUAM ESSE] Aut petitoris non esse, l. 3. §. 1. l. 11. pr. d. r.

COMMENTARIUS.

Exceptioni pacti conventi affinis est exceptio jurisjurandi : nam & jusjurandum, de quo hic queritur, in se conventionem habet, propter quam non minus servatur, quam propter religionem, l. *sed & si* 25. & l. seq. in fin. de jurejur.

Creditor deferente juraverit] Verba edicti, quo præter jusjurandum rei ruetur, hæc sunt ; *Si is, cum quo agitur, conditione delatum juraverit, ejus rei, de qua jusjurandum delatum fuerit, neque in eum, ad quem ea res pertinet, actionem dabo*, l. 3. in pr. junct. l. 7. de jurejur. Ait *condizione delata* : unde intelligimus, si reus juravit nemine ei conditionem jurandi deferente, prætoris id jusjurandum non tueri, d. l. 3. Quod negat, se in eum, qui juraverit, actionem daturum, id sic acceptum est, ut in certa, si prætori conflet reum prius conditione delata jurasse, actio simpliciter denegetur : fin autem de controversia sit, ambigaturque an reus juraverit, tum locus sit exceptioni jurisjurandi, l. 9. in pr. eod. Neque hoc proprium est jurisjurandi, ut nonnulli putant ; sed locum habet etiam in causis aliis, unde exceptiones nascuntur. Periculè enim juberet prætor de eo apud judicem queri, quod sibi exploratum, & inter litigatores confessum est.

Adhuc obligatus permanet] Nam jusjurandum non magis, quam pactum, modus est dissolvendæ obligationis jure civili constitutæ : sed tantum naturalem obligationem tollit, l. *strictum* 95. §. *naturalis* 4. de sol.

Quia iniquum est de perjurio queri] Dicendum potius fuerat, meo judicio, quia jusjurandum ex conventionione proficitur, & speciem transactionis continet, l. 2. l. *sed & si* 25. & l. seq. §. ult. de jurejur. Nam illa alia questio est, an exceptio jurisjurandi replicatione perjurii excludatur.

Si petitor deferente possessor juraverit] Etiam is, qui actione in rem conventus petitor deferente juravit, exceptione jurisjurandi, si petitor eandem rem iterum vindicet, adjuvatur, l. 3. §. 2. d. tit. si juraverit rem suam esse, sive petitoris non esse : quamquam hoc amplius ei, qui juravit, rem suam esse, amissa possessione etiam actio in factum datur ad rem recuperandam, si is, qui jusjurandum detulit, possessionem nactus est. Cæterum adversus alium possessor.

sestorem prerogativa jurisjurandi non utitur : quoniam non debet alii nocere, quod inter alios actum est, *l. 9. in fin. l. 10. l. 11. in pr. & §. 1. d. t.*

TEXTUS.

Dere judicata.

5. Item si iudicio tecum actum fuerit, siue in rem, siue in personam, nihilominus obligatio durat : & ideo ipso jure de eadem re postea adversus te agi potest : sed debes per exceptionem rei judicate adjuvari.

COMMENTARIUS.

Non ut quisque iudicio absolutus est, ita statim & ipso jure tollitur jus actoris. Quid enim si iudex perperam pronuntiaverit ? Tantum propter auctoritatem rei judicate statuerentur sententia, à qua appellatum non est : quam auctoritatem rebus judicatis dari, publica suavitudo utilitas, alioqui modus litium multiplicatus inexplicabilem asferret difficultatem, *l. 6. de exc. rei jud.* Comparata est autem rei judicate exceptio tuendi ejus rei causa, qui sententia iudicis absolutus est, siue debitor sit, siue possessor : ei vero, contra quem iudicatum est, hæc exceptio nunquam datur, *l. 1. §. 1. de iud. l. 16. cod. t.* Cui non obstat, *l. 4. C. de pos.* nam qui in sortem tantum reum condemnat, vi ipsa de usuris absolvit.

Obligatio durat] Aut hoc referendum est ad actionem in personam, quoniam in rem actio non descendit ex obligatione ; aut verbum obligationis contra usum veterum, qui eo in vendicationibus nunquam utuntur, laxius accepit. Theophilus videtur legisse, *actio durat*. Sic enim hunc locum convertit : *αἱ ἀπὸ ἀγωγῆς πρόσθεν*, eaque lectio Hotomanno & Tuningio magis probatur : in quos cur tam vehementer invehatur Christoph. Riccius in vendic. jur. præmessi. *c. 19.* nullam equidem causam video.

Per exceptionem rei judicata] Hæc autem exceptio non aliter agenti obstat, quam si eadem quaestio inter easdem personas revocetur, *l. 3. de exc. rei jud.* Itaque ita demum nocet, si omnia sint eadem, idem corpus, eadem quantitas, idem jus, eadem causa petendi, eademque conditio personarum : quæ qualia sint, latè explicatur in *l. cum quaritur, l. 2. cum seqq. cod.*

TEXTUS.

De cæteris exceptionibus.

6. Hac exempli causa retulisse sufficiat :

alioqui quam ex multis variisque causis exceptiones necessariae sint, ex latioribus Digestorum seu Pandectarum libris intelligi potest.

COMMENTARIUS.

Iustinianus non putavit operæ pretium, exceptiones omnes earumque causas proximas, quæ multæ & variæ sunt, singulatim recensere : sed celebrioribus tantum exempli loco propositis, de reliquis jubet consuli volumen *π. lib. D. 4. tit. 1. cum seqq.*

TEXTUS.

Divisio prima.

7. Quarum quaedam ex legibus, vel iis, quæ legis vicem obtinent, vel ex ipsius prætoris jurisdictionem substantiam capiunt.

NOTA.

7. EX PRAETORIS JURISDICTIONE] Veluti quod metus causa, de dolo, pacti, jurisjurandi, &c.

COMMENTARIUS.

Hæc exceptionum divisio sumpta est à causa efficiente remota, ut & obligationum illa in §. 1. *sup. de oblig. & actionum. §. 3. sup. de act.*

Ex legibus] Exceptionum ex legibus propriè dictis descendit nulla mihi occurrit. Arbitror tamen, exceptionem rei judicate esse ex lege 12. tabularum.

Quæ legis vicem obtinent] Intelligit Principum constitutiones & Senatusconsulta. Ex Principum constitutionibus sunt exceptiones divisionis & ordinis, item præscriptiones illæ temporales quadriennii, re aliena à fisco vendita, *tit. C. de quadriennii præscr. quinquennii adversus querelam in officio tellamenti* : triginta annorum in actionibus personalibus, item in rebus, quæ usucapi, aut longo tempore acquiri non possunt, *l. 3. & 4. C. de præscr. trig. ann. decem dierum in causa appellacionis, &c. auth. hodie C. appell.* Ex Senatusconsultis sunt duæ, exceptio Senatusconsulti Macedoniani de pecunia filiosa, credata, & exceptio Vellejani de intercessione mulieris.

TEXTUS.

Divisio secunda.

8. Appellantur autem exceptiones alia

perpetua & peremptoria, alia temporales & dilatoria.

COMMENTARIUS.

QUarundam exceptionum hæc vis est, ut rem, de qua agitur, perimant, atque obiectæ efficiant, ne amplius de ea re agi possit; alia vero ad tempus tantum nocent, & in id tempus duntaxat actionem differunt. Unde alia dictæ sunt perpetuæ & peremptoriæ, alia temporales & dilatoriæ. *l. 2. §. ult. l. 3. hoc tit.* Est igitur hæc divisio sumpta ab effectu.

TEXTUS.

De peremptoriis.

9. Perpetua & peremptoriae sunt, quae semper agentibus obstant, & semper rem, de qua agitur, perimunt: qualis est exceptio doli mali, & quod metus causa factum est, & pacti conventi, cum ita convenerit, ne omnino pecunia peteretur.

NOTÆ.

DOLI MALI] Quamvis actio de dolo sit temporalis: differentiæ rationem indicat Paul. *l. 5. §. ult. de dol. mal. exc.*

ET PACTI CONVENTI] Huc etiam pertinent exceptio erroris, item jurisjurandi, rei judicatæ, transactionis, non numeratæ pecuniæ, &c.

COMMENTARIUS.

¹ *Perpetuæ exceptiones unde dictæ.*

² *Exceptio doli cur perpetua, cum actio de dolo temporalis.*

QUæ semper agentibus obstant, &c.] Vis exceptionum perpetuarum & peremptoriarum, quam ipsam & nomina indicant, hæc est, quod oppositæ & probatæ semper agentibus obstant, & rem, de qua agitur, perimant: unde alibi dicuntur totius negotii cognitionem tollere, & vires principalis negotii exhaurire, *l. 2. C. de prec. imp. off.* non enim actionem solum, sed etiam obligationem tollunt, idque non minore cum effectu, quam si sublata esset ipso jure: ut non abs re scriptum sit, nihil interesse utrum actionem quis non habeat, an eam, quæ per exceptionem perpetuam infirmetur; & pro indebito haberi id, cujus petitio ita repelli potest, *l. nihil interest 112. de reg. jur. l. 3. §. 1. de const. pec. l.*

³ *qui exceptionem 40. de cond.* Dictæ igitur sunt per-

petuæ non à tempore proponendi, quod quacunq; judicii parte opponi possunt, ut male DD. & Myns. hic num. 2. nam & dilatoriæ quædam post litem contestatam objici possunt, ut postea ostendimus: sed à tempore, quo effectus propositarum durat; eoque sensu etiam exceptio non numeratæ pecuniæ vere perpetua est. *Bronch. 2. misc. 52.* Cajus sic definit, *Perpetuæ atque peremptoriæ sunt, quæ semper locum habent, nec evitari possunt, l. 3. hoc tit. sc. semel opposita.*

Exceptio doli mali] Obiter hic notandum, exceptionem peremptoriam, quamvis nascatur ex causa, ex qua actio nata esset temporalis, non solum eo sensu perpetuam esse, quo diximus, sed etiam lapsu temporis non interire: verbi causa, actio de dolo temporalis est, exceptio autem doli perpetuo competit. Hoc ideo, quia actor in sua potestate habet, quando jure suo utatur; at in rei potestate non est, quando conveniatur, *l. 5. §. ult. de dol. exc.* Secus tamen est, cum quis jus suum, intra certum tempus lege definitum per modum actionis in judicio proponere potest: quia tunc illa ratio cessat. Hinc exceptio non numeratæ pecuniæ biennio, querelæ inofficiosa quinquennio finitur. *Gomez. 1. var. ref. 11. n. 20. Cossul. in l. 8. §. si filius 13. de inoff. testam.*

Quod metus causa, &c.] Tres hæ exceptiones, doli mali, quod metus causa, & pacti conventi perpetui, exempli tantum causa proferuntur. Sunt enim longe plures exceptionum peremptoriarum species. Nam huc etiam pertinet exceptio erroris, item jurisjurandi, rei judicatæ, transactionis; item non numeratæ pecuniæ; liberationis legatæ, rei venditæ, quæ vendicanti objicitur, *tit. de exc. rei vend.* item Senatusconsulti Macedoniani, & Vellejani, trium conformium sententiarum; *l. un. C. ne lic. in un. ead. ca.* quam exceptionem hodie non attendunt suprema tribunalia. *Myns. 1. obs. 15. Gail. 1. obs. 72. Christin. Sol. 4. dec. 122. Imb. lib. 2. inst. for. Bugnion. lib. 1. leg. abrog. art. 253.* denique præscriptiones omnes, quæ reo ex tempore nascuntur, & si quæ sunt alia, quæ rem, de qua agitur, perimunt.

TEXTUS.

De dilatoriis.

10. Temporales atque dilatoriae sunt, quæ ad tempus nocent, & temporis dilationem tribuunt: qualis est pacti conventi, cum ita convenerit, ne intra certum tempus ageretur, veluti intra quinquennium: nam finito eo tempore non impeditur actor rem exequi. Ergo ii, quibus

infra

*intra certum tempus agere volentibus ob-
jicitur exceptio aut pacti conventi, aut a-
lia similis, differre debent actionem, &
post tempus agere. Ideo enim dilatoria
istæ exceptiones appellantur. Alioquin si
intra tempus egerint, objectaque sit ex-
ceptio, neque eo judicio quicquam conse-
quebantur propter exceptionem, neque
post tempus olim agere poterant, cum te-
mere rem in judicium deducebant & con-
sumebant; quæ ratione rem admittebant.
Hodie autem non ita stricte hoc procedere
volumus; sed eum, qui ante tempus pa-
ctiõis vel obligationis litem inferre au-
sus sit, Zenonianæ constitutioni subjacere
censemus, quam sacratissimus legislator
de iis, qui tempore plus petierint, protu-
lit: & inducias, quas ipse actor sponte
indulserit, vel quas natura actionis con-
tinet, si contempserit, in duplum habe-
ant ii, qui talem injuriam passi sunt: &
post eas finitas non aliter litem suscipiant,
nisi omnes expensas litis antea acceperint:
ut actores tali pœna perterriti tempora-
litium doceantur observare.*

COMMENTARIUS.

1. *Prescriptio moratoria, & alia dilatoriarum numero.*
2. *Exceptio excussionis an dilatoria.*
3. *Dilatoria propter diem initio obligationi ad-
jectum.*

EXceptiones temporales & dilatoriz sunt, quæ ad
tempus nocent, & in id tempus actionem disse-
runt. Quia rem differunt dilatoriz, quia ad tem-
pus id faciunt, temporales appellantur. Cajus sic
eas definit; *Temporales atque dilatoria sunt, quæ
non semper locum habent, sed exiri possunt.* l. 3.
hoc tit.

*Qualis est pacti conventi, cum ita convenerit,
&c.]* Hæc ab effectu appellari potest solutionis di-
latoria. Cui similis est prescriptio moratoria à Prin-

cipe impetrata, l. 2. & l. 4. C. de proc. imp. off. l. in
fraudem 45. §. in fiscalibus, de jur. fisc. Solent e-
nim principes humanitatis causa dilationem alicu-
jus temporis indulgere debitoribus, qui fortunæ in-
juria facultatibus exuti, aut magnum aliquod da-
mnum rei familiaris passi, spatium aliquod ad sol-
vendum petunt, quo se interim tueantur adversus
creditores, ne in carcerem ire aut bonis cedere co-
gantur. Vulgo appellant literas salvi conductus,
gratiæ, securitatis. Nostrates, *Briefven van atter-
minatie of respyt.* Quæ de re consulendi *Assist.*
decis. 377. & seq. *Surd. decis.* 301, 307, 322. *Boer.*
decis. 96. *Tessaur. decis.* 186. *Rebuff. de dilat. art.* 1.
gloss. 1. num. 9. *Christin. Sol.* 2. decis. 70. & seq. *Kint-
schot. tract. de solut. induc.* Dilatoriarum numero
sunt & exceptiones, quæ dicuntur procuratoriz, l. 2.
§. ult. l. 3. in fin. hoc tit. §. ult. inf. eod. item præ-
scriptiones fori, l. ult. Cod. eod. ut exceptio incom-
petentiæ, recusationis judicis. Hæ sunt, quæ vul-
go appellantur judicii declinatoriz. *Merul. lib. 4. dist.*
4. sect. 3. tit. 4. cap. 2. 3. & 4. Dilatoriz quoque ex-
ceptiones sunt, quæ adversus inhumanam solidi pe-
titionem conceduntur, l. 16. & seqq. de re jud. §. item
si 37. & seq. & §. ult. sup. de act. ubi vid. Item
quæ ideo objiciuntur, quod actione qua agitur, præ-
judicium fit rei majori, tit. Cod. de ord. judi. Item
exceptio cedendarum actionum, non impleti con-
tractus, libelli generalis & obscuri: item exceptio
sub. & obreptionis; quæ tantum quatenus negotium
principale concernit; peremptoriis annumerari pot-
est. *Christin. Sol.* 4. decis. 174. num. 5. Denique ex-
ceptiones loci non tui vel inhonesti, termini angu-
sti, feriarum, & simil. de quibus late *Zanger. de ex-
cept. part.* 2. Plerique etiam exceptionem divisionis
dilatoriam esse statuunt: sed rectius alii ad perem-
ptorias eam referunt. *Sichard. ad l. 10. C. de fidejuss.*
Broch. 2. mis. 52. *Zanger. de exc. part.* 3. cap. 19.
Exceptio quoque excussionis quibusdam dilatoria
est, quoniam ajunt, litem tantum differt, non peti-
mit, siquidem creditor excusso debitore potest redire
ad fidejussorem: siue metu hujus exceptionis. *Auth.*
presente. C. de fidej. *Fachin. lib.* 8. cap. 52. *Ant.*
Enb. C. suo. hoc tit. def. 1. Verum ego & hanc ad clas-
sem peremptoriarum potius referendam arbitror:
nam utique actionem perimit, quod ad fidejussorem
attinet, si debitor solvendo esse reperitur. Hoc ve-
ro sufficit, ut pro perpetua & peremptoria haberi de-
beat, l. sufficit 16. de cond. ind. *D. Tuld. comm. hic.*
cap. 6. Aliis hæc exceptio dicitur anomala.

Aut pacti conventi aut alia similis.] Puta, quod
pecuniæ petitz dies non venit; Nam & cum obli-
gatio ab initio in diem contracta est, ipso jure actio
statim nascitur, ut abunde probavimus. ad §. 2. sup.
de verb. obl. sed præmature seu ante diem agens ex-
ceptio-

ceptione cuius pecunia dies non venit, repellatur: & quia perperam agebat, tempore plus debito petens, l. 2. §. qui stat. de eo quod cert. loc. l. un. §. ult. quand. di. usuf. leg. ced. l. liber. 128. §. 1. de verb. obl. causæ amissione multabatur. Quæ pœna erat cuiuslibet plus petitionis, §. si quid agens 33. sup. de act. Ceterum ex constitutione Zenonis, confirmata à Justiniano, actor ante tempus pactionis aut obligationis litem inserens non amplius rem consumit, sed hanc pœnam suffert, ut cogatur reliquas inducias rei conduplicare, iisque finitis non ante audiat, quam sumptus omnes prioris litis refuderit, hoc text. in calce. Quid hodie juris sit, exposui ad d. §. si quis agens.

TEXTUS.

De dilatoriis ex persona.

II. Præterea etiam ex persona sunt dilatoria exceptiones, quales sunt procuratoria, veluti si per militem, aut mulierem, agere quis velit. Nam militibus nec pro patre, vel matre, vel uxore, nec ex sacro rescripto, procuratorio nomine experiri conceditur. Suis vero negotiis superesse sine offensa militaris disciplina possunt. Eas vero exceptiones, quæ olim procuratoribus propter infamiam vel dantis, vel ipsius procuratoris opponebantur, cum in iudiciis frequentari nullo modo perspeximus, conquirere sancimus; ne dum de his altercatur, ipsius negotii disceptatio proteletur.

COMMENTARIUS.

- 1 *Varia exceptionis dilatoria genera ratione obiecti.*
- 2 *Exceptio procuratoria quadruplex.*
- 3 *Liceatne pluribus exceptionibus ejusdem rei nomine simul uti.*
- 4 *Ufus exceptionum peremptoriarum in bonafidei iudiciis: in his contestationem eorum non fuisse necessariam.*
- 5 *Instrictus iudicii initio litis contestandas.*
- 6 *Quid ex interpretum sententia hic receptum.*
- 7 *Vis exceptionum rei iudicata, iurijurandi, & transactionis.*
- 8 *Exceptiones juris etiam non contestatas inque ad sententiam allegari posse.*

- 9 *Quibus exceptionibus uti liceat etiam in executione rei iudicata.*
- 10 *Ufus dilatoriarum, has regulariter inter exordialis litis opponi, disceptari, &c. oportere: & quæ hinc excipienda.*
- 11 *Quæ exceptiones dilatoria etiam post sententiam recte opponuntur.*
- 12 *Mores hodierni plerorumque tribunalium circa usum exceptionum.*

Exceptionum dilatarum quædam tangunt negotium ipsum & causam principalem, ut exceptio pacti temporalis de non petendo, præscriptio mortuaria, &c. Quædam constitutionem iudicii. Atque ex his quædam personam iudicis, ut exceptio suspecti, & exceptio præventionis, de qua in l. 7. de iud. item eaquæ specialiter dicitur exceptio incompetentiæ, si videlicet apud eum agatur, cujus de ea re, de qua agitur, aut in personam, cum qua agitur, jurisdictio non est. Quædam personam adversarii, puta quod idoneam personam standi in iudicio non habet, tit. C. de his qui pers. legist. &c. Quædam personam procuratorum, vel quia procuratores non sunt, vel quia procuratores esse non possunt, quæ dicuntur procuratoriæ, l. 2. §. ult. l. 3. hoc tit. Sed nec incommode quis dixerit, dilatorias omnes comparatas esse adversus quamcunque perversam iudicii institutionem; siue quia persona iudicis, aut adversarii, aut procuratoris, idonea non est ad iudicium exercendum; siue quia actio, quæ intenditur, non competit, aut alia prius intendi debet, ne per eam graviori causæ præjudicium fiat; & generaliter quæcunque iudicium transferunt, vel commutant in alias personas, in aliam actionem, in alium locum, in aliud tempus: unde à Cicerone lib. 1. c. 2. de invent. appellantur translationes, & iudicii commutationes.

Quales sunt procuratoria] Exceptiones procuratoriæ ex persona dilatoriæ sunt, quia rem differunt: nam qui dicit, non licere procuratorio nomine agi, non proflus inficiatur litem, sed personam evitat, l. 2. in fin. hoc tit. Exceptio autem procuratoria duplex est: nam aut omnino procurator esse negatur, veluti si dicatur mandatum non habere; l. inter quas 39. §. pen. de damn. inf. l. licet, Cod. de proc. aut à pupillo sine auctoritate tutoris constitutus; l. in exceptionibus 19. §. 2. de prob. aut esse non posse contenditur, veluti si miles sit, aut mulier; cujusmodi exceptionum vix ullus hodie usus est, ut liquet ex iis, quæ sup. ad §. 1. de iis per quas ag.

Mulierem] Mulieres ab omnibus officiis civilibus pudor & naturalis verecundia ratio prohibet, l. 2. de reg. jur. l. 1. de postul. quamobrem nec alienam litem procuratorio aut defensorio nomine suscipere possunt, l. neque femina 57. de proc. l. alie-

nam 18. C. eod. ubi imp. ajunt, alienam suscipere defensionem virile esse officium, & ultra sexum muliebrem. Plane alias actiones in rem suam & proprium lucrum sibi mandatas exercere non prohibentur, *l. 4. C. eod.*

Militibus nec pro patre] Militis ne pro patre quidem aut matre aut uxore, quamvis rescriptum impetraverint, procuratores esse possunt, *l. 8. S. 2. d. proc. l. 7. C. eod.*

Suis negotiis] *L. 9. C. de proc.* ubi Imp. militibus non tantum suas causas agere, verum etiam si in rem suam procuratores constituti sint, alienas actiones persequi permittit.

Propter infamiam] Apparet ex hoc loco, olim infames neque procuratores esse, neque procuratorem dare potuisse, quamquam per se agere poterant. Justinianus autem exceptiones de agentis aut procuratoris infamia quiescere jubet. Utique ubi de infamia non aperte constat, & ob id disceptatio negotii protelanda. Operæ pretium facturus videor, si hic aliquid subjecero de recto usu exceptionum exercendarum. De eo duplex fere quæstio est; una de numero objiciendarum, altera de tempore objiciendi. De numero hoc quæsitum, liceatne pluribus exceptionibus ejusdem rei nomine simul uti. Movet exemplum plurium actionum de eadem re concurrentium, quarum constat una tantum eodem tempore experiri licere. Sed quod actori non licet, id placuit licere ei, unde petitur, ut pluribus exceptionibus, quamvis diversis, modo ne se invicem destruant, eodem tempore uti possit, hoc effectu ut si in una probanda defecerit, ad aliam recurrere non prohibeatur, *l. 5. l. 8. hoc tit. l. nemo 43. de reg. jur. cap. nullus, eod. in 6. DD. comm. in d. l. 8. Zas. ibid. n. 4. Coëar. 1. Coëar. ref. 2. n. 2.* Differentiæ ratio est, quod agere actori liberum est, defendere reo non item. Non iniquum in actore lacerandi libertatem uno genere armorum circumscribere: reo vero, cui non semper sui defendendi facultas, omnia ad defendendum arma suppeditare, humanum est. De tempore objiciendæ exceptionis ita in peremptoriis jus olim fuit, ut in bonæ fidei judiciis necesse non esset exceptionem initio litis contestari, sed eam quandoque ante rem judicatam opponere liceret. Cui non obstat, quod dicitur, ultra id quod in judicium deductum est, excedere potestatem judicis non posse: nam in bonæ fidei judiciis verba ipsa judicii dati exceptionem tacite includunt, cum in his jubetur iudex judicare ex æquo & bono: idque veteres significat, cum ajunt, exceptiones inesse bonæ fidei judiciis, his contineri; *et si non excipiat, satis tamen per officium judicis consuli, l. 3. de resc. vend. l. hujusmodi 84. §. qui seruum de legat. 1. l. plane 38. l. ult. de har. pet.* In strictis vero judiciis exceptionem in principio litis nominatim contestari ne-

cessè erat, & vel à reo agnoscente intentionem actoris statim probari, vel à dubitante tantisper omittam, donec actor intentionem suam probasset, antequam sententia ferretur, ad disceptationem opponi. Textus clari in *l. 9. C. de presc. long. temp. l. 8. & l. 9. C. hoc tit.* Cæterum non contestatam postea objicere negotio pro arbitrio licuisse. Cujus ego rei fortissimum hoc argumentum habeo. Certum est, ultra id, quod in judicium deductum est, judicis potestatem non excedere, *l. 18. comm. dis.* Atqui in strictis judiciis nihil in judicium deductum intelligi potest, de quo lis non aperte contestata sit. Nam si veterum judiciorum rationem considerare volumus, palam est, exceptiones in jure apud prætorem proponi debuisse, qui deinde formulæ eas includebat; sive mutatam postea judiciorum formam, constat, eandem judicis potestatem mansisse liberam in bonæ fidei judiciis, in contrariis adstrictam iis rebus, quæ nominatim in judicium deductæ sunt, ut proinde in his nihilominus necesse fuerit exceptionem in exordio litis contestari. Atque ita sæpissime rescriptum est, postquam jam à Diocl. *l. 2. C. de ped. jud.* sublata esset judicis dandi licentia, *l. 8. l. 9. C. hoc tit. l. 9. C. de presc. long. temp.* Quibus non obstat *l. 2. C. sent. resc. non poss.* Nam omittas ibid. ex *d. l. 8. & 9. hoc tit.* accipere debemus: non quarum nulla mentio initio facta: sed quæ contestatæ postea omittæ, id est, dilatæ sunt ad probationem & disceptationem. *Don. ad d. l. 8. num. 7. Gudelin. lib. 4. cap. 8.* Cæterum plurium suffragiis probatum, usuque receptum est, ut hujus generis exceptiones etiam non contestatæ usque ad sententiam recte objiciantur, vid. *Myns. 1. obs. 24. Marant. §. 6. num. 12. Gail. 1. obs. 74. num. 13. Wes. par. n. 7.* quod eo facilius nunc admittendum, quia discrimen judiciorum bonæ fidei & stricti stricti juris pene sublatum est, ut alibi demonstravi. Exceptiones rei judicatæ, jurisjurandi, & transactionis hoc speciale habent, quod impediunt litis ingressum, modo paratam earum reus probationem habeat: unde & litis finitæ appellantur. *Christin. d. decis. n. 7. Gudelin. lib. 4. cap. 7. sect. 1.* quanquam si initio oppositæ non sunt ad impediendum processum, nihilominus postea opponi possunt ad justitiam causæ. *Christ. d. dec. num. 18. & seq.* Sciamus autem, ea, quæ de contestatione harum exceptionum diximus, dicta esse de exceptionibus facti, quibus aliquid factum esse intendimus, quod proinde & probare debemus, ut intelligitur ex *l. in exceptionibus 19. de prob.* quæ enim quæstionem facti habent, non possunt intelligi in judicium deduci, nisi facti contestatione. Diversa autem causa est exceptionum juris, id est, earum, quæ alicui conditione ipsa personæ jure tribuuntur, qualis est exceptio divisionis epistola D. Hadriani fidejussoribus tributa. Nam hoc genus contestari necesse non est, sed sufficit

quandoque, ante sententiam allegari, *l. 10. C. de fidejuss. & ibi D. Ant. Fab. C. suo, hoc tit. de fin. 1. num. 3.* Nimirum auxilium divisionis satis sub appellatione & persona fidejussoris in judicium deduci intelligitur, cum a fidejussori jure tribuatur, hoc ipso quod fidejussor est. Dux omnino exceptiones peremptoriae sunt, quas non solum necesse non est initio litis contestari, sed quibus etiam non allegatis uti licet in executione rei judicatae, nempe exceptio Senatusconsulti Macedoniani & Vellejani, *l. 11. de SC. Mac.* Id quod mirum videri non debet placuisse in iis exceptionibus, quae publicae utilitatis causa maxime introductae sunt. DD. nostri etiam plures hujus generis referunt in *l. 1. C. de re jud. l. 1. Cod. de jur. & fact. ign. Gail. 1. obs. 113. num. 5. & seqq. Zup. in l. 2. hoc tit. num. 16. Marant. part. 2. memb. 9. num. 18. Merul. lib. 4. distinct. 4. sect. 3. tit. 4. cap. 14.* Exceptiones dilatoriae, cujusunque ex generis sunt, si paucas dempseris, inter exordia litis, hoc est, ante litem contestatam, opponi debent. Quin & disceptari, probari & decidi, *l. pen. & ult. C. hoc tit.* Excipitur dilatoria solutionis, non defugiendi judicii, sed solutionis differendae gratia objecta, seu, ut vulgo loquuntur, non ad impediendum processum, sed ad merita causae opposita, cujus initio contestatae probatio demum a reo exigitur, postquam actor intentionem suam probavit, quo refero *l. exceptionem 19. C. de probat. cum Gudelin. lib. 4. cap. 7. sect. 1.* Sed & si quae hujus generis demum post litem contestatam nata sit, veluti si novae causae postea emerferint, ob quas judicem tanquam suspectum recusare liceat, non est ambigendum, quia hujusmodi exceptio post coeptum judicium objici possit, *cap. 15. de off. deleg. Richard. ad l. 13. Cod. de proc. n. 5.* quanquam in privilegio fori superveniente hoc locum non habet, *l. 7. de judic.* Item juris esse interpp. nostri volunt, si exceptio gravamen successivum, ut loquuntur, habet; cujusmodi est exceptio loci non tuti vel suspecti, *Myns. 2. obs. 74. Gail. 2. obs. 2. num. x. Richard. d. loc. num. 6.* Item si reus exceptionem sibi competere in facto errans ignoraverit, *cap. 4. hoc tit. C. Gar. pr. quast. 26. num. 2.* Illud certum est, exceptiones dilatorias, quae adversus inhumanam solidi petitionem comparatae sunt, non solum post litem contestatam ante sententiam objici posse, sed etiam post rem judicatam in ipsa executione, *l. 15. l. 17. §. ult. sol. matr. l. item 18. l. Desonnius 41. §. ult. de re jud.* Rationem reddunt, quia hoc genus exceptionis non impugnat sententiam, sed moderatur vires judicati. Idem obtinet & in exceptione restitutionis, *l. di. num. 37. de re jud.* & in exceptione cedendarum actionum, *l. si fidej. 41. §. 1. de fidej.* Item in exceptione non impleti contractus, veluti pretii non solvi. De qua DD. in *l. 1. C. de jur. & fact. ign. Gail. 2. obs. 17. Zang. de exc. part. 3. cap. 28.*

num. 88. Tantundem dixerō, si exceptio judicium retro reddat nullum, qualis est exceptio falsi procuratoris, *l. licet 24. C. de proc.* si modo haec vera exceptio. Moribus multorum tribunalium nunc ita comparatum est, ut reus omnes exceptiones, quas habet, simul & conjunctim initio litis proponere debeat, peremptoriaeque una cum dilatoriis. Quod vocant procedere ad omnes fines. Ceterum protestari consuevit reus, se hac exceptionum cumulatione nihil damni habiturum, sed ex illis sibi defensionem recte atque ordine velle tribui. *Damboud. prax. civ. cap. 139. Imbert. inst. for. lib. 1. cap. 51. Myns. 5. obs. 89. Merul. lib. 4. dist. 4. sect. 2. tit. 4. cap. 1. Christin. sol. 4. decisi. 174. n. 15. Gudelin. lib. 4. c. 7. sect. 1. & cap. 8. sect. 1. in fin. ubi etiam docet, quam rationem hoc institutum habeat, nimirum ut cunctis rei defensionibus initio allegatis, iudex ex iis statum causae eliciat. Variatur enim status causae, cum intentione actoris probata exceptio postea opponitur. Et quid opus est actorem longum tempus magnosque labores & sumptus probandae intentioni suae impendisse, si ea exceptio tandem objiciatur, quae initio objecta eum statim a lite retraxisset? Tres tamen sunt exceptiones, quae in tribunalibus nostris solae & per se proponi possunt, exceptio declinatoria fori, litis pendentiae, & litis finitae, juncta instruat. *Curr. Holl. art. 88. junct. art. 10. Ampliat. & art. 12. ord. Just. Greene & de H. abrog. ad hunc tit. Inst.**

TITULUS XIV.

De Replicationibus.

Replicatio quid sit.



Exceptio actorem excludit, ita replicatio reum, *l. 2. §. 2. de exo. est que.* nihil aliud replicatio, quam secunda actoris allegatio ad firmandam actionem suam adversus exceptionem a reo oppositam. Itaque & replicatio quaedam exceptio est, sed quae a parte actoris venit, *d. l. 2. §. 1.* unde a Paulo dicitur contra exceptio, quasi exceptionis exceptio, *l. exceptio 22. §. 1. cod.* quam proprie exceptio appellatur ea defensio, quae reus utitur ad excludendam actionem,

TEXTUS.

De replicatione.

Interdum evenit, ut exceptio, quae prima facie justa videtur, tamen inique noceat. Quod cum accidit, alia allegatione opus est, adjuvandi actoris gratia:

qua replicatio vocatur; quia per eam replicatur atque resolvitur jus exceptionis. Velut cum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori petere liceat: si creditor agat, & excipiat debitor, ut ita demum condemnetur, si non convenerit, ne eam pecuniam creditor petat, nocet ei exceptio: convenit enim ita. Namque nihilominus hoc verum manet, licet postea in contrarium pacti sint. Sed quia iniquum est, creditorem excludi, replicatio ei dabitur ex posteriore pacto convento.

NOTÆ.

QUAE PRIMA FACILE JUSTA] *ἡ πρῶτη ἀνεπίστατος*, secundum jus strictum: iniqua autem, si ex æquitate putetur.

ADJUVANDI ACTORIS GRATIA] Exceptio est subsidium rei, replicatio actoris, l. 7. l. 10. C. de exc. l. 2. §. 2. D. eod.

REPLICATIO VOCATUR] Quæ & ipsa quædam exceptio est, sed quæ à parte actoris venit, d. l. 2. §. 1.

NOCET EI EXCEPTIO] Quia pactum prius per posterius non tollitur ipso jure, sicut stipulatio per stipulationem, si hoc actum est. Quia in stipulationibus jus continetur, in pactis factum versatur, l. 27. §. 2. de pact. id est, quia pacto non liberamur nisi contestatione pacti: at per stipulationem novantem, per stipulationem Aquilianam & subsecutam acceptilationem etiam sine aliqua defensionis contestatione.

COMMENTARIUS.

1 Explicatur l. si unus 27. §. 2. de pact. & conciliatur cum l. Stichum 95. §. naturalis 4. de solut.

Cum exceptio in speciem justa, revera iniqua est, opus est alia defensione adjuvandi actoris gratia. Ut ecce, Creditor, qui decem mutuo dederat, pactus est cum debitore, ne ab eo peteret. Postea cum quereretur creditor, nullam fuisse causam debiti remittendi, obtinuit, ut nova conventio interponeretur, qua placeret, rursus ei petere licere. Hic si creditor agat, & excipiat debitor, obstabit agenti exceptio: nam prius pactum non tollitur per posterius ipso jure, sicut stipulatio per stipulationem, si hoc actum sit, puta si novandi animo posterior interposita sit, l. si

unus 27. §. 2. de pact. Ceterum quia iniquum est, creditorem excludi, alia defensione adjuvatur ex posteriore pacto convento, quæ exceptioni opposita eam elidat, & nostris replicatio dicitur, propterea quod per eam replicatur & resolvitur jus exceptionis, hoc text. l. 2. §. 1. & 2. eod. Theophilus reddidit, ἀνὰ δὲ τοῦ ἑ & παρὰ τοῦ ἑ ἰσχύς. Vis exceptionis resolvitur. Rhetores firmamentum appellant. Nam definitore Cicerone in partit. Firmamentum est, quod ad labefactandam rationem (ea nostris est exceptio) refertur. Atenim, inquis, obligatio naturalis ipso jure per pactum tollitur, l. Stichum 95. §. naturalis 4. de solut. cui consequens videtur, quod pacti etiam hæc vis sit, ut ipso jure obligationem priorem reponat in pristinum statum, perinde ac si pactum prius interpositum non fuisset. Minime, inquam: nam cum non obstante priore pacto de non petendo obligatio & actio ipso jure adhuc competat, fieri nequit, ut exceptio debitori priore pacto quæ sita posteriore pacto ita tollatur, ut ea agenti creditori in iudicio opponi non possit. Atque hoc significat Jurisconsultus in d. l.

unus 27. §. 2. de pact. cum ait, in pactis factum versari. Antea dixerat, in stipulationibus jus contineri. Ait, in pactis factum versatur; id est, ut ego interpretor, pacta quidem nobis profunt ad liberationem, sed factio nostro, si quis initio litis pactum sit contestatus, ejusque pacti exceptionem in iudicium deduxerit. Hæc enim contestatio & defensio cum in facto rei posita sit, recte dicitur, in pactis factum ad liberationem versari: eademque hic exceptionis & replicationis ratio. In stipulationibus, inquit, Jus continetur: id est, per stipulationem novantem, per Aquilianam eamque secutam acceptilationem, hoc assequimur, ut ipso jure liberemur, non facto aliquo nostro, id est, non defensionis contestatione, nec acceptilationis exceptione & objectione. Huc pertinet, quod idem Jurisconsultus in l. qui seruum 34. §. 1. de obl. & act. scribit, eum, qui rem sibi commodatam surripuerit, teneri quidem & commodati actione & conditione, sed alteram actionem per alteram perimi aut ipso jure aut per exceptionem. Significat enim, cum quis ipso jure liberatus est, posse eum tuto negare se debere; & quamvis exceptionem in iudicio non proponat, absolvi debere, si ex pristina actione solvisse se, quandoque, apud judicem doceat. Si vero per exceptionem actio tollatur, non debere eum negare se teneri: sed cum hoc confessus fuerit, ejus quod præcesserit, exceptionem opponere posse, per quam consequatur idem, ne teneatur. Hoc vero inquit facere est tutius; quia se dubitari possit, an eo modo prior actio sublata sit jure, add. Cujac. & Ant. Fab. ad d. l. 27. §. 2. de pact. Don. ad l. 5. C. eod. Bachov. de pact. cap. de eff. pact. lib.

T E X T U S.

De duplicatione.

1. *Rursus interdum evenit, ut replicatio, quæ prima facie iusta est, inique noceat. Quod cum accidit, alia allegatione opus est, adiuvandi rei gratia; quæ duplicatio vocatur.*

De triplicatione.

2. *Et si rursus ea prima facie iusta videatur, sed propter aliquam causam actori inique noceat, rursus alia allegatione opus est, quæ actor adjuvetur; quæ dicitur triplicatio.*

De cæteris exceptionibus.

3. *Quarum omnium exceptionum usum interdum ulterius, quam diximus, varietas negotiorum introducit, quas omnes apertius ex Digestorum latiore volumine facile est cognoscere.*

C O M M E N T A R I U S.

1 *Hodie ultra duplicationem non procedi nisi ex gravi causa: nec in statu iudiciali exceptionum aut replicationum usum esse.*

1 *Si replicatio & ipsa prima fronte iusta, revera autem iniqua sit, contra eam datur reo duplicatio: & rursus contra duplicationem actori triplicatio: & sic deinceps nomina multiplicantur, quoties vel actor vel reus objicit, allegationumque ultro citroque modus est infinitus, l. 2. §. 3. hoc tit. Verum hanc licentiam posteritas merito refrænandam putavit, ne modus allegationum nimium multiplicatus non tam explicet causam, quam implicet. Itaque hodie in hunc constitutus Curia placet, non procedi ultra duplicationem; nisi ex gravi causa iudex aliter decernat, puta ob novi, & ad statum causæ pertinentis facti allegationem. Vid. Ordin. Cam. Imp. p. 3. tit. 20. Imbert. 1. Inst. for. 36. Ampliat. Instr. Cur. Holland. art. 12. D. Tuld. in comm. ad hunc tit. c. 1. & 2. ubi exemplo hanc rem illustrans ostendit, cur necesse non sit ultra duplicationem progredi. Concessa autem ex causa actori triplicatione, reo simul concessa intelligitur quadruplicatio, & ita deinceps. Merul. lib. 4. dist. 7. sect. 3. tit. 10. cap. 1. In statu causæ iudiciali ex-*

ceptionibus aut replicationibus non utimur: sed iudex appointeert partyen te beschryven by memorien en advertissementen van rechten, &c. In statu conjecturali appointeert alken te maekensen daer van te dienen, indien geen productie van noode is; ofte in seyen contrarie, indien productie vereyscht wordt. Ende wordt in beyde geschreven byesch, antwordt, replieq, duplicq, & interwille van tiidt, sonder meer. Merul. d. dist. 4. sect. 4. tit. 10. & seq.

T E X T U S.

Quæ exceptiones fidejussoribus profunt vel non.

4. *Exceptiones autem, quibus debitor defenditur, plerumque accommodari solent etiam fidejussoribus ejus: & recte: quia quod ab iis petitur, id ab ipso debitore peti videtur: quia mandati iudicio redditurus est eis, quod ei pro eo solverint. Quæ ratione & si de non petenda pecunia pactus quis cum eo fuerit, placuit, perinde succurrendum esse per exceptionem pacti conventi illis quoque, qui pro eo obligati sunt, ac si etiam cum ipsis pactus esset, ne ab eis pecunia peteretur. Sane quadam exceptiones non solent his accommodari. Ecce enim debitor, si bonis suis cesserit, & cum eo creditor experiatur, defenditur per exceptionem, si bonis cesserit. Sed hac exceptio fidejussoribus non datur: ideo scilicet, quia qui alios pro debitore obligat, hoc maxime prospicit, ut cum facultatibus lapsus fuerit debitor, possit ab iis, quos pro eo obligavit, suum consequi.*

C O M M E N T A R I U S.

- 1 *Quæ exceptiones ad alios transeant, aut non transeant.*
- 2 *Exceptio lationis ex causa atatis cuius generis.*

*U*trum exceptio, quæ debitori competit, ad alios, puta hæredes, fidejussores, transeat, nec ne, ex genere

nere exceptionis definiendum est. Nam quædam exceptiones in rem sunt, quædam in personam; sive, quod idem est, quædam causæ seu rei, quædam personæ cujusque cohærent. Rei cohærentes exceptiones, sunt, veluti rei judicæ, doli mali, jurisjurandi, quod metus causâ, pacti conventi in rem, Senatusconsultorum Vellejani & Macedoniani, &c. l. 7. §. 1. *hoc tit.* Personæ cohærent, exceptio pacti, quo nominatim convenit, ne à solo debitore peteretur, l. nisi 22. de pact. ne quis ultra quam facere potest, conveniatur, d. l. 7. in pr. item præscriptio moratoria, utpote beneficium Principis personale, l. 1. §. 2. de const. Princ. l. privilegia 195. de reg. jur. Primi generis exceptiones etiam successoribus & fidejussoribus, reliquisque accessionibus dantur, d. l. 7. §. 1. l. omnes 19. hoc tit. de except. l. si tibi 17. §. pactum §. cum aliquot ll. seqq. de pact. l. ex persona 32. de fidejuss. l. 9. §. ult. l. si is 25. §. ult. de exc. rei jud. l. 7. cum seq. de jurejur. l. 9. §. pen. de sen. Mac. l. 16. §. 1. ad sen. Vellej. l. 8. C. de non num. pec. l. emptori 28. C. de evict. Secundi generis personam debitoris non egrediuntur, l. 12. C. l. seq. sol. matr. l. etsi 24. cum seq. de re jud. l. nisi 22. l. idem 25. §. 1. de pact. cum similibus.

Quia mandati judicio] Hæc ratio est, ob quam placet, exceptionem, quam reus habet, etiam fidejussori prodesse, nimirum quia alioqui nec ipsi reo profutura esset; quippe à quo fidejussor, quod solvit, judicio mandati repetere potest, §. si quid sup. de fidejuss. l. mandati 14. C. eod. Hinc quod à fidejussore petitur, non duobus à reo exigi, scribit Ulpian. l. adversus 29. de recept. arb. Quod si nulla sit mandati actio, puta si donandi animo fidejusserit, exceptio reo competens fidejussori non proderit, l. quod, dictum 32. de pact. l. 9. §. pen. de sen. Mac.

Si de non petenda pecunia] Nisi nominatim id actum, ne à solo debitore peteretur, non etiam à fidejussoribus: nam tale pactum, quia personale est, ad fidejussorem non pertinet, quemadmodum nec ad hæredem, l. nisi 12. l. idem 25. §. 1. de pact. Putarem tamen, hodie etiam tale pactum fidejussori prodesse debere propter beneficium ordinis novissimo jure fidejussoribus tributum, quod alioqui facile per collusionem reorum eis auferri posset. Hoc & D. Cujacius in d. l. 22.

Debitor si bonis suis cesserit] Debitor, qui creditori suo bonis cessit, si iterum conveniatur, tueri se potest exceptione cessionis bonorum; neque tenetur, nisi quid alicujus momenti postmodum acquirerit: quo tamen casu adhuc in solidum conventus exceptionem competentiam habet, ne ultra quam facere possit, condemnetur, l. 4. C. pass. de cess. bon. Hæc autem exceptio, uti & cæteræ omnes, quæ adversus solidi petitionem comparatæ sunt, personalis est, non

causæ, sed personæ cohærens: & ideo ad alios non transit, l. 7. pr. de except. De quo plura sub §. ult. de act.

Qui alios pro debitore obligat] Cum fidejussor suam personam, tanquam magis idoneam, substituat pro persona debitoris principalis, merito arcetur ab his defensionibus, quæ propriæ sunt personæ rei, & specialiter tribuuntur. Exceptio læsionis, ex causa ætatis, quæ minori in integrum restituito datur, mixti generis esse videtur, & partim pro beneficio causæ habenda, quia etiam hæredibus minoris datur, etsi ipsi sint majores, l. 6. de restit. in integ. l. minor 18. §. ult. de minor. partim pro beneficio personæ, quia denegatur fidejussoribus ejus, l. in causa 13. pr. eod. l. 7. in fin. de except. l. 1. l. 2. C. de fidei. min. nisi forte salva sit creditori judicii in alium translatio, l. minor 51. de procur. add. Myns. 4. obs. 18. Mauris. tract. de rest. in int. c. 13. Gomez. 2. resol. 24. n. 6. C. 9. Plane, si quis pro minore dolo adversarii circumvento intervenierit, ex hac causâ quæ minori competit exceptio, ea pro beneficio causæ omni ex parte habetur, ut etiam pro fit fidejussori. Nec mirum, cum etiam majoribus ex eadem causâ eadem exceptio detur, d. l. 7. §. 1. de except. l. ult. C. de fidei. min. Mauris. cap. 14. Odd. tract. de rest. in int. 1. quæst. 48. Duar. ad d. tit. C.

TITULUS XV.

D. lib. 43. tit. 1. C. lib. 8. tit. 1.

De Interdictis.

Ratio ordinis, & summa tituli.



Ostquam de actionibus earumque ordine, progressu, & cum exceptionibus congressu dictum est, non inconvenienter subjicitur tractatio de interdictis; quippe quæ & ipsa actionum instar obtinent, & si vim eorum ac potestatem spectes, id est, quod iis consuequi volumus, re ipsa actiones sunt: unde & actionis verbo contineri dicuntur, l. actionis 37. de obl. & actionibus. Denique & olim ex causâ interdicti adversus non parentem actio dabatur, & postea ambagibus interdictorum sublati placuit, ut recta & protinus actio possessoria proponeretur, l. pen. C. ult. C. hoc tit. Unde & compositores titulum ꝑ. inscripserunt, *De interdictis sive extraordinariis actionibus*, &c. Docemur primum hoc titulo, quid sit interdictum, & quæ ratio nominis; deinde variæ traduntur divisiones, quæ genera, eorumque species ostendunt.

T E X T U S.

Continuatio & definitio.

Sequitur, ut dispiciamus de interdictis, seu actionibus, quæ pro his exercentur. Erant autem interdicta formæ atq; conceptiones verborum, quibus prætor jubebat aliquid fieri, aut fieri prohibeat, quod tunc maxime fiebat, cum de possessione aut quasi possessione inter aliquos contendebatur.

N O T Æ.

MAXIME CUM DE POSSESSIONE] Ait maxime, quia quædam interdicta proprietatis aut quasi proprietatis causam continent: vid. l. 2. §. 2. h. t. l. 3. §. 11. cum seqq. de itin. act. prius. Ideo autem de causâ possessionis potissimum interdicta proposita, ut hujusmodi controversiæ, in quibus ut plurimum ultra jurgium proceditur, & manibus non temperatur, quam celerrime componerentur, l. 13. §. 3. de usufr.

QUASI POSSESSIONE] Rerum scilicet incorporalium puta usufructus & servitutum, quæ quasi possideri dicuntur, l. 18. §. 1. de her. pet. l. 23. §. 2. ex quib. ca. maj.

C O M M E N T A R I U S.

- 1 Quid sit interdictum juxta veterem formulam, & quid hodie: observatur error Theophili.
- 2 Quæ interdicta causam proprietatis aut quasi continent.
- 3 Cur potissimum de possessione proposita.

SEU ACTIONIBUS, QUÆ PRO HIS EXERCENTUR] Nam tempore Justiniani necesse non erat interdictum reddi & impetrari, sed loco interdictorum actiones recte introducebantur, ut docet §. ult. hujus tituli.

FORMA ATQUE CONCEPTIONES VERBORUM] Interdicta certis verborum formulis constabant: id quod ex singulis fere titulis libri 43. §. cuius licet animadvertere. Itaque interdictum, si veterem formulam spectemus, sic recte definitur, Decretum Prætoris certis verbis conceptum, quo in causis possessionum vel quasi possessionum jubebat, aliquid fieri vetabat, prout id rei, de qua agebatur, conveniebat. Nam alias petitur, ut possessio restituatur, aut res exhibeatur: hic prætor restitui aut exhiberi jubebat. Alias qui tenet aut ea fruitur, petit, ne sibi tenenti aut fruenti vis fiat: hanc prætor fieri vetabat.

AUT JUBEAT ALIQUID FIERI] Sine constitutione judicii. Nam prætor ad postulationem interdictum

petentis adversario ad se vocato sine forma judicii interdictum reddebat, certa verborum formula jubens aut vetans aliquid fieri. Quod si interdicto paritum non esset, tum aut manu ministrorum decretum suum exequebatur, aut civilis ex causa interdicti actionem & judicium dabat, l. 1. §. 2. si sent. nom. mul. l. 3. pr. ne vis fiat ei, qui in poss. Totoque judicio fallitur Theophilus, interdictum definiens enuntiatum prætoris non decidens hypothesein, sed quomodo de ea judicandum sit, judicem informans. Postea placuit actionem sine isto circuitu recte proponi: ut hodie interdicta nihil aliud sint, quam actiones, quibus de possessione disceptatur.

Tunc maxime cum de possessione] Ait, maxime: quia quædam interdicta proprietatis aut quasi proprietatis causam continent; veluti de itinere actuque privato, de qua quotidiana & æstiva, de locis sacris & religiosis, l. 2. §. 2. hoc t. l. 3. §. ult. 11. cum §. seqq. de itin. actuque priv. l. 1. §. ult. de aq. cott. & æst. quanquam hæc non ideo dicuntur causam proprietatis continere, quod non sint de possessione aut usu rei tuendo: sed quia cum sint de his rebus principaliter, per consequentiam adjunctam habent causam proprietatis, aut velut proprietatis, dum placet cum vincere in hoc usu, qui jus de cuius usu agitur, ad se pertinere ostenderit, d. l. 3. §. hoc autem 13. Don. ad hunc tit. C. n. 6. Tula. n. 2. Et hoc est, quod dicitur in d. l. 1. §. ult. in hujusmodi interdictis totam questionem finire, id est, & possessionis & proprietatis; cum illa, quæ sunt de sola possessione vel quasi possessione, tantum sint præparatoria, & ubi desierunt, incipiat secunda actio, l. ult. C. quor. bon. quæ & principalis dicitur in l. nulli C. de judic. Ideo autem de causâ possessionis potissimum interdicta proposita fuisse videntur, ut hujusmodi controversiæ quam celerrime imperio prætoris transigerentur, ne in pacata & libera civitate, dum unusquisque possessionem rei sibi asserere conatur, vis interim fiat: quod cum in causis proprietatis, ubi de possessore jam constat, non mutuatur, illarum cognitio sine periculo ad privatos judices delegari potest: quam etiam ob causam nunc ferè suprema tribunalia in prima instantia de causis possessionum cognoscunt, Gail. 1. obs. 5. uti apud nos curia Provincialis art. 39. & seqq. in str. Cur. Holl. aut supremus Senatus art. 19. sup. senat. Sed & plerique interdicta de iis rebus competunt, quarum nulla proprietas est, sed usus tantum, quædam velut possessio privatorum; nempe de locis sacris, religiosis, publicis, hominibus liberis, l. 1. pr. hoc tit. & exponuntur singulis tit. seorsum.

T E X T U S.

Divisio prima.

r. Summa autem divisio interdictorum hac est, quod aut prohibitoria sunt, aut restitutoria, aut exhibitoria. Prohibitoria sunt quibus prator vetat aliquid fieri; veluti vim sine vitio possidenti, vel mortuum inferenti, quo ei jus erat inferendi; vel in sacro loco edificari, vel in flumine publico ripare ejus aliquid fieri, quo pejus navigetur. Restitutoria sunt, quibus restitui aliquid jubet: veluti bonorum possessoris possessionem eorum, qua quis pro herede, aut pro possessore possidet ex ea hereditate: aut cum jubet ei, qui vi de possessione dejectus sit, restitui possessionem. Exhibitoria sunt, per qua jubet exhiberi; veluti eum, cujus de libertate agitur, aut libertum, cui patronus operas indicere velit; aut parenti liberos, qui in potestate ejus sunt. Sunt tamen qui putent, interdicta ea proprie vocari, quae prohibitoria sunt, quia interdiciere sit denuntiare & prohibere: restitutoria autem & exhibitoria proprie decreta vocari. Sed tamen obtinuit, omnia interdicta appellari; quia inter duos dicuntur.

COMMENTARIUS.

Divisio interdictorum, quae hic proponitur, à forma ducitur, complectiturque genera omnia interdictorum, tam quae de rebus divinis, aliisque commercio hominum exemptis, proposita sunt, quam quae de rebus privatis. Ulpian. *l. 1. §. 1. hoc tit.* addit, quaedam interdicta & mixta esse, quae & prohibitoria sint & restitutoria. In quo genere est interdictum, ne vis fiat ei, qui in possessionem missus erit, *l. 3. §. 2. eo tit.* item interdictum de liberis exhibendis & ducendis, *l. 3. §. 1. illo tit. Síd. Cujac. 4. obs. 11.*

Vetat aliquid fieri] Unde in formulis edictorum prohibitorum prætorum passim usurpare videmus verbum *veto*.

Vim sine vitio possidenti] Intelligit interdictum *Uri possidetis* : quod plenius explicabitur §. *retinenda inf. eod.* *Sine vitio possidenti*, id est, nec vi, nec clam, nec precario possidenti ab adversario: nam alias etiam vitiosum possessorem interdictum tuetur, *l. 1. §. ult. uti possid.*

Mortuum inferenti] Significat interdictum de mortuo inferendo quod in aliorum ordinem sub *lib. 43. π.* non refertur: sed *tit. ult. lib. 11.* his verbis, *Quo quæc illi mortuum inferre invito tejus est. quominus illi eo eaque mortuum inferre & ibi sepelire liceat, vim fieri veto.*

In loco sacro edificari] De quo in *l. 1. & passim*, ne quid in loco sacro.

In flumine publico] De quo sub *tit. de fluminib. & tit. ne quid in flum. publ.*

Restitutoria, quibus restitui] Qua de causa ita semper concepta sunt, ut verbum *restituas* addatur, *l. 1. quor. bon. l. 1. quod si aut clam. l. 2. de precar.*

Bonorum possessori] Significat interdictum *quorum bonorum*, de quo copiosius explicabitur §. *proxima.*

Qui vi de possessione] Unde apparet, significari interdictum *unde vi* §. *inf.* cui explicando alius item locus infra destinatus est.

Exhibitoria, per qua jubet exhiberi] Quapropter verbum *exhibeas* in his addi solet, *l. 1. de tab. exhib. l. 1. de hom. lib. exhib. l. 1. de lib. exhib.* Inter actionem ad exhibendum & interdicta exhibitoria hoc principaliter interest, quod hæc tantum ad causam possessionis pertinent, illa iis fere datur, qui de proprietate litigaturi sunt, *l. 1. ad exhib.* Quod vero nonnulli ajunt, actionem ad exhibendum competere de eo, quod privatim cujusque interest, interdicta autem hæc magis publicam causam spectare, id non esse perpetuum, ostendit interdictum de tabulis exhibendis.

De cujus libertate] Significat interdictum de homine libero exhibendo; quod tuenda libertatis causa propositum est, ne videlicet homines liberi à quoque retineantur, *l. 1. de hom. lib. exhib.*

Cui patronus operas] Quam ad rem comparatum idem edictum *de hom. lib. exhib.*

Aut parenti liberos] Cujus rei causa propositum interdictum sub *tit. de lib. exhib.*

Proprie interdicta vocari, quae prohibitoria] Atque hoc quoque mihi admodum verisimile videtur: nam interdiciere omnibus Latine loquentibus idem est, quod vetare, prohibere: ut existimandum sit, ex productione & quasi abusione ejus verbi esse, quod

quod decreta quoque restitutoria & exhibitoria interdita appellata sint.

Quia inter duos dicuntur] Hoc plane ineptum videtur. Proinde *Alciat. in l. pecunia. 178. de verb. sign.* pro his verbis, *inter duos dicuntur*, reponit *interim dicuntur*. Quæ allusio naturæ rei non male convenit. Nam interdita totam litem non perimunt, sed tantum possessorem interim dicunt, quoad questio principalis de proprietate, de qua adhuc cognoscendum est, terminetur, *l. 3. C. hoc tit. l. 3. in fin. C. ubi in rem act. l. 13. C. de rei vind.* Ifidorus quoque & Anianus ad *Paul. lib. 5. sent.* interdicitum definiunt sententiam interim dictam. *add. Coar. pract. quæst. 17.*

TEXTUS.

Divisio secunda.

2. *Sequens divisio interdictorum hæc est, quod quædam adipiscendæ possessionis causa comparata sunt, quædam retinenda, quædam recuperanda.*

NOTÆ.

2. SEQUENS DIVISIO] Ex *Paulo l. 2. §. ult. h. t.* Superior à forma, hæc à fine sumpta est; & ea duntaxat interdita complectitur, quæ ad rem familiarem spectant, *d. l. 2. §. ult.*

QUAEDAM ADIPISCENDÆ] Omnis de possessione rei privatz contentio eo spectat, ut aut possessionem adipiscamur, aut adeptam retineamus aut amissam recuperemus. *Auson. Id. 11. interdictorum trinum genus: unde repulsus. Vi fuero, aut utrobi fuerit, quorumque bonorum.* Interdictum unde vi comparatum est recuperandæ possessionis causa: *utrobi retinendæ, quorum bonorum adipiscendæ.*

COMMENTARIUS.

SECUNDA hæc divisio non complectitur omnia interdita, sed ea tantum, quæ ad rem familiarem pertinent, *l. 2. §. ult. h. t.*, ac proinde tantum subdivisio quædam est, non secunda totius divisio. Est autem à fine sumpta: nam omnis de possessione rei privatz controversia eo spectat, ut aut possessionem nunc primum adipiscamur, aut adeptam retineamus, aut amissam recuperemus.

TEXTUS.

De interdictis adipiscendæ.

3. *Adipiscendæ possessionis causa interdictum accommodatur bonorum possessoris,*

ri, quod appellatur, Quorum bonorum: ejusque vis & potestas hæc est, ut quod ex iis bonis quisque, quorum possessio alicui data est, pro hærede aut pro possessore possideat, id ei, cui bonorum possessio data est, restituere debeat. Pro hærede autem possidere videtur, qui putat se hæredem esse. Pro possessore is possidet, qui nullo jure rem hereditariam, vel etiam totam hereditatem, sciens ad se non pertinere possidet. Ideo autem adipiscendæ possessionis vocatur interdictum, quia ei tantum utile est, qui nunc primum conatur adipisci possessionem. Itaque si quis adeptus possessionem amiserit eam, hoc interdictum ei inutile est. Interdictum quoque Salvianum adipiscendæ possessionis causa comparatum est: eoque utitur dominus fundi de rebus coloni, quas is pro mercedibus fundi pignori futuras pepigisset.

NOTÆ.

APPELLATUR QUORUM BONORUM] A primis verbis interdicti, ut pleraque alia.

PRO HÆREDE POSSIDERE, &c.] *Vid. l. 11. cum seqq. de har. pet.*

PRIMUM CONATUR ADIPISCI POSSESSIONEM] Non enim petitur hoc interdicto, ut res restituantur, quæ aliquando ab hærede possessæ, sed quæ nunquam. Itaque sic restitutorium est, ut sit adipiscendæ possessionis, *d. l. 1. in fin. h. t.*

APPELLATUR SALVIANUM] *Lib. 43. π. tit. ult. & 8. Cod. tit. 9.*

COMMENTARIUS.

1. *Qua interdicta adipiscendæ possessionis causa comparata.*

2. *Quorum bonorum cui adversus quem comparatur: & cui bono comparatum.*

3. *Quis hic dicatur pro hærede pro se possessore possidere, tum cur bonorum possessori petitio hereditatis non sufficere visa: & in quo illa cum hoc interdicto conveniat.*

4. *Quibus propositum remedium l. ult. C. de edict. D. Hæc. toll.*

5 Cui adversus quos interdictum Salvianum datur.

6 Interdicto huic affine remedium actio Serviana: & cur interdicto experiri utilium.

2 **A**dipiscendæ possessionis interdicta dicuntur, quæ comparata sunt ad possessionem, quam antea non habuimus, nunc primum acquirendam: cujus generis duo hic proponuntur & explicantur; interdictum Quorum bonorum, & Salvianum. In eodem genere sunt & interdicta. Quod legatorum; ne vis fiat ei, qui in possessionem missus est, de tabulis exhibendis; & de glande legenda: quæ extant & explicantur in π .

Accommodatur bonorum possessori] Competit hoc interdictum ei, cui ex edicto prætoris bonorum possessio data est, l. 1. *quor. bon.* uno verbo, hæredi prætorio. Obtinuit tamen, ut etiam iis utique utile detur, qui jure civili hæredes facti sunt, per l. 1. *C. quor. bon. Gloss. comm.* approbata ad rubr. *C. eod. Schneid. hic n. 13. Ant. Fab. C. suo eod. tit. defin. un.* Quoniam hoc displicet Baroni hic. Don. ad d. *tit. C. n. 3. Cujac. in par. C. eod.* Sed quid opus est, inquis, hoc interdicto ad novam possessionem adipiscendam, si jam bonorum possessio alicui à prætoribus data est? Eo opus est, quod bonorum illa possessio, quam prætor tribuit, non corporis, sed juris est; hoc est, prætor dando bonorum possessionem, tribuit tantum jus persequendi & retinendi patrimonii defuncti: corporum autem possessionem aut detentionem non tribuit, l. 3. *de bon. poss.* Hæc igitur adhuc restat, atque hoc interdicto petitur, l. *ult. C. quor. bon.*

Ut quod ex bonis] Competit hoc interdictum de iis bonis; quæ in hereditate defuncti, cum moreretur, fuerunt; atque etiam de iis, quæ ex his bonis usucapta sunt: id enim significant verba interdicti, *possideres &c. si nihil usucaptum esset*, l. 1. *quor. bon.*

Pro hærede aut possessore] Datur hoc interdictum adversus duo genera possessorum: primum adversus eum, qui pro hærede prove possessore possidet; quod etiam hic expressum est: deinde adversus eum, qui dolo malo fecit, quominus pro hærede prove possessore possideret: quod nominatim adjectum est in l. 2. *C. quor. bon.* & comprehensum illis verbis interdicti, *Quodque dolo malo fecisti, uti desineres possidere*, d. l. 1. *eod.* Estque hoc omnibus regulis juris consentaneum, l. *parem*, l. *qui dolo*, cum *simil.* de *reg. jur.* Hinc autem intelligimus, eum qui titulo singulari possidet, puta pro emptore, pro donato, hoc interdicto non teneri, sicut nec petitione hereditatis, l. 7. *C. de pet. her.* l. 4. *C. in quib. ca. cess. long. temp. præscr.* Esset enim iniquum, eum quem dominum esse non constat, sed qui tan-

tum se hæredem esse dicit, rem auferre ei, qui pro domino bona fide & iusto titulo possidet. Ajo, iusto titulo: nam titulus injustus aut jure invalidus possessorem non tuetur, quominus aut interdicto cum eo agi, aut hereditas ab eo peti possit, *arg. l. nec ullam. 13. §. 1. de bar. petis. Coëar. præf. quest. cap. 12. Cachéran. decis. 56.*

Restituere debeat] Restituendi verbum proprie refertur ad ea, quæ à nobis profecta restituuntur. Sed interdum de his accipitur, quæ nunc primum nobis præstantur: quod fit in hoc interdicto. Non enim petit hæres eas res sibi restitui, quas aliquando possedit, sed quas nunquam. Itaque sic restitutorium est, ut tamen sit adipiscendæ possessionis, l. 1. *in fin. quor. bon.*

Pro hærede] Is dicitur hoc loco pro hærede possidere, qui se hæredem dicit, cum non sit, sive sciat se hæredem non esse, sive se esse putet. Pro possessore autem, qui nullam causam possidenti aliam habet, quam quod possidet; unde & nomen natum, l. 11. cum *seqq. de bar. pet.* Putaverit aliquis, hoc interdictum inutile esse & otiosum, propterea quod hæredibus & bonorum possessoribus aliud remedium plenius & efficacius competit, petitio: scilicet hereditatis; quippe qua non tantum corporum possessores, ut interdicto l. 2. *quor. bon.* sed etiam possessores juris & debitores hereditarii tenentur, si se hæredes esse contendat, l. 9. l. 13. *in fin. l. si debitor 42. & ibi Bart. de bar. pet.* Sed neque majora onera esse videntur in judicio petitorio, quam in interdicto: nam & qui interdicto experitur, probare debet se hæredem esse, l. 1. *C. quor. bon.* Resp. eadem inter hæc remedia differentia est, quæ inter cætera judicia possessionaria & petitoria: nimirum interdictum hoc, utpote remedium possessorium, non habet longas litis moras, sed brevis in eo est & expedita via ad possessionem adipiscendam. In petitione autem hereditatis plena de omnibus inquisitio & efficacior probatio requiritur, d. l. 1. *junct. l. judices C. de jud. add. Afflict. decis. 14. Menoch. de adip. poss. rem. 1. n. 97. & seq. Ant. Fab. C. suo, tit. quor. bon. defin. unic.* Plane in eo hæc judicia conveniunt, quod utrumque ad universitatem pertinet, non ad res singulas, l. 1. *in pr. de rei vind. l. 1. §. 1. quor. bon.* idque duplici respectu dicitur. 1. ratione intentionis actoris, quod universa bona ad se pertinere dicit, 2. ratione tituli, quo reus possidet: neutro enim judicio alius tenetur, quam qui pro hærede vel pro possessore possidet. Cui non obstat, quod dicitur petitione hereditatis teneri etiam, qui rem unam hereditariam, licet minimam, possidet, l. 9. & *seq. de bar. pet.* nam qui vel unam rem hereditariam pro hærede possidet, is totam hereditatem & universi juris successionem sibi asserit. Consule Cachéran, *decis. 74.* Est & aliud re-

medium possessorium hæredibus propositum, sed scriptis tantum, constitutione Justiniani, *l. ult. C. de edict. D. Hadr. toll.* quo ille, qui testamentum profert, non laborans conspicuo aliquo vitio, quale est cancellatio, item defectus testium, signorum, subscriptionis, auctoritate magistratus mittitur in possessionem rerum hereditariarum, dilata tantisper inquisitione super vitiis occultioribus, puta falsitatis, injustæ exheredationis aut præteritionis. Succedenti autem ab intestato hoc remedium non datur: sed nec hæredi instituto testamento nuncupativo, nisi illud in scripturam, ut fieri assolet apud nos, redactum sit, aut petente hærede nuncupato publicatum: de quo *Vigl. in pral. d. l. ult. Sichard, ibid. n. 4. & 5. Menoch. de adip. poss. rem. 4. num. 648. & 726. Ant. Fab. Cod. suo ad eundem titul. defin. 3. & 4. Christin. Col. 4. decis. 30.*

- 5 *Interdictum quod Salvianum*] Salvianum quoque interdictum adipiscendæ possessionis causa comparatum est. Ait Justinianus, hoc interdictum dari domino fundi de rebus coloni, quas is pro mercedibus fundi pignori obligavit. Existimare autem licet, interdictum hoc nominatim conceptum fuisse non tantum de rebus coloni pro mercede locationis obligatis, sed etiam in ipsum colonum solum, ad hunc modum; *Quod tu illi pro mercede fundi oppignerasti, qua de re agitur, id illi restituas.* Unde adversus extraneum possessorem, licet titulum & causam à colono habentem, non nisi utile interdictum ex productione redditur, *l. 1. in pr. de interd. Salv.* Porro ex communi interpp. sententia latius hoc interdictum extenditur, & utiliter accommodatur cuilibet creditori, non modo adversus debitorem, qui oppigneravit, per *l. 1. C. de prac. & interd. Salv.* sed etiam contra quemlibet tertium ejus rei possessorem; quanquam adversus hunc probationem desiderant, nimirum non solum rem obligatam esse, sed etiam in bonis debitoris, cum obligaretur, fuisse. *Ang. Fas. & alii in §. Serviana sup. de act. VVesemb. par. de Salv. interd. n. 2. Schneid. hic n. 7. Fach. 8. contro. 92.* & plerique etiam censent, prius excutiendum esse principalem debitorem, quam adversus extraneum possessorem interdictum intentetur, *arg. Nov. 4. cap. 2. Fachin. ubi sup. c. 93. D. Tulden. ad d. tit. C. num. 2.* Divortium à communi sententia facit D. Ant. Merenda *s. cont. 37. & seq.*
- 6 Affine huic interdicto remedium est actio Serviana; quæ & ipsa primum locatori de rebus coloni pro pensione fundi obligatis proposita fuit, & postmodum ad alias causas & species pignoris per interpretationem producta, *d. §. Serviana.* Sed inter hæc remedia eadem quoque differentia est, cujus ante memini. Utilius est experiri interdicto, quam actione Serviana. Nam interdicto, in quo de possessione momentaria tantum agi-

tur, ad adipiscendam possessionem sufficit probare, rem, de qua agitur, pignori obligatam fuisse: at in actione Serviana, quæ judicii petitorii est, hoc amplius probare creditor, contra tertium possessorem agens, debet, rem, quam persequitur, in bonis debitoris fuisse, cum de pignore convenit, *l. & qua. 11. §. 1. de pign. l. ante omnia, 23. de probat.* quod fusius à me explicatum sub *d. §. Serviana. VVesemb. d. loc. Menoch. de adip. poss. rem. 3. n. 8. & seqq.*

TEXTUS.

De interdictis retinendæ.

4. *Retinenda possessionis causa comparata sunt interdicta*, uti possidetis & utrubi: cum ab utraque parte de proprietate alicujus rei controversia sit, & ante queratur, uter ex litigatoribus possideat, & uter petere debeat. Namque nisi ante exploratum fuerit, utrius eorum possessio sit, non potest petitoria actio institui: quia & civilis & naturalis ratio facit, ut alius possideat, & alius à possidente petat. Et quia longè commodius est & potius, possidere, quam petere; ideo plerumque, & fere semper ingens existit contentio de ipsa possessione. Commodum autem possidenti in eo est, quod etiam si ejus res non sit, qui possidet, si modo actor non potuerit suam esse probare, remanet in suo loco possessio: propter quam causam, cum obscura sunt utriusque jura, contra petito rem judicari solet. Sed interdicto quidem uti possidetis de fundi vel adium possessione contenditur: Utrubi vero interdicto de rerum mobilium possessione. Quorum vis ac potestas plurimam inter se differentiam apud veteres habebat, nam uti possidetis interdicto vincebat, qui interdicti tempore possidebat; si modo nec vi, nec clam, nec precario nactus fuerat ab adversario possessionem: etiam si alium

vi expulerat, aut clam arripuerat alienam possessionem, aut precario rogaverat aliquem, ut sibi possidere liceret. Utrubi vero interdicto is vincebat, qui majore parte anni nec vi, nec clam, nec precario ab adversario possidebat. Hodie tamen aliter observatur. Nam utriusque interdicti potestas (quantum ad possessionem pertinet) exaequata est, ut ille vincat & in re soli, & in re mobili, qui possessionem nec vi, nec clam, nec precario ab adversario, litis contestata tempore, detinet.

NOTÆ.

AB ADVERSARIO] Si verò alter non ab altero, sed ab extraneo possideat, licet vi, clam, aut precario, nihilominus prætor possessorem tuetur, l. 1. §. ult. & l. seq. eod. & hoc est, quod dicitur, etiam vitiosam possessionem adversus extraneos prodesse solere, l. ult. de acq. poss.

MAJORE PARTE ANNI] l. un. utrubi, retrorsum numerati. Paul. 5. sent. 6. οὐκ ἐν τῷ πλείοντι ἀνακλωθεῖς. Th. Majore autem parte anni possedisse, quis intelligitur, etiam si duobus mensibus possederit: si modo adversarius ejus aut paucioribus diebus, aut nullis possederit, l. 156. de Verb. sign.

UTRIUSQUE INTERDICTI POTESTAS EXÆQUATA] d. l. un. §. 1. utrubi, quem locum apparet à Compofitoribus interpolatum esse.

COMMENTARIUS.

- 1 *Actionem in rem institui non posse, nisi certus sit possessor: & quare.*
- 2 *Qui fieri possit, ut duo de possessione retinenda litigent cum duo in solidum eandem rem possidere nequeant.*
- 3 *An qui vindicare rem instituit, interdicto ad huc agere possit: & de judicii possessorii cum petitorio cumulatione.*
- 4 *Verus differentia inter interdicta uti possidetis & utrubi: ejus differentia sublatio, tum quid hic jus Canonum, & mores hodierni.*

RETINENDÆ possessionis gratia ea interdicta comparata dicuntur, per quæ eam possessionem, quam jam habemus, retinere volumus. Cujus generis interdicta sunt *ut possidetis* & *utrubi*. Prius est de re-

bus soli, posterius de rebus mobilibus, l. 1. uti poss. l. un. de utrubi. Utriusque causa olim nonnihil dissimilis: nunc & causa & vis eadem, ut si à rebus discesseris, quarum nomina hæc interdicta competunt, unum atque idem videri possit; ut declaratur in calce hujus §.

De proprietate alicujus rei] Hæc interdicta locum habent, cum de proprietate inter aliquos lis est, & quaeritur, uter ex litigatoribus possideat, uter petere debeat, l. 1. §. 3. uti poss. ubi Ulp. ait, si inter litigatores contendatur, uter possideat, quia alteruter se magis possidere affirmat, tum ad hæc interdicta remittendos esse.

Nisi exploratum fuerit, utrius possessio sit] actio in rem institui non potest, nisi certus sit possessor, l. ordinarii 23. G. de rei vind. Nam, ut alibi demonstravimus, ad fundandam actionem in rem duo extrema ponenda sunt, à parte actoris dominium, à parte rei conventi possessio. Quamdiu igitur incertum est, quis possideat, & commodò possessionis frui debeat, judicio petitorio de proprietate locus esse non potest, l. inter 62. de jud. Ubi Ulp. scribit, inter litigantes de proprietate non aliter litem expediri posse, quam si alter petitor, alter possessor sit: esse enim debere, qui onera petitoris sustineat, & qui commodò possessoris fungatur. Sed qui fieri potest ut duo de retinenda possessione litigent, cum duo in solidum eandem rem possidere non possunt? leg. 3. §. ex contrario. 5. de acq. poss. Nimirum accidere potest, ut duo in speciem videantur possidere, cum tamen revera unus tantum possideat. Varii enim sunt actus possessorii, & ex quibusdam eorum usurpatis plures sibi possessionem asserere possunt; ut proinde de qualitate hujusmodi actuum sit cognoscendum, explorandumque, cujus causa potior sit. Alii respondent, absurdum non esse, ut etiam duo dicantur eandem rem simul possidere, diverso tamen genere possessionis, puta alter naturaliter, alter civiliter; aut alter justè, alter injustè, l. 6. §. 1. uti possid. Quæ & sententia Sabini fuit, d. l. 3. §. 5. de acq. poss. cujus vestigia cernimus in l. 3. pr. uti poss. l. & habet. 15. §. eum qui. 4. de precar. Cujac. 5. obs. 22.

Commodum possidendi in eo est] Possessoris multo melior, quam petitoris conditio est: nam possessor non cogitur probare rem ad se pertinere, sed petitori incumbit necessitas probandi, rem suam esse, atque in ea probatione cessante petitoris res apud possessorem remanet, licet ipse nihil probaverit, l. 2. C. de prob. l. ult. C. de rei vind. l. 4. C. de edend. facit l. 128. de reg. jur. Quam ob causam ei, qui destinavit rem petere, hoc consilium dat Jurisconsultus, in l. si quis 24. de rei vind. ut videat, num aliquo interdicto nanci- sci possit possessionem, atque ita onus probationis in adversarium derivare. Quid ergo, si quis non ob-

servato hoc consilio Jurisconsulti rem vindicare instituerit, an ob id interdicto agere non poterit? Prima fronte videtur dicendum, non posse, quasi consilium Jurisconsulti contempserit, & renuntiaverit possessioni. Contraria tamen sententia placuit: quoniam potius ex ignorantia & justo errore id factum presumendum est, quam animo renuntiandi possessioni aut interdicto, l. 12. §. 1. de acq. poss. Similiter qui rem vindicare cepit, non censetur renuntiasse interdicto unde Si. l. cum fundum, 18. §. 1. de Si & de Si arm. ubi expressè traditur, pendente judicio petitorio posse nihilominus interdicto agi: non sane ut utrumque simul cumuletur, & una sententia terminetur, ut falso multi existimaverunt, decepti d. l. 12. §. 1. & d. l. 18. §. 1. sed ut interim dum de possessione cognoscitur, suspendatur & differatur judicium petitorium, l. ordinarij C. de rei vind. l. 1. C. de appell. l. 3. C. hoc tit. quæ verissima præd. ll. sententia est, Joanni & Azoni jam olim probata, à quibus malè major pars secessionem fecit. Et quamvis Bartolus in d. l. 12. §. 1. aliquæ citati à Menoch. retin. poss. rem. 3. n. 511. cum seqq. & Nic. Tuld. in annot. ad prax. civil. Damhouderi c. 45. lit. B. cum Martino Glossatore, excipiant interdictum *uti possidetis*, quod & ipsi propter contrarietatem cum judicio petitorio cumulari posse negant; plures tamen Petrum secuti contendunt, omne possessorium cum petitorio concurrere posse, vid. Menoch. de rem. n. 539. & seqq. Nic. Tuld. d. loc. Fachin. 8. contr. 6. Diod. Tuld. comm. hic. c. 3. & 4. Christin. vol. 4. decis. 130. n. 3. & seqq. consensit c. cum dilectus x. de caus. poss. & propr. & hanc sententiam ulu receptam tradit Christin. d. loc. quamquam non in omnibus tribunalibus, vid. Papon. lib. 8. tit. 12. arrest. 4. Chavond. 4. resp. 28. Nos hanc quæstionem plenissimè excussimus lib. 2. select. quæst. c. 39.

Quorum Si ac potestas plurimam differentiam Nam alia conditione proponebatur interdictum *uti possidetis* ei, qui rem soli possideret; alia *utrubi* ei, qui possideret rem mobilem. *Uti possidetis* ad præsens tempus referebatur, l. 1. §. 2. hoc tit. id est, interdicti redditum, hoc modo; *Uti eas ades*, quibus de agitur, possidetis &c. l. 1. in pr. *uti possid.* & videtur huic interdicto adjecta fuisse particula *nunc*. *Uti nunc possidetis eas ades*, &c. l. 3. §. Labeo, l. 6. eod. ad quem modum etiam formulam edicti conceptam apud Aelium Gallum Festus prodidit in verb. *possessio*. *Uti nunc possidetis cum fundum, quo de agitur*, &c. *Utrubi* vero in præteritum referebatur; *Utrubi hic homo, quo de agitur*, majore parte hujusce anni fuit, &c. His jam consequens erat, ut interdicto *Uti possidetis* is vinceret, qui interdicti tempore possidebat; *Utrubi* is, qui majore parte anni possederat;

quod explicatur in l. majore, 156. de Verb. sign. add. Paul. s. sent. 6.

Nec Si, nec clam, nec precario ab adversario]. L. 1. & passim *uti possid.* l. 1. C. eod. His autem verbis excluditur vitiosa possessio, non quævis, sed quæ vitiosa, id est, vel vi, vel clam, vel precario ab adversario obtinetur: nam si alter non ab altero, sed ab extraneo possideat, licet vi, aut clam, aut precario, nihilominus prætor possessorem tuetur, l. 1. §. ult. & l. seq. eod. Et hoc est, quod dicitur in l. ult. de acq. pos. etiam vitiosam possessionem adversus extraneos prodesse solere.

Utriusque interdicti potestas exæquata est] Justiniani tempore utriusque interdicti eadem vis ac potestas erat, ut is utroque vinceret, id est, ei possessio interim adjudicaretur, qui tempore litis contestatæ sine vitio ab adversario possidebat, ut hic declarant Compositores, à quibus probabile est interpolatum esse responsum Ulpiani in l. nn. §. 1. de *utrubi*. Jure autem Canonico aliud observatur: nam hoc jure ad victoriam in his interdictis obtinendam non sufficit possidere tempore litis contestatæ: sed is obtinet, ei que adjudicatur possessio, qui antiquiorem possessionem probaverit, tanquam qui justiorum possessionis causam habeat, cap. licet x. de probat. Eoque jure nunc ferè urimur, post alios testantur Damhoud. prax. civil. 34. Menoch. de retin. poss. rem. 3. n. 714. & seqq. Vesemb. par. *uti possid.* n. 5. & eleganter in not. ad Schneid. in §. pen. h. s. O. Tuld. comm. hic cap. 3. Quod si æquæ obscura sint utriusque litigatoris jura, ut judici non appareat, uter possideat, possessio sequestrari solet. Schneid. ad d. §. pen. n. 6. & ibi Vesemb. in not. Ant. Fab. Cod. sui lib. 8. tit. 3. de fin. 1. Solent autem hodie partes hoc interdicto, quod pragmatici *maintenue* seu *manutenentiam* vocant, contententes, petere, ut interim dum de principali lite possessionis cognoscitur, sibi *recredentia* adjudicetur, id est, momentanea aut fiduciaria possessio. Coar. pr. q. 17. Aufrex. in styl. Parlam. tit. de caus. nois. Massuer. in præf. tit. de possess. Ant. Fab. Cod. sui lib. 8. tit. 4. de fin. 1. Formulam conclusionis habes apud Merulam lib. 4. dist. 4. sect. 3. tit. 1. cap. 2. num. 7. In multis locis duplici possessorio retinendæ utuntur: quorum alterum plenarium vocant, quoniam plena in eo super possessione cognitio adhibetur; alterum summarium, & summarissimum, quia in hoc tantum summarim iudex cognoscit, uter possideat, quo tempore lis movetur, vid. Gail. 1. observ. 5. & 2. seqq. Menoch. retin. poss. rem. ultim. Fachin. 8. contr. & s. 15. Christin. vol. 4. decis. 142. n. 7. & seqq.

T E X T U S.

De retinenda & acquirenda possessione.

5. Possidere autem videtur quisque, non solum si ipse possideat, sed & si ejus nomine aliquis in possessione sit, licet is ejus juri subiectus non sit: qualis est colonus & inquilinus. Per eos quoque, apud quos deposuerit quis, aut quibus commodaverit, ipse possidere videtur. Et hoc est, quod dicitur, retinere possessionem posse aliquem per quemlibet, qui ejus nomine sit in possessione. Quinetiam animo quoque solo retineri possessionem placet: id est, ut quamvis neque ipse sit in possessione, neque ejus nomine alius; tamen si non relinquenda possessionis animo, sed postea reversurus inde decesserit, retinere possessionem videatur. Adipisci vero possessionem per quos aliquis potest, secundo libro exposuimus. Nec ulla dubitatio est, quin animo solo adipisci possessionem nemo possit.

N O T A.

DEPOSUERIT AUT COMMODAVERIT] Item per procuratorem, hospitem, amicum, l. 3. §. 12. l. 9. & seq. l. 30. §. 6. & seq. d. tit. per fructuarium, l. 6. §. 2. de prec. sed hic propter jus, quod in re habet, in interdictis *uti possidetis*, & *unde vi* pro possessore habetur, l. ult. *uti poss.* l. 3. §. 13. & seq. de *vi* & de *vi arm.*

C O M M E N T A R I U S.

- 1 Quid proprie sit possidere: & cur etiam fructuario interdicta retinenda possessionis ac commodantur.
- 2 Versus controversia circa retentionem & amissionem possessionis: qua à Justiniano sublatam.
- 3 Etiam solo animo possessionem retineri: & quamdiu.
- 4 Indicatur & refutatur insignis DD. error.

- 1 Dejectum non posse interdicto retinenda agere: qui agit, quid probare debeat.
- 6 Ad possessionem acquirendam opus esse & animo acquirendi, & simul actu aliquo corporali.
- 7 Amitti possessionem etiam nobis incisis, idque plurifariam.
- 8 Volentibus nobis amitti etiam solo animo.

Quoniam superiora interdicta solum tuentur possessorem, nec magis ei competunt, qui possessionem semel quaestam amisit, quam ei, qui nunquam possedit, ideo Justinianus hoc loco obiter ostendere voluit, quis intelligatur possidere, quomodo possessio acquiratur, acquisita quomodo retineatur.

Non solum si ipse possideat, sed & si ejus nomine] Possidere auctore Theoph. §. *propen. sup. per quas pers. cuiq. aq.* est, animo & affectu dominantis, *¶ xxiij. d. nono. l. v. m. s. rem tenere.* Itaque qui alieno nomine in possessione sunt, huc non pertinent, veluti conductor, commodatarius, depositarius, procurator, amicus, hospes, l. 3. §. 12. l. 9. & seq. l. *qui univ. l. 30. §. quod per colonum, & seq. de acq. poss. l. 6. §. 2. de precar.* Atque ex eo intelligimus, si hi controversiam possessionis patiantur, interdicto, ad retinendam possessionem experiri non posse, l. 3. §. *creditores 8. uti possid.* vid. tamen *Menoch. retin. poss. rem. ult. Joan. à Sande lib. 5. tit. 4. defin. 2.* Fructuarius quoque non magis possidet, quam superiores, §. *idem placet. sup. per quas pers. cuiq. d. l. 6. §. de precar.* Placuit tamen, inter fructuarios interdictum *uti possidetis* reddendum, itemque inter fructuarium, eumque, qui sibi usum defendat, l. ult. *uti possid.* Sed non est novum, ut fructuario propter jus, quod in re habet, plus tribuatur, quam aliis, qui possessores non sunt, etsi rem similiter tenent. Nam & fructuario vi dejecto datur interdictum unde vi, l. 3. §. *unde vi 13. & seq. de vi & de vi arm.* quod argumentum est, eum, licet non possideat, tamen pro possessore in his interdictis haberi, quamdiu usufructus perseverat. *Cujac. 9. obs. 33. Don. ad l. un. C. uti poss. n. 5. Joan. à Sande d. defin. 2.* In summa vero, possessionis parum interest, utrum quis iuste, an iniuste possideat, l. 3. §. *ex contrario 6. de acq. poss.* nam & possessori iniusto interdicta retinendae possessionis dantur, modo ne iniuste possideat ab adversario, l. 1. §. ult. & l. seq. *uti possid.*

In possessione sit] Recte in possessione. Nam aliud longe est possidere, aliud in possessione esse, l. 10. §. 1. de acq. poss. sicut aliud est servire, aliud in servitute esse, §. ult. *sup. de ingen.* Is possidet, cujus nomine possidetur: qui autem in possessione sunt, alienae possessioni praestant ministerium, l. *quod meo 18. pr. de acq. poss.*

Retinere possessionem posse aliquem per quemlibet] Per eos, qui nostro nomine in possessione sunt, puta per servum, colonum, inquilinum, procuratorem, &c. possessio nobis retineri potest. Sed nec illis vita decedentibus possessio amittitur: inque eo veteres omnes consentiunt. Hoc amplius [Proculus putabat, etiam si sponte è possessione discessissent, videlicet animo eam derelinquendi, nihilominus possessionem à nobis retineri, l. cum quis 31. de dol. mal. Sabinus contra, spontanea illa discessio interpellari. Sabini sententiam secutus est Africanus l. si de eo 40. §. 1. de acq. poss. sententiam Proculi Paulus l. 3. §. si quis 8. eod. Caterum si alii possessionem tradiderint, possessionem amitti etiam Paulus concedit, d. l. 3. §. sed et si 9. quod & apud Julianum relatam est, l. non solum 33. §. qui pignori, de usuc. Papinianus hoc amplius, discessu eorum possessionem amitti, si alius eam ingressus fuerit, l. peregre 44. §. ult. de acq. poss. ff. Hanc autem veterum controversiam sustulit Justinianus l. ult. C. eod. ubi generaliter constituit, ut si de reliquerint possessionem & alius eam occupaverit, si ve possessionem alii prodiderint, nihil penitus ex ea re præjudicii dominis generetur. Et quanquam recentiores nonnulli, ut Cujac. par. Cod. eod. Don. s. comm. 12. Ant. Fab. dec. 4. err. 2. & seqq. existimant, constitutionem illam non pertinere ad casum, quo in possessione relictus alii eam tradit, quorum sententiam aliquando in judicando secuta est Curia provincialis Frisiz, teste D. Joan. à Sande lib. 5. tit. 4. defin. 1. verius tamen esse, quod his constitutionis verbis, Vel alii prodiderint, tradens æque ac deferens comprehendatur, evincit ratio, quæ mox subjicitur, ne ex aliena malignitate alienum damnum emergat. Quomodo & vulgo interpretes, quos laudat & sequitur Menoch. rec. poss. rem. 14. n. 17. & seqq. Eleganter D. Joan. Deckher. lib. 1. diss. 3. n. 25. Illud constat, possessionem amitti, si in possessione relictus vi dejecti fuerint, l. 1. §. quod servus 22. unde & i.

Animo solo retineri possessionem] Etiam solo animo retineri possessio potest, l. 4. C. de acq. poss. Itaque licet corpore quis è fundo exierit, quamdiu animus amittendæ possessionis abest, possessio rebus integris retinetur, l. 3. sed & si 7. & seqq. l. 6. in fin. eod. quamvis neque servum, neque colonum, &c. in fundo reliquerit, l. peregre 44. §. ult. eod. idque ex jure possessio mutuata est, ut pleraque alia, l. possessio 49. eod. & utilitatis causa receptum, ne testudinis more perpetuo domi nos continere, aut possessionem amittere cogamur. Enimvero quod dicitur, animo solo possessionem retineri, id ita temperandum est, si facultas nobis relicta sit, eam, cum velimus, iterum corpore apprehendendi: ea autem facultate sublata etiam invitati possidere definimus, d. l. 3. §. Ner & 13. Hic autem locus occasionem Doctoribus præbuit, ut

cum, qui discessit, civilem tantum possessionem retinere, non autem naturalem, existimaverint, sed hanc demum iterum ingresso acquiri. Falso, ut mihi videtur. Nam hoc proposito, necessario sequitur, eum qui è fundo egreditur, priorem possessionem non retinere, sed ea amissa novam acquirere, & mox regressum hac iterum amissa recuperare priorem. Quod sane à ratione nimis alienum est. Neque possessio, quæ corpore tenetur, & ea, quæ animo, sunt duæ diversæ species possessionum, sed una & eadem possessio: unde & in proposito nunquam nova acquiri dicitur, sed prior retineri. Tantum modus tenendi & possidendi diversus est, alius jure, alius corpore consistens, l. nemo 10. C. de acq. poss. Illud à vero abest, quam longissime, quod quidam asserunt, civilem, quam vocant, possessionem retineri, ejusque beneficio interdictum uti possidetis competere, etiam si ab alio possessio vi occupata sit. Coar. præf. q. 17. n. 5. & alii citati apud Christ. & vol. 4. dec. 1. 42. n. 4. Nam possessio plane amissa intelligitur, quæ nobis dejectis aut repulsis vi ab alio occupata est, l. 6. §. 1. l. 25. §. ult. de acq. poss. Neque hic animus ad retinendam possessionem sufficit: quoniam, ut maxime velimus, eam repetere non possumus, d. l. 3. §. Ner & 13. eod. Et ergo si dejectus nullam prorsus possessionem habet aut retinet, nec retinendæ possessionis remedio juvari potest: sed necessarium ei erit interdictum unde vi quod possessionis recuperandæ cauta cõparatum est. Caterum si vetere possessore non dejecto, & in possessione adhuc manente, possessio ei minuatur vel turbetur, seu vis ei fiat, quominus, uti possideri jure, ita plene possideat, tunc locus est interdicto uti possidetis. Vid. Joan. Fab. ad præf. §. Menoch. rem. ult. res. poss. n. 17. Christin. d. dec. n. 6. ubi refert, non semel supremam Curiam Mechliniensem censuisse possessorem actualem esse oportere, qui interdicto uti possidetis expetiri cogitat. In summa, qui agit interdicto retinendæ possessionis, duo probare debet, possessionem ex parte sua, & turbationem ex parte adversarii. Turbationem, inquam, non spoliationem: quia si se diceret spoliatum, sibi esset contrarius, ob idque repellendus, & interdicto recuperandæ, non retinendæ possessionis, agere deberet. Ant. Fab. lib. 8. Cod. fut. tit. 4. defin. 8.

Secundo libro exposuimus] Tit. per quas pers. cuq. acq. ubi docuit, non solum per nosmetipsos, sed etiam per eos, quos in potestate habemus, non minus possessionem nobis acquiri, quam proprietatem; adeoque possessionem per extraneam quoque personam, veluti per procuratorem nobis acquiri posse: quod singulare est, & utilitatis causa receptum, l. 1. l. 8. de acq. poss.

Animo solo adipisci possessionem nemo possit] 6 Acquisitio possessionis consistit in apprehensione rei, con-

conjuncta cum affectu eam pro sua tenendi, d. l. 1. §. 3. de acq. poss. Itaque nec animus solus ad eam acquirendam sufficit, nec solo corpore acquiri sine affectione tenendi potest: sed utrumque hic concurrat necesse est, & animus acquirendi & simul actus aliquis corporalis, l. 3. §. 1. & 3. l. 8. l. cum haberes 27. cod. Et si autem necesse non est, ut opera manuum aut pedum semper interveniat; quæ quidem ratio acquirendæ possessionis maxime naturalis est, & necessaria in iis rebus, quæ ab aliis nobis traduntur; d. l. 1. §. 1. d. l. 3. & §. 3. d. l. 23. cod. semper tamen requiritur actus aliquis præter animum possidendi, qui vice corporalis apprehensionis fungatur, d. l. 1. §. pen. l. quod meo 18. §. 2. l. quarundam 51. cod. l. 9. §. item si 6. de acq. rer. dom. l. 1. & de donat. Falluntur enim qui hujusmodi casus à regula exceptos putant, quasi hic nudo animo citra ullum actum corporalem possessio acquiratur, quamvis ita fere loquantur Jurisconsulti in d. l. 1. §. pen. & d. l. 51. Sed illi cum ita loquuntur, non excludunt omnem actum corporis, sed duntaxat crasriorem illum apprehensionem, quæ manuum aut pedum opera interveniente fit. Cur igitur placet possessionem solo animo retineri posse? Quoniam possessio semel quaesita etiam jus possidenti parit, quo retento possessio quoque retinetur. At acquisitio possessionis tota pene facti est. Sed & alias quod semel acquisitum est, facilius retinetur, quam initio quid acquiratur. Animo possessionem acquirere non possumus, nisi nostro: quippe ut nos velimus, in aliis esse non potest. At corpore etiam alieno, d. l. 3. §. ceterum 12. d. l. quod meo 18. de acq. poss. l. ea qua 53. de acq. rer. dom. quoniam in iis, quæ corporis ministerio geruntur, nihil interest, nostro corpore, an alieno, utamur. Amittendæ possessionis alia ratio est: nam non solum volentibus, sed etiam invitis nobis possessio amittitur; & invitis plurifariam; veluti si res commercio exempta sit, aut in aliam speciem transformata, l. qui universas 30. §. 1. & 4. cod. tit. si amplius. cum velimus, naturalem ejus possessionem nancisci non possumus, l. 3. §. quod Neræa 13. cod. si locum possessum flumen aut mare occupaverit, d. l. 3. §. Labeo 17. si prædones prædium invaserint, qui nos dejiciant, aut redeuntes repellant, aut quorum metu territi accedere nolumus, tot. tit. unde si 1. l. 1. §. si quis 8. l. 6. in fin. l. si id quod 25. §. ult. de acq. poss. si furto aut rapina res mobilis ablata sit, l. 15. si in flumen deciderit, ut mergeretur, l. 13. cod. Volentibus autem nobis uno tantum modo possessio amittitur, nempe si hoc animo sumus, ut nolumus possidere: idque etiam procedit, quamvis corpore, verbi causa, in fundo maneamus, ut constanter à veteribus traditum est l. 3. §. in amittenda. d. l. si quis 17. §. 1. & l. seq. l. pere-

gre 44. §. 2. cod. Neque obstat huius sententiæ, quod Paulus scribit, possessionem non amitti nisi eo modo, quo acquiritur, seu non amitti nisi animo & corpore, l. 8. cod. l. fere 153. de reg. jur. Nam & qui in fundo adhuc manens constituit nolle possidere, is non animo tantum, sed ob defectum animi corpore quoque possidere definit: neque enim dici potest, corpus possidere remoto animo, in quo solo est affectio tenendi. Itaque in amittenda possessione, quod quidem volentibus nobis fiat, semper utrumque in contrarium agitur. Duar. ad d. l. 3. §. in amittenda. Donel. lib. 5. comm. cap. 13.

TEXTUS.

De interdicto recuperandæ, & affinibus remediis.

6. *Recuperandæ possessionis causa solet inter dici, si quis ex possessione fundi vel ædium vi dejectus fuerit. Nam ei proponitur interdictum unde vi: per quod is, qui dejecit, cogitur ei restituere possessionem, licet is ab eo, qui vi dejecit, vi, clam, vel precario possideat. Sed ex constitutionibus sacris (ut supra diximus) si quis rem per vim occupaverit, siquidem in bonis ejus est, dominio ejus privatur: si aliena, post ejus restitutionem etiam æstimationem rei dare vim passio compellitur. Qui autem aliquem de possessione per vim dejecerit, tenetur lege Julia de vi privata, aut de vi publica. Sed de vi privata, si sine armis vim fecerit: sine autem armis eum de possessione vi expulerit, de vi publica tenetur. Armorum autem appellatione non solum scuta & gladios & galeas, sed & fustes & lapides significari intelligimus.*

NOTÆ.

6. **FUNDI VEL AEDIIUM]** Hoc interdictum ad res mobiles non pertinet; Cum eo casu sufficiat actio furti aut vi bon. raptorum, l. 1. §. 3. & seqq. de vi & de vi arm. quanquam lege Attica pertinebat, ut scribit Suidas in ἀλλης. 2. & jure Romano ad eas quoque res mobiles pertinet, quas quis eo in loco, unde de-

dejectus est, habuit, l. 1. pr. §. 32. & seqq. l. pen. d. rts.

EX SACRIS CONSTITUTIONIBUS] l. 5. l. 7. C. unde vi §. sup. §. 1. & bon. rapt.

TENETUR LEGE JULIA, &c.] l. 1. §. 2. de vi & de vi arm. l. 3. §. 2. de vi publ. l. 5. de vi pri. De poena harum legum est in §. 8. inf. de publ. del.

SINE AUTEM ARMIS] Vis armata ideo publica habetur, quod solius reip. est armis uti.

COMMENTARIUS.

- 1 Interdictum unde vi, quibus, quarum rerum nomine detur.
- 2 Dejici quis intelligatur.
- 3 Etiam fructuario & usufructuario hoc interdictum dari.
- 4 Quibus quo casu ex constitutione Constantini detur.
- 5 In hoc interdicto sincere etiam eum, qui clam, & vel precario ab adversario possidet. Licere autem deficientem in continenti rursus dejicere. Vestigium juris veteris apud Paulum.
- 6 Quatenus Canones hoc interdictum extendunt: & de remedio can. reintegranda: tum quomodo hic apud Batacos procedatur.
- 7 Pena in sasonis ex sacris constitutionibus. & legibus Julii.

AD recuperandam possessionem unde vi interdictum proditum est ei, qui vi de possessione dejectus est, quod fute declaratur ab Ulp. l. 1. & l. 3. unde vi. & de vi arm. Pertinet autem hoc interdictum ad eos tantum, qui de fundo & ædibus dejiciuntur: ad rerum vero mobilium possessionem recuperandam non pertinet: quoniam hic sufficit actio furti aut vi bonorum raptorum, d. l. 1. §. 3. & seqq. Idemque est, si quis de nave aut vehiculo dejiciatur, d. l. 1. §. si quis 7. Paul. 5. sent. 6. videlicet si navis aut vehiculum simul abducatur: alias dejecto injuriarum duntaxat actio datur. Plane de rebus mobilibus, quas quis eo in loco, unde vi dejectus est, tunc cum dejiceretur, habuit, placet etiam hoc interdictum reddi; quia verum est vi de eo loco dejectum esse, l. 1. pr. §. si fundus 32. & seqq. l. pen. eod. Et quoniam difficulter à dejecto probari potest, quæ & cujus æstimationis res direptæ & deperditæ fuerint, cautum est, ut ei de qualitate & æstimatione earum rerum juranti fides habeatur, hoc adjecto, ne liceat ei jurare ultra taxationem factam à judice, qui recte facturus sit, si prius quam jusjurandum deferat, pro personarum & negotii qualitate modum statuatur, quem jurando non liceat excedere, l. si quando 9. C. eod. Hoc interdicto ex constitutione Justiniani etiam is tenetur,

qui rei alienæ vacuum possessionem sciens occupavit, l. ult. C. eod. cum jure veteri non aliter hoc casu interdicto locus esset, quam si reversus dominus ab ingressu prædii prohiberetur, l. 6. in fin. de acqu. possess. d. l. 1. §. si ex autem 24. unde vi. Don. add. l. ultim. n. 8. D. Talden, ad eund. cit. C. n. 4. Menoch. recup. poss. rem 3.

Dejectus fuerit] Dejici intelligitur is solus, qui possidet: unde & huic soli interdictum unde vi competit, d. l. 1. §. non alii 45. unde vi. Et ideo si colonus, inquilinus, procurator, hospes, aut alius, qui nostro nomine in possessione est, dejectus sit, interdicto nos soli experiemur. Nam ut isti non possident, sed nos per eos possidemus; sic iis dejectis, non ipsi dejecti intelliguntur; sed nos, qui per eos possidebamur, d. l. 1. §. quod servus 22. l. ult. eod. Plane fructuario & usufructuario etiam hoc interdictum datur, licet & ipsi non magis, quam superiores, possideant, l. 3. §. unde 13. & seqq. eod. Sed his plus tribui solet, quia emolumentum rei suo jure percipiunt, quam alii, qui possessores non sunt, ut demonstratum §. præced. Constantinus autem dum vult reprimere eorum audaciam, qui absentis dominorum confidentiores facti, dejiciunt eos, qui absentis nomine in possessione sunt, ipse impunitatis sibi proposita, eo quod neque dominus absens subvenire poterat, neque dejecti interdicto agere, ultra omnibus, qui absentis nomine in possessione versantur, & inde dejecti sunt, hoc interdicto sive actione ad possessionem recuperandam, nomine domini absentis, experiri permisit; & quidem nullo exceptato domini mandato: cui nihilominus actiones suas integras conservavit, l. 1. C. si per vim vel alium mod. poss. add. Menoch. recup. poss. rem. 6.

Cogitur restituere possessionem] Et præter possessionem occupatam fructus quoque, omnemque utilitatem, quæ ad eum, qui dejectus est, venire potuisset, si dejectus non foret, d. l. 1. §. ex die 40. & seqq. l. si me 15. unde vi, l. 4. C. eod.

Licet is ab eo, qui vi dejectus sit] In interdicto unde vi possidetis succumbit, qui ab adversario vel vi, vel clam, vel precario possidet, §. retinenda, sup. eod. In interdicto autem unde vi etiam ille vincit. Nimirum in hoc interdicto visum est dejectum statim & sine exceptione restituendum esse, ne occasio detur tumultus. Enim vero qui dejectus, non ex intervallo, sed in continenti & fervente adhuc congressu, dejicientem rursus dejecit, is non tenetur hoc interdicto; quia, quod licet, vim vi repulit, l. 3. §. eum 9. eod. ac proinde possessio in pristinam causam potius reversa, quam ille vi possidere intelligendus est, l. qui possessionem 17. eod. Cujac. Hotom. hic. Duar. 1. disp. 20 id quod hic Justinianus ait, referunt ad vim armatam seu publicam; nam quod ad vim privatam seu quotidianam attinet, existimant posse me hac vi adhibere, cum,

eum, qui à me vi, clam, vel precario possidet, impune etiam ex intervallo deicere: idque Paulum lib. 5. sent. 5. significare his verbis; *Qui vi, aut clam, aut precario possidet ab adversario, impune deicitur.* Sed hoc parum convenit menti Justiniani: & hodie sic obtinet auctoritate hujus textus, ut indistincte vincat hoc interdicto, qui vi quacunq; à quocunq; dejectus est, teste *D. Menoch. recup. poss. rem. 1. n. 7.* Jure civili hoc interdicto tantum tenetur, qui dejecit, non alius, qui rem postea possidere cepit, l. 7. unde

6 *vi.* Canones autem id extenderunt etiam adversus tertium spoli possessorem, dummodo sciat vim factam esse: quoniam hoc ipso se socium delicti facit, cap. sepe, de rest. spol. Qui autem bona fide & iusto titulo possessionem nactus est, non tenetur. *Menoch. recup. poss. rem. 15. quast. 13.* Idem Canones & pinguius remedium possessionis recuperandæ introduxerunt can. redintegranda 3. quast. 1. nempe etiam rei mobilis per vim amittæ. Quod hodie frequens est, & in foro quoque seculari obtinet. De quo vid. *Menoch. d. rem. Gail. 2. obs. 75. Myns. 3. obs. 85. Cacherran. decif. 23. Ant. Fab. Cod. sui lib. 8. tit. 3. defin. 1. & passim, Christin. vol. 4. decif. 135. n. 17. & seqq. item decif. 140. n. 4. & seqq. & decif. seq. n. 4. & deinceps.* Quomodo apud nos procedatur in causa interdicti unde *vi* sive complainitæ, ut vocant, docet *Merula lib. 4. dist. 4. sect. 1. tit. 3. cap. 5. & sect. 3. tit. 1. c. 2. ex Instruct. Cur. Holland. art. 39. & 3. seqq.*

7 *Ex sacris constitutionibus*] Qui violenter possessionem rei apud alium constitutam invasit, is non tantum tenetur interdicto unde *vi*, sed alias etiam pœnas sustinet. Tum ex sacris constitutionibus, tum ex legibus Juliis de vi publica & de vi privata. Constitutionibus hæc pœna invasori imponitur, ut si rei dominus est, dominium ejus amittat: si aliena est, cum re alterum tantum vim passio restituat, l. 5. l. 7. C. unde *vi.* Eademque pœna postea placuit etiam multandos conductores ceterosque alienæ possessionis detentores, qui sine iusta causa recusant rem restituere iis, à quibus acceperunt, in eaque recusatione perseverant, donec à iudice condemnentur, l. non abs. re. 10. C. eod. de quo plura dixi sup. ad pr. de locat.

Ut supra diximus] §. 1. *Si bon. rapt.* ubi didicimus, eandem quoque pœnam in rebus mobilibus vi ereptis locum habere. Genera quoque violentiæ distinximus, & qua quæque pœna coercetur, tum à prætore, tum legibus & Principum constitutionibus, obiter notavimus sub rubr. eod.

Lege Julia de vi] Ne quid per vim admittatur, etiam legibus Juliis de vi publica & de vi privata prospectum est, l. 1. §. 2. unde *vi.* Lege Julia de vi publica tenetur, qui aliquem armis de possessione expulit,

l. 3. §. 2. de *vi publ.* De vi privata, qui sine armis, l. 5. de *vi priv.* Vis armata ideo publica habetur, quod solius reipubl. est, armis uti. De pœna harum legum est in §. item lex 8. inf. de publ. jud.

Armorum appellatione] vid. l. armorum 4. de verb. sign. l. armatos 9. de *vi publ.* l. 3. §. 2. unde *vi.* Ciceronem in ea pro Cacinna.

T E X T U S.

Divisio tertia.

4. *Tertia divisio interdictorum est. quod aut simplicia sunt, aut duplicia, Simplicia sunt, veluti in quibus alter actor, alter reus est: qualia sunt omnia restitutoria, aut exhibitoria. Nam actor is est, qui desiderat aut exhiberi aut restitui: reus autem is est, à quo desideratur, ut restituat, aut exhibeat: Prohibitoriorum autem interdictorum alia simplicia sunt, alia duplicia. Simplicia sunt, veluti cum prætor prohibet in loco sacro, vel in flumine publico, ripam ejus, aliquid fieri. Nam actor est, qui desiderat, ne quid fiat: reus est, qui aliquid facere conatur. Duplicia sunt, veluti uti possidetis interdictum, & utrobi. Ideo autem duplicia vocantur, quia par utriusque litigatoris in his conditio est: nec quisquam præcipue reus, vel actor intelligitur: sed unusquisque tam rei, quam actoris partes sustinet.*

N O T A.

CUM PRÆTOR PROHIBET IN LOCO SACRO, &c.] Simplicia quoque sunt prohibitoria de arboribus cædendis, & de itinere actuque, d. l. 2.

C O M M E N T A R I U S.

1 *An dentur interdicta duplicia tam recuperanda, quam adipiscende possessionis.*

Tertia hæc divisio sumpta est à personis litigantium. Quædam enim interdicta sunt, in quibus

bus uterque litigator unam tantum personam sustinet, nempe vel actoris vel rei: qualia sunt, in quibus prætor singulari numero utens unum tantum alloquitur, veluti, *Unde si tu illum dejecisti, eo illum restituas. Ne quid in loco sacro facias, inde eum locum immittas. Quem liberum dolo malo retinens, exhibeas.* Quædam in quibus uterque sustinet personam duplicem, & actoris scilicet & rei: qualia sunt, in quibus verba interdicti ad utrumque diriguntur; veluti, *Uti possidetis, quominus ita possideatis.* &c. *Uti alter ab altero fruimini, quo minus ita fruamini.* l. 1. in pr. de superfic. Hunc illa simplicia, hæc duplicia dicta sunt. Extat hæc divisio apud Paulum, l. 2. §. hoc tit.

Duplicia sunt. Veluti Uti possidetis & Utrubi. Ejusdem generis interdictum est, quod de superficiibus proponitur, l. 1. pr. & §. 2. de superfic. Alibi hæc interdicta eodem sensu dicuntur mixta, l. actio nis 37. §. 1. de obl. & act. Paulus l. 2. hoc tit. in fin. scribit, etiam esse quædam interdicta duplicia tam recuperandæ quam adipiscendæ possessionis. Sed Cujacius 4. obs. 11. negat, ullum hujusmodi interdictum dari. Quippe fieri non posse, ut quis simul agat & ad possessionem jam primum adipiscendam & ad amissam recuperandam: hæc enim repugnantia esse; ac proinde verba illa *tam recuperanda quam adipiscenda possessionis*, vel transferenda esse in l. seq. vel potius omnino expungenda. Atenim illud fieri potest, ut idem interdictum accomodetur & ei, qui jam primum possessionem adipisci studet, & illi item, qui de amissâ recuperanda sollicitus est. Cujusmodi est interdictum, *Ne vis fiat ei, qui in possessionem missus est.* Nam hoc interdicto tenetur, & qui prohibuit aliquem in possessionem venire; & is, à quo quis possessione pulsus est, l. 2. §. 3. illo tit.

Par utriusque litigatoris conditio] Eum tamen actoris partes obtinere in his interdictis plerique censent, qui prior ad judicium provocavit, arg. l. in tribus 13. de judic. idque non tantum quoad litis ordinationem, sed etiam quoad litis definitionem: ac proinde non probante eo, qui provocavit, reum absolvi. DD. comm. in d. l. 13. Schneid. hic. n. 5. & ib. in not. Wefesemb. Christin. vol. 4. decis. 142. num. 6.

TEXTUS.

De ordine & vetere exitu.

8. *De ordine & vetere exitu interdictorum supervacuum est hodie dicere. Nam quoties extra ordinem jus dicitur (qualia sunt hodie omnia judicia) non*

est necesse reddi interdictum: sed perinde judicatur sine interdictis, ac si utilis actio ex causa interdicti reddita fuisset.

NOTA.

QUALIA HODIE OMNIA JUDICIA] Olim interdicta erant formulæ & conceptiones verborum. Hodie judicia omnia sunt extraordinaria, in quibus formularum conceptio non observatur.

COMMENTARIUS.

1 *Quæ judicia ordinaria & quæ extraordinaria olim dicta.*

Hic locus à me expositus est sub pr. hujus tit. Pro exitu Hotomanno legendum videtur ritus: ut agendi, sive ut nunc loquuntur, procedendi formam intelligamus. Quod non placet: quia tunc bis idem diceret Imp. nam ordinis appellatione nihil aliud hic significatur, quam ritus, & modus procedendi. Igitur de ordine, id est, de ritu & conceptione formularum, de exitu, id est, de effectu. Sic exitus actionis l. 10. §. 14. que in fraud. cred. exitus controversiæ possessionis l. 35. de acq. poss. Theoph. *ἐξὶ τῆς αἰτίας καὶ τῆς ἀποκρίσεως.*

Qualia sunt hodie omnia judicia] Ait, suo tempore judicia omnia extraordinaria fuisse. Ordinaria judicia dicebantur, in quibus ordine & more usitato veterum judiciorum lis agebatur: quo more prætor aditus non ipse judicabat, sed quibusdam præparatoriis in jure apud eum tractatis, actionem & formulam dabat, missis porro litigatoribus ad iudices pedaneos, qui de re cognoscerent & judicarent. Atque hoc idem etiam in interdictis observari solebat, l. 1. §. 2. simul. & inr. nom. Exceptæ erant quædam causæ de quibus ipse prætor ex officio cognoscere debebat: quod quia præter morem judiciorum ordinarium fiebat, & ab ipso prætore, inde illæ causæ dictæ sunt prætoriæ & extraordinariæ, tit. de extraord. cogn. Postquam autem vetus ille mos dandorum judicium sublatus est, magistratibusque injunctum, ut ipsi de causis cognoscant & judicent, l. 2. C. de pedan. jud. omnes actiones extraordinariæ dici cœperunt: eoque sensu ac respectu puto Justinianum quoque hic dixisse, judicia omnia nunc extraordinaria esse. Alioqui certe postquam ordinarium esse cœpit, ut ipsi magistratus judicent, non possunt judicia, quæ à magistratibus exercentur, extraordinaria vocari. Rep. quæ scripsimus ad princ. sup. de actionibus.

TITULUS XVI.

De poena temere litigantium.

Con.

Continuatio.



OGNITO jure tum actoris tum rei, non inconueniens Justiniano visum est, aliquid subungere de pœna, qua coërcentur, qui eo jure abutentes, vel temeritate & inconsiderata audacia, vel dolo & malitia, negotium alicui comparat, sive intendendo litem, sive excipiendo.

T E X T U S.

Depœnis in genere.

Nunc admonendi sumus, magnam curam egisse eos, qui jura sustinebant, ne facile homines ad litigandum procederent: quod & nobis studio est. Idque eo maxime fieri potest, quod temeritas tam agentium, quam eorum, cum quibus agitur, modo pecuniaria pœna, modo jurisjurandi religione, modo infamia metu coerceatur.

N O T Æ.

QUI JURA SUSTINEBANT] Id est, legumlatores, magistratus, jurisperiti, l. 21. de reb. cred. l. 13. C. de jud. c. 2. x. de sent. & reju. Suet. in Vesp. c. 10.

MODO PECUNIARIA POENA] Reus in iis causis, quæ inficiando crescunt, §. 19. 23. & 26. sup. de act. actor pœna plus petitionis. §. 33. sup. d. 1.

INFAMIAE METU] Ut in judiciis famosis, §. 2. inf. cod. Sed & πολιδίκης infamia sequebatur apud Cyrenæos, Herachid. de polit. Fabrot.

COMMENTARIUS.

1. *Causa litium præcidenda: lites exorta statim sopienda: temere litigantes coërcendi.*

Legislatorem, auctore Platone, in id unice incumbere oportet, ut civitatem quoad fieri potest, redigat quasi ad unitatem, hoc est, ad concordiam & unanimitatem. Itaque cum nulla sit res, quæ concordiam & civium inter se consensum magis turbat, quam litium multitudo & frequentia, danda opera est, non tantum ut causæ litium præciantur, lites exortæ confestim dirimantur; cujus rei ut in legibus ferendis rationem haberet, regem suum monuit Isocrates: sed etiam, ut à litigando homines deterreantur, & pœnarum comminatione tam temere litigantium confidentia, quam improbe calumniantium malitia compescatur. In hunc finem quoque institutæ fuerunt sponsones illæ, quibus litiga-

tores se mutuo provocabant, *ni veram bonamque causam haberent*; quarum frequens mentio apud Ciceronem: tum etiam sacramenta, bonæ fidei & causæ pignora, inter quæ & sponsones quid intersit, ex Varrone, Festo, Asconio docet Hotomannus in Quintiana.

Modo pecuniaria pœna] Temeritas litigandi, & multa pecuniaria, & jurisjurandi & infamiæ metu, coërcetur. Multam intelligit, si reos spectemus in iis causis, quæ inficiando crescunt; quales sunt, damni injuria dati, depositi miserabilis, piorum legatorum. Si actores, pœnam plus petitionis; de qua explicatum sub §. si quis agens, sup. de action. Jurjurandum autem calumniæ significat, de quo mox dicitur. Infamiæ metu terret litigatores improbos, *διόν το ὅσον ἀποδοῦναι πῶς καὶ σηπὴναι τὴν καλῶς πολιτικῶν, ἥτοι καθαρῶς, μίαν καὶ φοβερὴν* Theod. Hermop. ad l. 104. de reg. jur. Intelligit autem infamiam ex judiciis famosis. De quibus explicabit inferius §. 2. b. e.

T E X T U S.

De jurejurando & pœna pecuniaria.

1. *Ecce enim jusjurandum omnibus, qui conveniuntur, ex constitutione nostra defertur. Nam reus non aliter suis allegationibus utitur, nisi prius juraverit, quod putans se bona instantia uti ad contradicendum pervenit. At aduersus inficientes, ex quibusdam causis dupli actio constituitur; veluti si damni injuria, aut legatorum locis venerabilibus relictorum nomine agatur. Statim autem ab initio pluris quam simpli est actio; veluti furti manifesti, quadrupli; nec manifesti, dupli. Nam ex his, & aliis quibusdam causis, sive quis neget, sive fateatur, pluris quam simpli est actio. Item actoris quoque calumnia coërcetur. Nam etiam actor pro calumnia jurare cogitur ex nostra constitutione, quod non calumniandi animo litem movisset; sed existimando, se bonam causam habere. Utriusque*

etiam partis advocati jusjurandum subeunt, quod alia nostra constitutione comprehensum est. Hæc autem omnia pro veteri calumnia actione introducta sunt : quæ in desuetudinem abiit ; quia in partem decimam litis actores multabat ; quod nusquam factum esse invenimus : sed pro his introductum est & præfatum jusjurandum, & ut improbus litigator & damnum & impensas litis inferre adversario suo cogatur.

NOTÆ.

I. CONSTITUTIONE NOSTRA] Extat in l. 2. C. de jurejur. prop. calum. dand.

PUTANS SE BONA INSTANTIA UTI] Id est, reus jurat se δικαιον νομίζεν τῇ ἀντίρρῳσι εἶναι τῇ δίκῃ. Noë. 49. c. ult. §. 1. Est igitur instantia, sive ἔνστασις, defensio, seu contradictio rei. Instare, ἐνίστασθαι, contradicere, ἀντιλέγειν. Th.

VEL TRIPLI] Th. εἰς τὸ τετραπλῆν, in quadruplum. Sed hæc verba vel tripli, & apud Th. εἰς τὸ πτε. expungenda sunt. Nulla enim in inficiantem tripli vel quadrupli actio est, Cujac. Hotoman. Fabrot.

ACTORIS QUOQUE CALUMNIA] Jurat actor, se non calumniandi animo litem intendere, sed quod existimet se bonam causam habere, d. l. 2. C. de jur. prop. cal. Hinc apparet hoc genus jurisjurandi magis esse opinionis, quam assertionis : nec perjurum dici posse, qui non obtinuit.

COMMENTARIUS.

- 1 Jusjurandum calumnia, à Justiniano revocatum, qui præsent. & quale id sit.
- 2 Jusjurandum advocatorum & procuratorum in singulis causis.
- 3 Victum in lite etiam in impensas & damna condemnandum, nisi justam causam litigandi habueris : & damnandum, etiamsi hac nominatim petita non fuerint.
- 4 Mores hædæni circa superiora omnia.

JUSJURANDUM CALUMNIA, quod apud veteres usurpatum ; l. inter cohæredes 44. §. qui familia, fam. etc. in desuetudinem postea abiisse videtur, Justinianus revocavit, l. 2. C. de jurejur. prop. cal. dand. ubi sancit, ut uterque litigantium in exordio litis, juret :

primum actor, se non calumniandi animo litem intendere, sed quod existimat, se bonam causam habere : deinde reus, se non dolo malo, aut negotii facessendi causa auctori contradicere ; sed quod putet, se bona instanti uti, & juste ad inficias ire. Noë. 49. cap. ult. §. 1. ubi jubetur reus jurare se, δικαιον νομίζεν τῇ ἀντίρρῳσι, ἢ εἰς τῇ δίκῃ. Unde apparet, hoc jusjurandum magis esse opinionis, quam assertionis, nec perjurum dici posse, qui non obtinuit, Perez. ad d. tit. C. n. 3. Ex constitutionibus novellis jurant pariter ambo, nihil se prorsus differendi vel corrumpendi judicii causa fecisse facturosque esse. Noë. 49. auth. hoc Sacramentum, & auth. in isto. C. cod. Noë. 124. c. 1. auth. principales, C. cod. Pro iis, qui in tutela aut curatione sunt, jurant tutores curatoresve, non pupilli alii, quorum res geritur. Idemque obtinet & in cæteris rerum alienarum legitimis administrationibus d. l. 2. §. 2. & seq. junct. d. auth. principales. Jurandum autem est apud judicem, qui de causa cognoscit. Cæterum si vel personæ dignitas, vel sexus verecundia, vel morbus non patitur litigatorem ad tribunal venire, mittitur aliquis, qui juramentum domi litigantis exequatur, præsentem adversario ejusve procuratore, d. Noë. 124. c. 1. d. l. 2. §. 1. C. cod. Jure pontificio etiam permissum est, per procuratorem in animam domini jurari ; ad quod tamen speciale mandatum exigitur, c. cum causam 6. de jur. calum. c. 3. §. pen. & ult. cod. in 6. & hoc modo frequentius nomine absentium jurari solet. Gudel. lib. 4. de jur. noë. 11. cap. 8. in fin. Gail. 1. obs. 83. 88. & seq. Merul. lib. 4. dist. 4. sect. 3. tit. 8. cap. 4.

Adversus inficientes ex quibusdam causis] Ex damni injuria dati, depositi miserabilis, & piorum legatorum causa lis inficiatione duplatur, §. sed furti 26. sup. de act. ubi hac de re satis copiose dictum est. Pertinet autem hoc eo, ut intelligamus, jusjurandum calumniæ pœnam hanc pecuniariam non abrogare.

Vel tripli] Hæc verba tollenda sunt. Nulla enim in inficiantem tripli actio est. Sed neque in vetustis codicibus ea reperiri testantur Cujac. Hotoman. Pacius.

Pluris quam simpli actio est] Ex furti causa lis etiā sine inficiatione pœnam affert. Sed hæc pœna huc non pertinet : quoniam temeritatem litigantis non coercet : voluitque Justinianus tantum obiter indicare dissimilitudinem causarum.

Utriusque etiam partis advocati] Etiam à patronis causarum seu advocatis jusjurandum simile superiori, & in causa qualibet exigitur, ut scilicet jurent, se integro animo causam clientis sui suscipere, nec falsi patrocinii sibi conscios esse ; nullam se operam nullumque studium in causa clientis sui intermissuros : denique si quid malitiose aut improbe fin- gi in

gi in ea postea deprehenderint, ejus se patrocinium protinus omitturos, *l. 2. pr. C. de jur. propt. cal. l. rem non novam 14. §. 1. C. de judic.* De procuratoribus nihil simile jus civile disposuit: sed jure pontificio cautum, ut non obstante præcedente reorum juramento, procuratores ad exemplum advocatorum similiter suo nomine jurent, *cap. cum causam 6. de jur. calum. c. 2. eod. in 6.*

Pro Veteri calumnia actione] Fuit vetus quædam calumniæ actio, qua improbi litigatores partem decimam æstimationis litis, expensarum nomine, multabantur; *l. ult. C. Hermog. de calumniat.* quam hic abrogat Justinianus, licet defuetudine jam oblitteratam. Eandem tamen restituit, atque in usum revocare conatus est *Nov. 112.* hoc etiam addito, ut cautio decimæ non repromissione sed satisfactione fieret.

Damnum & impensas] Appendix sententiæ est condemnatio in sumptus & expensas litis. Constitutum namque est, victum in lite in expensas quoque & cætera damna victori condemnandum esse, *l. eum quem 79. de judic. l. 1. properandum §. sive autem 6. C. de judic. l. 4. C. de fruct. & lit. expens. Nov. 82. c. 10. & hoc text.* Nec victo prodest ejurasse calumniam; ut enim vere de calumnia juraverit, nihilominus tamen ei imputari potest, quod temere adversarium suum in jus vocavit, *d. l. eum quem de judic.* Plane, si quis justam causam litigandi habuisse videatur, quod interdum accidit, vel quia res obscura est, vel ex probabili ignorantia facti, vel etiam ex incertitudine juris nata ex discrepantibus Doctorum sententiis, placet huic, etsi victus est, ab onere expensarum excusari, *d. Nov. 82. c. 10. auth. post jusjurandum, in fin. C. de judic.* idque judicis religioni & prudentiæ æstimandum relinquitur: neque tam ex jure scripto, quam ex usu judiciorum peti debet, *conf. DD. in d. l. eum quem de judic. & d. l. properandum, C. eod. Coëar. pr. q. 27. n. 5. Vië. lib. 1. opin. 425. Menoch. arbitr. lib. 2. cent. 2. cas. 177. & 1. præsumps. 35. Gail. 1. obs. 191. & seqq. Gudelin. lib. 4. de jur. Nov. cap. 13. D. Tuld. comm. hic, c. 3. Christin. vol. 1. dec. 266. & vol. 4. dec. 97. cum ibi citat. Scharh. in d. l. properandum §. sive autem, & in l. sancimus 13. C. de judic.* Porro præter impensas in ipsam litem factas etiam cætera damna adversarii in condemnationem veniunt, ut hic textus expresse docet; sed intrinseca tantum, non extrinseca, ut vulgo distinguunt, *Scharh. ad d. l. sancimus, n. 9. & seqq. Tessaur. decis. 67.* Quid si victor propriam causam egerit? etiamne hic salarii ratio habenda? *Vid. Myns. 1. obs. 2. Gail. 1. obs. 151. n. 16. Trentac. 2. pr. res. tit. de possul. n. 3. Guidel. d. c. 13. Christin. vol. 2. decis. 102. num. 1.* Illud etiam tenendum est, quamvis expensæ nominatim petita non sint, nihilominus tamen victum

causa cognita victori in eas condemnandum esse, usque adeo ut si judex hanc condemnationem omiserit, rem periculi sui faciat, *d. l. properandum §. sive autem d. Nov. 82. c. 10. Nic. Valla de reb. dub. tract. 1. n. 18. Gudelin. d. cap. 13. Vers. cæterum, Scharh. ad d. §. sive autem n. 18.* ubi hanc sententiam in puncto juris veram esse fatetur post *Salic. ibid.* licet *Bart. & comm. DD.* contrarium teneant. Facta autem impensarum declaratione, judex eas taxare, & super iis juramentum victori deferre debet, *Scharh. in d. §. sive autem n. 16. Gudelin. d. cap. 13.*

Atque hæc quidem jure scripto sic obtinent: cæterum moribus hodiernis magnam partem exoleverunt. Nam neque lis ulla nunc inficiatione duplicatur: & vix jurisjurandi calumniæ in plerisque tribunalibus usus est. *D. Gudelin. lib. 4. de jur. Nov. c. 8. in fin. Merul. lib. 4. dist. 4. sect. 3. tit. 8. c. 1. Vvesemb. par. de jurejur. n. 9. Christin. vol. 2. decis. 147.* de quo queritur *D. Diaz. Tuld. lib. 4. de caus. corrupt. jud. c. 14.* Loquor de juramento calumniæ, quod hic agitur, quod in exordio judicii à litigatoribus super tota lite jure communi præstandum est: nam quod interdum postea in parte aliqua litis exigitur, veluti ab eo, qui jusjurandum judiciale defert, *l. jusjurand. 34. §. 4. de jurej.* id moribus adhuc obtinet. *Vvesemb. d. n. 9.* Sed neque advocati aut procuratores amplius in singulis causis jusjurandum præstant; verum semel in universum, cum designantur sive ad postulandum agendumve pro aliis admittuntur. *Perez. ad tit. C. de jur. propt. cal. Gudelin. d. c. 8. in fin. Merul. d. tit. 8. c. 3. & 4.* quod tamen jusjurandum quotannis statis temporibus apud nos renovare tenentur, *art. 71. Instr. Cur. Holl.* Jure communi ipsi quoque judices in singulis causis sacramenti religionem obstringuntur, ut jurent, se ex vero & legibus judicatuuros, *l. rem non novam. 14. in pr. C. de jud.* Sed & illi hodie unicum tantum jusjurandum dant in ingressu muneris, quod in causis singulis pro repetito habetur, *arg. auth. hoc sacramentum, C. de jurejur. propt. cal. Vves. ad tit. C. de ord. jud. num. 8.* Porro nec usu hodierno recepta est actio illa decimaria, quam diximus Justinianum, oblitteratam antea & hic repudiatam, postea in usum revocare studuisse. *Nov. 112. Guidel. d. lib. 4. c. 13. in fin.* Quæ vero dicta sunt de condemnatione in expensas litis & cætera damna adversarii, ea ferè hodieque obtinent; nisi quod victus non aliter in hæc condemnari nunc solet, quam si petita fuerint: non quod judex non possit ex officio victori impensas adjudicare, etiamsi petita non sint; sed quia, ut *Bart. Bald. & DD. comm. in d. l. properandum. §. sive autem C. de judic.* consent, & usus judiciorum recepit, non teneretur. Cæterum impensæ litis petita intelliguntur secundum plerosque, si libello, ut fieri solet, adjecta sit clau-

lula, ut super omnibus optimo quaque modo ius & justitia administretur. *Gail. l. 1. obs. 151. Myns. 4. obs. 55. Damhoud. prax. c. 108. & ibi in annot. Nic. Tulden. Merul. d. sect. 3. tit. 1. c. 2. n. 15. Gudelin. d. cap. 13.* Victor quas fecit impensas libello complectitur, & aduersarius quantitatem earum deminuit; ac demum iudex vi taxationis in sententia sibi reservatæ, utraque parte audita modum earum constituit, *art. 95. & seq. Instruēt. Cur. Holl. Merull. lib. 4. dist. 4. sect. 5. tit. 15. & seq. Gudelin. d. c. 13. & vers. ult.* Temerarii litigatores apud nos multantur hoc modo. Qui in oppidis aut apud Bailivum & Pares Curia litem temerè aut intendit aut suspicit, præterquam quod causam amittit, & impensarum damnum sentit, jubetur condemnari in actionibus realibus in summam trium florenorum, in personalibus in tricesimam partem ejus, quod petitum est, ut tamen hæc poena non excedat summam sex florenorum. In pagis eadem temeritas coercetur in actionibus realibus poena unius floreni & decem assium: in personalibus poena quinquagesimæ estimationis rei petita, quæ tamen poena non egrediatur summam trium florenorum, *art. 22. Ordin. Instit.* Quod si quis ab inferiore iudice ad Curiam provincialem temerè provocet, is jubetur condemnari in florenos triginta, *art. 211. Instruēt. Cur. Holland.* & à Curia temerè appellans supremum Senatum, in florenos quinquaginta, *art. 232. Instruēt. supr. Senat.* quæ poenæ sisco cedunt, uti superiores officario, *add. noviss. ampliat. Instruēt. Cur. Holl. edit. ann. 1644.*

TEXTUS.

De infamia.

2. *Ex quibusdam judiciis damnati ignominiosi sunt; veluti furti, vi bonorum raptorum, injuriarum, de dolo; item tutela, mandati, depositi, directis, non contrariis actionibus: item pro socio; quæ ab utraque parte directa est: & ob id quilibet ex sociis eo iudicio damnatus, ignominia notatur. Sed furti quidem aut vi bonorum raptorum, aut injuriarum, aut de dolo, non solum damnati notantur ignominia, sed & pacti: & rectè plurimum enim interest, utrum ex delicto aliquis, an ex contractu debitor sit.*

NOTÆ.

DIRECTIS, NON CONTRARIIS ACTIONIBUS] *d. l. 1.* Nam in contrariis judiciis de dolo aut perfidia non agitur: sed tantum de calculo & supputatione ejus, quod contrario iudicio agenti abest, *d. l. 6. §. ult. l. 5. depos.* Nemo autem notatur, nisi qui ex his causis ob dolum ac perfidiam damnatus sit, *d. l. 6. §. ult. d. l. 5. depos.*

SED ET PACTI] *d. l. 1. l. 4. §. ult. d. 1. Ratio est, quia intelligitur confiteri crimen, qui paciscitur, l. 5. eod.* utique si cum pretio quantocumque pactus sit: non si gratis remissa sit actio. Inhumanum enim esset, veniæ nullum locum dari *d. l. 6. §. 3.*

COMMENTARIUS.

- 1 *Judicia civilia ex delicto, quæ, quæ conditione concurrentes famosa.*
- 2 *Famosam non esse actionem quod met. ca. neque interdicta, neque conditiones, quamvis ex famosis causis.*
- 3 *Ex contractu quæ, quibus conditionibus concurrentibus, iudicia famosa.*
- 4 *Cur non omnia iudicia bona fidei famosa.*
- 5 *In actionibus famosis ex delicto, etiam pactos, infamia notari: in iis, quæ ex contractibus, non item: & cur tam & vice.*

Poenā infamiæ non tam temeritatis poena est, quam doli: & certis duntaxat ex causis iudicio civili damnatis infligitur: quales sunt illæ quatuor ex delicto, & totidem ex contractu, quæ hic recensentur. Iudicia quidem criminalia & ipsa ut plurimum famosa sunt: sed ea huc non pertinent.

Veluti furti, &c.] Furti, rapinae, injuriarum, de dolo malo damnati, edicto notantur infamia, *l. 1. de his qui not. inf.* Damnatio ea accipienda est, vel à qua non est provocatum, vel quæ confirmata est, *l. 6. §. 1. eod.* Addit prætor in edicto, si damnati sint suo nomine, *l. 1. l. 4. §. ult. eod.* Condicio addita propter procuratores, tutores & curatores, qui alieno nomine conventi, tametsi ipsi condemnentur, infamiæ tamen notam non subeunt, *d. l. 6. §. 2.* Famosa quoque sunt iudicia, sepulchri violati, *l. 1. de sepulchr. viol.* & expulsa hereditatis, quod est gravius iudicio furti, *l. si te. 12. C. ex quib. ca. infam.* item actio, quæ est adversus mulierem, quæ ut in possessionem bonorum ventris nomine mitteretur, prægnantem se adseveravit, cum prægnans non esset, aut ex alio concepisset, *l. notatur. 15. cum 4. seqq. eod.* Actio autem quod metus causa famosa non est, quoniam in hac satis visum quadrupli poena contumaciam coerceri. *Don. 15. comm. 40.* Sed neque ulla interdicta famosa sunt, quamvis sint ex causa delicti, *l. neque 13. unde & i.*

vi. Postremo nec inter causas famosas ex delicto numeratur damnum injuria datum; nimirum quia etsi ponamus, consulto & malo animo damnum datum esse, tamen quia hoc factum contumeliam conjunctam non habet (alioqui & injuriarum actio competere) non videtur tam atrocem poenam mereri. *Hocom. hic.* Illud constat, in conditionibus cessare ignominiam, quamvis ex famosis causis descendat, *l. cessat. 36. de obl. & act. veluti in conditione furtiva & actione rerum amotarum, per l. pen. de cond. furs. l. rerum. 26. de act. rer. amot.*

3. *Tutela, mandati, depositi, pro socio*] Etiam quatuor hæc judicia ex contractu proficiunt, tutela, mandati, depositi, pro socio, famosa sunt, notanturque his judiciis damnati, si tres hæ conditiones concurrant; si quis suo nomine; si de dolo ac perfidia sua; si directo judicio condemnatus fuerit. Prima conditio cum causis superioribus communis est, *l. i. l. 4. §. ult. de his, qui not. inf.* Ex qua intelligimus, notari eos solum, qui suo, non qui alieno nomine damnantur, veluti procuratores, tutores, curatores, hæredes. Itaque si quis judicio famoso conventus curet, ut per procuratorem defendatur, hic futurum est, ut & ipse infamiam effugiat, quia non condemnabitur, sed procurator ejus; *l. i. C. de sent. & interloc.* neque tamen notetur procurator, quia condemnatur alieno nomine, *d. l. 6. §. 2.* De hærede quoque idem eodem loco dicitur: nimirum etsi hæres actionibus ex contractu venientibus etiam ob dolum defuncti in solidum teneatur, & lite contestata poenales quoque ex delicto contra eum transeunt; *l. 12. l. omnes 26. l. ex contractibus 49. de obl. & act. l. ad ea. 157. §. ult. l. poenalia. 364. cum simil. de reg. jur.* neutro tamen casu ita tenetur ut damnatus infamiae notam subeat, cum non suo nomine, nec ex suo dolo & delicto, sed ex alieno conveniatur. Hodie autem exiguum hæc usum habent, quoniam non amplius sententia in procuratorem, sed in dominum dirigitur. *D. Tulden. in tit. C. de sent. & interloc. num. 4. Christm. vol. 4. decis. 51. num. 16. Merul. lib. 4. dist. 4. sect. 5. tit. i. cap. i.* Neque privata judicia poenalia habemus, quæ dici possunt lite contestata in hæredes transire, nisi forte injuriarum. Illud adhuc manet, quod licet successores etiam ob dolum defuncti ex contractibus in solidum teneantur, nunquam tamen ita tenentur, ut damnatos sequatur infamia. Secunda conditio est, si quis ex his causis ob dolum ac perfidiam damnatus sit, *l. 6. §. ult. de his, qui not. infamia. l. 5. de pos. §. suspectus 6. de susp. tut.* Neque enim convenit, infamiae notam cuiquam injuri, qui nihil turpe admisit, sed culpa tantum imperitiave aut solita negligentia peccavit: quoniam hoc etiam in hominem idoneum & fugi cadere potest, *l. probum. 42. de verb. sign.* Tertia & postrema conditio est, si quis con-

demnatus fuerit judicio directo, *d. l. i. de his, qui not. inf.* Nam in contrario de dolo aut perfidia non agitur, sed tantum de calculo & supputatione ejus quod contrario judicio agenti abest, *d. l. 6. §. ultim. eodem titul. d. l. 5. de pos.* Hæc autem conditio addita non propter actionem pro socio, quippe quæ utrinque directa est: sed propter tres reliquas, quarum quædam directæ, quædam contrariæ. Plane in causa mandati interdum etiam contrario judicio de fide violata agitur, & damnatus notatur infamia: ut in specie *d. l. 6. §. antepen. de his, qui not. infam.*

Tutela, mandati, depositi, pro socio] Quid ergo? an reliquis bonæ fidei judiciis, puta empti, venditi, locati, conducti, commodati, actione pigneratitia, ob dolum & perfidiam damnati, infames non erunt? Et cum prætor quatuor illa, quæ hic proponuntur, nominatim exceperit notaverit, haud dubiè in cæteris integram existimationem servari voluit. Neque vero defuit prætori sua ratio, cur quatuor illa à cæteris segregaret. Licet enim in omnibus, qui se malitiosè gerit, fidem ex æquo violat, in solis tamen illis quatuor eam violat specie amicitiae; quod majoris est improbitatis; nam quod de mandato non ex fide gesto ait M. Tullius pro Rosci. Amerin. eo nomine non minus turpe judicium constitutum esse, quam furti; propterea quod hæc culpa duas res sanctissimas violat, amicitiam & fidem; id non magis mandati judicium, quam ad tria reliqua, tutela, depositi, pro socio, pertinet, *add. Coras. 4. misc. 19. Don. 18. comm. 8.* Hodiernis moribus nulla judicia civilia famosa esse dicuntur, & non tam ex causa, quam ex genere poenæ infamiam irrogari, *vid. Bern. Autum. confer. ad rubr. C. ex quib. caus. infam. Zypa. not. jur. eod. tit. Græne & d. ll. abrog. hic.*

Sed & pacti] Non solum damnati ex superioribus delictis, sed & pacti infamia notantur, *d. l. i. l. 4. §. ult. de his, qui not. inf.* Ratio est, quia intelligitur confiteri crimen qui paciscitur, *l. 5. eod. confessus.* autem pro judicato est, *l. i. de confess.* Quod tamen ita acceptum est, si quis cum pretio quancumque pactus sit, non si gratis remissa sit actio: nam inhumanum esset, veniæ nullum locum dari, *l. 6. §. 3. de his, qui not. inf.* In actionibus vero, quæ famosæ sunt: ex contractibus, paciscens infamia non notatur: quoniam in his causis non tam turpis est pactio: & potius hic de eo, quod adversarii interest, interposita præsumitur, quam ex conscientia doli, *l. 7. eod.* Atque ad has causas tantum illud quoque pertinet, quod traditur in *l. si reus 73. de procur. reum.* actione famosa conventum infamiam declinare posse, si tantam pecuniam, quanta petitur, actori solverit, aut eo recusante accipere, si oblatam apud acta deposuerit: quam DD. vulgo hoc etiam ad causas famosas ex delicto.

hæto referunt: vid. quæ notamus sup. §. in summa de injur.

T E X T U S.

De in jus vocando.

3. *Omnium autem actionum instituendarum principium ab ea parte edicti profisciscitur, qua prator edicit de in jus vocando. Utique enim in primis adversarius in jus vocandus est, id est, ad eum vocandus, qui jus dicturus sit. Qua parte prator parentibus & patronis, item parentibus liberisque patronorum & patronarum, hunc præstat honorem, ut non aliter liceat liberis libertisque eos in jus vocare, quam si id ab ipso prætore postulaverint & impetraverint. Et si quis aliter vocaverit, in eum pœnam solidorum quinquaginta constituit.*

N O T Æ.

3. ACTIONUM INSTITUENDARUM] In jus vocatio principium est judicii instituendi, & prima ordinis judiciarii pars, l. 1. C. de exc. rei jud.

PARENTIBUS ET PATRONIS] l. 4. cum seqq. de in jus voc. §. 12. sup. de act. Macrobi. 7. Saturn. 5. Ab auctoritate & sira tanquam ab edicto prætoris impetrata venia.

SOLIDORUM QUINQUAGINTA] l. pen. d. 2. quod si libertus inopia laboret, à præfecto urbi, quasi inofficiosus castigatur, l. ult. eod. Unde vulgo dici solet, qui non habet in aresuat in pelle.

C O M M E N T A R I U S.

1 Partes processus judiciarii.

2 An in jus vocatio pars sit judicii.

3 Effecta in jus vocationis.

4 Omissa in jus vocatione nihil cognosci aut statui posse.

5 Quid intersit inter citare, & in jus vocare.

Concluditur hoc loco tractatio de actionibus, ad quam omnia, quæ hætenus dicta sunt, pertinent; doceturque, actionem omnem instituendam esse apud magistratum, cujus de ea re jurisdictio est, vocato prius ad eum adversario.

Actionum instituendarum principium] Proces-

cessus judiciarii partes sunt quatuor, quarum ordinem & progressum natura ipsa ostendit, & eleganter expresserunt Imp. in l. 1. C. de except. rei jud. in jus vocatio, litis contestatio, causæ cognitio, sententia. Additur & quinta, sententiæ executio, quæ tamen ab ordine, quo ad eam pervenitur, secerni potest. Primæ ordinis judiciarii pars est in jus vocatio: ab ea enim, ut hic dicitur, omnium actionum instituendarum initium profisciscitur. Quidam & judicii partem esse contendunt: sed hoc alii & plures negant; quoniam judicium non ante ceptum dicitur, quam lis est contestata, l. un. C. de lit. contest. l. amplius 15. ratam rem hab. Gail. 2. obs. 48. & 74. VVesemb. par. de jud. n. 6. Christin. Sol. 2. decis. 149. n. 12. & dec. 155. n. 9. Diffidium non difficile compositum. Nam aut vocem judicii latius accipimus pro toto litis tractu ab in jus vocatione usque ad executionem, quæ processus judiciarii est pars ultima, VVesemb. ad rubr. C. de jud. n. 19. Cagnol. ad rubr. C. de edend. n. 21. & 24. aut pressius, ut ea tantum contineat, quæ olim apud iudices pedaneos expediebantur, nempe pro progressu judicii à lite contestata usque ad sententiam, qui instantia dici solet. Marant. spec. aur. p. 5. num. 2. Priore sensu non minus in jus vocatio propriè & verè pars judicii est, quam litis contestatio, &c. Posteriore propriè judicii pars non est: quanquam nihil vetat, partem judicii etiam propriè dicti vocare id principium, quod judicium ita antecedit, ut sine eo ad illud non perveniatur. Unde etiam, qui partem esse judicii negant, eam vocant principium, basin & fundamentum processus. Gail. d. obs. 48. & dict. obs. 74. num. 1. Effecta in jus vocationis hæc fere sunt. 1. Ut si quis postea quam in jus vocatus est, alterius fori esse ceperit, puta mutatione domicilii, aut privilegio proprii judicis quæsitio, is in ea causa jus forum revocandi non habeat, quasi vocatione præventus, l. 7. de judic. 2. Quod perpetuat jurisdictionem judicis delegati, hoc est, uti is delegante post propositum citationis edictum mortuo, nihilominus in causa procedere possit & debeat, c. gratum 20. de off. deleg. 3. Quod post citationem in actionibus in rem res, de qua agitur, litigiosa esse incipit, auth. litigiosa. C. de litigios. l. id. C. de ar. pr. qu. 15. n. 6.

In primis adversarius in jus vocandus est] Qui judicio cum aliquo contendere constituit, is ante omnia adversarium suum in jus vocare debet, eique actionem edere, quo is secum interim deliberet, utrum cedere velit, an judicio contendere; & si contendendum putet, ut veniat instructus, l. 1. de edend. auth. offeratur. C. de lit. cont. Unde intelligimus, hunc actum omnino necessarium esse, eoque omisso nihil cognosci, nihil statui posse: & si contra factum sit, id pro infecto habendum, nec rei judicatæ auctoritatem obtrudere, fac. l. 4. C. de sent. & interloc. & merito: quoniam

niam

niam sic deficit una ex personis, quæ ad constitutionem judicii necessario requiruntur: neque iudex contra jus naturale & divinum reum privare debet defensione, quæ naturalis est. *Clement. pastoralis de re jud. Pet. Gregor. 48. syntagm. 2. n. 28. Damhoud. prax. c. 8. cap. 54. n. 3. Gail. obs. 48. & de pac. publ. n. 6. Merul. lib. 4. dist. 4. sect. 1. tit. 4. cap. 1. Christin. Sol. 2. decif. 89.*

Qui jus dicturus sit] In jus vocare, est ad eum vocare, qui jus dicturus est, juris experiundi gratia, *l. 1. de in jus voc. & hoc text.* Judicem igitur, ad quem vocatio fit, oportet aut tribunali præesse, aut aliam jurisdictionem habere. Ad eum, qui nudam duntaxat notionem habet, hoc est, ad judicem pedaneum vocatus, impunè non parebit, *l. 3. §. 1. ne quis fiat ei, qui in jus voc.* Additur in *d. l. 1. juris experiundi causa*, qui finis est vocationis. Non enim vocatur quisquam in jus, nisi ea gratia, ut cum eo liceat jure judicioque experiri, sive agere dere, quæ in judicium vocatur. In jus vocatio vulgo nunc citatio appellatur, & promiscuus etiam horum verborum usus est in constitutionibus Justiniani, contra quam veteres, qui verbo *citare* nunquam utuntur pro in jus vocare. Sanè verbi *citandi* latior etiam nunc usus est, quam in jus vocandi: quippe citationi locus est etiam post ceptum judicium, & in quavis parte judicii; veluti cum quis citatur ad audiendam sententiam, ad videndum jurare testes, &c. cum in jus vocatio de prima illa citatione, quæ judicium præcedit dicatur duntaxat. Quomodo nunc citatio seu in jus vocatio fieri soleat, quibus partibus constet, & quam vim habeat, cognosces ex *Merul. lib. 2. tit. 1. & lib. 4. dist. 4. sect. 1. tit. 4. c. 1. & seqq. Gail. 1. obs. 48. & seqq. & obs. 74. num. 16. & seqq. Myns. 6. obs. 10. Christ. Sol. 2. dec. 89.*

Parentibus & patronis] Hac de re copiosè explicatum est sub §. *pænales* 12. *sup. de actionib.*

TITULUS XVII.

De officio judicis.

1. *Continuatio. Quid sit litis contestatio. An ea à parte rei aliquando per affirmationem aut confessionem inducatur: ejus effecta & quibus in causis non necessaria.*

Sis, qui in jus vocatus est, neget, quod intenditur, & cum actore paratus sit contendere, negatio ejus rem dubiam, contentio utriusque litem facit, & à veteri ritu testationis in lite instituenda, litis contestatio dicitur: de quo ritu vid. *Pet. Fab. 2. semestr. 24. Ruard. pro scribun. 11. Cujac. 9. obs. 21.* Per litis conte-

stationem potestas fit judici de re cognoscendi & judicandi: ante nihil cognosci, aut definiri potest. *Nov. 53. c. 4. tit. 2. ut lit. non cont non proc.* Eaue sic rectè nunc definitur (nam vetus contestatio lata est, licet nomen manserit) negotii hinc inde apud judicem facta narratio, continens petitionem actoris, & ad eandem rei conventi responsonem per contradictionem, *l. un. C. de lit. cont. l. rem non novam 14. §. 1. C. de judic. l. 2. C. de jur. jur. propt. calum.* Enimvero non quælibet petitio actoris & responso seu contradictio rei litis contestationem inducit, sed distincta, & quæ statum causæ judicii demonstrat. Cumque lis esse non possit, nisi unus assimet, alter neget, apparet, litis contestationem non fieri, nisi quemadmodum definivi, per contradictionem ejus, quod petitur; ac proinde ex parte rei non nisi negative, *d. l. 14. §. 1. C. de judic. Vigl. de lit. contest. cap. 1. Obrecht. c. 2. n. 16. & seqq. D. Perez. ad tit. C. cod. n. 3. & 4.* Et malè igitur Glossa in *cap. unic. 2. cod. Sichard. in rubr. C. cod. n. 5. Merul. lib. 4. dist. 4. sect. 3. tit. 6. cap. 1.* statuunt, etiam per confessionem rei litis contestationem induci: nam qui hosti se dedit, certare dici non potest. Lite contestata, (*soo heeft de gedaegde geant & coorde heeft, ende conclusie genomen, dat den imperrant synen eyfch ende conclusie sal ziin eniseyde*) judicium constitutum esse intelligitur, *d. l. un. C. de lit. cont. l. 15. rar. rem. hab. l. lite 35. de usur. junct. l. 1. C. de judic.* Est enim litis contestatio, ut dictum est superiore titulo, prima judicii pars, si vocem judicii propriè & strictè accipimus, & à DD. appellatur judicii principium formale: cujus effecta congesse-
Gail. 1. obs. 76. & 2. seqq. Merul. d. tit. 6. c. 2. Perez. in C. d. lit. cont. n. 8. Tuld. ib. n. 3. Sunt autem fere hæc. 1. Per litis contestationem statim res sub-
 jicitur cognitioni judicis. 2. Actiones omnes, quæ alias tempore aut morte perituræ essent, semel judicio incluse, salvæ permanent, §. 1. *sup. de perp. & sem. act. l. omnes 26. l. sciendum 58. de obl. & act. l. nemo 87. l. omnes 139. de reg. jur.* 3. Actiones, quæ alias triginta annorum spatio circumscriptæ, post litis contestationem omisæ, intra quadraginta annos repeti possunt, *l. ult. C. de præscr. trig. ann. l. 1. §. 1. C. de ann. exc.* 4. Litis contestatio inducit præstationem fructuum in strictis judiciis, quibus agitur ad consequendum, quod nostrum non fuit, *l. videamus 38. §. si actionem 7. de usur.* 5. Excludit exceptiones dilatorias, *l. pen. & ult. C. de exc. & in universum actoris conditionem meliorem facit, l. non solet 86. cum l. seq. de reg. jur.* 6. Litigatores in eodem judicio retinet, *l. ubi acceptum 30. de judic. & retinet in conjuncto, ne causæ continentia dividatur, l. nulli 10. d. tit.* adeoque actorem petitioni mut-
 tæ (reconventionem vocant pragmatici) obnoxii-

um reddit, *l. qui non cogitur*, 22. eo l. tit. l. 14. & consequenter. *C. de sentent. & interloc.* Illud omnes passim notant, omnia litis contestatione processum vitari: quamquam sunt quædam causæ, quæ contestationem non desiderant: quales sunt causæ appellationis, summariæ, notoriæ, & ubi periculum in mora. *Mysf. 1. obs. 1. & 38. & 3. obs. 74. Gail. dd. loc. Merul. d. tit. 6. c. 2. Christin. vol. 2. decis. 155. n. 2.* Constituto sic per litis contestationem iudicio statim res ad cognitionem iudicis pertinere incipit; de cuius officio porro videndum.

T E X T U S.

De officio iudicis in genere.

Supereſt, ut de officio iudicis diſpiciamus. Et quidem in primis illud obſervare debet iudex, ne aliter iudicet, quam legibus, aut conſtitutionibus aut moribus proditum eſt.

N O T Æ.

DE OFFICIO IUDICIS] Aliud veteribus est officium ius dicentis, aliud officium iudicis, de quo hic quæritur: alterum enim jurisdictionis est, cui coheret potestas exequendi, quæ mixtum imperium nostris dicitur, *l. 1. in fin. l. ult. §. 1. de off. ejus, cui mand. jurisd. l. 3. de jurisd.* alterum nudæ notionis, causæ cognitio, & sententiæ dicendæ potestate circumscriptum, *l. 5. l. 15. l. 55. de re jud.*

NE ALTERI, QUAM LEGIBUS] *l. 13. C. de sent. & interloc. auth. jubemur. C. de judic.* Quippe iudex legum minister, non arbiter est. Augustin. c. 3. dist. 4. Postquam leges latae sunt, non de ipsis, sed secundum ipsas iudicandum est, & Nov. 126. cap. r. jubetur iudices *νόμος ἐννοούμενος διδόναι ψήφον*, legibus cognitam edere sententiā, in quas jurabant Athenis & Romæ.

AUT CONSTITUTIONIBUS] Sententiā, quæ expressum lata est contra legum, constitutionum, morumve præscripta, adeo inutilis est, ut ne appellatio quidem necessaria, *leg. 19. de appell. l. 1. §. 2. qua sent. fin. pro. l. 2. C. quand. pro. non est nec.*

C O M M E N T A R I U S.

1 Aliud esse officium ius dicentis, aliud iudicis: illi respondere, quod vulgo vocatur officium iudicis nobile; huic, quod mercenarium: & in quibus hæc consistant.

2 Causa cognitio quid & quibus in rebus consistat.

3 Officium iudicis in iudicando quale.

4 Quæ sententiā nullius momenti: quæ item, licet iniusta, valeant, nisi provocetur: & quid circa hæc in Belgio.

5 Utrum iudex secundum conscientiam suam, an secundum acta & probata iudicare debeat.

6 Omnes iudices, etiam supremos, secundum leges & mores iudicare debere: & secundum quæ iura iudicatur in his provinciis.

Aliud est veteribus & officium ius dicentis, aliud officium iudicis, de quo hic quæritur: alterum enim jurisdictionis est, alterum nudæ notionis. Illud interpretes vulgo officium iudicis nobile vocant, hoc mercenarium, verbis magis, quam sensu inconcinno. Ad officium ius dicentis hæc pertinent: minores facilitate sua læsos in integrum restituere; *l. 1. §. 1. de minor.* bonorum possessionem dare; in possessionem mittere; pupillis minoribus tutores curatoresve non habentibus constituere; iudices litigantibus dare, jubere cavere prætoris stipulatione; *l. 1. l. 4. de jurisd.* sententiā iudicem à se datorum exequi; *l. à Discolis. de re judic.* multam dicere; pignora capere; *l. 1. si quis iudic. non obtemp. l. 4 §. 2. de damn. inf.* Sic hodie cum magistratus, non servato iudicii ordine, reum nec auditum ad solius actoris supplicationem jubet supersedere factio aliquo, puta cessione sylvæ, cultione agri, &c. idque sub pœna, addita clausula, quæ & necessario addenda, ut si gravatum se sentiat mandato pœnali, certo die veniat se defensurus; quo veniente mandatum illud resolvitur in simplicem citationem: hoc item proficiscitur ab auctoritate prætoris & officio iudicis nobili. *Oldend. in præfat. Class. C. de off. jud. D. Tuld. hic. c. 1.* ad officium iudicis pertinet, causam cognoscere; *l. 9. C. de jud.* dare & moderari dilationes; *l. 7. de fer. & dilat.* jubere cavere stipulatione iudiciali; *§. r. sup. de discessip.* denique de re cognita pronuntiare: nam & sententiæ officio iudicis, quod mercenarium vocant, pronuntiantur, tam super re principali, quam super usuris, fructibus, sumptibus litis, aliisque accessionibus, *l. de qua re 74. de judic. l. qui per collusionem 49. §. ult. de act. empt.* dicta autem semel sententiā, cessant partes iudicis, & succedunt magistratus, *l. iudex 55. de re jud.* Igitur ad officium iudicis duo hæc maxime spectant; causæ cognitio, & iudicatio. Causæ cognitio, quæ & disquisitio, & examen, & disceptatio, est corpus & substantia iudicii, nec ullus potentior iudicii defectus. *Vestr. 3. pr. aul. Rom. c. 2. n. 7. & Graëat. ad Vestr. ibid.* Consistit autem in his rebus; ut iudex negotii veritatem examinet, deinde & iustitiam; quorum alterum ad factum refertur, alterum ad jus, *l. 3. de in int. rest.* Cognoscitur autem causa

causa ex iis, quæ à litigatoribus allegantur probanturque. Primo igitur litigatores audiendi; inde expendenda, quæ ad probationem afferuntur; neque id perfunctoriè & summatim, ut interdum fit, cum de realiqua non ex professo agitur, sed duntaxat per occasionem, ubi iudex præsentem probationem sequens, id quod contra afferunt, si altiore questionem habeat, in aliud tempus rejicere solet; l. 3. §. 4. de carb. edit. l. 15. §. 4. de re jud. (consule de causis summarii iudicii & perfunctoriæ cognitionis Vestrii præf. aul. Rom. lib. 5. cap. 1. & seq. Damboud. prax. ciq. cap. 22. & seq. Myns. 3. obj. 70. & 6. obser. 16.) verum ut in iusto iudicio, adhibere plena & iusta inquisitione. Est autem plena & iusta inquisitio ac cognitio, cum iudex nihil eorum, quæ ad intentionem actoris & defensionem rei pertinentia afferuntur, quæque iudicii natura non repudiat, prætermittit, quin audiat cognoscatque, l. 9. C. de judic. & ib. DD. Causa sic disceptata ac cognita, superest, ut iudex, qui de re cognovit, etiam iudicet seu sententiam ferat, l. de qua 74. de judic. in qua ferenda quid pro officio observare debeat, docet deinceps Justinianus.

- 3 Nec aliter iudicet, quam legibus] Judici permissum non est, quo velit modo, ita judicare: quippe qui legum minister, non arbiter est. Sed cavere debet, ne aliter iudicet, quam legibus aut moribus est proditum, hoc text. l. nemo 13. C. de sent. & interloc. auct. jubemus. C. de iust. No. 126. s. 1. ubi jubentur iudices *ἰσχυρῶς ὑποκρίναι δίκην ψῆφον*, legibus cognitam edere sententiam. Cui consentaneum est, quod princeps humanæ sapientiæ Plat. & Arist. non uno loco tradiderunt, iudicem legibus alligatum esse oportere. Et illud August. c. 3. dist. 4. Postquæ leges latæ sunt, non de ipsis, sed secundum ipsas iudicandû. Potest sane iudex verba legis, si duriora videantur, æquitate quadam flectere, ut voluntatem legislatoris conservet: quinimo id facere jubetur, l. benigno 18. de legib. atque in re omni æquitatis potius, quam stricti juris rationem habere, l. 8. C. de judic. Scriptum sequi, ait M. Tullius in ea pro Cæcin. calumniatoris est: boni iudicii, scriptoris voluntatem auctoritatemque defendere. Atenim vero si & ipsa legis verba, & simul mens legislatoris perspicua sint, quamvis à generali illa æquitate, quæ communiter in omni lege inesse putatur, diffideant, ejus rei exemplum habemus in l. professus §. 1. qui & à quib. man. hic iudex non potest prætextu æquitatis à verbis legis recedere, ne simul faciat contra legis sententiam, nec tam interpretetur legem, quam tollat; quod solius est Principis, hoc est, ejus ejus est & legem concedere, l. 1. l. ult. C. de legib. Gudelín. lib. 5. de jur. no. c. 2. Sententia contra formam juris lata nullius momenti est: veluti quæ causa non cognita, aut non publicè &

palam, ac more majorum, aut non præsentibus iis, inter quos res agitur, dicta, sit. Cod. quom. & quand. jud. quæ ex scripto recitata non est, C. de sent. & brevis. rec. quæ absolutionem aut condemnationem non continet, l. 3. C. de sent. & interl. quæ sine certa quantitate prolata, C. de sent. quæ sine cert. quant. quæ lata est contra rem judicatam, à qua provocatum non est, l. 1. C. quand. prov. non est nec. quæ expressim contra leges, Senatusconsulta, aut constitutiones data, l. si expressim. 19. de appell. l. 1. §. 2. quæ sent. fin. app. l. 2. C. quand. prov. non est nec. & si quæ sunt similes. Cumque hujusmodi sententiæ auctoritatem judicati non habeant, etiam sine appellatione causa denuo induci potest, dd. N. sed quid si horum nihil objici possit, & tamen sententia injusta dicatur? Placet, sententiam valere, & standum esse rei judicatæ, si appellatum non erit, aut non intra tempora ad appellandum constituta, l. præses 27. l. cum prolatis 32. de re jud. d. l. 2. C. quand. prov. non est nec. usque adeo, ut nec rescriptum Principis contra sententiam recipiatur, l. ult. C. sent. resc. Verum hoc ita est, si nihil amplius proponatur, quam, sententiam in hypothesi injustam esse; quia de jure litigatoris iudex pronuntians eum condemnavit, quem absolvere debebat, aut contra. Ut ecce, actor centum nomine sortis & viginti usurarum nomine petit: reus negat, usuras usurarum à se peti posse ex constitutionibus: iudex reum in eam quantitatem, quæ petita est, condemnat, existimans, eas constitutiones nihil ad rem facere: Quamvis iudex id imperitè & injustè faciat, rei tamen judicatæ standum esse responsum est, d. l. præses junct. d. l. cum prolatis de re jud. Diversa causa est, si pronuntiasset, usuras usurarum peti posse: tunc enim una cum reo constitutiones ipsas damnaret: qualis sententia cum non solum adixit sit, sed etiam *παράνομον*, de lege ipsa & contra eam directo lata, ipso jure nulla est: & ideo nec provocationis auxilium in hac specie necessarium, d. l. si expressim. 19. de app. d. l. 1. §. 2. quæ sent. fin. app. ubi & aliud exemplum habes ad utramque partem hujus distinctionis accommodatum, d. l. 2. C. quand. prov. non est nec. ubi item exemplum aliud. Adi de tota hac re Vant. de null. ex defect. proc. n. 118. & n. 122. & seqq. Zaf. Duar. & DD. in d. l. præses de re jud. ubi rectè observant, verba condemnatis contra leges & sacras constitutiones, non esse iudicis pronuntiantis, sed Jurisconsulti casum referentis. Add. D. Christin. vol. 4. dec. 117. ubi post D. Leonin. conf. 3. n. 7. notat, rubr. C. quand. prov. non est nec. in hisce partibus non observari. Sed appellationem necessariam esse, etiam cum sententiæ ipso jure nulla est, uti & moribus Gallorum, ut idem eodem loco & vol. 1. dec. 16. n. 6. ex Imbert. Rebuff. Bugnion, & aliis refert. Rectius videtur dicere D.

Diod. Tuld. ad d. *iii. C. in fin.* sententias iudicium in regionibus ipso jure irritas aut nullas non esse. Et igitur in statu iudiciali seu quaestione juris, quod iudicem sequi oporteat, in medio positum est: si quidem ex jure, quod certum est, & notum ei esse debet, sententiam feret, tamen si a litigatoribus, aut eorum advocatis non allegetur aut probetur, *l. un. C. ut qua def. ad G. jud. supp. & ib. DD.* In statu autem conjecturali, seu cum de facto ambigitur, plus difficultatis res habet. Nam cum facta plerumque incerta sint, probationibus eruenda veritas, & secundum acta & probata iudicandum, *l. 6. §. 1. de off. praef.* Proin reus convictus condemnandus; non convictus, etsi ipse nihil praestiterit, absolvendus, *l. 4. C. de edend. l. 2. C. de obl. & act. nec quod deest in facto, iudex supplebit, arg. d. l. un. C. ut qua def. ad G. ubi Glossa & DD.* nisi factum actis continetur, puta exceptio aliqua, quae non fuit allegata ex instrumento, quo probatur obligatio & actio, appareat, *Ranchin. in not. ad Guld. Pap. q. 221. Christ. Vol. 2. decis. 185. num. 1.*

Quoniam autem iudex in iudicando sequi iubetur rerum probatarum fidem, *d. l. 6. §. 1. de offic. praef.* plerique censuerunt, etiam si liquido iudici constet, falsitate aliqua vel testimonium vel instrumentorum bonam causam laedi, tamen secundum acta & probata, ut loquuntur, eum iudicare debere, non secundum privatam scientiam; adeoque in foro animae excusatum esse, qui secundum probata eum, quem scit esse innocentem, condemnat. Canonistae in *c. Pastoralis 28. §. quia vero. x. de offic. deleg. Cyn. in l. un. C. ut qua def. ad G. Coar. 1. res. 1. Clar. lib. 5. §. fin. pr. crim. q. 66. n. 2. Cacheran. dec. 79. n. 43. & seqq. Christin. Vol. 2. decis. 148. n. 21. & Vol. 1. dec. 4.* ubi plures citantur. Mihi vero longè tutius videtur, ut dicamus, ita ex actis & probatis iudicem iudicare debere, ut tamen nunquam iudicet contra conscientiam. Etenim iubetur iudex iudicare secundum ea, quae probantur. At qui hoc facit, non potest non iudicare secundum conscientiam. Quippe probare Latinis est fidem facere. Cui autem fides facienda, nisi iudici? Huic enim eorum, quae allegantur, examen mandatum est, & ita mandatum, ut ex animi sui sententia aestimare eum oporteat, quod aut credat, aut parum probatum sibi opinetur, *l. 2. de testib. & prout religio suggerit, sententiam proferre, l. eum quem. 79. §. 1. de iudic.* Jam vero si ea, quae allegantur, pugnent cum scientia iudicis, fidem iudici facere non poterunt, cum falsa sint, & religione metuque iustissimi Numinis prohibebitur secundum ea iudicare. Una enim & simplex est veritas: ac proinde dividi conscientia aut scientia iudicis in publicam aut privatam non debet. Neque obstat *d. l. 6. §. 1. de off. praef.* nam & ibi iubetur praeses, non iam instrumentis, quae vitiosa & falsa esse possunt,

quam rei veritate, quae ex iis, quae probantur, perspicitur, moveri. Itaque arbitrator, & divino & humano juri consentaneum esse, ut iudex in quaestione facti ex animi sui sententia, religione & conscientia pronuntiet, veritatemque asserat, spretis testimoniis, quamvis ille solus falsa ea esse sciat: maxime si talis est iudex, ut ab eo nulla sit provocatio, nec veritati nisi in fide illius ullum praesidium. Sin vero is iudex est, à quo provocari potest, satius est, eum à iudicando abstinere & testimonio suo, quantum in se est, causam ejus, cui iniuria fit, apud iudicem superiorem adiuvare: ne temere publica testimoniorum spernatur auctoritas, aut fenestra aperiatur pravis hominibus, passim gratificandi cui velint, obtentuque ac colore scientiae aut conscientiae id ipsum excusandi aut defendendi. Consent. fere Coras. 4. misf. 20. Hotom. illustr. q. 27. D. Tuld. 3. de princ. jurispr. 6. & in comm. hic c. 3. eoque etiam inclinare videtur Costal. ad d. l. 6. §. 1. de off. praef. Ceterum est hae quaestio de raro contingentibus, cum difficulter contingere possit, ut vera iudicis scientia pugnet cum testimoniis aut instrumentis quibus nihil obici queat.

[*Legibus, constitutionibus, moribus proditum.*] 6
Præceptum hoc ad omnes iudices ex æquo pertinet, siue magistratum gerant, siue aliter iudicent: quantum sunt, qui id pertinere negant ad summas praefecturas seu Curias ultimae iurisdictionis. Nam Justinianus generaliter loquitur, & in *Nov. 8. c. 12.* nominatim de praesidibus provinciarum: omnemque dubitationem tollit *Nov. 82. c. 23.* In his provinciis qui iudicant, primum iura municipalia & constitutiones provinciales, tum mores ac consuetudines locorum spectant, quibus si controversia diuini non possit, ad ius commune, id est, Romanum, apud bonam partem Europae observatum, tanquam ad *Grophean.* confugiunt. *Gudelin. lib. 1. de jur. noiff. Christin. Vol. 1. decis. 343. Grot. 1. manu dicit. ad iur. rispr. Batav. c. 2.*

TEXTUS. De iudicio noxali.

1. Ideoque si noxali iudicio aditus est, observare debet, ut, si condemnandus videtur dominus, ita debeat condemnare, Publium Medium Lucio Titio in decem aureos condemno; aut noxam dedere.

NOTA.

I. NOXALI JUDICIO ADITUS] Cujac. *ad dictus*, vel *aditus*: sed huiusmodi verba parum conveniunt moribus sæculi Justiniani, quo imputationes actionum jam sublatae erant Wel.

COMMENTARIUS.

UT sententia iudicis valeat, & res iudicata esse intelligatur, necesse est reum aut absolvi aut condemnari, l. 1. *de re iud.* l. 3. *C. de sent. & interloc.* Condemnatio autem in certam rem vel quantitatem fieri debet: incerta & vaga vim sententiæ non habet, §. *curare* 32. *sup. de act.* nisi natura rei petita obstat, quominus certa sententia ferri possit; veluti in judiciis universalibus, qualia sunt petitiones hereditatis & actio familiæ eriscundæ; aut si plures res generaliter aut disjunctim promissæ petantur: nam eodem modo condemnatio faciendæ, ne per sententiam reo auferatur jus electionis, *vid. not. sub d. §. curare.* Quod autem Justinianus hic scribit, iudicio noxali convictum ita condemnandum esse, ut aut pecuniam solvat, aut servum noxæ dedat, id non videtur esse necessarium; quoniam pecunia tantum in actionem iudicati venit: dedendi autem facultas non à iudice, sed à lege est, l. 6. §. 1. *de re iud.* quod alibi quoque monuimus *sub §. 2. de noxal. act.*

Aut noxam dedere] τὸν βλάψαντα, corpus ipsum, quod nocuit, §. 1. *sup. de nox. act.* Similis locutio est in l. 1. *in fin. pr. de his qui effud.*

TEXTUS.

De actionibus realibus.

2. *Et si in rem actum sit coram iudice, sive contrapetitorem iudicaverit, absolvere debet possessorem: sive contra possessorem, jubere ei debet, ut rem ipsam restituat cum fructibus. Sed si possessor neget, in presenti se restituere posse, & sine frustratione videbitur tempus restituendi causâ pectere, indulgendum est ei; ut tamen de litis estimatione caveat cum fideiussore, si intra tempus, quod ei datum est, non restituerit. Et si hereditas petita sit, eadem circa fructus interveniunt, quæ diximus intervenire de singularium*

rerum petitione. Illorum autem fructuum, quos culpa sua possessor non perceperit, sive illorum, quos perceperit, in utraque actione eadem ratio pene habetur, si prado fuerit. Si vero bona fidei possessor fuerit, non habetur ratio neque consumptorum, neque non perceptorum. Post inchoatam autem petitionem etiam illorum fructuum ratio habetur, qui culpa possessoris percepti non sunt, vel percepti consumpti sunt.

NOTÆ.

ET SINE FRUSTRATIONE] Th. 2. *de cap. 3.* non moræ aut frustratoris dilationis causa. Reus igitur frustrator non auditur.

INDULGENDUM EST] In actionibus in personam quadrimestres induciæ condemnato jure publico indulgentur, l. ult. *C. de usur. rei jud.* quod tamen non puto pertinere ad actiones depositi, commodati, aut similes, quibus certa species petitur, extra quam si reus damnatus sit in rei petitiæ estimationem: neque enim malitiis indulgendum est.

EADEM RATIO PENE] *π* pene additum propter causam, quam modo dixi. Forte etiam, quia in actione in rem speciali officio iudicis fructus veniunt: in petitione hereditatis jure & potestate ipsius actionis, ut cætera corpora hereditaria, l. 20. §. 3. l. 40. §. 1. *d. tit. l. 2. & 2. C. eod.* Cujas.

SI PRAELO] l. 25. §. 3. *& seq. d. tit. l. 22. C. de rei vind. l. 33. D. eod.* nec interest ab initio mala fide possederit, an postea possidere cœperit, *leg. 23. §. 1. l. 48. §. 1. de acquir. rer. dom. d. l. 25. §. 3. de har. pet.*

POST INCHOATAM PETITIONEM] d. l. 22. *C. de rei vind. l. 2. C. de fruct. & lis. exp. l. 4. §. 2. D. fin. reg.* Quoniam post motam controversiam omnes possessores pares sunt, d. l. 25. §. 7. l. 10. *C. de long. temp. prescr.*

COMMENTARIUS.

- 1 *Tempus iudicatis indultum in actionibus in personam: & quid hic juris apud Barabos.*
- 2 *Qui possessores quos fructus quatenus restituere debeant, summam.*

HOC §. agitur de officio iudicis in actione in rem, tum singulari, seu rei vindicatione, tum universali, sive petitione hereditatis: doceturque, officium illud

illud versari partim circa res petitas, partim circa fructus.

Ut rem ipsam restituat cum fructibus] Plenius dicendum erat, ut rem petitam restituat cum omni causa, id est, id omne, quod habiturus foret petitor, si tempore litis contestatæ res ei restituta fuisset, *l. Julianus 17. §. 1. præterea 20. de rei vind. &* porro si possessor restituere jussus arbitrio judicis non pareat, tum eum, ut in actionibus arbitrariis, qualis est rei vindicatio, fieri solet, condemnandum quanti petitor in litem juraverit, *l. ejus rei 46. de rei vind. l. 5. l. 8. de in lit. jur.* Nonnunquam & possessori ob contumaciam, manu militari seu per executores litem rem auferri, puta si id petitor maluerit, & sua interesse doceat, *l. qui restituere 68. de rei vind.* quomodo apud nos semper proceditur, *art. 172. Instr. Cur. Holland. add. not. sub §. præterea 33. sup. de act.* Postremo & victum victori in expensas litis condemnandum, nisi justam causam litigandi habuerit, *l. 12. §. si res autem 6. C. de judic. de quo explicatius tit. præc. sub §. 2.*

Cum fructibus] Etiam si expresse petiti non fiat, *l. & ex diverso 35. §. 1. de rei vind.* idque vel ex eo satis intelligitur, quod officio judicis continetur, ut jubeat fructuum restitutionem fieri: judicis enim officio proprie id contineri dicitur, quod ei tacite suo jure permissum est; quamvis prætor nullam ejus in formula mentionem fecerit, *l. plane 38. de har. pot. l. si reus 73. de procur. l. 9. §. 1. de furt. l. qui per collusionem 40. §. 1. de act. empt. add. Myns. 4. obs. 55. Christin Sol. 2. accis 105. n. 2. Vant. de nullit. sent. ex defect. proc. n. 97.* ubi ait, petitionem fructuum tacite & virtualiter petitioni rei inesse. Dissent. D. Tulden. *comm. hic, cap. 8. & D. Perez. ad tit. Cod. de rei vind. num. 16.*

Sed si possessor] Si possessor cavetur, se non posse in præsentem rem restituere, & sine fraudatione tempus ad restituendum petat, potest judex ex humanitate ei gratificari, & moderatum tempus concedere, intra quod restituat. Dissimilis ratio est in actionibus in personam, in quibus condemnato quadrimestres induciæ indulgentur, *l. ult. C. de usur. rei jud.* Quippe res aliena, quam quis penes se habet, facilius restitui potest, quam pecunia explicari. Et ideo dixerim, interdum nec in actione personali damnato quadrimestre tempus concedendum, nempe si certa species petita sit, veluti actione depositi, vel commodati, cujus & præstandæ facultatem reus habeat: neque enim malitiis indulgendum est: & contra nonnunquam tanti temporis laxamentum reo dandum in actione in rem, nempe si damnatus sit in rei petitiæ æstimationem. Apud nos locum quodammodo habent induciæ triginta dierum; quod spatium judicis largiebatur lex duodecim tabularum, teste Au-

lo Gellio *lib. 20. c. 1.* Idque adeo obtinere videtur in utroque genere actionum: nam utique victor saltem tam diu expectare, partim ex humanitate, partim ex necessitate juris debet, donec tempus appellationi constitutum præterierit: appellationi inquam tam interponendæ, quam introducendæ. Nam interponendæ appellationi decem dies, *auth. hodie. C. de appell. introducendæ viginti* apud nos constituti sunt. *Instr. Cur. Hall. art. 198. & 206.* Notat hoc D. Merul. *lib. 4. disp. 4. sect. 5. tit. 6. cap. 7.*

Eadem circa fructus] Est tamen nonnihil differentie. Nam in singularum rerum petitione bonæ fidei possessor fructus omnes consumptos lucratur: *l. 4. §. 2. fin. reg.* in petitione hæreditatis etiam consumptorum nomine tenetur, in quantum locupletior factus, *l. 25. §. 11. de hæred. petis.* In illa officio judicis fructus veniunt, in hac jure & potestate ipsius actionis, ut cætera corpora hæreditaria, *l. 20. §. 3. l. 40. §. 1. d. tit.* quam ob causam forte mox additur *et pene.* Mala autem fidei possessor fructus omnes, etiam qui consumpti sunt, una cum re restituere debet, *d. l. 22. C. de rei vind.* teneturque adeo non de perceptis tantum, sed etiam de iis, qui non percepti honeste percipi potuerunt, *hoc text. l. fructus 33. de rei vind.* nec refert, ab initio quis mala fide possederit, an postea possidere cœperit, *l. bona fidei 48. §. 1. de acq. rer. dom.* Denique possessores omnes post litem contestatam pares sunt, & tanquam malæ fidei possessores tenentur, *l. sed et si 25. §. si ante 7. de har. pot. d. l. 22. C. de rei vind. l. 2. C. de fruct. & lit. expens.* Fusius hæc explicui *sup. §. 35. de rer. distr. & lib. 1. set. quæst. cap. 25. & seq.*

TEXTUS.

De actione ad exhibendum.

3. Si ad exhibendum actum fuerit, non sufficit, si exhibeat rem is, cum quo actum est; sed opus est, ut etiam rei causam debeat exhibere, id est, & eam causam habeat actor, quam habiturus esset, si, cum primum ad exhibendum egisset, exhibita res fuisset. Ideoque si inter moras exhibendi usucapta sit res à possessore, nihilominus condemnabitur. Præterea fructuum medii temporis, id est, ejus, quod post acceptum ad exhibendum judicium, ante rem judicatam, intercesserit, rationem habere debet judex. Quod si ne-

get reus, cum quo ad exhibendum actum est, in presenti se exhibere posse, & tempus exhibendi causa petat, idque sine frustratione postulare videatur, dari ei debet, ut tamen caveat, se restitutum. Quod si neque statim jussu judicis reus exhibeat, neque postea se exhibiturum caveat, condemnandus sit in id, quod actoris intererat, si ab initio res exhibita esset.

NOTÆ.

3. *UT ETIAM REI CAUSAM*] Id est, commoda rei externa, puta, foetus animalium, partus ancillarum, utilitates amissæ, &c. *l. 9. §. pen. & ult. ad exhib.*

USUCAPTA SIT] *d. l. 9. §. 6.* Usucapio ex ratione juris veteris non interruptitur litis contestatione, *l. 10. l. 20. de rei vind.* sicut præscriptiones temporum, *l. 1. l. 2. l. 10. C. de long. temp. præsc.* At hodie discrimen istud non obtinet, *l. 2. l. 3. C. de annal. exc.*

SINE FRUSTRATIONE] Id est, iusta ex causa, *l. 5. §. ult. ubi & iustæ causæ hujus generis indicantur, l. 12. §. 9. ad exhib.*

AB INITIO RES EXHIBITA] Quod declaratur *l. 9. §. pen. & ult. l. 10. & seqq. eod.* atque ob contumaciam damnatur, quanti actor in litem juraverit: alias quanti res vere est, *l. 3. §. 2. d. l. 9. §. ult. l. 5. de in lit. jur.*

COMMENTARIUS.

Actio ad exhibendum præcursorio quædam est, & præparatio actionis in rem de re mobili: nam propter vindicationes potissimum introducta est, *l. 1. ad exhib.* quanquam aliquando & personali actione & interdicto experiri volenti competit, *l. 7. §. 1. §. sciendum 9. cum. seqq. & passim. eod. tit.* Est autem exhibere, rei in publico potestatem facere tum videndæ tum contrectandæ, ut experiundi sit copia, *l. 2. eod.* experiundi non actione ad exhibendum, quam satis actum est, sed principali, quam actor re exhibita exequi constituit, *l. 9. §. quantum, eod.*

Ut rei causam] Actione ad exhibendum damnatus non rem tantum, sed etiam causam rei exhibere debet. In re hæc sunt, ut exhibeatur res eadem, ut exhibeatur eodem jure, quo fuit cum petita est. Eadem res exhibita videtur, si exhibitum est idem corpus eadem specie, qua fuit tempore litis contestatæ, *d. l. 9.*

§. 3. Quid si deterior facta? Ad exhibendum possessor absolvi debet. Caterum si dolo aut culpa ejus deterior facta sit, tenebitur actione legis Aquiliæ de damno, *l. si quis 17. eod. l. 7. C. eod. & ibi Sich. n. 5. & seq.* Eodem jure, si re exhibita actori integra sit actio principalis, ut initio fuit, in nullo causa, quam intendit, læsa, *d. l. 9. §. quantum, l. 10. & seq. eod.* Per causam rei significantur commoda rei externa, puta foetus animalium, partus ancillarum, denique id omne, quod habiturus esset actor, si litis contestatæ tempore res illi exhibita fuisset, *l. cum fundus 31. de reb. cred. l. præterea 20. de rei vind. & hoc text.* De quo mox plura.

Inter moras judicii res usucapta] *L. 9. §. proinde 6. ad exhib.* Nam ex ratione juris veteris per litis contestationem usucapio naturaliter non interruptitur, sed pendente etiam lite impleri potest, *l. 18. d. l. 20. de rei vind.* quamvis effectu juris, victo possessori non profit. Quippe qui nihilominus rem restituere tenetur. Secus erat in præscriptione longi temporis: nam quia præscriptiones temporum factæ sunt, placebat eas per litis contestationem plene interrupti, *l. 10. C. de acq. possess. l. 1. l. 2. l. 10. C. de long. temp. præsc.* Sed hodie hæc differentia non obtinet, *l. 2. & l. 3. C. de annal. exc. Vid. sup. de usuc. §. diutina.*

Fructuum medii temporis] Commoda quoque rei externa, puta foetus animalium, item partus ancillarum, una cum exhibitione in hoc judicio veniunt, *d. l. 9. §. pen.* Quod tamen haud dubie sic accipiendum, si possessor hac actione victus de re ipsa, porro contendere judicio directo supersederit; cum Accursio in *d. §. pen.* ubi recte monet, eodem modo accipiendos esse locos omnes, qui de restitutione ex hac actione facienda loquuntur. Nam qui rem ipsam restituere non debet, utique nec accessiones debet. Possesse autem hanc actionem una cum principali eodem libello proponi, quia id ad compendium litis tendit; ita tamen ut judex non una cognitione utramque expediat, sed prius cognoscat & pronuntiet de præparatoria, docent *Oldend. Class. s. act. i. q. 7. Sich. in rubr. C. ad exhib. n. 8.*

Tempus exhibendi causa petat] Si possessor in præsentia facultatem exhibendi non habeat, interdum ei ex causa tempus à judice indulgetur, nempe petenti sine fraudatione, & cautionem offerenti de re, cum poterit, exhibenda. Causæ hujus generis indicantur *l. 5. §. ult. ad exhib.*

Quod si neque statim] Si possessor exhibere jussus, neque exhibeat, neque se exhibiturum caveat, placet eum condemnandum esse in id, quod actoris interest, hoc est, in id omne, quod vel habere potuit, si res ab initio exhibita fuisset. Quod declaratur, *d. l. 9. §. pen. & ult. l. 10. & seq. ad exhib.* Harum autem rerum duplex officio judicis æstimatio; adversus con-

exatimacem, quanti actor, utique qui jure domini coheredi desiderat, in litem juraverit; adversus ceteros, quanti res vere est, l. 3. §. 2. d. l. 9. §. ult. eod. l. §. de in lit. jur. Usus hujus actionis hodie rarior est. De quo Christ. Sol. 2. dec. 191. n. 3.

TEXTUS.

Familix erciscundæ.

4. Si familia erciscundæ judicio actum sit, singulas res singulis heredibus adjudicare debet: & si in alterius persona pregravare videatur adjudicatio, debet hunc indicem coheredi certa pecunia (sicuti jam dictum est) condemnare. Eo quoque nomine coheredi quisque suo condemnandus est, quod solus, fructus hereditarii fundi perceperit, aut rem hereditariam corruperit, aut consumpserit. Quæ quidem similiter inter plures quoque quam duos coheredes subsequuntur.

NOTA.

AUT REM HAEREDITARIAM CORRUPE-
RIT] Vel quod coheres in rem communem necessarias impensas fecerit: quæ sunt hujus judicii præstationes personales, de quibus dictum sup. §. 3. de obl. quas ex contr.

COMMENTARIUS.

TRitum est, sententiam debere respondere petitioni, & conformem esse libello: quod à jure non abhorret, si sane accipiat. Neque enim extra fines petitionis vagari sententia debet, aut condemnatio in rem aliam fieri, quam quæ in judicium deducta est, & cujus judicatio judici permittitur, l. us fundus 18. comm. ar. l. ult. C. de fideic. libert. Gail. 1. obs. 66. Subneid. in §. curare 32. sup. de act. n. 4. Sed tamen in duplicibus judiciis id non usquequaque observatur, ut intelligemus ex adjudicationibus & mutuis condemnationibus, quæ in his judiciis permittitur.

Singulas res singulis heredibus] Judicium familiaris erciscundæ duo continet, rerum hereditariarum divisionem, & quasdam præstationes personales, quibus scilicet hæres hæredi propter communionem rerum obnoxius est. In rerum divisione hæc observare judex familiaris erciscundæ debet, ut res singulas singulis hæredibus adjudicet, ut hic ait Justinianus.

Quod tamen non ita accipiendum est, quasi semper & necessitas hæc ratio divisionis ineatur: nam si fundi hereditarii commode per regiones dividi possunt, nihil impedit, quo minus ita dividantur; sed quoniam in plerisque rebus hæc divisio commodissima est.

Debet hunc indicem] Cum impar adjudicatio est, is cujus pars præponderat, vicissim in certam pecuniam consorti damnandus est, ut æqualitas per omnia conservetur, l. Medius 52. §. 2. l. si familia 55. fam. ercisc.

Eo quoque nomine] Hæres coheredi eo quoque nomine judicio familiaris erciscundæ condemnandus est, quod solus fructus fundi hereditarii perceperit, vel rem hereditariam corruperit, consumpseritve, vel quod coheres in rem communem impensas fecerit, quas propter partem suam necesse habuit facere, l. Erutor 16. §. pen. l. his consequenter 18. §. 3. l. hæres 25. §. si unus 15. §. item culpa 18. l. inter coheredes 44. §. quod ex facto 5. fam. erc. Atque hæc sunt hujus judicii præstationes personales, de quibus fufius alibi explicatum est, sup. de obl. qua quas ex contr. §. 3. & sup. de act. §. quadam 20.

TEXTUS.

Communi dividundo.

5. Eadem interveniunt, et si communi dividundo de pluribus rebus actum sit. Quod si de unare, veluti de fundo: si quidem iste fundus commode regionibus divisionem recipiat, partes ejus singulis adjudicare debet; & si unius pars pregravare videtur, is indicem certa pecunia alteri condemnandus est. Quod si commode dividi non possit, vel si homo forte, aut mulus erit, de quo actum sit, tunc totus uni adjudicandus est, & is indicem alteri certa pecunia condemnandus est.

NOTÆ.

PARTES EJUS SINGULIS] divisio prædii sine cuiusquam iniuria commode fieri possit, cuique sua portio certis finibus adiudicanda, l. 1. C. comm. dis.

VELUTI SI HOMO] Hotom. Theoph. Vel si homo, quod magis placet. Ut sit sensus, si res aut non commode, aut non omnino partes pro divisio recipiat,

recipiat, veluti si agatur de servo, aut iumento, totam uni adjudicandam, eumque alteri certa pecunia condemnandum, l. 3. C. eod.

COMMENTARIUS.

Judicium communi dividundo, ut sine eodem, ita iisdem rebus constat, quibus iudicium familiaris eriscundæ rerum scilicet communium divisione & iisdem præstationibus personalibus, l. 3. comm. dis. Atque hinc & in divisione rerum, in earum adjudicatione & condemnatione mutua, & in præstationibus personalibus, idem in hoc quoque iudicio observatur, d. l. 3. l. 6. §. 1. & seqq. eod.

Quod de una re] Cum de re una dividenda agitur, siquidem ea commode dividi potest, veluti fundus per regiones, singulæ singulis portiones adjudicandæ & si cuius portio maior esse videbitur, is vicissim socio in certam pecuniam condemnandus, l. 1. C. comm. dis. quod si reus partes pro diviso non recipiat, veluti si agatur de servo aut equo, aut non commode recipiat, tota uni adjudicanda est, & is alteri certa pecunia damnandus, l. 3. C. eod. sit.

TEXTUS.

Finium regundorum.

6. Si finium regundorum actum fuerit, dispicere debet iudex, an necessaria sit adjudicatio: qua sane uno casu necessaria est, si evidentioribus finibus distinguere commodius sit, quam olim fuissent distincti. Nam tunc necesse est, ex alterius agro partem aliquam alterius agri domino adjudicari. Quo casu conveniens est, ut is alteri certa pecunia debeat condemnari. Eo quoque nomine condemnandus est quisque hoc iudicio, quod forte circa fines aliquid malitiose commisit: verbi gratia, quia lapides finales furatus est, vel arbores finales excidit. Contumacia quoque nomine quisque eo iudicio condemnatur; veluti si quis iudice metiri agros passus non fuerit.

NOTÆ.

FURATUS EST] Vel terminos ejecit, locoque movit, aut exaravit. Et potest iudex, qui de hu-

jusmodi crimine cognoscit, etiam de finibus cognoscere, l. 4. §. 4. eod.

CONTUMACIÆ QUOQUE NOMINE] d. l. 4. §. 3. Condemnabitur autem contumax in id, quod adversarii interest. Nam multam irrogare magistratus est, non pedanei iudicis.

COMMENTARIUS.

Judicium finium regundorum rarius admittit adjudicationes & condemnationes mutuas, quam judicia superiora: quia in iudicio finium regundorum de agris tantum & fundis agitur, qui facile per regiones dividi possunt. Deinde quia apud iudicem finium regundorum non agitur de re communi, ut ea dividatur, sed de re, quam quisque suam esse contendit, ut finibus ad normam suam redactis, quod quisque intra fines istos habet, id totum retineat; si quid amplius, id vicino restituatur, l. 4. pr. l. 8. pr. & §. 1. fin. reg. quo intuitu actio finium regundorum dicitur pro vindicatione esse, l. 1. eod. & causæ proprietatis coherere, l. 3. C. eod.

Uno casu necessaria est] Si de finibus constet per evidentes & manifestos limites, iudicis officium est eos custodire. Si turbati sunt aut obscurati, ita tamen ut eorum vetera vestigia appareant, à iudice renovandi & evidentius distinguendi sunt, l. 3. de term. mor. C. ex literis. x. de probat. Quod si nulla veterum finium vestigia appareant, nec probari possint, novi fines ex consilio agrimenforum constituendi, l. 2. §. 1. l. 3. l. 8. fin. reg. l. 3. C. eod. Myns. 6. obs. 27. Uno autem casu permittitur adjudicatio, si videlicet fines recte dirigi non possunt vel propter loci inæqualitatem, vel propter veterum finium incertitudinem; & ideo aliis finibus evidentioribus agrum distinguere expediat. Nam cum hic necesse sit ex unius agro partem aliquam detrahi, & alterius agri domino adjici, res transigenda adjudicatione & condemnatione, d. l. 2. §. 1. l. 3. l. 4. eod. De probatione finium adeundi Hieronym. de Monte tract. fin. reg. cap. 50. & seqq. Myns. 6. sb. 25. VVesemb. par. hoc tit. n. 7. Christin. Sol. 2. decis. 183. n. 5. & seqq.

Evidentioribus finibus] Quippe publice interest, evidenter distinctos esse agrorum terminos. Ovidius 3. fastor. de Deo Termino: Omnis eris sine te litigiosus ager.

Circa fines aliquid malitiose] Duo hic ait Justinianus: primum, eum quoque hoc iudicio condemnandum, qui quid malitiose circa fines admisit, puta lapides finales furatus est, arbores finales excidit: deinde hoc eodem iudicio etiam contumaciæ nomine condemnationem fieri, veluti si quis mensorem missum ad declarandos terminos metiri non patitur. Solent enim iudices in lite finium dirimenda uti arte & opera agrimenforum, l. 8. fin. reg. l. 3. Toni, II. Kkk C. eod.

C. eod. Hieron. de Monte d. tract. c. 31. & seq. Mynf. 6. obs. 27. Christin. Sol. 2. decis. 184. & seq. Quod de contumacia hic dicitur, idem traditur apud Ulpian, l. 4. §. 3. eod. In quid igitur condemnabitur contumax? In id scilicet, quod adversarii interest. Nam multam irrogare, quæ poena esse solet contumaciæ, non pedanei iudicis, sed magistratus est. De delictis admittis circa fines, veluti de terminis dejectis, vel exaratis, lapidibus amoris, arbore terminali excisa, iudicium criminale constitutum est de termino moto, *tit. de term. mot.* Et potest quidem iudex, qui de huiusmodi crimine cognoscit, etiam de finibus cognoscere, l. 4. §. si dicantur 4. fin. reg. Sed è converso iudex, qui cognoscere cœpit de finibus, non poterit cognoscere de crimine, & delinquentem extra ordinem coercere. Juxta l. 1. & l. 3. de term. mot. Neque ea mens Justiniani est; sed hæc, delinquentem etiam huius admitti nomine à iudice finium regundorum civiliter adversario suo condemnandum esse, quanti is sua interesse iuraverit; vel etiam, ut, quod pendente quæstione finali ex fundo vicini occupavit prolatis finibus, id ei cum altero tanto de suo agro reddat, l. 4. C. fin. reg. Atque hæc civilis condemnatio non impedit, quominus adhuc criminaliter atque extra ordinem agi possit de termino moto. *Hieronym. de Monte d. tract. cap. 34. & seq. D. Tulden. Comment. hic, cap. 6.*

Lapides finales] Sive terminales, qui & grumi: *οἱ τῶν ὁρίων λίθοι, οἱ διακρίζοντες τὰς ὁρὰς λίθοι*, qui fines & terminos distinguunt.

TEXTUS.

De adjudicatione.

7. *Quod autem istis iudiciis alicui adjudicatum fuerit, id statim ejus sit, cui adjudicatum est.*

NOTA.

7. *EXUS FIT, CUI ADJUDICATUM*] Adjudicatio modus est acquirendi domini iure Quiritium, Ulp. *tit. 19. §. 15.* Quod si per errorem de fundo alieno, quasi de communi actum, & ex adjudicatione possidere cœpero, procedit mihi usucapio, l. 17. de usuc.

COMMENTARIUS.

Quod in tribus istis iudiciis, familiæ eriscundæ, communi dividundo, finium regundorum, uni ex cohæredibus, sociis aut vicinis adjudicatum est,

id illi statim acquiritur, ut hic scribit Justinianus, & diserte quoque testatur Ulpianus in *fragm. tit. 19. §. adjudicatione 15.* Quæ res magni erroris causam præbuit interpretibus. Hinc enim inferre & probare vulgo solent, ex sententia iudicis dominium transferri: quod à veritate abest quam longissime: neque aliunde apertius hic error convincitur, quam ex hoc ipso & d. Ulpiani loco. Nam cum tam Imperator, quam Jurisconsultus scribat, in tribus istis iudiciis quod adjudicatum fuerit, statim ejus fieri, cui adjudicatum est, hoc ipso satis uterque significat, in aliis iudiciis non idem juris esse, neque eam esse auctoritatem cujusvis sententiæ iudicis, ut dominium in aliquem transferat. Quid enim haberent specialia ista iudicia, si idem jus esset in omnibus cæteris? Sed neque existimandum est, in istis tribus vi & potestate sententiæ fieri, ut dominium in unum transferatur, sed totum hoc pendet à potestate adjudicationis, quam lex duodecim tabularum unum esse voluit ex modis acquirendi domini jure Quiritium relatis, apud Ulpian, *d. tit. 19.* Cum vero extra ista iudicia adjudicationi locus non sit, sequitur, nec in aliis iudiciis dominium per sententiam transferri De quo late *Ant. Fab. dec. 98. err. 7. & seqq.*

TITULUS XVIII.

D. lib. 48. tit. 1.

De publicis iudiciis.

Ratio bujus tractationis.

ABSOLUTA pro modo instituti operis ea parte juris, cujus solius tractatio suscepta est, scilicet tractatione juris privati, attexit Imperator auctarii vice particulam aliquam decerptam ex jure publico, ea videlicet illius juris parte, quæ leges continet publicorum iudiciorum. Voluit nimirum aliquid accessionis nobis dare: quam parce dedit, indicatis tantum fontibus, unde plura haurire liceat: nec largius dare debuit, quia est præter institutum, & velut quidam excessus. Quamobrem & nos in hac appendice explicanda solito erimus breviores; maxime cum jam commectarii nostri in satis magnam molem excreverint.

TEXTUS.

De differentia à privatis.

Publica iudicia neque per actiones ordinantur, neque omnino quicquam simile habent cum cæteris iudiciis, de quibus

locus

locuti sumus: magnaque diversitas eorum est & in instituendo & in exercendo.

NOTE.

NEQUE PER ACTIONES ORDINANTUR] Id est, non constituuntur & exercentur per actiones ordinarias, sicut iudicia privata.

MAGNA DIVERSITAS ET IN INSTITUENDO] De veteri ordine exercendorum iudiciorum publicorum, Car. Sigon. lib. singul. Nic. Gruch. 1. de com. Rom. 2. Briffon. 2. select. Ant. 1. Postea extra ordinem exerceri cœperunt, durante tamen legum pœna, l. 8. de publ. jud. l. 1. S. ult. l. 13. de pœn. & in crimen subscriptione, l. 3. S. 2. de accus. l. ult. C. eod. Cuiac. 8. obs. 33.

1. QUOD CUIVIS EX POPULO] Exceptis iis, quibus hæc potestas jure publico adempta, l. 43. S. 10. de rit. nupr. junct. l. 8. l. 9. & seq. de accus. Adendum, & quia causæ sunt publicæ. Nam & popularis actio publica dicitur, eo quod cuivis è populo patet: privata tamen est respectu causæ, leg. 30. S. 3. de jurejur. junct. titul. de pop. action.

COMMENTARIUS.

Iudicia privata quomodo constituantur & exercentur, intelligi potest ex iis, quæ dixi sub pr. & S. 1. de action. Publicorum iudiciorum exercendorum lege alia ratio est, & longe alia hæc etiam apud veteres fuit, quam tempore mediæ Jurisprudentiæ. De veteri forma & ordine adeant antiquitatis studiosi Carol. Sigon. lib. sing. Nicol. Gruch. lib. 1. de comit. Rom. c. 2. Barn. Briffon. lib. 2. select. antiquit. cap. 1. qui de eo ex professo scripserunt. Postea vetus ille ordo exercendorum iudiciorum publicorum in usu esse desit, & de criminibus publicis, extra ordinem, præfetti vel præsides cognoscere cœperunt, durante tamen pœna legum, l. 8. de publ. judic. l. 1. in Senatusconsultum 15. S. 1. ad Senatusc. Turpill. l. 1. S. ult. l. hodie 13. de pœn. Illud etiam mansit, ut is, qui accusare paratus est, ad eum, cui iudicii publici exercitio obigit, rei nomen deferat, idque recipi postulet, & qua lege eum reum faciat, profiteatur; deinde & in crimen subscribat, id est, interprete Ulpiano l. 3. S. 2. de accus. libello subscribat, se professum esse: quæ res similitudine supplicii eum obstringit, l. ult. Cod. d. de leg. ult. C. de calumn.

TEXTUS.

Etymologia.

1. Publica autem dicta sunt, quod cuivis ex populo executio eorum plerumque datur.

COMMENTARIUS.

1. Libertatem accusandi hodie sublatam.
2. Criminalia iudicia nunc omnia publica facta.

CUIVIS EX POPULO] D. Hotomannus contra ideo hæc iudicia publica dici existimat, quia causæ publicæ sunt, quæ æquæ & universæ ad omnes pertineant. Sanè, si ratio quæritur, cur hæc potissimum iudicia publica facta sint, eorumque persecutio cuivis è populo permittitur, probabile est, id ex eo natum, quod in his iudiciis agitur de delictis, quæ maxime ad læsionem & turbationem status publici pertinent. Duar. lib. 1. disp. 37. Charond. 3. Verissim. cap. ult. add. Cuiac. 8. obs. 33. Bene Chrysost. Homil. ad Antioch. Κοινόν ἐστι τὸ ὑγκλημαθῆναι τὸ ἀδικεῖν, ἕστιν ἰσὺς τῶν βυλομένων κατηγορεῖν.

Plerumque] Pro fere dixit, illud significans, quod Ulpianus l. palam. 43. S. senatus 10. de rit. nupr. scribit, publico iudicio cuivis ex populo experiri licere, nisi si cui lege aliqua accusandi publico iudicio non est potestas. Intelligit autem eos, qui enumerantur l. 8. l. 9. & seq. de accus. Hodie hæc libertas accusandi sublata est, neque amplius quilibet à populo ad accusationem admittitur, sed soli advocati procuratoresve fisci aut Balivi jus accusandi & criminalia persequendi habent, ubi vindicta publica agitur. Quod politici iudicant rectius constitutum esse ad retinendam civium inter se concordiam. Nam nullus privatus civis potest accusatoris personam sibi sumere absque maxima invidia & odio ejus, cui diem dixerit: ex qua re facile seditiones oriuntur inter cives. Quod incommodum præclare vitatum est, universo hoc accusandi munere demandato publicæ alicui personæ. Sed & hodie omnia iudicia criminalia publica videntur: nam videmus, in omnibus fere criminibus nunc per inquisitionem procedi, quæ nota videtur publicorum iudiciorum; & accusatoribus procuratoribus fisci aut Balivis crimina quævis exerceri, veluti furti, bonorum raptorum, &c. Clar. lib. 5. S. 1. n. 6. idem de jure Canonico affirmat ex Gloss. in cap. infames 6. quæst. 1.

TEXTUS.

Divisio.

2. Publicorum iudiciorum quædam capita.

Kkk 2

pita-

capitalia sunt, quaedam non capitalia. Capitalia dicimus, quae ultimo supplicio afficiunt homines, vel etiam aqua & ignis interdictione, vel deportatione, vel metallo. Cetera si quam infamiam irrogant cum damno pecuniario, haec publica quidem sunt, sed non capitalia.

NOTÆ.

2. ULTIMO SUPPLICIO.] Ultimū supplicium mortem solam interpretamur, l. 21. de pæn.

CUM DAMNO PECUNIARIO.] Aut in corpus aliqua coercitione, d. l. 2. hoc tit. Exempla sunt in §. 4. & §. 8. inf. eod.

COMMENTARIUS.

Capitalia dicimus.] Quamvis caput in jure civili alias vitam, alias libertatem, alias civitatem, alias familiam, alias existimationem significet, l. 1. §. 103. de verb. sign. in hoc tamen argumento capitis verbo tantum vita, civitas & libertas continentur. Itaque quorum judiciorum publicorum poena damnatum civem vel morte afficit, vel de civitate tollit, servitute, exilio, five deportatione, ea capitalia recte nominantur, l. 2. b. r. Ultimū autem supplicium esse mortem solam interpretamur, l. ultimum 21. de pæn. Sane interdum etiam nostri id solum capitale vocant, cujus non alia poena, quam mors est; sed *ult. i. ex l. 1. §. 4. de pæn. transigere 18. C. de transact.* Qui gradus sint capitalium criminum, docet l. capitalium 28. de pæn.

Infamiam cum damno pecuniaria.] Tale iudicii publici non capitalis exemplum est in §. 4. & item in §. item lex Julia 8. §. inf. eod. Interdum & in corpus aliqua coercitio poena est, d. l. 2. hoc tit. in fin. Sive autem capitalia sint, five non sint, famosa semper sunt, hoc est, damnatum publico iudicio semper sequitur infamia.

TEXTUS.

Exempla; de læsa Majestate.

3. Publica autem iudicia haec sunt. Lex Julia majestatis, quae in eos, qui contra Imperatorem vel rempublicam aliquid moliti sunt, suum vigorem extendit. Cuius poena animae amissionem sustinet, &

memoria rei etiam post mortem damnatur.

NOTÆ.

ANIMAE AMISSIONEM.] *ψυχῆς ἀπώλησις.* Anima pro vita. Sallust. Catil. Libertas & anima nostra in dubio est.

MEMORIA REI POST MORTEM DAMNATUR.] Rei sc. perduellionis, qui quod hostili animo adversus temp. vel Principem machinatus est: secus est, si quis ex alia causa majestatis reus sit, l. ult. eod. l. 24. de pæn.

COMMENTARIUS.

1. Quadruplex differentia inter crimen perduellionis & majestatis in specie.
2. Specialia circa poenam hujus criminis.

DE solo crimine perduellionis videtur hic agere Tribonianus. Etenim duo sunt genera criminis læsæ majestatis: unum perduellionis, quod est crimen imminutæ majestatis & gravissimum & atrocissimum, puta si quis hostili animo quid machinetur adversus Principem aut rempublicam: alterum, quod generis nomen retinet, & majestatis vocatur, si quis ex alia causa legis reus sit. Utriusque exempla supeditat l. 1. cum 3. ll. seqq. ad leg. Jul. majest. Quadruplicem autem inter majestatis & perduellionis criminum differentiam notat D. Hotomannus. Prima est, quod majestatis crimine tenentur ii, qui vel partem aliquam reipub. læserunt; veluti si quis duces hostium accepta pecunia liberavit, aut privatus duces hostium domi suæ occultavit, (quod tamen merito perduellioni adscribendum putat vir cl. Ant. Matth. de læs. majest. c. 2. num. 2. lib. de crimin.) aut si quis magistratui pro officio suo aliquid agenti officiat. Perduellionis autem crimen in eos cadit, qui summam reipub. labefactare conati sunt. Altera differentia est, quod majestatis crimen in foro apud suum prætorem pro tribunali iudicio certa lege constituto agebatur, ut ex Ferrin. 3. & 7. cognoscitur. Perduellio vero primis quidem temporibus à Duumviris data opera creatis: post autem à Populo Rom. Comitibus centuriatis in campo Martio cognoscebatur, ut ex ea pro C. Rabirio perduellionis reo constat. Et Livius lib. 6. de Manlio Capitolino regnum affectante refert, Duumviros, qui de perduellione inquirerent, creatos. Tertia, quod majestatis crimen non morte, sed exilio multatur, l. eorum 24. de pæn. Perduellionis vero damnatus in crucem in campo fixam tollebatur, ut ex ead. orat. Ciceronis, & ex Dione lib. 37. cognoscitur. Quartam differentiam Ulpianus ostendit l. ult. ad leg. Jul. majest. ubi

ubi ait, majestatis imminutæ crimen rei morte obli-
terari: perduellionis autem memoriam etiam post
mortem damnari. Hodie hoc discrimen appellatio-
nis non ita stricte observatur; sed omnes, qui adver-
sus principem aut statum reipublicæ quibuscunque
modis aliquid moluntur, promiscue rei majestatis
dicuntur, & omnium eadem est pœna, nimirum capi-
tus, *Mynf. hic. num. 5. & 6.*

Et memoria rei] Multa circa pœnam hujus cri-
minis propter atrocitatem specialiter constituta sunt,
quæ passim ab aliis congeruntur. Unum illud est,
quod mortuo quoque reo, & nondum postulato, cri-
men hoc inchoari & peragi possit, damnataque rei
memoria bona fisco vindicentur, *l. ult. ad leg. Jul. majest. l. ult. C. eod. l. antepen. de accus.* cum regu-
lariter, qui in reatu decedunt, integri status decedant,
& crimen mortalitate extinguatur. Eadem quoque
severitate voluntas seu conatus hujus sceleris, quæ ef-
fectus, punitur, *l. 5. C. eod. & consci;* quæ auctores
ipsi, *l. 3. C. eod.* Illud autem durum & crudele vide-
tur, quod ob paternum crimen etiam liberi plectan-
tur, perpetua nimirum egestate & infamia, *d. l. 5. C. eod.* Sanè legi divinæ & veræ justitiæ hoc repugnat,
per *c. 14. lib. 2. Reg. & c. 25. lib. 2. Chron.* nec om-
nino temerè est, quod D. Budæus in *annotat. in*
tit. 7. ad leg. Jul. majest. existimat, auctores *d. l. 5.*
Arcadium & Honorium pœnitentia postea ductos
promulgasse sanctissimam illam constitutionem, quæ
extat in *l. sancimus. C. de pen. add. Per. Fub. 3. se-*
mestr. 8. Coſar. 2. resolut. 8. & Nuj. vuj. D. Anton.
Matth. de criminib. ad tit. D. ad leg. Jul. majest.
cap. 3. n. 10.

TEXTUS.

De adulteriis.

4. Item lex Julia de adulteriis coër-
cendis, quæ non solum temeratores aliena-
rum nuptiarum gladio punit, sed & eos,
qui cum masculis nefandam libidinem ex-
ercere audent. Sed eadem lege etiam stu-
pri flagitium punitur, quum quis sine vi
vel virginem, vel viduam honestè viven-
tem stupraverit. Pœnam autem eandem
irrogat stupratoribus, si honesti sunt, pu-
blicationem partis dimidiæ bonorum: si
humiles, corporis coërcitionem cum rele-
gatione.

1 Inter stuprum & adulterium quid intersit.

Adulterium est alieni thori violatio, sive coitus.
Cum aliena uxore factus. Nam adulterium jure
civili cum nupta tantum committitur, *l. 6. §. 1. l. stu-*
prum. 34. §. 2. hoc tit. ad leg. Jul. de ad. l. fac. l.
1. C. eod. l. inter stuprum. 101. de Verb. sign. & q. 6. q. 1.
arūs dicuntur alienarum nuptiarum temeratores:
nec hoc à sacra scriptura veteris testamenti abhorre-
re quidam existimant, per text. *Leſir. 20. Verſ. 10. Deut.*
22. 22. Genes. 20. Jure autem Canonico adulterium
committi intelligitur, sive solutus cum conjugata rem
habeat, sive conjugatus cum soluta, aut conjugatus
cum conjugata, *can. nemo. 34. quasi. 4. can. non*
mœchaberis can. praecepit. cum sequentibus quasi. 5.
& hanc sententiam omnes ferè Theologi amplectun-
tur, per text. *Matth. 19. Verſ. 9. Marc. 10. Luca 16. 18.*

Gladio punit] Hæc pœna non est ex lege Julia,
sed ex *l. quamvis 20. C. hoc tit.* quæ Constantini est.
Pœna autem legis Juliæ relegatio fuit, ut constat ex
Tacito lib. 1. 2. & 3. annal. & non obscure probat
l. 5. de quasi. certè capitalem non fuisse, arguunt *l. 6.*
de disort. l. 11. hoc tit. l. 14. de testib. l. 12. de his
quant. indign. & ipse Justinianus hanc pœnam Con-
stantino tribuit *Noſ. 137. cap. 10.* Divus Augustinus
lib. 3. de ciſ. Dei. disertè scribit, Romanos adulteras
fœminas, quamvis aliqua damnatione, nullas tamen
morte multasse. Ut dubitandum non sit, quin *l. tran-*
ſigere. 18. C. de tranſact. & l. 9. C. hoc tit. interpo-
latæ sint à Triboniano. Cæterum adſcribitur legi Ju-
liæ etiam ea pœna, quæ postea sancita est, quia ea lex
primum de crimine & pœna adulterii serio & plenè
caverat. Legibus Moſaicis adulterium item capitale
est, & tam mœchus, quam adultera morte puniuntur.
Leſir. 20. 10. Deuter. 22. 22. Apud nos quæ pœna a-
dulteri afficiantur, discas ex ordinat. *Polit. art. 15. &*
seqq. add. Græc&ſ. de ll. abrog. hic.

Cum masculis nefandam libidinem] *l. cum vir.*
31. C. hoc tit. quæ est Constantii & Constantis. Præ-
posteræ Veneris seu *paudogias*, & Sodomiticæ tur-
pitudinis pœna nunc ferè concrematio est. *Dumboud.*
prax. crim. c. 26. Clar. §. sodomia. n. 4. Gudelin. de
jur. noſ. lib. 5. c. 18.

Stupri flagitium] Lege Julia non modo de adul-
teris, sed etiam de stupris cavetur, *l. 6. §. 2. h. tit.* ubi
Papinianus ait, legem stuprum & adulterium promiscue
appellare: sed propriè adulterium in nuptam com-
mitti: stuprum vero in viduam virginemve, quod
Græci *φθορά* appellant: & ita quoque ferè Modestinus
in *l. inter stuprum. 101. de Verb. sign.* Idem Modestinus
in *l. stuprum. 34. §. 1. hoc tit.* adulterium in
nupta admitti ait, stuprum in vidua, vel virgine, vel
puero. Quod autem Papinianus *d. l. 6. §. 1. & Mo-*

definitus, *A. L. inter Stuprum*. ajunt, legem Juliam promiscuè & indifferenter his appellationibus uti hoc non ita accipiendum est, quamadmodum accepit D. Hotomannus, quasi & verbum adulterii extra conjugatos usurpatum esset: sed quod stupri nomine etiam adulterium notatum: nimirum stuprum & generis nomen est, & speciei: quod in nuptam committitur, etiam proprium nomen habet, & adulterium dicitur: quod in virginem, viduam, puerum, generis nomen retinuit, & stuprum propriè dictum est.

*Honeste sibi cum] παρὰ. nam consuetudo cum
et, quæ corporis sui copiam passim facit, stuprum non
est, sed simplex πορνεία sive fornicatio, quæ Romanis
legibus non puniebatur, l. 22. C. hoc tit. Pro stupro
quoque non habebatur consuetudo cum concubina,
propterea quod concubinatus jure Romano permis-
sus erat. Et hoc est, quod Modestinus scribit, stuprum
committere, qui liberam mulierem consuetudinis
causâ, non matrimonii secum habet, excepta concubi-
na, l. stuprum. 34. pr. hoc tit. fac. l. 3. pr. de con-
cub.*

Supratoribus, si honesti sunt] Stupri damnatus, si honeste eximiationis fuit, dimidia parte bonorum multatur: si turpis, verberatus relegatur. Sic cum D. Hotomanno interpretor illud, quod de honestis, aut humilibus hic dicitur, propter *leg. 7. C. de incest. nupt.* Lex Attica stupratorem ita multabat, ut vel duceret puellam, vel dotaret. Lex Mosaica, ut & duceret & dotaret. *Deut. 22. 29.*

TEXTUS.

De Sicariis.

5. Item lex Cornelia de sicariis, qua homicidas ultore ferro persequitur, vel eos, qui hominis occidendi causa cum telo ambulant. Telum autem, ut Cajus noster ex interpretatione legum duodecim tabularum scriptum reliquit, vulgo quidem id appellatur, quod arcu mittitur, sed & nunc omne significat, quod manu cujusque jacitur. Sequitur ergo, ut lignum & lapis, & ferrum hoc nomine contineantur; dictum ab eo, quod in longinquum mittitur, à Græca voce τηλὲ figuratum. Et hanc significationem invenire possumus & in Græco nomine: nam quod nos telum appellamus, illi βέλ & appellant, δὲ τὸ

βαίνεσθαι. *Admonet nos Xenophon. nam
ita scribit: καὶ τὰ βέλη οὐδ' ἐφέρετο, λίγ-
χα, τοξόματα, σφειδῖναι πᾶσι, ᾧ λίθοι
Sicarii autem appellantur à sica, quod si-
gnificat ferreum cultrum. Eadem lege ὁ
venefici capite damnantur, qui artibus o-
diosis, tam venenis, quam susurris magi-
cis, homines occiderint; vel mala medica-
menta publicè vendiderint.*

NOTÆ.

§. ULTORE FERRO] Scriptum hoc à Tribonia-
no accommodatè ad sui temporis rationem : & exi-
git hoc lex Divina. *Exod. 21. 12. Lev. 24. 17.* Pœna
autem legis Cornelie deportatio fuit, & bonorum
omnium adeemptio : quamquam postea humiliores
capite puniti, *l. 3. §. pen. l. pen. b. t.*

ADMONET NOS XENOPHON] Ita rectè legitur, ut & in d. l. 233. §. 2. de Verb. sign. unde hic locus descriptus est. Th. τὰς δὲ μάρτυς εὐνοῦν ἔτι γεῖφον. Denique subiecta verba Xenophontis esse agnoscuntur ex lib. 5. ἐὺκως Haloander in Xerolopho. Εὐκρολοφῶ locus erat celeberrimus urbis Constantinopol. de quo digna quædam notata Petr. Gyll. lib. 4. de topogr. urb. Constantinop. c. 8.

A SIC A Romani, teste Suida, τὰ ἰκκαριῶδη
incricos gladios, ficas appellant. Per abusum
 tamen ficanos omnes vocamus, qui eadem telo quocumque commiserunt. *Quint. lib. 10. cap. 1.*

SUSURRIS MAGICIS] Incantationibus, 291
reías Noſ. 115. c. 4. quo referenda illa legis duode-
cim, *Qui malum carmen incantasset. Qui fructus*
excantasset, &c. vid. Plin. lib. 28. c. 2. Augustin. 8. de
ciſſ. Des 19.

COMMENTARIUS.

Julianus hoc loco penam mortis tribuit legi Corneliae de fideiis; ut superiore §. legi Juliae de adulteriis. Poena enim legis Corneliae deportatio fuit in insulas, & omnium bonorum adeptio. Sed more iudiciorum temporibus Marciani & Modestini horum loci homines deportabantur: sequenti gradu qui erant, capite puniebantur, id est, morte: humiliores etiam bestiis subiciebantur, *l. 3. §. pen. in fin. §. pen. l. pen. b. t. ad leg. Corn. de fideiis. Paulo §. sent. 23.*

Ultro ferro] Scriptum hoc à Triboniano accom-
modatè ad sui temporis rationem: nam poena capitis
jam tunc indiffusè homicidæ puniebantur: quæ
poena

pœna hodieque manet, quod eam etiam exigit lex divina. *Exod. 21. 12. Levit. 24. 17.*

Qui hominis occidendi causa] Lege Cornelia de sicariis non tantum homicidæ, sed etiam qui hominis occidendi causa cum telo fuerint, tenentur, *l. 1. pr. cod.* Existimare licet, Cornelium Syllam hanc legem tulisse post levissimam civium proscriptionem, atque ut tandem finem imponeret cædibus, quæ tum passim impunitæ, gravitate pœnæ etiam à conatu homines detertere voluisset. Hodie generali consuetudine huic parti legis derogatum est, nec iam conatus aut delictum non consummatum amplius pœna legis ordinaria plectitur, teste Claro *lib. 5. §. ult. q. 92. Ant. Matth. de crim. c. 3. n. 10. & seq. D. h. tit. Sand. lib. 5. tit. 9. defin. 11.*

Telum autem] Hic locus descriptus est ex Caio *l. si calceatur 233. §. 2. de verb. sign.* & est satis planus. Cæterum non dubito, quin lex Cornelia teli appellatione gladium, & vel maxime intellexerit: quamvis propria teli significatio, quæ hic indicatur, gladio non conveniat.

A sica: quod significat ferreum] Romani, teste Suida, καὶ ἰνναυτὴν ἔϊφν, incurvos gladios, sicas vocant. Erat autem sica genus gladii brevioris, Persici ferè acinacis magnitudine, ut commodè sub vestibus occultari poterit: quod ex Josepho *l. 1. Antiq. discimus.* Per abusionem autem omnes sicarios vocaverunt, qui eadem telo quocumque commississent, auctore Fab. *l. 10. c. 1.*

Venefici] Venefici dicuntur, & qui veneno homines occidunt, quod plus est, quam occidere gladio; *l. 1. C. de malefic.* & qui artibus, sive, ut hic ait Justinianus, sursurri modis: ad cuiusmodi susurros referenda illa legis duodecim tabularum; *Qui malum carmen incantasset. Qui fruges excantasset. Ne alienam segetem pellexerit.* item illud Virgilii,

Atque satas alio sidi traducere menses.

& id genus alia, quæ superstitio mortalium vi magici carminis effici posse credit, *vid. l. 4. & l. 6. C. de malefic. Plin. l. 28. c. 2. August. l. 8. de ciq. Deic. 29.* Sed verissimè Seneca *lib. 4. nat. quest. 7. Ruridius*, inquit, adhuc antiquitas credebatur, & attrahi imbres cantibus & repellere; quorum nihil posse fieri tam palam est, ut huius rei causa nullius philosophi schola intranda sit. Ego sanè sic persuasum habeo, multa nimis temerè credi, & veneficis sagisve falso affingi; multa per tormenta exprimi, quorum nihil unquam factum, atque incantationum prætextu plerumque homines infontes ignibus tradi; quo supplicii genere pridem sagæ affici cœperunt. Extat memorabile arrestum Senatus Parisiensis pro Valdensibus Atrebatensibus, *les Pandois d' Arras*, editum 20. die Maij 1491. quo amplissimus ordo testa-

tur, nihil se in accusatione eorum animadvertere potuisse præter meras sycophantias.

T E X T U S.

De parricidiis.

6. *Alia deinde lex asperissimum crimen nova pœna persequitur, quæ Pompeja de parricidiis vocatur: quæ cavetur, ut, si quis parentis aut filii, aut omnino affectionis ejus, quæ nuncupatione parentum continetur, fata præparaverit, (sive clam, sive palam id ausus fuerit) nec non is, cujus dolo malo id factum est, vel conscius criminis existit, licet extraneus sit, pœna parricidii puniatur: & neque gladio, neque ignibus, neque ulli solemnium pœnæ subjiciatur, sed insutus culleo cum cane, & gallo gallinaceo, & vipera, & simia, & inter eas feræ angustias comprehensus (secundum quod regionis qualitas tulerit) vel in vicinum mare, vel in amnem projiciatur: ut omnium elementorum usu vivus carere incipiat, & in cælum superstiti, & terra mortuo auferatur. Si quis autem alias cognatione vel affinitate personas conjunctas necaverit, pœnam legis Cornelia de sicariis sustinebit.*

N O T Æ.

6. *ASPERISSIMUM CRIMEN*] Nefas ultimum vocat Seneca *l. de Clement. 23.*

NEQUE GLADIO] Legis tamen Pompejæ eadem pœna, quæ legis Corneliæ fuit, nisi quod hæc etiam conscius sceleris puniret, *l. 1. l. 6. cod.*

INSUTUS CULEO, &c.] *d. l. un. C. de his, qui par. & l. lib. occidit.* Prius tamen virgis sanguineis cæsus, *l. pen. cod.* De pœna culei Cic. *in ea pro Sexto Roscio*. Sen. *l. de clem. 15.* Juven. *satyr. 8.* Etiam aliud supplicii genus usurpatum invenio apud Paul. *5. sent. 24.*

COM-

COMMENTARIUS.

Hic quoque idem ferè accidit, quod superius, nimirum ut pœna cullei adferbatur legi Pompejæ, quæ tamen moribus majorum instituta est, l. 9. pr. hoc tit. de legat. Pompej. de parricid. adeoque diu ante legem Pompejam, ut ex oratione Ciceronis pro Rosc. Amerin. constat, atque in eum tantum, qui patrem, matrem, avum, aviam occidit: si quis alios occiderit, pœna legis Cornelie de ficiariis plectitur, l. 1. d. l. pen. §. 1. hoc tit. Constantinus & filios adiecit, l. un. C. de his qui par. vel lib. occid. quod & ipsum Imperator hoc loco attribuit legi Pompejæ. Legis autem Pompejæ eadem pœna, quæ legis Cornelie fuit: nec alia inter personas, quæ utraque lege continentur, differentia fuit, nisi quod lex Cornelia omnes homines, Pompeja certas personas coherceret, & quod hæc etiam confcios feceris, quamvis nihil fecerint, puniret, l. 6. eod. & hoc text.

De parricidiis] Parricida propriè dicitur, teste Charisio lib. 4. qui patrem occidit, quasi parricida, aut per syncopen quasi parenticida. Sæpè tamen idem verbum pro quavis *ἀνδρὸς φόνος* Romani usurpant: quod & Plutarchus in Romulo observavit. Sic quæstiores parricidii, appellati quæstiores rerum capitalium; & clausula, *Parricida esto*, in omni re capitali ponebatur. Cicero 2. de legibus. *Sacrum, sacrove commendatum qui cleserit rapsuque, parricida esto*, id est, capital esto. Sed fortassis hic consuetudo scribendi regeminavit, cum unico scribendum fuerit: de quo ita Festus in verb. *Parici quæstiores*. *Parricida non utique is, qui parentem occidisset, dicebatur, sed qualemcumque hominem, in quam citat legem Numæ his verbis compositam; Si quis hominem liberum dolo sciens morti duit, parricida esto.*

Aut affectionis] Ita omnino legendum, non ut vulgo affinitatis, per l. un. c. hoc tit. & l. un. C. Theod. eod. Nam qui socerum, socrum, ytricum, novercam, generum, &c. necavit, etsi ultimo supplicio, non tamen acerrima cullei pœna afficitur, l. pen. §. 1. eod. & hoc text. in fin.

Sed infusus culleo cum cane, &c.] Supplicium parricidæ est, ut virgis sanguineis verberatus, ac mox culleo infusus cum cane, gallo gallinaceo, vipera & simia, in mare aut profluentem projiciatur. Cicero in ea pro Sext. Rosc. de culleo solo loquitur: sed Seneca lib. 1. de Clem. c. 15. etiam serpentis meminit: Juvenalis serpentis item & simia, satyr. 8. Verisimile est, Constantinum canem & gallum gallinaceum addidisse. Quæ tamen omnia Tribonianus legi Pompejæ tribuit; Modestinus à Triboniano inter-

polatus mori majorum, d. l. pen. pr. hoc tit. Aliud quoque supplicii genus usurpatum invenio apud Paulum, lib. 5. sent. 25. ut parricida vel vivus combureretur, vel bestiis objiceretur. Pœna cullei hodie in usu esse desit. Ant. Matth. ad hunc tit. c. 2. num ult. Græcæ de lib. abr. lib. 5. tit. 9. defm. 3. Gudelini de jur. noiff. lib. 5. c. 17. ubi & de vario genere supplicii, quo nunc parricidi puniri solent.

Omnium elementorum usu] Quid mysterii sit in pœna cullei, ostendit Cicero in d. orat. pro Sext. Rosc. & Theophilus hic. Leucipp. 3. *ἵνα μὴ τὸ πῦρ ἡλὸς μόνον ἀπλῆται, ἀλλὰ καὶ τὸ πῦρ τοῦ πῦρος*. Eodem pertinet illud Quintilianii declam. 299. *Cui lex lucem vivo, fluctuanti mare, naufrago portum, morienti terram, defuncto sepulchrum negat*, & Ovidii lib. 8. Metamorph.

*Dii te summo deant, o nostri infamia seclis.
Orbe suo, tellusque tibi pontusque negetur.*

TEXTUS.

De falsis.

7. *Item lex Cornelia de falsis, quæ etiam testamentaria vocatur, pœnam irrogat ei, qui testamentum, vel aliud instrumentum falsum scripserit, signaverit, recitaverit, subjecerit, vel signum adulterinum fecerit, sculpsit, expresserit, sciens, dolo. Ejusque legis pœna in servos ultimum supplicium est; quod etiam in lege Cornelia de ficiariis & veneficiis servatur: in liberos vero deportatio.*

NOTA.

EJUSQUE LEGIS PœNA] Ex Marciano l. 1. §. ult. eod. adde Paul. d. loc.

COMMENTARIUS.

Testamentaria vocatur] l. 30. hoc tit. ad leg. Corn. de fals. Paul. 5. sent. 25. Ex eo autem fortassis sic appellata est, quod majore ejus parte de falso in testamento commissio caveretur. Hæc eadem & nummaria dicta ab ea parte, qua de num-

mis cavebatur. Cicer. Verrin. 3. Cornelia testamentaria, nummaria, cetera complures, &c.

Vel aliud instrumentum] Hoc ex Senatusconsulto Liboniano adjectum legi Corneliæ Cujacius existimat: legem enim ipsam tantum de nummis & testamentis falsis cavisse.

Scripseris signaveris, &c.] Apud Paulum d. loc. additur, *amoveris, resignaveris, deleveris, quidæ nummos aureos argenteos adulteraveris, laveris, conflaveris, raseris, corruperis, vitaveris, sulcusque Principis signatam monetam præter adulterinam reproboveris.* l. 1. l. 2. l. 8. 9. & pass. hoc tit.

In seruos ultimum supplicium] Pœna falsi deportatio est, & omnium bonorum publicatio: servi ultimo supplicio afficiuntur, l. 1. §. ult. hoc tit. Marcianus addit, & quasi falsi: nimirum cum aliter falsitas committitur, quam uti nominatim lege Cornelia cautum est: qui casus ex Senatusconsulto aut Principum constitutionibus ad rationem legis accommodati sunt. Quod si id exigat magnitudo commissi, etiam capitali supplicio in eum qui falsum commiserit, animadvertitur, l. 22. C. de fals. Nostri moribus pœna falsi aut exilium est, aut fustuarium, prout iudex decernet. Gudelin. d. l. 5. cap. 20. Damhoud. prax. crim. cap. 119. & seqq. Zypa. not. jur. Belg. de fals.

T E X T U S.

De vi.

8. Item lex Julia de vi publica seu privata adversus eos exoritur, qui vim vel armatam sine armis commiserint. Sed siquidem armata vis arguatur, deportatio ei ex lege Julia de vi publica irrogatur: si vero sine armis, in tertiam partem bonorum suorum publicatio imponitur. Sin autem per vim raptus virginis, vel vidua, vel sanctimonialis, vel atlerius fuerit perpetratus, tunc & raptores, & ii, qui opem huic flagitio dederunt, capite puniuntur, secundum nostra constitutionis definitionem, ex qua hoc apertius possibile est scire.

IN TERTIAM PARTEM BONORUM] l. 7. l. ult. ad leg. Jul. de vi priv.

SANCTIMONIALIS] Ascetrix, virginis vel viduæ Deo dicatæ, l. unic. Cod. de rap. virg.

CAPITE PUNIUNTUR] Licet mulier raptui consenserit, d. l. 1. §. 2. quod tamen non de simplici & spontaneo assensu accipiendum; sed ita si consenserit malis artibus inducta. Quidam etiam gravius esse putant Persuasoriis pellicere mulierem, quam vi uti. Liban. decl. 2. Plutarch. in Solon.

C O M M E N T A R I U S.

Vim armatam, vel sine armis] Cur vis cum armis facta publica, sine armis privata habita sit, hæc ratio est, ut alibi quoque diximus quod armis uti solius reipublicæ est: unde lex duodecim tabularum cum telo esse nemini privato permittebat.

Deportatio ex lege Julia] De vi publica damnati deportantur. Ulpianus l. 10. §. ultim. ad leg. Jul. de vi publ. ait, aqua & igni his interdicti; sed notum est, huic pœnæ deportationem successisse. De vi privata damnati tertia parte bonorum suorum multantur, l. 1. & l. ultim. de vi priv.

Raptores, &c. capite puniuntur] Licet mulier raptui consenserit, l. un. §. autem sibi, sive volentibus, sive nolentibus, Cod. de rap. virg. Movere non debet, quod volenti non fiat injuria, cap. scienti 27. de reg. jur. in 6. l. 1. §. neque adeo §. de injur. Neque enim d. l. un. de simplici & spontanea voluntate aut assensu mulieris accipienda est: sed ubi dolo malo, & blandis verbis, muneribus, promissionibus, aliisque malis artibus persuasa raptori consenserit: quo casu etiam volenti mulieri injuria & vis fieri intelligitur, cum dolosa persuasio non minus malum sit, quam violenta coactio: per l. 3. §. si quis volentem, §. de lib. hom. exhib. l. 1. §. 3. de serv. corr. Unde Solon severius punivit eum qui persuasoriis verbis pellexisset mulierem, quam qui vi usus esset, teste Plutarcho, add. Liban. declam. 2. Hodie pœna hujus criminis arbitraria est, & crescit pro gravitate admissi. Damhoud. prax. crim. cap. 200. num. 8. Perez. C. ad leg. Jul. de vi in fin. Virgini vel viduæ stuprum per vim inferentes capite puniuntur, Zypa. not. jur. Belg. de adul. & rapt. stupro. Damhoud. d. prax. cap. 92. decis. cur. Holl. 47. Attentatum per

vilim stuprum, sed non consummatum, virgis & ex-
vio vindicandum judicavit Curia Frisæ, *Sande lib.*
§. tit. 9. def. 11.

T E X T U S.

De peculiatu.

9. Item lex Julia deculatus eos pu-
nit, qui publicam pecuniam; vel rem
sacram, vel religiosam furati fuerint.
Sed siquidem ipsi iudices tempore admi-
nistrationis publicas pecunias subtraxe-
rint, capitali animadversione puniun-
tur: & non solum hi, sed etiam qui mi-
nisterium eis ad hoc exhibuerint, vel qui
subtractas ab his susceperint. Alii vero,
qui in banc legem inciderint, pœna de-
portationis subjugentur.

COMMENTARIUS.

Lex Julia peculatus tenetur, qui pecuniam pu-
blicam, remve sacram aut religiosam furatur,
l. 1. l. 4. hoc. tit. ad leg. Jul. pecul. Peculatus
enim duplex est, furtum pecuniæ publicæ, quod
propriè & in specie peculatus, & rei sacræ, quod
sacrilegium propriè vocatur: unde à Labeone de-
finitur, pecuniæ publicæ aut sacræ furtum, *l. 9. §. 2. eod.* addit Labeo, non ab eo factum, cujus periculo
est: nam ædituum in his, quæ ei tradita sunt, pe-
culatum non committere.

Siquidem ipsi iudices] Qui pecuniam publi-
cam, quam ipse administrat, averterit, capite puni-
tur, uti & is, qui operam ei aut ministerium præ-
bet, *l. unie. in fin. Cod. de crim. pecul.*

Pœna deportationis] Ob simplicem peculatum
pœna deportationis imponitur, *l. 3. eod.* interdum
in quadruplum condemnatio fit, *l. pen. eod.* Sacri-
legi autem, id est, qui publica sacra compilaverunt,
capite puniuntur, *l. 9. eod. Clar. §. sacrilegium.*
*Ant. Matth. de crim. cap. 2. & 3. de leg. Jul. pe-
cul. Damhoud. prax. crim. cap. 11.*

T E X T U S.

De plagiariis.

10. Est & inter publica judicia lex
Fabia de plagiariis, quæ interdum capi-

J. C. Comment.

*tis pœnam ex sacris constitutionibus ir-
rogat, interdum leviolem.*

N O T Æ.

10 DE PLAGIARIIS] Plagiarius est, qui li-
berum hominem vel servum alienum dolo malo
supprimit, *ὁ κλέπτει τὸν ἀνδρα*, *Lys. orat. 9.* supprimendo
enim plerumque plagium committitur, *l. 3. §. 6. hoc tit. l. 2. §. 6. C. eod.* licet interdum & aliis modis,
puta vendendo, & c. *l. 1. 2. 4. D. eod.*

INTERDUM CAPITIS POENAM] Ex ipsa
lege Fabia plagii pœna erat pecuniaria: postea
gravius puniri cœpit, & quandoque capite, *l. ult. eod. l. 7. l. ult. C. eod.* uti & lege Divina, *Exod. 21. 16. Deut. 24. 7.*

COMMENTARIUS.

Plagium nihil aliud est, quam liberi hominis, vel
servi alieni suppressio dolo malo facta. Nam ple-
rumque supprimendo plagium committitur, *l. 3. l. 1. & 6. hoc tit. de leg. Fab. l. 2. l. 5. l. 9. & 14. Cod. eod.* licet & aliis modis interdum fiat, puta venden-
do, donando, permutando, *l. 1. l. 2. & 4. eod.* Pœna
plagii ex ipsa lege Fabia pecuniaria erat: postea
gravius puniri cœpit, & nonnullis casibus etiam ca-
pite, *l. ult. eod. l. 7. & l. ult. C. eod.* Jure autem di-
vino & canonico omnis plagiarius, qui sciens dolo
malo liberum hominem vendit, morte multatur.
Deut. cap. 24. 7. Exod. 21. 16. quod transcriptum
in decretalibus Gregorii, *cap. 1. de furt.* & adhuc
hodie obtinet, si celandi animo crimen commis-
sum: alias ferè virgis & relegatione, *Clar. §. fin. quæst. 68. num. 31. Perez. in C. ad leg. Fab. de plag. num. 6.*

T E X T U S.

De ambitu, repetundis, annona
residuis.

11. Sunt præterea publica judicia, lex
Julia de ambitu, lex Julia repetunda-
rum, & lex Julia de annona, & lex Ju-
lia de residuis: quæ de certis capitulis lo-
quuntur, & anime quidem amissionem
non irrogant; aliis autem pœnis eos sub-
jiciunt, qui præcepta earum neglexe-
rint.

Excusatio.

12. *Sed de publicis judiciis hac exposuimus, ut vobis possibile sit, summo digito, & quasi per indicem ea attigisse: alioqui diligentior eorum scientia ex latioribus Digestorum seu Pandectarum libris, Deo propitio, adventura est.*

NOTÆ.

REPETUNDARUM] Vid. l. 3. & 4. de leg. Jul. rep. de pœna est in l. 7. §. 2. eod. l. 1. l. ultim. C. eod.

DE ANNONA] Adversus eum, qui annonam publicam fraudaverit vel vexaverit, &c. l. 2. de leg. Jul. de annon. add. l. 37. de pœn. l. 6. de extr. crim. Apud Athenienses pœna capitis statuta erat in eos, qui frumentum alio comportabant annonamve supprimebant. Lyf. orat. 21.

DE RESIDUIS] Hac lege damnatus amplius tertia parte quam debet, punitur, l. 2. l. 4. §. 5. & 2. seqq. ad leg. Jul. pecul. Tenetur autem hac lege, qui pecuniam publicum de legatam in usum aliquem retinuit, l. eod. seu apud quem ex pecunia publica quid refedit, d. l. 4. §. 3.

12. ET QUASI PER INDICEM] Id est, leviter, summatim, *ὑπομνησ*, digito ad fontes, unde hauriatur, intenso. Ascon. in Verr. 3. *Antequam causam agerent, quasi per indicem rem exponebant*, &c.

COMMENTARIUS.

DE ambitu] Ubi singuli regunt, ambitus nullus usus est; sed frequens, ubi universi, ut Romæ olim ante constitutionem Principis frequentissimum constat. Hinc illæ leges, Petilia, Primaria; Fabia, Calphurnia, Tullia, Julia, & similes de ambitu, id est, affectatis largitione honoribus, latæ. Sed hæ leges cessaverunt in urbe, ex quo magistratum creatio ad curam Principis pertinere cœpit, sublato populi suffragio; quod nominatim de lege

Julia de ambitu memorat Modestinus l. un. pr. de leg. Jul. ambit. sicut & apud nos occasio ejus exercendæ sublata: de quo Græneſſ. de ll. abrog. D. de leg. Jul. de ambit. Pœna hujus criminis multa centum aureorum cum infamia fuit, d. l. un. eod. Canonibus ambitus dicitur Simonia, à Simone Mago; cui Petrus maledixit, quod ab Apostolis Spiritus Sancti gratiam pecunia emere voluit. Aetor. cap. 8. can. quidam. 24. q. 3. Est enim Simonia, cum aliquid pro spiritualibus exigitur vel promittitur, tor. tit. x. de Simonia.

Repetundarum] Lege Julia repetundarum tenetur, qui cum aliquam potestatem haberet, pecuniam ob judicandum, decernendumve acceperit, vel quo magis aut minus quid ex officio suo faceret, l. 3. l. 4. d. l. Jul. repet. Pœna hujus legis extraordinaria est, nunc relegatio vel ordinis amotio, nunc exilium, vel etiam mors, pro modo scilicet & qualitate sceleris, l. 7. §. 3. eod. Interdum & quadrupli pœna reo imponitur l. 1. l. ult. in fin. C. eod.

De annonâ] Lege Julia de annonâ (qua appellatione veniunt omnia, quæ ad victum humanum pertinent) pœna viginti aureorum statuitur adversus eum, qui annonam publicam fraudaverit vel vexaverit, aut cujus dolo malo factum est, ut annonâ carior fieret, l. 1. & l. 2. de leg. Jul. de annonâ, quod crimen plerumque committunt ii, qui Dardanarii seu pantopolæ & seplasiarii vocantur: in quos etiam extra ordinem vindicari placuit, l. in Dardanarios 37. de pœn. l. 6. de extraord. crim.

De residuis] Crimen residuorum est pecuniæ publicæ alicui ad usum publicum datæ & attributæ retentio, vel ad suos usus conversio, sive in solidum sive ex parte. Et quod in rationibus pecuniisve privatis est reliqua, id in publicis propriè est residua; sic dicta, quod apud eum, cui administranda data est, pecunia publica resideat. Hac autem lege damnatus amplius tertia parte, quam debet, punitur, l. 2. l. 4. §. 3. & 2. §§. seqq. ad leg. Jul. pecul. Hodie pœna hujus criminis, ut & præcedentium ferè, arbitraria est. Græneſſ. tract. de legib. abrog. ad rubr. C. de pœn. *παπίπυας* & *tralatitæ*, ut in appendice.

F I N I S.

I N D E X

RERUM & VERBORUM.

Ubi T. 1. partem primam, primum & secundum, T. 2. partem secundam tertium & quartum librum Instit. continentem significat: numerus verò paginam, a. priorem, b. posteriorem columnam designat.

A.



Acceptilationis definitio à Modest. tradita. t. 2. 241. b. Alia plenior & plenior. ibid. 242. Acceptilatio an species sit stipulationis. ibid. Acceptilationis & solutionis communia & propria. ibid. a. In forma Acceptilationis quæ consideranda. ibid. b. Materia seu objectum. ibid. 242

Accessionum genera. t. 1. 170. b. Accessionis & specificationis differentia. t. 1. 181. a. Accessionis vice quid cui & quando cedat. ibid. b. Domino partis, quæ cessit, quomodo consulatur. t. 1. 181. a.

Accrescendi jus quid sit. 1. 485. b. In hæreditaribus id jus valere ex necessitate. ibid. Deficientium hæredum portiones quibus accrescant pro qua parte. 1. 486. Valere idem jus & in legatis, sed ex sola voluntate testatoris. ibid. Verus circa jus accrescendi differentia inter genera legatorum. ibid. a.

Accrescendi jus non esse inter legatarios diversarum rerum. 1. 487. Quibus, pro qua parte defecta pars collegatarii accrescat. ibid. An conjuncti post obitum testatoris mortui pars conjuncta accrescat. 1. 488. b.

Accrescendi jus an locum habeat inter conjunctos verbis. 1. 489. an in contractibus. 2. 144. a.

Actio quomodo consideranda, quatenus tertium juris objectum constituit. 2. 296. a. Ex quo jure actiones proficiantur. ibid. Actionis nomen quam latè pateat. 2. 297. b. Quot modis usurpetur à nostris. 2. 297.

Actio in rem cum Domino ambulat, eaque tenetur novissimè possidens. 2. 305. b.

Actiones in personam nec ex contractu, nec ex maleficio. 2. 306. a.

Actio rescissoria quibus ex causis à prætore datur, ejusque introducendæ occasio. 2. 320. b.

Actio ex stipulatu de dote cur plenior, quàm in rei uxoriæ. 2. 356. b. Singularia circa illam ex stipulatu à Justiniano constituta. 2. 357. a.

Actio in rem quid sit, unde nascatur, & cui competat. 2. 315. Quæ petitori in hac actione probanda ad fundandam intencionem. 2. 316. a. Petitio hujus actionis propria. 2. 309. b. An possessor contra vindicare tenetur. 2. 310. a.

Actio pœnalis nulla in hæredem datur, licet ex contractu. 2. 397. a.

Actio de peculio & actio de in rem verso an duæ diversæ actiones. 2. 379. a.

Actio in personam quid, cui, adversus quem, datur. 2. 304. a. quid petat, ubi & de formularum diversitate. 2. 306. a.

Actio præscriptis verbis unde dicta. 2. 195. a.

Actio ex jurejurando qualis. 2. 332. b. in personam esse, ex quacunque causa juratum sit. ibid. quod genus jurisjurandi eo pertineat. 2. 333. a. quam ob causam actio ex jurejurando à prætore introducta, cui, adversus quem, quo effectu, datur. 2. 333. a. b.

Actio de partu agnoscendo, cui, adversus quem, quo effectu datur. 2. 338. Actio de jure familiæ inter patrem & filium, & quid hæc ab illa de partu agnoscendo differat. ibid.

Actio Pauliana in personam est. 2. 323. a. Cui quando datur. 223. quæ concurrere debeant, ut huic actioni sit locus. ibid. intentio creditorum in actione Pauliana. 2. 324. b. quamdiu ex quo tempore competat. ibid.

Actio directæ quot modis dicatur. 2. 280. a.

Actio utilis quid, & quâ ratione, quando, à quibus intro-

INDEX.

- introducatur. 2. 208. Directa actio tam ex sententia legis, quam quæ ex verbis: utilis, quæ tanquam ex sententia; in factum, cui nec oratio, nec sententia convenit. ibid. a. Appellatione actionis in factum interdum & utilem significari. ib. b.
- Actio de tigno juncto in duplum datur, etiam adversus eum, qui bonâ fide junxit. 1. 186. b. An exemptione tigni possit evitari dupli præstatio. ibid. 187. a. Apud nos huic actioni non est locus. ibid.
- Actio in rem etiam in loco domicilii possessoris moveri potest. 2. 300. non potest institui, nisi certus sit possessor. 2. 319. a.
- Actiones rei persecutoriæ quæ, & quæ pœnales. 2. 342. a. rei persecutoriæ omnes, quæ in rem. 2. 344. b. ex contractu una mixta. ibid. a. Pro pœnalibus quæ habeantur, cum à parte actoris pœnales non sint. 2. 345. b. An ulla actio plus quam quadruplum persequatur. 2. 347. a. Hodie omnes actiones esse rei persecutorias. 2. 350. b.
- Actioes rei persecutoriæ omnes, & hæredibus & in hæredes dantur. 2. 397. & 98
- Actiones omnes iudicio inclusas perpetuari, & quid hic juris hodie. 2. 399. b.
- Actiones populares. 2. 300. b.
- Actiones, confessoria & negatoria, non ex figura verborum, sed ex sententia & re petita æstimandæ. 2. 311. b. An hæ actiones pro alio jure, quam pro servitutibus etiam dentur. 2. 311. Actio negatoria cur de rebus corporalibus non prodita. 2. 311. b. cur prodita in rebus incorporalibus. 312. cur in rebus corporalibus actio possessori non datur. 315.
- Actiones prætoricæ quæ. 2. 316. a. b. Prudentum non fuit actionem dare. 2. 316. b. a.
- Actiones mixtæ an tertiam speciem constituent. 2. 303. a. An actiones in rem scriptæ. 2. 302. b.
- Actiones pœnales, quibus nihil amplius persequimur, quam quod abest. 2. 398. Cur actiones pœnales in hæredes non dentur, cum dentur hæredibus. 2. 399
- Actiones bonæ fidei quæ, & undè, sic distæ. 2. 353. b.
- Actiones stricti juris quæ, & undè sic appellatæ. 2. 352. b. harum actionum insignis differentia, & an quæ adhuc maneat. 2. 353. 54. Actiones bonæ fidei nullas esse præter eas, quæ à Justiniano recensentur. 2. 354
- Actioni hypothecariæ locus in omni genere pignoris. Constitutio Carol. V. ann. 1529. Differentia juris veteris & novi circa hanc actionem, quando alius, quam debitor, pignus possidet, tum quid juris hic apud Batavos. 2. 325. a.
- Actiones de peculio introducendæ causa. 2. 330. esse in personam. ibid. ex delictis non dari. 331. b.
- Actio de peculio non consumi obligationem,
- cum filio & servo contractam 2. 331. b. Causa ex quibus servus dominum, filius patrem de peculio non obligant. ibidem.
- Actionis de pecunia constituta introducendæ causa 2. 329. a. qui, quibus ex causis hac actione teneantur. 2. 330. a.
- Actionis hypothecariæ introducendæ causa. Qualis sit hæc actio, quibus, adversus quos, quo exitu detur. 2. 325. & 26.
- Actionis definitio competit etiam actioni in rem, item actionibus popularibus. 2. 300.
- Actionum divisio in rem & in personam, unde sumpta. 2. 301. a.
- Actus quid sit 1. 226. b. Actum qui habet, etiam arma trahere potest. 1. 226. b. vehiculum agere 1. 226. a. & ire sine jumento. 1. 227.
- Ademptio legatorum quod modis fiat. 1. 532. a. quibus ex rebus conjiciatur, res adimendi legati causa alienata sit, nec ne, oppigneratione rei legatæ non videri legatum ademptum. 1. 496. & 97.
- Adeundo vel pro hærede gerendo, ut quis hæres fiat quarum rerum cum gnarum esse oporteat. 2. 468. b. quibus ex rebus in eo, quod geritur, animus pro hærede gerendi deprehendatur. ibid. a.
- Additionem & pro hærede geritionem duo esse distincta genera acquirendæ hæreditatis, nec esse plura. 2. 467. a.
- Adolescentes invitæ olim Curatores non accipiebant. 1. 124. a.
- Adoptati jus liberorum in familia patris naturalis non habent. 1. 368. a. emancipati à patre adoptivo, jus illud beneficio recuperant 1. 368. a.
- Adoptio quid, apud quos olim ejus usus 1. 76. a. Adoptionis usus hodie sublatus, etiam in Gallia 1. 76.
- Adoptio in specie dicta quid sit, & quorum: apud quos quomodo fiat 1. 77. b. quid circa eam novi constituerit Justinianus. ibid. 78.
- Adoptio naturæ imago & quid inde 1. 80. & 81.
- Adoptiva filia nec adoptione soluta uxor duci potest 1. 62. a.
- Adoptivorum successio exsoleta 2. 18. a.
- Adrogatio quid sit & quorum, apud quos & quomodo fieri soleat 1. 77. b. in adrogatione impuberum quæ excutienda 1. 79. b.
- Adrogationis effectus 1. 82. b.
- Adrogator quid & cui caveat 1. 79. b.
- Adrogatori non tantum proprietas, sed etiam possessio acquiritur. 2. 79. a.
- Adscriptitii qua conditione sint 1. 31. b. Adscriptitiæ conditionis qui hodie. ibidem.
- Adsectari cur injuriosum 2. 284. a.
- Adsignare liberum quid sit 2. 67. a.

I N D E X.

- Ædificia etiam non habitandi causa parata urbana,**
prædia cenferi in materia servitutum 1. 229. a.
- Ædiles Curules nomen & procuratio** 1. 24. a.
- Æquitas quid & quotuplex** 1. 27. b.
- Ærarum quid, & quid fiscus** 1. 275. b.
- Æstimationis auctæ commodum, & deminutæ in-**
commodum ad creditorem pertinet. 2. 97. b. cu-
jus temporis in æstimatione ineunda hic ratio
habeatur 2. 97.
- Ætas Annorum 25. cur finem afferat curationis** 1.
123. a.
- Ætas legitima in matrimonio** 1. 57. b.
- Affines qui, an & etiam gradus affinitatis.** 1. 66. a.
- Affinitatis genera.** 1. 66. b. Affinitatis transversa li-
nea apud veteres Roman. prohibitionem non habu-
it. ibid. 67. Affinitas propriè sponsalibus non
contrahitur. 1. 70. a. nascitur etiam ex illegitima
conjunctione. ibidem.
- Agnatorum nomen quot modis usurpetur.** 2.
24. b.
- Agnatorum successionem cur latius diffundi placue-**
rit, quàm cognatorum. 2. 46. b. hoc discrimen sub-
latum. ibid. Agnatorum successio, & novo jure
cognatorum, an certo gradu terminetur & quid
hic usus servet. 2. 47.
- Agnatos inter & gentiles, item inter gentem & fami-**
liam quid intersit. 1. 100. a.
- Album prætoris & quale iudicium in eum, qui al-**
bum corripit. 2. 334. a. b.
- Alienandi verbum quàm latè pateat ex sententia le-**
gis Julæ. 1. 288. b.
- Alluvio quid.** 1. 170. b. quibus in agris locum habeat.
ibid. quid hic juris apud Baravos. 1. 171. b.
- Alveus desertus primi occupantis sit, si vicini agri**
limitati. 1. 176. Alvei exsiccati pars quando apud
nos privatorum fiat. 1. 175. Alveus an aliquando
priori domino restituatur flumine recedente. 1.
176. a.
- Alveus fluminis extra usum publicum existimatur**
pars vicinorum prædiorum, & quid inde. 1.
175. a.
- Ancilla cum natis legata si sit, duo intelligi legata**
separata, & æquè principalia. 1. 503. a. Item si ser-
vus cum vicariis suis. 1. 504. a. Secus si servus cum
peculio aut penus cum vasis. ibid. aut fundus cum
instrumento. ibid. b.
- Apes omnes natura feræ.** 1. 165. b.
- Aqua profluens non idem quod flumen.** 1. 154. b.
- Aquæductus quid, quomodo aqua dicatur, & unde**
ducere liceat. 1. 228. a.
- Aquæ & ignis interdictionis origo & causa.** 1. 103. b.
in locum hujus pœnæ successit deportatio. ibid.
104. a.
- Arbitrariæ actiones an tertium specimen actionum**
constituant. 2. 360. ex quo sit, quod actio de eo,
quod certo loco, arbitraria. ibid. b. Carterarum
arbitrariarum natura & ratio nominis. 2. 361. a.
In eo, quod certo loco, unâ sententiâ rem transfi-
gi. ibid. in illis duplicem intervenire sententiam,
& mores hodierni. ibid. Arbitrariarum & bonæ
fidei discrimen. 2. 362.
- Arbitratoris manifesta iniquitas, corrigi potest offi-**
cio Judicis. 2. 183.
- Arbitratores quos vocant, judices non esse.** 2.
303. a.
- Arbitri & Judicis nomina, quam diversumode acci-**
pantur 2. 303. a.
- Arboris transplantatæ proprietates post coalitio-**
nem ita immutatur, ut ne eversa quidem ad prio-
rem dominum revertatur. 1. 191. a. priori Domi-
no quomodo consulatur de pretio plantæ. ibi-
dem.
- Areæ legatæ, si domus imposita sit, superficiem si-**
mul cum solo deberi 1. 506. a.
- Arrha datur vel ut symbolum, vel ut sit pars pretii**
& effecta utriusque 2. 179. b.
- Affis ejusque partium usus quam frequens & quibus**
in rebus fuerit 1. 380. b.
- Afyli jus non esse dandum sicariis raptoribus.** 1.
50. b.
- Attemptatio pudicitie cur injuriosa** 2. 284. a.
- Auctoritatis verbum quam varie usurpetur.** 1. 261. b.
& quid eo in LL. Duodecim Tabb. significetur.
ibidem.
- Auctoritate propria nemo potest quod sibi debetur**
occupare. 2. 301.
- Auctoritatis prudentium origo.** 1. 24. & 25. b.

B.

- Banniti quo numero habendi.** 1. 85. b.
- Batavi quibus in locis quondam jure Scabinico,**
& in quibus Æsdomico circa successionem ab in-
testato usi 2. 51. a.
- Beneficium competentie quibus, quas ob causas de-**
tur 2. 371. a. quale sit hoc beneficium, personæ an
rei coherens 2. 373. b.
- Beneficium ordinis vid. verb. Ordinis.**
- Beneficium divisionis quale sit, & quibus comperat,**
2. 165. b. condiciones, sub quibus conceditur.
2. 166.
- Bonorum possessio contra Tabb. etiam suis hæredi-**
bus proposita 2. 14. b. ad bonorum possessionem
contra Tabb. difficilius quem admitti, quam ab
intestato 2. 15. b.
- Mmm 2
- Bono

I N D E X.

- Bonorum possessio contra Tabb.** quo sensu dicatur esse ex testamento. 2. 71. a. Cur ea primo loco edicti proposita. 2. 72. a.
- Bonorum possessio unde liberi,** quo colore emancipatis deferatur 2. 12. ad bonorum possessionem unde liberi non vocantur, qui à patre emancipati se adrogandos dederunt, 2. 13. a.
- Bonorum possessio Edictalis & decretalis.** 2. 76. a.
- Bonorum possessio unde vir & uxor** sola hodie necessaria 2. 74. a. apud nos locum non habet, uti nec ullæ aliæ 2. 23. b.
- Bonorum possessiones quæ juris civilis confirmandi gratia introductæ** 2. 69. a.
- Bonorum possessores vi ipsa hæredes esse, & jure prætorio dominium rerum singularum consequi** 2. 70.
- Bonorum possessores, an hæredes efficiantur,** qui jure civili succedere possint, si malint honorario 2. 70. a.
- Bonorum possessio quid.** 2. 67. a. b. Ex bonis quæ dicantur 2. 271. a.

C.

- C**anones observandi circa materiam stipulationum 2. 136. b.
- Capacitas heredis instituti,** quibus temporibus inspicienda 1. 460. b. non satis subtiliter tempus ad eundem hæreditatis in consideranda capacitate constitui terminum disjunctum à tempore mortis 1. 461. a.
- Captorum institutio quæ veteribus dicta** 1. 388. a.
- Casus fortuitus quid.** 2. 203. b. in nullo contractu præstatur ibid. periculi appellatione non semper casus venit ibid. inter casus fortuitos non numerantur, qui cum culpa conjuncti esse solent 2. 203.
- Regula de casibus fortuitis non præstandis** quando cesset ibid.
- Casus fortuiti exclusio non protinus inducit præstationem culpæ levissimæ** 2. 110. 2. 203. a.
- Causa legandi etsi falsa sit,** legato non nocet, nisi in futurum collata & quare 1. 524. insigne hujus juris temperamentum 526. & 27.
- Causarum duarum lucrativarum in eandem rem & personam concursus,** est species liberationis, & quo ea pertineat 1. 482. b.
- Causæ cognitio quid & quibus in rebus consistat** 2. 434.
- Cautio fructuaria à testatore remitti non potest;** ab herede potest. Et quid si fructuarius propter inopiam fidejussores invenire non possit 1. 241. b.
- Cautio quasi fructuaria an sit de substantia usufructus** 1. 240. partes hujus cautionis ibid.
- Cautiones & confessiones debiti inutiles** 2. 170. b.

- Quæ cautiones ad probationem tantum valent** 2. 171. a.
- Cautio pecuniæ creditæ post biennium valere** ad obligationem, antea ne ad probationem quidem 2. 171. a. b. à quo tempore biennium currat. 2. 173. b.
- Cænotaphium an religiosum** 1. 159. a.
- Ceram quod pro tabb. veteres dixerint,** unde sit. 1. 334. a.
- Civilis disciplina.** vid. Justitia.
- Civium apud nos distinctio.** 1. 36. a. & b.
- Codicilli quid & unde dicti,** 1. 563. Jure Codicillorum non valere voluntatem in hoc paratam, ut testamentum sit, nisi adjecta sit clausula Codicillaris 1. 565. Codicilli quicunque & quocunque tempore, à testato facti, jus testamenti sequuntur 1. 565. Differentia inter Codicillos confirmatos & non confirmatos, quæ hodie sublata 1. 565. quatenus ex his quæ testamento. cauta, codicillis mutare quid liceat; Codicilli aut testamentum facti non intelliguntur testamentum revocari, nisi appareat, testatorem à priore illa voluntate recessisse 1. 565. Codicillis hæreditas dari, nec adimi potest, nec si testamento confirmati 1. 567. Neque conditio hæredi instituto adjici neque detrahi ibid. Per fideicommissum, hæreditatem codicillis rectè dari & adimi. ibid. Codicillos in captivitate factos ab eo, qui in civitate testamentum fecerat, eo reverso convalescere 1. 356.
- Codicilli unius hominis etiam plures esse possunt.** 1. 568.
- Codicilli non sunt sine aliqua solennitate ordinationis.** ibid. an mulier in Codicillis rectè testis adhibeatur 1. 324.
- Cognatio servitute amissa, manumissione non recipitur.** 1. 106. a.
- Cognitionis genera** 1. 61. a.
- Cognitiones prætoris & extraordinariæ** 2. 199. a.
- Colonus vid. Fructuarius**
- Comitiarum genera obiter exposita, & ostensum** quibus comitiis testamenta fieri solita 1. 314. a. b.
- Comixtio quid proprie:** ejus effectus 1. 183. a. mixtionis pecorum & frumentorum comparatio ib.
- Commodare quid sit, & quid differat à precario** 2. 101. a.
- Commodatum proprie nullum, nisi gratuitum.** 2. 106.
- Commodatum & mutuum in quo differant.** 2. 102. b.
- Communi dividundo inter quos, & qua de re agatur.** 2. 347.
- Communio inter aliquos constituta, quarum rerum obligationem pariat,** 2. 330. b. In judicio communi

INDEX.

- muni dividendo quæ culpa veniat. *ibidem*.
 Compensatio quid sit. 2. 357. b. Non liquidi ad liquidum cur non admissa compensatio, & quid causa liquida. 2. 358. b.
 Compensatione ipso jure actiones minui, quid hoc, quæ inde utilitas. 2. 358. b. rerum tantum consumptibilium esse compensationem. 2. 359. a.
 Condicere quid sit veteribus, & cur inde actio in personam dicta conditio 2. 341. b. pro veteri condictione quid postea institutum & quid hodie. 2. 342. a.
 Conditio certi una ne sit & generalis, an duplex 2. 399. b.
 Conditio furtiva non tantum in odium furis, sed etiam in commodum domini introducta. 2. 340. a. b. difficile expeditu, quomodo furi res condici possit. 2. 339. a.
 Conditio furtiva & actio rerum amotarum contra hæredes etiam in solidum dantur. 2. 267
 Conditio & modus qua in re discrepent & conveniant. 2. 526
 Conditio impossibilis non vitiat ultimas voluntates 1. 391. Conventiones contra. *ibid.* Impossibili conditioni similis est turpis. 1. 391. Circa hæc mores nostri. *ibid.*
 Conditio hæc, si hæres non erit, continet & casum impotentiae & voluntatis. 1. 395. a. diversimodè accipitur pro conditione instituti. *ibid.*
 Conditio quid sit & quoduplex, tum quæ conditiones inutilem stipulationem ab initio faciant. 2. 120. a. Etiam promissiones, quibus tacite conditio inest, pro conditionalibus esse. *ibid.* b.
 In Conditionibus arbitrariis quid juris. 2. 120. b.
 Conditione pendente nihil dum deberi, & quid inde. 2. 121. a. insigne discrimen circa stipulationes & legata conditionalia. *ibid.* b. an idem in conditionibus arbitrariis. 2. 121. b.
 Conditiones ad præsens vel præteritum tempus rellatas vim conditionis non habere & quare. 2. 122. a. b.
 Conductor regulariter levem duntaxat culpam præstat. 2. 202.
 Confusio & commixtio quomodo differant cum signate loquimur 1. 182. a. Confusionis effectus & quarum rerum quomodo confusio facta communionem pariat. *ibid.* b. in confusione fortuita, quid juris. 1. 183. a. quid si unus è dominis confuderit altero ignorante. *ibid.* b.
 Coniuncti & disiuncti, singuli rectè & totum habere dicuntur & partem, diversa consideratione. 1. 487. b. partem ab initio facere quid sit. *ibid.* an partem faciat, qui testamenti tempore mortuus aut incapax. 488. b.
 Coniunctorum genera exposita. 1. 486. b. disiuncti qui passim dicuntur, & eos ipsos verè conjunctos esse. *ibid.*
 Consanguinei qui nostris 2. 14. a. & unde sic appellantur *ibidem*.
 Consanguinitas quando ab agnatione distingui & quam ob causam cœpta. 2. 27. a.
 Consanguinitatis prærogativa sublata. 2. 25. a.
 Consensus, quibus modis declaretur. 2. 175. a. obligatio ex consensu pinguior, quàm verborum. *ibid.* b.
 Consensus in matrimonio liber esse debet. 1. 58. a. b. Consensus parentum & quorum quibus liberis necessarius. 1. 58. a. b. Eo non interveniente nuptiæ irritæ, & quid jure divino. 1. 59. a. quid in his regionibus. 1. 59. b.
 Constituti & fideiussionis convenientia & dissimilitudo. 2. 168. a.
 Constitutionum genera. 1. 22. a. Constitutiones personales quoduplices & quæ singularum vis. 1. 22. b.
 Consuetudo quanto tempore, quor actibus & qualibus introducatur. 1. 26. b. an hic opus scientia superioris. 1. 26. a.
 Contractus quid & quoduplex. 2. 577. a.
 Contractus *μονόπλοιοι* & *διπλοιοι*, & medii generis. 2. 102. a.
 Contractus an in Testamento aut inter testandum celebrari queant. 1. 321
 Conventio, pactio sive pactum in genere quid & quoduplex. 2. 92. a.
 Convictum quid. 2. 282. b. an veritas convictii excuset. *ibid.* An præfatio honoris. 2. 283. a.
 Correus, qui totum solvit, an eo nomine adversus alios actionem habeat. 2. 129. a. Correi plures debendi aut credendi etiam citra stipulationem constitui possunt. 2. 129. a.
 Cretio nihil aliud olim fuit, quàm solennis aditio hæreditatis. 1. 467. b.
 Crimen pro criminatione. 1. 143. & 44. a. b.
 Culpa quid & quoduplex, plenius quàm vulgò. 2. 103. Culpa levissima. 2. 104. b. lata culpa in omnibus contractibus præstat & dolo comparatur. 2. 105. a. qui contractus dolum tantum recipiunt, qui item culpam & diligentiam. *ibid.* 105. b.
 Culpæ genera obiter distincta. 1. 147. a.
 Curatoribus. 1. 121. & seqq.

D.

- D**Amnum injuriæ datum. 2. 272. a. Actionis legis Aquil. de damno dato qui teneantur, aut non teneantur. 2. 273. b. caput tertium L. Aquil. declaratur variis exemplis. 2. 278
 Dedititii quo jure fuerint. 1. 40. b.
 Defensio sui adversus vim illatam à natura est. 1. 13. b.
 Delegatio quid & quomodo fiat. 2. 245. b. ad delegationem non pertinet L. ult. C. de Novat. 2. 247. b.
 Mm 3 De-

INDEX.

Deliberandi jus quorum causa & cuius rei gratia,
comparatum, quis ejus effectus, & quid hic de suo
contulerit Justinianus. 1. 463. etiam suos hæredes
jure prætorio deliberandi facultatem habere. 1. 464

Delictum quid & quoruplex. 2. 249. a. an species
συναιγυαλῶ. 2. 91. a.

Demonstratio falsa non vitiat legatum, nisi præte-
rea quid aliud obstat legato. 1. 522

Deportationis & relegationis differentia. 1. 85. b.

Depositem quid sit, & an etiam consistat in re im-
mobili. 2. 107. a.

Depositarium ad quid teneatur. 2. 188. a.

Dies utiles & continui. 2. 78. a.

Dies incertus quando conditionem facit in contra-
ctibus, & quid hic intersit inter legata & stipula-
tionem. 2. 115. b. quid si dies apponatur finiendæ
obligationis causa ibid. Effectus obligationis in
diem 2. 116. a. Efficientiæ diei adjecti in modum
termini ad quem 2. 117. b. quibus rebus diffe-
rat stipulatio in singulos Annos à simili lega-
to. 2. 118. b.

Dies certus institutioni appositus pro supervacuo
habetur. 1. 389. a. quid hic nostris & Gallorum
moribus. 1. 389. b.

Dies omnis incertus conditionem in testamento fa-
cit. 1. 390. a.

Dies cœptus pro completo quando habeatur & con-
tra. 1. 122. b.

Directæ actiones an salvæ maneat adversus adro-
gatum. 2. 79.

Dispositioni s. ult. Inst. de fideic. hæred. quando lo-
cus. 1. 557. Glossæ in fin. textus d. s. observa-
tum. 1. 557.

Divisionis beneficium non habere plures unius tu-
toris fidejussores; at ex persona plurium tuto-
rum actionem dividi. 1. 128. b.

Dolus quid. 1. 147. a. præstat in omnibus contra-
ctibus. 2. 202. b.

Dominium quid, & quam large ea vox sumatur. 1.
162. a.

Dominii jure Gentium acquirendi modi. ibid.

Dominiorum veteris discrimen, ejusque sublatio. 1.
212. b.

Donaria. 1. 157. a.

Donatio inter vivos absoluta, est juris gentium.
1. 276. a. sine donatio modus acquirendi, an-
ticulus. ibid. b. Donatio propria quid sit & quid
impropria ibid. unde æstimandum, an donatio
sit facta mortis causa. 1. 279. convenientia mor-
tis causa donationis cum legatis ibidem. discre-
pantia. ibidem. Donatio inter vivos quomodo
perficiatur. 1. 281. a. An ex quovis pacto dona-
tionis causa interposito actio nascatur. 281. An
simplex pactum donationis parcat actionem in-

rem ibidem. quæ donationes insinuationem
non desiderant 282. revocandi donationem qui
quibus ex causis jus habeant, & an inter causas
etiam supervenientia liberorum, 1. 283. a. b.

Donationes inter sponsum & sponsam quo sensu
dicantur veteribus incognitæ. 1. 284. a. quid cir-
ca has constitutum. 1. 285. In Belgio proprie
donationum propter nuptias usum non esse, 1.
286.

Dotalis rei maritus verus justusque dominus est. 1.
288. b. an potest res mobiles, omnesque res æsti-
mato in dotem datas, alienare, 289. Cur dotalis
prædii oppignratio arctius prohibita, quam
alienatio 290. quantum hic mores nostri diffide-
ant à jure scripto, 290.

Dotis repetitio olim, & qua ratione, & quid jam
2. 365. De dotis æqualitate constitutio Justinia-
ni repudiata. 1. 284.

Dupondio expleto quantum sine parte scriptus hæ-
res habere debeat, ubi Hortomanni notabilis er-
ror, 1. 384. b.

E.

Edictum perpetuum quid, & quid temporale. 2.
334. b.

Edictum successorium. 2. 31. a.

Emancipandi ratio vetus. 1. 89. a.

Emancipare idem quod mancipare. 1. 317. Cur in
omni mancipatione quinque testes adhibiti, quæ-
stio curiosa. 1. 318. a.

Emancipati cur capite minui dicantur, & an capite
minui desierint. 1. 105. a.

Emancipati ab adrogatione vivo patre naturali, jus
liberorum recuperant; secus si post mortem ejus:
& quid hic respectu patris adoptivi 2. 17. a. b.

Emancipati ab adrogatione post mortem patris na-
turalis admittuntur ut cognati, non ut liberi. 2.
15. a.

Emancipati sub colore quodam fuitatis ad bonorum
possessionem à prætore vocantur. 1. 366. a. absurdum
non esse, quod filiae emancipatæ jure præto-
rio, meliore conditione fuerint, quam filiae non
emancipatæ jure civili. ibidem. b.

Emendare actionem quid sit, quid mutare. 2. 369. b.
quandiu emendare aut mutare actionem liceat.
ibid. praxis horum temporum, 370.

Emphyteuticus contractus. 2. 197. a. Jus emphyteu-
ticum non ex tempore æstimari, sed ex eo, quod
actum est. 2. 198. a. solo consensu jus emphyteu-
ticum non transferri. ibid. b. præstatio canonis
hujus contractus pars essentialis: quanto tempo-
re canone non soluto emphyteutæ jure suo cadit,
& alia in foro agitata. ibid. b. quâ conditione Em-
phyteutæ jus suum vendere, aut aliter alienari pos-
sit,

INDEX.

- fit, & quid hic apud Baravos. 199. contractum.
 Emphyteuticum esse vetustissimum, & quid à Ze-
 none acceperit. 2. 199. a.
 Emphyteuticus contractus & censualis quomodo
 differant. 200. b. an ad substantiam contractus
 Emphyteutici scriptura necessaria. 2. 199. b. An
 Emphyteutæ in casu insolitæ sterilitatis remissio
 canonis præstanda. 2. 200
 Emptio. 2. 176. a. quando emptio perfecta intelli-
 gatur. 2. 177. a.
 Emptione perfecta siue communi consensu recedi
 non posse, licet arrhæ intervererint. 2. 180. b.
 Quando res in hoc contractu desinat esse integra.
 2. 179. b. Quando inter contrahentes actum in-
 telligatur, ut contractus in scriptis fiat. 2. 180.
 Quando negotium, quod scriptura fieri placuit,
 pro perfecto habeatur. 2. 180
 Emptio & permutatio ac pretium. 2. 184. 185
 Emptionis substantia ex pretio consistit, quid inde.
 2. 182. b. quid, si pretium alieno arbitrio permis-
 sum. ibid. arbitratoris manifesta iniquitas corrigi
 potest officio iudicis. 2. 185. b.
 Error consensui quando obstat, aut non obstat. 2.
 160. a. quid si non in ipso corpore, sed in materia
 erratum. ibid.
 Error matrimonium vitians, aut non vitians. 1.
 58. a. b.
 Exceptio quid & unde dicta. 2. 401. a. Exceptio in
 factum qualis & unde. 2. 403. Exceptiones perpe-
 tuæ & temporales 406. Exceptio excusationis, an
 dilatoria. 406. Exceptio dilatoria propter diem,
 initio obligationi adjectum. 407. b. Exceptio do-
 li cur perpetua, cum actio de dolo temporalis.
 406. b.
 Exceptio divisionis. 2. 407. & ordinis. 2. 166. a.
 Exceptio non numeratæ pecuniæ frustra post bien-
 nium obijcitur, etiamsi debitor probare paratus
 sit, pecuniam sibi non numeratum esse. 2. 172. b.
 Usus circa hanc exceptionem hodiernus. 2. 173. b.
 Exceptio læsionis ex causa ætatis, qualis. 2. 413
 Exceptio procuratoria quotuplex. 2. 408. solutio-
 nis. 2. 407
 Exceptiones in strictis iudiciis, quæ contestandæ. 2.
 409. b.
 Exceptiones juris etiam non contestatas usque ad
 sententiam allegari posse. 2. 410. a.
 Exceptiones, quæ ad alios transeunt, aut non trans-
 eunt. 2. 413. a.
 Exceptioni cedendarum actionum quando locus. 2.
 166. a.
 Exceptionis dilatoriæ genera, ratione objecti. 2.
 408. b.
 Exceptionum peremptoriarum usus in bonæ fidei
 iudiciis. 2. 409.
- Exceptionum dilatoriarum usus. 2. 409. quibus ex-
 ceptionibus uti liceat etiam in exceptione rei ju-
 dicatæ. 410. mores hodierni circa exceptionum
 usum. ibid.
 Excusatio tutorum intra quod tempus proponenda
 & contestanda. 1. 141. b.
 Exercitoria actio, & institoria cui, adversus quem,
 quâ de re detur. 2. 375. Si plures exercent, sin-
 gulos in solidum teneri. ibid. quod tamen apud
 nos non receptum. ibid. Cum magistro & instito-
 re etiam directo agi posse; at hoc in praxi non ob-
 tinere. 375. a. exercitores non habent actionem
 adversus contrahentes cum magistro. 276. in con-
 tractibus cum præpositis ineundis diligenter ob-
 servanda lex præpositionis. ibid.
 Exhæredare propriè quid sit. 1. 357
 Exhæredationis forma alia atque apud veteres, ra-
 tione sexus, & gradus liberorum, prout nati aut
 adhuc nascituri. 356. ibid. & 364. novo jure in
 omnibus forma exhæredationis eadem. 1. 369. a.
 jura autem suorum & emancipatorum minime
 confusa. 1. 370
 Exhæredatio an extingvat jus suiratis. 1. 409
 Exhæredationem recte fieri, etiam ob causas non ex-
 pressas Nov. 115. modò æquè graves aut gravio-
 res. 1. 437. a. b. an si exhæredatio facta sit sine
 elogio, testamentum hodiè sit ipso jure nullum.
 1. 438. Exhæredationis vim etiam jure novissimo
 habes præteritio matris. ibid. ubi contraria repel-
 luntur, addito jure patrio. 1. 439
 Expromissor quid à fidejussore differat. 1. 214. a. b.
 2. 161. a.
 Extranei hæredes quotuplici sensu dicantur. 1. 458. b.
 Extraneus manumissor, quis dicatur. 2. 73. a.

F.

- F**acere posse quid sit, & quid illud reo tribuat. 2.
 373. a. quibus rebus deductis id æstimetur. ib.
 Faciendi obligatio cur incerta. 2. 124. b. quid quan-
 do ex ea peti possit. ibid.
 Facta nuda & simplicia ab iis separanda, quæ in rei
 alicujus præstatione consistunt. 2. 125. a. b.
 Factum alienum qui promittit, cur nec senec alium
 obliget. 2. 140. b.
 Falcidiæ legis ferendæ occasio. 1. 533
 Falcidiæ appellatione veteris & quartam Senatus
 Consulti intelligunt. 1. 427. a.
 Falcidiæ legis virtus, ad quæ vel statim vel sensim
 producta. 1. 535. Ratio leg. Falcid. quando in
 portionibus defectis habeatur. 536. b. Circa de-
 ductionem Falcidiæ, in quantitate patrimonii ex-
 quirenda, mortis tempus spectari. 1. 537. b. quæ
 in bonis defuncti numerentur, cum de Falcidia
 quæstio est. 1. 539. An hæres, quod sibi à defun-
 do

I N D E X.

- Ad debetur, deducat. ibid.** quibus casibus Falcidia cesset. ibid.
- Familiae erescundae iudicium inter quos reddatur & quid contineat.** 2. 347. a.
- Familiae emptor fiduciarius cur olim à testimonio testamentario remotus, hæres admittitur.** 1. 331. a. b.
- Famosa iudicia civilia ex delicto aliquâ conditione concurrente.** 2. 430. b. **ex contractu iudicia famosa, ibid.** cur non omnia iudicia bonæ fidei famosa. ibid.
- Famosam non esse actionem, quod metus causa, neque interdicta neque conditiones.** 2. 430.
- Famosi libelli quam varia poena.** 2. 283. a. si inventor auctorem indicaverit. ibid. b. Poena l. unic. C. de Fam. libellis, quando locum habeat. ibid. b.
- Fera non vulnerantis, sed occupantis fit.** 1. 164. a.
- Ferum animal an mansuetum unde aestimandum.** 1. 163. a. feras etiam in alieno fundo captas fieri capientium. ibid. b.
- Fideicommissa quandoque induci sine verbis fideicommissorum propriis.** 1. 427. a.
- Fideicommissa vim obligandi non habuisse ante tempora Augusti.** 1. 541. b. de fideicommissis extra ordinem jus dici solitum, & quorum ea iurisdicatio. 542.
- Fideicommissaria hæreditatis petitio an recte numeretur inter actiones prætorias.** 2. 396.
- Fideicommissum etiam ex certo die recte dari.** 1. 544. recte relinqui etiam ab hæredibus legitimis & honorariis. 1. 555. b. An fideicommissum à legitimo hærede relictum, successione, propter repudiationem primi gradus agnati, ad sequentem devoluta debeat. ibid.
- Fideicommissum hæreditatis quis, cui à quo recte relinquatur.** 1. 544. a.
- Fideicommissorum natura laxior, quam legatorum, & quibus in rebus.** 1. 475.
- Fideiussor idem qui expromissor.** 2. 161. a.
- Fideiussoris obligatio est accessio principalis.** 2. 161.
- Fideiussor pro omni obligatione recte intervenit, excepta causa doris.** 2. 162. etiam pro obligatione est delicto quando civiliter agitur. ibid. quatenus in criminalibus accipiat. 163. pro qua obligatione naturali interveniens obligetur ibid. quid si obligatio sit mere civilis. ibid. Circa obligationem plurium fideiussorum nihil mutatum jure novellarum. 2. 165. a. obligatio plurium fideiussorum non dividitur ipso jure, sed ope exceptionis. 2. 165. b.
- Fideiussor intensive obligari potest, extensive non potest.** 2. 167. acceptus in maiorem quantitatem quam debetur, ne in debitam quidem obligatur. ibid. quid hodie. 2. 168.
- Fiducia veteribus pignus & proprie hypotheca.** 2. 328. a.
- Filiusfam. hærede instituto repudiante, utrum patet an substitutus, admittendus.** 1. 399. a. pleræque aliarum ejusdem generis quaestiones excussæ. 1. 400. a. b.
- Filiorum appellatione an contineantur posthumi, nepotes filiarum.** 1. 99. b.
- Filiusfam. quando hæredem ab intestato habere coepit.** 2. 33. b.
- Filiusfam. in publicis causis non sequitur jus patris.** 1. 96. a.
- Filiusfam. ne de iis quidem bonis testari potest, quorum fructus patri non quaeritur.** 1. 350. An de his codicillis facere, aut mortis causa hæc donare sine consensu patris. 1. 353. a.
- Finitum regundorum inter quos, & cujus rei gratia agatur.** 2. 347.
- Flumina, portus, piscatio, quo jure hodie censeantur.** 1. 154. b.
- Fœminæ agnatæ, non consanguineæ, quo ordine vocentur à prætore.** 2. 27. b.
- Formule in actionibus in personam usitatæ, & quali locus, cum agitur ex obligatione faciendi.** 2. 306. b.
- Forum commune esse locum domicilii.** 2. 299.
- Forum proprium quæ tribuant, & quid mutatum moribus.** 2. 300. a.
- Fratres Germani & uterini.** 2. 29. a. b.
- Fratrum filii, quando soli existunt, utrum hæreditatem in capita, an in stirpes dividant.** 2. 49. a.
- Fructuaria locata, quid juris circa pensiones.** 1. 202. a.
- Fructuarii onera.** 1. 204. b.
- Fructuario quid tribuat tum jus utendi, tum fructus.** 1. 238.
- Fructuarius an possideat.** 1. 306. b.
- Fructuarius potest jus, quod habet, alteri locare vendere, &c.** 1. 306.
- Fructuarius & colonus in quo discrepent, aut convellant.** 1. 202. b.
- Fructus quid & quoruplex.** 1. 195. a. quando fructus percepti intelligantur. 1. 196.
- Fructus non fiunt fructuarii, nisi ipse eos perceperit.** 1. 201. b.
- Fructus percipiendi jus non transire ad hæredem fructuarii, licet majore parte anni ususfructus steterit.** 1. 201.
- Fruentum ex spicis alienis excussum, manet ejus, cujus spicæ sunt.** 1. 179. a. quid de vino & oleo, &c. ibid.
- Furem non esse, nisi qui fraudulentè rem alienam contrectet.** 2. 251. non item, qui non lucrandi animo. ibid. quid si urgente famâ esculentia ablata. ib.
- Furiosus à mente capto quid distet.** 1. 126. a.
- Furta quam variè apud varios multata.** 2. 254. b. non.

INDEX.

non pugnare cum iusticia attributrice, quod inter-
terdum morte puniuntur. 2. 255. b.
Furti actio quibus competat. 2. 266. b. Civilis an
concurrat cum Criminali. ibid. b. Etymon. 2.
252. a. inquirendi ratio vetus. 2. 254
Furtivâ condictione an hæres furis teneatur in soli-
dum. 2. 267. a. b.
Furtorum domesticorum coërcitio vetus & hodie-
na. 2. 261. b. genera. ibid.
Furtum manifestum. 2. 253. a. nec manifestum. ib. a.
Furtum non fieri sine confectione, & quid inde:
tum quis confectione dicatur. 2. 250. b. fieri non
intelligi, nisi sit, qui possideat. ibid. 2. 251. a. per
se & naturâ turpe est. ibid. b. aliquo casu facere
non videri, qui sciens rem alienam vendit. 1. 266. a.
Furti actio datur qd Gallinam surreptam. 1. 167. a.

G.

Genus quid sit prudentibus, quid species, Gene-
ris legatum quando valeat. 1. 511. ubi utile
est generis legatum, regulariter electionem non
esse legatarii. 512. a. Verus inter genera legato-
rum circa potestatem eligendi differentia. ibid.
An istius differentie adhuc ratio habenda. 512.
quibus casibus electio sit hæredibus, ubi testator
id non expressit. 513. Electionem non usquequa-
que esse liberam, & quid hic jure patrio. ibid. b.
Generationis vis in fœminis citius incipit, quàm in
maribus. 1. 119. b.
Gradus hæredum ex serie successionis, à testatore fa-
ctæ, æstimandos. 1. 394. b.
Graduum cognationis distinctionem cur nosse oport-
eat, & cur seriem cognitionum Jure Conf. gradus
vocitent. 2. 54. b.
Graduum dinumerationis discrimen inter jus Civile
& Canonicum. 1. 65. a. quâ serie gradus nume-
rentur. 2. 54. a. b.
Grege legato, etiamsi junica ovis tantum superfit,
eam legato cedere, & cur non idem in legato usu-
fructu gregis. 1. 251. a.

H.

Habitatio quid. 1. 258. a. Habitatio tam vendi
quàm locari potest. ibid. b.
Heres unde dictus. 1. 469. a.
Hæres omnes apud nos voluntarii. 1. 453. b.
Hæreditas propriè quid sit. 1. 310. a. quibus modis
deferatur. ibid.
Hæreditas jacens diversa consideratione rectè dicitur
præsentare personam defuncti & personam here-

dis. 1. 378. in quibus hæreditas personæ vice fun-
gi non potest. 1. 129. b.
Hæreditas in tot partes distribui potest, quot testator
voluerit. 1. 380
Hæreditatem olim qui & in quantum capere non po-
tuerint. 1. 374. b. qui & in quantum hodiè here-
des institui non possint. 375
Hostem occidere an liceat, postquam captus est. 1. 33
Hostium res veteribus eodem loco fuerunt, quo res
nullius. 1. 168. b. ager ex hostibus captus, cur
publicus fiat. ibid. b. & quid de mobilibus, tum
olim tum hodiè. ibid.
Hypotheca vid. fiducia.
Hypothecaria, nomen commune, vid. pignoratitia.
Hypothecaria legatariis à Justiniano prium data:
item de qua re, adversus quos, ea competat. 1. 474

I.

Imperativa verba interdum vim habere precario-
rum. 1. 562. a.
Impubes pubertati proximus an obligetur naturali-
ter, sine tutoris auctoritate contrahens. 2. 150. &
2. 265. Cur non obligetur auctore patre. 2. 151. b.
In jure & in judicio fieri, diversa veteribus. 2. 258. b.
Incertæ personæ cur olim non rectè legaretur. 1.
517. a. cur tale legatum solum per errorem re-
peti non potuerit. 1. 517. b.
Indebiti soluti conditio ut competat, quæ requi-
rantur. 2. 232. a. an error juris repetitioni sem-
per obstat. ibid. obligatio indebiti per errorem
soluti, sine ex vero, an quasi ex contractu. 2. 233. a.
Causæ, ex quibus indebitum errore solum non
repetitur, & cur id placeat. 2. 335
Individuum, quot modis dicatur. 1. 53. b.
Individa vitæ consuetudo. 1. 54. a.
Infans quamdiu quis habeatur, & gradus ætatis pu-
pillaris. 2. 149. a. infantie proximus. ibid. pro-
ximi pubertati, & an hi naturaliter sine tutore ob-
ligentur. 2. 150. a.
Ingenui quinam veteribus, & postea dicti, & quid
propriè vox ingenuus. 1. 37. b.
Ingenuitatis inter quos vertatur questio. 2. 337. b.
Injuriâ re quot modis fiat. 2. 282. a. Injuriam fa-
ctam an verbis licet repellere. 2. 283
Injuria remissa, adhuc peti posse impensas. 2. 290. b.
cur non dissimulatione injuria aboleatur. 291. a.
An idem obtineat in reali injuria. ibid. plures spe-
cies tacitæ remissionis. ibid. in actione injuria-
rum annus utilis an continuus, ex quo tempore
re currat. ibid. Actio injuriarum ex L. Cornelia
perpetua. ibid. levis & atrox injuria, unde æsti-
metur. ibid. a.

- Injuriae quae poenae ex L. duodecim Tabb.** 2. 287.
 quae ex edicto praetoris. *ibid.* b. Ex L. Conelia. 2.
 288. a. Actionem injuriae ad palmidiam, civilem
 esse, non criminalem. 2. 289. b. In actione crimi-
 nali poenam extra ordinem constitui; Civili ele-
 cta hanc consumi & contra. 2. 290. a. Civiliter
 conventus actione injuriarum, quâ ratione infa-
 miam effugiat. *ibid.*
- Injuriarum actio cur nec in haeredem, nec haeredi
 detur.** a. 399
- In jus vocatio an pars judicii** 2. 432. b. effecta in jus
 vocationis. *ibid.*
- In jus vocare quid sit, & quid citare.** 2. 433.
- Instituti sine partibus ex æquis partibus succedunt,
 quamvis testamento non facto, æqualiter succe-
 ssi fuerint.** 1. 384
- Instituti ex imparibus partibus, atque invicem sub-
 stituti.** 1. 397. a.
- Institutio servi alieni sustinetur ex persona domini;
 proprii ex consequentia libertatis.** 1. 375. quid
 juris in servo communi ab uno è Dominis haerede
 instituto. 375. quid si servus haeres institutus à
 fructuario. 376
- Institutionem haeredis multorum moribus ad sub-
 stantiam testamenti non desiderari.** 1. 392. a.
- Institutus ex certa parte hereditatis, vel ex certa re,
 quod bonorum omnium haeres fiat, id esse ex sub-
 stantia juris.** 1. 332. a.
- Insula in mari cur raro nascatur.** 1. 172. a. Cur fre-
 quenter in flumine. *ibid.* b. in flumine nata est vi-
 cinorum possessorum. 1. 173. b. non proprietate
 tantum, sed etiam usu. *ibid.* pro qua parte cuique
 vicinorum acquiratur. 1. 175. quo jure. *ibid.* quid
 hic apud nos. 1. 175. a.
- Interdicta cur potissimum de possessione proposita.**
 2. 414. quae interdicta causam proprietatis aut
 quasi contineant. *ibid.*
- Interdicta retinendae & recuperandae possessionis,
 etiam fructuario dari.** 2. 421
- Interdicta adipiscendae possessionis.** 2. 417
- Interdictorum divisio à forma.** 2. 415. Uti possidetis
 & uti ubi, vetus differentia, ejusque sublatio, tum
 quid hic jus Canonicum & mores hodierni. 2.
 420. b.
- Interdictum quid sit juxta veterem formulam & quid
 hodiè.** 2. 414
- Interdictum quorum bonorum cui, adversus quem
 competat, cui bono comparatum.** 2. 417
- Interdictum salvanum adversus quos detur.** 2. 418.
 Affine huic interdicto remedium actio Serviana,
 & cur interdicto experiri utilius. *ibid.*
- Interdictum undè vi quatenus Canonibus extensum;
 & de remedio can. redintegrandae, tum quomodo
 hic apud Batavos procedatur.** 425
- Interdictum undè vi quibus, quarum rerum nomine
 detur.** 2. 424
- Interesse, quâ ratione incertum.** 2. 125. b.
- Interrogationis & responsionis congruentia undè æ-
 stimanda.** 2. 145. b. quid juris, si diversitas verse-
 tur circa rem aut quantitatem. *ibid.* quid si circa
 qualitatem. 146. a.
- Intestabiles qui dicantur, & an aliquam habeant te-
 stamenti factionem.** 1. 325. b.
- Intestato filio mortuo, peculium castrense quando
 & quo jure ad patrem pertineat.** 1. 350
- Intestatus quis dicatur, & an ea appellatio etiam ad
 pupillum, furiosum, &c. pertineat.** 2. 2. a. Suc-
 cessione ab intestato, quando locus, testamento ir-
 rito facto. 2. 3. a.
- Inventarii beneficium.** 1. 465. a. neglecti poena. *ibid.*
 jus hodiernum circa adeundam sub beneficio in-
 ventarii hereditatem. *ibid.*
- Inventario non confecto an haeres amittat quartam
 Trebelliani; & an haeres testator hujus quartae de-
 tractionem prohibere possit.** 1. 555
- Inventio species occupationis.** 1. 169. a.
- Inundatio quid propriè, quae ejus vis.** 1. 176. b. Cir-
 ca inundationes quid juris apud Hollandos. *ibid.*
- Irrita fieri quando dicantur testamenta.** 1. 428
- Iter quid sit, quid eo contineatur.** 1. 226. a.
- Judex secundum conscientiam, an secundum acta &
 probata, judicare debeat.** 2. 436.
- Judex per imperitiam malè judicans, cur non aequè
 ex delicto obligetur, ac medicus malè curans, &
 circa hoc mores hodierni.** 2. 292. a. b.
- Judex per se non competens potest ex accidenti
 competens fieri & quibus ex causis.** 2. 300. b.
- Judicis & arbitri nomina, quàm variè accipiuntur.**
 2. 302.
- Judices omnes secundum leges & mores judicare de-
 bere.** 2. 436.
- Judicis officium in judicando.** 2. 434. dolus quomo-
 do puniatur. 2. 292. a.
- Jura captivitatis inter quos adhuc observentur, &
 quid circa hæc inter Christianos.** 1. 33. b.
- Jura praediorum quo aspectu servitutes dicantur.** 1.
 224. a. b.
- Jure magistratus quae competere dicantur, & quae
 specialiter tributa.** 1. 112. a. illa mandata juris-
 dictione transire, hæc non item. *ibid.*
- Juris variae significationes.** 1. 6. b. propria. 1. 8. a.
 quae hic quadrat. *ibid.* præcepta tria. 1. 9. b. di-
 visio. *ibid.* publici nomen. 1. 5. a. animalia, bru-
 ta, juris non sunt capacia. 1. 12. a. & b.
- Juris accrescendi inter plures in eundem usumfru-
 ctum conjunctos propria.** 1. 251. a. b.
- Juris Afdomici ratio & qualis ex eo jure successio.**
 2. 51. b.
- Juris

INDEX.

- Juris Civilis Batavici distinctio.** §. 27. a.
Juris Consultorum autoritas non fuit proprie vox. §. 25. a.
Jurisdictionis verbum, laus sumptum, etiam ad specialiter concessa referri posse. 1. 113. a. b.
Juris non scripti, quanta, & unde auctoritas. 1. 25. a.
Juris Scabinici ratio, & quo fundamento nitatur. 2. 50. a.
Jurisprudentia media quæ. 2. 27. b.
Jurisprudentiæ subjectum, ejusque considerandi modus. 1. 7. a.
Jurisprudentiæ veteris contra accusationem Triboniani defensio. 2. 28. a.
Jus accrescendi an testator prohibere possit. 1. 382. a.
Jus Civile, in genere. 1. 15. a.
Jus gentium quid, & unde æstimandum. 1. 15. a.
Ejus distinctio, in primævum & secundarum. 1. 15. b. 1. 17. a.
Jus in definitione actionis quid significet. 2. 298. a.
Jus naturale, seu gentium primævum & immutabile. 1. 29. a. eam immutabilitatem præcipue apparere in communibus notionibus. 1. 29. b.
Jus personæ & status, sive conditio, quomodo differant. 1. 31. a.
Jus sanguinis, quor modis dicatur. 1. 105. a. b.
Jus vitæ & necis in servos, non omnes gentes usurparunt. 1. 48. a.
Jusjurandum calumniæ quid sit. 2. 428.
Jusjurandum advocatorum & procuratorum, in singulis causis, & circa hæc mores hodierni. 2. 428.
Justitia non est potentia naturalis, sed habitus. 1. 7. b.
Justitiæ distinctio, in universalem & particularem. 1. 6. a. an ea necessaria. ibid. Justitia particularis ejusque species. 1. 7. b. Justitia commutativa non semper respicit proportionem arithmeticam, nec distributiva geometricam. 1. 5. b. Disciplina civilis spectat etiam justitiam universalem. 2. 6. a.
L.
Lapis pro milliario & unde ea appellatio. 1. 141. b.
Latini liberti quo jure fuerint. 1. 40. b.
Legari quæ res possint, aut non possint. 1. 477. rem alienam legare nihil verat. ibid. quid juris, si res communis legata. 478. Effectus legati rei alienæ. ibid. Legatum rei, commercio simpliciter exemptæ inutile, item jus, quæ ædibus junctæ. ibid. b. quid, si res legata exempta commercio certæ personæ. 479. Quid, si feudum legatum. 480. Legatum rei alienæ nisi singulari conjectura adjuvetur, cur demum valeat, si testator sciverit, alienam esse. ibid.
Legata ante hæredis institutionem relicta, cur olim inutilia. 1. 526.
Legata & fidei commissæ, à Justiniano primùm ex æquata. 1. 472. eis communia jure veteri. 1. 159.
Legata relicta civitatibus, collegiis, pauperibus. 1. 517. a.
Legatarii & fideicommissarii, cur ad testimonia testamentaria admissi. 1. 332. divinatio quorundam circa hoc improbata. ibid.
Legatarii & creditores, quatenus cum hærede agere possint, consumpta portione restituta. 1. 554. a.
Legati vindicationis & damnationis, differentia & sublatio. 1. 473. b.
Legatorum onus ad solum fideicommissarium pertinet. 1. 552. natura stricta & cancellis circumscripta. 1. 475. genera. 477.
Legatum nominis, & quid eo contineatur. 1. 509.
Legatum nominis extinguitur, si testatore vivo debitum, exactum, aut ultro solutum. ibid. admitteri tamen probationem non mutæ voluntatis. ibid.
Legatum omnium bonorum ususfructus an valeat, alio hærede post mortem legatarii instituto. 1. 390. a. Legatum post mortem hæredis aut legatarii relictum, olim non valebat, in tempus mortis relictum contra, & cur tam variè. 1. 428.
Legatum, quod debitor creditori legat, quod debet, non valet, nisi amplius sit in legato, quàm in debiro, & quor modis accidat, ut plus sit in tali legato. 1. 498. b.
Legatum rei pignori obligatæ, legato rei alienæ simile. 1. 480.
Legatum rei, quæ in rerum natura nondum est, an purum sit, an conditionale. 1. 484. a.
Legatum rei, quæ legatarii propria sit, inutile nec convalescere, ea postea alienata. 1. 494.
Legatum, unde dictum. 1. 471.
Legis regiæ jus omne populi privative in Principem translatum. 1. 21. a.
Legis Voconia mulieres hæredes institui non potuisse. 1. 542. Accurata in hoc legis caput inquisitione. ibid.
Legem condere non potest populus, alterius imperio subjectus. 1. 14. b.
Leges quibus comitiis, à quibus magistratibus latæ. 1. 19.
Leges Furia, Voconia, Falcidia, quo sensu dicantur testatorum gratiæ latæ. 1. 534. hæredum potissimum causa. ibid. quid à quo cautum singulis. ibid.
Legis duodecim verba, Uti quisque legasset suæ rei, exposita. 1. 533. b.
Legis varia significatio. 1. 19. b.
Legitiæ & quartæ Trebellianicæ deductio juxta C. Raurius. 1. 551.
Leges Civiles consuetudine contraria abrogari possunt. 1. 30. 2.
Legi.

INDEX.

Legitima portio quid. 1. 447. actio hujus portionis num ad parentes quoque & fratres pertineat. *ibid.* an ut augeri & minui legitima potest, ita & in totum tolli. *ibid.* Si minus legitima relictum, quâ ratione, quod deest, petatur; novique & veteris juris differentia. 1. 448. b. Actio ad supplementum, in quibus differat à querela. *ibid.* Legitima hodiè titulo institutionis relinquenda. 1. 452. a.

Legitimari an ad feudum admittantur. 2. 4. a.

Legitimatio & ejus objectum. 1. 74. a. Legitimatio per oblationem curiæ usu recessit. 1. 74. b. Legitimatio per subsequens matrimonium sine dotabilibus instrumentis non procedit, secus jure canonico & moribus. 1. 75. a. Legitimatio per referiptum Principis. 1. 75. b.

Lex Aquilia. 2. 271.

Lex quando obligare incipit. 1. 18.

Lex Voconia. 2. 27. b.

Libertatis legatæ quis effectus. 1. 497. b.

Liberorum appellatione omnes veniunt, qui ex nobis descendunt. 1. 99. b.

Libertatis directæ & fideicommissum datæ, differentia an sublata. 1. 560.

Libertatis quæstio inter quos vertatur. 2. 337. b.

Libertini ingenuis exæquati & à quo. 1. 40. a & b.

Libertinus & libertus quid differant. 1. 38.

Libertus centenarius. 1. 62. b.

Limitati agri jus alluvionis non habent. 1. 170. b.

Literæ olim chartæ, hodiè charta literis cedit. 1. 192.

Literarum obligatio. 1. 141. a. an rectè sic appelletur. 2. 171. b.

Litis contestatio quid sit. 2. 433. an aliquando à parte rei per affirmationem inducatur *ibid.* ejus effecta *ibid.*

Literas scire aut nescire quid. 1. 136.

Locatio & emptio unde quibusdam in casibus dignoscantur. 2. 200. b.

Locatio quid & quoduplex, tum quæ res aut facta, locationem recipiant. 2. 192. b. locationis & emptio communia 2. 193. b. in locatione operarum diverso respectu idem & locator & conductor dicitur 2. 193. a. Singularia quædam circa locationes agrorum apud Batavos. *ibid.* 194.

M.

Macedonianum SenatusConsultum. 2. 381. b.

Mandatum quid. 2. 213. a. Mandati varîe divisiones, 214. b. quid differat à consilio. 2. 217. a. Consilium tale instar mandati esse, si quis alieni svaferit, ut pecuniam credat certæ personæ 2. 218. a. Mandati rei inhonestæ nullam esse actionem. 2. 218. b. De excedente fines mandati quædam.

non trit a 219. Mandatûm cûr solvatur revocatione mandatoris 2. 221. cur morte utriusque 2. 222. An morte mandantis finiatur, cum mandavit quid fieri post mortem 2. 223. Casus quibus mandatario post mortem mandantis implenti mandatum, actio datur 223. cur mandatum solvatur renunciatione mandatarîi 223. a. Quid si interpeffive renuntiet 2. 224. a. Qualis culpa in mandati judicio veniat, 224. Mandatum non vitiatur constitutione honorarii: nec datur tamen de ipso honorario mandati actio 2. 225. a.

Manumissione servi alieni legati, hæres ita liberatur, ut nec æstimationem debeat, & quid si res legata evicta. 1. 502. Quid si hæres proprium servum, à se legatum, ignorans manumisit *ibid.*

Manumissionis species. 1. 39. Manumissio vindicta. *ibid.*

Mariti in bonis uxoris quæ moribus hodierni potestas. 1. 143. a.

Materiæ dominium non amittit, cujus ex materiâ in alieno solo ædificatur. 1. 185. b.

Materiæ dominus ædificans in alieno, quando proprietatem materiæ amittat. 1. 188. a. Materiæ pretium qua ratione à possessore qua ratione servari queat. 1. 189. a.

Matrimonia parentum cum liberis incestuosa in summo gradu. 1. 61.

Matrimonium in articulo mortis contractum, apud nos non procedit sine dispensatione. 1. 75. b.

Marris & avi materni præeritio vim exheredationis habet, etiam jure novissimo. 1. 372. b.

Mercēs locationis an consistat in alia re quam pecunia numerata. 2. 195. & 96. a. b.

Miles etiam pro parte testatus decedere potest. 1. 382.

Milites capite damnati an & quatenus jure militari testari possint. 1. 344. b.

Militis testamentum an subiaceat quæræle inofficiosi. 1. 371.

Militibus, testantibus in expeditione, remissa omnia, quæ subtilitatem magis, quam naturalem rationem habent. 1. 339. b. causa hujus privilegii. *ibid.* in hibernis &c. locatos tale privilegium non habere 1. 340. a.

Militum privilegia circa directam substitutionem in casum pupillarem. 1. 421. b.

Minor 25. annis procurator idoneus alienæ litis. 1. 45.

Modi acquirendi jure Civili singulares. 1. 260.

Mores hodierni circa capturam ferarum. 1. 164. b.

Muciana cautio & an ea quoque locum habeat in contractibus. 1. 120.

Mulieres cur arceantur à testimoniis testamentariis. 1. 325. a.

Mu-

INDEX.

Mutui etymon

Mutuum an sit species alienationis 1. 293. b. Mutuum non confirmari consumptione facta mala, fide 1. 294. Nummi quando consumpti intelligantur 1. 294. Si mala fide consumpti, quæ tunc actio 1. 295. Mutuum quid 2. 96. materia mutui ibid. Cur mutui datio tantum consistat in rebus fungibilibus 2. 96. b. forma mutui propria 2. 97. a. Singularia in mutuo recepta ibid. Finis & Effectus. ibidem: debitorem posse eam rem, quam mutuo accepit, in specie reddere 2. 97. b.

N.

Nati ex concubina non magis, quam vulgo quæsit, jus agnationis habent 2. 45. nati ex damnato coitu omnis successionis sunt expertes ibidem. Naturales liberi quot modis dicantur 1. 74. a. 1. 77. a. Naturalis omnis obligatio, ipso jure, nudo consensu tollitur 2. 248. a. item re integra & civiles nudi consensus & honoraria pignoris ibid. b. Navis levandæ causa quæ ejiciuntur, pro derelicto non haberi 1. 219. b. circa res ejectas aut naufragio perditas quid juris tum olim tum hodie 1. 220. a. Negotiorum gestio quale factum 2. 228. a. actio ex gesto directa cui detur, cui item contraria, quid utraque contineat. ibid. cujus culpæ nomine negotiorum gestor tenentur ibid. b. Nepos ex filio naturali an per subsequens matrimonium avi, defuncto patre, fiat legitimus 1. 74. Nepos post mortem avi conceptus & natus non potest avo suus hæres existere 2. 10. bonorum possessionem tanquam cognatus accipere 2. 11. a. Nepotes ex diversis filiis, etiam ubi soli sunt in stirpes familiarum eriscere 2. 8. Nomen quo effectus à creditore alienetur 2. 303. Nominum propriorum differentia subtilius quam vulgo explicata 1. 522. Error in nomine legatarii non vitiat legatum ibid. Error in nomine proprio rei legatæ non vitiat, in appellativo contra ibidem. Quid si testator rem oculis subjectam alieno nomine appellaverit. ibid. Notarii publici an stipulando alteri acquirant, & quid juris hodie 2. 142. Novatio quid, quæ in ea necessaria. 2. 244. Novationis effectus 245. b. quod modis novatio fiat. ibid. b. Novatio quæ fit per litis contestationem, & quid differat à voluntaria 246. a. Novatio quando fieri intelligatur, si ab eodem debito-

re quis stipuletur ibid. quid circa novationem, novo jure inductum ubi multa notabilia 2. 247. Noxales actiones an rectè inter arbitrarias numerentur 2. 360. Noxa, noxia: noxæ dedere vid. Nominum mutuo accepti etiam in alia forma & materia reddi possunt 2. 98. a. Aucto & diminuto numerum valore eos reddi oportere ea estimatione, quæ est cum solvuntur 2. 98. b. Nummos rectè numerari inter res corporales 1. 221. a. Nuptiæ comprivignorum licitæ 1. 69. a. Nuptiæ fratrum & sororum interdictæ, etiam jure divino & moraliter 1. 64. a. Nuptiæ quatenus prohibitæ in linea transversa inæquali: & an huic prohibitioni consentanea lex divina. 1. 64. Nuptiæ consobrinorum civili & divino jure licitæ, secus jure Canonico. 1. 65. Nuptiarum prohibitio inter affines lineæ rectæ 1. 66. lineæ transversæ 1. 66. b. inter affines transversæ lineæ interdictæ, Levit. 18. an moralia. 1. 67. b. Nuptiæ sine parentum consensu contractæ non confirmantur accedente copula 1. 71. a. & b. Nuptiarum perfectio nihil præter legitimum consensum desiderat 1. 52. a.

O.

Obligatio quæ nominibus contrahebatur 2. 172. a. Obligatio naturalis nudo consensu tollitur 2. 248. a. Obligationes quæ re contrahi dicuntur 2. 95. a. b. Obligationum causæ ordinariæ, & extraordinariæ 2. 92. Obligationum summa divisio 2. 87. b. Obligatio naturalis 2. 87. Obligationes naturales non omnes eundem effectum jure Civili habere & quæ qualem habeant 2. 88. Obligatio mere Civilis 2. 89. Obligatio mixta ibid. Officium jus dicentis aliud, quam officium judicis, & in quibus utrumque consistat 2. 405. Oleum vid. Frumentum Operæ servorum vix est, ut servitutibus personalibus annumerentur 1. 238. Optionis & electionis legatum idem esse 2. 514. b. differre à legato generis & alternativo ibidem. optionis legatum habuisse olim conditionem, coherentem personæ legatarii 1. 315. a. Orcini liberti, & num quid juris in eos familiæ 1. 560. Orficiano Senatus Cons. filius & filia ad matris successionem vocantur, non item nepos, & neptis ad

INDEX.

Successionem aviae: quod postea mutatum, 2.
40. Ex eodem ad matris successionem admittuntur & spurii 2.41. Quid moribus hic receptum
2.42.
Ordinis beneficium quale sit, & quid quibus tribuat 2.165. non pertinet ad fideiussoribus iudicialibus.

P.

Pacta hodie etiam actionem parere juxta scita Jur.

Canon. 2.94.

Pactum de quota lici cur probatum 2.225.b.

Pactum nudum quid, & cur ex eo jure civili non.

detur act. o 2.92.b. pacta legitima & in continenti adjecta 2.93. a. in continenti adjecta an insint

ex parte actoris in contractibus stricti juris ibid. a.

Pœna constituta in eos qui plus quovis modo perunt.

2.366.

Pœnæ nomine legare quid sit 1.529. Cur tale legatum veritibus improbatum ibid. Cur probatum

Justiniano ibid.

Pœnæ stipulatione incertitudine obligationis occurrunt 2.125.b. an per subjectam pœnalem stipulationem præcedens obligatio novetur 2.125. b.

Pœnalem stipulationem valere, quamvis inutili subiecta sit 2.157. pœnam committi etiam ei, cuius nihil interest 158. Pœna debetur, quantumque promissa ibid. Quoties stipulantis interest, alteri dare, stipulatio alteri facta valer. ibid.

Partum ancillæ cur placeat in fructu non esse 1.203. a

Parentibus quo jure alimenta debeantur 1.13.

Pater quo jure olim, ut pater, successerit filio 2.34. a.

Patria potestas quo sensu propria civium Romanorum 1.55. a. qualis ea olim, postea & hodie 1.84.

& 85.

Patricii genere semper à plebeis distincti non ordine.

1.20. a.

Patricii qui olim, qui postea disti.

1.21.

Patris jura quibus modis apud nos solvantur 1.91. b.

Patroni & Parentis manumissoris comparatio 1.89. b.

Patroni, Parentes &c. sine venia in jus vocari non possunt: item hujus juris ratio, & circa mores hodierni

2.334. & 35. a. b.

Patronos L. XII. Tabb. non alio jure censuit, quam agnatorum

2.61.

Patronum ab adoptivis excludi cur magis iniquum visum, quam patrem, fratrem &c.

2.61. b.

Pavones & columbæ omnes generis feri 1.166. b.

Peculio legato, quod vivo testatore accedit vel decedit, cujus lucro vel damno sit 1.507. Quid si post mortem testatoris

ibid.

Peculio pagano adventitio cum castrensi communia

1.351.

Peculium filiis. quid sit, quot ejus species, & quid singulæ 1.300. adventitii peculii proprietas primum quibusdam in bonis, postremo generaliter filiis concessa, usufructu patri relicto 1.300. b. quibus casibus plena hic proprietas filio acquiratur: & quid circa hæc moribus nostris & Gallorum

301.

Pecuniæ appellatione res omnes continentur 1.221. & 22.

Pecuniæ signatæ usus per antiquos

2.158. a.

Permutationis incommoda

2.184. a.

Periculum & commodum rei venditæ ad quem pertinet emptione perfecta 2.187. b. Quid juris apud nos ex Constitutione Carol. V.

2.189. b.

Petitoris in actione rescissoria intentio 2.321. b.

Picturæ cur tabulam cedere placeat 1.193. a. Domino tabulæ adversus pictorem quomodo succurratur 1.194. a. in concursu adversus tertium, possessorem uter præferendus

ibid. b.

Pignoratitia actio quando nascatur 2.110. a. quid differat à hypothecaria ibid. ad quid creditor pignoratitius teneatur

190.

Pignora in vicem satisfactionis quando admittantur

1.128. a.

Pignoris varia significata 2.109. a. pignus contrahi sola conventionione

ibidem. b.

Pignoris vendendi formam à Justiniano præscriptam hodie non observari 2.293. Etiam cum convenit, ut pignus distrahere liceat, unam saltem denunciationem requiri 1.292. & quid juris si solutio suo die non facta

ibidem.

Pignus inter & hypothecam nihil interesse, quantum ad actionem hypothecariam 2.327. b. inter pignus & hypothecam quid proprie intersit secundum usum juris

2.328. a.

Pignus persequenti Creditori, quarum rerum probatio incumbat

2.325.

Piscandi jus in flumine quo sensu dicatur communione

1.154. a.

Pisces in alieno stagno capri cujus sint

1.163. b.

Polygamia nunquam in foro conscientie licita fuit

1.52. b. 68. b.

Portus vid. flumina.

Posthumi alieni servus cur recte institui heres potuerit ipse non potuerit

1.378.

Potestatem quam Dominus in re sua habet, Legem Civili posse restringi

1.51. b.

Posthumi qui proprie dicantur, & qui improprie seu quasi posthumi 1.364. a. Qui ex his agnascendo, qui succedendo testamentum rumpant 1.364. Cur nephi quasi posthumæ plus tributum olim, quam filiae 1.364. Jus antiquum circa institutionem & exheredationem posthumorum 1.364. quid Gallus circa nepotis posthumi institutionem

1.364.

- nem introduxerit ibid. quid Lex Velleja 1.365.
- Posthumi similes incertis personis 2.518. b. Posthumi sui & alieni ibid. posthumus alienus quo sensu dicatur olim hæres institui potuisse 2.520. a.
- Posthumorum appellatione venire omnes liberos nascituros 1.99. b.
- Postliminio reversus quando quis intelligatur 1.87. b. quæ res postliminio recipiantur; & quid juris hodie 1.88. a. Origo vocis postliminii 1.88. b.
- Possidere quid sit in argumento usucapionis 1.271. a. Possessionem legitimi temporis, ad usucapionem definiti continuam requiri 1.272. a. Possessionis interruptio ejusque effectus ibid. etiam alienæ possessionis accessione uti licere ad implendam usucapionem 1.272. b. Possessionem justam defuncti prodesse hærede etiam scienti rem alienam esse, injustam nocere etiam ignoranti ibid.
- Possessionis accessione auctoris sui quando successor particularis utatur 1.274. a.
- Possessio cur per extraneam personam acquiri possit, jus aliquod non possit 1.307. a. per consequentiam adeptæ possessionis etiam dominium nobis acquiri ibid. b. vel conditionem usucapiendi, sed demum postquam scientia intervenit. ibid.
- Possessio rerum hæreditariarum nec suis hæredibus continuatur 25. b.
- Possidere quid proprie sit 2.421. b. Vetus controversia circa retentionem & amissionem possessionis, quæ à Justiniano sublata 422. etiam solo animo possessionem retineri. ibid. ad acquirendam possessionem & animo opus esse & simul aliquo actu corporali ibid. quibus modis possessio amittatur 423.
- Possidere pro hærede prove possessore quis dicatur in interdicto quorum bonorum, & alia nonnulla scitu digna 2.417.
- Possessor bon. fid. fructus perceptos suos facit 1.199. consumptos lucratur, extantes omnes restituit. ibid. Praxis & ratio hujus juris 1.200. b.
- Possessor bon. fid. quis sit 1.196. quid si postea cognoverit rem alienam esse 1.197. b.
- Possessor bon. fid. qui in alieno ædificavit, quæ ratione pretium materiæ & expensas consequatur. 1.188. b. quid juris in mal. fid. possessore 1.189. b.
- Possessor bon. fid. an domino servum vindicanti restituere debent, quod ex operis servi paratum extat 1.306. a.
- Possessor mal. fid. nullos fructus percipiendo suos facit, aut consumendo lucratur 1.200.
- Possessores prædiorum provincialium quale jus olim habuerint 1.212. a.
- Potestatis vocabulum in magistratu 1.134. b.
- Prædia eorumque jura cum effectu juris considerata, nunquam loco distinguuntur 1.229. b.
- Præjudicialis actio quid, quoruplex & unde sic appellatur 2.337. a. cur actionibus in rem numeretur ibid.
- Prælegatum dotis jure antiquo semper plus habuit, quam dotis obligatio 1.500. an idem adhuc jure novo 501.
- Præscriptio non currit adversus agere non valentem 2.321. a.
- Præscriptio moratoria & aliæ diktorizæ 2.407.
- Præscriptio quadriennii fiscalis nec olim cognita, nec Canonibus aut moribus recepta 1.275. b.
- Præsumptio duplex pro instrumento 2.156. a. & 157. a.
- Præterita filia & nepotibus in potestate existentibus, quid olim juris 1.359. quid præteritis posthumis 1.362. quid præteritis emancipatis 1.366. quid præteritis adoptatis. 367. quid novi circa hæc introduxerit Justinianus 370.
- Præteritis à patre liberis, an legata beneficio novæ legis conserventur 1.440.
- Præterito filio qui in potestate est, testamentum jure civili nullum esse, unde quatuor confectaria 358. an tale testamentum prorsus inutile etiam jure Prætorio 1.360.
- Prætextatus sermo 2.284.
- Prætor circa successiones ab intestato quomodo jus vetus emendarit 2.169. a.
- Prætor hæredem facere cur non possit. 2.70.
- Prætori unde, & qualis condendi juris potestas 1.23. b.
- Processus judicarii partes 2.432. b.
- Princeps quatenus de bonis subditorum disponere potest 1.83.
- Principes an & quatenus legibus soluti 1.434.
- Privilegiorum usus raro tam in statu democratico, quam in Monarchico 1.23. a.
- Probatio negativæ, arctatæ loco & tempore 2.53. b.
- Procuratoris officium & potestas maxime hodie 2.389. Procuratorem de cujus mandato constat, non cavere de rato ibid.
- Procuratorum distinctio vulgata, in simplices & cum libera late improbat 1.215. a. b.
- Prodigus qui factio talis, an is demum, cui simul interdicta rerum administratio 1.125. a. non potest testamentum facere 1.355.
- Promittens metu licet coactus, obligatur & quare.
- Profanum quid & nude dictum 1.158. a.
- Provincialium qui vectigales, qui stipendarii 1.213. a.
- Pubertas in masculis ex annis etiam olim æstimata 1.118. a.

I N D E X.

Puberum minorum 25. Ann. obligatio 2. 15. l. b.
 Publicianæ actionis introducendæ causa 2. 32. a.
 cur ut competat publiciana necesse sit rem tradi-
 tam esse, & an aliquando competat re nondum
 tradita 2. 3. 18.. An & de rebus incorporalibus,
 ubi & de bon. fide. ibid. an etiam vero Domino
 detur & an cum rei vindicatione cumulari que at
 ibid. cur requiratur ut possessio amissa sit, & amif-
 causa 319. quæ sit & qualis in hac actione petito-
 ris intentio ibid. adversus quem detur, quid ei
 obstat: tum quis ejus exitus. ibid.
 Pupillariter substituere pater non potest, multo
 minus mater liberis emancipatis 1. 403. nec ne-
 poti in potestate constituto quem pater antecedit
 404. An ut valeat substitutio pupillaris, sufficiat
 liberos in potestate esse tempore mortis ibid.
 Vulgaricasu expresso etiam pupillarem contineri
 405. An ex converso ibid.
 Pupillo in quem solutio collata, recte solvi 1. 296.
 Debitorem, pupillo sine tutoris auctoritate sol-
 ventem, non liberari licet dominium transferat
 ibidem.
 Pupillus aut minor non restituitur beneficio ætatis
 adversus solutionem factam secundum Constit.
 Justin. 1. 298. quid si nummos ita solutos salvos
 habeat ibid. si pecunia quam pupillus sine tuto-
 ris auctoritate credidit, perierit, utilius futu-
 ra sit jactura 1. 299.

Q.

Quarta D. Pii totorum bonorum, an portio-
 nis ab intestato debitæ quarta pars sit, &
 num etiam hæc aucta, 1. 80
 Querela cur etiam parentibus detur, & quibus
 quando, 1. 442. quod statim post liberos ad
 querelam admittantur parentes, contra rati-
 onem juris videri, ibid. An jure novissimo fra-
 tres cum parentibus ad querelam admitten-
 di, 443. a. An fratres uterini cum consangui-
 neis debeant concurrere, ibid. b.
 Querela inofficiosi testamenti quando liberis
 exhæredatis aut præteritis necessaria, 1. 436.
 a. quando posthumis, 444
 Querela inofficiosi, utrum sit actio, an petitio,
 siue remedium aliquod ab actione separatum,
 1. 439
 Querela non datur iis, qui alio jure venire pos-
 sunt, 1. 444. Parenti manumissori cur detur,
 cum contra Tab. petere possit, 445
 Querelæ inofficiosi cur colorem dementiæ ve-
 teres prætexuerint, & num idem adhuc ho-
 diè, 1. 441

Querelæ inofficiosi renuntiare videri, qui judi-
 cium defuncti agnoscit, cum collatione juris
 veteris & novi, 1. 449. & 50
 Quasi contractus quid sit, 1. 226. obligationem
 ex quasi contractu non esse ex tacita conven-
 tione, ibid. Tacitum dum ficto, expressum
 cum verò perperam confundi, ibid.
 Quasi ex contractu hæres legatariis propriè ob-
 ligatur, non creditoribus hæreditariis, 2.
 231. a.
 Quasi maleficio quid, 2. 291. b.

R.

Rapinæ poena, 2. 168. Poena rapinæ, quæ pri-
 vatis applicatur, &c. exolevit, 2. 170. b.
 Recipere quid, 2. 329. Actionis receptitiæ &
 constitutoriæ discrimen, ibid.
 Regula quod semel utiliter constitutum est, du-
 rat, licet ille casus extiterit, unde incipere
 non potuit, quando locum habet & quando
 contraria, 2. 354
 Regulæ; neminem posse rogari, ut plus resti-
 tuat, quam ipse cepit, declaratio, 1. 559
 Reipublicæ causa qui abesse dicantur, & quæ
 horum pecuniaria, 1. 134. a.
 Religionis locus ut fiat, quæ necessaria, 1. 159. b.
 Remedium L. ult. Cod. de Edict. D. Hadr. toll.
 Reorum duorum debendi & promittendi. 2. 127
 Rerum immobilium translatio quid jure Bata-
 vorum desideret, 1. 214. b.
 Rerum communium usus omnibus competit, 1.
 152. quatenus harum rerum quid occupari,
 quo effectu possit, 1. 153. b. quatenus disse-
 rant ab his, quæ nullius sunt, communi usui
 non attributa, 1. 153. a.
 Res omnes aut in bonis nostris sunt, aut extra
 bona, tertium genus non datur, 1. 151. a. b.
 Res sacræ & personæ consecrantis, 1. 157. b.
 Rescindentis & rescissorii judicii commentum.
 2. 321. a.
 Rescripta contra jus elicitæ, & preces sub & ob-
 reptitiæ, 1. 23. a.
 Restitutio adversus eum, qui absens usucepit
 rem in Civitate manentis ubi & alia, 2. 320. b.
 adversus eum qui præsens, rem absentis usu-
 cepit, 2. 322. a. Restitutio adversus usucapi-
 onem an detur ex sola causa ignorantie, 2.
 322. a.
 Restitutio & rescissio ex edicto, quæ in fraud.
 Cred. 2. 325. b.
 Retentio rei dotalis, quibus ex causis marito
 olim concessa, & quid postea hic novi, 2. 371.
 retentio extra causam dotis, ibid.
 Reus

INDEX.

Reus quid & unde dictus, 2. 126. a. Duo rei stipulandi qui, 2. 127. Duo rei promittendi, ibid. Duo rei non aliter nunc fiunt, quam si id specialiter actum, 2. 177. b. iure novissimo iis competere beneficium divisionis, non tamen in foro mercatorum, 2. 128. a. solutione alio modo, qui vice solutionis sit, promissore ab uno è reis credendi liberato, totam tolli obligationem, ibid. b. Uno è duobus reis promittendi solvete, &c. omnes liberari, 2. 129. **Ripa** quid sit, 1. 155. b. **Ripæ** non sequuntur conditionem fluminis, ut litora maris, 1. 154. a. **Roma** olim commune forum, 2. 299.

S.

Sabiniano Senatus consulto quid cautum, 2. 128. **Sacra** privata, 1. 158. b. **Sancti** appellatio quam latè pateat. 1. 160. a. inter sancta an recte portæ numerentur, ibid. **Satisfactio** tutorum apud nos qualis, & nonnulla alia, 1. 128. a. **Satisfactionum** modus & usus hodiernus, 2. 395. **Satisfacere** & solvere, item fideiubere & expro mittere quando differant, 1. 214. a. **Scriptura** non perinet ad essentiam legis, 1. 18. a. **Senatus** consulti Macedoniani scopus, 2. 381. b. **Senatus** Conf. Trebelliano, quæ commoda causam dederint, 1. 546. quæ Senatus Conf. Pegasiano, 1. 547. Hoc Senatus Conf. vim legis falcidiæ productam ad fideicommissa hæreditatis, 547. discrimen legis & Senatus Conf. circa res, quæ imputantur, 548. hæres qui ultro totum, quod rogatus est, restituit, an solus onera subeat ex Pegasiano, 1. 548. caput Senatus Conf. de cogendo volentem adire, 1. 549. **Senatus** juris condendi potestatem quando & unde acceperit, 1. 20. b. **Senatus** Consulto Tertull. matri ter aut quater enixæ liberorum delata legitima hæreditas, 2. 35. b. Qui matri prælati ex Senatus Consulto, 2. 36. b. jus novum circa matris legitimam successionem liberorum, vulgò quæsiturum, 2. 40. a. **Sententia** sine certa quantitate pro lata cum non valeat 2. 363. sententiæ certitudo unde metienda ibid. etiam in petitione incerta certam deberi ferri sententiam 364. quibus casibus certa sententia ferri nequeat ibid.

Sententiæ nullius momenti, quæ licet iniustæ, valeant, quid circa hæc in Belgio 2. 435. **Sepulchra** privata antiquorum & hodierna 1. 158. a. b. **Servi** quomodo à Dominis tractandi 1. 50. § 1. **Servi** pœnæ qui 1. 86. a. **Servitus** pœnæ sublata ibidem. **Servi** in his regionibus nulli 1. 34. a. **Servi** cur etiam nobis ignorantibus & invitis acquirant 1. 303. cur hinc excipiat hæreditas ibid. An possessio per servum domino ignoranti acquiratur ex quacunque causa 303. a. **Servitus** quo sensu dicatur contra naturam esse 1. 32. voluntaria in servitutem datio 1. 35. a. **Servitus** prædii quid sit, quid ea requiratur 1. 224. a. **Servitutes** prædiorum omnes perpetuam causam habere debent 1. 225. a. **Servitutes** altius non tollendi, luminum, & ne luminibus officiat an differant 1. 232. **Aquæ** hauritus, pecoris ad aquam appulsus an inter servitutes prædiorum rectè numerentur 1. 234. **Servitus** communi prædio ab uno neque constitui nec acquiri potest 1. 235. a. ad constituendam servitutem non sufficit sola pactio ibid. b. ultima voluntate constituitur ipso iure 1. 236. per usum ac possessionem nostram quomodo capiat 237. quibus modis amittatur 1. 237. **Servitutes** stillicidiorum & fluminum 1. 230. **Jus** altius tollendi siue servitus ibid. **Servitus** tigni immittendi & oneris ferendi sunt distinctæ, item projiciendi & protegendæ 1. 230. a. **Servitutum** personalium species 1. 238. a. **Servo** proprio hærede instituto, quis circa acquirendam hæreditatem effectus 1. 377. quid circa idem servo instituto alieno ibid. **Servo** hæredis cur pure inutiliter legetur 1. 525. cur domino hæredis utiliter ibid. **Servo** alieno qui paterfam. credebatur instituto, hæreditas dividitur inter substitutum servi & dominum 1. 401. b. **Servus** fructuarius cui acquiratur. si dicat se domino proprietatis accipere ex re fructuarii 1. 304. **Servus** fructuarius contemplatione fructuarii hæres institutus, iussu fructuarii hæreditatem adire debet 305. **Servus** proprius simpliciter tutor datus, directo liber fit 1. 96. b. **Sestertius** & sestertium an idem valeant 2. 62. b. a. **Societas** quid, quarum rerum, quando & quomodo 2. 204. a. species societatis subiectis distinctæ ibidem. **Universorum** bonorum societas, & ejus effectus 2. 205. inter conjuges moribus Belgii ibid. quæ bona communicentur, si societas simpliciter coita

- coita fit ibid. b. Si de partibus societatis nihil convenerit, partes in lucro & damno æquales esse 2. 206. a. Si partes expressæ hæc servandæ, qualiscunque collatio fit ibidem. b. Notabilia quædam circa casum, quo ab uno pecunia, ab altero opera confertur 2. 207. Quid si convenerit ut unus sit lucri particeps, damni immunis 2. 208. a. Si in una tantum causa, puta in lucro pars expressa, in altera eadem servari debet 2. 209. Societas, unius è sociis renunciatione, solvitur 2. 209. Quibus ex factis renuntiatio tacite arguitur 2. 210. a. Malitiosa renuntiatio quatenus cui noceat. ibidem. a.
- Societatem solvi etiam morte unius è pluribus, & quo id pertineat 2. 410. b. ad quem gradum diligentie culpa in iudicio societatis exigatur 2. 12. Si lenitates quatenus quibus in testamentis paganorum remissæ 1. 322. quatenus jure Canonum & multorum moribus ibid.
- Solutio quid proprie 2. 238. Aliud pro alio invito creditori solvi non posse 238. b. exceptiones hujus regulæ ibid. ad justam solutionem requiri, ut solvatur simul & semel totum, quod deberur 2. 238. Licere unicuique pro debitore solvere, etiam ignorante & invito 2. 239. b. quid si creditor solutionem ab alio oblatam recuset accipere? & quid si alius pro emphyteuta canonis solutionem offerat 2. 240. a. fidejussore pro reo simpliciter solvente utrum ipso jure reus liberetur, an per exceptionem 2. 240. a. b.
- Sortis iudicium apud veteres frequens 1. 516. a. Species vid. Genus.
- Species nova non acquiritur facienti, nisi eam fecerit suo nomine & bona fide 1. 178. a.
- Specificatio pertinet ad modos acquirendi per occupationem 1. 177. a. circa specificationem Proculi & Sabini dissensus 178. media sententia qua ratione nitatur ibid.
- Sponsalia, eorum genera & effectus 1. 54. a.
- Sponsores, vades, prædes 2. 161. b.
- Spurii an pro turpibus personis habendi 1. 443. b.
- Status controversiam quis pati dicatur 1. 137. b.
- Statuta qui, qua conditione condere possunt 1. 14. b.
- Stipendium & tributum an differant 1. 113. a.
- Stipulatio quid sit, 2. 110. a. stipulationum usus quam varius 2. 110. b. stipulatio non habet certam & determinatam naturam 2. 111. b. stipulationis vera origines 2. 112. b. Ad substantiam stipulationis quæ adhuc requirantur 2. 113. a. Moribus hodiernis stipulationum & pactorum jura, confundi 2. 114. Ex pura stipulatione statim agi potest 114.
- Stipulatio non valet, in quam res deducta, quæ non est, nec unquam fuit, ubi de hippocentauris 2. 336. a. quid si deducta sit res, quæ esse desit ibid. quid si non sit in commercio 2. 138. a. Quid si non sit in commercio 2. 138. a. Quid si stipulator sciatur non esse in commercio 2. 138. Quid si ille ignoret, promissor sciatur ibid. Quando stipulatio utilis earum rerum, quæ secundum quid extra commercium 2. 138. b. De stipulatione rei suæ 2. 139. b. stipulatio extinguitur in casum deducta, unde incipere non potuit 2. 139. b. an ex contrario iterum restituatur ibid. res commercio exempta, nec sub conditione, in stipulatum recte deducitur ibid. b. stipulatio in alium collata, quid tribuat stipulatori 2. 143. a. Quid adjecto solutionis causa ibid. Quid permittat promissori ibid. quid si adjectus status mutaverit ibid. b. quid juris si quis sibi conjunctim & alteri stipuletur 2. 144. a.
- Stipulatio post mortem stipulatoris aut promissionis aut in ante diem mortis concepta seu olim inutilis 2. 154. a. Qua ratione jus verus mutatum ibidem b. stipulatio præpostera 2. 154. post mortem alterius concepta, aut in tempus mortis reorum ibid. Quid intersit utrum plures res conjunctim an disjunctim in stipulationem deductæ 2. 156. b.
- Stipulationes & obligationes ad hoc comparatæ, ut unusquisque acquirat sibi: qui alii stipulatur nihil agit 2. 142. & 157. quæ hic cautiones adhibendæ 2. 142. quibus in causis admissum, ut alteri ex conventionione alterius utilis actio detur ibidem b.
- Stipulationes emptæ & venditæ hæreditatis 1. 551. partis pro parte ibid. cur hæc stipulationes captiosæ 1. 551.
- Stipulationes rem pupilli salvam fore, rem ratam haberi, & duplæ, an recte dicantur communes? 2. 134. 135.
- Stipulationum judicialium usus 2. 133. exempla harum stipulationum, ibid. stipulationes prætorie unde cognoscantur, earum usus & exempla 2. 133. b. Quibus in causis locus ædilitius ibid. distinctio stipulationum judicialium & prætoriarum ad usum fori accommodata 2. 134. a.
- Subsidiaria actio quando pupillis detur adversus magistratus 1. 130. qui magistratus ea actione teneantur, & an hodie adhuc in usu ibid. 131.
- Substitutio vulgaris in suo hærede non operatur, in casum impotentie sed voluntatis 1. 396. a.
- Substitutio pupillaris unde dicta, & quo aspectu substitutio 1. 402.
- Substitutio pupillaris extinguitur anno quattuordecimo completo 1. 420. a. Si longius tempus comprehensum, an substitutio valeat jure fidei-

INDEX.

commissi 1. 420. b. an ad causam fideicommissi
 trahatur substitutio à pubertate incipiens ibid. a.
 Apud Batavos substitutioni pupillari non est lo-
 cus, & quid de exemplari 1. 422. a.
 Substitutio exemplaris quo consilio introducta 1.
 409. Quid juris si uterque parens exemplariter
 substituat 410. substitutio exemplaris an ad mu-
 tos quoque & surdos porrigenda ibid. Etiam
 impuberibus mente captis qui in potestate sunt,
 recte exemplariter substitui ibid. Si plures sint
 mente capti liberi vel fratres, posse vel unum ex
 his substitui 411. An & exheredatis exempla-
 riter recte substituantur ibid. An substitutio exem-
 plaris per respiscenciam infirmata vires recipiat
 redeunte morbo 411. b.
 Substitutionis verbum, quam varie usurpetur 1.
 393. a. Substitutionis divisio in directam & fi-
 deicommissariam ibid. Substitutionis nomine
 simpliciter posito intelligi directam, & perfecta
 hujus definitio ibid. substitutionem in Codicillis
 factam sustineri in vim fideicommissi 1. 394. b.
 Substitutionis pupillaris exheredato facta formula
 414. à substituto filii exheredari patrem legare
 non posse sicut nec ab ipso exheredato ibid.
 Substitutionis pupillaris formula generali, soli vo-
 cati intelliguntur, qui hæredes nominatim scri-
 pti 2. 419. ex eadem formula soli veniunt, qui
 patri hæredes extiterunt ibid. Alius ejusdem
 formulæ effectus ibid. b.
 Substitutus substituto intelligitur etiam Substitutus
 instituto 1. 398.
 Substitutus pupillo quando vi formulæ vulgaris
 admittatur 1. 406. quando vi formulæ pupilla-
 ris ibid.
 Substitutus pupillaris excludit hæredes omnes legiti-
 mos, etiam matrem 1. 407. etiam quoad legiti-
 mam ibid. Idem in pupillari tacita 408.
 Succedere in capita quid sit, quid in stirpes 2. 8. a.
 Succedendi ab intestato ratio ex jure novissimo,
 successio liberorum 2. 47. successio parentum 2. 48
 Successio collateralium ibid.
 Succedendi ab intestato ratio apud Batavos 2. 51.
 Successioni in legitimis hæreditatibus, cur olim non
 esset locus. 2. 32. a. Cur Justinianus admiserit
 ibid. Quid sit quod dicitur, successionem non
 esse in suis hæredibus: & num id muratum ibid.
 Successionis in stirpes usus initio tantum inter suos
 hæredes fuit: tum hujus successionis ratio 2. 7. b.
 Quatenus procedente tempore extensa ibid. 8. a.
 cur in ea proximior ulteriorem non excludat
 ibidem. ad successionem intestati qui descenden-
 tium, lege 12. Tab. & à prætore vocentur 2. 19.
 a. Jura veteris derogatio qua ratione & an suffi-

cienti nitatur 2. 20. Quatenus primum L. Cod.
 Theod. dein Iult. C. de suis & legit. lib. juri ve-
 teri derogatum, & alia non trita ibid.
 Sui hæredes qui dicantur 1. 455. a. ratio hujus no-
 minis, & quædam alia non passim obvia 455. b.
 Altera horum hæredum qualitas, scilicet neces-
 sitas & quid ea operetur 457. Prætor jus suitaris
 non sustulit, dato beneficio abstinendi, sed ne-
 cessitatem ibid.
 Surdi & muti pro hærede gerere possunt 1. 469. quid
 si hæreditas delata infanti aur furioso ibid.
 Surdos & mutos natura in militiam legi non posse
 1. 343. a.
 Suspectum recte postulari etiam apud eum, cui man-
 data jurisdictio 1. 144.
 Suos hæredes, sub alia conditione institui non pos-
 se, quam quæ sit in eorum potestate 1. 387.
 Suus hæres an quis existere possit quo tempore in-
 spiciendum 399.
 Suus hæres accepto vulgari substituto, ex necessario
 sit voluntarius, salva qualitate sui hæredis 1.
 395. b.

T.

Testamentum annulo duntaxat signare lice-
 rit, an & alio instrumento, 1. 323. b.
 Testamenti factio quotuplex, 1. 325. b.
 Testamenta non notis, sed literis scribenda, 1.
 334. a.
 Testamenti scripti, 1. 318. a. mixti ex prætorio
 & civili formâ, 1. 320. a. in Testamento scri-
 pto non exigi, ut testis intelligat sermonem
 testatoris, 1. 321. Singularia in Testamento
 cæcæ. 1. 365
 Testamenti factionem cur filii famil. non habue-
 rint, 1. 349. Cur ne patre quidem consentien-
 te potuerint testari, & quid hîc de Codicillis
 & mortis causa donatione, 1. 350. circa hæc
 mores nostri, 1. 352
 Testamento patris non subsistente & filii nullum
 esse, 1. 417. Ideo patrem prius sibi debere te-
 stamentum facere, ibid. Testamento patris
 per querelam rescisso pupillarem substitutio-
 nem concidere, & cur non item bonorum pos-
 sessione cont. Tab. 417. quid juris hîc jure
 novissimo, ibid.
 Testamento scripto cum nuncupativo commu-
 nia, 1. 326. a. discrepantia, ibid.
 Testamentum factum juxta statutum aut consue-
 tudinem alicujus loci, an etiam vim habeat
 extra illum locum, 1. 337
 Testamentum unius in plures Codices referri
 potest,

INDEX.

- potestas & testamenta plurium in Codicem unum, 1. 335. a. b.
- Testamentum à pagano non rite factum, si is postea militare cepit, an id jure militice valeat, sine novâ voluntate in castris declarata, 1. 345
- Testamentum in procinctu, 1. 316. Calatis comitiis, 315. per æs & libram, 316. quando hæc in usu esse desierit, 317
- Testamenti forma Prætorii, 1. 318
- Testamentum antea factum, cur furor postea incidens, non vitiet, capitis deminutio vitiet, 1. 354.
- Testamentum ut consistat, quænam in persona testantis requirantur, 1. 348
- Testamentum apud hostes factum, jure postliminii non convalescere, 356. quid hinc juris hodiè, 1. 356. & 57
- Testamentum in genere quid, 1. 311. b. aliæ testamenti descriptiones examinatæ, 1. 313. a. allusiva & vera testamenti notatio, 1. 312. genera Testamentorum, 1. 312. a. b.
- Testamenti factio sit ne juris gentium an juris Civilis, 1. 312. b. liberam testandi potestatem apud multos non esse, nec apud nos de feudis, 1. 313. b.
- Testamentum ruptum nativitate posthumi præteriti, eo ante patrem mortuo, vires recipere, 1. 429.
- Testamenti posterioris cancellatione restitui prius, cujus tabulæ integræ, 1. 430. differentia circa restitutionem testamenti irriti facti maxima aut media capitis deminutione & arrogatione. ibid.
- Testamentum rite factum nudâ contrariâ voluntate non infirmari, quamvis coram septem testibus declarata. 1. 431. b. Quid juris sit causa adjuncta, quia volo decedere intestatus. ibid. Cur ne novi quidem testamenti inceptio vim corrumpendi prioris habeat, 1. 432. temperamenta hujus doctrinæ. ibid.
- Testamentum quot modis rumpatur, 1. 423. Testamento deleto inciso, &c. utrum fisco deferatur hæreditas, an venientibus ab intestato, 324. An jura de incisione, inductione, &c. agentia pertineant etiam ad testamenta nuncupativa, & de quibus instrumentum conficitur, ut nunc moris est. 1. 325. cur prius testamentum rumpatur per posterius, etiam Tabulis integris manentibus, ib. etiam si non revocetur, ibid. Quid juris, si prius testamentum contineat clausulam derogantem, 425. Quid, si ex posteriore nemo hæres extiterit, 426. Testamentum desitutum, ibid.
- Testandi facultatem natura non habere, quem natura voce & auditu privavit, 1. 343. a. Quid de his, qui casu muti aut surdi facti, norata simul oscitantia compositorum, ibid. Quid hinc jure communi, 1. 353. b.
- Testandi forma in his regionibus, 1. 337
- Testandi facultatem capite damnati olim amittebant, an postea ab eo jure recessum, 1. 348
- Testandi jure militari privilegium, etiam nostri temporis, militibus competit, 1. 347
- Testato pro parte & intestato nemo decedere potest, & quam rationem id habeat, 1. 381. b. circa idem mores hodierni. 383
- Testatoris voluntas declarata testamento minus solenni, an obliget in foro conscientiæ. 1. 321
- Testes ad Testamentum adhiberi non possunt, muti, surdi, cæci, 1. 324. & 25
- Testis in testamento esse non potest, qui est in potestate testatoris, & quid de filio emancipato, 1. 329. An pater in testamento filii post missionem testantis de castrensi peculio rectè testis adhibeatur, ibid. testes domestici cur reprobenentur, & quid hinc testimonium domesticum, ibid. b.
- Testis an rectè adhibeatur hæredis pater, in cujus potestate non est, aut filius hæredis emancipatus, 1. 331
- Testibus in testamento militis scripto opus non esse, 1. 341. quor testes à milite per nuncupationem testante adhibendi, 342. An rogatio testium militi necessaria, ibid.
- Testium conditio tempore testamenti spectanda, 1. 326. idem juris & in habilitate putativa, 327. quid, si quis è testibus ante apertas tabulas moriatur, ibid.
- Thesauri varia significata, 1. 205. a. inventus in loco proprio, acquiritur inventori, ibid. etiam in loco sacro & religioso, 1. 207. in alieno inventus, pro dimidio inventoris sit, pro altero dimidio conceditur domino, 1. 207. ratio hujus juris, 208. quid juris hodiè. ibid.
- Tigni appellatio quàm late pateat. 1. 187
- Traditio vera & ficta, 1. 208. citra traditionem dominia jure gentium non transferri, 1. 209. An ad transferendum dominium requiratur vacuæ possessionis traditio, 1. 210. Traditione non transferri dominium, nisi justa causa præcesserit, saltem opinione tradentis, 211. Dissentio in causis tradendi an & quando impediatur dominii translationem, ibid.
- Triboniani collectiones minime necessariae 2. 17. a.
- Triboniani duplex error adinadversus 1. 138. a. 1. 429.
- Triboniani testimonium de nudorum corporum in spectione suspectum 1. 119. a. b.
- Turcia in abstracto comparata est juris gentium, 122

INDEX.

- in concreto juris Civilis 1. 116. Tutelæ affectatæ 1. 135.
- Tutela legitima minima capitis deminutione non amplius tollitur 1. 101. a. ejus vix apud nos usus: & quid moris cessante testamentaria ibid. b.
- Tutelæ legitimæ species 1. 107. a. Agnatorum 1. 108. a. patronorum 1. 107. parentum, 1. 108. fiduciaria 1. 108..
- Tutelæ definitio explicata 1. 92. b. species tutelæ 1. 93. b. Tutela an munus publicum 1. 133. a.
- Tutelam moribus hodiernis pubertate non finire 1. 119. b. 1. 122.
- Tutor an jure datus sit, quibus ex rebus æstimandum 1. 94. b. qui, quibus testamento tutores dare possunt ibid. Tutores à patre dati confirmatio, quid differat à dato à matre vel extraneo 1. 95. b. Tutores confirmati pro testamentariis habendi, ibid. Tutorum genera apud nos ibidem.
- Tutor à magistratu non dari potest minor 25. Annis 1. 97. non potest dari ad certam rem, secus apud nos 98. b.
- Tutor præter dolum & culpam præstat, sed levem duntaxat 2. 229.
- Tutor ob culpam latam remotus an fiat infamis, & quid moribus nostris 1. 147.
- Tutor interdum à Magistratu datur impuberi ad adendum hæreditatem 1. 111. a. ratio cogendi tutores ad tutelam suscipiendam ibid. Tutores dati, qui excusari volunt, non debent appellare 1. 140.
- Tutores quando & quoties apud nos rationem reddant. 1. 114. a.
- Tutoris gubernatio quibus in rebus consistat, 1. 115. quibus in rebus necessaria aut supervacua tutoris auctoritas, ibid. Auctoritatis interponendæ modus. 117.
- Tutoris unius, ex pluribus satisfactioni non obnoxii, provocacione ceteros satisfactioni subijci, & quis ordo in tutelæ administratione uni committenda 1. 129.
- V.
- Vestigal navigantibus qui jure imponant. 1. 153. b.
- Venditor an præci se teneatur rem tradere. 2. 178. a.
- Venditor levem duntaxat, non etiam levissimam culpam præstat, nisi custodiam in se receperit 2. 190. a. Quorum rerum venditio recte fiat 2. 192. a. Quid juris si uterque vel alteruter qualiter rei nesciverit ibid.
- Venia ætatis quando, qua conditione & a quo concedatur, & cur citius fœminis, quam masculis, ubi & mos de moribus patriæ 1. 122. b.
- Veritas plus valet, quam opinio, interdum contra, & quando 1. 495.
- Verborum Obligationibus 2. 110. & seq.
- Victus victori in expensas &c. damnandus 2. 428.
- Via quid sit, quid contineat, & quibus rebus differat ab actu 1. 227.
- Vindicare qui rem instituit, cum adhuc interdicto agere posse, & de judicii petitorii cum possessorio cumulatione 2. 419. b.
- Vindicare quid, lis vindiciarum, vindiciæ & alia 2. 341. a.
- Vinum vid. Frumentum.
- Violentiæ varia genera 2. 268. a.
- Vinum actoris successori neque prodest neque nocet 1. 274.
- Vitium possessionis quomodo purgetur 1. 268. b.
- Unio prolium in Germania 1. 76.
- Universitatis res quæ, & quantum in his juris singulis. 1. 156.
- Universitas non titulum acquirendi, sed rem quæ acquiritur, significat 1. 309. a. modi acquirendi per universitatem 309. b. Species acquisitionis per universitatem apud nos receptæ 310. b.
- Usuarius etiam ex fructibus industrialibus sumere potest, & qua conditione 1. 254. a. modus utendi, & quam large aliquando cum usufruario agatur ibid. b. quarum partium fundi possessio quodammodo penes usufructum 255. non potest utendam aliis locare aut vendere ibid.
- Usuarius non prohibetur, dum ipse inhabitet partem ædium, quam non occupat alteri locare 1. 256. a. b.
- Usucapionis & præscriptionis vetus differentia, 1. 260. in persona usucapientis quæ necessaria & de bona fide, 261. de iusto titulo, ibid. Cur prædia provincialia usucapi non poterant, 1. 263. Quæ res usucapionem non recipiant, 263. Error falsæ causæ obstat usucapioni, 1. 270.
- Usucapionis tempora an apud nos observentur, 1. 262. Juris de usucapione constituti ratio, 1. 263.
- Ufus quid sit, quid uti quæ onera usufructuarii, 1. 252. quid inter usum & usumfructum intersit, tum in constituendo, tum in amittendo, 1. 253. a.
- Ufus fervorum, 1. 257. jumentorum, ibid. pecorum, ibid.
- Ususfructus in rebus fungibilibus constitui non potest, 1. 244. a. in hoc rerum numero non sunt vestimenta, ibid.
- Ususfructus amittitur non utendo per modum constitutum, 1. 248. quando tempore non utendo amittit.

INDEX.


mutatio. 248. An olim sicut adrogatione ita & adoptione & emancipatione perierit, 1. 247. extraneo cessus ad proprietatem revertitur, 1. 249. cur mutatione rei extinguatur, 1. 250. Quando res mutata aut non mutata intelligatur, 1. 251. Ususfructus quibus modis constituatur, 1. 243. testamento constitui ipso jure, inter vivos pactionibus, sed si sequatur traditio, 1. 243. quid in definitione ususfructus verbo juris significetur, 1. 239.

Quid si velint verba sublato corpore, 240. Ususfructum formalem semper esse in re aliena, & quo sensu dicatur pars domini, 1. 241. a. Ususfructus definitione non contineri colonum creditorum *αὐτῶν πωδῆς*, 1. 239. a. neque maritum heredem fiduciarium emphyteutam, ibid. b. Quid in definitione sibi velit salva rerum substantia, 1. 241. a. b.

FINIS.



1. 22



27. JES

1711

1711